


*image  
not  
available*










14-17-Q-13





1573



*1. JOHAN. 3.*

Charissimi, nolite omni Spiritui credere, sed probate Spiritus, si ex Deo sint, Quoniam multi Pseudoprophetae exierunt in mundum. In hoc cognoscitur Spiritus DEI, Omnis Spiritus qui confitetur Iesum Christum in carne venisse, ex DEO est. Et omnis Spiritus, qui non confitetur Iesum Christum in carne venisse, ex DEO non est, & hic est Antichristus.

*Philip. 3.*

Sed quae mihi fuerunt lucra, haec arbitratus sum propter Christum detrimenta. Veruntamen existimo omnia detrimenta esse, propter eminentem scientiam Iesu Christi Domini mei, propter quem omnia detrimentum feci, & arbitror ut sterora, ut Christum lucrifaciam, ut & inveniar in illo non habens meam justiciam, quae ex lege est, sed illam, quae ex fide est Christi, quae ex Deo est justicia, ad cognoscendum illum, & virtutem resurrectionis ejus, & societatem passionis illius &c.

*Ibidem.*

Multi enim ambulant, quos saepe dicebam vobis, nunc autem & flens dico, inimicos crucis Christi, quorum finis interitus, quorum Deus venter est, & gloria in confusione ipsorum &c.

*Johan. 5.*

Amen Amen dico vobis, quia qui verbum meum audit & credit ei, qui misit me, habet vitam aeternam, & in judicium non venit, sed transit à morte in vitam.

*Johan. 6.*

Haec est autem voluntas Patris mei qui misit me, ut omnis, qui videt Filium, & credit in eum, habeat vitam aeternam, & ego resuscitabo eum in novissimo die.

*Matthaei 10.*

Omnis ergo, qui me confitebitur coram hominibus, confitebor & ego eum coram Patre meo, qui in coelis est.

*Luca 8.*

Nam qui me erubuerit & sermones meos, hunc Filius hominis erubescet, cum venerit in maiestate sua, & Patris & sanctorum Angelorum.

*Psal. 115.*

Credidi propter quod locutus sum, ego autem humiliatus sum nimis.

*Ibidem.*

Super inimicos meos prudentem me fecisti mandato tuo, Quia in aeternum mihi est. Super omnes docentes me intellexi, Quia testimonia tua meditatio mea est.

*2. Timoth. 4.*

Bonum certamen certavi, cursum consummavi, fidem servavi. In reliquo reposita est mihi corona iustitiae, quam reddet mihi Dominus in die illa iustus iudex, Non solum autem mihi, sed & his, qui diligunt adventum ejus.

*Matthaei 7.*

Attendite à falsis Prophetis, qui veniunt ad vos in vestitu ovium, intrinsecus autem sunt lupi rapaces. A fructibus eorum cognoscetis eos.

*Luca 21.*

Vigilate itaque omni tempore orantes, ut digni habeamini fugere ista omnia, quae futura sunt, & stare ante filium hominis.

CATA.

# CATALOGVS OMNI- UM OPERUM ET SCRIPTO- RVM VIRI DEI D. M. L. QVÆ IN HOC QVARTO TOMO CONTINENTVR.

ANNVS CHRISTI  
M. D. XXXVIII.

\* Hanc no-  
tam anno 1538.  
mum curata  
adiecimus.

- Commentarius in Epistolam Pauli ad Galatas, cum duabus præfationibus, altera lon-  
ga, altera breui, & argumento.* fol. 1. 3. 6.  
*Confessio Fidei exhibita Imperatori Carolo in Comitibus Augustæ, cum præfatione  
ad ipsum Cæsarem.* fol. 161.  
*Apologia confessionis cum præfatione Phil. Melanth.* fol. 171.  
*Enarratio D. M. L. in Cantica canticorum, cum præfatione ejusdem.* fol. 228.  
*Annotationes D. M. L. in aliquot capita Matthæi, cum præfatione.* fol. 245.  
*Enarratio D. M. L. in Psalmum L. Miserere mei Deus, cum præfatione ejusdem.* fol. 310.  
*Præfatio D. M. L. in Epistolam S. Hieronymi ad Evagrium de potestate Papæ.* fol. 342.

ANNUS CHRISTI  
M. D. XL.

*Enarratio D. M. L. in Psalmos graduum, cum præfatione.* fol. 342.

1	Numero	120	Folio	344
2		121		350
3		122		355
4		123		361
5		124		365
6		125		369
7		126		372
8		127		377
9		128		390
10		129		398
11		130		403
12		131		410
13		132		413
14		133		425
15		134		426

ANNUS CHRISTI  
M. D. XLI.

*Enarratio Psalmi XC. per D. M. L. cum præfatiuncula.* fol. 427. 428.

ANNUS CHRISTI  
M. D. XLII.

( 3

Commen-

## C A T A L O G V S.

*Commentarius D. M. L. in Micham Prophetam, cum præfatione ejusdem.* fol. 441.  
*Principales loci & Sententiæ concionum Prophetæ Michæ.* fol. 482.

*Cur & quomodo Christianum Concilium debeat esse liberum.*  
*D. M. L. Item, de conjuratione Papistarum.*

483

## A N N U S C H R I S T I

M. D. XLIII.

*Duæ Epistolæ D. M. L. ad M. Simonem Vuolferinum de controversia super reli-*  
*quiis Sacramenti Altaris.* fol. 487.

## A N N U S C H R I S T I

M. D. XLV.

*Enarratio D. M. L. in Hoseam Prophetam, cum præfatione in eundem.* fol. 488. b.  
*Principales loci & præcipuæ sententiæ concionum Hoseæ Prophetæ.* fol. 555.  
*Additio D. M. L. in locum Hoseæ, capite 13. Ero mors tua o mors.* fol. 556. b.  
*Supputatio annorum Mundi D. M. L. cum præfatione ejusdem.* fol. 560.

## A N N U S C H R I S T I

M. D. XLVI.

*Enarratio D. M. L. in Psalmum I L. cum præfatione.* fol. 619.  
*Præfatio D. M. L. in Declamatione illustrium Principum juniorum Saxonie.*  
 fol. 644.

## A N N U S C H R I S T I

M. D. XLVII.

*Commentarius D. M. L. in Ioëlem Prophetam.* fol. 644. b.  
*Insigniores sententiæ ex concionibus Ioëlis.* fol. 685.

Typographus




*Typographus Lectori S.*

Cum hic Tomus Quartus, amice Lector, commodè antehac, ob molis vastitatem, ligari vix potuerit; operæ precium duximus, eundem tibi contractionem offerre, simulq; Veteris & Novæ formæ convenientiam (ne videlicet numeralis foliorum mutatio cuiquam existat ullius causæ molestiæ,) in sequenti tabella exhibere. Quod nostrum studium, pro tuo candore, boni consulas. Vale.

V.	N.	V.	N.	V.	N.	V.	N.	V.	N.	V.	N.	V.	N.	V.	N.
1	1	66	56	132	111	197b	166	262b	223	331	278	398b	333	463b	388
2b	2	67b	57	133	112	199	167	263b	224	332b	279	399b	334	465	389
3b	3	68b	58	134	113	200	168	265	225	334	280	400b	335	466	390
4b	4	70	59	135b	114	201	169	266	226	335	281	402	336	467b	391
6	5	71	60	136b	115	202b	170	267	227	336	282	403	337	468b	392
7	6	72b	61	137b	116	203b	171	268b	228	337b	283	404	338	470	393
8	7	73b	62	139	117	204b	172	270	229	338b	284	405b	339	471	394
9	8	74b	63	140	118	206	173	271	230	340	285	406b	340	472b	395
10	9	76	64	141	119	207	174	272b	231	341	286	407b	341	473b	396
11b	10	77	65	142b	120	208	175	274	232	342b	287	409	342	475	397
12b	11	78	66	143b	121	209b	176	275	233	343b	288	410b	343	476	398
13b	12	79b	67	145	122	210b	177	276	234	345	289	411b	344	477b	399
15	13	80b	68	146	123	212	178	277b	235	346	290	413	345	478b	400
16	14	82	69	147	124	213	179	279	236	347	291	414	346	480	401
17	15	83	70	148b	125	214	182	280	237	348b	292	415	347	481	402
18b	16	84	71	149b	126	215	183	281b	238	350	293	416b	348	482b	403
19b	17	85b	72	150b	127	216b	184	283	239	351	294	417b	349	483b	404
21	18	86b	73	152	128	217b	185	284	240	352	295	419	350	485	405
22	19	88	74	153	129	219	186	285	241	353b	296	420	351	486	406
23	20	89	75	154	130	220	187	286b	242	354b	297	421	352	487b	407
24	21	90	76	155b	131	221	188	288	243	355	298	422b	353	488b	408
25b	22	91	77	156b	132	222b	189	289	244	357	299	423b	354	490	409
27	23	92b	78	158	133	223b	190	290b	245	358	300	425b	355	491	410
28	24	93b	79	159	134	224b	191	291b	246	359b	301	426	356	492b	411
29	25	95	80	160	135	226	192	293	247	360b	302	427	357	493b	412
30b	26	96	81	161b	136	227	193	294	248	362	303	428b	358	495	413
31b	27	97	82	163	137	228	194	295b	249	363	304	429b	359	496	414
33	28	98b	83	164	138	229b	195	297	250	364	305	430b	360	497b	415
34	29	99b	84	165	139	230b	196	298	251	365b	306	432	361	498b	416
35b	30	101	85	166b	140	231	197	299	252	366b	307	433	362	500	417
36b	31	102	86	167b	141	233	198	300b	253	368	308	434	363	501	418
38	32	103	87	168b	142	234	199	301b	254	369	309	435b	364	502b	419
39	33	104b	88	170	143	235	200	303	255	370	310	436b	365	503b	420
40	34	105b	89	171	144	236b	201	304	256	371b	311	438	366	505	421
41	35	107	90	172	145	237b	202	305b	257	373	312	439	367	506	422
42b	36	108b	91	173b	146	239	203	306b	258	374b	313	440	368	507b	423
43b	37	109	92	174b	147	240	204	308	259	376	314	441b	369	508b	424
45	38	110b	93	176	148	241	205	309	260	377	315	442b	370	509b	425
46	39	111b	94	177	149	242b	206	310b	261	378b	316	444	371	511	426
47	40	113	95	178	150	243b	207	311b	262	379b	317	445	372	512	427
48b	41	114	96	179b	151	244b	208	313	263	380b	318	446	373	513b	428
49b	42	115	97	180b	152	246	209	314	264	382	319	447b	374	514b	429
51	43	116	98	182	153	247	210	315b	265	383b	320	448b	375	516	430
52	44	117b	99	183	154	248	211	316b	266	384	321	449b	376	517	431
53b	45	118b	100	184	155	249b	212	318	267	385b	322	451	377	518	432
54b	46	120	101	185b	156	250b	213	319	268	386b	323	452	378	519b	433
55b	47	121	102	186b	157	252	214	320	269	388	324	453	379	520b	434
57	48	122	103	188	158	253	215	321b	270	389	325	454b	380	522	435
58	49	123b	104	189	159	254	216	322b	271	390	326	455b	381	523	436
59	50	124b	105	190	160	255b	217	324	272	391	327	456b	382	524	437
60b	51	126	106	191b	161	256b	218	325	273	392b	328	458	383	525b	438
61b	52	127	107	193	162	257b	219	326b	274	393b	329	459	384	526b	439
63	53	128	108	194	163	259	220	327b	275	395	330	460	385	528	440
64	54	129b	109	195	164	260	221	329	276	396	331	461	386	529	441
65	55	130b	110	196b	165	261	222	330	277	397	332	462b	387	530b	442



V.	N.	V.	N.	V.	N.	V.	N.	V.	N.	V.	N.	V.	N.		
531b	443	570	474	607b	505	645	536	682	567	713	598	746	629	775b	660
533	444	571	475	608b	506	646b	537	683	568	714	599	747b	630	776b	661
534	445	572b	476	610	507	647b	538	684	569	715	600	748b	631	778	662
535b	446	573b	477	611	508	649	539	685	570	716	601	749b	632	779	663
536b	447	574b	478	612b	509	650	540	686	571	717	602	751	633	780	664
538	448	576	479	613b	510	651b	541	687	572	718	603	752	634	781	665
539	449	577	480	614b	511	652b	542	688	573	719	604	753	635	782b	666
540b	450	578b	481	616	512	653b	543	689	574	720	605	754b	636	783b	667
541b	451	579b	482	617	513	655	544	690	575	721	606	755b	637	784b	668
543	452	580b	483	618b	514	656	545	691	576	722	607	756b	638	786	669
544	453	582b	484	619b	515	657b	546	692	577	723	608	758	639	787	670
545b	454	583	485	620b	516	659	547	693	578	724	609	759	640	788	671
546b	455	584b	486	622	517	660	548	694	579	725	610	760	641	789b	672
548	456	585b	487	623	518	661	549	695	581	726	611	761	642	790b	673
549	457	587	488	624b	519	662b	550	696	582	727	612	762b	643	791b	674
550b	458	588	489	625b	520	663b	551	697	583	728	613	763b	644	793	675
551b	459	589b	490	626b	521	665	552	698	584	729	614	765	645	794	676
553	460	590b	491	628	522	666	553	699	585	730	615	765b	646	795	677
554	461	592	492	629	523	667b	554	700	586	731	616	766b	647	796	678
555b	462	593	493	630b	524	668b	555	701	587	732	617	767	648	797b	679
556b	463	594	494	631b	525	670	556	702	588	733b	618	767b	649	799	680
558	464	595b	495	632b	526	671	557	703	589	734b	619	768	650	800	681
559	465	496b	496	634	527	672b	558	704	590	736	620	768b	651	801	682
560b	466	598	497	635	528	673b	595	705	591	737	621	769	652	802	683
561b	467	599	498	636b	529	674b	580	706	592	738b	622	760b	653	803	684
562b	468	600b	499	637b	530	676	581	707	593	739b	623	770b	654	804b	685
564	469	601b	500	639	531	677	562	708	594	740b	624	771	655	806	686
565	470	602b	501	640	532	678	563	709	595	741b	625	771b	656		
566b	471	604	502	641b	533	679	564	710	596	743	626	772	657		
567b	472	605	503	642b	534	680	565	711	597	744	627	773b	658		
568b	473	606b	504	644	535	681	566	712	597	745	628	774b	659		





ANNVS CHRISTI

M. D. XXXVIII.

# IN EPISTOLAM S. PAULI AD GALATAS COMMENTARIUS

EX PRÆLECTIONE D. M. L. FIDELITER  
collectus, ac denuo recognitus, castigatus &c.

Anno M. D. XXXV.

PRÆFATIO D. MARTINI  
LUTHERI IN EPIST. PAULI AD  
GALATAS.

Quod hunc pte-  
cherinum Com-  
mentariū Doci  
M. L. in Epist.  
ad Galatas, aliā  
quam suo loco  
ordinem (in an-  
num enim 35.  
referendum est)  
collocatum vi-  
des, lector pie,  
neq. id casu neq.  
negligentia, sed  
p. m. exem-  
plari, unde de  
annorum nume-  
ro constitui po-  
tuisse, penitus  
parum ipsius cō-  
mentariū mag-  
nitudine factum  
est, qui si suum  
locum debuisset  
tenere, iusta &  
hactenus notit.  
observata To-  
morum mensura  
in immensū ex-  
cedenda fuisset.  
Boni tamen con-  
sulas, alieno lo-  
co enim tibi ex-  
hiberi.



Ex ipse credo, tam verbosum fuisse me, cum enarrarem publi-  
cè hanc Sancti Pauli ad Galatas Epistolam, quàm hio me libellus  
exhibet. Et tamen sentio meas cogitationes esse omnes, quas in  
hoc scripto, per fratres tanta diligentia, signatas reperio, ut fateri  
cogar, vel omnia, vel etiam plura fortasse, in ista publica tracta-  
tione à me esse dicta. Nunc in corde meo iste unus regnat articu-  
lus, scilicet, fides Christi. Ex quo, per quem, & in quem, omnes

mea diu noctuq. fluunt & refluant Theologica cogitationes. Nec tamen comprehendisse  
me experior de tanta altitudinis, latitudinis, profunditatis sapientiā, nisi infirmas &  
pauperes quasdam primitias, & veluti fragmenta.

Unde & pudet in tantum Apostolum & organum electum Dei, meas tam egenas  
& frigidas commendationes edi. Nisi quod ipsum pudorem depudere cogit & impudenter  
audacem esse, infinita & horribilis prophanatio & abominatio, qua in Ecclesia Dei sem-  
per sevit, & sevit hodie non cessat, adversus unicam hanc & solidam petram, quam  
nos justificationis locum dicimus. Hoc est, quomodo, non per nos ipsos (haud dubie neq.  
per nostra opera, quæ minus sunt quàm nos ipsi) sed per alienum auxilium, per Filium  
unigenitum Dei, Iesum Christum, sumus à peccato, morte, Diabolo redempti & vita  
æterna donati.

Vexavit hanc Petram Satan in Paradiso, quando primis parentibus persuasit, ut  
propria sapientia & virtute Deo similes fierent, relicta Fide in Deum, qui vitam dederat  
& duraturam promiserat. Mox propter eandem, ille Mendax & Homicida, sui similis  
semper futurus, impulsi fratrem in fratricidium, nulla causa, nisi quod frater pius Fide  
præstantiorem hostiam obtulisset, & ipse impius opera sua sine fide offerens DEO non  
placuisse. Secuta est postea contra eandem fidem perpetua persecutio Satana, per filios  
Cain intolerabilis, donec diluvio cogeretur Deus semel orbem purgare, & fidei & iusticie  
præconem Noe defendere. Tamen Satan nihilominus suum semen in Ham tertio filio  
Noe resinxit. Sed quis referat omnia? Totus mundus post hæc contra hanc Fidem insa-  
nivit, infinitis repertis idolis & religionibus, quibus unusquisq. (ut Paulus ait) sua via  
incessit, sperans sese operibus suis, alij Deum, alij Deam, alij Deos, alij Deas placare, hoc  
est, sine alieno auxilio Christi, suo proprio opere, sese redimere à malis & peccatis. Ut hæc  
omnia satis testantur etiam omnium Gentium facta & scripta.

Sed nihil isti sunt, ad populum illum Dei Israël seu Synagogam, qui præ cæteris  
donati fuerunt, non solum certa Promissione Patrum, deinde Lege divinis per Angelos  
tradita.

adita, sed etiam semper præsensibus Prophetarum dictis, miraculis, exemplis certis-  
sime. Et tamen inter eos sic profecit Satan, id est, iusticia propria furor, ut post omnes  
Prophetas, ipsum etiam Filium Dei, sibi promissum Messiam, occiderent, eadem scilicet  
causa, quod docerent, gratia Dei, non iusticia nostra, homines Deo placere. Et est hac  
summa Propositio Diaboli & mundi ab initio, Nos non volumus malefacere videri, sed  
quacumque facimus, hoc Debet Deus probare, & omnes eius Propheta consentire, Quod si  
non fecerint, moriantur. Pervat Habel, vivat Cain. Hac esto lex nostra. Et fit ita.

In Ecclesia verò gentium res acta est & agitur seria, ut Synagoga furor merito lau-  
dus fuisse videatur. Nam illi Christum suum (ut Paulus ait) non cognoverunt, Ideo  
Dominum gloria crucifixerunt. Sed gentium Ecclesia accepit & confitetur Christum esse  
Filium Dei, factum iusticiam nostram, & ea palam cantat, & legit & docet. Et hac  
stante Confessione, occidunt tamen illi ipsi, qui volunt esse Ecclesia, persequuntur, seviunt in  
eos, qui nihil aliud credunt, docent, faciunt, quam quod Christus sit hoc ipsum, quod ipsi-  
met ore & facto simulato fateri coguntur, Nam sub nomine Christi hodie regnant. Quod  
regnum, si sine Christi nomine possent tenere, talem foris eam ostentarent, qualem in  
corde habent. Habent autem eam longe inferiorem quam Iudaei, Qui eam saltem pu-  
tant esse, Thola, hoc est, Latronem in crucem merito actum. Nostri vero pro fabula,  
tanquam aliquod fictum numen apud Gentes, Sicuti videre est Romae in Curia Papa, ac  
prope in tota Italia.

Quia igitur Christus est ludibrium apud suos Christianos (Sic enim volunt ap-  
pellari) Et Cain occidit Habel sine fine, & abominatio Satana nunc maxime regnat, Opus  
est, hunc articulum quam diligentissime tractare, & Satana opponere, siue simus infan-  
tes siue eloquentes, siue docti, siue indocti. Oportet enim hanc petram clamari, si omnis  
homo taceret, ab ipsis petris seu lapidibus.

Quare & ego meum officium libenter praesto, & hunc Commentarium verbo-  
sissimum emitti permitto, ad excitandos fratres in Christo adversus Satana machinas &  
malitiam, qui his novissimis & extremis momentis in tantam rabiem versus est, contra  
hanc sanam Christi cognitionem, denuo resuscitatam, ut sicut haecenus homines Damo-  
nibus obsessi, & furiosi visi sunt, nunc ipsi Damones videantur ab alijs peioribus Damo-  
nibus obsessi, & supra Damonum furorem furere. Magno scilicet argumento, quod ho-  
stis ille veritatis & vitae sentit sibi imminere de proximo diem illum, horribilem sua qui-  
dem perditionis, amabilem vero nostra redemptionis, qui finis erit tyrannidis eius. Non  
enim frustra sic concussis omnibus suis membris & viribus conturbatur, veluti fur vel  
adulter angora surgente, & eum prodente deprehensus.

Quis enim unquam audivit (ut Papa abominationes sileam) tanta simul mon-  
stra prorupisse, quanta his diebus videmus, vel in solis Anabaptistis? in quibus vere Sa-  
tan, tanquam extremum halitum regni sui efflaturus, horribilibus motibus suos ubique  
exagitat, & quasi vellet per eos subito, non solum seditionibus orbem subvertere, sed et-  
iam per innumeras sectas totum Christum cum Ecclesia devorare. Non sic saevit &  
fuit in alias hominum vitas vel opiniones, puta adulteros, fures, homicidas, periuros,  
impios, sacrilegos, incredulos. Imo his pace data in atrio suo suaviter palpat, & omnia in-  
dulget. Sicut olim in exordio Ecclesiae, omnes totius orbis idololatrias & religiones, inta-  
ctas & quietas esse non solum passus est, sed etiam magnifice fovit, Unius vero Christi  
Ecclesiam & religionem, undique vexavit. Postea cunctis haeticis pacem permittens, so-  
lam Catholicam doctrinam turbavit. Ita & hodie nullum est ei negotium, praeter hoc  
unum & suum semper proprium, nostrum Christum (qui est iusticia nostra sine operibus  
nostris) persequi, Sicut de eo scriptum est, Tu insidiaberis calcaneo eius.

Sed non tam contra istos, quam propter nostros, prodeunt ista nostra cogitatio-  
nes in hanc S. Pauli Epistolam, Qui mihi in Domino vel gratias agent pro mea diligen-  
tia, vel ignoscent mea impotentia & temeritati. Impiis vero valde nollem ista probari,  
sed tantum per ea cum suo Deo irritari, cum sint (meo magno sudore) illis tantum tra-  
dita, quibus ipse Paulus eam Epistolam scripsit, scilicet perturbatis, afflictis, vexatis &  
tenta-

tentatis (Hi enim soli ea intelligunt) in Fide miseris Galatis. Qui tales non sunt, audiant Papistas, Monachos, Anabaptistas, & alios multos infinita sapientia & religionis propria magistros, nostraq; fortiter contemnant, neq; intelligere carent.

Conspirant namq; Papista & Anabaptista hodie in unam hanc sententiam concorditer contra Ecclesiam Dei (etiāsi dissimulent verbo) Quod opus divinum pendeat ex dignitate persona. Sic enim docent Anabaptista, Baptisma nihil est, nisi persona sit credens. Ex hoc principio (ut dicitur) necesse est sequi, Omnia opera Dei nihil esse, si homo non sit bonus. Baptisma autem est opus Dei, Sed homo malus facit, ut non sit opus Dei.

Ex hoc ultra sequitur, Conjugium, Magistratus, Servitius, sunt opera Dei, sed quia homines sunt mali, Ergo non sunt opera Dei. Solem, lunam, terram, aquas, aërem, & omnia homini subdita, habent impij, Sed quia impij, non pi, Ergo Sol non est Sol, Luna, terra, aqua, aër, non sunt quod sunt. Ipsi Anabaptista habuerunt corpora & animas, ante suam rebaptisationem, Sed quia non fuerunt pi, ergo non habuerunt vera corpora & animas. Item parentes eorum non fuerunt veri conjuges (ut fatentur) quia non fuerunt rebaptisati, ergo ipsi Anabaptista omnes sunt Spuri, & omnes eorum parentes fuerunt adulteri & scortatores. Nihilominus tamen ipsi hereditant suorum parentum bona, cum sese fateantur esse Spurijs & exheredes. Quis hic non videt in Anabaptistis esse non obsessos homines, sed Dæmones ipsos à peioribus Dæmonibus obsessos?

Sic & Papista non cessant urgere usq; hodie opera & persona dignitatem, contra Gratiā, & fratres suos Anabaptistas (saltem verbo) fortiter juvare. Caudis enim sunt conjuncta ista vulpes, sed capitibus diversa. Fingunt enim sese foris magnos hostes illorum, cum tamen intus verè idem sentiant, doceant ac defendant contra unicum illum Salvatorem Christum, qui solus est iusticia nostra. Hæreat igitur, qui potest in hoc uno articulo. Ceteros qui naufragia faciunt, sinamus ferri, quo mare & venti valant, donec ad navem redeant, vel ad littus enatent. Summa & finis querela est, nullam sperare quietem, aut finem querela, donec Christus & Belial non conveniant. Generatio præterit, generatio advenit, Si cadit una hæresis, mox surgit alia, Quia diabolus non dormit neq; dormitat. Ego (quanquam nihil sum) qui in ministerio Christi fui jam viginti annis, verè possum testari, me plus quàm viginti sectis esse petisum, quarum aliqua penitus corruerunt, aliqua adhuc velut insectorum membra palpitant.

Sed indices novas suscitavit Satan, Deus ille factiosorum hominum, & proxime hanc, quam minime omnium prævidissem aut sperassem, scilicet eorum, qui docent Decalogum tollendum ex Ecclesia, nec homines per Legem terrendos, sed per Christi gratiam suaviter monendos esse, ut impleatur illud Propheta Michea, Verum non arguatur vir, Non stillabit super nos. Ac si nesciamus, aut nunquam docuerimus, afflictos & contritos spiritus esse per Christum erigendos. Duros vero Pharaones, quibus frustra predicatur gratia Dei, per Legem esse terrendos. Cum & ipsimet cogantur fingere Revelationes ira super malos & incredulos. Quasi Lex aliud sit aut esse possit, quàm revelatio ira. Tanta est cecitas & superbia istorum autorum, ut arguitur hominum.

Oportet igitur ministros verbi certos esse, si fideles & prudentes haberi volent in illo die Christi, S. Pauli vocem non esse futiliter dictam, aut de re nihili prophetatam, Oportet hæreses esse, ut qui probati sunt, manifesti fiant. Sciat, inquam, minister Christi, donec purè Christum docebit, non defuturos homines perversos, qui Ecclesiam perturbare studeant, etiam ex nostris. Atq; hac consolatione sese obfirmet, Esse nullam pacem inter Christum & Belial, seu inter semen Serpentis & Mulieris, Imo gaudeat sese pati sectas & seditiosos istos spiritus, perpetuo sibi succedentes, Quia gloria nostra hac est testimonium Conscientie nostra, Quod invenimur stantes & pugnantes ex parte Seminis mulieris, contra semen Serpentis, Mordeat ille sanè calcaneum nostrum, nec cesset mordere, Nos vicissim non cessabimus contere caput ejus per Christum Principem Contritorem ejusdem, benedictum in secula, Amen.



QUINQUAGINTA PRÆCONIA  
ET VIRTUTES IUSTICIÆ PROPRIÆ EX OPE-  
ribus quæsitæ, Autore Apostolo Paulo ad Galatas.

- |     |  |         |
|-----|--|---------|
| 1.  | Transferre à vocatione Gratia.                 | Cap. 1. |
| 2.  | Aliud Evangelium amplecti.                     |         |
| 3.  | Perturbare fideles mentes.                     |         |
| 4.  | Evangelium Christi invertere.                  |         |
| 5.  | Anathema esse.                                 |         |
| 6.  | Humana præbui.                                 |         |
| 7.  | Hominibus placere.                             |         |
| 8.  | Non esse Christi servum.                       |         |
| 9.  | Ex hominibus esse, non ex revelatione.         |         |
| 10. | Iusticiam legis excellentissimam nihil esse.   |         |
| 11. | Vastare Ecclesiam DEI.                         |         |
| 12. | Ex impossibili (operibus) justificari.         | Cap. 2. |
| 13. | Iustos in Christo, peccatores constituere.     |         |
| 14. | Christum Peccati ministrum facere.             |         |
| 15. | Reædificare peccatum destructum.               |         |
| 16. | Prævaricatorem fieri.                          |         |
| 17. | Abjicere gratiam Dei.                          |         |
| 18. | Christum frustra mortuum judicare.             |         |
| 19. | Insensatos Galatas fieri.                      | Cap. 3. |
| 20. | Fascinari.                                     |         |
| 21. | Veritatem non audire.                          |         |
| 22. | Christum crucifigere.                          |         |
| 23. | Spiritum operibus acceptum referre.            |         |
| 24. | Spiritu deserto, carne consummari.             |         |
| 25. | Sub maledicto esse.                            |         |
| 26. | Testamento Dei superordinare & illud abjicere. |         |
| 27. | Peccata abundare facere.                       |         |
| 28. | Sub peccato concludi.                          |         |
| 29. | Elementis egenis servire.                      | Cap. 4. |
| 30. | Evangelium frustra peccatum esse.              |         |
| 31. | Frustra passos & operatos esse omnia.          |         |
| 32. | Fieri servum & ancillæ filium.                 |         |
| 33. | Expelli cum ancillæ filio ab hæreditate.       |         |
| 34. | Christum non prodesse.                         |         |
| 35. | Debitorum esse totius legis faciendæ.          | Cap. 5. |
| 36. | Evacuari à Christo.                            |         |
| 37. | Excidere à gratia.                             |         |
| 38. | Cursu bono virtutis impediri.                  |         |
| 39. | Persuasionem non esse ex Deo.                  |         |
| 40. | Fermentum corruptionis habere.                 |         |
| 41. | Iudicium ei fieri, qui id doceat.              |         |
| 42. | Invicem mordere & consumi.                     |         |
| 43. | Inter carnis opera censeri.                    |         |
| 44. | Putare se aliquid esse cum nihil sit.          | Cap. 6. |
| 45. | Gloriari in alijs quàm in Deo.                 |         |
| 46. | Carnaliter placere carnalibus.                 |         |
| 47. | Odisse crucis persecutionem.                   |         |
| 48. | Non  |         |

48. Non servare ipsam legem.  
 49. Gloriar de magistro carnalium.  
 50. Nihil prodesse, nec quicquam valere omnia.

## ALIA ET BREVIS PRÆFATIO

D. M. L. cur denuo hanc Pauli Epistolam  
 enarrandam suscepit.

**U**scipimus denuo enarrare in nomine Domini Epistolam Pauli ad Galatas, non quia nova aut incognita tradere volumus, cum gratia Dei, totus Paulus nunc vobis notus ac vulgatus sit: Sed quia, ut saepe monco, periculum hoc maximum & proximum est, ut Diabolus, ablata pura Fidei doctrina, rursus invehat doctrinas operum ac traditionum humanarum. Valde prodest igitur, ut hac Fidei doctrina in publico & assiduo usu legendi & audiendi conservetur. Et quantumvis cognoscatur & perdiscatur, tamen Diabolus adversarius noster, semper obambulans & quarens nos devorare, non est mortuus. Item caro nostra adhuc vivit, Denique omnes undique tentationibus nos urgent & premunt. Quare hac doctrina nunquam satis tractari & inculcari potest. Ea jacente & perente, jacet & perit simul tota cognitio veritatis, Ea vero florente, florent omnia bona, religio, verus cultus, gloria Dei, certa cognitio omnium statuum & rerum. Ne igitur nihil faciamus, ibi rursus incipiemus, ubi desieramus, juxta illud, Homo cum consummaverit incipiet.

## ARGUMENTUM EPISTOLÆ

S. Pauli ad Galatas.



**P**rimum omnium dicendum est de argumento, hoc est, de qua re agat Paulus in hac Epistola. Est autem hoc argumentum. Paulus vult stabilire doctrinam illam Fidei, gratiæ, remissionis peccatorum, seu justitiæ Christianæ, ut habeamus perfectam cognitionem & differentiam inter justitiam Christianam, & omnes alias justicias. Est enim

*Summus huius  
Epistola de ju-  
sticia Christo-  
na.*

*Justicia multi-  
plex.  
Politica.  
Ceremonialis.*

est Ceremonialis, quam docent traditiones humanæ, ut traditiones Papæ & similes. Eam sine periculo tradunt Patresfamilias & Pædagogi, quia non tribuunt ei vim ad satisfaciendum pro peccatis, ad placandum Deum, & promerendam gratiam, Sed tradunt ceremonias necessarias tantum ad disciplinam morum, & certas observationes. Præter has est alia quædam justitia Legalis seu Decalogi, quam Moses docet. Hanc & nos docemus post doctrinam fidei.

*Legalis.*

*Christiana seu  
fides.*

Ultra & supra has omnes, est fidei seu Christiana justitia, quæ diligentissime discernenda est ab illis superioribus. Sunt enim superiores huic prorsus contrariæ, Tum quod fluunt ex legibus Cæsarum, traditionibus Papæ & præceptis Dei, tum quod versantur in nostris operibus & à nobis fieri possunt, sive ex puris naturalibus (ut Sophistæ loquuntur) sive etiam ex dono Dei (Sunt enim & hæ justitiæ operum dona Dei, ut alia bona quæ habemus.) Ista autem excellentissima justitia, nempe fidei, quam Deus per Christum nobis absque operibus imputat, nec est Politica, nec Ceremonialis, nec legis Divinæ justitia, nec versatur in nostris operibus, Sed est planè diversa, hoc est, merè passiva justitia (sicut illæ superiores activæ.) Ibi enim nihil operamur aut reddimus Deo, sed tantum recipimus, & patimur alium operantem in nobis, scilicet Deum. Ideo libet illam fidei, seu Christianam justitiam, appellare passivam justitiam. Hæcque est justitia in mysterio abscondita, quam mundus non intel-

*Christiana jus-  
titia merè pas-  
siva.*

## A R G U M E N T. D. M. L. I N E P I S T. P A U L I

ligit, Imo Christiani non satis eam tenent, & difficulter in tentationibus apprehendunt. Ideo semper est inculcanda & assiduo usu exercenda. Et qui eam in afflictionibus & terroribus conscientiae non tenet aut apprehendit, non potest consistere. Nulla enim alia tam est firma ac certa consolatio Conscientiarum, quam illa passiva justitia.

*Infructus bonorum.*

Sed ejusmodi est humana imbecillitas & miseria, quod in pavoribus Conscientiae & in periculo Mortis, nihil aliud spectamus, quam nostra opera, nostram dignitatem & Legem, Quae cum ostendit nobis peccatum nostrum, statim in mentem venit male transacta vita. Ibi tum magno animi dolore ingemiscit peccator, cogitans secum, Ah quam perditte vixi, Utinam liceret diutius vivere, tum velim emendare vitam meam &c. Nec potest ratio humana (Ita hoc malum est nobis insitum, illamque infelicem &c. comparavimus) ex hoc spectro justitiae activae seu propriae evolvere, & attollere sese ad conspectum justitiae passivae seu Christianae, sed simpliciter haeret in activa. Atque istas cogitationes, abutens naturae infirmitate, auget & urget Satan. Tum aliter fieri non potest, quin magis trepidet, confundatur, & perterrefiat conscientia. Impossibile enim est, ut mens humana ex sese concipiat consolationem, & spectet solam Gratiam, in sensu ac terrore peccati, aut ut constanter rejiciat disputationem operum, &c. Hoc enim situm est extra vires, cogitationes ac captum hominum, adeoque etiam extra legem Dei. Ea quidem est summum omnium, quae sunt in mundo. Tamen tantum abest, ut conscientiam conterritam possit pacatam reddere, ut etiam plus contristet ac in desperationem adigat. Per Legem enim peccatum fit excellenter peccatum, Rom. 7.

*Rom. 7.*

*Remedium contra mortem aeternam.*

Quare nullum remedium habet afflicta Conscientia, contra desperationem & mortem aeternam, nisi apprehendat promissionem gratiae oblatae in Christo, hoc est, hanc fidei passivam seu Christianam justiciam, qua apprehensa potest conscientia acquiescere, & cum fiducia dicere, Ego non quaero justiciam activam, deberem quidem habere & facere eam, Et esto sane, quod eam haberem & facerem, tamen in eam non possum confidere, neque eam opponere judicio Dei. Itaque rejicio me extra omnem activam & meam & Divinae legis justiciam, & simpliciter illam passivam amplector, quae est justitia gratiae, misericordiae, remissionis peccatorum, In summa, Christi & Spiritus sancti, quam non facimus, sed patimur, non habemus, sed accipimus, donante eam nobis Deo Patre per Iesum Christum.

*Passiva justitia.*

*Regia similitudo.*

Sicut ipsa terra pluviam non gignit, nec ullo suo opere, cultu aut viribus acquirere potest, sed tantum coelesti dono desuper recipit: Ita sine nostro opere & merito, donatur nobis divinitus ista coelestis justitia. Quantum igitur arida terra ex se efficere potest, ad comparandam sibi largam & felicissimam pluviam, Tantum etiam nos homines nostris viribus & operibus efficere possumus, ad comparandam nobis illam divinam, coelestem & aeternam justiciam, nisi per gratuitam imputationem, & per inenarrabile donum Dei, illam consequamur. Summa igitur ars & sapientia Christianorum est, nescire Legem, ignorare opera, & totam justiciam activam, praesertim cum Conscientia luctatur cum judicio Dei, Sicut extra populum Dei summa sapientia est, nosse, inspicere & urgere legem, opera & activam justiciam.

*Christianorum sapientia.*

*Christiani liberi a lege, sunt sub gratia.*

*Lex quod quae*

Mira autem res est & Mundo inaudita, docere Christianos, ut discant ignorare Legem, utque sic vivant coram Deo, quasi penitus nulla Lex sit. Nisi enim ignoraveris Legem, & in corde tuo certo statueris nullam esse legem & iram Dei, sed meram Gratiam & misericordiam propter Christum, non potes salvus fieri. Per legem enim cognitio peccati &c. E contra in mundo sic urgeri Lex & opera debent, quasi prorsus nulla sit promissio aut Gratia. Et hoc propter praefractus, superbos & induratos, quibus nihil aliud ob oculos ponendum

dum est, quàm Lex, ut terreantur & humilientur. Est enim data Lex, ut tales perterrefaciat & occidat, utq; veterem hominem exerceat. Vtrumq; verbum  
 17. 1. Gratia & ira recte secari debet, juxta Apostolum 2. Timoth. 2.

Hic igitur prudens & fidelis Oeconomus Dei requiritur, qui sic Legem moderetur, ut intra suos limites maneat. Qui docet homines per Legem justificari coram Deo, is excedit limites Legis, & confundit has duas justicias, activam & passivam, estque malus dialecticus, quia non recte dividit. Contra, qui Legem & opera veteri homini, Promissionem autem & Gratiam novo proponit, recte dividit. Caro enim seu vetus homo, Lex & opera conjungenda sunt, Sic etiam spiritus seu novus homo, Promissio & gratia. Quare cum video hominem satis contritum, premi Lege, terreri peccato & sitire consolationem, ibi tempus est, ut removeam illi ex oculis Legem & justiciam activam, & proponam per Evangelium passivam, quæ excluso Mose cum sua Lege exhibet promissionem de Christo, qui propter afflictos & peccatores venerit. Ibi tum homo erigitur & spem concipit, nec amplius est sub Lege, sed sub gratia, ut ait Apostolus, Iam non estis sub Lege, sed sub gratia, Quomodo non sub Lege? Secundum novum hominem, ad quem Lex nihil pertinet, Habet enim suos limites usq; ad Christum, ut Paulus infra dicit, Lex usq; ad Christum. Quo veniente cessat Moses cum Lege, Circumcisione, sacrificijs, sabbato, cessant & omnes Prophetæ.

*Justicia activa  
a passiva dis-  
cernenda, &  
hæc terrenâ, illa  
secundum prædi-  
canda.*

Hæc est nostra Theologia, qua docemus diserte distinguere has duas justicias, activam & passivam, ne confundantur mores & Fides, opera & gratia, politia & religio. Est autem utraq; necessaria, sed quælibet intra suos fines contineri debet. Iusticia Christiana pertinet ad novum hominem, Iusticia vero legis ad veterem. Qui natus est ex carne & sanguine, huic tanquam asino debet imponi sarcina, qua prematur, Neq; debet frui libertate spiritus vel Gratia, nisi novum hominem induerit, per fidem in Christum (quod plene non fit in hac vita) tunc fruatur regno & dono ineffabilis gratia. Hæc ideo dico, ne quis putet nos bona opera rejicere aut prohibere, ut papistæ nos falso accusant, non intelligentes, neq; quid ipsi loquantur, neq; quid nos doceamus. Nihil noverunt, nisi solam justiciam Legis, Et tamen volunt judicare de doctrina, quæ posita est longe supra & ultra Legem, de qua impossibile est hominem carnalem posse judicare, Ideo necesse est eos offendi, quia altius videre non possunt, quam in Legem, Quidquid igitur est supra Legem, est eis maximum scandalum.

*Theologia vera.  
Discernere ac-  
tivam a passiva  
justiciam.*

*Occupatio de  
bonis operi-  
bus.*

Nos vero quasi duos mundos constituimus, unum coelestem, alterum terrenum, In illos collocamus has duas justicias disiunctas & inter se maxime distantes. Iusticia legis est terrena, de terrenis agit, Per hanc facimus bona opera. Sed sicut terra non profert fructus, nisi prius irrigata & foecundata è coelo (Terra enim non potest judicare, renovare, & regere coelum, Sed è contra coelum judicat, renovat, regit & foecundat terram, ut faciat quod Dominus jussit) Ita per justiciam Legis, multa faciendo nihil facimus, & implendo Legem non implemus, nisi prius sine nostro opere & merito justificati simus per justiciam Christianam, quæ prorsus nihil pertinet ad justiciam Legis seu ad justiciam terrenam & activam. Ista autem est justicia coelestis & passiva, quam non habemus, sed è coelo accipimus, non facimus, sed fide apprehendimus, Per quam ascendimus supra omnes leges & opera. Sicut igitur portavimus, ut Paulus ait, imaginem terreni Adam, Ita portemus & imaginem coelestis, qui est novus homo in novo mundo, ubi nulla est Lex, peccatum, conscientia, mors, sed liberrima lætitia, justicia, gratia, pax, vita, salus & gloria.

*Iusticia legis  
terrena & ac-  
tiva.*

*Iusticia fidelis  
coelestis  
passiva.*

Nihil ergo facimus nos, nihil operamur ad hanc justiciam consequendam? Respondeo, Nihil. Quia hæc justicia est prorsus nihil facere, nihil audire, nihil

*Fide hæc justici-  
am consequi.*



non, non operi-  
bus.

Effectus huius  
iusticiae.

nihil scire de Lege aut de operibus, sed hoc solum scire & credere, quod Christus transierit ad Patrem, & jam non videtur, Quod sedeat, in coelis ad dexteram Patris, non Iudex, sed factus nobis à Deo Sapientia, iusticia, sanctificatio & redemptio. In summa. Quod sit noster Pontifex, intercedens pro nobis, & regnans super nos & in nobis, per gratiam, Ibi nullum peccatum cernitur, nullus terror, nullus remorsus conscientiae sentitur. In hanc iusticiam coelestem non potest cadere peccatum, nam ibi nulla est Lex, Vbi autem nulla est lex, ibi nec praevaricatio. Cum ergo hic peccatum non habeat locum, certe nulla est Conscientia, nullus pavor, nulla tristitia. Hinc ait Iohannes, *Ioh. 3.* Qui natus est ex Deo, non potest peccare. Si autem adest Conscientiae pavor, signum est iusticiam hanc oblatam, Gratiam amissam esse è conspectu, & Christum obscuratum non videri. Sed ubi verè videtur Christus, ibi necesse est gaudium plenum & perfectum in Domino adesse, & pacem Conscientiae, quæ certo sic statuit, Licet sim peccator legalis, in iusticia legali, tamen ideo non despero, ideo non morior. Quia Christus vivit, qui est iusticia & vita mea aeterna & coelestis. In illa iusticia & vita nullum habeo peccatum, Conscientiam & mortem. Sum quidem peccator secundum præsentem vitam & eius iusticiam, ut filius Adæ, ubi accusat me Lex, regnat Mors, & tandem devorabit me, Sed supra hanc vitam, habeo aliam iusticiam, aliam vitam, quæ est Christus, filius Dei, qui nescit Peccatum & mortem, sed est iusticia & vita aeterna, Propter quem etiam hoc corpus meum mortuum & in cinerem redactum resuscitabitur & liberabitur à servitute Legis & peccati, simulq; cum Spiritu sanctificabitur.

Institutum Pauli  
in hac Epistola.

Amisso articulo  
iustificationis  
amissa est tota  
doctrina Christi-  
ana.

Ita utrumq; manet dum hic vivimus, Caro accusatur, exercetur tentationibus, contristatur, & conteritur iusticia activa legis. Sed spiritus regnat, lætatur & salvatur passiva iusticia, Quia scit se habere Dominum, sedentem in coelis ad dexteram Patris, qui abolevit Legem, peccatum, mortem, & omnia mala conculcavit, captiva duxit, & triumphavit de eis in semetipso, *Coloss. 2.* Agit itaq; Paulus in hac Epistola, ut nos diligenter instituat, confortet, & retineat in cognitione perfecta huius excellentissimæ & Christianæ iusticiæ. Si quidem amisso articulo Iustificationis, amissa est simul tota doctrina Christiana. Et quotquot sunt in mundo, qui eam non tenent, sunt vel Iudæi, vel Turcæ, vel Papistæ, vel Hæretici, Quia inter has tuas iusticias, activam Legis, & passivam Christi, non est medium. Qui ergo aberraverit à iusticia Christiana, hunc oportet in activam relabi, hoc est, oportet eum amisso Christo, ruere in fiduciam operum.

Haerentes in iusticia  
Legis iusticiam  
fidei nec  
intelligunt, nec  
docere possunt.

Hoc videmus hodie in fanaticis spiritibus, Sectarum autoribus, qui nihil docent, nec recte possunt docere de hac iusticia Gratiae. Verba quidem ex ore & scriptis nostris hauserunt, ideo verba tantum loquuntur & scribunt. Rem verò ipsam tradere, urgere & acuere non possunt, Quia non intelligunt, nec intelligere possunt, quia tantum hærent in iusticia Legis. Sunt igitur & manent exactores operum, non potentes ascendere ultra illam activam iusticiam. Itaq; manent iidem, qui fuerunt sub Papa, nisi quod nova nomina & opera nova faciunt, res tamen manet eadem. Vt Turcæ faciunt alia opera, quàm Papistæ, Papistæ faciunt alia opera, quàm Iudæi &c, Sed ut maxime alii faciant aliis speciosiora, maiora, difficiliora opera, tamen eadem est substantia, qualitas tantum est alia, Hoc est, specie & nomine tantum variant opera, revera tamen opera sunt, Et qui ea faciunt, non Christiani, sed operarii sunt & manent, sive vocentur Iudæi, Mahometistæ, Papistæ, Anabaptistæ &c.

Fidei seu Christi-  
anae iusticia  
sublata, sunt  
homines in iusticia

Ideo nos sic semper repetimus, urgemus & inculcamus hunc locum de Fide seu Christiana iusticia, ut in assiduo usu servetur, & diserte discernatur ab activa iusticia Legis. Alioqui non poterimus servare veram Theologiam ( Ex illa

illa enim & in illa sola doctrina fit & consistit Ecclesia) sed finis statim Iuristæ, Ceremoniarij, Legistæ, Papistæ, Christus obſcuratur, & nemo potest in Ecclesia recte doceri & erigi. Itaque si volumus esse prædicatores & doctores aliorum, oportet nos habere maximam curam harum rerum, & probe tenere hanc distinctionem justitiæ Legis & Christi. Est quidem dictu facilis, sed experientia & usu est omnium difficillima, etiamsi diligentissime eam acuas & exerceas, Quia in hora mortis, vel alijs agonibus conscientia, propius concurrunt hæ duæ justitiæ, quam tu optes aut velis.

*Ceremoniarij, Legistæ, Papistæ, Christus obſcuratur.*

*Distingueret justitiam Legem à justitia Evangelij, usu difficillimum est.*

Admoneo igitur vos, præsertim qui futuri estis Magistri conscientiarum, & unumquemque seorsim, ut exerceatis vos, studendo, legendo, meditando & orando, ut in tentatione possitis conscientias & vestras & aliorum erudire & consolari, & reducere à Lege ad Gratiā, ab Activa justitia ad Passivā, In summa, à Mose ad Christum. Solet enim Diabolus in afflictione & pugna conscientia per Legem terrere nos, & opponere Conscientiam peccati, vitam nostram pessime transactam, iram & judicium Dei, infernum, & æternam mortem, ut sic nos in desperationem adigat, nos sibi subjiciat, & à Christo abstrahat. Solet denique opponere locos ex Evangelio, quibus Christus ipse exigit à nobis opera, & comminatur manifestis verbis interitum ijs, qui ea non fecerunt. Si hic ignoraverimus discernere inter has duas justitias, si hic fide non apprehenderimus Christum, sedentem ad dexteram Dei, qui est vita & justitia nostra, qui etiam interpellat pro nobis miseris peccatoribus apud Patrem, tum sumus sub Lege, non sub Gratia, & Christus non amplius Salvator, sed Legislator est. Ibi nulla salus potest esse reliqua, sed certa desperatio & mors æterna sequetur.

*Adhortatio ad hanc doctrinam fideliter discendum.*

Discamus igitur diligentissime hanc artem distinguendi inter has duas justitias, ut sciamus quatenus legi parere debeamus. Diximus autem supra, quod Lex in Christiano non debeat excedere limites suos, sed tantum habere dominium in carnem, quæ & ei subjecta sit, & sub ea maneat, Hoc ubi fit, consistit Lex intra limites suos. Si vero vult occupare Conscientiam, & hic dominari, vide ut tum sis bonus Dialecticus, recte divides, & Legi non plus tribuas, quam ei tribuendum est, Sed dicas, Lex tu vis ascendere in regnum Conscientia, & ibi dominari, & eam arguere peccati, & gaudium cordis tollere, quod habeo ex Fide in Christum, & me in desperationem adigere, ut desperem & peream. Hoc præter officium tuum facis, Consiste intra limites tuos, & exerce dominium in carnem. Conscientiam autem ne attingas mihi. Sum enim baptisatus, & per Evangelium vocatus, ad communionem justitiæ & vitæ æternæ, ad regnum Christi, in quo acquiescit conscientia mea, ubi nulla Lex est, sed mera remissio peccatorum, pax, quies, lætitiā, salus & vita æterna. Ista ne inturbes mihi, Non enim feram te tyrannum durum & crudelem exactorem in conscientia mea regnare. Siquidem ea est sedes & templum Christi filij Dei, qui est Rex justitiæ & pacis, ac dulcissimus Salvator & mediator meus, is conservabit conscientiam latam, & pacatam in sana & pura doctrina Evangelij, & cognitione istius passivæ justitiæ.

*Quatenus Lex debeat in Christiano.*

*Conscientia sedes & templum Christi.*

Hanc cum intus habeo, descendo de coelo, tanquam pluvia foecundans terram, Hoc est, prodeco foras in aliud Regnum, & facio bona opera, quæcunque mihi occurrunt. Si sum minister Verbi, prædico, consolor pusillanimes, administro Sacramenta. Si paterfamilias, rege domum, familiam, educo liberos ad pietatem & honestatem. Si Magistratus, officium divinitus mihi mandatum facio. Si servus, fideliter rem domini curo. Summa, Quicumque certo novit Christum esse justiciam suam, Is non solum ex animo & cum gaudio bene operatur in vocatione sua, Sed subjicit se quoque per charitatem Magistratibus, etiam impijs legibus eorum, & omnibus præsentis vitæ, si res ita postulet, oneribus

*Probus fidelis.*

oneribus atq; periculis. Quia scit Deum hoc velle, & ei placere hanc obedientiam.

Haftenus de argumento Epistolæ, quod sumit Paulus tractandum occasione accepta à falsis doctoribus, qui istam justiciam Fidei obscuraverant Galatis, contra quos commendat suam auctoritatem & officium.

## C A P V T I.

*Paulus Apostolus, non ab hominibus, neq; per hominem, Sed per Iesum Christum, & Deum Patrem, qui suscitavit eum à mortuis.*

*Occasio scribende Epistola ad Galatas.*

*Diabolus odit Evangelium, & incitat impios contra illud.*

*Evangelij doctrina.*

*Quid mundus de Evangelio sentiat.*

*Effectus Evangelij.*

*Hæreticos plus nocere Evangelio, quam Tyrannos.*

**N**unc argumento tradito, & ostensa summa huius Epistolæ ad Galatas, præmittemus, antequam ad rem ipsam veniamus, quæ occasio fuerit Paulo scribendæ huius Epistolæ. Ipse plantaverat puram doctrinam Evangelii & justiciam fidei apud Galatas, Sed statim post discessum suum, subintraverunt falsi Doctores, qui omnia, quæ plantaverat, & bene docuerat, subverterunt. Nam Diabolus non potest non vehementer istam Doctrinam impugnare vi & dolis, neq; quiescit, donec eam opprimat, aut per Tyrannos, aut certe per fanaticos spiritus depravet, ac tandem pro ea, sub specie tamen pietatis, impiam hominibus securis & sterentibus obtrudat. Et propter hanc unicam causam, quod doctrinam Evangelii pure tradimus, habemus hodie Diabolum infensum, qui contra nos sævitiam Mundi & hæreticorum acerbissimum odium excitat.

Est autem Evangelium talis doctrina, quæ quiddam sublimius docet, quàm est mundi sapientia, justicia, religio &c. nempe remissionem peccatorum gratuitam per Christum &c. Relinquit quidem illa in suo gradu esse quod sunt, & ut bonas Dei creaturas commendat. Sed mundus anteposit has creaturas Creatori, deniq; per eas vult abolere Peccata, liberari à morte, & mereri vitam æternam. Hoc damnat Evangelium. Contra, Mundus non potest ferre optima sua damnari, Ideo impingit hanc notam Evangelio, quod sit seditiosa & erronea doctrina, quæ subvertat Respub. regiones, principatus, regna & imperia, ideoq; peccet contra Deum & Cæsarem, abroget leges, depravet bonos mores, & concedat cuivis licentiam faciendi impunè quæ velit. Igitur justissimo zelo & in speciem summo obsequio Dei persequitur mundus hanc doctrinam, eiusq; Doctores & sectatores abominatur, tanquam pestem, qua nocentior non possit esse in terris.

Deinde per Evangelii doctrinam conculcatur quoq; Diabolus, destruitur eius Regnum, eripitur ei Lex, peccatum & mors ( quibus ceu potentissimis & invictissimis Tyrannis, universum genus humanum suo imperio subjugavit ) Deniq; transferuntur sui captivi è Regno tenebrarum & servitutis, in Regnum lucis & libertatis. Num hoc ferret Diabolus? Num hic pater mendacii non uteretur omnibus viribus & artibus ad obscurandam, depravandam & penitus extirpandam hanc salutis & vitæ æternæ doctrinam? Certe Paulus conqueritur in hac, & omnibus aliis Epistolis suis Satanam hoc egregie fecisse, per suos Apostolos, se adhuc vivente.

Idem & nos hodie conquerimur & deploramus, Quod Satan plus nocuerit nostro Evangelio, per suos ministros, spiritus illos phanaticos, quam per omnes Reges, Principes & Episcopos, qui illud vi persecuti sunt, & adhuc persequuntur. Et nisi tam sedulo & diligenter hic VVittebergæ vigilassemus, & laborassemus in plantanda & docenda hac fidei doctrina, tam diu non mansissemus concordēs, sed jamdudum inter nos quoq; exorta fuissent sectæ.

Quia



Quia vero constanter manemus in hac doctrina, & perpetuo urgetur à nobis, conservat nos in summa unitate & pace. Alij, qui vel eam negligunt, vel, ut ipsi putant, aliquid sublimius docere volunt, ruunt in varios ac perniciosos errores & sectas, quarum nullus est finis, & pereunt. Voluimus hic obiter indicare, Evangelium esse talem doctrinam, quæ damnet omnem justiciam, & solam Christi prædicet, & ijs, qui eam amplectuntur, afferat pacem Conscientiæ & omnia bona, & tamen mundum eam acerbissime odisse & persequi &c.

Dixi, Paulo eam occasionem fuisse scribendæ hujus Epistolæ, quod falsi doctores citò post ejus discessum destruxerint apud Galatas, quæ ipse multo labore & longo tempore ædificaverat. Fuerunt autem falsi Doctores seu Pseudoapostoli viri magnæ autoritatis, ex circumcissione & pharisaismo, qui jactaverunt apud populum, se esse de sancta & electa gente Iudæorum, se esse Israëlitas, ex semine Abrahamæ, se habere promissiones, Patres &c. Deniq; se esse ministros Christi, & discipulos Apostolorum, cum quibus conversati fuissent, & signa eorum vidissent. Forte & ipsi signa fecerant. Nam Christus Matth. 7. testatur, impios quoq; signa facere. Deinde extenuaverunt etiam, quibus artibus potuerunt, autoritatem Pauli, dicentes, Cur Paulum tantopere extollitis & reveremini? Certe novissimus omnium conversus est ad Christum. Nos sumus discipuli & familiares Apostolorum, Vidimus Christum ædentem miracula, & cum prædicantem audivimus, Paulus recentior est & minor nobis, Nec possibile est, quod Deus sinat errare nos, qui sumus de sancto populo, ministri Christi, & accepimus Spiritum sanctum. Deinde plures sumus, Paulus solus est, qui nec cum Apostolis conversatus est, nec Christum vidit, imo diu persecutus est Ecclesiam Christi. Num propter unum Paulum Deus relinqueret tot Ecclesias errare?

*Autoris. Pseudoapostolorum.*

*Qua arte Pseudoapostoli extenuaverint autoritatem Pauli.*

Vbi viri tanta autoritate præditi in urbem aut regionem aliquam veniunt, statim in admiratione sunt, & illa specie pietatis, non solum simplicibus, sed etiam doctis & aliquantum in fide firmatis imponunt, Præsertim cum jactant, ut illi, originem Patriarcharum. Item, se esse ministros Christi & Apostolorum discipulos &c. Sic hodie Papa, cum nullam scripturam habeat, quæ se defendere possit, hoc unico & perpetuo Argumento contra nos utitur, Ecclesia, Ecclesia. Putas, quod Deus tam iratus sit, ut propter paucos hæreticos Lutheranos totam Ecclesiam suam rejiciat? Putas quod tot seculis relinquat Ecclesiam suam errare? Hoc maxime urget, quod Ecclesia everti non possit. Ut autem hodie plures moventur isto argumento, Ita tempore Pauli mira prædicatione laudum suarum occupaverunt Pseudoapostoli animos Galatarum, ut apud eos Paulus amitteret autoritatem, & ejus doctrina suspecta redderetur.

*Pseudoapostoli autoritas multis imponit.*

*Argumentum Papistarum contra nos.*

Contra hanc vanam jactantiam & gloriam Pseudoapostolorum, Paulus suam autoritatem Apostolicam constanter & magna præsentia opponit, & admodum magnifice commendat suam vocationem, defenditq; suum ministerium, Et, quod nusquam alias facit, nemini vult cedere, ne Apostolis quidem, multo minus ipsorum discipulis. Et ad frangendum illorum fastum pharisaicum, & duram frontem, recitat historiam in Antiochia factam, ubi ipsi Petro obstiterat. Præterea nihil moratus ingens scandalum, clarè dicit in textu, quod ausus sit accusare & objurgare ipsum Petrum, Principem Apostolorum, qui Christum viderat, & cum eo familiarissime conversatus fuerat. Apostolus sum, inquit, & talis, qui non curat, quid alij sint, & ita, ut etiam ipsam columnam aliorum Apostolorum non sim veritus objurgare.

*Quanta contentio Pauli defendat suam vocationem & autoritatem contra Pseudoapostoli.*

Et in summa, in prioribus duobus Cap. fere nihil aliud agit, quam quod commendat suam vocationem, ministerium & suum Evangelium, quod non sit humanum, neq; illud ab homine acceperit, sed per revelationem Iesu Christi.

*Summa prioris duorum Cap.*

Item,

Item, si ipse aut etiam Angelus è cælo aliud Evangelium prædicet, præter id, quod prædicaverit, Anathema sit.

C E R T I T U D O V O C A T I O N I S.

Sed quid agit Paulus hac sua jactantia? Respondeo. Iste locus communis ad hoc valet, ut unusquisq; minister verbi Dei, certus sit de sua vocatione, ut coram Deo & hominibus cum fiducia gloriari possit, se prædicare Evangelium, ut is, qui vocatus & missus sit. Quemadmodum Legatus Regis in hoc Rom. II.  
*Legatus Regis.* gloriatur & superbit, quòd non ut privata persona venit, sed ut Legatus Regis. Et propter hanc dignitatem, quod est Legatus Regis, defertur ei honos, ut præcedat & superiorem locum obtineat, quod ei non contingeret, si ut privata persona adesset. Quare certus sit prædicator Evangelij, se habere vocationem divinam. Et expedit, ut hanc suam vocationem, exemplo Pauli, magnificet & glorificet coram populo, ut apud auditores sibi auctoritatem vendicat, quemadmodum Legatus regius glorificat suam legationem. Quod non est vanè gloriari, sed necessaria gloriatio, Quia non de se, sed de Rege, qui eum misit, gloriatur, cuius auctoritatem cupit esse colendam ac sacrosanctam, Et cum aliquid nomine Regis vult fieri à subditis, non dicit, Nos rogamus, Sed, Nos mandamus, Nos volumus hoc fieri &c. Pro privata autem persona dicit, Rogamus &c.

Sic etiam, quando Paulus magnificè extollit suam Vocationem, non arroganter extollit sese, ut pleriq; putant, Sed necessarià ac sancta superbià glorificat suum ministerium. Vt ad Rom. II. Quam diu sum gentium Aposto- Rom. II.  
*Gloriatio Pauli de vocatione sancta & necessaria fuit.* lus, inquit, ministerium meum glorificabo, hoc est, volo ut recipiant me homines, non ut Paulum Tharsensem, sed ut Paulum Legatum seu Apostolum Iesu Christi. Hocq; necessario facit, ad conciliandam sibi auctoritatem, ut auditores hoc audientes, attenti, benevoli ac dociles reddantur. Audiunt enim non simplicem Paulum, sed in Paulo ipsum Christum, & Deum Patrem legantem, Cuius auctoritatem & maiestatem, ut homines sanctè venerari, ita cum summa reverentia suscipere & audire eius quoque Legatos debent, adferentes Verbum ipsius.

Est ergo insignis iste locus cum Paulus sic superbit & gloriatur de sua vocatione, ut cæteros omnes contemnat. Si quis humano more omnes præ se alios ita contemneret & sibi omnia arrogaret, insigniter ineptiret, & præterea etiam graviter peccaret. Sed hic est necessaria ista gloriatio, pertinens non ad gloriam Pauli, seu nostram, sed Dei, cui per eam offertur Sacrificium laudis & gratitudinis. Per hanc enim gloriationem innotescit nomen seu gratia & misericordia Dei mundo. Sic ergo orditur Epistolam ad Galatas.

Paulus Apostolus, non ab hominibus &c.

INITIO statim perstringit falsos illos Doctores, qui jactabant se discipulos Apostolorum, & ab ipsis missos esse, Paulum verò contemnebant, ut qui neq; discipulus Apostolorum, neq; ab ullo missus fuisset ad prædicandum Evangelium, sed aliunde venisset, & suo consilio seipsum intrusisset ad hoc ministerium. Contra hos defendit suam vocationem Paulus, dicens: Mea vocatio vestris prædicatoribus contemptibilis videtur, Sed quicunq; tandem sunt, qui ad vos venerunt, vel ab hominibus, vel per hominem missi sunt. Hoc est, vel à seipsis non vocati, aut per alios vocati, venerunt. Mea autem vocatio, neq; ab hominib. neq; per hominē est, Sed est supra omnem vocationem, quæ potest fieri post Apostolos, Est enim per Iesum Christum & Deum Patrem &c.

*Ab hominibus.* Ab hominibus intelligo, qui seipsos vocant & ingerunt, nec Deo nec hominē vocante aut mittente, sed ex seipsis currunt & loquuntur. Vt hodie phana-

phanatici Spiritus, qui vel per angulos reptant, & quærunt loca, ubi venena sua effundant, publicas Ecclesias non intrant. Vel huc veniunt, ubi Euangelium prius plantatum est, Hos ego voco ab hominibus. Per hominem autem, qui habent divinam vocationem, sed per hominem. Est itaq; divina vocatio duplex, Altera mediata, Altera immediata. Deus vocat nos hodie omnes ad ministerium verbi, vocatione mediata, hoc est, vocatione quæ fit per medium, id est, per hominem. Apostoli verò immediate vocati sunt, ab ipso Christo, Sicut Prophetæ in veteri Testamento ab ipso Deo. Apostoli postea vocaverunt suos discipulos, ut Paulus Timotheum, Titum &c. Qui deinde Episcopos, ut Tit. 1. Episcopi suos successores vocaverunt, Ea vocatio duravit usque ad nostra tempora, & durabit usq; ad finem mundi, Estq; mediata, quia per hominem fit, & tamen divina est.

*Per hominem.  
Vocatio duplex.  
Vocatio immo-  
diata.*

*Mediata.*

*Generalis nunc  
vocatio.*

*Rite vocatus  
suos doceat, in  
alienam voca-  
tionem non in-  
rumpat.*

Sic quando Princeps aut Magistratus, vel ego aliquem vocamus, Is vocationem habet per hominem. Et hæc est generalis post Apostolos vocatio in orbe terrarum, Neq; est mutanda, sed magnificianda, propter fanaticos homines, qui eam contemnunt, & jactant aliam meliorem, qua à Spiritu se impelli dicunt ad docendum. Sed mentiuntur impostores, Impelluntur quidem à Spiritu non bono, sed maligno. Mihi non licet ire extra hanc sortem meam, in aliam Civitatem, ubi non sum vocatus Verbi minister, & ibi prædicare, quatenus sum prædicator (Quatenus sum doctor, possem in toto Papatu prædicare, modò me tolerarent) etiamsi audiam falsa doceri, seduci & damnari animas, & ego eas eripere possem ex errore & damnatione, mea sana doctrina. Sed rem Deo committere debeo, qui suo tempore inveniet occasionem legitimè vocandi ministros, & dandi Verbum. Ipse enim est Dominus messis, qui & operarios in messem suam mittet, nostrum est orare, Matth. 9.

Quare non est irruendum in alienam messem, ut Diabolus incitare solet suos ministros, ut non vocati currant, & prætexant zelum hunc ardentissimum, Dolere sibi, quòd homines tam misere seducantur, se veritatem velle docere, & seductos à Diaboli laqueis eripere. Imo si aliquis etiam pio zelo & bonâ intentione velit sana doctrina liberare seductos ex errore, tamen exemplum malum oritur, per quod datur occasio impiis Doctoribus intrudendi sese, per quos Satan postea occupat cathedram, & maximè nocet.

*Qua astutia Sa-  
tanæ ministri  
ingerant se ad  
docendum Gr.*

Cum autem Princeps seu alius Magistratus me vocat, tum certo & cum fiducia gloriari possum contra Diabolum, & hostes Euangelii, quod mandante Deo, per vocem hominis, vocatus sim. Est enim ibi mandatum Dei, per os Principis, quod me certum reddit, vocationem meam esse veram & divinam. Sumus igitur & nos divina autoritate vocati, non quidem immediate à Christo, ut Apostoli, sed per hominem.

*Vocatio nostra  
divina.*

Valde autem necessarius est hic locus, de certitudine Vocationis, contra pestilentes & Satanicos istos spiritus, qui præter modum spiritum & coelestem vocationem jactant, & hoc fucò multos decipiunt, & tamen impudentissimè mentiuntur. Ideò expedit nos certos esse de vocatione, ut unusquisq; possit gloriari cum Iohanne Baptista, Factum est verbum Domini super me. Quod igitur doceo Verbum, baptiso, administro Sacramenta, jussus ac vocatus facio, Quia vox Dei facta est super me, non in angulo, ut fanatici jactant, sed per os hominis, qui est in functione legitima. Si verò unus atque alter civis me rogarent, ut prædicarem, non debeo sequi privatam vocationem. Quia per hoc aperitur fenestra ministris Satanæ, qui hoc exemplo postea nocent, quemadmodum supra diximus. Cum verò me rogant, qui gerunt publica officia, ibi parere debeo.

*Phanatici non  
credendum, qui  
jactant spiri-  
tum & coelestem  
vocationem.*

Cum ergo dicit Paulus Apostolus, non ab hominibus, neq; per hominem, percutit & reprimat his verbis Pseudoapostolos, q. d. Vt maximè gloriantur, quid possunt illæ viperæ amplius gloriari, quàm quod venerint, Vel ab hominibus, hoc est, à seipsis, nemine vocante, Vel per hominem, hoc est, ab aliis missi. Nihil horum ego curo, nec vos ista curare debetis, Ego verò neq; ab hominibus, neq; per

*Ab hominibus  
non.  
Per hominem.*

*Vocatio Apo-  
stolorum.*

B

homi-



*Apostoli qui  
er.*

*Vocatio Mat-  
thias.*

*Apostoli San-  
cti.*

*Non vocati  
maclant & per-  
dunt er.*

*Quod pericu-  
lum incurram  
non vocati.*

*Est Paulus ubi-  
que suam voca-  
tionem extollit.*

*Paulus gloria-  
nti de voca-  
tione.*

*Summa Episto-  
la ad Galatas.*

hominem, sed immediate, hoc est, per Iesum Christum vocatus & missus sum, meaq;  
vocatio per omnia similis est vocationi Apostolorum, Et quidem sum Apostolus.  
Hunc ergo locum de vocatione Apostolorum, Paulus diligenter tractat. Et alibi  
separat ordinem Apostolorum ab aliis, ut 1. Cor. 12. Eph. 4. cum dicit, Ipse dedit  
quosdam quidem Apostolos, quosdam Prophetas &c. Primo loco ponens Aposto-  
los, Ut propriè sint Apostoli, qui immediatè missi sunt ab ipso Deo, sine media per-  
sona. Sic Matthias simpliciter à Deo vocatus est. Non enim audebant reliqui Apo-  
stoli, cum statuerent duos, hunc vel alium eligere, sed mittebant sortem & orabant,  
ut Deus ostenderet, Vtrum ipse elegisset. Oportebat enim eum divinitus vocari, cū  
erat futurus Apostolus. Sic Paulus gentium Apostolus vocatus est. Hinc etiam di-  
cuntur Apostoli Sancti, Sunt enim certi de sua vocatione & doctrina, & fideles in  
suo ministerio perstiterunt, Et nemo ex eis factus est reprobus, nisi solus Iudas,  
Quia vocatio sancta est.

1. Cor. 12.  
Eph. 4.

Hic primus est Pauli impetus in Pseudoapostolos, qui currebant, nemine eos  
mittente. Est igitur non contemnenda vocatio, Neque enim satis est habere Ver-  
bum & puram doctrinam, oportet etiam, ut vocatio certa sit. Sine qua, qui ingredi-  
tur, ad maclandum & perdendum venit. Nunquam enim fortunat Deus laborem  
eorum, qui non sunt vocati. Et quanquam quædam salutaria afferant, tamen nihil  
ædificant. Sic hodie phanatici spiritus nostri habent verba de Fide in ore, tamen  
nullum fructum faciunt, Sed hoc præcipuè agunt, ut hominibus persuadeant suas  
erroneas opiniones &c. Varii & maximi agones subinde decertandi sunt iis, qui  
certam ac sanctam vocationem habent. Item, quorum doctrina est sincera & sana,  
ut maneant in suo salutari officio, contra indefinentes & infinitas insidias Diaboli  
& furorem mundi. Quid ibi faceret ille, cujus vocatio incerta & doctrina im-  
pura est.

Nostra igitur consolatio, qui sumus in ministerio Verbi, hæc est, Quod  
habeamus officium sanctum & cœleste, Ad quod ritè vocati, gloriamur contra  
omnes portas inferni. Econtra horrendum est, cum conscientia dicit, Hoc sine  
vocatione fecisti, Ibi tantus error concutere animum solet, ut non vocatus opta-  
ret se nunquam audisse Verbum, quod docet, Quia inobedientia facit omnia ope-  
ra mala, quantumvis bona, Ita ut etiam maxima opera & labores, fiant maxima  
peccata.

Vides itaque quàm bona & quàm necessaria sit hæc jaçantia & gloriatio  
ministerii nostri. Olim cum essem novus Theologus & Doctor, videbatur mihi  
Paulus ineptire, quod in omnibus Epistolis toties gloriaretur de sua vocatione.  
Non intelligebam ipsius consilium. Ignorabam enim tantam rem esse ministerium  
Verbi, Nihil sciebam de doctrina Fidei & conscientia vera. Quia nihil certi doce-  
batur, neque in scholis, neque in templis, sed omnia plena erant sophisticis perple-  
xitatibus, & nugis Canonistarum & Sententiariorum. Ideò nemo potuit intelli-  
gere dignitatem & vim istius sanctæ & spiritualis jaçantiae de Vocatione. Quæ pri-  
mum valet ad gloriam Dei, Deinde ad honorem ministerii nostri, Item, ad nostram  
& populi salutem. Non enim ambimus per istam jaçantiam aliquid esse in mundo,  
non quærimus gloriam apud homines, non pecuniam, non voluptates, non favo-  
rem mundi &c. Sed quia sumus in vocatione divina & opere Dei, & populus ma-  
ximè opus habet certitudine nostræ vocationis, ut sciat nostrum verbum esse Dei  
verbum, ideò superbè eam jaçamus. Quare non est vana, sed sanctissima superbia  
contra Diabolum & mundum, & vera humilitas coram Deo.

*Et per Deum Patrem, qui suscitavit Eum à mortuis.*

PAULUS tam vehementer ardet, ut non possit expectare, donec ad ipsam  
causam veniat, Sed statim in ipsa subscriptione erumpit, & dicit, quæ in corde ha-  
bet. Vult autem in hac Epistola de iusticia fidei agere, & eam defendere, & Le-  
gem ac iusticiam operum evertere. His cogitationibus plenus est, ex hac mera & in-  
exhausta

exhausta abundantia excellentissimæ sapientiæ & cognitionis Christi in corde, os ejus loquitur. Hæc flamma, hoc ingens cordis incendium latere nequit, nec finit eum tacere, Ideo non satis fuit dicere, se Apostolum, missum per Iesum Christum, sed addit etiam, per Deum Patrem, qui suscitavit eum ex mortuis.

Videtur autem ista additio, Et per Deum Patrem &c. non necessaria, Sed, ut dixi, Paulus ex abundantia cordis loquitur, ardet & gestit illi animus statim in ipsa Epigrapha promere impervestigabiles divitias Christi, & prædicare illam Dei justiciam, quæ dicitur Resurrectio mortuorum. Christus vivus & resuscitatus ex mortuis loquitur ex eo, & impellit eum, Ideo non sine causa addit, se quoque Apostolum esse, per Deum Patrem, qui suscitavit Iesum Christum à mortuis. q. d. Mihi negotium est cum Satana, & cum viperis illis, organis Satanæ, qui mihi subvertunt justiciam Christi, suscitati per Deum Patrem ex mortuis, per quam solam justificamur, per quam etiam ad æternam vitam ex mortuis resuscitabimur in illo die. Subvertentes autem sic justiciam Christi, resistunt Patri & Filio, & eorum operi.

*Et per Deum Patrem.*

Sic in prima statim voce, erumpit ei tota causa, de qua in hac Epistola agit. Agit autem, ut dixi, de resurrectione Christi, qui propter nostram justiciam resurrexit, Rom. 4. Et per hoc Legem, peccatum, mortem & omnia mala vicit. Christi igitur victoria, est victoria Legis, peccati, carnis nostræ, mundi, diaboli, mortis, inferni, & omnium malorum, Et hanc victoriam suam nobis donavit. Licet igitur hi Tyranni & hostes nostri accusent & terreant nos, tamen in desperationem adigere & condemnare nos non possunt. Christus enim resuscitatus, per Deum Patrem ex mortuis, est justitia & victoria nostra. Deo igitur gratia, qui dedit nobis victoriam, per Dominum nostrum Iesum Christum, Amen.

*Victoria Christi nostra est.*

Confidera autem quàm disertè loquatur Paulus. Non dicit, Per Deum, qui creavit coelum & terram, Qui est Dominus Angelorum, Qui jussit Abraham egredi à terra sua, Qui misit Moysen ad Pharaonem, Qui eduxit Israel ex Aegypto, Vt Pseudoapostoli faciebant, jactantes Deum patrum suorum, creantem, conservantem & operantem omnia, facientem mirabilia in illo populo. Sed aliud erat Paulo in corde, nempe justitia Christi, quam docebat & defendebat, ut Christi Apostolus. Ideo loquitur verba, quæ faciunt ad hanc suam causam, dicens, Ego sum Apostolus, neq; ab hominibus neq; per hominem, Sed per Iesum Christum, & Deum Patrem, qui suscitavit eum ex mortuis. Vides itaq;, quanto ardore & Spiritu accensus feratur in hac causa, quam vult plantare & tueri contra totum regnum inferorum, contra omnes potentes & sapientes totius mundi, contra Diabolum & ejus Apostolos.

*Paulus disertè loquitur.*

*Et qui mecum sunt omnes fratres.*

Et hoc facit ad retundendos istos falsos Doctores. Omnia enim argumenta ejus eò tendunt, ut suum ministerium commendet & magnificat, E contra illorum suspectum reddat. q. d. Quamvis satis abundè sit, quòd divinâ vocatione Apostolus missus sit per Iesum Christum, & Deum Patrem &c. Tamen ne solus sim, addo ex abundanti, omnes Fratres, qui non sunt Apostoli, sed comilitones, Illi scribunt hanc Epistolam mecum, & testantur doctrinam meam esse veram & divinam. Quare certi sumus, quòd Christus præsens est, docet & loquitur in medio nostri, & in nostra Ecclesia. Ipsi si aliquid sunt, tantum ab hominibus vel per hominem missi sunt, Ego autem à Deo Patre & Christo, qui est vita & resurrectio nostra, missus sum. Alii fratres mei missi sunt divinitus per hominem, scilicet per me. Ne ergo dicant, me solum superbire contra tam multos, habeo mecum Fratres unanimes, testes fideles, qui idem mecum sentiunt, scribunt & docent. Hactenus subscriptio, sequitur superscriptio.

*Cur addatur omnes Fratres.*

*Ecclesiis Galatiæ.*

PAULUS passim prædicaverat in Galatia, quam si non totam convertit ad Christum,

B 2



*Phana i. i. r. r.  
aut. i. i. r. r. ju.  
aut. i. i. r. r. ad  
aut. i. i. r. r. fere-  
aut. i. i. r. r.*

Christum, tamen in ea habuit multas Ecclesias, ut quas omnes irrepleant Pseudoapostoli, Diaboli ministri. Sic hodie quoque phanatici spiritus non ad ea loca veniunt, ubi adversarii Evangelii dominium habent, sed ubi Christiani & boni homines sunt, qui amant Evangelium. Ad tales se recipiunt etiam in principatibus Tyrannorum, qui Evangelium persequuntur, Illic occultè, penetrantes domos & eas subvertentes, venenum suum effundunt. Cur non potius eunt in civitates, regiones & principatus Papistarum, & illic in conspectu impiorum Principum, Episcoporum & Doctorum in Universitatibus, consitentur & defendunt suam doctrinam? ut nos, Dei gratia, fecimus. Nolunt subire pericula delicati martyres, sed eò veniunt, ubi paratus est jam Evangelio locus, ubi sine periculo in summa pace & quiete agere possunt. Sic Pseudoapostoli non venerunt suo periculo Ierusalem ad Caiapham, aut Romam ad Cæsarem, aut ad alia loca, ubi prius nemo prædicaverat, ut Paulus & alii Apostoli fecerant, Sed in Galatiam, quæ Pauli labore & periculo jam erat lucrifacta & parata Christo, in Asiam, Corinthum &c. ubi erant boni viri & Christiani, qui neminem persequabantur, sed omnia patiebantur. Ibi poterant, inimici crucis Christi, in summa securitate, sine omni persecutione agere.

*Fortuna pio-  
rum doctorum.*

Disce autem hoc loco, hanc esse fortunam piorum prædicatorum, quod ultra hoc, quod patiuntur persecutionem ab impio & ingrato mundo, & cum magno labore & periculo plantant Ecclesias, cogantur etiam ferre, ut quod ipsi longo tempore benè docuerint, statim evertatur à phanaticis spiritibus, qui & postea regnant & præferuntur ipsis. Hoc malum plus dolet piis verbi ministris, quàm ulla persecutio à Tyrannis illata. Qui igitur non volet esse contemptus, nec istam indignitatem ferre, non fiat minister Evangelii, Vel si est, commendet alteri ministerium. Nos hodie idem experimur, extrèmè contemnimur & vexamur, foris à Tyrannis, intus ab illis ipsis, quos per Evangelium in libertatem asseruimus, item à falsis fratribus. Sed ea est nostra consolatio & gloriatio, quod divinitus vocati, habeamus promissionem vitæ æternæ, & expectemus illam retributionem, quam oculus non vidit, nec auris audivit, nec in cor hominis ascendit. Nam cum ipse Archipastor Christus apparuerit, percipiemus immarcescibilem gloriæ coronam, Qui, & hic nos fame non sinet perire.

*Consolatio pio-  
rum doctorum,  
laborantium  
sub cruce.*

*Non Ecclesia  
sunt, quæ impiis  
doctores ha-  
bent.*

S. Hieronymus movet hîc magnam quæstionem, Cur Paulus vocet Ecclesias, quæ Ecclesiæ non sint. Quia Paulus, inquit, scribit ad subversos Galatas & translatos à Christo & gratia ad Moysen & legem? Ad hoc respondeo. Paulum vocare Ecclesias Galatiæ per Synecdochen, cuius usus in Scripturis est frequentissimus, Sic scribens ad Corinthios, gratulatur eis gratiam Dei datam in Christo, videlicet, quod in omni verbo & scientia divites facti essent per illum. Et tamen multi ex ipsis seducti per Pseudoapostolos, non credebant resurrectionem mortuorum &c. Sic & nos hodie vocamus Ecclesiam Romanam, sanctam, & omnes Episcopatus, sanctos, etiam si sint subversi, & Episcopi & ministri eorum impii. Deus enim regnat in medio inimicorum suorum. Item, Antichristus sedet in templo Dei, Et, Satan adest in medio filiorum Dei. Ideò Ecclesia, etiam si sit in medio nationis pravæ & perversæ, ut Paulus ad Philip. ait, etiam si sit in medio luporum & latronum, hoc est, Tyrannorum spiritualium, nihilominus Ecclesia est. Manet in Romana urbe, quanquā Sodoma & Gomorrha pejore, Baptismus, Sacramentum, vox & textus Evangelii, sacra Scriptura, ministeria, nomen Christi, nomen Dei. Qui habent, habent, qui non habent, non sunt excusati, Thesaurus enim est ibi. Ideò Romana Ecclesia est sancta, quia habet nomen sanctum Dei, habet Evangelium, Baptisma &c. Ista si sunt in populo, dicitur sanctus. Sic nostra civitas VVittembergæ & nos verè sancti sumus. Quia sumus baptisati, docti & vocati divinitus, & mensæ Domini participes, Divina opera habemus nobiscum, scilicet verbum & Sacramenta, illis sanctificamur.

*Ecclesia Ro-  
mana sancta.*

*Ecclesia est in  
medio luporum  
&c.*

*Ecclesia unde  
dicitur sancta.*

Hæc ideò dicuntur à me, ut diligenter discernamus Christianam sanctita-  
tem

tem ab alijs. Monachi vocaverunt suos ordines sanctos (neq; tamen audebant se appellare sanctos) sed sancti non sunt. Quia, ut supra diximus, Christiana sanctitas non est activa, sed passiva sanctitas. Quare nemo se sanctum dicat propter suum vitæ genus, propter sua opera, si jejundet, oret, castiget corpus, eleemosynas largiatur pauperibus &c. Alioqui Phariseus apud Lucam esset etiam sanctus. Opera divinitus præcepta bona quidem sunt, & Deus severe exigit ea à nobis, Verum non sanctificant nos coram Deo, Sed ego, tu, sancti sumus, Ecclesia, civitas, populus sanctus est, non sua sed aliena sanctitate. Quia res habet divinas & sanctas, scilicet vocationem ministerij, Evangelium, Baptisma &c. per quæ sanctificatur.

*Christiana sanctitas passiva.*

*Per quid sancti sumus.*

Licet igitur Galatæ subversi fuerant, tamen mansit apud eos Baptismus, verbum, nomen Christi &c. Fuerunt etiam aliqui inter eos boni, qui non defecerant à Pauli doctrina, Hi de verbo & Sacramentis pie sentiebant, & recte illis utebantur. Præterea neq; poterant ea propter subversos pollui. Nam baptismus, Evangelium &c. non ideo prophanatur, quia multi polluti & profani sunt, ac impie de eis sentiunt, Sed manent sancta & eadem, sive sint apud pios sive impios, à quibus neq; pollui nec sanctificari possunt. Polluuntur quidem & sanctificantur coram gentibus, nostra mala aut bona conversatione, malis aut bonis moribus, sed non coram Deo. Quare Ecclesia sancta est, etiam ubi phanatici spiritus regnant, modo ipsi non negent Verbum & Sacramenta. Nam si illa negantur, non potest esse Ecclesia. Quare ubicunq; Verbum & Sacramenta substantialiter manent, ibi est sancta Ecclesia, non obstante quod Antichristus ibi regnet, Qui, ut scriptura testatur, sedet, non in stabulo dæmonum, non in hara porcorum aut in turba infidelium, sed in nobilissimo & sanctissimo loco, videlicet in templo Dei, Ergo oportet templum Dei esse regnantibus etiam tyrannis spiritualibus, & illud conservari sub ipsis. Breviter ergo ad istam quæstionem respondemus, Ecclesiam esse per totum orbem terrarum, ubicunq; est Evangelium & Sacramenta. Iudei, Turcæ & phanatici spiritus, Ecclesia non sunt, quia impugnant & negant ista. Sequitur Salutatio.

*Verbum & Sacramenta non pollui nostra impietas.*

*Antichristi sedes.*

*Ecclesia per orbem dispersa &c.*

*Gratia vobis & Pax, à Deo Patre nostro, & Domino nostro Iesu Christo.*

S P E R O vos non ignorare, quid sit Gratia & Pax, cum hæ voces sint in Paulo frequentes, & nunc non obscuræ. Sed quia hanc Epistolam tractamus, non quidem pro necessitate, aut propter difficultatem ipsius, sed ut confirmetur conscientia nostra contra hæreses futuras, Non erit molestum repetere ea, quæ alias docemus, prædicamus, pingimus, cantamus & scribimus, iacente enim articulo justificationis, jacent omnia. Itaq; summe necessarium est, ut eum perpétuo inculcemus & acuamus, quemadmodum Moses de sua lege dicit. Nam satis vel nimium non potest inculcari & urgeri. Imo etiamsi probe discamus & teneamus eum, tamen nullus est, qui eum perfecte apprehendat aut pleno affectu & corde credat, Adeo lubrica est caro nostra, & repugnat obedientia spiritus.

*Gratia. Pax.*

*Articulus justificationis perpétuo inculcandus.*

*Apostolica salutatio nova & inaudita &c.*

*Gratia. Pax.*

*Peccatum. Conscientia.*

*Doctrina Christianorum.*

Est autem salutatio hæc Apostolica nova & inaudita mundo, ante Evangelij prædicationem. Et hæc duo vocabula, Gratia & pax, comprehendunt universum Christianismum, Gratia remittit peccatum, Pax tranquillam reddit conscientiam. Duo Diaboli nostri, qui nos excruciant, sunt Peccatum & Conscientia. Sed hæc duo monstra Christus vicit & conculcavit in hoc seculo & futuro. Hoc mundus ignorat, Ideo nihil certi potest docere, de vincendo Peccato, conscientia & morte. Soli Christiani hoc doctrinæ genus habent, eoq; exercentur & armantur ad victoriam contra Peccatum, desperationem, & mortem æternam. Estque doctrinæ genus divinitus datum, nullo Libero arbitrio, nulla humana ratione aut sapientia repertum.

Complentur autem, ut dixi, hæ duæ voces, Gratia & Pax totum Christianismum, Gratia, remissionem peccatorum, Pax, tranquillam & lætam conscientiam. Porro Pax conscientia nunquam haberi potest, nisi Peccatum remissum

fit. Non remittitur autem propter impletionem legis, Quia nemo legi satisfacit, Sed lex potius ostendit peccatum, accusat & perterrefacit Conscientiam, iram Dei annunciat, & in desperationem adigit. Multò minùs tollitur peccatum operibus & studiis ab hominibus excogitatis, ut sunt impii cultus, religiones, vota, peregrinationes. Summa, nullis operibus tollitur, sed iis potius augetur. Quò magis enim iusticiarii laborant & sudant ad tollendum peccatum, hoc pejus habent. Tollitur autem sola Gratia, & simpliciter nullo alio modo, Ideò Paulus in omnibus salutationibus Epistolarum suarum opponit peccato & malæ conscientiæ, Gratiā & pacem &c. Hoc diligentissimè considerandum est, Verba facilia sunt, sed intentione difficilimum est, in corde certò statuere, quòd per solam Gratiā, exclusis omnibus aliis mediis, quæ sunt in cælo & terra, habeamus remissionem peccatorum & pacem cum Deo.

*Peccatum per  
solam gratiam  
remittitur.*

*Mundus igno-  
rat doctrinam  
pietatis &c.*

*Sola gratia red-  
ditur tranquilla  
conscientia.*

*Qualem pacem  
imprecatur  
Paulus Chri-  
stianis.*

Mundus istam doctrinam non intelligit, ideò non solum non vult neq; potest eam ferre, sed etiam ut hæreticam & impiam condemnat. Lætat liberum arbitrium, lumen rationis, integritatem naturalium & bona opera, per quæ possit mereri & acquirere Gratiā & Pacem, hoc est, remissionem peccatorum & lætam conscientiam. Sed impossibile est, quòd Conscientia reddatur pacata & læta, nisi habeat Pacem per illam Gratiā, id est, per remissionem peccatorum, promissam in Christo. Multi quidem anxie laboraverunt, repertis ad hoc variis ordinibus & exercitiis, ut conscientiam pacatam redderent. Sed hæc re pluribus ac maioribus malis se immerferunt. Sunt enim ista omnia tantum studia, ad augendam dubitationem & desperationem. Ideò non erit pax ossibus meis & tuis, nisi audiamus verbum Gratiæ, & constanter & fideliter huic innitamur, tum conscientia certò consequitur pacem. Distinguit autem Apostolus disertè hanc Gratiā & Pacem ab omni alia gratia & pace. Quia imprecatur gratiam & pacem Galatis, non à Cæsare, Regibus, Principibus, Nam hi plerumq; persequuntur pios, & consurgunt adversus Dominum & Christum ejus, Psal. 2. Nec à mundo, Quia in mundo, inquit Christus, pressuram habetis, Sed à Deo Patre nostro &c. hoc est, divinam pacem imprecatur eit. Sic Christus, Pacem relinquo vobis, pacem meam do vobis, non quomodo mundus dat, ego do vobis.

*Pax mundi.*

*Gratia mundi.*

Pax Mundi nihil concedit, nisi pacem bonorum & corporis, ut in carne læti ac quieti vivamus. Sic gratia Mundi finit nos frui nostris bonis, non ejicit ex possessionibus &c. Sed in afflictione & hora mortis non potest juvare gratia & pax mundi, non potest ex afflictione, desperatione aut morte eripere. Quando verò gratia & pax Dei adest in corde, tum homo fortis est, ut neq; adversis frangatur, neq; prosperis extollatur, sed regia incedit via. Accipit enim efficaciam in victoria mortis Christi, & fiduciā ejus, incipit in conscientia dominari supra Peccatum & mortem, quia per eum habet remissionem peccatorum certam, quā acceptā, acquiescit conscientia, & verbo gratiæ erigitur. Sic tunc homo consolatus & animatus gratiā Dei, id est, remissione peccatorum & pace hæc conscientiæ, potest fortiter ferre & superare omnes tribulationes, etiam ipsam mortem. Hæc pax Dei non est data Mundo, quia eum non cupit nec intelligit, sed credentibus, Et nulla alia ratione contingit, quàm per solam gratiam Dei.

*A Domino  
nostro Iesu Chri-  
sto cur addatur.*

*Optinamus, ex-  
cluso Christo  
Mediatore, cum  
Deo agere &c.*

## CANON OBSERVANDVS.

*Abstinendum esse à speculatione Maiestatis.*

Sed cur Apostolus addit, Et à Domino nostro Iesu Christo? Num non satis erat dicere, A Deo Patre nostro? Cur ergo annectit Iesum Christum cum Patre? Sæpè audistis à nobis, hunc Canonem in sacris literis diligentissimè observandum, ut abstinemus à speculatione Maiestatis, quæ humano corpori intolerabilis est, multò magis menti, Non videbit me homo, dicit Scriptura, & vivet. Papa, Turcæ, Iudæi & omnes iusticiarii hunc Canonem negligunt, ideò removentes ex oculis Christum Mediatorem, de solo Deo loquuntur, coram Deo orant, vivunt & agunt omnia,

*Psal. 115.  
Ioh. 16.  
Ioh. 14.*



omnia. Vt Monachus cogitat, Hæc opera, quæ facio, placent Deo, ista vota mea respiciet Deus, & propter ea me salvabit. Turca, Si servavero, quæ in Alcorano præcepta sunt, acceptabit me Deus, & vitam æternam dabit. Iudæus, Si fecero, quæ Lex præcipit, habebō Deum propiciū & salvus ero. Sic homines hodie phanatici iactantes Spiritum, illuminationes, visiones, & nescio quæ alia portenta, ambulant in mirabilibus super se, Hi novi Monachi, novam crucem & opera excogitant, & propter illa, se Deo placere somniant. In summa, Quotquot ignorant articulum justificationis, tollunt è medio Christum Propiciatorem, Deum in sua Majestate, <sup>Ignorantes articulum justificationis tollunt Christum.</sup> iudicio rationis apprehendere, & operibus placare volunt.

Christiana autem & vera Theologia, ut sæpè moneo, non ingerit Deum in maiestate, ut Moyses, & aliæ doctrinæ, Non jubet scrutari naturam Dei, <sup>Voluntas Dei querenda in Christo.</sup> *Sed agnosce voluntatem ejus propositam in Christo*, quem voluit assumere carnem, nasci, mori propter peccata nostra, & hoc prædicari in omnes gentes. Quia cū sciret, mundum Deum in sapientia non agnoscere per sapientiam, placuit ei per stultam prædicationem salvos facere credentes. Quare nihil est periculosius, cū agendum est in agone contra Legem, peccatum & mortem cum Deo, quàm nos vagari nostris speculationibus in coelo, & considerare Deum ipsum in sua incomprehensibili potentia, sapientia & Majestate, quomodo creaverit & gubernet mundum. Si sic Deum apprehenderis, & eum volueris, excluso propiciatore Christo, placare, & tuis operibus, jejuniis, cucullo & rasura te interponere, aliter fieri nequit, quin casum Luciferi facias, & in horribili desperatione Deum & omnia amittas. Nam <sup>Luciferi casum.</sup> Deus in sua natura, ut est immensurabilis, incomprehensibilis & infinitus, ita intolerabilis est humanæ naturæ.

<sup>1. Cor. 1.</sup> Quare si tutus esse, & sine periculo Conscientiæ & salutis esse voles, prohibe istum sensum speculativum, & apprehende Deum, ut Paulus apprehendere docet 1. Corinth. 1. Nos prædicamus Christum crucifixum, Iudæis scandalum, Gentibus stultitiam. Ipsi autem vocatis Iudæis & Gentibus, Christum Dei virtutem & Dei sapientiam. Ibi igitur incipe, ubi Christus ipse incepit, nempe in utero virginis, in præsepi, in uberibus matris &c. In hoc enim ipse descendit, natus, conversatus inter homines, passus, crucifixus, mortuus est, ut sese omnibus modis nobis ob oculos proponeret, & oculos cordis nostri in sese figeret, ut per hoc, ascensum in coelum & speculationem Majestatis, prohiberet. <sup>Hic querenda voluntas Dei.</sup>

Itaque cum versaris in loco Iustificationis, & disputas de inveniēdo Deo, qui iustificat seu acceptat peccatores, ubi & quomodo is querendus sit, Tum prorsus nullum Deum scito, extra istum hominem Iesum Christum, hunc complectere, & toto corde in eo hære, omisâ speculatione Majestatis, Scrutator enim Majestatis opprimitur à gloria, Ego expertus scio quid dico. Sed phanatici homines, qui excluso Mediatore Christo, cum Deo agunt, mihi non credunt. Christus <sup>Christus via, veritas & vita.</sup> ipse dicit, Iohan. 14. Ego sum Via, Veritas & Vita, Nemo venit ad Patrem, nisi per me. Præter hanc igitur viam, Christum, simpliciter nullam invenies aliam viam ad Patrem, sed errorem, Non veritatem, sed hypocrisin & mendacium, Non vitam, sed æternam mortem. Quare diligenter memineris, in causa justificationis, ubi nobis omnibus res est cum Lege, peccato, morte, diabolo, & malis omnibus vincendis, nullum Deum cognoscendum esse, præter hunc incarnatum & humanum Deum.

Aliàs extra hunc locum Iustificationis, si quando disputandum est cum Iudæis, Turcis, hæreticis, de sapientia, potentia &c. Dei, utere tunc omni arte tua, & quantum potes sis subtilis & argutus disputator, tum enim es in alio argumento. In causa autem conscientiæ, iusticiæ vitæ, (quod significanter dico) contra Legem, peccatum, mortem & diabolum, Vel, in causa de satisfactione, de remissione peccatorum, de reconciliatione, de salute æterna, omninò abducas animum ab omnib. cogitationib. & speculationib. Majestatis, & simpliciter intueri in istum hominem, qui

*Conscientia lu-  
flans cum iudi-  
cio Dei, solius  
ducia Christo-  
regitur.*

lele nobis Mediatorem proponit, & dicit, Venite ad me omnes, qui laboratis &c. Hoc si feceris, videbis amorem, bonitatem, dulcedinem Dei, videbis sapientiam, potentiam ac maiestatem Dei dulcificatam, & tuo captui attemperatam, Omniaq; in isto jucundo spectro invenies, Iuxta illud Pauli ad Col. 2. Omnes thesauri sapien- *Colof. 2.* tiæ & scientiæ, sunt in Christo absconditi, Item, In ipso habitat omnis plenitudo divinitatis corporaliter. Hoc mundus ignorat, Ideò sine promissione de Christo inquit voluntatem Dei, suo maximo periculo. Nemo enim novit Patrem nisi Fi- *Matth. 11.* lius, & cui Filius voluerit revelare.

*Christianæ the-  
ologia incipit a  
Christo iacente  
in gremio vir-  
ginis marie  
&c.*

Atq; hoc est cur Paulus tam frequenter solet conjungere Iesum Christum cum Deo Patre, Ut scilicet nos doceat Christianam religionem, quæ incipit non à summo, ut omnes aliæ religiones, sed ab imo, lubet nos ascendere per scalam Iacob, cui Deus ipse innititur, cujus pedes tangunt ipsam terram, juxta caput Iacob. Quare cum voles cogitare & agere de salute tua, tum omissis speculationibus Maje- statis, omissis omnibus cogitationibus operum, traditionum, Philosophiæ & legis etiam diviniæ, accurras ad præsepe & gremium matris, & apprehendas istum Infan- tem & filiolum virginis, spectesq; eum nascentem, sugentem, crescentem, conver- santem inter homines, docentem, morientem, resurgentem, sublatum supra omnes cælos, potestatem habentem supra omnia. Hoc modo poteris excutere, ut nubes Sole dispelluntur, omnes pavores, omnes deniq; errores vitare. Et hoc spectaculum retinet te in via recta, ut quò ipse Christus abierit, tu sequaris. Paulus igitur opran- do gratiam & pacem, non à Patre solum, sed etiam à Iesu Christo, Primum hoc do- cet, ut abstineamus à speculatione divinitatis. Nemo enim Deum novit, sed ut Christum audiamus, qui est in sinu Patris, & revelat nobis ipsius voluntatem, Qui & in hoc constitutus est à Patre Doctor, ut omnes eum audiamus.

### CHRISTVS NATVRA DEVS.

*Christus Deus.*

*Fidei hostis dia-  
bolus.*

*Aequalis po-  
tentia Christi  
& Patri.*

**A**LTERUM, quod hic docet Paulus, est confirmatio fidei nostræ, Quod Chri- stus est verus Deus. Et huiusmodi sententiæ de divinitate Christi, diligenter colligendæ & observandæ sunt, Non solum contra Hæreticos, Arrianos & alios, qui fuerunt aut futuri sunt, sed etiam ad confirmandos nos ipsos. Quia Satan non omit- tet, quin omnes articulos fidei in nobis impugnet antequam moriamur, Infensissimus hostis est Fidei, quia eam novit esse victoriam, quæ vincit mundum. *Ideo oportet nos dare operam, ut Fides nostra certa sit, diligenti & assiduâ tractatione Verbi & invocatione crescat & confirmetur,* ut Satanæ resistere possimus. Quòd autem Christus verus Deus sit, hinc clare ostenditur, Quia Paulus eadem ei æqualiter tribuit, quæ Patri, vide- licet, potentiam divinam, quod donet Gratiam, remissionem peccatorum, pacem conscientiæ, vitam, victoriam peccati, mortis, diaboli, inferni. Hoc nullo modo li- ceret, imo sacrilegium esset, nisi Christus esset verus Deus, juxta illud, Gloriam meam alteri non do. Deinde, Nemo dat aliis, quod ipse non habet, Cum autem Christus donet gratiam, pacem, Spiritum sanctum, liberet à potestate Diaboli, à peccato & morte, Certum est, quod habeat infinitam & divinam potentiam, per omnia æqualem potentiam Patris.

*Quomodo Chri-  
stus donet gra-  
tiam & pacem.*

*Opera Christi  
in vita.*

*Eadem divini-  
tas Patri &  
Filii.*

Neq; Christus donat Gratiam & pacem, ut Apostoli prædicando Euange- lium ea afferunt, Sed ut autor & creator donat. Pater creat & dat vitam, gratiam, pacem &c. Hæc eadem creat & largitur Filius. Dare autem Gratiam, pacem, vitam æternam, remittere peccata, justificare, vivificare, liberare à morte & Diabolo, non sunt ullius creaturæ opera, sed unius & solius Maiestatis, Angeli ista nec creare nec donare possunt. Ideo opera ista solum pertinent ad gloriam summæ Maiestatis, cre- atricis omnium. Cum verò Paulus tribuat Christo eandem & æqualem cum Patre potentiam creandi & donandi ista omnia, Sequitur eum esse verè & naturâ Deum. Talia multa sunt Argumenta in Iohanne, ubi ex operibus, quæ æqualiter tribuun- tur Filio cum Patre, probatur & concluditur, quod eadem sit divinitas Patris & Fi- lii. Itaq; aliam rem aut donum aliud à Patre non habemus quàm à Filio, sed unum & idem

& idem a Patre & Filio proficitur. Alioqui Paulus <sup>ad Gal. 2. 20.</sup> per locum vallet, nempe sic, Gratia à Deo Patre, Et pax à Domino Iesu Christo, Sed utrumque connectens, tribuit æqualiter tam Patri quàm Filio.

Hoc ideo tam diligenter admonco, quia periculum est, ne in tot errorib. & tanta varietate & confusione sectarum succedant Hæretici, Ariani, Euanomiani, Macedoniani &c. Qui sua subtilitate noceant Ecclesiis. Fuerunt profecto Ariani aculi <sup>ad Gal. 2. 20.</sup> homines, Concesserunt Christum habere duplicem naturam, vocari Deum, de vero Deo, sed nuncupativè seu nominaliter. Christus est creatura (dixerunt) super Angelos nobilissima & perfectissima, per quam Deus postea creavit cælum, terram & omnia. Sic & Mahometes de Christo magnificè loquitur. Sed ista nihil sunt <sup>ad Gal. 2. 20.</sup> nisi speciosæ cogitationes, & verba humanæ rationi jucunda & plausibilia, quibus phanatici spiritus imponunt incautis hominibus. Sed Paulus aliter loquitur de Christo, Vos estis, inquit, radicati & constabiliti in ista cognitione, quod Christus non sit perfectissima creatura, sed verus Deus, Quia ea facit, quæ Deus. Habet <sup>ad Gal. 2. 20.</sup> opera divina, non creaturæ, sed Creatoris, quia dat gratiam & pacem. Ea autem dare, est peccatum damnare, mortem destruere, Diabolum conculcare. Ista nullus Angelus donare potest. Cum autem Christo hæc tribuantur, necesse est Eum esse naturam Deum.

*Qui dedit Semetipsum, pro peccatis nostris.*

**P A U L U S** fermè singulis verbis tractat Argumentum Epistolæ, Nihil aliud sonat, quàm Christum, Ideo in singulis verbis est ardor spiritus & vita. Attende autem, quam dilertè loquatur. Non dicit, Qui recepit à nobis opera nostra, Non, Qui accepit sacrificia legis Mosaicæ, cultus, religiones, missas, vota, peregrinationes &c. Sed tradidit. Quid? Non aurum, non argentum, non pecudes, non <sup>ad Gal. 2. 20.</sup> agnos paschales, non Angelum, Sed Semetipsum. Pro quo? Non pro corona, non pro Regno, non pro sanctitate aut iusticia nostra, Sed pro peccatis nostris. Ista verba sunt mera tonitrua cœlestia, contra omnes iusticias, Vt & ista sententia Ioh. 1. <sup>ad Gal. 2. 20.</sup> Ecce agnus Dei, qui tollit peccata mundi. Ideo singula verba sunt diligentissime consideranda, non frigide inspicienda & obiter percurrenda, Quia mirabiliter consolantur & confirmant pavidas mentes.

Quæstio est, Quomodo consequi possimus remissionem peccatorum, aliorum & nostrorum? Responder Paulus, Virum, qui dicitur Iesus Christus Dei Filius, tradidisse Semetipsum pro eis. Hæc magnifica & consolatoria verba sunt, & promissa veteris Legis, Quod peccata nostra nulla alia ratione tolluntur, nisi per traditum Filium Dei in mortem. Huiusmodi bombardis, bellicis machinis & artibus, destruendus est Papatus, & subvertendæ omnium gentium omnes religiones, omnes cultus, omnia opera & merita. Si enim peccata nostra possunt tolli per nostra opera, satisfactiones & merita, Quid opus erat pro ipsis tradi Filium Dei? Cum verò pro ipsis traditus sit, Ergo nos non abolebimus ea per opera nostra.

Deinde ostenditur hac sententia quoq; , peccata nostra tam magna, infinita, & invicta esse, ut impossibile sit toti mundo pro uno satisfacere. Et certe ipsa <sup>ad Gal. 2. 20.</sup> precii magnitudo, nempe Christus Filius Dei, qui seipsum tradidit propter peccata nostra, satis declarat, nos non posse satisfacere, neq; dominari peccato. Valde amplificatur vis & potentia peccati per ista verba, Qui dedit Semetipsum pro peccatis nostris. Inspicienda est igitur magnitudo & infinitas (ut ita dicam) precii pro eo impenso, Tum apparebit omninò tantam vim & potentiam esse peccati, ut nullus <sup>ad Gal. 2. 20.</sup> videri poterit, Sed quod oportuerit Filium Dei pro eo tradi. Qui hæc benè considerat, intelligit Peccati vocabulum, æternam Dei iram, & totum regnum inferni, complecti, & rem plus quàm dici potest esse horribilem, Id quod certè <sup>ad Gal. 2. 20.</sup> dicere de perterrefacere nos deberet. Verùm nos parum curamus, imo conterminamus peccatum, ut levem & nihili rem, Remorsu etiam conscientie veniente, tamen



tamen cogitatur peccatum non esse tam magnum, quin aliquo opusculo vel merito possimus illud abolere.

*Peccatum in-  
victus Tyran-  
nus, omnes ho-  
mines captivos  
tenens.*

*Judicium pio-  
rum.*

Testatur igitur ista sententia, Omnes homines captivos & servos esse peccati, & ut Paulus alibi dicit, venundatos sub peccatum. Item, Quod Peccatum sit crudelissimus & potentissimus Tyrannus super omnes homines in toto mundo, qui non possit vinci & expelli ullâ potentiâ omnium creaturarum, sive sint angelicæ sive humanæ, Sed solâ infinitâ & superiore potentiâ Iesu Christi Filii Dei, qui seipsum pro eo tradidit. Deinde ista sententia ingentem quoque consolationem proponit omnibus conscientis, magnitudine peccati perterrefactis. Ut maximè enim sit invictus tyrannus Peccatum, tamen quia Christus morte suâ vicit illud, non potest credentibus in eum nocere. Porro, si hâc Fide instructi adhæserimus toto corde isti homini Iesu Christo, tum aperitur nobis lux, & sano judicio informamur, ut certissimè & liberrimè de omnibus vitæ generibus judicare possimus. Nam cum audimus, Peccatum Tyrannum esse omnipotentem, & totum mundum illi obnoxium, statim inevitabili consequentia colligimus, Quid ergo faciunt Papistæ, monachi, moniales, sacerdotes, Mahometistæ, Anabaptistæ & omnes operarii, qui suis traditionibus, præparationibus, satisfactionibus &c. volunt eluere & vincere Peccatum? Ibi statim judicamus, istas Sectas omnes impias & perniciosas esse, quibus non solum obscuratur gloria Dei & Christi, sed penitus aufertur, & nostra illustratur & stabilitur.

*Semper inesse  
Pronomina  
Emphasin.*

*Infirmas fides  
in nobis.*

Perpende autem diligenter singula verba Pauli, & imprimis benè nota & urge hoc pronomen, N O S T R I S. Nam tota vis in hoc consistit, ut aliquis benè applicet Pronomina, quæ in sacris literis frequentissimè occurrunt, quibus etiam semper magna Emphasis & Epitasis inest. Facile dixeris & credideris, Christum Dei Filium traditum esse pro peccatis Petri, Pauli & aliorum Sanctorum, quos dignos fuisse judicamus hâc Gratiâ. Sed difficilimum est, ut Tu, qui indignum te judicas hâc Gratiâ, ex corde dicas & credas, Christum traditum pro tuis invictis, infinitis & ingentibus peccatis. Ideo in genere & sine Pronomine, facile est magnificis amplificationibus prædicare & extollere beneficium Christi, scilicet, Quod traditus sit quidem pro peccatis, sed aliorum qui digni fuerunt. Quando autem Pronomen, Nostri, addendum est, ibi resilit infirma natura & ratio, ibi non audet accedere ad Deum, nec polliceri sibi tantum thesaurum gratuito dandum. Ideo neque cum Deo vult agere, nisi prius sit pura & sine peccatis. Quare si etiam legit, audit, hanc sententiam: Qui dedit semetipsum pro peccatis nostris, aut similes, tamen Pronomen, Nostri, non applicat pro se, sed pro aliis, qui digni & sancti sunt. Ipsa verò tantisper expectare vult, donec digna reddatur suis operibus.

*Ratio extenuat  
peccatum.*

Hoc tunc nihil aliud est, nisi quod humana ratio libenter vellet, quod Peccati vis non esset major nec potentior, quàm ipsa somniat. Hinc Hypocritæ, ignari Christi, etiam si sentiant remorsum peccati, tamen cogitant se facile suis operibus & meritis illud abolituros. Et tacite sic optant, quod illa verba, Qui dedit semetipsum pro peccatis nostris, essent verba in humilitate dicta, & peccata non essent seria & vera, sed inania & ficta. In summa, ratio humana vellet libenter Deo offerre & adducere fictum & simulatum peccatorem, qui nihil esset conterritus, qui peccatum non sentiret, Sanum vellet adducere, non indigentem Medico, Et tunc quando non sentiret peccatum, vellet credere, quod Christus traditus esset pro peccatis nostris.

*Pictura justici-  
ariorum.*

S I C totus mundus affectus est, & præsertim qui in mundo esse volunt alii religiosiores & sanctiores, ut ipsi somniant, scilicet, monachi & omnes justiciarii. Hi ore quidem fatentur se peccatores esse, fatentur item se quotidie peccata committere, sed non tam ingentia & multa, quin suis operibus ea abolere possint. Imo ultra hoc volunt asserere justicias & merita sua, ad tribunal Christi, & pro illis postulare à Iudice retributionem vitæ æternæ. Interim tamen, ut sunt homines Fratres, ne penitus mundi sint, fingunt quædam peccata, ut pro illorum venia possint.

magna

magna devotione, cum ipso Publicano, orare, Deus propicius esto mihi peccatori. Illis hæc verba Pauli (pro peccatis nostris) sunt planè inania & nugacia. Ideò neq; ea intelligunt, neq; in tentatione, cum peccatum seriò sentiunt, consolationem ex eis accipere possunt, Sed ibi simpliciter desperare coguntur.

Est igitur hæc præcipua scientia ac vera sapientia Christiana, hæc verba Pauli pro seriis & verissimis habere, scilicet, Quod Christus in mortem traditus sit, non propter iusticiam aut sanctitatem nostram, sed propter Peccata nostra, Quæ vera, grandia, multa, imo infinita & invicta sunt. Itaque neingas ea esse parva, quæ tuis operibus aboleri possint. Neque desperes propter ipsorum magnitudinem, cum aliquando in vita vel in morte seriò ea senseris, sed discce hîc ex Paulo credere, Christum non pro fictis aut pictis, sed veris, Non pro parvis, sed maximis, Non pro uno atque altero, sed omnibus, Non pro devictis (Quia nullus homo, nullus etiam Angelus, vel minimum peccatum vincere potest) sed pro invictis peccatis traditum esse. Et nisi inveniaris in numero eorum, qui dicuntur, Nostris, hoc est, qui hanc fidei doctrinam habent, docent, audiunt, discunt, amant, & ei credunt, tum planè de salute tua actum est.

*Summa Christi-  
anorum sapien-  
tia.*

Da igitur operam sedulò, ut non solum extra tempus tentationis, sed & in periculo & pugna Mortis, cum conscientia perterrefcit recordatione præteritorum peccatorum, & Diabolus magno impetu te invadit, & mole, fluctibus ac diluvio peccatorum obruere vult, ut perterrefaciat, à Christo abstrahat, & ad desperationem te adigat, ut inquam, tum possis cum fiducia dicere, Christus Dei Filius traditus est, non pro iustis & sanctis, sed pro iniustis & peccatoribus. Si iustus essem & peccatum non haberem, non indigerem Propiciatore Christo. Cur ergo, ô perversum in modum, sancte Satan, vis me facere Sanctum, & à me exigere iusticias, cum nihil habeam præter peccata, & ea vera & gravissima, non ficta aut inania? Qualia sunt peccata contra primam tabulam, videlicet, summa infidelitas, dubitatio, desperatio, contemptus Dei, odium, ignorantia, blasphemia Dei, ingratitude, abusus nominis Dei, negligentia, fastidium, contemptus verbi Dei &c. Deinde etiam illa carnalia contra secundam, Qualia sunt, Non habere honorem parentibus, non obedire Magistratui, appetere alterius res, uxorem &c. (Quamquam ista levia sint respectu superiorum) Et esto sanè, quod homicidium, adulterium, furtum, & id genus alia peccata contra secundam tabulam facto non commiserim, commisi tamen corde. Quare sum transgressor omnium mandatorum Dei, tantaq; est peccatorum meorum multitudo, ut bubalum corium ea complecti non possit, Imo non est numerus eorum. Peccavi enim supra numerum arenæ maris. Ad hæc Diabolus tam callidus est artifex, ut etiam ex bonis operibus meis & iusticia mea possit facere maximum peccatum. Cum igitur peccata mea tam seria, vera, grandia, infinita, horribilia & insuperabilia sint, Et mea iusticia coram Deo mihi non profit, sed plus obsit, Ideò Christus Dei Filius pro ipsis in mortem traditus est, ut ea aboleret, & me & omnes, qui hoc credunt, salvos faceret.

*Peccata contra  
primam tabu-  
lam.*

*Contra secun-  
dam.*

*Satan iusticiam  
vertere in pec-  
catum solum.*

In hoc ergo ipsa vis Salutis æternæ sita est, ut hæc verba pro seriis ac veris habeantur. Non frustra hoc dico, Nam expertus sum sæpè, & quotidie adhuc experior, quàm difficile sit hoc credere, præsertim in certamine conscientia, Quod Christus traditus sit, non pro Sanctis, iustis, dignis, amicis, sed pro impiis, peccatorib. indignis & inimicis, qui meriti sunt iram Dei ac æternam mortem. Muniamus igitur cor nostrum his & similibus Scripturæ sententiis, ut Diabolo accusanti, Tu es peccator, ergo damnatus, respondere possimus, *Quia tu me peccatorem dicis, ideo volo esse iustus & salvus.* Imo damnaberis. Non, Confugio enim ad Christum, qui semetipsum tradidit pro peccatis meis. Nihil igitur efficies tu Satan, quod proponendo peccati magnitudinem, conaris me perterrefacere, & sic adducere in tristitiam, diffidentiam, desperationem, odium, contemptum & blasphemiam Dei. Imo per hoc, quod me peccatorem dicis, ministras mihi arma contra te, ut tuo proprio gladio te jugulare & conculcare possim, *Quia Christus*

*Quomodo re-  
spondendum sit  
Diabolo, dispu-  
tanti nobiscum.*

*propter*



*propter peccatores mortuus est.* Deinde tuiple mihi prädicas gloriam Dei. Nam com-  
monefacis me paternæ dilectionis Dei erga me miserum & perditum peccatorem,  
qui sic dilexit mundum, ut Filium suum daret &c. Item, quoties objicis, me esse *Isaia 53.*  
peccatorem, toties revocas mihi in memoriam beneficium Christi Redemptoris  
mei, in cujus humeris, non meis, jacent omnia peccata mea. Nam Dominus posuit  
super Eum iniquitatem omnium nostrum. Item, Propter scelus populi sui percussit  
Eum, *Esaia 53.* Quare cum objicis me Peccatorem esse, non terres, sed supra mo-  
dum consolaris me.

*Definitio Christi  
si vera.*

Qui hanc artem probè sciret, facilè eluderet omnes astutias Diaboli, qui  
recordatione peccati ad desperationem adigit & enecat hominem, nisi hac arte &  
sapientia divina ei occurrat & resistat, qua sola Peccatum, mors, diabolus vincun-  
tur. Qui verò peccati memoriam non ejicit, sed retinet & excruciat se suis co-  
gitationibus, videlicet, Quomodo suis viribus velit sibi consulere, aut tantisper ex-  
pectare, donec conscientia pacata reddatur, ille incidit in laqueos Satanæ, seipsum  
miserè affligit, ac tandem mora & assiduitate tentationis vincitur. Diabolus enim  
non cessat accusare conscientiam. Contra hanc tentationem utendum est his ver-  
bis Pauli, quibus disertè ac propriè definit Christum, hoc modo, Christus est Filius  
Dei, ac virginis, traditus & mortuus pro Peccatis nostris. Hic si Diabolus attulerit  
aliam definitionem Christi, dicas, Definitio & definitum sunt falsa, ideo hanc defi-  
nitionem non recipio. Non frustra hoc dico, Scio, cur tam diligenter urgeam, ut  
Christum propriè ex verbis Pauli discamus definire. Est enim revera Christus non  
exactor, sed Propiciator peccati totius Mundi. Quare si peccator es, ut certè omnes  
semper sumus, ne statuas Christum in Irade judicem, alioqui pavefies & desperabis,  
Sed apprehende veram ejus definitionem, eam videlicet, Quod Christus Dei &  
virginis Filius, persona sit, quæ non terret, non affligit, non condemnat nos Pecca-  
tores, non exigit rationem à nobis malè transactæ vitæ, sed quæ seipsam tradidit  
pro peccatis nostris, Atque unica oblatione abolevit peccata totius Mundi, cruci-  
fixit & in semetipso ea extinxit.

*Quisq; distat  
Pronomen, No-  
stris, applicat  
sibi.*

Hanc definitionem diligenter discite, & præcipuè hoc Pronomen, **NOSTRIS**,  
ita exerce, ut hæ duæ syllabæ (Nostris) creditæ, tuum quoque Peccatum totum  
hauriant & absorbeant, hoc est, ut certissimè noris, Christum non solum quorun-  
dam hominum, sed etiam tua, & totius mundi Peccata abstulisse. Etiam si omnes  
homines non hoc credant, tamen traditio facta est pro Peccatis totius Mundi. Sint  
ergo peccata tua, non solum peccata, sed verè tua, hoc est, ut credas Christum non  
tantum pro aliorum peccatis traditum, sed & pro tuis. Hoc mordicus tene, neque  
ullo modo ab hac dulcissima definitione Christi, quæ angelis etiam in coelo jucun-  
da est, patiaris te avelli. Nempe quod Christus secundum suam propriam defini-  
tionem, non sit Moses, non exactor, non carnifex, Sed Propiciator peccatorum,  
donator gratiæ, justitiæ, vitæ, qui Seipsum dedit, non pro meritis, sanctimonia, justi-  
cia, sancta vita nostra, sed pro peccatis nostris. Interpretatur quidem legem Chri-  
stus, sed hoc non est proprium & principale ipsius officium.

*Christi pictura.*

Hæc quod ad verba attinet, scimus & loquimur, sed in agone, ubi Diabolus  
obscurare Christum, & ex corde verbum Gratia eripere solet, experimur nos ista  
nondum rectè scire. Qui tum Christum propriè definire posset, & eum magnifa-  
cere, ac inspicere ut dulcissimum Salvatorem ac Pontificem, non ut severum Iudi-  
cem, is vicisset omnia mala, & jam esset in regno coelorum. Sed hoc posse in agone  
præstare, est omnium difficilimum. Ista expertus loquor, Novi siquidem astutias  
Diaboli, quod non solum Legem tunc soleat inflare, ut nos terreat, Item, quod ex  
festuca multas & magnas trabes, hoc est, ex non Peccato, infernum faciat (Est enim  
mirabilis artifex aggravandi peccatum & inflandi conscientiam, etiam in benefa-  
ctis) Sed quod soleat etiam terrere nos, per ipsam personam Mediatoris, in quam  
transformat se, Et citato aliquo scripturæ loco, vel Christi dicto, subito percellens  
cor sic sese nobis ostendit, ac si esset verus Christus, sinitq; nos in hoc spectro hæ-  
rere,

*Diabolus va-  
rijs insidijs con-  
tat nostram fi-  
dem.*

Luc. 13.

rere, quod conscientia juraret eum esse Christum, cujus hæc sententia seu dictum sit. Insuper ea est calumniatoris astutia, quod tantum partem Christi, non totum Christum proponat, scilicet, Eum esse Dei Filium, natum hominem ex virgine. Deinde subito assuit aliquid alienum, hoc est, opponit dictum aliquod Christi, quo ipse peccatores terret. Quale illud est Luc. 13. Nisi poenitentiam egeritis, omnes similiter peribitis. Sic veram Christi definitionem inficiens veneno & vitians, hoc efficit, ut etiam si credamus Christum mediatorem esse, tamen re vera conscientia afflicta sentiat & judicet eum tyrannum & judicem. Hoc modo decepti à Satana, facile amittimus dulcissimam imaginem Pontificis & Salvatoris Christi, qua amissa, exhorrescimus eum non minus quàm ipsum Diabolum.

Quia insidias  
Satan non in-  
struat.

Atque ea est causa, cur tam vehementer urgeam, ut benè & propriè Christum definire discatis, ex his verbis Pauli, Qui dedit seipsum pro peccatis nostris. Si seipsum pro peccatis nostris in mortem dedit, tum profectò non est Tyrannus aut judex, qui condemnabit nos propter peccata, non est afflictorum contristator, Sed lapsum erectior, contritorum propiciator & consolator. Alioqui mentiretur Paulus cum dicit, Qui seipsum tradidit pro peccatis nostris. Si sic Christum definio, rectè definio & verum Christum apprehendo & habeo. Item, omitto speculationes Majestatis divinæ, & hæreo in Christi humanitate. Atq; ita verè disco agnoscere voluntatem Dei, Ibi tum nullus terror est, sed mera suavitas, læticia &c. Simulq; aperitur lux, quæ ostendit cognitionem Dei, mei ipsius, omnium creaturarum, & omnis iniquitatis regni Diaboli &c. Nihil novi docemus, sed vetera, & quæ ante nos Apostoli & omnes pii Doctores docuerunt, inculcamus & stabilimus. Et utinam benè possemus inculcare & stabilire, ut non solum in ore, sed in profundo corde ea benè meditata haberemus, & præcipuè in agone mortis uti possemus.

Bene urgenda  
iusta sententia,  
Qui seipsum  
tradidit, &c.

*Vt eriperet nos de præsentī seculo nequam.*

Johann. 5.

Et istis verbis Paulus verè tractat Argumentum hujus Epistolæ, vocat hunc totum Mundum, qui fuit, est, & erit, præsens seculum, ad differentiam futuri & æterni seculi. Deinde nequam vocat, quia quicquid est in hoc seculo, est malitiæ Diaboli; in toto mundo regnantis, subjectum, Hinc mundus Diaboli regnum est. Nam in eo nihil aliud est, quàm ignorantia, contemptus, blasphemia, odium Dei, Item, inobedientia omnium verborum & operum Dei, In & sub hoc regno nos sumus. Hic iterum vides, quod nemo possit per sua opera aut vires abolere peccata. Quia mundus præsens nequam est, & ut Iohannes ait, in maligno positus. Quotquot igitur in mundo sunt, membra captiva Diaboli sunt, quæ illi servire, & omnia facere coguntur pro sua voluntate. Quid igitur profuit instituere tot ordines pro abolendis peccatis? tot grandia & molestissima opera excogitare, scilicet gestare cilicia, flagris cadere corpus usque ad effusionem sanguinis, in armis peregrinari ad S. Iacobum &c. Esto sanè quod ista faciat, nihilominus manet hæc definitio, Tu es in seculo præsentī & nequam, non in Christi regno, Si in Christi regno non es, certum est quod ad Diaboli regnum, qui est nequam mundus, pertineas. Ergo omnia dona, quæ habes, spiritualia & corporalia, Qualia sunt, sapientia, justitia, sanctitas, eloquentia, potentia, pulchritudo, divitiæ, instrumentum & arma, servilia sunt ipsius tyrannidis infernalis, hisq; omnibus cogeris servire Diabolo, regnumq; ejus promovere & augere.

Cur Paulus vo-  
cet hoc seculum  
præsens & ne-  
quam.

Peccata non  
tollit operibus  
&c.

Impios servit  
Diabolo, cum  
omnibus donis  
suis.

Primum tuâ sapientiâ obscuras sapientiam & cognitionem Christi, & homines seducis impia doctrina, quò minus ad gratiam & cognitionem Christi venire possint. Tuam justiciam & sanctitatem laudas & prædicas, Christi verò, qua sola justificamur & vivificamur, ut impiam & diabolicam extremè detestaris & condemnas. Deniq; tua potentia destruis regnum Christi, abuteris ea pro extirpando Evangelio, pro persequendis & occidendis Christi ministris, & quotquot illos audiunt &c. Quare ista tua sapientia, si extra Christum es, duplex est insipientia, tua justicia, duplex peccatum & impietas est, quia ignorat sapientiam & justiciam Christi.

Ignari Christi  
quo magis sa-  
pientes & iusti

Christi. Deinde etiam obscurat, impedit, blasphematur & persequitur ea. Ideo Paulus rectè vocat mundum nequam, *Quia tunc est pessimus, cum est optimus.* In religionis, sapientibus & doctis &c. mundus est optimus, re verà tamen dupliciter malus. Præterea jam crassa illa vitia, contra secundam tabulam, ut sunt inobedientia parentum, magistratum &c. adulteria, scortationes, avaritia, furta, cædes, invidia, virulentia, quibus mundus p̄orsus submersus est, Quæ levia tamen sunt, si conferas cum sapientia, justitia &c. impiorum, quibus pugnant contra primam tabulam. Candidus Diabolus, qui impellit homines ad spiritualia peccata, quæ sese venditant pro justitia, longè nocentior est nigro, qui tantum ad carnalia impellit, quæ etiam mundus agnoscit esse peccata.

His ergo verbis, Ut eriperet &c. Paulus ostendit argumentum hujus Epistolæ, Quod scilicet opus sit gratia & Christo, quodque nulla Creatura, neque humana neque angelica, possit hominem eripere ex hoc seculo nequam. Sunt enim mera opera divinæ Majestatis, non humanæ aut angelicæ potestatis, quod Christus abolevit peccatum, & eripuit nos ex Diaboli tyrannide & regno, hoc est, ex nequam mundo, qui obediens servus, & imitator spontaneus est sui Dei, Diaboli. Quicquid homicida ille & mendacii pater facit & loquitur, hoc egregie imitatur & præstat obsequentissimus filius ejus Mundus. Ideo plenus est ignorantia Dei, odio, mendacio, erroribus, blasphemia, contemptu Dei. Deinde crassis peccatis, cædibus, adulteriis, fornicationibus, furtis, rapinis &c. quia sequitur patrem suum Diabolum, qui est mendax & homicida. Et quo homines sunt sapientiores, justiores & sanctiores extra Christum, hoc plus nocent Evangelio. Sic nos quoque religiosi ante locum Evangelii, dupliciter nequam & impii fuimus in Papatu, sub titulo tamen pietatis & sanctitatis. Sinito autem & hæc verba Pauli seria & vera esse, non fucata aut ficta, scilicet, Quod præsens seculum nequam sit. Nihil te moveat, quod multæ eximie virtutes sint in plerisque hominibus, quod tanta in speciem sanctitas sit in Hypocritis &c. Sed attende potiùs quid Paulus dicat, ex cujus verbis hanc sententiam contra mundum liberrimè ac certissimè proferat. Quod mundus, cum omni sapientia, justitia & potentia sua, sit regnum Diaboli, ex quo solus Deus per Filium suum unigenitum nos eripere possit.

Laudemus igitur Deum Patrem & gratias illi agamus, pro hac immensa sua misericordia; quod nos ex Diaboli regno, in quo captivi tenebamur, per Filium suum, cum impossibile erat nostris viribus hoc fieri, liberaverit. Simulq; cum Paulo confiteamur omnia opera & justicias nostras, cum quibus omnibus Diabolo ne pilum quidem curvare potuimus, esse damnum & stercus. Conculcemus item & conspuamus omnem vim liberi arbitrii, omnem sapientiam & justiciam Pharisæicam, omnes ordines, Missas, religiones, cultus, vota, abstinentias, cilicia &c. tanquam foedissimum menstruatae pannum, & pestilentissimum Diaboli venenum. Contra illustremus & magnificemus gloriam Christi, qui non ex simplici, sed ex nequam mundo, nos sua morte eripuit. Hoc igitur epitheto, Nequam, indicat Paulus, Regnum Mundi seu Diaboli, esse regnum iniquitatis, Ignorantiae, erroris, peccati, mortis, blasphemiae, desperationis & perditionis aeternae. Contrà, per antithesin regnum Christi, esse regnum aequitatis, lucis, Gratiae, remissionis peccatorum, pacis, consolationis, salutis & vitae aeternae, In quod translati sumus per Dominum nostrum Iesum Christum, cui sit gloria in secula, Amen.

*Secundum voluntatem Dei & Patris nostri.*

PAULUS singula verba sic ordinat & instruit, ut pugnent contra Pseudoapostolos, pro articulo justificationis. Christus inquit, eripuit nos ex hoc pessimo regno Diaboli & mundi, Hocq; fecit volente, favente, jubente Patre. Ergo non sumus erepti volentibus, currentibus nobis, non nostro consilio aut voluntate, sed misereunte & favente Deo. Quemadmodum & alibi scriptum est. In hoc apparuit charitas Dei erga nos, non quod nos dilexerimus Deum, sed ipse dilexit nos, & misit Filium suum



suum unigenitum propiciatorem pro peccatis nostris. Quod ergo erepti sumus ex nequam mundo, mera gratia est, non nostrum meritum. Ita exuberat Paulus & ardet in amplificanda Gratia, ut singula verba acuat & dirigat in Pseudoapostolos.

Est & alia causa, cur Paulus hinc mentionem faciat de voluntate Patris, quæ etiam passim in Evangelio Iohannis indicatur, ubi Christus suum officium commendans, revocat nos ad voluntatem Patris, Vt in suis verbis & operibus non tam se quàm Patrem aspiciamus. Christus enim venit in mundum & humanam naturam assumpsit, ut hostia fieret pro peccatis totius Mundi, atque ita Patri nos reconciliaret, ac solus ipse manifestaret nobis, hoc factum esse bona voluntate Patris, ut sic defixis oculis in Christum, rectà traheremur & raperemur ad Patrem. Nam ut suprà monui, non est cogitandum, speculatione Majestatis posse quicquam salutare sciri de Deo, nisi apprehenso Christo, qui voluntate Patris seipsum tradidit in mortem propter peccata nostra. Vbi hanc esse voluntatem Dei agnoveris per Christum, cessat universa facies ire, cessat pavor, tremor &c. nec apparet alius Deus, nisi misericors, qui definito consilio voluit mori Filium suum pro nobis, ut per ipsum viveremus. Ea cognitio exhilarat cor, ut certò statuatur, Deum non irasci, sed ita diligere nos miseros peccatores, ut daret unigenitum Filium pro nobis. Non frustra igitur inculcat Paulus, Christum traditum esse pro peccatis nostris, voluntate Patris. Contra speculationes de Majestate, de horrendis judiciis Dei, Quomodo scilicet perdiderit totum mundum diluvio, quomodo deleverit Sodoma &c. periculosæ sunt, & ad extremum præcipitant homines, & in desperationem ac in interitum demergunt, ut suprà indicavi.

*Ingeni consolationis est, nosse Christum voluntate Patris pro nobis traditum.*

### *Dei & Patris nostri.*

**NOSTRI**, ad utrumq; referendum est, Vt sit sententia, Dei nostri & Patris nostri. Idem est ergo Pater Christi & noster. Sic & Iohan. 21. Christus inquit ad Mariam Magdalenam, *Vade, dic fratribus meis, Ascendo ad Patrem meum, & Patrem vestrum, Deum meum & Deum vestrum.* Est igitur Deus Pater noster & Deus noster, sed per Christum. Eaq; Apostolica & verè Paulina phrasis est, qui verbis quidem minimè speciosis, sed valde tamen propriis & ardentibus loquitur.

*Communem cum Christo habere nos Patrem.*

### *Cui sit gloria in secula seculorum, Amen.*

**IN** more habent Ebræi, quod scriptis suis interspergant gratitudines & eucharistias, Hunc morem Apostoli, & ipsi Ebræi, etiam observant. Id quod frequenter cernere est in Paulo. Nomen enim Domini summo honore afficiendum est, & nunquam sine laude, & gratitudine nominandum, Et iste mos est reverentia & cultus quidam. Sic in Politia quando Regum aut Principum nomina appellamus, id honesto quodam gestu, reverentia & genu flexione facere solemus. Multò magis cum de Deo loquimur, genu cordis flectere, & nomen Dei cum gratitudine & summa reverentia nominare debemus.

### *Miror.*

**VIDES** ibi artificium & ingenium Pauli, quomodo tractet suos lapsos Galatas, qui seducti erant per Pseudoapostolos. Non invadit eos vehementibus & atrocibus verbis, sed verè paternis, lapsum ipsorum non modò patienter ferens, sed etiam fermè excusans. Deinde quoq; eos materno affectu fovet, & blandissimè alloquitur, Sic tamen, ut simul etiam arguat, sed valde electis & prudenter attemperatis verbis ad hanc rem. Econtra vehementer ardet & indignatione plenus est contra Pseudoapostolos seductores illorum, in quos totam culpam rejicit. Ideoq; statim in principio Epistolæ, meris tonitruis & fulminibus contra eos intonat. Si quis, inquit, vobis evangelizaverit, &c. Anathema sit. Et infra Cap. 5. minatur eis iudicium. Qui vos conturbat, portabit iudicium suum, quicumque tandem sit. Insuper valde atrocibus verbis maledicit eis: Vtinam abscindantur, qui vos conturbant. Ista profectò horribilia fulmina sunt contra justiciam carnis seu legis.

*Apostolus lapsos Galatas patienter fovet, Contra, in percontabatur ipsorum se verè imbebat.*



*Apostolus  
blanditur lapsis,  
ne sua lenitate  
eos revocet.*

Potuisset & ipsos Galatas paulo incivilius tractare, & durius in illos invehi, ad hunc modum, Proh turpem defectionem, Pudet me vestri, Doleo vestram ingratitude, irascor. Aut tragicè exclamare, O secula, ô mores &c. Sed quia lapsos studet erigere & ex errore paterna cura revocare ad puritatem Evangelii, o-mittit illa duriora, præsertim in ipso exordio, & blandissimis ac mollissimis verbis eos alloquitur. Non enim conveniebat, cum sanaturus esset saucios, ut adhibito parum commodo medicamine, vulnus recens inflic-tum, plus exulceraret, & sic saucios magis offenderet, quàm sanaret. Ideò nullum potuit aptius vocabulum ex mollibus eligere, quàm, miror, quo significat, & dolere sibi, & displicere tamen, quod defecissent à se.

*Exemplum  
Pauli imitan-  
dum.*

Atque hîc Paulus memor est sui Præcepti, infra Cap. 6. ubi inquit, Fratres, Si præoccupatus fuerit homin aliquo delicto, vos qui spirituales estis &c. Hoc exemplum & nos imitari debemus, ut erga miseros & seductos discipulos, sic affecti simus, ut parentes erga liberos, Vt intelligant zelum nostrum paternum & affectum maternum erga se, videantq; nos quærere non ipsorum perniciem, sed salutem. Contra Diabolum autem & ejus ministros, seductionis & sectarum autores debemus exemplo Apostoli impatientes, superbi, acerbi & implacabiles esse, & eorum imposturas & deceptiones atrocissimè traducere, detestari & damnare. Sic parentes laeso puero morfu canino, solum canem insectari solent, Puero verò lachry-manti blandiuntur, & suavissimis verbis consolantur. Est itaque spiritus in Paulo mirus artifex tractandi conscientias lapsas & afflictas, Contra, Papa, quia maligno spiritu agitur, tyrannicè perrumpit, mera fulmina ac Anathemata contra miseros & conterritos tonat. Id quod cernere est in Bullis ejus, præcipuè in illa Coenæ. Nec melius Episcopi officium suum faciunt, non docent Evangelium, non solliciti sunt pro salute animarum, sed tantum dominium quærunt. Ideò sic loquuntur & faciunt, ut illud stabiliant & illæsum conservent. Similiter affecti sunt omnes Do-ctores inanis gloriæ cupidi &c.

*Quod tam citò.*

*Pariter esse la-  
psum in fidem.*

VIDES ipsum Paulum conqueri facilimum esse lapsum in Fide. Hinc alibi admonet Christianos, Qui stat videat ne cadat. Et nos quotidie experimur, quàm ægrè concipiat animus firmam Fidem ac retineat, Item, quanta difficultate paretur Domino plebs perfecta. Decem annis laboratur, antequam Ecclesiola rectè & piè instituta paratur, Et ubi parata est, irrepi-t aliquis fanaticus & quidem idiota, qui nihil novit, quàm contumeliosè loqui contra synceros Verbi Doctores, Is in uno momento evertit omnia. Quem non vehementer moveat ista indignitas? Nos Dei gratia, paravimus hic VVittembergæ formam Christianæ Ecclesiæ, Verbum purè apud nos docetur, Sacramenta in vero usu sunt, exhortationes fiunt, fiunt item preces pro omnibus statibus, Summa, omnia prosperè succedunt. Hunc Evangelii felicissimum cursum citò impediret aliquis fanaticus homo, ac uno momento everteret, quod nos multis annis magno labore ædificavimus. Sic Paulo, electo organo Christi, accidit. Paraverat Ecclesias Galatiæ magnis curis & laboribus, has post discessum suum, Pseudoapostoli brevi tempore subverterunt. Id testatur hæc præsens ejus Epistola & aliæ &c. Tanta est infirmitas & miseria hujus vitæ, adeò in mediis laqueis Satanæ incedimus, ut tam brevi tempore unus fanaticus hæc destruat & funditus evertat, quæ multi veri ministri aliquot annis, noctu & die laborantes, ædificârunt. Hoc experientia ipsa hodie discimus magno animi dolore, nec tamen huic malo mederi possumus.

*Quid à pñs  
Doctores  
longo tempore  
parant, ab un  
impio citò de-  
struunt.*

*Pictura spiri-  
tuum fanatico-  
rum.*

Cum ergo tam mollis & tenera res sit Ecclesia, & tam facile subvertatur, vi-gilandum est alacriter contra phanaticos illos spiritus, qui ubi aliquot sermones au-dierunt, vel aliquot paginas legerunt in sacris literis, mox se Magistros creant o-mnium discipulorum & docentium cōtra omnium auctoritatem. Tales hodie invenias plures

plures etiam inter artifices, homines audaculos, qui nullis tentationibus probati, nunquam didicerunt timere Deum, nunquam habuerunt aliquem gustum Gratiae. Hi, quia sine spiritu sunt, docent quae sibi placent, & quae vulgo plausibilia sunt. Ibi tum vulgus imperitum anhelans audire nova statim sese eis adjungit. Quin & multi, qui se probe tenere putant doctrinam fidei, quiq; tentationibus aliquo modo explorati sunt, ab illis seducuntur.

Cum igitur Paulus hic propria experientia nos doceat, facile ac citò subverti Ecclesias maximo labore paratas, *Vigilandum est nobis summa cura contra Diabolum obambulantem, ne dormientibus nobis veniat ipse, & seminet Zizania inter triticum.* Periculum à Satana imminet Christiano gregi, si etiam Pastores maximè vigilent & seduli sint. Quia Paulus, ut dixi, summo studio ac fide plantaverat in Galatia Ecclesias, & vix pedem (ut ajunt) porta extulerat, tamen mox Pseudoapostoli quosdam subverterunt, quorum casus postea tam ingentes ruinas in Galatarum Ecclesiis traxit. Hoc subitum & tantum damnum, ne dubita, morte fuit acerbius huic Apostolo. Vigilemus igitur sedulò, Primum unusquisq; pro se, Deinde Doctores non solum pro se, sed pro tota Ecclesia, ne intremus in tentationem.

*Dormientibus  
Doctoribus,  
Ecclesia sub-  
vertuntur.*

### *Transferimini.*

ITERUM non duro, sed molli verbo utitur, Non dicit, Miror, quod tam citò deficitis, quod tam inobedientes, leves, inconstantes, ingrati estis, Sed quod tam citò transferimini, q. d. Vos estis merè passivi, non intulistis damnum, sed damnum passi estis. Vt ergo lapsos revocet, potius transferentes quàm translatos accusat. Verecundè tamen simul eos arguit, cum conqueritur translatos esse, q. d. Tametsi vos paternè complectar, sciamq; vos non vestra, sed Pseudoapostolorum culpa lapsos esse, tamen & vos optarim paulò plus roboris fecisse in sana doctrina. Non satis apprehendistis verbum, non satis alte egistis radices, Ideò ad levem etiam auram & ventum tam citò transferimini. Hieronymus putat voluisse Paulum interpretari Galatas, allusione ad vocem Ebraicam (Galah translatus est) q. d. vos estis nomine & re veri Galatae, id est, translati.

*Transferimini.*

Quidam putant nos Germanos oriundos esse ex Galatis. Neq; vana est forsane ea divinatio, Non enim valde dissimili ingenio sumus Germani. Et cogor etiam in nostris aliquid requirere gravitatis & constantiae. In omnibus enim rebus sub initia prima valde calemus, At ubi deflagravit ille ardor primorum affectuum, mox sumus remissiores, & eadè temeritate, qua res incipimus, eas rursus abjicimus & posthabemus. Primum cum post tenebras tantas humanarum traditionum exoriretur lux Evangelii, multi studebant pietati, avidè audiebant conciones, honorem habebant Verbi ministris. Nunc cum tam magno incremento verbi non infeliciter sit repurgata doctrina pietatis, pleriq; ex discipulis fiunt contemptores & inimici, qui non solum Verbi studium abjiciunt, & ministros ejus negligunt, sed etiam omnes bonas literas & liberales artes oderunt, fiuntq; planè porci & ventres, Digni certè qui à nostris Galatis conferantur.

*Germanos ori-  
undos esse ex  
Galatis.*

*Germanorum  
natura.*

### *Ab eo, qui vocavit vos in gratia Christi.*

HIC locus nonnihil ambiguitatis habet, Duplex est igitur ejus constructio, Prior, Ab eo Christo, qui vocavit vos in gratia, Posterior, Ab eo scilicet Deo, qui vocavit vos in gratia Christi. Ego priorem amplector, Placet enim ut quemadmodum Paulus Christum paulò antè fecit Redemptorem, qui sua morte liberat nos ex hoc nequam Mundo, item datorem gratiae & pacis, aequaliter, cum Deo Patre, Ita hic quoq; faciat Vocatorem in gratia. Nam Paulus hoc praecipuè agit, ut Christi beneficium nobis inculcet, per quem venimus ad Patrem. Est & in his verbis, A Christo, qui vocavit vos in gratia, emphasis & antithesis, q. d. Ah quàm facile rapi & transferri vos finitis à Christo, qui vocavit vos, non ad Legem, opera, peccatum, iram, damnationem, ut Moses, Sed ad meram Gratiam.

*Duplex senten-  
tia hujus loci.*

*Christus vocat  
ad gratiam.*

Sic & nos hodie cum Paulo conquerimur, valde horribilem esse cæcitatem & perversitatem hominum, quod nemo vult suscipere doctrinam Gratiae & salutis.

Aut si qui eam suscipiunt, tamen iterum ab ea cito deficiunt. Cum tamen afferat omnia bona, spiritualia & corporalia, nempe remissionem peccatorum, veram justiciam, pacem cordis & vitam æternam. Deinde affert lucem & iudicium certum de omnibus doctrinis & vitæ generibus, approbat & confirmat Politiam, Oeconomiam, & omnia vitæ genera, quæ divinitus instituta & ordinata sunt. Extirpat doctrinas erroris, seditionis, confusionis &c. eximit terrorem peccati & mortis, in summa, omnes insidias & opera Diaboli detegit, & Dei beneficia ac amorem erga nos in Christo aperit. Quis (malum) hic furor est? quod mundus hoc verbum, hoc Evangelium æternæ consolationis, gratiæ, salutis & vitæ æternæ tam acerbè odit, tam Satanica rabie blasphematur & persequitur.

*Mundus odit lucem & tenebras diligit.*

*Quam mercedem rependat mundus Christo pro suis beneficiis &c.*

Paulus suprà præfens sæculum appellat nequam, hoc est, regnum Diaboli, Alioqui agnosceret beneficium & misericordiam Dei, Sed quia sub potestate Diaboli est, ideò securè & hostiliter contemnit & persequitur ista, plus diligens tenebras, errores & Diaboli regnum, quam lucem, veritatem & regnum Christi. Neque hoc ex ignorantia & errore, sed ex Satanæ malitia facit. Quod hinc satis apparet, Quia Christus Dei Filius per hoc, quod Seipsum tradidit in mortem pro peccatis omnium, nihil aliud meretur apud perversum & perditum Mundum, quàm quod pro inæstimabili isto beneficio eum blasphemet, verbum ejus salutiferum persequatur, & libenter eum adhuc cruci adfigeret, si modò posset. Ideò Mundus non solum in tenebris agit, sed etiam est ipsa tenebra, ut Iohan. 1. scriptum est.

*Iohan. 1.*

*Moses aliam, Christus ad gratiam vocat.*

Exaggerat enim Paulus ista verba, A Christo, qui vocavit &c. Et occultè eorum antithesin urget, q. d. Mea prædicatio non fuit de duris legibus Moysi, neque docui vos debere servos esse sub iugo, sed meram Gratiam & libertatem à Lege, peccato &c. vobis prædicavi, nempe, Quod Christus misericorditer vos in gratia vocaverit, ut essetis liberi sub Christo, non servi sub Mose, cujus nunc discipuli iterum facti estis, autoribus vestris Pseudoapostolis, qui per legem Moysi non ad gratiam vocant, sed ad iram, odium Dei, Peccatum & mortem. Christi autem vocatio gratiosa & salutifera est, Vocati enim per eum, pro tristi Lege acquirunt lætum Evangelium, transferuntur de ira in gratiam, de peccato in justiciam, de morte in Vitam. Et vos à tali vivo fonte scaturientis & exundantis Gratiae ac vitæ, rursus alio vos rapi, & quidem tam cito, ac facilè patimini? Si autem Moses lege Dei vocat ad iram Dei & peccatum, quo vocabit Papa suis traditionibus? Altera sententia, quod Pater vocat in gratia Christi, est etiam bona, Sed prior de Christo est suavior, & accommodatior pro consolandis afflictis conscientis.

### In aliud Evangelium.

*Diabolus mirus artifex extendendi peccatum.*

*Satanas transformat se in angelum lucis.*

*Evangel. Pauli damnatum à Pseudoapostolis.*

Hic artificia callidissima & dolus Diaboli discamus cernere. Nullus hæreticus venit sub titulo erroris & Satanæ, Nec Diabolus ipse venit ut Diabolus, præsertim candidus ille, Imò ater etiam Diabolus, ad manifesta flagitia impellens, operculum facit homini, ut peccatum quod commissurus est, vel committit, extenuet. Homicida non videt in furore tam grande & horrendum peccatum esse homicidium, ut revera est, quia habet operculum. Adulteri, fures, avari, ebriosi &c. habent suas blanditias & opercula. Ita Satan etiam ater in omnibus operibus & consiliis suis, prodit personatus & fucatus. At in spiritualibus, ubi non ater, sed candidus angelica & divina specie prodit Satan, Ibi callidissima dissimulatione, ibi miris artificiis fallendi vincit seipsum, suumq; nocentissimum venenum venditare solet pro doctrina gratiæ, pro verbo Dei, pro Evangelio Christi. Hinc Paulus doctrinam Pseudoapostolorum Satanæ ministrorum, vocat etiam Evangelium, In aliud, inquiens, Evangelium &c. sed per ironiam, q. d. Vos Galatæ alios jam habetis Evangelistas, habetis aliud Evangelium, Meum apud vos nunc despectum est, nihil amplius valet.

Ex his facilè intelligi potest, quod Pseudoapostoli damnaverint Evangelium Pauli apud Galatas, dicentes, Paulus quidem benè coepit, sed non satis est benè



*Act. 15.* bene coepisse, adhuc enim sublimiora restant. Sicut Act. Cap. 15. ajunt, Non satis est credere in Christum, non satis est baptisatum esse, sed oportet vos etiam circumcidi. Nisi enim circumcidamini secundum morem Moysi, non poteritis salvari. Hoc tantum est dicere, Christus bonus artifex est, qui ædificium quidem incipit, sed non absolvit, hoc enim Moisen oportet facere. Sic hodie phanatici spiritus, Anabaptistæ & alii, quando nos manifestè damnare non possunt, dicunt, Lutherani habent spiritum timoris, non audent liberè fateri veritatem & perrumpere. Ipsi quidem jecerunt fundamentum, hoc est, fidem in Christum benè docuerunt, sed principium, medium & finis conjungenda sunt, Hoc ut efficiant, non est illis à Deo datum, sed nobis. Sic perversi & Satanici homines glorificant suas impias prædicationes, & vocant verbum Dei, & sic per nomen Dei multis imponunt. Non enim vult Diabolus deformis & ater esse in suis ministris, sed mundus & candidus. Et ut talis appareat, proponit & ornat omnia verba & opera sua prætextu veritatis & nomine Dei. Hinc ortum est apud Germanos illud tritum Proverbium, *In Gottes Namen hebt sich alles Engluch an.*

*Natura hereticorum depicta.*

*Germanicum adagium.*

*Diabolus plus nocet à dextris quam à sinistris.*

Quare discamus hoc esse proprium artificium Diaboli, Quod si non potest nocere persequendo & destruendo, facit hoc corrigendo & ædificando. Sic hodie vi & gladio persequitur nos, ut, nobis deletis, Evangelium non solum obscurer, sed prorsus evertat. Sed hætenus nihil effecit, Quia multos occidit, qui constanter confessi sunt, hanc nostram doctrinam esse sanctam & divinam, quorum sanguine Ecclesia non deleta, sed rigata est. Cum igitur hac via nihil promoverit, suscitavit nequam spiritus impios Doctores, qui primum nostram doctrinam probant, & eam nobiscum communi consensu docent. Postea verò dicunt, Hanc esse nostram vocationem, ut traderemus prima rudimenta doctrinæ Christianæ, sibi autem revelata esse divinitus vera mysteria Scripturæ, & in hoc vocatos, ut ea mundo aperirent. Hoc modo impedit Satan Evangelii cursum à dextris & sinistris, A dextris tamen, ut dixi, plus nocet ædificando & corrigendo, quam à sinistris persequendo & occidendo. Quare nobis indefinenter est orandum, legendum, hærendum in Christo & verbo ipsius, ut astutias Diaboli, quibus nos adoritur à dextris & sinistris, vincamus. Non enim est nobis lucta adversus carnem & sanguinem &c. Ephes. 6.

*Quibus modis conservetur doctrina pura.*

*Ephes. 6.*

*Quod non est aliud (vel, Cum non sit aliud) nisi quod sunt aliqui, qui vos perturbant.*

ITERUM excusat Galatas, & acerbissimè perstringit Pseudoapostolos, q. d. vos Galatæ persuasi estis, Evangelium, quod accepistis à me, non esse verum & germanum Evangelium, Ideò putatis vos bene facere, quod novum illud, quod Pseudoapostoli prædicant, & melius sit meo Evangelio, accipitis. Hanc culpam non tam vobis imputo, quam perturbatorib. illis, qui vestras conscientias perturbant & vos de manu mea rapiunt. Hic iterum vides, quàm ardeat & vehemens sit Apostolus in seductores illos; quàmque durissimis verbis eos traducat, vocans perturbatores Ecclesiarum & conscientiarum, qui nihil aliud faciant, quàm quod innumeras conscientias seducant, perturbent & horribilia damna dent in Ecclesiis. Hoc grande malum hodie quoque magno animi dolore videre cogimur, nec tamen illi possumus mederi, ut neque Paulus tunc potuit.

*Perturbatores Ecclesiarum.*

Is locus testatur Pseudoapostolos proculdubio appellasse Paulum imperfectum Apostolum, item infirmum & erroneum prædicatorem. Ideò ipse vicissim appellat hic eos, perturbatores Ecclesiarum, & eversores Evangelii Christi. Ita invicem sese condemnaverunt, Pseudoapostoli Paulum, Paulus vicissim Pseudoapostolos. Eaque contentio & condemnatio semper existit in Ecclesia, præsertim florante doctrina Evangelii, scilicet, quod impii Doctores persequantur, condemnent & opprimant pios, E contra quod pii condemnent impios. Papistæ & fanatici spiritus extremè nos hodie oderunt, & doctrinam nostram, ut impiam & erroneam damnant, deinde rebus & vitæ nostræ insidiantur. Nos iterum eorum impiam ac

*Quomodo Pseudoapostoli traduxerint Paulum.*

*Impios Doctores odisse & persequi pios.*



blasphemiam doctrinam perfecto odio odimus & damnamus. Interim incertus haberet & fluctuat miser populus, dubius quò inclinet, quos tuto sequatur. Quia non cuivis datum est de rebus tantis Christianè judicare. Verùm eventus indicabit, utri rectè doceant, & alios juste condemnent. Nos certè neminem persequimur, neminem opprimimus aut occidimus. Neque nostra doctrina perturbat conscientias, sed ex infinitis erroribus & laqueis Diaboli eas liberat. Hujus rei habemus multorum bonorum testimonia, qui Deo gratias agunt, quod firmam consolationem conscientiarum ex nostra doctrina hauserunt. Vt ergo culpa tum non erat Pauli, quod perturbarentur Ecclesiæ, sed Pseudoapostolorum: Ita & hodie non nostra, sed Anabaptistarum, Sacramentariorum, & aliorum fanaticorum spirituum culpa est, quod tot & tantæ turbæ in Ecclesia existunt.

*Omnis Doctor  
oratorum, est per-  
itorum confu-  
sus. Itaque non  
est confusio  
sola.*

Obſerva hic diligenter, Quod omnis Doct̃or operum & juſticiæ legis ſit perturbator Eccleſiarum & conſcientiarum. Quis autem unquam credidiſſet, quod Papa, Cardinales, Epiſcopi, Monachi, & tota illa Satanæ ſynagoga, præcipue illi ſanctorum ordinum autores (quorum tamen aliquos Deus per miraculum ſalvare potuit) eſſent perturbatores conſcientiarum? Imò etiam deteriores ſunt Pſeudoapoliſtis. Nam hi docuerunt, præter fidem in Chriſtum, opera Legis divinæ neceſſaria eſſe ad ſalutem. Illi verò omiſſa fide, traditiones humanas & opera non divinitus præcepta, ſed à ſeipſis, ſine & contra verbum Dei excogitata, docuerunt. Eaſq; non ſolùm æquaverunt verbo Dei, ſed longè ſupra illud extrulerunt. Sed quo in ſpeciem ſanctiores ſunt hæretici, hoc magis nocent, Niſi enim Pſeudoapoliſtis inſignibus donis, magna autoritate & ſpecie ſanctitatis præditi fuiſſent, & ſe miniſtros Chriſti, Apoſtolorum diſcipulos, & ſynceros Euangelistas prædicâſſent, non tam facile Pauli autoritatem elevare, & Galatas ſeducere, potuiſſent.

**Cur Paulus re-  
cet Pseudospo-  
sitos perturbato-  
res Ecclesia-  
rum?**

Idèò autem tam acerbè invehitur in eos, vocans perturbatores Ecclesiarum quia præter fidem in Christum, circumcisionem ac legis observationem necessariam ad salutem docebant. Id quod Paulus ipse infra Cap. 5. testatur. Et Luc. Act. Cap. 15. indicat his verbis, Quod quidam descendentes de Iudæa docebant Fratres, Nisi circumcidamini secundum morem Moysi, non potestis salvari. Quare magno conatu & pertinacia urserunt Legem Pseudoapostoli. Quibus statim se adjunxerunt pertinaces Iudæi, qui legem servari contendebant. Qui postea parum firmitatis in fide facile persuaserunt, Paulum non esse syncerum Doctorem, cum legem negligeret. Videbatur enim ipsis valde indignum, quod lex Dei prorsus tolli, & Iudæi, qui hætenus populus Dei fuerant, & ad quos promissiones factæ erant, rejici deberent. Deinde magis indignum videbatur, quod Gentes, impii idololatæ, sine circumcissione, sine operibus legis, per solam Gratiam & fidem in Christum, ad hanc gloriam & dignitatem pervenire deberent, quod essent populus Dei &c.

*Pseudoapostoli  
seu laudant, ali-  
os vituperant.*

Ista acerbissime exaggerârunt Pseudoapostoli, ut invidia onerarent Paulum apud Galatas, Utq; magis exasperarent animos eorum adversus ipsum, dixerunt, Eum contra legem Dei, contra morem totius gentis Iudaicæ, contra exemplum Apostolorum, deniq; contra suum ipsius exemplum, prædicare gentibus libertatem à Lege, in contemptum & evacuationem legis divinæ & totius regni Iudaici, Ideò eum esse vitandum, ut palam blasphemum in Deum, & seditiosum in totam rempublicam Iudaicam. Se verò audiendos, ut qui præter hoc quod docerent rectè Evangelium, essent etiam discipuli Apostolorum, cum quibus Paulus nunquam fuisset conversatus. Hac arte traduxerunt Paulum apud Galatas, hocq; effecerunt, ut deficerent ab eo Galatæ. Hic ut veritas Evangelii permaneret apud Galatas, coactus est se totis viribus opponere Pseudoapostolis, quos certissima fiducia damnans, dicit esse perturbatores Ecclesiarum, & eversores Evangelii Christi, ut sequitur.

*Et volunt pervertere Evangelium Christi.*

*Pseudopostoli  
parturientum!*

**Id est, ipsi conantur non solum vos perturbare, sed etiam Evangelium Christi**

Christi funditus delere & evertere. Nam ista duo Satan agit. Primum non est contentus, quod multos perturbat & seducit per suos impios Apostolos, Sed deinde etiam conatur per eos Evangelium penitus subvertere & tollere, neque quiescit donec hoc effecerit. Tales tamen eversores Evangelii nihil minus audire possunt, quàm se Apostolos Diaboli esse, Imò præ cæteris gloriantur de nomine Christi, & jactans se syncerissimos Evangelii præcones. Sed quia cum Evangelio legem miscent, non possunt non esse Evangelii eversores. Aut enim Christus stabit, & Lex peribit, Aut Lex stabit, & Christus peribit. Christus enim & Lex nullo modo convenire & simul dominari in conscientia possunt. Vbi dominatur justitia Legis, ibi non potest dominari justitia Gratiae. Ex vicissim, ubi dominatur justitia Gratiae, ibi non potest dominari justitia Legis. Oportet alteram cedere alteri. Si autem non potes credere, quod Deus propter Christum, quem ad hoc misit in Mundum, ut esset noster Pontifex, velit remittere peccata, Quo modo quæso credes, quod velit remittere illa propter opera Legis, quæ nunquam fecisti, aut tua opera, quæ cogaris fateri talia esse, ut impossibile sit ea opponi judicio Dei? Quare doctrina Gratiae nullo modo potest stare cum doctrina legis, Oportet simpliciter hanc negari & abrogari, & illam stabiliri.

*Dei, & Evangelium ever-*  
*sunt.*

*Impiæ Doctores*  
*pro sanctissimis*  
*haberi volunt.*

*Lex cum Chri-*  
*sto non stabit.*

*Justitia legis &*  
*gratia contraria*  
*sunt.*

Sed quemadmodum Iudæi abhorrebant à doctrina Fidei & Gratiae, sic & nos ab ea abhorremus, Ego libenter simul servare velim justiciam illam Gratiae justificantem, & alteram illam Legis, propter quam Deus me respiceret, Sed illam alteri admiscere, est, ut Paulus hic dicit, Evangelium Christi evertere. Et tamen cum venit ad contentionem, major pars vincit meliorem. Christus enim cum suis infirmus est, Evangelium item stulta prædicatio est. Econtra, regnum Mundi & Diabolus princeps ejus fortis est, speciosa deniq; est prudentia & justitia carnis. Sicq; amittitur justitia Gratiae & fidei, alteraq; Legis ac operum erigitur & defenditur. Sed hoc nostrum solatium est, quod Diabolus cum suis membris efficere non potest, quod vult. Perturbare multos homines potest, sed Evangelium Christi evertere non potest, Veritas periclitari potest, perire non potest, Impugnatur quidem, sed non expugnatur. *QUIA VERBUM DOMINI manet in æternum.*

*Qui commu-*  
*scant legem &*  
*gratiam justiciæ,*  
*eversores sunt*  
*Evangelij.*

Apparet autem res levis esse commiscere Evangelium & Legem, fidem & opera, sed plus damni affert, quàm humanus captus assequi potest. Nam non solum obscurat cognitionem gratiae, sed Christum cum omnibus suis beneficiis tollit, & totum Evangelium, ut Paulus hic ait, evertit. Hujus autem tanti mali causa est caro nostra, quæ peccatis immersa, non videt aliam rationem, qua sese explicet ex his, quàm per opera, Ideò vult vivere in justitiis Legis, & niti fiducia operum suorum. Est itaque prorsus ignara doctrinæ fidei & gratiae, sine qua tamen impossibile est conscientiam reddi pacatam. Apparet quoque ex his verbis Pauli, Et volunt pervertere &c. Pseudoapostolos valde audaces & impudentes fuisse homines, qui toto conatu opposuerunt se Paulo. Ideò ipse suo spiritu & plerophoria fretus, vicissim sese fortissime opponit eis, ac mirum in modum extollit contra ipsos suum ministerium, dicens:

*Quæ doctrinæ*  
*de sequantur,*  
*cum fides & o-*  
*pera confun-*  
*dantur.*

*Sed licet nos, aut Angelus è caelo, evangeliset vobis, præterquam quod evan-*  
*gelisavimus vobis, Anathema sit.*

PAULUS meras flammæ loquitur, tamq; vehementer atdet, ut incipiat etiam quasi Angelis maledicere. Etiam si nos ipsi, inquit, ego & fratres mei, Timotheus, Titus, & quotquot mecum Christum purè docent (non loquor jam de mentium seductoribus) imò si Angelus è caelo &c. tamen velim potius Anathema esse, me, fratres meos, deniq; etiam Angelum è caelo, quàm quod meum Evangelium inverti debeat, Maximus profectò is ardor est, quod tam confidenter maledicere audet, non solum sibi, fratribus suis, sed etiam Angelo è caelo. Anathema græcè, Ebraicè Herem, latinè est maledictum, execratum, reprobum & simpliciter separatum ab usu, consortio & communione Dei. Sic Hiericho civitas, ait Iosua,

*Zelus Pauli ve-*  
*hementis in Pseu-*  
*dopostolos.*

*Anathema*  
*Herem.*

*Evangelium  
Pauli.*

Iosua, sit perpetuum Anathema, ut nunquam reedificetur. Et Levit. ult. scriptum est, Si homo, aut quodcunq; animal, fuerit Anathemati devotum, occidatur & non permittatur vivere. Sic Amalech & quasdam civitates, divina sententia Anathemari destinatas, oportuit prorsus deleri. Est igitur Pauli sententia, Velim potius me, alios, imo Angelum e coelo, maledictum esse, quam aliud Evangelium prædicari vel à nobis, vel ab aliis, præter id quod prædicavimus. Sic seipsum primum devoveret & maledicit Paulus, Solent enim boni artifices seipsum primum arguere, ut eò liberius & vehementius postea ceteros arguere possint. Concludit ergo Paulus non esse aliud Evangelium, præter id quod ipse prædicavit. Prædicavit autem Evangelium non à seipso excogitatum, sed quod Deus ab initio promiserat per Prophetas suos, in Scripturis sanctis, Rom. 1. Ideò certissimè pronunciat, se, alios, imo etiam Angelum e coelo maledictos esse, si diversum ab illo priore doceant. Nam vox Evangelii semel emissa, non revocabitur usque ad diem iudicii.

*Iosua 6.  
Levit. ult.  
1. Arg. 13.*

*Rom. 1.*

*Sicut prædiximus, & nunc iterum dico. Si quis vobis evangelisaverit, præter id, quod accepistis, Anathema sit.*

*Vehementia  
Pauli in Pseu-  
doapostolos.*

Idem repetit mutatis tantum personis. Suprà maledixit sibiipso, fratribus suis, angelo e coelo. Hic, si qui alii sunt, inquit, præter nos, qui etiam evangelisant vobis, præter id, quod à nobis accepistis, illi quoq; sint maledicti. Itaque simpliciter omnes Doctores, seipsum, fratres suos, Angelum, Deinde quoscunque alios, nempe adversarios Doctores, devoveret & maledicit. Vehementissimus is ardor est in Apostolo, quod maledicere audet omnibus Doctoribus in toto orbe terrarum & coelo, qui invertunt Evangelium suum & diversum docent. Omnes enim cedere debent Evangelio, quod Paulus prædicavit, aut Anathema fieri & damnari. Vt, nam hæc horribilis Apostoli sententia terrorem incideret everforibus Evangelii Pauli, quorum hodie, proh dolor, mundus plenus est.

*Mutatio perso-  
narum hoc loco  
consideranda.*

Mutatio personarum hæc consideranda est, Aliter enim loquitur Paulus in prima maledictione, quam in hac secunda. In prima, inquit, Licet nos, aut Angelus e coelo evangeliset vobis, præter id, quod evangelisavimus vobis &c. In secunda, præter id, quod accepistis. Hocq; consultò facit, ne Galatæ dicerent, Nos non invertimus Evangelium, quod tu Paule nobis prædicasti, sed te prædicante, illud non rectè intelleximus. Doctores verò te sequentes ostenderunt nobis veram ejus intelligentiam, Hoc, inquit, nullo modo admittam, Nihil debent illi addere vel corrigere, sed quod audistis à me, hoc sincerum est verbum Dei, hoc solum maneat. Nec me alium Evangelii Doctorem, nec vos alios discipulos esse cupio. Ideo si aliquem audieritis, afferentem aliud Evangelium, præter id quod à me audistis, vel gloriantem se meliora traditurum, quam à me accepistis, is sit unà cum discipulis suis Anathema.

*Natura fanati-  
corum spuri-  
orum.*

Ea autem est natura ministrorum Satanæ, quod hac mira arte norint irrepere & insinuare se in animos hominum. Fatentur eos, qui ante se docuerunt Evangelium, bene quidem coepisse, sed hoc non esse satis. Se verò certissima asserere, quæ ita velint tradere, ut auditores magnum fructum inde ferre possint &c. Sic hodie fanatici homines tribuunt nobis hoc laudis, quod rectè inchoaverimus negotium Evangelii, Sed quia eorum blasphemam doctrinam detestamur ac damnamus, appellant nos Adulatores & novos Papistas, duplo deteriores veteribus. Hac arte parant sibi ingressum fures & latrones in ovile Domini, ut furentur, mactent & perdant, Nempe quod primum nostra confirmant, Deinde corrigunt nos, & clarius exponunt, ut ipsi nugantur, quod nos non satis aut minùs rectè intellexerimus. Eodem modo fecerunt sibi Pseudoapostoli aditum ad Galatas. Paulus (dixerunt) jecit quidem fundamentum Christianæ doctrinæ, Sed veram rationem justificationis non tenet, quia defectionem à Lege docet. Hoc igitur quod ipse non potuit rectè tradere, accipite à nobis. At Paulus non vult aliud doceri ab ullo, nec aliud audiri & accipi à Galatis, nisi quod ipse prius docuit eos, & ipsi ab eo audierunt



tunt & acceperunt. Qui autem, inquit, aliud docent aut accipiunt, Anathema sunt.

Priora duo cap. ferè nihil aliud continent, quam meras apologias & confutationes. Nam in fine 2. Cap. incipit tandem tractare locum justificationis. Admonere tamen nos hæc Pauli sententia debet, Anathema esse quotquot sentiunt Papam esse arbitrum Scripturæ, Item, Ecclesiam habere potestatem supra scripturam. Id quod impie docuerunt Canonistæ & Sententionarij, usi hoc fundamento, Ecclesia tantum approbavit quatuor Evangelia, ergo tantum quatuor sunt, si plura approbasset, plura essent. Cum autem Ecclesia pro arbitrio suo, potuit suscipere & approbare Evangelia, quæ & quot voluit. Ergo Ecclesia est supra Evangelium. Tenet consequentia à baculo ad angulum. Ego approbo Scripturam, ergo sum supra eam. Iohannes Baptista approbat & confiteretur Christum, ac commonstrat eum digito, ergo est supra Christum. Ecclesia approbat Christianam doctrinam & fidem, ergo est supra eam.

*Sententia prima-  
rum 2. Cap.*

*Sentire Papam  
supra scriptu-  
ram esse Ana-  
thema &c.*

*Argumentum  
Papistarum,  
quod Ecclesia  
sit supra scri-  
pturam.*

Pro confutanda hac ipsorum impia ac blasphema in Deum doctrina, habes hic clarissimum textum & cœleste fulmen, quod Paulus simpliciter seipsum, Angelum è cœlo, doctores in terra, & quicquid est magistrorum, hoc totum rapit & subjicit sacrae scripturæ. Hæc Regina debet dominari, huic omnes obedire & subjacere debent, Non ejus magistri, judices seu arbitri, sed simplices testes, discipuli & confessores esse debent, sive sit Papa, sive Lutherus, sive Augustinus, sive Paulus, sive Angelus è cœlo. Neq; alia doctrina in Ecclesia tradi & audiri debet, quam purum verbum Dei, hoc est, sancta scriptura, Vel doctores & auditores cum sua doctrina Anathema sunt.

*Paulus angelus  
& homines  
subjicit scrip-  
tura.*

### *Nunc enim homines suadeo, an Deum?*

ISTA dicuntur eodem ardore quo superiora, Q. d. Num ego Paulus, qui publice in Ecclesiis prædicavi, adeo ignotus sum? Num mei agones acerrimi & tot pugnae contra Iudæos obscuræ sunt? Ex meis concionibus, ex tot & tantis afflictionibus, satis opinor, apparet, an hominibus inserviam an Deo? Omnes namq; vident, quod hac mea prædicatione conciliarim mihi ubiq; persecutionem, summa & atrocissima odia gentis meæ, & omnium hominum. Satis ergo ostendo, quod mea prædicatione non quæram favorem ac plausum hominum, sed beneficium & gloriam Dei illustrare quæram.

*Quon merito-  
dem acceperis  
Paulus pro suo  
labore.*

Neq; nos (liceat hoc citra jactantiam dicere) doctrinâ nostrâ favorem hominum quærimus. Docemus enim omnes homines natura esse impios & filios iræ, Liberum Arbitrium, vires humanas, sapientiam, justiciam, omnemq; religionem voluntariam damnamus. Summa, nihil omnino in nobis esse dicimus, quod valeat ad promerendam Gratiam ac remissionem peccatorum, Sed sola unica ac mera Dei misericordia propter Christum eam nobis contingere prædicamus. Sic enim enarrant cœli gloriam Dei & opera ejus, damnatis universis hominibus ac operibus eorum. Hoc certe non est prædicare in gratiam hominum & mundi. Mundus enim non potest gravius aut acerbius irritari, quam cum damnatur Sapientia, justitia, religio, potentia ejus. Hæc optima & summa dona Mundi damnare, profecto non est adulari mundo, Sed potius odium & infortunium (ut ajunt) ultro quærere, & in promptu etiam invenire. Nam si homines & omnia ipsorum, in speciem optima studia damnamus, fieri aliter non potest, quin statim inveniamus eorû acerbissima odia, persecutiones, excommunicationes, damnationes & cædes.

Si cætera ergo, inquit Paulus, vident, cur & hoc non vident, quod divina doceo, non humana? hoc est, quod meâ doctrinâ non quæro hominum favorem, sed Dei misericordiam in Christo nobis exhibitam illustro? Nam si favorem hominum quærerem, non damnarem omnia ipsorum opera. Hoc ipso autem, quod opera hominum damno, hoc est, quod sententiâ divinam fero ex verbo Dei (cujus ego minister & Apostolus sum) contra omnes homines, quod peccatores, impij, injusti,

*Doctrina docet.*



injusti, filii iræ, captivi Satanae, ac damnati sum, quoad justificentur non operibus, non circumcissione, sed sola Gratia & fide in Christum, concilio mihi odium implacabile omnium hominum. Nihil enim minus audire possunt, quam se esse tales, imò prædicari volent sapientes, justi, sancti &c. Quare ista res satis testatur me humana non docere.

Ad eundem modum loquitur & Christus Iohan. 7. Non potest vos odisse *Iohan. 7.* Mundus, me autem odit, quia testimonium perhibeo de eo, quod opera ejus mala sint. Et Iohan. 3. Hoc est judicium, quod lux venit in mundum, & dilexerunt homines magis tenebras, quam lucem, erant enim opera eorum mala. Quod autem divina doceo, inquit Apostolus, vel ex hoc satis intelligi potest, quod solius Dei gratiam, misericordiam, beneficium & gloriam prædico. Deinde qui ea loquitur, ut Christus ait, quæ Dominus ac Magister suus ei mandavit, & non se, sed eum, cujus Apostolus est, glorificat, Is certum & divinum Verbum affert & docet. At ego ea tantum, quæ mihi divinitus mandata sunt, doceo, nec meipsum, sed eum qui misit me, glorifico. Præterea concito mihi iram & indignationem Iudæorum & gentium, Igitur doctrina mea est vera, pura, certa & divina, neq; potest esse alia (multò minus melior) quam hæc mea. Quare quæcunq; alia, quæ non eodem modo docet, ut mea, Omnes homines esse peccatores, & sola Fide in Christum justificari, necessariò est falsa, incerta, impia, blasphema, maledicta & diabolica, Talesq; sunt omnes, qui eam docent & accipiunt.

*Signa quæ testantur Pauli doctrinam veram.*

*Pseudoapostoli hominibus placere student.*

Sic nos cum Paulo securissimè & certissimè pronunciamus, omnem doctrinam esse maledictam, quæ cum nostra dissidet. Nam neq; nos certe quærimus nostra prædicatione plausum hominum, aut favorem Principum, Episcoporum &c. sed solius Dei favorem, Cujus etiam solius Gratiam ac misericordiam prædicamus, conculcatis ac damnatis omnibus nostris. Qui igitur aliud Evangelium, vel contrarium nostro docet, missum à Diabolo & Anathema esse confidenter dicimus.

*An quero hominibus placere?*

Id est, In servio ne hominibus, an Deo? Semper obliquè petit Pseudoapostolos. Hi necessariò, inquit, quærunt hominibus placere, ac illis adulantur, Per hoc enim quærunt, ut ipsi vicissim in carne eorum gloriari possint. Deinde quia odia ac persecutionem hominum nolunt ferre, docent Circumcisionem, ut tantum persecutionem crucis Christi non sustineant, Infra Cap. 5. Sic hodiè plures invenias, qui hominibus placere student, Utq; in pace ac securitate carnis agere possint, suadent humana, hoc est, docent impia, Vel certè contra Conscientiam probant adversariorum Blasphemias ac impia judicia contra verbum Dei, ut saltem Principum & Episcoporum retineant favorem, ac sua non amittant. Nos verò, quia Deo non hominibus placere studemus, concitamus nobis invidiam diabolicam & infernalem, sustinemusq; probra & maledicta Mundi, mortem & omnia mala.

*Humana docentes placent hominibus.*

*Mercēs piorum Doctorem.*

Sic Paulus hîc, Non quero, inquit, placere hominibus, ut ipsi doctrinam meam laudent, ac prædicent me optimum Doctorem, sed soli Deo meam doctrinam placere cupio, atq; per hoc infensos hostiliter reddo mihi homines, Hocq; experior. Rependunt enim mihi mercedem, ignominiam, blasphemiam, carcerem, gladium &c. Contrà, Pseudoapostoli humana docent, hoc est, placentia & plausibilia rationi, hocq; idè, ut pacem habeant. & populi favorem ac plausum mereantur. Et hi quod quærunt, inveniunt. Laudantur enim & magnifiunt ab omnibus. Sic & Christus Matth. 6. ait, Hypocritas omnia facere, ut glorificentur ab hominibus. Et Iohan. 5. graviter increpat tales, Quo modo inquit potestis credere, qui gloriam ab invicem accipitis, & gloriam, quæ à solo Deo est, nõ quæritis? Quæ hætenus dixit Paulus. exempla fere tantum sunt, Interim tamen ubiq; vehementer urget suam doctrinam veram & germanam esse, Idè hortatur Galatas, ne eâ spretâ aliam recipiant.

*Mercēs impiorum.*

*Matth. 6. Iohan. 5.*

*Si adhuc hominibus placerem, Christi servus non essem.*

HÆC

*Mendacia  
Pseudoaposto-  
rum Paulo &c.*

HÆC omnia referenda sunt ad totum officium & ministerium Pauli, ut sit Antithesis quædam contra priorem conversationem ipsius in Iudaismo, q. d. Putatis me adhuc hominibus placere, ut antea feci? Sic infra Cap. 5. Si circumcisionem adhuc prædico, quid adhuc persecutionem patior? q. d. An non videtis & auditis quotidianos Agones, maximas persecutiones & afflictiones meas? postquam conversus, & ad Apostolatam vocatus sum, nunquam suavi hominibus, nunquam quæsi eis placere, sed soli Deo, hoc est, ministerio & doctrina mea non quæro gloriam & favorem hominum, sed Dei.

Paulus ista dicit, ut ostendat quàm insidiosè & callide studuerint Pseudoapostoli invidiam sibi concitare apud Galatas. Quæsierunt ex concionibus & scriptis ejus Antilogias ( ut hodie adversarii ex nostris libris colligunt ) atq; ita convincere cum voluerunt, quod pugnantia docuisset, Ideoq; dicebant, fidem Paulo non adhibendam, sed servandam esse Circumcisionem & Legem. Id quod ipse etiam comprobaret suo proprio exemplo, Quia secundum legem circumcidisset Timotheum, cum viris quatuor purgasset se in templo Hierosolymis, caput totondisset in Cenchreis &c. Ista calumniatores finxerunt Paulum necessario fecisse, coactum mandato ac autoritate Apostolorum &c. Quæ tamen liberè observaverat in obsequium infirmorum, qui nondum intelligebant libertatem Christianam, ne offenderentur. Ad quorum calumnias ita respondet, Quomodo hæc vera sint, quæ pro evertendo meo Evangelio, & rursus erigenda Lege & circumcisione contra me fingunt Pseudoapostoli, satis res ipsa loquitur. Nam si prædicarem Legem & circumcisionem, & laudarem vires & studia hominum, non essem invisus hominibus, sed placerem ipsis.

*Notum enim facio vobis, fratres, Evangelium, quod evangelisatum est per me, non esse secundum hominem. Neq; enim ego ab homine accepi illud, neq; didici, Sed per revelationem Iesu Christi.*

HÆC est propositio præsentis loci, quæ dabit confutationem & Apologiam usque ad finem 2. Cap. Estq; historia perpetua quædam, quam Paulus hic recitat. In qua concordanda anxie sese torquet & multum laborat Hieronymus. Verum causam ipsam non attingit, quia non considerat quid Paulus velit, aut quo spectet. Sunt autem historiæ in scripturis sæpe concisæ & confusæ, ut conciliari facile non possint. Ut sunt negationes Petri, & historia passionis Christi &c. Sic hic Paulus integram historiam non recitat. Ego non laboro neque multum sollicitus sum de ea concordanda, sed tantum hic considero, quod Pauli sit consilium, & quo spectet.

*Historias scri-  
pturæ sæpe con-  
fusæ esse.*

Est autem præsentis loci hæc propositio, Evangelium meum non est secundum hominem, neque illud accepi ab homine, Sed per revelationem Iesu Christi. Istam propositionem urget, in ea commoratur, & iure jurando eam confirmat, quod Evangelium suum non didicerit ab ullo homine, Sed per revelationem Iesu Christi acceperit. Et necessario jurat, ut hoc credant Galatæ, deinde ne aurem præbeant Pseudoapostolis, quos mendaces arguit, quia dixerant, Paulum accepisse & didicisse Evangelium suum ab Apostolis. Quod autem dicit, Evangelium suum non esse secundum hominem, non hoc vult, quod Evangelium suum non sit humanum, quia hoc per se notum est, Nam & Pseudoapostoli gloriabantur suam doctrinam non esse humanam, sed divinam, Sed hoc vult, quod nullo ministerio hominum Evangelium didicerit, aut humano medio acceperit ( ut nos omnes vel hominum ministerio discimus, vel aliquo alio humano medio accipimus, alii audiendo, alii legendo, scribendo, pingendo &c. ) Sed quod simpliciter illud acceperit per revelationem Iesu Christi. Qui aliter distinguere vult, illi sane per me licebit.

*Propositio huius loci.*

*Evangelium  
Pauli non est  
secundum ho-  
minem.*

*Christus Deus  
& homo.*

Apostolus hic obiter ostendit, Christum non solum hominem, sed simul esse verum Deum & hominem, cum ait, se Evangelium suum non accepisse per hominem, Accepit autem Evangelium suum Paulus in via, cum proficisceretur Damascum,





Verbi. Qui ergo sic friget, quod putat se apprehendisse, & incipit paulatim fastidire Verbum, ille jam Christum & Evangelium amisit, & hoc quod putat se nosse, tantum speculative apprehendit, Estq; similis viro, ut Iacobus ait, consideranti faciem in speculo, qui abiens statim obliviscitur qualis fuerit, Talesq; fiunt tandem fanatici ac nugaces spiritus.

*Que incommen-  
as sequantur  
justitiam verbi.*

Quare unusquisq; pius toto conatu summisq; viribus contendat, & decertet serio discere & conservare hanc doctrinam. Et ad hoc utatur humili oratione coram Deo, & assiduo studio ac meditatione verbi. Et quanquam vehementissimè decertaverimus, adhuc satis tamen sudabimus. Habemus enim non contemnendos, sed maximos, fortissimos & valde assiduos hostes contra nos, Carnem nostram, omnia pericula mundi, item Legem, peccatum, mortem, iram ac iudicium Dei, & Diabolum ipsum, qui nunquam quiescit, intus per ignita tela, foris per Pseudoapostolos nos tentare, ut si non omnes, tamen plures ex nobis subvertat.

*Translatione  
verbi & ora-  
tione conserva-  
tur doctrina  
Pietatis.*

*Hostes prorum.*

Valde igitur speciosum & robustum hoc argumentum Pseudoapostolorum fuit, quod & hodie plures commovet, scilicet, Apostoli, sancti Patres & eorum successores, sic docuerunt, Ecclesia sic sentit & credit. Impossibile est autem quod Christus tot seculis Ecclesiam suam errare sinat. Tu certè solus non sapis plus, quàm tot sancti viri, & tota Ecclesia &c. Hoc modo Diabolus, in angelum lucis transfiguratus, per virulentos quosdam Hypocritas hodie nos insidiosè adoritur, qui dicunt, Nihil moramur Papam, Episcopos, summos Verbi contemptores & persecutores, detestamur etiam Hypocrisin & imposturam Monachorum &c. Sed sacro sanctæ Catholice Ecclesiæ autoritatem cupimus illæsam. Ea tot seculis sic sensit & docuit, Sic senserunt & docuerunt omnes primitivæ Ecclesiæ Doctores, viri sanctissimi, multo maiores, ac doctiores te. Quis tu es, quod ausis ab his omnibus dissentire, & nobis diversum dogma obtrudere? Quando Satan hoc urget, & conspirat cum carne & ratione, perterrefit conscientia & desperat, nisi constanter ad te redeas, & dicas, Sive S. Cyprianus, Ambrosius, Augustinus, sive S. Petrus, Paulus, Iohannes, imo angelus è cœlo, aliter doceat, tamen hoc certo scio, quod humana non suadeo, sed divina, hoc est, quod Deo omnia tribuo, hominibus nihil.

*Argumentum  
quod hodie no-  
bis opponitur,  
& multis mo-  
ret.*

Memini initio meæ causæ, D. Staupitium, tunc summum virum & Vicarium ordinis Augustiniani, ad me dicere, Hoc mihi, inquit, placet, quod hæc doctrina, quam prædicas, gloriam & omnia soli Deo tribuit, hominibus nihil. Deo autem (id quod luce clarius est) nimium gloriæ, bonitatis &c. attribui non potest. Ea vox vehementer tum me consolabatur & confirmabat. Et verum est, doctrinam Evangelii adimere hominibus omnem gloriam, sapientiam, justiciam &c. & ista tribuere soli Creatori, qui ex nihilo omnia facit. Multo autem tutius est tribuere nimium Deo, quàm hominibus. Ibi enim cum fiducia dicere possum, Esto sane, Ecclesia, Augustinus & alii Doctores, item Petrus, Apollo, imo etiam angelus è cœlo diversum doceant, tamen mea doctrina est ejusmodi, quod solius Dei gratiam & gloriam illustrat & prædicat, & omnium hominum sapientiam, justiciam (in causa salutis) damnat. Hic peccare non possum, quia tribuo Deo & hominibus, quod propriè & vere utrisq; competit.

*D. Staupitium.*

*Doctrina E-  
vangelij omnia  
tribuit Deo,  
hominibus ni-  
hil.*

At ais, Ecclesia est sancta, Patres sunt sancti. Bene, sed Ecclesia quamlibet sancta, tamen cogitur orare, Remitte nobis debita nostra. Sic Patres quamlibet sancti tamen per remissionem Peccatorum salvati sunt. Ergo neq; mihi, neq; Ecclesiæ, neq; Patribus, neq; Apostolis, neq; angelo è cœlo credendum est, si quid contra verbum Dei docemus, Sed verbum Domini stet in æternum. Alioqui hoc argumentum Pseudoapostolorum maximè valuisset contra Pauli doctrinam. Quia profecto magna, magna inquam, res fuit, opponere totam Ecclesiam, cum toto choro Apostolorum, Galatis, contra Paulum unicum, & eum recentiore, ac minus autoritatis habentem. Firmissimum ergo hoc argumentum fuit, & potenter

*Neq; Aposto-  
lo, neq; angelo  
credendum, si  
quid doceat  
contra verbum  
Dei.*

conclulit, Nemo enim libenter dicit Ecclesiam errare, Et tamen necesse est dicere, eam errare, si extra vel contra verbum Dei aliquid docet.

*Petri error.*

Petrus Apostolorum summus vivebat & docebat extra verbum Dei, ergo errabat. Neque Paulus hunc errorem ( licet in speciem levis videbatur ) dissimulavit, Quia videbat hoc cessurum in perniciem toti Ecclesiae, Sed in faciem illi restitit, reprehendens in eo, quod secundum veritatem Evangelii non ambularet. Infra Cap. 2. Igitur neq; Ecclesia, neq; Patres, neq; Apostoli, neq; angeli audiendi sunt, nisi afferant & doceant purum Dei verbum.

*Argumentum  
speciosum con-  
tra nos.*

Hoc argumentum & hodie maxime praegravat causam nostram. Nam si neque Papae, neq; Patribus, neq; Luthero &c. credendum est, nisi doceant purum Dei verbum, cui tum credendum est? Quis interim certas faciet conscientias, utri purum Dei verbum doceant, nos, an adversarii nostri? Nam & ipsi jaectant se purum Dei verbum habere & docere. Nos Papistis non credimus, quia verbum Dei non docent, neque possunt docere. Econtra ipsi acerrime nos oderunt, & insectantur ut pestilentissimos haereticos ac seductores. Quid hic faciendum? Num cuivis fanatico spiritui permittendum, ut doceat quae velit, cum Mundus neque audire, neque ferre nostram doctrinam possit? Ut maxime enim cum Paulo gloriamur, nos purum Christi Evangelium docere ( cui non solum cedere debeant, Caesar, Papa & totus mundus, sed etiam obviis manibus & summa gratiarum actione suscipere, exoculari, & diligenter curare, ut ubique doceretur, Si autem aliquis diversum doceat, sive sit Papa, sive S. Augustinus, sive Apostolus, sive Angelus e coelo, eum esse cum suo Evangelio Anathema ) nihil tamen proficimus, Sed audire cogimur, hanc nostram gloriationem non solum esse superbam, temerariam, vanissimam, sed & blasphemam ac diabolicam. Si vero demittimus nos & cedimus furori Adversariorum, tum utrique & Papistae & fanatici spiritus superbiunt. Hi aliquid novi, quod mundus antea non audivit, afferre & docere, Illi vero suas abominaciones rursus erigere & confirmare volunt. Quisq; igitur videat, ut certissimus sit de sua vocatione & doctrina, ut cum Paulo certissime ac securissime ausit dicere, Etiam si nos aut Angelus e coelo &c.

Haecenus de propositione hujus loci, quae est, Ego Evangelium meum ab homine non accepi, sed per revelationem Iesu Christi. Hanc prolixè nunc probabit per multas historias ac res gestas.

*Audistis enim conversationem meam aliquando in Iudaismo, quod supra modum persequabar Ecclesiam Dei, & vastabam eam, Et proficiebam in Iudaismo supra multos coetaneos meos, in genere meo.*

*Pauli zelus pro  
lege Dei.*

Hic locus non habet aliquam singularem doctrinam, Allegat tamen Paulus hic suum exemplum, dicens, Ego fortius & constantius defendi Pharisaismum & Iudaismum, quam vos & falsi Doctores vestri. Quare, si justitia Legis aliquid esset, tunc & ego ab ea non defecissem, in qua tamen praestanda, ante cognitum Christum, ita me exercui, & profeci etiam, ut multos generis mei coetaneos superaverim. Deinde etiam pro defendenda ea usque adeo zelavi, ut acerrime persecutus sim Ecclesiam Dei, ac vastaverim eam. Nam multos Sanctorum potestate a principibus Sacerdotum accepta, carceribus inclusi, & cum occiderentur, detuli sententiam, & per omnes Synagogas frequenter puniens eos, compellebam blasphemare, & amplius infamans in eos, persequabar usque in exteris civitates.

*Abundantius emulatur existens paternarum mearum traditionum.*

*Quid Paulus  
vocat traditi-  
ones paternas.*

PATERNAS traditiones hoc loco vocat non pharisaicas aut humanas, ut Hieronymus rectè admonet. Nam hic non agit de pharisaicis traditionibus, sed de re longè magis ardua. Itaq; ipsam sanctam legem Mosi vocat traditiones paternas, hoc est, à Patribus acceptas & hereditatas, Pro his, inquit, maxime in Iudaismo zelavi. Ad eundem modum loquitur & ad Philip. 3. Secundum Legem, inquit, fui Phariseus, secundum æmulationem persequens Ecclesiam Dei, secundum justiciam,

ciam, quæ in lege est, conversatus sine querela, q. d. Palam gloriari possem, & insultare hic universæ genti Iudaicæ, & optimis & sanctissimis ex circumcisione, ut ex omnibus unum mihi producerent, ardentiorē aut vehementiorē propugnatorem legis Moysi, quam ego olim fuerim, Insignis planè præ ceteris eram zelotes patrum traditionum, hoc est, studiosissimus iusticiæ legalis. Hoc vos Galatæ movere debebat, ne crederetis istis impostoribus, qui Legis iusticiam magnificiunt, ut rem maximi momenti, Cum in hac ipsa iusticia legali, si gloriandum esset, ego verius excellenter gloriari possem.

Sic si quispiam alius, certè ego, ante lucem Evangelii, piè sensi & zelavi pro Papisticis legibus & Patrum traditionibus easq; magno serio, ut sanctas, & earum observationem tanquam necessariam ad salutem, urssi & defendi: Deinde ego ipse qua potui diligentia conatus sum eas præstare, plus inedia, vigiliis, orationibus, & aliis exercitiis corpus macerans, quam omnes illi, qui hodie tam acerbè oderunt & persequuntur me, quod eis nunc gloriam iustificandi detraho. Nam in iis observandis tam diligens & supersticiosus eram, ut plus oneris imponerem corpori, quam ut sine periculo sanitatis ferre poterat, purè adoravi Papam, non quærens præbendas, dignitates &c. sed quicquid feci ex simplici corde, bono zelo, & ad gloriam Dei feci &c. Sed quæ mihi erant lucra, ea cum Paulo arbitror nunc esse damnum, propter excellentiam cognitionis Christi Iesu Domini mei. Sed adversarii, ut homines ociosi & nullis tentationibus probati, non credunt, talia expertos & perpellos esse me & plerosque alios, qui summo studio quærebant pacem cordis, quam tamen in tantis tenebris impossibile erat inveniri.

*Cum autem placuit ei, qui me segregavit ex utero matris meæ, Et vocavit per gratiam suam, ut revelaret Filium suum in me, ut evangelizarem illum in gentibus, Continuo non contuli cum carne & sanguine, Neq; veni Hierosolymam ad eos, qui ante me fuerunt Apostoli, Sed abii in Arabiam, & iterum reversus sum Damascum.*

Hæc prima est Pauli profectio. Hieronymus hic sudat, & dicit Lucam in Actis nihil scribere de profectioe Pauli in Arabiam. Quasi necesse sit, singularum dierum res gestas & opera scribere, cum hoc impossibile sit. Satis sit, nos habere particulas & summam aliquam historiarum, ex quibus exempla & instructionem habere possumus. Testatur autem hic Paulus, se statim, postquam per gratiam Dei, vocatus fuit, ad prædicandum Christum inter gentes, abiisse in Arabiam, nemine consulto, ad opus, ad quod erat vocatus. Hicq; locus testatur, A quo edoctus sit, quibus mediis pervenerit ad cognitionē Evangelii & Apostolatū. Cum placuit Deo, inquit, q. d. Non per hoc meritis sum, quod sine iudicio zelabam pro lege Dei, Imo iste stultus & impius zelus excæcavit me, ut, Deo permittente, ruerem in furores scelestissimorum criminum, Persequebar Ecclesiam Dei, hostis eram Christi, & Evangelium ipsius blasphemabam, Deniq; autor eram multi innoxii sanguinis fundendi, hoc meum erat meritum. In mediis istis furoribus vocatus sum ad tantam gratiam. Num propter furores istos? Minime. Sed exuberans gratia vocantis & misentis Dei ignovit & remisit mihi istas blasphemias &c, Et pro istis horribilibus peccatis meis, quæ tum putabam esse summam iusticiam, & cultum Deo gratissimum, dedit mihi suam gratiam, cognitionem veritatis, & vocavit ad Apostolatū.

Nos idem meritis hodie pervenimus ad cognitionem Gratiae. Ego in monachatu Christum quotidie crucifixi, & falsa mea fiducia, quæ tum perpetuò ad hærebat mihi, blasphemavi. Externe non eram, sicut ceteri homines, Raptores, iniusti, adulteri, sed servabam castitatem, obedientiam & paupertatem, deniq; liber à curis præsentis vitæ, totus eram deditus jejuniis, vigiliis, orationibus, legendis missis &c. Interim tamen sub ista sanctitate & fiducia iusticiæ propriæ, alebam perpetuam diffidentiam, dubitationem, pavorem, odium & blasphemiam Dei, Eratq; iusticia illa mea nihil aliud quàm latrina & suavissimum regnum Diaboli. Eiusmodi

*Prima Pauli profectio.*

*Meritum S. Pauli.*

*Quibus meritis pervenimus ad gratiam.*



*Sanctos  
Diabolum dili-  
git.*

namque Sanctos diligit Satan, ac pro suavissimis deliciis habet, qui sua ipsorum corpora & animas perdunt, qui defraudant & privant se omnibus benedictionibus donorum Dei. Interim tamen regnat in talibus summa impietas, cæcitas, dubitatio, contemptus Dei, ignorantia Evangelii, profanatio Sacramentorum, blasphemia & conculcatio Christi, & abusus omnium bonorum Dei. In summa, tales sancti captivi servi sunt Satanae, ideo coguntur cogitare, loqui & facere, quæ ipse vult, ut maxime foris videantur cæteros longe superare bonis operibus, austeritate, & sanctitate vitæ.

*Iohannes Hus.*

*Publicani &  
meretrices me-  
iores iusticia-*

Tales nos sub papatu fuimus, profectò non minus (si non plus) contumeliosi & blasphemii in Christum, & ejus Evangelium, quam Paulus ipse, præcipue ego. Tanta erat autoritas Papæ apud me, ut vel in minimo dissentire ab ipso putarem crimen æterna damnatione dignum. Eaquæ impia opinio faciebat, ut credere Iohannem Hus tam maledictum esse hæreticum, ut vel de eo cogitare sceleratum ducerem, Et pro defendenda autoritate Papæ, ipse ferrum & ignem subministrassem ad comburendum illum hæreticum, & putassem me summum obsequium Deo præstare. Ideo publicani & meretrices ne mali quidem sunt, si conferas eos cum istiusmodi hypocriticis sanctis. Illi enim peccantes re morsum conscientia habent, nec sua impia facta justificant, Hi vero tantum abest, ut suas abominationes, Idolatrias & impios cultus agnoscant esse peccata, ut prædicent esse iusticiam, & acceptissimum Deo sacrificium, & pro maxima sanctitate adorent, aliisque per ea salutem polliceantur, ac eis, tanquam salutiferas res, pro pecunia venditent.

*Ad istum no-*

Ea est ergo præclara iusticia nostra, hoc ingens meritum nostrum, quo pervenimus ad cognitionem Gratia, nempe quod jam hostiliter ac Satanice persecuti sumus, blasphemavimus, conculcavimus & condemnavimus Deum, Christum, Evangelium, Fidem, Sacramenta, omnes pios, verum cultum Dei, Et prorsus contraria docuimus & statuimus. Et quo sanctiores fuimus, hoc magis excæcati eramus, & purius Diabolum adorabamus, Nemo nostrum non erat vir sanguinum, si non opere, tamen corde.

*Cum placuit ei.*

*Quibus meritis  
pervenimus ad  
gratiam.*

Q. d. mera & inæstimabilis gratia Dei est, quod mihi homini tam scelerato, blasphemo, persecutori & sacrilego, non tantum parcat, sed insuper etiam cognitione salutis, spiritu, Christo Filio suo, Apostolatu & vita æterna donat. Sic nos similibus peccatis obnoxios, respiciens Deus, non solum remisit impietates & blasphemias nostras, ex mera misericordia propter Christum, sed insuper etiam maximis beneficiis ac spiritualibus donis obruit nos. Verum multi ex nobis, non solum ingrati sunt Deo pro hac inenarrabili gratia, & obliviscuntur purgationis, ut 2. Pet. 1. dicitur, veterum suorum delictorum & donatae Gratia, sed rursus aperientes Diabolo fenestram, incipiunt fastidire verbum, plerique depravant etiam, ac novorum errorum autores sunt, Horum novissima sunt pejora prioribus.

*2. Pet. 1.*

*Qui segregavit me ex utero Matris meæ.*

*Segregare.*

PHRASIS est Ebraica, hoc est, sanctificavit, ordinavit, paravit me. Hoc est, iam prædestinaverat Deus, cum adhuc in utero matris essem, fore, ut tanto furore favorem adversus Ecclesiam, Utquæ deinde mera gratia è medio cursu crudelitatis & blasphemiae meæ misericorditer revocaret me in viam veritatis & salutis. Summa, Cum nondum natus essem, eram Apostolus in oculis Dei, & cum tempus venit, declaratus sum Apostolus etiam coram mundo. Sic Paulus prorsus omnia merita præcidit, & soli Deo gloriam, sibi autem meram confusionem tribuit, Quasi sic velit dicere, Omnia dona, minima & maxima, spiritualia & corporalia, quæ mihi donaturus erat Deus, & omnia bona, quæ unquam per omnem vitam facturus eram, ipse Deus jam prædestinaverat, cum adhuc essem in utero matris, ubi neque cogitare neque optare, neque facere quicquam boni potui, sed informis embryo fui. Ideo ex mera prædestinante ac miserante Dei gratia, hoc donum mihi venit, etiam nondum

nondum nato. Deinde cum jam natus eram, toleravit me infinitis monstris malorum & peccatorum onustum. Utq; plus declararet in me ingentissimam & infinitam magnitudinem suæ misericordiæ, remisit mihi ex mera Gratia, maxima & infinita peccata mea. Deinde etiam tanta ubertate gratiæ obruit me, ut non solum ipse agnoscerem, quæ donata essent nobis in Christo, sed & aliis quoq; prædicarem. Istiusmodi sunt merita omnium hominum, præcipue seniorum fatuorum, qui sese in stercorebus justitiæ humanæ præ cæteris exercuerunt.

*Merita S. Pauli*

*Vocavit per gratiam.*

VIDE diligentiam Apostoli. Vocavit, inquit, Quomodo? Num propter pharisaismum, inculpatam ac sanctam vitam, orationes, jejunia, opera mea? Non. Multo minus propter blasphemias, persecutiones, violentias meas. Quomodo igitur? Per meram gratiam.

*Vt revelaret filium suum in me.*

HIC audis, cujusmodi doctrina sit data & commissa Paulo, nempe doctrina Evangelij, quæ est revelatio filij Dei. Ea diversa est doctrina à Lege, quæ non revelat filium Dei, sed ostendit peccatum, perterrefacit conscientiam, revelat mortem, iram & judicium Dei, ac infernum, quæ omnia non sunt filius Dei. Est ergo Evangelium doctrina talis, quæ nullam Legem admittit. O qui hic bene distinguere nosset, ne in Evangelio legem quæreretur, sed id ab illa tam longe discerneret, quàm distat cælum à terra. Differentia illa in se facilis, certa & plena est, sed nobis difficilis, imo fere incomprehensibilis est. Facile quidem dixeris, Evangelium nihil aliud esse, quàm revelationem filij Dei, quàm cognitionem Iesu Christi, non esse revelationem aut cognitionem Legis, Sed in agone conscientiæ, & in ipsa praxi, hoc certo statuere, est difficile etiam exercitatissimis.

*Doctrina Pauli*

*Evangelium revelat Filium Dei.*



Si autem Evangelium revelatio filij Dei est, ut Paulus hic definit, tunc certe non accusat & perterrefacit conscientias, non minatur mortem & in desperationem adducit, ut Lex facit, sed est doctrina de Christo, qui certè neq; Lex, neq; opus est, sed nostra justitia, sapientia, sanctificatio & redemptio 1. Cor. I. Quamquam hoc meridiana luce clarius sit, tamen tanta fuit Papistarum dementia & cæcitas, ut ex Evangelio Legem charitatis, ex Christo Legislatorem fecerint, qui graviora præcepta tulerit, quàm Moses ipse. Sed Evangelium docet Christum non venisse, ut ferret novam Legem, & traderet præcepta de moribus, sed ideo venisse dicit, ut Hostia fieret pro peccatis totius Mundi, quodq; remittantur nobis peccata, & donetur vita æterna, propter ipsum, non propter opera Legis aut nostram justiciam, De hoc inæstimabili thesauro, nobis gratis donato, propriè Evangelium concionatur. Quare doctrinæ genus est, quod non discitur aut acquiritur ullo studio, diligentia aut sapientia hominum, aut lege etiam divina, sed per Deum ipsum, ut Paulus hic ait, revelatur, Primum externo verbo, deinde intus per Spiritum. Est itaq; Evangelium, Verbum divinum, quod de cælo descendit, & per Spiritum sanctum revelatur, qui & ad hoc missus est. Sic tamen, ut verbum externum præcedat, Nam nec Paulus ipse habuit revelationem internam, nisi prius audisset Verbum externum è cælo, nempe hoc, Saule, Saule, quid me persequeris, &c. Primum ergo audivit Verbum externum, deinde secutæ sunt revelationes, cognitio verbi, fides & dona Spiritus.

*Definitio Evangelii. Sophista ex Evangelio legem charitatis, ex Christo Legislatorem fecerunt.*

*Evangelium non discitur humano studio, sed divinitus revelatur.*

*Vt evangelisarem illum inter gentes.*

PAULUS aptè ordinat sua verba, Placuit, inquit, Deo, ut revelaret filium suum in me. Ad quid? Non tantum ut ipse crederem in filium Dei, sed ut etiam revelarem eum inter gentes. Cur non inter Iudæos? Atq; hic vides Paulum propriè esse Apostolum Gentium, etiamsi inter Iudæos quoq; Christum prædicavit. Brevissimè hic complectitur Paulus, ut sæpe solet, suam Theologiam, quæ est, prædicare Christum inter gentes, q. d. Nolo gentes onerare Lege, Quia sum Apo-

*Paulus gentes. Apostolus.*

*Theologia Pauli.*

Officium Pauli  
ad gentes.

Prædicatio  
Gentium.

stolus & Evangelista gentium, non earum Legifer. Sic dirigit omnia verba in Pseudoapostolos, q. d. Non audistis ô Galatæ à me doceri iustitiam Legis vel operum. Hoc enim pertinet ad Moſen, non ad me Paulum, Apostolum gentium. Nam ego ad vos habeo officium & ministerium Evangelij, ut annunciem vobis eandem revelationem, quam ego habeo. Ergo nullum debetis audire Doctorem, qui Legem docet, Nam inter gentes non Lex, sed Evangelium, non Moſes, sed filius Dei, non iusticia operum, sed fidei, debet prædicari. Hæc propria est prædicatio ad gentes pertinens.

*Continuò non contuli cum carne & sanguine.*

Quid reprehenderit in Paulo  
Porphyrius,  
Iulianus, &c.

HIERONYMUS perstringit hoc loco Porphyrium & Iulianum, qui criminantur in Paulo arrogantiam, quod noluerit Evangelium suum conferre cum cæteris Apostolis. Item quod Paulus vocaverit Apostolos carnem & sanguinem. Sed breviter, Paulus non loquitur hic, cum mentionem facit carnis & sanguinis, de Apostolis. Nam statim addit, Neq; vani Hierosolymam ad eos, qui ante me fuerant Apostoli. Sed hoc vult dicere, quod post acceptam revelationem Evangelij à Christo, cum nullo hominum contulerit illud in Damasco, multo minus à quopiam petierit, ut se Evangelium doceret, Item, quòd neq; abierit Hierosolymam ad Petrum & alios Apostolos, ut ab eis Evangelium disceret, Sed quod statim in Damasco, ubi Baptisma, & manuum impositionem ab Anania acceperat (oportuit enim eum habere externum signum & testimonium suæ vocationis) prædicaverit Iesum esse filium Dei. Eadem scribit Lucas Actor. 9.

*Neq; veni Hierosolymam ad eos, qui ante me fuerant Apostoli, sed abij in Arabiam, & iterum reversus sum Damascum.*

HOC est, Neq; visis, neq; consultis antea Apostolis, abij in Arabiam, statimque suscepì officium prædicandi Evangelium inter gentes, ad quod vocatus fueram, & revelationem divinam acceperam. Frustra igitur quærit Hieronymus, quid in Arabia Paulus fecerit? Quid enim aliud faceret, quàm quòd Christum prædicaret? In hoc enim dicit, filium Dei sibi revelatum esse, ut ipsum inter gentes prædicaret. Quare statim à Damasco, gentili urbe, in Arabiam, ubi etiam Gentes erant, se recipit, & illic officium suum strenuè facit, non discens prius Evangelium ab ullo homine, aut ab Apostolis, sed contentus sola vocatione cœlesti, & revelatione Christi.

Consutatio arguendi Pseudoapostolorum.

Quare totus iste locus est consutatio quædam argumenti Pseudoapostolorum, quo usi sunt contra Paulum. Dixerunt enim, cum fuisse discipulum & auditorem Apostolorum, qui secundum legem viverent. Deinde Paulum ipsum quoq; vixisse secundum Legem, Ideo necessarium esse, ut etiam ipsæ gentes Legem servant & circumcidantur. Ut igitur calumniatoribus istis os obstruat, recitat hanc longam historiam. Ante conversionem, inquit, non didici Evangelium meum ab Apostolis, aut ab aliis fratribus credentibus, quia extreme persecutus sum, non solum hanc doctrinam, sed etiam Ecclesiam Dei, quam & vastavi. Neq; post conversionem, Quia continuo prædicavi, non Moſen cum sua lege, sed Christum Damasci, nemine consulto, nec visis Apostolis. Sic & nos gloriari possumus, Nos à Papa non accepisse nostram doctrinam. Scripturam sacram & externa symbola habemus quidem ab eo, non autem doctrinam, quæ solo dono Dei nobis contigit. Deinde accessit studium, lectio & inquisitio nostra. Nihil ergo est, quod hodie adversarij argumentantur, Quis crederet vestræ doctrinæ, Lutherani, cum in publico officio non sitis? Vos debetis doctrinam à Papa, ab Episcopis accipere, qui ordinati, & in legitima functione sunt, &c.

*Deinde post annos tres veni Hierosolymam videre Petrum, & mansi apud eum diebus quindecim. Alium autem Apostolorum vidi neminem, nisi Iacobum fratrem Domini.*

PAULUS



*Act. 9.* PAULUS fatetur se fuisse apud Apostolos, non autem apud omnes. Indicat tantum, quod ascenderit ad eos Hierosolymam, non iussus, sed sua sponte. Deinde non gratia discendi aliquid ab ipsis, sed tantum videndi Petrum. Eadem scribit Lucas Actor. 9. Quod Barnabas duxerit Paulum ad Apostolos, & illis narraverit, quomodo in via vidisset Dominum, quodq; locutus esset cum eo, Item, quomodo in Damasco liberè egisset in nomine Iesu. Hoc ei testimonium perhibet Barnabas. Omnia igitur verba sic instructa sunt, ut neget suum Evangelium ab homine esse. Fatetur quidem se Petrum vidisse, & Iacobum fratrem Domini, sed præter hos duos neminem alium, nihil autem didicisse ab eis, &c.

Concedit itaq; se Hierosolymis fuisse apud Apostolos, hocq; rectè narraverunt Pseudoapostoli. Concedit insuper se vixisse secundum morem Iudæorum, Sed hoc fecisse tantum apud Iudæos. Nam istam regulam servavit Paulus, Cum fueris Romæ, Romano vivito more. Hocq; testatur, 1. Cor. 9. Cum liber essem, inquit, ab omnibus, omnium me servum feci, ut plures lucrificerem. Factus sum Iudæis, tanquam Iudæus, &c. Omnibus factus sum omnia, ut omnes salvos facerem. Concedit igitur se fuisse Hierosolymis apud Apostolos, sed negat se didicisse Evangelium suum ab ipsis. Item negat, quod coactus sit docere Evangelium, ut Apostoli præscripserunt. Vis ergo est in vocabulo, Videre, Vt Petrum viderem, inquit, ascendi, non ut ab eo discerem. Ideo Petrus non est factus mihi magister, neq; Iacobus. Alios omnino se vidisse negat.

*Paulus factus  
omnibus omnia.  
1. Corin. 9.*

Sed cur Paulus tam multis verbis hoc agit, ut fermè usq; ad tædium inculcet, se Evangelium suum non accepisse ab homine, nec ab ipsis Apostolis didicisse? Ipse vult Ecclesias Galatiæ, jam per Pseudoapostolos everfas, reddere certas, quod suum Evangelium sit divinum Verbum. Ideo hoc tam vehementer urget. Et nisi hoc obtinuissent, non potuisset reprimere Pseudoapostolos. Nam ei opposuissent, Nòs Paulo similes sumus, quia æquè Apostolorum discipuli, ac ipse. Deinde ipse unus & solus est, nos plures sumus, Excellimus igitur eum autoritate & numero.

*Cur Paulus gloriatur se Evangelium à nemine didicisse?*

Hic Paulus cogebatur gloriari, affirmare & jurare, se Evangelium à nullo homine didicisse, nec ab ipsis Apostolis accepisse. Fuitq; summa necessitas sic gloriari, non vana jactantia, ut Porphyrius & Iulianus calumniantur, qui non viderunt, ut neq; Hieronymus, quid Paulus ageret. Periclitabatur hic Pauli ministerium, periclitabantur omnes Ecclesiæ, quæ ipso doctore usæ fuerant. Requirebat igitur necessitas ministerij Pauli, & omnium Ecclesiarum, ut necessaria ac sancta superbia jactaret suam vocationem, & revelationem Evangelij sibi à Christo factam, ut certæ redderentur conscientiæ, Pauli doctrinam esse Dei verbum. Res hinc magna & seria agebatur, nempe, ut omnes Ecclesiæ conservarentur in sana doctrina. In summa, agebatur de vita & morte æterna. Ablato enim puro & certo verbo, non existit amplius consolatio, salus, vita, &c. Quare hoc consilio ista recitat, ut Ecclesias retineat in vera doctrina, non dimicat pro defendenda gloria sua, ut Porphyrius calumniatur. Voluit ergo hac Historia ostendere, se simpliciter à nullo accepisse Evangelium suum. Item, quod aliquot annos, nempe tres aut quatuor, idem Evangelium prædicaverit, quod Apostoli, ex revelatione divina, in Damasco & Arabia, antequam aliquem ex Apostolis vidisset.

*Cur toties inculcat Paulus à nemine se accepisse Evangelium suum.*

*Act. 9.* Hieronymus hinc ludit in mysterio quindecim dierum. Item dicit Paulum istis quindecim diebus à Petro doctum & mysterio Ogdoadis & Hebdoadis instructum esse. Ista nihil ad rem faciunt. Nam Paulus clavis verbis dicit, se venisse Hierosolymam ad videndum Petrum, & mansisse apud eum quindecim diebus. Si fuisset ei discendum Evangelium à Petro, aliquot annis fuisset ei ibi manendum, in quindecim diebus non factus fuisset tantus Apostolus & Doctor gentium, Vt interim taceam, quod istis quindecim diebus, ut Lucas Actor. 9. testatur, cum fiducia locutus sit in nomine Domini Iesu, & disputaverit cum Græcis, &c.

*Qua*

*Que autem scribo, Ecce coram Deo, quod non mentior.*

*Paulus jurat.*

QVARE addit juramentum? Quia narrat historiam, Ideo coegit eum necessitas fidei Ecclesiarum jurare, ne dicerent Pseudoapostoli, Quis novit an verum dicat Paulus? Ibi vides, Paulum, electum organum Christi, in tanto contemptu fuisse, ut ei necesse fuerit, apud suos Galatas, quibus Christum predicaverat, jurare, quod veritatem dicat. Si hoc Apostolis accidit, quod habuerint adversarios tam potentes, ut ausi sint eos contemnere & mendacij arguere, Quid mirum, si idem hodie accadat nobis, qui non sumus digni, ut conferamur cum Apostolis? Iurat igitur in re, ut apparet, levi, se verum dicere, scilicet, quod non manserit apud Petrum discendi, sed tantum videndi eum gratia. At si rem diligentius consideraveris, est magna & seria res, ut patet ex superioribus. Sic & nos exemplo Pauli juramus, Deus novit, quod non mentiamur, &c.

*Deinde veni in partes Syria & Cilicia.*

SYRIA & Cilicia provinciæ sunt vicinæ. Hoc perpetuò hîc agit, ut ostendat se ante & post visos Apostolos semper fuisse doctorem Evangelij, quod ex revelatione Christi acceperat, nunquam fuisse discipulum.

*Eram autem ignotus à facie Ecclesiis Iudææ, quæ erant in Christo, Tantum autem auditum habebant, quod qui persequebatur nos aliquando, nunc evangelizat Fidem, quam aliquando oppugnabat, Et in me glorificabant Deum.*

*Ecclesiarum in Iudæa pro Paulo testimonium.*

HOC addit propter historię consequentiam, quod predicaverit in Syria & Cilicia, ubi vidisset Petrum, & sic predicaverit, quod acquisierit testimonium omnium Ecclesiarum in Iudæa, q. d. Ego provoco ad testimonium omnium Ecclesiarum etiam in Iudæa. Non tantum in Damasco, Arabia, Syria & Cilicia, sed etiam in Iudæa testificantur Ecclesiæ, quod predicaverim illam Fidem, quam olim persecutus sum, & oppugnavi. Et glorificant Deum in me, non quia docerim circumcisionem & legem Mosi servandam, sed de predicata fide, & ædificatis Ecclesiis per meum ministerium Evangelij. Habetis ergo testimonium non solum Damascenorum, Arabum, &c. sed etiam totius Catholicæ Ecclesiæ in Iudæa, &c.

## CAP. II.

*Deinde post annos quatuordecim iterum ascendi Hierosolimam.*

*Predicatio Pauli.*

**P**AULUS docebat, gentes Sola Fide justificari, sine operibus legis. Hoc ubi passim sparserat inter gentes, venit Antiochiam, & nunciavit discipulis. Ibi insurrexerunt contra Paulum, qui consuetudine legis imbuti erant, indignantes, quod gentibus libertatem à lege predicaret, Ortaq; est acerrima contentio, quæ subinde novos motus excitavit. Paulus & Barnabas stabant fortiter, & testificabantur, dicentes, Vbicunq; nos inter gentes predicavimus, venit Spiritus sanctus & cecidit super eos, qui audiebant Verbum, hocq; contigit per omnes Ecclesias gentium. Predicavimus autem non circumcisionem, neq; exegimus observationem Legis, sed tantum fidem in Christum predicavimus. Et ad hanc fidei in Christum predicationem, dedit Deus Spiritum sanctum auditoribus. Ergo Spiritus sanctus approbat Fidem gentium sine Lege & circumcisione. Nisi enim placuisset ei illa Evangelij prædicatio, & fides gentium in Christum, non descendisset visibili signo super incircumcisos, qui verbum audierunt. Cum itaq; per solum auditum fidei ceciderit super ipsos, certissimum est, quod hoc signo approbarit Spiritus sanctus fidem gentium. Id enim nunquam antea

*Contentio eorum, qui ex Iudæa conversi erant, contra Paulum.*

*Narratio Pauli, & Barnabæ de rebus gestis inter gentes.*

antea compertum est accidisse ad prædicationem Legis. Hoc erat Pauli & Barnabæ argumentum.

Ibi Iudæi & multi ex Phariseis, qui crediderant, & tamen pro gloria Legis defendenda adhuc vehementer zelabant & dimicabant, magno impetu oppoluerunt sese Paulo, affirmanti, Quod gentes sola Fide sine operibus Legis iustificarentur, & contendebant, Oportere Legem servari, & gentes circumcidi, alias non posse salvari gentes. Neq; mirum erat. Nam vel solum nomen Legis Dei, sacrosanctum est & tremendum. Ethnicus, qui de Lege Dei nihil unquam novit, tamen si audit, Hæc doctrina Lex Dei est, profecto movetur. Quomodo igitur illi non afficerentur, & pro Lege Dei non vehementer pugnarent, qui in ea à teneris educati sunt, eamq; imis ossibus ac medullis imbiberunt? Videmus hodie, quanta pertinacia pro suis traditionibus & doctrinis dæmoniorum defendendis digladiantur Papistæ. Multo minus fuit mirum, Iudæos tanto studio ac zelo pro Lege sua, quam divinitus acceperant, dimicasse. Tanta vis est consuetudinis, quæ naturam per sese inclinatam ad Legem, ita confirmat, ut accedente consuetudine, longo tempore & usu confirmata, fiat duplex natura. Ideo impossibile fuit Iudæis ad Christum conversis, statim deserere Legem. Susceperant quidem fidem in Christum, Nihilominus tamen putabant simul & Legem esse servandam. Et hanc illorum infirmitatem tolerabat interim Deus, donec doctrina Evangelij à Lege purè discerneretur. Sic toleravit infirmitatem Israel tempore Ahab, quo claudicabat populus in duas partes. Quin & nostram infirmitatem sub Papatu tulit, Est enim patiens & multum misericors. Sed hac bonitate Dei non debemus abuti, nec in infirmitate & errore perseverare, cum per lucem Evangelij veritas revelatur.

*Quid Paulus responderint in electione illa, qui pro lege ze-  
labant.*

*Conversis Iu-  
dæis egre do-  
nuerunt legem.*

*Consuetudo in-  
tera natura.*

*Deum perpetuo  
infirmitatem su-  
orum tolerare.*

*Quid pro se ha-  
buerint Paulo  
resistentes.*

Porro qui contenderunt contra Paulum, Gentes esse circumcidendas, habuerunt pro se Legem patriam, item exemplum Apostolorum, deniq; & ipsius Pauli exemplum, qui circumciderat Timotheum. Ideo si Paulus dicebat, Se hoc fecisse, non necessitate, sed libertate & charitate Christiana, ne infirmi in Fide offenderentur, Quis voluit hoc intelligere aut credere? Hic simpliciter ei respondit totum vulgus, Cum manifestum sit te circumcidisse Timotheum, quidquid tandem dixeris, tamen fecisti. Nam ista res longè est supra captum humanum sita. Deinde non valet apologia, quando aliquis amisit plausum populi, & in eum odiosum casum incidit. Cum igitur videret Paulus illam contentionem, & illos clamores quotidie crescere, Et præterea admonitus esset revelatione divina, ascendit Hierosolymam post quatuordecim annos (præter illos, quibus in Damasco & in Arabia prædicaverat) collaturus Evangelium suum cum Apostolis, sua tamen, sed populi causa.

Ea autem contentio, super quæstione, de Lege servanda, orta, postea diu ex Paulum, & magnum ei negocium fecit. Non puto autem illam esse, quam Lucas Actor. 15. describit, quæ statim sub initia Evangelij incidisse apparet, sed historia quam hic narrat Paulus, videtur longè post facta, cum jam ferè octodecim annis Evangelium prædicaverat.

*Cum Barnaba, assumpto & Tito.*

Duos testes adjungit sibi, Barnabam & Titum. Barnabas fuerat socius Pauli in prædicanda inter gentes libertate à Lege. Deinde erat quoq; testis omnium, quæ fecerat Paulus, Viderat Spiritum sanctum datum gentibus incircumcisis, & à lege Moï liberis, ad solam prædicationem fidei in Christum, Isq; solus stetit cum Paulo in hac propositione, Non esse necessarium gentibus Legem imponi, sed sufficere, quod credant in Christum. Quare propria experientia, unà cum Paulo testificabatur contra Iudæos pro lege zelantes, Per solam fidem in Christum, absq; lege & circumcisione, gentes fieri filios Dei & salvari. Titus non solum erat Christianus, sed & Archiepiscopus, cui Paulus commiserat curam ordinandarum Ecclesiarum in Creta, Tit. 1. Hic gentilis fuerat, &c.

*Paulus adhibet  
sibi testes Bar-  
nabam & Ti-  
tum.*

*Barnabas.*

*Titus.*

*Ascendi*



*Ascendi autem secundum revelationem.*

NISI enim admonitus fuisset Paulus per revelationem, non ascendisset. Sed quia Deus singulari revelatione, eum monebat, & ascendere jubebat, ascendit, Hocq; ideo, ut eos, qui ex circumcisione crediderant, & contendebant, Legem esse servandam, reprimeret, aut saltem mitigaret, ut veritas Evangelij magis hinc inclaresceret & corroboraretur.

*Et contuli cum illis Evangelium.*

AUDIS ergo, quod post octodecim annos tandem venerit Hierosolymam, & disputaverit cum Apostolis de suo Evangelio.

*Quod prædico inter gentes.*

*Paulus Evangelium suum defendit, ut re-  
bus ei cedere  
omnia.*

NAM inter Iudæos ad tempus tolerabat Legem & circumcisionem, ut reliqui Apostoli. Omnibus, inquit, factus sum omnia, 1. Corinth. 9. Salvâ tamen doctrinâ Evangelij sui, Cui simpliciter cedere voluit Legem, Circumcisionem, Apostolos, Angelum e Cœlo. Sic enim loquitur ad Iudæos, Actor. cap. 13. *Per hunc Christum vobis remissio peccatorum annuntiatur* (& significanter subjicit) *ab omnibus, à quibus non potuistis per Legem Moysi justificari.* Ideo Evangelij doctrinam ubiq; urget, nusquam patitur eam periclitari. Non tamen subito perrupit, sed rationem habuit infirmorum. Et ne offenderentur infirmi, haud dubiè dixit in hunc modum Iudæis, Si vobis placet ille inutilis Legis Mosaicæ cultus, quia ad justiciam non valet, non adimo, Retinete, modò ut Gentes, quæ istum cultum non habent, eo non onerentur, &c.

Fateretur ergo Paulus se contulisse Evangelium cum Apostolis, Sed nihil, inquit, dederunt aut docuerunt nos, Imò nos, pro defendenda libertate Evangelij, in conspectu Apostolorum, acerrimè repugnâvimus iis, qui exigebant & urgebant gentes onerandas Lege, ac eos vicimus. Ideo mentiuntur Pseudoapostoli vestri, cum dicunt, nos circumcidisse Timotheum, nos totondisse caput in Cenchreis, nosq; Hierosolymam ascendisse jussu Apostolorum. Imo contra gloriamur, quòd ascendentes Hierosolymam, ex revelatione Dei, non jussu Apostolorum, ibiq; conferentes cum illis Evangelium, planè contrarium effecerimus, hoc est, obtinuimus, ut nos Apostoli probarent, non illos, qui adversabantur nobis.

*Questio agitata  
in collatione  
Evangelij.*

Fuit autem agitata in hac Evangelij collatione ista quæstio: Vtrum homines possint sine Lege justificari? Aut, Vtrum necessaria sit ad justificationem observatio legis? Ibi Paulus dixit. Ego gentibus, secundum Evangelium meum, quod divinitus accepi, prædicaui fidem in Christum, non Legem, & ad hanc fidei prædicationem acceperunt Spiritum sanctum. Atq; hujus rei habeo testem Barnabam. Quare concludo, Gentes non esse onerandas lege, nec circumcidendas. Iudæis tamen hoc non prohibeo, Qui si volunt legem servare & circumcidi, permitto, modò hoc libera conscientia faciant. Sicq; docui & vixi inter Iudæos, factus Iudæis Iudæus, &c. Salvo tamen semper Evangelio meo.

*Seorsim autem cum iis, qui videbantur aliquid esse.*

HOC est, non seorsim contuli cum fratribus, sed cum iis, qui erant præcipui.

*Ne fortè in vanum currem, aut cucurrissem.*

*Cur dicat Paulus,  
ne in vanum  
currem, &c.*

NON quòd Paulus dubitaverit se in vanum currere aut cucurrisse, quia jam octodecim annis prædicaverat, Et statim sequitur in textu, quòd in sua constantia permanferit, & vicerit. Sed quia multi putabant, eum frustra tot annis prædicasse, quòd gentes à lege liberaret. Deinde opinio ista indies magis magisq; invalescebat, quòd lex necessaria esset ad justificationem. Ideò ex revelatione ascendens, sic mederi voluit huic malo, ut ex collatione ista manifestum fieret omnibus,

bus, suum Evangelium non dissidere à doctrina reliquorum Apostolorum, Vt sic adversariis os obturaret, qui alioqui dixissent, cum frustra currere aut cucurrisse. Considerabis autem hic obiter virtutem propriæ justiciæ seu legis esse, quòd qui eam docent, frustra currunt & vivunt.

*Lex justitia legis.*

*Neq; Titus, qui mecum erat, cum esset gentilis, coactus est circumcidi.*

Hoc vocabulum, Coactus est, satis indicat, cujusmodi fuerit collatio & conclusio, nempe ista, Circumcisio non imponatur gentibus, permittatur tamen ad tempus Iudæis, non quidem ut necessaria ad justiciam, sed propter reverentiam Patrum. Deinde etiam propter charitatem, ne infirmi offendantur, donec in fide confirmantur. Valdè incivile enim fuisset, Legem & cultum patrium statim deferere, qui tanta gloria divinitus isti populo traditus fuerat.

*Quid decretum sit in illa collatione.*

Paulus ergo non rejecit Circumcisionem, ut rem damnatam, nec verbo nec facto Iudæos ab ea coëgit. Dicit enim 1. Corinth. 7. Si circumciscus aliquis vocatus est, non adducat præputium. Sed circumcisionem rejecit, ut rem non necessariam ad justiciam, cum neq; Patres per eam justificati essent, sed tantum fuisset eis signaculum justiciæ, Rom. 4. per quod testificati essent & exercuissent suam fidem. Credentes tamen Iudæi, qui adhuc infirmi erant & pro lege zelabant, cum audirent circumcisionem non necessariam ad justiciam, non potuerunt hoc aliter intelligere, quam eam esse omnino inutilem ac damnatam. Et hanc infirmorum opinionem augebant Pseudoapostoli, ut exacerbatis, hac indignitate, ut apparebat, animis vulgi, Pauli doctrina omnino suspecta redderetur. Sic & nos hodie jejunium & alias pias exercitationes non rejicimus, ut res damnatas, sed docemus per illa exercitia nos non consequi remissionem peccatorum, &c. Hoc ubi audit vulgus, statim judicat nos damnare bona opera. Et vulgi hanc opinionem augent Papistæ pro concionibus & in scriptis suis, Sed mentiuntur & injuriam nobis faciunt. Nam nemo multis retrò seculis melius ac magis piè de operibus docuit, quàm nos hodie, &c.

*Quomodo Paulus rejecit circumcissionem.*

Itaq; circumcisio non ita à Paulo damnata fuit, quòd peccatum sit eam suscipere vel servare. Hoc enim maximè offendisset Iudæos, Sed in concilio & collatione ista definitum fuit, eam non esse necessariam ad justificationem, ideoq; non imponendam gentibus. Sic medium & Epiikia inventa est, Vt Iudæi Legem & circumcisionem ad tempus servarent, propter reverentiam Patrum, & charitatem erga infirmos in fide, Per eam tamen justificari non quærent, Neq; gentibus imposerent, quia esset eis novitas quædam, deinde etiam onus importabile, Act. 15. In summa, quòd nemo deberet cogi ad circumcisionem, nec quisquam vià circumcisione retrahi.

*Quid definitum sit in illa collatione Evangelij.*

Extat acris contentio Hieronymi & Augustini super illo loco Pauli. Vox, Coactus est, facit ad defensionem Augustini. Hieronymus rem non intellexit. Non enim hic disputatur, quid Petrus vel Paulus fecerit circumcidendo, vel non circumcidendo, ut Hieronymus putat, Hincq; miratur, quare Paulus in Petro reprehendere ausus sit, quod ipse fecerit, Quia, inquit, Paulus circumcidit Timotheum, Et cum Gentibus gentiliter, & cum Iudæis Iudaicè vixit, &c. Non putat rem seriem hinc geri. Ideo concludit, neutrum peccasse, Sed fingit utrumq; officioso mendacio simulasse. Verum istæ disputationes hic omnes & fuerunt & sunt feræ, & de maximis rebus, Ideo nihil fecerunt per simulationem. Ista autem fuit quæstio principalis, Vtrum lex sit necessaria ad justificationem, nec ne? De hoc præcipuo themate, in quo sita est totius Christianæ doctrinæ summa, contendunt hic Paulus & Petrus. Paulus gravior vir erat, quam ut propter leviculam rem, Petrum, in conspectu totius Ecclesiæ Antiochenæ, sic libere invaderet & corripere. Invadit ergo eum propter præcipuum locum doctrinæ Christianæ. Nam absentibus Iudæis Petrus edebat cum gentibus: venientibus, subducebat sese, &c. Ibi Paulus reprehendit eum, quod sua simulatione coëgerit gentes judaizare. Totavis sita est in voce, Cogis, hoc Hieronymus non vidit.

*Contentio Hieronymi & Augustini.*

*Cur Paulus reprehendit Petrum?*

¶

Paulus

Paulus ergo neminem, qui voluit circumcidi, coëgit, ut incircumcisus maneret, modo ut sciret, Circumcisionem non esse necessariam ad justificationē, Iſtam coactionem voluit tollere Paulus. Permiſit igitur Iudæis ut legem ſervarent, libera conſcientia, Quia tam Iudæos quam gentiles ſemper docuit debere liberos eſſe in conſcientia à Lege & circumciſione, Quemadmodum omnes Patriarchæ & ſancti in veteri Teſtamento liberi in conſcientia fuiſſent, & fide, non Lege aut circumciſione juſtificati fuiſſent. Et quidem potuiſſet permittere Paulus, ut circumcideretur Titus, tamen, quia videbat ſe cogi ad hoc, nolebat. Nam ſi obtinuiffent hoc, qui urgebant circumciſionem, ſtatim inde collegiſſent, eam eſſe neceſſariam ad juſtificationē, atq; ita ex permiſſione iſta regnaſſent. Sic nos relinquimus cuiq; liberum, inducere vel exuere cucullum, ingredi vel deferere monaſterium, carnibus aut holeribus veſci, modo iſta libere & citra offenſionem conſcientiæ, aut certe in obſequium fratris, aut exemplum charitatis, non fidei, faciat, Sciatq; hæc omnia nihil valere ad ſatiſfaciendū pro peccatis, & ad promerendam gratiam, &c.

*Cir Paulu non  
paſſus ſit Titum  
circumcidi?*

Sed ut tum Pſeudoapſtoli obſervationem Legis & circumciſionem non relinquebant liberam, ſed neceſſariam faciebant ad ſalutem: Ita hodie adverſarij fortiffime contendunt, humanas traditiones non poſſe omitti ſine periculo ſalutis. Atq; ita ex exemplo charitatis, Fidei exemplum faciunt, cum tamen unicum tantum Fidei exemplum ſit, ſcilicet, credere in Jeſum Chriſtum. Et hoc ut ſolum eſt neceſſarium ad ſalutem, ita quoq; ad omnes homines pertinet. Sed adverſarij citius Diabolum decies adorarent pro Deo, quam ut hoc permitterent, Ideo indies fiunt magis indurati, & ſuas impietates & blaſphemias contra Deum ad integrum reſtituere, & vi eas defendere, & ne latum quidem digitum nobis cedere, volunt. Pergamus igitur & nos intrepidi in nomine Domini exercituum, illuſtrare gloriam Chriſti, & pugnare contra Antichriſti regnum, verbo & oratione, ut nomen ſolius Dei ſanctificetur, ipſius Regnum veniat, & voluntas fiat. Id quod ut fiat propediem, ex animo ſuſpiramus, Amen, Amen.

*Adverſarij in-  
durati vi ſuas  
impietates de-  
ſeudunt.*

*Pauli trium-  
phum contra  
Pſeudoapſto-  
los.*

Fuit ergo iſte Pauli triumphus valde glorioſus, Quod Titus gentilis in medio omnium Apoſtolorum & credentium conſtitutus, ubi tam acriter de iſta quaſtione decertatum eſt, tamen non coactus fuit circumcidi. Hunc Paulus triumphum reportavit, & dicit, quod per iſtam collationem definitum ſit, omnibus Apoſtolis conſentientibus, & tota Eccleſia approbante, ne Titus circumcideretur. Robuſta eſt & firma argumentatio ac magni momenti contra Pſeudoapſtolos. Et Paulus novit premere & potenter urgere hoſtes hoc argumento, Neq; Titus coactus eſt, &c. q. d. Quid contra me mendaciter Pſeudoapſtoli dicunt, quod circumciſionem coactus ſim ſervare, mandantibus hoc ipſum Apoſtolis? Cum habeam teſtimonium omnium credentium in Ieruſalem, deinde, etiam ipſorum Apoſtolorum, quod me autore contrarium ſit definitum. Ibiq; non ſolum victoriam reportavi, ut Titus maneret incircumcisus, ſed eam obtinui etiam conſentientibus & approbantibus Apoſtolis. Mentiuntur igitur Pſeudoapſtoli veſtri, quod nomine Apoſtolorum me apud vos traducunt, & per hoc vobis imponunt. Quia non contra me, ſed pro me ſtantes habui Apoſtolos, & omnes fideles, Hocq; probo iſto exemplo Titi.

Non tamen Paulus, ut jam ſæpe dixi, circumciſionem, ut rem inutilem, damnavit, neq; quemquam ad eam coëgit. Quia neq; peccatum neq; juſticia eſt, circumciſum aut incircumciſum eſſe, Vt neq; peccatum nec juſticia eſt, edere & bibere. Sive enim comederis, ſive non comederis, nihilo es aut melior aut deterior, 1. Cor. 8. Si vero quis veniret, & adderet, vel peccatum vel juſticiam, & diceret, Si comederis, peccas, Si abſtineris, juſtus es, vel e contra, ſtultus & impius eſſet. Ideo impietas eſt, velle tractare Ceremonias cum peccato vel juſticia, ut Papa facit, qui in formula excoſmunicationum minatur, omnes incurſuros periculum animarum ſuarum, qui non obediunt legibus Romani pontificis. Ideo omnes leges ſuas ad ſalutem facit neceſſarias. Diabolus ergo loquitur in Papa & talibus ſuis

*Papa in tradi-  
tione ſua ſer-  
vatis collocat  
juſticiam, &  
peccatum.*



fuis decretis. Si enim salus consistit in servatis legibus Papæ, Quorsum opus habemus Christo Iustificatore & Salvatore?

*Propter subintroductos falsos fratres, qui subintroierant, ut explorarent libertatem nostram, quam habemus in Christo Iesu, ut nos in servitutem redigerent, Quibus nec ad horam cessimus per subjectionem, Ut veritas Evangelij permaneret apud vos.*

Hic causam indicat Paulus, cur ascenderit Hierosolymam, contulerit Evangelium suum cum Apostolis & noluerit circumcidere Titum. Non ut certior redderetur & confirmaretur in Evangelio per Apostolos, nam nihil dubitabat de eo, Sed ut veritas Evangelij permaneret apud Galatas & omnes Ecclesias gentium. Ideo vides non fuisse jocum aut levem rem hoc Pauli negocium. Cum autem dicit, Veritas Evangelij, indicat duplex esse Evangelium, verum & falsum. Evangelium per se quidem unum, simplex, verum & purum est, sed maliciâ ministro-  
*Evangelium Pseudoapost.*  
rum Satanæ depravatur & subvertitur. Ideo cum ait, veritas Evangelij, vult contrarium quoq; intelligi. q. d. Pseudoapostoli prædicant etiam Fidem & Evangelium, sed utrumq; falsum est. Ideoq; me illis tam vehementer opposui, & hac mea pertinacia, quod illis cedere nolui, hoc obtinui, ut veritas Evangelij apud vos permaneret. Sic Papa & fanatici spiritus hodie jactant, se docere Evangelium & fidem in Christum, Docent quidem ea, sed eodem fructu, quo olim Pseudoapostoli, quos Paulus vocat supra Cap. 1. perturbatores Ecclesiarum, eversores Evangelij Christi, &c. Contra, se dicit veritatem Evangelij, hoc est, purum & verum Evangelium docere. q. d. Quæ Pseudoapostoli tradunt, ut maxime dicant certissimam veritatem, mera mendacia sunt, Qui igitur eos audiunt, vanitatem & mendacium pro Evangelio ab eis accipiunt. Sic omnes Hæretici prætexunt nomen Dei, Christi, Ecclesiæ, &c. Item promittunt se non mendacia & errores, sed certissimam veritatem, & purissimum Evangelium velle docere,  
*Veritas Evangelij.*

Est autem veritas Evangelij, quòd justitia nostra est ex sola Fide, sine operibus legis. Falsitas seu depravatio Evangelij est, quòd fide justificemur, sed non sine operibus legis. Hac conditione annexa Pseudoapostoli prædicaverunt Evangelium. Hoc idem fecerunt Sophistæ & Papistæ nostri, Quòd scilicet in Christum sit credendum, fidemq; esse fundamentum salutis, sed eam non justificare, nisi formata sit charitate. Hæc non est veritas, sed fucus & simulatio Evangelij. Verum autem Evangelium est, quòd opera aut charitas non sint ornatus seu perfectio fidei; Sed quod fides per se est donum Dei, & opus divinum in corde, quod ideo justificat, quia apprehendit ipsum Christum salvatorem. Ratio humana objectum habet legem, hoc feci, hoc non feci. Fides autē, quando in proprio suo officio est, nullum prorsus aliud objectum habet, quàm Iesum Christum filium Dei, traditum pro peccatis totius mundi. Non respicit charitatem, non dicit, Quid feci? quid peccavi? quid merui? Sed, quid fecit Christus? quid ille meruit? Ibi veritas Evangelij dicit, Redemit te à peccato, Diabolo, morte æterna. Agnoscit igitur Fides, se in ista persona, Iesu Christo, habere remissionem peccatorum & vitam æternam. Qui hoc objecto excidit, non habet veram Fidem, sed fucum & opinionem, & vertit oculos à promissione ad Legem, quæ per terrefacit, & in desperationem adigit.  
*Falsitas Evangelij.*  
*Doctrina Papistarum de fide*  
*Objectum rationis.*  
*Objectum fidei.*

Quare, quæ Sophistæ docuerunt de fide justificante, si sit charitate formata, mera verborum portenta sunt. Ea enim fides, quæ apprehendit Christum filium Dei, & eo ornatur, non quæ includit charitatem, justificat, Nam fidem, si certa & firma esse debet, nihil apprehendere oportet, quàm solum Christum, neq; alia re in lucta & terroribus conscientiae niri potest, quàm isto unione. Quare qui Christum fide apprehendit, quantumvis lege perterrefiat, & mole peccatorum gravetur, tamen gloriari potest se justum esse. Quomodo aut per quid? per gemmam Christum, quem Fide possidet. Hoc adversarij non intelligunt, ideo abjiciunt gemmam  
*Fides formata charitate.*  
*Fides vera.*

Christum, & in locum ejus reponunt charitatem, quam dicunt gemmam esse. Cum autem ignorent, quid fides sit, impossibile est eos habere fidem, multo minus possunt eam docere alios, Quod autem habent, somnium, opinio & ratio naturalis, non fides, est.

Hæc ideo dico, ut intelligatis Paulum emphatice dicere, veritatem Evangelij, per vituperationem contrarij. Perstringit enim his verbis Pseudoapostolos, quod falsum Evangelium docuerint. Nam urgebant circumcisionem & legis observationem tanquam necessariam ad salutem. Deinde miris artibus & dolis struebant infidias Paulo. Observabant enim, an Titum circumcidere vellet. Deinde an auderet se illis opponere præsentibus Apostolis. Ideo vehementibus verbis perstringit eos, Volebant, inquit, libertatem nostram, quam habemus in Christo Iesu, explorare, ut nos in servitutem redigerent. Quare summo studio armaverunt se, & omnia bene instructa habuerunt contra Paulum Pseudoapostoli, ut quoquo tandem modo possent, eum traducerent, & opprimerent coram Ecclesia. Et ad hoc abuti insuper voluerunt autoritate Apostolorum, in quorum conspectu accusaverunt eum, dicentes, Paulus introducit Titum incircumcisum in cœtum omnium credentium, negat & damnat Legem præsentibus vobis Apostolis. Si ista hîc audet tentare, Quid non auderet inter gentes, vobis absentibus?

Cum igitur videret his dolis se peti, restitit Pseudoapostolis fortissimè, Libertatem nostram, inquit, quam habemus in Christo Iesu, non passi sumus periclitari, ut maxime insidiarentur, & urgerent nos falsi fratres, Sed eos, etiam ipsis Apostolis judicibus, vicimus, Et ne ad horam quidem cedere eis volumus (Dixerunt enim procul dubio, ad tempus saltem Paule illam libertatem intermitte) videbamus enim urgere eos Legem, ut rem ad salutem necessariam. Si vero allegassent obsequium fraternitatis, cessisset Paulus, Sed aliud quærebant, nempe, ut Paulum, & omnes adhærentes suæ doctrinæ in servitutem redigerent. Ideo ne ad momentum quidem eis cedere voluit.

Sic nos offerimus Papistis, quæ offerenda sunt, & plura quàm debemus, Solum excipimus libertatem Conscientiæ, quam habemus in Christo Iesu. Nolumus enim cogi, aut conscientias nostras alligari ad ullum opus, ut hoc vel aliud facientes, justi, omittentes verò, damnati simus. Libenter unà cum eis utemur iisdem cibus, servabimus item ferias & jejunia ipsorum, modo nos ista omnia voluntate libera servare permittant, & istas minaces voces, quibus hætenus conterruerunt & subjecerunt sibi totam orbem, omittant. Mandamus, aggravamus, reaggravamus, excommunicamus, &c. Sed ut hanc nobis libertatem permittant, non possumus obtinere, sicut nec tum Paulus potuit. Ideo idem facimus, quod ipse. Nam cum illam libertatem obtinere non posset, nec Pseudoapostolis vel ad horam saltem cedere voluit.

Sicut igitur adversarij hoc salvum nobis relinquere nolunt, quod sola Fides in Christum justificet: Ita nec nos volumus, nec etiam possumus, in hoc cedere ipsis, quod fides formata charitate justificet. Hîc volumus & debemus esse rebelles & pertinaces, alioqui amitteremus veritatem Evangelij, amitteremus nostram libertatem, quam non in Cæsare, Regibus, Principibus, non in Papa, mundo, carne, sanguine, ratione, &c. Sed in Christo Iesu, habemus, Amitteremus fidem in Christum, quæ ut supra dixi, nihil aliud apprehendit quam Christum gemmam. Hanc fidem, qua renati, justificati & Christo inserti sumus, si nobis salvam reliquerint adversarij, offerimus nos omnia facturos, modo cū ea fide non pugnent. Quia vero hoc impetrare ab eis non possumus, vicissim ne tantillum quidem eis cedere volumus. De re enim seria & magna hic agitur, nempe de morte filij Dei, qui voluntate & jussu Patris caro factus, crucifixus & mortuus est, pro peccatis totius Mundi. Si Fides hic cedit, illa mors, resurrectio, &c. filij Dei inanis est. Item fabula est Christum esse Salvatorem mundi. Deniq; Deus ipse mendax invenitur, quia quod promisit, nō servavit. Pia igitur & sancta est hac in re nostra pertinacia.

*Infidias à Pseudoapost. Paulo struebant.*

*Quatenus servari possint traditiones Papæ.*

*Examine Papæ.*

*Pertinacia pertinet ad esse contra justitiam, pro conservanda libertate Christiana.*

*Fide salva, omnia salva sunt, &c.*

*Pertinacia pertinet ad esse contra sanctam.*

nacia. Hoc enim quærimus per eam, ut conservemus libertatem nostram, quam in Christo Iesu habemus, utq; veritatem Evangelij retineamus, qua amissa, amissimus Deum, Christum, omnes promissiones, fidem, justiciam & vitam æternam.

At dicat aliquis, Lex divina & sancta est. Habeat ea sane suam gloriam, Sed *Legis doctrina.* nulla Lex quantumvis divina & sancta debet me docere, quod per eam justificer & vivam. Concedo quidem ut me doceat, quod debeam diligere Deum & proximum, item vivere in castitate, patientia, &c. Non autem debet mihi ostendere, quomodo à peccatis, diabolo, morte, inferis, liberari debeam, Hic consulendum *Evangelij doctrina.* & audiendum est Evangelium, quod docet, non quid ego facere debeam, hoc enim est proprie legis officium, sed quid Iesus Christus Dei filius pro me fecerit, scilicet, Quod pro me passus & mortuus sit, ut me à peccato & morte liberaret, hoc jubet me Evangelium accipere & credere. Eaq; est & dicitur Evangelij veritas. Atq; is principalis est doctrinæ Christianæ articulus, in quo cognitio totius pietatis consistit. Ideo maxime refert, eum bene scire & perpetuò inculcare. Nam ut tenerimus est, ita facillime læditur. Hoc bene expertus est Paulus, Hoc quoq; experiuntur omnes pij.

Summa, Paulus Titum circumcidere noluit, ob nullam aliam causam, quam, ut ait, Quod subintroierant quidā falsi fratres, exploraturi libertatem, &c. qui volebant cogere Paulum, ut eum circumcideret. Hanc coactionem & necessitatem animadvertens Paulus, ne ad horam quidem cedere voluit, sed summa vi eis restitit. Ideoq; dicit, Neq; Titus, qui mecum erat, cum gentilis esset, coactus est circumcidi, &c. Si jure charitatis, vel obsequio fraternitatis hoc postulassent ab eo, non recusasset. Sed quia volebant & urgebant hoc fieri malo exemplo, in servitutem conscientiarum, & destructionem totius Evangelij, fortissime se illis opposuit, perrupit, & obtinuit, ne Titus circumcideretur.

Res quidem apparet valde levicula, circumcisum vel non circumcisum esse, Sed accedente fiducia ac timore propter servatam aut omissam circumcisionem, negatur Deus, Christus, gratia, & omnia promissa Dei. Alioqui si circumcisio sine illo additamento servaretur, nihil periculi esset. Sic si Papa exigeret à nobis traditiones suas, ut nudas ceremonias, non gravaremur eas observare. Qualis enim esset labor gestare cucullum? raso vertice incedere? cum alioqui ceremoniis utamur. Addere autem hoc grande malum, quod in ista levicula, imo nihili re consistat, aut vita & salus, aut mors & damnatio æterna, hoc Satanicum est & blasphemum, Quicumq; hic non reclamationat, Anathema esto. Edam, bibam, gestabo cucullum, faciam quæcunq; præscripserit Papa, modo sinat ista omnia libera esse. Sed cum ista exigere velit tanquam necessaria ad salutem, ad ea conscientias astringere, & in istis cultum Deo gratum instituere, ibi omnino repugnandum est. Nihil noceret sculperre lignum, lapidem, statuam, Sed cultum instituere, & ligno, lapidi aut statuæ divinitatem tribuere, hoc est idolum pro Deo colere.

*Papa traditiones non servandas, quia tollunt in eis justiciam & peccatū, &c.*

Igitur diligenter considerandum est, de qua re Paulus agat, ne cum Hieronymo ineptiamus, qui putavit esse quæstionem & disputationem de ipsis rebus. In hoc erravit. Non enim est disputatio, An lignum sit lignum, an lapis sit lapis, Sed de additamento, hoc est, de usu rerum, Vtrum hoc lignum sit Deus? seu, utrum huic lapidi insit divinitas? Hic respondemus, Lignum esse lignum, &c. Sic circumcisio nihil est, præputium nihil est, dicit Paulus, Sed ponere justiciam, reverentiam, fiduciam salutis, timorem mortis in istis, hoc est ceremoniis tradere divinitatem. Ideo in minimo non est cedendum adversariis, ut neq; Paulus Pseudoapostolis cessit, Quia ad justiciam neq; circumcisio, neq; præputium, neq; rasure, neq; cucullus pertinet, sed sola & mera Gratia. Hæc est Evangelij veritas.

*Paulus disputat de usu rerum &c.*

*Ab iis autem, qui videbantur esse aliquid, quales aliquando fuerint, nihil mea refert.*

ECLIPTICA est oratio: Deest enim, Ego nihil accepi. Condonandum est

E 3

est



*Cur Paulus A-  
postolus non tri-  
buit magnifi-  
cum iunior?*

est autem Spiritui sancto in Paulo loquenti, si peccet aliquando in grammatice. Ipse magno ardore loquitur. Qui vero ardet, non potest adeo exacte in dicendo observare regulas grammaticas, & præcepta rhetorica. Est autem confutatio ista valde vehemens & superba. Non enim tribuit ipsis veris Apostolis magnificum titulum, sed quasi extenuatione quadam dicit, Qui videbantur esse aliquid, hoc est, qui erant in autoritate, Quorum nutu & renutu omnia pendebant. Revera tamen magna erat Apostolorum autoritas apud omnes Ecclesias, Neq; Paulus detrahit aliquid honori ipsorum. Sed sic contemptim respondet Pseudoapostolis, qui contra Paulum ubiq; Ecclesiis opponebant autoritatem & magnitudinem Apostolorum & discipulorum suorum, ut per hoc extenuarent autoritatem Pauli, & totam ministerium ejus suspectum redderent. Hoc nullo modo erat ferendum Paulo, Ideo ut permaneret veritas Evangelij & libertas conscientiarum in Christo, apud Galatas & omnes Ecclesias gentium, superbissime respondet Pseudoapostolis, Se nihil curare, quam magni sint Apostoli, aut quales aliquando fuerint, Deinde etiam parum sua referre, opponi sibi ab eis autoritatem Apostolici nominis. Apostolos certe aliquid esse, ac eorum autoritatem colendam, Non tamen ideo concedendum, ut propter ullius quantumvis magni, sive Apostoli, sive Angeli è coelo nomen seu titulum, Evangelium & ministerium suum periclitari debeat.

*Argumentum  
Pseudoaposto-  
lorum contra  
Paulum.*

*Verbum ante-  
cedens omni-  
bus personis &  
cunctis.*

Et hoc argumentum fuit unum de firmissimis, quod Pseudoapostoli vehementer urserunt, ad hunc modum. Apostoli tribus annis cum Christo familiarissime vixerunt, omnes ejus sermones & Miracula audierunt & viderunt, Quin & ipsi prædicaverunt & miracula fecerunt, Christo adhuc agente in terris, quem Paulus nunquam vidit in carne, ac longe post glorificationem ejus tandem conversus est. Vtris nunc credendum censerent, An uni Paulo & eidem discipulo tantum, & quidem posteriori? An summis ac maximis Apostolis, qui longe ante Paulum ab ipso Christo missi & confirmati fuissent? Ad hoc respondet Paulus, Quid tum postea? Argumentum hoc nihil concludit, Sint sane Apostoli magni, sint Angeli de coelo, nihil mea refert. Nos agimus nunc non de magnitudine Apostolorum, sed de verbo Dei & veritate Evangelij, Illud permagni refert illud conservari, Hoc debet etiam prævalere. Ideo non curamus, quam magnus fuerit Petrus & alij Apostoli, quot & quanta fecerint miracula. Hoc agimus, ut veritas Evangelij apud vos permaneat. Et solutio illa apparet satis infirma, quod dedita opera, autoritatem Apostolorum sibi oppositam per Pseudoapostolos sic contemnit, & hoc ipsorum robustissimum argumentum non aliter solvit, quam sic, Nihil mea refert. Addit tamen rationem confutationis.

*Deus enim personam hominis non accipit.*

*Dei non respec-  
tus personam.*

*Iudas.  
Saul.  
Ismael.  
Esau.*

*Homo respicit  
personam.*

Hunc locum allegat ex Mose, qui non semel eo usus est, Non accipias in iudicio personam divitis & pauperis, &c. Estq; Gnome seu sententia Theologica, Deus non accipit personam, Illoq; dicto obstruit falsis Doctoribus os. q. d. Vos opponitis mihi illos, qui videntur esse aliquid, &c. Sed Deus horum nihil curat, Non respicit Apostolatam, Episcopatum, Principatum, non respicit honores, autoritatem, &c. Et in signum hujus rei permisit unum de principibus Apostolis, Iudam scilicet, ruere & damnari, Similiter unum ex summis Regibus, & eum primum, scilicet Saul. Ismaelem & Esau, utrumq; Primogenitum reprobavit. Sic per totam scripturam invenies, Deum plerunq; optimos & sanctissimos in specie viros rejecisse, Et Deus aliquando crudelis apparet in talibus exemplis. Sed fuit & est summa necessitas faciendi & scribendi ista horribilia exempla. Nam naturaliter hoc vitium nobis insitum est, quod personas admiramur, & plus respicimus quam Verbum. Contra, Deus vult nos intentos esse & firmiter niti Verbo, Vult, ut nucleum, non testam eligamus, ut plus curemus Patrem familias quam domum. In Petro & Paulo non vult nos admirari & adorare Apostolatam, Sed

Sed Christum in eis loquentem, & ipsum verbum Dei, quod nobis afferunt & prædicant.

Animalis homo non potest ista discernere, solus spiritualis discernit Personam à verbo, larvam divinam ab ipso Deo. Est autem larva Dei tota creatura. Insuper non agit Deus nobiscum in hac vita facie ad faciem, sed velatus & larva indutus, hoc est, ut Paulus ait, videmus eum nunc per speculum in ænigmate, tunc autem facie ad faciem. Ideo non possumus carere larvis, Sed prudentia requiritur, quæ Deum à larva discernat, hanc mundus non habet. Avarus audiens, hominem non solum pane vivere, sed omni verbo, quod per os Dei egreditur, vorat quidem panem, sed in pane Deum non videt, quia larvam tantum respicit. Sic cum auro & aliis creaturis facit, tantisper confidit, donec eas habet: deficientibus illis, desperat. Ideo non Creatorem, sed creaturas, non Deum, sed ventrem colit & adorat. Hæc ideo à me dicuntur, ne quis putet penitus reprobari & contemni à Paulo personas & larvas. Non enim dicit, nullam debere personam esse, sed nullam personarum acceptionem apud Deum esse. Oportet esse personas & larvas, & Deus eas dedit, suntque ejus bonæ creaturæ, Sed nos non debemus eas revereri & adorare. In usu rerum, non in rebus ipsis vis ista est, ut supra etiam dixi. Vitium non est in Circumcisione, aut præputio (quia circumcisio nihil est, præputium nihil est) sed in usu. Colere & adorare circumcisionem, & velle statuere justiciam in ea, in præputio peccatum, is damnatus usus est, qui debet tolli, quo sublato, circumcisio & præputium, res bonæ sunt.

Sic Magistratus, Imperator, rex, princeps, consul, Doctor, concionator, præceptor, discipulus, pater, mater, liberi, herus, servus &c. sunt personæ seu larvæ, quas Deus pro suis creaturis agnoscit & religiose coli vult, quas etiam oportet in hac vita esse. Sed non vult, ut tribuamus eis divinitatem, hoc est, ut timeamus & revereamur eas, ipsis fidamus & sui obliviscamur. Utque Deus eò facilius retraheret nos ab admiratione Personarum, relinquit in eis peccata & lapsus, & eos quidem magnos & turpes, qui nos admonerent, ut inter personam & Deum ipsum discernere mus. David optimus Rex, ne videretur persona, in qua confidendum esset, cecidit in horribilia Peccata, adulterium, homicidium &c. Petrus Apostolus negavit Christum. Hæc & similia exempla, quibus plena est Scriptura, admonere nos debent, ne hæreamus in Persona, neve habita persona, putemus nos habere omnia (Ut fit in Papatu, ubi judicantur omnia secundum externam larvam, Ideo totus est mera Prosopolepsia) Deus dedit omnes creaturas ad utilitatem & usum, non ad cultum & religionem. Vtere ergo pane, vino, veste, possessionibus, auro &c. sed in his non confidas neque glorieris in illis. In solo enim Deo gloriandum ac confidendum est. Is solus amandus, metuendus, colendus est.

Vocat autem hic Paulus personam hominis, Apostolatam seu officium Apostolorum, qui certe fecerant multa mirabilia, docuerant & converterant multos ad fidem, fuerant familiares Christo. Summa, persona complectitur totam externam conversationem Apostolorum, quæ sancta, & auctoritatem ipsorum, quæ magna fuit. Tamen ista, inquit, Deus non curat, Non quòd omnino non curet, sed quantumvis sint magna & gloriosa, in loco justificationis non curat. Oportet enim hanc distinctionem diligenter servari, quòd longe aliter loquamur de rebus in Theologia, quàm in Politia. In Politia vult Deus honorem haberi, ut dixi, istis personis, tanquam suis larvis & instrumentis, per quæ regit & conservat mundum. Sed quando pervenitur ad religionem, conscientiam, timorem, fiduciam, cultum, nemo metuat ullam personam, nemo confidat in ea, nemo consolationem expectet ab ea, nemo speret se corporaliter aut spiritualiter per eam hæerari posse. Hinc est quod Deus personam non vult respici in iudicio. Iudicium enim est res divina. Quare neque metuere neque amare debeo iudicem, sed meus timor & fiducia pendere debet in Deo, qui est verus iudex. Debeo quidem Politicum iudicem, ut larvam Dei revereri & honore afficere propter Deum, Sed conscientia mea non debet fidere & niti ejus justitia & probitate, nec terreri ipsius injustitia &

*Tota creatura est larva Dei.*

*Velatus Deus.*

*Homo larva Dei, non Deo confidit.*

*Larva bona Dei creatura sunt, sed iudicium in eis impositum est.*

*Dei sunt quidam; Sancti autem non grandia peccata habent, ne habeamus in personis quæ.*

*Paulus personam hominis appellat Apostolatam.*

*Persona in iudicio non respicienda.*

tyrannide, ut aliquid contra Deum agam, hoc est, offendam mentiendo, falsum testimonium dicendo, veritatem abnegando, Alioqui libenter honorem habebo iudici.

*Papa negato  
Deo, solum ad  
arari vult.*

Ita Papam venerari, & personam ejus colere velim, si relinqueret mihi Conscientiam liberam, & me non cogeret contra Deum peccare. Verum ipse vult timeri & coli, tum offensione divinæ Majestatis. Hic si alterum est amittendum, amittatur Persona, & retineatur Deus. Dominium Papæ libenter ferremus, \*Sed quia abutitur eo contra nos, & cogere vult, ut se solum, negato & blasphemato Deo, Dominum agnoscamus, & conscientias nostras ligare & urgere vult contra timorem & fiduciam Dei, Ideo cogimur mandato divino resistere Papæ, Quia scriptum est, Oportet Deo magis obedire quàm hominibus. Ideo sine offensione conscientie, quod nos maxime solatur, auctoritatem Papæ contemnimus. Cupiebant & Muntzerus & alii homines furiosi Papam extinctum, Sed hoc armis non verbo volebant efficere, Ideo restiterunt illi propter personam, non propter Deum. Nos libenter faveremus Behemotæ & squamis ejus omnes personas & dignitates, quas habent, modo nobis Christum relinquerent, Sed quia hoc ab ipsis impetrare non possumus, contemnimus Personatum ipsorum, & cum fiducia dicimus cum Paulo, Deus personam hominis non respicit.

*Quando acci-  
pienda sit per-  
sona, quando  
non &c.*

Est itaque Emphasis in vocabulo, D E U S, In causa enim religionis & verbi Dei, nullo modo accipienda est persona, Sed quando est quæstio extra religionem, extra Deum, ibi oportet esse Prosopopolepian, & homo debet respicere personam, ne fiat confusio, neve reverentia & ordo tollatur. Nam in hoc circulo vult Deus servari ordinem, reverentiam & differentiam personarum, Alioqui filius, discipulus, subditus, servus, diceret, Ego æque sum Christianus, atque Pater, præceptor, princeps, herus &c. meus, Cur igitur ei honorem haberem? Coram Deo igitur cessat omnis personatus, ibi neque Græcus neque Iudæus, sed omnes unum sunt in Christo, non item coram mundo &c. Sic solvit Paulus Pseudoapostolorum argumentum de auctoritate Apostolorum, dicens, Intempestivum esse nec in hoc loco valere, ideo ad propositum non pertinere, Quia hic de re longe magis ardua, quàm de personarum respectu agatur, nempe de re divina, de Deo, de verbo Dei, Num scilicet illud sit præferendum Apostolatu, aut e contra? Ibi respondet Paulus, Ut veritas Evangelii permaneat, ut verbum Dei & justitia fidei illæsa & pura conservetur, pereat Apostolatus, pereat Angelus è coelo, pereat Paulus cum Petro.

*Mihi enim qui videbantur aliquid, nihil contulerunt.*

*Quid Paulus  
egerit in ista  
collatione.*

QUAESTIO. Non ita contuli aut veni in colloquium cum Apostolis, ut me docerent. Quid enim me docerent? cum satis abunde omnia docuerat me Christus per revelationem suam, Deinde cum jam octodecim annis prædicaveram Evangelium inter Gentes, & tot miracula per me Christus ediderat, quibus meam prædicationem confirmavit. Ideo fuit tantum collatio non disputatio, in qua non aliquid didici, non recantavi, aut defendi me, sed simpliciter narravi res meas gestas, nempe, Quod gentibus solam Fidem in Christum, sine lege prædicavi, Et quod ad hanc prædicationem fidei, cecidit Spiritus sanctus super Gentes, quæ statim locutæ sunt variis linguis. Quo audito, testati sunt Apostoli me rectè docuisse. Ideo injuria me afficiunt Pseudoapostoli, qui ista invertunt &c.

*Superbia Pauli  
necessaria.*

Neque ista superbia Pauli, qua dicit alios Apostolos nihil contulisse sibi, est vitiosa, sed ultra modum necessaria, Nam si hic cessisset, periisset veritas Evangelii. Multo minus debemus nos cedere adversariis nostris, qui jactant auctoritatem idoli sui Papæ, contra nos, cum Paulus hic noluerit cedere Pseudoapostolis, qui contra se verorum Apostolorum auctoritatem jactabant. Scio, in piis debere esse humilitatem, Sed contra Papam volo & debeo sancta superbia superbire, nempe sic, Papa nolo tibi subjici, nolo te magistro uti, quia certus sum, doctrinam meam esse veram & divinam. Sed Papa hanc non vult audire, imo cogere me vult, ut suis legibus & decretis

*Superbia nostra  
contra Papam.*



decretis paream, & nisi parvero, excommunicat & damnat me, ut Hæreticum & Ecclesiæ desertorem. Ideo superbia nostra contra Papam maxime est necessaria, & nisi sic superbiremus & contemneremus in Spiritu sancto ipsum cum sua doctrina, & Diabolum mendacii patrem in eo loquentem, Nullo modo retinere possemus articulum justiciæ fidei. Quare non contemnimus auctoritatem Papæ, ideo, ut dominemur ipsi, neque hoc agimus, ut extollamus nos supra summas majestates, cum palam sit, nos docere, omnem hominem debere humiliari, subjici, servire potestati, Sed hoc quarimus, ut maneat gloria Dei, & justitia fidei illæsa conservetur, ut simus nos salvi & ipsi.

*Our superbia-  
min contra Pa-  
pam.*

Si igitur Papa nobis concesserit, quod solus Deus ex mera gratia per Christum justificet peccatores, non solum volumus eum in manibus portare, sed etiam ei osculari pedes. Quia verò hoc impetrare non possumus, vicissim superbimus in Deo ultra omnem modum, neque omnibus angelis in coelo, neque Petro aut Paulo, neque centum Cæsaribus, neque mille Papis, neque toti mundo, latum digitum cessuri. Longe absit hic omnis humilitas, Quia volunt nobis rapere gloriam nostram, ipsum Deum, qui nos creavit & omnia dedit, Ipsum Christum, qui nos suo sanguine redemit. Hæc rei summa esto, Sinemus nobis eripi bona, nomen, vitam & omnia quæ habemus, Evangelium, fidem, Christum &c. non patiemur nobis auferri, & maledicta sit humilitas, quæ hic se demiserit, Hic quilibet sit superbus & pertinacissimus, nisi velit Christum negare. Quare Deo dante, mea frons durior erit fronte omnium, Hic durus & esse & haberi volo, hic gero titulum, Cedo nulli, Et ex animo gaudeo hic rebellis & pertinax dici. Hic palam fateor me esse, & futurum durum, & ne pilo quidem cedam. Charitas cedit, quæ omnia suffert, omnia credit, omnia sperat, Contra, fides non cedit, Imò nihil omnino tolerare potest, Iuxta hoc vulgare dictum, Non patitur ludum, fama, fides, oculus. Quare Christianus, quod ad fidem attinet, superbissimus & pertinacissimus sit, nihil plane patiatur, nulli, ne pilo quidem cedat, Fide enim homo fit Deus, 2. Pet. 1. Deus autem nihil patitur, nulli cedit, est enim immutabilis, Sic Fides est immutabilis, Igitur nihil pati, nulli cedere debet. Per charitatem autem Christianus cedat & toleret omnia, tunc enim est merus homo.

*Cedo nulli.*

*Charitas omnia  
suffert, fides ferro  
nihil potest.*

*Pet. 1.*

*Sed contra, cum vidissent, quòd creditum est mihi Evangelium Præputii, sicut & Petro Circumcisionis (Qui enim efficax fuit cum Petro ad Apostolatam circumcisionis, efficax fuit & mecum in Gentes.)*

Hæc est fortissima confutatio contra falsos Apostolos. Vendicat & arrogat hic sibi Paulus eandem auctoritatem, quam Pseudoapostoli jactaverunt de veris Apostolis. Et utitur inversione rhetorica. Pseudoapostoli, inquit, allegant auctoritatem magnorum illorum Apostolorum pro se, contra me, At ego allego eam pro me contra ipsos. Nam Apostoli pro me sunt. Ideo, mei Galatæ, ne credatis istis, qui auctoritatem Apostolorum contra me jactant. Quia cum vidissent concreditum esse mihi Evangelium præputii, & agnovissent mihi gratiam datam, dederunt mihi & Barnabæ dextras societatis, approbantes ministerium meum, & gratias agentes de dono meo. Sic egregie retorquet argumentum in adversarios. Et in his verbis merus ardor est & flamma, & plus hic cordis est, quàm linguæ. Ideo etiam accidit, ut Paulus oblitus Grammaticæ, perturbaverit constructionem. Cum autem ait, Qui videbantur columnæ esse, non fuit fucus, sed revera habebantur pro columnis. Nam Apostoli per totam Ecclesiam culti & honorati erant, Et penes ipsos erat autoritas probandi & publicandi doctrinam veritatis, & damnandi contrariam.

*Apostolici  
lumina.*

*et. 10.*

Is mirabilis textus est, quod Paulus dicit sibi concreditum Evangelium præputii, Petro circumcisionis, Cum tamen Paulus fere ubiq; Judæis in Synagogis, & Petrus etiam gentibus prædicaverit. Vtriusq; rei extant testimonia & exempla in Actis. Petrus convertit Centurionem cum familia, qui erat gentilis, Deinde scripsit

*Petro concessum  
Evangelium circum-  
cisionis,  
Paulo præputii.*

scripsit ad gentes, ut testatur prior ejus Epistola, Paulus prædicans Christum inter gentes, simul tamen ingreditur Synagogas Iudæorum, & ibi docet Evangelium. Et in Marco & Matthæo mandat Christus omnibus Apostolis, Euntes, inquit, in mundum universum, prædicate Evangelium omni creaturæ. Et Paulus Col. 1. ait, Evangelium prædicatum in omnem creaturam, quæ est sub cælo. Quare ergo vocat se tantum Apostolum gentium, & Petrum ac cæteros circumcisionis.

*Petrus Iudæorum, Paulus gentium Apostolus.*

Non est difficilis hæc quæstio. Paulus huc spectat, quòd alii Apostoli principaliter in Iudæa & Ierusalem manserint, donec Deo vocante, aliò se contulerunt.

Pro tempore ergo ita tunc habebat res, quod stante adhuc Politia Iudaica erant in Iudæa, Imminente verò vastatione, dispersi sunt per totum orbem. Paulus autem, ut in Actis scribitur Cap. 13. singulari vocatione selectus est, in Apostolum gentium, & missus extra Iudæam, peragravit regiones gentium. Cæterum Iudæi tunc dispersi ferè per totum orbem, passim habitabant in urbibus & locis gentilium. Itaque Paulus illuc veniens, solitus fuit, ut in Actis legitur, ingredi Synagogas Iudæorum, atque illa occasione primum afferebat eis, ut filiis regni, hoc lætum nuntium, promissiones Patribus factas, jam impletas per Christum &c. Cum hoc audire nolent, ibat ad gentes, ut Lucas testatur Act. 13. ubi inducit Paulum cum fiducia sic loquentem contra Iudæos, pro lege zelantes, & contradicentes his, quæ ab ipso dicebantur. Vobis, inquit, oportebat primum loqui verbum Dei, Sed quia repellitis illud, & indignos vos judicatis vita æterna, ecce convertimur ad gentes. Et Act. ult. Notum sit vobis, quod gentibus missum est hoc salutare Dei, & ipsi audient. Quare præcipue ad gentes missus est. Quia verò debitor omnium erat, & omnibus omnia fiebat, data occasione intravit Synagogas Iudæorum, ubi non solum Iudæi, sed etiam gentes audierunt eum concionantem Evangelium de Christo. Aliàs publicè prædicavit gentibus in foro, in domibus, ad flumina. Fuit igitur præcipue gentium Apostolus, ut Petrus Iudæorum, sic tamen, ut & ipse gentibus annuntiaverit Christum, oblata opportunitate &c.

*Paulus prædicavit etiam Iudæis.*

Appellat autem præputium Gentes, circumcisionem Iudæos, per Synecdochen, tropum in sacris literis usitatissimum, cum videlicet totum parte comprehenditur. Est igitur Evangelium præputii, quod mittendum erat ad gentes, Hoc ait sibi concreditum, ut Petro circumcisionis, Quia ut Petrus in Iudæos, ita ipse in gentes sparsit Evangelium Christi. Hic obiter admonendum est, Ebræos constructionem genitivi variè accipere, jam active, jam passive. Id quod sæpe obscurare solet sententiam. Exempla passim obvia sunt in Paulo & tota Scriptura. Ut hæc oratio, gloria Dei, non nihil est obscura, quia active & passive exponi potest. Gloria Dei active, qua Deus in se gloriatur, Passive, qua nos in Deo gloriamur. Sic fides Christi &c. Nos plerunq; tales sententias passive exponimus, ut Christi fides est, qua Christus creditur. Sic Evangelium Dei active vocatur, quod solus Deus dat & mittit in mundum. Evangelium præputii & circumcisionis passive, quod ad gentes & Iudæos missum, & ab ipsis receptum est.

*Præputium, Circumcisio.*

*Constructio genitivi apud Ebræos variæ.*

*Evangelium præputii &c.*

Hoc perpetuò urget, Iacobum, Petrum & Iohannem, qui videbantur columnæ, nihil docuisse se, neq; eos, ut Majores & ordinatores, commisisse sibi officium Evangelii. Nulla enim est ibi autoritas docentis, mandantis, aut mittentis. Ideo etiam neq; agnoscit eos præceptores & ordinatores. Sed ubi ipsimet, inquit, videbant mihi creditum, id est, fideliter commissum, Evangelium, non à Petro, Quia ut neque ab homine accepi aut didici Evangelium, Ita neque ab homine accepi mandatum prædicandi illud, Sed utrumque & cognitionem Evangelii & mandatum prædicandi illud inter gentes, accepi immediate à Christo, per omnia ut Petro divinitus traditum Evangelium & ministerium demandatum erat prædicandi illud inter Iudæos.

*Paulus non habuit Apostolos Doctores &c.*

*Paulus non habuit Apostolos Doctores &c.*

Hic locus clare testatur omnes Apostolos habuisse æqualem vocationem & mandatum, ac idem Evangelium. Petrus non prædicavit aliud Evangelium, quàm alii, Nec ipse aliis demandavit officium, sed omniuno inter eos fuit æqualitas. Omnes enim

*Æquales Apostolorum vocatio &c.*

enim

enim divinitus docti ac vocati fuerunt, hoc est, utrumque & vocatio & mandatum omnium Apostolorum fuit simpliciter immediate à Deo. Nullus ergo Apostolus major est alio, nec est aliqua personæ prærogativa. Quare impudens mendacium est, quod Papa jactat Petrum fuisse principem Apostolorum, ac per hoc ipsum confirmat primatum suum &c.

*Æquitas  
Apostolorum.*

*Qui efficax fuit cum Petro &c.*

CONFUTATIO est alterius cujusdam argumenti Pseudoapostolorum. Quid jactant Pseudoapostoli, inquit, Evangelium Petri fuisse efficax? multos per ipsum conversos, fecisse eum miracula multa & magna, suscitasse mortuos, umbra sua sanasse infirmos. Concedo ista omnia. Sed ea efficacia Petrus è cælo fuit indutus, Deus virtutem dedit voci ipsius, ut multi crederent, ut multa per ipsam miracula fierent. Eandem virtutem ego quoque habui, non acceptam à Petro, sed idem Deus & spiritus, qui in Petro efficax, & in me efficax, fuit. Eandem habui gratiam, multos docui, & multa miracula feci, Mea quoque umbra infirmos sanavi. Hocq; testatur Luc. in Actis Cap. 19. his verbis: Virtutes non vulgares faciebat Deus per manum Pauli, Ita ut etiam super languidos deferrentur à corpore ejus sudaria & semicinctia, & recedebant ab eis morbi, & spiritus mali egrediebantur. Plura lege Cap. 13. 16. 20. 28. in Actis.

*Evangelium  
Petri efficax.*

*Evangelium  
Pauli efficax.*

Summa in nulla re vult Paulus aliis Apostolis minor haberi, & de hoc pie & sancte superbit. Frustra igitur Iulianus & Porphyrius calumniantur, Paulum insolere contra caput Apostolorum. Paulus hic ambitiosus & superbus fuit contra Petram necessitate, eaq; divina, Zelus enim pro gloria Dei coëgit eum sic superbire. Hoc calumniatores isti non videntes, putaverunt hanc ejus superbiam esse carnalem, qualis hodie est in Papa & suis Episcopis, Verum non agebatur hic Pauli negotium, sed fidei. Per fidem autem oportet nos esse invictos, inflexibiles & pertinacissimos, & si possemus, duriores Adamante. Per charitatem verò molliores & flexibiliores omni arundine & folio, & ad omnia obsequentes. Non igitur fuit dimissio hinc de gloria Pauli, sed de gloria Dei, de verbo Dei, de vero cultu, religione & justitia fidei, ut ista illæsa manerent.

*Superbia Pauli  
non est carnalis.*

*Et cum cognovissent gratiam, quæ data est mihi, Iacobus & Cephas & Iohannes, qui videbantur columna, dextras dederunt mihi & Barnabæ societatis, ut nos ingentes, ipsi verò in circumcisionem.*

(scilicet prædicarent Evangelium)

HOC est, cum audissent me accepisse divinitus vocationem & mandatum prædicandi Evangelium inter gentes, Deum tot fecisse per me miracula, Deinde tantum numerum gentium pervenisse ad cognitionem Christi per meum ministerium, gentesq; accepisse Spiritum sanctum sine Lege & circumcisione, per solum auditum fidei, glorificaverunt Deum pro gratia, quæ mihi data est. Gratiam appellat omnia quæ à Deo acceperat, Quod ex persecutore & vastatore Ecclesiæ, factus est Apostolus, à Christo edoctus, spiritualibus donis auctus &c. Illaq; narratione indicat, Petrum sibi testimonium dedisse quod verus sit Apostolus, non à se aut ab aliis Apostolis doctus & missus, sed à solo Deo, Atque ita ministerium & auctoritatem Pauli ac dona spiritus in eo, non solum, ut res divinas humiliter agnovit, sed etiam approbavit & confirmavit, non tamen ut superior & autor, sed ut frater ac testis. Hoc idem fecerunt Iacobus & Iohannes. Ideo pro me, non contra me stant hi, qui columnæ inter Apostolos sunt.

*Quid Paulus  
vocet gratiam  
hoc loco.*

*Petrus appro-  
bat ministerium  
Pauli.*

*Dextras societatis.*

ID est, communionis, vel dextras socias, hoc est, dixerunt, Nos unanimi consensu, Pæule, prædicamus tecum Evangelium. Sumus igitur in doctrina socii, & habemus in ea communionem, hoc est, habemus eandem doctrinam, quia idem Evangelium, eundem baptismum, eundem Christum & fidem tecum prædicamus.

*Idem Evan-  
gelium Pauli &  
aliorum Apo-  
stolorum.*

Quare



Quare nihil possumus te docere, aut injungere tibi, cum per omnia inter nos cōveniat. Non enim diversa, meliora aut sublimiora docemus, quam tu, sed idem donum in te videmus, quod nos habemus, Nisi quod tibi Evangelium præputii, nobis circumcisionis, commissum est. Sed concludimus hîc, quod præputium & circumcisio non debeant impedire nostram communionem, cum idem sit Evangelium, quod utriq; prædicamus.

*Idem esse Evangelium omnium.*

Admonet hic locus, Idem Evangelium esse Gentium, Iudæorum, monachorum, Laicorum, juvenum, senum, virorum, mulierum &c. Non respicit personas, sed commune est Verbum & Doctrina omnium hominum, Quicumque eam audit & credit, salvatur, non obstante, quod incircumcisus aut circumcisus sit. Paulus hætenus probavit, non solum divino testimonio, sed etiam humano, Apostolorum scilicet, se recte & pie docuisse Evangelium. Quare omnia, quæ Pseudoapostoli pro extenuanda autoritate ejus dixerunt, ostendit esse conficta, & testimonium Apostolorum pro se stare, non pro Pseudoapostolis. Quia verò solus ista narrat, ideo jurat, & Deum testem invocat, quod quæ dixerit, vera sint.

*Tantum ut pauperum memores essemus, Quod etiam studui facere.*

*Episcopus debet etiam sollicitus esse pro pauperibus.*

*Mundus pro conservanda pietate nihil confert, e contra &c.*

POST prædicationem Evangelii, reliqua cura boni Pastoris est, ut sit memor pauperum. Nam ubi Ecclesia est, ibi necesse est pauperes esse, qui & plerumq; soli sunt veri discipuli Evangelii, ut Christus ait, Pauperes evangelisantur. Mundus enim & Diabolus persequuntur Ecclesiam, & redigunt multos ad paupertatem, qui postea deseruntur, & negliguntur. Deinde non solum in hoc peccat Mundus, sed etiam non est sollicitus pro conservando Evangelio, vera pietate & cultu Dei. Nemo pro ministris Ecclesiæ alendis, & scholis erigendis vult quicquam conferre, consulere &c. Pro superstitione & falsis cultibus erigendis & conservandis, nemo non libenter utraq; manu dabit. Tot erecta sunt monasteria, tot Ecclesiæ Cathedrales, tot Episcopatus in Papatu, ubi ipsa impietas regnat, tot redditus ordinati pro eorum sustentatione. Iam civitas gravatur unum atque alterum ministrum Evangelii alere, quæ prius, regnante impietate, aliquot monasteria, & infinitos Sacerdotes Missarios aluit sine gravamine, Vt interim nihil dicam de Terminariis, Stationariis &c. In summa, vera religio semper eget, Et Christus conqueritur se esurire, sitire, hospitem, nudum, infirmum esse &c. Econtra impietas floret, & abundat omnibus bonis. Ideo verus Episcopus etiam curam pauperum habere debet. Id quod Paulus fatetur hic se fecisse.

*Cum autem venisset Petrus Antiochiam, in faciem ei restiti, quia reprehensibilis erat.*

*Calumniæ Iuliani & aliorum contra Paulum &c.*

PAULUS pergit confutando, & dicit, Quod non solum habeat testimonium Petri & aliorum Apostolorum Hierosolymis pro se, sed quod etiam restiterit Petro, præsentem Ecclesiam Antiochena Narrat hic rem non gestam in angulo, sed in facie Ecclesiæ. Et illa satis mirabilis historia, multis dedit occasionem calumniandi, ut Porphyrio, Celso, Iuliano & aliis, qui accusant Paulum superbiæ, quod invaserit summum Apostolorum, & hoc in facie Ecclesiæ, Per quod excesserit metas Christianæ modestiæ & humilitatis. Non mirum autem est, talia cogitare & loqui eos, qui scopum Paulinæ disputationis non vident.

*Majestas articuli justificationis.*

Paulus hîc non agit, ut & suprâ monui, de lana caprina, nec de pane lucrando, sed de præcipuo articulo Christianæ doctrinæ. Qui intelligit, quanta sit ejus utilitas & majestas, illi cætera omnia vilescunt, & nihili fiunt. Quid enim est Petrus, Paulus? quid angelus è coelo? quid universa creatura ad articulum justificationis? Eo enim cognito in clarissima luce; ignorato, in densissima caligine versamur &c. Quare si istum videris labefactari aut perichitari, non verebere vel Petro vel angelo è coelo resistere, nam satis magnificè non potest extolli. Contrà, Porphyrius & alii spectant magnitudinem dignitatis Petri, mirantur ejus personam, & obliviscuntur majestatis hujus Articuli. Paulus contrarium facit. non invehitur acriter in Pe-

in Petrum, sed satis reverenter tractat eum. Quia verò videt periclitari majestatem articuli de justificatione propter dignitatem Petri, nullam habet rationem dignitatis ejus, ut eum salvum conservet & defendat. Sic & nos facimus, quia scriptum est, Qui diligit patrem, matrem, animam suam &c. plus quàm me, non est me dignus.

Ideo quod attinet ad defendendam Evangelii veritatem, non erubescimus accusari ab Hypocritis superbi & obstinati, qui solis apere, neminem audire, nemini cedere velimus. Hic summe necessarium est inflexibilem & obstinatum esse. Quia causa propter quam peccamus in hominem, hoc est, propter quam conculcamus majestatem Personæ vel Mundi, tanta est, ut ista peccata, quæ mundus judicat maxima, fiant & sint summæ virtutes coram Deo. Bene facimus, quod parentes colimus, quod honorem habemus Magistratui, quod reveremur Petrum & alios verbi ministros, Sed jam non versamur in causa Petri, parentum, Cæsaris, Mundi, aut ullius creaturæ, sed Dei. Hic recte facio, quod non cedo parentibus, Cæsari aut etiam Angelo in cœlo, &c. Ratio, confer tu Deum cum creatura. Quid universa creatura ad Deum? una gutta ad mare. Quare ergo sic admirarer Petrum, qui est guttula, ut relinquerem Deum, qui est mare? Cedat igitur gutta mari, cedat Petrus Deo.

*Expediit esse  
pertinaciam in  
causa Dei.*

Hæc ideo dico, ut diligenter consideretis rem, de qua agit Paulus. Agit autem de verbo Dei, quod nemo satis digne extollere potest. Augustinus melius judicat de isto negotio Pauli, quàm Hieronymus, qui tantum respicit dignitatem & auctoritatem Petri, & inde sic colligit, Petrus fuit summus Apostolus, ergo non debuit reprehendi à Paulo, vel si reprehendit, fecit fucum quodam. Sic Paulo tribuit simulationem, quod ideo finxerint Petrum reprehensibilem, ut suum Apostolatum promoveret, & Gentes suas defenderet. Contrà, Petrum per omnia excusans, veritatem illi tribuit, Quæ est valde incommoda inversio Textus, qui disertè exprimit, Petrum fuisse reprehensibilem, ac aberrasse à veritate. Item, quod alii Iudæi cum eo simulaverint, ita ut etiam Barnabas ab eis adductus sit in illam simulationem. Hæc clara verba non videt Hieronymus, tantùm in hoc hæret, Petrus fuit Apostolus, Ergo irreprehensibilis, & non potuit peccare. Huic sententiæ rectè re- clamat Augustinus, Non est ferenda, inquit, simulatio in Paulo, quia juramento confirmat se veritatem dicere.

*Sententia Au-  
gustini & Hier-  
onymi super  
hoc loco Pauli.*

Quare injuriam faciunt Paulo Hieronymus & Erasmus, qui particulam, secundum faciem, exponunt in speciem, id est, non ex animo, sed secundum fucum. Quod scilicet Paulus non ex corde, sed ex simulatione officiosa restiterit Petro, ne gentes offenderentur, si omninò tacuisset, Sed secundum faciem, significat coram. In os enim restitit Petro, non in angulo, sed Petro præsentem, & tota Ecclesia astan- te. Et significanter ponit hanc particulam, secundum faciem, contra virulentas vi- peras, Satanae Apostolos, qui absentibus detrahunt, quibus præsentibus ne quidem audent hiscere, ut Pseudoapostoli faciebant, quos etiam hic oblique perstringit, qui præsentem detrahere non audebant, absenti detrahebant. Sic non detraxi, inquit, Petro, sed libere & aperte restiti ei non ex simulatione, ambi- tione, aliquo humano affectu aut morbo animi, sed quia erat reprehensibilis, &c.

*Secundum fa-  
ciem.*

*Christianus a-  
perte reprehendit  
vitium in  
fratre, contra  
&c.*

Hic finito alios disputare, An Apostolus possit peccare? Nos non debemus extenuare peccatum Petri. Prophetæ etiam quandoque errant & falluntur. Natan ex suo spiritu dixit ad Davidem, quod deberet ædificare domum Domini. Illa Prophetia mox est correctæ per revelationem divinam, quod non David, qui fuisset vir bellator & multum sanguinis effudisset, sed filius suus Salomon deberet ædificare domum Domini. Sic & Apostoli erraverunt, somniabant Christi regnum fu- turum corporale A&. 1. Num in tempore hoc &c. Et Petrus etsi à Christo audierat, Ite in mundum universum &c. tamen non ivisset ad Cornelium, nisi fuisset admonitus visione, &c. In hac verò causa non solum erravit, sed insignem lapsum & grande peccatum commisit. Et nisi Paulus ei restitisset, omnes, qui ex gentibus crediderant, coacti fuissent recipere circumcisionem & servare Legem, & Iudæi

*Propheta er-  
rant.*

*Petrus pecca-  
vit.*

credentes confirmati fuissent in sua opinione, quod istorum observatio necessaria esset ad salutem. Atque hoc modo iterum recepissent Legem pro Evangelio, Mo- sen pro Christo. Et ad hoc maximum peccatum & ineffabile damnum Petrus sua simulatione dedisset occasionem. Ideo non debemus tribuere Sanctis tantam per- fectionem, quasi peccare non possint.

*Dissensio orta  
inter Paulum  
& Barnabam.*

*Sanctorum la-  
psum.*

Testatur Lucas in Actis Cap. 15. inter Paulum & Barnabam, qui unà segre- Act. 15. gati ad ministerium Evangelii inter gentes, jam multas regiones peragraverant, & illis Evangelium annuntiaverant, tam acrem dissensionem ortam esse, ut alter ab altero discesserit. Hic aut Paulus, aut Barnabas excessit. Et oportet fuisse vehe- mentem discordiam, cum istos conjunctissimos socios divulserit, ut textus in Actis testatur. Hujusmodi exempla scribuntur nobis in consolationem. Est enim ple- num consolatione, cum audimus Sanctos, spiritum Dei habentes, etiam peccare. Hanc consolationem nobis eripere volunt, qui negant Sanctos posse peccare. Sam- son, David & alii multi celebres viri, Spiritu sancto pleni, lapsi sunt in grandia pec- cata. Hiob & Ieremias maledicunt diei nativitatis suæ, Elia & Iona, pertæsi vitæ, mortem sibi precantur. Tales errores & peccata Sanctorum proponit Scriptura in consolationem afflictorum & desperabundorum, & in terrorem superborum. Nemo unquam tam graviter lapsus est, qui non possit resurgere. Econtra, nemo tam firmiter fixit pedem, qui non possit labi. Si Petrus lapsus est, & ego labi possum, Si resurrexit, possum & ego resurgere.

*Eundem spiri-  
tum Gratia &  
premi habem-  
us & nos,  
quoniam habue-  
runt Apostoli  
&c.*

*Ecclesia sancta  
& peccatrix.*

Et talia exempla omnino magnificare debent pusillanimes & trepidæ con- scientiæ, ut eo melius discant intelligere, quid orent, cum dicunt, Remitte nobis debita nostra, & Credo remissionem peccatorum. Eadem & communis fuit nobiscum fides & oratio Apostolorum & omnium Sanctorum, nullam prærogativam habuerunt præ nobis, Eadem habemus bona, quæ ipsi, eundem Christum, Ba- ptisma, verbum, remissionem peccatorum, quibus omnibus & ipsi indiguerunt, & æquè per ea sanctificati & salvati sunt, ac nos. Hoc dico contra monstrosa præco- nia & laudes, quibus stulti Sophistæ & Monachi ornaverunt Sanctos. Item dixe- runt Ecclesiam sic sanctam esse, ut omnino sine peccato sit. Est quidem Ecclesia sancta, ut fides nostra confiteretur, Credo Ecclesiam sanctam &c. & tamen pecca- tum habet. Hinc credit remissionem peccatorum, & orat, Remitte nobis debita nostra, Quare non dicitur formaliter sancta, ut paries albus ab albedine inhæren- te. Inhærens illa sanctitas non est satis, sed Christus est perfecta & tota sanctitas ipsius, ubi illa inhærens non est satis, satis est Christus.

*Priusquam enim quidam venirent à Iacobo, cum gentibus edebat.*

*Petrus cum  
gentibus gen-  
tibus vivit.*

GENTES conversæ ad fidem, edebant cibos in Lege prohibitos, Eosdem & Petrus cum gentibus conversis agens, unà cum illis edebat, & vinum prohibi- tum bibebat, & sciebat in hoc se recte facere, ideoque cum fiducia transgredieba- tur Legem cum Gentibus. Sic Paulus fatetur se fecisse, cum ait, 1. Cor. 9. se lu- 1. Cor. 9. dæis factum tanquam Iudæum, his qui sine Lege erant, ac si sine lege esset &c. hoc est, cum gentibus edit & bibit gentiliter, & nullam omnino legem servavit. Cum Iudæis secundum Legem, abstinuit ab omnibus, quæ in lege prohibita erant, Omni- bus enim inservire & placere studebat, ut omnes lucrificeret. Quare Petrus in hoc non peccavit, sed bene fecit, sciebatq; hoc sibi licere. Itaq; sua transgressione o- stendebat, & Legem non esse necessariam ad justiciam, & gentes liberabat ab ob- servatione legis. Nam si licuit Petro Legem in uno violare, licuit in omnibus viola- re. Neque Paulus propter hanc violationem Legis Petrum reprehendit, sed pro- pter simulationem, ut sequitur.

*Cum autem venissent, subducebat & segregabat se, timens eos, qui ex circum-  
cisione erant.*

*Peccatum Pe-  
tri.*

IBI vides peccatum Petri, quod Paulus disertè describit. Non accusat malitiam aut ignorantiam, sed simulationem & infirmitatem in eo, quod scilicet abstinerit à cibo



à cibo communi, in Lege prohibito, metuens ne Iudæi, qui à Iacobo venerant, per hoc offenderentur, Atque ita magis habuit rationem suorum Iudæorum quàm Gentium, Eaquæ re occasionem præbuit, ut periclitaretur libertas Christiana & veritas Evangelii. Nam per hoc, quòd subtraxit & prorsus segregavit se, abstinens à cibis in Lege prohibitis, quos antea comederat, scrupulum iniecit conscientiis fidelium, ut sic colligerent ex hoc ipsius facto, Petrus abstinere à cibis in Lege prohibitis, ergo quicumque edit prohibita in Lege, peccat & transgreditur Legem, Qui verò abstinere, servat legem & justus est, alioqui ipse non subtraheret se. Quia verò se subtrahit & data opera vitat cibos, quos prius edit, certissimum signum est, manducantes contra Legem peccare, abstinentes verò à cibis in lege prohibitis, servare legem & justificari.

*Quid colleg-  
runt credentes,  
ex hoc Petri fa-  
cto.*

Iste est locus qui hic tractatur, quem Hieronymus non vidit, vidit tantum factum, non finem facti. Factum in se non erat malum, quia edere & bibere, aut econtra, nihil est, Sed finis iste, si edis peccas, si abstines justus es, malus est. Sic circumcisio per se res bona est, sed hic finis malus est, Nisi circumcideris secundum legem Mosi, non poteris salvari. Item prohibitis in lege vesci non est malum, sed subductio & segregatio illa Petri est mala. Quia hoc inde infertur, Petrus abstinere à prohibitis in lege, Nisi igitur & tu abstineris, non poteris salvari. Illud nequaquam erat Paulo dissimulandum, quia veritas Evangelii ibi periclitabatur, Vt ea igitur salva permaneret, restitit Petro in faciem,

*Aliud est fa-  
ctum, aliud fi-  
nis facti.*

Hic facienda est distinctio, quia cibi dupliciter vitari possunt. Primum in obsequium fratris, spectando tantum charitatem, ibi nullum est periculum, sed bonum est hoc modo servire fratri infirmo, Sic Paulus ipse fecerat & docuerat 1. Cor. 9. Secundò, ut vitans, justus & salvus fiat, non vitans peccet & damnetur. Hic maledicta sit charitas & omnia ejus officia ac obsequia. Hoc modo enim vitare cibos, est Christum negare, sanguinem ejus conculcare, blasphemare Spiritum sanctum, Deum, & omnia divina. Ergo si alterum amittendum est, amittatur & pereat potius amicus aut frater homo, quàm Pater Deus, Si enim perierit Pater Deus, frater homo non diu manebit.

*Abstinentia à  
cibis fit duplici-  
ter.*

Hoc Hieronymus non videns, neque hunc locum, neque totam Epistolam intelligere potuit. Putat simulatam esse hanc reprehensionem Pauli, Ideo extenuat & excusat peccatum Petri, & dicit per ignorantiam commissum. Sed peccavit per simulationem, Eaquæ iterum statuisse necessitatem Legis, coëgisset Gentes & Iudæos à veritate Evangelii discedere, dedissetquæ ipsis efficacissimam occasionem deferendi Christum, negandi gratiam, redeundi ad Iudaismum, & portandi omnia onera Legis, nisi Paulus reprehendisset eum, ac per hoc revocasset ad libertatem in Christo, & ad veritatem Evangelii Gentes & Iudæos, qui hoc exemplo Petri offensi fuerant. Quare si quis vellet peccatum Petri exagitare & amplificare, esset maximum, & tamen occasione tantum & metu, non malitia aut ignorantia commissum. Tam facile ingentes ruinas trahit secum unius lapsus aut erratum, si non corrigatur. Ideo non est jocandum cum articulo justificationis, Non frustra inculcamus & urgemus eum tanta diligentia,

*Simulatio Pe-  
tri.*

*Peccatum Pe-  
tri.*

*Lapsus in do-  
ctrina facilis.*

Et vehementer mirum est, hoc factum esse à Petro, tanto Apostolo, qui antea in concilio Hierosolymitano, fere solus sua sententia obtinuerat, Per Fidem contingere credentibus justiciam sine Lege. Ille idem, qui prius autor fuerat veritatis & libertatis Evangelii, nunc ista mirabili occasione & casu, quòd abstinere à cibis in Lege prohibitis, labitur, & autor fit tanti scandali, & peccat contra suum proprium decretum, Quare qui stat, videat, ne cadat. Nemo credit, quàm periculosa sint traditiones & ceremoniæ, quibus tamen carere non possumus. Quid magis necessarium est in mundo, quàm lex & ejus opera, &c? Et tamen semper periculum est, ne ex his negatio Christi oriatur. Ex lege enim plerumque crescit fiducia operum, Vbi autem illa est, ibi non potest esse fiducia in Christum. Facile igitur negatur & amittitur Christus, ut videmus in Petro (qui melius novit articulum

*Concilium Hier-  
osolymitanum.*

*Ceremoniæ per-  
iculosa.*

Iustificationis quàm nos) quam facili factò & exemplo statim præbuisset occasionem tantæ ruinæ, quod omnes Gentes defecissent à prædicatione Pauli, amisissent Evangelium & Christum &c. Hocq; sancta specie, Potuissent enim dicere, Paule hætenus docuisti, oportere nos sola Gratia sine lege justificari, Nunc vides Petrum contrarium facere, Abstinet enim à vetitis in Lege, Et per hoc dat exemplum, quod non possumus salvi fieri, nisi suscipiamus circumcisionem, & Legem observemus. &c.

*Et simulabant unà cum illo cæteri Iudei, ita ut Barnabas duceretur ab eis in illam simulationem.*

*Simulatio Petri.*

Hic clarè vides, quod Paulus tribuat simulationem Petro, Econtra, Hieronymus tribuit eam Paulo. Si simulavit Petrus, ergo certo sciebat, quid veritas, quid non esset veritas, Qui simulat, non peccat ignorantia, sed sciens fallit alia specie, quàm vera. Et alii, inquit, consentiebant simulationi Petri, ita ut etiam Barnabas, qui Pauli comes fuerat, & longo tempore jam cum illo prædicaverat inter Gentes Fidem in Christum sine Lege, abductus sit in eandem simulationem. Habes igitur peccatum Petri clare hic descriptum, quòd fuerit simulatio, quæ futura fuisset occasio ruinæ recepti Evangelii, nisi Paulus se opposuisset Petro. Miranda autem res est, quod Deus recentem Ecclesiam & ipsum Evangelium per unicam personam tum conservaverit. Solus Paulus stat, Barnabam enim socium amisit, Petrum contra se habet. Sic quandoque una persona in Concilio plus valere potest, quàm totum Concilium. Id quod Papistæ ipsi scribunt, & pro exemplo allegant Paphnutium, qui toti Concilio Niceno, quod optimum fuit post illud Apostolorum in Hierosolymis, restitit & prævaluit.

*Prohibitione.*

*Lex & Evangelium discernenda.*

*Lex & ratio adversantur fidei.*

*Quid faciendum cum conscientia perterrita sit.*

Hæc eo dicuntur à me, ut summa diligentia Articulum justificationis discamus, utq; purissime discernamus Evangelium à Lege, atque in hac causa nihil prorsus per simulationem faciamus, nemini vel pilo cedamus, si modo veritatem Evangelii, & fidem integram & salvam retinere volumus, quæ ut dixi, facillimè læduntur. Itaque procul hic absit Ratio, inimica fidei, quæ in tentationibus Peccati & mortis nititur, non iusticia fidei, quia eum penitus ignorat, sed propria, aut ad summum, iusticia legis. Quam primum autem Lex & ratio conjunguntur, statim virginitas fidei violata est, Nihil fortius adversatur fidei quàm Lex & ratio, Neque illa duo sine magno conatu & labore superari possunt, quæ tamen superanda sunt, si modo salvari velis. Ideò, cum conscientia perterrita Lege & luctatur cum iudicio Dei, nec Rationem nec Legem consulas, sed sola Gratia ac verbo consolationis nitaris. Ibi omnino sic te geras, quasi nunquam de lege Dei quicquam audieris, Sed ascendas in tenebras, ubi nec Lex nec ratio lucet, sed solum ænigma fidei, quæ certo statuatur, se salvari extra & ultra Legem, in Christo. Ita ultra & supra lucem Legis & rationis, ducit nos Evangelium in tenebras fidei, ubi Lex & ratio nihil habent negotii. Est & lex audienda, sed suo loco & tempore. Moyses in monte existens, ubi facie ad faciem cum Deo loquitur, non habet, non condit, non administrat legem, Descendens verò de monte Legislatur est & populum Lege gubernat, Sic conscientia libera sit à Lege, corpus autem obediat legi.

*Non confidendum nostris viribus.*

Ex his fati constat, Paulum reprehendisse Petrum, non propter leviculam rem, sed propter præcipuum articulum doctrinæ Christianæ, cui Petrus per suam simulationem parabat ruinam. Simulabant enim unà cum eo Barnabas & alii Iudæi, qui omnes peccaverunt, non quidem ignorantia & malitia, sed Iudæorum metu, qui offuderat cordi ipsorum nebulas, ut non viderent, se peccare. Profecto autem mira res est, quod tanti viri, Petrus, Barnabas & alii, tam cito & facile labuntur in illo ipso opere, quod noverant rectè factum, ac antea docuerant. Ideo rectè admonebat D. Staupitius, periculosum esse nostris viribus confidere, etiamsi sancti ac doctissimi simus, etiamsi aliquid bene cognitum & percognitum habeamus. Nam in illo ipso, quod optime scimus, possumus tamen labi & errare, non solum ingra-

in grave nostrum, sed etiam aliorum damnum. Versetur igitur summa diligentia & humilitate in studio sacrarum literarum, ac serio oremus, ne veritatem Evangelii amittamus.

Nihil igitur sumus cum omnibus quantumvis magnis donis, nisi Deus adsit. Is ubi relinquit nos nobis, nihil est nostra sapientia, scientia &c. Nisi ipse nos assiduò sustentet, nihil prodest summa cognitio & ipsissima Theologia. Nam sub horam tentationis subito fieri potest, ut astu Diaboli eripiantur nobis e conspectu omnes loci consolatorii, ac solum comminatorii occurrant ac obruant nos. Discamus igitur, Deo subtrahente manum, facillime posse nos labi ac everti. Itaque nemo superbiat & gloriatur de justitia, sapientia & donis suis, sed humilietur ac oret cum Apostolis, Domine adauge nobis fidem,

*Sine Deo nihil  
posse nos facere.*

*Sed cum vidissem, quòd non rectè ambularent ad veritatem Evangelii.*

Hoc mirabile exemplum est de maximis viris & columnis Ecclesiarum. Hic solus Paulus habet apertos oculos, & videt peccatum Petri, Barnabæ & aliorum Iudæorum, qui unà cum Petro simulabant. Econtra, ipsi peccatum suum non vident, imo putant se rectè facere, & per charitatem servire infirmis Iudæis. Quare summa erat necessitas, Paulum hoc ipsorum peccatum non dissimulare, sed reprehendere. Accusat igitur manifestè Petrum, Barnabam & alios, quod ad veritatem Evangelii non rectè ambulaverint, hoc est, quod declinaverint à veritate Evangelii. Magna autem res est Petrum accusari à Paulo, ut eum, qui lapsus sit & à veritate Evangelii declinaverit, gravius reprehendi non potuisset, Et tamen patienter hoc fert, & haud dubie cum magna gratitudine quoque accepit. Suprà autem monui, multos habere Evangelium, sed non veritatem Evangelii. Sic Paulus hic dicit, Petrum, Barnabam & alios Iudæos non rectè ambulare ad veritatem Evangelii, hoc est, habere quidem Evangelium, non autem rectè in eo ambulare. Ut maximè enim Evangelium prædicabant, tamen sua simulatione, quæ cum veritate Evangelii stare non poterat, Legem statuebant, Statuere autem Legem, est Evangelium abrogare & evertere.

*Petrus ignorans  
vult se errare.*

Qui igitur bene novit discernere Evangelium à lege, gratias agat Deo, & sciat se esse Theologum, Ego certe in tentatione nondum novi, ut deberem. Sic autem discernenda sunt, ut Evangelium ponat in coelo, Legem in terra, ut Evangelii justiciam appelles coelestem & divinam, Legis terrenam & humanam, utq; tam diligenter distinguas justiciam Evangelii à Legis justitia, quam diligenter distinxit Deus coelum à terra, lucem à tenebris, diem à nocte. Hæc sit lux & dies, illa tenebræ & nox, Atque utinam adhuc longius eas discernere possemus. Quare si agitur de Fide, seu conscientia, excludatur prorsus Lex, & relinquatur in terra. Si de operibus, accendatur lucerna operum seu justiciæ legis in nocte, Sic luceat Sol ille & immensa lux Evangelii & gratiæ in die, lucerna autem legis in nocte. Quare conscientia perterrefacta sensu peccati, si cogitet, Iam agis in terra, ibi asinus laboret, serviat & portet onus sibi impositum, hoc est, corpus sit cum membris suis legi subiectum. Cum autem ascendis in coelum, relinque asinum cum sarcina in terra. Nihil enim conscientia cum Lege, operibus & terrena justitia. Sic asinus manet in valle, conscientia autem ascendit cum Isaac in montem, nihil penitus sciens de Lege & operibus, sed tantum spectans remissionem peccatorum & meram justiciam in Christum propositam & donatam.

*Discrimen Le-  
gis & Evange-  
lij diligentissime  
observandum.*

Contra, in Politia obedientia Legis severissimè exigatur, Ibi nihil sciatur de Evangelio, de conscientia, gratia, remissione peccatorum, coelesti justitia, de Christo, sed tantum de Mose, lege & operibus. Hac distinctione diligenter observata, neutrum excedit suos limites, sed Lex manebit extra coelum, hoc est, extra cor seu conscientiam, Econtra, libertas Evangelica manebit extra terram, hoc est, extra corpus & membra ipsius. Quam primum igitur Lex & peccatum veniunt in coelum, id est, in conscientiam, protinus hinc ejiciantur. Quia conscientia perterre-

*Quando lex o-  
rigenda est.*

*Nihil legem  
conscientia.*



*Lex in terra,  
Evangelium in  
caelo justificat.*

facta in terra & iudicii Dei, nihil de Lege & peccato scire debet, sed tantum de Christo. Et vicissim cum gratia, libertas &c. venit in terram, hoc est, in corpus, dicatur, Tu non debes versari in harena & sordibus corporalis vitae, sed sursum pertines in coelum &c.

*Papa ex Evan-  
gelio leges fecit.*

Istam Legis & Evangelii distinctionem Petrus simulatione sua confuderat, eaque persuaserat credentibus, quod per Evangelium simul & Legem justificari deberent. Hoc Paulo non erat ferendum, ideo reprehendit Petrum, non ut eum ignominia aliqua afficeret, sed ut ista duo iterum pure discerneret, nempe, quod Lex in terra, Evangelium verò in caelo justificet. Papa non solum miscuit Legem cum Evangelio, sed meras Leges, & eas tantum ceremoniales, Ex Evangelio fecit, confudit Politica & Ecclesiastica, quae verè Satanica & infernalis confusio est.

*De verum legi  
& Evangelij.*

Is locus de discrimine Legis & Evangelii scitu necessarius est, quia continet summam totius Christianae doctrinae. Ideo quisque studiosus pietatis diligenter det operam, ut discat ista discernere, non tantum verbis, sed etiam ipso affectu & experientia, hoc est, in corde & conscientia. Alioqui quantum ad verba attinet, facilis est illorum distinctio. Sed in tentatione senties Evangelium rarum, Et contra Legem, assiduum esse hospitem in conscientia. Nam ratio naturaliter habet cognitionem legis. Quare cum perterresit conscientia Peccato, quod Lex ostendit & auget, dicas, Est tempus moriendi, est tempus vivendi, est tempus legem audiendi, est tempus legem contemnendi, est tempus Evangelium audiendi, est tempus nesciendi Evangelium. Lex jam discedat, & Evangelium veniat, quia jam non est tempus audiendi legem, sed Evangelium. At nihil boni fecisti, imo graviter peccasti. Concedo, Sed remissionem peccatorum per Christum habeo, propter quem omnia peccata mihi condonata sunt. Extra certamen verò conscientiae, cum externa officia fieri debent, Hic si es minister Verbi, magistratus, maritus, praeceptor, discipulus &c. non est tempus tum audiendi Evangelium, sed legem, ibi servito vocationi &c.

*Tempus Evan-  
gelij.  
Tempus legi.*

*Dixi Petro coram omnibus, Si tu, cum Iudaeus sis, gentiliter vivis, & non iudaicè, cur Gentes cogis iudaisare.*

*Gentiliter vi-  
vere.*

*Petrus simula-  
tionis sua coge-  
bat gentes iu-  
daisare.*

Id est, Tu Iudaeus es, qui tenetur Lege Iudaicè vivere, hoc est, abstinere à cibis in lege prohibitis. Et tamen Iudaeus, vivis gentiliter, hoc est, liberè contra legem facis, transgredieris & conculcas eam. Comedis enim (& in hoc rectè facis) communes seu immundos cibos, ut alius gentilis, qui à Lege liber est. Hoc ipso autem, quod absterritus praesentia fratrum ex Iudaismo conversorum, nunc abstines à prohibitis in lege, & servas legem, cogis Gentes iudaisare, id est, Legem necessario servare. Nam hoc tuo exemplo, quod abstines à prophanis cibis, praebes gentibus occasionem sic cogitandi, Petrus jam vitat cibos gentiles, quos antea comedit, Ergo & nos debemus vitare eos, & Iudaico more vivere, alioqui non erimus iusti neque salvabimur. Vides ergo, quod Paulus in Petro non reprehendat ignorantiam, Sciebat enim liberum esse, vesci cum Gentibus quibuslibet, Sed simulationem, qua coëgit Gentes iudaisare.

*Iudaisare.*

Hic iterum admoneo, Iudaisare per se non esse malum, quia res indifferens est, sive suilla, sive alia carne vescaris, Sed sic iudaisare, ut propter conscientiam abstineas à certis quibusdam cibis, hoc negare est Christum, & Evangelium evertere. Ideo Paulus cum videret huc tendere Petri factum, reclamatione & dicit ad eum, Tu nosti observationem Legis non esse necessariam ad iusticiam, sed eam nobis per solum Christum contingere, Ideoque non servas legem, sed transgredieris eam, & vesceris quibuslibet. Nihilominus tamen exemplo tuo cogis gentes deficere à Christo ad legem, quia praebes eis occasionem sic cogitandi, Fides sola non iustificat, sed simul requiruntur lex & opera, hocque Petrus ostendit isto suo exemplo. Ideo ad fidem in Christum pariter necessaria est observatio legis, si velis iustificari. Itaque Petrus hoc suo facto non solum offendit puritatem Doctrinae, sed etiam veri-

*Error Petri.*

tatem

tatem fidei & iusticiæ Christianæ. Nam gentes acceperunt ex eo legem esse necessariam ad iusticiam, Hoc errore stante, Christus est ociosus.

Ex his satis constat, qui scopus sit discordiæ & concertationis istius Pauli cum Petro. Paulus serio agit & vero corde, non simulat istam correptionem, Sed in Petro, ut textus manifestè habet, est simulatio, quam Paulus in eo reprehendit. Quare in Paulo non est simulatio, sed pura & Christianissima severitas & sancta superbia, quæ vitiosa fuisset, si Petrus leve aliquod peccatum commisisset, & non contra præcipuum articulum Christianæ doctrinæ peccasset. Quia vero culpa Petri laborat Evangelij veritas, non vult, nec potest patrocinium ejus deferre Paulus. Ut igitur eam conservaret integram, non curat Petrum, nihil est ei Barnabas & omnes alij.

Quare injuriam faciunt Paulo Porphyrius & Iulianus, qui calumniantur eum ex mera arrogantia reprehendisse Petrum. Quin & ipsa ratio, si modò videt scopum rei, quam Paulus agit, cogitur fateri, satius esse, ut Petrus negligatur, quam ut divina Majestas cedat, aut fides periclitetur. Ista enim causa hic agitur, Aut Petrus est severe corripiendus, aut Christus è medio tollendus. Hic potius pereat Petrus, & ad infernum abeat, si aliter fieri non potest, quam ut Christus amittatur. Huic sententiæ oportet Porphyrium & omnes assentiri, & nemo potest non fateri Paulum in hoc casu, benè & piè fecisse. Si vero fuisset concertatio de re aliqua media (ut planè jocus & res inutilis est ad istam causam, discordia Pauli & Barnabæ, Actor. 15.) tunc Paulus potuisset cedere. Sed in hac maxima causa, omnino non fuit ei cedendum. Exemplo igitur Pauli superbiat quilibet Christianus. Charitas omnia ferat, credat, speret, Fides contra regnet, imperet, triumphet, nulli cedat, sed omnia illi subjici & cedere debent, plebes, populi, Reges, Iudices terræ. Ut Psalm. 2. Et nunc Reges intelligite, erudimini qui judicatis terram. Servite Domino in timore, &c. Si non, peribitis de via. Ideo plane contrarij sunt effectus, officia & virtutes charitatis & fidei.

*Satis Petrum negligi, quam divinam Majestatem cedere.*

*Concertatio Pauli cum Petro, &c. Effectus fidei & charitatis diversi.*

Itaq; tota vis sita est in particula, Cogis gentes judaisare, id est, cogis eas deficere à Gratia & fide, ad Legem & opera, & negare Christum, quòd frustra passus, mortuus, &c. sit. Hæc vox, Cogis, includit ista pericula & peccata omnia, quæ Paulus urget & amplificat per totam hanc Epistolam, Nam stante illa coactione seu necessitate, necesse est aboleri fidem, qua abolita & eversa, irritæ sunt omnes promissiones Dei, omnia dona Spiritus sancti conculcata sunt, omnesq; homines necesse est simpliciter perire ac damnari. Istiusmodi proprietates multas Paulus per totam hanc Epistolam tribuit iusticiæ Legis.

*Cogis gentes judaisare.*

Cum igitur tam periculosum sit tractare legem, cumq; tam facilis & grandis sit ille lapsus, quasi è sublimi cælo in infernum, Discat unusquisq; Christianus diligentissime ista duo inter se discernere. Patiatur sane Legem dominari corpori & membris ipsius, non item conscientiæ, Ea enim Regina & sponsa non debet contaminari Lege, sed illibata conservari uni & soli sponso Christo, ut Paulus alibi inquit, Despondi vos uni viro, &c. Habeat igitur suum thalamum non in ima valle, sed in sublimi monte, in quo cubet & regnet Christus solus, qui non terret, non affligit peccatores, sed consolatur eos, remittit peccata ac salvat. Quare conscientia afflicta nihil cogitet, nihil sciat, nihil opponat iræ ac judicio Dei, quam verbum Christi, quod est verbum Gratiæ, remissionis peccatorum, salutis & vitæ æternæ. Sed hoc præstare ardua & difficillima res est. Ratio enim & natura humana non hæret Christo firmiter in amplexibus, sed subinde relabitur ad cogitationes de Lege & de peccato, Atq; ita semper quærit libera esse secundum carnem, serva autem & captiva secundum conscientiam.

*Conscientia liberata.*

*Conscientia afflicta quid habere debeat in conspectu.*

Paulus in summa coram Petro complexus est articulum justificationis, his verbis, Si tu cum Iudæis sis, &c. ad eum usq; locum, Propter quod, &c. Vbi iterum sermonem convertit ad Galatas. Locutus est autem ista verba ad Petrum, non ut doceret, sed ut confirmaret eum astante & hoc audiente tota Ecclesia, Ait ergo ad Petrum:

*Nos natura Iudæi, & non ex Gentibus peccatores.*

*Prærogativa  
Iudæorum*

Hoc est, Nos naturaliter sumus Iudæi, qui nascimur in iusticiam Legis, in Mosen & circumcisionem, & cum nativitate ipsam Legem afferimus. Non arbitrio, ut Gentes, sed natura habemus iusticiam legis, Vt supra cap. 1. Paulus de se dicit, Æmulator existens paternarum traditionum, &c. Quare si conferamur cum Gentibus, non sumus peccatores, sine lege & operibus, ut Gentes, sed Iudæi & iusti nascimur & educamur, Iusticia nostra statim orditur ab ipsa nativitate, quia Iudaismus est nobis agnatus. Deus enim Gen. cap. 17. præcepit Abraham circumcidere omnem masculum octavo die, &c. Hanc legem de circumcisione, à Patribus acceptam, postea Moses confirmavit. Magnum ergo est, quod natura Iudæi sumus. Et quamquam istam prærogativam habemus, quod naturaliter iusti sumus, nascimur in ipsam Legem & opera ejus, neque sumus peccatores, ut Gentes, tamen ideo non sumus iusti coram Deo. Gen. 17.

*Lex non iustificat, &c.*

Etiam si igitur mihi des Iudæum optimum, qui iustus natus est, & ab ipsa nativitate perfectissime legem servavit, tamen ideo coram Deo non est iustus. Circumcisi quidem sumus, sed propter Circumcisionem non iustificamur. Ea enim tantum est signaculum iusticiæ, Rom. 4. Neque pueri in fide Abraham circumcisi, propter circumcisionem, sed propter fidem, salvati sunt. Vt maxime igitur simus Iudæi nati & sancti, ac gloriari possimus contra Gentes, quod habeamus justificationem legis, cultum, promissiones, Patres, quæ profecto ingens gloria est, tamen ideo non sumus iusti coram Deo, nec præcellimus Gentes. Rom. 4.

*Ex æquale Iudæorum & gentium.*

*De qua re  
Paulus hic agit*

Ex his satis constat, Paulum non agere hinc de ceremoniis, quod post Christum exhibitum mortiferæ sint, ut Origenes & Hieronymus putant. Sed de Maxima ac seria re agit, scilicet, de nativitate Iudæorum, quos negat esse iustos, etiam si nascantur sancti, circumcidantur, servant legem, habeant adoptionem, gloriam, Testamenta, Patres, cultum, Deum Christum, promissiones, in illis vivant, & de illis glorientur. Vt Iohan. 8. ajunt, Semen Abraham sumus. Item, Vnum patrem habemus Deum. Et Rom. 2. Ecce tu Iudæus cognominaris, &c. Itaque Petrus, Paulus & alij Apostoli, erant quidem filij Dei, iusti secundum Legem, imo Apostoli Christi, non tamen ideo erant iusti coram Deo. Quanquam igitur, quasi uno fasce, complectaris ista omnia, Legem, opera & iusticiam ejus, circumcisionem, adoptionem, testamenta, promissiones, apostolatam, &c. tamen per illa non contingit iusticia Christiana, quia non sunt Fides in Christum, quæ sola, ut sequitur in textu, iustificat, non lex, &c. non quod lex sit mala aut damnata. Non enim ideo damnantur lex, circumcisio, cultus, &c. quia non iustificat. Sed ideo Paulus detrahit eis justificationem, quia Pseudoapostoli contendebant homines per ea sine Fide, tantum ex opere operato, iustificari & salvari. Hoc Paulo non erat ferendum. Cessante enim fide, omnia mortifera sunt, Lex, circumcisio, adoptio, templum, cultus, promissa, imo Deus & Christus ipse sine fide nihil prosunt. Rotunde ergo & generaliter loquitur Paulus contra omnia quæ fidei repugnant. Non solum ceremonias cavillatur. Iohan. 8.  
Rom. 2.

*Sine fide omnia  
mortifera.*

*Scienter autem, quod non iustificatur homo ex operibus legis, nisi per fidem Iesu Christi, &c.*

*Opus legis, non  
de parte aut spe  
cie aliqua legis,  
sed de tota lege  
& per Antithesin,  
contra  
Gratiam, intelli-  
gi debet.*

VOCABULUM, Opus Legis, latissime patet & valde emphaticum est. Hoc moneo propter securos & ociosos Sophistas & monachos, qui huiusmodi vocabula in Paulo, imo totam ejus disputationem de justificatione obscurant & depravant suis stultis & impiis glossis, quas ne ipsi quidem intelligunt. Opus ergo legis accipe simpliciter per antithesin, contra gratiam. Quicquid non est gratia, Lex est, sive sit judicialis, ceremonialis, sive decalogus. Ideo si etiam faceres opus Legis secundum hoc præceptum, Diliges Dominum Deum tuum ex toto corde tuo, &c. (ut interint non dicam, nullum hominem fecisse aut facere posse) tamen non iustificaberis coram Deo, Quia ex operibus legis non iustificatur homo. Sed de hac re infra copiosius. ✠

Significat



Significat ergo Opus legis Paulo, opus totius legis, sive ceremonialis, sive decalogi. Si autem opus decalogi non justificat, multo minus Circumcisio, quæ est opus ceremonialis legis. Itaque cum Paulus dicit, ut frequenter solet, Ex lege, seu ex operibus legis (quæ Paulo idem significant) non justificatur homo, simpliciter de tota Lege loquitur, opponens per antithesin justiciam fidei, justiciæ totius legis, quæ parari potest, sive virtute divina, sive humana ex Lege, Propter illam, inquit, homo non pronunciatur justus coram Deo. Iusticiam vero fidei imputat Deus gratis, per misericordiam, propter Christum. Ideo emphasi & epitali quadam dixit, Ex operibus legis. Non enim dubium est, quin Lex sit sancta, iusta, bona, Ergo opera legis sunt etiam sancta, iusta, bona, Et tamen per ea homo non justificatur coram Deo.

*Hanc de justificatione apostolicam legem non erat a se minus iustas fuisse, ut coram Deo, ubi attendit legem, iustitiam, ratio tota Paulum ne ex ipso statu sanctum veritate. Atque non audire de legem malum, de vero eis, qui peccatum D. At. E. (a quo non per se tripliciter Paulus sententia contra totum Paulum & inferiorum portas illustres & strenue defensæ est) contra Paulum & Spiritum in nos negant sine operibus bonis non justificari aut per variis quædam, miris sophisticationum præfugis passillos Christi involvunt.*

Repudianda est igitur opinio Hieronymi & aliorum, qui somniant Paulum hic loqui non de operibus Decalogi, sed legis ceremonialis, Tamen coguntur fateri etiam ceremoniarum legem fuisse bonam & sanctam, Circumcisio enim & aliæ Leges de ritibus templi, &c. fuerunt iustæ & sanctæ, æque enim præceptæ & ordinatæ erant à Deo, ac leges morales. Hic dicunt, Sed post Christum fuerunt mortificatæ. Hoc ipsi fingunt à capite suo, Deinde Paulus non loquitur hic de gentibus, qui, sicut, sint ceremoniæ mortificatæ, sed de Iudæis, quibus erant bonæ, quas & Paulus servavit. Ergo eo etiam tempore, quo leges ceremoniarum fuerunt sanctæ, iustæ, bonæ, non potuerunt justificare.

Loquitur ergo Paulus non de parte Legis, quæ & ipsa bona & sancta est, sed de universa Lege, Quod opus secundum totam legem factum, non justificet. Neque appellat peccatum legis, aut opus carnis, sed opus legis, hoc est, opus secundum legem factum. Ergo non occidere, non mœchari, &c. sive fiat secundum naturam, secundum vires humanas, secundum liberum arbitrium, sive secundum donum Dei vel divinam virtutem, tamen non justificat.

Possunt autem opera legis fieri aut ante justificationem, aut post justificationem. Ante justificationem multi boni viri etiam inter gentes, quales sunt Xenophon, Aristides, Fabius, Cicero, Pomponius Atticus, &c. præstiterunt Legem & fecerunt egregia opera. Cicero mortem fortiter perpassus est in causa iusta & bona. Pomponius vir fuit verax & constans, qui nullum neque dicebat, neque ferre poterat mendacium. Constantia autem & veritas sunt optimæ virtutes ac pulcherrima opera Legis. Et tamen per ea non sunt justificati. Post justificationem faciunt opera Legis, Petrus, Paulus, & omnes Christiani, sed per ea non justificantur. Nihil mihi conscius sum, inquit Paulus, sed per hoc non justificatus sum. Constat ergo cum loqui de universa Lege, & de operibus totius Legis, non de peccatis contra legem.

*Opera ante & post justificationem facta. Cicero. Pomponius Atticus. Paulus agit de tota lege.*

## THEOLOGIA SOPHISTICA.

**D**amnanda est igitur perniciofa & impia opinio Papistarum, qui tribuunt operi operato meritum Gratiae & remissionis peccatorum. Dicunt enim, Opus bonum, ante Gratiam, valere ad impetrandam gratiam de Congruo. Impetrata vero jam gratia, sequens opus mereri vitam æternam de Condigno. Exempli gratia, Homo existens in peccato mortali, sine Gratia, si bona naturali intentione faciat opus bonum, id est, legat vel audiat Missam, det eleemosynam, &c. is meretur gratiam de congruo. Impetrata hoc modo Gratia de congruo, jam facit opus condignum & meritorium vitæ æternæ. In primo quidem Deus non est debitor, Sed quia est bonus & iustus, decet eum, ut approbet tale opus, etiam in peccato mortali factum, & reddat pro tali officio gratiam. Post gratiam autem jam factus est Deus debitor, & jure cogitur dare vitam æternam. Quia jam non solum est opus liberi arbitrij, factum secundum substantiam, sed etiam factum in gratia gratificante, hoc est, in dilectione.

*Meritum congrui & condigni.*

Hæc est Theologia Regni Antichristiani, quam ideo commemoro, ut eo melius

*Papistarum doctrina de merito congrui & condigni impia & blasphema.*

melius intelligi possit disputatio Pauli. Opposita enim juxta se posita magis illustrata fiunt. Deinde ut palam fiat, quam longe aberraverint à veritate cœci isti & cœcorum duces, & quam ista sua impia & blasphema doctrina, non solum obscuraverint, sed simpliciter sustulerint Evangelium & Christum obruerint. Si enim ego existens in peccato mortali, possum facere aliquod opusculum, quod non solum secundum substantiam sit gratum Deo, sed etiam possit mereri gratiam de congruo, Et ubi habuero gratiam, possum facere opera secundum gratiam, id est, dilectionem, & acquirere de jure vitam æternam, Quid jam opus est mihi gratia Dei, remissione peccatorum, promissione, morte & victoria Christi? Christus plane jam mihi ociosus est. Habeo enim liberum arbitrium & vires faciendi bonum opus, per quod gratiam mereor de congruo, & postea vitam æternam de condigno.

*Quid vocent Sophistæ peccatum mortale.*

Talia monstruosa portenta & horribiles Blasphemiarum debebant proponi Turcis & Iudæis, non Ecclesiæ Christi. Et ea res satis ostendit Papam cum suis Episcopis, doctoribus, monachis, &c. neq; habuisse ullam cognitionem aut curam rerum sacrarum, neq; sollicitos fuisse pro salute deserti & miserabiliter discerpti gregis. Nam si vel per nebulam vidissent, quid Paulus vocet peccatum, quid gratiam, tales abominationes & impias nugas non obtrussissent populo Christiano. Ipsi peccatum mortale tantum intellexerunt de opere externo, commisso contra Legem, ut est homicidium, adulterium, furtum, &c. Non viderunt peccatum mortale esse, Ignorantiam, odium, contemptum Dei in corde, ingratitude, murmurationem contra Deum, aversari voluntatem Dei, carnem nihil posse cogitare, loqui & facere, nisi contra Deum, pro Diabolo. Si istas maximas pestes, in natura hominis hærentes, vidissent, non tam impie nugati fuissent de merito congrui & condigni, &c.

*Descriptio peccatoris mortalis.*

Quare proprie & diserte definiendum est, quid impius seu peccator mortalis sit. Est autem talis sanctus hypocrita & sanguinarius, qualis fuit Paulus cum proficisceretur Damascum, persecuturus Iesum Nazarenum, aboliturus doctrinam Evangelij, trucidaturus fideles, & prorsus eversurus Ecclesiam Christi. Ea certa erant maxima & horrendissima peccata contra Deum, sed quæ Paulus non potuit cernere. Ita enim excecatus erat impio zelo Dei, ut sentiret ista nefanda flagitia esse summam justiciam, cultum, & obsequium Deo gratissimum. Tales scilicet sancti, qui defendunt ejusmodi horribilia peccata, esse summam justiciam, mererentur gratiam?

*Meritum congrui & condigni esse mere fignmentum.*

Quare cum Paulo in totum negamus meritum Congruui & Condigni, & certa fiducia pronunciamus, istas speculationes esse mera ludibria Satanæ, nunquam facta aut exemplis ostensa. Nemini enim unquam dedit Deus gratiam & vitam æternam pro merito congrui & condigni. Sunt ergo illæ disputationes Scholasticorum de merito Congruui & Condigni, tantum inania figmenta & speculabilia hominum ociosorum somnia de rebus nihili. Super quæ tamen universus Papatus fundatus est, & adhuc hodie his nititur. Quisq; enim monachus hanc habet imaginationem, Ego per observationem sanctæ Regulæ, possum mereri gratiam de Congruo, Operibus autem, quæ post acceptam gratiam facio, tantum meritum accumulare possum, ut non tantum mihi sufficiat pro consequenda vita æterna, sed etiam hoc aliis communicare & vendere possim. Sic docuerunt & vixerunt omnes Monachi, Et pro hac manifesta Blasphemia in Christum defendenda, nihil non tentant hodie contra nos Papistæ. Et quo quisq; est sanctior Hypocrita ac justiciarius, hoc deterior est Evangelij Christi hostis.

### VERA CHRISTIANISMI RATIO.

*I. Pars Christianismi est prædicatio penitentia.*

**V**ERA autem Christianismi ratio hæc est, quod homo primum per Legem agnoscat se esse peccatorem, cui impossibile sit ullum bonum opus facere. Lex enim dicit, Tu es arbor mala, ideo omnia, quæ cogitas, loqueris & facis, pugnant

Rom. 14.

pugnant contra Deum, Non igitur poteris mereri gratiam operibus tuis. Si vero hoc tentas, facis malum deterius, quia cum mala sis arbor, non potes facere nisi malos fructus, hoc est, peccata. Quicquid enim ex fide non est, peccatum est. Quare velle mereri gratiam præcedentibus operibus, est velle Deum placare peccatis. Quod nihil aliud est, quam peccatis addere peccata, ridere Deum, & ejus iram provocare. Cum homo sic eruditur Lege, terretur & humiliatur, vereq; videt magnitudinem peccati sui, ac ne micam quidem dilectionis Dei invenit, justificat Deum in verbo suo, & fatetur se reum æternæ mortis & damnationis. Est igitur prior Christianismi pars, prædicatio Pœnitentiæ, & cognitionis suiipsius.

*Præcedentibus operibus velle mereri gratiam, est velle Deum placare peccatis.*

Altera pars. Si vis salvus fieri, Salus non contingit per opera, Sed Deus misit unigenitum Filium suum in Mundum, ut nos per eum vivamus. Is crucifixus, mortuus est pro te, & obtulit peccata tua in corpore suo. Ibi nulla est congruitas aut opus ante gratiam, sed mera ira, peccatum, pavor, mors. Itaq; Lex ostendit tantum peccatum, perterrefacit & humiliat, atq; hoc modo præparat ad justificationem, & impellit ad Christum. Deus enim revelavit per suum verbum, se fore propitium Patrem, qui velit sine nostro merito, cum nihil mereri possimus, nobis donare gratis Remissionem peccatorum, justiciam & vitam æternam propter Christum. Nam Deus est, qui sua dona gratis largitur omnibus, eaq; est laus divinitatis ipsius. Sed hanc suam divinitatem non potest defendere contra justiciarios, qui gratiam & vitam æternam non volunt gratis accipere ab eo, sed illa mereri suis operibus, Ideo simpliciter volunt ei adimere gloriam Divinitatis. Ut ergo hanc retinere possit, legem præmittere cogitur, quæ terreat & conterat, quasi fulmen & tonitru quoddam cœleste, illas durissimas petras.

*II. Prædicatio remissionis peccatorum.*

*Offitium legis.*

*Justiciarii deprehendunt Deum gloriam adimere.*

Hæc, in summa, nostra est Theologia de justiciâ Christiana, contra abominationes & portenta Sophistarum de merito congrui & condigni, seu de operibus ante gratiam & post gratiam. Ea enim inanissima somnia homines securi, qui nullis unquam tentationibus & veris pavoribus peccati & mortis exercitati sunt, è suo capite finxerunt, Ideo non intelligunt, quid loquantur, aut, de quibus affirmant. Deinde nullum exemplum operis ante Gratiam & post gratiam potest dari. Sunt igitur nugacissimæ fabulæ, quibus Papistæ seipfos & alios deludunt. Ratio, quia Paulus hic manifestissime dicit, Hominem non justificari ex operibus legis, sive præcedentibus (de quibus hic loquitur) sive sequentibus. Vides ergo, quod Christiana justiciâ non est inhærens forma, ut Sophistæ loquuntur, cum dicunt,

*Elementum Papistarum de merito congrui & condigni.*

## THEOLOGIA SCHOLASTICA.

QUANDO homo facit aliquod bonum opus, illud Deus acceptat, & pro illo opere infundit ei charitatem. Hanc infusam charitatem dicunt esse qualitatem hærentem in corde, eamq; vocant formalem justiciam (expedit vobis scire istum modum loquendi) Nihilq; minus audire possunt, quàm istam qualitatem, informantem cor, ut albedo parietem, non esse justiciam. Non alius possunt ascendere, quam ad illam cogitationem humanæ rationis, Homo est justus formali sua justiciâ, quæ est gratia gratum faciens, id est, dilectio. Sic isti habitui & formæ inhærenti animæ, id est, charitati, quæ est opus & donum secundum legem (quia lex dicit, Diliges Dominum, &c.) tribuunt justiciam formalem, & dicunt eam esse dignam vita æterna. Et eum, qui hanc habet, dicunt formaliter esse justum, Deinde etiam effectivè, quia jam bona opera facit, quibus debetur vita æterna. Hæc est Sophistarum opinio, & eorum qui optimi sunt.

*Quid Papistæ dicunt formalem justiciam.*

Alij non sunt tam boni, ut Scotus & Occam, qui dixerunt, non opus esse pro acquirenda gratia Dei, charitate illa divinitus donata, Sed hominem posse ex naturalibus viribus elicere charitatem Dei super omnia. Sic enim Scotus colligit, Si homo potest diligere creaturam, Adolescens puellam, Avarus pecuniam, quæ sunt minus bonû, potest etiam diligere Deum, qui est majus bonum. Si homo

*Scotus. Occam.*

habet



*Doctrina Sophistarum, &c.*

habet ex naturalibus viribus dilectionem creaturæ, multo magis habet dilectionem Creatoris. Hoc argumento fuerunt omnes Sophistæ convicti, Et nemo ex eis hoc potuit solvere. Dixerunt tamen, Scriptura nos cogit fateri, Deum ipsum ultra naturalem amorem, quo non est contentus, exigere etiam charitatem donatam à se. Per hoc accusant Deum esse sævum tyrannum & crudelem exactorem, qui non sit contentus, quod servo & impleo Legem suam, Sed ultra Legem, quam benè implere possum, etiam exigat, ut circumstantia & ornatu seu vestitu quodam impleam. Vt si hera non esset contenta, quod coca optimè parasset cibos, sed exostularet cum ea, quod non parasset cibos, induta preciosa veste, & ornata corona aurea. Qualis hæc esset domina, quæ præter hoc, quod coca debet, & etiam egregie præstat, exigit gestari ab ea auream coronam, quam habere non potest? Sic cujusmodi esset Deus, qui exigeret à nobis legem suam, quam alioqui naturalibus viribus servamus, tali ornatu impleri, quem tamen habere non possumus?

*Lex dupliciter impletur, 1. secundum substantiam facti, 2. secundum intentionem præcipientis.*

Sed hic distinctionem faciunt, ne videantur contraria asserere, & dicunt, Legem dupliciter impleri, Primo secundum substantiam facti, Deinde secundum intentionem præcipientis. Secundum substantiam facti, id est, quo ad rem ipsam, possumus simpliciter implere omnia, quæ lex præcipit, Sed non secundum intentionem præcipientis, quæ est, quod Deus non est contentus te fecisse & impleisse omnia, quæ in Lege mandata sunt, quanquam non habeat, quod amplius exigit, Sed ultra hoc exigit, ut in charitate legem facias, non naturali, quam habes, sed supernaturali & divina, quam ipse dat. Quid hoc aliud est, quàm ex Deo facere tyrannum & carnificem, qui hoc exigit à nobis, quod præstare non possumus? Et parum absuit quin manifestè dicerent, non fieri nostra culpa, quòd damnemur, sed Dei, quòd ista circumstantia exigit Legem suam à nobis impleri.

*Fides Christiana.*

*Formalis justitia.*

Ista repeto & pluribus inculco ad illustrandam illam causam, ut videatis quam longè aberraverint à sententia scripturæ, qui dixerunt nos naturalibus viribus Deum super omnia diligere posse, vel saltem ex opere operato mereri gratiam & vitam æternam. Quia vero Deus non sit contentus Legem impleri à nobis, secundum substantiam facti, sed velit eam impleri etiam secundum intentionem præcipientis, ideo cogat nos Scriptura sancta, habere habitum supernaturalem, è cælo infusum, qui est charitas, quam dixerunt esse formalem justiciam, informantem & ornantem fidem, facientemq; ut ea justificet. Sic fides est corpus, siliqua, color, Charitas vero est vita, nucleus, forma. Hæc sunt Scholasticorum somnia.

Nos autem loco charitatis istius ponimus Fidem. Et quemadmodum ipsi dicunt Fidem *μὴ νόημα*, & charitatem vivos colores & plenitudinem ipsam, Ita nos econtrà dicius fidem apprehendere Christum, qui est forma, quæ fidem ornat & informat, ut color parietem. Quare fides Christiana non est ociosa qualitas vel vacua siliqua in corde, quæ possit existere in peccato mortali, donec charitas accedat & eam vivificet, Sed si est vera Fides, est quædam certa fiducia cordis & firmus assensus, quo Christus apprehenditur. Ita ut Christus sit objectum fidei, imo non objectum, sed ut sic dicam, in ipsa fide Christus adest. Fides ergo est cognitio quædam vel tenebra, quæ nihil videt, Et tamen in istis tenebris Christus fide apprehensus sedet, Sicut Deus in Sinai & in Templo sedebat in medio tenebrarum. Est ergo formalis nostra justitia, non charitas informans fidem, sed ipsa fides & nebula cordis, hoc est, fiducia in rem quam non videmus, hoc est, in Christum, qui ut maximè non videatur, tamen præsens est.

*Reputari nos justos propter Christum, &c.*

Iustificat ergo fides, quia apprehendit & possidet istum thesaurum, scilicet Christum, præsentem. Sed quo modo præsens sit, non est cogitabile, quia sunt tenebræ, ut dixi. Vbi ergo vera fiducia cordis est, ibi adest Christus in ipsa nebula & fide. Eaq; est formalis justitia, propter quam homo iustificatur, non propter charitatem, ut Sophistæ loquuntur. Summa, Sicut Sophistæ dicunt charitatem

tatem formare & imbuere fidem, Sic nos dicimus, Christum formare & imbuere fidem, vel formam esse fidei. Ergo fide apprehensus & in corde habitans Christus, est iusticia Christiana, propter quam Deus nos reputat justos & donat vitam æternam. Ibi certe nullum est opus Legis, nulla dilectio, Sed longè alia iusticia & novus quidam mundus extra & supra Legem, Christus enim vel fides non est Lex nec opus legis. De hac re, quam neq; docuerunt neq; intellexerunt Sophistæ, infra dicemus copiosius. Iam satis sit breviter monuisse, Paulum hic non loqui tantum de ceremoniali, sed de tota Lege.

Monui supra, valdè perniciosum esse errorem, quod Scholastici Theologi *Quid Sophistæ docent gratiam* docuerunt, hominem hac ratione consequi remissionem peccatorum & justificationem, Si operibus præcedentibus, quæ appellant merita congrui, mereatur gratiam, quam vocant qualitatem inhærentem voluntati, divinitus donatam supra illam dilectionem, quam viribus naturalibus habemus, Hac habita, dicunt hominem esse justum formaliter & verè Christianum. Illa, inquam, impia & pestilens persuasio est, quia non facit nisi Turcam, Iudæum, Anabaptistam, fanaticum hominem, &c. Quis enim non posset virtute humana, sine gratia facere opus bonum & hoc modo mereri gratiam? &c. Sic somniatores illi fidem fecerunt inanem qualitatem in anima, quæ sola nihil valeat sine charitate, charitate vero accedente sit efficax & iustificet.

Sequentia autem opera dixerunt valere ad promerendam vitam æternam de condigno. Ita quod Deus propter charitatem, quam infudit voluntati hominis, acceptet illud opus sequens ad vitam æternam. Sic enim loquuntur, Deum acceptare bonum opus ad vitam æternam, malum autem opus deacceptare ad damnationem & pœnam æternam. Audierunt per somnium de acceptance, eam postea relationem tribuerunt operibus. Ista omnia erronea sunt & blasphema in Christum. Quanquam non omnes tam benè loquuntur, sed quidam, ut diximus, docuerunt, nos ex puris naturalibus posse Deum supra omnia diligere. Hæc prodest nosse, ut magis perspicua reddatur Paulina disputatio. *Phrasis Sophistarum, Deum acceptare opus, &c.*

### VERA CHRISTIANISMI RATIO.

*Psal. 14.* *Psal. 51.* **C**ontra illas nugas & inanissima somnia, ut & supra admonuimus, sic nos docemus fidem & veram Christianismi rationem, Ut homo primum erudiatur lege ad cognitionem sui. ut discat orare cum Propheta, Omnes peccaverunt & egent gloria Dei. Item, Non est justus, ne unus quidem, non est intelligens, non est requirens Deum, Omnes declinaverunt, &c. Item, Tibi soli peccavi, &c. Sic contrario modo absterremus homines à merito congrui & condigni. Humiliato autem homine per legem & redacto in sui cognitionem, tum verè constitutus est pœnitens (Vera enim pœnitentia incipit à timore & iudicio Dei) videtq; se tam magnum peccatorem, ut suis viribus, studiis & operibus non possit à peccatis liberari. Tum demum recte intelligit, quid Paulus velit, cum dicit, Hominem esse servum & captivum peccati, item, Deum omnia conclusisse sub peccatum, Totum mundum reum esse coram Deo, &c. Ibi videt meram mathæologian esse Sophistarum Theologiam de merito congrui & condigni, & ruere totū Papatum. *1. Pars Christianismi, est prædicatio pœnitentiae.*

*Pœnitentia.*

*2. Prædicatio Evangelij.*

*Esa. 53.* *1. Petr. 2.* Hic tum oritur huiusmodi suspirium, Quis tum potest opem ferre? Nam sic Lege homo exterritus, desperat prorsus de viribus suis, circumspicit & suspirat auxilium Mediatoris & Salvatoris. Ibi tum tempestive venit salutare verbum Evangelij, & dicit, Confide fili, remittuntur tibi peccata. Crede in Iesum Christum pro peccatis tuis crucifixum, &c. Si sentis peccata, noli ea in te aspicere, sed memineris ea translata esse in Christum, cujus livores te sanaverunt, &c. *Formalis iusticia.*

*Formalis iusticia.*

G, nihil

nihil aliud spectet & apprehendat quam Christum Salvatorem. Ibi autem necesse est, ut scias, quid sit Christus definitivè. Hoc ignorantes Sophistæ, fecerunt eum iudicem & tortorem, & excogitaverunt illud stultissimum commentum de merito congrui & condigni.

*Christus non  
Legislator &c.*

Christus autem definitive non est Legislator, sed propiciator & Salvator. Hoc fides apprehendit, & sine dubio credit, cum opera & merita congrui & condigni fecisse superabundanter. Potuisset enim per unicam guttulam sanguinis satisfacere pro peccatis Mundi, iam autem copiose satisfecit. Ebr. 9. Per proprium sanguinem intravit semel in sancta, &c. Et Rom. 3. Iustificati gratis per gratiam Dei, per redemptionem, quæ est in Christo Iesu, quem proposuit Deus propiciatorium, per fidem in sanguine ipsius, &c. Ideo magna res est fide apprehendere Christum, portantem peccata mundi, Eaquæ fides sola reputatur ad iusticiam, Rom. 3. & 4.

*Christus.  
Fides.  
Imputatio.*

Hic observandum est, ista tria, Fidem, Christum, Acceptationem seu reputationem, conjungenda esse. Fides apprehendit Christum, & habet eum præsentem, inclusumquæ tenet, ut annulus gemmam. Et qui fuerit inventus hac fiducia apprehensi Christi in corde, illum reputat Deus justum. Hæc ratio est & meritum, quo pervenimus ad remissionem peccatorum & iusticiam. Quia credis, inquit Deus, in me, & fides tua apprehendit Christum, quem tibi donavi, ut esset Mediator & Pontifex tuus, ideo sis justus. Itaque Deus acceptat seu reputat nos justos, solum propter fidem in Christum, &c. Et valde necessaria est acceptatio seu reputatio, Primum, quia nondum sumus perfecte justi, sed in hac vita hæret adhuc Peccatum in carne, Hoc reliquum in carne peccatum purgat in nobis Deus. Deinde relinquimur etiã quandoquæ à Spiritu sancto, & labimur in peccata, ut Petrus, David, & alij Sancti. Habemus tamen semper regressum ad istum articulum, quod

*Necessaria re-  
putatio.*

*Verendum in  
Christum non  
imputari pec-  
cata.*

peccata nostra tecta sint, quodquæ Deus ea non velit nobis imputare, Psalm. 32. & Rom. 4. Non quod peccatum non adsit (ut Sophistæ docuerunt, Tam diu bene operandum esse, donec nobis conscij simus nullius peccati) Imò peccatum adest vere, & pii illud sentiunt, Sed absconditum est & non imputatur nobis à Deo propter Christum, Quem quia fide apprehendimus, oportet omnia peccata non esse peccata. Vbi vero Christus & fides non est, Ibi nulla est remissio peccatorum, nulla absconditio, sed mera imputatio & damnatio peccatorum. Sic Deus vult glorificari filium, & ipse glorificari in nobis per eum.

*Doctrina bo-  
norum operum  
post fidem tra-  
denda.*

Postquam fidem in Christum sic docuimus, docemus etiam de bonis operibus. Quia apprehendisti Fide Christum, per quem justus es, incipe nunc bene operari, dilige Deum & proximum, Invoca, gratias age, prædica, lauda, confitere Deum, Benefac & servi proximo, fac officium tuum. Hæc vere sunt bona opera, quæ fluunt ex ista Fide & hilaritate cordis concepta, quod gratis habemus remissionem peccatorum per Christum. Quidquid postea crucis & passionum ferendum venit, toleratur suaviter. Nam jugum, quod Christus imponit, suave, & onus ipsius leve est. Remissio enim Peccato & conscientia liberata ab onere & morsu peccati, Christianus omnia facile ferre potest. Quia intus omnia sunt suavia & dulcia, ideo omnia volens facit & patitur. Quando autem homo in propria iusticia incedit, quicquid facit & patitur, grave & molestum ei est, quia invitus facit.

*Crux.*

*Christianum.*

Definimus ergo hunc esse Christianum, non qui non habet aut non sentit peccatum, Sed cui illud à Deo propter fidem in Christum non imputatur. Ista doctrina affert firmam consolationem conscientis in veris pavoribus, Ideoque non frustra tam sæpe & tanta diligentia inculcamus remissionem peccatorum, & imputationem iusticiæ propter Christum. Item, quod Christiano nihil prorsus negotij debeat esse, præsertim in tentatione, cum Lege & peccato. Quatenus est Christianus, est supra Legem & peccatum. Habet enim in corde præsentem, & inclusum, ut annulus gemmam, Christum, legis Dominum. Itaque cum Lex cum accusat, peccatum perterrefacit, &c. intuetur in Christum, quo Fide apprehenso,

*Christianus nihil  
cum lege.*



hensio, habet secum victorem Legis, peccati, mortis & diaboli, qui illis omnibus imperat, ne nocere possint.

Quare Christianus propriè definitus, est liber ab omnibus legibus, & nulli prorsus nec intus nec foris subiectus. Sed significanter dico, in quantum Christianus (non in quantum masculus aut foemina) hoc est, in quantum habet Conscientiam imbutam, ornatam & ditatam illa Fide, illo magno & incomprehensibili thesauro, vel, ut Paulus ait, inenarrabili dono, quod non potest satis magnificari & laudari, Quia facit filios & hæredes Dei. Hinc Christianus etiam major est toto mundo, Quia hoc parvum, ut videtur, donum habet in corde, Sed parvitas huius doni & precij, quod in fide tenet, major est cœlo & terra, quia Christus major est, qui hoc donum est.

*Christianus est liber à lege.*

Stante & salva ista doctrina, pacificante Conscientias, Christiani constituuntur iudices omnium doctrinarum, & domini sunt super omnes leges totius mundi, certissimè judicare possunt, Turcam cum suo Alcorano esse damnatum, Quia non incedit recta via, hoc est, non agnoscit se peccatorem miserum & damnatum, nec fide Christum apprehendit, propter quem credat sibi remitti peccata. Sic cum fiducia pronunciant sententiam contra Papam, eum esse damnatum cum toto regno suo. Quia sic incedit cum omnibus Monachis & Scholis suis, quod per meritum congrui perveniamus ad gratiam, postea per meritum condigni recipiamur in cœlum. Ibi Christianus dicit, Illa non est vera ratio justificandi, non fit itur ad astra, Non possum per præcedentia opera mereri gratiam de congruo, neq; per sequentia merita vitam æternam consequi de condigno, Sed credenti in Christum remittitur Peccatum, imputatur justitia. Illa fiducia facit eum Dei filium & hæredem, qui habet in spe promissam vitam æternam. Itaq; per fidem Christi donantur nobis omnia, gratia, pax, remissio peccatorum, salus & vita æterna, non per meritum congrui & condigni.

*Christiani iudices omnium doctrinarum, &c.*

*Doctrina Papæ corrupta, &c.*

*2. Pet. 2.*

Quare doctrina illa Sententiariorum de merito congrui & condigni, omnes cultus, Missæ & foundationes innumeræ regni Papistici, sunt abominandæ blasphemiae Dei, sacrilegia & abnegationes Christi. Ut Petrus prædixit, 2. Petri 2. his verbis, Erunt, inquit, inter vos magistri mendaces, qui introducent sectas perditionis, & Dominum, qui eos mercatus est, negabunt, &c. q. d. Dominus redemit & mercatus est nos suo sanguine, ut nos justificaret & salvaret, hæc via est justitiæ & salutis. Sed futuri sunt mendaces Doctores, qui negantes Dominum blasphemabunt viam veritatis, justitiæ & salutis, invenient novas vias falsitatis, & perditionis. Et multi sequentur eorum perditionem, &c. Isto toto cap. Petrus egregie depinxit papatum, qui neglecto Evangelio & fide Christi, docuit opera & traditiones humanas, ut sunt de merito congrui & condigni, de discrimine dierum, ciborum, personarum, de votis, de invocatione Sanctorum, de peregrinationibus, de purgatorio, &c. Has fanaticas opiniones de traditionibus & operibus ita imbiberunt Papistæ, ut impossibile sit eos intelligere vel syllabam de Evangelio, fide & Christo.

*Papatus.*

Hocq; res ipsa satis ostendit. Nam illud jus sibi usurpant, quod solius Christi est. Ipse solus liberat à peccatis, donat justiciam & vitam æternam, ista meritis congrui & condigni, excluso Christo, impetrare nos posse impudenter & impie mentiuntur. Hoc Petrus & alij Apostoli vocant instituere sectas perditionis, negare Christum, conculcare sanguinem ejus, blasphemare Spiritum sanctum & gratiam Dei. Itaq; nemo satis videt, quam horribilis sit idolatria papistica. Quam inenarrabile est donum, quod nobis per Christum offertur, tam abominabiles sunt prophanationes illæ papisticæ. Ideo non sunt leviter æstimandæ, aut oblivioni tradendæ, sed diligenter considerandæ. Id quod ad hoc etiam valet, ut gratia Dei & beneficium Christi per contrarium amplificetur. Quo plus agnosco prophanationem Missæ papisticæ, hoc magis abhorreo & detestor eam, & amplector verum Missæ usum, quem Papa sustulit & vertit simpliciter in mercem, quæ

*Idolatria Papistica, &c.*

*Verum Missæ usus per Papam sublatum, &c.*

coëmpta alteri proſit. Quia dicit, quod ſacerdos miſſarius apoſtata, negans Chriſtum & blaſphemans Spiritum ſanctum, ſtans in altari, faciat opus non ſolum pro ſe, ſed pro aliis etiam, vivis & mortuis, & pro tota Eccleſia, & non alia ratione, niſi ex opere operato, &c.

Itaq; vel in hoc apparet, patientiam Dei eſſe inæſtimabilem, quod jam dudum non perdiderit totum Papatum, & igni ac ſulphure, ut Sodomam & Gomorram, non everterit. At belli homines jam volunt hanc ſuam impietatem & turpitudinem operire & ornare, Hoc non eſt diſſimulandum. Summa igitur diligentia illuſtrare debemus Articulum juſtificationis, ut is, velut clariffimus ſol, è tenebris & caligine hypocriſis ſuæ eos protrahat in lucem, & revelet turpitudinem & pudenda ipſorum. Ideo libenter acuimus & urgemus juſticiam Fidei, ut ad ſcandali confundantur, utq; articulus iſte conſtabiliatur & certus fiat in cordibus noſtris. Hocq; ſummè neceſſarium eſt, Amiſſo enim hoc Sole, relabimur in priores tenebras. Valde autem horrendum eſt, Papam hoc potuiſſe efficere in Eccleſia, quod Chriſtus negatus, conculcatus, conſputus & blaſphematus ſit, & hoc per Evangelium & Sacramenta, quæ ita obſcuravit & in tam deteſtabilem abuſum vertit, ut ſibi, contra Chriſtum, ſervierint pro ſtatuendis & corroborandis ſuis diabolicis abominationibus, O tenebras & infinitam iram Dei.

*Et nos in Chriſtum Jeſum credidimus, (Ad quid?) ut juſtificemur, &c.*

Hæc vera eſt ratio Chriſtianismi, ſcilicet, Fide in Chriſtum, non operibus Legis, nos juſtificari. Hic nihil te moveat impia gloſſa Sophiſtarum, qui dicunt, fidem tum demum juſtificare, ſi acceſſerit charitas & bona opera. Iſta peſtilenti gloſſa, hanc & ſimiles ſententias in Paulo, quibus diſertè tribuit juſtificationem Fidei, obſcuraverunt & depravârunt Sophiſtæ. Cum autem homo audit, quod debeat quidem credere in Chriſtum, fidem tamen non juſtificare, niſi acceſſerit illa forma, ſcilicet charitas, tum ſtatim à fide deficit, & cogitat, Si fides ſine charitate non juſtificat, ergo fides eſt ocioſa & inutilis, & charitas ſola juſtificat. Quia niſi fides ſit formata & ornata charitate, nihil eſt.

Et pro hac ſua pernicioſa & peſtilente gloſſa comprobanda, allegant adverſarij locum 1. Cor. 13. Si linguis hominum loquar & angelorum, &c. Charitatem autem non habuero, nihil ſum. Hic locus eſt murus ipſorum aheneus. Sed homines ſine mente ſunt, ideo nihil intelligunt nec vident in Paulo. Eaq; falſa interpretatione non ſolum fecerunt injuriam verbis Pauli, ſed etiam negaverunt Chriſtum, & omnia ejus beneficia obruerunt. Ideo vitanda eſt, ut venenum infernale, Concludendumq; cum Paulo, Sola fide, non fide formata charitate, nos juſtificari. Quare non iſti formæ gratificanti tribuenda eſt vis juſtificandi, ſed Fidei, quæ apprehendit & poſſidet in corde ipſum Chriſtum Salvatorem. Hæc fides ſine & ante charitatem juſtificat.

Concedimus, docendum quoq; eſſe de bonis operibus & charitate, Sed ſuo tempore & loco, quando ſcilicet quæſtio eſt de operibus extra hunc capitalem articulum. Hic autem ſtatus cauſæ eſt, Per quid juſtificemur, & vitam æternam confequamur? Hic reſpondemus cum Paulo, Sola fide in Chriſtum nos pronuntiaci juſtos, non operibus Legis aut charitate. Non quod opera aut charitatem rejiciamus, ut adverſarij nos accuſant, Sed ex ſtatu præſentis cauſæ non finemus nos dimoveri, id quod Satan quærit. Cum igitur jam verſemur in loco communi de juſtificatione, rejicimus & damnamus opera. Is enim locus nequaquam admittit diſputationem de bonis operibus. Abſcindimus igitur in hoc propoſito ſimpliciter omnes leges & omnia opera legis.

At Lex bona, juſta & ſancta eſt. Bene, Sed cum verſamur in diſputatione de juſtificatione, non eſt locus jam dicendi de lege. Sed quæſtio eſt, Quid Chriſtus ſit, quid beneficij nobis attulerit? Chriſtus autem non eſt Lex, non eſt opus meum aut legis, non eſt charitas mea aut legis, non eſt caſtitas, obedientia aut paupertas

Abuſus horri-  
biliſſ. Evangelij  
& Sacramen-  
torum in Papa-  
to.

Impia eſt  
Sophiſtarum  
gloſſa, fidem  
charitate for-  
matam juſtifi-  
care.

Fides juſtificat  
ſine lege, &c.

Doctrina de  
bonis operibus  
non arg. genda,  
ſed à juſtificati-  
one iure commo-  
danda.

Item ne Luth-  
erum dicamus,  
reſervatum de-  
gna de operum  
neceſſitate, &  
probatiſſi?

Ioh. 6.

pertas mea, sed Dominus vitæ & mortis, mediator & salvator peccatorum, Redemptor eorum qui sunt sub lege. In illo sumus per fidem, & ipse in nobis, Ioh. 6. Oportet hunc sponsum esse solum cum sponsa in conclavi, amoris omnibus ministris & tota familia, Postea vero cum aperit ostium & egreditur, accurrant servi & ancillæ, ministrent, afferant cibum & potum. Ibi tum incipiant opera & charitas.

Vt igitur rectè definiamus Christum, debemus diligenter discernere omnes leges etiam divinas, & omnia opera, à promissione Evangelij & fide. Christus autem non est Lex, ergo nec exactor legis nec operum, sed est agnus Dei, qui tollit peccata mundi. Hoc sola Fides apprehendit, non charitas, Quæ quidem fidem sequi debet, sed ut gratitudo quædam. Quare victoria peccati & mortis, salus & vita æterna non contingunt per Legem, non per opera legis, non per vires liberi arbitrij, aut nostram voluntatem, sed per solum Iesum Christum, Ergo sola fides hoc apprehendens justificat. A sufficienti divisione & inductione, Victoria peccati & mortis est in solo Iesu Christo, Ergo non est in operibus Legis, nec in voluntate nostra, &c. Ibi libenter patiemur nos vocari Solarios ab adversariis, qui de hac Pauli disputatione nihil intelligunt, &c.

*Fides sola iustificat, quia sola apprehendit Christum bene per se.*

*Vt justificemur ex fide Christi, & non ex operibus legis.*

OMNIA verba cum epitali & emphasi legenda sunt. Paulus loquitur, ut suprà etiam admonui, non tantum de lege ceremoniali, sed de tota Lege. Nam lex Ceremonialis æque fuit divina, ac moralis, Vt circumcisio, institutio sacerdotij, cultus & ritus æque erant præcepti divinitus, ac Decalogus. Item lex erat, cum Abraham jubebatur immolare filium Isaac, Hoc opus Abraham placuit Deo, ut alia opera ceremonialia, non tamen justificatus est illo opere, sed fide, Quia scriptura dicit, Credidit Abraham Deo, & reputatum est ei ad iusticiam.

*Paulus loquitur de tota lege.*

Sed post Christum revelatum, ajunt, leges ceremoniales sunt mortiferæ. Imo lex etiam Decalogi sine fide in Christum est mortifera. Deinde nulla Lex in Conscientia regnare debet, nisi spiritus vitæ, qua liberati sumus in Christo à Lege literæ & mortis, operibus ejus & peccatis. Non quòd Lex mala sit, sed quòd justificare non possit, quia plane contrarium habet effectum. Sublimis & magna res est, Deum habere placatum, Igitur longe alio Mediatore ibi opus est, quam Moses aut Lex, quam nostra voluntas, quam etiam gratia fit, quam vocant charitatem Dei. Hic prorsus nos nihil facere oportet, sed tantum recipere thesaurum, qui est Christus, in corde per fidem apprehensus, ut maximè sentiamus nos esse plenos peccatis. Valde igitur emphatica sunt verba (ut ex fide Christi justificemur, non ex operibus legis) non inania & ociosa, ut Sophistæ putant, ideo etiam fortiter ea transiliunt.

*Lex non permittitur regnare in conscientia, &c.*

Haftenus verba sunt Pauli, quæ ad Petrum locutus est, Quibus comprehendit in summa præcipuum Christianæ doctrinæ Articulum, qui facit vere Christianos. Iam vertit sermonem ad Galatas, ad quos scribit, & concludit, dicens, Cum res ita se habeat, quod per fidem in Christum justificemur, Ergo ex operibus legis non justificabitur omnis caro.

*Haftenus Paulus locutus est Petro.*

*Propter quod ex operibus legis non justificabitur omnis caro.*

NON omnis caro, ebraismus est peccans in grammaticam. Ea phrasis frequens est in sacris literis, Gen. 4. Vt non interficiat eum omnis, qui invenerit eum, &c. Græci & Latini non sic loquuntur, Non omnis, id est, nullus, non omnis caro, id est, nulla caro, Sed non omnis caro latine sonat, aliqua caro. Spiritus sanctus non servat illum rigorem grammatices. Caro in Paulo non significat, ut Sophistæ somniant, crassa illa peccata, Ea enim apertis nominibus solet appellare, adulterium, fornicationem, immundiciam, &c. infra cap. 5. Sed caro idem vocatur Paulo, quod Christo, qui ait Iohan. 3. Quod natum est ex carne, caro est. Significat ergo Caro totam naturam hominis, cum ratione & omnibus viribus suis. Illa, inquit, non justificatur ex operibus, ne Legis quidem. Non dicit, Caro non

*Non omnis caro*

*Quid Paulus vocet Carnem.*

Ioh. 3.



justificatur ex operibus contra legem, ut sunt, cædes, stuprum, crapula, &c. sed ex operibus factis secundum legem, quæ bona sunt.

Significat igitur Paulo, Caro, summam iusticiam, sapientiam, cultum, religionem, intellectum, voluntatem, quanta potest esse in homine animali. Si autem Iudæus ex operibus secundum legem Dei factis non justificatur, multo minus Monachus per ordinem, Sacerdos per missam & horas Canonicas, Philosophus per sapientiam, Theologus per Theologiam, Turca per Alcoranum, justificabitur. Summa, quantumvis sapientes & iusti sint homines secundum rationem & legem divinam, tamen omnibus suis operibus, meritis, missis, summis iusticiis & cultibus non justificantur.

*Circiter Papæ  
Barbara.*

Hoc Papistæ non credunt, sed excoecati & indurati defendunt contra conscientiam suas abominationes, & perseverant in ista sua blasphemia, jactantes etiamnum sacrilegas istas voces, Qui hoc vel illud opus fecerit, meretur remissionem peccatorum, Qui hunc vel alium ordinem sanctum suscepit, & Regulam suam servaverit, huic certo promittimus vitam æternam. Dicitur non potest, quam horribilis sit blasphemia, hoc tribuere doctrinis Dæmoniorum, statutis & Regulis hominum, impiis traditionibus Papæ & operibus monachorum, quod Paulus Christi Apostolus detrahit legi divinæ, & ejus operibus. Nam si nulla caro ex operibus legis divinæ justificatur, multo magis non justificabitur ex regula Benedicti, Francisci, &c. in quibus ne syllaba est de fide in Christum, sed tantum hoc urgetur, Qui servaverit ista, habet vitam æternam.

*Papæ et illius  
traditionibus  
jura, quæ Paulus  
detraxit Dei do-  
ctrinæ.*

*Qui salvati sunt  
requante Papæ.*

Ideo sæpe vehementer admiratus sum, quod tot seculis, durantibus sæculis illis perditionis, potuerit tamen Ecclesia permanere in tantis tenebris & erroribus. Fuerunt quidam, quos Deus pure vocavit per textum Evangelij (qui tamen mansit in concione) & baptismum, Hi ambulaverunt in simplicitate & humilitate cordis, existimantes solum monachos & unctos ab Episcopis esse sanctos & religiosos, se autem prophanos & seculares, nequaquam cum ipsis conferendos, Ideoque nihil invenientes bonorum operum aut meritorum, quæ opponerent iræ & judicio Dei, confugerunt ad passionem & mortem Christi, & in ista simplicitate salvati sunt.

*Traditiones hu-  
mana præluce  
Evangelio.*

Horribilis autem & infinita est ira Dei, quod tot seculis puniverit ingrati-  
tudinem & contemptum Evangelij & Christi in Papistis, tradendo eos in repro-  
bum sensum, ut in totum abnegato, quantum ad usum ejus attinet, & blasphema-  
to Christo, in locum Evangelij receperint abominationes Regularum & traditi-  
onum humanarum, quas unice adoraverunt, & longè prætulerunt verbo Dei,  
Donec tandem etiam ademptum est illis matrimonium, & coacti sunt ad ince-  
stum illum coelibatum. Ibi tum etiam externè polluti sunt omni genere flagitiorum,  
adulteriis, scortationibus, immundiciis, Sodomia, &c. Is fuit fructus impuri coelibat-  
tus. Sic Deus peccato peccatum puniens, tradidit eos intus in reprobum sensum,  
& foris ruere permisit in tam horribilia scelera, & quidem justè. Quia blasphema-  
verunt unigenitum filium Dei, in quo Pater vult glorificari, quem tradidit in mor-  
tem, ut credentes in Filium salvi fierent per eum, non per suos ordines. Qui me,  
inquit, 1. Reg. 2. honorificaverit, honorificabo & ego eum, Honorificatur autem  
Deus in filio, Iohan. 5. Qui igitur crediderit, filium Dei esse mediatorem & salva-  
torem nostrum, is honorificat Patrem, hunc & Deus vicissim honorificat, id est,  
ornat suis donis, remissione peccatorum, iusticia, Spiritu sancto, vita æterna, &c.  
Qui contra me contemnunt, erunt, inquit, ignobiles, &c.

*Deum hunc per  
ratum peccato.*

*1. Reg. 2.  
Iohan. 5.*

Conclusio ergo principalis hæc est, Propter quod ex operibus Legis non  
justificabitur omnis caro. Tu amplifica eam latius, & percutte omnes status. Er-  
go ex ordine monachus, Nonna ex castitate, Civis ex probitate, Princeps ex bene-  
ficientia, &c. non justificabitur. Lex Dei major est toto mundo. Comprehendit  
enim omnes homines, & opera legis longissime excellunt opera electicia iusticia-  
riorum, Et tamen Paulus dicit, quod nec Lex nec opera legis iustificent, Ergo sola  
fides

*Dignus legi.*

fides justificat. Stante ista propositione, incipit eam nunc argumentis confirmare, Et primum argumentum est, quasi ex opposito consequentis.

*Si autem quærentes iustificari in Christo, invenimur & ipsi peccatores, Ergo Christus peccati Minister est.*

Hæ sunt latinæ phrasæ, sed Ebraicæ & Theologicæ. Si hoc verum est, inquit, quod in Christo justificamur, impossibile est nos esse peccatores, aut per Legem justificari. Contrà, si non est verum, sed oportet nos justificari per Legem & opera ejus, tam impossibile est nos per Christum justificari. Alterutrum falsum esse oportet, Aut non justificamur in Christo, aut non in Lege. Sed in Christo justificamur, Ergo non in lege. Argumentatur igitur hoc modo, Si quærentes &c. Hoc est, Si conamur per Fidem in Christum justificari, & sic justificati, invenimur adhuc peccatores, indigentes Lege, quæ nos peccatores iustificet, Si opus est, inquam, legis observatione ad justificationem, ut qui justi sunt in Christo, non sint justi, sed opus habeant adhuc lege justificante, Vel, Si justificatus per Christum, debet adhuc per Legem justificari, Tunc Christus nihil aliud est quam Legislator & minister peccati. Ergo justificatus & sanctus in Christo, non est justificatus & sanctus, sed opus habet adhuc justitia & sanctitate Legis.

Sed certè sumus justificati & justi in Christo, Quia veritas Evangelii docet, quod homo non in lege, sed in Christo justificetur. Si autem illi, qui in Christo justificantur,veniuntur adhuc peccatores, id est, pertinent adhuc ad Legem & sunt sub lege, ut Pseudoapostoli docent, ergo nondum justificati sunt. Quia lex accusat & arguit eos adhuc esse Peccatores, & exigit ut opera legis faciant, utificentur. Ergo justificati in Christo, non sunt justificati. Et sic necessario sequitur, Christum non esse justificatorem, sed peccati ministrum. His verbis gravissimè accusat Pseudoapostolos & omnes Iusticiarios, quod omnia pervertant, quia ex Lege Gratiam, ex Gratia legem, ex Mose Christum, ex Christo Mo sen faciunt. Docent enim, quod post Christum & omnem justiciam Christi, opus sit observatione legis, si justificari velis. Sic lex fit Christus, perversitate intolerabili, Quia legi tribuitur quod propriè Christo competit. Si feceris, ajunt, opera legis, justificaberis, Si non feceris, non justificaberis, ut maximè in Christum credas. Si autem verum est, quod Christus non justificat, sed est Peccati minister, ut necessariò sequitur ex eorum doctrina, Ergo Christus est Lex, quia nihil aliud ex eo habemus, cum doceat nos peccatores esse, quàm quod ex lege habemus, Et sic Doctor peccati, Christus mittit nos ad legem, & Mo sen justificatorem.

Itaque Papistæ, & quotquot justiciam Christi ignorant, aut non rectè tenent, Non possunt non facere ex Christo Mo sen & Legem, & ex Lege Christum. Sic enim docent, Fides in Christum justificat quidem, sed simul servari oportet etiam præcepta Dei. Quia scriptum est, Si vis in vitam ingredi, serva mandata Dei. Ibi statim Christus negatus & fides abolita est. Quia mandatis Dei sive legi tribuitur, quod est solius Christi. Est enim Christus definitivè justificator & redemptor à Peccatis. Si hoc legi tribuo, jam lex ipsa meus est justificator, liberans me à peccatis, quia opera ejus facio. Sicq; lex est Christus, & Christus in totum amittit suum nomen, officium & gloriam, nihilq; aliud est quàm Legis minister, arguens, terrens, offerens & mittens peccatorem ad alium, qui possit eum justificare, Quod verè est legis officium.

Sed proprium Christi officium est, peccatorem per Legem reum factum & constitutum, amplecti & absolvere à peccatis, si Evangelio credit. Christus enim est finis Legis ad justiciam omni credenti, Ipse est agnus Dei, qui portat peccata mundi. Quia verò Papistæ & fanatici spiritus non tenent doctrinam de justificatione, invertunt omnia, ex Christo Mo sen & ex Mose Christum facientes. Estq; hæc re vera (etsi verbis aliud dicant) principalis eorum propositio, Christus est Mo ses &c. Deinde nos qui tanta diligentia inculcamus & urgemus Fidem, rident,

*I. Argumentum  
tunc Pauli pro  
defendendo quæ-  
stionem fidei.*

*Iusticiam est  
Christo Mo sen,  
ex gratia legem,  
facimus.*

*Si vis vitam in-  
gredi, etc.  
Christum.*

*Officium Christi.*

*Propositio prin-  
cipalis Papista-  
rum etc.*

*Inflantur vident Doctores fidei.*

dicentes, Ha, ha, Fides, fides, expecta donec fide pervenias in cœlum. Nitendum est ad sublimiora. Oportet te legem Dei implere, juxta illud, Hoc fac, & vives, Oportet te multa pati, fundere sanguinem, deserere domum, uxorem, liberos, imitare exemplum Christi. Fides, quam ita vehementer extollitis, securos, ociosos & stertentes reddit homines. Sic fiunt meri Legistæ & operarii, à Christo ad Mosen deficientes, item à Baptismo, fide, promissionibus Christi revocantes populum ad Legem & opera, & ex Gratia, legem, & ex Lege gratiam facientes.

*Discrimen legum & gratie facillimum quidem est, sed facile tamen confunditur.*

Quis unquam autem crederet, quòd tam facile ista possent commisceri? Nemo tam hebeti ingenio est, cui non appareat ista Legis & Gratiae distinctio facillima esse, quia ipsa natura rerum & vocabulorum affert istam distinctionem. Quisque enim intelligit istas voces, Lex, Gratia, re & nomine diversas esse. Ideo monstrum monstruosissimum est, stante ista distinctione clarissima, tamen adversarios labi in istam perversitatem Satanicam, quòd Legem & gratiam confundant, & Christum in Mosen transforment. Ideo sæpè dico, istam doctrinam Fidei esse facillimam, istamq; distinctionem legis & Gratiae quemlibet facile posse intelligere, quantum ad verba attinet. Sed in ipso usu, vita, affectu, esse omnium difficilissimam.

*Papa legem & gratiam confundit.*

Papa cum suis Scholasticis Doctoribus clarè dicit, Legem & gratiam esse distincta, Et tamen in ipso usu planè contrarium docet. Fides in Christum, inquit, siue sit acquisita per vires, actus & habitus naturales, siue sit infusa per Deum, tamen mortua est, nisi sequatur dilectio. Vbi hîc manet distinctio Legis & gratiae? Namine quidem ista inter se distinguit, re vera tamen Gratiam vocat dilectionem. Sic omnes legis exactores operibus tribuunt justificationem. Quicumq; igitur articulum justificationis non probè tenent, illi necessariò confundunt Legem & Gratiam. Itaque diligenter discernere discat quilibet pius Legem à Gratia, affectu & usu, non ut Papa & fanatici Spiritus, verbis tantum. Illi quantum ad verba attinet, fatentur illa duo esse distincta, re ipsa autem, ut dixi, commiscunt ea, Quia non concedunt fidem sine operibus justificare. Si hoc verum est, Christus jam nihil mihi prodest, Vt maxime enim veram fidem habeam, tamen juxta hanc ipsorum opinionem, non justificor, si illa fides mea sit sine charitate, Et ut maxime eam habeam, tamen non satis diligo. Atq; ita Christus fide apprehensus non est justificator, nihil prodest Gratia, nec fides vera esse sine charitate (Aut ut Anabaptistæ dicunt, sine cruce, passione & effusione sanguinis) Si verò adest Charitas, opera & crux, fides vera est & justificat.

*Qui legem dicunt necessariam esse ad justificationem similes sunt Pseudoapostolis.*

Hac doctrina iterum obscurant fanatici homines beneficium Christi, detrahunt ei honorem justificatoris, & constituunt eum ministrum Peccati. Nihil ergo à nobis didicerunt, quam verba recitare, rem ipsam non tenent. Videri quidem volunt, se quoque Evangelium & fidem Christi purè docere, ut nos, Sed quando venit ad usum, sunt doctores Legis, per omnia similes ipsis Pseudoapostolis. Nam quemadmodum illi ultra fidem in Christum, urgebant per omnes Ecclesias Circumcisionem & observationem Legis, sine qua detrahebant Fidei justificationem (Nisi circumcidamini, dicebant, secundum Legem Mosi, non potestis salvi fieri) Ita hodie exactores legis præter justiciam fidei, requirunt etiam observationem mandatorum Dei, iuxta illud, Hoc fac, & vives. Item, Si vis in vitam ingredi, serva mandata. Ideo nemo ex ipsis, quantumvis videantur sibi sapere, intelligit discrimen Legis & Gratiae, Ipso enim usu & rerum judicio convincuntur.

*Statim causa.*

Nos verò hîc distinguimus, & dicimus, Nos nunc non disputare, Num opera bona sint facienda? Neque nos quærere, Num lex bona, sancta, justa sit? aut, Num sit servanda? Nam is planè alius locus est. Sed nostra disputatio & quæstio est, de justificatione, An lex justificet? Hoc adversarii non audiunt, neque ad hanc quæstionem respondent, neque ibi distinguunt, ut nos, sed tantum clamant, Bona opera esse facienda, Legem esse servandam. Benè, scimus hoc. Sed quia diversi loci sunt, non patiemur eos commisceri, Suo tempore agemus de loco isto, Quòd Lex & bona opera sint facienda. Cum autem hîc versemur in loco justificationis,

reji-



rejecimus nunc opera, quæ adversarii mordicus tenentes, adscribunt eis justificationem, Quod Christo est adimere gloriam, & eam operibus tribuere.

EST itaque satis firmum hoc argumentum, quo sæpe usus sum in magnam consolationem, Si quærentes &c. q. d. Paulus, si nos justificati in Christo, habemur adhuc pro non justificatis, sed pro peccatoribus, qui per Legem adhuc justificandi sunt, Ergo non possumus quærere justificationem in Christo, sed in Lege. Si autem justificationem per Legem sit, non sit per gratiam, A sufficienti divisione. Si nunc justificationem non sit per Gratiam, sed per legem, Quid fecit Christus sua passione, prædicatione, victoria peccati & mortis, & Spiritus sancti missione? Aut igitur justificamur per Christum, aut peccatores & rei per eum efficiamur. Si verò lex justificat, tum inevitabiliter sequitur, nos per Christum peccatores effici, igitur Christus peccati minister est. Ponatur itaque hæc propositio. Omnis credens in Dominum Iesum Christum, est peccator & reus æternæ mortis, & nisi recurrat ad legem, & opera ejus faciat, non salvabitur.

*Si ex lege venit  
justificatio, Christus  
est crucifixus.*

Scriptura, præsertim novi Testamenti, ubique inculcat fidem in Christum, & magnificè eam prædicat. Qui, inquit, credit in eum, salvatur, non perit, non judicatur, non confunditur, habet vitam æternam. Illi contrà, Qui credit in eum, damnatur, &c. quia habet Fidem sine operibus, quæ damnat. Sic pervertunt omnia, ex Christo simpliciter perditorem, ex Mose salvatorem facientes. Nonne autem inæstimabilis blasphemia est, sic docere, Faciendo legem & opera, efficieris dignus vita æterna, Credendo autem in Christum, reus eris mortis æternæ? Lex servata salvat, fides in Christum damnat?

*Fides in Christo  
salva.*

*Doctrina Per-  
piska.*

Istiusmodi quidem verbis adversarii non utuntur, re vera tamen ita docent. Quia fides, inquit, infusa (quam propriè vocant fidem in Christum) non liberat à peccatis, sed fides formata charitate. Ex hoc sequitur, quòd sola Fides in Christum, sine Lege & operibus, non salvat. Hoc certè est affirmare, quòd Christus relinquat in peccatis & ira Dei, & reos nos faciat mortis æternæ. Econtrà, Si feceris Legem & opera, tum Fides justificat, Quia habet opera, sine quibus alioqui fides nihil prodest. Ergo opera justificant, non fides, Quia propter quod unumquodque est tale, illud magis tale est. Si fides propter opera justificat, ergo opera magis justificant quàm fides. Profundæ sunt abominationes blasphemæ hujus doctrinæ.

*Fides infusa.*

Argumentatur ergo Paulus ab impossibili, & sufficienti divisione. Si nos justificati in Christo, adhuc sumus peccatores, justificandi per aliud quàm per Christum, scilicet per Legem, Ergo Christus non potest nos justificare, sed tantum accusat & condemnat nos, Ergo gratis mortuus est. Et hi & similes loci falsi sunt, Ecce agnus Dei, &c. Item, Qui credit in Filium, habet vitam æternam, Imo tota Scriptura, quæ testatur Christum esse justificatorem & Salvatorem mundi, falsa est. Nam si invenimur peccatores, postquam in Christo sumus justificati, necesse est sequi, facientes Legem sine Christo esse justificatos. Hoc si verum est, tum sumus Turcæ, Iudæi, Tartari, retinentes tantum in speciem verbum & nomen Christi, usu autem & re vera prorsus negantes Christum & verbum ipsius, At Paulus vult fidem esse *ἀντιπαρθενην*. Ideo error & impietas est asserere, fidem infusam non justificare, nisi ornata sit operibus charitatis. Quod si autem hoc adversarii omnino defendere volunt, Cur in totum Fidem in Christum non abjiciunt? præsertim cum ex ea nihil faciant, quàm inanem qualitatem in anima, quæ sine charitate nihil prodest, Cur non potius appellant Scapham scapham? hoc est, cur non claris verbis dicunt, opera justificare, non Fidem. Item, cur in universum manifestè non negant totum Evangelium & Paulum (ut re vera negant) qui soli Fidei, non operibus tribuunt justificationem? Nam si Fides cum operibus justificat, falsa est tota disputatio Pauli, qui disertè dicit, Hominem non justificari operibus legis, sed fide Iesu Christi.

*Perstringitur,  
Peripiska.*

*Ergo Christus peccati Minister est.*

ITÆRUM phrasim est Ebraicam, qua utitur Paulus etiam 2. Corinth. 3. Illic magni-

*Ministerium  
Mose.*

magnifice & clarissime tractat de duobus his ministeriis, scilicet Literæ Spiritus, Legis gratiæ, seu mortis & vitæ, Et ait, Mosen ministrum legis, habere ministerium legis, quod vocat Peccati, iræ, mortis & damnationis ministerium. Solet enim Paulus valde ignominiosas appellationes tribuere Legi Dei, & solus inter Apostolos utitur hac phrasi, alii non ita loquantur. Valde autem prodest studiosos sacrarum literarum hanc Pauli phrasin tenere,

*Minister peccati.*

Est autem Minister peccati nihil aliud, quàm Legislator seu exactor legis, qui docet bona opera & charitatem, qui docet crucem & passiones ferendas, Exemplum Christi & sanctorum imitandum. Quicumque ista proficitur & urget, est minister Legis, peccati, iræ & mortis. Quia sua doctrina nihil aliud facit, quàm quod terret & perturbat conscientias, & concludit eas sub peccatum. Nam impossibile est humanam naturam implere Legem, Imo in iustificatis, qui habent Spiritum sanctum, repugnat Lex membrorum legi mentis &c. Quid non faceret in impiis, qui Spiritum sanctum non habent? Quare docens per Legem contingere iusticiam, ipsemet non intelligit quid loquatur, aut quid affirmet, multo minus servat legem, Sed seipsum & alios ludit & gravat onere importabili, præscribit & exigit impossibilia, & ad extremum se & discipulos suos adducit in desperationem.

*In iustificatis  
non esse perfectam  
obedientiam  
legi.*

*Officium &  
usus legis.  
Sub lege esse  
perfectam legi  
obedientiam  
nemo præstat.*

Est istaq; proprius Legis usus & finis, homines quietos & securos facere reos, ut sint obnoxii Peccato, iræ & morti, ut sint conterriti, desperabundi, pallentes & paventes ad sibilum folii volantis. Et quatenus tales sunt, sunt sub lege. Lex enim requirit perfectam obedientiam erga Deum, & damnat eos, qui hanc non præstant. Constat autem, quod nemo hanc perfectam obedientiam legis præstet aut præstare possit, quam tamen Deus severe requirit. Ergo lex non iustificat, sed condemnat, iuxta illud, Maledictus omnis qui non permanserit in omnibus, &c. Itaq; docens legem, est minister peccati.

*Ministerium legis,  
esse peccati  
ministerium.*

Quare Paulus recte vocat ministerium legis 2. Cor. 3. Peccati ministerium. Nam lex ostendit Peccatum, quod sine lege mortuum est. Peccati verò cognitio (non illa speculativa hypocritarum, sed vera, in qua cernitur ira Dei contra Peccatum, & vere sentitur gustus mortis) perterrefacit corda, adigit ad desperationem & occidit, Rom. 7. Itaque Doctores illi Legis & operum, quos Scriptura appellare solet exactores & tyrannos (Perinde enim ut illi exactores in Ægypto opprimebant filios Israël corporali servitute, Ita hi doctrinâ de lege & operibus redigunt in spiritualem & miserrimam servitutem animas, & ad extremum in desperationem adigunt & perdunt) neque seipsum agnoscunt, neque vim legis sentiunt, Neque possibile est, eos consequi pacem conscientiæ in veris pavoribus & agone mortis, etiamsi servaverint Legem, dilexerint, multa bona opera fecerint, & mala perpessi sint. Quia lex semper terret & accusat, dicens, Tu nunquam fecisti omnia, quæ in lege mandata sunt, Maledictus autem, qui non fecerit &c. Ideo manent isti pavores & subinde augentur, Et nisi tales legis doctores erigantur fide & iusticia Christi, coguntur desperare.

*Doctores legis  
vocat Scriptura  
exactores &  
tyrannos.  
Docentes legem  
redigunt animas  
in servitutem &c.*

*Exemplum de  
Eremita quo-*

Hujus rei extat insigne exemplum in Vitis Patrum de Eremita quodam, Is brevi antequam moreretur, stabat tristis & immotus tres dies, fixis in cælum oculis. Interrogatus, cur hoc faceret? aiebat, Se timere mortem. Cum discipuli eum consolarentur, Non esse, cur mortem timeat, cum sanctissime vixerit, Respondit, Sancte quidem vixi, & servavi mandata Dei, Sed longe alia sunt iudicia Dei, quàm hominum. Ille cum cerneret mortem præsentem, quanquam inculpate vixisset & servasset legem Dei, non tamen potuit esse tranquillo animo, Quia in mentem ei venit Deum longe aliter judicare quàm homines. Atque ita amisit fiduciam in omnia bona opera & merita sua, Et nisi promissione Christi erectus est, desperavit. Itaque lex nihil aliud potest efficere, quàm nos nudos & reos constituere, ibi tum nullum est consilium aut auxilium, sed omnia deplorata sunt. Hic vita & martyria omnium Sanctorum nos juvare non possunt.

Hoc

Hoc etiam pulchrè adumbratum est in historia latæ Legis, Exod. 19. 20. *Historia præ-  
mutata legi.  
Exod. 19. 20.* Moses eduxit populum è castris in occursum Dei, ut audiret Deum loquentem ex caligine nubis. Ibi perterritus, ac pavore concussus populus, qui paulò antè promiserat se omnia facturum, quæ Deus mandaret, retrocessit, & procul stans dicebat ad Moysen, Quis potest videre ignem, & tonitruum & clangorem buccinæ audire? Tu nobis loquere, & audiemus. Non loquatur nobis Dominus, ne moriamur. *Officium legi.* Ergo Legis proprium est, nos ducere ex tabernaculis nostris, id est, ex pace & fiducia nostri, & constituere nos in conspectum Dei & revelare nobis iram ejus. Ibi tum conscientia sentit se Legi non satisfacisse, nec satisfacere, nec perferre posse iram Dei, quam Lex revelat, Cum nos ita in conspectum Dei producit, hoc est, cum perterrefacit, accusat & peccatum ostendit, Ibi impossibile est nos tunc posse consistere, Ideo exterriti fugimus, & clamamus cum Israël, Moriemur, moriemur, Dominus non loquatur, Tu nobis loquere &c.

Qui igitur docet fidem in Christum non justificare, nisi lex simul servetur, *Christum mini-  
ster peccati.* Ille facit Christum peccati Ministrum, hoc est, doctorem Legis, qui idem doceat quod Moyses. Ergo Christus non est Salvator, nec largitor Gratiæ, sed crudelissimus tyrannus, qui exigit impossibilia, ut Moyses, quæ nemo facere potest. Sic omnes iusticiarii existimant, Christum esse novum quendam Legislatorem, & judicant Evangelium nihil aliud esse, quàm librum, qui contineat novas leges de operibus, ut Turcæ de suo Alcorano somniant. Sed satis legum est in Mose. Ideo Evangelium est *Evangelium.* prædicatio de Christo, quod remittat Peccata, donet gratiam, justificet & salvet peccatores. Quod autem præcepta in Evangelio reperiuntur, ista non sunt Evangelium, sed expositiones legis & appendices Evangelii. *Præcepta in  
Evangelio.*

Porro si lex est ministerium peccati, ergo est etiam ministerium iræ & mortis. Quia lex, ut revelat peccatum, ita perterrefacit hominem, ostendit iram Dei, & incutit terrorem mortis. Statim enim conscientia sic infert, Non servasti præcepta, ergo Deus est offensus & irascitur tibi. Estq; hæc consequentia inseparabilis, Peccavi, ergo moriar. Ita per consequens ministerium peccati, est ministerium iræ Dei & mortis. Revelato enim peccato, statim sequitur ira, mors & damnatio. Nam sic infert conscientia, Tu peccasti, ergo Deus irascitur tibi, Si irascitur, ergo occidet & condemnabit te in æternum. Atq; hinc fit, quod multi, non ferentes iram ac judicium Dei, quæ lex aperit, seipsos occidunt, præcipitant ac demergunt, &c. *Lex est mini-  
sterium peccati,  
iræ, mortis &c.*

### Absit.

Quasi d. Christus non est Peccati Minister, sed donator Iusticiæ & vitæ æternæ. *Pictura Christi.* Quare Paulus longissime Christum à Mose separat. Maneat ergo Moyses in terra, sit doctor literæ, exactor Legis & crucifigat peccatores. At credentes, ait Paulus, habent alium doctorem in conscientia, non Moysen, sed Christum, qui legem abrogavit, peccatum, iram, & mortem vicit & sustulit. Is jubet nos laborantes & omnibus malis oppressos ad se venire, Ideo confugientibus nobis ad eum, evanescit Moyses cum sua Lege, ut nusquam conspici possit ejus sepulchrum, utq; peccatum & mors amplius non possint nocere nobis. Nam Christus Doctor noster, Dominus est Legis, peccati & mortis, à quibus credens in eum, liber est. Est ergo proprium Christi officium, liberare à peccatis & morte, Id quod Paulus perpetuò docet & inculcat.

Itaque per legem damnamur & occidimur, per Christum verò justificamur & vivificamur, Lex perterrefacit & repellit nos à Deo, Christus autem reconciliat nos Deo, facitq; ut habeamus accessum ad eum. Est enim agnus Dei, tollens peccata Mundi, ergo credens in Christum, habet eum, qui sustulit peccatum mundi. Si peccatum mundi sublatum est, Ergo & mihi, qui in eum credo, sublatum est. Si peccatum sublatum est, Ergo & ira, mors & damnatio sublata sunt. Et in locum peccati Iusticia, iræ reconciliatio & gratia, mortis vita, damnationis salus æterna successit. Istam distinctionem discamus non tantum verbis, sed usu, vita & ipsis *Lex.  
Christum.*  
*Christum sublati omnibus malis, attulit omnes bonos.*  
vivis



vivis affectibus, praticare. Nam ubi Christus est, ibi oportet esse tranquillam & lætam conscientiam. Est enim Christus nostra Reconciliatio, justitia, pax, vita, salus, In summa, quicquid misera & afflicta conscientia quærit, hoc in Christo abunde invenit. Paulus amplificat jam illud argumentum, & persuadet.

*Si enim, quæ destruxi, ea iterum ædifico, prævaricatorem meipsum constituo.*

*Quid destruxerit Paulus.*

QUASI d. Non sic prædicavi, ut quod semel destruxi, denuo ædificem. Nam si hoc facerem, non solum frustra laborarem, sed meipsum prævaricatorem constituerem, & more Pseudoapostolorum omnia perverterem, hoc est, ex Gratia & Christo iterum Legem & Mosen, & vicissim ex Lege & Mose Gratiam & Christum facerem. Destruxi autem per ministerium Evangelii, peccatum, tristitiam, iram & mortem. Sic enim docui, Conscientia tua, ô homo, est obnoxia Legi, peccato & morti, à quibus nulla ope humana aut angelica liberari potes, Iam verò Evangelium venit, & annuntiat tibi remissionem peccatorum per Christum, qui legem abrogavit, peccatum & mortem destruxit, In hunc crede, tum liber eris à maledicto Legis, à tyrannide peccati & mortis, eris justus & habebis vitam æternam.

*Moses cedit Christo, Lex Evangelio.*

Sic per prædicationem Evangelii destruxi Legem, ne amplius dominetur in conscientia. Nam cum novus hospes Christus in novam domum venit, ut solus in ea habitet, oportet veterem colonum Mosen cedere, & aliò migrare. Vbi autem Christus novus hospes est, ibi Lex, peccatum, ira, mors, non habent locum, sed adest mera gratia, justitia, lætitia, vita, mera filialis fiducia erga placatum, faventem & propitium Patrem propter Christum. Num ergo expulso Christo & destructo ipsius regno, quod per Evangelium plantavi, iterum ædificarem Legem, & erigerem regnum Mosi? Quod fieret, si, ut Pseudoapostoli solent, docerem circumcilionem & observationem Legis necessariam ad salutem. Atque hoc modo restituerem in locum justitiæ & vitæ, peccatum & mortem, Lex enim tantum ostendit peccatum, efficit iram & occidit.

*Papista destructores regni Christi.*

Quid quæso Papistæ aliud sunt, cum optimi sunt, quàm vastatores Regni Christi, & extractores regni diaboli, peccati, iræ Dei & mortis æternæ? Destruunt autem Ecclesiam, quæ est ædificatio Dei, non lege Mosi, ut Pseudoapostoli, sed humanis traditionibus & doctrinis dæmoniorum. Sic fanatici spiritus, qui hodie sunt, & nos sequuntur, destruunt & destruent ea, quæ nos ædificavimus, & denuo ædificant & ædificabunt quæ nos destruximus. Nos verò, gratia Dei, articulum justificationis tenentes, certò scimus, nos sola Fide in Christum justificari. Ideo non confundimus Legem & Gratiam, fidem & opera, sed ea longissime separamus. Eamq; distinctionem legis & gratiæ unusquisq; studiosus pietatis diligenter observet, sinatq; eam valere, non in literis & syllabis, sed in usu rerum. ut cum audit, Bona opera esse facienda, Christi exemplum esse imitandum, possit rectè judicare, & dicere, Bene, Libenter ista faciam. Quid amplius? Tunc salvus eris. Non, Concedo omnia bona esse facienda, mala ferenda, sanguinem esse fundendum, si res ita postulet, propter Christum, Sed per hæc non justificor nec salutem consequor.

*Distinctio legis & Evangelii diligenter observanda.*

NON sunt ergo trahenda bona opera in articulum justificationis, ut monachi fecerunt. Qui non solum opera bona dixerunt esse meritoria vitæ æternæ, Sed etiam poenas & supplicia, quæ flagitiosis propter malefacta sua infliguntur. Sic enim consolati sunt eos, cum jam ultimo supplicio afficiendi essent, Patere volens istam ignominiosam mortem, Hoc si feceris, mereberis remissionem peccatorum & vitam æternam. Valde horribilis res est, miserum furem, homicidam aut latronem in summa illa anxietate sua sic seduci, ut in ipso articulo Mortis, cum jam suspendendus aut plectendus est capite, omisso Evangelio de Christo, qui tum solus potest consolari & salvare, jubeatur sperare veniam & remissionem peccatorum, si volens patiat ignominiosam mortem, quæ ipsi propter scelera sua infligitur. Hoc vere est afflictiissimo addere extremam perditionem, & falsa opinione & fiducia mortis propriæ monstrare ei ad iter infernum.

*Bona opera ab articulo justificationis excludenda. Quomodo monachi sentos ultimo supplicio afficiendos consolati sunt.*

Hac re satis ostendunt hypocritæ, si se ne literam quidem docuisse aut intellexisse de Gratia, Evangelio aut Christo, tantum in speciem retinuerunt nomen Evangelii & Christi, ut eo facilius imponerent cordibus simplicium, Re vera tamen in totum abnegato & conculcato Christo, plus tribuerunt humanis traditionibus, quam Evangelio Christi. Id quod testantur tot cultus, tot genera ordinum, tot ceremoniæ, tot opera, quæ omnia instituta sunt hac opinione, quod valerent ad promerendam gratiam, &c. In confessione nullam fecerunt fidei aut meriti Christi mentionem, sed tantum inculcaverunt satisfactiones humanas & merita, Vt cernere est in hac forma absolutionis, ut cæteras taceam, qua quidem Monachi inter se usi sunt, & hi, qui volebant haberi religiosiores cæteris. Quam libet adscribere, ut & posteritas intelligat infinitam & ineffabilem fuisse abominationem Papistici regni.

*Monachi hypocritæ.*

*Confessio, quam Papa exigit.*

*Forma absolutionis monasticæ. Parcat tibi Deus, frater.*

MERITUM passionis Domini nostri Iesu Christi, & Beatæ Mariæ semper virginis, & omnium Sanctorum, Meritum ordinis, gravamen religionis, humilitas confessionis, contritio cordis, Bona opera, quæ fecisti & facies pro amore Domini nostri Iesu Christi, cedant tibi in remissionem peccatorum tuorum, in augmentum meriti & gratiæ, & in præmium vitæ æternæ, Amen.

Hic audis quidem meritum Christi, sed si diligentius verba expenderis, intelliges Christum plane ociosum esse, & ei detrahi gloriam & nomen Iustificatoris & Salvatoris, & tribui monasticis operibus. Num hoc non est nomen Dei in vanum sumere? Num hoc non est Christum verbis fateri, vim autem ejus abnegare & blasphemare? Ego in eodem luto hæsitavi, Putabam Christum esse judicem (et si ore fatebar eum passum & mortuum pro redemptione generis humani) placandum observatione Regulæ meæ. Ideo cum orabam aut celebrabam missam, solitus eram semper adjicere in fine, Domine Iesu ad te venio, & oro, ut gravamina ordinis mei sint compensatio pro peccatis meis. Nunc verò gratias ago Patri misericordiarum, qui me in tenebris vocavit ad lucem Evangelii, & donavit me uberissima cognitione Christi Iesu Domini mei, propter quem, unâ cum Paulo, omnia duco esse damna, putoq; esse *σκύβαλα*, ut Christum lucrificiam, utq; inveniar in illo, non habens meam justiciam ex regula Augustini, sed eam, quæ est per fidem Christi, &c. Cui sit laus & gloria, unâ cum Patre & Spiritu sancto, in secula seculorum, Amen.

Concludimus ergo cum Paulo, Sola Fide in Christum nos justificari, sine Lege & operibus. Postquam verò homo fide justificatus est, & jam Christum fide possidet, & novit eum esse justiciam & vitam suam, certe non erit ociosus, sed, ut bona arbor, proferet bonos fructus. Quia credens habet Spiritum sanctum, ubi is est, non finit hominem esse ociosum, sed impellit ad omnia exercitia pietatis, ad dilectionem Dei, ad patientiam in afflictionibus, ad invocationem, gratiarum actionem, ad exhibendam charitatem erga omnes. Quare & nos dicimus, fidem sine operibus nihili esse & inanem. Hoc Papistæ & fanatici sic intelligunt, Fidem absq; operibus non justificare, Aut, fidem quantumvis veram, si opera non habeat, nihil valere, Hoc falsum est. Sed Fides sine operibus, id est, fanatica cogitatio, mera vanitas & somnium cordis, falsa est, & non justificat.

*Fides sine operibus.*

Hactenus primum Argumentum tractavimus, quo Paulus contendit, Aut non posse nos lege justificari, aut necessario Christum esse ministrum peccati. Hoc autem impossibile est, Ergo nullo modo concedendum est, nos Lege justificari. Tractavimus autem copiose hunc locum, ut dignus est, quamvis nec sic possit satis inculcari & teneri.

*Aut non justificamur Lege, Aut Christus peccati minister.*

*Ego autem per legem legi mortuus sum, ut Deo vivam.*

Hæ sunt mirabiles voces, & phrasæ inauditæ, quas ratio humana prorsus non intelligit. Et breviter ista dicuntur, sed valde emphatice. Videtur autem Paulus

*Phrasis Pauli incognita ratio.*

H

loqui

Legem, & ardore Spiritus sancti zelo, per modum indignationis, q. d. Quid iactatis Legem, quam nescitis, & non habetis? Quid toties ea obtunditis me? Si autem omnino habenda est Lex, habeo & ego Legem. Appellat ergo quasi per indignationem Spiritus sancti ipsam Gratiam, infigniens rem gratiæ novo vocabulo, in contemptum legis, Mosis & veterum Prophetarum, Qui contendebant eam necessariam esse ad justificationem, atque Legi legem opponit. Estq; hæc suavißima phrasis & consolationis plenissima, et in scripturis, præcipue in Paulo, opponitur Lex legi, Peccatum peccato, Mors morti, Captivitas captivitati, Diabolus diabolo, Infernus inferno, Altare altari, Agnus agno, Pascha paschati, &c.

Rom. 8. De peccato damnabit peccatum, &c. Psal. 68. & Ephes. 4. Captivam duxit captivitatem. Hoseæ 13. Mors ero mors tua, Inferne ero pestis tua. Sic hic dicit se per legem mortuum legi, q. d. Lex Mosis accusat & damnat me, contra illam legem accusatricem & damnatricem habeo aliam legem, quæ est Gratia & libertas, Ea accusat accusatricem & damnat damnatricem illam legem. Sic mors occidit mortem, hæc autem mors occidens mortem, est ipsa vita, Sed vocatur Mors mortis, per exuberantem Spiritus indignationem contra mortem. Sic iusticia induit nomen peccati, quia damnat peccatum, hocq; damnans peccatum est vera iusticia.

Et Paulus est hic Hæreticus omnium hæreticissimus, Estq; hæresis ejus inaudita, quia dicit, Mortuum legi vivere Deo. Pseudoapostoli docebant, Nisi vixeris legi, mortuus es Deo, hoc est, Nisi vixeris secundum legem, coram Deo es mortuus. Paulus plane contrarium dicit, Nisi fueris mortuus legi, non poteris vivere Deo. Eadem hodie est doctrina adversariorum, quæ tum fuit Pseudoapostolorum, Si vis, inquiunt, Deo vivere, vive legi, vel secundum legem. Nos contra, Si vis vivere Deo, oportet te prorsus mortuum esse legi. Hanc doctrinam ratio & sapientia humana non capit, ideo perpetuò contrarium docet, scilicet, Si vis vivere Deo, oportet te legem servare, Quia scriptum est, Hoc fac, & vives, &c. Estq; hoc Principium & una Maxima omnium Theologorum, Vivens secundum legem, vivit Deo. Paulus plane diversum dicit, scilicet, Nos non posse vivere Deo, nisi Legi simus mortui. Itaque oportet nos assurgere in istam coelestem altitudinem, ut certo statuamus, nos longe supra Legem, imo prorsus legi mortuos esse. Si autem legi mortui sumus, tum lex nihil juris habet in nos, ut neque in Christum aliquid juris habet, qui nos ab ea redemit, ut per ipsum Deo vivamus. Hæc omnia eò spectant, Per legem nos non iustificari, sed sola fide in Christum.

Nec Paulus hic loquitur de lege ceremoniali, Quia sacrificavit in templo, circumcidit Timotheum, rasit caput in Cenchreis, Ista non fecisset, si fuisset mortuus Legi ceremoniali, sed loquitur de tota lege. Itaque simpliciter tota Lex, sive sit ceremonialis, sive decalogi, abrogata est Christiano, quia ei mortuus est. Non quod lex pereat, imo manet, vivit & regnat in impiis, Sed pius est Legi mortuus, sicut & peccato, diabolo, morti, inferno, mortuus est, quæ tamen manent, & Mundus ac impii ea habebunt. Ideo cum Sophista intelligit legem abrogari, eamq; ceremonialem, tu intellige Paulum, & quemlibet Christianum universæ Legi abrogari & mori, & tamen legem manere.

Exempli gratia, Christus resurgens à morte, est liber à sepulchro, & tamen sepulchrum manet. Petrus est liber à carcere, Paralyticus à lectulo, Juvenis à feretro, Puella à grabato, & tamen manet carcer, lectulus, feretrum, grabatum. Sic etiam abrogatur Lex, cum abrogor ei, moritur lex, cum morior ei, & tamen manet. Sed quia ego per aliam legem illi morior, moritur & ipsa mihi. Ut sepulchrum Christi, carcer Petri, grabatum puellæ, &c. manent, Et tamen Christus per resurrectionem moritur sepulchro, Petrus per liberationem abrogatur carceri, Puella per vitam liberatur à grabato. Quare ista verba, Mortuus sum legi, valde sunt emphatica. Non enim dicit, liber sum ad tempus à Lege, vel Dominus sum legis, sed simpliciter mortuus sum legi, hoc est, nihil plane commercii est mihi cum lege.

Nihil q



Nihilq; fortius dici potuisset à Paulo contra justificationem Legis, quàm hoc, cum dicit, Mortuus sum legi, id est, legem plane non curo, ergo per eam non justificor.

Est autem mori Legi, lege non teneri, sed liberum esse ab ea, & nescire eam. *Mori legi.* Ergo qui vult vivere coram Deo, studeat inveniri extra legem, exeatq; cum Christo è sepulchro. Stupebant milites cum Christus resurrexisset è Sepulchro, stupebant & hi, qui viderant puellam resuscitari. Sic ratio & humana sapientia stupefcit & stultificatur, quando audit, nos non justificari, nisi Legi simus mortui, quia non potest hoc intelligere. Nos verò scimus, quod fide apprehendentes ipsum Christum, secundum conscientiam, intremus novam quandam Legem, quæ devorat veterem illam, quæ nos captivos tenebat. Sicut illud sepulchrum, in quo jacuit Christus mortuus, resuscitato eo, aperitur & videtur vacuum, Christusq; evanescit. Sic cum in Christum credo, resurgo cum illo, & morior meo sepulchro, id est, legi, quæ me captivum tenebat, Estq; lex jam vacua, evasi carcerem & sepulchrum meum, id est, legem, Ideo jam amplius non habet jus accusandi & retinendi me, quia resurrexi.

Conscientiæ diligenter sunt erudiendæ, ut locum de discrimine justiciæ Legis & Gratiæ bene discant. Iusticia gratiæ, seu libertas conscientiæ simpliciter non pertinet ad carnem. Caro enim non debet esse libera, sed manere in sepulchro, carcere, grabato, debet subjici Legi, & exerceri per Ægyptios. Conscientia verò Christiana debet esse Legi mortua, id est, libera à lege, & prorsus nihil habere commercii cum ea. Hoc prodest nosse, quia valet ad consolandas afflictas conscientias. Ideo cum vides hominem pavefactum & contristatum conscientia peccati, dic, Non recte distinguis, frater, Tu ponis legem in conscientiam, quæ ponenda erat in carnem. Evigila, resurge & cogita, credendum esse in Christum, victorem Legis & peccati, ea Fide transcendes Legem, & ibis in gratiam, ubi nulla est lex & peccatum, Et si lex & peccata sint, tamen nihil ad te, quia tu legi & peccatis mortuus es. *Caro subiecta sit legi, non item conscientia.*

Hæc dictu sunt facilia, sed beatus, qui ista probe nosset in certamine conscientiæ, hoc est, qui irruente peccato, & lege accusante ac terrente posset dicere, Quid ad me, quod tu Lex me agis reum, quod convincis multa peccata me commisisse? Imo quotidie adhuc multa committo, Hoc nihil ad me, iam surdus sum, non audio te, ideo surdo narras fabulam, quia sum tibi mortuus. Si autem omnino mecum vis disputare de Peccatis, vade ad carnem & membra, servos meos, illos erudi, exerce & crucifige. Mihi verò conscientiæ, dominæ & Reginæ, ne sis molesta, quia nihil mihi tecum. Sum enim mortua tibi, & jam vivo Christo, ubi sum in alia lege, scilicet Gratiæ, quæ dominatur peccato & legi. Per quid? per fidem in Christum, ut Paulus infra exponit.

Est autem mira & inaudita ista definitio, Quod vivere Legi, sit mori Deo, & mori Legi, sit vivere Deo. Hæ duæ propositiones sunt contrariissimæ rationi, ideo nullus Sophista aut Legista eas intelligit. Tu verò disce eas recte intelligere. Qui vivit legi, hoc est, quærit per opera legis justificari, peccator est & manet, ergo mortuus & damnatus est. Lex enim non potest justificare & salvare, sed accusat, perterrefacit & occidit eum. Ergo vivere Legi, est mori Deo. Et e contra, mori Legi, est vivere Deo. Itaque si vis vivere Deo, oportet Legi moriari, si autem vives Legi, mortuus eris Deo. Est autem vivere Deo, justificari per gratiam seu fidem propter Christum sine Lege & operibus. *Vivere legi est mori Deo, & e contra.*

Quare Christianus, si proprie & diserte definiatur, est filius gratiæ & remissionis peccatorum, qui nullam prorsus legem habet, sed est supra Legem, peccatum, mortem, infernum, Et ut Christus liber est à sepulchro, Petrus à carcere, Sic Christianus est liber à Lege. Et qualis respectus est Christi resuscitati à sepulchro, & Petri liberati è carcere, ad sepulchrum & carcerem, talis respectus est conscientiæ justificatæ ad legem. Utq; Christus sua morte & resurrectione moritur sepulchro, ut amplius non habeat jus in eum, nec possit tenere eum, sed lapide & sigillis &c. *Christianus.*

fractis; custodibus perterrefactis, resurgit & liber discedit, Et Petrus sua liberatione moritur carceri, & abit quò vult, Ita conscientia per Gratiam liberatur à lege. Sic est omnis, qui natus est ex Spiritu, Caro autem nescit unde hoc veniat, aut quò vadat, quia non potest judicare nisi secundum Legem. Contrà, Spiritus dicit, Accuset me sane Lex, terreat me peccatum & mors, non tamen ideo despero, Quia Legem contra legem, peccatum contra peccatum, mortem contra mortem habeo.

*Peccatum contra peccatum.*

*†*

*Mors contra mortem.*

Itaque cum remorsum conscientiae propter Peccatum sentio, Serpentem illum æneum, Christum, in cruce aspicio, Ibi peccatum aliud invenio contra meum peccatum, quod me accusat & devorat. Peccatum verò aliud, scilicet in carne Christi, quod tollit peccatum totius Mundi, omnipotens est, damnat ac devorat peccatum meum. Ita peccatum meum, ne me accuset & damnet, damnatum est per peccatum, id est, per Christum crucifixum, qui factus est pro nobis peccatum, ut iusticia Dei per illum fieremus. Sic mortem in carne mea invenio, quæ me affligit & occidit, sed habeo contrariam mortem, quæ est Mors mortis meæ, ea crucifigit & devorat ipsam. Hæc omnia non fiunt per Legem aut opera, sed per Christum crucifixum, In cuius humeris jacent universi generis humani mala, Lex, Peccatum, mors, diabolus, infernus, quæ omnia moriuntur in eo, Sua enim morte occidit ea. Verum oportet nos hoc Christi beneficium firma Fide accipere, Nam ut neque lex, neque ullum opus, sed solus Christus nobis offertur: Ita nihil à nobis requiritur, nisi Fides, quæ apprehendat, & credat, meum peccatum & mortem damnari, & aboleri in peccato & morte Christi.

*Lex non justificat, sed sola fides.*

Sic semper certissima habemus argumenta, ex quibus necessario concludendum est, Solam fidem justificare. Quomodo enim Lex & opera cooperarentur ad justificationem, cum Paulus contra Legem & opera agat, & clare dicat, Nos debere mortuos esse Legi, si Deo vivere velimus? Si autem mortui sumus legi, & ipsa nobis mortua est, tunc certe nihil habet commercii nobiscum. Quomodo ergo cooperaretur ad justificationem? Quare necesse est dicere, Nos sola Gratia seu fide in Christum, sine lege & operibus iustos pronuntiare.

*Sophista.*

*Suam præsentem causam.*

Hoc Sophistæ cæci non intelligunt, ideo somniant, Fidem non justificare, nisi faciat opera charitatis. Hoc modo Fides, quæ credit in Christum, fit ociosa & irrita, quia ei detrahitur vis justificandi, nisi formata sit charitate. Tu verò sepone jam Legem & charitatem in alium locum & tempus, & intende animum ad statum præsentis causæ. Is autem status est, Quòd Iesus Christus Dei Filius moritur in cruce, & portat meum peccatum, legem, mortem, diabolum, infernum, in corpore suo, Hi hostes & tyranni invicti me premunt & mihi jam negotium faciunt, Ideo sollicitus sum, quomodo ab eis liberer, justificer & salver. Hic non invenio Legem, opus aut charitatem aliquam, quæ me possit ab his liberare, Sed solus Christus tollit Legem, occidit Peccatum meum, destruit mortem meam, in corpore suo, atque hoc modo evacuat Infernum, diabolum judicat, crucifigit & detrudit ad infernum. Summa, omnia, quæ me antea cruciaverunt & oppresserunt, illa Christus è medio sustulit, expoliavit, ostentavit palam & de illis per Seipsum triumphavit, ut jam amplius non possint dominari, sed cogantur servire mihi.

*Coloss. 2.*

*Fides formata.*

*Bona opera.*

Ex his satis intelligi potest, hinc nihil oportere agi, quàm audire ista sic gesta esse, & indubitata Fide apprehendere, eaq; est verè formata fides. Postea, Christo sic fide apprehenso, me mortuo Legi, justificato à peccato, & liberato à Morte, Diabolo & inferno per Christum, facio bona opera, diligo Deum, ago gratias, exerceo charitatem erga proximum. Sed illa charitas, vel sequentia opera, nec informant meam Fidem nec ornant, sed fides mea informat & ornat charitatem. Hæc nostra est Theologia, & paradoxa rationi mirabilia & absurda, Quod non solum cæcus, surdus sum legi, & liber ab ea, sed plane ei mortuus.

*Per legem legi mortuus sum.*

Est autem ista Pauli sententia, Per legem legi mortuus sum, plenissima consolatione, Quæ si opportuno tempore alicui posset incidere, & cum vero intellectu firmiter

firmiter hærere in animo, Is consisteret fortiter adversus omnia pericula Mortis, terrores conscientiae & peccati, quantumvis irruerent, accusarent, & ad desperationem eum adigere vellent. Certè unusquisque tentatur, si non in vita, tamen in morte. Ibi cum Lex accusat & ostendit peccatum, conscientia statim dicat, Peccasti. Si tunc tenes, quæ Paulus hîc docet, respondes, Verum est, peccavi. Ergo Deus puniet & damnabit te. Non. Imo Lex Dei hoc dicit. Nihil mihi cum hac lege. Quare? quia habeo aliam Legem, quæ cogit hanc obmutescere, libertatem scilicet, Quam libertatem? Christi. Per Christum enim liberatus sum à Lege. Ideo lex, quæ impiis est & manet lex, est mihi libertas, & ligat meam damnatricem legem, Et sic lex quæ me ligabat & captivum tenebat, jam ligatur & captiva tenetur per Gratiâ seu libertatem, quæ nunc est mea Lex. A qua accusatrix illa lex audit, Tu non ligabis, neq; captivum tenebis, aut reum facies mihi hunc, Sed ego tenebo te captivam, & ligabo tibi manus, ne noceas ei, quia Christo jam vivit, & tibi mortuus est.

*Consolatio contra terrores leg.*

*Lex ligans per Christum ligata est.*

Hoc Legi dentes est excutere, hebetare aculeum & omnia arma ejus, eamq; prorsus enervare. Et tamen impiis & incredulis manet Lex, Et nobis infirmis, quatenus non credimus, manet, Ibi habet adhuc suam aciem & dentes, sed si credidero in Christum, quantumvis peccatum me sollicitet ad desperationem, tamen fretus hac libertate, quam in Christo habeo, dico, Fateor me peccasse, Sed peccatum meum, quod est peccatum damnatum, est in Christo, qui est peccatum damnans. Est autem peccatum illud damnans, fortius damnato, Est enim justificans gratia, justitia, vita & salus. Sic cum sentio pavores Mortis, dico, Nihil rei est mihi tecum Mors, quia habeo aliam mortem, mortificantem te meam mortem, Est autem mors mortificans fortior mortificata.

*Peccatum damnatum & damnans.*

*Mors mortificans & mortificata.*

Sic fidelis per solam Fidem potest erigere sese, & concipere certam & firmam consolationem, ut non pallescat à facie Peccati, mortis, diaboli & omnium malorum. Et ut maximè Diabolus omni impetu suo in eum irruat, & obruere velit terroribus totius Mundi, tamen in mediis illis terroribus concipit spem, & dicit, Domine Satan, nihil me movent minæ & terrores tui. Quia unus est qui vocatur Iesus Christus, in quem ego credo, Is legem abrogavit, Peccatum damnavit, mortem abolevit, infernum destruxit, Estq; Satan, tuus Satan. Nam te captivavit & vinxit, ut mihi & omnibus credentib. in ipsum non possis amplius nocere. Hanc fidem diabolus non potest vincere, sed ipse per eam vincitur. Quia hæc est, ait Iohannes, victoria, quæ vincit mundum, fides nostra, Quis est qui vincit mundum, nisi qui credit, quod Iesus est Filius Dei,

*Satan contra Satanum.*

*Ioh. 1.*

Per nimium igitur zelum & indignationem spiritus, Paulus ipsam Gratiâ appellat Legem, cum tamen re vera aliud nihil sit, nisi summa & infinita libertas Gratiæ, quam habemus in Christo Iesu. Deinde etiam tribuit hanc ignominiosam appellationem Legi nobis in consolationem, ut sciamus eam nunc novo nomine baptisatam, quod jam non viva, sed mortua & damnata sit, Et, quod spectaculum valde jucundum est, proponit & producit Legem velut furem, aut latronem aliquem jam damnatum & adjudicatum morti. Pingit enim per Prosopopœiam, Legem captivam teneri, cui jam manus & pedes vincti sint, omnisq; potestas adempta, ita ut amplius non possit exercere tyrannidem suam, hoc est, non possit accusare & condemnare. Et hac jucundissima pictura reddit eam contemptibilem in conscientia, ut credens in Christum jam ausit Legi, sancta quadam superbia, insultare ad hunc modum, Ego sum Peccator, si quid potes contra me, Lex, facito. Tantum abest ut credenti sit lex nunc formidabilis.

*Cur Paulus vocet gratiam legem.*

*Lex violata & damnata, igitur non potest accusare &c.*

Christus cum resurrexit à Morte, quid formidaret sepulchrum? Petrus liberatus ex carcere, quid jam metueret eum? Puellæ moribundæ potuit lectulus esse formidabilis, jam autem resuscitata, cur timeret illum? Sic Christianus, qui vere Christum per fidem possidet, cur formidaret Legem? Sentit quidem terrores legis, illis autem non vincitur, sed fretus libertate, quam habet in Christo, ait, Audio

*Libertatem vocat legem &c.*

*Lex contra legem.*



*Mors mortis.*

te legem quidem murmurantem, te velle accusare & condemnare me, Sed hoc nihil me movet, Tu mihi es, ut vacuum sepulchrum Christo erat. Video enim te captivam & ligatam manus & pedes, quos ligavit tibi mea Lex. Quæ est illa? Libertas, Quæ vocatur Lex, non quod liget me, sed quod liget meam legem. Lex decalogi ligabat me, Contra illam nunc habeo aliam legem scilicet Gratia, quæ non est mihi lex, neque ligat, sed liberat me, Est autem lex contra damnatricem Legem, hanc ligat, ut amplius non possit me ligare. Sic contra mortem meam ligantem me, habeo aliam mortem, Vitam scilicet, quæ vivificat in Christo, Et illa me solvit & liberat à vinculis mortis meæ, & iisdem ligat ipsam. Sic mors, quæ me ligabat, jam ligata est, quæ me occidebat, jam occisa est, per ipsam mortem, id est, ipsissimam vitam.

*Appellationes Christi suavissimæ.*

Sic Christus suavissimis appellationibus vocatur, mea Lex, peccatum meum, mors mea, contra legem, peccatum, mortem, cum re vera nihil sit, quàm mera Libertas, justitia, vita & salus æterna. Ideo autem factus est Lex legis, peccatum peccati, mors mortis, ut me à maledicto legis &c. redimeret, justificaret & vivificaret. Sic utroque modo Christus, dum est Lex, est Libertas, dum est peccatum, est justitia, dum est mors, est vita. Hoc ipso enim quod passus est se Legem accusare, peccatum damnare, mortem devorare, legem abrogavit, peccatum damnavit, mortem destruxit, me justificavit & salvavit. Sic Christus simul est venenum contra legem, Peccatum & mortem, & remedium pro libertate, justitia & vita æterna.

*Christus venenum contra mortem &c.*

*Lex mortis opponitur legi membrorum. Rom. 7.*

Hæc proprie Paulina speculatio & phrasis est valde jucunda & consolatoria. Sic Rom. 7. opponit Legem mentis, legi membrorum. Hoc quia nove & mirabiliter dictum est, facilius incurrit in animum, & firmitus hæret in memoria. Deinde etiam suavius sonat, cum dicit, Ego per legem legi mortuus sum, quàm, Ego per libertatem legi mortuus sum. Facit enim quandam picturam, quasi Lex contra legem pugnet, q. d. Lex si potes me accusare, perterrefacere & ligare, constituam super te aliam legem, hoc est, alium tyrannum & tortorem, qui te vicissim accuset, liget & opprimat. Tu quidem meus es carnifex, sed habeo alium carnificem, Christum, qui te excarnificet. Te autem excarnificato, per illum liber sum. Item, si Diabolus me flagellat, habeo fortiolem Diabolum, qui illum vicissim flagellet, & vincit. Sic Gratia est Lex, non mihi, nam me non ligat, sed legi meæ, hanc ligat, ne amplius me ligare possit. Itaque Paulus libenter nos prorsus abstraheret ab inspectione legis, peccati, mortis, & omnium malarum rerum, & transferret in Christum, ut ibi spectaremus jucundissimum duellum, quod scilicet lex contra legem pugnet, ut sit mihi libertas, Peccatum contra peccatum, ut sit mihi justitia, Mors contra mortem, ut habeam vitam, Quod Christus sit Diabolus meus contra Diabolum, ut sim filius Dei, Quod destruat infernum, ut habeam Regnum coelorum.

*Carnifex contra carnificem.*

*Duellum suavissimum.*

### *Ut viverem Deo.*

*Caro subiecta legi, non idem conscientia.*

Hoc est, ut coram Deo sim vivus. Vides ergo non esse vitam, nisi fueris sine Lege, imo nisi prorsus legi mortuus fueris, scilicet in conscientia. Interim tamen donec corpus vivit, ut sæpe jam admonui, debet Caro exerceri legibus, & vexari exactionibus ac poenis legum. Internus autem homo nihil debens legi, imo liber ab ea, est viva, justa & sancta persona, non per se, aut in sua substantia, sed in Christo, quia in illum credit, ut sequitur.

### *Ego sum Christo concrucifixus.*

Hoc addit, quia vult declarare Legem devoratricem legis. Non solum, inquit, per Legem legi mortuus sum, ut Deo viverem, sed etiam Christo concrucifixus sum, Christus autem est Dominus legis, quia ipse crucifixus & mortuus est legi. Igitur & ego sum Dominus legis. Nam & ego Legi crucifixus & mortuus sum, Concrucifixus enim & commortuus sum Christo. Per quid? Per ipsam Gratiā & fidem. Hac Fide dum crucifigor & morior legi, amittit ipsa omne jus in me,

me, sicut & in Christum amisit. Quare sicut Christus ipse Legi, peccato, morti, diabolo, crucifixus est, ut nullum jus in eum amplius habeant, Ita & ego per fidem, con-crucifixus Christo in spiritu, crucifigor & morior legi, peccato, &c. ut & ipsa nullum jus amplius in me habeant, sed mihi crucifixa & mortua sint. Loquitur autem Paulus hic non de con-crucifixione imitationis seu exempli, Quia imitari exemplum Christi, est etiam cum eo crucifigi, quæ con-crucifixio pertinet ad carnem, De qua 1. Pet. 2. Christus passus est pro vobis relinquens vobis exemplum, ut sequamini vestigia ejus, Sed loquitur hic de illa sublimi con-crucifixione, qua peccatum, diabolus, mors crucifigitur in Christo, non in me. Hic Christus solus omnia facit, sed credens con-crucifigor Christo per Fidem, ut & mihi illa sint mortua & crucifixa.

*Crucifigit  
Christo.*

*Vivo autem.*

DISERTE & proprie loquitur, Non, inquit, de morte & crucifixione mea sic loquor, quasi jam non vivam, imo vivo, quia ista morte & crucifixione, qua morior, vivificor. Hoc est, dum Gratia & fide liberor à Lege, peccato & morte, vere vivo. Itaq; illa crucifixio & mors, qua crucifigor & morior Legi, peccato, morti & omnibus malis, est mihi resurrectio & vita. Christus enim crucifigit Diabolum, occidit mortem, peccatum damnat, & ligat Legem, Hoc credens, liberor à lege, &c. Ergo Lex est mihi surda, ligata, mortua, & crucifixa, Et ego vicissim sum illi surdus, ligatus, mortuus & crucifixus. Illa ipsa ergo morte & crucifixione, hoc est, illa ipsa Gratia seu libertate vivo. Observanda est autem, ut & supra monui, Paulina phrasis, qua dicit, nos mori & crucifigi Legi, cum ipsa Lex potius moriatur & crucifigatur nobis: Sed data opera utitur hac phrasi, quod nos crucifixi & mortui simus Legi, ut sermo jucundior sit. Nam Lex, quæ alias manet, vivit & regnat in toto mundo, quæ accusat & condemnat omnes homines, crucifigitur & moritur solum credentibus in Christum, Ideo soli hanc gloriam habent, quod Legi, peccato, &c. crucifixi & mortui sint.

*Quomodo vult  
vivere.*

*Plas mortui  
& crucifixi  
esse legi.*

*Gloria Christi  
morte.*

*Non jam ego.*

HOC est, non in persona vel substantia mea. Ibi ostendit clare, quomodo vivat, Et docet, quæ sit justitia Christiana, ea scilicet, qua Christus in nobis vivit, non quæ est in persona nostra. Itaq; cum disputandum est de justitia Christiana, prorsus abjicienda est persona. Nam si in persona hæreo, vel de ea dico, sit ex persona, velim, nolim, operarius legi subjectus. Sed hic oportet Christum & conscientiam meam fieri unum corpus, ita ut in conspectu meo nihil maneat, nisi Christus crucifixus & resuscitatus. Si vero in me tantum intueor, excluso Christo, actum est de me. Nam tum statim mihi incidit ista cogitatio, Christus est in coelis, tu in terris, qua ratione nunc venies ad eum? Ego sancte vivam, & hoc quod Lex requirit, faciam, atq; ita in vitam ingrediar. Ibi in me conversus, & considerans, qualis ego sim vel esse debeam, item, quid mihi faciendum sit, amitto ex oculis Christum, qui solus est justitia & vita mea. Hoc amisso, non est consilium aut auxilium, sed necesse est certam desperationem & perditionem sequi.

*Justitia Christi  
mea.*

Et hoc malum communissimum est, Ea enim est miseria humana, quod in tentatione aut morte, statim relicto Christo, consideremus vitam & facta nostra. Hic nisi fide erigamur, nobis pereundum est. Itaq; debemus assuefacere nos, ut in talibus conscientiarum certaminibus, relictis nobis ipsis, lege & operibus, quæ tantum nos cogunt aspicere nos ipsos, simpliciter vertamus oculos in illum serpentem æneum, Christum, cruci affixum, In quo hærentes fixo intuitu, certo statuamus eum esse justiciam & vitam nostram, nihil morantes minas & terrores Legis, peccati, mortis, iræ ac judicii Dei. Nam Christus, in quo intenti & fixi hæremus, in quo sumus, quiq; vivit in nobis, est victor & Dominus legis, peccati, mortis & omnium malorum, in quo nobis proposita est certa consolatio, & donata victoria.

*Separat nos.*

H +

Vivo

*Vivo autem, jam non ego, sed vivit in me Christus.*

*Iam non ego.*

QVOD dicit, Vivo autem, sonat personaliter, quasi Paulus loquatur de sua persona. Ideo mox corrigit, dicens, Iam non ego, hoc est, Non ego jam in mea Persona vivo, sed Christus in me vivit. Persona quidem vivit, sed non in se aut pro sua persona. Sed quis est ille, Ego, de quo dicit, Iam non ego? Is ego est, qui legem habet, & operari debet, quiq; est Persona quædam segregata à Christo. Illum Ego Paulus rejicit, Quia Ego, ut distincta persona à Christo, pertinet ad mortem & infernum. Ideo inquit, Iam non ego, sed Christus in me vivit, Is est mea forma, ornans fidem meam, ut color vel lux parietem ornat (Sic crasse res illa exponenda est, Non enim possumus spiritualiter comprehendere tam proxime & intime Christum hæere & manere in nobis, quam lux vel albedo in pariete hæret) Christus ergo, inquit, sic inhærens & conglutinatus mihi & manens in me, hanc vitam, quam ago, vivit in me, imo vita, qua sic vivo, est Christus ipse. Itaq; Christus & ego jam unum in hac parte sumus.

*Opera Christi  
vivens in pib.*

Vivens autem in me Christus abolet Legem, peccatum damnat, mortem mortificat, quia ad præsentiam ipsius illa non possunt non evanescere. Est enim Christus æterna pax, consolatio, justitia & vita, His autem cedere oportet terrorem Legis, moerorem animi, peccatum, infernum, mortem. Sic Christus in me manens & vivens tollit & absorbet omnia mala, quæ me cruciant & affligunt. Quare hæc inhærentia facit, ut liberer à terroribus Legis & peccati, eximar è cute mea, & transferar in Christum & regnum illius, quod est regnum Gratiæ, justitiæ, pacis, gaudij, vitæ, salutis & gloriæ æternæ, In illo autem agens, nihil mali potest nocere mihi.

*Christus com-  
municat creden-  
tibus suam vitam,  
&c.*

Interim foris quidem manet verus homo, subiectus legi, Sed quantum at-  
tinet ad justificationem, oportet Christum & me esse conjunctissimos, ut ipse in  
me vivat, & ego in illo (Mirabilis est hæc loquendi ratio) Quia vero in me vivit,  
ideo quicquid in me est Gratiæ, justitiæ, vitæ, pacis, salutis, est ipsius Christi, & ta-  
men illud ipsum meum est, per conglutinationem & inhæSIONem, quæ est per fi-  
dem, per quam efficimur Christus & ego, quasi unum corpus in spiritu. Quia er-  
go vivit in me Christus, necesse est simul cum eo adesse Gratiam, justiciam, vitam  
ac salutem æternam, & abesse Legem, peccatum, mortem, Imo legem à lege, pec-  
catum à peccato, mortem à morte, diabolum à diabolo crucifigi, devorari & abo-  
leri. Sic Paulus conatur nos prorsus abstrahere ab inspectione nostri, Legis & o-  
perum, & in ipsum Christum & fidem Christi transplantare, ut nihil plane specte-  
mus in ratione justificandi, quàm Gratiam, & eam longissime separemus à Lege  
& operibus, quæ procul hinc abesse debent.

*Paulus phrasim*

Paulus suam peculiarem phrasim habet, non humanam, sed divinam & cœ-  
lestem, qua evangelistæ & cæteri Apostoli (præter unicum Iohannem, qui inter-  
dum etiam sic loqui solet) non sunt usi. Et nisi Paulus hac forma loquendi prior  
usus fuisset, ac eam nobis conceptis verbis præscripsisset, nemo etiam ex Sanctis  
ausus fuisset ea uti, est enim plane insolens & inaudita, Vt, Vivo, non vivo, Mortu-  
us sum, non mortuus sum, Peccator sum, non sum peccator, Legem habeo, non  
habeo legem. Quæ phrasim suavissima est credentibus in Christum. Quatenus  
enim seipsum intuentur, habent legem & peccatum, quatenus Christum, legi mor-  
tui sunt, peccatū non habent, &c. Quare si in causa justificationis discernis perso-  
nam Christi & tuam, es in lege, manes in ea, & in te, non in Christo vivis. Quod  
est damnari à Lege & mortuum esse coram Deo, Quia fidem habes, ut Sophistæ  
nugantur, informatam charitate, Sic exempli causa loquor. Nullus enim dari po-  
test, qui hac fide salvatus sit. Ideo quæ Sophistæ de Fide informatata charitate do-  
cuerunt, mera ludibria Satanae sunt. Sed concedamus, reperiri hominem, qui ta-  
lem fidem habeat, tamen eam habens non est ideo justus, quia tantum habet hi-  
storicam fidem de Christo, quam etiam Diabolus & omnes impij habent;

*Vt, jam vivo,  
&c.*

*Christum in-  
fuit & peccator*

Quare



Quare fides pure est docenda, quod scilicet per eam sic conglutineris Christo, ut ex te & ipso fiat quasi una persona, *non possit segregari, sed perpetuo adhærescat ei, Vt cum fiducia dicere possis, Ego Christus, hoc est, Christi iusticia, victoria, vita &c. est mea. Et vicissim Christus dicat, Ego sum ille peccator, hoc est, ejus peccata, mors &c. sunt mea, quia adhæret mihi, & ego illi, Coniuncti enim sumus per fidem in unam carnem & os, Eph. 5. Membra sumus corporis Christi, de carne ejus, & de ossibus ejus. Ita ut hæc fides Christum & me arctius copulet, quam maritus est uxori copulatus. Ergo fides illa non est ociosa qualitas, sed tanta est ejus magnitudo, ut obscuret & prorsus tollat ista stultissima somnia doctrinæ Sophisticæ de fictione fidei formatæ & charitatis, de meritis, de dignitate aut qualitate nostra, &c. Hæc libenter velim copiosius tradere, si possem.* *Fides non est ociosa, &c.*

Indicavimus hætenus hoc fuisse primum argumentum Pauli, Quod aut Christus necessario sit minister peccati, Aut lex non justificet. Illo argumento absoluto proposuit Paulus seipsum exemplum, & fecit prosopopœiam quandā, & dixit se mortuum illi veteri legi, per quandam novam. Nunc annectit duas Anthypophoras, hoc est, occupationes. Prima est contra calumniam superborum & scandalum infirmorum. Nam quando remissio peccatorum gratis prædicatur, *Calumniatores.* mox calumniantur malitiosi hanc prædicationem, Vt Rom 3. Faciamus mala, ut veniant bona. Ejusmodi enim homines, ubi audiunt nos Lege non justificari, statim per calumniam inferunt, Ergo omittamus legem. Item, Si ibi superabundat gratia, ubi abundavit delictum, Ergo abundemus peccatis, ut justificemur & gratia superabundet. Hi sunt maligni & superbi, qui libenter depravant scripturas & dicta Spiritus sancti, ut viventibus adhuc Apostolis etiam Paulum depravarunt, *Infirmi.* in suam ipsorum perniciem, ut 2. Pet. 3. dicitur. Deinde etiam infirmi, qui non sunt malitiosi, ut calumniatores, sed boni, offenduntur, cum audiunt legem & bona opera non esse facienda ad justificationem. Illis est succurrendum & exponendum, Quomodo opera nonificent, Quomodo sint facienda, quomodo non facienda. Sunt autem facienda, non ut causa, sed ut fructus justiciæ, iam justi facti debemus ea facere non e contra, ut iniusti per ea reddamur justi. Arbor facit poma, non poma arborem.

Supra dixerat, Ego mortuus sum, &c. Hoc malevolus facile sic calumniaretur. Quid ais Paule? mortuus es? Vnde ergo loqueris & scribis? Infirmus etiam facile offenderetur, Quis tu? An non video te vivere? res gerentem? Respondet, Vivo quidem, Verum jam non ego, sed Christus vivit in me. Est igitur duplex vita, *Duplex vita.* Mea naturalis vel animalis, & aliena, scilicet Christi in me. Secundum animalem meam vitam mortuus sum, jamq; vivo alienam vitam. Non vivo jam Paulus, sed Paulus mortuus est. Quis tum vivit? Christianus. Paulus ergo ut in se vivens, plane per legem mortuus est. Sed ut in Christo, vel potius, ut Christus in eo vivens, vivit aliena vita, quia Christus in eo loquitur, operatur, & exercet omnes actiones, Hoc jam non est Paulinæ sed Christianæ vitæ. Ne igitur malitiose calumniaris, quod dixi, me mortuum esse, Nec tu infirme offendaris, sed recte distingue, quia duplex vita est, mea & aliena, Mea vita non vivo, alioqui Lex dominaretur mihi, meq; captivum teneret, Ne ergo me teneat, per aliam Legem illi mortuus sum, Et hæc mors parit mihi alienam vitam, scilicet Christi, quæ mihi non innata est, sed donata per Christum in fide.

Altera Anthypophora, Nam iterum potuisset Paulo objici, Quid ais? Non vivis tu propria vita, vel in carne, sed in Christo? Imo carnem tuam video, non Christum. Num igitur vis nos prestigiis fallere, ne videamus te in carne præsentem, & illa priore vita viventem, quinq; sensus habentem, & omnia gerentem, quæ alius homo in vitâ corporali gerit? Respondet,

*Quod autem nunc vivo in carne, in fide filij Dei vivo.*

Hoc est, In carne quidem vivo, sed ego hanc vitam, quantulacunque *Vita nostra est, Christus.*

*Placuit carne  
vivere, sed non  
ex carne, &c.*

est, quæ in me agitur, non habeo pro vita. Non enim est vere vita, sed tantum lar-  
va vitæ, sub qua vivit alius, nempe Christus, qui est vere vita mea, quam non vi-  
des, sed tantum audis, Ut tantum audis sonare, sed nescis unde veniat, aut quo va-  
dat, Iohan. 3. Sic vides me quidem loquentem, edentem, operantem, dormien-  
tem, &c. & tamen vitam meam non vides. Quia hoc vitæ tempus, quod ego vi-  
vo, in carne quidem vivo, sed non vivo ex carne vel secundum carnem, sed in fide,  
ex fide & secundum fidem. Non ergo negat se vivere in carne, quia facit omnia  
opera animalis hominis. Deinde utitur etiam rebus carnalibus, victu, vestitu, &c.  
quod certe est in carne vivere. Sed, ait, hanc non esse suam vitam, nec secundum  
hæc se vivere, Se quidem uti rebus carnalibus, sed non illis vivere, ut Mundus ex  
carne & secundum carnem vivit, quia extra hanc carnalem vitam nec novit nec  
sperat aliam vitam.

*Vivere in fide  
filij Dei.*

Ergo quantulacumque est, inquit, ista vita, quam in carne vivo, in fide filij  
Dei vivo, Nam hoc verbum, quod corporaliter loquor, est verbum non carnis,  
sed Spiritus sancti & Christi. Iste visus, qui ingreditur vel egreditur ex oculis, non  
venit ex carne, hoc est, caro mea non regit cum, sed Spiritus sanctus. Ita auditus  
non ex carne, licet in carne sit, sed in & ex Spiritu sancto est. Christianus non lo-  
quitur nisi casta, sobria, sancta ac divina, quæ pertinent ad Christum, ad gloriam  
Dei, & ad salutem proximi. Ista non veniunt ex carne, neque fiunt secundum car-  
nem, & tamen sunt in carne. Non enim possum docere, orare, gratias agere, scri-  
bere, nisi istis instrumentis carnis, quæ requiruntur ad talia opera perficienda, Et  
tamen ea non veniunt ex carne, neque in ea nascuntur, sed donantur & revelantur  
ex cælo divinitus. Sic aspicio oculis mulierculam, sed casto visu, non cupiens eam.  
Illa visio non venit ex carne, quanquam sit in carne, quia oculi sunt instrumen-  
tum carnale illius visionis, sed castitas illa visionis ex cælo venit.

*Discrimina-  
tor pium & im-  
pium.*

Sic Christianus utitur mundo & omnibus creaturis, ut nulla differentia sit  
inter ipsum & impium. Idem victus, vestitus, eadem auditio, visio, loquela, iidem  
omnes alij gestus, habitus & schemata (ut Paulus etiam de Christo, inventus ha-  
bitu, inquit, ut homo) Nihilominus tamen est maxima differentia. Quia vivo  
quidem in carne, & tamen non jam ego vivo ex me, sed quod vivo in carne, hoc  
in fide filij Dei vivo. Hoc quod jam audis me loqui, ex alio fonte proficiscitur,  
quam quod antea audisti me loqui. Ante conversionem Paulus loquebatur ea-  
dem quidem voce & lingua, Sed vox & lingua erat tunc blasphemia, Ideo nihil  
poterat nisi blasphemias & abominationes contra Christum & Ecclesiam ejus  
loqui. Postea eo converso eadem erat caro, eadem lingua & vox, quæ antea erat,  
& plane nihil mutabatur, Sed vox & lingua jam tum non blasphemias, sed spiritu-  
alia verba sonabat, scilicet, gratiarum actionem & laudem Dei, quæ ex Fide &  
Spiritu sancto veniebant. Sic ergo vivo in carne, sed non ex & secundum carnem,  
sed in fide filij Dei.

*Vivere in fide  
filij Dei.*

Ex his intelligi potest, unde veniat illi aliena & spiritualis vita, quam ani-  
malis homo non percipit. Nescit enim qualis hæc sit vita, Ventum quidem au-  
dit sonantem, Sed unde veniat, aut quo vadat, nescit. Audit vocem spiritualis  
hominis, agnoscit faciem, mores & gestus ejus, Sed unde illa verba, non sacrilega  
& blasphema, ut antea, sed sancta & divina, Vnde illi motus & actiones veniant,  
non videt. Quia illa vita est in corde per fidem, ubi extincta carne, regnat Chri-  
stus cum suo Spiritu sancto, qui jam videt, audit, loquitur, operatur, patitur, &  
simpliciter omnia agit in ipso, etiam si caro reluctetur. Breviter, ista vita non est  
carnis, licet sit in carne, sed Christi filij Dei, quem fide possidet Christianus.

*Qui dilexit me, & tradidit semetipsum pro me.*

*Vera ratio iusti-  
ficationis.*

Hic descriptam habes veram rationem justificationis, & exemplum cer-  
titudinis fidei. Qui hæc verba, Vivo in fide filij Dei, qui dilexit me, & tradidit  
semetipsum pro me, certa & constanti fide cum Paulo dicere posset, is vere bea-  
tus

tas enca. **Q**uia ipse verbis Paulus in totum abrogat & tollit iusticiam legis & operum, ut postea dicemus. Sunt autem diligenter expendenda hæc verba, filius Dei dilexit me, & tradidit semetipsum pro me. Ergo ego non dilexi filium Dei, nec tradidi me pro ipso, Vt Sophistæ fingunt, Se diligere filium Dei, & sese tradere pro ipso. Docent enim hominem ex puris naturalibus posse facere meritum congrui, posse diligere Deum & Christum supra omnia. Hi præveniunt dilectionem Dei & Christi, quia faciunt quod in se est, fiunt Monachi, & non solum præcepta Dei, sed & consilia & opera supererogationis servant, & laicis superflua merita vendunt, atq; ita, ut somniant, tradunt sese pro Christo, Et per hoc se & alios salvant. Illi simpliciter Pauli verba, Qui dilexit me, &c. invertunt, & sic legunt, Nos dileximus Christum, & tradidimus nos ipsos pro eo. Hoc modo impij homines, frustra inflati sensu carnis suæ, dum somniant & nugantur se facere, quod in se est, se Diligere Deum, sese tradere pro Christo, abolent Evangelium, rident, negant, blasphemant, conspuunt & conculcant Christum, Verbis quidem laudent eum esse iustificatorem & Salvatorem, re vera tamen vim iustificandi & salvandi illi detrahunt, ac eam tribuunt suis electiciis cultibus. Hoc vivere est non in fide filij Dei, sed in propriis iusticiis & operibus.

*Facere quod in se est.*

*Iusticiam invertunt hæc Pauli verba.*

### FACERE QVOD IN SE EST.

**Q**Uare ista non est vera ratio iustificandi, ut tu incipias facere quod in te est (hac enim phrasi utuntur Sophistæ & doctores Scholastici) Si homo, inquit, facit quod in se est, tunc Deus infallibiliter dat ei gratiam. Eaq; propositio est apud ipsos articulus fidei. Et ut clare ostenderent se ne apiculum quidem de doctrina Pauli & Evangelij intelligere, sic loquuntur, Hoc dictum, Facere quod in se est, non acerbè urgendum esse, Sed satis esse ut accipiatur de medio physico, non mathematico indivisibili, quod impossibile sit dari. Hoc est, satis esse, ut homo ea faciat, quæ arbitrio boni viri possint probari, tunc certò secururam gratiam, non enim merito congrui per se, sed infallibilitate Dei, qui tam bonus est & iustus, ut non possit non dare gratiam pro bono, &c. Atq; hinc natus est ille versiculus, Vult posse viri, non vult Deus ulla requiri. Est quidem bona sententia, sed in loco polita, scilicet de politicis, œconomicis & naturalibus. Vt si ego existens in regno rationis, rego familiam, ædifico domum, gero magistratum, & facio quantum possum, vel quod in me est, ibi sum excusatus. Hoc regnum habet suos terminos, ad quod etiam proprie pertinent ista dicta, Facere quod in se est, vel facere quantum possum. Contra Sophistæ ea trahunt in Regnum Spirituale, in quo homo nihil aliud potest, quam peccare, Est enim venundatus sub peccatum. In externis illis autem, hoc est, in politicis & œconomicis rebus, homo non est servus, sed dominus illarum corporalium rerum. Ideo impie fecerunt Sophistæ, quod dicta ista politica & œconomica traxerunt in Ecclesiam. Regnum enim rationis humanæ longissime separandum est à spirituali Regno.

*Medium physicum, non mathematicum.*

*Vult posse viri, &c.*

*Politica impolitice discernenda ab Ecclesia.*

### NATURALIA INTEGRÀ.

**D**Einde etiam tradiderunt, Naturam quidem vitiatam esse, sed naturalia adhuc esse integra, Eaq; tribuerunt etiam Dæmonibus. Hoc stante, sic rationati sunt, Si naturalia sunt integra, Ergo & intellectus purus & voluntas bona & integra est, & sic per consequens omnia perfecta sunt. Ista expedit vobis scire, ut puritas doctrinæ fidei conservetur. Cum igitur dicunt Sophistæ, naturalia esse integra, Concedo hoc. Si autem inferunt, Ergo homo potest implere legem, Deum diligere, &c. Hic nego consequentiam, & distinguo naturalia contra spiritualia, Et dico spiritualia non esse integra, sed corrupta, imo per peccatum prorsus extincta esse in homine & diabolo, ita ut nihil ibi sit, quam intellectus depravatus, & voluntas inimica & adversaria Dei, quæ nihil cogitat, quam ea, quæ contra Deum sunt, Quare naturalia quidem integra sunt, sed quæ naturalia? Quod homo in impietatemersus, & servus diaboli, habet voluntatē, rationem, liberū, & arbitrium

*Naturalia contra spiritualia integra.*



*Sophista sententias de politica detorserunt ad Ecclesiam.*

arbitrium & potestatem ædificandi domum, gerendi magistratum, gubernandi navem, & faciendi alia officia, quæ homini sunt subiecta, Gen. 1. Ea non sunt adempta homini, Non est sublata generatio, politia, œconomia, sed confirmata est his dictis. Sophistæ autem traxerunt ea ad spiritualia, Et forte acceperunt à Patribus, & cum male intelligerent, detorserunt ad spiritualia, atq; ita commiscuerunt politica cum Ecclesiasticis. Nostrum est igitur ista repurgare, & hæc scandala ex Ecclesia tollere. Concedimus ergo ista dicta vera esse, sed in loco, scilicet, in regno corporali. Si vero traxeris in regnum spirituale coram Deo, negamus ea per totum. Hic enim prorsus sumus in peccatis submersi, Quicquid est in voluntate nostra, est malum, quicquid est in intellectu nostro, est error. Ideo homo in rebus divinis nihil habet, quam tenebras, errores, malitias & perversitates voluntatis & intellectus, Quomodo igitur bene operaretur, diligeret Deum?

*Christus prior dixit, non nos.*

Quare Paulus non nos, sed Christum incepisse hic dicit, Ipse, ipse, inquit, dilexit me, & tradidit semetipsum pro me, q. d. Non invenit in me bonam voluntatem, & intellectum rectum, sed Christus misertus est mei, vidit me impium, errantem, aversum à Deo, & semper longius recedentem ab eo, & pugnantem contra Deum, captum, rectum & vectum à Diabolo. Sic ex misericordia præveniente meam Rationem, voluntatem, intellectum, dilexit me, & sic dilexit, ut Semetipsum traderet pro me, ut sic à lege, peccato, diabolo, morte liberarer. Porro ista vocabula, Filius Dei, Dilexit me, & Tradidit Semetipsum pro me, sunt mera tonitrua & ignes cœlestes, contra justiciam legis & doctrinam operum. Tam grande malum, tantus error, tenebræ, ignorantia fuit in mea voluntate & intellectu, ut tam inæstimabili precio oportuerit me liberari. Quid ergo gloriamur, de dictamine rationis, de nostris naturalibus integris, de ratione deprecante ad optima, de faciendo, quod in se est? Quid offero Deo irato, qui, ut Moses ait, ignis consumens est, istas meas stipulas, imo horrenda peccata, & volo cum eo contendere, ut pro his mihi donet gratiam & vitam æternam, Cum hic audiam tantum esse malorum in natura mea, ut non suffecerit Mundus & tota creatura ad placandum Deum, Sed quod oportuerit ipsum Filium Dei pro his tradi?

*Gloriamur de nostris integritatibus, &c. vana.*



*Quid lex Mosi etc. ad filium Dei traditum pro nobis?*

*Dignitas precij pro nostris peccatis traditi.*

Considera autem diligentius hoc precium, & inspicere istum captivum & traditum pro me, Filium Dei scilicet, & videbis eum infinites majorem & præstantiorem tota creatura. Quid facies, Cum audis Paulum dicere, tam inæstimabile precium pro peccatis tuis esse traditum? Num afferes cucullum, rasuram, castitatem, obedientiam, paupertatem tuam? Quid ista omnia? Imo quid lex Mosi & opera Legis? Quid omnia omnium opera & passionum Martyrum? Quid omnis obedientia sanctorum angelorum, ad Filium Dei traditum, & indignissime traditum, nempe in mortem Crucis, ut ipsius sanguis preciosissimus totus effusus sit, & quidem pro peccatis tuis? Si inspiceres hoc precium, deberes maledicere, conspurcare, conspuere, execrari, & ad infernum relegare omnes cucullos, rasuras, omnia vota, opera, merita congrui & condigni. Ideo intolerabilis & horribilis blasphemia est, fingere aliquod opus, per quod præsumas Deum placare, Cum videas eum non placari posse, nisi hoc immenso & infinito precio, scilicet morte & sanguine Filij sui, cujus una gutta preciosior est tota creatura.

## PRO ME.

*Ignavia Papistarum.*

Vis est ille ME? Ego scilicet peccator perditus & damnatus, sic dilectus à filio Dei, ut seipsum traderet pro me. Si ergo operibus vel meritis de congruo & condigno potuissem diligere filium Dei, & venire ad eum, quid opus fuisset eum tradi pro me? Ex hoc apparet, quam frigide tractaverint Papistæ, imo prorsus neglexerint sacras literas & doctrinam fidei. Nam si tantum verba ista inspexissent, quod filium Dei oportuerit tradi pro me, Impossibile fuisset, ullum ordinem aut sectam oriri. Quia fides statim respondisset, Cur hoc genus vitæ, hunc ordinem, hoc opus, eligis? Num ut per ista placetur Deus, & tu justificeris?

Non

Non audis, scelus, filium Dei traditum & fudisse pro te suum sanguinem? Sic facillime fides in Christum potuisset resistere omni Sectis.

Ideo saepe dico, nullam esse vim aut rem in resistendi Sectis, quam istum unicum articulum justiciæ Christianæ, Hac amisso, impossibile est, nos posse resistere ullis erroribus aut Sectis. Id hodie videmus in Fanaticis spiritibus, Anabaptistis & Sacramentariis, qui ab hoc articulo relapsi, non cessabunt labi, errare & seducere usque in infinitum, Et procul dubio suscitabunt innumerabiles sectas, & nova opera excogitabunt. Sed quid ista omnia, si in speciem etiam optima & sanctissima videantur, ad mortem & sanguinem filij Dei, qui tradidit seipsum pro me? Considera quæso quis, qualis & quantus sit iste filius Dei? Quid coelum & terra ad illum? Demergantur potius ad infernum cum suis justiciis, operibus & meritis omnes Papistæ & sectarum autores, etiam si totus mundus illis adhæreat, quam ut veritas Evangelij obscuratur, & gloria Christi pereat. Quid est ergo, quod jactantur opera & merita? Si ego perditus & damnatus peccator potuissim alio quodam precio redimi, Quid opus fuisset pro me tradi filium Dei? Sed quia nullum erat in coelis nec terris præter Christum filium Dei, ideo summa fuit necessitas eum pro me tradi, Deinde hoc fecit summa charitate, quia Paulus inquit, qui dilexit me.

Quare hæ voces, Qui dilexit me, &c. plenissimæ fidei sunt. Et qui hoc breve pronomen (Me) illa fide dicere & applicare sibi posset, qua Paulus, is etiam futurus esset optimus disputator, una cum Paulo, contra legem. Non enim tradidit ovem, bovem, aurum, argentum pro me, sed quicquid erat totus Deus, hoc est, seipsum tradidit pro me. Pro me, inquam, qui eram miserrimus & perditissimus peccator. Per illam igitur traditionem filij Dei in mortem respiro, & eam applico mihi, Istaque applicatio est vera vis fidei. Sic non dicit operarius, Christus dilexit me, &c. Ista verba, quæ sunt purissima prædicatio Gratiae & justiciæ Christianæ, opponit Paulus justiciæ Legis, q. d. Sit lex sane doctrina divina, habeat suam gloriam, Sed ea non dilexit me, nec tradidit seipsam pro me, Imo accusat, perterrefacit & in desperationem adigit me. Nunc autem alium habeo, qui liberavit me à terroribus Legis, à peccato & morte, ac transtulit me in libertatem, justiciam Dei, & vitam æternam, qui vocatur filius Dei, diligens me, & tradens seipsum pro me, Cui sit gloria in secula seculorum, Amen.

Fides ergo, ut dixi, apprehendit & involvit Christum filium Dei, pro nobis traditum, ut Paulus hic docet, Quo apprehenso per fidem, habemus justiciam & vitam. Christus enim est filius Dei, qui ex mera charitate tradidit seipsum pro nobis redimendis. Et his verbis Paulus pulcherrime describit sacerdotium & officia Christi, quæ sunt placare Deum, intercedere & orare pro peccatoribus, offerre seipsum hostiam pro peccatis eorum, redimere, docere & consolari eos, &c. Quare Christum recte definias, non ut Sophistæ & justiciarii, qui faciunt eum novum Legislatorem, qui abrogata veteri tulerit novam. Illis Christus est exactor & tyrannus. Sed definias eum quemadmodum hic Paulus, quod sit filius Dei, qui non ex merito seu aliqua justitia nostra, sed ex mera misericordia & dilectione, tradiderit & obtulerit semetipsum Deo sacrificium, pro nobis miseris peccatoribus, ut nos sanctificaret in æternum.

Itaque Christus non est Moses, non exactor aut legislator, sed largitor gratiæ, Salvator & miserator, & in summa, nihil nisi mera & infinita misericordia donata & donans. Sic recte pinxeris Christum, Si aliter fines tibi depingi eum, mox everteris in hora tentationis. Ut autem ista est summa ars Christianorum, sic posse Christum definire, Ita est etiam omnium difficilima. Nam mihi, qui tamen diligenter versatus & exercitatus sum in hoc studio, valde difficile est in tanta etiam luce Evangelij, hoc modo quo Paulus hic solet, Christum definire. Adeo ista doctrina & pestilens opinio de Christo legislatore intravit, ut oleum, in ossa mea. Vos Juniores multo feliciores hac in parte estis, nobis senibus. Non enim imbuti

etiam de Christi  
nomine  
etiam de Christi

estis peccatoribus illis opinionibus, quibus a pueris sic inbutus eram, ut con-  
tritus puluerem audito tantum nomine Christi. Quia persuasus eram, cum esse  
iudicem. Ideo duplex inibi lae. Et, ut hoc malum corrigam. Primum, ut dedi-  
scam illam veterem inolitam opinionem de Christo legislatore & iudice, ut qui  
damnem & repellam eam, quia semper redit & me retrahit. Deinde ut novam  
opinionem, hoc est, veram fiduciam erga Christum concipiam, quod sit iustifica-  
tor & Salvator. Vos multo minore negotio potestis Christum, si modo vultis, pu-  
re agnoscere. Quare si aliqua tristitia vel tribulatio affligit cor, ea non est impu-  
randa Christo, etiam si sub nomine Christi veniat, sed Diabolo, is venire solet sub  
nomine Christi, Transformat enim se in Angelum lucis.

Discamus igitur diligenter discernere, non verbo tantum, sed opere &  
vita, Christum a legislatore, Ut veniente Diabolo sub larva Christi, & fatigan-  
te nos sub nomine eius, sciamus, cum non esse Christum, sed vere Diabolum,  
Christus enim est laetitia & suavitas cordis pavidi & contribulati, autore Paulo,  
qui eum hic suavissimo titulo ornat, scilicet diligenter Me, & tradentem seipsum  
pro me. Est ergo Christus amator eorum, qui sunt in angustia, peccato & morte,  
Et talis amator, qui tradat seipsum pro nobis, fiat Pontifex noster, hoc est, qui in-  
terponat se Mediatorem inter Deum & nos iniquos peccatores. Quid quæso iu-  
cundius aut lætius dici posset? Si ista vera sunt, ut vera esse oportet, vel totum  
Evangelium inanis fabula est, tum certe non legis iusticia, multo minus propria  
iusticia iustificamur.

Me.  
et me.

Lege igitur cum magna emphasi has voces, Me, pro Me, & assuescias te, ut  
illud, Me, possis certa fide concipere & applicare tibi, Neque dubites, quin etiam  
sis ex numero eorum, qui dicuntur (Me) Item, quod Christus non tantum dilexe-  
rit Petrum & Paulum, & seipsum pro eis tradiderit, Sed quod illa gratia in isto  
Me comprehensa æque ad nos pertineat & veniat, ac ad illos. Sicut enim negare  
non possumus, Nos omnes esse peccatores, & cogimur dicere, Adam peccato suo  
perdidit nos, fecisse nos hostes Dei, obnoxios iræ & iudicio Dei, & reos æternæ  
mortis (Hoc enim sentiunt & sententur territa corda, & plura quo) Ita negare  
non possumus, quin Christus pro peccatis nostris mortuus sit, ut iustificaremur.  
Non enim mortuus est, ut iustos faceret iustos, sed ut peccatores faceret iustos, a-  
micos & filios Dei, & heredes omnium honorum cælestium. Cum igitur me  
peccatorem sentio & fateor, propter transgressionem Adæ, Cur non dicerem me  
iustum propter iusticiam Christi, præsertim cum audiam eum dilexisse me, & tra-  
didisse seipsum pro me? Paulus hoc firmissime credidit, Ideo etiam cum tanta  
plerophora loquitur, Quam & nobis saltem aliqua ex parte concedat ille idem,  
qui dilexit nos, & tradidit seipsum pro nobis, Amen.

Si per Adæ  
peccatum  
damus, ita per  
Christum omnes  
iustificamur.

### Non abjicio gratiam Dei.

Abjicio gra-  
tiam Dei, et  
negationem Christi

PARAT nunc viam ad secundum Argumentum hujus Epistolæ. Conside-  
rabis autem hic diligenter, Quod velle justificari ex operibus Legis, sit abjicere  
gratiam Dei. Quid quæso magis impium, aut quod horribilius peccatum esse po-  
test, quam abjicere gratiam Dei? & non velle justificari fide in Christum? Satis  
certe superque satis est, nos esse impios & transgressores omnium mandatorum  
Dei. Nunc insuper etiam hoc peccatum peccatorum addimus, quod gratiam &  
remissionem peccatorum per Christum nobis oblatam tam secure recipimus.  
Illa blasphemiam, crede mihi, major & horribilior est, quam quod ullus eam possit  
eloqui. Paulus & alij Apostoli nullum peccatum tam vehementer exaggera-  
runt & iudicati sunt, ut contemptam Gratiam, & negationem Christi, Et tamen  
facilime committitur. Hinc Paulus præcipue tam severe invehitur in Antichri-  
stum, quod gratiam tollit, & negat beneficium Christi, Pontificis nostri, qui seipsum  
dedit hostiam pro peccatis nostris. Hoc modo autem Christum negare, est  
eum pronus conspuere & conculcare, ac se in locum eius constituere, & dicere,  
Ego

etiam de Christi  
nomine  
etiam de Christi



Ego te justificabo & salvabo. Per quid? Per missas, peregrinationes, indulgentias, observationem Regulæ, &c. Itaq; Antichristus simpliciter sese extulit contra & supra Deum, seq; constituit in locum Christi, Gratiam abiecit & Fidem negavit. Sic enim docuit, Fides nihil prodest, nisi habeat opera. Et hac falsa persuasione Christi beneficium prorsus obscuravit & obruit, & in locum gratiæ, Christi & regni ipsius, doctrinam de operibus & regnum ceremoniarum instituit, & meris nugis illud confirmavit. Atque ita totum mundum à Christo, qui tamen solus debebat in conscientia agere & regere, rapuit, & vi ad infernum detrussit.

Ex his satis intelligi potest, quid sit abjicere gratiam Dei, nempe, Iustificari velle ex Lege. Quis autem unquam hoc audivit, quod faciendo Legem, abjiciamus gratiam? Ergo peccamus faciendo legem? Non. Sed tunc gratiam abjicimus, cum legem hac opinione facimus, ut per eam justificemur. Lex bona, sancta & utilis est, sed non justificat. Qui igitur Legem fecerit hoc nomine, quod per eam justificari velit, abjicit gratiam, negat Christum & sacrificium ejus, non vult per hoc inæstimabile precium salvari, Sed vult per justiciam legis satisfacere pro peccatis, aut per suam justiciam mereri gratiam. Is certe blasphematur & abjicit gratiam Dei. Horrendum autem dictum est, quod homo tam perverse malus esse possit, ut etiam misericordiam & Gratiam Dei abjiciat, Et tamen totus mundus hoc facit, etiam si non velit videri hoc facere, sed dicat, se summo honore afficere Deum. Sequitur nunc secundum argumentum,

*Abjicere gratiam Dei.*

*Tanta est perversitas nostra, ut etiam gratiam Dei abjiciamus.*

*Si enim per legem est justitia, ergo gratis Christus mortuus est.*

Hic iterum admoneo, Paulum non loqui de lege ceremoniali, ut perpetuo Sophistæ nugantur. Et hujusce erroris autores primi extiterunt Origines & Hieronymus, in hac parte nocentissimi doctores. Quos secuti postea sunt omnes Scholastici, Et illorum errorem approbat & confirmat hodie Erasmus. Abstinentum est piis simpliciter à nugis illorum, qui Paulum sic stultis suis glossis depravant. Loquuntur enim de re, quam nunquam noverunt aut experti sunt. Quasi vero ceremoniæ etiam non fuerint bonæ & sanctæ, Certe ordinatio Sacerdotij, circumcisio, sacrificia, cultus, religio, & similia sancta opera omnia fuerunt ceremoniæ, Ideo de tota Lege loquitur.

*2. Argumentum. Paulus loquitur de tota lege.*

*Depravatores Pauli.*

Sunt autem hæc Pauli verba diligenter expendenda ad hunc modum, Est ne verum, nec ne, quod Christus mortuus est? Item, Est ne gratis mortuus? Ibi certe respondere cogimur, nisi manifeste simus infani, Quod mortuus sit, Item, quod non gratis, non pro se, sed pro nobis mortuus sit. Si igitur gratis non est mortuus, ergo ex Lege non est justitia. Quare accipe nunc utranq; Legem, ceremonialem & moralem seu Decalogum, & finge, quod per meritum congrui eo profeceris, quod datus sit tibi spiritus, quod habeas charitatem (Quamvis hoc monstrum sit, & nusquam in rerum natura inveniatur) Sed finge, inquam, quod faciendo quod in te est, acquiras gratiā, sis justus, habeas spiritum, Vnde? ex merito congrui? Ergo non opus habes Christo, Sed tibi ociosus & gratis mortuus est.

*Pauli verba diligenter expendenda.*

*Si meritum congrui est aliquid, Christus frustra mortuus est.*

Deinde accipe etiam ipsum Decalogum, qui præcipit summum cultum, scilicet timorem, fidem & dilectionem Dei, item dilectionem proximi, & da aliquem, qui sit ex lege Decalogi justificatus, Nihilominus manet verum, quod Christus gratis mortuus sit. Nam justificatus ex lege Decalogi, habet in se vim acquirendi justiciam, Quia non ponendo obicem, & faciendo quod in se est, meretur infallibiliter Gratiam, & infunditur ei Spiritus sanctus, ut Deum & proximum diligere possit. Hoc stante, necessario sequitur, Christum gratis esse mortuum. Quid enim homo opus habet Christo, qui amet eum, & tradat seipsum pro eo, cum sine Christo, per meritum congrui, possit consequi Gratiam, Et deinde bene operari, & vitam æternam de condigno mereri, aut certe faciendo Legem justificari? Tollatur igitur Christus cum omnibus beneficiis suis, quia omnino

*Aut lex non justificat, aut Christus frustra mortuus est.*

ociosus est. At cur Christus nascitur, crucifigitur, moritur? Cur sit Pontifex meus diligens & tradens inæstimabilem hostiam, Seipsum, pro me? Cur ista omnia facit? Simpliciter frustra, si ratio justificationis, quam Sophistæ tradunt, vera est. Quia in lege aut in me justiciam invenio, extra gratiam & Christum.

*Non toleranda  
blasphemiam de-  
centium per ali-  
ud, quam per  
Christum con-  
tingere salutem.*

Est ne illa blasphemia toleranda & dissimulanda? Quod divina Majestas proprio Filio non parcens, sed tradens eum pro nobis omnibus, ista serio non agat, sed tantum ludat? Priusquam hoc admitterem, velim potius, non solum omnium Papistarum & justiciariorum, sed omnium etiam Sanctorum & angelorum sanctitatem, cum ipso Diabolo, in profundum inferni detrusam & in æternum damnatam esse. Ego plane nihil videre volo, præ illo Christo, Is tantus mihi Thesaurus esse debet, ut reliqua omnia præ ipso mihi sordeant. Is denique tanta Lux mihi esse debet, ut eo apprehenso Fide, nesciam, an sit Lex, peccatum, ulla justiciæ aut injusticiæ in mundo. Quid enim omnia, quæ in cælo & terra, sunt ad filium Dei, Iesum Christum Dominum meum, qui dilexit me, & tradidit semetipsum pro me?

*Abjicere gra-  
tiam, peccatum  
vulgatissimum,  
&c.*

Quare abjicere gratiam Dei, maximum peccatum & vulgatissimum est, quod omnes justicarii committunt. Quia dum quærunt, aut per meritum congrui, aut per opera & afflictiones suas, aut per Legem, justificari, abjiciunt, ut diximus, gratiam Dei & Christum, Et harum abominationum omnium autor fuit Papa. Is enim, obscurato, imo prorsus obruto Christi Evangelio, replevit & oneravit mundum suis impiis traditionibus. Id quod inter cætera testantur etiam indulgentiæ & Bullæ ipsius, in quibus non credentes, sed contritos, confessos & manus adjuatrices porrigentes, &c. absolvit. Quare satis testatus est, Christum simpliciter gratis mortuum, & gratiam inanem & irritam esse. Ideo abominati-ones & blasphemias regni Papistici sunt inæstimabiles. Et tamen Sophistæ cæci & indurati, etiamnum in tanta luce veritatis, perseverant in impiis & vanissimis illis suis opinionibus, dicentes, Naturalia esse integra, & homines posse suis benefactis & meritis parare se ad Gratiam. Tantumque abest, ut agnoscant impietatem & errorem suum, ut eum etiam contra conscientiam defendant.

*Papa autor o-  
mnium abomi-  
nationum in Ec-  
clesia.*

*Indulgentiæ  
Papa.*

*Aut Lex non  
justificat, aut  
Christus frustra  
mortuus est.*

Nos vero cum Paulo constanter affirmamus (nolumus enim abjicere gratiam Dei) Aut Christum gratis mortuum esse, Aut legem non justificare. Sed Christus non est gratis mortuus, Ergo lex non justificat. Christus Dei filius ex mera gratia & misericordia nos justificavit, Ergo lex non potuit hoc præstare. Si enim potuisset, stulte egisset Christus, quod Seipsum tradidisset pro peccatis nostris, ut per hoc justificaremur. Concludimus igitur, Neque merito congrui aut condigni, neque cruce aut afflictionibus, neque ipsa lege, sed sola Fide in Christum, nos justificari.

*Collatio Legis  
& Christi.*

Si autem Christo salus mea tanti constat, ut mori rogatur pro peccatis meis, tum palam est, mea opera & justiciam etiam Legis præ hoc tali tantoque precio vilissima & plane nihili esse. Quia certe non emam vili nummulo, quod constitit multis millibus auri talentis. Est autem Lex, ut longe inferiora silentio præteream, cum omnibus suis operibus & justiciis, terunciolus quidam ad Christum, cujus morte & resurrectione mea mors victa, & justiciæ & vitæ æternæ mihi parata est. Num igitur hoc incomparabili precio contempro & abjecto, quærerem per Legem aut per opera congrui & condigni (per istas fordes & stercora, ut Paulus vocat, præfertim si ea cum Christo conferas) justiciam, quam Paulus testatur hic Christum mihi gratis & ex mera charitate donasse, & hoc tanti ei constituisse, ut coactus sit sese tradere pro me? Id quod, ut dixi, totus mundus facit, & præcipue qui optimi & sanctissimi in mundo haberi volunt. Atque per hoc satis testantur, ut maxime ore aliud fateantur, Christum gratis esse mortuum, Quod est extreme blasphemare Christum, ei in faciem conspuere, filium Dei conculcare, sanguinem Testamenti prophanare, &c.

*Mundi perversi-  
tatem.*

*Justiciam errantem  
habet suam præ-  
miam.*

Et Paulus, cum hac mentionem facit de justiciâ (quod diligenter confi-derandum

derandum est) versatur in loco spirituali, non politico aut œconomico, hoc est, non agit de iusticia civili, quam Deus approbat & requirit præstari, huicq; proponit sua præmia, quam & ratio aliquo modo præstare potest, Sed de iusticia coram Deo hic agit, qua à Lege, peccato, morte & omnibus malis liberamur, & participes Gratiæ, iusticiæ & vitæ efficimur, ac deniq; domini cœli, terræ & omnium creaturarum constituimur. Illam iusticiam neq; lex humana, neq; divina præstare potest.

*Iusticia coram Deo.*

Est quidem addita lex supra rationem, ut illuminaret & adjuvaret hominem, eiq; ostenderet, quid facere, quid omittere debeat, Nihilominus tamen homo cum universis suis viribus & ratione, accedente etiam hac maxima luce & beneficio divino, scilicet Lege, non potest justificari. Si autem optimum, quod mundus habet in terris (scilicet Lex, quæ ceu Sol quidam, lumini terreno seu faci humanæ, infirmæ tamen (rationi) additus est, ut eam illuminet & dirigat) non potest justificare, quid quæso faceret ratio sine Lege? Quid? Nihil aliud, quam quod Papa fecit cum Scholis & tota sua Synagoga, Monachis, &c. qui traditionibus humanis etiam lucem primi præcepti obscurarunt, Ideo omnes, quotquot sunt, ne unam quidem literam legis recte intelligere possunt, sed incedunt in meris tenebris rationis. Atq; is multo perniciosior est error, quam is, qui ex doctrina de operibus legis natus est.

*Si lex non iustificat, multo minus Ratio.*

Quare fortissima sunt verba, cum dicit, Si per Legem est iusticia, &c. Tacet de humanis viribus, ratione, sapientia quamlibet magna (quo enim ea est major, hoc facilius & citius imponit homini) Sed simpliciter dicit, Si per legem, &c. Igitur ratio humana adjuta Lege etiam divina non potest parare iusticiam, Sed à iusticia rapit, & Christum abjicit. Nam si posset parare iusticiam, Christus frustra mortuus esset. Oppone ergo mortem Christi simpliciter omnibus legibus, & nihil scias cum Paulo, quam Iesum Christum, & eum crucifixum, ut præ eo nihil luceat, Ibi tum eris doctus, iustus, sanctus, & accipies Spiritum sanctum, qui conservabit te in puritate verbi & fidei, Ablato vero Christo ex oculis, omnia frustranea sunt.

*Si per legem est iusticia, &c.*

Videmus hic iterum Encomium iusticiæ legalis seu propriæ, quod scilicet sit, autore Paulo, contemptus & abjectio Gratiæ divinæ, evacuatio & frustratio mortis Christi. Paulus non est magnus Rhetor, Vide tamen, quanta administret argumenta ad rhetoricandum. Vbi quæso illa grandiloquentia est, quæ consequi possit ista verba, Abjicere Gratiam, & gratiam Dei, Item Christum gratis mortuum esse? Tam magna hæc indignitas est, ut ad eam explicandam eloquentia totius mundi non satis sit. Parum est dicere, Gratis aliquem mori, Sed Christum gratis mori, est prorsus eum tollere. Qui vult rhetoricari, habet copiosissimam materiam exaggerandi & amplificandi, quam horribilis sit blasphemia, doctrina de iusticia legis & operum. Quid unquam enim potest audiri horribilius aut magis blasphemum, quam me efficere mortem Christi frustraneam, si Legem servare volo, ut per eam justificer? At mortem Christi frustraneam efficere, est frustranea efficere resurrectionem, victoriam, gloriam, Regnum ejus, cœlum, terram, ipsum Deum, majestatem Dei, & in summa, omnia. Num hæc exigua res est? Si diceres, regnum Regis Galliarum, aut imperium Romanum frustra constitutum esse, existimareris prorsus insanire, Verum nulla omnino est comparatio ad hoc, cum dicis, Christum frustra mortuum esse.


*Christum frustra mori.*

Ista tonitrua & fulmina cœlestia in Paulo contra iusticiam Legis & propriam, deberent nos merito absterre ab ea, Ibi semel fulmine prostratum & damnatum est, quicquid est monasteriorum, religionum & iusticiarum in cultibus, aut legalibus aut electiciis. Quis autem sua vota, rasuram, cucullum, traditiones humanas, item legem Mosi non conspuat, si audiat propter ista se abjicere gratiam Dei, & inanem facere mortem Christi? Ista cum audit mundus, non credit esse vera, quia non putat tantam malitiam posse cadere in cor humanum, quod gra-



*Spem gratiam  
Dei abiciunt.*

tiam Dei abicere, & mortem Christi pro re nihili ducere debeat, Et tamen hoc peccatum horribile coniunissimum est. Nam quicumq; extra fidem in Christum, sive per opera, satisfactiones aut afflictiones, sive per legem Dei, quaerit iusticiam, is gratiam Dei abjicit, & mortem Christi contemnit, ut maxime ore diversum dicat.



## CAP. III.

*O Insensati Galatæ.*

*Ordo Pauli in  
docendo.*

*O Insensati  
Galatæ.*

*Nunc peccat  
Apostolus  
quod tam acriter  
obijurat  
Galatas?*

*Obijuratio pa-  
rentum erga li-  
beros, &c.*

*Ira necessaria  
virsus.*

*Iusta ira voca-  
tur Zelus in scri-  
ptura.*

**P**AULUS solitudine Apostolica, zelo & affectu spiri-  
tualissimo ardet, & inter disputandum ac confutandum inserit exhor-  
tationes & objurgationes, iuxta suam regulam 2. Timoth. 4. Prædica ver-  
bum, instat opportune, importune, argue, obsecra, increpa. Ea res imponit incau-  
to lectori, ut putet, Paulum plane nullam servare methodum aut ordinem in do-  
cendo. More quidem Rhetorum non servat, in spiritu tamen pulcherrimum or-  
dinem servat. Postquam ergo disputavit, & duobus robustissimis argumentis  
confirmavit, Iusticiam Christianam non esse ex Lege, sed ex fide in Christum,  
simulq; Pseudoapostolorum doctrinam confutavit, In media illa actione vertit  
jam sermonem ad Galatas, & eos increpat, O insensati seu amentes Galatæ, q. d.  
Heu quo prolapsi estis, ô miseri Galatæ? Ego diligentissime vos docui verita-  
tem Evangelij, Quam & vos magno studio & diligentia accepistis à me, Qui igitur  
fit, quod tam cito ab ea defeceritis? Quis fascinavit vos?

Valde duriter, ut apparet, Galatas increpat, dum amentes, fascinatos & ve-  
ritati inobedientes appellat. An hoc autem ex zelo aut misericordia fecerit, non  
pugno, utrumq; verum esse potest. Carnalis homo hoc contumeliam potius,  
quam piam objurgationem interpretatur. Ergo Paulus dedit malum exem-  
plum, & contumeliosus fuit in Ecclesias Galatiæ, quod eas appellat stultas, fasci-  
natas, &c? Non. Quia ex Christiano zelo licet Apostolo, pastori aut doctore a-  
criter increpare populum, cui præest. Talesq; objurgationes paternæ & sanctæ  
sunt. Sic parentes ex paterno & materno affectu, filium fatuum aut nebulonem,  
filiam meretriculam, appellare solent, non laturos hoc, si alius faceret. Præceptor  
quandoq; acriter objurgat discipulum, vocat asinum, virgis cædit, hocq; æquo  
animo fert, non ita laturus, si æqualis aut condiscipulus aliquis suus idem face-  
ret. Item, Magistratus increpat, irascitur & punit. Eaq; disciplina non solum bo-  
na, sed etiam valde necessaria est, sine qua nullæ res, sive pacis sive belli, rite geri  
possunt. Quare nisi magistratus Ecclesiasticus, politicus aut œconomicus, ira-  
scatur & objurget, cum res postulat, ignavus & inutilis est, & nunquam recte offi-  
cium suum administrabit.

Itaq; objurgatio & ira tam necessaria est in omni genere vitæ, quam ulla  
alia virtus. Moderata tamen esse debet, & proficisci non ex invidia, sed ex paterno  
affectu & Christiano zelo, Hoc est, non debet esse iracundia puerilis aut mulie-  
bris, quæ vindictam expetat, sed vitium tantum cupiat emendare. Ut pater non  
castigat filium, ut animum expleat libidine vindictæ, sed ut filius per hanc castiga-  
tionem emendetur. Atq; hæ sunt bonæ iræ, & vocantur in Scripturis zeli. Hoc  
modo enim castigando fratrem vel subditum, non quaeris ejus perniciem, sed  
commodum. Quare fieri potest, quod Paulus hic aut ex mero zelo increpet Ga-  
latas, non ut perdat, sed ut hoc modo revocet in viam, & servet. Aut ex misericor-  
dia & affectu compatiendi, quasi per modum querulantis, cui doleat tam misere  
seductos esse Galatas, q. d. Miseret me tam infelicis vestrae sortis, &c. Ad eum mo-  
dum & nos increpamus miseros, non quod insultemus ipsis aut exprobremus eis  
miseriam illorum, Sed quod compatiamur illis, & libenter vellemus eis consul-  
tum.

tum. Hoc dico, ne quis calumniatur, Paulum contra præceptum Evangelicum conviciatum esse Ecclesiis Dei.

Simili modo Christus conviciatur Phariseis, cum vocat eos serpentes, gemina viperarum, filios Diaboli, &c. Sed ista sunt convicia Spiritus sancti, sunt *Convicia spiritus sancti.* paterna, materna & fidelis amici convicia, ut dicitur etiam in Proverb. Meliora sunt vulnera amici, quam oscula inimici. Sic fit ut idem convicium, si procedat ex ore patris, sit optimum beneficium, si ex ore æqualis vel inimici, sit summa contumelia. Duo cum idem faciunt, in altero laudatur, in altero vituperatur. Christus vel Paulus conviciatur maxima virtute & laude, Philosophus vel privatus aliquis summo vitio & contumelia. Idem ergo opus & verbum in ore Pauli est beneficium, in ore alterius est maleficium. Est autem emphasis in vocabulo, Galatæ, Non enim, fratres, ut aliàs solet, sed nomine gentilitio appellat. Videtur autem *Gentile & dicitur Galatæ.* istius nationis fuisse proprium & gentile vitium, quod ἀνάνησι fuerunt, ut Cretenses mendaces, q. d. Quod dicimini & vocamini, hoc vere estis & permanetis, nempe, ἀνάνησι Galatæ, Hocq; nunc probatis in ipso negotio Evangelij, ubi tamen plurimum debebatis sapere, sed perstat ista natura vestra. Simili modo & nos nationes distinguimus penes vitia. Quælibet natio habet sua peculiaria vitia, *Quælibet natio habet sua vitia.* Germani sunt rerum novarum cupidi, Itali arrogantes, &c. Per modum ergo correptionis Paulus admonet Galatas suæ naturæ.

Cæterum admonemur hic, In Ecclesiis & Christianis remanere adhuc secundum carnem vitia naturalia. Gratia non sic mutat pios, ut statim per omnia reddat novos & perfectos, sed relinquuntur adhuc in piis reliquiæ veteris vitij naturalis. Ut iracundus natura, si convertitur ad Christum, etiam si mitigetur per gratiam, & Spiritus sanctus imbuat cor ipsius, ut fiat clementior, tamen ipsum vitium in carne non plane exinguitur. Sic duri homines, si convertantur ad fidem, tamen istam duriciem in totum non exuunt, sed manent in ipsis reliquiæ istius duritiei. Hinc scriptura sacra & Evangelia, quæ sunt ejusdem veritatis, tractantur à diversis ingeniis diverso modo. Alius est mitior & mollior in docendo, alius durior. Sic in diversa instrumenta transfunditur Spiritus, qui non semel exinguit naturæ vitia, sed per totam vitam purgat illud peccatum inhærens, non solum in Galatis, sed in omnibus omnium nationum hominibus.

Quanquam igitur illuminati & credentes jam erant Galatæ, ac Spiritum sanctum ex prædicatione fidei acceperant, tamen reliquum in eis hoc vitium, & insipientiæ fomes ille mansit, qui facile concepit flammam falsæ doctrinæ. Ideo nemo sibi confidat, ut existimet se post acceptam Gratiam prorsus purgatum esse à veteribus vitiis. Multa quidem purgantur, præcipue autem ipsum caput serpentis, hoc est, incredulitas & ignorantia Dei, præciditur & conteritur, sed squamosum corpus & reliquiæ Peccati manent in nobis. Ideo nemo præsumat acceptam Fide, se in totum statim transmutari posse in novum hominem, Imo retinebit aliquid priorum vitiorum, etiam in Christianismo. Nondum enim mortui sumus, sed vivimus adhuc in carne, quæ quia nondum est pura, concupiscit adversus spiritum, Galat. 5. & Roman. 7. Ego carnalis sum, inquit, venditus sub peccatum. Et, Video aliam Legem in membris meis, &c. Quare naturalia vitia ante fidem, manent & post fidem acceptam, nisi quod jam servire coguntur Spiritui, qui eis dominatur, ne regnent, non tamen sine lucta. Solus Christus hanc gloriam & titulum gerit, quod per omnia sit purus, 1. Pet. 2. Qui peccatum non fecit, neq; inventus est dolus in ore ejus. *Gratia paulatim purgat pios à veteribus vitiis.* *Christus solus.*

*Quis vos fascina vit non obedire veritati?*

Ibi aliud habes præconium istius insignis justitiæ legalis & propriæ, quod videlicet faciat nos contemnere veritatem, quod fascinet nos, ut non obediamus, sed rebelles simus, veritati. *Præconium justitiæ legalis.*

COMMENT. D. M. L. IN III. CAP.  
DE FASCINO CORPORALI ET  
SPIRITUALI.

*Fascinum opus  
Diaboli.* **P**Aulus appellando Galatas insensatos & fascinosos, comparat pueris, quibus maxime nocet fascinum, q. d. Vobis perinde accidit ac pueris, quos veneficæ, lamæ & striges suis fascinis, ludibrio Satanae, libenter & facile incantare solent. Infra cap. 5. recenset inter opera carnis veneficium, quod est species fascini. Per quod satis testatur, fascinum esse aliquid, & posse fieri. Deinde negari non potest, quin Diabolus vivat, imo regnet in toto mundo. Sunt igitur fascinum & veneficia opera Diaboli, quibus non solum nocet hominibus, sed permittente Deo, quandoq; eos etiam occidit. Insuper nos omnes corporibus & rebus subiecti Diabolo, & hospites sumus in Mundo, cuius ipse princeps & Deus est. Ideo panis quem edimus, potus quem bibimus, vestes quibus utimur, imo aer & totum, quo vivimus in carne, sub ipsius imperio est. Potest igitur per suas veneficas nocere pueris, vel angustia cordis, vel excæcare, vel furari, vel in totum auferre puerum, seq; in locum ablati pueri in cunas collocare. Ego audiui quendam puerum fuisse in Saxonia, qui fuxit quinq; mulieres, & tamen non potuit expleri. Et huiusmodi exempla sunt multa.

*Fascinum quid.  
Diaboli potestas.* Est autem fascinum nihil aliud quam machinatio & illusio diaboli, qui potest, ut fertur, membrum, quod in puero aut sene præstigiis suis vitiavit, rursus sanare. Sed sic fere sanat, quod oculum aut aliud membrum læsum restituat, Non quod læsum fuerit, sed quod ita ludificatur sensus, tum eorum, quos fascinavit, tum aliorum, qui vident fascinosos, ut non judicent esse illusionem, sed jurent esse veram læsionem. Quia vero suo tempore læsionem removet, apparet tantum fuisse illusionem, non veram læsionem, Quia vera læsio non potest recuperari aut restitui. Habes huius insigne exemplum in Vitis Patrum, præter metamorphoses illas Poëtarum. Ad S. Macarium, habitantem in deserto, venerunt parentes cuiusdam virginis, quam amiserant, sic tamen, quod putarent eam in vaccam esse conversam, Quia non poterant aliam quam vaccæ formam videre. Adducentes igitur filiam ad S. Macarium, rogabant orationem ab ipso ad Deum fieri pro ea, ut restitueretur ei humana forma. Hoc audiens Macarius, inquit, Virginem video, non vaccam. Habebat oculos spirituales, ideo Satan non poterat eum suis præstigiis fallere, ut parentes & filiam, quorum oculis sic illuserat spiritus nequæ, quod jurassent vere hoc geri, quod ipsis fascinatis ob oculos versabatur. Orante autem S. Macario pro virgine, non ut humanam speciem, quam nunquam amiserat, reciperet, sed ut Deus hanc illusionem Diaboli ab ea auferret, aperti sunt oculi parentum & filia, cognoveruntq; hoc totum, quod ipsis videbatur serio geri, merum ludibrium Satanae fuisse.

*Suetonius in  
Cæsare.* Tanta est astütia & potentia Satanae ludificandi sensus. Et quid mirum? cum per vitrum fiat mutatio sensus & coloris. Facillime igitur ludit præstigiis suis hominem, ut existimet se videre aliquid, quod tamen non videt, audire vocem, tonitru, fistulam vel tubam, quam tamen non audit. Sic milites Iulij Cæsaris putabant se audire quendam arundine & tuba canere, &c. Ejus rei meminit Suetonius in vita Cæsaris. Quidam, inquit, eximia magnitudine & forma, in proximo sedens, repente apparuit arundine canens. Ad quem audiendum, cum præter pastores, plurimi ex stationibus milites atq; aliquot æneatores concurrissent, rapta à quodam tuba, prosiluit ad flumen, & ingenti spiritu classicum exorsus, petten- dit ad alteram ripam, &c. Potest igitur Satan egregie perstringere omnes sensus, ut jures te videre, audire, tangere aliquid, quod tamen non vides, &c.

*Satan fascinat  
homines spiri-  
tualiter.* Non solum autem hoc crasso modo, sed etiam subtiliore, eoq; magis periculoso, dementat homines, & ibi præcipue est optimus artifex. Atq; hinc Paulus fascinum sensuum applicat ad fascinum spiritus. Illo autem spirituali fascino non sensus, sed mentes hominum serpens ille antiquus capit & fallit falsis & impiis opinionibus, quas hoc modo capti pro veris & piis apprehendunt. Quod autem



autem hoc præstare possit, satis ostendit hodie in fanaticis hominibus, Anabaptistis, & spiritibus in Sacramentum corporis & sanguinis Christi blasphemis. Horum mentes suo ludibrio ita fascinavit, ut mendacia, errores, & horribiles tenebras pro certissima veritate & clarissima luce amplectantur. Nec ab his suis somniis patiuntur se ullis monitis aut Scripturis abduci, Quia persuasissimi sunt se solos sapere & pie sentire de rebus sacris, alios omnes cœcutire. Perinde igitur faciunt atque parentes virginis, qui capti Satanae præstigiis, adeo persuasæ erant, ut jurassent, filiam suam non hominem, sed bovem esse, Nihilq; minus credere poterant, quàm hoc esse præstigium & illusionem Diaboli. Habebant enim pro se testimonium omnium sensuum, Oculi videbant formam bovis, aures audiebant vocem bovis, &c. Contra communem autem sensum putabant non esse pugnandum.

*Fascinati per Satanam mendacium pro veritate amplectuntur & defendunt.*

Sed pugnandum esse in fascino corporali contra sensum communem ostendit hoc exemplum Macarij, Multo magis idem faciendum est in fascino spirituali, Vbi Diabolus, quod foris cum speciebus & coloribus in sensu, hoc intus cum opinionibus verisimilibus & objectis doctrinae facit, quibus, ut dixi, sic dementat corda hominum, ut jurent sua vanissima & impiissima somnia esse certissimam veritatem. Hoc modo fascinavit nostro tempore Muntzerum, Cinglium & alios, per quos alios innumerabiles fascinavit. Deinde tanta est istius fascinantis nocendi cupido, ut non solum illis spiritibus securis & superbis imponat præstigiis suis, sed conatur eos etiam, qui pie & recte de verbo Dei & Christiana religione sentiunt, suis ludibriis dementare. Meipsum sæpenumero tā fortiter invadit, & adeo tristibus cogitationibus obruit, ut prorsus mihi Christū obscuret ac penè auferat. Summa, Nemo nostrum est, qui non sæpius falsis opinionibus fascinetur, hoc est, qui non timeat, fidat aut lætetur, ubi non erat timendum, fidendum, lætandum, Qui quandoq; non aliter sentiat de Deo, de Christo, de fide, de vocatione sua, de statu Christiano, &c. quam sentire debeat.

*Fascinum spirituale, seu cordis*

*Satan etiam per os conatur fascinare, &c.*

Discamus igitur illusiones & astutias istius fascinantis agnoscere, ne securos & stertentes inveniens, suis præstigiis nos fallat. Non potest quidem nostro ministerio nocere suo fascino, tamen apud nos est in spiritu, die noctuq; obambulat, & quærit quomodo unumquemq; seorsim devoret, Et nisi nos sobrios & armis spiritualibus, hoc est, verbo Dei & fide instructos, invenerit, devorat nos. Quare subinde novam pugnam nobis movet Satan, Et quidem prodest nobis valde, quod suis insidiis ita invadit & exercet nos, Hoc modo enim confirmat doctrinam, & fidem auget in nobis. Sæpe quidem dejecti sumus, & adhuc dejecimur in isto conflictu, at non perimus. Christus enim semper triumphavit & triumphat per nos. Quare firmam spem concipimus, & in posterum nos victores evasuros per Christum contra Diabolum. Eaq; spes parit nobis firmam consolationem, ut in omnibus tentationibus nos sic erigamus, Ecce antea quoq; tentavit & illusionibus suis sollicitavit nos Satan ad incredulitatem, contemptum Dei, desperationem, &c. & tamen nihil effecit, ideo neq; in posterum aliquid efficiet, Major est in nobis, quam qui in mundo est, Christus fortior est, qui illum fortem in nobis vicit, vincit & vincet. Vincit tamen aliquando nos in carne Diabolus, ut vel sic fortioris potentiam contra fortem illum experiamur, dicamusq; cum Paulo, Dum infirmus sum, fortis sum.

*William tentat omnem Satanam.*

Itaq; nemo putet solos Galatas fascinatos fuisse à Satana, sed quisq; cogitet se potuisse & adhuc posse fascinari ab eo. Nemo nostrum tam robustus est, qui possit ei resistere, præsertim si conetur hoc facere propriis viribus. Hiob homo simplex & rectus erat, timens Deum, nec erat similis ei in terra, Sed quid potuit contra Diabolum, subtrahente Deo manum? Nonne horribiliter vir iste sanctus ruit? Ideo Fascinator ille non tantum potens fuit in Galatis, sed semper hoc agit, ut, si non omnibus hominibus, tamen multis, imponat falsis persuasionibus, quia mendax est, & ejus rei pater. Et certe hac sua arte dementat hodie, ut dixi,

*Satan perpetuo fascinat homines. Hiob.*

*Peccata hæreticorum.*

dixi, fanaticos spiritus, in his regnat, ac tam inflexibiles & duros facit, ut nulla incus tam dura esse possit. Doceri se non patiuntur, nullam rationem audiunt, scripturam non admittunt, Sed tantum solliciti sunt, quomodo fictis & ementitis e capite suo glossis, adductos contra se scripturæ locos eludant, ac somnia sua in Scripturam invecta defendant. Quod manifestum signum est, eos esse captos fascino Diaboli.

*Quis vos fascinavit?*

*Pseudoapost. fascinaveret.*

Hic excusat Galatas, & transfert culpam in Pseudoapostolos, q. d. Video vos non ultro aut malitia lapsos esse, Sed Diabolus misit inter vos, filios meos, fascinatores Pseudoapostolos, illi doctrina de Lege ita fascinant vos, ut jam aliter sentiat de Christo, quam antea, cum audiretis à me prædicari Evangelium. Verum nos laboramus adhortando & scribendo ad vos, ut fascinum, quod nectunt Pseudoapostoli, solvamus, utq; capti inter vos hoc fascino, per nos expediantur. Sic & nos verbo Dei oportet hodie laborare contra Anabaptistarum & Sacramentariorum fanaticas opiniones, ut illis captos liberemus, eosq; ad puram doctrinam fidei revocemus ac in ea retineamus. Nec labor iste noster inanis est, Multos enim, quos illi fascinaverunt, revocavimus ac liberavimus à fascino illo suo, à quo viribus suis nunquam potuissent evolui, nisi admoniti per nos & revocati per verbum Dei fuissent.

*Fascinati spiritu quomodo liberentur, &c.*

Nam ut impossibile est, quod homo sese expediat ex Fascino sensuum (Non poterant parentes aliam figuram quam bovis videre in filia ante precationem Macarij) ita impossibile est, quod fascinati in spiritu se viribus suis evolvere possint, nisi explicentur ab iis, quorum mentes isto fascino non sunt captæ. Tanta enim est efficacia illusionis Satanæ in illis, qui ita delusi sunt, ut jactent & jurent se certissimam veritatem habere, tantum abest, ut fateantur se errare. Et ut maxime obruamus & convincamus quosdam, præsertim sectarum autores, scripturis, Tamen nihil efficimus, quia statim in promptu habent suas glossas, quibus scripturas eludunt. Itaq; monitis nostris non emendantur, sed plus indurescunt. Nunquam autem credidissem nisi hodie experientia hoc discerem, tantam esse potentiam diaboli, quod posset facere mendacium tam verisimile. Deinde quod horribilius est, cum perturbatas conscientias nimia tristitia enecare vult, quod tam proprie & perfecte se norit transformare in figuram Christi, ut impossibile sit tentato hoc animadvertere. Hinc multi ignorantes hoc, adiguntur in desperationem, ac sibiipsis mortem consciscunt. Ita enim dementati sunt à Diabolo, ut persuasi sint certissimam veritatem esse, se non à diabolo, sed ab ipso Christo tentari & accusari.

*Potentia diaboli.*

*Exemplum D. Kraus.*

Idem Anno Domini 1527. accidit illi misero Doctori Hallensi Kraus, qui dicebat, Ego negavi Christum, Ideo jam stat coram Patre, & accusat me. Illam cogitationem, præstigiis diaboli captus, tam fortiter conceperat, ut nulla adhortatione aut consolatione, nullis divinis Promissionibus pateretur eam sibi excuti, atq; ita desperavit, & seipsum miserrime occidit. Hoc merum mendacium & diaboli fascinum, ac deniq; fanatica definitio alieni Christi fuit, quam Scriptura prorsus ignorat. Ea enim Christum non judicem, tentatorem & accusatorem, sed propiciatorem, interpellatorem, consolatorem, salvatorem & thronum Gratiae, depingit. Sed ille à Diabolo fascinatus non poterat hoc tum videre, ideoq; contra Scripturam definiebat, hanc esse certissimam veritatem, Christus accusat te apud Patrem, non stat pro te, sed contra te, ergo damnatus es. Atq; illa tentatio non est humana, sed diabolica, quam fascinatus ille in cor tentati imprimit potentissime. Apud nos, qui contrarium sensum habemus, est turpe & manifestum mendacium, ac præstigium Satanæ, Apud illos vero, qui hoc modo fascinati sunt, est certissima veritas, ita ut nulla sit certior.

*Christi pictura in Scriptura.*

*Diabolica tentatio.*

*Vigilandi per.*

Cum igitur Diabolus, mille artifex nocendi, tam apertum & pudendum mendacium

facilemque in mutare cordi possit, ut milles jures esse certissimam veritatem, non est in peribendum, sed incedendum in timore & humilitate, in quo Dominus Christus Dominus, ne sinat nos induci in tentationem. Securi homines, qui semel et per unum audito Evangelio, mox se putant decimas spiritus hostis, tandem se impingunt, quia non timeant Deum, non agunt ei gratias, sed existimant se non potius egregie tenere ac defendere posse pietatis doctrinam, sed etiam consistere in quantumvis ardua pugna adversus Diabolum. Tales sunt illosa instrumenta, quæ Diabolus fascinet & in desperationem adigat.

Tu contra ne dicas, Ego perfectus sum, non possum labi, Sed humiliare & time, ne hodie stans, cras cadas. Ego Doctor Theologiæ sum, & jam aliquot annis Christum prædicavi, & contra Diabolum in suis Pseudodoctoribus pugnavi, sed expertus sum, quid ista res mihi negotij fecerit. Non possum Satanam ita repellere, ut libenter vellem, Non possum denique Christum sic apprehendere, ut eum mihi Scriptura proponit, Sed subinde suggerit mihi Diabolus falsum Christum. Ideo gratia autem, qui nos conservat in Verbo, fide & oratione, quod sciamus in humilitate & timore ambulandum esse coram Deo, neq. præsumendum de sapientia, justitia, doctrina & fortitudine nostra, sed de virtute Christi, qui cum nos infirmi sumus, potens est, & per nos infirmos semper vincit & triumphat, cui sit gloria in secula. Amen.

Hic itaq. fascinum nihil aliud, quam dementatio Diaboli, inferentis in cor opinionem falsam contra Christum, Et fascinatus est, qui tali opinione captus est. Itaq. qui hanc persuasionem habent, quod ex operibus Legis aut traditionum humanarum justificentur, fascinati sunt. Ea nim persuasio directe contraria est Fidei & Christo. Utitur autem Paulus tam eo vocabulo (fascinum) in defectum & invidiam Pseudoapostolorum, qui doctrinam Legis & operum ejus vehementer urgebant, q. d. Quæ (malum) hæc sceleratica fascinatio est? Nam ut idem corporali sensus, ita spiritali mentes corumpuntur.

### *Non obedire veritati?*

Primo Galatæ audierant & obedierant veritati. Ideo cum dicit, Quis vos fascinavit? Significat eos per Pseudoapostolos fascinos, nunc à veritate, cui ea obedierant, defecisse, ac eam deleruisse. Hoc autem longe durius sonat, quod dicit eos non credere veritati. Significat enim his verbis eos fascinos esse, & se velle ab eis auferre fascinum, & tamen ipsos nolle hoc beneficium agnoscerent recipere. Certum est enim, quod non omnes revocavit ab errore Pseudoapostolorum ad veritatem, sed in multis mansit illud fascinum, Ideo vehementibus verbis utitur, Quis vos fascinavit, &c. q. d. Vos dementati estis, & ita fascinum cepit vos, ut veritati non possitis obedire, q. d. metuo quod de multis ex vobis facti sitis, qui nunquam redibunt ad veritatem, &c.

Hic aliud audis præconium justitiæ legis seu propriæ, quod ea homines fascinet, ut veritati non possint obedire. Apostoli & primitivæ Ecclesiæ Patres hujus rei sæpe fecerunt mentionem. 1. Iohan. 5. est peccatum ad mortem, pro quo non est rogandum. Item Ebr. 6. Impossibile est eos, qui semel sunt illuminati, & gustaverunt donum celeste, & participes facti sunt Spiritus sancti, & gustaverunt bonum Dei verbum, virtutesq. seculi venturi, & prolapsi sunt, rursus renovari ad poenitentiam, &c. Hæc verba primo aspectu sonant, quasi aliquis Novatus ea dixisset. Sed Apostoli coacti sunt sic loqui propter hereticos (Neq. tamen per hoc negarunt lapsis regressum per poenitentiam ad communionem fideliam, ut Novatiani) Et nos hodie sic oportet loqui propter autores & magistros errorum & scelerum, quod tales scilicet nunquam revertuntur ad veritatem. Revertuntur quidem aliqui, sed qui leviori fascino capti sunt, Non idem duces & autores fascini, Illos enim oportet hunc titulum retinere, quem Paulus hic eis tribuit, scilicet, quod non audiant neq. sustineant veritatem, Sed potius solliciti sunt, quomodo



quomodo veritati resistent, item quomodo argumenta ac Scripturas contra sese allata eludant. Capti enim sunt & persuasi, se habere certissimam veritatem, & purissimam Scripturæ intelligentiam. Qui in hac persuasione est, non audit, multo minus aliis cedit. Sic ego omnino nihil audio contrarium meæ doctrinæ. Sum enim certus & persuasus per spiritum Christi, meam doctrinam de Christiana justitia veram ac certam esse.

*Quibus ob oculos Christus Iesus præscriptus est.*

VALDE durum erat, quod dixerat eos ita fascinosos, ut veritati non obedirent, longe durius est quod addit, Christum Iesum illis ob oculos sic depictum, ut eum manu contrectare potuissent, & tamen eos adhuc non obedire veritati. Ita convincit eos experientia propria, q. d. Vos sic fascinati, decepti & capti estis opinionibus erroneis Pseudoapostolorum, ut veritati non obediat. Neq; prodest, quod summa diligentia & labore Christum Iesum delineaverim & depinxerim vobis ob oculos vestros quod sit in vobis crucifixus. Illis verbis autem respicit ad superiora argumenta, quibus dixerat, quod Christus sit peccati minister, iis qui ex lege justificari volunt, quod tales abjiciant gratiam Dei, quodq; Christus illis gratis mortuus sit. Quæ argumenta coram urit vehementius & declaravit copiosius, tanquam si pictor aliquis ob oculos pingeret Christum Iesum crucifixum. Ea jam abiens revocat illis in memoriam, cum dicit, Quibus ob oculos &c. q. d. Nullus pictor tam proprie Christum coloribus depingere potest, ac ego eum vobis mea prædicatione depinxi, & tamen adhuc perstatis in fascino.

*Quæ sit in vobis crucifixus.*

*Autem ut  
bis utitur Apo.*

QUI depinxi ergo? Ipsi Christum. Quomodo? Quod sit crucifixus in vobis. Hic certe utitur durissimis verbis. Supra dixit, Quærentes justiciam ex Lege, abjicere gratiam Dei, Item, Illis Christum gratis mortuum esse. Hic vero addit, quod tales etiam crucifigunt Christum, qui antea vixit & regnavit in ipsis, q. d. Iam non solum abjecistis gratiam Dei, non solum Christus frustra vobis mortuus est, sed turpissime in vobis crucifixus est. Ad eum modum loquitur & Epistola ad Ebræ. cap. 6. Denno crucifigentes sibi metipsis filium Dei, & ostentui habentes, &c. Ebræ 6.

*Crucifixores  
Christi.*

Deberet profecto aliquis perterritus fieri audito tantum nomine Monachi, rasuræ, cuculli, regulæ (Quantumvis Papistæ adorent has abominationes & jactent esse summam religionem & sanctitatem, Vt & nos ante revelatum Evangelium non poteramus de his aliter judicare. Erasmus enim educati in traditionibus humanis, quæ obscurabant Christum, & prorsus eum nobis ociosum reddebant) cum audit Paulum hic dicere, eos etiam, qui ex Lege divina justificari quærunt, non solum esse abnegatores & homicidas, sed etiam sceleratissimos crucifixores Christi. Si crucifixores Christi sunt, cui per Legis justiciam & opera justificari quærunt, Quid quæso sunt illi, qui per sordes humanæ justiciæ & doctrinas Dæmoniorum quærunt salutem & vitam æternam?

*Papista crucifi-  
tores sui Dei.*

Sed quis unquam credidisset aut intellexisset tam horribile & abominandum esse flagitium, fieri religiosum (Sic enim ipsi loquuntur) hoc est, fieri sacerdotem missarium, monachum aut monacham? Certe nemo. Imo ipsi docuerunt, monachatum esse novum Baptismum. Quid autem potest dici horribilius, quam regnum Papistarum esse regnum consputantium & denno crucifigentium filium Dei Christum? Christum enim, qui semel est crucifixus & resurrexit, in semetipsis, in Ecclesia seu cordibus fidelium, denno crucifigunt, probris, conviciis, & contumeliis conspuunt, falsis opinionibus confodiunt, ut in eis miserrime moriatur. Et in locum ejus pulcherrimum fascino erigunt, quo homines dementantur, ut Christum non agnoscant Iustificatorem, propiciatorem & Salvatorem, Sed peccati ministrum, accusatorem, judicem, & perditorem, qui sit placandus nostris operibus & meritis.

Atq;

Atque ex ista opinione orta est postea impiissima & pestilentissima in toto Papatu doctrina, Si vis Deo servire, mereri remissionem peccatorum, vitam æternam, & alios juvare; ut salutem consequantur, ingredi monasterium, vove obedientiam, castitatem, paupertatem, &c. Hac falsa persuasione sanctitatis capti & inflati Monachi, somniabant se solos esse in statu & vita perfectionis, cæteros Christianos communem vitam agere, hoc est, non servare opera indebita, castitatem, paupertatem, obedientiam, &c. sed tantum baptizatos esse, ac servare decem præcepta, Se autem præter hoc quod commune haberent cum cæteris Christianis, etiam servare opera Supererogationis & consilia Christi, &c. Ideo sperabant se habituros meritum & locum in cœlis, inter præcipuos Sanctos, longe supra reliquum vulgus Christianorum.

*Doctrina Papistarum.*

*Monachi iactant se in statu perfectionis esse.*

*Illusio diaboli.*

*In Papatu ita fascinati erant, ut impossibile erat agnoscere Christum.*

Hæc profecto fuit prodigiosa illusio Diaboli, qua dementaverat fere omnes homines. Et quo quisque sanctior videri volebat, hoc magis captus erat illo fascino, hoc est, illa pestilenti persuasione justitiæ propriæ. Hinc nullo modo poteramus agnoscere Christum esse mediatorem & Salvatorem, sed simpliciter sentiebamus, esse severum judicem, qui placandus esset nostris operibus, quod erat Christum extreme blasphemare, & ut Paulus supra dixit, gratiam Dei abjicere, Christum gratis mori, eumque non solum per nos occidi, sed turpissime denuo crucifigi. Atque hoc est proprie quod Christus ex Daniele dicit, Abominationem stare in loco sancto. Quare omnis Monachus, aut quicumque tandem justiciarius, quærens remissionem peccatorum & justiciam per opera aut afflictiones suas, est Christi viventis & regnantis recrucifixor, Non quidem in persona Christi propria, sed in suo & alieno corde. Et quicumque hoc nomine monasteria ingrediuntur, ut observatione Regulæ justificentur, ingrediuntur speluncas Latronum recrucifigentium Christum.

Vtitur ergo hîc Paulus gravissimis & atrocissimis verbis, ut Galatas absterreat & revocet à doctrina Pseudoapostolorum, q. d. Considerate, quid feceritis, Vos denuo crucifixistis Christum, hocque tam clare vobis ostendo & pingo ob oculos, ut videre & contrectare possitis, quia per Legem vultis justificari. Si autem per Legem est justitia, igitur Christus est peccati minister, & frustra mortuus est. Si hoc verum est, tunc certissime sequitur, eum in vobis esse denuo crucifixum. Et hanc particulam (In vobis) non frustra addit, quia Christus in sua persona amplius non crucifigitur aut moritur, Rom. 6, Sed in nobis, cum videlicet abjecta pura doctrina, Gratia, fide, remissione peccatorum gratuita, quærimus per opera electicia, aut etiam in Lege præcepta, justificari, Ibi tum Christus in nobis est crucifixus. Ea autem falsa & impia persuasio, velle ex Lege aut operibus justificari, nihil aliud est, ut supra pluribus dixi, quam illusio & fascinatio Diaboli, qua homines ita dementantur, ut plane beneficium Christi non agnoscant, nihilque faciant tota vita sua, quam quod Dominum, qui eos mercatus est suo Sangvine, & in cuius nomine baptizati sunt, non solum negent, sed etiam denuo in semetipsis crucifigant. Quicumque igitur serio afficitur pietate, fugiat quàm ocissime ex ista Babylone, & exhorrescat vel tantum audito nomine Papatus. Nam tanta est ejus impietas & abominatio, ut nemo eam verbis consequi possit, neque cernitur nisi oculis spiritualibus.

*In vobis.*

*Justiciam quæretur ex lege.*

*Papatus abominatio.*

*Præconia justitiæ legi.*

Hæc duo argumenta diligentissime urget & inculcat Paulus Galatis. Primum, quod si capti & fascinati sint à Diabolo, ut veritatem etiam ob oculos clarissime depictam, non audiant. Deinde quod Christum in seipsis recrucifigant, Hæc verba simplicia apparent, & absque omni grandiloquentia dicta, sed tanta sunt, ut superent omnem humanam eloquentiam. Ideo solo Spiritu comprehendi potest, quantum malum sit, per justiciam Legis aut propriam velle justificari, nempe, ut Paulus hic dicit, fascinari à Diabolo, inobedientem veritati, & recrucifixorem Christi fieri. Nonne pulchra ista præconia sunt justitiæ legalis seu propriæ?

K

Ardet

Luciferi casus.

Ardet ergo Apostolus maximo zelo, & atrocibus verbis insectatur & damnat opinionem & fiduciam iustitiæ, etiam ex observatione legis Dei conceptam, hancq; notam inurit illi, quod crucifigat filium Dei, &c. Cum igitur res tam periculosa sit, non potest satis criminari & damnari, quia Luciferi casus, irreparabile damnum, ex ea infertur. Hinc tam atrocibus verbis utitur contra eam, ut nec legi Dei parcat, inquam tam a verbe invehitur, ut videatur eam quasi velle rejicere & damnare. Hocque facit summa necessitate coactus, alioqui non potuisset resistere Pseudoapostolis, nec contra ipsos iusticiam fidei defendere. Quamvis igitur Lex sit sancta, iusta & bona, tamen oportet eam induere quasi personam Hypocritæ, volentis per opera justificari. Iam urget eos argumento ab experientia, quod negare non poterant, & dicit,

*Hoc solum à vobis volo discere, Ex operibus Legis Spiritum accepistis, an ex auditu Fidei?*

Argumentum ab experientia, &c.

ISTA verba loquitur ex indignante animo, Si nihil aliud, inquit, contra vos haberem, arriperem ipsam experientiam, q. d. Agite nunc, respondete mihi discipulo vestro (tam subito enim facti estis docti, ut mei jam sitis præceptores & doctores) Accepistis ne Spiritum ex operibus Legis, an ex prædicatione Evangelii? Hoc argumento ita eos convincit, ut nihil contradicere possint. Quia evidens & manifesta experientia pugnabat contra ipsos, quod non ex operibus Legis, sed ex prædicatione Evangelii spiritum accepissent.

Paulus de tota lege agit, &c.

Hic iterum admonéo, Paulum non loqui tantum de ceremoniali, sed de tota lege. Argumentatur enim à sufficienti divisione. Si de lege ceremoniali tantum loqueretur, non esset sufficiens divisio. Est itaq; dilemma ex duobus membris, quorum alterum necessario verum, alterum falsum esse oportet, nempe, Aut ex Legge, aut ex auditu fidei, accepistis Spiritum. Si ex lege, non ex auditu fidei, Si ex auditu fidei, non ex lege. Ibi nullum potest esse medium. Quicquid enim non est Spiritus sanctus vel auditus Fidei, hoc plane est Lex. Versamur jam in causa justificationis, Ad justificationem autem non sunt aliæ, quam istæ duæ viæ, vel verbum Evangelii, vel legis. Quare lex accipitur hic universaliter, ut plane diversa & distincta ab Evangelio, Non tantum autem lex ceremonialium distincta est ab Evangelio, sed etiam decalogus. Ergo de universa lege Paulus hic agit.

Ad justificationem duas esse vias, Lex.

Spiritus accipitur per auditum fidei, non per legem.

Argumentatur ergo à sufficienti distinctione hoc modo, Dicite mihi, inquit, Num accepistis Spiritum sanctum per Legem, aut per Evangelii prædicationem? Respondere hic. Non potestis dicere per Legem, Quia donec sub Lege fuistis, & fecistis ejus opera, nunquam Spiritum sanctum accepistis. Docuistis quidem & audistis legem Moysi singulis Sabbatis, sed nunquam compertum aut visum est, ulli aut doctori aut discipulo datum esse Spiritum sanctum ex doctrina legis. Deinde non solum docuistis & audistis Legem, sed magno studio & labore etiam conati estis eam operibus exprimere, ubi maxime oportuit vos accipere Spiritum sanctum, si per Legem daretur, cum non tantum fueritis doctores & discipuli, sed etiam factores Legis, & tamen non potestis ostendere hoc unquam factum esse. At quam primum auditus est Iesu Evangelium ad vos venit, statim, antequam ullum opus aut fructum Evangelii fecistis, solo auditu fidei accepistis Spiritum sanctum. Nam testante Luca, Auditis, sonante tantum Petri & Pauli sermone, cecidit Spiritus sanctus super eos, audierunt verbum, per quem & acceperunt varia dona, ut loquerentur novis linguis, &c.

Lex non affert Spiritum sanctum.

Quare manifestum est, solo auditu Fidei vobis datum esse Spiritum sanctum, antequam bene operaretur, aut ullum fructum Evangelii faceretis. Contra Lex ne facta quidem, unquam attulit Spiritum sanctum, multo minus tantum audita. Ideo non solum auditus Legis, sed etiam studium & zelus, quo conati estis exprimere legem factis, inanis est. Ut maxime igitur aliquis omnia tentet, hoc est, etiam si habeat zelum Dei, magno conatu studeat per Legem salvus fieri, & exer-



Rom. 10.

& exerceat se die noctuq; in iusticia Legis, tamen frustra laborat & fatigat seipsum. Ignorantes enim iusticiam Dei, & quarentes propriam constituere, ut alibi dicit Paulus, iusticia Dei non sunt subjecti. Item, Israël, qui sectabatur Legem iusticiae ad Legem iusticiae non pervenit, &c. Loquitur autem Paulus hic de manifestatione Spiritus in primitiva Ecclesia. Descendebat enim Spiritus sanctus manifesta quadam specie super credentes, Ea q; re certò testabatur se adesse sermoni Apostolorum, Item testabatur eos qui audiebant verbum Fidei ab Apostolis, reputari iustos apud Deum, alioqui non descendisset super eos.

Manifestatio Spiritus, &amp;c.

# ARGUMENTVM LIBRI ACTOR. APOST.

Act. 2.  
Act. 10.

Est igitur hoc argumentum fortissimum diligenter considerandum, quod urgetur per totum librum Actorum, qui scriptus est ad hoc argumentum confirmandum. Totus namq; ille liber nihil aliud agit, quam quòd docet ex lege non dari Spiritum sanctum, sed ex auditu Evangelij. Prædicante enim Petro, mox cecidit Spiritus sanctus super eos, qui audiebant Verbum. Et uno die tria millia hominum, qui audiebant sermonem Petri, crediderunt, & acceperunt donum Spiritus sancti, Actor. 2. Sic Cornelius non per eleemosynas, quas dabat, accepit Spiritum sanctum, sed, os aperiente & adhuc loquente Petro, cecidit Spiritus sanctus super omnes, qui cum Cornelio audiebant verbum, Act. 10. Hæc sunt manifesta argumenta, experientia, & opera divina, quæ fallere non possunt.

Cornelius.

Act. 13.

Et de Paulo scribit Lucas Actorum 15. cum prædicasset una cum Barnaba inter gentes Evangelium, & rediisset Hierosolymam, quod obverterit cornua, & oppoluerit se Phariseis & Apostolorum discipulis, qui urgebant circumcisionem & observationem Legis, tanquam necessariam ad salutem, Quos ita compescuisse ait Lucas narratione rerum suarum & Barnabæ inter Gentes gestarum, ut tota Ecclesia obstupuerit ad narrationem istam, præsertim cum audiret Deum tot & tam magna signa & prodigia inter Gentes per eos fecisse. Et cum vehementer admirarentur hi, qui pro lege zelabant, quomodo fieri posset, quod Gentes incircumcisæ, non servantes legem, neq; opera ejus, nec habentes iusticiam legis, tamen venirent ad istam Gratiam, ut justificarentur & acciperent Spiritum sanctum, quemadmodum Iudæi circumcisi, &c? Hic Paulus & Barnabas nihil allegabant, quam manifestam experientiam, Ea illi convicti nihil potuerant contradicere. Hoc modo Paulus Sergius proconsul, & omnes civitates, regiones, regna, quibus Apostoli prædicaverunt, sine Lege & operibus, solo auditu fidei crediderunt.

Paulus Sergius proconsul.

In toto igitur libro Actorum in summa nihil aliud agitur, quam oportere tam Iudæos quam Gentes, tam iustos quam peccatores, sola Fide in Christum Iesum justificari, sine Lege & operibus. Id quod indicant, tum conciones Apostolorum, Petri, Pauli, Stephani, Philippi & aliorum, tum etiam exempla Gentium & Iudæorum. Nam sicut Gentibus, quæ sine Lege vivebant, Deus per Evangelium Spiritum sanctum dedit, Ita & Iudæis, non per Legem, non per cultum & sacrificia in lege præcepta, Sed per solam Fidei prædicationem dedit Spiritum sanctum. Si autem Lex potuisset justificare, & iusticia Legis fuisset necessaria ad salutem, tum certe Spiritus sanctus non fuisset datus Gentibus, quæ non servaverant legem, Sed ipsa manifesta experientia testabatur illis dari Spiritum sine lege, Hocq; videbant Apostoli, Petrus, Paulus, Barnabas & alii. Ergo non lex, sed sola fides in Christum, quam Evangelium prædicat, justificat.

Sola fide in Christum justificari Iudæos &amp; Gentes.

Ista diligenter observanda sunt propter adversarios, qui non observant, quid in Actis Apostolorum agatur. Ego olim etiam legi istum librum, sed nihil prorsus in eo intelligebam. Itaq; cum audis vel legis in Actis, aut ubicunq; tandem in Scripturis, vocabulum Gentium, scias non naturaliter, sed Theologice illud sumi debere, pro iis hominibus, qui non sunt sub Lege, sicut Iudæi (ut supra Cap. 2. Nos natura Iudæi, &c.) sed sine lege. Quare Fide justificari Gentes nihil aliud est,

Vocabulū Gentium.

Fide justificari Gentes.

*Cornelius.*

quam homines, qui Legem & opera ejus non faciunt, qui non circumciduntur, non sacrificant, &c. justificari & accipere Spiritum sanctum. Per quid? Non per legem & opera ejus, quia Legem non habent, Sed gratis, nihil plane accedente, quam solo auditu Evangelii. Sic Cornelius & amici ipsius, quos ad se vocaverat, nihil faciunt, nec spectant opera præcedentia, & tamen quotquot adsunt, accipiunt Spiritum sanctum. Solus Petrus loquitur, ipsi sedentes nihil agunt, non cogitant de Lege, multo minus eam faciunt, non sacrificant, non sunt solliciti de suscipienda circumcissione, sed tantum intenti sunt in os Petri, Is sua prædicatione attulit illis in cor Spiritum sanctum etiam visibiliter. Loquebantur enim lingvis, & magnificabant Deum.

Sed posset aliquis hoc cavillari. Quis novit, an fuerit Spiritus sanctus? Cavilletur sane, certe Spiritus sanctus sic perhibens testimonium non mentitur, sed per hoc indicat se habere Gentes pro justis, & nulla alia re justificans eas, quam per solam vocem Evangelii, vel auditum Fidei in Christum. Et in Actis cernere est, quam vehementer ex illa re inaudita admirati sint Iudæi. Fideles enim ex circumcissione, qui cum Petro venerant Cæsaream, videntes in domo Cornelii donum Spiritus sancti etiam in Gentes effusum, obstupecebant. Item qui erant Hierosolymis, ex postulabant cum Petro, quod ad viros præputium habentes intrasset, & cum illis manducasset. Cum vero audissent à Petro rem ordine, ut gesta erat cum Cornelio, narrari, mirabantur, & glorificabant Deum, dicentes, Ergo & Gentibus Deus dedit salutem.

*Act. 11.*

Ea igitur vox & fama, Deum dare salutem etiam Gentibus, primum non solum intolerabilis, sed maximum quoque Scandalum fuit etiam credentibus Iudæis, quod facile non potuerunt vincere. Habebant enim hanc prærogativam præ cunctis Gentibus, quod erant populus Dei, Eorum erat adoptio, gloria, cultus, &c.

*Rom. 9.*

*Murmuratio  
Iudeorum contra  
gentes.*

Deinde magno labore exercebant sese in iusticia legis, laborabant tota die, portabant pondus diei & æstus. Insuper habebant quoque promissiones de servata Lege. Ideo non potuerunt non murmurare contra Gentes, & dicere, Ecce Gentes subito veniunt, sine æstu & pondere, & habent eandem iusticiam & Spiritum sanctum sine labore, quem nos per laborem, diei æstum & pondus non potuimus consequi. Laboraverunt quidem, sed tantum una hora, & hoc labore plus recreati quam defatigati sunt. Quare igitur Deus vexavit nos Lege, si nihil ad iusticiam profuit? Nobis iugo Legis diu gravatis jam præfert Gentes. Nos enim qui sumus populus Dei, vexati sumus tota die. Illi vero, qui non sunt populus Dei, neque Legem habent, neque unquam boni quicquam fecerunt, redduntur nobis pares.

*Act. 13.*

*Concilium Apostolorum.*

Atque hinc coactum est summa necessitate concilium hoc Apostolorum Hierosolymis, ut animi Iudæorum sedarentur, qui quanquam in Christum credebant, tamen pertinacissime hærebat hæc opinio in cordibus ipsorum, legem Mosi servandam esse. Ibi Petrus sua experientia illis sese opponit, dicens, Si eandem gratiam dedit Gentibus Deus, sicut & nobis, qui credidimus in Dominum Iesum Christum, Ego quis eram, qui prohibere possem Deum? Item, Deus, qui novit corda, testimonium perhibuit Gentibus, dans eis Spiritum sanctum, sicut & nobis, Et nihil discrevit inter nos & illos, Fide purificans corda eorum. Nunc ergo quid tentatis Deum, ut imponatur iugum super cervices discipulorum, quod neque nos neque patres nostri portare potuimus, &c. His verbis Petrus semel evertit totam Legem, q. d. Nos non volumus servare Legem, quia non possumus, Sed per gratiam Domini nostri Iesu Christi credimus nos salvari, quemadmodum & illi. Sic Petrus, totus in isto argumento hic versatur, Deum eandem gratiam dedisse Gentibus,

*Auditum fidei  
dari Spiritum  
sanctum.*

quam Iudæis, q. d. Ego cum prædicarem Cornelio, propria experientia didici, sine Lege donari Spiritum sanctum Gentibus, solo auditu Fidei, Ideo nullo modo gravanda sunt lege. Deinde cum constet neque nos neque patres nostros posse præstare Legem, oportet & vos abjicere opinionem, quod per Legem contingat iusticia & salus. Hocque paulatim fecerunt Iudæi, qui crediderunt, Impii vero hæc prædicatione plus offensi, tandem prorsus indurati sunt.

*Act. 15.*

Commen-

**S**ic in Actis invenies glossam, experientiam & conciones Apostolorum, Deinde etiam exempla pro isto argumento, contra hanc pertinacissimam opinionem justiciæ legalis. Ac propter hanc causam plus diligere & diligentius legere hunc librum debemus, quod firmissima testimonia continet, quæ certo consolari & erigere nos possunt, contra Papistas, Iudæos nostros, quorum abominationes & larvas impugnamus & damnamus doctrina nostra, ut Christi beneficia & gloriam illustremus. Hi quanquam nihil firmi habent, quod nobis opponant (Iudæi enim poterant opponere Apostolis, quod divinitus accepissent Legem & totum cultum) tamen non minori pertinacia conantur defendere suas impias traditiones & abominationes, quàm Iudæi suam legem à Deo traditam, hoc maxime urgentes, Quòd in loco Episcoporum sedeant, Quod potestatem habeant regendi Ecclesias. Hoc ideo faciunt, ut nos in servitutem redigant, utq; nobis hoc extorqueant, Nos non sola fide, sed fide informata charitate justificari. At nos opponimus illis librum Actorum, ut illum legant, & res gestas in eo considerent, Tum invenient hanc esse summam & argumentum hujus libri, Nos sola fide in Christum sine operibus justificari, Solo auditu Fidei Spiritum sanctum dari ad vocem Evangelij, non ad vocem vel opus Legis.

Quare ita docemus, Etiam si, ô homo, jejunes, eleemosynam des, honore afficias parentes, obedias magistratui, subditus sis hero, &c. tamen per hæc non justificaris. Ista vox Legis, Honora parentes, vel alia, audita aut facta, non justificat. Quid tum? Audire vocem Sponsi, audire sermonem Fidei, is sermo auditus justificat. Quare? Quia affert Spiritum sanctum, qui justificat. Ex his satis intelligi potest, quod sit discrimen inter Legem & Evangelium. Lex nunquam affert Spiritum sanctum, Ergo nec justificat, Quia solum docet, quid nos facere debeamus. Evangelium vero affert Spiritum sanctum, quia docet quid accipere debeamus. Ideo Lex & Evangelium duæ prorsus contrariæ doctrinæ sunt. Statuere ergo justiciam in Lege, est simpliciter luctari contra Evangelium. Nam Moses cum sua lege est exactor, postulans, ut nos operemur & demus, in summa, exigit à nobis. Contrà Evangelium non exigit, sed donat gratis, & jubet nos porrectis manibus oblata accipere. Differunt autem per contrarium exigere & donare, accipere & offerre, nec simul possunt existerre. Nam quod datur, accipio, quod vero dono, non accipio, sed alteri offero. Itaq; si Evangelium est donum, & offert donum, ergo nihil exigit. Contrà Lex nihil donat, sed à nobis exigit, & quidem impossibilia, &c.

*Argumentum  
libri Act. Ap.*

*Discrimen  
Lex & Evan-  
gelij.*

*Exigere.  
Donare.*

## DE CORNELIO ACT. 10.

**H**ic adversarij opponunt exemplum Cornelij (de quo & Magister Sententiarum & Erasmus in Diatribe disputant) Cornelius, inquit, fuit, teste Luca, vir bonus, justus, timens Deum, faciens eleemosynas multas populo, & deprecans Deum semper, Ergo merebatur de congruo remissionem peccatorum & Spiritus sancti missionem. Respondeo, Cornelius fuit gentilis, id quod adversarij negare non possunt. Nam verba, quæ Petrus in Actis Cap. 10. allegat, hoc clare testantur, Vos scitis, inquit, non esse fas viro Iudæo intrare ad gentilem. Fuit ergo gentilis, non circumcissus, non observans legem, imo ne quidem de ea cogitans, quia nihil ad eum pertinebat, Et tamen justificatur & accipit Spiritum sanctum. Et hoc argumentum, ut dixi, urgetur per totum librum Act. scilicet, Quod Lex nihil cooperatur ad justiciam.

*Cornelius gentilis  
sine fide justificatur.*

Satis sit igitur pro articulo Iustificationis defendendo, quod Cornelius fuit gentilis, non circumcissus, non servans legem. Ergo non Lege, sed per auditum Fidei justificatus est. Ergo Deus justificat sine lege, & per consequens, lex nihil facit ad justiciam. Alioqui Deus dedisset Spiritum sanctum tantum Iudæis, qui legem habebant & faciebant, Non Gentibus, quæ eam non habebant, multo minus faciebant,

*Lex non cooperatur  
ad justiciam.*



ciebant. Sed contrarium est factum, donatus est Spiritus sanctus his, qui Legem non habebant. Ergo manifesta experientia testatur, Spiritum sanctum dari non facientibus Legem. Igitur iusticia non est ex lege. Hoc modo solvitur objectio ad-  
versariorum, non intelligentium veram rationem justificationis.

*Patres in vete-  
ri testamento  
sancti, &c.*

Hic rursus objiciunt adversarii & dicunt, Esto sane, quod Cornelius fuerit gentilis, & per Legem non acceperit Spiritum sanctum, Tamen cum textus clare dicat, eum fuisse justum, timentem Dei, facientem eleemosynas, &c. verisimile est, quod per hæc meruerit, ut postea acciperet Spiritum sanctum. Respondeo, Corne-  
lius fuit justus & sanctus in veteri Testamento, propter fidem in venturum Chri-  
stum, sicut omnes Patres, Prophetæ, pii Reges, justi fuerunt, accepto clam Spiritu  
sancto, propter fidem venturi Christi. Sophistæ autem non distinguunt inter Fi-  
dem in venturum Christum, & in Christum jam exhibitum. Quare si etiam mor-  
tuus fuisset Cornelius ante revelatum Christum, non damnatus fuisset, Quia fi-  
dem Patrum habebat, qui sola Fide futuri Christi salvati sunt, Actor. 15. Mansit ergo  
gentilis, incircumciscus, sine Lege, coluit tamen eundem Deum, quem Patres, fide  
in venturum Messiam. Sed quia jam venerat Messias, necesse erat, ei significari per  
Apostolum Petrum, quod non esset expectandus, sed jam venisset.

*Fides in reve-  
landum & jam  
revelatum Chri-  
sto.*

Et is articulus de fide in revelandum adhuc & jam revelatum Christum (ut  
hoc etiam obiter admoneam) scitu per necessarius est. Nam revelato nunc Chri-  
sto, non possumus salvari fide in venturum Christum, Sed cogimur credere eum jam  
venisse, implese omnia, legem abrogasse. Ideo oportuit quoque Cornelium imbui  
nova fide, quod Christus jam venisset, quæ antea erat, eum adhuc venturum. Sic  
fides cedit fidei, Ex fide in fidem, Rom. 1.

*Rom. 1.*

*Consideranda  
primum perso-  
na, deinde opus.*

Errant igitur Sophistæ, cum dicunt, pro statuendo opere congrui, Corne-  
lium operibus naturalibus rationis & moralibus consecutum esse gratiam & mis-  
sionem Spiritus sancti. Nam justum & timentem Dei, &c. esse, affectus sunt non  
hominis gentilis aut naturalis, sed spiritualis, qui jam Fidem habet. Nisi enim cre-  
deret in Deum, timeret Deum, non speraret se oratione aliquid ab eo impetratu-  
rum. Ideo primum commendatur Cornelius à Luca de iusticia, timore Dei, Tum  
demum de operibus & eleemosynis commendatur. Hoc adversarii non confide-  
rant, sed tantum hanc particulam arripiunt & modicus tenent, quod largitus sit  
eleemosynas pauperibus, Ea enim res videtur ipsis facere pro statuendo merito  
congrui. Oportet autem primum personam seu arborem commendari, deinde  
opera & fructus. Cornelius arbor bona est, quia justus, timens Dei, Ergo facit bo-  
nos fructus, largitur eleemosynas, invocat Deum. Et hi fructus placent Deo propter  
fidem. Quare Angelus commendat Cornelium de Fide venturi Christi, & trans-  
fert eum ex fide venturi, in fidem Christi jam exhibiti, cum dicit, Accerse Simo-  
nem, hic dicet tibi, &c. Sicut ergo Cornelius sine lege fuit ante revelatum Chri-  
stum, Ita post revelatum Christum nec legem, circumcisionem &c. suscepit, Et sic  
ut antea non servavit legem, sic nec postea. Stat ergo argumentum fortissime, Cor-  
nelius sine Lege justificatus est, Igitur Lex non justificat.

### N A A M A N S Y R V S.

**S**imiliter Naaman Syrus procul dubio bonus & pius vir fuit, ac veram opinionem  
de Deo habuit. Et quanquam gentilis erat, nec pertinebat ad regnum Mo-  
si, quod tum florebat, tamen mundatur ejus caro, revelatur ei Deus Israël, acci-  
pit Spiritum sanctum. Sic enim ait, Vere scio, quod non sit alius Deus in univer-  
sa terra, nisi tantum in Israël. Nihil plane facit, non servat legem, non circumcidi-  
tur, sed orat tantum terræ sibi dari, quantum duo muli portare possunt. Deinde  
cernitur fidem in ipso non fuisse ociosam. Sic enim loquitur ad Prophetam Heli-  
seum, Non faciet servus tuus victimam aut holocaustum diis alienis, nisi Domino.  
Verum in hac re propicius sit Dominus mihi servo tuo, cum adoravero in templo  
Rimmon, ingrediente domino meo Rege in templum Rimmon, ut ibi adoret & inni-  
tatur

*4. Reg. 5.*

tatur super manum meam. Cui Propheta, Abi in pace. Sic ille justificatur. Hoc audiens Iudæus rumpitur ira, & dicit, Num gentilis justificaretur non servata Legge, & nobis circumcilibus conferretur?

GENTES IUSTIFICATE SINE LEGE  
STANTE ADHUC POLITIA MOSI.

**I**Taque Deus multò ante, stante & florente adhuc regno Mosis, indicavit se sine Lege homines iustificare, Ut certe justificavit multos Reges in Ægypto, in Babylone, Item Hiob, & alios orientales populos. Deniq; Ninive maxima civitas justificatur & accipit à Deo promissionem salutis, quod non sit perdenda. Per quid? Non quia audiebat & faciebat legem, Sed quia credebat verbo Dei, quod Propheta Ionas prædicabat. Sic enim sonant verba Prophetæ, Et crediderunt Ninivitæ Deo, & prædicaverunt jejunium, & vestiti sunt faccis, Id est, egerunt poenitentiam. Adversarii fortiter transiliunt hoc, Crediderunt, & tamen tota vis in eo sita est. Non legis in Iona. Et Ninivitæ acceperunt Legem Mosis, circumcisi sunt, sacrificaverunt, opera legis fecerunt, Sed credentes egerunt poenitentiam in sacco & cinere.

Ista ante Christum exhibitum gesta sunt, cum adhuc regnaret fides in venturum Christum. Si igitur tum Gentes iustificatæ absq; lege acceperunt clam Spiritum sanctum, stante adhuc Legis politia, Cur nunc Lex exigeretur ad iusticiam, quæ exhibitio jam Christo abrogata est? Est ergo firmissimum hoc argumentum, ab experientia Galatarum sumptum, Num acceperitis, &c? Coguntur enim fateri, se nihil audisse de Spiritu sancto ante prædicationem Pauli, eo autem Evangelium prædicante se spiritum accepisse.

Idem & nos hodie cogimur fateri, convicti testimonio propriæ conscientiæ, scilicet Spiritum non dari per Legem, sed per auditum Fidei. Nam multi antea in Papatu, summo labore ac studio conabantur legem, statuta seu decreta Patrum & traditiones Papæ, servare, & quidam magnis & frequentibus exercitiis vigiliarum, jejuniorum, orationum, &c. sic defatigabant & perdebant corpora sua, ut postea ad nullam rem gerendam idonei essent. Et hac tamen re nihil aliud efficiebant, quam quod seipsum misere cruciabant, Nunquam huc pervenire poterant, quòd tranquillam conscientiam & pacem in Christo haberent, sed perpetuò dubitabant de voluntate Dei erga se. Nunc autem cum Evangelium docet, Quod lex & opera non iustificent, sed fides in Christum, sequitur cognitio & intelligentia certissima, conscientia lætissima, & verissimum iudicium de omnibus vitæ generibus & rebus. Iam credens certo statuere potest, Papatum cum universis suis ordinibus & traditionibus esse impium, quod antea non potuit. Tanta enim cæcitas regnabat in mundo, ut iudicarem opera, quæ homines excogitaverunt, non solum sine sed etiam contra mandatum Dei, longe præstare operibus, quæ facit, iubente Deo, magistratus, paterfamilias, præceptor, filius, servus, &c.

Debueramus profecto ex verbo Dei cognoscere, Papistarum ordines, quos solos nominabant sanctos, esse impios, cum nullum prorsus mandatum Dei aut testimonium in sacris literis extet de eis. Contra alia vitæ genera, quæ habent verbum & mandatum Dei, esse sancta & divinitus instituta. Sed tam horribilibus tenebris immersi tum eramus, ut plane de nulla re recte potuerimus iudicare. Iam vero coruscante Evangelii luce, omnia vitæ genera in mundo sub certo & infallibili iudicio nostro sunt. Pronuntiamus ex verbo Dei certam sententiam, vitæ genus servorum, quod coram mundo est vilissimum, longe acceptius esse Deo, quam omnes ordines Monachorum. Quia servorum statum approbat, commendat & ornat Deus suo verbo, non item monachorum. Ideo hoc argumentum ab experientia ductum, & apud nos maxime valere debet, Nam etiam si alii alia opera & ea multa & gravia faciebant in Papatu, Tamen nunquam potuerunt esse certi de voluntate Dei erga se, Sed semper dubitaverunt, nunquam potuerunt pervenire ad cognitionem Dei, sui, vocationis suæ, nunquam senserunt testi-

*Contutudo cre-  
dendum.*

monium spiritus in cordibus suis, iam vero lucente veritate Evangelij, ex solo au-  
ditu Fidei, de istis omnibus certissime erudiuntur.

*Per quid detur  
Spiritus san-  
ctus.*

Hæc non frustra tam copiose dico, quia valde exiliter sonat, quòd ad solum  
auditum fidei Spiritus sanctus detur nobis, quodq; prorsus nihil aliud à nobis exi-  
gatur, quam quod ab omnibus actionibus nostris desistamus, & tantum audiamus  
Evangelium. Humanum cor non intelligit neq; credit, tantum precium, scilicet  
Spiritus sanctum, solo auditu fidei dari, Sed sic colligit. Magna res est remissio  
peccatorum, liberatio à peccato & morte, donatio Spiritus sancti, iusticia & vita  
æterna, Ideo oportet te aliquid magni præstare, ut ista inestimabilia dona conse-  
quaris. Hanc opinionem approbat & exaggerat in corde Diabolus. Itaq; cum au-  
dit ratio, Tu nihil potes facere pro consequenda remissione peccatorum, sed tan-  
tum debes audire verbum Dei, statim reclamât & dicit, Ah tu nimis exilem & con-  
temptam facis remissionem peccatorum, &c. Sic magnitudo doni facit, ut illud  
non accipiamus, Et quia gratis offertur tantus thesaurus, ideo contemnitur.

*Diffusio la-  
tente rationis.*

Sed oportet nos omnino hoc discere, quòd gratis, ad solum auditum fidei  
detur remissio peccatorum, Christus, Spiritus sanctus, non obstantibus etiam ma-  
ximis peccatis & demeritis nostris. Neq; videndum est, quanta res donetur, &  
quam nos indigni simus, alioqui magnitudo & rei & indignitatis nostræ absterre-  
bit nos. Sed cogitandum est, quod Deo placeat hoc inenarrabile donum, gratis &  
indignis nobis dare, Vt Christus ait, Luc. 12. Noli timere, pusille grex, Placuit enim  
Patri vestro dare, (dare, inquit) regnum. Quibus? vobis indignis, qui estis pusillus  
grex. Si ergo parvus sum, & res magna, imo maxima est quæ donatur, oportet me  
cogitare, etiam magnum & solum magnum esse eum qui dat. Si ille offert & vult  
dare, non considero meum peccatum & indignitatem, sed paternam volunta-  
tem ejus erga me, qui dat, & magnitudinem doni cum gaudio accipio, & lætus ac  
gratus sum prò dono inenarrabili, gratis, per auditum Fidei, & indigno, dato.

*Quibus datur  
regnum calo-  
rum.*

*Quid adver-  
sari nobis oppo-  
nent.*

Hic stulta ratio iterum offenditur, & reprehendit nos, dicens, Quòd docetis  
homines prorsus nihil debere facere, pro tam immenso dono consequendo, quàm  
audire Verbum, hoc videtur vergere in maximum contemptum Gratiae, & homi-  
nes securos, langvidos & stertentes reddere, ut remittant manus, & prorsus nihil  
boni operentur, Ideo non expedit hoc prædicare, neq; est verum, sed homines ur-  
gendi sunt, ut laborent, sudent & exerceant se ad justiciam, & tum consequentur  
hoc donum. Hoc idem objecerunt olim Pelagiani Christianis, Sed audi quid Pau-  
lus hîc dicat, Non ex laboribus & sudoribus, non ex operibus Legis, sed ex audi-  
tu fidei accepistis Spiritum sanctum. Audi denique ipsum Christum, quid respon-  
deat Martha, vehementer sollicitæ & ægre ferenti, quod soror Maria, assidens ad  
pedes Iesu, ac audiens sermonem illius, relinqueret se solam ministrare, Martha,  
inquit, sollicita es, & turbaris erga plurima, unum est necessarium, Maria bonam  
partem elegit, quæ non auferetur ab ea. Christianus ergo sit, non operando, sed  
audiendo. Quare qui sese exercere vult ad justiciam, Primum exerceat se audien-  
do Evangelio, hoc audito & concepto, lætus agat gratias Deo, & tum se exerceat  
bonis operibus, quæ sunt in Lege præcepta, Ita ut Lex & opera sequantur auditum  
Fidei. Tum poterit secure ambulare in luce, quæ est Christus, & certo eligere &  
facere opera non hypocritica, sed vere bona, quæ sciat Deo placere & ab eo præ-  
cepta esse, & contemnere omnes larvas electiorum operum.

*Christus sit  
audiendo, &c.*

*Crederet reser-  
vata.*

*Auditum fidei.*

Adversarij existimant, Fidem omnino rem levem & nihili esse per quam  
Spiritus concipitur, Sed quam difficilis & ardua res sit, experior ego, & omnes  
qui mecum serio amplectuntur eam. Statim dicitur, Solo auditu fidei accipi Spi-  
ritum, sed non tam facile auditur, capitur, creditur, & retinetur, ac dicitur. Quare  
si audis à me, Christum agnum Dei, immolatum esse pro peccatis tuis, vide, ut hoc  
vere etiam audias. Paulus significanter vocavit auditum fidei (non verbum fidei,  
quanquam parum interest) hoc est, tale verbum, quod tu audiens credas, Vt ver-  
bum non solum sit vox mea, sed audiat à te, & penetret in cor & à te credatur,

tunc



tunc vere est auditus fidei, per quem accipis Spiritum sanctum, Eo accepto, postea mortificabis carnem tuam.

Pii experiuntur, quam libenter vellent plena Fide verbum auditum tenere, & evellere opinionem Legis & justiciæ propriæ, Sed sentiunt luctam in carne resistentem omni vi spiritui. Nam ratio & caro simpliciter volunt cooperari. Hoc oportet circumcidi & servare Legem, non potest nobis penitus eximi, sed manet in cordibus omnium piorum. Ideo perpetua est piis lucta cum auditu Fidei & operibus legis, quia conscientia semper remurmurat & cogitat, Nimis facilem hanc viam esse, quod ex solo auditu Verbi promittitur justicia, Spiritus sanctus & salus æterna. Sed tenta serio & experire, quam facile sit audire verbum Fidei, Magnus quidem est qui dat, deinde magna dat volens & simpliciter, ac nemini exprobrat, Sed tuâ capacitas difficilis & fides infirma est, faciens tibi luctam, ut oblatum donum non possis accipere. Sed remurmuret sane conscientia, & recurat subinde (hoc oportet) tamen tu tantisper perdura & consiste, donec illud oportet vincas, Sic crescente fide, paulatim decrescit illa opinio justiciæ Legis, Sed hoc sine magno certamine fieri non potest.

*Lucta carnis  
contra spiritum  
in piis.*

*Audire verbum  
fidei facile,  
sed capere  
difficile.*

*Sic stulti estis, ut cum spiritu cœperitis, nunc carne consummami.*

ABSOLUTO hoc argumento, scilicet quod spiritus non detur per operem Legis, sed per auditum Fidei, Incipit jam exhortari & detertere à duplici periculo seu damno, Primum est, Sic amentes estis, ut cum spiritu cœperitis, nunc carne consummami. Alterum sequitur, Tanta passi estis frustra, &c. Et ista sunt rhetorica, scilicet detertere à periculis & damnis, Et rursus persuadere, ab utili, honesto & facili. Dicit ergo, Spiritu cœpistis, hoc est, vestra religio erat pulcherrime incepta & instituta, ut & infra dicit, Currebatis bene, &c. Quid sit? Iam vultis carne consummari, imo carne jam consummami.

*Spiritus lucta  
per.*

Paulus hic opponit Spiritum & carnem. Non appellat carnem, ut supra quoque monui, libidinem, passiones beluinas, seu appetitum sensitivum. Quia hoc loco non disputat de libidine aut de aliis concupiscentiis carnis, Sed de remissione Peccatorum, de justificanda conscientia, de paranda justicia coram Deo, de liberatione à Legge, peccato, morte, Et tamen hic dicit, quod deserto spiritu jam consummentur carne. Itaq; Caro est ipsa justicia, sapientia carnis, ac cogitatio rationis, quæ per Legem conatur justificari. Quicquid ergo optimum ac præstantissimum est in homine, Paulus vocat Carnem, hoc est, summam sapientiam rationis & ipsam justiciam legis.

*Carne consummami.*

*Caro quid sit  
Paulo significat.*

Et considerandus est iste locus propter calumniatores Papistas, qui eum detorquent contra nos, dicentes, Nos sub Papatu spiritu cœpisse, Iam vero ductis uxoribus carne consummari, Quasi vero spiritualis vita sit coelibatus, aut non habere uxorem, Et interim nihil impediat spirituales vitam, si quis uno scorto non contentus habeat plura. Homines sine mente sunt, qui non intelligunt, quid spiritus vel caro sit. Spiritus est, quicquid in nobis geritur per Spiritum. Caro, quicquid in nobis geritur secundum carnem extra spiritum. Quare omnia officia Christianorum, ut diligere uxorem, alere liberos, regere familiam, honore afficere parentes, obedire magistratui, &c. quæ ipsis secularia & carnalia sunt, sunt fructus Spiritus. Non distinguunt homines cæci res, quæ bonæ creaturæ Dei sunt, à vitiis.

*Spiritus  
Caro.  
Fructus  
Spiritum.*

Considerandum est & hoc, quod Paulus dicit, Galatas cœpisse spiritu, Ibi addere debebat active, nunc Carne consummatis, hoc non facit, sed passive dicit, carne consummami. Adeo justicia Legis, quam Paulus hic Carnem vocat, non justificat, ut hi, qui post acceptum Spiritum per Fidei auditum, ad eam deficiunt, ea consummentur, hoc est, finiantur & prorsus perdantur. Itaq; qui docent Legem esse faciendam hoc fine, ut homines per eamificentur, hi dum volunt consilium lere conscientis, maxime eis nocent, dum eas justificare volunt, damnant, Semper autem

*Effectus justiciæ legalis.*

*Pseudoaposto-  
lorum doctrina.*

autem oblique petit Paulus Pseudoapostolos. Hi enim urgebant legem, dicentes, Fides in Christum sola non tollit Peccatum, non placat iram Dei, non justificat, Itaq; si illa beneficia consequi vultis, non debetis tantum credere in Christum, sed simul etiam Legem servare, circumcidi, serias agere, sacrificare, &c. Hoc facientes, liberi eritis à peccato, ira Dei, &c. Imo hoc ipso, ait Paulus, statuitis injusticiam, provocatis iram Dei, Peccatum peccato additis, à Gratia exciditis, & eam abjicitis, Spiritum extinguitis, & unà cum discipulis vestris carne consummaminì. Hoc primum periculum est, à quo deterret Galatas, ne scilicet, si per Legem justificari quærant, Spiritum amittant, & optima principia pessimo fine perdant.

*Tanta passi estis frustra?*

*2. Periculum à  
quo deterret  
Paulus.*

ALTERUM periculum seu damnum est, Tanta passi estis frustra? q. d. Non solum considerate, quam pulchre coeperitis, & quam miserabiliter bona initia, & cursum optimè inceptum, amiseritis, Item quod non solum defeceritis à primitiis & fructibus Spiritus, relapsi in ministerium Peccati & mortis, & in tristem ac miseram servitutem Legis, Sed etiam hoc considerate, Quod multa passi estis propter Evangelium & Christum, scilicet, Rapinam bonorum, blasphemias & contumelias, pericula corporis & vitæ, &c. Omnia apud vos erant in pulcherrimo cursu & successu, Recte docebatis, sancte vivebatis, & constanter pro nomine Christi mala patiebamini, Iam vero periit tam Doctrina, quam Fides, tam actio quam passio, tam spiritus quam fructus ipsius in vobis.

*Qua incommoda  
sequantur  
ex iusticia legis  
seu propria.*

Ex his satis constat, quid incommodi afferat iusticia Legis seu propria, nempe quod fidentes ea, semel amittant incomprehensibilia bona, &c. Porro res valde miseranda est, tam cito & facile aliquem amittere tantam gloriam & fiduciam conscientiae erga Deum, &c. Item, tam multas & graves passiones ac pericula rerum, uxoris, liberorum, corporis & vitæ perferre. Et tamen illa omnia ociose & frustra perferre. Et ex his duobus locis posset aliquis Encomium iusticiae Legis, seu propriae scribere, & in immensum amplificare, si per partes declarare vellet, quid Spiritus sit, quo coeperunt, Deinde quæ, quantæ & quot passiones fuerint, quas propter Christum pertulerunt. Sed ista nulla possunt explicari rhetorica. Quia res maximæ sunt, de quibus hic agit Paulus, videlicet gloria Dei, victoria mundi, carnis & Diaboli, iusticia & vita æterna. Et e contra Peccatum, desperatio, mors æterna & infernus. Et tamen in momento amittimus illa inestimabilia dona, & hæc horribilia & nunquam desitura mala acquirimus, hocq; autoribus falsis magistris, cum nos transferunt ab Evangelii veritate in erroneam doctrinam. Idq; faciunt non solum facile, sed etiam magno prætextu pietatis.

*Si tamen frustra.*

*Officiam Apo-  
stoli.*

CORRECTIO est, quæ mitigat superiorem objurgationem paulo duriores, hocq; facit ut Apostolus, ne nimium perterrefaciat Galatas. Objurgat quidem, sed sic, ut tamen semper oleum juxta infundat, ne eos ad desperationem adigat. Dicit ergo, Si tamen frustra, q. d. Non omnino abjeci spem de vobis. Si vero sic velletis, deserto Spiritu, carne consummari, hoc est, iusticiam Legis sequi, ut coepistis, Tum scitote omnem vestram gloriam & fiduciam in Deo inanem, & omnes passiones vestras frustraneas esse. Oportet autem me paulo durius vobiscum loqui, causam vehementius exaggerare & vos acerbius objurgare, præsertim cum magnitudo rei hoc postulet, ne putetis nihil aut parum referre, si rejecta Pauli doctrina, audiat & suscipiat aliam. Non tamen præcido vobis omnem spem, si modo resipiscatis. Quia immundi, infirmi & hucerosi pueri non sunt abjiciendi, sed curandi & fovendi diligentius quam validi. Sic Paulus, ut expertus medicus, sese totam culpam transfert in Pseudoapostolos, hujus pestiferi morbi autores. Contra, Galatas satis molliter tractat, ut hac lenitate eos sanet. Debemus ergo & nos exemplo Pauli, ita arguere infirmos, ita curare & tollere morbum ipsorum, ut interim eos etiam consolemur, ne si durius à nobis tractentur, desperent.

*Exemplo Pau-  
li tractandi per-  
veros.*

Qui

*Qui igitur subministrat vobis Spiritum, & operatur virtutes in vobis, Ex operibus Legis, an ex auditu fidei?*

ARGUMENTUM hoc ab experientia Galatarum sumptum, adeo delectat Apostolum, ut postquam increpavit & deterruit eos à duplici incommodo, idem nunc repetat, & quidem cum augmento, dicens, Qui subministrat, &c. Hoc est, Non solum accepistis Spiritum ex auditu fidei, sed omnia, quæ cognovistis & operati estis, ex auditu fidei habetis, q. d. Non satis fuit Deum semel dedisse vobis Spiritum, Sed idem Deus semper suppeditavit & auxit dona Spiritus, ut semel eo accepto, semper cresceret & efficax esset in vobis Spiritus. Ex his satis constat, Galatas fecisse miracula vel saltem præstitisse virtutes, hoc est, fructus Fidei, quos veri discipuli Evangelii præstare solent. Quia alibi dicit Apostolus, Regnum Dei non esse in sermone, sed in virtute. Virtus autem est, non solum posse loqui de Regno Dei, sed etiam re ipsa ostendere, quod Deus sit efficax per Spiritum suum in nobis. Sic supra Cap. 2. de se dicit, Qui efficax fuit in Petro, inter Iudæos, Is & in me efficax fuit inter Gentes.

*Argumentum ab experientia repetit Paulus.*

*Regnum Dei non est in sermone, sed in virtute. 1. Cor. 4.*

Cum igitur Concionator sic prædicat, ut Verbum non frustretur suis fructibus, sed efficax sit in auditoribus, hoc est, cum sequitur Fides, spes, charitas, patientia, &c. Ibi Deus subministrat Spiritum, & operatur virtutes in auditoribus. Simili modo Paulus hic dicit, Deum subministrasse Spiritum Galatis, & operatum fuisse virtutes in eis, q. d. Deus non solum effecit per prædicationem meam ut crederetis, sed ut etiam sancte viveretis, multos fructus fidei faceretis & mala patere mini. Item eadem virtute Spiritus facti estis ex Avaris, adulteris, iracundis, impatientibus, hostibus, &c. Largi, casti, mites, patientes, amantes proximorum. Hinc Cap. 4. testimonium ipsis præbet, quod exceperint se tanquam angelum Dei, imo tanquam Iesum Christum, quodque tam vehementer dilexerunt, ut parati fuerint oculos eruere, &c.

*Deum efficax per prædicationem verbi.*

Amare autem proximum, tam ardentem, ut paratus sis impendere Pecuniam, rem, oculos, vitam & omnia pro ipsius salute, Deinde patienter tolerare omnia adversa, &c. certè virtutes sunt Spiritus. Et istas virtutes accepistis & habuistis, inquit, antequam isti Pseudodoctores ad vos venerunt. Accepistis autem non ex Lege, sed ex Deo, ita subministrante & quotidie augente Spiritum, ut Evangelium inter vos felicissime cucurrerit, docendo, credendo, operando & tolerando. Cum ista sciatis, testimonio propriæ conscientiæ convicti, qui sit, quod easdem virtutes jam non præstatis, quas antea? Hoc est, quod non recte doceris, pie creditis, iuste vivitis, bene operamini, patienter toleratis mala? Quis denique ita corripit vos, ut erga me tam amanter non sitis affecti, ut antea? Iam non susciperetis Paulum, ut Angelum Dei, ut Christum Iesum, non erueretis oculos vestros, & daretis mihi. Qui sit, inquam, quod tanto ardore amplius pro me non æmulemini, sed præferatis nunc mihi Pseudoapostolos, qui vos tam misere seducunt?

*Virtutes Spiritus sancti.*

Sic hodie nobis accidit, Initio prædicationis Evangelii, valde multi erant, quibus nostra doctrina arridebat, ac de nobis candide & reverenter sentiebant, sequebantur prædicationem Evangelii virtutes & fructus fidei. Quid sit? Subito exoriantur fanatici Spiritus, qui brevi subvertunt, quod nos longo tempore & multo sudore struxeramus, tamque insensos nobis reddunt animos eorum etiam, qui antea nos vehementer amabant, & doctrinam nostram cum gratiarum actione recipiebant, ut apud illos nihil jam sit magis exosum, quam nomen nostrum. Sed huius mali Diabolus est autor, qui contrarias virtutes operatur in suis membris, quæ pugnant cum virtutibus Spiritus sancti. Debat ergo, inquit Apostolus, experientia vestra, o Galatæ, vos docere, Illas tantas virtutes non ex operibus Legis venisse. Nam ut eas ante auditum fidei non habuistis, Ita neque nunc, regnantibus inter vos Pseudoapostolis, eas habetis.

*A piis doctores bene edificata per fanaticos celerrime subvertuntur.*

Item & nos hodie possumus dicere ad eos, qui jactant se Evangelicos, & ex ty.



*Successus Evangelij per fanaticos graviter labefactum.*

ex tyrannide Papæ liberatos esse, Num vicistis tyrannidem Papæ, & libertatem in Christo adepti estis, per fanaticos spiritus, aut per nos, qui prædicavimus Fidem in Christum? Hic si veritatem fateri volunt, coguntur dicere, Certe per prædicationem Fidei. Et verum est, Initio prædicationis nostræ, currebat doctrina de Fide felicissime, corruiebant Indulgentiæ, purgatorium, vota, missa, & similes abominationes, quæ trahebant secum ruinam totius Papatus. Nemo poterat nos iuste condemnare. Doctrina enim erat pura, erigens & consolans multas conscientias, quæ diu oppressæ fuerant humanis traditionibus sub Papatu, qui fuit verissima tyrannis & carnificina conscientiarum. Itaque multi agebant Deo gratias, quod per Evangelium, quod gratia Dei tum primi prædicabamus, ex his laqueis & carnificina conscientiarum erepti essent. Coortis autem Spiritibus, qui negatione corporalis præsentiae Christi in coena, profanatione Baptismi, destructione imaginum & abrogatione omnium ceremoniarum, semel evertere Papatum, atq; ita famam nostram obscurare volebant, Mox male audire cœpit doctrina nostra. Vulgo enim iactabatur, professores ipsius dissentire inter se. Ea res valde multos offendit & à veritate avertit, fecitq; Papistis spem, nos propediem interituros cum doctrina, quæ sibi ipsi non constaret, Seq; brevi iterum recuperaturos vires, ac ad pristinam autoritatem & dignitatem hac occasione perventuros.

Ideo quemadmodum Pseudoapostoli contenderunt & vehementer urserunt Galatas, jam Fide in Christum iustificatos, debere circumcidi & legem Moysi servare, si à Peccatis & ira Dei liberari & Spiritum consequi vellent, Et tamen hac ipsa re eos plus onerabant Peccatis, Quia per legem non auferuntur peccata, neq; Spiritus per eam datur, Sed iram tantum efficit, & terrores incutit. Ita hodie homines fanatici, qui voluerunt consulere saluti catholice Ecclesiæ, & semel evertere ac prorsus sepelire Papatum, per abrogationem Ceremoniarum, destructionem imaginum, & impugnationem Sacramentorum, iisdem illis rebus non consuluerunt, sed plus nocuerunt Ecclesiæ, non everterunt sed plus stabilierunt Papatum.

*Articulo justificationis evertitur Papatus.*

Si vero communi consensu, ut cœperant, nobiscum docuissent, & diligenter urfissent Articulum justificationis, Quod neq; Legis, neq; propria iusticia, sed sola Fide in Christum iustificamur, Profecto is unicus articulus paulatim, ut cœperat, evertisset Papatum cum suis Fraternitatibus, Indulgentiis, ordinibus, reliquiis, cultibus, invocatione Sanctorum, purgatorio, missis, vigiliis, votis, & id genus aliis infinitis abominationibus. Sed illi, omissa prædicatione fidei & iusticiæ Christianæ, rem aliter tentaverunt, magno & sanæ doctrinæ & Ecclesiarum incommodo. Ideo tale quiddam illis accidit, quod Germanico proverbio dici solet: *Sie dem Hamen fischen.* Abegerunt enim pisces, quos jam rete conclusurum erat, dum eos manibus suis prehendere voluerunt.

*Sie dem Hamen fischen.*

Quare Papatus hodie labefactatur & ruit non per illos tumultus sectariorum, sed per prædicationem Articuli de justificatione, qui non solum debilitavit regnum Antichristi, sed etiam nos hætenus contra ipsius vim sustentavit & defendit. Et nisi hoc præsidium habuissemus, jamdudum periissent sectarii, & nos una cum ipsis. Et tamen adeo non agnoscunt hoc beneficium, ut pro eo, ut Psalmus ait, quod deberent nos diligere, detrahant nobis, & insensissimis animis insectentur nos. Articulus autem justificationis, qui est unicum præsidium nostrum, non solum contra omnes vires & dolos hominum, sed etiam contra portas inferorum, Is est, Sola fide in Christum, sine operibus nos pronuntiari justos & salvari. Si ea vera ratio est iustificandi, ut certe est, aut totam scripturam solvi necesse est. Tum statim sequitur, neque Monachatu, neque votis, neque missis, aut ullis operibus nos justos pronuntiari. Ibi sine abrogatione ullius externæ rei, sine tumultu, sine aliqua vi humana, sine ulla impugnatione Sacramentorum, solo Spiritu, præcipitur Papatus. Neque à nobis paratur hæc victoria, sed per Christum, cujus beneficium prædicamus & illustramus.

*Articulo justificationis.*

*Sectarii præ-*

Et hoc quod jam dico, res ipsa etiam testatur. Nam eo tempore, quo primum

num incipiebat inclinari & ruere Papatus, nihil plane faciebant Sectarij, Neq; enim poterant, sed tacebant. Contra, nos nihil docebamur & urgebamur, præter Articulum Iustificationis, qui tum solus imminuebat Papæ autoritatem, & regnum ipsius devastabat. Quum autem Sectarij viderent inclinari & ruere Papatum, ac pisces congregari ad rete, volebant semel everso ac prorsus deleto Papatu, præripere nobis gloriam, & pisces ad rete congregatos omnes pariter manibus suis prehendere. Sed luserunt operam, Nam non prehenderunt, sed tantum abegerunt eos. Sicut igitur Pseudoapostoli paraverunt Galatis justiciam per suam doctrinam de Lege observanda, ita Sectarij per suos tumultus Papatum everterunt. Imagines & alij abusus in Ecclesia per sese corruissent, si diligenter & pure Articulum justificationis docuissent. Sed *heretici* agitabantur, Libenter enim audissent prædicari de se, quod ipsi evertissent Papatum, Ideo neglecto justificationis Articulo, excitarunt illos tumultus, quibus nos fere oppresserunt, & Papistas in suis abominationibus confirmarunt. Talem successum habet conatus noster, cum gloriam propriam, non Dei, quærimus.

Tales tumultus & externas larvas nec Papa nec diabolus metuit, Sed doctrina fidei, quæ prædicat solum Christum esse victorem Peccati, mortis, diaboli, est ei formidabilis. Ea enim destruit regnum ipsius, eaq; , ut dixi, nos hodie sustentat, & defendit contra omnes portas Inferorum. Et nisi inniteremur huic ancoræ, cogeremur simpliciter rursus adorare Papam, Neq; esset ulla ratio aut medium resistendi ei. Si enim me adjungerem Sectariis, conscientia mea esset incerta. Quia ipsi nullo jure se opponunt Papæ, cum suam, non Dei gloriam quærant. Itaq; nisi aliis armis essem instructus, quam ipsi, non auderem invadere Papatum, multo minus præsumere, quod eum vellem devastare.

At ajunt, Papa Antichristus est. Bene, Sed ipse rursus opponit, se habere ministerium docendi, penes se esse potestatem administrandi Sacramenta, ligandi & solvendi, eamq; potestatem se hæreditario jure possidere, ut traditam per manus ab Apostolis. Ideo externis istis tumultibus non deturbatur è sede sua, sed prædicatione Fidei, hoc modo. Papa, Ego volo tibi osculari pedes, teq; agnoscere summum Pontificem, si adoraveris Christum meum, & permiseris, quod per ipsius mortem & resurrectionem habeamus remissionem peccatorum & vitam æternam, Non per observationem tuarum traditionum. Si hic cesseris, non adimam tibi coronam & potentiam tuam, Si non, constanter clamo, te esse Antichristum, & affirmo, omnes tuos cultus & religiones non solum esse abnegationem, sed etiam summam blasphemiam Dei & idolatriam. Hoc Sectarij non faciunt, sed tantum externa vi conantur ei auferre coronam & potentiam, Ideo conatus illorum est inanis. Hoc ante omnia agendum est, ut prodantur Papæ impietates & abominationes, quibus sub specie sanctitatis & religionis toti mundo imposuit, &c. Si hoc fecero, videbo quid postea retineat, Abstuli enim nucleum, & relinquo ei putamina. Contra, ipsi putamina ei auferunt, & nucleum relinquunt.

Summa, Sicut ex operibus Legis, virtutes non sunt factæ, Ita ex illis operibus externis, quæ Sectarij urgent, nihil fit in Ecclesia quàm tumultus, major confusio & impedimentum Spiritus. Et hoc experientia testatur. Nam ipsi Papam non prostraverunt everfione imaginum & impugnatione Sacramentorum, sed superbiorum reddiderunt. Spiritu autem dejectus est, & adhuc hodie dejicitur, hoc est, prædicatione fidei, quæ testificatur Christum traditum pro peccatis nostris. Ibi necesse est rucere justiciam & servitutem legum Papæ.

Interim tamen sapè obtuli, & adhuc offero, me libenter velle traditiones Papæ ferre, modo relinquat ipsas esse liberas, & ad eas non astringat conscientias, ut ipsis servatis, credant sese justificari, non servatis, damnari. Sed hoc non facit. Nam si ad traditiones suas non astringeret conscientias, quæ esset ipsius potestas? Itaq; hoc maximè agit, ut obstrictas & captivas suis legibus retineat conscientias. Hinc illa voces, Non potes salvari, nisi obedias Romanæ sedi. Hinc illa ful-

mina ac tonitrua in Bullis, Qui ausu temerario contraire præsumperit, ille no-  
verit se incursum indignationem omnipotentis Dei, &c. Ibi simpliciter privat  
omnes salute, qui non obediunt suis legibus. Contrà promittit servantibus eas  
æternam vitam. Ita urget nos in rete justiciæ operum, quasi nemo possit justifica-  
ri & salvari, nisi observatis legibus suis. In summa, ne verbo quidem Fidei menti-  
onem facit, sed sua tantum docet. Si vero concederet hoc, quod omnes leges  
ipsius nihil facerent ad justiciam coram Deo, tum vicissim concederem illi mul-  
ta, Sed tunc per se rueret ipsius regnum. Nam si amitteret potestatem salvandi  
& damnandi, Nihil amplius esset Papa, quàm merum idolum. In summa, Iusticia  
cordis ignorat omnes leges non solum Papæ, sed & Mosi. Quia non ex operibus  
Legis, sed ex auditu fidei contingit vera justicia, quam sequuntur Spiritus virtu-  
tes & fructus.

*Quemadmodum Abraham credidit Deo, & reputatum est illi ad ju-  
sticiam.*

HACTENUS Paulus argumentatus est ab experientia. Et hoc argumen-  
tum ab experientia sumptum vehementer urget, Vos, inquit, credidistis, & cre-  
dentes fecistis miracula, & multas egregias virtutes præstitistis, ac insuper mala  
passi estis, quæ omnia sunt effectus & operationes, non Legis, sed Spiritus sancti.  
Hoc fateri cogebantur Galatæ, Quia ea quæ ob oculos versabantur & sensui sub-  
jecta erant, non poterant negare. Ideò potentissimum ac clarissimum est argu-  
mentum, ab experientia seu effectibus ductum in ipsis Galatis.

Iam addit exemplum Abrahæ, & recitat testimonia Scripturæ. Primum  
est ex cap. 15. Gen. Credidit Abraham Deo, &c. Hunc locum valdè hic urget, ut & Gen. 15.  
Vide justifica-  
tum sit Abra-  
ham. Rom. 4. Si Abraham, inquit, justificatus est ex operibus Legis, habet justiciam &  
gloriam, non apud Deum, sed apud homines, Quia apud Deum habet peccatum  
& iram. Apud Deum autem non ideo justificatus est, quia operabatur, sed quia  
credidit. Dicit enim Scriptura, Credidit Abraham Deo, & reputatum est illi ad  
justiciam. Hunc locum, ut dignus est, Paulus ibidem magnificè explicat & ampli-  
ficat, Abraham, inquit, non infirmatus est Fide, nec consideravit corpus suum  
emortuum, cum fere centum esset annorum, nec emortuam vulvam Saræ, nec  
hæsitavit diffidentia ad promissionem Dei, sed confortatus est Fide, dans gloriam Rom. 4.  
Deo, plenissimè sciens, quod, quæcunq; promisit Deus, potens est & facere, Ideo  
reputatum est illi ad justiciam. Scriptum est autem non solum propter ipsum,  
quod reputatum est illi, sed & propter nos, &c.

Paulus his verbis, Credidit Abraham, summum cultum, summum obse-  
quium, summam obedientiam & sacrificium facit ex Fide in Deum. Qui rhetor  
est, exaggeret hunc locum, & videbit, quod Fides sit res omnipotens, quodq; vir-  
tus ejus sit inæstimabilis & infinita. Tribuit enim Deo gloriam, qua nihil majus ei  
tribui potest. Tribuere autem Deo Gloriam, est credere ei, est reputare eum esse  
veracem, sapientem, justum, misericordem, omnipotentem, In summa agnoscere  
eum autorem & largitorem omnis boni. Hoc ratio non facit, sed Fides, Ea con-  
summat divinitatem, & ut ita dicam, creatrix est divinitatis, non in substantia Dei,  
sed in nobis. Nam sine Fide amittit Deus in nobis suam Gloriam, sapientiam, ju-  
sticiam, veritatem, misericordiam, &c. In summa, nihil majestatis & divinitatis  
relinquitur Deo, ubi fides non est. Neq; postulat Deus ab homine aliquid am-  
plius, quàm ut tribuat ei suam gloriam & divinitatem, hoc est, ut eum habeat,  
non pro idolo, sed pro Deo, qui respiciat, exaudiat, misereatur, juvet, &c. Hoc  
obtentio, habet suam divinitatem integram & illæsam, hoc est, quicquid cor fi-  
dele ei tribuere potest, habet. Ideoq; illam gloriam posse tribuere Deo, est sapi-  
entia sapientiarum, justicia justiciarum, religio religionum, & sacrificium sacri-  
ficiorum. Ex his intelligi potest, quanta justicia sit fides, & per Antithesin, quan-  
tum peccatum incredulitas.

Quicunq;



Quicumq; igitur credit verbo Dei, ut Abraham, justus est coram Deo, *Iustus coram Deo.* Quia fidem habet, quæ tribuit Deo gloriam, hoc est, reddit Deo, quod ei debetur (quo modo & jura definiunt justum) Nam fides ita dicit, Ego Credo tibi Deo loquenti. *Quid Domine loquimur.* Quid loquitur Deus? Impossibilia, mendacia, stulta, infirma, absurda, abominanda, hæretica & diabolica, si rationem consulas. Quid enim magis ridiculum, stultum & impossibile, quam cum Deus ait ad Abraham, quod accepturus sit ex sterili & jam emortua carne Saræ filium.

Sic semper Deus, cum objicit articulos Fidei, simpliciter impossibilia & absurda, si judicium rationis sequi voles, objicit. Certè ridiculum & absurdum videtur rationi, in Coena nobis exhiberi corpus & sanguinem Christi, Baptismum esse lavacrum regenerationis ac renovationis Spiritus sancti, Mortuos resurgere in extremo die, Christum filium Dei concipi, gestari in alvo virginis, nasci, pati mortem indignissimam crucis, resuscitari, sedere nunc ad dextram Patris, & habere potestatem in coelo & terra. Hinc Paulus Evangelium de Christo crucifixo vocat verbum Crucis & stulticiam prædicationis, quam Iudæi scandalosam, Gentes stultam doctrinam judicent, &c. Itaq; ratio non intelligit, audire verbum Dei & credere summum cultum esse, sed ea quæ ipsa eligit & facit, bona, ut vocant, intentione & propria devotione, sentit Deo placere. Ideo cum Deus loquitur, judicat Verbum ejus esse hæresin & Diaboli verbum, Apparet enim ei esse absurdum, &c. *Judicium rationis de articulis fidei.* *Evangelium verbum crucis.* *Summum cultum.*

Contrà Fides rationem mactat & occidit illam bestiam, quam totus mundus & omnes creaturæ occidere non possunt. Sic Abraham eam occidit Fide in verbum Dei, quo promittebatur ei semen ex sterili & jam effœta Sara. Huic verbo non statim quidem assentiebatur ratio in Abraham, sed certè pugnabat in ipso contra Fidem judicans ridiculum, absurdum & impossibile, quod Sara, quæ jam non solum nonagenaria, sed etiam natura sterilis erat, paritura esset filium. Istam luctam profecto habuit fides cum ratione in Abraham, Sed fides in eo vicit, mactavit & sacrificavit rationem, acerrimum & pestilentissimum hostem Dei. Sic omnes pij, ingredienti cum Abraham tenebras Fidei, mortificant rationem, dicentes, Tu ratio stulta es, non sapis quæ Dei sunt, itaq; ne obstrepas mihi, sed tace, non judica, sed audi verbum Dei, & crede. Ita pij fide mactant bestiam majorem mundo, atq; per hoc Deo gratissimum sacrificium & cultum exhibent. *Fides mactat rationem.* *Nulla fidei cum ratione in Abraham.*

Et ad hoc piorum sacrificium & cultum, omnes omnium gentium Religiones, omnia omnium monachorum & justiciariorum opera collata, prorsus nihil sunt. Per hoc enim sacrificium primum mactant, ut dixi, rationem, hostem Dei omnium maximum & invictissimum. Quia ratio contemnit Deum, negat ejus Sapientiam, justiciam, virtutem, veritatem, misericordiam, majestatem & divinitatem. Deinde per idem sacrificium tribuunt Deo gloriam, hoc est, credunt eum esse justum, bonum, fidelem, veracem, &c. credunt eum omnia posse, omnia verba ejus esse sancta, vera, viva, efficacia, &c. Quod est Deo acceptissimum obsequium. Ideo nulla major, melior aut gratior religio cultusvè Deo exhiberi potest in mundo, quam Fides. *Sacrificium Christianorum.* *Ratio hostis Dei.* *Commemoratio fidei.*

Contrà, Operarii carentes Fide, multa quidem faciunt, jejunant, orant, sibiipsis crucem imponunt. Quia verò his rebus existimant se placare iram Dei, & gratiam mereri, non tribuunt Deo gloriam, hoc est, non judicant eum esse Misericordem, veracem, servantem promissa, &c. sed iratum judicem, placandum operibus. Atq; hoc modo contemnunt Deum, arguunt eum mendacij in omnibus suis promissis, negant Christum & omnia beneficia ejus, In summa, deturbant Deum è sede sua, & sese in locum ipsius collocant. Neglecto enim & contempto verbo Dei, & eligunt cultus & opera à Deo non præcepta. His Deum delectari somniant, & se pro illis mercedem recepturos ab eo sperant. Itaq; rationem, atrocissimum Dei hostem, non mactant, sed vivificant, auferuntq; Deo majestatem & divinitatem, & eam operibus suis tribuunt. Quare sola Fides tribuit Deo gloriam, *Infidelis non tribuit Deo gloriam.* *Ratio hostis Dei atrocissimus.*

riam, ut testatur Paulus Rom. 4. de Abraham, Abraham, inquit, Fide confortatus, dedit gloriam Deo, certissime sciens, quod quaecunq; promisit Deus, potens est & facere, Ideo reputatum est illi ad iusticiam. Rom. 4.

IUSTICIA CHRISTIANA CONSTAT FIDE CORDIS  
ET IMPUTATIONE DEI.

**H**Anc particulam, Et reputatum est illi ad iusticiam, ex Gen. 15. non frustra Gen. 15.  
addit. Iusticia enim Christiana duabus rebus constat, scilicet, Fide cordis, Fides.  
& imputatione Dei. Fides est quidem iusticia formalis, & tamen non est satis. Quia  
post fidem hærent adhuc reliquæ peccati in carne. Sacrificium illud Fidei cœpit  
in Abraham, sed in morte tandem consummatur. Ideoq; necesse est accedere al-  
teram partem iusticiæ, quæ eam perficit, scilicet imputationem divinam. Fides  
non dat Deo formaliter satis, quia est imperfecta, imò vix scintilla Fidei est in  
nobis, quæ incipit Deo tribuere divinitatem. Primitias Spiritus accepimus, non-  
dum decimas. Deinde ratio tota non occiditur in hac vita, quod hinc apparet, Reliquia pecca-  
ti in pñ.  
Quia in nobis reliqua est adhuc Concupiscentia, ira, impatientia & alij fructus  
carnis ac infidelitatis. Item perfectiores etiam Sancti, non habent plenum & per-  
petuum gaudium in Deo, sed variè affecti sunt, jam tristes, jam læti, Vt de Pro-  
phetis & Apostolis scriptura testatur, Sed talia errata non imputantur eis propter  
Fidem in Christum, alioqui nemo salvus fieret. Concludimus ergo ex his ver-  
Imputatio. bis, Et imputatum est illi ad iusticiam, Iusticiam quidem incipere per fidem, ac  
per eam nos habere primitias Spiritus, Sed quia Fides infirma est, eam non perfi-  
ci sine imputatione Dei. Quare Fides iusticiam incipit, imputatio perficit usq;  
ad diem Christi.

Disputant & Sophistæ de imputatione, cum de acceptatione operis lo-  
Sophistarum ca-  
citas de imputa-  
tione. quuntur, sed extra & contra Scripturam, quia eam trahunt tantum ad opera. Non  
considerant immundiciem & internas pestes cordis, incredulitatem, dubitatio-  
nem, contemptum & odium Dei, quæ capitales bestię, fontes & causæ sunt om-  
nium malorum. Sola externa & crassa illa vitia & injusticias, quæ rivuli sunt, pro-  
cedentes ex illis fontibus, considerant. Hinc tribuunt acceptationem operibus,  
quod videlicet Deus acceptet opera, non quidem ex debito, sed ex congruo.  
Contrà nos exclusis omnibus operibus, rem gerimus cum capitibus hujus bestię,  
Ratio humana  
fons omnium  
malorum. quæ vocatur Ratio, quæ est fons fontium omnium malorum. Quia ratio non ti-  
met, non diligit Deum, non confidit Deo, sed securè contemnit eum, neq; minis  
neq; promissionibus ejus movetur, non delectatur ipsius verbis & factis, sed con-  
tra Deum murmurat, irascitur ei, judicat & odit Deum, In summa, inimica est  
Dei, Rom. 8. non tribuens ei gloriam. Hac peste (Ratione) occisa, nihil essent ex- Rom. 8.  
terna & crassa peccata.

Quare primum omnium hoc agendum est, ut per fidem occidamus Incre-  
Rationem occi-  
dendam esse fide dulitatem, contemptum, odium Dei, murmurationem contra judicium, iram,  
omnia verba & facta Dei, Tum occidimus rationem. Neq; enim aliā re potest oc-  
cidi, quàm per Fidem, quæ credens Deo, tribuit illi gloriam, non obstante, quod  
loquatur, quæ rationi stulta, absurda & impossibilia videntur, neq; obstante quod  
se depingat Deus aliter, quàm ratio vel judicare vel capere possit, nempè sic, Non  
propter observationem Legis, opera, aut merita tua, sed propter Fidem in Iesum  
Christum filium unigenitum meum, natum, passum, crucifixum & mortuum pro  
peccatis tuis, acceptabo & pronuntiabo te justum, Et quod reliquum in te est  
peccati, non imputabo tibi. Nisi igitur ratio mactetur, & universæ religiones  
& cultus sub coelo ab hominibus excogitati ad parandam iusticiam coram Deo  
damnentur, iusticia Fidei non habet locum. Hoc audiens Ratio, statim offendi-  
tur, insanit, & ostendit inimiciciam suam adversus Deum, dicens, Ergo bona ope-  
ra nihil sunt? Ergo frustra laboravi & portavi pondus diei & æstum? Hinc ille tu-  
multus gentium, populorum, regum & principum, adversus Dominum & Chri- Psal. 137.  
stum

stum ejus. Mundus non vult neq; potest ferre, Sapientiam, justiciam, religiones & cultus suos argui & damnari, Papa cum suis non vult videri errasse, multò minus patitur se damnari, &c.

Discant igitur studiosi Sacrarum literarum ex hoc dicto, Credidit Abraham Deo, & imputatum est illi ad justiciam, Christianam justiciam propriè ac disertè sic definire, Quòd sit fiducia in filium Dei, seu fiducia cordis per Christum in Deum. Deinde addant hanc particulam tanquam differentiam, Quæ fiducia imputatur ad justiciam propter Christum. Nam (ut dixi) ista duo, perficiunt justiciam Christianam, scilicet Fides in corde, quæ est donum divinitus datum, & formaliter credit in Christum. Deinde, quòd Deus reputat istam imperfectam Fidem, ad justiciam perfectam propter Christum, in quem coepi credere. Propter hanc Fidem in Christum, non videt Deus dubitationem de voluntate ejus erga me, diffidentiam, tristitiam Spiritus, & alia peccata, quæ adhuc habeo. Donec enim vivo in carne, verè peccatum est in me. Quia verò sub umbra alarum Christi, velut pullus sub alis gallinæ, protegor, & securus ago sub latissimo coelo remissionis peccatorum, quod supra me obductum est, tegit & condonat Deus reliquum peccati in me, hoc est, propter Fidem, qua coepi apprehendere Christum, reputat justiciam imperfectam pro justicia perfecta, & peccatum pro non peccato, quod tamen verè peccatum est.

*Definitio Christiana fidei.*

Sic vivimus sub velamine carnis Christi, qui est columna nostra nubis per diem, & ignis per noctem, ne Deus videat peccatum nostrum. Et quanquam nos illud videamus, & propter illud terrores conscientia sentiamus, tamen recurrentes ad Christum mediatorem & propiciatorem nostrum, per quem consummati sumus, servamur. In eo enim, ut sunt omnia, ita per eundem habemus omnia, qui & omnia in nobis supplet. Hoc nobis credentibus, connivet Deus ad reliquias Peccati, in carne nostra adhuc hærentes, & vult esse tectas, quasi nullæ essent. Quia, inquit, credis in filium meum, etiamsi habes peccata, tamen debent esse remissa, donec ab ipsis penitus absolvaris per mortem.

Locum hunc de justicia Christiana, quem Sophistæ non intelligunt, nec intelligere possunt, Christiani summa diligentia discant intelligere. Non autem cogitent se semel hunc posse perdiscere. Quare operam dent, ut Paulum sæpè & summa diligentia legant, relegant, & prima cum postremis, imò Paulum totum cum seipso conferant, tum invenient rem sic se habere, quod istis duobus constet justiciā Christiana, Fide, quæ gloriam tribuit Deo, & imputatione Dei. Fides enim, ut dixi, infirma est, ideo oportet imputationem Dei accedere, quòd Deus nolit reliquum peccati imputare, nolit illud punire, aut propter illud nos damnare, sed tegere & ignoscere, tanquam nihil esset. Non propter nos, nostram dignitatem vel opera, sed propter ipsum Christum, in quem credimus.

*Adhortatio ad hanc doctrinam cognoscendam.*

*Christiana justitia duabus constat.*

Sic homo Christianus, simul justus & peccator, amicus & hostis Dei est. Hæc contraria nulli Sophistæ admittunt, Quia veram rationem justificandi non tenent. Hinc est quòd coegerunt homines tam diu benè operari, donec nullum planè peccatum sentirent. Et hac re dederunt multis occasionem, qui cum conarentur totis viribus hoc efficere, ut toti essent justi formaliter, nec tamen possent consequi, ut verterentur in insaniam. Et innumerabiles ex illis ipsis etiam, qui hujus impij dogmatis autores fuerunt, in articulo mortis adacti sunt in desperationem. Id quod & mihi accidisset, nisi Christus clementer me respexisset, & ex isto errore liberasset.

*Christianus simul justus est & peccator.*

*Sophistarum doctrina.*

Nos contrà hoc modo docemus, & consolamur afflictum peccatorem, Impossibile est frater, te sic fieri justum in hac vita, ut nullum planè peccatum sentias, utq; corpus tuum sit lucidum sine maculis velut sol, Sed habes adhuc rugas & maculas, & tamen sanctus es. At ais, Qui possum esse sanctus, cum habeam & sentiam peccatum? Quòd sentis & agnoscis peccatum, bonum est, gratias age Deo, ne despera. Est gradus ad sanitatem, cum ægrotus agnoscit & fatetur morbum

*Quomodo consolandi sint sentientes peccata.*



humiliatum. Sed quomodo liberabor à peccato? Accurre ad Christum medicum, qui sanat contritos corde, & salvat peccatores. Ne sequaris iudicium rationis, quæ dictat eum irasci peccatoribus. Sed mactata ratione crede in eum. Si credis, es iustus, quia tribuis ei gloriam, quod sit Omnipotens, misericors, verax, &c. iustificas & laudas Deum, Summa, tribuis ei divinitatem & omnia. Quod reliquum in te peccati est, non imputatur, sed condonatur tibi propter Christum in quem credis, qui est perfectè iustus formaliter, cuius iusticia est tua, peccatum tuum est suum.

*Christiani sacerdotes.*

*Juge sacrificium novi Testamenti. Christiana iusticia.*

*Quid Sophistæ dicunt iusticiam.*

Ex his videmus unumquemque Christianum esse verum sacerdotem. Quia primum offert & mactat suam rationem & sensum carnis. Deinde tribuit Deo gloriam, quod sit iustus, verax, patiens, miserator & misericors. Hocq; est iuge illud sacrificium vespertinum & matutinum in novo testamento. Vespertinum, mortificare rationem, Matutinum, glorificare Deum. Sic Christianus quotidie & perpetuò versatur in illo duplici sacrificio & usu ejus. Et nemo satis prædicare potest precium & dignitatem sacrificij Christiani. Est itaq; ut diximus, Christiana iusticia imputatio divina, pro iusticia vel ad iusticiam, propter Fidem in Christum, vel propter Christum. Hanc miram & incognitam rationi definitionem, cum audiunt Sophistæ, rident, quia imaginantur iusticiam esse qualitatem, primò infusam, deinde in membra diffusam. Non possunt exuere cogitationes rationis, quæ dictat iudicium rectum & voluntatem rectam esse iusticiam. Ideo donum illud inenarrabile excellit omnem rationem, quod Deus reputet & agnoscat, sine ullis operibus illum iustum, qui solum Fide apprehendit Filium suum, missum in mundum, natum, passum, crucifixum, &c. pro nobis.

*Iusticiam nostram in sola Gratia sitam. Gratia summa.*

*Fide in Christum reputari nos iustos.*

Res, quantum ad verba attinet, facilis est, scilicet iusticiam non esse formaliter in nobis, ut Aristoteles disputat, sed extra nos, in sola Gratia & reputatione divina. Et nihil formæ seu iusticiæ in nobis esse, præter illam imbecillem Fidem, seu primitias fidei, quod cepimus apprehendere Christum, interim tamen verè peccatum in nobis manere, Res tamen non est ludicra, sed seria & maxima. Quia Christus, qui nobis datur, & quem fide apprehendimus, non fecit aliquid exile pro nobis, neq; lusit, sed ut suprà dixit Paulus, Dilexit nos, & tradidit semetipsum pro nobis. Factus est pro nobis maledictum, &c. Non est autem speculatio inanis, tradi Christum pro peccatis meis, & fieri maledictum pro me, ut eripiar ex morte æterna. Itaq; apprehendere illum filium, & corde in illum credere (quod donum Dei est) facit, quod Deus reputet illam Fidem, licet imperfectam, pro iusticia perfecta. Et hinc in alio prorsus mundo extra rationem sumus, ubi non disputatur, quid nos facere debeamus, quo genere operum gratiam & remissionem peccatorum mereamur. Sed hinc sumus in divina Theologia, ubi audimus hoc Evangelium, quod Christus pro nobis mortuus sit, quodq; hoc credentes, reputemur iusti, manentibus nihilominus in nobis peccatis, & quidè grandibus.

*Iusticia fidei ex cap. 16. Iohann.*

*Peccatorem & iustum esse, quomodo non contradicunt verum.*

Sic & Christus in Iohanne definit iusticiam Fidei, Ipse Pater, inquit, amat vos. Quare amat? Non quia fuistis Pharisei, in iusticia Legis irreprensibiles, circumcisi, benè operantes, jejunantes, &c. Sed quia ego vos elegi de mundo, nihilq; fecistis, nisi quod me amastis & credidistis, quod à Patre exivi. Placuit vobis hoc objectum (ego) missum à Patre in mundum, Et quia hoc objectum apprehendistis, ideo amat vos Pater, & placetis ei. Et tamen alibi vocat eos malos, & jubet perire remissionem Peccatorum. Ista ex diametro pugnant, Christianum esse iustum & amari à Deo, & tamen simul esse peccatorem. Deus enim non potest negare suam naturam, hoc est, non potest non odisse peccatum & peccatores, hocq; necessario facit, Nam alioqui iniustus esset & amaret peccatum. Quomodo igitur simul vera sunt ista duo contradictoria, Habeo peccatum, & sum dignissimus ira & odio divino, & Pater amat me? Hic nihil omninò intercedit, nisi solus mediator Christus. Pater, inquit, non ideo amat vos, quia digni estis amore, sed quia amastis me, & credidistis, quod ab eo exivi. Sic Christianus manet in pura humilitate,

humilitate sentiens re vera Peccatum, & propter hoc agnoscens se dignum ira, iudicio Dei & morte æterna, ut humilietur in hac vita. Manet tamen simul & impura & sancta superbia, qua sese vertit ad Christum, & per eum sese erigit contra hunc sensum iræ & iudicii divini, & credit, non solum non imputari sibi reliquias peccati, sed etiam se amari à Patre, non propter se, sed amatum Christum.

Ex his nunc constat, quo modo Fides sine operibus iustificet, & quo modo tamen necessaria sit imputatio iusticiæ. Peccata in nobis manent, quæ Deus maxime odit, Ideo propter illa oportet nos habere imputationem iusticiæ, quæ nobis contingit propter Christum, qui nobis datus, & à nobis Fide apprehensus est. Imputatio iusticiæ Interim ergo donec vivimus, portamur & fovemur in gremio misericordiæ & tolerantiae divinæ, donec aboleatur corpus peccati, & resuscitemur novi in die illa. Tunc erunt coeli novi & terra nova, in quibus iusticia habitabit. Sub hoc interim cælo peccatum & impij habitant, & pij peccatum habent, Hinc est quod Paulus Rom. 7. conqueritur de peccato, quod in sanctis reliquum est. Et tamen cap. 8. dicit, Nihil damnationis iis esse, qui sunt in Christo Iesu. Quis conciliat illa summè pugnancia? Quòd peccatum in nobis non sit peccans, quòd damnabilis non sit damnandus, quòd rejectus non sit rejiciendus, quòd dignus ira & morte æterna non sit daturus poenas? Vnicus mediator Dei & hominum Iesus Christus, ut Paulus ait, Nihil damnationis est his, qui sunt in Christo Iesu. Pugnancia de Christi conciliatore

*Cognoscitis ergo, quòd qui ex fide sunt, hi sunt filij Abrahamæ.*

IST A est generalis sententia & præcipua disputatio apud Paulum contra Iudæos, quod credentes sint filij Abrahamæ, non nati ex ejus carne & sanguine. Hanc Disputatio Pauli contra Iudæos, de filiis Abrahamæ. disputationem valde urget hic, & ad Roman. 4. & 9. Hæc enim erat Iudæorum summa fiducia & gloriatio, Nos semen & filij sumus Abrahamæ, Is circumcisis fuit & servavit legem, Igitur si volumus esse germani filij Abrahamæ, oportet nos imitari patrem, &c. Fuit sanè insignis gloria & magna dignitas, esse semen Abrahamæ, Nemo enim negare potest, quod Deus locutus sit semini Abrahamæ, & de semine Abrahamæ. Sed hæc prærogativa nihil profuit infidelibus Iudæis. Vnde & Paulus contra istud argumentum hic maxime luctatur, & detrahit Iudæis hanc summam fiduciam, Id quod ipse inprimis, ut electum organum Christi, facere potuit. Nam si nobis disputandum esset ab initio cum Iudæis sine Paulo, parum fortè contra eos efficeremus. Gloriatio Iudæorum.

Sic ergo pugnat contra fiduciam illam Iudæorum superbè gloriantium, Nos sumus semen Abrahamæ. Benè Abraham est circumcisis & servavit Legem, nos idem facimus. Concedo, Quid tum? Num ideo vultis esse iusti & salvi? Minimè. Quin accedamus ad ipsum patriarcham Abraham, & videamus qua ratione iustificatus & salvatus sit. Non certè propter egregias virtutes & sancta opera sua, Non quia deseruit Patriam, cognationem & domum patris sui, Non quia circumcisionem accepit & Legem servavit, Non quòd jubente Deo immolaturus erat filium Isaac, in quo habebat promissionem posteritatis, Sed quia credidit Deo. Ergo nulla prorsus alia re iustificatus est, nisi Fide. Itaq; si vos Lege justificari vultis, multò magis oportuit Abraham patrem vestrum lege justificari. Sed non potuit neq; justificari, neq; accipere remissionem peccatorum & Spiritum sanctum, nisi fide. Cum hoc verum sit testimonio Scripturæ, quid pugnatis pro lege & circumcisione, Et contenditis per ea contingere vobis iusticiam & salutem, Cum ipse Abraham pater, fons & caput vestrum, de quo gloriamini, sine illis, sola Fide iustificatus ac salvatus sit? Quid potest afferri contra hoc argumentum? Qua ratione Abraham iustificatus sit.

Concludit ergo Paulus hac sententia, Qui ex fide sunt, hi filij Abrahamæ sunt, Generationem sanguinis vel semen carnale, non facere filios Abrahamæ coram Deo, q. d. De isto Abraham, qui est servus Dei, quem Deus elegit, & Fide iustificatus est, non habetur ullus filius coram Deo, ex generatione carnali, Sed oportet ei dari filios coram Deo tales, qualis ipse fuit pater. Ipse verò est pater Fidei, Generationem sanguinis non facere filios Abrahamæ.

*Abraham credens & generans.*

ccepitq; justificari & gratus esse Deo, Non quia generare potuit, Non quia habuit circumcissionem & Legem, Sed quia Deo credidit. Ergo qui vult esse filius credentis Abraham, oportet ut & ipse credat, alioqui non est filius electi, accepti & justificati Abraham, Sed tantum generantis, qui nihil aliud est, quàm homo in peccatis conceptus, natus & constitutus, sine remissione peccatorum, sine fide, sine Spiritu sancto, ut alius homo, Ergo damnatus. Tales sunt & filij carnaliter ex eo nati, nihil referentes ex patre, nisi Carnem & sanguinem, peccatum & mortem. Ergo & ipsi sunt damnati. Igitur ista gloriatio, Nos semen Abraham sumus, inanis & inutilis est.

*Carnales filij Abraham quales.*

Hoc argumentum illustrat Paulus, Rom. 9. duobus exemplis Scripturæ. Rom. 9.

*1. Exemplum Ismael & Isaac.*

Primum est de Ismaele & Isaac, quorum uterq; erat semen & naturalis filius Abraham, & tamen Ismael (qui æquè natus erat ex Abraham ut Isaac, imo fuisset primogenitus, sic carnalis generatio aliquam prærogativam haberet, & faceret filios Abraham) excluditur, & Scriptura dicit, In Isaac vocabitur tibi semen. Secundum, de Esau & Jacob, qui cum adhuc in utero materno essent, nihilq; boni aut mali fecissent, dictum est, Major serviet minori, Jacob dilexi, Esau odio habui. Ergo manifestum est, quòd qui ex fide sunt, hi sint filij Abraham.

*2. De Esau & Jacob.*

*Fidei vocabulum in Ebraeo veritatem significare.*

Sed objiciat aliquis, ut Iudæi, & hodie quidam scioli, Fidei vocabulum in Ebraeo significare veritatem, Ergo male urgeri à nobis. Deinde locum ex cap. 15. Gen. loqui de re corporali, scilicet de promissione posteritatis. Ideo malè eum detorqueri à Paulo ad fidem in Christum, Sed simpliciter intelligendum esse de Fide Abraham, qua credebatur se juxta promissionem Dei habiturum semen. Atq; hinc ostendere volunt allegationes & probationes Pauli nihil concludere. Simili modo cavillari etiam possunt locum, quem Paulus infra ex Habacuc citat, qui loquitur de Fide totius visionis implendæ, non de fide tantum in Christum, de qua Paulus eum allegat. Similiter quoq; totum 11. cap. ad Ebræ. de fide & exemplis fidei. Tales vanè gloriosi spiritus, in his rebus laudem & persuasionem sapientiæ ac doctrinæ venantur, ubi maximè non deberent. Sed breviter respondeamus propter simplices ad eorum cavillationes. Ebræ. 11.

*Fides. Fides recte sentitur de Deo.*

Ad primam sic respondeo. Fidem nihil aliud esse, quàm veritatem cordis, hoc est, rectam cogitationem cordis de Deo. Rectè autem de Deo cogitat & sentit sola Fides, non ratio. Tum autem homo rectè de Deo cogitat, quando credit ipsius verbo. Cum autem extra verbum, Deum ex ratione sua metiri, & ei credere vult, Non habet veritatem de Deo, ideo neq; rectè de eo cogitare neq; judicare potest, Vt monachus cum imaginatur suum cucullum, rasuram & vota placere Deo, illaq; acceptare eum, & pro his donare sibi Gratiā & vitam æternam, non habet veram, sed mendacem & impiam cogitationem de Deo. Igitur veritas est ipsa fides, quæ rectè de Deo judicat, scilicet, quòd Deus nostra opera & justitias non respiciat, cum simus immundi, Sed quòd velit nostri misereri, nos respicere, acceptare, justificare & salvare, si credamus in Filium, quem misit, ut esset propitiatio pro Peccatis totius mundi. Illa vera est cogitatio de Deo, & planè nihil aliud quàm ipsa fides. Mea ratione non possum apprehendere, neq; certo statuere, me in gratiam recipi propter Christum, sed audio hoc annunciari per Evangelium, & fide apprehendo.

*Veritas & fides idem significant.*

*Paulum recte citare locum ex cap. 15. ad summum negotium. Omnes promissiones referendæ ad illam primam Gen. 3.*

Ad alteram cavillationem respondeo. Paulum rectè citare locum ex cap. 15. Gen. de fide in Christum. Nam in omni fide debet inesse fiducia misericordiæ erga Deum. Illa autem complectitur Fidem Remissionis peccatorum propter Christum. Nam impossibile est conscientiam expectare aliquid à Deo, nisi primum statuat sibi Deum propitium esse propter Christum. Ideo omnes promissiones referendæ sunt ad primam illam de Christo, Gen. 3. Semen mulieris conteret, &c. Ita etiam Prophetæ intellexerunt & exposuerunt. Hinc fides Patrum in veteri Testamento, & nostra jam in novo eadem est, licet alia atq; alia externa objecta accedant. Id quod, Petr. Act. 15. testatur, cum ait, Neq; nos, neq; Patres

Act. 15.



Patres nostri, &c. Sed per gratiam Domini nostri Iesu Christi credimus salvari, quemadmodum & ipsi. Et Paulus 1. Corinth. 10. Patres nostri omnes biberunt de spiritali, consequente eos petra, Petra autem erat Christus. Et Christus ipse Iohan. 8. de Abraham, cum ait, Abraham exultavit ut videret diem meum, vidit & gavisus est. Hærebat tamen fides Patrum in Christo venturo, ut nostra hæret jam in exhibito. Abraham suo tempore justificatus est Fide futuri Christi. Si hodie viveret, justificaretur Fide jam exhibiti & præsentis. Sicut supra dixi de Cornelio, qui credebatur primum in venturum Christum, Admonitus verò à Petro, credebatur eum jam venisse, &c. Itaq; diversa tempora non mutant fidem, Spiritum sanctum, dona. Eadem enim semper voluntas & cogitatio fuit, est, & erit de Christo, in præteritis Patribus, præsentibus & futuris filiis. Sic & nos æquè habemus futurum Christum, & credimus in eum, ac Patres veteris testamenti. Expectamus enim eum in extremo die venturum cum gloria, ad iudicandum vivos & mortuos, quem jam credimus venisse ad salutem nostram. Ideò neminem offendit ista allegatio Pauli, nisi insulsos cavillatores illos.

*Fides Patrum  
& nostra eadē.*

Nobis tamen nullo modo licet ad futurum Christum redire, nisi quatenus in extremo die expectamus eum redemptorem, qui nos liberaturus sit ab omnibus malis. Nam hoc facientes, crederemus Christum nondum revelatum, sed adhuc revelandum esse. Atq; ita negaremus Christum & omnia ejus beneficia, negaremus Spiritum sanctum, & mendacem faceremus Deum, & ipso facto testareremur, eum nondum præstitisse quod pollicitus est, ut Iudæi faciunt.

Rectè ergo, ut dixi, Paulus locum ex Gen. qui de fide Abraham loquitur, de fide Christi citat. Quia omnes præteritæ promissiones inclusæ fuerunt in Christum venturum. Ideo utriq; cum Abraham & alij Patres, tum nos Fide in Christum justificamur, Illi fide in futurum, nos in præsentem. Disputamus enim nunc de natura & ratione justificationis, quæ utrobq; eadem est, sive Christus venerit, sive venturus sit. Satis ergo est Paulum ostendere, quòd Lex non justificet, sed sola Fides, sive illa sit in venturum sive in præsentem Christum. Est & hodie Christus aliis præsens, aliis futurus. Credentibus præsens est, seu venit, Incredulis nondum venit, neq; eis prodest. Hi si audiunt Evangelium & credunt, sit ipsis præsens, justificat & salvat eos.

*Paulum rectè  
citare locum ex  
Gen. 15. de fide  
in Christum.*

*Christus aliis  
venit, aliis non.*

*Cognoscitis ergo, quòd qui ex fide sunt, hi sunt filij Abraham.*

QV ASI d. Exclusis omnibus, ratione, Lege, operibus, generatione Patrum, cognoscitis ex hoc exemplo Abraham, & claro Scripturæ testimonio, eos esse filios Abraham, qui ex Fide sunt, sive sint Iudæi, sive Gentes. Non enim per Legem, sed per iusticiam Fidei facta est promissio Abraham, ut esset hæres mundi, hoc est, ut in semine ipsius benedicerentur cunctæ cognationes terræ, utq; appelleretur pater Gentium. Et ne hanc vocem, Gentium, Iudæi falso interpretarentur de se solis, Scriptura hoc cavit, non simpliciter dicens, patrem Gentium, sed multarum Gentium constitui te. Ergo Abraham non solum est pater Iudæorum, sed & Gentium.

*Qui sint filij  
Abraham.*

*Abraham pater  
Iudæorum  
& Gentium.*

Ex his manifestum est, Abraham filios non esse carnis filios, cum non sit pater Gentium secundum carnem, Sed filios Fidei, ut Paulus Roman. 4. declarat, Patrem multarum Gentium constitui te coram Deo, cui credidisti. Itaq; Paulus facit duos Abraham, generantem & credentem. Abraham habet filios, & est pater multarum Gentium. Vbi? Coram Deo, ubi credit, Non coram mundo, ubi generat. Ibi enim est filius Adæ, peccator, vel si multum, Operator iusticiæ legis, vivens secundum rationem, id est, humano more, sed hoc nihil ad credentem. Involvit igitur hoc exemplum Abraham simul ipsam Scripturam sanctam, quæ dicit, nos Fide reputari iustos. Ideò hoc argumentum duplici nomine firmissimum est, cum propter Exemplum Abraham, tum etiam propter auctoritatem Scripturæ.

*Abraham filios,  
non esse carnales,  
sed fidei.*

*Abraham generans  
& credens.*

*Prævidit*

*Prævidit autem Scriptura, quod ex fide justificet Gentes Deus.*

*Gloriatio Iude-  
orum.*

ISTA ad superius argumentum pertinent, q. d. Vos Iudæi immodicè glori-  
amini de Lege, & supra modum miris laudibus vehitis Mosen, quod Deus ei lo-  
cutus sit in rubo, &c. Ut certè Iudæi magno supercilio contra nos jactant, & quod  
non semel audivi, dicunt, Vos Christiani habetis Apostolos, Papam, Episcopos,  
&c. Nos Iudæi Patriarchas, Prophetas, imò ipsum Deum habemus, qui nobis  
locutus est in rubo, in Sinai, ubi Legem nobis dedit, in templo, &c. Hanc glori-  
am & tam præclarum testimonium proferte pro vobis contra nos, &c. Ad hoc  
respondet Paulus Gentium Apostolus, Ista vestra jactantia & gloriatio nihil va-  
let, Quia scriptura eam prævenit, & prævidit longo tempore ante legem, Quod  
Gentes non sint justificandæ Lege, sed Benedictione seminis Abraham, quæ ei pro-  
missa est quadringentis & triginta annis (ut infra dicit Paulus) antequam lex da-  
retur, Et eam benedictionis promissionem Abraham factam, Lex lata tot annis  
post, non potuit infirmare & antiquare, sed mansit firma & manebit perpetuò.  
Quid ad hoc dicere possunt Iudæi?

*Argumentum  
ex certo tem-  
pore.*

Hoc argumentum ex certo tempore sumptum, firmissimum est. Pro-  
missio benedictionis est data Abraham quadringentis & triginta annis, antequam  
populus Israel Legem accepit. Nam dictum est Abraham, Qui credidisti Deo &  
dedisti ei gloriam, ideo eris pater multarum gentium. Ibi Abraham promissione  
Dei constituitur pater multarum Gentium, & donatur ei hæreditas mundi in fi-  
lios, antequam lex fuit. Quid ergo jactatis, ô Galatæ, vos remissionem pec-  
catorum consequi, filios fieri, & hæreditatem accipere per Legem, quæ longo  
intervallo secuta est Promissionem, nempe quadringentis & triginta annis?

*Error Pseudo-  
apostolorum.*

In Baptismo est promissio salutis, Qui crediderit, &c. Hic si aliquis (ut  
hodie fanatici Spiritus) negaret infanti cum primum baptisatur, donari justici-  
am & salutem, elusa ad hunc modum Promissione, Quod ea tum valeret, cum  
homo ad usum rationis pervenisset, & jam bene operari posset, & bene operando  
hoc consequi, quod in promissione proponitur, Item, Baptismum non esse si-  
gnum voluntatis Dei erga nos, sed tantum notam, quæ discernit fideles ab infi-  
delibus, &c. Is planè detraheret Baptismo salutem, & eam tribueret operibus.  
Sic per omnia Pseudoapostoli & discipuli ipsorum faciebant. Legem & ejus glo-  
riam immodicè prædicabant, Promissionem autem Abraham factam quadringen-  
tis triginta annis ante Legem præteribant & contemnebant, Non volentes co-  
gnoscere, Abraham, de quo tamen, ut de patre totius gentis gloriabantur, ad-  
huc incircumcisum, & tot seculis ante legem viventem, nulla alia re, quàm sola  
fide, justificatum esse, ut scriptura Genes. 15. cap. clarissimè testatur, Credidit  
Abraham Deo, &c. Postea jam eo propter Fidem reputato justo, mentionem  
facit circumcisionis cap. 17. cum ait. Hoc est pactum meum, quod observabitis  
inter me & vos, &c. Hoc ergo argumento Paulus convincit Pseudoapostolos for-  
tissimè, & ostendit clarissimè, Abraham justificatum esse Fide sine & ante cir-  
cumcisionem, & quadringentis & triginta annis ante Legem. Hoc idem ar-  
gumentum tractat ad Roman. 4. scilicet justiciam reputatam esse Abraham ante  
circumcisionem, cumque adhuc præputiatum, fuisse justum, ergo multò magis  
ante legem.

*Abraham ju-  
stificatus est an-  
te circumcisi-  
onem, & 430.  
annis ante legem.*

Scriptura ergo, inquit Paulus, bene prævidit & præoccupavit istas vestras  
glorias, & jactantias justiciæ Legis & operum. Quando? Ante circumcisionem  
& legem. Quia quadringentis & triginta annis lex lata est post promissionem, ubi  
Abraham non solum sine & ante legem justificatus, sed etiam mortuus & sepultus  
fuit. Et justitia ejus sine lege, non solum usq; ad legem floruit, sed etiam usq; ad  
finem mundi florebit. Si igitur pater totius gentis Iudaicæ, sine Lege & ante Le-  
gem justificatus est, multo magis filij eadem ratione, qua pater, justificantur. Er-  
go ex Fide, non Lege, est justitia.

*Prænuñciavit*

*Pronunciavit Abraham, Benedicentur in te omnes Gentes.*

ISTAS præclaras & magnificas sententias, Credidit Abraham, &c. Con- Iudeos depravare sententias scripturæ.  
stitui te patrem, &c. & similes, quæ Fidem maximè commendant, & promissiones  
spiritualium rerum continent, Iudæi non solum obiter percurrunt, sed etiam ca-  
villantur & depravant suis stultis & impiis glossis. Sunt enim excæcati & indu-  
rati, ideo non vident in his locis agi de fide erga Deum & de iusticia coram Deo.  
Eadem perversitate eludunt & hunc insignem de Benedictione spirituali locum,  
om. 13. Benedicentur in te omnes Gentes. Quia dicunt benedicere idem esse, quod  
laudare, benè precari & gloriosum esse coram mundo, &c. Hoc modo benedi-  
ctum pronunciant Iudæum, qui de semine Abraham natus est, benedictum profe-  
lytum, qui colit Deum Iudæorum, & se eis adjungit. Putant ergo Benedictionem Iudæi quid vocant benedictionem.  
nihil aliud esse, quàm laudem & gloriam in hoc mundo, quòd aliquis possit glo-  
riari, se de stirpe & familia Abraham ortum esse. Sed hoc est depravare, non enar-  
rare sententias scripturæ. Paulus definit & constituit nobis in conspectum per ista  
verba, Credidit Abraham Deo, credentem, iustum, habentem promissionem &  
spiritualem Abraham, qui non sit in errore & veteri carne, qui non sit natus ex  
Adam, sed ex Spiritu sancto. Et de hoc Abraham renovato per fidem & renato  
per Spiritum sanctum loquitur Scriptura, & annunciat eum fore patrem multa-  
rum gentium. Item, dandas ei in hæreditatem omnes gentes, cum dicit, Benedi-  
centur in te omnes gentes.

Hoc vehementer urget Paulus ex Scriptura, quæ ait Gen. 15. Credidit, &c. Norm. Abra- ham.  
om. 15. Scriptura igitur Abraham non tribuit iusticiam, nisi credenti, & loquitur de tali A-  
braham, qualis est coram Deo. Itaq; talibus sententiis scripturæ depingitur no-  
vus Abraham, separatus à conjugio, lecto & generatione carnali, & constituitur  
qualis est coram Deo, scilicet credens, qui per Fidem iustificatur, cuiq; credenti  
promittit Deus, Eris pater multarum gentium, &c. Item, Benedicentur in te om-  
om. 12. nes gentes. Hoc vocat Paulus scripturam prævenire & conculcare omnes glorias  
& iactantias Iudæorum de Lege. Quia hæreditas gentium data est Abraham, non  
per Legem & circumcisionem, sed longè ante illa, per solam Fidei iusticiam.

Ideo gloriatio Iudæorum inanis est, quòd inde benedicti volunt dici, quòd Gloria est, semen Abraham esse.  
om. 9. semen & filij Abraham sunt. Est quidem insignis prærogativa & gloria coram  
mundo, semen Abraham esse, Rom. 9. sed non item coram Deo. Quare Iudæi hunc  
locum de Benedictione impiè depravant, cum de carnali benedictione tantum  
exponunt, & vim faciunt scripturæ, quæ manifestissimè loquitur de Benedictio-  
ne spirituali coram Deo, neq; aliter intelligi potest & debet. Est igitur hæc sen-  
tentia, Benedicentur in te. In quo te? In te Abraham credente, Vel, in fide tua,  
Vel, in illo Christo (semine tuo) futuro, in quem credis, Benedicentur, inquam,  
omnes gentes, hoc est, Omnes gentes erunt filij tui benedicti, quemadmodum tu  
benedictus es, Sicut scriptum est, Sic erit semen tuum.

Ex hoc sequitur, Benedictionem & fidem Abraham eandem esse, quæ nostra Abraham fides & nostra eadem.  
est, Christum Abraham eundem esse, qui noster est, Christum æquè pro peccatis  
Abraham mortuum esse, ac pro nostris, Iohan. 8. Abraham vidit diem meum, &  
om. 2. gavissus est. Omnia ergo sunt eadem. Ideo nequaquam concedendum est Iudæis,  
ut extenuent & depravent vocabulum Benedictionis. Ipsi per velum scripturam  
inspiciunt, Ideo non considerant, quid aut de qua re in promissionibus, factis Pa-  
tribus, agatur, id quod nobis maximè observandum est, Tuncq; videbimus Deum  
cum Patriarcha Abraham loqui non de Lege, aut de agendis, sed de credendis, Diligenter ob- servandum quid proponatur nobis in promissionibus.  
hoc est, Deum loqui cum eo de promissionibus, quæ Fide apprehenduntur. Quid  
facit Abraham? Credit illis promissionibus. Quid facit Deus Abraham credenti?  
Fidem imputat illi ad iusticiam, & addit insuper plures promissiones, Ego sum  
protektor tuus, Benedicentur in te, &c. Eris pater multarum gentium. Sic erit se-  
men tuum. Hæc argumenta sunt invicta, quæ nemo potest cavillari, si diligenter  
& serio Scripturæ loci considerentur.

Igitur



*Igitur qui ex fide sunt, benedicentur cum fideli Abraham.*

*Abraham o-  
perans & cre-  
dens.*

EMPHASIS & tota vis est in particula, Cum fideli Abraham. Manifestè enim distinguit Abraham ab Abraham, ex una & eadem persona faciens duas, q. d. Alius est Abraham operans, alius credens. Cum operante nihil nobis est negotij. Nam si ex operibus justificatus est, habet gloriam, sed non apud Deum. Glorientur sanè Iudæi de generante illo Abraham, qui est operator, circumcissus, & servat Legem: Nos gloriamur de Abraham fideli, de quo scripturâ pronuntiat, quod per fidem suam reportarit Benedictionem justiciæ, non solum pro se, sed in omnes qui credunt, quemadmodum ipse. Sicq; mundus promittitur Abraham credenti, Ergo totus mundus benedicitur, hoc est, accipit imputationem justiciæ, si crediderit ut Abraham.

*Benedici omnes  
gentes.*

Quare benedictio nihil aliud est, quam promissio Evangelij. Et benedici omnes Gentes, est omnes gentes benedictionem audire, Vel benedictionem spiritualem, hoc est, divinam promissionem prædicari & dispergi per Evangelium in omnes gentes. Et ex hoc loco Prophetæ hauserunt multas prophetias intellectu spirituali, ut Psal. 2. Postula à me, & dabo tibi gentes, hæreditatem tuam, & possessionem tuam terminos terræ. Et Psal. 19. In omnem terram exivit sonus eorum, &c. Summa, omnes Prophetiæ de regno Christi, & de divulgando Evangelio in orbem terrarum, ex hoc loco, Benedicentur in te, &c. manarunt. Quare benedici gentes, est eis donari justiciam, & reputari eas justas, Non per legem, sed per auditum fidei. Quia Abraham nulla alia ratione justificatus est, quam audito verbo Promissionis, benedictionis & gratiæ. Sicut igitur imputatio justiciæ contigit Abraham per auditum fidei, Ita & omnibus gentibus contigit, & adhuc contingit. Ejusdem enim Dei sermo primum in Abraham, postea in omnes gentes prolatus est.

*Psal. 1.  
Psal. 19.*

*Sacerdotale of-  
ficium Ecclesia  
Christi.*

Ex his videmus, benedicere nihil aliud esse, quam ut dixi, prædicare & docere verbum Evangelij, confiteri Christum, & cognitionem ipsius propagare in omnes gentes. Et hoc sacerdotale officium est & jure sacrificium Ecclesiæ in novo Testamento, quæ benedictionem illam distribuit prædicando, administrando sacramenta, absolvendo, consolando, & tractando verbum Gratiæ, quod Abraham habuit, quodq; erat ejus benedictio, cui cum crederet, benedictionem accepit. Sic & nos eidem credentes, benedicimur. Ea autem benedictio est gloria non corâ mundo, sed Deo. Audimus enim peccata nobis esse remissa, nosq; acceptos Deo, Deum esse patrem nostrum, nos ejus filios, quibus non velit irasci, sed liberare à peccato, morte & omnibus malis, & donare justiciam, vitam & salutem æternam. De illa Benedictione, ut dixi, passim Prophetæ concionantur, qui non tam frigide inspexerunt promissiones Patribus factas, ut impij Iudæi, & hodie Sophistæ & homines fanatici, sed summa diligentia eas legerunt & expenderunt, & quæcunq; de Christo ac ejus regno vaticinati sunt, ex illis hauserunt. Sic prophetia Hos. 13. De morte redimam eos, Ero mors tua ô mors, &c. & similes aliorum Prophetarum, omnes manarunt ex promissionibus istis, in quibus Deus promisit Patribus contritionem capitis serpentis, & Benedictionem omnium Gentium.

*Gen. 13.*

*Benedictionem  
esse spiritualem  
non corporalem,  
ut Iudæi somni-  
ant.*

*Diligentia Pro-  
phetarum.*

*Benedictio fide  
accipitur.*

Porro si gentes sunt benedictæ, hoc est, si coram Deo reputantur justæ, tum sequitur eas liberâ à Peccato & morte, & participes esse justiciæ, salutis & vitæ æternæ, non propter opera, sed propter fidem in Christum. Ideo ut dixi, locus Gen. cap. 12. Benedicentur in te, &c. non loquitur de Benedictione oris, sed de tali benedictione, quæ pertinet ad reputandam justiciam, quæ valet coram Deo, & redimit à Maledictione peccati, & ab omnibus, quæ peccatum comitantur. Ea autem benedictio tantum per Fidem accipitur, quia textus manifeste dicit, Credidit Abraham, &c. Ideo est mera spiritualis Benedictio, & sola meretur dici benedictio, quæ etiam si à mundo, ut certe fit, maledicatur, tamen valet coram Deo. Locus igitur iste potens est, quod qui ex Fide sunt, percipiant hanc benedictionis promissionem, factam Abraham credenti. Atq; ita præoccupat Paulus argumentum

*Gen. 12.*

argumentum Iudæorum, quo jactant Abraham generantem, operantem & coram hominibus justum, non credentem.

Quemadmodum autem Iudæi gloriantur tantum de Abraham operante, ita, Papa solum proponit Christum operantem seu exemplum Christi. Qui, inquit, vult pie vivere, illum oportet ambulare, sicut Christus ambulavit, Iuxta illud *Iohan. 13.* ipsius dictum Iohan. 13. Exemplum dedi vobis, ut quemadmodum feci, ita & vos faciatis. Non negamus Christi exemplum esse piis imitandum, & bene operandum, sed per hoc non fiunt coram Deo justī. Neq; Paulus hic instituit disputationem, quid nos facere debeamus, sed qua ratione justificemur. Ibi solus Christus proponendus est, moriens pro peccatis, & resurgens pro justitia nostra, & fide apprehendendus est, ut Donum, non ut exemplum. Hoc ratio non intelligit, ideo ut Iudæi imitantur Abraham operantem, non credentem, Ita Papistæ & omnes justiciarij intuentur & apprehendunt Christum non justificantem, sed operantem, Eaq; re tantum longius recedunt à Christo, à justitia & salute. Vt autem Iudæos, qui salvati sunt, oportuit imitari Abraham credentem, Ita nos si à peccatis liberari & salvari volumus, Fide apprehendere oportet Christum justificantem & salvantem, quem & ipse Abraham apprehendit, ac per eum benedictus est.

*Papa proponit Christum ut exemplum, non ut donum.*

*In causa justificationis beneficium, non exemplum Christi considerandum est.*

Fuit quidem insignis gloria, quod Abraham jubente Deo circumcisionem accepit, quod excellentibus virtutibus erat præditus, quod in omnibus obediebat Deo, Vt magna laus & felicitas est, imitari exemplum Christi operantis, diligere proximum, benefacere male merentibus, orare pro inimicis, patienter ferre ingratitudinem eorum, qui bonum malo rependunt. Sed hoc nihil ad justiciam coram Deo. Abraham non profuerunt sua egregia beneficia, ut coram Deo justus pronuntiaretur, Ita nec imitatio exempli Christi nos coram Deo justos facit. Ad hoc enim ut justī simus coram Deo, longe majus precium requiritur, quam est aut justitia humana, aut legis. Hic Christum habere nos oportet, qui benedicat & salvet nos, ut Abraham eum habuit benedictorem & salvatorem. Quo modo? Non per opera, sed per Fidem. Ideo ut longe aliud est Abraham credens, quam operans, Ita longe aliud est Christus benedicens & redimens, quam operans, aut, ut ita dicam, exemplaris. Agit autem hic Paulus de Christo redimente, & Abraham credente, non de Christo exemplo & Abraham operante. Ideo significanter & magna emphasi addit, Qui ex fide sunt, benedicuntur cum fideli Abraham.

*Bonum est exemplum Christi imitari, sed per hoc non contingit justitia.*

Tantum separandus est igitur Abraham fidelis ab operante, quantum distat cælum à terra. Fidelis plane est divinus homo, filius Dei, hæres orbis terrarum, & victor mundi, peccati, mortis, diaboli, &c. Ideo satis laudari non potest. Illum fidelem Abraham non sinamus abstrusum in sepulchro, ut Iudæis est, sed summis laudibus extollamus & prædicemus eum, & nomine ipsius cælum & terram repleamus, ut præ hoc fideli Abraham nihil prorsus videamus de Abraham operante. Loquentes enim de Abraham fideli, sumus in cælo, Postea vero facientes ea, quæ Abraham operans fecit, quæ fuerunt humana & terrena, non divina & coelestia (nisi quatenus ei donata erant divinitus) conversamur inter homines in terra. Credens igitur Abraham implet cælum & terram. Sic unusquisq; Christianus implet cælum & terram fide sua, ut præter eam nihil videre debeat.

*Abraham fidelis discernendus ab operante*

Ex vocabulo, Benedicentur, colligit nunc Paulus aliud argumentum à contrario. Est enim Scriptura plena antithesibus, Et ingeniosi hominis est cerne-  
re Antitheses in scripturis, ac per eas interpretari ejus sententias. Vt hîc benedictionis vocabulum mox affert contrarium, scilicet maledictionem. Cum enim ait Scriptura, Omnes gentes benedici in Fide, vel fideli Abraham, necessario sequitur, omnes tam Iudæos quam gentes, extra fidem vel credentem Abraham maledictos esse. Siquidem Abraham data est promissio benedictionis omnium gentium, Ergo benedictio nusquam expectanda est, quam in promissione Abraham, jam invulgata per Evangelium in orbem terrarum, Igitur quicquid extra illam est, maledictum est, Hocq; Paulus clarissime docet, cum ait.

*Omnes gentes fide benedicuntur, Ergo omnes sine fide maledictæ sunt.*

*Quicumque enim ex operibus Legis sunt, sub maledicto sunt.*

*Lex subiecit omnes  
benedictioni omnes  
quotquot sine  
fide sunt.*

Hic vides Maledictionem diluvium quoddam esse, absorbens quicquid est extra Abraham, hoc est, extra fidem & promissionem benedictionis Abraham. Si autem lex ipsa per Moysen divino mandato tradita, eos maledictioni obnoxios facit, qui sub ea sunt, multo magis hoc facient leges seu traditiones humana ratione inventæ. Qui igitur volet evadere maledictionem, apprehendat promissionem benedictionis, seu Fidem Abraham, aut sub maledicto manebit. Ex hoc igitur loco, Benedicentur in te, &c. sequitur, omnes gentes ante, sub & post Abraham maledictas & in æternum maledictioni obnoxias manere, nisi in fide Abraham benedicantur, cui data est promissio benedictionis per semen suum in totum mundum invulganda.

*Iusticia fidei &  
politica.*

*Civiles leges &  
ordinationes res  
bonæ sunt.*

Ista valde prodest nosse, quia valent ad consolandas conscientias. Deinde ut discamus longissime separare iusticiam Fidei à iusticia carnis seu civili. Paulus enim hic versatur in loco theologico & spirituali coram Deo, non politico, ne aliquis ineptus cavilletur, eum maledicere ac damnare leges politicas, & eos qui magistratum gerunt. Laborat hic Hieronymus, nihil dicens, quod ad rem facit. Et Sophistæ hic magis muti quam pisces sunt. Ideo lectores admonendi sunt, hic non agi de civilibus legibus, moribus & rebus politicis, quæ ordinationes Dei sunt, & res bonæ, quas alibi Scriptura approbat & commendat, Sed de iusticia spirituali, qua coram Deo justificamur, & dicimur filij Dei in regno cœlorum. In summa nihil hic agitur de ista corporali vita, sed de æterna, ubi non est speranda Benedictio vel quærenda iusticia per legem, traditiones humanas, aut quicquid in hac vita nominari potest, præter promissionem benedictionis Abraham. Maneant leges & ordinationes civiles in suo ordine & loco, ferat sane œconomus & Magistratus leges optimas ac pulcherrimas, illæ tamen non liberant à maledictione coram Deo. Regnum Babylonis divinitus constitutum & traditum Regibus, habebat optimas leges, & omnibus gentibus mandatum erat, ut illis obedirent, Veruntamen illa obedientia legum non liberabat à maledictione Legis divinæ. Sic nos obedimus legibus imperialibus, sed per hoc non sumus iusti coram Deo, Versamur enim hic in alio loco.

*Iusticia fidei &  
politica facile  
commiscetur.*

*Benedictio per  
fidem, non per  
legem accipitur.*

Non frustra urgeo & inculco tam diligenter hanc distinctionem. Valde enim prodest eam tenere, quanquam pauci eam observent & teneant. Deinde facilis est commixtio iusticiæ cœlestis & politicæ. In Iusticia politica sunt spectandæ leges & opera, sed in spirituali, divina & cœlesti prorsus ex oculis removendæ sunt omnes leges & opera, & sola promissio & Benedictio Abraham inspicienda est, quæ proponit Christum benedictorem, largitorem Gratia & salvatorem. Ita ut spiritualis iusticia sine lege & operibus pure intueatur Gratiam & benedictionem per Christum exhibitam, ut erat Abraham promissa, & ab eo credita. Ex hoc facile apparet, hoc argumentum esse fortissimum. Nam si per solum Christum speranda & accipienda est Benedictio, Necessario sequitur à contrario, quod per legem non accipiatur. Quia benedictio tradita est ante & sine lege credenti Abraham. Ea autem fide, qua ipse credidit in futurum Christum, benedictorem, eadem nos credimus in præsentem, Sicq; fide justificamur, ut Abraham fide justificatus est. Ergo qui sub Lege sunt, non benedicuntur, sed manent obnoxij maledictioni.

*Adversarius  
calumniari non  
potest.*

Hoc Papa & Episcopi credere & ferre non possunt, nec volunt, nec nos tacere convenit. Oportet enim nos veritatem fateri & dicere, Papatum esse maledictum, Cæsaris leges & jura esse maledicta. Quia juxta Paulum, Quicquid est extra promissionem & fidem Abraham, maledictum est. Hoc audientes adversarij, statim invertunt & calumniantur verba nostra, quasi doceamus magistratum non afficiendum honore, sed concitemus seditionem contra Cæsarem, damnemus omnes leges, dissolvamus & dissipemus respublicas, &c. Sed insigni injuria nos afficiunt, distinguimus enim inter benedictionem corporalem & spiritua-

lem,



lem, & dicimus, Cæsarem benedictum, benedictione corporali. Quia habere Regnum, leges, ordinationes civiles, habere uxorem, liberos, domum, agros, benedictio est, Ista enim omnia sunt bonæ creaturæ divinitus datæ, Sed ista corporali benedictione, quæ temporalis est & finem habet, non liberamur ab æterna maledictione. Ideo non damnamus leges, neque seditiosi sumus contra Cæsarem, sed docemus ei parendum, eum timendum, venerandum & adorandum esse, sed civiliter. Vbi vero theologicè loquimur de Benedictione, ibi constanter dicimus cum Paulo, Omnia, quæ extra promissionem & fidem Abrahamæ sunt, maledicta esse, manereq; sub maledicto cœlesti & æterno. Ibi enim vita post hanc præsentem, & alia benedictio post corporalem expectanda est.

*Benedictio corporalis non liberat a peccatis, &c.*

In summa, Nos dicimus omnes res corporales esse bonas Dei creaturas. Ideo habere uxorem, liberos, facultates, habere leges, politicas ordinationes & ceremonias, sunt benedictiones divinæ, in suo loco, hoc est, sunt benedictiones temporales, pertinentes ad hanc vitam. Sed has confundunt & commiscent omnium ætatum justiciarii, Iudæi, Papistæ, sectarii, &c. Quia non distinguunt inter benedictiones corporales & spirituales. Ideo dicunt, Nos Legem habemus, ea est bona, sancta & iusta, ergo per eam justificamur. Quis negat Legem esse bonam, &c? Sed est etiam Lex maledictionis, peccati, iræ & mortis. Ideo distingue hic benedictionem corporalem à spirituali, & dic Deum habere duplicem benedictionem, Corporalem pro hac vita, & Spiritualem pro æterna vita. Itaq; habere opes, liberos, &c. dicimus esse benedictionem, sed in suo gradu, hoc est, pro præfenti vita. Pro æterna autem vita, non satis est nos habere corporales benedictiones, illis enim maxime abundant etiam impij, Non satis est nos habere iusticiam civilem & legalem, quia & hac maxime impij florent. Ista dona sua dispergit Deus in orbem gratuito in malos & bonos, sicut solem oriri finit super malos & bonos, & pluviam mittit super justos & injustos, Est enim dives in omnes. Et parum est ipsi totam rerum creaturam subicere pedibus impiorum, Rom. 8. Vanitati creatura subiecta est non volens. Itaq; qui tantum habent benedictiones illas corporales, non ideo sunt filij Dei, benedicti coram Deo spiritualiter, ut Abraham, sed sub maledicto sunt, ut Paulus ait, Quicumq; sub operibus legis sunt, sub maledicto sunt.

*Res corporales esse bonas Dei creaturas.*

*Lex peccati, iræ, mortis, &c.*

*Benedictio corporalis discernenda à spirituali.*

*Deus dispergit dona sua in bonos & malos.*

Rom. 8.

Paulus universali propositione dicere potuisset, Quicquid extra Fidem est, sub maledicto est. Hoc non facit, sed accipit hoc, quod extra fidem est optimum, maximum ac pulcherrimum inter benedictiones corporales mundi, scilicet legem Dei. Ea quidem, inquit, sancta & divinitus tradita est, nihil tamen aliud efficit, quam quod subicit omnes homines maledicto, & retinet sub maledicto. Si autem Lex divina maledicto homines subicit, multo magis inferiores leges & benedictiones hoc faciunt. Et ut recte & clare intelligi possit, quid Paulus vocet sub maledicto esse, probat & declarat hoc testimonio Scripturæ, dicens:

*Effectus legis divinae.*

*Scriptum est enim, Maledictus omnis, qui non permanserit in omnibus, quæ scripta sunt in libro legis, ut faciat ea.*

Hoc testimonio ex Cap. 27. Deuter. adducto, Paulus probare vult, omnes qui sub Lege, aut operibus legis sunt, maledictos esse, seu sub Maledicto, hoc est, sub peccato, ira Dei, æterna morte & omnibus malis, esse. Loquitur enim, ut supra dixi, non de corporali seu politica, sed de spirituali & æterna maledictione, quam necesse est æternæ mortis & inferni maledictionem esse. Estq; hæc mirabilis probatio, quia Paulus affirmativam sententiam, scilicet, Quicumq; ex operibus legis sunt, sub maledicto sunt, probat per hanc negativam, quam ex Mose mutuatus est, Maledictus omnis, qui non permanserit in omnibus, &c. Sunt ergo hæ duæ sententiæ Pauli & Mosis omnino dissidentes. Pauli, Quicumq; fecerint opera legis, maledicti sunt. Mosis, Quicumque non fecerint opera legis, maledicti sunt. Quomodo igitur conciliari possunt? aut, quod plus est, altera per alteram

*Pauli affirmativam sententiam probat per negativam.*

teram probari? Qualis, quæso, esset probatio, si hanc sententiam, Si servaveris mandata Dei, intrabis in vitam, velim per illam probare, Si non servaveris mandata Dei, intrabis in vitam? Nonne contrarium per contrarium probarem? Bella profecto probatio, & tamen hæc Pauli probatio plane similis est. Hunc locum nemo intelligit, nisi probe teneat Articulum justificationis. Hieronymus satis quidem sudat, sed inexplicatum relinquit.

*Sententia in scripturis videtur aliquando pugnare.*

Paulus absq; dubio hunc locum copiosius tractavit apud Galatas, alioqui cum hic obiter & breviter tantum attingat eum, non intellexissent Galatæ, quid Paulus sibi vellet. Sed quia prius audierant illum explicari ab eo, jam admoniti, statim revocatur eis in memoriam. Non sunt autem hæ duæ sententiæ pugnantes, sed prorsus consentientes. Ad eundem enim modum & nos docemus, Non auditores Legis justi sunt apud Deum, sed factores legis justificabuntur, Rom. 2. Et e contra, Qui ex operibus Legis sunt, sub maledicto sunt. Articulus enim justificationis dicit, Quicquid est extra Fidem Abrahæ, maledictum est, Et tamen justificatio legis debet in nobis impleri, Rom. 8. Ista homini ignoranti doctrinam fidei, maxime inter se pugnare videntur, & non aliter sonare quam illa prorsus absurda sententia, Si legem impleveris, non impleveris, Si non impleveris, impleveris.

Rom. 2.

Rom. 8.

*Facere legem. Duplices legis factores.*

*Ex lege esse. Ex fide esse.*

Quare primum omnium videndum est, in quo loco Paulus versetur, quid agat, & quomodo inspiciat Mosen. Versatur autem, ut jam sæpe dixi, in loco spirituali, extra politiam & omnes leges, & aliis oculis inspicit Mosen, quam hypocritæ & Pseudoapostoli, exponitq; Legem spiritualiter. Quare tota vis sita est in vocabulo faciendi. Facere autem legem, non est tantum externè, sed recte & perfecte facere. Sunt itaq; duplices Legis factores, Alij, qui sunt ex operibus legis, contra quos agit & pugnat Paulus in tota hac epistola, Alij qui sunt ex Fide, de quibus paulo post dicemus. Ex Lege autem, seu operibus legis esse, & ex Fide esse, sunt prorsus contraria, ut diabolus & Deus, peccatum & justitia, mors & vita, contraria sunt. Ex lege enim sunt, qui per legem justificari volunt, ex fide sunt, qui sola misericordia propter Christum se justificari confidunt. Qui ex Fide dicit esse justiciam, maledicit & damnat justiciam operum. Contrà, qui ex lege dicit esse justiciam, maledicit & damnat justiciam fidei. Sunt igitur præcise contraria.

*Facere legem.*

*Facitor legis secundum Papias.*

*Justiciariorum error & impietas.*

Qui hoc considerat, facile intelligit, quod facere Legem, sit non tantum externe in speciem, ut hypocritæ somniant, sed in spiritu, hoc est, revera & perfecte præstare ea, quæ in lege præcipiuntur. Sed ubi inveniemus illum, qui legem sic facit? Detur, & laudabimus eum. Ibi statim respondent adversarij, Factores legis justificabuntur. Bene. Sed definiamus primum, qui sint isti factores. Ipsi factorem legis appellant eum, qui operatur legem, & sic ex præcedentibus operibus justificatur. Hoc non est facere legem apud Paulum, Quia, ut dixi, contraria sunt, ex operibus Legis esse, & ex Fide esse. Itaq; velle justificari ex operibus legis, est negare justiciam fidei, Quare hoc ipso justiciarij, cum Legem faciunt, negant justiciam fidei, & peccant in primum, secundum & tertium præceptum, & in totam legem. Quia Deus præcipit se coli Fide & timore sui. Ipsi è diverso sine fide & contra fidem faciunt ex operibus justiciam. Hoc ergo ipso quod faciunt Legem, maxime faciunt contra legem, & gravissime & atrocissime peccant, negant enim Dei justiciam, misericordiam & promissiones, negant Christum cum omnibus beneficiis suis, & statuunt in corde, non legis justiciam, quam non intelligunt, multo minus faciunt, Sed merum figmentum & idolum legis, Ideo necesse est eos faciendo legem, non solum non facere, sed etiam peccare, & negare divinam majestatem in omnibus promissis suis. Ad hoc certè lex non est data.

Quare non intelligentes Legem, abutuntur ea, & ut Paulus ait Rom. 10. Ignorantes justiciæ Dei, & suam quærentes statuere, justiciæ Dei non sunt subiecti. Cæci enim sunt, non intelligentes, quid de fide & promissionibus sentiendum sit, ideo prorsus sine omni judicio irruunt in scripturam, apprehendentes unam tantum

Rom. 10.

tantum ipsius partem, scilicet Legem, hanc putant se operibus implere. Sed hoc merum est somnium, fasciatio & illusio cordis, iusticiaq; illa legis, quam putant se præstare. re vera nihil aliud est, quam idolatria & blasphemia Dei, Ideo necesse est eos manere sub maledicto.

Ergo Legem, hoc modo, ut ipsi somniant, impossibile est nos facere, multo minus per eam justificari. Hoc primum testatur Lex ipsa, quæ omnino contrarium effectum habet. Auget enim peccatum, operatur iram, accusat, perterrefacit & condemnat, quomodo igitur justificaret? Deinde etiam promissio idem ostendit, Quia dictum est Abrahamæ, In te benedicentur omnes gentes, Itaq; nusquam est Benedictio, nisi in promissione Abrahamæ, extra quam si es, sub maledicto es & manes. Si sub maledicto es, non imples Legem, quia es sub Peccato, diabolo & morte æterna, quæ omnia certo sequuntur maledictionem. Summa, si per legem veniret iusticia, frustra promitteret Deus, frustra q; profunderet suam Benedictio-  
*Effectus legis.*

nem. Ideo cum Deus sciret nos Legem non posse facere, prævidit hoc longe ante legem, & Abrahamæ promisit Benedictio-  
*Facere Legem.*  
nem, dicens, Benedicentur in te, &c. Atq; ita testatus est, Omnes gentes non per Legem, sed per promissionem Abrahamæ, benedicendas fore. Qui igitur contempta promissione apprehendunt Legem, ut per eamificentur, maledicti sunt.

Quare facere, est primum credere, & sic per fidem præstare legem, Opor-  
*Quomodo Lex fiat.*  
tet nos primum accipere Spiritum sanctum, quo illuminati & renovati incipimus facere legem, hoc est, diligere Deum & proximum. Spiritus sanctus autem non per Legem accipitur (Nam qui sub lege sunt, ait Paulus, sub maledicto sunt) sed per auditum fidei, hoc est, per Promissionem. Oportet nos simpliciter cum Abraham & fide ipsius in promissionem benedici. Ideo primum omnium audienda est promissio, quæ Christum proponit, eumq; credentibus offert, quo fide apprehen-  
*Legem facere.*  
so, donatur Spiritus sanctus propter ipsum. Ibi tum diligitur Deus & proximus, bona opera fiunt, fertur Crux. Hoc vere est Legem facere, alioqui lex perpetuò manet infecta. Quare si proprie ac diserte definias quid sit facere legem, nihil aliud est, quam credere in Iesum Christum, & accepto per fidem in Christum Spiritu sancto operari ea, quæ sunt in lege. Neq; aliter Lex à nobis fieri potest. Quia scriptura dicit, Extra promissionem non esse benedictionem, etiam in lege. Igitur impossibile est fieri Legem absq; promissione, Oportet adesse benedictionem, quæ prædicatio est de Christo, qui Abrahamæ promissus est, quòd per ipsum mundus benedicendus sit, alioqui nunquam faciemus legem.

Itaq; neminem in toto mundo dabis, cui hic titulus, Factor legis, conveniat extra promissionem Evangelij. Ideo, Factor legis, est terminus fictus, quem nemo intelligit, nisi sit extra & supra Legem in benedictione & fide Abrahamæ. Ita ut verus factor legis is sit, qui accepto Spiritu sancto per fidem Christi, incipit diligere Deum, & benefacere proximo. Ut facere includat simul fidem, quæ facit arborem, qua facta fiunt fructus. Oportet primum esse arborem, postea fructus. Poma enim non faciunt arborem, sed arbor poma facit. Sic Fides primum personam facit, quæ postea facit opera. Itaq; facere legem absq; fide, est facere poma sine arbore ex ligno & luto, quod non est facere poma, sed mera phantasmata. Contrà, posita arbore, hoc est, persona seu factore, qui sit per fidem in Christum, sequuntur opera. Oportet enim factorem esse ante facta, non facta ante factorem. Quare non Factor dicitur ab operibus factis, sed faciendis. Quia Christiani non fiunt iusti, operando iusta, sed jam fide in Christum justificati, operantur iusta. Illud alterum politicum est, scilicet ex factis fieri factorem, ubi sæpe citharisando, ut ait Aristoteles, fit aliquis citharædus. In theologia autem factores non fiunt ex operibus, sed ex personis per Fidem jam factis fiunt operato-  
*In theologia factor sit per fidem ante facta.*  
res. De talibus loquitur Paulus Rom. 2. cum ait, Factores legis justificantur, id est, iusti reputantur.

Quin & ipsi Sophistæ coguntur fateri, & ita etiam docent, Opus morale  
*Doctrina Sophistarum.*  
externe



externe factum, si non fiat sincero corde, bona voluntate & recto dictamine rationis, esse simulatum. Atq; hinc natum est apud Germanos adagium, *Die Kappe deckt manchen Schalk*. Impius enim & pessimus nebulo potest eadem opera simulare, quæ pius ex fide facit. Iudas eadem opera faciebat, quæ alij Apostoli. Quid deest operibus Iudæ, cum eadem faciat quæ cæteri Apostoli? Ibi respondet Sophista ex morali sua philosophia, Quamquam eadem opera faciat quæ alij, tamen quia persona est reproba, dictamen rationis perversum, opera ejus sunt hypocritica, non vera, ut aliorum Apostolorum, ut maxime in speciem similia videantur. Ita; coguntur illi ipsi fateri in politicis & externis, opera non justificare, nisi involvant simul rectum cor, opinionem & voluntatem. Quamto magis coguntur hoc concedere in Theologia, ubi ante omnia oportet adesse noticiam Dei & fidem, quæ cor purificet. Incedunt igitur in operibus & justitia Legis, ut Iudas in operibus Apostolorum, non intelligentes quæ loquuntur aut de quibus affirmant. Et quamquam Paulus passim dicat claris verbis, Legem non justificare, sed iram operari, ostendere peccatum, revelare iram & judicium Dei, & comminari mortem æternam, Tamen ista legentes non vident, multo minus intelligunt. Ideo non sunt digni ut vocentur hypocritæ, sed larvæ & spectra sunt, planeq; fascinati, cum somniant se operibus legis esse justos. Itaque, ut dixi, factor Legis, ut ipsi definiunt, est terminus fictus & monstrum, nusquam existens in rerum natura.

Quare Paulus cum hunc locum, Quicumq; ex operibus legis sunt, sub maledicto sunt, probat per hoc dictum Moysi, Maledictus omnis, &c. non probat contrarium per contrarium, ut primo aspectu apparet, sed rectissime & optime probat. Moses enim idem sentit & statuit quod Paulus, cum ait, Maledictus omnis, qui non fecerit, &c. Nemo autem facit. Igitur quicumq; sunt ex operibus Legis, non faciunt legem. Si non faciunt, sub maledicto sunt. Cum vero duplices sint factores legis, ut dixi, veri & hypocritici, separandi sunt veri ab hypocriticis. Veri sunt, qui per fidem bona arbor sunt ante fructum, & factores ante opera, De his loquitur & Moyses, & nisi sint tales, sub maledicto sunt. Omnes autem hypocritæ non sunt ejusmodi, quia habent opinionem, quod velint per opera parare justiciam, & reddere per ea personam justam. Sic enim cogitant, Nos peccatores & injusti volumus fieri justis, Quo modo? Ex operibus. Ita; perinde faciunt ac stultus aliquis architectus, qui ex recto fundamentum, ex fructibus arborem conatur facere. Nam cum per opera justificari quærunt, factorem ex operibus facere volunt, quod præcise contra Moysen est, qui talem factorem æque subjicit maledictioni, ac ipse Paulus.

Ideo conantes facere legem, non solum eam non faciunt, sed etiam negant, ut dixi, primum præceptum, divinas promissiones, benedictionem Abraham promissam, negant fidem, & seipsos suis operibus conantur benedicere, hoc est, justificare, liberare à peccato & morte, diabolum vincere, & vi cælum rapere. Quod est simpliciter negare Deum, & sese in locum Dei constituere. Nam ista omnia sunt solius divinæ majestatis opera, non creaturæ neq; angelicæ neq; humanæ.

Hinc Paulus facile prædicere potuit ex primo præcepto, abominationes futuras, in Ecclesiam per Antichristum invehendas. Qui enim præter cultum primi præcepti, qui est timor, fides & dilectio Dei, alium cultum ad salutem necessarium docent, sunt Antichristi, & constituunt se in locum Dei. Tales venturos prædixit etiam Christus Matth. 24. cum ait, Multi venient in nomine meo, dicentes, Ego sum Christus. Sic & nos hodie, ut facile, ita certo dicere possumus, Quicumq; extra fidem quærunt justiciam per opera, negat Deum, & seipsum facit Deum, quia sic cogitat, Si hoc opus fecero, justus ero, ero victor peccati, mortis, Diaboli, iræ Dei & inferni, & consequar vitam æternam. Quod, quæso, quid aliud est, quam arrogare sibi hoc opus, quod soli Deo competit, & ostendere sese esse Deum? Ideo facile est nobis prophetare, & certissime judicare de omnibus,

qui

*Iudas eadem operatur, quæ alij Apostoli.*

*In politicis operibus non judicatur bonum, nisi fiat ex bona voluntate, multo magis in theologia.*

*Effectus legis.*

*Paulus non probat contrarium per contrarium.*

*Factores legis veri.*

*Hypocritarum error & impietas.*

*Cultus primi præcepti.*

*Pij omnia judicant.*

*Matth. 24*

Pm. 1.

qui extra fidem sunt, quod non solum sint Idolatræ, sed idola, quæ Deum negant, & sese in locum Dei constituunt. Ex eodem fundamento & Petrus prophetavit, cum ait, Inter vos erunt mendaces magistri, qui Dominum, qui eos mercatus est, negabunt, &c.

Et in veteri Testamento omnes prophetiæ contra Idolatras ex primo præcepto fluxerunt. Omnes enim impij Reges & Prophetæ, cum infideli populo nihil aliud egerunt, quam quod Papa & omnes hypocritæ semper faciunt, Posthabito primo præcepto & cultu à Deo instituto, ac contempta promissione de semine Abrahamæ, benedictore futuro omnium gentium, instituerunt sine & contra verbum Dei impium cultum, & dixerunt, Hoc cultu observato, laudabimus & serviemus Deo, qui eduxit nos de terra Ægypti. Sic Hieroboam fecit duos aureos vitulos, & dixit, Ecce Dij tui Israel, qui te eduxerunt de terra Ægypti. Hoc dicebat de vero Deo, qui Israel redemerat, Et tamen ipse cum toto populo erant idolatræ, Quia contra primum præceptum Deum colebant. Respiciebant enim in opus tantum, quo factò, putabant se justos coram Deo, Quod erat negare illum ipsum Deum, quem ore prædicabant, quod eduxisset eos de terra Ægypti. De talibus idolatris Paulus ait, Confitentur se nosse Deum, factis autem negant.

Quare omnes hypocritæ & idolatræ ea opera facere conantur, quæ proprie ad divinitatem pertinent, & uni soli; Christo competunt. Ore quidem non dicunt, Ego sum Deus, Ego sum Christus, revera tamen interim divinitatem & officium Christi sibi arrogant. Ideo revera dicunt, Ego sum Christus, Ego sum salvator, non solum meus, sed & aliorum. Hoc Monachi non solum docuerunt, sed etiam persuaserunt toti mundo, nempe quod non solum seipsos justificare possint sua illa hypocritica sanctitate, sed etiam alios, quibus eam communicarent, Cum tamen justificare peccatorem, sit solius Christi proprium officium. Sic Papa spargendo suam divinitatem in orbem terrarum, negavit & oppressit penitus officium & divinitatem Christi.

Ista expedit habere bene inculcata & meditata. Quia valent ad judicandam universam Christianam doctrinam & vitam humanam, Valent ad confirmandas conscientias, ad intelligendas omnes prophetias & scripturas, & ad recte judicandas omnes res. Qui enim ista probe tenet, certò statuere potest, Papam esse Antichristum, quia longe diversum cultum docet, quàm prima tabula proponit, Certo intelligere potest, quid sit negare Deum, negare Christum, quid Christus velit, cum ait, Multi venient in nomine meo, dicentes, Ego sum Christus, Quid sit adversari Deo, & extolli supra omne, quod dicitur Deus, aut quod colitur, Quid sit Antichristum sedere in templo Dei, & ostendere sese quasi sit Deus, Quid sit abominationem stare in loco sancto, &c.

Ista autem mala omnia hinc oriuntur, quod maledicta hypocrisis non vult Benedictione divina justificari, nec formari à Deo creatore, non vult esse materia mere passiva, sed active ea operari, quæ ipsa patièdo debebat Deum finire operari, & ab eo accipere. Itaq; facit seipsam creatricem & justificatricem per opera sua, aspernans Benedictionem promissam, & datam Abrahamæ & filiis ejus credentibus. Sic quilibet hypocrita simul est materia & operator (quantum hoc sit contra Philosophiam, quia idem non potest agere in seipsum) Materia, quia peccator, Operator, quia induit cucullum, aut eligit quoddam aliud opus, per quod sperat mereri gratiam, & salvare seipsum & alios, Ergo simul est creatura & creator. Quare nemo potest verbis consequi, quam horribilis & execranda res sit, quærere justiciam extra benedictionem in Lege & operibus. Est enim abominatio stans in loco sancto, quæ negat Deum & constituit creaturam in locum creatoris.

Sunt igitur factores legis, non hypocritæ externe facientes legem, sed credentes, qui accepto Spiritu sancto eam implent, hoc est, diligunt Deum & proximum, &c. Vt factor legis sit, non qui ex operibus fiat factor, sed qui ex persona per

*Perfecte legem non facimus.* fidem jam facta, fiat operator. Nam in Theologia iusti facti, iusta faciunt, non item in philosophia, ubi facientes iusta iusti fiunt. Itaque Fide iustificati facimus bona opera, per quæ, ut 2. Pet. 1. dicitur, vocatio & electio nostra confirmatur, & de die in diem certior fit. Sed quia tantum primitias spiritus, nondum decimas habemus, & reliquæ peccati in nobis manent, Legem perfecte non facimus. Sed hoc credentibus nobis in Christum, qui Abraham promissus est, & nos benedixit, non imputatur. Fovemur enim & alimur propter Christum interim in gremio tolerantia divina. Sumus ille vulneratus, qui incidit in latrones, cuius vulnera Samaritanus obligavit, infundens oleum & vinum. Quem deinde imponens in iumentum suum, duxit in diversorium, curamque illius egit, Abiens autem commendavit eum hospiti, dicens, Curam illius habe. Itaque fovemur interim tanquam in hospitali, donec adjiciat Dominus secundò manum, ut Esaias ait, ut liberet nos. 1. Pet. 1. Luc. 10.

*Qualem saltem legem requirat Moyses.* Quare Moyse sententia, Maledictus omnis, qui non permanserit in omnibus, &c. non pugnat cum Paulo, qui maledictos pronuntiat eos, qui ex operibus Legis sunt. Moyses enim requirit factorem, qui perfecte Legem faciat. Sed ubi accipiemus illum? Nusquam. Moyses ipse fatetur se non esse talem, quia Exod. 34. ait nullum esse innocentem apud Deum. Et David, Ne intres in iudicium cum servo tuo, &c. Et Paulus Roman. 7. Non facio quod volo, &c. Quare Moyses una cum Paulo necessario nos cogit ad Christum, per quem sumus factores legis, & nullius transgressionis rei. Quo modo? Primum per remissionem peccatorum, & imputationem iusticiæ propter fidem in Christum, Deinde per donum & Spiritum sanctum, qui parit novam vitam, novos motus, &c. in nobis, ut etiam Legem formaliter faciamus. Quod autem non fit, ignoscitur propter Christum. Deinde quicquid peccati reliquum est, non imputatur. Sic Moyses consentit cum Paulo, & idem vult, cum dicit, Maledictus omnis, &c. Quia negat eos facere legem, cum velint ex operibus se ipsos iustificare, & concludit cum Paulo, eos sub maledicto esse. Itaque requirit Moyses factores veros, qui ex fide sunt, ut Paulus eos damnat, qui non sunt veri factores, hoc est, qui non sunt ex fide. Nihil ergo impedit, quod Moyses negative, Paulus affirmative locutus est, modo recte definias, quid sit facere. Sic utraq; sententia vera est, scilicet, Maledictos esse omnes, qui non permanserint in omnibus, & maledictos esse, qui ex operibus legis sunt. Exod. 34. Psal. 141. Rom. 7.

### RESPONSIO AD ARGUMENTA QUÆ ADVERSARIJ OPPONUNT CONTRA DOCTRINAM ET IUSTICIAM FIDEI.

*Lex de Lege & operibus.* **C**UM hic locus præbeat occasionem, dicendum est de argumentis, quæ opponunt adversarij contra doctrinam fidei, quæ est, Quod sola fide iustificemur. Multa occurrunt in sacris literis novi & veteris Testamenti loca, de operibus & præmiis, quibus adversarij nituntur, & iisdem putant se egregie posse evertere doctrinam fidei, quam nos docemus & tuemur. Ideo instructos nos esse oportet, ut non solum docere nostros, sed etiam respondere adversariorum objectionibus possimus. Sophistæ & quotquot Articulum justificationis non tenent, nullam iusticiam intelligunt, quam politicam & legalem, quæ etiam aliquo modo gentibus notæ sunt. Ideo ex morali philosophia & lege rapiunt vocabula, facere, operari, & similia, & transferunt in Theologiam, In quo non solum pessime, sed & impiissime agunt. Diligenter discerni debent Philosophia & Theologia. Sophistæ ipsi fatentur & docent, In natura esse, præcedere operari, quia arbor naturaliter prior est fructu. Item in Philosophia concedunt, opus moraliter non esse bonum, nisi adsit prius recta ratio & bona voluntas. Statuunt igitur rectam rationem & bonam voluntatem ante opus, hoc est, iustificant personam moraliter ante opus. Contrà, in Theologia, ubi maxime debebat fieri (adeo stupidi sunt asini) invertunt hoc perversissime, statuantes opus ante rectam rationem, &c.

*Facere natura-* Quare aliud est facere in natura, aliud in Philosophia, aliud in Theologia. In natu-



In natura primum oportet esse arborem, deinde fructum. In morali Philosophia facere prærequirit bonam voluntatem & rectam rationem operandi, ibiq; consistunt Philosophi. Hinc Theologi dicunt moralem Philosophiam non habere in objecto & causa finali Deum. Quia Aristoteles, Sadducæus, aut homo civiliter bonus, vocat hoc rectam rationem & bonam voluntatem, si quærat communem utilitatem rei publicæ, tranquillitatem & honestatem. Altius non assurgit Philosophus aut legislator, Non cogitat per rectam rationem, &c. consequi remissionem Peccatorum & vitam æternam, ut Sophista aut Monachus. Ideo gentilis Philosophus longe melior est tali hypocrita, Manet enim intra limites suos, habens tantum rationem honestatis & tranquillitatis publicæ, non miscens humanis divina. Contrà, Sophista imaginatur Deum spectare suam bonam intentionem & opera, Ideoque miscet divinis humana, polluit nomen Dei, eamq; imaginationem haurit ex Philosophia morali, nisi quod ea pejus abutitur, quàm homo gentilis, &c.

*le, morale & theologicum.*

*Philosophia moralis, &c.*

*Collatio gentilis Philosophi & Monachi, &c.*

Itaq; oportet nos altius ascendere in Theologia, quàm in natura & Philosophia, cum vocabulo faciendi, ut plane novam fiat. Nam ut ex naturalibus rap-  
ptum in moralia aliud fit, Ita multo magis ex Philosophia & Lege translatum in Theologiam, aliud fit, ut prorsus hic novam significationem habeat, & requirat etiam rectam rationem & bonam voluntatem non moraliter, sed Theologice; quæ est, quòd per verbum Evangelij cognosco & credo Deum misisse Filium suum in mundum, ut redimeret nos à peccato & morte. Ibi facere est res nova, incognita rationi, Philosophis, legistis & omnibus hominibus. Est enim sapientia in mysterio abscondita, &c. Prærequirit igitur opus necessario ipsam fidem in Theologia. Cum igitur opponunt adversarij sententias scripturæ de Lege & operibus, & urgent vocabula operandi & faciendi, sic respondebis, Ea esse vocabula theologica, non naturalia aut moralia. Quæ si naturalia vel moralia sint, accipi in suo usu, Si vero theologica, includere rectam rationem & bonam voluntatem, incomprehensibilem rationi humanæ. Quare facere in Theologia intelligatur semper de Fidei facere, Vt fidele facere sit alius circulus, ac novum quasi regnum, à facere morali. Itaq; cum nos Theologi loquimur de facere, necesse est nos loqui de Fidei facere, quia in Theologia nullam rectam rationem & bonam voluntatem habemus, præter Fidem.

*Facere theologicum.*

*Quomodo respondendum sit adversariis urgentibus vocabula faciendi & operandi, &c.*

*Facere in Theologia.*

Ista regula pulchre observatur Ebr. 11. Illic numerantur multa & varia San-  
ctorum opera ex sacra Scriptura. Vt de Davide, qui occidit leonem & ursum, occidit Goliath. Ibi insulsius asinus Sophista tantum faciem operis, ut bos novam portam, inspicit. Sed sic inspiciendum est hoc opus, ut primum consideres, qualis fuerit persona David, antequam hoc opus faceret, nempe talis, cujus cor confitebat in Dominum Deum Israel, ut textus clare habet, Dominus, qui eripuit me de manu leonis & ursi, ipse liberabit me de manu Philistæi hujus. Deinde, Tu venis ad me cum gladio, hasta & clypeo, Ego autem ad te venio in nomine Domini Zebaoth, Dei agminum Israel, quibus exprobrasti hodie. Et dabit te Dominus in manum meam, & percutiam te, & auferam caput tuum à te, &c. Quia non in gladio, nec in hasta salvat Dominus, &c. Vides ergo eum justum & acceptum Deo, in fide fortem & constantem fuisse antequam hoc opus faceret. Itaq; facere Davidis non est naturale aut morale, sed fidele.

*Regula observanda de locis operum.*

*Opus Davidis fidei.*

Sic eadem Epistola dicit de Abel, quæ fide meliorem hostiam obtulit Deo, quàm Cain. Si Sophistæ incidunt in istum locum, ut in Gen. legitur (ubi simpliciter describitur, quod uterq; Cain & Abel obtulerunt munera, & quod Dominus respexit ad Abel & ad munera ejus) statim arripiunt hæc verba. Obtulerunt munera, Dominus respexit ad munera Abel, & clamant, Ibi auditis & videtis Deum respexisse munera, Ergo opera justificant. Sic immundi porci putant justiciam esse rem moralem, tantum insipientes larvam operis, non cor facientis opus, Cum tamen in ipsa Philosophia cogantur spectare non nudum opus, sed bonam

*Hostia Abelis & Cain, Gen. 4.*

*Non spectanda larva operis, sed cor operantis.*

bonam voluntatem operatoris. Hic autem hærent tantum in vocabulis, obtulerunt munera, Dominus respexit ad munera, non videntes quòd textus in Genes. manifestè dicat, Dominum respexisse primum ad personam Abelis, quæ placuit propter fidem, deinde ad munera ejus. Itaq; loquimur in Theologia de operibus, sacrificiis, oblationibus & muneribus fidelibus, hoc est, quæ oblata & facta sunt in fide, ut Epistola ad Ebræ. exponit, Fide, inquit, Abel meliorem hostiam obtulit, Fide Enoch translatus est, fide obedivit Abraham, &c. Habes itaq; canonem ex c. 11. ad Ebr. quomodo simpliciter respondendum sit ad argumenta, quæ obijciuntur ab adversariis de Lege & operibus, scilicet, Hoc opus ille vel alius fecit in fide, Et sic solvis ipsorum omnia argumenta.

*De quibus operibus loquatur scriptura.*

*Canon.*

*Ebræ. 11.*

*Opus nihil valere sine fide.*

*Sacrificium Abelis fidele, Cain infidèle.*

Ex his manifestum est in Theologia opus nihil valere sine fide, sed oportere præcedere fidem antequam opereris. Impossibile enim est sine fide placere Deo, Sed accedentem ad Deum oportet credere. Hinc dicit ille ad Ebr. hostiam Abelis fuisse meliorem, quia credebatur, Ideò opus seu sacrificium Abelis fidele fuit. Contrà in Cain, quia impius & hypocrita erat, nulla fides Gratiæ, sed mera præsumptio justitiæ propriæ fuit, ideò opus ejus, quo studebat placere Deo, hypocriticum & infidèle fuit. Quare coguntur adversarij ipsi concedere, in omnibus operibus Sanctorum præsupponi fidem, propter quam opera placent. Ergo in Theologia est novum facere, diversum à morali.

*Ebræ. 11.*

*Scriptura loquitur quandoq; de fide sine operibus, quandoq; de fide cum operibus.*

Deinde hoc modo etiam distinguere solemus fidem, quod fides aliquando accipiat extra opus, aliquando cum opere. Vt enim artifex variè de sua materia, & hortulanus de arbore vel nuda, vel gestante fructum, loquitur, Ita & Spiritus sanctus in scriptura variè de fide loquitur, jam de fide (ut sic dicam) abstracta vel absoluta, jam de fide concreta, composita seu incarnata. Fides absoluta seu abstracta est, quando scriptura absolutè loquitur de justificatione, seu de justificatis, ut cernere est in Epistola ad Rom. & ad Galat. Quando vero scriptura loquitur de præmiis & operibus, tunc de fide composita, concreta seu incarnata loquitur. Hujus fidei exempla aliquot recensebimus, ut, Fides per dilectionem efficax, Hoc fac & vives. Si vis ad vitam ingredi, serva mandata Dei. Qui fecerit hæc, vivet in eis. Declina à malo, & fac bonum, &c. In istis & similibus locis (quales sunt innumeri in sacris literis) ubi fit mentio de faciendo, scriptura semper loquitur de fidele facere. Vt cum dicit, Fac hoc, & vives, hoc vult, Cogita primò, ut sis fidelis, habeas rectam rationè & bonam voluntatem, i.e. fidem in Christum, ea habita, opereris.

*Luc. 19.  
Matth. 19.  
Galat. 3.  
Luce. 18.  
Psal. 34.*

*Hoc fac & vives.*

*Scriptura jam de altera, jam de duabus Christi naturis loquitur, &c.*

*Regula de communicatione idiomatum.*

*Homo Christus omnia creavit.*

Quid igitur mirum, si illi Fidei incarnatæ, hoc est, operanti, qualis fuit Abelis, vel operibus fidelibus, promittuntur merita ac præmia? Quidni ita variè loqueretur scriptura de fide, cum etiam de Christo Deo & homine variè loquatur, scilicet jam de tota persona, jam de duabus naturis ipsius seorsim, aut divina aut humana. Si de naturis seorsim loquitur, de Christo absolutè loquitur. Si verò de divina, unita humanæ in una persona loquitur, de Christo composito & incarnato loquitur. Extat regula apud scholasticos usitata, de communicatione idiomatum, cum proprietates divinitati Christi convenientes, tribuuntur humanitati ipsius, Id quod passim cernere est in scripturis. Luc. 2. vocat angelus infantem, ex Maria virgine natum, Salvatorem hominum, & communem Dominum angelorum & hominum. Et cap. 1. Filium Dei. Hinc verissimè dicere possum, Ille infans, qui in præsepio & virginis gremio jacet, creavit cælum & terram, est Dominus angelorum. Hic loquor quidem de homine, sed homo in ista propositione est planè novum vocabulum, & ut Sophistæ ipsi fatentur, supponit pro divinitate, id est, Iste Deus, qui factus est homo, creavit omnia. Creatio quidem tribuitur soli Divinitati, quia humanitas non creat, Et tamen rectè dicitur, Homo creavit, quia divinitas, quæ sola creat est incarnata cum humanitate, Ideoq; humanitas participat iisdem proprietatibus cum divinitate. Quare rectè & pñe dicitur, Iste homo Jesus eduxit Israel de Ægypto, percussit Pharaonem, & fecit omnia mirabilia ab initio Mundi, &c.

*Luc. 1.*

Igitur

Igitur cum scriptura dicit, Si vis in vitam ingredi, serva mandata Dei, Hoc fac & vives, &c. Primum videndum est, de cuiusmodi servare & facere loquatur. Nam in his & similibus locis, ut dixi, loquitur de Fide concreta, non abstracta, composita, non nuda aut simplici. Estq; ista huius loci, Fac hoc & vives, sententia, Tu vives propter hoc facere fidele, Vel hoc facere dabit tibi vitam propter solam fidem. Hoc modo justificatio soli fidei tribuitur, ut creatio Divinitati, Et tamen, ut verè dicitur, Iesus Mariæ filius creavit omnia. Ita tribuitur etiam justificatio fidei incarnatæ seu fidei facere, Ideo nullo modo sentiendum est cum Sophistis & hypocritis, quòd opera absolutè & simpliciterificent, quodq; moralibus operibus promittantur merita & præmia, sed fidelibus.

*Si vis in vitam ingredi, &c.*

Permittamus igitur Spiritum sanctum loqui in scripturis, vel de fide abstracta, nuda, simplici, vel de concreta, composita, incarnata, Omnia sunt fidei, quæ operibus tribuuntur. Non enim moraliter, sed theologicè & fideliter sunt opera inspicienda. Fides in Theologia perpetuò sit divinitas operum, & sic perfusa per opera, ut Divinitas per humanitatem in Christo. Qui in ferro ignito attingit ignem, ferrum attingit. Ita qui tetigit cutem Christi, vere Deum tetigit. Est igitur Fides fac totum (ut ita loquar) in operibus. Abraham dicitur fidelis, quia fides diffusa est in totum Abraham, ut inspiciens eum operantem, nihil videam Abrahæ carnalis vel operantis, sed tantum credentis.

*Fides simplex & composita.*

Ista ideo tam diligenter inculco, ut clare tradam fidei doctrinam, Deinde ut ad objecta adversariorum, qui commiscunt Philosophiam & Theologiam, & ex moralibus operibus theologica faciunt, recte & facile respondere possimus. Theologicum opus est fidele opus, Sic homo Theologicus est fidelis, Item ratio recta, voluntas bona theologicè est fidelis ratio & voluntas, ita ut Fides in universum sit divinitas, in opere, persona & membris, ut unica causa justificationis, quæ postea etiam tribuitur materiæ propter formam, hoc est, operi propter fidem. Potentia æterna & infinita traditur Christo homini, non propter humanitatem, sed divinitatem. Sola enim Divinitas creavit omnia, humanitate nihil cooperante. Ita neq; peccatum & mortem humanitas vicit, sed hamus, qui latebat sub vermiculo, in quem Diabolus impegit, vicit & devoravit Diabolum, qui volebat devorare vermiculum. Itaq; sola humanitas hîc nihil effecisset, sed Divinitas humanitati conjuncta sola fecit, & humanitas propter divinitatem. Sic hîc sola fides justificat & facit omnia, & tamen operibus idem tribuitur, sed propter fidem.

*Sophistæ & de operibus theologicis faciunt moralia, & verum tra-*

Sunt igitur ista vocabula, facere, operari, tripliciter accipienda, Substanti- aliter seu naturaliter, moraliter & theologicè (Sophistæ finxerunt quædam opera neutralia, quæ dixerunt nec bona nec mala) In substantiis seu naturis & moralibus, ut dixi, accipiuntur ista vocabula, in suo usu & naturali significatione. In Theologia verò fiunt planè nova vocabula, acquiruntq; novam significationem. Quare ad morale facere pertinent omnes Hypocritæ, qui volunt ex Lege justificari, & falsas opiniones de Deo habent, contra quos Paulus hîc disputat. Habent enim facere, quod fuit ex recta ratione & bona voluntate morali seu humana. Ideò opera eorum sunt planè moralia seu potius rationalia. Contrà, piorum sunt theologica, quæ fidem includunt.

*Vocabulum facere tripliciter accipitur, &c. Opera neutralia.*

Quare cum legis in scripturis de Patribus, Prophetis, Regibus, quòd operati sint justiciam, suscitaverint mortuos, vicerint regna, &c. memineris talia & similia dicta secundum novam & theologicam grammaticam exponenda esse, ut Epistola ad Ebr. exponit, nempe hoc modo, Fide operati sunt justiciam, fide suscitaverunt mortuos, fide vicerunt Reges & regna, Ita ut Fides incorporet & informet facere. Et hoc adversarij, si sani sunt, negare non possunt, nec habent quod contradicant aut opponant. Clamare quidem possunt, Scripturam sæpe loqui de faciendo & operando, Nos perpetuò respondemus, eam loqui de facere fidei. Oportet enim primum rationem illustratam esse fide, antequam operetur, habita autem vera opinione & noticia Dei, tanquam recta ratione, incarnatur & incorporatur

*Deus de operibus exponendus secundum grammaticeam illam legem.*



poratur ei opus, ut quicquid fidei tribuitur, postea etiam operibus tribuatur, sed propter solam fidem.

*Discrimen ob-  
servandum in-  
ter facere mo-  
rale & theolo-  
gicum.*

Valdè igitur prodest, ut Theologiæ studiosi benè distinguere discant in-  
ter Facere verum & hypocriticum, morale & theologicum. Hoc enim facien-  
tes facile explicare poterunt omnes locos, qui iusticiam operum statuere viden-  
tur. Est autem verum Facere, ut dixi, fidele seu theologicum, quod is non habet,  
qui ex operibus quærit iusticiam. Ideo maledictus est omnis Legis operator, &  
moralis Sanctus. Quia incedit contra Deum in præsumptione iusticiæ propriæ,  
dum per voluntatem & rationem humanam vult justificari, & sic faciendo legem,  
non facit. Hocq; vocat Paulus esse sub operibus Legis, hoc est, hypocritas facere  
Legem, & tamen faciendo non facere. Quia intelligunt facere juxta grammati-  
cam moralem, quæ in Theologia non valet. Operantur quidem multa, sed ex præ-  
sumptione propria sine recta ratione & bona voluntate Theologica, hoc est, sine  
cognitione Dei & fide, ut Phariseus Lucæ 18. & Paulus ante conversionem. Ideo Lucæ 11.  
cæci sunt & errant, ac manent sub maledicto.

Quare iterum moneo, sententias, quas adversarij opponunt ex scripturis  
de operibus & mercede, semper theologicè exponendas esse per definitionem,  
Ut si obijciatur dictum illud Danielis 4. Redime peccata tua elemosynis, Statim Daniel 4.  
consulenda est grammatica, non moralis, sed theologica. Illa ostendet, hoc re-  
dimere, non esse morale, sed fidele, hoc est, includere fidem. Nam opus in sacris  
literis prærequirit etiam bonam voluntatem & rectam rationem, non Moralem,  
sed theologicam, quæ fides est. Hoc modo facile poteris obturare os Sophistis.  
Nam ipsimet coguntur concedere, quia ita docent ex Aristotele, omne opus bo-  
num procedere ex electione. Si hoc verum est in Philosophia, multo magis in  
Theologia oportet esse ante opus bonam voluntatem & rectam rationem per fi-  
dem. Hocq; volunt omnia verba imperativa, Item, omnia verba, quæ Legem do-  
cent, ut Epistola ad Ebræ. cap. 11. clarè exponit, Fide Abel obtulit, &c. Hebræi 11.

*Responsio ad  
argumenta ad-  
versariorum.*

Et esto, quòd ista solutio sit insufficiens, quanquam certissima sit, tamen  
istud argumentum argumentorum, & principale spectrum Christianorum sit,  
contra omnes tentationes & objectiones, non tantum adversariorum, sed etiam  
ipsius Diaboli, ut apprehendant caput, scilicet Christum. Deinde, esto etiam,  
quòd Sophistæ sint argutiores me, & ita obruant & illaqueent me argumentis pro  
operibus contra fidem, ut prorsus me explicare non possim (quamvis hoc illis im-  
possibile sit) tamen potius honorem habere & credere velim uni Christo, quàm  
permoveri omnibus locis, quos contra fidei doctrinam pro iusticia operum sta-  
tuenda producere possent.

Quare simpliciter eis ita respondendum est, Hic Christus est, illic Scriptu-  
ræ testimonia de Lege & operibus. Christus autem Dominus est Scripturæ & o-  
mnium operum, Idem est Dominus cœli, terræ, sabbati, templi, iusticiæ, vitæ,  
iræ, peccati, mortis & simpliciter omnium, Et hunc prædicat Paulus ipse Apo-  
stolus peccatum & maledictum factum pro me. Audio igitur quod nulla alia ra-  
tione potuerim liberari à peccato, morte & maledictione mea, quàm per mortem  
& sanguinem ipsius. Ideò certissimè & securissimè concludo, quòd Christum  
ipsum in corpore suo oportuerit vincere Peccatum, mortem & maledictionem  
meam, non opera Legis aut mea. Cogitur autem ratio naturaliter assentiri, & di-  
cere, quòd Christus non sit opus Legis aut meum, quòd Sanguis & mors sua non  
sit circumcisio, observatio rituum legalium, multò minus cucullus, vertex rasus,  
jejunium, votum, Quòd sua victoria, quam mihi donavit, non sit Carthusianus.  
Quare si ipse est precium redemptionis meæ, si ipse factus est peccatum & male-  
dictum, ut me justificaret & benediceret, nihil moror Scripturæ locos, si etiam  
sexcentos producas pro iusticia operum, contra fidei iusticiam, & clamites scri-  
pturam pugnare. Ego autorem & Dominum scripturæ habeo, à cujus parte volo  
potius stare, quam tibi credere. Quanquam impossibile sit scripturam pugnare,  
nisi

*Scripturam non  
pugnare.*

nisi apud insensatos & induratos hypocritas. Apud pios autem & intelligentes, dat testimonium pro Domino suo. Vide igitur quomodo tu scripturam concilies, quam pugnare dicis, Ego cum autore Scripturæ maneo.

Ideo si quis non satis instructus est, ut tales locos Scripturæ de operibus conciliare aut solvere possit, & cogitur tamen audire instantiam adversariorum, qui vehementer huiusmodi locos urgent, Ille respondeat sic simpliciter, Tu urges servum, hoc est, Scripturam. & eam non totam, neq; poriorē ejus partem, sed tantum aliquot locos de operibus, hunc servum relinquo tibi, Ego urgeo Dominum, qui rex est Scripturæ, qui factus est mihi meritum & precium justiciæ & salutis. Illum teneo, & in eo hæreo, & relinquo tibi opera, quæ tamen nunquam fecisti. Hanc solutionem neq; Diabolus, neq; ullus justiciarius tibi eripere aut evertere potest. Deinde tutus es etiam coram Deo. Cor enim manet fixum in objecto, quod vocatur Christus, qui crucifixus & maledictus est, non pro se, sed pro nobis, sicut textus sonat, Factus pro nobis maledictum. Hunc locum urge, & oppone omnibus sententiis de Lege & operibus, & dic, Audis ne hoc Satan? Tum cedere eum oportet, quia novit Christum esse Dominum suum.

*Responsio simplex ad locos de operibus.*

*✠*

*Quod autem per Legem nemo justificatur apud Deum, manifestum est, Quia justus ex fide vivit.*

**A**LIU D argumentum, sumptum ex testimonio Prophetæ Habacuc. Estq; autoritas gravissima & clara, quam Paulus opponit omnibus sententiis de legibus & operibus, q. sic d. Quid opus est longa disputatione, hic produco clarissimum testimonium Prophetæ, quod nemo potest cavillari, Iustus ex fide vivit. Si ex fide, ergo non ex Lege, Quia Lex non est ex fide. Et Paulus fidei vocabulum exclusivè & per contrarium accipit. Sophistæ, ut parati sunt ad eludendum scripturas, hunc locum sic cavillantur. Iustus vivit ex fide, scilicet, efficaci, operante vel formata charitate, Si verò est fides informis, non justificat. Hanc glossam ipsi finxerunt, itaq; vim faciunt Prophetæ verbis. Si fidem formatam vocarent veram & theologicam, vel, ut Paulus, ἀνυπόκριτον, quam Deus fidem vocat, nihil me offenderet hæc ipsorum glossa. Tunc enim fides non distingueretur contra charitatem, sed contra vanam opinionem fidei, quo modo & nos distinguimus inter fidem fictam & veram. Ficta est, quæ audit de Deo, Christo & omnibus mysteriis incarnationis & redemptionis, & apprehendit illas res auditas, & pulcherrimè de eis novit loqui, & tamen mera opinio & inanis auditus manet, qui tantum relinquit bombum in corde de Evangelio, de quo multa garrit, re vera tamen fides non est, quia non renovat nec immutat cor, non generat novum hominem, sed relinquit eum in priori sua opinione & conversatione, Estque hæc fides valdè perniciosa, quam satius esset non habere. Et Philosophus moralis melior est tali Hypocrita, qui hanc fidem habet.

*Quomodo Sophista hunc locum, Iustus ex fide vivit, deperavit.*

*Fides vera & ficta.*

Itaq; si formatam fidem distinguerent contra falsam seu fictam fidem, nihil me offenderet ista illorum distinctio. Sed ipsi loquuntur de fide formata charitate, faciuntq; duplicem fidem, Informem & formatam. Hanc pestilentissimam & satanicam glossam non possum non vehementer detestari. Quamvis, inquit, adsit Fides infusa, quæ donum Spiritus sancti est, & acquisita, quam nos ipsi parimus nobis multis actionibus credendi, tamen utraq; est informis, & formatur charitate. Sic fides sine charitate, ut ipsi somniant, est quasi pictura & res speciosa in tenebris, quæ tum primum cernitur, cum lex, id est, charitas accesserit. Atq; hoc modo charitas est forma fidei, & fides pura materia charitatis. Hoc præferre est charitatem fidei, & tribuere justiciam non fidei, sed charitati. Quia propter quod unum quodque est tale, & ipsum magis. Itaque cum non tribuunt justiciam fidei nisi propter charitatem, fidei nihil omnino tribuunt.

*Fides informis & formata, informis & acquisita, &c.*

*Doctrina Sophistarum.*

Deinde dicunt everfores Evangelii Christi, Fidem etiam infusam, quæ non accipitur audiendo, aut ulla alia operatione acquiritur, sed quam Spiritus san-

*Fidem infusam facere in peccatore mortali.*

**N**

**us**

Quæ nullo modo  
da, sequuntur en  
di. rma Sophi-  
stæ.

ctus creat in homine, stare in peccato mortali, eaq; pessimos homines posse habere. Ideò si sola sit, ociosam & inutilem esse, etiam si mirabilia faciat. Ita fidei suum officium prorsus auferunt, & tribuunt charitati, ut fides prorsus nihil valeat, nisi accesserit forma, id est, charitas. Ergo juxta hoc pestilens figmentum Sophistarum, fides illa misera virtus, erit quoddam informe chaos, nullius operis, efficaciar & vitæ, sed tantum passiva materia. Ista omnia blasphema in Deum & Satanica sunt, quæ prorsus obducunt & evertunt fidei doctrinam, à Christo mediatore, & à fide apprehendente ipsum, retrahunt. Nam si charitas est forma fidei, ut ipsi nugantur, statim cogor sentire, ipsam charitatem esse principalem & maximam partem Christianæ religionis, Et sic amitto Christum, sanguinem, vulnera & omnia beneficia ejus, & inhæreo charitati, & diligo ac venio in facere morale, ut Papa, gentilis Philosophus, aut Turca.

Sophistarum fides  
formata.  
Vera fides co-  
ram Deo.

At sanctus Spiritus, qui dat omnibus os & linguam, novit etiam loqui. Bene potuisset dicere, ut Sophistæ impie nugantur, Iustus ex fide formata vivit. Sed consulto omisit hoc, & simpliciter dixit, Iustus ex fide vivit. Abeant igitur Sophistæ in malam crucem cum sua impia & pestilente glossa. Nos volumus retinere & extollere hanc Fidem, quam Deus fidem vocavit, id est, veram & certam fidem, quæ non dubitat de Deo, nec de divinis promissionibus, nec de remissione peccatorum per Christum, ut tuti & securi manere possimus in objecto, Christo, & retinere in oculis passionem & sanguinem Mediatoris, & omnia ipsius beneficia. Sola autem Fides, quæ Christum apprehendit, est unicum medium, ut illa è conspectu nobis non finamus auferri. Ideo repudiata hac pestilenti glossa, locus iste de sola fide accipiendus est, hocque Paulus ipse ostendit, cum contra fidem formatam sic disputat.

*Lex autem non est ex fide.*

Si iusticia est  
charitate, ergo  
ex Lege, Si ex  
Lege, ergo non  
ex fide. Sed &c.

Iusticia & vita  
sine lege & cha-  
ritate contingit  
credentibus.

SOPHISTÆ dicunt, Iustus vivit, si fides sit formata. Paulus e contra, Lex non est ex fide. Quid autem est Lex? An non est etiam charitatis præceptum? Imò lex nihil aliud præcipit, quàm charitatem, ut textus ipse habet, Diliges Dominum Deum tuum ex toto corde tuo. Item, Faciens misericordiam in multa millia, his qui diligunt me. Item, In his duobus mandatis tota Lex & prophetæ pendent. Si ergo Lex præcipiens charitatem, pugnat cum Fide, Ergo nec charitas est ex Fide. Sic Paulus clare confutat confictam à Sophistis glossam de fide formata, loquiturq; de fide sola, seponens legem. Seposita autem lege, seponitur etiam charitas & omnia, quæ legis sunt, & sola fides relinquitur, quæ justificat & vivificat, Ex clarissimo igitur testimonio Prophetæ argumentatur Paulus, quòd simpliciter nemini contingat Iustificatio & vita coram Deo, nisi credenti, qui iusticiam & vitam consequitur, sine lege & dilectione ex fide. Ratio, quia Lex non est ex fide, hoc est, Lex non est fides, vel aliquid fidei. quia non credit, nec opera legis sunt fides, Ergo fides est diversum quiddam à lege, ut promissio est diversum quiddam à lege. Nam promissio non operando, sed credendo apprehenditur.

Promissio &  
lex, fides & o-  
pera distin-  
guuntur.

Lex.  
Fides.

Sicut ergo in Philosophia prima divisio, substantia & accidens distincta sunt, Ita in Theologia Promissio & Lex, & per consequens fides & opera tam longè inter se distincta sunt, quàm coelum & terra inter se distant. Impossibile est ergo fidem esse ex lege. Siquidem fides solum hæret in promissione, solum accipit & cognoscit Deum & versatur in recipiendo à Deo bona. Contrà Lex & opera versantur in faciendo & dando Deo. Ut Abel offerens, dat Deo, sed idem credens recipit à Deo. Concludit ergo Paulus fortissimè ex loco Habacuc, Iustum ex fide scilicet sola vivere. Quia lex nihil pertinet ad fidem. Nam Lex non est promissio, fides autem adhæret & nititur promissione. Ergo ut Lex & promissio distinguuntur, ita & opera & fides. Hinc glossa Sophistarum impia & falsa est, quæ Legem conjungit cum fide, imò extinguit fidem, & legem ponit in locum fidei.

Opera theologi-

Loquitur autem Paulus perpetuò de iis, qui moraliter Legem facere vo-  
lunt



lunt non theologicæ. Quicquid autem de bonis operibus theologicis dicitur, simpliciter soli fidei tribuitur.

*ca solius sunt fidei.*

*Sed qui fecerit ea homo, vivet in eis.*

ISTAM particulam intelligo esse ironiam. Non tamen repugno quin possit etiam moraliter exponi. Quod Legem facientes moraliter, hoc est, sine fide, vivant in ea, id est, non puniantur, sed habeant corporalia præmia per eam. Sed accipio istum locum in genere, ut hoc dictum Christi, Hoc fac, & vives, ut sit quædam ironia seu irrisio. *Ja thue es nur.* Vult autem Paulus hic ostendere, quid sit exactè & proprie iusticia Legis & Evangelii. Iusticia Legis, est facere legem, juxta illud, Qui fecerit ea homo, &c. Iusticia fidei est credere, juxta illud, iustus ex fide vivit. Ideo Lex exigit, ut Deo aliquid præstemus. Fides autem non exigit à nobis opera, aut ut præstemus aliquid Deo, sed ut credentes Dei promissioni, recipiamus ab ipso. Itaq; legis officium est, in summo suo gradu, operari, Fidei promissionibus assentiri. Quia fides est promissionis fides, opus est Legis opus. Remoratur ergo Paulus in vocabulo facere, utq; clare ostendat, quæ sit iusticia legis, quæ fidei, opponit inter se promissionem & legem, fidem & opera. Ex lege dicit nihil sequi, nisi facere, Fidem autem esse omninò contrariam rem, nempe quæ promissioni assentiatur.

*Legem facientes moraliter.*

*Iusticia legis.  
Iusticia fidei.*

*Legis & fidei officium.*

Oportet itaq; ista quatuor distincta esse perfectissimè. Nam sicut lex, ita promissio habet suum proprium officium. Ad legem pertinet facere, ad promissionem credere. Quàm latè ergo lex & promissio, tam latè Facere & Credere distincta sunt, etiamsi Facere theologicè intelligas. Nam Paulus hic in alio loco versatur, Vrgit distinctionem inter Facere & Credere, ut separet charitatem à fide, & declaret solam Fidem sic justificare, quòd lex sive fiat moraliter, sive theologicè, sive non fiat, prorsus nihil cooperetur ad justificationem. Quia lex pertinet ad Facere, Fides autem non est hujus generis, sed omninò diversum quiddam, quod requiritur antequam lex fiat, quo præexistente, tunc fiat pulchra incarnatio.

*Discrimen inter facere & credere.*

Quare fides perpetuò justificat & vivificat, & tamen non manet sola, id est, ociosa. Non quod non sola in suo gradu & officio maneat, quia perpetuò sola justificat, Sed incarnatur, & fit homo, hoc est, non est, & manet ociosa, vel sine charitate. Sic Christus secundum Divinitatem est substantia vel natura divina & æterna sine principio, Humanitas verò est natura in tempore creata. Hæ duæ naturæ in Christo sunt inconfusæ & impermixtæ, & utriusq; proprium est distinctè intelligendum. Humanitatis est incepisse in tempore, Divinitatis est esse æternum sine principio. Et tamen conveniunt hæc duo, & incorporatur divinitas sine principio in humanitatem cum principio. Ut ergo distinguere cogor inter humanitatem & divinitatem, & dicere, Humanitas non est divinitas, & tamen homo est Deus. Ita hic distinguo, Fides non est Lex, & tamen fides operatur. Conveniunt igitur Fides & opera in composito, & tamen utrumq; habet & servat suam naturam & proprium officium. Habes ergo cur Paulus hunc locum hic alleget, nempe ut Fidem longissimè à charitate distinguat.

*Fides non est ociosa.*

*Fides non est lex, & tamen operatur.*

Pereant itaq; Sophistæ cum sua maledicta glossa, & damnetur vox ista. Fides formata, ac dicamus constanter, ista vocabula, Fides formata, informis, acquisita, &c. Diaboli esse portenta, nata in perniciem doctrinæ & fidei Christianæ, ad blasphemandum & conculcandum Christum, & ad statuendam iusticiam operum. Dicamus (inquam) ut retinere possimus fidem veram & rectam sine operibus. Debent quidem opera fidem sequi, sed Fides non debet esse opera, nec opera Fides, ne confundantur, sed rectissimè distinguantur utriusque & legis seu operum & fidei fines & regna.

*Fides formata, informis, &c.*

Itaq; cum credimus, vivimus simpliciter fide in Christum, qui est sine peccato, qui denique est nostrum operculum, propiciatorium & remissio peccatorum. Contrà, cum Legem facimus, operamur quidem, sed iusticiam & vitam non habemus. Legis enim non est justificare & vivificare, sed ostendere peccatum & occi-

*Legis officium.*

*Fidei officium.*

dere. Dicit quidem Lex, Qui fecerit ea homo, vivet in eis. Sed ubi est qui facit Legem, hoc est, qui diligit Deum ex toto corde, &c. & proximum sicut seipsum? Ergo nemo facit Legem, ut maximè aliquis conetur eam facere, sed faciendo eam non facit, manet ergo sub maledicto. Fides verò non facit, sed credit in Christum justificatorem. Itaque homo vivit non propter facere, sed credere. Credens verò facit Legem, quod autem non facit, condonatur per remissionem peccatorum propter Christum, & quod reliquum est peccati, non imputatur ei.

*Christus finis legis.  
Pij faciunt legem.*

Confert ergo hoc loco & Romàn. id. Paulus justiciam Legis & Fidei, cum ait, Qui fecerit hæc, vivet in eis, q. d. Pulchrum quidem esset, si Legem faceremus. Sed quia nemo eam facit, confugiendum est ad Christum, qui est finis Legis, ad justiciam omni credenti. Is factus est sub Legem, ut nos, qui sub Lege eramus, redimeret. In hunc credentes accipimus Spiritum sanctum, & incipimus Legem facere. Quod verò non facimus, non imputatur propter Fidem in Christum. In futura autem vita non habebimus amplius opus fide, quia non per speculum in ænigmate, ut nunc, sed facie ad faciem videbimus, hoc est, erit æternæ gloriæ caritas, in qua Deum, sicuti est, conspiciemus. Ibi tum futura est vera & perfecta cognitio & claritas Dei, recta ratio & bona voluntas, non moralis aut theologica, sed cœlestis, divina & æterna. Interim in hac vita spiritu ex fide spem justiciæ expectamus. Contrà, qui remissionem peccatorum per Legem, non per Christum quærunt, nunquam faciunt Legem, sed sub maledicto manent.

*Quos Paulus  
justos vocat.  
Facere legem.*

Vocat ergo Paulus eos tantum justos, qui sine Lege per Promissionem, seu per Fidem promissionis justificantur. Ideò facere Legem est ficta res, quæ nihil significat extra Fidem. Quare qui ex operibus Legis sunt, & volunt videri facere Legem, non faciunt, quia Apostolus simpliciter concludit, omnes, qui ex operibus Legis sunt, sub maledicto esse, sub quo non essent si Legem facerent. Verum quidem est, quod homo faciens ea, vivet in eis, id est, erit benedictus, Sed talis nusquam invenitur.

*Ufus legis duplex.*

Cum autem duplex sit usus Legis, politicus & spiritalis, qui vult, sententiam hanc civiliter intelligat, hoc modo, Qui fecerit ea, vivet in eis, hoc est, Si homo obedierit Magistratui externè & in regno politico, pœnas & mortem evadet, Politicus magistratus non habet jus in eum, ut subiciat pœnis aut occidat, sed permittit eum impunè vivere. Is est politicus Legis usus, valens ad coercendos rudes. Sed Paulus istum usum hîc non urget, sed tractat hunc locum theologicè, Ideò necessariò inclusa est conditio, q. d. Si homines possent Legem facere, essent beati. Sed ubi sunt? Non sunt ergo factores Legis, nisi priusificentur ante & absque Lege per Fidem.

*Imaginatio S.  
Hieronymi.*

Quare Paulus cum maledicit & damnat eos, qui ex operibus Legis sunt, non loquitur de his, qui fide justificati sunt, sed qui sine fide in Christum per opera justificari conantur. Quod ideo admoneo, ne sequamur imaginationem sancti Hieronymi, qui deceptus per Origenem nihil prorsus intellexit in Paulo, sed eum inspexit, ut civilem legistam. Hinc ita colligit, Sancti Patriarchæ, Prophetæ & Reges circumcisi sunt & sacrificaverunt, ergo observaverunt Legem. Impium autem est dicere eos sub maledicto esse & manere, Ergo non omnes, qui ex operibus

operibus Legis sunt, sub maledicto sunt. Sic sine iudicio irruit in Paulum, non taciens discrimen inter factores Legis veros, fide iustificatos, & inter operadores, qui sine fide per Legem iustificari quærunt.

At Paulus hic plane nihil agit contra iustificatos fide & veros factores, quia illi non sunt ex operibus Legis. Sed contra illos, qui non solum non servant Legem, sed etiam contra eam peccant. Quia Lex præcipit ut timeamus, diligamus & fide colamus Deum, Hoc ipsi non faciunt, sed eligunt novos cultus & opera à Deo non præcepta, quibus Deus non placatur, sed plus irritatur, juxta illud, Frustra colunt me mandatis hominum. Injusti ergo, sacrilegi & idolatræ sunt, peccantes gravissimè præ omnibus aliis in primum Præceptum. Deinde habent etiam concupiscentias, iram & alias passiones maximas. In summa, nihil boni est in eis, nisi quod foris in speciem iusti, & legem facere videri volunt.

*Hypocritarum  
pictura.*

Sic & nos fide iustificati, ut Patriarchæ, prophetæ & omnes sancti, non sumus ex operibus Legis, quantum ad justificationem attinet. Quatenus vero in carne sumus, & reliquias peccati adhuc habemus, sumus sub Lege (non tamen sub maledicto, quia propter Christum, in quem credimus, reliquiæ peccati non imputantur nobis) Caro enim est inimica legi Dei, & concupiscentia in nobis adhuc reliqua, non solum non implet Legem, sed peccat etiam in eam, imò militat contra nos, & captivat nos in servitutem, Rom. 7. Si autem in Sanctis Lex non impletur, sed multa fiunt contra Legem, cum habeant adhuc concupiscentiam, & reliquiæ peccati & multæ feces supersint, quæ impediunt eos, ut perfectè non timeant & diligant Deum, ut non invocent certam fiduciam, non satis laudent Deum & venerentur ejus verbum. Quantò magis hoc verum est in homine, fide nondum iustificato, & averso à Deo, qui toto corde negligit, contemnit & odit verbum & opus Dei. Vides ergo Paulum loqui de iis, qui volunt Legem implere & iustificari, nondum accepta fide, non de Patribus & Sanctis, ut Hieronymus imaginatur, jam fide iustificatis.

*Reliquia pec-  
catorum sunt in  
Sanctis etc.*

*Christus redemit nos à maledicto Legis, factus pro nobis maledictum (Quia scriptum est, Maledictus omnis qui pendet in ligno) ut in Gentes, etc.*

Hic iterum laborant Hieronymus & Sophistæ, qui eum secuti sunt, & miserrime lacerant hunc locum consolationis plenissimum, & zelo quodam pio, ut putant, hoc anxie agunt, ne hanc contumeliam Christo fieri permittant, ut maledictum seu execratio appelletur. Ad hunc ergo modum eludunt istam sententiam, Paulum hic serio non fuisse locutum. Atque hinc non minus scelestè quam impie dixerunt, Scripturam in Paulo pugnare, quæ suis locis non pugnat. Quod ita ostendunt, Sententia (ajunt) Mosi, quam Paulus hic allegat, non loquitur de Christo. Deinde in Mose non est addita universalis particula, omnis, quam Paulus habet. Vicissim omittit Paulus particulam, à Deo, quæ in Mose est. Postremò satis manifestum est, Mosén loqui de nocente seu latrone, qui malefactis suis meruit crucem, ut Scriptura Deut. 21. clarè testatur. Ideò quærunt, quomodo hæc sententia accommodari possit ad Christum, quòd sit maledictus Dei, suspensus in ligno, cum non sit nocens seu latro, sed justus & sanctus? Ista fortassis imperitos movent, qui putant Sophistas non solum subtiliter sed & pie ista dicere, & per hoc honorem Christi defendere, & Christianos religiosè admonere, ne impie sentiant Christum factum esse maledictum, Ideò videndum est, quod sit Pauli consilium & sententia.

*Sententia hæc à  
Paulo citata est  
Deut. à Sophi-  
stis male lacerata.*

Paulus benè munivit sua verba, & disertè locutus est. Est autem hic iterum facienda distinctio, ut verba Pauli satis indicant. Non enim dicit, Christum maledictum factum pro se, sed pro nobis. Est ergo emphasis in particula, pro nobis. Nam Christus, quod ad suam personam attinet, est innocens, ergo non debebat suspendi in ligno. Quia vero omnis latro secundum Legem suspendi debuit, debuit & Christus ipse secundum legem Mosi suspendi, Quia gessit personam peccatoris & latronis, non unius, sed omnium peccatorum & latronum. Nos enim

*Particula, pro  
nobis, emphati-  
ca.*

*Christus gessit  
personam latro-  
nis, etc. ergo  
debeuit suspendi.*



sumus peccatores & latrones, ideò rei mortis & æternæ damnationis. Sed Christus in sese recepit omnia peccata nostra, & pro illis in cruce mortuus est. Idè oportuit illum fieri latronem, & ut Esaias ait Cap. 53. reputari inter latrones.

29. 13.

*Christus peccator omnium malorum, quia peccata totius mundi tulit.*

Et quidem omnes Prophetæ viderunt hoc in Spiritu, quod Christus futurus esset omnium maximus Latro, homicida, adulter, fur, sacrilegus, blasphemus, &c. quo nullus major unquam in mundo fuerit. Quia existens hostia pro peccatis totius Mundi, jam non est persona innocens & sine peccatis, non est natus de virgine Dei filius, Sed Peccator, qui habet & portat peccatum Pauli, qui fuit blasphemus, persecutor & violentus, Petri, qui negavit Christum, Davidis, qui fuit adulter, homicida, & blasphemare fecit gentes nomen Domini, In summa, qui habet & portat omnia omnium peccata in corpore suo. Non quod ipse commiserit ea, sed quod ea à nobis commissa susceperit in corpus suum, pro illis sanguine proprio satisfactorius. Itaq; lex illa generalis Mosi comprehendit eum, quamvis pro sua persona innocentem, quia invenit eum inter peccatores & latrones. Vt magistratus pro fonte habet & punit, si quem inter latrones deprehendit, etiamsi nunquam aliquid mali aut morte dignum commisit. Christus autem non solum inventus est inter peccatores, sed etiam sua sponte & Patris voluntate, voluit esse Socius peccatorum, assumpta carne & sanguine eorum, qui peccatores, latrones & immeriti sunt omnibus peccatis. Cum ergo Lex eum inter latrones invenit, ut latronem condemnavit & occidit.

*Quæ incommoda fecerint in doctrina Sophistarum.*

Hac cognitione Christi & consolatione suavissima, quod Christus pro nobis factus sit maledictum, ut nos à maledicto legis redimeret, privant nos Sophistæ, cum segregant Christum à peccatis & peccatoribus, & eum tantum proponunt ut exemplum nobis imitandum. Hoc modo reddunt Christum nobis non solum inutilem, sed etiam iudicem & tyrannum constituunt, qui irascatur peccatis, & damnet peccatores. Nos vero debemus involvere Christum, & involutum cognoscere, ut carne & sanguine, ita peccatis, maledictione, morte & omnibus malis nostris.

*Christus peccator non est & maledictum, 2. Corinth. 5.*

*Christus agnus Dei, &c.*

Sed & dicat aliquis. Valde absurdum & contumeliosum est, filium Dei appellare peccatorem & maledictum. Respondeo, Si vis negare eum esse peccatorem & maledictum, Negato etiam passum, crucifixum & mortuum. Non enim minus absurdum est dicere, filium Dei (ut fides nostra confitetur & orat) crucifixum, poenas peccati & mortis sustinuisse, quam peccatorem aut maledictum dicere. Si verò non est absurdum confiteri & credere Christum crucifixum inter latrones, neq; absurdum sit, eum dicere maledictum & peccatorem peccatorum. Certè non sunt inanes voces in Paulo, Christus factus est pro nobis maledictum. Deus fecit Christum, qui peccatum non noverat, pro nobis peccatum, ut efficeremur iusticia Dei in ipso, 2. Cor. 5. Ad eundem modum vocat eum Iohannes Baptista agnum Dei tollentem peccata mundi. Ipse quidem innocens est, Quia est immaculatus & incontaminatus Dei agnus, Sed quia portat peccata Mundi, premitur ejus innocentia peccatis & reatu totius mundi. Quæcunq; peccata ego, tu, & nos omnes fecimus, & in futurum faciemus, tam propria sunt Christi, quam si ea ipse fecisset. In summa, Oportet peccatum nostrum fieri Christi proprium peccatum, aut in æternum peribimus. Hanc veram cognitionem Christi, quam tradiderunt Paulus & Prophetæ clarissime, obscurarunt impii Sophistæ.

*Iniquitates nostras in Christum posita.*

*Christum habere peccatum testatur Psalm.*

Esaias Cap. 53. de Christo loquitur, Deus, inquit, posuit omnium nostrum iniquitates in ipsum. Non debemus ista vocabula extenuare, sed relinquere in propria significatione. Deus enim non jocatur verbis Prophetæ, sed serio loquitur & ex magna charitate, videlicet, quod ille agnus Dei Christus, debuit portare iniquitates omnium nostrum. At quid est portare? Respondent Sophistæ, puniri. Benè. Sed quare Christus punitur? An non ideò, quia peccatum habet & gerit? Quod autem peccatum habeat Christus, testatur etiam Spiritus sanctus Ps. 40. Comprehenderunt me iniquitates meæ, & non potui ut viderem. Multiplicatae sunt

29. 14.

30. 40.

10. sunt super capillos capitis mei, Et Psal. 41. Ego dixi, Domine, miserere mei, sana  
 19. animam meam, quia peccavi tibi. Et Psal. 69. Deus tu scis insipientiam meam, & de-  
 licta mea à te non sunt abscondita. In his Psalmis loquitur Spiritus sanctus in per-  
 sona Christi, & manifestis verbis testatur eum peccata habere. Sunt tamen hæc  
 testimonia Psalmorum, voces non innocentis, sed patientis Christi, qui personam  
 omnium peccatorum gerendam suscepit, ideoque reus factus est peccatorum to-  
 tius Mundi.

Quare Christus non solum crucifixus est & mortuus, sed & per divinam  
 charitatem ei impositum est peccatum. Peccato ei imposito, venit Lex & dicit,  
 Omnis peccator moriatur, Itaq; si vis Christe spondere, reus esse, & poenam ferre  
 pro peccatoribus, feras etiam peccatum & maledictionem. Recte ergo Paulus ge-  
 neralem Legem adducit ex Mose de Christo, Omnis pendens in ligno est maledi-  
 ctum Dei, Christus pendit in ligno, Ergo Christus est maledictum Dei.

Et hæc consolatio piorum summa est, sic Christum induere & involuere  
 meis, tuis, & totius Mundi peccatis, & inspicere eum portantem omnia peccata no-  
 stra. Siquidem hoc modo inspectus facile tollit fanaticas opiniones Sophistarum  
 de justificatione operum. Somniant enim fidem quandam, formatam charitate,  
 per hanc contendunt tolli peccata & justificari homines. Quod plane est Christum  
 exuere & evolvere peccatis, eumque facere innocentem, & nos ipsos gravare &  
 obruere peccatis propriis, & ea intueri non in Christo, sed in nobis. Quod verè est  
 tollere & ociosum reddere Christum. Nam si verum est, quòd operibus Legis &  
 charitate abolemus peccata, tum Christus ea non tollit. Si autem ipse est agnus  
 Dei, ad hoc ab æterno præordinatus, ut tolleretur peccata mundi, Denique ita in-  
 volutus sponte peccatis nostris, ut fieret maledictum pro nobis, tum necessario se-  
 quitur, quòd per charitatem non possimus justificari & peccata tollere. Quia Deus  
 non posuit peccata nostra in nos, sed in Christum filium suum, ut pro illis poenam  
 sustinens, nobis esset pax, & ipsius vulneribus sanaremur, Ideò per nos non possunt  
 tolli. Hocque tota scriptura testatur, & idem nos confitemur, & oramus in Sym-  
 bolo, cum dicimus, Credo in Iesum Christum Dei filium, passum, crucifixum &  
 mortuum pro nobis.

Ex his constat doctrinam Evangelii omnium jucundissimam & uberrimis  
 consolationibus plenam, non concionari de nostris aut Legis operibus, sed de in-  
 comprehensibili & ineffabili Misericordia & charitate Dei erga nos indignos &  
 perditos homines, Quòd scilicet cum videret misericors Pater, nos maledictione  
 Legis opprimi, & ita sub ea teneri, ut nostris viribus nunquam potueramus ex ea li-  
 berari, misertus unigenitum filium suum in mundum, ac conjecerit in eum omnia  
 omnium peccata, dicens, Tu sis Petrus ille negator, Paulus ille persecutor, blasphe-  
 mus & violentus, David ille adulter, Peccator ille, qui comedit pomum in Paradi-  
 so, Latro ille in cruce, In summa, tu sis persona, quæ fecerit omnium hominum pec-  
 cata, cogita ergo ut solvas, & pro eis satisfacias. Ibi Lex venit & dicit, Invenio  
 illum peccatorem, & quidem talem, qui susceperit omnium hominum peccata in  
 se, & nullum præterea peccatum video nisi in illo, ergo moriatur in cruce, Atque  
 ita invadit eum & occidit. Hoc facto, totus Mundus purgatus & expiatus est ab  
 omnibus Peccatis, ergo etiam liberatus à morte & omnibus malis. Sublatis vero  
 peccato & morte per unum illum hominem, Deus nihil aliud videret amplius  
 in toto mundo, præsertim si crederet, quàm meram purgationem & justiciam,  
 Et si quæ peccati reliquæ remanerent, tamen præ illo solo Christo Deus eas  
 non cerneret.

Ita oportet nos magnificare Articulum justiciæ Christianæ, contra justici-  
 am Legis & operum, quanquam nulla vox aut eloquentia sit, quæ dignè possit  
 concipere, multo minus eloqui ejus magnitudinem. Quare argumentum quod  
 Paulus hic tractat, potentissimum & summum omnium est contra omnes justici-  
 as Legis. Continet enim hanc invictam & irrefragabilem antithesin, videlicet,

*Paulus recte  
 accommodat ad  
 Christum Jan-  
 tentiæ ex Deu-  
 tero.*

*Consolatio sum-  
 ma piorum.*

*Fides Sophista-  
 rum formatæ  
 charitate.*

*Per unigenitum  
 Christum pecca-  
 ta tolluntur, non  
 per opera legi-  
 que charitates.*

*Doctrina Evan-  
 gelij de quib.  
 rebus constanter  
 tenet.*

*Lex dicitur, ut  
 occidat Chris-  
 tum, &c.*

*Articulus ju-  
 sticiæ Christianæ  
 &c.*

*Antilepist.*

Si Peccata totius Mundi sunt in illo uno homine Iesu Christo, tum non sunt in Mundo, Si autem non sunt in ipso, sunt adhuc in mundo. Item, Si Christus ipse factus est reus omnium peccatorum, quæ nos omnes commisimus, Ergo nos absoluti sumus ab omnibus peccatis, sed non per nos, nostra opera aut merita, sed per ipsum. Si vero est innocens, & non portat peccata nostra, portamus nos ea, & in eis moriemur & damnabimur. Sed Deo gratia, qui dedit nobis victoriam per Dominum nostrum Iesum Christum, Amen.

*Mirabile duellum peccati & iusticie in Christo, &c.*

Sed videamus nunc, quo modo in hac Persona duo extreme contraria concurrant. Invadunt eam non solum mea, tua, sed totius Mundi peccata præterita, præsentia & futura, & conantur eam damnare, sicut etiam damnant. Sed quia in eadem illa persona, quæ est summus, maximus & solus peccator, est quoque æterna & invicta iusticia, ideò congregiuntur illa duo, summum, maximum & solum peccatum, & summa, maxima & sola iusticia. Hic alterum cedere & vinci necessario oportet, cum summo impetu concurrant & collidantur. Peccatum ergo totius mundi irruit maximo impetu & furore in iusticiam. Quid sit? Iusticia est æterna, immortalis & invicta. Peccatum est quoque potentissimus ac crudelissimus tyrannus, dominans ac regnans in toto orbe terrarum, captivans & redigens omnes homines in servitutem sui. In summa, Peccatum est Deus maximus ac potentissimus, qui exhaurit totum genus humanum, omnes doctos, sanctos, potentes, sapientes, indoctos, &c. Is, inquam, incurrit in Christum, & vult eum, ut alios omnes, devorare. Sed non videt eum esse Personam invictæ & æternæ iusticiæ. Ideo necesse est in hoc duello vinci & occidi Peccatum, & Iusticiam vincere & vivere. Sic in

*Iusticia.*

*Peccatum.*

Christo vincitur, occiditur & sepelitur universum Peccatum, & manet victrix & regnatrix iusticia in æternum.

*Iusticia victrix peccati.*

*Congressus mortis cum vita, &c. Vita victa, victrix mortis, &c.*

Sic Mors, quæ est omnipotens imperatrix totius mundi, necans reges, principes & simpliciter omnes homines, congregitur toto impetu cum Vita, victura & absorptura eam, & certè, quod conatur, efficit. Sed quia Vita erat immortalis, victa, evasit victrix, vincens & occidens mortem, De hoc mirabili duello Ecclesia pulchrè canit, Mors & vita duello conflixere mirando, Dux vitæ mortuus, regnat vivus. Itaque per Christum Mors victa & abolita est in toto mundo, ut jam non sit nisi picta mors, quæ amisso aculeo amplius non possit nocere credentibus in Christum, qui factus est Mors mortis, ut Hosea canit, Ero mors tua o mors.

*Maledictionis certamen cum benedictione. Christus victor maledictionis, &c.*

Sic Maledictioni, quæ est divina ira per totum orbem terrarum, idem certamen est cum Benedictione, hoc est, cum æterna Gratia & misericordia Dei in Christo. Concreditur ergo Maledictio cum Benedictione, & vult damnare & prorsus in nihilum redigere eam, sed non potest. Benedictio enim est divina & æterna, ideò oportet ei maledictionem cedere. Nam si benedictio in Christo posset vinci, vinceretur Deus ipse. Sed hoc est impossibile. Ideò Christus divina Virtus, iusticia, benedictio, gratia & vita, vincit & tollit illa monstra, Peccatum, mortem & maledictionem, sine armis & prælio, in suo corpore & semetipso, ut Paulus libenter loqui solet, Expolians, inquires, principatus ac potestates, & triumphans de illis in semetipso, ut amplius credentibus nocere non possint, &c.

*In semetipso.*

*Credentib. peccatum & mors abolita, &c.*

Et hæc circumstantia, In semetipso, facit duellum istud mirabilius & illustrius. Ostendit enim tantas res (scilicet, ut Maledictio, peccatum, mors destruantur, & in locum illorum, Benedictio, iusticia, vita succedant) debere geri in unica illa persona Christi, atque ita per eam mutari totam creaturam. Ideò si hanc personam aspexeris, vides peccatum, mortem, iram Dei, inferos, Diabolum & omnia mala victa & mortificata. Quatenus igitur Christus per gratiam suam in cordibus fidelium regnat, nullum Peccatum, mors, maledictio est. Vbi verò Christus non cognoscitur, manent ista. Ideò carent isto beneficio & victoria omnes, qui non credunt. Est enim victoria nostra, ut Iohannes ait, fides.

*Articulum divinitatis Christi.*

Hic est præcipuus locus Christianæ doctrinæ, quem Sophistæ prorsus obscurarunt, & hodie Fanatici spiritus denuò obscurant. Et hic vides, quàm necessarium

*Hosea 13.*

*Coloss. 2.*



rimo sit, credere & confiteri Articulum de divinitate Christi. Quem ubi Arritus negavit, necesse fuit etiam negare eum articulum Redemptionis. Vincere enim peccatum mundi, mortem, maledictionem & iram Dei in semetipso, non est ullius creature, sed divinæ potentiae opus. Igitur necesse est illum, qui in seipso ista vicit, verè natura Deum esse. Oportet enim isti summæ potentiae (Peccato, morti, maledictioni) quæ per sese regnat in mundo, & in tota creatura, opponi illam potentiam superiorem, quæ nulla potest inveniri aut esse, nisi divina. Quare abolere Peccatum, destruere mortem, auferre maledictionem in seipso, & donare justiciam, vitam & pacem producere, asserre benedictionem, hoc est, in nihilum redigere hæc, & creare illa, sunt solius divinæ potentiae opera. Quia vero Scriptura tribuit Christo ista omnia, ideo ipse est vita, justicia & benedictio, quæ naturaliter & substantialiter Deus est. Quare negantes divinitatem Christi, amittunt tandem totum Christianitatem, fiunt prorsus gentiles ac Turcæ. Locus igitur justificationis, ut sæpe monemus, diligenter discendus est. In eo enim comprehenduntur omnes alii Fidei nostri articuli, eoque salvo, salvi sunt & reliqui. Quare cum docemus, homines per Christum justificari, Christum esse victorem Peccati, mortis & æternæ maledictionis, testificamur simul eum esse natura Deum.

*Negantes redemptionem, negant etiam redemptionem.*

*Negantes divinitatem Christi, fiunt gentiles. Christus natura Deus.*

Ex his satis liquet, quàm horribiliter cæci & impii fuerint Papistæ, quod docuerunt istos atrocissimos & potentissimos tyrannos (Peccatum, mortem, maledictionem) qui totum humanum genus exhauriunt, vincendos esse, non justiciam Legis divinæ (Quæ etiam si justa, bona, sancta sit, nihil potest quàm maledictioni subire) sed justiciam operum humanorum, ut sunt jejunia, peregrinationes, rosaria, vota, &c. Quis quæso unquam inventus est, qui hac armatura instructus vicerit peccatum, mortem, &c. ? Paulus Ephes. 6. longè aliam describit armaturam, qua utendum sit contra istas immanissimas beluas. Hoc ipso igitur quod cæci & cæcorum duces, nos nudos sine armatura Dei objecerunt invictis & omnipotentibus istis tyrannis, non solum devorandos nos illis tradiderunt, sed etiam fecerunt nos decuplo majores & deteriores peccatores ipsis homicidis & meretricibus. Nam solius divinæ potentiae est Peccatum destruere, Mortem abolere, &c. creare justiciam & vitam donare. Hanc divinam virtutem tribuerunt operibus nostris, dicentes, Si hoc vel illud opus feceris, vices peccatum, mortem, iram Dei. Atque ita re vera constituerunt nos in locum Dei, ac fecerunt, ut sic dicam, nos verè & naturaliter Deum. Eaque re ostenderunt Papistæ, seipso sub nomine Christiano septuplo majores idolatras fuisse, quàm gentiles. Accidit enim illis quod porco, qui lotus revertitur ad volutabrum luti. Et, ut Christus ait, Post defectionem à fide, spiritus nequam rursum intrat in domum, è qua expulsus est, & assumit secum alios septem spiritus nequiores se, & ibi habitat, Et tum fiunt postrema illius hominis pejora prioribus.

*Papistarum inscitia & impietas.*

*Armatura Christianorum, Ephes. 6.*

*Mortem abolere, vitam donare, Dei opus.*

Suscipiamus igitur cum gratiarum actione & certa fiducia hanc doctrinam suavissimam & consolationis plenissimam, quæ docet, Christum pro nobis factum Maledictum (hoc est, peccatorem obnoxium iræ Dei) induere personam nostram, & imponere in humeros suos peccata, & dicere, Ego commisi peccata, quæ omnes homines commiserunt. Ergo verè factus est maledictum secundum Legem, non pro se, sed ut Paulus ait, pro nobis. Nisi enim mea, tua & totius mundi peccata in sese recepisset, Lex nihil juris in eum habuisset, quæ condemnat & sub maledicto tenet tantum peccatores. Quare neque Maledictum fieri, neque mori potuisset, cum causa maledictionis & mortis sit peccatum, à quo immunis erat. Sed quia peccata nostra non coactè, sed sua sponte susceperat, oportuit eum ferre pœnam & iram Dei, non pro sua persona, quæ justa & invicta erat, ideoque non potuit fieri rea, sed pro persona nostra.

*Evangelii doctrina quælibet.*

*Christus peccata nostra sponte suscepit, ideo oportuit eum fieri maledictum pro peccatis.*

Sic feliciter commutans nobiscum, suscepit nostram peccatricem, & donavit nobis suam innocentem & victricem personam. Hac induti & vestiti, liberamur à Maledictione legis, Quia Christus ipse volens pro nobis factus est maledictum. Ego, inquam, pro mea persona humanitatis & divinitatis benedictus sum, & planè nullius

*Christi justiciam*

*nostra, nostrum  
peccatum suum.*

nullius rei egeo, Sed exinanibo me, assumam vestem & larvam vestram, hoc est, humanam naturam, atque in ea obambulabo, & mortem patiar, ut vos à morte liberem. Atque cum ita gestaret in nostra larva Peccatum totius mundi, comprehensus, passus, crucifixus, mortuus, & pro nobis maledictum factus est. Quia verò divina & æterna Persona erat, impossibile fuit morte teneri eam, Ideò resurrexit die tertia à morte, & nunc in æternum vivit, nec amplius invenitur in ea Peccatum, mors & larva nostra, sed mera justitia, vita & benedictio æterna.

*Fides sola vi-  
ctoriam Christi  
apprehendit.*

Hanc imaginem oportet nos intueri & firma fide apprehendere. Qui hoc facit, habet hanc innocentiam & victoriam Christi, quamlibet magnus sit peccator. Sed ea non potest apprehendi voluntate dilectionis, sed ratione illuminata fide. Ergo sola Fide justificamur, quia sola fides apprehendit hanc victoriam Christi. Quatenus igitur hoc credis, eatenus habes. Si credis peccatum, mortem & maledictionem abolita esse, abolita sunt. Quia Christus ista in semetipso vicit & sustulit, & vult credi, quod sicut in sua persona nulla est amplius larva peccatoris, nullum vestigium mortis, ita neque in nostra, cum pro nobis omnia fecerit, &c.

*Remedium  
contra terrores  
peccati, &c.*

Quare si te angit peccatum, si perterrefacit mors, cogita vanum esse spectrum & Diaboli illusionem, ut certè est. Re vera enim nullum amplius est Peccatum, nulla maledictio, nulla mors, nullus Diabolus. Quia Christus hæc omnia vicit & abolevit. Itaque victoria Christi est certissima, neque defectus est in re, cum si verissima, sed in incredulitate nostra. Difficile enim est rationi ista tam inæstimabilia bona credere. Deinde accedunt quoque Diabolus & Fanatici spiritus, qui hominem unum agunt, hic suis ignitis telis, illi sua perversa & impia doctrina, ut hanc doctrinam nobis obscurent & auferant. Et potissimum propter hunc articulum, quem tam diligenter urgemus, sustinemus odium & persecutionem Satanæ & mundi. Sentit enim Satan potentiam & fructum hujus articuli.

*Diabolus &  
heretici infidi-  
antur ppi.*

*Credo Ecclesi-  
am sanctam.*

Quòd autem, Christo nunc regnante, nullum re vera amplius Peccatum, mors & maledictio sit, confitemur quotidie etiam in Symbolo Apostolorum, cum dicimus, Credo Ecclesiam sanctam. Quod planè nihil aliud est, quàm si dicere-  
mus, Credo nullum peccatum, nullam mortem in Ecclesia esse. Quia credentes in Christum non sunt peccatores, non sunt rei mortis, sed simpliciter sancti & just, domini peccati & mortis, & in æternum viventes. Verum hoc tantum fides cernit, quia dicimus, Credo Ecclesiam sanctam. Si autem rationem & oculos tuos consulueris, diversum judicabis. Vides enim multa in piis, quæ te offendunt, vides eos quandoque labi, peccare, infirmos esse in fide, iracundia, invidia & aliis malis affectibus laborare. Ergo Ecclesia non est sancta. Nego consequentiam. Si meam vel proximi personam inspicio, nunquam erit sancta. Si autem Christum, qui Ecclesiam sanctificat & purificat, inspicio, tota sancta est. Hic enim peccata totius mundi sustulit.

*Infirmitas pio-  
rum.*

*Peccatum,  
mors, maledi-  
ctio, &c. juxta  
Paulum non  
sunt in mundo.*

Ideò Peccata non sunt re vera ibi, ubi cernuntur & sentiuntur. Nam secundum theologiam Pauli, nullum Peccatum, nulla mors, nulla maledictio est amplius in mundo, Sed in Christo, qui est agnus Dei, qui abstulit peccata mundi, Qui factus est maledictum, ut nos à maledicto liberaret. Contra secundum Philosophiam & rationem, Peccatum, mors & maledictio, nusquam sunt nisi in mundo, carne seu peccatoribus. Non enim aliter potest theologus Sophista de peccato loqui, quàm gentilis Philosophus, nempe sic, Qualitas hæret in substantia aut sub-  
jecto, Sicut ergo color in pariete, ita Peccatum in mundo, carne vel conscientia hæret, Igitur eluendum est per contrarios motus, scilicet per charitatem, Vera autem Theologia docet, quod nullum Peccatum amplius sit in mundo, Quia Christus, in quem Pater conjecit peccata totius mundi, Esa. 53. vicit, delevit & occidit illud in corpore suo. Is semel mortuus peccato, resuscitatus verò ex mortuis, amplius non moritur. Vbicunque igitur est fides in Christum, ibi re vera Peccatum abolitum, mortuum & sepultum est. Vbi verò non est fides in Christum, ibi Peccatum manet. Quanquam reliquæ peccati sint adhuc in Sanctis, quia perfectè non credunt,

*Credentibus  
peccatum, mors  
abolita sunt.*

credunt, &c. tamen illæ mortuæ sunt, quia propter fidem in Christum non imputantur.

Est ergo hoc summum ac potissimum argumentum contra justiciam operum, quod Paulus hîc urget, Non lex, non opera redimunt à Maledictione æterna, sed Christus. Obtestor igitur te Christiane Itêtor per Deum, ut Christum à Lege distinguas, & diligenter attendas, quomodo & quid Paulus loquatur. Necessariò, inquit, omnes sub Maledicto sunt, qui Legem non faciunt, Sed nemo Legem facit, Ergo prima Propositio est vera, videlicet, Quòd omnes homines sub maledicto sunt. Deinde subjungit alteram, Christus redemit nos à Maledictione legis, factus pro nobis maledictum, Ergo Lex & opera non redimunt à maledictione, sed potius subjiciunt nos maledictioni, Ergo charitas, quam Sophistæ dicunt informare fidem, non solum non redimit à maledictione, sed magis intrudit & involvit in eam.

Sicut autem Christus aliud quiddam est quàm Lex, & opera legis, Ita etiam redemptio Christi longè aliud est, quàm meum meritum ex operibus legis, quia oportuit ipsum Christum redimere nos à maledicto legis. Manent igitur sub maledicto, quotquot Christum fide non apprehendunt. Neq; tam stolidi sunt Sophistæ, ut dicant Christum nostrum opus seu charitatem esse. Christus enim longè aliud quiddam est, quàm opus quod nos facimus. Nullus Papista, quantumvis insanus, audebit dicere, Eleemosynam, quam ipse largitur egenti, obedientiam quam Monachus præstat, Christum esse. Christus enim est Deus & homo conceptus è Spiritu sancto, natus ex Maria virgine, &c. De hoc autem dicit Paulus, quòd factus sit pro nobis Maledictum, ut nos à maledicto legis redimeret. Ergo Lex, opera, charitas, vota, &c. non redimunt, sed magis involvunt & gravant maledictione. Quo plus ergo operati fuerimus, hoc minus Christum agnoscere & apprehendere possumus.

Apprehenditur autem Christus non Lege, non operibus, sed ratione seu intellectu illuminato fide. Et illa apprehensio Christi per fidem propriè est speculativa vita (de qua Sophistæ multa nugantur, sed quid dicant, nesciunt) Et illa speculatio, qua Christus apprehenditur, non est illa Sophistarum & monachorum stulta imaginatio in mirabilibus supra se, sed est theologica, fidelis & divina inspectio Serpentis suspensi in palo, hoc est, Christi pendentis in cruce pro meis, tuis & totius mundi peccatis. Manifestum ergo est solam fidem justificare. Fide autem nobis justificatis, egredimur in vitam activam. Ad hunc modum Sophistæ rectè discernere potuissent vitam contemplativam & activam, si hanc Evangelium, illam Legem vocassent, hoc est, si docuissent speculativam vitam includi & dirigi debere in verbo Dei, & planè nihil in ea spectandum esse, quàm verbum Evangelii. Activam verò vitam debere peti ex Lege, quæ non Christum apprehendit, sed exercet sese operibus charitatis erga proximum.

Clarus est igitur hic textus, quod omnes homines, etiam Apostoli & Prophetæ & Patriarchæ sub Maledicto mansissent, nisi Christus sese opposuisset Peccato, morti, maledictioni Legis, iræ & judicio Dei, & ea in corpore suo superasset (Nam ista immania monstra nulla humana potentia superari potuerunt) Iam verò Christus non est Lex, non est opus legis, non est actus elicited, sed persona divina & humana, quæ suscepit peccatum, damnationem legis & mortem, non pro se, sed pro nobis, Igitur tota emphasis est in verbo, pro nobis. Non debemus ergo fingere Christum innocentem & privatam personam (ut Sophistæ & ferè omnes Patres Hieronymus & alii fecerunt) quæ pro se tantum sit sancta & justa. Verum quidem est, quòd Christus est purissima persona, Sed ibi non est resistendum, Nondum enim habes Christum, etiamsi noris eum Deum & hominem esse, Sed tunc verè habes, cum credis hanc purissimam & innocentissimam Personam tibi donatam à Patre, ut esset Pontifex & salvator, imò servus tuus, qui exuta innocentia & sanctimonialia sua, & suscepta persona tua peccatrice, portaret Peccatum, mortem & maledictionem tuam, ac fieret Hostia & maledictum pro te, ut sic à maledicto Legis te liberaret.

Vides



*Christus est maledictum & peccatum pro nobis factus. 2. Cor. 5.*

*Germana sententia horum dictorum Pauli, Christus factus est peccatum, maledictum, &c.*

Vides igitur, quàm planè Apostolico Spiritu Paulus hoc gravissimum argumentum de Benedictione & maledictione tractaverit, dum ipsum Christum non solum Maledicto subicit, sed eum etiam dicit factum maledictum. Sic 2. Corin. 5. vocat eum Peccatum, cum ait, Eum qui peccatum non noverat, Deus fecit pro nobis Peccatum, &c. Quanquam hæ sententiæ rectè exponi possint hoc modo, Christus factus est Maledictum, id est, hostia pro maledicto, peccatum, id est hostia pro peccato, &c. Tamen magis placet, si servetur propria significatio vocum, propter maiorem emphasin. Quia cum peccator venit re vera in noticiam sui, non solum sentit se peccatorem concretivè seu adjectivè, sed etiam abstractivè seu substantivè, hoc est, non solum videtur sibi calamitosus, sed ipsa calamitas, non solum peccator & maledictus, sed ipsum peccatum & maledictum. Vt & in latina lingua, cum excellenter volumus aliquem significare scelestum, vocamus eum scelus. Est enim maxima res, portare Peccatum, iram Dei, maledictionem & mortem. Quare homo ista seriò sentiens, ut Christus vere sensit, pro toto genere humano, fit plane ipsum Peccatum, Mors, Maledictum, &c.

*Omnes maledictiones legis in Christum transferenda.*

Vere ergo Apostolico spiritu Paulus hunc locum tractat. Quia nullus Sophista, Legista, Iudæus, fanaticus, aut quisquam alius ita loquitur. Quis enim aude- ret allegare hunc locum ex Mose, Maledictus omnis, qui pendet in ligno, &c. & eum interpretari de Christo? Qua ergo ratione Paulus hanc sententiam, Maledictus omnis, &c. ad Christum accommodavit, eadem & nos non solum illud totum Cap. Deut. 27. sed etiam omnes Maledictiones legis Mosaicæ colligere, & de Christo interpretari possumus. Nam sicut Christus ipse innocens est in hac generali Lege, pro sua persona, ita etiam in omnibus aliis. Et sicut ipse reus est in hac generali Lege, cum Maledictum pro nobis factus, ac suspensus est in cruce, ut homo Sceleratus, blasphemus, parricida, proditor, &c. ita & in omnibus aliis legibus reus est. Omnes enim Maledictiones legis in eum congestæ & positæ sunt, ideoq; eas portavit & sustinuit in corpore suo pro nobis. Non solum igitur fuit Maledictus, sed factus est etiam maledictum pro nobis.

*Argumentum hoc firmissimum ex omnibus legibus sumptum.*

Hoc verè est interpretari Apostolico more Scripturas. Nam homo sine Spiritu sancto non potest ita loqui, nempe, quod totam Legem comprehendat uno dicto (scilicet Christus maledictum factus est pro nobis) ac eam totam semel congerat in Christum. Et econtrà quod omnes promissiones Scripturæ comprehendat, & semel in Christo impletas dicat. Ideò Apostolicum & firmissimum est hoc argumentum, non ex uno loco legis, sed ex universis legibus sumptum, quo etiam vehementer nititur Paulus.

*Paulus diligenter expendit sententiam Gen. In Semine tuo benedicentur, &c.*

*Omnes gentes.*

Ex his apparet quanta diligentia Paulus legerit Scripturas, & quàm studiosissimè expenderit singula verba istius loci, In Semine tuo benedicentur omnes Gentes terræ. Primum ex vocabulo Benedictionis sic colligit, Si Benedictio est futura in omnes Gentes, Ergo omnes Gentes sunt sub maledicto, etiam Iudæi, qui Legem habent. Et affert testimonium scripturæ, quo probat Iudæos sub maledicto esse, qui sub Lege sunt, Maledictus omnis, qui non permanferit in omnibus, &c. Deinde urget particulam, Omnes gentes, ex qua sic colligit, Benedictionem non solum pertinere ad Iudæos, sed etiam ad omnes Gentes totius orbis terrarum, Cum autem ad omnes Gentes pertineat, impossibile sit eam contingere per Legem Mosi, cum nullæ Gentes eam habuerint, præter Iudæos. Et quanquam hi Legem habuerint, tamen adeò per illam non contigisse eis Benedictionem, ut quo plus conati sint eam facere, hoc magis obnoxii facti sint maledictioni Legis. Quare oportere aliam Iusticiam esse, quæ longè excellat Legis iusticiam, per quam contingat Benedictio, non solum Iudæis, sed etiam omnibus gentibus in toto mundo.

*In semine tuo.*

*Quomodo gentes à maledictione liberentur.*

Postremo particulam, In semine tuo, hoc modo explicat, quod aliquis homo nasci debebat ex semine Abraham, scilicet Christus, per quem ventura erat Benedictio in omnes Gentes. Cum itaq; Christus debuit benedicere omnes Gentes, quas

quas invenit maledictas, oportuit ipsum auferre ab eis Maledictionem. Non potuit autem per Legem auferre, quia per eam magis augetur. Quid ergo fecit? Adjunxit se maledictis, assumens illorum carnem & sanguinem & sic interposuit se Mediatorem inter Deum & homines. Licet, inquit, caro & sanguis sim, & agam inter maledictos, tamen sum Benedictus ille, per quem sunt benedicendi omnes homines. Atque ita in una persona conjunxit Deum & hominem, admixtusque nobis maledictis, factus est propter nos maledictum, & suam Benedictionem abscondit in nostrum Peccatum, mortem & maledictum, quæ eum damnaverunt & occiderunt. Sed quia Dei filius erat, ab illis teneri non potuit, vicit ea, & triumphavit de illis, & quicquid adhæsit carni, quam causa nostra assumpsit, secum tulit. Itaque omnes illi carni adhærentes benedicuntur à Maledicto, hoc est, à peccato & morte liberantur.

Qui hoc beneficium Christi, de quo Evangelium propriè concionatur, non intelligunt, nec aliam præter Legis justiciam noverunt, hi, cum audiunt Legis opera non esse necessaria ad salutem, sed per hoc contingere salutem hominibus, si tantum audiant & credant, Christum filium Dei assumpsisse carnem, & adjunxisse se maledictis, ut per hoc benediceret omnes gentes, hi, inquam, offenduntur. Nihil enim horum intelligunt, aut certè tantum carnaliter intelligunt. Sunt enim occupati aliis cogitationibus & fanaticis imaginationibus, Ideò sunt eis mera ænigmata, Imò nobis, qui primitias spiritus habemus, impossibile est ista perfectè intelligere & credere. Quia fortissimè pugnant cum ratione humana,

In summa, Omnia mala inundatura erant super nos, ut inundabunt super impios in æternum. Sed Christus pro nobis factus omnium Legum, maledictionum, peccatorum & malorum nostrorum reus, venit medius, amplectens nos miseros & perditos peccatores, in sese suscepit & pertulit omnia nostra mala, quæ in æternum oppressura ac discruciatúra erant nos, eaque semel ad modicum tempus obruerunt eum, & inundaverunt super caput ipsius, ut Psal. 87. Propheta in persona Christi queritur, cum ait. Super me confirmatus est furor tuus, & omnes fluctus tuos induxisti super me. Item, in me transierunt iræ tuæ, & terrores tui conturbaverunt me. Hoc modo liberati ab istis æternis terroribus & cruciatibus per Christum, æterna & ineffabili pace & felicitate, modo hoc credamus, fruemur.

Hæc sunt illa adoranda mysteria Scripturæ, & vera Cabala, quam etiam Moses aliquot locis subobscurè indicavit, quam Prophetæ & Apostoli cognoverunt, & per manus posteris tradiderunt, de qua futura sancti veteris Testamenti plus lætati sunt, quàm nos de ea jam exhibita, Agnoscimus quidem ingentem thesaurum esse, cognitionem Christi & justiciæ fidei, Sed tam plenum gaudium spiritus inde non concipimus, quale habuerunt Prophetæ & Apostoli. Hinc tam copiosè tractaverunt, & tam sæpè inculcaverunt, præcipuè Paulus, Articulum justificationis. Est enim hoc proprium Apostolorum munus, Christi gloriam & beneficium illustrare, atque per hoc afflictas conscientias erigere & consolari.

*Ut in Gentes benedictio Abrahæ veniret per Christum Iesum.*

**PAULUS** semper in conspectu habet hunc locum, In semine tuo, &c. Quia benedictio Abrahæ promissa, non potuit venire in gentes, nisi per semen Abrahæ Christum. Et quidem hoc modo, Oportuit ipsum fieri maledictum, ut promissio Abrahæ facta, In semine tuo benedicentur omnes gentes, sic impleretur. Nulla igitur alia ratione hoc quod hinc promittitur fieri potuit, nisi Iesus Christus fieret Maledictum, & conjungeret se gentibus maledictis, & sic ab illis auferret maledictum, & è sua benedictione afferret eis justiciam & vitam. Memineris autem, ut etiam supra monui, Benedictionis vocabulum non esse inane, ut Iudæi somniant, qui Benedictionem interpretantur salutationem vocalem vel scriptilem. Sed de Peccato & justiciâ, de morte & vita coram Deo, Paulus hinc agit. Loquitur ergo

O

de rebus

*Hypocrite offenduntur doctrina Evangelii.*

*Christus pro nobis tulit dampnationem, quam in æternum debemus ferre.*

*Cabala vera. Patres plus lætati de beneficio Christi quam nos.*

*Apostolorum proprium officium.*

*Benedictio donata gentibus per Christum.*

*Benedictionis vocabulum.*

de rebus inæstimabilibus & incomprehensibilibus, cum ait, *Vt in Gentes benedictio Abraham veniret per Iesum Christum.*

*Meritum nostrum quo consequimur benedictionem.*

Vides præterea, quæ merita congrui & condigni afferamus, ac qua ratione acquiramus istam Benedictionem. Ista est præparatio, hoc est, meritum congrui & condigni, illa sunt opera quibus paratur hæc iusticia, quòd Christus Iesus factus sit pronobis Maledictum. Nos enim sumus ignorantes & inimici Dei, sumus mortui in peccatis & maledicti, Ergo meritum nostrum plane nullum est. Quid enim inereretur maledictus peccator, ignorans Dei, mortuus in peccatis, obnoxius iræ & iudicio Dei? Cum Papa aliquem excommunicavit, quicquid is faciebat, maledictum erat. Quantò magis maledictus coram Deo, ut omnes sumus, ante cognitum Christum, nihil facit, præter maledicta. Quare illa unica via est evadendi Maledictionem, credere & certa fiducia dicere, Tu Christe es Peccatum & maledictum meum, seu potius, Ego sum peccatum tuum, maledictum tuum, mors tua, ira Dei tua, infernus tuus, Tu contra es iusticia, benedictio, vita, gratia Dei, cælum meum. Quia textus clarè dicit, Christus factus est pro nobis Maledictum. Itaq; nos sumus causa, quòd factus sit maledictum, imò nos, ipsius maledictum sumus.

*Via evadendi maledictionem.*

Is potentissimus locus & consolationis plenissimus, etsi Iudæis excæcatis & induratis non satisfacit, tamen nobis, qui sumus baptizati, & suscepimus istam doctrinam, satisfacit, & concludit potentissimè, quòd per maledictionem, peccatum, mortem Christi, Benedicti, hoc est, Iustificati & vivificati sumus. Donec peccatum, mors & maledictio in nobis manent, peccatum terret, mors occidit, & maledictio damnat nos, Cum verò ista in Christum transferuntur, fiunt hæc mala nostra ipsius propria, & sua bona nostra. Discamus igitur in omni tentatione, Peccatum, mortem, maledictionem, & omnia mala, quæ premunt nos, à nobis transferre in Christum, & vicissim iusticiam, vitam & benedictionem ab eo in nos. Nam, re vera omnia mala nostra portat, cum Deus pater omnium nostrum iniquitates, ut Isaias ait, conjecerit in eum. Et ipse libens eas suscepit, Non enim erat reus, Sed ut in hoc faceret patris voluntatem, per quam sanctificati sumus in æternum.

*Peccata nostra in Christum congesta, & iusticia eius nobis donata. Isa. 53.*

*Miserentia Dei erga peccatores ineffabilis.*

Hæc est ineffabilis & infinita illa misericordia Dei, quam Paulus libenter exuberanti & largissimè quadam copia verborum effundere vellet, Sed illam abyssum profundissimam & zelum ardentissimum divinæ charitatis erga nos, non potest angustia cordis humani comprehendere, multò minus eloqui. Quin etiam ipsa magnitudo Divinæ misericordiæ, non solum difficultatem credendi, sed & incredulitatem parit. Non solum enim audio quod omnipotens Deus conditor omnium sit bonus & misericors, Sed quod etiam illa summa majestas pro me perduto peccatore, filio iræ & mortis æternæ, tam sollicita fuerit, ut proprio Filio non pepercerit, sed tradiderit eum in mortem ignominiosissimam, ut pendens in medio latronum, fieret pro me peccatore & maledicto, Peccatum & maledictum, ut benedictus, hoc est, iustus, filius & hæres Dei efficerer. Quis potest istam bonitatem Dei satis prædicare? ne quidem omnes Angeli. Ideo doctrina Evangelii longè de aliis rebus loquitur, quàm politicus, philosophicus aut Mosaicus liber, nempe de inenarrabilibus ac planè divinis donis, quæ omnem humanum & angelicum captum, & simpliciter omnia, superant.

*Evangelium de quibus rebus agat.*

*Vt promissionem Spiritus per fidem acciperemus.*

*Promissio spiritus.*

*Fidei natura.*

EBRAÏSMUS est, Promissionem Spiritus, id est, promissum spiritum. Est autem spiritus libertas à Lege, peccato, morte, maledictione, inferno, ira & iudicio Dei, &c. Ibi nullum est nostrum meritum congrui aut condigni, sed gratuita promissio, & exhibita donatio per semen Abraham, ut liberi simus ab omnibus malis, & omnia bona consequamur. Nec aliis meritis illam libertatem & donum Spiritus accipimus, quam per fidem. Ea enim sola apprehendit promissionem, ut Paulus clare hîc dicit, ut promissionem Spiritus, non per opera, sed per fidem acciperemus.

Hæc



Hæc suavissima & verè apostolica est doctrina, quæ annunciat ea impleta & jam exhibita esse nobis, quæ multi Prophetæ & Reges desideraverunt videre & audire, &c. Et tales loci, qualis hîc unus est, collecti sunt ex variis dictis Prophetarum, qui longè ante in Spiritu præviderunt, quòd omnia per hunc virum Christum mutanda, instauranda & administranda essent. Hinc Iudæi habentes legem Dei, præter eam tamen expectabant Christum. Nulli Prophetæ aut gubernatores populi Dei novam Legem condiderunt, sed Elias, Samuel, David, & omnes alii manserunt sub lege Moï, non constituerunt novum decalogum, novum regnum & sacerdotium. Quia nova illa mutatio regni, sacerdotii, legis & cultus, reservabatur isti uni, de quo Moïes longè ante prædixerat, Prophetam de gente tua, & de fratribus tuis suscitabit tibi Dominus Deus tuus, Hunc audies, q. d. Hunc solum, & præterea neminem.

*Apostolica doctrina qualis?*

*Mosaicæ omnium rerum reservata uni Christo.*

Hoc benè intellexerunt Patres. Quia nemo potuit majora & sublimiora docere, quàm ipse Moïes, qui summas Leges de summis & maximis rebus tulerat, ut est Decalogus, præsertim primum præceptum, Ego sum Dominus Deus tuus, Non habebis Deos alienos. Diliges Dominum Deum tuum ex toto corde tuo, &c. Lex de dilectione Dei etiam angelos comprehendit, Ideò est fons omnis sapientiæ divinæ, &c. Et tamen venire debebat alius Doctor, scilicet Christus, qui longè aliquid majus & melius summis istis legibus allaturus & docturus erat, nempe Gratiam & remissionem peccatorum. Est ergo iste textus potentissimus, quia hoc brevissimo verbo, ut promissionem Spiritus per fidem acciperemus, Paulus semel effudit omnia. Ideò cum non posset ultrà progredi, non enim poterat majus aut sublimius quiddam dicere, abruptis hîc & restitit.

*Mosaicæ leges de rebus summis ac maximis loquantur.*

*Primum præceptum fons omnis sapientiæ Dei, Christi doctrina longe melior Moïsi.*

*Fratres, secundum hominem dico, Hominis licet testamentum, si sit confirmatum, nemo rescindit aut superordinat.*

POST principale ac potissimum argumentum, Paulus subjicit aliud, sumptum à similitudine testamenti humani, quod apparet esse rhetoricum, & infirmius, quàm quod debebat eo uti Apostolus pro confirmanda hac tanta causa. Nam in arduis rebus, debemus potius humana divinis confirmare, non divina humanis. Hinc etiam Cicero de Homero ait, Humana transferens ad Deos, divina mallem ad nos. Et certè verum est, quòd ista argumenta omnium infirmissima sunt, cum ab humanis ad divina argumentamur, quemadmodum Scotus solet, Homo, inquit, potest diligere Deum super omnia, Quia seipsum diligit super omnia, ergo multò magis Deum. Quia quo bonum majus, hoc amabilius est. Et ex his infert, quod homo ex puris naturalibus sine negotio possit implere summum illud mandatum, Diliges Dominum Deum tuum ex toto corde tuo, &c. Quia, inquit, homo potest diligere minimum bonum super omnia, Imò etiam vitam omnium charissimam venum proponit propter vilem & modicam pecuniam, Ergo multò magis hoc facere potest propter Deum.

*Humana divinis confirmanda, non e contra.*

*Argumentatio Scoti.*

Sæpè à me audistis, quòd Ordinationes politicæ & œconomicæ sint divinæ, Quia Deus ipse ordinavit & approbavit eas, ut solem, lunam & alias creaturas. Ideò argumentum ab ordinatione vel creaturis Dei sumptum valet, modò eo rectè utamur. Sic Prophetæ usi sunt frequentissimè similitudinibus creaturarum, cum Christum solem, Ecclesiam lunam, Doctores stellas, appellârunt. Item, aliæ innumeræ similitudines sunt in Prophetis, de arboribus, spinis, floribus & fructibus terræ. Talibus plenum est etiam novum Testamentum. Ideoque ubi ordinatio divina est in creatura, benè potest ab ea sumi argumentum, & transferri ad divina. Sic Christus Matthæi Cap. 7. argumentatur ab humanis ad divina, cum ait, Si vos, cum mali sitis, nollis dare bona dona filiis vestris, quanto magis Pater vester, qui in coelis est, dabit bona petentibus se. Item, Paulus, Obediendum est hominibus, ergo multo magis Deo. Et Jerem. Cap. 35. Rechababæ obedierunt patri suo, Quanto magis debebatis vos obedire mihi. Ista autem divinitus ordinata sunt, ut

*Argumentum à creaturis Dei sumptum valet.*

*Uti similitudinem frequentem in sacris literis, &c.*

*Argumentatio ab humanis quando valet.*

Quando non  
valent.

patres dent filiis, ut filii obediant patribus. Ideo tales argumentationes bonæ sunt, cum sumuntur ab ordinatione divina. Si autem ab humanis affectibus depravatis sumuntur, malæ sunt, & omnino non valent, Qualis est argumentatio Scoti, Minus bonum diligo, ergo plus diligo majus. Ibi nego consequentiam, Quia meum diligere non est ordinatio divina, sed depravatio diabolica. Deberet quidem sic esse, ut diligens me vel aliam creaturam, plus diligerem Deum creatorem, Sed non fit, Quia amor quo diligo meipsum, est vitiosus & contra Deum.

Amor nostri  
vitiosus.

Testamentum  
humanum non  
mutatur.

Hæc ideò dico, ne quis cavilletur, Argumentationem ab humanis ad divina non valere. Iam autem non disputo, utrum hoc rhetoricum aut dialecticum argumentum sit, Sed hoc tantum dico, satis firmum esse argumentum, cum ab humanis ad divina argumentamur, modò ab ordinatione Dei illud sumamus, ut in præsentî negotio. Lex enim civilis, quæ est divina ordinatio, habet, quòd testamentum hominis non licet infirmari. Vivente quidem testatore, nondum ratum est, eo autem mortuo, non licet illud mutare. Hoc tamen dicitur non de facto, sed de jure, hoc est, quid fieri debeat, & quid rectè fiat. Quia in jure habetur, quod testamentum non sit mutandum, imò leges præcipiunt ultimam voluntatem religiosissimè servandam esse, Ea enim est unum inter sacra humana.

Ultima voluntas  
Dei.

Testamentum  
Dei mutatur.

Testamentum  
confirmatur  
morte testa-  
toris.

Testamentum  
Dei longe ma-  
jori fide servan-  
dum est, quam  
hominis.

Ultima volun-  
tas Dei.

Ab hac ergo consuetudine testamenti humani Paulus sic argumentatur. Qui fit, quòd hominibus obeditur, Deo non obeditur? Politicæ & civiles ordinatio- nes de testamentis & aliis rebus religiose servantur, Ibi nihil mutatur, nihil addi- tur, nihil adimitur, Solum testamentum Dei, hoc est, promissio divina de Benedic- tione spirituali, hoc est, de rebus coelestibus & æternis, quam totus Mundus non so- lum cum summa gratiarum actione obviis manibus accipere, sed etiam adorare de- beret, patitur mutationem & additionem. Hoc persvasorium est, cum sic ab exem- plis & legibus hominum argumentatur. Hinc dicit, Humano more loquor, id est, humanam similitudinem, q. d. In testamentis & aliis humanis rebus fit executio, & servatur quod lex præcipit. Nam cum homo testamentum condit, hæredibus le- gans sua bona, & moritur, testamentum confirmatur & immutabile redditur morte testatoris, ita ut nihil addi aut adimi possit, secundum omnia jura. Hinc jure consul- tis ultima voluntas est vice legis, Et homines sani religiose eam servant. Si tanta fi- de, inquam, servatur testamentum hominis, ut nihil addatur aut adimatur, profecto majori fide deberet servari testamentum Dei, quòd Abraham & semini ejus promisit & donavit. Nam in Christo, cum moreretur confirmatum est, & post mortem ipsi- us literæ testamenti apertæ sunt, hoc est, Benedic- tio Abraham promissa, prædicata est in omnes gentes, per totam orbem dispersas. Ea fuit ultima voluntas testatoris Dei, confirmata Christi morte.

Destructores  
testamenti Dei  
qui?  
Natura hypo-  
critarum.

Ideo nemo debet eam mutare, aut addere aliquid, ut doctores Legis & tra- ditionum humanarum faciunt. Dicunt enim, Nisi circumcidaris, legem servaveris, multa opereris & patiaris, non potes salvus fieri. Hæc non est ultima voluntas aut testamentum Dei. Non enim dixit ad Abraham, Si hoc aut illud feceris, Benedi- ctionem consequeris, aut circumcisi & facientes legem consequentur eam, Sed in Semine tuo, &c. q. d. Ego ex mera misericordia promitto tibi Christum ex semine tuo venturum, qui Benedictionem afferet omnibus gentibus, peccato & morte op- pressis, hoc est, qui ab æterna Maledictione, id est, peccato & morte liberabit Gen- tes, fide accipientes hanc promissionem, In Semine tuo, &c. Quare ut olim Pseudo- apostoli, ita hodie omnes Papistæ & justiciarii sunt eversores & destructores, non hominis testamenti, quia jure prohibentur, sed Dei, quem, etsi ignis consumens est, tamen non timent. Ea enim est natura omnium hypocritarum, ut humana re- ligiose observent, divina securissimè contemnant & violent. Sed portabunt horrendum judicium tempore suo, illi temerarii contemptores & destructores testamenti Dei. Est igitur hoc satis firmum argumentum, ab ordinatione divina sumptum.

Abraham

*Abrahæ dictæ sunt promissiones & semini ejus. Non dicit, Et seminibus, quasi in multis, sed quasi in uno, Et in semine tuo, qui est Christus, &c.*

HIC NOVO vocabulo promissiones Dei Abrahæ dictas de Christo benedictore futuro omnium gentium, appellat Testamentum. Neque aliud quiddam est promissio quàm Testamentum nondum revelatum, sed adhuc obsignatum. Testamentum autem non est lex, sed donatio. Hæredes enim non leges, exactiones aut gravamen aliquod, sed hæreditatem ex testamento expectant. Primum ergo exponit vocabula, postea similitudinem applicat, & vocabulum seminis urget. Abrahæ, inquit, non sunt leges traditæ, sed Testamentum est ei conditum & ordinatum, hoc est, dictæ sunt illi promissiones de Benedictione spirituali, Ergo est ei aliquid promissum & donatum. Si igitur testamentum hominis servatur, cur non potius Dei? Cujus allegoria & larva tantum est testamentum humanum. Item, Si signa servamus, cur non potius res signatas?

*Promissionem Paulus testamentum vocat.*

*Testamentum hominis est larva testamenti Dei.*

Dictæ sunt autem ei promissiones, non in omnibus Iudæis aut multis seminibus, sed in uno semine, qui est Christus. Hanc Pauli interpretationem Iudæi non recipiunt. Fingunt enim hîc enallagen numeri, dicentes singulare accipi pro plurali. Nos Pauli sententiam amplectimur, qui non frustra urget vocabulum seminis, & exponit hoc semen esse Christum & quidem spiritu verè Apostolico. Negent id sanè Iudæi, Nos satis multa & robustissima argumenta habemus, quæ Paulus supra recitavit, illa negare non possunt, quæ & hoc confirmant. Hæc de similitudine & pictura allegorica ordinationis divinæ, id est, testamenti humani. Iam illam exponit & applicat.

*Semen Abrahæ promissum Christus.*

*Hoc autem dico, Testamentum antea confirmatum in Christum, Lex, post quadringentos & triginta annos, facta, non irritum fecit, ad evacuandam promissionem, &c.*

HIC IUDÆI opponere poterant, Deus non fuit contentus dare promissiones Abrahæ, sed post quadringentos & triginta annos tulit etiam Legem. Ergo Deus diffusus promissionibus suis, ut quæ non potuerint justificare, addidit melius quiddam, scilicet legem, ut ea veniente, tanquam successore meliore, non ociosi, sed facientes legem, per eam justificarentur, Ergo lex, quæ secuta est promissionem, abrogavit eam. Ejusmodi evasiones Iudæi quærunt multas. Hanc objectionem diluit Paulus pulchrè ac fortiter. Lex, inquit, quadringentis & triginta annis lata post promissionem Abrahæ factam, In semine tuo, &c. non potuit eandem irritam facere. Ea enim promissio est Testamentum Dei, ab ipso Deo tot annis ante legem in Christum confirmatum. Quod autem Deus semel promisit & confirmavit, non revocat aut rescindit, sed in æternum manet apud eum ratum.

*Objectione Iudeorum.*

*Paulus diluit objectionem hanc Iudeorum.*

Cur ergo addita est lex? Tradita est quidem tot seculis post, Abrahæ posteritati, non ut per eam consequeretur Benedictionem, cum legis officium sit, Maledictioni subicere, non benedicere, Sed ut aliquis populus esset in mundo, qui haberet Verbum & testimonium de Christo, ex quo etiam Christus secundum carnem nasceretur, Utque sub lege custoditi & conclusi homines, suspirarent liberationem per semen Abrahæ Christum promissam, qui solus debuit & potuit benedicere, id est, à Peccato & morte liberare omnes gentes. Deinde ceremoniæ in lege præceptæ adumbrabant Christum. Quare neque lege neque ceremoniis abolita promissio, sed iisdem potius ceu sigillis quibusdam tantisper confirmata est, donec literæ ipsæ (promissio) aperirentur, & per Evangelii prædicationem invulgarentur omnibus gentibus.

*Cur addita lex promissioni. Officium legis.*

*Promissio per legem confirmatur, ergo non abrogatur.*

Sed sinamus Legem & promissionem congregari, & videamus utra sit fortior, An scilicet Promissio legem, aut Lex promissionem abolet. Si Lex promissionem abolet, tunc sequitur, quod nos nostris operibus Deum facimus mendacem, & promissionem ejus irritam. Quia si Lex justificat, liberat à peccato & morte, & per

*Quid incommodi sequatur, si Lex promissionem abrogat.*



consequens nostra opera & vires humanæ, facientes legem, Tum promissio Abrahæ facta, est irrita planeque inutilis, & per consequens, Deus mendax & vaniloquus est. Quid enim aliud est, promissorem non velle præstare promissa, aut irrita facere, quàm eum esse mendacem & vaniloquum? Sed impossibile est, quòd lex Deum faciat mendacem, & quòd nostra opera irritam faciant ejus Promissionem, Imo oportet eam ratam & firmam esse (Deus enim frustra non promittit) etiamsi possemus servare & implere Legem. Et concedamus sanè omnes homines tam sanctos esse, quàm sunt Angeli (quod tamen impossibile est) ut prorsus non indigeant Promissione, Tamen maxime sentiendum est, eam esse certissimam & firmissimam, alioqui enim inveniretur Deus vanus aut mendax, qui vel frustra promississet, aut promissa præstare non vellet, aut non posset. Ideo promissio ut est ante Legem, ita & longissimè excellit eam.

*Lex non abro-  
gat promissio-  
nem, sed fides  
apprehendens  
promissionem  
destruit le-  
gem, &c.*

Et rectissime fecit Deus, quod promissionem tam longo tempore ante Legem dedit, idque data opera, ne dici posset, quòd justitia per Legem, non per promissionem daretur. Si enim voluisset nos Lege justificari, dedisset eam quadringentis & triginta annis ante promissionem, aut certè cum promissione. Nunc de lege primum omnino tacet, tandem autem post quadringentos & triginta annos eam condit, Interim toto illo tempore loquitur de suis promissionibus. Ergo Benedictio & donatio justitiæ venit ante legem per promissionem. Longe igitur promissio antecellit legem. Et sic Lex non abrogat promissionem. Sed fides in promissionem, qua salvati sunt credentes etiam ante Christum revelatum, jam prædicata per Evangelium in omnes gentes orbis terrarum, destruit Legem, ut amplius non possit augere Peccatum, perterrefacere & in desperationem adigere peccatores, qui fide apprehendunt promissionem.

Et magna emphasis, seu potius ironia subest, quod numerum quadringentorum & triginta annorum expressè ponit, q. d. Si Arithmeticam tenetis, numerate digitis, quantum sit spacium inter Promissionem datam & legem. Certè Abraham longo tempore promissionem accepit ante legem, ea enim 430. annis post populo Israël data est. Et hoc argumentum satis robustum est, à certo tempore sumptum.

*Lex scripta.*

Non loquitur autem hic de lege in genere, sed tantum de lege scripta, q. d. Deus non potuit respicere cultum & opera legis, & facientibus illa donare justiciam, Quia lex nondum erat, quæ præcipit cultum, exigit opera, & promittit vitam facientibus, Qui fecerit ea homo, inquit, vivet in eis. Et ut maximè promittat talia, tamen ideo non sequitur, quod promissa ejus consequamur, Quia diserte dicit, Qui fecerit ea homo, &c. Constat autem neminem ea præstare. Deinde Paulus dicit, Legem non posse abrogare Promissionem. Ideo promissio illa Abrahæ facta 430. annis ante legem, manet rata. Et ut res magis intelligi possit, illustrabo similitudine. Si aliquis dives non coactus, sed ex bona voluntate, ignotum quendam, cui plane nihil deberet, adoptaret sibi, & institueret hæredem omnium bonorum suorum. Deinde transactis aliquot annis, post exhibitum hoc illi beneficium, imposeret ei legem, hoc vel aliud faciendi. Is jam non posset dicere, se meritum suis operibus hoc beneficium, cum tot annis ante, ipso nihil petente, ex mera gratia hoc gratis accepisset. Ita nec Deus respicere potuit opera & merita præcedentia justiciam. Quia promissio & donum Spiritus sancti fuit quadringentis & triginta annis ante legem. Hoc Paulus urget per ironiam.

*Levit. 18.*

*Simile.*

*Abraham non  
fuit iustus lege,  
quia eo vivente  
nondum fuit.*

Ex his manifestum est, Abraham per legem non consecutum esse justiciam coram Deo, Quia lex nondum erat. Si lex nondum fuit, Ergo nec opera nec meritum. Quid tum fuit? Nihil nisi mera Dei promissio. Huic credidit Abraham, & reputatum est ei ad justiciam. Quo igitur modo pater justiciam consecutus est, eodem & filii ipsius consequuntur eam. Sic & nos hodie dicimus, Peccata nostra expiata sunt morte Christi ante sesquimille annos, ubi nullus ordo, nullus canon poenitentiae, nulla merita congrui & condigni adhuc erant. Igitur non possumus ei. nunc primum nostris operibus & meritis expiare. Sic Paulus undique argu-  
menta

menta firma à similitudinibus certo tempore & personis colligit, quæ nemo sanus cavillari potest. Muniamus igitur conscientias nostras hujusmodi argumentis. Quia mirabiliter prodest ea benè meditata habere in tentationibus. A Lege enim & operibus ducunt nos in promissionem & fidem, ab ira in gratiam, à Peccatis in justiciam, à morte in vitam.

*Quibus argu-  
mentis Paulus  
utatur.*

Ideo, ut sæpe inculco, ista duo, Lex & Promissio, diligentissime discernenda sunt. Quia tempore, loco, persona & simpliciter omnibus circumstantiis tam longe distant, quam cælum & terra, principium mundi & finis. Sunt quidem proxima, quia in uno homine vel anima conjuncta, Tamen in affectu & per officia longissime sejuncta esse debent. Nempe ut lex dominium habeat in carnem, Promissio vero suaviter regnet in conscientia. Cum hoc modo designaveris utrique suum certum locum, securissime ambulas medius in cælo promissionis, & in terra legis, Spiritu in paradiso gratiæ & pacis, Carne in terra operis & crucis. Neq; tum molestiæ, quas caro cogitur ferre, erunt difficiles, propter suavitatem promissionis, quæ cor mirum in modum exhilarat. Si verò ista duo confundis, & ponis Legem in conscientiam, & Promissionem libertatis in carnem, fit confusio, qualis fuit in Papatu, ut nescias quid Lex, promissio, quid peccatum, quid justitia sit.

*Lex & promissio  
discernenda.*

*Sunt utriq; loci  
tribuendæ  
legi & promissio-  
ni.*

*Quid incommu-  
ni sequatur ex  
commixtione le-  
gis & promissio-  
nis.*

*Promissio non  
miscenda legi.*

Quare si recte vis secare verbum veritatis, remotissime discernas, quo ad affectum & totam vitam, promissionem à lege. Non frustra tam diligenter urfit Paulus hoc argumentum. Spiritu enim prævidit in Ecclesia hoc mali futurum, quod verbum Dei confunderetur, hoc est, Promissio misceretur Legi, sicque prorsus amitteretur promissio. Quia cum commiscetur Legi Promissio, mera fit lex. Idcirco assuefacias te, ut Legem à promissione etiam tempore distinguas, ut veniente Lege & accusante conscientiam dicas, Domina lex, non in tempore, sed nimis maturè venis, expecta adhuc quadringentos & triginta annos, hi si transacti fuerint, venire poteris. Sed tum veniens, nimis tardè venies, Quia quadringentis & triginta annis prævenit te Promissio, cui assentior, & in ea suaviter acquiesco. Ideo nihil mihi tecum, non audio te, iam enim vivo cum Abraham credente, vel potius jam post exhibitum Christum vivo, qui est justitia mea, qui te legem abrogavit & sustulit. Sic Christus semper obversetur cordi tanquam summarium quoddam omnium argumentorum pro Fide contra justiciam carnis, legem, opera & merita.

*Argumentum  
de promissione.*

*Officium legi.*

*Levit. 18.*

*1. Cor. 15.*

HACTENUS recitavi ferè omnia & quidem potissima argumenta, quæ Paulus tractat in hac Epistola pro loco justificationis confirmando. Inter quæ principale & efficacissimum est, quod maxime hîc & in Rom. urget, argumentum de Promissione, Abraham & aliis patribus facta, cujus verba diligentissimè expendit, deniq; tractat tempora & personas, Item urget vocabulum Seminis, exponens illud esse Christum. Tandem etiam per antithesin declarat quid Lex faciat, quod scilicet sub maledicto concludat. Et sic fortissimis argumentis munit & defendit Articulum de justitia Christiana. Et e contra argumenta Pseudoapostolorum, quibus usi sunt, pro defendenda justitia legis, invertit & retorquet in ipsos, Hoc est, ubi contendunt per legem contingere justiciam & vitam, ostendit Paulus eam operari maledictionem & mortem. Urgetis, inquit, legem necessariam esse ad salutem, Nonne legistis quod dicat, Qui fecerit ea, vivet in eis? Quis autem facit? Nemo. Ideo quotquot ex operibus legis sunt, sub maledicto sunt. Et alibi, Aculeus mortis peccatum, Virtus vero peccati lex. Sequitur conclusio istorum argumentorum.

*Nam si ex Lege hereditas, jam non ex Promissione.*

*Rom. 4.*

SI C Rom. 4. Si qui ex Lege sunt, hæredes sunt, abolita est Fides, & promissio irrita. Neque aliter fieri potest, quia ista distinctio clarissima est, quod Lex diversissimum quiddam est à promissione, Imò ratio naturalis quamlibet cæca tamen fateri cogitur, quod aliud sit promittere, aliud exigere, aliud donare, aliud accipere. Lex exigit à nobis opera nostra, Promissio Seminis offert Dei beneficia spiritualia, & æterna, & quidem gratis propter Christum. Ergo ex promissione

*Distinctio legis  
& promissionis.  
Promissio &  
exigere dicitur.*

*Hæreditas datur per promissionem, non legem.*

non Lege consequimur hæreditatem seu benedictionem, Quia promissio dicit, In semine tuo benedicentur, &c. Ergo habens legem, non habet satis, Quia nondum habet Benedictionem, sine qua cogitur manere sub maledictio. Igitur Lex non potest justificare, quia non est ei addita benedictio. Deinde, si ex Lege esset hæreditas, Deus inveniretur mendax, & Promissio fieret irrita. Item, si Lex posset impetrare benedictionem, cur Deus eam promitteret, in Semine tuo, &c? Cur non potius diceret? Fac hoc, & accipies Benedictionem, Vel, Tu potes faciendo legem mereri vitam æternam. Hoc argumentum ex contrariis est, Ex promissione datur hæreditas, Ergo non ex lege.

*Abrahæ autem per promissionem donavit Deus.*

*Benedictio per Christum donata quæ sit.*

HOC negari non potest, quod Deus, antequam lex esset, donaverit Abrahæ per promissionem Benedictionem vel hæreditatem, id est, remissionem peccatorum, justiciam, salutem, vitam æternam, ut simus filii & hæredes Dei & cohæredes Christi. Quia Genesis clarè dicit, In semine tuo benedicentur omnes gentes. Ibi Gen. 12. 12. Benedictio donata est, non spectata lege & operibus. Prævenit enim Deus donando hæreditatem, antequam Moses nasceretur, aut ullus de lege cogitaret. Quid igitur jactatis justiciam per legem contingere, cum data sit Abrahæ patri vestro, justicia, vita, salus, sine & ante legem? Imò ante eos, qui potuerunt facere legem. Quem ista non movent, cæcus & induratus est. Tractavi autem suprâ diligenter & copiosè argumentum de promissione, ideo jam obiter tantum illud percurro.

*Summa sequentis partis hujus Epistolæ.*

HACTENUS potissima hujus Epistolæ pars tractata est, iam usum & officium legis indicabit Paulus, adhibitis similitudinibus de pædagogo, & hærede parvulo, Item allegoria de duobus filiis Abrahæ, Isaac & Ismael, &c. Postremò præcepta de moribus tradit. In hac posteriori parte Epistolæ Paulus plus rhetoricatur quàm docet.

*Quid igitur Lex?*

*Murmuratio Iudeorum contra Pauli doctrinam de fide pro lege statuta.*

CUM docemus hominem sine Lege & operibus justificare, necessariò sequitur illa quæstio? Si Lex non justificat, quare ergo lata est? Item, Cur Deus urget & onerat nos lege, si non vivificat? Quid opus est nos tam duriter exerceri & vexari ea; Si hi, qui una hora operati sunt, redduntur pares nobis, qui portavimus pondus diei & æstus? Veniente Gratia, quam Evangelium prædicat, statim oritur ista magna murmuratio, sine qua Evangelium non potest prædicari. Iudæi hanc habebant opinionem, quod si legem servarent, justificarentur. Ideo cum audierunt Evangelium concionari de Christo, qui venisset in mundum, ut salvaret non justos, sed peccatores, quodq; hi præcederent illos in regnum Dei, maxime indignabantur, conquerentes se tot secula grave jugum Legis, magna molestia & labore portasse, & sese miserrimè vexatos & oppressos fuisse Legis tyrannide, sine aliquo fructu, imò suo maximo incommodo, Gentibus idolatris vicissim gratiam contingere sine ullo labore & molestia. Sic hodie Papistæ nostri murmurant, dicentes, Quid profuit nos vixisse viginti, triginta, quadraginta annos in monachatu, vovisse castitatem, paupertatem, obedientiam, legisse horas canonicas, missasse, afflixisse corpus jeuniis, orationibus, castigationibus, &c. Si maritus, uxor, princeps, consul, præceptor, discipulus, si mercenarius aut servus portans saccos, si ancilla verrens domum, non solum nobis pares, sed etiam meliores ac digniores sunt?

*Ratio.*

*Judicium rationis de doctrina Evangelii quæ docet legem esse additam propter transgressionem.*

Est igitur quæstio ista difficilis, qua ratio conclusa est, quam etiam non potest solvere, sed ea maxime offenditur. Intelligit ratio aliquo modo justiciam legis, quam etiam docet & urget, & imaginatur facientes eam esse justos, non intelligit officium & finem legis. Itaq; cum audit hanc novam Pauli & incognitam mundo sententiam, Quod Lex lata sit propter transgressionem, sic judicat, Paulus tollit legem, quia dicit, quod per eam non justificemur, Imo blasphemus est in Deum, qui legem tulit, cum dicit eam propter transgressionem datam esse. Vivamus igitur,



igitur, ut Gentes, quæ legem non habent. Imo peccemus & maneamus in peccato, ut Gratia abundet. Item, faciamus mala, ut eveniant bona. Hoc Apostolo Paulo accidit, idem & hodie nobis accidit. Vulgus enim, cum ex Evangelio audit, iusticiam ex mera gratia Dei & sola fide, sine lege & operibus contingere, eodem modo colligit, quod tum Iudæi, Si lex non justificat, nihil igitur operemur, hocque egregie præstat.

Quid igitur faciamus? Vehementer quidem cruciat nos hoc malum, sed non possumus prohibere. Christum prædicantem oportebat audire, quod esset blasphemus & seditiosus, hoc est, quod sua doctrina seduceret homines, & Cæsari rebelles faceret. Idem Paulo & omnibus Apostolis accidit. Quid mirum, si simili modo nos hodie accuset mundus? Blasphemet & persequatur sanè nos, Tamen ideo non est tacendum, sed liberè loquendum, ut afflictæ conscientiæ eripiantur ex Diaboli laqueis. Neque spectandum est, quod nostra doctrina abutatur impium & stultum vulgus, quod si Legem habeat, si non habeat, sanari non potest, Sed potius spectandum est, quomodo miseris conscientiis consulatur, ne cum multitudine pereant. Si taceremus, nullam prorsus consolationem haberent conscientiæ, quæ ita captæ & irretitæ sunt legibus & traditionibus humanis, ut sese nullo modo explicare possint.

*Christus iudicatus  
blasphemus  
& seditiosus.*

Vt ergo Paulus, cum videret alios adversari doctrinæ suæ, alios libertatem carnalem quærere, & deteriores fieri ex ea, se hoc modo consolabatur, quod esset Apostolus Iesu Christi, ad prædicandam fidem electorum Dei, & quod omnia tolleraret propter electos, ut & ipsi salutem consequerentur. Ita & nos hodie omnia facimus propter electos, quos scimus juvari nostra doctrina. Canibus & porcis, quorum alii persequuntur doctrinam, alii conculcant libertatem nostram, quam in Christo habemus, adeo infensus sum, ut propter illos ne unam quidem voculam emittere velim in vita mea. Optarim potius porcos nostros, cum adversariis canibus adhuc subjectos esse tyrannidi Papæ, quàm propter eos sic blasphemari nomen Dei sanctum.

*Omnia facimus  
propter electos  
etc.  
Canes.  
Porci.*

Vt maximè igitur non solum imperitum vulgus, sed hi etiam, qui videntur sibi multum sapere, hoc modo colligant, Si lex non justificat, ergo ociosa est. Non tamen ideo verum est. Nam sicut illa consequentia non valet, Pecunia non justificat, ergo inutilis est. Oculi non justificant, ergo eruendi sunt. Manus non justificant, ergo amputandæ sunt, Ita neq; ista valet, Lex non justificat, ergo inutilis est. Oportet unicuique rei tribuere suum proprium officium & usum. Non ideo destruimus aut damnamus Legem, quod negamus eam justificare. Sed aliter respondemus ad istam quæstionem, Quid igitur lex? quàm adversarii, qui perversa opinione fingunt officium & usum legis, quem non habet.

*Lex non justificat,  
ergo inutilis est,  
ita, mala consequentia, etc.*

Contra hunc abusum & fictum officium legis disputamus, & respondemus cum Paulo, legem non justificare, Sed per hoc non affirmamus legem esse ociosam, ut illi statim inferunt, Si lex non justificat, ergo frustra lata est. Non, Habet enim suum proprium officium & usum, sed non eum, quem adversarii ei affingunt, scilicet justificandi homines. Imò accusat, perterrefacit & condemnat eos. Cum Paulo dicimus legem esse bonam, si quis ea legitimè utatur, id est, si quis utatur lege, ut lege. Si definitio legem propria definitione, & retineo in suo officio & usu, res optima est, Si vero transfero eam in alium usum, & tribuo ei, quod non est tribuendum, non solum legem, sed totam theologiam perverto.

*Lex proprium  
officium & usum  
habet.*

*Lex bona  
quando?*

Agit ergo hic Paulus contra pestilentes hypocritas, quibus planè intolerabilis est hæc Pauli vox, Lex propter transgressionem addita est. Putant enim legis officium esse justificare. Eaque est generalis opinio rationis humanæ in omnibus Sophistis & toto mundo, quod iusticia paretur operibus legis. Illam perniciosam opinionem nullo modo patitur sibi eximi ratio, quia non intelligit iusticiam fidei. Hinc Papistæ non tam stultè quàm impiè nugantur, Ecclesia habet legem Dei, traditiones patrum, decreta Conciliorum, Si juxta ea vixerit, est sancta.

*Omnes homines  
necesse est  
iudicare legem  
justificans.*

His

*Ratio hinc  
iusticiæ fidei.  
Opinio iusticiæ  
legis aut pro-  
pria perniciosissi-  
ma, &c.*

His nemo persuadebit, quod illis rebus observatis tantum provocent iram Dei, non placent. In summa, Omnis iusticiarius imaginatur, se suis electitiis cultibus & voluntaria religione placaturum iram Dei, &c. Ideo opinio iusticiæ sentina est omnium malorum, & peccatum peccatorum mundi. Nam crassa peccata & vitia agnosci, ideoque emendari possunt, aut certè prohiberi vindicta Magistratus. Illud vero (cujusque hominis propria opinio de iusticia) non solum non vult esse peccatum, sed etiam venditat sese pro summa religione & iusticia. Itaque pestis illa est summum & maximum imperium Diaboli in toto orbe terrarum, verè caput serpentis, & laqueus, quo Diabolus omnes homines capit & captivos tenet, Omnes enim naturaliter sentiunt Legem justificare. Vt igitur Paulus verum officium & usum legis ostendat, & falsam opinionem de ea hominibus eximat, respondet ad hanc objectionem, Quid igitur lex, si non justificat? hoc modo, Non propter justificationem, sed,

*Propter transgressionem apposita est.*

*Veritas distincta,  
omnium rerum  
distincta.*

*Qualibet cre-  
atura in suo or-  
dine servat.*

*Officium legis.*

UT res, ita usus rerum distincti sunt, Non sunt ergo confundendi, alioqui etiam rerum fit confusio. Mulier non utatur veste viri, nec vir mulieris. Vir virilia, mulier muliebria opera faciat. Vnusquisque hoc præstet, quod sua vocatio & officium requirit. Pastores & concionatores doceant purè verbum Dei, Magistratus gubernent subditos, Hi obediant illis, &c. Item quælibet creatura in suo ordine & loco serviat. Sol luceat die, Luna & Stellæ noctu. Mare det pisces, Terra fruges, Sylvæ feras, ligna, &c. Sic lex non usurpet sibi alienum officium & usum, scilicet justificationis, sed relinquat hunc soli gratiæ, promissioni, fidei. Quod igitur est legis officium? Transgressio, seu, ut alibi dicit, Lex subintravit, ut abundaret delictum. Bellum profectò officium. Lex, inquit, propter transgressionem apposita est, id est, ultra & post promissiones addita, donec veniret semen Christus, cui promissum fuerat.

## DE DVPLICI LEGIS VSV.

*Lex politicus  
usus.  
Omnes leges la-  
tae ad coercen-  
das transgressio-  
nes.*

Hic sciendum est, duplicem esse legis usum. Alter civilis est. Nam Deus ordinavit civiles, imò omnes leges ad coercendas transgressionem. Ergo omnis Lex lata est ad impedienda peccata. Si coercet peccata, ergo justificat? Nihil minus. Quod enim non occido, non committo adulterium, furtum non facio, quod ab aliis peccatis abstineo, non volens aut virtutis amore facio, sed carcerem, gladium & carnificem metuo. Illa prohibent ne peccem, Vt leonem aut ursum vincula aut catenæ prohibent, ne quæque obvia laniet. Ergo coherctio à peccatis non est iusticia, sed potius significatio iniusticiæ. Vt enim furenti & indomitæ bestię injicitur vinculum, ne sæviat in quæque sibi obvia, Ita lex insanum & furentem hominem coercet, ne pro libidine peccet. Ista coherctio satis indicat, quod illi, qui ea opus habent (ut omnes quotquot extra Christum sunt) non sint iusti, sed potius impii & furentes, quos necesse sit vinculis & carcere legis domari ne peccent. Ergo lex non justificat.

*Diaboli pote-  
stat.  
Deum ordina-  
vit magistratus,  
parentes, leges,  
&c. ut peccata  
cohercantur.*

*Civilis coherctio  
legis necessaria.*

Primus ergo intellectus & usus legum est, coercere impios. Diabolus enim regnat in toto orbe terrarum, & impellit homines ad omnis generis flagitia. Ideo Deus ordinavit Magistratus, parentes, præceptores, leges, vincula & omnes ordinationes civiles, ut, si non possint amplius efficere, revinciant saltem Diabolo manus, ne pro libidine sua ita sæviat in suis. Sicut ergo hominibus obsessis, in quibus Diabolus potenter regnat, vincula & catenæ injiciuntur, ne quem lædant. Sic toti mundo, qui obsessus est à diabolo, & præceptus fertur in omnia scelera, adest Magistratus suis vinculis & catenis, hoc est, legibus, cohibens manus & pedes, ne præceptus ruat in omnis generis flagitia. Si hoc modo se arceri non sinit, poena capitis plectitur. Hæc civilis coherctio summè necessaria est, & à Deo instituta, cum propter publicam pacem, tum propter omnes res conservandas, maximè vero, ne tumultus

tumultibus & seditionibus ferocium hominum cursus Evangelii impediatur. Illum civilem usum Paulus hic non tractat. Est quidem valdè necessarius, sed non justificat. Nam ut obsessus non ideo liber & compos mentis est, quod manus & pedes diligati sunt, ita mundus, ut maximè arceatur lege ab externis flagitiis, non ideo justus est, sed manet impius. Imò ista coherctio indicat mundum esse impium, furentem & impelli à principe suo diabolo, alioqui non opus esset eum legibus coherceri ne peccaret.

Alter Legis usus est theologicus seu spiritualis, qui est ut (Paulus ait) augere transgressiones, hoc est, revelare homini suum peccatum, cæcitatem, miseriam, impietatem, ignorantiam, odium, contemptum Dei, mortem, infernum, judicium & commeritam iram apud Deum. Hunc usum tractat magnificè Rom. 7. Is planè incognitus est hypocritis, sophistis & omnibus hominibus, quotquot incedunt in opinione justiciæ legis seu propriæ. Ut autè compescat & contundat Deus monstrum & bestiam illam furentem (opinionem justiciæ seu religionis) quæ naturaliter inflat & superbire facit homines, ut putent propter eam se placere Deo, oportuit eum mittere aliquem Herculem, qui monstrum istud toto impetu adoriretur, prosterneret & conficeret, hoc est, coactus est ferre in monte Sina legem, tanta pompa & tam horribili specie, ut totus populus pavore concussus sit, Exod. 19. 20.

Is usus Legis divinæ, ut est proprius & præcipuus, ita perutilis est & maximè necessarius. Nam si quis non est homicida, adulter, fur, & abstinet externè à peccatis, ut Phariseus ille, is juraret (quia est obsessus à diabolo) se esse justum, Ideoque concipit opinionem justiciæ, & præsumit de bonis operibus & meritis suis. Hunc Deus nulla alia arte mollire & humiliare potest, ut agnoscat suam miseriam & damnationem, nisi lege. Ea enim est malleus mortis, tonitru inferni & fulmen iræ divinæ, conterens induratos & insensatos hypocritas. Quare proprius & verus legis usus est, fulgure, (ut in monte Sina) tonitru, clangore buccinæ perterrefacere, fulmine prostertere & contere istam beluam, quæ vocatur Opinio justiciæ. Hinc Deus per Ieremiam dicit, Verbum meum malleus est, conterens petras. Donec enim opinio justiciæ in homine manet, manet incomprehensibilis Superbia, præsumptio, securitas, odium Dei, contemptus Gratiæ & misericordiæ, ignoratio promissionum & Christi. Non intrat in cor neq; sapit prædicatio de gratuita remissione peccatorum propter Christum. Quia ingens rupes & adamantinus murus, scilicet, Opinio justiciæ, qua cor ipsum cinctum est, obstat.

Ut ergo opinio justiciæ magnum & horribile monstrum, rebellis, pertinax & durissimæ cervicis bestia est, ita pro conficienda & conterenda ea, habet opus Deus ingenti & forti Malleo, scilicet lege. Quæ tum in proprio officio & usu est, cum sic accusat & ostendit peccatum, Ecce transgressus es omnia mandata Dei, &c. Et ita terrorem incutit conscientiæ, ut verè sentiat Deum offensum & iratum, & se ream æternæ mortis. Ibi cor sentit onus importabile legis, & conteritur usq; ad desperationem, ut præ nimia anxietate mortem expetat, aut sibiipsi consciscere mortem cupiat. Quare lex est malleus, ignis, ventus & commotio illa grandis & fortis, conterens petras & subvertens montes, hoc est, induratos & superbos hypocritas. Hos legis terrores, qui per ista significantur, non ferens Elias, caput pallio operuit, 3. Reg. 19. Cessante tamen tempestate illa, cujus spectator erat, venit sibilus auræ tenuis, in qua Dominus erat. Sed oportebat procellam Ignis, turbinis & terræ motus præcedere, antequam Dominus ipse in susurro lenis auræ sequebatur.

Hunc legis usum adumbravit terribilis ille aspectus & pompa, qua Deus legem tulit in monte Sina. Summa sanctitas erat in populo Israël, qui egressus fuerat ex Ægypto, Nos (jactitabant) populus DEI sumus, Omnia quæ locutus est, Dominus Deus noster, faciemus. Deinde Moses sanctificabat populum, jubebat lavare vestes, abstinere ab uxoribus, & parare sese in tertium diem, Ibi nemo non erat sanctissimus. Tertio die Moses educit è castris populum ad montem in conspectum Domini, ut audiret vocem ipsius. Quid sit? Vbi filii Israël vident horribilem

*Theologicus  
us.*

*Theologicus le-  
gis usus inco-  
gnitus rationi.*

*Opinio justiciæ  
inflata, &c.*

*Lex lata ad  
cohercendam o-  
pinionem justiciæ.*

*Proprium & præ-  
cipuum Legis usus.*

*Hypocritæ legem  
perterrefaciunt &  
humiliantur,  
&c.*

*Opinio justiciæ  
quam sui perniciosa.*

*Opinio justiciæ  
quæ sui perniciosa  
&c.*

*Legis proprium  
officium.*

*Lex malleus  
conterens petras.*



*Filii Israël non  
potuerunt ferre  
vocem Dei lo-  
quentis ex i-  
gne, &c.*

ribilem aspectum montis fumantis & ardentis, nigras nubes & fulgura discurrentia in ista densissima caligine, & audiunt clangorem buccinæ paulatim crescere & prolixius protendi, Item ubi audiunt tonitrua & fulmina, Pavefacti retrocedebant, & procul stantes dicebant Moysi, Nos omnia libenter faciemus, modò non loquatur nobis Dominus, ne moriamur, devorante nos igni hoc maximo, Tu nos doce, & auscultabimus. Quid quæso hîc profuit mundicies, candida vestis, abstinencia ab uxoribus, sanctitas? Nihil prorsus, Nemo hanc Dei præsentiam in sua majestate & gloria ferre potuit, sed omnes exterriti & pavore concussi ibant retrò, quasi à Diabolo acti. Deus enim Ignis consumens est, in cujus conspectu simpliciter nulla caro consistere potest.

*Legis officium  
proprium.*

*Judæi territi ad  
vocem legi.*

*Idem accidit  
omnibus hypo-  
critis, quod Ju-  
dæis ad montem  
Sinai stanti-  
bus.*

*Vaticinium Lu-  
theri.*

*Pauci intelli-  
gunt proprium  
legis usum.*

*Sellæ.*

Hoc ergo officium Lex divina proprie habet, quod tum in monte Sina habuit, cum primum lata est, & audiebatur à lotis, justis, purificatis & castis, & tamen redegit illos sanctos in agnitionem suæ miseriæ usq; ad desperationem & mortem. Nulla tum mundicies juvabat, sed tantus erat sensus immundicie, indignitatis, peccati, judicii & iræ Dei, ut fugerent à conspectu Domini, neq; possent ipsius vocem audire. Quid est omnis caro, dicebant, ut audiat vocem Domini Dei viventis, & possit vivere? Hodie vidimus, quod loquente Deo cum homine, homo perferre non possit. Iam multò aliter loquuntur, quàm paulò antè, cum dicerent, Nos populus Dei sanctus, quem Dominus sibi elegit in peculium præ cunctis gentibus orbis terrarum, Cuncta quæ locutus est Dominus faciemus. Sic tandem accidit omnibus justiciariis, qui opinione justiciæ ebrii, arbitrantur extra tentationem se maximè diligere à Deo, respicere Deum vota, jejunia, precatiunculas & electicia opera sua, pro quibus sit illis redditurus singularem Coronam in cœlis. Sed veniente ex improvviso Tonitru, fulmine, igne & malleo illo, qui petras conterit, hoc est, lege Dei revelante peccatum, iram & judicium Dei ostendente, planè idem illis accidit, quod stantibus Judæis ad radices montis Sinai.

Admoneo pietatis amatores, præcipuè qui aliquando aliorum futuri sunt Doctores, ut diligenter ex Paulo discant intelligere verum ac proprium Legis usum, qui (ut timeo) post tempora nostra iterum obscurabitur & prorsus obruetur. Nam nobis adhuc viventibus, & summa diligentia utriusq; legis & Evangelii officium & usum monstrantibus, tamen perpauca sunt etiam inter illos, qui pii videri volunt, & nobiscum profitentur Evangelium, qui ista rectè teneant. Quid futurum putatis nobis ablatis? Ut interim nihil dicam de Anabaptistis, novis Arrianis, & spiritibus blasphemis in Sacramentum corporis & sanguinis Christi, qui æquè ista ignorant, ut maximè ore diversum dicant, ac Papistæ. Iamdudum enim à pura doctrina Evangelii ad leges relapsi sunt. Ideoq; Christum non docent. lætant & jurant quidem, se nihil quàm gloriam Dei, salutem fratrum quærere, & verbum Dei pure docere. Sed re vera depravant illud, & detorquent ad alienum sensum, ut hoc cogatur illis sonare, quod ipsi somniant. Ideo sub nomine Christi sua somnia, sub nomine Evangelii tantum leges & ceremonias, docent. Sunt ergo & manent semper sui similes, hoc est, monachi, operarii, legis & ceremoniarum doctores, nisi quòd nova nomina & opera excogitant.

*Valde prodest  
tenere proprium  
legis usum.*

*Lux legi.*

Non est igitur parvi momenti res, probè tenere, Quid lex, quis usus, quod officium ejus sit? Quia vero ista summa diligentia & fide tradimus, re ipsa testamur, quòd Legem & opera, ut adversarii nos falsò accusant, non rejicimus, Sed maxime stabilimus legem, opera ejus exigimus, dicimusq; legem bonam & utilem, sed in suo usu, scilicet primò ad coercendas civiles transgressionem, Deinde ad revelandas & augendas spirituales transgressionem. Quare lex etiam lux est, quæ lucet & ostendit, non gratiam Dei, non justiciam & vitam, Sed Peccatum, mortem, iram & judicium Dei. Nam sicut in monte Sinai, tonitru, fulmen, nubes caliginosa, mons fumigans & ardens, & tota illa terrifica facies, non exhilarabat nec vivificabat filios Israël, sed perterrefaciebat, reddebat serè exanimis, & ostendebat, quàm non ferre possent, cum omni illa sua sanctitate & mundicie præsentiam Dei loquen-

loquentis è nube. Sic lex, quando in suo vero usu est, nihil aliud facit, quam quod revelat peccatum, efficit iram, accusat & perterrefacit homines, ut non procul absint à desperatione. Is proprius est usus legis, hic finem habet, nec amplius progredi debet.

*Lex in suo vero usu terret, &c.*

Contrà, Evangelium lux est, quæ illuminat, vivificat, consolatur & erigit pavidas mentes. Ostendit enim Deum esse propitium peccatoribus & indignis propter Christum, Si credant se per mortem ipsius liberatos à maledictione, id est, à peccato & morte æterna, & per suam victoriam donatam illis Benedictionem, id est, gratiam, remissionem peccatorum, justiciam & vitam æternam. Hoc modo discernentes legem ab Evangelio, utriq; tribuimus suum proprium usum & officium. De hoc legis & Evangelij discrimine nihil legitur in libris Monachorum, Canonistarum, Scholasticorum, imo ne quidem veterum Patrum. Augustinus aliqua ex parte illud discrimen tenuit, ac indicavit. Hieronymus & alij ignorarunt. Summa, mirum de illo fuit multis seculis silentium in omnibus scholis & templis, Eaq; res adduxit conscientias in maximum discrimen. Nisi enim diserte discernatur Evangelium à Lege, non potest salva retineri doctrina Christiana. Contrà, cognita hac distinctione, cognoscitur vera ratio justificandi, tumq; facile discernere est Fidem ab operibus, Christum à Mose, & omnibus politicis legibus. Omnia enim, extra Christum, sunt ministerium mortis, ad vindictam malorum. Respondet ergo Paulus ad quæstionem hoc modo:

*Evangelij lux.*

*Evangelij officium & usus proprius.*

*Nisi diserte discernatur lex ab Evangelio, non potest doctrina fidei salva retineri.*

*Lex propter transgressionem apposta est.*

Id est, ut augescerent & magis cognoscerentur ac viderentur transgressionem. Et re vera etiam ita fit. Nam cum per Legem revelatur homini Peccatum, mors, ira & judicium Dei, infernus, &c. impossibile est, ut non fiat impatiens, murmuret, oderit Deum & ejus voluntatem. Non enim potest ferre judicium Dei, suam mortem & damnationem, & tamen non potest effugere. Hic tum necessario incurrit in odium & blasphemiam contra Deum. Prius extra tentationem magnus sanctus fuit, coluit & laudavit Deum, genu flexit & gratias egit, ut Pharisæus Lucæ 18. Iam autem revelato peccato & morte, vellet Deum non esse. Itaq; lex summum odium Dei affert. Et hoc non solum est ostendi & cognosci Lege peccatum, sed etiam per ostensionem augeri, inflari, incendi & magnificari peccatum. Hinc Paulus dicit Rom. 7. Peccatum, ut appareat peccatum, per bonum operatum est mihi mortem, ut fiat excellenter noxium peccatum per præceptum. Illic copiose tractat istum legis effectum.

*Transgressionem augentur per legem.*

Ad istam ergo quæstionem, Si lex non justificat, ad quid valet? Paulus respondet. Ut maximè, inquit, non justificat, tamen maximè utilis & necessaria est lex. Primum civiliter coerces carnales & rudes. Deinde ostendit hominem sibi ipsi, quod sit peccator, ergo reus mortis & dignus æterna ira. Ad quid prodest ista humiliatio, contusio & contritio per istum malleum, legem scilicet? Ad hoc prodest, ut gratiæ pateat ad nos aditus. Sic ergo lex ministra & præparatrix est ad gratiam. Nam Deus est Deus humilium, miserorum, afflictorum, oppressorum, desperatorum, & eorum, qui prorsus in nihilum redacti sunt, Ejusq; natura est exaltare humiles, cibare esurientes, illuminare cæcos, miseros & afflictos consolari, peccatores justificare, mortuos vivificare, desperatos & damnatos salvare, &c. Est enim creator omnipotens ex nihilo faciens omnia. Ad hoc autem suum naturale & proprium opus non finit eum pervenire nocentissima pestis illa, opinio justiciæ, quæ nō vult esse peccatrix, immunda, misera & damnata, sed justa, sancta, &c. Ideo oportet Deum adhibere Malleum istum, Legem scilicet, quæ frangat, contundat, conterat, & prorsus ad nihilum redigat hanc beluam cum sua vana fiducia, sapientia, justitia, potentia, &c. ut tandem suo malo discat se perditam & damnatam. Atq; ibi tum, conscientia sic Lege conterrita, locum habet doctrina Evangelij & gratiæ, quæ rursus erigit & consolatur, dicens, Christum venisse

*Usus legis duplex.*

*Lex ministra ad gratiam.*

*Opus proprium Dei.*

*Doctrina Evangelij habet locum in his, qui lege perterriti sunt.*

P

in mun-

in mundum, non ut quassatum calamum conterat, non ut linum fumigans extinguat, sed ut pauperibus Evangelium annunciet, contritis corde medeatur, captivis prædicet remissionem, &c.

*Tempus legis,  
gratia.*

*Ratio in tenta-  
tione non confu-  
git ad doctrinam  
gratia, sed legem.*

Sed hoc opus, hic labor est, ut sic perterrefactus & contusus Lege, possit se-  
se iterum erigere, & dicere, Iam satis contritus & conturbatus sum, satis miserè af-  
fixit me tempus legis. Iam tempus est Gratiae & audiendi Christi, ex cujus ore  
procedunt sermones gratiae. Iam tempus est videndi, non fumantem & ardentem  
montem Sina, sed montem Moria, ubi est sedes, templum & propiciatorium Dei,  
Christus scilicet, qui est rex iustitiae & pacis, Ibi audiam, quid Dominus mihi lo-  
quatur, loquitur autem pacem plebi suae. Imò tanta est stultitia humani cordis, ut  
non solum non apprehendat in isto certamine conscientiae, ubi Lex fecit officium,  
& verum suum usum exercuit, doctrinam Gratiae, quae certissime promittit  
& offert remissionem Peccatorum propter Christum, sed etiam plus legum quæ-  
rat, quibus sibi consulere velit. Ego, inquit, si diutius vixero, emendabo vitam  
meam, hoc & hoc faciam. Item, ingrediar monasterium, parcissime vivam, con-  
tentus pane & aqua, nudis pedibus incedam, &c. Hic nisi omnino contrarium fe-  
ceris, hoc est, nisi ablegaveris Moysen cum lege sua ad securos & induratos, & ap-  
prehenderis in istis pavoribus & horroribus Christum passum, crucifixum, mor-  
tuum pro peccatis tuis, Planè actum est de salute tua.

*Lex non solum  
ostendit pecca-  
tum, sed etiam  
compellit ad  
Christum.*

Sic per accidens Lex cum suo officio etiam prodest ad justificationem,  
non quidem justificans, sed urgens ad promissionem Gratiae, & faciens eam sua-  
vem ac desiderabilem. Quare legem non abrogamus, sed indicamus verum offi-  
cium & usum ipsius, quod scilicet sit utilissima ministra, urgens ad Christum. Ideo  
postquam te Lex humiliavit, perterrefecit & prorsus contrivit, ut jam sis despera-  
tioni proximus, vide ut Lege recte noris uti. Quia officium & usus ejus est, non  
solum ostendere peccatum ac iram Dei, sed etiam compellere ad Christum. Hunc  
usum Legis solus Spiritus sanctus ostendit in Evangelio, ubi testatur Deum adesse  
contritis corde, &c. Quare si contritus es malleo isto, ne perverse utaris contri-  
tione ista, ut oneres te pluribus legibus, sed audi Christum dicentem, Venite ad  
me omnes, qui laboratis & onerati estis, Ego reficiam vos. Quando Lex sic te ur-  
get, desperatis omnibus rebus tuis, ad quarendum auxilium & solatium apud  
Christum, tum est in vero usu, & servit per Evangelium ad justificationem, Isq;  
est optimus ac perfectissimus Legis usus.

*Perfectissimus  
legis usus.*

Quare Paulus hic novo Capite incipit tractare Legem, & definit quid sit,  
hinc occasione accepta, quod dixerat, Legem non justificare. Hoc enim audiens  
ratio statim infert, Ergo frustra Deus eam tulit. Necesse igitur fuit quærere, recte  
definire & respondere, quid Lex, & quomodo intelligenda sit, ne latius aut arcti-  
us accipiatur, quam oporteat. Ad justificationem, inquit, nulla Lex simpliciter  
est necessaria. Ideo quando disputandum est de iusticia, vita & salute æterna, om-  
nino removenda est ex oculis Lex, quasi nunquam fuerit, aut futura sit, sed pror-  
sus nihil sit. In negotio enim justificationis nemo satis potest è conspectu Legem  
removere, & promissionem solam intueri. Ideò dixi, Legem & promissionem af-  
fectu longissime esse separanda, re ipsa enim sunt conjunctissima.

*Donec veniret Semen, cui promissum fuerat.*

*Quamdiu impe-  
rium legi debe-  
at durare.*

PAVLVS Legem non facit perpetuam, sed dicit eam latam & additam  
Promissionibus propter Transgressionem, scilicet coercendas civiliter, præci-  
pue autem propter eas revelandas & augendas theologice, & ne hoc quidem per-  
petuò, sed tantum ad tempus. Hic nosse oportet prædicamentum quando,  
Quamdiu scilicet durare debeat imperium seu tyrannis Legis, quæ revelat pecca-  
tum, ostendit nobis quales simus, & aperit iram Dei. Qui seriò ista sentiunt, subito  
perirent, si non acciperent consolationem, Ideò nisi abbreviarentur dies legis, ne-  
mo salvus fieret. Oportet igitur præfigi modum & tempus legi, ultra quod non do-  
minetur.



minetur. Quamdiu ergo dominium legis durare debet? Donec veniat Semen, scilicet illud, de quo scriptum est, In Semine tuo benedicentur omnes gentes. Tantisper ergo durare debet tyrannis Legis, donec plenitudo temporis, & Semen illud benedictionis veniat. Non ut ipsa lex Semen afferat, aut justiciam donet, sed ut civiliter coerceat & concludat tanquam in carcere indomitos, Theologice autem arguat, humiliet & perterrefaciat, & sic humiliatos & contritos cogat aspirare ad Semen illud benedictum.

*Matth. 11.*

Durationem temporis legis, & ad literam, & spiritualiter intelligere licet. *Lex ad literam desit tempore Christi, &c.* Ad literam, Lex usque ad tempus Gratiae duravit. Lex & prophetae (inquit Christus) usque ad Iohannem prophetaverunt. A tempore Iohannis usque ad hunc diem, Regnum coelorum vim patitur, & violenti rapiunt illud. Hoc tempore Christus baptisatus est, & coepit praedicare, Vbi etiam ad literam desit Lex & totus ille cultus Mosaicus.

Spiritualiter, Lex non debet diutius dominari in conscientia, quam ad praefinitum tempus istius seminis benedicti. Quando ergo Lex ostendit mihi peccatum, perterrefecit me, & revelavit iram & iudicium Dei, ut incipiam pallescere, desperare, &c. Ibi praescriptum modum, tempus & finem habet Lex, ut definat suam tyrannidem exercere. Quia tunc satis fecit officio suo, satis ostendit iram Dei & perterrefecit. Hic dicendum est, Desine lex, satis exterruisti & contrivisti, Omnes fluctus tui super me transierunt, terrores tui conturbaverunt me.

*Psal. 17.*

*Psal. 6.*

Item, Ne avertas Domine faciem in ira a servo tuo, Ne, quaeso, in furore tuo arguas me, &c. Quando isti pavores & querelae veniunt, tempus & hora est Seminis benedicti. Cedat igitur Lex, quae quidem addita est, propter transgressiones revelandas & augendas, sed tantisper tantum, donec Semen veniat, Quo praesente, definat lex revelare transgressiones & perterrefacere, tradatque regnum alteri, Semini scilicet benedicto, hoc est, Christo, qui habet gratiosa labia, quibus non accusat, terret, &c. sed de rebus longè melioribus loquitur, quam Lex, nempe de Gratia, pace, remissione peccatorum, victoria Peccati, mortis, &c. sua morte & resurrectione partis & donatis credentibus.

Indicat ergo Paulus his verbis, Donec veniret Semen, cui Benedictio promissa est, quamdiu Lex durare debeat literaliter & spiritualiter. Ad literam desit, cum Semen illud benedictum, carne nostra assumpta, venit in mundum, donans Spiritum sanctum, & scribens novam Legem in cordibus, &c. Spiritualis autem duratio Legis non semel cessat, sed tenacissime haeret in conscientia. Ideo difficile est homini, qui theologico usu legis exercetur, finem legis videre. *Duratio legis literalis & spiritualis, &c.*

In illis enim terroribus & sensu peccati, non potest mens spem concipere, quod Deus sit misericors, quod velit condonare peccata propter Christum, Sed simpliciter iudicat Deum irasci peccatoribus, accusare & condemnare eos. Hic nisi accedat Fides, quae iterum erigat, aut juxta illud Christi, Vbi duo vel tres, &c. adsit frater, qui consoletur verbo Dei sic oppressum & contusum Lege, desperatio & mors sequitur. *Terroris legis fide segantur.*

*Eccles. 4.*

Igitur pessimum est, hominem, praesertim tentatum, solum esse. Vah soli, inquit Ecclesiastes, quia cum ceciderit, non habet sublevantem se. Quare qui instituerunt monachatum seu solitariam vitam, innumerabilibus dederunt occasionem desperandi. Si quis segregaret se à consortio hominum causa orandi unum atque alterum diem (ut de Christo legimus, quod solus quandoque secesserit in montem, & noctu perduraverit in oratione) nihil esset periculi. Sed quod coegerunt homines ad solitudinem perpetuam, hoc Diaboli fuit inventum. Nam cum homo tentatur & solus est, non potest sibi ipsi consulere, ne in minima quidem tentatione. *Solitaria vita multis nocet.*

*Ordinata per Angelos, in manu Mediatoris.*

DIGRESSIVNCULA est quam Paulus non explicat neque absolvit, sed tantum obiter attingit & transit. Mox enim redit ad institutum, ibi scilicet, Nun-

*Lex data per  
Angelos, Ev-  
angelium per  
Christum, E-  
b. 4. 2.*

*Lex brevis tem-  
poris sermo, Ev-  
angelium aeter-  
num, &c.*

*Christus non est  
mediator secun-  
dum legem, ut  
Moses.*

quid lex est contra promissa Dei? Fuit autem hæc occasio digressionis. Incidit ei & ista differentia Legis & Evangelij, quod Lex addita promissionibus, non solum differat ab Evangelio tempore, sed etiam autore seu causa efficiente. Lex enim per Angelos tradita est, Ebr. 2. Evangelium vero per ipsum Dominum. Quare Evangelium excellit Legem. Quia Lex est servorum vox, Evangelium Domini. Ad extenuandam igitur Legem, & amplificandum Evangelium, dicit Legem fuisse doctrinam brevissimi temporis (quia duravit tantum usq; ad plenitudinem promissionis, hoc est, usq; ad benedictum illud Semen, quod promissionem implevit) Evangelium autem æterni. Idem enim habuerunt omnes credentes ab initio mundi, ac per illud salvati sunt. Lex igitur longe inferior est Evangelio, quia ordinata per servos Angelos, & brevi tempore duravit. Evangelium per ipsum Dominum, Ebr. 1. Idemq; æternum, quia ante tempora secularia promissum, Tit. 1.

*Ebr. 1.  
Tit. 1.*

Deinde, Legis sermo non solum per Angelos servos dispositus fuit, sed & per alium servum inferiorem Angelis, hominem scilicet, hoc est (ut hic inquit) per manum mediatoris, id est, Mosi. Christus autem non est servus, sed ipse Dominus. Non est mediator inter Deum & hominem secundum Legem, ut Moses, sed est melioris Testamenti mediator. Lex ergo per Angelos ut servos ordinata fuit. Quia in monte Sina audivit Moses & populus loquentem Deum, hoc est, Angelos in persona Dei loquentes. Hinc Stephanus cap. 7. Actor. inquit, Vos accepistis Legem per dispensationem Angelorum, hoc est, per disponentes & tradentes Angelos, & non servastis. Item textus Exod. 3. clare dicit, quod Angelus apparuerit Mosi in flamma ignis, & ei locutus sit è medio rubi. Vbi latinus textus depravatus est. Non enim habet vocabulum Angeli, sed Domini. Atq; is locus propter inscitiam Ebrææ linguæ, peperit disputationem, Num Dominus ipse Mosi locutus sit, an Angelus?

*Exod. 19.  
20.*

*Act. 7.*

*Exod. 3.*

Significat ergo Paulus, Christum longe melioris Testamenti mediatorem esse, quam Mosen. Et alludit hic ad historiam in Exodo de promulgatione legis, quæ dicit, Mosen eduxisse populum è papilionibus in occursum Dei, & collocasse ad radices montis Sinai. Ibi tristis & horribilis aspectus erat, totus mons ardebat, &c. Vbi hoc vidit populus, cœpit tremere, Putabat enim se in ista grandi tempestate subito periturum. Quia ergo ferre non poterat Legem horribiliter sonantem de monte Sinai, (Terrifica enim illa vox Legis occidisset populum) Ideo dicebat ad Mosen mediatorem, Accede tu, & audi quid loquatur Dominus, Tu vero nobis loquere, &c. Et ipse, Ego, inquit, sequester & mediator fui inter Deum & vos, &c. Ex his satis liquet, Mosen constitutum fuisse mediatorem inter populum & Legem loquentem.

*Moses media-  
tor, &c.*

*Exod. 19.  
20.*

*Lex per terro-  
rem facit, ergo non  
iustificat.*

Vult ergo Paulus ex hac historia recte significare, quod impossibile sit per Legem contingere iusticiam, q. d. Quomodo Lex posset iustificare, cum totus populus Israëliticus, sanctificatus, &c. item ipse Moses mediator inter Deum & populum, ad vocem legis, ut Epistola ad Ebræos ait, exterritus sit ac tremuerit? Hic nihil fuit quam terror & tremor. Cujusmodi vero est hæc iustitia & sanctitas, non posse ferre, imo non posse nec velle audire Legem, sed fugere & odisse eam, & ita odisse, ut nihil magis in mundo oderis? Vt historia clarissime testatur, Populum ipsa hora, qua audiebat Legem, nihil magis exosum habuisse quam Legem, mortemq; potius optasse, quam audire Legem. Sic revelato peccato per radios, quos Lex in cor spargit, nihil est homini odiosius & intolerabilius Legi. Ibi tum mortem potius eligeret, quam quod perferre cogeretur vel brevissimum tempus istos terrores legis, Quod certissimum signum est, Legem non iustificare. Nam si iustificaret, certe homines amarent eam, delectarentur ea, & voluntate non aversa, sed conversa amplecterentur. Sed ubi est illa voluntas? Nusquam, Nec in Mose, nec in toto populo, quia omnes conterriti & tremebundi fugerunt. Quod autem quis fugit, hoc non amat, sed averfatur, non delectatur eo, sed maxime exosum habet.

*Ebr. 12.*

*Nihil intolerabi-  
lius hominibus,  
quam lex.*

*Ad vocem le-  
gis totus popu-  
lus Israël fugit,  
ergo non iustifi-  
cat.*

Quare

Quare ista fuga indicat infinitum odium cordis humani contra Legem, & per consequens contra ipsum Deum legis autorem. Et si aliud argumentum non esset, quod convinceret, justiciam per legem non contingere, satis esset hæc unica historia, quam Paulus indicat brevissime his verbis, In manu mediatoris, q. d. Non meministis quod patres vestri usque adeo non potuerint audire Legem, ut opus habuerint mediatore Mose? Et eo jam constituto, tantum absuit quod amaverint Legem, ut etiam horribili fuga una cum mediatore (ut Epist. ad Ebræ. testatur) eam detestati sint, & si potuissent, per ferreum montem regressi fuissent in Ægyptum. Sed conclusi erant, ut nulla parte evadere possent. Ideo clamant ad Moysen, Loquere tu nobis. Si enim ultra audierimus vocem Domini Dei nostri, moriemur. Si igitur Legem non possunt audire, quo modo quæso eam facerent?

*Justiciam per legem non contingere testatur historia promulgata legi.*

Quare si Legis populus coactus fuit necessario habere Mediatorem, Sequitur inevitabili consequentia, quod Lex eos non justificavit. Quid ergo fecit? Hoc quod Paulus dicit, Lex addita est ut abundaret delictum. Erat igitur Lex, lux & sol, spargens radios in corda filiorum Israël, quibus pavescit eos, & incussit eis tantam iram & metum Dei, ut aversarentur Legem & autorem ipsius, quod gravissimum peccatum est. Tales tu scilicet diceres esse justos? Certe non. Iusti enim sunt qui audiunt, & bona voluntate amplectuntur legem, & delectantur ea. Sed historia promulgata legis testatur, omnes homines in toto mundo, quamlibet sanctos (præsertim cum hi, qui mundati & sanctificati erant, non potuerunt Legem audire) aversari, horrere & fugere Legem, & cupere eam non esse. Ergo impossibile est per eam justificari homines, sed omnino contrarium effectum habet.

Licet, ut dixi, Paulus hunc locum obiter tantum attingat, non expendat nec absolvat, Tamen diligens & attentus lector sine negotio intelligit eum recte loqui de utroque mediatore, Mose & Christo, & eos inter se conferre, ut paulo post indicabimus. Si pluribus voluisset hanc rem persequi & urgere, ille unicus locus suppeditasset ei copiosum argumentum scribendi novam Epistolam. Historia autem Exod. 19. 20. de promulgatione legis, suppeditaret materiam scribendi magnum librum, si tantum obiter sine affectu legeretur, Quamquam videatur valde frigida iis, qui verum legis officium & usum ignorant, si ea cum aliis historiis sacris conferatur.

*Mediator Moyses & Christus.*

Ex his manifestum est, quod totus mundus, si astitisset ad montem Sinai, ut populus Israëliticus, exhorruisset ac fugisset Legem. Ergo totus mundus inimicus est Legis, & infensissime odit eam. Lex autem sancta, justa ac bona est, & rectitudo divinæ voluntatis, Quomodo igitur potest esse justus, qui non solum detestatur ac fugit Legem, sed insuper inimicus Dei est, qui est autor legis? Neque caro aliter potest facere, ut Paulus testatur Rom. 8. Sensus carnis inimicitia est adversus Deum. Legi enim Dei non est subditus, ac ne potest quidem subjici. Ideo extrema dementia est, sic odio habere Deum & Legem ipsius, ut ne eam quidem audire possis, & tamen affirmare, nos ea justificari.

*Totus mundus odit legem Dei.*

*Caro odit legem Dei, ergo non justificat.*

Itaque Sophistæ cæci sunt, & plane de hac disputatione nihil intelligunt. Invenitur tantum externam Legis larvam, putantes ei civilibus moribus satisfieri, eosque coram Deo justos esse, qui externe eam faciunt, non considerantes verum & spiritualem ejus effectum, qui non est justificare & pacificare conscientias, sed augere peccatum, perterrefacere & iram operari. Cum hoc ignorent, concludunt hominem habere bonam voluntatem & rectam rationem ad legem Dei. Sed num hoc verum sit, consule populum Legis cum suo mediatore, qui audierunt vocem legis in monte Sina. Consule ipsum Davidem, qui quoties in Psalmis conqueritur se projectum esse à facie Dei, se agere in inferno, se exterritum magnitudine peccati sui, ira & judicio Dei, Non opponit sacrificia, non Legem ipsam, istis invictis tyrannis, sed erigitur sola gratuita misericordia Dei. Ergo lex non justificat.

*Sophistæ imaginantur legi satisfieri externis operibus. Lex vero non.*

*David quando se gesserit in temptatione.*



*Lex non blasphe-  
mat rationem, &  
non odit eam.*

Si meis affectibus inserviret Lex, hoc est, si hypocrisin & gloriam meam, Si opinionem & fiduciam justiciæ propriæ, comprobaret, Si concederet, quod sine misericordia Dei & fide in Christum, sola sua ipsius ope ( ut totus mundus naturaliter de lege judicat) coram Deo justificari possem, Item si diceret Deum flecti & vinci operibus, & obligari facientibus ea mercedem reddere, ut sic nullo Deo indigens, mihi ipsi Deus esse possem, qui meis operibus gratiam mereri, & excluso salvatore Christo, meipsum meritis meis salvare possem, Si, inquam, mihi ita inserviret lex, Tum esset jucunda, suavis & grata. Adeo egregie potest sibi blandiri ratio. Sed hoc tantisper tantum duraret, donec perveniret Lex ad proprium usum & officium suum, ibi tum appareret, quod ratio illos legis radios perferre non posset. Ibi oporteret Moysen aliquem accedere, & fieri Mediatorem, & tamen sine aliquo fructu, ut paulo post dicam.

*Excm Pauli de  
velata facie  
Mosi, 2. Cor. 3.  
explicatum.*

Huc pertinet locus 2. Cor. 3. de velata facie Mosi, ubi Paulus ex historia Exod. 34. indicat, filios Israël non solum ignorasse, sed etiam non potuisse ferre verum & theologicum usum Legis. Primum, quia non potuerunt intendere in finem Legis, inquit Paulus, propter velamen, quod Moyses posuerat in facie sua. Deinde non potuerunt intueri in faciem nudatam Mosi, propter gloriam vultus ipsius. Moyses enim locuturus cum ipsis, operiebat faciem velamine, sine quo sermonem ejus ferre non potuerunt, hoc est, ne quidem Moysen mediatorem suum audire potuerunt, nisi is alium adhuc Mediatorem adhiberet, scilicet velamen. Quo modo igitur Dei aut Angeli vocem audirent, cum Mosi hominis, & quidem Mediatoris ipsorum, vocem audire non potuerint, nisi velata facie? Nisi ergo veniat benedictum Semen, erigat & consoletur eum, qui audivit Legem, tum certo per desperationem perit in detestatione Legis, odio & blasphemia Dei, & indies prævaricabitur pejus contra Deum, Quia quo profundius hæret & longius durat pavor & confusio conscientiæ, quam Lex parit, hoc magis crescit odium & blasphemia Dei.

*Fides in Christi  
non expellit  
terrores legis.*

*Liberi arbitrij  
vis.*

Præterea docet ista historia, quæ sit vis liberi arbitrij, Populus exterritus est & tremuit, Vbi hic liberum arbitrium, ubi bona voluntas & recta ratio est? Quid hic in purificatis & sanctis liberum arbitrium valet? Nihil habet consilij, obscurat rationem, & avertit bonam voluntatem, non acceptat, non salutat, non cum gaudio amplectitur venientem Dominum cum tonitru, fulgure & igne in montem Sinai. Non potest audire vocem Domini, sed contra dicit, Non loquatur nobis Dominus, ne moriamur. Videmus ergo quæ sit vis liberi arbitrij in filiis Israël, qui ne sanctificati quidem volunt nec possunt unam syllabam aut litteram Legis audire. Igitur meræ nugæ sunt illæ commendationes liberi arbitrij, &c.

*Mediator autem unus non est.*

*Mediatoris vox  
includit duos.*

Hic obiter quidem & mira brevitate istos duos Mediatore confert, sic tamen, ut satisfaciatur attento lectori, qui statim intelligit eum ( cum Mediatoris vocabulum generale sit ) in genere loqui de Mediatore, non tantum de Mose. Mediator, inquit, non est unius tantum Mediator, sed illa vox necessario includit duos, nempe offensum & offendentem, quorum alter indiget intercessione, alter non. Quare Mediator non est unius, sed duorum, & duorum inter se discordantium. Sic Moyses generali definitione est Mediator, Quia Mediatorem agit inter Legem & populum, qui non potest ferre theologicum usum legis. Oportet igitur novam Legis faciem parari, & vocem ejus mutari, Hoc est, oportet theologicam vocem Legis, vel vivam Legem in affectu, induere larvam, & fieri tolerabilem & audibilem per vocem humanam Mosi.

*Moses mediator  
inter legem &  
populum.*

*Lex velata non  
perterritificat,  
&c.*

Lex autem sic larvata non loquitur amplius in sua majestate, sed per os Mosi. Hoc modo amplius non facit officium suum, id est, non incutit terrorem conscientijs. Ideoque homines tunc eam prorsus non intelligunt, sed redduntur tantum

tantum per eam securi, stertentes & præsumptuosi hypocritæ. Et tamen alterutrum fieri oportet, scilicet quod Lex sit vel extra usum suum cum Velo, sed tunc, ut dixi, facit hypocritas, Vel quod sit in usu suo sine velo, tunc occidit. Quia cor humanum legem in vero suo usu sine Velo ferre non potest. Oportet igitur te, si sine velo in finem Legis intendis, aut fide apprehendere benedictum Semen (hoc est, oportet te ultra finem legis, in Christum, qui est plenitudo legis, intueri, qui dicat, Lex satis terruit te, Confide fili, remittuntur tibi peccata, de quo paulo post plura dicam) aut certe oportet te Mosen habere Mediatorem cum suo velo.

Hinc est quod Paulus generali sententia dicit, Mediator unius non est. Fieri enim non potuit, ut Moses esset Mediator solius Dei, quia Deus non indiget mediatore. Nec est solius populi Mediator, sed inter Deum & populum, cui non conveniebat cum Deo, agit mediatorem. Est enim officium Mediatoris, placare partem offensam cum parte offendente. Ejusmodi tamen, ut dixi, Moses Mediator est, qui legis vocem tantum mutat, & auditu tolerabilem facit, non vim faciendæ legis præstat. In summa, Mediator est velaminis, ideo vim legis non dat, nisi in velamine. Quare necesse est discipulos ejus, quatenus est Mediator velaminis, manere hypocritas.

Sed quid putas, futurum fuisset, si Lex data esset sine Mose, vel ante aut post Mosen, & nullus ibi fuisset Mediator, nec populus tamen fugere nec Mediatorem habere debuisset? Hic aut populus nimio terrore percussus subito expirasset, Aut si salvus debuisset manere, oportuisset venire aliquem alium Mediatorem, qui hoc modo intercedere debuisset inter Legem & populum, ut manente populo incolumi, Lex etiam in sua virtute mansisset, & populo cum Lege convenisset. Accedit quidem Moses interim, & fit Mediator, facit larvam, & affert Velum, sed terrorem erga Legem non potest conscientis eximere. Ideo ablato Mose & velo ipsius, cum sentit homo in morte aut certamine conscientie, iram ac judicium Dei propter peccatum, quod Lex revelat & auget, Hic, ut non desperet, oportet Mediator aliquis veniat, qui dicat, Tu peccator manebis, hoc est, non morieris, etiam lege & ira ejus manente.

Is Mediator est Iesus Christus, qui non mutat, ut Moses, vocem Legis, non obscurat eam velo, neq; ducit me extra conspectum legis, Sed opponit se iræ Legis, & tollit eam, & satisfacit legi in suo corpore per semetipsum. Et post per Evangelium dicit ad me, Lex quidem minatur tibi iram Dei & mortem æternam, sed noli perterrefieri & fugere, imo consiste, Ego suppleo vices tuas, & pro te legi satisfacio. Is longe alius est Mediator quam Moses, qui inter Deum iratum & peccatorem intercedit. Hic Mose intercessio nihil prodest, iam enim evanuit, & officium cum suo velamine fecit. Ibi vero simpliciter peccator desperatus, aut homo moribundus, & offensus ac iratus Deus concurrunt. Ideo oportet alius Mediator quam Moses veniat, qui legi satisfaciatur, iram ejus tollat, & illum peccatorem perditum & reum æternæ mortis irato Deo reconciliet.

Hunc Mediatorem obiter attingit Paulus, cum inquit, Mediator unius non est. Quia mediatoris nomen proprie significat eum qui Mediatorem agit inter offensum & offendentem. Nos sumus offendentes, Deus cum lege sua est offensus, Et offensio talis est, ut Deus eam non possit remittere, nec nos possimus pro ea satisfacere. Ideo inter Deum, qui per se unus est, & nos, maximum est dissidium. Præterea non potest Deus revocare Legem suam, sed vult servari eam. Neq; nos, qui transgressi sumus legem Dei, à conspectu Dei fugere possumus. Ibi ergo interposuit Christus sese Mediatorem inter duos diversissimos, & infinita ac æterna separatione disjunctissimos, & illos conciliavit, &c. Quo modo? Delevit, ut Paulus alibi inquit, quod adversus nos erat Chirographum, quod per decreta, id est, legem, adversabatur nobis, & sustulit illud è medio, affixū cruci, expoliatosq; principatus ac potestates ostentavit palam, triumphans de illis per semetipsum. Ideo non est unius Mediator, sed duorum maxime inter se discordantium. Est &

*Lex suo vero usu occidit.*

*Mediatoris officium. Moses Mediator velaminis.*

*Discipuli Mose.*

*Alio mediatore opus est perterrefacto legem quam Mose.*

*Christus ad obducit legem velum, sed eam tollit, Ideo longe alius est mediator quam Moses.*

*Mediator inter offendentem & offensum.*

*Christus mediator inter Deum & peccatores, longe diversissimos, &c.*

*Plano non po-  
tuit audire le-  
gem, ergo non  
facit eam.*

hic locus potens & efficax ad confutandam justiciam Legis, & ad erudiendos nos, quod in causa Iustificationis longissime removenda sit lex. Item ipsa vox, Mediator, satis firmum etiam præbet argumentum, quod Lex non iustificet, alioqui quid opus esset mediatore? Cum igitur natura humana non possit audire Legem, manifestum est, quod multo minus possit eam facere atq; cum lege convenire, Ergo lex non iustificat.

*Vera doctrina  
de lege.*

Hæc, ut sæpe & fere ad fastidium usq; inculco, vera est doctrina de lege, quam quisque Christianus summa diligentia conetur discere, ut sciat diserte ac proprie definire, Quid lex, quis usus ac modus, quæ vis, quod tempus & finis ejus sit. Quod scilicet omnino contrarium effectum habeat, quam omnes homines putant, quibus à natura hæc perniciosissima opinio de lege insita est, quod sentiunt eam iustificare. Ideo timeo quod ista doctrina, nobis extinctis, iterum obscurabitur. Oportet enim mundum repleti horribilibus tenebris ac erroribus ante novissimum diem. Qui igitur potest capere, capiat, quod lex in Christiana theologia & sua vera descriptione non iustificet, sed omnino contrarium effectum habeat. Ostendit enim nos nobis, Deum iratum exhibet, iram aperit, perterrefacit nos & non solum revelat, sed etiam abundare facit peccatum, ut ubi prius peccatum erat parvum, per legem illuminantem fiat magnum, ut homo incipiat odisse & fugere legem, & perfecto odio horrere Deum, legis conditorem. Hoc certe non est justum esse per legem, id quod ipsa ratio etiam fateri cogitur, sed dupliciter peccare in Legem. Primum, non solum averfam à Lege habere voluntatem, ut non possis eam audire, sed contra eam facere, Imo deinde etiam sic odisse, ut cuperes eam abolitam una cum Deo, ejus autore, qui est summe bonus.

*Legis officium  
proprium.*

*Lex Dei bona  
& sancta, & ta-  
men natura hu-  
mana intolerabi-  
lis.*

Quæ autem major potest esse blasphemia, quod horribilius peccatum, quam odisse Deum, averfari & non posse audire ejus Legem, quæ tamen summe bona ac sancta est? Historia enim clare testatur, quod populus Israël optimam legem, sanctissimas & in sua natura jucundissimas voces, (scilicet, Ego sum Dominus Deus tuus, qui eduxit te, &c. Non habebis Deos alienos, Faciens misericordiam in millia, &c. Honora patrem, &c. ut bene sit tibi, & sis longævus super terram, &c.) recusaverit audire, quodque opus habuerit mediatore. Hanc summam, perfectissimam ac divinam sapientiam, & pulcherrimam, optimam ac suavissimam doctrinam ferre non possunt. Non loquatur (inquiunt) nobis Dominus, ne moriamur, Tu loquere, &c. Mira profecto, mira res est, non posse audire summum ac suavissimum bonum tuum, scilicet, quod habeas Deum, & eum misericordem, qui velit tecum misericordiam facere in multa millia, &c. Non posse audire defensionem tui, Non occidas, Non mœchaberis, Non furtum facias. His enim verbis Deus vitam, uxorem & res tuas, ceu muro quodam cingit & munit contra omnem vim & insultum malorum, &c.

*Lex continet  
utilissimam do-  
ctrinam, & ta-  
men homines  
non possunt eam  
audire.*

*Lex deteriores  
facit homines.*

Lex igitur nihil potest, nisi quod sua luce illuminat conscientiam ad peccatum, mortem, judicium, odium & iram Dei. Ante Legem securus sum, non sentio peccatum, Veniente autem lege, ostenditur mihi Peccatum, mors, infernus. Hoc certe non est justificari, sed reum fieri, constitui inimicum Dei, damnari ad mortem & inferos. Est ergo præcipuus Legis finis in theologia, quod homines non meliores, sed deteriores facit, hoc est, ostendit eis peccatum, ut agnitione peccati humiliantur, perterrescant & conterantur, & sic ad gratiam & benedictum Semen adspirent. Hæc summa est argumenti, quod Paulus ex vocabulo Mediatoris per digressionem sumpsit.

*Deus autem unus est.*

Deus neminem offendit, Ergo non indiget ullo mediatore. Nos vero Deum offendimus, Ideo opus habemus mediatore, Non Mose illo, sed Christo, qui meliora pro nobis loquitur, &c. Hactenus digressio, jam redit ad institutum.

*Num*



*Num igitur Lex adversus promissa Dei.*

**S**U P R A dixit Paulus Legem non justificare, Ergo tollamus eam. Non, Habet enim & ipsa suam utilitatem. Quam? Adducit homines in cognitionem sui, ostendit & auget peccatum, &c. Hic statim oritur alia quaestio. Si Lex homines reddit tantum peiores, ostenso eis peccato, Ergo pugnat contra promissa Dei, videturq; Deus lege tantum irritari & offendi, ut non servet neq; praestet promissa? Nos Iudaei contrarium cogitavimus, Nempe nos custodiri & arceri per Legem in externa illa disciplina, ut Deus ea motus acceleraret exhibitionem promissionis, utq; illa disciplina mereremur promissionem. Paulus respondet, Non, Imo contra, si Legem spectes, magis impeditur promissio. Ratio enim humana offendit Deum promittentem, dum non vult audire ipsius Legem bonam ac sanctam. Dicit enim, Non loquatur nobis Dominus, &c. Num igitur Deus illis promissa sua servaret, qui Legem & disciplinam ejus non solum non suscipiunt, sed etiam ex animo oderunt ac fugiunt? Hic ergo, ut dixi, oritur statim illa quaestio, Ergo Lex videtur impedire promissa Dei? Illam quaestionem etiam obiter Paulus attingit & transit, Breviter tamen ad eam respondet, dicens:

*Indignum de lege  
judicium est  
omnem liberos  
nemo.*

*Ratio non potest  
audire legem Dei bonam, &c.*

*Absit.*

**Q**U A R E hoc? Primum, Quia Deus non promisit, motus nostra dignitate, meritis aut bonis operibus, Sed promisit ex mera sua inexhausta & aeterna bonitate & misericordia. Non dicit ad Abraham, Quia tu servasti Legem, Ideo in te benedicentur omnes Gentes, Sed ad eum incircumcisum, non habentem legem, & idolatram adhuc (ut Iosue 24. scribitur) dicit, Egredere de terra tua, &c. Ero protector tuus, &c. Item, In Semine tuo, &c. Haec prorsus absolutae sunt promissiones, quas Deus gratuito Abraham promittit, sine ulla conditione & respectu operum aut meritorum praecedentium vel sequentium.

*Dei promissio  
non motus nostra  
dignitate, &c.*

*Absolutae promissiones.*

Hoc maxime contra Iudaeos est, qui putant divinas promissiones impedi-ri propter peccata sua. Deus, inquit Paulus, non differt promissiones suas propter peccata nostra, nec accelerat propter justicias & merita nostra, neutrum spectat. Quare etiam si per Legem peiores reddamur & plus oderimus Deum, tamen propter hoc Deus non movetur ad differendam promissionem. Ea enim non nititur nostra dignitate & justitia, sed sua bonitate & misericordia. Ideo merum figmentum est, cum Iudaei dicunt, Messias non venit, Quia peccata nostra remorantur adventum ipsius. Quasi vero Deus propter peccata nostra fiat injustus, aut propter nostrum mendacium mendax. Ipse semper justus & verax manet, sive peccatores sive justi simus. Ergo sua veritas sola est causa Promissionis servandae & praestandae.

*Promissiones Dei non impediuntur nostris peccatis.*

*Figmentum Iudaeorum.*

Deinde quanquam Lex revelet & augeat peccatum, Tamen non est contra promissa Dei, imo magis pro illis est. Ipsa enim in vero & perfecto opere & fine suo humiliat & praeparat hominem (modo recte utatur lege) ut suspiret & quaerat Gratiā. Homo enim, cum ostenditur & augetur per Legem peccatum, tum primum vere videt impietatem & inimicitiam humani cordis adversus Legem & Deum legis autorem. Ibi serio sentit, se non solum non amare, sed odisse & blasphemare Deum optimum cum sua sanctissima lege. Hic fateri cogitur, nihil prorsus boni in se esse, Sicq; contritus ac humiliatus lege, agnoscit se vere miserum & damnatum esse. Lex ergo cum cogit hoc modo agnoscere malitiam, & ex animo peccatum confiteri, suum officium fecit, & tempus ejus completum est, Tempusq; gratiae adest, ut veniat benedictum Semen, quod conterritum & contusum lege iterum erigat ac consoletur Evangelio.

*Lex non est contra promissa Dei.*

*Officium & tempus legum.*

Hac ergo ratione Lex non est contra promissa Dei, Quia primum, promissio nititur non Lege, sed veritate Dei. Secundo, Lex in suo optimo & maximo usu humiliat, & humiliando facit gementes, suspirantes & quærentes manum mediatoris, cujus gratiam & misericordiam valde suavem facit (ut Ps. 109.) Suavis est mise-

*Lex contritionem facit facit Christum.*

est misericordia tua) ac donum ejus preciosum & inenarrabile, Atq; sic nos Christi capaces reddit. Dulcia enim non meminit, qui non gustavit amara. Fames optimus cocus est. Ut ergo terra arida pluviam sitit, Sic lex perturbata corda facit sitire Christum. His Christus dulcissime sapit, iis est Gaudium, solatium & vita. Ibi tum primum recte cognoscitur Christus & ejus beneficium. Ille ergo usus Legis optimus est, eatenus scilicet ea posse uti, quatenus humiliat & facit sitire Christum. Ipsemet requirit sitientes animas, quas blandissime ad se allicit, cum dicit, Venite ad me omnes, qui laboratis & onerati estis, & ego reficiam vos. Libenter ergo potat & irrigat istas aridas terras. Non profundit aquas suas in terram impinguatam, in crassatam & non sitientem. Bona sua inestimabilia sunt, Ideo tantum indigentibus largitur ea, Pauperibus evangelizat, sitientes potat, Si quis sitit (inquit Ioh. 7.) veniat ad me, &c. contritos corde sanat, &c. Hoc est, vexatos & tribulatos lege consolatur ac salvat. Igitur Lex non est contra promissa Dei. Ioh. 7.  
Ps. 146.

*Si enim data esset Lex, quæ posset vivificare, vere ex Lege esset justitia, &c.*

*Lex non vivificat, sed occidit.* PAVLVS significat his verbis, nullam simpliciter Legem posse vivificare, sed tantum occidere. Ergo mea opera, quæ non solum juxta Leges Papæ seu traditiones humanas, sed etiam legem Dei facio, non justificant me coram Deo, Sed peccatorem constituunt, non placant iram Dei, sed irritant, Non consequuntur justiciam, sed tollunt eam, Non vivificant, sed mortificant me. Itaq; cum dicit, Si lex data esset, &c. clarissimis verbis docet, ne Legem quidem Divinam vivificare, sed plane contrarium effectum habere.

*Clarissima verba Pauli Papæ sunt obscuriora, &c.* Hæc verba Pauli, quanquam sint satis perspicua, tamen Papistis sunt penitus obscura & ignota. Nam si ea intelligerent, non ita jactarent liberum arbitrium, vires humanas, observationem Consiliorum, opera supererogationis, &c. Sed ne videantur palam impij & gentiles, qui verba Apostoli Christi impudenter negant, hac pestilentissima glossa perpetuo eludunt hujusmodi locos Pauli de lege, ostendente peccatum & iram operante, hoc est, de Decalogo, Paulum loqui de lege ceremoniarum, non de lege morali. Sed Paulus proprie & diserte loquitur, cum inquit, Si data esset lex, &c. nullam prorsus legem excipiens. Ideo glossa Sophistarum nihil valet. Nam leges ceremoniarum æque à Deo præceptæ, & tam rigide servatæ fuerunt ac morum. Circumcisionem non minus religiose Iudæi observarunt, quam Sabbatum. Ideo de tora lege loquitur Apostolus.

*Paulus docet nullam legem datam ad vivificandum, Papa contrarium docet, &c.* Cantantur & leguntur ista Pauli verba in Papatu, in omnibus templis, & tamen contrarium docetur & vivitur. Paulus simpliciter dicit, nullam legem esse datam ad vivificandum. Contra Sophistæ plane contrarium docent, & statuunt, multas & infinitas leges datas esse ad vivificandum. Quanquam hoc manifestis verbis non dicant, Tamen revera ita sentiunt, Hocq; satis clare testatur Monachatus, Testantur infinitæ leges humanæ, traditiones & ceremoniæ, Testantur opera & merita congrui & condigni, & innumerabiles alij impij cultus, per ipsos instituti, quos solos prædicaverunt, oppresso Evangelio, certo pollicentes Gratiam, remissionem peccatorum & vitam æternam illos consecuturos esse, qui tales cultus observarent. Quæ dico, negari non possunt. Extant enim adhuc libri eorum certissimi hujus rei testes.

*Judicium hominum de lege.* Nos contra cum Paulo statuimus, nullam prorsus legem, siue sit humana siue divina, justificare & vivificare. Ideoq; discernimus Legem tam longe a justitia, quam mortem à vita, infernum à cælo. Et ut hoc statuamus, movet nos ille clarus Pauli locus, Lex non est data ad justificandum, vivificandum & salvandum, sed simpliciter ad damnandum, occidendum & perdendum, contra opinionem omnium hominum, qui naturaliter judicant, legem datam esse ad justiciam, vitam & salutem consequendam. Hoc proprium discrimen officiorum Legis & Evangelij conservat in vero usu universam synceram Theologiam. Item, constituit credentes super omnia vitæ genera, super omnes omnium hominum leges & dogma-

*Ad quid prodest sancto legi & Evangelij discriminem, &c.*

& dogmata iudices, Deniq; facultatem suppeditat probandi omnes spiritus. Contra Papistæ, qui doctrinam Legis & Evangelij prorsus commiscuerunt & confuderunt, ideo nihil certi tradere potuerunt nec de fide, nec de operibus, nec de vitæ generibus, nec de discretionem spirituum. Hoc idem accidit hodie fanaticis spiritibus, &c.

Post istas ergo confutationes & argumentationes satis prolixæ & pulchre docet Paulus, Legem nihil aliud esse, si verum & optimum ejus usum perspexeris, quam Pædagogian quandam ad justiciam. Humiliat enim homines, & capaces justitiæ Christi reddit, cum suum proprium officium facit, id est, cum eos reos agit, terret, redigit in cognitionem Peccati, iræ, mortis, inferni. Hoc enim facto, perit opinio justitiæ & sanctitatis propriæ, & incipit dulcescere Christus cum suis beneficiis. Quare lex non est contra promissa Dei, sed potius pro illis. Non implet quidem promissionem, neq; affert justiciam, tamen suo officio & usu humiliat nos, atq; ita reddit sitientes & capaces Gratia & beneficij Christi. Si ergo, inquit, data fuisset aliqua Lex, quæ posset afferre justiciam, & propter eam, vitam, cum nemo possit consequi vitam, nisi prius sit justus. Tum vere ex lege esset justicia. Item, si esset aliquod vitæ genus, opus, ordo seu religio, quæ posset consequi remissionem peccatorum, justiciam & vitam, Tum vere justificarent & vivificarent ista, sed hoc est impossibile. Quia

*Legis officium  
& usus, &c.*

*Scriptura conclusit omnia sub peccato.*

*Gen. 3.  
Gen. 22.*

**V B I** Primum in ipsis promissionibus de Christo, ut Gen. 3. Semen mulieris conteret caput serpentis. Et Gen. 22. In semine tuo, &c. Vbiq; igitur est promissio in scripturis de Christo, Patribus facta, Ibi promittitur Benedictio, hoc est, Justicia, salus & vita æterna. Ergo per contrarium ostenditur eis, qui benedicendi sunt, subjectos esse Maledictioni, hoc est, Peccato & æternæ morti, alioqui quid opus esset promittere benedictionem?

*Scriptura concludit omnia sub peccato.  
1. Per promissionem.*

*Deut. 17.*

Deinde scriptura præcipue per ipsam Legem concludit homines sub peccato & maledicto, ut cujus proprium officium est revelare peccatum, operari iram, &c. Id quod per totam Epistolam ostendimus, præcipue tamen ex hac sententia Pauli, Quotquot ex operibus Legis sunt, sub maledicto sunt. Item ex ea, quam citavit Paulus ex 27. cap. Deut. Maledictus omnis qui non permanserit in omnibus, &c. Hæc sententiæ apertis verbis concludunt, & subjiciunt peccato, & maledicto, tum manifeste peccantes contra legem, aut eam externe non facientes, tum qui sub lege sunt, & summa vi conantur legem facere, quales fuerunt, ut supra dixi. Multo magis idem locus concludit sub peccato omnes Monachos, eremitas, carthusianos cum suis sanctissimis, ut somniant (Nugantur enim, si moriatur aliquis, o promissionis recens facto, subito sub volare eum in cælum) professionibus & religionibus. Quia hic audis clarissime, scripturam simpliciter omnia sub peccato concludere. Ergo neq; votum, neq; summa religio Carthusiani est justicia, sed omnia damnata sunt. Per quid? Per scripturam? Quam? Primum per promissionem hanc, Semen mulieris, &c. In te benedicentur, &c. & similes. Deinde per totam Legem, cujus propriissimum officium est, peccato subjicere, &c. Ergo nulli Monachi, nulli Carthusiani, nulli Celestini conterunt caput serpentis, sed manent contriti sub capite serpentis, hoc est, sub potestate Diaboli. Quis hoc ædit?

*2. Per legem.*

*Maledictio omnis qui non permanserit, &c.*

*Officium legis.*

Summa, quicquid extra Christum & promissionem est, nullo excepto, si sit Lex divina siue humana, ceremonialis siue moralis, est coactum sub peccato. Scriptura enim conclusit omnia sub peccato, Qui autem dicit omnia, nihil excludit. Concludimus igitur cum Paulo, quod politia & leges omnium gentium, quantumvis bonæ ac necessariæ sint, quod omnes cultus & religiones, siue fide in Christum, siue & manent sub peccato, morte & damnatione æterna, nisi accesserit, ut sequitur, promissio ex fide Christi Iesu. De hac re supra dictum est copiosius.

*Omnia simpliciter conclusit sub peccato.*

Ergo



*Sola fides iustificat.*

*Si lex non iustificat, multo minus opera, &c.*

✠

Ergo illa propositio, Sola Fides iustificat, vera est, quam adversarij nullo modo ferre possunt. Quia Paulus hic fortissime concludit, quod Lex non vivificat, quia in hunc finem non est data. Si igitur ipsa non iustificat & vivificat, Multo minus opera iificant. Hoc enim vult Paulus inferre, cum dicit, Legem non vivificare, quod scilicet nec opera vivificent. Quia fortius sonat, Lex non vivificat, quam opera non vivificant. Si ergo Lex ipsa, etiam impleta (quanquam impleri eam sit impossibile) non iustificat, Multo minus ipsa opera, Ergo sola Fides sine operibus iustificat. Non patitur Paulus istam additionem, Fides cum operibus iustificat, sed simpliciter per negativam procedit Rom. 3. & supra cap. 2. Ex operibus Legis, inquit, non iustificatur omnis caro. Et hoc loco, Non est data Lex ad vivificandum. Rom. 3. Gal. 3.

*Vt promissio ex fide Iesu Christi daretur credentibus.*

*Promissio Abrahamæ data que sit.*

*Promissio datur credentibus.*

SUPRA dixit, Scriptura omnia conclusisse sub peccato, Num in æternum? non, sed donec daretur promissio, &c. Promissio autem est hæreditas ipsa, seu Benedictio Abrahamæ promissa, hoc est, liberatio à Lege, peccato, morte & Diabolo, Et donatio Gratiæ, iusticiæ, salutis, & vitæ æternæ. Illa promissio, inquit, nullo merito, nulla lege, nullis operibus impetratur, sed donatur. Quibus? credentibus. In quem? In Iesum Christum, qui est Semen benedictum, quod credentes à maledicto redemit, ut acciperent Benedictionem. Ista verba non sunt obscura, sed clarissima. Opera tamen danda est, ut ea diligenter observemus, & vim & pondus eorum bene expendamus. Si enim omnia conclusa sunt sub peccato, Sequitur omnes gentes esse maledictas, & carere gloria Dei, Item, sub ira Dei, & dominio Satanæ esse, Et neminem ab iis liberari ulla alia re posse, quam fide in Christum Iesum. Fortissime igitur pugnat Paulus istis verbis contra fanaticas opiniones Sophistarum & omnium Iusticiariorum, de iusticia Legis & operum, cum dicit, Vt promissio ex fide Iesu Christi daretur credentibus.

*Sententia de operibus, &c.*

*Commendatio bonorum operum extra causam iustificationis.*

*Christus pro suis beneficiis quam mercedem accipiat.*

Quomodo respondendum sit ad sententias, quæ loquuntur de operibus & mercede, supra satis copiose indicavi, neque res postulat, ut nunc de operibus dicamus. Quia hic non est instituta disputatio de operibus, sed de iustificatione, Quod ea scilicet per Legem & opera non contingat, cum omnia sub peccato & maledicto sint, Sed per fidem in Christum. Extra causam vero iustificationis nemo potest bona opera à Deo præcepta satis magnifice commendare. Quis enim vel unius operis, quod Christianus ex fide & in fide facit, meritum & fructum satis prædicare potest? Est enim preciosius quam cæli. Ideo neque totus mundus in hac vita potest dignam mercedem reddere pro uno tali bono opere. Neque mundus hanc gratiam habet, ut bona opera hominum magnificat, multo minus ut ea compenset. Quia non cernit, aut si cernit, non bona opera, sed pessima malefacta esse iudicat, & eos qui talia faciunt, tanquam nocentissimas generi humano pestes à mundo exturbat. Sic Christus Salvator mundi, pro suis maximis ac inenarrabilibus beneficiis, ignominiosissima morte crucis affectus est. Item Apostoli, verbum Gratiæ & vitæ æternæ mundo afferentes, vasa mundi, & omnium hominum facti sunt. Digna profecto pro tantis beneficiis à mundo merces.

*Opera sine fide.*

Opera vero extra fidem facta, ut maxime in speciem sancta videntur, sub peccato & maledicto sunt, Quare tantum est, ut ea facientes mercantur Gratiam, iusticiam & vitam æternam, ut potius peccatum peccato addant. Hoc modo operatur Papa, homines peccati & filius perditionis, & omnes eum sequentes. Sic operantur omnes iusticiarij & hæretici, qui fide exciderunt.

*Antequam autem veniret fides.*

PERGIT declarare legis utilitatem & necessitatem. Supra dixit eam additam propter transgressionem, Non quod hoc præcipuum Dei consilium fuerit, ut legem

*Rom 7.* ut legem tantum ferret ad mortem & damnationem, ut & Rom. 7. inquit. Num quod bonum est, inquit, factum est mihi mors? Absit. Lex enim est verbum *Lex.* monstrans vitam, & impellens ad eam, Ideo non est data tantum ad mortem. Sed *Vjulegit.* is est principalis usus ac finis ejus, ut revelet eam, ut hoc modo appareat, quale & quantum sit ipsum peccatum. Non tamen sic revelat mortem, quod ea delectetur aut nihil aliud quærat, quam ut nos occidat, Sed ideo revelat, ut homines *Cur lex revelet peccatum?* perterrefacti & humiliati timeant Deum. Hocq; clare indicat textus ipse Exod. *Lex nō est simpliciter data ad mortem, &c.* 20. Nolite, inquit, timere, Vt enim probaret vos venit Deus, utq; terror ipsius esset in vobis, ne peccaretis. Legis ergo officium est tantum occidere, sic tamen ut Deus possit vivificare. Quare Lex non est data simpliciter ad mortem, Sed quia homo superbit & somniat se sapere, se justum & sanctum esse, ideo opus est ut lege humilietur, Vt sic Bestia ista, opinio justiciæ, occidatur, qua non occisa, non potest homo vivere.

Quamquam ergo Lex occidit, tamen Deus utitur isto effectui Legis, hoc est, ista morte in bonum usum, scilicet ad vitam. Videns enim Deus nulla alia re posse coherceri ac conteri pestem illam vulgatissimam orbis terrarum, opinionem justiciæ, seu hypocrisin & fiduciam sanctitatis, voluit eam lege occidi, Non in perpetuum, sed ut occisa ea, homo erigeretur iterum, & ultra Legem audiret hanc vocem, Noli timere, Non ideo dedi Legem, & occidi te per eam, ut in morte illa maneres, sed ut timeres me, & viveres. Præsumptio enim bonorum operum & justiciæ, non admittit timorem Dei. Vbi vero timor Dei non est, ibi nec sitis Gratiæ nec vitæ esse potest. Oportet igitur Deum habere malleum fortem ad conterendas petras, & ignem in medio cœli ardentem, ad subvertendos montes, hoc est, ad opprimendam istam pertinacem & obstipam bestiam, præsumptionem, ut ista contusione homo in nihilum redactus, desperet de suis viribus, justicia & operibus, & pavefiat coram Deo, ac ita pavefactus sitiat misericordiam & remissionem peccatorum.

*Antequam veniret fides, sub lege custodiebamur, conclusi in eam fidem, &c.*

Hoc est, antequam veniret tempus Evangelij & Gratiæ, erat hoc legis officium, ut sub ea conclusi custodiremur, tanquam in carcere. Hæc pulchra & aptissima similitudo est, ostendens quid Lex efficiat, quamq; probos reddat homines, Est igitur diligenter expendenda. Nullus fur, homicida, latro, &c. captus, amat compedes & tetrum carcerem, in quo victus detinetur. Imo, si posset, destrueret & in cinerem redigeret carcerem cum ferreis vinculis. In carcere quidem a malefaciendo abstinere, non tamen bona voluntate, aut amore justiciæ, Sed quia hoc carcer sibi prohibet. Neq; jam conclusus detestatur & odit peccatum & furtum suum (Imo ex corde dolet se non esse liberum, & posse furari) sed carcerem odit, ex quo si egredi liceret, furaretur ut antea.

### LEX CONCLVDIT HOMINES CIVILITER ET THEOLOGICE.

**T**Alis est etiam vis legis & justiciæ ex lege, cogens nos externe esse bonos, dum minatur poenam & supplicium transgressoribus. Ibi obtemperamus quidem legi timore poenæ, sed inviti & maxime indignantes. Qualis autem hæc justiciæ est, si coactus formidine poenæ, malum omittis? Ideo justiciæ illa operum verissime nihil aliud est, quam amare peccatum, odisse justiciam, detestari Deum cum lege sua, & summam malitiam adorare. Quam vehementer enim fur amat carcerem, & odit furtum, tam libenter nos paremus legi, & facimus quæ præcipit, & omittimus quæ prohibet.

Interim tamen hoc commodi habet Lex, ut maxime corda maneat impia, ut primum externe & civiliter coherceat aliquo modo fures, homicidas & palam improbos. Hi enim nisi hanc fidem exiguam haberent, peccatum puniri in mundo,

Q

*Si in legem pos-  
sumus.*

mundo, rota, cruce, gladio, &c. & post hanc vitam æterna morte & inferno, Tunc nullus Magistratus, nullus Paterfamilias aut Pædagogus, ulla vi, ullis legibus aut vinculis, furorem hominum cohercere possent. Cominationibus Legis tamen, quæ terrorem mentibus incutiunt, aliquo modo impij deterrentur, ne præcipientes in omnia flagitiorum genera ruant. Interim tamen mallent nullam Legem, nullam poenam, nullum infernum, deniq; nullum Deum esse. Si Deus non haberet infernum, nec malos puniret, amarent & laudarent eum omnes. Quia vero malos punit, & omnes mali sunt. Ideo quatenus sub Lege concluduntur, non possunt non odisse & extremè blasphemare Deum.

*Lex spiritualis  
carcer.*

Deinde Lex concludit homines non tantum civiliter, sed & theologice, hoc est, Lex est etiam carcer spiritualis & vere infernus. Quia cum revelat peccatum, minatur mortem & æternam iram Dei, Homo non potest effugere nec consolationem invenire. Non est enim in potestate hominis, hos terribiles terrores, quos Lex efficit, aut aliam cordis tristitiam excutere. Hinc illæ miserabiles Sanctorum voces & querelæ sunt passim in Psalmis, In inferno quis confitebitur tibi? &c. Homo enim tunc in carcere conclusus est, ex quo non potest egredi, nec videt quomodo ex his vinculis solvi, hoc est, ex his terroribus liberari, possit.

*Sanctorum  
querela.*

*Psal. 6.*

*Lex civiliter &  
spiritualiter  
carcer est.*

Sic Lex civiliter & theologice carcer est. Primum enim politice cohibet & concludit impios, ne pro libidine sua præcipientes ruere possint in omnia scelera. Deinde spiritualiter ostendit nobis Peccatum, perterrefacit & humiliat nos, ut sic pavefacti agnoscamus miseriam & damnationem nostri. Atq; is verus & proprius legis usus est, modo non sit perpetuus. Quia ista conclusio & custodia sub lege diutius durare non debet, quam in futuram fidem, quæ si venerit, desinere debet Theologicus ille legis carcer.

*Lex & Evan-  
gelium affectu  
conjuncta, &c.*

Hic iterum videmus Legem & Evangelium, quæ inter se longissime distincta, & plusquam contradictoria separata sunt, affectu conjunctissima esse. Hoc indicat Paulus cum dicit, Sub lege custodiebamur, conclusi in futuram fidem. Quare non satis est nos conclusos esse sub lege, quia si nihil aliud sequeretur, cogermur desperare, in peccatis mori, &c. Sed Paulus addit nos conclusos esse & coherceri sub pædago (lege) non in æternum, sed in Christum, qui est finis legis. Ista igitur pavefactio, humiliatio & custodia non durare debet perpetuo, sed in futuram fidem, hoc est, in salutem & bonum nostrum, ut nobis conterritis lege dulcescat Gratia, remissio peccatorum, liberatio à lege, peccato, morte, &c. quæ operibus non accipiuntur, sed sola Fide apprehenduntur, &c.

*Conclusio sub  
lege non debet  
esse æterna, &c.*

*Reste utitur  
lege.*

Qui ista extreme contraria in tentatione novit conjungere, hoc est, qui ubi maxime lege terretur, novit finem Legis, & initium Gratia, seu futuræ fidei, adesse, is recte utitur lege. Hanc artem ignorant omnes impij, hanc ignoravit Cain, cum conclusus carcere Legis, peccatum suum serio sentiret. Primum extra carcerem erat, hoc est, nihil terroris sentiebat, etiam jam perpetrata fratris cæde, sed egregie dissimulabat, & ipsum Deum hoc ignorare putabat, Nunquid custos fratris mei, inquit, sum ego? Cum autem audiret, Quid fecisti? Ecce vox sanguinis fratris tui clamat ad me de terra, &c. Ibi incipit hunc carcerem serio sentire. Quid hic faciebat? Manebat in carcere conclusus, non conjungebat cum lege Evangelium, sed dicebat, Major est iniquitas mea, quam ut veniam merear. Solum carcerem inspexit, non considerans ei peccatum ideo revelatum esse, ut apud Deum Gratiā quæreretur. Desperavit igitur & negavit se Deum habere. Non credidit se conclusum in Gratiā & fidem, sed simpliciter in Legem.

*Cain in carcere  
Legis conclusus  
manens, desper-  
avit.*

*Custodiri sub le-  
ge, &c.*

Sunt autem ista vocabula, Custodiri & concludi sub Lege, non ociosa, speculabilia seu Sophistica, sed vera & seria. Custodia seu carcer ille significat veros & spirituales terrores, quibus conscientia sic concluditur, ut in latissimo orbe terrarum non inveniat locum, ubi tuta esse possit. Imo durantibus illis pavoribus conscientia tantam anxietatem sentit, ut cælum & terram, si etiam decies majora & ampliora essent, putet esse angustiora, quam foramen muris. Ibi tum  
plane



plane destituitur homo omni sapientia, viribus, iusticia, consilio & auxilio. Conscientia enim res est tenerrima, ideo cum sic carcere legis concluditur, nusquam patet ei exitus, Sed apparet ei istam angustiam subinde augeri usque in infinitum. Sentit enim tunc iram Dei, qui infinitus est, cujus manum effugere non potest, ut Psal. 139. ait, Quo ibo à spiritu tuo? &c.

*Conscientia.*

Sicut ergo conclusio vel carcer civiliter, est ipsa afflictio corporalis, qua conclusus usu corporis sui privatur, Ita theologice carcer est perturbatio & anxietas animi, qua conclusus privatur pace conscientiae & quiete cordis, Non tamen in æternum, ut ratio iudicat, cum istum carcerem sentit, sed in futuram Fidem. Erigendus est igitur & consolandus animus sub lege conclusus, hoc modo, Frater conclusus quidem es, sed scias hoc non agi, ut perpetuo in isto carcere conclusus tenearis, quia scriptum est, Concludi nos in futuram fidem. Affligeris ergo illo carcere non in perniciem tuam, sed ut per Semen benedictionis recreeris, Lege occideris, ut per Christum vivificeris. Quare ne desperes ut Cain, Saul & Iudas, qui conclusi in illo carcere, nihil addiderunt, Sed in illa ipsa conclusione manserunt, ideo coacti sunt desperare. Te aliter geras in istis conscientiae pavorebus oportet, quam illi, nempe, ut scias benefactum esse, quod sic conclusus & confusus es, Sed vide ut ista conclusione recte utaris, scilicet in futuram fidem. Deus enim non vult perturbare te, ut maneat in perturbatione, non vult occidere te, ut in morte maneat. Nolo mortem, inquit per Prophetam, peccatoris, &c. sed vult te perturbare ut humiliaris, & agnoscas tibi opus esse misericordia Dei & beneficio Christi.

*Carcer quid sit civiliter & theologice.*

*Conclusus sub lege quomodo erigendus.*

*Lex occidit in vitam. Recte utendum carcere legi.*

re te, ut in morte maneat. Nolo mortem, inquit per Prophetam, peccatoris, &c. sed vult te perturbare ut humiliaris, & agnoscas tibi opus esse misericordia Dei & beneficio Christi.

Quare custodia illa sub lege non debet esse perpetua, sed durare tantum usque ad fidem. Id quod etiam versiculus suavissimus Psalmi 147. docet, Beneplacitum est Domino super timentes eum, hoc est, qui hac legis custodia coarctantur. Sed mox addit, Et in eis, qui sperant super misericordia eius. Ista ergo duo contraria conjungenda sunt, quæ re ipsa diversissima sunt. Quid enim magis contrarium, quam metuere & perhorrescere iram Dei, & similiter sperare in misericordia eius? Alterum infernus, alterum coelum est, & tamen ea oportet esse in corde conjunctissima. Speculative conjunguntur facillime, sed practice ea conjungere est omnium difficilimum, Id quod propria experientia sæpissime didici. Papistæ & Sectarum autores de hac re prorsus nihil noverunt. Ideo legentes seu audientes ista verba Pauli, sunt illis plane obscura & ignota. Et cum Lex ostendit eis peccatum, accusat & perterrefacit eos, nullum inveniunt neque consilium neque auxilium, sed simpliciter desperant, sicut Cain & Saul.

*Custodia sub lege non debet esse perpetua, &c. Psalm. 147.*

*Timere, sperare, contrarium mori, &c.*

Cum Lex igitur, ut dictum est, tortor & carcer noster sit, certum est, nos eam non diligere, sed vehementer odisse. Ideo, qui dicit se Legem diligere, mentitur, & nescit quid dicat. Insanus & mente captus esset fur aut latro, qui amaret carcerem & compedes. Cum autem lex, ut dixi, nos concludat, certum est nos esse infensissimos hostes eius. Summa, Tam amamus Legem & iusticiam ipsius, quam homicida carcerem. Quomodo igitur Lege justificaremur?

*Legem nemo amat, quia est carcer noster.*

*Conclusi in eam fidem, quæ revelanda erat.*

Hoc Paulus dicit pro tempore plenitudinis, quo Christus venit. Tu vero accommoda, non solum ad tempus illud, sed etiam ad affectum. Quia quod gestum est historice & temporaliter, quando Christus venit, Legem abrogavit, & libertatem ac vitam æternam in lucem produxit, Hoc privatim fit quotidie spiritualiter in quolibet Christiano, in quo subinde invenitur per vices tempus Legis ac Gratiae. Habet enim Christianus corpus, in cuius membris, ut Paulus ait, militat peccatum. Peccatum autem intelligo, non tantum factum operis, sed radicem & arborem cum fructibus, ut scriptura loqui solet de peccato. Id non solum hæret adhuc in carne Christiana & baptisata, sed etiam militat & captivat eam, si non ad assensum vel opus, tamen ad magnum impulsus. Nam etiam si

*Scriptura quomodo definiat peccatum.*

*Pecatum tentatio.*

Q 2

Christianus

Christianus non ruat in crassa illa peccata, homicidium, adulterium, furtum, &c. tamen ideo non liber est ab impatientia, murmuratione, odio, blasphemia, &c. contra Deum, quæ peccata humanæ rationi prorsus ignota sunt. Ista eum etiam invitum cogunt detestari Legem, cogunt à conspectu Dei fugere, cogunt odisse & blasphemare Deum. Nam ut fortis est in juvenili corpore libido, in viro studium acquirendæ gloriæ & opum, in senē avaritia, Ita in sancto viro fortis est impatientia, murmuratio, odium & blasphemia Dei. Hujus rei extant exempla passim in Psalmis, Iob, Ieremia & tota scriptura. Ideo & Paulus hanc luctam spirituales describens utitur valde emphaticis ac significantibus verbis, scilicet militandi, repugnandi & captivandi.

*Cujusq; status  
et status.*

*Emphaticis vocibus  
describit  
hanc luctam  
spirituales.*

*Legis tempus  
est p. 10.*

Est igitur in Christiano utrumq; tempus Legis & Gratiæ in affectu. Legis tempus est, quando Lex me exercet, divexat, contristat & redigit in cognitionem peccati, ac illud auget. Ibi tum Lex est in vero suo usu, quem Christianus subinde sentit donec vivit. Sic Paulo data fuit sudes in carnem, angelus Satanæ, qui eum colaphizaret. Libenter sensisset singulis momentis gaudium conscientia, risum cordis & gustum vitæ æternæ. Item libenter caruisset omni perturbatione animi, Ideoq; cupiebat auferri à se hanc tentationem. Non fit, sed audit à Domino, Sufficit tibi gratia mea, Nam virtus mea in infirmitate perficitur. Idem certamen expèritur quisq; Christianus. Multæ horæ sunt, in quibus cum Deo rixor, & impatienter ei repugno. Mihi ira & judicium Dei displicet. Ipsi vicissim displicet mea impatientia, murmuratio, &c. Hocq; tempus Legis est, sub quo Christianus secundum carnem semper est. Caro enim perpetuo concupiscit adversus Spiritum, & spiritus adversus carnem, in uno tamen plus, in alio minus.

*Tempus gratia.  
2. p. 11.*

Tempus gratiæ est, cum cor iterum erigitur promissione gratuita misericordiæ Dei, & dicit, Quare tristis es anima mea, & quare conturbas me? Nihil præterea vides, quam Legem, peccatum, terrorem, tristitiam, desperationem, mortem, infernum & diabolum? An non est etiam Gratia, remissio peccatorum, justitia, consolatio, gaudium, pax, vita, cœlum, Christus, Deus? Desine anima mea perturbare me, Quid Lex, peccatum, & omnia mala ad ista? Spera in Deo, qui proprio Filio non pepercit, sed pro peccatis tuis tradidit eum in mortem crucis. Hoc tunc concludi est sub Lege secundum carnem non in æternum, sed in futurum Christum. Itaq; cum lege perterrefactus es, dic, Domina Lex, tu non es sola, neq; es omnia, sed præter te est aliud quiddam majus ac melius, scilicet, Gratia, fides, benedictio, &c. Illa non accusat me, non terret, non damnat, sed consolatur, bene sperare jubet, & certam victoriam ac salutem in Christo promittit. Non est igitur quod desperem.

*Legis verum  
est, concludere  
in futurum  
Christum.*

*Qui verus sit  
Theologus.*

Qui istam artem bene nosset, ille merito diceretur Theologus. Fanatici homines hodie, qui perpetuo spiritum æquant, & discipuli ipsorum, videntur sibi eam egregie nosse, Ego vero & mei similes vix tenemus hujus artis prima elementa, Et tamen seduli sumus discipuli in ea schola, ubi ista ars discitur. Discitur quidem, sed donec caro & peccatum manent, non potest edisci. Sic ergo Christianus divisus est in duo tempora, Quatenus est Caro, sub Lege est, quatenus spiritus, sub gratia est. In carne perpetuo hæret Concupiscentia, avaritia, ambitio, superbia, &c. Hæret in ea Ignoratio, contemptus Dei, impatientia, murmuratio, & ira contra Deum, quod consilia & conatus nostros impedit, quod impios & contemptores non repente punit, &c. Ejusmodi peccata hærent in carne Sanctorum. Quare si nihil præter carnem spectaveris, manebis perpetuo sub tempore Legis, Sed oportet istos dies abbreviari, alioqui nulla caro salva fieret, Oportet legi finem præscribi, quo desinat. Quare tempus legis non est perpetuum, sed habet finem, qui Christus est. Tempus vero gratiæ æternū est. Quia Christus semel mortuus, amplius non moritur, &c. Æternus est, ergo etiam tempus gratiæ æternū est.

*Plus partim sub  
lege est, partim  
sub gratia.*

*Tempus gratia  
æternum, i. con-  
tra, &c.*

Tales sententias insignes in Paulo non debemus oscitanter percurrere, ut Papistæ & sectarum autores solent. Continent enim verba vitæ, quæ mirabiliter consolantur

consolantur & confirmant afflictas conscientias. Et qui eas probe tenent, recte judicare possunt, quid fides, quid falsus & verus timor sit, Item judicare omnes affectus, & omnes spiritus discernere possunt. Timor Dei sancta ac preciosa res est, sed non debet esse æternus. Debet quidem in Christiano semper esse, quia in eo peccatum semper est, Sed solus esse non debet, alioqui timor est Cain, Saulis & Iudæ, hoc est, servilis & desperationis timor est. Debet igitur Christianus fide in verbum Gratiæ vincere timorem, avertere oculos, à tempore legis, & intueri in ipsum Christum ac fidem futuram. Ibi tum dulcescit timor & miscetur nectare, ut incipiat non solum timere, sed etiam diligere Deum. Alioqui si homo in Legem & peccatum tantum intuetur, exclusa Fide, non poterit excutere timorem, sed desperabit tandem. Sic pulchre distinguit Paulus tempus Legis & Gratiæ. Discamus & nos recte distinguere utriusq; tempus, non verbis, sed affectu, id quod est omnium difficillimum. Quanquam enim re ipsa remotissima sunt illa duo, tamen conjunctissima sunt etiam in eodem corde. Nihil magis conjunctum est, quam Timor & fiducia, Lex & Evangelium, Peccatum & gratia, Tam conjuncta enim sunt, ut alterum ab altero absorbeatur. Ideo nulla Mathematica conjunctio potest dari, quæ esset huic similis.

*Timor Dei, si sine fide est, sit servilis.*

*Timor quomodo excutiendus.*

*Timor & fides distincta, & tamen conjuncta sunt.*

*Epilogus superiorum.*

*Videndum ne legi derogemus aliquid, neque pro illi tribuamus quam deest*

Paulus ab hoc loco, Quid igitur Lex? incepit disputare de Lege, item de usu & abusu legis, hinc occasione accepta, Quia asseruit justiciam credentibus contingere ex Gratia & promissione, non lege. Ea disputatio genuit hanc questionem, Quid igitur Lex? Ratio enim audiens, ex Gratia & promissione contingere iusticiam seu benedictionem, statim infert, Ergo Lex nihil prodest. Ideo locus de Lege diligenter est considerandus, Quid & quomodo sit de lege sentiendum, ne eam aut omnino rejiciamus more fanaticorum spirituum, qui anno 1525. moventes seditionem rusticorum, dicebant libertatem Evangelicam absolvere homines ab omnibus legibus, Aut ne vim justificandi ei tribuamus. Vtriq; enim in Legem peccant, in dextra, qui per Legem justificari, in sinistra, qui prorsus à Lege liberi esse, volunt. Ingressiendum est igitur regia via, ut neq; Legem plane rejiciamus, neq; plus ei tribuamus, quam oportet.

1. Tim. 1.

Quæ supra toties inculcavi de utroq; Legis usu, politico & theologico, satis indicant, Legem non esse positam justis, sed ut alibi Paulus docet, injustis. Sunt autem Injusti duplices, justificandi, & non justificandi. Non justificandi coherentur civili usu Legis. Ligandi enim sunt vinculis legum, ut feroces & indomitæ bestię funibus & catenis ligantur. Is usus nunquam cessat, de quo Paulus hic non agit. Iustificandi vero exercentur theologico usu legis ad tempus. Non enim perpetuo durat, ut civilis, sed respicit in futuram fidem, & veniente Christo finitur. Ex his satis constat omnes sententias, in quibus tractat Paulus spirituales usum Legis, intelligendas esse de justificandis, non de justificatis. Hi enim, quatenus in Christo manent, longe extra & supra omnem Legem sunt. Imponenda est igitur Lex justificandis, ut sub ea tantisper custodiantur, donec justitia fidei venerit. Non quod per Legem justiciam illam consequantur, hoc enim esset abuti, non recte uti, Lege, sed ut pavefacti & humiliati Lege, confugiant ad Christum, qui finis est legis, ad justiciam omni credenti.

*Duplices injusti, justificandi & non justificandi.*

*Sententia Pauli in quibus tractat spirituales usum legis.*

Abutuntur ergo lege, Primum omnes justiciarii & hypocritæ, qui somniant homines lege justificari. Is enim usus non exercet & urget in futuram fidem, sed efficit saturos, securos & superbos hypocritas, tumentes & præsumentes de justitia & operibus legis, & impedit justiciam fidei. Deinde abutuntur lege, qui Christianos prorsus ab ea absolvere volunt, ut fanatici spiritus tentabant, & illa occasione seditionem rusticorum movebant. Et hodie multi ex nostris etiam idem faciunt, qui erepti doctrina Evangelij ex tyrannide Papæ, somniant libertatem Christianam, carnalem esse licentiam faciendi quidvis. Hi, ut Petrus ait, libertatem spiritus, velamen maliciæ habentes, faciunt, ut nomen Dei & Evangelium Christi passim hodie blasphemetur, Ideoq; dabunt aliquando dignas istius

*Abutentes lege.*



suæ impietatis poenas. Tertio abutuntur etiam lege, qui terrores ipsius sentientes, non intelligunt eos tantum durare debere ad Christum. In his abusus ille est causa desperationis, ut in hypocritis est causa superbiæ & præsumptionis.

*Uti legi usui  
nullo precio esti-  
mari potest.*

*Officium legi  
proprium.*

Contra, verus usus legis nullo precio æstimari potest, quando videlicet conscientia, sub lege conclusa, non desperat, sed prudens per Spiritum sanctum in mediis terroribus sic statuit, Conclusa sum quidem sub lege, sed non in æternum, imo ista conclusio cedit mihi in bonum. Quo modo? Ut ita conclusa suspirem & quæram manum auxiliatoris, &c. Hoc modo Lex est quasi impulsor quidam, qui impellit esurientes ad Christum, ut eos bonis suis impleat. Quare legis proprium officium est nos reos facere, humiliare, occidere, ad infernum deducere, & omnia nobis auferre, sed illo fine, ut justificemur, exaltemur, vivificemur, in coelum evehamur & omnia acquiramus, Non ergo simpliciter occidit, sed ad vitam occidit.

*Itaq; lex Pædagogus noster fuit in Christum.*

*Similitudo de  
Pædagogo.*

*Discipulus odit  
Pædagogum.*

*Odium discipuli  
in Pædagogo.*

IT ERVM affectu conjungit Legem & Evangelium, quæ re ipsa inter se longissime separata sunt, cum inquit, Lex Pædagogus noster in Christum. Est autem & ista similitudo de pædagogo valde insignis, ideo diligenter considerata est. Quanquam Pædagogus sit utilissimus & valde necessarius pueris educandis & instituendis, tamen da vel unum puerum aut discipulum, qui suum amet Pædagogum. Iudæi vehementer scilicet amabant suum Moysen, ac volentes faciebant, quod mandabat? Ea erat dilectio & obedientia ipsorum erga Moysen, quod singulis horis, ut historia testatur, eum libenter lapidassent. Ideo impossibile est, quod discipulus amet Pædagogum. Quomodo enim amare posset, à quo in carcere detinetur, hoc est, à quo non permittitur ea facere, quæ libenter vellet? Et si quid admittit contra mandatum ipsius, statim objurgatur & castigatur ab eo, Insuper amplecti & osculari virgam cogitur. Egregia scilicet justitia discipuli, quod Pædagogo minaci ac duro obedit, quod virgam osculatur, Sed facit ne hoc etiam volens & cum gaudio? Absente Pædagogo frangit virgam, vel eam in ignem conjicit. Et si imperium haberet in pædagogum, non pateretur se ab eo virgis cædi, sed ipsum virgis cædi juberet. Et tamen valde necessarius est puero Pædagogus, ut erudiat & castiget eum, alioqui enim sine hac disciplina, institutione & bona assuefactione periret puer.

*Cur adhibeatur  
puero Pædagogo.*

Adhibetur ergo puero Pædagogus, ut eum erudiat & custodiat, ac velut in carcere captivum teneat. Ad quid, & quam diu? Num ut perpetuo duret istud durum & odiosum Dominium pædagogi, & servitus pueri? Minime, Sed ad præfinitum tempus, ut ista obedientia, carcer & disciplina cedat puero in bonum, ut suo tempore fiat hæres & rex. Non enim est patris voluntas, ut filius perpetuo subditus sit Pædagogo, & cædatur virgis ab ipso, sed ut ipsius institutione & disciplina idoneus reddatur ad successionem hæreditatis.

*Lex Pædagogo  
in Christum.*

*Pædagogi superi-  
oris temporis  
quales.*

Sic Lex nihil aliud est, inquit Paulus, quam Pædagogus, non perpetuo, sed in Christum, ut suprâ aliis verbis quoq; dixit, Lex propter transgressionem addita est, donec veniret Semen, &c. item, Scriptura conclusit omnia sub peccatum, ut Promissio, &c. Item, Custodiebamur sub lege, conclusi in eam fidem, quæ erat revelanda. Quare Lex non est simpliciter Pædagogus, sed in Christum. Cujusmodi enim Pædagogus esset, qui tantum vexaret & verberaret puerum, & nihil cum doceret? Quales superius seculum Pædagogos habuit, ubi verissime scholæ carcer & infernus, Ludimagistri tyranni & carnifices erant. Perpetuo vapulabant pueri, multo labore & infatigabili diligentia discebant, sed perpauci veniebant ad aliquam frugem. Talis Pædagogus non est Lex, Quia non tantum perterrefacit & vexat, ut indoctus & stolidus Pædagogus tantum flagellat & nihil docet pueros, Sed verberibus suis impellit ad Christum. Quemadmodum bonus Pædagogus verberat, instituit & exercet legendo & scribendo pueros in hunc finem, ut perveniant

perveniant ad cognitionem bonarum literarum & aliarum honestarum rerum, & hoc postea cum voluptate faciant, quod prius, cum cogerentur à pædago, inviti fecerunt.

Hac pulchra ergo similitudine ostendit Paulus verum legis usum, quod videlicet hypocritas non justificet, Quia manent extra Christum in præsumptione & securitate. Et è contrà, quod conterritos, si hoc modo lege utantur, ut Paulus docet, non relinquat in morte & damnatione, sed ad Christum urgeat. Qui vero in illis pavoribus perdurant in ista sua pusillanimitate, & Christum fide non apprehendunt, ad extremum desperant. Clarissime ergo pingit Paulus verum usum legis hac allegoria de Pædago. Nam ut is objurgat, urget & contristat pueros, non hoc consilio, ut perpetuo duret ista pædagogia, sed ut desinat, ubi pueri probe educati & instituti sunt, utq; postea sine coactione pædagogi alacres & liberi fruantur libertate & bonis paternis. Ita qui perterrefiunt & conteruntur lege, sciant istos terrores & contritiones non fore perpetuas, sed illis sese parari in futurum Christum & libertatem spiritus, &c.

*In allegoria de  
pædago ostendit  
verum usum  
legis.*

*Ut ex fide justificemur.*

Lex non est Pædagogus, in alium legislatorem, qui bona opera exigit, sed in Christum justificatorem & salvatorem, ut per fidem in ipsum, non per opera justificemur. Sed homo cum sentit vim Legis, hoc non intelligit neq; credit, Ideo dicere solet, Perdite vixi, quia transgressus sum omnia mandata Dei, Ideoq; reus sum æternæ mortis, Si aliquot annos vel saltem aliquot menses adjiceret Deus vitæ meæ, velim emendare vitam meam & deinceps sancte vivere. Ibi homo ex vero Legis usu facit abusum, & amisso ex oculis Christo, intuetur in alium legislatorem. In his enim terroribus & angustiis deprehensa ratio audet Deo promittere impletionem omnium operum totius Legis. Atq; hinc ortæ sunt tot Sæctæ monachorum, tot cultus instituti, tot opera excogitata ad promerendam gratiam & remissionem peccatorum. Atq; hi qui ista excogitaverunt, senserunt Legem esse Pædagogum, non in Christum, sed in novam Legem, seu in Christum legislatorem, non abrogatorem legis.

*Lex pædagogus  
in Christum, non  
in alium legisla-  
torem.  
Ex vero legis  
usu facere ab-  
usum.*

Sed verus Legis usus est, quod sciam me Lege adduci in cognitionem peccati, & humiliari, ut ad Christum veniam & fide justificer. Fides autem non est lex neq; opus, sed certa fiducia, quæ apprehendit Christum, qui est finis legis, Rom. 10. Quo modo? Non quod abroget veterem Legem & novam ferat, aut iudex sit, operibus placandus, ut Papistæ docuerunt, Sed finis est legis ad justiciam omni credenti, hoc est, Omnis qui credit in eum est justus, Lex eum non potest accusare, &c. Hæc vis & usus legis verus est. Est igitur bona, sancta, utilis & necessaria, modo quis ea legitime utatur. Abutuntur autem lege primum Hypocritæ, qui vim justificandi ei tribuunt. Deinde desperantes, qui ignorant Legem esse Pædagogum in Christum, hoc est, Legem humiliare, non in perniciem, sed salutem. Deus enim percutit ut sanet, occidit ut vivificet, &c.

*Verus legis usus.*

Loquitur autem Paulus, ut & supra monui, de justificandis, non de justificatis. Quare cum voles disputare de lege, materiam legis accipere debes, scilicet peccatorem & impium, quem lex non justificat, sed ponit ei ob oculos peccatum, conterit eum & ducit in cognitionem sui, ostendit ei infernum, iram & iudicium Dei. Hoc proprium legis officium est. Deinde sequitur usus hujus officij, ut peccator sciat legem non ideo revelare peccata & humiliare, ut desperet, Sed ut sua accusatione & contritione urgeat eum ad Christum salvatorem & consolatorem, hoc ubi fit, non amplius est sub pædago. Et iste usus valde necessarius est, quia cum totus Mundus in peccato positus sit, opus est isto ministerio legis, ut peccatum revelet, alioqui sine eo nemo posset pervenire ad justiciam, ut supra copiose diximus.

*Proprium  
legis  
officium, est  
hujus officij  
usus.*

Sed quid facit Lex in his, qui per Christum justificati sunt? Respondet Paulus his verbis, quæ velut additio quædam sunt:

24

At ubi

*At ubi venit fides, non amplius sumus sub Pædagogo.*

*Fide veniente  
non sumus sub  
pædagogo.*

Hoc est, liberi sumus à lege, carcere & pædagogo nostro, quia non amplius perterrefacit & vexat nos, postquam fides revelata est. Paulus hic loquitur de fide certo tempore per Christum prædicata. Christus enim assumpta humana natura semel in tempore venit, Legem cum omnibus effectibus suis abrogavit, Et sua morte omnes hoc beneficium suum fide apprehendentes, à peccato & æterna morte liberavit. Si igitur Christum & rem quam gessit, aspexeris, nulla amplius Lex est. Ipse enim veniens præfinito tempore, verissime totam legem sustulit. Sublata vero lege, non custodimur amplius sub tyrannide ipsius, sed securi & læti agimus sub Christo, qui nunc Spiritu suo suaviter in nobis regnat, Vbi autem Dominus, ibi libertas. Quare si possemus Christum, qui legem abrogavit, & nos peccatores Patri sua morte reconciliavit, perfecte apprehendere, Nihil prorsus juris in nos haberet pædagogus ille. Sed Lex membrorum rebellans legi mentis obstat, ut Christum perfecte apprehendere non possimus. Defectus igitur non est in Christo, sed in nobis, qui nondum exuimus carnem, in qua donec vivimus hæret peccatum. Ideo quod ad nos attinet, partim liberi à lege, partim sub lege sumus. Servimus cum Paulo mente legi Dei, carne legi peccati, Rom. 7. 1. Cor. 3.

*Rom. 7.*

Ex hoc sequitur, quod secundum conscientiam plane liberi sumus à Legge. Ideo pædagogus ille non debet in ea dominari, hoc est, non debet ei esse molestus suis terroribus, minis & captivitate, Et ut maxime hoc tentet, tamen conscientia nihil movetur illare. Habet enim in conspectu Christum crucifixum, qui abstulit omnia officia legis è conscientia, Coloss. 2. Delens quod adversabatur nobis per decreta Chirographum, &c. Vt ergo virgo viri, ita conscientia non solum legis ignara, sed etiam ei prorsus mortua esse debet, & vicissim Lex conscientia. Hoc non fit operibus aut ulla legis justitia, sed fide, quæ Christum apprehendit. Secundum effectum tamen hæret adhuc in carne peccatum, quod subinde accusat & perturbat conscientiam. Quatenus igitur manet caro, eatenus manet etiam Lex Pædagogus, qui subinde perterrefacere & contristare solet conscientiam, ostensione peccati & comminatione mortis. Ipsa tamen semper iterum erigitur quotidiano adventu Christi, qui, ut semel certo tempore venit in Mundum, redempturus nos à durissimo imperio pædagogi nostri, Ita quotidie spiritualiter ad nos venit, hoc agens, ut in fide & cognitione ipsius crescamus, Vt conscientia de die in diem perfectius se Christum apprehendat, Et indies magis magisque minuatur Lex carnis & peccati, pavor mortis & quicquid malorum Lex secum adfert. Quamdiu igitur in carne, quæ sine peccato non est, vivimus, Subinde redit lex, & facit suum officium, in uno plus, in alio minus, ut est infirma aut fortis fide, non tamen ad perniciem, sed salutem. Hoc enim exercitium Legis est in Sanctis, quotidiana mortificatio carnis, rationis & virium nostrarum, & innovatio mentis nostræ, 2. Cor. 4. Coloss. 2.

*2. Cor. 4.*

*Similitudo de  
fermento.*

*Pii sancti sunt  
& peccatores.*

*Christi adventus  
spiritualis,  
&c.*

Accipimus igitur primitias spiritus, fermentum absconditum est in massam, sed tota massa nondum fermentata est, sed cœpit fermentari. Si inspicio fermentum, nihil video nisi merum fermentum, Si corpus massæ, nondum est merum fermentum. Hoc est, si Christum inspicio, totus sanctus & purus sum, nihil plane sciens de lege. Christus enim est fermentum meum. Si vero meam carnem inspicio, sentio avaritiam, libidinem, iram, superbiam, &c. timorem mortis, tristitiam, pavorem, odium, murmurationem & impatientiam contra Deum. Quatenus ista adsunt, eatenus abest Christus, Aut si adest, infirme adest. Hic opus est adhuc pædagogo, qui fortem asinum, Carnem exerceat & vexet, ut hac pædagogia minuantur peccata, & Christo via paretur. Christus enim, ut semel secundum tempus corporaliter venit, totam Legem abrogavit, peccatum abolevit, mortem & infernum destruxit, Ita spiritualiter sine intermissione ad nos venit, & ista perpetuo in nobis extinguit atque occidit.

Hæc dico, ut noris respondere cum objicitur, Tamen Christus venit in mundum,



mundum, & semel abstulit omnia peccata nostra, mundans nos sanguine suo. Cur igitur audimus Evangelium, quid opus est absolutione & Sacramentis? Verum est, quatenus Christum inspicis, revera Lex & peccatum abolita sunt. Sed Christus nondum venit tibi, aut si venit, tamen adhuc reliquæ peccati in te sunt, nondum fermentatus es totus. Vbi enim est concupiscentia, tristitia spiritus, pavor mortis, &c. Ibi adhuc lex & peccatum est, Christus nondum vere adest, qui veniens expellit timorem & tristitiam, & adfert pacem & securitatem conscientia. Quatenus igitur Christum fide apprehendo, eatenus abrogata est mihi lex. Sed Caro mea, mundus & diabolus non permittunt fidem esse perfectam. Velim quidem quod parvula lux fidei in corde diffusa esset per totum corpus & omnia membra, Non fit, non statim diffunditur, sed coepta est diffundi. Interim ea est consolatio nostra, quod primitias Spiritus habentes incepimus fermentari, fermentabimur autem toti, cum corpus hoc peccati dissolvetur, & novi cum Christo resurgemus.

*Ebra. 13.* Quamquam ergo Christus est heri & hodie & idem in secula, Et quamquam Evangelium & fidem habuerit Adam & omnes pii ante Christum, Tamen semel Christus venit præfinito tempore, semel venit & fides, cum Apostoli Evangelium per totum mundum prædicaverunt. Deinde quotidie etiam venit spiritualiter Christus, venit & per verbum Evangelij quotidie Fides. Fide autem præsentem, cogitur cedere pædagogus cum suo tristi & molesto officio. Tunc autem Christus spiritualiter venit, quando subinde magis magisque agnoscimus & intelligimus, quæ ab ipso nobis donata sunt, & crescimus in gratia & cognitione ipsius, 2. Pet. 3.

*Omnes enim filij Dei estis per fidem, quæ est in Christo Iesu.*

*Pav. 13.* **P**AULVS, ut optimus fidei doctor, semper in ore habet istas voces, Per fidem, in fide, ex fide, quæ est in Christo Iesu, &c. Non dicit, Estis filij Dei, quia circumcisi estis, audistis Legem & fecistis opera ejus, ut Iudæi somniabant, & Pseudoapostoli docebant, Sed per fidem in Christum Iesum. Lex ergo non facit (multo minus traditiones humanæ) filios Dei, Non potest generare in novam naturam seu nativitatem, Sed illam veterem nativitatem, qua in regnum Diaboli nati sumus, ob oculos ponit. Atque ita præparat ad novam Nativitatem, quæ fit per fidem in Christum Iesum, non per Legem, ut Paulus clarissime testatur, Omnes filij Dei estis per fidem, &c. q. d. Etiam si per Legem estis vexati, humiliati & occisi, tamen ea non fecit vos justos, non fecit vos filios Dei, sed fides. Quæ? In Christum. Fides ergo in Christum efficit filios Dei, non lex. Idem Iohan. 1. testatur, Dedit eis potestatem filios Dei fieri, his qui credunt, &c.

Rhetoribus committo, ut hunc locum de inenarrabili Gratia & gloria, quam in Christo Iesu habemus, explicent & amplificent, Nempe quod nos miseri peccatores, natura filij iræ, ad hunc honorem perveniamus, quod credentes in Christum, filij & hæredes Dei, & cohæredes Christi, Domini cœli & terræ, efficiamur, Quamquam nulla lingua, neque humana, neque angelica eam gloriam satis magnifice prædicare possit.

*Quicumque enim baptisati estis, Christum induistis.*

*Rom. 13.* **I**NDVRE Christum dupliciter intelligitur, Legaliter & Evangelice. Legaliter, Rom. 13. Induamini Dominum Iesum Christum, hoc est, Imitemini exemplum & virtutes Christi, facite & patimini ea, quæ ipse fecit & passus est. Sic 1. Pet. 2. Christus passus est pro nobis, relinquens nobis exemplum, ut sequeremini vestigia ejus. Videmus autem in Christo summam patientiam, lenitatem, charitatem & admirabilem in omnibus rebus moderationem, Hunc ornatum Christi induere, id est, has ejus virtutes imitari, debemus. Sic alios etiam Sanctos imitari possumus.

Inducere vero Christum Evangelice non est imitationis, sed nativitatis & creationis novæ, Quod videlicet ego induor ipso Christo, hoc est, ipsius Innocentia,

*Pellicea tunica*  
*Adæ.* tia, sapientia, potentia, salute, vita, spiritu, &c. Nos vestiti sumus pellicea tunica Adæ, quæ mortalis tunica est & vestis peccati, hoc est, omnes subiecti sumus & venduti sub peccatum, horribilis Cæcitas, ignorantia, contemptus & odium Dei est in nobis. Deinde pleni sumus concupiscētia mala, inmundicia, avaritia, &c. Hunc vestitum, id est, hanc corruptam & peccatricem naturam, propagatione contraximus ab Adam, quam Paulus vocare solet veterem hominem. Is exuendus est cum actibus suis, Eph. 4. Collos. 3. Vt ex Adæ filiis efficiamur filij Dei. Hoc non fit mutatione vestis, non ullis legibus aut operibus, sed renascentia & renovatione, quæ fit in Baptismo, ut Paulus ait, Quicumq; baptisati estis, Christum induistis. Item Tit. 3. Secundum suam misericordiam salvos nos fecit per lavacrum regenerationis ac renovationis Spiritus sancti. Exurgit enim in baptisatis, præter hoc, quod regenerantur & renovantur per Spiritum sanctum ad cœlestem justiciam & vitam æternam in baptismo, etiam nova lux & flamma, oriuntur novi & pii affectus, Timor, fiducia Dei, spes, &c. oritur nova voluntas, hoc tum est proprie, vere & Evangelice Christum induere. Eph. 4.  
Coloss. 3.  
Tit. 3.

*In Baptismo non datur Christum.* Itaq; in baptismo non datur vestitus legalis justiciæ aut nostrorum operum, sed Christus fit indumentum nostrum. Is autem non est lex, non legislator, non opus, sed divinum & inenarrabile donum, quod donavit nobis Pater, ut esset justificator vivificator & redemptor noster. Quare Evangelice Christum induere, non est legem & opera, Sed inæstimabile donum induere, scilicet remissionem peccatorum, justiciam, pacem, consolationem, lætitiā in Spiritu sancto, salutem, vitam & Christum ipsum.

*Baptismi gloria* Hic locus diligenter observandus est contra Fanaticos spiritus, qui majestatem Baptismi extenuant, & scelestæ ac impie de eo loquuntur. Paulus contra magnificis titulis Baptismum ornat, appellans lavacrum regenerationis ac renovationis Spiritus sancti, Tit. 3. Et hic dicit, omnes baptisatos Christum induisse, q. d. Non accepistis per Baptismum tesseram, per quam ascripti estis in numerum Christianorum, ut nostro tempore multi Fanatici homines senserunt, qui ex Baptismo tantum tesseram fecerunt, hoc est, breve & inane quoddam signum. Sed quotquot, inquit, baptisati estis, Christum induistis, id est, estis extra Legem rapti in novam nativitatem, quæ facta est in Baptismo. Ideo non estis amplius sub lege, sed novo indumento, id est, justiciā Christi vestiti estis. Docet ergo Paulus Baptismum non signum, sed indumentum Christi, imo ipsum Christum indumentum nostrum esse. Quare baptismus potentissima ac efficacissima res est. Vbi vero induti sumus Christum, indumentum justiciæ & salutis nostræ, tum etiam induemus Christum vestimentum imitationis. Hæc alias copiosius à me tractata sunt, ideo breviter nunc percurro. Tit. 3.

*Baptismus quid sit.*

*Non est Iudæus, neq; Græcus, Non est servus, neq; liber, Non est masculus, neq; femina.*

Hic multo plures addi possunt appellationes personarum & officiorum, quæ divinitus ordinata sunt, ut non est magistratus neq; subditus, non est doctor neq; auditor, non est Pædagogus neq; discipulus, non est hera neq; ancilla, &c. Quia in Christo Iesu omnes status, etiam divinitus ordinati, nihil sunt. Masculus, fœmina, servus, liber, Iudæus, Gentilis, Rex, subditus, &c. sunt quidem creaturæ Dei bonæ, sed in Christo, hoc est, in re salutis, cum omni sapientia, justiciā, religione, potentia sua, nihil sunt.

*Non est Iudæus neq; Græcus, &c.*

Quare illis verbis, Non est Iudæus, &c. fortissime abrogat legem Paulus. Hic enim ubi novus homo in Baptismo fit, & Christus induitur, non est Iudæus, neq; Græcus, &c. Loquitur autem hic Apostolus de Iudæo non physice secundum substantiam, Sed Iudæum appellat, qui est discipulus Mosis, subiectus legibus, qui est circumcisus & servat summa diligentia cultum in lege præceptum. Vbi Christus, inquit, induitur, ibi non est amplius Iudæus, non est circumcisio, non est cultus

Ioh. 1.

cultus Templi, nullæ Leges sunt quas Iudæi faciunt. Christus enim abstulit quicquid legū est in Mose in toto mundo. Ideo conscientia, in Christum credens, tam certa esse debet, legem cum suis terroribus & minis esse abrogatam, ut plane ignoret, an unquam Moses, Lex aut Iudæus extiterint, Quia Christus & Moses nullo modo conveniunt. Moses cum lege, variis operibus & cultibus venit, Christus vero simpliciter sine Lege, sine exactione operum, venit, donans Gratiā, justiciā, &c. Iohan. 1. Lex enim per Moſen data est, Gratia & veritas per Christum facta est.

Deinde cum ait, Non est Græcus, etiam Gentilium sapientiam & justiciam rejicit & damnat. Inter Gentiles enim fuerunt magni ac præstantissimi viri, Xenophon, Themistocles, Marcus Fabius, Attilius Regulus, Cicero, Pomponius Atticus, & multi alij, qui insignibus ac vere heroicis virtutibus præditi, respublicas optime administraverunt, & multa præclarissime gesserunt pro salute reipublicæ, &c. Et tamen hi omnes cum sua Sapientia, potentia, honestissimis Factis, eximiiis virtutibus, legibus, justiciis, cultibus ac religionibus (Non enim imaginari debemus Gentiles prorsus fuisse contemptores honestatis & religionis, sed omnes Gentes omnium ætatum, per totum terrarum orbem dispersæ, habuerunt suas Leges, cultus & religiones, sine quibus impossibile est regi genus humanum) Hi, inquam, istis omnibus ornamentis nihil sunt coram Deo. Quicquid igitur est justiciæ œconomicæ, politicæ & divinæ (qualis erat justicia Legis) cum summa obedientia, executione juris & sanctitate, nihil prorsus valet coram Deo. Quid tum? Indumentum Christi, quem in Baptismo induimus.

Sic servus, ut maxime diligenter faciat officium suum, obediat hero, fideliter serviat, Liber præsit & gubernet rem publicam, aut privatam cum laude, Item, quicquid fecerit masculus ut masculus, ducendo uxorem, bene administrando rem suam domesticam, obediendo magistratui, gerendo se erga quosq; honeste & decenter, Si matrona vixerit casta, paruerit marito, diligenter curaverit domum, bene educaverit liberos (quæ certe magnifica ac egregia dona & opera sunt) Tamen ista omnia nihil ad justiciam coram Deo. Summa, Quicquid est in toto orbe terrarum Legum, ceremoniarum, cultuum, justiciarum & operum, etiam ipsorum Iudæorum, qui primi habuerunt Regnum & Sacerdotium, divinitus institutum & ordinatum, cum suis legibus, religione & cultu, Tamen ista omnia non auferunt peccata, non liberant à morte, non salvant.

Ideo Pseudoapostoli vestri, ô Galatæ, seducunt vos dum Legem necessariam ad salutem docent, atq; hoc modo rapiunt vos à maxima gloria vestræ novæ nativitatis & filiationis, & revocant in veterem nativitatem & miserrimam Legis servitutem, facientes vos ex filiis Dei liberrimis servos Legis, dum secundum Legem personas distinguere volunt. Est certe distinctio personarum in lege & coram mundo, & ibi eam oportet esse, non item coram Deo, ubi omnes homines æquales sunt, Omnes peccaverunt, & vacui sunt gloria Dei, &c. Sileant igitur à facie Dei Iudæi, Gentiles & totus mundus. Habet quidem Deus varias Ordinationes, Leges, genera vitæ, cultus in mundo, Sed ista nihil faciunt ad promerendam gratiam & ad consequendam vitam æternam. Quotquot ergo justificantur, non propter observationem Legis humanæ aut divinæ justificantur, sed propter Christum, qui omnes Leges in universum abrogavit. Hunc unicum proponit nobis Evangelium placatorem iræ Dei per sanguinem proprium & Salvatorem, in quem nisi credatur, non salvabitur Iudæus per Legem, non per ordinem Monachus, non per sapientiam Gentilis, non per politicam aut œconomicam justiciam magistratus, aut herus, non per obedientiam servus & ancilla, &c.

*Omnes enim vos unus estis in Christo Iesu.*

Hæc magnifica & amplissima verba sunt. In mundo & secundum carnem est summa differentia & inæqualitas personarum, eaque diligentissime servanda

*Christus enim  
abstulit quicquid  
legum est in Mose  
in toto mundo.  
Ideo conscientia  
in Christum credens  
tam certa esse debet,  
legem cum suis  
terroribus & minis  
esse abrogatam,  
ut plane ignoret,  
an unquam Moses,  
Lex aut Iudæus  
extiterint.*

*Sapientia  
Gentilium  
republicas  
optime  
administraverunt,  
& multa  
præclarissime  
gesserunt  
pro salute  
reipublicæ,  
&c.*

*Gentiles  
omnes  
Gentes  
omnium  
ætatum,  
per totum  
terrarum  
orbem  
dispersæ,  
habuerunt  
suas  
Leges,  
cultus  
& religiones,  
sine quibus  
impossibile  
est regi  
genus  
humanum.*

*Non est  
Græcus,  
etiam  
Gentilium  
sapientiam  
& justiciam  
rejicit  
& damnat.*

*In mundo  
est  
distinctio  
personarum,  
in lege  
& coram  
mundo,  
ibi eam  
oportet  
esse,  
non item  
coram  
Deo,  
ubi omnes  
homines  
æquales  
sunt.*

*Hæc  
magnifica  
& amplissima  
verba  
sunt.*

*In mundo  
& secundum  
carnem  
est summa  
differentia  
& inæqualitas  
personarum,  
eaque  
diligentissime  
servanda.*



*Qualitas  
fidei in  
Christo*

servanda est. Nam si mulier Vir, si filius Pater, si discipulus Magister, si servus Dominus, si subditus Magistratus, esse vellet, futura esset perturbatio & confusio omnium statuum & rerum. Contra, in Christo nulla est Lex, nulla est distinctio personarum, non est Iudæus, Græcus, &c. sed omnes, unus, sunt. Quia unum corpus, unus Spiritus, una spes vocationis omnium, unum & idem Evangelium, una fides, unum baptisma, unus Deus & pater omnium, unus Christus Dominus omnium. Eundem Christum, quem habent Petrus, Paulus & omnes Sancti, habemus & nos, ego, tu & omnes credentes, eundem habent omnes infantes baptisati. Ibi ergo conscientia nihil scit de lege, sed habet in conspectu solum Christum. Ideo Paulus semper addere solet, in Christo Iesu, Qui si è conspectu auferatur, actum est de salute nostra.

*fidei de fide  
eodem.*

Fanatici spiritus hodie loquuntur more Sophistarum de fide in Christum somniantes eam esse qualitatem, hærentem in corde, excluso Christo. Is perniciosus error est. Verum ita proponendus est Christus, ut præter eum plane nihil videas, nihil tibi esse propius & intimius ipso credas. Non enim sedet ociosus in cælo, sed præsentissimus est nobis, operans & vivens in nobis. Supra cap. 2. Vivo jam non ego, sed vivit in me Christus, &c. Et hic, Christum induistis. Quare fides est pertinacissimus intuitus, qui nihil aspicit præter Christum victorem Peccati & mortis, & largitorem Iusticiæ, salutis & vitæ æternæ. Hinc Paulus in Epistolis suis fere in singulis versibus proponit & inculcat Iesum Christum. Proponit autem per verbum, Neq; enim aliter potest apprehendi, quam fide in verbum.

*Fides.*

*Cor tam crebro  
Iesum Christum  
enunciat, &c.*

*Serpens æneum  
figura Christi.*

Hoc pulcherrime significatum est serpente æneum, qui est figura Christi. Iudæos morfu ignitorum serpentum in deserto percussos Moses nihil jubebat facere, quam immotis oculis aspicere serpentem illum æneum. Qui hoc faciebant, solo illo fixo aspectu serpentis sanabantur. Alij contra, qui non audiebant vocem Mosi, aspicientes sua vulnera, non serpentem, moriebantur. Sic si debeo consolationem in certamine conscientie vel agone mortis concipere, oportet me plane nihil aliud præter unicum Christum fide apprehendere, & dicere, Ego credo in Iesum Christum Dei filium, pro me passum, crucifixum, mortuum &c. In cujus vulneribus & morte video peccatum meum, & in ejus resurrectione, victoriam peccati, mortis & diaboli, item justiciam & vitam æternam. Præter hunc nihil audio nec video. Ea est vera fides Christi & in Christum, per quam membra sumus corporis ejus, de carne & ossibus ejus. Ergo in ipso vivimus, movemur & sumus. Ideo vana & impia est fanaticorum hominum speculatio de fide, qui somniant Christum spiritualiter, hoc est, speculative in nobis esse, realiter vero in cælis. Oportet Christum & fidem omnino conjungi, oportet simpliciter nos in cælo versari, & Christum esse, vivere & operari in nobis. Vivit autem & operatur in nobis non speculative, sed realiter, præsentissime & efficacissime.

*Vera fides in  
Christum.*

*Speculatio de fide  
de quorundam  
impia.  
Christus & fides  
conjugenda.*

*Si autem vos Christi, ergo semen Abraham estis, & secundum promissionem hæredes.*

*Gentes semen  
Abrahæ.*

Id est, si creditis & baptisati estis in Christum, creditis, inquam, eum esse Semen illud Abraham promissum, quod attulit benedictionem omnibus gentibus, Tunc estis filij Abraham, non naturales, sed adoptionis. Nam scriptura tribuit ei non solum filios carnis, sed etiam adoptionis & promissionis, & prædicat hos hæreditatem accepturos, illos è domo ejiciendos. Sic Paulus brevi verbo transfert totam gloriam Libani, hoc est, Iudaici populi, ad desertum, hoc est, ad Gentes. Et continet hic locus uberrimam consolationem, nempe quod gentes Abraham filij, & per consequens Dei populus sint. Sunt autem filij Abraham non ex carnali generatione, sed ex promissione. Ergo regnum cælorum, vita & hæreditas æterna pertinet ad gentes. Hocq; longe ante significavit scriptura, cum inquit, Patrem multarum gentium constitui te. Item, in semine tuo benedicentur omnes Gentes. Quia ergo nos Gentes credimus, & fide accipimus benedictionem Abraham pro-

*Gentes Abra-  
hæ filij & Dei  
populus.*

hæ promissam, & per Christum exhibitam, ideo scriptura vocat nos filios & hæredes Abraham, non secundum carnem, sed promissionem. Sic promissio, In semine tuo, etiam ad omnes Gentes pertinet, & Christus secundum eam est noster.

Est quidem solis Iudæis, non nobis gentibus facta promissio, Psal. 147. Annuntiat verbum suum Iacob, &c. Non fecit taliter omni nationi, &c. Hoc tamen quod promissum est, ad nos venit per fidem, qua sola apprehenditur promissio Dei. Licet igitur non nobis, tamen de nobis, promissum est. Sumus enim in promissione, In semine tuo, &c. nominati. Nam promissio clare ostendit, Abraham non fore tantum patrem Iudaici populi, sed multarum Gentium, & hæredem fore non unius regni, sed totius mundi, Rom. 4. Sic gloria totius regni Christi ad nos translata est. Quare omnes leges in universum abrogatæ sunt in corde & conscientia Christiani, foris tamen in carne manent, De quo supra copiose dictum est.

*Iudæis facta promissio, non Gentibus. Psal. 147*

*Gentes in promissione nominati sunt, &c.*

*Rom. 4.*

## CAP. III.

*Dico autem, Quanto tempore hæres parvulus est, nihil differt à servo, cum sit Dominus omnium, Sed sub tutoribus & actoribus est, usq; ad præfinitum tempus à patre.*

**V**ides quam Paulus ardeat & æstuet ad revocandos Galatas, & quam fortissimis argumentis causam illam tractet, sumptis ab experientia, ab exemplo Abraham, à testimoniis scripturæ, à tempore & similitudinibus, Ita ut videatur sapius integram causam renovare. Supra enim quasi finierat, disputationem de Iustificatione, dum concludebat, Homines sola Fide justificari coram Deo. Quia vero incidit ei adhuc exemplum hoc politicum de hærede parvulo, adducit & illud pro confirmanda causa sua. Sic, omnia tentans, sancta quadam astutia insidiatur Galatis, ut eos capere possit, sicut alibi dicit, Cum essem astutus, dolo cepi vos. Nam vulgus similitudinibus & exemplis facilius capitur, quam arduis & subtilibus disputationibus, Libentius videt bene pictam imaginem, quam librum bene scriptum. Hinc post similitudinem de testamento hominis, de carcere & pædago, assumit & hanc notissimam de hærede, ad permovendum eos. Est autem ad docendum utile, in promptu habere similitudines & exempla, quibus non solum Paulus, sed & Prophetæ & Christus ipse frequentissime usi sunt. Postea ad finem Epistolæ usq; rhetoricabitur.

*Argumenta quibus Paulus movet causam suam.*

*Vulgum similitudinibus & exemplis capitur.*

*Christus, Apostoli & Prophetæ usi sunt exemplis & similitudinibus.*

*Hæres parvulus nihil differt à servo.*

Videtis, inquit, hoc esse in legibus civilibus constitutum, quod hæres, quanquam sit Dominus omnium paternorum bonorum, nihilominus tamen servus est. Habet quidem certam expectationem hæreditatis, antequam tamen veniat tempus emancipationis (ut jureconsulti vocant) tutores & actores tenent eum captum & conclusum, ut pædagogus discipulum. Non committunt ei administrationem bonorum nec dominium, sed servire cogunt, ita ut vivat & nutriatur in bonis propriis ut servus. Nihil ergo differt à servo, donec tempus carceris & captivitatis durat, hoc est, donec sub actoribus & præfectis est. Et ea subjectio & captivitas valde ei prodest, alioqui per insipientiam dilapidaret bona, Istaq; captivitas non est perpetua, sed finitur certo tempore, quod pater præscripsit.

*Ita nos cum essemus parvuli, sub elementis Mundi huius serviebamus.*

Sic nobis parvulis, eramus quidem hæredes, habentes promissionem futuræ hæreditatis, donandæ per semen Abraham, Christum, quo benedicendæ erant omnes gentes. Sed quia plenitudo temporis nondum erat, venit tutor, œconomus

*Tempore legis sub tutore Mose sumus, &c.*

R

nomus

nomus & Pædagogus noster Moses, tenens nos conclusos & captivos, ut manu coercita non possemus dominari & hæreditatem possidere. Interim tamen ut hæres spe libertatis futuræ lactatur, Ita nos lactabat Moses spe promissionis revelandæ suo tempore, cum scilicet veniret Christus, qui adventu suo finiturus erat hoc tempus Legis, quod stante politia Mosi durabat, & allaturus tempus Gratiae.

*Tempus legis finitur, &c.*

Tempus autem Legis dupliciter finitur. Primum, ut dixi, per adventum Christi in carnem, tempore à Patre præfinito. Christus enim semel in tempore factus est *Ebr. 9.* Homo, natus è virgine, factus sub Legem, ut eos qui sub Lege erant redimeret. Semel per proprium sanguinem intravit in Sancta, æterna redemptione inventa. Deinde ille idem Christus, qui semel in tempore venit, quotidie & singulis horis ad nos in Spiritu venit. Semel quidem proprio sanguine redemit ac sanctificavit omnes. Sed quia nondum perfecte puri sumus, hærent enim adhuc reliquiæ peccati in carne nostra, quæ militat contra spiritum, &c. Ideo quotidie venit spiritualiter, & indies magis magisque absolvit tempus præfinitum à Patre, abrogat & tollit Legem.

*Patres in veteri Testamento æque fide in Christum salvati sunt, ac nos.*

Sic & Patribus in veteri Testamento in Spiritu veniebat, antequam in carne appareret. Habebant illi in spiritu Christum, in quem revelandum, ut nos in jam revelatum, credebant, ac æque per eum salvati sunt ut nos, juxta illud, *Iesus Ebr. 12.* Christus heri & hodie, idem est & in secula. Heri, ante tempus sui adventus in carnem, Hodie, cum revelatus est in tempore. Nunc & in secula est idem Christus, per quem unum & eundem liberantur à Lege, justificantur & salvantur omnes credentes præteriti, præsentis & futuri. Ita & nos, inquit, cum essemus parvuli, sub elementis Mundi hujus serviebamur, id est, Lex dominabatur nobis, premebat nos tanquam servos & captivos dura servitute. Primum enim rudes & carnaliter civiliter cohercebat, ne præcipientes ruerent in omnis generis flagitia. Nam lex minatur transgressoribus supplicium, quod nisi metuerent, nihil non mali committerent. Quos sic cohercet lex, illis dominatur. Deinde spiritualiter seu Theologice accusabat, terrebatur, occidebat & condemnabat nos coram Deo, hocq; erat præcipuum Legis imperium in nos. Ut ergo hæres, tutoribus subjectus, verberatur, cogitur eorum legibus obedire & imperata diligenter exequi: Ita conscientia ante Christum premuntur dura legis tyrannide, hoc est, accusantur, perterrefiunt & damnantur à lege. At hoc imperium seu potius tyrannis ejus non est perpetua, sed durare tantum debet usq; ad tempus Gratiae. Quare officium quidem legis est, arguere & augere peccata, sed ad justiciam, occidere, sed ad vitam. Lex enim Pædagogus est ad Christum.

*Idem Christus omnium. Servire sub elementis mundi quid sit. Vnus legis sollicitus. Vnus legis theologice.*

*Tyrannis legis non est perpetua.*

Sicut ergo tutores duriter tractant hæredem puerum, dominantur & imperant ei tanquam servo, cogiturq; subjectus esse ipsis. Ita Lex accusat, humiliat & redigit nos in servitutem, ut simus servi Peccati, mortis & iræ Dei, quæ certe miserrima ac durissima servitus est. Sed ut imperium Tutorum, & hæredis parvuli subjectio & servitus non est perpetua, sed durat tantum usq; ad tempus à patre præfinitum, quo completo, non indiget tutela œconomorum, nec amplius manet subjectus illis, sed pro arbitrio fruitur hæreditate paterna. Ita Lex dominatur nobis, nosq; cogimur servi & captivi esse sub ipsius imperio, at non perpetuo. Addenda est enim quoq; particula, quæ sequitur, Vsq; ad præfinitum tempus à patre. Christus namq; promissus venit, & nos qui Legis tyrannide premebamur, redemit.

*Quibus Christus veneri, quibus non.*

Contra, securis hypocritis, & contemptoribus palam impiis, deinde desperatis, qui nihil restare putant quam pavores Legis, quos sentiunt, illis utrisq; adventus Christi non prodest. Prodest tantum vexatis & conterritis lege ad tempus, hoc est, illis, qui in seriis pavoribus, quos Lex efficit, non desperant, sed ad Christum, thronum Gratiae, qui redemit eos à maledicto Legis, dum pro ipsis factus est maledictum, accedunt cum fiducia, illi misericordiam consequuntur & gratiam inveniunt, &c. Est ergo emphasis in particula, Serviebamur, q. d. Conscientia

*Servire sub lege.*



scientia nostra subiecta erat legi, quæ ut Tyrannus suum captivum servum, tenens nos conclusos & captivos, flagellabat nos, & totis viribus tyrannidem suam in nos exercebat, hoc est, reddebat nos paventes, tristes, pallidos, desperabundos, minabatur nobis æternam mortem & damnationem. Hæc theologica servitus durissima est, non tamen, ut dixi, perpetua, sed tantisper durat, donec sumus parvuli, hoc est, donec Christus abest. Eo absente sumus servi sub lege conclusi, carentes gratia, fide & omnibus donis Spiritus sancti. At postquam venit Christus, cessat ille carcer & servitus Legis.

*Theologica legis servitus durissima.*

*Sub elementis mundi hujus, &c.*

QVIDAM putaverunt Paulum hic loqui de elementis corporalibus, igni, aëre, aqua & terra. Sed Paulus suam peculiarem phrasin habet, & loquitur hic de ipsa Lege Dei, quam per tapinosin vocat elementa Mundi hujus, Sonantq; verba ejus vehementer hæretica. Solet & alibi Paulus Legem vehementer extenuare, dum vocat Literam occidentem, ministerium mortis & damnationis, virtutem peccati. Hasq; odiosissimas appellationes, quæ diserte & proprie vim & usum Legis ostendunt, data opera eligit, ut nos admoneat in terroribus Peccati, iræ & judicij Dei, non esse nitendum justitia propria aut legis, cum Lex in optimo usu suo nihil aliud efficere possit, quam reas agere conscientias, augere peccatum, minari mortem & damnationem æternam. Quare hæc extenuationes Legis referendæ sunt ad certamen conscientie, non ad civilem vitam & securam corda.

*Elementa mundi.*

*Paulina Phras.*

*Cur Paulus extenuet legem.*

Vocat ergo Elementa mundi, Legem, hoc est, externas literas seu traditiones, in libro quodam scriptas. Nam Lex, etiam si civiliter coherceat à malo, & urgeat ad bene operandum, Tamen hoc modo servata non ideo liberat à peccatis, non justificat, non parat viam in cælum, sed relinquit in mundo. Non ideo consequor justiciam & vitam æternam, quod non occido, non committo adulterium, non furtum facio, &c. Istæ externæ virtutes & honesta conversatio non sunt regnum Christi, neq; justitia cœlestis, sed sunt justitia carnis & mundi, quam etiam gentiles habent, non solum justiciarii ut tempore Christi Pharisei, & nostro Monachi, &c. Illam præstant alij, ut pœnas Legis vitent, Alij, ut ab hominibus prædicentur constantes, justii, patientes, &c. Ideo potius appellanda erat fucus & hypocrisis, quam justitia:

*Elementa mundi.*

*Justitia carnis & mundi, &c.*

Deinde Lex etiam in summo suo usu & vi, nihil potest quam accusare, terere, condemnare & occidere. Vbi autem pavor est & sensus peccati, mortis, iræ & judicij Dei, ibi certe nulla justitia, nihil cœleste, nihil divinum est, sed hæc omnia sunt meræ res Mundi, qui nihil aliud est, cum sit regnum Diaboli, quam quædam colluvies peccati, mortis, inferni & omnium malorum, quæ pavidi & tristes sentiunt, securi & contemptores non sentiunt. Quare lex etiam in vero suo usu, tantum revelat & augeat peccatum & incutit terrorem mortis, quæ certe res mundanæ sunt. Constat igitur Legem nihil Vivificum, salutiferum, cœleste aut divinum præstare, sed solum mundana, Quare Paulus recte eam appellat Elementum mundi.

*Mundum.*

Quanquam autem Paulus totam Legem appellat Elementa mundi, ut ex his, quæ jam dicta sunt, intelligi potest, Tamen præcipue de legibus ceremoniarum tam contemptim loquitur, quas, si multum conducunt, ait constituere tantum de rebus quibusdam externis, ut de Cibo, potu, vestitu, locis, temporibus, templo, feriis, lotionibus, sacrificiis, &c. quæ mere mundana sunt, & à Deo ordinata ad usum præsentis tantum vitæ, non ut coram Deoificent & salvent. Itaq; per particulam, Elementa mundi, totam justiciam legalem, quæ sita erat in externis illis ceremoniis, quanquam à Deo ordinatæ & præceptæ erant, ut ad tempus servarentur, rejicit & damnat, & contemptissimo nomine appellat, Elementa mundi. Sic Cæsareæ leges Elementa mundi sunt, tractant enim de rebus mundi, pertinentibus ad præsentem vitam, ut de pecunia, possessionibus, hæreditatibus,

*Leges ceremoniarum.*

*Justitia legalis tota est elementum mundi. Cæsareæ leges.*

*Leges Papæ.*

homicidiis, adulteriis, rapinis, &c. De quibus agit & secunda tabula Decalogi. Decretales autem & pontificias leges, quæ prohibent conjugium & cibos, vocat alibi Paulus, doctrinas Dæmoniorum, quæ & ipsæ sunt Elementa mundi, nisi quod contra verbum Dei & fidem de rebus externis impiissime præcipiunt.

*Lex Mosis tantum donat mundana.*

*Spiritus sancti consolatione liberatur a terribus legibus.*

Quare lex Mosis nihil præter mundana præstat, hoc est, ostendit civiliter & theologicè tantum mala, quæ in mundo sunt. Urget tamen, si est in vero usu, suis terroribus conscientiam, ut sitiat & quærat promissionem Dei, & intueatur in Christum. Sed ad eam rem opus est Spiritus sancti beneficio, qui dicat in corde, Non est voluntas Dei, postquam Lex fecit officium suum in te, ut tantum terrearis & occidaris, Sed, ubi per Legem agnoveris miseriam & perditionem tuam, non desperes, sed credas in Christum, qui est finis Legis ad justiciam omni credenti. Hic nihil mundani fit, sed cessant hic omnia mundana, omnes Leges, & incipiunt divina. Donec igitur sub Elementis mundi, hoc est, sub Lege, sumus, quæ tantum ostendit & auget peccata, ac iram efficit, non donat justiciam & pacem conscientiæ, servi sumus legi subjecti, etiam si habeamus promissionem futuræ Benedictionis. Lex quidem dicit, Diliges Dominum Deum tuum, sed ut hoc faciam, aut ut Christum acquiram, non potest præstare.

*Cur Paulus legem extenuet.*

Non dico ista eo consilio, quod Lex contemnenda sit. Neq; Paulus hoc agit, sed in magno precio habenda est. Quia vero Paulus hic versatur in loco justificationis (Longe autem alia est disputatio de justificatione, quam de Lege) necessitas postulabat, ut de Lege, tanquam de re contemptissima, loqueretur. Neq; satis viliter & odiose, cum in hoc argumento versamur, de ea loqui possumus. Ideo conscientia in vero agone nihil prorsus cogitare & nosse debet, nisi unicum Christum, ac summis viribus adnitatur, ut tum Legem quam longissime è conspectu abjiciat, nihilq; amplectatur, quam promissionem Christi. Hoc facile quidem dicitur, sed in tentatione, cum conscientia cum Deo agit, hoc posse præstare, omnium difficilimum est, nempe ut tum etiam cum Lex te terret, accusat, peccatum ostendit, minatur iram Dei ac mortem, sic affectus sis, quasi nunquam fuerit Lex aut ullum peccatum, sed solus Christus, mera Gratia & redemptio. Aut si etiam sentias terrorem Legis, tamen dicas, Lex non audiam te, quia habes impeditam & tardam linguam. Deinde plenitudo temporis jam venit, ideo liber sum. Non feram igitur amplius imperium tuum, &c. Ibi cernitur quam omnium difficilimum sit, Legem à Gratia discernere, quam plane divinum & cœleste donum sit, posse hic in spem præter spem credere, quamq; verissima sit hæc Pauli propositio, Sola fide nos justificari.

*In veris paucis extenuanda lex, & magnificanda promissio.*

*Quas appellat ones tribuat Paulus legi.*

Ex his ergo disce, ut in causa justificationis, contemptissime de lege loquaris, exemplo Apostoli, qui legem vocat, elementa mundi, mortiferas traditiones, virtutem peccati, &c. Nam si permiseris Legem in conscientia dominari, cum tibi res est cum peccato & morte vincendis coram Deo, revera nihil aliud est Lex, quam omnium malorum, hæresum & blasphemiarum sentina. Quia tantum auget peccatum, accusat, terret, minatur mortem, ostendit Deum iratum judicem, qui damnat peccatores. Quare hic, si prudens es, longissime ableges Mosen balbum & blæsum cum sua Lege, neq; ullo modo te moveant terrores & minæ ipsius. Hic simpliciter sit tibi suspectus, ut hæreticus, excommunicatus, damnatus, deterior Papa & Diabolo, ideo prorsus non audiendus.

*Commendatio legi.*

*Lex bona est & mala.*

Cæterum extra locum justificationis debemus cum Paulo reverenter sentire de lege, & eam summis laudibus vehere, appellare sanctam, justam, bonam, spiritualem, divinam, &c. Debemus extra conscientiam facere ex ea Deum, in conscientia vero est vere Diabolus. Quia in minima tentatione non potest erigere & consolari conscientiam, imo plane diversum facit, terret & contristat eam, & à fiducia justiciæ, vitæ & omnis boni rapit. Hinc Paulus infra Legem vocat, infirma & egena elementa. Quare nullo modo sinamus eam dominari in conscientia, præsertim cum tanti constiterit Christo, ut Legis tyrannidem è conscientia auferret.

auferret. Ideo enim factus est pro nobis Maledictum, ut nos à maledicto Legis redimeret. Discat igitur pius, legem & Christum duo contraria esse, prorsus incompatibilia, Præsentem Christo lex nullo modo dominari, sed cedere debet è conscientia, & relinquere cubile (quod angustius est, quàm ut duos possit capere, Esa. 28.) soli Christo. Is solus dominetur in iusticia, securitate, lætitia & vita, ut conscientia læta obdormiat in Christo sine ullo sensu Legis, peccati & mortis.

Et data opera utitur hac figura sermonis (Elementa mundi) qua, ut dixi, vehementer elevat auctoritatem & gloriam Legis, ut nos excitet. Nam attento lectori Pauli, cum audit Apostolum vocare Legem, administrationem mortis, occidentem literam, &c. statim venit in mentem, Cur tam odiosas, & ut apparet rationi, blasphemias appellationes tribuat Legi, quæ divina doctrina est è coelo revelata? Huic sudanti & quærenti rationem harum appellationum, respondet Paulus, Legem utrunq; esse, & sanctam, justam, bonam, &c. & administrationem peccati ac mortis, sed respectu diversorum. Ante Christum est sancta, Post Christum est mors. Ideo ubi Christus venit, nihil simpliciter scire debemus de lege, nisi quatenus imperium habeat in carnem, quam coercet & premit. Ibi conflatur mutuo Lex & caro (cui imperium legis durum est) donec morimur. Paulus inter Apostolos solus legem Dei appellat, elementa mundi, infirma & egena elementa, virtutem peccati, literam occidentem, &c. Alij Apostoli non ita locuti sunt de lege. Quisq; igitur studiosus Christianæ Theologiæ diligenter observet hoc genus sermonis Pauli. Christus appellat eum electum organon, Ideo etiam dedit ei lectissimum os & singularem phrasin præ cæteris Apostolis, ut ipse ceu electum organon fidelissime jaceret fundamenta Articuli de justificatione, cumq; clarissime traderet.

*At ubi venit plenitudo temporis, misit Deus filium suum, factum (vel natum) ex muliere, factum sub lege, ut eos, qui sub lege erant, redimeret.*

Hoc est, postquam tempus Legis fuit impletum, & jam Christus erat revelatus, & liberaverat nos à lege, ac promissio promulgata erat in omnes gentes, &c. Observa diligenter quo modo hic Paulus Christum definiat, Christus, inquit, est filius Dei, ac mulieris, qui propter nos peccatores factus est sub Legem, ut nos, qui sub lege eramus, redimeret. His verbis utrunq; complexus est, & personam & officium Christi. Persona constituta est, ex divina & humana natura. Id clare indicat cum dicit, Misit Deus filium suum, natum ex muliere. Est igitur Christus verus Deus & verus homo. Officium vero ejus his verbis describit, Factus sub legem, ut eos qui sub lege erant, &c.

Et Paulus quasi per contumeliam, ut apparet, virginem, matrem filij Dei, mulierem tantum appellat. Quod ex veteribus etiam Patribus quosdam male habuit, qui voluerunt potius eum usum fuisse hoc loco appellatione virginis, quam mulieris. Sed Paulus agit in hac Epistola de præcipua ac summa causa, nempe de Evangelio, de fide, de iusticia Christiana. Item qualis persona Christus sit, quod ejus sit officium, quid nostra causa susceperit & fecerit, quæ beneficia nobis miseris peccatoribus attulerit. Quare magnitudo tam stupendæ rei in causa fuit, ut rationem virginitatis non haberet. Satis ei erat inæstimabilem & infinitam misericordiam Dei prædicare, quod Deus dignatus sit filium suum nasci ex isto sexu. Hinc non dignitatis sexus, sed simpliciter tantum sexus mentionem fecit. Et per hoc quod sexum nominat, significat, ipsum Christum factum esse verum hominem ex sexu foemineo, q. d. Natus est non ex masculo & foemina, sed tantum ex foemineo sexu. Itaq; cum sexum foemineum tantum nominat, idem est, cum dicit, factum ex muliere, ac si diceret, factum ex virgine. Iohannes Evangelista cum describit Verbum, quod in principio erat, &c. esse factum carnem, ne uno quidem verbo matris meminit.

Porro hic locus testatur quoq; Christum completo tempore Legis eam abrogasse,



*Verum & blas-  
phemia Papista-  
rum & Turca-  
rum.*

*Pictura Christi  
vera.*

*Christi officium.*

*Opinio de Chri-  
sto falsa non fa-  
cile abigitur.*

*Judicium ratio-  
nis de Christo.*

*Sententia Chri-  
stus diserte de-  
finientis in con-  
spectu habenda.  
Consolatio per-  
turbata consci-  
entia contra ter-  
rores legis.*

*Fides victoria  
nostra.  
Circumstantia pio-  
rum.*

abrogasse, & per hoc liberasse oppressos ea, non tulisse novam, post & supra vete-  
rem illam Mosi. Quare Monachi & Sophistæ non minus perniciose erant, & non  
minori contumelia Christum afficiunt, quod imaginantur eum tulisse novam Le-  
gem, ultra Mosi, quam Turcæ, qui jactant suum Mahometen novum & meliorem  
legislatorem post Christum. Non venit abrogaturus veterem Legem, ut novam  
conderet, sed, ut Paulus hic ait, missus est à Patre in mundum, ut eos qui sub lege  
captivi tenebantur, redimeret. Hæc verba Christum vere & proprie depingunt,  
non tribuunt ei officium novæ Legis condendæ, sed redimendi eos, qui sub lege  
erant. Et Christus ipse inquit, Iohan. 8. Non judico quēquam. Et alibi, Non ve-  
ni ut judicem mundum, sed ut mundus per me salvetur, Hoc est, Non veni  
ut Legem feram, & secundum eam homines judicem, ut Moses & alij Legisla-  
tores, sed sublimiore & meliore officio fungor. Lex occidit vos, Ego eam vicif-  
sim judico, condemno & occido, & sic vos à tyrannide ejus libero. Iohan. 1.

Nos adulti, pestifera Papistarum imbuti doctrina, quam imis ossibus ac me-  
dullis imbibimus, de Christo concepimus opinionem prorsus diversam ab ea,  
quam Paulus hic proponit. Ut maxime enim fatebamur ore, Christum nos è ser-  
vitude & tyrannide Legis redemisse, re vera tamen corde sentiebamus, eum esse  
legislatorem, Tyrannum ac judicem, magis formidabilem ipso Mose. Et hanc pe-  
stiferam opinionem nec hodie, in tanta luce veritatis, possumus prorsus ex animo  
ejicere, adeo tenaciter inhærent, quibus à teneris assueti sumus. Vos adolescen-  
tes, testæ adhuc recentes, hac impia persuasionē nondum infecti, minore negotio  
potestis Christum pure discere, quam nos adulti has blasphemias de eo imagina-  
tiones ex animo ejicere. Non tamen ideo penitus effugistis dolos Diaboli. Nam  
etiam si hac impia opinione de Christo legislatore nondum sitis imbuti, habetis  
tamen ipsa materialia, hoc est, carnem, rationem & malitiam naturæ, quæ de  
Christo non potest aliter judicare, quam eum esse legislatorem. Ideo summo co-  
natu vobis decertandum est, ut ita discatis Christum agnoscere & intueri, quem-  
admodum Paulus eum hoc loco depingit. Quod si vero præter hanc malitiam  
naturæ accesserint & impij Doctores, quorum mundus semper plenus est, hi na-  
turæ malitiam adjuvant, ut duplex malum fiat, hoc est, mala institutio auget &  
confirmat perniciosum errorem rationis cæcæ, quæ naturaliter judicat Christum  
legislatorem esse, cumq; errorem tam potenter imprimit animis, ut sine magno  
labore & conatu non possit aboleri.

Valde igitur prodest hanc suavissimam & consolatione plenissimam sen-  
tentiam, & similes, quæ Christum proprie & diserte definiunt, in conspectu habe-  
re, ac eas semper intueri, ut in omni vita, in omnibus periculis, in confessione fidei  
coram Tyrannis, in hora mortis, possumus certa & constanti fiducia dicere, Lex,  
nullum jus in me habes, ideo frustra accusas & condemnas me. Credo enim in Je-  
sum Christum Filium Dei, quem Pater misit in mundum, ut nos miseros peccato-  
res oppressos Legis tyrannide, redimeret. Is suam vitam profudit & prodegit  
largissime pro me. Itaq; sentiens terrores & minas tuas, ô Lex, immergo consci-  
entiam meam in vulnera, sanguinem, mortem, resurrectionem & victoriam Chri-  
sti, præter hunc nihil plane videre & audire volo.

Hæc fides est victoria nostra, qua vincimus terrores Legis, peccati, mortis  
& omnium malorum, non tamen sine magno certamine. Vere pij, qui gravibus  
tentationibus quotidie exercentur, hic sudant. Illis sæpenumero in mentem ve-  
nit, Christum velle expostulare nobiscum, velle rationem exigere à nobis trans-  
actæ vitæ, velle accusare & condemnare nos. Non possunt certo constituere, eum  
missum à Patre, ut nos tyrannide Legis oppressos redimeret. Hoc inde accidit,  
Sancti nondum penitus deposuerunt Carnem, ea autem repugnat spiritui. Ideo  
subinde redeunt terrores Legis, pavor mortis, & alia spectra tristia, quæ fidem im-  
pediunt, ut tanta certitudine beneficium Christi, qui nos è servitudine Legis rede-  
mit, non apprehendat, quanta deberet.

Sed

Sed qua ratione seu modo Christus nos redemit? Iste fuit modus redemptionis, Factus est sub Legem. Christus veniens, invenit nos omnes captivos sub Pædagogis & tutoribus, hoc est, conclusos & custoditos sub lege. Quid fecit? Ipse est Dominus legis, ideo Lex non habet jus in eum, non potest eum accusare, quia est filius Dei. Cum igitur non esset sub lege, sua sponte se legi subjecit. Ibi Lex exercuit in eum omnem Tyrannidem, quam in nos. Accusat autem & terret nos, subjicit nos Peccato, morti, iræ Dei, ac judicio suo condemnat, Et hoc jure facit, quia omnes peccatores & naturaliter filij iræ sumus. Contrà, Christus peccatum non fecit, neq; inventus est dolus in ore ejus, ideo Legi nihil debuit, Et tamen lex in tam innocentem, sanctum, justum & benedictum æque sævit, ac in nos peccatores, maledictos & damnatos, & multo atrocius. Acculavit enim ut blasphemum & seditiosum, fecit eum reum coram Deo omnium peccatorum totius mundi, deniq; sic contristavit & pavescit, ut sudaret sanguinem, postremo sua sententia condemnavit ad mortem, & quidem crucis.

*Modus redemptionis nostræ.*

*Christus legi nihil debebat & tamen eum condemnavit.*

Hoc profecto mirabile duellum est, ubi lex creatura cum Creatore sic congregitur, & præter omne jus, omnem tyrannidem suam in filio Dei exercet, quam in nobis filiis iræ exercuit. Quia ergo Lex tam horribiliter & impie peccavit in Deum suum, vocatur in jus & accusatur. Ibi Christus ait, Domina Lex, imperatrix & regina potentissima ac crudelissima totius generis humani, Quid commisi quod accusasti, perterrefecisti & condemnasti me innocentem? Hic Lex quæ damnaverat & occiderat prius omnes homines, cum non habeat, quo se defendat aut purget, vicissim ita damnatur & occiditur, ut amittat jus suum, non solum in Christo (in quem injuste sævit & occidit) sed etiam in omnibus, qui credunt in eum. His enim dicit Christus, Venite ad me omnes, qui laboratis sub iugo legis. Ego potuissem vincere Legem summo jure, sine meo malo, Sum enim Dominus legis, ideoq; nullum jus in me habet, Sed propter vos, qui eratis sub Legge, assumpta carne vestra, subjeci me legi, hoc est, per superabundantiam demisi me in eundem Carcerem, tyrannidem & servitutem Legis, sub qua captivi serviebatis vos, passus sum Legem dominari mihi, Domino suo, perterrefacere me, subjicere me peccato, morti & iræ Dei, &c. quod non debebat. Ideo duplici jure Legem vici, prostravi, trucidavi. Primum ut filius Dei, Dominus legis. Deinde in persona vestra, quod tantundem est ac si vos ipsi Legem vicissetis, quia mea victoriâ est vestra.

*Mirabile duellum legis cum Christo, &c.*

*Lex imperat toti generi humano.*

*Lex damnata & occisa per Christum.*

*Christus duplici jure legi vicit.*

*Lex potentissima hostis Christi sum condemnavit, &c.*

*Christus sua victoria liberavit nos à terroribus legis, &c.*

*Peccatum legis in Christum irremissibile.*

Ad hunc modum Paulus de illo mirabili duello passim loquitur. Et ut res jucundior & illustrior fiat, Legem pingere solet per prosopopœiam, quasi sit potentissima quædam persona, quæ Christum condemnaverit & occiderit, Quam ipse, superata morte, vicissim vicerit, condemnaverit & occiderit, Eph. 2. Interficiens inimicitiam in semetipso. Et cap. 4. ex Psal. 68. Ascendens in altum captivam duxit captivitatem. Ea prosopopœia usus est etiam ad Rom. Cor. Col. De peccato damnavit peccatum, &c. Hac ergo victoriâ sua fugavit Christus e conscientia nostra Legem, ut amplius non possit nos confundere in cōspectu Dei, in desperationem adigere & damnare. Non desinit quidem ostendere peccatum, accusare & perterrefacere, Sed conscientia apprehendens hoc Apostoli verbum, Christus à lege nos redemit, fide erigitur & consolationem concipit. Deniq; sancta quadam superbia insultat Legi, dicens, Nihil moror terrores & minas tuas, quia crucifixisti filium Dei, & summa injuria crucifixisti. Ideo peccatum quod in eum commisisti, est irremissibile, amisisti jus tuum, & nunc in posterum non solum Christo victa ac strangulata es, sed etiam mihi credenti in eum, cui donavit hanc victoriâ. Sic lex periit nobis in sempiternum, modo in Christo permanamus. Deo igitur Gratia, qui dedit nobis victoriâ per Dominum nostrum Iesum Christum.

Ista quoq; huc pertinent, Quod sola fide justificemur. Quia cum hoc duellum gestum est inter legem & Christum, nulla prorsus opera aut merita nostra

*Fide nos justificari.*

*Lex sua sententia occidit filium Dei.*

intervenerunt, sed solus Christus ibi fuit, qui induta persona nostra, subjecit sese legi, & summa innocentia sustinuit omnem ejus tyrannidem. Ideo Lex tanquam latro & sacrilegus homicida filij Dei, amittit jus, & meretur damnari, ut ubicunq; est, vel saltem nominatur Christus, procul discedere, & fugere hoc nomen, ut Diabolus crucem, cogatur. Quare credentes liberi sumus à lege per Christum, qui de ea triumphavit per semetipsum. Itaq; hic gloriosus triumphus per Christum nobis partus, nullis operibus, sed sola fide, apprehenditur, Ergo sola Fides justificat.

*Christus factus sub legem.*

Hæc itaq; verba, Christus factus est sub Legem, &c. ut valde sunt significantia, ita diligenter expendenda sunt. Indicant enim filium Dei sub lege factum, non tantum unum atq; alterum opus legis fecisse, hoc est, non tantum esse circumcissum, in templum præsentatum, Hierosolymam petiisse cum alijs ad stata tempora, &c. aut tantum civiliter sub ea fuisse, sed omnem legis tyrannidem passum fuisse. Lex enim in summo suo usu invasit Christum, tam horribiliter perterrefecit eum, ut tantum angorem senserit, quantum nullus hominum in terris unquam sensit. Hoc satis testatur sanguineus ejus sudor, confortatio ejus per Angelum, & seria ipsius præcatio in horto, deniq; miserabilis illa vox in cruce, Deus meus, Deus meus, quare dereliquisti me? Sed ista pertulit, ut redimeret eos, qui erant sub lege, hoc est, qui erant tristes, pavidus & desperabundi, quos peccata gravabant, ut certe nos omnes etiamnum gravant. Nam secundum carnem quotidie adhuc contra omnia præcepta Dei peccamus, Sed Paulus bene nos sperare jubet, cum inquit, Deus misit Filium suum, &c.

*Christus omnem legem tyrannidem passum.*

*Christus non venit, ut legem conderet, sed ut eam abrogaret.*

Sic Christus, persona divina & humana, natus ex Deo ab æterno, ex virgine in tempore, non venit ad condendam legem, sed ut terrores ipsius in summo gradu sentiret & vinceret, ac per hoc eam tolleretur. Non factus est Doctor legis, sed discipulus obediens legi, ut hac sua obedientia redimeret eos qui sub lege erant. Hæc prorsus aliena sunt à doctrina Papistarum, qui Christum fecerunt Legislatorem, & quidem Mose severiorem. Paulus hic omnino contrarium docet, scilicet Deum projecisse Filium suum sub Legem, hoc est, coëgisse eum ferre judicium & maledictionem Legis, peccatum, mortem, &c. Moses enim, minister Peccati, iræ & mortis, cepit, ligavit, condemnavit & occidit Christum, hoc ipse pertulit. Habuit ergo Christus se ad Legem passive, non active. Non est igitur Legislator, aut Iudex secundum legem, sed in eo dum se subjecit legi, ferens ejus condemnationem, à maledictione ejus nos liberavit.

*Ministerium Moysi.*

*Docere legem non esse proprium Christi officium.*

Quod autem Christus in Evangelio præcepta tradit & legem docet, seu potius interpretatur, hoc non ad locum de justificatione, sed de bonis operibus pertinet. Deinde etiam non est proprium Christi officium, propter quod præcipue venit in mundum, docere legem, sed accidentale. Cujusmodi erat & hoc, quod sanabat infirmos, excitabat mortuos, benefaciebat indignis, consolabatur afflictos, &c. Ea quidem gloriosa ac divina opera & beneficia sunt, sed non propria Christi. Nam Prophetæ docuerunt etiam Legem, & miracula ediderunt. Christus vero est Deus & homo, qui pugnans cum lege, passus est extremam ipsius sævitiam ac tyrannidem, Et hoc ipso quod fecit & sustinuit legem, vicit eam in semetipso, Ac postea resurgens à morte, legem infestissimum hostem nostrum damnavit & è medio sustulit, ut amplius damnare & occidere credentes non possit. Quare Christi verum ac proprium officium est, luctari cum Lege, peccato & morte totius mundi, & sic luctari, ut ista sustineat, & sustinendo in semetipso vincat & aboleat & hoc modo credentes à lege & omnibus malis liberet. Itaq; particularia beneficia Christi sunt, legem docere & miracula edere, propter quæ præcipue non venit. Nam Prophetæ & præcipue Apostoli majora miracula fecerunt, quam Christus ipse, Iohan. 14.

*Proprium Christi officium.*

*Particularia beneficia Christi.*

*Christus natura Deus.*

Cum autem Christus in propria sua persona legem vicerit, necessario sequitur eum esse natura Deum. Nemo enim, sive sit homo, sive angelus, est supra legem,



legem, præter solum Deum. At Christus est supra legem, quia vicit ac jugulavit eam, Igitur est Filius Dei ac natura Deus. Si hoc modo Christum apprehenderis, ut hic depingitur à Paulo, non errabis neq; pudebis. Deinde in promptu erit, judicare de omnibus vitæ generibus, de religione & cultibus totius mundi. Abblata autem, vel saltem obscurata, hac vera Christi pictura, certo sequitur confusio omnium rerum, Quia animalis homo non potest judicare de lege Dei. Hic deficit ars Philosophorum, Iuristarum & omnium hominum, Lex enim dominatur homini, Ergo judicat hominem, non homo legem. Solus Christianus certum iudicium habet de lege. Quo modo? Quod non justificet. Cur ergo sit, si non justificat? Finalis causa obedientiæ legis in justis, non est justitia coram Deo, quæ sola fide accipitur, sed pax mundi, gratificatio erga Deum, & bonum exemplum, quo alios invitant ad credendum Evangelio, &c. Papa ita confudit Ceremonialia, moralia & fidem, ut prorsus inter ea nihil discreverit, donec tandem prætulerit ceremonialia moralibus, & moralia fidei.

*Vera Christi  
pictura.*

*Animalis ho-  
mo non habet  
certum iudici-  
um de legē.*

*Obedientiæ  
gratia in justis.*

*Ut adoptionem Filiorum reciperemus.*

*Gen. 22.*

Id est, filiationem divinam Paulus copiose explicat & ornat hunc locum, Gen. 22. In semine tuo, &c. Supra appellavit Benedictionem illam Seminis Abraham, iusticiam, vitam, promissionem spiritus, redemptionem à lege, testamentum, &c. Hic filiationem & hæreditatem vitæ æternæ appellat. Ista omnia complectitur vocabulum Benedictionis. Nam sublata per hoc Semen benedictum maledictione, quæ est peccatum, mors, &c. succedit in locum ejus Benedictio, hoc est, Iusticia, vita & omnia bona. Vides itaq; Paulum etiam vbertate & copia valuisse, ubi voluit.

*Idem Similitudo.*

Sed quo merito accepimus istam Benedictionem, hoc est, filiationem & hæreditatem vitæ æternæ? Nullo. Quid enim homines conclusi sub peccatum, obnoxij maledicto legis & rei æternæ mortis, mererentur? Gratis igitur & indigni, non tamen sine merito ista accepimus. Quod est illud meritum? Non nostrum, sed Iesu Christi filij Dei, qui factus sub Legem non pro se, sed pro nobis (ut supra dixit Paulus, Eum factum esse pro nobis maledictum) redemit nos, qui sub lege eramus. Quare istam filiationem accepimus sola redemptione Iesu Christi filij Dei, qui est nostrum abundantissimum & æternum meritum, sive de congruo sive de condigno. Simul autem cum ista gratuita filiatione accepimus quoq; Spiritum sanctum, quem Deus per Verbum misit in corda nostra, clamantem Abba Pater, ut sequitur.

*Meritum, per  
quod accepimus  
filiationem Dei.*

*Meritum non  
nostrum, &c.*

*Quoniam autem estis filij Dei, misit Deus Spiritum Filij sui in corda vestra.*

*Cor. 14.*

Spiritus sanctus dupliciter mittitur. In primitiva Ecclesia manifesta ac visibili specie missus est, Quo modo descendit ad Iordanem super Christum, in specie columbæ, super Apostolos & alios credentes in specie ignis. Ista fuit prima missio Spiritus sancti, necessaria in primitiva Ecclesia, quam manifestis signis fundari oportebat, propter infideles, ut Paulus testatur, 1. Corinth. 14. Linguae (inquit) signi vice sunt, non iis qui credunt, sed incredulis. Postea vero ubi Ecclesia fuit congregata, & istis signis confirmata, non opus erat istam visibilem missionem Spiritus sancti perdurare.

*Spiritus sanctus  
dupliciter mitti-  
tur.*

Altera est, qua Spiritus sanctus per Verbum mittitur in corda credentium, ut hic dicitur, Misit Deus Spiritum filij sui in corda, &c. Illa fit sine visibili specie, quando videlicet per verbum vocale concipimus ardorem & lucem, qua alij & novi efficiuntur, qua novum iudicium, novi sensus & motus in nobis oriuntur. Ista mutatio & novum iudicium non est opus humanæ rationis aut virtutis, sed donum & effectus Spiritus sancti, qui cum verbo prædicato venit, qui fide purificat corda, & spirituales motus in nobis parit. Ideo maxima differentia est inter

*Missio Spiritus  
sancti in corda  
per verbum.*

*Pij certum iudicium habent de omnibus rebus, contra impij, &c.*

est inter nos, & eos, qui vi & dolis Evangelij doctrinam persequuntur. Nos gratia Dei, certo statuere & judicare possumus ex Verbo, de voluntate Dei erga nos, item de omnibus legibus & doctrinis, de vita nostra & aliorum. Contra Papistæ & fanatici spiritus de nulla re certò judicare possunt. Hi enim depravant & pervertunt, Illi vero persequuntur & blasphemant verbum, Sine verbo autem nihil certi de ulla re judicari potest.

*Signa renovationis pijs.*

*Judicium mundi de pio.*

*Testimonium conscientie, &c.*

Licet autem non appareat coram mundo nos renovatos esse mente, & Spiritum sanctum habere, tamen ipsum judicium, locutio & confessio nostra satis arguit, Spiritum sanctum cum suis donis esse in nobis. Nam antea prorsus de re nulla recte judicare posuimus. Non sic locuti & confessi sumus, omnia nostra esse peccata & damnata, solum Christum esse meritum nostrum congrui & condigni, ut nunc, lucente veritatis sole, facimus. Quare nihil nos moveat, quod Mundus, cujus opera testificamur esse mala, judicet nos esse Hæreticos pestilentissimos, & seditiosos homines, eversores religionis & publicæ pacis, obsessos à Diabolo, qui ex nobis loquatur, & omnes actiones nostras gubernet. Contra hoc perversum judicium Mundi, satis sit hoc testimonium conscientie nostræ, quo certo scimus, divinum esse donum, quod non solum credimus in Iesum Christum, sed palam cum etiam prædicamus & confitemur coram mundo. Ut corde credimus, ita ore loquimur, Iuxta illud Psalmi, Credidi, ideo locutus sum, Ego autem humiliatus sum nimis, &c. Psalm. 115.

*Reliquia peccati in sanctis, &c.*

*Judicium perversum mundi de operibus piorum.*

*Mundus superstitionem amplectitur pro pietate.*

*Opera piorum in speciem levitia & exilia.*

Exercemus deinde nos ad pietatem, & vitamus peccata, quantum possumus. Si peccamus, non consulto, sed per ignorantiam peccamus, & dolemus. Labi possumus, quia Diabolus insidiatur nobis dies noctesque, Item reliquiae peccati hærent adhuc in carne nostra. Quantum igitur ad carnem attinet, peccatores sumus, etiam post acceptum Spiritum sanctum. Nec ita magnum est discrimen inter Christianum & hominem civiliter bonum. Nam opera Christiani in speciem vilia sunt, Facit officium juxta vocationem suam, gubernat rempublicam, regit domum, colit agrum, consulit, largitur & servit proximo. Ea opera carnalis homo non magnificat, sed putat esse vulgaria & nihili, quæ laici, imo Gentiles etiam faciant. Mundus enim non percipit ea, quæ spiritus Dei sunt, ideo perverse judicat de operibus piorum. Monstruosam illam hypocritarum superstitionem & eorum electicia opera, non solum admiratur, sed etiam religiose de eis sentit, & ea magnis impensis fovet. Contra piorum opera (in speciem quidem vilia & exilia, tamen vere bona & accepta Deo, cum fiant in fide, lætitia animi, obedientia & gratitudine erga Deum) tantum abest ut agnoscat esse bona, ut etiam vituperet & damnet ea, tanquam summam impietatem & injusticiam. Ideo mundus nihil minus credit, quam nos habere Spiritum sanctum. Tempore tamen tribulationis seu crucis & confessionis fidei (Quod proprium & præcipuum opus est credentium) cum uxor, liberi, res, vita, relinquenda sunt, aut Christus negandus est, palam fit, nos virtute Spiritus sancti confiteri fidem, Christum & verbum ejus.

*Signa presentie Spiritus sancti.*

*Satan regnat in contemptoribus Evangelij.*

Non debemus igitur dubitare Spiritum sanctum habitare in nobis, sed certo statuere & agnoscere nos esse templum, ut Paulus ait, Spiritus sancti. Nam si aliquis sentit amorem erga Verbum, & libenter audit, loquitur, cogitat, dictat & scribit de Christo, is sciat, hoc non esse opus humanæ voluntatis aut rationis, sed donum Spiritus sancti. Impossibile est enim ista sine Spiritu sancto fieri. Contra, ubi odium & contemptus Verbi est, ibi Diabolus, Deus hujus seculi regnat, excarnat & captiva tenet corda hominum, ne illis fulgeat lux Evangelij, gloriæ Christi. Id quod hodie in vulgo videmus, qui nihil afficitur Verbo, sed securissime contemnit, ac si prorsus nihil ad se pertineret. In quibus vero est aliqua flamma & suspirium erga verbum, illi agnoscant cum gratitudine istum affectum per Spiritum sanctum sibi infusum esse. Cum isto enim affectu non nascimur, neque ullis legibus erudiri possumus, ut eum acquiramus. Hæc plane & simpliciter mutatio est dexteræ

dexteræ excelsi. Itaq; cum libenter audimus prædicari de Christo filio Dei, qui propter nos factus est homo, & subjecit sese legi, ut nos redimeret, tum Deus per & cum ista prædicatione certo mittit Spiritum sanctum in corda nostra. Ideo maxime expedit piis scire se Spiritum sanctum habere.

Hæc dico pro confutanda Sophistarum & Monachorum pernicioſa doctrina, quam docuerunt & statuerunt, videlicet, Neminem certo posse scire, etiamſi pro virili ſua bene operetur & inculpate vivat, Vtrum in gratia ſit. Et iſta ſententia vulgatiffima & receptiffima, fuit Principium & articulus quidam fidei in toto Papatu, quo doctrinam fidei prorsus obruerunt, fidem everterunt, conſcientias perturbarunt, Chriſtum ex Eccleſia ſuſtulerunt, omnia beneficia & dona Spiritus ſancti obſcurarunt & abnegarunt, verum cultum Dei abrogarunt, idolatriam, contemptum & blaſphemiam Dei in cordibus hominum erexerunt. Nam qui de voluntate Dei erga ſe dubitat, & non certo ſtatuit ſe eſſe in gratia, iſ non poteſt credere ſe habere remiſſionem peccatorum, ſe Deo curæ eſſe, ſe poſſe ſalvari.

Auguſtinus recte & pie dicit, Vnumquenq; fidem ſuam certiſſime videre, ſi eam habet. Hoc ipſi negant, Abſit, ajunt, ut certo ſtatuiam, quod ſim in Gratia, quod ſim ſanctus, quod habeam Spiritum ſanctum, etiamſi ſanctè vivam & omnia faciam. Hanc impiam opinionem, qua totum regnum Papæ nititur, ut nocentiſſimam peſtem vos juniores fugite & exhorreſcite, quia ea nondum imbuti eſtis. Nos ſenes in ea à puero educati ſumus, eamq; ita imbibimus, ut coaluerit in imis viſceribus cordis noſtri. Ideo non minori labore dediſcimus eam, quam veram fidem diſcimus. Omnino autem nos certo ſtatuerè oportet, quod ſimus in Gratia, quod placeamus Deo propter Chriſtum, quod habeamus Spiritum ſanctum. Qui enim Spiritum Chriſti non habet, hic non eſt ejus. Deinde quicquid dubitans cogitat, loquitur & operatur, peccatum eſt. Quia omne quod non ſit ex fide, peccatum eſt.

Quare ſive ſis Verbi miniſter, ſive gubernes Rempublicam, certo ſtatuerè debes, tuum officiũ placere Deo. Illud autem nunquam ſtatuerè poteris, niſi habeas Spiritum ſanctum. At ais, Non dubito officiũ placere Deo, quia eſt ordinatio divina, Sed de perſona dubito, an illa placeat? Hic conſulenda eſt Theologia, quæ præcipue hoc agit, ut certos nos reddat, quod non ſolum officiũ perſonæ, ſed etiam Perſona ipſa Deo placeat. Quia perſona baptiſata eſt, credit in Chriſtum, ſanguine ejus ab omnibus peccatis mundata eſt, vivit in ſocietate Eccleſiæ, Item, non ſolum amat puram verbi doctrinam, ſed vehementer etiam gaudet eam propagari, & numerum credentium augeri. Contra, odit Papam & fanaticos ſpiritus cum impia ſua doctrina, iuxta illud, Ipiquos odio habui, legem autem tuam dilexi.

Ideo ſtatuerè certo debemus, non ſolum officiũ noſtrum placere Deo, ſed etiam Perſonam noſtram, Quicquid ea etiam privatim dixerit, geſſerit, cogitaverit, placet Deo. Non quidem propter nos, ſed propter Chriſtum, quem credimus pro nobis factum eſſe ſub Legem. Sumus autem certiſſimi Chriſtum placere Deo, eum ſanctum eſſe, &c. Quatenus igitur placet Chriſtus, & in eo hæremus, eatenus & nos Deo placemus ac ſancti ſumus. Et quanquam hæreat peccatum adhuc in carne, & præterea etiam quotidie adhuc labamur, Tamen Gratia uberior & potentior eſt peccato, Miſericordia & veritas Domini regnat ſuper nos in æternũ. Quare Peccatum non poteſt terrere aut dubios nos reddere, de gratia Dei in nobis. Chriſtus enim Gigas potentiffimus, ſuſtulit Legem, peccatum damnavit, Mortem & omnia mala abolevit, Donec ille eſt in dextera Dei, interpellans pro nobis, non poſſumus de gratia Dei erga nos dubitare.

Deinde quoq; miſit Deus Spiritum filij ſui, ut Paulus hic ait, in corda noſtra. Chriſtus autem certiſſimus eſt in Spiritu ſuo, ſe Deo placere, &c. Ideo & nos cum eundem Spiritum Chriſti habeamus, debemus certi eſſe, nos eſſe in gratia, &c. propter eum qui certus eſt. Hoc de teſtimonio interno, quo cor certiſſime

ſtatuerè

*Doctrina Sophistarum, Neminem scire, nisi in gratia sit.*

*Certo statuiam, quod sim in gratia, quod habeam Spiritum sanctum.*

*Quomodo certo statuerè possit non solum officiũ, sed et personam Deo placere.*

*Gratia potentior est peccato.*

*Testimonium internum.*



*terna & entur-  
na nos esse in  
gratia.*

statuere debet, se esse in gratia, se habere Spiritum sanctum. Externa vero signa, ut supra dixi, sunt libenter audire de Christo, docere, gratias agere, laudare, confiteri eum, cum dispendio etiam rerum & vitæ. Deinde secundum vocationem pro virili facere officium in Fide, gaudio, &c. non delectari Peccatis, non irrumperere in alienam vocationem, sed propriæ servire, adjuvare fratrem egentem, consolari tristes, &c. Istis signis certi reddimur & confirmamur à posteriori, nos esse in gratia. Imaginantur & impij se ista signa habere, sed nihil minus habent.

*Desideria Papa*

*Infirmas fidei  
in piis.*

Ex his latis constat, Papam sua doctrina tantum perturbare & ad extremum in desperationem adigere conscientias. Quia non solum docet, sed etiam præcipit eas ambigere, &c. Ideo in ore eius, ut Psalmus ait, nihil est certi. Et alibi, *Psalm. 9.* Sub lingua ejus est labor & dolor, Videmus autem hic, quanta sit adhuc infirmitas Fidei in piis. Nam si certo possemus statuere, nos esse in Gratia, nobis Peccata esse remissa, nos habere Spiritum Christi, nos esse filios Dei, tum profecto lati ac Deo grati essemus pro hoc inenarrabili dono. Quia vero sentimus contrarios motus, Timorem, dubitationem, tristitiam, &c. Ideo non audemus hoc certo statuere. Imo conscientia judicat magnam præsumptionem ac superbiam esse, hanc gloriam sibi arrogare. Ideo res ista tum demum recte intelligitur, cum ad usum transfertur. Sine experientia enim nunquam discitur.

*Certitudo fidei.*

Quare unusquisque assuefaciat se, quod certo statuatur, se esse in gratia, & personam suam placere cum operibus. Si autem sentit se dubitare, exerceat Fidem & luctetur contra dubitationem, ac nitatur ad certitudinem, ut dicere possit, Scio me acceptum esse, Spiritum sanctum habere, Non propter meam dignitatem aut meritum, sed propter Christum, qui propter nos subjecit se Legi, & tulit peccata mundi. In hunc ego credo, Si ego peccator sum & erro, Ipse justus est, errare non potest. Deinde libenter audio, lego, canto, scribo de eo, nihil magis cupio quam Evangelium ipsius innotescere mundo, & multos converti.

*Testimonia præ-  
sentia Spiritus  
sancti.*

Hæc certo testantur Spiritum sanctum adesse. Talia enim non sunt humanis viribus in corde, nec ullis exercitiis aut laboribus acquiruntur, sed per Christum contingunt, qui primū notitia sui justificat nos, Deinde creat cor mundum, parat novos motus, donat certitudinem illam, qua statuimus nos placere Patri propter ipsum, Donat item certum judicium, quo probamus ea, quæ prius ignorabamus aut prorsus contemnebamus. Debemus igitur quotidie magis magisque luctari ab incertitudine ad certitudinem, & operam dare, ut istam pestilentissimam opinionem (Quod homo dubitare debeat de gratia Dei) quæ totum mundum devoravit, funditus extirpemus. Nam si dubitamus nos esse in Gratia, nos placere Deo propter Christum, negamus Christum nos redemisse, negamus simpliciter omnia ejus beneficia. Vos juniores facile puram doctrinam Evangelij capere & illam pestiferam opinionem vitare potestis, Quia ea nondum estis infecti.

*Dubitant se  
Deo placere  
negari Christum*

*Clamantem, Abba Pater.*

POTUISSET Paulus dicere, Misit Deus Spiritum filij sui in corda nostra, invocantem Abba Pater, Sed consulto dicit clamantem, ut indicaret tentationem Christiani, qui adhuc infirmus est, & infirmiter credit. Rom. 8. vocat hunc *Rom. 8.* clamorem Gemitum inenarrabilem, Similiter & Spiritus adjuvat infirmitates nostras, inquit, nam quid oremus, ut oportet, nescimus, Sed ipse Spiritus intercedit pro nobis gemitibus inenarrabilibus, &c.

*Clamor Spiritus.*

Est autem gravissima consolatio, quod Paulus hic dicit, Spiritum Christi missum à Deo in corda nostra, clamare, Abba Pater, &c. Item Rom. 8. adjuvat infirmitates nostras, & intercedere pro nobis gemitibus inenarrabilibus, Qui hoc certo crederet, ille in nulla afflictione, quantumvis magna, deficeret. Sed multa hanc fidem impediunt. Primum, quod cor nostrum natum est in peccatis. Deinde, quod hoc malum nobis naturaliter ingenitum est, quod de divino favore erga nos dubitamus, non possumus certo statuere, nos placere Deo, &c. Præter

*hæc*

hæc obambulat adversarius noster Diabolus, edens terribiles rugitus, & dicit, Tu es peccator, ideo Deus irascitur tibi, & damnabit te in æternum. Contra hos maximos & intolerabiles clamores nihil plane habemus, quo nos erigamus & sustentemus, nisi nudum verbum, quod proponit nobis Christum victorem Peccati, mortis & omnium malorum. Sed huic adhærere firmiter in isto certamine & pavoribus conscientie, hoc opus hic labor est. Nulli sensui tunc ostenditur Christus, Non enim videmus eum, non sentit cor in tentatione ejus præsentiam & auxilium, Imo tunc apparet Christus irasci nobis & deferere nos. Deinde sentit homo in tentatione vim Peccati, infirmitatem carnis, dubitationem, sentit ignita tela Diaboli, terrores mortis, sentit iram & judicium Dei. Ista omnia fortissimos ac horribiles clamores edunt contra nos, ut nihil prorsus videatur reliquum, quam desperatio ac mors æterna.

*Impedimur a se  
dei.*

*Clamor Diaboli.*

At in mediis istis terroribus legis, tonitruis peccati, concussionibus mortis & rugitibus Diaboli, incipit clamare (ait Paulus) Spiritus sanctus in corde nostro, Abba Pater. Et clamor ipsius longissime superat & perumpit clamores fortissimos ac horribiles Legis, peccati, mortis, diaboli, &c. penetrat nubes & cœlum, ac pertingit usque ad aures Dei, &c. Significat ergo Paulus his verbis, infirmitatem adhuc in piis esse. Idem docet Rom. 8. cum ait, Spiritus adjuvat infirmitates nostras. Cum igitur sensus contrariorum fortis sit apud nos, hoc est, cum plus sentiamus Deum irasci quam favere nobis, &c. Ideo mittitur Spiritus sanctus in corda nostra, qui non suspirat, non invocatur, sed fortissime clamat, Abba Pater, & intercedit pro nobis secundum voluntatem Dei, gemitibus inenarrabilibus. Quo modo?

*Spiritus sancti  
clamar in corde  
nostro.*

*Cur Spiritus  
sanctus mittatur  
in corda nostra.*

In seriis pavoribus & certaminibus conscientie, apprehendimus quidem Christum, & credimus eum salvatorem nostrum. Sed lex tum maxime terret & peccatum conturbat nos, Impugnat denique Diabolus nos omnibus machinis ac ignitis telis suis, & conatur totis viribus eripere nobis Christum, & omnes consolationes excutere. Ibi parum abest, ne succumbamus & desperemus. Sumus enim tum arundo illa contrita, & linum fumigans. Interim tamen Spiritus sanctus adjuvat infirmitates nostras, & interpellat pro nobis gemitu inenarrabili, datq; testimonium spiritui nostro, quod simus filii Dei. Hoc modo in terroribus erigitur mens, suspirat ad Salvatorem ac Pontificem suum Iesum Christum, vincit infirmitatem carnis, atque iterum consolationem concipit, & dicit, Abba Pater. Istum ergo gemitum, quem nos vix sentimus, vocat Paulus clamorem & gemitum inenarrabilem, qui replet cœlum & terram. Deinde etiam clamorem & gemitum Spiritus vocat, quia nobis infirmis & tentatis excitat Spiritus hunc clamorem in corde nostro.

*Spiritus interpellat  
pro nobis  
& adjuvat infirmitates  
nostras.*

*Paulus vocat  
gemitum cordis  
nostri clamorem.*

Vt maxime igitur Lex, peccatum, diabolus, magnos & terribiles edant contra hos clamores, qui videntur totum cœlum & terram replere, ac longissime vincere gemitum cordis nostri, tamen non possunt nocere nobis. Nam quo plus hi hostes nostri instant, accusant & cruciant nos suis clamoribus, hoc magis ingemiscientes apprehendimus Christum, corde & ore invocamus eum, hæremus in eo, & credimus eum pro nobis factum sub Legem, ut nos à maledicto legis redimeret, utque peccatum & mortem destrueret. Atq; sic apprehenso Christo fide, clamamus per eum, Abba Pater, Isq; clamor noster longe superat clamorem diaboli, &c.

*Videat tentationem.*

Verum usque adeo non putamus istum gemitum, quem edimus in his terroribus, in hac imbecillitate nostra, esse clamorem, ut ægre deprehendamus esse gemitum. Fides enim nostra, quæ sic in tentatione suspirat ad Christum, infirmissima est, quantum ad sensum nostrum attinet. Ideo hunc clamorem non audimus. Verbum solum habemus, quo apprehenso in illa lucta, respiramus paululum ac ingemiscimus, Hunc nostrum gemitum aliquo modo sentimus, clamorem vero non audimus. Ille vero, inquit Paulus, qui scrutatur corda, intelligit quid spiritus desideret, &c. Huic cordium scrutatori iste exilis, ut nobis apparet, gemitus est fortissimus clamor & inenarrabilis gemitus, in cujus comparatione maximi & horribiles rugitus legis, peccati, mortis, diaboli, inferni, prorsus nihil sunt, nec audiri possunt. Non

*Clamorem cordis  
non audimus, gemitum  
vix sentimus.*

frustra ergo Paulus hunc gemitum pii cordis afflicti vocat clamorem, & gemitum inenarrabilem spiritus. Replet enim totum cœlum, ac tam fortiter clamat, ut Angeli putent se nihil ulquam audire præter istum clamorem.

*Quomodo afflicti sumus in rebus pavoribus.*

Contra, apud nos est omnino contrarius sensus, Non videtur iste exiguus noster gemitus ita penetrare nubes, quod solus audiat in cœlo, à Deo & Angelis, imo putamus, præsertim durante tentatione, Diabolum horribiliter contra nos rugire, cœlum mugire, terram tremere, omnia collapsura esse, omnes creaturas minari malum, infernum aperiri, ac velle nos deglutire. Hic sensus est in corde nostro, has horribiles voces, hanc terrificam faciem nos audimus & videmus, Atque hoc est, quod Paulus 2. Corinth. 12. dicit, Potentiam Christi in infirmitate nostra perfici. Est enim Christus tum vere omnipotens, tum vere regnat ac triumphat in nobis, quando nos tam infirmi sumus, ut vix gemitum edere possimus. Verum Paulus dicit cum gemitum in auribus Dei esse fortissimum clamorem, qui totum cœlum ac terram repleat.

*Gemitus cordis clamor est.*

*Arma pavorum.*

Vocat & Christus Lucæ 18. in parabola de iniquo Iudice, istum gemitum cordis pii, clamorem, & talem clamorem, qui indefinenter die ac nocte clamet ad Deum, cum inquit, Audite quid iudex iniquus dicat. Num igitur Deus non faceret vindictam electorum suorum, clamantium ad se die ac nocte, & patientiam haberet super illis? Dico vobis, cito faciet vindictam illorum. Nos hodie in tanta persecutione & contradictione Papæ, tyrannorum ac fanaticorum spirituum, qui impugnant nos à dextris & sinistris, nihil possumus, quàm edere tales gemitus, ac isti fuerunt bombardæ ac instrumenta nostra bellica, quibus dissipavimus tot annis consilia adversariorum, quibus demoliri coepimus Antichristi regnum, Illi etiam provocabunt Christum accelerare diem adventus sui gloriosi, quo abolebit omnem principatum, potestatem ac virtutem, ponetque omnes inimicos sub pedes suos, Amen.

*Clamor Moysi ad mare rubrum etc.*

*Officium Spiritus sancti.*

Item Exod. 14. loquitur Dominus Moysi ad mare rubrum, dicens, Quid clamas ad me? Certe Moyses non clamabat, sed tremebat ac pene desperabat. Erat enim in summis angustiis. Incredulitas videbatur regnare in eo, non fides. Videbat enim populum Israël ita montibus, exercitu Ægyptiorum ac mari conclusum, ut nusquam posset aufugere. Hic Moyses ne mutire quidem audebat, quomodo igitur clamavit? Quare non debemus iudicare secundum sentum cordis nostri, sed secundum verbum Dei, quod docet Spiritum sanctum ideo donari afflictis, conterritis, desperabundis, &c. ut eos erigat ac consoletur, ne in tentationibus & omnibus malis succumbant, sed ea vincant, non tamen sine maximis pavoribus & laboribus.

*In quibus Spiritus sanctus officium suum faciat, & quo tempore.*

*Tentatio Moysi ad mare rubrum.*

Papistæ somniarunt Sanctos ita habuisse Spiritum sanctum, ut nunquam senserint aut habuerint tentationem. Hi speculative tantum, ut & hodie fanatici homines de Spiritu sancto loquuntur. Sed Paulus dicit virtutem Christi in nostra infirmitate perfici, Item Spiritum sanctum adjuvare infirmitatem nostram, & interpellare pro nobis gemitu inenarrabili, &c. Ergo tum maxime habemus opus Spiritus sancti auxilio & consolatione, tumque maxime adest nobis, cum maxime sumus impotentes ac desperationi proximi. Si quis forti ac læto animo mala perfert, in eo jam fecit officium suum Spiritus sanctus, In his autem propriè exercet opus suum, qui vehementer conterriti sunt & appropinquaverunt, ut Psal. ait, usque ad portas mortis. Ut de Mose jam dixi, qui videbat præsentissimam mortem in aquis, & quoquò vertebat vultum. Fuit igitur in summa angustia & desperatione, proculq; dubio sensit in corde fortissimum clamorem Diaboli contra se dicentis, Iste totus populus hodie peribit, nusquam enim potest elabi. Hujus maximi mali tu solus eris autor, quia eduxisti eum ex Ægypto. Adhæc accessit clamor populi, qui dixit, An non erant sepulcra in Ægypto? Tu ideo eduxisti nos, ut hic moreremur in deserto. An non melius fuisset servire Ægyptiis, quàm hic misere non mori in deserto? Ibi Spiritus sanctus non fuit speculative in Mose, sed



sed revera, qui pro ipso interpellavit gemitu inenarrabili, ut suspiraret ad Deum, & diceret, Domine tuo jussu eduxi populum, fer igitur opem. Hunc gemitum vocat scriptura clamorem.

Ista copiosius tractavi, ut clare ostenderem, quod sit officium Spiritus sancti, & quando hoc præcipue exercent. Debemus igitur in tentatione nullo modo judicare de illa re ex sensu nostro, seu ex clamore Legis, peccati, diaboli, &c. Si hic sensum nostrum sequi & istis clamoribus credere volumus, judicabimus nos destitutos omni auxilio Spiritus sancti, ac plane projectos à facie Dei. Quin potius meminerimus tunc, quod Paulus dicat, Spiritum adjuvare nostras infirmitates, &c. Item, clamare Abba Pater, hoc est, edere infirmissimum quendam *gemitum ac* gemitum cordis, ut nobis apparet, qui tamen sit coram Deo maximus clamor & inenarrabilis gemitus. Quare in omni tentatione ac infirmitate tua, habere saltem in Christo ac gemitis dat Spiritum sanctum, qui clamat, Abba Pater. Isque exiguus gemitus in auribus Dei fortissimus est clamor, & ita cælum & terram replet, ut præter eum Deus nihil audiat, præterea compescit omnes omnium aliarum rerum clamores.

*Gemitus cordis  
sunt coram Deo  
ingentes clamo-  
res.*

Observabis etiam quod Paulus dicit, Spiritum non multis verbis aut longa oratione intercedere pro nobis in tentatione, sed tantum gemitu, inenarrabili tamen, nec voce fortiter testari clamorem cum lacrymis & dicere, Miserere mei Deus, &c. sed tantum ipsam clamoris ac gemitus vocem edere, quæ est, Ah Pater. *Ab Pater.* quæ quidem brevissima vox est, sed omnia complectitur. Non os, sed affectus ibi loquitur ad hunc modum, Etiam si angustia sint mihi undique, & videar desertus ac prorsus à facie tua projectus, sum tamen filius, tu Pater, propter Christum, sum dilectus propter dilectum. Quare vocula, Pater, formaliter dicta in corde, est eloquentia, quam Demosthenes, Cicero, & quique eloquentissimi, qui unquam fuerunt in mundo, non possunt exprimere. Res ita non verbis, sed gemitibus exprimitur, qui omnibus verbis omnium Rhetorum non exprimuntur. Sunt enim inenarrabiles.

Multis indicavi Christianum hominem oportere certissime statuere, se esse in gratia Dei, & habere clamorem Spiritus sancti in corde suo. Hoc ideo feci, ut omnino discamus repudiare pestilentissimam opinionem totius regni Papæ, quod docuit, Hominem incertum debere esse de gratia Dei erga se. Hac opinione stante, Christus plane nihil prodest. Nam qui de gratia Dei erga se dubitat, illum necesse est etiam dubitare de promissionibus divinis, & per consequens de voluntate Dei, de Christi beneficiis, quod pro nobis natus, passus, mortuus est, resurrexit, &c. Nulla autem major blasphemia in Deum est, quam negare ejus promissa, negare Deum ipsum, Christum, &c. Ideo extrema fuit, non solum dementia, sed etiam impietas, quod Monachi tanto studio allexerunt juventutem utriusque sexus in monasteria ad religiones & ordines sanctos, ut vocaverunt, tanquam ad certissimum statum salutis, Et tamen postea sic affectos jusserunt dubitare de gratia Dei. Deinde Papa totum genus humanum vocavit ad obedientiam sanctæ Romanæ Ecclesiæ, tanquam ad sanctum statum, in quo certo consequi possent salutem, postea tamen obedientes suis legibus jussit dubitare. Sic regnum Antichristi, primum jactat & inflat sanctitatem Legum, ordinum, regularum, &c. ac certo promittit vitam æternam observantibus illa. Deinde ubi diu afflixaerunt miserrimi homines corpora, juxta præscriptum humanarum traditionum, vigiliis, inedia, &c. hoc lucri inde reportant, quod nesciunt, an ista eorum obedientia placeat Deo, nec ne. Sic Satan horribiliter lusit in mortibus animarum per Papam. Ideoque Papatus est verissima carnificina conscientiarum & ipsissimum Diaboli regnum.

*Papa docuit du-  
bitandum de  
gratia Dei.*

*Regnum Papæ.*

*Papatus carni-  
ficina conscien-  
tiarum.*

Vbi autem sunt, pro hoc suo pestilenti errore statuendo & confirmando, dicto Salomonis Eccl. 9. Sunt justi & sapientes, & eorum opera in manu Dei, Et tamen nescit homo, utrum amore an odio dignus sit. Hoc dictum alii de futuro, alii de præsentis odio Dei accipiunt, Sed utrique non intelligunt Salomonem, qui nihil

*Eccl. 9.*

*Scriptura hoc  
præcipue agit,  
ut nos certos  
faciat de miseri-  
cordia Dei erga  
nos.*

*Unica sententia  
Eccles. non inest  
lecta, plus valen-  
ti apud Pap.  
quam omnes  
promissiones  
scripturæ.*

*Incertitudo in  
Papatu, &c.*

*Vade sciamus  
nos esse in gra-  
tia, & Spiritum  
sanctum ha-  
bere.*

*Theologia quæ  
proficimur, cer-  
ta est.*

*Germana sen-  
tentia loci Ec-  
cles. 9. Nescit  
homo, &c.  
Quam gratiam  
referat mundus  
bono meriti de  
se.*

minus dicit hoc loco, quam quod ipsi somniant. Deinde tota scriptura hoc præci-  
pue agit, ne dubitemus, sed certo speremus confidamus & credamus, Deum esse mi-  
sericordem, benignum, patientem, Non mentientem & fallentem, sed fidelem &  
veracem, qui servet promissa, Imo qui nunc præstiterit quod promisit, tradendo  
unigenitum Filium suum in mortem, propter peccata nostra, ut omnis qui credit  
in eum, non pereat, sed habeat vitam æternam. Ibi certe nullum potest esse dubi-  
um, quin Deus sit placatus, & ex animo nobis faveat, quin ablatum sit odium ac ira  
Dei, cum sinat pro nobis peccatoribus mori Filium suum. Quanquam totum Ev-  
angelium hoc ubique proponat & crebro inculcet, nihil tamen profuit. Hoc uni-  
cum dictum Salomonis, male intellectum, plus valuit, præsertim apud devotarios  
& severioris religionis Monachos istos, quam omnes promissiones & consolatio-  
nes totius scripturæ, quam Christus ipse. Abusi ergo sunt scripturis ad suam ipso-  
rum perniciem, & dederunt iustissimas poenas contemptæ scripturæ, & neglecti  
Evangelii.

Ista expedit nos scire, Primum, Quia Papistæ hodie ornant se, quasi nihil ma-  
li unquam commiserint, Ideo convincendi sunt suis propriis abominationibus,  
quas innumerabiles sparserunt in mundum. Id quod testantur ipsorum libri, quo-  
rum infiniti de hac re adhuc extant. Deinde ut certi reddamur, nos habere puram  
ac veram Evangelii doctrinam. De qua certitudine impossibile est Papatum posse  
gloriarı. In quo si etiam omnia salva essent, tamen istud monstrum incertitudinis  
superat omnia monstra. Et quanquam palam est, inimicos Christi incerta docere,  
quia jubent dubitare conscientias, tamen adeo Satanica rabie pleni sunt, ut nos, qui  
ab ipsis dissentimus & certa docemus, condemnent & occidant securissime tan-  
quam hæreticos, velut certissimi de sua doctrina.

Agamus igitur Deo gratias, quod liberati sumus ab hoc monstro incertitudi-  
nis, ac jam certo statuere possumus Spiritum sanctum clamare, & inenarrabilem ge-  
mitum edere in cordibus nostris. Hocque fundamentum est nostrum, Evangelium  
jubet intueri nos, non benefacta & perfectionem nostram, sed ipsum Deum pro-  
mittentem, ipsum Christum mediatorem. Contra Papa jubet respicere, non Deum  
promittentem, non Christum Pontificem, sed nostra opera & merita. Ibi necessario  
sequitur dubitatio & desperatio, Illic vero certitudo & gaudium Spiritus. Quia in  
Deo hæreo, qui mentiri non potest. Dicit enim, Ecce trado Filium meum in mor-  
tem, ut te sanguine suo redimat à peccatis & morte. Ibi non possum dubitare, nisi  
velim prorsus Deum negare. Atq; hæc est ratio, cur nostra Theologia certa sit, Quia  
rapit nos è conspectu nostro, & ponit nos extra nos, ut non nitamur viribus, consci-  
entia, sensu, persona, operibus nostris, sed eo nitamur, quod est extra nos, hoc est,  
promissione & veritate Dei, quæ fallere non potest. Hoc Papa nescit, ideo impie  
nugatur cum suis furiis, Neminem scire, ne justos quidem & sapientes, utrum digni  
sint amore, &c. Imo si justı & sapientes sunt, certo sciunt se diligı à Deo, vel justı &  
sapientes non sunt.

Porro hoc dictum Salomonis prorsus nihil loquitur de odio vel favore Dei  
erga homines, sed politica est sententia, taxans ingratitudinem hominum. Tanta  
enim est perversitas & ingratitudo mundi, ut bene meritis de se sæpe referat ma-  
lam gratiam, & quandoque etiam indignissime eos tractet. Contrà, improbos eve-  
hit & honore afficit. Sic David vir sanctus & optimus rex, ejectus est è regno,  
Prophetæ, Christus, Apostoli occisi sunt. Denique omnium gentium historię te-  
stantur multos viros optime meritos de patria, ejectos esse à propriis civibus in exi-  
lium, & illic misere vixisse, quosdam etiam turpiter periisse in carcere. Quare Salo-  
mon hic non loquitur de conscientia agente cum Deo, seu de favore & judicio Dei,  
sed de judiciis & voluntatibus hominum inter se, q. d. Multi justı & sapientes  
sunt, per quos Deus multum boni operatur, & præstat pacem hominibus, Sed tan-  
tum abest, ut hoc agnoscant homines, ut sæpe talibus pessimam gratiam pro optimis  
suis benefactis referant. Itaq; ut maxime aliquis omnia bene fecerit, tamen nescit,  
utrum

utrum hac sua diligentia & fide mereatur odium aut favorem apud homines.

Sic nos hodie cum putabamus inventuros nos favorem apud Germanos nostros, quod illis prædicamus Evangelium pacis, vitæ & salutis æternæ, invenimus pro favore acerbissimum odium. Multis primum arridebat doctrina nostra, & avide suscipiebant eam, Hos putabamus fore amicos & fratres, qui nobiscum unanimi consensu plantaturi & propagaturi essent ad alios doctrinam hanc. Sed nunc experimur eos esse pseudofratres & infensissimos hostes nostros, qui errores serunt, & hoc, quod nos recte & pie docemus, depravant & evertunt, ac pessima scandala in Ecclesiis excitant. Quicumque igitur pie & fideliter facit officium suum, in quocunque tandem vitæ sit genere, & accipit pro beneficiis suis ingratitude & odium hominum, is propter hoc se non ad mortem usque excruciet, sed dicat cum Christo, Odio habuerunt me gratis. Item, pro eo ut me diligerent, detrahebant mihi, Ego autem orabam.

Papa igitur hoc impio dogmate, quo jussit homines dubitare de favore Dei erga se, sustulit Deum & omnes promissiones de Ecclesia, obruit beneficia Christi & totum Evangelium abolevit. Ista incommoda necessario sequuntur, quia homines non promittenti Deo, sed suis operibus & meritis nituntur. Hoc ubi fit, impossibile est hominem certum esse de voluntate Dei, imo necesse est eum semper ambigere de ea, ac tandem desperare. Nusquam cerni potest, quid Deus velit, quid ei placeat, nisi in verbo ipsius. Hoc certos nos reddit, Deum abjecisse omnem iram ac odium erga nos, cum tradidit Filium suum unigenitum pro peccatis nostris, &c. Reddunt item nos certos Sacramenta, potestas clavium, &c. quæ nisi diligeret nos Deus, non tradidisset nobis. Talibus infinitis testimoniis de favore suo erga nos obruit nos Deus. Quare, explosa hac peste incertitudinis, qua tota Ecclesia Papæ infecta est, certo statuamus, Deum nobis propitium, nos illi placere & curæ esse propter Christum, nos habere Spiritum sanctum, qui interpellat pro nobis clamore & gemitu inenarrabili.

Est autem iste clamor & gemitus formaliter, ut Deum in tentatione appelles non Tyrannum, non iratum judicem aut tortorem, sed Patrem. Quanquam is gemitus tam exiguus & occultus sit, ut vix sentiri possit. Nam in veris pavoribus conscientia cum judicio Dei luctans, vocare solet Deum, non Patrem, sed iniquum, iratum & crudelem Tyrannum ac judicem, atque is clamor, quem inserit cordi Satan, longe superat clamorem Spiritus, & fortissime sentitur. Apparet enim tum, quod Deus deseruerit nos, ac velit nos detrudere ad inferos. Sic sæpe in Psalmis Sancti queruntur, Projectus sum à facie Dei. Item factus sum sicut vas perditum, &c. Is certe non est gemitus, qui dicit, Pater, sed rugitus odii Dei, qui fortiter clamat, sæve Iudex, crudelis tortor, &c. Hic tempus est, ut aversis oculis à Lege, operibus, sensu conscientiae tuæ, apprehendas fide promissionem, hoc est, verbum gratiæ & vitæ, quod conscientiam iterum erigit, ut incipiat gemere & dicere, Vt maxime accuset me Lex, perterrefaciat peccatum & mors, tamen tu Deus promittis gratiam, justiciam & vitam æternam per Christum. Sicque promissio gemitum affert, qui clamat, Abba Pater. Non displicet, quod quidam exponunt alteram vocem esse Græcam, alteram Ebraicam, Et Paulum consulto utrisque; uti voluisse propter duplicem Ecclesiam ex Gentibus & Iudæis congregatam. Quodque Gentes & Iudæi diversa quidem lingua Deum appellent Patrem, tamen unus & idem sit gemitus utrorumque, cum utrique clament, Abba Pater.

*Itaque jam non est servus, sed filius.*

EST Epiphonema & conclusio. q. d. Hoc stante, quod per Evangelium accepimus Spiritum, per quem clamamus, Abba pater, Tum certò definitum est in cælo, quod non sit amplius servitus, sed mera libertas, adoptio & filiatio, Quis parit eam? Iste gemitus. Quomodo? Pater offert mihi sua promissione gratiam & paternitatem, Reliquum est ut ego eam accipiam. Hoc fit, cum isto gemitu clamo &

assentior

*Querela de P.  
suis fratribus*

*Quomodo vin-  
cenda sit ingra-  
tudo.*

*Voluntas Dei in  
verbo cernitur.*

*Qualem clamo-  
rem edant iri-  
sæ & pavidæ.*

*Abba Pater.*

*Quomodo con-  
tingat nobis fi-  
liatio.*



assentior corde filiali isti voci, Pater. Ibi tum conveniunt Pater & Filius, & contrahuntur sponsalia sine omni apparatu & pompa. Hoc est, Nihil prorsus intercedit, nulla lex, nullum opus hic exigitur (Quid enim faceret homo in istis pavoribus & horribilibus tenebris tentationum?) tantum est hic Pater promittens, & vocans me filium per Christum, factum sub legem, &c. & ego accipiens & respondens per istum gemitum, dicens, Pater. Nulla est ergo hic exactio, sed tantum est ille gemitus filii, qui apprehendit fiduciam in tribulatione, & dicit, Tu promittis & vocas me filium propter Christum. Et ego accipio & voco te patrem. Hoc certe est simpliciter sine operibus fieri filios. Ista sine experientia non intelliguntur.

*Quid Paulus  
hic loco servum  
vocat.*

Paulus hic vocabulum Servi aliter accipit, quam supra capite 3. ubi ait, Non est servus neq; liber, &c. Hic appellat servum legis, qui legi subiectus est, ut paulo ante, Sub elementis mundi serviebamus. Quare servum esse hoc loco secundum Paulum, est esse reum & captivum sub lege, sub ira Dei & morte, aspicere Deum, non ut misericordiam Patrem, sed ut tortorem, hostem, tyrannum. Hoc vere est agere in servitute & captivitate Babylonica, & saevissime torqueri in ea. Lex enim non liberat à peccato & morte, sed peccatum revelat & auget ac iram operatur. Illa servitus, inquit, desit, non amplius premit & contristat nos, &c. Paulus in concreto dicit, Non jam erit servus. Sententia autem planior erit, si eam in abstracto, efferamus. hoc modo, Non erit servitus in Christo, sed mera filiatio, Nam veniente fide servitus illa cessat, ut supra cap. 3. quoque ait.

*Lex non admit-  
tenda in conser-  
vantiis, &c.*

Si autem per Christi Spiritum, in cordibus nostris clamantem Abba Pater, filii non amplius servi sumus, tum certo sequitur, nos non solum à portentis Papæ & sacrilegiis traditionum humanarum, sed etiam ab omni imperio & jure legis divinæ liberatos esse. Quare nullo modo debemus permittere legem dominari in conscientia nostra, multo minus Papam cum suis vanis minis & terroribus. Rugit quidem ut leo fortiter (Apoc. 10.) omnes qui legibus suis non obediunt, incursumos indignationem Dei omnipotentis, & beatorum Apostolorum, &c. At Paulus contra hos suos rugitus nos hic munit & consolatur, cum ait, Non est servus, sed liber. Hanc consolationem Fide apprehende, & dic, Lex, tua tyrannis non potest habere locum in throno, ubi Christus Dominus meus sedet, Hic non audio te (Multo minus Antichriste tua monstra audio) Quia liber sum & filius, qui nulli servituti aut legi servili obnoxius esse debet. Non ascendat igitur Moses (multo minus Papa) cum suis legibus in thalamum sponsi, ut ibi cubet, hoc est, ut regnet in conscientia, quam Christus ideo liberavit à Lege, ut prorsus nulli servituti obnoxia sit. Servi cum asino in valle maneant, Isaac solus cum patre Abraham in montem ascendat, Hoc est, dominetur sane Lex in corpus & veterem hominem, is sit sub lege, & patiatur sibi imponi sarcinam, patiatur se exerceri & vexari lege, huic præscribat lex, quid facere, quid perferre, quomodo cum hominibus conversari debeat. Cubile autem, in quo Christus solus quiescere & dormire debet, non contaminet, hoc est, non perturbet conscientiam. Ea enim sola cum Christo sponso suo in regno libertatis & filiationis vivere debet.

*Lex dominum  
habet in car-  
nari, non conser-  
vantiis.*

*Filiatio quid  
affert.*

Si igitur, inquit, per spiritum Christi clamatis, Abba Pater, tunc certe non estis amplius servi, sed liberi & filii, Ergo sine Lege, sine peccato, sine morte estis, hoc est, salvi estis, & nihil plane malorum amplius habetis. Quare filiatio affert secum regnum æternum, & totam hæreditatem coelestem. Quanta autem magnitudo & gloria hujus doni sit, humana mens ne quidem concipere potest in hac vita, multo minus eloqui. Interim in ænigmate cernimus hoc, Habemus istum gemitulum & exiguam fidem, quæ solo auditu & sono vocis promittentis Christi nititur. Ideo quo ad sensum nostrum res ista Centrum, in se autem maxima & infinita Sphæra est. Sic Christianus habet rem in se maximam & infinitam, in suo autem conspectu & sensu minimam & finitissimam. Ideo istam rem metiri debemus non humana ratione & sensu, sed alio circulo, scilicet promissione Dei, Qui, ut infinitus est, ita & promissio ipsius infinita est, ut maxime interim in has angustias, &c.,  
ut ita

ut ita dicam, in verbum centrale inclusa sit. Videmus igitur jam centrum, olim viderimus etiam circumferentiam. Quare nihil nunc reliquum est, quod accusare, perterrefacere & ligare conscientiam queat. Nulla est enim amplius servitus, sed filiatio, quæ non solum libertatem à Lege, peccato, morte, sed etiam hæreditatem æternæ vitæ nobis affert, ut sequitur.

*Quod si filius, & hæres Dei per Christum.*

NAM qui filius est, illum & hæredem esse oportet. Hoc ipso enim quod nascitur, meretur esse hæres. Nullum opus, nullum meritum affert ei hæreditatem, sed sola nativitas. Atque ita mere passive, non active contingit ei hæreditas, hoc est, ipsum nasci, non gignere, non laborare, non curare, &c. facit eum hæredem. Nihil enim facit ad hoc ut nascatur, sed tantum patitur. Itaque passive non active pervenimus ad ista æterna bona, remissionem peccatorum, justiciam, resurrectionis gloriam & ad vitam æternam. Nihil prorsus hic intercedit, sola fides apprehendit oblatam promissionem. Sicut ergo filius in politica & œconomia tantum nascendo fit hæres, Sic hic sola fides efficit filios Dei, natos ex verbo, quod est uterus divinus, in quo concipimur, gestamur, nascimur, educamur, &c. Hac ergo nativitate, hac passione, qua patimur nos fieri & formari novam creaturam per fidem in verbum, fimus Christiani, filii & hæredes Dei per Christum. Existentes autem hæredes liberi sumus à Morte, diabolo, &c. & habemus justiciam & vitam æternam.

Hoc autem superat omnem captum humanæ mentis, quod dicit, Hæredes, non alicujus opulentissimi & potentissimi regis, non Cæsaris, non mundi, sed Dei omnipotentis, Creatoris omnium. Est ergo ista hæreditas nostra, ut alibi quoque ait Paulus, inenarrabilis. Et si quis certa ac constanti fide statuere & magnitudinem rei comprehendere posset, se filium & hæredem esse Dei, Is, quicquid est potentia & opum omnium regnorum mundi, duceret esse sordes & stercora, in comparatione hæreditatis suæ coelestis. Quicquid sublime & gloriosum habet mundus, nausea ei esset, Et quo major est mundi, pompa & gloria, hoc magis eam haberet exosam, In summa, quod mundus maxime admiratur & magnificat, hoc in oculis ipsius esset fœdum & nihili. Quid enim totus mundus cum sua potentia, opibus & gloria ad Deum, cujus hæres & filius est? Deinde anxie cuperet cum Paulo dissolvi, & esse cum Christo, nihilque gratius ei contingere posset, quam præmatura mors, illam amplecteretur ut latissimam pacem. Sciret enim eam esse finem omnium malorum suorum, & per eam pervenire se ad hæreditatem, &c. Imo homo perfecte hoc credens, non diu superstes maneret, sed statim immodico gaudio absorberetur.

Sed lex membrorum repugnans legi mentis, non finit fidem esse perfectam. Habemus igitur opus auxilio & consolatione Spiritus sancti, qui in angustiis interpellat pro nobis gemitu inenarrabili, ut supra dictum est. In carne adhuc hæret peccatum, quod subinde perturbat conscientiam, atque ita impedit fidem, quo minus perfecte possimus cum gaudio intueri & desiderare opes illas æternas, à Deo nobis donatas per Christum. Hoc certamen carnis contra Spiritum sentiens ipse Paulus, exclamat, Infelix ego homo, qui liberabit me ex corpore mortis hujus? Accusat corpus suum, quod tamen diligere debebat, certe pessimo nomine, appellans mortem suam, q. d. Corpus meum plus me affligit & molestat, quam mors ipsa. Interturbabat enim & ipsi hoc gaudium Spiritus, non semper suaves & jucundas habebat cogitationes de hæreditate futura coelesti, sed subinde etiam sentiebat tristitiam Spiritus, pavores, &c.

Ex his satis liquet, quam ardua res sit fides, quæ non facile & cito discitur & apprehenditur, ut saturi & fastidiosi spiritus somniant, qui semel omnia exhauriunt, quæ continentur in scripturis. Satis testatur infirmitas & lucta carnis cum Spiritu in Sanctis, quam imbecillis adhuc sit fides in ipsis. Perfecta enim fides mox afferret perfectum contemptum & fastidium præsentis vitæ. Si concipere & certo

*Nativitas affert  
sibi hæreditatem.*

*Verbum ut. r. m.  
Dei est.*

*Hæreditas cre-  
dendum.*

*Per opus habent  
conjugationem  
cum spiritu.*

*Fides res ardua.*

*Fides perfecta.*

*Signa testantia  
fidem nostram  
imbecillam esse.*

*Hic primitias  
tantum spiritus  
habemus.*

statuere possemus, Deum esse patrem nostrum, ac nos esse filios & hæredes ipsius, profecto vilesceret nobis mundus cum omni sua Gloria, justitia, sapientia, potentia cum omnibus regis coronis, opibus, voluptatibus, &c. Non sic essemus solliciti pro victu, non sic adhæreremus corde corporalibus rebus, ac illis præsentibus consideremus, ablatis abjiceremus animum ac desperaremus. Sed omnia fierent à nobis summa charitate, humilitate, patientia (Ista hæretici quidem jactant, sed revera nihil est crudelius, nihil magis superbum & impatiens illis) Nunc contrarium fit à nobis, caro enim adhuc fortis, fides autem imbecillis & spiritus infirmus est. Ideo recte ait Paulus, nos tantum primitias Spiritus in hac vita habere, illic habituros decimas.

*Per Christum.*

*Paulus perpetuo  
in ore habet  
nomen Christi*

**P**AULUS semper in ore habet Christum, non potest eum oblivisci. Prævidit enim nihil minus notum fore in mundo, etiam apud eos, qui professuri essent se esse Christianos, quam Christum & ejus Evangelium. Ideo perpetuo inculcat & ob oculos eum nobis ponit. Et quoties loquitur de Gratia, justitia, promissione, filiatione & hæreditate, semper addere solet, in, vel per Christum, Oblique per hoc etiam petens Legem, q. d. Ista neque per Legem aut opera ipsius (multo minus per vires nostras aut opera humanarum traditionum) sed per solum Christum, contingunt nobis.

*Sed tunc quidem ignorantes Deum, his qui natura non sunt dii, serviebatis. Nunc autem, cum cognoveritis Deum (Imo cogniti sitis à Deo) Quomodo convertimini iterum ad infirma & egena elementa, quibus denuo servire vultis?*

*Evangelium  
quid afferat.*

**H**ÆC conclusio est disputationis Paulinæ. Deinceps usq; ad finem Epistolæ non multum disputabit, sed præcepta de moribus tradet. Objurgat tamen prius Galatas, indignissime ferens, hanc divinam & cœlestem doctrinam tam subito & facile ex cordibus illorum potuisse excuti, q. d. Vos habetis doctores, qui redigere vos volunt in servitutem Legis. Id quod ego non feci, sed mea doctrina vocavi vos è tenebris & ignorantia Dei, in admirabilem lucem & cognitionem Dei, asserui vos è servitute, & constitui vos in libertatem filiorum Dei, non per hoc, quod prædicavi vobis opera legis & merita hominum, sed gratiam & justiciam Dei ac donationem Cœlestium & æternorum bonorum per Christum. Cum res ita se habeat, quare tam facile relicta luce reditis ad tenebras? quare tam facile finitis vos à Gratia ad Legem, à libertate in servitutem reduci?

*Lapsus in fide  
facilis.*

Hic iterum videmus, ut & supra monui, facillimum esse lapsum in fide, id quod testatur exemplum Galatarum, Idem testatur hodie exemplum Sacramentariorum, Anabaptistarum, &c. Nos assiduo ac diligentissime inculcamus, urgemus & acui-mus prædicando, prælegendo & scribendo doctrinam Fidei, discernimus purissime Evangelium à Lege, & tamen parum efficimus. Culpa est Diaboli, qui mirus est artifex seducendi homines, Nihil minus ferre potest, quam veram Gratia cognitionem & fidem Christi. Ideo ut Christum è conspectu & corde auferat, proponit alia spectra, quibus sensim reducit homines à Fide & cognitione Gratia ad disputationem Legis. Hoc ubi effecit, Christus ablati est. Non igitur frustra Paulus in singulis fere versibus inculcat Christum, non frustra tam pure tradit doctrinam fidei, cui soli justiciam tribuit, & contra Legi eam derogat, ostendens eam plane contrarium habere effectum, scilicet operandi iram, augendi peccatum, &c. Libenter enim persvaderet nobis, ne sineremus Christum nobis eripi ex corde, ne dimitteret sponsa è complexu suo sponsum, sed semper adhæreret illi, quo præsentem nihil est periculi, sed adest gemitus, paternitas, filiatio & hæreditas.

*Diaboli studi-  
um, reducere  
homines à fide  
ad legem.*

*Cur Paulus di-  
cat Gal. reverti  
ad infirma ele-  
menta.*

Sed cur dicit Paulus Galatas reverti ad egena & infirma elementa, id est, ad Legem, cum nunquam habuerint legem, Erant enim Gentiles? (Quanquam & Ju-

dæis



daïs ista scribat, ut postea dicemus) Aut cur non potius sic loquitur, Olim, cum Deum ignorabatis, his qui natura Dii non erant, serviebatis, Nunc vero cognoscen- tes Deum, quare relicto vero Deo, convertimini iterum ad cultum idolorum? Num idem est Paulo, deficere à Promissione ad legem, à fide ad opera, & servire Diis, qui natura dii non sunt? Respondeo. Quicumque Articulo justificationis excidit, ignorans Dei est & idolatra. Ideo perinde est, si postea redeat ad Legem, si- ve ad cultum idolorum, perinde est sive appelletur Monachus, sive Turca, Iudæus, Anabaptista, &c. Sublato enim articulo isto, nihil amplius restat, quam merus Er- ror, hypocrisis, impietas, idolatria, ut maxime in speciem appareat esse summa ve- ritas, cultus Dei, sanctitas, &c.

Johan. I.

Ratio hæc est, Quia Deus non vult, neq; aliter potest cognosci, nisi per Chri- stum, juxta illud Iohan. I. Filius, qui est in sinu Patris, ipse enarravit. Is est Semen Abrahæ promissum, in quod fundavit Deus omnes suas promissiones. Quare solus Christus medium, & ut ita dicam, speculum est, per quod videmus Deum, hoc est, cognoscimus ejus voluntatem. Videmus enim in Christo, Deum non esse iratum exactorem & judicem, sed faventem & clementissimum Patrem. Quia ut benedicere- ret, id est, liberaret nos à Lege, peccato, morte & omnibus malis, & donaret nos Gratia, justitia & vita æterna, non pepercit proprio suo Filio, sed pro nobis omnibus tradidit illum, &c. Hæc certa & vera est cognitio Dei, & divina persuasio, quæ non fallit, sed depingit ipsissimum Deum certa forma, extra quam non est Deus.

Deum cognosci- tur per Chri- stum.

Vera cognitio Dei.

Qui hac noticia excidit, illum necesse est hanc imaginationem concipere, Ego instituam hunc cultum, suscipiam illum ordinem, hoc vel illud opus eligam, atq; ita serviam Deo. Non est dubium autem, quin Deus ista respiciet & acceptabit, ac pro eis reddet mihi vitam æternam. Est enim misericors & benignus, donans omnia bona etiam indignis & ingratis, multo magis donabit mihi pro tot & tantis benefactis & meritis gratiam suam & vitam æternam. Hæc summa est Sapientia, justitia & religio, de qua ratio judicare potest, eamque habent communem omnes gentes, Papistæ, Iudæi, Mahometistæ, hæretici, &c. Alius assurgere non possunt, quam Phariseus ille in Evangelio, Non cognoscunt justiciam Christianam seu fidei. Animalis enim homo non percipit ea, quæ Dei sunt. Item non est intelligens, non est requirens, &c. Ideo nulla penitus differentia est inter Papistam, Iudæum, Turcam, hæreticum, &c. Personæ, loca, ritus, religiones, opera, cultus sunt quidem diversi, sed eadem ratio, idem cor, eadem opinio & cogitatio est omnium. Idem omnino cogitat Turca quod Carthusianus, scilicet si hoc vel illud fecero, habebō Deum pro- pitium, Si non, habebō iratum. Non est medium aliquod inter operationem huma- nam & Christi cognitionem, hac obscurata perinde est, sive sis Monachus, sive ethnicus, &c.

Summa sapien- tia rationis.

Nulla differen- tia est inter Tur- cas, Iudæos, Pa- pistas, &amp;c.

Quare extrema dementia est, quod Papistæ & Turcæ inter se digladiantur de religione & cultu Dei, quod utriq; contendunt, se veram religionem & cultum Dei habere, &c. Nec ipsis Monachis inter se convenit, alius alio vult haberi sancti- or, propter externas quasdam ineptas ceremonias, cum tamen in corde adeo similis sit opinio omnium, ut ovum non tam simile sit ovo. Quia hæc est imaginatio omni- um, Si hoc opus fecero, miserebitur mei Deus, si non, irascetur. Itaq; omnis homo, qui relabitur à cognitione Christi, necessario ruit in Idolatriam, quia necesse est eum de Deo fingere formam, quæ nusquam est. Vt Carthusianus propter observa- tionem Regulæ, Turca propter observationem Alcorani, &c. confidit se placere Deo, & accipere ab eo mercedem laboris sui.

Imaginatio o- mnium justifican- rium similis.

Ejusmodi Deus, qui hoc modo remittit peccata & justificat, nusquam in- venit, Ideo vana cogitatio & somnium est, & confictio idoli in corde. Nusquam enim Deus promissit, quod velit justificare & salvare homines, propter religiones, observationes, cultus, qui ab hominibus sunt excogitati & instituti, Imo nihil magis abominatur Deus, id quod tota scriptura testatur, quam talia electitia opera & cultus, propter quos etiam evertit regna atque imperia. Quotquot igitur si-

Omnes justifican- rii colunt Deū, qui natura De- i non est.

Electitia opera &amp; cultus abo- minantur Deus.

tur si-

*Doctrina veri  
Dei.*

tur fidunt propriis viribus & iusticia, serviunt Deo, qui tantum opinabiliter, non natura Deus est. Nam verus & naturalis Deus sic loquitur, Nulla iusticia, sapientia & religio mihi placet, nisi illa unica, qua Pater glorificatur per filium. Qui hunc Filium apprehendit, & me vel Promissionem meam in illo per fidem, illi sum Deus, illi sum Pater, illum ego accepto, justifico & salvo. Ceteri omnes manent sub ira, quia colunt eum, qui natura non est Deus.

*Quibus malis  
obnoxij sunt de-  
struentes sanam  
doctrinam.*

Quicumque ab ista doctrina excidit, ille necessario ruit in ignorantiam Dei, non intelligit quæ sit Christiana iusticia & sapientia, qui sint veri cultus Dei, est idolatra, manens sub Lege, peccato, morte & Diaboli imperio, & omnia quæ facit, sunt perdita ac damnata. Ideo Anabaptista cum imaginatur se placere Deo, si rebaptizetur, Si deserat domum, uxorem, liberos, Si mortificet carnem, Si perferat multa incommoda, ac tandem mortem ipsam, In illo jam nec mica cognitionis Christi est, sed excluso Christo captus est suis somniis operum, desertionis rerum ac mortificationis, nihilque jam differt à Turca, Iudæo vel Papista in spiritu seu corde, nisi penes externam larvam, ritum aut opus, quod ipse sibi eligit. Sic eandem fiduciam operum habent omnes Monachi, penes vestitum tamen & alia externa differunt.

Horum similes sunt hodie plerique alii, qui tamen numerari volunt inter Evangelicos doctores, & quod ad verba attinet, docent homines morte Christi à peccatis liberari. Quia vero fidem ita docent, ut plus charitati quam fidei tribuant, Christum summa contumelia afficiunt, ac verbum ejus scelestè & impie depravant. Siquidem somniant Deum respicere & acceptare nos propter charitatem, qua jam reconciliati Deum & proximum diligimus. Si hoc verum est, tunc nihil plane opus habemus Christo. Ejusmodi serviunt non vero Deo, sed idolo cordis sui, quod sibiipsis finxerunt. Nam verus Deus non respicit aut acceptat nos propter dilectionem, virtutes aut novitatem nostram, sed propter Christum, &c.

*Non per legem  
sed Evangelium  
cognoscitur De-  
us & donatur  
benedictio.*

At objiciunt, Tamen præcipit scriptura, ut Deum diligamus ex toto corde, &c. Bene, sed ideo non sequitur, Deus præcipit, ergo nos facimus. Si diligeremus Deum ex toto corde, &c. tum certo justificaremur & viveremus propter istam obedientiam, Iuxta illud, Qui fecerit hæc, vivet in eis. Sed Evangelium dicit, Tu ista non facis, ergo per ea non vives. Nam ista sententia, Diliges Dominum, &c. requirit perfectam obedientiam, perfectum timorem, fiduciam, dilectionem erga Deum. Ista neque præstant, neque præstare possunt homines in hac corrupta natura. Ideo ista lex, Diliges Dominum, &c. non justificat, sed accusat & damnat omnes homines, Iuxta illud, Lex iram operatur, &c. Contra Christus est consummatio legis ad iusticiam omni credenti, De hoc supra satis copiose, &c. Ad eundem modum Iudæus servans legem, hac opinione, quod per istam obedientiam Legis velit placere Deo, non colit Deum patrum, sed idolatra est, adorans somnium & idolum cordis sui, quod nusquam est. Nam Deus Patrum suorum, quem jactat se colere, promisit Abrahamæ semen, per quod benedicendæ essent omnes gentes. Itaque non per legem, sed per Evangelium de Christo cognoscitur Deus, & donatur benedictio.

*Gentium idola-  
tria crassa, con-  
tra Iudæorum in  
speciem sancta,  
ideoq; nocenti-  
or.*

Quamquam Paulus ista verba, Tum, cum non cognovistis Deum, serviebatis, &c. proprie dicat ad Galatas, qui Gentiles erant, Tamen iisdem verbis perstringit etiam Iudæos, qui etiamsi externe abjecerant idola, internè tamen plus adorabant ea, quam Gentes. Vt Rom. 2. de eis dicit, Abominaris idola, sacrilegium admittis. Gentes non erant populus Dei, non habebant Verbum, ideo eorum idolatria erat crassa. Iudæi autem idolatræ ornabant suos impios cultus nomine & verbo Dei (ut omnes iusticiarii solent) & ista pietatis specie multis imponebant. Ideo quo sanctior & spiritualior est in speciem idolatria, hoc nocentior est. Sed quo modo hæc duo pugnantia, quæ Paulus ponit (Ignorabatis Deum, & colebatis Deum) conciliari possunt? Respondeo, Omnes homines naturaliter habent illam gene-  
ralem

*Rom. 1.* ralem cognitionem, quod sit Deus, iuxta illud Rom. 1. Quatenus Deus cognosci potest, notus est illis, Invisibilia enim ejus, &c. Deinde satis testantur etiam cultus & religiones, quæ fuerunt & manserunt apud omnes Gentes, quod omnes homines habuerunt generalem quandam noticiam Dei. An verò natura, an per traditionem parentum, non jam disputo.

Sed objiciat hic iterum aliquis, Si omnes homines noverunt Deum, Quare ergo dicit Paulus, Galatas ante prædicationem Evangelii Deum non cognovisse? Respondeo, Duplex est cognitio Dei, Generalis & propria, Generalem habent omnes homines, scilicet, quod Deus sit, quod creaverit cælum & terram, quod sit justus, quod puniat impios, &c. Sed quid Deus de nobis cogitet, quid dare & facere velit, ut à peccatis & morte liberemur & salvi fiamus (quæ propria & vera est cognitio Dei) homines non norunt. Vt fieri potest, quod aliquis mihi notus sit facie, quem tamen vere non novi, quia non intelligo, quæ sit voluntas ipsius erga me. Quare homines naturaliter noverunt Deum esse, Sed quid velit, quid non velit, ignorant. Quia scriptum est, Non est intelligens Deum. Et alibi, Deum nemo vidit, hoc est, nemo novit quæ sit voluntas Dei. Quid autem prodest, si noris Deum esse, & tamen ignores, quæ sit voluntas ipsius erga te? Hic alii aliud somniant. Iudæi imaginantur hanc esse voluntatem Dei, si Deum colant, juxta præscriptum legis Mosi. Turcæ si observent Alcoranum, Monachus si præstet suam regulam & vota. Sed omnes falluntur & vani fiunt, ut Rom. 1. Paulus ait, in cogitationibus suis, Quia ignorant quid Deo placeat, quid displiceat. Ideo pro vero ac naturali Deo, somnia cordis sui adorant, quæ natura nihil sunt.

*Cognitio Dei generalis & propria.*

*Deum nemini vidit.*

*Diversa opinioniones hominum de voluntate Dei.*

*Vnde orta sit idolatria.*

*Opinio Monachorum de voluntate Dei.*

*Colentes Deum sine verbo.*

Hoc Paulus significat, cum ait, Cum ignorabatis Deum, id est, cum nesciebatis quæ esset voluntas Dei, serviebatis iis, qui natura Dii non erant, id est, somniis & cogitationibus cordis vestri, quibus sine verbo fingebatis, Deum hoc vel illo opere seu ritu colendum esse. Nam hinc quod homines naturaliter hanc propositionem tenent, Deus est, nata est omnis idolatria, quæ sine cognitione divinitatis non venisset in mundum. Quia verò homines hanc naturalem cognitionem de Deo habebant, conceperunt extra & contra Verbum vanas & impias de Deo cogitationes, quas amplexi sunt pro ipsa veritate, atque ita finxerunt Deum aliter, quàm natura est. Sic Monachus fingit Deum talem, qui remittat peccata, donet gratiam & vitam æternam propter observationem Regulæ suæ. Is Deus nusquam est, Ideo non servit neque adorat verum Deum, sed eum, qui natura non est Deus, nempe figmentum & idolum cordis sui, hoc est, suam falsam & nihili opinionem de Deo, quam somniat esse certissimam veritatem. Nunc autem ipsa ratio fateri cogitur, opinionem humanam non esse Deum. Ideo qui sine verbo Deum colere aut ei servire vult, ut Paulus ait, non vero Deo, sed ei, qui natura Deus non est, servit.

Parum igitur refert, si Elementa hic appelles legem Mosi, si quaslibet traditiones Gentium (quamvis proprie & principaliter de elementis Mosaicis hic loquatur) Nam qui recidit à Gratia in legem, nihil suavius cadit, quàm is qui extra gratiam cadit, in Idolatriam. Extra Christum enim nihil est nisi mera Idolatria, idolum & falsum figmentum de Deo, si vocetur lex Mosi, si lex Papæ, si Alcoranus Turcæ, &c. Ideo cum admiratione quadam dicit:

*Elementa.*

*Extra Christum omnis cultus & leges sunt idolatria.*

*Nunc autem cum cognovistis Deum.*

QVASI dicat, valde mirum est, quod cognoscentes Deum ex prædicatione fidei, nunc à vera cognitione voluntatis ejus tam subito exciditis (Quam tam certo ac firmiter vos tenere putabam, ut nihil minus timuerim, quam quod tam facile everri posset) & iterum sollicitantibus Pseudoapostolis, convertimini ad infirma & egena elementa, quibus denuo servire vultis. Accepistis autem ex prædicatione mea, hanc esse voluntatem Dei, quod velit benedicere omnes gentes, non per circumcisionem aut observationem legis, sed per Christum Abrahamæ promissum,

*Voluntas Dei.*



missum. Qui in hunc credunt, benedicentur cum fidei Abraham, sunt filii & heredes Dei. Sic, inquam, cognovistis Deum.

*Imo cogniti estis à Deo.*

*Cognitio nostra  
de Deo.*

CASTIGATIO rhetorica est, Priorem enim sententiam (nam cum cognovistis Deum) corrigit, seu potius invertit ad hunc modum, Imo cogniti estis à Deo. Quia metuit, ne ipsi Deum prorsus amiserint, q. d. Proh dolor, res jam huc prolapsa est, quod nunc Deum non recte agnoscitis. Quia reditis à gratia ad legem, Deus tamen vos adhuc cognoscit. Et re vera nostra noticia est magis passiva, quam activa, hoc est, est potius cognosci, quam cognoscere. Nostrum agere est pati operantem in nobis Deum, Is dat verbum, quo per fidem divinitus datam apprehenso, nascimur filii Dei. Est ergo sententia, Cogniti estis à Deo, id est, visitati estis per Verbum, donati estis fide & Spiritu sancto, quo renovati estis, &c. Quare & his verbis, Cogniti estis à Deo, derogat Legi justiciam, ac negat propter dignitatem operum nostrorum contingere nobis noticiam Dei. Nemo enim novit Patrem, nisi Filius, & cui voluerit Filius revelare. Item, noticia sui justificabit multos, Quia iniquitates eorum ipse portabit. Ideo noticia nostra de Deo est mere passiva.

*Idem.*

*Idem.*

Vehementer ergo miratur, quod jam vere Deum cognoscentes per Evangelium, tam cito revertantur, seducti per Pseudoapostolos, ad infirma & egena elementa. Ut certe mihi mirum videretur, si nostra Ecclesia (quæ, Dei gratia, pulcherrime instituta est in pura & sana doctrina & fide) una atque altera concione à fanatico homine quodam sic subverteretur, ut me amplius Doctorem suum agnoscere non vellet. Id quod aliquando fiet, si non viventibus, tamen sublati nobis. Tum enim multi, volentes esse Magistri, surgent, qui prætextu pietatis perversa docebunt, & brevi subvertent omnia, quæ nos longo tempore & maximo labore edificavimus. Non sumus meliores ipsis Apostolis, qui adhuc viventes, non sine dolore viderunt eversionem Ecclesiarum, quas ipsi plantaverant suo ministerio. Non est igitur mirum, si idem malum nos hodie videre cogimur in Ecclesiis, ubi Sectarii regnant, qui & nostro ministerio paratas occupabunt nobis mortuis, & suo veneno inficient & evertent. Manebit tamen Christus regnans usque ad finem mundi, sed mirabiliter, ut sub Papatu.

*Apostoli adhuc  
videntes coelli  
sunt videre e-  
versionem Ec-  
clesiarum, quas  
ipsi plantave-  
rant.*

*Lex elementum  
infirmitatis, &c.*

Valde autem contumeliose de Lege loquitur Paulus, cum eam vocat Elementa (ut & supra initio cap. 4.) deinde non simpliciter elementa, sed infirma & egena elementa. An non est Blasphemia, quod tam scelestas appellationes tribuat legi Dei? Lex in vero suo usu debet servire & stare pro Promissionibus & gratia, Si cum his pugnat, non est amplius lex Dei sancta, &c. sed doctrina perniciofa & diabolica, urgens tantum ad desperationem, Ideo est repudianda & excommunicanda.

*Lex quando in-  
firma & egena,  
quando potens  
& officina.*

Quare cum appellat Legem, infirma & egena Elementa, loquitur de lege secundum superbos & præsumptuosos hypocritas, qui per eam volunt justificari, non de lege spiritualiter intellecta, quæ iram operatur. Nam lex, ut sæpe jam diximus, in vero suo usu, accusat & condemnat veterem hominem. Hic non solum est elementum robustum & dives, sed omnipotens & opulentissimum, imo est invincibilis omnipotentia & opulentia, ad quam conscientia collata est infirmissima & pauperima. Est enim tam tenera res, ut propter levissimum peccatum ita pavefiat & pallescat, ut desperet, nisi rursus erigatur. Quare lex in proprio suo usu, plus virium & opum habet, quam coelum & terra comprehendere potest, Ita ut etiam unus apex seu unum jota Legis totum genus humanum occidere possit, Id quod testatur historia promulgatæ legis, Exod. 19. 20. Is verus & theologicus legis usus est, de quo Paulus hic non agit.

*Ex. 19. 20.*

Agit ergo hic de hypocritis, qui exciderunt Gratia, vel qui nondum pervenerunt ad eam. Hi abutentes lege, quærunt per eam justificari, exercent & fatigant sese operibus ejus dies & noctes, ut Paulus de Iudæis testatur Rom. 10. Testimonium, inquit, illis perhibeo, quod zelum Dei quidem habent, quod dies noctesque laborant,

*Rom. 10.*

borant, sed non secundum scientiam. Ignorant enim justiciam Dei, &c. Tales confidunt sese per Legem sic posse corroborari & locupletari, ut suam potentiam & divitias justiciæ, quam habent ex Lege, possint opponere iræ & judicio Dei, per eam possint Deum placare & salvari. In hac relatione recte dixeris, Legem esse infirma & egena elementa, hoc est, quæ nec possint juvare, nec habeant consilium aut opem.

*Lex grandi sit  
e egestate & g-  
niam & ingre-  
mum.*

Et qui vellet hîc rhetoricari, posset hæc verba latissime amplificare, active, passive & neutraliter. Active, Lex est elementum infirmum & egenum, quia reddit homines infirmiores & egentiores. Passive, quia ipsa per se non habet vim & opes justiciæ donandæ vel afferendæ. Neutraliter est infirmitas & paupertas ipsa, Quomodo igitur homines prius infirmos & pauperes corroboraret & ditaret? Ideo per Legem velle justificari, idem est, ac si quis alioqui infirmus & æger aliud quoddam grandius malum quæreret, per quod promitteret se depulsurum infirmitatem & egestatem suam, cum tamen illi certum afferret exitium. Vt si laborans morbo comitiali, adjungat sibi pestem, aut si leprosus ad leprosum, mendicus ad mendicum veniret, alter opem laturus alteri, & locupletaturus illum. Horum alter, juxta proverbium, Mulgeret hircum, alter supponeret cribrum.

Estq; hæc pulchra Tapinosis, qua Paulus hoc significare vult, quod quærentes per legem justificari, hoc commodi inde habeant, quod indies magis magisque infirmiores & egentiores reddantur. Quia ipsi per sese sunt infirmi & egentes, hoc est, sunt natura filii iræ, rei mortis & damnationis æternæ, & apprehendunt illud, quod mera est infirmitas & mendicitas, per quod quærunt corroborari & locupletari. Ideo omnis homo deficiens à promissione ad Legem, à fide ad opera, nihil aliud facit, quàm quod sibi infirmo & egenti imponat jugum importabile, Act. 15. quo gestando decuplo fit infirmior & egentior, donec tandem desperet, nisi Christus veniat, & liberet eum.

*Quærentes per  
legem justifica-  
ri, plus peccatis  
immerguntur.*

Hoc idem testatur Evangelium de muliere, quæ duodecim annos laboraverat profluvio sanguinis, & multa perpeffa fuerat à compluribus medicis, in quos insumpserat omnem substantiam suam, nec tamen poterat ab illis curari, sed quo longius curabatur, hoc pejus habebat, &c. Quotquot igitur hoc nomine faciunt opera legis, ut per eaificentur, illi non solum non justî, sed dupliciter injusti redduntur, hoc est, ut dixi, infirmiores, egentiores & ineptiores ad omne opus bonum redduntur per legem, &c. Hoc ipse expertus sum in me & multis aliis. In Papatu multos vidi Monachos, qui ardentissimo studio multa & grandia opera faciebant pro acquirenda justiciâ & salute, & tamen nihil erat illis impatientius, infirmius, miserius, nihil magis incredulum, pavidum & desperabundum. Magistratus politici, qui versabantur in maximis & gravissimis causis, non erant tam impatientes & tam muliebriter impotentes, non erant tam superstitiosi, increduli, pavidî, &c. ut ejusmodi justiciarii.

*De muliere  
profluvio san-  
guinis laborante.*

Quicumque igitur quærit per Legem justiciam, nihil aliud facit, nisi quod multiplicatis actibus, comparet sibi ~~et~~ istius primi actus, qui est, quod Deus iratus & tremendus, operibus sit placandus, In hoc conceptu incipit operari. Nunquam autem tantum operum potest invenire, ut conscientiam reddat pacatam, sed semper desiderat plura, Imo in illis ipsis quæ fecit, invenit peccata. Ideo conscientia ipsius nunquam potest reddi certa, sed necesse est eum semper dubitare, & sic sentire, Tu non recte sacrificasti, non recte orasti, omisisti aliquid, hoc vel illud peccatum commisisti. Ibi cor trepidat & semper invenit se onustum multis plaustris peccatorum, quæ sine fine crescunt, ita ut semper longius discedat à justiciâ, donec tandem acquirat habitum desperationis. Hinc in agone plerique desperabundi has miserabiles voces miserunt, Me miserum, non observavi ordinem meum, quo fugiam à conspectu irati judicis Christi? Vtinam fuisset subulcus, aut homo omnium vilissimus.

*Conscientia  
nunquam tran-  
quilla reddunt  
operibus.*

Sic Monachus in fine vitæ infirmior, egentior, magis incredulus & pavidus est,

*Quid profici-*

T

*Monachis suis  
religio.*

est, quam initio cum susceperet ordinem. Ratio, quia studuit se roborare per infirmitatem & locupletare per paupertatem. Lex seu traditiones humanae vel Regula ordinis sui debebant eum ægrum & pauperem sanare & ditare, sed infirmior & egentior factus est publicanis & meretricibus. Hi enim non habent infelicem illam operum *ἐξου*, qua nitantur, ut Monachus, Sed ut maxime sentiant peccata, tamen dicere possunt cum publicano, Deus propitius esto mihi peccatori. E contra, Monachus exercitatus in elementis infirmis & egenis, comparavit sibi hunc habitum, Si observaveris regulam, salvaberis, &c. Hac falsa persuasionem sic dementatus & captus est, ut præ ea non solum non apprehendere gratiam, sed ne meminisse quidem gratiæ possit. Ita nec præterita nec præsentia opera, quantumvis multa & grandia ei satis sunt, sed semper spectat & quærit alia atque alia, quibus iram Dei placare & sese justificare conatur, donec ad extremum desperare cogitur. Itaque qui à Fide relabitur & Legem sectatur, amittit, ut canis Æsopicus, carnem, & umbram arripit.

*Summa Exan-  
gelica.*

Quare impossibile est, homines per Legem salutis suæ consulere volentes (ut natura omnes affecti sunt) quod unquam pacati reddantur, imo nihil aliud faciunt, quam quod leges legibus accumulunt, quibus seiplos & alios excruciant, & conscientias tam misere affligunt, ut pleræque nimio moerore animi ante diem pereant. Una enim Lex semper gignit alias decem, donec usque in infinitum crescant. Hoc satis testantur innumerabiles Summæ (Præsertim illa diabolica, quam inscripserunt Angelicam) quæ hujusmodi leges colligunt & exponunt.

*Patrum dicta.*

*Saxum volvere.*

Summa, qui contendit lege justificari, hoc conatur quod nunquam poterit efficere. Huc accommodari possunt, Id quod video Patres fecisse, dicta doctorum & sapientum virorum, de inani opera. Cujusmodi sunt, Saxum volvere, Cribro aquam haurire, &c. Et puto talibus figmentis & parabolis voluisse Patres admonere suos discipulos discriminis Legis & Evangelii, Ut significarent eos, qui Gratia exciderunt, exercere & fatigare quidem sese assiduo & molestissimo labore, sed inanem operam sumere. Ideo tales rectissime dicuntur, Saxum volvere, hoc est, inaniter sudare. Ut Poëtæ de Sisypho fabulantur, qui quoties apud inferos saxum ad verticem montis volvit, semper iterum recidit. Item, Cribro aquam haurire, hoc est, inexhausto atque inutili labore sese fatigare, ut Poëtæ fingunt puellas Danaides apud inferos valis perforatis aquam inferre in dolum pertusum, &c. Et velini vos studiosos sacrarum literarum istiusmodi parabolas locupletare, ut eo melius possitis retinere Legis & Evangelii discrimen, Quod velle justificari ex lege sit ex vacuo loculo pecuniam numerare, Ex vacuo vase & cantharo edere & bibere, Ibi robur & opes quærere, ubi mera est infirmitas & paupertas, Aggravare oppressum & succumbentem oneri, Centum aureos velle solvere, & ne nummum quidem habere, Nudo vestem exuere, Ægrum & egentem majore infirmitate & inopia opprimere, &c.

*Cribro aquam  
haurire.*

*Velle justificari  
ex lege, &c.*

*Non tentati  
nunquam experi-  
antur usum &  
potentiam ver-  
bi.*

Quis autem unquam credidisset, quod Galatæ, qui doctrinam puram & certam didicerant, tanto Apostolo doctore, potuissent tam subito abduci ab ea, ac penitus per Pseudoapostolos everti? Non frustra tam sæpe inculco, defectionem à veritate Evangelii facilem esse. Ratio est, quia homines etiam pii non satis perpendunt, quàm preciosus, quàmque necessarius sit thesaurus, vera Christi cognitio. Ideo tanta cura & diligentia non laborant, ut certo ac firmiter eam assequantur & retineant. Deinde major pars eorum, qui audiunt Verbum, non exercentur Cruce, non luctantur cum Peccatis, morte & Diabolo, sed securi vivunt sine omni certamine. Tales, quia non sunt muniti verbo Dei contra astutias Diaboli, non exercentur neque probantur temptationibus, ideo nunquam experiuntur usum & potentiam verbi. Præsentibus quidem piis doctoribus imitantur eorum verba, ac certo persuasi sunt se causam justificationis optime tenere. Ablatis vero ipsis, ac venientibus lupis in vestitu ovium, idem illis accidit quod Galatis, hoc est, subito ac facile seducuntur, & iterum ad infirma & egena elementa convertuntur.

Habet



Habet autem Paulus suam peculiarem phrasin, qua cæteri Apostoli non uti sunt. Nam nemo illorum tales appellationes tribuit Legi, scilicet quod sit infirmum & egenum, hoc est, plus quam inutile ad justiciam, elementum, præter unum Paulum. Nec ego ausim ita Legem appellare, sed putarem esse summam blasphemiam in Deum, nisi Paulus prius hoc fecisset. Sed de hac re supra copiosius, quando lex sit infirma & egens, quando item sit robustissima & opulentissima, &c.

Si autem lex Dei infirma & inutilis est ad justificationem, multo magis leges Papæ sunt infirmæ & inutiles ad justificationem. Non quod in universum rejiciam & damnem leges ipsius, sed dico plerasque utiles esse ad externam disciplinam, ut ordine omnia gerantur in Ecclesia, ne oriantur dissidia, odia, &c. ut Cæsares leges utiles sunt ad bene gerendas Respublicas, &c. Hac autem cõmendatione & usu legum suarum Papa non contentus est, sed requirit, ut sentiamus, quod per observationem earum justificemur & salutem consequamur. Hoc negamus, & eadem fiducia & certitudine, qua Paulus contra Legem Dei, proferimus sententiam contra Decreta, traditiones & leges Papæ, quod non solum sint infirma, egena & inutilia ad justiciam elementa, sed execrabilia maledicta & Diabolica, &c. Quia blasphemant gratiam, evertunt Evangelium, fidem abolent, Christum tollunt, &c.

*Si lex divina est infirma & egena ad justiciam, &c. multo magis traditiones Papæ.*

Quatenus igitur Papa exigit eas observari, ut necessarias ad salutem, est Antichristus & Satanæ vicarius. Et quotquot ei adherent, & istas suas abominationes & blasphemias confirmant, aut hac opinione servant, quod per eas velint promereri remissionem peccatorum, sunt servi Antichristi & Diaboli. Docuit autem jam multis seculis, & observavit eas tanquam necessarias ad salutem tota Ecclesia Papistica. Hinc Papa sedet in templo Dei, ostentans se esse Deum, adversatur Deo, & extollitur supra omne, quod dicitur Deus, aut quod colitur, &c. 2. Thessal. 2. Et conscientia plus timuerunt & reveritæ sunt leges & ordinationes Papæ, quam verbum & ordinationes Dei. Atque hinc factus est Dominus coeli, terræ & inferni, & gestavit triplicem coronam. Hinc Cardinales & Episcopi, creaturæ ejus, facti sunt Reges & Principes mundi. Ideoque si legibus suis non oneraret conscientias, non diu retineret illam suam tremendam potestatem, dignitatem, opes, &c. sed statim rueret totum regnum ipsius.

*Papa triplicem coronam.*

Locus iste, quem Paulus tractat, gravissimus est, ideo diligentissime considerandus. Quod videlicet deficientes à gratia rursus ad Legem, amittant prorsus totam cognitionem veritatis, peccatum suum non cernant, nec Deum, seipsos aut diabolum non agnoscant, Denique vim & usum Legis, de cujus tamen observatione maxime gloriantur, non intelligant. Nam sine cognitione Gratia, hoc est, Evangelii de Christo, impossibile est, quod homo definiat, Legem esse infirmum & egenum elementum, ad justiciam inutile, Sed omnino contrarium de lege judicat, Videlicet eam non solum necessariam esse ad salutem, sed etiam confirmare & locupletare infirmos & egentes, hoc est, facientes eam, promereri justiciam & salutem æternam. Hac opinione stante, negatur promissio Dei, tollitur Christus, &c. statuitur Mendacium, impietas, idolatria. Papa autem cum omnibus Episcopis, Academicis & tota sua synagoga, docuit leges suas ad justiciam necessarias. Ideo fuit doctor infirmorum & egenorum elementorum, quibus reddidit Ecclesiam Christi in orbe terrarum infirmissimam & pauperrimam, hoc est, oneravit & miserrime afflixit eam suis impiis legibus, obscuraro Christo & Evangelio ipsius obruto ac sepulto. Itaque si voles observare leges Papæ sine offensione conscientia, serves illas sine opinione justiciæ, Ea namque per solum Christum donatur.

*Excidere gratia Dei.*

*Judicium de lege eorum, qui extra Christum sunt.*

*Papa qualis doctor sit.*

### *Quibus denuo servire vultis?*

Hoc addit, ut ostendat se loqui de superbis & præsumptuosis hypocritis, qui per legem querunt justificari, ut supra saepe indicavi. Alias legem appellat sanctam, bonam, &c. Vt 1. Timoth. 1. Scimus quod lex bona sit, si quis ea legitime utatur, scilicet politice ad coercendos malos, Theologice ad augendas transgression-

*Vt in legi.*

nes. Qui autem lege utitur ad consequendam justiciam coram Deo, nescit quid loquatur, aut de quo affirmet, facitq; legem bonam, sibi noxiam & damnabilem. Arguit ergo Galatas, quod denuo servire volunt legi, quæ non liberat à peccatis, sed ea tantum auget. Nam peccator per se infirmus & egenus, dum quærit per legem justificari, in ea nihil invenit, quam ipsam infirmitatem & egestatem. Duo enim ægri & mendici conveniunt, quorum alter alterum tantum plus onerat, non sanat.

*Quatenus ser-  
vandum legi,  
&c.*

Vt fortes in Christo libenter volumus servire legi, non tamen infirmæ & egenæ, sed robustæ & divitibus. Hoc est, quatenus est efficax, habens dominium in corpus, &c. Non enim servimus legi tantum corpore & membris, non conscientia. Sed Papa exigit ut serviamus legibus suis cum hac opinione, Si feceris, justus es, Si non, damnatus. Ibi lex est plus quam infirmum & egenum elementum, &c. Nam durante ista conscientia servitute sub lege, nihil esse potest, quam mera infirmitas & egestas. Quare tota emphasis est in vocabulo Serviendi. Agit ergo Paulus hoc loco, ne conscientia captâ sub lege serviat, sed libera sit & domina legis. Nam per Christum est mortua legi, & contra lex ipsi, De qua re supra cap. 2. copiosius dictum est.

*Dies observatis & menses, & tempora & annos.*

*Doctrina Pseu-  
doapostolorum.*

HIS verbis clare ostendit, quid docuerint Pseudoapostoli, videlicet, observare dies, menses, tempora, annos. Omnes fere doctores hunc locum interpretati sunt de diebus astrologicis Chaldæorum, Quod gentes observaverint in agendis rebus & expectandis eventibus vitæ & negotiorum certos quosdam dies, menses, &c. Hoc idem Galatas, autoribus Pseudoapostolis, fecisse. Et Augustinus, quem posteriores secuti sunt, exposuit hæc verba Pauli de isto ritu gentili. Quanquam postea etiam interpretetur de diebus, mensibus, &c. Iudæorum. De ea re satis perplexa est disputatio in Decretis, &c.

*Dies festi Iu-  
dæorum.*

Sed Paulus instituit conscientiam, ideo non de isto gentili ritu observandi dies, &c. quæ res tantum ad corpus pertinet, sed de lege Dei loquitur, & de observatione dierum, mensium, &c. secundum legem Mosi, hoc est, de diebus, mensibus & temporibus religiosis, quæ Galatæ, instructi à Pseudoapostolis, observabant ad justificationem. In Mose enim præceptum erat Iudæis, ut religiose servarent diem Sabbati & neomenias, menses, primum & septimum, tria statâ tempora seu festa, scilicet, Paschæ, Hebdomadarum & Tabernaculorum, Annum remissionis & Iubilæum. Eosdem ritus & ipsi per Pseudoapostolos coacti, observabant tanquam necessarios ad justiciam. Hinc dicit eos amissa gratia & libertate Christiana reverti ad servitutem infirmorum & egenorum elementorum. Persuasi enim fuerant à Pseudoapostolis, istas leges necessario servandas esse, & servatas donare justiciam, neglectas damnare. Contra Paulus nullo modo permittit conscientias lege Mosai- ca obligari, sed ubique eas à lege liberat. Ecce ego Paulus, inquit infra cap. 5. Dico vobis, quod si circumcidamini, Christus vobis nihil proderit. Et Coloss. 2. Nemo vos judicet in cibo & potu, aut in parte diei festi, aut Neomeniæ, aut Sabbatorum, &c. Sic Christus, Regnum Dei non venit cum observatione legis, Multo minus conscientia oneranda & illaqueanda sunt traditionibus humanis.

*Observatio die-  
rum festorum.*

Hic dicat aliquis, Si Galatæ peccaverunt observando dies & tempora, cur vos idem facientes non peccatis? Respondeo, Nos observamus diem Dominicum, natalem Domini, Pascha & similes ferias liberrime, Non oneramus illis ritibus conscientias, neque docemus ut Pseudoapostoli & Papistæ, eos necessarios esse ad justiciam, aut quod per illos satisfacere possimus pro peccatis, sed ut omnia ordine & sine tumultu in Ecclesia gerantur, neve externa concordia (In spiritu enim habemus aliam concordiam) scindatur. Vt olim accidit, Vbi Romanus pontifex Victor excommunicavit omnes Ecclesias Asiæ, non ob aliam causam, quam quod diem Paschæ celebrarent alio tempore quam Ecclesia Romana. Hoc Irenæus reprehendit in Victore, ut certe dignum erat reprehensione. Extrema enim fuit infania, propter rem tam leviculam orientis Ecclesias tradere Diabolo. Ideo rara

*Victor Roma,  
Pont. excom-  
municavit Ec-  
clesias orientis.*

fuit

fuit ista cognitio de observatione dierum & temporum etiam in summis viris. Hieronymus non tenuit eam, Neque Augustinus intellexisset, nisi per Pelagianos vexatus & exercitatus fuisset. Potissimum autem observamus huiusmodi ferias, ut conservetur ministerium verbi, ut populus conveniat certis diebus & temporibus ad audiendum Verbum, ut discat cognoscere Deum, ut communione utatur, ut oret publice pro omnibus necessitatibus, Item, ut agat gratias Deo pro spiritualibus & corporalibus ipsius beneficiis. Et propter hanc causam præcipue credo institutam esse à Patribus observationem diei Dominici, Paschæ, Pentecostes, &c.

*Cui servanda  
seria.*

*Dominici diei  
observatio, &c.*

*Timeo vobis, Ne frustra laboraverim apud vos.*

His verbis testatur se valde perturbatum fuisse propter lapsum Galatarum, quos libenter increparet durius, Sed timet ne nimis aspera objurgatione non emendet, sed plus irritet, & prorsus à sese abalienet. Ideo inter scribendum mutat & mitigat verba, & fere in se solum transfert damnum, dicens, Metuo de vobis, ne frustra laboraverim apud vos, hoc est, Male me habet, quod tam magna diligentia & fide prædicaverim apud vos Evangelium sine fructu. Quamquam autem summa mansuetudine & vere paterna cura tractat eos, Tamen satis duriter eos simul objurgat, sed occulte. Nam cum dicit se frustra laborasse, id est, sine fructu Evangelium prædicasse apud eos, occulte indicat, vel eos fuisse pertinaciter incredulos, vel recidisse à doctrina fidei. Vtriq; autem vel increduli, vel à doctrina fidei relapsi, adhuc peccatores, impii, iniusti & damnati sunt. Ideo tales etiam frustra obediunt legi, frustra observant dies, menses, &c. Et in his verbis, Timeo ne frustra apud vos laboraverim, occulta quædam excommunicatio continetur. Significat enim Apostolus, per ea Galatas à Christo alienos & exclusos esse, nisi redierint ad sanam doctrinam. Sententiam tamen manifeste non fert. Sentiebat enim se duriore increpatione nihil effecturum. Ideo mutat calamum, & blandissime eos alloquitur, dicens.

*Affectus pa-  
ternus Pauli er-  
go Galatas.*

*Frustra labora-  
re.*

*Estote sicut ego, Quia & ego sicut vos.*

Hic locus non est dialecticus, sed plenus affectuum, qui tractandi sunt rhetorice. Paulus docuit hætenus, & inter docendum, nimia rei indignitate motus, vehementer excanduit in Galatas, & objurgavit eos satis atrocibus verbis, Vocans stultos, fascinatos, non credentes veritati, crucifixores Christi, &c. Nunc absoluta fere potiore parte Epistolæ, incipit sentire, quod nimis severe eos tractaverit. Ideo sollicitus, ne hac acerbitate sua plus nocuerit quam profuerit, indicat hanc duram objurgationem ex paterno & vere Apostolico animo profectam esse. Et mire rhetoricatur, ac exuberat blandis ac suavibus verbis, hoc agens, ut si quos (ut procul dubio multos) offendisset aspera ipsius increpatio, hac suavitate verborum iterum mitigaret.

*Apostolus hanc  
blande alloquitur,  
quos prius  
severe objurgaverat.*

Simul hic admonet exemplo suo, Pastores & Episcopos paterno & materno animo affectos esse debere, non erga rapaces lupos, sed erga miseras, seductas & errantes oves, ut earum infirmitatem & lapsum patienter ferant, & eas summa mansuetudine tractent. Neque enim alio modo possunt revocari in viam. Nam duriore increpatione commoventur ad iracundiam, aut certe ad desperationem, non ad resipiscentiam. Et ut hoc quoque obiter admoneam, Ea est natura & fructus sanæ doctrinæ, quod bene docta & cognita conjungit mentes summa concordia. Vbi verò homines deserta pietatis doctrina amplectuntur errores, scinditur ista animorum concordia. Quamprimum igitur videbis fratres seu discipulos per fanaticos spiritus deceptos, ab articulo justificationis deficere, statim comperies eos acerbissimo odio insectari pios, quos ante vehementer dilexerunt.

*Imago p[er] Pa-  
storem.*

*Fructus sanæ  
doctrinæ.*

*Concordia ani-  
morum scindi-  
tur impia do-  
ctrina.*

Hoc experimur hodie in Pseudofratribus nostris, Sacramentariis & Anabaptistis, qui initio causæ Evangelicæ libenter nos audiebant, ac avide nostra legebant, agnoscebant donum Spiritus sancti in nobis, ac propter illud reverebantur nos tanquam Dei ministros. Quidam ex eis vivebant etiam ad tempus nobiscum



*Deficiente à  
fana doctrina  
deteriores sunt  
quam antea.*

familiariter, & modestissime se inter nos gerebant. At ubi à nobis egressi, & per fanaticos spiritus subversi sunt, nemo magis infensus est doctrinæ & nomini nostro, quàm ipsi. Oderunt & Papistas, sed non tam atrociter atque nos. Sæpe vehementer admirari soleo, unde tam sævum & atrox odium in animos eorum, qui nos tam amanter complexi sunt, tam subito cadere possit, cum tamen in re ne minima quidem eos offenderimus, aut eis dederimus occasionem prosequendi nos odio. Imo fateri coguntur hoc unice nos quætere, ut beneficium & gloria Christi illustretur, ut veritas Evangelii pure doceatur, quam hoc novissimo tempore Deus denuo per nos ingrato mundo revelavit, Quæ res ad amorem potius, quam odium nostri eos provocare debebat. Ideo merito miror, unde ista sit mutatio. Sed nulla alia est causa, quam quod novos magistros audierunt. Horum veneno infecti, ita accensi sunt, ut tam implacabili odio contra nos laborent & ardeant.

*Fortuna  
fidelium.*

Atque hanc video fortunam esse Apostolorum & omnium piorum verbi ministrorum, quod discipuli & auditores eorum, infecti impiis opinionibus fanaticorum, & everfi ab ipsis, ira & odio in ipsos ardeant. Perpauci inter Galatas manserunt constantes in doctrina Pauli. Alii omnes per Pseudoapostolos seducti amplius non agnoverunt Paulum pro doctore suo, imo illis nihil deinceps magis fuit exosum, quam nomen & doctrina Pauli. Et vereor quod ista Epistola perpaucos revocaverit ab errore.

Si similes casus nobiscum accideret, hoc est, si nobis absentibus everteretur Ecclesia nostra per fanaticos, & nos huc scriberemus, non unam atque alteram, sed multas Epistolas, parum aut nihil efficeremus. Non aliter nostri homines, præter paucos quosdam firmiores, erga nos se gererent, quam hodie erga nos se gerunt seducti à sectariis, qui citius adorarent Papam, quam nostris monitis parerent, aut nostram doctrinam probarent. Nemo persuadebit eis, quod amisso Christo, jam iterum infirmis & egenis elementis, & iis, qui natura dii non sunt, serviant. Nihil minus audire possunt, quàm suos Doctores, à quibus seducti sunt, esse eversores Evangelii Christi, & conscientiarum & Ecclesiarum perturbatores. Lutherani, ajunt, soli non sapiunt, soli Christum non prædicant, soli Spiritum sanctum, prophetiæ donum & germanam interpretationem scripturæ non habent. Nostri Doctores nulla in re inferiores ipsis sunt, imo multis nominibus excellunt eos, quia spiritum sectantes, spiritualia docent. Contra, illi nunquam adhuc attigerunt veram theologiam, sed hærent in litera, ideoque nihil aliud docent, quàm Catechismum, fidem, charitatem, &c.

*Lapsus in fidem  
facilis.*

Quare, ut sæpe dicere soleo, quam lapsus in fide facilis, tam periculosus est, nempe è sublimi cælo ad ima tartara. Non est humanus, ut cædes, adulterium, &c. sed Satanicus. Nam qui ita labuntur, non facile possunt sanari, sed plerumq; obstinati perdurant in errore. Ideo novissima ipsorum pejora sunt primis. Id quod Christus testatur, cum ait, Spiritus immundus ejectus è domo sua, cum redit, non solus ingreditur in eam, sed assumit secum alios septem spiritus nequiores se, & habitat ibi, &c.

Sentiens ergo Paulus, dicente hoc ei Spiritu, ne ex ista acri objurgatione animi Galatarum, quos appellaverat ex pio zelo insensatos, &c. plus exacerbarentur, quam emendarentur, Præsertim cum jam sciret Pseudoapostolos inter ipsos agere, qui hanc objurgationem ex paterno corde profectam, interpretaturi essent in pessimam partem, & clamaturi, iam Paulus, quem quidam vestrum tantopere laudant, seipsum prodit, quo spiritu agatur. Præsens voluit videri Pater vester, sed literæ absentis testantur eum esse tyrannum, &c. Ideo pio affectu & sollicitudine paterna ita perturbatus est, ut plane nesciat, quid aut quomodo eis scribat. Nam valde periculosum est, te agere causam per literas apud absentes, qui jam cœperunt te odisse, quiq; ab aliis persuasi sunt, te non habere bonam causam. Ideo vehementer perplexus, paulo post dicit, Confundor propter vos, hoc est, nescio quid & quomodo vobiscum agam, &c.

*Estote*

*Estote sicut ego, Quia & ego sicut vos.*

ISTA verba non de doctrina, sed de affectibus intelligenda sunt. Non est igitur sententia, Estote, ut ego sum, hoc est, sentite de doctrina, sicut ego, Sed, fitis affecti erga me, ut ego erga vos, q. d. Forte nimis acriter objurgavi vos, sed condonate mihi hanc asperitatem, aestimate cor non ex verbis, sed ex affectu cordis verba. Verba quidem dura & virga aspera videntur, sed cor suave & paternum est. Ideo, mei Galatæ, accipite hanc meam objurgationem eo animo, quo vos objurgavi. Nam res postulavit, ut me tam durum erga vos ostenderem. Est & nostra castigatio dura, & stylus vehemens, sed profecto cor non est amarum, non invidum, non vindictæ cupidum contra adversarios, Sed pia turbatio & dolor spiritus est in nobis. Non sic odi Papistas & alios erroneos spiritus, ut imprecer eis malum, & cupiam eos perire, sed optarem potius eos redire in viam, & unâ nobiscum salvari.

*Allegat super  
orem duram ob-  
jurgationem*

Pædagogus castigat discipulum, non in malum, sed in bonum ipsius. Virga quidem est aspera, sed disciplina maxime necessaria est puero, & animus castigantis amicus & syncerus. Sic pater castigat filium, non ut perdat, sed ut emendet. Verbera sunt quidem dura & molesta filio, sed animus patris candidus & suavis est, Et nisi amaret filium, non castigaret eum, sed abigeret à se, ac de salute ejus desperaret, sineretq; perire. Quod ergo castigat eum, est significatio paterni affectus erga filium, maximeq; conducit filio. Sic & vos, mei Galatæ, de objurgatione mea sentite, tunc non judicabitis eam asperam, sed salutarem. Omnis castigatio in præsens quidem non videtur jucunda, sed molesta. Postea vero, &c. Ebræ. 12. Sit ergo in vobis is affectus erga me, qui est in me erga vos. Ego amicum cor erga vos habeo, hoc idem requiro à vobis.

*Pædagogus*

*Pater.  
Castigatio ne-  
cessaria & util-  
is, &c.*

*Ebr. 12.*

Hoc modo blanditur Galatis, & illam blanditiem valde urget, ut eorum animos jam exasperatos sua acri objurgatione, iterum mitiget & sanet. Non tamen revocat suam objurgationem, fatetur quidem fuisse duram & asperam, Sed necessitas, inquit, coëgit me, ut vos durius increparem, Sed sic increpationem meam mitigo, quod ex optimo & suavissimo corde profecta sit. Medicus dat infirmo amarissimam potionem, non quod male velit infirmo, sed isto modo vult ei consulere. Si ergo quid amari datur infirmo, hoc non est imputandum medico, sed medicinæ & morbo. Hoc idem judicate de mea aspera objurgatione.

*Medicus*

*Fratres (rogo vos) nihil me læsistis.*

EST ne hoc rogare Paulo, quod appellat Galatas fascinosos, inobedientes veritari, crucifixores Christi? Ego hoc potius convitium dicerem. Ipse contra, non convitium, sed rogationem esse dicit, & re vera ita est, q. d. Verum est, objurgavi vos paulo acerbius, sed rectè accipite, tum deprehendetis meam increpationem, non esse increpationem, sed rogationem. Sic si pater flagellat filium, tantundem est, ac si diceret ad eum, Fili mi, rogo te, sis probus, &c. Est quidem in speciem castigatio, Si autem cor patris spectes, est blandissima rogatio.

*Meliora sunt  
verba amica  
&c.*

*Nihil me læsistis.*

QVASI dicat, Cur deberem vobis irasci, aut ex malo animi dolore vobis detrahere, cum me non læseritis? Cur ergo dicis nos subversos, desertores doctrinæ tuæ, amentes, fascinosos, &c. Ista satis testantur, quod te offenderimus? Immo non me, sed vosipsum offendistis, Ideoque non propter me, sed propter vos ita angor. Ne igitur putetis increpationem meam, ex irato corde, odio aut aliquo alio vitio profectam esse. Testor enim Deum, quod nulla prorsus injuria me affeceritis, sed econtrâ, multa beneficia in me contuleritis, ut sequitur. Sic blandiens Galatis, præparat animos eorum ad ferendas has paternas castigationes filiali affectu. Hocq; est temperare absinthium & amaram potionem melle & saccaro, ut iterum dulcescat. Sic parentes blandiuntur liberis, quando eos probe castigaverunt,

præbentes eis liba, placentas, pyra, poma, &c. ejusmodi munuscula, quibus agnoscunt liberi, parentes sibi optime velle, ut maxime aspera fuerit castigatio.

*Scitis autem, quod per infirmitatem carnis evangelisaui vobis prius, & tentationem meam in carne mea non sprevisistis neque respuistis, Sed sicut Angelum Dei accepistis me, sicut Christum Iesum.*

*Laus Galatarum quod non sint offensi infirmitate sua.*

EXPONIT nunc cujusmodi beneficia sibi exhibita sint apud Galatas. Primum beneficium, inquit, quod inter omnia reputo maximum hoc est, Cum primum coepi prædicare Evangelium inter vos, idq; per infirmitatem carnis & magnas tentationes, nihil offendit vos illa mea crux. Sed tam boni, suaves, faventes & amantes mei fuistis, ut non solum non offensi fueritis hac infirmitate carnis, tentationibus & periculis, quibus pene obruebar, Sed summo amore me prosequeremini, ac velut Angelum Dei, imo velut Christum Iesum susciperetis.

*Commendatio Galatarum.*

Hæc certe magna commendatio est Galatarum, quod acceperunt Evangelium ab homine tam contempto & afflicto, ut Paulus erat. Prædicavit enim apud illos Evangelium, tumultuantibus & furentibus Iudæis & Gentibus. Nam quicquid erat potens, sapiens, doctum, religiosum, oderat, persequabatur, conspuebat, conculcabat & blasphemabat Paulum. Istis omnib. Galatæ nihil fuerunt offensi, sed removens ex oculis ista spectra infirmitatis, tentationum & periculorum, non solum audierunt egentem, despectum, miserum, afflictum Paulum, seq; agnoverunt discipulos ipsius, sed insuper etiam eum tanquam Angelum Dei, imo tanquam Christum Iesum susceperunt & audierunt. Ea est egregia laus & virtus Galatarum, & certe nunquam ullis, ad quos scripsit, tantam laudem tribuit, quantam hîc Galatis.

*Infirmitas carnis juxta Hieronymi sententiam. Judicium de Patribus in successu temporali Ecclesiæ venturum.*

Hieronymus & alii quidam Patres ex veteribus, exponunt infirmitatem carnis in Paulo, morbum corporis vel tentationem libidinis. Boni isti Patres vixerunt in successu temporali Ecclesiæ, expertes crucis & persecutionis. Episcopi enim jam tum coeperant crescere & augeri opibus, existimatione & gloria in mundo. Ex plerique etiam tyrannidem exercebant in populum, cui præerant, ut testatur Ecclesiastica historia. Pauci faciebant suum officium, & qui volebant videri facere, omissa doctrina Evangelii, sua decreta proponebant populo. Quando autem deest cognitio, exercitium & pura verbi tractatio apud Pastores & Episcopos, non possunt non agere securi. Non enim exercentur tentationibus, cruce & persecutionibus, quæ puram prædicationem verbi certissime sequi solent. Ideo impossibile fuit ab ipsis Paulum intelligi. Nos vero gratia Dei habemus puram doctrinam, quam & libere profiteamur. Ideo cogimur etiam ferre sævissima odia & persecutiones diaboli & mundi. Et nisi exerceremur vi & dolis per tyrannos & hæreticos, & in corde pavore & ignitis Satanæ telis, tam obscurus & ignotus esset nobis Paulus, quam superioribus seculis fuit toti mundo, & adhuc hodie adversariis nostris Papistis & fanaticis spiritibus est. Ideo donum prophetiæ & studium nostrum unâ cum tentationibus internis & externis aperiunt nobis sensum Pauli & omnium scripturarum.

*Cruz doctrinae fidei comes.*

*Utilitas tentationum.*

*Infirmitas carnis in Paulo.*

Vocat igitur Paulus infirmitatem carnis, non morbum aut libidinem, sed passionem seu afflictionem, quam sustinuit in corpore suo, ut sit Antithesis, contra virtutem seu potentiam spiritus. Sed ne videamur verbis Pauli injuriam facere, audiamus ipsum. Libenter, inquit, 2. Corinth. 12. gloriabor in infirmitatibus meis, ut habitet in me virtus Christi. Propter quod placeo mihi in Infirmitatibus, contumeliis, necessitatibus, persecutionibus, angustiis pro Christo, Cum enim infirmus sum, robustus sum. Et cap. 11. In laboribus copiosius, in carceribus abundantius, in plagis supra modum, in mortibus frequenter. A Iudæis quinquies quadragentas, unâ minus, accepi. Ter virgis cæsus sum, Semel lapidatus sum, ter naufragium feci, &c. Istas passiones, quas sustinuit in corpore, vocat infirmitatem carnis, non adversam corporis valetudinem, q. d. Cum prædicarem apud vos Evangelium,



gelium, obrutus eram variis afflictionibus & malis, Undique imminebant mihi infidie & pericula à Iudæis, gentibus & falsis fratribus, &c. Vexabar fame & inopia omnium rerum, eram katharma mundi & peripsema omnium. Istius suæ infirmitatis passim mentionem facit, ut 1. Corinth. 4. 2. Cor. 4. 6. 11. 12. & alibi.

Satis ergo constat Paulum vocare infirmitates carnis, afflictiones, quas secundum carnem passus est, & communes habuit cum aliis Apostolis, Prophetis & omnibus piis, Spiritu tamen potens erat. Habitabat enim in illo Christi virtus, quæ  
 Cor. 12. semper regnabat & triumphabat per eum, Id quod testatur 2. Corinth. 12. his verbis, Cum infirmus sum, robustus sum. Item, Libenter gloriabor in infirmitatibus  
 Cor. 2. meis, ut habitet in me virtus Christi. Et cap. 2. Deo gratia, qui semper triumphat per nos in Christo, q. d. Sævitur quidem in nos crudeliter Diabolus, sæviunt in nos infideles Iudæi & gentes, tamen invicti perduramus contra omnes ipsorum insultus, & illis nolentibus volentibus perrumpit & triumphat doctrina nostra. Ista erat potentia & fortitudo spiritus in Paulo, cui opponit hic infirmitatem & scilicet virtutem carnis.

Potentia spiritus in Paulo.

Ista autem infirmitas carnis in piis maxime offendit rationem. Ideo merito tam magnifice laudat Paulus Galatas, quod illa scandalosissima infirmitate & istis vilibus formis crucis, quas viderunt in ipso, non sint offensi, Sed velut Angelum, imo Christum Iesum susceperint. Et Christus ipse munit suos contra has viles formas crucis, in quibus apparuit, cum ait, Beatus qui non fuerit scandalisatus in me. Et certe magna res est, quod credentes in eum, agnoscant Dominum omnium & Salvatorem mundi, quem audiunt fuisse omnium miserrimum, novissimum viro- rum, opprobrium hominum, abjectionem plebis, In summa, invisum omnibus, denique condemnatum ad mortem crucis, & quidem à suo populo, & præcipue ab his, qui erant optimi, sapientissimi, sanctissimi, &c. Magnum est, inquam, istis grandibus scandalis non moveri, & ea omnia non solum posse contemnere, sed hunc consputum, flagellatum, & crucifixum Christum ignominiosissime, pluris facere, quam omnium divitum opes, omnium potentium fortitudinem, omnium Doctorum sapientiam, omnium Regum coronas, omnium Sanctorum religiones. Ideo merito beati dicuntur à Christo, qui non scandalisantur in ipso.

Ratio offenditur vilibus formis Christi & Sanctorum.

Habuit autem Paulus non tantum externas, de quibus jam diximus, sed etiam internas & spirituales, ut Christus in horto, tentationes. Qualis fuit, de quo  
 Cor. 12. conqueritur 2. Corinth. 12. *καλὸς* in carne, & angelus Satanae, qui eum colaphis cædebat. Qui istis spiritualibus tentationibus exercetur, illum impossibile est vexari libidine. Hoc ideo obiter admoneo, Quia Papistæ, cum viderent latinam translationem habere, Stimulum carnis, interpretati sunt istum stimulum, motus libidinis. Sed in Græco est *καλὸς*, quod palum seu sudem præacutam significat. Fuit ergo ista spiritualis tentatio. Neque obstat, quod addit vocabulum carnis, cum ait, Datus est mihi palus in carnem. Imo consulto vocat palum in carne. Quia Galatæ & alii, quibus cum conversatus fuit Paulus, sæpe viderunt eum magno mœrore affici, trepidare, pavescere & ineffabili dolore & mœsticia vexari.

Tentationes spirituales Pauli.

Stimulus carnis.

Quare non solum corporales, sed & spirituales habuerunt tentationes. Id  
 Cor. 7. quod & 2. Corinth. 7. his verbis fatetur, Intus pavores, foris pugnae. Et Luc. in Act. cap. ult. dicit, Paulum, ubi diu jactatus esset in tempestatibus maris ad tristitiam usque spiritus, recreatum esse ac sumplisse fiduciam, cum videret fratres venire è Roma ei in occursum ad Appii forum & Tres tabernas. Item Philip. 2. fatetur, Deum sui esse misertum, quod Epaphroditum infirmum & vicinum jam morti, sanaverit, ne tristitiam super tristitiam haberet. Ideo præter externas corporis tentationes, passi sunt etiam tristitiam spiritus Apostoli.

Tristitia spiritus in Apostolis.

Sed cur ait Paulus, quod à Galatis non sit spretus? Certe spreverunt eum, Quia ab Evangelio ejus defecerunt. Paulus seipsum exponit, Cum primum, inquit, prædicarem Evangelium vobis, non fecistis, ut plerique alii populi, qui hac mea infirmitate & tentatione carnis offensi, spreverunt & respuerunt me. Humana enim ratio

Humana ratio facile offenditur.

*Pq̄ subjecti sunt  
cruci & affli-  
ctionibus, ideo  
mundus iudicat  
eos reprobos à  
Deo.*

ratio facile offenditur illis vilibus formis crucis, & eos iudicat insanos, qui alios vo-  
lunt consolari, juvare & curare. Item qui jactant magnas opes, justiciam, fortitu-  
dinem, victoriam peccati, mortis & omnium malorum, læticiam, salutem & vitam  
æternam, Et tamen illi ipsi interim egent, infirmi, tristes, despecti sunt, indignissime  
tractantur & occiduntur, ut nocentissimæ pestes rerum publicarum & religionis,  
Et non à vulgo, sed ab optimatibus, qui sunt in administratione politica & Eccle-  
siastica, & hi arbitrantur se per hoc obsequium præstare Deo. Itaque cum aliis pro-  
mittunt æterna bona, & ipsi tam misere coram mundo pereunt, ridentur, & audire  
coguntur, Medice cura teipsum. Hinc passim sunt illæ querelæ in Psalmis, Vermis Psal. 11.  
sum & non homo, &c. Ne discefferis à me, quoniam tribulatio proxima est, & non  
est qui adjuvet, &c.

*Item Galata-  
rum.*

Est igitur hæc magnifica commendatio & laus Galatarum, quod illa infir-  
mitate & tentatione Pauli non sint offensi, Sed susceperint eum velut Angelum Dei,  
imo velut Christum Iesum. Est certe magna & egregia virtus, audire Apostolum,  
Sed major & vere Christiana virtus est, tam miserum, infirmum & contemptum  
(qualem se fuisse apud Galatas Paulus hic testatur) audire, ac eum suscipere velut  
Angelum e coelo, ac talem ei honorem habere, ac si Christus Iesus esset, & non of-  
fendi tantis & tot ipsius afflictionibus. Quare his verbis maxime prædicat virtu-  
tem Galatarum, quam ait æternam fore apud se, & tam gratam esse, ut cupiat eam  
innotescere omnibus hominibus. Interim tamen, cum eorum beneficia & laudes  
tam magnifice prædicat, subobscurè indicat, quàm vehementer prius se dilexerint  
ante adventum Pseudoapostolorum, simulq; admonet, ut porro eodem amore &  
reverentia se Apostolum ipsorum prosequantur, quo antea, &c. Et vel hinc cogno-  
sci potest, Pseudoapostolos habuisse in speciem majorem auctoritatem apud Gala-  
tas, quam ipsum Paulum. Ea enim moti Galatæ longe prætulerunt eos Paulo, quem  
antea non solum vehementer dilexerant, sed etiam velut Angelum Dei suscepe-  
rant, &c.

### *Quæ erat beatitudo vestra?*

QV A SI d. Quam beati prædicabamini, quam laudati & benedicti tum era-  
tis. Similis est phrasis in Cantico Mariæ, Beatam me dicent, id est, benedicent o-  
mnes generationes. Et vehementer emphatica sunt ista verba, Quæ erat beatitudo  
vestra? Q. d. Non simpliciter benedicti, sed per omnia benedicti & laudatissimi  
eratis. Hoc modo studet lenire & mitigare amaram potionem, hoc est, asperam  
objurgationem. Quia timet Galatas illa posse offendi, Præsertim cum sciebat Pseu-  
doapostolos istam calumniaturos & maligne interpretaturos esse. Nam ea est vir-  
tus & natura istarum viperarum, quod verba ex pio & candido corde profecta cri-  
minentur, versute ac insidiosè detorqueant prorsus in contrarium sensum, quam di-  
cta sunt. In hac re miri sunt magistri, superantes omnium rhetorum ingenium &  
artificium. Aguntur enim à spiritu maligno, qui ita dementat eos, ut Satânica vi-  
rulentia accenti in plos, eorum verba & scripta non possint non maliciose interpre-  
tari. Perinde igitur faciunt ut araneæ, quæ ex pulcherrimis & optimis floribus ve-  
nenum sugunt, suo tamen non florum vitio. Itaque vult prævenire suo melle &  
blanditiæ, ne Pseudoapostoli habeant locum calumniandi & captiose perversendi  
verba sua, hoc modo, Paulus tractat vos inhumaniter, vocans amentes, fascinosos,  
inobedientes veritati, quod certum est signum eum non quærere salutem vestram,  
sed habere vos pro damnatis & rejectis à Christo.

*Horatius bene  
distat calumnia-  
torum.*

*Testimonium enim perhibeo vobis, quod, si fieri potuisset, oculos vestros eruisse-  
tis, & dedissetis mihi.*

EXTOLLIT Galatas supra omnem modum. Non solum, inquit, summa hu-  
manitate & reverentia tractastis me, suscipiendo velut Angelum Dei, &c. Sed si  
res & necessitas postulasset, eruissetis oculos vestros, & dedissetis mihi, imo etiam  
vitam vestram impendissetis pro me. Et certe Galatæ impenderunt vitam suam  
pro

*Galata magni*

pro eo. Nam suscipientes & foventes Paulum, quo mundus nihil tunc putabat se habere nocentius, nihil magis maledictum & execrabile, derivabant & in se, ut susceptores & defensores Pauli, indignationem & odium omnium Gentium & Iudeorum. Ita hodie nomen Lutheri est invisissimum mundo, Qui me laudat, gravius peccat, quam ullus Idolatra, blasphemus, perjurus, scortator, adulter, homicida, fur, &c. Necesse est igitur Galatas bene firmatos fuisse in doctrina & fide Christi, cum tanto suo periculo susceperint & foverint Paulum, invisum orbi terrarum, Alioqui non onerassent se invidia omnium hominum, &c.

*suu periculo foverant Paulum.*

*Lutheri nomen invisum, &c.*

*Nunquid inimicus factus sum vobis, veritatem loquendo vobis?*

Hic rationem indicat, cur sic blandiatur Galatis. Suspiciatur enim se haberi ab ipsis pro inimico, quod tam acriter objurgaverit eos. Quæso, inquit, segregate ista convitia à doctrina, & invenietis me non hoc egisse, ut conviciarer vobis, sed ut docerem vos veritatem. Pateor quidem Epistolam esse asperam, sed ista asperitate hoc ago, ut vos ad veritatem Evangelii, à qua translati estis, revocem, atque in ea retineam. Itaque illam asperitatem & amaram potionem non ad personas vestras, sed ad ipsum morbum refert, Et iudicate me non esse hostem vestrum, quod durius increpaverim vos, sed patrem. Nam nisi vehementer amarem vos, ut filios meos, & scirem me vobis fuisse charissimum, non tam dure vos increparem.

*Quid Paulus quæsierit suis aspera objurgatione.*

*Veritas odium parit.*

Munus amici est, amicum, si quid erret, liberior admonere, Neque admonitus, si modo sapit, irascitur alteri propter amicam admonitionem & veritatem ostensam, sed habet & agit ei gratias. In mundo quidem vulgatissimum est, quod veritas odium pariat, & is putetur inimicus, qui veritatem dicit, Hoc non inter amicos, multo minus inter Christianos. Cum igitur ex mera charitate vos objurgaverim, ut vos in veritate retinerem, non debetis mihi irasci, neque amittere veritatem propter paternam meam objurgationem, neque suspicari me esse inimicum vestrum, &c. Ista omnia dicuntur à Paulo ad confirmandum illud, Estote sicut ego sum. Nihil me læsistis, &c.

*Emulantur vos non bene.*

PSUEDOAPOSTOLORUM assentationem perstringit. Miris enim artibus & dolis imponere solet Satan per ministros suos simplicibus, ut Paulus ait Rom. 16. per blandos sermones & magnifica promissa. Primum jurant per omnia sacra, se nihil aliud quærere, quam ut promoveant gloriam Dei. Item se urgeri à spiritu, cum videant miserum populum negligi, aut certe non recte doceri verbum ab aliis, ad docendam certissimam veritatem, ut electi hoc modo ab errore liberentur, & ad veram lucem & cognitionem veritatis perveniant. Deinde promittunt certam salutem iis, qui suscipiunt ipsorum doctrinam, &c. Illo prætextu pietatis & vestitu ovium, nisi resistent eis vigilantes & fideles pastores, mire nocent Ecclesiis rapaces lupi.

*Natura & ars Pseudoapostolorum.*

Vtitur autem hoc loco occupatione Paulus, Nam potuerunt Galatæ dicere. Cur tam acriter inveheris in nostros Doctores, quod nos ambiunt, Tamen hoc faciunt ex zelo quodam divino & mera charitate, hoc certe non debebat te offendere, &c. Ambiunt quidem vos, inquit, sed non bene. Sic hodie cogimur audire à Sacramentariis, Nos nostrā pertinacia scindere charitatem & concordiam Ecclesiarum, quod improbamus ipsorum doctrinam de Cœna Domini. Satiū esse, ajunt, quod nos conniveremus modicum (præsertim cum nihil hic sit periculi) quam quod excitaremus propter unicum istum articulum, & eum non præcipuum, tantas discordias & contentiones in Ecclesia, Præsertim cum in nullo alio articulo doctrinæ Christianæ dissentiant à nobis, præterquam in illo uno de Cœna Domini. Ad hoc respondeo, Maledicta sit charitas & concordia, propter quam conservandam periclitatur verbum Dei.

*Maledicta charitas & concordia propter quam periclitatur verbum Dei.*

Sic Pseudoapostoli finxerunt se vehementer amare Galatas, & zelotypia qua-

*zelo.*



quadam divina erga eos laborare. Est autem zelus proprie amor iratus, seu pia, ut ita dicam, invidia. 3. Reg. 19. ait Elias, Zelando zelatus sum Dominum, &c. Hoc modo Maritus uxorem, pater filium, frater fratrem zelat, hoc est, vehementer amat, sic tamen, ut oderit in eo vitia, & studeat emendare. Ejusmodi zelum simularunt se habere Pseudoapostoli erga Galatas. Paulus concedit quidem eos ardere nimio amore erga Galatas, æmulari & sollicitos esse pro ipsis, Sed non bene. Et hac specie & fuce falluntur simplices, quod impostores illi prætexunt ardentem charitatem & sollicitudinem pro aliis. Monet ergo nos hic Paulus, ut discrimen faciamus inter bonum & malum zelum. Bonus certe laudandus est, non item malus. Ego æque, inquit Paulus, æmulator vos ac illi, iam judicate uter zelus melior sit, meus, an ipsorum? Uter sit bonus & pius, vel malus & carnalis, Ideo non tam facile moveat vos zelus ipsorum, Quia,

*Excludere vos volunt, ut ipsos æmulemini.*

QVASI d. Ardent quidem erga vos nimio zelo & amore, sed per hoc quarunt, ut vicissim ipsos æmulemini, me excluso. Si pius & candidus esset ipsorum zelus, tum certe paterentur unà cum ipsis & nos amari à vobis. Sed nostram doctrinam oderunt, ideo omnibus modis cupiunt eam apud vos extinctam, & suam inter vos divulgatam. Et ut hoc commodius efficiant, conantur vos hac æmulatione abalienare à nobis, & infensos nobis reddere, ut nos unà cum doctrina nostra odientes, & zelum & studium vestrum in ipsos vertentes, se solos ametis, & doctrinam ipsorum suscipiatis. Sic Pseudoapostolos reddit Galatis suspectos, hoc ipso, quod dicit eos illa optima specie insidiari & imponere ipsis. Sic Christus monet nos, Cavete, inquit, à Pseudoprophetis, qui veniunt ad vos in vestitu ovium, &c.

Paulus eandem tentationem passus est, quam nos hodie patimur. Exercuit eum vehementer ista indignitas, quod vidit doctrinam suam optimam sequi tot Sectas, motus, dissipationes rerum publicarum, mutationes Regnorum, &c. quæ pariunt infinita mala & scandala. A Iudæis accusatur in Actis esse pestifer homo, qui concitet suæ genti seditionem in universo orbe, quiq; autor sit sectæ Nazarenorum. Q. d. Est homo seditiosus & blasphemus, qui talia prædicat, quibus non solum evertit rempublicam Iudaicam, divinis legibus optime constitutam, sed etiam ipsum Decalogum, religionem, cultum & sacerdotium nostrum abrogat & dissipat, Et spargit in mundum Evangelium, ut vocat, ex quo orta sunt infinita mala, seditiones, scandala & sectæ. Idem audire cogitur à Gentibus, quæ clamant in urbe Philippis, eum esse conturbatorem suæ reipublicæ, & docentem morem, quem ipsis non liceat suscipere, &c.

Tales perturbationes rerum publicarum, & alias calamitates, Famem, bella, dissensiones & sectas, imputaverunt tum Iudæi & Gentes doctrinæ Pauli & aliorum Apostolorum, Atque ideo eos persecuti sunt ut pestes publicas pacis & religionis. Non tamen ideo deseruerunt Apostoli officium suum, sed strenue illud facientes, prædicaverunt & confessi sunt Christum. Sciebant enim magis obediendum esse Deo, quàm hominibus. Et satius esse conturbari & collidi totum orbem terrarum, quam Christum non prædicari, aut vel unam animam negligi & perdi. Interim tamen illa scandala non potuerunt non afferre Apostolis maximos dolores, Nam certe non fuerunt ferrei. Vehementer movit eos, quod ille populus, pro quo optabat Paulus Anathema esse à Christo, cum omnibus suis ornamentis periturus esset. Videbant magnos motus & omnium Regnorum mutationes secururas hanc suam doctrinam. Et quod illis acerbius morre erat, præsertim Paulo, videbant infinitas Sectas, se adhuc præsentibus, oriri. Paulo triste nuntium fuit, quando audivit Corinthios negare, ut cætera taceam, resurrectionem mortuorum, Quando audivit perturbari Ecclesias suo ministerio paratas, everti Evangelium per Pseudoapostolos, deficere à se totam Asiam, & magnos quosdam viros.

Sed

*Simplices falluntur specie & fuce barbae-rum.*

*Zelus bonus & malus.*

*Zelus Pseudoapostolorum.*

*Doctrinam Pauli divinam & sanctam secta sunt infinita mala.*

*Iudæi omnia mala doctrina Apostolorum imputaverunt.*

*Apostoli malorum malorum spectatores fuerunt non sine magno dolore.*

3. Reg. 19.

Act. 14.

Act. 16.

1. Cor. 15.

Sed sciebat doctrinam suam non esse causam horum scandalorum & Sedarum, ideo non abiciebat animum, non deserebat vocationem, sed pergebat, & sciebat Evangelium, quod prædicabat, esse potentiam Dei, ad salutem omni credenti, ut maxime videretur Gentibus & Iudæis stulta & scandalosa doctrina. Sciebat beatos esse, qui illo verbo crucis non offenderentur, sive doctores sive auditores essent. Ut & Christus ait, Beatus, qui non fuerit scandalisatus in me. Sciebat econtra damnatos esse, qui hanc doctrinam judicabant esse stultam & hæreticam. Itaque plerophoria sua fretus, dixit cum Christo, contra irritatos & offensos hac sua doctrina Iudæos & Gentes, Sinite illos, Cæci sunt, & duces cæcorum. Idem nos hodie audire cogimur, quod olim Paulus & alij Apostoli, Quod Evangelij doctrina, quam profitemur, causa sit multorum malorum, Quælia sunt, seditiones, bella, sectæ & infinita scandala, Imo quicquid nunc est turbatum, imputatur nobis.

*Consolatio  
Pauli.*

*Quicquid hodie  
turbatum est;  
mundum imputat  
Luthero, &c.*

Certe hæreses & impia dogmata non serimus, sed prædicamus Evangelium de Christo, quod is sit Pontifex & Redemptor noster. Deinde coguntur adversarij, si modo veritatem sateri volunt, hoc nobis tribuere, quod nullam occasionem nostra doctrina dederimus ad seditiones, motus, bella, &c. Sed quod docuerimus Potestatem, propter mandatum Dei, religiose colendam, & honore afficiendam esse. Neq; scandalorum autores sumus, sed quod impij offenduntur, non nostra, sed sua ipsorum culpa fit. Nos mandatum Dei habemus, ut doctrinam Evangelij sine ullo respectu scandali doceamus. Ea, quia damnat adversariorum impiam doctrinam & idolatriam, irritati ipsi ex sese gignunt scandala, quæ in Scholis vocaverunt scandala accepta, quæ dixerunt non esse cavenda, neq; etiam posse caveri.

*Scandalum acceptum.*

Christus docuit Evangelium, nihil moratus scandalum Iudæorum. Sinite, inquit, illos, cæci sunt, &c. Apostoli, quo plus prohibebant Pontifices, ne docerent in nomine Iesu, hoc magis testificabantur, illum Iesum, quem ipsi crucifixissent, esse Dominum & Christum, quem quicumq; invocarent, consequerentur salutem, Neq; aliud nomen datum esse sub cælo hominibus, per quod contingeret salus, &c. Eadem fiducia & nos hodie annunciamus Christum, nihil morantes impiorum Papistarum & omnium adversariorum nostrorum clamores, qui queruntur nostram doctrinam esse seditiosam & blasphemam, quia turbet publicum statum rerum, evertat religionem, serat hæreses, & in summa, causa sit omnium malorum. Prædicante Christo & Apostolis, eadem voces jactabantur ab impiis Iudæis. Non longe post veniebant Romani, & juxta vaticinium ipsorum tollebant locum & gentem. Videant igitur hostes Evangelij hodie, ne & ipsi quandoq; his malis obruantur, quorum jam sibi sunt prædictores.

*Querela adversariorum contra doctrinam pietatis.*

Exaggerant scandala illa, quod Monachi & sacerdotes ducunt uxores, quod sexta vescimur carnibus, &c. Cæterum quod ipsi sua impia doctrina seducunt & perdunt quotidie innumeras animas, quod malis exemplis offendunt infirmos, quod blasphemant & damnant Evangelium gloriæ magni Dei, quod persequuntur & interficiunt sanæ doctrinæ studiosos, hoc illis non est scandalum, sed obsequium & cultus Deo gratissimus. Sinamus igitur illos. Cæci enim sunt & duces cæcorum. Qui nocet, noceat adhuc, & qui sordidus est, sordescat adhuc. Nos vero, quia credimus, loquemur dum spiramus, & persecutiones adversariorum perferemus, donec Christus Pontifex & Rex noster veniat è cælo, id quod speramus brevi futurum, qui, ut justus iudex, reddet ultionem iis, qui non obediunt Evangelio ipsius, Amen.

*Papista sua horribilia peccata justificans, nostra beneficia damnans.*

Ista scandala, quæ impij allegant, nihil movent pios. Norunt enim Diabolus extreme odisse doctrinam pietatis, atque ideo deformare eam infinitis scandalis, ut ea occasione funditus eam extirpet. Antea non ita sæviebat Diabolus, cum traditiones humanæ in Ecclesia docebantur. Custodiente enim forti illo armato atrium suum, in pace erant omnia, quæ possidebat, iam vero superveni-

*Sat in deformat Evangelium infinitis scandalis.*

ente fortiore, qui fortem illum vincit, seu ligat, & diripit domum ipsius, incipit atrocissime furere & grassari. Ea quæ res certissimum indicium est, hanc doctrinam, quam profitemur, esse divinam, Alioqui dormiret & delitesceret Behemoth sub umbra in abscondito calami & luti, Hiob 40. Nunc vero cum circum- Eliab. 40. eat ut leo rugiens, & excitet tot turbas, signum est, cum sentire potentiam doctrinæ nostræ.

*Spiritus zelosi  
et carnalis  
et c.*

Paulus, cum ait, zelant vos non bene, &c. obiter indicat, qui sint autores Sectarum, Nempe spiritus illi zelosi, qui omnibus temporibus evertunt veram doctrinam, & pacem publicam turbant. Hi enim stulto zelo incitati, somniant se habere singularem quandam sanctitatem, modestiam, patientiam & doctrinam. Ideoque confidunt se posse consulere saluti omnium hominum, se posse sublimiora & magis salutaria docere, meliores cultus & ceremonias ordinare, quam alij Doctores, quos præ se contemnunt, eorum auctoritatem elevant, ac recte ab illis tradita corrumpunt. Tali stulto zelo incitati Pseudoapostoli, non solum in Galatia, sed ubicunque Paulus & alij Apostoli prædicaverant, suscitabant Sectas, quas postea secuta sunt infinita scandala & maximi motus. Diabolus enim ut Christus ait, mendax & homicida est, ideo solet per suos ministros non solum perturbare Iohann. 8. conscientias falsa doctrina, sed etiam movere seditiones, bella, &c.

Ejusmodi zelosos habet hodie Germania multos, qui simulant summam Pietatem, modestiam, doctrinam, patientiam, &c. & tamen re vera lupi rapaces sunt, sua illa hypocrisis nihil aliud agentes, quam ut nobis obscuratis & penitus exclusis, populus se solos revereatur, ac doctrinam ipsorum audiat & prædicet. Hi quia se solos mirantur, contemptis aliis, non possunt non sequi Sectæ, contentiones, dissidia, seditiones, &c. Sed quid faciamus? Non possumus hoc prohibere, ut neque Paulus potuit, Quosdam tamen lucrifecit, qui hisce monitis ipsius paruerunt. Sic & nostris monitis spero quosdam revocari ex erroribus fanaticorum spirituum, &c.

*Bonum autem est æmulari semper in bono, & non solum cum præsens sum apud vos.*

*Zelus spiritus  
et carnis.*

Q V A S I d. Laudavi vos fuisse zelosissimos pro me, & vehementer me amasse, dum apud vos prædicavi Evangelium, per infirmitatem carnis, eodem amore ac zelo debebatis & nunc me absentem prosequi, quasi nunquam abiissem. Et si enim corpore absum, tamen doctrinam meam habetis, quam, cum per eam accepistis Spiritum sanctum, retinere debetis, & cogitare, Paulum semper coram adesse, dum doctrinam ejus habetis. Non ergo reprehendo, sed laudo vestrum zelum, Laudo tamen, si est zelus Dei seu spiritus, non carnis. Zelus autem spiritus semper est bonus, quia zelat propter rem bonam, non item zelus carnis. Laudat itaque zelum Galatarum, ut mitiget animos ipsorum, ut patienter ferant suam ob-  
jurgationem, q. d. Boni consulite meam objurgationem. Ea enim venit non ex malo aut irato, sed ex dolente, & pro vobis anxie sollicito, animo.

*De Pastore  
et c.*

Est & hic rhetoricum exemplum, quod pius Pastor sollicitus esse debeat pro ovibus suis, sequi in omnia vertere, ut objurgando, blandiendo, rogando, &c. eas retineat in sana doctrina, & à seductoribus abalienet.

*Filioli mei, quos iterum parturio, donec formetur Christus in vobis.*

*Apostoli sunt  
parentes.*

*Forma Christi  
in animi, et per  
quid parturitur*

E S T & hæc rhetorica sententia, qua suavis & blandis verbis mulcet animos Galatarum, quos filiolos appellat *καταπολιτεις*. Omnia verba instructa sunt, ut moveant affectus, & benevolentiam concilient. Quos iterum parturio, Allegoria est. Apostoli (ut etiam præceptores, suo tamen modo) funguntur vice parentum. Ut enim hi formam corporis, Ita illi formam animi generant. Est autem forma Christiani animi, fides seu fiducia cordis, quæ apprehendit Christum, huic soli adhæret, & nulli præterea rei. Cor hac fiducia præditum, quod propter Christum



Christum simus iusti, habet veram formam Christi. Ea autem paratur ministerio  
 1. Cor. 4. verbi, 1. Corinth. 4. Per Evangelium vos genui, scilicet in Spiritu, ut cognoscere-  
 1. Cor. 3. tis & crederetis in Christum. Item 2. Cor. 3. Estis Epistola Christi, ministrata &  
 à nobis scripta, non atramento, sed Spiritu Dei vivi. Verbum enim procedit ex  
 ore Apostoli seu ministri, & pertingit ad cor audientis, Ibi Spiritus sanctus adest,  
 & imprimit cordi verbum, ut illi assentiatur. Hoc modo omnis Doctor pius  
 est pater, qui per ministerium verbi generat & format veram figuram Christia-  
 ni animi.

Porro his verbis (quos iterum parturio) oblique etiam perstringit Pseu-  
 doapostolos, q. d. Ego per Evangelium vos recte generavi, Sed venerunt corru-  
 ptiores & depravatores illi, & finxerunt novam faciem in corde vestro, nō Christi,  
 sed Mōsi, Ita ut fiducia vestra jam non nitatur Christo, sed operibus Legis. Ea non  
 est vera aut Christi forma, sed aliena & prorsus diabolica. Neq; dicit, Ego iterum *Forma Christi*  
 vos parturio, donec mea forma in vobis formetur, sed donec formetur in vo-  
 bis Christus. Id est, laboro ut iterum accipiatis figuram & similitudinem Christi,  
 non Pauli. Quibus verbis iterum perstringit Pseudoapostolos. Illi enim abolita  
 forma Christi in animis credentium, fingeant alienam formam, scilicet suam.  
 Volunt vos, inquit, cap. 6. circumcidi, ut ipsi in carne vestra glorientur.

*Coloss. 3.* De hac forma Christi loquitur etiam ad Col. 3. Induite novum hominem,  
 qui renovatur ad agnitionem, secundum imaginem ejus, qui condidit illum. Vult  
 ergo Paulus reparare formam Christi in Galatis, deformatam & depravatam per  
 Pseudoapostolos, quæ est, ut idem sentiant, cogitent & velint, quod Deus, cujus  
 cogitatio & voluntas est, quod remissionem peccatorum & vitam æternam con-  
 sequamur per Iesum Christum filium suum, quem ad hoc misit in mundum, ut  
 esset propiciatio pro peccatis nostris, imo totius mundi. Ut per hunc filium agno-  
 scamus eum esse placatum & propitium patrem. Qui hoc credunt, sunt similes  
 Dei, hoc est, per omnia de Deo cogitant, ut in corde affectus est, habent ean-  
 dem formam in animo, quam Deus vel Christus. Hoc renovari est, juxta Pau-  
 lum, spiritu mentis, & induere novum hominem, qui secundum Deum creatus *Similes Dei*  
*Ephes. 4.* est, Ephes. 4.

Dicit ergo se iterum parturire Galatas, sic tamen ut forma natorum non sit  
 Apostoli, ut filij non referant imaginem Pauli, Cephæ, &c. sed alterius patris, sci-  
 licet Christi. Illum volo, inquit, in vobis formare, ut per omnia affecti sitis, sicut  
 ipse Christus affectus est. In summa, Parturio vos, id est, iterum anxie laboro, ut  
 vos revocem ad priorem fidem, quam astu Pseudoapostolorum decepti amisistis,  
 & recidistis in Legem & opera. Itaq; incumbit mihi jam novus & difficilis labor,  
 ut vos à lege ad Fidem Christi reducam, Hoc ipse vocat parturire, &c.

*Vellem autem esse apud vos nunc, & mutare vocem meam.*

ISTAE sunt meræ sollicitudines Apostolicæ. Vulgo dicitur, Epistolam esse *Epistola mor-*  
 mortuum nuntium, quia non plus potest dare, quam habet. Et nulla Epistola *tamen nuntium.*  
 tam accurate scripta est, in qua non desideretur aliquid. Variæ enim sunt circum-  
 stantiæ, & momenta temporum, locorum, personarum, morum, & affectuum va-  
 ria sunt, quæ nulla Epistola potest exprimere, Ideoq; varie afficit lectorem, jam  
 contristat, jam exhilarat, prout lector affectus est. Viva autem vox, si quid asperius *Viva vox*  
 aut intempestivius dictum est, potest illud interpretari, mitigare & corrigere.  
 Itaq; optat Paulus se potius præsentem esse, ut vocem suam moderari & mutare  
 posset, prout videret circumstantias affectuum hoc requirere. Ut si videret quos-  
 dam nimium perturbatos, sic moderaretur sermonem, ne nimis contristaret eos,  
 Si contra elatos, severius objurgaret, ne nimium securi & tandem contempto-  
 res fierent.

Quare inops consilij est, quomodo absens cum absentibus per literas agat,  
 q. d. Si Epistola est paulo asperior, timeo ne ea quosdam ex vobis plus offendat,  
 V 2  
 quam

quam emendet, Si lenior, nihil efficiet apud quosdam duos & insensatos. Quia literæ & syllabæ mortuæ hoc tantum dant quod habent, Contrà, viva vox in comparatione ad Epistolam regina est. Quia potest demere & addere, & sese vertere in omnes figuras & qualitates affectuum, temporum, locorum & personarum. Summa, velim libenter vos per literas convertere, hoc est, à Lege ad fidem Christi revocare, sed metuo me literis mortuis hoc non effecturum. Si autem coram adessem, possem mutare vocem, duos objurgare, infirmis blandiri, pro occasione omnium circumstantiarum.

*Quoniam confundor in vobis.*

*Affectus A-  
postolici.*

Id est, Adeo perturbato sum animo, ut nesciam quid & quomodo vobiscum absens per literas agam. Veri affectus Apostolici hic describuntur, Nihil non facit, objurgat, rogat Galatas, blanditur eis, magnificis verbis fidem illorum commendat, & summa diligentia ac fide hanc causam agit (quod vere est rhetorici) ut eos revocet ad veritatem Evangelij, & à Pseudoapostolis abalienet. Verba sunt non frigida, sed ardentia & ignita, ideo diligenter expendenda.

*Dicite mihi, qui sub lege vultis esse Legem non audistis?*

*Ufus allegoria-  
rum & parabo-  
larum, &c.*

PAVLVS voluit hic Epistolam claudere. Optavit enim non plura scribere, sed potius coram adesse & loqui cum Galatis. Sed dum anxius est animo propter illam, arripit adhuc allegoriam hanc, quæ forte tum ei incidebat. Nam allegoriis & parabolis vulgus vehementer afficitur, Hinc & Christus illis frequenter usus est. Sunt enim velut picturæ quædam, quæ simplicibus res quasi ob oculos pictas ostendunt, ideoq; valde movent animos, præsertim rudium. Primum igitur ferit aures Galatarum verbis & scriptis, Deinde hac allegoria venustissima pingit eis ob oculos rem ipsam. Fuit autem Paulus optimus artifex tractandi allegorias. Referre enim eas solet ad doctrinam fidei, ad Gratiam & ad Christum, non ad legem & opera, ut Origenes & Hieronymus. Hi quia simplicissimas sententias scripturæ, in quibus allegoriæ locum non habent, verterunt in allegorias inconcinnas & ineptas, jure reprehenduntur. Itaq; imitatio tractandarum allegoriarum infelix est, & plerumq; etiam periculosa. Nam nisi quis perfectam cognitionem doctrinæ Christianæ habeat, non feliciter tractabit allegorias.

*Paulus quomo-  
do allegorias  
tractat.*

*Origenes &  
Hieronymus.*

*Cur Paulus vo-  
cet librum Ge-  
nes. legem.*

Sed cur Paulus Genesin, ex qua allegat historiam de Ismaele & Isaac, vocat Legem, cum ille liber non sit legalis & præsertim locus, quem citat, nullam Legem, sed tantum simplicem narrationem historiæ contineat de duobus filiis Abraham? Paulus more Iudaico solet vocare primum librum Mosi legem, Qui etsi nullum Legem habeat, præter illam de Circumcisione, fidemq; præcipue doceat, ac testetur Patriarchas placuisse Deo propter fidem, Tamen propter unicam Legem de circumcisione appellaverunt Iudæi Genesin, una cum aliis libris Mosi, Legem. Idem Paulus & ipse Iudæus fecit. Et Christus non solum libros Mosi appellatione Legis complectitur, sed etiam Psalmos, Ioh. 15. Sed ut impleretur sermo, qui in lege eorum scriptus est, Odio habuerunt me gratis. Ioh. 15.

*Scriptum est enim, quod Abraham duos filios habuit, Vnum de ancilla, & unum de libera. Sed qui de ancilla fuit, secundum carnem natus est. Qui autem de libera, per re promissionem.*

*Duo filij A-  
brahe.*

*Ismael carnis,  
Isaac promissio-  
nis filius est,  
&c.*

QVASI dicat, Vos relicta Gratia, fide & Christo, deficitis ad Legem. Sub illa esse, & ex ea sapere vultis, conferam igitur vobiscum de Lege. Quæso igitur diligenter eam inspicite. Invenietis enim Abraham habuisse duos filios, Ismaelem ex Agar, Isaac ex Sara. Vterq; fuit verus filius Abraham, Ismael non minus fuit verus filius Abraham, quam Isaac. Vterque enim ex eodem patre, carne & semine nati sunt. Quæ est ergo differentia? Hoc non facit differentiam, inquit Paulus, quod altera mater libera, altera ancilla est (quanquam ad allegoriam

*Gen. 16.*

riam faciat) Sed quod Ismaël, qui ex ancilla natus est, secundum carnem, id est, citra promissionem & verbum Dei natus est, Isaac vero non tantum ex libera, sed etiam secundum promissionem natus est. Quid ita? Tamen Isaac æque natus est ex semine Abraham, ac Ismaël. Concedo, uterq; ejusdem patris fuit filius, & tamen est differentia. Tametsi enim Isaac ex carne natus est, tamen promissio & nominatio Dei præcessit. Hanc differentiam nemo præter Paulum observasset. Collegit autem eam hoc modo ex textu Gen.

Quod Agar concepit & peperit Ismaëlem, non erat vox aut verbum Dei, quod prædixisset hoc futurum, Sed permissu Saræ ingreditur Abraham ad Agar ancillam, quam Sara sterilis, ut Gen. testatur, dederat ei uxorem. Audierat enim Sara, quod Abraham, promittente Deo, habiturus esset Semen corporis sui, Ad hoc Semen sperabat se fore matrem. Sed cum jam multos annos anxie expectasset post promissionem, & videbat rem differri, putabat se spe sua frustratam esse. Cedit igitur sancta mulier honori viri & juri suo, ac illud resignat alij, scilicet ancillæ. Non tamen patitur maritum ducere aliam uxorem extra ædes suas, sed ancillam propriam illi in matrimonium collocat, ut ex ea ædificetur. Sic enim habet historia Gen. 16. Sarai uxor Abraham, non genuerat illi, sed habens ancillam Ægyptiam, nomine Agar, dixit marito suo, Ecce conclusit me Dominus ne parem. Ingredere ad ancillam meam, si forte ex illa ædificer, &c. Magna humilitas est, quod ita demisit se, & istam tentationem fidei æquo animo tulit. Cogitavit, Deus non est mendax, quod pollicitus est marito meo, hoc certo illi præstabit. Sed forte non vult Deus me esse matrem hujus seminis, Non invidebo Agar hunc honorem, ad quam ingrediatur Dominus meus, forte ex ea potero ædificari.

Nascitur ergo Ismaël sine verbo, tantum ad petitionem ipsius Saræ. Ibi enim nullum est verbum Dei, quod mandaret aut promitteret Abraham filium, sed omnia fiunt casu. Id quod indicant etiam verba Saræ, Si forte, inquit, ædificer ex ea. Cum ergo nulla vox Dei præcedat ad Abraham, ut præcessit quando Sara paritura erat Isaac, sed tantum vox Saræ præcedat, satis ostenditur, Ismaelem fuisse filium Abraham secundum carnem tantum sine verbo, Ideoque fortuito expectatus & natus est, ut alius puer. Hoc Paulus observavit & expendit diligenter.

Ad Rom. 9. idem argumentum urget, quod hic allegoriæ includens repetit, & fortiter concludit, Non omnes filios Abraham, esse filios Dei. Abraham, inquit, habet duplices filios. Alij nascuntur quidem ex carne & sanguine ejus, sed præcedente verbo seu promissione Dei, ut Isaac. Alij sine promissione, ut Ismaël. Ergo filij carnis, inquit, non sunt Dei filij, sed promissionis, &c. Ac illo argumento fortiter obstruit, ut & Christus Matthæi 3. & Iohan. 8. os Iudæis superbis, gloriantibus se esse semen & filios Abraham, q. d. Non sequitur, Sum carnale semen Abraham, ergo filius Dei. Esau est filius naturalis, ergo hæres. Imo hi, inquit, qui volunt esse Abraham filij, illos præter carnalem nativitatem oportet etiam esse filios Promissionis & credere, Et hi qui habent promissionem & credunt, veri soli sunt filij Abraham, & per consequens Dei.

Ismaël vero, quia non promittitur à Deo Abraham, tantum carnis, non promissionis filius est, Ideoq; fortuito expectatur & nascitur, ut alij filij. Nulla enim mater novit num habitura sit prolem, aut si sentit se jam esse gravidam, tamen ignorat an futurus sit masculus aut femella. At Isaac certo fuit nominatus, Gen. 17. Sara uxor tua, inquit Angelus ad Abraham, pariet tibi filium, vocabisq; nomen ejus Isaac. Hic filius & mater expresse nominantur. Sic pro ista humilitate Saræ, quod cessit juri suo, & passa est contemptum Agar, Gen. 16. rependit ei Deus hunc honorem, ut ipsa sit mater promissi filij, &c.

*Quæ per allegoriam dicuntur.*

ALLEGORIÆ non pariunt firmas probationes in Theologia, sed velut pictura



pietura ornant & illustrant rem. Nam si justiciam fidei contra justiciam operum fortioribus argumentis Paulus non probasset, nihil efficeret hac allegoria. Quia vero supra hanc suam causam muniit firmissimis argumentis, sumptis ab experientia, exemplo Abrahamæ, item à testimoniis scripturæ & similitudinibus, iam in fine disputationis addit allegoriam ceu ornatum quendam. Est enim pulchrum, jam fideliter jacto fundamento & firmiter probata causa, aliunde allegoriam aliquam addere. Vt enim pietura est ornatus quidam domus jam extructæ, Ita allegoria est lux quædam orationis vel causæ alicujus jam aliunde probatæ.

*Hæc enim sunt duo Testamenta, Vnum quidem à monte Sina, in servitutem generans, quæ est Agar. Nam in Arabia Sina mons Agar dicitur, &c.*

Sina.  
Agar.  
Hermon.

ABRAHAM est figura Dei, qui habet duos filios, id est, duos populos, per Ismaël ac Isaac repræsentatos. Hi nati sunt ei ex Agar & Sara, quæ significant duo Testamenta, vetus & novum. Vetus est à monte Sina, generans in servitutem, quæ est Agar. Nam eundem montem, quem Iudæi appellant Sina (Quæ appellationem habere videtur à rubetis & dumis) Arabes sua lingua vocant Agar. Id quod præter Paulum testantur etiam Ptolomæus & Græcorum Scholia. Ad eundem modum & aliis montibus alia atq; alia nomina tribuuntur apud diversas gentes. Sic mons, quem Moses appellat Hermon, Sydoniis, Syrion, & Amorrhæis Senir dicitur.

Pulchre autem congruit, quod mons Sina, Arabum lingua, idem nomen habet quod ancilla, & puto illam similitudinem nominis Paulo dedisse lucem & occasionem quærendi istam allegoriam. Sicut ergo Agar ancilla peperit Abrahamæ vere filium, non hæredem tamen, sed servum, Ita Sina allegorica Agar, peperit Deo vere Filium, id est, populum carnalem. Item ut Ismaël verus fuit filius Abrahamæ, Ita populus Israël verum Deum habuit patrem, cui tulit Legem & tradidit oracula sua, religionem, cultum, templum, ut habet Psalmus 147. Qui annunciat verbum suum Iacob, &c. Hoc tamen fuit discrimen, Ismaël natus erat ex ancilla secundum carnem, id est, sine Promissione, ideoq; non potuit esse hæres. Sic Agar mystica, id est, mons Sina, in quo lata Lex & vetus Testamentum conditum est, generavit Deo, Abrahamæ magno, populum, sed sine Promissione, hoc est, carnalem & servilem, non hæredem Dei. Quia legi non sunt additæ promissiones de Christo benedictore, de liberatione à maledicto Legis, à Peccato & morte, item de donatione gratuita remissionis peccatorum, justiciæ & vitæ æternæ. Sed qui fecerit ea, inquit Lex, vivet in eis. PAL. 147.

Populus legi.

Promissiones  
Legis & Evangelij.

Promissiones  
Legis conditionales.

Sunt ergo Promissiones Legis conditionales, non gratis promittentes vitam, sed facientibus Legem, Ideoq; relinquunt conscientias in dubitatione, quia nemo Legem facit. Promissiones vero novi Testamenti nullam habent annexam conditionem, neq; exigunt quicquam à nobis, neq; pendent ex conditione nostræ dignitatis, sed afferunt & donant nobis gratis remissionem peccatorum, gratiam, justiciam & vitam æternam propter Christum. Ista alibi copiosius à nobis tractata sunt. Itaq; Lex seu vetus Testamentum continet tantum promissiones conditionales, Nam eis semper annexa est ejusmodi conditio, Si audieritis vocem meam, Si servaveritis pactum meum, Si ambulaveritis in viis meis, eritis mihi populus, &c. Hoc Iudæi non considerantes, apprehenderunt illas conditionales promissiones, & fecerunt ex iis absolutas & puras, quas existimabant Deum nunquam revocare posse, sed oportere servare. Hinc cum audirent Prophetas (qui recte discernere poterant inter promissiones Legis corporales, & spirituales de Christo & regno ipsius) prædicere vastationem civitatis Jerusalem, templi, regni & sacerdotij, persequebantur & occidebant eos, tanquam hæreticos & blasphemos in Deum. Quia non videbant annexam conditionem, Si custodieritis mandata mea, bene erit vobis, &c.

Itaq;

Iraque Agar serva non generat nisi servum, Non est igitur hæres Ismaël, etiam si naturalis sit filius Abrahæ, sed servus manet. Quid deest? Promissio & benedictio Verbi. Sic Lex lata in Sina monte quem Arabes Agar vocant, non generat nisi servos, Quia Legi non est addita promissio de Christo. Quare si ad Legem & opera relicta promissione & fide, defeceritis, ô Galatæ, perpetuo manebitis servi, id est, nunquam liberi eritis à peccato & morte, sed sub maledicto Legis manebitis. Agar enim non gignit Semen Promissionis & hæredes, hoc est, Lex non justificat, non affert filiationem & hæreditatem, sed potius eam impedit & iram efficit.

*Lex generat servos.*

*Et pertingit usq; ad Ierusalem, quæ nunc est, & servit cum filiis suis.*

MIRABILIS est hæc allegoria. Paulus, ut supra ex Sina fecit Agar, ita jam libenter ex Ierusalem faceret Saram, verum non audet nec potest, sed cogitur cum monte Sina Ierusalem conjungere, Quia dicit eam pertinere ad Agar, cum mons Agar pertingat usq; ad Ierusalem. Et certe verum est, quod continua montana sint ab Arabia Petræa usq; ad Cadesbarnea Iudææ. Dicit igitur, Ista Ierusalem quæ nunc est, id est, terrena & temporalis, non est Sara, sed pertinet ad Agar, quia in ea exercetur regnum Agar. Est enim in ea lex generans in servitutem, est in ea Cultus, Templum, regnum, sacerdotium, & quicquid in Sina ordinatum est ex ipsa lege matre, hoc in Ierusalem geritur, Ideoq; annecto eam cum Sina, & utrasq; complector eodem vocabulo, scilicet Sina seu Agar.

*Ierusalem terrena, pertinet ad Agar.*

Ad eum modum ego non ausus fuisset tractare hanc allegoriam, sed potius dixissem, Ierusalem esse Saram seu novum Testamentum, præsertim cum in ea inceperit prædicatio Evangelij, Spiritus sanctus datus, & novi Testamenti populus natus sit, & putassem me cruisse valde aptam Allegoriam. Ideo non est cujusvis artificis ludere Allegoriis. Nam pulchra aliqua species facile alicui imponit, ut aberret. Vt hic, Nulli nostrum non videretur valde commodum fuisse Sina Agar, & Ierusalem Saram dici. At Paulus facit quidem Ierusalem Saram, non autem istam corporalem, quam simpliciter adjungit ipsi Agar, sed spiritualem & coelestem, in qua non lex regnat, nec populus carnalis, ut in Ierusalem, quæ servit cum filiis suis, sed in qua promissio regnat, & populus spiritualis & liber est.

*Non est cuiusvis tractata Allegoria.*

*Sara celestis Ierusalem.*

Et ut prorsus aboleretur Lex & totum illud regnum in Agar ordinatum, vastata est permissu Dei horribiliter Ierusalem terrena cum omnibus suis ornamentis, templo, cultu, &c. Quamquam autem in ea cœperit novum Testamentum, & ex ea egressum sit in totum orbem terrarum, nihilominus tamen pertinet ad Agar, hoc est, est civitas Legis, cultus & sacerdotij à Mose instituti. Summa, generata est ex Agar serva, ideoq; cum filiis suis servit, hoc est, ambulat in operibus Legis, & nunquam pervenit ad libertatem spiritus, sed perpetuo manet sub Lege, peccato, mala conscientia, ira & iudicio Dei, sub reatu mortis & inferni. Habet quidem libertatem carnis, habet regnum corporale, habet magistratus, opes, possessiones, &c. sed nos de libertate spiritus loquimur, ubi nos mortui Legi, peccato, morti, liberi vivimus & regnamus in gratia, remissione peccatorum, iusticia & vita æterna. Hæc non potest præstare Ierusalem illa terrena, ideo manet cum Agar.

*Ierusalem terrena serva.*

*Illam autem, quæ sursum est, Ierusalem libera est, quæ est mater omnium nostrum.*

TERRENA illa Ierusalem, inquit, quæ deorsum est, habens politiam legalem, est Agar, & servit cum filiis suis, id est, non liberatur à Lege, peccato & morte. At Ierusalem, quæ sursum est, id est, Spiritualis, illa est Sara (Paulus tamen non addit vocabulum Saræ nomine proprio, sed appellative vocat eam liberam) hoc est, vera domina & libera, ac mater nostra, generans non in servitutem, ut Agar, sed in libertatem. Est autem illa Ierusalem coelestis, quæ sursum est, Ec-

*Ierusalem quæ sursum est.*

clesia, id est, credentes sparsi per totum orbem, qui idem Evangelium, eandem fidem in Christum, eundem Spiritum sanctum, & eadem Sacramenta habent.

*Sursum.*

Ideo sursum non intellige ἀναγωγικῶς, ut Sophistæ, de Ecclesia triumphante (sic enim loquuntur) in cœlis, sed de militante in terris. Nec mirum, quia pii dicuntur conversari in cœlis. Philip. 3. Nostrum πολίτευμα in cœlis est, Non localiter, sed quatenus Christianus credit, quatenus apprehendit inenarrabilia, cœlestia & æterna dona, eatenus est in cœlis, Ephes. 1. Qui benedixit nos omni benedictione spirituali in cœlestibus per Christum. Distinguenda ergo est spiritualis & cœlestis Benedictio contra terrestrem, quæ est, habere bonam Politiam & œconomiam, habere prolem, pacem, opes, fruges & alia corporalia commoda. Cœlestis autem benedictio est, liberari à lege, peccato & morte, justificari & vivificari, placatum Deum habere, habere cor confidens, conscientiam hilarem, consolationem spiritualem, habere cognitionem Christi, prophetiam & revelationem scripturarum, habere dona Spiritus sancti, latari in Deo, &c. Hæ sunt benedictiones cœlestes, quas Christus donat suæ Ecclesiæ. Philip. 3.  
Ephes. 1.

*Terrena & cœlestis benedictio.*

Quare Ierusalem quæ sursum est, id est, cœlestis, est Ecclesia in hoc tempore, non ἀναγωγικῶς futuræ vitæ patria, vel Ecclesia triumphans, ut ociosi & incurriti Monachi & Scholastici doctores nugati sunt, qui tradiderunt quatuor esse sensus scripturæ, Literalem, Tropologicum, Allegoricum & Anagogicum, & secundum hos singula fere verba scripturæ inepte interpretati sunt. Ut Ierusalem literaliter significabat illis urbem ejus nominis, Tropologice, conscientiam puram, Allegorice Ecclesiam militantem, Anagogice, cœlestem patriam seu Ecclesiam triumphantem. His insulsis & nugacibus fabulis, quibus discerpserunt scripturas in tot sententias, fecerunt, ut de nullis rebus conscientiæ certo erudiri potuerint. Sed Paulus hic ait, veterem & terrestrem illam Ierusalem pertinere ad Agar & servire cum filiis suis, & abolitam esse. Novam autem & cœlestem, quæ Domina sit & libera, constitutam esse divinitus, non in cœlis, sed in terris, ut sit omnium nostrum mater, ex qua nos sumus generati & quotidie generamur. Ergo necesse est hanc matrem nostram, ut & ejus generationem, esse in terris inter homines. Generat tamen in spiritu ministerio Verbi & Sacramentorum, &c. non in carne.

*Quatuor sensus scripturæ.*

*Ierusalem cœlestis, & tamen in terris.*

Hoc ideo dico, ne abducamur cogitationibus nostris in cœlum, sed sciamus, Paulum Hierusalem, quæ sursum est, opponere non localiter sed spiritualiter terrenæ. Nam distincta sunt spiritualia & corporalia seu terrena, Spiritualia sursum sunt, terrena deorsum. Sic Ierusalem quæ sursum est distinguitur contra carnalem & temporalem Ierusalem, quæ deorsum est, non localiter, ut dixi, sed spiritualiter. Nam illa Ierusalem spiritualis, quæ cœpit in corporali, non habet certum locum, ut illa in Iudæa, sed sparsa est per totum orbem terrarum, & potest esse in Babylone, in Turcia, Tartaria, Scythia, India, in Italia, Germania, in Insulis maris, in montibus & vallibus & ubiq; terrarum, ubi homines sunt, qui Evangelium habent & in Christum credunt, &c. Quare Sara seu Ierusalem mater nostra libera est ipsa Ecclesia, Christi sponsa, ex qua generamur omnes. Generat autem ipsa liberos sine intermissione usq; ad finem Mundi, dum exercet ministerium Verbi, hoc est, dum docet & propagat Evangelium, hoc enim generare est. Docet autem Evangelium hoc modo, quod liberemur à maledictione Legis, à peccato, morte & aliis malis, non per Legem & opera, sed per Christum. Ergo Ierusalem, quæ sursum est, id est, Ecclesia, non est subiecta Legi & operibus, sed libera est & mater sine Lege, peccato & morte. Qualis autem est ipsa mater, tales etiam filios generat.

*Ierusalem spiritualis per totum orbem dispersa.*

*Ecclesia generat filios.*

*Ecclesia docendo generat, &c.*

Pulchre ergo ista Allegoria docet, quod Ecclesia nihil facere debeat, quam recte & pure docere Evangelium, atq; ita generare liberos. Sic omnes invicem sumus patres & filij, generamur enim alij ex aliis. Ego ex aliis per Evangelium genitus jam alios gigno, qui deinceps alios gignent, & sic ista generatio durabit usq; ad finem mundi. De generatione autem loquor, non Agar ancillæ, quæ per Le-



per Legem servos generat, sed Saræ liberæ, quæ generat sine Lege, sine operibus & propriis studiis. Nam quod Iſaac, non Iſmaël (cum tamen uterque naturalis filius Abrahæ fuerit) hæres est, habet per verbum Promissionis, scilicet, Sara uxor tua pariet tibi filium, vocabisq; nomen ejus Iſaac (Hocq; Sara bene intellexit, ideoque dicit, Ejice ancillam & filium ejus, &c. & ea verba Paulus infra etiam citat) Quare sicut Iſaac hæreditatem patris habet solum ex promissione & nativitate, sine Lege & operibus. Ita nos per Evangelium nascimur hæredes ex Sara libera, id est, Ecclesia. Ea enim docet, fovet, gestat nos in utero, gremio & ulnis, fingit & perficit nos ad formam Christi, donec crescamus in virum perfectum, &c. Ita omnia fiunt per ministerium verbi. Quare liberæ officium est generare, marito Deo, sine fine liberos, id est, tales filios, qui fide, non Lege norunt se justificari.

*Ecclesia mater nostra.*

*Scriptum est enim, Letare sterilis, quæ non parit, erumpe & clama quæ non parituris. Quia multi filij desertæ, magis quam ejus quæ habet virum.*

*Isa. 54.*

PAVLVS ex Eſaia Propheta citat hunc locum, qui totus est Allegoricus. Sic scriptum est, inquit, quod mater numerosæ proles, & quæ virum habet, infirmari & perire debet, Et econtrâ sterilis, quæ non parit, abundare filiis. Ad eundem modum canit etiam Hanna in suo Cantico, ex quo Eſaias hanc prophetiam sumpsit, 1. Reg. 2. Arcus fortium superatus est, & infirmi accincti sunt robore. Repleti prius pro panibus se elocaverunt, & famelici saturati sunt. Donec sterilis peperit septem, & quæ multos habebat filios infirmata est, &c. Mira res, inquit, Quæ fœcunda fuit sterilis erit, & quæ sterilis, fœcunda. Item, qui fortes, saturi, viventes, iusti, beati, divites & gloriosi fuerunt, hi infirmi, egentes, obnoxij morti, peccatores, damnati, pauperes & inglorij erunt. Et econtrâ, infirmi & famelici, &c. erunt robusti & saturi, &c.

*Canticum Hannæ. 1. Reg. 2.*

Hac allegoria Eſaiæ Prophetæ, ostendit Paulus discrimen Agar & Saræ, hoc est, Synagogæ & Ecclesiæ, seu Legis & Evangelij. Lex maritus fœcundæ, hoc est, Synagogæ, valde multos filios generat. Nam homines omnium ætatum, non solum idiotæ, sed quicq; sapientissimi & optimi (hoc est, totum genus humanum, præter filios liberæ) non vident aut agnoscunt aliam justiciam, multo minus excellentiorem, quam legis (Complector autem nomine Legis, omnes leges, humanas & divinas) Itaque si Legem sectantur, & externa opera ejus faciunt, se justos esse putant. Hi quanquam fœcundi sint, abundant discipulis, & floreant justicia & speciosis operibus Legis, tamen non liberi sed servi sunt, Quia sunt filij Agar, quæ in servitutem generat. Si autem servi sunt, non erunt participes hæreditatis, sed ejicientur à domo, Servi enim non manent in domo in æternum, Imò jam ejecti sunt è regno Gratia & libertatis. Qui enim non credit, jam judicatus est. Manent ergo sub Legis maledictione, peccato, morte, sub potestate Diaboli, ira & judicio Dei.

*Discrimen Synagogæ & Ecclesiæ.*

*Infirmitas legis nota rationi.*

Si autem ipsa lex Dei moralis seu Decalogus generat tantum servos, hoc est, non justificat, sed tantum terret, accusat, condemnat, & ad desperationem adigit conscientias, Quomodo quæso justificarent traditiones humanæ & leges Patrum, quæ sunt doctrinæ dæmoniorum? Itaq; quicunq; docent & urgent, sive traditiones humanas, sive legem Dei, tanquam necessariam ad justiciam coram Deo, nihil aliud faciunt, quam quod servos generant, &c. Et tamen istiusmodi Doctores judicantur esse optimi, merentur applausum mundi, & fœcundissime matres sunt, Infinitos enim habent discipulos. Siquidem ratio non intelligit quid fides & vera pietas sit, ideo negligit & contemnit eam, & naturaliter afficitur superstitione & hypocrisi, id est, iusticia operum. Ea, quia maxime fulget & floret, potentissima Imperatrix est orbis terrarum. Docentes ergo justiciam operum ex Lege, generant multos filios, in specie quidem liberrimos, & variis mundiciis nitentes, sed in conscientia ligatos & peccati servos, ideo è domo ejiciendos & damnandos.

*Doctores Legis generant servos.*

*Ratio hypocrisis capitur.*

Econtrâ,

*Ecclesia sterilis.*

*Evangelium  
paucos habet  
discipulos.*

Econtra, Sara libera, id est, vera Ecclesia, videtur esse sterilis. Quia Evangelium, quod est verbum Crucis, quod docet Ecclesia, non ita fulget, ut doctrina de Lege & operibus, ideoq; paucos habet discipulos, qui ei adhærent. Deinde hunc titulum gerit, quod prohibeat bona opera, quod reddat ociosos & languidos homines, excitet hæreses & seditiones, & causa sit omnis mali, Ideoq; nullum successum aut prosperitatem videtur habere, sed omnia sterilitatis, desertionis & desperationis plena apparent. Hinc impij certo persuasi sunt, Ecclesiam non posse diu durare cum doctrina sua. Iudæi certissimi erant propediem collapsuram esse Ecclesiam ab Apostolis plantatam, quam odioso nomine Sectam appellabant. Sic enim loquuntur ad Paulum Actor. 28. De ista Secta notum est nobis, quod ubiq; ei contradicitur. Sic hodie adversarij nostri, quoties quæso seipsos vana spe luserunt, cum jam hoc, jam illo tempore nos certo opprimendos esse jactaverunt? Oppressi sunt Christus & Apostoli, sed ipsis mortuis latius sparsa est doctrina Evangelij, quam viventibus. Sic nos adversarij opprimere possunt, sed verbum Domini stabit in æternum. Quantumvis igitur Ecclesia Christi videatur sterilis & deserta, infirma & contempta, & foris patiatur persecutionem, ac cogatur audire, doctrinam ejus esse hæreticam & seditiosam, tamen ipsa sola coram Deo est fecunda, generans per ministerium Verbi infinitos filios, æternæ justiciæ & vitæ hæredes, foris quidem persecutionem patientes, sed in spiritu liberrimos, qui non solum judices sunt super omnes doctrinas & opera, sed qui etiam sunt gloriosi victores infernalium portarum.

*Ecclesia est in  
luctu.*

Concedit ergo Propheta Ecclesiam esse in luctu, alioqui non adhortaretur eam ad læticiam. Concedit esse sterilem coram mundo, alioqui non appellaret sterilem & desertam, quæ non parit, Sed coram Deo dicit eam esse fecundam, Ideoque jubet eam lætari, q. d. Tu quidem deserta & sterilis, non habes maritum Legem, ideo neq; filios. Sed gaude, quia etsi es sine marito Lege, ut virgo nubilis deserta (Non enim vult appellare viduam) quæ quidem haberet sponsum, si non deserta esset ab eo, aut si sponsus ei non esset occisus, tu inquam, solitaria & deserta à marito Lege, & non subiecta conjugio Legis, mater eris infinitorum filiorum. Quare populus seu Ecclesia novi Testamenti, est prorsus sine Lege (quod ad conscientiam attinet) ideoq; apparet coram mundo esse deserta. Sed ut maxime in speciem sit sterilis sine Lege & operibus, tamen coram Deo fecundissima est, & generat infinitos filios, & eos liberos. Per quid? non per maritum Legem, sed per verbum & spiritum Christi, qui datur per Evangelium, concipit, generat, educat filios.

*Discrimen legi  
& Evangelij.*

Hac ergo allegoria Paulus clarissime ostendit discrimen Legis & Evangelij. Primum, cum Agar vetus Testamentum, Saram, novum vocat, Deinde cum alteram ancillam, alteram liberam appellat, Item cum maritatem & fecundam ait infirmari, & cum filiis suis ejici è domo, Contra sterilem & desertam, fecundam fore, & parituram infinitos filios, & eos hæredes. Hæ differentię essentielles sunt populi fidei & legis, Populus Fidei non habet Legem maritum, non servit, non natus est ex matre Ierusalem, quæ nunc est, sed promissionem habet, liber est, & nascitur ex Sara libera. Separat ergo populum spiritualem novi Testamenti à Legis Populo, cum dicit, eum non esse prolem Agar maritatæ, sed Saræ liberæ, quæ nescit Legem. Et per hoc constituit populum fidei longe supra & extra Legem. Si autem supra & extra Legem est, Ergo non Legi & operibus, sed sola spirituali cativitate, quæ nihil aliud est nisi fides, justificatur. Ut autem populus Gratiæ non habet nec potest habere Legem, Ita populus Legis non habet nec potest habere gratiam, Quia impossibile est Legem & Gratiam simul posse existere. Aut igitur Fide justificari nos oportet, & justiciam Legis amittere, Aut Lege, & gratiam & justiciam fidei amittere. Turpis autem & infelix est amissio, quando amissa Gratia Legem retinemus, Econtra, felix & salutifera amissio est, quando Lege amissa Gratiam retinemus.

*Populus gratiæ  
sine lege, popu-  
lus legis sine  
gratiâ.*

Nos

Nos sedulo damus operam (quia videmus Paulum summa diligentia hoc fecisse) ut clare ostendamus Legis & Evangelij differentiam, quæ facilima est, quantum ad verba ipsa attinet. Quis enim non videt, Agar non esse Saram, & Saram non esse Agar? Item Ismaëlem non esse aut habere, quod est aut habet Isaac? Ita facile discerni possunt. Sed in seriis pavoribus & agone mortis, ubi conscientia luctatur cum iudicio Dei, tum firma fiducia posse dicere, Non sum filius Agar, sed Saræ, hoc est, Lex nihil ad me pertinet, Quia Sara est mater mea, quæ non servos, sed liberos & hæredes generat, Hoc omnium difficilimum est. Paulus ergo hoc Esaïæ testimonio probavit, Saram, hoc est, Ecclesiam, esse veram matrem, quæ parit liberos & hæredes. Contrà Agar, id est, Synagogam, generare quidem multos filios, sed servos è domo ejiciendos, &c. Porro, quia iste locus etiam de abrogatione Legis & de libertate Christiana loquitur, diligenter observandus est. Nam ut summus & præcipuus Christianæ doctrinæ articulus est, nosse quod per Christum justificemur & salvemur, Ita per Antithesin multum refert, probe tenere locum de abrogatione Legis. Valde enim prodest ad confirmandam doctrinam nostram de fide, & ad parandam firmam & certam consolationem conscientiarum, præsertim in seriis pavoribus, si sciamus Legem esse abrogatam.

*Differentia hinc  
& Evangelij.*

*Abrogatio  
Legis.*

Dixi supra sæpius, & jam iterum repeto (Illa enim res non potest satis inculcari) Quod Christianus fide apprehendens beneficium Christi, nullam prorsus Legem habeat, sed quod tota Lex illi abrogata sit cum suis terroribus & vexationibus. Idem docet hic locus Esaïæ, Ideo insignis & consolatione plenus est, provocans ad lætandum sterilem & desertam, quæ secundum Legem ridenda seu deploranda potius erat. Nam steriles secundum Legem erant maledictæ. Sed Spiritus sanctus invertit hanc sententiam, & sterilem laudandam & benedictam, & contrà fecundam & parturientem maledictam pronunciat, cum ait, Lætare sterilis, &c. plures filij desertæ, quam ejus quæ habet maritum. Vt maxime igitur videatur Sara, hoc est, Ecclesia coram mundo deserta ac sterilis, non habens legis justiciam & opera, tamen coram Deo, teste Propheta, fecundissima mater est infinitorum liberorum. Contra, ut maxime in speciem sub Agar abundantissima fecunditas & parturitio sit, tamen nulla proles manet, Quia filij ancillæ ejiciuntur una cum matre è domo, & non accipiunt hæreditatem cum filiis liberæ, ut Paulus infra ait.

*Christiani læt  
abrogata.*

*Ecclesia certum  
mundo deserta  
& sterilis.*

Quia ergo liberæ filij sumus, abrogata est nobis Lex, vetus noster maritus, Rom. 7. Qui dum dominabatur nobis, impossibile erat in spiritu nos generare liberos, cognoscentes Gratiam, sed servi manebamus cum ipsis. Lege dominante, non sunt quidem ociosi homines, sed strenue laborant, portant pondus dici & æstum, parturiunt & generant multos filios, Sed tam genitores quam geniti spurij sunt, non pertinentes ad liberam matrem, Ideo tandem cum Ismaële ejiciuntur è domo & hæreditate, moriuntur & damnantur. Impossibile est igitur homines per Legem, ut maxime in ea multum sit laboris & parturitionis, pervenire ad hæreditatem, hoc est, justificari & salvari. Maledicta sit igitur omnis doctrina, vita, religio, quæ conatur lege aut operibus parare justiciam coram Deo. Sed pergamus de abrogatione Legis loqui.

*Populus legit  
laboriosissimus.*

Thomas & alij Scholastici de abrogatione Legis loquentes, dicunt Judicialia & Ceremonialia post Christum mortifera, ideoq; jam abrogata esse, non item moralia. Hi ignorant quid loquantur. Tu vero cum voles de abrogatione Legis loqui, disputa præcipue de lege proprie dicta ac spirituali, & complectere simul totam Legem, nihil distinguens inter judicialem, ceremonialem & moralem. Nam cum Paulus ait, nos per Christum à maledicto Legis liberatos esse, certe de tota lege loquitur, ac præcipue de morali, quæ vel sola accusat, maledicit & condemnat conscientias, non item reliquæ duæ species. Quare dicimus Legem Decalogi nullum habere jus accusandi & perterrefaciendi conscientiam, in qua Christus per Gratiam regnat, quia Christus jus illud antiquavit.

*Lex tota abro-  
gata est.*

Non



*Plus fontis ter-  
rores legu, sed  
fide in Christum  
erigitur.*

Non quod omnino non sentiat conscientia terrores Legis, certe sentit eos, sed quod illis non possit condemnari, & ad desperationem adigi. Quia nulla nunc est condemnatio his, qui in Christo Iesu sunt, Rom. 8. Item, Si filius vos liberaverit, vere liberi eritis, Iohan. 8. Ut maxime ergo Christianus per Legem ostendentem peccatum perterrefiat, tamen ideo non desperat, quia credit in Christum, in quem baptisatus, & sanguine ejus mundatus, habet remissionem peccatorum. Remissio autem nobis peccato per Christum ipsum Dominum legis (sic tamen remisso, quod seipsum tradiderit pro eo) non habet amplius Lex serva jus accusandi & damnandi nos propter peccatum, cum nobis remissum sit, ac jam liberi facti simus, liberante nos Filio. Quare credentibus in Christum tota Lex abrogata est.

*Rom. 8.  
Iohan. 8.*

*Politica Leges  
Mosi ad nos non  
pertinent.*

At nihil facio. Nihil potes facere ut libereris à tyrannide legis, Sed audi hoc latum nuncium, quod Spiritus in Propheta tibi affert, Latere sterilis, quæ non, &c. q. d. Cur tam mœsta es, cum nihil causæ sit cur mœrore afficiaris. At sterilis sum & deserta, &c. Ut maxime talis sis, non habens justiciam ex lege, tamen Christus est tua justicia. Is factus maledictum pro te, redemit te à maledicto Legis, In hunc si credis, Lex tibi mortua est. Et quo major est ipse Christus Lege, hoc meliorem habes justiciam, Legis justicia. Deinde foecunda es, non sterilis, quia plures habebis filios, quam maritata. Alia legis abrogatio externa est, quod Politicæ leges Mosi nihil ad nos pertinent, Ideoq; non debemus eas revocare in forum, nec quadam superstitione nos alligare ad eas, ut quidam superioribus annis volebant, ignari hujus libertatis. Cæterum quanquam Evangelium non subiciat nos judicialibus Mosi, tamen in totum non liberat nos ab obedientia omnium politicarum legum, Sed in hac vita corporali subicit nos legibus ejus Politicæ in qua vivimus. Hoc est, jubet unumquenq; suo magistratui & legibus ipsius parere, non tantum propter iram, sed etiam propter conscientiam, 1. Pet. 2. Rom. 13. Nec peccaret Cæsar, si quibusdam judicialibus legibus Mosi uteretur, imo libere posset illis uti. Errant igitur Sophistæ, qui nugantur judicialia Mosi post Christum mortifera esse.

*1. Pet. 2.  
Rom. 13.*

*Ceremonie Mo-  
saica nos non li-  
ant.*

Neq; Ceremoniis Mosi astringimur, multo minus Papæ. Quia vero vita hæc corporalis non potest in totū carere ceremoniis aut ritibus, Oportet enim quandam esse pædagogiam, permittit Evangelium, ordinationes fieri in Ecclesia de feriis, de temporibus, de locis, &c. ut populus sciat quo die, qua hora, ad quem locum convenire debeat, ad audiendum verbum Dei, &c. Permittit ut constituantur lectiones velut in schola, præcipue propter pueros & simplices, ut hi commodius doceri possint. Sed hoc sine permittit talia constitui, ut omnia in Ecclesia fiant decenter & secundum ordinem. 1. Cor. 14. Non ut servantes tales ordinationes mereantur remissionem peccatorum, &c. Deinde etiam sine peccato omitti possunt, modo præter offensionem infirmorum id fiat. Ideo error est dicere, quod ceremoniæ Mosaicæ post Christum revelatum mortiferae sunt, alioqui peccassent Christiani, quod observârunt ferias Paschatis & Pentecostes, quas vetus Ecclesia exemplo legis Mosaicæ (quanquam longe alio modo & fine) instituit celebrari.

*Vfus ceremoni-  
arum in Eccle-  
sia.*

*1. Cor. 14.*

Paulus autem hic præcipue de abrogatione Legis moralis loquitur, quod diligenter considerandum est. Agit enim contra justiciam Legis, ut justiciam fidei statuatur, sic concludens, Si sola Gratia seu fides in Christum justificat, ergo tota Lex simpliciter abrogata est. Hocq; confirmat testimonio Esaia, quo invitat sterilem & desertam Ecclesiam ad lætandum. Quia non videtur habere prolem genitam, neq; spem prolis in futurum gignendæ, hoc est, Non habet discipulos, non applauditur ei, quia prædicat verbum Crucis de Christo crucifixo, &c. contra omnem sapientiam carnis. Sed ea res, inquit Propheta, nihil te sterilem moveat & perturbet, imo exulta & júbila potius, Quia plures filij desertæ, quam ejus quæ virum habet. Hoc est, quæ maritum habet & numerosa prole multiplicatur, infirmabitur, Contra tu sterilis ac deserta abundabis filiis.

Appellat

Appellat autem Ecclesiam sterilem, Quia filij ipsius non Lege, operibus, non ullis conatibus aut viribus humanis, sed in Spiritu sancto per verbum fidei generantur, Ibi mera nascentia est, nulla operatio. Contra fecundi laborant & exercent se nimium parturiendo, Ibiq; mera operatio est, nulla nativitas. Sed quia iusticia Legis seu propria conantur consequi jus filiorum & hæredum, servi sunt, nunquam accipientes hæreditatem, etiam si ad mortem usq; nimio labore defatigantur, Quia contra voluntatem Dei suis operibus consequi conantur, quod Deus ex mera gratia propter Christum credentibus donare vult. Credentes etiam bene operantur, non autem per hoc filij & hæredes fiunt, Hoc enim affert eis nativitas, Sed ut jam filij facti propter Christum, benefactis suis glorificent Deum & adjuvent proximos.

Ecclesia sterilis.

Piorum opera.

*Nos autem, fratres secundum Isaac, promissionis filij sumus.*

*Ioh. 8.* Hoc est, non sumus filij carnis, ut Ismaël, aut totus Israel carnalis, qui gloriabatur se esse semen Abraham ac populum Dei, Sed audiebat à Christo Iohan. 8. Si filij Abraham essetis, non quæreretur interficere me, qui veritatem vobis locutus sum. Item, Si Deus pater vester esset, utiq; diligeretur me, & loquelam meam agnosceretur, q. d. Fratres in eadem domo nati ac educati agnoscunt alter alterius loquelam, Vos ex patre Diabolo estis, &c. Tales filij, inquit, nos non sumus, quales ipsi, qui servi manent, & è domo tandem ejiciuntur, Sed filij sumus ut Isaac, promissionis, id est, Gratia & fidei, nati ex sola Promissione. De hac re satis copiose dictum est supra Cap. 3. In semine tuo benedicentur, &c. Ergo non ex Lege, operibus, iusticia propria pronunciamur iusti, sed ex mera Gratia. Promissionem, quæ sola fide apprehenditur, vehementer urget & sæpe inculcat Paulus, quia vidit maxime opus esse. Hactenus de Allegoria, cui intexit locum Esaiæ velut interpretationem quandam. Iam historiam de Ismaële & Isaac applicat ad exemplum & consolationem.

Filij promissionis.

*Sed quemadmodum tunc is, qui secundum carnem natus fuerat, persequabatur eum, qui secundum spiritum, Ita & nunc.*

Is locus continet gravissimam consolationem. Quicumq; nati sunt & vivunt in Christo, ac gloriantur de ista nativitate & hæreditate Dei, habent persecutorem Ismaël. Hoc discimus hodie ipsa experientia. Videmus enim omnia plena esse tumultibus, persecutionibus, sectis & scandalis. Quare nisi muniremus animos nostros illa Pauli consolatione & similibus, ac certo teneremus articulum justificationis, non possemus ferre vim & dolos Satanæ. Quem enim non moverent persecutiones illæ atrocissimæ adversariorum? Deinde Sectæ & infinita illa scandala, quæ suscitant hodie spiritus fanatici? Profecto vehementer dolet, cum audire cogimur, omnia fuisse tranquilla & pacata ante Evangelium, jam eo invulgato omnia turbari, totum mundum commoveri, & in sese collidi. Hoc audiens homo sine spiritu, statim offenditur, & judicat inobedientiam subditorum erga Magistratus, seditiones, bella, pestem, famem, eversiones rerum publicarum, Regionum & Regnorum, Sectas, scandala & similia infinita mala oriri ex doctrina Evangelij.

Ismael persequitur Isaac. Consolatio contra scandala, &amp;c.

Iudicium mundi de Evangelio.

Contra hoc maximum scandalum debemus nos erigere & confirmare hac suavissima consolatione, quod pios hoc nomen & titulum in Mundo oporteat gerere, quod seditiosi & schismatici ac infinitorum malorum autores sint. Hinc est, quod adversarij putant se iustissimam causam habere, imo obsequium se præstare Deo, cum oderunt, persequuntur & interficiunt nos. Ismaël igitur non potest non persequi Isaac, non vicissim Isaac Ismaëlem. Qui persecutionem Ismaëlis non vult ferre, is non profiteatur se esse Christianum. Sed quæso, dicant adversarij, qui ista mala sic hodie amplificunt & exaggerant, quæ bona secuta sint ad prædicationem Christi & Apostolorum? Nonne vastatio Regni Iudaici, dissipatio Im-

Tantum piorum.

Quid boni secutum sit prædicante Christo, &amp;c.

tio Imperij Romani & conturbatio totius orbis terrarum? Non culpa Evangelij, quod Christus & Apostoli docuerunt in salutem, non perniciem hominum, Sed ut Psalmus 2. ait, culpa gentium, populorum, Regum & Principum, qui oblecti à Diabolo, noluerunt illud verbum Gratiae, pacis, vitae & salutis aeternae audire, Sed detestati sunt & damnaverunt ut dogma perniciosum religioni & rebus publicis, Hocq; futurum esse longe ante Spiritus sanctus in Davide praedixit, cum ait, Quare fremuerunt gentes, &c. Psalm. 2.

Adversarii  
eum excitant.

Talis tumultus & conturbatio rerum etiam hodie cernitur & auditur. Adversarii transferunt culpam in doctrinam nostram. Doctrina Gratiae & pacis non excitat has turbas, sed gentes, populi, Reges terrae & Principes, ut Psalmus 2. ait, fremunt, meditantur, insurgunt & consultant, non contra nos, ut putant, ac doctrinam nostram, quam erroneam & seditiosam criminantur, sed contra Dominum & Christum ejus. Ideoq; omnia eorum consilia & conatus sunt & erunt irriti. Habitator coeli ridet eos. Dominus subsannat eos, &c. Clament igitur quam diu velint, Illos motus excitari per nos, tamen Psalmus consolatur nos, & dicit eos ipsos esse autores talium motuum. Hoc ipsi non credunt, multo minus credunt se tumultuari, insurgere & consultare contra Dominum & Christum ejus, Imo pro Domino se stare, se Gloriam ejus defendere, & nos persequendo obsequium illi praestare arbitrantur. Sed Psalmus non mentitur, & exitus rei hoc probabit. Nos nihil hic facimus, tantum patimur, perhibente nobis testimonium conscientia nostra in Spiritu sancto. Deinde doctrina, propter quam tales tumultus & scandala excitantur, non nostra, sed Christi est. Hanc negare non possumus, nec patrocinium ejus deferere, cum Christus dicat, Quem mei puduerit & sermonum meorum in generatione ista adultera & peccatrice, Pudebit illius & Filium hominis, &c. Psalm. 2.

Paulus homo  
pestifer.

Qui igitur docere vult Christum, & confiteri eum esse justiciam nostram, is statim audire cogitur, quod homo pestifer sit, qui conturbet omnia. Hi qui conturbarunt orbem terrarum (dixerunt Iudaei de Paulo & Sila, Act. 7.) huc quoque venerunt, & contra decreta Caesaris faciunt. Et 24. Invenimus hunc hominem pestiferum, & concitantem seditionem omnibus Iudaeis in universo orbe, & autorem sectae Nazarenorum, &c. Simili modo queruntur Gentes Act. 16. Hi homines conturbant civitatem nostram, &c. Sic hodie accusant Lutherum esse conturbatorem Papatus & Imp. Romani. Si tacerem, in pace essent omnia, quae fortis ille armatus possidet, neq; Papa amplius me persequeretur. Sed hoc modo obscuraretur Evangelium Christi. Si autem loquor, conturbatur & ruit Papa. Aut amittendus est Papa mortalis, aut Christus aeternus, & cum eo vita aeterna. Sed ex duobus malis minus eligendum est. Ruat igitur potius Papa terrenus & mortalis, quam Christus coelestis & aeternus. Act. 17.  
24. 16.

Quomodo Christi  
ipse seipsum con-  
solatur, ut sit con-  
solatus, suam  
predicationem  
secuturum.

Christus ipse, cum praevideret in Spiritu maximam rerum conturbationem & collisionem mundi secuturam ex praedicatione sua, hoc modo seipsum consolabatur, Ignem veni mittere in terram, & quid volo nisi ut accendatur? Ita videmus hodie praedicationem Evangelij propter persecutionem & blasphemiam adversariorum, contemptum & ingratitudinem nostrorum hominum, multa mala secutura. Ea res tam vehementer nos angit, ut secundum carnem saepe cogitemus, melius fuisse non invulgari doctrinam pietatis, incolumi pace, quam ea nunc invulgata, pacem publicam perturbari. Sed secundum spiritum intrepidi cum Christo dicimus, Veni ignem mittere in terram, & quid volo nisi ut jam accendatur. Illo autem igni accenso, oriuntur statim maximi motus. Quia non aliquis Rex aut Imperator, sed Deus hujus seculi provocatur, qui est potentissimus spiritus & Dominus totius mundi. Hunc magnum adversarium invadit hoc infirmum Verbum, praedicans Christum crucifixum. Hujus potentiam divinam sentiens Behemoth, excitat omnia membra sua, movet caudam, facitq; fervere, quasi ollam profundum maris, Job 41. Hinc illi tumultus & furores Mundi. Luc. 12.

Et hominibus.

Quare

Job 41.



Quare nihil nos moveat, quod adversarij offenduntur & clamitant, Nihil boni venire ex prædicatione Evangelij. Ipsi infideles, cæci & indurati sunt, ideo impossibile est eos videre ullum fructum Evangelij. Nos contra, qui credimus (quanquam foris ad tempus premimur infinitis malis, contemnimur, spoliatur, blasphemamur, damnamur, peripsema omnium sumus, occidimur, & intus conscientia peccati angimur, ac per dæmones vexamur) videmus ingentissima & ea innumerabilia commoda & fructus Evangelij. In Christo enim vivimus, in quo *Fructus Evan- gēl.* & per quem Reges sumus & domini supra Peccatum, mortem, carnem, mundum, infernum & omnia mala, Per quem deniq; conculcamus pedibus illum draconem & basiliscum, qui est Rex peccati & mortis. Quomodo? In fide, nondum enim revelatum est bonum nostrum, quod per patientiam interim expectamus, & tamen illud certo jam tenemus per fidem.

*1. Cor. 1.* Discendus est igitur diligenter articulus justificationis, is solus erigere *Articulus im- justificationis ord- git contra scanda- data.* contra infinita illa scandala & consolari nos potest in omnibus tentationibus & persecutionibus. Videmus enim aliter fieri non posse, quin mundus offendatur doctrina pietatis, & perpetuo clamitet nihil boni ex ea venire. Quia animalis homo non percipit ea, quæ sunt spiritus Dei, stultitia enim illi sunt, *1. Corinth. 2.* Tantum videt externa mala, conturbationem rerum, rebellionem, cædes, sectas, &c. His spectris offenditur, excæcatur & ruit in contemptum & blasphemiam Verbi.

Nos contra debemus confirmari, quia adversarij non accusant & damnant *Cur damnent nos adversarij.* nos propter manifesta scelera, ut sunt adulterium, cædes, rapina, &c. sed propter doctrinam nostram. Quid docemus igitur? Christum filium Dei morte crucis redemisse nos à peccatis nostris & morte æterna. Non ergo vitam, sed doctrinam nostram, imo non nostram, sed Christi, impugnant. Ergo culpa Christi est quod nos impugnant. Et peccatum, propter quod nos persequuntur adversarij, non nos, sed Christus commisit. An autem Christum, propter hoc, si Deo placeat, peccatum, quod solus est Iustificator & Salvator noster, deturbaturi sint è coelo, & damnaturi ut hæreticum & seditiosum, viderint ipsi. Nos hanc suam causam illi commendantes, læti & securi interim erimus spectatores, visuri utri vicerint, Christus ne, an ipsi. Dolet quidem nobis secundum carnem, quod ipsi Ismaëlitarum nostri tam furenter nos oderunt & persequuntur. Secundum Spiritum tamen gloriamur in afflictionibus nostris, tum quia scimus eas nos ferre non propter peccata nostra, sed propter Christum, cujus beneficium & gloriam illustramus, tum etiam quia Paulus hic præmunit nos, & dicit, oportere Ismaëlem illudere & persequi Isaac.

*Gen. 27.* Iudæi exponunt locum, quem Paulus ex cap. 27. Gen. citat de Ismaële derisore & persecutore Isaac, hoc modo, Quod videlicet Ismaël coegerit Isaac ad idolatriam. Non improbo illorum interpretationem, Non tamen credo tam crassam fuisse idolatriam, qualem Iudæi somniant, Quod scilicet Ismaël finxerit ex luto, more gentium, imagines, quas coegerit Isaac adorare, Hoc Abraham nequaquam fuisset passus, Sed puto Ismaëlem in speciem fuisse sanctum virum, ut Cain, *Ismaëlis quædam vir fuerit.* qui & ipse persecutus est fratrem, ac tandem occidit, non propter rem aliquam corporalem, sed quia videbat eum à Deo præferri sibi. Ita Ismaël fuit studiosus religionis, sacrificavit & bene operando sese exercuit. Ideoq; risit fratrem Isaac, & voluit videri melior eo duplici nomine, Primum propter religionem ac cultum, Deinde etiam propter civilem dominationem & hæreditatem. Et illa duo videbatur sibi iuste arrogare. Cogitavit enim ad se ut primogenitum jure divino pertinere Sacerdotium & Regnum. Itaq; persecutus est Isaac spiritualiter propter religionem, & corporaliter propter hæreditatem.

Hoc malum semper existit in Ecclesia, præsertim florente doctrina Evangelij, scilicet quod filij carnis rident & persequuntur filios promissionis. Papistæ *Ismaël semper persequitur Isaac.* & spiritus fanatici persequuntur nos hodie propter nullam aliam rem, quam quod

quod docemus justiciam contingere per promissionem. Male enim habet Papistas, quod idola ipsorum non adoramus, hoc est, quod non prædicamus justicias, opera & cultus ab hominibus excogitados & institutos, valere ad consequendam Gratiā & remissionem peccatorum, Ideoq; conantur nos ē domo ejicere, hoc est, gloriantur se esse Ecclesiam, filios & populum Dei, ad se pertinere hæreditatem, &c. Nos contra ut hæreticos & seditiosos excommunicant, & si possunt, occidunt in obsequium Deo, &c. Ita simpliciter quantum in ipsis est, ejiciunt nos ē præsentī & futura vita. Fanatici spiritus infensissime oderunt nos, quod impugnamus & detestamur eorum errores & hæreses, quas subinde novas in Ecclesia spargunt, ac propter hoc ipsum judicant nos longe deteriores esse Papistis, ideoq; atrocius nos oderunt quam illos, &c.

*Diabolus persequitur Evangelium & idola.*

*Persecutio spiritualis & corporalis Piorum.*

Quam primum igitur verbum Dei in lucem prodit, irascitur Diabolus, iratus utitur omnibus viribus & dolis ad persequendum & prorsus obruendum illud. Ideo aliter fieri non potest, quin exuscitet infinitas sectas & scandala, item persecutiones & cædes. Est enim mendacij pater & homicida. Mendacium spargit in mundum per impios Doctores, homines occidit per tyrannos. Sic utrumq; regnum spirituale & corporale occupat, hoc per mendacium impiorum doctorum (ut interim non dicam, quod perpetuo suis ignitis telis unumquemq; privatim sollicitat ad hæreses & impias opiniones) illud per gladium tyrannorum, atq; ita utrinq; concitat contra filios Liberæ, pater mendacij & cædis, spirituales & corporales persecutionem. Spiritualis, quam à fanaticis hodie ferre cogimur, molestissima ac prorsus intolerabilis nobis est propter scandala, quibus Diabolus deformat doctrinam nostram. Audire enim cogimur, sectas Anabaptistarum & Sacramentariorum, & omnia mala orta esse ex doctrina illa. Corporalis, quæ rebus & corporibus nostris insidiantur tyranni, tolerabilior est, quia non fit propter peccata nostra, sed confessionem verbi Dei. Discamus igitur ex ipso titulo Diaboli (pater mendacij & cædis) quem Christus ei tribuit Iohan. 8. quod florante Evangelio & regnante Christo necesse sit oriri sectas perditionis, & omnia esse plena furoribus homicidarum, persequentium veritatem. Et Paulus ait, Oportet hæreses esse. Qui hoc ignorat, facillime offenditur, & deficit ad veterem suum Deum & fidem, relicto vero Deo & fide.

*Iohan. 8.  
1. Cor. 11.*

*Falsi fratres prius amici, postea infensissimi hostes.*

Præmunit ergo hic Paulus pios, ne & ipsi offendantur illis persecutionibus, sectis & scandalis, dicens, Quemadmodum tunc is, qui secundum carnem natus est, &c. Q. d. Si sumus filij promissionis, secundum Spiritum nati, expectanda est nobis certissime persecutio fratris nostri, qui secundum carnem natus est, Hoc est, non solum hostes palam impij persequuntur nos, sed etiam hi, qui primum fuerunt dulces amici nostri, quibus cum conversati sumus familiariter in eadem domo, qui à nobis acceperunt doctrinam Evangelij, fiunt postea infensissimi hostes nostri, persequentes nos acerrime. Quia sunt fratres secundum carnem, quos oportet persequi fratres secundum Spiritum natos. Sic conqueritur Christus Psal. 41. de Iuda, Homo pacis meæ in quo speravi, qui edit panem meum, levavit corā me calcaneum suum. Sed hæc nostra consolatio est, quod Ismaëlitis nostris nullam dederimus occasionem persequendi nos. Propter doctrinam pietatis persequuntur nos Papistæ, hanc si revocarem, statim desinerent nos persequi. Item si perniciosos errores fanaticorum spirituum approbaremus, ipsi laudarent nos. Quia vero utrorumq; impietatem detestamur, non possunt nos non infensissime odisse & persequi.

*Psal. 41.*

*Christum consolatur suos contra odium & persecutionem mundi.*

At contra hanc persecutionem & illa scandala non solum Paulus, ut dixi, nos præmunit, sed etiam ipse Christus Ioh. 15. suavissime consolatur, Si de mundo, inquit, essetis, mundus quod suum est diligeret. Quia vero de mundo non estis, sed ego elegi vos de mundo, propterea odit vos mundus, &c. q. d. Ego sum causa omnium persecutionum quas fertis, Et si interficimini, reus sum animarum vestrarum, quia si meum verbum non prædicaretis, & me confiteremini, non persequeretur

*Iohan. 15.*

sequeretur vos mundus. Sed bene agitur vobiscum. Non est servus major domino suo, Si me persecuti sunt, & vos propter nomen meum persequentur, &c.

His verbis omnem culpam transfert Christus in se, & liberat nos ab omni metu, q. d. Non vos, sed nomen meum, quod predicatis & confitemini, in causa est cur mundus vos persequatur vi & dolis, Sed confidite, ego vici mundum. Hac fiducia sustentamur, non dubitantes quin Christus satis robustus sit, non solum ad sustinendam, sed etiam ad vincendam omnem vim Tyrannorum & dolos hæreticorum. Hocq; satis ostendit contra Iudæos & Romanos, quorum tyrannidem & persecutiones aliquandiu sustinuit, sustinuit etiam dolos hæreticorum, sed suo tempore everfis ac deletis illis omnibus, permansit Rex & victor. Quantumvis igitur insaniant hodie Papistæ, quantumvis sectarij depravent & corrumpant Evangelium Christi, tamen Christus manebit Rex in secula, & verbum Domini stabit in æternum, redactis in nihilum omnibus inimicis ipsius. Deinde, quod valde consolatorium est, neq; perpetua erit persecutio Ismaëlis contra Isaac, sed tantum durat ad modicum tempus, quo finito, fertur sententia, ut sequitur.

*Christus manet  
rex & victor  
vinculis  
inferorum portis.*

*Sed quid dicit Scriptura, Ejice ancillam & filium ejus, Non enim hæres erit filius ancillæ cum filio liberæ.*

Gen. 21.

HÆC VOX Saræ valde molesta fuit Abraham, eiq; proculdubio, cum audit illam sententiam, paterna viscera super filio suo Ismaël commota sunt, Nam ex carne sua natus erat. Hocq; scriptura Gen. 21. clare testatur, cum ait, Dure accepit Abraham verbum hoc propter filium suum. Sed Deus sententiam, quam tulit Sara, confirmavit, dicens ad Abraham, Non videatur tibi asperum super puero & ancilla tua, Omnia, quæ dixerit tibi Sara, audi vocem ejus, Quia in Isaac vocabitur tibi Semen. Hic audiunt Ismaëlitz sententiam contra se latam, quæ evertit Iudæos, Græcos, Romanos, &c. qui persecuti sunt Ecclesiam Christi. Eadem evertura est etiam Papistas & omnes, quicunq; tandem sunt, justiciarios, qui hodie jactant se esse populum Dei & Ecclesiam, & sperant se certo accepturos hæreditatem, ac nos, qui nitimur promissione Dei, judicant non solum esse steriles & desertos, sed etiam hæreticos, ex Ecclesia projectos, quos impossibile sit esse filios & hæredes. At hoc illorum judicium invertit Deus, & fert sententiam contra eos, quod, quia sint ancillæ filij, & persequantur filios liberæ, ideo è domo ejiciendi sint, nec habituri hæreditatem cum filiis promissionis, ad quos solos, ut ad Liberæ filios, hæreditas pertineat. Hæc sententia rata & irrevocabilis est. Scriptura enim non potest solvi. Ideo certissime futurum est, quod Ismaëlitz nostri non solum amissuri sint administrationem Ecclesiasticam & politicam, quam habent, sed etiam vitam æternam. Quia scriptura prædixit filios ancillæ ejiciendos è domo, hoc est, è regno Gratiæ. Non enim possunt esse hæreses cum filiis liberæ.

*Deus sententi-  
am Sara con-  
firmat.*

*Sententia con-  
tra Ismaëlitas  
lata efficax, &c.*

Observandum autem est, quod Spiritus sanctus quasi per contumeliam hic appellat populum legalem & operarium ancillæ filium, Quasi d. Quid jactatis justiciam Legis & operum, & propter illam gloriamini, vos esse populum & filios Dei? Si ignoratis unde geniti sitis, dicam. Ex serva servi nati estis. Cujusmodi servi? Legis. Ergo per consequens Peccati, mortis & damnationis æternæ. Servus autem non est hæres, sed è domo ejicitur. Quare Papa cum toto regno suo, & quicunq; alij justiciarij, quamlibet in speciem sancti, qui per Leges sive humanas, sive divinas, Gratiam & salutem consequi se confidunt, filij ancillæ sunt non accipientes hæreditatem cum filiis liberæ, sed è domo ejicientur. Et loquor jam non de Papis, Cardinalibus, Episcopis & Monachis impiis, qui Deum ventrem coluerunt, & horribilia peccata, quæ non libenter nomino, commiserunt, sed de optimis, qualis ego unus fui, & multi alij, qui sancte vixerunt, & summo labore ac studio conati sunt per observationem Ordinis placare iram Dei, & mereri remissionem peccatorum ac vitam æternam. Hi audiunt hic sententiam, quod filij ancillæ sint ejiciendi cum matre ancilla è domo.

*Populum legi-  
um ancilla filium.*



*Mundus adal-  
ratur iusticiam  
operum fidei iu-  
sticiam damnat.*

Ejusmodi sententiæ diligenter consideratae certos reddunt & confirmant nos de doctrina & iusticia Fidei, contra doctrinā & iusticiam operum, quam mundus amplectitur & magnificat, illa altera contempta & damnata. Quod certe movet & offendit infirmas mentes, quæ etiam si palam videant impietatem & nefanda scelera Papistarum, tamen facile persuaderi non possunt, quod tota multitudo, quæ nomen & titulum Ecclesiæ gerit, erret, & tantum pauci quidam recte sentiant de doctrina fidei. Et si Papatus illam sanctitatem & austeritatem vitæ adhuc haberet, quam habuit tempore Patrum, Hieronymi, Ambrosij, Augustini & aliorum, cum clerici nondum male audiebant propter Simoniam, luxum, voluptates, opes, scortationes, Sodomiam & alia infinita peccata, sed vivebant juxta canones & decreta Patrum, in speciem religiose & sancte, deinde etiam cælibes vivebant, Quid quæso contra Papatum jam agere possemus?

*Cælibatus.*

Cælibatus, quem temporibus Patrum rigide observabant Clerici, insignis quædam res est coram mundo quæ ex homine facit Angelum. Hinc Paulus Col. 2. religionem Angelorum vocat. Et Papistæ canunt de virginibus, Angelicam vitam duxerat, in carne dum præter carnem vixerat. Vita illa, quam vocaverunt contemplativam, cui tunc maxime dediti erant Clerici, posthabitis omnibus politicis & œconomicis administrationibus, præ se fert quoque magnam speciem sanctitatis. Itaque si illa facies veteris Papatus hodie adhuc staret, parum forte nostra doctrina de fide contra eum efficere mus, præsertim cum jam parum efficiamus, ubi jamdudum exoleta prisca illa in speciem pietate & severa disciplina, nihil aliud cernere est in papatu, quam veram colluviem & sentinam omnium vitiorum. Sed esto, quod adhuc staret vetus religio & disciplina Papatus, tamen deberemus exemplo Pauli, qui insectatur Pseudoapostolos, in speciem sanctissimos & optimos viros, pugnare contra iusticiarios regni Papistici, & dicere, Vt maxime cælibem vitam agatis, corpora vestra frequentibus exercitiis defatigatis, imo etiam in humilitate & religione Angelorum incedatis, Tamen servi legis, peccati & Diaboli estis, ejiciendi è domo, Quia per opera vestra, non per Christum queritis iusticiam & salutem.

*Religio & disciplina veteris  
Papatus.*

Quare non tam in sceleratam vitam Papistarum intendere oculos debemus, quam in impiam ipsorum doctrinam & hypocrisin, quam & præcipue impugnamus. Fingamus igitur illam religionem & disciplinam veteris Papatus florere jam & observari illo rigore, quo Eremitæ, quo Hieronymus, Augustinus, Gregorius, Bernardus, Franciscus, Dominicus, & alij multi observarunt, Tamen dicere nos oportet, Si nihil aliud præter sanctitatem & castitatem vitæ vestræ habetis, quod opponatis iræ & iudicio Dei, plane estis filij ancillæ è regno cœlorum ejiciendi ac damnandi. Neque nunc defendunt ipsi sceleratam vitam suam, quam hi, qui inter eos saniores sunt, detestantur ipsi, Sed pro doctrina dæmoniorum, pro hypocrisi & iusticia operum defendenda & conservanda pugnant. Hic allegant auctoritatem Conciliorum & exempla Sanctorum Patrum, quos affirmant conditores fuisse sanctorum ordinum & statutorum, &c. Itaque non pugnamus contra Papatum hodie palam impium & sceleratum, sed contra speciosissimos ejus Sanctos, qui putant se angelicam vitam agere, dum somniant se non solum præcepta Dei, sed etiam consilia Christi & opera non debita seu supererogationis servare. Hos dicimus oleum & operam perdere, nisi hoc unicum apprehenderint, quod solum necessarium Christus ait, ac bonam partem elegerint cum Maria, quæ non poterit auferri ab eis.

*S. Bernardus.*

Hoc fecit Bernardus, vir adeo pius, sanctus & castus, ut cum merito putem præferendum omnibus Monachis. Is cum semel graviter decumberet, ac de vita sua jam desperasset, non collocabat fiduciam in cælibatu, quem castissime servaverat, non in benefacta & officia pietatis, quæ plurima fecerat, Sed illis procul remotis ex oculis, beneficium Christi fide arripiens, dixit, Ego perditæ vixi, Sed tu Domine Iesu Christe duplici jure tenes Regnum cœlorum, Primum, quia Filius

Phil. 3.

Filius Dei es. Deinde, quia illud tua passione & morte acquisivisti. Hoc servas pro te jure nativitatis, Illud largiris mihi, non jure operum, sed Gratia. Is non opposuit iræ & judicio Dei Monachatum & angelicam vitam suam, sed apprehendit illud unum, quod necessarium est, atq; ita salvatus est, Simili modo arbitror Hieronymum, Gregorium pluresq; alios Patres & Eremitas, salvatos esse, Neq; dubium est, quin etiam in veteri Testamento multi Reges Israël, & alij idolatræ similiter servati sint, qui in hora mortis, abjecta vana fiducia in Idola, apprehenderunt promissionem Dei de futuro semine Abrahamæ Christo, benedicturo omnes Gentes. Et si qui hodie salvandi sunt ex Papistis, illos simpliciter non suis beneficiis & meritis, sed sola misericordia Dei in Christo nobis oblata niti oportet, & dicere cum Paulo, Non habeo justiciam meam ex Lege, sed eam quæ est per fidem in Christum, Philip. 3.

*Itaq; fratres, non sumus ancillæ filij, sed liberæ.*

P A V L V s hic allegoriam de sterili Ecclesia & foecundo Legis populo concludit. Non, inquit, sumus filij ancillæ, id est, non sumus sub Lege, quæ generat in servitutem, id est, quæ terret, accusat, & in desperationem adigit, sed liberi sumus ab ea per Christum, Ergo non potest perterrefacere & condemnare nos, &c. De qua re supra satis. Deinde ut maxime filij ancillæ ad tempus nos persequantur, tamen illa est nostra consolatio, quod ipsi tandem projicientur in tenebras exteriores & cogentur nobis relinquere hæreditatem, quæ ad nos ut liberæ filios pertinet.

Itaq; Paulus, ut audivimus ex vocabulo Ancillæ & Liberæ, sumpsit occasionem confutandi justiciam Legis & confirmandi locum de justificatione. Et data opera arripuit hanc vocem (Liberæ) vehementer eam urgens & exaggerans etiam in initio capitis sequentis. Inde q; accipiet occasionem disputandi de libertate Christiana, cujus pernecessaria est cognitio. Nam Papa eam penitus extinxit, & Ecclesiam humanis traditionibus & ceremoniis miserrimæ ac turpissimæ servituti subjecit. Ea libertas, quæ per Christum parta est, est nobis hodie firmissimum præsidium, quo contra tyrannidem Papæ nos defendimus. Quare diligenter considerandus est locus de libertate Christiana, tum pro confirmanda doctrina justificationis, tum etiam pro erigendis & consolandis conscientijs, contra tot turbationes & scandala, quæ adversarij clamitant ex Evangelio oriri. Est autem libertas Christiana valde spiritualis res, quam carnalis homo non percipit, Imo hi, qui primitias Spiritus habent, & de ea copiosissime possunt disserere, ægre eam retinent in corde. Apparet rationi res parvi momenti esse, Nisi igitur Spiritus magnificet & ei pondus addat, contemnitur.

*Libertas Christiana.*

## CAP. V.

**D** Aulus finem Epistolæ tendens, vehementer & ardentè disputat, pro defendenda doctrina fidei & libertatis Christianæ, contra Pseudoapostolos, hostes & destructores ejus, in quos dirigit & jactat mera verborum fulmina, ut eos prosternat. Adhortans simul Galatas, ut eorum perniciosam doctrinam tanquam pestem aliquam vitent. Et inter adhortandum comminatur, promittit & nihil non tentat, ut eos retineat in libertate illa à Christo ipsis parta, dicens:

*In ea igitur libertate, qua Christus nos liberavit, stete.*

1. Petr. 5.

I D est, firmi estote. Sic Petrus, Estote sobrij & vigilate, quia Adversarius vester Diabolus, tanquam Leo rugiens circumit, quærens quem devoret, cui

*non stant in acie, ne amittat libertatem, &c.*

fortes resistite in fide. Ne securi, inquit, sitis, sed firmi, non jacete aut dormite, sed state, q. d. Vigilantia & constantia ad hoc requiritur, ut libertatem qua Christus nos liberavit, retineatis, securi & stertentes non possunt eam retinere. Satan enim vehementer odit lucem Evangelij, hoc est, doctrinam Gratiae, libertatis, consolationis & vitae. Ideo ubi videt eam exoriri, statim contra nititur omnibus ventis & tempestatibus, ut eam extinguat. Quare admonet Paulus, non esse stertendum, non secure agendum piis, sed fortiter standum in acie contra Satanam, ne auferat libertatem illam à Christo eis partam, &c.

*Libertas Populi  
Romani.*

Sunt autem singulae voces emphaticae. State inquit, q. d. Hic opus est vigilantia. In libertate, In qua? Non qua Caesar, sed Christus nos liberavit. Caesar dedit, imo coactus est dare, Romano Pontifici Urbem liberam & alias terras, item immunitates, privilegia, indulta, &c. Ea est etiam libertas, sed civilis, qua Pontifex Romanus cum Clericis suis publicis oneribus exemptus est. Deinde est quoque libertas carnis, seu potius Diaboli, qua potissimum regnat in orbe terrarum. Nam habentes eam, non obtemperant Deo, nec legibus, sed faciunt quod volunt. Illam sectatur hodie vulgus, sectantur etiam fanatici spiritus, qui liberi esse volunt in opinionibus & actionibus suis, ut doceant & agant impune, quod ipsi somniant rectum esse. Illi stant in libertate, qua Diabolus eos liberos facit. De ea nos non agimus, quanquam totus Mundus eam solam quærat & sectetur. Nec de politica libertate agimus, sed de alia quadam, quam Diabolus maxime odit & impugnat.

*Libertas carnis*

*Libertas ab ira  
Dei.*

Ea est, qua Christus nos liberavit, non è servitute aliqua humana aut captivitate Babylonica aut Turcica, sed ab ira æterna. Vbi? In conscientia. Hic resistit, neque latius progreditur nostra libertas. Nam Christus nos liberos fecit non politice, non carnaliter, sed theologice seu spiritualiter, hoc est, Sic liberavit nos, ut conscientia nostra sit libera & læta, nihil timens venturam iram. Ea est verissima ac inæstimabilis libertas, ad cuius magnitudinem & maiestatem cæteræ (politica & carnalis) collatæ, vix sunt una stilla vel guttula. Quis enim potest eloqui, quantares sit, aliquem posse certo statuere, Deum nequiritum esse, neque unquam futurum iratum, sed in æternum fore faventem & clementem Patrem propter Christum? Magna profecto & incomprehensibilis libertas est, habere summam illam Maiestatem faventem, protegentem, juvantem, & tandem etiam corporaliter nos ita liberantem, ut corpus nostrum, quod seminatur in corruptione, in ignominia & in infirmitate, resurgat in incorruptibilitate, in Gloria & potentia. Quare inenarrabilis est libertas, nos esse liberos ab ira Dei in æternum, majorque cælo & terra & omnibus creaturis.

*Libertas à Lege,  
peccato, &c.*

Ex hac sequitur alia libertas, qua securi & liberi per Christum efficimur à Lege, peccato, morte, potestate Diaboli, inferno, &c. Sicut enim ira Dei non potest perterrefacere nos, nam Christus ab ea nos liberavit, Ita Lex, peccatum, &c. accusare ac condemnare nos non possunt. Et quanquam Lex arguat, & peccatum perterrefaciat nos, tamen non possunt nos in desperationem adigere. Quia fides victrix mundi, mox dicit, Illa nihil ad me, Christus enim liberavit me ab his. Sic Mors, qua nihil potentius & horribilius in mundo est, victa jacet in conscientia per hanc libertatem Spiritus. Quare illa maiestas Christianæ libertatis diligenter æstimanda & ponderanda est. Verba quidem illa, libertas ab ira Dei, lege, peccato, morte, &c. dictu facilia sunt, sed magnitudinem hujus libertatis sentire, & fructum ejus in certamine, in agone conscientiae, in praxi, applicare sibi, hoc plus quam dici potest difficile est.

*Remedium contra  
ira tristicium  
spiritum.*

Ideo imbuendus est animus, ut cum sentit accusationem Legis, terrores peccati, horrorem mortis, iram Dei, illa tristitia spectra ex oculis removeat, & in locum horum ponat libertatem Christi, remissionem peccatorum, justiciam, vitam & misericordiam Dei sempiternam. Et quanquam fortis sit sensus contrariorum, tamen certo statuatur eum non diu duraturum, Iuxta illud Prophetæ, In momento iræ abscondi faciem meam parumper à te, sed in misericordia sempiterna



terna misereor tui. Sed hoc factu difficillimum est. Ideo libertas illa quam Christus nobis peperit, non tam cito creditur, quam nominatur. Si certa ac firma fide apprehendi posset, nullus furor aut terror Mundi, legis, peccati, mortis, diaboli, &c. tam magnus esse posset, qui non statim ceu scintilla à mari, ab ea absorberetur. Certe illa libertas Christi semel absorbet & tollit universam molem malorum, Legem, peccatum, mortem, iram Dei, ipsum denique serpentem cum capite suo, & in locum horum subjicit justiciam, pacem, vitam, &c. Sed beatus qui intelligit & credit.

Discamus igitur magnificere illam libertatem nostram, quam non Cæsar, Propheta aut Patriarcha, non Angelus è coelo, sed Christus Dei filius, per quem omnia creata sunt in coelis & terra, sua morte nobis paravit, non ut nos è servitute aliqua corporali & momentanea, sed spiritali & æterna crudelissimorum & invictissimorum tyrannorum, Legis, peccati, mortis, diaboli, &c. liberaret, ac ita nos Deo Patri reconciliaret. Devictis autem his hostibus, ac reconciliatis nobis Deo per mortem filij ipsius, certum est nos justos esse coram Deo, omnesque actiones nostras placere illi. Et si quid peccati in nobis est reliquum, tamen illud non imputari, sed condonari nobis propter Christum. Paulus significantibus & emphaticis verbis utitur, quæ diligenter expendenda sunt, State, inquit, in ea libertate, qua Christus nos liberavit. Ergo illa libertas, non propter Legem aut justiciam nostram, sed gratis propter Christum nobis donatur. Id quod Paulus hic testatur, & copiose ostendit per totam Epistolam. Et Christus *Johan. 8.* Si Filius vos liberaverit, vere liberi eritis. Ille unus interponitur inter nos & mala, quæ nos premunt, vincit ac tollit ea, ut amplius non possint nos opprimere & damnare, Loco peccati & mortis donat nobis justiciam & vitam æternam. Atque ita servitutem & terrores legis mutat in libertatem conscientie & Evangelij consolationem, quæ dicit, Confide fili, remittuntur tibi peccata. Qui igitur *Matth. 9.* credit in Christum, habet illam libertatem.

Ratio non videt magnitudinem hujus rei, quæ in spiritu considerata, amplissima & inæstimabilis est. Quis enim ulla cogitatione consequi potest, quantum donum sit, habere loco Legis, peccati, mortis, irati Dei, remissionem peccatorum, justiciam & vitam æternam, ac perpetuo propitium & faventem Deum? Papistæ & omnes hypocritæ, qui justiciam Legis aut suam sectantur, gloriantur se quoque habere remissionem peccatorum, justiciam, propitium Deum, &c. Iactant etiam libertatem, ac eam aliis promittunt, sed omnia illa egena & incerta sunt. Revera enim servi corruptionis sunt, quibus in tentatione in momento evanescit omnis vana eorum fiducia, quia operibus & satisfactionibus humanis, non verbo Dei nec Christo nituntur, Ideoque impossibile est eos scire, quid sit libertas à peccatis, &c.

Contra, nostra libertas fundamentum habet Christum, qui æternus est Pontifex, ad dexteram Dei interpellans pro nobis. Ideo remissio peccatorum, justicia, vita & libertas, quam per eum habemus, certa, rata, & æterna est, modo hoc credamus. Quare si firmiter Christo adhererimus fide, & fortiter steterimus in libertate, qua nos liberos fecit, habebimus illa inenarrabilia dona. Si vero securi & stertentes erimus, amittamus ea. Paulus non frustra jubet nos vigilare & stare, quia novit Diabolum hoc sedulo agere, ut subrepta nobis hac libertate, quæ tanti Christo constitit, nos rursus implicet per suos ministros jugo servitutis, ut sequitur.

*Et nolite iterum jugo servitutis concludi.*

PAULVS gravissime locutus est de Gratia & libertate Christiana, atque adhortatus est amplissimis verbis Galatas, ut in ea persistant. Facillime enim amittitur. Ideo jubet eos stare, ne oscitantia aut securitate sua, iterum deficiant à Gratia & fide ad Legem & opera. Quia vero illa res nihil periculi rationi videtur

*Libertas Christi-  
ana.*

*Propter Christum  
donatur  
nobis libertas,  
&c.*

*Hypocritæ glori-  
antur de Deo,  
&c.*

*Securi amittunt  
libertatem.*

*Lex jugum servitutis.*

videtur afferre, quæ longe præfert justiciam legis fidei justiciæ, ideo indignabundus invehitur in Legem Dei, vocans eam contemptu & extenuatione quadam insigni, jugum, & jugum servitutis. Sic Petrus Act. 15. Quid tentatis Deum, ut imponatur jugum, &c. Atq; ita omnia in contrarium vertit. Pseudoapostoli enim extenuabant Promissionem, & magnificabant Legem & ejus opera, ad hunc modum. Si vultis liberari à peccato & morte, & justiciam ac vitam consequi, facite Legem, circumcidamini, observate dies, menses, tempora, annos, sacrificiate, &c. tum illa obedientia legis justificabit & salvabit vos. Paulus plane contrarium dicit, Qui, inquit, hoc modo Legem docent, non liberant conscientias, sed eas illaqueant, & illaqueant jugo, & quidem jugo servitutis.

*Lex jugum servitutis.*

Loquitur ergo supra modum contemptim & ignominiose de Lege, cum eam vocat laqueum durissimæ servitutis & jugi servilis. Neque hoc frustra facit. Nam opinio ista perniciofa de lege, quod justificet, valde tenaciter adhæret rationi, eaque totum genus humanum tam fortiter occupatur & implicatur, ut difficillime ex ea possit explicari. Et Paulus, ut deroget legi Gloriam justiciæ, videtur hic, quærentes justiciam per eam, comparare bobus jugo conclusis. Ut enim boves magno labore trahentes jugum, nihil inde habent quam pabulum, & ubi amplius non sunt idonei ad trahendum jugum, maectantur. Ita quærentes per Legem justiciam captivi sunt, & premuntur jugo servitutis, hoc est, Lege, & ubi diu magno labore & dolore defatigarunt se operibus legis, hoc tandem reportant præmij, quod miseri & æterni servi sunt. Cujus rei? Peccati, mortis, iræ Dei, Diaboli, &c. Ideo non est major & durior servitus quam legis. Non frustra ergo Paulus vocat jugum servitutis. Quia Lex, ut supra sæpe diximus, tantum ostendit & augeat peccatum, accusat, terret, condemnat, iram efficit, ac tandem conscientias, quæ miserrima ac durissima servitus est, in desperationem adigit, Roman. 3. 4. 7.

*Quærentes justiciam per legem comparantur bobus jugo conclusis.*

Valde igitur ardentibus verbis utitur, Vellet enim libenter eos flectere & permovere, ne hoc importabile onus sibi imponi à Pseudoapostolis, nec huic jugo servitutis se iterum illaqueari per eos paterentur, q. d. Non agitur hic de re levicula aut nihili, sed vel de infinita & æterna libertate vel servitute. Ut enim libertas ab ira Dei & omnibus malis, non est politica aut carnalis, sed æterna. Ita servitus peccati, mortis, diaboli, &c. qua premuntur, qui per Legem volunt justificari & salvari, non est corporalis, quæ ad tempus aliquod durat, sed perpetua. Nam tales operarij, qui serio agunt omnia (de talibus enim loquitur Paulus) nunquam quieti & pacati sunt. In hac vita semper dubitant de voluntate Dei, timent mortem, iram & judicium Dei, & post hanc vitam luent pœnam incredulitatis suæ, interitum æternum.

*Martyres Diaboli.*

Itaq; operadores legis rectissime vocantur Diaboli (ut more vulgi loquar) martyres. Quia longe majori labore & molestia acquirunt inferos, quam martyres Christi cœlum. Duplici enim contritione conteruntur. Primum, dum hic vivunt multa & magna opera facientes, frustra misere sese excruciant. Postea cum moriuntur præmium acquirunt, æternam damnationem & pœnam. Sic miserrimi martyres sunt in præfenti & futura vita, estq; eorum servitus æterna. Contra, pij in mundo quidem habent afflictiones, In Christo autem pacem, Quia credunt eum vicisse mundum. Quare fortiter standum est in libertate, quam Christus sua morte nobis peperit, & diligenter cavendum, ne iterum jugo servitutis illaqueemur. Sicut hodie accidit fanaticis spiritibus, qui excidentes Fide & libertate illa, hic temporalem, quem sibi ipsis accersunt, servitutem habent, & illic æterna prementur. Papistarum major & potior pars degenerat hodie paulatim in Epicuræos, Ideo dum licet, utuntur libertate carnis, securissime canunt, Ede, bibe, lude, post mortem nulla voluptas. Sed verissime servi sunt Diaboli, à quo captivi tenentur ad voluntatem ipsius, Ideo manet eos ista æterna & infernalis servitus. Hactenus adhortatio Pauli vehemens & seria, quam sequens tamen superat.

*Papistarum libertas carnalis.*

Ecce

*Ecce ego Paulus dico vobis; quod si circumcidamini, Christus vobis nihil proderit.*

PAULUS vehementer commotus, loquitur ex magno zelo & fervore Spiritus mera fulmina contra Legem & circumcisionem. Illaq; tam ardentia verba ei irato, propter magnam indignitatem rei, extorquet Spiritus sanctus, ut dicat, Ecce ego Paulus, &c. Ego inquam, qui scio me Evangelium habere non ab homine, sed per revelationem Iesu Christi, qui deniq; certo scio me habere mandatum & auctoritatem divinam docendi & definiendi, Dico vobis sententiam novam quidem, sed certam & veram, Quod si circumcidamini, Christus simpliciter nihil vobis proderit. Hæc valde dura est sententia, qua Paulus circumcidi idem esse dicit, quod Christum ociosum fieri. Non quidem in se, sed Galatis, qui dolis Pseudoapostolorum circumventi, credebant præter fidem in Christum, necessariam esse credentibus etiam circumcisione, sine qua non posset illis contingere salus. Atq; hic locus Lydius lapis est, quo certissime & liberrime judicare possumus omnes Doctrinas, opera, cultus, ceremonias omnium hominum. Quicumq; sive sint Papistæ, sive Iudæi, sive Turcæ, sive hæretici, &c. aliquid docent ad salutem consequendam necessarium, præter fidem in Christum, aut opus, cultumve aliquem instituunt, item Regulam, traditionem aut ceremoniam quancunq; observant hac opinione, quod per talia consequi velint remissionem peccatorum, justiciam & vitam æternam. Hi sententiam Spiritus sancti contra se latam ab Apostolo hic audiunt, Quod Christus illis simpliciter non prodest. Et Paulus, quod est valde mirum, istam sententiam audet ferre contra Legem & circumcisionem divinitus traditam, quid non auderet contra paleas traditionum humanarum?

*Ecce, Ego Paulus, &c.*

*Indicet plerum de omnibus doctrinis, &c.*

Quare is locus terribile fulmen est contra totum regnum Papæ. Nam omnes sacerdotes, monachi, eremitæ, &c. (de optimis loquor) non Christo, quem summa injuria & blasphemia fecerunt iratum judicem, accusatorem & damnatorem, sed suis operibus, iusticiis, votis & meritis confisi sunt. Ideoq; audiunt hic iudicium suum, quod Christus sit illis ociosus. Nam si propria justitia & austeritate vitæ possunt abolere peccata, & mereri remissionem peccatorum & vitam æternam, ad quid prodest illis Christum natum, passum esse, fuisse Sanguinem, resurrexisse, vicisse Peccatum, mortem, diabolum, cum ipsi ista monstra suis viribus superare possint? Dicit autem non potest, quanta indignitas sit Christum ociosum reddere. Ideoq; ex magna indignatione animi & commotione spiritus loquitur Paulus ista verba, Quod si circumcidamini, Christus vobis nihil proderit, Id est, nihil prorsus utilitatis redibit ad vox ex omnibus ipsius beneficiis, sed ea omnia frustra vobis exhibuit.

*Quibus Christus sit ociosus,*

Ex his satis constat, nihil esse perniciosius sub sole doctrinis humanarum traditionum & operum. Quia semel tollunt & evertunt veritatem Evangelij, Fidem, verum cultum Dei, ipsum Christum, in quo Pater constituit omnia, Col. 2. In Christo sunt omnes thesauri sapientiæ & scientiæ absconditi. In ipso inhabitat omnis plenitudo divinitatis corporaliter. Quare qui autor est aut cultor doctrinæ operum, opprimit Evangelium, inanem reddit mortem & victoriam Christi, obscurat sacramenta ejus, & verum usum ipsorum tollit, Estq; abnegator, hostis & blasphemator Dei cum omnibus ipsius promissionibus & beneficiis. Quem ista res, quod Paulus Legem Dei vocat jugum servitutis, quod, qui circumcisionis observationem necessariam dicunt ad salutem, faciant sibi Christum ociosum, non absterret à Lege & circumcisione, multo magis ab humanis traditionibus, fiducia propriæ justiciæ & operum, & non invitat ad suspirandam libertatem in Christo, ille plus quam saxeus & ferreus est.

*Quam vehementer obsint traditiones humanae.*

*Lex jugum servitutis.*

Clarissima ergo sententia est, Christus inutilis, id est, frustra natus, passus, &c. est huic, qui circumciditur, id est, qui confidit circumcisione. Non enim agit Paulus, ut supra dixi, de ipso opere per se, quod sine fiducia & opinione justiciæ

*Inducta opera, &c. damnata, non opera, &c.*

nihil



nihil obest, sed de usu operis, hoc est, de fiducia & iusticia operi adjecta. Oportet enim nos Paulum intelligere secundum materiam subjectam, seu secundum argumentum susceptum, quod est, Lege, operibus, circumcissione, &c. homines non justificari. Non dicit opera per se nihil esse, sed fiduciam & iusticiam operum, Ea enim facit Christum ociosum. Ideo qui accipit circumcissionem hac opinione, quod necessaria sit ad justificationem, huic Christus nihil prodest.

Hoc diligenter meminerimus in privatis tentationibus, cum Diabolus conscientiam nostram accusat & perterrefacit, ut eam adigat in desperationem. Est enim pater mendacij, & hostis Christianæ libertatis, Ideo singulis momentis vexat nos falsis terroribus, ut conscientia, libertate illa amissa, semper sit in metu, ac sentiat reatum & pavores. Cum, inquam, draco ille magnus, serpens antiquus, diabolus (qui seducit totum orbem terrarum, & accusat fratres nostros ante conspectum Dei die ac nocte, Apocalyp. 12.) venit & opponit tibi, quod non solum nihil boni feceris, sed etiam transgressus sis legem Dei, dic, Tu molestas me memoria præteritorum peccatorum, Deinde suggeris mihi, quod nihil boni fecerim. Hoc nihil ad me. Nam si aut bonis operibus factis confiderem, aut non factis diffiderem, utrinque Christus nihil proderet mihi. Sive igitur peccata, sive benefacta mea opponas mihi, nihil moror. Sed utrisque ex oculis remotis, sola libertate, qua Christus me liberavit, nitor. Hunc scio mihi utilem esse, Non igitur reddam eum mihi inutilem. Id quod dum fieret, si vel propter benefacta mea præsumerem me consecuturum gratiam & vitam æternam, aut propter peccata mea, desperarem de salute mea.

Quid respon-  
dendum Diabo-  
lo cum nos ten-  
eat & accusat,  
&c.

Quare discamus diligenter Christum longissime discernere ab omnibus operibus bonis & malis, ab omnibus legibus divinis & humanis, ab omnibus afflictis conscientijs. Huc enim Christus non pertinet. Pertinet quidem ad tristes conscientias, non ut plus perturbet eas, sed ut jam perturbatas rursus erigat & consoletur. Ideo si Christus specie irati Iudicis aut legislatoris apparuerit, qui exigit rationem transactæ vitæ, certo sciamus eum furiosum esse Diabolum, non Christum. Christum enim Scriptura depingit nostrum esse propitiatorem, interpellatorem & consolatorem. Talis semper est & manet, non potest esse sui dissimilis.

Christi vera spe-  
cies.

Itaque cum Diabolus, assumpta specie Christi, ad hunc modum nobiscum disputat, Hoc debebas, verbo meo admonitus, facere, & omisisti, Illud omittere, & fecisti, Scias igitur me de te sumpturum pœnas, &c. Nihil hoc nos moveat, sed statim cogitemus, Christus hoc modo non loquitur cum desperabundis conscientijs, non addit afflictis afflictionem, Calanum conquassatum non confringit, Linum fumigans non extinguit. Dure quidem duris loquitur, sed conterritos suavissime allicit ad se, Venite, inquit, ad me omnes, qui laboratis & onerati estis, &c. Non veni vocare justos, sed peccatores, &c. Confide fili, remittuntur tibi peccata. Confidite, ego vici mundum. Filius hominis venit quærere & salvum facere quod perierat, &c. Videndum est igitur nobis, ne mira arte & infinitis insidijs Satanae decepti, suscipiamus accusatorem & damnatorem pro consolatore & salvatore, atque ita sub larva falsi Christi, hoc est, Diaboli, verum Christum amittamus, ac nos ipsi eum nobis inutilem reddamus. Hæc de privatis tentationibus, quomodo in ipsis nos gerere debeamus.

Matth. 11.

Matth. 9.  
Iohan. 17.  
Luc. 19.

*Testificor autem rursus omni homini, qui circumciditur, quod debitor est uni-  
verse legis faciendæ.*

PRIVS incommodum certe ingens est, quod Paulus ait, Christum iis non prodesse, qui circumciduntur. Hoc sequens non levius est, quod dicit eos, qui circumciduntur, esse debitores totius legis servandæ. Ista verba tanto serio loquitur, ut etiam iuramento ea confirmet, Testificor, &c. id est, per omnia sacra juro. Possunt autem ambigue exponi, negative & affirmative. Negative hoc modo, Testificor omni homini, qui circumciditur, quod debitor est totius Legis servandæ, hoc

Faciens legem,  
non faciens.

hoc est, quod nihil legis servat, Etiam in ipso opere circumcisionis, non circumci- *Facientes legem, non faciunt.*  
ditur, Etiam implendo legem, non implet, sed transgreditur eam. Ea-  
que videtur mihi simplex & germana Pauli sententia hoc loco. Infra enim cap. 6. seipsum ex-  
ponit, dicens, Qui circumciduntur, ne ipsi quidem legem servant. Sic supra cap. 3.  
Quicumque ex operibus legis sunt, sub maledicto sunt, q. d. Si etiam circumcidi-  
mini, non ideo estis justi & liberi à lege, sed hoc ipso magis facti estis debitores &  
servi legis. Eo ipso quo conamini satisfacere legi & liberari ab ea, hoc magis im-  
plicatis vos iugo ipsius, ut plus juris habeat accusandi & damnandi vos. Hoc can-  
cri more est ingredi, & sordes sordibus abluere.

Hocque quod dico ex Pauli verbis, ego experientia ipsa in Monasterio di- *Observatione  
traditionum hu-  
manorum non  
paciscuntur  
conscientia.*  
dici in meipso & aliis. Vidi multos, qui summo studio & optima conscientia ni-  
hil non faciebant pro pacificanda conscientia, gestabant cilicia, jejunabant, ora-  
bant, affligebant & defatigabant variis exercitiis corpora, quibus, si etiam ferrea  
fuissent, tamen ad extremum destruxissent ea, Et tamen quo plus laborabant, hoc  
pavidiores reddebantur. Et præsertim imminente hora mortis, adeo erant trepi-  
dantes, ut plures viderim homicidas, poena capitis damnatos, confidentius mori,  
quam ipsos, qui tamen sanctissime vixerant.

Itaque verissimum est, quod facientes legem, non faciunt. Quo plus enim co-  
nantur homines satisfacere legi, hoc magis transgrediuntur eam. Idem sentien-  
dum est de traditionibus humanis, Quo magis conatur homo per eas pacatam  
reddere conscientiam, hoc plus reddit inquietam. Ego Monachus studebam  
summa diligentia vivere juxta præscriptum Regulæ, solebam, semper tamen ante  
contritus, confiteri & recensere omnia peccata mea, & sæpe iterabam confessio-  
nem, ac poenitentiam injunctam mihi sedulo præstabam. Et tamen conscientia  
mea nunquam poterat certa reddi, sed semper dubitabat, & dicebat, Hoc non fe-  
cisti recte, non fuisti satis contritus, hoc inter confitendum omisisti, &c. Quo igitur  
longius conabar humanis traditionibus mederi incertæ, imbecilli & afflictæ  
conscientiæ, hoc magis reddebam eam incertiore, imbecilliore & per-  
turbatiore. Atque hoc modo observando traditiones humanas, plus transgredi-  
ebar eas, & sectando ordinis justiciam nunquam poteram apprehendere eam.  
Quia impossibile est conscientiam reddi pacatam, inquit Paulus, operibus legis,  
multo minus traditionibus humanis, sine promissione & Evangelio de Christo.

Quare cupientes justificari & vivificari lege, recedunt à justitia & vita lon-  
gius, quam publicani, peccatores & meretrices. Illi enim non possunt niti fidu-  
cia operum suorum, cum talia sint, propter quæ non possunt confidere se conse-  
cuturos gratiam & remissionem peccatorum. Nam si justitia & opera secundum *Fiducia operum  
tollit, aut certe  
impedit fidem.*  
legem facta non justificant, multo minus peccata contra legem commissa justifi-  
cant. Sunt igitur feliciores hac in parte iusticiariis, quia deest eis priorum o-  
perum fiducia, quæ si non penitus tollit fidem in Christum, tamen maxime eam  
impedit. E contra, iusticiarii abstinentes externe à peccatis, & in speciem incul-  
pate & religiose viventes, non possunt carere opinione fiduciæ & justiciæ, cum  
qua stare non potest fides in Christum, Ideoque infeliciores sunt publicanis & me-  
retricibus, qui Deo irato non offerunt sua bona opera, ut pro eis reddat ipsis vi-  
tam æternam (ut Operarii) cum nulla habeant, sed ignosci sibi sua peccata pro-  
pter Christum petunt, &c.

Qui igitur facit Legem hac opinione, quod per eam vult justificari, is de- *Legis usus.*  
bitor est totius Legis faciendæ, hoc est, ne quidem unam literam Legis fecit. Neque  
etiam data est Lex hoc fine ut justificet, sed ut ostendat peccatum, terreat, accu-  
set, & condemnet. Ideo quo magis aliquis studet Lege & operibus consulere  
conscientiæ, hoc magis reddit eam incertam & confusam. Rogentur omnes Mo-  
nachi, qui serio laborant acquirere pacem conscientiæ suis traditionibus, an cer-  
to statuere possint, suum vitæ genus Deo placere ac propter illud se in Gratia esse  
coram Deo? Si fateri volunt veritatem, respondebunt, Ego quidem inculpate  
Y  
vivo,

*Arfenio.*

vivo, & summa diligentia observo Ordinem meum, Sed certo affirmare non possum, an ista mea obedientia Deo placeat, nec ne. In Vitis Patrum legitur de Arsenio (cujus & supra memini) Is quanquam longo tempore vixerat in summa sanctitate & abstinence, tamen cum sentiret jam non longe abesse mortem, coepit vehementer timere & moerore affici. Interrogatus cur timeret mortem, cum totam suam vitam sancte transegisset & Deo indefinenter serviisset? Respondit, se quidem secundum judicium hominum vixisse inculpate, Sed alia esse Dei judicia quam hominum. Ille sanctitate & asperitate vitae suae nihil aliud consecutus est, quam pavorem & horrorem Mortis. Si servatus est, oportuit eum amissa omni justitia sua, sola misericordia Dei niti, & dicere, Credo in Iesum Christum filium Dei, Dominum nostrum, passum, crucifixum, mortuum pro peccatis meis, &c.

*Quid Moser in uno recipit, in omnibus cogitur recipere.*

Altera sententia affirmativa est, Eum qui circumciditur, esse quoque debitorem totius legis faciendae. Qui enim Moser in uno recipit, cogitur eum recipere in omnibus. Qui unam partem Legis necessario observat, is omnes alias ejus partes observare debet. Neque juvat quod dicere velis, Circumcisionem esse necessariam, non item reliquas leges Mosi. Eadem consequentia, qua teneris ad circumcisionem, teneris etiam ad totam legem. Servare autem totam legem, nihil aliud est, quam facto ostendere quod Christus nondum venerit. Si hoc verum est, observari debent omnes Iudaicae caeremoniae & leges de cibis, locis, temporibus, & adhuc expectandus est Christus, qui, antiquato Iudaeorum regno & sacerdotio, instituat novum regnum per totum orbem terrarum. Sed tota scriptura testatur & res ipsa indicat, Christum jam venisse, sua Morte genus humanum redemisse, legem abrogasse, & omnia quae omnes Prophetae de eo praedixerunt, adimpleisse. Ergo sublata lege, Gratiam & veritatem donavit. Non igitur lex neque opera ejus, sed fides in Christum, qui jam venit, justificat.

*Christiani liberi sunt a pollice Mosi.*

Quidam hodie eodem modo, quo tum Pseudoapostoli, astringere nos voluerunt ad quasdam leges Mosi, quae ipsis placebant. Hoc nequaquam ferendum est. Nam si permiserimus in parte aliqua Moser dominari nobis, totum ejus imperium ferre cogimur, Ideo nulla prorsus Lege Mosi patimur nos premi. Admittimus quidem Moser legendum & audiendum a nobis ut praedictorem & testem Christi. Deinde ut petamus ex eo exempla optimarum legum & morum. Caeterum dominium in conscientiam nullo modo concedimus ei, Ibi mortuus & sepultus esto, nemoque sciat, ubi sepulchrum ejus sit.

*Quia legem non tenet justificari, negans Christum.*

Prior sententia, negativa scilicet, spiritualior & aptior esse mihi videtur, utraque tamen bona est, & justiciam legis damnat. Primum, tantum abesse, ut lege justificemur, ut quo plus conemur legem implere, hoc magis transgrediamur eam. Deinde qui partem legis vult facere, eum esse debitorem totius legis faciendae, Summa, Christum nihil prodesse iis, qui lege justificari volunt. Ex his sequitur, Paulum his omnibus significare, legem esse negationem Christi. Mira autem res est, quod Paulus affirmare audeat, legem Mosi, divinitus traditam populo Israel, esse negationem Christi. Quare igitur tulit eam Deus? Ante adventum Christi, cum adhuc expectabatur venturus in carne, necessaria erat. Est enim lex paedagogus noster ad Christum. Iam autem exhibito Christo, quatenus in eum credimus, non amplius sub paedagogo sumus. De hac re satis copiose diximus supra in fine cap. 3. Itaque qui legem necessariam ad justiciam docet, negationem Christi & omnium beneficiorum ejus docet, Deum mendacem facit, imo ipsam quoque legem mendacem facit. Ea enim testis est promissionum de Christo, ac praedixit, Christum non legis, sed Gratiae Regem futurum.

*Evacuati estis a Christo qui in lege justificamini.*

*Paulus non damnat circumcissionem simpliciter, sed fiduciam in eam.*

Hic Paulus seipsum exponit, se non loqui de Lege aut opere circumcissionis simpliciter, sed de fiducia & opinione justificationis per eam, q. d. Non damno circumci-



circumcisionem aut Legem simpliciter. Licet enim mihi edere, bibere, conversari cum Iudæis secundum Legem, Licet mihi circumcidere Timotheum, &c. Sed velle justificari per Legem, quasi Christus nondum venerit, aut jam præsens, solus justificare non possit, hoc damno, Hoc enim est evacuari à Christo. Itaq; dicit, Evacuati estis, id est, estis Pharaones, hoc est, liberi à Christo, Christus desit in vobis esse & operari. Nihil habetis amplius de cognitione, Spiritu, affectu, favore, libertate, vita, actione Christi, sed prorsus separati estis ab ipso, ut nihil negocij sit ei amplius vobiscum, nec vobis cum ipso.

Illud diligenter observandum & inculcandum est, quod Paulus dicit, Per legem velle justificari, nihil aliud esse, quam separari à Christo & plane eum nobis fieri ociosum. Quid potentius dici potest contra legem? Quid opponi potest isti fulmini? Ergo impossibile est Christum & legem simul habitare in corde. Aut enim legem, aut Christum cedere oportet. Si vero in ea persuasionem es, Christum & fiduciam Legis cohabitare posse in corde, Tum certo scias, non Christum, sed Diabolum in corde tuo habitare, sub larva Christi accusantis & perterrefacientis te, ac exigentis legem & opera ejus ad justiciam. Verus enim Christus, ut paulo ante etiam dixi, non expostulat tecum propter peccata tua, nec jubet te confidere benefactis tuis. Et vera cognitio Christi seu fides non disputat, Vtrum feceris bona opera ad justiciam, aut mala ad damnationem. Sed simpliciter ita statuit, Sive feceris bona opera, non ideo justificaris, sive feceris mala, non ideo damnaris. Non detraho bonis operibus suam gloriam, nec mala laudo, Sed in causa justificationis dico videndum esse, quomodo Christum retineam, ne ociosus mihi fiat, si justificari Lege cupiam. Christus enim solus me justificat contra opera mea mala, & sine operibus meis bonis. Si sic de Christo sentio, verum Christum apprehendo. Si autem judico eum exigere à me legem & opera ad justiciam, factus est mihi ociosus, ac ego ab eo evacuatus sum.

Horribiles sunt hæc sententiæ, & comminationes contra justiciam Legis & propriam. Deinde sunt etiam certissima principia, quæ articulum de justificatione confirmant. Est igitur finalis hæc conclusio, Aut Christum amitte, aut justiciam legis. Si Christum retines, justus es coram Deo. Si legem, Christus nihil tibi prodest, debitor es totius legis servandæ, habesq; sententiam tuam, Maledictus omnis, qui non &c. Simili modo dicimus de traditionibus humanis, ut jam de lege diximus, Aut Papa amittat cum suis religiosis omnia, quibus hætenus confusus est, aut Christus erit eis ociosus. Ex his facile judicari potest, quam perniciofa & pestilens fuerit doctrina Papistica. Ea enim longissime nos à Christo abduxit, & plane eum nobis ociosum fecit. Deus in Jerem. cap. 23. conqueritur, Prophetas vaticinari mendacium, & prophetare seductiones cordis sui, hocq; ideo, ut obliviscatur populus suus nominis sui, &c. Ut igitur Pseudopropheta, omitta germana interpretatione legis, & doctrina de semine Abraham, benedictore omnium Gentium, prædicaverunt sua somnia, ut populus oblivisceretur Dei sui. Ita Papistæ obscurato & oppresso Evangelio de Christo, ut amplius nullus ejus esset usus, tantum doctrinam operum urserunt, qua totum mundum longissime abduxerunt à Christo. Qui ista serio considerat, non potest non exhorrescere.

### A gratia excidistis.

Id est, Non amplius estis in regno Gratiæ. Ut enim is, qui est in navi, quacunq; tandem parte excidit in mare, submergitur. Ita qui excidit à Gratia, non potest non perire. Velle ergo justificari Lege, est naufragium facere, & se in certissimum discrimen æternæ mortis conjicere. Quæ autem potest esse major insania & impietas, quam velle amittere gratiam & favorem Dei, & legem Mosi retinere, qua retenta, necesse est ut accumules tibi iram & omnia mala? Si autem excidunt à Gratia, qui lege morali volunt justificari, Quo collabuntur, quæso, Iusticiarij, qui traditionibus & votis suis justificari volunt? Ad ima tartara. Imo evehuntur

in cœlum. Sic enim docuerunt ipsi, Quicumq; incedunt juxta regulam Francisci, &c. pax & misericordia Dei super eos. Item, qui observaverit castitatem, obedientiam, &c. habebit vitam æternam. Tu posthabitis illis inanibus & impiis nugis, attende quid Paulus hic doceat. Deinde quid Christus dicat, Qui, inquit, credit filio Dei, habet vitam æternam. Qui vero non credit filio, non videbit vitam, sed ira Dei manet super eam. Item, Qui non credit, jam judicatus est. Ioh. 1.

*Requiritur Papa  
in Traditionibus  
Iohannis & Confir-  
mationibus.*

Doctrina Papistarum, ut obiter hoc moneam, de Traditionibus humanis, operibus, votis, meritis, &c. ut erat vulgatissima in mundo, Ita putabatur esse optima & certissima, qua & Diabolus per Papam regnum suum constituit & confirmavit potentissime. Ideo non mirum est, cum hodie à nobis potentia verbi Dei impugnatur & dispellitur, ceu palea à vento, quod Satan tam atrociter sævit, omnia turbis & scandalis replet, ac concitat in nos totum mundum. Ergo dicat aliquis, satius fuisset tacuisse, tum nihil talium malorum fuisset exortum? Nos pluris facere debemus favorem Dei, cujus gloriam prædicamus, quam furorem Mundi persequentis nos. Quid enim Papa & totus Mundus ad Deum? quem certe magnificare & præferre debemus omnibus creaturis. Deinde impii exaggerant tumultus & scandala, quæ Satan suscitavit ad opprimendam aut saltem deformandam doctrinam nostram. Nos contra, commodum & fructum hujus doctrinæ inestimabilem amplificamus, quem longe præferimus omnibus turbis, sectis & scandalis. Nos quidem parvuli & infirmi sumus, gestantes thesaurum coelestem in testaceis vasis. Sed quamlibet vasa infirma sint, tamen thesaurus infinitus & incomprehensibilis est.

*Excidit à  
gratia cui per-  
dita obnoxij  
sunt.*

Non sunt frigide & oscitanter inspicienda hæc verba, A Gratia excidistis. Sunt enim valde emphatica. Qui excidit à Gratia, amittit simpliciter expiationem, remissionem peccatorum, justiciam, libertatem, vitam, &c. quam Christus sua morte & resurrectione nobis emeruit. Et vicissim acquirit in locum illorum, iram & judicium Dei, peccatum, mortem, servitutem Diaboli ac damnationem æternam. Et hic locus fortiter munit & confirmat doctrinam nostram de Fide, seu articulum justificationis, & nos mirabiliter consolatur contra furores Papistarum, persequentium & condemnantium nos tanquam hæreticos, quod istum Articulum docemus. Debat merito iste locus perterrefacere omnes hostes fidei & gratiæ, hoc est, omnes operarios, ut desinerent persequi & blasphemare verbum Gratia, vitæ & salutis æternæ. Sed adeo indurati & obstinati sunt, ut videntes non videant, & audientes hanc horribilem sententiam contra se ab Apostolo latam, tamen non audiant. Sinamus igitur illos. Cæci enim sunt & cæcorum duces.

*Nos enim Spiritu ex fide spem justiciæ expectamus.*

PAULUS hic concludit pulchro Epiphonemate, dicens, Vos justificari vultis Lege, circumcisione & operibus, Nos hoc modo non quærimus justiciam, ne Christus fiat nobis ociosus, ne debitores fiamus totius Legis servandæ, & ne excidamus à Gratia, Sed expectamus spiritu ex fide spem justiciæ. Singulæ voces diligenter expendendæ sunt, Sunt enim valde emphaticæ. Non voluit tantum dicere, ut alias solet, Nos justificamur fide, aut spiritu ex fide, sed adjecit, Spem justiciæ expectamus, involvens simul spem, ut totum fidei negocium complectatur. Cum dicit, Nos spiritu ex fide, &c. consideranda est antithesis in vocabulo Spiritus, q. d. Nos non quærimus justificari carne, sed hoc agimus, ut Spiritu justificemur, Et sic spiritu, ne sit fanaticus spiritus, & ex se magister natus, ut hæretici spiritum jactant, sed noster spiritus est ex fide. De Spiritu & fide supra copiose dictum est. Hic autem non solum dicit, Iustificamur Spiritu ex fide, sed adjungit, spem justiciæ expectamus, quæ nova additio est.

*Spes dupliciter  
accipitur.*

Spes usu Scripturæ dupliciter accipitur, pro re sperata, & pro affectu sperante. Pro re sperata accipitur Colos. 1. Propter spem repositam vobis in cœlis, id est, rem speratam. Pro affectu sperante, Rom. 8. Spes, quæ videtur, non est spes. Colos. 1.  
Rom. 8.  
Nam

Nam quod videt quis, cur speret? Si autem quod non videmus, speramus, id per patientiam expectamus. Sic & hoc loco spes accipi potest dupliciter, & secundum hoc gignit etiam duplicem sententiam. Prior est, Nos spiritu ex fide spem justiciæ nostræ expectamus, id est, justiciam speratam, quæ certo revelanda est suo tempore. Altera, Nos spiritu ex fide expectamus spe & desiderio justiciam, hoc est, sumus justi, & tamen justicia nostra nondum revelata est, sed pendet adhuc in spe, Roman. 8. Spe salvi facti sumus. Donec enim vivimus hæret peccatum in carne nostra, manet Lex in carne & membris, repugnans legi mentis nostræ, & captivans nos in obsequium peccati. Illis affectibus carnis furentibus, ac nobis Spiritu reluctans, manet ibi locus spei. Incepimus quidem justificari fide, qua & primitias Spiritus accepimus, & mortificatio carnis cœpta est, sed nondum perfecte justi sumus, Reliquum est, ut perfecte justificemur, hocq; speramus. Sic justicia nostra nondum est in re, sed adhuc in spe.

Hæc gravissima & suavissima est consolatio, qua afflictæ & turbatæ mentes, sentientes peccatum, & pavēfactæ ad quodlibet ignitum Diaboli telum, mirabiliter erigi possunt. In illo enim certamine conscientia, ut experientia docti sci-  
mus, fortiter dominatur sensus Peccati, iræ Dei, mortis, inferni & omnium pavorum. Ibi tum dicendum est tentato, Tu frater vis habere justiciam sensitivam, hoc est, cupis ita sentire justiciam, ut peccatum sentis, hoc non fiet. Sed tua justicia debet transcendere sensum peccati, & sperare, te coram Deo justum esse, hoc est, Tua justicia non est visibilis, non est sensibilis, sed speratur suo tempore revelanda. Ideo non debes judicare secundum sensum peccati, quod per terrefacit & conturbat te, sed secundum promissionem & doctrinam fidei, qua promittitur tibi Christus, qui est perfecta & æterna justicia tua. Sic spes mea in affectu sperante, in mediis pavoribus & sensu peccati provocatur & erigitur fide, ut speret me esse justum. Deinde spes, pro re sperata, hoc quod nondum videt, sperat perficiendum esse, & revelandum suo tempore.

*Justicia peccati  
non est sensibi-  
lis & visibilis,  
etc.*

Vtraq; sententia bona est, sed prior de affectu sperante vberiore affert consolationem. Iusticia enim mea nondum est perfecta neq; sensibilis, ideo tamen non despero, sed fides monstrat mihi Christum, quo confido, Hoc fide apprehenso, luctor cum ignitis telis Diaboli, & animor per spem contra sensum peccati, statuens perfectam justiciam mihi paratam in cœlo. Sic utrumq; verum est, quod hic justus sum justicia incipiente, & in ea spe erigor contra peccatum, & expecto consummationem perfectæ justiciæ in cœlo. Hæc tum recte intelliguntur, cum ad usum transferuntur.

## QVOD SIT DISCRIMEN INTER

FIDEM ET SPEM.

**H**ic quæstio oritur, quid intersit inter fidem & spem. Hac in re valde sudaverunt Sophistæ, sed nihil certi ostendere potuerunt. Nobis, qui tamen diligentissime versamur in sacris literis, & longe majori (absit verbo invidia) spiritu & intelligentia eas tractamus, difficile est aliquod discrimen invenire. Tantam enim cognationem inter se habent fides & spes, ut hæc ab illa divelli non possit. Et tamen aliquod discrimen inter ipsas est, quod ab officiis, contrariis & finibus ipsarum sumendum est.

**I.** Differunt subiecto, quia fides est in intellectu, spes in voluntate. Re tamen separari non possunt, respiciunt enim se mutuo, ut duo Cherubim propiciatorii.

**II.** Officio, quia fides dicat, dirigit & docet, estq; notitia. Spes exhortatio est, quia excitat animum, ut sit fortis & erectus, ut audeat, ferat, perduret in malis, ac in illis expectet meliora.

**III.** Objecto, Quia fides habet objectum Veritatem, cui certo & firmiter docet adhærendum esse, & intuetur in verbum rei seu promissiones rerum. Spes

Y 3

habet



habet objectum Bonitatem, & intuetur in rem Verbi, hoc est, in rem promissam seu in res sperandas, quas fides dictavit suscipiendas.

III. Ordine, quia fides est ante omnem tribulationem, initium vitæ, Ebræ. 11. Ebr. 11.  
11. Spes posterior, ex tribulationibus parata, Rom. 5. Rom. 5.

V. A contrariis, Quia fides doctor & iudex est, pugnans contra errores & hæreses, judicans spiritus & doctrinas. Spes Imperator seu dux belli est, pugnans contra Tribulationem, crucem, impatientiam, tristitiam, pusillanimitatem, desperationem, blasphemiam, & expectat bona sub malis.

Quando igitur fide in verbum Dei edoctus apprehendo Christum, & tota fiducia cordis (quod tamen sine voluntate fieri non potest) credo in eum, hac notitia iustus sum. Sic fide seu hac notitia me iustificato, statim venit diabolus, mendacij pater, & nititur extinguere fidem dolis, hoc est, mendacio, erroribus, hæresibus. Deinde, quia homicida est, conatur eam etiam vi opprimere. Ibi spes luctans apprehendit rem fide dictatam, fit animosa & vincit Diabolum impugnantem Fidem, quo victo, sequitur pax & gaudium in Spiritu sancto. Reipsa igitur fides & spes vix discerni possunt, & tamen est aliquod discrimen inter ipsas. Hoc, ut facilius agnosci possit, declarabo rem similitudine. In Politia differunt prudentia & fortitudo, tamen ita conjunctæ sunt hæ virtutes, ut facile divelli non possint. Est autem fortitudo constantia animi, quæ in adversis non desperat, sed fortiter perdurat, & expectat meliora. Nisi autem fortitudo dirigatur prudentia, temeritas est. Et vicissim, nisi ad prudentiam accesserit fortitudo, prudentia vana & inutilis est. Sicut igitur in politia, prudentia sine fortitudine vana est, Ita fides in Theologia sine spe nihil est, Quia spes fert & perdurat in malis, ac vincit ea. Et vicissim, sicut fortitudo sine prudentia temeritas est, Ita spes sine fide præsumptio in spiritu & tentatio Dei est. Caret enim notitia veritatis vel Christi, quam fides docet, ideo cæca & temeraria fortitudo est. Quare primum omnium pius habere debet rectam opinionem & intellectum fidei informatum, secundum quem in afflictionibus regatur animus, ut speret in malis optima, quæ fides dictavit & docuit.

*Eadem est differentia fides & spes in theologia, quæ est prudentia & fortitudo in politia.*

*Fides dialectica, Spes rhetorica.*

Fides igitur est dialectica, quæ concipit ideam omnium credendorum. Spes rhetorica, quæ amplificat, urget, exhortatur & persuadet ad constantiam, ne fides in tentatione succumbat, sed retineat verbum, & firmiter illi adhæreat. Sicut autem Dialectica & Rhetorica distinctæ artes sunt, & tamen adeo inter se cognatæ, ut altera ab altera separari non possit (Quia Rhetor sine dialectica nihil firmi docere potest, Et e contra Dialecticus sine rhetorica non afficit auditores, Vtranq; vero conjungens docet & persuadet) Ita fides & spes distincti affectus sunt. Fides enim aliud est quam spes, & spes aliud quam fides, Et tamen propter magnam cognationem, quam habent inter se, divelli non possunt. Ut igitur dialectica & rhetorica mutuas sibi invicem operas tradunt, Ita fides & spes. Est igitur ea distinctio fidei & spei in theologia, quæ est intellectus & voluntatis in philosophia, prudentiæ & fortitudinis in politia, dialectices & rhetorices in sermone.

*Discrimen inter fidem & spem.*

Summa, Fides docendo concipitur, Ibi enim instruitur animus quid veritas sit, Spes autem exhortando, Quia exhortatione excitatur spes in afflictionibus, quæ confortat jam fide iustificatum, ne cedat malis, sed contra audentior eat, Sed nisi facula fidei luceret voluntati, non posset ei persuaderi spes. Habemus igitur fidem, qua docemur, sapimus, intelligimus coelestem sapientiam, apprehendimus Christum, & manemus in ipsius gratia. Adhærentibus nobis Christo fide, & eum confitentibus, statim insurgunt contra nos hostes, Mundus, caro, Diabolus, odientes & persequentes nos acerrime in corpore & spiritu. Ideo sic credentes, iustificati Spiritu ex fide, expectamus spem iusticiæ nostræ. Expectamus autem per patientiam, Quia omnino contrarium videmus & sentimus. Mundus enim cum suo principe Diabolo foris & intus nos omni genere malorum impugnat. Deinde hæret adhuc in nobis peccatum, quod subinde contristat nos. In his

tamen

tamen omnibus non defatigamur nec deficimus, sed fortiter erigimus voluntatem fide, quæ illuminat, docet & regit voluntatem. Atq; ita constantes permanemus, & superamus omnia mala per eum, qui dilexit nos, donec reveletur justitia nostra, quam credimus & speramus.

*Gal. 113.* Fide ergo incepimus, spe perduramus, revelatione totum habebimus. Interim dum vivimus, quia credimus, docemus Verbum, & propagamus cognitionem Christi in alios. Hoc facientes persecutionem patimur (Iuxta illud, Credidi, ideo locutus sum, Ego autem humiliatus sum nimis) patientes, fortiter erigimur spe, exhortante nos Scriptura suavissimis & consolatione plenissimis promissionibus, quas fides docuit. Atq; ita nascitur & crescit in nobis spes, *Rom. 15.* Vt per patientiam & consolationem scripturarum spem habeamus. Ideo non sine causa *Rom. 5. 8.* conjungit Paulus patientiam in tribulationibus cum spe, *Rom. 5. 8.* & alibi, illis enim excitatur spes. Contra fides, ut & supra monuimus, prior est spe, Est enim *Fides prior est spe.* initium vitæ, & incipit ante omnem tribulationem. Discit enim & apprehendit Christum sine cruce, Cognitionem tamen Christi statim sequitur crux & pugna. Ibi tum exhortandus est animus ad fortitudinem spiritus (Spes enim nihil aliud est, quam fortitudo theologica, ut è contra fides est prudentia theologica) quæ sita est in ferendo. Iuxta illud, Vt per patientiam, &c. Manent ergo tria illa, Fides *Fides.* docet veritatem, ac defendit ab erroribus & hæresibus, Spes fert & vincit omnia *Spes.* mala corporalia & spiritualia, Caritas, ut in textu sequitur, facit omnia bona. Sic *Caritas.* homo intus & foris integer & perfectus est in hac vita, donec reveletur justitia, quam expectat, Ea erit consummata & æterna.

Porro hic locus gravissimam & doctrinam & consolationem continet. Doctrina est, quod non per opera, ritus, sacrificia & totum illum cultum Mosaicæ legis, multo minus per opera & traditiones humanas justificemur, sed per solum Christum. Quicquid præter hunc in nobis est, sive sit Lex, opus, passio, sive intellectus, voluntas, &c. caro est, non Spiritus. Quicquid igitur mundus habet optimum & sanctissimum extra Christum, peccatum, error & caro est. Itaq; circumcisio, observatio legis, item opera, religiones, vota Monachorum & omnium justiciariorum, carnalia sunt. Nos vero, inquit Paulus, longe supra ista omnia versamur in Spiritu. Quia per fidem tenemus Christum, & in tribulatione expectamus spe eam justiciam, quam fide jam possidemus. Consolatio hæc est, ut in seriis *Consolatio contra sensum iræ & alicia spurgo.* pavoribus (in quibus adeo magnus & fortis est sensus peccati, tristitiæ, desperati-  
onis, &c. penetrant enim & occupant omnia interiora cordis) non sequaris sensum tuum, Alioqui dices, Sentio vehementes terrores legis, & tyrannidem peccati, non solum rebellantis mihi, sed omnino captivantis me, nullam consolationem aut justiciam sentio, ergo peccator, non justus sum. Si peccator, ergo reus æternæ mortis. Contra hunc sensum nitere & dic, Etiam si sentiam me prorsus oppressum & absorptum peccato, & cor dicet Deum aversum & iratum, Tamen re ipsa hoc non est verum, nisi quia sensus meus ita judicat. Verbum Dei, quod in istis pavoribus sequi debeo, non sensum meum, longe diversum docet, Deum scilicet prope adesse iis, qui tribulato sunt corde, & humiles spiritu salvare. Itē, Non despicere eum cor contritum & humiliatum. Deinde Paulus hic docet, Iustificatos Spiritu ex fide, spem justitiæ nondum sentire, sed expectare adhuc.

Quare cum Lex accusat & peccatum perterrefacit te, & nihil sentis, quam iram & iudicium Dei, ne ideo desperes, sed arripas armaturam Dei, scutum fidei, galeam spei & gladium Spiritus, & experire quam bonus & fortis sis bellator. Fide apprehende Christum, Dominum Legis & peccati, & omnium quæ illa comitari solent. In hunc credens iustificatus es (Id quod ratio & sensus cordis tui tibi tentato non dicit, sed verbum Dei) Deinde in istis pugnis & terroribus, qui subinde redeunt & exercent te, per spem patienter expecta justiciam, quam nunc fide habes, sed tantum inceptam & imperfectam, donec ea suo tempore reveletur perfecta & æterna. At non sentio me habere justiciam, aut saltem

tenuiter sentio. Non sentire, sed credere debes te justiciam habere. Et nisi credideris te esse justum, insigni contumelia & blasphemia afficis Christum, qui te mundavit Lavacro aquæ per Verbum, qui deniq; mortuus in cruce, peccatum & mortem condemnavit & occidit, ut per ipsum consequeris æternam justiciam & vitam. Ista negare non potes (nisi velis esse palam impius & blasphemus, & prorsus contemnere Deum, omnia promissa divina, Christum & omnia ipsius beneficia) ideo neq; te justum esse negare potes.

Discamus igitur in magnis & horribilibus terroribus, ubi conscientia nihil sentit præter peccatum, & judicat Deum esse iratum & Christum aversum, non esse consulendum cordis nostri sensum, sed verbum Dei consuendum esse, quod dicit, Deum non irasci, sed respicere ad afflictos, contritos spiritu & tremantes ad sermonem ipsius. Christum non avertere se à laborantibus & oneratis, sed eos refocillare, &c. Docet igitur hic locus clare, legem & opera non afferre justiciam & consolationem, sed hoc ipsum facere Spiritum in fide Christi, qui excitat spem in ipsis pavoribus & tribulationibus, quæ fert & vincit mala. Perpauci norunt, quam imbecillis & exigua sit fides & spes in cruce & luctu. Apparet enim tum esse linum fumigans, quod jam jam extincturus sit fortis ventus. Sed credentes in illis pugnis & terroribus contra spem in spem, hoc est, pugnantes fide in promissionem Christi, contra sensum peccati & iræ Dei, experiuntur postea istam scintillam fidei perexiguam, ut apparet rationi, quia eam vix sentit, fore velut elementarem ignem, qui implet totum cælum, & absorbet omnes terrores & peccata.

*Thesaurum pietatis.*

Vere pii in toto orbe terrarum nihil charius & preciosius habent hac doctrinâ. Quia tenentes eam hoc noverunt, quod totus mundus ignorat, Nempe peccatum & mortem & alias calamitates ac mala corporalia & spiritualia electis cedere in bonum. Item noverunt Deum tum proxime adesse, cum longissime apparet abesse. Tum maxime esse misericordem & salvatorem, cum videtur maxime irasci, affligere & perdere. Norunt tum se habere justiciam æternam, quam ut certissimam possessionem spe expectant, repositam in cœlis, cum maxime sentiunt terrores peccati & mortis. Tum se esse dominos omnium, cum omnium sunt egentissimi, Iuxta illud, Nihil habentes, omnia possidentes. Hoc vocat scriptura consolationem concipere per spem. Sed illa ars sine crebris & magnis tentationibus non discitur.

*Nam in Christo Iesu neq; circumcisio aliquid valet, neq; præputium, Sed Fides per Charitatem efficax.*

*Sophistarum doctrina de justificatione.*

H V N C locum Sophistæ trahunt ad suam sententiam, qua docent nos charitate seu operibus justificari. Dicunt enim, fidem, etiam si sit infusa divinitus (de acquisita taceo) non justificare, nisi sit informata per charitatem. Quia charitatem vocant gratiam gratum facientem, hoc est, justificantem (ut nostro verbo, seu Pauli potius, loquar) Charitatem deinde acquiri nostro merito congrui, &c. Quin hoc affirmant, Fidem etiam infusam stare posse cum peccato mortali. Adeo in totum transferunt justificationem à fide, & soli tribuunt (hac ratione) charitati. Atq; hoc volunt hoc loco per S. Paulum demonstratum habere, Fides quæ per charitatem operatur. Quasi Paulus velit dicere, Ecce, Fides non justificat, imo nihil est, nisi accedat operatrix charitas, quæ fidem informet.

Verum hæc omnia monstra sunt, per homines ignavos conficta. Quis enim ferat doceri, Quod fides, donum Dei per Spiritum sanctum infusum cordibus, possit stare cum peccato mortali? Si de fide acquisita seu historica & naturali opinione, ex historia concepta loquerentur, tolerari possent, Imo de historica fide recte loquerentur. At de fide infusa sic sentire, hoc est plane confiteri sese prorsus nihil de fide recte intelligere. Deinde hunc locum Pauli per coloratum (ut dicitur) vitrum legunt, & textum deformant ad sua somnia. Non enim dicit Paulus, Fides, quæ per charitatem justificat, Nec dicit, Fides, quæ per charitatem gratum facit.



facit. Talem textum ipsi fingunt, & huic loco per vim intrudunt. Multo minus dicit, Charitas gratum facit. Non sic dicit Paulus, sed sic dicit, Fides, quæ per charitatem operatur. Opera fieri dicit ex fide per charitatem, non justificari hominem per charitatem. At quis est tam rudis Grammaticus, qui non ex vocabulorum virtute intelligat, Aliud esse justificari, aliud operari? Clara enim & aperta sunt verba Pauli, Fides per charitatem operatur. Quare manifestum furtum est, quod illi vero & germano sensu Pauli sublato, pro operari, intelligunt justificari, & per opera justiciam, cum etiam in morali Philosophia fateri cogantur, opera non esse justiciam, sed à justitia fieri opera.

*Sophiste deinde  
rutores Pauli.*

Porro, Paulus hic non facit Fidem informem, & rude velut chaos, cujus nihil sit neq; esse, neq; agere, Sed operationem ipsam tribuit fidei, & non charitati. Non fingens rudem quandam & informem qualitatem, Sed asserens efficacem & operosam quidditatem, ac velut substantiam seu formam (ut vocant) substantialem. Non enim dicit, Charitas est efficax, Sed fides est efficax. Non, Charitas operatur, sed fides operatur. Charitatem vero facit fidei velut instrumentum, per quod operetur. Iam quis nescit, quod instrumentum habet vim, motum & actionem, non à seipso, sed à fabro, operatore seu agente? Quis enim diceret, Securis dat vim & motum secandi fabro? Navis dat vim & motum navigandi nautæ? Vel ut Esaia exemplum adducam, Quis dicet, Serra trahit fabrum, & baculus levat manum? Non dissimile est, quod isti dicunt, Charitatem esse formam fidei, seu tribuere vim & motum fidei, seu justificare, cum Paulus nec opera charitati concedat, quomodo concederet justificationem? Certum igitur est, injuria magna, non solum Pauli, sed ipsius quoq; fidei & charitatis, hunc locum pro charitate contra fidem esse depravatum.

*Paulus operatur  
fidem, non  
charitatem, ut  
Supra.*

Sed ita accidit ignavis lectoribus, & qui suas cogitationes afferunt lectioni sacrum literarum, Cum vacui accedere deberent, & ex sacris literis referre cogitationes, Deinde verba diligenter considerare, præcedentia cum sequentibus conferre, & hoc studere, ut integrum sensum alicujus loci caperent, non truncatis vocabulis aut excerptis verbis, sua somnia affingerent. Paulus enim hoc loco non agit, Quid sit fides, aut quid coram Deo valeat. Non (inquam) de justificatione disputat. Hoc enim superius per totum prolixè fecit. Sed brevi velut Epiphonemate concludit, quid sit ipsa vita Christiana, dicens, In Christo Iesu neq; circumcisio, neq; præputium quicquam valet, Sed fides per charitatem operosa, Id est, fides non ficta neq; hypocritica, sed vera & vivax, Ea est, quæ exercet & urget bona opera per charitatem. Hoc est tantum dicere, Qui vult esse vere Christianus seu in Christi regno, hunc oportet esse vere credentem. Vere autem non credit, si opera charitatis fidem non sequuntur. Et sic utrinq; à dextris & sinistris excludit à regno Christi hypocritas. A sinistris Iudæos & operarios, dicens, In Christo neq; circumcisio, id est, nulla opera, nullus cultus, nullum prorsus vitæ genus, Sed sola fides sine omni fiducia operum valet. A dextris, ignavos & inertes ac desides, quia dicunt, Si fides sine opere justificat, ergo nihil operemur, Sed credamus solum, & faciamus quæ volumus. Non sic impij, dicit Paulus. Verum est, sine operibus solam fidem justificare, Sed de Fide vera loquor, quæ postquam justificaverit, non stertet ociosa, sed est per charitatem operosa.

*Vita Christiana.*

*Vera & vivax  
fides.*

*Paulus à dextris  
& sinistris  
excludit a regno  
Christi hypo-  
critas.*

Igitur sicut dixi, Totam vitam Christianam Paulus hoc loco pingit, scilicet esse fidem erga Deum intus, & charitatem seu opera erga proximum foris. Ut sic homo absolute sit Christianus, Intus coram Deo per fidem, qui operibus nostris non indiget, Foris coram hominibus, quibus fides nihil prodest, sed opera seu charitas. Hac igitur forma vitæ Christianæ audita seu cognita, scilicet quod sit fides & charitas (ut dixi) nondum dicitur. Quid sit fides, Quid sit charitas, Hæc enim alia est disputatio. Nam de fide seu interna natura, vi & usu fidei, supra disputavit, ubi eam docuit esse justiciam seu potius justificationem coram Deo. Hic conjungit charitati & operibus, id est, de ejus externo officio loquitur. Hic dicit

*Tota Christiana  
vita secunda  
Paulum.*

dicit eam esse impultricem & effricem bonorum operum seu charitatis erga proximum.

*Palatia compo-  
sitionis & divi-  
sionis.*

Quare hunc locum nemo recte sapiens potest intelligere de negotio justificationis coram Deo, cum loquatur de tota vita Christianorum. Et est plane vitiosa dialectica, seu fallacia compositionis & divisionis, ubi de parte accipitur, quod de toto dicitur. Neque enim dialectica pati debet figuras synecdochas & hyperbolas, ut rhetorica facit, cum sit magistra docendi, definiendi, dividendi & colligendi, quantum fieri potest propriissime. Qualis enim esset ea dialectica, Homo est anima & corpus, nec sine anima & corpore esse potest, ergo corpus intelligit, anima sola non intelligit? Eadem dialectica est, Vita Christiana est fides & charitas, seu fides per charitatem efficax, ergo charitas justificat, non sola fides. Sed facebant humana somnia.

*Quid faciat  
Christianum?*

Hoc simul ex isto loco discamus, quam horribiles sint tenebrae in istis Aegyptiis, qui non solum Fidem, sed etiam charitatem in Christianismo contemnunt, & loco ejus sese fatigant operibus electitiis, rasuris, vestibus, cibis, & aliis infinitis personatibus & larvis, quibus volunt Christiani videri. Sed stat hic libertinus Paulus apertis & disertis verbis, Christianum facit fides efficax per charitatem. Non dicit, Christianum facit cucullus, jejunium, vestis, ritus, Sed fides vera erga Deum, quae diligit proximum & benefacit, sive sit servus, Dominus, Rex, Pontifex, vir, mulier, purpuratus, pannosus, carnibus vescens, piscibus utens. Nihil, nihil horum facit Christianum, Sed fides & charitas, Cætera sunt omnia mendacia & mera idolatria. Et tamen nihil est contemptius ea ipsa Fide & charitate apud eos, qui Christianissimi esse volunt, & plane Ecclesia sanctior, quam ipsa Dei sancta Ecclesia. Rursus suas larvas & figmenta electiciorum operum admirantur & jactant, sub quibus alunt & regunt horribiles suas idolatrias, impietates, avaritias, immunditias, odia, homicidia, & totius inferni & Diaboli regnum. Tam potens est violentia hypocrisis & superstitionis in omnibus seculis ab initio usque ad finem mundi.

*Currebatis bene, Quis vos impedi vit veritati non obedire? &c.*

*Christiani vita  
est cursus, &c.*

HAEC plana sunt. Affirmat Paulus se jam recte docere, & idem docere quod antea docuit, Ipsos autem bene cucurrisse quidem antea, cum veritati obedirent, hoc est, recte credidisse & vixisse, non autem nunc, postquam à Pseudoapostolis seducti sunt. Porro nova phrasi hic utitur, qua Christianam vitam cursum appellat. Ebraeis enim currere seu ambulare dicitur vivere aut conversari. Currunt doctores & discipuli, quando hi pure docent, illi verbum cum gaudio suscipiunt, & utrinque fructus spiritus sequuntur. Id quod praesente Paulo fiebat, ut supra cap. 3. & 4. testatus est. Et hic, Bene currebatis, hoc est, Omnia apud vos erant in felici statu & successu, vivebatis optime, contendebatis recta ad vitam aeternam, quam vobis pollicebatur Verbum, &c. Hæc verba, Currebatis bene, continent magnam consolationem. Pios exercet ista tentatio, quod vita ipsorum videtur pigra & magis reptatio quædam, quam cursus. Sed si perstant in sana doctrina & spiritu ambulant, nihil moveat eos, quod eorum actiones videantur lente progredi, seu potius reptare. Deus longe aliter judicat. Nam quod nobis tardum videtur aut vix reptare, hoc illi velociter currit. Item quod in oculis nostris Tristitia, luctus, mors est, hoc apud Deum est gaudium, risus & beatitudo. Hinc Christus dicit, Beati qui lugetis, ploratis, &c. quia consolationem accipietis, ridebitis, &c. Credentibus in filium Dei cedunt omnia in bonum, sive sit tristitia sive mors. Sunt ergo veri cursores, & quicquid faciunt currit & feliciter progreditur, provehente hoc Christi spiritu, qui nescit tarda molimina.

*Quod nobis re-  
piat, Deo cur-  
rit, &c.*

*Quis vos impedi vit veritati non obedire?*

IN hoc cursu impediuntur, qui à Gratia & Fide ad legem & opera deficiunt, ut accidit Galatis, persuasis & seductis à Pseudoapostolis, quos recte perstringit his

git his verbis, Quis vos impedit, &c. Simili modo supra cap. 3. dixit, Quis vos fascinavit, ut non obediretis veritati? Obiter etiam hic Paulus indicat, tam vehementer homines falsa doctrina dementari, ut mendacium & hæreses pro veritate & spirituali doctrina suscipiant, & vicissim sanam doctrinam, quam primum amaverunt, esse erroneam, & suum errorem esse sanam doctrinam jurent ac totis viribus defendant. Sic Galatas primum optime currentes duxerunt Pseudoapostoli in eam opinionem, ut crederent se prius, cum Paulo usi fuerant doctore, errasse & tardissime incessisse. Postea vero seducti à Pseudoapostolis, cum toto cœlo aberrarent à veritate, ita fascinati sunt falsa ipsorum persuasione, ut putarent omnia sua in felicissimo progressu & cursu esse. Hoc idem accidit hodie illis, quibus spiritus fanatici imposuerunt, &c. Ideo sæpe soleo dicere, casum in doctrina non esse humanum, sed diabolicum, nempe è sublimi cœlo ad ima tartara, quia homines perseverantes in errore, tantum abest ut agnoscant peccatum suum, ut etiam defendant illud esse summam justiciam, Impossibile est igitur eos consequi veniam.

*Falsa doctrina dementat homines.*

*Lapsus in doctrina diabolici, &c.*

*Persuasio hæc non ex eo est, qui vocat vos.*

HÆC insignis est consolatio & doctrina, qua docet Paulus, quomodo seductis per impios doctores, falsæ persuasiones eximendæ sint. Pseudoapostoli erant magni viri, longe superantes in speciem Paulum doctrina & pietate. Hoc fucoco decepti Galatæ, cum audirent ipsos, putabant se Christum audire, ideoque judicabant persuasionem ipsorum esse ex Christo. Contra Paulus subobscurè & verècunde indicat hanc persuasionem & doctrinam non esse ex Christo, qui vocaverat eos in Gratia, sed ex Diabolo. Atque ita multis exemit hanc falsam persuasionem. Sic hodie multos per hæreticos seductos revocamus ex errore, cum ostendimus opiniones illorum fanaticas & impias esse. Deinde pertinet etiam consolatio illa ad omnes afflictos, qui tentati falsam opinionem de Christo concipiunt. Est enim Diabolus persuasor mirificus, qui vilissimum & pene ridiculum peccatum ita inflare novit, ut tentatus putet esse atrocissimum crimen, dignum æterno supplicio. Hic erigendus est ad hunc modum conturbatus animus, quo Paulus Galatas erexit, Nempe istam cogitationem seu persuasionem non esse ex Christo, cum ea pugnet contra verbum Evangelij, quod pingit ipsum Christum non accusatorem, durum exactorem, &c. sed mitem, humilem corde, misericordem salvatorem & consolatorem.

*Autoritas Pseudoapostolorum.*

*Consolatio pro his qui falsam opinionem de Christo concipiunt.*

Si vero Satan hoc evertit (est enim mille artifex) & opponit verbum & exemplum Christi, hoc modo, Christus quidem mitis, benignus, &c. est, sed justis & sanctis, Contrà peccatoribus minatur iram ac perditionem, Luc. 13. Item pronuntiat incredulos jam esse damnatos, Iohan. 3. Deinde, Christus multa bona operatus est, multa mala pertulit, & jubet nos imitari exemplum suum. Tua vero vita neque verbo neque exemplo Christi responderet, quia peccator & incredulus es, Denique nihil boni fecisti, &c. Ideo sententiæ quæ pingunt Christum judicem, &c. ad te pertinent, non consolatoriæ de Christo salvatore, &c. Ibi hoc modo consoletur seipsum tentatus. Scriptura proponit Christum dupliciter, Primum ut Donum. Si hoc modo apprehendero eum, nihil plane mihi deesse poterit. In Christo enim sunt omnes Thesauri sapientiæ & scientiæ absconditi. Is quantus quantus est, à Deo mihi factus est Sapientia, justitia, sanctificatio & redemptio, Etiam si igitur multa & grandia peccata commiserim, tamen si credidero in eum, omnia absorbentur à justitia ipsius, &c. Deinde scriptura proponit etiam eum ut exemplum nobis imitandum. Sed hunc exemplarem Christum non patiar mihi proponi, nisi in die lætitiæ, cum sum extra tentationes (ubi vix millesimam partem exempli ipsius possum assequi) ut habeam speculum, in quo quantum adhuc mihi desit, contempler, ne fiam securus. In tempore vero tribulationis non audiam neque admittam, nisi Christum donum, qui pro peccatis meis mortuus,

*Christus donum & exemplum.*

*Luce 13.*

*Iohan. 3.*

*Coloss. 2.*

*Rom. 10.*



mortuus, impertiit mihi suam justiciam, & hoc quod mihi deest in vita, pro me fecit & implevit. Ipse enim est finis legis ad justiciam omni credenti.

Ista prodest nosse, non solum ut singuli habeamus certum in tempore tentationis remedium, quo illud Venenum desperationis, quo Satan nos inficere cogitat, devitemus, Sed etiam ut furiosis nostri seculi sectariis resistamus. Anabaptistæ enim nihil habent speciosius in tota sua doctrina, quam quod exemplum Christi & crucem ita urgent, præsertim cum manifestæ sint sententiæ, quibus Christus suis discipulis crucem commendat. Discendum est igitur, quo modo Satanæ huic, in speciem Angeli se transformanti, resistamus, Nempe hoc modo, ut discernamus inter Christum, qui alias ut Donum, alias ut exemplum prædicatur. Vtraque prædicatio habet suum commodum tempus, quod si non observatur, fit pestis ex prædicatione salutis.

Quibus Christus  
ut donum, qui-  
bus ut exem-  
plum proponen-  
dus sit.

Pavidis igitur & jam antea conterritis mole peccatorum suorum, Christus salvator & donum, non exemplum & legislator, inculcandus est. Securis autem & induratis proponendum est exemplum Christi, & duræ ipsius sententiæ, & horribilia exempla iræ Dei, ut diluvij, everisionis Sodomorum, &c. ut poenitentiam agant. Discat igitur unusquisque Christianus, ut territus & afflictus falsam persuasionem, quam Satan suggerit, de Christo conceptam possit excutere & dicere, Quid Satan nunc de faciendo mecum disputas? cum antea satis conterritus & perturbatus sim propter facta & peccata mea, Imo cum jam laborem & oneratus sim, non te accusatorem & perditorem, sed Christum salvatorem generis humani audiam, qui dicit venisse se in mundum, ut peccatores salvaret, ut desperabundos consolaretur, captivis prædicaret liberationem, &c. Is verus & proprie dictus Christus est, & præter illum nullus alius. Exemplum sanctæ vitæ possum petere ex Abraham, Esaia, Iohanne Baptista, Paulo & aliis Sanctis. Sed illi non possunt mihi remittere peccata, liberare à tua potestate & morte, salvare & donare vitam. Ea enim competunt soli Christo, quem Pater signavit Deus. Ideo non te doctorem audiam, sed Christum, de quo Pater dixit, Hic est Filius meus dilectus, in quo mihi bene complacitum est, Ipsum audite. Hoc modo discamus in tentatione & persuasionem falsæ doctrinæ nos fide erigere, Alioqui aut Diabolus per suos ministros seducet, aut suis ignitis telis occidet nos.

*Modicum fermentum totam massam corrumpit.*

Apostolus ge-  
nerales senten-  
tias particula-  
res facit, & e-  
contra.

HIERONYMVS & qui eum secuti sunt, notant S. Paulum quod multa sacræ scripturæ dicta detorqueat in alienam sententiam. Hinc dicunt apud Paulum pugnare, quæ suis locis non pugnant, Sed immerito accusant Apostolum, qui recte & prudenter vel generales sententias, particulares facit. Ut sup: cap. 3. generalem sententiam, Maledictus omnis, qui pendet in ligno, particularem facit, cum eam aptissime ad Christum applicat. Vel particulares facit generales, ut hanc particularem sententiam, Modicum fermenti, &c. generaliter accipit. Quia & ad doctrinam, ut hoc loco, ubi de justificatione agit, & ad vitam & ad malos mores, ut 1. Cor. 5. eam referre solet.

1. Cor. 5.

Pseudoapostoli  
traduxerunt  
Paulum apud  
Ecclesiam.

Tota epistola satis testatur, quam agere tulerit Paulus lapsum Galatarum, quamque crebro inculcaverit ipsis, jam objurgando, jam obsecrando, quæ maxima & inestimabilia mala hunc illorum lapsum secutura sint, nisi resipiscant. Ista paterna & Apostolica cura & admonitio quosdam plane nihil movit. Plerique enim jam amplius non agnoscebant Paulum doctorem suum, sed longe ei præferebant Pseudoapostolos, à quibus somniabant se veram doctrinam hausisse, non à Paulo. Deinde procul dubio traduxerunt Pseudoapostoli Paulum apud Galatas hoc modo, Eum esse hominem pertinacem & contentiosum, qui propter rem levissimam dissueret concordiam Ecclesiarum, non ob aliam causam, quam quod solus sapere, solus magnificari vellet, &c. Ea falsa accusatione fecerunt Paulum apud multos invisum. Alij, qui nondum prorsus defecerant à doctrina Pauli, cogita-

cogitabant nihil periculi esse, si in doctrina de justificatione & fide modicum dissentirent ab eo. Ideoque cum audiebant Paulum adeo vehementer exaggerare rem, tam levis, ut ipsis videbatur, momenti, mirabantur & cogitabant, Esto sane quod nonnihil discesserimus à doctrina Pauli, & aliquid peccatum sit à nobis, Tamen id modicum quiddam est, ideo merito ad hoc connivere, vel saltem tam vehementer hoc amplificare non deberet, ne illa levi occasione scinderetur Ecclesiarum concordia. His respondet hac pulcherrima proverbiali sententia.

Modicum fermenti totam massam corrumpit. Estq; cautela, quam Paulus magnificat. Debemus & nos eam magnificare hac nostra ætate. Nam Sacramentarii, qui negant corporalem præsentiam Christi in Cœna, objiciunt quoq; hodie nobis, Quod contentiosi, duri & intractabiles simus, qui propter unicum articulum de Sacramento scindamus Christianam charitatem & concordiam Ecclesiarum. Non debere nos tanti facere hunc articulum exiguum, eumq; incertum, neque satis ab Apostolis declaratum (præsertim cum alioqui de aliis Christianæ doctrinæ articulis, qui magis necessarii sunt & majoris momenti, idem nobiscum sentiant) ut propter illum solum, neque totius Christianæ doctrinæ, neque generalis omnium Ecclesiarum, concordie rationem habeamus. Isto valde plausibili argumento non solum onerant nos invidia apud suos, sed etiam multos bonos subvertunt, qui judicant nos ex mera pertinacia, seu aliquo quodam privato affectu dissentire ab ipsis. Sed hæ Diaboli sunt insidiæ, quibus non solum illum articulum, sed totam Christianam doctrinam conatur evertere.

*Argumentum  
Sacramentarium  
contra nos.*

Ad hoc ipsorum argumentum respondemus cum Paulo, Modicum fermenti totam massam corrumpit. In Philosophia, modicus error in principio, in fine est maximus. Sic in Theologia modicus error totam doctrinam evertit. Quare longissime discernenda sunt doctrina & vita. Doctrina non est nostra, sed Dei, cujus nos tantum sumus vocati ministri, Ideo ne apiculum quidem de ea remittere aut mutare possumus. Vita nostra est, ideo quod ad eam attinet, nihil possunt Sacramentarii à nobis exigere, quod non velimus & debeamus etiam suscipere, condonare & ferre, Salva tantum doctrina & fide, de qua semper dicimus hoc Pauli, Modicum fermenti, &c. Hac in parte ne pilo quidem cedere possumus. Est enim doctrina instar Mathematici puncti, non potest igitur dividi, hoc est, neque ademptionem neque additionem ferre potest. Contra vita, quæ est instar Physici puncti, semper dividi, semper aliquid concedere potest.

*Doctrina &  
vita longissime  
discernenda.*

*Doctrina fidelis.*

Minutissima festuca in oculo offendit oculum. Hinc Germani dicunt de remediis oculorum, *Nichts ist in die Augen gut.* Et Christus, Lucerna, inquit, corporis oculus est. Cum igitur oculus tuus fuerit simplex, totum corpus tuum lucidum erit, &c. Et deinde, Si corpus tuum non habuerit aliquam partem tenebrarum, erit lucidum totum, &c. Hac allegoria significat Christus, Oculum, hoc est, doctrinam debere simpliciter esse puram, claram & synceram, quæ plane nullam partem tenebrarum, nullam nubeculam habeat, &c. Et Iacobus, non ex suo spiritu, sed procul dubio ex auditu Apostolorum pulcherrime dixit, Qui offenderit in uno, factus est omnium reus. Debet igitur doctrina esse unus quidam perpetuus & rotundus aureus circulus, in quo nulla sit fissura. Ea accedente vel minima, circulus non est amplius integer, &c. Quid prodest Judæis credere Deum unum, eumq; creatorem omnium, credere alios articulos, & totam Scripturam sanctam recipere, cum Christum negent? Qui igitur in uno offendit, factus est omnium reus.

Quare hic locus diligenter observandus est contra hoc illorum argumentum, quo calumniantur nos violare charitatem, cum maximo Ecclesiarum incommodo. Nos certe parati sumus servare pacem & charitatem cum omnibus, modo doctrinam fidei relinquant nobis integram & salvam. Si hoc impetrare non possumus, frustra exigunt à nobis charitatem. Maledicta sit charitas, quæ servatur cum jactura doctrinæ Fidei, cui omnia cedere debent, charitas, Apostolus, Angelus è cœlo, &c. Satis ergo testantur, cum tam calumniose causam hanc extenuant,

*Charitas omnia  
sustinet, &c. sed  
des nihil.*

*Quando exten-  
denda charitas,  
quando non,  
&c.*

quam magnifaciant maiestatem Verbi. Quod si crederent esse verbum Dei, non ita cum eo luderent, sed summo honore afficerent, & sine ulla disputatione & dubitatione fidem ei adhiberent, scirentq; unum verbum Dei esse omnia, omnia esse unum. Item, scirent unum articulum esse omnes, Omnes esse unum, & uno omisso, omnes paulatim amitti. Cohærent enim, & quodam communi vinculo continentur.

Sinamus igitur eos amplificare concordiam & charitatem Christianam, Nos contra amplifemus maiestatem Verbi & fidem. Charitas negligi potest in loco sine periculo, non item verbum & fides. Charitatis est omnia tolerare, omnibus cedere. Contra Fidei est prorsus nihil tolerare, nemini cedere. Charitas libenter cedens, omnia credens, condonans & ferens sæpe luditur, delusa tamen nihil incommodi, quod vere incommodum dici posset, accipit, hoc est, non amittit Christum, Ideoque non offenditur, sed retinet constantiam suam in benefaciendo, etiam erga ingratos & indignos. Contra in re salutis, quando fanatici homines mendacium & errores docent, sub specie Veritatis, & imponunt multis, Ibi certe non est exercenda charitas, neque approbandus error. Hic enim non amittitur beneficium in ingratum collatum, sed amittitur Verbum, fides, Christus, vita æterna, &c. Quare si Deum in uno articulo negas, in omnibus negasti. Quia Deus non dividitur in multos articulos, sed est omnia in singulis, & unus in omnibus articulis. Itaque perpetuo respondemus Sacramentariis, criminantibus charitatem à nobis negligi, hoc proverbium Pauli, Modicum fermenti totam consersionem fermentat. Item, Non patitur ludum, fama, fides, oculus. Hæc dixi multis pro nostris confirmandis, & ad docendos alios, qui fortasse nostra constantia offenduntur, nec putant nos istius constantiæ certas & graves causas habere. Nihil igitur nos moveat, quod tantopere studium charitatis & concordiaë jaçant. Qui enim non diligit Deum & verbum ipsius, nihil refert, quid aut quantum is diligit.

*Doctrina fidei  
maiestas, &c.*

Admonet ergo Paulus hac sententia tam doctores, quam auditores, ne cogitent doctrinam Fidei rem exiguam aut nihili esse, cum qua ludere possimus pro libidine nostra. Ipsa est radius solaris è cælo veniens, qui illuminat, accendit & dirigit nos. Ut autem mundus cum omni sapientia sua & potentia non potest flectere radios solis è cælo tendentes directe in terram, ita neque doctrinaë fidei aliquid auferri aut addi potest, vel in totum evertitur, &c.

*Ego confido de vobis in Domino.*

*An confitemur  
domino sit hominibus.*

QVASI d. Satis monui, confirmavi & objurgavi vos, si modo auscultare velletis. Confido tamen de vobis in Domino. Hic quaestio oritur, An Paulus recte fecerit, quod dicit se confidere Galatis, præsertim cum sacrae literæ prohibeant fiduciam in homines? Vtraque & Fides & charitas credit, Sed diversa sunt objecta. Fides credit Deo, ideo falli non potest, Charitas hominibus ideo sæpe fallitur. Est autem charitatis fides ad præsentem vitam adeo necessaria, ut sine ea non possit consistere vita in mundo. Si enim homo homini non crederet & confideret, quæ esset futura vita nostra in terris? Christiani citius per charitatem credunt, quam filii seculi huius. Est enim fides erga homines fructus Spiritus seu Christianæ fidei in piis. Hinc Paulus Galatis etiam lapsis confidit, sed in Domino, q. d. Eatenus confido vobis, quatenus Dominus est in vobis, & vos in ipso, hoc est, quatenus manetis in veritate. A qua si excideritis, decepti per Satanæ ministros, nec ego amplius confidam vobis. Hoc modo licet piis credere & confidere hominibus.

*Quod nihil aliud sentieris,*

SCILICET de doctrina & fide, quam quod ex me audistis & didicistis, Hoc est, Confido quod doctrinam aliam à mea dissentientem non sitis recepturi.

*Qui autem perturbat vos, portabit iudicium, quicumq; fuerit.*

HAC sententia Paulus velut iudex pro tribunali sedens, condemnat Pseudoapo-



*Impiī doctores  
perturbatores  
mentium.*

*Autoritas  
Pseudoapostolorum.*

*Vehementia  
Pauli a multis  
reprehensa.*

doapostolos, vocans valde odioſo nomine conturbatores Galatarum, quos ipſi ducebant piſſimos, & longe meliores Paulo doctores. Simulq; permovere vult Galatas hac horribili ſententia, qua tanta certitudine damnat Pſeudoapostolos, ut illos vitent tanquam nocentiſſimam peſtem, q. d. Quid auditis illas peſtes, quæ non docent, ſed tantum perturbant vos? Doctrina, quam tradunt vobis, nihil aliud eſt, quam perturbatio conſcientiarum. Ideo quantumvis magni ſint, habebunt damnationem ſuam. Satis autem intelligi poteſt ex his verbis ( Quicumque tandem fuerit ) Pſeudoapostolos fuiſſe in ſpeciem optimos & ſanctiſſimos viros. Et fortasſe fuit inter eos aliquis inſignis Apoſtolorum diſcipulus, magni nominis & autoritatis vir. Non fruſtra enim tam grandibus & ſignificantibus verbis utitur. Ad eundem modum loquitur & cap. i. Etiamſi nos, aut Angelus e coelo evangelizeſet vobis, præter id, quod evangelizavimus vobis, Anathema ſit. Neque dubium eſt, quin multi vehementer offenſi ſint iſta vehementia Apoſtoli, qui cogitaverunt, Cur Paulus lædit charitatem? Cur adeo pertinax eſt in re tam levicula? Cur tam præcipitanter pronuntiat ſententiam æternæ damnationis contra eos, qui æque ſunt miniſtri Chriſti ac ipſe? Hoc nihil moratur, ſed certiſſimus & ſecuriſſimus maledicit & damnat eos, qui lædunt doctrinam fidei, quantumvis in ſpeciem ſancti, docti & magnæ exiſtimationis ſint viri.

Simili modo nos hodie pro excommunicatis & damnatis habemus, qui articulum de Sacramento corporis & ſanguinis Domini incertum eſſe dicunt, aut Chriſti verbis in Cœna vim faciunt. Nos ſummo rigore omnes articulos doctrinæ Chriſtianæ, magnos & parvos ( quanquam nullus ſit nobis parvus ) volumus habere puros & certos. Hocq; ſumme neceſſarium eſt. Nam doctrina eſt unica lux noſtra, quæ illuminat & dirigit nos ac oſtendit iter ad cœlum, qua labefactata in una parte, neceſſe eſt eam labefactari in totum. Hoc ubi ſit, nihil poterit nos juvare charitas. Nos ſine charitate & concordia cum Sacramentariis, poſſumus ſalvi fieri. Non item ſine pura doctrina & fide. Alioqui libenter ſervabimus charitatem & concordiam erga illos, qui pie nobiſcum ſentiunt de omnibus articulis Chriſtianæ doctrinæ. Imo etiam, quantum in nobis eſt, pacem habebimus cum inimicis noſtris, ac pro ipſis orabimus, qui per ignorantiam doctrinam noſtram blaſphemant & nos perſequuntur. Non item cum iis, qui ſcienter & contra conſcientiam articulum aliquem, aut plures doctrinæ Chriſtianæ lædunt.

*Doctrina fidelis  
lux noſtra.*

*Doctrina  
vita.*

Et Paulus hic ſuo exemplo tam pertinaces nos eſſe docet, qui propter rem, ut Pſeudoapostolis & eorum diſcipulis videbatur ( nam utrique putabant, hi ſe recte & pie docere, illi ſe recte & pie credere ) non ſolum leviffimam, ſed etiam iniquiſſimam, certiſſime prædicit eos portaturos iudicium ſuum. Quare, ut ſæpe ſoleo monere, diligenter diſcernenda eſt doctrina à vita. Doctrina eſt cœlum, vita, terra. In vita eſt peccatum, error, immundities & miseria, ut dici ſolet cum aceto. Ibi charitas conniveat, toleret, ludatur, credat, ſperet, ſuſtineat omnia, ibi maxime valeat remiſſio peccatorum, modo peccatum & error non defendantur. Sed in doctrina, ut non eſt error, ita non opus habet ulla remiſſione peccatorum. Quare nulla prorsus eſt comparatio doctrinæ & vitæ. Vnus apex doctrinæ plus valet, quam cœlum & terra, Ideo in minimo non patimur eam lædi, Ad errores vitæ autem egregie poſſumus connivere. Nam & nos quotidie in vita & moribus erramus, errant etiam omnes Sancti, hocq; ſerio fatentur in oratione Dominica & Symbolo. Sed doctrina noſtra, Dei gratia, pura eſt, omnes articulos fidei ſolidos & fundatos in ſacris literis habemus. Illos libenter vellet Diabolus contaminare & evertere. Ideo hoc ſpecioſo argumento de charitate & concordia Eccleſiarum non lædenda, tam verſute nos adoritur, &c.

*Ego autem fratres, Si Circumciſionem adhuc prædico, quid adhuc perſecutionem patior? Evacuatum eſt igitur ſcandalum crucis.*

PAULUS, ut nihil non tentet pro revocandis Galatis, argumentatur nunc

Ab exemplo suo. Ego, inquit, conflavi mihi acerrimum odium & persecutionem Pontificum, Seniorum populi & totius meæ Gentis, quod detraho circumcisioni justiciam, Quam si ei tribuerem, non solum non insidiarentur mihi Iudæi, sed etiam laudarent & vehementer amarent me, Nunc quia Evangelium Christi & justiciam fidei, abrogata Lege & circumcisione, prædico, persecutionem patior. Contra Pseudoapostoli, ut crucem & hanc acerbiter odiorum gentis judaicæ non ferant, prædicant circumcisionem, atque ita conciliant sibi gratiam Iudæorum & eos retinent amicos. Sic infra cap. 6. Cogunt vos circumcidi, &c. Deniq; & hoc libenter efficerent, ut nihil plane dissidii, sed summa pax & concordia inter Gentes & Iudæos esset. Sed impossibile est hoc fieri sine jactura doctrinæ de fide, quæ est doctrina crucis & plena scandalis. Itaque cum dicit, Si circumcisionem adhuc prædico, Quid persecutionem adhuc patior? Evacuatum est igitur scandalum crucis. Significare vult magnam fore absurditatem & indignitatem, si cessaret scandalum crucis. Ad eundem modum loquitur 1. Cor. 1. Christus milit me evangelizare, non in sapientia Verbi, ne evacuetur crux Christi, q. d. Non libenter vellem aboleri scandalum & crucem Christi.

Hic dicat aliquis, Ergo Christiani extreme dementes sunt, quod ultro se obijciunt periculis. Nam sua prædicatione nihil faciunt, nisi quod conciliant sibi iram & odium mundi & suscitant scandala. Hoc, ut ille ait, frustra est niti, & nihil nisi odium quærere. Ista res, inquit Paulus, nihil offendit aut perturbat nos, sed tantum animosos reddit, & bene sperare jubet de felici successu & augmento Ecclesiæ, quæ sub cruce floret & crescit. Oportet enim Christum caput & sponsum Ecclesiæ, dominari in medio inimicorum suorum, Psal. 110. Contra, quando Crux abolita est, & furor tyrannorum & hæreticorum, item scandala desierunt, ac Diabolo custodiendo atrium suum, omnia in pace sunt, certissimum signum est, ablatam esse puram verbi doctrinam. Hoc etiam Bernhardus animadvertens, Ecclesiam tum in optimo statu esse ait, cum undique impetatur vi & dolis à Satana, Contra pessime habere, cum in summa pace agat. Et pulchre per Catachresin allegat dictum hoc ex Cantico Ezechiae (Ecce in pace amaritudo mea amarissima) in persona Ecclesiæ, agentis in securitate & pace. Quare Paulus pro certissimo signo habet, Evangelium non esse, si salva pace prædicetur. Contra mundus pro certissimo signo accipit, Evangelium esse hæreticam & seditiosam doctrinam, Quia videt prædicationem ejus sequi ingentes tumultus, turbationes, scandala, sectas, &c. Sic Deus larvam diaboli, Diabolus Dei, induit. Et Deus sub larva diaboli cognosci, & diabolum sub larva Dei reprobari, vult.

Scandalum crucis active & passive potest intelligi. Crux sequitur statim doctrinam Verbi, iuxta illud Psal. 116. Credidi, ideo locutus sum, ego vero humiliatus sum nimis. Est autem Crux Christianorum persecutio cum ignominia & sine ulla commiseratione, ideoque valde scandalosa est. Primum, patiuntur ut sceleratissimi nebulones. Hocq; Esaias Propheta etiam de ipso Christo prædixit, Cap. 53. Cum sceleratis reputatus est. Deinde latronibus, furibus, &c. mitigantur poenæ, & homines tanguntur misericordia erga illos, Ibi scandalum non est conjunctum cum poena. Contra mundus, ut judicat Christianos pestilentes esse homines, ita putat nullam poenam satis dignam eis pro malefactis suis infligi posse, Neque commiseratione ulla movetur erga ipsos, sed ignominiosissimo genere mortis afficit. Et illa re putat duplex commodum ad se redire. Primum, quod obsequium præstet Deo, si interficiat eos. Deinde publicam pacem sperat restitui, istis pestibus ablatis. Ideo Crux & mors piorum est plena scandalis. At nihil moveat vos illa indignitas, inquit Paulus, & duratio crucis Christi & scandali, sed potius vos confirmet, Istis enim durantibus optime habet res Christiana.

Ad eum modum consolatur etiam Christus suos, Matthæi 5. Beati estis, inquit, cum maledixerint vobis homines, & persecuti vos fuerint, & dixerint omne malum verbum adversus vos mentientes propter me. Gaudete & exultate, quoniam

*Pseudoapostoli  
inimici crucis  
Christi.*

*Doctrina fidei.*

*Ecclesia bene  
habet, quando  
est sub cruce.*

*Bernhardi de  
claris.*

*Prædicationem  
Evangelij se-  
quuntur tumultus,  
&c.*

*Cruis piorum.*

1. Cor. 1.

Psal. 110.

Ezai. 53.

Psal. 116.

Ezai. 53.

Matth. 5.

niam merces vestra multa est in coelis. Sic enim persecuti sunt Prophetas, qui fuerunt ante vos. Hoc gaudium non patitur Ecclesia sibi eripi. Quare non libenter velim, quod Papa, Episcopi, Principes & fanatici spiritus nobiscum concordessent. Ea enim concordia certa significatio esset, nos amisisse veram doctrinam. In summa, oportet Ecclesiam, cum pure Evangelium docet, persecutionem pati. Evangelium enim prædicat misericordiam & gloriam Dei, & derigit malitiam & dolos Diaboli, depingitq; eum suis coloribus, detrahit ei larvam majestatis divinæ, qua toti mundo imponit. Hoc est, ostendit omnes cultus, religiones, ordines ab hominibus excogitados, Item traditiones de coelibatu, de cibis, &c. quibus judicant homines se promereri remissionem peccatorum & vitam æternam, esse res impias & doctrinas dæmoniorum. Nulla igitur re plus irritatur Diabolus, quam prædicatione Evangelii. Illa enim aufert ei larvam Dei, & prodit eum esse, quod vere est, hoc est, Diabolum non Deum. Quare impossibile est non sequi scandalum crucis, floreñte Evangelio, vel certe Diabolus non est recte petitus, sed tantum leniter palpatus. Si vere petitur, non quiescit, sed incipit horribiliter tumultuari & omnia perturbare.

*Evangelium prædicat gloriam Dei, & aperit dolos Diaboli.*

Christiani igitur, si modo verbum retinere volunt, ne offendantur aut terreantur, si vident Diabolum ruptis habenis furere, totum orbem commoveri, tyrannos sævire, sectas oriri. Sed certo sciant, illa esse signa non horroris, sed gaudii, ut Christus interpretatur, Gaudete, inquit, & exultate, &c. Absit ergo ut tollatur scandalum crucis, Quod fieret, si hoc prædicarem, quod Princeps hujus mundi & membra ejus libenter audirent, scilicet justiciam operum, tuncq; haberemus clementem Diabolum, faventem mundum, Papam & Principes propitios. Quia vero illustramus beneficia & gloriam Christi, persequuntur nos, & auferunt nobis res & corpora.

*Vtinam & abscindantur, qui vos conturbant,*

Est ne Apostolicum hoc, non solum declarare Pseudoapostolos esse perturbatores, damnare & tradere eos Diabolo, sed etiam imprecari eis, ut extirpentur prorsus & pereant, quod plane est maledicere? Allusit autem Paulus, ut opinor, ad circumcisionem, q. d. Cogunt vos circumcidi, utinam ipsi funditus & radicitus excindantur. Hic oritur quæstio, Vtrum liceat Christianis maledicere? Licet, Non tamen semper & ex qualibet causa. Cum eo ventum est, ut verbum sit maledicendum seu doctrina blasphemanda, & per consequens Deus ipse, tum invertent sententiam & dic, Benedicatur Deus & verbum ipsius, & maledicatur quicquid est extra verbum & Deum, sive sit Apostolus, sive Angelus è coelo. Sic supra cap. 1. Etiam si nos aut Angelus è coelo, &c. anathema sit. Ibi cernere est Paulum tanti facere modicum fermenti, ut etiam ausit maledicere Pseudoapostolis, in speciem magnæ autoritatis & sanctitatis viris. Ne igitur & nos parvifaciamus fermentum doctrinæ. Quantumvis enim modicum, si contemnatur, causa est, ut paulatim veritas & salus amittatur ac Deus negetur. Depravato enim verbo & negato ac blasphemato (id quod necesse est sequi) Deo, non restat ulla spes salutis. Si vero nos blasphemamur, maledicimur, & occidimur, est adhuc qui possit nos resuscitare & liberare à maledicto, morte & inferno.

*Paulus imprecatur Pseudoapostolos, ut excindantur.*

*An liceat maledicere Christianis.*

Discamus igitur amplificare & magnificare majestatem & auctoritatem Verbi. Non enim est res levicula, ut fanatici homines hodie putant, sed unus apex major est coelo & terra. Quare ibi nullam plane habemus rationem Charitatis aut concordie Christianæ, sed utimur simpliciter tribunali, hoc est, maledicimus & condemnamus omnes, qui vel in minimo depravant seu lædunt majestatem divini Verbi. Quia Modicum fermenti totam consersionem fermentat. Si autem relinquunt nobis integrum & illæsum Verbum, parati sumus non solum charitatem & concordiam servare cum ipsis, sed offerimus nos fore servos eorum, & nihil non facturos. Si non, pereant & detrudantur ad infernum, non solum ipsi, sed totus mun-

*Majestas verbi magnificanda.*



*Frequens usus  
maledictionum  
in scripturis.*

duc etiam cum piis & impiis, modo ut Deus maneat. Hoc manente, manet vita & salus, manebunt & pii. Recte igitur facit Paulus, quod perturbatoribus illis maledicit, & pronuntiat sententiam, eos esse Anathema cum omnibus, quæ sunt, docent & faciunt, quodq; imprecatur eis, ut excindantur ex hac vita, & præcipue ex Ecclesia, hoc est, ne Deus gubernet & fortunet doctrinam & omnes actiones eorum. Et hæc maledictio profecta est e Spiritu sancto. Sic Petrus Actor. 8. maledicit Simoni, Pecunia tua, inquit, sit tecum in perditionem, &c. Et frequens usus est maledictionum in sacris literis contra tales conturbatores mentium, præcipue in Psalmis. Vt Psal. 55. Veniat mors super illos, & descendant in infernum viventes. Item, Convertantur peccatores in infernum, &c.

*Al.*

*Ps. 55.*

Haftenus munivit Paulus locum justificationis firmissimis argumentis. Deinde, ut nihil omitteret, disputationi huic passim inseruit objurgationes, laudationes, exhortationes, comminationes, &c. In fine addidit etiam exemplum suum, Se persecutionem pati propter hanc doctrinam, monens per hoc omnes pios, ne scandalizentur & terreantur, si tempore Evangelii viderint excitari tumultus, scandala, sectas, &c. Sed potius gaudeant & exultent. Nam quo atrocius furit mundus contra Evangelium, hoc melius habet negotium Evangelii.

*Quid mundus  
et omnes in pijs  
conturbant.*

Hæc gratissima nobis hodie esse debet consolatio. Certum est enim, quod propter nullam aliam causam Mundus nos oderit & persequatur, quam quod veritatem Evangelii profiteamur. Non accusat nos, quod Fures, adulteri, homicidæ, &c. simus, sed hoc unum detestatur in nobis, quod Christum pie & pure docemus, & patrocinium veritatis non deserimus. Certo igitur sciamus vel hinc, doctrinam nostram esse sanctam & divinam, quod mundus tam acerbè eam odit. Alioqui enim nulla doctrina tam impia, stulta, ridicula, perniciosa est, quam non libenter mundus suscipit, exosculatur & defendit, Deinde reverenter tractat, fovet, adulatur & omnia facit professoribus ipsius. Solam doctrinam Pietatis, vitæ & salutis & Ministros ejus summe detestatur, omnibus probris afficit, &c. Evidens ergo est argumentum, quod Mundus tantum odio Verbi nobis infensus sit. Itaque cum objiciunt nobis adversarii, nihil ex hac doctrina oriri, nisi Bella, seditiones, scandala, sectas, & infinita alia mala. Respondeamus, Benedictus dies in quo ista videre licet. Sed totus mundus turbatur. Bene, si non turbaretur, & Diabolus non ita sæviret & conturbaret omnia, non haberemus puram doctrinam, quam isti tumultus & furores non possunt non sequi. Ideo quod vos malum putatis, hoc nos pro summo bono accipimus.

*et*

## DOCTRINA DE BONIS OPERIBVS.

*Apostoli post  
doctrinam fidei  
subiungunt præ-  
cepta de mori-  
bus.*

SEQUUNTUR nunc exhortationes & præcepta de bonis moribus. Apostoli enim in more habent, post doctrinam fidei & instructionem conscientiarum, subicere præcepta morum, quibus exhortantur credentes ad officia pietatis inter se mutuo exercenda. Et eam partem doctrinæ aliquo modo intelligit & docet etiam ratio, de doctrina Fidei prorsus vero nihil novit. Ne igitur videatur doctrina Christiana dissolvere bonos mores, & pugnare contra politicas ordinationes, admonet Apostolus etiam de bonis moribus & honesta externa conversatione, de servanda charitate, concordia, &c. Non potest igitur mundus jure accusare Christianos, quod dissolvant bonos mores, quod publicam pacem, honestatem, &c. perturbent. Quia melius tradunt mores & omnes virtutes, quam ulli aut Philosophi aut Magistratus, quia Fidem addunt.

*Vos enim in libertatem vocati estis, fratres, Tantum ne libertatem in occasionem  
detis carni, Sed per charitatem servite vobis in vicem.*

*Libertas cre-  
dendum.*

QVASI d. Nati estis jam per Christum Libertatem, hoc est: longe estis supra omnes Leges secundum conscientiam & coram Deo, beati & salvi estis, Christus vestra vita est. Igitur Lex, peccatum, mors, etiamsi vos terrent, tamen neque

neque nocere, neque in desperationem adigere possunt. Ea est præclara & inæstimabilis Libertas vestra. Nunc vestrum est diligenter cavere, ne illam libertatem detis in occasionem carni. Hoc malum latissime patet, & omnium deterrimum est, quod Satan in doctrina fidei excitat, quod scilicet hanc Libertatem, qua Christus nos liberavit, in multis mox transfert ad occasionem carni. Hoc idem conqueritur & Iudas in sua Epistola, Subintraverunt, inquit, quidam homines impii, qui Dei nostri Gratiam transferunt ad lasciviam. Caro enim prorsus non intelligit doctrinam Gratiæ, scilicet, quod operibus non justificemur, sed sola fide, Quod Lex nullum jus in nos habeat. Ideo cum audit hanc doctrinam, transfert eam ad lasciviam, & statim sic infert, Si sumus sine Lege, vivamus igitur ut volumus, nihil faciamus boni, nihil demus egentibus, multo minus patiamur aliquid mali. Non enim est Lex, quæ cogat aut liget nos.

*Carnales non  
intelligunt doctrinam fidei.*

Itaque utrinque periculum est, alterum tamen altero tolerabilius. Si Gratia seu fides non prædicatur, nemo fit salvus. Fides enim sola justificat & salvat. Contra, si prædicatur fides, ut necesse est eam prædicari, major pars hominum carnaliter intelligit doctrinam de Fide, & libertatem Spiritus in libertatem carnis rapit. Hoc cernere est hodie in omnibus vitæ generibus superiorum & inferiorum. Omnes jactant se esse Evangelicos, jactant Christianam libertatem, Et tamen interini obsequentes suis cupiditatibus convertuntur ad avaritiam, voluptates, superbiam, invidiam, &c. Nemo fideliter suum officium facit, nemo per charitatem alteri servit, &c. Ea indignitas nonnunquam adeo impatientem me facit, ut sæpe optem ejusmodi porcos, qui margaritas pedibus conculcant, adhuc esse sub tyrannide Papæ. Impossibile enim est hunc populum Gomorrhæ Evangelio pacis regi.

*Major pars hominum  
intelligit doctrinam fidei  
carnaliter.*

Deinde nos ipsi, qui docemus verbum, non tanta diligentia & ardore jam in luce veritatis facimus nostrum officium, ut prius in tenebris ignorantie illud fecimus. Quo enim sumus certiores de libertate illa à Christo nobis parta, hoc frigidiores & segniores sumus ad tractandum verbum, orandum, bene operandum ad mala ferenda, &c. Et nisi Satan vexaret nos intus spiritualibus tentationibus, & foris persecutionibus adversariorum, item contemptu & ingratitude nostrorum hominum, prorsus securi, ignavi, & ad omne opus bonum reprobi fieremus, Atque ita cum tempore amitteremus cognitionem & fidem Christi, desereremus ministerium verbi, & quæreremus commodiorem pro carne nostra vivendi rationem. Id quod plerique ex nostris facere incipiunt illa occasione moti, quod laborantes in verbo, non solum victum inde habere non possunt, sed quod etiam indignissime tractantur ab iis, quos prædicatione Evangelii liberaverunt ex miserrima servitute Papæ. Hi pauperem & scandalosum Christum deserentes, implicant se præsentis vitæ negotiis & ventri suo, non Christo, serviunt. Sed quo fructu, cum tempore experientur.

*Vultus tentationum.*

Cum itaq; sciamus Diabolum maxime insidiari nobis, qui Verbum habemus (alios enim captivos tenet ad suam ipsius voluntatem) & hoc sedulo conari, ut libertatem illam Spiritus nobis auferat, vel saltem hoc efficiat ut eam transferamus ad lasciviam, Ideo summa diligentia & cura docemus & adhortamur, exemplo Pauli, nostros homines, ne existiment illam libertatem Spiritus, partam Christi morte, ideo sibi donatam, ut eam dent in occasionem carni. Aut, ut Petrus ait, eam habeant, velut malitiæ velamen, sed ut per charitatem sibi ipsis invicem servant. Ne ergo, ut diximus, Christiani abutantur hac libertate, imponit Apostolus carnem servitutem per Legem de mutua dilectione. Quare meminerint pii, se in conscientia coram Deo esse liberos à Legis maledicto, à peccato & morte propter Christum, Corpore autem esse servos. Hic alter alteri per charitatem, juxta hoc Pauli Præceptum, servire debet. Vnusquisq; igitur studeat in sua vocatione diligenter facere officium suum, & quacumq; re potest, adjuvare proximum. Hoc exigit à nobis Paulus his verbis, Per charitatem servite vobis invicem, quæ non sinunt sanctos secundum carnem esse liberos, sed subjiciunt eos servituti, &c.

*Pii secundum  
spiritum liberi,  
secundum carnem  
non servi.*

*Carnales abutuntur libertate Christiana.*

Porro hæc doctrina de mutua Charitate inter nos servanda nullo modo potest inculcari & persuaderi carnalibus hominibus. Christiani hac in re libenter obsequuntur. Alii prædicata Libertate illa, statim inferunt, Si liber sum, ergo licet mihi facere quod volo. Hæc res mea est, cur ergo non venderem eam quanti possum? Item, Cum propter bona opera non contingat nobis salus, cur daremus aliquid egentibus? &c. Hi securissime excutiunt hoc jugum & servitutem carnis, & transferunt libertatem Spiritus in licentiam & lasciviam carnis. Illis securis contemptoribus certo annuntiamus (quanquam non credant nobis, sed nos rideant) quod si corpore & facultatibus suis utantur pro sua libidine (ut certe faciunt, quia non adjuvant inopes, non mutuum dant, sed fraudant in negotio fratres, rapiunt per fas & nefas, &c.) quod inquam liberi non sint, ut maxime se tales glorientur, sed amiserint Christum & libertatem, & servi sint Diaboli, quodque nunc sub nomine Christianæ libertatis septies deteriores sint, quam antea sub tyrannide Papæ. Diabolus enim, qui expulsi erat, reversus est in eos assumptis secum aliis septem spiritibus nequioribus ipso, &c. Ideo eorum novissima facta sunt pejora primis.

*Libertas docenda, etiam si sint multi, qui ea abutuntur.*

Nos divinum mandatum habemus prædicandi Evangelium, quod annuntiat omnibus hominibus, si modo credant, gratis propter Christum, Libertatem à Lege, peccato, morte, ira Dei, &c. Non est in arbitrio aut potestate nostra situm, hanc libertatem per Evangelium jam invulgatam, celare homines, aut revocare, Quia Christus eam nobis donavit ac sua morte peperit. Neque possumus illos porcos, qui toto impetu ruunt in licentiam carnis, cogere, ut corpore & rebus suis serviant aliis. Ideo quod possumus, facimus, hoc est, admonemus diligenter eos debere hoc præstare. Si his monitis nostris nihil efficimus, committimus rem Deo, is suo tempore justas infliget poenas istis contemptoribus. Interim tamen hoc nos solatur, quod labor & diligentia nostra non est inanis apud pios, quorum procul dubio multi per nostrum ministerium erepti sunt à servitute Diaboli, & translati in illam libertatem Spiritus. Hi pauci, qui agnoscunt gloriam hujus libertatis Spiritus, & vicissim parati sunt per charitatem servire aliis, & noverunt se secundum carnem esse debitores fratrum, plus nos exultat, quam innumera turba eorum, qui abutuntur illa libertate, nos contristare possunt.

*Intelligentes Christianam libertatem sibi invicem servant.*

Paulus valde propriis & disertis verbis loquitur, cum inquit, Vos in libertatem vocati estis fratres. Hic ne quis somniet libertatem carnis, seipsum exponit, cujusmodi libertatem intelligat, dicens, Tantum ne libertatem in occasionem detis carni, sed per charitatem servite vobis invicem. Quare unusquisque Christianus sciat se per Christum constitutum esse in conscientia dominum Legis, peccati, mortis, &c. ita quod illa non habeant jus in eum, &c. Contra sciat quoque hanc servitutem externam corpori suo impositam esse, ut per charitatem serviat proximo. Qui autem aliter intelligunt Christianam libertatem, illi fruuntur Evangelii commodis in suam ipsorum perniciem, & pejores sunt idolatræ sub nomine Christiano, quam antea sub Papa fuerunt. Paulus jam pulcherrime declarabit ex Decalogo, quid sit servire per charitatem, &c.

*Tota enim Lex in uno verbo impletur, nempe hoc, Diliges proximum tuum sicut teipsum.*

*Quid Sophista docens dilectionem.*

P A U L U S ubi jecit fundamentum Christianæ doctrinæ, solet superstruere aurum, argentum & lapides preciosos. Fundamentum autem aliud nullum est, ut ad Corinth. ait, quam ipse Iesus Christus, seu justitia Christi. Super hoc fundamentum nunc superstruit bona opera & vere bona, quæ omnia includit brevi præcepto, Diliges proximum tuum, &c. Q. d. Cum dico debere vos per charitatem servire invicem, idem volo quod Lex alibi dicit, Diliges proximum sicut teipsum. Hoc vere est interpretati scripturam & præcepta Dei. Cogitatio Sophistarum, quam habent de verbo diligendi, prorsus frigida ac vana est. Dicunt enim diligere nihil aliud esse, nisi velle alicui bonum, Aut charitatem esse qualitatem inhærentem animo,



mo, qua homo elicit motum cordis vel actum, qui vocatur, bene velle. Illa est plane nuda, macilenta & mathematica charitas, quæ non est, ut ita dicam, incarnata, neque procedit in opus. Paulus contra dicit, charitatem debere esse servam, & nisi sit in officio servitutis, non esse charitatem.

De charitate autem præcipiens, oblique simul taxat vanos doctores, in quos spicula sua dirigit, ut doctrinam suam quoque de operibus contra ipsos defendat & confirmet, q. d. Hactenus vos docui, o Galatæ, veram & spiritualem vitam, nunc etiam vere bona opera docebo. Et hoc ideo, ut illa ridicula & fanatica opera ceremoniarum, quæ solum urgent Pseudoapostoli, longe inferiora esse cognoscatis operibus charitatis. Ea enim est dementia & furor omnium impiorum Doctorem & fanaticorum spirituum, quod non solum relinquunt fundamentum verum & doctrinam puram & solidam, sed etiam hærentes in superstitionibus suis, nunquam attingunt vera bona opera. Ideoque tantum superstruunt super fundamentum, ut Paulus ait, lignum, fœnum & stipulam. Sic Pseudoapostoli, qui erant acerrimi defensores operum, non docebant aut urgebant opera charitatis esse facienda, ut Christiani mutuo sese diligerent, ut parati essent ad ferendam opem in quacunque necessitate proximis, non solum facultate, verum etiam toto corpore, hoc est, lingua, manu, corde & totis viribus. Sed tantum urgebant, servandam esse circumcisionem, observandos esse dies, menses, &c. Neque alia bona opera docere poterant. Destructo enim fundamento Christo, & obscurata doctrina fidei, impossibile est remanere ullum verum usum, exercitium & opinionem bonorum operum. Sublata arbore necesse est auferri quoque fructus.

Simili modo hallucinantur hodie Sectarii in doctrina de bonis operibus, necesse est igitur eos fanatica & superstitiosa quædam opera docere. Sustulerunt Christum, succiderunt arborem & fundamentum subverterunt, ideo ædificant super hærenam, & nihil possunt superstruere, quam lignum, fœnum, stipulam. Egregie quidem simulant dilectionem, humilitatem, &c. sed revera non opere & veritate, ut Iohan. ait, sed tantum Verbo & lingua diligunt, &c. Simulant magnam sanctitatem, eaq; sanctitatis simulatione imponunt hominibus, ut judicent opera eorum esse magnifica & Deo grata. Verum si admoveris lucem Verbi, invenies esse meras nugas de rebus ridiculis & nihili, pertinentibus tantum ad loca, tempora, vestes, respectum personarum, &c. Quare æque necessarium est, ut pii doctores tam diligenter urgeant doctrinam de bonis operibus, quam doctrinam de fide. Satan enim utrique insensus est & acerrime resistit. Fides tamen primum plantanda est. Sine ea enim impossibile est intelligi, quid bonum opus sit, quid Deo placeat.

Quod vero Satan doctrinam etiam vere bonorum operum oderit vel inde apparet. Tametsi enim omnes homines noticiam quandam naturalem habent, animis ipsorum insitam, qua naturaliter sentiunt alteri faciendum esse, quod quis velit sibi fieri (Quæ sententia & similes quas Legem naturæ vocamus, sunt fundamentum humani juris & omnium bonorum operum) Tamen adeo corrupta & cæca est vitio Diaboli humana ratio, ut illam cognitionem secum natam non intelligat, aut si etiam admonita verbo Dei intelligat, tamen scienter (tanta est potentia Satanæ) eam negligat & contemnat. Deinde accedit hoc mali, quod Diabolus omnes justiciarios & hæreticos ita dementat, ut omissa doctrina de vere bonis operibus, pueriles quædam tantum ceremonias aut portentosa quædam opera, quæ ipsi excogitarunt urgeant. Ea magnificat ratio ignara fidei, & mirifice illis delectatur.

Sic in Papatu faciebant homines stulta illa & nihili opera, quæ neque præcipit neque exigit Deus, summa voluptate, diligentia, ardore & magnis impensis. Idem studium ad res nihili, cernimus hodie in Sectariis & eorum discipulis, præcipue autem in Anabaptistis. In nostris vero Ecclesiis ubi diligentissime urgetur verâ doctrina de bonis operibus, dictu mirum, quantâ socordia & oscitantia regnet. Quoplus adhortamur & excitamus homines ad bene operandum, ad exercendâ in-

vicem

*Iusticiarij & hypocritæ, ut doctrinam fidei non tenent, ita nec bonorum operum.*

*Opera fanaticorum hominum qualia.*

*Doctrina de fide & de operibus in Ecclesia diligenter urgenda.*

*Corruptio & caritas naturalis humana.*

*Iusticiarij opera à Deo præcepta negligunt, &c.*

*Satan utramque doctrinam de fide & de operibus odit & evercit.*

vicem charitatem, ad abjiciendam curam ventris, &c. hoc languidiores & magis frigidi redduntur ad omnia exercitia pietatis. Itaque Satan non solum doctrinam fidei, sed etiam bonorum operum vehementer odit & impedit. Hic, ne homines nostri eam discant, aut si norint, factis tamen non præstent. Illic hypocritæ & hæretici eam penitus negligunt, & interim loco ejus stultas ceremonias aut ridicula & fanatica quædam opera docent, quibus capiuntur & delectantur homines. Mundus enim non Evangelio & fide, sed Lege & superstitione regitur.

*Ratio naturaliter afficitur superstitione.*

Admonet igitur Apostolus serio Christianos, ut postquam puram doctrinam de fide audierint & acceperint, etiam vera opera exerceant. Manent enim etiam in justificatis peccati reliquæ, quæ, ut à fide, ita & à vere bonis operibus abhorrent & avocant. Deinde ratio humana & caro, quæ in Sanctis resistit spiritui (in impiis vero potentissime dominatur) naturaliter afficitur Pharisaicis superstitionibus, Hoc est, plus delectatur Deum metiri ex suis cogitationibus, quam ex Verbo ipsius. Et longe majori ardore facit opera, quæ ipsa elegit, quam quæ Deus præcepit. Ideo tam diligenter sudandum est piis Doctoribus in tradenda & urgenda charitate non simulata, seu in urgendis vere bonis operibus, quam in vera fide docenda.

*Nemo diligit proximum sicut seipsum.*

Nemo igitur putet se perfecte nosse hoc præceptum, Diliges proximum tuum, &c. Brevissimum quidem est & facillimum, quod ad verba ipsa attinet, Sed da Doctores & auditores, qui docendo, discendo & vivendo hoc recte exerceant & præstent. Ideo verba ista, per charitatem servite vobis invicem. Item, Diliges proximum tuum sicut teipsum, æterna sunt, quæ nemo pius etiam satis expendit, urget & exercet. Et quod mirum est, pii hanc tentationem habent, quod statim læduntur conscientia ipsorum, si vel rem levem, quam debebant facere, omittant. Non item, si charitatem (quod quotidie fit) negligant, & puro ac fraterno corde erga proximum non afficiantur. Tanti enim non faciunt præceptum charitatis, ut superstitiones suas, à quibus in hac vita non sunt prorsus liberi, &c. Compellat igitur Paulus Galatas his verbis, Tota Lex in uno verbo impletur, q. d. Vos belli estis homines, immersi superstitionibus & ceremoniis vestris de locis, temporibus, cibis, quæ profunt, nec vobis nec aliis, Et interim charitatem, quæ sola erat facienda, negligitis. Quæ ista est dementia vestra? Sic & Hieronymus ait, Nos frangimus corpora nostra vigiliis, inedia, labore, &c. & charitatem, quæ sola est domina & magistra operum, negligimus. Hocq; egregie cernitur in Monachis, qui rigidissime observant traditiones suas de ceremoniis, esu, vestitu, &c. Hic si aliquid vel tantillum omitant, peccant mortaliter. Quod vero non solum negligunt charitatem, sed insuper etiam alius alium acerrime odit, hic nihil peccant, aut lædunt Deum.

*Dilectum Hieronymi.*

*Paulus docet bona opera, & damnat mala.*

Itaque Paulus hoc præcepto non solum docet bona opera, sed damnat etiam fanatica & superstitiosa opera. Non solum superstruit super fundamentum aurum, argentum, lapides preciosos, sed etiam destruit ligna, exurit scenum & stipulam. Deus quidem benefecit, quod multas ceremonias Judæis dedit. Per hoc enim significare voluit, humanum animum naturaliter superstitiosum nihil curare charitatem, sed allegatum esse ceremoniis, & carnali justitia delectari. Interim tamen Deus exemplis testatus est etiam in veteri Testamento, quanti semper fecerit charitatem, cui cedere voluit ipsam Legem cum suis ceremoniis. David cum esuriret ipse & qui cum eo erant, cum non haberent quod ederent, edebant panes sanctos, quos secundum Legem solis Sacerdotibus, non Laicis edere licebat, &c. Discipuli violabant Sabbatum, vellendo spicas, &c. Violat & Christus ipse Sabbatum, ut Iudæi interpretabantur, sanando in Sabbato infirmos. Hæc omnia indicant, charitatem longe præferendam esse omnibus legibus & ceremoniis, &c. & Deum nihil usque adeo requirere à nobis, quam charitatem erga proximum. Idem testatur etiam Christus, cum ait, Secundum autem simile est huic.

*Charitas præferenda omnibus legibus.*

*Tota enim Lex in uno verbo impletur.*

QUASI

QVASI dicat, Quid oneratis vos Lege? quid anxii sudatis & vexamini ceremoniis Legis, de cibis, diebus, locis, &c? quod hoc modo sit vescendum, bibendum, feriandum, sacrificandum, &c. Desistite ab his ineptiis, & audite quid ego dico. Tota Lex plenissime comprehenditur in uno illo verbo, Diliges proximum tuum sicut teipsum. Deus certe non delectatur nec indiget illa observatione rituum legalium. Sed hoc nunc à vobis requirit, ut credatis in Christum, quem misit ipse, tum in illo consummati estis, & habetis omnia. Si autem ad fidem, cultum Deo gratissimum, vultis & Leges addere, Tum scitote hoc brevissimo præcepto, Diliges proximum tuum sicut teipsum, omnes Leges comprehendi. Hoc præceptum studeate servare, quo servato, implestis omnes Leges.

Et Paulus optimus est interpret præceptorum Dei, In brevissimam enim summam contrahit totum Mosen, ostendens in omnibus ipsius legibus, quæ fere infinitæ sunt, nihil aliud contineri in summa, quàm hoc brevissimum verbum, Diliges proximum tuum sicut teipsum. Ratio offenditur ista vilitate & paucitate verborum, quia brevissime dicitur, Crede in Christum, Item, Dilige proximum tuum sicut teipsum. Ideo utranque doctrinam de fide & vere bonis operibus contemnit. Interim tamen ista vilissima & brevissima Fidei vox, Crede in Christum, credentibus divina est potentia, qua vincunt Peccatum, mortem, diabolum, &c. qua salutem consequuntur. Sic servire alteri per charitatem, hoc est, docere errantem, consolari afflictum, erigere infirmum, adjuvare proximum quacunque re possis, ferre ejus agrestes mores & importunitatem, tolerare in Ecclesia & Politia æquo animo molestias, labores, hominum ingratitude & contemptum, obedire Magistratibus, honore parentes afficere, patientem esse domi cum morosa uxore, intractabili familia, &c. opera, ut ratio judicat, nullius momenti sunt, Sed crede mihi, tam egregia & præclara opera sunt, ut totus mundus eorum utilitatem & dignitatem (quia non metitur opera aut ullas alias res ex verbo Dei, sed ex judicio impiæ, cæcæ & stultæ rationis) non comprehendat, Imo ne quidem unius minimi vere boni operis precium æstimare potest.

Toto igitur coelo errant homines, quando somniant se belle intelligere præceptum charitatis. Habent quidem illud scriptum in corde, Quia naturaliter judicant, Alteri faciendum, quod sibi quis cupit fieri. Sed hinc non sequitur, quod illud intelligant, alioqui factis etiam præstarent, & præferrent charitatem omnibus operibus, neque tanti facerent, & inflarent suas bullas, hoc est, nugas & superstitiones, ut sunt, tristi vultu & demisso capite incedere, cælibem esse, victitare pane & aqua, in eremo agere, sordido vestitu uti, & similia. Illa prodigiosa & superstitiosa opera, quæ neque Deo mandante, neque approbante eligunt, judicant tam præclara & sancta, ut charitatem, quæ est sol omnium operum, longissime superent & obsecurent. Adeo incomprehensibilis & infinita est cæcitas humanæ rationis, ut non solum de doctrina fidei, sed etiam de vita & operibus rite judicare non possit. Quare luctandum est nobis sedulo non solum contra opiniones cordis nostri, quibus naturaliter libentius niteremur in re salutis, quam verbo Dei, sed etiam contra larvam & sanctam speciem electiciorum operum. Ut ita discamus magnificare opera, quæ unusquisque in sua vocatione facit, etiam si in speciem levia & despecta videantur, modo habeant mandatum Dei. Et econtrà contemnere ea, quæ ratio eligit sine mandato Dei, ut maximè præclara, gravia, magna, sancta videantur.

Hoc præceptum alibi diligenter & copiose tractavi, ideo jam obiter tantum illud percurram. Breve verbum est, & pulchre ac potenter dictum, Diliges proximum tuum sicut teipsum. Nemo potest dare melius, certius & propius exemplum, quàm seipsum. Neque dari potest nobilior & profundior habitus, quàm charitas, neque excellentius objectum, quàm proximus. Exemplum ergo habitus & objectum sunt nobilissima. Itaq; si cupis scire, quo modo diligendus sit proximus, & habere exemplum illustre hujus rei, considera diligenter, quomodo tu teipsum diligas. Certe in necessitate & periculo maxime cuperes te amari & juvari omnibus consiliis,

*Summa omnium legum Mosen.*

*Doctrina prælati brevissima.*

*Servire proximo per charitatem.*

*Charitas sol omnium operum.*

*Explicatio legum hujus præcepti. diliges proximum, &c.*



*Quomodo pro-  
ximus diligen-  
dus.*

*Charitas.*

filiis, facultatibus & viribus omnium hominum & creaturarum. Quare nullo libro indiges, qui te erudiat & admoneat, quomodo proximum diligere debeas, habes enim pulcherrimum & optimum librum omnium Legum in corde tuo. Non eges ullo doctore hac in re, tantum consule tuum proprium cor, hac satis abunde docebit te, ita diligendum esse tuum proximum, ut teipsum. Deinde charitas summa virtus est, quæ non solum parata est servire lingua, manu, pecunia, facultatibus, sed etiam corpore & ipsa vita, neque meritis aut ulla alia re provocatur, neque demeritis, ingratitude, &c. impeditur. Mater ideo fovet, curat, &c. filium, quia diligit eum, &c. Postremo nullum animal, erga quod exercere debet charitatem, nobilius est proximo tuo. Non est Diabolus, non leo, ursus, lupus, non lapis, lignum, &c. sed animal tui simillimum, quo nullum vivit in terris jucundius, amabilius, utilius, benignius, magis consolatorium & necessarium, quodque naturaliter conditum est ad civilitatem & societatem. Ideo nihil in tota rerum natura potuit constitui magis dignum amore, quam proximus noster.

*Homo dignissi-  
mus amore.*

*Odium proximi  
opus Diaboli.*

Sed ea mira ars est Diaboli, ut non solum possit egregie obscurare hoc nobilissimum objectum & ex animo eximere, sed etiam potest cordi plane contrariam opinionem persuadere, ut judicet proximum non amore, sed acerbissimo odio dignum. Hocque potest facillime efficere, tantum suggerit, Ecce is homo hoc vitio laborat, objurgavit te, nocuit tibi, &c. Hic statim vilescit hoc objectum amabilissimum, ut amplius non agnoscatur proximus diligendus, sed hostis odio dignissimus. Hoc modo Satan mirifice potest habitum diligendi in corde nostro mutare, ut ex amatoribus proximorum fiamus detrectatores, olores & persecutores ipsorum, ut nihil in nobis de illo præcepto (Diliges proximum tuum sicut teipsum) maneat, quam nudæ & inanes literæ & syllabæ. Est autem proximus noster quilibet homo, præsertim qui ope nostra indiget, ut Christus interpretatur Lucæ 10. Qui etiam si me aliqua injuria affecit aut nocuit, non ideo exuit humanitatem, aut desinit esse caro, sanguis, creatura Dei mihi similis, Summa, non desinit esse proximus meus. Donec ergo in eo manserit natura humana, tantisper manet etiam præceptum charitatis, quod exigit à me, ut carnem meam non despiciam, non malum pro malo reddam, sed malum bono vincam, alioqui charitas nunquam erit tolerans, patiens, &c. 1. Cor. 13.

*Proximus.*

*Malicia & per-  
versitas natu-  
ra.*

Non abciditur membrum morbosum, sed fovetur & curatur. Et membris minus honestis, inquit Paulus, uberius honor addendus est. Sed ita excæcata & corrupta est veneno Diaboli natura, ut si etiam norint filii seculi, aliquem multis insignibus donis ac virtutibus præditum, tamen si vel unum nævum aut maculam in eo deprehenderint, in hanc solam intuentes, obliviscuntur omnium donorum & bonorum ipsius. Multos etiam invenit tam inhumanos & acerbos illudores, qui eos, quibus male volunt, non appellant proprio nomine, sed describunt ignominiosa quadam periphrasi, Vt illud apud Teren. Limis oculis, adunco naso, sparso ore, &c. Breviter, Mundus est regnum Diaboli, quod fidem & charitatem & omnia Dei dicta & facta securissime contemnit. Commendat ergo Paulus charitatem Galatis & omnibus piis (hi enim soli diligunt) & adhortatur eos, ut per eam sibi invicem serviant, q. d. Non opus est onerare vos circumcisione & ritibus Mosaicis, Sed ante omnia perseverate in fidei doctrina quam à me accepistis. Post si vultis bene operari, ego uno verbo ostendam vobis summa & maxima opera, & quomodo omnes Leges impleatis, Diligite vos mutuo per charitatem, Non deerunt quibus benefacere poteritis, Mundus enim plenus est hominibus, qui ope aliorum egent. Hæc perfecta est doctrina de fide & charitate, & Theologia brevissima & longissima. Brevissima, quod ad verba & sententias attinet, sed usu & re ipsa latior, longior, profundior & sublimior toto mundo.

*Doctrina de fi-  
de & charitate  
brevissima &  
longissima.*

*Quod si invicem mordetis & comeditis, videte ne ab invicem consumamini.*

*Vnde videtur*

**P A U L U S** his verbis testatur, in Ecclesiis non posse constare pacem & concordiam,

cordiam, neq; in doctrina neq; in vita, si per impios Doctores subvertatur fundamentum, hoc est, fides in Christum, Sed subinde oriri alias atq; alias opiniones & dissensiones de doctrina & vita. Semel autem violata Ecclesiæ concordia, non est modus neq; finis dissensionum. Autores enim schismatum inter se dissentientes, hic illud, alius aliud opus docet ad justiciam necessarium. Quisq; suam opinionem & superstitionem probat, alterius reprehendit. Ibi necesse est oriri dissidia & factiones. Vnde fit, ut alij alios mordeant & devorent, hoc est, judicent & condemnent, donec tandem pereant. Hoc præter scripturam testantur etiam exempla omnium temporum. Vbi Aphrica eversa fuit per Manichæos, mox secuti sunt eos Donatistæ, qui & ipsi inter se dissentientes, divisi erant in tres Sectas, &c. Nostro tempore primum defecerunt à nobis Sacramentarij, post Anabaptistæ, horum neutri inter se concordēs sunt. Ita secta semper parit sectas, & alia aliam damnat. Cessante unitate secundum Mathematicos, progreditur numerus usq; in infinitum. Sic læsa & ablata unitate spiritus, neq; in doctrina neq; in moribus possibile est manere concordiam, sed subinde novi utrinq; errores nascuntur usque in infinitum.

*Dissidia in Ecclesia.*

*Donatistarum tres Sectæ.*

Hoc etiam vidimus in Papatu, in quo cum neglecta jaceret doctrina Fidei, impossibile fuit manere concordiam Spiritus. Ea ablata, postea per doctrinam operum natæ sunt fere infinitæ sectæ Monachorum. Hi discordes inter se metuebantur sanctitatem ex gravamine ordinum & difficultate operum superstitiosorum, quæ ipsi excogitaverant. Hinc alij volebant haberi aliis sanctiores. Item, non solum Monachi diversæ, sed etiam ejusdem professionis, inter se dissentiebant, Vt figulus figulo, ita Minorita Minoritæ invidebat, &c. Deniq; tot erant opiniones in quolibet Monasterio, quot Monachi erant. Tam diu igitur mutuas inter se aluerunt æmulationes, contentiones, lites, virulentias, morsus & devorationes, donec juxta hoc dictum Pauli jam \* consumerentur, &c. Qui vero doctrinam Fidei tenent, & juxta hoc Pauli præceptum sese mutuo diligunt, non vituperant alij aliorum vitæ genus & opera, sed quisq; alterius genus vitæ & officium, quod facit in sua vocatione, probat. Nemo pius præfert coram Deo officium, magistratus officio subditi, quia novit utrumque esse ordinationem Dei & habere divinum mandatum, Non discernit inter officium seu opus patris & filij, pædagogij & discipuli, heri & servi, &c. sed certo pronunciat utrumq; placere Deo, si fiat in fide & obedientia Dei. Coram mundo quidem ista vitæ genera & eorum officia inæqualia sunt, Sed ista externa inæqualitas nihil impedit unitatem Spiritus. Qua omnes idem de Christo sentiunt & credunt, scilicet per eum solum nobis contingere remissionem peccatorum & justiciam. Deinde quod ad externam conversationem & officium attinet, alius non judicat alium, neq; opera ejus vituperat, sua laudat, etiamsi longe superent ea, sed uno ore & spiritu fatentur se habere eundem Christum Salvatorem, apud quem nulla est personarum aut operum acceptio, &c.

*Dissidia in Papatu nata ex neglectu doctrinæ fidei.*

*\* consumerentur.*

*Pi recte judicant de externis vitæ & operibus.*

Hoc impossibile est eos facere, qui neglecta doctrina de fide & charitate, superstitiosa opera docent. Monachus non concedit Laici opera, quæ facit in sua vocatione, tam bona & accepta esse Deo, quam sua. Nonna longe præfert suum vitæ genus & opera, vitæ generi & operibus matronæ, quæ maritum habet. Sua opera judicat meritoria esse Gratiæ & vitæ æternæ, non item opera matrisfamilias. Atq; hinc est, quod sacri isti homines, ut auri fames, vehementer contendunt & persuaserunt etiam toti mundo, suum statum & opera, longe majora & sanctiora esse Laicorum statu & operibus. Et nisi hanc opinionem sanctitatis de operibus suis adhuc hodie apud quosdam haberent & defenderent, non diu servarent dignitatem & opes suas. Nulli igitur monacho, aut alij, quicunq; tandem sit, justiciario, persuadebis opera mariti, uxoris, servi, ancillæ, &c. in fide & obedientia Dei facta, meliora & magis accepta esse Deo, quam superstitiosa & prodigiosa illa electicia opera, quæ ipsi faciunt. Sublato enim angulari lapide Christo,

*Carentes fide de operibus per se se judicant.*

non possunt operarij aliter judicare, quam se, præsertim cum tam præclara & grandia opera faciunt, solos Deo esse acceptos, Sic hodie Anabaptistæ somniant, se, qui egent, esuriunt, frigent & vili vestitu utuntur, &c. esse sanctos, non item alios, qui proprium habent, &c. Ideo impossibile est justiciarios & sectarum autores pacem habere cum iis, qui eorum opinioni non assentiuntur, sed mordent & devorant eos.

*Quæ ratione  
conferuntur  
concordia.*

Contra Paulus docet vitandas esse tales occasiones discordiarum, & ostendit quomodo vitari possint. Ea inquit, est via ad concordiam, Quisq; faciat in suo vitæ genere, ad quod Deus eum vocavit, suum officium. Non extollat se supra alios, neq; opera aliorum reprehendat, & sua velut meliora laudet, sed alij aliis per charitatem serviant. Hæc germana & simplex est doctrina de bonis operibus. Hoc illi, qui naufragium circa fidem fecerunt, & fanaticas opiniones de fide & vita seu operibus bonis conceperunt, non faciunt, sed statim dissentientes inter se de doctrina fidei & operum, alij alios mordent & devorant, id est, criminantur & condemnant, ut de Galatis hic Paulus ait, Quod si invicem mordetis, &c. q. d. Nolite alij alios invicem criminari & damnare propter circumcissionem, propter observationem feriarum aut aliarum ceremoniarum, Sed hoc potius præstate, ut vobis invicem per charitatem serviatis, Alioqui si perrexeritis vos invicem mordere & devorare, videte ne consumamini, id est, prorsus pereatis etiam corporaliter. Id quod fere semper accidere solet, præcipue autoribus Sectarum, ut Arrio & alii, & nostro tempore nonnullis. Qui enim fundamento jacto in harenam superstruit ligna, fœnum, stipulam, hunc necesse est perdi & concremari. Illa enim omnia parata sunt ad incendium. Vt interim non dicam ejusmodi morsus & devorationes sequi solere etiam devastationes non unius civitatis, sed regionum & regnorum, &c. Nunc interpretatur, quid sit servire proximo per charitatem.

*Ex istis enim  
qui in operibus  
augentur ad  
talem finem.*

Difficile & periculosum est docere, nos fide justificari sine operibus, & tamen simul exigere opera. Hic nisi sint fideles & prudentes ministri Christi & dispensatores mysteriorum Dei, qui recte secant verbum veritatis, statim fides & opera confunduntur. Vterq; locus & fidei & operum diligenter doceri & urgeri debet, sic tamen ut uterq; intra suos limites maneat. Alioqui si opera sola docentur, ut in Papatu accidit, fides amittitur. Si fides sola docetur, statim somniant carnales homines, opera non esse necessaria, &c. Coeperat Apostolus supra exhortari ad bona opera, & dicere totam Legem impleri uno verbo, illo scilicet, Dilige proximum tuum sicut teipsum. Hic alicui in mentem venire posset, Paulus in tota Epistola detrahit legi justiciam, quia dicit, Ex operibus legis non justificatur omnis caro, Item, Qui ex operibus Legis sunt, sub maledicto sunt, &c. Iam autem cum ait, totam Legem in uno verbo impleri, videtur oblitus causæ, quam in tota hac Epistola tractavit, & plane diversum sentire, nempe hoc, quod facientes opera charitatis, Legem impleant & justi sint. Ad hanc occupationem respondet his verbis:

*Quomodo de  
fide fides &  
operum traden-  
da sit.*

*Obiicit.*

*Dico autem, Spiritu ambulate.*

QVASI dicat, Non sum oblitus disputationis meæ superioris de fide, neq; eam jam revoco, cum adhortor vos ad mutuam charitatem, & dico, Totam Legem impleri dilectione, Sed plane idem sentio quod supra. Ideo ut recte me intelligatis, addo, Spiritu ambulate, &c.

DILUTIO ARGUMENTI SOPHISTARVM, DILECTIO  
EST IMPLETIO LEGIS, ERGO LEX IUSTIFICAT.

*Argumentum  
a præcepto ad  
opus.*

QVanquam Paulus proprie & diserte hic locutus est, tamen nihil profuit. Sophistæ enim ex hoc dicto Pauli male intellecto, Dilectio est plenitudo Legis, sic collegerunt. Si dilectio est impletio Legis, Ergo dilectio est justitia, Ergo diligentes sumus justi. Belli homines argumentantur à Verbo ad opus, à doctrina



à doctrina seu à præceptis ad vitam, hoc modo. Lex præcipit dilectionem, Ergo opus statim sequitur. Est autem ineptissima consequentia à præceptis argumentari & concludere ad opera. Deberemus quidem implere Legem, & impletionem ejus justificari, sed peccatum obstat. Præscribit & præcipit quidem lex, ut Deum ex toto corde, &c. & proximum, ut nos ipsos diligamus. Sed ideo non sequitur, Hoc scriptum est, ergo fit, Lex præcipit dilectionem, ergo diligimus. Non dabis aliquem in terris, qui ita diligat Deum & proximum, ut Lex requirit. In futura autem vita, ubi plane mundati ab omnibus vitiis & peccatis, & puri, ut sol, erimus, perfecte diligemus & perfecta dilectione justii erimus. In illa vero vita impedit puritatem illam caro, in qua, donec vivimus, hæret adhuc peccatum. Hinc tam potens est amor nostrivitosus, ut longe superet amorem Dei & proximi. Interim tamen, ut & in hac vita justii simus, habemus propiciatorium & thronum gratiæ, Christum, in quem credentes, peccatum nobis non imputatur. Est igitur Fides justitia nostra in hac vita. In futura autem, ubi perpurgati & prorsus liberi erimus ab omnibus peccatis & concupiscentiis, non amplius opus habebimus Fide & spe, sed perfecte diligemus.

*Alala consequentia Sophistarum, Hoc scriptum est, ergo fit. Amor nostri vitiosus.*

Magnus igitur error est tribuere justificationem dilectioni, quæ nulla est, aut si aliqua est, tamen non tanta est, quæ possit Deum placare, quia Sancti etiam in hac vita imperfecte & impure, ut dixi, diligunt. Nihil autem impurum intrabit regnum coelorum. Interim tamen hac fiducia sustentamur, quod Christus, qui solus peccatum non fecit, neque dolus in ore ejus inventus est, obumbrat nos sua justitia. Hoc umbraculo, cælo remissionis peccatorum & throno gratiæ, conclusi & protecti, incipimus diligere & implere Legem. Sed propter hanc impletionem non justificamur, neque accepti sumus dum hic vivimus. Vbi vero tradiderit Christus regnum Deo patri, & aboleverit omnem principatum, &c. & Deus erit omnia in omnibus, Ibi tum cessabit Fides & Spes, & Charitas erit perfecta & æterna.

*Charitas superiorum imperfecta.*

1. Cor. 13.

1. Cor. 13. Hoc Sophistæ non intelligunt, Ideo cum audiunt, dilectionem esse summam Legis, statim inferunt. Ergo dilectio justificat. Vel contra, cum legunt in Paulo, Fidem justificare, addunt scilicet informatam charitate. Ea non est sententia Pauli, ut supra dictum est copiose. Si ab omnibus peccatis puri essemus, & perfecte arderemus charitate erga Deum & proximum, tum certe justii & sanctii essemus per charitatem, nihilque esset quod ultra Deus à nobis exigere posset. Hoc in præsentii vita non fit, sed differtur in futuram. Accipimus quidem hic donum & primitias Spiritus, ut incipiamus diligere, sed valde tenuiter. Si autem vere & perfecte, ut Lex, Diliges Dominum Deum tuum ex toto corde tuo, &c. requirit, diligere Deum, tum inopia tam grata esset nobis, quam copia, dolor quam voluptas, mors quam vita, &c. Imo vere & perfecte diligens Deum, non diu posset vivere, sed mox absorberetur illa charitate.

*Fides & spes cessabunt, charitas manet.*

*Perfecta charitas.*

1. Job. 4.

Nunc autem humana natura adeo corrupta est & peccatis submersa ut plane nihil recte de Deo cogitare aut sentire possit, non diligit, sed vehementer odit Deum, &c. Quare, ut Iohannes ait, Nos non dileximus Deum, sed ipse dilexit nos, & misit Filium suum propitiationem pro peccatis nostris. Et supra cap. 2. Christus dilexit me, & tradidit semetipsum pro me. Et cap. 4. Misit Deus filium suum, factum sub legem, ut eos &c. Per hunc Filium redempti & justificati, incipimus diligere, iuxta illud Pauli Rom. 8. Quod erat impossibile legi, &c. ut justificatio Legis in nobis impleretur, id est, inciperet impleri. Mera igitur somnia sunt, quæ Sophistæ de impletionem legis docuerunt. Quare Paulus indicat his verbis, Ambulate Spiritu, &c. quomodo velit accipi sententiam suam, qua dixerat, Per charitatem servite vobis invicem. Item, Dilectionem esse impletionem legis, &c. q. d. Dum jubeo vos diligere mutuo, hoc à vobis exigo, ut spiritu ambuletis. Scio enim quod legem non implebitis, quia peccatum hæret in vobis donec vivitis, ideo impossibile est vos implere Legem. Interim tamen hoc diligenter curate, ut Spiritu ambuletis, hoc est, luctemini Spiritu contra carnem, & sectemini motus spirituales, &c.

*Deum prior diligit, &c.*

*Spiritus ambulat.*

*Pugna carnis  
& spiritus in  
piis.*

Non igitur oblitus est causæ justificationis. Nam cum jubet eos spiritu ambulare, manifeste negat opera justificare, q. d. Cum de impletionem Legis loquor, non hoc volo, quod Lege justificamini, sed hoc dico, quod duo contrarij duces sint in vobis, Spiritus & caro. Deus suscitavit in corpore vestro rixam & pugnam. Spiritus enim cum carne luctatur, & vicissim caro cum spiritu. Hic nihil exigo à vobis, neq; enim plus potestis præstare, nisi ut sequentes ducem Spiritum resistatis duci carni. Illi obedite, contra hanc pugmate. Itaq; cum doceo Legem, & adhortor vos ad dilectionem mutuam, ne putetis me revocare doctrinam de fide, & nunc tribuere legi vel charitati justificationem, Sed hoc volo, ut Spiritu ambuletis, ne concupiscentiam carnis perficiatis. Vritur autem Paulus verbis proprie acceptis, q. d. Nondum pervenimus ad impletionem Legis, ideo ambulare & exerceri Spiritu nos oportet, ut ea cogitemus, dicamus, & faciamus, quæ Spiritus sunt, utq; resistamus his quæ carnis sunt. Ideo addit:

*Et concupiscentiam carnis non perficietis.*

*Desideria carnis  
in Sanctis.*

*Regula.*

QVASI dicat, Desideria carnis nondum mortua sunt, sed semper repullulant, remurmurant & reluctantur spiritui. Nullius Sancti caro tam bona est, quæ offensa non vellet libenter mordere & devorare, vel saltem aliquid de præcepto charitatis omittere. Imo primo impetu non potest se continere, quin avertatur à proximo, vindictam expetat, & oderit eum ut hostem, vel saltem minus eum diligat, quam debebat, juxta hoc præceptum. Hoc Sanctis accidit. Ideo constituta est ab Apostolo pro Sanctis Regula ista, ut sibi invicem per charitatem serviant, ut alij aliorum infirmitates & onera portent, ut alij aliis remittant delicta. Et sine hac ~~fraternitas~~ impossibile est pacem & concordiam consistere inter Christianos. Fieri enim non potest, quin sæpe offendaris & vicissim offendas. Multa in me vides, quæ te offendunt, Ego vicissim in te multa video, quæ mihi displicent, Hic si alter alteri per charitatem non cedit, nullus erit finis contentionum, discordiarum, æmulationum, inimicitiarum, &c.

*Ambulare  
spiritu.*

Quare Paulus vult nos spiritu ambulare, ne concupiscentiam carnis perficiamus, q. d. Etiam si commoveamini ira, invidia, &c. adversus fratrem offendentem vel aliquid hostiliter agentem contra vos, Tamen per Spiritum resistite, & reprimite istos motus, tolerate ejus imbecillitatem & diligite eum. Iuxta illud, Diliges proximum tuum sicut teipsum. Nam frater non ideo desinit esse proximus, quia labitur aut offendit te, Sed tum maxime opus habet, ut charitatem erga ipsum exerceas. Et hoc præceptum, Diliges proximum, &c. exigit idem, scilicet ne obtemperes carni, quæ offensa odit, mordet, devorat, &c. Sed spiritu relucteris ipsi, & perseveres per spiritum in amore proximi, etiam si nihil in eo invenias amore dignum.

*Concupiscentia  
carnis secundum  
Sophistas.*

*Concupiscentia  
carnis secundum  
Paulum.*

Sophistæ concupiscentiam carnis interpretantur libidinem. Verum quidem est, quod pii etiam, præsertim adolescentes, libidine tententur, Imo conjuges (tam corrupta & pestilens est caro) sine libidine non sunt. Quisq; hic (loquar jam cum piis conjugibus utriusq; sexus) diligenter exploret seipsum, tum procul dubio inveniet sibi magis placere formam seu mores alterius uxoris, quam suæ (& econtrà) Concessam mulierem fastidit, negatam amat. Imo in omnibus rebus hoc accidere solet, Quod aliquis habet, contemnit, quod non habet amat, Niti-mur in vetitum, semper cupimusq; negata, &c. Ideo non nego concupiscentiam carnis complecti libidinem, non tamen solam. Quia omnes vitiosos affectus complectitur, quibus pii laborant, alij magis, alij minus, ut sunt superbia, odium, avaritia, impatientia, libido, &c. Imo inter opera carnis, non solum crassa illa vitia, sed etiam idolatriam, hæreses, &c. infra recenset Paulus. Constat igitur eum loqui de tota concupiscentia carnis & universa politia peccati, quæ luctatur in piis, qui primitias Spiritus acceperunt, contra politiam spiritus. Non solum ergo loquitur de libidine, superbia, &c. sed etiam de incredulitate, dissidentia, desperatione, odio

odio, contemptu Dei, idolatria, hæresibus, &c. cum ait, Et concupiscentiam carnis non perficietis.

Quasi dicat, Ego scribo, ut vos mutuo diligatis. Hoc non facitis, neq; etiam potestis, Quia habetis carnem, & eam corruptam concupiscentia, quæ non solum excitat in vobis peccatum, sed ipsum peccatum est. Alioqui si perfectam haberetis charitatem, nulla tristitia, nulla adversa fortuna tam magna esset, quæ illam charitatem interturbare posset, perfusa enim esset per totum corpus. Nulla uxor tam deformis esset, quam maritus non vehementer amaret, aliis mulieribus formosissimis fastiditis, &c. Hoc non fit. Impossibile est igitur vos dilectione justificari.

Quare ne putetis me revocare doctrinam de fide. Nam oportet manere fidem & spem, ut hac justificemur, illa vero in malis erigamur & perduremus. Deinde servimus quidem nobis invicem per charitatem, quia fides non est ociosa, Sed charitas exigua est & infirma. Ideo cum jubeo vos Spiritu ambulare, satis declaro vos dilectione non justificari.

Neq; per hoc quod dico, Vos spiritu debere ambulare, ne carni obediat, aut ne concupiscentiam carnis perficiatis, exigo à vobis, ut carnem prorsus exuaris aut occidatis, sed ut eam coherceatis. Deus enim vult durare genus humanum usq; ad extremum diem. Hoc fieri non potest sine parentibus, qui generant & educant liberos. Istis mediis manentibus, necesse est etiam manere carnem, & per consequens peccatum, Quia caro non est sine peccato. Itaq; si carnem spectemus, peccatores sumus, Si Spiritum, iusti. Atq; ita partim peccatores, partim iusti sumus. Vberior tamen justitia nostra est, quam peccatum. Quia sanctitas & justitia Christi propitiatoris nostri longe superat peccatum totius mundi, Et remissio peccatorum, quam habemus per ipsum tam magna, larga & infinita est, ut facile absorbeat omnia peccata, modo spiritu ambulaverimus, &c. Porro observandum est, Paulum ista non solum Eremitis & Monachis, qui cælibes vivunt, scribere, sed omnibus Christianis. Hoc dico, ne ineptiamus cum Papistis, qui somniant hoc præceptum pertinere tantum ad Clericos, quos hortetur Apostolus, ut spiritu ambulent, hoc est, ut domata & expugnata carne vigiliis, jejniis, laboribus, &c. caste vivant, Tum eos non perficere concupiscentiam carnis, id est, libidinem. Quasi tota concupiscentia carnis victa sit, repressa & domata libidine, quam tamen solam nulla carnis subactione potuerunt reprimere.

*Credentes sunt  
iusti & peccatores.*

*Præceptum perti-  
nens ad omnes  
Christianos.*

Id quod Hieronymus, ut alios silentio præteream, qui mirificus amator & defensor castitatis fuit, ingenue fatetur, O quoties, inquit, ego ipse in eremo constitutus & in illa vasta solitudine, quæ exusta solis ardoribus, horridum Monachis præstat habitaculum, putabam me Romanis interesse deliciis, &c. Item, Ille igitur ego, qui ob gehennæ metum, tali me carcere ipse damnaveram, scorpionum tantum socius & ferarum, sæpe choris intereram puellarum. Pallebant ora jejniis, & mens desideriis æstuabat in frigido corpore, & ante hominem suum jam carne præmorta, sola libidinum incendia bulliebant, &c. Si tantos ardores libidinis sensit Hieronymus, qui pane & aqua in eremo victitavit, quid putas sentire nostros Clericos, sancti ventris cultores, qui se ita replent & distendunt lauticiis, ut mirum sit non rumpi medios? Quare neq; Monachis neq; peccatoribus in mundo ista tantum scribuntur, Sed catholicæ Ecclesiæ omnibusq; piis, quos adhortatur Paulus spiritu ambulare, ut concupiscentiam carnis non perficiant, hoc est, ut non solum cohibeant crassos motus carnis, libidinem, iram, impatientiam, &c. Sed etiam spirituales illos, quales sunt, dubitatio, blasphemia, idolatria, contemptus, odium Dei, &c.

*Ardor libidi-  
nis in S. Hiero-  
nymo.*

Neque, ut dixi, Paulus exigit à piis, ut carnem prorsus abjiciant & perdant, sed ut ita eam coherceant, ut spiritui subdita sit, Rom. 13. jubet nos fovere carnem. Vt enim non debemus esse crudeles in aliorum corpora, nec ea vexare inju-  
sto labore, ita nec nostra. Quare juxta præceptum Pauli debemus carnem nostram

*Carnem cohercem-  
da, non extin-  
guenda.*



curare, ut possit tolerare labores ingenij & corporis, ad necessitatem tamen, non ad alendam concupiscentiam vult curari eam. Itaq; si caro incipit lascivire, reprime eam spiritu. Si pergit, duc uxorem. Melius est enim nubere, quam uri. Hoc faciens ambulas spiritu, hoc est, sequeris verbum Dei, & facis voluntatem ejus. Cæterum, ut dixi, hoc præceptum de ambulando spiritu, &c. non solum ad Eremitas & Monachos, sed ad omnes pios, etiamsi non utantur libidine pertinet. Princeps concupiscentiam carnis non perficit, cum diligenter facit officium suum, cum bene præest subditis, punit fontes, & innocentes defendit. Ibi caro & Diabolus repugnant & sollicitant eum, ut injustum bellum moveat, ut obsequatur suis cupiditatibus, &c. Hic nisi Spiritum ducem sequatur, & verbo Dei & recte & pie monenti eum de officio suo, obediat, perficit concupiscentiam carnis. Sic quisq; in sua vocatione Spiritu ambulet & non solum libidinem sed etiam alia opera carnis non perficiet.

*Caro enim concupiscit adversus Spiritum, Spiritus autem adversus carnem.*

*Prius facimus*

*concupiscentiam*

*cap. 1. 16.*

P A V L V S, cum dicit, carnem concupiscere adversus Spiritum, & Spiritum adversus carnem commonefacit nos, quod sensuri simus concupiscentiam carnis, hoc est, non solum Libidinem, sed superbiam, iram, tristitiam, impatientiam, incredulitatem, &c. Verum ita vult nos ista sentire, ne illis consentiamus aut ea perficiamus. Hoc est, ne illa cogitemus, loquamur & faciamus, quæ suggerit, & ad quæ sollicitat nos caro. Ut si etiam nos commoveat ad iram, tamen ita irascamur, ut Psal. 4. docet, ne peccemus, Quasi sic velit dicere Paulus, Scio quod sollicita- Psal. 4 bimini à carne ad iram, invidiam, dubitationem, incredulitatem, &c. Sed resistite spiritu, ne peccetis. Si vero deserto duce spiritu carnem sequimini, concupiscentiam carnis perficietis & moriemini, Rom. 8. Sic dictum hoc intelligendum est, Rom. 8 non de sola libidine, sed de toto regno peccati, &c.

*Hæc autem sibi invicem adversantur, ut non quæcunq; volueritis illa faciatis.*

*Sancti habent*

*carnem, quæ spi-*

*ritui resistit.*

*Prius sentimus*

*etiam de capti-*

*vitate pecca-*

*ti, &c.*

H I duo duces, inquit, in corpore vestro, Caro & Spiritus, adversantur sibi, ut non quæcunq; volueritis, illa faciatis. Ista verba potentialiter accipio, id est, ut non possitis facere ea, quæ velleritis. Et hic locus clarè testatur, Paulum ista scribere Sanctis, hoc est, Ecclesie credenti in Christum, baptisatæ, justificatæ, renovatæ & perfecte habenti remissionem peccatorum. Et tamen dicit eam habere carnem luctantem contra spiritum. Eodem modo de se ipso loquitur Roman. 7. Rom. 7 Ego carnalis sum, venundatus sub peccatum. Et deinde, Video aliam Legem in membris meis, repugnantem legi mentis meæ, &c. Item, Infelix ego homo, &c. Hic anxie laborant non solum Sophistæ, sed etiam quidam ex Patribus, quomodo Paulum excusent. Indignum enim judicant, quod dicatur electum illud organum Christi peccatum habere. Nos fidem adhibemus verbis Pauli, quibus ingenuè fatetur se venditum esse sub peccatum, captivari peccato, habere Legem repugnantem sibi, carne se servire legi peccati. Hic iterum respondent, Apostolum ista loqui in persona impiorum. Impij non queruntur de rebellionem, pugna, captivitate peccati, quia peccatum potenter in ipsis dominatur. Ideo ista querela verissime Pauli est & omnium Sanctorum, &c. Non solum igitur imprudenter, sed etiam impie fecerunt, qui excusarunt Paulum & alios Sanctos non habere peccatum. Ista enim perſuasiōe ex inscitia doctrinæ fidei nata, privarunt Ecclesiam maxima consolatione, aboleverunt remissionem peccatorum, & Christum reddiderunt ociosum.

Quare Paulus non negat se carnem & carnis vitia habere, cum dicit, Video aliam Legem in membris meis, &c. Ideo credibile est, eum aliquando sensisse libidinem, Opinor tamen eam bene suppressam fuisse gravibus & magnis illis tentationibus animi & corporis, quibus, ut ejus Epistola indicant, fere perpetuo exercitatus & vexatus fuit, Aut si quandoq; lætus & fortis, libidinem, iram, impati-

impatientiam, &c. sensit, tamen spiritu restitit, & illos motus non permisit dominari. Itaq; nullo modo concedamus hujusmodi loca consolatione plenissima, quibus Paulus luctam carnis contra spiritum in suo proprio corpore describit, tam ineptis glossis depravari. Sophistæ & Monachi nullam spirituales tentationem experti sunt, ideo tantum bellum gesserunt cum libidine reprimenda & vincenda, & ea victoria inflati, qua tamen nunquam potiti sunt, putaverunt se longe meliores & sanctiores esse conjugibus, Vt interim non dicam, quod isto specioso prætectu aluerint & confirmaverint omnis generis horribilia peccata, dissensionem, superbiam, odium, contemptum proximi, fiduciam propriæ justiciæ, præsumptionem, neglectum pietatis & verbi, incredulitatem, blasphemiam, &c. Contra ista peccata non pugnaverunt, imo ne quidem duxerunt esse peccata, tantum in stultis & impiis votis suis observatis statuerunt justiciam, in neglectis peccatum.

*Tentationes  
Monachorum*

Nos vero certo statuere debemus, nostram capitalem, rotundam & perfectam justiciam esse Christum. Si nihil est, quo niti possumus, tamen ista tria, ut ait Paulus, manent, Fides, Spes, Charitas. Semper igitur fidendum & sperandum est, semper apprehendendus est Christus ut caput & fons justiciæ nostræ, qui in hunc credit, non pudebit. Deinde operam dare debemus, ut etiam externe justisimur, hoc est, ne assentiamur carni, quæ semper suggerit aliquid mali, sed illi resistamus per spiritum. Ne frangamur impatientia propter ingratitudinem & contemptum vulgi, qui abutitur libertate Christiana, sed spiritu vincamus hanc & omnes alias tentationes. Quatenus igitur luctamur spiritu contra carnem, eatenus etiam externe justis sumus. Quanquam ista justicia nos coram Deo non commendat.

*Christi justiciam  
nostram.*

*Externam pietatem  
justiciam.*

Nemo igitur desperet, cum senserit carnem subinde novam pugnam movere spiritui, aut si non statim poterit carnem cohibere, ut spiritui subiecta sit. Cuperem & ego me habere firmiorem & magis constantem animum, qui non solum minas Tyrannorum, hæreses, quas fanatici spiritus serunt, & scandala ac tumultus, quos iidem suscitant, egregie contemnere posset, Sed qui etiam pavores & dolores animi statim excuteret, qui deniq; mortem acerbam non exhorresceret sed eam tanquam gratissimum hospitem exciperet, Sed invenio aliam Legem in membris meis, rebellantem legi mentis meæ, &c. Alij luctantur cum inferioribus tentationibus, ut sunt paupertas, ignominia, impatientia, &c.

*Pugna carnis & spiritus  
sentientis,  
non desperet.*

Ideo nemo miretur aut perterrescat, cum sentit in corpore suo hanc pugnam carnis contra spiritum, Sed erigat se verbis Pauli, Caro concupiscit adversus spiritum. Item, Hæc sibi invicem adversantur, ut non quæ volueritis illa faciatis. His enim sententiis consolatur tentatos, q. d. Impossibile est, ut per omnia duces spiritum sequamini, sine ullo sensu aut impedimento carnis. Imo caro obstabit, & ita obstabit, ut non possitis facere quæ libenter velletis. Hic satis est, ut carni resistatis, ne concupiscentiam ejus perficiatis, hoc est, ut spiritum sequamini, non carnem, quæ facile impatientia frangitur, cupit vindictam, mordet, dubitat, murmurat, odit Deum, irascitur ei, desperat, &c. Itaq; cum aliquis sentit hanc carnis pugnam, non ideo abiciat animum, sed resistat Spiritui, & dicat, Ego sum peccator & peccatum sentio, quia carne nondum exutus sum, in qua tantisper hæret peccatum, donec vivit. Sed spiritui, non carni obsequar, hoc est, apprehendam fide & spe Christum, ac ipsius verbo me erigam, atq; hoc modo erectus concupiscentiam carnis non perficiam.

*Pugna carnis  
& spiritus  
sentientis.*

*Amulatio  
spiritus.*

Valde prodest piis hanc doctrinam Pauli bene cognitam & meditatam habere, quia mirabiliter consolatur tentatos. Ego Monachus putabam statim actum esse de salute mea, si quando sentiebam concupiscentiam carnis, hoc est, malum motum, libidinem, iram, odium, invidiam, &c. adversus aliquem fratrem, Tentabam multa, confitebar quotidie, &c. Sed nihil prorsus proficiebam. Quia semper redibat concupiscentia carnis, ideo non poteram acquiescere, sed perpetuo cruciabar

ciabar his cogitationibus, Hoc & illud peccatum commisisti, item laboras invidia, impatientia, &c. Frustra igitur ingressus es sacrum ordinem, & omnia bona opera tua inutilia sunt. Si tum intellexissem recte Pauli sententias, Caro concupiscit adversus spiritum, &c. Hæc sibi invicem adversantur, &c. non usq; adeo me afflixissem, Sed, ut hodie soleo, cogitallem, Martine, tu non carebis prorsus peccato, quia carnem adhuc habes, senties igitur certamen ipsius, Iuxta illud Pauli, Caro resistit spiritui. Ne igitur despera, sed reluctare, ne concupiscentiam ejus perficias, & tum non es sub lege.

*D. Nuncij di-  
flum.*

Memini Staupicium dicere solitum, Ego plus quam millies Deo vovi, me fore probiorem, sed nunquam præstiti quod vovi. Posthac non vovebo tale quiddam, quia experientia nunc didici, me hoc non posse præstare. Nisi igitur Deus placatus & propitijs mihi propter Christum sit, & optatam ac felicem horulam concesserit, cum mihi migrandum erit ex hac misera vita, non poterò consistere cum votis & benefactis meis. Hæc non solum vera, sed etiam pia & sancta desperatio erat, quam necesse est fateri ore & corde, quotquot salvi fieri volunt. Nam Sancti non nituntur sua justitia, sed cum Davide clamant, Ne intres in iudicium cum servo tuo, quia non justificatur in conspectu tuo omnis vivens. Item, Si iniquitates observaveris Domine, Domine quis sustinebit? Intuentur autem Christum propitiatorem suum, qui vitam dedit pro peccatis ipsorum. Deinde quod reliquum est peccati in carne, noverunt hoc non imputari, sed per remissionem condonari sibi. Interim tamen spiritu pugnant contra carnem, non quod omnino ejus concupiscentiam non sentiant, sed quod eam non perficiant. Itaq; etiam si sentiant carnem furere & rebellare spiritui, & se quandoq; etiam per infirmitatem in peccata labi, non tamen ideo despondent animum, neq; ideo statim cogitant, suum vitæ genus & officium ac opera secundum vocationem facta, displicere Deo, sed fide erigunt se.

*Quid pñ faciant  
sentientes pec-  
catum.*

*Psalm. 143.  
& 139.*

*Pugna carnis  
& spiritus in  
sanctis.*

Magnam igitur consolationem habent pii ex hac doctrina Pauli, quod norint se partim carnem, partim spiritum habere, Sic tamen ut spiritus dominetur, caro subjecta sit, Iusticia regnet, peccatum serviat. Qui ignorat hanc doctrinam, & cogitat pios debere prorsus carere omni defectu, & tamen sentit contrarium, is ad extremum absorbetur spiritu tristitiæ & desperat. Qui vero hanc doctrinam novit & recte ea utitur, huic etiam mala necesse est cooperari in bonum. Nam cum caro sollicitat eum ad peccandum, hac occasione excitatur & urgetur ad quærendum remissionem peccatorum per Christum, ad justiciam fidei amplectendam, quam alioqui tanti non faceret neq; tanto desiderio suspiraret. Itaq; valde prodest ut nonnunquam sentiamus maliciam naturæ & carnis nostræ, ut vel hoc modo expergeciamus & excitemur ad fidem & invocandum Christum. Atq; ista occasione Christianus fit artifex potentissimus & mirificus creator, qui ex tristitia gaudium, ex terroribus consolationem, ex peccato justiciam, ex morte vitam, dum hac ratione coercens carnem, eam in servitutem redigit & spiritui subjicit, facere potest.

*Christianus mi-  
nus artifex.*

*Obiectio.*

Quare sentientes concupiscentiam carnis, non ideo statim desperent de salute. Sentiant sane eam, modo ei non assentiantur. Moveat sane eos ira, libido, &c. modo non permoveat, sollicitet eos peccatum, modo illud non perficiant. Imo quo quisq; magis pius est, hoc plus sentit illam pugnam. Hinc sunt illæ quærelæ Sanctorum in Psalmis & tota scriptura. De illa pugna nihil prorsus Eremitæ, Monachi, Sophistæ & omnes Operarii noverunt. At dicat hic aliquis, Periculosum esse hoc docere, quod aliquis ideo non damnetur, si passiones carnis, quas sentit, non statim vincat. Quia cum hæc doctrina spargatur in vulgus, reddatur securum, iners, languidum, &c. Hoc est quod supra dixi, Si fidem docemus, carnales negligere opera, Si opera urgentur, amitti fidem & consolationem conscientiarum. Hic nemo cogi, neq; ulla certa regula præscribi potest, Sed unusquisq; seipsum diligenter exploret, qua potissimum passione carnis afficiatur, & ubi hoc deprehen-



deprehendit, non sit securus, non blandiatur sibi, sed vigilet & luctetur spiritu contra eam, ut si omnino refrenare non potest, saltem eam non perficiat.

Istam luctam carnis cum spiritu habuerunt & senserunt omnes Sancti, Eandem & nos experimur. Qui explorat conscientiam suam, modo non sit hypocrita, certo inveniet ita geri rem in seipso, ut Paulus hic describit, scilicet, quod caro concupiscat adversus spiritum. Vnusquisque igitur Sanctus sentit & late-  
*Sancti sentiunt  
 vel actionem car-  
 nis contra spiri-  
 tum.*  
 tur carnem suam resistere spiritui, & ista duo ita sibi invicem adversari in seipso, ut quæ velit, etiamsi maxime hic laboret & sudet, tamen non possit facere. Itaque caro obstat quo minus præcepta Dei servemus, quo minus diligamus proximos ut nosipsum, multominus ut diligamus Deum ex toto corde, &c. Ideo impossibile est nos Legis operibus justificari. Voluntas bona quidem adest, quam oportet adesse (est enim spiritus ipse rebellans carni) quæ libenter vellet facere bonum, implere Legem, diligere Deum & proximum, &c. Caro autem non obsequitur isti voluntati, sed resistit ei. Sed Deus non imputat hoc peccatum, est enim credentibus illis propitius propter Christum. Ex hoc tamen non sequitur, quod debeas peccatum extenuare aut contemnere, quia Deus illud non imputat. Non imputat quidem, Sed quibus & propter quid? Non duris & securis, sed poenitentiam agentibus, & fide apprehendentibus Christum propiciatorem, propter  
*Quibus Deus  
 peccata remittit,  
 & non imputat.*  
 quem ut remittuntur eis omnia peccata, ita & reliquæ peccati eis non imputantur. Illi non extenuant peccatum, sed amplificat, quia norunt illud nulla satisfactione, operibus & justitia elui posse, præterquam per mortem Christi. Non tamen propter magnitudinem ejus desperant, sed certo statuunt, illud ignosci sibi propter Christum.

Hoc ego dico, ne quis putet, peccatum post acceptam fidem, non esse magnificandum. Peccatum est vere peccatum, sive ante sive post Christum cognitum committatur. Et Deus semper odit peccatum, Imo omne peccatum, quod ad substantiam facti attinet, est mortale. Quod autem credenti non est mortale, fit propter Christum propiciatorem, qui peccatum sua morte expiavit. Non credenti in Christum non solum omnia peccata mortalia sunt, sed etiam bona ipsius opera peccata sunt. Iuxta illud, Quicquid non est ex fide, peccatum est. Ideo  
*Rom. 14.*  
 perniciosus est Sophistarum error, qui peccata distinguunt penes substantiam facti, non penes personam. Qui credit idem & æque magnum peccatum habet, ut incredulus, Credenti tamen condonatur & non imputatur, Incredulo retinetur & imputatur, Huic veniale, illi mortale est. Non propter differentiam peccatorum, quod credentis peccatum minus, increduli majus sit, sed personarum. Credens enim fide statuit peccatum, cum Christus seipsum pro eo tradidit, sibi esse remissum. Itaque peccatum habens & peccans, tamen manet pius, Contra incredulus, impius. Atque ea est vere piorum sapientia & consolatio, quod, etiamsi peccata habeant & committant, tamen sciant ea propter fidem in Christum non imputari sibi.

Hæc in consolationem piorum dico. Nam hi soli vere sentiunt se peccata  
*Piorum sapientia, &c.*  
 habere & committere, hoc est, se non satis ardentem amare Deum, ex corde illi non confidere, imo subinde dubitare se illi curæ esse, in adversis rebus impatientes esse & irasci Deo, &c. Hinc illæ querelæ Sanctorum in scripturis, præcipue in Psalmis. Et Paulus queritur se venundatum sub peccatum. Et hic ait, Carnem resistere spiritui. Quia vero (ut alibi ait) spiritu facta carnis mortificant, & in fine hujus capitis, carnem cum concupiscentiis & desideriis crucifigunt, non nocent nec damnant eos peccata illa. Si autem carni obsequuntur, perficiendo ejus concupiscentias, amittunt Fidem & Spiritum sanctum. Et nisi detestentur peccatum & revertantur ad Christum, qui claves tradidit Ecclesiæ, ut lapsos recipiat & erigat, atque ita fidem & spiritum sanctum recuperent, in peccatis moriuntur. Quare de his non loquimur, qui somniant se fidem habere, & tamen interim in peccatis vivunt. Hi habent sententiam suam, Secundum carnem viventes moriuntur. Item,  
*Pi soli peccatum sentiunt.*  
 Manifesta

manifesta sunt opera carnis, Fornicatio, &c. De quibus prædico vobis, sicut prædixi, quod qui talia agunt, regnum Dei non consequentur. Gal. 5.

*Sancti.*

*Ecclesia orat  
pro remissione  
peccatorum.*

Ex his etiam intelligi potest, qui veri sancti sint. Sunt autem non trunci & lapides, ut Sophistæ & Monachi somniant, qui prorsus nulla re afficiantur, aut nunquam concupiscentiam carnis sentiant, Sed, ut Paulus ait, Caro ipsorum concupiscit adversus spiritum. Ideo peccatū habent & peccare possunt. Et Ps. 32, testatur, Sanctos confiteri injusticiā suam, & orare pro remissione impietatis peccati sui, cum inquit, Dixi, confitebor adversum me injusticiam meam Domino, Et tu remisisti impietatem peccati mei. Pro hac orabit ad te omnis sanctus, &c. Deinde orat tota Ecclesia, quæ certe sancta est, remitti sibi peccata, & credit remissionem peccatorum. Et Psal. 143. orat David, Ne intres in iudicium cum servo tuo, quia non justificabitur in conspectu tuo omnis vivens. Et Psal. 130. Si iniquitates observas Domine, Domine quis sustinebit? Apud te propiciatio est, &c. Sic loquuntur & orant maximi Sancti, David, Paulus, &c. Ergo idem loquuntur & orant eodem spiritu omnes Sancti. Sophistæ scripturas non legunt, aut si etiam legunt, tamen obducto ob oculos velo legunt, ideo ut de nulla prorsus re, ita neq; de peccato neq; de sanctitate recte judicare possunt. Psal. 32. Psal. 143. & 130.

*Si autem Spiritu ducimini, non estis sub lege.*

*Spiritu duci.*

PAULVS non potest oblivisci doctrinæ suæ de fide, sed semper eam repetit & inculcat etiam cum de bonis operibus agit. Hic objiciat aliquis, Qui fieri potest, quod sub Lege non simus? Tamen tu Paule doces nos carnem habere, quæ concupiscat adversus spiritum, quæ militet, vexet & captivet nos, &c. Et revera sentimus peccatum, nec illo sensu liberari possumus, ut maxime velimus. Hoc certe est sub lege esse. Cur ergo Paule dicis nos non esse sub lege? Hæc res, inquit, nihil vos moveat, Sed hoc saltem agite, ut spiritu ducamini, hoc est, ut hanc voluntatem servetis, quæ adversatur carni & ejus concupiscentias non perficit (hoc enim est duci seu trahi spiritu) tum non estis sub lege. Sic Paulus de seipso loquitur Roman. 7. Mentē servio legi Dei, hoc est, Spiritu nulli peccato sum obnoxius, Carne vero servio legi peccati. Itaque pii non sunt sub Lege, scilicet spiritu, Lex enim non potest accusare & ferre sententiam mortis contra eos, etiamsi ipsi peccatum sentiant & fateantur se peccatores esse. Quia jus ademptum est legi per Christum, qui factus est sub Legem, ut eos qui sub lege erant redimeret. Ideo hoc, quod vere peccatum est contra Legem, Lex pro peccato non potest accusare in piis. Rom. 7.

*Christus iusticia  
credentium.*

*Spiritu duci.*

Tanta est igitur potentia domini Spiritus, ut quod vere peccatum est, tamen Lex non possit accusare. Iusticia enim nostra Christus, quem fide apprehendimus, irreprehensibilis est, ideo à Lege non potest accusari. Donec in illo hæremus, spiritu ducimur & à lege liberi sumus. Sic cum Apostolus etiam bona opera docet, non obliviscitur disputationis de justificatione, sed semper indicat impossibile esse nos operibus posse justificari. Reliquiæ enim peccati hærent in carne, Ideo donec ea vivit, non desinit concupiscere contra spiritum. Nihil tamen periculi inde accipimus quia à Lege liberi sumus, modo spiritu ambulemus. Et his verbis, Si ducimini spiritu, non estis sub Lege, egregie poteris teipsum & alios vehementer tentatos consolari. Sæpe enim accidere solet, quod homo ira, odio, impatientia, libidine, spiritu tristitiæ aut alia concupiscentia carnis tam fortiter exerceatur, ut eam prorsus non possit excutere, etiamsi hoc maxime cupiat. Quid hic faciat? num ideo desperet? Non, Sed ita dicat, Caro tua jam pugnat & furit adversus spiritum. Sinito eam furere quamdiu vult, Tu modo illi ne assentiaris, sed ambula & ducere spiritu, ut concupiscentiam ejus non perficias. Hoc faciens, liber es à lege. Accusat & perterrefacit quidem te, sed frustra, &c. In tali ergo lucta carnis contra spiritum nihil melius est, quam in conspectu habere verbum, & ex eo consolationem spiritus petere.

*Quomodo vi-  
gendū perter-  
refacit.*

Neq;

Neq; moveat illum, qui hanc tentationem patitur, quod Diabolus ita potest peccatum exaggerare, ut videatur sibi prorsus succumbere in paroxysmo, nihilq; sentiat, quam meram iram Dei & desperationem. Hic saltem non sequatur sensum suum, sed hoc Pauli dictum arripiat, Si Spiritu ducimini, hoc est, si fide in Christum vos erigatis, &c. non estis sub Lege. Ita habebit præsidium potentissimum, quo poterit omnia ignita tela, quibus ille malignus eum petit, extinguere. Ut maxime igitur bulliat & insaniat caro, tamen omnes ipsius motus & furie non poterunt nocere & condemnare eum. Quia spiritum ducem sequens, non præbet

*Tentationes  
carnis quomodo  
vincantur.*

carni assensum, neq; perficit ejus concupiscentiam. Itaq; id unicum est remedium, ut furentibus carnis motibus, arripientes gladium spiritus, hoc est, Verbum salutis, scilicet, quod Deus nolit mortem impij, &c. pugnemus contra eos, tunc haud dubie victores erimus, etiamsi durante pugna plane contrarium sentiamus. Remoto autem ex oculis Verbo, non est consilium neq; auxilium, &c. Ego expertus ista loquor. Passus sum varias & multas passiones, & eas gravissimas, Quam primum autem aliquod dictum scripturæ apprehendi, & illi tanquam sacræ ancoræ innixus sum, statim deferbuerunt tentationes, quas sine Verbo impossibile mihi fuisset vel modicum tempus sustinere, multo minus vincere.

*Non esse sub  
Lege.*

*Manifesta sunt autem opera carnis, quæ sunt, &c.*

*Matth. 7.*

Hic locus non est dissimilis huic sententiæ Christi. A fructibus eorum agnoscetis eos. Nunquid colligunt de spinis uvas, aut de tribulis ficus? Sic omnis arbor bona fructus bonos facit. Mala autem arbor fructus malos facit, &c. Paulus plane idem hoc loco docet, quod illic Christus. Satis scilicet testari opera & fructus, an arbores bonæ sint an malæ, an homines sequantur ducem carnem, an ducem Spiritum, q. d. Ne quidam vestrum causentur, se non intelligere me nunc differentem de lucta carnis & Spiritus, subjiciam vobis ob oculos, primum opera carnis, quorum pleraq; etiam impiis nota sunt, Deinde fructus Spiritus, Hocq; Paulus ideo facit, quia multi erant hypocritæ inter Galatas, ut hodie etiam inter nos, qui simulabant se esse pios, jactabant Spiritum, & quod ad verba attinebat, egregie noverant doctrinam pietatis. Interim tamen non Spiritu, sed carne ambulabant, ac opera ipsius perficiebant. Ea; re Paulus manifeste convincit eos non esse tales, pro quibus sese venditabant. Et ne hanc ejus admonitionem contemnant, fert contra eos horribilem sententiam, Quod regni Dei hæredes non erunt, ut ea admoniti sese emendent.

*Hypocritæ pios  
admixti.*

Quælibet ætas etiam in piis peculiares suas tentationes habet, juvenilem libido, virilem ambitio & vana gloria, senilem avaritia præcipue exercet. Hinc supra dixi nullum fuisse unquam Sanctum, quem non sæpius in vita sollicitaverit caro ad impatientiam, iram, &c. Hinc Paulus de Sanctis hic loquens, dicit, Carnem in ipsis concupiscere adversus Spiritum, &c. Itaq; non aberunt desideria & pugnae carnis, non tamen ideo statim obsunt illis, qui eas sentiunt. Sed ita de hac re judicandum est, Aliud esse sollicitari à carne, & ejus concupiscentias non ultro ferre, sed Spiritu ambulare & reniti, &c. Aliud esse assentiri carni, & opera ejus secure perficere, in illis commorari, & tamen interim simulare pietatem & jactare Spiritum, &c. Priores consolatur, dum dicit eos Spiritu duci & sub lege non esse. Posterioribus comminatur æternum interitum. Imo quandoque etiam accidit, ut sancti labantur & desideria ipsius carnis perficiant. Sicut David grandi & horribili

*Quælibet ætas  
habet suas tentationes.*

*Sancti labantur  
ribili*



ribili lapsu cecidit in adulterium. Item autor fuit cædis multorum, dum volebat Vriam in acie perire. Eaque re hostibus etiam occasionem dedit gloriandi contra populum Dei, adorandi idolum suum, & blasphemandi Deum Israël. Lapsus est horribiliter & Petrus, cum negaret Christum. Sed quamlibet illa peccata grandia sint, tamen non ex contemptu Dei aut destinata malicia, sed ex infirmitate commissa sunt. Deinde admoniti non perseveraverunt obstinati in peccatis, sed resipuerunt, &c. Tales infra Cap. 6. jubet recipi, instrui & instaurari, dicens, Si præoccupatus fuerit homo, &c. Ideo qui ex infirmitate peccant & labuntur, illis non denegatur venia, modo rursus resurgant, & in peccatis non perseverent, Perseverantia autem pessima est, &c. Si autem non resipiscunt, sed porro obstinati perficiunt desideria carnis, certissimum signum est, quod dolus sit in spiritu ipsorum.

*Alii graviores, alii leviores, alii tentationibus exercantur.*

Desideriis igitur nemo carebit, quousque in carne vivit, ideoque nemo liber erit à tentationibus. Alius tamen aliter tentatur, secundum discrimen personarum. Hic gravioribus motibus exercetur, quales sunt Tristitia spiritus, blasphemia, diffidentia, desperatio, &c. Alius crassioribus, quales sunt, Libido, ira, odium, &c. Sed ibi Paulus requirit à nobis, ut spiritu ambulemus, & carni resistamus. Qui autem carni obsequitur & pergit securus desideria ipsius perficere, ille sciat se non pertinere ad Christum, & ut maxime sese ornet nomine Christiano, tamen seipsum fallit. Qui enim Christi sunt, carnem suam crucifigunt cum concupiscentiis, &c.

### QVI VERE SANCTI DICANTVR ET SINT?

*Gerson.*

*Imaginatio Peccatorum de Sanctis.*

*Stoicorum sapientia.*

**H**ic locus, ut supra quoque obiter monui, gravissimam consolationem continet. Quia admonet, quod sine concupiscentia & tentationibus carnis, imo etiam sine peccatis Sancti non vivant. Admonet igitur nos, ne faciamus, ut quidam, de quibus Gerson scribit, qui eo nitebantur, ut protus nihil tentationum & peccatorum sentirent, hoc est, ut plane saxa essent. Talem imaginationem habuerunt Sophistæ & Monachi de Sanctis, quasi fuerint meri stipites & trunci, & plane caruerint omnibus affectibus. Certe Maria sensit maximum dolorem animi amisso filio, Lucæ 2. Conqueritur David in Psalmis, se immodica tristitia propter magnitudinem tentationum & peccatorum suorum concepta, pene absorberi. Conqueritur & Paulus se foris pugnas intus pavores sentire, Se carne servire legi peccati, Ait se solitum esse pro omnibus Ecclesiis, Et Deum misertum esse sui, quod Epaphroditum vicinum morti restituerit vitæ, ne dolorem super dolorem haberet. Itaque Sophistarum Sancti similes sunt Sapientibus Stoicorum, qui tales finxerunt sapientes, quales nulli unquam fuerunt in rerum natura. Et hac stulta & impia persuasione, quæ nata est ex inscitia hujus Paulinæ doctrinæ, adegerunt Sophistæ seipsos & alios infinitos ad desperationem.

*Quia Christus & Apostoli vocant Sanctos.*

Ego Monachus sæpe ex animo optabam eam felicitatem mihi contingere, ut possem videre conversationem & vitam alicujus sancti hominis. Interim tamen somniabam talem sanctum, qui in eremo agens abstinere à cibo & potu, & victitaret tantum radiculis herbarum & aqua frigida. Et illam opinionem de monstrosis illis Sanctis, non solum hauseram ex libris Sophistarum, sed etiam Patrum. Nam alicubi S. Hieronymus sic scribit, De cibis vero & potu taceo, cum luxuria sit etiam languentes aqua frigida uti, & coctum aliquid accepisse, &c. Nunc autem lucente veritatis sole, clarissime videmus Christum & Apostolos vocare Sanctos, non qui cælibem vitam agunt. abstemij sunt, aut alia opera in speciem monstrosa faciunt, ut de multis legitur in vitis Patrum, Sed qui vocati per Evangelium & baptisati, credunt se Christi morte & sanguine sanctificatos & mundatos esse. Sic passim Paulus scribens ad Christianos vocat eos Sanctos, filios & hæredes Dei, &c. Sancti igitur sunt omnes, quotquot credunt in Christum, sive masculi, sive feminae, sive servi, sive liberi, &c. sint, non ex suis operibus, sed Dei, quæ

quæ fide accipiunt, ut sunt Verbum, Sacramenta, Christi passio, mors, resurrectio, victoria, Spiritus sancti missio, &c. In summa, Sancti sunt sanctitate passiva, non activa.

Sic vere sancti sunt ministri verbi, Magistratus politici, parentes, liberi, heri, familia, &c. si primum omnium certo statuunt Christum esse suam Sapientiam, justiciam, sanctificationem & redemptionem. Deinde si unusquisque ex præscripto verbi Dei faciat officium in vocatione sua, carni non obsequatur, sed spiritu reprimat desideria & concupiscentias ejus. Quod omnes æque non sunt firmi, sed multæ adhuc imbecillitates & offensiones cernuntur in plerisque; hoc nihil impedit eorum sanctitatem, modo non ex destinata malicia, sed ex imbecillitate peccent. Nam, ut jam aliquoties dixi, pii sentiunt concupiscentiam carnis, sed repugnant ne eam perficiant. Item, si etiam ex improvviso labantur in peccatum, tamen veniam consequuntur, si fide in Christum iterum eriguntur, qui non vult ut abigamus, sed quæramus perditam ovem, &c. Absit igitur ut infirmos in fide aut moribus, si videro eos amare & revereri verbum, cœna Dominica uti, &c. statim judicem profanos esse. Hos enim Deus assumpsit, & reputat eos justos per remissionem peccatorum. Huic stant & cadunt, &c. Lætus igitur gratias ago Deo, quod supra modum abunde mihi donaverit, quod olim Monachus petii, non ut viderem unum Sanctum, sed multos, imo infinitos vere Sanctos, Non quales Sophistæ, sed Christus ipse & Apostoli pingunt ac describunt, quorum & ego, gratia Dei, unus sum. Sum enim baptisatus, & credo Christum Dominum meum sua inorte me redemisse à peccatis, & donasse mihi justiciam & sanctitatem æternam. Et anathema sit, quicumque hunc honorem Christo non habuerit, ut credat, quod ejus Morte, Verbo, Sacramentis, &c. justificatus & sanctificatus sit, &c.

Repudiata igitur hac stulta & impia opinione de Sanctorum appellatione (quam putabamus competere tantum Sanctis in cœlo, & in terra Eremitis ac Monachis, prodigiosa quædam opera facientibus) discamus nunc ex scriptura sancta, omnes fideles Christi Sanctos esse. Admiratur mundus sanctitatem Benedicti, Gregorij, Bernhardi, Francisci & similium. Quia audit eos magnifica in speciem & insolita quædam opera fecisse. Certe fuerunt etiam Sancti, Hilarius, Cyrillus, Athanasius, Ambrosius, Augustinus & alij, qui tam asperam & horridam vitam non egerunt, ut illi, sed conversati sunt inter homines, ederunt cibos communes, biberunt vinum & vestitu eleganti ac decenti usi sunt, & fere nullum discrimen fuit, quod ad communem vitæ consuetudinem attinet, inter ipsos & alios honestos viros, & tamen longe præferendi sunt illis superioribus. Hi enim sine ulla superstitione docuerunt fidem Christi pure, hæreticis restiterunt, & Ecclesiam ab innumeris erroribus repurgaverunt. Lucundissima fuit multis eorum familiaritas, & præsertim tristibus & afflictis (non enim abduxerunt se à conversatione hominum, sed officium suum administraverunt in frequenti turba) quos verbo crexerunt & consolati sunt. Contra, illi non solum contra fidem multa docuerunt, sed etiam multarum superstitionum, errorum & impiorum cultuum autores fuerunt. Ideo nisi in agone mortis Christum apprehenderunt, & sola ipsius morte & victoria confisi sunt, nihil plane profuit eis rigida vita.

Hæc satis ostendunt, qui vere sancti sint, & quæ sit appellanda vita sancta, Non illorum, qui in angulis & antris delitescunt, inediâ corpora macerant, cilicia gestant, &c. hac opinione, ut singulare quoddam præmium in cœlis habeant præ cæteris Christianis, Sed qui baptisati sunt & credunt in Christum, &c. Qui non semel exuunt veterem hominem cum actibus suis, sed durante vita manet in eis concupiscentia, quam nihil obest ipsis sentire, modo eam non permittant regnare, sed subjiciant spiritui. Hæc doctrina affert consolationem piis mentibus, ne, cum ista jacula carnis, quibus impugnat Satan spiritum, sentiunt, desperent, ut multis in Papatu accidit, qui judicabant se nullam prorsus concupiscentiam carnis debere sentire, Cum tamen neque Hieronymus, neque Gregorius, neque Benedictus,

Veri sancti.

Infirmi in fide.

Omnes fideles Sancti.

Collatio Patrum, &amp;c.

Vita sancta.

*Gregorius an-  
te Missam pri-  
vata.*

*Credo Ecclesi-  
am sanctam.*

*Ecclesia qua sit  
dicto mundi.*

*Ecclesia sancta*

*Ecclesia omni re  
vni sibi per-  
cata.*

*Sentire humum  
dicem carnis  
prodest, &c.*

dictus, neq; Bernhardus & alij ( quos Monachi imitandos sibi proposuerunt tan-  
quam perfecta exempla castitatis & omnium Christianarum virtutum ) huc per-  
venire potuerint, ut nullam plane concupiscentiam carnis sentirent, Imò sense-  
runt eam & fortiter. Id quod ingenue fatentur, non uno loco in libris suis. Ideo  
Deus non solum, non imputavit eis ista levia delicta, sed etiam perniciosos erro-  
res, quos quidam ex ipsis in Ecclesiam invexerunt. Gregorius autor fuit Missæ pri-  
vatæ, qua nulla unquam fuit major abominatio in Ecclesia novi Testamenti. Alij  
Monachatum, impios cultus & voluntarias Religiones excogitaverunt. Cypri-  
anus disputabat, ab hæreticis baptisatos rebaptisandos esse.

Recte igitur fatemur in Symbolo, nos credere Ecclesiam sanctam. Est e-  
nim invisibilis, habitans in Spiritu in loco inaccessibili, ideo non potest videri  
ejus sanctitas. Deus enim ita abscondit & obruit eā infirmitatibus, peccatis & er-  
roribus, varijs formis crucis & scandalis, ut secundum sensum nusquam appareat.  
Qui hoc ignorant, cum vident infirmitates, peccata, &c. eorum qui baptisati  
sunt, Verbum habent & credunt, statim offenduntur, & judicant eos ad Ecclesi-  
am non pertinere. Et interim somniant Ecclesiam esse Eremitas, Monachos, &c.  
qui tantum labijs Deum honorant, & frustra eum colunt, quia non verbum Dei,  
sed doctrinas & mandata hominum sequuntur & alios docent. Quia vero super-  
stitiosa & prodigiosa opera, quæ ratio magnificat & admiratur, faciunt, ideo judi-  
cant eos esse Sanctos & Ecclesiam. Illi invertunt articulum fidei, Credo Ecclesi-  
am sanctam, &c. Et pro Credo ponunt Video. Istiusmodi humanæ justitiæ & vo-  
luntariæ sanctitates revera sunt spiritualia veneficia, quibus præstringuntur oculi  
& mentes hominum & abducuntur à cognitione veræ sanctitatis, &c.

Nos vero sic docemus, Ecclesiam non habere maculam aut rugam, sed ei-  
se Sanctam, per fidem tamen in Iesum Christum. Deinde in vita per abstinenti-  
am à concupiscentijs carnis, & per exercitium spiritualium fructuum. Sed non-  
dum esse sanctam per liberationem & ademptionem omnium desideriorum ma-  
lorum, nec per expurgationem omnium impiarum opinionum & errorum. Sem-  
per enim fatetur Ecclesia peccatum suum, & orat sibi dimitti debita sua. Item,  
credit remissionem peccatorum, Quare Sancti peccant, labuntur & etiam errant,  
sed per ignorantiam. Non enim libenter vellent negare Christum, amittere Eu-  
angelium, revocare baptismum, &c. Habent igitur remissionem peccatorum, Et  
si etiam per ignorantiam in doctrina errant, hoc illis ignoscitur. Quia ad extre-  
mum agnoscunt errorem suum, & sola veritate & Gratia Dei in Christo nituntur,  
ut fecit Hieronymus, Gregorius, Bernhardus & alij. Opera igitur carnis studeant  
vitare Christiani, desideria non possunt.

Ad hoc igitur prodest pijs sentire immundiciem carnis suæ, ne inflentur  
inani & impia opinione de justitia operum, quasi propter eam accepti sint coram  
Deo. Hac Monachi inflati tam sanctos se esse putaverunt propter electicium vitæ  
genus suum, ut etiam alijs, quanquam interim corde proprio convincebantur se  
esse immundos, vendiderint suas justitias & sanctitates. Tam perniciosa pestis est  
fiducia justitiæ propriæ, & somniare se esse mundum. Quia vero pij sentiunt im-  
mundiciem cordis, non possunt fidere justitia sua. Is sensus humiliat eos, ut demit-  
tant cristas, & non possint confidere benefactis suis, & compellit eos accurrere ad  
Christum Propiciatorem, qui non habet carnem corruptam aut vitiatam, sed pur-  
rissimam & sanctissimam, quam pro vita mundi dedit, in illo inveniunt justitiam  
solidam & perfectam. Sic manent in humilitate non ficta aut Monastica, sed vera,  
propter sordes & vitia, quæ hærent in carne sua, propter quæ, si Deus severe vel-  
let judicare, rei essent æternæ mortis. Quia vero non superbiunt contra Deum, sed  
humiliter & contrito corde agnoscetes peccata sua veniam petunt, ac freti be-  
neficio Mediatoris Christi, progrediuntur in conspectum Dei, & orant propter  
ipsum ignosci sibi peccata, expandit super eos Deus immensum cælum gratiæ,  
ac peccata propter Christum non imputat eis.

Hæc



Hæc dico, ut caveamus perniciosos Sophistarum de sanctitate vitæ errores, quibus ita mentes nostræ fuerunt occupatæ, ut eos sine magno labore non potuerimus excutere. Quare sedulo operam date, ut recte discernatis inter justiciam seu sanctitatem veram & hypocriticam, tum poteritis aliis oculis inspicere regnum Christi, quam ratio, nempe spiritualibus, & certo judicare, illum esse sanctum, qui baptizatus est & credit in Christum. Et deinceps in illa fide, qua justificatur & remittuntur ei peccata præterita & præsentia, abstinet ipse à desideriis carnis. Sed ab his prorsus non mundatur. Caro enim concupiscit adversus spiritum. Manent tamen istæ sordes in eo, ut humilietur, & sic humiliato dulcescat Gratia & beneficium Christi. Sic istæ sordes & reliquæ Peccati non obsunt, sed valde prosunt piis. Quo magis enim sentiunt infirmitatem & peccata sua, hoc magis confugiunt ad Thronum gratiæ Christum, & ejus auxilium implorant, ut ornent eos sua justitia, ut illis augeat fidem, subministret Spiritum, quo duce vincant concupiscentias carnis, ne dominantur, sed serviāt. Sic Christianus perpetuo luctatur cum peccato, & tamen luctando non succumbit, sed victoriam obtinet.

*Piis etiam mala cadunt in bonum.*

Hæc dixi, ut intelligeretis, non ex humanis somniis, sed verbo Dei, qui vere Sancti sint. Videmus ergo Christianam doctrinam maxime prodesse ad erigendas conscientias. Deinde ejusmodi esse doctrinam, quæ non de cucullo, rasuris, rosariis & similibus futilibus rebus agat, sed de arduis & maximis causis, videlicet quomodo vincere debeamus carnem, peccatum, mortem, diabolum. Hæc doctrina ut ignota est justiciariis, ita impossibile est eis vel unam conscientiam errantem instituire aut conterritam & desperabundam consolari & pacificare.

*Doctrina pietatis.*

*Adulterium, scortatio, immundicia, lascivia, idolorum servitus, veneficium, &c.*

PAVLVS non recenset omnia opera Carnis, sed numero finito pro infinito utitur. Primum numerat species libidinis, scilicet adulterium, fornicationem, immundiciam, lasciviam, &c. Non solum autem libido est opus carnis, ut somniarunt Papistæ (qui etiam conjugium, adeo casti sunt homines, cujus Deus ipse autor est, & quod ipsi inter Sacramenta numeraverunt, opus carnis dixerunt) Sed inter opera carnis recenset idolatriam, &c. ut supra jam aliquoties diximus. Ideo vel hic locus satis indicat, quid Paulo significet Caro. Sunt autem hæ voces notiores, quam ut ulla interpretatione indigeant, Qui cupit nosse, quid singulæ voces seorsim significant, ille legat, si volet, commentarium veterem, quem Anno 19. edidimus. Illic satis copiose naturam & vim, pro virili nostra, singularum vocum totius Catalogi operum carnis & fructuum Spiritus indicavimus. Nunc consilium præcipue fuit, ut inter enarrandam epistolam ad Galatas, articulum justificationis quam clarissime traderemus, &c.

*Caro.*

*Commentarius D. M. L. de Gal. editus Anno 1519. Tomo 1. Fol. 392.*

*Idolatria.*

SVMMAE religiones, sanctitates & ardentissimæ devotiones eorum, qui excluso Christo mediatore, ac sine verbo & mandato Dei colunt Deum, sunt idolatria. Ut in Papatu habebatur pro actu spiritualissimo, quando Monachi sedentes in cellis meditabantur de Deo & ejus operibus, quando inflammati ardentissimis devotionibus genu flecebant, orabant & cœlestia contemplantur, tanta delectatione, ut præ nimio gaudio lachrymarentur. Ibi nulla erat cogitatio de mulieribus aut de ulla creatura alia, sed tantum de Creatore & ejus mirabilibus operibus, Et tamen ista spiritualissima res, ut ratio judicat, est, juxta Paulum, opus carnis. Quare omnis talis religio, qua colitur Deus sine Verbo & mandato ejus, idolatria est. Et quo ea est sanctior & spiritualior in speciem, hoc perniciosior & pestilentior est. Avertit enim homines à fide in Christum, & facit, ut nitantur propriis viribus, operibus, justiciis, Qualis est etiam hodie Anabaptistarum. Quanquam hi indies se magis prodant, quod à Diabolo obsessi ac homines seditiosi & sanguinarij sint.

*Idolatria.*

b 2

Igitur

*Carthusiani.* Igitur jejunium, cilicium, sanctissimæ actiones, Regula & tota vita Carthusianorum, quorum tamen ordo rigidissimus est, sunt opera carnis, imo idolatria. Quia imaginantur se sanctos esse, & salvari non per Christum, quem ut severum judicem formidant, sed si Regulam suam observaverint. Cogitant quidem de Deo, Christo & rebus divinis, non autem ex verbo Dei, sed ex sua ratione, quod scilicet vestitus, victus & tota ipsorum conversatio sancta sit & placeat Christo, quem hac sua asperitate vitæ non solum sperant se placare, sed habituros esse eum etiam remuneratorem suorum benefactorum & justiciarum, &c. Ideo eorum cogitationes spiritualissimæ, ut somniant, non solum sunt carnalissimæ, sed etiam impiissimæ, quia excluso & contempto verbo, fide, Christo, &c. fiducia propriæ justitiæ volunt peccata eluere, gratiam & vitam æternam consequi. Omnes ergo cultus & religiones extra Christum sunt idolorum cultus. In solo Christo patri bene complacitum est, qui hunc audit, & facit quod jubet, est dilectus propter dilectum. Iubet autem ipse nos credere verbo suo, baptisari, &c. non eligere novos cultus, &c.

*Falsa & vana cultus Dei.*

*Idolatria incognita mundo.* Supra dixi, opera carnis manifesta esse, ut certe adulterium, fornicatio & similia omnibus nota sunt, Sed idolatria tam speciosa & spiritualis est, ut paucis, & iisdem tantum credentibus in Christum nota sit. Nam Carthusianus cum caste vivit, jejunat, orat, legit horas canonicas, sacrificat, &c. tantum abest, ut credat se esse idolatram, aut opus carnis perficere, ut certo persuasus sit, se agi & duci Spiritu, se ambulare Spiritu, se nihil quam mera spiritualia cogitare, loqui & facere, ac Deo gratissimum cultum præstare. Nemo persuadebit hodie Papistis, quod Missa privata sit summa blasphemia Dei & idolatria, qua horribilior nunquam fuerit in Ecclesia ab Apostolis constituta. Sunt enim excæcati & obstinati, ideo perverse judicant de Deo & rebus divinis, putantes idolatriam esse verum & summum cultum, contra fidem esse idolatriam, &c. Nos vero credentes in Christum & mentem ejus tenentes, judicamus omnia, & à nemine vere & coram Deo judicari possumus.

*Con.*

Ex his satis constat, Paulum vocare carnem, quicquid est in homine, complectendo omnes tres Potentias animæ, scilicet voluntatem concupiscibilem, voluntatem irascibilem & intellectum. Opera voluntatis concupiscibilis sunt, adulterium, scortatio &c. Irascibilis, rixæ, contentiones, cædes, &c. Rationis seu intellectus errores, falsæ religiones seu cultus, superstitiones, idolatria, hæreses, hoc est, scæta, &c. Ista valde prodest nosse. Quia vocabulum carnis in toto regno Papæ sic obscuratum est, ut opus carnis nihil aliud illis significaverit, quam concubitus seu expletam libidinem. Inde necessario sequebatur, quod non potuerint intelligere Paulum. Hic autem clare videmus, Paulum inter opera carnis numerare Idolatriam & hæresim, quas, ut diximus, ratio judicat esse summas virtutes, sapientiam, religionem, sanctitatem & justiciam. Paulus vocat ad Col. 2. religionem Angelorum. Sed quamlibet videatur sancta & spiritualis res, nihil tamen aliud est, quam opus carnis, abominatio & idolatria contra Evangelium, fidem & verum cultum Dei. Hoc vident pii & credentes, qui oculos spirituales habent, Contra justiciarij diversum judicant. Sicut Monacho non potest persuaderi, quod sua vota sint carnis opera. Ita Turca nihil minus credit, quam observationem Alcorani, baptismata, & alios ritus quos observat, esse opera carnis. Magnum profecto est, idolatriam recenseri inter opera carnis, &c.

*Opus carnis, &c.*

*Opus carnis secundum Papistas.*

*Ratio judicat idolatriam & hæresim esse summas virtutes.*

### Veneficium.

De veneficio dixi supra Cap. 3. Frequens fuit vitium his nostris temporibus ante revelatum Evangelium, Me puero multæ erant veneficæ, quæ pecora & homines, præcipue pueros incantabant. Item nocebant segetibus per tempestates & grandines, quas suis veneficijs excitabant. Nunc Evangelio revelato ista non audiuntur. Quia Evangelium exturbat Diabolum è sede cum suis illusionibus,

sionibus, &c. Sed jam magis horribilibus, nempe spiritualibus beneficiis homines incantant. Paulus inter opera carnis enumerat beneficium, quod tamen, ut omnibus constat, non est opus libidinis, sed abusus seu æmulatio idolatriæ. Magia enim pactum facit cum Dæmonibus, Superstitio seu idolatria cum Deo, non vero tamen, sed facticio. Quare idolatria est vere beneficium spirituale. Nam ut veneficæ incantant pecora & homines, ita & idolatræ, hoc est, omnes justiciarii volunt Deum incantare, ut talis sit, qualem ipsi cum suis cogitationibus fingunt, Fingunt autem talem, qui iustificet eos non ex mera gratia & fide in Christum, sed qui respiciat cultus & opera ipsorum electicia, ac propter illa reddat eis justiciam & vitam æternam. Sed seiplos incantant, non Deum. Quia si perseverant in hac sua impia persuasione de Deo, moriuntur in idolatria & damnantur. Pluraque opera carnis satis nota sunt, ideo non opus habent enarratione aliqua.

### Sectæ.

SECTAS hic appellat non illas dissensiones, quæ oriuntur in Oeconomia aut Politia, propter res corporales & mundanas, sed quæ in Ecclesia propter doctrinam, fidem & opera oriuntur. Hæreses, hoc est, sectæ semper extiterunt in Ecclesia, ut supra non uno in loco dictum est. Papa tamen generalis hæresiarcha est & caput omnium hæreticorum. Nam implevit orbem quasi quodam diluvio infinitis sectis. Nulli Monacho convenit cum alio, meriuntur enim sanctitatem ex difficultate ordinum. Hinc Carthusianus vult sanctior haberi Franciscano, &c. Ideo in Ecclesia Papistica nulla est unitas Spiritus, nulla concordia animorum, sed summa discordia, Non est una & eadem Doctrina, fides, religio, cultus & mens, sed omnia sunt diversissima. Contra Christianorum omnia sunt eadem & communia, Verbum, fides, cultus, religio, Sacramenta, Christus, Deus, cor, sensus, anima, voluntas. Et illam spirituales concordiam nihil impedit diversitas Statuum & conditionum in externa conversatione, ut supra aliquoties indicatum est. Et qui hanc unitatem Spiritus habent, penes illos est certum iudicium de omnibus Sectis, quas alioqui nemo intelligit, Ut certe nullus Theologus in Papatu intellexit Paulum hoc loco damnare omnes cultus & religiones, continentiam & in speciem honestam conversationem & sanctam vitam omnium Papistarum & Sectariorum, sed putaverunt cum loqui de crassa idolatria & hæresibus Gentium & Turcarum, qui manifeste nomen Christi blasphemant, &c.

### Ebrietates, Comestiones.

PAULVS non dicit, bibere & edere, opera carnis esse, sed inebriari & comestari, quo nihil est hodie in his terris vulgatius. Qui isti luxui plusquam bestiali dediti sunt, sciant se non esse spirituales, ut maxime tales se esse gloriantur, sed sequi carnem & opera ejus perficere. Ideoque audiunt horribilem sententiam, quod regni Dei hæredes non erunt. Vult ergo Paulus Christianos vitare ebrietatem & crapulam, & sobrie ac frugaliter vivere, ne carne bene pasta irridantur ad lasciviam, ut crete post nimiam crapulam & repletionem stomachi vehementer furere solet crao. Non tamen satis est coercere tantum istam furiosam pruriginem, quæ crapulam comitatur, sed caro etiam sobria subigenda est, ne desideria sua perficiat. Nam sæpe accidere solet, ut maxime sobrii maxime tententur, Ut Hieronymus de se scribit, Pallebant, inquit, ora jejuniis, & mens desideriis aestuabat in frigido corpore, & ante hominem suum jam carne præmortui, sola libidinum incendia bulliebant, &c. Hoc & ego ipse Monachus expertus sum. Ideo sola inedia ardor libidinis non exstinguitur, Sed accedere oportet spiritum, hoc est, meditationem Verbi, fidem & orationem. Ieiunium vincit quidem illos crassos impetus libidinis, ipsa autem desideria carnis nulla abstinencia cibi & potus, sed seria meditatione verbi & invocatione Christi superantur.

b 3

Et his

Mens  
lib. archa.Papa hæresi-  
archa.In Ecclesia Pa-  
pistica summa  
discordia ani-  
morum, &c.Ecclesia Chri-  
stiana concors,  
&c.Ebrietas, Com-  
estiones.Ardor libidi-  
nis qui non  
vincit ieiunium.



*Et his similia.*

*Quia impossibile est enumerare omnia opera carnis. De quibus prædico vobis, sicut prædixi, Quod qui talia agunt, regnum Dei non consequentur.*

*Horribilis sententia à Paulo facta.*

HÆC durissima est sententia, & tamen maxime necessaria contra falsos Christianos & securos hypocritas, qui jactant Evangelium, fidem, Spiritum, & tamen interim securissime perficiunt opera carnis. Præcipue autem hæretici, inflati opinionibus, ut somniant, de rebus spiritualissimis, homines obsessi à Diabolo, & prorsus carnales sunt, ideoq; desideria carnis per omnes potentias animæ perficiunt. Quare summe necessarium fuit tam horribilem & tremendam sententiam ab Apostolo ferri contra tales securos contemptores & obstinatos hypocritas, Quod qui talia opera carnis perficiunt, quæ Paulus recensuit, regnum Dei non consequuntur, Ut vel aliqui ex ipsis, hac severa sententia perterriti, inciperent Spiritu pugnare contra opera carnis, ne ea perficerent.

*Fructus autem Spiritus sunt, Charitas, Gaudium, Pax, Longanimitas, Suavitas, Bonitas, Fides, Mansuetudo, Continentia.*

*Fructus Spiritus.*

NON dicit opera Spiritus, ut opera carnis, sed ornat has virtutes Christianas digniore appellatione, vocans fructus Spiritus. Habent enim maximam utilitatem & fructum. Nam illis præditi tribuunt gloriam Deo, & iisdem invitant alios ad doctrinam & fidem Christi.

*Charitas.*

SATIS fuisset solam charitatem ponere. Dilaturatur enim in omnes fructus Spiritus. Et 1. Corinth. 13. tribuit ei Paulus omnes fructus, qui in Spiritu fiunt, cum ait, Charitas patiens est, benigna est, &c. Voluit tamen eam seorsim hic inter fructus Spiritus numerare & primo loco ponere, ut admoneat Christianos, ut ante omnia sese mutuo diligant, per charitatem alius alium honore præveniat, & quisq; alium præstantiorem se existimet, & hoc propter inhabitantem Christum & Spiritum sanctum, propter verbum, baptismum, & alia divina dona, quæ Christiani habent.

*Gaudium.*

*Scriptura ait, non nos letari in Domino, &c.*

*Gaudium Spiritus.*

EST vox sponsi & sponsæ, hoc est, jucundæ cogitationes de Christo, salubres exhortationes, læta carmina, laudes, gratiarum actiones, quibus sese mutuo adhortantur, exercent & exhilarant pii. Averfatur ergo Deus tristitiam spiritus, odit tristem doctrinam, tristes cogitationes & verba, & delectatur læticia. Non enim misit filium suum ut contristaret, sed ut exhilararet nos. Hinc passim hortantur, imo præcipiunt Prophætæ, Apostoli & Christus ipse, ut gaudeamus & exultemus. Zach. 9. Exulta filia Zion, jubila filia Ierusalem, Ecce Rex tuus venit tibi. Et in Psalm. sæpe, Lætamini in Domino. Paulus, Gaudete in Domino semper, &c. Et Christus, Gaudete quod nomina vestra scripta sunt in cælis. Vbi hoc Gaudium spiritus est, ibi cor intus lætatur per fidem in Christum, certo statuens eum esse Salvatorem & Pontificem nostrum, & foris hoc gaudium verbis & gestibus ostendit. Item lætantur pii, quando Evangelium late spargitur, & multi ad fidem accedunt, atq; ita Christi regnum augetur.

*Zach. 9.  
Psalm.  
Philip.  
Luc. 10.*

*Pax.*

ERGA Deum & homines, ut Christiani placidi & quieti sint, non contentiosi & invicem odio prosequentes, sed alij aliorum onera portent per patientiam. Nam sine patientia pax non potest consistere. Ideo etiam Paulus eam statim post pacem ponit.

*Mansuetudo.*

*Μακροθυμία.*

QVAM puto esse assiduitatem patientiæ, qua aliquis non solum tolerat aduersitates, mala, injurias, &c. sed etiam longanimitèr expectat emendationem illorum, qui eum læserunt. Diabolus cum vi non potest superare tentatos, assiduitate superat. Novit enim nos esse vasa testacea, quæ frequentes & diu durantes ictus & impetus perferre non possint, ideo assiduitate multos vincit, Ad hanc ipsius assiduitatem vincendam opus est longanimitate. Quæ ut emendationem illorum qui vim inferunt, ita quoq; finem tentationum, quas diabolus movet, patienter expectat.

*Diabolus, quos  
vi non potest  
vincere, assidu-  
tate vincit.*

*Χρηστότης.*

EST facilitas & suavitas in moribus & tota vita, Christiani enim non debent esse asperi & morosi, sed lenes, humani, affabiles, comes, quibus cum libenter alij conversentur. Qui dissimulent aliorum errata, aut saltem in bonam partem interpretentur, qui libenter aliis cedant, ferant intractabiles, &c. Vt & gentes dixerunt, Mores amici noveris non oderis. Talis fuit Christus, ut passim cernere est in Evangelio. De S. Petro legitur, quod fleverit quoties recordatus sit suavitatis Christi qua usus est in quotidiana conversatione. Virtus est maxima, & in omni genere vitæ necessaria.

*Suavis Christi*

*Bonitas.*

LIBENTER adjuvare aliorum inopiam, largiri, mutuum dare, &c.

*Fides.*

1. Cor. 13. CVM Paulus hic fidem inter fructus Spiritus numeret, palam est eum non fidem in Christum, sed fidelitatem seu candorem intelligere. Hinc 1. Cor. 13. ait charitatem omnia credere. Qui igitur hanc fidem habet, non est homo suspicax, sed simplicis & candidi cordis. Qui etiam si fallitur & diversum experitur quam credit, tamen adeo lenis est, ut libenter hoc condonet. Summa, omnibus credit, non tamen confidit. Contra, hac virtute carentes, homines sunt suspicaces, difficiles, morosi & virulenti. Nemini cedunt nec credunt, nihil ferre possunt, benedicta & facta aliorum calumniantur & pervertunt, & eos, à quibus non laudantur & magni fiunt, oderunt. Ideo impossibile est eos charitatem, amicitiam, concordiam, pacem cum hominibus servare. His autem ablati, nihil aliud est hæc præsens vita, quam morsus & devoratio. Fides ergo hoc loco est, quod alter alteri fidem adhibet in his rebus, quæ ad præsentem vitam pertinent, Qualis enim esset præsens vita nostra, si alter alteri non crederet?

*Fides hoc loco  
significat fide-  
litatem, &c.*

*Mansuetudo.*

VIRTUS est, quando aliquis non facile commoveretur ad iracundiam, Infinitæ autem sunt occasiones in hac vita, quæ ad iracundiam provocant, sed pijs mansuetudine eas vincunt.

*Continentia.*

EST sobrietas, temperantia seu moderatio in omni vita, quam Paulus opponit operibus carnis. Vult ergo, ut Christiani caste & sobrie vivant, non sint adulteri, scortatores, lascivi, qui si non possint caste vivere, ducant uxores. Item non sint contentiosi, litigatores, &c. non inebrientur, non dediti sint crapulæ, sed ab his omnibus abstineant. Ista omnia complectitur castitas seu continentia. Hieronymus de sola virginitate exponit, quasi conjuges non possint esse casti, aut Apostolus solis virginibus ista scripserit. Certe Tit. 1. 2. admonet Episcopos & adolescentulas mulieres, utrosq; conjuges, ut sint casti & puri.

*Castitas*

*Adversus hujusmodi non est lex.*

EST quidem lex, sed non contra tales. Sic alibi, Lex justo non est posita. Sic enim justus vivit, ut nulla Lege opus habeat, quæ cum admoneat, urgeat & cogat,

*Lex abrogata  
credentibus in  
Christum.*

& cogat, sed sine ulla coactione legis sponte facit, quæ lex exigit. Ideo Lex non potest accusare & reos agere credentes in Christum, nec eorum conscientias perturbare. Terret quidem & accusat, sed Christus fide apprehensus, abigit eam cum suis terroribus & minis. Itaque lex eis simpliciter abrogata est, Non habet igitur jus accusandi eos, Sponte enim faciunt, quod lex requirit. Fide enim Spiritum sanctum conceperunt, qui non sinit eos ociosos esse. Si caro resistit, ambulant spiritu, &c. Sic Christianus intus implet legem fide, Christus enim perfectio legis est ad justiciam omni credenti, Foris operibus & remissione peccatorum. Qui vero opera & desideria carnis perficiunt, hos civiliter & theologice accusat & condemnat Lex.

*Qui autem sunt Christi, carnem suam crucifixerunt cum affectibus & concupiscentiis.*

*Vere credentes.*

*Crucifigere carnem.*

*Armatura Dei.*

ILLE totus locus de operibus ostendit, vere credentes non esse hypocritas, Ideo nemo seipsum decipiat. Quicumque inquit, ad Christum pertinent, crucifigunt carnem cum morbis & vitiis. Sancti enim, quia nondum exuerunt prorsus carnem vitiatam, propensi sunt ad peccandum, non satis timent & diligunt Deum, &c. Item, sollicitantur ad iram, invidiam, impatientiam, libidinem & similes motus, quos tamen non perficiunt. Quia, ut Paulus hic ait, crucifigunt carnem cum passionibus & vitiis. Quod fit, cum non solum jejuniis aut aliis exercitiis petulantiam carnis reprimunt, sed, ut supra Paulus dixit, cum spiritu ambulant, hoc est, cum admoniti divinis comminationibus, quibus comminatur Deus se peccatum severe puniturum, à peccando absterrentur, Item cum Verbo, fide & oratione instructi, non obsequuntur concupiscentiis carnis. Hoc modo resistentes carni, clavis cruci eam affigunt cum affectibus & desideriis, ut, quanquam caro sit viva & adhuc moveat se, tamen non possit perficere quod velit, cum manibus & pedibus ligatis cruci affixa sit. Pij ergo dum hic vivunt, crucifigunt carnem, hoc est, sentiunt quidem concupiscentias ipsius, sed non obsequuntur eis. Induti enim armatura Dei, fide, spe & gladio Spiritus, repugnant carni, ac istis armis spiritualibus ceu clavis quibusdam eam affigunt cruci, ut etiam invita spiritui subjecta esse cogatur. Postea morientes prorsus eam exuunt, & resuscitati habebunt carnem puram sine affectibus & concupiscentiis.

## CAP. VI.

*Si Spiritu vivimus, Spiritu & incedamus, &c.*

*Kenodoxia.*

*Superbia.*

*Inanis gloria  
quanta persequitur.*

**A**VLVS supra inter opera carnis numeravit expresse hæreses & invidias. Et sententiam tulit contra eos, qui invident & autores sectarum sunt, quod regnum Dei non sint consecuturi. Nunc quasi oblitus quid Paulo ante egerit, novo iterum sermone perstringit eos, qui invicem provocant & invident. Cur hoc facit? An non satis erat semel fecisse? Paulus consulto facit, vult enim atrociter invehi in deterrimum vitium, quod *Kenodoxia* vocatur, quod causa fuit perturbationis omnium Ecclesiarum in Galatia, quodq; semper pestiferum & exitiale fuit Ecclesiæ Christianæ. Hinc ad Titum non vult constitui Episcopum superbum. Superbia enim, ut Augustinus verissime ait, est mater omnium hæresum, imo fons est omnis peccati & ruinæ, Id quod testantur historiae sacræ & prophanae. *Kenodoxia* autem semper vulgatissima pestis est in mundo, quod etiam gentiles Poëtæ & Historici vehementer reprehenderunt. Non est pagus, in quo non reperiat unus atq; alter, qui præ aliis non velit sapere & magnifici, &c. Præcipue tamen hoc vitio laborant homines ingeniosi, qui de cru-



de eruditione & sapientia certant. Hic nemo vult alteri cedere, juxta illud, Qui volet ingenio cedere, nullus erit. Pulchrum est enim digito monstrari, & dicier hic est. Italia hodie laborat insigniter *Κηδοξία*, ut olim Græcia. Sed in privatis hominibus, imo etiam magistratum gerentibus, non tam pernicioſa est, ut in his, qui Ecclesiæ præſunt. Quanquam etiam in Politia, præſertim ſi cadat in ſummos viros, non ſolum ſit cauſa perturbationis & everſionis Rerumpublicarum, ſed etiam perturbationis & mutationis regnorum atque imperiorum, Id quod ſacræ & Gentiles Hiſtoriæ teſtantur.

Quando vero iſta peſtis ſerpit in Eccleſiam ſeu regnũ ſpirituale, dici non poteſt quam nocens ſit. Ibi enim non de eruditione, ingenio, pulchritudine, opibus, regnis, imperijs, &c. certatur, ſed aut de ſalute & vita, aut perditione & morte æterna. Ideo graviffime ab hoc vitio dehortatur Paulus eos, qui ſunt in miniſterio verbi, dicens, Si ſpiritu vivimus, &c. Q. d. Si verum eſt quod ſpiritu vivimus, ordine etiam incedamus & ſpiritu ambulemus. Nam ubi ſpiritus eſt, renovat homines, parit in eis novos morus, hoc eſt, ex vane glorioſis, iracundis, invidis, &c. facit humiles, manſuetos, patientes, &c. Tales non ſuam gloriam, ſed Dei quærunt, non invicem provocant & invident, ſed alij alijs cedunt & honore præveniunt. Contra, qui cupidi ſunt gloriæ, qui invicem provocant & invident, illi quidem jactare poſſunt ſe ſpiritum habere, ſe vivere ſpiritu, Sed ſeipſos fallunt, carnem ſequuntur, & ejus opera perficiunt, habentq; judicium ſuum, Quod regnum Dei non conſequentur.

Vt autem nihil peſtilentius, ita nihil magis vulgatum eſt in Eccleſia hoc deteſtabili vitio. Nam ubi Deus extrudit operarios in meſſem ſuam, ſtatim ſuſcitatur & Satan ſuos miniſtros, qui nulla in re inferiores haberi volunt illis, qui rite vocati ſunt. Hic mox oritur diſſidium, Impij ne pilo quidem cedere volunt pijs. Somniant n. ſe longe eos vincere ingenio, doctrina, pietate & ſpiritu (Multo minus pij cedere debent impijs, ne doctrina fidei periclitetur) Deniq; ea eſt natura miniſtrorum Satanæ, quod apud ſuos non ſolum egregie ſimulare norunt charitatem, concordiam, humilitatem & alios fructus Spiritus, ſed etiam ſeſe mutuo laudant, alij alios ſibi præferunt & præſtantiores ſe eſſe dicunt. Ideo nihil minus videri volunt, quam *Κηδοξία*. Imo nihil aliud ſe quærere jurant, quam gloriam Dei & ſalutem animarum. Et tamen interim inanis gloriæ cupidiffimi ſunt, omnia facientes, ut præ cæteris exiſtimatione & laudem apud homines ſibi pariant. Summa, exiſtimant pietatem eſſe quæſtum, & miniſterium verbi ideo traditum, ut per hoc inclareſcant. Ideoq; non poſſunt non eſſe diſſenſionum & ſectarum autores.

Quia ergo *Κηδοξία* Pſeudoapoloſtorum cauſa fuerat, ut perturbarentur Eccleſiæ in Galatia, & deficerent à Paulo, voluit hoc exitiale vitium ſingulari ſermone & capite inſectari. Imo ea peſtis Paulo occaſione dedit ſcribendi hanc totam epiſtolam. Et niſi eam ſcripſiſſet, quicquid laboris in prædicando Evangelio apud Galatas inſumpſiſſet, fruſtra inſumptum fuiſſet. Nam eo abſente regnabant jam in Galatia pſeudoapoloſti, viri in ſpeciem magnæ autoritatis, qui præter hoc, quod ſimulabant ſe quærere gloriam Chriſti & ſalutem Galatarum, converſati etiam fuerant cum Apoſtolis, quorum veſtigia in docendo ſe ſequi jactabant. Deinde quia Paulus Chriſtum in carne non viderat, neq; cum Apoſtolis converſatus fuerat, contemnebant eum præ ſe, ac repudiata ipſius doctrina, ſuam jactabant veram & germanam eſſe. Atq; ita perturbabant Galatas, & ſectas inter ipſos ſuſcitabant, ut invicem provocarent & inviderent. Quod certiffimum ſignum erat, neq; doctores neq; diſcipulos ſpiritu vivere & ambulare, ſed carnem ſequi & ipſius opera perficere, Atq; per conſequens, eos amiſſiſſe veram doctrinam, fidem, Chriſtum, omnia dona Spiritus, & jam deteriores eſſe Gentibus, &c.

Neq; tamen in ſolos Pſeudoapoloſtos, qui ſuo tempore perturbabant Eccleſias, hic invehitur, Sed in Spiritu prævidit, infinitos tales futuros uſque ad finem mundi,

*Non vocati.*

mundi, qui hoc pestilentissimo vitio contaminati, sine vocatione irrupturi essent in Ecclesiam, jactaturi spiritum & cœlestem doctrinam, atq; hoc prætextu veram doctrinam ac fidem everfuri. Tales etiam nostra ætate vidimus multos, qui non vocati ingesserunt se in regnum Spiritus, hoc est, in ministerium verbi, & ad tempus videri voluerunt idem docere quod nos. Eaque simulatione pepererunt sibi nomen & famam, quod essent Evangelij doctores, qui spiritu viverent & ordine incederent. Quam primum autem sua blandiloquentia devinxerunt sibi animos vulgi, statim, quacunque occasione data, deflexerunt à via recta, & aliquid novi cœperunt docere, ut hac ratione inclarescerent, & vulgo prædicarentur, quod ipsi primi ostendissent errores in Ecclesia, abusus abolevisent & correxissent, Papatum evertissent, ac novum aliquod egregium dogma invenissent, Ideoque merito haberent primas inter Evangelicos doctores. Quia vero gloria illorum non in Deo, sed in ore hominum fundata erat, non potuit esse firma & stabilis, sed juxta Pauli prophetiam, facta est confusio, & finis ipsorum perditio. Impij enim non consistunt in judicio, sed tanquam palea rapiuntur & disperguntur à vento.

*Gloria hereticorum, &c.*

*Quid in Evangelio quærendum sit.*

Idem judicium manet omnes, qui sua, non quæ Christi Iesu sunt, in Evangelio docendo quærant. Evangelium enim non est traditum, ut laudem & gloriam nostram inde quæramus, aut ut populus nos ejus ministros veneretur & magnificiat, Sed ut per illud illustretur beneficium & gloria Christi, ut Pater glorificetur in misericordia sua, quam nobis exhibuit in Christo filio suo, quem pro nobis omnibus tradidit, & cum eo nobis omnia donavit. Ideo Evangelium doctrinæ genus est, in quo nihil minus quærere debemus, quam gloriam nostram. Proponit res cœlestes & æternas, quæ nostræ non sunt, quas nos nec fecimus nec meruimus, sed offert eas nobis indignis ex mera benignitate Dei. Cur ergo de eis arrogemus nobis gloriam? Ideo qui in Evangelio suam gloriam quærit, à semetipso loquitur. Qui autem à semetipso loquitur, mendax est, & injusticia in illo est. Contra, qui quærit gloriam ejus, qui milit ipsum, hic verax est & injusticia in illo non est, Iohan. 7. Gravissime ergo monet Paulus omnes verbi ministros, dicens, Si

*Spiritu incedere*

*Iohan. 7.*

*Cur Deus crucem imponat doctores Evangelij.*

*Hieronymi dictum.*

*Augustini dictum.*

Ex his intelligi potest, quod Deus singulari gratia doctores Evangelij cruci & omnis generis afflictionibus subicit, in suam ipsorum & populi salutem, aliqui enim nullo modo hanc bestiam, quæ dicitur *Kivodozia*, posset reprimere & contundere. Nam si doctrina Evangelij meram laudem, admirationem & gloriam apud homines haberet, & nulla prorsus eam sequeretur Persecutio, crux, ignominia, &c. tum certe omnes professores ipsius peste inanis gloriæ inficerentur & perirent. Hieronymus alicubi in hanc sententiam dicit, se multos vidisse, qui potuerint perferre multa incommoda in corpore & fortunis, Qui autem potuerit contemnere laudes suas, neminem. Impossibile enim est, quod aliquis non infletur prædicatione laudum suarum. Paulus Spiritum Christi habens, dicit in hoc sibi datum fuisse angelum satanæ, qui eum colaphis cæderet, ne efferretur magnitudine revelationum. Ideo Augustinus recte ait, Si minister verbi laudatur, versatur in periculo, Si eum frater contemnit, & non laudat, frater in periculo versatur. Qui audit me verbum Dei docere, honorem mihi debet propter verbum, Si honore me afficit, bene facit, si ego autem inde superbio, in periculo sum. Contra, si me contemnit, sum sine periculo, non item ipse.

Itaq; omnibus modis hoc nobis præstandum est, ut bonum nostrum, hoc est, ministerium Verbi, Sacramenta, &c. honore afficiamus, Item ut invicem alijs alijs

alijs honorem habeant, auditores doctoribus, & econtra juxta illud, Honore alij  
 m. 12. alios praevenientes. Sed hoc ubi fit, caro statim his laudibus titillatur & insolescit. *Caro laudibus insolescit.*  
 Nemo enim est etiam ex pijs, qui non libentius cupiat laudari, quam vituperari,  
 Nisi aliquis tam bene obfirmatus sit hac in parte, ut nec laudibus nec convitijs  
 Reg. 14. moveatur. Vt mulier illa 2. Reg. 14. de Davide dicebat, Sicut Angelus Domini,  
 ita est Dominus meus Rex, ut nec benedictione, nec maledictione moveatur.  
 Cor. 6. Item Paulus, Per gloriam & ignominiam, per infamiam & bonam famam, &c.  
 Tales qui nec laudibus efferuntur, nec vituperijs franguntur, sed simpliciter stu-  
 dent beneficium & gloriam Christi praedicare & salutem animarum, quærere,  
 ordine incedunt. Contra, qui praedicatione laudum suarum superbiunt, suam  
 non Christi gloriam quærunt. Aut qui convitijs & infamia moventur, deserant  
 ministerium Verbi, utriq; ordine non incedunt, &c. *Qui ordine incedunt, qui non deserant.*

Quare videat unusquisq; qui spiritum jactat, ut in ordine maneat. Si lau-  
 daris, scito non te laudari, sed Christum, cui omnis laus & gloria debetur. Quod  
 enim pie doces, sancte vivis, non sunt dona tua, sed Dei, Ergo non tu laudaris, sed  
 Deus in te. Hoc ubi agnoveris, in ordine manebis, non effereis gloria (Quid  
 enim habes quod non accepisti?) sed eam acceptam feres Deo. Nec convitijs, in-  
 famia, persecutione moveberis, ut deseras vocationem, &c. Deus ergo singulari  
 gratia hodie obruit gloriam nostram, infamia, acerbissimis odijs, persecutionibus  
 & blasphemijs totius mundi. Deinde contemptu & ingratitude nostrorum  
 hominum, rusticorum, civium & nobilium (Quorum inimicitia & persecutio  
 contra Evangelium, ut est occulta & intestina, ita nocentior est quam hostium,  
 qui palam illud persequuntur, ne de donis nostris superbiamus. Hanc molam asi-  
 nariam oportet suspendi in collum nostrum, ne illa peste inanis gloriae inficia-  
 mur. Sunt quidem aliqui ex nostris hominibus, qui nos reverentur propter mini-  
 sterium verbi. Sed ubi unus est qui nos reveretur, vicissim centum sunt, qui nos  
 oderunt, contemnunt & persequuntur, &c. Illae igitur blasphemiae & persecuti-  
 ones adversariorum & maximus contemptus, ingratitude & acerbissimum oc-  
 cultum odium eorum, inter quos vivimus, jucunda scilicet spectra, ita nos exhila-  
 rant, ut facile obliviscamur inanis gloriae. *Hostes Evan- gelij occulti & manifesti.*

Itaq; gaudentes in Domino, qui est gloria nostra, manemus in ordine.  
 Longè vincimus quidem donis spiritualibus alios, sed quia ea agnoscimus Dei  
 esse, non nostra, donata nobis in aedificationem corporis Christi, non superbi-  
 mus propter illa. Seimus enim plus requiri ab illis, quibus multum commenda-  
 tum est, quam quibus parum commendatum est, Deniq; scimus coram Deo non  
 esse respectum personarum. Ideo non minus placet Deo edituus fidelis in suo do-  
 no, quam doctor verbi, quia eadem fide & spiritu servit Deo. Quare non debe-  
 mus infimos Christianos minus colere, quam ipsi nos. Atque hoc modo mane-  
 mus liberi à peste inanis gloriae, & spiritu incedimus. Contra, fanatici spiritus,  
 quia gloriam suam, favorem & plausum hominum, pacem mundi & quietem car-  
 nis, non gloriam Christi & salutem animarum (etiam si constanter jurent se hoc  
 facere) quærunt, non possunt se continere, quin erumpant, & suam doctrinam ac  
 labores praedicent, aliorum vituperent ac evertant. Hoc unum spectantes, ut no-  
 men & laudem prae alijs acquirant, Nemo, inquit, hoc ante me novit, ego pri-  
 mus hoc vidi & docui, &c. Tales *Keridoxi* non gloriantur in Deo, sed gloriantur,  
 fortes & audaces sunt in applausu vulgi, quem mira arte conciliant sibi. Norunt  
 enim verbis, gestibus & scriptis simulare & dissimulare omnia. Sine plausu vulgi  
 homines pavidissimi sunt, oderunt & fugiunt enim crucem Christi & persecutio-  
 nem. Contra, ubi applaudentem multitudinem habent, nihil tam superbum & te-  
 merarium, nullus Hector, nullus Achilles tam fortis & audax est, quam ipsi  
 sunt. *Non superbi- endum de spiri- tualibus donis.*  
*Van gloriofi.*

Tam subdola igitur bestia est caro, ut propter nullam aliam causam ordi-  
 nem deserat, doctrinam veram depravet & corrumpat ad Ecclesiarum concor-  
 diam



diam dissuat, quam propter maledictam istam *Kerodofia*. Ideo non sine causa tam acriter hic & alibi insectatur eam Paulus. Supra cap. 4. *Emulantur vos*, inquit, non bene, sed excludere vos à me volunt, ut ipsos æmulemini. Hoc est, ipsi volunt me obscurare, ut ipsi inclarescant. Non quærunt gloriam Christi & vestram salutem, sed suam gloriam, meam ignominiam, & vestram servitutem.

*Non efficiamur inanis gloriæ cupidi.*

*Vana gloria.*

*Eam personæ  
& ministerij.*

Id est, ne fiamus vane gloriosi, Quod est, ut dixi, non gloriari in Deo & veritate, sed in mendaciis, opinione, ore ac plausu vulgi. Ibi non est solidum fundamentum gloriæ, sed mendax, ideo impossibile est eam diu durare. Qui laudat hominem ut hominem, mentitur, Quia nihil est in eo laude dignum, sed omnia damnata sunt. Quod igitur ad personam nostram attinet, gloria nostra hæc est, Omnes peccaverunt & coram Deo rei sunt æternæ mortis. Aliud autem est, quando ministerium nostrum laudatur. Quare non solum optare debemus, sed etiam totis viribus conari, ut homines illud magnifaciant & religiose colant. Hoc enim cedit eis in salutem. Paulus admonet Romanos ut neminem offendant, ne bonum, inquit, nostrum blasphemetur. Et alibi, Ne ministerium nostrum vituperetur. Quando igitur ministerium nostrum laudatur, non pro nostra persona laudamur, sed, ut Psalm. ait, in Deo & nomine sancto ejus laudamur.

*Psalm. 34.*

*Invicem provocantes, invicem invidentes.*

*Effectus inani  
gloriæ.*

*Manere in or-  
dine, & deferre  
re ordinem.*

Hic describit effectum inanis gloriæ. Magister erroris & novi dogmatis autor non potest non provocare alios. Qui si dogma ipsius non approbant & recipiunt, statim incipit eos acerbissime odisse. Vidimus nostra ætate quam implacabili odio contra nos arserint fanatici spiritus, quod ipsis cedere & eorum errores approbare nolimus. Nos certe primum eos non provocavimus, neq; impium dogma sparsimus in mundum, Sed abusus in Ecclesia reprehendentes, & articulum justificationis fideliter tradentes, mansimus in ordine. Hunc illi deferentes multa impie docuerunt contra verbum Dei, de Sacramentis, de peccato originali, de verbo vocali, &c. Ibi ne amitteremus veritatem Evangelij, opposuimus nos illis, & eorum perniciosos errores damnavimus. Quod ipsi non ferentes, non solum priores provocaverunt nos sine culpa nostra, sed nobis nunc etiam invident & acerbissime oderunt nos, Nulla alia re accensi, quam vana gloria. Libenter enim nobis obscuratis, ipsi soli regnassent. Somniabant enim magnam gloriam esse profiteri Evangelium, cum tamen revera non sit major coram mundo ignominia, &c.

*Fratres, & si præoccupatus fuerit homo in aliquo delicto, vos qui spirituales estis instaurete eum spiritu mansuetudinis.*

*Sacramentario-  
rum argumen-  
tum contra nos.*

*✠*

ALIUD præceptum morale pulchrum, & hac ætate nostra valde necessarium. Sacramentarij arripiunt hunc locum & ex eo inferunt. Nos debere per patientiam aliquid condonare lapsis fratribus, & illorum errorem dissimulare per charitatem, quæ omnia credit, omnia sperat, omnia tolerat, Præcipue cum Paulus manifestis verbis hic doceat, ut hi, qui spirituales sunt, instaurent errantes spiritu mansuetudinis, Non tanti momenti rem esse, ut propter hunc unum articulum dissuamus concordiam Christianam, qua nihil habet pulchrius aut utilius Ecclesia, &c. Sic amplificanti nobis remissionem peccatorum, & accusant nos esse pertinaces, qui ne pilo quidem eis cedere, neq; ferre errorem ipsorum (quanquam hunc nolint aperte fateri) multo minus spiritu lenitatis eos arguere & reficere velimus. Sic suaves homines se & suam causam ornant, & nos invidia apud multos gravant, &c.

Nulla res (testis est mihi Christus meus) tam vehementer nunc aliquot annis me cruciavit, ut illa in doctrina discordia, cujus me autorem non esse, noverunt optime etiam ipsi Sacramentarij, si modo veritatem fateri volunt. Idem enim,

enim, quod ab initio hujus causæ credidi & docui de justificatione, de Sacramentis & de omnibus alijs doctrinæ Christianæ articulis, adhuc hodie, nisi majore certitudine (ea enim aucta est studio, usu & experientia, deinde magnis & crebris tentationibus) credo & profiteor, & quotidie Christum oro, ut in ea fide & confessione me conservet, & corroboret usq; ad diem adventus sui gloriosi, Amen. Deinde manifestum est per totam Germaniam, à nemine fuisse primum impugnata Evangelij doctrinam. Præterquam à Papistis. Inter hos autem, qui eam suscipiebant, erat summa de omnibus articulis Christianæ doctrinæ concordia, quæ duravit donec prodirent Sectarij cum suis opinionibus novis, non solum de Sacramentis, sed etiam alijs articulis. Hi primi perturbaverunt Ecclesias, & dissuerunt earum concordiam. Ab illo tempore subinde plures, ut aliter fieri non potest, exortæ sunt Sectæ, quas semper majores animorum dissensiones secutæ sunt. Quare contra conscientiam suam hac insigni injuria nos afficiunt, & præter meritum nostrum hac intolerabili invidia coram toto mundo nos onerant. Valde molestum est infontem luere pœnam, præsertim in re tam ardua, quam alius commeruerit.

Sed facile possemus istius injuriæ oblivisci, & eos suscipere ac Spiritu mansuetudinis instaurare, si modo redirent in viam & recto ordine nobiscum incederent. Hoc est, si pie de Coena Domini, & alijs Christianæ doctrinæ articulis sentirent & docerent, ac unanimi consensu nobiscum, non suas opiniones, sed Christum prædicarent, ut glorificaretur filius Dei per nos & per ipsum Pater. Quod autem solum amplificat charitatem & concordiam, & causam Sacramenti extenuant, quasi levis momenti res sit, quomodocunq; de Eucharistia, à Christo Domino nostro instituta, sentiamus, hoc nobis non est ferendum. Sed quantum ipsi concordiam vitæ prædicaverint, tam nos prædicare debemus concordiam doctrinæ & fidei. Quam si nobis integram relinquunt, tum amplificabimus unà cum ipsis etiam charitatis concordiam, quæ longe postponenda est concordia fidei seu Spiritus. Nam si hanc amiseris, Christum amisisti, Illo amisso, nihil proderit tibi charitas. Contrà, si unitatem Spiritus & Christum retines, nihil obest si dissentias ab his, qui Verbum corrumpunt, atque per hoc unitatem Spiritus scindunt. Malo igitur ipsos unà cum toto mundo à me discedere & mihi inimicos esse, quam ut ego à Christo discedam & cum habeam inimicum. Id quod fieret, si relicto ipsius simplici & manifesto verbo, vanis illorum somnijs, quibus Christi verba ad suam sententiam detorquent, adhærerem. Unus Christus mihi major est, quam infinitæ concordia charitatis.

Cæterum cum his, qui Christum diligunt & verbum ipsius pie docent & credunt, offerimus nos non solum servaturos pacem & concordiam, sed etiam laturos eorum infirmitates & peccata, & eos lapsos instauraturos nos, juxta hoc præceptum Pauli, spiritu mansueto. Sic Paulus tulit infirmitatem & lapsum Galatarum & aliorum, quos subverterunt Pseudoapostoli, cum ex animo resipiscerent. Sic recepit in gratiam incestum illum Corinthium. Item Onesimon fugitivum servum, quem Romæ in vinculis Christo genuerat, reconciliavit Domino suo. Ideo quod hic & alibi docet de suscipiendis infirmis & instaurandis lapsis, re ipsa præstitit. Sed erga eos, qui sanabiles fuerunt, hoc est, qui ex animo agnoscentes peccatum, lapsum, errorem, resipuerunt. Contrà cum Pseudoapostolis obstinatis & defendentibus doctrinam suam non esse erroneam, sed veram, durissime egit. Utinam, inquit, abscindantur, qui vos perturbant. Deinde qui conturbat vos, portabit judicium, quicumq; tandem fuerit. Item, Etiam si nos aut Angelus è coelo, &c. Anathema sit. Neq; dubium est, quin multi defenderint contra Paulum Pseudoapostolos, & dixerint, Eos æque habere Spiritum, æque esse ministros Christi, & Evangelium docere, ac Paulum. Qui etiam si per omnia cum Paulo in doctrina non consentiant, tamen ideo non debere cum contra ipsos ferre tam horribilem sententiam. Illa pertinacia eum nihil aliud effice-

*Concordia fidelis  
preferenda con-  
cordia charitatis.*

*Omnes quibus  
servanda pax  
& concordia.*

*Paulus lapsus  
agnoscentes suum  
errorem, in  
gratiam recepit,  
contra, &c.*

*Defensores  
Pseudoapostolorum.*

re quam

re, quam perturbare Ecclesias, & earum pulcherrimam concordiam dissuere, &c. His vocibus nihil motus, securissime maledicit & damnat Pseudoapostolos, vocans conturbatores Ecclesiarum & eversores Evangelij Christi, Contra doctrinam suam ita extollit, ut velit ei simpliciter cedere omnia, concordiam charitatis, Apostolos, Angelum e coelo, &c.

*Ad quos pertineat remissio peccatorum.*

Ita nec nos sinimus Causam hanc extenuari. Quia is, cujus causa hæc est, magnus est. Semel quidem fuit parvus cum in præsepi jaceret, & tamen adeo magnus tum erat, ut ab Angelis adoraretur, & Dominus omnium prædicaretur, Itaque non patiemur in ullo articulo Verbum ipsius lædi. In articulis Fidei nihil parvum aut tenue nobis videri debet, quod remittere debeamus aut possimus. Remissio enim peccatorum pertinet ad infirmos in fide & moribus, qui agnoscunt peccatum & veniam petunt, Non ad eversores doctrinæ, qui non agnoscunt suum errorem & peccatum, sed hostiliter defendunt, veritatem & justiciam esse. Ea; re efficiunt, ut amittamus remissionem peccatorum. Quia verbum quod prædicat & affert remissionem peccatorum, depravant & negant. Quare prius in Christo nobiscum concordantes fiant, h. enim agnoscant peccatum & emendent suum errorem, Si tum defuerit nobis spiritus mansuetudinis, merito nos acculare poterunt.

*Quæ peccata remittenda.*

Et qui diligenter expendit verba Apostoli, clare videt eum non loqui de hæresibus, aut peccatis, contra doctrinam, sed de longe inferioribus peccatis, in quæ homo labitur non ex destinata malitia aut proposito, sed ex infirmitate. Hinc utitur etiam tam clementibus & paternis verbis, non vocans errorem aut peccatum, sed delictum, Deinde ut extenuet & quasi excuset peccatum, ac totam culpam ab homine transferat, addit, Si præoccupatus fuerit homo, id est, circumventus à Diabolo aut à carne. Et vocabulum hominis etiam valet ad extenuationem rei, q. d. Quid est homini tam proprium, quam labi, decipi & errare posse? Sic Moses in Levitico ait, Sicut homines solent peccare: Est ergo sententia consolationis plenissima, quæ me semel in summo certamine à morte liberavit. Quia igitur Sancti in hac vita non solum in carne vivunt, sed etiam quandoque instinctu Diaboli concupiscentiam carnis perficiunt, hoc est, labuntur in impatientiam, invidiam, iram, errorem, dubitationem, diffidentiam, &c. (Satan enim perpetuo impugnat utrumque, & puritatem doctrinæ, quam conatur tollere per sectas & discordias, & integritatem vitæ, quam per quotidiana delicta & offensiones polluit) docet Paulus, quo modo cum talibus lapsis agendum sit, nempe ut hi, qui firmi sunt, instaurent eos spiritu leni.

*Satan insidiat in doctrina & vita, &c.*

*Relatores Ecclesiarum quomodo agere debeant cum lapsis, &c.*

Ista maxime prodest scire eos qui Ecclesijs præsumt, ne dum omnia ad vivum refecare student, hujus paterni & materni affectus obliviscantur, quem Paulus hic requirit ab his, qui curam animarum gerunt. Et hujus præcepti sui proposuit exemplum 2. Cor. 2. cap. ubi inquit, Sufficere illi excommunicatio, objugationem, quæ à pluribus facta sit, debere nunc eos condonare & consolari illum, ne immodica tristitia absorbeatur. Propter quod, inquit, obsecro vos, exercete erga illum charitatem, &c. Quare Pastores acriter quidem objugare debent lapsos, sed ubi viderint contristatos, incipiant erigere & consolari, & peccata ipsorum, quantum possunt, extenuare, per misericordiam tamen, quam peccatis opponere debent, ne lapsi immodica tristitia absorbeantur. Quam pertinax est Spiritus sanctus in doctrina fidei retinenda & defendenda, tam facilis & clemens est in peccatis ferendis & extenuandis, modo hi, qui ea commiserunt, de eis doleant.

*Papa & Episcopi carnifices conscientiarum.*

Sed Synagoga Papæ, ut in alijs omnibus, ita etiam hic diversum à præcepto & exemplo Pauli docuit & fecit. Pontifex Romanus & Episcopi vere fuerunt tyranni & carnifices conscientiarum, Subinde enim novis traditionibus onerarunt & propter levissimas causas excommunicatione perdiderunt conscientias. Et ut facilius obsequerentur conscientie vanis & injustis ipsorum terroribus, allegarunt has Gregorij Papæ sententias, Bonarum mentium est, timere culpam, ubi non est culpa. Item Sententiæ nostræ etiam injustæ metuendæ sunt. Istis senten-

*Gregorij sententia.*

senten-



sententijs, quas Diabolus in Ecclesiam invexit, stabilierunt excommunicationem, & istam majestatem toti mundo formidabilem Papatus. Non est opus illa bonitate mentium, sed satis est ibi agnoscere culpam, ubi culpa est. Quis dedit tibi, Satan Romane, potestatem, ut terreas & damnes injustis sententijs mentes ante perterrefactas? quæ potius erigendæ, à falsis terroribus liberandæ, & à mendacio ad veritatem reducendæ erant. Hoc omittis, & (juxta titulum tuum, Homo peccati & filius perditionis) fingis culpam ubi non est culpa. Ea est verissime verusutia & impostura Antichristica, qua excommunicationem & tyrannidem suam Papa potentissime confirmavit. Nemo enim potuit injustas sententias ejus contemnere, nisi qui esset præfractus & insigniter malus, ut quidam Principes eas contempserunt, Sed reclamante conscientia, quia in istis tenebris non intellexerunt illas maledictiones Papæ vanas esse.

*Quibus modis  
Papa tyrannidem & potentiam suam confirmavit.*

Discant igitur illi, quibus cura regendarum conscientiarum commissa est, ex hoc præcepto Pauli, quo modo lapsos tractare debeant, Fratres, inquit, si homo præoccupatus fuerit, non exacerbate aut contristate amplius, non rejicite aut dammate, sed corrigite, reficite seu instaurate eum, (Ea enim vis est græci vocabuli) & quod de ipso periit per fraudem Diaboli, aut infirmitatem carnis, hoc mansuetudine vestra sarcite. Regnum enim, in quod vocati estis, non pavoris & tristitiæ, sed fiduciæ & lætitiæ regnum est. Si igitur videritis aliquem fratrem contritum propter admissum peccatum, accurrite & ei lapso porrigite manum, suavibus verbis consolamini, & maternis brachijs amplectimini eum. Duros & obstinatos, qui sine timore securi in peccatis perseverant & pergunt, acriter objurgate. Contra, qui præoccupantur delicto, & contristantur ac dolent de lapsu, erigendi & instruendi sunt per vos qui spirituales estis. Et hoc spiritu mansuetudinis, non zeli, justitiæ aut sævitiae, ut quidam Confessores fecerunt, qui dum reficere debebant stribunda corda suavi aliqua consolatione, pota verunt ea, sicut Judæi Christum in cruce, felle & aceto.

*Quomodo lapsi tractandi.*

*Spiritus mansuetudinis.*

*2erh. 34.*

Ex his satis intelligimus, remissionem peccatorum non debere valere in doctrina, ut Sacramentarij contendunt, sed in vita & nostris operibus. Ibi nemo alium condemnet, non increpet in furore, & austeritate. Ut Ezech. dicit de pastoribus Israel, quod cum austeritate & violentia imperaverint gregi Dei. Sed frater fratrem lapsum consoletur spiritu mansueto. Et vicissim lapsus audiat verbum erigentis se, & credat ei. Non enim vult Deus elisos abjci, sed erigi, ut Psalmus ait. Impendit enim plus pro eis quam nos, nempe vitam & sanguinem suum. Debemus igitur & nos summa lenitate tales suscipere, sanare & juvare. Quare non negamus veniam Sacramentarijs aut alijs impiarum sedarum autoribus, sed ex animo condonabimus eis contumelias & blasphemias, in Christum, Item injuriarum, quibus nos affecerunt, nunquam recordabimur, modo poenitentiam agant, impium dogma, quo Ecclesias Christi perturbarunt, deferant, & deinceps recto ordine nobiscum incedant. Si autem in errore perseverant & ordinem dissipant, frustra à nobis requirunt remissionem peccatorum.

*Nemini neganda remissio, si poenitentiam agat.*

*Considerans teipsum, ne & tu tenteris.*

HÆC satis gravis admonitio est ad contundendam austeritatem & sævitiam illorum, qui lapsos non erigunt & instaurant. Non est, ait Augustinus, peccatum quod fecit homo, quod alius non possit facere. Nos adhuc in lubrico versamur, ideo si superbimus & ordinem deserimus, nihil facilius possumus, quam labi. Recte igitur ille dixit in Vitis patrum, cum deferretur ad eum, quendam ex fratribus fuisse prolapsum in fornicationem, Ille heri, inquit, Ego hodie. Addit ergo Paulus hanc seriam admonitionem, ne Pastores duri & inclementes sint erga lapsos, neve cum Phariseo suam sanctitatem ex illorum peccatis metiantur. Sed affectu materno erga ipsos tangantur & cogitent, Hic lapsus est, fieri potest ut & tu quoque labaris multo periculosius & turpius quam ipse. Et si hi, qui adeo

*Distum gustum.*

*Ille heri, Ego hodie.*

proclives sunt ad iudicandum & condemnandum alios, recte intuerentur peccata sua, deprehenderent lapsorum peccata esse festucas, sua peccata maximas trabes.

*Lapsus David.* Qui igitur stat, videat ne cadat. Si David vir tam sanctus, plenus fide & spiritu Dei, & qui tam insignes promissiones habuit, ac res maximas pro Domino gesserat, tam turpiter labitur, ac jam pene proventus ætate juvenili ardore præcipitatur, post tot & tam varias tentationes, quibus eum Deus exercuit, quid de nostra constantia præsumeremus? Ostendit autem nobis Deus ejusmodi exemplis primum nostram infirmitatem, ne efferamur, sed timeamus. Deinde iudicium suum, quod nihil minus ferre possit, quam superbiam vel erga se vel erga fratres. Non frustra igitur dicit Paulus, Considerans teipsum, ne & tu tenteris. Qui exercitati sunt tentationibus, noverunt quam necessarium sit hoc præceptum. Contra, qui illis non sunt probati, non intelligunt Paulum, ideoque nulla misericordia tanguntur erga lapsos, Vt cernere fuit in Papatu, ubi mera tyrannis & crudelitas regnavit.

*Alter alterius onera portate, & sic adimplebitis legem Christi.*

*Lex Christi.* HUMANISSIMUM præceptum, cui addidit summam commendationem tanquam Epiphonema. Lex Christi est lex charitatis, Christus postquam redemit, renovavit & constituit nos suam Ecclesiam, nullam nobis legem dedit, præterquam illam de mutua charitate. Iohan. 13. Mandatum novum do vobis, ut diligatis invicem, sicut dilexi vos. Item, In hoc cognoscent omnes, quod discipuli mei estis, &c. *Diligere.* Diligere autem, non est, ut Sophistæ nugantur, alteri bonum velle, Sed ferre alterius onera, hoc est, illa ferre, quæ tibi molesta sunt, & non libenter fers. Opõrtet igitur Christianum habere fortes humeros & robusta ossa, quæ possint ferre carnem, hoc est, infirmitatem fratrum, quia Paulus dicit eos habere onera & molestias. Charitas ergo dulcis, benigna, patiens est, non in recipiendo, sed exhibendo. Cogitur enim ad multa connivere & ea portare. In Ecclesia vident Doctores pij errata & peccata multa, quæ portare coguntur. In Politia nunquam respondet obedientia subditorum legibus Magistratus. Ideo nisi norit Magistratus dissimulare, non erit idoneus ad rempublicam gubernandam. In Oeconomia multa fiunt, quæ displicent patrifamilias. Sed si ferre & egregie connivere possimus ad nostra vitia & peccata, quæ quotidie multa committimus, seramus etiam aliorum. Iuxta illud, Alter alterius onera portate, &c. Item, Diliges proximum tuum sicut teipsum. *Charitas.*

Cum igitur in omni vitæ statu & omnibus hominibus sint vitia, proponit Paulus Christianis legem Christi, qua admonet eos, ut alij aliorum onera portent. Qui hoc non faciunt, illi satis testantur se ne apiculum quidem intelligere de lege Christi, quæ est lex charitatis, quæ ut Paulus 1. Corinthios 13. ait, omnia credit, omnia sperat, omnia onera fratrum portat, Salvo tamen semper primo ordine, in quo peccantes non transgrediuntur legem Christi, id est, charitatem, non lædunt proximum, sed Christum & regnum ipsius, quod sanguine proprio paravit. Hoc regnum non conservatur lege charitatis, sed Verbo, fide & Spiritu. Ad illos igitur, qui Christum negant, & non solum non agnoscunt, sed etiam defendunt peccatum suum, Deinde ad illos, qui perseverant in peccatis (qui etiam partim Christum negant) non pertinet hoc præceptum, ut onera ipsorum portentur, sed relinquendi sunt, ne communicemus operibus ipsorum malis. Contra, qui credunt & libenter audiunt verbum, & tamen contra voluntatem suam prolabantur in peccatum, & admoniti non solum audiunt, sed detestantur peccatum, ac sese emendare student, Illi præoccupantur & onera habent, quæ Paulus jubet nos portare. Hic non simus inclementes & severi, sed exemplo Christi, qui tales tolerat & portat, toleremus ac portemus nos etiam eos. Si ipse non punit tales, quod tamen jure posset, multo minus nos, &c.

Nam

*Nam si quis existimat se aliquid esse, cum nihil sit, ipse se seducit.*

Hic iterum perstringit Sectarum autores, & pingit eos suis coloribus, <sup>Amoristi-</sup> quod duri & sine omni affectu misericordiae sint, qui contemnant infirmos, eo- <sup>rum.</sup> rum onera non portent, sed omnia ad amussim (vt quidam morosi mariti & asperi praeceptores) exigant. Quibus nihil placeat, nisi quod ipsi fecerunt. Quos deniq; semper habueris acerbissimos hostes, nisi omnia eorum dicta & facta probaveris, & per omnia te ipsorum moribus accommodaveris. Sunt igitur homines superbissimi, qui omnia sibi arrogare audent. Hoc est quod Paulus hic ait, Existimant se aliquid esse, hoc est, habere Spiritum, intelligere omnia mysteria scripturarum, non posse errare & labi, non indigere ulla remissione peccatorum. Ideo Paulus recte addit, eos nihil esse, sed seipsum stultis persuasionibus de sapientia & sanctitate fallere. Nihil ergo neq; de Christo neq; de lege Christi intelligunt, alioqui dicerent, Tu frater hoc vitio laboras, ego alio laboro, Deus remisit mihi <sup>Matth. 18</sup> decem millia talentorum, remittam & tibi centum denarios, &c. Cum vero ad unguem omnia exquirere & nulla prorsus infirmorum onera tolerare & portare velint, hac sua ipsorum asperitate multos offendunt, qui incipiunt contemnere, odisse & fugere eos, non petunt ex eis consilia & consolationes, non curant quid aut quo modo doceant. Cum contra deberent pastores potius ita se gerere erga illos, quibus praesunt, vt colerent & admirarentur eos, non propter ipsorum personam, sed ministerium & virtutes Christianas, quae in ipsis maxime elucere debent.

Pulcherrime igitur pinxit hoc loco Paulus tales tetricos & immisericordes Sanctos, cum dicit, Existimant se aliquid esse, hoc est, inflati suis stultis opinionibus & somnis inanibus habent de se mirificam scientiae & sanctitatis persuasionem, <sup>Despicunt se.</sup> & tamen revera nihil sunt, sed seipsum tantum decipiunt. Manifesta enim decipio est, cum aliquis persuasus est, se aliquid esse, & tamen nihil est. Tales describuntur Apoc. Cap. 3. his verbis, Tu dicis te esse divitem & locupletem ac nullius indigere, sed nescis quod es miser & miserrabilis, pauper, caecus ac nudus, &c.

*Opus autem suum probet unusquisq; & tunc in semetipso tantum gloriam habebit, & non in alio.*

PERGIT in illa correptione hominum detestabilium, qui vocantur vane <sup>Vana gloria.</sup> gloriosi. Est enim odibile & maledictum vitium illa vanae gloriae cupiditas, quod omnium malorum causam parit, quodq; simul politias & conscientias perturbat, Et quidem in spiritualibus est plane immedicabile malum. Quanquam autem hic locus possit intelligi de operibus ipsius vitae seu conyersationis, tamen principaliter urget Apostolus opus ministerij & invehitur in <sup>κενοδοξοι</sup> illos, qui perturbant suis fanaticis opinionibus recte institutas conscientias. Est autem hoc proprium eorum, qui <sup>κενοδοξοι</sup> laborant, quod prorsus nihil curant, an opus, id est, ministerium suum purum sit nec ne, Sed id unicum spectant, ut plausum vulgi mereantur. Sic PseudoApostoli cum viderent Paulum pure praedicasse Galatis Evangelium, nec se melius quicquam afferre posse, coeperunt recte & pie ab eo tradita calumniari, & suam doctrinam anteferre doctrinae Pauli, eaq; arte conciliaverunt sibi favorem Galatarum, & Paulum fecerunt ipsis invisum. Quare <sup>κενοδοξοι</sup> <sup>Tria vitia vanae gloriae.</sup> conjungunt haec tria vitia. Primum vanae gloriae cupidissimi sunt. Deinde mire ingeniosi sunt ad calumniandum aliorum benedicta & facta, ut hac via populi applausum acquirant. Tertio, cum illustres facti sunt apud vulgum, alieno tamen labore & periculo, tam fortes & animosi fiunt, vt nihil non audeant, Sunt igitur homines pestiferi, & omni maledictione digni, quos odi cane peius & angue. Nam quae sua sunt quaerunt, non quae Christi Iesu, &c.

Contra tales hic agit Paulus, Q. d. Eiusmodi vane gloriosi spiritus in hunc finem opus suum faciunt, id est, docent Evangelium, ut gloriam & plausum apud homines acquirant, hoc est, ut praedicentur ab illis insignes & egregij doctores,



doctores, quibus cum Paulus & alij conferri non possint. Vbi hanc existimationem adepti sunt, incipiunt calumniari aliorum labores, dicta & facta, & sua magnifice prædicare. Eaquæ versutia dementant animos vulgi, quia habet prurientes aures, non solum delectatur novis dogmatibus, sed etiam gaudet eos, quos antea doctores habuit, obscurari & premi à novis illis, gloriosis, ut somniat, doctoribus, propter satietatem & nauseam Verbi. Hoc, inquit, fieri non debet, sed unusquisque sit fidelis in ministerio suo, non quærat gloriam propriam, &c. nec confidat in temere applaudentem multitudinem. Sed hoc tantum curet, ut probe opus suum faciat, id est, pure doceat Evangelium. Quod si opus eius rectum fuerit, sciat non defuturam sibi gloriam apud Deum, deinde etiam apud pios. Quod interim apud ingratum mundum nullam laudem meretur, hoc nihil moveat eum. Scit enim illum esse finem ministerij sui, non ut ipse, sed ut Christus inde glorificetur. Ideo instructus armis justitiæ à dextra & sinistra, constanti animo dicat, Non incepti docere Evangelium, ut mundus honorem mihi deferret. Ideo neque propter ignominiam, qua me afficit, desistam. Is docet verbum, & peragit ministerium suum sine ullo respectu humano, sine ulla cura laudis, gloriæ, fortitudinis, sapientiæ, &c. Non niritur aliorum laude, sed eam habet in semetipso.

Quare qui recte & fideliter administraverit officium suum, nihil curat quid mundus de se loquatur, non curat sive laudet sive vituperet eum, sed habet gloriam in semetipso, quæ est testimonium conscientiæ & gloria in Deo. Ideoque cum Paulo dicere potest, Gloria nostra hæc est, testimonium conscientiæ nostræ, quod in simplicitate & sinceritate Dei, non in sapientia carnali, sed in gratia Dei conversati sumus in hoc mundo, &c. Illa gloria est pura & stabilis. Non enim pendet à iudicio aliorum, sed à conscientia propria, quæ nobis testimonium præbet, nos recte docuisse, recte administrasse Sacramenta, & omnia recte fecisse, ideoque non potest contaminari aut tolli. Altera illa, quam habent κακός, est incerta & periculosissima gloria. Quia non habent eam in semetipsis, sed pendet ex ore & opinionibus vulgi. Ideoque non possunt habere testimonium propriæ conscientiæ, quod omnia simplici & sincero animo, tantum ad illustrandam gloriam Dei, & salutem animarum promovendam fecerint. Huc enim spectant, ut ipsi ex opere seu labore prædicationis suæ inclarescant & glorificentur ab hominibus. Habent igitur gloriam, fiduciam & testimonium, sed apud homines, non apud semetipsos, neque apud Deum. Hoc modo pii non cupiunt habere gloriam. Si Paulus habuisset laudem & gloriam apud homines, non apud semetipsum, coactus fuisset desperare, cum videbat multas civitates, regiones & totam Asiam à se deficere, cum videbat tot scandala & sectas prædicationem suam sequi. Christus cum solus erat, hoc est, cum non solum à ludæis quæreretur ad mortem, sed etiam à suis discipulis relinqueretur, tamen solus non erat, sed Pater cum illo erat. Quia gloriam habebat in semetipso.

Sic si hodie nostra fiducia & gloria penderet ex hominum iudicio & favore, cogeremur brevi tristitia animi perire. Tantum enim abest, ut Papistæ, fanatici spiritus & totus mundus aliqua gloriæ & laude dignos nos judicent, ut etiam acerbissime oderint & persequantur nos, Imo libenter ministerium & doctrinam nostram extreme blasphemarent & prorsus everterent. Nihil ergo habemus apud homines, nisi meram ignominiam. Sed gaudemus & gloriamur in Domino, Ideo securi & læti summa fide & diligentia officium, in quod constituit nos Deus, quodque ei gratum esse scimus, administramus. Hoc facientes, nihil curamus, sive placeat siue displiceat Diabolo opus nostrum, siue mundus faveat siue invidet nobis. Scientes enim opus nostrum, probe factum esse, & habentes bonam conscientiam coram Deo, recta incedimus per gloriam & ignominiam, per infamiam & laudes, &c. Hoc Paulus vocat gloriam in semetipso habere.

Et hæc valde necessaria admonitio est contra hoc nocentissimum vitium. Quia Evangelium ejusmodi doctrina est, quæ de sua natura, deinde etiam malitia

litia Satanae affert crucem. Hinc Paulus vocare solet Verbum crucis & scandalum. *Discipuli & angeli.* Non habet perpetuo constantes discipulos, qui hodie accedunt & profitentur illud, cras, offensi Cruce, iterum deficiunt & negant illud. Ideo qui propter plausum & laudem ex hominibus venandam docent Evangelium, illos necesse est perire, & eorum gloriam in ignominiam verti, quando populus cessat eis applaudere. Discat igitur unusquisque doctor, ut gloriam non in ore aliorum, sed in semetipso positam habeat. Si qui sunt qui laudant eum, ut vere pii solent (per gloriam & ignominiam inquit Paulus) recipiat hanc gloriam, sed velut accidens gloriae. Substantiam autem gloriae ducat esse testimonium conscientiae suae. Is tunc probat suum opus, hoc est, nihil sollicitus de sua gloria, hoc unicū spectat, ut probe administret officium suum, hoc est, ut pure doceat Evangelium, & legitimum usum Sacramentorum ostendat, &c. Cum ita probat opus suum, habet gloriam in semetipso, quam nemo ei eripere potest, quia eam bene plantatam, fixam & firmatam habet in corde suo, non ore aliorum, quos Satan potest facillime avertere & ex eorum ore & lingua paulo ante benedicente, maledicentissimam facere. *Opus suum probare.*

Si igitur, inquit Paulus, cupidi estis gloriae, quaerite eam dextre & solide, non ut posita sit in ore aliorum, sed in corde vestro. Hoc tum fit, cum probe feceritis officium vestrum. Ita quoque futurum est, ut gloriam, quam in vobis ipsis habetis, sequatur etiam aliquando gloria apud alios. Quod si vero in alijs tantum, non in vobis ipsis gloriemini, sequetur ignominiam & confusionem illam, quam habetis intus in corde, etiam confusio foris apud alios. Hoc vidimus aetate nostra in quibusdam spiritibus fanaticis, qui non probabant opus suum, id est, non curabant ut pure Evangelium docerent, sed eo abutebantur ad plausum vulgi contra secundum praeceptum. Ideoque internam ipsorum confusionem secuta est etiam externa. Iuxta illud, Non habebit Dominus eum in fontem, qui vane usurpaverit nomen ipsius. Item, Qui me contemnunt, erunt ignobiles. Contra, si primum gloriam Dei quaerimus per ministerium Verbi, certo sequetur etiam gloria nostra, iuxta illud, Qui me honorificaverit, glorificabo eum. Summa, Unusquisque probe, id est, diligenter curet, ut suum ministerium fidele sit. Nam hoc maxime requiritur in ministris verbi. 1. Corinth. 4. Quid. Quisque studeat hoc unum praestare, ut pure & fideliter doceat verbum, nihilque spectet quam gloriam Dei & salutem animarum, tum opus suum fidele & solide bonum est, habetque in conscientia sua gloriam, eam videlicet, quod cum fiducia potest dicere, Haec doctrina & ministerium meum placet Deo. Quae profecto excellens & magnifica gloria est, &c.

Potest autem illa sententia etiam commodè applicari ad opera, in quocunque vitae genere à pijs facta. Ut qui magistratus, paterfamilias, servus, praeceptor, discipulus, &c. est, maneat in vocatione sua, ac in ea probe & fideliter officium suum faciat, nihil sollicitus de his operibus, quae non sunt vocationis suae. Hoc faciens, habet gloriam in seipso. Potest enim dicere, Qua potui fide & diligentia feci opus vocationis divinitus mihi mandatum, ideoque scio hoc opus in fide & obedientia Dei factum, placere Deo. Si id calumniantur alij, parum refert. Semper enim sunt, qui contemnunt & calumniantur doctrinam & vitam piorum. Sed Deus severe minatus est se destructurum calumniatores. Ideo cum tales diu anxie quaerunt vanam gloriam, & vere pios suis calumnijs conantur obscurare, accidit illis quod Paulus dixit, Quorum gloria confusio erit. Et alibi, Insipientia eorum nota fiet omnibus. Per quem? Per Deum justum judicem, qui, ut illorum calumnias traducet, ita piorum justiciam educet sicut meridiem, Psal. 37. Particula, In semetipso, ut hoc etiam obiter admoneam, sic accipienda est, ne tamen excludatur Deus. Ut scilicet unusquisque sciat opus suum, in quocunque tandem pio vitae genere sit, esse divinum opus. Quia est opus vocationis divinae habens mandatum Dei.

*Unusquisque enim suum onus portabit.*

In morte & die  
iudicii non pro-  
dest aliorum  
laus, &c.

EST quasi ratio superioris sententiæ, ne quis innitatur aliorum iudicijs de se, Q. d. Extrema dementia est, quod quæris gloriam in alijs, & non in temetipso. In agone enim mortis & novissimo iudicio, nihil proderit tibi quod alij te laudaverint. Nam onus tuum alij non portabunt, sed tu stabis ad tribunal Christi, & solus portabis onus tuum. Ibi nihil juvare te poterunt laudatores tui, Nam morientibus nobis cessant istæ laudantium voces. Ac in illo die, quo judicabit Dominus occulta hominum, stabit testimonium conscientiæ pro te aut contra te. Contra te, si habueris gloriam in alijs, pro te, si eam habueris in temetipso, hoc est, si conscientia tua testimonium tibi præbuerit, quam probe & fideliter administraveris ministerium Verbi, spectando tantum gloriam Dei & salutem animarum, vel tuum officium secundum vocationem recte feceris. Et illa verba, Vnusquisq; portabit iudicium suum, satis vehementia sunt, quæ certe perterrefacere nos deberent, ne inanis gloriæ cupidi essemus.

Collatio operum  
bonorum & hy-  
pocriticorum.

Porro observandum est, nos hic non versari in loco justificationis, vbi nihil valet nisi mera gratia & remissio peccatorum, quæ sola fide apprehenditur. Vbi omnia opera, etiam illa, quæ sunt optima, & secundum divinam vocationem facta, opus habent remissione peccatorum, quia perfecte non facimus ea. Sed hæc alia causa est, Non agit hic de remissione peccatorum, sed confert vera & hypocritica opera. Quare ista sic debent accipi, Quod etsi opus seu ministerium pii pastoris non tam perfectum sit, quin indigeat remissione peccatorum, tamen in se probum & perfectum est, respectu ministerij vane glorioforum, Sic nostrum ministerium est probum & solidum. Quia gloriam Dei & salutem animarum per illud quærimus. Contra, fanaticorum spirituum non est tale, Quia gloriam suam quærunt, Quamquam igitur nullum opus conscientiam possit tranquillam reddere coram Deo, tamen necesse est nos certo posse statuere, quod opus nostrum fecerimus in sinceritate, veritate & vocatione diuina, hoc est, quod verbum Dei non corruperimus, sed illud pure docuerimus, &c. Hoc conscientiæ testimonio de ministerio recte administrato, & vita etiam bene peracta, nobis opus est. Eatenus igitur gloriari debemus de operibus, quatenus scimus ea mandata à Deo, & ei grata esse. Vnusquisque enim in extremo iudicio portabit onus suum, ideo alieni laudatores ibi non proderunt.

Vana gloria.

Haftenus infectatus est pestilentissimum vitium vanæ gloriæ, ad quod depellendum nemo tam firmus est, qui non assidua oratione opus habeat. Quis enim etiam pius non delectatur laudibus suis? Solus Spiritus Sanctus conservare nos potest, ne illa peste inficiamur.

*Communicet autem is, qui catechizatur verbo, ei qui se catechizat in omnibus bonis.*

Præceptum de  
abundantia verbi  
ministerij.

HIC concionatur discipulis seu auditoribus Verbi, ut impertiant omnia bona Doctoribus. Olim sæpe miratus sum, cur Apostolus tam diligenter præciperet Ecclesijs, vt doctores suos alerent. Videbam enim in Papatu mira largitate omnes conferre omnia ad extruenda magnifica templa, ad stipendia amplificanda, augendosq; redditus illorum, qui sacra tractabant. Hinc & Episcoporum & aliorum Clericorum dignitas atq; opes sic creverunt, vt passim occupaverint cultissimas & optimas terras. Existimabam igitur Paulum frustra hæc præcepisse, cum omnia bona clericis non solum abunde donabantur, sed etiam largissimè affluebant. Ideoq; potius dehortandos homines cogitabam, ne amplius darent, quam adhortandos ut darent. Videbam enim ista nimia hominum largitate, crescere avaritiam clericorum, &c. Sed nunc cognoscimus causam, cur prius abundaverint omnibus bonis, jam egeant Pastores & verbi ministri. Prius cum impia & falsa docerentur, tam abunde affluebant omnia, ut ex patrimonio Petri (qui negat se argentum & aurum habere) & ex spiritualibus, ut vocant, bonis, Papa, Cæsar, Cardinales & Episcopi, &c. Reges & Principes mundi facti sint. Nunc autem

Satana ministri  
abundantia verbi  
ministerij, &c.

cum



cum Evangelium doceri est coeptum, tam divites sunt professores ipsius, quam olim fuerunt Christus & Apostoli. Experimur igitur, quam egregie servetur hoc præceptum de alendis doctoribus Verbi, quod Paulus hic & alibi tam diligenter urget, & inculcat auditoribus. Nulla iam civitas est, quæ quidem nobis sit nota, quæ suos doctores alat, sed omnes aluntur de bonis, non quæ Christo, cui nemo aliquid dat (Natus enim utitur præsepi loco lectuli, cum ipsi non sit locus in diversorio, Conversans in terris, non habet ubi caput suum reclinet, Postremo spoliatus vestibus, nudus in cruce inter duos latrones pendens, miserrime moritur) sed quæ Papæ donata sunt pro suis abominationibus. Quia oppresso Evangelio, humanas traditiones docuit, & impios cultus instituit.

Et quoties lego Pauli adhortationes, in quibus concionatur Ecclesijs, ut vel suos doctores alant, vel ut conferant aliquid pro sublevanda inopia Sanctorum in Iudæa, soleo vehementer admirari & pudore suffundi, quod tantus Apostolus coactus sit tam multis verbis uti, ut hoc beneficium ab Ecclesijs impetraret. Ad Corinth. agit hanc rem duobus integris cap. Ego non libenter velim VVittembergam, quæ ad Corinthum plane nihil est, sic infamare, sicut ipse infamavit Corinthios, tam anxia & sollicita emendicatione victus pro pauperibus. Sed ea fortuna est Evangelij, quando docetur, non solum nemo quicquam dare vult, pro sustentandis ministris ipsius & conservandis scholis, sed omnes incipiunt rapere, furari, circumvenire alij alios varijs artibus, Summa, homines videntur degenerare subito in immanes bestias. Contra, quando doctrinæ demoniorum prædicantur, homines vere prodigi fiunt, & omnia sponte offerunt suis seductoribus. Propheta idem peccatum exprobrant etiam Iudæis, quod pijs Sacerdotibus & Levitis ægre victum, impijs omnia affluenter dederint.

Quare nunc primum intelligimus, quam necessarium sit hoc præceptum Pauli, de alendis ministris Ecclesiarum. Satan enim nihil minus ferre potest, quam lucem Evangelij, Ideo lucente ea excandescit, & totis viribus conatur eam extinguere. Hocq; tentat duplici via, primum mendacijs hæreticorum & armis tyrannorum, deinde inopia & fame, Cum vero hætenus in nostris terris, gratia Dei, per hæreticos & tyrannos Evangelium opprimere non potuit, tentat altera via hoc efficere, ut videlicet ministris verbi victum subtrahat, ut inopia & fame coacti deserant ministerium, atq; ita cum tempore populus miser, verbo privatus, degeneret prorsus in bestias. Et Satan horrendissimum malum hoc, ut eo citius veniat, vehementer urget per impios Magistratus in civitatibus, & Nobiles in rure, qui bona Ecclesiarum, ex quibus ministri Evangelij debebant vivere, rapiunt & in malum usum transferunt, De mercedibus meretricis, inquit Propheta Micheas, ista bona congregata sunt, ideo ad mercedem meretricis revertuntur. Deinde Satan privatim abducit homines etiam bonos ab Evangelio, nimia saturitate. Illa enim diligens & quotidiana tractatio Verbi, nauseam & contemptum plerisq; affert, qui paulatim postea negligentes fiunt ad omnia officia pietatis exercenda. Item nemo liberos suos iam adhibet ad bonas, multo minus sacras, literas discendas, sed ad quæstuosas tantum artes. Ista omnia molitur Satan in hunc finem, ut Evangelium in nostris regionibus opprimat, etiam sine vi tyrannorum & dolis hæreticorum.

Non frustra igitur monet Paulus auditores Verbi, ut doctoribus suis communicent in omnibus bonis. Si nos, inquit ad Corinthios, vobis spiritualia seminavimus, magnum est, si nos carnalia vestra metamus? Debent igitur auditores in carnalibus ministrare illis, à quibus spiritualia acceperunt. Sed rustici, cives & nobiles abutuntur hodie doctrina nostra tantum ad parandas opes. Antea regnante Papa, nemo erat, qui quotannis non pendebat aliquid Sacerdotibus pro Anniversariis, ut vocabant, item pro missis, vigilijs, &c. Habebant & fratres mendicantes suam partem, Auferebant Romanæ merces & quotidiana oblationes etiam aliquid, &c. Ab istis & alijs infinitis exactionibus liberati sunt homines nostri per Evangelium. Sed tantum abest ut grati sint pro ista libertate, ut pror-

Pij verbi doctores inopia laborant.

Satan duplici via opprimat Evangelium

Saturitas verbi affert fastidium, &c.

Mendacijs hæreticorum & armis tyrannorum inopia & fame

ut prorsus ex prodigis largitoribus facti sint fures & raptores. qui neq; Evangelio neq; ministris ipsius, neq; pauperibus Sanctis vel unum assem darent. Quod certissimum signum est, eos jam amisisse Verbum & fidem, & in summa, nihil spiritualium bonorum habere. Quia impossibile est, quod vere pii ferre possint, Pastores suos inopia laborare. Quia vero gaudent & rident hodie, quando Pastores adversi aliquid patiuntur, & denegant eis victum, aut ea fide non dant qua deberent, certum est eos deteriores esse Gentibus.

*Pena ingrati-  
tudinis, &c.*

*In omnibus bo-  
nis.*

Sed quæ calamitates istam ingratitudinem secuturæ sint, brevi experientur. Vtraq; enim amittent, carnalia & spiritualia. Nam hoc peccatum necesse est gravissimas pœnas consequi. Et profecto puto ob nullam aliam causam Ecclesias in Galatia, Corintho, &c. per Pseudoapostolos sic turbatas esse, quam quod suos veros doctores neglexerint. Rectissime fit, ut qui Deo negat obulum offerenti omnia bona ac vitam æternam, Is Diabolo, autori omnium malorum & mortis, det aureum. Qui Deo non vult servire in modico cum suo maximo commodo, is serviat Diabolo in maximo, cum summo suo detrimento. Iam primum videmus lucente verbo, quid sit Diabolus & mundus. Quod autem dicit, in omnibus bonis, non sic accipiendum est, ut singuli omnia sua bona communicent Doctoribus suis, sed ut liberaliter eos alant, quantum satis est ad vitam commode tuendam. Vocabulum *καταχούμην* ijs, qui Græcè sciunt, notum est.

*Nolite errare, Deus enim non irridetur.*

*N.obiles, cives,  
& fidei, &c. com-  
scriptores mi-  
nistri Dei.*

APOSTOLVS tam serio hunc locum de alendis doctoribus urget, ut increpationi & adhortationi etiam comminationem addat, dicens, Deus non irridetur. Tangit autem acu mores nostratum, qui securissime nostrum ministerium contemnunt. Putant enim illud esse jocum ac ludum quendam, Ideoq; (præcipue nobiles) hoc agunt, ut suos Pastores sibi, tanquam viles servos, obnoxios faciant. Et nisi haberemus tam pium & amantem veritatis Principem, jamdudum ex his terris exturbassent nos. Exclamant (quando Pastores postulant mercedem suam, aut queruntur se inopiam pati) Sacerdotes avari sunt, omnibus bonis abundare volunt, nemo inexpletam eorum avaritiam potest satiare. Si vere Evangelici essent, nihil proprii tenere, sed pauperes pauperem Christum sequi & omnia indigna ferre deberent, &c.

Ejusmodi Tyrannis & subsannatoribus Dei, qui summa securitate miseros Pastores rident, interim tamen videri volunt Evangelici, & Deum non subsannare, sed summa religione colere, horribiliter hic comminatur Paulus. Ne erretis, inquit, Deus non irridetur, id est, non patitur se irrideri in suis ministris. Qui inquit, vos spernit, me spernit. Et ad Samuelem, Non te, sed me abjecerunt, &c. Ut maxime igitur ad tempus differt vindictam, tamen suo tempore inveniet vos, & puniet contemptum Verbi & acerrimum odium vestrum in ministros ejus. Ideo non Deum, sed vosipsum decipitis. Non ridebitis Deum, sed ipse ridebit vos, Psal. 2. Et notus est versiculus, Non me doctorem, sed te deluseris ipsum. Sed ferrox nobilitas, cives & rustici hac horribili comminatione nihil plane moventur, sentient tamen cum periculum mortis instabit, an nos (imo non nos, sed, ut Paulus hic ait, Deum ipsum) an se ipsos laferint. Interim, quia ipsi nostra monita superbe contemnunt, dicimus ista in nostram consolationem, ut sciamus melius esse pati injuriam, quam inferre. Patientia enim est semper innocens. Deinde Deus non finet nos ministros suos fame perire, sed cum divites egent & esuriunt, pascet, & in diebus famis saturabit nos.

*Que enim semina veritatis homo, hæc & metet.*

ISTA omnia pertinent ad locum de alendis ministris. Ego istiusmodi sententias non libenter interpretor. Videntur enim nos commendare, ut revera nos commendant. Deinde speciem quandam avaritiæ habet, si quis diligentius ista

Luc. 10.  
1. Cor. 9.

ista inculcet auditoribus. Docendi tamen sunt homines etiam de hac re, ut sciant se honorem & victum debere Doctoribus suis. Idem Christus docet Luc. 10. Edentes & bibentes, inquit, quæ apud illos sunt, Dignus enim est operarius mercede sua. Et Paulus alibi, An nescitis quod hi, qui in sacrario operantur, ex hostijs vivunt? Et qui altari serviunt, cum altari participant? Sic & Dominus ordinavit, ut qui Evangelium annunciant, inde vivant. Hæc etiam prodest nobis, qui sumus in ministerio, scire, ne pro labore nostro mala conscientia accipiamus mercedem, quæ numeratur nobis ex Papæ bonis. Quæ quanquam per meram imposturam coacervata sunt, tamen Deus spolians Ægyptios, hoc est, Papistas bonis suis, transfert ea in nostris locis in pium & bonum usum, Non quando nobiles ea rapiunt & transferunt in abusum, Sed quando ij, qui gloriam Dei annunciant, & qui pie instituunt juventutem, inde aluntur. Fieri enim non potest, ut unus homo & laboribus domesticis ad parandum victum diu noctuq; possit vacare, & simul versari in studio sacrarum literarum, sicut officium docendi postulat. Sciamus igitur, nos bona conscientia (quia Deus hoc mandavit & ordinavit) posse frui ijs, quæ nobis ad vitam commodè sustentandam de bonis Ecclesiasticis præbentur, ut officio nostro vacare possimus. Nemo igitur hac de re scrupulum sibi injiciat, quasi illis bonis non liceat uti.

Honor & vi-  
ctus debentur  
ministri verbis.

*Quoniam qui seminat in carne, de carne metet corruptionem. Qui autem seminat in Spiritu, de Spiritu metet vitam æternam.*

Addit similitudinem & allegoriam. Generalem autem hanc sententiam de seminando, accommodat ad particularem illam causam de alendis ministris, dicens, Qui seminat in Spiritu, id est, qui alit doctores Verbi, is facit spirituale opus, & metet vitam æternam. Hic quæstio est, Vtrum per bona opera mereamur vitam æternam? Id enim Paulus videtur hoc loco asserere. De sententijs, quæ de operibus & mercede loquuntur, supra Cap. 3. satis diligenter & copiose disputavimus. Valde autem opus est exhortari, exemplo Pauli, credentes ad bene operandum, hoc est, ad exercendam fidem bonis operibus. Ea enim nisi sequantur fidem, certissimum signum est, fidem non esse veram, Dicit igitur Apostolus, Qui seminat in carne (Quidam legunt in carne sua) id est, qui nihil communicat ministris Verbi, sed se solum bene pascit & curat (Id quod caro suadet) ille de carne metet corruptionem, non solum in futura, sed etiam præsentis vita. Dilabuntur enim bona impiorum, tandem & ipsi turpiter pereunt, &c. Libenter exhortari vellet Apostolus auditores, ut largi & benefici essent in doctores suos. Est autem valde miserabilis res, eam esse hominum malitiam & ingratitude, quod opus sit ista admoneri in Ecclesijs.

Seminare in spi-  
ritu.

Fides non est  
ociosa.

Encratitæ abusi sunt hoc loco, pro confirmanda fanatica opinione sua contra conjugium, atq; eum hoc modo interpretati sunt: Qui seminat in carne, metet corruptionem, id est, qui ducit uxorem, damnabitur. Ergo uxor est res damnata, & matrimonium est malum. Quia in eo fit seminatio in carne. Turpes illæ bestię adeo omni judicio caruerunt, ut non viderint quid ageret Apostolus, Ista ideo admoneo, ut videatis Diabolum facillime posse avertere à veritate corda simplicia per suos ministros. Tales infinitos brevi habebit, imo jam multos habet Germania. Quia pios alibi persequitur & occidit, alibi negligit & in summa inopia vivere sinit. Contra hos & similes errores muniamus nos, & discamus germanam sententiam scripturæ concipere. Loquitur autem Paulus, id quod videre potest homo communi tantum sensu præditus, non de conjugio, sed de alendis Ecclesiarum ministris. Et quanquam illud alere corporale sit, vocat tamen in Spiritu seminare. Econtrà, corrådere & suæ querere, vocat in carne seminare. Hos pronunciat in præsentis & futura vita benedictos, illos vicissim in præsentis & futura vita maledictos fore.

Encratitæ ha-  
retici.

Seminare in spi-  
ritu & carne.

*Bonum autem facientes non deficiamus, Tempore enim suo metemus non deficientes.*

Conclu-



*Benefaciendum  
sine defatigati-  
one.* Conclufurus Epistolam à specie ad genus transit, & in genere ad omne bonum opus hortatur, Q. d. Non solum erga ministros Verbi, sed etiam erga omnes simus liberales & benefici, idque sine defatigatione. Nam facile est semel atque iterum benefacere, sed perdurare, nec vinci ingratitudine aut malitia eorum, quibus benefeceris, hoc opus, hic labor est. Ideo non solum adhortatur nos ad benefaciendum, sed ut benefacientes non defatigemur. Et ut hoc nobis facilius persuadeat, addit, Tempore enim suo metemus non defatigati. Q. d. Spectate & expectate perpetuam messem, quæ futura est, tum nulla ingratitudo aut malitia hominum poterit vos avocare à benefaciendo. Tempore enim messis feretis amplissimum fructum sationis vestræ. Ita suavissimis verbis adhortatur fideles ad bene operandum.

*Igitur dum tempus habemus, operemur bonum erga omnes, maxime autem erga domesticos fidei.*

*Domestici fidei* Hæc conclusio est exhortationis de alendis liberaliter Ecclesiarum ministris, & de largienda eleemosyna omnibus, qui egent, Q. d. Operemur bonum dum dies est, Nam ubi nox venerit, non possumus operari. Ablata luce veritatis, multa quidem operantur homines, sed frustra, quia in tenebris ambulantes nesciunt quo vadant. Itaque tota vita, opera, passio & mors eorum frustranea sunt. Oblique autem pungit his verbis Galatas, q. d. Nisi permanseritis in sana doctrina, quam à me accepistis, nihil prodest vos multa bona operari, multa pati, &c. Sic supra Cap. 3. Tam multa passi estis frustra. Domesticos autem fidei appellat, nova phrasi, eos, qui sunt in nostra societate fidei, Inter quos primi sunt ministri Verbi, Deinde omnes alij credentes.

*Videte, qualibus literis scripsi vobis mea manu.*

*Maternum affe-  
ctum Pauli.* Concludit Epistolam cum exhortatione ad suos, & acri objurgatione seu invektiva contra Pseudoapostolos. Videte, inquit, quantis literis scripserim vobis manu propria. Ista dicit, ut permoveat eos, & ostendat eis suum maternum affectum erga ipsos, Q. d. Nunquam scripsi tam verbosam Epistolam manu propria ad aliam Ecclesiam, quam ad vos scripsi. Cæteras enim dictavit, & tantum subscripsit salutationem & nomen suum manu propria. Ut cernere est in fine Epistolarum ipsius. Respicit autem his verbis, ut ego judico, ad longitudinem Epistolæ. Alij aliter accipiunt.

*Quicumq; volunt placere in carne, hi cogunt vos circumcidi, tantum ut crucis Christi persecutionem non patiantur.*

*Videntes Pseu-  
doapostolorum.* Supra maledixerat & anathema fecerat Pseudoapostolos, Nunc quasi idem repetens, sed alijs verbis iterum graviter accusat eos, ut deterreat & abducat Galatas à doctrina ipsorum, ut maxime in speciem essent magnæ autoritatis viri. Vos tales, inquit, habetis Doctores, qui primum non curant Christi gloriam & salutem animarum vestrarum, sed tantum suam gloriam quærunt. Deinde crucem fugiunt. Tertio, qui non intelligunt, multo minus faciunt, quæ docent. Si quis, præsertim Apostolus, commendaret doctorem à tribus istis virtutibus, merito vitari deberet ab omnibus. Sed omnes Galatæ non paruerunt isti admonitioni Paulinæ. Neque Paulus contumelia afficit Pseudoapostolos, cum tam atrociter in eos invehitur, sed Apostolica autoritate eos judicat. Sic nos cum appellamus Papam Antichristum, Episcopos & fanaticos homines, Anathema, non detrahimus ipsis, sed divina autoritate judicamus eos esse maledictos, iuxta illud, Etiam si nos, aut Angelus è coelo, &c. Quia hi persequuntur, illi evertunt doctrinam Christi.

*Pseudoapostoli  
adulatores.* Utitur autem significanti verbo *ἀπορροῖται*, quod germanice dicimus, *not geben* / *sich sein wissen zu stellen*. Prima ipsorum virtus est, inquit, quod adulantur magnatibus & pontificibus, ut his gratificentur. Utque illasam conser-

vent

vent gloriam suam, cogunt vos circumcidi. Proceres enim Iudæorum pertinaciter resistunt Evangelio, & Moſen defendunt. Illorum voluntati student accommodare ſeſe, foris ita vivere & geſtus temperare, ut illis placeant. Ut igitur horum gratiam retineant, & perſecutionem crucis non ſuſtineant, docent circum-

*Adulatores  
Papillarum.*

Tales ſunt & hodie ſycophantæ quidam, in gratiam Papæ, Epiſcoporum & Principum, contra nos vociferantes, & malitioſe ſcripta noſtra calumniantes, non amore veritatis tuendæ, quam contra conſcientiam impugnant & blaſphemant, ſed ut placeant idolis ſuis Papæ, Epiſcopis, Regibus & Principibus mundi. Deinde ut perſecutionem crucis Chriſti non patiantur. Si vero illa commoda carnis haberent ex Evangelio, quæ habent ex idolis ſuis, Item ſi profeſſionem Evangelij comitarentur opes, voluptates, pax & quies carnis, ſtatim ſe ad nos conferrent.

*Cogunt vos circumcidi.*

Vaniffimi homines, inquit Paulus, veſtri Doctores ſunt, nihil ſoliciti de gloria Chriſti & ſalute veſtra, tantum ſuam gloriam quærunt. Deinde quia Crucem metuunt, circumciſionem & juſticiam carnis prædicant, ne concitent ſibi odium & perſecutionum Iudæorum. Quare etſi magno ſtudio eos diu audieritis, tamen tales auditis, qui ventrem colunt, ſuam gloriam quærunt & crucem fugiunt. Eſt autem emphasiſ in Verbo, cogunt. Nam circumciſio nihil eſt, ſed cogi ad circumciſionem, & ex ea ſuſcepta facere juſticiam & ſatiſfactionem, ex neglecta facere peccatum, hoc contumelia eſt afficere Chriſtum. De hac re ſupra ſatis copioſe dictum eſt.

*Neg enim, qui circumciduntur, Legem ſervant, Sed volunt vos circumcidi, ut in carne veſtra glorientur.*

Hic Paulus hæreticus eſt, Quia dicit Pſeudoapoſtolos & totam gentem Iudæorum, qui circumcidebantur, Legem non ſervare, Imo circumciſos implendo Legem, non implere. Hoc contra Moſen eſt, qui dicit, circumcidi eſſe Legem ſervare, Non circumcidi, pactum Dei irritum facere. Gen. 17. Et Iudæi nullam ob aliam cauſam circumcidebantur, niſi ut ſervarent Legem, quæ præcipiebat, omnem maſculum octavo die circumcidendum, &c. Iſta ſupra copioſe tractata ſunt, ideo non opus eſt ea nunc repetere. Pertinent autem iſta ad condemnationem Pſeudoapoſtolorum, ut deterreat Galatas ne ipſos audiant, Q. d. Ecce ego pingo & oſtendo vobis, quales habeatis Doctores, nempe primum homines vane glorioſos, qui ſua tantum quærunt, & ventrem curant. Deinde qui Crucem fugiunt. Poſtremo nihil veri aut certi docent, ſed omnia eorum dicta & facta ſimulata ſunt. Quare etiam ſi Legem foris ſervant geſtibus & ceremonijs, tamen ſervando eam non ſervant. Lex enim ſine Spiritu ſancto non poteſt impleri. Sine Chriſto autem non accipitur Spiritus ſanctus, quo non accepto, manet Spiritus immundus, id eſt, contemnens Deum & quærens ſuam gloriam. Ideo quicquid Legis facit, hypocriticum eſt & duplex peccatum. Immundum enim cor non implet, ſed foris tantum ſimulat ſe implere Legem, atq; ita magis corroborat in impietate & hypocrifi ſua.

*Paulus hæreticus.*

*Lex non ſanctiſcit externa opera.*

Gen. 17.

Rom. 14.

Eſt autem bene obſervanda hæc ſententia, Qui circumciduntur, Legem non ſervant, hoc eſt, circumciſi non ſunt circumciſi, &c. Poſteſq; accommodari ad alia quoq; opera. Qui extra Chriſtum operatur, orat, patitur, fruſtra operatur, orat, patitur, &c. quia quicquid non eſt ex fide peccatum eſt. Nihil prodeſt igitur aliquem foris circumcidi, jejunare, orare, &c. intus tamen eum manere interim contemptorem gratiæ, remiſſionis peccatorum, fidei Chriſti, &c. & ſuperbire fiducia ſui ac præſumptione juſticiæ propriæ, quæ horribilia peccata ſunt contra primam tabulam. Quæ comitantur poſtea etiam peccata contra ſecundam tabulam, qualia ſunt inobedientia, libido, furor, ira, odium, &c. Ergo bene dicit, Circumciſi non ſervant Legem, ſed ſimulant tantum in ſpeciem ſe ſervare. Simulatio autem coram Deo duplex iniquitas eſt.

*Opera ſine fide facta peccata ſunt.*

d

Quid

*Ambitio Pseu-  
doapostolorum.*

*De carne ve-  
stra gloriantur.*

Quid agunt Pseudoapostoli, quod volunt vos circumcidi? Volunt vos circumcidi, non ut justificemini, quanquam hoc prætexant, sed ut in carne vestra glorientur. Quis autem non extreme detestetur illud pestilentissimum vitium, ambitionem seu gloriæ studium, quod cum tanto periculo animarum quæritur? Vanissimi homines, inquit, sunt, qui ventri serviunt, & crucem oderunt. Deinde quod pessimum est, cogunt vos circumcidi secundum Legem, ut ita abuti possint carne vestra ad gloriam suam, cum æterno animarum vestrarum damno. Commodum enim quod inde accipitis coram Deo, perditio est. Coram mundo, quod Pseudoapostoli gloriari possunt se esse Doctores vestros, vos discipulos ipsorum, Quos tamen docent, quæ ipsi non faciunt. Sic satis acerbe & odiose perstringit Pseudoapostolos. Ista verba, Vt in carne vestra gloriantur, cum emphasi legenda sunt, Q. d. Ipsi non habent verbum Spiritus, ideo impossibile est vos ex prædicatione ipsorum accipere Spiritum. Tantum exercent carnem vestram, facientes vos justiciarios carnales, qui foris sine Spiritu observant dies, tempora, sacrificia, &c. secundum Legem. Quæ mere carnalia sunt, ex quibus nihil habetis, nisi laborem inutilem & damnationem. Contra ipsi hoc inde habent, quod gloriari possunt se esse Doctores Galatarum, quos revocaverint à doctrina Pauli hæretici ad matrem Synagogam. Sic adulatores Papistarum hodie gloriantur, se eos, quos subvertunt, revocare ad gremium Ecclesiæ. Nos contra gloriamur non in carne vestra, sed de spiritu vestro, quia ex prædicatione nostra accepistis Spiritum. Supra Cap. 3.

*Mihi autem absit gloriari, nisi in cruce Domini nostri Iesu Christi.*

*Gloria Christi-  
anorum.*

PROGREDITUR Apostolus usque ad indignationem, & ex commoto animo prorumpit in ista verba, Mihi autem, &c. Q. d. Tam noxia pestis est gloriatio Pseudoapostolorum illa carnalis, ut cuperem eam sepultam esse in inferno, quia valde multis est exitio. Sed gloriantur in carne, qui volent, & pereant cum maledicta gloria sua, Mihi autem maneat ista unica gloria, quæ est, quod glorior in cruce Christi. Ad eundem modum loquitur & Rom. 5. Gloriamur in afflictionibus, &c. Item, 2. Corinth. 12. Libenter gloriabor in infirmitatibus meis, &c. Ostendit igitur hic Paulus, quæ sit vera Christianorum gloriatio, Nempe gloriari, gaudere & superbire in tribulationibus, ignominia, infirmitatibus, &c. Mundus judicat Christianos non solum esse despectissimos homines, sed etiam acerbissime, & quidem iusto, ut putat, zelo odit, persequitur, damnat & occidit eos, tanquam nocentissimas pestes Regni spiritualis & mundani, hoc est, tanquam hæreticos & seditiosos. Quia vero ista patiuntur non propter cædes, furta, & alia id genus scelera, sed propter Christum, cuius beneficium & gloriam annunciant, gloriantur in tribulationibus & cruce Christi, & gaudent cum Apostolis se dignos haberi, quod pro nomine Christi contumelia Christi afficiantur. Sic nos hodie cum Papa & totus mundus insectantur, crudeliter damnant & occidunt nos, ea in re gloriari & exultare debemus, quia ista patimur non propter malefacta nostra, ut fures, latrones, &c. sed propter Christum Salvatorem & Dominum nostrum, cuius Evangelium pure docemus.

*Propter patientiam  
propter Christi-  
anum.*

*Gloria mundi.*

Istis autem duobus maxime crescit & firma sit gloriatio nostra, quod primum certi sumus nos habere doctrinam puram atq; divinam. Deinde quod nostra crux seu passio sit Christi passio. Ideo non habemus causam, cum mundus nos persequitur & occidit, quod querulemur & eiulemus, sed ut maxime gaudeamus & exultemus. Mundus quidem judicat nos infelices & execrabiles. Contra Christus, qui major est mundo, propter quem patimur, pronunciat nos beatos, & jubet nos lætari, &c. Beati estis, inquit, cum maledixerunt vobis homines, & persecuti vos fuerint, & dixerint omne malum verbum contra vos mentientes, propter me. Gaudete & exultate, &c. Quare nostra gloriatio longe alia est, quam mundi, qui non gloriatur in afflictione, ignominia, persecutione, morte &c. sed in potentia



in potentia, opibus, pace, honore, sapientia, iusticia. Sed extrema illius gloriæ & gaudij luctus & confusio occupat. Porro crux Christi non significat lignum illud, quod Christus in humeris suis portavit, & cui postea affixus est, Sed in genere significat omnes afflictiones omnium piorum, quorum passiones sunt Christi passiones. 2 Corinth. 1. Abundant passiones Christi in nobis. Et Coloss. 1. Gaudete in passionibus pro vobis, & adimpleo ea, quæ defunt passionibus Christi, in carne mea, pro corpore ipsius, quod est Ecclesia, &c. Ergo crux Christi generaliter significat universas Ecclesiæ afflictiones, quas propter Christum patitur. Id quod Christus ipse testatur in Actis cap. 9, cum inquit: Saule, Saule, quid me persequeris? Saulus nullam vim inferebat Christo, sed ipsius Ecclesiæ. Qui autem illam tangit, tangit pupillam oculi sui. Sensus subtilior & velocior est in capite, quam in reliquis membris corporis. Hoc experientia videmus. Nam læso digito pedis aut alia minima corporis parte læsa, statim caput in vultu prodit se hoc sentire. Nasus enim contrahitur, oculi torvum vident, &c. Sic Christus caput nostrum afflictiones nostras suas facit, & patitur, cum nos corpus ipsius patimur.

Crux Christi

Pierum afflictiones sunt Christi propria.

Sensus capiti nobilior, &amp;c.

Ista ad hoc prodest scire, ne nimium contristemur aut prorsus desperemus, cum videmus adversarios persequi, excommunicare & occidere, item hæreticos tam infensis animis odisse nos. Sed cogitemus tum nobis, exemplo Pauli, maxime gloriandum esse in cruce, non propter peccata nostra, sed propter Christum suscepta. Si passiones, quas sustinemus, in nobis ipsis tantum consideramus, non solum nobis molestæ, sed etiam intolerabiles sunt. Quando vero accedit pronomen, secundæ personæ, Tuæ, ut dicere possimus, Tuæ passiones (ô Christe) abundant in nobis. Item, propter te, ut est in Psal. occidimur tota die, tum passiones ipsæ non solum leves, sed etiam svaves redduntur, Iuxta illud, Onus meum leve est, & jugum meum svave. Manifestum autem est, propter nullam aliam causam nos odia & persecutiones adversariorum hodie ferre, quam quod Christum pure prædicamus. Si hunc negaremus, & eorum perniciosos errores & impios cultus approbaremus, non solum desinerent nos odisse & persequi, sed offerrent etiam nobis honores, opes, &c. Quia ergo ista propter Christum patimur, verissime gloriari possumus cum Paulo, in cruce Domini nostri Iesu Christi, Hoc est, non in potentia, favore hominum, opibus, &c. sed in afflictionibus, infirmitate, tristitia, pugnis corporis, pavoribus spiritus, persecutionibus & omnibus malis. Quare speramus etiam brevi futurum, quod Christus ad nos diuturnus sit (quod David ab Abiathar sacerdotem dixit, 1. Reg. 22.) Ego sum reus omnium animarum vestrarum. Item, qui vos tangit, tangit pupillam oculi mei, Q. d. Qui vos lædit, me lædit. Quia nisi verbum meum prædicaretis, & me confiteremini, ista non sustineretis, &c. Sic in Iohan. Si de mundo essetis, mundus quod suum est diligeret. Quia vero elegi vos de mundo, ideo odit vos mundus. Hæc supra quoque tractata sunt.

Crux parum suavis.

Gloriam in cruce Christi.

*Per quem mihi mundus crucifixus est, & ego mundo.*

PHRASI est Paulina. Mundus est mihi crucifixus, id est, ego judico mundum esse damnatum. Et ego mundo sum crucifixus, hoc est, mundus vicissim me judicat damnatum. Sic invicem nos crucifigimus & damnamus. Ego execror omnem doctrinam, justiciam & opera Mundi, tanquam venenum diaboli. Mundus vicissim execratur doctrinam & facta mea, judicat me esse pestiferum hominem, hæreticum, seditiosum, &c. Sic hodie nobis mundus crucifixus est, & nos mundo. Nos male dicimus & damnamus traditiones humanas de Missis, ordinibus, votis, cultibus, operibus & omnibus abominationibus Papæ & hæreticorum, tanquam sordes Diaboli. Ipsi vicissim persequuntur & occidunt nos, ut eversores religionis, & perturbatores publicæ pacis. Monachi somniaverunt Mundum sibi crucifigi, cum ingrederentur Monasteria. Sed hoc modo non mundus, sed Christus crucifigitur. Imo Mundus à crucifixione liberatur, & plus vivificatur illa

Mundum crucifigi, &amp;c.

*Judicium pio-  
rum & mundi  
de doctrina pio-  
rum diversum.*

illa opinione sanctitatis & fiducia justiciæ propriæ, quam habuerunt hi, qui ingressi sunt religionem. Ideoq; ineptissime detorta est hæc sententia Apostoli ad ingressum religionis. Loquitur autem de re longe magis ardua, nempe, quod Paulus & quilibet sanctus seu Christianus hoc judicet esse divinam sapientiam, justiciam & potentiam, quod mundus habeat & damnet pro summa stultitia, impietate & infirmitate. Et econtrà, quod mundus judicat summam religionem & cultum Dei, hoc pij certo noverunt extremam esse Blasphemiam Dei. Sic pij mundum, & vicissim mundus pios judicat. Sed penes pios est judicium rectum. 1. Cor. 2: Spiritualis enim homo omnia dijudicat, &c.

*Mundum piorum  
vitam & doctrinam  
damnat,  
& econtrà.*

Quare judicium mundi de religione seu justicia coram Deo, tam pugnat cum judicio piorum, quam pugnant inter se Diabolus & Deus. Ut autem Deus Diabolo crucifixus est, & econtrà Diabolus Deo, hoc est, ut Deus damnat doctrinam & opera Diaboli (Filius enim Dei, ait Iohannes, apparuit, ut dissolvat opera Diaboli) & econtrà ut Diabolus damnat & evertit (Est enim homicida & mendacij pater) verbum & opera Dei. Ita mundus damnat piorum doctrinam & vitam, vocans eos pestilentissimos hæreticos & publicæ pacis perturbatores. Pij vicissim vocant Mundum Diaboli filium, qui egregie sequatur vestigia patris sui, hoc est, qui perinde homicida & mendax sit, ut pater suus. Hoc vult Paulus cum dicit, per quem mihi mundus crucifixus est, & ego mundo, Significat autem mundus in sacris literis non solum palam impios & sceleratos, sed optimos quosq; sapientissimos, sanctissimos &c. Simul autem occulte perstringit Pseudoapostolos, Q. d. Ego omnem gloriam, quæ extra crucem Christi est extreme odi & detestor, ut rem maledictam, eamq; habeo non tantum pro mortua, sed pro turpissime mortua, ut turpissime moritur, qui cruce affigitur. Mundus enim est mihi cum omni gloria sua crucifixus, & ego mundo. Quare anathema sint omnes, qui in carne vestra, non in cruce Christi, gloriantur. Testatur igitur Paulus his verbis, se perfecto odio Spiritus Sancti odisse mundum, & vicissim mundum perfecto odio Spiritus maligni odisse se, Q. d. Impossibile est ullam concordiam coire inter me & mundum. Quid igitur faciam? Cedam ne & docebo quæ mundo placeant? Non, sed infracto animo audentior contra eum insurgam, & tam egregie eum contemnam ac crucifigam, quam me contemnit & crucifigit, &c.

*Nulla reconcilia-  
tio mundo cum  
pijs.*

Postremo etiam Paulus hic docet, Quo modo pugnandum sit contra Satanam, qui subinde nos alijs atq; alijs corporalibus malis affligit, & intus suis ignitis telis perpetuo cor nostrum ferit, ut vel illa assiduitate, si aliter non potest, fidem nostram evertat, & nos à veritate & Christo abducat. Nempe, ut simili modo, quo videmus ipsum S. Paulum superbe contempsisse mundum, Ita & nos Diabolum principem ejus, cum omnibus suis viribus, dolis & infernalibus furijs contemnamus, hocq; modo, freti præsidio Christi, illi insultemus. Quo plus nocet & nocere cupis Satan, hoc plus superbio & rideo te. Quo plus terres, & in desperationem adigere me conaris, hoc plus confido, & glorior in, furoribus & malitijs tuis. Non per potentiam meam, sed Christi Domini mei, cujus virtus in infirmitate mea perficitur. Ideo cum infirmus sum, fortis sum, &c. Contrà, cum videt magnifieri minas & terrores suos, gaudet, ac magis magisq; jam pavefactos terret, &c.

*In Christo enim Iesu, neque circumcisio aliquid valet, neque præputium,  
Sed nova creatura.*

*Iustitia Christi-  
ana.*

MIRE loquitur Paulus, cum dicit, in Christo Iesu neque circumcisionem, neque præputium aliquid valere, &c. Debebat potius dicere, aut circumcisio, aut præputium aliquid valet, cum hæc duo sint contraria. Nunc utrunq; negat valere, Q. d. altius nobis eundum est. Nam circumcisio & præputium longe inferiores res sunt, quam ut valeant ad justiciam consequendam coram Deo. Sunt quidem inter se contraria, sed hoc nihil ad justiciam Christianam, quæ non terrena

terrena, sed cœlestis est. Ideo non consistit in rebus corporalibus. Sive igitur circumcidaris, sive præputium habeas, idem est. Vtrunque enim in Christo Iesu nihil valet. Valde offensi sunt Iudæi, cum audierunt circumcisionem nihil valere. Facile concedebant præputium nihil valere, Sed idem affirmari de Lege & circumcisione, hoc auditu fuit eis intolerabile. Nam pro defendenda Lege & circumcisione dimicabant usque ad sanguinem. Papistæ etiam vehementer pugnant hodie pro defendendis traditionibus, de esu carniū, de cœlibatu, de feriis, &c. ac nos, qui docemus eas in Christo Iesu nihil valere, excommunicant & maledicunt. Item, quidam ex nostris non minus insulsi quàm Papistæ, adeo rem necessariam putant libertatem à traditionibus Papæ, ut nisi eas omnes statim violent atque aboleant, timeant se peccare. At Paulus dicit, Nos oportere longe quiddam majus & preciosius habere, quod valeat ad justiciam coram Deo consequendam, quam est Lex aut circumcisio, quam est observatio aut violatio traditionum Papisticarum. In Christo Iesu, inquit, neq; circumcisio, neque præputium, neq; cælibatus, neq; conjugium, neq; cibus, neq; jejunium valet, &c. Esca nos non commendat Deo, Neq; abstinendo meliores, neq; edendo deteriores sumus. Istæ res longe inferiores sunt. Imo totus mundus cum omnibus suis Legibus & justiciis longe vilior est, quàm quod debeat trahi in locum justificationis.

*Libertas à traditionibus Papæ.*

Ratio & sapientia carnis hoc non intelligit. Non enim percipit ea, quæ sunt spiritus Dei. Ideo contendit justitiam sitam esse in externis rebus. Nos vero ita edocti sumus ex verbo Dei, ut certo pronunciemus, nihil prorsus sub sole esse, quod valeat ad justitiam coram Deo, præter unicum Christum, seu, ut hic dicit, novam creaturam. Leges autem politicæ, traditiones humanæ, ceremoniæ Ecclesiarum, item lex Moysi, sunt res extra Christum positæ, Non valent igitur ad justitiam coram Deo. Vti quidem licet illis ut rebus bonis & necessariis, sed suo loco & tempore. Si autem vocantur in disputationem de justificatione, nihil prorsus valent, sed maxime obfunt. Quia in Christo Iesu neq; circumcisio aliquid valet, neque præputium, sed nova creatura.

*Extra Christum non est salus.*

Et Paulus per ista duo, Circumcisionem & præputium, excludit simpliciter omnia quæ in tota rerum natura sunt, negatq; ea valere in Christo Iesu, hoc est, in causa fidei & salutis. Accipit enim per Synecdochen partem pro toto, hoc est, per præputium intelligit omnes gentes, per circumcisionem omnes Iudæos, cum totis viribus & omni gloria sua, Q. d. Quicquid Gentes præstare possunt cum omni sua sapientia, justitia, legibus, potentia, regnis, imperiis, nihil valet in Christo Iesu. Item, Quicquid sunt & possunt omnes Iudæi cum toto suo Mose, Lege, circumcisione, cultu, templo, regno, sacerdotio, nihil prorsus valet. Quare in Christo Iesu seu in causa justificationis, non est disputandum de legibus Gentium vel Iudæorum, num lex ceremonialis aut moralis justificet. Sed simpliciter illa negativa ponenda est, in Christo Iesu neque circumcisio aliquid valet, neq; præputium.

*Præputium, circumcisio.*

Ergo Leges malæ sunt? Non, Imo bonæ & utiles sunt, sed suo ordine & loco, Hoc est, in rebus corporalibus & civilibus, quæ sine legibus non possunt administrari. Deinde observamus etiam in Ecclesijs quasdam ceremonias & leges, non quod illa observatio valeat ad justiciam, sed ad bonum ordinem, exemplum, tranquillitatem & concordiam, juxta illud, Omnia decenter & secundum ordinem fiant. Si autem Leges ita proponuntur & exiguntur, quod servatæ justificent, omisæ damnent, prorsus abrogandæ & tollendæ sunt. Quia Christus amittit officium & gloriam suam, qui solus justificat, subministrat Spiritum, &c. Paulus igitur his verbis clarissime affirmat, neque circumcisionem aliquid valere neq; præputium, sed novam creaturam, &c. Cum autem in Christo nihil prorsus valeant neque leges Gentium neque Iudæorum, impiissime egit Papa, quod nos coegit servare leges suas cum opinione justiciæ, &c. Nova autem creatura, qua reparatur imago Dei, non fit fuco aut simulatione ullorum operum externorum

*Leges bonæ.*

*Ceremoniarum & legum usus.*

*Nova creatura*



(Quia in Christo Iesu neq; circumcisio aliquid valet, neque præputium) sed per Christum imaginem Dei in iusticia & sanctitate veritatis creatur. Opera cum fiunt, novam quidem speciem afferunt, qua Mundus & caro capiuntur, sed non novam creaturam. Cor enim manet impium, sicut antea, plenum contemptu Dei, infidelitate, &c. Ideo nova creatura est opus Spiritus sancti, qui fide purificat cor, & efficit timorem Dei, charitatem, castitatem, &c. ac donat virtutem domandæ carnis, & tugiendæ iusticiæ & sapientiæ mundi, &c. Hic non est fucus aut tantum nova externa species, sed res ipsa geritur. Revera sensus alius & aliud iudicium, nempe spirituale nascitur, quod ea, quæ prius magnificat, post abominatur. Olim ita capti erant animi nostri monastica vita, ut eam solum existimarem viam ad salutem, iam longe aliter de ea iudicamus. Quæ igitur ante hanc novam creaturam pro summe sanctis adoravimus, de illis, cum redeunt in memoriam, iam erubescimus.

*Nova creatura  
Renovatio mentis  
sequitur  
renovatio mem-  
brorum corpo-  
ris.*

Quare mutatio vestitus & aliarum externarum rerum, ut Monachi somniant, non est nova creatura, Sed renovatio mentis per Spiritum sanctum, quam sequitur postea etiam mutatio membrorum & sensuum corporis. Nam ubi cor novam lucem, novum iudicium & novos motus per Evangelium concipit, fit ut externi quoq; sensus innoventur. Aures enim verbum Dei, non amplius traditiones & somnia humana, gestiunt audire. Os & lingua non sua opera, iusticias & regulam jactant, sed solam misericordiam Dei in Christo exhibitam cum gaudio prædicat, &c. Hæ sunt mutationes, ut sic dicam, non verbales, sed reales, quæ afferunt novam mentem, voluntatem, novos sensus & actiones etiam carnis, ut oculi, aures, os & lingua, non solum aliter quam antea, videant, audiant & loquantur, sed ut ipsa mens etiam aliud probet & sequatur. Antea enim cæcutiens in erroribus & tenebris Papisticis, somniavit Deum mercatorem esse, qui suam gratiam nobis venderet pro operibus & meritis nostris. Iam orta luce Evangelij, statuit nos sola fide in Christum reputari iustos. Ideoq; abjicit opera electitia, & vocationis & charitatis opera, divinitus præcepta, facit, Deum laudat & prædicat, ac in sola fiducia misericordiæ per Christum gloriatur & exultat. Si quid malorum aut periculorum ferendum est, ea libenter & cum gaudio (quanquam caro murmuret) subit. Hanc Paulus novam creaturam appellat.

*Et quotquot juxta hanc Regulam incedunt, Pax super illos & misericordia.*

*Regula vera.  
Franciscani im-  
pie depravant  
hunc locum  
Pauli.*

*Nova creatura.*

*Iusticia Mona-  
chorum, etc.*

Hoc adjecit quasi Epiphonema. Hæc unica & vera regula est, qua incedere debemus, nempe nova creatura. Franciscani impiissime detorquent hanc sententiam ad suam Regulam. Hinc blasphemi & sacrilegi homines prædicaverunt suam regulam longe sanctiorem esse alijs, Quia testimonio & autoritate Apostolica fundata & confirmata sit. Certe Paulus non loquitur hic de cucullis, rasura verticis, fune, calopodijs, boatibus in templo, & similibus inanissimis nugis, quæ continentur in Regula ipsorum sed de nova creatura, Quæ neq; circumcisio neq; præputium est, sed novus homo ad imaginem Dei creatus in iusticia & sanctitate veritatis, Qui intus in spiritu iustus, & foris sanctus ac mundus est in carne. Franciscani & omnes Monachi habent quidem iusticiam & sanctitatem, sed hypocriticam & impiam, Quia non sperant se per solam fidem in Christum, sed per observationem regulæ suæ justificari. Deinde etiam si foris simulent sanctitatem, cohibeant oculos, manus, linguam & alia membra, Tamen cor pollutum habent, plenum concupiscentia, invidia, ira, libidine, idolatria, contemptu & odio Dei, blasphemia Christi, &c. Sunt enim acerrimi hostes veritatis.

*Regula Mona-  
chorum maledi-  
cta.*

Quare maledicta sit regula Francisci, Dominici & omnium Monachorum, Quia per eas primum Christi beneficium & gloria obscurata & obruta, ac Evangelium gratiæ ac vitæ prorsus oppressum est. Deinde mundus per easdem repletus est infinitis idolatrijs, falsis cultibus, impijs religionibus, electicijs operibus, &c. Hæc autem, de qua hic Paulus loquitur, sola benedicta sit, qua vivimus in fide

fide Christi, & efficimur nova creatura, hoc est, vere iusti & sancti per Spiritum sanctum, non per fucum aut simulationem, Ad eos, qui incedunt hac regula, pertinet pax, id est, favor Dei, remissio peccatorum & tranquillitas conscientiae. Et misericordia, id est, auxilium in afflictionibus & ignoscencia reliquiarum peccati in carne. Imo si etiam hi, qui juxta hanc regulam incedunt, præoccupantur delicto aut lapsu aliquo, tamen, quia filij Gratiae & pacis sunt, subvenit eis misericordia, ut illis peccatum & lapsus non imputetur, &c.

*Et super Israel Dei.*

*Rom. 9.* Hic petit Pseudoapostolus & Iudæos, qui jactabant Patres, electionem, Legem, &c. Rom. 9. Q. d. Israel Dei sunt, non qui carnaliter progeniti sunt ex Abraham, Isaac, Israel, sed qui cum fidei Abraham credunt promissionibus Dei, in Christo nunc exhibitis, sive Iudæi, sive Gentes sint. Hoc argumentum supra Capite. 3. copiose tractatum est.

*De cætero nemo mihi molestus sit.*

Cum stomacho & indignatione concludit Epistolam, Q. d. Ego docui fideliter Evangelium, ut per revelationem Christi accepi. Qui hoc non vult sequi, is sane sequatur quod velit, modo deinceps mihi negotium non faciat. Summa, hæc breviter mea sententia est, quod Christus, quem prædicavi, sit unicus Pontifex & salvator mundi. Vel igitur mundus juxta hanc regulam, de qua hic & in tota Epistola dixi, incedat, vel in æternum pereat.

*Ego enim stigmata Domini Iesu in corpore meo porto.*

Sic ut superiorem sententiam, Quicumque juxta hanc regulam incedunt, intelligunt Minoritæ de sua Regula dictam esse, ita & hanc fingunt de stigmatibus Francisci sui intelligendam esse. Ego puto merum figmentum & ludibrium esse, quod ipsi de hac re dixerunt. Sed esto sane, quod Franciscus portaverit in corpore stigmata, ut pingitur, Tamen non sunt ipsi impressa propter Christum, sed ea ipse sibi impressit ex stulta aliqua devotione, seu potius inani gloria, qua titillare se potuit, quod tam vehementer dilexerit Christum, ut etiam vulnera ejus corpori suo impresserit. Est autem hæc huius loci germana sententia, Notæ corpori meo impressæ, satis ostendunt, cuius sim servus. Si quærerem hominibus placere, & urgerem circumcisionem & observationem Legis, ad salutem esse necessariam, ac gloriarer in carne vestra, more Pseudoapostolorum, non opus esset me portare in corpore ista stigmata. Quia vero servus Iesu Christi sum, & juxta veram Regulam incedo, hoc est, palam doceo & confiteor, extra Christum neminem, sine ulla exceptione, consequi gratiam, justiciam & salutem, Ideo oportet me etiam Christi Domini mei insignia gestare, Quæ non sunt stigmata ultro accersita, sed quæ mihi nolenti infliguntur à Mundo & Satana, Non ob aliam causam, quam quod Iesum prædico esse Christum.

Vocat igitur stigmata, plagas corpori suo impressas & passiones, Deinde ignita tela Diaboli, tristitiam ac pavores animi. Harum passionum meminit passim in Epistolis, & Lucas in Act. 1. Cor. 4. Puto quod Deus nos Apostolos novissimos ostenderit tanquam morti destinatos. Quia spectaculum facti sumus mundo, angelis & hominibus, Item, ad hanc usque horam esurimus, sitimus, nudi sumus, colaphis cædimur, incertis sedibus vagamur, & laboramus operantes manibus nostris, maledicimur, persecutionem patimur, convitijs afficimur, veluti purgamenta mundi facti sumus & omnium peripsēma. Item, 2. Cor. 6. In multa patientia, in tribulationibus, in necessitatibus, in angustijs, in plagis & carceribus in seditionibus, in laboribus, in vigilijs, in jejunijs, &c. Et cap. 11. & 12. In laboribus plurimis, in plagis supra modum in carceribus abundantius, in mortibus frequenter. A Iudæis quinquies quadragenas una minas accepi. Ter virgis cæsus sum, semel lapidatus sum, ter naufragium feci. Nocte & die in profundo maris fui. In itineribus sæpe, in periculis fluminum, latronum, in periculis



ex genere, ex Gentibus, in periculis, in civitate, solitudine, mari, & falsis fratribus, &c.

*Stigmata quae  
hodie portamus.*

Illa sunt vera stigmata, hoc est, notae impressae, de quibus hic Apostolus loquitur, Quas & nos hodie, gratia Dei, gestamus in corpore nostro propter Christum. Mundus enim persequitur & occidit nos, falsi fratres acerrime oderunt nos, Satan intus in corde suis ignitis telis perterrefacit nos, nullam ob aliam causam, quam quod docemus Christum justiciam & vitam nostram esse. Haec stigmata non eligimus ex suavi aliqua devotione, neque libenter patimur, Sed Quia mundus & Satan nobis ea infligit propter Christum, cogimur ea pati, & gloriamur cum Paulo in spiritu (qui semper promptus est, gloriatur ac gaudet) ea nos portare in corpore nostro. Sunt enim sigillum & certissimum testimonium verae doctrinae & fidei. Haec ut supra monui, cum indignatione quadam Paulus dixit.

*Gratia Domini nostri Iesu Christi cum spiritu vestro, fratres, Amen.*

Hoc ultimum est vale. Finit Epistolam iisdem verbis, quibus incepit, Q. d. Ego docui vos pure Christum, rogavi, objurgavi &c. vos, nihilque omisi, quod duxi in rem vestram esse. Amplius nihil est, quod addere possim, Nisi quod ex animo precor, ut Dominus noster Iesus Christus addat labori meo benedictionem & incrementum, suoque Spiritu vos gubernet in aeternum.

*Haec tenus enarratio Epistolae S. Pauli ad Galatas. Dominus Iesus Christus, iustificator & Salvator noster, qui dedis mihi Gratiam & facultatem enarrandi, & vobis audiendi hanc Epistolam, Idem conservet & confirmet me & vos (id quod ex animo precor) ut indies magis crescentes in cognitione Gratiae suae & in fide non simulata irreprehensibiles & culpae inveniatur in die redemptionis nostrae. Cui cum Patre & Spiritu sancto sit gloria in secula seculorum, Amen.*

# CONFESSIO FIDEI EXHIBITA INVICTISS. IMP. CA-

ROLO V. CAESARI AVG. IN COMITIIS  
AUGUSTE, ANNO M. D. XXX. EDITA  
vero Anno XXXI.

## AD LECTORES.

*Hanc fidei Confessionem in comitiis Augustae Caesari exhibitam esse, anno M. D. 30. vulgo notum est, sicut & eodem anno editam. Sed nos editione, quod in seipis Principibus & mendasse existat, non sumus nisi, sed sequentis anni, nempe 31. Quod vero extra suum locum contra iustitiam nostri rationem collocatam de- mus, in causa si id, quod quo tempore exendi debebat, exemplaria huius primae editionis defuerunt.*

**N**ec Confessio prorsus ignorantibus Principibus, qui eam Caesari exhibuerunt, ab avaro aliquo typographo, ante semestre publicata est, Et ita excusa est, ut multis in locis appareat de industria depravatam esse. Cum autem Principes, nec si velint, queant eam nunc e manibus hominum extorquere, & tamen periculum sit, ne mendae illae primae editionis pariant novas calumnias, necesse fuit recognitam & emendatam denuo edere. Quia non solum ad exultationem Principum, sed etiam ad religionem pertinet, praestare, ne ipsorum titulis spargantur in vulgus huius generis mendosa scripta. Quare nunc emitimus probe & diligenter descriptam Confessionem, ex exemplari bonae fidei. Addidimus & Apologiam, quae etiam Caes. Majestati oblata est, Verebatur enim futurum, ut alibi ederetur non felicius, quam edita est Confessio.

Quamquam autem adversarii placari nolint, tamen speramus omnes bonos ac prudentes viros ubique gentium his libellis laetis, intellecturos esse, quod nullum dogma contra auctoritatem scripturae Sanctae & Catholicae Ecclesiae profiteamur, Sed quod nostri optimo jure quosdam abusus reprehenderint, & praecipuis locis doctrinae Christianae, qui ad id tempus perniciosissimis opinionibus obruti fuerant, lumen attulerint. De iustitia fidei omnia templa, monasteria, scholae, denique libri omnes Theologorum recentium, antea muti erant.



erant. In doctrina poenitentiae nunquam tradebatur certa & firma consolatio conscientiarum. Nemo docebat peccata remitti per fidem in Christum. Doctrina satisfactionum carnisficia erat conscientiarum. Sacramenta impie prophanata sunt, postquam recepta est opinio, quod ex opere operato iustificent. Et haec opinio doctrinam fidei prorsus oppressit, & multiplicem idolatriam peperit. Traditiones humanae plus quam labyrinthi erant, Quia partim Iudaicis ac superstitiosis, partim tyrannicis interpretationibus in infinitum auctae fuerant. Postea relaxatio traditionum collata fuit ad quæstum.

Haec vitia nostri reprehenderunt, non ut Ecclesiasticam politiam dissolverent, sed ut gloriam Christi illustrarent, ut Evangelium naturae puritati restituerent, ut pijs conscientijs consulere. Neque nunc possunt deferere patrocinium veritatis, cum Christus dicat, Omnis qui confitebitur me coram hominibus, confitebor & ego eum coram patre meo, qui in caelis est. Qui autem negaverit me coram hominibus, negabo & ego eum coram Patre meo, qui in caelis est. Nunc igitur rogamus omnes bonos viros, ne de nobis tantum ex adversariorum scriptis aut clamoribus iudicium faciant, qui miris technis & calumnijs veritatem obruere conantur, sed quod æquissimum est, audiant nos quoque & causam totam cognoscant. Quæ cum ad gloriam Dei, ad religionem, & ad salutem animarum pertineat, nemini debet esse ignota.

\*\*\*\*\*

## PRAEFATIO AD CÆSAREM CA- ROLVM V.

**I**nviçissime Imperator, Cæsar Auguste, Domine clementissime, Cum V.C.M. indixeris conventum imperij Augusta, ut deliberaretur de auxilijs contra Turcam atrocissimum hereditarium, atque veterem Christiani nominis ac religionis hostem, quomodo illius scilicet furori & conatibus durabili & perpetuo belli apparaturus resisti possit, Deinde & dissensionibus in causa nostra sanctæ religionis & Christianæ fidei, & ut in hac causa religionis, partium opiniones, ac sententia inter sese, in charitate, lenitate & mansuetudine mutua audiantur coram, intelligantur & ponderentur, ut illis, quæ utrinque in scripturis secus tractata aut intellecta sunt, sepositis & correctis, res illa ad unam simplicem veritatem & Christianam concordiam componantur & reducantur, ut de cætero à nobis una sincera & vera religio colatur & servetur, ut quemadmodum sub uno Christo sumus & militamus, ita in una etiam Ecclesia Christiana, in unitate & concordia vivere possimus.

Camque nos infra scripti Electores & Principes, cum alijs, qui nobis conjuncti sunt, perinde ut alij Electores & Principes & Status ad præfata Comitia evocati simus, ut Cæsareo mandato obedienter obsequeremur, mature venimus Augustam, & quod citra jactantiam dictum volumus, inter primos affuimus.

Cum igitur V.C.M. Electoribus, Principibus & alijs Statibus Imperij, etiam hic Augusta sub ipsa initia horum Comitiorum inter cætera proponi fecerit, quod singuli Status imperij vigore Cæsarei edicti, suam opinionem & sententiam in Germanica & Latina lingua proponere debeant atque offerre, Et habita deliberatione proxima feria quarta, rursus responsum est V.C.M. nos proxima feria sexta Articulos nostræ confessionis pro nostra parte oblatores esse. Ideo ut V.C.M. voluntati obsequamur, offerimus in hac religionis causa nostrorum Concionatorum & nostram confessionem, cujusmodi doctrinam ex scripturis sanctis, & puro verbo Dei, hæcenus illi in nostris terris, ducatibus, ditionibus & urbibus tradiderint, ac in Ecclesijs tractaverint.

Quod si & ceteri, Electores, Principes, ac Status Imperij, similibus scriptis Latinis scilicet & Germanicis, juxta prædictam Cæsaream propositionem, suas opiniones in hac causa Religionis præduxerint, Hic nos coram V.C.M. tanquam Domino nostro clementissimo paratos offerimus, nos cum præfatis Principibus & amicis nostris, de tolerabilibus modis ac vijs amice conferre, ut quantum honeste fieri potest, conveniamus & re inter nos partes, citra odiosam contentionem pacifice agitata, Deo dante, dissensio dirimatur, & ad unam veram concordem

concordem Religionem reducat, Sicut omnes sub uno Christo sumus & militamus, & unum Christum confiteri debemus, juxta tenorem edicti V. C. M. & omnia ad veritatem Dei perducantur, id quod ardentissimis votis à Deo petimus.

Si autem, quod ad ceteros Electores, Principes & Statum, ut partem alteram attinet, hac tractatio causa Religionis, eo modo, quo V. C. M. agendam & tractandam sapienter duxit, scilicet cum tali mutua presentatione scriptorum, ac sedata collatione inter nos, non processerit, nec aliquo fructu facta fuerit, Nos quidem testatum clare relinquimus, hic nihil nos quod ad Christianam concordiam (quæ cum Deo & bona conscientia fieri possit) conciliandam conducere queat, ullo modo detrectare. Quemadmodum & V. C. M. deinde & ceteri Electores, & Status Imperij, & omnes, quicunque, sincero religionis amore ac studio tenentur, quicunque, hanc causam a quo animo audiri sunt, ex hac nostra & nostrorum confessione hoc clementer cognoscere & intelligere dignabuntur.

Cum etiam V. C. M. Electoribus Principibus & reliquis Statibus imperij non una vice, sed sæpe clementer significaverit, & in comitijs Spirensibus, quæ anno Domini &c. XXVI. habita sunt, ex data & præscripta forma vestra Cæsarea instructionis & commissionis recitari, & publice prælegi fecerit, Vestram M. in hoc negotio religionis ex causis certis, quæ V. M. nomine allegata sunt, non velle quicquam determinare nec concludere posse, sed apud Pontificem Romanum pro officio V. C. M. diligenter daturam operam de congregando Concilio generali. Quemadmodum idem latius expositum est ante annum in publico proximo conventu, qui Spira congregatus fuit. Vbi V. C. M. per Dominum Ferdinandum, Boemia & Ungaria Regem, amicum & dominum clementem nostrum, Deinde per Oratorem & Commissarios Cæsareos, hac inter cetera proponi fecit, Quod V. C. M. intellexisset & expendisset Locum tenentis V. C. M. in imperio & presidentis & Consiliariorum in Regimine, & Legatorum ab alijs Statibus, qui Ratispona convenerant, deliberationem de Concilio congregando. Et quod judicaret etiam V. C. M. utile esse, ut congregaretur Concilium, Et quia causa, quæ tum tractabantur inter V. C. M. & Rom. Pontificem, vicina essent concordia & Christiani reconciliationi, non dubitaret V. C. M. quum Roman. Pontifex adduci posset ad habendum generale Concilium, Ideo significabat se V. C. M. operam daturam ut præfatus Pontifex Maximus una cum V. C. M. tale generale Concilium primo quoque tempore emissis literis publicandum congregare consentiret.

In eventum ergo talem, quod in causa religionis, dissensiones inter nos & partes amice & in charitate non fuerint compositæ, tunc coram V. C. M. hic in omni obedientia nos offerimus, ex superabundanti comparituros & causam dicturas in tali generali libero & Christiano Concilio, de quo congregando in omnibus Comitij Imperialibus, quæ quidem annis Imperij V. C. M. habita sunt, per Electores, Principes, & reliquos Status Imperij semper concorditer actum, & congruentibus suffragijs conclusum est. Ad cuius etiam generalis Concilij conventum, simul & ad V. C. M. in hac longe maxima & gravissima causa, jam ante etiam debito modo & in forma juris provocavimus, & appellavimus. Cui appellationi ad V. C. M. simul & Concilium adhuc adharemus, neque eam per hunc vel alium tractatum (nisi causa inter nos & partes, juxta tenorem Cæsarea proxima Citationis amice in charitate composita, sedata, & ad Christianam concordiam reducita fuerit) deferere intendimus aut possumus, De quo hic etiam solenniter & publice protestamur.



ARTICVLI FIDEI PRÆ-  
CIPVI.

I.

**E**cclēsiæ magno consensu apud nos docent, Decretum Nicenæ Synodi, de unitate essentia divina, & de tribus personis verum & sine ulla dubitatione credendum esse, Videlicet quod sit una essentia divina, quæ & appellatur & est Deus, æternus, incorporeus, impartibilis, immensa potentia, sapientia, bonitate, creator & conservator omnium rerum, visibilibus & invisibilibus, & tamen tres sint personæ, ejusdem essentia & potentia, & coæternæ, Pater, Filius & Spiritus sanctus. Et nomine Personæ utuntur ea significatione, qua usi sunt in hac causa Scriptores Ecclesiastici, ut significet non partem aut qualitatem in alio, sed quod proprie subsistit.

Damnant omnes hæreses, contra hunc articulum exortas, ut Manichæos, qui duo principia ponebant, Bonum & Malum, item Valentinianos, Arrianos, Eunomianos, Mahometistas & omnes horum similes. Damnant & Samosatēnos, veteres & neotericos, qui cum tantum unam personam esse contendunt, de verbo & de Spiritu sancto astute & impie rhetoricantur, quod non sint personæ distinctæ, sed quod verbum significet verbum vocale & spiritus motum in rebus creatum.

II.

ITEM docent, quod post lapsum Adæ omnes homines secundum naturam propagati, nascantur cum peccato, hoc est, sine metu Dei, sine fiducia erga Deum, & cum concupiscentia, quodq; hic morbus, seu vitium originis vere sit peccatum, damnans & asserens nunc quoq; æternam mortem, his qui non renascuntur per baptismum & Spiritum sanctum.

Damnant Pelagianos, & alios, qui vitium originis negant esse peccatum, & ut extenuent gloriam meriti, & beneficiorum Christi, disputant hominem proprijs viribus rationis coram Deo justificari posse.

III.

ITEM docent, quod Verbum, hoc est, Filius Dei, assumpserit humanam naturam in utero beatæ Mariæ virginis, ut sint duæ naturæ, divina & humana, in unitate personæ inseparabiliter conjunctæ, unus Christus, vere Deus, & vere homo, natus ex virgine Maria, vere passus, crucifixus, mortuus & sepultus, ut reconciliaret nobis Patrem, & hostia esset non tantum pro culpa originis, sed etiam pro omnibus actualibus hominum peccatis. Idem descendit ad inferos, & vere resurrexit tertia die, deinde ascendit ad cœlos, ut sedeat ad dexteram Patris & perpetuo regnet & dominetur omnibus creaturis, sanctificet credentes in ipsum, misso in corda eorum Spiritu sancto, qui regat, consoletur ac vivificet eos, ac defendat adversus Diabolum, & vim peccati. Idem Christus palam est rediturus, ut judicet vivos & mortuos &c. juxta symbolum Apostolorum.

IIII.

ITEM docent, quod homines non possint justificari coram Deo proprijs viribus, meritis aut operibus, sed gratis justificentur propter Christum per fidem, cum credunt se in gratiam recipi, & peccata remitti propter Christum, qui sua morte pro nostris peccatis satisfecit. Hanc fidem imputat Deus pro justitia coram ipso, Rom. 3. & 4.

V.

UT hanc fidem consequamur, institutum est ministerium docendi Evangelij & porrigendi Sacramenta. Nam per verbum & Sacramenta, tanquam per instrumenta donatur Spiritus sanctus, qui fidem efficit ubi & quando visum est Deo in



Deo in ijs, qui audiunt Evangelium, scilicet quod Deus non propter nostra merita, sed propter Christum, justificet hos qui credunt, se propter Christum in gratiam recipi.

Damnant Anabaptistas & alios, qui sentiunt Spiritum sanctum contingere sine verbo externo hominibus per ipsorum præparationes & opera.

VI.

ITEM docent, quod fides illa debeat bonos fructus parere & quod oporteat bona opera, mandata à Deo facere, propter voluntatem Dei, non ut confidamus per ea opera justificationem coram Deo mereri. Nam remissio peccatorum & justificatio fide apprehenditur, sicut testatur & vox Christi, cum feceritis hæc omnia, dicite, servi inutiles sumus. Idem docent & veteres Scriptores Ecclesiastici. Ambrosius enim inquit, Hoc constitutum est à Deo, ut qui credit in Christum, salvus sit, sine opere, sola fide, gratis accipiens remissionem peccatorum. Luc. 17.

VII.

Item docent, quod una sancta Ecclesia perpetuo mansura sit, Est autem Ecclesia congregatio Sanctorum, in qua Evangelium recte docetur, & recte administrantur Sacramenta. Et ad veram unitatem Ecclesiæ, satis est consentire de doctrina Evangelij & administratione Sacramentorum. Nec necesse est ubique esse similes traditiones humanas, seu ritus aut ceremonias ab hominibus institutas. Sicut inquit Paulus, Una fides, unum baptisma, unus Deus & Pater omnium &c. Eph. 4.

VIII.

QUANQUAM Ecclesia proprie sit congregatio Sanctorum, & vere credentium, tamen cum in hac vita multi hypocritæ & mali admixti sint, licet uti Sacramentis, quæ per malos administrantur juxta vocem Christi, Sedent Scribæ & Pharisei in Cathedra Moysi &c. Et Sacramenta & verbum propter ordinationem & mandatum Christi sunt efficacia, etiamsi per malos exhibeantur. Mat. 23.

Damnant Donatistas & similes, qui negabant licere uti ministerio malorum in Ecclesia, & sentiebant ministerium malorum inutile & inefficax esse.

IX.

DE Baptismo docent, quod sit necessarius ad salutem, quodq; per Baptismum offeratur gratia Dei, Et quod pueri sint baptisandi, qui per Baptismum oblato Deo recipiantur in gratiam Dei.

Damnant Anabaptistas, qui improbant Baptismum puerorum, & affirmant pueros sine Baptismo salvos fieri.

X.

DE Cœna Domini docent, quod corpus & sanguis Christi vere adsint, & distribuuntur vescentibus in cœna Domini, & improbant secus docentes.

XI.

DE Confessione docent, quod absolutio privata in Ecclesijs retinenda sit, quanquam in confessione non sit necessaria omnium delictorum enumeratio. Est enim impossibilis juxta Psalmum, Delicta quis intelligit? Ps. 139.

XII.

DE Pœnitentia docent, quod lapsis post Baptismum contingere possit remissio peccatorum, quocunque tempore, cum convertuntur. Et quod Ecclesia talibus redeuntibus ad pœnitentiam absolutionem impertiri debeat.

Constat autem pœnitentia proprie his duabus partibus, Altera est contritio seu terrores incussi conscientiae agnito peccato, Altera est fides, quæ concipitur ex Evangelio seu absolutione, & credit propter Christum remitti peccata, & consolatur conscientiam, & ex terroribus liberat. Deinde sequi debent bona opera, quæ sunt fructus pœnitentiae.

Damnant Anabaptistas, qui negant semel justificados posse amittere Spiritum sanctum. Item qui contendunt quibusdam tantam perfectionem in hac vita

vita contingere, ut peccare non possint. Damnantur & Novatiani, qui nolebant absolvere lapsos post baptismum redeunt ad poenitentiam. Rejiciuntur & isti qui non docent remissionem peccatorum per fidem contingere, sed docent remissionem peccatorum contingere propter nostram dilectionem & opera. Rejiciuntur & isti, qui Canonicas satisfactiones docent necessarias esse ad redimendas poenas aeternas, aut poenas purgatorii.

## XIII.

De usu Sacramentorum docent, quod Sacramenta instituta sint, non modo ut sint notæ professionis inter homines, sed magis ut sint signa & testimonia voluntatis Dei erga nos, ad excitandam & confirmandam fidem in his, qui utuntur, proposita. Itaque utendum est Sacramentis ita, ut fides accedat, quæ credat promissionibus, quæ per Sacramenta exhibentur & ostenduntur.

Damnant igitur illos, qui docent, quod Sacramenta ex opere operato justificent, nec docent fidem requiri in usu Sacramentorum, quæ credat remitti peccata.

## XIII.

De ordine Ecclesiastico docent, quod nemo debeat in Ecclesia publicè docere aut Sacramenta administrare, nisi rite vocatus.

## XV.

De ritibus Ecclesiasticis docent, quod ritus illi servandi sint, qui sine peccato servari possunt, & profunt ad tranquillitatem & bonum ordinem in Ecclesia, sicut certæ feriæ, festa & similia.

De talibus rebus tamen admonentur homines, ne conscientia onerentur, tanquam talis cultus ad salutem necessarius sit.

Admonentur etiam, quod traditiones humanæ institutæ ad placandum Deum, ad promerendam Gratiā & satisfaciendum pro peccatis, adversentur Evangelio & doctrinæ fidei. Quare vota & traditiones de cibis & diebus &c. institutæ ad promerendam gratiam, & satisfaciendum pro peccatis inutiles sint & contra Evangelium.

## XVI.

De rebus civilibus docent, quod legitimæ ordinationes civiles sint bona opera Dei, quod Christianis liceat gerere Magistratus, exercere judicia, judicare res ex Imperatorijs & alijs præsentibus legibus, supplicia jure constituere, jure bellare, militare, lege contrahere, tenere proprium, jusjurandum postulantibus Magistratibus dare, ducere uxorem, nubere.

Damnant Anabaptistas, qui interdunt hæc civilia officia Christianis. Damnant & illos, qui Evangelicam perfectionem non collocant in timore Dei & fide, sed in deferendis civilibus officijs. Quia Evangelium tradit justiciam æternam cordis, Interim non dissipat Politiam, & Oeconomiam, sed maxime postulat conservare tanquam ordinationes Dei, & in talibus ordinationibus exercere charitatem. Itaque necessario debent Christiani obedire Magistratibus suis & legibus, nisi cum jubent peccare, Tunc enim magis debent obedire Deo quam hominibus, Act. 5.

## XVII.

ITEM docent, quod Christus apparebit in consummatione mundi ad judicandum, & mortuos omnes resuscitabit, pijs & electis dabit vitam æternam & perpetua gaudia, impios autem homines ac Diabolos condemnabit, ut sine fine crucientur.

Damnant Anabaptistas, qui sentiunt hominibus damnatis ac Diabolis finem poenarum futurum esse, Damnant & alios, qui nunc spargunt Iudaicas opiniones, quod ante resurrectionem mortuorum pij regnum mundi occupaturi sint, ubiq; oppressis impijs.

XVIII.

DE libero arbitrio docent, quod humana voluntas habeat aliquam libertatem ad efficiendam civilem justiciam, & deligendas res rationi subjectas. Sed non habeat vim sine Spiritu sancto efficiendæ justiciæ Dei, seu justiciæ spiritualis, Quia animalis homo non percipit ea quæ sunt spiritus Dei, Sed hæc fit in cordibus, cum per verbum Spiritus sanctus concipitur. Hæc totidem verbis dicit Augustinus lib. 3. Hypognoticon. Esse fatemur liberum arbitrium omnibus hominibus, habens quidem iudicium rationis, non per quod sit idoneum in ijs, quæ ad Deum pertinent, sine Deo aut inchoare aut certe peragere, sed tantum in operibus vitæ præsentis tam bonis quam etiam malis, Bonis dico, quæ de bono naturæ oriuntur, id est, velle laborare in agro, velle manducare & bibere, velle habere amicum, velle habere indumenta, velle fabricare domum, uxorem velle ducere, pecora nutrire, artem discere diversarum rerum bonarum, velle quicquid bonum ad præsentem pertinet vitam. Quæ omnia non sine divino gubernaculo subsistunt, imo ex ipso & per ipsum sunt, & esse cœperunt. Malis vero dico, ut est, velle idolum colere, velle homicidium &c.

Damnant Pelagianos, & alios, qui docent, quod sine Spiritu sancto solis naturæ viribus possumus Deum super omnia diligere. Item præcepta Dei facere, quo ad substantiam actuum. Quanquam enim externa opera aliquo modo efficere natura possit, potest enim continere manus à furto, à cæde, tamen interiores motus non potest efficere, ut timorem Dei, fiduciam erga Deum, castitatem, patientiam &c.

XIX.

DE causa peccati docent, quod tametsi Deus creat & conservat naturam, tamen causa peccati est voluntas malorum, videlicet Diaboli & impiorum, quæ non adjuvante Deo avertit se à Deo, sicut Christus ait Iohan. 8. Cum loquitur mendacium ex se ipso loquitur.

XX.

FALSO accusantur nostri, quod bona opera prohibeant. Nam scripta eorum, quæ extant de decem præceptis, & alia simili argumento testantur, quod utiliter docuerint de omnibus vitæ generibus & officijs, quæ genera vitæ, quæ opera in qualibet vocatione Deo placeant. De quibus rebus olim parum docebant Concionatores, tantum puerilia & non necessaria opera urgebant, ut certas ferias, certa jejunia, fraternitates, peregrinationes, cultus Sanctorum, rosaria, monachatum & similia. Hæc adversarij nostri admoniti nunc dediscunt, nec perinde prædicant hæc inutilia opera, ut olim. Præterea incipiunt Fidei mentionem facere, de qua olim mirum erat silentium. Etsi non desinunt obscurare doctrinam fidei, cum relinquunt dubias conscientias, & jubent mereri remissionem peccatorum operibus. Nec docent quod sola fide propter Christum certo accipiamus remissionem peccatorum.

Cum igitur doctrina de fide, quam oportet in Ecclesia præcipuam esse, tam diu jacuerit ignota, quemadmodum fateri omnes necesse est, de fidei justitia altissimum silentium fuisse in concionibus, tantum doctrinam operum versatam esse in Ecclesijs, nostri de fide sic admonuerunt Ecclesias.

Principio quod opera nostra non possint reconciliare Deum, aut mereri, remissionem peccatorum & gratiam & justificationem, sed hanc tantum fide consequimur, credentes quod propter Christum recipiamur in Gratiam, qui solus positus est mediator & propiciator, per quem reconcilietur pater. Itaq; qui confidit operibus se mereri gratiam, is aspernatur Christi meritum & gratiam, & quærit sine Christo humanis viribus viam ad Deum, cum Christus de se dixerit, Ego sum via, veritas & vita.

Hæc doctrina de fide ubiq; in Paulo tractatur Ephes. 2. Gratia salvi facti estis per fidem, & hoc non ex vobis, Dei donum est, non ex operibus, &c.

Et ne quis cavilletur, à nobis novam Pauli interpretationem excogitari, tota



tota hæc causa habet testimonia Patrum. Nam Augustinus multis voluminibus defendit gratiam & iusticiam Fidei contra merita operum. Et similia docet Ambrosius de vocatione Gentium, & alibi. Sic enim inquit de vocatione Gentium, Vilesceret redemptio sanguinis Christi, nec misericordiae Dei humanorum operum prerogativa succumberet, si iustificatio, quæ fit per gratiam, meritis præcedentibus deberetur, ut non munus largientis, sed merces esset operantis.

Quamquam autem hæc doctrina contemnitur ab imperitis, tamen experiuntur piæ ac pavidæ conscientiae plurimum eam consolationis asferre. Quia conscientiae non possunt reddi tranquillæ per ulla opera, sed tantum fide, cum certo statuunt, quod propter Christum habeant placatum Deum. Quemadmodum Paulus docet Rom. 5. Iustificati per fidem pacem habemus apud Deum. Tota hæc doctrina ad illud certamen perterrefactæ conscientiae referenda est, nec sine illo certamine intelligi potest. Quare male iudicant de ea re homines imperiti, & prophani, qui Christianam iusticiam nihil esse somniant, nisi civilem & philosophicam iusticiam.

Olim vexabantur conscientiae doctrina operum, non audiebant ex Evangelio consolationem. Quosdam conscientia expulit in desertum, in Monasteria, sperantes ibi se gratiam merituos esse per vitam monasticam, Alij alia excogitaverunt opera, ad promerendam gratiam & satisfaciendum pro peccatis. Ideo magnopere fuit opus, hanc doctrinam de fide in Christum tradere, & renovare, ne deesset consolatio pavidis conscientijs, sed scirent fide in Christum apprehendi Gratiam & remissionem peccatorum & iustificationem.

Admonentur etiam homines, quod hic nomen Fidei non significet tantum historiae notitiam, qualis est in impijs & Diabolo, sed significet fidem, quæ credit non tantum historiam, sed etiam effectum historiae, videlicet hunc articulum, Remissionem peccatorum, quod videlicet per Christum habeamus Gratiam, iusticiam & remissionem peccatorum.

Iam qui scit se per Christum habere propitium Patrem, is vere novit Deum, scit se ei curæ esse, diligit & invocatur eum, Denique non est sine Deo, sicut Gentes. Nam Diaboli & impij non possunt hunc articulum credere, Remissionem peccatorum. Ideo Deum tanquam hostem oderunt, non invocant eum, nihil boni ab eo expectant. Augustinus etiam de Fidei nomine hoc modo admonet lectorem, & docet in scripturis nomen fidei accipi, non pro notitia, qualis est in impijs, sed pro fiducia, quæ consolatur & erigit perterrefactas mentes.

Præterea docent nostri, quod necesse sit bona opera facere, non ut confidamus per ea Gratiam mereri, sed propter voluntatem Dei. Tantum fide apprehenditur remissio peccatorum & pax conscientiae. Et quia per fidem accipitur Spiritus sanctus, jam corda renovantur, & induunt novos affectus, ut parere bona opera possint. Sic enim ait Ambrosius, Fides bonæ voluntatis, & iustæ actionis genitrix est. Nam humanæ vires, sine Spiritu sancto, plene sunt impijs affectibus, & sunt imbecilliores, quam ut bona opera possint efficere coram Deo. Ad hæc, sunt in potestate Diaboli, qui impellit homines ad varia peccata, ad impias opiniones, ad manifesta scelera. Quemadmodum est videre in Philosophis, qui & ipsi conati honeste vivere, tamen id non potuerunt efficere, sed contaminati sunt multis manifestis sceleribus. Talis est imbecillitas hominis, cum est sine fide & sine Spiritu sancto, & tantum humanis viribus se gubernat.

Hinc facile apparet hanc doctrinam non esse accusandam, quod bona opera prohibeat, sed multo magis laudandam, quod ostendit quomodo bona opera facere possimus. Nam sine fide nullo modo potest humana natura primi aut secundi Præcepti opera facere. Sine fide non invocatur Deum, à Deo nihil expectat, non tollerat crucem, sed quærit humana præsidia, confidit humanis præsidijs. Ita regnant in corde omnes cupiditates, & humana consilia, cum abest fides & fiducia erga Deum. Quare & Christus dixit, Sine me nihil potestis facere,

Iohan. 15. Et Ecclesia canit, Sine tuo numine, nihil est in homine, nihil est innoxium.

XXI.

DE cultu Sanctorum docent, quod memoria Sanctorum proponi potest, ut imitemur fidem eorum, & bona opera juxta vocationem, Vt Cæsar imitari potest exemplum Davidis in bello gerendo ad depellendos Turcas à patria. Nam uterq; Rex est, sed scriptura non docet invocare Sanctos, seu petere auxilium à Sanctis. Quia unum Christum nobis proponit Mediatorem, propitiatorium, Pontificem & intercessorem. Hic invocandus est, & promisit se exauditurum esse preces nostras, & hunc cultum maxime probat, videlicet, ut invocetur in omnibus afflictionibus. I Iohan 2. Si quis peccat, habemus advocatum apud Deum. &c.

Hæc fere summa est doctrinæ apud nos, in qua cerni potest nihil inesse quod discrepet à Scripturis, vel ab Ecclesia Catholica vel ab Ecclesia Romana, quatenus ex scriptoribus nota est. Quod cum ita sit, inclementer judicant isti, qui nostros pro hæreticis haberi postulant. Sed dissensio est de quibusdam abusibus, qui sine certa autoritate in Ecclesias irreperunt, in quibus etiam, si qua esset dissimilitudo, tamen decebat hæc lenitas Episcopos, ut propter confessionem, quam modo recensuimus, tolerarent nostros. Quia ne Canones quidem tam duri sunt, ut eosdem ritus ubiq; esse postulent, neq; similes unquam omnium Ecclesiarum ritus fuerunt. Quanquam apud nos magna ex parte veteres ritus diligenter servantur. Falsa enim calumnia est, quod omnes ceremoniæ, omnia vetera instituta in Ecclesijs nostris aboleantur. Verum, publica querela fuit, abusus quosdam in vulgaribus ritibus hære. Hi quia non poterant bona conscientia probari, aliqua ex parte correcti sunt.

ARTICULI IN QUIBVS RECENSENTUR abusus mutati.

CVM Ecclesiæ apud nos de nullo Articulo fidei dissentiant ab Ecclesia Catholica, tantum paucos quosdam abusus omittant, qui novi sunt, & contra voluntatem Canonum vitio temporum recepti, rogamus ut Cæsar. Majestas clementer audiat, & quid sit mutatum, & quæ fuerint causæ, quo minus coactus sit populus illos abusus contra conscientiam observare. Nec habeat fidem Cæsarea Majestas istis, qui ut inflamment odia hominum adversus nostros, miras calumnias spargunt in populum. Hoc modo irritatis animis bonorum virorum initio præbuerunt occasionem huic dissidio, & eadem arte conantur nunc augere discordias. Nam Cæsarea Majestas haud dubie comperiet tolerabiliorem esse formam, & doctrinæ & ceremoniarum apud nos, quam qualem homines iniqui & malevoli describunt. Porro veritas ex vulgi rumoribus aut maledictis inimicorum colligi non potest. Facile autem hoc judicare potest, nihil magis prodesse ad dignitatem Ceremoniarum conservandam & alendam reverentiam ac pietatem in populo, quam si ceremoniæ rite fiant in Ecclesijs.

DE VTRAQUE SPECIE.

LAicis datur utraque species Sacramenti in Coena Domini. Quia hic mos habet mandatum Domini Matthæi 26. Bibite ex hoc omnes. Vbi manifeste præcipit Christus de poculo ut omnes bibant, & ne quis possit cavillari, quod hoc ad Sacerdotes tantum pertineat, Paulus ad Corinth. exemplum recitat, in quo apparet totam Ecclesiam utraq; specie usam esse. Er diu mansit hic mos, in Ecclesia, nec constat quando aut quo autore mutatus sit. Cyprianus aliquot locis testatur populo sanguinem datum esse. Idem testatur Hieronymus qui ait, Sacerdotes eucharistiæ ministrant, & sanguinem Christi populis dividunt. Imo

Imo Gelasius Papa mandat, ne dividatur Sacramentum, *Distinct. 2. de Consecratione, Cap. Comperimus.* Tantum consuetudo non ita vetus aliud habet. Constat autem quod consuetudo contra mandata Dei introducta non sit probanda, ut testantur *Canones, Dist. 8. Cap. Veritate, cum sequentibus.* Hæc vero consuetudo non solum contra scripturam, sed etiam contra veteres *Canones & exemplum Ecclesiæ* recepta est. Quare si qui maluerunt utraq; specie Sacramenti uti, non fuerunt cogendi, ut aliter facerent cum offensione conscientiarum.

Et quia divisio Sacramenti non convenit cum institutione Christi, solet apud nos omitti processio, quæ hætenus fieri solita est.

### DE CONIVGIO SACERDOTVM.

**P**ublica querela fuit de exemplis Sacerdotum, qui non continebant. Quam ob causam & Pius Papa dixisse fertur, fuisse aliquas causas, cur ademptum sit sacerdotibus conjugium, sed multo maiores esse causas cur reddi debeat. Sic enim scribit Platina. Cum igitur Sacerdotes apud nos publica illa scandala vitare vellent, duxerunt uxores, ac docuerunt, quod liceat ipsis contrahere matrimonium. Primum, quia Paulus dicit, unusquisq; habeat uxorem suam propter fornicationem. Item, melius est nubere quam uri. Secundo, Christus inquit, Non omnes capiunt verbum hoc, ubi docet non omnes homines ad coelibatum idoneos esse. Quia Deus creavit hominem ad procreationem, *Gen. 1.* Nec est humanæ potestatis, sine singulari dono & opere Dei creationem mutare. Igitur qui non sunt idonei ad coelibatum, debent contrahere matrimonium. Nam mandatum Dei & ordinationem Dei, nulla Lex humana, nullum votum tollere potest. Ex his causis docent Sacerdotes sibi licere uxores ducere. Constat etiam in Ecclesia veteri Sacerdotes fuisse maritos. Nam & Paulus ait Episcopum eligendum esse, qui sit maritus. Et in Germania primum ante annos quadringentos, Sacerdotes vi coacti sunt ad coelibatum, qui quidem adeo adversati sunt, ut Archiepiscopus Moguntinus publicaturus edictum Rom. Pontificis de ea re, pene ab iratis Sacerdotibus per tumultum oppressus sit. Et res gesta est tam incivilliter, ut non solum in posterum conjugia prohiberentur, sed etiam præsentia contra omnia jura divina & humana, contra ipsos etiam *Canones, factos non solum à Pontificibus, sed à laudatissimis Synodis, distraherentur.*

Et cum senescente mundo, paulatim natura humana fiat imbecillior, convenit prospicere, ne plura vitia serpent in Germaniam. Porro Deus instituit conjugium, ut esset remedium humanæ infirmitatis. Ipsi *Canones* veterem rigorem interdum posterioribus temporibus propter imbecillitatem hominum laxandum esse dicunt, quod optandum est ut fiat & in hoc negotio. Ac videntur Ecclesijs aliquando defuturi pastores, si diutius prohibeatur conjugium.

Cum autem extet mandatum Dei, cum mos Ecclesiæ notus sit, cum impurus coelibatus plurima pariat scandala, adulteria & alia scelera digna animadversione boni Magistratus, Tamen mirum est, nulla in re majorem exerceri sævitiam quam adversus conjugium Sacerdotum. Deus præcepit honore afficere conjugium, Leges in omnibus rebus publicis bene constitutis etiam apud Ethnicos maximis honoribus ornaverunt. At nunc capitalibus poenis excruciantur, & quidem Sacerdotes contra canonum voluntatem, nullam aliam ob causam, nisi propter conjugium. Paulus vocat doctrinam dæmoniorum, quæ prohibet conjugium, *1. Timoth. 4.* Id facile nunc intelligi potest, cum talibus supplicijs prohibitio conjugij defenditur.

Sicut autem nulla lex humana potest mandatum Dei tollere, ita nec votum potest tollere mandatum Dei. Proinde etiam Cyprianus suadet, ut mulieres nubant, quæ non servant promissam castitatem. Verba eius sunt hæc, lib. 1. *Epistola II.* Si autem perseverare nolunt, aut non possunt, melius est ut nubant, quam ut in ignem delicijs suis cadant, certe nullum fratribus aut sororibus scandalum



faciant. Et æquitate quadam utuntur ipsi Canones erga hos, qui ante justam ætatem voverunt, quomodo fere hætenus fieri consuevit.

DE MISSA.

**F**also accusantur Ecclesiæ nostræ, quod Missam aboleant. Retinetur enim Missa apud nos, & summa reverentia celebratur. Servantur & usitatæ ceremoniæ fere omnes, præterquam quod Latinis cantionibus admiscantur alicubi Germanicæ, quæ additæ sunt ad docendum populum. Nam ad hoc opus est ceremonijs, ut doceant imperitos, & quosdam excitet vere ad timorem aut fidem ac orationem tractatio verbi Dei. Et non modo Paulus præcipit uti lingua intellecta populo in Ecclesia, sed etiam ita constitutum est humano jure.

Assuevit populus, ut unâ utantur Sacramento, si qui sunt idonei, id quoque auget reverentiam ac religionem publicarum ceremoniarum. Nulli enim admittuntur, nisi antea explorati. Admonentur etiam homines de dignitate & usu Sacramenti, quantam consolationem afferat pavidis conscientijs, ut discant Deo credere, & omnia bona à Deo expectare & petere. Hic cultus delectat Deum, talis usus sacramenti alit pietatem erga Deum. Itaq; non videntur apud adversarios Missæ majore religione fieri quam apud nos. •

Constat autem hanc quoq; publicam & longe maximam querelam omnium bonorum virorum diu fuisse, quod Missæ turpiter prophanarentur, collatæ ad quæstum. Neque enim obscurum est, quam late pateat hic abusus in omnibus templis, à qualibus celebrentur Missæ, tantum propter mercedem aut stipendium, quam multi contra interdictum Canonum celebrent. Paulus autem graviter minatur his, qui indigne tractant Eucharistian, cum ait, Qui ederit panem hunc, aut biberit calicem Domini indigne, reus erit corporis & sanguinis Domini. Itaq; cum apud nos admonerentur Sacerdotes de hoc peccato, desierunt apud nos privata Missæ, cum fere nullæ privata Missæ, nisi quæstus causa, fierent. 1. Cor. 11

Neq; ignoraverunt hos abusus Episcopi, qui si correxissent eos in tempore, minus nunc esset dissensionum. Antea sua dissimulatione multa vitia passi sunt in Ecclesiam serpere, Nunc sero incipiunt queri de calamitatibus Ecclesiæ, cum hic tumultus non aliunde sumpserit occasionem, quam ex illis abusibus, qui tam manifesti erant, ut tolerari amplius non possent. Magnæ dissensiones de Missa, de Sacramento extiterunt. Fortasse dat poenas orbis tam diuturnæ prophanationis Missarum, quam in Ecclesijs tot seculis toleraverunt isti, qui emendare & poterant & debebant. Nam in decalogo scriptum est, Qui Dei nomine abutitur, non erit impunitus. At ab initio mundi nulla res divina ita videtur unquam ad quæstum collata fuisse, ut Missa.

Accessit opinio, quæ auxit privatas Missas in infinitum, videlicet quod Christus sua passione satisfecerit pro peccata originis, & instituerit Missam, in qua fieret oblatio pro quotidianis delictis, mortalibus & venialibus. Hinc manavit publica opinio, quod Missa sit opus tollens peccata vivorum & mortuorum ex opere operato. Hic cœptum est disputari, utrum una Missa dicta pro pluribus, tantundem valeat, quantum singulæ pro singulis. Hæc disputatio peperit istam infinitam multitudinem Missarum.

De his opinionibus nostri admonuerunt, quod dissentiant à scripturis sanctis, & lædant gloriam passionis Christi. Nam passio Christi fuit oblatio & satisfactio, non solum pro culpa originis, sed etiam pro omnibus reliquis peccatis, ut ad Hebræos scriptum est. Sanctificati sumus per oblationem Iesu Christi semel. Item, Vna oblatione consummavit in perpetuum sanctificatos. Heb. 10

Item, Scriptura docet nos coram Deo justificari per fidem in Christum, cum credimus nobis remitti peccata propter Christum. Iam si Missa tollit peccata vivorum & mortuorum ex opere operato, contingit justificatio ex opere Missarum, non ex fide, quod scriptura non patitur.

Sed

Sed Christus jubet facere in sui memoriam. Quare Missa instituta est, ut fides in ijs, qui utuntur Sacramento, recordetur quæ beneficia accipiat per Christum, & erigat & consoletur pavidam conscientiam. Nam id est meminisse Christi, beneficia meminisse, ac sentire quod vere exhibeantur nobis. Nec satis est historiam recordari, quia hanc etiam Iudæi & impij recordari possunt. Est igitur ad hoc facienda Missa, ut ibi porrigatur Sacramentum his, quibus opus est consolatione, sicut Ambrosius ait, Quia semper pecco, semper debeo accipere medicinam.

Cum autem Missa sit talis communicatio sacramenti, servatur apud nos una communis Missa, singulis ferijs atq; alijs etiam diebus, si qui sacramento velint uti, ubi porrigitur sacramentum his qui petunt. Neque hic mos in Ecclesia novus est. Nam veteres ante Gregorium non faciunt mentionem privatæ Missæ. De communi Missa plurimum loquuntur. Chrysostomus ait, Sacerdotem quotidie stare ad altare, & alios ad communionem accersere, alios arcere. Et ex Canonibus veteribus apparet unum aliquem celebrasse Missam, à quo reliqui presbyteri & diaconi sumpserunt corpus Domini. Sic enim sonant verba Canonis Nicæni, Accipiant Diaconi secundum ordinem post presbyteros, ab Episcopo vel à presbytero sacram communionem. Et Paulus de communione jubet, ut alij alios expectent, ut fiat communis participatio.

Postquam igitur Missa apud nos habet exemplum Ecclesiæ, ex scriptura & patribus, confidimus improbari eam non posse, maxime cum publicæ ceremoniæ magna ex parte similes usitatis servantur, tantum numerus Missarum est dissimilis, quem propter maximos & manifestos abusus certe moderari prodesset. Nam olim etiam in Ecclesijs frequentissimis non fiebat quotidie Missa, ut testatur historia Tripartita lib. 9. Cap. 38. Rursus autem in Alexandria quarta & sexta feria Scripturæ leguntur, easque doctores interpretantur, & omnia sunt præter solennem oblationis morem.

### DE CONFESSIONE.

Confessio in Ecclesijs apud nos non est abolita. Non enim solet porrigi corpus Domini, nisi antea exploratis & absolutis. Et docetur populus diligentissime de fide absolutionis, de qua ante hæc tempora magnum erat silentium. Docentur homines, ut absolutionem plurimi faciant, quia sit vox Dei & mandato Dei pronuncietur. Ornatur potestas clavium & commemoratur quantam consolationem afferat per terrefactis conscientijs, & quod requirat Deus fidem, ut illi absolutioni tanquam voci de cælo sonanti credamus, & quod illa fides in Christum vere consequatur, & accipiat remissionem peccatorum. Antea immodice extollebantur satisfactiones, Fidei vero & meriti Christi, ac justiciæ fidei nulla fiebat mentio. Quare in hac parte minime sunt culpandæ Ecclesiæ nostræ. Nam hoc etiam adversarij tribuere nobis coguntur, quod doctrina de pœnitentia diligentissime à nostris tractata ac patefacta sit.

Sed de confessione docent, quod enumeratio delictorum non sit necessaria, nec sint onerandæ conscientiæ cura enumerandi omnia delicta. Quia impossibile est omnia delicta recitare, Vt testatur Psal. Delicta quis intelligit? Item Hieremias pravum est cor hominis & inscrutabile. Quod si nulla peccata nisi recitata remitterentur, nunquam acquiescere conscientiæ possent. Quia plurima peccata neq; vident neq; meminisse possunt. Testantur & veteres scriptores enumerationem non esse necessariam. Nam in Decretis citatur Chrysostomus, qui sic ait, Non tibi dico, ut te prodas in publicum, neq; apud alios de accuses, sed obedire te volo Prophetæ dicenti: Revela ante Deum viam tuam. Erga tua confitere peccata apud Deum, verum judicem, cum oratione. Delicta tua pronuncia non lingua, sed conscientiæ tuæ memoria, &c. Et glossa de pœnitentia,

Dist. 5. Cap. Consideret, fatetur humani juris esse confessionem. Verum confessio, cum propter maximum adsolutionis beneficium, tum propter alias conscientiarum utilitates apud nos retinetur.

DE DISCRIMINE CIBORVM.

**P**ublica persuasio fuit non tantum vulgi, sed etiam docentium in Ecclesijs, quod discrimina ciborum, & similes traditiones humanæ, sint opera utilia ad promerendam remissionem culpæ & poenæ. Et quod sic senserit mundus, apparet ex eo, quia quotidie instituebantur novæ ceremoniæ, novi ordines, novæ feriæ, nova jejunia, & doctores in templis exigebant hæc opera tanquam necessarium cultum ad promerendam justificationem & vehementer terrebant conscientias, si quid omitterent. Ex hac persuasione de traditionibus multa incommoda in Ecclesia secuta sunt.

Primo obscurata est doctrina de gratia & iusticia Fidei, quæ est præcipua pars Evangelij, & quam maxime oportet extare & eminere in Ecclesia, ut meritum Christi bene cognoscatur, & fides, quæ credit remitti peccata propter Christum, non propter ulla nostra opera, longe supra opera collocetur. Quare & Paulus in hunc locum maxime incumbit, Legem & traditiones humanas removet, ut ostendat iusticiam Christianam aliud quiddam esse, quam huiusmodi opera, videlicet fidem, quæ credit peccata gratis remitti propter Christum. At hæc doctrina Pauli, pene tota oppressa est per traditiones, quæ pepererunt opinionem, quod per discrimina ciborum & similes cultus, oporteat mereri remissionem peccatorum & justificationem. In poenitentia nulla mentio fiebat de fide, tantum hæc opera satisfactoria proponebantur, In his videbatur poenitentia tota consistere.

Secundo, hæ traditiones obscuraverunt præcepta Dei, quia traditiones longe præferebantur præceptis Dei, Christianismus totus putabatur esse observatio certarum feriarum, rituum, jejuniorum, vestitus. Hæ observationes erant in possessione honestissimi tituli, quod essent vita spiritualis, & vita perfecta, Interim mandata Dei juxta vocationem, nullam laudem habebant, quod paterfamilias educabat sobolem, quod mater pariebat, quod Princeps regebat rempublicam, hæc putabantur esse opera mundana & imperfecta, & longe deteriora illis splendidis observationibus. Et hic error valde cruciavit pias conscientias, quæ dolebant se teneri imperfecto vitæ genere, in conjugio, in magistratibus, aut alijs functionibus civilibus, mirabantur Monachos & similes, & falso putabant illorum observationes magis mereri remissionem peccatorum & justificationem.

Tertio, traditiones attulerunt magna pericula conscientijs. Quia impossibile erat omnes traditiones servare, & tamen homines arbitrabantur has observationes necessarios esse cultus. Gerson scribit multos incidisse in desperationem, quosdam etiam sibi mortem conscivisse, quia senserant, se non posse satisfacere traditionibus, & interim consolationem nullam de iusticia fidei & de gratia audierant.

Videmus Summistas & Theologos colligere traditiones, & quærere in iis, ut levant conscientias, non satis tamen expediunt, sed interdum magis injiciunt laqueos conscientijs. Et in colligendis traditionibus ita fuerunt occupata Scholæ & conciones, ut non vacaverit attingere scripturam, & quærere utiliorem doctrinam de fide, de cruce, de spe, de dignitate civilium rerum, de consolatione conscientiarum in arduis tentationibus. Itaq; Gerson & alij quidam Theologi graviter questi sunt, se his rixis traditionum impediri, quo minus versari possent in meliore genere doctrinæ. Et Augustinus vetat onerare conscientias huiusmodi observationibus, & prudenter admonet Ianuarium, ut sciat eas indifferenter observandas esse, sic enim loquitur.

Quare



Quare nostri non debent videri hanc causam temere attigisse, aut odio Episcoporum, ut quidam falso suspicantur. Magna necessitas fuit de illis erroribus, qui nati erant ex traditionibus male intellectis, admonere Ecclesias. Nam Evangelium cogit vrgere doctrinam in Ecclesijs de gratia & iusticia Fidei, quæ tamen intelligi non potest, si putent homines se mereri remissionem peccatorum & justificationem per observationes ab ipsis electas.

Sic igitur docuerunt, quod per observationem traditionum humanarum non possimus mereri remissionem peccatorum ac justificationem. Quare non est sentiendum, quod huiusmodi observationes sint necessarij cultus.

11th. 15. Addunt testimonia ex scriptura, Christus Matth. 15. excusat Apostolos, qui non servaverant usitatam traditionem, quæ tamen videbatur de re non illicita, sed media esse, & habere cognationem cum baptismatibus legis, & dicit, Frustra colunt me mandatis hominum. Igitur non exigit cultum inutilem.

Et paulo post addit, Omne quod intrat in os, non inquinat hominem.

1ma. 14. Item Rom. 14. Regnum Dei non est esca aut potus.

11th. 2. Coloss. 2. Nemo iudicet vos in cibo, potu, sabbatho aut die festo.

Item, Si mortui estis cum Christo ab elementis mundi, Quare tanquam viventes in mundo decreta facitis? Ne attingas. Ne gustes. Ne contrectes.

Act. 15. ait Petrus, *Quare tentatis Deum, imponentes jugum super cervices discipulorum, quod neq. nos neq. patres nostri portare potuimus, sed per gratiam Domini nostri Iesu Christi credimus salvari, quemadmodum & illi.* Hic vetat Petrus onerare conscientias pluribus ritibus sive Mosi sive alijs.

Tim. 4. Et 1. Timoth. 4. vocat prohibitionem ciborum, doctrinam dæmoniorum. Quia pugnat cum Evangelio talia opera instituere aut facere, ut per ea mereamur remissionem peccatorum & justificationem, aut quod non possit existere Christianismus sine tali cultu.

Hic obijciunt adversarij, quod nostri prohibeant disciplinam & mortificationem carnis, sicut Iovinianus. Verum aliud deprehendetur ex scriptis nostrorum. Semper enim docuerunt de cruce, quod Christianos oporteat tolerare afflictiones. Hæc est vera, seria & non simulata mortificatio, varijs afflictionibus exerceri, & crucifigi cum Christo.

Insuper docent quod quilibet Christianus debeat se corporali disciplina, aut corporalibus exercitijs & laboribus sic exercere & coercere, ne saturitas aut desidiosa extimulet ad peccandum, non ut per illa exercitia mereamur remissionem culpæ aut mortis æternæ. Et hanc corporalem disciplinam oportet semper urgere, non solum paucis & constitutis diebus. Sicut Christus præcipit, Cavete ne corpora vestra graventur crapula. Item, hoc genus dæmoniorum non ejicitur nisi jejuniis & oratione. Et Paulus ait, Castigo corpus meum, & redigo in servitutem. Vbi clare ostendit, se ideo castigare corpus, non ut per eam disciplinam mereatur remissionem peccatorum, sed ut corpus habeat obnoxium & idoneum ad res spirituales & ad faciendum officium, juxta vocationem suam. Itaq; non damnatur ipsa jejunia, sed traditiones, quæ certos dies, certos cibos præscribunt, cum periculo consciëntiæ, tanquam huiusmodi opera sint necessarij cultus.

Servantur tamen apud nos plæræq; traditiones, quæ conducunt ad hoc, ut res ordine geratur in Ecclesia, ut ordo lectionum in Missa & præcipuæ feriæ. Sed interim homines admonentur, quod talis cultus non iustificet coram Deo, & quod non sit ponendum peccatum in talibus rebus, si omittantur sine scandalo. Hæc libertas in ritibus humanis non fuit ignota patribus, Nam in oriente alio tempore servaverunt Pascha quam Romæ, & cum Romani propter hanc dissimilitudinem accusarent Orientem schismatis, admoniti sunt ab alijs, tales mores non oportere ubiq; similes esse. Et Irenæus inquit, dissonantia jejunijs fidei consonantiam non solvit, sicut & Dist. 12. Gregorius Papa significat, talem dissimilitudinem

tudinem non lædere unitatem Ecclesiæ. Et in historia Tripartita lib. 9. multa colliguntur exempla dissimilium rituum, & recitantur hæc verba: Mens Apostolorum fuit, non de diebus festis sancire, sed prædicare donam conversationem & pietatem.

### DE VOTIS MONACHORVM.

**Q**uid de votis Monachorum apud nos doceatur, melius intelliget, si quis meminerit qualis status fuerit Monasteriorum, quam multa contra Canones in ipsis Monasterijs quotidie fiebant. Augustini tempore erant libera collegia, postea corrupta disciplina, ubiq; addita sunt vota, ut tanquam excogitato carcere disciplina restitueretur, Additæ sunt paulatim supra vota aliæ multæ observationes. Et hæc vincula multis ante justam ætatem contra Canones injecta sunt. Multi inciderunt errore in hoc vitæ genus, quibus etiam si non deessent anni, tamen iudicium de suis viribus defuit. Qui sic irretiti erant, cogeantur manere, etiam si quidam beneficio Canonum liberari possent. Et hoc accidit magis etiam in Monasterijs Virginum quam Monachorum, cum sexui imbecilliori magis parcendum esset. Hic rigor displicuit multis bonis viris ante hæc tempora, qui videbant puellas & adolescentes in Monasteria detrudi propter victum, videbant quam infelicitè succederet hoc consilium, quæ scandala pareret, quos laqueos conscientijs injiceret, Dolebant auctoritatem Canonum in re periculosissima omnino negligi & contemni.

Ad hæc mala accedebat talis persuasio de votis, quam constat etiam olim displicuisse ipsis Monachis, si qui Paulo cordatiores fuerunt, docebant vota paria esse Baptismo, docebant se hoc vitæ genere mereri remissionem peccatorum, & justificationem coram Deo, Imo addebant, vitam Monasticam non tantum justiciam mereri coram Deo, sed amplius etiam, quia servaret non modo præcepta, sed etiam consilia Evangelica.

Ita persuadebant Monasticam professionem longe meliorem esse baptismo, vitam Monasticam plus mereri quam vitam Magistratum, vitam pastorum & similium, qui in mandatis Dei sine facticijs religionibus suæ vocationi servant. Nihil horum negari potest, extant enim in libris eorum.

Quid fiebat postea in Monasterijs? Olim erant scholæ sacrarum literarum, & aliarum disciplinarum, quæ sunt utiles Ecclesiæ, & sumebantur inde pastores, & Episcopi. Nunc alia res est, nihil opus est recitare vota. Olim ad discendum conveniebant, nunc fingunt institutum esse vitæ genus ad promerendam remissionem peccatorum & justificationem, imo prædicant esse statum perfectionis, & longe præferunt omnibus alijs vitæ generibus à Deo ordinatis.

Hæc ideo recitavimus nihil odiose exaggerantes, ut melius intelligi posset de hac re, doctrina nostrorum. Primum de his, qui matrimonia contrahunt, sic docent apud nos, quod liceat omnibus, qui non sunt idonei ad cœlibatum, contrahere matrimonium, quia vota non possunt ordinationem ac mandatum Dei tollere. Est autem hoc mandatum Dei, Propter fornicationem habeat unusquisq; uxorem suam. Neque mandatum solum, sed etiam creatio & ordinatio Dei cogit hos ad conjugium, qui sine singulari Dei opere non sunt excepti, juxta illud; Non est bonum homini esse solum. Igitur non peccant isti, qui optemperant huic mandato & ordinationi Dei.

Quid potest contra hæc opponi? Exaggeret aliquis obligationem voti quantum volet, tamen non poterit efficere, ut votum tollat mandatum Dei, Canones docent in omni voto, jus superioris excipi, Quare multo minus hæc vota contra mandata Dei valent. Quod si obligatio votorum, nullas haberet causas, cur mutari possit, nec Romani Pontifices dispensassent. Neq; enim licet homini obligationem, quæ simpliciter est juris divini, rescindere. Sed prudenter judicaverunt Romani Pontifices æquitatem in hac obligatione adhibendam esse, Ideo



Ideo sæpe de votis dispensasse leguntur. Nota est historia de Rege Arragonum, revocato ex Monasterio, & extant exempla nostri temporis.

Deinde cur obligationem exaggerant adversarij seu effectum voti, cur interim de ipsa voti natura fileant, quod debet esse in re possibili, quod debet esse voluntarium, sponte & consulto conceptum. At quomodo sit in potestate hominis perpetua castitas, non est ignotum. Et quoruscumque sponte & consulto voluit? Puellæ & adolescentes priusquam judicare possunt, perluadentur ad vendendum, interdum etiam coguntur. Quare non est æquum tam rigide de obligatione disputare, cum omnes fateantur contra voti naturam esse, quod non sponte, quod inconsulto admittitur.

Plerique Canones rescindunt vota ante annum 15. contracta. Quia ante illam ætatem non videtur tantum esse judicij, ut de perpetua vita constitui possit. Alius Canon plus concedens hominum imbecillitati, addit annos aliquot, vetat enim ante annum 18. votum fieri. Sed utrum sequemur, Maxima pars habet excusationem, cur Monasteria deserant, quia plurimi ante hanc ætatem voverunt. Postremo etiam, si voti violatio reprehendi posset, tamen non videtur statim sequi, quod conjugia talium personarum dissolvenda sint. Nam Augustinus negat debere dissolvi. 27. quæst. 2. Cap. Nuptiarum, Cuius non est levis autoritas, etiam si alij postea aliter senserunt.

Quamquam autem mandatum Dei de conjugio videatur plerisque liberare à votis, tamen afferunt nostri & aliam rationem de votis, quod sint irrita. Quia omnis cultus Dei, ab hominibus sine mandato Dei institutus & electus ad promerendam remissionem peccatorum & justificationem, impius est, sicut Christus ait, Frustra colunt me mandatis hominum. Et Paulus ubique docet, justiciam non esse querendam ex nostris observationibus & cultibus, qui sint excogitati ab hominibus, sed contingere eam per fidem credentibus se habere Deum placatum & propitium propter Christum, non propter ulla nostra merita.

Constat autem Monachos docuisse, quod facticiæ religiones mereantur remissionem peccatorum & justificationem, & quod pro peccatis satisfaciant. Quid hoc est aliud, quam de gloria Christi detrahare & obscurare, ac negare justiciam fidei? Sequitur igitur ista vota usitata, impios cultus fuisse, quare sunt irrita. Nam votum impium, & factum contra mandata Dei non valet, neque enim debet votum vinculum esse iniquitatis, ut Canon dicit.

Paulus dicit. Evacuati estis à Christo, qui in lege justificamini, à gratia excidistis, id est, qui sentiunt, quod mereantur proprijs operibus remissionem peccatorum, & quod propter propriam legis impletionem placeant Deo, nec sentiunt quod propter Christum gratis accipiant fide donatam remissionem peccatorum per misericordiam Dei, & quod propter Christum placeant Deo, hi amittunt Christum, quia fiduciam debitam Christo & promissioni Dei, transferunt ad opera. Item opponunt iræ Dei, non propiciatorem Christum, sed propria opera, quare honorem debitum Christo transferunt ad opera nostra. Constat autem Monachos hoc docere, quod suis observationibus mereantur remissionem peccatorum, quod habeant Deum propitium propter has observationes. Quare docent confidere suis operibus, non propiciationi Christi. Hæc fiducia est impia, & cum Evangelio pugnat, & in judicio Dei deprehendetur esse inanis. Non enim possunt opera nostra opponi iræ ac judicio Dei. Tantum ita placatur ira Dei, quando gratuitam misericordiam, propter Christum promissam fide apprehendimus. Amittunt igitur Christum, qui fiduciam non in Christum, sed in opera propria collocant.

Præterea Monachi docuerunt suum vitæ genus, statum esse perfectionis, quia observarent non solum præcepta, sed etiam consilia. Hic error maxime pugnat cum Evangelio, quod finxerunt se præceptis ita satisfacere, ut amplius etiam facerent. Et hinc natus est horribilis error, quod finxerunt se habere merita supereroga-



supererogationis. Hæc applicaverunt pro alijs, ut satisfactiones essent pro alienis peccatis. Hæc si quis odiose velit exaggitare, quam multa commemorare possit, quorum jam ipsos Monachos pudet.

Non est leve scandalum in Ecclesia populo proponere certum cultum ab hominibus excogitatum sine mandato Dei, & docere quod talis cultus iustificet homines. Quia iusticia fidei in Christum, quam maxime oportet tradi in Ecclesia, obscuratur, cum illæ mirificæ religiones Angelorum, simulatio pauperatis & humilitatis, & coelibatus offunduntur oculis hominum.

Præterea obscurantur præcepta Dei, & verus cultus Dei, cum audiunt homines, solos Monachos esse in statu perfectionis. Quia perfectio Christiana est, serio timere Deum, & rursus concipere magnam fidem, & confidere propter Christum, quod habeamus Deum placatum, petere à Deo, & certo expectare auxilium in omnibus rebus gerendis, juxta vocationem. Interim foris diligenter facere bona opera, & servire vocationi, In his rebus est vera perfectio, & verus cultus Dei, non est in coelibatu aut mendicitate, aut veste sordida. Ac populus concipit multas perniciosas opiniones ex illis falsis præconijs vitæ Monasticæ. Audit sine modo laudari coelibatum, ideo cum offensione conscientia versatur in conjugio, Audit solos mendicos esse perfectos, ideo cum offensione conscientia retinet possessiones, negociatur, Audit consilium Evangelicum esse de non vindicando, ideo alij in privata vita non verentur ulcisci, audiunt enim consilium esse non præceptum, Alij omnes Magistratus & civilia officia judicant indigna esse Christianis.

Leguntur exempla hominum, qui deserto conjugio, & deserta rei publicæ administratione, abdiderunt se in Monasteria. Id vocabant fugere ex mundo, & querere vitæ genus, quod Deo magis placeret, nec videbant Deo serviendum esse in illis mandatis, quæ ipse tradidit, non in mandatis quæ sunt excogitata ab hominibus. Bonum & perfectum vitæ genus est, quod habet mandatum Dei, De his rebus necesse est admonere homines. Et ante hæc tempora reprehendit Gerson errorem Monachorum de perfectione, & testatur suis temporibus novam vocem fuisse, quod vita Monastica sit status perfectionis.

Tam multæ impiæ opiniones hærent in votis, quod mereantur remissionem peccatorum & justificationem, quod sint perfectio Christiana, quod servent consilia & præcepta, quod habeant opera supererogationis. Hæc omnia cum sint falsa & inania, faciunt vota irrita.

### DE POTESTATE ECCLESIASTICA.

**M**agnæ disputationes fuerunt de potestate Episcoporum, in quibus nonnulli incommode cōmiscuerunt potestatem Ecclesiasticam, & potestatem gladij. Et ex hac confusione, maxima bella, maximi motus extiterunt, dum Pontifices freti potestate clavium, non solum novos cultus instituerunt, reservatione casuum, violentis excommunicationibus conscientias oneraverunt, sed etiam regna mundi transferre, & imperatoribus adimere imperium conati sunt. Hæc vitia multo ante reprehenderunt in Ecclesia homines pijs & eruditi. Itaq; nostri ad consolandas conscientias coacti sunt ostendere discrimen Ecclesiasticæ potestatis, & potestatis gladij, & docuerunt utramq; propter mandatum Dei religiose venerandam & honore afficiendam esse, tanquam summa Dei beneficia in terris.

Sic autem sentiunt, potestatem clavium, seu potestatem Episcoporum, juxta Evangelium, potestatem esse seu mandatum Dei, prædicandi Evangelii, remittendi & retinendi peccata, & administrandi sacramenta. Nam cum hoc mandato Christus mittit Apostolos, Sicut misit me pater, ita & ego mitto vos. Accipite Spiritum Sanctum, quorum remiseritis peccata, remittuntur eis, & quorum re-

rum retinueritis peccata retenta sunt. Marc. 16. Ite prædicate Evangelium omni creaturæ &c.

Hæc potestas tantum exercetur docendo seu prædicando Evangelium, & porrigendo Sacramenta, vel multis vel singulis juxta vocationem. Quia conceduntur non res corporales, sed res æternæ, justiciæ æterna, Spiritus sanctus, vita æterna. Hæc non possunt contingere nisi per ministerium verbi & Sacramentorum, sicut Paulus dicit, Evangelium est potentia Dei, ad salutem omni credenti. Itaq; cum potestas Ecclesiastica concedat res æternas, & tantum exerceatur per ministerium Verbi, non impedit politicam administrationem, sicut ars canendi nihil impedit politicam administrationem. Nam politica administratio versatur circa alias res quam Evangelium. Magistratus defendit non mentes, sed corpora & res corporales, adversus manifestas injurias, & coërcet homines gladio, & corporalibus pœnis, ut justiciam civilem & pacem retineat.

Non igitur commiscendæ sunt potestates Ecclesiastica & civilis, Ecclesiastica suum mandatum habet, Evangelij docendi & administrandi Sacramenta. Non irrumpat in alienum officiū, non transferat regna mundi, non abroget leges Magistratum, non tollat legitimam obedientiam, non impediat judicia de ullis civilibus ordinationibus aut contrahētib; non præscribat leges magistratibus de forma reipublicæ, sicut dicit Christus, Regnum meum non est de hoc mundo. Item, Quis constituit me judicem aut divisorem super vos? Et Paulus ait Phil. 3. Nostra politia in cœlis est. 2. Corinth. 10. Arma militiæ nostræ non sunt carnalia, sed potentia Deo, ad destruendas cogitationes &c. Ad hunc modum discernunt nostri utriusq; potestatis officia, & jubent utramq; honore afficere & agnoscere utramq; Dei donum & beneficium esse.

Si quam habent Episcopi potestatem gladij, hanc non habent, ut Episcopi ex mandato Evangelij, seu jure humano donatam à Regibus & Imperatoribus, ad administrationem civilem suorum bonorum. Hæc interim alia functio est quam ministerium Evangelij.

Cum igitur de jurisdictione Episcoporum quæritur, discerni debet imperium ab Ecclesiastica jurisdictione. Porro secundum Evangelium, seu ut loquuntur, de jure divino, nulla jurisdictio competit Episcopis, ut Episcopis, hoc est, his quibus est commissum ministerium verbi & sacramentorum, nisi remittere peccata. Item, cognoscere doctrinam, & doctrinam ab Evangelio dissentientem rejicere & impios, quorum nota est impietas, excludere à communione Ecclesiæ, sine vi humana, sed Verbo. Hic necessario, & de jure divino, debent eis Ecclesiæ præstare obedientiam, juxta illud: Qui vos audit, me audit.

Verum cum aliquid contra Evangelium docent aut statuunt, tunc habent Ecclesiæ mandatum Dei, quod obedientiam prohibet, Matth. 7. Cavete à Pseudopphetis. Gal. 1. Si Angelus de cœlo aliud Evangelium evangelizaverit, anathema sit. 2. Cor. 13. Non possumus aliquid contra veritatē, sed pro veritate. Item, Data est nobis omnis potestas ad ædificationem, non ad destructionem. Sic & Canones præcipiunt. 2. q. 7. Cap. Sacerdotes, & Cap. Oves. Et Augustinus contra Petilianum Epistolam inquit, Nec catholicis Episcopis consentiendum est, sicubi forte falluntur, aut contra Canonicas Dei scripturas aliquid sentiunt.

Si quam habent aliam vel potestatem, vel jurisdictionem in cognoscendis certis causis, videlicet matrimonij, aut decimarum &c. hanc habent humano jure. Vbi cessantibus ordinarijs coguntur Principes vel inviti, suis subditis jus dicere, ut pax retineatur.

Præter hæc disputatur, utrum Episcopi seu pastores habeant jus instituendi ceremonias in Ecclesia, & leges de cibis, ferijs, gradibus ministrorum, seu ordinibus &c. condendi. Hoc jus, qui tribuunt Episcopis, allegant testimonium. Adhuc multa habeo vobis dicere, sed non potestis portare modo, Cum autem venerit ille spiritus veritatis, docebit vos omnem veritatem. Allegant etiam exemplum

emplum Apostolorum, qui prohibuerunt abstinere à sanguine, & suffocato. Allegant sabbatum mutatum in diem Dominicum contra Decalogum, ut videtur. Nec ullum exemplum magis jaçtatur, quam mutatio sabbathi. Magnam contendunt Ecclesiæ potestatem esse, quod dispensaverit de præcepto Decalogi.

Sed de hac quæstione nostri sic docent, quod Episcopi non habent potestatem statuendi aliquid contra Evangelium, ut supra ostensum est, Docent idem Canones. 9. Distinct. Porro contra scripturam est, traditiones condere aut exigere, ut per eam observationem mereamur remissionem peccatorum & satisfaciamus pro peccatis. Læditur enim gloria meriti Christi, cum talibus observationibus conamur mereri remissionem peccatorum & justificationem, Constat autem propter hanc persuasionem, in Ecclesia pene in infinitum crevisse traditiones, oppressa interim doctrina de fide & justitia fidei. Quia subinde plures feriæ factæ sunt, jejunia indicta, ceremoniæ novæ, novi honores Sanctorum instituti sunt. Quia arbitrabantur se autores talium rerum his operibus mereri remissionem peccatorum & justificationem. Sic olim creverunt Canones poenitentiales, quorum adhuc in satisfactionibus vestigia quædam videmus.

Item plerique scriptores fingunt in novo Testamento oportere cultum similem esse Levitico, cuius ordinationem commiserit Deus Apostolis & Episcopis. Et videntur scriptores exemplo legis Mosaicæ decipi, quasi justitia novi Testamenti sit externa observatio certorum rituum, sicut justitia Legis erat externa observatio certorum rituum. Sicut igitur in Lege peccatum erat edere suillam carnem, &c. Ita in novo Testamento collocant peccatum in cibis, in diebus, in vestitu, & similibus rebus, Et existimant sine his rebus justiciam novi Testamenti non posse existere. Hinc sunt illa onera, quod certi cibi polluant conscientiam, quod horas Canonicas omittere, sit mortale peccatum, quod jejunia mereantur remissionem peccatorum, quod sint necessaria ad justiciam novi Testamenti, quod peccatum in casu reservato non possit remitti, nisi accesserit auctoritas reservantis, cum quidem ipsi Canones tantum de reservatione poenæ Canonice loquantur, non de reservatione culpæ.

Vnde habent jus Episcopi has traditiones imponendi Ecclesijs ad gravandas conscientias? Extant enim clara testimonia, quæ prohibent condere tales traditiones, vel ad promerendam remissionem peccatorum, vel tanquam necessaria ad justiciam novi Testamenti, aut ad salutem.

Paulus Coloss. 2. Nemo vos judicet in cibo, potu, parte diei festi, novilunio, aut sabbathis. Item si mortui estis cum Christo ab elementis mundi, quare tanquam viventes in mundo, decreta facitis? Non attingas, non gustes, non contrectes, quæ omnia pereunt usu, & sunt mandata & doctrinæ hominum, quæ habent speciem sapientiæ. Item ad Titum aperte prohibet traditiones, Non attendentes Iudaicis fabulis, & mandatis hominum aversantium veritatem. Et Christus Matthæi 15. inquit de his qui exigunt traditiones, Sinite illos, cæci sunt, Et duces cæcorum. Et improbat tales cultus, Omnis plantatio quam non plantavit Pater meus cœlestis, eradicabitur.

Si jus habent Episcopi onerandi Ecclesias infinitis traditionibus, & illaqueandi conscientias, cur toties prohibet Scriptura condere & audire traditiones? cur vocat eas doctrinas dæmoniorum? Num frustra hæc præmonuit Spiritus sanctus? Relinquitur igitur, cum ordinationes institutæ tanquam necessariae, aut cum opinione promerendæ remissionis peccatorum, pugnent cum Evangelio, quod non liceat ullis Episcopis tales cultus instituere aut exigere. Necesse est enim in Ecclesijs retineri doctrinam, de libertate Christiana, quod non sit necessaria servitus Legis ad justificationem, sicut in Galatis scriptum est, Nolite iterum jugo servitutis subjici. Necesse est retineri præcipuum Evangelij locum, quod remissionem peccatorum & justificationem per fidem in Christum gratis consequamur, non propter certas observationes, aut propter cultus ab hominibus institutos.

Quid



Quid igitur sentiendum est de die Dominico, & similibus ritibus templorum? Ad hæc respondent, quod liceat Episcopis seu pastoribus facere ordinationes, ut res ordine gerantur in Ecclesia, non ut per illas mereamur remissionem peccatorum, aut satisfaciamus pro peccatis, aut obligentur conscientia, ut judicent esse necessarios cultus, ac sentiant se peccare, cum sine offensione aliorum violant. Sic Paulus ordinat, ut in congregatione mulieres velent capita, ut ordine audiantur in Ecclesia interpretes &c.

Tales ordinationes convenit Ecclesias propter charitatem & tranquillitatem servare eatenus, ne alius alium offendant, ut ordine & sine tumultu omnia fiant in Ecclesijs. Verum ita, ne conscientia onerentur, ut ducant res esse necessarias ad salutem, ac judicent se peccare, cum violant eas sine aliorum offensione, sicut nemo dixerit peccare mulierem, quæ in publicum non velato capite procedit, sine offensione hominum.

Talis est observatio diei Dominici, Paschatis, Pentecostes, & similium feriarum & rituum. Nam qui judicant Ecclesiae auctoritate, pro sabbatho institutam esse diei Dominici observationem, tanquam necessariam, longe errant. Scriptura concedit, ut observatio sabbathi nunc sit libera. Docet enim ceremonias Mosaicæ post revelatum Evangelium non necessarias esse. Et tamen, quia opus erat constituere certum diem, ut sciret populus quando convenire deberet, apparet Ecclesiam ei rei destinasse diem Dominicum, qui ob hanc quoque causam videtur magis placuisse, ut haberent homines exemplum Christianæ libertatis, & scirent nec sabbathi nec alterius diei observationem necessariam esse.

Extant prodigiosæ disputationes de mutatione Legis, de ceremonijs novæ legis, de mutatione sabbathi, quæ omnes ortæ sunt ex falsa persuasionem, quod oporteat in Ecclesia cultum esse similem Levitico. Et quod Christus commiserit Apostolis & Episcopis excogitare novas ceremonias, quæ sint ad salutem necessariae. Hi errores serpsērunt in Ecclesiam, cum iusticia fidei non satis clare doceretur. Aliqui disputant diei Dominici observationem non quidem juris divini esse, sed quasi juris divini, præscribunt de ferijs, quatenus liceat operari. Hujusmodi disputationes quid sunt aliud nisi laquei conscientiarum? Quanquam enim conentur epikeizare traditiones, tamen nunquam potest æquitas deprehendi, donec manet opinio necessitatis, quam manere necesse est, ubi ignorantur iusticia fidei & libertas Christiana.

Apostoli jusserunt abstinere à sanguine, quis nunc observat? neque tamen peccant, qui non observant, quia ne ipsi quidem Apostoli voluerunt onerare conscientias tali servitute, sed ad tempus prohibuerunt propter scandalum. Est enim perpetua voluntas Evangelij considerata in decreto. Vix ulli Canones servantur accurate, & multi quotidie exolescunt apud illos etiam, qui diligentissime defendunt traditiones. Nec potest conscientijs consuli, nisi hæc æquitas servetur, ut sciamus eos sine opinione necessitatis servari, nec lædi conscientias etiam si traditiones exolescant.

Facile autem possent Episcopi legitimam obedientiam retinere, si non urgerent servare traditiones, quæ bona conscientia servari non possunt. Nunc imperant coelibatum, nullos recipiunt nisi jurent se puram Evangelij doctrinam nolle docere. Non petunt Ecclesiae, ut Episcopi honoris sui jactura sarciant concordiam, quod tamen decebat bonos pastores facere: Tantum petunt ut injusta onera remittant, quæ nova sunt, & præter consuetudinem Ecclesiae catholicae recepta. Fortassis initio quædam constitutiones habuerunt probabiles causas, quæ tamen posterioribus temporibus non congruunt. Apparet etiam, quasdam errore receptas esse, quare Pontificiæ clementiæ esset, illas nunc mitigare, quia talis mutatio non labefacit Ecclesiae unitatem. Multæ enim traditiones humanæ tempore mutatae sunt, ut ostendunt ipsi Canones, Quod si non potest impetrari, ut relaxentur observationes, quæ sine peccato non possunt præstari, oportet nos  
f a regulam

## A P O L O G I A   C O N F E S S I O N I S

regulam Apostolicam sequi, quæ præcipit, Deo magis obedire quam hominibus. Petrus vetat Episcopos dominari, & Ecclesijs imperare. Nunc non id agitur ut dominatio eripiat Episcopis, sed hoc unum petitur, ut patiantur Evangelium pure doceri, & relaxent paucas quasdam observationes, quæ sine peccato servari non possunt, quod si nihil remiserint, ipsi viderint, quomodo Deo rationem reddaturi sint, quod pertinacia sua causam schismati præbent.

### E P I L O G U S.

**H**I sunt præcipui articuli, qui videntur habere controversiam. Quanquam enim de pluribus abusibus dici poterat, tamen, ut fugeremus prolixitatem, præcipua complexi sumus, ex quibus cætera facile judicari possunt. Magnæ querelæ fuerunt de indulgentijs, de peregrinationibus, de abusu excommunicationis. Parochiæ multipliciter vexabantur per Stationarios. Infinitæ contentiones erant Pastoribus cum Monachis, de jure parochiali, de confessionibus, de sepulturis, de extraordinarijs concionibus & de alijs innumerabilibus rebus. Hujusmodi negocia prætermisimus, ut illa quæ sunt in hac causa præcipua, breviter proposita, facilius cognosci possent. Neq; hic quicquam ad ullius contumeliam dictum aut collectum est. Tantum ea recitata sunt, quæ videbantur necessario dicenda esse, ut intelligi possit in doctrina ac ceremonijs, apud nos nihil esse receptum contra scripturam aut Ecclesiam catholicam. Quia manifestum est nos diligentissime cavisse, ne qua nova & impia dogmata in Ecclesias nostras serperent.

Hos articulos supra scriptos volumus exhibere juxta edictum C. M. in quibus confessio nostra extaret, & eorum, qui apud nos docent, doctrinæ summa cerneretur. Si quid in hac confessione desiderabitur, parati sumus latiore informationem, Deo volente, juxta scripturas exhibere.

Cæsareæ Majest. V.

Fideles & subditi.

*Johannes dux Saxonia Elector.  
Georgius Marchio Brandenburgensis.  
Ernestus dux Luneburgensis.  
Philippus Landgravius Hesseorum.  
Johannes Fridericus dux Saxonia.  
Franciscus dux Luneburgensis.  
Wolfgangus Princeps ab Anhalt.  
Senatus Magistratusq; Nurnbergensis.  
Senatus Reutlingensis.*

## A P O L O G I A   C O N F E S S I O N I S.

P H I L I P P U S   M E L A N T H O N

Lectori Salutem D.



**P**ostquam Confessio Principum nostrorum publice prælecta est, Theologi quidam ac Monachi adornaverunt confutationem nostri scripti, quam cum Cæs. Majestas curasset etiam in confessum Principum prælegi, postulavimus à nostris Principibus, ut illi confutationi assenti-  
rentur. Nostri autem, quia audierant multos articulos improbatos esse, quos abjicere sine offensione conscientia non poterant, rogaverunt sibi exhiberi exemplum confutationis, ut & videre quid damnaverent adversarij, & rationes eorum revel-

rum revellere possent. Et in tali causa, qua ad religionem & ad docendas conscientias pertinet, arbitrabantur fore, ut non gravatim exhiberens suum scriptum adversarij, Sed non potuerunt id impetrare nostri, nisi periculosissimis conditionibus, quas recipere non poterant, nisi vellent se in discrimen certum conijcere.

Instituta est autem deinde pacificatio, in qua apparuit nostros nullum onus quamlibet incommodum detrectare, quod sine offensione conscientia suscipi posset. Sed adversarij obstinate hoc postulabant, ut quosdam manifestos abusus atque errores approbaremus, quod cum non possemus facere, iterum postulavit Cas. Maj. ut Principes nostri assentirentur Confutationi. Id facere Principes nostri recusaverunt. Quomodo enim assentirentur in causa Religionis, scripto non inspecto? Et audierant articulos quosdam damnatos esse, in quibus non poterant iudicia adversariorum sine scelere comprobare. Iusserant autem me & alios quosdam parare Apologiam Confessionis, in qua exponerentur Casarea Majestati causa, quare non reciperemus Confutationem, & ea, qua objecerant adversarij diluerentur. Quidam enim ex nostris inter praelegendum capita locorum & argumentorum exceperant. Hanc Apologiam obsulerunt ad extremum Casarea Majest. ut cognosceret nos maximis & gravissimis causis impediri, quo minus Confutationem approbaremus. Verum Casarea Majestas non recepit oblatum scriptum. Postea editum est decretum quoddam, in quo gloriantur adversarij, quod nostram confessionem ex scripturis confutaverint.

Habes igitur Lector nunc Apologiam nostram, ex qua intelliges, & quid adversarij indicaverint, retulimus enim bona fide, & quod articulos aliquot contra manifestam scripturam Spiritus sancti damnaverint, tantum abest, ut nostras sententias per scripturas labefactaverint. Quamquam autem initio Apologiam institimus communicato cum alijs consilio: tamen ego inter excudendum quadam adjeci. Quare meum nomen profiteor, ne quis queri possit sine certo autore librum editum esse. Semper hic meus mos fuit in his controversijs, ut quantum omnino facere possem, retinerem formam usitatae doctrinae, ut facilius aliquando coire concordia posset. Neq. multo secus nunc facio, Etsi recte possem longius abducere huius aetatis homines ab adversariorum opinionibus. Sed adversarij sic agunt causam, ut ostendant se neq. veritatem neque concordiam querere, sed ut sanguinem nostrum exorbeant.

Et nunc scripsi, quam moderatissime potui, ac si quid videtur dictum asperius, hic mihi presandum est, me cum Theologis ac Monachis, qui scripserunt Confutationem litigare, non cum Casare, aut Principibus, quos, ut debeo, veneror, Sed vidi nuper Confutationem & animadverti adeo insidiosae & calumniosae scriptam esse, ut fallere etiam cantos in certis locis posset. Non tractavi tamen omnes cavillationes. Effet enim infinitum opus, sed praecipua argumenta complexus sum, ut extet apud omnes nationes testimonium de nobis, quod recte & pie sentiamus de Evangelio Christi. Non delectat nos discordia, Nec nihil movemur periculo nostro, quod quantum sit in tanta acerbitate odiorum, quibus intelligimus accensos esse adversarios, facile intelligimus, Sed non possumus abijcere manifestam veritatem & Ecclesia necessariam, quare incommoda & pericula propter gloriam Christi, & utilitatem Ecclesiae perferenda esse sentimus, & confidimus Deo probari hoc nostram officium, & speramus aequiora de nobis iudicia posteritatis fore.

Neq. enim negari potest, quin multi loci doctrina Christiana, quos maxime prodest extare in Ecclesia, à nostris patefacti & illustrati sint, qui qualibus & quam periculosis opinionibus obruti olim jacuerint apud Monachos, Canonistas, & Theologos Sophistas, non libet hic recitare. Habemus publica testimonia multorum bonorum virorum, qui Deo gratias agunt pro hoc summo beneficio, quod de multis necessarijs locis docuerint meliora, quam passim leguntur apud adversarios nostros. Commendabimus itaq. causam nostram.

Christo, qui olim iudicabit has controversias, quem oramus, ut respiciat afflictas & dissipatas Ecclesias, & in concordiam piam & perpetuam redigat.



# APOLOGIA CON- FESSIONIS.

**P**rimum articulum confessionis nostræ, probāt nostri adversarij, in quo exponimus nos credere & docere, quod sit una Essentia divina, individua &c. & tamen tres sint distinctæ Personæ ejusdem essentia divinae, & coæternæ, Pater, Filius, & Spiritus sanctus. Hunc articulum semper docuimus, & defendimus, Et sentimus eum habere certa & firma testimonia in scripturis sanctis, quæ labefactari non queant. Et constanter affirmamus, aliter sentientes extra Ecclesiam Christi & idolatras esse, & Deum contumelia afficere.

## DE PECCATO ORIGINALI.

**S**ecundum articulum de peccato Originis probant adversarij, Verum ita, ut reprehendant tamen definitionem peccati Originalis, quam nos obiter recitavimus. Hic in ipso statim vestibulo deprehendet Cæs. Majestas, non solum judicium, sed etiam candorem istis defuisse, qui Confutationem scripserunt. Nam cum nos simplici animo obiter recensere voluerimus illa, quæ peccatum Originis complectitur, ista acerba interpretatione conficta, sententiam per se nihil habentem incommodi, arte depravant. Sic inquirunt, sine metu Dei, sine fide esse, est culpa actualis. Igitur negant esse culpam originalem.

Has argutias satis apparet in scholis natas esse, non in consilio Cæsaris. Quanquam autem hæc cavillatio facillime revelli possit, tamen ut omnes boni viri intelligant, nos nihil absurdi de hac causa docere, Primum petimus, ut inspicatur Germanica confessio, hæc absolvet nos suspitione novitatis. Sic enim ibi scriptum est, *Weiter wird gelehret/das nach dem fall Ade alle Menschen/so natürlich geboren werden/in Sünden empfangen vnd geboren werden/das ist/das sie alle von Mutter Leib an/voll böser lust vnd neigung sind/keine ware Gottesfurcht/kein waren Glauben an Gott von natur haben können.* Hic locus testatur, nos non solum actus, sed potentiam seu dona efficiendi timorem & fiduciam erga Deum adimere propagatis secundum carnalem naturam. Dicimus enim ita natos habere concupiscentiam, nec posse efficere verum timorem & fiduciam erga Deum. Quid hic reprehendi potest? Bonis viris quidem arbitramur nos satis purgatos esse. Nam in hanc sententiam latina descriptio, potentiam naturæ detrahit, hoc est, dona & vim efficiendi timorem & fiduciam erga Deum, detrahit & in adultis actus. Ut cum nominamus concupiscentiam, non tantum actus seu fructus intelligimus, sed perpetuam naturæ inclinationem.

Sed postea ostendemus pluribus verbis, nostram descriptionem consentire cum ulitata ac veteri definitione. Prius enim consilium nostrum aperendum est, cur his potissimum verbis hoc loco usi simus. Adversarij in scholis fatentur materiale (ut vocant) peccati originalis esse concupiscentiam, quare in definiendo non fuit prætereunda, præsertim hoc tempore, cum de ea nonnulli parum religiose philosophantur.

Quidam enim disputant, peccatum originis non esse aliquod in natura hominis vitium, seu corruptionem, sed tantum servitutem, seu conditionem mortalitatis, quam propagati ex Adam sustinenat, sine aliquo proprio vitio, propter alienam culpam. Præterea addunt, neminem damnari morte æternæ propter peccatum originis; Sicut ex ancilla servi nascuntur, & hanc conditionem sine naturæ vitijs, sed propter calamitatem matris sustinent, Nos, ut hanc impiam opinionem significaremus nobis displicere, concupiscentiæ mentionem fecimus, optimo animo morbos nominavimus, & exposuimus, quod natura hominum corrupta & vitiosa nascatur.

Neque

Neq; vero tantum concupiscentiam nominavimus, sed diximus etiam deesse timorem Dei, & fidem. Id hoc consilio adjecimus, Extenuant peccatum Originis & scholastici doctores, non satis intelligentes definitionem peccati originalis, quam acceperunt à Patribus. De fomite disputant, quod sit qualitas corporis, & ut suo more sint inepti, quærunt, Vtrum qualitas illa, contagione pomi, An ex afflatu serpentis contracta sit, Vtrum augeatur medicamentis. Hujusmodi quæstionibus oppræsserunt principale negocium, Itaq; cum de peccato Originis loquuntur, graviora vitia humanæ naturæ non commemorant, scilicet ignorance Dei, contemptum Dei, vacare metu & fiducia Dei, odisse judicium Dei, fugere Deum judicantem, irasci Deo, desperare gratiam, habere fiduciam rerum præsentium &c. Hos morbos, qui maxime adversantur legi Dei, non animadvertunt scholastici, Imo tribuunt interim humanæ naturæ integras vires ad diligendum Deum super omnia, ad facienda præcepta Dei, quo ad substantiam actuum, Nec vident se pugnancia dicere. Nam proprijs viribus posse diligere Deum super omnia, facere præcepta Dei, quid aliud est, quam habere justiciam originis? Quod si has tantas vires habet humana natura, ut per sese possit diligere Deum super omnia, ut confidenter affirmant scholastici, quid erit peccatum originis? Quorsum autem opus erit gratia Christi, si nos possumus fieri justi propria justicia? Quorsum opus erit Spiritu sancto, si vires humanæ per sese possunt Deum super omnia diligere, & præcepta Dei facere? Quis non videt quam præpostere sentiant adversarij? Leviores morbos in natura hominis agnoscunt, graviores morbos non agnoscunt, de quibus tamen ubiq; admonet nos scriptura, & Prophetæ perpetuo conqueruntur, videlicet, de carnali securitate, de contemptu Dei, de odio Dei, & similibus vitiis nobiscum natis. Sed postquam scholastici admiscuerunt doctrinæ Christianæ Philosophiam de perfectione naturæ, & plus quam satis erat, libero arbitrio & actibus elicitis tribuerunt, & homines philosophica seu civili justicia, quam & nos fatemur, rationi subjectam esse, & aliquo modo in potestate nostra esse, justificari coram Deo docuerunt, non potuerunt videre interiorem immundiciam naturæ hominum. Neq; enim potest judicari, nisi ex verbo Dei, quod scholastici in suis disputationibus non sæpe tractant.

Hæ fuerunt causæ, cur in descriptione Peccati originis, & concupiscentiæ mentionem fecimus, & detraximus naturalibus viribus hominis timorem & fiduciam erga Deum. Voluimus enim significare, quod peccatum originis hos quoq; morbos contineat, ignorance Dei, contemptum Dei, vacare metu Dei, & fiducia erga Deum, non posse diligere Deum. Hæc sunt præcipua vitia naturæ humanæ, pugnancia proprie cum prima tabula Decalogi.

Neq; novi quidquam diximus. Vetus definitio recte intellecta prorsus idem dicit, cum ait, peccatum originis carentiam esse justiciæ originalis. Quid est autem justicia? Scholastici hic rixantur de dialecticis quæstionibus, non explicant quid sit justicia Originalis. Porro justicia in scripturis continet non tantum secundam tabulam Decalogi, sed primam quoq; quæ præcipit de timore Dei, de fide, de amore Dei. Itaq; justicia Originalis habitura erat non solum æquale temperamentum qualitaturn corporis, sed etiam hæc dona, noticiam Dei certiolem, timorem Dei, fiduciam Dei, aut certe rectitudinem, & vim ista efficiendi. Idq; testatur scriptura cum inquit, hominem ad imaginem & similitudinem Dei conditum esse. Quod quid est aliud, nisi in homine hanc sapientiam & justiciam effigiatam esse, quæ Deum apprehenderet, & in qua reluceret Deus, hoc est homini dona esse data, noticiam Dei, timorem Dei, fiduciam erga Deum & similia. Sic enim interpretantur similitudinem Dei Ireneus & Ambrosius, qui cum alia multa in hanc sententiam dicit, tum ita inquit: Non est ergo anima ad imaginem Dei, in qua Deus non semper est, Et Paulus ad Ephesios & Colossenses ostendit imaginem Dei, noticiam Dei esse, justiciam & veritatem. Nec Longobardus veretur dicere, quod justicia originis sit ipsa similitudo Dei, quæ homini indita

est à Deo. Recitamus veterum sententias, quæ nihil impediunt Augustini interpretationem de imagine.

Itaq; vetus definitio, cum inquit, Peccatum esse carentiam justiciæ, detrahit non solum obedientiam inferiorum virium hominis, sed etiam detrahit noticiam Dei, fiduciam erga Deum, timorem & amorem Dei, aut certe vim ista efficiendi detrahit. Nam & ipsi Theologi in scholis tradunt ista non effici sine certis donis, & auxilio gratiæ. Nos ipsa dona nominamus, ut res intelligi possit, noticiam Dei, timorem & fiduciam erga Deum. Ex his apparet veterem definitionem prorsus idem dicere, quod nos dicimus, detrahentes metum Dei & fiduciam, videlicet non actus tantum, sed dona & vim ad hæc efficienda.

Eadem est sententia definitionis, quæ extat apud Augustinum, qui solet definire peccatum originis concupiscentiam esse. Significat enim concupiscentiam successisse amissæ justiciæ. Nam ægra natura, quia non potest Deum timere & diligere, Deo credere, quærit & amat carnalia, Iudicium Dei, aut secura contemnit, aut odit per terrefacta, Ita & defectum complectitur Augustinus, & vitiosum habitum, qui successit, Neque vero concupiscentia tantum corruptio qualitatum corporis est, Sed etiam prava conversio ad carnalia in superioribus viribus. Nec vident quid dicant, qui simul tribuunt homini concupiscentiam non mortificatam à Spiritu sancto, & dilectionem Dei super omnia.

Nos igitur recte expressimus utrunq; in descriptione peccati Originalis, videlicet defectus illos, non posse Deo credere, non posse Deum timere ac diligere. Item habere concupiscentiam, quæ carnalia quærit contraverbum Dei, hoc est, quærit non solum voluptates corporis, sed etiam sapientiam & justiciam carnalem, & confidit his bonis, contemnens Deum. Neq; solum veteres, sed etiam recentiores, Si qui sunt cordatiores, docent simul ista vere peccatum originis esse, defectus videlicet, quos recensui, & concupiscentiam. Sic enim inquit Thomas, Peccatum originis habet privationem originalis justiciæ, & cum hoc inordinatam dispositionem partium animæ, unde non est privatio pura, Sed quidam habitus corruptus. Et Bonaventura, Cum quæritur quid sit originale peccatum, recte respondetur, Quod sit concupiscentia immoderata. Recte etiam respondetur, quod sit debita justiciæ carentia. Et in una istarum responsionum includitur altera. Idem sensit Hugo cum ait, Originale peccatum esse ignorantiam in mente, & concupiscentiam in carne. Significat enim nos nascentes afferre ignorationem Dei, incredulitatem, diffidentiam, contemptum, odium Dei. Hæc enim complexus est, cum ignorantiam nominat. Et hæc sententiæ consentiunt cum scripturis. Nam Paulus interdum expresse nominat defectum, ut 1. Cor. 2. 14. Animalis homo non percipit ea, quæ spiritus Dei sunt. Alibi concupiscentiam nominat efficacem in membris, & parientem malos fructus. Plures locos citare de utraq; parte possemus, sed in re manifesta nihil opus est testimonijs. Et facile judicare poterit prudens lector has non tantum culpas actuales esse, sine metu Dei & sine fide esse. Sunt enim durabiles defectus in natura non renovata.

Nihil igitur de peccato originis sentimus alienum, aut à scriptura, aut à catholica Ecclesia, sed gravissimas sententias Scripturæ & Patrum obrutas Sophisticis rixis Theologorum recentium, repurgamus, & in lucem restituimus. Nam res ipsa loquitur, recentiores Theologos non animadvertisse, quid voluerint Patres de defectu loquentes. Est autem necessaria cognitio peccati originis. Neq; enim potest intelligi magnitudo gratiæ Christi, nisi morbis nostris cognitis. Tota hominis justiciæ, mera est hypocrisis coram Deo, nisi agnoverimus cor naturaliter vacare amore, timore, fiducia Dei. Ideo Propheta inquit, Postquam ostendisti mihi, percussi femur meum, Item, Ego dixi in excessu meo, Omnis homo mendax, id est, non recte sentiens de Deo.

Hic flagellant adversarij etiam Lutherum quod scripserit, Peccatum originis manere post Baptismum, Addunt hunc articulum jure damnatum esse à Leone

*Item p.  
psal. 131.*



Leone X. Sed Cæsa. Majest. in hoc loco manifestam calumniam deprehendet. Sciunt enim adversarij in quam sententiam Lutherus hoc dictum velit, Quod peccatum originis reliquum sit post Baptismum. Semper ita scripsit, quod Baptismus tollat reatum peccati originalis, etiamsi materiale, ut isti vocant, peccati maneat, videlicet concupiscentia. Addidit etiam de materiali, quod Spiritus sanctus datus per Baptismum, incipit mortificare concupiscentiam, & novos motus creat in homine. Ad eundem modum loquitur & Augustinus, qui ait, Peccatum in Baptismo remittitur, non ut non sit, sed ut non imputetur. Hic palam fatetur, esse, hoc est, manere peccatum, tamen non imputetur. Et hæc sententia adeo placuit posterioribus, ut recitata sit & in Decretis. Et contra Iulianum inquit Augustinus, Lex ista, quæ est in membris, remissa est regeneratione spirituali, & manet in carne mortali. Remissa est, quia reatus solutus est Sacramento, quo renascuntur fideles. Manet autem, quia operatur desideria, contra quæ dimicant fideles. Sic sentire ac docere Lutherum sciunt adversarij, & cum rem improbare non possint, verba tamen calumniantur, ut hoc artificio innocentem opprimant.

At disputant concupiscentiam pœnam esse, non peccatum, Lutherus defendit peccatum esse. Supra dictum est Augustinum definire peccatum originis, quod sit concupiscentia, Expostulent cum Augustino, si quid habet incommodi hæc sententia. Præterea Paulus ait, concupiscentiam nesciebam esse peccatum, nisi lex diceret, Non concupisces. Item, Video aliam legem in membris meis repugnantem legi mentis meæ, & captivantem me legi peccati, quæ est in membris meis. Hæc testimonia nulla cavillatione everti possunt. Clare enim appellant concupiscentiam peccatum, Quod tamen his, qui sunt in Christo, non imputatur, etsi res sit natura digna morte, ubi non condonatur. Sic patres citra controversiam sentiunt. Nam Augustinus longa disputatione revellit opinionem istorum, qui sentiebant concupiscentiam in homine non esse vitium, sed *ἀδιάφορον*, ut corporis color, aut adversa valetudo *ἀδιάφορον* dicitur.

Quod si contendunt adversarij, fomitem esse *ἀδιάφορον*, reclamabunt non solum multæ sententiæ Scripturæ, sed planè tota Ecclesia. Quis enim unquam ausus est dicere hæc esse *ἀδιάφορα*, etiamsi perfectus consensus non accederet, dubitare de ira Dei, de gratia Dei, de verbo Dei, irasci judicijs Dei, indignari quod Deus non eripit statim ex afflictionibus, fremere quod impij meliore fortuna utantur, quam boni, incitari ira, libidine, cupiditate gloriæ, opum &c. Et hæc agnoscunt in se homines pij, ut apparet in Psalmis, ac Prophetis. Sed in Scholis transtulerunt huc ex Philosophia prorsus alienas sententias, quod propter passiones nec boni nec mali sumus, nec laudemur, nec vituperemur. Item nihil esse peccatum nisi voluntarium. Hæ sententiæ apud Philosophos de civili judicio dictæ sunt, non de judicio Dei. Nihilo prudentius assuunt & alias sententias, naturam non esse malam, Id in loco dictum non reprehendimus, sed non recte detorquetur ad extenuandum peccatum originis, Et tamen hæ sententiæ leguntur apud Scholasticos, qui intempestive commiscent philosophicam seu civilem doctrinam de moribus cum Evangelio. Neq; hæc in Scholis tantum disputabantur, sed ex scholis, ut fit, efferebantur ad populum. Et hæ persuasiones regnabant, & alebant fiduciam humanarum virium & opprimebant cognitionem gratiæ Christi. Itaq; Lutherus volens magnitudinem peccati originalis & humanæ infirmitatis declarare, docuit reliquias illas peccati originalis, non esse sua natura in homine *ἀδιάφορα*, sed indigere gratia Christi, ne imputentur, item Spiritu sancto, ut mortificentur.

Quanquam Scholastici utrunq; extenuant, peccatum & pœnam cum docent hominem proprijs viribus posse mandata Dei facere. In Genesi aliter describitur pœna imposita pro peccato originis. Ibi enim non solum morti & alijs corporalibus malis subjicitur humana natura, sed etiā regno diaboli. Nam ibi fertur hæc horribilis sententia, *Inimicitias ponam inter te & mulierem, & inter semen tuum, & semen*

*& semen illius.* Defectus & concupiscentia sunt poenæ & peccata, Mors & alia corporalia mala, & tyrannis Diaboli, proprie poenæ sunt. Est enim natura humana in servitutem tradita, & captiva à Diabolo tenetur, qui eam impijs opinionibus & erroribus dementat, & impellit ad omnis generis peccata. Sicut autem Diabolus vinci non potest, nisi auxilio Christi, ita non possumus nos proprijs viribus ex ista servitute eximere. Ipsa mundi historia ostendit, quanta sit potentia regni diaboli. Plenus est mundus blasphemijs contra Deum, & impijs opinionibus, & his vinculis habet diabolus irretitos sapientes & justos coram mundo. In alijs ostendunt se crassiora vitia. Cum autem datus sit nobis Christus, qui & hæc peccata & has poenas auferat, & regnum Diaboli, peccatum & mortem destruat, beneficia Christi non poterunt cognosci, nisi intelligamus mala nostra. Ideo de his rebus nostri concionatores diligenter docuerunt, & nihil novi tradiderunt, sed sanctam scripturam, & sanctorum Patrum sententias proposuerunt.

Hæc arbitramur satisfactura esse Cæs. Majestati, de puerilibus & frigidis cavillationibus, quibus adversarij articulum nostrum calumniati sunt. Scimus enim nos recte & cum Catholica Ecclesia Christi sentire. Sed si renovabunt hanc controversiam adversarij, non defuturi sunt apud nos qui respondeant, & veritati patrocinentur. Nam adversarij in hac causa magna ex parte quid loquantur non intelligunt, Sæpe dicunt pugnantia, nec formale peccati originis, nec defectus quos vocant, recte ac Dialectice expediunt. Sed nos hoc loco nolimus istorum rixas nimis subtiliter excutere, Tantum sententiam sanctorum Patrum, quam & nos sequimur communibus & notis verbis duximus esse recitandam.

TERTIUM articulum probant adversarij, in quo confitemur duas in Christo naturas, videlicet naturam humanam assumptam à Verbo in unitatem personæ suæ. Et quod idem Christus passus sit ac mortuus, ut reconciliaret nobis Patrem, & resuscitatus ut regnet, justificet, & sanctificet credentes &c. juxta symbolum Apostolorum & Symbolum Nicenum.

### D E   I U S T I F I C A T I O N E.

**I**N quarto, quinto, sexto, & infra in articulo 20. damnant nos, quod docemus homines non propter sua merita, sed gratis propter Christum consequi remissionem peccatorum fide in Christum. Vtrumq; enim damnant, & quod negamus homines propter sua merita consequi remissionem peccatorum, & quod affirmamus homines fide consequi remissionem peccatorum, & fide in Christum justificari. Cum autem in hac controversia præcipuus locus doctrinæ Christianæ agitetur, qui recte intellectus illustrat & amplificat honorem Christi, & affert necessariam & uberrimam consolationem pijs conscientijs, rogamus ut Cæsarea Majestas de rebus tantis clementer nos audiat. Nam adversarij cum neq; quid remissio peccatorum, neq; quid fides, neq; quid gratia, neq; quid iusticia sit intelligant, misere contaminant hunc locum, & obscurant gloriam & beneficia Christi, & eripiunt pijs conscientijs propositas in Christo consolationes. Ut autem & confirmare confessionem nostram, & diluere ea, quæ adversarij objiciunt, possimus, initia quædam præfanda sunt, ut fontes utriusq; generis doctrinæ & adversariorum, & nostræ cognosci possint.

Vniversa scriptura in hos duos locos præcipuos distribui debet, in legem, & promissiones. Aliàs enim legem tradit, aliàs tradit promissionem de Christo, videlicet, cum aut promittit Christum venturum esse, & pollicetur propter eum remissionem peccatorum, justificationem & vitam æternam, aut in Evangelio Christus, postquam apparuit, promittit remissionem peccatorum, justificationem & vitam æternam. Vocamus autem legem in hac disputatione decalogi præcepta, ubicunq; illa in scripturis leguntur. De ceremonijs & judicialibus legibus Moysi in præsentia nihil loquimur.

Ex his adversarij sumunt legem, quia humana ratio naturaliter intelligit aliquo

aliquo modo legem, Habent enim idem iudicium scriptum divinitus in mente, & per legem quærent remissionem peccatorum, & justificationem. Decalogus autem requirit non solum externa opera civilia, quæ ratio utcunq; efficere potest, sed etiam requirit alia longe supra rationem posita, scilicet vere timere Deum, vere diligere Deum, vere invocare Deum, vere statuere, quod Deus exaudiat, & expectare auxilium Dei in morte, in omnibus afflictionibus, deniq; requirit obedientiam erga Deum in morte & omnibus afflictionibus, ne has fugiamus, aut aversemur, cum Deus imponit.

Hic Scholastici secuti Philosophos tantum docent iusticiam rationis, videlicet, civilia opera, & affingunt quod ratio sine Spiritu sancto possit diligere Deum supra omnia. Nam donec humanus animus ociosus est, nec sentit iram aut iudicium Dei, fingere potest, quod velit Deum diligere, quod velit propter Deum benefacere. Ad hunc modum docent homines mereri remissionem peccatorum, faciendo quod est in se, hoc est, si ratio dolens de peccato, eliciat actum dilectionis Dei, aut bene operetur propter Deum. Et hæc opinio, quia naturaliter blanditur hominibus, peperit & auxit multos cultus in Ecclesia, vota Monastica, abusus Missæ, Et subinde alij alios cultus atq; observationes hac opinione excogitaverunt, Et, ut fiduciam talium operum alerent atq; augerent, affirmaverunt Deum necessario gratiam dare sic operanti, necessitate non coactionis, sed immutabilitatis.

In hac opinione multi magni & perniciosi errores hærent, quos longum esset enumerare, Tantum illud cogitet prudens lector, Si hæc est iusticia Christiana, quid interest inter Philosophiam, & Christi doctrinam? Si meremur remissionem peccatorum his nostris actibus elicitis, quid præstat Christus? Si iustificari possumus per rationem & opera rationis, quorsum opus est Christo aut regeneratione? Et ex his opinionibus jam eo prolapsa res est, ut multi irrideant nos, qui docemus aliam iusticiam præter philosophicam quærendam esse. Audivimus quosdam pro concione ablegato Evangelio, Aristotelis ethica enarrare. Nec errabant isti, si vera sunt, quæ defendunt, adversarij. Nam Aristoteles de moribus civilibus adeo scripsit erudite, nihil ut de his requirendum sit amplius. Videmus extare libellos, in quibus conferuntur quædam dicta Christi cum Socratis, Zenonis, & aliorum dictis, quasi ad hoc venerit Christus, ut traderet leges quasdam, per quas mereremur remissionem peccatorum, non acciperemus gratis propter ipsius merita. Itaq; si recipimus hic adversariorum doctrinam, quod mereamur operibus rationis remissionem peccatorum & justificationem, nihil jam intererit inter iusticiam philosophicam, aut certe Pharisaicam & Christianam.

Quanquam adversarij ne Christum omnino prætereant, requirunt noticiam historiarum de Christo, & tribuunt ei, quod meruerit nobis dari quendam habitum, sive, ut ipsi vocant, primam gratiam, quam intelligunt habitum esse inclinantem, ut facilius diligamus Deum. Exiguum tamen est, quod huic habitui tribuunt, quia fingunt actus voluntatis ante habitum illum, & post illum habitum ejusdem speciei esse, Fingunt voluntatem posse diligere Deum, sed habitus ille tamen extimulat, ut idem faciat libentius. Et jubent mereri hunc habitum primum per præcedentia merita, deinde jubent mereri operibus legis incrementum illius habitus, & vitam æternam. Ita sepeliunt Christum, ne eo mediatore utantur homines, & propter ipsum sentiant se gratis accipere remissionem peccatorum & reconciliationem, sed somnient se propria impletione legis mereri remissionem peccatorum, & propria impletione legis coram Deo justos reputari, cum tamen legi nusquam satisfiat, cum ratio nihil faciat, nisi quædam civilia opera, Interim neq; timeat Deum, neq; vere credat se Deo curæ esse. Et quanquam de habitu illo loquuntur, tamen sine iusticia fidei, neq; existere dilectio Dei in hominibus, neq; quid sit dilectio Dei intelligi potest.

Et quod fingunt discrimen inter meritum congrui, & meritum condigni, ludunt



ludunt tantum, ne videantur aperte *παραγινῆναι*. Nam si Deus necessario dat gratiam pro merito congrui, jam non est meritum congrui, sed meritum condigni. Quanquam quid dicant, non vident. Post habitum illum dilectionis fingunt hominem de condigno mereri, Et tamen jubent dubitare, utrum adsit habitus. Quomodo igitur sciunt, utrum de congruo an de condigno mereantur? Sed tota hæc res conficta est ab ociosis hominibus, qui non norant, quomodo contingat remissio peccatorum, & quomodo in judicio Dei, & terroribus conscientiae, fiducia operum nobis excutiat. Securi hypocritæ semper judicant se de condigno mereri, sive adsit habitus ille, sive non adsit, quia naturaliter confidunt homines propria justitia, sed conscientiae perterrefactæ ambigunt & dubitant, & subinde alia opera quærunt & cumulant, ut acquiescant. Hæ nunquam sentiunt se de condigno mereri, & ruunt in desperationem, nisi audiant præter doctrinam legis, Evangelium de gratuita remissione peccatorum, & justitia fidei.

Ita nihil docent adversarij, nisi justiciam rationis, aut certe legis in quam intuentur, sicut Iudæi in velatam Moisi faciem, & in securis hypocritis, qui putant se legi satisfacere, excitant præsumptionem & inanem fiduciam operum, & contemptum gratiæ Christi. Econtrà pavidas conscientias adigunt ad desperationem, quæ operantes cum dubitatione nunquam possunt experiri quid sit fides, & quam sit efficax, ita ad extremum penitus desperant.

Nos autem de justitia rationis sic sentimus, quod Deus requirat eam & quod propter mandatum Dei necessario sint facienda honesta opera, quæ decalogus præcipit, juxta illud, Lex est Pædagogus. Lex est injustis posita. Vult enim Deus coerceri carnales ista civili disciplina, Et ad hanc conservandam dedit leges, literas, doctrinam, magistratus, poenas. Et potest hanc justiciam utcūq; ratio suis viribus efficere, quanquam sæpe vincitur imbecillitate naturali, & impellente diabolo ad manifesta flagitia. Quanquam autem huic justitiæ rationis libenter tribuimus suas laudes. Nullum enim majus bonum habet hæc natura corrupta. Et recte inquit Aristoteles, neq; Hesperum, neq; Luciferum formosiores esse justitia. Ac Deus etiam ornat eam corporalibus præmijs, tamen non debet cum contumelia Christi laudari.

Falsum est enim, quod per opera nostra mereamur remissionem peccatorum.

Falsum est & hoc, quod homines reputentur esse justi coram Deo, propter justiciam rationis.

Falsum est & hoc, quod ratio proprijs viribus possit Deum supra omnia diligere, & legem Dei facere, videlicet, vere timere Deum, vere statuere, quod Deus exaudiat, velle obedire Deo in morte, & alijs ordinationibus Dei. Non concupiscere aliena, &c. etsi civilia opera efficere ratio potest.

Falsum est & hoc, & contumeliosum in Christum, quod non peccent homines facientes præcepta Dei sine gratia.

Hujus nostræ sententiæ testimonia habemus, non solum ex scripturis, sed etiam ex Patribus. Nam Augustinus copiosissime disputat contra Pelagianos, gratiam non dari propter merita nostra, Et de natura & gratia inquit, Si possibilitas naturalis per liberum arbitrium, & ad cognoscendum quomodo vivere debeat, & ad bene vivendum sufficit, sibi ergo Christus gratis mortuus est. Ergo evacuatum est scandalum crucis. Cur non etiam ego hic exclamem? Ino exclamabo & istos increpabo dolore Christiano. Evacuati estis à Christo, qui in lege justificamini, à gratia excidistis. Ignorantes enim justiciam Dei, & vestram volentes constituere, justitiæ Dei non estis subiecti. Sicut enim finis legis, ita etiam naturæ humanæ vitiosæ salvator Christus est, ad justiciam omni credenti. Et Iohannis 8. Si vos filius liberaverit, vere liberi eritis. Non igitur possumus per rationem liberari à peccatis, & mereri remissionem peccatorum. Et Iohannis tertio scriptum est, *Nisi quis renatus fuerit ex aqua & spiritu, non potest introire in regnum Dei.*

Gal. 3.  
2. Tim. 1.

Gal. 4.

Ioh. 8.

Ioh. 3.

*gnam Dei*, Quod si opus est renasci per Spiritum sanctum, Iusticia rationis non justificat nos coram Deo, non facit Legem, Rom. 3. Omnes carent gloria Dei, id est, carent sapientia & iusticia Dei, quæ Deum agnoscunt & glorificant. Item Rom. 8. Sensus carnis inimicitia est adversus Deum, Legi enim non est subiectus, ac ne potest quidem ei subjici. Qui autem in carne sunt, Deo placere non possunt. Hæc adeo sunt aperta testimonia, ut non desiderent acutum intellectorem, sed attentum auditorem, ut Augustini verbis utamur, quibus ille in eadem causa usus est. Si sensus carnis est inimicitia adversus Deum, certe caro non diligit Deum. Si non potest legi Dei subjici, non potest Deum diligere. Si sensus carnis est inimicitia adversus Deum, peccat caro etiam cum externa civilia opera facimus. Si non potest subjici legi Dei, certe peccat, etiam si egregia facta & digna laude juxta humanum iudicium habet. Adversarij intuentur præcepta secundæ tabulæ quæ iusticiam civilem continent, quam intelligit ratio. Hac contenti putant se legi Dei satisfacere. Interim primam tabulam non vident, quæ præcipit, ut diligamus Deum, ut vere statuamus, quod Deus irascatur peccato, ut vere timeamus Deum, ut vere statuamus, quod Deus exaudiat. At humanus animus sine Spiritu sancto, aut securus contemnit iudicium Dei, aut in pœna fugit & odit judicantem Deum. Itaq; non obtemperat primæ tabulæ. Cum igitur hæreant in natura hominis contemptus Dei, dubitatio de verbo Dei, de minis, & promissionibus, vere peccant homines, etiam cum honesta opera faciunt sine Spiritu sancto, quia faciunt ea impio corde juxta illud, Quicquid non est ex fide, peccatum est. Tales enim operantur cum contemptu Dei, sicut Epicurus non sentit se Deo curæ esse, respici, aut exaudiri à Deo. Hic contemptus vitiat opera in speciem honesta, quia Deus iudicat corda.

Postremo hoc imprudentissime scribitur ab adversarijs, quod homines rei æternæ iræ mereantur remissionem peccatorum per actum elicitem dilectionis, cum impossibile sit diligere Deum, nisi prius fide apprehendatur remissio peccatorum. Non enim potest cor vere sentiens Deum irasci, diligere Deum, nisi ostendatur placatus. Donec terret & videtur nos abjicere in æternam mortem, non potest se erigere natura humana, ut diligat iratum, judicantem & punientem. Facile est ociosis fingere ista somnia de dilectione, quod reus peccati mortalis possit Deum diligere super omnia, quia non sentiunt, quid sit ira, aut iudicium Dei. At in agone conscientie & in acie experitur conscientia vanitatem illarum speculationum philosophicarum. Paulus ait, Lex iram operatur. Non dicit per legem mereri homines remissionem peccatorum. Lex enim semper accusat conscientias, & perterrefacit. Non igitur justificat, quia conscientia perterrefacta lege fugit iudicium Dei. Errant igitur, qui per legem, per opera sua mereri se remissionem peccatorum confidunt. Hæc de iusticia rationis, aut legis, quam adversarij docent, satis sit dixisse. Nam paulo post, cum nostram sententiam de iusticia fidei dicemus, res ipsa coget plura testimonia ponere, quæ etiam proderunt ad illos errores adversariorum, quos hætenus recensuimus evertendos.

Quia igitur non possunt homines viribus suis legem Dei facere, & omnes sunt sub peccato, & rei æternæ iræ ac mortis. Ideo non possumus per legem à peccato liberari, ac justificari, sed data est promissio remissionis peccatorum & justificationis propter Christum, qui datus est pro nobis, ut satisfaceret pro peccatis mundi, & positus est mediator ac propiciator. Et hæc promissio non habet conditionem meritum nostrorum, sed gratis offert remissionem peccatorum & justificationem, sicut Paulus ait: Si ex operibus, jam non est gratia. Et alibi: Iusticia Dei jam manifestatur sine lege, id est, gratis offertur remissio peccatorum. Nec pendet reconciliatio ex nostris meritis. Quod si ex nostris meritis penderet remissio peccatorum & reconciliatio esset ex lege, esset inutilis. Quia enim legem non facimus, sequeretur etiam promissionem reconciliationis nunquam nobis contingere. Sic argumentatur Paulus Rom. 4. Si ex lege esset hæreditas,

Et concurrere, promissionem, & quidem gratuitam, & merita Christi tanquam precium & propiciationem. Promissio accipitur fide, Gratuitum excludit nostra merita, & significat tantum per misericordiam offerri beneficium, Christi merita sunt precium, quia oportet esse aliquam certam propiciationem pro peccatis nostris. Scriptura crebro misericordiam implorat, Et sancti Patres sæpe dicunt, nos per misericordiam salvari. Quoties igitur fit mentio misericordiae, sciendum est, quod fides ibi requiratur, quæ promissionem misericordiae accipit. Et rursus, quoties nos de fide loquimur, intelligi volumus objectum, scilicet misericordiam promissam. Nam fides non ideo justificat, aut salvat, quia ipsa sit opus per se dignum, sed tantum quia accipit misericordiam promissam.

Et hic cultus, hæc *λατρεία* in Prophetis & Psalmis passim præcipue laudatur, cum tamen lex non doceat gratuitam remissionem peccatorum, Sed Patres norant promissionem de Christo, quod Deus propter Christum vellet remittere peccata, Igitur cum intelligerent Christum fore precium pro nostris peccatis, sciebant opera nostra non esse precium rei tantæ. Ideo gratuitam misericordiam & remissionem peccatorum fide accipiebant, sicut Sancti in novo Testamento. Huc pertinent illæ crebræ repetitiones misericordiae & fidei in Psalmis & Prophetis, ut hic. Si iniquitates observaveris Domine, Domine quis sustinebit? Hic confitetur peccata, nec allegat merita sua. Addit, Quia apud te propiciatio est. Hic erigit se fiducia misericordiae Dei, & citat promissionem. Sustinuit anima mea in verbo ejus. Speravit anima mea in Domino, id est, quia promissisti remissionem peccatorum, hac tua promissione sustentor. Et Paulus citat de Abraham. Credidit Abraham Deo, & reputatum est ei ad justiciam, hoc est, Abraham sensit se habere Deum propicium, tantum propter ipsius promissionem. Assensus est promissioni Dei, nec passus est se ab ea abstrahi, etiam si videbat se immundum atq; indignum esse, sentiebat Deum præstare promissum propter veritatem suam, non propter opera aut merita nostra. Nec possunt acquiescere per terrefacta corda, si sentire debent, se propter opera propria, aut propriam dilectionem, aut legis impletionem placere, quia hæret in carne peccatum, quod semper accusat nos. Tunc autem acquiescunt corda, quando in illis terroribus statuunt nos ideo placere Deo, quia promissit, & Deum præstare promissum propter suam veritatem, non propter dignitatem nostram. Ita Abraham audivit hanc vocem, Noli timere, Ego enim sum protector tuus, &c. Hic erexit se, & sensit Deum sibi propicium esse, non quia ipse meritus esset, Sed quia necesse esset Dei promissionem veram judicari. Hæc igitur fides imputatur ei pro justitia, hoc est, quia assentitur promissioni, & accipit oblatam reconciliationem, jam vere est justus & acceptus Deo, non propter dignitatem suam, sed quia gratuitam promissionem Dei accipit. Non frustra placuit Paulo hoc testimonium Genesis. Videmus quomodo exaggerat, quam diligenter in eo commoratur, quia videbat naturam fidei in hoc loco facile perspicui posse. Videbat diserte addi testimonium de imputatione justiciæ, Videbat adimi operibus laudem promerendæ justificationis & pacandæ conscientiae, Cum Abraham ideo pronuncietur justus, quia assentitur promissioni, & accipit oblatam reconciliationem, non opponit iræ Dei merita aut opera. Quare hic locus diligenter consideratus copiose de tota re pias mentes docere poterit, qui quidem ita intelligi poterit, si proponant eum sibi per terrefactæ mentes, & statuunt ad eundem modum se debere assentiri gratuita promissioni. Neq; enim possunt aliter acquiescere, nisi statuunt se habere Deum placatum, quia promiserit, non quia nostra natura, vita & opera digna sint.

Itaque & Patres justificabantur, non per legem, sed per promissionem, & fidem. Ac mirum est adversarios adeo extenuare fidem, cum videant ubique pro præcipuo cultu laudari, ut Psal. 49. Invoca me in die tribulationis, & eripiam te. Ita vult innotescere Deus, ita vult se coli, ut ab ipso accipiamus beneficia &



quidem accipiamus propter ipsius misericordiam, non propter merita nostra. Hæc est amplissima consolatio in omnibus afflictionibus. Et huiusmodi consolationes abolent adversarij cum fidem extenuant, & vituperant, & tantum docent homines per opera & merita cum Deo agere.

Q U O D   S O L A   F I D E S   I N   C H R I -  
stum justificet.

**P**RIMUM, ne quis putet nos de ociosa noticia historię loqui, dicendum est quomodo contingat fides. Postea ostendemus & quod justificet, & quomodo hoc intelligi debeat, & diluamus ea, quæ adversarij objiciunt. Christus Lucæ Lucæ 14. ultimo jubet prædicare pœnitentiam in nomine suo, & remissionem peccatorum. Evangelium enim arguit omnes homines, quod sint sub peccato, quod omnes sint rei æternæ iræ ac mortis, & offert propter Christum remissionem peccatorum, & justificationem, quæ fide accipitur. Prædicatio pœnitentiæ, quæ arguit nos, per terrefacit conscientias veris & serijs terroribus. In his corda rursus debent concipere consolationem. Id fit, si credant promissioni Christi, quod propter ipsum habeamus remissionem peccatorum. Hæc fides in illis pavoribus erigens & consolans accipit remissionem peccatorum, justificat, & vivificat. Nam illa consolatio est nova & spiritualis vita. Hæc plana & perspicua sunt, & à pijs intelligi possunt, & habent Ecclesiæ testimonia. Adversarij nusquam possunt dicere, quomodo detur Spiritus sanctus, fingunt Sacramenta conferre Spiritum sanctum ex opere operato, sine bono motu accipientis, quasi vero ociosa res sit donatio Spiritus sancti.

Cum autem de tali fide loquamur, quæ non est ociosa cogitatio, sed quæ à morte liberat & novam vitam in cordibus parit, & est opus Spiritus sancti, non stat cum peccato mortali, Sed tantisper dum adest bonos fructus parit, ut postea dicemus. Quid potest dici de conversione impij, seu de modo regenerationis simplicius & clarius? Proferant unum cōmentarium in sententias, ex tanto Scriptorum agmine, qui de modo regenerationis dixerit. Cum loquuntur de habitu dilectionis, fingunt homines Spiritum sanctum per opera mereri, non docent per Verbum accipi, sicut & hoc tempore Anabaptistæ docent. At cum Deo non potest agi, Deus non potest apprehendi nisi per verbum, Ideo justificatio fit per verbum, sicut Paulus inquit: Evangelium est potentia Dei ad salutem omni credenti. Rom. 10. Item, Fides est ex auditu. Et vel hinc argumentum sumi potest, quod fides justificet, Quia si tantum fit justificatio per verbum, & verbum tantum fide apprehenditur, sequitur quod fides justificet, Sed sunt aliæ majores rationes. Hæc diximus hætenus, ut modum regenerationis ostenderemus, & ut intelligi posset, qualis sit fides, de qua loquimur.

Nunc ostendemus, quod fides justificet. Vbi primum hoc monendi sunt lectores, quod sicut necesse est hanc sententiam tueri, quod Christus sit mediator, ita necesse sit defendere quod fides justificet. Quomodo enim erit Christus mediator, si in justificatione non utimur eo mediatore, si non sentimus, quod propter ipsum justi reputemur? Id autem est credere, confidere meritis Christi, quod propter ipsum certo velit nobis Deus placatus esse. Item sicut oportet defendere, quod præter legem necessaria sit promissio Christi, ita necesse est defendere, quod fides justificet. Lex enim non docet gratuitam remissionem peccatorum. Item, Lex non potest fieri, nisi prius accepto Spiritu sancto. Necesse est igitur defendere quod promissio Christi necessaria sit, At hæc non potest accipi nisi fide. Itaq; qui negant fidem justificare, nihil nisi legem abolito Evangelio, & abolito Christo docent.

Sed nonnulli fortassis, cum dicitur, quod fides justificet, intelligunt de principio, quod fides sit initium justificationis, seu præparatio ad justificationem, ita ut non sit ipsa fides, illud, quo accepti sumus Deo, sed opera quæ sequuntur,  
Et so-

Et somniant, fidem ideo valde laudari, quia sit principium. Magna enim vis est principij, ut vulgo dicunt, *ἡ ἀρχὴ πάντων ἐστίν*, ut si quis dicat, quod Grammatica efficiat omnium artium doctores, quia præparet ad alias artes, etiam si sua quæque ars artificem efficit. Non sic de fide sentimus, sed hoc defendimus, quod proprie ac vere ipsa fide propter Christum iusti reputemur, seu accepti Deo simus. Et quia justificari significat ex iniustis iustos effici, seu regenerari, significat & iustos pronunciari seu reputari. Vtroque enim modo loquitur scriptura. Ideo primum volumus hoc ostendere, quod sola fides ex iniusto iustum efficiat, hoc est, accipiat remissionem peccatorum.

*Rom. 3. Ephes. 2. Rom. 3.* Offendit quosdam particula Sola, cum & Paulus dicat, Arbitramur hominem justificari fide, non ex operibus. Item, Ephesios 2. Dei donum est, non ex vobis, neque ex operibus, ne quis glorietur. Item Rom. 3. Gratis justificati. Si displicet exclusiva, Sola, tollant etiam ex Paulo illas exclusivas, Gratis, non ex operibus, donum est &c. Nam hæc quoque sunt exclusivæ. Excludimus autem opinionem meriti, Non excludimus Verbum aut Sacramenta, ut calumniantur adversarij. Diximus enim supra, Fidem ex verbo concipi, Ac multo maxime ornamus ministerium verbi. Dilectio etiam & opera sequi fidem debent. Quare non sic excluduntur, ne sequantur, sed fiducia meriti dilectionis aut operum in justificatione excluditur. Idque perspicue ostendemus.

## QUOD REMISSIONEM PECCATORUM

*sola fide in Christum consequamur.*

**F**ateri etiam adversarios existimamus, quod in justificatione primum necessaria sit remissio peccatorum. Omnes enim sub peccato sumus. Quare sic argumentamur.

*psal. 32.* Consequi remissionem peccatorum, est justificari juxta illud, Beati quorum remissæ sunt iniquitates.

Sola fide in Christum, non per dilectionem, non propter dilectionem, aut opera consequimur remissionem peccatorum, etsi dilectio sequitur fidem.

Igitur sola fide justificamur, intelligendo justificationem, ex iniusto iustum effici, seu regenerari.

*1. Cor. 15.* Minor ita facile poterit declarari, si sciamus, quomodo fiat remissio peccatorum. Adversarij frigidissime disputant, Vtrum sint una mutatio remissio peccatorum, & infusio gratiæ. Ociosi homines quid dicerent, non habebant. In remissione peccatorum oportet in cordibus vinci terrores peccati, & mortis æternæ, sicut Paulus testatur, 1. Corinth. 15. Aculeus mortis peccatum est, Potentia vero peccati Lex, Gratia autem Deo, qui dat nobis victoriam per Dominum nostrum Iesum Christum, id est, peccatum per terrefacit conscientias. Id fit per legem, quæ ostendit iram Dei adversus peccatum, sed vincimus per Christum. Quomodo? fide, cum erigimus nos fiducia promissæ misericordiæ propter Christum. Sic igitur probamus minorem. Ira Dei non potest placari, si opponamus nostra opera, quia Christus propositus est propiciator, ut propter ipsum fiat nobis placatus pater. Christus autem non apprehenditur tanquam Mediator, nisi fide. Igitur sola fide consequimur remissionem peccatorum, cum erigimus corda fiducia misericordiæ propter Christum promissæ.

*Rom. 5.* Item Paulus Rom. 5. ait, Per ipsum habemus accessum ad Patrem, & addit, per fidem. Sic igitur reconciliamur Patri, & accipimus remissionem peccatorum, quando erigimur fiducia promissæ misericordiæ propter Christum. Adversarij Christum ita intelligunt Mediatorem & propiciatorem esse, quia meruerit habitum dilectionis, non jubent nunc eo uti Mediatore, sed prorsus sepulto Christo, fingunt nos habere accessum per propria opera, & per hæc habitum illum mereri, & postea dilectione habere pacem conscientiæ. An non est hoc prorsus sepelire Christum, & totam fidei doctrinam tollere? Paulus e contra docet nos

habere accessum, hoc est, pacem per Christum, Et, ut ostenderet quomodo id fiat, addit, quod per fidem habeamus accessum. Fide igitur propter Christum accipimus remissionem peccatorum. Non possumus iræ Dei opponere nostram dilectionem & opera nostra.

Secundo. Certum est peccata remitti propter propiciatorem Christum. Rom. 3. Quem posuit Deus propiciatorem. Addit autem Paulus, Per fidem. Itaq; nobis prodest hic propiciator, cum fide apprehendimus promissam in eo misericordiam, & opponimus eam iræ ac iudicio Dei. Et in eandem sententiam scriptum est ad Ebræos 4. Habentes Pontificem &c. accedamus cum fiducia. Iubet enim accedere ad Deum, non fiducia nostrorum meritorum, sed fiducia Pontificis Christi, requirit igitur fidem. Rom. 3. Ebr. 4.

Tertio. Petrus in Actis, Cap. 10. Huic omnes Prophetæ testimonium perhibent, remissionem peccatorum accipere per nomen ejus omnes, qui credunt in eum. Quomodo potuit clarius dicere? Remissionem peccatorum accipimus, inquit, per nomen ejus, hoc est, propter eum, ergo non propter nostra merita, non propter nostram contritionem, attritionem, dilectionem, cultus, opera. Et addit, Cum credimus in eum. Requirit igitur fidem. Neq; enim possumus apprehendere nomen Christi nisi fide. Præterea allegat consensum omnium Prophetarum. Hoc vere est allegare Ecclesiæ auctoritatem, sed de hoc loco infra de poenitentia rursus dicendum erit. Act. 10.

Quarto. Remissio peccatorum est res promissa propter Christum. Igitur non potest accipi, nisi sola fide. Nam promissio accipi non potest, nisi sola fide. Rom. 4. Ideo ex fide, ut sit firma promissio, secundum gratiam, Q. d. Si penderet res ex meritis nostris, incerta & inutilis esset promissio, quia nunquam constituere possemus, quando satis meriti essemus. Idq; facile intelligere queunt peritæ conscientiæ. Ideo Paulus ait Galat. 3. Conclusit Deus omnia sub peccatum, ut promissio ex fide Iesu Christi detur credentibus. Hic detrahit meritum nobis, quia dicit omnes reos esse, & conclusos sub peccatum, deinde addit, promissionem, videlicet, remissionis peccatorum, & justificationis dari, & addit, quomodo accipi promissio possit, videlicet fide. Atq; hæc ratio sumpta ex natura promissionis apud Paulum præcipua est, & sæpe repetitur. Neq; excogitari neq; fingi quidquam potest, quo hoc Pauli argumentum everti queat. Proinde non patiantur se bonæ mentes depelli ab hac sententia, quod tantum fide accipiamus remissionem propter Christum. In hac habent certam & firmam consolationem adversus peccati terrores, & adversus æternam mortem, & adversus omnes portas inferorum. Rom. 4. Gal. 3.

Cum autem sola fide accipiamus remissionem peccatorum & reconciliationem propter Christum, sola fides justificat, quia reconciliati reputantur justi & filij Dei, non propter suam mundiciem, sed per misericordiam propter Christum, si tamen hanc misericordiam fide apprehendant. Ideoq; scriptura testatur, quod fide justi reputemur. Adjiciemus igitur testimonia, quæ clare pronunciant, quod fides sit ipsa justitia, qua coram Deo justi reputamur, videlicet non, quia sit opus per sese dignum, Sed quia accipit promissionem, qua Deus pollicitus est, quod propter Christum velit propitius esse credentibus in eum, seu quia sentit, quod Christus sit nobis factus à Deo, sapientia, justitia, sanctificatio, & redemptio.

Paulus in Epistola ad Romanos præcipue de hoc loco disputat & proponit, quod gratis justificemur fide, credentes nobis Deum placatum propter Christum. Et hanc propositionem capite tertio, quæ statum universæ disputationis continet, tradit. Arbitramur hominem fide justificari, non ex operibus legis. Hic adversarij interpretantur ceremonias Leviticæ, At Paulus non tantum de ceremonijs loquitur, sed de tota lege. Allegat enim infra ex Decalogo non concupisces. Etsi opera moralia mererentur remissionem peccatorum, & justificationem, etiam



etiam nihil opus esset Christo & promissione, & ruerent omnia illa, quæ Paulus de promissione loquitur. Male etiam scriberet ad Ephesios, gratis nos salvatos esse, & donum Dei esse, non ex operibus. Item Paulus allegat Abraham, allegat Davidem, at hi de circumcissione habuerunt mandatum Dei. Itaque si ulla opera justificabant, necesse erat illa opera tunc cum mandatum haberent, etiam justificasse. Sed recte docet Augustinus Paulum de tota lege loqui, sicut prolixè disputat de spiritu & litera, ubi postremo ait. His igitur consideratis pertractatisq; pro viribus, quas Dominus donare dignatur, colligimus non justificari hominem præceptis bonæ vitæ, nisi per fidem Iesu Christi.

Et ne putemus temere excidisse Paulo sententiam, quod fides justificet, longa disputatione inunit & confirmat eam in quarto capite ad Romanos. Et deinde in omnibus Epistolis repetit.

Rom. 4. Sic ait Capite quarto ad Rom. Operanti merces non imputatur secundum Gratiā, sed secundum debitum, Ei autem qui non operatur, credit autem in eum qui justificat impium, reputatur fides ejus ad justiciam. Hic clare dicit fidem ipsam imputari ad justiciam. Fides igitur est illa res, quam Deus pronunciat esse justiciam, & addit, gratis imputari, Et negat posse gratis imputari, si propter opera deberetur. Quare excludit etiam meritum operum moralium. Nam si his deberetur justificatio coram Deo, non imputaretur fides ad justiciam sine operibus.

Et postea. Dicimus enim quod Abraham imputata est fides ad justiciam.

Rom. 5. Capite 5. ait. Iustificati ex fide, pacem habemus erga Deum, id est, habemus conscientias tranquillas & lætas coram Deo.

Rom. 4. Rom. 4. Corde creditur ad justiciam. Hic pronunciat fidem esse justiciam cordis.

Gal. 2. Ad Galatas 2. Nos in Christo Iesu credimus, ut justificemur ex fide Christi, & non ex operibus legis.

Ephes. 2. Ad Ephes. 2. Gratia enim salvati estis per fidem, & hoc non ex vobis. Dei enim donum est, non ex operibus, ne quis glorietur.

Iohan. 1. Iohannis primo. Dedit eis potestatem, filios Dei fieri, his qui credunt in nomine ejus, qui non ex sanguinibus, neq; ex voluntate carnis, neq; ex voluntate viri, sed ex Deo nati sunt.

Iohan. 3. Iohannis 3. Sicut Moses exaltavit serpentem in deserto, ita exaltari oportet Filium hominis, ut omnis qui credit in ipsum non pereat.

Item, Non misit Deus Filium suum in mundum, ut judicet mundum, sed ut salvetur mundus per ipsum. Qui credit in eum, non judicatur.

Act. 13. Actuum 13. Notum igitur sit vobis viri fratres, quod per hunc vobis remissio peccatorum annuntiatur, & ab omnibus, quibus non potuistis in lege justificari, in hoc omnis qui credit justificatur. Quomodo potuit clarius de officio Christi, & de justificatione dici? Lex inquit non justificabat, Ideo Christus datus est, ut credamus nos propter ipsum justificari. Aperte detrahit legi justificationem, Ergo propter Christum justi reputamur, cum credimus nobis Deum placatum esse propter ipsum.

Act. 4. Actuum 4. Hic est lapis, qui reprobatus est à vobis ædificantibus, qui factus est in caput anguli, Et non est in aliquo alio salus. Neq; enim aliud nomen est sub cælo datum hominibus, in quo oporteat nos salvos fieri. Nomen autem Christi tantum fide apprehenditur. Igitur fiducia nominis Christi, non fiducia nostrorum operum salvamur. Nomen enim hic significat causam, quæ allegatur propter quam contingit salus. Et allegare nomen Christi est confidere nomine Christi, tanquam causa, seu precio propter quod salvamur.

Act. 15. Actuum 15. Fide purificans corda eorum. Quare fides illa, de qua loquuntur Apostoli, non est ociosa notitia, sed res accipiens Spiritum sanctum, & justificans nos.

Abacuc secundo. Iustus ex Fide vivet. Hic primum dicit homines fide esse justos, qua credunt Deum propitium esse, & addit, quod eadem fides vivificet, quia hæc fides parit in corde pacem & gaudium, & vitam æternam. Abac. 2.

Esaia 53. Noticia ejus justificabit multos. Quid est autem noticia Christi, nisi nosse beneficia Christi, promissiones, quas per Evangelium sparsit in mundum? Et hæc beneficia nosse, proprie & vere est credere in Christum, credere quod quæ promisit Deus propter Christum, certo præstet. Esa. 53.

Sed plena est scriptura talibus testimonijs, quia alibi legem, alibi promissiones de Christo, & de remissione peccatorum, & de gratuita acceptatione propter Christum tradit. Extant & apud S. Patres sparsim similia testimonia. Ambrosius enim inquit in Epistola ad Ireneum quendam, Subditus autem mundus eo per legem factus est, quia ex præscripto legis omnes conveniuntur, & ex operibus legis nemo justificatur, id est, quia per legem peccatum cognoscitur, sed culpa non relaxatur. Videbatur Lex nocuisse, quæ omnes fecerat peccatores, sed veniens Dominus Iesus peccatum omnibus, quod nemo poterat evitare, donavit, & chirographum nostrum sui sanguinis effusione delevit. Hoc est, quod ait, Abundavit peccatum per legem, Superabundavit autem gratia per Iesum. Quia postquam totus mundus subditus factus est, totius mundi peccatum abstulit, sicut testificatus est Iohannes dicens: Ecce agnus Dei, ecce qui tollit peccatum mundi. Et ideo nemo gloriatur in operibus, quia nemo factis suis justificatur. Sed qui iustus est, donatum habet, quia post lavacrum justificatus est. Fides ergo est, quæ liberat per sanguinem Christi, Quia beatus ille, cui peccatum remittitur, & venia donatur. Hæc sunt Ambrosij verba, quæ aperte patrocinantur nostræ sententiæ, detrahit operibus justificationem, & tribuit fidei, quod liberet per sanguinem Christi. Conferantur in unum æservum Sententiarij omnes, qui magnificis titulis ornantur. Nam alij vocantur angelici, alij subtiles, alij irrefragabiles, Omnes isti lecti & relecti non tantum conferent ad intelligendum Paulum, quantum confert hæc una Ambrosij sententia. Rom. 3.

In eandem sententiam multa contra Pelagianos scribit Augustinus, De spiritu & litera sic ait, Ideo quippe proponitur justitia legis, quod qui fecerit eam, vivet in illa, ut cum quisque infirmitatem suam cognoverit, non per suas vires, neque per literam ipsius legis, quod fieri non potest, Sed per fidem concilians justificatorem, perveniat, & faciat, & vivat in ea. Opus rectum, quod qui fecerit, vivet in eo, non fit, nisi in justificato, Iustificatio autem ex fide impetratur. Hic clare dicit justificatorem fide conciliari, & justificationem fide impetrari. Et paulo post, Ex lege timemus Deum, ex fide speramus in Deum, sed timentibus poenam absconditur gratia, sub quo timore anima laborans &c. per fidem confugiat ad misericordiam Dei, ut det quod jubet. Hic docet lege terreri corda, fide autem consolationem capere, & docet prius fide apprehendere misericordiam, quam legem facere conemur. Recitabimus paulo post & alia quædam.

Profecto mirum est adversarios tot locis scripturæ nihil moveri, quæ aperte tribuunt justificationem fidei, & quidem detrahunt operibus. Num frustra existimant toties idem repeti? Num arbitrantur excidisse Spiritui sancto non animadvertenti has voces? Sed excogitaverunt etiam cavillum, quo eludunt, Dicunt de fide formata accipi debere, hoc est, non tribuunt fidei justificationem, nisi propter dilectionem, Imo prorsus non tribuunt fidei justificationem, sed tantum dilectioni, quia somniant fidem posse stare cum peccato mortali. Quorsum hoc pertinet, nisi ut promissionem iterum aboleant, & redeant ad legem. Si fides accipit remissionem peccatorum, propter dilectionem, semper erit incerta remissio peccatorum, Quia nunquam diligimus tantum, quantum debemus, imo non diligimus, nisi certo statuamur corda, quod donata sit nobis remissio peccatorum. Ita adversarij dum requirunt fiduciam propriæ dilectionis in remissione peccatorum & justificatione, Evangelium de gratuita remissione peccatorum prorsus abolent, Iohan. 1.

abolent, cum tamen dilectionem illam neq; præstent, neq; intelligant, nisi credant gratis accipi remissionem peccatorum.

Gal. 6.

Nos quoq; dicimus, quod dilectio fidem sequi debeat, sicut & Paulus ait, in Christo Iesu neq; circumcisio aliquid valet, neq; præputium, sed fides per dilectionem efficax. Neq; tamen ideo sentiendum est, quod fiducia hujus dilectionis, aut propter hanc dilectionem accipiamus remissionem peccatorum & reconciliationem, sicut neq; accipimus remissionem peccatorum propter alia opera sequentia, Sed sola fide & quidem fide proprie dicta accipitur remissio peccatorum, quia promissio non potest accipi nisi fide. Est autem fides proprie dicta quæ assentitur promissioni, de hac fide loquitur scriptura, Et quia accipit remissionem peccatorum, & reconciliat nos Deo, prius hac fide iusti reputamur propter Christum, quàm diligimus, ac legem facimus, etsi necessario sequitur dilectio. Neque vero hæc fides est ociosa noticia, nec potest stare cum peccato mortali, sed est opus Spiritus sancti, quo liberamur à morte, quo eriguntur & vivificantur perterrefactæ mentes. Et quia sola hæc fides accipit remissionem peccatorum, & reddit nos acceptos Deo, & reddit conscientias pacatas ac tranquillas, rectius vocari gratia gratum faciens poterat, quam effectus sequens, videlicet dilectio.

Hactenus satis copiose ostendimus & testimonijs scripturæ & argumentis ex scriptura sumptis, ut res magis fieret perspicua, quod sola fide consequimur remissionem peccatorum propter Christum, & quod sola fide justificemur, hoc est, ex injustis iusti efficiamur, seu regeneremur. Facile autem judicari potest, quam necessaria sit hujus fidei cognitio, quia in hac una conspicitur Christi beneficium, hac una accipimus Christi beneficia, hæc una affert certam & firmam consolationem pijs mentibus. Et oportet in Ecclesia extare doctrinam, ex qua concipiant pii certam spem salutis. Nam adversarij infelicitè consulunt hominibus, dum jubent dubitare, Vtrum consequantur remissionem peccatorum. Quomodo in morte sustentabunt se isti, qui de hac fide nihil audiverunt, qui putant dubitandum esse, Vtrum consequantur remissionem peccatorum. Præterea necesse est retineri in Ecclesia Christi Evangelium, hoc est, promissionem, quod gratis propter Christum remittuntur peccata, Id Evangelium penitus abolent, qui de hac fide, de qua loquimur, nihil docent. At Scholastici ne verbum quidem de hac fide tradunt. Hos sequuntur adversarij nostri, & improbant hanc fidem, Nec vident se totam promissionem gratuitæ remissionis peccatorum, & justiciæ Christi abolere improbatâ hac fide.

### DE DILECTIONE ET IM- pletione Legis.

Matth. 19.  
Rom. 1.

1. Cor. 31.

Matth. 19.

1. Cor. 13.

**H**ic objiciunt adversarij: Si vis in vitam ingredi, serva mandata. Item, factores legis justificabuntur, & alia multa similia de lege, & operibus. Ad quæ priusquam respondemus dicendum est, quid nos de dilectione, & impletione legis sentiamus. Scriptum est apud Prophetam: Dabo legem meam in corda eorum. Et Rom. 3. ait Paulus, legem stabiliri non aboleri per fidem. Et Christus ait: Si vis ingredi in vitam, serva mandata. Item, Si dilectionem non habeam, nihil sum. Hæ sententiæ & similes testantur, quod oporteat legem in nobis inchoari, & magis magisque fieri. Loquimur autem non de Ceremonijs, sed de illa lege, quæ præcipit de motibus cordis, videlicet de Decalogo. Quia vero fides affert Spiritum sanctum, & parit novam vitam in cordibus, necesse est, quod pariat spirituales motus in cordibus. Et qui sint illi motus ostendit Propheta cum ait: Dabo legem meam in corda eorum. Postquam igitur fide justificati & renati sumus, incipimus Deum timere, diligere, petere, & expectare ab eo auxilium, gratias agere & prædicare, & obedire ei in afflictionibus, incipimus & diligere proximos, quia corda habent spirituales & sanctos motus.

Hæc



Hæc non possunt fieri, nisi postquam fide iustificati sumus, & renati accipimus Spiritum sanctum. Primum quia Lex non potest fieri sine Christo. Item lex non potest fieri sine Spiritu sancto. At Spiritus sanctus accipitur fide, juxta illud Pauli, Galat. 3. Ut promissionem spiritus accipiamus per fidem. Item quomodo potest humanum cor diligere Deum, dum sentit eum horribiliter irasci, & opprimere nos temporalibus & perpetuis calamitatibus. Lex autem semper accusat nos, semper ostendit irasci Deum. Non igitur diligitur Deus, nisi postquam apprehendimus fide misericordiam. Ita demum sit objectum amabile. Galat. 3.

Quanquam igitur civilia opera, hoc est, externa opera legis sine Christo, & sine Spiritu sancto aliqua ex parte fieri possint, tamen apparet ex his, quæ diximus, illa quæ sunt proprie legis divinæ, hoc est, affectus cordis erga Deum, qui præcipiuntur in prima tabula, non posse fieri sine Spiritu sancto. Sed adversarij nostri sunt suaves Theologi, Intuentur secundam tabulam & politica opera, primam nihil curant, quasi nihil pertineat ad rem, aut certe tantum externos cultus requirunt. Illam æternam legem, & longe positam supra omnium creaturarum sensum atq; intellectum, Diliges Dominum Deum tuum ex toto corde, prorsus non considerant.

At Christus ad hoc datus est, ut propter eum donentur nobis remissio peccatorum, & Spiritus sanctus, qui novam & æternam vitam ac æternam justiciam in nobis pariat. Primum ostendat Christum, sicut Iohan. 16. scriptum est. Iohan. 16. Ille me clarificabit, quia de meo accipiet & annuntiabit vobis. Deinde & alia dona asserat, dilectionem, invocationem, gratiarum actionem, castitatem, patientiam &c. Quare non potest Lex vere fieri, nisi accepto Spiritu sancto per fidem. Rom. 3. Ideo Paulus dicit legem stabiliri per fidem, non aboleri, quia Lex ita demum fieri potest, cum contigit Spiritus sanctus. Et Paulus docet. 2. Corinth. 3. velamen, quo facies Moisi tecta est, non posse tolli, nisi fide in Christum, qua accipitur Spiritus sanctus. 1. Cor. 3. Sic enim ait, Sed usque in hodiernum diem cum legitur Moyses, velamen positum est super cor eorum. Cum autem conversi fuerint ad Deum auferetur velamen. Dominus autem Spiritus est, Vbi autem spiritus Domini, ibi libertas. Velamen intelligit Paulus, humanam opinionem de tota lege, Decalogo & ceremonijs, videlicet, quo hypocritæ putant externa & civilia opera satisfacere legi Dei, & sacrificia & cultus ex opere operato justificare coram Deo. Tunc autem detrahitur nobis hoc velamen, hoc est eximitur hic error, quando Deus ostendit cordibus nostris immundiciem nostram, & magnitudinem peccati. Ibi primum videmus nos longe abesse ab impletione legis, Ibi agnoscimus quomodo caro secura atq; ociosa non timeat Deum, nec vere statuat respici nos à Deo, sed casu nasci, & occidere homines. Ibi experimur nos non credere, quod Deus ignoscat, & exaudiat. Cum autem audito Evangelio & remissione peccatorum fide erigimur, concipimus Spiritum sanctum, ut jam recte de Deo sentire possimus, & rimere Deum, & credere ei &c. Ex his apparet non posse legem sine Christo, & sine Spiritu sancto fieri.

Profitemur igitur quod necesse sit inchoari in nobis, & subinde magis magisque fieri legem, Et complectimur simul utrumq; videlicet, spirituales motus & externa bona opera. Falso igitur calumniantur nos adversarij, quod nostri non doceant bona opera, cum ea non solum requirant, sed etiam ostendant, quomodo fieri possint. Eventus coarguit hypocritas, qui suis viribus conantur legem facere, quod non possint præstare, quæ conantur. Longe enim imbecillior est humana natura, quam ut suis viribus resistere Diabolo possit, qui habet captivos omnes, qui non sunt liberati per fidem. Potentia Christi opus est adversus Diabolum, videlicet, ut quia scimus nos propter Christum exaudiri, & habere promissionem, petamus, ut gubernet & propugnet nos Spiritus sanctus, ne decepti erremus, ne impulsī contra voluntatem Dei aliquid suscipiamus sicut Psalmus Psalm. 68. docet. Captivam duxit captivitatem, dedit dona hominibus. Christus enim vicit

1. Job. 3. vicit Diabolum, & dedit nobis promissionem, & Spiritum sanctum, ut auxilio divino vincamus & ipsi. Et 1. Iohan. 3. Ad hoc apparuit filius Dei, ut solvat opera Diaboli. Deinde non hoc tantum docemus, quomodo fieri Lex possit, sed etiam quomodo Deo placeat, si quid sit, videlicet non quia legi satisfaciamus, sed quia sumus in Christo. Sicut paulo post dicemus.

1. Job. 4. Constat igitur nostros requirere bona opera, Imo addimus & hoc, quod impossibile sit dilectionem Dei, etsi exigua est, divellere à fide, quia per Christum acceditur ad Patrem, & accepta remissione peccatorum vere jam statuimus nos habere Deum, hoc est, nos Deo curæ esse, invocamus, agimus gratias, time-  
mus, diligimus, sicut Iohannes docet in prima Epistola. Nos diligimus eum, inquit, quia prior dilexit nos, videlicet quia dedit pro nobis Filium, & remisit nobis peccata. Ita significat præcedere fidem, sequi dilectionem. Item fides illa, de qua loquimur, existit in poenitentia, hoc est, concipitur in terroribus conscientiae, quæ sentit iram Dei adversus nostra peccata, & quærit remissionem peccatorum & liberari à peccato. Et in talibus terroribus & alijs afflictionibus debet hæc fides crescere & confirmari. Quare non potest existere in his, qui secundum carnem vivunt, qui delectantur cupiditatibus suis, & obtemperant eis. Ideo  
Rom. 8. Paulus ait, Nulla nunc damnatio est his, qui sunt in Christo Iesu, qui non secundum carnem ambulant, sed secundum Spiritum. Item, Debitores sumus non carni, ut secundum carnem vivamus. Si enim secundum carnem vixeritis, moriemini, Sin autem spiritu actiones corporis mortificabitis, vivetis. Quare fides illa, quæ accipit remissionem peccatorum in corde perterrefacto, & fugiente peccatum, non manet in his, qui obtemperant cupiditatibus, nec existit cum mortali peccato.

Ex his effectibus fidei excerpunt adversarij unum, videlicet dilectionem, & docent, quod dilectio justificet. Ita manifeste apparet eos tantum docere legem. Non prius docent accipere remissionem peccatorum per fidem, Non docent de mediatore Christo, quod propter Christum habemus Deum propitium, sed propter nostram dilectionem. Et tamen qualis sit illa dilectio, non dicunt, neq; dicere possunt. Prædicant se legem implere, cum hæc gloria proprie debeat Christum, & fiduciam priorum operum opponunt iudicio Dei, dicunt enim se de condigno mereri gratiam & vitam æternam. Hæc est simpliciter impia & vana fiducia. Nam in hac vita non possumus legi satisfacere, quia natura carnalis non desinit malos affectus parere, etsi his resistit spiritus in nobis.

Sed quærat aliquis. Cum & nos fateamur dilectionem esse opus Spiritus sancti, cumq; sit iusticia, quia est impletio legis, cur non doceamus, quod justificet? Ad hoc respondendum est. Primum hoc certum est, quod non accipimus remissionem peccatorum, neque per dilectionem, neq; propter dilectionem nostram, sed propter Christum sola fide. Sola fides, quæ intuetur in promissionem, & sentit ideo certo statuendum esse, quod Deus ignoscat, quia Christus non sit frustra mortuus &c. vincit terrores peccati & mortis. Si quis dubitat, Vtrum remittantur sibi peccata, contumelia afficit Christum, cum peccatum suum iudicat majus aut efficacius esse, quam mortem & promissionem Christi, Cum Paulus dicat gratiam exuberare supra peccatum, hoc est, misericordiam ampliorem esse quam peccatum. Si quis sentit se ideo consequi remissionem peccatorum, quia diligit, afficit contumelia Christum, & comperiet in iudicio Dei hanc fiduciam propriæ iusticiæ impiam & inanem esse. Ergo necesse est quod fides reconciliet, & ex injusto iustum efficiat. Et sicut non accipimus remissionem peccatorum per alias virtutes legis, seu propter eas, videlicet propter patientiam, castitatem, obedientiam erga Magistratus &c. Et tamen has virtutes sequi oportet. Ita neq; propter dilectionem Dei accipimus remissionem peccatorum, etsi sequi eam necesse est.

Luc. 7. Cæterum nota est consuetudo sermonis, quod interdum eodem verbo causa & effectus complectimur *καὶ τὸ αὐτὸ πρὸς τὸ αὐτὸ*. Ita Luc. 7. ait Christus, Remittuntur

tur ei peccata multa, quia dilexit multum. Interpretatur enim seipsum Christus, cum addit, Fides tua salvam te fecit. Non igitur voluit Christus, quod mulier illo opere dilectionis merita esset remissionem peccatorum. Ideo enim clare dicit, Fides tua salvam te fecit. At fides est, quæ apprehendit misericordiam propter verbum Dei gratis. Si quis hoc negat fidem esse, prorsus non intelligit quid sit fides. Et ipsa historia hoc loco ostendit, quid vocet dilectionem. Mulier venit hanc afferens de Christo opinionem, quod apud ipsum quærenda esset remissio peccatorum. Hic cultus est summus cultus Christi, Nihil potuit majus tribuere Christo. Hoc erat vere Messiam agnoscere, quærere apud eum remissionem peccatorum. Porro sic de Christo sentire, sic colere, sic complecti Christum, est vere credere. Christus autem usus est verbo dilectionis, non apud mulierem sed adversus Phariseum, quia totum cultum Pharisei tum toto cultu mulieris comparabat. Objurgat Phariseum, quod non agnosceret ipsum esse Messiam, etsi hæc externa officia ipsi præstaret, ut hospiti, viro magno & sancto, ostendit mulierculam, & prædicat hujus cultum, unguenta, lachrymas &c. Quæ omnia erant signa fidei, & confessio quædam, quod videlicet apud Christum quæreret remissionem peccatorum.

Magnum profecto exemplum est, quod non sine causa commovit Christum ut objurgaret Phariseum virum sapientem, & honestum, sed non credentem. Hanc ei impietatem exprobrat, & admonet eum exemplo mulierculæ, significans turpe ei esse, quod cum indocta muliercula credat Deo, ipse Legis Doctor non credat, non agnoscat Messiam, non quærat apud eum remissionem peccatorum & salutem. Sic igitur totum cultum laudat, ut sæpe fit in scripturis, ut uno verbo multa complectamur, ut infra latius dicemus in similibus locis, ut Date eleemosynam & omnia erunt munda. Non tantum eleemosynas requirit, sed etiam justiciam fidei. Ita hic ait, Remittuntur ei peccata multa, quia dilexit multum, id est, quia me vere coluit fide & exercitiis & signis fidei, Totum cultum comprehendit. Interim tamen hoc docet, quod proprie accipiatur fide remissio peccatorum, etsi dilectio, confessio & alii boni fructus sequi debeant.

Quare non hoc vult, quod fructus illi sint precium, sint propitiatio propter quam detur remissio peccatorum, quæ reconciliet nos Deo. De magna re disputamus, de honore Christi, & unde petant bonæ mentes certam & firmam consolationem, Vtrum fiducia collocanda sit in Christum, an in opera nostra. Quod si in opera nostra collocanda erit, detrahitur Christo honos Mediatoris & propiciatoris, Et tamen comperiemus in judicio Dei hanc fiduciam vanam esse, & conscientias inde ruerè in desperationem. Quod si remissio peccatorum & reconciliatio non contingit gratis propter Christum, sed propter nostram dilectionem, nemo habiturus est remissionem peccatorum, nisi ubi totam Legem fecerit, quia Lex non justificat, donec nos accusare potest. Patet igitur, cum justificatio sit reconciliatio propter Christum; quod fide justificemur, quia certissimum est sola fide accipi remissionem peccatorum.

Nunc igitur respondeamus ad quæstionem supra propositam, Quare dilectio non justificet. Recte cogitant adversarii dilectionem esse legis impletionem. Et obedientia erga Legem, esset justitia, si legem faceremus. Hactenus autem ostendimus quod ideo datæ sint promissiones, quia legem non possumus facere, Eamq; ob causam negat Paulus nos ex lege justificari. Adversarii falluntur, quia in hac tota controversia, nihil nisi legem intuentur. Neq; enim potest aliter judicare ratio humana, quam ex lege quærendam esse justiciam, quia obedientia erga legem sit justitia. Sed Evangelium revocat nos à lege ad promissiones, & docet, quod justi reputemur, non propter obedientiam erga legem, Non enim satisfacimus legi, Sed propterea quia donatur nobis reconciliatio propter Christum, I: hanc tantum fide accipimus. Priusquam igitur legem facimus, oportet accipere fide remissionem peccatorum & reconciliationem. Bone De-

us quo



us quo ore audent nominare Christum, quo vultu audent aspicere ipsos Evangelij libros isti, qui negant nos sola fide propter Christum consequi remissionem peccatorum?

Secundo, hæc ipsa legis impletio, quæ sequitur renovationem, est exigua & immunda. Quanquam enim renovatio inchoata est, tamen hærent adhuc in natura reliquæ peccati, quæ semper accusant nos, nisi fide in Christum apprehendamus remissionem peccatorum, & sciamus nos habere accessum ad Deum, non propter nostram impletionem legis, sed propter Christum. Ideo illa legis impletio non est accepta propter seipsam, sed propter fidem.

Quare cum Paulus ait, legem stabiliri per fidem, non solum hoc intelligi oportet, quod fide renati concipiant Spiritum sanctum, & habeant motus consentientes legi Dei, Sed multo maxime refert & hoc addere, quod oportet nos sentire, quod procul à perfectione legis absimus. Quare non possumus statuere quod coram Deo iusti reputemur propter nostram impletionem legis, Sed sentiendum est, quod iusti seu accepti reputemur propter Christum, non propter legem aut opera nostra, & quod hæc inchoata legis impletio placeat Deo, quia sumus in Christo. Item quod propter fidem in Christum non imputetur nobis hoc, quod deest impletioni legis. Hoc docet Paulus ad Galat. 3. cum ait, Christus redemit nos à maledictione legis, factus pro nobis maledictum, hoc est, Lex damnat omnes homines. Sed Christus quia sine peccato subiit pœnam peccati, & victima pro nobis factus est, sustulit illud jus legis, ne accuset, ne damnet hos, qui credunt in ipsum, quia ipse est propitiatio pro eis, propter quam nunc iusti reputantur. In eandem sententiam scribit ad Colossenses. In Christo consummati estis, Q. d. Etsi adhuc procul abestis à perfectione legis, tamen non damnât vos reliquæ peccati. Quia propter Christum habetis reconciliationem certam & firmam, Si creditis, etiamsi hæret peccatum in carne vestra. Longe enim supra nostram mundiciem, imo longe supra ipsam legem collocari debent mors & satisfactio Christi nobis donata, ut statuamus nos propter illam satisfactionem habere propitium Deum, non propter nostram impletionem legis. Impia fiducia est, quæ collocatur in nostram impletionem legis. Illa vero fiducia necessaria est, quæ collocatur in satisfactionem Christi.

Tertio, Sola illa res justificat coram Deo, quæ reddit pacatas conscientias. Donec enim conscientia fugit iudicium Dei, & irascitur Deo, non sumus iusti, & vivificati.

Porro sola fides reddit pacatas conscientias, juxta illud: Iustificati ex fide pacem habemus. Item, Iustus ex fide vivet, id est, fide vincit terrores mortis, fide erigitur & concipit gaudium & vitam. Idq; affert fides, non quia per se sit opus dignum, sed tantum quia accipit oblatam promissionem, nihil respiciens propriam dignitatem.

Sola igitur fides justificat, & bona opera propter fidem placent. Quid contra hanc rationem adversarij possunt afferre? Quid possunt contra manifestam veritatem excogitare? Nam minor est certissima, quod opera nostra non possint conscientiam reddere pacatam, quando Deus iudicat & arguit nos, & ostendit nobis immundiciem nostram. Idque Scriptura sæpe inculcat, In Psalmo, Non intres in iudicium cum servo tuo, quia non iustificabitur in conspectu tuo omnis vivens. Hic simpliciter detrahit omnibus & quidem Sanctis ac servis Dei, gloriam iusticiæ, si non ignoscat Deus, sed iudicet & arguat corda eorum. Nam quod alibi gloriatur de sua iusticia, loquitur de causa sua adversus persecutores verbi Dei, non loquitur de personali mundicie, & rogat causam & gloriam Dei defendi, Vt Psal. 7. Iudica me Domine secundum iusticiam meam &c. Et alibi. Psal. 119. Iudica Domine causam meam. Rursus Psalmo 129. docet neminem posse sustinere iudicium Dei, si observet peccata nostra. Si iniquitates observaveris Domine

## A P O L O G I A   C O N F E S S I O N I S

Domine, Domine quis sustinebit? Et Iob. 9. Verebar omnia opera mea. Item, *Mich. 9.* Si lotus fuero quasi aquis nivis, & fulserint velut mundissimæ manus meæ, tamen fordibus intinges me. Et Proverb. 20. Quis potest dicere, mundum est cor meum? Et 1. Iohan. 1. Si dixerimus, quod peccatum non habemus, ipsi nos seducimus, & veritas in nobis non est. Et in oratione dominica Sancti petunt remissionem peccatorum. *Prov. 20. 1. Iob. 1.*

Habent igitur & sancti peccata. In Numeris, Et innocens non erit innocens. Et Zacharias ait, Sileat à facie Domini omnis caro. Et Esaias, Omnis caro foenum, & omnis gloria ejus, quasi flos agri. Exiccatum est foenum & cecidit flos, quia Spiritus Domini sufflavit in eo, Id est, caro, & justitia carnis non potest sustinere iudicium Dei. Et Ionas inquit Cap. 2. Frustra observant vana, qui misericordiam relinquunt, id est, Omnis fiducia est inanis, præter fiduciam misericordiae. Misericordia servat nos, propria merita, proprii conatus non servant nos. Hæ sententiæ & similes in scripturis testantur opera nostra immunda esse, & indigere misericordia. Quare non reddunt pacatas conscientias opera, sed misericordia apprehensa per fidem. *Nom. 14. Zachar. 3. Esa. 40. Ioa. 2.*

Quarto. Christus non desinit mediator esse postquam renovati sumus. Errant qui fingunt eum tantum primam gratiam meritum esse, nos postea nostra legis impletione placere & mereri vitam æternam. Manet mediator Christus, & semper statuere debemus, quod propter ipsum habeamus placatum Deum, etiam si nos indigni simus, Sicut Paulus ait: Per hunc habemus accessum ad Deum per fidem. Nostra enim impletio legis, ut diximus, est immunda, quia natura nostra horribiliter est corrupta. Ideo Psalmus inquit, Beati quorum remissæ sunt iniquitates. Quare remissione peccatorum opus habemus, etiam cum bona opera habemus. Illa autem remissio semper apprehenditur fide, Ita Christus manet Pontifex & mediator. Placet igitur illa legis impletio non propter se, sed quia fide apprehendimus Christum, & sentimus, nos habere Deum placatum, non propter legem, sed propter Christum. *Rom. 5. Ephes. 2. Psal. 32.*

Quinto. Si sentiendum esset, quod post renovationem oporteat nos acceptos fieri, non fide propter Christum, sed propter nostram impletionem legis, nunquam acquiesceret conscientia, sed ad desperationem adigeretur. Lex enim semper accusat, cum legi nunquam satis faciamus, Id quod tota Ecclesia confiteatur. Paulus enim ait, Non quod volo bonum hoc facio, sed quod nolo, malum. Item, Mente servio legi Dei, carne autem servio legi peccati. Quis enim satis diligit, aut satis timet Deum, quis satis patienter sustinet afflictiones à Deo impositas, quis non sæpe dubitat, Vtrum Dei consilio regantur res humanæ, quis non sæpe dubitat, Vtrum à Deo exaudiatur, quis non sæpe stomachatur, quod impij fortuna meliore utuntur quam pij, quod pij ab impijs opprimuntur, quis non irascitur iudicio Dei, cum videtur nos abjicere, quis satisfacit vocationi suæ, quis diligit proximum sicut seipsum, quis non irritatur à concupiscentia? De his peccatis ait Psalmus, Pro hoc orabit ad te omnis sanctus. Hic sanctos ait petere remissionem peccatorum. *Rom. 7. Psal. 32.*

Plus quam cæci sunt, qui malos affectus in carne non sentiunt esse peccata, de quibus Paulus dicit: Caro concupiscit adversus spiritum, Spiritus adversus carnem. Caro diffidit Deo, confidit rebus præsentibus, quærit humana auxilia in calamitate, etiam contra voluntatem Dei, fugit afflictiones, quas juxta mandatum Dei tolerare debebat, dubitat de Dei misericordia. Cum talibus affectibus luctatur Spiritus sanctus in cordibus, ut eos reprimat ac mortificet, & inserat novos ac spirituales morus. Et Augustinus ait, Omnia mandata Dei implentur, quando quicquid non fit ignoscitur. Requirit igitur fidem, etiam in bonis operibus, ut credamus nos Deo placere propter Christum, nec opera ipsa per se digna esse quæ placeant. Et Hieronymus contra Pelagianos. Tunc ergo iusti sumus, *Galat. 3.*

mus, quando nos peccatores fatemur. Et iusticia nostra non ex proprio merito, sed ex Dei consistit misericordia. Oportet igitur adesse fidem in illa inchoata legis impletionem, quæ statuat nos propter Christum habere Deum placatum. Nam misericordia non potest apprehendi nisi fide. Itaq; prorsus est doctrina desperationis docere, quod non simus accepti fide propter Christum, sed propter propriam legis impletionem.

Ex his omnibus satis apparet, quod sola fides iustificat, id est, primum consequitur remissionem peccatorum, & reconciliationem propter Christum, & quod sola fides regenerat. Nam sola fide Spiritus sanctus concipitur. Deinde quod illa inchoata impletio legis non placeat per se coram Deo. Cum autem adhuc alibi, videlicet in promissione Christi, quærenda sit iustificatio, Cumq; sola fides efficiat pacatam conscientiam, necesse est, quod sola fides iustificet. Semper enim sentire debemus, quod non propter legem, sed propter Christum simus accepti. Non enim iustificamur ex lege, sed ex promissione. Et honos Christi non debet in legem transferri. Et cum initio iusti reputemur propter Christum, cum in eum credimus, non est sentiendum, quod abjecto illo mediatore, postea iusti simus nostra impletionem legis, etsi necesse est renatos bene operari. Et virtutes legis, quatenus obediunt legi, sunt iusticiæ, & eatenus hæc obedientia legis, iustificat iusticia legis. Sed hæc imperfecta iusticia legis non est accepta, nisi propter fidem, nec potest conscientias reddere pacatas. Id tantum efficit fides, quæ statuit, quod propter Christum Pontificem habeamus Deum propitium. In hac promissione quærere debent piæ & perterrefactæ conscientiæ reconciliationem, & iustificationem, hac promissione debet se erigere ac sustentare, sicut docent hæc verba, iustus ex fide vivet. Significant enim quod fides iustificet, & ita iustificet, ut simul vivificet, hoc est, erigat & consoletur conscientias, & vitam æternam & gaudium in animo pariat.

### RESPONSIO AD ARGUMENTA adversariorum.

Cognitis his fundamentis causæ, videlicet discrimine legis, ac promissionum, seu Evangelij, facile erit diluere ea, quæ adversarij obijciunt. Citant enim dicta de lege & operibus, Dicta vero de promissionibus omittunt. Semel autem responderi potest ad omnes sententias de lege, quod Lex non possit fieri sine Christo, Et si qua fiunt civilia opera sine Christo, non placent Deo. Quare cum prædicantur opera, necesse est addere, quod fides requiratur, quod propter fidem prædicentur, quod sint fructus & testimonia fidei. Quid potest simplicius hac nostra doctrina dici? Necesse est enim ad cognoscenda beneficia Christi, discernere promissiones à Lege. Ambiguæ & periculosa causæ multas & varias solutiones gignunt. Verum est enim illud veteris Poëtæ, *ἰδ' ἀδικῶ λόγῳ τοῦτον ἐστὶν αὐτῷ, φαρμάκον δὲ τὰς ἐσφῶν.*

Sed in bonis & firmis causis, una atq; altera solutio sumpta ex fontibus corrigit omnia, quæ videntur offendere. Id fit & in hac nostra causa. Nam illa regula, quam modo recitavi, interpretatur omnia dicta, quæ de lege & operibus citantur.

Fatemur enim scripturam alibi Legem, alibi Evangelium seu gratuitam promissionem remissionis peccatorum propter Christum tradere. Verum adversarij nostri simpliciter abolent promissionem, cum negant, quod fides iustificet, cum docent, quod propter dilectionem & opera nostra accipiamus remissionem peccatorum & reconciliationem. Si enim pendet ex conditione operum nostrorum remissio peccatorum, prorsus erit incerta, Nunquam enim facimus opera sufficientia. Erit igitur abolita promissio. Proinde nos revocamus pias mentes ad considerandas promissiones, & de gratuita remissione peccatorum & reconciliatione, quæ fit per fidem in Christum, docemus. Postea addimus & doctrinam



legis, non quod lege mereamur remissionem peccatorum, aut quod propter legem iusti re putemur, non propter Christum, Sed quia Deus requirit bona opera. Oportet enim prudenter *ἐξέτασθαι* legem & promissiones. Videndum est quid legi, quid promissionibus scriptura tribuat. Sic enim & laudat & præcipit bona opera, ut non tollat gratuitam promissionem, nec tollat Christum.

Sunt enim facienda bona opera, quia Deus ea requirit, ideoq; sunt effectus regenerationis, sicut Paulus docet Ephes. 2. Ipsius opus sumus, conditi per Christum Iesum ad bona opera, quæ præparavit Deus, ut in eis ambularemus. Ita q; bona opera sequi fidem debent, tanquam gratiarum actio erga Deum, Item ut in eis fides & exerceatur, & crescat & ostendatur alijs, ut nostra confessione alij invitentur ad pietatem. Ita Paulus ait, Abraham accepisse circumcisionem, non quod propter illud opus reputaretur iustus, sed ut haberet signum in corpore scriptum, quo commonefieret, & fidem subinde maiorem conciperet. Item, quo confiteretur fidem coram alijs, & alios ad credendum suo testimonio invitaret. Sic Abel fide gratiorem hostiam obtulit. Placuit enim hostia non ex opere operato, Sed quia Abel fide statuebat se Deum placatum habere propter misericordiam, Opus vero illud faciebat, ut suam fidem exerceret, & alios exemplo & confessione sua invitaret ad credendum. *Ephes. 2.*  
*Rom. 4.*

Cum hoc modo bona opera sequi fidem debeant, longe aliter utuntur operibus homines qui non possunt credere, ac statuere in corde sibi grãtis ignosci propter Christum. Hi cum vident opera sanctorum, humano more iudicant sanctos operibus illis promeruisse remissionem peccatorum, & propter illa opera iustos reputatos esse coram Deo. Ideo imitantur ea & sentiunt se per opera similia mereri remissionem peccatorum, conantur placare iram Dei, & confidunt se propter talia opera iustos reputari. Hæc impias opiniones in operibus damnamus. Primo, quia obscurant gloriam Christi, cum homines proponunt Deo hæc opera, tanquam precium, & propitiationem. Hic honos debitus uni Christo tribuitur nostris operibus. Secundo, neq; tamen inveniunt conscientie pacem in his operibus. Sed alia supra alia in veris terroribus cumulantes tandem desperant, quia cū nullum opus satis mundum inveniant, semper accusat Lex, & parit iram. Tertio, Tales nunquam assequuntur noticiam Dei, cum conscientie fugientes iram Dei, non possint pacem consequi, nec statuere unquam, quod à Deo exaudiantur. At cum accessit fides, quæ credit, quod gratis reputemur iusti, hæc audet invocare Deum, & sentit se exaudiri, & consequitur veram noticiam Dei.

Semper autem hæret in mundo impia opinio de operibus. Gentes habebant sacrificia sumpta à Patribus, Horum opera imitabantur, fidem non tenebant, sed sentiebant opera illa propitiationem & precium esse, propter quod Deus reconciliaretur ipsis. Populus in lege imitabatur hac opinione sacrificia, quod propter illa opera haberent placatum Deum, ex opere operato ut dici solet. Hic videmus quam vehementer objurgent populum Prophetæ, Psal. 49. *Non in sacrificijs arguam te.* Et Ierem. *Non præcepi de holocaustis.* Tales loci damnant non opera, quæ certe Deus præceperat, ut externa exercitia in hac politia, sed damnant impiam persuasionem, quod sentiebant se per illa opera placare iram Dei, & fidem abiciebant. Et quia nulla opera reddunt pacatam conscientiam, ideo subinde nova opera excogitantur præter mandata Dei. *Psal. 49.*  
*Ierem. 7.*

Ac maxime movent homines exempla Sanctorum, horum imitatione sperant se perinde consecuturos esse reconciliationem, ut illi consecuti sunt. Populus Israel viderat Prophetas in excelsis sacrificasse, Hoc opus mirabili studio coepit imitari populus, ut per id opus placaret iram Dei. At Prophetæ sacrificaverant in excelsis, non ut per illa opera mererentur remissionem peccatorum, sed quia in illis locis docebāt, ideo ibi testimonium fidei suæ proponebant. Populus audierat Abraham immolasse filium suum. Quare & ipsi, ut asperrimo ac difficilimo

cilimo opere placarent ira, Dei, mactaverunt filios. At Abraham non hac opinione immolabat filium, ut id opus esset precium & propiciatio propter quam justus reputaretur. Sic in Ecclesia instituta est coena Domini, ut recordatione promissionum Christi, quarum in hoc signo admonemur, confirmetur in nobis fides, & foris confiteamur fidem nostram & prædicemus beneficia Christi, sicut

**Cor. 11.** Paulus ait, Quoties feceritis, mortem Domini annunciabitis &c. Verum adversarij nostri contendunt Missam esse opus, quod ex opere operato justificet, & tollat reatum culpæ & poenæ in his, pro quibus fit.

Antonius, Bernardus, Dominicus, Franciscus, & alij sancti Patres elegerunt certum vitæ genus vel propter studium, vel propter alia utilia exercitia, Interim sentiebant se fide propter Christum justos reputari, & habere Deum propitium propter Christum, non propter illa exercitia. Sed multitudo deinceps imitata est, non fidem Patrum, sed exempla sine fide, ut per illa opera mererentur remissionem peccatorum, ut propter illa opera reputarentur justi coram Deo. Ita errat humanus animus de operibus, quia fidei justiciam non intelligit. Et hunc errorem reprehendit Evangelium, quod docet homines justos reputari, non propter legem, sed propter solum Christum, Christus autem sola fide apprehenditur. Quare sola fide propter Christum justus reputatur.

**1. Cor. 13.** Sed objiciunt adversarij locum ex Corinthijs, Si omnem fidem habeam &c. Dilectionem autem non habeam, nihil sum, Et magnifice triumphant. Totam Ecclesiam, ajunt, certificat Paulus, quod non justificet sola fides, Facile est autem respondere, Postquam supra ostendimus quid de dilectione & operibus sentiamus. Hic locus Pauli requirit dilectionem, hanc & nos requirimus. Diximus enim supra, oportere in nobis exsistere renovationem & inchoatam legis impletionem. Quare si quis dilectionem abjecerit, etiamsi habet magnam fidem, tamen non retinet eam. Non enim retinet Spiritum sanctum, Neque vero sequitur, quod ideo dilectio justificet, hoc est, quod propter dilectionem accipiamus remissionem peccatorum, quod dilectio vincat terrores mortis & peccati, quod dilectio debeat opponi iræ, ac judicio Dei, quod dilectio legi satisfaciat, quodque renati propter legis impletionem accepti Deo simus, non propter Christum gratis. Hæc non dicit Paulus, quæ tamen affingunt adversarii nostri. Iam si nostra dilectione vincimus iram Dei, si nostra dilectione coram Deo meremur remissionem peccatorum, si nostra impletione legis sumus accepti, tollant adversarij promissionem Christi, aboleant Evangelium, quod docet nos accessum habere ad Deum per propitiatorem Christum, quod docet nos non propter nostram legis impletionem, sed propter Christum acceptos esse.

Adversarij corrumpunt pleraque loca, quia suas opiniones ad ea afferunt, nec sumunt ex ipsis scripturis sententiam. Quid enim habet hic locus incommodi, si detraxerimus interpretationem, quam adversarij de suo assuunt, non intelligentes, quid sit justificatio, aut quomodo fiat. Corinthij antea justificati multa acceperant excellentia dona, Et fervebant initia, ut sit, deinde coeperunt inter eos exsistere simulates, ut significat Paulus, Coeperunt fastidire bonos doctores. Ideo objurgat eos Paulus revocans ad officia dilectionis, Nec disputat hic de remissione peccatorum, de modo justificationis, sed de fructibus loquitur, Et dilectionem intelligit erga proximum. Stultum est autem somniare, quod dilectio, qua agimus cum hominibus, justificet coram Deo, cum in justificatione agendum sit cum Deo, placanda ira ejus, & conscientia erga Deum pacificanda. Horum nihil fit per illam dilectionem, Sed tantum ita, si apprehendatur misericordia, Idque fit per fidem. Illud autem verum est, amissa dilectione, amittit Spiritum sanctum, quo amisso & fides excutitur. Ideo ait, Si dilectionem non habeam, nihil sum, non addit affirmativam, quod dilectio justificet.

Sed disputant præferri dilectionem fidei & spei. Paulus enim inquit, Major horum dilectio, consentaneum est autem maximam & præcipuam virtutem

justificare. Quanquam hoc loco Paulus proprie loquitur de dilectione proximi, & significat dilectionem maximam esse, qua plurimos fructus habet, Fides & Spes tantum agunt cum Deo. At dilectio foris erga homines infinita habet officia, tamen largiamur sane adversarijs dilectionem Dei & proximi maximam virtutem esse, Quia hoc summum præceptum est, Diligas Dominum Deum tuum &c. Verum, quomodo inde ratiocinabuntur, quod dilectio justificet, quia inquit, maxima virtus justificat. Imo sicut Lex maxima seu prima, minime justificat, ita nec maxima virtus legis. Nulla enim Lex est, quæ magis accuset nos, quæ magis faciat, ut conscientia nostra irascatur iudicio Dei, quam hæc summa Lex, Diligas Dominum Deum tuum ex toto corde. Quis enim Sanctorum præter Christum gloriari ausit se huic legi satisfecisse? Non igitur justificat virtus legis, Sed illa virtus justificat, quæ accipit reconciliationem donatam propter Christum. Hæc virtus fides est, nec justificat propter suam dignitatem, sed tantum, quia accipit misericordiam, qua propter Christum iusti reputamur. Sumus enim iusti, hoc est, accepti coram Deo, non propter nostram perfectionem, sed per misericordiam propter Christum, Si tamen hanc apprehendimus & opponimus iræ Dei.

Sed adversarij ideo tribuunt dilectioni iusticiam, Quia legem docent, & cogitant iusticiam esse obedientiam erga legem. Nam humana ratio tantum inductur in legem, nec intelligit aliam iusticiam nisi legis obedientiam. Et scholastici, homines ingeniosi, quærentes Methodum, proposuerunt sibi legem, Perinde atq; Philosophi in Ethicis proponunt sibi præcepta de moribus. Sed Paulus reclamatur, & docet aliud quiddam esse iusticiam, scilicet obedientiam erga promissionem reconciliationis donatæ propter Christum, hoc est, accipere misericordiam donatam propter Christum. Sic enim sumus accepti Deo, sic fiunt pacatæ conscientiae, quando sentimus Deum nobis propter Christum propitium esse. Quare piæ mentes à lege ad promissionem revocandæ sunt, ut sæpe jam diximus, & paulo post latius exponemus, cum agitabimus argumenta Scholastica de vocabulo iusticiæ.

Adversarij in confutatione & hunc locum contra nos citaverunt, ex Coloss. 1. Charitas est vinculum perfectionis, Hinc ratiocinantur quod dilectio justificet, quia perfectos efficit. Quanquam hic multis modis de perfectione responderi posset, tamen nos simpliciter sententiam Pauli recitabimus. Certum est Paulum de dilectione proximi loqui. Neque vero existimandum est, quod Paulus aut justificationem aut perfectionem coram Deo tribuerit operibus secundæ tabulæ potius, quam primæ. Præterea si dilectio est perfecta legis impletio & legi satisfaciatur, nihil igitur erit opus propitiatore Christo. Paulus autem ideo docet nos acceptos esse propter Christum, non propter legis impletionem, quia legis impletio non est perfecta. Itaque cum manifeste alibi detrahat nobis perfectionem, non est sentiendum quod hic loquatur de personali singulorum perfectione, sed loquitur de integritate communi Ecclesiæ. Ideo enim ait dilectionem esse vinculum seu colligationem, ut significet se loqui de colligandis & copulandis pluribus membris Ecclesiæ inter se. Sicut enim in omnibus familijs, in omnibus rebus publicis, concordia mutuis officijs alenda est, nec retineri tranquillitas potest, nisi quædam errata inter se dissimulent homines & condonent.

Ita jubet Paulus in Ecclesia dilectionem existere, quæ retineat concordiam, quæ toleret sicubi opus est, asperiores mores fratrum, quæ dissimulet quædam levia errata, ne dissiliat Ecclesia in varia Schismata, & ex Schismatis oriantur odia, factiones & hæreses. Necessè est enim dissilire concordiam, quando aut Episcopi imponunt populo duriora onera, nec habent rationem imbecillitatis in populo. Et oriuntur dissidia, quando populus nimis acerbè iudicat de moribus Doctorum, aut fastidit Doctores propter quædam levia incommoda. Quæruntur enim deinde & aliud doctrinæ genus, & alij doctores. E contra perfectio, id est, in-



est, integritas Ecclesiæ conservatur, quando firmi tolerant infirmos, quando populus boni consulit quædam incommoda in moribus Doctorum, quando Episcopi quædam condonant imbecillitati populi. De his præceptis æquitatis pleni sunt libri omnium sapientum, ut in hac vix consuetudine multa condonemus inter nos, propter communem tranquillitatem. Et de ea cum hic tum alias sæpe præcepit Paulus.

Quare adversarij imprudenter ratiocinantur ex nomine perfectionis, quod dilectio justificet, cum Paulus de integritate & tranquillitate communi loquatur, Et sic interpretatur hunc locum Ambrosius, Sicut ædificium dicitur perfectum seu integrum, cum omnes partes apte inter se coagmentatæ sunt. Turpe est autem adversarijs tantopere prædicare dilectionem, cum nusquam præstent eam. Quid nunc ajunt? dissipant Ecclesias, scribunt leges sanguine, & has proponunt Cæsari Clementissimo Principi promulgandas, Trucidant sacerdotes, & alios bonos viros, si quis leviter significavit, se aliquem manifestum abusum non omnino probare. Hæc non conveniunt ad ista præconia dilectionis, quæ si sequerentur adversarij, Ecclesiæ tranquillæ essent, & respublica pacata. Nam hi tumultus consulescerent, si adversarij non nimis acerbè exigèrent quasdam traditiones inutiles ad pietatem, quarum plerasque ne ipsi quidem observant, qui vehementissime defendunt eas. Sed sibi facile ignoscunt, alijs non item, ut ille apud Poëtam, Egomet mi ignosco, Mevius inquit. Id autem alienissimum est ab his encomijs dilectionis, quæ hic ex Paulo recitant, nec magis intelligunt, quam parietes intelligunt vocem, quam reddunt.

1. Pet. 4.

Ex Petro citant & hanc sententiam, Univerſa delicta operit charitas. Constat & Petrum loqui de dilectione erga proximum, quia hunc locum accommodat ad præceptum, quo jubet, ut diligant se mutuo. Neque vero ulli Apostolo in mentem venire potuit, quod dilectio nostra vincat peccatum & mortem, quod dilectio sit propitiatio, propter quam Deus reconcilietur omisso mediatore Christo, quod dilectio sit justitia, sine mediatore Christo. Hæc enim dilectio, si qua esset, esset justitia legis, non Evangelij, quod promittit nobis reconciliationem, & justiciam, si credamus, quod propter Christum propitiatorem Pater placatus sit, quod donentur nobis merita Christi. Ideo Petrus paulo ante jubet, ut accedamus ad Christum, ut ædificemur super Christum, Et addit, Qui crediderit in eum, non confundetur. Dilectio nostra non liberat nos à confusione, cum Deus judicat & arguit nos, sed fides in Christum liberat in his pavoribus, quia scimus propter Christum nobis ignosci. Cæterum hæc sententia de dilectione sumpta est ex proverbij, ubi antithesis clare ostendit, quomodo intelligi debeat. Odium suscitatur rixas, & universa delicta tegit dilectio.

Prov. 10.

Idem prorsus docet, quod illa Pauli sententia ex Colossensibus sumpta, ut si quæ dissensiones inciderint, mitigentur & componantur æquitate, & commoditate nostra. Dissensiones, inquit, crescunt odijs, ut sæpe videmus ex levissimis offensionibus maximas exoriri tragœdias. Inciderant quædam inter C. Cæsarem & Pompejum leves offensiones, in quibus si alter alteri paululum cessisset, non extitisset bellum civile, Sed dum uterque morem gerit odio suo, ex re nihili, maximi motus orti sunt. Et multæ in Ecclesia hæreses ortæ sunt, tantum ex mutuis odijs doctorum. Itaque non de proprijs delictis, sed de alienis loquitur, cum ait, Dilectio tegit delicta, videlicet aliena, & quidem inter homines, id est, Etiam si quæ offensiones incidunt, tamen dilectio dissimulat, ignoscit, cedit, non agit omnia summo jure. Petrus igitur non hoc vult, quod dilectio coram Deo mereatur remissionem peccatorum, quod sit propitiatio, excluso mediatore Christo, quod propter dilectionem sinus accepti, non propter mediatorem Christum, Sed quod erga homines non sit morosa, non aspera, non intractabilis, quod quædā errata amicorum dissimulet, quod mores aliorum etiam asperiores boni consulat, sicut vulgaris quædā sententia præcipit, Mores amici noveris non

oderis. Neque temere de hoc officio dilectionis toties præcipiunt Apostoli, quod Philosophi vocant *Prudence*. Necessaria est enim hæc virtus ad publicam concordiam retinendam, quæ non potest durare, nisi multa dissimulent, multa condonent inter se Pastores, & Ecclesiæ.

Ex Iacobo citant. Videtis igitur quod ex operibus justificatur homo, & non ex fide sola. Neq; alius locus ullus magis putatur officere nostræ sententiæ, sed est facilis & plana responsio. Si non assuant adversarij suas opiniones de meritis operum, Iacobi verba nihil habent incommodi. Sed ubicunq; fit mentio operum, adversarij affingunt suas impias opiniones, quod per bona opera mereamur remissionem peccatorum, quod bona opera sint propitiatio ac precium propter quod Deus nobis reconcilietur, quo bona opera vincant terrores peccati & mortis, quod opera coram Deo propter suam bonitatem sint accepta, nec egeant misericordia & propitiatore Christo. Horum nihil venit in mentem Iacobo, quæ tamen omnia nunc defendunt adversarij prætextu sententiæ Iacobi.

Primum igitur hoc expendendum est, quod hic locus magis contra adversarios facit, quam contra nos. Adversarii enim docent hominē justificari dilectione, & operibus. De fide, qua apprehendimus propitiatorem Christum nihil dicunt, Imo hanc fidem improbant, neq; improbant tantum sententijs aut scriptis, Sed etiam ferro & supplicijs conantur in Ecclesia delere. Quanto melius docet Iacobus, qui fidem non omittit, non subicit pro fide dilectionem, sed retinet fidem, ne propitiator Christus excludatur in justificatione. Sicut & Paulus cum summam tradit vitæ Christianæ, complectitur fidem & dilectionem. 1. Timoth. 1. 7. *Finis mandati charitas est de corde puro & conscientia bona & fide non ficta.*

Secundo, res ipsa loquitur, hic de operibus dici, quæ fidem sequuntur, & ostendunt fidem non esse mortuam, sed vivam & efficacem in corde. Non igitur sensit Iacobus, nos per bona opera mereri remissionem peccatorum & gratiam. Loquitur enim de operibus justificatorum, qui jam sunt reconciliati, accepti & consecuti remissionem peccatorum. Quare errant adversarij, cum hinc ratiocinantur, quod Iacobus doceat nos per bona opera mereri remissionem peccatorum & gratiam, quod per opera nostra habeamus accessum ad Deum, sine propitiatore Christo.

Tertio, Iacobus paulo ante dixit de regeneratione, quod fiat per Evangelium. Sic enim ait, Volens genuit nos Verbo veritatis, ut nos essemus primitiæ creaturarum ejus. Cum dicit nos Evangelio renatos esse, docet quod fide renati ac justificati simus. Nam promissio de Christo tantum fide apprehenditur, cum opponimus eam terroribus peccati & mortis. Non igitur sentit Iacobus, nos per opera nostra renasci.

Ex his liquet, non adversari nobis Iacobum, qui cum ociosas & securas mentes, quæ somniabant se habere fidem, cum non haberent, vituperaret, distinxit inter mortuam fidem, ac vivam fidem. Mortuam ait esse, quæ non parit bona opera. Vivam ait esse, quæ parit bona opera. Porro nos sæpe jam ostendimus, quid appellemus fidem. Non enim loquimur de ociosa noticia, qualis est etiam in Diabolis, Sed de fide quæ resistit terroribus conscientiæ, quæ erigit & consolatur per terrefacta corda. Talis fides neque facilis res est, ut somniant adversarij, neq; humana potentia, sed divina potentia, qua vivificamur, qua Diabolum & mortem vincimus, Sicut Paulus ad Coloss. ait, quod fides sit efficax per potentiam Dei, & vincat mortem. In quo & resuscitati estis per fidem efficaciam Dei. Hæc fides, cum sit nova vita, necessario parit novos motus & opera. Ideo Iacobus recte negat nos tali fide justificari, quæ est sine operibus.

Quod autem dicit nos justificari fide & operibus, certe non dicit nos per opera renasci, Neque hoc dicit, quod partim Christus sit propitiator, partim opera nostra sint propitiatio. Nec describit hic modum justificationis, sed describit quales sunt justi, postquam jam sunt justificati & renati. Et justificari significat

*Rom. 1.* ficat hic non ex impio iustum effici, sed usu forensi iustum pronunciari, Sicut hic, Factores legis iustificabuntur. Sicut igitur hæc verba nihil habent incommodi, Factores legis iustificabuntur, Ita de Iacobi verbis sentimus, Iustificatur homo non solum ex fide, sed etiam ex operibus. Quia certe iusti pronunciantur homines, habentes fidem & bona opera. Nam bona opera in Sanctis, ut diximus, sunt iusticiæ legis; quæ sunt acceptæ propter fidem, nec sunt acceptæ, quia satisfaciunt legi. Iustificantur igitur homines ex fide & operibus, non propter opera, sed propter fidem, quam tamen bona opera sequi necesse est. Iacobus enim loquitur de his operibus, quæ fidem sequuntur, sicut testatur cum ait, Fides adjuvat opera ejus. Sic accipiendum est, Factores legis iustificabuntur, hoc est, qui credunt & habent bonos fructus, iusti pronunciantur. Nam Lex ita fit, si credimus, & placet propter fidem, non quod opera legi satisfaciunt.

*Iacob. 2.*

Ita videmus in his sententijs nihil esse vitij, sed adversarij depravant eas, qui de suo affingunt impias opiniones. Neque enim dicunt opera mereri remissionem peccatorum, homines propter opera acceptos esse, seu iustos reputari, non propter Christum, opera pacare corda & vincere iram Dei, opera non indigere misericordia. Horum nihil dicit Iacobus, quæ tamen adversarij verbis Iacobi affingunt.

*Dan. 4.*

*Esa. 58.*

*Luc. 6.*

*Matth. 6.*

Citantur contra nos & aliæ sententiæ de operibus. Danielis 4. Peccata tua eleemosynis redime. Et Esaia 58. Frange esurienti panem tuum, tunc invocabis, & Dominus exaudiet. Lucæ 6. Remittite, & remittetur vobis. Matth. 6. Beati misericordes, quia misericordiam consequentur.

*Iohan. 14.*

*Ebra. 11.*

*Rom. 8.*

Ad has sententias & similes de operibus, primum hoc respondemus, quod supra dictum est, Legem non vere fieri sine fide, nec placere nisi propter fidem in Christum, juxta illud, Sine me nihil potestis facere. Item, Sine fide impossibile est placere Deo. Item, Per Christum habemus accessum per fidem. Itaque quoties requiruntur & probantur opera, addendum est Evangelium de Christo.

Secundo, hæ sententiæ, quas paulo ante commemoravi, fere sunt conciones poenitentiae. Constant enim ex duabus partibus, habent initio prædicationem Legis, quæ arguit peccata, & jubet bene operari. Deinde est addita promissio. Certissimum est autem in prædicatione poenitentiae non sufficere prædicationem legis, quæ tantum terret & condemnat conscientias, Sed necesse est accedere Evangelium, quod peccata gratis remittantur propter Christum, & quod fide consequamur remissionem peccatorum, Hæc sunt adeo certa & perspicua, ut si dissentiant adversarij, & excludant Christum & fidem à prædicatione poenitentiae, merito tanquam blasphemi in Christum rejiciendi sint.

Quare concio Danielis non tantum ad eleemosynas detorqueri debet, sed fides etiam in ea requirenda est. Dissimilis est concio Danielis orationi Aristotelis, qui ad suum Regem scribens, etiam hortatur eum ad beneficentiam, & jubet eum potentiam suam conferre ad publicam utilitatem, & salutem omnium gentium, non ad superbiam. Sic enim ad Alexandrum scribit: διὰ πρῶτον τὴν ἀρχὴν καὶ οὐ τὸ ὄψος, ἀλλ' οὐ κατὰ τὴν ἀρετὴν καὶ τὴν δικαιοσύνην. Honestissima oratio est, neque de officio publico magni Principis aliud dici quidquam melius potest. Sed Daniel non tantum de officio seu vocatione Regem suum docet, Sed de poenitentia, de pietate erga Deum, de remissione peccatorum, deque illis magnis rebus extra Philosophiam positis. Non igitur tantum hic Eleemosynæ requirendæ sunt, sed etiam fides. Idque textus ostendit Regem conversum esse, non solum ad eleemosynas largiendas, sed multo magis ad fidem. Extat enim egregia confessio Regis de Deo Israel, Non est alius Deus qui possit ita salvare.

Itaque duæ partes sunt in concione Danielis, Altera pars est prædicatione poenitentiae, quæ arguit peccata, & præcipit de nova vita, Redime peccata tua iusticia, & iniquitates tuas beneficijs erga pauperes. Sic enim in sua lingua loquitur Daniel, ubi satis apparet eum non solum de Eleemosynis præcipere, sed de tota iusticia, hoc est, de noticia Dei & fide. At enim, peccata redime per iusticiam.

Iusticia



Iustitia autem erga Deum est fides, qua credimus Deum nobis ignoscere. Deinde præcipit Daniel de beneficijs erga pauperes, hoc est, ne superbæ, nec crudeliter imperet, sed consulat utilitatibus subditorum. Altera pars concionis promittit remissionem peccatorum, Ecce erit sanatio delictorum tuorum. Hieronymus hic præter rem adjecit dubitativam particulam, Et multo imprudentius disputat in Commentarijs, incertam esse remissionem peccatorum. Sed nos meminerimus Evangelium certo promittere remissionem peccatorum, Isq; abolere Evangelium censendus est, qui sentit remissionem peccatorum incertam esse. Dimittamus igitur hoc in loco Hieronymum.

Cum autem clare ponatur promissio, certe requiritur fides, quia promissio non potest accipi, nisi fide, Quamquam & ibi indicavit remissionem contingere posse, cum ait, redime peccata. Atque hæc promissio remissionis peccatorum vere Prophetica & Evangelica vox est, quæ certe Daniel volebat fidem accipi. Norat enim Daniel promissam esse remissionem peccatorum propter futurum Semen, videlicet Christum, non solum Israelitis, sed etiam omnibus gentibus. Alioqui non potuisset Regi polliceri remissionem peccatorum. Non est enim hominis, præsertim in terroribus peccati, statuere de voluntate Dei sine certo verbo Dei, quod irasci desinat. Itaque cum promissio ponatur, satis apparet requiri fidem, quia promissio non potest accipi nisi fide. Si hæc fides ex conditione operum penderet, incerta esset remissio. Ideo talis fides requiritur, quæ confidit misericordia & verbo Dei, non operibus nostris. Quod autem dicit, redime peccata per justiciam, & per eleemosynas, idem est ac si diceret, redime peccata per poenitentiam, quia reatus tollitur per poenitentiam. Neq; hinc ratiocinandum est, quod ignoscat Deus propter opera sequentia, sed ignoscit propter promissionem his, qui promissionem apprehendunt.

Ostendimus clare in concione Danielis fidem requiri, quare huic loco injuriam faciunt, qui inde ratiocinantur, quod remissio peccatorum contingat propter opera nostra, non fide propter Christum. Philosophicum est in concione Danielis, nihil requirere, nisi adhortationem de imperio recte gerendo. Pharisæicum est affingere, quod propter opus illud contingat remissio peccatorum. Sed ita fit, opera naturaliter incurrunt hominibus in oculos, quia fidem nec intelligit, neq; considerat humana ratio. Ideo somniat opera illa mereri remissionem peccatorum, Hæc opinio naturaliter hæret in animis hominum, neq; excuti potest, nisi cum divinitus doceamur. Sed revocare nos debemus ab hac carnali opinione ad Evangelium & promissionem misericordiæ, in qua gratis exhibetur remissio peccatorum propter Christum. Ita in omnibus locis de poenitentia fides requirenda est. Summa enim contumelia est in Christum, remissionem peccatorum sine Christo quærere.

Quidam interpretantur Daniele de remissione poenæ, cum ait: Redime peccata eleemosynis, Ita nihil contra nos faceret Daniel, Etsi dubium non est, quin loquatur de remissione culpæ. Frustra enim quæritur remissio poenæ, nisi prius cor apprehenderit fide remissionem culpæ. Quod si illi concedent remissionem culpæ gratis contingere per fidem, nos postea facile largiemur poenas, quibus castigamur, mitigari bonis operibus, & tota poenitentia, juxta illud, Si nos 1. Cor. 11. judicaremus, non judicaremur à Domino. Et Ierem. 15. Si conversus fueris, con- Jerem. 15. vertam te. Et Zachar. 1. Convertimini ad me, & ego convertar ad vos. Et Psal. Zachar. 1. Psalm. 119. 49. Invoca me in die tribulationis.

Sic judicandum est & de hoc loco, Remittite & remittetur vobis. Est enim pene similis concio de poenitentia. Prior particula requirit bona opera, Posterior addit promissionem. Neq; est ratiocinandum, quod nostra condonatio ex opere operato mereatur nobis remitti peccata. Non enim dicit hoc Christus. Sed sicut alijs sacramentis annectit Christus promissionem remissionis peccatorum, ita annectit & bonis operibus. Et sicut in cœna Domini non consequimur remis-

remissionem peccatorum sine fide ex opere operato. Ita neq; in hoc opere, Imo nostra condonatio non est bonum opus, nisi cum sit à reconciliatis. Ideo nostra condonatio, quæ quidem placet Deo, sequitur condonationem divinam. Solet autem Christus hoc modo conjungere legem & Evangelium, ut utrumq; tradat, doctrinam fidei & bonorum operum, ut moneat hypocrisin & simulationem pœnitentiæ esse, nisi sequantur boni fructus. Item, Vt multa habeamus externa signa Evangelij, & remissionis peccatorum, quæ nos commonefaciant, & consolentur, & ut multipliciter exercere fidem possimus. Sic igitur necesse est tales locos accipi, ne aboleamus Evangelium de Christo, ne nostra opera opponamus Deo tanquam propitiationem & precium, abjecto Christo. Item ne fiat incerta remissio peccatorum, si doceatur pendere ex conditione nostrorum operum.

*Tobi. 4.* Citatur & ex Tobia. Eleemosyna ab omni peccato & à morte liberat. Non dicemus Hyperbolen esse, etsi sic accipi debet, ne detrahat de laudibus Christi, cujus propria sunt officia, liberare à peccato & à morte, Sed recurrendum est ad regulam, quod lex sine Christo non prodest. Placent igitur eleemosynæ Deo, quæ sequuntur reconciliationem, non quæ præcedunt. Itaq; liberant à peccato & à morte, non ex opere operato, sed sicut paulo ante de pœnitentia diximus, quod fidem cum fructibus complecti debeamus, ita de eleemosynis judicandum est, quod placeat Deo fides cum fructibus. Tobias enim concionatur non tantum de eleemosynis, sed etiam de fide. Omni tempore benedic Deum, & pete ab eo, ut dirigat vias tuas. Hoc autem proprie est illius fidei, de qua loquimur, quæ sentit Deum esse propitium propter ipsius misericordiam, & petit ut servet & gubernet nos. Ad hæc concedimus eleemosynas mereri multa beneficia Dei, & liberare non à præsentis peccato. Non enim vincunt iram & judicium Dei, nec reddunt pacatas conscientias, sed liberare à futuro peccato, hoc est, mereri, ut defendamur in periculis peccatorum & mortis. Hæc est simplex sententia, reliquis scripturis consentiens. Sic enim accipienda sunt præconia operum & legis, ne detrahant de gloria Christi & Evangelij.

*Luc. 11.* Lactatur & dictum Christi apud Lucam. Date eleemosynam, & ecce omnia munda sunt vobis. Plane surdi sunt adversarij. Toties jam dictum est, legem sine Christo non prodesse, propter quem placent bona opera. Sed illi ubique excluso Christo, docent mereri justificationem per opera legis. Hic locus integer prolatus ostendet & fidem requiri. Christus enim objurgat Phariseos sentientes se coram Deo mundari, hoc est, justificari crebris ablutionibus, sicut Papa, nescio quis, de aqua sale conspersa inquit, quod populum sanctificet ac mundet. Et glossa ait, quod mundet à venialibus. Tales erant & Phariseorum opiniones, quas reprehendit Christus, & opponit huic fictæ purgationi duplicem mundiciem, Alteram internam, Alteram externam. Iubet ut intus mudentur. Et addit de mundicie externa. Date eleemosynam de eo, quod super est, & sic omnia erunt vobis munda. Adversarij non recte accommodant particulam universalem. Christus enim addit hanc conclusionem utriq; membro. Tunc omnia erunt munda, videlicet, si intus eritis mundi & foris eleemosynam dederitis. Significat enim quod externa mūdicies collocanda sit in operibus à Deo præceptis, non in traditionibus humanis, ut tunc erant illæ ablutiones, & nunc est quotidiana aspersto aquæ, vestitus Monachorum, discrimina ciborum, & similes pompæ.

*Mat. 15.* Sed adversarij corrumpunt sententiam sophisticè translata particula universali ad unam partem, Omnia erunt munda, datis eleemosynis, ut si quis ratiocinetur. Andreas adest, igitur omnes Apostoli adiunt. Quare in antecedente utrumq; membrum conjungi debet, credite, & date eleemosynas, Ita omnia erunt munda. Scriptura enim alibi dicit fide purificari corda. Quod si corda sint mundata, & deinde foris accedant eleemosynæ, hoc est, opera charitatis omnis generis, ita toti erunt mundi, hoc est, non solum intus, sed foris etiam. Ac tota illa concio Christi conjungi debet, cujus multæ sunt partes, quarum aliæ de fide, aliæ de

aliæ de operibus præcipiunt. Nec est candidi lectoris excerpere præcepta operum, omiſſis locis de fide. Sunt & nonnulli, qui Ironiam eſſe interpretantur, Date eleemoſynas, & omnia ſunt munda. Videtur enim Chriſtus vanam perſuaſionem Phariſæorum falſe taxare, qui cum haberent animos peſſimis cupiditatibus obnoxios, interim datis eleemoſynis, confidebant ſe meros ſemideos eſſe. Hæc interpretatio non eſt abſurda, neq; quidquam habet quod pugnet cum aliis ſcripturis.

Addcremus & alios locos, niſi exiſtimaremus ex his, quos recenſuimus atq; enarravimus, ſimiles judicari facile poſſe. Sed adjiciemus hoc Scholaſticum argumentum. Juſticiam neceſſe eſt in voluntate eſſe. Ergo cum fides ſit in intellectu, non juſtificat. Hoc argumentum ideo recitamus, ut tota res magis fiat perſpicua, quomodo fides juſtificet, & quid Paulus appellet juſtificationem. Primum autem propter moroſos quosdam *τηρολογικῶς* respondebimus, Conſtat ex Ethicis, juſticiam, obedientiam appellari erga ſuperiorem, quam is approbat. Fides autem eſt obedientia erga Evangelium, Quare fides recte dicitur juſticia. Nam obedientia erga Evangelium imputatur pro juſticia, adeo ut obedientia erga legem tantum propterea placeat, quia credimus nobis Deum gratis propitium eſſe propter Chriſtum. Neq; enim legi ſatisfacimus. Quanquam autem hæc fides eſt in voluntate, eſt enim velle & accipere promiſſionem, tamen hæc obedientia erga Evangelium, non propter noſtram mundiciem imputatur pro juſticia, ſed quia accipit oblatam miſericordiam, & ſentit nos propter Chriſtum juſtos reputari per miſericordiam, non propter noſtram impletionem legis, non propter noſtram mundiciem. Ita revocanda mens eſt à conſpectu legis, ad Evangelium & Chriſtum, & ſtatuendum quod reputemur juſti, cum ſentimus nos propter Chriſtum acceptos eſſe, non propter dilectionem aut impletionem legis.

Differt autem Fides à ſpe. Quia fides accipit in præſentia remiſſionem peccatorum & reconciliationem ſeu acceptionem noſtri, propter Chriſtum. Spes autem verſatur circa futura bona & liberationem futuram.

Secundo. Juſtificatio hic ſignificat reputari juſtum. Non autem reputat Deus hominem juſtum, ſicut in foro aut in Philoſophia reputatur homo juſtus, propter proprii operis juſticiam, quæ recte ponitur in voluntate, Sed reputat hominem juſtum per miſericordiam propter Chriſtum, ſi quis tamen hunc fide apprehendat. Quare fides appellari juſticia poteſt, quia eſt illud quod imputatur ad juſticiam, ut cum Paulo loquamur, quacunq; tandem in parte hominis ponatur, Id enim nihil impedit imputationem divinam, Eſi nos quidem hanc fidem in voluntate ponimus. Eſt enim velle & accipere promiſſionem Chriſti. Et hoc Scholaſtico argumento agitato, quia rem ad Methodum revocat, videtur tota cauſa melius perſpici poſſe.

Ex his omnibus etiam intelligi poteſt, quid judicandum ſit de merito condigni, de quo fingunt adverſarij, homines juſtos eſſe coram Deo propter dilectionem ac legis impletionem. Hic nulla juſticiæ fidei mentio ſit, & pro mediatore Chriſto ponitur, quod accepti ſimus propter noſtram impletionem legis. Hæc nullo modo ferenda ſunt, ſed, ut ſupra diximus, eſi neceſſario ſequitur renovationem dilectio, tamen gloria Chriſti non debet transferri in noſtram impletionem legis, ſed ſentiendum eſt, quod etiam poſt renovationem juſti reputemur propter Chriſtum, quod Chriſtus maneat mediator & propitiator, quod propter Chriſtum habeamus acceſſum ad Deum, quod non ſatisfaciamus legi, ſed habeamus opus miſericordia, quod ſemper per miſericordiam juſti reputemur.

Idq; confitetur univerſa Eccleſia, quod juſti & ſalvi ſiamus per miſericordiam, Sicut ſupra citavimus ex Hieronymo. Juſticia noſtra non ex proprio merito, ſed ex Dei miſericordia conſiſtit. Hæc autem miſericordia fide accipitur.

Ac videte quid conſequatur ex adverſariorum opinione. Si ſentiendum eſt, quod Chriſtus tantum primam gratiam, ut vocant, meruerit, poſtea nos ſi-

mus



mus accepti nostra impletione Legis, & mereamur vitam æternam, quando erunt conscientie pacatæ? quando statuent, quod habeant Deum propitium? Lex enim semper accusat nos, ut Paulus ait, Lex iram operatur. Ita fiet, ut si senserint conscientie judicium legis, ruant in desperationem. Paulus ait, Omne, quod non est ex fide, peccatum est. Isti autem nihil unquam ex fide agent, si tunc demum sentient sibi Deum propitium esse, cum legem impleverint. Semper enim dubitabunt, Vtrum legi satisfactum sit, imo intelligent non esse satisfactum, Ideo nunquam statuent se habere Deum propitium, se exaudiri. Nunquam igitur diligent, nunquam vere colent Deum. Talia pectora quid aliud sunt, nisi ipse infernus, cum sint plena desperationis, & odij Dei, & in hoc odio tamen invocant & colunt Deum, sicut Saul colebat. Hic provocamus ad omnes pias mentes, & peritas rerum spiritualium, hæc testari poterunt, hæc mala consequi ex illa impia persuasione adversariorum, quæ sentit, quod justî reputemur coram Deo, propria impletione legis, & jubet confidere non promissione misericordie propter Christum donatæ, sed nostra impletione legis.

Necesse est igitur statuere, quod certo post renovationem justî, hoc est, accepti Deo sumus, quod pacem habeamus coram Deo, per misericordiam propter Christum, & quod illa inchoatio Legis in nobis non sit digna vita æterna, Sed quod sicut remissio peccatorum & justificatio imputatur per misericordiam propter Christum, non propter legem. Ita & vita æterna cum justificatione, non propter legem & nostrorum operum perfectionem, sed per misericordiam propter Christum offeratur, Sicut ait Christus: Hæc est autem voluntas Patris mei, qui misit me, ut omnis, qui videt filium, & credit in eum, habeat vitam æternam. Et alibi. Qui credit in filium, habet vitam æternam. Ac quæramus adversarios, quid consilij dent morituris, Vtrum jubeant eos sentire quod reputentur justî, & expectare vitam æternam propter propria opera, an vero per misericordiam propter Christum. Certe nec Paulus nec Laurentius dicent, se propter propriam mundiciem justos reputandos esse, aut sibi deberi vitam æternam propter propria opera, aut legis impletionem, sed sentient se reputari justos, & accipere vitam æternam propter Christum per misericordiam. Nec possunt muniri pias mentes contra desperationem, nisi sentiant quod per misericordiam propter Christum, certo habeant & justiciam & vitam æternam, non propter legem. Hæc sententia consolatur, erigit & salvat pias mentes. Quare adversarij cum meritum condigni prædicant, abolent doctrinam de fide & mediatore Christo, & adigunt conscientias ad desperationem.

Sed dicat aliquis. Si per misericordiam salvandi sumus, quid interest inter hos, quibus contingit salus, & quibus non contingit? Num pariter sperabunt misericordiam boni & mali? Hoc argumento videntur moti scholastici ad quærendum meritum condigni. Necesse est enim discrimen esse inter salvandos & damnandos. Primum autem illud dicimus, cum justificatione offerri vitam æternam, seu justificados esse filios Dei & cohæredes Christi, juxta illud: Quos justificavit, eosdem & glorificavit. Igitur nullis contingit salus, nisi justificatis. Sicut autem justificatio incerta esset, si penderet ex conditione operum nostrorum aut legis, ac non gratis acciperetur propter Christum per misericordiam. Ita si spes niteretur operibus nostris, tunc vero esset incerta, quia lex semper accusat conscientias. Nec possunt conscientie reddi pacatæ, nisi fide apprehendant misericordiam, Neq; vero potest existere spes vitæ æternæ, nisi pacata conscientia. Nam conscientia dubitans fugit judicium Dei ac desperat. Necesse est autem spem vitæ æternæ certam esse. Ideoq; ut sit certa, sentiendum est quod donetur vita æterna per misericordiam propter Christum, non propter nostram impletionem legis.

In foro ac judicijs hominum, jus seu debitum certum est, Misericordia incerta est. Hic coram Deo alia res est. Nam misericordia habet clarum manda-

tum Dei. Nam Evangelium est hoc ipsum mandatum, quod jubet credere, quod *Ioh. 3.* Deus velit ignoscere & salvare propter Christum, juxta illud: Non misit Deus filium suum in mundum, ut judicet mundum, sed ut salvetur mundus per ipsum. Qui credit in eum, non judicatur. Quoties igitur de misericordia dicitur, intelligendum est fidem requiri. Et hæc fides discrimen facit inter salvandos & damnandos, inter dignos & indignos. Est enim vita æterna promissa justificatis. Fides autem justificat, quodcumq; & quocumq; tempore apprehendunt eam homines. Et per omnem vitam certare debemus, ut hanc fidem consequamur & confirmemus. Existit enim, ut supra diximus, hæc fides in pœnitentia, non in his qui secundum carnem ambulant. Ac debet inter pericula & tentationes per omnem vitam crescere. Et qui hanc fidem consecuti sunt, hi renati sunt, ut benè operentur, ut legem faciant.

Sicut igitur pœnitentiam per omnem vitam requirimus, ita & bona operarequirimus, etsi nostra opera non sunt alia, ut pro eis debeat vita æterna. Sicut & Christus in hac sententia dixit, Cum feceritis omnia, dicite servi inuti- *Luc. 17.* les sumus. Et Bernardus recte dicit, Necesse est primo credere, quod remissionem peccatorum habere non possis, nisi per indulgentiam Dei. Deinde, quod nihil prorsus habere queas operis boni, nisi & hoc dederit ipse. Postremo, quod æternam vitam nullis potes operibus promereri, nisi gratis detur & illa. Et paulo post. Nemo itaq; se seducat, quia si bene cogitare voluerit, inveniet procul dubio, quod nec cum decem millibus possit occurrere ei, qui cum viginti millibus venit ad se &c. Nos igitur, ut conscientia certam consolationem & spem teneant, revocamus homines ad promissionem Christi, & docemus, quod necesse sit credere, quod Deus propter Christum, non propter legem remittat peccata, ju- *Ioh. 1.* stificet, & donet vitam æternam, juxta illud, Qui habet filium, habet vitam.

Sed operæ precium est audire, quomodo eludant adversarij dictum Christi, Cum feceritis omnia, dicite servi inutiles sumus. In confutatione sic corrum- *Luc. 17.* punt, primum faciunt Antistrephon, Multo magis inquit dici potest, Si credideritis omnia, dicite servi inutiles sumus. Deinde addunt, opera inutilia esse Deo, nobis vero non esse inutilia. Videte quam delectet adversarios puerile studium Sophisticæ. Et quanquam hæc ineptia indigna sint quæ refutentur, tamen paucis respondebimus.

Antistrephon est vitiosum, quia decipiuntur adversarij in vocabulo fidei, Quod si significaret noticiam historiae, aut si diceremus, quod fides propter suam dignitatem salvaret, valeret similitudo, multo magis nos servos inutiles esse, si crediderimus. Sed nos loquimur de fiducia promissionis & misericordiae Dei. Et hæc fiducia fatetur nos esse servos inutiles, Imo hæc est vera vox fidei, quod opera nostra sint indigna, quod simus servi inutiles, Et ob hanc unam causam de fide loquimur, & quærimus misericordiam, quia agnoscimus nos esse servos inutiles. Fides enim ideo salvat, quia apprehendit misericordiam, seu promissionem gratiae, etiam si opera nostra sunt indigna. Et in hanc sententiam, nihil lædit nos Antistrephon. Cum credideritis omnia, dicite servi inutiles sumus, recte dicitur, si tantum intelligatur operibus detrahi dignitas.

Sed si sic intelligatur, quod etiam fides sit inutilis, non valet similitudo, Cum feceritis omnia, nolite confidere operibus. Ita cum credideritis, nolite confidere promissione Dei, Hæc non cohærent, sunt enim dissimilima. Dissimiles causæ, dissimilia objecta fiduciae sunt in priore propositione, & in posteriore. Fiducia in priore est fiducia nostrorum operum, Fiducia in posteriore, est fiducia promissionis divinae. Christus autem damnat fiduciam nostrorum operum, non damnat fiduciam promissionis suae. Non vult nos de gratia & misericordia Dei desperare. Arguit opera nostra tanquã indigna, non arguit promissionem, quæ gratis offert misericordiam. Et præclare hic inquit Ambrosius, Agnoscenda est gratia, sed nō ignoranda natura. Promissioni gratiae confidendum est, non naturæ nostræ.

Sed

Sed adversarij suo more faciunt, Sceleste detorquent sententias pro fide traditas, contra fidei doctrinam. Nam hæc cavillatio totum Evangelium abrogat, Cum credideritis omnia, dicite fidem inutilem esse. Nonne Evangelium pollicetur remissionem peccatorum & salutem, etiam his, qui nulla prorsus habent bona opera? Si tamen convertantur & non desperent, sed fide in Christum consequantur remissionem peccatorum. Num jubent adversarij desperare hos, quorum conscientia nulla inveniunt bona opera, quæ opponere iudicio Dei possint? Num his dicent, fidem inutilem esse? Male pereant isti Sophistæ cum talibus calumnijs, quæ totum Evangelium evertunt, abrogant gratuitam remissionem peccatorum, eripiunt pijs conscientijs firma solatia.

Illa vero cavillatio plane puerilis est, cum interpretantur servos inutiles, quia opera Deo sint inutilia, nobis vero sint utilia. At Christus de ea utilitate loquitur, quæ constituit nobis Deum debitorem gratiæ. Quanquam alienum est hoc loco disputare, de utili aut inutili. Nam servi inutiles significant insufficientes, quia nemo tantum timet, tantum diligit Deum, tantum credit Deo, quantum oportuit, nemo satisfacit legi. Sed missas faciamus has frigidas cavillationes adversariorum, de quibus, quid iudicaturi sint homines, si quando proferentur in lucem, facile possunt existimare viri prudentes. In verbis maxime planis & perspicuis reppererunt rimam. At nemo non videt in illo loco fiduciam nostrorum operum improbari.

*Matth. 5.* Sed adversarij reclamant, quod vita æterna debeat de condigno pro bonis operibus, quia vita æterna vocetur merces. Breviter & plane respondeamus. Paulus vitam æternam donum appellat, quia cum reputamur iusti propter Christum, Simul efficimur filij Dei, & cohæredes Christi. Alibi vero scriptum est, Merces vestra copiosa erit in cœlis, Hæc si videntur adversarijs inter se pugnare, ipsi expediant. Sed parum æqui iudices sunt. Nam doni vocabulum omitunt, omittunt & fontes totius negocij, quomodo iustificentur homines, quod perpetuo sit mediator Christus. Interim excerpunt vocabulum mercedis, Idq; acerbissime interpretantur non solum contra scripturam, sed etiam contra sermonis consuetudinem. Hinc ratiocinantur, quia merces nominatur, ideo opera nostra sunt ejusmodi, quæ debeant esse premium, pro quo debetur vita æterna.

Plane nova est hæc Dialectica. Vocabulum audimus Mercedis, Igitur opera nostra legi satisfaciunt, igitur sumus accepti Deo propter opera nostra, nec indigemus misericordia, aut propitiatore Christo, aut fide apprehendente misericordiam. Ac ingentem Soriten Chrysippeo more cumulant, Bona opera sunt premium, pro quo debetur vita æterna, Bona opera legi Dei satisfaciunt, Et præter hæc fieri possunt opera supererogationis. Non solum igitur legi Dei satisfacere homines possunt, sed etiam amplius facere. Et quia Monachi amplius faciunt, supersunt eis merita. Et quoniam liberalitas est largiri alijs, de eo quod superest, licet donare illa merita alijs. Affingunt & sacramentum hujus donationis, mortuis circumdant cucullos, ut testentur eis applicata esse aliena merita. Talibus coacervationibus beneficium Christi & iusticiam fidei obscurant adversarij.

Non movemus inanem λογισμῶν de vocabulo, De magna re litigamus, Vnde debeant piæ mentes certam spem salutis concipere, Vtrum bona opera possint conscientias reddere pacatas, Vtrum sentire debeant, ita contingere vitam æternam, si bona opera opponant iudicio Dei, an vero debeant sentire, quod propter Christum per misericordiam reputentur iusti, & consequantur vitam æternam. Hæc veniunt in controversiam, quam nisi dijudicet conscientia, non potest habere firmam & certam consolationem.

Nos autem satis clare ostendimus, quod bona opera non satisfaciant legi Dei, quod habeant opus misericordia, quod fide sumus accepti Deo propter Christum, quod bona opera non reddant pacatam conscientiam. Ex his omnibus sequitur, quod oporteat sentire, quod propter Christum per misericordi-



am, non propter legem, iustificati consequantur vitam æternam.

Quid igitur de mercede? Primum si diceremus, Vitam æternam dici mercedem, quia debetur iustificatis propter promissionem, nihil absurdi diceremus, Sunt enim ordinata inter se hæc dona, Sicut & Augustinus ait, Dona sua coronat Deus in nobis. Sed scriptura vitam æternam vocat mercedem, non quia propter opera debeat, sed quia compenset afflictiones & opera, etsi propter aliam causam contingit. Sicut hæreditas venit filiofamilias, non propter officia sua, & tamen est merces & compensatio officiorum filij. Satis est igitur nomen mercedis hac ratione convenire vitæ æternæ, quia vita æterna compensat bona opera & afflictiones. Non est igitur vita æterna merces, quia opera sufficiant, quia debeat pro operibus. Sed consecutive, quia cum propter aliam causam contingit, tamen compensat opera & afflictiones.

Præterea concedimus opera vere esse meritoria, non remissionis peccatorum, aut justificationis, Non enim placent, nisi in iustificatis propter fidem, Nec sunt digna vita æterna, Sicut enim justificatio, ita vivificatio fide contingit propter Christum, sed sunt meritoria aliorum præmiorum corporalium & spiritualium, quæ redduntur tum in hac vita, tum post hanc vitam. Differt enim Deus pluraq; præmia donec glorificet sanctos post hanc vitam, quia vult eos in hac vita exerceri ad mortificandum veterem hominem. Evangelium gratis exhibet promissionem justificationis & vivificationis propter Christum. At in lege non gratis, sed pro operibus offertur & debetur merces. Cum igitur opera sint quædam impletio legis, recte dicuntur meritoria, recte dicitur eis deberi merces. Et hæc merces parit gradus præmiorum, juxta illud Pauli: Vnusquisq; accipiet mercedem juxta suum laborem. Hi gradus sunt merces operum atq; afflictionum.

Sed contendunt adversarij, vitam æternam proprie deberi pro operibus, quia Paulus ait, Reddet unicuiq; secundum opera ejus. Iohan. 5. Qui bona fecerunt, in resurrectionem vitæ. Matth. 25. Esurivi & dedistis mihi manducare. In his locis omnibus, in quibus opera laudantur, necesse est ad Canonem supra traditum recurrere, quod opera non placeant sine Christo, quod non sit excludendus mediator Christus. Quare cum textus ait, operibus reddi vitam æternam, Significat reddi iustificatis, quia non placent Deo bona opera, nisi in iustificatis, hoc est, in his, qui sentiunt se acceptos esse Deo propter Christum. Et iustificati necessario pariunt bona opera seu bonos fructus, ut Esurivi & dedistis mihi cibum. Hic cum dicitur reddi vita æterna his operibus, intelligitur reddi justiciæ. Fidem igitur complectitur cum nominat fructus. Porro scriptura nominat fructus, ut ostendat requiri non hypocrisin, sed justiciam, quæ sit efficax, & quædam nova vita, pariens bonos fructus.

Nec nos aliquam ociosam subtilitatem hic affectamus. Sunt enim gravissimæ causæ, propter quas hæc disputamus. Etenim si largiamur adversarijs, quod opera mereantur vitam æternam, mox attexunt illa absurda, quod opera legi Dei satis faciant, quod non habeant opus misericordia, quod simus justi, hoc est, accepti Deo propter nostra opera, non propter Christum, quod plusquam legem facere homines possint. Ita tota doctrina de justitia fidei obruitur. Est autem necessarium retinere in Ecclesia puram doctrinam de justitia fidei. Quare cogimur Pharisaicas opiniones adversariorum reprehendere, & ut gloriam Christi illustremus, & ut conscientijs firmas consolationes proponamus. Quomodo enim concipiet conscientia firmam spem salutis, si in iudicio sentiet opera indigna esse, nisi sciet homines reputari justos & misericordiam, propter Christum, non propter propriam legis imple-

An Laurentius in craticula sentiebat se legem Dei satisfacere, se sine peccato esse, se non indigere mediatore Christo, & misericordia Dei. Ille vero non dissensit à Propheta, qui ait, Non intres in iudicium cum servo tuo,

1. Cor. 3.  
Matth. 16.  
Iohan. 5.  
Matth. 25.

Psal. 143.

*Psalm. 32.  
Rom. 4.*

tuo, quia non justificabitur coram te omnis vivens. Bernardus fatetur sua opera non esse digna vita æterna, cum inquit, Perdere vixi, sed erigit se, & spem salutis concipit inde, quod sentit propter Christum per misericordiam donari remissionem peccatorum, & vitam æternam, sicut Psalmus docet, Beati quorum remissæ sunt iniquitates. Et Paulus ait. David dicit beatitudinem hominis, cui Deus imputat justiciam sine operibus. Hunc ait Paulus beatum esse, cui imputatur justicia per fidem in Christum, etiamsi nulla habeat bona opera. Talibus consolationibus erigendæ sunt conscientia, & confirmandæ, quod propter Christum per fidem contingant remissio peccatorum, reputatio justiciæ, & vita æterna. Quod si in locis de operibus hoc modo fides intelligetur, nihil officiunt nostræ sententiæ. Et profecto necesse est semper addere fidem, ne excludamus mediatorem Christum. Fidem autem bona opera sequi debent, quia fides sine bonis operibus hypocrisis est.

Habent & in Scholis quædam apophthegmata consentanea nostræ sententiæ, qualia sunt, quod bona opera placeant Deo propter gratiam. Item quod sit confidendum gratiæ Dei. Hæc dicta parum commode interpretantur. Veteres enim sentiebant confidendum esse gratiæ, hoc est, misericordiæ Dei promittentis, quod propter Christum simus accepti, At recentiores fiduciam transferunt ad nostrum opus, Sentiunt confidendum esse gratiæ, hoc est, dilectioni, qua nos Deum diligimus. Hæc interpretatio est vitiosa. Non enim debemus confidere nostra dilectione, cum sit immunda & exigua, sed promissione misericordiæ. Iactatur & hoc, quod bona opera valeant virtute passionis Christi. Recte dictum est, sed fidei mentionem fieri oportuit in his sententijs. Non enim communicatur nobis meritum passionis Christi, nisi id fide apprehendamus & opponamus adversus terrores peccati & mortis. Paulus enim inquit, Christus est propitiatio per fidem. Item, Ecclesia in omnibus precationibus addit, per Dominum nostrum Iesum Christum. Hic etiam admonendi sunt homines de fide. Significat enim Ecclesia nostra opera & nostras preces Deo placere, si credamus Deum nobis propitium, & nos exaudire propter Pontificem Christum.

Hæc in præsentia sufficiant de hoc loco. Scimus autem hanc sententiam quam defendimus Evangelio consentaneam esse, & pijs conscientijs firmissimas consolationes asferre. Ideo piæ mentes non patiantur se ab hac sententia propter iniqua & calumniosa judicia adversariorum abduci. Scriptura prædicit futurum esse, ut in Ecclesia grassentur mali doctores, qui oppressa justitia fidei in Christum, doceant mereri remissionem peccatorum per nostros cultus & opera. Et res gestæ in Israël sunt imago futuri status in Ecclesia. Videmus autem Prophetas ubiq; taxare hanc persuasionem populi, qui somniabat se mereri remissionem peccatorum per sacrificia legis, & hac opinione cumulabat opera & cultus. Ita in Ecclesia multi existunt, qui falsam persuasionem de suis operibus & cultibus habent. Monuit autem nos scriptura, ne multitudine impiorum perturbemur. Ac facile potest fieri iudicium de spiritu adversariorum. Videmus enim in multis articulis manifestam veritatem ab eis damnari. Nec offenda: quenquam, quod sibi Ecclesiæ nomen vendicant. Nam Ecclesia Christi apud hos est, qui Evangelium Christi recte docent, non apud illos, qui pravas opiniones contra Evangelium defendunt, sicut inquit Dominus, Oves meæ vocem meam audiunt.

### DE ECCLESIA.

Septimum articulum confessionis nostræ damnaverunt, in quo diximus, Ecclesiam esse congregationem sanctorum, Et addiderunt longam declamationem, quod mali non sint ab Ecclesia segregandi, cum Iohannes comparaverit Ecclesiam areæ, in qua triticum & paleæ simul coacervatæ sint, Et Christus comparaverit eam sagenæ, in qua pisces boni & mali sunt &c. Profecto verum est, quod ajunt, Nullum remedium esse adversus Sycophantæ morsum. Nihil tam

*Matth. 3.  
Matth. 13.*

*Ioh. 10.*

circumspecte dici potest, ut calumniam evitare queat. Nos ob hanc ipsam causam adjecimus octavum articulum, ne quis existimaret nos segregare malos & hypocritas ab externa societate Ecclesiae, aut adimere sacramentis efficaciam, quæ per hypocritas, aut malos administrantur. Itaque hic non est opus longa defensione adversus hanc calumniam.

Satis nos purgat articulus octavus. Concedimus enim quod hypocritæ & mali in hac vita sint admixti Ecclesiae, & sint membra Ecclesiae secundum externam societatem signorum Ecclesiae, hoc est, verbi, professionis, & sacramentorum, præsertim si non sint excommunicati. Nec Sacramenta ideo non sunt efficacia, quia per malos tractantur, Imo recte uti possumus sacramentis, quæ per malos administrantur. Nam & Paulus prædicit futurum, ut Antichristus sedeat in templo Dei, hoc est, in Ecclesia dominetur, & gerat officia. At Ecclesia non est tantum societas externarum rerum ac rituum, sicut aliæ politiae, Sed principaliter est societas fidei & Spiritus sancti, in cordibus, quæ tamen habet externas notas, ut agnosci possit, videlicet puram Evangelij doctrinam, & administrationem sacramentorum consentaneam Evangelio Christi. Et hæc Ecclesia sola dicitur corpus Christi, quod Christus Spiritu suo renovat, sanctificat, & gubernat, ut testatur Paulus Eph. 1. cum ait: Et ipsum dedit caput super omnia, Ecclesiae, quæ est corpus ejus, videlicet integritas, id est, tota congregatio ipsius, qui omnia in omnibus perficit. Quare illi, in quibus nihil agit Christus, non sunt membra Christi, Idque fatentur adversarij malos esse mortua membra Ecclesiae. Quare miramur, cur reprehenderint nostram descriptionem, quæ de vivis membris loquitur.

Neque novi quidquam diximus, Paulus omnino eodem modo definivit Ecclesiam Ephes. 5. quod purificetur, ut sit sancta, Et addit externas notas, verbum & sacramenta. Sic enim ait, Christus dilexit Ecclesiam, & se tradidit pro ea, ut eam sanctificet purificans lavacro aquæ, per verbum, ut exhibeat eam sibi gloriosam Ecclesiam, non habentem maculam, neque rugam, aut aliquid tale, sed ut sit sancta & inculpata. Hanc sententiam pene totidem verbis nos in confessione posuimus. Sic definit Ecclesiam & articulus in Symbolo, qui jubet nos credere, quod sit sancta, catholica Ecclesia, Impij vero non sunt sancta Ecclesia. Et videtur additum quod sequitur, Sanctorum communio, ut exponeretur quid significet Ecclesia, nempe congregationem sanctorum, qui habent inter se societatem, ejusdem Evangelij, seu doctrinæ, & ejusdem Spiritus sancti, qui corda eorum renovat, sanctificat, & gubernat.

Et hic articulus necessaria de causa propositus est. Infinita pericula videmus quæ minantur Ecclesiae interitum. Infinita multitudo est impiorum in ipsa Ecclesia, qui opprimunt eam. Itaque ne desperemus, sed sciamus Ecclesiam tamen mansuram esse. Item, ut sciamus, quamvis magna multitudo sit impiorum, tamen Ecclesiam existere, & Christum præstare illa, quæ promisit Ecclesiae, remittere peccata, exaudire, dare Spiritum sanctum. Has consolationes proponit nobis articulus ille in Symbolo. Et catholicam Ecclesiam dicit, ne intelligamus Ecclesiam esse politiam externam certarum gentium, Sed magis homines sparsos per totum orbem, qui de Evangelio consentiunt, & habent eundem Christum, eundem Spiritum sanctum, & eadem sacramenta, sive habeant easdem traditiones humanas, sive dissimiles. Et in Decretis inquit glosa, Ecclesiam large dictam complecti bonos & malos. Item malos nomine tantum in Ecclesia esse, non re. bonos vero re & nomine. Et in hanc sententiam multa leguntur apud Patres. Hieronymus enim ait, Qui ergo peccator est aliqua sorde maculatus, de Ecclesia Christi non potest appellari, nec Christo subjectus dici.

Quamquam igitur hypocritæ & mali sint socij hujus veræ Ecclesiae secundum externos ritus, tamē cum definitur Ecclesia, necesse est eam definiri, quæ est vivum corpus Christi, Item, quæ est nomine & re Ecclesia. Et multæ sunt causæ. Necesse est enim intelligi, quæ res principaliter efficiat nos membra, & viva membra



bra Ecclesiæ. Si Ecclesiam tantum definiemus externam politiam esse bonorum & malorum, non intelligent homines regnum Christi esse justiciam cordis, & donationem Spiritus sancti, sed judicabunt tantum externam observationem esse certorum cultuum ac rituum. Item quid intererit inter populum legis, & Ecclesiam, si Ecclesia est externa politia. At sic discernit Paulus Ecclesiam à populo Legis, Ecclesia sit populus spiritualis, hoc est, non civilibus ritibus distinctus à gentibus, Sed verus populus Dei renatus per Spiritum sanctum. In populo legis præter promissionem de Christo, habebat & carnale semen promissiones rerum corporalium, regni, &c. Et propter has dicebantur populus Dei, etiam mali in his, quia hoc carnale semen Deus separaverat ab aliis gentibus per certas ordinationes externas, & promissiones, Et tamen mali illi non placebant Deo.

At Evangelium affert non umbram æternarum rerum, sed ipsas res æternas, Spiritum sanctum, & justiciam, qua coram Deo justi sumus. Igitur illi tantum sunt populus juxta Evangelium, qui hanc promissionem Spiritus accipiunt. Ad hæc Ecclesia est regnum Christi, distinctum contra regnum Diaboli. Certum est autem impios in potestate Diaboli, & membra regni Diaboli esse, sicut docet *Ephes. 2.* Paulus *Ephes. 2.* cum ait, diabolum efficacem esse in incredulis. Et Christus inquit ad Phariseos, quibus certe erat externa societas cum Ecclesia, id est, cum sanctis in populo legis, Præerant enim, sacrificabant, & docebant, Vos ex patre diabolo estis. Itaque Ecclesia, quæ vere est regnum Christi, est proprie congregatio Sanctorum. Nam impij reguntur à diabolo, & sunt captivi diaboli, non reguntur spiritu Christi, Sed quid verbis opus est in re manifesta? Si Ecclesia, quæ vere est regnum Christi, distinguitur à regno diaboli, necesse est impios, cum sint in regno diaboli, non esse Ecclesiam.

Quamquam in hac vita, quia nondum revelatum est regnum Christi, sint admixti Ecclesiæ, & gerant officia in Ecclesia, Nec propterea impij sunt regnum Christi, quia revelatio nondum facta est. Semper enim hoc est regnum Christi, quod Spiritu suo vivificat, sive sit revelatum, sive sit tectum cruce. Sicut idem est *Matth. 13.* Christus, qui nunc glorificatus est, antea afflictus erat. Et conveniunt huc similitudines Christi, qui clare dicit *Matth. 13.* Bonum semen esse filios regni. At Zizania filios Diaboli, agrum dicit mundum esse, non Ecclesiam. Ita Iohannes de illa tota gente Iudæorum loquitur & dicit fore, ut vera Ecclesia separetur ab illo populo. Itaq; hic locus magis contra adversarios facit, quàm pro eis, quia ostendit verum & spiritualem populum, à populo carnali separandum esse. Et Christus de specie Ecclesiæ dicit, cum ait: Simile est regnum cælorum sagenæ, aut decem virginibus. Et docet Ecclesiam tectam esse multitudine malorum, ne id scandalum pios offendat. Item, ut sciamus Verbum & Sacramenta efficacia esse, etsi tractentur à malis, atque interim docet impios illos, quamvis habeant societatem externorum signorum, tamen non esse verum regnum Christi, & membra Christi. Sunt enim membra regni diaboli.

Neq; vero somniamus nos Platoniam civitatem, ut quidam impie cavillantur, Sed dicimus existere hanc Ecclesiam, videlicet, vere credentes ac justos sparsos per totum orbem, Et addimus notas, puram doctrinam Evangelij, & sacramenta. Et hæc Ecclesia proprie est columna veritatis. Retinet enim purum Evangelium, & ut Paulus inquit, fundamentum, hoc est, veram Christi cognitionem & fidem, etsi sunt in his etiam multi imbecilles, qui supra fundamentum ædificant stipulas perituras, hoc est, quasdam inutiles opiniones, quæ tamen, quia non evertunt fundamentum, tum condonantur illis, tum etiam emendantur. Ac sanctorum Patrum scripta testantur, quod interdum stipulas etiam ædificaverint supra fundamentum, sed quæ non everterunt fidem eorum.

Verum pleraq; istorum, quæ adversarij nostri defendunt, fidem evertunt, ut quod damnant articulum de remissione peccatorum, In quo dicimus fide accipi remissionem peccatorum. Manifestus item & perniciosus error est, quod

quod docent adversarij, mereri homines remissionem peccatorum, dilectione erga Deum, ante gratiam. Nam hoc quoq; est tollere fundamentum, hoc est, Christum. Item quid opus erit fide, si sacramenta ex opere operato sine bono motu utentis justificant. Sicut autem habet Ecclesia promissionem, quod semper sit habitura Spiritum sanctum, Ita habet comminationes, quod sint futuri impij doctores, & lupi. Illa vero est proprie Ecclesia, quæ habet Spiritum sanctum. Lupi & mali doctores etsi grassantur in Ecclesia, tamen non sunt proprie regnum Christi. Sicut & Lyra testatur, cum ait, Ecclesia non consistit in hominibus ratione potestatis vel dignitatis Ecclesiasticæ vel secularis, quia multi Principes & summi Pontifices & alij inferiores inventi sunt apostatasse à fide, Propter quod Ecclesia consistit in illis personis, in quibus est noticia vera & confessio fidei & veritatis. Quid aliud diximus nos in confessione nostra, quam quod hic dicit Lyra?

Sed fortassis adversarij sic postulant definiri Ecclesiam, quod sit Monarchia externa suprema totius orbis terrarum, in qua oporteat Romanum Pontificem habere potestatem *αὐτοκράτωρ*, de qua nemini liceat disputare aut judicare, condendi articulos fidei, abolendi scripturas, quas velit, instituendi cultus & sacrificia, Item condendi leges, quas velit, dispensandi & solvendi quibuscunq; legibus velit, divinis, canonicis, & civilibus, à quo Imperator & Reges omnes accipiant potestatem & jus tenendi regna, de mandato Christi, cui cum pater omnia subjecerit, intelligi oporteat hoc jus in Papam translatum esse. Quare necesse sit Papam esse dominum totius orbis terrarum, omnium regnorum mundi, omnium rerum privatarum & publicarum, habere plenitudinem potestatis in temporalibus & spiritualibus, habere utrumq; gladium, spiritualem & temporalem. Atq; hæc definitio non Ecclesiæ Christi, sed regni Pontificij, habet auctores non solum Canonistas, sed etiam Daniele Cap. 11.

*Dan. 11.*

Quod si hoc modo definiremus Ecclesiam, fortassis haberemus æquiores Iudices. Multa enim extant immoderate & impie scripta de potestate Romæ Pontificis, propter quæ nemo unquam reus factus est. Nos soli plectimur, quia prædicamus beneficium Christi, quod fide in Christum consequamur remissionem peccatorum, non cultibus excogitatis à Pontifice. Porro Christus, Prophetæ, & Apostoli longe aliter definiunt Ecclesiam Christi, quam regnum Pontificium. Nec est ad Pontifices transferendum, quod ad veram Ecclesiam pertinet, quod videlicet sint columnæ veritatis, quod non errent. Quotus quisq; enim curat Evangelium, aut judicat dignum esse lectione? Multi etiam palam irrident religiones omnes, aut si quid probant, probant illa, quæ humanæ rationi consentanea sunt, Cætera fabulosa esse arbitrantur, & similia tragœdijs Poëtarum.

Quare nos juxta scripturas sentimus, Ecclesiam proprie dictam esse congregationem sanctorum, qui vere credunt Evangelio Christi, & habent Spiritum sanctum. Et tamen fatemur multos hypocritas & malos his in hac vita admixtos, habere societatem externorum signorum, qui sunt membra Ecclesiæ, secundum societatem externorum signorum, Ideoque gerunt officia in Ecclesia. Nec adimit sacramentis efficaciam, quod per indignos tractantur, quia repræsentant Christi personam, propter vocationem Ecclesiæ, non repræsentant proprias personas, ut testatur Christus: Qui vos audit, me audit. Cum verbum Christi, cum sacramenta porrigunt, Christi vice & loco porrigunt. Id docet nos illa vox Christi, ne indignitate ministrorum offendamur. Sed de hac re satis clare diximus in confessione nos improbare Donatistas, & Viglevistas, qui senserunt homines peccare, accipientes Sacramenta ab indignis in Ecclesia. Hæc in præsentia videbantur sufficere ad defensionem descriptionis Ecclesiæ quam tradidimus. Neq; videmus, cum Ecclesia proprie dicta appelletur corpus Christi, quomodo aliter describenda fuerit, quàm nos descripsimus. Constat enim impios ad regnum & corpus diaboli pertinere, qui impellit & habet captivos impios. Hæc sunt

*Luc. 19.*

sunt luce meridiana clariora, quæ tamen si pergent calumniari adversarij, non gravabimur copiosius respondere.

Damnant adversarij & hanc partem septimi articuli, quod diximus ad veram unitatem Ecclesiæ, satis esse consentire de doctrina Evangelij, & administratione Sacramentorum, nec necesse esse, ubiq; similes traditiones humanas esse, seu ritus aut ceremonias ab hominibus institutas. Hic distinguunt universales & particulares ritus, & probant articulum nostrum, si intelligatur de particularibus ritibus, De universalibus ritibus, non recipiunt. Non satis intelligimus, quid velint adversarij. Nos de vera, hoc est, spiritali unitate loquimur, sine qua non potest existere fides in corde, seu justitia cordis coram Deo. Ad hanc dicimus non esse necessariam similitudinem rituum humanorum, sive universalium, sive particularium, Quia justitia fidei non est justitia alligata certis traditionibus, sicut justitia legis erat alligata Mosaicis ceremonijs, quia illa justitia cordis est res vivificans corda. Ad hanc vivificationem nihil conducunt humanæ traditiones, sive universales, sive particulares, nec sunt effectus Spiritus sancti, sicut castitas, patientia, timor Dei, dilectio proximi, & opera dilectionis.

Nec leves causæ fuerunt, cur hunc articulum poneremus. Constat enim multas stultas opiniones de traditionibus serpsisse in Ecclesiam. Nonnulli putaverunt humanas traditiones necessarios cultus esse ad promerendam justificationem. Et postea disputaverunt, qui fieret, quod tanta varietate coleretur Deus, quasi vero observationes illæ essent cultus, & non potius externæ & politicæ ordinationes, nihil ad justiciam cordis seu cultum Dei pertinentes, quæ alibi casu, alibi propter quasdam probabiles rationes variant. Item aliæ Ecclesiæ alias propter tales traditiones excommunicaverunt, ut propter observationem Paschatis, picturas & res similes. Vnde imperiti existimaverunt, fidem seu justiciam cordis coram Deo, non posse existere sine his observationibus. Extant enim de hoc negotio multa inepta scripta Summistarum & aliorum.

Sed sicut dissimilia spacia dierum ac noctium non lædunt unitatem Ecclesiæ, Ita sentimus non lædi veram unitatem Ecclesiæ dissimilibus ritibus, institutis ab hominibus. Quanquam placet nobis, ut universales ritus propter tranquillitatem serventur. Sicut & nos in Ecclesijs, ordinem Missæ, diem Dominicum, & alios dies festos celebriores libenter servamus, Et gratissimo animo amplectimur utiles ac veteres ordinationes, præsertim cum contineant pædagogiam, qua prodest populum & imperitos asluefacere ac docere. Sed non disputamus nunc, an conducat propter tranquillitatem aut corporalem utilitatem servare, Alia res agitur. Disputatur enim, Vtrum observationes traditionum humanarum sint cultus necessarii ad justiciam coram Deo, Hoc est *ἡρώματα* in hac controversia, quo constituto, postea judicari potest, Vtrum ad veram unitatem Ecclesiæ necesse sit ubiq; similes esse traditiones humanas. Si enim traditiones humanæ non sunt cultus necessarii ad justiciam coram Deo, Sequitur posse justos & filios Dei esse, etiamsi quas traditiones non habent, quæ alibi receptæ sunt. Ut si forma vestitus Germanici non est cultus Dei necessarius ad justiciam coram Deo, Sequitur posse justos ac filios Dei & Ecclesiam Christi esse, etiamsi qui utantur non Germanico, sed Gallico vestitu.

*Col. 2.* Hoc clarè docet Paulus ad Colossenses, cum ait: Nemo vos judicet in cibo, aut in potu, aut in parte diei festi, aut neomeniæ, aut sabbatorum, quæ sunt umbra futurorum, corpus autem Christi. Item, Si mortui estis cum Christo ab elementis mundi, quid adhuc tanquam viventes mundo decreta facitis. Neteigeritis, neq; gustaveritis, neq; contræstaveritis, quæ omnia pereunt usu consumpta, & sunt præcepta & doctrina hominum, speciem habentia sapientiæ in superstitione & humilitate. Ist enim sententia, cum justitia cordis sit res spiritalis, vivificans corda, constat, quod traditiones humanæ non vivificent corda, nec sint effectus Spiritus sancti, sicut dilectio proximi, castitas &c. nec sint



nec sint instrumenta, per quæ Deus movet corda ad credendum, sicut Verbum & Sacramenta divinitus tradita, sed sint usus rerum nihil ad cor pertinentium, quæ usu percant, non est sentiendum, quod sint necessariae ad justiciam coram Deo. Et in eandem sententiam inquit Rom. 14. Regnum Dei non est esca & po- Rom. 14.  
tus, sed justitia & pax & gaudium in Spiritu sancto. Sed non est opus citare multa testimonia, cum ubiq. sint obvia in scripturis, & nos plurima in confessione con-  
gesserimus in posterioribus articulis. Et hujus controversiæ *κρίνομεν* infra paulo post repetendum erit, videlicet, Vtrum traditiones humanæ sint cultus neces-  
sarij ad justiciam coram Deo, Vbi de hac re copiosius disputabimus.

Adversarij dicunt univērsales traditiones ideo servandas esse, quia exi-  
stimentur ab Apostolis traditæ esse. O Religiosos homines. Ritus ab Apostolis  
sumptos retineri volunt, Non volunt retineri doctrinam Apostolorum. Sic judi-  
candum est de ritibus illis, sicut ipsi Apostoli in suis scriptis judicant. Non enim  
voluerunt Apostoli nos sentire, quod per tales ritus justificemur, quod tales ritus  
sint res necessariae ad justiciam coram Deo. Non voluerunt Apostoli tale onus  
imponere conscientijs, non voluerunt justiciam & peccatum collocare in obser-  
vationibus dierum, ciborum, & similium rerum. Imo Paulus appellat hujusmo- 1. Tim. 4.  
di opiniones, doctrinas dæmoniorum. Itaq. voluntas & consilium Apostolorum  
ex scriptis eorum quæri debet, non est satis allegare exemplum. Servabant cer-  
tos dies, non quod ea observatio ad justificationem necessaria esset, sed ut popu-  
lus sciret, quo tempore conveniendum esset, Servabant & alios quosdam ritus,  
ordinem lectionum si quando conveniebant. Quædam etiā ex patrijs moribus,  
ut fit, retinebat populus, quæ Apostoli non nihil mutata, ad historiam Evangelij  
accommodaverunt, ut Pascha, Pentecosten, ut non solum docendo, sed etiam  
per hæc exempla memoriam maximarum rerum traderent posteris.

Quod si hæc tradita sunt, tanquam necessaria ad justificationem, cur in his  
ipsis postea multa mutarunt Episcopi? Quod si erant Iuris divini, non licuit ea  
mutare auctoritate humana. Pascha ante Synodum Nicenam alij alio tempore ser-  
vabant, Neque hæc dissimilitudo læsit fidē. Postea ratio inita est, ne incideret no-  
strum Pascha in Iudaici Paschatis tempus. At Apostoli jusserant Ecclesias serva-  
re Pascha, cum fratribus conversis ex Iudaismo. Itaq. hunc morem quædam gen-  
tes pertinaciter post Synodum Nicenam retinuerunt, ut Iudaicum tempus ob-  
servarent. Verum Apostoli decreto illo non voluerunt Ecclesijs imponere ne-  
cessitatem, Id quod verba Decreti testantur. Iubent enim ne quis curet, etiamsi  
fratres servantes Pascha, non recte supputent tempus. Verba Decreti extant a-  
pud Epiphanium, *ὁμῶς μὴ ψηφίζετε, ἀλλὰ ποιεῖτε, ὅτι οἱ ἀδελφοὶ ὑμῶν, οἱ ἐκ περιτομῆς,*  
*μετ' αὐτῶν ἅμα ποιεῖτε, καὶ οὐκ ἐπὶ λατρίᾳ μηδὲ ὑμῶν μελέτῃ.* Hæc scribit Epiphanius  
verba esse Apostolorum in Decreto quodam, posita de Paschate, in quibus pru-  
dens lector facile potest judicare Apostolos voluisse populo stultam opinionem  
de necessitate certi temporis eximere, cum prohibent curare, etiamsi in suppu-  
tando erretur.

Porro quidam in oriente, qui Audiani appellati sunt ab autore dogmatis,  
propter hoc decretum Apostolorum contenderunt, Pascha cum Iudæis servan-  
dum esse. Hos revellens Epiphanius laudat decretum, & inquit nihil continere  
quod dissentiat à fide, aut Ecclesiastica regula, & vituperat Audianos, quod non  
recte intelligant τὸ ἑστὸν, & interpretatur in hanc sententiam, in quam nos inter-  
pretamur, quod non senserint Apostoli referre, quo tempore servaretur Pascha,  
Sed quia præcipui fratres ex Iudæis conversi erant, qui morem suum servabant,  
horum exemplum propter concordiam voluerint reliquos sequi. Et sapienter  
admonuerunt lectorem Apostoli, se neq. libertatem Evangelicam tollere, neque  
necessitatem conscientijs imponere, Quia addunt, non esse curandum, etiamsi  
erretur in supputando.

Multa hujus generis colligi possunt ex historijs, in quibus apparet dissi-  
militu-

militudinem humanarum observationum non laedere unitatem fidei. Quamquam quid opus est disputatione, Omnino quid sit iusticia fidei, quid sit regnum Christi, non intelligunt adversarij, si judicant necessariam esse similitudinem observationum in cibis, diebus, vestitu, & similibus rebus, quæ non habent mandatum Dei. Videte autem religiosos homines adversarios nostros, Requirunt ad unitatem Ecclesiæ similes observationes humanas, cum ipsi mutaverint ordinationem Christi, in usu cœnæ, quæ certe fuit antea ordinatio universalis. Quod si ordinationes universales necessariae sunt, cur mutant ipsi ordinationem cœnæ Christi, quæ non est humana, sed divina. Sed de hac tota controversia infra aliquoties dicendum erit.

Luc. 10.  
Matth. 7.  
Gal. 1.

**O**ctavus articulus approbatus est totus, in quo confitemur, quod hypocritæ & mali admixti sint Ecclesiæ, Et quod sacramenta sint efficacia, etiamsi per malos ministros tractentur. Quia ministri funguntur vice Christi, non repræsentant suam personam, iuxta illud, Qui vos audit, me audit. Impij doctores deserendi sunt, quia hi jam non funguntur persona Christi, sed sunt Antichristi. Et Christus ait, Cavete à Pseudoprophetis, Et Paulus, Si quis aliud Evangelium evangelizaverit, anathema sit.

Cæterum monuit nos Christus in collationibus de Ecclesia, ne offensi privatis vitijs sive sacerdotum sive populi, schismata excitemus, sicut scelerate fecerunt Donatistæ. Illos vero, qui ideo excitaverunt schismata, quia negabant sacerdotibus licere tenere possessiones aut proprium, plane seditiosos judicamus. Nam tenere proprium civilis ordinatio est. Licet autem Christianis uti civilibus ordinationibus, sicut hoc aëre, hac luce, cibo, potu. Nam ut hæc rerum natura, & hi siderum certi motus, vere sunt ordinatio Dei, & conservantur à Deo, ita legitimæ Politicæ vere sunt ordinatio Dei, & retinentur ac defenduntur à Deo adversus diabolum.

Matth. 28.

**N**onus articulus approbatus est, in quo confitemur, quod Baptismus sit necessarius ad salutem, & quod pueri sint baptizandi, & quod baptismus puerorum non sit irritus, sed necessarius, & efficax ad salutem. Et quoniam Evangelium pure ac diligenter apud nos docetur, Dei beneficio hunc quoque fructum ex eo capimus, quod in Ecclesijs nostris nulli extiterunt Anabaptistæ, quia populus verbo Dei adversus impiam & seditiosam factionem illorum latronum munitus est. Et cum plerosque alios errores Anabaptistarum damnamus, tum hunc quoque, quod disputant baptismum parvulorum inutilem esse. Certissimum est enim, quod promissio salutis pertinet etiam ad parvulos. Neq; vero pertinet ad illos, qui sunt extra Ecclesiam Christi, ubi nec verbum, nec sacramenta sunt, quia regnum Christi tantum cum Verbo & sacramentis existit. Igitur necesse est baptizari parvulos, ut applicetur eis promissio salutis, juxta mandatum Christi, Baptizate omnes gentes. Vbi sicut offertur omnibus salus, ita offertur omnibus baptismus, viris, mulieribus, pueris, infantibus. Sequitur igitur clare, infantes baptizandos esse, quia salus cum baptismo offertur.

Secundo manifestum est, quod Deus approbat baptismum parvulorum. Igitur Anabaptistæ impiæ sentiunt, qui damnant baptismum parvulorum. Quod autem Deus approbet baptismum parvulorum, hoc ostendit, quod Deus dat Spiritum sanctum sic baptizatis. Nam si hic Baptismus irritus esset, nullis daretur Spiritus sanctus, nulli fierent salvi, deniq; nulla esset Ecclesiæ. Hæc ratio bonas & pias mentes, vel sola satis confirmare potest contra impias & fanaticas opiniones Anabaptistarum.

**D**ecimus articulus approbatus est, in quo confitemur, nos sentire, quod in cœna Domini vere & substantialiter adsint, corpus & sanguis Christi, & vere exhibeantur cum illis rebus, quæ videantur pane & vino, his qui Sacramentum accipiunt. Hanc sententiam constanter defendunt

runt nostri Concionatores. Et comperimus non tantum Romanam Ecclesiam affirmare corporalem præsentiam Christi, sed idem & nunc sentire, & olim sensisse Græcam Ecclesiam, ut testatur Canon Missæ apud Græcos.

Et extant quorundam scriptorum testimonia. Nam Cyrillus in Iohannem Cap. 15. inquit, Christum corporaliter nobis exhiberi in cœna, Sic enim ait. Non tamen negamus recta nos fide charitateq; sincera, Christo spiritualiter conjungi, Sed nullam nobis conjunctionis rationem secundum carnem cum illo esse, id profecto pernegamus, idq; à divinis scripturis omnino alienum dicimus. Quis enim dubitavit Christum etiam sic vitem esse, nos vero palmites, qui vitam inde nobis acquirimus? Audi Paulum dicentem, quia omnes unum corpus sumus in Christo, quia etsi multi sumus, unum tamen in eo sumus. Omnes enim uno pane participamus. An fortasse putat ignotam nobis mysticæ benedictionis virtutem esse? quæ cum in nobis fit, nonne corporaliter quoque facit, communicatione carnis Christi, Christum in nobis habitare? Et paulo post, unde considerandum est, non habitudine solum, quæ per charitatem intelligitur, Christum in nobis esse, verum etiam participatione naturali, &c. Hæc recitavimus, non ut hic disputationem de hac re institueremus, Non enim improbat hunc articulum Cæs. Majestas, Sed ut clarius etiam perspicerent, quicunque ista legent, nos defendere receptam in tota Ecclesia sententiam, quod in cœna Domini vere & substantialiter adsint corpus & sanguis Christi, & vere exhibeantur cum his rebus, quæ videntur, pane & vino. Et loquimur de præsentia vivi Christi, Scimus enim quod morsei ultra non dominabitur.

**V**Ndecimus articulus de retinenda Absolutione in Ecclesia probatur, Sed de confessione addunt correctionem, videlicet, observandam esse constitutionem Cap. Omnis utriusq;, ut & quotannis fiat confessio, & quamvis omnia peccata enumerari non queant, tamen diligentiam adhibendam esse, ut colligantur, & illa, quæ redigi in memoriam possunt, recenseantur. De hoc toto articulo dicemus paulo post copiosius, cum sententiam nostram de poenitentia totam explicabimus. Constat nos beneficium Absolutionis, & potestatem clavium ita illustravisse & ornavisse, ut multæ afflictæ conscientiæ, ex doctrina nostrorum, consolationem conceperint, postquam audiverunt mandatum Dei esse, imo propriam Evangelij vocem, ut absolutioni credamus, & certo statuamus nobis gratis donari remissionem peccatorum propter Christum, & sentiamus vere nos hac fide reconciliari Deo. Hæc sententia multas pias mentes erexit, & initio commendationem maximam apud omnes bonos viros attulit Luthero, cum ostendit certam & firmam consolationem conscientijs. Quia antea tota vis Absolutionis erat oppressa doctrinis operum, cum de fide, & gratuita remissione nihil docerent Sophistæ & Monachi.

Cæterum de tempore, certe in Ecclesijs nostris plurimi sæpe in anno utuntur sacramentis, Absolutione, & cœna Domini. Et qui docent, de dignitate, & fructibus sacramentorum ita dicunt, ut invitent populum, ut sæpe utantur sacramentis. Extant enim de hac re multa à nostris ita scripta, ut adversarij, si qui sunt boni viri, haud dubie probent ac laudent. Denuntiatur & excommunicatio flagitiosis & contemptoribus sacramentorum. Hæc ita fiunt, & juxta Evangelium, & juxta veteres Canones. Sed certum tempus non præscribitur, quia non omnes pariter eodem tempore idonei sunt. Imo si accurrant eodem tempore omnes, non possunt ordine audiri, & institui homines. Et veteres Canones ac Patres non constituunt certum tempus, Tantum ita dicit Canon, si qui intrant Ecclesiam Dei, & deprehenduntur nunquam communicare, admoncantur, Quod si non communicant, ad poenitentiam accedant. Si communicant, non semper abstineant, Si non fecerint, abstineant. Christus ait illos sibi iudicium manducare, qui manducant indigne. Ideo pastores non cogunt hos, qui non sunt idonei, ut sacramentis utantur.

De equ-



De enumeratione peccatorum in Confessione, sic docentur homines, ne laquei injiciantur conscientijs, etiam si prodest rudes assuefacere, ut quædam enumerent, ut doceri facilius possint. Verum disputamus nunc, quid sit necessarium jure divino. Non igitur debebant adversarij nobis allegare constitutionem, Omnis utriusq; quæ nobis non est ignota, Sed ex jure divino ostendere, quod enumeratio peccatorum sit necessaria ad consequendam remissionem. Tota Ecclesia per universam Europam scit, quales laqueos injecerit conscientijs illa particula constitutionis, quæ jubet omnia peccata confiteri. Nec tantum habet incommodi textus per se, quantum postea affinxerunt Summistæ, qui colligunt circumstantias peccatorum. Quales ibi Labyrinthi, quanta carnificina fuit optimarum mentium. Nam feros & profanos ista terriculamenta nihil movebant.

Postea quales tragoedias excitavit quæstio, de proprio sacerdote inter Pastores, & Fratres, qui tunc minime erant fratres, cum de regno confessionum beligerabantur. Nos igitur sentimus enumerationem peccatorum non esse necessariam jure divino, Idq; placet Panormitano, & plerisque alijs eruditjs Iuriconsultis. Nec volumus imponere necessitatem conscientijs nostrorum per constitutionem illam, Omnis utriusq; de qua perinde judicamus, ut de alijs traditionibus humanis, de quibus sentimus, quod non sint cultus ad justificationem necessarij. Et hæc constitutio rem impossibilem præcipit, ut omnia peccata confiteamur. Constat autem plurima nos nec meminisse, nec intelligere, juxta illud, *Delicta quis intelligit?*

Si sint boni Pastores, scient quatenus profit examine rudes, sed illam carnificinam Summistarum confirmare non volumus, quæ tamen minus fuisset intolerabilis, si verbum unum addidissent, de fide consolante, & erigente conscientias. Nunc de hac fide consequente remissionem peccatorum, nulla est syllaba, in tanta mole constitutionum, glossarum, Summarum, Confessionalium. Nusquam ibi Christus legitur, Tantum leguntur supputationes peccatorum, Et maxima pars consumitur in peccatis, contra traditiones humanas, quæ est vanissima. Hæc doctrina adegit multas pias mentes ad desperationem, quæ non poterunt acquiescere, quia sentiebant jure divino necessariam esse enumerationem, & tamen experiebantur impossibilem esse. Sed hærent alia non minora vitia in doctrina adversariorum de poenitentia, quæ jam recensēbimus.

### D E P O E N I T E N T I A .

**I**n articulo duodecimo probant primam partem, qua exponimus, Lapsis post Baptismum contingere posse remissionem peccatorum quocunq; tempore, & quotiescunq; convertuntur. Secundam partem damnant, in qua poenitentiae partes dicimus esse contritionem & fidem, Negant fidem esse alteram partem poenitentiae. Quid hic Carole Cæsar invictissime faciamus? Hæc est propria vox Evangelij quod fide consequamur remissionem peccatorum, Hanc vocem Evangelij damnant isti scriptores confutationis. Nos igitur nullo modo assentiri confutationi possumus, Non possumus saluberrimam vocem Evangelij, & plenam consolationis damnare. Quid est aliud negare, quod fide consequamur remissionem peccatorum, quam contumelia afficere sanguinem & mortem Christi? Rogamus igitur te Carole Cæsar Invictiss. ut nos de hac re maxima, quæ præcipuum Evangelij locum, quæ veram Christi cognitionem, quæ verum cultum Dei continet, patienter ac diligenter audias & cognoscas. Comperient enim omnes boni viri, nos in hac re præcipue docuisse vera, pia, salubria, & necessaria universæ Ecclesiae Christi, Comperient ex scriptis nostrorum plurimum lucis accessisse Evangelio, & multos perniciosos errores emendatos esse, quibus antea obruta fuit doctrina de poenitentia, per Scholasticorum & Canonistarum opiniones.

Ac priusquam accedimus ad defensionem nostræ sententiæ, hoc præfandum est, Omnes boni viri, omnium ordinum ac Theologici ordinis etiam, haud dubie fatentur, ante Lutheri scripta, confusissimam fuisse doctrinam poenitentiae. Extant libri Sententiariorum, ubi sunt infinitæ quæstiones, quas nulli Theologi vnquam satis explicare potuerunt, Populus neq; rei summam complecti potuit, nec videre, quæ præcipue requirerentur in poenitentia, ubi quærenda esset pax conscientiae. Prodeat nobis aliquis ex adversarijs, qui dicat, quando fiat remissio peccatorum. Bone Deus, quantæ tenebræ sunt, Dubium, utrum in attritione, vel in contritione fiat remissio peccatorum. Et si sit poenitentia contritionem, quid opus est Absolutione, quid agit potestas clavium, si peccatum iam est remissum? Hic vero multo magis etiam sudant, & potestatem clavium impie extenuant, Alij somniant potestate clavium non remitti culpam, sed mutari poenas æternas, in temporales. Ita saluberrima potestas, esset ministerium non vitæ, & spiritus, sed tantum iræ, & poenarum. Alij videlicet cautiores fingunt potestate clavium remitti peccata, coram Ecclesia, non coram Deo. Hic quoque perniciosus error est. Nam si potestas clavium non consolatur nos coram Deo, quæ res tandem reddet pacatam conscientiam?

Iam illa sunt magis etiam perplexa, Docent nos contritione mereri gratiam. Vbi si quis interroget, quare Saul, Iudas, & similes non consequantur gratiam, qui horribiliter contriti sunt. Hic de fide, & de Evangelio respondendum erat, quod Iudas non crediderit, non erexerit se Evangelio & promissione Christi. Fides enim ostendit discrimen inter contritionem Iudæ & Petri. Verum adversarij de lege respondent, quod Iudas non dilexerit Deum, sed timuerit poenas. Quando autem territa conscientia, præsertim in scrijs, veris, & illis magnis terroribus, qui describuntur in Psalmis ac Prophetis, & quos certe degustant isti, qui vere convertuntur, judicare poterit, Vtrum Deum propter se timeat, an fugiat æternas poenas. Hi magni motus literis & vocabulis discerni possunt, re ipsa non ita divelluntur, ut isti suaves Sophistæ somniant. Hic appellamus iudicia omnium bonorum & sapientum virorum, Hi haud dubie fatebuntur has disputationes apud adversarios perplexissimas & intricatissimas esse. Et tamen agitur de re maxima, de præcipuo Evangelij loco, de remissione peccatorum. Tota hæc doctrina de his quæstionibus, quas recensuimus, apud adversarios plena est errorum & hypocrisis, & obscurat beneficium Christi, potestatem clavium, & iusticiam fidei.

Hæc fiunt in primo actu, Quid cum ventum est ad Confessionem? Quantum ibi negocij est in illa infinita enumeratione peccatorum, quæ tamen magna ex parte consumitur in traditionibus humanis. Et quo magis crucientur bonæ mentes, fingunt hanc enumerationem esse iuris divini. Et cum ipsam enumerationem exigant, prætextu iuris divini, interim de absolutione, quæ vere est iuris divini, frigide loquuntur. Fingunt ipsum sacramentum ex opere operato conferre gratiam sine bono motu utentis, de fide apprehendente absolutionem, & consolante conscientiam, nulla sit mentio. Hoc vere est, quod dici solet, *ἀπὸ τοῦ πνεύματος καὶ τοῦ λόγου*.

Restat tertius actus de satisfactionibus, Hic vero habet confusissimas disputationes. Fingunt æternas poenas mutari in poenas purgatorij, Et harum partem remitti potestate clavium, partem docent redimendam esse satisfactionibus. Addunt amplius, quod oporteat satisfactiones esse opera supererogationis, & hæc constituunt in stultissimis observationibus, velut in peregrinationibus, Rosarijs, aut similibus observationibus, quæ non habent mandata Dei. Deinde, sicut purgatorium satisfactionibus redimunt, Ita excogitata est ars redimendi satisfactiones, quæ fuit quæstuosissima, Vendunt enim indulgentias, quas interpretantur esse remissiones satisfactionū. Et hic quæstus non solum ex vivis, sed multo amplior est ex mortuis. Neq; solum indulgentijs, sed etiam sacrificio Missæ redimunt

satisfa-

fatisfactiones mortuorum, deniq; infinita res est, de satisfactionibus. Inter hæc scandala, non enim possumus enumerare omnia, & doctrinas dæmoniorum, jacet obruta doctrina de justitia fidei in Christum, & de beneficio Christi. Quare intelligunt omnes boni viri, utiliter & pie reprehensam esse doctrinam Sophistarum & Canonistarum, de poenitentia. Nam hæc dogmata aperte falsa sunt, & non solum aliena à scripturis sanctis, sed etiam ab Ecclesiastici patribus.

I. Quod per bona opera extra gratiam facta mereamur ex pacto divino gratiam.

II. Quod per attritionem mereamur gratiam.

III. Quod ad deletionem peccati, sola detestatio criminis sufficiat.

IIII. Quod propter contritionem, non fide in Christum, consequamur remissionem peccatorum.

V. Quod potestas clavium valeat ad remissionem peccatorum, non coram Deo, sed coram Ecclesia.

VI. Quod potestate clavium non remittantur peccata coram Deo, sed quod sit instituta potestas clavium, ut mutet poenas æternas in temporales, ut imponat certas satisfactiones conscientijs, ut instituat novos cultus, & ad tales satisfactiones & cultus obliget conscientias.

VII. Quod enumeratio delictorum in Confessione, de qua præcipiunt adversarii, sit necessaria Iure divino.

VIII. Quod Canonicae satisfactiones necessariae sint ad poenam purgatorii redimendam, aut prosint tanquam compensatio ad tollendam culpam. Sic enim imperiti intelligunt.

IX. Quod susceptio sacramenti poenitentiae, ex opere operato, sine bono motu utentis, hoc est, sine fide in Christum, conferat gratiam.

X. Quod potestate clavium per indulgentias liberentur animæ ex purgatorio.

XI. Quod in reservatione casuum, non solum poena Canonica, sed etiam culpa reservari debeat, in eo, qui vere convertitur.

Nos igitur, ut explicaremus pias conscientias ex his labyrinthis Sophistarum, constituimus duas partes poenitentiae, videlicet contritionem, & fidem. Si quis volet addere tertiam, videlicet, dignos fructus poenitentiae, hoc est, bona opera sequentia conversionem, non refragabimur. Neq; ignoramus, quod vocabulum poenitentiae, Grammaticis significet, improbare id; quod antea probabamus. Id magis quadrat ad contritionem, quam ad fidem. Sed nos hic docendi causa, poenitentiam totam conversionem intelligimus, in qua duo sunt termini, mortificatio & vivificatio. Nos vocamus usitatis nominibus contritionem & fidem.

De contritione præcidimus illas ociosas & infinitas disputationes, quando ex dilectione Dei, quando ex timore poenae doleamus, Sed dicimus contritionem esse veros terrores conscientiae, quæ Deum sentit irasci peccato & dolet se peccasse. Et hæc contritio ita fit, quando verbo Dei arguuntur peccata, quia hæc est summa prædicationis Evangelij, Arguere peccata, & offerre remissionem peccatorum, & justiciam propter Christum, & Spiritum sanctum, & vitam æternam, & ut renati beneficiamus. Sic complectitur summam Evangelij Christus, cum ait, Lucæ ultimo, prædicate in nomine meo poenitentiam & remissionem peccatorum inter omnes gentes. Et de his terroribus loquitur scriptura, ut Psal. 37. Quoniam iniquitates meae supergressæ sunt caput meum, Sicut onus grave, gravatæ sunt super me &c. Afflictus sum & humiliatus sum nimis, Rugiebam à gemitu cordis mei. Et Psal. 6. Miserere mei Domine, quoniam infirmus sum, Sana me Domine, quoniam conturbata sunt ossa mea, Et anima mea turbata est valde, Et tu Domine usque quo? Et Esaia 38. Ego dixi in dimidio dierum meorum, vadam ad portas inferi, Sperabam usq; ad mane, Quasi leo sic contrivit omnia ossa mea.



In his terroribus sentit conscientia iram Dei adversus peccatum, quæ est ignota securis hominibus secundum carnem ambulanti-  
bus. Videt peccati tur-  
pitudinem, & serio dolet se peccasse, etiam fugit interim horribilem iram Dei,  
quia non potest eam sustinere humana natura, nisi sustentetur verbo Dei. Ita Gal. 2.  
Paulus ait, Per legem legi mortuus sum. Lex enim tantum accusat & terret con-  
scientias. In his terroribus adversarij nostri nihil de fide dicunt. Ita tantum pro-  
ponunt verbum, quod arguit peccata. Quod cum solum traditur, doctrina legis  
est, non Evangelij. His doloribus ac terroribus dicunt homines mereri gratiam,  
Si tamen diligunt Deum. At quomodo diligunt Deum homines in veris terrori-  
bus, cum sentiunt horribilem & inexplicabilem humana voce iram Dei? Quid  
aliud nisi desperationem docent, qui in his terroribus tantum ostendunt legem?

Nos igitur addimus alteram partem poenitentiae de fide in Christum,  
quod in his terroribus debeat conscientijs proponi Evangelium de Christo, in  
quo promittitur gratis remissio peccatorum de Christo. Debent igitur credere,  
quod propter Christum gratis remittuntur ipsis peccata. Hæc fides erigit, su-  
stentat, & vivificat contritos, juxta illud, Iustificari ex fide pacem habemus. Hæc  
fides consequitur remissionem peccatorum, Hæc fides iustificat coram Deo, ut i- Rom. 9.  
dem locus testatur, Iustificati ex fide. Hæc fides ostendit discrimen inter contriti-  
onem Iudæ & Petri, Saulis & Davidis. Ideo Iudæ aut Saulis contritio non pro-  
dest, quia non accedit ad eam hæc fides apprehendens remissionem peccatorum  
donatam propter Christum. Ideo prodest Davidis aut Petri contritio, quia ad  
eam fides accedit, apprehendens remissionem peccatorum donatam propter  
Christum. Nec prius dilectio adest, quam sit facta fide reconciliatio. Lex enim  
non fit sine Christo, juxta illud, Per Christum habemus accessum ad Deum. Et Rom. 5.  
hæc fides paulatim crescit, & per omnem vitam luctatur cum peccato, ut vincat  
peccatum & mortem. Cæterum fidem sequitur dilectio, ut supra diximus. Et sic  
clare definiri potest filialis timor, talis pavor, qui cum fide conjunctus est, hoc est,  
ubi fides consolatur & sustentat pavidum cor. Servilis timor, ubi fides non susten-  
tat pavidum cor.

Porro potestas clavium administrat & exhibet Evangelium per Absoluti-  
onem, quæ est vera vox Evangelij, Ita & absolutionem complectimur, cum de  
fide dicimus, quia fides est ex auditu, ut ait Paulus. Nam audito Evangelio, audi- Rom. 10.  
ta absolutione, erigitur & concipit consolationem conscientia. Et quia Deus  
verè per verbum vivificat, claves verè coram Deo remittunt peccata, juxta il-  
lud, Qui vos audit, me audit, Quare voci absolventis, non secus ac voci de cælo Math. 16.  
sonanti credendum est. Et absolutio proprie dici potest sacramentum poeni-  
tentiae, ut etiam Scholastici theologi eruditiores loquuntur. Interim hæc fides  
in tentationibus multipliciter alitur per Evangelij sententias, & per usum sacra-  
mentorum. Hæc enim sunt signa novi testamenti, hoc est signa remissionis pecca-  
torum. Offerunt igitur remissionem peccatorum, sicut clare testantur verba cœ-  
næ Domini: Hoc est corpus meum quod pro vobis traditur, Hic est calix novi te-  
stamenti &c. Ita fides concipitur & confirmatur per absolutionem, per auditum  
Evangelij, per usum sacramentorum, ne succumbat, dum luctatur cum terrori-  
bus peccati & mortis. Math. 26.  
Luc. 22.  
1. Cor. 11.

Hæc ratio poenitentiae plana & perspicua est, & auget dignitatem pote-  
statis clavium, & sacramentorum, & illustrat beneficium Christi, docet nos uti  
mediatore ac propitiatore Christo.

Sed quia confutatio damnat nos, quod has duas partes poenitentiae posue-  
rimus, ostendendum est, quod scriptura in poenitentia, seu conversione Impij po-  
nat has præcipuas partes. Christus enim inquit, Matth. 11. Venite ad me omnes, Math. 11.  
qui laboratis & onerati estis, & ego reficiam vos. Hic duo membra sunt, Labor  
& onus significant contritionem, pavores & terrores peccati & mortis. Venire ad  
Christum, est credere, quod propter Christum remittantur peccata, cum cre-  
dimus,

dimus, vivificantur corda Spiritu sancto, per verbum Christi. Sunt igitur hic duæ partes præcipuæ contritio & fides. Et Marci primo Christus ait, Agite poenitentiam, & credite Evangelio. Vbi in priore particula arguit peccata, in posteriore consolatur nos, & ostendit remissionem peccatorum. Nam credere Evangelio, non est illa generalis fides, quam habent & diaboli, sed proprie est credere remissionem peccatorum propter Christum donatam. Hæc enim revelatur in Evangelio. Videtis & hic duas partes conjungi, Contritionem, cum arguuntur peccata, & fidem, cum dicitur credite Evangelio. Si quis hic dicat Christum complecti etiam fructus poenitentiae, seu totam novam vitam, non dissentimus. Nam hoc nobis sufficit, quod hæ partes præcipuæ nominantur, contritio & fides.

Paulus fere ubiq; cum describit conversionem seu renovationem, facit has duas partes, Mortificationem & Vivificationem, ut Colossen. 2. In quo circumcisi estis circumcisione non manu facta, videlicet expoliatione corporis peccatorum carnis, Et postea, in quo simul resuscitati estis per fidem efficaciam Dei. Hic duæ sunt partes, Altera est expoliatio corporis peccatorum, Altera est resuscitatio per fidem. Neque hæc verba, mortificatio, vivificatio, expoliatio corporis peccatorum, resuscitatio, Platonice intelligi debent de simulata mutatione, Sed mortificatio significat veros terrores, quales sunt morientium, quos sustinere natura non posset, nisi erigeretur fide. Ita hic expoliationem corporis peccatorum vocat, quam nos dicimus usitate contritionem, quia in illis doloribus concupiscentia naturalis expurgatur. Et vivificatio intelligi debet, non imaginatio Platonica, sed consolatio, quæ vere sustentat fugientem vitam in contritione. Sunt ergo hic duæ partes, contritio & fides. Quia enim conscientia non potest reddi pacata, nisi fide. Ideo sola fides vivificat, juxta hoc dictum, Iustus ex fide vivet.

Et deinde in Colossensibus inquit, Christum delere Chirographum, quod per legem adversatur nobis. Hic quoq; duæ sunt partes, Chirographum, & deletio Chirographi. Est autem Chirographum conscientia arguens & condemnans nos, Porro lex est verbum quod arguit & condemnat peccata. Hæc igitur vox, quæ dicit, Peccavi Domino, sicut David ait, est Chirographum. Et hanc vocem impij & securi homines non emittunt serio. Non enim vident, non legunt scriptam in corde sententiam legis. In veris doloribus ac terroribus cernitur hæc sententia. Est igitur Chirographum ipsa contritio, condemnans nos. Delere Chirographum, est tollere hanc sententiam condemnationis ex animo, & sententiam insculpere, qua sentiamus nos liberatos esse ab illa condemnatione. Est autem fides, nova illa sententia, quæ abolet priorem sententiam, & reddit pacem & vitam cordi.

Quamquam quid opus est multa citare testimonia, cum ubiq; obvia sint in scripturis. Psalmo 117. Castigans castigavit me Dominus, & morti non tradidit me. Psalmo 118. Defecit anima mea præ angustia, Confirma me verbo tuo. Vbi in priore membro continetur contritio, in secundo modus clare describitur quomodo in contritione recreemur, scilicet verbo Dei, quod offert gratiam. Id sustentat & vivificat corda. Et 1. Reg. 2. Dominus mortificat, & vivificat, deducit ad inferos, & reducit. Horum altero significatur contritio, altero significatur fides, Et Esaie 28. Dominus irascetur, ut faciat opus suum. Alienum est opus ejus, ut operetur opus suum. Alienum opus Dei vocat, cum terret, quia Dei proprium opus est vivificare & consolari. Verum ideo terret, inquit, ut sit locus consolationi, & vivificationi, quia secunda corda & non sententia iram Dei fastidiunt consolationem. Ad hunc modum solet scriptura hæc duo conjungere, terrores & consolationem, ut doceat hæc præcipua membra esse in poenitentia, contritionem, & fidem consolantem & justificantem. Neq; videmus quomodo natura poenitentiae clarius & simplicius tradi possit.

Hæc enim sunt duo præcipua opera Dei in hominibus perterrefacere & justificare ac vivificare perterrefactos. In hæc duo opera distributa est universa

scriptura. Altera pars lex est, quæ ostendit, arguit & condemnat peccata. Altera pars Evangelium, hoc est, promissio gratiæ in Christo donatæ, & hæc promissio subinde repetitur in tota scriptura, primum tradita Adæ, postea Patriarchis, deinde à Prophetis illustrata. Postremo prædicata & exhibita à Christo inter Iudæos, & ab Apostolis sparsa in totum mundum. Nam fide hujus promissionis sancti omnes justificati sunt, non propter suas attritiones, vel contritiones. Et exempla ostendunt similiter has duas partes. Adam objurgatur post peccatum, & perterrebit. Hæc fuit contritio, Postea promittit Deus gratiam, dicit futurum semen, quo destruetur regnum Diaboli, mors & peccatum, Ibi offert remissionem peccati. Hæc sunt præcipua. Nam etsi postea additur poena, tamen hæc poena non meretur remissionem peccati. Et de hoc genere poenarum paulo post dicemus.

Sic David objurgatur à Nathan & perterrefactus inquit, Peccavi Domino. Ea est contritio. Postea audit absolutionem, Dominus sustulit peccatum tuum, <sup>2. Reg. 12.</sup> Non morieris. Hæc vox erigit Davidem, & fide sustentat, justificat, & vivificat eum. Additur & hic poena, sed hæc poena non meretur remissionem peccatorum, Nec semper adduntur peculiæ poenæ, sed hæc duo semper existere in poenitentia oportet, contritionem & fidem, ut Lucæ 7. Mulier peccatrix venit ad Christum lachrymans. Per has lachrymas agnoscitur contritio. Postea audit absolutionem, Remittuntur tibi peccata, Fides tua salvam te fecit, vade in pace. Hæc est altera pars poenitentiae, fides quæ erigit & consolatur eam. Ex his omnibus apparet pijs lectoribus, nos eas partes poenitentiae ponere, quæ propriæ sunt in conversione, seu regeneratione & remissione peccati. Fructus digni & poenæ sequuntur regenerationem & remissionem peccati. Ideoq; has duas partes posuimus, ut magis conspici fides possit, quam in poenitentia requirimus. Et magis intelligi potest, quid sit fides, quam prædicat Evangelium, cum opponitur contritioni, ac mortificationi.

Et ut totus orbis terrarum videat, quanta sit inscitia veræ pietatis in nostris Criticis, qui confutationem scripserunt, addemus & Bernardi sententiam, qui prorsus ad eundem modum conjungit hæc duo membra in poenitentia, contritionem & fidem, sicut nos conjungimus. Verba sunt hæc in sermone tertio de annuntiatione. Auditam fac mihi mane misericordiam tuam, quia in te speravi Domine. <sup>psal. 141.</sup> Sola nimirum spes apud te miserationis locum obtinet, nec oleum misericordiae, nisi in vase fiduciae ponis. Sed est infidelis fiducia, solius utiq; maledictionis capax, cum videlicet in spe peccamus. Quanquam nec fiducia illa dicenda sit, sed insensibilitas quædam & dissimulatio perniciofa. Quæ enim fiducia est ei, qui periculum non attendit? aut quod ibi timoris remedium, ubi nec timor sentitur, nec materia ipsa timoris? Fiducia solatium est, nec eget ille solatio, qui <sup>psal. 141.</sup> lætatur cum male fecerit & in pessimis rebus magis exultat. Rogemus itaque fratres responderi nobis, quantas habeamus iniquitates & peccata, scelera nostra & delicta nobis desideremus ostendi. Scrutemur vias nostras & studia nostra periculaque universa vigili intentione pensemus. Dicat quisque in pavore suo, vadam ad portas inferi, ut jam non nisi in sola Dei misericordia respiremus. Hæc <sup>psal. 141.</sup> vera hominis fiducia est, à se deficientis, & innitentis domino suo. Hæc inquam vera fiducia est, cui misericordia non denegatur, Propheta testante. Beneplacitum est Domino super timentes eum, & in his, qui sperant super misericordia ejus. Nec parva utique suppedit nobis, in nobis quidem causa timoris, in ipso autem causa fiduciae.

Hactenus Bernardus, cujus sententiam propterea etiam non inviti retulimus, ut videant lectores, quomodo fidem hic intelligamus de fiducia misericordiae, quæ erigit & consolatur perterrefactos, quam iste recte fiduciam appellat. Et hæc clare conspici potest, cum fit Antithesis terrorum & consolationis. Sicut hic Bernardus vult in hominibus existere cognitionem peccatorum, seu contritionem seu terrores, Et vult accedere fiduciam, quæ erigat in contritione.

Sed



Sed quia adversarij nominatim hoc damnant, quod dicimus homines fide consequi remissionem peccatorum, addemus paucas quasdam probationes, ex quibus intelligi poterit, remissionem peccatorum contingere, non ex opere operato propter contritionem, sed fide illa speciali, qua unusquisq; credit sibi propter Christum remitti peccata. Nam hic articulus præcipuus est, de quo digladiamur cum adversarijs, & cujus cognitionem ducimus maxime necessariam esse Christianis omnibus. Cum autem supra de justificatione de eadem re satis dictum videatur, hic breviores erimus. Sunt enim loci maxime cognati, doctrina poenitentiae, & doctrina justificationis.

Adversarij, cum de fide loquuntur, & dicunt eam præcedere poenitentiam, intelligunt fidem, non hanc, quæ justificat, Sed quæ in genere credit Deum esse, poenas propositas esse impijs &c. Nos præter illam fidem, requirimus, ut credat sibi quisq; propter Christum remitti peccata. De hac fide speciali litigamus, & opponimus eam opinioni, quæ jubet confidere non in promissione Christi, sed in opere operato contritionis, confessionis & satisfactionum &c. Hæc fides ita sequitur terrores, ut vincat eos & reddat pacatam conscientiam. Huic fidei tribuimus, quod justificet & regeneret, dum ex terroribus liberat, & pacem, gaudium, & novam vitam in corde parit. Hanc fidem defendimus vere esse necessariam ad remissionem peccatorum, ideo ponimus inter partes poenitentiae seu conversionis. Nec aliud sentit Ecclesia Christi, etiâsi adversarij nostri reclamant.

Principio autem interrogamus adversarios, Vtrum absolutionem accipere, pars sit poenitentiae nec ne? Quod si à confessione separant, ut sunt subtiles in distinguendo, non videmus quid prosit confessio sine absolutione. Sin autem non separant à confessione acceptionem absolutionis, necesse est eos sentire, quod fides sit pars poenitentiae, quia absolutio non accipitur nisi fide. Quod autem absolutio non accipiatur nisi fide, ex Paulo probari potest, qui docet Rom. 4. quod promissio non possit accipi, nisi fide. Absolutio autem est promissio remissionis peccatorum. Igitur necessario requirit fidem. Nec videmus, quomodo dicatur is accipere absolutionem, qui non assentitur ei. Et quid aliud est, non assentiri absolutioni, quam Deum accusare mendacij, si cor dubitet, sentit incerta & inania esse quæ promittit Deus? Ideo 1. Iohan. 5. scriptum est, Qui non credit Deo, mendacem facit eum, quia non credit in testimonium, quod testificatus est Deus de Filio suo.

Secundo fateri adversarios existimamus remissionem peccatorum poenitentiae, seu partem, seu finem, seu, ut ipsorum more loquamur, terminum esse ad quem. Ergo id, quo accipitur remissio peccatorum, recte additur partibus poenitentiae. Certissimum est autem, etiâsi omnes portæ inferorum reclamant, remissionem peccatorum non posse accipi, nisi sola fide, quæ credit peccata remitti propter Christum, juxta illud Rom. 3. Quem proposuit Deus propitiatorem per fidem, in sanguine ipsius. Item Rom. 5. Per quem accessum habemus per fidem in gratiam &c. Nam conscientia territa non potest opponere iræ Dei, opera nostra, aut dilectionem nostram, sed ita demum fit pacata, cum apprehendit mediatorem Christum, & credit promissionibus propter illum donatis. Non enim intelligunt quid sit remissio peccatorum, aut quomodo nobis contingat, qui somniant corda pacata fieri, sine fide in Christum. Petrus citat ex Esaia, Qui crediderit in eum, non confundetur. Necesse est igitur confundi hypocritas, confidentes se accipere remissionem peccatorum propter sua opera, non propter Christum.

Et Petrus ait in Actis Cap. 10. Huic omnes Prophetæ testimonium perhibent, remissionem peccatorum accipere per nomen ejus, omnes qui credunt in eum. Non potuit dici magis dilucide, quàm quod ait per nomen ejus, Et addit, omnes qui credunt in eum. Tantum igitur ita accipimus remissionem peccatorum, per nomen Christi, hoc est, propter Christum, non propter ulla nostra

merita atq. opera. Et hoc ita fit, cum credimus nobis remitti peccata propter Christum. Adversarij nostri vociferantur se esse Ecclesiam, se consensum Ecclesiae sequi. At Petrus hic in nostra causa etiam allegat consensum Ecclesiae, huic inquit omnes Prophetæ perhibent testimonium, remissionem peccatorum accipere per nomen ejus &c. Profecto consensus Prophetarum judicandus est universalis Ecclesiae consensus esse. Nec Papæ, nec Ecclesiae concedimus potestatem discernendi contra hunc consensum Prophetarum. At Bulla Leonis aperte damnat hunc articulum de remissione peccatorum, damnant & adversarij in confutatione.

Qua ex re apparet, qualis sit Ecclesia judicanda istorum, qui non solum decretis improbant hanc sententiam, quod remissionem peccatorum consequamur fide, non propter opera nostra, sed propter Christum, sed etiam jubent eam vi ac ferro abolere, lubent omni genere crudelitatis perdere viros bonos qui sic sentiunt. Sed habent magni nominis autores, Scotum, Gabrielem, & similes, dicta Patrum, quæ in decretis truncata citantur. Certe si numeranda sunt testimonia, vincunt. Est enim maxima turba nugacissimorum scriptorum in sententias, qui tanquam conjurati defendunt illa figmenta de merito attritionis & operum, & cætera quæ supra recitavimus. Sed ne quis multitudine moveatur, non magna autoritas est in testimonijs posteriorum, qui non genuerunt sua scripta, sed tantum compilatis superioribus, transfuderunt illas opiniones ex alijs libris in alios. Nihil judicij adhibuerunt, sed ut pedanei senatores taciti comprobaverunt superiorum errores non intellectos. Nos igitur hanc Petri vocem non dubitemus opponere, quamlibet multis legionibus Sententiariorum, quæ allegat consensum Prophetarum. Et accedit testimonium Spiritus sancti ad hanc concionem Petri. Sic enim ait textus: Adhuc loquente Petro verba hæc, cecidit Spiritus sanctus super omnes qui audiebant verbum.

Sciant igitur piæ conscientiæ, hoc esse mandatum Dei, ut credant sibi gratis ignosci propter Christum, non propter opera nostra, Et hoc mandato Dei sustentent se adversus desperationem, & adversus terrores peccati & mortis, Et hanc sententiam sciant à principio mundi in Ecclesia extitisse apud Sanctos. Petrus enim clare allegat consensum Prophetarum, & Apostolorum scripta testantur eos idem sentire. Nec desunt Patrum testimonia. Nam Bernardus dicit verbis minime obscuris. Necesse est enim primo omnium credere, quod remissionem peccatorum habere non possis, nisi per indulgentiam Dei, Sed adde adhuc, ut credas & hoc, quod per ipsum peccata tibi donantur. Hoc est testimonium, quod perhibet Spiritus sanctus in corde tuo dicens, Dimissa sunt tibi peccata tua. Sic enim arbitratur Apostolus gratis justificari hominem per fidem. Hæc Bernardi verba mirifice illustant causam nostram. Quia non solum requirit, ut in genere credamus peccata remitti per misericordiam, sed jubet addere specialem fidem, qua credamus & nobis ipsis remitti peccata, Et docet quomodo certi reddamur de remissione peccatorum, videlicet eum fide corda eriguntur & fiunt tranquilla per Spiritum sanctum. Quid requirunt amplius adversarij? Num adhuc audent negare fide nos consequi remissionem peccatorum? aut fidem partem esse poenitentiae?

Tertio. Adversarij dicunt peccatum ita remitti, quia attritus seu contritus elicit actum dilectionis Dei, propter hunc actum meretur accipere remissionem peccatorum. Hoc nihil est nisi legem docere, deletio Evangelio, & abolita promissione de Christo. Tantum enim requirunt legem & nostra opera, quia Lex exigit dilectionem. Præterea docent confidere, quod remissionem peccatorum consequamur propter contritionem & dilectionem. Hoc quid est aliud nisi collocare fiduciam in nostra opera, non in verbum & promissionem Dei de Christo. Quod si lex satis est ad consequendam remissionem peccatorum, quid opus est Evangelio, quid opus est Christo, si propter nostrum opus consequimur remissionem peccatorum?

Nos

Nos contra à lege ad Evangelium, revocamus conscientias, & à fiducia propriorum operum, ad fiduciam promissionis & Christi. Quia Evangelium exhibet nobis Christum, & promittit gratis remissionem peccatorum propter Christum. Hac promissione jubet nos confidere, quod propter Christum reconciliemur Patri, non propter nostram contritionem aut dilectionem. Non enim alius est Mediator aut propiciator nisi Christus. Nec legem facere possumus, nisi prius per Christum reconciliati simus. Et si quid faceremus, tamen sentiendum est, quod non propter illa opera, sed propter Christum mediatorem & propitiatorem consequimur remissionem peccatorum, Imo contumelia Christi, & Evangelij abrogatio est, sentire quod remissionem peccatorum propter legem aut aliter consequamur, quam fide in Christum. Et hanc rationem supra tractavimus de justificatione, cum diximus, quare profiteamur homines fide justificari, non dilectione.

Itaq; doctrina adversariorum, cum docent homines propter contritionem & dilectionem consequi remissionem peccatorum, & confidere hac contritione & dilectione, tantum est doctrina legis & quidem non intellectæ, sicut Iudæi in velatam Moisi faciem intuebantur. Fingamus enim adesse dilectionem, fingamus adesse opera, tamen neq; dilectio, neque opera possunt esse propitatio pro peccato, Ac ne possunt quidem opponi iræ & iudicio Dei, juxta illud, Non intrabis in iudicium cum servo tuo, quia non justificabitur in conspectu tuo omnis vivens. Nec debet honos Christi transferri in nostra opera.

Propter has causas contendit Paulus, quod non justificemur ex Lege, & opponit legi promissionem remissionis peccatorum, quæ propter Christum donatur, ac docet nos gratis propter Christum fide accipere remissionem peccatorum. Ad hanc promissionem revocat nos Paulus à lege, In hanc promissionem jubet intueri, quæ certe irrita erit, si prius lege justificamur, quam per promissionem, aut si propter nostram justiciam consequimur remissionem peccatorum. At constat, quod ideo nobis data est promissio, ideo exhibitus est Christus, quia legem non possumus facere. Quare necesse est prius nos promissione reconciliari quam legem facimus. Promissio autem tantum fide accipitur, Igitur necesse est contritos apprehendere fide promissionem remissionis peccatorum donatam propter Christum, ac statuere quod gratis propter Christum habeant placatum Patrem.

Hæc est sententia Pauli ad Rom. 4. ubi inquit, Ideo ex fide, ut secundum gratiam firma sit promissio. Et ad Galatas 3. Conclufit scriptura omnia sub peccatum, ut promissio ex fide Iesu Christi detur credentibus, Id est, omnes sunt sub peccato, nec possunt aliter liberari, nisi fide apprehendant promissionem remissionis peccatorum. Prius igitur oportet nos fide accipere remissionem peccatorum, quam legem facimus, etsi, ut supra dictum est, fidem dilectio sequitur. Quia renati Spiritum sanctum accipiunt, ideo legem facere incipiunt. Citaremus plura testimonia, nisi obvia essent cuilibet pio lectori in scripturis, Et nos non nimis prolixi esse cupimus, ut facilius hæc causa perspici possit. Neq; vero dubium est, quin hæc sit sententia Pauli, quam defendimus, quod fide accipiamus remissionem peccatorum propter Christum, quod fide mediatorem Christum opponere debeamus iræ Dei, non opera nostra. Nec perturbentur piæ mentes, etiamsi Pauli sententias calumnientur adversarij, Nihil tam simpliciter dicitur, quod non queat depravari cavillando. Nos scimus hanc, quâ diximus, veram & germanam sententiâ Pauli esse, scimus hanc nostram sententiam pijs conscientijs firmam consolationem afferre, sine qua nemo consistere in iudicio Dei queat.

Itaq; repudientur illæ Pharisaicæ opiniones adversariorum, quod non accipiamus fide remissionem peccatorum, sed quod oporteat mereri dilectione nostra & operibus, quod dilectionem nostram & opera nostra iræ Dei opponere debeamus. Hæc doctrina legis est, non Evangelij, quæ fingit prius hominem lege justificari, quam per Christum reconciliatus sit Deo, cum Christus dicat, Sine me

nihil



## A P O L O G I A   C O N F E S S I O N I S

nihil potestis facere. Item, Ego sum vitis vera, vos palmites. Verum adversarij fingunt nos esse palmites, non Christi, sed Moisi. Prius enim volunt lege justificari, dilectionem suam & opera offerre Deo, quam reconcilientur Deo per Christum, quam sint palmites Christi. Paulus contra contendit legem non posse fieri sine Christo. Ideo promissio prius accipienda est, ut fide reconciliemur Deo, propter Christum, quam legem facimus. Hæc satis perspicua esse pijs conscientijs existimamus, Et hinc intelligent, Cur supra professi simus justificari homines fide, non dilectione. Quia oportet nos opponere iræ Dei, non nostram dilectionem, aut opera, aut confidere nostra dilectione ac operibus, sed Christum mediatorem, Et prius oportet apprehendere promissionem remissionis peccatorum, quam legem facimus.

Postremò, quando erit pacata conscientia, si ideo accipimus remissionem peccatorum, quia nos diligimus, aut legem facimus? Semper enim accusabit nos Lex, quia nunquam legi Dei satisfacimus, Sicut inquit Paulus, Lex iram operatur. Chrysostomus quarrit de poenitentia, unde certi reddamur, peccata nobis remissa esse, Quærunt & in sententijs eadem de re adversarij. Hoc non potest explicari, non possunt conscientia reddi tranquillæ, nisi sciant mandatum Dei esse, & ipsum Evangelium, ut certo statuam propter Christum gratis remitti peccata, nec dubitent sibi remitti. Si quis dubitat, is ut Iohannes ait, accusat promissionem divinam mendacij. Hanc certitudinem fidei nos docemus requiri in Evangelio.

Adversarij relinquunt conscientias incertas & ambigentes. Nihil autem agunt conscientia ex fide, cum perpetuo dubitant utrum habeant remissionem. Quomodo possunt in hac dubitatione invocare Deum? quomodo possunt statuere, quod exaudiantur? Ita tota vita est sine Deo, & sine vero cultu Dei. Hoc est, quod Paulus inquit, peccatum esse quicquid non sit ex fide. Et quia in hac dubitatione perpetuo versantur, nunquam experiuntur quid sit fides, Ita fit ut ad extremum ruant in desperationem. Talis est doctrina adversariorum, doctrina legis, abrogatio Evangelij, doctrina desperationis. Nunc libenter omnibus bonis viris permittimus iudicium de hoc loco poenitentia, nihil enim habet obscuri, ut pronuncient, utri magis pia & salubria conscientijs docuerint, nos, an adversarij. Profecto non delectant nos hæc dissensiones in Ecclesia. Quare nisi magnas & necessarias causas haberemus dissentienti ab adversarijs, summa voluntate taceremus. Nunc cum ipsi manifestam veritatem damnent, non est integrum nobis deferere causam, non nostram, sed Christi & Ecclesiae.

Diximus quas ob causas posuerimus has duas partes poenitentia contritionem & fidem. Idq; hoc fecimus libentius, quia circumferuntur multa dicta de poenitentia, quæ truncata citantur ex Patribus, quæ ad obscurandam fidem detorserunt adversarij. Talia sunt, Poenitentia est mala præterita plangere, & plangenda iterum non committere. Item, Poenitentia est quædam dolentis vindicta, puniens in se quod dolet se commisisse. In his dictis nulla fit mentio fidei, Ac ne in scholis quidem, cum interpretantur, aliquid de fide additur. Quare nos eam, ut magis conspici doctrina fidei posset, inter partes poenitentia numeravimus. Nam illa dicta, quæ contritionem aut bona opera requirunt, & nullam fidei justificantis mentionem faciunt, periculosa esse, res ipsa ostendit.

Et merito desiderari prudentia in istis potest, qui centones illos sententiarum & decretorum congesserunt. Nam cum patres alias de alia parte poenitentia loquantur, non tantum de una parte, sed de utraq; hoc est, de contritione & fide, excerpere & conjungere sententias profuisset. Nam Tertullianus egregie de fide loquitur, amplificans iuramentum illud apud Prophetam: Vivo ego, dicit Dominus, nolo mortem peccatoris, sed ut convertatur & vivat. Quia enim jurat Deus, nolle se mortem peccatoris, ostendit requiri fidem, ut juranti credamus, & certo statuamus eum nobis ignoscere. Magna debet esse autoritas apud nos promissio-

missionum divinarum per sese, At hæc promissio etiam jure jurando confirmata est. Quare si quis non statuit sibi ignosci, is negat Deum verum jurasse, qua blasphemia atrocior nulla excogitari potest. Sic enim ait Tertullianus, Invitat præmio salutem, jurans etiam, Vivo dicens, cupit sibi credi. O beatos quorum causa jurat Deus, O miserrimos, si nec juranti Domino credimus.

Atq; hic sciendum est, quod hæc fides debeat sentire, quod gratis nobis ignoscat Deus propter Christum, propter suam promissionem, non propter nostra opera, contritionem, confessionem, satisfactionem aut dilectionem. Nam si fides nitatur his operibus, statim fit incerta, quia conscientia pavidam videt hæc opera indigna esse. Ideo præclare ait Ambrosius de poenitentia, Ergo & agendam poenitentiam, & tribuendam veniam credere nos convenit, ut veniam tamen tanquam ex fide speremus, tanquam ex syngrapha fides impetrat, Item fides est, quæ peccata nostra cooperit. Extant itaque sententiæ apud Patres, non solum de contritione & operibus, sed etiam de fide. Verum adversarij, cum neque naturam poenitentiae intelligant, neq; sermonem Patrum, excerpunt dicta de parte poenitentiae, videlicet de operibus, Alibi dicta de fide, cum non intelligunt, prætereunt.

### DE CONFESSIOE ET SATISFACTIONE.

Boni viri facile judicare possunt, plurimum referre, ut de superioribus partibus, videlicet contritione & fide, conservetur vera doctrina. Itaque in his locis illustrandis semper plus versati sumus, de confessione & satisfactionibus non admodum rixati sumus. Nam & nos confessionem retinemus præcipue propter Absolutionem, quæ est verbum Dei, quod de singulis autoritate divina pronunciat potestas clavium. Quare impium esset ex Ecclesia privatam Absolutionem tollere, Neq; quid sit remissio peccatorum, aut potestas clavium intelligunt, si qui privatam Absolutionem aspernantur. Cæterum de enumeratione delictorum in confessione supra diximus, quod sentiamus eam non esse jure divino necessariam. Nam quod objiciunt quidam, Iudicem prius debere cognoscere causam, priusquam pronunciat, hoc nihil ad hanc rem pertinet, Quia Absolutio est executio alieni beneficij, non est iudicium. Christus enim dedit mandatum remittendi peccata, Id mandatum exequentur ministri, Non habent mandatum de cognoscendis occultis. Hoc intelligi potest ex eo, quia infinita peccata remittunt, quæ nec nos ipsi meminimus, quibus remittuntur. Et si penderet remissio ex cognitione, tota res esset incerta.

Cæterum in his delictis, quæ publice nota sunt, qualem habeat Iurisdictionem Ecclesia, id non pertinet ad præsentem disputationem. Nam hæc, quia nota sunt, nominatim accusantur, & postea nominatim remittuntur, si autor velit recipi ab Ecclesia. Et ridiculum est huc transferre dictum Salomonis, Diligenter cognosce vultum pecoris tui. Nihil enim dicit Salomon de confessione, sed tradit Oeconomicum præceptum patrifamilias, ut utatur suo, & abstineat ab alieno, & jubet eum res suas diligenter curare, ita tamen, ne studio augendarum facultatum, occupatus animus, abjiciat timorem Dei, aut fidem, aut curam verbi Dei. Sed adversarij nostri mirifica metamorphosi transformant dicta scripturæ, in quaslibet sententias. Hic cognoscere significat eis audire confessiones, Vultus non externam conversationem, sed arcana conscientiae, Pecudes significant homines. Sane bella est interpretatio, & digna istis contemptoribus studiorum eloquentiae. Quod si velit aliquis per similitudinem transferre præceptum à patrefamilias ad pastorem Ecclesiae, certè vultum debet interpretari de externa conversatione. Hæc similitudo magis quadrabit, Sed omittamus ista.

Aliquoties fit in Psalmis mentio confessionis, ut, Dixi, confitebor adversum me iniquitatem meam Domino, & tu remisisti iniquitatem peccati mei. Talis

Talis confessio peccati, quæ Deo fit, est ipsa contritio. Nam cum Deo fit confessio, corde fieri necesse est, non solum voce sicut fit in scenis ab histrionibus. Est igitur talis confessio contritio, in qua sentientes iram Dei confitemur Deum juste irasci, nec placari posse nostris operibus, Et tamen quærimus misericordiam, propter promissionem Dei. Talis est hæc confessio, Tibi soli peccavi, ut tu justifieris, & vincas cum judicaris, id est, fateor me peccatorem esse, & meritum æternam iram, nec possum opponere meas justicias, mea merita tuæ iræ. Ideo pronuncio te justū esse cum condemnas & punis nos. Pronuncio te vincere, quando hypocritæ judicant te, quod sis injustus, qui ipsos punias aut condemnes bene meritos. Imo nostra merita non possunt opponi tuo iudicio, sed ita justificabimur, si tu justifies, si tu reputes nos justos per misericordiam tuam. Fortassis & Iacobum citabit aliquis, Confitemini vicissim delicta, Sed hic non loquitur de confessione Sacerdotibus facienda, sed in genere de reconciliatione fratrum inter se. Iubet enim mutuam esse confessionem. Psal. 51

Porro adversarij nostri multos Doctores receptissimos damnabunt, si contendunt enumerationem delictorum in confessione necessariam esse Iure divino. Quanquam enim confessionem probamus, & quandam examinationem prodesse judicamus, ut institui homines melius possint, tamen ita moderanda res est, ne conscientijs injiciantur laquei, quæ nunquam erunt tranquillæ, si existimabunt se non posse consequi remissionem peccatorum, nisi facta illa scrupulosa enumeratione. Hoc certe falsissimum est, quod adversarij posuerunt in confutatione, quod confessio integra sit necessaria ad salutem. Est enim impossibilis. Et quales laqueos hic injiciunt conscientiæ, cum requirunt integrā confessionem? Quando enim statuet conscientia integram esse confessionem? Apud scriptores Ecclesiasticos fit mentio confessionis, sed hi non loquuntur de hac enumeratione occultorum delictorum, sed de ritu publicæ poenitentiae. Quia enim lapsi aut famosi non recipiebantur, sine certis satisfactionibus, ideo confessionem faciebant isti apud Presbyteros, ut pro modo delictorum præscriberentur eis satisfactiones. Hæc tota res nihil simile habuit huic enumerationi, de qua nos disputamus. Confessio illa fiebat, non quod sine ea non posset fieri remissio peccatorum coram Deo, Sed quod non poterant satisfactiones præscribi nisi prius cognito genere delicti. Nam alia delicta habebant alios Canones.

Et ex illo ritu publicæ poenitentiae reliquum habemus etiam nomen satisfactionis. Nolebant enim sancti Patres recipere lapsos aut famosos, nisi prius cognita & spectata poenitentia eorum, quantum fieri poterat, Et hujus rei multæ videntur fuisse causæ, Nam ad exemplum pertinebat, castigare lapsos, sicut & glossa in Decretis admonet, & indecorum erat, homines famosos statim admittere ad communionem. Hi mores diu jam antiquati sunt, Nec necesse est eos restituere, quia non sunt necessarij ad remissionem peccatorum coram Deo. Neq; hoc senserunt Patres, mereri homines remissionem peccatorum per tales mores, aut talia opera. Quanquam hæc spectacula imperitos solent fallere, ut putent se per hæc opera mereri remissionem peccatorum coram Deo. Verum si quis sic sensit, Iudaice & gentiliter sensit. Nam & ethnici habuerunt quasdam expiationes delictorum, per quas fingeant se reconciliari Deo.

Nunc autem more antiquato, manet nomen satisfactionis, & vestigium moris, quod in confessione præscribuntur certæ satisfactiones, quas definiunt esse opera non debita, Nos vocamus satisfactiones Canonicas. De his sic sentimus, sicut de enumeratione, quod satisfactiones Canonicae non sint necessariae Iure divino ad remissionem peccatorum, Sicut neq; illa spectacula vetera satisfactionum in poenitentia publica Iure divino necessaria fuerunt ad remissionem peccatorum. Retinenda est enim sententia de fide, quod fide consequamur remissionem peccatorum propter Christum, non propter nostra opera præcedentia aut sequentia. Et nos q̄b hanc causam præcipue de satisfactionibus disputavimus,



mus, ne susciperentur ad obscurandam justiciam fidei, neve existimarent homines, se propter illa opera consequi remissionem peccatorum. Et adjuvant errorem multa dicta, quæ in scholis jaçantur, quale est, quod in definitione satisfactionis ponunt, fieri eam ad placandam divinam offensam.

Sed tamen fatentur adversarij, quod satisfactiones non profint ad remissionem culpæ, Verum fingunt satisfactiones prodesse ad redimendas pœnas, seu purgatorij, seu alias. Sic enim docent, in remissione peccati Deum remittere culpam. Et tamen, quia convenit justiciæ divinæ punire peccatum, mutare pœnam æternam in pœnam temporalem, Addunt amplius, partem illius temporalis pœnæ remitti potestate clavium, reliquum autem redimi per satisfactiones. Nec potest intelligi quarum pœnarum pars remittatur potestate clavium, nisi dicant partem pœnarum purgatorij remitti, quæ ex re sequeretur, satisfactiones tantum esse pœnas redimentes purgatorium. Et has satisfactiones dicunt valere etiam si fiant ab his, qui relapsi sunt in peccatum mortale, quasi vero divina offensâ placari queat ab his, qui sunt in peccato mortali.

Hæc tota res est commentitia, recens conficta, sine autoritate scripturæ & veterum scriptorum Ecclesiasticorum, Ac ne Longobardus quidem de satisfactionibus hoc modo loquitur. Scholastici viderunt in Ecclesia esse satisfactiones, Nec animadverterunt illa spectacula instituta esse tum exempli causa, tum ad probandos hos, qui petebant recipi ab Ecclesia, In summa, non viderunt esse disciplinam & rem prorsus politicam. Ideo superstitiose finxerunt eas, non ad disciplinam coram Ecclesia, sed ad placandum Deum valere. Et sicut alias sæpe incommode commiscuerunt spiritualia & politica, idem accidit & in satisfactionibus. Atqui glosa in Canonibus aliquoties testatur has observationes institutas esse propter disciplinam Ecclesiæ.

Videte autem quomodo in confutatione, quam ausi sunt obtrudere Cæs. Majestati, probent hæc sua figmenta. Multa dicta ex scripturis citant, ut fucum imperitis faciant, quasi hæc res habeat autoritatem ex scripturis, quæ adhuc Longobardi tempore ignota erat. Allegant has sententias, Facite fructus dignos pœnitentiæ, Item, Exhibete membra vestra servire justiciæ, Item, Christus prædicat pœnitentiam, Agite pœnitentiam. Item, Christus jubet Apostolos pœnitentiam prædicare, Et Petrus prædicat pœnitentiam Act. 2. Postea citant quædam dicta Patrum & Canones, Et concludunt his verbis, Satisfactiones in Ecclesia contra expressum Evangelium & Conciliorum & Patrum decreta abolendæ non sunt, quinimo absoluti à sacerdote injunctam pœnitentiam perficere debent, illud Pauli sequentes, Dedit semetipsum pro nobis, ut redimeret nos ab omni iniquitate, & mundaret sibi populum acceptabilem, sectatorem bonorum operum.

Deus perdat istos impios Sophistas tam scelestè detorquentes verbum Dei ad sua somnia vanissima. Quis bonus vir non commoveatur indignitate tanta? Christus inquit, Agite pœnitentiam, Apostoli prædicant pœnitentiam, Igitur pœnæ æternæ compensantur satisfactionibus nostris, Igitur claves habent mandatum remittendi partem pœnarum purgatorij, Igitur satisfactiones redimunt pœnas purgatorij. Quis docuit istos asinos hanc Dialecticam? Sed hæc neq; Dialectica, neq; Sophistica est, sed est Sycophantica. Ideo allegant hanc vocem Agite pœnitentiam, ut cum tale dictum contra nos citatum imperiti audiunt, concipiant opinionem nos totam pœnitentiam tollere. His artibus alienare animos, & inflammare odia conantur, ut conclament contra nos imperiti, tollendos esse è medio tam pestilentes hæreticos, qui improbent pœnitentiam.

Sed speramus apud bonos viros has calumnias parum profecturas esse, Et Deus tantam impudentiam ac malitiam non diu feret. Nec utiliter consulit suæ dignitati Romanus Pontifex, quod tales Patronos adhibet, quod rem maximam judicio horum Sophistarum permittit. Nam cum nos in confessione fere summam do-

## A P O L O G I A   C O N F E S S I O N I S

nam doctrinæ Christianæ universæ complexi sumus, adhibendi fuerant iudices de tantis, tam multis, & tam varijs negotijs pronunciaturi, quorum doctrina & fides bonis viris probaretur, Idq; te Campegi pro tua sapientia providere decebat, ne quid in tantis rebus isti scriberent, quod aut hoc tempore, aut ad posteros videatur posse minuere Romanæ sedis existimationem. Si Romana sedes censet æquum esse, ut omnes gentes agnoscant eam pro magistra fidei, debet operam dare ut docti & integri viri de religionibus cognoscant. Quid enim iudicabit mundus, si quando proferetur in lucem, scriptum adversariorum, quid iudicabit posteritas, de his calumniosis iudicijs? Vides Campegi hæc esse postrema tempora, in quibus Christus prædixit plurimum periculi fore religioni.

Vos igitur, qui tanquam in specula sedere, & gubernare religiones debetis, his temporibus oportuit singularem adhibere tum prudentiam tum diligentiam, Multa sunt signa, quæ nisi provideritis, minantur mutationem Romano statui, Et erras, si tantum vi & armis existimas Ecclesias retinendas esse. Doceri de religione postulant homines, Quam multos esse existimas, non tantum in Germania, sed etiam in Anglia, in Hispania, in Gallijs, in Italia, deniq; in ipsa urbe Roma, qui quoniam vident exortas esse de maximis rebus controversias, dubitare alicubi incipiunt, & taciti indignantur, quod has tantas res rite cognoscere & iudicare recusatis, quod non explicatis ambigentes conscientias, quod tantum jubetis nos armis opprimi ac deleri. Multi autem sunt boni viri, qui facilius mortem & omnia genera suppliciorum ferrent, quam ferunt hanc dubitationem. Nec satis expendis, quanta res sit Religio, si bonos viros leviter existimas angere, sicubi incipiunt ambigere de aliquo dogmate. Et hæc dubitatio non potest non parere summam odij acerbiter, adversus illos, qui cum mederi conscientijs debebant, obsistunt, quo minus explicari res possit.

Non hic dicimus Dei iudicium vobis pertimescendum esse, Nam hoc leviter curare Pontifices putant, qui cum ipsi teneant claves, scilicet patefacere sibi cælum cum volunt possunt, De hominum iudicijs, deque tacitis voluntatibus omnium gentium loquimur, quæ profecto hoc tempore requirunt, ut hæc negotia ita cognoscantur, atq; constituentur, ut sanentur bonæ mentes, & à dubitatione liberentur. Quid enim futurum sit, si quando eruperint odia illa adversus vos, pro tua sapientia facile iudicare potes. Verum hoc beneficio devincire omnes gentes vobis poteritis, quod omnes sani homines, summum & maximum iudicant, si dubitantes conscientias sanaveritis. Hæc non eo diximus quod nos de nostra cōfessione dubitemus, Scimus enim eam verā, piā, & pijs conscientijs utilis esse, Sed credibile est passim multos esse, qui non de levibus rebus ambigunt, nec tamen audiunt idoneos Doctores, qui mederi conscientijs ipsorum possint.

Sed redeamus ad propositum. Scripturæ citatæ ab adversarijs prorsus nihil loquuntur de Canonicis satisfactionibus & de opinionibus Scholasticorum, cum constet eas nuper natas esse. Quare mera calūnia est, quod detorquent scripturas ad illas suas opiniones. Nos dicimus, quod pœnitentiam, hoc est, conversionem seu regenerationē, boni fructus, bona opera, in omni vita sequi debeant. Nec potest esse vera conversio aut vera contritio, ubi non sequuntur mortificationes carnis, & boni fructus. Veri terrores, veri dolores animi, non patiuntur corpus indulgere voluptatibus, & vera fides non est ingrata Deo, nec contemnit mādāta Dei, Deniq; nulla est interior pœnitentia, nisi foris pariat etiā castigationes carnis. Et hanc dicimus esse sententiā Iohannis, cū ait, Facite fructus dignos pœnitentiæ. Itē Pauli cum ait, Exhibete membra vestra servire iusticiæ, sicut & alibi inquit, Exhibete corpora vestra, hostiā vivam, sanctam &c. Et cum Christus inquit. Agite pœnitentiam, certē loquitur de tota pœnitentia, de tota novitate vitæ, & fructibus, non loquitur de illis hypocriticis satisfactionibus, quas fingunt Scholastici tum quoq; valere ad compensationem pœnæ purgatorii, aut aliarum pœnarum, cum fiunt ab his, qui sunt in peccato mortali.

Ac multa colligi argumenta possunt, quod hæc dicta scripturæ nullo

*Matth. 3.  
Rom. 6.  
Rom. 13.*

modo pertineant ad Scholasticas satisfactiones. Isti fingunt satisfactiones esse opera indebita, Scriptura autem in his sententijs requirit opera debita. Nam hæc vox Christi est vox præcepti, Agite poenitentiam, Item, Adversarij scribunt confitentem, si recuset suscipere satisfactiones, non peccare, sed persoluturum esse has poenas in purgatorio. Iam hæc sententiæ sine controversia, præcepta sunt ad hanc vitam pertinentia, Agite poenitentiam, facite fructus dignos poenitentiae, Exhibete membra vestra servire justiciæ. Quare non possunt detorqueri ad satisfactiones, quas recusare licet. Non enim licet recusare præcepta Dei. Tertio, Indulgentiæ remittunt illas satisfactiones, ut docet Cap. Cum ex eo, de poenitentijs & remissione. At indulgentiæ non solvunt nos illis præceptis, Agite poenitentiam, facite fructus dignos poenitentiae. Itaq; manifestum est male detorqueri illa dicta scripturæ ad Canonicas satisfactiones.

Videte porro quid sequatur. Si poenæ purgatorii sunt satisfactiones seu satisfationes, aut satisfactiones sunt redemptio poenarum purgatorii, num etiam hæc sententiæ præcipiunt ut animæ castigentur in purgatorio? Id cum sequi necesse sit ex adversariorum opinionibus, hæc sententiæ novo modo interpretandæ erunt, Facite fructus dignos poenitentiae, Agite poenitentiam, hoc est, patiamini poenas purgatorii post hanc vitam. Sed piget has ineptias adversariorum pluribus revellere. Constat enim scripturam loqui de operibus debitis, de tota novitate vitæ, non de his observationibus operum non debitorum, de quibus loquuntur adversarij. Et tamen his figmentis defendunt ordines, venditionem Missarum & infinitas observationes, quod scilicet sint opera, si non pro culpa, tamen pro poena satisfaciencia.

Cum igitur scripturæ citatæ non dicant, quod operibus non debitis poenæ æternæ compensandæ sint, temere affirmant adversarij, quod per satisfactiones Canonicas poenæ illæ compensentur. Præterea cum certissimum sit remissionem peccatorum gratuitam esse, seu gratis propter Christum donari, sequitur non requiri satisfactiones. Et Evangelium habet mandatum gratis remittendi peccata, non imponendi poenas, & novas leges, aut partem poenarum imponendi, parte remissa. Vbi enim leguntur hæc in scripturis? Christus de remissione peccati loquitur, cum ait, Quicquid solveris &c. quo remisso sublata est mors æterna, & reddita vita æterna. Neq; hic loquitur de imponendis poenis, quicquid ligaveris, Sed de retinendis peccatis illorum, qui non convertuntur. Sed dictum Longobardi de parte poenarum remittenda, sumptum est à Canonicis poenis. Harum partem remittebant Pastores. Quanquam igitur sentimus, quod poenitentia debeat bonos fructus parere propter gloriam & mandatum Dei, Et boni fructus habent mandata Dei, veræ jejunia, veræ orationes, veræ Eleemosynæ &c. tamen hoc nusquam reperimus in scripturis sanctis, quod poenæ æternæ non remittantur nisi propter poenam purgatorii, aut satisfactiones Canonicas, hoc est, propter certa quædam opera non debita, aut quod potestas clavium habeat mandatum commutandi poenas, aut partem remittendi. Hæc probanda erant adversarijs.

*Matth. 16.*

Præterea mors Christi non est solum satisfactio pro culpa, sed etiam pro æterna morte, juxta illud, Ero mors tua ô mors. Quid est igitur monstri dicere quod Christi satisfactio redimat culpam, Nostræ poenæ redimant mortem æternam, ut jam illa vox, Ero mors tua, intelligi debeat, non de Christo, sed de nostris operibus, & quidem non de operibus à Deo præceptis, sed de frigidis quibusdam observationibus excogitatis ab hominibus. Et dicuntur mortem abolere, etiam cum fiunt in peccato mortali. Incredibile est, quanto cum dolore has ineptias adversariorum recitemus, quas qui expendit, non potest non succensere istis doctrinis dæmoniorum, quas sparsit in Ecclesia diabolus, ut oprimeret cognitionem legis, & Evangelij, poenitentiae, & vivificationis, & beneficiorum Christi.



Nam de lege sic dicunt, Deus condescendens nostræ infirmitati, constituit homini mensuram eorum, ad quæ de necessitate tenetur, quæ est observatio præceptorum, ut de reliquo, id est, de operibus supererogationis possit satisfacere de commissis. Hic fingunt homines legem Dei ita facere posse, ut plus etiam, quam Lex exigit, facere possimus. Atqui scriptura ubiq; clamat, quod multum absimus ab illa perfectione, quam Lex requirit. Sed isti fingunt legem Dei contentam esse externa & civili iusticia, non vident eam requirere veram dilectionem Dei ex toto corde &c. damnare totam concupiscentiam in natura. Itaq; nemo tantum facit, quantum Lex requirit. Ridiculum igitur est, quod fingunt nos amplius facere posse. Quanquam enim externa opera facere possumus, non mandata lege Dei, tamen illa est vana & impia fiducia, quod legi Dei sit satisfactum. Et veræ orationes, vere Eleemosynæ, vera jejunia, habent præcepta Dei, Et ubi habent præceptum Dei, non possunt sine peccato omitti.

Verum illa opera, quatenus non sunt præcepta lege Dei, sed habent certam formam ex humano præscripto, sunt opera traditionum humanarum, de quibus Christus dicit, Frustra colunt me mandatis hominum, ut certa jejunia, instituta non ad carnem coercedam, sed ut per id opus reddatur honos Deo, ut ait *Math. 15.* Scotus, & compensetur mors æterna. Item certus numerus precum, certus modus Eleemosynarum, cum ita fiunt, ut ille modus sit cultus ex opere operato, reddens honorem Deo, & compensans mortem æternam. Tribuunt enim his ex opere operato satisfactionem, quia docent quod valeant etiam in his, qui sunt in peccato mortali. Iam illa longius recedunt à præceptis Dei, peregrinationes, & harum magna est varietas, alius facit iter cataphractus, alius facit iter nudis pedibus, Hæc vocat Christus inutiles cultus, quare non prosunt ad placandam offensam Dei, ut adversarij loquuntur. Et tamen hæc opera magnificis titulis ornantur, vocantur opera supererogationis, Tribuitur eis honos, quod sint precium pro morte æterna. Ita præferuntur operibus præceptorum Dei.

In hunc modum lex Dei bifariam obscuratur, & quia putatur legi Dei satisfactum esse, per externa & civilia opera, & quia adduntur traditiones humanæ, quarum opera præferuntur operibus legis divinæ. Deinde obscuratur poenitentia & gratia. Nam mors æterna non redimitur illa compensatione operum, quia est ociosa, nec degustat in præsentia mortem. Alia res opponenda est morti, cum tentat nos. Sicut enim ira Dei fide in Christum vincitur, ita vincitur mors fide *1. Cor. 15.* in Christum, Sicut Paulus ait, Deo gratia, qui dat nobis victoriam per Dominum nostrum Iesum Christum, non inquit, qui dat nobis victoriam, si adversus mortem opponamus satisfactiones nostras. Adversarij ociosas speculationes tractant de remissione culpæ, nec vident quomodo in remissione culpæ, liberetur cor ab ira Dei, & à morte æterna, per fidem in Christum. Cum igitur mors Christi sit satisfactio pro morte æterna, & cum ipsi adversarij fateantur illa opera satisfactionum esse opera non debita, sed opera traditionum humanarum, de quibus Christus inquit, quod sint inutiles cultus, tuto possumus affirmare, quod satisfactiones Canonice non sint necessarie Iure divino, ad remissionem culpæ aut poenæ æternæ aut poenæ purgatorij.

Sed objiciunt adversarij vindictam seu poenam necessariam esse ad poenitentiam, quia Augustinus ait: Poenitentiam esse vindictam punientem &c. Sicut alibi quoties opera præcipiuntur, interpretantur ea adversarij satisfactiones & propitiationes esse, ita hic quia fit poenæ mentio, detorquent eam ad satisfactionem. Augustinus non hoc sensit dolorem in poenitentia precium esse, propter quod debeatur remissio peccatorum. Sciebat enim gratis remitti peccata propter Christum, Sciebat Christi mortem sacrificium esse pro peccatis nostris. Quicquid igitur, de vindicta, de poenis citatur, semper ita accipi debet, ne gratuitam remissionem peccatorum evertat, ne obscuret meritum Christi, & abducat homines à fiducia

fiducia Christi, ad fiduciam operum. Cæterum vindictam concedimus esse in poenitentia, nō ut precium, sed vindicta formaliter est in poenitentia, quia ipsa regeneratio fit perpetua mortificatione vetustatis nostræ. Sunt terrores, sunt & alij motus qui peccato irascuntur, sed his non debetur remissio, Imo si fides non accederet, hi dolores afferrent mortem æternam.

Sit sane belle dictum à Scoto, poenitentiam appellari quasi poenæ tenentiam, modo ut poena non intelligatur esse precium, pro quo debeatur remissio. Et Augustinus non loquitur de poenis, quas remittunt claves, quare non recte detorquetur hoc dictum ad satisfactiones. De veris poenis, hoc est, de terroribus, & veris animi doloribus loquitur, qui existunt in poenitentia. Neque tamen excludimus externam carnis vexationem, hæc enim veros animi dolores ultro sequitur. Ac longe errant adversarij, si verius poenam esse judicant, satisfactiones Canonicas, quam veros terrores in corde. Stultissimum est nomen poenæ detorquere ad has frigidas satisfactiones, non referre ad illos horribiles terrores conscientiae, de quibus ait David, Circumdederunt me dolores mortis &c. Quis non malit loricatus & cataphractus quærere templum Iacobi, Basilicam Petri, quam sustinere illam ineffabilem vim doloris, quæ est etiam in mediocribus, si sit vera poenitentia.

At inquirunt, convenit justiciæ Dei punire peccatum, Primum quod disputant, quod conveniat punire peccatum, satis ostendunt se contemnere Christi beneficium. Constituit Deus precium pro nostris peccatis, non nostras poenas, non nostras satisfactiones, sed in mortem Filij sui. Quæ tandem insania est, præferre nostras satisfactiones, satisfactioni Christi? Deinde, ut maxime puniat Deus, tamen sentiendum est, remissionem peccatorum non deberi propter illam poenam, & ne injuria afficiatur beneficium Christi, & quia conscientia non potest reddi pacata, si remissio non contingit gratis. Postremo, ut maxime Deus puniat, tamen poenæ illæ nihil ad claves pertinent. Hæ nec de imponendis, nec de remittendis illis poenis, quæ sunt opera Dei, mandatum habent.

Cæterum concedimus Deum punire peccata, primum in contritione, cum in illis terroribus iram suam ostendit, sicut significat David, cum orat, Domine ne in furore tuo arguas me. Et Jeremiæ, Corripe me Domine, veruntamen in iudicio, non in furore, ne ad nihilum redigas me. Hic sane de acerbissimis poenis loquitur. Et fatentur adversarij contritionem posse tantam esse, ut non requiratur satisfactio. Verius igitur contritio poena est, quam satisfactiones Canonice.

Secundo subjecti sunt sancti morti & alijs communibus afflictionibus, Sicut ait Petrus, Tempus est incipere iudicium à domo Dei. Si autem primum à nobis, qualis erit finis istorum, qui non credunt? Et ut hæc afflictiones plerumque sint poenæ peccatorum, tamen in pijs habent alium finem, infliguntur enim ad mortificandum præsens peccatum, quia in sanctis extinguunt & mortificant concupiscentiam. Mors enim ad hoc reliqua est in Sanctis, ut aboleat hanc naturam immundam. Ideo Paulus ait, Corpus mortuum est propter peccatum, id est, mortificatur propter præsens peccatum quod adhuc in carne reliquum est.

CruX igitur non poena, sed exercitium est, & præparatio ad renovationem. Nam cum mortificatur præsens peccatum, cumque inter tentationes discimus quærere auxilium Dei, & experimur præsentiam Dei, magis magisque agnoscimus diffidentiam cordium nostrorum, & erigimus nos fide. Ita crescit novitas spiritus. Sicut Paulus ait: Etsi exterior homo corrumpitur, tamen interior renovatur de die in diem. Item Esaias ait, Angustia, in qua clamant, disciplina tua est ipsis. Præterea mors tunc vere poena est, quando cor pestifer factum sentit iram Dei, juxta illud, Aculeus mortis peccatum est. Postquam autem in Sanctis, fide terrores peccati superati sunt, mors sine illo sensu iræ Dei proprie non est poena. Porro claves neque imponunt neque remittunt has poenas. Quare satisfactiones non pertinent ad has poenas. Claves enim non remittunt aut mortem aut partem afflictio-

afflictionum communium. Iam si has poenas compensant satisfactionibus, quare jubent in purgatorio satisfacere?

Objiciunt de Adam, de Davide, qui propter adulterium punitus est, Ex his exemplis faciunt universalem regulam, quod singulis peccatis respondeant propriae poenae temporales in imponenda potestate clavium. Prius dictum est sanctos sustinere poenas, quae sunt opera Dei, sustinent contritionem seu terrores, sustinent & alias communes afflictiones, Ita sustinet aliqui proprias poenas à Deo impositas, exempli causa. Et haec poenae nihil pertinent ad claves. Quia claves neque imponere neque remittere eas possunt, sed Deus sine ministerio clavium imponit & remittit. Nec sequitur universalis regula, Davidi propria poena imposita est, Igitur praeter communes afflictiones alia quaedam purgatorii poena est, in qua singulis peccatis singuli gradus respondent.

Vbi docet hoc scriptura, non posse nos à morte aeterna liberari, nisi per illam compensationem certarum poenarum praeter communes afflictiones? At contra saepissime docet remissionem peccatorum gratis contingere propter Christum, Christum esse victorem peccati & mortis, quare non est assuendum meritum satisfactionis. Et quamvis afflictiones reliquae sint, tamen has interpretatur praesentis peccati mortificationes esse, non compensationes aeternae mortis, seu precia pro aeterna morte. Iob excusatur, quod non sit afflictus propter praeterita mala facta. Itaque afflictiones non semper sunt poenae, aut signa irae, Imo pavidæ conscientiae docendae sunt alios fines afflictionum potiores esse, ne sentiant se à Deo rejici, si in afflictionibus nihil nisi poenam & iram Dei videant. Alij fines potiores sunt considerandi, quod Deus alienum opus faciat, ut suum opus facere possit &c. Sicut longa concione docet Esaias Cap. 28. Et cum discipuli interrogarent de cæco, quis peccasset Iohan. 9. respondet Christus, causam cæcitate esse, non peccatum, sed ut opera Dei in eo manifestentur. Et apud Ieremiam dicitur, Quibus non erat iudicium, bibentes bibent &c. Sicut Prophetæ interfecti sunt, Iohannes Baptista, & alij Sancti.

*Esai. 28.  
Iohan. 9.  
Jerem. 49.*

Quare afflictiones non semper sunt poenae pro certis factis praeteritis, sed sunt opera Dei destinata ad nostram utilitatem, & ut potentia Dei fiat conspectior in infirmitate nostra. Sic Paulus ait: Potentia Dei perficitur in infirmitate mea. Itaque corpora nostra debent esse hostiae, propter voluntatem Dei, ad obedientiam nostram declarandam, non ad compensandam mortem aeternam, pro qua aliud precium habet Deus, scilicet mortem filij sui. Et in hanc sententiam interpretatur Gregorius ipsam etiam poenam Davidis, cum ait, Si Deus propter peccatum illud fuerat comminatus, ut sic humiliaretur à filio, cur dimisso peccato, quod erat ei comminatus implevit? Respondetur, remissionem illam peccati factam esse, ne homo ad percipiendam vitam impediretur aeternam. Subsecutum vero illud comminationis exemplum, ut pietas hominis etiam in illa humilitate exerceretur atque probaretur. Sic & mortem corporis propter peccatum Deus homini inflixit, & post peccatorum remissionem propter exercendam justiciam non ademit, videlicet ut exerceatur & probetur justitia istorum, qui sanctificantur.

Neque vero tolluntur communes calamitates proprie per illa opera satisfactionum Canoniarum, hoc est, per illa opera traditionum humanarum, quae ipsi sic valere dicunt, ex opere operato, ut etiam si fiant in peccato mortali, tamen redimant poenas. Et cum objicitur illud Pauli. Si nos iudicaremus ipsi, non iudicaremur à Domino, verbum Iudicare intelligi debet de tota poenitentia, & fructibus debitis, non de operibus non debitis. Adversarij nostri dant poenas contemptae Grammatices, cum intelligunt iudicare, idem esse, quod cataphraetum peregre ire ad S. Iacobum, aut similia opera. Iudicare significat totam poenitentiam, significat damnare peccata. Haec damnatio vere fit in contritione, & mutatione vitae. Tota poenitentia, contritio, fides, boni fructus, impetrant ut mitigentur poenae, & calamitates publicae & privatae, sicut Esa. Cap. 1. docet, Desi-

*1. Cor. 4.  
Esa. 1.*

nite



Esa. 1.

nite malefacere, & discite benefacere &c. Si fuerint peccata vestra, ut coccinum, quasi nix dealbabuntur. Si volueritis, & audieritis me, bona terræ comedetis. Nec est ad satisfactiones & opera traditionum humanarum transferenda gravissima & saluberrima sententia à tota poenitentia, & operibus debitis, seu à Deo præceptis. Et hoc prodest docere, quod mitigentur communia mala per nostram poenitentiam, & per veros fructus poenitentiae, per bona opera facta ex fide, non ut isti fingunt facta in peccato mortali. Et huc pertinet exemplum Ninivitarum, qui sua poenitentia, de tota loquimur, reconciliati sunt Deo, & impetraverunt, ne deleteretur civitas.

Ephes. 4.

Quod autem Patres mentionem faciunt satisfactionis, quod concilia fecerunt Canones, diximus supra disciplinam Ecclesiasticam fuisse, exempli causa constitutam, Nec sentiebant hanc disciplinam necessariam esse, vel ad culpæ, vel ad poenæ remissionem. Nam si qui in his mentionem purgatorij fecerunt, interpretantur esse non compensationem æternæ poenæ, non satisfactionem, sed purgationem imperfectarum animarum, Sicut Augustinus ait venialia concremari, hoc est, mortificari diffidentiam erga Deum, & alios affectus similes. Interdum Scriptores transferunt satisfactionis vocabulum ab ipso ritu, seu spectaculo, ad significandam veram mortificationem, Sic Augustinus ait, Vera satisfactio est peccatorum causas excidere, hoc est, mortificare carnem. Item cohercere carnem, non ut compensentur æternæ poenæ, sed ne caro pertrahat ad peccandum. Ita Gregorius de restitutione loquitur, falsam esse poenitentiam, si non satisfiat illis, quorum res occupatas tenemus. Non enim vere dolet se furatum esse, aut rapuisse is, qui adhuc furatur. Tantisper enim fur aut prædo est, dum est injustus possessor alienæ rei. Civilis illa satisfactio necessaria est, quia scriptum est, qui furatus est, deinceps non furetur. Item Chrysostomus inquit, In corde contritio, in ore confessio, in opere tota humilitas. Hoc nihil contra nos facit, debent sequi bona opera poenitentiam, debet poenitentia esse, non simulatio, sed totius vitæ mutatio in melius.

Item Patres scribunt satis esse, si semel in vita fiat illa publica seu sollemnis poenitentia, de qua sunt facti Canones satisfactionum: Qua ex re intelligi potest, quod sentiebant illos Canones non esse necessarios ad remissionem peccatorum. Nam præter illam solennem poenitentiam, sæpe alias volunt poenitentiam agi, ubi non requirebantur Canones satisfactionum.

Architecti confutationis scribunt non esse tolerandum, ut satisfactiones contra expressum Evangelium aboleantur. Nos igitur hætenus ostendimus Canonicas illas satisfactiones, hoc est, opera non debita, facienda propter compensationem poenæ, non habere mandatum Evangelij. Res ipsa hoc ostendit, si opera satisfactionum sunt opera non debita, quare allegant expressum Evangelium. Nam si Evangelium juberet compensari poenas per talia opera, jam essent debita opera. Sed si loquuntur, ut fucum faciant imperitis, & allegant testimonia, quæ de debitis opetibus loquuntur, cum ipsi in suis satisfactionibus præscribant opera non debita, Imo ipsi concedunt in scholis sine peccato recusari posse satisfactiones. Falso igitur hic scribunt, quod expresso Evangelio cogamur satisfactiones illas Canonicas suscipere.

Cæterum nos sæpe jam testati sumus, quod poenitentia debeat bonos fructus parere, & qui sint boni fructus docent mandata, videlicet invocatio, gratiarum actio, Confessio Evangelij, docere Evangelium, obedire parentibus, & magistratibus, servire vocationi, non occidere, non retinere odia, sed esse placabilem, dare egentibus quantum pro facultatibus possumus, non scortari, non moechari, sed cohercere, & refrænare, castigare carnem, non propter compensationem poenæ æternæ, sed ne obtemperet diabolo, ne offendat Spiritum sanctum, Item vera dicere. Hi fructus habent præcepta Dei, & propter gloriam & mandatum Dei fieri debent, habent & præmia. Sed quod non remittantur poenæ æternæ,

æternæ, nisi propter compensationem certarum traditionum aut purgatorii, hoc non docet scriptura. Indulgentiæ olim erant condonationes publicarum illarum observationum, ne nimium gravarentur homines. Quod si humana auctoritate remitti satisfactiones & poenæ queunt, non igitur lure divino necessaria est illa compensatio. Nam jus divinum non tollitur humana auctoritate.

Porro cum nunc per se antiquatus sit mos, & quidem dissimulantibus Episcopis, nihil opus est remissionibus illis, Et tamen mansit nomen indulgentiarum. Et sicut satisfactiones non intellectæ sunt de politica disciplina, sed de compensatione poenæ, Ita indulgentiæ male intellectæ sunt, quod liberent animas ex purgatorio. At clavis non habet potestatem, nisi super terram, ligandi & solvendi, juxta illud, Quicquid ligaveris super terram, erit ligatum in cœlo, Quicquid solveris super terram, erit solutum in cœlo. Quamquam, ut supra diximus, clavis potestatem habet non imponendi poenas aut cultus instituendi, sed tantum habet mandatum remittendi peccata, his qui convertuntur, & arguendi & excommunicandi istos, qui nolunt converti. Sicut enim solveere significat remittere peccata, Ita ligare significat non remittere peccata. Loquitur enim Christus de regno spirituali. Et mandatum Dei est, ut ministri Evangelij absolvant hos, qui convertuntur, juxta illud, Potestas nobis data est ad ædificationem. Quare reservatio casuum politica res est. Est enim reservatio poenæ Canonice, non est reservatio culpæ coram Deo in his, qui vere convertuntur. Proinde recte judicant adversarij cum fatentur, quod in articulo mortis illa reservatio casuum non debeat impedire absolutionem. Matth. 16.

Exposuimus summam nostræ doctrinæ de poenitentia, quam certo scimus piam, & salubrem bonis mentibus esse. Et boni viri si contulerint nostram doctrinam cum confusissimis disputationibus adversariorum, perspicient adversarios omisisse doctrinam de fide justificante, & consolante pia corda, Videbunt etiam multa fingere adversarios, de merito attritionis, de illa infinita enumeratione delictorum, de satisfactionibus, οὐτε γὰρ φασί, οὐτε οὐρανοῦ ἀντίμωρα, quæ ne ipsi quidem adversarij satis explicare possunt. 1. Cor. 10.

### D E N U M E R O E T U S Q U E S A C R A mentorum.

**I**N XIII. Articulo probant adversarij, quod dicimus Sacramenta non esse tantum notas professionis inter homines, ut quidam fingunt, sed magis esse signa & testimonia voluntatis Dei erga nos, per quæ movet Deus corda ad credendum, Sed hic jubent nos etiam septem Sacramenta numerare. Nos sentimus præstandum esse ne negligentur res & ceremoniæ in Scripturis institutæ, quotcunq; sunt. Nec multum referre putamus, etiamsi docendi causa alij numerant aliter, si tamen recte conservent res in scriptura traditas, Nec veteres eodem modo numeraverunt.

Si Sacramenta vocamus ritus, qui habent mandatum Dei, & quibus addita est promissio gratiæ, facile est judicare quæ sint proprie Sacramenta. Nam ritus ab hominibus instituti non erunt hoc modo proprie dicta Sacramenta. Non est enim auctoritatis humanæ, promittere gratiam. Quare signa sine mandato Dei instituta, non sunt certa signa gratiæ, etiamsi fortasse rudes docent, aut admonent aliquid. Vere igitur sunt Sacramenta, Baptismus, Coena Domini, Absolutio, quæ est Sacramentum poenitentiae. Nam hi ritus habent mandatum Dei, & promissionem gratiæ, quæ est propria novi Testamenti. Certo enim debent statuere corda, cum baptizamur, cum vescimur corpore Domini, cum absolvimur, quod vere ignoscat nobis Deus propter Christum, Et corda simul per verbum, & ritum movet Deus, ut credant, & concipiant fidem, sicut ait Paulus, Fides ex auditu est. Sicut autem verbum incurrit in aures, ut feriat corda, Ita ritus ipse incurrit in oculos, ut moveat corda. Idem effectus est verbi & ritus, sicut præclare dictum Rom. 10.

atum est ab Augustino, Sacramentum esse verbum visibile. Quia ritus oculis accipitur, & est quasi pictura verbi, idem significans, quod verbum, Quare idem est utriusq; effectus.

Confirmatio & Extrema unctio sunt ritus accepti à Patribus, quos ne Ecclesia quidem tanquam necessarios ad salutem requirit, quia non habent mandatum Dei. Propterea non est inutile hos ritus discernere à superioribus, qui habent expressum mandatum Dei, & clara n promissionem gratiæ.

Sacerdotium intelligunt adversarij non de ministerio Verbi & Sacramentorum alijs porrigendorum, sed intelligunt de sacrificio, quasi oporteat esse in novo testamento sacerdotium simile Levitico, quod pro populo sacrificet, & mereatur alijs remissionem peccatorum. Nos docet sacrificium Christi morientis in Cruce, satis fuisse pro peccatis totius mundi, nec indigere præterea alijs sacrificijs, quasi illud non satis fuerit pro peccatis. Ideo justificantur homines, non propter ulla reliqua sacrificia, sed per illud unum Christi sacrificium, si credant illo sacrificio se redemptos esse. Ideo sacerdotes vocantur, non ad ulla sacrificia velut in lege pro populo facienda ut per ea mereantur populo remissionem peccatorum, sed vocantur ad docendum Evangelium, & Sacramenta porrigenda populo. Nec habemus nos aliud sacerdotium, simile Levitico, sicut satis docet Epistola ad Ebræos.

Si autem ordo de ministerio verbi intelligatur, non gravatim vocaverimus ordinem Sacramentum. Nam ministerium Verbi habet mandatum Dei, Et habet magnificas promissiones, Rom. 1. Evangelium est potentia Dei ad salutem omni credenti. Item, Esa. 55. Verbum meum, quod egredietur de ore meo, non revertetur ad me vacuū, sed faciet quæcūq; volui &c. Si ordo hoc modo intelligatur, neq; impositionem manuum vocare Sacramentum gravemur. Habet enim Ecclesia mandatum de constituendis ministris, quod gratissimum esse nobis debet, quod scimus Deum approbare ministerium illud, & adesse in ministerio. Ac prodest quantum fieri potest, ornare ministerium Verbi, omni genere laudis adversus fanaticos homines, qui somniant Spiritum sanctum dari, non per verbum, sed propter suas quasdam præparationes, si sedcant ociosi, taciti, in locis obscuris, expectantes illuminationem, quemadmodum olim *ἡ δυνάμει* docebant, & nunc docent Anabaptistæ.

Matrimonium non est primum institutum in novo Testamento, sed statim initio, creato genere humano. Habet autem mandatum Dei, habet & promissiones, non quidem proprie ad novum Testamentum pertinentes, sed magis pertinentes ad vitam corporalem. Quare si quis volet Sacramentum vocare, discernere tamen à prioribus illis debet, quæ proprie sunt signa novi Testamenti, & sunt testimonia gratiæ & remissionis peccatorum. Quod si Matrimonium propterea habebit appellationem Sacramenti, quia habet mandatum Dei, Etiam alij status seu officia, quæ habent mandatum Dei, poterunt vocari Sacramenta, sicut Magistratus. Postremo, si omnes res annumerari Sacramentis debent, quæ habent mandatum Dei, & quibus sunt additæ promissiones, cur non addimus orationem, quæ verissime potest dici Sacramentum. Habet enim & mandatum Dei & promissiones plurimas, Et collocata inter Sacramenta, quasi in illustriore loco, invitat homines ad orandum. Possent hic numerari etiam Eleemosynæ, Item afflictiones, quæ & ipsæ sunt signa, quibus addidit Deus promissiones, Sed omitamus ista. Nemo enim vir prudens de numero aut vocabulo magnopere rixabitur, si tamen illæ res retineantur, quæ habent mandatum Dei & promissiones.

Illud magis est necessarium, intelligere quomodo sit utendum Sacramentis. Hic damnamus totum populum Scholasticorum doctorum, qui docent, quod Sacramenta non ponenti obicem, conferant gratiam ex opere operato, sine bono motu utētis. Hæc simpliciter Iudaica opinio est, sentire, quod per ceremoniam justificemur, sine bono motu cordis, hoc est, sine fide, Et tamen hæc impia & pernici-



## A P O L O G I A C O N F E S S I O N I S

perniciosa opinio, magna autoritate docetur, in toto regno Pontificio. Paulus reclamatur & negat Abraham justificatum esse circumcisione, sed circumcisionem esse signum propositum ad exercendam fidem, Ita nos docemus, quod in usu Sacramentorum fides debeat accedere, quæ credat illis promissionibus, & accipiat res promissas, quæ ibi in Sacramento offeruntur. Et est ratio plana & firmissima, Promissio est inutilis nisi fide accipiatur. At Sacramenta sunt signa promissionum. Igitur in usu debet accedere fides, ut si quævis utetur Coena Domini, sic utatur, Quia id est Sacramentum novi Testamenti, ut Christus clare dicit, ideo statuat sibi offerri res promissas in novo Testamento, scilicet gratuitam remissionem peccatorum.

Et hanc rem fide accipere, erigat pavidam conscientiam, & sentiat hæc testimonia, non esse fallacia: una certa, quam si Deus novo miraculo de cælo promitteret se velle ignoscere, quid autem prodesse illa miracula & promissiones, non credenti? Et loquitur hic de fide speciali, quæ præsentī promissioni credit, non tantum quæ in genere credit Deum esse, sed quæ credit offerri remissionem peccatorum. Hic usus Sacramenti consolatur pias & pavidas mentes. Quantum autem in Ecclesia abusum pepererit illa fanatica opinio, de opere operato sine bono motu utentis, nemo verbis consequi potest. Hinc est illa infinita prophanatio missarum, sed de hac infra dicemus, Nequæ ulla litera ex veteribus Scriptoribus proferri potest, quæ patrocinetur hac in re Scholasticis, Imo contrarium ait Augustinus, quod fides Sacramenti, non Sacramentum iustificet, Et est nota Pauli sententia, Corde creditur ad iusticiam.

Rom. 10.

**A**rticulum XIII. in quo dicimus, nemini nisi rite vocato concedendam esse administrationem Sacramentorum & Verbi in Ecclesia, ita recipiunt, si tamen utamur ordinatione Canonica. Hac de re in hoc conventu sæpe testati sumus, nos summa voluntate cupere conservare politiam Ecclesiasticam, & gradus in Ecclesia factos etiam humana autoritate. Scimus enim, bono & utili consilio à Patribus Ecclesiasticam disciplinam hoc modo, ut veteres Canones describunt, constitutam esse, Sed Episcopi sacerdotes nostros aut cogunt hoc doctrinæ genus, quod confessi sumus, abjicere ac damnare, aut nova & inaudita crudelitate miseros & innocentes occidunt. Hæ causæ impediunt, quo minus agnoscant hos Episcopos nostri Sacerdotes. Ita sævitia Episcoporum in causa est, quare alicubi dissolvitur illa Canonica politia, quam nos magnopere cupiebamus conservare.

Ipsi viderint quomodo rationem Deo reddituri sint, quod dissipant Ecclesiam. Nostræ conscientiae hac in re nihil habent periculi, quia cum sciamus confessionem nostram veram, piam, & catholicam esse, non debemus approbare sævitiam istorum, qui hanc doctrinam persequuntur, Et Ecclesiam esse scimus apud hos, qui verbum Dei recte docent, & recte administrant Sacramenta, non apud illos, qui verbum Dei non solum edictis delere conantur, sed etiam recta & vera docentes trucidant, erga quos, etiam si quid contra Canones faciunt, tamen ipsi Canones mitiores sunt. Porro hic iterum volumus testatum, nos libenter conservaturos esse Ecclesiasticam & Canonicam politiam, si modo Episcopi definant in nostras Ecclesias sævire. Hæc nostra voluntas & coram Deo, & apud omnes gentes, ad omnem posteritatem excusabit nos, ne nobis imputari possit, quod Episcoporum autoritas labefactatur, ubi legerint atque audierint homines, nos injustam sævitiam Episcoporum deprecantes, nihil æqui impetrare potuisse.

### D E T R A D I T I O N I B V S H V M A - nis in Ecclesia.

**I**n Articulo XV. recipiunt primam partem, in qua dicimus, observandos esse ritus Ecclesiasticos, qui sine peccato observari possunt, & ad tranquillitatem & bonum

num

num ordinem in Ecclesia profunt. Alteram partem omnino damnant, in qua dicimus traditiones humanas institutas ad placandum Deum, ad promerendam gratiam, & satisfaciendum pro peccatis, adversari Evangelio. Quanquam in ipsa confessione de discrimine ciborum, satis multa diximus de traditionibus, tamen hic quædam breviter repetenda sunt, Etiam si arbitramur adversarios ex alijs causis defensuros esse traditiones humanas, tamen hoc non putavimus futurum, ut hunc articulum damnarent, Non mereri nos remissionem peccatorum, aut gratiam, observatione traditionum humanarum. Postquam igitur hic articulus damnatus est, facilem & planam causam habemus. Nunc aperte Iudaizant adversarii, aperte obruunt Evangelium doctrinis dæmoniorum, Tunc enim scriptura vocat traditiones, doctrinas dæmoniorum, quando docetur, quod sint cultus utiles ad promerendam remissionem peccatorum & gratiam. Tunc enim obscurant Evangelium, beneficium Christi, & justiciam fidei.

Evangelium docet nos fide propter Christum gratis accipere remissionem peccatorum, & reconciliari Deo. Adversarii contrà alium Mediatorem constituunt, scilicet has traditiones. Propter has volunt consequi remissionem peccatorum, per has volunt placare iram Dei. At Christus aperte dicit, Frustra colunt me mādatis hominum. Supra copiose disputavimus homines justificari fide, cum credunt se habere Deum placatum, non propter nostra opera, sed gratis propter Christum. Hanc certum est Evangelij doctrinam esse, quia Paulus clare dicit ad Ephes. 2. Gratis salvati estis per fidem, & hoc non ex vobis, Dei donum est, non ex operibus. Nunc isti dicunt promereri homines remissionem peccatorum per has observationes humanas. Quid hoc est aliud quam præter Christum, alium justificatorem, alium Mediatorem constituere? Paulus inquit ad Galatas, Evacuati estis à Christo, qui legi justificamini, id est, Si sentitis vos mereri observatione legis, ut justi coram Deo reputemini, nihil proderit vobis Christus, Quia quorsum opus est Christo istis, qui sentiunt se justos esse sua observatione legis.

Deus proposuit Christum, quod propter hunc Mediatorem, non propter nostras justicias velit nobis esse propitius. At isti sentiunt Deum esse placatum, propitium propter traditiones & non propter Christum. Adimunt igitur Christo honorem Mediatoris, Nec interest inter nostras traditiones, & Mosaicas ceremonias, quod ad hanc rem attinet. Paulus ideo damnat Mosaicas ceremonias, sicut traditiones damnat, Quia existimabantur esse opera, quæ mererentur justiciam coram Deo. Ita obscurabatur officium Christi & justicia fidei. Quare remota lege, remotis traditionibus, contendit, quod non propter ista opera, sed propter Christum gratis promissa sit remissio peccatorum, modo ut fide accipiamus eam. Nam promissio non accipitur nisi fide.

Cum igitur fide accipiamus remissionem peccatorum, cum fide habeamus propitium Deum, propter Christum, error & impietas est constituere, quod per has observationes mereamur remissionem peccatorum. Si quis hic dicat non mereri nos remissionem peccatorum, sed jam justificados, per has traditiones mereri gratiam, Hic iterum reclamationem Paulus, Christum peccati ministrum fore, si post justificationem sentiendum sit, quod deinde non propter Christum justi reputemur, sed primum mereri debeamus per alias observationes, ut justi reputemur. Item, hominis testamento nihil addi debet, Ergo nec Dei testamento, qui promittit quod propter Christum propitius nobis esse velit, addi debet, quod primum per has observationes debeamus mereri, ut accepti & justi reputemur.

Quanquam quid opus est longa disputatione. Nulla traditio à sanctis Patribus hoc consilio instituta est, ut mereatur remissionem peccatorum aut justiciam, sed sunt institutæ propter bonum ordinem in Ecclesia, & propter tranquillitatem, Et ut velit aliquis instituere certa opera ad promerendam remissionem peccatorum aut justiciam, quomodo sciet illa opera Deo placere, cum non habeat testimo-

testimonium verbi Dei, quomodo de voluntate Dei certos reddet homines, sine mandato & verbo Dei? Nonne ubiq; in Prophetis prohibet instituere peculiares cultus, sine suo mandato? Ezechielis 20. scriptum est, In præceptis Patrum vestrorum nolite incedere, nec iudicia eorum custodiatis, nec in Idolis eorum polluamini, Ego Dominus Deus vester, In præceptis meis ambulare, & iudicia mea custodite & facite ea. Ezech. 20

Si licet hominibus instituere cultus & per hos cultus merentur gratiam, jam omnium gentium cultus erunt approbādi, cultus instituti à Ieroboam & alijs extra legem erunt approbandi. Quid enim interest, si nobis licuit instituere cultus utiles ad promerendam gratiam aut justiciam, cur non licuit idem gentibus & Israelitis? Ideo gentium & Israelitarum cultus improbatum sunt, quod sentiebant sese per illos mereri remissionem peccatorum & justiciam, & justiciam fidei non norant. Postremo, unde reddimur certi, quod cultus ab hominibus instituti sine mandato Dei justificent, Siquidem de voluntate Dei nihil affirmari potest sine verbo Dei? Quid si hos cultus non approbat Deus? Quomodo igitur affirmant adversarij quod justificent, cum id sine verbo ac testimonio Dei non possit affirmari, Et Paulus dicat, Omne, quod non est ex fide, peccatum esse. Cum autem Rom. 14. hi cultus nullum habeant testimonium verbi Dei, dubitare conscientiam necesse est, utrum placeant Deo.

Et quid in re manifesta verbis opus est? Si hos humanos cultus defendunt adversarij nostri, tanquam promerentes justificationem, gratiam, remissionem peccatorum, simpliciter constituunt regnum Antichristi. Nam regnum Antichristi est novus cultus Dei, excogitatus humana autoritate, rejiciens Christum, sicut regnum Mahometi habet cultus, habet opera, per quæ vult justificari coram Deo, nec sentit homines coram Deo gratis justificari fide propter Christum. Ita & Papatus erit pars regni Antichristi, si sic defendit humanos cultus, quod justificent. Detrahitur enim honos Christo, cum docent, quod non propter Christum gratis justificemur per fidem, sed per tales cultus, maximeq; cum docent, tales cultus non solum utiles esse ad justificationem, sed necessario etiam, sicut supra in articulo octavo sentiunt, ubi damnant nos, quod diximus, quod non sit necessarium, ad veram unitatem Ecclesiæ, ubiq; similes esse ritus ab hominibus institutos.

Daniel Capite undecimo, significat novos cultus humanos, ipsam formam & ~~politicam~~ regni Antichristi fore. Sic enim inquit: Deum Masim in loco suo colet, & Deum quem non noverunt Patres ejus, colet auro & argento, & lapidibus preciosis. Hic describit novos cultus, quia inquit talem Deum coli, qualem Patres ignoraverint. Nam S. Patres, etsi habuerunt & ipsi ritus & traditiones, tamen non sentiebant has res utiles aut necessarias esse ad justificationem, non obscurabant gloriam & officium Christi, sed docebant nos justificari fide propter Christum, non propter illos humanos cultus. Cæterum ritus humanos observabant propter utilitatem corporalem, ut sciret populus, quo tempore conveniendum esset, ut ordine & graviter in templis exempli causa fierent omnia, deniq; ut vulgus etiam haberet quandam pædagogiam. Nam discrimina temporum & varietas rituum valet ad admonendum vulgus. Dan. 11.

Has causas habebant Patres rituum servandorum, ut aperte testatur Epiphanius in disputatione contra Encratitas, quod genus simile fuit Monachorum nostrorum. Fuerunt enim sodalitia quæ sibi certas traditiones imponebant, abstinebant à vino etiam in ipsa Coena Domini, Nullis carnibus vesciebantur, ne piscium quidem, qua in re fratres Dominici longe superabant. A conjugio vero vel maxime abhorrebant, etsi à consuetudine mulierum non abhorrebant. Idem Dionysius. enim objicit eis Epiphanius, habebant enim muliercularum greges idem vitæ genus sequentes, sicut hoc tempore fere ubiq; habent Monachi vicina mulierum Monasteria. Et has observationes fingeant esse cultum Dei, & justiciam propter quam



quam Deo accepti essent, qua placarent iram Dei. Hanc opinionem improbat Epiphanius, & alios fines esse traditionum ostendit, dicit probandas esse traditiones, factas *διὰ τὴν ὑπεράσπασιν, ἢ διὰ τὴν πολιτείαν*, hoc est, aut ad coercendam carnem, propter disciplinam rudium aut propter politicum ordinem.

Et nos propter has causas recte servari posse traditiones judicamus, Vt populus sobrius intersit sacris, sicut Iosaphat, & Rex Ninive jejunia indixerunt, Item ut ordo & politia Ecclesiæ doceat imperitos, quid quo tempore gestum sit. Hinc sunt feriæ Natalis, Paschatis, Pentecostes, & similes. Hoc est quod Epiphanius ait, politia causa institutas esse traditiones, videlicet ordinis causa, & ut ordo ille admoneat homines de historia, & de beneficijs Christi. Etenim multo efficacius admonent vulgus, notæ rerum quasi pictæ in moribus ac ritibus, quam literæ. Hos fines proderat ostendi populo, & illustrari, Sed his finibus affingunt adversarij alium quidam Pharisaica persuasionem, quod videlicet tales observationes mereantur remissionem peccatorum, quod sint cultus necessarij ad justificationem, quod propter eos reputentur homines justi coram Deo. Hoc plane est, Deum colere auro, argento, & rebus preciosis, sentire quod Deus fiat placatus varietate vestitus, ornamentorum, & similibus rebus, quales sunt infinitæ in traditionibus humanis, aut quod ejusmodi res, sint cultus Dei, temporum, ciborum, vasorum, vestitus discrimina.

Paulus ad Colossenses scribit, traditiones habere speciem sapientiæ, Et habent profecto. Nam *ἡ σοφία* illa valde decet in Ecclesia, eamq; ob causam necessaria est, sed humana ratio, quia non intelligit justiciam fidei, naturaliter affingit, quod talia opera justifcent homines, quod reconcilient Deum &c. Sic sentiebat vulgus inter Israelitas, & hac opinione augebant tales cæremonias, sicut apud nos in monasterijs creverunt. Sic judicat humana ratio etiam de exercitijs corporis, de jejunijs, quorum finis cum sit, coercere carnem, ratio affingit finem, quod sint cultus, qui justifcent. Sicut Thomas scribit, jejunium valere ad deletionem & prohibitionem culpæ. Hæc sunt verba Thomæ. Ita sapientiæ ac justiciæ species in talibus operibus decipit homines. Et accedunt exempla Sanctorum, quos dum student imitari homines, imitantur plærumq; externa exercitia, non imitantur fidem eorum.

Postquam fefellit homines hæc species sapientiæ ac justiciæ, deinde sequuntur infinita incommoda, obscuratur Evangelium de justiciâ fidei in Christum, & succedit vana fiducia talium operum. Deinde obscurantur præcepta Dei, hæc opera arrogant sibi titulum perfectæ & spiritualis vitæ, & longe præferuntur operibus præceptorum Dei, ut operibus suæ cujusq; vocationis, administrationi reipublicæ, administrationi Oeconomix, vitæ conjugali, educationi liberorum. Hæc præ illis cæremonijs judicantur esse prophana, ita ut cum quadam dubitatione conscientia à multis exerceantur. Constat enim multos deserta administratione reipublicæ, deserto conjugio, illas observationes esse amplexos tanquam meliores & sanctiores. Neq; hoc satis est, ubi occupavit animos persuasio quod tales observationes ad justificationem necessariæ sint, misere vexantur conscientia, quia non possunt omnes observationes exactè præstare. Nam quotus quisq; numerare omnes potuit? Extant immensi libri, imo Bibliothecæ totæ, nullam syllabam de Christo, de fide in Christum, de bonis operibus suæ cujusq; vocationis continentes, sed tantum colligentes traditiones, & harum interpretationes, quibus interdum exacerbantur, interdum relaxantur. Quomodo torquetur vir optimus, Gerson, dum quærit gradus & latitudines præceptorum, nec tamen potest constituere *ἡνίκαν* in gradu certo, Interim graviter deplorat pericula piarum conscientiarum, quæ parit hæc acerba interpretatio traditionum.

Nos igitur contra illam speciem sapientiæ & justiciæ in humanis ritibus, quæ fallit homines, muniamus nos verbo Dei, & primum sciamus eas neq; remissionem peccatorum, neq; justificationem mereri coram Deo, neq; ad justificati-

onem necessarias esse. Testimonia quædam supra citavimus, Et plenus est Paulus, Ad Coloss. 2. clare dicit, Nemo vos iudicet in cibo, potu, aut stato festo, aut no- Col. 2.  
vilunio, aut sabbatis, quæ sunt umbræ futurorum, corpus autem Christi. Atq; hic  
simul & legem Moisi, & traditiones humanas complectitur, ne adversarij eludant  
hæc testimonia, ut solent, quod Paulus tantum de lege Moisi loquatur. Ille vero  
hic clare testatur se loqui de traditionibus humanis. Quamquam quid dicant  
adversarij non vident, si Evangelium negat cæremonias Moisi, quæ erant  
divinitus institutæ, justificare, quanto minus justificant traditiones hu-  
manæ.

Nec habent Episcopi potestatem instituendi cultus tanquam justifican-  
tes, aut necessarios ad justificationem, Imo Apostoli Actor. 15. dicunt, Quid ten- Act. 15.  
tatis Deum, imponentes jugum &c. ubi velut magnum peccatum accusat Petrus,  
hoc consilium onerandæ Ecclesiæ. Et ad Galat. 5. vetat Paulus iterum servituti Gal. 5.  
subjici. Volunt igitur Apostoli in Ecclesia manere hanc libertatem ne judicen-  
tur ulli cultus legis aut traditionum necessarij esse, sicut in lege fuerunt necessa-  
riæ cæremoniæ ad tempus, ne obscureretur justitia fidei, si judicent homines cul-  
tus illos mereri justificationem, aut ad justificationem necessarios esse. Multi va-  
rias *Phariseas* quærunt in traditionibus, ut conscientijs medeantur, neq; tamen  
certos gradus reperiunt, per quos explicent conscientias ex his vinculis.

Verum sicut Alexander solvit gordium nodum, quem cum explicare  
non posset, gladio semel dissecuit, ita Apostoli semel liberât conscientias traditi-  
onibus, præsertim si tradantur ad promerendam justificationem. Huic doctrinæ  
cogunt nos Apostoli adversari docendo, & exemplis, Cogunt nos docere, quod  
traditiones nonificent, quod non sint necessariae ad justificationem, quod ne-  
mo debeat condere aut recipere traditiones hac opinione, quod mereantur justi-  
ficationem. Tunc etiam si quis observat, observet sine superstitione tanquam  
politicos mores, sicut sine superstitione aliter vestiuntur milites, aliter Schola-  
stici. Apostoli violant traditiones, & excusantur à Christo. Erat enim exem-  
plum ostendendum Phariseis, quod illi cultus essent inutiles. Et si quas tra-  
ditiones parum commodas omittunt nostri, satis nunc excusati sunt, cum requi-  
runtur tanquam promereantur justificationem. Talis enim opinio in traditioni-  
bus est impia.

Cæterum traditiones veteres factas in Ecclesia, utilitatis & tranquillita-  
tis causa libenter servamus, easq; interpretamur *αὐτὰς τὸ ἑκφύοντες* exclusâ opini-  
one quæ sentit quodificent, Ac falso nos accusant inimici nostri, quod bonas  
ordinationes, quod disciplinam Ecclesiæ aboleamus. Vere enim prædicare pos-  
sumus publicam formam Ecclesiarum apud nos honestiorem esse, quam apud ad-  
versarios. Et, si quis recte expendere velit, verius servamus Canones, quam ad-  
versarij. Apud adversarios Missas faciunt sacrificuli inviti, & mercede conducti,  
& plærunq; tantum mercedis causa canunt Psalmos, non ut discant, aut orënt,  
Sed cultus causa, quasi illud opus sit cultus aut certe mercedis causa. Apud nos  
utuntur cœna Domini multi singulis dominicis, sed prius instituti, explorati, &  
absoluti, Pueri canunt Psalmos ut discant, canit & populus, ut vel discat, vel oret.  
Apud adversarios nulla prorsus est *κατήχησις* puerorum, de qua quidem præcipi-  
unt Canones. Apud nos coguntur Pastores & ministri Ecclesiarum publice in-  
stituere & audire pueritiam. Et hæc cæremonia optimos fructus parit. Apud ad-  
versarios in multis regionibus toto anno nullæ habentur conciones, præterquam  
in quadragesima. Atqui præcipuus cultus Dei est, docere Evangelium. Et cum con-  
cionantur adversarij dicunt de traditionibus humanis, de cultu Sanctorum, & si-  
milibus nugis, quas jure fastidit populus. Itaque deseruntur statim initio post-  
quam recitatus est Evangelij textus.

Pauci quidam meliores nunc de bonis operibus dicere incipiunt, de  
justitia fidei, de fide in Christum, de consolatione conscientiarum nihil dicunt,  
Imo

Imo hanc saluberrimam Evangelij partem lacerant convitijs. Econtra in nostris Ecclesijs omnes conciones in his locis consumuntur, de poenitentia, de timore Dei, de fide in Christum, de justitia fidei, de consolatione conscientiarum per fidem, de exercitijs fidei, de oratione qualis esse debeat, & quod certo statuendum sit, quod sit efficax, quod exaudiatur, de cruce, de dignitate magistratuum & omnium civilium ordinationum, de discrimine regni Christi, seu regni spiritualis & politicarum rerum, de conjugio, de educatione & institutione puerorum, de castitate, de omnibus officijs charitatis. Ex hoc statu Ecclesiarum judicari potest, nos disciplinam Ecclesiasticam, & pias ceremonias, & bonos mores Ecclesiasticos diligenter conservare.

Ac de mortificatione carnis, & disciplina corporis ita docemus, sicut narrat confessio, quod vera & non simulata mortificatio fiat per crucem & afflictiones, quibus Deus exercet nos. In his obediendum est voluntati Dei, sicut ait Paulus, Exhibere corpora vestra hostiam &c. Et hæc sunt spiritualia exercitia timoris & fidei. Verum præter hanc mortificationem, quæ fit per crucem, est & voluntarium quoddam exercitij genus necessarium, de quo Christus ait, Cavete ne corda vestra graventur crapula. Et Paulus, Castigo corpus meum, & in servitutem redigo &c. Et hæc exercitia suscipienda sunt, non quod sint cultus justificantes, sed ut cohereant carnem, ne saturitas obruat nos, & reddat securos & ociosos, qua ex re fit, ut affectibus carnis indulgeant & obtemperent homines. Hæc diligentia debet esse perpetua, quia habet perpetuum mandatum Dei. Et illa præscripta forma certorum ciborum ac temporum nihil facit ad coercendam carnem. Est enim delicatior & sumptuosior quam reliqua convivia. Et ne adversarij quidem observant formam in Canonibus traditam.

Multas & difficiles disputationes habet hic locus de traditionibus, ac nos re ipsa experti sumus, traditiones vere esse laqueos conscientiarum. Cum exiguntur tanquam necessariae, miris modis cruciant cōscientias prætermittentes aliquam observationem. Rursus abrogatio sua habet incommoda, suas quæstiones. Sed nos facilem & planam causam habemus, quia adversarij damnant nos, quod docemus traditiones humanas non mereri remissionem peccatorum. Item requirunt universales traditiones, quas sic vocant, tanquam necessarias ad justificationem. Hic habemus Patronum constantem Paulum, qui ubiq; contendit has observationes neq; justificare, neq; necessarias esse supra justiciam fidei. Et tamen usum libertatis in his rebus, ita moderandum esse docemus, ne imperiti offendantur, & propter abusum libertatis fiant iniquiores veræ doctrinæ Evangelij, neve sine probabili causa mutetur aliquid in usitatis ritibus, sed ut propter alendam cōcordiam serventur veteres mores, qui sine peccato, aut sine magno incommodo servari possunt. Et in hoc ipso conventu satis ostendimus nos propter charitatem ἀγάπη non gravatim observaturos esse cum alijs, etiamsi quid incommodi haberent, sed publicam concordiam, quæ quidem sine offensione conscientiarum fieri posset, judicavimus omnibus alijs commodis antefereendam esse. Sed de hac tota re paulo post etiam dicemus, cum de votis, & de potestate Ecclesiastica disputabimus.

**A**rticulum XVI. recipiunt adversarij sine ulla exceptione, in quo confessi sumus, quod liceat Christiano gerere magistratus, exercere judicia, ex Imperatorijs legibus, seu alijs præsentibus legibus, supplicia jure constituere, jure bella gerere, militare, jure contrahere, tenere proprium, jusjurandum postulanti-  
bus magistratibus dare, contrahere matrimonium, deniq; quod legitimæ ordinationes civiles, sint bonæ creaturæ Dei, & ordinationes divinæ, quibus tuto Christianus uti potest. Hic totus locus de discrimine regni Christi, & regni civilis literis nostrorum utiliter illustratus est, quod regnum Christi sit spirituale, hoc est, in corde noticiam Dei, timorem Dei, & fidem, justiciam æternam & vitam æ-

m a

ternam



ternam inchoans, Interim foris sinat nos uti politicis ordinationibus legitimis, quarumcunq; gentium inter quas vivimus, sicut sinat nos uti medicina, aut Architectonica, aut cibo, potu, aëre. Nec fert Evangelium novas leges de statu civili, sed præcipit, ut præsentibus legibus obtemperemus, sive ab ethnicis, sive ab alijs conditæ sint, & hac obedientia charitatem jubet exercere. Insaniebat enim Caroloſtadius, qui nobis imponebat leges judiciales Moisi.

De his rebus ideo copiosius scripserunt nostri, quia Monachi multas perniciosas opiniones sparserunt in Ecclesiam, Vocaverunt politiam Evangelicam, communionem rerum, dixerunt esse consilia, non tenere proprium, non ulcisci. Hæ opiniones valde obscurant Evangelium & regnum spirituale, & sunt periculosæ rebus publicis. Nam Evangelium non dissipat politiam aut Oeconomiam, sed multo magis approbat, & non solum propter poenam, sed etiam propter conscientiam jubet illis parere tanquam divinæ ordinationi.

Iulianus Apostata, Celsus & pleriq; alij, objecerunt Christianis, quod Evangelium dissiparet respublicas, quia prohiberet vindictam, & alia quædam traderet parum apta civili societati. Et hæ quæstiones mire exercuerunt Origenem, Nazianzenum & alios, cum quidem facillime explicari possint, si sciamus Evangelium non ferre leges de statu Civili, sed esse remissionem peccatorum, & inchoationem vitæ æternæ in cordibus credentium, Cæterum non solum externas politias approbare, sed nos etiam subicere illis, sicut necessario subditi sumus legibus temporum, vicibus hyemis & æstatis tanquam divinis ordinationibus.

Evangelium prohibet vindictam privatam, Idq; hoc consilio Christus toties inculcat, ne Apostoli putarent se Imperia debere istis eripere, qui alioqui tenebant, sicut Iudæi de regno Messæ somniabant, Sed ut scirent se de regno spirituali docere oportere, non mutare civilem statum. Itaq; privata vindicta, non consilio, sed præcepto prohibetur Matth. quinto, & Roma. 12. Publica quæ fit ex officio magistratus, non dissuadetur, sed præcipitur, & est opus Dei, juxta Paulum Rom. 13. Iam publicæ vindictæ species sunt, judicia, supplicia, bella, militia. De his rebus quam male judicaverint multi scriptores, constat, quia in hoc errore fuerunt, Evangelium externam quandam novam & monasticam politiam esse, nec viderunt Evangelium cordibus afferre justiciam æternam, foris autem probare statum civilem.

Vanissimum & hoc est, quod sit perfectio Christiana, non tenere proprium. Nam perfectio Christiana est sita, non in contemptu civilium ordinationum, sed in motibus cordis, in magno timore Dei, in magna fide, sicut Abraham, David, Daniel, etiam in magnis opibus atq; imperijs non minus perfecti erant, quam ulli Eremitæ. Sed Monachi illam externam hypocrisin offuderunt oculis hominum, ne videri posset, in quibus rebus sit vera perfectio. Quibus laudibus vexerunt communionem rerum, quasi Evangelicam? At hæ laudes plurimum habent periculi, præsertim cum longe dissentiant à scripturis. Scriptura enim non præcipit, ut res sint communes, sed lex decalogi, cum inquit, Non furtum facies, dominia distinguit, & suum quemq; tenere jubet. Plane furebat Vvignefus, qui negabat licere sacerdotibus tenere proprium. Sunt infinitæ disputationes de contractibus, de quibus nunquam satis fieri bonis conscientijs potest, nisi sciant hanc regulam, quod Christiano liceat uti civilibus ordinationibus ac legibus. Hæc regula tuetur conscientias, cum docet eatenus licitos esse contractus coram Deo, quatenus eos magistratus seu leges approbant.

Hic totus locus rerum politicarum à nostris ita patefactus est, ut plurimi boni viri, qui versantur in republica, & in negocijs prædicaverint se magnopere adjutos esse, qui antea Monachorum opinionibus vexati dubitabant, Vtrum illa civilia officia & negocia Evangelium permetteret, Hæc ideo recitavimus, ut etiam exteri intelligant, hoc doctrinæ genere, quod nos sequimur, non labefactari, sed mul-

sed multo magis muniri auctoritatem magistratum, & dignitatem omnium ordinationum civilium, quarum rerum magnitudo fatuis illis opinionibus monasticis, mirifice antea fuit obscurata, quæ longe præferebant politiæ & Oeconomix, ridiculam & vanissimam hypocrisin paupertatis & humilitatis, Cum quidem politia & Oeconomia habeant mandata Dei, Illa Platonica communio non habeat mandatum Dei.

**A**rticulum XVII. recipiunt adversarij sine exceptione, in quo confitemur Christum in consummatione mundi appariturum esse, ac mortuos omnes resuscitaturum, & pijs æternam vitam & æterna gaudia daturum, Impios vero condemnaturum esse, ut cum diabolo sine fine crucientur.

**A**rticulum XVIII. recipiunt adversarij de libero arbitrio, Etsi quædam addunt testimonia parum apta ad eam causam. Addunt & declamationem, quod non sit nimium tribuendum libero arbitrio cum Pelagianis, neq; omnem ei libertatem adimendam esse cum Manichæis. Præclare sane, sed quid interest inter Pelagianos & adversarios nostros? cum utriq; sentiant homines sine Spiritu sancto posse Deum diligere, & præcepta Dei facere, quo ad substantiam actuum, mereri gratiam ac justificationem operibus, quæ ratio per se efficit sine Spiritu sancto. Quam multa absurda sequuntur ex his Pelagianis opinionibus, quæ in Scholis magna auctoritate docentur. Has Augustinus sequens Paulum, magna contentione refutat, Cujus sententiam supra in articulo de Iustificatione recitavimus. Neq; vero adimimus humanæ voluntati libertatem.

Habet humana voluntas libertatem in operibus & rebus diligendis, quas ratio per se comprehendit. Potest aliquo modo efficere justiciam civilem, seu justiciam operum, potest loqui de Deo, exhibere Deo certum cultum externo opere, obedire magistratibus, parentibus in opere externo eligendo, potest continere manus à cæde, ab adulterio, à furto. Cum reliqua sit in natura hominis ratio & judicium de rebus sensui subjectis, reliquus est etiam delectus earum rerum, & libertas & facultas efficiendæ justiciæ civilis. Id enim vocat Scriptura justiciam carnis, quam natura carnalis, hoc est, ratio per se efficit sine Spiritu sancto. Quanquam tanta est vis concupiscentiæ, ut malis affectibus sæpius obtemperant homines, quam recto Iudicio, Et diabolus, qui est efficax in impijs, ut ait Paulus, non desinit incitare hanc imbecillem naturam ad varia delicta.

Hæ causæ sunt, quare & civilis justicia rara sit inter homines, sicut videmus, ne ipsos quidem Philosophos eam consecutos esse, qui videntur eam expectivisse. Illud autem falsum est, non peccare hominem, qui facit opera præceptorum extra gratiam, Et addunt amplius, talibus operibus necessario deberi remissionem peccatorum ac justificationem. Nam humana corda sine Spiritu sancto, sunt sine timore Dei, sine fiducia erga Deum, non credunt se exaudiri, sibi ignosci, se juvari & servari à Deo. Igitur sunt impia. Porro arbor mala non potest ferre bonos fructus, Et sine fide impossibile est Deo placere.

**I**gitur etiam si concedimus libero arbitrio, libertatem & facultatem externa opera legis efficiendi, tamen illa spiritualia non tribuimus libero arbitrio, scilicet vere timere Deum, vere credere Deo, vere statuere ac sentire quod Deus nos respiciat, exaudiat, ignoscat nobis &c. Hæc sunt vera opera primæ tabulæ, quæ non potest humanum cor efficere, sine Spiritu sancto, sicut ait Paulus: Animalis homo, hoc est, homo tantum naturalibus viribus utens, non percipit ea, quæ Dei sunt. Et hoc judicari potest, si considerent homines, quomodo corda de voluntate Dei sentiant, Vtrum vere statuant se respici & exaudiri à Deo. Hanc fidem difficile est & sanctis retinere, tantum abest ut sit in impijs. Concipitur autem, ut supra diximus, cum corda per terrefacta Evangelium audiunt, & consolationem concipiunt.

Prodest igitur ista distributio, in qua tribuitur libero arbitrio justicia civilis, &

lis, & iusticia spiritualis gubernationi Spiritus sancti in renatis. Ita enim retinetur pædagogia, quia omnes homines pariter debent scire, & quod Deus illam civilem iusticiam requirat, & quod aliquo modo præstare eam possimus, Et tamen ostenditur discrimen inter iusticiam humanam & spiritualem, inter Philosophicam, & doctrinam Spiritus sancti, & intelligi potest, ad quid opus sit Spiritu sancto. Neque hæc distributio à nobis inventa est, sed scriptura clarissime tradit eam, Tractat eam & Augustinus, & est recens egregie tractata à Guilielmo Parisiensi, sed scelestè obruta est ab istis, qui somniaverunt homines legi Dei obedire posse sine Spiritu sancto, dari autem Spiritum sanctum, ut accedat respectus meritorij.

**A**rticulum X I X. recipiunt adversarij, in quo confitemur, quod etsi unus ac solus Deus condiderit universam naturam, & conservet omnia, quæ existunt, tamen causa peccati sit voluntas in diabolo & hominibus avertens se à Deo, juxta dictum Christi, de diabolo, Cum loquitur mendacium ex proprijs loquitur. Idem.

**I**N Articulo X X. diserte ponunt hæc verba, quod rejiciant & improbent hoc quod dicimus, quod non mereantur homines remissionem peccatorum bonis operibus. Hunc articulum clare prædicant se rejicere & improbare. Quid in re tam manifesta dicendum est? Hic aperte ostendunt architecti confutationis, quo spiritu agantur. Quid est enim certius in Ecclesia, quam quod remissio peccatorum contingat gratis propter Christum, quod Christus sit propitiatio pro peccatis, non nostra opera, sicut Petrus inquit, Huic omnes Prophetæ perhibent testimonium, in nomine ipsius accipere remissionem peccatorum omnes, qui credunt in eum. Huic Ecclesiæ Prophetarum assentiamur potius quam istis perditis Scriptoribus confutationis, qui tam impudenter blasphemant Christum. Nam etiam si qui fuerunt Scriptores, qui senserunt post remissionem peccatorum homines justos esse coram Deo, non fide, sed ipsis operibus, tamen hoc non senserunt, quod ipsa remissio peccatorum contingat propter opera nostra, non gratis propter Christum.

Non ferenda est igitur blasphemia, tribuere honorem Christi nostris operibus. Nihil pudet jam istos theologos, si talem sententiam in Ecclesia audent ferre, Neq; dubitamus quin optimus Imperator, ac pleriq; Principum, hunc locum nullo modo fuerint in confutatione relicturi, si essent admoniti. Infinita hoc loco testimonia ex Scriptura, ex Patribus, citare possemus, Verum & supra satis multa de hac re diximus, Et nihil opus est pluribus testimonijs, illi, qui scit quare Christus nobis donatus sit, qui scit Christum esse propitiationem pro peccatis nostris. Esaias inquit, Posuit Dominus in eo iniquitates omnium nostrum. Idem. Adversarij contra docent, Deum ponere iniquitates nostras, non in Christo, sed in nostris operibus. Neq; hic dicere libet qualia opera doceant.

Videmus horribile decretum contra nos compositum esse, quod magis terreret nos, si de ambiguis aut levibus rebus contenderemus. Nunc cum conscientia nostræ intelligant damnari ab adversarijs manifestam veritatem, cujus propugnatio Ecclesiæ necessaria est, & amplificat gloriam Christi, facile terrores mundi contemnimus, & ingenti animo, si quid erit patiendum, propter gloriam Christi, propter utilitatem Ecclesiæ, feremus. Quis non gaudeat mori in confessione horum articulorum, quod remissionem peccatorum fide consequamur gratis propter Christum, quod operibus nostris non mereamur remissionem peccatorum? Nullam habebunt satis firmam consolationem conscientia piorum adversus terrores peccati & mortis, & adversus diabolum sollicitantem ad desperationem, si non sciant se debere statuere, quod gratis propter Christum habeant remissionem peccatorum. Hæc fides sustentat & vivificat corda in illo asperissimo certamine desperationis. Digna igitur causa est, propter quam nullum recusamus periculum, Tu ne cede malis, sed contra audentior ito, quisquis assentiris confessioni nostræ, cum adversarij, terroribus, cruciatibus, supplicijs, conantur excutere tibi tantam consolationem, quæ universæ Ecclesiæ in hoc nostro articulo proposita est.

Non



Non deerunt querenti testimonia Scripturæ, quæ confirmabunt animum.

*Rom. 3. 4.* Nam Paulus tota voce, ut dicitur, clamat *Roma. 3. & 4.* gratis remitti peccata propter Christum. Ideo inquit ex fide justificamur, & gratis, ut firma sit promissio, Id est, Si ex nostris operibus penderet promissio, non esset firma. Si propter nostra opera daretur remissio peccatorum, quando sciremus eam nos consecutos esse, quando reperiret opus conscientia territa, quod statueret ad placandam iram Dei sufficere? Sed supra de tota re diximus, Inde lector sumat testimonia. Nam hanc, non disputationem, sed querelam indignitas rei nobis expressit, quod hoc loco diserte posuerunt, se improbare hunc nostrum articulum, qui remissionem peccatorum consequamur, non propter opera nostra, sed fide & gratis propter Christum. Adversarij etiam addunt testimonia suæ condemnationi, Et operæ precium est unum atq; alterum recitare. Allegant ex Petro, Studete firmam facere vocationem vestram &c. Iam vides lector, adversarios nostros non perdidisse operam in discenda Dialectica, sed habere artificium ratiocinandi ex Scripturis prorsus quidquid libet, Facite firmam vocationem vestram, per bona opera, Igitur opera merentur remissionem peccatorum.

*1. Pet. 1.*

Sane concinna erit argumentatio, Si quis sic ratiocinetur de reo capitalis poenæ, cui poena remissa est, Magistratus præcipit, ut in posterum abstineas ab alieno, Igitur per hoc meritis es condonationem poenæ, quod nunc ab alieno abstines. Sic argumentari, est ex non causâ causam facere. Nam Petrus loquitur de operibus sequentibus remissionem peccatorum, & docet quare sint facienda, scilicet, ut sit firma vocatio, hoc est, ne vocatione sua excidant, si iterum peccent. Facite bona opera, ut perseveretis in vocatione, ne amittatis dona vocationis, quæ prius contigerunt, non propter sequentia opera, sed jam retinentur fide, & fides non manet in his, qui amittunt Spiritum sanctum, qui abjiciunt poenitentiam, sicut supra diximus, fidem existere in poenitentia. Addunt alia testimonia non melius coherentia. Postremo dicunt hanc opinionem ante mille annos Augustini tempore damnatam esse. Id quoq; falsissimum est. Semper enim Ecclesia Christi sensit remissionem peccatorum gratis contingere, Imo Pelagiani damnati sunt, qui gratiam propter opera nostra dari contendebant. Cæterum supra satis ostendimus, quod sentiamus bona opera necessario sequi debere fidem. Non enim abolemus legem, inquit Paulus, sed stabilimus, quia cum fide accipimus Spiritum sanctum, necessario sequitur legis impletio, quæ subinde crescit, dilectio, patientia, castitas & alij fructus spiritus.

## DE INVOCATIONE SANCTORUM.

*Rom. 3.* **A**rticulum XXI. simpliciter damnant, Quod invocationem Sanctorum non requirimus. Nec ullo in loco prolixius rhetoricantur, Neq; tamen aliud quicquam efficiunt, quam sanctos honorandos esse, Item sanctos, qui vivunt, orare pro alijs, quasi vero propterea necessaria sit invocatio mortuorum sanctorum. Allegant Cyprianum, quod vivum Cornelium rogaverit, ut discedens pro fratribus oret, Hoc exemplo probant mortuorum invocationem, Citant & Hieronymum contra Vigilantium, In hac arena, inquit, ante mille & centum annos vicit Hieronymus Vigilantium. Sic triumphant adversarij, quasi jam sit debellatum, Nec vident isti asini apud Hieronymum contra Vigilantium, nullam extare syllabam de invocatione, Loquitur de honoribus sanctorum, non de invocatione, neque reliqui veteres Scriptores ante Gregorium fecerunt mentionem invocationis. Certe hæc invocatio cum his opinionibus, quas nunc docent adversarij de applicatione meritorum, non habet testimonia veterum Scriptorum.

Confessio nostra probat honores Sanctorum. Nam hic triplex honos probandus est. Primus est gratiarum actio. Debemus enim Deo gratias agere, quod ostenderit exempla misericordiæ, quod significaverit se velle salvare homines, quod dederit doctores, aut alia dona Ecclesiæ. Et hæc dona, ut sunt maxima, am-

plificanda sunt, & laudandi ipsi sancti, qui his donis fideliter usi sunt, sicut Christus laudat fideles negociatores. Secundus cultus est confirmatio fidei nostræ, cum videmus Petro condonari negationem, erigimur & nos, ut magis credamus, quod vere gratia exuberet supra peccatum. Tertius honos est imitatio, primum fidei, deinde cæterarum virtutum, quas imitari pro sua quisque vocatione debet. Hos veros honores non requirunt adversarij, Tantum de invocatione, quæ etiam si nihil haberet periculi, tamen non est necessaria, rixantur.

Præterea & hoc largimur, quod Angeli orent pro nobis. Extat enim testimonium Zachariæ r. ubi Angelus orat, Domine exercituum usque quo tu Zach. 1. non misereberis Ierusalem &c. De sanctis etsi concedimus, quod sicut vivi orant pro Ecclesia universa in genere, ita in coelis orent pro Ecclesia in genere, tamen si testimonium nullum de mortuis orantibus extat in Scripturis, præter illud somnium sumptum ex libro Machabeorum posteriore.

Porro ut maxime pro Ecclesia orent Sancti, tamen non sequitur quod sint invocandi. Quanquam confessio nostra hoc tantum affirmat, quod Scriptura non doceat Sanctorum invocationem, seu petere à Sanctis auxilium. Cum autem neque præceptum, neque promissio, neque exemplum ex Scripturis de invocandis Sanctis afferri possit, Sequitur conscientiam nihil posse certi de illa invocatione habere. Et cum oratio debeat ex fide fieri, quomodo scimus, quod Deus approbet illam invocationem? Vnde scimus sine testimonio Scripturæ, quod sancti intelligant singulorum preces? Quidam plane tribuunt divinitatem sanctis, videlicet, quod tacitas cogitationes mentium in nobis cernant, Disputant de matutina & vespertina cognitione, fortassis, quia dubitant, Vtrum mane, an vespere audiant. Hæc comminiscuntur, non ut sanctos honore afficiant, sed ut quæstuosos cultus defendant. Nihil afferri potest ab adversarijs contra hanc rationem, quod cum invocatio non habet testimonium ex verbo Dei, non possit affirmari, quod Sancti intelligant invocationem nostram, aut, ut maxime intelligant, quod Deus eam approbet. Quare adversarij non debebant nos ad rem incertam cogere. Quia oratio sine fide non est oratio. Nam quod allegant Ecclesiæ exemplum, constat novum hunc in Ecclesia morem esse. Nam veteres orationes etsi mentionem Sanctorum faciunt, non tamen invocant Sanctos, Quanquam etiam illa nova invocatio in Ecclesia, dissimilis est invocationi singulorum.

Deinde adversarij non solum invocationem in cultu Sanctorum requirunt, sed etiam applicant merita Sanctorum pro alijs, & faciunt ex Sanctis non solum deprecatores, sed etiam propitiatores. Id nullo modo ferendum est. Nam hic prorsus transfertur in Sanctos proprius honor Christi. Faciunt enim eos mediatores, & propitiatores, & quanquam distinguunt de mediatoribus intercessionis & mediatoribus redemptionis, tamen plane faciunt ex Sanctis mediatores redemptionis. Atque etiam illud dicunt sine testimonio scripturæ, quod sint mediatores intercessionis, quod ut verecundissime dicatur, tamen obscurat officium Christi, & fiduciam misericordiæ debitam Christo transfert in sanctos. Fingunt enim homines Christum duriores esse, & sanctos placabiliores, & magis confidunt misericordia Sanctorum, quam misericordia Christi, & fugientes Christum, quærunt sanctos. Ita faciunt ex eis reipsa mediatores redemptionis.

Itaque ostendemus, quod vere faciant ex Sanctis non tantum deprecatores sed propitiatores, hoc est, mediatores redemptionis. Nondum recitamus hic vulgi abusus, De doctorum opinionibus adhuc loquimur, Reliqua etiam imperiti judicare possunt. In propitiatore hæc duo concurrunt. Primum oportet extare verbum Dei, ex quo certo sciamus, quod Deus velit misereri & exaudire invocantes per hunc propitiatorem. Talis extat de Christo promissio, Quidquid petieritis Patrem in nomine meo, dabit vobis. De sanctis nulla extat talis promissio, Quare conscientia non possunt certo statuere, quod per sanctorum invocationem exaudiamur. Itaque invocatio illa non fit ex fide.

Deinde

Deinde mandatum etiam habemus, ut invocemus Christum, juxta illud, *Isa. 11.* Venite ad me qui laboratis &c. quod certe nobis quoque dictum est. Et *Esa. 9.* In die illa, stabit radix Jesse, in signum populorum, ipsum gentes deprecabuntur. Et *Psal. 43.* Vultum tuum deprecabuntur omnes divites plebis. Et *Psal. 71.* Et adorabunt eum omnes reges terræ. Et paulo post, orabunt coram eo jugiter. Et *Iohan. 5.* inquit Christus, Vt omnes honorificent Filium, sicut honorificant Patrem. Et *Paulus 1. Thess. 2.* orans inquit, Ipse autem Dominus noster Iesus Christus & Deus, & pater noster, exhortetur corda vestra, & confirmet vos &c. At de sanctorum invocatione, quod possunt adversarii præceptum, quod exemplum ex Scripturis afferre? Alterum est in propitiatore, quod merita ipsius proposita sunt, ut quæ pro alijs satisfacerent, quæ alijs donentur imputatione divina, ut propter ea, tanquam proprijs meritis justi reputentur, ut si quis amicus pro amico solvit æs alienum, debitor alieno merito tanquam proprio liberatur, Ita Christi merita nobis donantur, ut justi reputemur fiducia meritorum Christi, cum in eum credimus, tanquam propria merita haberemus.

Et ex utroque nempe ex promissione, & donatione meritorum, oritur fiducia misericordiæ, Talis fiducia promissionis divinæ, Item meritorum Christi debet afferri ad orandum. Vere enim statuere debemus, & quod propter Christum exaudiamur, & quod ipsius meritis habeamus placatum Patrem. Hic adversarii primum jubent invocare Sanctos, cum neque promissionem Dei, neque mandatum, neque exemplum Scripturæ habeant, Et tamen faciunt, ut major fiducia misericordiæ Sanctorum concipiatur quam Christi, cum Christus ad se venire jusserit, non ad Sanctos. Secundo applicant merita Sanctorum alijs, sicut merita Christi. Iubent confidere meritis Sanctorum, quasi reputemur justi propter merita Sanctorum, sicut justi reputamur meritis Christi. Nihil hic fingimus. In indulgentijs dicunt se applicare merita Sanctorum, Et Gabriel interpres Canonis Missæ confidenter pronuntiat, nos ordine instituto à Deo debere ad auxilia Sanctorum confugere, ut salvemur eorum meritis & votis. Hæc sunt verba Gabrielis, Et tamen passim in libris & concionibus adversariorum leguntur absurdiora.

Quid est facere propitiatores, si hoc non est? Prorsus æquantur Christo, si confidere debemus, quod meritis eorum salvemur. Vbi autem institutus est ille ordo à Deo, quem dicit iste, quod debeamus ad auxilia Sanctorum confugere? proferat exemplum ex Scripturis, aut præceptum. Fortassis ex aulis Regum sumunt hunc ordinem, ubi amicis intercessoribus utendum est. At si Rex constituerit certum intercessorem, non volet ad se causas per alios deferri. Ita cum Christus sit constitutus intercessor & Pontifex, cur quærimus alios? Passim usurpatur hæc forma absolutionis, Passio Domini nostri Iesu Christi, merita beatissimæ virginis Mariæ, & omnium Sanctorum sint tibi in remissionem peccatorum. Hic pronuntiatur absolutio, quod non solum meritis Christi, sed meritis aliorum Sanctorum reconciliemur & justi reputemur. Quidam è nobis viderunt morientem doctorem Theologiæ, ad quem consolandum adhibitus erat Monachus quispiam Theologus, is morienti nihil inculcabat, nisi hanc precationem, Mater gratiæ nos ab hoste protege, in hora mortis suscipe.

Vt largiamur, quod beata Maria oret pro Ecclesia, num ipsa suscipit animas in morte, num vincit mortem, num vivificat? Quid agit Christus? si hæc facit beata Maria, quæ etsi est dignissima amplissimis honoribus, tamen non vult se æquari Christo, sed potius exempla sua nos intueri & amplecti vult. At res loquitur ipsa, quod publica persuasione beata virgo prorsus in locum Christi successerit. Hanc invocaverunt homines, hujus misericordia confisi sunt, per hanc voluerunt placare Christum, quasi is non esset propitiator, sed tantum horrendus Iudex, & ultor. Nos autem sentimus, nos tantum fiducia meritorum Christi justificari, non fiducia meritorum B. Virginis aut aliorum sanctorum. De alijs sanctis dictum est, Unusquisque recipiet mercedem secundum suum



## A P O L O G I A   C O N F E S S I O N I S

suum laborem, id est, ipsi inter se donare sua merita alij alijs non possunt, sicut Monachi vendunt suorum ordinum merita. Et Hilarius ait de fatuis virginibus, Et quia prodire obviam fatuæ extinctis lampadibus non possunt, deprecantur eas, quæ prudentes erant, ut oleum mutucent, quibus responderunt, non posse se dare, quia non sit forte, quod omnibus satis sit, alienis scilicet operibus ac meritis neminem adjuvandum, quia unicuiq; lampadi suæ emere oleum necesse sit.

Cum igitur adversarij doceant fiduciam collocare in invocationem Sanctorum, cum neq; verbum Dei, neque exemplum Scripturæ habeant, cum applicent merita sanctorum pro alijs, non secus ac merita Christi, & proprium Christi honorem in sanctos transferant, neque opiniones eorum de cultu sanctorum, neque consuetudinem invocationis recipere possumus. Scimus enim fiduciam in Christi intercessionem collocandam esse, quia hæc sola habet promissionem Dei, Scimus solius Christi merita propitiationem pro nobis esse. Propter Christi merita reputamur justi, cum credimus in eum, sicut textus ait, Omnes qui confidunt in eum, non confundentur. Nec justificamur fiducia meritorum B. Virginis, aut aliorum sanctorum.

Hæret & hic error apud doctos, quod singulis sanctis certæ procurationes commissæ sint, ut Anna divitias largiatur, Sebastianus arceat pestilentiam, Valentinus medeatur morbo comitali, Georgius tueatur equites. Hæ persuasiones plane sunt ortæ ex ethnicis exemplis. Sic enim apud Romanos putabatur Iuno ditare, Febris arcere febrim, Castor & Pollux defenderere equites &c. Et fingamus moderatissime tradi invocationem Sanctorum, tamen cum exemplum sit periculosissimum, quorsum opus est eam defendere, cum nullum habeat mandatum, aut testimonium ex verbo Dei? Imo nec veterum Scriptorum testimonium habet. Primum, quia, ut supra dixi, cum alij mediatores præter Christum quærantur, collocatur fiducia in alios, obruitur tota notitia Christi, Idq; res ostendit. Videtur initio mentio sanctorum, qualis est in veteribus orationibus tolerabili consilio recepta esse. Postea secuta est invocatio, invocationem prodigiosi & plusquam ethnici abusus secuti sunt.

Ab invocatione ad imagines ventum est, hæc quoq; colebantur, & putabatur eis inesse quædam vis, sicut magi vim inesse fingunt imaginibus signorum coelestium certo tempore sculptis. Vidimus in quodam monasterio simulachrum beatæ virginis, quod quasi *αὐτόματον* apte movebatur, ut videretur aut averfari petentes, aut annuere. Et tamen omnium statuarum atque picturarum portenta superant fabulosæ historiæ de sanctis, quæ magna autoritate publice tradebantur. Barbara petit inter tormenta præmium, ne quis invocans ipsam, moriatur sine eucharistia, Alius totum Psalterium, stans pede in uno, quotidie recitavit, Christophorum pinxit aliquis vir prudens, ut significaret per allegoriam, magnum oportere robur animi esse in his, qui ferrent Christum, hoc est, qui docerent Evangelium, aut confiterentur, quia necesse sit subire maxima pericula, Deinde stolidi monachi apud populum docuerunt invocare Christophorum, quasi talis Polyphemus aliquando extitisset. Cumq; sancti maximas res gesserint, vel reipublicæ utiles, vel continentes privata exempla, quarum commemoratio, tum ad fidem confirmandam, tum ad imitationem in rebus gerendis multum conducere, has nemo ex veris historijs conquisivit.

At vero prodest audire, quomodo sancti viri administraverint respublicas, quos casus, quæ pericula subierint, quomodo sancti viri regibus auxilio fuerint in magnis periculis, quomodo docuerint Evangelium, quas habuerint cum hæreticis dimicationes, profunt & exempla misericordiæ, ut cum videmus Petro condonatum esse negationem, cum videmus Cypriano condonatum esse, quod magus fuisset, cum videmus Augustinum in morbo expertum vim fidei, constanter affirmare, quod vere Deus exaudiat preces credentium. Huiusmodi exempla, quæ vel fidem vel timorem, vel administrationem reipublicæ continent, prode-

rat reci-

rat recitari. Sed histriones quidam nulla neq; fidei, neq; rerum publicarum regendarum scientia præditi, confinxerunt fabulas imitatione Poëmatum, in quibus tantum insunt superstitiosa exempla, de certis precibus, certis jejunijs, & addita sunt quædam ad quæstum facientia. Cujusmodi sunt miracula de rosarijs & similibus cæremonijs conficta. Neq; opus est hic recitare exempla. Extant enim legendæ, ut vocant, & speculæ exemplorum, & rosaria, in quibus pleraq; sunt non dissimilia veris narrationibus Luciani.

His prodigiosis & impijs fabulis applaudunt Episcopi, Theologi, Monachi, quia faciunt *πῶς τὸ ἀλλοτρίον*, Nos non ferunt, qui ut Christi honos & officium magis conspici possit, non requirimus invocationem Sanctorum, & abusus in cultu sanctorum taxamus. Cumq; omnes boni viri ubiq; desiderant in his abusibus corrigendis vel Episcoporum auctoritatem, vel diligentiam concionantium, tamen adversarij nostri in confutatione omnino dissimulant, etiam manifesta vitia, quasi recepta confutatione, velint nos cogere ut etiam notissimos abusus approbemus. Ita insidiosè scripta est confutatio non tantum in hoc loco, sed vere ubique. Nullus est locus in quo à dogmatibus suis discernant manifestos abusus, Et tamen apud ipsos, si qui sunt saniores, fatentur, multas falsas persuasiones hæere in doctrina Scholasticorum & Canonistarum, multos præterea abusus in tanta inscitia & negligentia pastorum irrepsisse in Ecclesiam. Neq; enim primus fuit Lutherus, qui de publicis abusibus quereretur, Multi docti & præstantes viri longe ante hæc tempora deploraverunt abusus Missæ, fiduciam observationum Monasticarum, quæstuosos cultus Sanctorum, confusionem doctrinæ de poenitentia, quam vel maxime oportebat perspicuam & explicatam extare in Ecclesia.

Ipsi audivimus excellentes Theologos desiderare modum in Scholastica doctrina, quæ multo plus habet rixarum philosophicarum, quam pietatis. Et tamen in his veteres fere propiores sunt scripturæ, quam recentiores. Ita magis magisq; degeneravit istorum Theologia. Nec alia causa fuit multis bonis viris, qui initio amare Lutherum cœperunt, quàm quod videbant eum explicare animos hominum, ex illis labyrinthis confusissimarum & infinitarum disputationum, quæ sunt apud Scholasticos theologos & Canonistas, & res utiles ad pietatem docere. Quare non fecerunt candide adversarij, quod cum vellent nos assentiri confutationi, dissimulaverunt abusus. Ac si vellent Ecclesiæ consultum, maxime isto in loco, in hac occasione, debebant hortari optimum Imperatorem, ut de corrigendis abusibus consilium caperet, quem quidem non obscure animadvertimus cupidissimum esse bene constituendæ, & sanandæ Ecclesiæ.

Sed adversarij non hoc agunt, ut honestissimam & sanctissimam voluntatem Imperatoris adjuvent, Sed ut nos quoquo modo opprimant, De statu Ecclesiæ multa signa ostendunt eos parum sollicitos esse. Non dant operam, ut extet apud populum certa quædam summa dogmatum Ecclesiasticorum, Manifestos abusus nova & inusitata crudelitate defendunt, Nullos patiuntur in Ecclesijs idoneos doctores. Hæc quo spectent, boni viri facile judicare possunt. Sed hac via neq; suo regno, neq; Ecclesiæ bene consulunt. Nam interfectis bonis doctoribus, oppressa sana doctrina, postea existent fanatici spiritus, quos non poterunt reprimere adversarij, qui & Ecclesiam impijs dogmatibus perturbabunt, & totam Ecclesiasticam politiam evertent, quam nos maxime cupimus conservare.

Quare te optime Imperator Carole propter gloriam Christi, quam nihil dubitamus te cupere, ornare atq; augere, oramus, ne violentis consilijs adversariorum nostrorum assentiaris, sed ut quæras alias honestas vias concordie ita constituendæ, ne piæ conscientie graventur, neve sævitia aliqua in homines innocentes, sicut hætenus fieri vidimus, exerceatur, neve sana doctrina in Ecclesia opprimatur. Hoc officium Deo maxime omnium debes, sanam doctrinam conservare & propagare ad posteros, & defendere recta docentes. Id enim postulat Deus, Cum Reges ornat nomine suo, & Deos appellat, inquit, Ego dixi, *Dij estis*

estis, ut res divinas, hoc est Evangelium Christi in terris conservari & propagari curent, & tanquam vicarii Dei vitam & salutem innocentum defendant. Psal. 81.

D E   V T R A Q V E   S P E C I E   C O E N A E

Domini.

**N**on potest dubitari, quin pium sit, & consentaneum institutioni Christi, & verbis Pauli uti utraq; parte in Coena Domini. Christus enim instituit utramq; partem, & instituit, nō pro parte Ecclesiae, sed pro tota Ecclesia. Nam non presbyteri solum, sed tota Ecclesia auctoritate Christi, non auctoritate humana utitur Sacramento. Idq; fateri adversarios existimamus. Iam si Christus instituit pro tota Ecclesia, cur altera species adimitur parti Ecclesiae, Cur probibetur usus alterius speciei? Cur mutatur ordinatio Christi? praesertim, cum ipse vocet eam testamentum suum, Quod si hominis testamentum rescindere non licet, multo minus Christi testamentum rescindere licebit. Et Paulus inquit, se à Domino accepisse, quod tradidit. Tradiderat autem usum utriusq; speciei, sicut clare ostendit textus 1. Cor. 11. Hoc facite, inquit, primum de corpore, postea eadem verba de poculo repetit. Et deinde, Probet seipsum homo, & sic de pane comedat, & ex poculo bibat, Hæc sunt verba disponentis. Et quidem praefatur, ut qui sunt usuri Coena Domini, simul utantur, Quare constat pro tota Ecclesia sacramentum institutum esse. Et manet mos adhuc in Ecclesijs Græcis, & fuit quondam etiam in Latinis Ecclesijs, sicut Cyprianus & Hieronymus testantur. Sic enim inquit Hieronymus in Sophoniam, Sacerdotes, qui Eucharistiae serviunt, & sanguinem Domini populis ejus dividunt &c. Idem testatur Synodus Toletana. Nec difficile fuerit magnum acervum testimoniorum congerere. Hic nihil exaggeramus, tantum relinquimus prudenti lectori expendendum, quid sentiendum sit de divina ordinatione. Gal. 3. 1. Cor. 11.

Adversarii in confutatione non hoc agunt, ut excusent Ecclesiam, cui adempta est altera pars sacramenti. Id decuit bonos & religiosos viros. Erat querenda firma ratio excusandæ Ecclesiae, & docendarum conscientiarum, quibus non potest contingere nisi pars Sacramenti. Nunc ipsi defendunt te & prohiberi alteram partem, & vetant concedere usum utriusq; partis. Primum fingunt initio Ecclesiae alicubi morem fuisse, ut una pars tantum porrigeretur, Neque tamen exemplum hujus rei vetus ullum asferre possunt, Sed allegant locos, in quibus fit mentio panis, ut apud Lucam, ubi scriptum est, quod discipuli agnovissent Christum in fractione panis, Citant & alios locos de fractione panis. Quamquam autem non valde repugnamus, quo minus aliqui de Sacramento accipiantur, tamen hoc non consequitur unam partem tantum datam esse. Quia partis appellatione reliquum significatur communi consuetudine sermonis. Luc. 1.

Addunt de Laica communione, quæ non erat usus alterius tantum speciei, sed utriusq;. Et si quando Sacerdotes Laica communione uti jubentur significatur, quod à ministerio consecrationis remoti fuerint. Neq; hoc ignorant adversarii, sed abutuntur inscitia imperitorum, qui cum audiunt Laicam communionem, statim somniant morem nostri temporis, quo datur Laicis tantum pars sacramenti. Ac videte impudentiam, Gabriel inter cæteras causas recitat, cur non detur utraq; pars, Quia fuerit discrimen inter Laicos & Presbyteros faciendum. Et credibile est hanc præcipuam causam esse, cur defendatur prohibitio unius partis, ut dignitas ordinis religione quadam fiat commendatior. Hoc est consilium humanum, ut nihil dicamus incivilius, quod quo spectet facile judicari potest. Et in confutatione allegant de filiis Heli, qui amisso summo sacerdotio petaturi sint unam partem sacerdotalem 1. Reg. 2. Hic dicunt usum unius speciei significatum esse. Et addunt, Sic ergo & nostri Laici una parte sacerdotali, una specie contenti esse debent. Plane ludunt adversarii, cum ad sacramentum transferunt historiam de posteris Heli. Ibi describitur poena Heli. Num hoc 1. Reg. 2.



hoc quoque dicent, Laicos propter poenam removeri ab altera parte.

Sacramentum institutum est, ad consolandas & erigendas territas mentes, cum credunt carnem Christi, datam pro vita mundi, cibum esse, cum credunt se conjunctos Christo vivificari. Verum adversarij argumentantur Laicos removeri ab altera parte poenæ causâ. Debent, inquiunt, esse contenti, Satis pro Imperio. Cur autem debent? Non est quærenda ratio, sed lex esto, quidquid dicunt Theologi, Hæc est *ἡ ἀλαστία* Ecciana. Agnoscimus enim istas Thraconicas voces, quas si exagitare vellemus non defutura nobis esset oratio. Videtis enim quanta sit impudētia, Imperat tanquam aliquis Tyrannus in tragœdijs, Quod nolint, velint, debent esse cōtenti. Num hæ rationes, quas citat, excusabunt hos in Iudicio Dei? qui prohibent partem sacramenti, qui sæviunt in homines bonos, utentes integro sacramento. Si hac ratione prohibent, ut sit ordinis discriminē, hæc ipsa ratio movere debeat, ne assentiamur adversarijs, vel si alioqui morē cum ipsis servaturi eramus. Alia sūt discrimina ordinis sacerdotū & populi. Sed non est obscurū, quid habeant consilij, cur hoc discriminē tantopere defendant. Nos ne de vera dignitate ordinis detrahare videamur, de hoc callido consilio plura non dicemus.

Allegant & periculum effusionis, & similia quædam, quæ non habent tantam vim, ut ordinationem Christi mutent. Et fingamus sane liberum esse, uti una parte aut ambabus, quomodo poterit prohibitio defendi? Quanquam Ecclesia non sumit sibi hanc libertatem, ut ex ordinationibus Christi, faciat res indifferentes. Nos quidem Ecclesiam excusamus, quæ hanc injuriam pertulit, cum utraq; pars ei contingere non posset, Sed autores, qui defendunt recte prohiberi usum integri sacramenti, quiq; nunc non solum prohibent, sed etiam utentes integro sacramento excommunicant, & vi persequuntur, non excusamus. Ipsi viderint, quomodo Deo rationem suorum consiliorum reddituri sint. Neq; statim judicandum est Ecclesiam constituere aut probare, quidquid Pontifices constituunt, præsertim cum Scriptura de Episcopis & pastoribus vaticinetur in hanc sententiam, ut Ezechjel ait, Peribit lex à sacerdote.

### DE CONIVGIO SACERDOTVM.

**I**N tanta infamia inquinati coelibatus audent adversarij non solum defendere legem Pontificiam impio & falso prætextu nominis divini, sed etiam hortari Cæsarem ac Principes, ne tolerent conjugia sacerdotum ad ignominiam & infamiam Romani imperij. Sic enim loquuntur. Quæ major impudentia unquam ulla in historia lecta est, quam hæc est adversariorum? Nam argumenta, quibus utuntur, postea recensēbimus. Nunc hoc expendat prudens lector, quid frontis habeant isti nihili homines, qui dicunt conjugia parere infamiam & ignominiam Imperio, quasi vero Ecclesiam valde ornet ista publica infamia flagitiosarum ac prodigiosarum libidinum, quæ flagrant apud istos S. Patres, qui Curios simulant, & bacchanalia vivunt. Ac pleraq; ne verecunde quidem nominari queunt, quæ isti summa licentia faciunt.

Et has suas libidines castissima dextra tua, Carole Cæsar, quem etiam vetera quædam vaticinia appellant regem pudica facie, De te enim dictum apparet, Pudicus facie regnabit ubiq; propugnari postulant, Postulant ut contra Ius divinum, contra Ius gentium, contra Canones conciliorum dissipēs matrimonia, ut in homines innocentes propter conjugium atrocia supplicia constituas, ut Sacerdotes truces, quibus religiose parcent etiam barbari, ut in exilium agas extorres mulieres, orbos pueros. Tales leges tibi ferunt optime & castissime Imperator, quas nulla barbaria, quamlibet immanis ac fera, posset audire. Sed quia nulla cadit in hos tuos mores vel turpitudine, vel sævitia, speramus te & in hac causa clementer nobiscum acturū esse, præsertim ubi cognoveris nos gravissimas habere causas nostræ sententiæ sumptas ex verbo Dei, cui adversarij nugacissimas & vanissimas persuasiones opponunt, Et tamen non tuentur serio coelibatum.

n

Neq;

Neque enim ignorant quam pauci præstent castitatem, sed prætexunt speciem religionis regno suo, cui prodesse coelibatum putant, ut intelligamus Petrum recte monuisse, futurum ut Pseudoprophetae fictis verbis decipiant homines. Nihil enim vere simpliciter & candide in hac tota causa dicunt, scribunt, aut agunt adversarii, sed reipsum dimicant de dominatione, quam falso putant periclitari, & hanc impio prætextu pietatis munire conantur.

Nos hanc legem de coelibatu, quam defendunt adversarii, ideo non possumus approbare. Quia cum Iure divino & naturali pugnat, & ab ipsis Canonibus conciliorum dissentit, Et constat superstitiosam & periculosam esse. Pariter enim infinita scandala, peccata & corruptelam publicorum morum. Aliæ controversiæ nostræ aliquam disputationem doctorum desiderant, In hac ita manifesta res est, in utraq; parte, ut nullam requirat disputationem, Tantum requirit iudicem virum bonum & timentem Dei. Et cum defendatur à nobis manifesta veritas, tamen adversarii calumnias quasdam architectati sunt, ad cavillanda argumenta nostra.

Primum. Genesis docet homines conditos esse, ut sint foecundi, & sexus recta ratione sexum appetat. Loquimur enim non de concupiscentia, quæ peccatum est, sed de illo appetitu, qui in integra natura futurus erat, quem vocant *εὐγενὴν φύσιν*. Et hæc *εὐγενὴ* est vere ordinatio divina sexus ad sexum. Cum autem hæc ordinatio Dei sine singulari opere Dei tolli non possit, Sequitur Ius contrahendi matrimonij non posse tolli statutis aut votis. Hæc cavillantur adversarii, dicunt initio fuisse mandatum ut repleretur terra, nunc repleta terra non esse mandatum conjugium. Videte quam prudenter judicent. Natura hominum formatur illo verbo Dei, ut sit foecunda, non solum initio creationis, sed tantisper, dum hæc corporum natura existet, Sicut hoc verbo terra fit foecunda, Germinet terra herbam virentem. Propter hanc ordinationem, non solum initio coepit terra producere gramina, sed quotannis vestiuntur agri, donec existet hæc natura. Sicut igitur legibus humanis non potest natura terræ mutari, Ita neque votis neque lege humana potest natura hominis mutari sine speciali opere Dei.

\*  
Iur.

Secundo. Et quia hæc creatio, seu ordinatio divina in homine, est Ius naturale, ideo sapienter & recte dixerunt Iurisconsulti, conjunctionem maris & foeminæ esse Iuris naturalis. Cum autem Ius naturale sit immutabile, necesse est semper manere Ius contrahendi conjugij. Nam ubi natura non mutatur, necesse est & illam ordinationem manere, quam Deus indidit naturæ, nec potest legibus humanis tolli. Ridiculum igitur est, quod adversarii nugantur initio fuisse mandatum conjugium, nunc non esse. Hoc perinde est, ac si dicerent, Olim nascentes homines secum attulerunt sexum, nunc non afferunt. Olim secum attulerunt Ius naturale noscentes, nunc non afferunt. Nullus Faber fabrilius cogitare quidquā posset, quam hæc ineptiæ excogitatae sunt ad eludendum Ius naturæ. Maneat igitur \* hac in causa, quod & Scriptura docet, & jurisconsultus sapienter dixit, conjunctionem maris & foeminæ esse Iuris naturalis.

Porro Ius naturale vere est Ius divinum, Quia est ordinatio divinitus impressa naturæ. Quia autem hoc Ius mutari non potest, sine singulari opere Dei, necesse est manere Ius contrahendi conjugii. Quia ille naturalis appetitus, est ordinatio Dei in natura sexus ad sexum, & propterea Ius est, alioqui quare uterque sexus conderetur? Et loquimur, ut supra dictum est, non de concupiscentia, quæ peccatum est, sed de illo appetitu, quem vocant *εὐγενὴν φύσιν*, quem concupiscentia non sustulit ex natura, sed accendit, ut nunc remedio magis opus habeat, & conjugium non solum procreationis causa necessarium sit, sed etiam remedii causa. Hæc sunt perspicua, & adeo firma, Ut nullo modo labefactari queant.

Tertio. Paulus ait, Propter fornicationem unusquisque habeat uxorem suam. Hoc jam expressum mandatum est ad omnes pertinens, qui non sunt idonei ad coelibatum. Adversarii jubent sibi ostendi præceptum, quod præcipit Sacerdo-

*2. 19.* Sacerdotibus uxores ducere, quasi sacerdotes non sint homines. Nos quæ de natura hominum in genere disputamus, profecto etiam ad sacerdotes pertinere iudicamus. An non præcipit hic Paulus, ut ducant uxorem isti, qui non habent donum continentiae? Interpretatur enim se ipse paulo post, cum ait, Melius est nubere quam uri. Et Christus clare dixit, Non omnes capiunt hoc verbum, sed quibus datum est. Quia nunc post peccatum cōcurrunt hæc duo, naturalis appetitus & concupiscentia, quæ inflamat naturalem appetitum, ut jam magis opus sit conjugio, quam in natura integra.

Ideo Paulus de conjugio tanquam de remedio loquitur, & propter illa incendia jubet nubere. Neq; hanc vocem, Melius est nubere, quam uri, ulla humana autoritas, ulla lex, ulla vota tollere possunt, quia hæc non tollunt naturam aut concupiscentiam. Retinent igitur Ius ducendi omnes, qui uruntur. Et tenentur hoc mandato Pauli, propter fornicationem unusquisq; habeat uxorem suam, omnes qui non vere continent, de qua re iudicium ad conscientiam cuiusq; pertinet. Nam quod hic jubent petere à Deo continentiam, jubent corpus laboribus & inedia conficere, cur sibi quoq; non canunt hæc magnifica præcepta? Sed ut supra diximus, Tantum ludunt adversarij, nihil agunt serio. Si continentia esset omnibus possibilis, non requireret peculiare donum. At Christus ostendit eam peculiari dono opus habere, quare non contingit omnibus, Reliquos vult Deus uti communi lege naturæ, quam instituit.

Non enim vult Deus contemni suas ordinationes, suas creaturas, Ita vult illos castos esse, ut remedio divinitus proposito utantur, sicut ita vult vitam nostram alere, si cibo, si potu utamur. Et Gerson testatur multos fuisse bonos viros, qui conati domare corpus, tamen parum profecerunt. Ideo recte ait Ambrosius, Sola virginitas est, quæ suaderi potest, imperari non potest, res magis voti, quam præcepti est. Si quis objecerit Christum laudare hos, qui se castrant propter regnum cœlorum, is hoc quoq; consideret, quod tales laudat, qui donum continentiae habent. Ideo enim addidit, Qui potest capere capiat. Non enim placet Christo immunda continentia. Laudamus & nos veram continentiam, Sed nunc de lege disputamus, & de his, qui non habent donum continentiae. Res debebat relinqui libera, non debebant injici laquei imbecilibus per hanc legem.

*2. 19.* Quarto. Dissentit lex Pontificia & à Canonibus conciliorum. Nam veteres Canones non prohibent conjugium, nec contracta conjugia dissolvunt, etsi hos, qui in ministerio contraxerunt, remonent ab administratione. Hac missio istis temporibus beneficij loco erat, Sed novi Canones, qui non sunt in Synodis conditi, sed privato consilio Pontificum facti, & prohibent contrahere matrimonia, & contracta dissolvunt, Idq; palam est, fieri contracta mandatum Christi, Quos Deus conjunxit, homo non separet. Adversarij vociferantur in confutatione, cœlibatum præceptum esse à Concilijs. Nos non accusamus decreta Conciliorum. Nam hæc certa conditione permittunt conjugium, sed accusamus leges, quas post veteres Synodos Romani Pontifices contra auctoritatem Synodorum condiderunt. Adeo pontifices contemnunt auctoritatem Synodorum, quam alijs volunt videri sacrosanctam. Propria igitur est hæc lex de perpetuo cœlibatu, hujus novæ Pontificiæ dominationis, Neq; id abs re. Daniel enim tribuit hanc notam regno Antichristi, videlicet contemptum mulierum.

Quinto. Etsi adversarij non defendunt legem superstitionis causa, cum videant non solere observari, tamen supersticiosas opiniones serunt, dum prætexunt religionem. Cœlibatum ideo prædicant se requirere, quod sit mundicies, quasi conjugium sit immundicies, ac peccatum, aut quasi cœlibatus mereatur remissionem peccatorum & reconciliationem, Conjugium vero non mereatur remissionem peccatorum &c. Et huc allegant cæremonias legis Mosaicæ, quod cum in lege, tempore ministerij sacerdotes separati fuerint ab uxoribus, in novo testamento sacerdos, cum semper orare debeat, semper debeat continere. Hæc



inepta similitudo allegatur tanquam demonstratio, quæ cogat sacerdotes ad perpetuum cœlibatum, cum quidem in ipsa similitudine conjugium concedatur, tantum ministerij tempore consuetudo interdicitur. Et aliud est orare, aliud ministrare. Orabant Sancti tunc quoque, cum non exercebant publicum ministerium, nec consuetudo cum conjunge prohibebat, ne orarent, Sed respondebimus ordine ad hæc figmenta.

Primum, hoc fateri necesse est adversarios, quod conjugium sit mundum in credentibus. Quia est sanctificatum verbo Dei, hoc est, est res licita & approbata verbo Dei, sicut copiose testatur Scriptura. Christus enim vocat conjugium conjunctionem divinam, cum ait, Quos Deus conjunxit. Et Paulus de conjugio, Mark. 19.  
1. Tim. 4. de cibis, & similibus rebus inquit, Sanctificantur per verbum, & orationem, hoc est, per verbum, quo conscientia fit certa, quod Deus approbet, & per orationem, hoc est, per fidem, quæ cum gratiarum actione tanquam dono Dei utitur. Item 1. Cor. 7. Sanctificatur vir infidelis per uxorem fidelem, &c. id est, usus conjugalis licitus & sanctus est, propter fidem in Christum, sicut licitum est uti cibo, &c. Item 1. Timoth. 2. Salvatur mulier per filiorum generationem, &c. Si talem 1. Cor. 7.  
1. Tim. 1. locum adversarij de cœlibatu proferre possent, tum vero miros triumphos agerent. Paulus dicit, salvari mulierem per filiorum generationem.

Quid potuit dici contra hypocrisin cœlibatus honorificentius, quam mulierem salvari ipsis conjugalibus operibus, usu conjugali, pariendo, & reliquis Oeconomicis officiis? Quid autem sentit Paulus, Lector observet addi fidem, nec laudari officia Oeconomica, sine fide, si manserint, inquit, in fide. Loquitur enim de toto genere matrum. Requirit igitur præcipue fidem, qua mulier accipit remissionem peccatorum & justificationem. Deinde addit certum opus vocationis, sicut in singulis hominibus fidem sequi debet bonum opus certæ vocationis. Id opus placet Deo propter fidem, ita mulieris officia placent Deo propter fidem, & salvatur mulier fidelis, quæ in talibus officijs vocationis suæ pie servit. Hæc testimonia docent conjugium rem licitam esse. Si igitur mundicies significat id, quod coram Deo licitum & approbatum est, Conjugia sunt munda, quia sunt approbata verbo Dei. Et Paulus ait de rebus licitis, Omnia munda mundis, 1. Tim. 1. hoc est, his qui credunt Christo, & fide justi sunt. Itaque ut virginitas in impiis est immunda, ita conjugium in piis est mundum propter verbum Dei, & fidem.

Deinde, Si mundicies proprie opponitur concupiscentiæ, significat mundiciem cordis, hoc est, mortificatam concupiscentiam. Quia lex non prohibet conjugium, sed concupiscentiam, adulterium, scortationem. Quare cœlibatus non est mundicies. Potest enim esse major mundicies cordis in conjugate, velut in Abraham, aut Jacob, quam in plerisque etiam vere continentibus.

Postremo, Si ita intelligunt cœlibatum mundiciem esse, quod mereatur justificationem magis quam conjugium, maxime reclamamus. Iustificamur enim neque propter virginitatem, neque propter conjugium, sed gratis propter Christum, cum credimus nos propter eum habere Deum propitium. Hic exclamabunt fortassis, Ioviniani more æquari conjugium virginitati. Sed propter hæc convitia non abjiciemus veritatem de justitia fidei, quam supra exposuimus. Neque tamen æquamus conjugio virginitatem. Sicut enim donum dono præstat, Prophetia præstat eloquentiæ, Scientia rei militaris præstat agriculturæ, Eloquentia præstat architectonicæ, Ita virginitas donum est præstantius conjugio. Et tamen sicut Orator non est magis justus coram Deo propter eloquentiam, quam Architectus propter Architectonicam, ita virgo non magis meretur justificationem virginitate, quam conjunx conjugalibus officiis, sed unusquisque in suo dono fideliter servire debet, ac sentire, quod propter Christum fide consequatur remissionem peccatorum, & fide justus coram Deo reputetur.

Nec Christus aut Paulus laudant virginitatem ideo, quod iustificet, sed quia sit expeditior, & minus distrahatur domesticis occupationibus in orando

1. Cor. 7. orando, docendo, serviendo. Ideo Paulus ait, Virgo curat ea, quæ sunt Domini. Laudatur igitur virginitas propter meditationem & studium. Sic Christus non simpliciter laudat hos, qui se castrant, sed addit propter regnum cœlorum, hoc est, ut discere aut docere Evangelium vacet. Non enim dicit virginitatem mereri remissionem peccatorum aut salutem. Ad exempla Sacerdotum Leviticorum respondimus, quod non efficiunt, oportere perpetuum cœlibatum imponi sacerdotibus. Deinde immundiciæ Leviticæ non sunt ad nos transferendæ. Consuetudo contra legem tunc erat immundicia, Nunc non est immundicia, Quia Paulus dicit, Omnia munda mundis. Liberat enim nos Evangelium ab illis immundicijs Leviticis.

Ac si quis hoc consilio legem cœlibatus defendit, ut illis observationibus Leviticis gravet conscientias, huic perinde adversandum est, ut Apostoli in Actis Cap. 15. adversantur his, qui circumcisionem requirebant, & legem Moisi Christianis imponere conabantur. Interim tamen boni scient moderari usum conjugalem, præsertim, cum sunt occupati publicis ministerijs, quæ quidem sæpe tantum faciunt negocij bonis viris, ut omnes domesticas cogitationes animis excutiant. Sciunt boni & hoc, quod Paulus jubet vasa possidere in sanctificatione, Sciunt item, quod interdum secedendum sit, ut vacent orationi, sed Paulus hoc ipsum non vult esse perpetuum. Iam talis continentia facilis est bonis & occupatis, sed illa magna turba ociosorum sacerdotum, quæ in collegijs est, in his delirijs, ne quidem hanc Leviticam continentiam præstare potest, ut res ostendit. Et nota sunt poemata, desidium puer ille sequi solet, odit agentes &c.

Multi hæretici male intellecta lege Moisi, contumeliose senserunt de conjugio, quales fuerunt Encratitæ, de quibus supra diximus. Et constat Monachos passim solitos esse de cœlibatu supersticiosos sermones serere, qui multas pias conscientias propter legitimum usum conjugij perturbaverunt. Nec difficile nobis esset exempla commemorare. Nam etsi non damnabant conjugium in totum propter procreationem, tamen vituperabant tanquam vitæ genus, quod vix unquam Deo placeret, aut certe non placeret, nisi propter procreationem, Cœlibatum vero efferebant, tanquam angelicum vitæ genus, hunc prædicabant gratissimum Deo sacrificium esse, mereri remissionem peccatorum, mereri aureolas, ferre centesimum fructum, & alia in infinita.

Has religiones Angelorum Paulus valde improbat ad Coloss. Opprimunt enim cognitionem Christi, cum sentiunt homines se justos reputari propter tales observationes, non propter Christum, deinde opprimunt cognitionem præceptorum Dei, cum præter Dei præcepta excogitantur novi cultus & præferuntur præceptis Dei. Quare sedulo adversandum est in Ecclesia his superstitionis persuasionibus de cœlibatu, & ut piæ conscientiæ sciant conjugium Deo placere, & ut intelligant quales cultus approbet Deus.

Sed adversarij nostri non requirunt cœlibatum per superstitionem. Sciunt enim non solere præstari castitatem, Verum prætexunt supersticiosas opiniones, ut imperitis fucum faciant. Magis igitur odio digni sunt, quam Encratitæ, qui quadam specie religionis lapsi videntur, illi Sardanapali consulto abutuntur prætextu religionis.

Sexto, cum habeamus tot causas improbandæ legis de perpetuo cœlibatu, tamen præter has accedunt etiam pericula animarum, & publica scandala, quæ etiam si lex non esset injusta, tamen abstertere bonos viros debent, ne approbent tale onus, quod innumerabiles animas perdidit. Diu omnes boni viri de hoc onere questi sunt, vel sua, vel aliorum causa, quos periclitari videbant, sed has querelas nulli Pontifices audiunt. Neque obscurum est, quantum hæc lex noceat publicis moribus, quæ vitia, quam flagitiosas libidines pepererit. Extant Romanæ Satyræ, in his etiamnum agnoscit mores Roma, legitque suos. Sic ulciscitur Deus contemptum sui doni, suæque ordinationis, in istis, qui conjugium prohibent.

prohibent. Cum autem hoc fieri in alijs legibus consueverit, ut mutantur, si id evidens utilitas suaferit, cur idem non fit in hac lege, in qua tot graves causæ concurrunt, præsertim in his postremis temporibus, cur mutari debeat? Natura senescit, & fit paulatim debilior, & crescunt vitia, quo magis remedia divinitus tradita adhibenda erant.

Videmus quod vitium accuset Deus ante diluvium, quod accuset ante conflagrationem quinq; urbium, Similia vitia præcesserunt excidia aliarum urbium multarum, ut Sybaris, Romæ, Et in his imago temporum proposita est, quæ proxima erunt rerum fini. Ideo in primis oportuit hoc tempore severissimis legibus atq; exemplis munire conjugium & ad conjugium invitare homines. Id ad magistratus pertinet, qui debent publicam disciplinam tueri, Intetim doctores Evangelij utrunq; faciant, hortentur ad conjugium incontinentes, hortentur alios ut donum continentiae non aspernentur. Pontifices quotidie dispensant, quotidie mutant alias leges optimas, in hac una lege coelibatus, ferrei & inexorabiles sunt, cum quidem constet eam simpliciter humani iuris esse, Et hanc ipsam legem nunc exacerbant multis modis. Canon jubet suspendere sacerdotes, isti parum commodi interpretes, suspendunt non ab officio, sed ab arboribus multos bonos viros crudeliter occidunt, tantum propter conjugium, Atq; hæc ipsa parricidia ostendunt hanc legem doctrinam esse dæmoniorum. Nam diabolus, cum sit homicida, legem suam defendit his parricidijs.

Scimus aliquid offensionis esse in Schismate, quod videmur divulsi ab his, qui existimantur esse ordinarij Episcopi, Sed nostræ conscientiae tutissimæ sunt, postquam scimus nos summo studio concordiam constituere cupientes, non posse placare adversarios, nisi manifestam veritatem projiciamus, deinde nisi cum ipsis conspiremus, quod velimus hanc injustam legem defendere, contracta matrimonia dissolvere, interficere sacerdotes, siqui non obtemperent, in exilium agere miseras mulieres atque orbos pueros. Cum autem certum sit has conditiones Deo displicere, nihil dolcamus nos non habere *συμμεχίας* tot parricidiorum cum adversarijs.

Exposuimus causas, quare non possimus bona conscientia asseptiri adversarijs, legem Pontificiam de perpetuo coelibatu defendentibus, quia pugnet cum Iure divino, & naturali, ac dissentiat ab ipsis Canonibus, & sit superstitiosa, & plena periculi, Postremo quia tota res sit simulata. Non enim imperatur lex religionis causa, sed dominationis causa, & huic impie prætextitur religio. Neq; quidquam à sanis hominibus, contra has firmissimas rationes afferri potest. Evangelium permittit conjugium his, quibus opus est, Neq; tamen hos cogit ad conjugium, qui continere volunt, modo ut vere contineant. Hanc libertatem & sacerdotibus concedendam esse sentimus, nec volumus quenquam vi cogere ad coelibatum, nec contracta matrimonia dissolvere.

Obiter etiam dum recensuimus argumenta nostra, indicavimus quomodo adversarij unum atq; alterum cavillentur, & calumnias illas diluimus, Nunc brevissime commemorabimus, quam gravibus rationibus defendant legem. Primum dicunt à Deo revelatam esse. Videtis extremam impudentiam istorum nebulonum, Audent affirmare, quod divinitus revelata sit lex de perpetuo coelibatu, cū adversetur manifestis Scripturæ testimonijs, quæ jubent, ut unusquisq; habeat uxorem suam propter fornicationem, Item, quæ vetant dissolvere contracta matrimonia. Paulus admonet, quem autorem habitura fuerit ista lex, cum vocat eam doctrinam dæmoniorum. Et fructus indicant autorem, tot monstrosæ libidines, tot patricidia, quæ nunc suscipiuntur prætextu illius legis.

Secundum argumentum adversariorum est, quod sacerdotes debeant esse mundi, juxta illud, Mundamini, qui fertis vasa Domini, Et citant in hanc sententiam multa. Hanc rationem, quam ostentant velut maxime *ἀνεσώτως*, supra diluimus. Diximus enim virginitatem sine fide non esse mundiciem coram Deo,

Et con-



Et conjugium propter fidem mundum esse, juxta illud, Omnia munda mundis. Diximus & hoc, externas mundicias & cæremonias legis non esse huc transferendas, quia Evangelium requirit mundiciem cordis, non requirit cæremonias legis. Et fieri potest, ut cor mariti velut Abrahæ, aut Iacob, qui fuerunt *πολύγαμοι*, mundius sit, & minus ardeat cupiditatibus, quam multarum virginum, etiam vere continentium, Quod vero Esaias ait, Mundamini, qui fertis vasa Domini, intelligi debet de mundicie cordis, de tota pœnitentia. Cæterum Sancti in externo usu, scient quatenus conducat moderari usum conjugalem, & ut Paulus ait, Possidere vasa in sanctificatione. Postremo cum conjugium sit mundum, recte dicitur his, qui in cœlibatu non continent, ut ducant uxores, ut sint mundi. Ita eadem lex, Mundamini, qui fertis vasa Domini, præcipit, ut immundi cœlibes fiant mundi conjuges.

1. Thess 4.

Tertium argumentum horribile est, quod sit hæresis Ioviniani, conjugium Sacerdotum. Bona verba, Novum hoc crimen est, conjugium esse hæresin. Ioviniani tempore nondum norat mundus legem de perpetuo cœlibatu. Impudens igitur mendacium est, conjugium sacerdotum Ioviniani hæresin esse, aut ab Ecclesia tunc id conjugium damnatum esse. In huiusmodi locis est videre quid consilij habuerint adversarij in scribenda confutatione. Iudicaverunt ita facillime moveri imperitos, si crebro audiant convitium hæresis, si fingant nostram causam multis ante judicijs Ecclesiæ confossam & damnatam esse. Itaq; sæpe falso allegant Ecclesiæ iudicium. Id quia non ignorant, exhibere nobis exemplum Apologiæ noluerunt, ne hæc vanitas, ne hæc calumniæ coargui possent. Quod vero ad Ioviniani causam attinet, de collatione virginitatis & conjugij supra diximus, quid sentiamus. Non enim æquamus conjugium & virginitatem, etsi neq; virginitas, neq; conjugium meretur justificationem.

Esa. 40.

Talibus argumentis tam vanis, defendunt legem impiam, & perniciosam bonis moribus. Talibus rationibus muniunt Principum animos adversus iudicium Dei, in quo Deus reposcet rationem, cur dissipaverint conjugia, cur cruciaverint, cur interfecerint Sacerdotes. Nolite enim dubitare, quin, ut sanguis Abel mortui clamabat, ita clamet etiam sanguis multorum bonorum virorum, in quos injuste sævitum est, Et ulciscetur hanc sævitiam Deus. Ibi comperietis, quam sint inanes hæ rationes adversariorum, & intelligetis in iudicio Dei nullas calumnias adversus verbum Dei consistere, ut ait Esaias, Omnis caro fœnum, & omnis gloria ejus, quasi flos fœni. Nostri Principes, quicquid acciderit, consolari se conscientia rectorum consiliorum poterunt, quia etiamsi quid Sacerdotes in contrahendis conjugijs mali fecissent, tamen illa dissipatio conjugiorum, illæ proscriptiones, illa sævitia manifeste adversatur voluntati & verbo Dei. Nec delectat nostros Principes novitas aut dissidium, sed magis fuit habenda ratio verbi Dei, præsertim in causâ non dubia, quam aliarum rerum omnium.

### DE MISSA.

Initio hoc iterum præfandum est, nos non abolere Missam, sed religiose retinere ac defendere. Fiunt enim apud nos Missæ singulis Dominicis, & alijs festis, in quibus porrigitur sacramentum his, qui uti volunt, postquam sunt explorati atque absoluti, Et servantur usitata cæremoniæ publicæ, ordo lectionum, orationum, vestitus, & alia similia. Adversarij longam declamationem habent, de usu latinæ linguæ in Missa, in qua suaviter ineptiunt, quomodo profit auditori indocto in fide Ecclesiæ, Missam non intellectam audire, videlicet fingunt ipsum opus audiendi cultum esse & prodesse, sine intellectu. Hæc nolumus odiose exagitare, sed iudicio lectorum relinquimus, Nosque ideo commemoramus, ut obiter admoneamus & apud nos retineri latinas lectiones atque orationes. Cum autem cæremoniæ debeant observari, tum ut discant homines Scripturâ, tum ut verbo adminiti concipiant fidem, timorem, atq; ita orent.

etiam , Nam hi sunt fines cæremoniæ , Latinam linguam retinemus propter hos , qui latine discunt atque intelligunt , Et admiscemus Germanicas cantiones , ut habeat & populus , quod discat , & quo excitet fidem , & timorem.

Hic mos semper in Ecclesijs fuit. Nam etsi aliæ frequentius , aliæ rarius admiscuerunt Germanicas cantiones , tamen fere ubiq; aliquid canebat populus sua lingua. Illud vero nusquam scriptum aut pictum est , hominibus prodesse opus audiendi lectiones non intellectas , prodesse cæremonias , non quia doceant , vel admoneant , sed ex opere operato , quia sic fiant , quia spectentur. Male valent istæ Pharisaicæ opiniones.

Quod vero tantum fit apud nos publica Missa , seu communis , nihil fit contra catholicam Ecclesiam. Nam in Græcis parochijs ne hodie quidem sunt privatæ Missæ , sed fit una publica Missa , idque tantum Dominicis diebus , & Festis. In Monasterijs fit quotidie Missa , sed tantum publica. Hæc sunt vestigia morum veterum. Nusquam enim veteres Scriptores ante Gregorium , mentionem faciunt privatarum Missarum. Qualia fuerint initia nunc omittimus , hoc constat , quod postquam Monachi mendicantes regnare cœperunt ex falsissimis persuasionibus , & propter quæstum , ita auctæ sunt , ut omnes boni viri diu jam ejus rei modum desideraverint. Quanquam S. Franciscus recte voluit ei rei prospicere , qui constituit , ut singula collegia quotidie unica communi Missa contenta essent. Hoc postea mutatum est sive per superstitionem , sive quæstus causa. Ita ubi commodum est , instituta majorum mutant ipsi , postea nobis allegant auctoritatem majorum. Epiphanius scribit in Asia Synaxin ter celebratam esse singulis septimanis , nec quotidianas fuisse Missas. Et quidem ait , hunc morem ab Apostolis traditum esse. Sic enim inquit , *εὐαγγέλιον δὲ ὁππότε λαύμεναι τελεῖται εἰς τὸ ἀπὸ τῶν ἀποστόλων , περὶ αὐτοῦ , καὶ ὁ ὁμοῦς λόγος , καὶ ἡ κυριακή.*

Etsi autem adversarij in hoc loco multa congerunt , ut probent Missam esse sacrificium , tamen ille ingens tumultus verborum prolata hac unica responsione confilescet , quod hæc , quamvis longa coacervatio auctoritatum , rationum , testimoniorum , non ostendat , quod Missa ex opere operato conferat gratiam , aut applicata pro alijs mereatur eis remissionem venialium & mortalium peccatorum , culpæ & poenæ. Hæc una responsio evertit omnia , quæ adversarij obijciunt non solum in hac confutatione , sed in omnibus scriptis , quæ de Missa ediderunt. Et hic causæ status est , de quo ita nobis admonendi sunt lectores , ut Aeschines admonebat Iudices , ut perinde ac pugiles de statu inter se certant , ita cum adversario dimicarent ipsi de statu controversiæ , nec sinerent eum extra causam egredi. Ad eundem modum hic adversarij nostri cogendi sunt ut de re proposita dicant. Et cognito controversiæ statu , facillima erit dijudicatio de argumentis in utraq; parte.

Nos enim in confessione nostra ostendimus , nos sentire , quod cœna Domini non conferat gratiam ex opere operato , nec applicata pro alijs vivis aut mortuis , mereatur eis ex opere operato remissionem peccatorum , culpæ aut poenæ. Et hujus status clara & firma probatio est hæc , Quia impossibile est consequi remissionem peccatorum propter opus nostrum ex opere operato , sed fide oportet vinci terrores peccati & mortis , cum erigimus corda cognitione Christi , & sentimus nobis ignosci propter Christum , ac donari merita & justiciam Christi , Roma. 5. Iustificati ex fide pacem habemus. Hæc tam certa , tam firma sunt , ut adversus omnes portas inferorum consistere queant. Si , quantum opus est , dicendum fuit , jam causa dicta est. Nemo enim sanus illam Pharisaicam & Ethnicam persuasionem de opere operato probare potest , Et tamen hæc persuasio hæret in populo , hæc auxit in infinitum Missarum numerum. Conducuntur enim Missæ ad iram Dei placandam , & hoc opere remissionem culpæ & poenæ consequi volunt , volunt impetrare quidquid in omni vita opus est , Volunt etiam mortuos

tuos liberare. Hanc Pharisaicam opinionem docuerunt in Ecclesia Monachi & Sophistæ.

Quamquam autem causa jam dicta est, tamen quia adversarij multas scripturas inepte detorquent ad defensionem suorum errorum, pauca ad hunc locum addemus. Multa de sacrificio in confutatione dixerunt, cum nos in confessione nostra consulto id nomen, propter ambiguitatem vitaverimus. Rem exposuimus, quid sacrificium isti nunc intelligant quorum improbamus abusus. Nunc ut male detortas scripturas explicemus, necesse est initio, quid sit sacrificium exponere. Toto jam decennio infinita pene volumina ediderunt adversarij de sacrificio, neq; quisquam eorum definitionem sacrificij hætenus posuit, Tantum arripiunt nomen sacrificij, vel ex Scripturis, vel ex Patribus, Postea affingunt sua somnia, quasi vero sacrificium significet, quidquid ipsis libet.

### QUID SIT SACRIFICIUM, ET quæ sint sacrificij species.

Socrates in Phædro Platonis ait, se maxime cupidum esse divisionum, quod si sine his nihil neq; explicari dicendo, neq; intelligi possit, ac si quem deprehenderit peritum dividendi, hunc inquit se affectari, ejusq; tanquam Dei vestigia sequi, Et jubet dividendum in ipsis articulis membra secare, ne quod membrum mali coqui more quassatum frangat. Sed hæc præcepta adversarij magnifice contempnunt, ac vere sunt juxta Platonem κακοὶ καὶ ἀγαθοὶ, sacrificij membra corrumpentes, quemadmodum intelligi poterit, cum species sacrificij recensuerimus.

Mat. 16.

Theologi recte solent distinguere sacramentum & sacrificium. Sit igitur genus horum, vel cæremonia, vel opus sacrum. Sacramentum est cæremonia, vel opus, in quo Deus nobis exhibet hoc, quod offert annexa cæremonia promissio, ut Baptismus est opus, nō quod nos Deo offerimus, sed in quo Deus nos baptizat, videlicet, minister vice Dei, & hic offert & exhibet Deus remissionem peccatorum &c. juxta promissionem, Qui crediderit, & baptizatus fuerit, salvus erit. *E-* contra, Sacrificium est cæremonia, vel opus quod nos Deo reddimus, ut eum honore afficiamus. Sunt autem sacrificij species proximæ duæ, nec sunt plures. Quoddam est sacrificium propitiatorium, id est, opus satisfactorium pro culpa & pœna, hoc est, reconcilians Deum, seu placans iram Dei, seu quod meretur alijs remissionem peccatorum. Altera species est sacrificium εὐχαριστία, quod non meretur remissionem peccatorum, aut reconciliationem, sed fit à reconciliatis, ut pro accepta remissione peccatorum, & pro alijs beneficijs acceptis, gratias agamus, seu gratiam referamus.

Has duas species sacrificij magnopere oportet & in hac controversia, & in alijs multis disputationibus in conspectu, & ob oculos positas habere, & singulari diligentia cavendum est, ne confundantur. Quod si modus hujus libri pateretur, rationes hujus divisionis adderemus. Habet enim satis multa testimonia in Epistola ad Ebræos & alibi. Et omnia sacrificia Levitica ad hæc membra referri, tanquam ad sua domicilia possunt. Dicebantur enim in lege quædam propitiatoria sacrificia propter significationem, seu similitudinem, non quod mererentur remissionem peccatorum coram Deo, Sed quia merebantur remissionem peccatorum secundum justiciam legis, ne illi, pro quibus fiebant, excluderentur ab ista politia. Dicebantur itaq; propitiatoria, pro peccato, pro delicto, holocaustum. Illa vero erant εὐχαριστία, oblatio, libatio, retributiones, primitiæ, decimæ.

Mat. 11.

Sed re vera unicum tantum in mundo fuit sacrificium propitiatorium, videlicet mors Christi, ut docet Epistola ad Ebræos, quæ ait, Impossibile est sanguine taurorum & hircorum auferri peccata. Et paulo post de voluntate Christi, In qua voluntate sanctificati sumus per oblationem corporis Iesu Christi semel. Et Esaias interpretatur legem; Vt sciamus mortem Christi vere



sti vere esse satisfactionem pro peccatis nostris, seu expiationem, non caeremonias legis, quare ait, Postquam posuerit animam suam, hostiam pro delictis, videbit semen longævum, &c. Nam vocabulum *Ascham*, quo hic usus est, significat hostiam pro delicto, quæ in lege significavit, quod ventura esset hostia quædam satisfactura pro peccatis nostris & reconciliatura Deum, ut scirent homines, quod nō propter nostras justicias, sed propter aliena merita, videlicet Christi, velit Deus nobis reconciliari. Paulus idem nomen *Ascham* interpretatur peccatum, Rom. 8. De peccato damnavit peccatum, id est, peccatum punivit de peccato, id est, per hostiam pro peccato. Rom. 1.

Significantia verbi facilius intelligi potest ex moribus gentium, quos videmus ex Patrum sermonibus male intellectis acceptos esse. Latini vocabant piaculum, hostiam, quæ in magnis calamitatibus, ubi insigniter videbatur Deus irasci, offerebatur ad placandam iram Dei, & litaverunt aliquando humanis hostijs, fortassis quia audierant quandam humanam hostiam placaturam esse Deum toti generi humano. Græci alibi *κατάρα*, alibi *ἐξέμαρτα* appellaverunt. Intelligunt igitur *Esaïas* & *Paulus* Christum factum esse hostiam, hoc est, piaculum, ut ipsius meritis, non nostris reconciliaretur Deus. Maneat ergo hoc in causa, quod sola mors Christi est vere propitiatorium sacrificium. Nam *Leviticæ* illa sacrificia propitiatoria, tantum sic appellantur ad significandum futurum piaculum. Propterea similitudine quadam erant satisfactiones redimentes justiciam legis, ne ex politia excluderentur isti, qui peccaverant. Debebant autem cessare post revelatū Evangelium, Et quia cessare in Evangelij revelatione debebant, non erant vere propitiationes, cum Evangelium ideo promissum sit, ut exhibeat propitiationem.

Nunc reliqua sunt sacrificia *ἑρασμα*, quæ vocantur sacrificia laudis, prædicatio Evangelij, fides, invocatio, gratiarum actio, confessio, afflictiones Sanctorum, Imo omnia bona opera sanctorum. Hæc sacrificia non sunt satisfactiones pro facientibus, vel applicabiles pro alijs, quæ mereantur eis ex opere operato remissionem peccatorum, seu reconciliationem, Fiunt enim à reconciliatis. Et talia sunt sacrificia novi Testamenti, sicut docet *Petrus* 1. Petri 2. Sacerdotium sanctum, ut offeratis hostias spirituales. Opponuntur autem hostiæ spirituales, non tantum pecudibus, sed etiam humanis operibus, ex opere operato oblati, Quia spirituale significat motus Spiritus Sancti in nobis. Idem docet *Paulus* Roman. 12. Exhibere corpora vestra, hostiam viventem, sanctam, cultum rationalem. Significat autem cultus rationalis cultum, in quo Deus intelligitur, mente apprehenditur, ut sit in motibus timoris, & fiduciæ erga Deum. Opponitur igitur non solum cultui *Levítico*, in quo pecudes mactabantur, sed etiam cultui, in quo fingitur opus ex opere operato offerri. Idem docet *Epistola* ad *Ebræos* Cap. 13. Per ipsum offeramus hostiam laudis semper Deo, & addit interpretationem, id est, fructum labiorum confitentium nomini ejus, Iubet offerre laudes, hoc est, invocationem, gratiarum actionem, confessionem & similia. Hæc valent non ex opere operato, sed propter fidem, Id monet particula, per ipsum offeramus, hoc est, fide in Christum. Rom. 12.

In summa cultus novi testamenti, est spiritualis, hoc est, est justitia fidei in corde, & fructus fidei, Ideoque abrogat *Leviticos* cultus. Et *Christus* ait *Iohan.* 4. Veri adoratores adorabunt Patrem in spiritu & veritate. Nam & Pater tales quærit, qui adorent eum. Deus est Spiritus, & eos qui adorant eum, in spiritu & veritate oportet adorare. Hæc sententia clare damnat opiniones de sacrificijs, quæ fingunt ex opere operato valere, Et docet, quod oporteat spiritu, id est, motibus cordis, & fide adorare. Ideo & *Prophetæ* damnant in veteri testamento opinionem populi de opere operato, & docent justiciam, & sacrificia spiritus, *Ieremiæ* 7. Non sum locutus cum Patribus vestris, & non præcepi eis in die, quæ eduxi eos de terra *Ægypti*, de holocaustis & victimis, Sed hoc verbum præcepi eis dicens, Audite vocem meam, & ero vobis Deus, &c. Rom. 13.

Quomo-

Quomodo existimemus Iudæos hanc concionem excepisse, quæ videtur palam pugnare cum Moise. Constabat enim Deum præcepisse Patribus de holocaustis ac victimis, sed Ieremias opinionem de sacrificiis damnat, hanc non tradiderat Deus, videlicet quod illi cultus ex opere operato placarent eum. Addit autem de fide, quod hoc præceperit Deus, Audite me, hoc est, credite mihi, quod ego sim Deus vester, quod velim sic innotescere, cum misereor & adjuvo, nec habeam opus vestris victimis, confidit, quod ego velim esse Deus, justificator, salvator, non propter opera, sed propter verbum & promissionem meam, à me vere & ex corde petite, & expectate auxilium.

*Psalm. 49.* Damnat opinionem de opere operato & Psalm. 49. Qui, repudiatis victimis, requirit invocationem. Nunquid manducabo carnes taurorum &c. Invoca me in die tribulationis tuæ, & eripiam te, & honorificabis me. Testatur hanc esse veram *λατρεία*, hunc esse verum honorem, si ex corde invocemus ipsum. Item *Psalm. 39.* Sacrificium & oblationem noluisti, Aures autem aperuisti mihi, id est, verbum mihi proposuisti, quod audirem, & requiris, ut credam verbo tuo, & *Psalm. 50.* promissionibus tuis, quod vere velis misereri, opitulari &c. Item Psalm. 50. Holocaustis non delectaberis, Sacrificium Deo Spiritus contribulatus, cor contritum & humiliatum Deus non despicias. Item Psalm. 4. Sacrificate sacrificium justitiæ & sperate in Domino. Iubet sperare, & dicit id esse justum sacrificium, significans *Psalm. 115.* cætera sacrificia non esse vera, & iusta sacrificia, Et Psalm. 115. Sacrificabo hostiam laudis, & nomen Domini invocabo. Vocat invocationem hostiam laudis. Sed plena est scriptura talibus testimoniis, quæ docent, quod sacrificia ex opere operato non reconcilient Deum, Ideoq; in novo testamento abrogatis cultibus Leviticis docet fore, ut nova & munda sacrificia fiant, videlicet, fides, invocatio, gratiarum actio, confessio, & prædicatio Evangelii, afflictiones propter Evangelium, & similia.

*Malach. 1.* Et de his sacrificiis loquitur Malachias, Ab ortu solis usq; ad occasum, magnum est nomen meum in gentibus, & in omni loco incensum offertur nomini meo, & oblatio munda. Hunc locum detorquent adversarii ad Missam, & allegant auctoritatem Patrum. Facilis est autem responsio, quod, ut maxime loqueretur de Missa, non sequatur, Missam ex opere operato justificare, aut applicatam aliis mereri remissionem peccatorum &c. Nihil horum dicit Propheta, quæ Monachi & sophistæ, impudenter affingunt.

Cæterum ipsa Prophetæ verba offerunt sententiam, Primum enim hoc proponunt, magnum fore nomen Domini, Id fit per prædicationem Evangelii. Per hanc enim innotescit nomen Christi, & misericordia patris in Christo promissa cognoscitur. Prædicatio Evangelii parit fidem in his, qui recipiunt Evangelium, Hi invocant Deum, hi agunt Deo gratias, hi tolerant afflictiones in confessione, hi bene operantur propter gloriam Christi, Ita fit magnum nomen Domini in gentibus. Incensum igitur & oblatio munda significant non cæremoniam ex opere operato, sed omnia illa sacrificia, per quæ fit magnum nomen Domini, scilicet fidem, invocationem, prædicationem Evangelii, confessionem &c.

Et facile patimur, si quis hic velit complecti cæremoniam, modo neq; intelligat solam cæremoniam, neq; doceat cæremoniam ex opere operato prodesse. Sicut enim inter sacrificia laudis, hoc est, inter laudes Dei complectimur prædicationem verbi, ita laus esse potest, seu gratiarum actio, ipsa sumptio cœnæ Domini, sed non ex opere operato justificans, aut applicanda aliis, ut mereatur eis remissionem peccatorum, Sed paulo post exponemus, quomodo & cæremonia sacrificium fit. Verum quia Malachias de omnibus cultibus novi Testamenti, non solum de cœna Domini loquitur, item quia non patrocinator Pharisaicæ opinionis, de opere operato, ideo nihil contra nos facit, sed magis adjuvat nos. Requirit enim cultus cordis, per quos vere fit magnum nomen Domini.

*Malach. 3.* Citatur ex Malachia & alius locus, Et purgabit filios Levi, & colabit eos quasi

quasi aurum, & quasi argentum, & erunt Domino offerentes sacrificia in iusticia. Hic locus aperte requirit sacrificia iustorum, quare non patrocinator opinioni de opere operato. Sunt autem sacrificia filiorum Levi, hoc est, docentium in novo Testamento, prædicatio Evangelij, & boni fructus prædicationis, sicut Paulus ait, Roman. 15. Sacrifico Evangelium Dei, ut oblatio gentium fiat accepta, sanctificata Spiritu sancto, id est, ut gentes fiant hostiæ, acceptæ Deo per fidem, &c. Nam illa mactatio in lege significabat, & mortem Christi, & prædicationem Evangelij, qua hanc verustatem carnis mortificari oportet, & inchoari novam & æternam vitam in nobis. Sed adversarij ubique sacrificii nomen ad solam cæremoniam detorquent, prædicationem Evangelij, fidem, invocationem, & similia omittunt, cum cæremonia propter hæc instituta sit, Et novum Testamentum debeat habere sacrificia cordis, non cæremonialia pro peccatis facienda, more Levitici sacerdotij.

Allegant & iuge sacrificium, quod sicut in lege fuit iuge sacrificium, ita missa debeat esse iuge sacrificium novi testamenti. Bene cum adversarijs agitur, si patimur nos vinci allegarijs. Constat autem quod allegariæ non pariunt firmas probationes, Quamquam nos quidem facile patimur Missam, intelligi iuge sacrificium, modo ut tota Missa intelligatur, hoc est, cæremonia cum prædicatione Evangelij, fide, invocatione, & gratiarum actione. Nam hæc simul conjuncta sunt iuge sacrificium novi Testamenti, quia cæremonia propter hæc instituta est, nec ab his divellenda est, Ideo Paulus ait, Quoties comedetis panem hunc, & poculum Domini bibetis, annunciate mortem Domini. Illud vero nullo modo sequitur ex hoc typo Levitico, quod cæremonia sit opus ex opere operato iustificans, aut applicandum pro alijs, ut mereatur eis remissionem peccatorum, &c.

Et typus apte pingit non cæremoniam solam, sed etiam prædicationem Evangelij. In Nume. Cap. 28. Tres ponuntur partes illius quotidiani sacrificij, crematio agni, libatio, & oblatio similæ. Lex habebat picturas seu umbras rerum futurarum, Ideo in hoc spectaculo Christus, & totus cultus novi Testamenti pingitur. Crematio agni significat mortem Christi. Libatio significat ubique in toto mundo credentes illius agni sanguine aspergi per Evangelij prædicationem, hoc est, sanctificari, sicut Petrus loquitur, In sanctificationem spiritus, in obedientiam, & asperisionem sanguinis Iesu Christi. Oblatio similæ significat fidem, invocationem, & gratiarum actionem in cordibus. Ut igitur in veteri Testamento umbra cernitur, ita in novo res significata quærenda est, non alius typus tanquam ad sacrificium sufficiens. Quare etiam si cæremonia est memoriale mortis Christi, tamen sola non est iuge sacrificium, sed ipsa memoria est iuge sacrificium, hoc est, prædicatio, & fides, quæ vere credit Deum morte Christi reconciliatum esse.

Requiratur libatio, hoc est, effectus prædicationis, ut per Evangelium aspersi sanguine Christi, sanctificemur, mortificati, ac vivificati. Requiritur & oblationes, hoc est, gratiarum actiones, confessiones & afflictiones. Sic abjecta Pharisaica opinione de opere operato intelligamus significari cultum spirituale, & iuge sacrificium cordis, Quia in novo Testamento corpus bonorum, hoc est, Spiritus sanctus, mortificatio & vivificatio, requiri debent. Ex his satis apparet typum de iugi sacrificio nihil contra nos facere, sed magis pro nobis, quia nos omnes partes significatas iugi sacrificio requirimus. Adversarij falso somniant solam cæremoniam significari, non etiam prædicationem Evangelij, mortificationem & vivificationem cordis, &c.

Nunc igitur boni viri facile judicare poterunt, falsissimam hanc criminationem esse, quod iuge sacrificium aboleamus. Res ostendit, qui sint Antiochi illi, qui regnum tenent in Ecclesia, qui prætextu religionis trahunt ad se regnum mundi, & abjecta cura religionis & docendi Evangelij, dominantur, belligerantur velut Reges mundi, qui novos cultus instituerunt in Ecclesia. Nam adversarij in



rij in Missa solam retinent cæremoniam, eamq; conferunt publice ad sacrilegum quæstum. Postea fingunt hoc opus applicatum pro alijs, mereri eis gratiam, & omnia bona. In concionibus non docent Evangelium, non consolantur conscientias, non ostendunt gratis remitti peccata propter Christum, sed proponunt cultus Sanctorum, satisfactiones humanas, traditiones humanas, per has affirmant homines coram Deo justificari. Et harum quædam cum sint manifeste impiæ, tamen vi defenduntur. Si qui concionatores volunt perhiberi doctiores, tradunt quæstiones Philosophicas, quas neque populus, neq; ipsi, qui proponunt, intelligunt, Postremo qui sunt tolerabiliore, Legem docent, de justitia fidei nihil dicunt.

Adversarij in confutatione miras tragœdias agunt de desolatione templorum, quod videlicet stent inornatæ aræ, sine candelis, sine statuis. Has nugas judicant esse ornatum Ecclesiarum, Longe aliam desolationem significat Daniel, videlicet ignorationem Evangelij. Nam populus obrutus multitudine & varietate traditionum atq; opinionum, nullo modo potuit complecti summam doctrinæ Christianæ. Quis enim unquam de populo intellexit doctrinam de poenitentia, quam adversarij tradiderunt? Et hic præcipuus locus est doctrinæ Christianæ. Vexabantur conscientia enumeratione delictorum & satisfactionibus, De fide, qua gratis consequimur remissionem peccatorum, nulla prorsus fiebat ab adversarijs mentio, de exercitijs fidei luctantis cum desperatione, de gratuita remissione peccatorum propter Christum, omnes libri, omnes conciones adversariorum mutæ erant. Ad hæc accessit horribilis propbanatio Missarum, & alij multi impij cultus in templis. Hæc est desolatio, quam Daniel describit.

Econtra Dei beneficio apud nos serviunt ministerio verbi Sacerdotes, docent Evangelium de beneficijs Christi, ostendunt remissionem peccatorum gratis contingere propter Christum. Hæc doctrina affert firmam consolationem conscientijs, Additur & doctrina bonorum operum, quæ Deus præcipit, Dicitur de dignitate atq; usu Sacramentorum. Quod si jure sacrificium esset usus Sacramenti, tamen nos magis retineremus, quam adversarij, quia apud illos Sacerdotes mercede conducti utuntur Sacramento, Apud nos crebrior & religiosior usus est. Nam populus utitur, sed prius institutus, atq; exploratus, Docentur enim homines de vero usu Sacramenti, quod ad hoc institutum sit, ut sit sigillum, & testimonium gratuita remissionis peccatorum. Ideoque debeat pavidæ conscientias admonere, ut vere statuam & credant sibi gratis remitti peccata.

Cum igitur & prædicationem Evangelij & legitimum usum Sacramentorum retineamus, manet apud nos jure sacrificium. Et, si de externa specie dicendum est, frequentia in templis apud nos major est, quam apud adversarios, Tenentur enim auditoria utilibus & perspicuis concionibus. Verum adversariorum doctrinam nunquam neque populus neq; doctores intellexerunt, & verus ornatus est Ecclesiarum, doctrina pia, utilis, & perspicua, usus pius Sacramentorum, oratio ardens, & similia. Candelæ, vasa aurea, & similes ornatus, decent, sed non sunt proprius ornatus Ecclesiæ. Quod si adversarij in talibus rebus collocant cultus, non in prædicatione Evangelij, in fide, in certaminibus fidei, sunt in istis numerandi, quos Daniel describit colere Deum suum auro & argento.

Allegant & ex Epistola ad Ebræos, Omnis Pontifex ex hominibus assumptus, pro hominibus, constituitur in his, quæ sunt ad Deum, ut offerat dona & sacrificia pro peccatis. Hinc ratiocinantur, cum in novo Testamento sint Pontifices & Sacerdotes, sequitur, quod sit & sacrificium aliquod pro peccatis. Hic locus vel maxime movet indoctos, præsertim cum illa pompa sacerdotij & sacrificiorum veteris testamēti offunditur oculis. Hæc similitudo decipit imperitos, ut judicent oportere ad eundem modum apud nos existere aliquod cæremoniale sacrificium applicandum pro peccatis aliorum, sicut in veteri Testamento. Neq; aliud est ille cultus Missarum, & reliqua politia Papæ, quàm κακοζήλια. Leviticæ politia male intellectæ.

Et cum sententia nostra habeat præcipua testimonia in Epistola ad Ebræos, tamen adversarij locos ex illa Epistola truncatos contra nos detorquent, ut in hoc ipso loco, ubi dicitur Pontificem constitui, ut offerat sacrificia pro peccatis, Scriptura ipsa statim attexit Christum pontificem. Verba præcedentia de Levitico sacerdotio loquuntur, & significant Leviticum Pontificatum fuisse imaginem Pontificatus Christi. Nam sacrificia Levitica pro peccatis, non merebantur remissionem peccatorum coram Deo, tantum erant imago sacrificij Christi, quod unum futurum erat propitiatorium sacrificium, ut supra diximus, Itaq; Epistola magna ex parte consumitur in hoc loco, quod vetus Pontificatus, & vetera sacrificia non fuerint ad hoc instituta, ut mererentur remissionem peccatorum coram Deo, seu reconciliationem, sed tantum ad significandum futurum sacrificium unius Christi.

Oportuit enim Sanctos in veteti Testamento justificari fide, ex promissione remissionis peccatorum, donandæ propter Christum, sicut & Sancti in novo Testamento justificantur. Omnes Sanctos ab initio mundi sentire oportuit, hostiam & satisfactionem fore pro peccato, Christum, qui promissus erat, sicut Esaias docet, Cap. 53. Cum posuerit animam suam hostiam pro peccato &c. Cum igitur in veteri Testamento sacrificia non mererentur reconciliationem, nisi similitudine quadam, Merebantur enim reconciliationem politicam, sed significarent venturum sacrificium, Sequitur unicum esse sacrificium Christi, applicatum pro aliorum peccatis. Nullum igitur reliquum est in novo Testamento sacrificium applicandum pro peccatis aliorum, præter unum Christi sacrificium in cruce.

Tota via errant, qui fingunt sacrificia Levitica coram Deo meruisse remissionem peccatorum, Et hoc exemplo sacrificia applicanda pro alijs in novo Testamento requirunt, præter mortem Christi. Hæc imaginatio simpliciter obruit meritum passionis Christi, & justiciam fidei, & corrumpit veteris & novi Testamenti doctrinam, & pro Christo alios mediatores & propitiatores nobis efficit Pontifices & sacrificulos, qui quotidie vendunt \* operam suam in templis.

Quare si quis ita argumentatur, oportere in novo Testamento Pontificem esse, qui pro peccatis offerat, tantum de Christo concedendum est, Et hanc solutionem confirmat tota Epistola ad Ebræos. Et id prorsus esset alios Mediatore constitutuere præter Christum, si aliam satisfactionem applicandam pro peccatis aliorum & reconciliantem Deum, præter mortem Christi requireremus. Deinde quia sacerdotium novi Testamenti, est ministerium spiritus, ut docet Paulus 2. Corinth. 3. Ideo unicum habet sacrificium Christi satisfactorium & applicatum pro peccatis aliorum, Cæterum nulla habet sacrificia similia Leviticis, quæ ex opere operato applicari pro alijs possint, sed exhibet alijs Evangelium, & Sacramenta, ut per hæc concipiant fidem, & Spiritum sanctum, & mortificentur, & vivificentur, quia ministerium spiritus, pugnat cum applicatione operis operati. Est enim ministerium spiritus, per quod Spiritus sanctus efficax est in cordibus, quare habet tale ministerium, quod ita prodest alijs, cum in eis efficax est, cum regenerat & vivificat eos. Id non fit applicatione alieni operis, pro alijs ex opere operato.

Ostendimus rationem, quare Missa non justificet ex opere operato, nec applicata pro alijs mereatur eis remissionem, quia utrunq; pugnat cum justiciâ fidei. Impossibile est enim remissionem peccatorum contingere, vinci terrores peccati & mortis, ullo opere, aut ulla re, nisi fide in Christum juxta illud, Iustificati ex fide pacem habemus. Ad hæc ostendimus scripturas, quæ contra nos citantur, minime patrocinari impiæ opinioni adversariorum de opere operato, Idq; judicare omnes boni viri apud omnes gentes possunt. Quare repudiandus est error Thomæ, qui scripsit, corpus Domini semel oblatum in cruce, pro debito originali, jugiter offerri pro quotidianis delictis in altari, ut habeat in hoc Ecclesia, munus ad placandum sibi Deum. Repudiandi sunt & reliqui communes

errores,

errores, quod Missa conferat gratiam ex opere operato facienti. Item quod applicata pro alijs etiam injustis, non ponentibus obicem, mereatur eis remissionem peccatorum culpæ & poenæ. Hæc omnia falsa & impia sunt, nuper ab indoctis Monachis conficta, & obruunt gloriam passionis Christi, & justiciam fidei.

Et ex his erroribus infiniti alij nati sunt, quantum Missæ valeant applicatæ simul pro multis, quantum valeant singulæ pro singulis. Sophistæ habent descriptos gradus meritorum, sicut argentarii gradus ponderum in auro aut argento. Deinde vendunt missam, tanquam precium ad impetrandum, quod quisq; expectit, Mercatoribus ut felix sit negociatio, venatoribus, ut felix sit venatio, & alia infinita. Postremo transferunt eam & ad mortuos, liberant animas applicatione Sacramenti, à poenis purgatorii, cum sine fide nec vivis Missa profit. Neq; ex scripturis adversarij afferre, vel unam syllabam possunt ad defensionem istarum fabularum, quas in Ecclesia magna autoritate docent, Neq; Ecclesiæ veteris, neq; Patrum testimonia habent,

### QVID PATRES DE SACRIFICIO senferint.

ET quoniam loca Scripturæ, quæ contra nos citantur explicavimus, de Patribus etiam respondendum est, Non ignoramus Missam à Patribus appellari sacrificium, sed hi non volunt Missam ex opere operato, conferre gratiam, & applicatam pro alijs mereri eis remissionem peccatorum culpæ & poenæ. Vbi leguntur hæc portenta verborum apud Patres? Sed aperte testantur se de gratiarum actione loqui, ideoq; vocant *ἁγίστια*. Diximus autem supra sacrificium *ἁγίστιον* non mereri reconciliationem, sed fieri à reconciliatis, sicut afflictiones non merentur reconciliationem, sed tunc sunt sacrificia *ἁγίστια*, quando reconciliati, sustinent eas. Et hoc responsum in genere ad Patrum dicta, satis tuetur nos contra adversarios. Certum est enim illa figmenta de merito operis operati nusquam extare apud Patres. Sed ut tota causâ magis perspici possit, dicemus & nos de usu Sacramenti, ea, quæ certum est consentanea esse Patribus & Scripturæ.

### DE VSV SACRAMENTI ET DE sacrificio.

QVidam belli homines fingunt cœnam Domini institutam esse propter duas causas. Primum, ut sit nota & testimonium professionis, sicut certa forma cuculli, est signum certæ professionis, Deinde cogitant præcipue talem notam Christo placuisse, videlicet convivium, ut significaret mutuam inter Christianos conjunctionem atq; amicitiam, quia symposia sunt signa fœderum & amicitiae. Sed hæc opinio est civilis, nec ostendit præcipuû usum rerum à Deo traditarum, Tantum de charitate exercenda loquitur, quam homines prophani & civiles, ut cunq; intelligunt, De fide non loquitur, quæ quid sit pauci intelligunt.

Sacramenta sunt signa voluntatis Dei erga nos, non tantum signa sunt hominum inter sese. Et recte definiunt, Sacramenta in novo testamento esse signa Gratiae, Et quia in Sacramento duo sunt, Signum & Verbum, Verbum in novo Testamento est promissio Gratiae addita signo, Promissio novi testamenti est promissio remissionis peccatorum, sicut Textus hic dicit, Hoc est corpus meum, quod pro vobis datur, Hic est calix novi Testamenti, cum sanguine meo, qui pro multis effundetur in remissionem peccatorum. Verbum igitur offert remissionem peccatorum, Et cæremonia est quasi pictura verbi seu sigillum, ut Paulus vocat, ostendens promissionem. Ergo sicut promissio inutilis est, nisi fide accipiat, ita inutilis est cæremonia, nisi fides accedat, quæ vere statuat hic offerri remissionem peccatorum. Et hæc fides erigit contritas mentes, Et sicut verbum ad hanc fidem excitandam traditum est, Ita Sacramentum institutum est, ut illa species in



cies incurrens in oculos moveat corda ad credendum. Per hæc enim videlicet per verbum & Sacramentum operatur Spiritus Sanctus.

Et talis usus Sacramenti, cum fides vivificat per terrefacta corda, cultus est novi Testamenti, quia novum Testamentum habet motus spirituales, mortificationem & vivificationem. Et ad hunc usum instituit Christus, cum jubet facere in sui commemorationem. Nam meminisse Christi, non est otiosa spectaculi celebratio, aut exempli causa instituta, sicut in Tragœdijs celebratur memoria Herculis, aut Vlyssis, Sed est meminisse beneficia Christi, eaq; fide accipere, ut per ea vivificemur. Ideo Psalmus ait, Memoriam fecit mirabilium suorum, misericors & miserator Dominus, Escam dedit timentibus se. Significat enim voluntatem & misericordiam Dei ignoscendam esse, in illa cæremonia. Illa autem fides, quæ agnoscit misericordiam, vivificat, Et hic principalis usus est Sacramenti, in quo apparet, qui sint idonei ad Sacramentum, videlicet per terrefactæ conscientiæ & quomodo uti debeant.

Accedit & sacrificium, Sunt enim unius rei plures fines. Postquam conscientia fide erecta sensit ex qualibus terroribus liberetur, tum vero serio agit gratias pro beneficio & passione Christi, & utitur ipsa cæremonia ad laudem Dei, ut hac obedientia gratitudinem ostendat, & testatur se magnificare dona Dei. Ita fit cæremonia sacrificium laudis, Ac Patres quidem de duplici effectu loquuntur, de consolatione conscientiarum, & de gratiarum actione seu laude. Horum effectuum prior ad Sacramenti rationem pertinet, posterior pertinet ad sacrificium. De consolatione ait Ambrosius, Accedite ad eum & absolvimini, quia est remissio peccatorum. Qui sit iste quæritis, Audite ipsum dicentem, Ego sum panis vitæ, qui venit ad me non esuriat, & qui credit in me, non sitiet unquam. Hic testatur in Sacramento offerri remissionem peccatorum, testatur & fide accipi debere.

Infinita testimonia leguntur in hanc sententiam apud Patres, quæ omnia detorquent adversarij ad opus operatum & applicandum pro alijs, cum Patres aperte requirant fidem, & de propria cujusq; consolatione loquantur, non de applicatione. Præter hæc leguntur & sententiæ de gratiarum actione, qualis illa est suavissime dicta à Cypriano, de pie communicantibus, Pietas inquit: inter data & condonata se dividens, gratias agit tam uberis beneficij largitori, id est, pietas intuetur data & condonata, hoc est, confert inter se magnitudinem beneficiorum Dei & magnitudinem nostrorum malorum, mortis & peccati, & agit gratias &c. Et hinc extitit appellatio *ἡ χάρις* in Ecclesia. Neq; vero cæremonia ipsa est gratiarum actio ex opere operato applicanda pro alijs, ut mereatur eis remissionem peccatorum &c. ut liberet animas defunctorum. Hæc pugnant cum justitia fidei, quasi cæremonia sine fide profit, aut facienti, aut alijs.

### D E V O C A B U L I S   M I S S Æ.

**A**Dversarij revocant nos etiam ad Grammaticam, sumunt argumenta ex appellationibus Missæ, quæ non habent opus longa disputatione, Non enim sequitur Missam, etiam si vocatur sacrificium, opus esse ex opere operato gratiam conferens, aut applicatum pro alijs, mereri eis remissionem peccatorum &c. *ἡ λειτουργία* inquit, significat sacrificium, Et Græci Missam appellant liturgiam. Cur hic omittunt appellationem veterem Synaxis, quæ ostendit Missam olim fuisse multorum communicationem, Sed dicamus de Liturgia. Ea vox non significat proprie sacrificium, sed potius publicum ministerium, & apte quadrat ad nostram sententiam, quod videlicet unus minister consecrans reliquo populo exhibet corpus & sanguinem Domini, sicut unus minister docens exhibet Evangelium populo, sicut ait Paulus, Sic nos existimet homo, tanquã ministros Christi, & dispensatores mysteriorum Dei, hoc est, Evangelij, & Sacramentorum. Et 2. Cor. 5.

Propter

**Cor. 5.** Propter causam Christi legatione fungimur, tanquam Deo per nos adhortante, rogamus Christi causa, reconciliamini, &c.

Ita apte quadrat nomen *λειτουργία* ad ministerium. Est enim vetus verbum usurpatum in publicis ministeriis civilibus, ac significat Græcis onera publica, sicut tributum, sumptum instruendæ classis, aut similia, ut testatur oratio Demosthenis *πρὸς λεητήν*, quæ tota consumitur in disputatione de publicis muneribus & immunitatibus *Φησὶ δὲ ἀναξίως τινὰς ἀνθρώπους ἀτελεῖν ἐκδιδυκέαι τὰς λειτουργίας*, id est, dicit indignos quosdam homines inventa immunitate detrectare publica onera. Et sic Romanis temporibus locuti sunt, ut ostendit rescriptum. Pertinacis ff. de jure immunitatis L. Semper. *οὐ καὶ μὴ πασῶν λειτουργιῶν τὰς πατίρας ὁ τῶν τεχνῶν ἀριθμὸς ἀνῆται*. Et si non liberat parentes omnibus oneribus publicis numerus natorum. Et Commentarius Demosthenis scribit *λειτουργία* genus esse tributorum, sumptus ludorum, sumptus instruendarum navium, curandi gymnasij, & similium publicarum curationum. Et Paulus pro collatione usurpavit. **2. Cor. 9.** Officium hujus collationis non solum supplet ea, quæ defunt Sanctis, **Philip. 2.** Sed etiam efficit, ut plures Deo ubertim agant gratias, &c. Et Philippenses. 2. appellat Epaphroditum *λειτουργόν* ministrum necessitatis suæ, ubi certe non potest intelligi sacrificulus. Sed nihil opus est pluribus testimoniis, cum exempla ubique obvia sint legentibus Græcos scriptores, in quibus *λειτουργία* usurpatur pro publicis oneribus civilibus, seu ministeriis. Et propter diphthongum Grammatici non deducunt à *λειτουργία*, quod significat preces, Sed à publicis bonis, quæ vocant *λῆτα*, ut sit *λειτουργία* curo, tracto publica bona.

Illud est ridiculum, quod argumentantur, altaris mentionem fieri in sacris literis, quare necesse sit Missam esse sacrificium, cum parabola altaris per similitudinem a Paulo citetur. Et Missam fingunt dictam ab altari Mincha. Quorsum opus erat tam procul accersere etymologiam, nisi volebant ostentare scientiam Ebraicæ linguæ? Quorsum opus est procul quærere etymologiam? cum extet nomen missa Deut. 16. ubi significat collocationes, seu munera populi, non oblationem sacerdotis. Debebant enim singuli venientes ad celebrationem Paschæ aliquod munus quasi symbolam afferre. Hunc morem initio retinuerunt & Christiani, Convenientes afferebant panes, vinum & alia, ut testantur Canones Apostolorum. Inde sumebatur pars, quæ consecraretur, Reliquum distribuebatur pauperibus, Cum hoc more retinuerunt & nomen Collationum, Missa. Et propter tales collationes apparet etiam alicubi Missam dictam esse *ἀγάπη*, nisi quis mavult ita dictam esse propter commune convivium, Sed omittamus has nugas. Ridiculum est enim adversarios in re tanta adeo leves conjecturas asserre. Nam etiam si missa dicitur oblatio, quid facit vocabulum ad illa somnia de opere operato & applicatione, quam fingunt aliis mereri remissionem peccatorum? Et potest oblatio dici propterea, quia ibi offeruntur orationes, gratiarum actiones & totus ille cultus, sicut & *ἑχαρμία* dicitur, Verum neque cæremoniæ neque orationes ex opere operato sine fide profunt. Quanquam nos hic non de orationibus, sed proprie de Cœnâ Domini disputamus.

Græcus Canon etiam multa dicit de oblatione, sed palam ostendit se non loqui proprie de corpore & sanguine Domini, sed de toto cultu, de precibus & gratiarum actionibus. Sic enim ait *καὶ ποιήσαν ἡμᾶς ἀξίως γενέσθαι τῇ προσφίσει τοῖς δεήσεσι ἡμετέροις καὶ θυσίαις ἀνιμάκτους ὑπὲρ πάντων λαῶν*, Nihil offendit, recte intellectum. Orat enim nos dignos effici, ad offerendas preces, & supplicationes & hostias incruentas pro populo. Nam ipsas preces vocat hostias incruentas, Sicut & paulo post *ἔτι προσφέρομεν σοὶ τὴν λογικὴν ταύτην καὶ ἀναιμάκτων λατρείαν*. Offerimus, inquit, hunc rationalem & incruentum cultum. Inapte enim exponunt, qui hic rationalem hostiam malunt interpretari, & transferunt ad ipsum corpus Christi, cum Canon loquatur de toto cultu, & *λογικὴ λατρεία* à Paulo dicta sit, contra opus operatum, videlicet, de cultu mētis, de timore, de fide, de invocatione, de gratiarum actione, &c.

## A P O L O G I A   C O N F E S S I O N I S

Quod vero defendunt adversarij nostri applicationem cæremonia pro liberandis animabus defunctorum, qua ex re quæstum infinitum faciunt, nulla habent testimonia, nullum mandatum ex scripturis. Neq; vero est leve peccatum tales, cultus sine mandato Dei, sine exemplo Scripturæ, in Ecclesia instituere, & cœnam Domini institutam ad recordationem & prædicationem inter vivos transferre ad mortuos, Hoc est abuti nomine Dei contra secundum Præceptum. Primum enim contumelia est Evangelii, sentire quod cæremonia ex opere operato sine fide sit sacrificium, reconcilians Deum, & satisfaciens pro peccatis. Horribilis oratio est, tantundem tribuere operi sacerdotis, quantum morti Christi. Deinde peccatum & mors non possunt vinci nisi fide in Christum, sicut Paulus docet, Iustificati ex fide pacem habemus. Quare non potest vinci poena purgato- Rom. 5. rij, applicatione alieni operis.

Omittemus jam qualia habeant adversarii testimonia de purgatorio, quales existimēt pœnas esse purgatorii, quales habeat causas doctrina satisfactionum, quam supra ostendimus vanissimam esse. Illud tantum opponemus, Certum est Cœnam Domini institutam esse propter remissionem culpæ. Offert enim remissionem peccatorum, ubi necesse est vere culpam intelligere, Et tamen pro culpa non satisfacit, alioqui Missa esset par morti Christi. Nec remissio culpæ accipi potest aliter, nisi fide. Igitur Missa non est satisfactio, Sed promissio & Sacramentum requirens fidem. Ac profecto necesse est omnes pios acerbissimo dolore affici, si cogitent Missam magna ex parte ad mortuos & ad satisfactiones pro pœnis translata esse, Hoc est tollere iuge sacrificium ex Ecclesia, Hoc est Antiochi regnum, qui saluberrimas promissiones de remissione culpæ, de fide, transtulit ad vanissimas opiniones de satisfactionibus, Hoc est Evangelium contaminare, 1. Cor. 11. corrumpere usum Sacramentorum. Hi sunt quos Paulus dixit reos esse corporis & sanguinis Domini, qui oppresserunt doctrinam de fide, & remissionem culpæ, & corpus & sanguinem Domini ad sacrilegum quæstum prætextu satisfactionum contulerunt, & hujus sacrilegij pœnas aliquando dabunt. Quare cavendum est nobis & omnibus piis conscientis, ne approbent adversariorum abusus.

Sed redeamus ad causam. Cum Missa non sit satisfactio, nec pro pœna, nec pro culpa, ex opere operato, sine fide, Sequitur applicationem pro mortuis inutilem esse. Neque hic opus est longiore disputatione. Constat enim quod illæ applicationes pro mortuis nulla habeant ex Scripturis testimonia, Nec tutum est in Ecclesia cultus instituere sine autoritate scripturæ. Et, si quando opus erit prolixius de tota re dicemus. Quid enim nunc rixemur cum adversariis, qui neq; quid sacrificium, neq; quid Sacramentum, neq; quid remissio peccatorum, neq; quid sit fides, intelligunt.

Nec Græcus Canon applicat oblationem tanquam satisfactionem pro mortuis, qui applicat eam pariter beatis omnibus Patriarchis, Prophetis, Apostolis. Apparet igitur Græcos tanquam gratiarum actionem offerre, non applicare tanquam satisfactionem pro pœnis, Quanquam etiam loquuntur non de sola oblatione corporis & sanguinis Domini, Sed de reliquis Missæ partibus, videlicet, orationibus & gratiarum actionibus. Nam post consecrationem precantur, ut sumentibus profit, non loquuntur de alijs, Deinde addunt *ἵτι προσφερομεν σοὶ τὴν λογικὴν ταύτην λατρίαν ὑπὲρ τῶν ἐν πίστει αἰσιν παυσανῶν πατέρων, πατέρων, πατριάρχων, προφητῶν, ἀποστόλων &c.* At λογικὴ λατρεία non significat ipsam hostiam, Sed orationes & omnia, quæ ibi geruntur.

Quod vero allegant adversarij Patres de oblatione pro mortuis, scimus veteres loqui de oratione pro mortuis, quam nos non prohibemus, sed applicationem cœnæ Domini pro mortuis ex opere operato improbamus. Nec patrocinantur adversariis veteres de opere operato, Et, ut maxime Gregorij aut recentiorum testimonia habeant, nos opponimus clarissimas & certissimas scripturas. Et Patrum magna dissimilitudo est, Homines erant & labi ac decipi poterant, Quan-  
quam



quam si nunc reviviscerent ac viderent sua dicta prætexi luculentis illis mendacijs, quæ docent adversarij de opere operato, longe aliter se ipsi interpreterentur.

Falso etiam citant adversarij contra nos damnationem Atrij, quem dicunt propterea damnatum esse, quod negaverit in Missa oblationem fieri pro vivis & mortuis. Sæpe hoc colore utuntur, allegant veteres hæreses, & cum his falso comparant nostram causam, ut illa collatione prægravent nos. Epiphanius testatur Acrium sensisse, quod orationes pro mortuis sint inutiles, Id reprehendit. Neq; nos Aerio patrociniamur, sed vobiscum litigamus, qui hæresin manifeste pugnantem cum Prophetis, Apostolis, & sanctis Patribus scelestè defenditis, videlicet, quod Missa ex opere operato justificet, quod mereatur remissionem culpæ & pœnæ, etiam injustis, pro quibus applicatur, si non ponant obicem. Hos perniciosos errores improbamus, qui lædunt gloriam passionis Christi, & penitus obruunt doctrinam de justitia fidei. Similis fuit persuasio impiorum, in lege, quod mererentur remissionem peccatorum per sacrificia ex opere operato, non acciperent gratis per fidem. Itaq; augebant illos cultus & sacrificia, instituebant cultum Baal in Israel, in Iuda etiam sacrificabant in lucis. Quare Prophetæ damnata illa persuasione, belligerantur non solum cum cultoribus Baal, sed etiam cum alijs sacerdotibus, qui sacrificia à Deo ordinata cum illa opinione impia faciebant.

Verum hæret in mundo hæc persuasio, & hærebit semper, quod cultus & sacrificia sint propitiationes, Non ferunt homines carnales soli sacrificio Christi tribui hunc honorem, quod sit propitiatio, Quia justiciam fidei non intelligunt, sed parem honorem tribuunt reliquis cultibus & sacrificijs. Sicut igitur in Iuda hæsit apud impios Pontifices falsa persuasio de sacrificijs, sicut in Israel Baalitici cultus duraverunt, Et tamen erat ibi Ecclesia Dei, quæ impios cultus improbat, Ita hæret in regno Pontificio cultus Baaliticus, hoc est, abusus Missæ, quam applicant, ut per eam mereantur injustis remissionem culpæ & pœnæ. Et videtur hic Baaliticus cultus una cum regno Pontificio duraturus esse donec veniet Christus ad judicandum, & gloria adventus sui perdet regnum Antichristi. Interim omnes, qui vere credunt Evangelio, debent improbare illos impios cultus excoGITATOS contra mandatum Dei, ad obscurandam gloriã Christi, & justiciam fidei.

Hæc de Missa breviter diximus, ut omnes boni viri ubiq; gentium intelligere queant, nos summo studio dignitatem Missæ tueri, & verum usum ostendere, & justissimas habere causas, quare ab adversarijs dissentiamus, Ac volumus admonitos esse omnes bonos viros, ne adjuvent adversarios defendentes prophanationem Missæ, ne gravent se societate alieni peccati. Magna causa, magna res est, nec inferior illo negotio Eliæ Prophetæ, qui cultû Baal improbat. Nos modestissime causam tantam proposuimus, & nunc sine contumelia respondimus. Quod si commoverint nos adversarij, ut omnia genera abusuum Missæ colligamus, non tam clementer erit agenda causa.

### DE VOTIS MONASTICIS.

**A** Pud nos in oppido Turingiæ Isenaco Franciscanus quidam fuit ante annos triginta, Iohannes Hilten, qui à suo sodalizio coniectus est in carcerem, propterea quod quosdam notissimos abusos reprehenderat. Vidimus enim ejus scripta, ex quibus satis intelligi potest, quale fuerit ipsius doctrinæ genus, Et qui norunt eum, testantur fuisse senem placidum, & sine morositate gravem. Is multa prædixit, quæ partim evenerunt hæctenus, partim jam videntur impendere, quæ non volumus recitare, ne quis interpretetur ea, aut odio cujusquam aut in gratiam alicujus narrari. Sed postremo cum vel propter ætatem, vel propter squalorem carceris in morbum incidisset, accersivit ad se Guardianum, ut suam valetudinem illi indicaret, cumque Guardianus accensus odio Pharisaico, duriter ob-

jurgare hominem propter doctrinæ genus, quod videbatur officere culinæ, cœpisset, tum iste omiſſa jam mentione valerudinis ingemiscens inquit, se has injurias æquo animo propter Christum tolerare, cum quidem nihil scripſiſſet aut docuiſſet quod labefactare ſtatum Monachorum poſſet, tantum notos quosdam abusus reprehendiſſet, Sed alius quidam, inquit, veniet anno Domini M. D. XVI. qui deſtruet vos, nec poteritis ei reſiſtere. Hanc ipſam ſententiam de inclinatione regni Monachorum, & hunc annorum numerum, poſtea etiam reperiunt ejus amici perſcriptum ab ipſo in commentarijs ſuis, inter annotationes, quas reliquerat in certos locos Danielis.

Quanquam autem quantum huic voci tribuendum ſit, eventus docebit, tamen extant alia ſigna, quæ minantur mutationem regno Monachorum, non minus certa, quam oracula. Conſtat enim quantum ſit in Monasterijs hypocriſis, ambitionis, avariciæ, quanta inſcitia, & indoctiſſimi cujuſq; ſævitia, quanta vanitas in concionibus, in excogitandis ſubinde novis aucupijs pecuniæ, Et ſunt alia vitia, quæ non libet commemorare. Cumque fuerint olim Scholæ doctrinæ Chriſtianæ, nunc degeneraverunt velut ab aureo genere in ferreum, ſeu ut cubus Platonius in malas harmonias degenerat, quas Plato ait exitium afferre. Locupletiffima quæq; Monasteria tantum alunt ocioſam turbam, quæ ibi falſo prætextu religionis helluatur de publicis Eleemoſynis Eccleſiæ. Chriſtus autem admonet de ſale inſipido, quod ſoleat effundi, & conculcari. Quare ipſi ſibi Monachi his moribus fata canunt, Et accedit nunc aliud ſignum, quod paſſim autores ſunt interficiendorum bonorum virorum. Has cædes Deus haud dubie brevi ulciſcetur, Neq; vero accuſamus omnes. Arbitramur enim paſſim aliquos viros bonos in Monasteriis eſſe, qui de humanis cultibus moderate ſentiunt, nec probant ſævitiam, quam exercent hypocritæ apud ipſos.

Sed de genere doctrinæ diſputamus, quod nunc defendunt Architecti conſutationis, non Vtrum vota ſervanda ſint, Sentimus enim licita vota ſervari debere, ſed Vtrum cultus illi mereantur remiſſionem peccatorum & juſtificationem, Vtrû ſint ſatiſfactiones pro peccatis, Vtrum ſint pares Baptiſmo, Vtrum ſint obſervatio præceptorum & conſiliorum, Vtrum ſint perfectio Evangelica, Vtrum habeant merita ſupererogationis, Vtrum merita illa applicata alijs ſalvent eos, Vtrum ſint licita vota his opinionibus facta, Vtrum licita ſint vota, quæ prætextu religionis tantum ventris & ocii cauſa ſuſcepta ſunt, Vtrum vere ſint vota, quæ ſunt extorta aut invitis, aut his, qui per ætatem nondum judicare poterant de genere vitæ, quos parentes & amici intruſerunt in Monasteria, ut de publico alerentur, ſine patrimonii privati jaſtura, Vtrum licita ſint vota, quæ palam vergunt ad malam exitum, vel quia propter imbecillitatem non ſervantur, vel quia hi, qui ſunt in illis ſodalitijs, coguntur abusus Miſſarum, impios cultus ſanctorum, conſilia ſæviendi in bonos viros, approbare & adjuvare.

De his quæſtionibus diſputamus, Et cum nos in confeſſione præraq; diximus de ejusmodi votis, quæ etiam Canones Pontificum improbant, tamen adverſarii jubent omnia, quæ produximus, rejicere. His enim verbis uſi ſunt, Ac operæ præcium eſt audire, quomodo cavillentur noſtras rationes, & quid afferant ad muniendam ſuam cauſam. Ideo breviter percurremus pauca quædam argumenta noſtra, & diluemus in his obiter cavillationes adverſariorum. Cum autem hæc tota cauſa diligenter & copioſe à Luthero tractata ſit, in libro, cui titulum fecit, De votis Monastiſis, volumus hic librum illum pro repetito habere.

Primum hæc certiffimum eſt, non eſſe licitum votum, quo ſentit is, qui vovet, ſe mereri remiſſionem peccatorum coram Deo, aut ſatiſfacere pro peccatis coram Deo. Nam hæc opinio eſt manifeſta contumelia Evangelii, quod docet nobis gratis donari remiſſionem peccatorum propter Chriſtum, ut ſupra copioſe dictum eſt. Recte igitur citavimus Pauli locum ad Galatas, Evacuati eſtis à Chriſto, qui in lege juſtificamini, à gratia excidiſtis. Qui quærent remiſſionem peccato-

peccatorum, non fide in Christum, sed operibus Monasticis, detrahunt de honore Christi, & iterum crucifigunt Christum. Audite autem, audite quomodo hic elabantur Architecti confutationis, Pauli locum tantum de lege Moisi exponunt, & addunt Monachos omnia propter Christum observare, & conari propius secundum Evangelium vivere, ut mercantur vitam æternam, Et addunt horribilem epilogum, his verbis, Quare impia sunt, quæ hic contra Monasticen allegantur. O Christe, quamdiu feres has contumelias, quibus Evangelium tuum afficiunt hostes nostri.

Diximus in confessione remissionem peccatorum gratis accipi, propter Christum per fidem. Si hæc non est ipsa Evangelij vox, si non est sententia Patris æterni, quam tu, qui es in sinu Patris, revelasti mundo, jure plectimur. Sed tua mors testis est, tua resurrectio testis est, Spiritus sanctus testis est, tota Ecclesia tua testis est, vere hanc esse Evangelij sententiam, quod consequamur remissionem peccatorum, non propter merita, sed propter te, per fidem. Paulus cum negat homines lege Moisi mereri remissionem peccatorum, multo magis detrahit hanc laudem traditionibus humanis. Idque aperte ad Colossenses testatur. Si lex Moisi, quæ erat divinitus revelata, non merebatur remissionem peccatorum, quanto minus istæ fatuæ observationes, abhorrentes à civili consuetudine vitæ, merentur remissionem peccatorum.

Adversarij fingunt Paulum abolere legem Moisi, & Christum ita succedere, ut non gratis donet remissionem peccatorum, Sed propter opera aliarum legum, si quæ nunc excogitentur. Hac impia & fanatica imaginatione obruunt beneficium Christi. Deinde fingunt inter hos, qui observant illam legem Christi, Monachos propius observare, quam alios, propter hypocrisin paupertatis, obedientiæ, & castitatis, cum quidem omnia sint plena simulationis. Paupertatem jactant in summa copia rerum omnium, obedientiam jactant, cum nullum genus hominum libertatem habeat majorem, quam Monachi. De coelibatu non libet dicere, qui quam purus sit in plerisque, qui student continere, Gerson indicat, Et quotus quisque continere studet. Scilicet hac simulatione propius secundum Evangelium vivunt Monachi, Christus non ita succedit Moisi, ut propter nostra opera remittat peccata, sed ut sua merita, suam propitiationem opponat iræ Dei pro nobis, ut gratis nobis ignoscatur. Qui vero præter Christi propitiationem propria merita opponit iræ Dei, & propter propria merita consequi remissionem peccatorum conatur, sive afferat opera legis Mosaicæ, sive Decalogi, sive Regulæ Benedicti, sive regulæ Augustini, sive aliarum Regularum, is abolet promissionem Christi, abjecit Christum, & excidit gratia. Hæc est Pauli sententia.

Vide autem, Carole Cæsar Imperator clementissime, videte Principes, videte omnes Ordines, quanta sit impudentia adversariorum, cum Pauli locum in hanc sententiam citaverimus, ipsi adscripserunt, Impia sunt, quæ hic contra Monasticam allegantur. Quid est autem certius, quam quod remissionem peccatorum consequuntur homines fide, propter Christum? Et hanc sententiam audent isti nebulones impiam vocare. Nihil dubitamus, quin si admoniti fuissetis de hoc loco, eximi è confutatione tantam blasphemiam curassetis. Cum autem supra copiose ostensum sit, impiam opinionem esse, quod propter opera nostra consequamur remissionem peccatorum, breviores in hoc loco erimus. Facile enim inde prudens lector ratiocinari poterit, quod non mereamur remissionem peccatorum per opera Monastica. Itaque & illa blasphemia nullo modo ferenda est, quæ apud Thomam legitur, professionem Monasticam parem esse baptismi. Furor est, humanam traditionem, quæ neque mandatum Dei, neque promissionem habet, æquare ordinationi Christi, quæ habet & mandatum & promissionem Dei, quæ continet pactum gratiæ, & vitæ æternæ.

Secundo, Obedientia, paupertas, & coelibatus, si tamen non sit impurus, exercitia



exercitia sunt *ἀδιάφορα*. Ideoq; sancti uti eis sine impietate possunt, sicut usi sunt Bernardus, Franciscus, & alii Sancti viri. Et hi usi sunt propter utilitatem corporalem, ut expeditiores essent ad docendum, & ad alia pia officia, non quod opera ipsa per se sint cultus, quiificent, aut mereantur vitam æternam, Deniq; sunt ex illo genere, de quo Paulus ait, Corporalis exercitatio parumper utilis est. Et credibile est alicubi nunc quoque esse bonos viros in Monasterijs, qui servant ministerio Verbi, qui illis observationibus sine impiis opinionibus utuntur. At sentire, quod illæ observationes sint cultus, propter quos coram Deo iusti reputentur, & per quos mereantur vitam æternam, hoc pugnat cum Evangelio de iusticia fidei, quod docet, quod propter Christum donetur nobis iusticia & vita æterna, Pugnat & cum dicto Christi, Frustra colunt me mandatis hominum, Pugnat & cum hac sententia, Omne quod non est ex fide peccatum est. Quomodo autem possunt affirmare quod sint cultus quos Deus approbet, tanquam iusticiam coram ipso, cum nullum habeant testimonium verbi Dei.

Sed videte impudentiam adversariorum. Non solum docent, quod observationes illæ sint cultus justificantes, sed addunt perfectiores esse cultus, hoc est, magis merentes remissionem peccatorum & justificationem, quam sint alia vitæ genera. Et hic concurrunt multæ falsæ ac perniciosæ opiniones, fingunt se servare præcepta & consilia, Postea homines liberales, cum somnient se habere merita supererogationis, vendunt hæc alijs. Hæc omnia plena sunt Pharisaicæ vanitatis. Extrema enim impietas est, sentire, quod Decalogo ita satisfaciant, ut supersint merita, Cum hæc præcepta omnes sanctos accusent, Diligas Dominum Deum tuum ex toto corde tuo, Item, Non concupiscas. Propheta ait, Omnis homo mendax, id est, non recte de Deo sentiens, non satis timens, non satis credens Deo, quare falso gloriantur Monachi, in observatione Monasticæ vitæ præceptis satisfieri, ac plusquam præcepta fieri.

Deinde falsum & hoc est, quod observationes Monasticæ sint opera consiliorum Evangelij. Nam Evangelium non consulit discrimina vestitus, ciborum, abdicationem rerum propriarum. Hæ sunt traditiones humanæ, de quibus omnibus dictum est, Esca non commendat Deo. Quare neque cultus justificantes sunt, neq; perfectio, Imo cum his titulis fucatæ proponuntur, sunt meræ doctrinæ demoniorum. Virginitas suadetur, sed his, qui donum habent, ut supra dictum est. Error est autem perniciosissimus sentire, quod perfectio Evangelica sit in traditionibus humanis, Nam ita etiam Mahometistarum Monachi gloriari possent, se habere perfectionem Evangelicam, Neq; est in observatione aliorum, quæ dicuntur *ἀδιάφορα*, sed quia regnum Dei est iusticia & vita in cordibus, ideo perfectio est, crescere timorem Dei, fiduciam misericordiæ promissæ in Christo, & curam obediendi vocationi, sicut & Paulus describit perfectionem, transformamur à claritate in claritatem tanquam à Domini spiritu. Non ait, alium subinde cucullum accipimus, aut alios calceos, aut alia cingula. Miserabile est in Ecclesia tales Pharisaicas imo Mahometicas voces legi atq; audiri, videlicet perfectionem Evangelij, regni Christi, quod est vita æterna, in his stultis observationibus vestium, & similium nugarum collocari.

Nunc audite Areopagitas nostros, quam indignam sententiam posuerint in confutatione, Sic ajunt, SACRIS LITERIS EXPRESSVM est, Monasticam vitam, debita observatione custoditam, quam per gratiam Dei quilibet Monastici custodire possunt, mereri vitam æternam, & quidem multo auctiorem Christus eis promisit, qui reliquerint domum aut fratres &c. Hæc sunt verba adversariorum, in quibus hoc primum impudentissime dicitur, quod sacris literis expressum sit, vitam Monasticam mereri vitam æternam. Vbi enim loquuntur sacræ literæ de Monastica? Sic agunt causam adversarij, sic citant scripturas nihili homines, cum nemo nesciat Monasticam recens excogitatam esse, tamen allegant auctoritatem scripturæ, & quidem dicunt hoc suum decretum expressum esse in scripturis.

pturis. Præterea contumelia afficiunt Christum, cum dicunt homines per Monasticam mereri vitam æternam. Deus ne suæ quidem legi hunc honorem tribuit, *Ezech. 20.* quod mereatur vitam æternam, sicut clare dicit apud Ezechielem Cap. 20. Ego dedi eis præcepta non bona, & judicia in quibus non vivent.

Primum hoc certum est, quod vita Monastica non meretur remissionem peccatorum, sed hanc fide gratis accipimus, ut supra dictum est. Deinde propter Christum, per misericordiam donatur vita æterna his, qui fide accipiunt remissionem, nec opponunt merita sua iudicio Dei, sicut & Bernardus gravissime dicit, Necesse est primo omnium credere, quod remissionem peccatorum habere non possis, nisi per indulgentiam Dei, Deinde quod nihil prorsus habere queas operis boni, nisi & hoc dederit ipse, Postremo quod æternam vitam nullis potes operibus promereri, nisi gratis detur & illa. Cætera quæ in eandem sententiam sequuntur, supra recitavimus. Addit autem in fine Bernardus, Nemo se seducat, quia si bene cogitare voluerit, inveniet procul dubio, quod nec cum decem millibus possit occurrere ei, qui cum viginti millibus venit ad se. Cum autem nec divinæ legis operibus mereamur remissionem peccatorum aut vitam æternam, sed necesse sit querere misericordiam promissam in Christo, multo minus observationibus Monasticis, cum sint meræ traditiones humanæ, tribuendus est hic honor, quod mereantur remissionem peccatorum, aut vitam æternam.

Ita simpliciter obruunt Evangelium de gratuita remissione peccatorum, & de apprehendenda misericordia promissa in Christo, qui docent Monasticam vitam mereri remissionem peccatorum, aut vitam æternam, & fiduciam debitam Christo transferunt in illas stultas observationes. Pro Christo colunt suos cucullos, suas sordes. Cum autem & ipsi egeant misericordia, impie faciunt, quod fingunt merita supererogationis, eaq; alijs vendunt. Brevius de his rebus dicimus. Quia ex his quæ supra de justificatione, de poenitentia, de traditionibus humanis diximus, satis constat, vota Monastica non esse precium, propter quod detur remissio peccatorum & vita æterna. Et cum Christus vocet traditiones cultus inutiles, nullo modo sunt perfectio Evangelica.

Verum adversarij videri volunt astute moderari vulgarem persuasionem de perfectione, Negant Monasticam vitam perfectionem esse, sed dicunt statum esse acquirendæ perfectionis. Belle dictum est, & meminimus hanc correctionem extare apud Gersonem. Apparet enim prudentes viros offensos immodicis illis encomijs vitæ Monasticæ, cum non auderent in totum detrahare ei laudem perfectionis, addidisse hanc *ἐκτένεια*, quod sit status acquirendæ perfectionis. Hoc si sequimur, nihilo magis erit Monastica status perfectionis, quam vita agricolæ aut fabri. Nam hi quoq; sunt status acquirendæ perfectionis. Omnes enim homines in quacunq; vocatione perfectionem expetere debent, hoc est, crescere in timore Dei, in fide, in dilectione proximi & similibus virtutibus spiritualibus. Extant in historijs Eremitarum exempla, Antonij & aliorum, quæ exæquant genera vitæ. Scribitur Antonio petenti, ut Deus sibi ostenderet, quantum in hoc vitæ genere proficeret, quendam in urbe Alexandria Sutorem monstratum esse, per somnium, cui compararetur. Postridie Antonius veniens in urbem, accedit ad sutorem, exploraturus illius exercitia & dona, collocutus cum homine, nihil audit, nisi mane cum pro universa civitate paucis verbis orare, deinde arti suæ operam dare. Hic intellexit Antonius non esse justificationem tribuendam illi vitæ generi, quod susceperat.

Sed adversarij, etsi nunc moderantur laudes de perfectione, tamen aliter re ipsa sentiunt. Vendunt enim merita, & applicant pro alijs hoc prætextu, quod observent præcepta & consilia, quare re ipsa sentiunt sibi superesse merita. Quid est autem arrogare sibi perfectionem, si hoc non est? Deinde in ipsa confutatione positum est, quod Monastici contendant propius secundum Evangelium vivere. Tribuit igitur perfectionem traditionibus humanis, si ideo propius  
secundum

secundum Evangelium vivunt Monachi, quia non habent proprium, quia sunt coelibes, quia obediunt Regulæ in vestitu, cibis, & similibus nugis.

Item confutatio dicit, Monachos mereri vitam æternam auctiorem, & allegat Scripturam, Qui reliquerit domum, &c. scilicet hic quoque perfectionem arrogat factitiis religionibus, Sed hic locus Scripturæ nihil facit ad vitam Monasticam. Non enim hoc vult Christus, quod deferere parentes, conjugem, fratres, sit opus ideo faciendum, quia mereatur remissionem peccatorum & vitam æternam, Imo maledicta est illa desertio. Fit enim cum conrumelia Christi, si quis ideo deferat parentes, aut conjugem, ut hoc ipso opere mereatur remissionem peccatorum & vitam æternam. Duplex autem desertio est, quædam fit sine vocatione, sine mandato Dei, hanc non probat Christus, Nam opera à nobis electa sunt inutiles cultus. Clarius autem hinc apparet, Christum non probare hanc fugam, quia loquitur de deferenda uxore, & liberis. Scimus autem quod mandatum Dei prohibet deferere uxorem & liberos. Alia desertio est, quæ fit mandato Dei, videlicet cum cogit nos potestas aut Tyrannis cedere, aut negare Evangelium, Hic habemus mandatum, ut potius sustineamus injuriam, potius eripi nobis patiamur, non solum facultates, conjugem, liberos, sed vitam quoque.

Hanc desertionem probat Christus, ideoque addit, propter Evangelium; ut significet se de his loqui, non qui faciunt injuriam uxori, & liberis sed qui propter confessionem Evangelij sustinent injuriam. Corpus nostrum etiam deferere debemus propter Evangelium. Hic ridiculum fuerit sentire, quod cultus Dei sit, seipsum occidere & relinquere corpus sine mandato Dei. Ita ridiculum est sentire quod cultus Dei sit, deferere possessiones, amicos, conjugem, liberos, sine mandato Dei. Constat igitur male detorqueri dictum Christi ad vitam Monasticam, Nisi fortassis hoc quadrat, quod centuplum in hac vita recipiunt. Plurimi enim fiunt Monachi non propter Evangelium, sed propter culinam & ocium, qui pro exiguis patrimoniis inveniunt amplissimas opes. Sed ut rota res Monastica simulationis plena est, ita falso prætextu testimonia scripturæ citant, ut dupliciter peccent, hoc est, ut fallant homines, & fallant prætextu nominis divini.

Citatur & alius locus de perfectione, Si vis perfectus esse, vade, vende quæ habes, & da pauperibus & veni, & sequere me. Hic locus exercuit multos, qui finxerunt perfectionem esse possessiones ac dominia rerum abjicere. Sinamus Philosophos Aristippum prædicare, qui magnum auri pondus abjecit in mare, Talia exempla nihil pertinent ad Christianam perfectionem. Rerum divisio, dominia, & possessio, sunt ordinationes civiles approbatæ verbo Dei, in præcepto, Non furtum facies. Desertio facultatum non habet mandatum, aut consilium in Scripturis. Nam Evangelica paupertas non est desertio rerum, sed non esse avarum, non confidere opibus, sicut David pauper erat, in ditissimo regno. Quare cum desertio facultatum sit mere traditio humana, est inutilis cultus. Et immodica sunt illa Encomia in extravagante, quæ ait, abdicationem proprietatis omnium rerum, propter Deum, meritoriam & sanctam, & viam perfectionis esse, Et periculosissimum est, rem pugnantem cum civili consuetudine talibus immoderatis laudibus efferre.

At Christus hic perfectionem vocat. Imo injuriam faciunt textui, qui truncatum allegant. Perfectio est in hoc, quod addit Christus, sequere me, Exemplum obedientiæ in vocatione propositum est, Et quia vocationes dissimiles sunt, ita hæc vocatio non est omnium, sed proprie ad illam personam, cum qua ibi loquitur Christus, pertinet, sicut vocatio David ad Regnum, Abraham ad mandandum filium non sunt nobis imitandæ, Vocationes sunt personales, sicut negotia ipsa variant temporibus & personis, Sed exemplum obedientiæ est generale. Perfectio erat futura illi juveni, si huic vocationi credidisset & obedivisset. Ita perfectio nobis est, obedire unumquemque vera fide suæ vocationi.

Tertio,



m. 7.

Tertio, In votis Monasticis promittitur castitas. Supra autem diximus de conjugio Sacerdorum, non posse votis aut legibus tolli jus naturæ in hominibus. Et quia non omnes habent donum continentiae, multi propter imbecillitatem infelicitate continent. Neque vero ulla vota, aut ullæ leges, possunt abolere mandatum Spiritus sancti, Propter fornicationem unusquisque habeat uxorem suam. Quare hoc vorum non est licitum in his, qui non habent donum continentiae, sed propter imbecillitatem contaminantur. De hoc toto loco satis supra dictum est, in quo profecto mirum est, cum versentur ob oculos pericula & scandala, tamen adversarios defendere suas traditiones, contra manifestum Dei præceptum, Nec commovet eos vox Christi, qui objurgat Phariseos, qui traditiones contra mandatum Dei fecerant.

Quarto, Liberant hos, qui vivunt in Monasterijs, impij cultus, quales sunt prophanatio Missæ ad quæstum collatæ pro mortuis, cultus Sanctorum, in quibus duplex vitium est, & quod sancti in locum Christi surrogantur, & impie coluntur, sicut finxerunt Dominicastrum Rosarium B. Virginis, quod est mera *βαρτολογία* non minus stulta, quam impia, vanissimam fiduciam alens. Deinde hæ ipsæ impietates tantum conferuntur ad quæstum. Item Evangelium de gratuita remissione peccatorum propter Christum, de justitia fidei, de vera poenitentia, de operibus, quæ habent mandatum Dei, neque audiunt, neque docent, Sed versantur aut in Philosophicis disputationibus, aut in traditionibus cæremoniarum, quæ obscurant Christum.

Non hic dicemus de illo toto cultu cæremoniarum, de lectionibus, cantu, & similibus rebus, quæ poterant tolerari, si haberentur pro exercitijs, sicut lectiones in Scholis, quarum finis est docere audientes, & inter docendum aliquos commovere ad timorem, aut fidem. Sed nunc fingunt has cæremonias esse cultus Dei, qui mereantur remissionem peccatorum ipsis & alijs, Ideo enim augent has cæremonias. Quod si susciperent ad docendos, & adhortandos auditores, breves & accuratæ lectiones plus proderent, quam illæ infinitæ *βαρτολογίαι*. Ita tota vita Monastica plena est hypocrisis & falsis opinionibus. Ad hæc omnia accedit & hoc periculum, quod qui sunt in illis collegijs coguntur assentiri persequentibus veritatem. Multæ igitur graves & magnæ rationes sunt, quæ liberant bonos viros ab hoc vitæ genere.

Postremo multos liberant ipsi Canones, qui aut illecti artibus Monachorum sine judicio voverunt, aut coacti ab amicis voverunt, Talia vota ne Canones quidem pronunciant esse vota. Ex his omnibus apparet plurimas esse causas, quæ docent vota Monastica, qualia hætenus facta sunt, non esse vota, Quare tuto deferri potest vitæ genus plenum hypocrisis & falsarum opinionum.

Hic obijciunt ex lege Nazareos, Sed hi non suscipiebant vota sua cum his opinionibus, quas hætenus diximus nos reprehendere in votis Monachorum. Nazæorum ritus erat exercitium, aut protestatio fidei coram hominibus, non merebatur remissionem peccatorum coram Deo, non justificabat coram Deo. Deinde sicut nunc circumcisio, aut mactatio victimarum non esset cultus, ita nec ritus Nazæorum, nunc debet proponi tanquam cultus, sed debet judicari simpliciter *ἀδυσίφρον*. Non igitur recte confertur Monachatus sine verbo Dei excogitatus, ut sit cultus, qui mereatur remissionem peccatorum, & justificationem, cum ritu Nazæorum, qui habebat verbum Dei, nec traditus erat in hoc, ut mereretur remissionem peccatorum, sed ut esset exercitium externum, sicut aliæ cæremoniae legis. Idem de alijs votis in lege traditis dici potest.

m. 35.

Allegantur & Rechabite, qui nec possessiones habebant ullas, nec vinum bibebant, ut scribit Ieremias Cap. 35. Scilicet pulchre quadrat exemplum Rechabitarum ad Monachos nostros, quorum Monasteria superant palatia Regum, qui lautissime vivunt. Et Rechabite in illa omnium rerum penuria, tamen erant conjuges, Nostri Monachi cum affluant omnibus delitijs, profitentur coelibat-

## APOLOGIA CONFSSIONIS

tum. Ceterum exempla juxta regulam, hoc est, juxta scripturas certas & claras, non contra regulam, seu contra scripturas interpretari convenit. Certissimum est autem observationes nostras non mereri remissionem peccatorum, aut justificationem.

Quare cum laudantur Rechabitz, necesse est eos morem suum, non ideo servasse, quod sentirent se per eum mereri remissionem peccatorum, aut opus ipsum cultum esse justificantem, aut propter quem consequerentur vitam æternam, non per misericordiam Dei, propter Semen promissum, Sed quia habuerunt mandatum parentum, laudatur obedientia, de qua extat Præceptum Dei, Honora patrem & matrem. Deinde, mos habebat finem proprium, quia peregrini erant, non Israelitæ, apparet patrem voluisse eos certis notis discernere à suis popularibus, ne relaberentur ad impietatem popularium. Volebat his notis eos admonere doctrinæ fidei, & immortalitatis. Talis finis est licitus, At fines Monasticæ longe alij traduntur. Fingunt opera Monastices cultus esse, fingunt ea mereri remissionem peccatorum ac justificationem. Est igitur dissimile Monasticæ exemplum Rechabitarum, ut omittamus hic alia incommoda, quæ hærent in præsentī Monastica.

Citant & ex priore ad Timotheum. Cap. 5. de viduis, quæ servientes Ecclesiæ, alebantur de publico, ubi ait, Nubere volunt, habentes damnationem, quia primam fidem irritam fecerunt. Primum hic fingamus Apostolum de votis loqui, tamen hic locus non patrociniabitur Monasticis votis, quæ fiunt de impijs cultibus, & hac opinione, ut mereantur remissionem peccatorum, & justificationem. Paulus enim tota voce damnat omnes cultus, omnes leges, omnia opera, si ita observentur, ut mereantur remissionem peccatorum, aut, ut propter ea consequamur vitam æternam, non propter Christum per misericordiam. Ideo necesse est vota viduarum, si qua fuerunt, dissimilia fuisse votis Monasticis. Præterea, si non desinant adversarij detorquere locum ad vota, detorquendum erit eodem hoc quoq; quod vetat eligi viduam minorem annis sexaginta. Ita vota ante eam ætatem facta erunt irrita. Sed nondum norat Ecclesia hæc vota. Itaq; damnat Paulus viduas, non quia nubunt, Iubet enim nubere juniores, sed quia publico sumptu alitæ lasciviebant, ideoq; fidem abjiciebant. Hoc vocat primam fidem, scilicet, non voti Monastici, sed Christianismi. Et hoc modo fidem accipit in eodem Cap. Si quis proprios, & maxime domesticos non curat, fidem abnegavit. Aliter enim de fide loquitur quam Sophistæ, Non tribuit fidem his, qui habent peccatum mortale. Ideo dicit hos abjicere fidem, qui non curant propinquos. Et ad eundem modum dicit mulierculas petulantes fidem abjicere.

Percurrimus aliquot nostras rationes & obiter diluimus ea, quæ adversarij objiciunt, Et hæc collegimus non solum propter adversarios, sed multo magis propter pias mentes, ut habeant in conspectu causas, quare improbare debeant hypocrisin & fictos cultus Monasticos, quos quidem totos hæc una vox Christi abrogat, cum ait, Frustra colunt me mandatis hominum. Quare vota ipsa, & observationes ciborum, lectionum, cantuum, vestitus, calceorum, cingulorum, inutiles cultus sunt coram Deo. Et certo sciant omnes piæ mentes, simpliciter Pharisæicam & damnatam opinionem esse, quod illæ observationes mereantur remissionem peccatorum, quod propter eas justi reputemur, quod propter eas consequamur vitam æternam, non per misericordiam propter Christum. Et necesse est sanctos viros, qui in his vitæ generibus vixerunt, abjecta fiducia talium observationum, didicisse, quod remissionem peccatorum propter Christum gratis haberent, quod propter Christum per misericordiam consecuturi essent vitam æternam, non propter illos cultus, quod Deus tantum approbet cultus suo verbo institutos, qui valeant in fide.

## DE POTESTATE ECCLESIASTICA.

Vche-

**V**ehementer hic vociferantur adversarij de privilegijs & immunitatibus Ecclesiastici status, Et addunt Epilogum, Irrita sunt omnia, quæ in præsentī articulo contra immunitatem Ecclesiarum & Sacerdotum inferuntur. Hæc est mera calumnia, Nos enim de rebus alijs in hoc articulo disputavimus. Cæterum sæpe testari sumus, nos politicas ordinationes, & donationes Principum & privilegia non reprehendere. Sed utinam vicissim audirent adversarij querelas Ecclesiarum & piarum mentium. Dignitates & opes suas fortiter tuentur adversarij, Interim statum Ecclesiarum negligunt, non curant recte doceri Ecclesias, & Sacramenta rite tractari, Ad Sacerdotium admittunt quoslibet sine discrimine. Postea imponunt onera intolerabilia, quasi delectentur exitio aliorum, suas traditiones longe accuratius servari postulant, quam Evangelium. Nunc in gravissimis & difficillimis controversijs, de quibus populus misere cupit doceri, ut habeat aliquid certi, quod sequatur, non expediunt mentes, quas dubitatio acerbissime cruciat, tantum conclamant ad arma. Præterea in rebus manifestis decreta sanguine scripta proponunt, quæ minantur horrenda supplicia hominibus, nisi manifestè contra mandata Dei faciant. Hic vicissim oportebat vos videre lachrymas miserorum, & audire miserabiles querelas multorum bonorum hominum, quas haud dubie respicit, & exaudit Deus, cui aliquando rationem procurationis vestræ reddituri estis.

Cum autem nos in confessione, in hoc articulo, varios locos complexi simus, adversarij nihil respondent, nisi Episcopos habere potestatem regiminis & coercitivæ correctionis, ad dirigendum subditos in finem beatitudinis æternæ, Et ad potestatem regiminis, requiri potestatem judicandi, definiendi, discernendi, & statuendi ea, quæ ad præfatum finem expediunt aut conducunt. Hæc sunt verba confutationis, in quibus docent nos adversarij, quod Episcopi habeant auctoritatem condendi leges utiles ad consequendam vitam æternam. De hoc articulo controversia est.

Oportet autem in Ecclesia retinere hanc doctrinam, quod gratis propter Christum fide accipiamus remissionem peccatorum, Oportet & hanc doctrinam retineri, quod humanæ traditiones, sint inutiles cultus, Quare nec peccatum, nec justitia in cibo, potu, vestitu, & similibus rebus collocanda est, quarum usum *Matth. 15. Rom. 14.* voluit Christus liberum relinqui, cum ait, Quod intrat in os, non coinquinat hominem. Et Paulus, Regnum Dei non est esca, aut potus. Itaq; nullum habent jus Episcopi condendi traditiones extra Evangelium, ut mereantur remissionem peccatorum, ut sint cultus, quos approbet Deus tanquam justiciam, & qui gravent conscientias, ita ut peccatum sit eos omittere. Hæc omnia docet vel unus *Act. 15.* Locus in Actis, ubi Apostoli dicunt, Fide purificari corda, Et deinde prohibent imponere jugum, & ostendunt quantum periculi sit, exaggerant peccatum istorum, qui onerant Ecclesiam, Quid tentatis Deum, inquit?

Hoc fulmine nihil terrentur adversarij nostri, qui vi defendunt traditiones & impias opiniones. Nam & supra damnaverunt articulum XV. in quo posuimus quod traditiones non mereantur remissionem peccatorum, & hic dicunt traditiones conducere ad vitam æternam. Num merentur remissionem peccatorum? num sunt cultus, quos approbat Deus, tanquam justiciam, num vivificant corda? Paulus ad Colossenses ideo negat prodesse traditiones ad justiciam æternam & vitam æternam, quia cibus, potus, vestitus, & similia sint res usu pereuntes, At vita æterna in corde, rebus æternis, hoc est, verbo Dei & Spiritu sancto efficitur. Expediant igitur adversarij, quomodo conducant traditiones ad vitam æternam.

Cum autem Evangelium clare testetur, quod non debeant imponi Ecclesiæ traditiones, ut mereantur remissionem peccatorum, ut sint cultus, quos approbet Deus tanquam justiciam, ut gravent conscientias, ita ut omittere eas



judicetur esse peccatum, nunquam poterunt adversarij ostendere, quod Episcopi habeant potestatem tales cultus instituendi.

Ceterum quam potestatem tribuat Evangelium Episcopis, diximus in confessione. Qui nunc sunt Episcopi, non faciunt Episcoporum officia juxta Evangelium. Sed sint sane Episcopi juxta politiam Canonicam, quam non reprehendimus, Verum nos de Episcopo loquimur, juxta Evangelium, Et placet nobis vetus partitio potestatis, in potestatem Ordinis & potestatem Jurisdictionis. Habet igitur Episcopus potestatem ordinis, hoc est, ministerium Verbi & Sacramentorum, habet & potestatem Jurisdictionis, hoc est, auctoritatem excommunicandi obnoxios publicis criminibus, & rursus absolvendi eos, si conversi petant absolutionem. Neque vero habent potestatem tyrannicam, hoc est, sine certa lege, neque regiam, hoc est, supra legem, sed habent certum mandatum, certum verbum Dei, quod docere, juxta quod exercere suam Jurisdictionem debent. Quare non sequitur, etiamsi habeant aliquam Jurisdictionem, quod possint novos cultus instituere, Nam cultus nihil pertinent ad Jurisdictionem, Et habent verbum, habent mandatum, quatenus exercere Jurisdictionem debeant, scilicet, Si quis commiserit adversus illud verbum, quod acceperunt à Christo.

Quanquam nos in confessione addidimus etiam quatenus liceat eis condere traditiones, videlicet, non tanquam necessarios cultus, sed ut sit ordo in Ecclesia propter tranquillitatem. Et hæc non debent laqueos injicere conscientijs, tanquam præcipiant necessarios cultus, sicut Paulus docet, cum ait, In libertate, Gal. 5. qua Christus vos liberavit, stete, nec iterum jugo servitutis subjiciamini. Oportet igitur liberum usum talium ordinationum relinqui, modo ut scandala vitentur, ne judicentur esse cultus necessarii, sicut plæraq; ordinaverunt ipsi Apostoli, quæ tempore mutata sunt. Neq; ita tradiderunt ut mutare non liceret. Non enim dissentiebant à suis scriptis, in quibus magnopere laborant, ne Ecclesiam opprimat opinio, quod ritus humani sint necessarii cultus.

Hæc est simplex ratio traditionum interpretandarum, videlicet, ut sciamus eas non esse necessarios cultus, & tamen propter vitanda scandala in loco sine superstitione observemus. Et sic multi docti & magni viri in Ecclesia senserunt, Nec videmus quid opponi possit. Certum est enim sententiam illam, Luc. 10. Qui vos audit, me audit, non loqui de traditionibus, sed maxime contra traditiones facere. Non est enim mandatum cum libera, ut vocant, sed cautio de rato, de speciali mandato, hoc est, testimonium datum Apostolis, ut eis de alieno verbo, non de proprio credamus. Vult enim Christus nos confirmare, quemadmodum opus erat, ut sciremus Verbum traditum per homines efficax esse, nec quærendum esse aliud verbum de cælo. De traditionibus non potest accipi, Qui vos audit, me audit. Requirit enim Christus, ut ita doceant, ut ipse audiatur, quia dicit, Me audit. Igitur suam vocem, suum Verbum vult audiri, non traditiones humanas, Ita dictum, quod maxime pro nobis facit, & gravissimam consolationem & doctrinam continet, detorquent isti asini ad res nugacissimas, discrimina ciborum, vestitus, & similia.

Citant & hoc. Obedite præpositis vestris, Hæc sententia requirit obedientiam erga Evangelium. Non enim constituit regnum Episcopis extra Evangelium, Nec debent Episcopi traditiones contra Evangelium condere, aut traditiones suas contra Evangelium interpretari. Idq; cum faciunt, obedientia prohibetur, juxta illud, Siquis aliud Evangelium docet, anathema sit. 1. Th. 3. Gal. 1.

Idem respondemus ad hunc locum, Quicquid dixerint, facite, quod conflet, non universaliter præcipi, ut omnia recipiamus, Quia alibi jubet scriptura plus obedire Deo, quam hominibus. Quando igitur impia docent non sunt audiendi. Hæc autem impia sunt, quod traditiones humanæ sint cultus Dei, quod sint necessarii cultus, quod mereantur remissionem peccatorum & vitam æternam. Mat. 23.

Objiciunt & scandala publica, & motus, qui exorti sunt prætextu nostræ doctrinæ.

doctrinæ. Ad hæc breviter respondemus, Primum, Constat Dei beneficio Principes nostros habere obedientem populum in suis ditionibus, Et hoc ipsum doctrinæ genus, quod sequimur, quia amplissimis laudibus ornat auctoritatem magistratuum, auget reverentiam erga eos, Ea res etiam plurimum conducit ad tranquillitatem retinendam. Deinde si conferantur in unum scandala omnia, tamen hi duo articuli, videlicet, Quod gratis consequamur remissionem peccatorum, propter Christum per fidem, & quod iusti propter Christum reputemur fide, non propter nostram impletionem legis, Et alter, Quod magistratus, leges, & tota politia sint ordinationes divinæ, quibus Christianus sancte uti potest, tantum habent boni ut incommoda omnia obruant. Nullam enim firmam consolationem pavidæ conscientiæ habere possunt adversus iram Dei, nisi cognito altero articulo. Alter articulus valde munit tranquillitatem rerum publicarum.

Porro quam perniciosis opinionibus ante hæc tempora, utrumq; doctrinæ genus oppressum fuerit, nemo ignorat, & libri adversariorum testantur, qui nusquam fidei mentionem faciunt, cum de remissione peccatorum loquuntur, Nusquam docent de dignitate rerum civilium, Nusquam docent quomodo Evangelium tradat justiciam æternam, Interim in vita corporali velit nos uti politicis legibus ac moribus. Hæ res patefactæ initio favorem conciliaverunt Luthero, non solum apud nos, sed etiam apud multos, qui nunc atrocissime nos oppugnant; *παλαιὰ ὃ ἰὺδα χάρις, ἀμάρτην δὲ βροτῶν*, inquit Pindarus. Iam si qui tumultus extiterunt, iure conferri culpa potest in adversarios, qui primum injusta condemnatione Lutheri Schisma excitarunt, & Ecclesias dissipaverunt, Et nunc miram sævitiam exercent in viros bonos & pia docentes, Irritant hominum animos & alijs modis, quos hic non libet recitare.

Car. 7. Neq; vero adeo ferrei, adeo sine sensu sumus, ut offensiones publicæ nihil perturbent nos, Sed meminimus à Christo dictum esse, Beatus, qui in me non fuerit scandalizatus. Hoc enim agit Diabolus, tum ut opprimat, tum ut deformet Evangelium infinitis modis, Alibi tyrannos contra Evangelij professores inflamat, alibi bella, alibi seditiones, alibi hæreses excitat, ut reddat invisum hoc doctrinæ genus, quod videtur occasionem præbere talibus motibus. Ac vero prudentibus viris facilius est sua pericula negligere, quam illa scandala publicorum motuum, Verum adversus hæc quoq; oportet Christianam mentem præmunitam esse, ne propter ea verbum Dei abjiciat.

Quamquam autem non delectat nos comparatio, tamen quia adversarij hac criminatione prægravant nos, non sunt dissimulanda ipsorum vitia, Quantum mali est apud adversarios in sacrilega prophanatione Missarum? Quantum turpitudinis habet coelibatus eorum? Cultus Sanctorum plenus apud eos est manifesta Idolatria. Nihil ne scandali est in ambitione pontificum, qui iam annis amplius quadringentis belligerantur cum nostris Imperatoribus, Plærunq; in Italia, interdum etiam in ipsa Germania, ubi inter se Filium & Patrem, cognatos ac cives commiserunt. Quod si bellorum istorum causæ requirantur ex historijs, nihil inveniatur dignum Pontificibus, dicemus enim moderatissime. Quantum est mali, quod in ordinandis sacerdotibus non deligunt idoneos? Quid in mercatu sacerdotiorum? Itē in periculosis dispensationibus nihil ne est vitij? Sed hæc vitia utcunq; condonari possent, si tamen conservassent purā doctrinam in Ecclesijs. Hæc vero quomodo contaminata sit impijs opinionibus ac traditionibus, testantur Canonistarum scripta, testantur libri Theologorum, pleni disputationum prophanarum, quæ partim sunt inutiles ad pietatē, partim etiam dissident ab Evangelio. Deinde in interpretatione scripturæ ludunt & comminiscuntur, quicquid libet.

Hæc doctrinæ confusio præcipuum est scandalum, & maxime perniciosum, de quo præcipue queritur Iohannes in Apocalypsi, cum describit Pontificum regnum. Quid cum ventum est ad Monachorum superstitiones, quæ fuerant infinitæ, quantum ibi est perniciosarum offensionum? qualis fuit applicatio

meritorum, si cadaveri circumdaretur cucullus? &c. Porro nihilne scandalum est, quod hoc tempore manifestam veritatem Evangelij opprimere conantur? quod crudeliter occidunt bonos viros pia docentes, quod prohibent ne rebus cognitis sanentur ambigentes conscientia, quod Reges hortantur ad crudele latrocinium. Scilicet hæc non sunt scandala judicanda, sed mera κατορθώματα Pontificia. Neq; vero libet nobis hic quicquam pro magnitudine rerum exaggerare, ne quis delectari nos ista commemoratione putet, quam extorserunt nobis invitis scriptores confutationis. Nam hæc causa non ex hominum moribus, aut ex fortuna, sed ex verbo Dei judicari debet, quod utinam adhiberent in consilium omnes, qui de his controversijs pronunciant.

Iterum autem hic dicendum est, quod sæpe jam diximus, Nos maxime cupidi sumus publicæ concordia, pacisq; quam certe Christianos maxime inter se colere decet. Deinde inviti dissentimus ab optimo Imperatore, quem non solum propter Imperij fastigium, sed etiam propter virtutes vere heroicas, quibus cognovimus eum præditum esse, veneramus, sed adversarij non patiuntur coire concordiam nisi hac lege, ut nos assentiamur condemnantibus manifestam veritatem Evangelij, & Ecclesiæ necessariam, Id facere non possumus. Oportet enim Deo magis obedire, quam hominibus. Quare adversarij rationem Schismatis reddituri sunt Deo, qui Ecclesias nova & inusitata sævitia dissipant. Neq; dubium est, quin hæc sævitia mutationem aliquam rebus publicis allatura sit. Hæc pro tempore respondimus ad confutationem ac judicium pijs omnibus permittimus, utra pars recte sentiat. Et offerimus nos, nostram sententiam de singulis locis, Siquid alicubi desiderabitur, copiosius declaraturos esse.

~~~~~

# IN CANTICA CANTICORUM, BREVIS ENARRATIO D. MARTINI LUTHERI, EX EIVS PRÆLECTIONIBVS à M. Vito Theodoro Nurebergenfi collecta.

Anno M. D. XXXVIII.

## PRÆFATIO D. MARTINI LUTHERI, IN CANTICA CANTICORVM.

Argumentum  
Libri.

**I**n hoc Canticum Regis Salomonis multi varias, easq; in-  
festivas & prodigiosas interpretationes commenti sunt, Verum ut quam simpli-  
cissimus & germanus hujus Libri sensus quaratur, existimo esse ejusmodi Canti-  
cum, in quo Salomon laudibus Deum celebret, eiq; pro constituto & confirmato  
divinitus Regno ac Politia sua gratias agat, & oret pro ejusdem Regni sui conservatione &  
propagatione, simulq; consoletur incolas & cives ejusdem Regni, ut in tentationibus & rebus  
adversis bono animo sint, & Deo confidant, qui defendere & liberare perpetuo soleat suos, ad  
se clamantes &c. Quemadmodum autem Moses Exod. 15. Canticum suum de illo opere, quod Eod. 17.  
tum fiebat in mari rubro, composuit, & omnia Cantica, quæ in sacris literis extant, ad suo-  
rum temporum Historias directa sunt. quale est Canticum Debora, Indi. 5. Item Hanna 1. 2. Reg. 2. & pluraq; alia, Et major etiam pars Psalmorum, exceptis illis, qui Prophetias de  
Christo continent. Ita haud dubie & Salomon Canticum illud scripsit, de Regno & Poli-  
tia sua, quod benignitate Dei, in pulcherrima ac latissima pace, ac summa tranquillitate ad-  
ministravit, Sicut ista omnia ex ipso textu patebunt.

Porro



Porro cum omne Regnum, Principatus seu Politia, Verbum & verum cultum Dei habens, multa incommoda cogatur ferre, hoc est, ludibrium & abominatio esse toti Mundo, in medio hostium versari, ac singulis horis, velut ovis mactationi destinata, mortem expectare, merito tale Regnum seu Politia populus Dei vocatur, omniq; jure potest hoc Canticum & Politiam Salomonis, velut exemplum, sibi proponere, & ad eundem modum Deum laudare, in Deo gloriari, letari, ac misericordiam & potentiam ejus divinam, qua tnetur suos contra Diaboli insidias & mundi tyrannidem, admirari, & predicare. Canticum & politiam Salomonis quibus pie magistratus imitari possit. Quemadmodum enim Psalmis Davidis & Prophetarum scriptis utimur, velut Exemplis, etiamsi non simus David nec Propheta, Quia vero cum ipsis eadem & communia bona, hoc est, idem Verbum, Spiritum, Fidem, Beatitudinem, habemus, eadem pericula & afflictiones propter verbum Dei sustinemus, merito etiam voces & sermones ipsorum nobis usurpamus, laudantes & canentes, sicut ipsi laudaverunt & cecinerunt. Sic qualibet Politia, in qua est Ecclesia, & Princeps pius, potest hoc Canticum Salomonis non aliter uti, ac si de sua ditione seu politia composita esset.

Atque hoc modo fit ex isto Canticum Canticorum, quod Salomon de sua Politia tantum cecinit, communis quadam Cantio, pro omnibus Politijs, qua sunt Populus Dei, hoc est, qua verbum Dei habent & reverenter colunt & agnoscunt, ac vere credunt potestatem Magistratum à Deo constitutam & ordinatam esse, per quam conservet Deus pacem, justiciam & disciplinam, fontes puniat, innocentes defendat &c. Pro his tantis beneficijs Deum cum gratiarum actione laudant & predicant. Deinde p; Magistratus & Politia, non ponant spem aut fiduciam ullam in opibus, potentia, sapientia, & alijs humanis presidys, qua nec firma nec diuturna sunt, sed consolantur, admonent, & exsuscitant sese, ut in omnibus afflictionibus & periculis ad Deum confugiant, eiq; confidant, tanquam vero & unico auxiliatori & Salvatore, qui nunquam deserit populum suum, persecutionem patientem propter Nomen & Verbum suum. Nam certum est, populum pietatis studiosum, & amantem verbi, semper obnoxium esse multis malis, quibus à Diabolo & mundo premitur.

Hincq; appellatur hac Cantio, Canticum Canticorum, Quia de rebus summis ac maximis agit, nempe de Magistratibus divinitus ordinatis, seu de populo Dei. Non de privata aliqua Historia, sicut alia Cantiones in sacris literis, sed de toto ac durabili aliquo Regno, seu populo, in quo Deus assidue multa & ingentia miracula edidit, ac potentiam suam ostendit, conservando & tuendo illum, adversus omnes insultus Diaboli & mundi. Cur appellatur Canticum Canticorum. Ad hanc canit de his tantis rebus non vulgaribus verbis, quibus vulgo utuntur homines, sed magnificis & figuratis verbis illustrat & exornat res suas, ita ut vulgus eas audiens, intelligat longe diversum quiddam agi. Sicut enim Reges & Principes solent, meditantur & canunt amatoria carmina, qua vulgus accipit de sponsa aut amica cantata, cum tamen politia & populi sui statum his depingant. Quemadmodum Thewerdanc fecit, qui Maximiliana Sponsam & Hrentreich conjungit, Aut si de venationibus loquuntur, significare volunt hoc sermone, hostem fusum ac fugatum, ac se victoriam potitos esse. Ut cum dicunt, Aper est confossus, Fera capta, & id genus alia. Qua forma utitur hanc sit usus Salomon in hoc canticum.

Ad eundem modum fecit Salomon in hoc suo Canticum, utitur magnificis, & Rege tanto dignis verbis, in rebus suis describendis, Constituit Deum Sponsam, & populum suum Sponsam, atque ita canit, quanto opere Deus populum illum diligit, quot & quantis beneficijs eum afficiat & cumulet, Denique ea benignitate & clementia eundem complectatur ac fovet, qua nullus unquam Sponsus Sponsam suam complexus est ac fovit. Deum Sponsam Ecclesiam Sponsam. Orditur itaque ac loquitur in persona totius populi, velut Sponsa Dei.

**H**unc librum suscepimus enarrandum, Non studio ostentanda eruditionis, sicut quidam Cur hunc librum enarrandum suscepimus. qui omnem operam ponunt in obscuros Libros, quod scilicet & a. laudem ingenij faciat, ausum esse ea attingere, qua alij propter obscuritatem fugiunt, & in obscuris curique liberum sit divinare, ac speculationibus seu proprijs cogitationibus indulgere, Sed ut, repulsis ineptis opinionibus, quibus hactenus libellus hic obscuratus est, aliam commodiorem sententiam ostenderemus, utilem ad vitam & ad beneficia Dei recte inspicenda.

*Finis scripturae,  
Gr.*

Scimus enim hunc totius Scripturæ esse finem, ut doceat, arguat, emendet, ac adju-  
sticiam instituat, ut perfectus sit homo Dei ad omne opus bonum, Sicut Paulus dicit 2. Tim. 3. 1. Ta;  
Hunc finem qui non respiciunt, etsi opinionem eruditionis divinationibus suis apud imperitos  
comparant, Tamen verum succum Scripturæ non norunt. Nec dissimilis ea eruditio est,  
corporibus qua hydropes infecta sunt, Ea tumore immodico inflata, speciem succi habent, sed  
qui totus corruptus & vitiosus est. Quare nos referimus inter enarrandum cogitationes  
nostras eo, ut hic quoque liber, tum doctrina ad vitam utili, tum consolationibus nos erudi-  
at. Neq, enim unquam assentimur ijs, qui putant esse amatorum Carmen, de filia Phara-  
onis à Salomone adamata. Neq, hoc placet, ut exponamus de conjunctione Dei & Synagoga,  
Aut sicut Tropologistæ, de anima fideli. Ex his enim sententijs, quid quæso fructus potest per-  
cipi? Etsi igitur in tanta Scriptorum varietate hic liber adhuc in obscuro sit positus, Nos ta-  
men insistentes novam viam à summa sententia non aberrabimus, etsi alicubi fortasse in par-  
tibus errare possumus. Mea igitur sententia hæc est.

*Inepte aliorum  
enarrationes re-  
prehensa.*

*Libri Salomo-  
nis tres.*

*1.  
Argumentum  
Proverbiorum  
Salomonis.*

*2.  
Ecclesiasta.*

*3.  
Canticum Canti-  
corum.*

Extant tres libri Salomonis in scriptura sancta. Primus, Proverbiorum, maxima ex  
parte est Oeconomicus, & communia vitæ hujus ac morum præcepta proponit. Non eo  
modo, quo gentilium Philosophi, Sed ubiq, aspersa graviore doctrina de fide & timore Dei,  
quam Gentes non viderunt. Secundus liber, Ecclesiastes, est politicus, qui non in genere so-  
lum omnes, sed Magistratum maxime docet, ut scilicet timeat Deum is, qui alijs præst, &  
strenue faciat ea, quæ præ manibus sunt, neq, se vel rei difficultate, vel ingratitude homi-  
num frangi sinat, quo minus suum officium faciat. Tertius est præsens liber, qui inscribitur  
Canticum Canticorum, Is proprie ad Ecclesiasten pertinet. Est enim Encomium politia, quæ  
temporibus Salomonis in pulcherrima pace floruit. Quemadmodum enim in sacra scriptura,  
qui scripserunt cantica, de rebus à se gestis, ea scripserunt. Sic Salomon per hoc poema nobis su-  
am politiam commendat, & quasi Encomium pacis & præsentis status reipublicæ instituit,  
In quo gratias Deo agit, pro summo illo beneficio, pro externa pace, in aliorum exemplum ut  
ipsi quoque sic discant Deo gratias agere, agnoscere beneficia summa, Et orare, si quid minus  
recte in imperio acciderit, ut corrigatur.

Habet autem nomen vel à materia, quod de maximo omnium humanorum operum,  
de Politia scilicet agat, vel à Phrasi, quod grandi orationis genere sit scriptum. Est  
enim omnino figuratum poema, Figura autem grandem orationem effici-  
unt. Orditur itaque ac loquitur in persona totius populi,  
velut Sponsa Dei.

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

## CAPUT I.

Osculatur me.

*Laudat Politi-  
am suam, quod  
habeat verbum  
Dei.*

*Fides aliter,  
quæ ratio ju-  
dicat.*

**O**quitur pro more illius populi, Apud nos minus honesta oscu-  
la habentur. Sunt autem oscula amoris & favoris signa. Sic igitur di-  
cit, Osculatur me Deus, id est, favet huic politia, osculatur eam, o-  
mni genere beneficiorum & amoris eam prosequitur. Est autem hæc  
fidei vox, pronunciare regnum, quod in speciem varie affligebatur, Deo curæ ef-  
se, à Deo amari, diligere. In specie non apparet, quod osculetur Synagogam, sed  
quod laceret potius & abominetur. Quod autem addit,

Osculo oris sui.

*Præcipuum Po-  
litia thesaurus  
verbum, Gr.*

Significat, quod Deus hunc populum suo verbo dignetur. Atque hic qui-  
dē thesaurus ille est, qui merito primus in Politia jactatur, sine quo Politia consi-  
stere diutius non potest. Iactat hoc donum hujus populi Paulus quoq, in Roma-  
nis cap. 3. Sunt illis credita oracula Dei. Item Psal. 147. Qui annunciat verbum  
suum Jacob &c. Non fecit taliter omni Nationi. Verbum enim est, quod pios ab  
impijs discernit. Per verbum quoq, fit, ut sentiamus omnia, quæ habemus, si-  
ve in Politia, sive in Oeconomia, esse dona Dei, & mera divinæ voluntatis & favo-  
ris et-

*Rom. 1.  
Psalm. 147.*

ris erga nos signa. Reliqui licet abundant omnibus bonis, non tamen ea dona Dei esse intelligunt. Non igitur potest fieri, quin ijs in suā perniciem abutantur.

*Tua ubera jucundiora sunt vino.*

Vbera pertinent ad doctrinam, qua aluntur animi, ut fiat perfectus homo ad omne opus bonum. Eam comparat vino, cui sacra scriptura tribuit, quod lætificent cor. Ponitur igitur per metaphoram vinum, pro omnibus mundi delicijs & voluptatibus. Et est hæc quasi excellētis fidei vox, quod dicit, Ego præfero Verbum tuū omnibus mundi voluptatibus. Sunt enim omnia referenda ad verbum.

*Nomen enim tuum oleum effusum est.*

Sunt valde significantes figuræ & insignes. Nomen tuum, id est, cognitio tui, est sicut oleum. Nam fundit odorem gratum, & per Verbum latius spargitur, Neq; est hoc beneficium Verbi in angulo, sed invulgatur per totam meam ditionem, & spargit odorem in vicinos quoq; populos, sicut unguentum effusum.

*Vt odorentur optima balsama tua.*

Id est, ubi Verbum tuum est, Ibi sentiuntur beneficia tua. Pij enim sciunt per Verbum, quod donis Dei fruuntur & abundant. Quod si ea auferantur, sciunt se tentari à Deo, & patienter Crucem ferunt.

*Ideo Virgines te diligunt.*

Est Ebraismus, quod Civitates appellantur matres & filia, Virginem autem Hierusalem vocat. Est igitur sententia, Per Verbum tuum fit, ut his tantis beneficijs allekti te diligant & ament, qui hinc inde in meo regno pij homines sunt. Hactenus commendavit Politiam suam, propterea quod verbum Dei habet. Impie igitur à multis nunc externum Verbum contemnitur, qui Spiritum jaſtant, citra verbum vocale, per diabolicas revelationes, Et tamen nec quid spiritus, nec quid verbum sit norunt.

*Trabe me post te.*

Scire & posse duo sunt. Quando igitur Verbum habemus, non statim possumus illud sequi, sed detrahunt à Verbo Caro nostra, Mundus & Satan, Subjicit igitur jam orationem. Dedisti verbum, pro quo tibi gratias ago, Nunc fac, ut etiam faciamus, quæ Verbum docet, & sequamur id in vita nostra. Nullum est vitæ genus, quod non sua incommoda habeat, Duc uxorem, statim videbis malorum pelagus, invenies quæ in uxore, quæ in liberis displiceant, Cura quoq; ventris exercebit te. Sic qui in imperio sunt, plurima mala sentiunt, nusquam enim Satan cessat. Sola igitur oratio restat, qua difficultates & scopulos illos, in quos impingimus, superemus. Deus enim ideo nos tentat his malis, ut ostendatur gloria verbi, & magnificetur virtus divina in infirmitate, alioqui non erat locus ostendendæ gloriæ & misericordiæ suæ.

*Et curremus.*

Est Emphaticum, Non dicit ambulabimus sed curremus. Si tu afflaveris Spiritu tuo, libenter agam Principem, doctorem, maritum, discipulum &c. Si non afflaveris, nihil quisquam, quatumvis magno studio & cura, promovebit, præsertim in Politia. Sicut videmus summorum hominum sapientia everſas, non adjutas, florentissimas Respublicas esse.

*Rex introduxit me in conclave suum.*

Alludit ad mores sponsi & sponsæ, & figurate ostendit exauditam Orationem esse. Significat enim summam benevolentiam Dei erga nos. Deus, inquit, in illis malis, quæ in Republ. sentio, consolatur me, ostendit se mihi & faventem. Sicut cum sponsus sponsam in conclave ducit, non facit illi in odio sponsæ. Sic exprimit summum illum affectum, quam Deus erga orantes habet, quod exaudiat, conſoletur, foveat, augeat donis & virtutibus suis, ut unusquisque commodius suum officium facere possit.

Nunc



*Nunc exultabimus & letabimur in te.*

*Exauditionem  
sequitur gratia-  
rum actio.*

Exauditam orationem sequitur gratiarum actio. Exultabo, jam, quod non deferis me, sed suscipis me in misericordijs tuis. Est Emphaticū, quod dicit, in te, Q. d. Extra tuum solatium & auxilium nihil sentitur, nisi labores, molestiæ, impatientia, moerores, luctus &c.

*Memores uberum tuorum plus quam vini.*

*Memoria.  
Vinum.*

Pertinet ad gratiarum actionem, Id est, Erimus grati, commemorabimus memoriam tuam, quam nos ames, Siquidem ubera tua nobis donas. Memoria enim significat, prædicare, laudare, agere gratias. Vinum, sicut supra, vocat omnia corporalia & carnalia gaudia.

*Recte diligunt te.*

*Curvi.*

*Recti.*

*Iam concionem  
instituit.  
Ratio superas-  
dorum malis-  
sum.*

Curvi, qui in suum commodum sunt flexi, sic volunt vivere, ut nulla incommoda sentiant, Si quæ autem incidunt, offenduntur & murmurant cum summa impatientia. Contra, recti cum sentiunt difficultates & incommoda, patienter ea ferunt, & orant. Liberati igitur agnoscunt summam Dei erga se benevolentiam, & amorem, Sicq; impensius amant Deum. Iam igitur Salomon instituit concionem, ad docendos curvos illos, ut eodem modo ipsi quoq; discant præsentia mala superare, ferendo scilicet & orando. Sic enim solent tentati & exauditi, alios quoque docent & instituunt, ut Psal. testatur 116. Credidi, propter quod locutus sum.

## DE PROCESSU ET ORDINE TOTIVS LIBRI.

*Idea Reipubl:  
& communis  
vite proposita.*

*Davidis exemplum.*

*Reipubl.*

*Canon obser-  
vandum etc.*

Orro hic ordo & processus hujus Cantici est, Quod alternat consolationes, querimonias, orationes, item exhortationes. Sicut enim in Rep. legibus instituta agitur, Imo sicut hæc vita nostra vivitur, Sic etiam ipse in hoc Libro agit, & ideam quandam Reip. & communis vitæ proponit, ubi afflictionem consolatio, consolationem alia afflictio pervices, sicut nox diem, sequitur. Sic in rebus publ. semper novæ procellæ, novi motus & terrores incidunt, quibus discussis non datur diutius quies, Sed aliæ statim turbæ & calamitates sequuntur. Qui versantur in rebus publ. testes hujus rei erunt. Sic Davidem principio excipiebat defectio populi, Vix compositum illud malum erat, & ecce aliud tanto gravius, quanto minus expectabatur, incidit. Dilectissimus filius Absalom intesta arma contra patrem movet, Nec satis fuit pepulisse patrem regno, regias Concubinas & Vxores quoque patris constuprat. Sic resp. est ceu periculosa in procelloso mari navigatio.

Quare Salomon subinde consolationes & exhortationes repetit ad animandos præsidum animos, Ne tantis difficultatibus fracti resiliant aut desperent, Sed discant ad hunc modum oratione se erigere, & sperare salutem. Quæ ubi contigerit, rursus sic parandus est animus, ne securis malis succumbat. Quemadmodum enim juga montium valles, & noctem dies, Sic perpetuis vicibus afflictionem liberatio, liberationem rursus aliud malum excipit. Quem Canonem si quis observaverit, is bonam partem hujus libri intelligit. Post, si quis id quoque volet, nullus labor est Allegorias comminisci.

*Nigra sum, sed desiderabilis, filia Hierusalem.*

Monu, instituere eum post gratiarum actionem Concionem.

*Filia Hierusalem.*

Id est, vos Ponticæ & circumjacentia oppida, nolite offendi, si minus omnia succedant..

Sum ni-

*Sum nigra.*

Quanquam sim politia, divinitus instituta & ornata verbo Dei, Tamen in speciem miserrima esse videor, Nusquam succedit. pauciss. sunt, qui pacem publicam ament & tueantur. Videor non Politia, sed quædam seditiosorum hominum colluvies esse. Nolite hac forma offendi, Figite oculos non in nigredinem, sed in osculum, quod mihi Deus offert, & tum videbitis me formosam & amabilem esse. Quanquam enim foris varie sim vexata, Tamen propter verbum & fidem sum desiderabilis. Sic Ecclesia quoque in speciem non desiderabilis, sed lacerata esse videtur, & misere afflicta, omniumque opprobrijs exposita. Est autem ea consolatio nostra, quod nostra salus in Verbo & in Fide, non in externa specie, est sita.

*Exhortatio ne  
misera Ecclesia  
specie offenda-  
mur.*

*Ecclesia in spe-  
ciem lacerata,  
&c.*

*Sicut tabernacula Kedar, & sicut tabernacula Salomonis.*

Tabernacula Kedar, id est, Arabum, sunt vilia & deformia, Contra tabernacula Salomonis, sunt regia & pulcherrima. Puto igitur sic sententiam distribuendam, Nigra sum, sicut tabernacula Kedar, Videor esse ceu multitudo quædam Arabum, qui nullam Politiam habent. Multi enim sunt in populo meo, qui non credant verbo, Multi quoque, qui magistratui non obsequantur. Apparet igitur confusio potius hominum, quam bene instructa Politia esse. Sed nihilominus sum desiderabilis, sicut tabernacula Salomonis. Si quis internam speciem consideret, videbit tamen multos in illa Politia pios homines, qui obediunt & sunt bona ac fidelia politię membra &c.

*Tabernacula  
Kedar,*

*Nolite me considerare, quod fusca sum.*

Pergit exhortari contra scandala, ac monet, Noli me ea parte intueri, quæ sum deformis, Sed fige oculos in formam & venustatem meam, contemplare virtutes, non vitia mea. Porro qui hoc novit, ille demum se omnium maximam artem didicisse & nosse sciat. Sic enim sumus nati, ut plus uno aliquo vitio moveamur, quam reliquis virtutibus omnibus. Sic hodie qui sapientissimi in mundo judicantur, offenduntur multis malis, quæ præter meritum Evangelio imputant. Rursus quanta bona Evangelij beneficio, tum privatim in hominum animis & conscientijs, tum publice in Politia & Oeconomia acceperimus, nemo vel paucissimi æstimant. Quod enim quæso vitæ genus fuit ante Evangelij revelationem, de quo vere potuerint judicare homines? Non maritus, non uxor, non liberi, non magistratus, non cives, non servi, non ancillæ, norant se in tali vitæ genere constitutos, quod Deo probaretur. Ideo ad Monachorum opera confugiebant omnes.

*Quæ bona per  
Evangelium  
contigerunt op-  
tati &c.*

Similiter ante datam Evangelij lucem, quæ nam ars recte est tradita? Cujus artis usus recte ostensus aut cognitus fuit? Clarum id est in puerilibus disciplinis, Nec grammaticæ, neque Dialecticæ, nec Rhetoricæ usus patebat, tantum aberat, ut recte doceri possent. Quod si hæc in levibus his artibus acciderunt, quanto magis acciderunt in gravioribus artibus. De Theologia res ipsa loquitur, Juris professores etsi artem & artis usum quasi nossent, tamen quod omnium pestilentissimum erat, paucissimi credebant se in tali vitæ genere esse, quod Deo probaretur, Idem de medicis licet dicere. Hæc tanta incommoda nemo tum considerabat, Nunc præsentium bonorum obliti, in mala tantum respiciunt ingratis-  
simi homines. Meretur autem summa hæc ingratitude, ne tantorum bonorum aspectu frui possimus, Sicut scriptum est, Non videbit impius gloriam Dei. Pij autem & tanta beneficia Dei vident, & grati pro ijs sunt.

*Statim rerum  
ante revelationem  
Evangelium.*

*Ingratitudo,*

Porro debet hic Canon etiam in privata vita diligentissime observari, Si quis nigredinem ex oculis seponat, videbit mundum repletum misericordia divina, Sicut est in Psal. 107. Quis sapiens & custodiet hæc, & misericordias Domini intelliget. Sic in quotidiana hominum conversatione videbis nullum homi-

*Canon obser-  
vandum.  
Mundus miseri-  
cordia Dei plenus.*

*Bona potius  
quam mala  
consideranda.*

hominem tam esse malum, quin multas & innumerabiles dotes habeat. Assuefaciendus igitur est animus, ut magis virtutes in singulis admiretur, quam vitia, si qua sunt, offendatur. Habet aliquis vitia, habet idem suas quoque virtutes necesse est, Neque enim omnibus instrumentis, quæ à natura accepit, abuti potest. Profuerit autem illa ratio ad conservandam cordis pacem. Si enim in vitia tantum & incommoda, quæ quotidie incidunt, oculos figas, necesse est animum impatientia & odio tentari. Cum igitur illa mala, & res illæ mutari non possint, muteris tu, & aliam induas opinionem, & retine liberum animum dissimulatis præsentibus incommodis, Sicut monet optima illa sèrètia, qua in Ecclesiaste sæpe usi sumus, Mitte vadere sicut vadit, quando vult vadere sicut vadit. Præsentia autem comoda & beneficia tot, tantaque sunt, ut pius homo facile præ illis malorum obliviscatur.

*Quia decoloravit me sol.*

*Sol.*

Sol significat tribulationem, Sicut judicat Christus in parabola de semine, per solem adusto, Item in Psal. 121. Per diem sol non uret te, neque luna per noctem. Dicit igitur, nunc quæso ulla nigredine ne offendamini, nolite mihi eam imputare, Sol me denigravit, Q. d. Vbicunque est Verbum & divina ordinatio, ubicunque aliqua politia est forma, ibi Sol veniet & afferet nigredinem, Hoc est, Diabolus se opponet, ut videatur illud Verbum, illa politia prorsus defectura, Sed nolite offendi, non prævalebit Satan.

*Verbum sequi  
tur crux.*

*Matris meæ filij mihi succensent.*

*Ecclesiam &  
politiam à filiis  
lacerari.*

Sic debet in Politia agi, ut non solum multæ tribulationes sint, Sed ut etiam Filij insaniant contra Matrem, hoc est, politiam, contra mandatum & verbum Dei. Qui igitur in imperio est, sciat se constitutum super seditiosos cives, quibus nihil deest, nisi occasio commoda movendæ seditionis, Vt qui debebant in administratione esse auxilio, illi hoc unicum agunt, quomodo eam evertant & diripiant. Experti sunt hoc David, Romani, Et hodie credo hanc unicam omnium bonorum Principum esse querelam.

*Vox bonorum  
Principum.*

*Posita sum custos super vineas. Verum vineam meam,  
quam habebam, non custodi vi.*

*Gravis querela  
Vinea.*

Est gravis querimonia. Fatetur se jus, potestatem, nomen Regis habere, Sed executio penes alios est, inquit. Vineam est populus. Super istum populum ego sum constitutus rex & princeps, Quid facio? Vineam meam non custodi vi. Sic aperte fatetur, non posse humano consilio respubl. teneri, Sed longe minorem esse omnem humanam sapientiam, quam quæ ad tantam rem sustinendam sufficiat. Ratio in promptu est, Sint quantumvis boni, pii, sapientes Principes, non tamen mederi omnibus vitia possunt. Tanta mundi est malitia, Et illi ipsi, qui in vinea sunt, se opponunt & resistunt, ac nolunt regi. Quid igitur faciendum est? Num ob tantas difficultates & molestias respubl. deferendæ? Non. Sed quantum potest, debet illa nigredo ab oculis removeri, & occupari animus meditatione beneficiorum Dei, quæ in verbo promittit & exhibet quoque, Deinde exemplo hujus Regis ad orationem confugiendum est.

*Humano consilio  
non resp. non reguntur.  
Quid in difficultatibus faciendum.*

*Indica mihi tu, quem diligit anima mea.*

*A Domino  
petendum, ut  
sufficiat quæ  
gubernationi  
sunt necessaria.  
Ciceroni rex.*

Hæc est oratio, in qua fatetur, sibi deesse sapientiam & vires bene administrandæ reipubl. Sic Dux Saxonie Fridericus, ad Staupitium dixit, Minus minusque se scire, quomodo administret ducatum suum, adeo neminem esse, cui tuto aliquid committere possit. Sic Cicero, post bellum civile hanc vocem indignationis & desperationis plenissimam edidit, O me frustra sapientem putatum. Pii ergo Principes exemplo Salomonis orent & dicant, O Deus creator & gubernator omnium, quem anima mea diligit, indica quo modo vinea mihi commissa sit custodienda, &c.

Vbi



*Vbi pascas, ubi quiescas in meridie.*

Destitutus sapientia & viribus suis exoptat Deum consortem Regni. Ostende mihi ubinam te inveniam, ut una mecum rempublicam administres. Ego quasi in nocte & atra caligine in politia versor, Tu cubas in meridie, utinam mihi sic in meridie, id est, in summa pace liceret regere.

\* *Vt quid ero sicut opertus juxta greges sodalium tuorum.*

Opertura erat signum mœroris, sicut involutum caput apud Romanos. Orat igitur, Exime me his molestiis, tua ope minue curas, tædia & fastidia tua præsentia.

Da animum, ne desperem, aut tantis difficultatibus succumbam, Atq; id juxta greges sodalium tuorum. Sum in insigni loco, in grege sodalium tuorum, Sunt adhuc qui Verbo & Spiritu tuo regantur. Propter illos, quaeso, da successum & tranquillitatem. Sic in tantis difficultatibus ad orationem redit & ad Verbum.

\*  
Was hilffte/  
daß ich also  
umbgehe/ vnd  
zufriß mich  
mit sorgen/  
die vergebens  
sind/ HERR  
hilff du/ etc.

*Si ignoras pulchra inter mulieres.*

Audivimus querelam qua Magistratus queritur de difficultate administrandi Rempub. quia etiam filiae matris repugnant. Fingit igitur jam personam Sponsi consolantis eos, qui tantas difficultates & molestias sentiunt, Q. d. Quereris de tua Politia, cum nulla in toto orbe sit Politia, quæ cum tua conferri possit, adeo omnibus summis Dei donis abundat, Habes verbum Dei, Prophetas, sanctos Iudices, sanctos Reges, Hanc pulchritudinem & formam tuam ignoras? Sed sic fit, in tentatione omnium donorum obliviscimur, intenti in præsentem dolorem seu affectum. Tentatio enim adeo omnia absorbet, ut nihil nisi malum videas, sentias, cogites & expectes. Etiam peritissimi sacrarum literarum, cum tentantur, opus habent eo, qui consolationem ex sacris literis afferat, Sic necesse est in tentatione, ut admoneamur eorum, quæ data sunt nobis, Sicut Paulus dicit 1. Corinth. 2. Iam quoq; consilium addit.

Consolatio.

In tentatione o-  
bliviscimur bo-  
norum etc.

✠

2. Cor. 1.

*Egredere in vestigiis ovium, & pascas cum hædis tuis, juxta tabernacula Pastorum.*

Non aliud tibi consulere possum, quam ut egrediaris & pascas oves tuas, quam ut exerceas administrationem tuam. Nihil sollicitus de eo, quod hædos quoque in grege tuo habeas, id est, malos, improbos, inobsequentes, seditiosos cives, Nihil morentur te mali. Pascua enim propter oves sunt, & Politia est instituta propter bonos principaliter. Sed quid est quod addit in vestigiis ovium? Nimirum hoc, ut intueatur exempla Majorum suorum, qui fuerunt oves Dei, sanctos Iudices, Reges, Prophetas &c. Ut cum videat illos quoq; varie tentatos, æquius præsentia incommoda ferat. Sic David in Psal. se consolatur, Memor ero memorabilium tuorum. Sic nulla consolatio, nullum solatium malorum est, quam verbum Dei. Quæcunq; enim scripta sunt (inquit Paulus Rom. 15.) in nostram consolationem sunt scripta, ut per patientiam & consolationem Scripturarum spem habeamus. Christus cruci affixus, Iohannes decollatus, Moses vicinus morti, cum jam sui eum lapidare vellent &c. consolantur nos, ut æquius feramus tantam Mundi ingratitude, ut simplici animo nostrum faciamus officium, & nihil hædos moremur.

Id est, Ad ex-  
emplum tuorum  
Majorum.

Erige te exem-  
pla Majorum  
tuorum.

Consolatio  
verbi.

Psal. 76.

Rom. 15.

*Equitatu meo in curribus Pharaonis, assimilavi te mea amica.*

Hæc est amplificatio institutæ consolationis. Sicut autem alia tempora belli, alia pacis sunt, Sic quoq; hanc amplificationem in duas partes distribuit. Hæc prior pars ad tempus afflictionis & crucis referenda est. Videris tibi in tribulatione deserta & victa, Ego autem te assimilavi equitatu meo, id est, in meo conspectu es ceu victrix cohors, quæ ad dimicandum est instructa. Sicut currus Pharaonis omnium potentissimi Regis sunt. Puto ideo Pharaonis factam mentionem, quod is inter omnes, qui Iudæis noti erant, fuerit potentissimus Rex.

Amplificatio  
consolationis.

q

Est con-

*Consolatio fidei.* Est consolatio fidei, quæ non sentitur, neq; apparet, Nam in suo conspectu Salomonis politia est ceu vermis. Quare? Quia impedita & turbata malis, & sensu malorum, deserit Verbum & non respicit sua dona. Si autem Verbum videas, omnia sunt verissima. Est igitur amplissima promissio, quod Deus eam amicam suam vocat, Sed non apparet, videtur in speciem potius deserta à Deo.

*Pulchræ sunt genæ tuæ, sicut in aures, & collum tuum, sicut monilia.*

*Tempus pacis.* Hæc altera pars est amplificationis, quæ pertinet ad tempus pacis. Tum enim suppetit nobis verbum Dei, quod in tentatione amittitur, aut ægre retinetur, tum donis Spiritus oblectamur, quæ tempore crucis sensu malorum prorsus animo excidunt. In aures vertimus propterea, quod illa ornamenta sint pulchro ordine inter se distincta & disposita. Nomen Ebraicum alioqui lineamenta, seu ordines significat. Porro in aures & torques sunt dona Spiritus sancti in verbo. Ea ornant nostrum collum, id est, verbum est in publico usu, docetur, legitur, auditur, habetur ubique copia divinarum promissionum.

*Murenulas aureas faciemus tibi, vermiculatas argenteo.*

*De Verbi propagatione.* Murenulas est idem verbum, quod ante in aures vertimus, Significat autem hic ipsum ornatus augmentum, Q. d. augebimus tibi istum ornatum, & faciemus tibi ornamenta etiam aurea. Verbum crescit tibi, si id tractaveris. Est enim verbum talis thesaurus, qui tractando crescit & distribuendo, servando autem perit, Oportet ut sit in assiduo usu. Quo enim magis docetur, auditur, discitur, eo magis & clarius intelligitur. Erunt illa ornamenta non solum aurea, sed distincta punctis argenti seu vermiculata, id est, multiplex & varius verbi est usus. Sic monet, ut se in verbo Dei, & exemplis in verbo propositis, exerceat, tum fore, ut videat se esse equitatu instructum, Neque moretur hoedos, qui sunt in grege. Qui credit, ille videt & experitur hæc, Qui non credit, illi tantæ consolationes sunt ludus & jocus.

*Adhuc Rex est in accubitu suo.*

*Fides.* Consolationem sequitur, quod Politica illa persona consolationi credit, quæ singularis fidei virtus est. Sic enim fere accidit, ut calamitate & præsentis dolore victus animus, non possit admittere Verbum, quod diversa à sensu promittit, Fides tamen quantumvis afflictæ, respicit ad verbum & verbo erigitur. Sic in hoc loco dicitur, Adhuc Rex est in accubitu suo, Q. d. In tentatione sentiebam, Deum longissime à me recessisse, Quare etiam postulabam, ut mihi indicaret, ubinam pasceret. Verum non abiit, est præsens atq; in convivio accumbit, id est, favet, amat, tuetur, servat, Non cogitat quomodo me perdat, affligat, excruciet, sicut ante in tentatione sentiebam.

*Nardus mea dedit odorem suum.*

*Reverentia orationis.* Mea oratio ad eum perlata est, cum molles essent aditus, & adhuc in convivio accumberet. Quare etiam ei placuit, delectavit eum, & exaudita est.

*Fasciculus myrrhæ, dilectus meus mihi. Inter ubera mea commoratur.*

*Commendatio consolationis.* Addit jam commendationem consolationis, & amplificat consolationem suavis figuris. Non est procul Deus, sed in medio nostrum versatur, ac in sinu & complexibus meis est, sicut fasciculus Myrrhæ, Id est, favet, protegit, consolatur &c. In summa, Sic erga me est affectus, sicut sponsus erga sponsam. Notandum autem quod hæc non sint ita, ut palpari possint, Sed manet hæc consolatio in figura odoris. Odore tantum sentiuntur ista, ut significetur mysterium fidei, Quod scilicet Deus versatur in populo suo per odorem, id est, per Verbum & nomen suum. Magna fides sit oportet, quæ hæc de Deo credere potest, Quod sit inter ubera, id est, proximus & intimus nobis, non iratus &c.

*Boetius*

*Botrus Copher, dilectus meus mihi, in vineis Engeddi.*

Est commendatio figurata consolationis, quod Deus amet, faveat, protegat, &c. sicut supra. Botrum Copher puto esse Balsamum. Idq; hac ratione, quia addit in vineis Engeddi, quæ civitas est in tribu Iuda, ad mare mortuum, ubi sunt horti Balsami. Sic igitur existimo, ipsam arborem antiquitus Copher appellatam, Balsami autem nomen recentius esse, à precio inditum, quod omnia reliqua unguenta Balsamum longe superet.

*Copher.  
Balsamum.*

*Ecce tu pulchra es amica mea, Ecce tu pulchra.*

A tentatione, ubi consolatio Verbi animum occupaverit, tum non solum sentimus, quod amet nos & faveat nobis Deus, verum hoc etiam sentimus, nos placere Deo, nos Deo gratos esse, Deum nostri curam agere. Sic dant mutuum testimonium Conscientia & spiritus. Conscientia sentit se placere Deo, quare laudat Deum. Hanc fidem approbat Spiritus sanctus & vicissim nos commendat. Id quod hoc loco vides expressum.

*Mutuum testi-  
monium consci-  
entia & spiri-  
tus.*

*Oculi tui oculi columbarum.*

Columba habet simplicitatis laudem. Commendat igitur hic simplicitatem fidei, quod in tribulatione non variat consilia, sicut illi faciunt, qui sunt sine verbo, qui non columbinos sed meretriceos oculos habent, iam in hæc, iam in illa consilia vertuntur. Sicut hoc toto tempore vidimus in Evangelij hostibus. Fides autem uno eodemq; simplici prospectu in promissionibus Dei hæret, & bene sperat de sua salute in periculis maximis.

*Columba.  
Fides.*

*Ecce tu quoque pulcher es, amice mi, & decorus.*

*Rem. 8.*

Est abundantia consolationis. Spiritus sanctus dat testimonium in corde, ut certo sentiamus nos placere Deo, & pulchros esse. Fit igitur vicissim, ut nos quoq; confiteamur, Deum esse pulchrum, id est, placere nobis &c. Hæc autem pulchritudo non apparet in tempore tribulationis.

*Lectulus nostre floridus, Ligna domorum nostrarum Cedrina,  
Laquearia nostra Cypressina.*

Sunt omnia allegorica, quibus significat lætitiā, quam ex consolatione hausit. In omni Politia sic fit, quod ad quæcunque pericula videtur dilapsura & peritura. Eum affectum Salomon hic indicat, Q. d. Putabam ante futurum, ut totum regnum corrueret, Videbatur non regnum, non Politia, sed vetustum aliquod ædificium esse, quod ad quosvis ventorum impetus dilaberetur. Verum nunc post acceptam consolationem, video constabilitatē meam Politiam, perinde ac domum ex Cedro constructam, ex materia, quæ non corrumpitur, sed longissime durat. Video quoque sic ornata, ut floridum lectulum. Sic, quemadmodum in tentatione nullus tentationis finis apparet, Ita credentibus consolationi, perpetuum gaudium fore videtur. Sicut in Psalm. 30. dicit: Dixi in abundantia mea, Non movebor in æternum.

*Amplificatio  
consolationis.*

*Psalm. 30.*

## C A P V T II.

**P**rimum Caput habuit gratiarum actionem, pro constituto & egregie ornato regno, Item consolationem, qua Magistratus in civilibus periculis & incommodis uti debet, Cum videt nusquam succedere, & nonnunquam optima consilia pessime cadere. Iubet enim nos exire, & videre exempla Patrum, Nec tantum intueri in mala, quibus premimur, sed etiam considerare bona nostra, quibus divinitus ornati sumus &c.

*Summa 1. Cap.*

In hoc secundo capite, sequitur descriptio alterius cuiusdam tentationis, quod præter ista domestica mala, etiam acerbissima mundi odia, populus iste susti-

*Summa 2. Cap.*



nuit. Sicut enim in primo capite docuit, ut viri simus, qui domestica incommoda vincamus, Ita hic docet, quomodo contra mundi odium pius magistratus se munire debeat.

*Ego flos campi, & Lilium convallium.*

Querela de pe-  
riculo.

Flos campi.

Magistratus  
flos campi.

Hæc querela est, in qua proponit periculum. Nam ad antithesin respicit. Flores, qui intra muros & parietes nascuntur, tuti sunt ab hominum & bestiarum insultu, Sed nos, inquit, sumus sicut Rosa in aperto agro, ad quam cuiq; patet aditus. Non nego me florem esse, agnosco donum, Politia, quod Deus mihi donavit, Sed utinam flos iste sepem habeat. Quis enim pericula omnia enumeraverit, quibus sumus expositi in medio gentium, ceu in aperto agro habitantes.

Ad hunc modum Magistratum possumus vocare florem campi, ob pericula infinita, quibus est expositus. Lilium convallium vocat florem in inferiore planicie, fortasse ut distinguat inter magistratum superiorem & inferiorem. Nam quod florum diversa genera sunt, potest quoq; referri, ad diversitatem donorum in bona repub. Ea hanc consolationem habet, quod est Rosa. Etsi autem coram mundo appareat, quasi sit sine sepe & incustodita, Tamen quamdiu verbum Dei & cultum retinet, est circumdata & septa quadrigis igneis, quos Heliseus ostendebat ministro. Sicut Daniel quoque ostendit rerum pub. custodes esse angelos. Sed hæc præsidia tantum fideles cernunt.

4. Reg. 6.  
Dan. 10.

*Sicut Lilium inter spinas, Sic amica mea inter filias.*

Consolatio.

Regna gentium  
videtur Rosa  
est Politia, in  
qua Ecclesia  
dicitur, Spina.

Hic personæ mutatio est, Ebræis usitatissima. Superiora enim in populi persona dicta sunt, Nunc Dominus loquitur, Q. d. Verum dicis, quod sis flos agri. Mihi enim flos es, etiamsi videaris esse incustoditus flos, Sed audi aliquid amplius, Es vere flos inter spinas. Sic enim te judico esse florem, ut reliquas respub. regna reliqua omnia judicem, nihil nisi spinas esse, natas & paratas ad incendium. Ad hunc modum si intelligamus hanc particulam, commode subjicitur querelæ consolatio. Sed hæc consolatio est fidei tantum. Nam si speciem sequaris, gentium Regna, quia quieta sunt & fortunata, opibus ac clavis victoriis ornata, non spinæ, sed pulcherri-  
mæ rosæ esse videntur. Econtrà, Politia, in qua Ecclesia est, quia varie premitur, videtur in oculis Dei negligi, sicut spinæ. Quare fide statuendum est, secundum hanc Dei sententiam, etiam cum contrarium apparet, alias Gentes spinas, hunc autem populum, quantumcunq; coram mundo oppressum, Rosam esse.

Quidam sic interpretantur, ut non sit consolatio, sed confirmatio prioris querelæ. Non solum es flos agri, sed es sicut Rosa inter spinas, quæ undiq; pungitur, ne emergat. Sed mihi consolatio magis placet. Filias appellat communi tropo, Civitates & populos vicinos gentium.

*Sicut malus inter arbores sylvestres, sic dilectus meus.*

Est liber quasi  
colloquium in-  
ter Deum &  
Ecclesiam.

Malus.

Hæc dicuntur in persona populi. Est enim totus Liber, quasi colloquium inter Deum & populum suum, seu inter conscientiam & Verbum. Sententia autem hæc est, Sicut tu Deus me habes unicam Rosam, Sic ego econtrà nullum volo amplecti, colere & timere Deum, quam te. Etsi enim multas speciosas arbores videam, tamen sola Malus est, quæ mihi placet. Malum autem ideo potissimum nominat, quia hæc arbor inter fructiferas primam laudem habet.

Pius populus  
Deo Rosæ est.  
Deus est popu-  
lo suo Malus.  
Gentilis de sunt  
sterilia ligna &c.

Recte igitur respondent hæc inter se. Pius populus est Deo Rosa, reddimus ei flores, dum prædicamus, oramus, confitemur &c. Econtrà, ipse est suo populo fructifica Malus, ex qua pascitur & omnia commoda habet. Cæteri dij, si qui coluntur aut finguntur ab hominibus, sunt quasi sterilia ligna, quæ non ad pascum, sed ad ignem pertinent. Dei autem est, prodesse, alere, defendere, gubernare, ignoscere, & tandem salvare.

Inter

*Inter filios.*

Simpliciter expone, Inter populos, aut inter ea, quæ coluntur ab hominibus. Sicut Ebræi nomine Filij, latissime utuntur,

Nomen Filij.

*Sub umbra illius, quem desideravi, sedi.*

Umbra significat defensionem, Et ideo hæc figura aptior est, quia defensio <sup>Vmbra.</sup> piorum videtur plane nulla esse, Cum tamen res ostendat esse certissimam & firmis- <sup>Defensio pio- rum.</sup> simam, non solum contra mundi pericula, sed etiam contra portas inferorum. Addit autem hic causam, cur nullam arborem malit, quam malum, quia utrunq; præstat <sup>Cur Malum elegit.</sup> mihi Deus meus, defendit & alit. Defensio certa & tutissima est, Ideo libenter sedeo sub hac arbore. Significat autem verbum sedendi perseverantiam. Qui hanc Ma- lum non habent, sicut gentes, hi incerti huc illuc errant, & omnibus Satanæ insidijs patent.

*Et fructus eius dulcis gutturi meo.*

Hoc alterum beneficium est, quod de malo hac prædicat, Nempe, quod non solum defenditur Politia pij populi à Deo suo, sed etiam, quod omnis generis alia beneficia ab eo accipit. Hæc tum magna sunt, cum applicantur ab beneficium Ver- <sup>Beneficia verbi.</sup> bi, in quo vera alimonia consistit. Quod Scriptura non solum consolationes promissionum fuggerit, sed etiam varia exempla & historias, quibus fides in Deum alitur, & confirmatur. Impij nihil sub arboribus suis expectare possunt, quam arida folia, Sed nostra solatia ejusmodi sunt, ut etiam mortem subire non sit acerbum.

Ad hunc modum consolatur se contra pericula, contra odium & iras hominum, favore Dei, & prædicatione gratiæ Dei, Quæ summa ars est in omnibus tentationibus. Nunc igitur hunc sensum faventis gratiæ amplificabit multis verbis, Neq; in re difficultas aliqua est, Tropi aliquanto duriores sunt, & requirunt integrum & ociosum interpretem, Ego vero sic distrahor negotijs & curis, ut fere nihil ocij relinquatur ad colligendum animum, & tamen via facienda est alijs, ut inveniant aptiora.

*Deducit me in cellam vinariam.*

Non solum defendit & alit, sed etiam implet me gaudio. Vinum enim lætifi- <sup>Vinum.</sup> cat cor hominis. Porro lætitia hæc, est sensus gratiæ divinæ, ad quem revelatio verbi nos revocat. Quidam referunt ad benedictionem temporalem.

*Vexillum ejus erga me Charitas.*

Milites in castris ex vexillorum ratione ordinantur. Sic inquit, Agnosco <sup>Beneficia cordis, qui verbum habent.</sup> meum vexillum sub hoc Deo, quod est Charitas, ad hanc sum ordinata. Si quis hic differentiam quærit, potest superiora referre ad conscientiam & pacem cordis, seu ad beneficia spiritualia, Hoc autem potest referre, ab beneficia externa, & politica, quæ Deus ijs confert, qui verbum suum habent, & id sequuntur. Sicut Paulus dicit, Pietas habet promissiones hujus vitæ & futuræ. Item in Psal. 37. Saturabuntur iusti in die famis.

1. Tim. 4.  
Psal. 73.

Est autem hoc gratitudinis, etiam hæc corporalia beneficia Deo accepta ferre, Sicut Salomon hic facit. Nam etsi alia quoq; regna habeant opes, potentiam &c. Tamen sui populi in eo melior conditio est, quod statuit se eadem habere Dei benignitate. Sic nos quoq; debemus oculos, aures, & omnia alia, quæ habemus agnoscere, ceu summa dona & certissima testimonia benevolentiae Dei erga nos. Ideo enim militari figura Salomon utitur. Et hæc beneficia interpretatur Vexillum, seu signum esse ad quod Deus populum suum revocet & colligat. Aequiore autem animo postea ferimus, cum iterum auferuntur ista, quod sentimus ea à Deo donata esse, & tantum concessa ad usum, non ad æternam possessionem. Nunc ad populum vertitur.

<sup>Pij tantum re- ferunt Deo accepta corporalia beneficia.</sup>

*Fulcite me floribus, stipate me malis.*

*Exhortatio ad  
agnoscendum  
Dei beneficia  
&c.*

Consolatus est se beneficijs Dei contra odium mundi, & prædicavit ea, Nunc vertitur ad totum populum, & optat, ut idem secum faciant, ut discant agnoscere hæc beneficia Dei, & pro ijs agere gratias. Hoc est, quod postulat afferri ab alijs quoque flores seu racemos & poma, & se sustentari ac refocillari.

*Scandalum in-  
firmitatis.*

Respicit autem ad scandalum, quod mundus solet admirari magnificentiam & splendorem, Q. d. Offendimini, quod meum regnum videtur longe esse infra alia gentilium Regum regna, Sed quæso videte, sub cuius umbra fedeam. Et apparebit tenuitas nostra major esse omnium Gentium potentia & opibus. Nolite igitur illos mirari, Me potius laudate, & agnoscite hoc Dei donum, quod nos habemus. Sic & me & alios sustentabitis & recreabitis, quos etiam nonnunquam movet scandalum infirmitatis.

Quidam exponunt flores, pro ministris, qui intelligunt & ornant ista dona Dei, Sicut Patriarchæ & Prophetæ hoc beneficium regni constituti inter Iudæos summis laudibus ornant. Sed mihi prior sententia visa est esse simplicior.

*Quia amore langueo.*

*Amor juveni-  
tis.*

Sumpta est similitudo ab amore juvenili, cui regnum tribuitur, præ alijs affectibus. Hoc ideo, inquit, peto, quia totus amore Dei mei accensus sum, ex illa consideratione beneficiorum ejus. Ideo tantopere opto ab omnibus ea intelligi, & pro ijs agi gratias.

*Leva ejus sub capite meo, & dextera illius amplexabitur me.*

*Amor sponsi.*

Est hæc quoque similitudo sumpta ab amore sponsi & sponsæ, qui sanctus & licitus est. Ideo cum Satan odit & impedire conatur, tanquam fontem sobolis & educationis.

*Beneficia popu-  
li Iudæi.*

Comprehendit autem hic duo præcipua beneficia hujus populi, Regnum, seu Politiam, quam Levam vocat, & Sacerdotium seu cultum Dei. Hi amplexus, inquit, faciunt, ut ferarum & spinarum ictus hæc Rosa sufferre possit, quia tota est in amplexu Dei, sive Ecclesiam, sive Regnum inspicias, utrinque enim est verbum Dei. Hanc cognitionem, imo fidem hanc libenter excitaret Salomon in alijs quoque.

*Adjuro vos filie Hierusalem, per capreas cervosque camporum.*

Hæc vox Sponsi est, qua respondet sponsæ, ut eam consoletur in fide hac.

*An jurato  
dicat.*

Sed priusquam sententiam explicemus, ad hanc quæstionem respondendum est, Cur juret per Creaturas, cum id videatur esse prohibitum Matth. 5. ubi Christus Matth. 5. prohibet, nec per coelum, nec per caput esse jurandum &c. Sed quæ ejus loci sententia sit, satis ostendimus alibi.

*Iudæi juraverunt per crea-  
turas.*

Nunc satis est, quod idem locus testatur, hunc populi hujus fuisse morem, ut juraret per creaturas. Sic in libris Regum nota est juramenti forma, Vivat Rex, Item, Vivat anima tua, Et Iacob jurat, Per timorem Patris sui. Sic nos juramus, Per fidem nostram. Sic primum exempla ostendunt, non simpliciter prohiberi, ne juretur. Deinde etiam ratio satis firma est, recte jurari etiam per creaturas, cum eas tanquam Dei signa producimus. Id enim non est ex creatura idolum facere.

*Capras, Cervos.*

Nunc sententiam hujus loci explicabimus. Capreas & cervos, vocat sanctos Prophetas, Duces & Reges in hoc populo, qui expositi erant omnibus finitimis tanquam Cervi in agro. Per majores vestros, fide & spiritu insignes, vos adjuro, Ac convenit similitudo. Recte enim per bestias simplices, & omnium injurijs expositas, sanctos homines in hoc populo pingit.

*Bestia simpli-  
sima.*

*Ne suscitetis, neque evigilare faciatis amicam meam, donec ipsa velit.*

*Somnus Eccle-  
siae.*

Somnum vocat, quod delectatur pius populus istis donis, qui est in amplexu Dei sui, & sentit favorem Dei. Hunc somnum, inquit, nolite ei excutere, sed manete tranquilli, ut diu possit frui hoc sensu.

*Vox*



*Vox dilecti mei.*

Hæc sponsæ vox est, qua significat se audivisse consolationem sui sponsi, & *Verbo* exhortationem ad suos, ut sint quieti, ne moveant turbas. Hujus exhortationis, inquit, certum fructum sentio, neq; verbum est inefficax. Nam qui alioqui turbas daturi erant, verbo revocantur ad obedientiam & tranquillitatem.

*Ecce venit saliens in montibus, transfiliens colles. Similis est dilectus meus Caprea, Hinnuloque cervorum.*

Hoc est, Per verbum salit de Civitate una in aliam, ut ubiq; sentiatur fructus *Verbi* ministerij inter homines. Similitudine Hinnuli & Caprea, significat verbi cursum, quod fructus suos longissime, & magna cum celeritate propagat.

*En ipse stat post parietem nostrum, respiciens per fenestras, prospiciens per cancellos.*

Hic iterum significat se. ista omnia habere in fide. Sic enim solet Spiritus sanctus, cum magnifice prædicat dona Dei, ut intelligamus eum loqui, non de carnali consolatione, sed de gaudio conscientiae. Deum nemo vidit unquam, sed velamen nostrum est fides, ita ut certo habeamus ea, quæ promittuntur, & tamen ea non videamus, nec sentiamus.

*Cernimus non per speculum in enigmate.*  
1. Cor. 13.

Quod igitur dixit saltare Sponsam sicut Hinnulum, de colle in collem, & ubiq; præsentem esse, gubernare, & inspicere omnia, hoc jam refert ad fidem, Quod vere quidem adsit, sed tamen non videri eum, Stare post parietem, non cerni oculis, manu non palpari. Sic Christus adest Ecclesiae suæ per verbum & Sacramenta, sed non cernitur oculis. Ac ijs qui in repub. versantur hac consolatione opus est. Nam cum impossibile sit, mederi omnibus malis, etiamsi cupias, Non ideo sentiendum est, Deum non curare Imperia. Ita enim adest, ut tamen stet post parietem, & per cancellos ad nos respiciat.

*Deum adesse Ecclesia*

*En dilectus meus loquitur mihi.*

Mitigat quod videbatur paulo asperius dixisse, Stat post parietem, videtur nonnunquam suos deseruisse, Sed non stat mutus, loquitur mecum & consolatur, ut patienter feram, si qua nonnunquam incidunt incommoda.

*Surge, prope amica mea.*

Blandissima verba hæc sunt, quibus respondet Sponsus Sponsæ suæ laboranti, & tamen perseveranti in fide, ut certam retineat fiduciam hanc, quod sit amica Dei sui, etiam tum, cum videtur à Deo deserta. Sic regnum Iudaicum satis multis calamitatibus quassatum est, Et tamen vox Sponsi semper testata est insignem amorem erga populum suum, etiam postea in Captivitate.

*Formosa mea, & veni.*

Emphasis est in pronomine Mea, Q. d. Mihi es formosa, quanquam coram mundo sis contemptissima. Forma autem hæc posita est primum in Verbo & donis Spiritus sancti, Deinde in externa administratione seu Politia, pulcherrimis legibus divinitus instituta.

*Forma*

*Iam enim hyems transiit, imber abiit & recessit.*

Sunt verba solarii, quibus significat commutationem fortunæ. Vernum tempus recte comparatur tranquillitati Ecclesiae & Politiae, Sicut econtra hæreses, seditiones, bella, non minus deformitatis habent & pariunt, quam hyems.

*Vern.*

*Hyems.*

Consolatur igitur populum Iudaicum, ut redeat ad hilaritatem, Siquidem pax sit parta Ecclesiae & Politiae, superatis tentationibus, quibus aliquandiu laboratum sit. Futurum igitur, ut virecant & renoveantur omnia in Politia & Ecclesia, quæ turbata ac deformata hæcenus sint per Tyrannos & hæreticos. In hanc spem vocat populum suum, & hortatur ut eam amplectatur. Id enim est surgere, & ad Sponsum venire.

*Consolatio.*

*Surgere.*

1 4

*Flores*

*Flores apparuerunt in terra &c.*

*Inventum ger-  
men.*

Germinibus terræ comparat iuventutem, quæ in pace educatur, ad cultum Dei, & studia literarum, atque alias honestas & reipublicæ viles artes.

*Vox Turturis audita est in terra nostra.*

*Turtur.*

Turturem vocat pium populum, seu Ecclesiam. Turtur enim verius gemit, quam canit. Post educationem autem, hoc aliud commodum est pacis, quod religio propagatur, & hominibus suppetit otium ad discendum verbum Dei.

*Ficus protulit grossos suos, & vites per florem dederunt odorem.*

*Educationis &  
sanæ doctrinae  
fructus.*

Educationem & sanam doctrinam sequuntur alia commoda, ut homines frugi sint, ac sancte vivant. Et hoc significat per grossos, seu immaturas ficus, & suavem odorem florum vitis. Ad hanc spem vocat Salomon populum suum constitutum in regno & cultu Dei divinitus tradito.

*Columba mea.*

*Columba Ec-  
clesiæ figura.*

Columba in sacris literis semper laudatur, Primum ob simplicitatem & inno- *Matth. 10.*  
centiam, Deinde ob fecunditatem. Et notum est Christi dictum, Estote simplices  
ut Columbæ, & prudentes ut serpentes. Ideo Ecclesiæ figura est Columba, quæ cum  
omnium injuriis pateat, non tamen reddit injuriam, sed patitur. Sic horratur Paulus *1. Cor. 5.*  
Corinthios, ut in sinceritate & veritate ambulent, abjecta illa humani cordis nequi-  
tia, quæ tum divina tum humana omnia vertit in suum commodum. Hæc autem co-  
lumbina simplicitas est. querere quæ Dei sunt & proximi.

*Quæ habitas in abscondito petrae.*

*Cavernæ pe-  
trarum.*

Hic divinare cogimur, quid voluerit Salomon. Quidam per Antithesin sic ex-  
ponunt, Quod iste populus simplex & pius non superbe habitet, sicut mundus &  
alia regna mundi, Sed quod habitet, sicut avicula: conterritæ, & in diversa pulsæ, quæ  
præsidia quærunt in cavernis lapidum &c.

Sed mihi magis placet Petrarum foramina, accipere pro templo in Hi- rusa-  
lem & toto cultu Dei, Quod Ecclesia secundum verbum Dei, in Hierusalem sacra  
faciat, intra parietes templi, seu intra petrarum cavernas habitet, non sequatur lu-  
cos, valles, &c. Sicut aliud profanum idolatrarum vulgus, Vt per Emphasin Petra-  
rum cavernas dicat, quod ibi nullum idolatriæ periculum sit, sed sit certa exauditio,  
& certa defensio &c.

*Ostende mihi faciem tuam, sonet vox tua in auribus meis &c.*

*Opera creden-  
tium.*

Quandoquidem perseveras in puritate doctrinæ & sancto cultu, exerce eam  
in loco à me præscripto, Canta & doce, lauda & age gratias. Mihi enim placet facies  
& vox tua. Nam credentium omnia opera grata sunt, & Deo placent. Sunt verba  
consolatoria.

*Satan eligit lo-  
ca mundissima.*

Sed nunc statim curabitur vulpecula, quæ novas molestias concitet. Sic enim  
solet Satan, cum sit totus contaminatus, tamen non occupat cineres, aut foeda loca,  
in quibus sedeat, Sed eligit mundissima loca, Vult esse inter filios Dei, Sicut Hiob. 1. *Hiob. 1.*  
Cap. est. Ideo in Ecclesia falsos fratres, in Politia, seditiosos cives concitat. Opus er-  
go est, ut ambulemus caute, ut monet hic Salomon.

*Capite nobis Vulpes, vulpes parvulas, quæ demoliuntur vineas.*

*Vineæ.*

*Duo vulpium  
genera.*

Vineam supra diximus esse populum Dei. Sicut etiam Esai. 5. ostenditur. Facile *Esai. 5.*  
est igitur intelligere, qui sint vulpes, quas capi jubet. Et ideo de duobus vulpium ge-  
neribus dicit, de vulpibus & parvulis vulpibus, ut significet vtrinque periculum esse  
ab astutis & maliciosis hominibus in Repub. & Ecclesia.

Parvulæ vulpes, sunt falsi fratres in Ecclesia & hæreses, quæ primo ita serpunt,  
ut difficile possint observari. Qui autem respub. turbant, illi statim produnt se sedi-  
tiosis consiliis, similes majoribus vulpibus, quæ non ita possunt se occulere.

Nam

*Nam vinea nostra floruit.*

Vide Satanæ insidias, caprat id tempus, quo plurimum nocere potest. Sic sub Papatu tranquilla erant omnia. Sed postquam Verbum cœpit seminari, seditiones & hæreses exortæ sunt, quæ subnascentem Evangelij frugem corrumpere, Cum antea alta pace tum respub. tum Ecclesiæ viderentur frui. Quanto igitur certior ostenditur fructus Verbi, tanto est cavendum magis, ne insidiis Satanæ relinquatur locus.

*Dilectus meus mihi, & ego illi.*

Est quasi Epiphonema, quo respondet Sponsa Sponso, & spondet, se hoc velle facere, ut perseveret in sinceritate, & vulpes observet ac capiat.

*Qui pascitur inter Lilia, donec aspiret dies &c.*

Manebo cum Sponso meo, pascenti inter Lilia, etiamsi nox & umbra venerint.

*Revertere, similis esto, dilecte mi, capreae binuloque Cervorum, super montes Bether.*

Est precatio, mane tu quoque apud populum meum, & esto similis Capreae currenti in montibus, ut singulas Ecclesias & respublicas visites, cures & gubernes. Quod retinuit Ebraeum nomen, Super montes Bether, appellativum esse debet, non proprium, Significat enim in montibus divisus seu partitis.

### C A P V T III.

*In Lectulo meo.*

**A**ctenus audivimus Salomonem in genere canentem de Politia sua, in qua cultum Dei habebat, ab ipso Deo institutum, Nunc paulatim incipit digredi, ut perveniat ad tempus & personam suam. Quare sequentia ferme omnia tanquam ad Salomonem pertinentia accipiamus.

Lectum vocat Regnum, magistratum & populum, in quo cubat & quiescit ipse sponsus Deus. Hæc figura nota est ex Isaia Propheta, Parasti, inquit, lectos tuos in omni monte, ibi cum tuis amatoribus volutata es &c. Loquitur enim de idolatria populi, Significans, totam illam religionem & cultum congregatum in montes &c.

*Per noctes quæsi vi, quem diligit anima mea.*

Quod autem dicit se quæsisse, significat ista incommoda reipub. quæ varia solent incidere. Nam ante Salomonem plurimis tempestatibus jactatum est Regnum Israel, Sicut notum est ex Regum historia. Huc etiam facit circumstantia temporis, quod noctu, hoc est, in ipsis calamitatibus quæsi verit hoc quod diligebat, ac optaverit quietum & stabile Regnum, Nam in neutro genere ponitur.

*Surgam & circumibo Civitatem &c.*

Pertinent hæc quoque ad descriptionem affectus, quo optat bonus Rex, & totus populus tranquillitatem, & finem malorum in Politia & Ecclesia.

*Invenerunt me vigiles qui circumibunt Civitatem &c.*

Custodes sunt Iudices & Principes. Inter hos, inquit, quærebam hoc, quod diligo, pacem scilicet & tranquillitatem, Sed neque sub Saule & Davide, nec ante eos, sub Iudicibus eam inveni. Quoties novus aut Iudex aut Rex dabatur, spes erat, futurum, ut sanarentur incommoda reipub. Sed non inveni, Donec paululum progressus, ad Salomonem perveni. Ibi inveniebam demum quod quærebam, Sicut etiam nomen ejus id promittit.

*Tenui eum.*

Omnia hæc, ut dixi de persona Salomonis accipio dicta esse, Sub cujus imperio regnum pace & omni genere benedictionis florentissimum fuit. Neque hic accipienda hæc sunt, quasi sui ipsius Encomium conscripserit. Dicuntur enim omnia in per-

*Florentis verbo  
maxime caren-  
dum ab insidiis  
Satanæ.*

*Transit.*

*Lectum.*

*In armani qua-  
ritur Deus.  
Nox.*

*Custodes.*

*Salomon.*

*Pax sub Salo-  
mon.*



in persona Politiae, agnoscentis Dei beneficia, quae per pium magistratum donavit Deus, & agentis Deo gratias. Ad hunc modum accipiendum est hoc Encomion Salomonis, quod in hoc capite rexitur.

*Nec dimittam, donec intro: lucam eum in domum matris meae.*

*Lectus viduus.*

Domus, Cubile, Thronus, Palatium, & similia significant, ipsum populum, seu regnum, Q. d. Populus meus sunt, sicut lectus viduus. Quot enim & quanta incommoda seditionum, bellorum, simultatum &c. sustinuit? Sed postquam Deus Salomonem dedit Regem populo suo, parata pax & tranquillitas est, ut securus cubet & quiescat in lecto matris suae.

*Adiuro vos filiae Ierusalem per Capreas &c.*

*Capreae.*

Sic vocat, ut supra quoque ostendimus, sanctos Prophetas in hoc populo, Quin includit quoque ipsum Christum, tanquam Sanctorum omnium caput.

*Quae est ista, quae ascendit per desertum, sicut virgula fumi.*

*Immaculata Populorum.*

Hic locus de beata Virgine decantatus est, ut scilicet nusquam deessent vestigia, quae probarent incredibilem ignorantiam & caecitatem adversariorum nostrorum. Nihil hic de beata Virgine agitur, Regnum Iudaicum, quale sub Salomone fuerit, elegantibus & poeticis figuris describitur & commendatur, ut sit sententia, Politia & regnum sub Salomone fuit fragrantissimum, ita ut suavitate odoris, seu celebritate famae, omnia vicina regna impleverit. Recte igitur comparatur fumo, qui ex incensis aromatibus surgit, & tota palatia implet. Sic suavitate huius gratissimi odoris, Regina Austri invitata est, ut ad Salomonem veniret &c.

*Regnum Salomonis.*

Quod varias species aromatum colligit, & ex ijs fumum dicit surgere, eo pertinet quod varia dona in hoc populo fuerunt, sapientia, prudentia, patientia, fides &c. 3. Reg. 10.

*En Lectulum Salomonis sexaginta forties ambiunt.*

*Lectus Salomonis.*

Hic vides Salomonis Lectum dici, qui antea Dei lectus erat. Diximus autem lectum esse ipsum populum, Hunc dicit munitum esse sexaginta fortibus, Per eos aut militia recte intelligitur, aut qui in pace administrabant rempub. socij consiliorum Salomonis. Neq; enim possibile est, vnum, etsi sapientia summa sit, posse omnia negotia sustinere.

*Princeps & consiliarius eius.*

Vnus igitur in Lectulo cubat, qui Regni caput est. Apud hunc excubant sexaginta, tenentes gladium in manibus & docti ad praelia, Hoc est, qui ad administrationem reipub. vocati sunt, & etiam afferunt prudentiam rerum gerendarum. Vtrunq; enim requiritur, ut & apti sint & vocati. Quod addit,

*Vniuscujusq; gladius super femur ejus.*

Significat sollicitudinem & curam, quam administratio politica requirit, Oportet enim in omnes occasiones intentum esse, nusquam cessare, nunquam securum esse. Sicut Paulus dicit, Qui praest, praesit in sollicitudine. Rom. 12. Rom. 12.

*Lectulum fecit sibi Salomon.*

*Sedes Salomonis.*

Encomij pars, quam haecenus audivimus, est nihil aliud quam gratiarum actio pro Lecto, hoc est, populo. Hic de lectica seu sede meminit, quam Salomon sibi comparavit, Neq; autem est, ut putemus haec de materia dici, sed sedi seu lecticae comparat, Leges & judicia, quibus populum suum instituit Salomon. Haec commendat ita, quod insignita fuerint, Auro, id est, sapientia, Argento, id est, eloquentia, Purpura, id est, ardore charitatis, Cedrino ligno ex Libano, hoc est, incorruptione, ut stata & fixa essent. Sed cur hoc?

*Propter filias Ierusalem.*

*Non propter Gentes, sed propter populum Dei.*

*Egredimini filiae Sion, & videte regem Salomonem.*


Est haec quoque aptissima huic Encomio particula, Q. d. Ostendi vobis, quale regnum

*Exhortatio ad gratiarum actionem &c.*

regnum vobis Deus sub Salomone dederit, & quantis donis cumulati sitis, quod & in repub. domi leges ac judicia, & foris pacem habetis. Nunc etiam hoc facite, videte initia horum donorum, Non rapuit Salomon regnum per tyrannidem, sed mater sua coronavit eum, hoc est, consensu totius populi regnum ei delatum est. Igitur intuemini & complectimini eum, & Deo agite gratias pro istis donis suis, quæ tam largè in vos sub hoc rege distribuit &c. Atq; hæc particula satis ostendit hujus figuratæ orationis, qua ubiq; utitur, nullum alium sensum esse, quam quod rempub. suam ornare, & pro ea gratias agere Salomon voluit.

## CAPUT III.

*Quam pulchra es, amica mea.*



**N**tertio capite audivimus vocem sponsæ, laudantis Deum & agentis gratias, pro regno per Salomonem instituto. In hoc capite respondet Sponsus, sunt enim alternæ Cantilenæ.

*Alternæ cantilenæ.*

Porro hæc commutatio, quod alternis cantant populus & Deus, eo pertinet, ut fides quasi arrhabone Spiritus confirmetur, ac certo statuat ista placere Deo, & se esse in gratia. Quod igitur populus antea prædicavit Dei dona in hoc regno, idem nunc audit ab ipso Deo fieri, ut eo ad gratiarum actionem magis accendatur, & certius sua dona intelligere & intueri rectius discat. Ideo dicit, *Quam pulchra es, ô Regnum Israel, quam es sanctum, quia certe statuis te Deo tuo placere.* Incipit autem descriptionem pulchritudinis à capite.

*Communitio & consolatio Ecclesie.*

*Oculi tui Columbarum.*

Oculi significant ductores & doctores, Sic Lucæ 10. Lucerna corporis est oculus. Hos columbinos vocat, hoc est, simplicitate insignes, Id enim in Doctore præcipue requiritur, ut maneat in simplicitate doctrinæ & religionis.

*Oratio.*

Hoc igitur primum est, quod in populo hoc Deus prædicat, quod habet sacerdotium & justum cultum Dei, Hi oculi sunt, qui primam commendationem merentur. Sicut Daniel quoque in Leone suo, hoc est, regno Babylonico, commendat, quod stabat in pedibus, sicut homo, erecto capite, & habebat humanum cor. Nam id eo pertinet, quod ea Monarchia donata fuit cognitione Dei, Sicut testatur Regis edictum.

*Leo in Daniele.*

Sed hic observemus, Sponsam hanc habere columbinos oculos coram Sponso. Coram mundo enim nihil judicatur foedius, aut deformius esse. Neq; enim sapientia carnis hanc speciem judicare potest, quam etsi videat, & audiat, tamen videt eam, ceu per coloratum vitrum.

*Absq; eo quod intrinsecus latet.*

Ego sic verto, Oculi tui, oculi columbarum, intra Cincinnos tuos. Ut significet cæcariem ad oculos usq; propendentem. Nam ea quoque insignis commendatio est in puella. Porro Cincinni significant ornatum Sacerdotij, Sicut in Ecclesia necesse est omnia ordine & decore fieri. Sic apud Esaiam quoq; est, Abradet Dominus capillos & barbam per Assyrium, Et alibi, Calvo capiti assimilat populum, privatum Sacerdotio. Quidam per Cincinnos malunt intelligere reliquos duces populi.

*Chorus.*

*Capilli tui, sicut greges Caprarum, quæ tonse sunt in monte Galaad.*

Fortasse alludit ad Locum Genes. 31. quod Iacob cum gregibus suis in Galaad pernoctavit, cum rediret ex Mesopotamia, Quanquam mihi aptius videtur, quod respicit ad nomen montis. Significat autem cumulum testimonii. Hoc nomine ad templum alludit, ubi sacrificia & cultus ceteri exercebantur.

*Galaad.*

Non simpliciter comparat capillum Capris, sed gregi Caprarum, ad significandam concordiam & consensum eorum, qui in populo docent. Ideo etiam nominat tonsas Capras, Non quod tonsæ sint, sed quod capilli ita pares sint, ac si nexi essent.

*Similitudo capillorum.*

*Dentes tui sicut greges tonsarum, quæ ascendunt de la vaci.*

In dentibus candor, in oculis nigredo commendatur, sicut scitis, Sicut autem capil-

*Dentes.*

capillorum similitudo, ostendit consensum Doctorum inter sese, Ita etiam dentes videmus in ordinem positos esse, & quasi mutuo sese juvare. Est autem dentium, mordere.

*Dentes candidi*

Id in Doctore etiam requiritur, ut sit potens ad arguendum & convincendum. Debet autem hoc sic fieri, ut tamen dentes sint candidi, hoc est, debet fieri sine amarulentia, sine acerbitate & odio, ut emendatio, non vindicta, queratur. Tales doctores, inquit, habet hoc regnum.

*Omnes gemellis fratribus, & sterilis non est inter eas.*

*Fructus ministerij.*

*Relle fructus verbum Dei*

Hoc addit, ad ostendendum fructum ministerij. Nam tum gemelli eduntur, cum animi primum lege terrentur, Deinde iterum promissionibus seu Evangelio eriguntur. Ad hunc modum, qui Verbum recte secant, fructum doctrinae suae in Ecclesia cernunt. Neque enim fieri potest, ut sine fructu doceatur Ecclesia, Sicut dicit, Sterilis non est inter eas.

*Sicut vitta coccinea labia tua.*

*Labia*

Mire decent in puella, labia rubicunda. Porro labia significant officium docendi. Ea gemina sunt, Sicut etiam doctrinae ratio gemina est, Legis & Evangelij. Quod sunt rubicunda, Charitatis symbolum est, Nam praecipuum charitatis munus est recte docere de religione.

Comparantur autem vittae, seu fasciae coccineae, quae colliguntur crines, ad significandam concordiam, Sicut Paulus monet, Vnum sentite &c.

*Eloquium tuum dulce.*

*Doctrina impiorum.*

*Verbum Dei.*

Doctrina impiorum est labor & dolor, Imo sepulchrum patens. Sicut Propheta appellat. Sed haec commendatio est verbi Dei, quod dulce est, reficit enim animos afflicti & contriti. Et Petrus inquit, Quo ibimus Domine, verba vitae aeternae habes. Iohan. 6.

*Psalm. 119.*

*Iohan. 6.*

*Sicut fragmen mali Punici, genae tuae.*

*Genae*

Rubicundae genae etiam sunt insigne ornamentum, Nihil proprie agunt, tantum lucent & spectantur, non docent sicut oculi & dentes. Quare ego accommodo ad conversationem seu mores doctorum in Ecclesia, In his etiam lucere debet ignis Charitatis, Sicut Christus dicit, Luceat lux vestra coram hominibus.

*Matth. 5.*

*Sicut turris David collum tuum, quae aedificata est cum propugnaculis.*

*Officium Doctorum.*

Hoc quoque ad Doctores pertinet. Neque enim solum aedificare, sed etiam defendere debent. Tempore pacis docendum est, Belli autem tempore pugnandum, & resistendum Satanae ac haereticis.

*Turris David.*

Ideo requirit in hac pulchra forma, firmum & rectum collum, quod comparatur turri Davidis. De hac turri nihil extat, quod sciam, in sacris literis, Sed sine dubio munitissima fuit, & instructa ad depellendos hostes, Sic Doctorem decet instructum esse, ut sit potens in doctrina, Tit. 1.

*Tit. 1.*

*Mille clypei pendent ex ea.*

Hoc addit ad significandam copiam, qua instructi debent esse Doctores contra omnis generis haereticorum, & Satanae dolos & fraudes. Fuit autem id in hoc populo eo magis necessarium, quod natura propendebat ad idolatriam, ad quam etiam vicinarum gentium quotidianis exemplis & moribus invitabantur, etiam si absque falsis Doctoribus & Pseudoprophetis fuisset.

*Duo ubera tua, sicut duo Himmuli.*

*Ubera*

Praeter hoc, quod ministerium Verbi describit, per oculos, dentes, capillos, turrim, etiam uberum similitudinem huc applicat, quae apte convenit consolationibus, quae subjiciuntur territis mentibus. Sicut Paulus dicit 2. Timoth. 3. Omnis scriptura divinitus inspirata, utilis ad docendum, ad arguendum, ad erigendum, ad instituendum in iusticia &c. Ibi enim sine figura dicit, quod Salomon hic quasi Poeticis figuris adumbravit.

*2. Tim. 3.*

Sed



*Prov. 5.* Sed quomodo convenit uberibus & gemellis hinnulis? Fortasse eo alludit, quod non sint ubera, qualia scortorum sunt, sed casta & delicata. Sic in Prov. 5. Vxorem hoc nomine appellat. Lætare cum uxore tua, tanquam cum Hinnulo.

*Qui pascuntur in rosis.*

AT qui in sylvis pascuntur, Sed pertinet hoc quoque ad descriptionem, ut ubera jucunda & delicatiora significet, quæ scilicet intumescant, non ex vili pastu graminis, sed ex Rosis.

Nihil hic admoneo, de impuris cogitationibus, quæ inventuti incidunt, cum tales descriptiones audiunt. Nam Spiritus sanctus castus est, & sic meminit membrorum muliebrium, ut ea velit intueri, ceu bonas creaturas Dei. Et in hoc libro nihil est, quod mihi quidem magis placeat, quam quod video Salomonem tam suavis figuris loqui, de summis donis, quæ Deus contulit populo suo. *Membra muliebria.*

Ita ut insigne Exemplum gratitudinis nobis hic sit propositum. Atq; utinam nos quoq; Deum nostrum sic laudare, sic ei gratias agere disceremus, ut eum appellaremus solem nostrum, amicū, Ecclesiam autem suam Capream, pastam florib' &c. *Deu Salustor*

*Vadam ad montem Myrrha, & ad collem Thus.*

Hoc ceu Epiphonema est, quo concludit Encomium de ministerio Verbi in hoc populo institutum. Hactenus enim recensuit fere omnia Verbi officia, quæ oculis, dentibus, capillo, &c. comparantur.

Nunc hanc quasi acclamationem addit, Hoc tuum donum mihi est instar montis, in quo Myrrha & Thus, suavissimi fructus proveniunt. Ibi manebo, ibi oblectabo me, donec aspiret dies & inclinentur umbræ. Non fastidiam dona hæc, non quæram nova, sicut fastidiosi Spiritus solent. Quanto enim magis editur, bibitur, videtur, auditur, hæc doctrina, tanto magis sitire, esurire debent auditores, & optare, ut perpetuo nihil aliud neque audire nec videre liceat. Qui hunc affectum non habent, nullum verum gustum verbi Dei habuerunt, quantumvis multum de eo garrere norint. *De ministerio verbi. Myrrha & Thus. Varii audientes verbi.*

Myrrha symbolum verbi est, Thus autem orationis.

*Tota pulchra es, amica mea, & macula non est in te.* *Myrrha. Thus.*

Hic, meo iudicio, alius locus est, quanquam etiam pertinet ad institutum Encomion. Loquitur enim de fructu & efficacia Verbi quid scilicet hoc ministerium verbi tantopere prædicatum, in populo efficiat, Q. d. Antea te aspexi tantum in una parte, nempe in sacerdotio. Nunc video te totam pulchram & sine macula esse. Nam verbum publice prædicatum, cives domum reportant, & ex verbo discunt se & suos gubernare, Ita ut ubiq; experiamur, in templo, in repub. in Oeconomia certos verbi fructus, quod ceu fermentum omnes reipub. partes, officia, & status omnes pervadit. *Profluvium*

Nam cum referimus hanc pulchritudinem ad Verbum, belle convenit. Sicut quoq; Christus dicit, Mundi estis propter sermonem, quem loquor vobis. Et Ecclesia hodie, quanquam semper oret pro remissione peccatorū, tamen si verbum, Sacramenta, fidem, ipsum caput Christum respicias, est mundissima & sine macula. *Ecclesia sine macula, Eph. 5*

*Veni de Libano sponsa mea, veni de libano, veni de vertice Amani, de vertice Sanir & Hermon, de cubilibus Leonum, & de montibus Pardorum.*

Libanus notus est. Est etiam notus mons Amanus, ex latinorum literis, Sanir pars ejus est. Sunt fere contigui montes, & omnes aquilonares Hierosolymitanis. *Libanus. Regnum gentium.*

Est autem hæc exhortatio quædam, ut verbum retineat populus, nec pariat se in idolatriam adduci, propter exempla vicinarum gentium, Q. d. Regnum meum patet ad Libanum usq;, sed vos cives mei cavete à gentibus. Sunt vicina cubilia Leonum, & montes Pardorum, hoc est, Habemus vicina magna gentilium imperia, Sed heus, huc à Libano ad Ierusalem & templum, ubi Verbum est, Isthic nihil est, quam immanes bestiae, à quibus extrema pericula expectabitis, nisi fugeritis.

Vulne-

Consensus in doctrina.

*Vulnerasti cor meum, soror mea, sponsa, vulnerasti cor meum.*

Insignis hic affectus est, in quo videmus, cum consentiunt populi in Verbo & uno sensu, quantum id gaudium sit Deo & Angelis. Vocat enim amicam, vocat sponsam, vocat sororem talem populum, & cor suum dicit amore tanquam saucium esse.

*In uno oculorum tuorum.*

Unitas in doctrina.

Emphasis est, in nomine, uno, ut ostendat Deo gratissimam esse simplicitatem, unitatem, & puritatem in doctrina, Sicut videmus, quam ubiq; Christus & Apostoli ad hanc consensionem hortentur & invitent.

*Quam pulchrae sunt mammae tuae, soror mea, sponsa.*

Vbera.

Vbera non in Doctoribus tantum, sed etiam in populo sunt. Nam Christi dictum verum est, Vbi duo vel tres convenerint in nomine meo, ero ego in medio eorum. Ideo cum privatim frater consolatur fratrem, cum annunciat remissionem peccatorum, Verbum id ratum est, & non fallit. Est enim Spiritus sanctus efficax per verbum, ubicunq; id dextre ac sincere tractatur, sive in publico, sive in privato.

*Vbera tua suaviora vino.*

Consolationes verbi.

Omnis generis solatia nihil sunt, si conferas cum ijs consolationibus, quas verbum Dei nobis proponit.

*Odor unguentorum tuorum super omnia aromata.*

Odor Evangelii.

Tua fama suavius olet, quam omnium gentium fama, venit enim ex verbo. Quid enim est fama totius mundi ad eam, quam tu habes, quae non rebus solum, ut Iurisconsultus, non corpori solum, ut Medicus, sed animo mederis, quae erigis & consolatoris conscientias unguento Sponsi tui. Hoc unguentum verbi, medetur corpori & animo, ac utrunq; recreat & conservat.

*Favus distillans labia tua.*

Haecenus egit gratias, & praedicavit insigne donum, quod Deus instituit Politiam & Sacerdotium in hoc populo, Nunc addit, non solum à Deo illa instituta esse, sed etiam fortunari, manere efficaciam hujus ordinationis & fructum per totum populum &c.

Favus.

Favus. Populus qui sic habet ministerium Verbi est favus, id est colloquium & consolatio mutua. Et distillans favus, id est, dimanans. Illa suavitas & puritas doctrinae, pervadunt totum populum. Lac. Lacte infirmi aluntur, Idem Verbi ministerium est, neq; enim infirmos abjicit Deus.

Lac.

*Odor vestimentorum tuorum, sicut odor thuris.*

Odor thuris.

Hic populus est ornatus pulcherrimis virtutibus, quae sequuntur Verbum unde odor thuris est, id est, unde celebris est, & late praedicatur fama ejus. Dicit autem thuris odor, quod ista fama referat aliquam divinitatem. Prima enim hujus populi laus est, pulcherrima disciplina cultus Dei.

*Hortus conclusus, soror mea, sponsa.*

Aliud Encomium Ecclesiae. Metaphora populi. Deit.

Alia laus hujus populi. Commendat enim eum, quod sit pulcherrimis legibus conclusus & formatus circumcisione, & alijs ritibus, & quod maximum est, promissionibus signatus, quibus ab omnibus alijs populis discernitur. Sicut nos Christiani nunc sumus signati Verbo, Baptismo & Sacramento altaris, quibus discernimur ab omnibus alijs gentibus, non solum coram mundo, sed verius in iudicio Dei.

*Emissiones tuae Paradisus malorum Punicorum, cum pomorum fructibus &c.*

Hortus.

Hic populus est hortus, cujus emissiones, id est, plantae, quae emittuntur è terra, seu Paradisus quaedam sunt, plena arboribus, id est, sanctis hominibus.

Fructus. Arboris.

Quod latinus fecit, Cum fructibus pomorum, accipio pro suavis & delicatis fructibus. Varij fructus & arbores, significant varia dona & officia in populo. Boni Doctores, magistratus, patresfamilias, servi, servae, juvenes, senes &c.

Thuris

Thuris arbor sunt, qui fideliter & assiduo orant. Sicut Myrrha & Aloe, mortificantes carnem suam, significant. Sic omnia genera donorum e verbo Dei in auditores manant. Thim.  
Myrrha.  
Aloe.

*Fons hortorum, puteus aquarum viventium.*

Est Epiphonema. Tu es vere fons aquarum fluentium de Libano. Libanum Libani. per allegoriam vocat civitatem Ierusalem, Q. d. Ierusalem sic divinitus multis donis & in Sacerdotio & Politia ornata est ceu fons, qui irrigat alios hortos. Hujus enim exemplo alia quoque civitates excitantur ad Religionem, & civilem disciplinam amplectendam.

*Surge Aquilo & veni Auster, perfla hortum meum, ut fluant aromata ejus.*

Vult hunc hortum exerceri tentationibus, ut sint vices afflictionis & prosperitatis. Auster inflat presumptione, Boreas exiccat desperatione, Non ut pereat hortus, sed ut latius spargatur odor ejus, ut Verbi virtus in cruce appareat. Auster.  
Boreas.

## C A P V T V.

*Psal. 61.*



Est Oratio populi, agnoscentis beneficia & dona Dei. Rogat enim, ut dilectus velit venire in hortum, quem sic ornavit laudibus, Hoc est, velit ei benedicere, & dona praesentia conservare. Sicut in Psalmis oratur, Confirma hoc Deus, quod operatus es in nobis, Alioqui animi in securitatem delabuntur & ruunt. Procurat ut Deus benediciat Ecclesiae.

*Veniat amicus meus in hortum suum &c.*

Hunc hortum, hanc Politiam Deus meus, tu constituisti, Veni igitur, cole & conserva eum, Verbo & Spiritu tuo, ne pereat situ, Comede de fructibus ejus nobilissimis, Hoc est, Declares nobis tua praesentia, tibi placere ista omnia &c.

*Venio in hortum meum &c.*

Exaudita est oratio. Significat enim se praesentem esse, & probare omnia & placere sibi omnia. Hoc est testimonium conscientiae, quod pii in officio & vocatione sua sentiunt, Quod cum serviunt vocationi suae, certo affirmare possunt, Deum probare ipsorum opera & grata esse, Quanquam alicubi negligentiores sint. Neque enim exclusa hic est remissio peccatorum. Exaudita oratio.  
Testimonium conscientiae in pñ.

*Messui myrrham meam.*

Myrrha est mortificatio carnis, Aromata quae suaviter olent, sunt reliqua bona opera & fructus fidei, hos se colligere, & iis frui, dicit. Myrrha.  
Aromata.

*Fructum meum comedi &c.*

*Sal. 1.*

Nota Emphasin, quod omnia illa sua esse dicit, Q. d. Placent mihi conciones, consolationes, opera tua, vivendo, operando, loquendo, docendo, places &c. Deo placent plorum opera. Et si autem fieri non possit in hac infirmitate, quin multa peccentur, aut negligentia, aut aliis modis, Tamen placet ista obediencia, quantumvis imperfecta, propter fidem in Christum. Sicut Iohannes dicit, Deus major est, quam cor nostrum, Habemus ejus bonum, quod infinitum est, contra nostrum malum finitum.

*Comedite amici.*

Exhortatio ad totam Ecclesiam, ut fruantur illis beneficiis & donis cum gratitudine. Sunt autem necessariae consolationes, quae aegre creduntur ab iis, qui versantur vel in Politia, vel in Ecclesiae ministerio, Confirmant autem animos piorum, ne laboribus & ingratitude hominum fracti, discedant ab officio suo. Exhortatio.

*Dormio ego, sed cor meum vigilat.*

Hic incipit novus locus. Haecenus enim descripsit tempus pulcherrimae pacis, quae sub Salomone floruit, Proque ea egit gratias, Nunc prospicit in futura tempora, & videt ob peccata populi variis malis tum Politiam, tum Sacerdotium affligendum.

I 3

Quem-



*Rem victi-  
tudo.*

Quemadmodum enim tempestatum vices sunt, sic subinde pacem bellum, tristitiam lætitia, afflictionem consolatio, rursus consolationem alia afflictio sequitur. Has vices ad finem fere hujus libri Salomon tractat, & describit futuras tentationes universali descriptione. Sic perpetuo in hoc regno fiet, Subinde tentabimur, exercebimur variis calamitatibus &c.

*Ego dormio, & cor meum vigilat.*

Dormio, fruor jam alta pace, Secura sum, omnia sunt tranquilla, Nihilominus cor meum vigilat. Video enim peccata populi, video minari Deum mala per Verbum. Sum igitur sollicita de futuro malo &c.

*Vox dilecti mei pulsantis.*

*Vox pulsantis.  
Cruce vult.*

Hic incipit crux, Vox pulsantis, est vox terroris, volentis expergefaceri, ne secuta amittat præsentia bona. Crux enim est necessaria & utilis nobis. Qui diligit Filium suum, multiplicat ei flagella, dicit in Proverb.

*Eccl. 30.*

*Aperi mihi amica &c. quia caput meum &c.*

Est accusatio Sponsæ, Pax, qua hætenus frueris, te desidiosam facit, jaces in lecto, me nocturnis imbribus madidum ante fores stare pateris, hoc est, negligis me, negligenter administras tam Politiam, quam Sacerdotium. Caput & capilli toti madent, id est, duces in utroq; regno negliguntur &c.

*Expolia vi me tunica mea.*

Nuda jaceo, non possum surgere. Significat non solum culpam neglecti Verbi, sed rebellionem quoque, Non vult parere per patientiam Deo visitanti propter peccata. Non vult dimittere pacem, nihilominus tamen pergit in peccatis suis. Atqui in Psalmo est, Iusticia & pax se osculatae sunt, quod sine iusticia ne speranda quidem pax sit.

*Ps. 84.*

*Dilectus meus misit manum suam per foramen.*

*Mittere manum  
per foramen.*

Hic vult eam cogere, ut surgat, quantumvis invita. Sic misit manum suam per foramen, cum Assyrium mitteret, cum aliis calamitatibus eos premeret, sic excitavit hanc Politiam diffluentem ocio, & solutam longa pace. Deus non mentitur, semper minas sequuntur res.

*Surrexit, ut aperirem dilecto.*

*Aperire ostium.*

Aperire hostium, significat animum præbere patientem. Dicit igitur se patienter sustinuisse manum Dei. Ne autem sentias id facile esse, Manus meae inquit, stillaverunt Myrrham, & digiti mei Myrrham transeuntem usque ad pessulum seræ, Vult significare difficile fuisse carnem vincere, ut consentiret Deo, ne murmuraret, sed admitteret poenam, & ferret.

*Cruce carnis de-  
sc.*

*At ille declina verat.*

Hic intenditur tentatio & augetur, Quod videtur Deus nos relinquere in ipsis malis, neq; offertur aliqua consolatio fessæ menti.

*Anima mea liquefacta est.*

Verbum significat, egressa est, Q. d. tanta expectatione teneor, ut animo pene linquar. Nullum sentio auxilium, solum Verbum suum reliquit mihi, in eo hæreo, ut pene deficiam &c.

*In venerunt me custodes, qui circummeunt Civitatem.*

*Custodes.*

Custodes, hic intelligo Doctores legis, qui non consolantur, sed magis terrent, & obijciunt peccata, Sicut illi in Hiob, cum consolari debeant, damnant. Possunt Custodes quoque accipi, pro iis Doctoribus, qui in calamitate, vana præsidia docent, quibus innitamur. Sicut apud nos fuerunt cultus Sanctorum, Indulgentiæ, & alia hujusmodi impiæ nugæ.

*Verbum gratia  
consolatur.*

Sed afflictæ animi non possunt erigi, nisi per Verbum gratiæ. Omnia alia solatia non modo non juvant, sed etiam (sicut hic conqueritur afflictus populus) magis vulnerant, & cumulant iram.

*Adjuro*

*Adjuro vos Filie Ierusalem.*

Sponsa, vel populus in tentatione positus, five ea sit captivitas Babylonica, five alia quædam, amisit Deum suum, & est relictus in manibus adversariorum, ita, ut nusquam appareat Deus vel auxilium. Non tamen ideo desperat, sed tolerat manum Dei visitantis, & vocat alios, eosq; hortatur ad orationem, Filia Ierusalem, hoc est, omnes vos, qui pertinetis ad hunc cultum.

*Qualis est dilectus tuus, ex dilecto.*

Verte, præ dilectis, Volunt scire quem dilectum habeat, quod eum omnibus aliis dilectis præfert, quod deserta, non vult se ad alia præsidia & auxilia convertere, Sicut solent homines, quos non Spiritus Dei, sed ratio sua agit & docet.

Hic igitur incipit longam imaginariam descriptionem, qualem habeat dilectum. Nunc primum eum describit, cum amisit eum. Sic solemus omnes, præsentia bona fastidimus, & negligimus, Sublata ex oculis quærimus invidi, Sicut Poëta ait. *Præsentia bona negligimus.*

*Dilectus meus candidus & rubicundus.*

Est descriptio imaginaria Dei, non qualis est in sua Majestate, Sed qualis est in cultu & Verbo suo, Hoc est, Dei induti & ornati Regno & sacerdotio in Populo illo &c. Candor significat lætitiā, Festis enim diebus vestiebant candidis. *Candor. Rubor.* Rubor amorem significat. Q. d. Cum Sacerdotium & Regnum adhuc starent integra, abundabamus pulcherrimis donis, quibus Deus testabatur nobis suum amorem erga nos. Erant igitur omnia plena gaudio & lætitiā, Nunc miseri lugemus, dissipata Politia, amissis illis pulcherrimis donis &c.

Sic fit, qui verbum Dei habent, illi habent amantem, consolantem, lætificantem & beneficientem Deum. Hæc autem omnia amisisse se queritur populus.

*Electus è millibus.*

Est electus heros & gigas, qui paratus est ad defendendos suos.

*Caput ejus aurum optimum.*

Religio & doctrina, quam Moses sapientiam hujus populi vocat, est ceu aurum purissimum, Aliorum deorum cultus sunt ceu scoria &c.

*Cincinni ejus densi.*

Abundabam eo tempore, cum adhuc retinerem Deum, cultoribus Dei & ministris, qui capiti, hoc est, Deo sunt proximi, Erat magna copia Sacerdotum & Levitarum.

*Et nigri sicut corvus.*

Sacerdotes erant graves viri, in quorum vultu & gestibus jucunda severitas inerat, Nisi quis malit accipere nigram comam, ob externam speciem, contemptam, Id quod non puto. Fuerunt enim nigri capilli laudati apud illos, Sicut apud Horatium quoq; Spectandum nigris oculis, nigroq; capillo. *Nigri capilli.*

*Oculi ejus sicut Columbæ ad rivulos.*

Oculi sunt rectores & duces populi, qui non solum Deum colunt eiq; serviunt, Sed etiam erudiunt & docent simpliciter & fideliter. Celebratur Columba ob mundiciem, quod non bibit, nisi mundissimam aquam, Idq; ideo, ut possit sibi cavere ab accipitribus, quorum imaginem aqua reddit, Sic fideles Doctores intenti sunt, ad cavendos falsos spiritus, & versantur solliciti ad aquam mundam, hoc est, ad Scripturam. *Oculi. Columba. Fideles doctores.*

Addit autem, Oculi loti lacte, hoc est, pleni consolationibus, Item, Residentes in plenitudine, hoc est, præ se ferentes hilaritatem aliquam. Cavi oculi indicant severitatem, &c. Sed hujus Sponsi oculi sunt pleni, & habitant in plenitudine, id est, habent copiosum populum, Verbum eorum fideliter auditur, Ecclesie & Scholæ sunt plenæ discipulis.

- Genæ ejus, sicut areolæ aromatum.*  
*Genæ.* Genæ sunt externa conversatio totius populi, quæ sequitur ex Verbo, Illa est excitatio, fundit suavem odorem, pacis, humilitatis, fidei, &c.
- Labia ejus Rosæ distillantes Myrrham.*  
*Labia.* Labia sunt suavia & plena amore, distillant tamen Myrrham, Id est, doctrinam mortificantem, docent, arguunt, instant, objurgant &c.
- Manus illius tornatiles aureæ.*  
*Legis opera.* In toto populo, inquit, sunt qui abundant bonis operibus. Legis opera sunt, manus contractæ, rugosæ & aridæ. Hic cum summa voluptate bene operantur, sine molestia aliqua.
- Venter ejus eburneus.*  
*Venter.* Vulgus significat, quod est in corpore Ecclesiæ, ceu venter, quod quanquam per se infirmum sit, ut aliorum membrorum ministerio opus habeat, tamen est candidum, sicut Ebur, & incorruptibile.
- Crura illius, columnæ marmoreæ.*  
*Crura.* Crura, hoc est, robustos in Ecclesia opponit ventri.
- Species ejus ut Libani.*  
 Totus populus est, ceu mons Libanus, pulcherrimis arboribus confusus, in quo varia officia, varia dona sunt &c.
- Guttur illius suavisissimum.*  
 Non foetet ei anima, sed dulcia spirat, Hoc est, hi fructus Ecclesiæ, quos hic recitavi, placent & grati sunt Deo.
- Totus est desiderabilis.*  
*Verbum Dei.* Non quod nulli sunt impii in illo populo, Sed quia Verbum habet, ideo omnia dicit esse desiderabilia, propterea quod nullus thesaurus cum verbo Dei conferri possit, in quo verum cultum Deus nobis præscribit, & remissionem peccatorum promittit, ut nullum peccatum sit reliquum &c.  
 Sic celebrat Sponsum suum, & queritur se omnibus his donis privatam, quæ præsentem eo habuit.

## IN CAP. VI.

*Quo abiit dilectus tuus?*

**S**ponsa ob amissum Sponsum, tristis quæsit eum apud alias Civitates, sed non invenit. Illæ tamen pollicentur suum studium, se oratione adjuturas eam, & simul quæsituras Sponsum.

*Dilectus meus descendit in hortum.*

*Fructus tentationis.* Hic redit consolatio. Videt enim se non omnino desertam à Sponso, sed abiisse eum in hortum, ut hortum curet & Rosas colligat, Hoc est, ut sua dona magis in populo augeat. Cum enim Deus nos deserit, non facit id ira, aut odio nostri, sed purgat sic vitem, ut eo melius fructificet. Iohan. 15. Tractat enim Sponsa hic fructum tentationis, quod per multas tribulationes proficiamus in fide & bonis operibus. Mat. 13.

*Ego dilecto meo, & ipse mihi.*

*Rosæ.* Id est, ipse est meus dilectus, & ego sum ejus dilecta. Hæc plerophoria & fiducia sequitur tentationem. Rosæ sunt Sancti in isto populo.

*Pulchra es amica mea.*

*Sacrificium contriti cordis.* Hic se Sponsus Sponsæ offert, & significat se delectari ejus fide, quod non sit fracta tentatione, ut blasphemaret, aut à Deo discederet. Est autem hæc magna conscientie consolatio, quod certo statuit placere Deo patientiam, & delectari eum sacrificio contriti, non tamen desperantis cordis, Vt quanquam caro offensa non nihil mormu-



murmure, tamen spiritus gemat ad Deum, & potius in tentatione perpetuo manere & perire cupiat, quam ut ad impietatem à Deo recedat. Sic probatio spem parit.

*Sicut Tirza, & decora sicut Ierusalem.*

1. Reg. 15.  
16.

Tirza fuit sedes regum Israël, Q. d. Mea Sponsa, tu es quasi Tirza formosa, & bene munita civitas. Et sicut Ierusalem optimis legibus formata & instituta. Nihil aliud est, quam descriptio plerophoriæ, quod sentit Ecclesia seu populus omnia sua opera summe placere Deo.

Tirza.

*Terribilis ut castrorum acies.*

Exod. 1.

Ecclesia seu populus Dei, non solum est bene institutus cultu Dei, & Politicis legibus, sed etiam terribilis Diabolo & adversariis suis. Satan enim metuit nos, cum videt cor hac fiducia munitum, quod credimus, nos placere Deo. Metuunt & adversarii. Ideo enim occidunt pios, quia metuunt. Sicut Pharaon Exod. 1. Sapienter opprimamus, inquit, eos, ne forte multiplicentur &c.

Ecclesia terribilis Diab. &c.

*Averte oculos tuos à me.*

Duplex sententia, Prima dehortatoria est, Averte oculos tuos à me, id est, ne speculeris de Majestate, alioqui obrueris ab ea. Hanc non probo, videmus enim esse Sponsam in argumento consolationis. Altera sententia est commendatoria & amatoria, Averte oculos tuos à me, tam sunt suaves & jucundi, sic me irritant, ut non possim eos amplius videre. Non quod rejiciat oculos, sed amatorio more, dum jubet, ut avertat eos, vult maxime ut non avertat.

Est igitur commendatio ordinum, in spirituali Regno. Oculi enim sunt Doctores, quales fuerunt Helias, Heliseus, &c. Illi tam mihi placent, inquit, ut provocent me ad superbiam. Sunt insignes consolationes, quibus testatur Deus, se probare hujus populi politiam & cultum, ut corda concipiant plerophoriam, se placere Deo, &c.

Oculi.

*Capilli tui, sicut grex Caprarum.*

Conveniunt omnia cum superiore descriptione, Sunt autem capilli, sicut dixi, Sacerdotes & Levitæ, qui sunt in vertice populi, & regunt verbo Dei populum. Gilead significat cumulum testimoniorum, Ea est sacra Scriptura, quæ vere continet cumulum testimoniorum.

Capilli.  
Gilead.

*Dentes tui, sicut greges ovium, quæ ascenderunt de lavacro, omnes gemellis foetibus.*

Hoc quoque pertinet ad officium docendi, mordere & objurgare non odio privato, sed ex charitate & pio zelo. Ideo ovium sunt dentes. Quod autem addit de gemellis foetibus, Significat fructum prædicationis. De genis supra.

Dentes.  
Gemelli foetibus.

*Sexaginta sunt Reginae, & octoginta Concubinae, & Adolescentularum non est numerus.*

Hactenus laudavit diversa officia & status hujus populi, Laus tamen magis referenda est ad ipsum Verbum, quo regitur populus, quam ad personas quæ regunt. Nunc agit gratias pro Politia divinitus data, quod dimanaverit in tot Civitates & villas. Hic enim opus tenendus est per totum Librum, quod de Politia loquatur.

Gratias agere.

Sexaginta igitur Reginas, & octoginta Concubinas, accipio pro Civitatibus locupletioribus & tenuioribus, quæ per totum regnum Salomonis in Syria, Idumæa, Palæstina &c. fuerunt, & iisdem legibus sunt usæ. Adolescentulæ sunt reliquum Civitatum vulgus, quæ omnes divinis legibus administrabantur.

Reginae.  
Concubinae.  
Adolescentulæ.

1. Reg. 12.

Locus in libris Regum de multitudine uxorum Salomonis, plerisque hunc locum obscuravit. Falluntur autem qui putant Salomonem tam libidinosum fuisse, ut tot uxores duceret. Imposuit ei necessitatem eam Lex, quæ jubebat, ut defuncto marito sanguine proximi succederent. Deserte igitur viduæ, videbant sibi optime consultum, si inter regias uxores aut concubinas essent. Hac occasione tot mulierum factus est maritus Salomon.

Quæ occasione Salomon tam multas habuerit uxores.

*Vna est Columba mea, perfecta mea &c.*

Dixi quod gratias agat de fructu, qui sequitur ex verbo. Administratio illa non est frustra, Sunt Sexaginta Regine &c. quæ omnes ea utuntur. Et quanquam nulla ex his civitatibus sic sit pura, ut non multi perditæ & nequam homines in ea sint, Tamen in singulis aliqui sunt pii, columbina simplicitate, qui ex animo hanc Politiam colunt & observant, qui eam tanquam summum Dei donum admirantur & prædicant, cum Verbum habeat, & in ea Ecclesia Dei sit. Hæc est unica mea, mea una Columba, collecta ex toto Regno &c.

*Viderunt eam filie Sion, & prædicaverunt beatam.*

Pios & bonos cives, qui passim sunt in Civitatibus, coguntur omnes laudare, etiam impii.

*Quæ est ista, quæ progreditur, quasi aurora consurgens, pulchra ut Luna, electa ut Sol.*

*Regnum Salomonis.*

*Gentium regna.*

Regnum Salomonis sic constitutum & ornatum legibus celebratur ubiq; Prodit & illuminat totum orbem fama & gloria sua. Cetera regna sunt obscuræ tenebræ collata ad hoc, quia sunt obsessa per Satanam, Deus non misit eis Verbum suum, nec illustravit ea radiis cognitionis suæ. Est igitur hæc Politia Salomonis, ceu aurora, Sol & Luna in mundo, propter Verbum.

Sunt autem insignes consolationes, quando politicus populus potest sibi persuadere, se talem esse coram Deo, qualem hic describit. Nam coram mundo sapius videmus contrarium, Sicut etiam populi Israelitici historia nos docet.

*Descendi in hortum nucum, ut viderem fructus convallium, &c. Non novi &c.*

Finite consolatione, sequitur alia tentatio. Hactenus laudavit Regnum suum & egit pro eo gratias, Videt enim columbam, hoc est, aliquos in singulis civitatibus bonos, quorum pietatem & vitam probat.

*Multitudo impiorum.*

Iam convertit se in alteram partem, & videt tantam multitudinem impiorum esse, ut nulli præ ea pii aut boni esse videantur. Sic enim fit, Vicia vehementius movent animos. Requiritur igitur hic singularis fortitudo, quam spiritus Dei suppeditat, ne frangatur aliquis aspectu illorum malorum.

Descendi, inquit, in hortum meum, Egi Episcopum & Visitatorem, ut viderem fructus meæ Politiae, Et ecce tanta impiorum est multitudo, ut cogar dicere, Nescivi vel non novi, scilicet meam columbam. Cum enim æstimamus numerum, tanta multitudo est impiorum, ut nulli usquam videantur esse pii. Idem nobis accidit cum visitamus Ecclesias, tot invenimus ubiq; vitia, ut merito aliquis desperet de fructu Verbi, Et tamen manet columba illa, quanquam tecta malorum multitudine non cernatur.

*Anima mea conturbavit me.*

*Hieronymus interpretatur.*

Admodum obscurus hic locus est. Hieronymus sic reddidit, ut recte conveniat cum sententia, quam dixi, Venisse se ad aspiciendos & quærendos fructus, Sed nescire, hoc est, nihil invenire. Quod semper major numerus est improborum, Tum, si quis spectet, amitti quasi bonos, & nusquam apparere. Sed mihi aprius esse videtur, si jungamus sententias in hunc modum.

*Nescivi quod posuit me anima mea, ut essem quadriga populi munifici.*

*Anima.*

Nam Aminadab appellative accipio. Est autem usitata figura, quod Anima ponitur pro voluntate. Anima mea posuit me in quadrigas populi, hoc est, Ego optavi esse quadriga populi. Sed hoc quoque nescio. Sum quidem positus, ut præfem aliis, & regerem alios, Sed nolunt regi, volunt ipsi non parere, sed regere, & principes esse &c. Sic enim solet indomitum vulgus.

Rever-

*Revertere, revertere o Sulamith.*

Sponsus hic revocat Sponsam ab aspectu malorum, ut mittat illa, & potius consoletur se aspectu bonorum, quæ habet. Est autem non levis ars posse vincere præsentem tentationem, & revocare animum à tristitia cogitatione donorum, quæ habemus. Quæ semper, si quis dextrè judicet, superant & excedunt longè incommoda quibus premimur. Dicit igitur, Revertere & aspiciemus te, Averte oculos ab incommodis præsentibus, Te inspicere, & videbis quanta in te beneficia & dona contulerit Deus.

*Amplius à  
multis ad cultu-  
dinationem be-  
norum revoca-  
tio.*

Vocat autem eam Sulamithen, vel perfectam, vel pacificam, ut eam insigni præconio avocet à tristibus cogitationibus, quas concepit ex aspectu malorum. Pacifica es, hoc est, Omnia se bene habent, abundas omni genere bonorum, Vel perfecta es, nihil tibi deest. Habes enim Politiam divinitus institutam, habes Magistratus, qui regant, & subditos qui obædiant. Si qui inter hos mali sunt, hi ne te moveant, Considera potius tanta dona tua &c.

*Sulamith.*

Nos quoque in privata vita hanc æquitatem retinere debebamus, ut patienter toleraremus levia quædam vitia, vel in amicis, vel uxore, cum tot aliis commodis pensata sint, si quis modo rectè æstimat.

*Quid videtis in Sulamith.*

Quin potius rectè, & sicut meretur, inspicite eam. Agnoscite Deum & verbum Dei in ipsa, & rempub. non humano sed divino consilio, constitutam. Quid ergo in ea reprehendi potest? Deus Oeconomiam, Politiam, Ecclesiam hujus populi non solum dedit, sed & approbat, neque hoc solum, sed & promittit se affore, &c.

*Nisi choros castrorum.*

Est instructissima ut non sit periculum à multitudine impiorum, quod eam evertant. Deus adest & gubernat suum populum &c.

## CAPUT VII.

*Quam pulchri sunt gressus in calceamentis, filia Principis.*

**H**ic describit carmine Politiam, sic ordinatam & ornatam, & fingit eam incedentem, ut significet eam non solum habere excellentia dona, sed etiam esse in quotidiano donorum usu. Quod Sacerdotes verbum Dei doceant, magistratus rectè jus dicat, &c. Hoc significat, quod calceatam esse fingit. Neque enim puto cum velle allegoriam, quod sit munita & vineta legibus &c.

*Junctura femorum tuorum sicut monilia &c.*

Ferunt prohibitum fuisse apud Iudæos, ne adolescentes hunc librum legerent. Id quod alij sic accipiunt, ne hac lectione adolescentes inflammarentur ad libidinem, Ego autem ob difficultatem potius interdictum fuisse puto, quod cum in totum Politicus sit, inutilis esse videatur juvenibus, qui nullum humanarum rerum habent usum. Nam & adolescentes sine concupiscentia de mulierculis loqui & audire possunt, si tanquam creaturam Dei eas considerent. Et Spiritus sanctus habet castum os, & purum cor.

*Lectione hujus li-  
bri prohibita a-  
pud Iudæos.*

Loquitur igitur hic de membris genitalibus tanquam de sua creatura, qua abutitur caro & concupiscentia, suo, non Spiritus sancti vitio. Hæc ideo dico, ne quis hoc textu, qui amatorius esse videtur, offendatur. Sciendum autem est, quod Spiritus sanctus in allegorijs magis spectet usum quam formam rei. Quare hic mentionem facit membrorum generationis, ut ventris, umbilici, fœmorum, &c. ut fecunditatem hujus populi describat. Laudantur in mulierculis fœmora latiora, quod aptiora sint, gerendo fœtui. Loquitur igitur Salomon de spiritali generatione in hoc populo, quod juvenus instituitur ad ministerium Ecclesiasticum & Politicum. Ejusmodi fœmora apud nos sunt Scholæ, Et dicimus ideo infelicem Germaniam, quod hac apta & eleganti fœmorum junctura careat, & scholæ desertæ sic jacent &c.

*Cur mentionem  
facit membro-  
rum generati-  
onis.*

*Fœmora lata.  
Spiritalis ge-  
neratio.*

*Fœmora.*

*Umbilicus tuus, Crater rotundus, cui nunquam vinum desit.*

Vis conceptiva, & generativa in umbilico est. Id quod ex Hiob arguunt

*Umbilicus.*

Cap.



**Crater.** Cap. 40. Virtus ejus in umbilico ventris ejus. Significat autem parentes & magistros juventutis. Hi sunt velut Crater, cui nunquam deficit vinum, hoc est, non est inutilis eorum institutio. Sic commendat Sponsæ Sponsus ea dona, quæ habet, ut consoletur se præsentibus, & contemnat ea mala, quibus offenditur. Hab. 40.

*Venter tuus sicut acer & tritici.*

**Venter.** **Umbilic.** **Rosa.** Institutio & eruditio tua est foecunda, sicut cumulus tritici. Laudatur rotunditas in ventre, Sicut umbilicus depressior, & paululum infixus ventri laudatur. Rosas vocat scripturam & leges.

*Duo ubera tua &c.*

**Vbera.** Vbera habet, quibus generatos alit.

*Collum tuum, sicut turris eburnea.*

**Collum.** Turrim dicit, quod sit erectum, Eburneum, quod candidum & durabile collum sit. Sunt autem collum Doctores & magistratus populi incorrupti, & firmi, qui non franguntur animo, non vincuntur odio, amore, precio &c. sed rite faciunt officium suum.

*Oculi tui, sicut piscine Hesbon, ad portam magnatum.*

**Oculi.** De his piscinis nihil legimus in scriptura. Sunt autem oculi Doctores, qui ceu piscine redundant aquis, ut consolentur, & fide & moribus infirmos. Oculi clari, pellucidi, sicut piscina.

*Nasus tuus, sicut turris Libani, quæ respicit ad Damascum.*

**Nasus.** Rectus nasus quoque laudatur, Sed Spiritus sanctus magis usum spectat. Significat igitur Doctores & Magistratus diligentes, qui non stertunt, sed ubiq; vigilant. Puto significare speculam aliquam, ad Aquilonem sitam.

*Caput tuum, sicut Carmelus.*

**Caput.** Caput sunt summi in populo, Salomon scilicet cum Principibus suis, & Sacerdos summus. Hi sunt tanquam fertilissimus mons, Non per se, sed per magnificas promissiones, quas utriq; habent.

*Et comæ capitis tui, sicut purpura Regis &c.*

**Coma.** **Capilli.** Mirabilis figura, quod capillitium vocat cannales, Et tamen si formam spectes, non multum abhorret à re. Capillus enim muliercularum dependens in humeros distinctus, & modice inflexus, seu tortus est, ut efficiat similitudinem aquæ è canali profluentis. Sunt autem hi cannales, seu capilli, ordines, tum Levitarum, tum Politici Magistratus, qui à Magno Sacerdote & Rege, ceu capillus à vertice capitis per dorsum ad inferiores corporis partes, fluunt. Quod autem addit, Sicut purpura, non respicit ad colorem, sed ad materiam. Laudantur enim molles capilli, quos nos serico comparamus.

*Quam pulchra es & decora.*

Hic laudat Politiam tot donis ornatam.

Pulchram vocat, quod sic bellè omnia officia distributa sunt.

Decoram, quod hæc dispositio ornet ipsam, & delectet omnes videntes & audientes ipsam.

*Statura tua assimilata est palmæ &c.*

**Palma.** Palma non cedit ponderi. Sic tu quoque es, gentes te non poterunt premere. Sacerdotes enim docent Verbum, & nihil morantur odium mundi, Iudices tui sequuntur jus, & juste judicant, nihil morantur invidiam mundi &c. Sicut est in 1. lib. Regum 14. Cap. Dominus meus Rex est, sicut Angelus &c. 1. Reg. 14.

*Dixi ascendam in palmam.*

A deo mihi places sic instituta & ornata, ut cogar te amplecti. Sunt insignes consolationes, quibus Deus significat sibi grata esse & placere omnia, de quibus hæc tenus

Atenus dixit. Respondet enim suo Spiritu spiritui Salomonis, Recte eum facere, quod sic vehat laudibus Politiam suam, & pro ea agat gratias, Et amatorie dicit, Ascendam hanc palmam, id est, amanter complectar te & regnum tuum. Sic fiet ut

*Vbera tua, fiant botrus vineæ*

Non erit amplius lacte opus, sed sic confirmabo tuos cives, ut possint bibere vinum, durabo eos non solum ad ferenda, sed vincenda quoque mala &c. Conjungit autem uberibus nasum. Vbera enim docent, Nasus autem custodit & vigilat, & tuetur doctrinam. *Nasus.*

*Guttur tuum, sicut vinum optimum.*

Laudes tuæ & gratiarum actio, quam pro Politia offers, sunt mihi gratissima, Guttur enim allegorice, significat canere, laudare, gratias agere, Illa mihi sunt ceu vinum, qui ambulat ad dilectum meum recte, (Sic enim vertendum est) Hoc est, ideo placent laudes tuæ, quia directæ sunt in me, Non prædicas tuas vires, tuam justiciam, me prædicas &c. *Guttur.*

*Et dentibus illius ad ruminandum.*

Nos sic vertimus.

*Quod commovet labia senum.*

Verbum enim, quo hic utitur, significat famigerare, & sermonem spargere, ut sit sententia, Illas laudes & præconia illa, quibus mea beneficia celebratis, retinent & propagant senes, qui magnam cognitionem historiarum habent, in alios.

*Veni Dilecte mi, egrediamur in agrum &c.*

Hic postulat Sponsa novum donum, pro quo postea agat gratias, Regnum Israël sub Salomone fuit amplissimum, Imperavit enim Edomitis, Palestinis, Syris & Moabitis.

Orat igitur Sponsa, Quoniam habeat adhuc multos alios populos foris (Hoc enim agrum vocat) ut velit dare gratiam suam Sponsus, ut illi quoque recte administrantur, & verbum in finitimas gentes propagetur. *Agrus.*

*Mare surgamus ad vineas &c.*

Volumus videre, an in illis quoque sint aliqui boni, & reipub. utiles viri.

*Ibi dabo tibi ubera mea.*

In istis locis quoque docebimus, exercebimus etiam apud illos cultum & Legem nostram.

*Mandragoræ dederunt odorem suum.*

Non vult hoc, quod nos hodie Mandragoram vocamus, sed significat suavem & nobilem aliquem fructum, Sicut apparet ex Genesi, & ex hoc loco. *Mandragora.*

Sententia autem est, Invenio fructum Verbi, etiam apud gentes vicinas, quæ fruuntur religione & Politia nostra, Verbum non docetur sine fructu, sed generat etiam inter gentes optimos homines.

*Omnia poma nova & vetera.*

Poma generaliter significant omnes nobiles fructus arborum, Significat se abundare bonis civibus, quos abscondit Sponsus. Hoc est, Gloria regni populi Dei non cernitur nisi in Verbo, quacunque alia parte eam spectes, sordet. Ideo mundus non solum contemnit bonos, sed persequitur & odit. Non enim est dignus, ut vel pium hominem vel bonum opus videat, Ideo dicit Sponsa, Quæ abscondi tibi. *Poma.*  
*Gloria populi Dei non cernitur.*

## C A P U T VIII.

**D**iximus in principio, hunc Librum Salomonis esse, ceu Hymnum, in quo canit beneficia divina, exhibita populo suo per Verbum & gratias pro ijs agit. Videtur autem hic instituere conclusionem Cantici, & ora- *Argumentum  
septimo libri.*

& orare pro futura dilatazione regni. Respicit enim in tempora Christi, quibus verbum & cultus Dei in totum orbem vulgandus erat. Sic oratur in Psalmo etiam, *Psalm. 61.* Confirma hoc Deus, quod operatus es in nobis.

*Quis mihi det, te fraterculum meum, sugentem ubera matris meae,  
ut inveniam te foris, & deosculer te &c.*

*Precatio.*

*Osculatio.*

Sententia est, o Deus noster, auge Regnum hoc in infinitum. Est in agro foris, hoc est, in vicinis gentibus, & optat tamen ultra procedere. Fingit autem Sponsum parvulum & sugentem ubera matris suae. Deus enim in illo populo, si alia regna spectes, in qua erat propagandus, erat tunc infantulus. Dicit igitur, Es tanquam puer sugens lac matris, Quis dabit mihi, ut te inveniam foris, propagatum per verbum Evangelij in omnes gentes. Addit autem, Ut deosculer te. Osculari enim est, Verbum dare, habere Evangelium. Hæc cum fient, inquit, non amplius despicient me homines. Sumus jam contemptus populus, Sed tum fiet, ut in omnibus regnis per totum orbem sint aliqui, qui me colent, & laudabunt, qui amplectentur cultum Dei, & verbo Dei credent &c.

*Apprehendam te, & ducam in domum matris meae.*

*Prophetia de regno Christi.*

Tum deducam te in Synagogam. Sicut de Iohanne scriptum est, Convertet cor patrum in filios. Iudæi enim credentes in Christum, non sunt deducti ad nos Gentes, sed ad patres suos, hoc est, ad fidem patrum. In eam familiam post nos gentes sumus asciti, ut jam simus unus populus.

*Ibi me docebis.*

Tum instituetur ministerium docendi perfectum, cum per Spiritum sanctum ita manifeste adjuvabitur.

*Et dabo tibi vinum conditum, & mustum malorum Granatorum meorum.*

Tum erit doctrina uberior & efficacior, quam unquam sub lege fuit, Dabo vinum, quod bibes, id est, approbabis, Et mustum malorum Granatorum. Hoc forte addit, ut significet novum doctrinae genus ex varijs Prophetarum testimonijs.

*Leva ejus sub capite meo, & dextra ejus amplexabitur me.*

Hactenus Canticum Salomonis audivimus, in quo cecinit de beneficijs presentibus & præteritis, ac petijt in futurum propagari Regnum & doctrinam per orbem terrarum. Quæ in hoc capite sunt, dixi esse tanquam Epilogum, quo refert, quæ per totum libellum tractavit.

*Amplexus.*

Vtitur autem hic quoque amatoria figura, sumpta à maritali complexu, per quem significat, hoc regnum esse in tutela Dei, ac divinitus regi & formari. Hoc cum ita sit, ut plane nihil dubitandum sit de favore Dei erga nos. Ideo dicit,

*Adjuro vos Filia Ierusalem, ne suscitetur, neque evigilare faciatis  
Dilectam.*

*Pax & justitia  
coninuella.*

Hoc est, Vos civitates, quæcunq; estis sub hoc cultu Dei & regno, curate ut sitis quietæ & pacificæ, ne excitetur motus & tumultus. Sed lætamini potius in ista Gratia & Pace, ac obedite legibus, parete Magistratibus, In religione quoque cave-  
te, ne turbetur aliquid, aut per idolatriam, aut alias blasphemias opiniones. Hæc enim duo conjuncta sunt, Pax non potest consistere sine religione seu justitia, Sec-  
undum versum Psalmi, Pax & justitia osculatæ sunt se mutuo. Supra obtestationem addidit, Adjuro vos per Capreas, ut saltem ob reverentiam sanctorum Patrum & Prophetarum, quos majores habuerunt, sint quieti & tranquilli. Quod addit,

*Psalm. 84.*

*Donec ipsa velit.*

Puto eum de occasione loqui, quæ necessitatem imponit, Vos cives nolite eam excitare, si excitatur ab hostibus vicinis, facite tum quoque officium vestrum, ut simul vigiletis, & conferatis operas & opem.

*Quæ est ista, quæ ascendit de deserto innixa super dilectum suum?*

Non solum vicinae gentes, sed etiam ipsi, qui sunt in populo hoc, mirantur sic ascen-



ascendentem ex deserto. Est autem hoc prædicatum perpetuum operum Dei, quod <sup>Prædicatum per-  
petuum operum  
Dei.</sup> ceu ex deserto & arida terra proveniunt. Impij florent & prodeunt, ceu ex Paradiso incundissima, ubi nihil videtur esse quod deformitatis aliquid habere possit. Econtrà Ecclesia & populus Dei videtur ex deserto prodire. Nam ejus gloria tantum in verbo cernitur. Si ex Paradiso ascenderet, miraretur eam mundus, sed desertum non miratur.

Et tamen, inquit, innititur delitijs, quas scilicet Verbum affundit. Vbicunque enim est verbum Dei, ibi necesse est esse Spiritum sanctum, fidem & alia Spiritus dona. Ideo recte dicit eam inniti, & præsumere de Deo, in cujus verbo sic pertinaciter hæret, Etiam si quæ sectæ sint, tamen coram Deo obscurantur & tantum videntur pij, Alij in nullo sunt numero, Idem de peccatis & alijs infirmitatibus sentiendum est. Ego olim hæc accommodabam ad animam & ad speculativam vitam, <sup>Speculativa vi-  
ta.</sup> Sed qui vult speculativam vitam vere definire, is sic definiat, quod sit credere & inniti Verbo. Qui enim sine Verbo speculantur, subvertuntur à Satana, Sicut non semel expertus sum. Quare somnia ista abjiciamus.

*Sub pomo suscitavi te.*

Quod interpretes reddidit, Ibi corrupta est mater tua, manifestus error est. Nam vocabulum pœnæ commutavit in vocabulum culpæ. Verbum enim hic proprie significat laborem enitendi, seu dolores partus, Quamquam alicubi accipitur pro corrumpere & vulnerare. Mater est respublica, Cives sunt filij. Hos, inquit, sub Pomo excitavi, ibi te edidit, seu enixa est mater tua. Nam regnum Iudæorum non ita amplum fuit, si spacium consideres, Comparatur igitur non magnæ arbori, ut sit seminarium futuri regni Ecclesiæ, quod per omnes terras vulgabitur. <sup>Mater  
Fig.</sup>

*Pone me, ut signaculum super cor tuum, ut signaculum super brachium tuum.*

Hæc est exhortatio Sponsi, ut Sponsa maneat in verbo, nec patiatur se extra Verbum, aut ad cogitationes, aut ad cultum alium abduci, Age, inquit, sim tibi ego, ceu signum, seu annulus, quo me agnoscas, & ex corde complectaris. In me respice, in me fige oculos atque cor. At ubi es tu? In verbo, inquit, in Ierusalem & in templo meo. Hoc sigillum affigito cordi tuo &c. Quod non tantum super cor, sed etiam super brachium vult poni, Significat fidem & charitatem simul, ut secundum Verbum Dei & credamus & vivamus. Id cum fit, tum vere in ornatu divino incedimus, & sigillum hoc recte gestamus. <sup>Exhortatio ut  
Ecclesia retineat  
at puritatem  
doctrinæ.</sup>

*Quia fortis est, ut mors dilectio & dura, sicut infernus, æmulatio.*

Parum apta videtur hæc esse ratio, Sed quia hic locus habet descriptionem vitæ spiritualis, aptissime convenit hæc sententia. Quia enim ad Fidem & charitatem retinendam hortatur, significat magno & infracto animo opus esse propter varias tentationes, quæ pijs obijciuntur. Sed talis animus quomodo potest describi melius, quam si vocetur fortis dilectio? Hic enim affectus inter reliquos omnes regnat, Sicut non solum honestus & maritalis amor, qui *אֶהְיֶה לְךָ* dicitur, ostendit, Sed etiam furor ille invenilis & stultus. Verum enim est, quod Poëta dicit, Omnia vincit amor.

Inquit ergo Sponsus, Si me vere diligis, retinebis sigillum meum, & quicquid tristitiæ ac incommodorum tibi à mundo & Satana objicietur, hoc vinces. Amor enim est fortis sicut mors, quæ omnia domat, Et est dura æmulatio seu zelus, sicut infernus, qui non potest flecti precibus, ut reddat mortuos. Zelum possumus appellare, *Ein zornige Liebe* / ubi nimio amore, non odio personæ irascimur. Ideo autem similitudinibus Mortis & inferni utitur, ut ostendat pium populum futurum in mortis & inferni sensu, Sicut Paulus dicit, Quotidie morimur, Rom. 8. <sup>Amor,  
Zelus.</sup>

*Lampades ejus ut lampades ignis atque flammularum.*

Dei.

Dei.

Quod vertit, Atque flammularum, in Ebræo est, Flamma Dei. Significat autem utroque; inexhaustum & infinitum ardorem charitatis, qui non possit extinguui, Distinguit enim ignem Dei ab alio igni materiali, quod ignis Dei sit æternus & inextinguibilis, qui non possit accendi aut extinguui humano arbitrio. Hunc ignem, inquit, quem Deus sic in te accendit, non mors, non infernus, non omnes mundi & Satanae injuriæ poterunt extinguere, Cedit enim amor nemini, & amor cedunt omnia.

*Aquæ multæ non potuerunt extinguere charitatem.*

Dei.

Dei.

Dei.

Dei.

Aquas multas vocat, sicut Christus Matth. 7. cum loquitur de domo posita supra petram, Nulla vis tempestatum, inquit, extinguet amorem hunc, sed magis etiam accendet. Qui enim serio Verbum complexi sunt, hi irritantur quasi tentationibus & cruce, ut propius id complectantur. Omnium igitur tentationum hic finis est, ut etsi conentur nos à Christo divellere, tamen magis nos cum Christo conjungant.

*Si dederit homo omnem substantiam domus sue pro dilectione &c.*

Dei.

Dei.

Dei.

Est insignis adhortatio, qua monet populum, ut magno studio & cura Verbum retineat. Sicut igitur monuit hætenus perdurandum esse in calamitatibus, & non cedendum, Ita hic in alteram partem jubet, nempe, ut neque opibus & potentia sinat se alio transferri. Futurum est, inquit, ut amatores alij tibi insidiantur, ut sollicitent te non solum cruce & minis, sed etiam promissionibus & opibus. Sed memineris, quid amor faciat, Despiciat enim omnem substantiam, contemnendo contemnit omnia. Sic Augustinus, Amor est pondus omnium rerum, nec potest ullo precio redimi.

*Soror nostra parvula, & ubera non habet.*

Dei.

Dei.

Supra monui, Salomonem in fine hujus cantici respicere ad spirituale regnum Christi, quod expectabatur futurum longe amplius & majus, quam corporale Regnum populi Iudaici fuit. Nec dubium est, quin sermonibus communibus hæc sæpe & multum agitata sint, Sed in eo error erat, vulgus putabat, Christi regnum corporale futurum esse, Non intelligebat, Sic Christum regnaturum per Verbum, ut tamen regna mundi suum tenerent cursum.

Salomon igitur sic dicit, Si spectemus amplitudinem ejus Regni, quod per novum Testamentum Christus instituit, Tunc noster presens populus recte comparabitur parvulae puellae, nondum habenti ubera, hoc est, nondum maturae satis ad prædicationem Evangelij, per totum mundum spargendi. Sed etiam quærelæ significatio hic proposita est, ut hæc sit ceu communis vox omnium Prophetarum & Sanctorum in populo Legis, suspirantium ex carcere legis, in latitudinem Evangelij, ut Deus maturet promissiones de Christo factas, &c.

*Quid faciemus sorori nostræ? &c.*

Dei.

Dei.

Insignis affectus animi accensi expectatione futuri Christi, Sicut Christus in Evangelio quoque dicit, Amen dico vobis, multi Reges & Prophetæ voluerunt videre & audire, quæ vos videtis & auditis, sed neque viderunt nec audierunt. Ita hic Salomon in persona omnium Sanctorum, Quid faciemus? Q. d. Qualis & quam jucunda illa temporum facies erit? Quod addit,

*In die, quando alloquenda est.*

Dei.

Dei.

Pulcherrima & non obscura significatio est, Regnum Christi in Verbo tantum esse positum. Non enim dicit in die, quo ornanda, in thalamum deducenda est, Sed alloquenda, nempe, per Apostolos & ipsum Christum, suavissima prædicatione Evangelij, qua docebitur de gratia Dei & remissione peccatorum, Q. d. Hodie non est dies alloquendi, sed tacendi. Sumus enim adhuc in carcere legis positi, & quasi

& quasi scintillam procul videmus, revelandi Verbi, per quod regnum Christi in totum orbem propagabitur. Iam respondet, sed obscurissime.

*Si murus est, ædificemus sub eum propugnacula argentea.*

Hæc satis videntur monstruosa esse, quod sororem comparat muro, quem velit ornare argenteis turribus, & ostio, quod velit ornare Cedrinis tabulis. Sed hic quoque dicam sententiam meam, Mihi videtur, quod comparet populum Dei, quem sororem vocat, tempore Evangelij, muro turrato. Per ministerium Verbi enim munitur Ecclesia, ceu muro, contra omnes falsas doctrinas, etiam contra portas inferorum. Quod autem meminit non unius sed plurium turrium, seu propugnaculorum, quæ in hunc murum collocare velit, recte refertur ad ministeriorum varietatem. quæ in Ecclesia requiritur, Sicut Paulus ostendit Ephes. 4. Commendat igitur in novo populo ministerium Verbi, & promittit se eum non deserturum, sed ædificaturum, ut constituentur, ceu in speculis ministri, qui custodiant Civitatem.

*Populus Dei comparatur muro turrato.*

*Varietas ministeriorum in Ecclesia.*

*Ephes. 4.*

*Si ostium est, compingamus illud tabulis Cedrinis.*

Cedrus commendatur non solum ab odore, sed ab æternitate quoque, non enim putrescit, Hinc illud Persianum, Cedro digna locutus. Ostium autem vocat Doctores, seu Catechistas in Ecclesia, per quos quotidie ingrediuntur & egrediuntur aliqui.

*Cedrus.*

*Ostium.*

Murus igitur pertinet ad defensionem, ostium autem ad doctrinam. Sicut Paulus quoque hac figura utitur, Ostium mihi magnum apertum est, Et significat hæc ipsa figura incrementum Ecclesiæ. Dum enim quotidie prædicatur Verbum, semper aliqui novi accedunt, quorum corda Spiritu & amore Dei accenduntur.

*1. Cor. 16.*

*Murus.*

*Ego murus, & ubera mea, sicut turris.*

Hæc Sponsæ vox est, jam maturæ. Ecclesia enim post datum Spiritum sanctum, & verbum revelatum, vere murus est contra Satanae & hæreticorum insidias, Et habet ubera, turris in modum firma, quibus docet, consolatur, erigit &c. Hæc autem doctrina & consolationes hæ, certissimæ & firmissimæ sunt, in quibus animi acquiescunt, in alijs non acquiescunt, sicut experientia ostendit.

*Ecclesia murus.*

*Ex quo facta sum coram eo, quasi pacem inveniens.*

Vbi hæc duo sunt, recte docere & defendere contra lupos, ibi necessario sequitur pax & tranquillitas. Contra, ubi alterum horum aut ambo desiderantur, ibi frustra expectatur pax. Respicit autem oblique ad Legem, ibi enim sub duris imperijs exercebatur populus, Sed Evangelij doctrina veram pacem affert, ne corda dubitent de misericordia Dei. Ac sane summa calamitas est, Deum tacere & non loqui, Tanto nos hoc tempore decebat esse gratiores, post tantam lucem revelatam.

*Doctrina, Defensio, Lex, Evangelium, Deum timere.*

*Vinea fuit pacifico.*

Interpres fallitur, utrumque enim judico proprium nomen esse, ut sic textus legatur, Salomon habet vineam in Baal Hamon, Vt alterum personæ, alterum loci nomen sit. Quanquam Baal Hamon nusquam alibi reperitur. Sic autem conjungo hæc cum superioribus, Salomon in fine Cantici, ad finem populi, hoc est, ad Regnum Christi respicit, in quo verbum Gratia erat divulgandum per totum orbem terrarum, Ejus regni, quia reliquiae Iudæorum initium fuisse, Ideo totam Ecclesiam appellat suam vineam, & dicit eam esse in Baal Hamon, hoc est, in maxima multitudine & loco copiosissimo. Baal enim herum significat, & Hamon multitudinem.

*Pax.*

*Baal Hamon.*

Vt consoletur populum suum, & spem faciat promissionum certe exhibendarum, quod quantumvis exiguum regnum, si ad alia gentium regna compares, sit seminarium futuri regni Christi, quod est regnum multitudinis. Quia non loco, non personis certis, finitum est, sed est in omni loco, inter omnes, usque ad finem mundi. Hæc sententia mihi magis placet, quanquam nihil impedit, quin

*Regnum Christi.*

*Epilogus libri.*

accipias



accipias, ceu Epilogum totius libri, ubi suum regnum commendat, Et quamvis coram mundo exiguum esset, tamen dicit amplissimum esse respectu verbi Dei. Ad hunc modum, quæ sequuntur ad externam administrationem referri possunt, Sicut Historiæ docent, Salomonem summa cura & studio administrasse regnum. Sed nos, ob Evangelij honorem, volumus persequi spirituale regnum, cuius ceu seminaria fuere populus Salomonis.

*Tradidit eam Custodibus.*

*Custodes vineæ  
Apostoli &c.*

Hæc vinea, non jacebit sine cultu neglecta, sed habebit cultores suos, Apostolos, & alios ministros verbi, per quos Spiritus sanctus varijs donis ornabit Ecclesias.

*Vir tradit pro fructu ejus mille argenteos.*

*Mille numerus  
numerus.*

Numerus finitus est pro infinito. Quia autem millenarius numerus, est ultimus, significat custodes illos venire, cum plenissima mercede & amplissimis fructibus. Sic Petrus, Paulus, Iohannes &c. Custodes positi, hanc vineam cum maximo fructu coluerunt. Neq; enim verbum Dei potest sine omni fructu doceri.

*Vinea mea coram me est.*

*Deus adest  
vinea sua.*

Sic vinea hæc est mandata custodibus, ut tamen Dominus ipse eam inspiciat. Sicut ille dicebat, Deus non condidit mundum, & abiit. Inspicit, imo adest, cum ministeria obeuntur, & est efficax. Sic in Politia non bene faciunt officium, qui non ipsi inspiciunt negocia.

*Mille tui pacifici, & ducenti his, qui custodiunt fructus ejus.*

Ego retineo proprium, Mille tibi ô Salomon. De Politia facilis sententia est. Nam Princeps est Dominus omnium, Qui autem principi locant operas, singuli pro merito ferunt mercedem. Sed si ad regnum Christi & verum Salomonem respicimus, non obscurum est, quid Iohannes dixerit, De plenitudine ejus accepimus omnes. Etsi enim ducentos habent Custodes, hoc est, etsi Sancti sua dona habent, tamen Christus fons donorum omnium est.

*Quæ habitas in hortis.*

*Horti.*

Hortos pluraliter vocat, aut politice diversos principatus Salomonis, aut spiritualiter Ecclesias. Est autem exhortatio, ut summa fide administrentur Ecclesiæ, esse enim, qui omnia inspiciant & observent.

*Fac me audire vocem tuam.*

Postquam admonuit esse, qui Sponsam observent, etiam hoc monet, ne taceat, sed loquatur. Hoc enim reliquum est, ut verbum Dei assidue exerceatur, ne aut fastidio, aut contemptu, aut odio verbi, opprimamur. Sicut Iudæi fastidiebant Manna, & respiciebant ad ollas Ægypti.

*Fuge dilecte mi.*

*Epilogus hujus  
enarrationis.*

Hic Sponsa quoque Sponso valedicit, & rogat, ut finiat istam captivitatem legis, & liberam Evangelij doctrinam in Mundum, tanquam in varios montes, spargat, & sit similis Capræ, non uno in loco subsistenti. Ad hunc modum ego hunc librum intelligo de Politia Salomonis, Quod si erro, veniam meretur primus labor. Nam aliorum cogitationes, longe plus absurditatis habent.

F I N I S.

ANNO-

# ANNOTATIONES D. MART. LUTH. IN ALIQVOT CAP. MAT-

THÆL AB AVTORE, NON VT EDERENTVR,  
sed in amici cuiusdam priyatum usum,  
scriptæ.

ANNO M. D. XXXVIII.

D. MARTINUS LU-  
THERVS PIO LE-  
CTORI

**H**as annotationes jamdudum perijisse putaveram, atque adeo nescieram, hoc scriptum appellatum esse Annotationes, donec per fratres, qui asservarant & ad edendum paraverant, mihi offerretur. Casu enim factum est, ut Amiculo cuidam, tunc temporis Matthæum proficenti, inter curandum (spacijs exclusus iniquis) cum materia in chartulis signarem, nihil minus veritus, quam ejusmodi cogitationes reservari ad editionem. Nam satis abunde est librorum, tum priorum, tum recentium, ut ego non invitus videam meorum Librorum interitum. Ego ab adversarijs per vim in publicum tractus, nihil aliud spectavi, quam si meo officio possem studiosos ducere ad ipsos fontes, scilicet, ad ipsas sacras literas. Quo officio, videor mihi non omnino infelicitur, per Dei gratiam, persunctus. Et extant nunc ipsa Biblia, tum Ebraea, Græca, Latina, tum etiam nostra Germanica, ita pro majore parte illustrata, ut quilibet (modo sit pius & studiosus) seipsum in sacris scripturis, absq; meis libris saginare possit.

Igitur neq; volens neque cupiens has edo Annotationes, sed patiens & cedens Fratrum voluntati, quod res ipsa docebit, cum non sit integer Commentarius in Matthæum. Hoc enim fecissem, si edi in Matthæum Annotationes (ut titulus jam typis excusus gloriatur) voluissem. Sed sicut incidi forte in professorem Matthæi octavo Cap. ita desii cum eodem, conventum esset ad XVII. Ita fit, ut tantum decem Cap. Annotationes excusa sint, Licet titulus, quasi in totum Evangelistam Annotationes jaçet.

Quare æquus Lector hanc Synecdochem vel hyperbolem Tituli boni consulat, Praescribitq; ignoscat, de me sentiat, quicquid libuerit. Ego enim superfluum porro & inutile me judico ad edendum plura in Biblijs sacris, quæ jam sunt de submodio Papatus extracta, & super Candelabrum elevata, ut per sese luceant clarius, quam Sol iste, omnibus ingredientibus domum Christi. Et si recte pensamus, plus est jam valde multo Librorum quam Lectorum, Et plus etiamnum Scribentium fere quam Discipulorum, ut periculum sit, ne dum nullus est Libros faciendi finis (ut Salomo querelatur) brevi tempore multitudo non optimorum Librorum obruat paucitatem optimorum, Et rursus tandem ipsa quoque Biblia obscurata redigantur sub modum aliquod infelicius, quam prius.

Ita videmus post Apostolos accidisse, qui Biblia in lucem produxerant, sed posteritas, auctis in immensum libris, eo tandem deduxit rem, ut pro Biblijs, Doctores, Patres, Concilia, postremo decreta, Sophistæ & infinitas hominum feces docere & discere cogeretur Ecclesia, donec illud impleretur Ieremiæ, Populus meus oblitus est mei diebus innumeris. Hac causa est, quare meos Libros, non cupiam ultra hoc Seculum, cui servierunt, extare, Deus dabit alijs seculis, suos operarios, sicuti fecit semper.

Quare nunquid nostrum videat, ut ita scribamus, legamus, doceamus, discamus, ne relictis Biblijs denuo nobis accervemus, Patres, Doctores, Concilia, decreta, Articulos, Decretales & colluviem humanarum traditionum & opinionum, Faciant nos non aliena, sed propria pericula cautos. Dominus dirigat & servet nos in puritate & unitate fidei & veritate verbi sui,

A M E N.

CAPUT I.

*Liber Generationis Iesu Christi, filij David, filij Abraham. Abraham genuit Isaac &c.*



Rogatus sum, ut principium Matthæi uno aut altero verbo au-  
gerem, ne Liber jamdudum excusus, exiret adeo truncus statim in facie  
prima. Et sane 5. 6. 7. Capita putant alias à me satis copiose tractata, &  
me iudice, copiosius quam vellem, Tantum hæc priora quatuor deside-  
rant aliquantum illam faciem. Verum nec ocium, nec voluntas mea finit, hoc præ-  
stare etiam fratribus, Tamen ne nihil facerem, hoc unicum pro principio primi cap.  
volui adjicere.

*Præmissum ex  
præmissis ratio-  
nem Genealo-  
gicam probi-  
bet.*

*Matthæi o-  
mnis Chri-  
sti ex tribu  
Abraham &  
David natum  
esse.*

Primum ipsæ Genealogiæ sunt ab alijs satis diligenter expeditæ, Et præter  
Philonem & veteres, habes D. Philippum Melan. & Iohan. Brentium in suis tabu-  
lis. Ex his petes, si quid de hac re ad populū docendum fuerit. Nam expeditissimam  
rationem omnium genealogiarum, S. Paulus etiam prohibuit, nedum docere vo-  
luit, vocans eas interminatas & inutiles. Evangelistis fuit satis, crassa & pingui ra-  
tione ostendere, Christum venisse ex Abraham & David. Spectant enim promissi-  
ones Dei, magis quam exquisitissimas generationum supputationes. Promissus est  
autem Christus, non Nahor aut Haran, fratribus Abraham, Sed ipsi soli Abraham,  
Promissus deinde non tribui sacerdotali, aut ulli alteri, sed tantum David & regiæ  
tribui, ut doceret Spiritus sanctus Leviticum sacerdotium non duraturum esse ul-  
tra Christum, futurum Sacerdotem de tribu alia, scilicet Davidis, ut egregie dispu-  
tat Epistola ad Ebræos.

*Nato Christo  
cessat Sacerdo-  
tium & regnum  
Iudaicum.*

Quare hoc satis est scire, ex ista genealogia, Christum venisse ex tribu Da-  
vid, filij Abraham. Quo stante, frustranea est interminata Disputatio, de omnium  
specierum & generum generationibus, Nam hoc posito, quod Christus Rex & Sa-  
cerdos de tribu Iuda veniat, funditus evertitur sacerdotium Leviticum, Et falsum  
est, quicquid Iudæi de sacerdotio suo Levitico quasi æterno gloriantur, Cum Chri-  
stus Rex & Sacerdos, etiamsi adhuc esset (eorum errore) venturus, tamen Leviti-  
cum eorum sacerdotium tolleretur, & ei succederet, Quia scriptum est, Tu es sacer-  
dos in æternum. Voluit ergo Matthæus statim in principio Iudæos docere, Cessasse  
eorum cultum & sacerdotium & regnum, dum statim inducit illum hominem Ie-  
sum à Nazareth (qui haud dubie venerat, ipsis non solum scientibus, sed crucifi-  
gentibus quoque) esse Christum filium scilicet David, filij Abraham, Certe Iudæi ne-  
gare non potuerunt, Iesum illum hominem esse ex tribu David filij Abraham. Hoc  
enim præsupponit secure Matthæus, ex ipsorum quoque Genealogijs. Sed hoc urget,  
Hunc ipsum Iesum esse Christum, quem illi expectabant promissum.

*Psal. 110.*

Ideo etiamsi Evangelistæ nullas texuissent generationes, tamen certum fu-  
isset apud Iudæos, Iesum esse de tribu David, filij Abraham. Tamen voluerunt mo-  
rem populi istius utcumque servare, ne viderentur forte generationes vel negligere,  
vel omnino falsas reputare, & ita autoritatem Librorum scripturæ Regum & Moysi  
contemnere, In quibus generationes huiusmodi studio videntur describi. Allegat  
igitur solos istos duos Patres Abraham & David, quibus duobus solis facta est de  
Christo promissio, in isto populo. Nam quod de Semine mulieris, idem Christus  
Adæ promittitur, hæc promissio est extra populum hunc & semen Abraham, ideo  
nihil eum movisset. Quare Matthæus hunc solum petens populum, promissio-  
nes Abraham & David urget, ut ipsos ceu hæredes promissionis suaviter mo-  
veat ad recipiendum sibi promissum Christum, & hunc esse Iesum istum ab eis  
crucifixum.

*Lucas vero o-  
mnem genealogi-  
am deducit us-  
que ad Adam.*

Lucas vero latius vagans, veluti gentibus omnibus Christum commu-  
nem facturum, deducit ejus generationem usque ad Adam, cui est prima de  
Christo facta promissio, pro omnibus gentibus, non tantum pro semine Abraham.

Sicut



Sicut igitur Matthæus probare vult Christum Iudæis venisse, secundum promissionem Abraham & David factam, Ita Lucas vult ostendere, eundem Christum non ad solos Iudæos pertinere (ut ipsi odio & invidia cæci cogitant) sed etiam ad ipsum Adam & semen ejus, id est, ad omnes Gentes totius orbis. Id quod postea omnes Prophetæ clamant, Et illa ipsa promissio Abraham facta satis explicat, dicens,

*Gen. 12.* Omnes Gentes benedicentur in Semine tuo. Quid hic excluditur? Omnes gentes includuntur, Hoc solum excluditur, quod non Abraham per semen omnium gentium benedicatur, Sed contra omnes gentes per semen Abraham. Nonne & gentium Deus? an Iudæorum tantum? *Rom. 3.*

Quid multa? Ipse Matthæus satis indicat sese Generationes non voluisse Iudaico rigore numerare, & scrupulos serere. Nam quasi Iudæus, facit tres Testiarum decades, Patrum, Regum, Ducum, prudenter & scienter omittens in secunda tres generationes, Q. d. Sunt generationes non quidem contemnendæ, Sed vis sita est in promissio Christo per generationes Abraham & David. Contra, Lucas velut studio alia captat in Regibus & ducibus nomina, quasi significet, non istius populi & nominis proprii esse Christum, sed totius generis humani. Sed de his satis, cum parum ædificent, & disputatio disputationem gignat.

Secundum in hac Genealogia observandum, quod S. Hieronymus indicat, doctrina & eruditione plenum, scilicet, quod Christus voluerit per peccatores nasci, qui propter peccatores salvandos venerat. Ipse enim in sua Genealogia non contemnit illum versum Germanicum, *Wer nicht Hurn und Dube in seinem Geschlecht hat etc.* Nam hic Iuda Patriarcha scortator, & filij ejus ex scortatione nati, Phares & Zaram, Item adultera Bathsaba, & impiissimus Rex Ioram iuducuntur, Sic tamen, ut scias post poenituisse & non perdurasse in peccatis suis. Licet enim Salomon genitus sit, ex Bathsaba quondam adultera, tamen tunc non fuit ipsa adultera, cum Salomonem pareret, mortuo nimirum filio, ex adulterio nato, & ipsa jam ducta in uxorem Regiam. Vnde illi satis impie & insulse scribunt, qui Salomonem *Man-asser* vocant, id est, spurium. Non enim est conceptus Vria vivente, sed post in regiam uxorem ipsa ducta, Veruntamen, ut nihilominus Deus significaret, se odisse adulteria, noluit lineam suæ generationis per Salomonem, sed per Nathan fratrem ejus duci. Ita simul est consolatio, quod peccatores Christus non dedignatur suos Patres & Majores. Et tamen non dignatur peccatores perseverantes. Peccasse non damnat, Non poenitere hoc damnat,

## CAPVT II.



*Vm ergo natus esset Iesus in Bethlehem Iudææ, in diebus Herodis Regis, Ecce magi ab Oriente venerunt Ierosolymam, dicentes, Vbi est, qui natus est etc.*

**P R I M O** totum secundum Cap. dividitur in duos locos communes, In revelationem & persecutionem Christi. Hæc duo enim agit S. Matthæus. Revelatio fuit necessaria, quia ignoti nulla cupido, & doni ignoti nulla utilitas, nihil profuisset nasci Christum, si occultus mansisset. Hæc est ergo ratio hujus Festi, ut grati memoresq; simus hujus doni, seu beneficii & apparitionis. Hic qui volet, potest rhetoricari, in laudando dono revelationis, à necessario, ab utili, à jucundo, ab effectu, à fructibus. Contra in deploranda occultatione, si non esset revelatum, à periculo, à miseria, ab effectibus & fructibus contrariis &c. Hic esset unus integer Sermo & prolixus, pertinet ad gratiarum actionem, ad exhortationem, ad movendos affectus in lætitiā & fiduciam.

Secundo, Ipsa revelatio dividitur in suas partes, Quarum prima est stella, Secunda, confessio Magorum, Tertia, testimonium Sacerdotum, Quarta, Herodis impij confessio formido. His omnibus prædicatur & revelatur Christus natus, scilicet, à stella creatura muta, à Gentibus alienis, à populo proprio, ab hoste

hoste & persecutore, ut sit inexcusabilis, qui Christum nescit esse natum. Sic enim scriptum est per Prophetam, Et tu Bethlehem &c.

Mich. 4.

Tertio, Istitis revelationibus confirmatur & probatur prophetia Michæ de Christo nascituro, Et facta est Historia rei factæ, ex prophetia de re futura. Hic igitur proprius locus est hujus Evangelij, de Christo scilicet, qui per Micham definitur, Quis in persona, qualis in officio. Persona est, Ex tribu Iuda, civitate Bethlehem, verus filius David, verusq; homo, Ex Patre in æternitate, verus filius Dei, verus Deus, ut in Micha latius patet. Officium, quod est dux populi Dei, sed differenter Dux, Non sicut David & alij mortales, & successores eorum. Hic unus & immortalis sine successore, quia æterna persona est, ut Micha ait, Egressus ejus ab initio ante dies mundi.

*Qui regat populum meum Israel*, Id est, salvet, defendat, gubernet, contra peccatum, mortem, diabolum. Certum est enim, Micham loqui, de promisso Messia, Quod Sacerdotes ipsi fatentur ad Herodem, Ergo verus & unicus ille Dux, est Salvator mundi. Hic contrariis dilatarı potest Sermo, quomodo Moses, Philosophi, Iura, Reges, Sapientes mundi, nihil sunt ad istum Ducem, quia nec persona nec officio conferendi. Illi enim nec sese salvare possunt, tantum temporaliter serviunt, Sed hic in æternum &c.

### C A P V T I I I.

**I**N diebus autem illis venit Iohannes Baptista, prædicans in deserto Iudææ, & dicens, Pœnitentiam agite, appropinqua vit enim Regnum cœlorum. Hic est enim, de quo dictum est per Esaiam Prophetam dicentem, Vox clamantis in deserto, parate viam Domini &c.

*Incipit novum Testamentum.*

*Cum Christo novata omnia, invitant ad eum recipiendum.*

*Iohannes Baptista. Varii baptismi in Mose.*

*Mitti ante Christum.*

Hoc Cap. est descriptio novi Testamenti, quomodo exordium sumpserit. Nam hic proprie incipit regnum Christi, & ipse officium suum suscipit. Vnde & Marcus & Iohannes etiam hic incipiunt novum Testamentum. Hic omnia nova fieri incipiunt, Hic Prophetiæ impleri incipiunt. Quia cum Christo incipiente, omnia debent incipere, & alia fieri, Ita & omnia præterita cessare, scilicet Lex, Moses, Regnum corporale in populo Dei. Hæc enim est Prophetarum omnium una vox, &c. Sed ne populus Israël sese excuset de non recepto novo Rege, præmittitur novus Propheta, novus ritus, nova prædicatio, ut istis novis populus moveretur ad recipiendum. Nam natura omnes movemur novitate.

Primo, novus Propheta, est Iohannes, in toto populo maximæ autoritatis, & cui nemo audebat refragari. Ideo credendum ei fuit. Secundo, novus ritus, fuit pabismus in pœnitentiam & remissionem peccatorum, Cum antea varij erant, in Mose baptismi rerum, corporum, carnis, sed non in pœnitentiam neq; remissionem peccatorum, sed tantum ad mundiciem carnalem, ut vestium, cutis, ollæ, vasis &c. Hic etiam credendum fuit autoritati Iohannis tanti Prophetæ. Tertio, Prædicatio nova, hæc omnium maxime moveri debebant. Quia docuit clare & manifeste, Christum illum verum adesse, ut Iohan. 3. dicit, Ego non sum Christus, sed sum missus ante illum. Item in medio vestrum stat, cujus non sum dignus, &c. Ipse est. Iam sciebant & linguam intelligebant, quod mitti ante Christum, coram facie sua, aliud longe esset, quam mitti ante tempora, Sicut alij Prophetæ missi sunt de futuro Christo, Sed hic Iohannes solus, de coram posito Christo.

Mich. 3.

Tunc venit Iesus à Galilæa ad Iohannem, ut baptizaretur ab eo. Iohannes autem prohibebat eum dicens, Ego à te debeo baptizari, & tu venis ad me? Respondens autem Iesus, dixit ei, Sine modo sic enim decet nos implere omnem iusticiam, Tunc dimisit eum. Baptisatus autem Iesus confestim ascendit de aqua. Et ecce aperti sunt ei cœli, & vidit Spiritum Dei descendentem sicut Columbam, & venientem super ipsum. Et

*Et ecce vox de caelis, dicens, Hic est filius meus dilectus, in quo mihi beneplacitum est.*

Sed omnium maxime movere debuit ipse baptismus Christi, ubi testimonio In Baptismo Christi apparuit tota divinitas etc. Iohannis tanti viri, apparuit tota divinitas, apertum coelum, & vox Patris, species columbae. Hæc de summa hujus Cap. post sunt verba, vel dicta, seorsim urgenda, & erit infinitum mare Sermonum.

## CAPUT III.

**I**nc Iesus ductus est in desertum à Spiritu, ut tentaretur à Diabolo. Et cum jejunasset quadraginta diebus & quadraginta noctibus etc.

1. Tim. 3. Post baptismum Christi, in quo fuit vocatus & declaratus Doctor autoritate Patris, mittitur jam in opus officij suscepti. Sed primum tentatur, & probatur, Christus ante susceptum officium tentatur à diabolo. tanquam erudiendus (pro nostro exemplo) ne neophytus & imperitus (ut Paulus scribit) rem tantam aggrediretur, & postea non staret in fide Dei, Sicut solent neophyti audaces esse, & magna præsumere, sed statim cadunt & deserunt officium. Probatur autem & tentatur tribus modis.

*Et accedens ad eum Tentator ille, dixit ei, Si filius Dei es, dic ut lapides isti panes fiant. Qui respondens dixit, Scriptum est, Non in solo pane vivit homo, sed in omni verbo quod procedit de ore Dei.* I. Tentatio.

Primo, An propter Deum possit pati famem vel penuriam, Aut an potius panem vel verbum præferat & quærat. Quia necesse est Christianum, præcipue Doctorem, periculum paupertatis & jacturam facultatis experiri. Hic vincit Christus & vincere docet, quod præferendus sit Deus victui. Quia non est Deus ventris, sed Deus vitæ, sicut ex Mose probat, Quod non in solo pane vivit homo, sed in omni verbo &c. Ergo homo habet vitam, non tantum hanc corporis ex pane, sed etiam hanc & futuram, in verbo seu Deo. Hæc est tentatio avaritiæ & curæ pro hac vita, ut verbum Dei negligas. Vita in verbo. Tentatio ventris.

*Tunc assumpsit eum Diabolus in sanctam Civitatem, & statuit eum supra pinnaculum Templi, & dixit ei, Si filius Dei es, mitte te deorsum, Scriptum est enim, Quia angelis suis mandavit de te, & in manibus tollent te, ne forte offendas ad lapidem pedem tuum. Ait illi Iesus, Rursum scriptum est, Non tentabis Dominum Deum tuum.* II. Tentatio.

Secunda, est spiritualis tentatio, de tentando Deo. Hæc est sublimis, vulgo non intelligibilis, ideo hic breviter tacta. Dicatur de crassa tentatione Dei, scilicet ne facias, quod Deus neq; jussit, neq; dedit facere, & prætexas, quod sint omnia possibilia credenti. Quia sicut prima Tentatione fidem vexavit diffidentia per panis & necessariorum rerum penuriam, ita hic tentat fidem, per præsumptionem earum rerum, quas non habes, nec Deus præcepit. Sicut, si velis pasci, & non laborare pro victu, sed fide expectare fruges. si velis domum fide expectare sine labore, sic de omnibus alijs. Ut etiam monachi caste vivere voluerunt fide, quod Deus daret, & neglexerunt conjugium. Si bellum sine viribus seu exercitu, fide (cum Deus non jussit) præsumas, & victoriam quæras.

*Iterum assumpsit eum Diabolus in montem excelsum valde, & ostendit ei omnia Regna mundi & gloriam eorum, & dixit ei, Hæc omnia tibi dabo, si cadens adora veris me. Tunc dixit ei Iesus, Vade Satana. Scriptum est enim, Dominum Deum tuum adorabis, & illi soli servies.* III. Tentatio.

Tertia, est vanæ gloriæ & potentiae mundi, si cui affluere possent opes & gloriæ, An potius gloriam & imperium velis relinquere, quam Verbum. Quia hic natura est cupida gloriæ, laudis, nominis non minus, quam curat sollicitè pro ventre in prima tentatione. Magna tentatio, ut patet in Papa, Episcopis, Principibus, Regibus, spirituosis, fanaticis, & omnibus cupidis gloriæ & potentiae Tentatio vanæ gloriæ. coram



coram mundo, & qui ignominiam crucis horrent, & cum gloria mundi, volunt gloriam intrare cœlorum.

*Tunc reliquit eum Diabolus, & ecce Angeli accesserunt & ministrabant ei.*

*Angeli ministri.*

Istis victis tentationibus, sequitur consolatio, quod Angeli assint istis militibus, & ministrent, Significantes sese favere nobis in agonibus talibus, & gaudere de victoria nostra.

*Cum autem audisset Iesus, quod Iohannes traditus esset, secessit in Galileam, & relicta civitate Nazareth, venit & habitavit in civitate Capernaum maritima &c.*

*Predicatio Christi ubi coepit.*

Post hæc sequitur susceptio officij. Nam hic Christus primo elegit sibi certum locum, in quo incipiat suam prædicationem, Capernaum in Galilæa, inde procedit in omnes alias partes populi Israël sua prædicatione. Ideo sic ornat Matthæus, istud initium prædicationis multis verbis, Et applicat Isaiam, ut manifestum faciat locum initij, in quo coepit Christus Evangelium, ut Petrus in Actis, incipiens enim in Galilæa, Ne quis Iudæorum causari possit, se nescisse Christi prædicationem, cum tam claro initio coeperit, in loco insigni & miraculis pleno.

*Mat. 10.*

*Exinde capit Iesus predicare & dicere, Pœnitentiam agite, appropinquavit enim Regnum cœlorum.*

*Prior pars prædicationis Christi.*

Post sequitur ipsa prædicatione, quæ qualisque fuerit, Et est summa Evangelij, scilicet, Pœnitentiam agite, adest regnum cœlorum. Prior pars prædicationis est, omnes homines arguere de peccato, Magna certe prædicatione, quam Iohannes quoque Baptista tractavit. Posterior pars est, Adesse jam Salutem, vitam, remissionem peccatorum, impleri Scripturas, Christum venisse. Hæc est proprie vox Evangelij, scilicet, Christum jam venisse, adesse, & præstare, quod promissum est, scilicet, redemptionem à morte, & vitam æternam, credentibus. Vnde Marcus sic dicit, Pœnitentiam agite, & credite Evangelio.

*Mar. 1.*

*Posterior pars.*

*Ambulans autem Iesus juxta mare Galilæe, vidit duos fratres Simonem, qui vocatur Petrus, & Andream fratrem ejus, mittentes rete in mare, Erant enim pisces, Et ait illis, Venite post me, & faciam vos fieri piscatores hominum. At illi continuo relicta retibus secuti sunt eum.*

*Et procedens inde, vidit alios duos fratres, Iacobum Zebedæi, & Iohannem fratrem ejus in navicula cum Zebedæo patre eorum, resicientes retia sua, & vocavit eos. Illi autem statim relicta retibus & patre, secuti sunt eum.*

*Electio Apostolorum.*

Tandem eligit Apostolos tanquam discipulos & successores in ministerio Regni hujus vitæ, Et incipit propagari Christus & constitui ejus Regnum.

*Et circumibat Iesus totam Galileam docens in synagogis eorum, & predicans Evangelium regni, & sanans omnem languorem, & omnem infirmitatem in populo, & abiit fama ejus in totam Syriam, & obtulerunt ei omnes male habentes, varijs languoribus & tormentis comprehensos, & qui demonia habebant, & lunaticos & paralyticos, & curavit eos. Et sequebantur eum turbae multae de Galilæa & Decapoli, & de Ierosolymis, & de Iudæa & Iordane.*

*Regnum Christi.*

In fine comprehendit velut in summa & themate, quid Christus in mundo venerit facere, scilicet docere & liberare homines, non regnare. Ut distinguatur ejus Regnum à regno mundi, in quo non est docere aut liberare homines à potestate diaboli, Et dicit quod multi cum secuti sunt & audiverunt, Quia verbum Dei non est sine fructu & vacuum.

## CAPUT V.

*V*idens autem Iesus turbas, ascendit in montem, Et cum sedisset, accesserunt ad eum Discipuli ejus, & aperiens os suum, docebat eos dicens, Beati pauperes spiritu, quoniam

quoniam ipsorum est regnum cælorum, Beati mites, quoniam ipsi possidebunt terram, Beati qui lugent, quoniam ipsi consolabuntur, Beati qui esuriunt & sitiunt iusticiam, quoniam ipsi saturabuntur, Beati misericordes, quoniam ipsi misericordiam consequentur, Beati mundo corde, quoniam ipsi Deum videbunt, Beati pacifici, quoniam Dei filij vocabuntur, Beati qui persecutionem &c.

Primum est, Quod Mattheus hoc Cap. voluit quasi in summa colligere omnia fere, quæ Christus docuit, sicut in fine præcedentis capitis omnia in summa collegit, quæ operatus fuit. Ergo sicut postea in singulari describit ejus miracula in cap. sequentibus, & quædam specialia ejus opera recitat, Sic & hic, primo generalia doctrinæ ejus in summa comprehendit, Sed postea etiam specialia multa docet in alijs cap. Hoc dicitur ideo, quia hic in Summario videtur de fide & officio Christi parum vel obscurius loqui, sed tantum legalia docere. Et hoc est verum, quia in istis tribus cap. maxime urget veram legis cognitionem, contra Phariseorum glossas.

*Si supra opera Christi, ita hic doctrinam ejus breviter complectitur Evangelista.*

*Summa 9. 6. 7.*

Et hæc pars docendi est etiam necessaria, Primo contra falsos Doctores, qui Legem non recte tractant, & tantum opera sine corde docent &c. Secundo, ut pijs reveletur verus intellectus legis, nempe quod ex animo oportet omnia fieri, Sed hic inveniuntur impossibilia omnia. Ideo hic subsistit Christus secundum Matthæum, tantum docuisse contentus, quod oporteat ex animo fieri bona opera. In hoc loco hic moratur, Nec ultra de fide, & quomodo necessaria sit gratia, loquitur. Hoc enim alio loco facit. Nam hic contentus est docuisse, quid & quomodo facere oporteat, Sed unde & qua virtute id fiat, hic non docet. Ideo ista tria Cap. tantum sunt referenda, ad opera & contra falsam doctrinam hypocritarum, Et alio loco, de Fide seu operum radice dicendum. Quia non possunt simul omnia uno loco dici.

*Falsi doctores non recte docent legem. Verum legem intellectu. Opera bona quomodo fieri debeant.*

Incipit ergo de veris operibus, contra falsa, sic, Beati pauperes, Q. d. Opera docentur à Phariseis, sed tantum in speciem, Sed operandum est spiritu & veritate, hoc est, corde humili, miti, afflicto, desiderante, pacifico, mundo, misericorde, &c. Sine his motibus optimis nihil sunt opera, quantumvis speciosa, Porro affectus hujusmodi optimi unde veniant, non hic docet, sed alibi. Ergo & nos hoc loco, non de hac quæstione dicemus, Solum quid & quomodo hic agitur, maxime contra hypocritas, & superbos, Alio loco dicitur unde & quomodo fiant pro pijs & bonis &c. Cætera in Commentarijs.

*Christus docet vera opera contra falsa.*

Audistis quia dictum est, Oculum pro oculo, Dentem pro dente, Ego autem dico vobis, non resistere malo, sed si quis te percusserit in dexteram maxillam tuam, præbe illi & alteram. Et ei qui vult tecum in judicio contendere, & tunicam tuam tollere, dimitte ei & pallium, Et quicumque te angaria verit mille passus, vade cum illo & alia duo. Qui autem petit à te, da ei, & volenti mutuum accipere à te, ne avertaris.

*Germana sententia huius dicti, Noli resistere malo.*

Audistis quia dictum est, Diliges proximum tuum, & odio habebis inimicum tuum, Ego autem dico vobis, Diligite inimicos vestros, benefacite his qui oderunt vos & orate pro persequentibus & calumniantibus vos, ut sitis filij Patris vestri, qui in cælis est, qui Solem suum oriri facit super bonos & malos, & pluit super justos & injustos. Si enim diligitis eos, qui vos diligunt, quam mercedem habebitis? Nonne & publicani hoc faciunt? Et si saluta veritis fratres vestros tantum, quid amplius facitis? Nonne & Ethnici hoc faciunt? &c.

Sic sentio, Christum hoc loco de vindicta loqui, ut etiam meus Commentarius habet, Primo, contra Phariseorum falsam opinionem, qui privatum odium & vindictam, seu iram licere putabant, Sicut & homicidia, modo non fieret manu & opere manifesto. Secundo simul contra piorum opinionem, qui novam Politiam contra receptam sperabant institui per Evangelium. Contra hos allegat politicam legem, Dentem pro dente, &c. Imo, inquit, si ad iudicium tractus fueris, patere

*De vindicta.*

patere omnia, hoc est, Si Magistratus hostilis fuerit, & iudicio publico abjudicaverit tibi tunicam, patere, nec privatim, nec publice, seu novo & seditioso magistratu ei resistas.

Vt sic doceat non modo ferre privatorum injuriam. Sed magistratus vim vel injusticiam. Quicquid enim injuriæ in publico iudicio fit, hoc à magistratu patimur. Sic omnino intelligendum puto, doceri patientiam, tam à privatis, quam publicis hominibus, præsertim in persecutione. Hinc non sequitur, Non licere implorare Magistratus opem, qui non persequitur, non sit hostis, sed in pace nobiscum vivit. Quia Christus non dicit, Nolite defendi, aut implorare defensionem, Sed vos ipsos nolite defendere, Vos ipsi nolite resistere malo, scilicet publico, Nolite vos ipsi dentem pro dente, neque exigere privatim, neque factio per seditionem alio Magistratu publice, vindicare. Quia non veni ut novum Magistratum conderem, sed ut docerem vos ferre quaslibet injurias, privatas & publicas, & non resistere utriq; malo privata vindicta.

Hoc sane vellem, ut hoc vocabulum Licet iudicio contendere, omnino tollatur. Quia sonat pro licentia litigandi. Neq; Christus loquitur hic de his, qui in iudicio accusant, seu implorant iudicis defensionem, Sed de patientibus, qui in iudicium vocati vexantur & condemnantur. Hi non contendunt iudicio, neq; litigant, sed patiuntur. Has personas passivas Christus docet patientiam, Non armat activas personas ad litigandum, Hoc verbum male sonat, Tollatur igitur, & loco ejus ponatur, An liceat &c.

## CAPUT VI.



*Tendite, ne misericordiam vestram faciatis coram hominibus, ut videamini ab eis, alioqui mercedem non habebitis apud Patrem vestrum qui in celis est.*

*Superiore Capite doctrinam, hoc vitium Phariseorum corrigis.*

Caput præcedens ostendit, quomodo Christus Phariseorum doctrinam correxit, & scripturas recte exposuit. Hoc capite vitam Phariseorum in bonis operibus corrigit, & vere bona opera exponit, Et ea dividit in quatuor partes.

*Cum ergo facis misericordiam, noli ante te tuba canere, sicut hypocritæ faciunt in Synagogis & in vicis, ut honorificentur ab hominibus. Amen dico vobis, receperunt mercedem suam. Te autem faciente misericordiam, nesciat sinistra tua quid faciat dextera tua, ut sit misericordia tua in abscondito, & Pater tuus, qui videt in abscondito reddet tibi in manifesto.*

*Eleemosyna.*

Primo Eleemosynam docet recte facere, contra Phariseos, qui non gloriam Dei, sed suam quaesierunt in eo opere.

*Et cum oratis, non sitis sicut hypocritæ, qui amant in Synagogis & in angulis platearum stantes orare, ut videantur ab hominibus. Amen dico vobis, receperunt mercedem suam. Tu autem cum oraveris, intra in cubiculum tuum, & clauso ostio tuo, ora Patrem tuum in abscondito, & pater tuus qui videt in abscondito, reddet tibi in manifesto.*

*Oratio vera.*

Secundo, orationem docet veram, contra eosdem, qui iterum & gloriam & avaritiam in eo quaerebant opere.

*Orantes autem nolite multum loqui, sicut Ethnici faciunt, Putant enim quod in multiloquio suo exaudiantur. Nolite ergo assimilari eis, Scit &c.*

*Duo vitia orantium taxat Christus.*

Duo vitia in primis taxat orantium. Primum, Qui putant orationem esse, si multa verba proferant in oratione (Quasi Deus puer sit, qui erudiatur & informetur de rebus nostris, velut rerum ignarus) Hoc vitium multas habet species. Sub Papatu, alij multos Sanctos invocaverunt, Alij singulos singulis precibus, Sic Missatores multas missas, multas preces in Missa una, varijs Sanctis obtulerunt. Item alij certis, multis, varijs precibus, ut Rosarijs, Psalterijs, Coronis Mariæ, & certis numeris Pater noster, Ave Maria, Psalmorum. Ita ut non solum Sacerdotes, Monachi, Nonna, in templis sese penitus enecarint multitudine & varietate precum, Sed & laici intol-



intolerabiliter gravari fuerint suis infinitis orationibus. Omnes isti fuerunt, & sunt Battologi tantum multiloquio orantes & gentiliter de oratione sentientes.

*Battologi.*

Secundo, qui, quasi Deus nostra ignoret, volunt per orationem eum admonere, cum ipse sciat, antequam oremus, quo sit nobis opus. Hoc vitium etiam late patet, praesertim in his (inter quos etiam boni sunt) qui putant se non exaudiri, quia statim non fit quod petitur. Ideo urgent, quasi Deus ignoret, Cum scire debeant, eum nosse & velle, antequam ipsi orent, Sed tempus & modum, & locum nolle sibi praescribi. Et hoc loco urgendum est illud, quod in oratione maxime opus est scire, scilicet, quod certum quidem sit, nos esse exauditos, Deum etiam nosse & velle, ante nostram orationem &c. Sed quod tempus, modus, persona, locus, non sit illi praestituendus. Hoc vult, cum Christus hic dicit, Scit enim pater vester, Q. d. Nolite eum docere orantes, sed certi estote ipsum ea scire, Sed hoc facite, Expectate, fidite, certi estote de ejus gratia, Ipse secundum suam voluntatem vos exaudit, secundum suum tempus, non secundum vestrum, secundum suum modum, non secundum vestrum. Haec omnia in ejus voluntatem rejicite. Non secundum affectum vestrum mensurate. Vide historiam Iudith, & omnium Sanctorum, qui exauditi sunt, non praescriptis secundum propriam voluntatem temporibus, modis & locis &c.

*Quidam nobis statim non fit quod petunt, putant se non exaudiri. Orantes non debent Deo praescribere tempus.*

*Matth. 8.*

*Matth. 23.*

Igitur non oratur ut Deus doceatur, sed magis ut nos moveamur malis nostris sentire quid desit, quid petendum sit. Nam oratio me me docet, quid mihi sit opus, & me me movet ad orandum & clamandum. Et ita Deus occasionem miserendi arripit super clamantem ad se, Cujus misereri non potest, donec ipse malum suum non sentit, neque clamat. Tertium vitium hic non tractat, sed Matthaei 23. Vbi Pharisei quaerunt gratia, imo gloriae quoque & avaritiae causa oraverunt. Hoc vitium superat gentilium vitium, qui multiloquio peccant. Isti plane vertunt orationem in idolatriam, dum propter gloriam & pecuniam orant. Gentiles tamen pro salute sua orabant. Hoc vitio regnant Papistae, sed imperatores sunt praeter omnibus Minoritae impudentes hypocritae, propter favorem & ventrem omnia orantes & facientes.

*Oratio qua fit quaeritur gratia.*

*Cum autem jejunatis, nolite fieri sicut hypocritae tristes, Exterminant enim facies suas, ut &c.*

Tertio, Ieiunium verum docet, in quo illi similiter gloriam quaerebant. Sic omnia opera sua faciebant idolatrice, propter suam gloriam, Non ut Deo servirent, aut hominibus prodesse, sed ut ipsi ab hominibus honorarentur.

*Ieiunium verum.*

*Nolite thesaurizare vobis thesauros in terra, ubi aerugo & tinea demolitur, & ubi fures effodiunt & furantur. Thesaurizate vobis thesauros in caelo, ubi nec aerugo nec tinea demolitur, & ubi fures non effodiunt, nec furantur. Vbi enim est thesaurus, ibi est & cor tuum.*

*Lucerna corporis tui est oculus tuus. Si oculus tuus fuerit simplex, totum corpus tuum lucidum erit. Si autem oculus tuus fuerit nequam, totum corpus tuum tenebrosum erit, Si ergo lumen, quod in te est, tenebrae sunt, ipsae tenebrae quanta erunt?*

*Nemo potest duobus Dominis servire. Aut enim unum odio habebit, & alterum diliget, aut unum sustinebit, & alterum contemnet. Non potestis Deo servire & Mammonae. Ideo dico vobis, Ne solliciti sitis animae vestrae, quid manducetis & bibatis, neque corpori vestro, &c.*

*Matth. 6.*

Quarto invehitur multis verbis in avaritiam, propter quam, sicut propter gloriam quoque illi omnia faciebant, Et docet non esse thesaurizandum, non duobus Dominis serviendum, sed fidendum Deo, qui nobis omnia abunde ministrat, Divitiae si affluant, nolite cor apponere, Si non affluant, ne simus solliciti, ne avari simus.

t

CAPVT

CAPUT VIII.



*V*m autem descendisset de monte, secuta sunt eum turba multa. Et ecce Leprosus veniens adorabat eum dicens, Domine, si vis, potes me mundare. Et extendens manum Iesus, tetigit eum dicens, Volo, Mundus esto. Et confestim est mundata lepra ejus. Et ait illi Iesus, Vide nemini dixeris, sed vade ostende te sacerdotibus, & offer munus tuum, quod præcepit Moses in testimonium illud.

Cum autem introisset Capernaum, accessit ad eum Centurio, rogans eum & dicens, Domine puer meus jacet in domo paralyticus & male torquetur. Et ait illi Iesus, Ego veniam & curabo eum. Et respondens Centurio ait illi, Domine, Non sum dignus, ut intres sub tectum meum, sed tantum dic verbum, & sanabitur puer meus. Nam & ego homo sum sub potestate constitutus, habens sub me milites, & dico huic, vade, & vadit, & alteri, veni, & venit, & servo meo, fac hoc, & facit. Audiens autem Iesus, miratus est & sequentibus se dixi, Amen dico vobis, non inveni tantam fidem in Israel. Dico autem vobis, quod multi ab oriente & occidente venient, & recumbent cum Abraham &c.

*De Trism opo-  
tibus & mira-  
culis confirmat.*

*Omnes pñs,  
præter im do-  
centibus opo-  
tibus doctri-  
nam eruent de-  
gno factu.*

*De via summa  
Cap. 8.*

*Primum mi-  
raculum de  
leproso.*

*Fides certa esse  
debet in Oratione  
de exauditione  
sed subie-  
cta de modo &  
tempore.*

Post doctrinam traditam in monte, redit Christus ad opera & miracula, confirmantia doctrinam, tanquam testimonia, ne sit Doctor in Verbo tantum sine opere, Quia Regnum Dei non consistit in sermone, sed in virtute. Et hic est primus locus, scilicet Exemplum, quod Christianis omnibus, præsertim docentibus opus sit, ut non verbis, sed re vera sint Christiani, & verbum factis dignis ornent. Quod hodie & semper rarum est, ubi multi de Evangelio sic loquuntur, quasi sint Angeli, Sed si opera spectes, sunt meri Diaboli.

Quamvis Evangelista in genere dicat, Christum multa miracula fecisse, scilicet ejecisse spiritus, & sanasse morbos varios, Non tamen omnia enumerat quæ fecerit eo tempore & loco, Tantum quinq; in specie recenset, scilicet de Leproso, De servo Centurionis, De febris socrus Petri, De Naufragio, De dæmoniis. Et inter hæc, duo responsa Christi scribuntur, Quomodo Legisperito avaro & Discipulo superstitioso responderit, ad eorum carnales Quæstiones, ut infra dicetur.

Primum igitur miraculum de Leproso, est non solum testimonium doctrinæ, sed etiam exemplum fidei & charitatis, quo Christus suam paratam bonitatem, omnibus expositam, offert, ut ad fidem provocet. Fidem ostendit leprosus pulcherrimam, quod non dubitat de potestate & bonitate Christi, sed certus est in fide, Tantum voluntatem ejus excipit, id est, si sit pro gloria, regno & salute nostra, quod petimus. Quia sæpe petimus, quod non expediret dari, ut Paulus Rom. 8. Nescimus quomodo oporteat orare, Ipse autem novit solus, quæ sint pro gloria sua & nostra salute. Ideo referenda sunt omnia ad suam voluntatem, nihil dubitantes, quin faciet petita omnia, si ipse cognoverit expedire, & voluerit, vult autem omnia expedientia.

*Rom. 8.*

Et hic locus est tractandi de Oratione, Quomodo fides in ea certa debet esse de exauditione, Et tamen resignata de executione, quando, ubi, quomodo, per quem, Deus fieri velit, Certa debet esse, de favore Dei, conscientia, sed subiecta, de consilio & hora à Deo determinanda, pro gloria sua & nostro bono. Sicut hic Leprosus, dum mundationi suæ nullam horam, locum, modum præscribit, sed ejus voluntati sese submittit, Subito hac ipsa hora, hoc modo, hoc loco, quibus non putabat, accipit intentam mundationem. Hac re significat, quam grata sit sibi ista certa, de suo favore, fides, Et tamen humilis de ejus consilio & voluntate, patientia, quam fides libenter præstat, videlicet in omnibus Patriarchis, Prophetis, Sanctis, qui nihil dubitantes de Dei favore erga se, tamen longanimitè ejus consilium

*Ephe. 3.* filium & voluntatem expectabant, ut hæc res potest exemplis Adæ, Abrahæ & multis alijs amplificari, Deinde dictis eorum confirmari, Vt expecta, Sustine, si moram fecerit, quibus plenum est Psalterium & Prophetæ. Quia natura Dei est, differre effectum orationis nostræ, ut cumulatius & plusquam petimus aut intelligimus (Paulo teste Ephe. 3.) facere possit. *Natura Dei est, differre effectum orationis.*

*Luc. 14.* Postea tractandum est exemplum charitatis. Primo, quod gratis Christus benefacit, non opes, non gloriam quærit, sed tantum Patri obedit, & homini prodest. Et quia hoc beneficium videbatur offendere alios (ut Sacerdotes & Moïsen) exercet in hoc quoq; charitatem, & nemini suum jus rapit (sicut iure potuisset) sed ex superabundantia charitatis, jubet Sacerdotes honorari, dono legali, ut Moïses præcepit, Ne hinc fanatici Spiritus dicere audeant, Esse bona facienda cum alterius injuria, damno, scandalo, cum hic doceat, opus charitatis esse præstandum, sine alterius damno & scandalo, quantum omnino fieri potest. Hic locus etiam latus & amplius est, sed hoc tempore non explicandus, quia major est, quam nunc res & locus patitur. Potest hic taxari impudens Papistarum mendacium, qui ex hoc loco confessionem auricularem omnium peccatorum (quod est impossibile) finxerunt, licet ipsa Confessio in vero usu probanda sit. *Exemplum charitatis. Christus benefacit gratis. Confessio Papistarum etc.*

Secundum miraculum de servo ægroto Centurionis etiam est testimonium doctrinæ, ut primum, & alia omnia. Est & exemplum quoq; excellentissimæ fidei, ut ipse Christus extollit hanc fidem supra omnem fidem in Israël. Primum, quod Centurio non dubitat Christum hoc posse & velle. Secundum, quod præ humilitate se ipsum indignum judicat, qui per sese roget, Sed mittit alios & amicos suos ad Christum. Tertium, quod impetrata voluntate Christi, indignum se judicat, ad quem veniat Christus & præsens faciat, sed tantum cupit, ut Christus absens verbum dicat, & ejus verbo credit fieri, quod petit, Et tam certo hoc credit, ut etiam à suo Exemplo eam fidem doceat, dicens, Tamen ego homo & subditus, verbo efficio in mea domo, quæ volo, Dico, fac, vade, veni, Et ita fit etiam me absente, Quanto magis tu verbo omnia poteris etiam absens. *II. Miraculum de servo Centurionis.*

Ita non solum credit, sed fidei naturam prædicat & docet. O si nos in absentem Christum ita possimus credere, licet ejus verbum præsens habeamus opulenter. Merito igitur laudatur hæc fides Centurionis, quia est certa, omnibus fidei conditionibus perfecta, De Christo optime cogitat sine scrupulo, Deinde verbum ejus tantum cupit proferri, quod expectat cum lætitia & fiducia tanquam summum thesaurum vitæ & salutis pro suo Servo, nihil dubitans. *Natura fidei. Quare fides Centurionis laudatur, etc.*

Et est hæc fides eo gratiosior, quod à gentili homine præstatur, qui nihil promissionum habuit, & se indignum populi Dei gloria putat. Ita fides vera proprie sui contemptum & indignitatem præ cæteris affert. Ideo nobis exemplum est summæ consolationis, ut quo nos sentimus esse indigniores & nihil ad nos pertinere promissa Dei putamus, hoc maxime desiderare debemus ea, certi, quod hoc desiderium summe placet Deo, qui suam gratiam vult & cupit ardenter desiderari. Id quod facit fides, quæ preciosam reputat, ideo eam valde esurit & sitit, & ita impetrat. Fastidiosi enim non curant eam, sicut nec securi, ideo nec credunt, sed contemnunt. Et hoc est, quod Christus hic fert sententiam super istos saturos filios Regni, Et prædicat eos ejiciendos propter suum fastidium & incredulitatem, non obstante, quod sint semen Abrahæ, Et esse recipiendas Gentes propter eorum fidem & suspirium, non obstante, quod non sint semen Abrahæ & alieni à promissis Dei. Quia Deus delectatur saturare esurientes & saturos dimittere inanes, sine distinctione personarum. *Fides vera. Deus vult & cupit suam gratiam ardenter desiderari. Saturi & securi non curant fidem. Filii Regni ejiciuntur etc.*

Tertium miraculum, febris curata. Hic nihil de fide socrus Petri dicitur, Sed Lucas dicit, alios pro ea orasse. Et sic fide & oratione aliorum est sanata, sicut & supra servus Centurionis fide & oratione Domini sui sanatus est, ut videamus quantum valeat etiam aliorum pro alijs oratio & fides, Et quam gratum sit Deo officium charitatis, pro alijs orare & sollicitari, ut etiam si persona per se sit indigna *III. Miraculum curata Febris.*



*Oratio pro  
nostris pro  
fratribus & con-  
tra hostes*

indigna vel parum videns, tamen aliorum fidem & orationem pro eis Deus accipit. Et hic locus late patet, scilicet quantum oratio piorum pro nostris Fratribus, Deinde contra hostes nostros valeat. Quia utrunq; habet Promissiones, Exempla, Præcepta, scilicet quod debemus pro nobis invicem orare, item, hostes coram Deo accusare, ut & Psalmi quam plurimi hoc de utraq; re testantur.

Ante sequentia duo Miracula interserit Matthæus primum generalem præfationem, quod multos alios curavit eo vespere, scilicet daemones & diversis morbis ægros, ut locum Esaia inducere possit, qui de Christi adventu prædixit; Scilicet ut ostendat ludæis, hunc esse Christum promissum, & nullum alium expectandum, Quia hic opere probaverit & impleverit, quæ Esaias prophetaverit. Quia libenter Matthæus prophetas (ubicunque potest) allegat & studiose agit ubique, ut hunc Iesum ostendat à Prophetis prædictum, ut ludæos moneat ad fidem.

*Matthæum vide  
loc. 8. cap. 53.  
locum impro-  
prio citare.*

Videtur autem locum Esaia improprie citare, cum de passione Christi loquatur, non de cura seu sanatione ægrotorum. Sed respondendum est, Quod Matthæus Esaiam citat de toto Christo & qualibet ejus parte, id est, non tantum de triduo passionis Christi, sed de tota vita Christi. Tota autem vita Christi fuit, suscipere & portare nostra mala, Quia propter nos natus, circumcissus, conversatus, comedit, bibit, dormivit, Et ut Paulus ait Philip. 2. Inventus est homo in omni forma hominis, Et hoc propter nos. Ideo si quis Esaiam de qualibet parte vitæ Christi allegaret, recte allegaret, quia propter nos sitivit, ne sitiremus, ita nostram sitim tulit. Propter nostram tristitiam tristis fuit, ita nostram tristitiam tulit, ut læti efficeremur. Ita & hic comparitur obsessis & ægrotis, & fert in corde eorum mala, ut eos liberet, quia omnia propter nos fecit, vixit, dixit, tulit. Et sicut hic corporales morbos hominum compassione tulit ut corporaliter auferret, Ita in passione corporaliter tulit nostra peccata, ut spiritualiter tolleretur, Ut sit summa, Christus noster est, nostra omnia ferre & tollere debuit, sive corporalia, sive spiritualia mala, quocunque modo oportuit. Ideo Matthæus locum Esaia fecit recte generalem de toto Christo, & applicat eum ad partem hanc, qua tulit & curavit infirmos, Quia Christus est universalis & totalis Salvator corporis & animæ. Et hæc generalis Sententia in Esaia est valde bona, etiam in alijs similibus locis observanda.

*Matthæum  
locum Esaie recte  
juxta generalem  
de toto Christo  
citare.  
Christus uni-  
versalis est Sa-  
lvator corporis  
& animæ.*

*Verba hypocri-  
tarum non cre-  
dendum.*

Post interserit duo responsa Christi; Lucas autem tria, contra falsos discipulos Evangelij, qui gloriam & commoda sua quærunt in Evangelio sub specie fidei. Primus Legisperitus valde religiose quærunt, quasi non intelligat Christus quid quærat. Dicit enim, Sequar te, quocunque ieris. Hæc sunt perfecti hominis verba, & tamen ab hypocrita falsissime usurpata, quia cor ejus non est tale. Ideo Christus in exemplum nobis omnibus istum rejicit, ut discamus, non credere verbis hypocritarum, quæ sonant quasi angelicam sanctimoniam, ut hic vides. Nam istæ pestes sunt Ecclesiæ nocentissimæ, quæ fingunt se velle maxime Evangelium sequi, & mirajantur & fingunt, ut hac nostra ætate Papistæ, varix sectæ, Anabaptistæ, &c. Hi omnes dicunt ore, Magister, Sequar te quocunque ieris, Ego sum sincerus, non sicut illi, qui te oderunt aut negligunt, Ego sequar. *Dich wils thun / Es sollen nicht wort seyn / nein / videbis.* Quia te Magistrum volo discipulus fidelis, Deinde non in unam aliquam operam sequar, sed quocunque nihil excipiam: *Das sind die rechten Bösewicht / mit iren hohen Worten / und wollen thun / mehr denn Gott begeren mag etc.* Sicut hodie etiam multi in laicis & nobilibus pleni sunt istis hypocriticis verbis juxta Proverbium, *Gute wort / und nichts dahinden.* Et Salomon in Proverb. Vbi plurima verba, frequenter egestas &c.

*Gute wort und  
nichts dahinden.  
Proverb. 4.*

Sed Christus ejus hypocrisin acutissime damnat, dicens, Vulpes foveas habent &c. Q. d. O bone frater, quam dulcia loqueris, quam grandia promittis, cum sis nequam, intus & in cute, verbis me vis ludere, sed erras longe. Magistrum vocas, discipulum promittis, sequi vis perfectissime, sed sic, ut gloriam, ut Regnum, ut

opes,

opes, ut quæ tua sunt, invenias apud me, Sed dico tibi, non solum non regnum, sed neq; domum apud me invenies, imo nec foveam vulpis, nec nidum volucris apud me invenies, Et quod amplius est, nec locum, quo ego caput istius Magistri tui reclinare possim. Crux erit Regnum, & abjectio in mundo erit pallatium tuum, Sed ista tu non cupies, scio. Quia qui volet Evangelium profiteri, non potest istis rebus studere, aut quærere, quæ tu quæris, Sed paratum esse oportet, ut si etiam nec foveam, nec nidum habeat, tamen paratus sit ferre. Quia regnum Evangelij non est regnum mundi. Summa, Christus hoc Responso declarat, quod Regnum suum non sit regnum mundi, & quod oporteat Christianum, si res postulet, etiam pauperiorem fieri, quam sit vulpes aut avis, ut nec nidum certum habitandi, nec foveam refugij habeat, Sed libenter periclitetur omni hora propter Evangelium. Et ita faciunt etiam omnes vere Christiani, utuntur suis bonis, habent nidos & foveas, Sed ubi opus est propter Christum ista relinquere, faciunt & libenter carent loco etiam, in quo caput reclinare tanquam suo possunt, Et sunt libenter hospites in mundo, & carent cum Propheta, Incola ego sum in terra, Et iterum, Quoniam peregrinus sum apud te sicut omnes Patres mei.

*Psal. 118.  
Psal. 38.*

*Christi Regnum  
quærit.*

*Vere Christiani.*

Pingit ergo Christus hac responsione formam hominis Christiani, qui non debet quærere, quæ hujus mundi sunt, tanquam Regnum ejus in his situm sit, Sed uti tantum præsentibus, tanquam hospes, cito migraturus, & paratus esse hæc omnia propter ipsum relinquere. Sed hoc non volebat iste hypocrita suis magnificis verbis, Nec hodie hoc volunt, qui volunt plus quam Christus ipse Evangelici videri, odibile genus hominum, qui dicunt, Domine, Domine, Magister, magister, sequar, sequar, quocunq; quocunque, cum sint avarissimi, cupidissimi, ambitiosissimi & toto corde Mundum, & quæ mundi sunt, quærentes. Ideo ista verba Christi quoque bene sunt pensanda, Vulpes foveas habent, volucres coeli nidos, qui tamen istis habitis solum locum habent, saltem certum, nondum cibum, potum & alia. Christianus autem nec loco certo fidere debet, quanto minus alijs bonis, sed pendere debet spe futuri Regni, & hoc mundo uti tanquam non utatur.

*Forma Christi  
an hominis.*

Sequitur altera responsio ad Discipulum verum, qui non est hypocrita, sed synceriter quærit. Hic est vir optimus, seu imago omnium hominum, in mundo eximium exemplar, scilicet, qui parentes colit & curat. Nam quæ potest esse in mundo major pietas, quam parentes colere & gratitudinem illis exhibere? cum etiam ratio naturalis hanc virtutem post Dei cultum, summam esse dicat, ut Aristoteles testatur, Dijs, parentibus, præceptoribus, non potest reddi æquivalens. Et tamen hanc pietatem filialem seu storgen physicen Christus hic damnat in re Evangelica, Et vult eam cedere debere Evangelio, Non quod parentes nolit coli, quod præcepto 4. præcipitur, Sed quod parentes nolit præferri Deo & ejus verbo, Ne hypocritæ fingerent occasionem contra verbum, prætextu 4. præcepti. Sicut hodie clamant, Ecclesia, Ecclesia, Patres, Patres. Item, Obediendum est Principi, serviendum proximo, Quæ opera sunt omnia valde bona & recta, & prætextitur mandatum Dei &c. Sed non vident, quod præceptum 4. debet tantum valere in secunda tabula, non pugnare contra primam tabulam.

*Vir bonus.  
Colere parentes.*

*Christus non  
vult præferri  
parentes Deo  
& ejus verbo.*

*4. Præceptum  
tantum debet  
valere in 2. tab.  
6. 1. 2.*

Sicut Petrus dicit, Obediendum est Deo magis quam hominibus. Non dicit, Hominibus non est obediendum, Nec hoc quæratur, sed cum utriq; sit obediendum, hoc quæratur, An Deo plus sit obediendum, quam hominibus? Hic respondetur, Quod Deo est obediendum magis quam hominibus. Quia homines sunt sub Deo, & Deus non sub hominibus, Et Deus creavit homines, Non autem creaverunt homines Deum. Sic etiam Pater, Princeps, Frater, est sub Deo, Non Deus sub ipsis, Et ipse fecit eos, & non ipsi fecerunt eum. Ideo ipsi debent ei obedire, Deus non debet eis obedire. Hoc vult Christus hoc loco, dicens, Sine mortuos sepelire mortuos suos, id est, in regno meo aliud agitur quam præceptum 4. quia vitæ Regnum est. Est autem notandum insigniter, quod totum Regnum mundi, & ipsum 4. præceptum, seu secundam tabulam, uno verbo haurit & absorbet, dicens, Mortuorum

*Christus Regnum  
mundi vocat re-  
gnum mortuo-  
rum, suum vero  
vitæ regnum.*

regnum esse, Quia omnes moriuntur, imo mortui sunt coram Deo, Tantum Christi regnum coram eo vitæ regnum est. Ideo regnum vitæ (inquit) non debes regno mortuorum postponere, Sed contra magis curare, ut sis minister in Regno vivorum, quam in regno mortuorum, Licet regnum mortuorum in hoc tempore non damnem, sed præferri regno vivorum nolim.

De periculo  
in mari.

*Et ascendente eo in naviculam, secuti sunt eum Discipuli ejus. Et ecce motus &c.*

etiam  
dominatur in  
aquis.

In Christo, per  
fidem, Domini  
sumus supra om-  
nem potestatem  
Satanæ &c.

Sequitur aliud miraculum, de periculo in mari, Hoc etiam pertinet ad confirmationem Doctrinæ, ut omnia alia. Sed hoc singulare est, quod Christus etiam dominatur in aquis. Et verbo ac fide etiam salvi sumus in omnibus periculis marium & fluminum, ut Christum non solum in terris purgare lepram, curare paralytin, frugare febrim, posse sciamus, Sed etiam in aëre, ventis, aquis, fluminibus salvare, ut sit perfectus & universalis Salvator in cælo, terra, mari, Et ut Psal. canit, In cælo, Psal. 134. terra & in omnibus abyssis, quæ vult facit. Consolatio igitur nostra est, quod in Christo per fidem, Domini sumus & victores supra omnem potestatem Satanæ, qua furit in aquis. Nam credentibus cedunt venti & mare, ut hic dicit, Quid timidi estis, Psal. 134. *ὁλαγώριστοι*. Quasi dicat: Si fide fortes essetis, nihil facerent vobis isti venti & mare cum omnibus demonibus, hoc est, si crederetis, tunc in morte quoque viveretis, & ipsa mors ad vitam esset vobis utilis. Sicut Iohan. 11. dicit, Qui credit in me, etiam si moriatur, vivit, etiam in periculis securus erit, Etiam in aquis habebit solum seu terram, Etiam in ventis habebit sedem & fundum. Quod si non habes ita, signum est, quod non credis, sed timidus sis, & verbum potentie Dei amiseris.

Gemitus in-  
narrabilis.

Quid clamamus ad  
Deum? Exod. 14.

Altera consolatio est, quod timidos & pusillicredulos arguit quidem & reprobatur eorum timorem, Sed tamen patienter tolerat & ignoscit, non ideo eos repellit, imo tamen facit quod volunt & petunt, quantumvis infirmi fide. Est & hoc diligenter notandum, quod hic describitur ille gemitus inenarrabilis Roma. 8. Vbi Rom. 8. jam jam desperabundi clamant, Domine, Salva nos, Perimus. Hic gemitus est (ut hic dicitur) perimus. Sic enim senserunt, quod jam perirent, Et iste gemitus jam percuntis & jam jam desperantis, est ipsa infirmitas fidei. Sed quam infirmus est in nobis, tam fortis est & clamor in auribus Dei. Hunc gemitum edebat Moyses, Exod. Cap. 14. Cum Dominus dixit ad eum, Quid clamas ad me? Q. d. Cur ita desperas? Cur perire te putas, instante mari, montibus, Pharaone & tota morte &c. Non fiet sicut putas, Sed in infirmitate tua hac, perficietur virtus mea, & salvus eris, Gal. 3. Percute tantum virga in mare, & videbis salutem &c. Ideo Paulus Gal. 3. vocat hunc gemitum, clamorem, dicens, In quo clamamus, Abba Pater. Nobis non videmur clamare, sed tantum gemere, imo vix hiscere, Sed Deus judicat non gemitum, sed clamorem esse, sicuti vere est.

Et corporis &  
animi morbos  
sanat Christus  
&c.

Quare hoc totum Miraculum est accommodandum ad consolationem infirmorum in fide, & quorum vox est, Perimus. Nam sicut in præcedentibus sanavit corporis morbos, Ita hic sanat animi morbos, qui sunt, pavor, pusillanimitas, infidelitas, perturbatio, conscientia, Vt ostendat se posse & velle etiam in talibus morbis Salvatorem & medicum esse, si invocemus eum, imo si gemamus & corde clamemus, quantacunque sit infirmitas fidei, Vt sic nulli excludantur ab ejus auxilio, quocunque etiam Diabolo vel malo vexentur. Ideo hic nunc describitur talis historia, quomodo isti securi perveniant in summam desperationem, Intran. mare, navigant, fit tempestas magna, Ipse dormit, denique fluctus obruunt naviculam, & pervenitur ad punctum mortis.

Scintilla fidei  
&c.

Christus hanc  
scintillam fidei  
auget.

Hic in extremo puncto, emicat adhuc una scintilla fidei, quæ seipsam non sentit, Quia dicit (perimus) Si enim sese sentiret, non diceret (Perimus) Sed sentit perditionem solam, nescia, quod ipsa adhuc vivit & ardet. Nam ne sentiret quidem, nisi adhuc viveret & arderet. Sed ecce Christus hanc scintillam, hoc linum fumigans, hanc arundinem quassatam, non rejicit, sed ita auget, ut fiat incendium, quo venti & mare sedantur, Sic facit omnibus nobis paventibus, modo gemamus, suspire-



suspiremus, & saltem unico motu cordis dicamus, Iesu Christe fer opem, aut actum est de mea salute, Mox sentietur levamen. Quia per hunc gemitum movetur Christus ad increpandum ventos & mare, Et sic fit tranquillitas magna, id est, lætitia & pax, Deinde laus & gratiarum actio.

Hoc Evangelium posset applicari ad Ecclesiam, Politiam, Oeconomiam, si quando pericula putantur tanta, ut impossibilis appareat salus. Sicut hodie quoque Ecclesia putatur ruitura, propter tot hostes, Imperium perituum, propter tot bella & seditiones, Domus casura, propter paupertatem vel alia mala, Sed gemitus unicus & infirmus omnia servabit & augebit, quia valide clamat in auribus Dei. Ideo, oremus, clamemus, gemamus, contra hæc omnia, Et Christus faciet tranquillitatem magnam, ut mirentur homines, Amen.

*Et cum venisset Iesus trans &c.*

Ultimum miraculum hujus capituli præter hoc, quod confirmat doctrinam, ut superiora, pingit nobis Christum etiam super dæmonum virtutem esse Dominum, Et in ipso nobis per fidem proponi Victoriā, contra totam & summam potentiam Diaboli. Pingit autem sic, quod inducit duos Obsessos sævissimos fuisse, ita ut nihil tale sit ab obsessis unquam auditum, Quod omnes homines eos fugerint & timuerint, nec ullis catenis aut vinculis teneri potuerint, ut alij Evangelistæ scribunt, Hoc est, pingit in istis, summam iram, furiam, sævitiam Diaboli contra genus humanum, Et tamen ecce, solo conspectu Christi torquentur ipsi & metuunt, ipsi tam horribiles & formidabiles, Et ita torquentur, ut clament etiam, querulantes, orantes, & tamen cum desperatione dicentes, Si ejicis nos &c.

Hæc nos erudiunt, ut securi simus in Christo contra omnem furiam Satanae, Quia ipse cogitur trepidare coram viso Domino nostro, Cujus victoria nostra est per fidem. Sicut Matthæi 10. dicit, Dedi vobis potestatem supra omnem virtutem inimici, & nihil vobis nocebit. Et hanc Consolationem confirmat ipsa Historia, quod Dæmones tam infirmi sunt coram Christo, ut nec in unum porcum possint quicquam, nisi antea petita & impetrata licentia. Nam ante licentiam hanc porci tuti erant ab omni Dæmonum furia, quasi nulli essent Dæmones, Ut merito quæri possit, Cur Deus permittat dæmonibus tantam virtutem, ut nobilissimam creaturam, hominem, tam horribilibus & indignissimis modis, obsidere & vexare possint, cum interim nec porcum, nec muscam possint vexare aut turbare?

Respondetur autem, Deus odit incredulitatem, & diligit fidem vehementissime, Ideo permittit Diabolo tantam vim in homine, ut percutiantur increduli & impij & indurati homines, discantq; timere & credere & invocare. Nisi enim hoc faceret, Homo non putaret se Deo indigere, sed beatum fingeret, & diceret, Pax, pax & securitas. Ideo ostendit eis quam invictus sit Diabolus (Si desit ejus manus & gratia) Ut terreat & humiliet, humiliatos autem liberet & salvet. Sicut Pater ostendit filio rebelli Lictorem aut aliud horribile, ut filio terrefacto & humiliato, eo plus beneficiat fidenti, & patrem invocanti. Rursus ubi filius jam Patri charus & liberatus est, ostendit ei quam infirma sit furia istius tam horribilis hostis, Ecce, inquit, qui voluit te vorare, tam nihil est, ut nec porcellum, nec setam porcelli possit auferre. Quare disce fili, Me timere, mihi fidere, me amare. Et nihil mali tibi accidet ab isto Satana. Sed si me contempseris, non credideris oderis, tum respice, quid (me irascente) possit, in istis duobus obsessis, Me præsentem nihil potest, Me absente omnia potest. Time ergo & invoca me, sic salvus eris. Hæc de summa Evangelij.

Supersunt quæstiones I. Cur Dæmones dicant, Iesu fili Dei, An scierint esse Deum?

II. Cur dicant, Quid nobis & tibi?

III. Cur dicant, Venisti ante tempus torquere nos?

IV. Cur porcos petant?

V. Cur deprecantur abyssum, ut Marcus dicit?

VI. Cur

VI. Cur Christus permisit eis porcos alienos.

VII. Cur obsessum noluerit recipere secum, Lucæ 8.

Luc. 8.

VIII. Cur petunt Gergeseni, ut abeat?

Respondetur ad primum, Spiritus sunt mendacij, ideo nihil est eis credendum. Vocant eum filium Dei, Primo tentative, quasi inflaturi eum gloria vana, Q. d. O Iesu quam magnus es tu, cui nos dæmones cedimus. Quia diabolus magnos viros tentat philautia frequentissime, ut quos aliàs non potest, per superbiam dejiciat. Secundo, ut est spiritus amphibolus, potest filium Dei appellare, ut quemlibet sanctum hominem Scriptura appellat, quem tamen metuere cogitur propter fidem illius, Nihil igitur certi loquitur Satan, Tentat & metuit simul, ut solent etiam homines dubij facere &c.

Ad secundum. Quid nobis & tibi? Hic etiam accusat tanquam furens Christum, quasi Christus invadat regnum Diaboli, Q. d. Nostri sunt isti homines peccatis servientes, nullo jure nobis eripis hanc potestatem, quantumlibet tu sis sanctus. Quia justi Deo, peccatores nobis debentur. Et hanc juridicam actionem absque dubio multis verbis egit Diabolus, defendens suum regnum super impios, &c.

Ad tertium. Ante tempus venisti, id est, non satis permittis justiciæ divinæ. Nam etiam si sis sanctus, & missus ad salvandas animas, tamen peccata impiorum majora sunt, quam ut tam cito liberari debeant. Et sic istæ quæstiones tres, complectuntur tres actiones. Prima est, An Christus sit persona & vocata ad faciendum? Secunda, si sit persona vocata, An hoc opus suæ vocationi conveniat? Tertia, Si hoc opus conveniat, An hoc tempore fieri conveniat? Singulæ harum actionum parerent maximas Disputationes, si Christus vellet eas audire. Sed ipse pertransit hæc peremptorie, & nihil disputans cum Satana, procedit in opus. Sic & nos facere oportet, postquam vocati sumus &c. Hic victus Satanus & sentiens nec tentationes, nec quæstiones, nec disputationes suas valere, frangitur & cedit, petitq; ut in porcos mittatur.

Et sic ad quartum dicitur. Quod voluntate divina, Satan (ut victus) confusus nescit quid petere debeat, nisi porcos forte conspectos, sed sese dignos hospites. Quia virtute divina Diabolus ipse sese cogitur definire, quo loco dignus sit, Nempe, non humano corpore, sed porcino. Quod inter omnia animalia maxime terrenum est, & præter ventrem nihil est utile, Vt etiam Gentes dixerunt, hoc animal habere animam pro sale. Nam nec cantu (ut volucres) nec labore, nec ulla servitute homini prodest, sicut equus, vacca, gallinæ, &c. tantum vorat, quæ sunt apud homines, præsertim in lege Mosis (ubi prohibitum est) sicut apud nos sunt culices & pediculi, qui vorant & nihil prosunt. Significante Christo, quod Diabolus in hominibus habitet tantum porcinis, qui ventres sunt & nulli prosunt. Hæc per genera hominum amplificanda sunt quia in quolibet statu plena sunt omnia porcis quorum Deus venter est.

*Diabolus habitabat in hominibus porcinit.*

Ad quintum. Abyssum, id est, aquas & deserta horrent dæmones, quia ibi nihil est, quod agant pro suo voto. Votum autem eorum est, nocere humano generi, Imo inter domesticos esse cupiunt & porcos eligunt domesticum animal. Vnde & adhuc sylvæ & aquæ plenæ sunt dæmonibus, Nixis & alijs monstris. Et singulariter notandum est, quod Dæmones hominem quidem vexaverunt, sed non occiderunt, Porcos autem simpliciter occidunt & suffocant in aquis, Significante spiritu, quod Diabolus potest affligere homines, ad Christum pertinentes, sed non perdere, Sibi vero deditos porcos perdit, & talem mercedem reddit, qualem licitor suo servo.

*Dæmones hominum quidem vexaverunt, sed non occiderunt.*

Sextum, Cur in alienos porcos? Respondetur, Christus est Dominus omnium, & nihil habet alieni, Imo & porci erant sui. Si itaq; Dominus fuit obsessi hominis, & dæmonis obsidentis, qui tamen & ambo non erant sub eo jure politico & æconomico &c. Quanto magis porci erant ejus, etiam si jure politico erant aliorum. Sed qui est Dominus iuris politici, est etiam Dominus omnium, quæ sunt sub-

jecta

jecta juri politico, Secundum illud, Qui dominatur superiori, etiam dominatur inferiori. Si Rex dominatur principi, etiam dominatur principum subjectis. Etiam potuit Christum forte movere, lex Mosis, quæ prohibet ludæis porcos, Ideo punierit eos, tanquam legis contemptores. Sicut Princeps approbat, si viator occidat latronem grassantem in se &c.

Septimum, Cur obsessum noluerit secum recipere? Multæ possunt esse causæ, vel quod alicujus forte fuerit servus, Vel alia necessitate astrictus. Sed mihi hæc causa potior videtur, quod noluerit Christus beneficium suum videri vendidisse, Scilicet quasi ille liberatus, deinceps perpetuo deberet esse ei servus & subjectus. Sed voluit gratuitum suum esse beneficium neq; retributionem, nec gloriam, nec aliud suum quicquam recepturus. Hilarem enim datorem diligit Deus. Et hic locus est contra eos, qui benefaciunt propter seipsos, ut est Matth. 6. Ut videantur ab hominibus &c. O commune malum apud eos, qui benefici volunt videri.

Octavum, Gergeseni fuerunt stulti, sicut Petrus, qui Christum jussit abire à se. *Gergeseni. Petrus. Luca 5.* Luca 5. Sic facimus & nos, & docti simus facere, dum Christum pro tyranno seu Mose, non pro Salvatore aspicimus. Isti Gergeseni magis hoc considerabant, quod porcos dæmonibus tradiderat, quam quod hominem à dæmonio liberarat. Hæc est generalis cogitatio carnis, quod plus movemur poena, qua puniuntur impij, quam gratia, qua salvantur pij. Quare discendum est, ut non nimio moveamur vindicta Dei in impios, sed multo magis beneficio & gratia in pios. Ut ille dicit, Sentite de Domino in bonitate, & Confitemini Domino quoniam bonus. Quid ad me, quod porci, id est, impij pereunt etiam valde multi, dummodo homines, id est, pij, etiam pauci liberamur. Igitur fidelibus satis est spectare opera gratiæ. Contra opera iræ infidelibus spectanda sunt, non nobis fidelibus.

## CAPUT IX.

**E**t ascendens Iesus in naviculam transfretavit, & venit in Civitatem suam. Et ecce offerebant ei Paralyticum jacentem in lecto. Et videns Iesus fidem illorum, dixit paralytico, Confide fili, Remittuntur tibi peccata tua. Et ecce quidam de Scribis dixerunt intra se, Hic blasphematur. Et cum vidisset Iesus cogitationes eorum dixit, Ut quid cogitatis mala in cordibus vestris? Quid est facilius dicere, Dimittuntur tibi peccata, An dicere, surge & ambula? &c.

## SUMMA CAP. IX.

- I. In hoc Cap. sunt, Primo miraculum Paralytici.
- II. Vocatio Matthæi.
- III. Questio de jejunio.
- IV. Duplex miraculum Æmorrhoeisæ & Puellæ.
- V. Miraculum de duobus Cæcis.
- VI. Generalis narratio de doctrina & operibus erga multos alios.

Et ascendens Iesus in naviculam transfretavit, & venit in civitatem suam, Et ecce offerebant ei Paralyticum, jacentem in lecto &c.

I.  
De paralytico.

**M**arcus & Lucas latius describunt fidem istorum, qui attulerunt Paralyticum &c. Vide hic quam placeat Christo fides, ut omnia quæ illi faciunt pro paralytico, non appellet opera aut orationem. Non enim dicit Matthæus, Et vidit Iesus eorum petitionem, studia & opera, sed ipsam fidem, ex qua fluebant ista opera & muta oratio. Hoc est vere exaudire mutos. Quia isti nihil loquuntur, orant, petunt ore, sed ipsa fide & factis ita clamant, ut omnibus omissis nihil videat, quam ipsorum fidem. Et hic provocamur ad credendū, & sic pro alijs orandum. Item quod etiam mutas orationes audit, id est, votum & affectū cordis, sine verbo vocali, ut sciamus, nos posse assidue orare, ut Luc. 11. Oportet semper orare

Commendatio  
fidei.

Muta oratio.  
Etiam mutas orationes Deus exaudit.



orare. Nam quam diu in corde suspiramus, cupimus & anxie vellemus aliquid à Deo accipere, tam diu oramus, non ore, sed inenarrabili illo gemitu & perpetuo clamore. Sicut clamat Moses Exod. 14. Quid clamas ad me? &c.

Exod. 14.

*Fides propria,  
aliena.*

*Fides Ecclesiæ.*

*Oratio fidei  
omnipotens.*

*Pictura Christi.  
filii.*

*Christus remittit  
peccata afflicti  
&c.*

*Quidam homines  
sunt securi,  
alii afflicti.*

*Evangelium ad  
afflictos, Lex  
ad securos per-  
tinet.*

*Reclle secera  
verbum Dei.*

*Christus reclle  
fecit verbum  
Dei.*

*Fili.*

*Peccator duplex.*

*Confide.*

*Christus medicus.*

*Remittuntur  
tibi peccata  
tua.*

Et hic quaestio est tractanda de fide propria & aliena. Usitatum dictum est, Parvulos baptisari in fide Ecclesiæ, cum propriam non habent. Hoc sobrie est intelligendum, Fide Ecclesiæ, id est, orante ex fide Ecclesiæ, datur parvulis fides propria. Sicut hic, Orantibus ex fide hominibus istis, datur Paralytico sanitas, quam non habebat. Quia oratio fidei est omnipotens, sicut Christus dicit, Credenti omnia possible, Licet non semper sentiamus adesse, quæ petimus in fide, tamen certo sunt impetrata, & suo tempore apparebunt.

Mat. 9.

Nunc dicta & verba in hoc miraculo tractanda sunt. Primum est Christi, Fili mi, Confide, remittuntur tibi peccata tua. Hoc verbo Christus seipsum pingit, qualis sit. Et est hæc oratio vere character animi ejus, & ex cordis abundantia os ejus loquitur, Scilicet, quod affectus ejus omnimodus sit, Remittere libenter peccata, & liberare à poena. Sed non nisi erga eos, qui afflicti sunt, & talibus indigent. Non ad Phariseos aut alios securos ista dicit (Quorum ibi magna copia fuit) Nam illi non egent remissione peccati aut salute, sed sunt sani, non habentes opus medico.

Ideo semper distinguenda est natura humana. Quidam sunt securi & in pace vivunt, Alij sunt afflicti & egentes, hoc est, in necessitatibus constituti, & ubi ista confunduntur, nihil recte doceri aut disci potest. Quia Christus & suum verbum pertinet ad afflictos solum, Lex, minæ, terror &c. ad securos solum, Imo illi, qui contra nos scribunt & clamant, Evangelium nostrum nimis dulce esse, & decipere homines, maximi sunt asini, Licet verum sit, quod securis & impijs sit nimis dulce, Sicut econtrà, Lex est nimis dura afflictijs. Errant igitur utriq; qui legem volunt super omnes homines, sive sint securi sive afflicti, ponere, ut illi, qui volunt Evangelium super omnes proferre. Sic enim confundentur Lex & Evangelium maximis malis. Nam ita fit, ut pij, qui Evangelio consolandi sunt, lege crucigantur, Et impij, qui lege sunt terrendi, Evangelio indurentur &c. Quare Paulus docet Timotheum, Ut recte secet verbum Dei, Sicut hic Christus facit, qui Evangelium afflicto Paralytico offert, Phariseos autem arguit blasphemos & malos. Quid (ait) mala cogitatis? Non dicit Paralytico, Cur male cogitasti? Nec Phariseis dicit, Confidite &c. optime secans verbum Dei.

Rari sunt, qui hoc discrimen observant. Nam sub Papatu omnia ista fuerunt confusissima, Ideo etiam non potuerunt docere, quid esset fides & opera, Aut quomodo differant aut distinguenda sint, sicut nec hodie nostri Pharisei, Papistæ & alij hæretici. Amplificanda itaq; sunt ista verba Christi immensæ suavitatis. Primo, Fili (inquit) Filium vocat quem peccatorem definit, dicens, Peccata tua &c. Quomodo est Filius, qui peccator est? Quis ista concordet? Legista, Philosophus, Monachus, ratio? Omnes definiunt esse impossibilia, Filiū dici, & peccatorem esse simul & semel.

At fides ita concordat, quod peccator est duplex. Peccator afflictijs & tribulatus, à peccato cupiens esse liber, est filius. Peccator securus & peccatum non agnoscens, sed justus sibi visus, est hostis & diabolus, Ille erigitur, iste arguitur.

Secundo. Confide, aude, esto fortis &c. Non utitur verbo credendi, sed Emphaticotero & magnifico. *Sey fulte / unversagt / unerschrocken* / Etiam si peccata te faciant pusillanimum & dejiciant, tamen tu ne cede malis, sed contra audentior ito, Erige te, & sis unus audacter. Hic vide doctissimum Medicum, quam pulcre & certe novit morbos afflictiæ conscientia. Video, inquit, pavere te, nec satis audere sperare auxilium, id quod faciunt tua peccata, Faciant te sane pusillanimum & desperandum, tamen aliud concipe quam peccata tua, Me audi.

Tertio, Remittuntur tibi peccata tua. Priusquam sanat (ut Medicus perfectus) morbum paralytis, causas morbi (ut dicitur) tollit, scilicet peccatum. Q. d. facile est morbum corporis sanare, si morbus animæ tollatur, qui est causa morbi corporalis. Ideo primo sanat & erigit animum, erecto animo, plus jam dimidio erectum est

est

est corpus. Est autem emphasis in verbo remittuntur, scilicet, quod à peccatis liberari non possit ullus homo, nisi per remissionem, Vbi est autem remissio, ibi non est satisfactio aut meritum, sed gratuita donatio. Et hæc est doctrina Evangelij, contraria legis doctrinæ.

Quarto, urgenda est vox, **T I B I, T V A**, Quibus duo aguntur, Primo confirmatur, te esse peccatorem, quia tibi fit remissio & tuorum peccatorum. Secundo, quod non alteri, sed tibi donari scias, id est, ne cogites, ad S. Petrum aut Esaiam, sed ad te, Te, inquam, peccatorem, pertinere illam Evangelicam vocem &c.

Post hæc describitur, quam sit hæc doctrina plena offensionibus, Vt Paulus dicit, Iudæis scandalum Christus est, 1. Cor. 1. Nam hoc verbum, Remittuntur tibi peccata, est vox intolerabilis omnibus Legistis & operarijs. Quia tora mens Legistarum est hæc, Oportere satisfacere per opera Deo, Sicut testantur omnia eorum facta, dicta, scripta. Ideo & hodie sic nostrum Evangelium odiosum est nostris Phariseis, quod ferre non possunt hanc vocem, Remittuntur tibi peccata. Quia illa duo pugnant apud rationem humanam, Legem debere facere, & tamen non facientibus dari remissionem non factæ.

Hæc omnia proficiscuntur ex eo errore, quod putant, Hominem posse legem implere, & Deum sic pro Peccatis velle placari. Quorum utrumque falsum est, Sed falsum dici illi nolunt, ideo murmurant cum audiunt, pro peccatis non satisfieri. Sed per remissionem ea tolli, Sicut irascuntur cum audiunt, nos frustra Legem implere. Ideo dicunt hic Pharisei offensi valde, Hic blasphematur, Scilicet nihil atrocius poterant invenire, quam ut blasphemiam dicerent, Et id iusto titulo, Quia contra legem Dei agitur, cum Lex non remitti, sed impleri debeat (ut ipsi sentiunt) Solius Dei autem sit legem remittere. Ideo in speciem iustissima fuit Phariseorum offensio. Sicut & hodie & semper, iustissima videtur offensio & zelus pro operibus bonis. Quia non intelligunt, quid sit Lex aut bona opera, Sed hoc obijciunt, Deus, deus, deus dedit legem, Lex Dei, Lex Dei, Deus iussit facere legem. His dictis occludunt aures, & dicunt blasphemiam, blasphemiam &c.

Respondet autem Christus indignabundus, Quid cogitatis? Q. d. Wie seyd ihr doch so giffrige Leute/quod hominibus etiam invideatis gratiam Dei, cum tamen nihil inde vobis pereat. Hic subocculte taxat eorum avaritiam & idolatriam. Quia sacerdotum erat hæc cogitatio, Quod si quis Deum vellet placare, hoc oporteret fieri per sacrificia & intercedentibus sacerdotibus. Vt in Lege Mosi & libris Reg. præcepta & exempla sunt. Nunc autem, cum Christus sine sacrificijs & illorum intercessionibus pronunciat Deum placatum sola fide, Hic metuentes suo ventri, cogitant, *Setzt das an / daß man Gnade san kriegen* / fide sola sine nostris sacrificijs, tum plane nos perierimus funditus. Nec hoc solum, sed totus Moses cum suis sacrificijs corruet. Quis enim porro sacrificabit, si Deum placare possunt fide &c. Ideo certum est, quod ipse est blasphemus in sacrificia & Mosén, Ergo & in Deum. Sicut hodie omnia sunt similia in Papatu, quando audiunt, Fide salvari hominem absque opere & sacrificio, Missæ plane furunt, quia sentiunt suo ventri hoc esse damnosum, & prætexunt blasphemiam, quia contra Ecclesiam, & ita contra Deum sit ista doctrina fidei, quæ contra eorum venalia sacrificia docet, licet habeant minus auctoritatem Scripturæ pro se, quam Pharisei.

Post Christus eos ironica indignatione exagitat, dolens eos tam esse malos, & dicit. Quid est facilius &c. Q. d. Ja ihr seyd seine gesellen/wisset sein/quid sit facilius vel difficilius dicere, hoc vel illud, eins so wol als das ander / *Setzt ihr die sacrificia davon pro vestro ventre, Ihr lieffet wol beyde paralyfin vnd peccatum das vhr glück haben/vnd fragt nicht viel/welchs leicht oder schwerer were.* Iuxta hanc ironiam simul tamen eorum sententiam taxat, Quia revera ipsi dixissent Facilius esse peccata remittere, quam Paralyticum sanare. Quia per sacrificia & opera operata sua certi erant, se posse remissionem peccatorum impetrare sibi & alijs, Sed Paralyticum sanare non ita præsumpserant. Ideo concludit Christus, & dicit,

Vt sci-

*Evangelij do-  
ctrina plena offe-  
nsio.*

*Cecitas Phari-  
seorum.*

*Insufficienti in-  
videt alijs gra-  
tiam.*

*Avaritia sa-  
cerdotum.*

ut sciatis, quod non vestrorum sacrificiorum & meritorum sit peccata remittere, Ego utrumque faciam, Et remittam peccata, & sanabo Paralyticum, absque ullo sacrificio & merito vestro, quorum utrumque impossibile mihi esse putatis, Vt videatis, mihi hoc esse facile (scilicet remittere peccata absq; sacrificijs) quod vobis impossibile videtur, Et ecôtra vobis esse impossibile (scilicet sanare paralyticum per sacrificia) quod mihi est facile. Ideo, sicut dixi, *Ihr wisset nicht weder facile noch difficile*. Quia mensuratis me ad legem & opera vestra, Mihi autem sunt omnia facilia nedum possibilia.

De vocatione  
Matthæi.

*Et cum transiret inde Iesus, vidit hominem sedentem in Telonio, Matthæum nomine &c.*

Officium Christi.

Christus elegit  
peccatores in  
Apostolos.

Petrus.

Contra legem  
aliquid fieri.

Iudeis & Gen-  
tibus offendi &c.  
angelis.

Non est opus  
medico sanis.

Abrogatio le-  
gis.

Vide.

Hic iterum vides, officium Christi esse, peccatores salvos facere. Hoc testatur primum factum, deinde verbis, Factum est, Quod vocat non Phariseos aut sanctos, sed publicanum, Et ita vocat, ut non solum iustificet per remissionem peccatorum, sed etiam Apostolum constituat, qui & ipse deinceps eo officio fungantur in omnes Gentes, à peccatis redimendas. Et mira est consolatio, quod Apostolos eligit, tam indignos peccatores, ut ne illi superbiant de officio tam sublimi, Aut ne ullus peccator diffidat aut desperet de Christo. Nam in summo choro & intimo senatu Sanctorum qui sedent, Magnifici sane, peccatores & publicani, qui secundum suam iusticiam merito sederent in Centro inferni. Non igitur habet Petrus, quod me despiciat, aut contra me gloriatur, quantumvis peccator ego sum. Quia habet, quod cogitet, scilicet se fuisse unum bonum Socium in peccatis maximis &c.

Et hæc res (ut supra) mirum est scandalum Phariseis, qui peccata & peccatores secundum Legem oderunt, & omnia ista contra Legem fieri sentiunt. Contra legem autem aliquid fieri, habet iustissimam (ut ratio dicat) causam indignandi, quia idem est contra Deum fieri. Idem Scandalum hodie est, quod Gratiam sic extollimus, ut videantur omnes leges & disciplinæ tolli, Summa, Evangelium movet scandalum Iudæis (id est, operarijs & Legistis) & stultitiam gentibus (id est, Epicuræis & Atheis) Illi furunt contra ipsum tanquam contra summam pestem, isti rident, tanquam vanam & ociosam opinionem hominum, Illi putant esse blasphemias, Isti putant esse fabulas. Ecclesia autem & Christus transit per medium illorum, & dextra aure blasphemias, & sinistra fabulas eorum contemnit, & vivit in veritate fidei, quæ Deum colit sine blasphemis & fabulis. Factum autem hoc potest amplificari per prosopopœias, Quomodo Christus ibi sedet lætus inter Publicanos, tanquam socius peccatorum, & quasi approbans eorum vitam, Interea stant ibi circum Pharisei, rugantes frontem, ringentes, indignantes, judicantes, damnantes &c. id est, Nihil nisi legem spectantes contra eum, qui sub Lege non est, nec esse potest, & omnes à lege redimit.

Verbum est suavissimum, quod habet primo Sententiam, secundo auctoritatem Scripturæ. Sententia est ex natura sumpta, Non est opus medico sanis. Hic philosophatur Christus, id est, de natura rerum loquitur, & eam philosophiam optime applicat ad propositum, Hoc est, rectum usum Philosophiæ, id est, cognitionis rerum habere. Cæteri Philosophi sunt Speculisti, dicunt, quomodo natura sic facit, sed non docent, quid significant ista ut hic Christus Medicinam pulchre applicat ad religionem seu fidem. Auctoritas est pulchra & potens contra Legem, sacrificia & opera digna, quæ proprium Sermonem poscat. Quia hic abrogat Legem, imo damnat eam in summis cultibus Dei, scilicet Sacrificijs, & præfert Charitatem inter fratres &c.

Virgeri debet verbum, Volo. Quis est iste volo? Deus Majestatis, cum quo omnia simul volent, nec ejus voluntari potest resisti, nec ipsa in aliud velle mutari. Habemus ergo in hoc verbo certam notitiam, & securi sumus de voluntate Dei.

Quid ad nos, si Peccatum, lex, mors, caro, mundus, aliud velit, Si Dei voluntas pro nobis, Quis contra nos? Hic stat manifesta Dei vox, Volo, *das wil ich*



So bin ich gesinnet. Et ea vox non tantum significat simpliciter velle, sed beneplacitum esse, delectari, ex animo cupere, Vt omnibus modis certi simus de Dei benevolentia & complacentia.

Hic potest fieri digressio, scilicet quam infinita studia tentarint homines, ad sciendum, quid placeret, quid vellet. Hinc enim Sectæ & vitæ innumeræ inventæ sunt, quibus voluntatem Dei quærebant, Et ecce hanc apertam, publicam, claram vocem (volo) omnes præterierunt. Tanta cæcitas est & stupor incredulitatis, Quia non crediderunt serio hæc dici à Deo, sed tantum syllabas grammaticas inspexerunt & præterierunt. Poterat hæc una vox omnia Monasteria, Seclas, instituta vivendi prævenire, si observata fuisset. Nam quid quærunt omnes Sectæ, nisi hoc? O utinam scirem, quid Deus vellet, quid ei placeret? Ego induam cilicium, cucullum, saccum, forte placebit Deo. Et summa, Omnes quærunt hanc voluntatem Dei, qui dicit, Volo, Et ecce ipsum sponte offerentem se, & clamantem (Volo) non vident nec audiunt. Hæc major est cæcitas & miseria hominum, quam dici potest, Quærere Deum nostris consilijs, & respuere eum offerentem se suis verbis. Huc proprie pertinet illud Esæ. Inventus sum à non quærentibus, palam appareo his, qui non interrogant. Odit enim se quæri nostris consilijs, cum sese offerat inventum facillime.

Misericordiam. Hic postquam seipsum & cordis sui affectum ostendit per verbum Volo, Nennet er das Kind, & definit, quid nam sit, quod tam ex animo velit, Et dicit, Misericordiam. Hæc vox etiam urgenda est, contra omnia alia opera, quæ non sunt Misericordia, maxime, cum ipsemet Dominus urgeat ipsam, contra summa opera totius Synagogæ, etiam in Mose ordinata, scilicet sacrificia, Quanto magis contra electicia Monachorum, peregrinationum & aliorum cultuum opera, quibus non misericordia, sed propria justitia quæritur. Post hæc, Quid sit Misericordia & quot officia ejus. Misericordia autem est benefacere proximo, in suis miserijs, seu necessitatibus. Hic numeres necessitates proximi, & scies, quid sit misericordia. Est autem necessitas seu miseria proximi.

Peccatum. Ergo hic est docendus, monendus, arguendus, tolerandus, consolandus. Ecce quot misericordiarum sunt in una ista necessitate, quas omnes deserunt isti Sectarii, & fugientes molestias monachi &c. aut propria opera secuti &c. Et tamen has se velle dicit Deus, Volo &c. Tristitia, morbi aut alij corporum defectus. Hic quot modis potest homo adesse Proximo, si non re, pecunia, opera, obsequio, saltem favore & bono verbo. Et in his omnibus scit super se dici à Deo, Volo, hæc placent mihi, in his permane, Fili, & recte incedes. Et quanto precio esset emenda hæc gloria, quod homo certus est in his operibus super suum caput incedere, hanc Dei vocem, Volo, Hoc placet mihi, Quanto gaudio ista faceremus, si huic voci, Volo misericordiam, crederemus? O infelices Pharisei & omnes justiciarii, qui hanc sphaeram supra suum caput non habent. Vnde & recte pinguntur Sancti, cum sphaera gloriæ sancta circum caput, ad significandum, quod in verbo Dei incedunt & faciunt omnia. Paupertas & alia &c. Hic etiam quis enumeret, quot officijs possimus misericordiam exercere, scilicet pane, potu & veste &c. Vt Matth. 25. Esurivi &c. His omnibus carent justiciarii, qui alienis potius vivunt, & devorant substantias aliorum, ipsi interim ociosi in sua justitia. Istis falsis Sanctis esset, pro corona illa sphaeræ gloriæ, pingendum in capite stercus diaboli.

Tertia vox, Non sacrificium, Grave & horribile fulmen divinæ Sententiæ, super illud summum opus, scilicet Sacrificium, quod fuit cultus ipse Dei, Et satis grave fuisset, si aliquam iniquam comparisonem fecisset, inter Sacrificium & misericordiam, scilicet sic, Sacrificium est mihi gratum, sed misericordia gratior. Fuisset hoc ipsum satis intolerabile, præferri scilicet misericordiam sacrificio. Deinde nec hunc gradum relinquit Sacrificio, ut ipsum sinat aliquid esse juxta misericordiam, scilicet sic, Sit sacrificium quicquid potest, permitto, Misericordiam autem volo &c. Non hunc honoris ei locum concedit, licet vilissimum, & justiciarijs

valde

valde odibilem, sed simpliciter annihilat & dicit, Non volo sacrificium. Non placet sacrificium &c. Hac voce nihil potest blasphemius sonare in auribus Sacrificulorum. Sed ipse nihil curat eorum offensiones, pergit & dicit cum fiducia, Non volo sacrificium, Non placet, odit anima mea, Vt Esaias quoq; primo & ultimo dicit.

256.

Cum sancto sanctus eris, Ps. 138.

In pñs omnia opera Deo placent.

In impijs etiam summa opera Deo displicent.

Hic merito quaeritur, Cur sic extreme detestetur Sacrificium, quod tamen in multis Patribus valde approbavit, Deinde quicquid facit justus in fide, acceptum est. Respondetur ex Psalm. 138. Cum sancto sanctus eris, & cum perverso perverseris &c. Discernendae sunt personae sanctorum & perversorum, Quia enim Sancti recte vivunt fide erga Deum, & charitate erga proximum, ideo omnia, quae faciunt etiam placent, sive sacrificia sive labores manuum &c. Imo sic beneplacitum est Domino in populo suo, ut etiam peccata & errores eorum eis non noceant. Et est Deus etiam in peccatis Sanctorum sanctus cum ipsis. Econtra quia impij perverse vivunt, fidem erga Deum & misericordiam erga proximum nihil curantes, sed sua sacrificia & opera jaectant & in eis gloriantur. Ideo pervertit & Deus sese cum eis, & fit ipsis quoq; perversus, Q. d. Quia vos Praeceptum meum de Fide & Misericordia respuitis, nec ullo loco dignum habetis, Ego vicissim, vestrum summum opus, Sacrificium, non aspicerem, imo simpliciter non volo, Tantum abest, ut peccata vestra vobis sint innoxia, ut etiam summa merita vestra sint vobis summa peccata. Quare? Quia sicut mihi facitis, sic facio vobis, *Bulestu dort/ so bule ich hie/* Vobis nihil placet meum, Ideo mihi nihil placet vestrum, *Also sind wir geschieden.* Hoc quod vos summe vultis, scilicet Sacrificium, hoc ego summe nolo, quia non estis personae, quales volo &c.

*Non veni vocare justos, sed peccatores ad poenitentiam.*

Christi missio à patre, ad peccatores vocandos.

Mirifica consolatio, quod ipsemet Dominus definit eam esse vocationem suam, seu missionem à Patre, ut peccatores vocet, non justos. Nam quod dicit, Veni, idem est, quod alibi dicit, Missus sum. Siquidem Patre volente, jubente, mittente, venit, Ergo Patris voluntatem esse dicit, quod debeat peccatores, non justos vocare. Quare non venit, ut judicet mundum, Sed ut salvet mundum, Ioh. 3. Idq; voluntate Patris. Sit ergo fixum, Primo, Quod Ministerium Christi, est non ministerium Peccati, nec mortis, Sed justitiae & vitae, Hoc vult Pater à nobis credi &c.

Ironizans verbo, Iudas.

Secundo, Ironizat contra Phariseos, qui forte dicerent, Nonne & nos docemus peccatores debere converti ad poenitentiam? Quid novi affers tu? An non ministerium Moysi seu legis vocat peccatores ad poenitentiam? Imo (inquit) Vos cum sitis peccatores, vultis esse justi, & nihil facitis, nisi quod justos esse decernitis tum vos tum alios, qui tamen sunt coram Deo peccatores horrendi. Hos justos ego non voco ad poenitentiam, nec ipsi egent poenitentia, cum vobis judicantibus sint justi, Valere ergo vos justi cum vestris justis, sitis sancti cum vestris Sanctis, Et finite me cum meis Peccatoribus agere, donec & ego eos justos faciam, non sicut vos, operibus legis, Sed gratia & remissione. Vos vocate peccatores ad poenitentiam, secundum justiciam legis, ut faciatis duplo peccatores, sicut vos estis, Ego voco ad poenitentiam, secundum remissionem peccatorum, ut faciam duplo justos, scilicet gratia & veritate, Gratia, quod remissa sunt eis peccata, Veritate, quod vere incipiunt boni esse & operari bona. Vos duplo facitis peccatores, vestra poenitentia, scilicet culpa & mendacio, Culpa, quod magis superbiunt de justitia legis, quam dum essent peccatores, Mendacio, quod ficta opera putant esse bona. Ita sunt Corde intus magis culpabiles, propter incredulitatem & superbam fiduciam. Opere foris sunt mendaces & hypocritae, propter falsam speciem operum & gloriam. Tales & vos estis, *Aus mit euch vnd solchen Heiligen/ Ihr gehöret nicht zu meiner Buße.*

Pharisei facitis ex vestra lege, duplo peccatores, Christum ex peccatoribus, duplo justos.

Abutentes gratia Dei. Christiani vocati ad poenitentiam, Ergo non est abutendum gratia, ad beatitudinem.

Intigniter hoc notandum est, contra perversos & abutentes gratia Dei, seu ut Iudas dicit, transferentes gratiam Dei in luxuriam. Nam Christiana libertate hodie abutuntur plurimi dicentes, gratia, gratia, Ergo non est opus bona facere aut mala pati. Hi faciunt ex gratia luxuriam, id est, propriam libidinem faciendi quae volunt, Et ex remissione peccatorum, licentiam peccatorum, ut hodie multi nimis.

Sed

*Rom. 6.* Sed Christus hic dicit, Sese vocare quidem peccatores, Sed non ad licentiam peccandi, neque ad libidinem faciendi quæ velis, Sed poenitentiam scilicet ad mortificationem peccatorum, sicut Rom. 6. Paulus docet, Si mortui sumus peccato, quomodo vivemus in illis? Quid est enim poenitentia, nisi mortificare peccata? Quare peccatores vocari ad poenitentiam, est remissis quidem peccatis, vocari ad studium perpetuum peccata cognoscendi, odiendi, mortificandi, sepeliendi, Rom. 6. Non ad peccatum liberum dimittendi, ut faciant quæ libeat.

*Accesserunt ad eum discipuli Iohannis dicentes, Quare nos & Pharisei jejuna-* *Quæstio de*  
*mus frequenter, discipuli autem tui non jejunant?* *jejunio.*

Potest hoc videri coherere cum præcedentibus, dixerat enim Christus se vocare justos ad poenitentiam. At jejunium est pars poenitentiae, ut patet in Nini- *Jejunium est*  
*pars poeniten-*  
*tiae.* vitis & alijs tum exemplis tum dictis Scripturæ. Videntur itaque discipuli Christi non poenitere, quia non jejunant, Et ita vocatio eorum ad poenitentiam est nihil, Quare nec justus dici possunt, cum sint sine poenitentia, ad quam te dicis vocare justos. Nos igitur & Pharisei sumus multo justiores, secundum verbum tuum, quam tu cum tuis discipulis. Respondet Christus.

*Numquid possunt filij sponsi lugere, quam diu cum illis est Sponsus?*

*Es ist ja nicht fastens zeit/haben anders zu thun/Vestrum jejunium est importu-*  
*num non solum opere sed & persona & modo. Ita reprobatur eos cum jejunio, sicut*  
*supra eos reprobavit cum eorum poenitentia, Es sol alles nichts / Summa / Es gile*  
*nicht flickens/mit neuen tuch auff einen alten Rock. Hoc dicitur apophthegmate Ger-*  
*manico, de veste nimis trita sic, Ach den Rock mus man mit einem neuen flicken / es*  
*hilffte kein plegen mehr / id est, rejicienda est detrita ista vestis, & paranda nova loco*  
*ejus. Sic dicere possis de vase vinario, multis modis absumpto, Ach es hilffte hie kein*  
*Reiss noch binden mehr / man mus es mit einem neuen Sack binden / id est, novum vas*  
*parandum est. Alias, wo man an einem ort bindet/ da rinnet es an andern zweyen or-*  
*ten / Nur in hauffen gestossen/ vnd ins sewer geworffen / Ein new sack her/ so bleibet der*  
*Most drinnen/ vnd das Sack auch. Tales similitudines possis de omnibus rebus facere,*  
*quæ vetustate consumptæ poscunt alias in locum suum, Vt de domo veteri, Hæc do-*  
*mus est nova domo tegenda, pingenda, fulcienda &c. Hæc securis est acuenda alia*  
*nova securi, Rete hoc reficiendum novo reti, Marsupium hoc consuendum novo*  
*marsupio.*

Ita & hic jejunium vestrum & tota poenitentia atque justitia vestra est me- *Jejunium non*  
*probat, nisi in*  
*bonitate non*  
*est.* lloranda novo jejunio, poenitentia, justitia, id est, Rejicienda sunt omnia vestra, & facienda omnia nova. Vestra vetera non capiunt hæc nova, nec simul stant aut conveniunt, iusticia legis & justicia fidei. Tempus nunc est Sponsi & nuptiarum, simul & Filiorum nuptialium, in quo vestri jejuniij & tristium justiciarum non est locus, sed lætæ justiciæ & abundantis convivij in fide. Igitur alij homines, alia sunt omnia, tempora, facta, verba &c. Ideo nihil est vestrum jejunium triste, & justicia dura & severa in operibus. *Das heist alles in den hauffen gestossen/ & loco tristis & molesti*  
*jejuniij ( id est, justiciæ legalis ) convivium, & quidem nuptiale ( quod lætissimum*  
*est omnium ) celebrari, quod est festus iste dies fidei, quem fecit Dominus, Exulte-*  
*mus & lætemur in eo*

*Psal. 118.* Et nota, quod jejunium Phariseorum appellat luctum. Quia dicit, Non possunt filij Sponsi lugere (cum illi de jejunio interrogassent) debuit enim dicere, Non possunt filij Sponsi jejunare, sicut postea dicit, Tunc jejunabunt, Non dicit, Tunc lugebunt &c. Quia vult significare justiciam legis & hominum esse luctum, id est, tristitem, velut supra mortuis, cultum, quem Prophetæ Aven vocant, id est, moerorem & dolorem, *mühe vnd unlust/ de quo alias multa & sæpe dictum est. Fidei vero justici-*  
*æ, est viventium & lætantium cultus, super vivente & regnante Christo nostra ju-*  
*sticia & vita &c.*



*Venient autem dies, cum auferetur ab eis Sponsus, & tunc jejunabunt.*

*Varie hujus loci acceptio.*

Hoc varie potest intelligi, Primo, quod Christo assumpto in cœlis, Sancti ejus coguntur vere jejunare, & omnia mala pati, quod tamen libenter faciunt. Secundo Prophetice. Quia Christo à ludæis ablato (vel etiam à nobis) deest convivium fidei, id est, nihil nisi mors & perditio. Sed tertia sententia mihi placet, quod Christus velit dicere, *Ich wil meinen Heiligen fastens und trawrens gnug geben/absq;* vestro jejunio & luctu, qui nihil est, Hoc est, Ego eos deferam in tentationibus varijs, sicut Paulum, ut me sponsum non videant nec sentiant. Tunc lugebunt & vere jejunabunt. Nam id satis apparet, Christum hoc loco ex jejunio isto Iudaico digredi in Allegoriam, cum de lætitia nuptiarum & convivij loquitur, contra jejunium Phariseorum & lugubrem eorum justiciam.

*De filia Archisynagogi, & Emorrhœo ista.*

*Hæc illo loquente ad eos, ecce Princeps unus accessit & adorabat eum, &c.*

*Fide sanatur mulier, non alicuius morbo.*

Allegoria mulieris sanguinisfluxæ & puellæ mortuæ seponenda est, in aliud tempus, Deinde latius hanc historiam ex Marco oportet differi &c. Et notandum, quod hic primum scribitur miraculum mortui suscitati, scilicet puellæ, Sed ante curatur Emorrhœissa, eodem dicto, quo supra paralyticus Cap. 8. Confide filia, Fides tua te salvam fecit. Hic fidei virtus & gloriæ prædicanda est, quæ sine operibus & meritis impetrat mulieri sanitatē, sicut supra paralytico remissionem peccatorum. Isti enim loci fidei vrgendi sunt semper & ubique, contra fiduciam operum. Neque enim hic potest ullum opus allegari, quo ipsa meruerit hanc gratiam. Imo ipsa de se desperans totam fiduciam collocat in tactu simbriæ illius, Indignissimam se reputans, quæ perat palam, aut mittat, qui roget pro ea, Quin ipse Dominus simulat se, quasi nesciat, quis sese tetigerit, Vt scilicet significet, se nescire illius mulieris meritum, & tamen virtutem exiisse à se confitetur, Ideo dicit, Fides tua, Q. d. Vides quam nihil contuleris mihi beneficij, nihil merita de me ullo opere, sed quia credidisti, ideo impetrasti.

Dicant hic operarij, Quid meruerit hic, vel puella vel Emorrhœissa &c. Concludi oportet simpliciter, quod utraq; gratis & sola fide misericordiæ Dei sit sanata. Et sunt ista exempla scripta, ut gratia contra opera prædicetur, etiamsi post non sint opera omittenda, Ideo & nobis urgenda sunt contra opera. Nam clara sunt verba, Fides tua salvam te fecit, opera non fecerunt. Et diserte ponitur, quod sit ea hora sanata, scilicet ne opera justiciæ intercessisse putarentur, quæ tamen postea per sanatam fieri oportebant, pro suo statu.

*Testimoniū veritatis mortuæ puellæ.*

Nunc itur ad Miraculum mortuorum, quod illustratur circumstantijs multis. Primo, Quod pater puellæ est Magister scholæ (ut Marcus dicit) Secundo, quod jam tubicines assunt, velut Requiem cantantes. Tertio, Amici tumultuantes luctu, consolantes patrem &c. ut ante omnia certum sit, eam esse vere mortuam, ut illustrius fiat miraculum. Quarto, Quod rident eum, scilicet tam certi, eam esse mortuam. Quinto, Quod est omnium lætissimum, quod Christus mortem ipsissimam sic ridet, & vocat eum clavis verbis somnum. Hic locus valde insignis est, quod Dominus ipse rerum vocat mortem aliud nihil, quam somnum, Quæ est consolatio mirifica omnibus fidelibus. Nam Christus hic non solum dicit, Puellam mortuam dormire, sed facto ipso quoq; ostendit, Mortuam dormire, quia alloquitur eam facilibus verbis, velut dormientem excitans. Hanc sapientiam nulli Philosophi assecuti sunt. Et cum infinitæ apud eos sint opiniones, hic uno verbo solvuntur omnium quæstiones, scilicet, Dormit, O dormit, Mors ubi es? Mors non est Mors, sed dormitio apud Christianos, Imo locus sepulturæ Christianorum vocatur *νεκροταφειον*, id est, dormitorium. Sic non possunt Gentes appellare sua sepulchra, soli Christiani dicunt, Sepulchrum meum est meus Lectulus, meum dormitorium, Non morior, sed dormio. Ioh. 11. Qui credit in me, etiā si mortuus fuerit vivet, Et Lazarus dormit &c.

*Christo mors est somnus.*

*Mors apud Christianos est dormire. Cimiteria Christianorum sepulchra.*

Vides autem hic, quot sint impedimenta hujus fidei de vita æterna. Nam hoc,

hoc, quod hic geritur in Puella suscitanda, hoc etiam in quolibet fidei agitur morituro. Primo, Est desperatio, quasi non victuri in æternum, Ad id consonant turbæ (id est, exempla totius mundi) quæ dicunt, Quid tu unus dubitas? quum sis, sicut omnes mos, in æternum mortuus. Secundo, Tubicines etiam rident promissiones vitæ, hoc est, Lex & sapientia carnis dicit, mortem esse mortem, Contra promissiones vitæ æternæ est nihil & mere frustra, Quia lex occidere novit & aliud nihil, Sic enim conscientia sentit. Ideo hic in istud verbum Christi (dormit) tot turbis & scandalis obrutum, est acriter intendendum, Et contra tubicines, contra legem, contra omnia argumenta conscientiae, in os Christi intendendum & hærendum, dicendo, Ecce iste dicit, quod dormiat, non curo quid obstrepent universæ cogitationes, Nihil audio, inter tot turbas, nisi illum unicum, qui obscure auditur præ turbis, sed mihi clare sonat, dicens, Cedite, dormit puella, imo non est mortua.

*Impedimenta  
fidei de vita æ-  
terna.*

*Verbum Christi,  
Dormit, tenen-  
dam contra om-  
nia spectra mor-  
tu.*

Hæc sunt verba digna tali Doctore, Et ipse dignus cui credant fideles. Ipse debet dicere, Mors mihi non est mors, sed somnus, Mihi nemo moritur, sed omnes dormiunt tantum, Nos debemus respondere, Amen, *Mein Herr* credo, *Hilff glau-  
ben/Mein Christe*/Tu non mentiris, Tantum est, ut ego mihi non mentiar, & fortiter credam, me non posse mori in æternum, Sed quod morior, hoc est, quod ad tempus dormiam, Verum tu da hanc mihi fidem, Tu dic istis turbis, & tubicinibus, Cedite, ut cedant, ut cessent meam hanc fidem turbare & ridere. Nisi tu dixeris eis, ut cedant, ego non resistere potero, Interim credam, me morientem non mori, sed sopiri, me mortuum etiam vivere. Quia tibi vivo, cui credo, Et tu vivificas, qui dicis de me, Non est iste mortuus, sed vivit mihi, dormiens interim, donec eum suscitarem, ut etiam sibi vivat. Et utinam (ut textus dicit) hæc fama virtutis Christi suscitatoris emanaret in omnem terram, imo in omnium corda, Vt omnes crederent eum esse talem, qui nos mortuos habet pro vivis, & à somno excitandis, Vt læti contemnere-  
mus mortem, securi, quod ipse non mentitur, excitaturus nos, qui nobis videmur mortui, at illi dormientes sumus.

*Et transeunte inde Iesu, secuti sunt eum duo Cæci clamantes & dicentes,  
Miserere nostri fili David &c.*

*Miraculum  
de duobus  
Cæcis.*

Et isti docent ipso facto, gratiam dari sine meritis per solam fidem. Quia ipsi ex auditu misericordiae, quam Puellæ, & Mulieri impendit, concipiunt fidem & animum, ideo sequuntur, clamant & dicunt, Fili David miserere nostri (Fidei enim est invocare & clamare Salvatorem in necessitate) Secundo idem confirmat Christus, dicens, Creditis me hoc posse facere? Q. d. Fides potest omnia, etiam in indignis, quales vos estis. Mox ut respondent, Credimus, dat eis visum, ante omnia merita eorum. Istud verbum, Secundum fidem vestram fiat vobis, tractandum est, sicut ego tractavi illud dictum ad Centurionem, supra Cap. 8. (sicut credidisti, fiat tibi) peculiari Concione germanica edita. Est enim eadem sententia.

*Beneficium  
Christi grati-  
um.*

Et notandum, quod Christus hos Cæcos non statim sanat, Sed sinit eos sequi, clamare, & in domum accedere eum, Vt doceat fidem oportere esse pertinacem, perseverantem, inverecundam, improbam, importunam, *Sol nicht ablassen/  
Denn scham in der noth / ist ein schädlicher Hausrath*. Sic ut ipse laudat Luc. 18. improbitatem mulieris coram Iudice iniquo, Gaudet nostræ fidei improbitate & pertinacia. Non vult nos dubitare de ejus bonitate, neq; defatigari & frangi impatien-  
tia, cum statim non fert opem, sed vult ut insequamur per viam, clamemus & irrum-  
pamus in domum ad ipsum, ut fecerunt hi duo Cæci, Hoc modo enim tentat fidem nostram, an sit vera vel ficta. Quæstio, Cur jubet eos cælare factum gratiæ? Respon-  
sio communis & facilis, Exemplum scilicet esse, ne gloriatur aut honorem quærat, qui benefacit, sed hilariter & gratis in Dei gloriam faciat, Non sicut mundus & ca-  
ro, qui vel retributionem quærunt, vel ingratitude offensi cessant benefacere, imo oderunt ingratos & indignos.

*Fidei virtus do-  
cendo, ut sit  
pertinax & im-  
proba.*

*Christus jubet  
Cæcos cælare  
factum gratiæ*

De obfesso.

*Egreſſis autem illis, ecce obtulerunt ei hominem mutum demonium habentem.  
Et eſſecto demonio, locutus eſt mutus.*

Ultimum miraculum, poſt Sermoneſ in monte deſcriptum, eſt de Cæco obſeſſo. In quo uno edit Chriſtus quatuor miracula. Quia non ſolum obſeſſus & cæcus, ſed etiam mutus & ſurdus fuit, quia omnis mutus eſt ſurdus, & e contra. Poſt hoc Miraculum, velut inductione ſufficiente, generaliter & multa eum ſeciſſe miracula dicit, Et ſic tandem venit ad electionem Apoſtolorum, ut & ipſi ab eo miſſi talia doceant & faciant, ut ſequetur, Et ſic copioſe propagetur Evangelium verbo & facto, non ſolum Domini ipſius, ſed & Apoſtolorum, &c.

*Cæcus obſeſſus  
plane gratuito,  
etiam ſine ſuo  
ſenſu ſanatur.*

Et hoc miraculo non ſolum videtur, ſed etiam palpatur, quod abſq; meritis datur beneficium. Quando iſte cæcus nec fidem potuerit habere, quia nec viſu, nec auditu, nec loquela, forte etiam nec olfactu valuit, ita ut nec verbo nec facto potuerit moveri aut moneri. Vt enim non poteſt dici, quod viderit ullum ſignum à Chriſto fieri, ita nec quod unquam de eo audierit aliquod ſignum. Ac plane eſt iſte cæcus ſere tantum maſſa, truncus ſeu corpus ſine viſu, ſine auditu, velut informe corpus, quod tantum noverit tactu & guſtu vivere, Et ſic tamen à Diabolo obſeſſum, ut nec quid guſtus aut tactus eſſet, intelligere aut noſſe potuerit, Summa, fuit tantum figura homo, ſibi ipſi ignotus, an aliquid eſſet ipſe, viveret aut ageret, Et in ſeipſo verum nihil, & quaſi non eſſet. Ita ut hic Chriſtus idem fecerit, ac ſi hominem novum ex nihilo feciſſet, ſicut Adam & Evam ex luto & coſta, & omnes homines ex ſemine &c. Nec dubium eſt, quin iſte cæcus, poſt acceptam ſanitatē, cogitarit, ſeſe antea non fuiſſe quicquam in mundo, ſed ab eo puncto incepiſſe fieri, quia nihil priorum meminit. Sicut Adam non potuit aliter ſentire, quam ſe antea non fuiſſe. Ideo grande eſt hoc miraculum gratuito collatum &c. Adeſt tamen aliorum fides, qui cum offerunt, invocant & orant, Vt ſcilicet alliciamur ad orationem fidei, etiam pro aliis, de qua fide aliena ſupra quoq; dictum.

*Cæcus à Chriſto  
primum vere fit  
homo.*

*Fides aliena.*

Quæri poteſt, an hoc miraculum ſit idem cum illo infra Cap. 12. ubi ſurdus & obſeſſus curatur, Et etiam laudantibus turbis, Pharifæi blaſphemant, in principe dæmoniorum ab eo dæmonia ejici &c. Sed ſentiendum eſt diverſa miracula eſſe. Quia Evangeliftæ idem miraculum nunquam repetunt. Quia ſicut Chriſtus ſæpius eundem ſermoneſ bis fecit, & eadem verba ſæpius docuit, Ita multa Miracula ſimilia ſæpe fecit, Vt etiam in textu ſequitur, quod multos ſanarit in omni genere morborum, Et Matth. 11. Non dicit, unus cæcus, unus mortuus, ſed in plurali, Cæci vident, ſurdi audiunt, mortui reſurgunt, &c. Ita & huius Cæci miraculum, licet ſit ſimile cum Cap. 12. tamen aliud fuiſſe credendum eſt.

*Mark. 11.*

*Et mirata ſunt turbæ dicentes, Nunquam apparuit ſic in Iſrael, Pharifæi autem dicebant, In principe dæmoniorum ejicit dæmones.*

*Chriſti beneficia blaſphemantur a Pharifæis.*

Et hic vides duplices diſcipulos ſcilicet turbas credentes & laudantes, Pharifæos offenſos & blaſphemantes. Et quantum turbæ extollunt factum, tantum Pharifæi ſurunt, & non ſimpliciter dæmonio, ſed principi dæmoniorum aſcribunt, Vt Chriſtum reddant tanquam peſſimum omnium hominum ſuſpectum &c. Sic eſt mundus, Sic oportet fieri, Quo magis laudatur gratia Dei, eo magis oportet eam doctrinam eſſe hæreticam & diabolicam. Chriſtus autem hic tacet & non confutat eos, ſicut facit Cap. 12. Forte quod Pharifæi non fuerint coram, ſed abſentes audito miraculo iſto, ſic blaſphemaverint, Vt etiam Iohan. 5. & 9. dicebant de abſente, Non eſt hic homo à Deo, qui ſabbatum non cuſtodit, Et nos ſcimus, quod hic homo peccator eſt.

*Et circumibat Ieſus omnes civitates & caſtella, docens in Synagogis eorum & prædicans Evangelium regni, & curans ſomnem languorem & omnem infirmitatem &c.*

In fine numeratis alijs miraculis, procedit ad miniſtrorum electionem, motus multitudine docendorum & juvandorum, & dicit, Metiſis multa &c. Quia vidit cos



eos jacentes &c. de quo postea. Et pulchrè describit Matthæus affectum miserrimi Christi, Quia scilicet videns populum sine Pastoribus, miserrimus sit ejus. Miserrimum enim spectaculum fuit cordi ejus, videre tot animas derelictas à Doctores & sine verbo. Pingit autem istud spectaculum, & amplificat sub figura ovium desertarum. Hic enim fingendum est, quam triste sit, videre gregem istum per sese miserum, Primo, fame & siti consumptum, ubi neq; pabulum, neq; potus ei ministratur, sed finitur fame & siti tabescere, Secundo, nullo stabulo aut sepro custodiri aut curari, sed errabundum, vagum, & omnium voracitati expositum relinqui. Hæc duo enim necessario contingunt gregi, qui caret Pastore. Neque enim seipsum potest alere aut tueri.

*Christum miserrimum populo carentem verbo.*

*Miseria gregis sine Pastore.*

Sic animæ sine verbo Dei relictæ, fame & siti pereunt, dum non est, qui pascit aut alit, Deinde disperguntur & varie vagari coguntur, dum nullus est custos aut ovile, in quo curentur. Hæc duo vastant Ecclesiam & populum Dei, Primo scilicet, quando privantur verbo Dei, quo alitur Ecclesia, Secundo, quando non defenduntur contra impia dogmata, Ita fit, ut amissa pietatis doctrina, conscientia tristes & exhaustæ vagentur & discurrant in infinitas Sectas & superstitiones, quærentes sanari. Sicut vidimus sub Papatu, ubi amisso verbo Fidei, infinita genera operum electa sunt, Alius hunc Ordinem eligebat, alius Beatam virginem, alius S. Iacobum colebat, alius peregrinatione, alius jejuniis, alius vestis, cibi, loci, temporis observantia Deo servire studebat, &c. Et quis istos errores enumeret, in quibus vagati sumus? Et tamen nihil profuit, Quia istis neque ali neq; defendi potuit ulla conscientia contra Diabolum, Et sic istis duobus verbis, scilicet afflictas & dispersas, copiose expressit, universum chaos malorum, quibus animæ pereunt, quando sine Verbo sunt, nec potest utrunq; satis explicari & amplificari.

*Duo vastant Ecclesiam.*

*Afflictæ & dispersæ oves.*

*Zach. 11.* Sed ô horribile dictum contra totum ordinem Leviticum, qui hic arguitur Pastor ille & idolum, Zachariæ 11. deferens gregem, scilicet in toto illo Sacerdotio omnes sunt hypocritæ & larvæ, & nullus Sacerdos aut Pastor verus. At si tam horribile est, gregem sine verbo relinquere, Quid putas erit, esse vel fieri ex Pastore lupum? Quales sunt qui non solum negligunt Verbum, sed etiam contraria docent, & devorant ipsimet oves. Huc si accedat, ut etiam Tyranni fiant, & propter Verbum occidant pios, iam nihil potest amplius esse Pastor, quam ipse Diabolus. At tales fuerunt tunc Pharisei & scribæ. Nunc autem Papa & Episcopi, qui iam dudum, Verbum neglexerunt in Ecclesia, & loco ejus, suas traditiones, Lupi facti, intruserunt, Nunc etiam persequuntur & occidunt fideles propter Verbum, quod ipsi ex officio docere tenentur. Horribilissima est igitur species ista Papæ, Cardinalium, Episcoporum, qui larvati sunt Episcopi, revera lupi & ipsi Diaboli in Ecclesia, Hæretici vero lupi tantum sunt &c.

*Levita non Pastor, sed deferens gregem.*

*Lupi facti Doctores.*

*Tyrannus diaboli, Pharisæi & Papa.*

*Tunc dicit Discipulis suis, Messis quidem multa, operarii vero pauci. Rogate ergo Dominum messis, ut mittat operarios in messem suam.*

Ultimo dicto, Messis multa &c. declarat, quam rari sint boni Pastores, cum tamen numerus larvatorum in Ecclesia sit infinitus. Sic & Paulus queritur, Omnes quærent quæ sua sunt, Et iterum, inter dispensatores queritur, ut fidelis quis inveniat. Et Christus, Quis, putas, est fidelis & prudens servus &c? Ideo docet orare pro veris Pastoribus, quando certum est, ista jam dicta infinita mala venire super oves desertas, Licet furente Satana, totus mundus nihil vilius aut contemptius habeat ministris Verbi seu operariis, quasi delectetur suis infinitis malis. Et væ, væ, væ, illis, qui causa sunt, quod Ecclesiæ sine ministris & verbo relinquuntur. Quia culpa imputabitur eis pro omni malo, quod venit super oves &c.

*Pauci veri Pastores in Ecclesia.*

*Orandum ut dentur Pastores.*

Et nota quod Christus hic ministerium Verbi comparat messi, scilicet, significans animas esse avidas Verbi, & libenter velle colligi in horreum fidei. Ut Iohan. 4. Videte segetes, quoniam albæ sunt. Secundo, Quod suum Evangelium sit novissimi temporis & ultima doctrina, postquam, nulla alia est expectanda. Eo

*Ministerium verbi comparatum messi.*

*distere.*

diligentius curandum est, ut operarij mittantur & non contemnantur. Emphalis hujus verbi, Mittat, etiam tractari potest, scilicet, quod nullus seipsum debet glorificare aut intrudere, sed vocari, &c. De qua re integer Sermo fieri potest, Sed alias, & à multis tractatus est, Quot sint genera vocationis, Et an Episcopatum desiderare bonum sit, &c.

*De vocatio-  
ne.*

*Vocatio imme-  
diata.*

*Vocatio media-  
ta.*

*An liceat po-  
tere ministrum?*

*In necessitate  
an quilibet  
habet vocatio-  
nem.*

Nam prima vocatio est à Deo immediate, qualis est Apostolorum & Prophetarum. Secunda, mediate per homines in sublimitate vel autoritate constitutos. Sicut Apostoli suos successores vocarunt, Sicut adhuc vocantur etiam à potestatibus carnalibus & magistratibus, seu communitatibus. Alterutram oportet habere eum, qui docere debet in Ecclesia. Hic nunc quæritur, An seipsum offerre ad vocationem sit licitum &c? Respondetur, Si fiat carnali sensu, id est, ambitione vel avaritia, prorsus non valet (licet si sic intret, & postea convertatur in alium virum, profit ei in ea manere) Nam avaritia & ambitio etiam Apostoli Iudæ vitiabant summam & divinam vocationem, Sicut & omnium Sacerdotum, Caiphæ & similium. Si fiat studio serviendi Deo, vel in statu salutis vivendi, sic est bonum opus, teste Paulo, Si quis Episcopatum desiderat, bonum opus desiderat. Sic & in Deutero, Moses præcipit recipi eum Levitam, qui ex aliqua Regione veniat ad locum Domus Dei, ad serviendum Domino. Præter has potest necessitas incidere, ut si sint baptisandi, docendi, consolandi, exhortandi fratres, in medio hostium positi. Hic debet quilibet seipsum intrudere, tanquam necessitate fraternæ charitatis vocatus, Et omnia facere, quæ necessaria sunt pro salute animarum.

## CAPUT X.



*Convocatis duodecim discipulis suis, dedit illis potestatem contra spiritus im-  
mandos, ut ejicerent eos, & curarent omnem languorem, & omnem infirmi-  
tatem &c.*

*I.  
Vocatio Apo-  
stolorum.  
Mutatio regni  
legis.*

Hoc Caput utilissimum & vehementer necessarium fuit. Quia futura erat mutatio totius Ecclesiæ, scilicet Synagogæ, in gentium Ecclesiam, Ideo valde necessarium fuit, insignem vocationem fieri eorum, qui tantam mutationem debebant efficere. Nam legem & Regnum legis tollere, fuit mutatio, non dissimilis ipsi diluvio, quo vetus Mundus in novum mundum versus fuit, Et revera Evangelium fecit novum mundum ex lege, Ideo vocari oportuit ab ipsomet Domino, istos novi Regni duces. Tribuit eis potestatem & virtutem faciendi miracula, Quæ res etiam fuit necessaria, pro tanta rerum novitate seu mutatione. Non autem dat eis arma, sed miracula, scilicet, ut notum eis esset, Regnum suum esse spirituale, non corporale. Ideo dat arma spiritualia contra spirituales nequitias, id est, contra Diabolum, peccata, mortes, morbos, & contra omnia, quæ Diaboli sunt, &c. Docet eos quales ipsi esse debeant pro sua persona. Et totum hoc caput pertinet ad ministros Verbi, ut discant, quid cogitare, dicere, facere, expectare debeant, Et sunt omnia plena eruditissimis præceptis, ac plane divinis admonitionibus, exhortationibus, promissis.

*II.  
Christus tribuit  
Apostolis po-  
testatem facien-  
di miracula, non  
arma, &c.*

*III.  
Quales esse de-  
bent se debent  
aut ministri  
verbi.*

*Das ist / Er rüffet und mustert seine Prediger / wie sie sollen geschickt / gesinnet vnd getrost sein.*

*Iudas inter  
Apostolos  
mixtus, &c.  
Donatista.  
Impi ministri.  
Christus eodem  
operatur eil per  
Iudam, quæ per  
Petrum.*

Miscetur Iudas Apostolus inter Sanctos, necessario Exemplo scilicet contra Donatistas & multos alios, qui negant Sacramenta seu gratiam Dei, conferri per malos ministros. Qui est error pessimus, Quia si virtus Sacramenti penderet ex dignitate ministri, omnia essent incerta, cum nullius dignitas possit esse certa. Nunc autem pendent omnia certe ex ordinatione & vocatione Dei, qui operatur omnia in omnibus, per dignos & indignos, Ideo per Iudam operatur Christus eadem, quæ per S. Petrum. Et hic locus primus est omnibus Ministris bene norandus, ut certi sint, ministerium ipsorum esse tale, id est, divinum, quod nullius sanctitate melius redditur,

redditur nullius indignitate pejus. Ita manet pax & concordia in Ecclesia, quæ alias sine fine turbatur, ubi Ministrorum dignitas esset spectanda, & nemo auderet unquam officium suum facere, quia incertus esset de se ipso quoque.

*Hos duodecim misit Iesus, præcipiens eis & dicens, in viam Gentium ne abieritis, & in civitates Samaritanorum ne intra veritis, sed potius ite ad oves, quæ perierunt, domus Israel.*

Præcipit vitare Gentes & Samaritas. Hoc pro illo tempore oportuit fieri. *Vitanda gentes &c.* Quia Christus fuit solum Iudæis promissus, Vt Paulus Roma. 15. Christus fuit minister Circumcisionis, donec Lex per passionem Christi fuit abrogata, & sic novo præcepto in universum orbem mitterentur Apostoli. Subinfertur hic, Quod non sunt confundendæ Ecclesiæ, nec quilibet in qualibet debet audere, sed unusquisque in sua vocatione & sua Ecclesia, ne turbentur Ecclesiæ & confundantur ministeria &c. *Christus minister circumcissionis.*

*Euntes autem prædicate dicentes, Quia appropinquavit Regnum cælorum.*

Docet, Qualem doctrinam debeant prædicare, Scilicet, Regnum Dei seu cælorum. Hæc est prædicatio novi Testamenti, non prædicare caeremonias, non leges mundi, nec aliud quam Regnum cælorum, id est, æternam vitam. In quo includitur, verbum Dei de justitia, gratia, remissione peccatorum, victoria mortis, carnis, mundi, Diaboli & omnium malorum. Quia Regnum cælorum est Regnum justitiæ, vitæ, salutis æternæ, ubi nullum peccatum, mors, infernus erit. Hoc mandatum, id est, ut talia doceant Ministri, summe est observandum, ne ex Ecclesia faciant Politiam, ut Papa, nec hypocrisin, ut Monachi, sed maneat in statu causæ, id est, doceant quæ sunt Regni cælorum seu vitæ æternæ. Appropinquavit enim Regnum cælorum, id est, nunc adest Regnum cælorum olim promissum. Hoc ergo docete, Sinite mortuos sepelire mortuos suos &c. *Doctrina Apostolorum qualis, Regnum cælorum.*

*Infirmos curate, mortuos suscite, leprosos mundate, demones ejcite, Gratis accepistis, gratis date, Nolite possidere aurum neq; argentum.*

Prohibet vitium avaritiæ, Simoniz, ambitionis, id est, ut sincere doceant, non propter gloriam, lucrum, favorem, sed gratis propter Deum. Sciebat enim futuros impios, qui omnia propter quæstum dicerent & facerent, Ideo sic præmonet diligenter, ut sincere Regnum Dei tantum curent. Ponderanda sunt verba, Gratis accepistis, gratis date. Monet, ut cogitemus, quam indigni fuerimus tanto ministerio, ideo memores nostræ indignitatis & ipsius infinitæ misericordiæ, libenter & gratis ei serviamus, & populum doceamus. Sed per hæc non prohibentur accipere victualia pro necessitate. Quia sequitur statim, Dignus est operarius mercede sua, Ergo mercedem nobis accipere concedit, & operarius vocat mercede sua dignos. Tantum avaritiam prohibet & fastum eorum, qui de bonis Ecclesiæ superbire & lascivire volunt. Quare autoritate Christi, licet vivere de Evangelio, etiam pro uxore, liberis, familia, tantum avaritia, fastus & luxus damnantur, Quia non sinunt docere verbum. *Gratis docendi, Evangelium propter Deum.*

Quare ista verba, Neque aurum neq; argentum, neq; æs, neq; peram, neque tunicas duas, neq; calceum, neque baculum, recte intelligenda sunt. Scilicet in officio verbi debent esse simpliciter nudi ab his omnibus. Hoc est, affectu pecuniæ, gloriæ rerum &c. debent carere in docendo seu ministrando, Nihil dicere aut facere propter pecuniam, gratiam, honorem. Sicut mundus necessario cogitur in suo regno ista quærere, & libenter etiam nimio quærere. Sed hoc verbi officium aliud quærere, aliud spectat, scilicet, æternam salutem & Dei gloriam, Interim utitur hoc mundo (ut Paulus) sed tanquam non utatur. Sic ergo in via non portant æs, id est, in docendo non quærunt pecuniam, nec abundantiam, Sed nec baculum, id est, potentiam dominandi aut defendendi, Sed nude & sincere Dei verbum portant, sine affectu & studio gloriæ, opum, potentiz, quia aliud spectant. Quare in Matthæo Christus affectum erudit, & docet solum verbum spectari, Interim usum necessarium *Avaritia. Aurum, æs, &c. non portant in via.*



rium rerum approbat, dicens, Edite quæ apud illos sunt, Dignus est enim &c.

*Baculus & cal-  
cei portandi.*

*Neminem salu-  
tari.*

Sed quid Marcus & Lucas dicunt? In Marco est, ut baculum portent & calceos, in Luca, ut neminem etiam salutent, Respondetur, Lucas pertinet ad sensum in Matthæo dictum, scilicet, quod nullius gratiam quærere debent, neq; ullum hominem curare seu spectare in docendo. Ita non prohibet usum salutandi forinsecum, sed studium & affectum placendi hominibus. Hoc significat, quod prohibet salutare, non salutari, Nam externe salutantibus necessario respondere debet salutatus, Sed salutare, scilicet affectu placendi hominibus magis quam Deo, hoc impedit Evangelium. Summa est hæc, Hominibus non debent velle placere Apostoli Galat. 1. *Gal. 1.* Si hominibus hætenus placuissem, servus Christi non essem.

*Baculus calcei.*

In Marco Baculus & Calcei præcipiuntur simpliciter & externe scilicet, ut contenti sint paupertate, ut baculo & calceis, Et sic similiter prohibetur studium divitiarum. Nam hoc non est dubium, quod Christus eadem sæpe docuit, deinde etiam diversis figuris, alio & alio tempore docuit. Ideo non pugnant, Baculus prohibitus in illo loco & tempore, & idem præceptus hoc loco & tempore, Cum diversa sit ratio, & tamen eadem sententia. Quia utrobique studium damnat avaritiæ in ministris suis, Ita ut nec baculum quidem permittat ad avaritiam, Et rursus solum baculum admittit contra avaritiam. Sic eadem sententia, diversis figuris docetur, ut sæpe alias. Vbi simul docet relinquere patrem & matrem, & tamen vituperat eos, qui patrem & matrem non honorarent, prætextu sacrificij & doni. Matth. 15. *Matth. 15.*

*Baculus.  
Calcei.*

Hæc simplex interpretatio mihi magis placet. Nam alia quæ affertur de Allegoria, scilicet, quod in Marco præcipiatur baculus & calceus ad significandam potestatem docendi per baculum, & præparationem contra offensiones & scandala per calceos, est magis ad ostensionem subtilitatis, quam ad doctrinam utilitatis. Quia Christus hic agit maxime, ut suos ministros erudiat ad sinceritatem, Volens ut studio & affectu opum, gloriæ, potentiæ careant, sintq; præsentis rerum usu contenti, etiamsi tantum baculum, id est, sustentationem seu alimoniam, & calceos, id est, tutelam utriusq; habeant. Nam divitijs, gloriæ, potentijs studere, est ipsius Mundi & eorum, qui verbum Dei non possunt curare &c.

*Dignus enim est operarius cibo suo.*

*Victus debetur  
Verbi ministro.*

*Cibus.  
Merces.*

Notandum hoc loco, quod jure divino debetur ministris victus & amictus, Et peccant hodie graviter, qui Christiani esse volunt, & tamen ministris nihil tribuunt, alij etiam subtrahunt eis, quæ reddi fundata sunt, ut rustici, nobiles, ci-ves &c. Reddent ei rationem, qui hic dicit, Dignus est operarius mercede sua, Illi autem fraudant mercede eos, qui digni sunt. Secundo nota, quod non tantum cibum operarij approbat, sed mercedem, scilicet, quo & alia necessaria comparare possit &c. Quia & vestitus, habitatio & alia sunt necessaria.

*In quamcunq; autem civitatem aut castellum intraveritis, interrogate, quis in ea dignus sit, & ibi manete, donec exeatis.*

*Vagatio & dis-  
cursus &c.*

*Hospites mini-  
strorum.*

Docet vitare vagationes & discursiones. Quia hoc est studium Pseudoapostolorum & fanaticorum, qui circumeunt domos, & seducunt mulierculas (ut ait Paulus) *Das sind die Landstreicher* / qui etiam suum quæstum sectantur, quales fuerunt nostro seculo, Muntzer, Hetzer, Pellio, Hut, & multi alij. Nam ipsa vagatio signum est incertæ mentis & inconstantis doctrinæ. Ideo dicit, quod aliquem certum hospitem eligere debent, apud quem perpetuo maneat, donec ab eadem civitate recedant. Sic enim Luc. 10. dicit, Nolite ire de domo in domum &c. Nam hoc so- *Luc. 10.* lent facere vagi & instabiles prædicatores. Et nota, quod Christus valde laudat hospites ministrorum, quia dicit, Si dignus sit, Q. d. Magnum donum, grandis honos est, si quis dignus sit meos ministros recipere & hospitio excipere. Quia talis hospitat Me, & Patrem meum, Estq; ejus domus tunc vere domicilium coeleste, in quo Deus cum omnibus suis moratur. Quanta est hæc dignitas super omnium Regum gloriam? Et tamen mundus, quia indignus est hac gloria, persequitur ministros,

nistros, Ideo sit hospes omnium Diabolorum, & sic manet in secula seculorum.

*Siquidem fuerit domus illa digna, veniet pax vestra super eam. Si autem non fuerit digna, pax vestra revertetur ad vos.*

Et contra hanc malitiam mundi solatur eos, dicens, Nolite offendi nec irasci, si tales hospites raro invenietis, Vos vestrum officium facite, salutate eos, & offerite eis gratiam & pacem Evangelij, Si offendetis eos esse contemptores & ingratos, nolite deficere aut ideo cessare, Scientes, quod digni non fuerint. Nam si digni essent, *Pax vestra ad vos revertetur.* pax vestra inveniret apud eos locum reverentiae & gratitudinis, Et ipsi vestra pace benedicti, salvarentur, Nunc autem, quia digni non sunt, pax vestra ab eis ad vos redibit. Et vobis utile erit, in vanum apud eos laborasse. Quia hoc plus gloriae apud Deum habebitis. Et notandum verbum, quod dicit, Pax vestra ad vos revertetur, Ut sciamus, Nos non frustra laborare, etiamsi labor noster sit frustraneus apud ingratos & contemptores. Ad vos, inquit, revertetur, id est, non frustra oblata erit illis, Sed vobis erit in cumulum meritorium & gloriae. Sic boni ministri nunquam inutiliter laborant docendo, Quia vel alijs profunt, qui credunt, vel sibi ipsis, dum alij non credunt. *Es mus doch heissen wol gethan / wer da predigt / Gott gebe die Leute glauben / oder nicht.* Et valet hic locus contra phanaticos spiritus, qui jaectant verbum nostrum ideo non esse verum, quia multi non emendantur, Cum hic Christus confiteatur, quod multi non recipient verbum, & erunt indigni, & pacem non capient.

*Et quicumque non receperit vos, neque audierit sermones vestros, exeuntes foras de domo vel civitate, excutite pulverem de pedibus vestris.*

Ad idem pertinet ista horribilis comminatio, quae sequitur, quod qui eos non receperint, etiam pulvere à pedibus excusso, relinquendi sint, & pejus quam Sodoma puniendi, Ideo vult dicere, Nolite irasci, nolite cessare, nolite vindictam cupere in istos ingratos, sed magis miseremini, & eo diligentius instate & docete, *2. Tim. 4.* Quia ipsi jam sunt puniti plusquam velletis. Sicut & Paulus docet, Insta oportune, importune, argue, obsecra &c. Erit enim tempus &c. Sicut & hodie, Spiritus manifeste dicit, impossibile esse, ut ista ingratitude & contemptus Verbi impunita maneat. *Excussio pulveris.* Phrasis ista, Excutite pulverem de pedibus vestris, maximam iram significat, ita quod Deus impios, non saltem hoc honore dignetur, ut pulvis pedum in suis ministris hæreat, qui tamen sine ipsorum opera illis adhæreat, quanto minus ullum aliud beneficium, vel unius morselli panis, vel micam unam eis reputabit, Q. d. Ego vobis regnum æternum obtuli, A vobis autem ne pulvisculum quidem pedis accepi, quem una musca possit accipere, &c.

*Ecce ego mitto vos, sicut oves in medio luporum.*

Iam docet, non solum ingratitude & contemptum, sed etiam persecutionem patienter ferendam. Consolando enim prædicit eis certas etiam persecutiones. Oves, inquit, estis vos mei Legati, inter lupos crudeles ageris, iam quid vobis à Lupis expectandum sit, videris. Itaque parate & firmate vos ad Luporum tyrannidem. O quam iniqua conditio, ubi oves Lupis prædicant, & dant jura, *Ach des menschlichen Stummens / Leones oportuit mitti in medio Luporum, vel alias bestias ferociores.* Sed hæc sunt, ut ait Paulus, ut fides nostra non sit ex virtute humana, sed divina, *1. Cor. 2.* quæ Deus etiam inter Lupos & hostilissimos hostes velit suas Oves servare. Et diserte notandum, quod nos, qui sumus in officio docendi, persuasissimi esse debemus, nos docere inter Lupos, Et opus nostrum aliud nihil esse, quam si ovis Lupos judicet, arguat, irriter, & hoc agat, ne sint lupi. Sicut, si ego vel nostrum aliquis Papæ, Cardinalibus, Episcopis & similibus jura dare, & eos in ordinem redigere tentem. Summa, *Die Wölffe werden nimmermehr gute Schüler der Schaff.* Dat igitur eis mirabile consilium in tanta iniquitate conditionis, &c. dicens.

*Estote*

*Esote ergo prudentes sicut serpentes, & simplices sicut columbae.*

*Serpentes  
prudentia.  
Columbae  
candor.*

Primum est, ut serpentina sit nobis prudentia. Secundum, ut columbinus sit candor seu sinceritas. Quia in persecutione necessarium est hæc duo habere Prædicatorem Verbi, scilicet, ut cautus sit contra falsos & insidiosos, Et tamen syncerus & apertus, erga bonos & pios. Quia Diabolus & mundus miris artibus quærunt occasionem contra justos, ut merito videantur eos persequi. Ideo cavendum est prudenter, ne ulla eis detur occasio justæ persecutionis, sed semper cogantur coargui propria injusticia, quod gratis oderint Christum. Sic Serpens astutissime custodit caput suum, & diligentissime vitat, quæ ei nocere possint, ut est astutissimus animalium, Deinde cum malis nullum dederimus scandalum aut occasionem, & sic prudentes in malo fuerimus, requiritur tunc, ut etiam simplices in bono simus, id est, ut nullis injurijs desinamus, sed doceamus, serviamus, affimus tam gratis, quam ingratis, sine respectu. Sicut columba pro sua simplicitate educat indifferenter fœtus, tam suos quam alienos.

*Serpens in malo  
ca.*

*Simplices in  
columba.*

*Allegoria ser-  
pentis & co-  
lumbæ.*

Est ergo allegoria ista serpentis & columbæ, hac sententia aperta referenda, quod debeamus esse contra malos cauti, id est, inoffensibiles seu irreprehensibiles, ne quid contra nos iusti juris habeant, Et sic tuta conscientia possimus dicere, Histurbis & scandalis ego non fui causa. Deinde benefici erga omnes ut gloriari possimus, Mali non habent, quod jure contra nos querantur, Boni vero & omnes habent, quod jure gratias agant. Hoc est esse prudentem contra malos & eorum insidias, & syncerum erga omnes. Hanc sententiam Rom. 16. non tractat Paulus, ubi jubet eos esse prudentes in bono & simplices in malo. Quia eo loco Paulus non loquitur de malo aliorum vitando, sed de malo proprio alijs faciendo, id est, debent cavere diligenter ne alijs noceant, sed simpliciter omnibus benefaciant, Et non discernant inter dignos & indignos. Sed hoc loco Christus loquitur de malo aliorum vitando prudenter, id est, ne occasio illis detur, Ideo diversa est ibi significatio mali, scilicet passivi & activi.

*Prudentes con-  
tra malos.*

*Simplices &  
synceri erga  
omnes.*

*Caput custodi-  
endum, id est,  
conscientia.*

Hoc est, quod ipse mox exponit istam prudentiam, dicens, Cavete ab hominibus, id est, videte ne vos fallant insidijs, & occasione ut justam inveniant contra vos, & illiciant, Quia scitote ipsos hoc agere unice, ut tradant vos, Ergo serpentes estote, custodientes caput vestrum, id est, ne conscientia palleascitis datæ occasionis seu scandali. Nam conscientia seu fides, est caput & gloria nostra coram Deo, quod synceriter (ut Paulus) viximus in hoc seculo, nulli dantes offensionem, sed exhibuimus nos sicut Dei ministros, tam doctrina quam vita. Quia Diabolus & mundus, nostram doctrinam student seditiosam & hæreticam facere, vitam vero impiam & licentiosam. Ideo sic est docendum & vivendum prudenter, ut nulla justa causa nec doctrinam nec vitam possint reprehendere, At si reprehendant mendaciter, confundantur in tempore inspectionis, sicut Petrus dicit, Vt si detraxerint vobis tanquam malefactoribus confundantur. Item Paulus Tit. 1. Verbum sanum & irreprehensibile, ut adversarius nihil habeat contra nos. Hoc est igitur prudenter docere & vivere, ut in conscientia nostra nulla sit culpa, si Mundus & lupi nos damnarint, vel occiderint. Deinde simplicitas est docere & vivere, utrisque scilicet bonis & malis indifferenter, sine spe gloriæ, & sine cupiditate vindictæ.

*Cavete autem ab hominibus.*

Mira est ista admonitio, ut ab hominibus caveamus. Quid igitur sunt homines? An sunt dæmones? Respondetur, in ista causa scilicet Evangelij, prorsus nude fidendum est soli Deo. Quia omnis homo mendax, solus Deus verax. Eo quod omnis homo sit mutabilis &c. Sicut Psal. 147. dicit, Nolite confidere in principibus, in filio hominis, in quo non est salus. Quia hoc habebitis in hominibus, quod si hodie favent, cras persequentur, Nusquam tuta fides, ait etiam ipse hominum poeta. Lupi sunt, ideo sic parate animum, ac si soli essetis in mundo, tanquam oves in medio luporum. Si aliqui vos audiunt, erunt oves nobiscum, de reliquis cogitate, eos esse lupos,

*Psal. 116.*

*Psal. 147.*



lupos, Et eos maxime, qui sunt homines (id est, sapientes) Nam Emphasis est, in vocabulo, hominibus, Qui sunt, non stulti, sicut fideles & simplices sunt, sed Homines, id est, sapientia humana pollentes, qui vel contemnunt fidei doctrinam, vel simulant sese credere. Nam hi oderunt semper prædicatores, præsertim si veritatem eis dixeris, Sicut Herodes Iohannem, Ideo illi ipsi sunt, qui tradent vos & flagellabunt vos, & ante Reges ducent, Et quo magis sunt homines, id est, præ cæteris sapientes, iusti & boni, hoc magis facient. Quia iusticia, sapientia, religio hominum impatientissima est iusticiæ, sapientiæ, religionis divinæ. Ideo nolite eis fidere, etiam si fingant sese fratres & amicos. Erunt enim inter vos falsi quoque fratres, Apostoli, Prophetæ, scilicet vestri acerrimi hostes. Docete ergo nude in fiducia Dei,

*Cum autem tradent vos, nolite cogitare, quomodo & quid loquamini. Dabitur enim vobis in illa hora, quid loquamini &c.*

Et est iterum prohibitio contra fiduciam, Q. d. Fortasse solliciti eritis, quid responsuri sitis, & ideo meditatas parabitur orationes in corde sic & sic dicturi &c. Sed nolite ista curare. Primum docete verbum vobis mandatum, quod habetis & datum est vobis. Deinde ponite sollicitudinem, quomodo respondeatis vel accusatoribus vel calumniatoribus. Hic dabitur vobis os & sapientia, cui non possint contradicere omnes adversarii vestri. Ratio huius consilij est hæc. Quia Satan est mille Artifex, semper novas subinde calumnias inveniendi, ut nulla Regula certa possit ullus Prædicator satis muniri, quid, vel quomodo sit respondendum. Quia paratus est semper ex quolibet verbo novas depravationes torquere, & est ejus malitia infinita, & ita fit, ut præmeditata omnia frustrentur, & aliud veniat in accusatione quam putassemus. Ideo opus est præsentem Spiritu sancto, qui istum Vertumnum & Proteum capiat, vel saltem ab ejus versutijs tutos servet, ne nos capiamur.

Nostro seculo Exempla sunt, multi vafri & pestilentes homines, qui omnia sua pessima dicta & facta, pulcherrimis in speciem artibus, & miris figuris sciunt ornare & cohonestare. Econtra aliorum benedicta & facta eisdem artibus calumniari, ita ut non solum auditor, sed etiam ipse reus pene cogatur causam suam suspectam habere. Quare omnino impossibile est eorum calumnias prævidere, & frustra sollicitus & anxius est, qui tentat eas præcavere. Spiritus præsens ille dissolvit istas infinitas & semper novas subscatentes calumnias, & confutat, ac nos ab eis liberat. Est igitur hic locus diligenter observandus, quam grande sit officium docendi contra ista monstra. Ideo in fiducia Christi & humilitate seu desperatione propriæ virtutis hic agenda sunt omnia, prorsus in eum rejecta sollicitudine, quia ipse promittit, dicens Spiritus Patris vestri est, qui loquitur in vobis. Quare hic solidam consolationem habemus, quod promissione divina certi sumus, calumniatores (sint etiam mille figuris astutissimi & speciosissimi) non proficere, Sed eorum insipientia tandem nota fit cunctis hominibus, ut Paulus ait, Quia Spiritus adest Patris nostri. Sic Christus semper vicit astutissimas Phariseorum machinas, Petrus suum magum Simonem, Paulus suos Pseudoapostolos.

*Tradet autem frater fratrem in mortem, & Pater filium, Et insurgent filij in parentes, & morte eos afficient.*

Sequitur insigne illud scandalum, quod etiam est docenti superandum, & tum fiducia contemnendum, scilicet quod in ista causa, etiam summi gradus Amicos habituri simus inimicos, nempe Fratres, Patres, Sorores, Filios, Vxores. Quæ, rogo, spes pacis & amicitia? ubi proximi & isti domestici sunt hostes nostri, nempe Pater, Mater, Frater, Filius, sicut ex Michæa dicit paulo post Christus, Inimici hominis domestici ejus. Ideo bona est consequentia, Si pater, mater, frater, filius oderunt & occidunt, quanto magis omnes alij. Hinc dicit.

*Et eritis odii omnibus hominibus propter nomen meum.*

Significat enim omnes homines, id est, omnis generis & ordinis homines plane omnes.

Propter nomen  
meum.

ne omnes, qui non credent vobis. Nam credentes sunt de corpore vestro, ideo vobiscum pariter odio erunt, Et hi ex singulis hominum generibus eliguntur, sed pauci. Et norandum, quod dicit, propter nomen meum, Non dicit odio habebunt vos propter stupra, homicidia, furta, & similia mala, quæ non inveniunt, Sed propter summa bona, propter summam virtutem, propter veritatem, propter iusticiam, propter vitam æternam. Summa, propter nomen meum, id est, quod de me prædicatis & docetis. Ego sum causa vestrorum malorum & tribulationum. Si me tantum negaretis, & deinde in odiū mei consentiretis, essetis sancti & laude dignissimi, etiam si occideretis omnes Sanctos meos, si omnia bona raperetis, si omnibus malediceretis, denique si me ipsum crucifigeretis. Si de mundo essetis, mundus, quod suum est, diligeret, Sed quia de mundo non estis, sed ego vos elegi de mundo, idcirco vos odit mundus. Omnes sunt impeccabiles seu ἀσμεμαρτοι, qui vos oderunt, Soli vos estis peccatores.

Sic hodie Papistæ contra nos furentes, quicquid faciunt, etiam contra suos Canones, nedum contra Deum, hoc nihil est, imo gloria est. Sed virtus virtutum est, nos odisse, occidisse, fugasse, nulla culpa stupri, homicidij, furti, sed quia nomen Christi prædicamus. Pertinet igitur & hoc ad consolationem nostram, & ad audendum & ad animum erigendum, quod certi sumus, Christum esse causam nostræ tribulationis, ut Paulus ait, Gloria nostra hæc est, testimonium conscientiæ nostræ, quod in synceritate & veritate, in hoc mundo conversati sumus, id est, quod sine causa patimur. Nulli enim nocuimus, imo cunctis profuimus, mala pro bonis accepimus. Quia propter nomen Christi odio habiti sumus.

*Qui autem perseveraverit usque in finem, hic salvus erit.*

Ideo concludit, Quod in tantis scandalis, tribulationibus perpetuis, firmandus sit animus ad perseverantiam. Quia in principio videtur etiam carni doctrina Evangelij amabilis, & multi eam amplectuntur spe gloriæ, divitiarum, favorum, qui pietatem esse quæstum putant, Sed ubi sentiunt nihil nisi odia, persecutiones, tribulationes pro mercede reddi, deserunt & fiunt plerumque etiam hostes. Vult ergo dicere Christus, Multi incipient, sed pauci perseverabunt. Quia incipiunt affectu carnis, id est, quærent, quæ sua sunt, non quæ Dei sunt, ideo quando illa non succedunt, mutantur & non perseverant. Quare beati qui perseverant, quia isti soli salvi fient. Huc adduci potest Parabola de semine, inter petrosa seminato, & inter spinas suffocato. Quia hilariter incipiunt, sed inter spinas suffocantur, Vnde dicitur Proverbio. *Principium fervet, Medium tepet, Finis abhorret.* Sic est in omnibus vitæ generibus. Luce 8.

*Cum autem persequentur vos in civitate ista, fugite in aliam.*

Perseverantia  
periculosa.

Aliud consilium & consolatio, Si diceretis, Quid si nobis non licet perseverare, eo quod nolint nos ferre in sua ditione. Respondet, Hoc non impedit perseverantiam, Quia non de perseverantia locali loquor, sed de perseverantia spirituali, Id est, ut non frangatur animus vester ad cessandum & deserendum Verbum & officium. Sed perseverate & docete, si non in hoc loco, saltem in alio, Tantum vos durate nec desinite docere. At iterum dices, Quid si nullo loco liceat, sed ubique ejiciamur in toto Mundo, ut non possimus perseverare &c. Respondetur, Nolite solliciti esse, Antequam id eveniet, ut nullus locus amplius sit verbo, Ego adero meo adventu. Erit igitur semper locus, ubi doceatis, donec ego veniam, Tantum vos perdurate, & salvi eritis, Non expeditis civitates Israel omnes, quin Filius hominis veniat &c.

*Non est discipulus super Magistrum, nec servus super Dominum suum.*

Huic consolationi addit duas Similitudines, de Discipulo & servo, Vt his duobus Exemplis ob memoriam fixis, eo alacriores sint, ad ferendas persecutiones.

Es

Es muß ja ein schändlicher Schelm seyn / der seinen Herrn ließe im Dreck liegen / vnd er wolt die weil im Bett schlaffen oder hinter dem Ofen sitzen / Q. d. Cogitate vel hoc tantum, quod Ego sim magister & Dominus vester, Et statim dicet vobis cor vestrum, impulsu animoso, Si Dominus meus pro me in ista causa crucifixus est, quid me vilissimum servum non oporteat pati? Cur mirer mihi accidere aliquot mala, cum Præceptorum meo tot contigerint? Causa est optima propter quam patior, Exemplum est incomparabile, ad quod ego patior. Quod si spectem, Quis sit ille, Quis ego, Quid ille, Quid ego patiar, iam mea passio, meræ deliciae, imo nihil est reputanda. *Schweig stille / du Knecht vnd Junger / von deinem Leiden / Sithe / was leidet dein Herr vnd Meister /* Pudenda est passio nostra, ad illius passionem collata. Magnus est ergo, in ista relatione Domini & servi, Magistri & discipuli, impetus & Energia ad consolandum & exhortandum.

Sunt ergo istæ sententiæ tanquam proverbialia, in ore & corde ministrorum versandæ, Vt, si quid acciderit propter Verbum, in promptu dicant, Discipulus non sit super Magistrum, nec servus super Dominum. *Bin ich Knecht / warumb sol ichs besser haben denn mein Herr?* His igitur dictis reddit Christus suos ministros, contra omne malum invictos, superbos contemptores, lætos, irrisores Diaboli, mundi & omnium malorum. Ratio est, Quia si ulli Sanctorum debita fuit reverentia & honor, ipsi Patrifamilias & Sancto sanctorum debebatur Christo, Sed huic non solum non est exhibita, verum etiam vocatus est Beelzebub, Quanto magis Domesticos sic vocabunt. *Wenn der Hausherr veracht ist / so wird sein Gesind nicht viel gelten / Wer den Fürsten schmehet / der wird seine Amtleute nicht hoch ehren.* Sed non impune ferent, Ideo concludit,

*Ne ergo timueritis eos. Nihil enim opertum, quod non reveletur, nec occultum, quod non sciatur etc.*

Hic incipit alia consolatio, quæ est, quod illorū furor non sit futurus perpetuus, Sed suo tempore vindicabitur, nec eritis vos inulti, sicut non etiam sine præmio, interim, dum vos vexant, tacente Deo, putant hoc ipsum Deo absconditū esse et oblivioni traditum, *Was sie böses thun / meinen sie / es werde niemand straffen / vñ sol also vergessen vnd vngerochen bleiben / als das verborgen / so nimmer ans Licht kommen werde.* Sicut Psalm. 83. Quomodo scit Deus? Non intelligit Deus Iacob, *Nein / Gott weiß nichts drum / er acht unsers nitens nicht /* Et Habacuc. 3. Latatur, sicut qui devorat pauperem in abscondito, Imo non solum sperant impunitatem, sed tantum operculum & absconsum habent, ut putent se obsequium præstare Deo. Huiusquam secure gloriantur sub isto operculo, quod ipsi Ecclesia vocantur & vos hæretici, ipsi benefaciunt vos occidendo, vos merito patimini, qui occidimini. Sic in abscondito gloriantur, sed veniet dies, qui operculum istud tollet, & ostendet eos sub operculo iusticiæ fuisse horribiles abominationes. Hoc est, quod dicit, Nihil opertum, quod non reveletur, Q. d. *Lasse sie sich schmücken vnd tünchen / lasse sie rühmen / daß sie Gott dienen / vnd Ecclesia heißen / Lasse sie euch leßern / Ich wil den Schmucl zur zeit wol auffdecken / daß alle Welt sie sehen wird /* Vt Paulus. Insipientia eorum manifesta erit omnibus hominibus. Quod dicit, Manifesta, significat eam fuisse & esse ad tempus absconditam. Sic hodie Papæ abominationes, sub abscondito proprietate adoratae nunc revelantur esse Diaboli abominationes.

Vos contra facite, Illi celant sua monstra & abscondunt specie externa, At vos palam docete, etiam quæ intima sunt, ut non fucum faciatis, sicut illi, ut sitis tales foris coram hominibus, quales coram me estis intus. Ita fiet, ut cum revelata omnia fuerint, vos inveniamini veraces intus & foris, Sicut illi inveniuntur ubique fuisse mendaces tam coram me & mundo. Hoc est, quod dicit, loquimini in luce, quæ auditis à me in tenebris, Id est, Nolite vos confundi, docete aperte ea, quæ secreto audistis, sicut illi, qui simulant foris ea docere, quæ intus audiunt à suo Satana, Ideo coguntur interna sua mendacia foris ornare specie veritatis, religionis, Eccle-



*Mendacium  
tandem detegi-  
tur.  
Hypocritarum  
fuit.*

siz, Sed frustra, quia mendacium tandem revelatur. Sciunt mendacia sua interna foris non valere, nisi operta vocabulis & operculis istis, Veritas, Ecclesia, iusticia, &c. Ideo abscondunt mendacia sua, sub titulis istis. Vobis autem non est opus talibus hypocritarum fucis, si tales fueritis foris, quales estis intus, Id est, Si cum Paulo docueritis tanquam coram Deo, & in Christo, sincera conscientia, nec aliud sentientes in animo, quam dicentes in Verbo.

*Et nolite timere eos, qui occidunt corpus, Animam autem non possunt occidere, sed potius timete eum, qui potest & animam & corpus perdere in gehennam.*

*Consolatio con-  
tra mortem.*

*Corpus occidere.*

Ultima fere consolatio est contra mortem. Hic jubet contemnere Homicidas nostros superba fide in Deum, Et valde extenuat & vilem reddit Mundi furorem & vim, quasi irridens eorum ferociam, dicit, Quid, rogo, possunt, qui vos occidunt &c. Scilicet corpus occidere possunt, quod per se erat moriturum. Grandis vero potentia, occidere id, quod jam moriturum est, ac plane jam mortuum est. Quis tales occisores formidet, qui non vitam tollere possunt, sed tantum accelerare mortem, ac mortem solum istius partis, quæ alias moritur? Nolite ergo timere eos, quia animam non possunt occidere.

*Fideles non pos-  
sunt occidi.*

*Animam vitam  
est corpus.*

Hic locus consolatione plenus est, & observatione dignus, scilicet quod Christus hic aperte cõfiteretur, suos fideles vivere, nec posse occidi in æternum, etiam tunc, cum corpore occiduntur. Vivit, inquit, anima vestra, imo vos vivitis etiam in ipsa occisione corporis vestri, Quia animam, inquit, non possunt occidere, At anima est vita corporis. Quid ergo possunt occisores? Animam, id est, vitam separare possunt à corpore, sed occidere plane non possunt, Velint, nolint, anima vivit, nec occidi potest. Sicut si Cæsar morte civili occidat civem (ut Ovidium) id est, in exilium mittat, Hic non occiditur persona secundum substantiam, sed secundum corpus, id est, secundum conversationem politicam, id est, separatur à domo, conjugē, liberis, amicis &c. Domus est mortua ei, non ipse civis, domus est deserta, sed ipse vivit. Sic Paulus dicit se cupere peregrinari à corpore & esse cum Domino, id est, vel le esse corpore mortuus, & cum Christo secundum animam vivere.

*Abel occisus  
vixit.  
Abraham  
mortuus vivit.*

Quomodo vero ista vita sese habeat, occiso corpore, credi potest, comprehendendi non potest, nec debet, sufficit scire, nos vivere, etiam occiso corpore, Quomodo autem vivamus, nunc ignoramus. Quia ista vita est in Deo abscondita, sicut Abel vixit occisus, & Cain vivum accusavit, Sic Abraham vivit mortuus Matthæi 22. Quia non est Deus mortuorum, sed vivorum, omnia enim ei vivunt, Ideo & nos cum occidimur, tamen ei vivimus. Quæ cum ita sint, cur timemus mortem, nos qui mori non possumus. Sed necessario immortales sumus? Et homicidæ nostri aliud non possunt, quam animam, id est, vitam nostram separare à domo sua, scilicet à corpore & expellere ex hoc mundo tanquam ex carcere, in locum suum, ubi in Deo semper vivit. Quare superbi estote & medium digitorum ostendite istis vestris occisori- bus, qui minantur plusquam possunt, scilicet mortem, cum tamen non possint mor- tem inferre, nec vitam auferre, Sed tantum vitam transferre in aliam domum. Hic inferenda sunt exempla & dicta Sanctorum, qui mortem riserunt, Vt Vincentius, S. Agatha, Anastasia, Lucia, S. Vincentius enim ridens occisores suos, dixit, Mortem & cruces Christianis esse quædam iocularia & ludicra, Et super prunas incedens gloriabatur se super rolas ire. S. Agatha ad epulas & nuptias ire se dixit, cum ad car- ceres & tormenta iret. Sic multi alij.

*Vincentius,  
Agatha,  
Anastasia,  
Lucia & c.  
Christiani sunt  
ioculares.*

*Timor occiso-  
rum ex larva  
veram mortem  
facit.*

Miscet huic consolationi minas dicens per concessionem, Finge quod ti- mendum sint occisores corporis & eis cedendum, Quid prodest iste timor? Imo quid non noceat? Primum ex larva mortis veram mortem facit, Et ex occisione corporis, occisionē animæ infert, Et sic ex momentanea & simulata morte, æternam & veram mortem facit. Ideo consulo vobis, ut aversis ab occisore tyranno oculis, illum inu- amini, qui utrumque occidere potest in æternum. Si hunc spectetis, nihil erit in oculis vestris

vestris ille larvatus & nomentaneus occisor. Sic S. Polycarpus dixit suis tortoribus, Iste ignis extinguitur (quo comburebatur) sed ille futurus non extinguetur &c. Ideo cum causa vera sit iusta, Deum propitium habeatis, & vita vestra certissima aeterna sit, fortes & contemptores, ne causa negata Deum iratum & aeternam mortem invehiatis. Quid enim occisores illi prodesse possunt, si ipsorum gratia, Deum offenditis, cum nec vobis nec sibiipsis unum vitae momentum possint præstare, Sed omni momento vita tam corporis quam animæ vestræ, in solius Dei manu sit sicut & illorum.

Cur ergo illum offendetis æternum vivificatorem & mortificatorem, propter istos ad momentum interfectores & nullo momento vivificatores? Sic legitur de quodam, qui cum quadraginta Martyribus passus, in fine defecit & negavit, sed mox post negationem in spiritum emisit. Sequitur in eadem consolatione contra mortem alia consolatio contra scandalum, quod tam viliter moriuntur & occiduntur Christiani, quasi Deus nihil adeo negligenter curet atque suos Confessores. Quia finit eos non solum occidi, sed etiam in confusione occidi, latantibus florentibus, insultantibus occisoribus. Huic scandalo occurrit dicens,

*Nonne duo Passeres asse veneunt, & unus ex illis non cadet super terram sine patre vestro.*

Quasi d. Apparet vos similes esse passeribus ad occisionem & sacrificia natis & traditis (Sicut in Psalm. 44. etiam dicit, Estimati sumus oves occisionis) cui vilissime occiduntur. Sic & vos vilissime mactamini, Et estis etiam plane illis similes, Sed ecce, Nisi Deus Pater vester ita velleret, non posset unus passer ab omnibus hominibus capi, multo minus occidi, Sed quia Dei voluntas est, qui tradit passerem, ideo capiuntur &c. Si ergo Deus etiam passerem singulos sic numerat & curat, ut nisi ipse velit, ne unus quidem caperetur, quanto magis vos non solum homines, sed etiam meos servos & credentes, certissime numerat & curat, Et nullum vestrum finit affligi, sine certa scientia & voluntate sua, Licet appareat vos nescire & negligi ab ipso. Certe qui passerem unum vilissimum non negligit, multo minus vestrum aliquem negligit.

*Vestri autem & capilli capitis omnes numerati sunt.*

Imo amplius dico, Non solum vos estis apud eum numerati & curati, sed etiam omnia membra, omnes digiti, omnes articuli denique ipsi ungues, & (quo nihil est in corpore vilius, & plane pars mortua corporis) ipsi scilicet capilli, capitis vestri, omnes sunt numerati, & ne unus quidem à Deo neglectus aut ignoratus. Vere magnifica est ista consolatio, & magna amplificatione exaggerata, Quod non solum corpus & anima cum partibus & membris omnibus, sed etiam singuli capilli sic numerati sunt, ut Diabolus & mundus ne ullum capillum nobis auferre possit sine voluntate Patris nostri, Sic dicimus germanice *Nicht ein Haar frammen* / O ineffabilem curam talis Patris, O miserum & impotentem Diabolum, qui nec unius pili potestatem habet in corpore fidelium, O maledictam nostram incredulitatem, qui talia tam opulenta, tam magnifica Dei promissa non credimus. Quis locus timoris, solitudinis, tristitiæ, relinquitur etiam in medio inferno, ubi ista creduntur? Hoc est cum Paulo superbire & dicere, Si Deus pro nobis, quis contra nos? Sic oportuit exhortari & animari pavidas oviculas, quæ in medium Luporum mittuntur, Sic infirmos peccatores inflari, qui Diaboli & mundi regno erant subversuri Mortem, peccatum & omnia mala conculcaturi & victuri, & vitam æternam allaturi &c.

Cum ergo certum sit, quod certa scientia & voluntate Patris patimur quicquid patimur, debemus hilari & lato corde istam paternam voluntatem amplecti, & magnificam istam paternamque Dei curam opponere omnibus malis & quantumcunque vilibus passionibus, Imo absorbere & velut scintillam immergere omnes tribulationes, in isto mari infinitæ charitatis & curæ Dei erga nos, & cum irrisione dicere.

*Nolite ergo timere, multis passeribus meliores estis vos.*

*Passeribus meliores.*

*Minus dicitur, Majus significatur.*

Videtur autem parum dicere, quod suos Sanctos non amplius laudat, quam quod sint multis passeribus meliores. Quasi non sit unus homo etiam impius multo melior quam omnes passeris in mundo. Sed est intelligendum verbum Christi figurate, quomodo dicitur minus & significatur majus, si dicas, Lieber / Es ist S. Petrus wol so gut als ein Sperling / Item / Der Keyser hat wol ein pfennig als du armer Bettler. Qua figura significatur, Comparisonem esse porus indignam. Ut quia indignum est, passerem comparari hominibus, dicit Christus. O lieber / Ich werdet mir ja besser seyn denn ein Sperling / ja viel Sperling / Q. d. Nulla est comparatio vestri ad omnem mundum, quanto magis ad passeris. Sic ex effectu loquentis ista figura Verbi est pensanda, non ex literis & re significata. Significat autem Christus scilicet maxime eos curare, dum passeris tam viles non sine cura suscipiuntur.

*Omnis ergo qui confitebitur Me coram hominibus, confitebor & Ego eum coram Patre meo, qui in caelis est.*

*Gloriosum primum.*

Alia consolatio ex premio, sane glorioso & magnifico, Ecce, inquit, vos facitis opus parvum scilicet confitendo Me coram hominibus & estis predicatoris mei coram paucis & in angulo & creaturis modicis in terra. Ego vero vice versa ero Confessor & predicator vester in Coelo coram Patre & Angelis. At quanto gloriosius est à Christo in coelo, coram Patre & Angelis predicari, quam à nobis peccatoribus, in terra, coram hominibus predicari. Cogita hic singula per amplificationem, quanta sit differentia inter Christum, qui nos predicat, & nos, qui Christum predicamus. Et quæ differentia inter locum predicationis, id est, inter coelum & terram, Et quæ differentia inter auditores scilicet inter Deum & Angelos (qui Christum audiunt de nobis predicantem) & homunculos, qui audiunt nos de Christo predicantes. Nos igitur predicamur in gloria à Christo, Christus autem predicatur in loco confusionis à nobis vermibus. Quis igitur gloriam & consolationem istam ministrorum Christi satis magnifice extollet aut intelliget? Quis non ardeat & præ læticia cupiat non solum confiteri, sed etiam mori in confessione Christi? Inestimabilia sunt, quæ hic loquitur Christus ad confortandos suos. Quia novit infirmitatem nostram, & magnitudinem persecutionis in Mundo, carne, Diabolo, Ideo sese tota maiestate opponit huic vexationi, Et se predicatorem nostri, Patrem & angelos auditores, coelum locum seu Ecclesiam predicandi, jactat.

*Qui autem negaverit me coram hominibus, negabo & ego eum coram Patre meo, qui in caelis est.*

Econtra, quid potest etiam horribilius dici contra negatores Christi in hoc hoc mundo? Ipsi negant Dominum gloriæ in angulo, coram paucis hominibus, Ipse contra eos negat coram Patre & angelis, in latissimo coelo. O quam inæqualis negatio, negator, locus negandi & auditor negantis. Nostra negatio illi non nocet, auditores negantium non profunt, locus negationis perit. At illius negatio perdit nos in æternum, & reddit offensum Patrem, angelos, coelum & omnes Sanctos & omnes creaturas, Sicut Paulus, Si nos negaverimus, ille permanet. Quid ergo est, quod propter homines negemus Christum, id est, accusatorem Christum constituamus, cum per confessionem possimus eum habere predicatorem nostri. Hæc tamen sunt intelligenda ad correptionem, non ad præsumptionem, aut desperationem. Non enim hoc vult Christus, quod si aliquis neget eum, sit in æternum irreparabilis, Sed hoc vult, quod si quis perseveret negando, Ipse etiam perseveret negando. At si quis à negando revertetur ad confitendum, ipse etiam revertetur ad confitendum & e contra. Sicut S. Petrus à negando reversus est ad confitendum, & multi alij sancti Martyres, Tantum ne perseveremus in negando. Sicut e contra multi à confitendo revertuntur ad negandum, quod etiam nostro seculo multis exemplis videmus, Et Psalm. 18. Cum sancto sanctus eris, cum perverso perverteris.

*Negare Christum est constituere Christum accusatorem.*

*Hæc dicuntur ad correptionem.*

*Nolite*



*Nolite arbitrari quia venerim pacem mittere in terram.  
tere in terram, sed gladium.*

*em mi-*

Sequitur admonitio contra molliculos & delicatulos martyres, qui Evangelio quaerunt Gloriam opes, gratiam, pacem & quietem carnis & mundi. Sed plurimi attingunt Evangelium, *da es michi ist* / Scilicet libertatem carnis quae & sibi bene fieri volunt, sed benefacere & mala pati nolunt, Ideo Christus hic probat hanc carnalem libertatem, & docet nos intrinsece coram Deo pacem, gloriam, opes habere, foris vero in mundo gladium, id est, persecutionem & bellum &c. Quasi dicat. Ad hoc parate animos vestros, & nihil certius expectate, quam ubi ceperitis docere Evangelium, mox surget contra vos bellum & gladius, Sicut & David canit Psal. 120. Ego pacificus, sed cum loquebar, impugnabant me gratis, Et Psal. 119. Principes persecuti sunt me gratis, A verbis tuis formidavit cor meum, Et Psal. 116. Credidi propter quod locutus sum, ideo humiliatus sum nimis, id est, multa passus &c.

*Evan-  
hodie*

Et notandum, quod verba Christi sonent valde seditiose, quod gladium dicit se mittere in terram, Quis feret talem Praedicatorem? Sed Christus loquitur de gladio passive, non active, id est, non dat nobis jus gladii ad occidendos alios, sicut Mahomet gladium arripuit & dedit, sicut & Papa arripuit ipse, & Caesari dedisse vult videri. Non sic Christus, sed passive vult intelligi, Gladium mittit, scilicet contra nos, non pro nobis, ut ipsi gladium pati cogamur. Per gladium autem intelligit omne genus persecutionis.

*Christus de gla-  
dio passive non  
active loquitur.*

At dices, Nihilominus seditiosi estis eo, quod concitatis principes ad gladium contra vos, Nihilominus efficitis turbas in Regnis & populis, & pacem mundi tollitis per Evangelium, quae tacito Evangelio bene maneret, Nunc quia invaditis religiones, cultus deorum, justicias operum & perturbatis omnium corda, nova doctrina &c. sicut illi Acto. 16. Illi qui conturbant totum orbem, etiam huc venerunt, & Ahab ad Eliam, Tu es conturbator Israel, vere turbatis pacem. Respondetur, Hoc vult hic Christus, Hoc jubet facere, Hoc gloriamur fieri per nos, ac gladium isto modo mittit Christus. Sic Paulus 2. Corinth. 6. gloriatur in seditionibus, non quas movet, sed quas patitur, ob Evangelium per alios motas. Sic Christus crucifigitur ut seditiosus, accusatur perturbator populorum à Galilæa usque ad Ierusalem, Sed cujus vitio ista seditio movetur? Non nostra neque verbi culpa. Sed mundi, carnis & Diaboli, qui Verbum pacis, vitae & salutis non volunt audire. Sed accepto gladio tentant eradicare. Eradicari autem non potest, quia est verbum Dei aeterni, & illi non possunt quiescere, necessario exoritur tumultus scilicet illorum persequentium & occidentium, istorum autem patientium & morientium, Sic S. Stephanus Acto. 7. gravem seditionem movit inter Iudaeos, nihil faciens aut dicens mali, sed tantum bona, quae illi ferre non potuerunt.

*Paulus gloria-  
tur in seditioni-  
bus 2. Cor. 6.*

*Stephanus mo-  
vit seditionem.*

Confortat ergo nos Christus adversus istas vociferationes & insanos clamores insipientium hominum, qui jactant, Pax turbatur, mundus movetur, homines confunduntur animo & mente. Religio ruit, cultus Dei destruitur, obedientia legitima solvitur, Et, ut dicunt, Was ist guts aus dem Evangelio kommen? Worhin war es alles besser. Certè gravissimae sunt istae calumniae, & clamores valde molesti. Sed jubet nos Christus eas cum fiducia contemnere & ridere, & dicere, Tu queres quod per Evangelium nostrum mundus tumultuatur. Respondetur, Deo gratias. volui fieri, Et o miserum me, si non fierent talia. Si enim in pace susciperetur, tunc Haec non esset Evangelium verum, Quia Christus dicit, se mittere gladium in terram, dum Evangelium mittit.

*Contra scandalum turbatae pacis propter Evangelium.*

Aliter etiam intelligitur gladius figurative seu metaphorice hoc loco scilicet, quod gladius significet divisionem. Quia ut sequitur, Christus per Verbum suum dividit Patrem & filium, matrem & filiam, Sicut gladius ad litteram dividit, sic verbum Christi spiritu dividit. Pulchra sententia, Tamen coincidit tandem in

*Gladius, Divisio cordium.  
Verbum Christi spiritum dividit.*

idem. ¶ rdibus venit ad gladium, id est, persecutionem, Sicut supra dixit. mortem parentes tradent. Ideo gladius figurativus est causa gladij orans, quem concitat contra Evangelium, sua divisione, Sicut mox quoq; dicitur. iici hominis domestici ejus. Cordibus enim odio accensis, est aliud nihil quod homicidio esse repletos, quod opere perficiant ubi poterunt. Vt Iohan. ait, ¶ fraterrem suum homicida est.

¶ isti duo sensus possunt distincte in vernaculo dici, scilicet per articulum Das & n. Si enim dicas, Das Schwert / germanice intelligitur gladius corporalis certus. Si autem dicitur, Ein Schwert / Significatur aliquis gladius, sed indefinitus & incertus, quasi sine articulo. Tamen magis proprius sensus ad Christi intentionem est iste posterior, licet priorem secum afferat in necessaria consequentia. Sic alibi enim simili tropo dicit. Ignem veni mittere in terram, id est, dissensionem. Et Lucas ibidem clare loco gladij ponit, separationem, dicens, Putatis, quia pacem veni mittere in terram, non dico vobis, sed separationem. Ita quod Matthæus dicit gladium figurative, hoc Lucas dicit separationem, sine figura. Sicut econtra Lucæ II. scribit Christum ejicere dæmonia in digito Dei figurative, Hoc Matth. 12. dicit in spiritu Dei sine figura. Prior tamen sensus non est rejiciendus, eo, quod valde consolatorius est contra horribiles vociferationes insensatorum & furiosorum, qui Evangelio imputant suum furorem ut supra, Et maxime, quod Christus dicit sese habere istum gladium in manu sua, Nec posse Diabolum contra nos quicquam, nisi ipse mittat & ordinet, Vt certi simus, non tentandos nos esse, secundum odia hominum & furorem Diaboli, sed secundum bonam voluntatem Dei.

*Veni enim separare hominem adversus Patrem suum, & filiam adversus matrem suam &c.*

Mira est autem ista separatio, quæ non solum videtur esse seditiosa (ut dixi) sed etiam sacrilega & impia, quia contra 4. Dei præceptum. Sic enim oportet doctrinam Christi scandalosam videri, tam contra Deum, quam contra homines, Vt sit maledictum & abominatio mundi, sicut Psalmus dicit. Opprobrium hominum & abjectio plebis. Igitur Deus præcipit, Filius obediat Patri, filia matri, nurus socrui, familia hero. Contra Christus dicit, Filius debet resistere patri, filia matri, nurus socrui, familia hero. Nonne hoc est solvere obedientiam filiorum & obedientiam familie, & per consequens tollere oconomiam & politiam, ut religionem taceam? Allegat autem tacite Micheam Prophetam Cap. 7. qui dicit sic, Inimici hominis domestici ejus. Respondetur autem, quod prima tabula est supra secundam tabulam, & Deus supra creaturas. Igitur quando casus venit, ut vel Deus negandus sit, vel creatura. Tunc potius neganda est creatura. Ideo cum secunda tabula præcipiat de creaturis, cedere & omitti debet, quando contra primam tabulam pugnat.

Hæc observanda sunt contra nostros hodie Diabolos, qui clamant, Ecclesiam & Magistratum esse audiendum, supra & contra Scripturam & verbum Dei, ut omnes Papistæ hodie vociferantur. Horribilis est iste furor, præferre secundam tabulam primæ, & hominem seu creaturam Creatori, & docere, quod Ecclesia sit audienda, etiamsi manifeste contra verbum Dei præcipiat, &c. Sed rata est sententis, Deo magis obediendum quam hominibus. Et hic Christus, Ego filium contra patrem separabo, id est, Ego volo præferri etiam parentum obedientiæ, & omnium Regum præceptis, &c.

*Qui amat patrem aut matrem plus quam Me, non est me dignus.*

Vis est in vocabulo (plus) Quia per hoc non tollit, sed confirmat auctoritatem Parentum, scilicet sunt diligendi & colendi Parentes, Sed non plusquam Ego, Si causa verbi veniat, posthabendi sunt parentes, Citra vero eam causam, simpliciter sunt honorandi parentes. Est autem scandalosa doctrina, primum quod filij per sese sunt parentum contemptores & osiores, Quanto magis prætextu huius doctrinæ jam magis odient parentes, dicendo, Cogor Christum plus diligere quam parentes,

Ex. 12. 10.  
Gladium separatio.

Scandalum doctrinæ Christi.

Prima tabula præferenda secundæ.

Potestati non obediendum contra Deum.

Verbum præferendum obedientiæ parentum.

Lucæ 10.

Lucæ 11.  
Matth. 12.

Psal. 12.

Mich. 7.

rentes, Quemadmodum sub Papatu hoc scandalum causa fuit tot monasteriorum, ubi invitis parentibus, in claustra currebant, tanquam ad Christum.

Sed hoc est longe gravissimum, quod his verbis Christus sese aequiparat Deo. Quia dicit, Parentes esse odio habendos propter ipsum, sed solius Dei est ista gloria, ut præferatur parentibus. Ipse enim solus, qui iussit obedire parentibus, solve-  
re potest obedientiam istam. Ergo hic Christus sese Deum ostendit, quod fuit Iudæis horrendum audire. Nam Prophetæ non sic sunt locuti, nec ausi sese præferre parentibus vel magistratibus, Sed Deum prædicabant esse præferendum omnibus, se ipsos autem ministros jactabant. Sicut & Apostoli, præsertim Paulus, qui dicit, se prædicare Iesum Christum, non seipsum, Quæ omnia verba significant, Hominem illum crucifixum esse verum Deum. Hoc est scandalum scandalorum apud Iudæos & omnes gentes, *Noch gehets durch vnd muß so bleiben ewiglich*/quod propter ipsum, sicut propter verum Deum omnia sunt posthabenda, & ipse super omnia, sicut Deus verus extollendus. Sic sub humilibus verbis, Majestas illa sese infinita insinuat credentibus, Impij hæc surda pertranseunt aure. Sequuntur jam septem Propositiones de jam dicta maiestate divina Christi.

*Christo debe-  
tur obedientia  
supra parentem.  
Ergo est Deus.*

Subjicit sibi filios, ne plus diligant Parentes quam se, Et hæc merito prima est. Quia ista jactantia est summa in mundo, Patres, Patres, Majores, Magistratus, Ecclesia, Sic sic crediderunt illi, sic vixerunt, Et non fuerunt fatui, Præsertim filij Iudæorum, qui lege Mosis confirmati sunt in hac sententia. Ideo & Psal. 45. prophetat, Audi filia, & vide, inclina aurem tuam, obliviscere populum tuum & domum Patris tui &c. Hoc ergo Argumentum maximum, quod non licet recedere à Majorum præceptis, ab Ecclesiæ traditionibus, à consuetudine terrarum, & apud Iudæos à lege Mosis, Hoc, inquam, argumentum tenet homines, velut ferreo & adamantino vinculo &c. Sed Christus hoc potentibus ac gravibus verbis solvit dicens, Quicquid sit parentum autoritas, Ego præferendus sum, non tantum externo officio honoris, sed etiam intimo & summo affectu cordis, qui est diligere, id est, omnibus perferri debeo.

*Argumentum  
maximum.*

Et vide verba Majestatis plena, cum dicit, Non est me dignus, quasi verò magnum sit non esse dignum isto miserrimo homine crucifixo & per totum mundum blasphemato, imo quis non cupiat non maxime esse alienus isti homini tam misero? tantum abest, ut ullus magnum putare debeat, se esse dignum hoc homine, Quin conversa sententia dicere debuit, Beatus ego, si ullo homine ego dignus sim. Nam quis me mendicum, crucifixum, seditiosum, damnatum, cupiat? Quis me e-  
get? Aut cujus ego potius non egeo miserrimus? Quæram potius quibus ego dignus sim, Et taceo eos, qui me digni esse debeant. Sed, ut dixi, significat sese esse Majestatem, qua opus sit omnibus, & beatos esse, qui sint digni eo, quantumlibet sit ipse miser, & sine maiestate appareat, *Er hielt viel von sich / daß ers so thewer acht / wer sein sol werd seyn / Q. d. Es ist mein niemand werd / nisi qui me præferat omnibus, dem er werd ist / vnd das ihm werd ist / Es mus das Creutz der höchsten Schatz werden / welches für der Welt das ergeß ding ist*/Sicut dicit Paulus, Placuit Deo per stultitiam prædicationis salvos facere credentes. Et sapientibus crux Christi stulticia est, sed nobis est virtus & sapientia Dei.

*Christi dignus  
supra omni.*

*Et qui amat filium aut filiam super Me, non est me dignus.*

Subjicit sibi parentes, ne diligant plus filios, quam se, ex eisdem causis, ut supra de filiis. Quia vult esse quod est, id est, Dominus parentum & filiorum, Et simpliciter sicut Deus verus regnare supra 4. præceptum & totam secundam tabulam, æqualis Deo in prima tabula, gloriosus & colendus supra omnia.

*Et qui non accipit crucem suam, & sequitur me, non est me dignus.*

Subjicit sibi etiam quemlibet hominem in quocunque statu, & dicit, etiam teipsum, si neque pater aut filius, aut in ullo officio sis, volo sub me habere, ut  
teipsum

*III.*



*Christo cedere  
debet etiam vi-  
ta & omnia no-  
stra,*

teipsum præ me odio habeas, & pro me teipsum exponas morti & omnibus malis, id est, ut crucem feras, & sequaris me, Vt mihi tanquam Deo tuo, vita ipsa & corpus tuum cedat & posthabeatur. Hic locus latissime patet contra omnes iusticiarios, qui suis meritis putant, se esse aliquid, ut monachi & multi hæretici. Nam hic nullo excepto, de omnibus dicit, Nullos esse dignos sese, nisi qui se abnegent, & nihil in conspectu ejus sint, Et in hoc solo gloriari possint, non quod multa, magna fecerint, sed quod digni fuerint propter ipsum pati, crucifigi, mori.

*Gloria Christi-  
ana.*

Hic certe nihil relinquitur gloriæ, nisi hæc una gloria, de ignominia, id est, quod nihil gloriari possimus in nostris virtutibus, sed tantum in cruce, id est, in nostri destructione & annihilatione propter ipsum suscepta, Sint opera, sint merita, sint gloriæ, sed hæc esto sola & solida gloria, propter Christum perire, perdi, contemni, conculcari, rideri, sibilari, & simpliciter nihil fieri, sicut ipse pro nobis factus est nihil, & Exemplum præbuit nobis. Hic iterum repetendum est (Dignus me) scilicet quod tanta dignitas sit esse dignum cruce, id est, omnibus malis propter Christum.

IIII.

*Qui invenit animam suam, perdet illam, & qui perdiderit animam suam propter me, inveniet eam.*

*Invenire vitam.*

*Perdere vitam.*

Quia crux durissima est, & caro non fert sese nihil fieri, Ideo hic & minas & promissionem simul ponit in 4. Propositione, Q. d. Scio durum hoc esse carni, quod doceo. Sed rursus etiam hoc scitote, quisquis non voluerit facere, huic fiet ita, ut dum volet vitam servare, hoc ipso perdat. Si crucem horret & me negarit, hoc ipso jam æternaliter est mortuus, Quia me vitam deserit. Iterum hic Christus se Deum prædicat, propter quem vivant & moriantur, qui eum crucifixum non adorant. Pulchre ergo dicit, Qui invenit vitam suam, id est, cui succedit sicut ipse vult & querit, me contempto vel negato, is jamdudum periit. Qui vero propter me perit huic succedet sicut vult & querit, *Da gehöret ja ein glaub zu/das ist gewißlich war / Caro non intelligit nec volet.*

V.

*Qui recipit vos, me recipit, Et qui me recipit, recipit eum qui me misit.*

*Quantum sit,  
audire verbum.*

Mira Consolatio est, quod provocat nos ad fidem, ista inaudita & magnifica gloria, scilicet, quod certi esse debemus, quod si verbum Dei ab Apostolis & ministris audimus & suscipimus, idem sit ac si ipsum Christum, imo ipsum (inquit) qui Me misit, audimus & suscipimus. Hanc gloriam Paulus passim jactat, usque ad Galat. A quibus se susceptum dicit, sicut Angelum Dei, sicut ipsum Dominum Iesum, Et 1. Thessalo. 2. quod Verbum ipsius sicut Dei (uri erat) acceperunt. Est igitur ista gloria Verbi rhetorice quantum potest amplificanda, scilicet, quod idem sit Evangelium in templo audire, in libro legere, ac si ipsum Deum in cælo, inter angelos audiremus, Et si nullus fructus alius esset, tamen hoc ipsum magnum esset, Audivisse scilicet Deum ipsum, vocem Dei his auribus hausisse. Quid enim superbius est, quam audire Deum loquentem? Nullis verbis ista superbia & gloria potest exprimi. Sed mundus majestate ista Loquentis & verbi contempta, audit & miratur humana, Ideo deserit etiam eos rursus Deus, quia se loquentem fastidiunt, & tradit in auditum fabularum & mendaciorum, Sed donum est, *Es wil nicht anders seyn/denn Be-* atus, qui audit verbum Dei & custodit illud.

*Gloria domi-  
ni verbum.*

Sic iterum nobis prædicantibus est gloria & consolatio, quod certi sumus, nos esse organum Dei, linguam nostram esse linguam Dei, Vocem nostram esse vocem Dei. Quia tum possumus magna fiducia contemnere contemptores Verbi, & insultantibus dicere, Non me Doctorem sed te deluseris ipsum, Non mihi homini, sed Spiritui sancto facis contumeliam, Non meum, sed Dei verbum contemnis, Quid ad me? Tu videris. Sic ad Samuelem dicit, Non abjecerunt te, sed Me, ne regnem super eos, Et Petrus ad Ananiam, Non es hominibus mentitus, sed Deo. Econtra possumus fratres certissime consolari & dicere, Non ego tibi loquor, sed Christus per me, Verbum meum non est meum sed Christi. Accipe igitur consolationem

*Gal. 4.  
1. Thess. 2.*

*Mat. 23.*

larionem per me non meam, sed Dei tui, qui te creavit, servat & redemit, Noli timere, Ipse dicit, Qui vos recipit me recipit. Qui vos audit, me audit, Summa summarum, Hæc est inestimabilis gloria conscientiae nostræ, contra omnem contemptum in Mundo, quod Christus suos Prædicatores plane Deos creat ac sibi æquat, cum dicit, Qui vos recipit, me patremq; meum recipit. Sive ergo contemnimur sive honoramur, Non nos, sed Deus in nobis contemnitur & honoratur. Si enim in Mundo sic habet, ut servus vel legatus contemptum sui, Domini sui contemptum potest cum omni superbia jactare, quanto magis nos debemus superbissime jactare, non nos neque verbum nostrum, sed Dominum nostrum & verbum Dei nostri esse contemptum.

*Inestimabilis  
conscientia gloria*

*Qui recipit Prophetam, in nomine Prophetæ, mercedem Prophetæ accipiet.*

*p. 1.*

Ebraismus est (Mercedem accipiet) id est, erit æqualis Prophetæ, sicut æqualis est Christo, qui verbum Christi prædicat, Et qui prædicantem audit, Christum audit, Ut in auditu non sit differentia, cum sit æquale & idem Verbum, quod ipse Christus, & sui ministri docent. Vult autem Christus isto verbo generaliter consolari omnes docentes & audientes, ac si diceret, Aliqui dicent forte, *Ja si audirem ipsum Christum, facile crederem.* His respondet, Qui vos audit, scilicet Apostolos, me audit. Nam posset aliquis Iudæus dicere, *Ja si Deum ipsum audirem, Respondet Christus, Qui me recipit, Deum recipit.* Ita posset nunc tertio loco dicere, O si dignus essem audire Apostolum, facile crederem. Respondet, Audi Prophetam, id est, interpretem, hoc est, doctorem, Episcopum, pastorem, qui est in officio publico verbi (Nam Prophetæ est nomen publicæ personæ, & discipulus Apostolorum in Ecclesia) & vere Apostolum. Me, & Deum audivisti, imo æqualis illi Prophetæ eris, quem audisti. Hic potest distinctio poni inter gradus Ecclesiæ. 1. Corinth. 12. Primo Apostolos, deinde Prophetas &c. Nam ab Apostolis omnes acceperunt, ipsi à Christo, Christus à Deo, post à Prophetis, id est, docentibus Scripturam, alij pastores, doctores, quales nunc sunt Capellani, Concionatores, Lectores &c.

*Ex se ipsis se gaud  
habent, ut de  
Prophetæ.*

*Consolatio do-  
centium ex au-  
dientium ver-  
bum.*

*Prophetæ.*

*Gradus Eccle-  
siæ.*

*Et qui recipit justum in nomine justī, mercedem justī accipiet.*

*p. 11.*

Eadem phrasis est, Qui recipit justum in nomine justī (id est) Si audis etiam privatum Christianum docentem, monentem, corripientem, consolantem, justus es & similis ipsi, audiens in eo, Prophetas, Apostolos, Me ipsum & Patrem &c. Post istas propositiones septem, sic de Verbo audiendo intellectas, urgenda est hæc dictio, Recipit, ultra verbum, etiam ad opus. Quia ministros non tantum recipimus auditu, sed etiam officio, Quin omnis, qui auditu recipit, vere etiam officio recipit, Et qui contemnit auditu, etiam contemnit officio, ut est clara experientia in omnibus exemplis. Ideo sic concludit.

*Recipere mini-  
stros &c.*

*Et quicumq; potum dederit uni ex minimis istis, calicem aquæ frigide, tantum in nomine discipuli, Amen dico vobis, non perdet mercedem suam.*

Hic locus est etiam valde rhetoricus, quo movet omnes homines ad recipiendos ministros Verbi, ostendens, quanta sit gloria illos recipere. Numerat enim infimum officium, quod præstari potest, scilicet, Calicem aquæ frigide, Deinde hunc ipsum, non in nomine Christi, nec Apostoli, nec Prophetæ, sed omnium infimo scilicet discipuli nomine, Tandem nec ipsi Christo, sed minimo suorum porrectum, Ut officium istud non possit ulla rhetorica magis extenuari, Tamen dicit, non sine præmio fore eum Calicem. Quid putas futurum sit sperandum, si servias, vestias, alas, non discipulos, sed Apostolos, ipsum Christum? Adeo magnum ducit suos minimos & contemptos honorari, ut omnia in sese collata intelligamus si-ve magna, si-ve parva, si-ve in magnos si-ve in parvos conferantur. Per antithesin hic intelligendum, Quod etiam minimum factum & verbum contra minimos suos, non velit inultum relinquere, etiamsi aquam frigidam omiserint dare, aut ver-  
bum

*Christi sunt,  
quem suos con-  
feruntur.*

bum solatij neglexerint. Hinc nullum malum impunitum (ait Augustinus) nullum bonum irremuneratum erit. Omnia huc pertinent, ut exhortemur ad reverentiam Verbi & ministrorum ejus, Rursus dehortemur à contemptu, negligentia & ingratitude.

In nomine Di-  
scipuli.

Veri discipuli  
Christi erant,  
& negligentia  
deinde.

Notandum vero, quod in nomine discipuli, hic intelligitur vere, id est, quod is, qui aquam porrigit, credat illum esse discipulum Christi, Et ideo porrigat, quia ille discipulus sit quantumlibet modicus, Id est, quando beneficit Christiano, in quantum hujusmodi, Alioqui si gentilia sint beneficia, & alio nomine, nihil hoc ad rem. Sicut amici seculi sese invicem honorant, & acerrime Christum & suos persequuntur, Aut sub falso nomine Christi sese diligunt, ut hæretici. Nam Christus de veris Discipulis loquitur, & de vero nomine. Quos significat, egenos fore & penuriam passuros, ita ut etiam aliquando opus habeant aqua frigida, id est, vilissimo aliquo officio, & tamen apud mundum non inveniant. Beatum vero esse, apud quem inveniant. Sicut videmus, das die Welt uns nicht den besten Brods gönnet/ den wir haben müssen/ Sondern neme uns viel lieber denselbigen auch. Ideo rari sunt, qui vel calicem hunc frigide aquæ faveant vere Christianis. Licet jactent sese velle infinita facere bona, si pij egerent, Sed omnia sunt fucata & falsa, quia non credunt eos esse pios qui sunt, Sed putant eos esse pios, quos ipsi volunt & amant.

## CAPUT XI.

**E**T factum est, cum consummasset Iesus, precipiens duodecim discipulis suis, transijt inde, ut doceret & predicaret in civitatibus eorum.

Summarium  
Cap. 11.

CAP. undecimum continet Exemplum eorum, qui contemnunt Evangelium, Ideo ostendit se per totum cap. vehementer iratum contra eos, ut re ipsa declararet Antithesin præcedentis cap. Id est, quomodo ij, qui ministros ejus non audiunt, sint puniendi. Et dividitur in duo, Priore parte irascitur in eos, qui Iohannem Baptistam contempserunt, Posteriore, in eos, qui ipsummet contempserunt. In fine solatur seipsum in ista indignatione, dicens. Ach H & xxi Gott Vater/ Es ist doch ja recht/ Sie sind nicht wert etc. Antequam hoc agit, in principio dicit, eum post mandata Apostolis data, iterum subiisse laborem & officium per civitates prædicandi, Vt non solum verbo, sed & opere semper esset occupatus, scilicet per vices laborando, & rursus cessando. Nam aliud fuit, Mandatum dare discipulis domi & seorsim, Et aliud foris laborare docendo & legendo in eorum scholis & civitatibus.

*Quid existis in desertum videre? Arundinem quæ vento agitur? Sed quid existis videre? Hominem mollibus vestitum? Ecce qui mollibus vestiuntur in domibus Regum sunt etc.*

Idem est Baptis-  
ta non est arund-  
is.

Idem est mollis  
et vestitus.

Idem est Angelus  
ante faciem Christi  
Ih.

Idem est Con-  
cionator.

Primo igitur agitur de contemptu Iohannis, Et prima pars ubi Christus discipulis Iohannis respondet, satis est in Postillis tractata, similiter & altera, Nisi quod in ea Christus suam significat indignationem, dicens, quid existis videre in desertum? Q. d. Ihr habt da einen Prediger/ aber wie er in hant/ das sieht man wol/ Ihr gehet hinaus in zu hören/ Ja wenn er wolt reden/ wie ihr gern hättet/ so were er ein feiner Prediger/ Si esset harundo, id est, vagæ doctrinæ, sicut vestrum cor est, tunc crederitis ei, Si esset blandus & palpator quasi molliter vestitus, tunc placeret, Si doceret Christum nondum venisse, sed venturum, & me negaret esse Christum, tam vilem hominem, tunc admitteretis. Hæc quia non facit, suspenditis eum naso, & dicitis, O quis est hic? Aliud nihil docet quam talia. Sed ego dico vobis, talis non est, Sed est Angelus ante faciem meam, Vt hæc latius in postillis.

Et hic triplices significat concionatores, Primi, qui quovis vento moventur, ut Paulus Eph. 4. ait, Ne circumferamur omni vento doctrinæ. Et Proverb. Non credas omni vento. Hi sunt qui novitate & pruritu delectati, fastidiunt semel tradita, & acceptant quælibet. Sicut sub Papatu omnium Somniatorum dogmata (modo



24. 17.

(modo essent nova) suscepimus & nunc post Evangelium surrexerunt Sacramentarii, Anabaptistæ & alij. Quia mundus est mare (ut Isaias ait) quod quiescere non potest, sed semper fervet & movetur procellis semper orientibus & cadentibus, ut est videre in aquis vento agitatis, Terra autem & petra stat invicta contra istas allidentes procellas & in seipsis relapsas.

Triplex concinctorum.

Secundi sunt, qui ad gratiam & favorem prædicant. Hi satis diu stant & durant, donec durat gratia & favor. Ut sunt Iudæi in suis traditionibus, & Papistæ in suis doctrinis. Hi non, quia vera sunt, quæ docent, perseverant pertinaces, sed quia placent ea Regibus & majoribus. Hi non interna cordis inconstantia & pruritu ut primi, sed externa quæstus & lucri & honoris vanitate tenentur. Et hi mollibus sunt induci in domibus Regum.

11.

Rom. 10.

Tertij sunt, qui serio volunt esse pii, constantes satis cum secundis, & tamen gratiam seu quæstum non spectantes, nec vage moventur, ut primi, sed conscientia bona (ut videtur) volunt per opera justificari. Hi proprie sunt iusticiarii, qui extra Christum per sua merita volunt salvari, quales multi sunt & fuerunt, Rom. 10. Zelum Dei habent, sed non secundum scientiam. Ignorantes enim iusticiam Dei & suam quærentes statuere, iusticiæ Dei non sunt subjecti. Hi sunt, qui Iohannem, Prophetam tantum, non Angelum ante faciem ejus volunt esse, id est, nolunt sibi Christum monstrari, sed per sese via sibi esse ad Patrem &c.

111.

*Amen dico vobis, non surrexit inter natos mulierum major Iohanne Baptista.*

Ideo nunc Christus in tertia parte contra omnes tres, præsertim, contra tertios clamat &c. Primo magnificat ministerium Iohannis, id est, Evangelium, Secundo magnificat fructum & audientes verbum. Primo, inquit, scitote, quod vos præsertim tertij, qui ex lege vultis justificari, quod hic Iohannes excellentior est omnibus, qui fuerunt ante eum, etiam supra Moysen & omnes Prophetas; Ideo nihil est, quod confiditis in vestros Majores, aut Prophetas, aut Moysen. Hic, hic, inquam, habetis, qui major est illis omnibus, id est, majus prædicat quam omnes illi. Ergo huic debetis cedere & relinquere glorias omnium præcedentium Doctorum, & audire quid doceat. Ipse docet præsentem Dominum, qui in medio vestrum jam versatur. Ideo præsentem Domino, merito debent cedere omnes ejus præteriti ministri, Summa est, Iohannes est audiendus Christum monstrans, & hæc monstratio præferenda est omnibus doctrinis Patrum, Prophetarum, Moysi, Patriarcharum, & omnium Sanctorum usque in æternum. Quia Christum docet, Dominum, non Moysen servum.

Iohannes major omnibus.

Doctrina Iohannis.

Ideo qui istud verbum Christi, Inter natos mulierum &c. exponunt (sicut hætenus factum est) de personali sanctitate & dignitate, tolerandi sunt quidem, ut qui putamen, non nucleum tenuerunt. Christus de officiali & publica dignitate, Iohannis loquitur, quæ incomparabiliter major est personali dignitate, Ut sit sensus, Inter natos mulierum non surrexit major, id est, nullus fuit excellentior Prædicator, qui de tantis tam præsentibus rebus loqueretur. Non enim dicit, Nullus est major de mulieribus natus, Sed nullus ex his, qui nati sunt ex mulieribus surrexit major. Emphasis est in verbo, surrexit, non in nomine natos. Surrexit autem significat, *auffstehen* / in officium & publicum statum. Ita nullus inter omnes homines maiore & digniore officio functus est, quam Iohannes. Sic in Scripturis ubique significat Surgere, stare, sedere, esse in officio publico, Ut surgent Pseudoprophetæ. In medio vestrum stetit, In cathedra Moysi sederunt &c. Propheta magnus surrexit in nobis. Sic Iohannes surrexit omnium maximus, id est, prædicavit omnium maxima, id est, Christum præsentem &c.

Officiis dignum Iohannem.

Non surrexit major Iohanne.

Surgere. Stare. Sedere.

*Qui autem minor est in regno celorum, major est illo.*

Sed hic seipsum excipit, & Iohanni sese præfert, dicens, Qui minimus est in Regno celorum &c. Periphrasis est, Q. d. Ego autem sum major eo, Loquitur, ut dixi,

y

Christus omni-  
bus minimus.

ut dixi, latus, ideo figurat sermonem, & vocat sese Minimum in regno cœlorum, cum potuisset dicere simpliciter, Ego autem sum major eo. Sed hic locus novum Sermonem postulet. quomodo Christus sit Minimus omnium, Quia omnibus minimis servivit in activa vita, scilicet leproforum, cœcorum, claudorum, pauperum, mortuorum, damnatorum servus. Sed in vita passiva, id est, cruce, multo magis omnium servus scilicet portando omnium peccata, iram, mortem &c. Sicut dicit, Non veni ministrari, sed ministrare. Istam servitutem præsertim passivæ vitæ nullus Sanctus præstitit, Ideo ipse est solus minimus omnium, & maximus omnium, Eph. 4. Descendit ad inferiores partes terræ, Sed hæc (ut dixi) locum suum habent dicendi.

*A diebus autem Iohannis Baptiste usq; nunc, Regnum cœlorum vim patitur, & violenti rapiunt illud.*

Verbum verbi.

Regnum cœlorum vim patitur.

Secundo magnificat fructum verbi, & in his duobus locis Christus latus & iucundus est. Videns gloriam ministerij de se, & fructum credentium, Postea irascetur contra incredulos &c. Est autem fructus verbi, Quod à diebus Iohannis Regnum cœlorum vim patitur, & violenti rapiunt illud. Non frustra, inquit, prædicatur Evangelium, Sunt qui audiunt, & sic audiunt, ut nulla vi abstrahi possint. potius moriuntur quam negent, Hi sunt, qui per vim irrumpunt, ac velut januam fracturi urgent, volunt salvi fieri, Conscientia cogit eos, ut remissionem peccatorum anhelent, Et est eorum multus numerus. Est ergo Regnum cœlorum vim pati aliud nihil, quam homines vehementer amare Verbum, & omnibus vitæ & corporis bonis præferre.

Christiani milites.

Est similitudo sumpta à militia (Quia fides militia est) Nam qui possessionem aut civitatem volunt obtinere, simpliciter vim faciunt, *Wagen Leib und Leben dran/ und lassen alles darüber.* Sic etiam *wagen Leib und Leben an Gottes wort/* hoc est, vim inferre regno Dei & violenter rapere. Castrensibus enim, & militaribus verbis loquitur Christus, sed in spiritu, Sic Paulus vocat omnes Christianos milites, Et scriptura Deum, Dominum exercituum.

*Omnes enim Prophetæ & Lex usq; ad Iohannem propheta verunt.*

Post hæc addit & hunc fructum, quod à diebus Iohannis abrogatur Lex & implentur Prophetiæ &c. Et hic magna loquitur Christus & nimium sibi arrogat, scilicet, quod usq; ad Iohannem Angelum suum, valuerint quidem Moyses & Prophetæ, totumq; Regnum & Sacerdotium, Sed nunc prorsus debeant cedere, & Filio, qui sit Dominus Mosi & Prophetarum cedere, & nunc solum Iohannes sit audiendus, Frustraq; sit allegare & opponere deinceps, Legem, Prophetas. Quia hic adest ipse Dominus, à Iohanne monstratus, Nova sunt omnia,

Scandalum Iudeorum.  
Lex & Prophetæ usq; ad Iohannem.

Quomodo Iohannes sit maior.

Et hoc est illud scandalum Iudeorum usq; in hodiernum diem (contra quod Paulus etiam pugnat ubiq; quia nolunt legem & Prophetas relinquere, fidentes hac autoritate divina legis & Prophetarum, *Aber da hilffte nichts für/ es ist aus/ Johannes ist kommen/* Dominus ipse adest, Cessat Lex, cultus, locus, templum, persona, genus, populus & omnia. Quia usq; ad Iohannem valuit eorum omnium Prophetia, regnum, sacerdotium, Nunc aliud instat Regnum, cultus, templum, sacerdotium, populus, genus. Et hoc verbo Christus occulte respondet tacitæ quæstioni, scilicet, Quomodo Iohannes est maior omnibus? An maior Mose, Prophetis, regibus, sacerdotibus, templo, loco & omnibus? Respondet, Vriq; omnibus his maior, ita ut illi plane debeant cedere & eum audire, vel perire. Hucusq; enim valuit illorum regnum & cultus, Iohannes aliud inchoat.

*Et si vultis recipere, Ipse est Elias, qui venturus est. Qui habet aures audiendi audiat.*

Hic alteri quæstioni tacitæ respondet, scilicet, Antequam Lex & Prophetæ cessabunt, veniet Elias, ut Malachias dicit. Si ergo nunc cessabunt, &c. ubi est

est Elias promissus? Respondet ipse est Elias, qui futurus est, id est, de quo prædictum est) Sed quia vos aliter putatis eum venire, erratis, expectantes personalem Eliam, quum Malachias non dicat de Elia Thesbita, sed indefinite, de Elia quodam Propheta, qui potest esse alius in persona, quam Thesbita ille, & tamen verus aliquis Elias & Propheta. Ideo dicit, Si vultis accipere, id est, si vultis audire & doceri vestro sensu dimisso, ipse est ille Elias. Sed sicut me non agnoscitis Dominum, ita illum non agnoscitis Eliam meum. Sic implentur interim Scripturæ, dum vos non creditis & ignoratis, & alium Eliam & Messiam expectatis, qui nunquam veniet, Ideo dico vobis, Qui aures audiendi habet, audiat. Q. d. Tempus nunc completum est, Elias adest, adest etiam ipse Dominus, audite igitur Eliam, & amplectimini Dominum, quem prædicat. Et sic his verbis finit, abrogat, & repudium dat Moysi, Prophetis & universæ isti veteri Politicæ, quæ in futurum Christum tolerabatur. Qui cum nunc venerit, debent eum omnes amplecti, & relinquere populum & domum Patris sui, Psalm. 45.

*Abrogatio potestatis Moysæ.*

*Psalm. 45.*

*Cui autem assimilabo Generationem hanc? Similis est pueris in foro, &c.*

Hic nunc paulatim descendit ad iram contra incredulos & contemptores suos, Q. d. Quanquam nunc adsit tempus Gratiæ & dies salutis, ac compleantur nunc magnifica Prophetarum promissa, tamen adeo stultus &, excæcatus est populus meus, ut non videat, quantæ res gerantur, quia me Dominum suum non solum non agnoscunt, sed superbissime & securissime, tanquam aliquem fatuum, etiam contemnunt, ut qui longe sapientiores sint ipsa sapientia. Et sunt verba plena figuris, amaris sarcasis, indicantia magnam indignationem, quæ verbis simplicibus non possunt dici. Sicut quando dicitur, *Du bist ein fehmichen* / hoc atrocius sonat, quam si dicas. *Du bist ein Schalk*. Item, *Du bist ein Rechter* / plus sonat, quam si dicas, *Du bist ein unrechter*. Quia istæ figuræ sonant superlativum maximum, Vt, *Du bist ein Rechter* / das ist / *du bist der vberaus abgefemeter Schalk* / ut tui comparatione ceteri omnes injuste dicantur mali, adeo vincis omnes. Dicit igitur, cui assimilabo Generationem hanc? Q. d. Tanta est malicia & perversitas hujus prævæ & adulteræ Generationis, quod nulla simpliciter oratione exprimi, aut ulla similitudine pingi possit. Apprehendit tandem istum ludum puerilem, in quo coæquales dicunt alijs.

*Cecinimus vobis, & non saltastis.*

Quis fuerit iste ludus, nescitur, Apud nos similis est fere, qua insultant alijs, & dicunt contra morosos collusores, *O Spiel jubrecher / Saw justeher / Er faufft ein Spörlin umb ein Ey / vnd reit es auff einer Saw entwey* / Quo significatur alteram partem morositate sua Ludum solvere, quem alij libenter haberent. Sic illi forte etiam suos collusores, ludum morositate sua dissolventes, irriserunt, dicendo, *Cecinimus vobis*. Q. d. *Bitten wir / so hilffes nicht / Zünnen wir / so fragt ihr doch nichts darnach / Ach ihr seyd feindseltige Spiel jubrecher / Ihr tädget nirgend zu*. Sic ludo isti divino, id est, Evangelico negotio, impij isti non sunt apri, & solvunt quantum in eis est, Ita ut nec sic nec sic moveantur, *Wie mans macht / so ist unrecht*. Exempli gratia, Si doceremus severissime esse jejunandum, & monstrose præ alijs vivendum, tunc dicunt, O cavete ab eis, Omnes Hæretici vivunt austeram vitam, ut decipiant, latet sub hac hypocrisi Diabolus. Hoc est quod dicit, Daemonium habet Iohannes, id est, hypocrita est, & sub specie bona docet hæreses. Econtrà, si non jejunamus, sed vivimus communiter cum alijs, tunc dicunt, Ecce quam sunt isti carnales, & peccatorum socij, nihil differentes ab alijs, Et ita fit, Quomocunq; vivis, Diabolus possidet te, Si severe vivis cum Iohanne, hypocrita & occultus Diaboli servus es, Si communiter vivis cum Christo, manifestus servus es Diaboli.

Nonne hoc odibile genus hominum? Cui nihil potest placere, nisi quod ipsum eligit, & tamen eligit constanter. Nam si Iohannes mutasset vitam suam austeram

y 2



austeram in communem Christi, etiam dixissent, Ecce iste vorax & bibax, Quid boni doceret? Econtrà, Si Christus mutasset vitam suam communem in vitam severam Iohannis, dixissent, O iste est hypocrita Diaboli, cavete ab ejus doctrina. Ita nunquam deest impijs causa damnandi verbi Dei, quia quocunq; modo vivas aut agas, semper habent, quod reprehendant, ne verbum (quod oderunt) cogantur agnoscere, Hoc est vere illud Esaia 6. Oculos eorum claude, aures aggrava, cor indura, &c. Sie sollen vnd müssen sich ergern an allem das Gott thut vnd redt.

Sic & hodie nobis faciunt Papistæ perfectissimo exemplo, qui cum doctrinam non possint damnare, vitam nostram lacerant, In principio accusabant nos hypocritas Diaboli, cum cælibes & severe viveremus, Nunc cum communiter vivimus, blaterant nos esse carnales. Sed si nihil doceremus, tunc essent contenti, sive essemus Eremitæ cum S. Antonio, sive Lenones cum Episcopis & Canonicis. Nunc quia docemus, nec si Antonij essemus, tolerare possent, nec si Abraham & Iacob essemus, indemnatos dimitterent. Es ist alles umbs Wort zu thun / weil sie das nicht können leiden noch tadeln / so hengen sie sich an unser Leben / das können sie leren / wie sie wollen / nach ihrem giffrigen Herzen.

Darumb müssen wir wiederumb frey hindurch gehen / weil ihnen nichts gefellet / weder unser pfeiffen noch klagen / So wollen wir frey thun was Gott gefellet vnd unser Gewissen leidet / vnd sie wiederumb nicht ansehen. Wollen sie nicht tanzen noch weinen / so mügen sie still sitzen vnd lachen / Wir wollen pfeiffen vnd klagen / wo / vnd wenn wir können / wollen essen vnd fasten wenn wir sollen / wollen trawren vnd frölich seyn / wenn wir können / Las sie faren zum Teufel / Was hältts daß wir um ihrer willen unser pfeiffen vnd essen lieffen? Was hältts daß wir um ihrer willen uns zu tod klagen vnd trawreten? Sie wollen weder unser freude noch trawren / So sprechen wir / Liebe Welt / thu ins Niederleid / vnd henge es an den hals / Du wilt nicht hernach / so bleib dahinden / Umb deinen willen wil ich hie nicht bleiben / Wie du wilt Bögelein / wiltu nicht essen / So stirb. Ponit ergo Epiphonema consolatorium.

*Et justificatur sapientia à filiis suis.*

Id est. Es wird nicht anders draus / Gott mus Schüler seyn / die Welt wil Meisster seyn / Sie weis alles besser zu reden vnd zu machen denn Gott selb / Wie Gott redet vnd thut / so ist nicht recht. Hoc in privata vita Poëtæ vocant, Sus docet Minervam, Quia Magistratus etiam multos patitur Magistros, sicut dicitur, Qui struit in calle multos habet ille Magistros. Et in re domestica dicitur de filiis sapienticulis, Das Ey leret das Hun. Consolatio igitur est nobis, ut sciamus non esse mirum, nostra fore stulta coram Mundo, sed rursus horribilis comminatio est, quod stulti sapientiam judicant.

*Et incepit Iesus increpare.*

Hic effundit iram, Vnd stößt dem Fuß den boden aus / contra ingratos contemptores, & sapientes Iudices contra Evangelium. Vide autem iram, quod suas Civitates, suum populum, suum Sanguinem, definit longe, longe inquam, peiores esse Gentibus idolatris, & pessimis. Quæ Propositio etiam valde observanda & metuenda est, scilicet quod apud Deum sunt omnibus Gentibus peiores, qui audiunt Verbum, & non curant. Secundo, Nihil horribilius, quam verbum Dei, habere, & negligere. Tertio, Quanto peiores putas sunt, qui etiam impediunt, blasphemant & persequuntur? &c. Quia hic vides apud Deum esse Sodomam (pessimo exemplo perditam) minus odiosam ipsi proprio loco Christi Capernaum. Tanti precij est verbum Dei in oculis Dei. Sed sicut Capernaum tunc istas risit minas, Sic & hodie ridet Mundus, quia vult perire pessimis modis.

Consolatur autem & hic nos locus, quia si ipsi Domino accidit hoc, ut ubi plurimum docuit & operatus fuit, ibi maxime contemneretur, Quid mirum si idem nobis accadat, ut experiamur ingratitudinem eorum, quibus maxime & plurimum servivimus & docuimus. Oportet hanc vocem Christi impleri, Non est servus

*Sus docet Minervam.*

*Audientes verbum & non curantes esse deteriores gentibus.*

*Lucas.* servus super Dominum. Dolet quidem tantam esse ingratitudinem Mundi, cui nostro ministerio consultum cupimus, Sed oportet nos eam una cum Christo experi-  
ri, qui ingenue hic fatetur, quod multa fecerit istis civitatibus & praesertim Caper-  
naum suam ad coelos extulerit, id est, celeberrimam fecerit, sed infernum ei mi-  
natur. Iam omiſſis vel finitis increpationibus incredulorum, vertit sese ad pios &  
verbi amantes, & laetus efficitur, Quod licet illi erant deplorati, tamen non ideo  
frustra praedicatur verbum. Sunt tamen aliqui, quibus placet verbum, Et illorum  
conſpectu Spiritu exultans (ſicut Lucas dicit Cap. 10.) laudat Patrem, dicens.

*Confiteor tibi Pater, Domine caeli & terra, quod abscondisti haec a ſapientibus & prudentibus, & revelasti ea parvulis. Ita Pater, quoniam ſic fuit placitum ante te.*

Q. d. Vadant iſta triſtia ſpectacula irae, & valeant, qui nolunt audire & credere,  
Quid frustra illorum malitia me diſcruciem? Quin potius in te laetus ſum, qui iſtos  
ſuperbos & ſapientes in oculis ſuis non dignaris etiam tua veritate. Laudo te,  
quod illos qui te nolunt, & omnia melius ſcire volunt, viciffim nolis & negligas, &  
ſinas eos in ſua ſapientia valere, nec eorum ſtudia & ſapientiam probas aut mira-  
ris, ſed contemnis viciffim, Et loco illorum eligis ſtultos & ſimiles, quibus reve-  
les. Nam hi amant & amplectuntur verbum tuum. Ita Pater, ſic placitum eſt co-  
ram te, id eſt, hoc placet coram te, illos ſuperbos reprobare in ſua iuſticia & ſapien-  
tia, Rurſus eligere ſtultos in ſuis peccatis & ſtultitia. Certe Pater, tu revera iuſtus  
es Deus, qui ſuperbos & ſecuros odit, & humiles ac miſeros amat, Das magis ein  
Gott heiffen. Non ſic faciunt ceteri Dij vel homines, ſed ſolum coram Te hoc judi-  
cium valet.

*Natura Dei.*

*Mal. 49.  
3. Reg. 19.  
1. Cor. 1.* Exemplo iſto confirmari & nos quoque debemus atque conſolari, ſcilicet no-  
ſtram doctrinam eſſe placitam Deo, etiamſi reprobenz eam tanti tam multi homi-  
nes, nec niſi apud miſeros & contemptos recipiatur. Quia & Iſaias praedixit, quod  
Chriſtus deberet faeces Iſrael convertere. Faeces autem ſunt amiſſo toto vino, id eſt,  
optima & maxima parte, reliquias parvas & nihili ſervare. Sic ſub Elia 7000. Et 1.  
Corinth. 1. Videte vocationem veſtram, non multi nobiles, &c. Et ſub Apoſtoliſ  
periit in populo Iudaico quicquid erat magnum, videlicet Sacerdotes, Principes,  
Sapientes &c. Tantum faeces ſunt ſervatae. Sic & hodie ſit, Totus mundus incedit in  
ſuperbo contemptu, tantum nos mendici haeremus in Chriſto, Sed gloria noſtra haec  
eſt, ſcire quod ſic ſit beneplacitum coram Deo, Nec dubium quin Chriſtus hic ob o-  
culos habuerit omnia Exempla, in quibus Deus reliquijs ſervatis, perdi permiffic  
omnes, Vt in diluvio, Sodomis, captivitate Babylonica.

*Frater populi  
Dei ſervantur.*

Oportet autem Chriſtum hic (ſepoſita deitate) intelligi velut gregarium  
quemvis Praedicatorum, qui multitudine & magnitudine Verbum contemnendum  
iratus, tandem ſe ſolatur paucitate fidelium & certitudine Verbi ac beneplaciti Dei.  
Nam ſtatim ſequitur de divinitate ſua Sermo. Quid aliquando de ſapientibus &  
intelligentibus dixerim, non memini, ſed cogitatione ſolita, intelligere conſuevi  
per Sapientes & intelligentes, non ſolum politicoſ & oeconomicoſ, Vt in domo  
ſapientes ſunt, qui noverunt pulchre gubernare domum, & omnia in ordine reti-  
nere. Intelligentes autem eſſe, cautoſ & obſervanteſ, ut qui acriter & prudenter  
obſervant, quid pro & contra iſtam ordinatam oeconomiam, ſit, Ein weiſer Haus-  
herr iſt/der ſeine Verwaltung wol anrichtet und ſchickt/Ein Kluger iſt/der ſich weis zu halten  
für ſchaden und böſen tut. Et eſt differentia fere eadem, quam Ovidiuſ dat, Non  
minor eſt virtus, quærere, quam parta tueri. Sapient eſt qui novit quærere, ſed  
hoc eſt parum, niſi ſit cautuſ & prudens, & diligenti cura advertens, quomodo  
tueatur & ſervet contra eoſ, qui rapere, fallere, inſidiari & practicoſ perdere  
quarunt.

*Sapientia in do-  
mo.*

*Intelligentia.*

Hac mihi videtur eſſe Ebraica ſignificatio verborum, Bimach & Hache-  
mach, id eſt, induſtria & advertentia ſeu cura. Nam multi ſatis feliciter & ſapienter

parant bona, sed post securitate, incuria, negligentia, id est, inadvertentia omnia pereunt, vel fraude & dolis aliorum subvertuntur, & invidia vicinorum & familiae perfidia, Summa, Sapientia est in bonis parandis, Intelligentia in malis cavendis. Non omnes utranq; habent, Multi sapientiam sine prudentia, multi prudentiam sine sapientia, pauci utranq;. Sic & in politica multi sapienter gubernant, sed incurij sunt contra insidias & adversarios. Ita fit, ut cito perdant omnia per imprudentiam, quae paraverunt summa sapientia. De his duabus hic nihil Christus. In Ecclesia autem sapientia est, notitiam fidei, & doctrinam Christi feliciter tenere. Intelligentia est cavere insidias Satanæ, hæreticorum, & omnes fallacias sub nomine Verbi propositas. Hic multi decipiuntur securitate & simplicitate. Econtra, Hæretici multum valent intelligentia, etiam si destituti sunt vera sapientia. Falsam enim Religionem fortiter & astutissime noverunt tueri, & ea, quæ sunt contraria, cavere. Et vere prudentiores sunt filijs lucis, id est, magis sua curant, quam pij, qui securi de veritate, non ita curant.

In politica sapienter gubernant.

Sapientia in Ecclesia.  
Intelligentia.

Contra hos loquitur potissimum Christus, scilicet qui in causa religionis volunt sapere & judicare, habentes pro se legem & rationem humanam, Hæc mirabiliter sapit & extollit sese tam docendo, quam judicando contra veram religionem. Ideo Christus hic gloriatur, Deum recte facere, quod sua mysteria istis sapientibus & prudentibus abscondit, quia ipsi volunt esse supra & non subter Deum. Non quod abscondat revera aut voluntate, cum jubeat palam prædicari sub omni cælo, in omni terra, Sed quod talem elegerit Prædicationem, quam natura abhorrent sapientes & prudentes, & quæ ipsorum vitio illis abscondita sit, quia eam nolunt. Sicut Isaia 6. Videntes non videbitis. Ecce vident, id est, habent eam manifeste & publice prædicatam, & tamen non vident, quia ipsi avertunt sese ab ea, & nolunt eam. Sic sua ipsorum cæcitate ipsimet abscondunt sibi veritatem. Sic contra parvulis revelat, quia parvuli eam recipiunt revelatam, & eis est revelata veritas, quia volunt & cupiunt eam. Hæc de istis vocabulis duobus. Nunc sequitur superba gloria de divinitate.

Ratio humana.

Quomodo Deus abscondat veritatem.

*Omnia mihi tradita sunt à patre meo.*

Qui dicit, Omnia, nihil excipit, Ergo Deus est verus. Consonat in Psalmo 8. Omnia subjecisti sub pedibus ejus. Rursus quod dicit, Tradita sunt, significat se vere esse Hominem, qui acceperit à Patre. Neq; enim puro homini Deus omnia traderet, neq; purus Deus acciperet ab ullo. Quia neq; Homo purus super omnia potest esse, neq; purus Deus sub Deo potest esse. Ergo conveniunt in hac Persona una, verus Deus & Homo. Post recipit se intro in divinitatem, dicens.

*Nemo novit Filium, nisi Pater, Neque Patrem quis novit nisi Filius, & cui voluerit Filius revelare.*

Hic Matthæus uno loco loquitur Iohannis more, Deum nemo vidit uquam, Unigenitus filius, qui est in sinu Patris, ipse enarravit. Iohan. 1. Et sciendum, quod ista verba noscendi, sunt non philosophice, sed Theologice intelligenda, id est, quod non tantum cognoscit Pater filium, vel Filius Patrem, quoad substantiam, seu quid sit Deus, de qua cognitione Philosophi & Sophistæ disputant, & nunquam assequuntur, Sed quid Pater in divinis velit & sentiat, quid Filius velit & sentiat, id est, de consilio & voluntate Patris & Filij intelligenda sunt. Nam & inter homines, quid prodest nosse hominis corpus, si ignores ejus mentem & animum seu voluntatem? Nam hoc ne nosse quidem hominem est, sed scire, quid cogitet & velit homo aliquis, hoc est, eum vere nosse, Ita in Deo, nosse ejus consilium & voluntatem, hoc est vere Deum nosse. Sed nunc Christus dicit, omnibus esse ignotum, quid hoc modo sit Deus, nisi sibi Filio, Et quid sit filius, nisi ipsi Patri. Hoc est, Illud consilium & voluntas Dei, quod velit mundum salvare per Filium incarnatum & passum, & quod fide in illum omnes sint grati, &c. & quod filius cum Patre

Iohan. 1.



Patre idem sentiat in divinitate, est illud mysterium absconditum à sapientibus & intelligentibus, Et sic absconditum (ait) ut nisi Filius revelet, impossibile sit cognosci.

Hoc est, Ad ministerium Verbi mei, omnes oportet fieri Discipulos, & à me post auditum & sub auditu Verbi accipere Spiritum, Nihil proderit lex, justitia, sapientia, quæcunq; *Ich bins gar/vnd auffer Mir alles nichts.* Ergo vel me audiri oportet revelantem, vel actum est de omnibus hominibus quoad salutem æternam. Et verbum istud volendi (quo dicit, Et cui voluerit filius revelare) non est verbum invitiæ aut difficultatis, quasi invitatus revelet aut ingratus, Sed est verbum effusæ bonitatis, quo significat esse omnia in sua potestate, & quod ipse solus habeat voluntatem revelandi, *Er solo seyn/ders gern thun werde.* Carteri etiam volunt docere, sed non possunt, quia non illa sunt Persona, quæ velle possit docere, sunt potius fures & latrones.

*Christi voluntas  
ut revelet.*

Hanc esse ejus voluntatem, sequens textus clare ostendit, Vt si quis motus ex Verbo, quo dixit, Cui voluerit, dicat, Quis scit an velit? Audio quod possit, si velit, Sed dubito an velit, forte difficilis est & invitatus. Respondet, Imo maxime volo. Hæc est enim mea voluntas, ut revelem, Sicut solus possum, ita solus volo revelare, ne ad alium respiciatis, Quin adeo volo, ut vos nolentes ultro accersam, vocem, jubeam, urgeam, petam, & omnibus modis tentem, ut me revelantem audire velitis. Venite, venite, inquam, De mea voluntate nihil dubitate, Sum propensissimus ad revelandum vobis.

*Pater invitavit  
omnes ad hanc  
revelationem.*

Alia Sententia de interna revelatione, qua revelat cui ab æterno voluit, est etiam vera, sed non hujus loci. Quia hic officium suum commune dat, non de prædestinatione disputat. Significat tamen hic simul, ad quos proprie pertineat ista revelatio, & qui sint capaces, faciens inter Discipulos distinctionem. Nam et si omnibus palam prædicet & revelet Evangelium suum, tamen securi & fidentes in seipsis & suis justicijs, sapientia, operibus, gloria, divitijs, hominibus, non capiunt nec curant verbum, Sed laborantes, afflicti, miseri, oppressi, ut supra, Beati pauperes & lugentes, Item, Pauperes evangelisantur, Et vide voluntatem magnificam, qua fiduciam ad se accedendi facit, Omnes (inquit) venite, Nullus sit qui timeat aut trepidet accedere, securus & latus accedat. Non repellam, non rejiciam, non affligam, non addam dolorem dolori. O ingens & opulenta misericordia, tam dulciter vocantis ad sese peccatores miseros. Quis nunc desperet, nisi qui sibi ipsi hostis, seipsum excludat ex ista voce, Omnes. Ipse enim, qui omnes vocat, nullum excludit. Hoc est consolari tristes peccatores, Sic adeamus cum fiducia ad thronum gratiæ ejus. Ebr. 5. Emphasis est, sicut in omnibus verbis, sic & maxime in verbo, Ad me, Q. d. Quid alio curritis? Quid vestra merita quæritis? quid aliorum intercessionem curatis? Ad me, ad me, inquam venite, Extra me frustra curritis, quæritis, facitis omnia. Sic in Hosea, Perditio tua Israel, tantum in me auxilium tuum. Et Esaia 55. totum caput huc pertinet, Venite inquit, & emite gratis vinum & lac &c.

*Internarevela-  
tio.*

*Qui sunt capaces  
revelationis  
Christi.*

*Mat. 5.*

*Isa. 13.*

*Esa. 55.*

*Qui laboratis & onerati estis, & ego reficiam vos.*

Ista duo vocabula, laboratis & onerati estis, etsi de tribulationibus possent intelligi, tamen proprie pertinent ad conscientiam, quæ extra Christum laborat, id est, varie sese cruciat & angit sub lege & tyrannide ejus. Quia sentit se oneratam peccatis, ira Dei, & morte. Hoc onus libenter vellet excutere, & non potest, Ideo laborat, angustiat & affigitur misere, quia opera non possunt eam pacificare, nec onus ejus tollere, Et tandem cogeretur desperare simpliciter, nisi ad Christum accederet, qui utrunq; præstat. Tollit onus, id est, remittit peccatum, & labores mitigat, id est, letos & securos reddit, Et sic reficit, seu quietem ei tribuit, ut peccatum non sentiat, aut si sentit, contemnat in Christo. Legem non metuit, aut si metuit, vincit per Christum, qui est nostra quies, victoria, pax, salus, gaudium contra peccatum, legem, mortem, carnem, mundum, Diabolum, &c.

y 4

Et nae,

et divina  
scriptura  
scriptura.

Et notandum quod sunt verba maiestatis, cum dicit, Ad me, Ego reficiam. Hoc enim nullus Angelus, nedum homo auderet promittere. Quia significat se potestatem habere supra peccatum, mortem, legem, iusticiam, vitam, salutem. Hæc autem est solius Dei præstare, posse laborantes & oneratos liberare & consolari. Et hæc est illa revelatio, de qua dixit, quod sit abscondita sapientibus & intelligentibus, soli Patri & Filio cognita, & per solum Filium miseris efficaciter revelanda. Post istam revelationem gratiæ, seu liberationem à peccatis & morte, quæ fide apprehenditur, & sic apprehensa iustificat, sequitur nunc Exhortatio ad ferendam externam Crucem. Sic enim Christus per Evangelium commutat æternam damnationem in temporalem passionem, Et simul etiam hanc levem facit, consolatione ista, dicens.

*Tollite jugum meum super vos.*

Translatio  
fieri oportet in  
Christum, &  
Christi in nos.

Quasi d. Ego tollo jugum vestrum super me, & libero vos, Vos vicissim tollite jugum meum super vos. Est enim satis amabilis permutatio, ut vos modicum & temporale feratis jugum, cum ego vestrum æternum feram, & simul non solum liberem vos ab æterno isto iugo, sed etiam istud temporale jugum vobis faciam leve & jucundum, tum meo exemplo, tum solatio interno Spiritus, & exhortatione verbi foris. Quare adhortor, ne gravemini etiam vos, propter me modicum pati, & ferre odia Diaboli & Mundi, & molestiam carnis vestræ pugnantis contra Spiritum, attento, quanta ego pro vobis patior & fero. His significat certo crucem instare ijs, qui à Christo respici volunt, id est, in eum credunt. Quia Diabolus non potest non odifse eos. Ideo confirmat eos ad patientiam, exemplo suo potentissimo & dulcibus verbis, ut sequitur. Exemplum est quod dicit.

*Discite à me, quia mitis sum & humilis corde.*

Aliud igitur est Christus portans nostra peccata, Aliud est quando est nostrum exemplum. Ibi nos nihil facimus, sed recipimus ab eo, Hic vero nos facimus & patimur similia ipsi. Ibi reficit laborantes, hic jubet portare, & c. Dicit ergo, discite, *Ja freylich discite.* Et wird Meister bleiben / vnd wird dem Meister sein Schüler aufsern noch ihm gleich thun / Et pulchre dicit, à me. Quia in cæteris exemplis Sanctorum, multa sunt periculosa, multa etiam vitia & errores, Ideo optimum & tutissimum est hoc Exemplar purum & unicum proponere. Si imitaris Antonium, Hieronymum, Gregorium, potes errare, & sæpius vitium pro virtute sequi, ut in eorum monstrosis abstinentijs & laboribus, Hic nullum vitium, nullum periculum est. Sed ante omnia & majusculis literis notandum & insignite memorandum, quod Christus non dicit, Discite à me jejunare, vigilare (hoc monstrosi Sancti urgent) nec dicit, Discite à me super aquas ire, miraculaq; alia facere, quæ meæ sunt personæ propria, Sed hæc communia discite, scilicet mites & humiles esse, exemplo meo. Hæc virtutes sunt secundæ tabulæ, viles & communes, ideo contemptæ & sine specie, Contra illa monstrosa opera Monachorum fulgent. Sed vos istas virtutes discite, ab alijs contemptas, etiam si non fulgeatis illorum monstrosis singularibus sanctitatis operibus, Coram Deo sunt istæ magnificæ. Hoc sit vobis satis.

Aliter.

Omnia patientia.

Est autem mititas & humilitas utraque necessaria in portando iugo, Mititas contra impatientiam & vindictam, ne persecutores odio habeamus, nec eis male velimus, sed oremus pro eis, ut Christus docet Matthæi 5. sic, Beati mites, quoniam ipsi possidebunt terram. Et hunc fructum, id est, veram mititatem erga hostes, non potest ferre nisi Christianus. Nam Gentilium patientia (ut Reguli & aliorum) fuit simpliciter ficta, vel quia non potuerunt sese vindicare, vel voluerunt gloria patientiæ videri, Semper mansit odium contra inimicos, aliud non potest natura. Solum Christus & sui vere mites sunt, id est, qui non vindictam in hostes, sed salutem eorum ex corde cupiunt, imo dolent eos perire. Et quod arguunt aut corripiunt eos, vel puniunt, faciunt amore, sicut pater filium. Disce, disce, disce igitur esse mitis, & fecisti opera infinita, quorum singula superant omnium Monachorum monstra & re-

& Regulas. Nam hypocritis & falsis sanctis nihil est crudelius, impatientius & vindictæ cupidius, ac sunt plane serpentes, quo animali nullum est vindictæ cupidius, Vnde & Christus Phariseos vocat genimina Serpentum, Prompti, imo furiosi sunt alios judicare, sese justificare. Ideo necesse est sequi, ut libenter vindicent.

Falsi sancti crudeliter.

Genimina serpentum.

Humilitas.

Hic Christus distinguit humilitatem, & aliam ex corde, aliam non ex corde facit, Licet, si sic construas, Quia mitis sum, & humilis corde, ad utrunq; referri potest. Quia sicut potest esse ficta humilitas, ita & ficta mititas, ut dixi de patientia Reguli, Romanorum, Græcorum, monachorum, Tamen proprie ad humilitatem addit, corde. Quia vidit in Ecclesia sua hypocritas (quos odit maxime) qui nulla virtutis specie sic dominantur atque humilitatis, Nec ulla alia re mundus ita decipitur, sicut ficta humilitate. *Der gram rock / Hensenstrick / barsus Schuch / Kopff henden / demütige wort / bücken / neigen / sawr sehen / sonderlich seyn / Das thut / Sanfft vnd demütig seyn von herzen / thut nicht.* Et tamen sub istis larvis subergia superbissima furit, ut probant omnium exempla seculorum.

Patientia Reguli.

Ficta humilitas.

Igitur sicut mititas est virtus Christiana, qua contra inimicos manemus suaves & benevoli, Ita humilitas est virtus Christiana, qua erga fratres (infirmos, peccatores, miseros) manemus benigni, imo inferiores, semper arbitantes nos oportere servos eorum esse, qui nobis inferiores sunt, nec ideo eis dominari, quia plus donorum vel virtutum in nobis est, idque ex corde. Sic enim Christus, etiamsi esset Dominus omnium, & incomparabiliter virtutibus supra suos Apostolos, tamen factus est eorum Servus, Sicut dicit, Filius hominis non venit, ut sibi ministretur, sed ut ipse ministret, Item, Minor in Regno cœlorum, est major eo, Et Paul. Omnium me servum feci. Item Christus, Ego in medio vestrum sum, sicut qui ministrat. Si tales essent Pontifices & ministri Ecclesiæ, nihil esset turbæ, nec intus, nec foris. Nam si sis mitis erga inimicos, nihil movebis, sed misereberis, Et sic cessabit tumultus, bellum, invidia, ira, & erunt omnia in pace, quantum in nobis est. Si humilis corde (id est, vere) fueris erga fratres & domesticos, nemo alium contemnet, nemo judicabit, nemo ambiet esse superior, sed omnes volent invicem esse inferiores & servi, & quilibet altero indignior & vilior. Vbi autem sic ageretur, quid ibi esse posset, nisi mera quies, pax, gaudium, solatium mutuum.

Vera humilitas erga fratres.

Mitis erga inimicos.

Humilis corde erga fratres.

*Hoc est, quod dicit, Invenietis animabus vestris requiem.*

Q. d. Quietem & pacem quærunt omnes, Sed alij vindicando, opprimendo, perdendo inimicos hoc quærunt, Alij ambiendo dominari, contemptu aliorum & fastu. Vtraque via, est via turbarum, & non moverunt viam pacis (ut Psalm. dicit) *Es wird nicht draus / Es mus heißen / mititas & humilitas cordis.*

*Jugum enim meum suave, & onus meum leve.*

Hoc est verbum Propheticum, & usu Prophetarum celebre. Quia suas Visiones seu prædicationes vocant, Onus, ut onus verbi Domini, Quod est onus? Et vere Lex ipsa onus importabile, ut Petrus ait, Actuum 15. Quia Lex exigebat, quod non poterat præstare natura, & sic peccatum augebat, deinde peccatum damnabat, & sic mortem intentabat, Inde vocatur Lex ministratio peccati & mortis. At jugum Christi, exhortatio ad crucem supra veterem hominem mortificandum. Crux vero est facilis, si onus legis sublatum sit, id est, peccatum & mors. Nam si credis te esse justum, & vivum coram Deo, esse Filium & Hæredem cœli, mox dices superba quadam fiducia, Si Deus pro me, quis contra me? Mors ubi est stimulus tuus, ubi victoria & gloria tua? Nam quis est, ait Petrus, qui vobis noceat, si boni æmulatores fueritis. *Was kan doch wehe thun / wenn Gott wol vndd Sanfft thut?* Vide martyres quomodo rideant pœnas. Quare? Quia fiducia & libertas cordis.

Onus verbi

Domini.

Jugum Christi

Hoc loco vehementer errant, qui jugum Christi interpretantur legem Evangelicam, id est, præcepta velut à Christo tradita. Et sudaverunt hic Sophistæ, quomodo jugum Christi esset levius jugo Moysi cum Moses tantum prohiberet opus, Christus

Jugum Christi

Sophistarum error.



Christus autem etiam ociosum verbum & totum cor? Tandem cæci concluderunt, Legem & Evangelium sese habere sicut excedentia & excessa erga se invicem, Scilicet Legem in hoc esse levio-rem Evangelio, quia non cor, sed manum prohiberet, Contra, Evangelium in hoc esse levius lege, quia circum-  
Non enim, sed  
portabile a-  
nus facere su-  
de & leve.
Rom 9.12. Math. 5. Act. 1.

scisionem & ceremonias sus-  
tulera-  
t. O cæcitas digna contemptoribus Evangelij legendi, &c. Hoc potius erat  
docendum, quam sit virtus Christi mirabilis in suis Sanctis, quod per fidem in cordi-  
dibus hominum mutet mortem in risum, poenam in gaudium, infernum in cælum.  
Quia, qui credunt in eum, ridet & contemnunt omnia ista mala, quæ mundus &  
caro horribiliter fugiunt & detestantur. Hoc vocat Christus jugum suave, & onus  
leve, id est, cum gaudio ferre Crucem, sicut dicit Paulus. Gloriamur in tribulationi-  
bus, Rom. 5. Item, In tribulatione gaudentes, & similia in Paulo, Et Christus Math. 5.  
Gaudete & exultate, &c. Act. 5. Ibant à conspectu Concilij, gaudentes quod digni  
fuis-  
sent pro nomine Iesu contumeliam pati.

Hunc sensum gaudij in tentationibus impij ignorant, nec est virium huma-  
narum, sed Spiritus sancti potentia, quæ sic immutat homines, ut quæ cæteri homi-  
nes horrent, isti contemnunt, & quæ illi plorant isti rideant. Hæc vero magna est po-  
tentia, facere ex jugo importabili, non solum portabile, sed etiam jucundum & leve,  
non mutato ipso onere, sed mutata persona ferente. Ipsa enim induitur virtute no-  
va, quæ potest omnia in eo (ut Paulus) qui eam confortat. Nam si jubeat cælum por-  
tare, & terram, certe horribiliter terrerer, Sed si aliquis adderet vires sufficientes  
ad ferendum facillime, ac si pilam jacerem, iam non solum possem ferre, sed etiam  
luderem & delectarer ferendo, Et hæc est virtus Christi, qui ideo diserte dicit, Me-  
um onus, Q. d. Meum onus differt ab alijs oneribus, meum onus non premit, sed sub-  
levat, ac potius portat, quam portatur, Mosis onus premit, non juvat, ac potius obruit,  
quam liberat.

## CAPUT XII.

**I**n illo tempore ibat Iesus per sata Sabbatis. Discipuli autem ejus esurientes  
caperunt vellere spicas, & manducare. Pharisei autem videntes dixerunt ei,  
Ecce discipuli tui faciunt, quod non licet facere in Sabbato.

Primum oritur occasio de Sabbato per discipulos Christi, qui spicas velli-  
cant die Sabbati. Sabbatum autem erat omnium rerum in isto populo sacratissi-  
mum & celeberrimum decus, ut in prima Tabula divinis digitis scriptum, & tantis  
signis è cælo traditum. Ideo nihil potuerunt ferre molestius, quam hujus vel viola-  
tionem vel contemptum, ut taceam reliqua, quod hoc die, velut insigni nota, sepa-  
rabantur à cæteris Gentibus, & gloriari poterant, se solos certam habere divinitus  
traditam tantam solennitatem, & his similia.

At ille dixit eis, Non legistis, quid fecerit David? &c. Aut non legistis in lege,  
quod Sabbatis sacerdotes in templo Sabbatum violant, &c.

Hic venit Christus sic sese gerens, ut non solum contemnere & violare Sab-  
batum videatur, sed ultro etiam quasi irritari eos gaudeat. Quo nomine bis pejor  
Gentilibus esse apparet, ut qui rideat non solum Sabbatum, sed etiam iram & offen-  
sionem de irriso Sabbato, & ultra modum contemptorem sese ostendat, Quin Do-  
minum sese faciat. Est igitur hæc summa istius causæ, Christus vult esse Dominus  
Sabbati, & exigit à Iudæis, ut patiantur à sese violari eorum Sabbatum, nec vult te-  
neri lege ejus. Hoc capitale crimen nullo modo ferendum illis erat. Hic Iudæi ju-  
stam habent causam contra eum.

Quare ergo movet istam causam & tam libenter arripit istam occasionem?  
Respondetur, Officij sui erat, et ad hoc venerat, ut sese & ministeriū suum ostenderet,  
& Patris voluntatem impleret. Voluntas autem Patris fuit, ut Christus pro Filio suo  
acciperet

acciperetur, & verbum ejus audiretur, Lex abrogaretur, Fides in totum Mundum spargeretur. Ideo ubicunq; potest, captat occasionem talia docendi & faciendi, tanquam suæ vocationis officium facturum. Ideo cum Discipuli hic Sabbatum violant judicio Phariseorum, ipse nihil eos moratus, non hoc agit, ut objecta diluat. Nam si voluisset diluere, dixisset ita ferme, Nolite irasci, me non præcipiente fecerunt, Item, ignoranter fecerunt, Item, secundum legem hoc Sabbatum est minus Sabbatum, quia secundum Lucam, secundo primum, &c. Et talia multa potuisset dicere, quæ ad excusationem justam Discipulorum, & ad mitigationem ipsorum valuissent. Hoc non facit, Sed velut gaudeat eos irritatos esse, attripit occasionem eos potius exagitandi & vexandi cum suo Sabbato, Q. d. *Arre ja/Bene veniatis cum vestro Sabbato, Euch müßt man hören/ ihr seyd seine Leute dazu/* Dicite quæso mihi, vos sapientes viri, Cur David violavit? Cur violant Sacerdotes? *Geht hin/ vnd scheltet dieselben gen vnd euch/ laßt meine Jünger mit Frieden vnd vngestraft/ Sie thun besser denn ihr sie lehren könd.* Sic per interemptionem solvit Argumentum, Q. d. Sic volo, sic jubeo, sit pro ratione voluntas. Hoc totum fit, ut dixi, ut notum faciat sese esse Doctorem & Dominum omnium, quem audire & sequi oporteat,

David violavit Sabbatum.

Christus doctus & Dominus omnium.

Ideo concludit, *Dico vobis*, id est, annuncio & prædico vobis, *quod hic est major Templo.*

Id est, scitote me esse audiendum, non vos, neque Mosen vestrum, *Es ist aus mit Mose vnd ewrem Ding.* Hæc est vera solutio Argumenti, quando dicunt, Discipuli tui faciunt illicitum. Respondet, Hoc non est vestrum, sed meum judicare, Aliud nunc seculum est, ut qui prius potuerunt violatores Sabbati dici sub Mose, jam non debent dici, etiam si vere violent, quanto magis si vestra opinione violent, quia mihi cedit Sabbatum, & tota ejus observatio. Post ista addit unum singulare, provocans eos ad scripturam.

*Si sciretis (inquit) quid sit, Misericordiam volo, & non sacrificium, nunquam condemnassetis infantes.*

Data opera & studio videtur digredi à Sabbato & templo, etiam ad cultum sacrificiorum, ut omnia eorum confuteret. Nam Sabbato, Templo, Sacrificio sublati, quid manet eis reliquum? Et sic occasione Sabbati evertit totam eorum Religionem, & sibi subjicit. Nonne ergo pulchre respondetur istis Sabbati defensoribus, ut non solum Sabbatum, sed & Templum & sacrificium cum universo cultu & religione amittant. *Es sie haben vbel arguirt/ vnd ein sehr böse Solution friegt.* Est ergo iste locus tractandus, ex Hosea sumptus Cap. 6. Misericordiam volo, non sacrificium, & noticiam Dei, plus quam holocaustum. Hoc Christus allegat simpliciter contra Iudæorum cultus, quibus mite præsumebant. Nam ipsi nihil extollebant

Christus evertit totam religionem Iudæorum.

Christus misericordiam præfert sacrificijs.

Es. 6.

Matth. 23.  
15.

altius, quam Sacrificium, ut Matth. 23. ubi prætulerunt Sacrificium Templo ipsi & Altari, item honori parentum, Matth. 15. Ideo hæresis horrenda fuit, misericordiam præferre sacrificijs. Dicit igitur, Vos sacrificuli solum estis, & gloriamini de sacrificijs, quæ Deus non curat, nec illis opus habet, Interim avari, crudeles, & adeo sine misericordia & affectu, ut etiam jejunantes meos pauperes Discipulos non velitis grana ex spicis edere, quibus tamen oportuit dare ad manducandum secundum legem charitatis & misericordiæ.

Sic ab initio Mundi fuit, ut hypocritæ, falsa justitiæ & religionis opinione excæcati, semper fuerint crudelissimi, & ad omne bonum opus reprobi, perpetuo nihil aliud agentes, quam alijs detrahentes, judicantes, damnantes, & peccatores, infirmos, pauperes, derelictos, despicientes, Se solos admirantes, & arbitantes esse sanctos & filios Dei. Sicut Sacerdos & Levita præterierunt semivivum, Samaritanus autem eum curat, hoc est, misericordiam exhibuit, quæ placet Deo super omnia sacrificia. Imo Christus amplius dicit, & misericordiam non solum præfert sacrificio, sed plane sacrificium abrogat ex Hosea dicendo, *Non volo sacrificium.* Quia

Hypocritæ sunt crudelissimi.

Natura hypocritarum.

Christus sacrificium abrogat illi.

Deum eligit mi-  
sericordiam, &  
reprobat sacri-  
ficia.

illi reliquerunt Misericordiam, & elegerunt Sacrificia, Ideo contra Deus eligit misericordiam, & reprobat sacrificia, non vitio operis tam sancti, sed culpa operantium, sicut scriptum est, Victimæ impiorum abominabiles, nesciunt quantum faciant mali. Quis enim non abominetur eum, qui rejecto & contempto præcepto Dei de misericordia, & contra proximum sit avarus, crudelis, negligens, contemtor, detractor, damnator &c. Et loco hujus præcepti veniat cum suis sacrificijs, proprio fervore oblati?

Hypocritæ possi-  
mi sunt, dum ve-  
dentur sibi esse  
optimi.

Vnde Jerem. Non præcepi vobis de victimis, Sed hoc est, quod præcepi, Au-  
dite vocem meam, Non quæ vos eligitis, & quæ vobis placent, sed quæ ego eligo & mihi placent, servari cupio, Sed ista neque scitis neque curatis, ideo non intelligitis quid Propheta Hoseas docuit, Imo nescitis quantum facitis mali, dum videmini vobis optima facere. Quia præceptum charitatis & misericordiæ conculcatis per inobedientias multiplices, & vultis placare Deum vestris Sacrificijs, à vobis electis. Hoc est Deum velut fatuum irridere, scilicet quasi ipse vestram inobedientiam debeat probare & coronare, propter vestra sacrificia, Et sic vos impios præferre sibi & suis Præceptis, quasi vos cum Sacrificijs sitis fac totum & omnia, Deus autem cum suis Præceptis sit nihil & iocularis aliquis Nugator, &c.

*Et cum illinc transissent, venit in Synagoga eorum. Et ecce Homo manum habens aridam. Et interrogabant eum, dicentes, Licet ne Sabbatis curare? ut accusarent eum.*

Regnum hypo-  
critarum.

Sequitur alia occasio de Sabbato violando, etiam in publico loco, scilicet Schola & in loco docentium & audientium, Vbi fit eis locus cum observandi odiosus, scilicet coram plebe, quæ Sabbatum, sicut & ipsi, zelabat. Ideo provocant jam eum publico populi loco, ut animos illorum in ipsum irritent, & sese honestent, si violet Sabbatum. Sic istæ viperæ norunt loca, personas, tempus & omnia eligere ad insidiandum, calumniandum & nocendum, & tamen falluntur semper & frustrantur, ut hic. Adest, scilicet in Sabbato, homo aridam habens manum, indigens ope & misericordia, Et Christus jam paulo ante extulerat Misericordiam super Sacrificia & Sabbatum. Ideo sic cogitant observatores illi, Iam est locus, persona, tempus eum tentandi coram plebe, Si miseretur, hujus inopis, Sabbatum violat in conspectu populi, Si non miseretur, ipse sibi ipsi est contrarius, qui misericordiam non fecit propter Sabbatum. Hic certo capiemus eum, nec poterit evadere. Quia istum cornutum Syllogismum non effugiet, *Er muß Ja oder nein sagen.* Si miseretur, populum irritabit, Si non, suam doctrinam suspectam facit, quod sit Hæreticus, & ita utrinque mors ei impendet. Sic fecerunt ei etiam cum tributo Cæsaris. Sed hic perrumpit eorum laqueos, sicut Camelus telam, & frangit alterum cornu Syllogismi, *und bricht der Sabbat den einen Zandten ab/und stößet sie in sie selbs.*

Cornutum Syl-  
logismi.

Hoc est quod Matthæus scribit, Interrogabant eum, ut causam (scilicet mor-  
tis) contra eum haberent coram populo, Ipse vero retorquet eandem questionem in ipsos, & cogit eos respondere, saltem silentio.

*An liceat orem esse vea trahere in Sabbato?*

Hac questione eripit eis plausum apud plebem, & liberat se invidia, & conciliat sibi plausum, plane divina sapientia. *Da stehen sie wie die Pseiffer/so den Taug verderbt haben / und haben ihnen selbs in die Hende hofirt.* Quia & populus jam Christum admiratur, & ipsos despicit, cum ipsi contrarium quæsierint. Itaque sic illis confusis, libero velut campo loquitur & operatur. 1. Loquitur dicens, *Licet benefacere Sabbato*, id est, misericordiam exhibere, sicut supra docueram. Et sic defensa est ea doctrina, & confutata adversariorum calumnia, Et stat misericordia super sacrificium &c. 2. Operatur, sanans hominem, & faciens id quod docuerat & defenderat. Et sic tam verbo & opere suam doctrinam confirmat, & contrariam destruit. Et est tam doctrina, quam opus miraculum Dei. Quia sic nemo potuisset contra Sabbatum loqui, sicut nec aridam manum sanare, nisi Deus ipse adesset.

Christi verba  
ex opere suam  
doctrinam confir-  
mant.

*Exeuntes*



*Exeuntes autem Pharisei con silium faciebant ad versus eum, quomodo eum perderent.*

Sed ecce quanta sit vis Diaboli in cordibus à se possessis, quam sint incorrigibiles. Convierti sunt sapientia Verbi divina, convierti sunt potentia Dei manifesta, hoc est, audiunt responsum, quod negare non possunt, vident opus, quod reprobare non possunt, Responsum est hominem esse meliorem ove, Et si ovem licet servare in Sabbato, multo magis hominem. Quid contra hæc potest dici, & tamen sunt excitati & indurati. Opus est, quod in oculis eorum, publice coram omnibus sanat aridam manum. Quid potest contra hoc cogitari? Et tamen isti boni viri non solum non convertuntur aut quicquam moventur, imo contra peiores fiunt, & consilium ineunt, non quomodo discant & audiant, sed quomodo occidant. O boni viri, qui ipsa veritate tam verbi quam facti, palam & in conscientia convierti, tamen furore contra veritatem pro mendacio feruntur. Quid mirum, si hodie similia faciat Satan, sibi semper similis, licet dissimilibus organis suis. Also solt gehen/ daß wenn sie gleich selbs bekennen müssen / es sey die Wahrheit / dennoch sollen sie verstockt ihre Lügen mit Word und Blut verteidigen / alioqui non essent filij digni suo Patre Diabolo, qui autor est mendacij & mortis.

*A Diabolo abjeksi sunt incorrigibiles.*

*Satan sibi semper similis.*

*Iesus autem sciens, recessit inde, & secuti sunt eum multi, & curavit eos omnes.*

Sequitur alia Historia, Et facit Matthæus occasionem seu locum adducendæ Scripturæ de Christo, dum dicit, Prohibuisse Christum populis sequentibus & adherentibus, ne eum palam facerent. Dicit ergo Christum, cum audisset consilia ini-  
 ra contra se à Phariseis, cessisse eorum furori, & migrasse ad alium locum. Quo exemplo docet cedendum esse furiosis pro tempore, & præsertim si necessitas non est manendi, & alibi plus fructus sequitur, Vt hic, dum Pharisei eum quærunt occidere & nolunt sequi, cedit & invenit alios, qui eum libenter audiunt, & beneficia ejus suscipiunt. Mos enim est & fortuna Evangelij, ut alijs odientibus, semper sint alij, qui ament, usq; in finem mundi. Post venit ad locum scripturæ, dicens, Prohibuit eos, ne eum palam facerent, propter Scripturam implendam, quæ prædixit eum fore quietum & tacitum in Plateis, &c.

*Cedendum fore pro tempore.*

*Fortuna Evangelij.*

Sed mira videtur allegatio ad tale propositum, scilicet quod Isaias sit locutus de ista causali & particulari fuga Christi, cum Christus alias fuerit in omni loco celebratissimus & minime tacitus in plateis. Sed Matthæus hoc vult, Christum non voluisse contendere cum incredulis, aut conviciari mutuis maledictis. Sed ubi non auditur, testificata veritate, cedit, & non litigat cum verbosis contentiosisq; Hypocritis, & potius alio cedit, &c. Ad hoc adducit Isaiam 42. Ecce servus meus, &c. Sed iste locus non solum hoc continet, quod Matthæus ponit, sed totum Christum pingit, Quare videndus & cognosci dignus. Ecce, inquit, servus meus, id est, scitote omnes, quod Christus sit minister meus, Legatus, Apostolus & Doctor omnium à me missus, Non venit sine vocatione, sicut fures & latrones, Meus est servus à me missus, Et qui eum audit, Me ipsum audit, sicut & Moses fuit servus meus.

*Christus Dei servus.*

Quare diligenter est notandum, quod servus hic est publicum nomen. Hoc dicitur contra usitatum errorem in Papatu, ubi servire Deo significabat, fugere Mundum, deserere officia publica docendi & regendi & faciendi ea, quæ uniuscujusq; vocatio requirebat, pro quibus fiebant monachi, anachoritz, privati homines, tantum suis proprijs electis operibus Deo servire præsumentes, quia pericula & molestias publicas non ferebant. 2. Sic pronomen (meus) magnificam gloriam habet, scilicet quod certo sit Dei Legatus, & autoritate divina sit audiendus. Et ut solent Reges & Principes suis Mandatarijs dare Credentias, id est, literas testes suæ missionis, ita hic Isaias est testis & credentialis Christi, testimonium perhibens missioni ejus. 3. Omittit Matth. ex Isaiâ (Quem sustentabo, ob dem ich halten wil) Consolatio est missi seu servi, quod sciat sese habere protectorem Deum in officio & legatione sua. Si-

*Servus Dei secundum Papam.*

*militer*

*Ministri ver-  
bi versari in  
periculis.*

militer significat, ministros verbi versari in periculis tantis, à Diabolo, Mundo, carne ut egeant etiam divino auxilio, nec defendi possint, nisi solius Dei auxilio, postquam contra eos fremunt Gentes, Reges consurgunt. Et quicquid est aliquid mundi, vexat legatos Dei. Ideo promittit seseipsum fore defensorem contra illos omnes. Et nisi hoc faceret & nos facturum sciremus, quis vellet subire docendi laborem & pericula? Quod enim Christo accidit, omnibus ministris accidet.

*Deus defensor  
ministri verbi.*

*Electus meus.*

*Christus inter  
omnes legatos  
Dei solus voca-  
tus electus.*

Hoc verbo Christus præfertur omnibus legatis Dei, etiam Mose, Nam de Mose in sua Vocatione non sic loquitur, quantumlibet ei confert autoritatem divinam, Licet alias extra vocationem alios etiam vocet electos, ut Psalm. 105. Iacob electi sui, & alijs locis. Sed hic inter legatos vocatur Christus electus, ut ejus doctrina pro electa habeatur, supra legem & prophetas, & huic cedant omnes (etiam si valde bonæ sunt) tanquam electæ præ cæteris, Et sic etiam Mose & legi præfertur Christus & Evangelium autoritate divina.

*In quo complacuit animæ meæ.*

*Deus delecta-  
tur in doctrina  
et opere Chri-  
sti.*

Hoc etiam non competit Mose, nec ulli Legato, quantumlibet divinitus approbato, Sed singularis est huic uni ista gloria, quod Deus delectatur in istius Legati doctrina & opere. In Mose non potuit delectari, quia Lex non fiebat. Ideo Deus magis indignari cogeatur, Quia fiebant per Legem, quæ Deo displicebant, cum Lex iram operetur, &c. Sed per hujus Legati officium fit, quod Deo placet, scilicet remissio peccatorum, victoria mortis, pax cordis, vita & salus æterna, gloria Dei & charitas hominum, &c. Ita ut posses dicere Mosen quidem approbatum esse à se, sed tamen non beneplacitum habere in ipsius ministerio, quia Lex non profuit, &c. Iuxta hæc indicat, quod Legatus hic Dei apud Mundum non sit reputatus Servus Dei, sed servus diaboli, non defensus à Deo, sed desertus & puniendus à Deo, non electus Dei, sed reprobus Deo, non placitus Deo, sed abominabilis Deo. Quia doctrina ejus in Mundo habetur pro Diaboli verbo, quod Deus damnet, odiat & abominetur tanquam hæresin & virus infernale. Ideo Fides & Spiritus ista magnifica verba Esaie intelligit & probat.

*In deserto mon-  
strum de ministerio  
Christi.*

*Concordia Esa-  
ie & Matthæi.*

Qui volet cum Ebræo concordare Matthæum, sic potest dicere, quod mutatis verbis idem dixerint, Matthæus hoc modo, Ecce servus meus, quem elegi, Esaïas, Ecce servus meus quem tuebor. Matth. Dilectus meus, in quo complacuit animæ, Esaïas, Electus meus, in quo complacuit animæ, ut quod Matthæus dicit, Quem elegi, sit id, quod Esaïas dicit, Quem defendam. In his duobus solis est differentia, Nam dilectus & electus facile conveniunt. Potest autem dicere, qui vult defendere aliquem, Ego hunc suscipiam & eligo, quem defendam. Et sic pugnabunt Matthæus & Esaïas tantum sono grammatico, sed conveniunt tono theologico, Sententia iidem, syllabis diversi, quod non officit.

*Posui super eum spiritum meum.*

*Ponere spiri-  
tum super ali-  
quem.  
Verba & facta  
Christi sunt spi-  
ritum.*

Ebraismus est. Spiritum poni super eum, id est, dari ei Spiritum, qui scilicet gubernet eum, ut omnia faciat & dicat regente Spiritu, ut Matth. 4. Ductus est Iesus à Spiritu in desertum, Item, Exultavit Iesus in Spiritu, &c. Quod est aliud nihil, quam quod omnia quæ Christus sit facturum & dictum, spiritus sit. Nec solum ad scientiam hoc pertinet, verum etiam ad animum, ut Christus non solum omnia recte doceat & faciat, sed etiam animose & potenter audeat percurrere docendo & faciendo, nullis perterritus periculis. Et sicut thun / vnd thare auch wagen / contra omnia, quæ resistunt ei. Sicut Samson ausus fuit Leonem occidere, & David ursum. Quia non satis est scire quid doceas, sed etiam audendum est & fortiter perseverandum in eo, quod docueris, contra portas inferi. Vtrunque præstat Spiritus, ut Ieremias 1. Dedi te in murum ferreum &c. Summa summarum, Sicut iste, Servus mihi electus

*Matth. 4.*

*Jeremias 1.*

electus placet, ita spiritu meo faciet omnia & perumpet sicut ventus & impetus, cui nihil resistit. Habebit Spiritum, cui nihil resistet, etiam si Reges & omnia resistent. Ideo emphasis est in verbo ( Spiritum meum ) quo significatur eum omnia scire, facere & posse, invitis omnibus adversariis.

*Judicium gentibus annuntiabit.*

Iura dabit populis totius orbis, Id est, Doctor est futurus totius orbis terrarum. Quia iudicium annuntiare, est idem quod docere Gentes, hoc est, tradere veram doctrinam fidei. Hoc Iudæi pro sua gloria intelligunt, quasi per Messiam sint dominaturi Gentibus, Sed Christus hic non loquitur per Esaiam de Tyrannide super gentes futura. Quia non arma, sed Verbum jactat, & per verbum vult dominari in gentibus. Sicut & omnes Prophetiæ aliæ prædicant Christum futurum Dominum totius orbis, Id est, per Verbum & fidem regnaturum ubiq; & ex omnibus Gentibus collecturum suos fideles. Hæc septem non sunt principalia, quæ Matthæus voluit, sed induxit illum totum locum propter ea, quæ sequuntur ad propositum de Christo, scilicet quod non sit clamator, & voluerit celari, nec in publico cum aliquo contendere, &c. ut sequitur.

*Annuntiare iudicium.*

*Christus per verbum & fidem dominatur omnibus gentibus.*

*Non contendet.*

Satis bene redditum est verbum Ebraicum, Clamabit, per verbum, contendet. Quia non loquitur de clamore juvenili aut lato in plateis, Sed sicut solent irati & offensi invicem clamoribus & querelis movere turbas, hoc est, contendere seu contentiose clamare, Ita Christus potius cessit Phariseis, & vitavit eorum conspectum, finens eos irasci & persequi, clamare contra se, ipse in silentio & spe perseverans. Et propter hanc partem, ut dixi, Matthæus induxit Isaiæ locum, ut pingeret Christum hominem pacificum, quietum, fugientem tumultus, turbas & motus hominum furiosorum & iratorum, dans locum iræ. *Die Schreyer hören doch nicht. man sagt/ und können auch nicht mehr schreyen/ denn/ Tolle, tolle, crucifige eum, sicut coram Pilato fecerunt. Item cap. 22. Act. coram Lyfia contra Paulum, Tolle de terra istiusmodi, non enim fas est eum vivere, Et Act. 16. etiam contra Paulum.*

*Christus cessit furori Phariseorum.*

*Christus homo pacificus.*

*Mat. 22. 16.*

Vt doceamur & nos contra furiosos clamores hominum, filere & fugere, ut qui nihil proficiamus inter eos, Sicut adversarij Papistæ & spiritus fanatici hodie nihil aliud scripserunt, docuerunt & clamaverunt, quam tolle, tolle. Nihil sani prorsus docent, neq; sana docentes audiunt, sed tantum conviciantur & damnant eos. Hi igitur sunt exemplo Christi relinquendi & vitandi, ut non misceamur eorum clamoribus, quibus nihil tamen proficeremus. Sinamus eos clamare, donec Deus iudicabit causam nostram. Nihil enim est utile cum eis contendere (ut Paulus ait) quam ad subversionem audientium. Ideo & Ecclesiastes 9. pulcherrime dicit, quod pauperis sapientia contemnitur quidem inter istos clamorosos, sed tamen in silentio audiuntur verba sapientis, & ibi valent plus quam omnes clamores magnatum inter stultos, Vbi unus stultus multa bona perdit, Summa, cum contentiosis non est disputandum, Non enim emendantur, sed plus irritantur, quia non quærunt veritatem, sed gloriam & triumphum. Ideo exemplo Christi, Wenn man gesagt hat was recht ist/wollen sie viel schreyen und haddern / so gehe davon / Gleich wie hie Christus weicht davon / da er vom Sabbath gepredigt hatte / und lesset seine hostes zürnen und disputiren wie lang sie wollen/ wil ihres schreyens und pelferns nicht gewarten ( quod est infinitum )

*Pharisei hominum clamores vitandos.*

*Eccles. 9.*

*Cum contentiosis sic non disputandum.*

Sic & in politicis rebus consulit Cato, Contra verbosum verbis contendere noli, Item Altercando veritas amittitur. Nam qui veritatem quærit, audit cum silentio, & quærit eam sine clamore & tumultu. Qui tumultuatur & clamat, significat se non Veritatem quærere, sed gloriam. Quid ergo cum eo contendis, qui non veritatem, sed gloriam quærit? Nec ipse unquam ad veritatem venire potest, nec poteris tu eum ad veritatem perducere, Sed frustra cum eo in infinitum clamabis. Sic

*Quærens veritatem audit cum silentio.*

*Mat. 5.*

Christus ait ad Iudæos Iohan. 5. Quomodo potestis vos credere, qui gloriam quæ-



Clamori relin-  
quendi.

ritis ab invicem? Clamatores sunt contra veritatem, ideo relinquendi. Non discere, sed docere volunt, Non indocti, sed omnia perfecte nosse & judicare volunt, Tali-um discipulorum Diabolus sit Magister. Nunquam enim emendantur, sed manet  
Rom. 16  
clamosi & contentiosi. Vt Roma. 2. Eos vero, qui sunt ex contentione & non ac-  
quiescunt veritati. Aptissimum epitheton, contentiosi, non acquiescentes verita-  
ti, Et hoc loco clamosi, Schreper / Vt cernere est hodie in Papistis & sectarum au-  
toribus.

*Non clamabit, & non audietur vox ejus in plateis.*

Furiis & clamor  
contentiosorum.

Christi modestia  
in docendo.

Idem est cum superiori, scilicet, Non contendet. Quia ista exaggeratione, Non,  
clamabit, non levabit (scilicet vocem) non audietur vox ejus in plateis, sicut est in E-  
braeo, significat Propheta, furiosum illum & pertinacem clamorem contentioso-  
rum, & rabiem Pharisaici odij in populo Iudaico contra Christum, à quibus cum fore  
alienum prædicit, Sed fore ipsum modestum & quietum, qui in omni patientia  
doceat, arguat, increpet, ut Paulus suum Timotheum instruit. Non enim hic prohi-  
betur Christus arguere, increpare, damnare, judicare impios. Quia hoc exigit ne-  
cessitas officij & doctrinæ, Sed litigare, mordere, furere, sævire, & ut isti solent, tan-  
tum convitijs, maledictis, contumelijs, odijs & invidijs alios lacerare & lædere, nihil  
curantes de doctrina aut reprehensione vitiorum, aut sanandis moribus seu Eccle-  
siæ, seu suorum, Sed tantum de vindicta & ira explenda, pro defensione suarum opi-  
nionum, consuetudinum, traditionum.

Tres partes cla-  
moris furiosorum.

I.

III.

Possunt tamen ista tria, scilicet clamare, levare vocem, audiri vocem, accipi  
pro tribus partibus clamoris seu contentionis. Quia primum opus furiosorum est  
contendere, id est, nullum audire, nulli cedere, sed sine fine litigare, & sua defendere.  
Non enim sinunt verbo Dei locum, sed suam justiciam statuunt, Sic wollen recht ha-  
ben. Quæ est eorum cor induratum, oculi clausi, aures gravatæ. Esaiæ 6. Secun-  
dum est, n. solum sua statuere, sed etiam veritatem, contrariam sibi, opprimere.  
Hic clamant, multa allegant contra Verbum, quæ tamen vere nihil sunt nisi clamo-  
res, & violenta dicta contra veritatem. Hoc ipsi nihil curant, tantum ut vincant, scri-  
bunt, prædicant, legunt, Helffe was da helfen mag, daß Gottes wort nicht gewinne / o-  
der recht behalt. Tertium est, quod audiri volunt vocem suam, volunt & gloriari, tri-  
umphare, victores videri. Hic auditur vox eorum, Ecclesia, Ecclesia, Patres, Pa-  
tres, Concilia, Consuetudo, Obedientia, &c. Sicut Iudæi vociferabantur. Tem-  
plum, templum, Ierusalem, Populus, Lex, Patriarchæ, ut Rom. 9. Quorum est  
Lex, &c. Et Actor. 6, Hic homo loquitur contra locum, Templum, Legem, Po-  
pulum, &c.

Quomodo pius  
doctor se gerere  
debeat in do-  
cendo.

His studijs seu potius furijs, non debet pius Doctor suam Doctrinam docere  
vel tueri, Sed cum docuerit, arguerit, judicaverit, eos relinquere, ut mordeant, con-  
tendant, litigent, maledicant, clament, vociferentur, furant, sæviant, donec consu-  
mantur. Est qui quærat & judicet, Iohan. 8. Cedat ergo cum Christo istis furiosis.

*Calamum quassatum non confringet, & Linum fumigans non  
extinguet.*

Pulcherrima  
Christi pictura.

Calamus quassatus  
sicut Linum fu-  
migans.

Pulcherrima pictura Christi suavissimis Figuris exornatur, scilicet in conso-  
lationem plenissimam, & ut propter figuras gratior sit & tenacius hæreat. Pri-  
mum, totus Versus allegoria est, seu perpetua metaphora. Nam calamus, Linum,  
&c. aliud significant, scilicet cor contritum & humiliatum. Estque eadem senten-  
tia cum illa supra, Venite ad me omnes, qui laboratis, Item cum illo, Pauperes ev-  
angelisantur, Sed ornatus & potentius seu efficacius dicitur istis figuris & picturis.  
Item alia inest figura, scilicet Tapinosis seu Emphasis, quia minus dicit, quam si-  
gnificat, Vt, Non extinguet, non confringet, id est, maxime accendet & consoli-  
dabit. Et est ista figura valde dulcis & potens, in loco dicta, ad consolandum. Vt si  
pusillanimitas aliquis sit, & metuat accedere Sacramentum propter reverentiam, &c.  
persuadeatur aliquis hac figura, Cur metuis? Accede. Non enim Christus venenum  
tibi

tibi dabit, Item, *Er steht ja nicht mit der Keule hinter dir / Item, Er wird dich nicht fressen.* Valde erigunt istæ Negativæ, quia excludunt hoc quod metuitur malum potentissime. Et simul includunt affirmative, quod petitur bonum, opulentissime. Sic si trepidet aliquis ad suscipiendum officium, dicitur ei, *Es es beist dich nicht / Ist doch kein Teufel nicht / id est, est opus excellenter bonum & utile, non tantum innoxium.*

Ostenditur igitur hic Christus pulchre depictus. REX pauperum, afflictorum, miserorum, contritorum, territorum. Quia nullus Calamus eum curat, nisi quassatus, Nullum Linum eum cupit, nisi fumigans, Nec ipse alios curat calamos & lina, ut quæ integra sunt, valent, fulgent, nec quicquam illius egent, sibi satis iusti, sapientes, valentes. Sicut dicit, Non est opus valentibus medico, Non veni vocare justos, hoc est, quod & hic dici potest, Non veni integrare calamum integrum, non accendere fulgentem candelam, Sed veni calamos quassatos non confringere, id est consolidare & confirmare, Linum fumigans non extinguere, id est, accendere & illuminare. Subindicat autem crudelitatem exactorum, hoc est, tyrannidem legalem & Doctorum Legis, qui nihil aliud faciunt, quam quod vexant Conscientias jam afflictas satis, Ponunt enim onera importabilia super homines, quæ nec digito attingunt ipsi, Ab alijs severe omnia exigentes, quæ ipsi nihil præstant.

Iam sic natura fert, ut nemo sic metuat mortem, sicut pavidi, Nemo sic reveretur Legem, sicut isti contriti calami, Nemo sic laborat in peccatis, sicut Linum istud fumigans, Econtra nullos magis premunt Tyranni isti spirituales, quam istos pavidos. Delectat enim eos, quod sic sint formidabiles, quod eorum & dicta & facta sic honorentur, quod populus sic subjiciatur eorum pedibus. Ideo pergunt sine fine augendo leges, traditiones, & ita calamum quassatum penitus confringunt, & Linum fumigans extinguunt, id est, adigunt in desperationem & infernum. Hæc satis *Exch. 34.* sub Papatu experti sumus, Et in *Ezech. 34.* queritur Dominus, quod dissipaverunt & perdiderunt Gregem tyrannide sua, quod cum potentia & austeritate imperaverunt eis, Et *13.* dicit. Moerere fecistis cor iusti, quem ego non contristavi. Sic & in regno politico soli afflictis, præsertim Christiani vexantur, Summa, *Sie leiden beydes / geistlich vnd weltlich tyranney / vnd werden von beyden justossen / das ja vmb vnd vmb ein justossen Rohr sey / das ein seglicher beuget / krümmet / niederdrückt wo er kan / wie der Wind ein Rohr hin vnd her treibt vnd stößet / als wolt es zubrechen / etc.*

*Quæ sequuntur paulo aliter in Ebræo sunt, Et Matth. quædam omittit.* Sic habet Esaias, *In veritate educet iudicium, non erit tristis nec turbulentus, donec ponat in terra iudicium, & Gentes legem ejus expectabunt.* Pro quo Matthæus sic. *Donec ejiciat victoriam ad iudicium, & Gentes in nomine ejus sperabunt.*

Videtur voluisse brevior esse autor istius textus, & comprehendere istum locum (Non erit tristis, &c.) sub hoc (calamum quassatum &c.) Item hunc locum (In veritate iudicium) componere in istum (Donec ponat in terra iudicium) Iam non multum differt hoc, quod dicit, Gentes in nomine ejus sperabunt, ab isto, Legem ejus Insulæ expectabunt. Igitur iudicium secundum veritatem educere, intelligitur contra justiciam legis, operum hypocritarum, hoc modo, Extra Christum sudatum est & sudatur semper pro justitia obtinenda, sed frustra laboratur, Semper discunt, & nunquam ad scientiam veritatis perveniunt, *Es wird doch nichts draus.* Vnus & solus hic prorumpet & implebit legem, per obedientiam suam usque ad mortem. Ideo solus ipse perficiet veram, certam, solidam justiciam, Cæteris (quantumlibet laborant) deest veritas. Quia sunt hypocritæ, falso iusti, & nunquam certam conscientiam de suis operibus habere possunt.

Hic ergo aliquando statuet victoriam contra Peccatum & legem, sub quibus omnes manserunt victi & conclusi. Ipse erumpet & triumphabit manifesta victoria contra peccatum & Legem pro se & omnibus credentibus in eum. Et sic istis

verbis Christus prædicatur Salvator, qui pro omnibus alijs solus satisfaciet legi, tollet peccatum, iram & mortem. Hoc sensit Matth. cum victoriam judicij memorat. Nam judicium hic nomen est rei, id est, significat justiciam seu justam rem, non tantum verbum vel doctrinam, *Er wirds doch einmal zu recht bringen / und das es das rechte Recht heisse / secundum veritatem, non fide nec hypocritice.*

*Non erit tristis nec severus.*

*Nullus hypocritarum.*

*Christus blandus & amicus.*

Dicitur de conversatione ejus & exemplo, scilicet quod non erit (ut Hypocritæ tristes sunt) austerus, Qui cum putent justiciam sitam esse in vestitu vili, tristi vultu & alijs singularibus ab omnium usu observantijs, non aliud possunt quam judicare, mordere, reprehendere, contemnere alios, qui communi vita agant & dissimiliter vestiant, vescantur, ambulent &c. Econtrà Christus erit blandus & dulcis, neminem propter ejusmodi arguens, judicans, mordens, Sed omnes ei placent, qui in eum credunt, sine discrimine facierum, vestium, ciborum, usuum. Quia communissima forma vixit, & patientissime omnes tulit, præterquam Hypocritas, quia ferri noluerunt neq; credere. Sed ut sunt *οὐκ ἔργον*, omnia reprehendunt &c. Hominum genus ad *saarsehen* & reprehendendum omnia, natum, factum, fictum & sculptum, sicut & nostrorum quam plurimi hodie.

*Donec ponat in terra judicium, &c.*

Haec locus Isaiaæ proprie ad populum legis pertinet, qui suis operibus justificari voluit, & habuit Christum sibi promissum, Nunc dilatat idem ad Gentes, qui & ipsi, licet sine lege scripta, tamen sibi ipsi lex, Roma. 2. quæsierunt sapientiam & justiciam, ut patet in Cicerone & alijs optimis viris. Faciet hæc, inquit Christus, ut vera justitia triumphet primum in Iudæis, post etiam in Gentibus per Evangelium, &c. Sic enim solet Paulus intelligere Prophetias, Primum de Iudæis, & de Gentibus quoque, ut Roman. 1. 2. 3. Nam quod dicit in terra, emphasis est, quod justitia vera non solum sit futura apud suos, calamum quassatum per Legem, &c. sed etiam in terra, & ubiq; terrarum.

*Iudæi expectaverunt doctrinam fidei.*

*Gentes facilius esse susceperunt.*

Et nota emphases verborum. Apud Iudæos dicit, Educet secundum veritatem judicium, Apud gentes, Ponet judicium in terra. Quia apud Iudæos difficile fuit justiciam fidei statuere, propter legis auctoritatem & populi consuetudinem (ut testantur Pauli scripta) simul propter opinionem & hypocrisin Iudæorum, contra gentes gloriantium de justitia legis. Ideo fuit ibi educendum judicium, seu vera justitia, maxima vi, tanquam novis miraculis ex Aegypto educendi, Nam etiam Apostoli tarde educi sunt ex ista Aegypto, Apud Gentes vero, ubi religio nulla erat divinis Miraculis confirmata, Facilius fidei justitia suscepta, tanquam in loco vacuo posita, ubi antea nulla fuerit, nisi civilis, &c. Ideo hic ponitur justitia in terra, illic educitur veritate contra hypocrisin. Id confirmatur velut eadem sententia per hoc, quod sequitur.

*Et Gentes in nomine ejus sperabunt.*

*Justitia fidei.*

*Lex Christi.*

*Paulus studiose fuit Esaiæ.*

*Lex fidei.*

Nisi quod ipsa justitia clarius definitur, scilicet quod sit sperare seu fidere in nomine ejus, & ut supra dixi. Nam (ut Paulus) justitia Christiana, est fidere in nomine Christi, Et idem dicit Ebræus. Et Gentem legem ejus expectabunt, Q. d. Non legem Moysi, Habebit & ipse Legem, & hanc Legem, scilicet quæ est fidei, Gentes expectabunt, id est, desiderabunt, & cum magno affectu suscipient & volent, id est, libenter amplectentur. Quo simul verbo significat futurum, quod Iudæi essent istum Dominum & Legem ejus contempturi, quasi per Mosaicam legem multo meliores, &c. Ideo restare, ut illis repudiantibus Gentes cum Gaudio essent suscepturæ. Et non est dubium sanctum Paulum hujus Prophetæ in primis studiosum, hinc suscepisse hujusmodi phrasas. Lex fidei, Rom. 3. Item, Deus idem Gentium, qui justificat circumcisione ex fide, Præputium per fidem, alioqui lex fidei non bene sonat, Et ex fide & per fidem non est usitatum. Sed quia hic in Esaiæ Christi fidem & Evangelium



gelium vidit legem ejus dici, Et non solum apud Iudæos, sed etiam apud Gentes vulgandam, Ideo audet eam appellare Legem, sed legem Christi, ad Rom. & Gal. alias nunquam. Et quia primo Iudæis, postea Gentibus, ideo illis ex fide tanquam illis promissa istis per fidem, tanquam nihil antea illis promissa, &c.

*Lex Christi.  
Ex fide & per  
fidem.*

Tunc oblatum est ei demonium habens, cæcus & mutus, & sanavit eum, ita ut loqueretur & videret, Pharisei autem audientes, dixerunt, Hic ejicit demonia in Beelzebub principe demoniorum. Iesus autem sciens cogitationes eorum, dixit, Omne regnum in se divisum &c.

*De cæco, surdo, & muto  
obsesso.*

Sequitur tertium miraculum, de cæco, surdo & muto obsesso, simile ejus, quod supra cap. 9. habetur, Ideo eadem hic dicenda sunt, nisi quod hic Christus respondet ad blasphemias Phariseorum, quod supra Matthæus non attingit, & Marcus latius hanc rem tractat, Respondet ergo primo Similitudine, quæ implicat impossibile, scilicet, Si Regnum (Civitas, Domus) in se divisum sit. Ab hoc impossibili arguit sic, Impossibile est Satanam à Satana ejici, Sed à me ejicitur, Ergo non fit à Satana. Si autem fieret à Satana, tunc seipsum expelleret, quod est impossibile. Sicut si Princeps vel Rex suos legatos & officiales ipse expelleret ab officio, & simul tamen vellet eos honorari à subditis. Quia constituere officialem, & simul ei detrahere obedientiam subditorum, hoc esset seipsum destruere. Oportet enim inferiorem potestatem à superiori defendi, non expugnari, Alioquin regnum & nulla administratio potest consistere.

*Supra cap. 9.*

Sed hic quæstio incidit non contemnenda, Quid si dæmones simulent sese expelli, sicut hætenus factum est multis in locis, & à multis pessimis, &c. sub nomine S. Cyriaci & aliorum? Quia hoc argumento solvitur Christi ratiocinatio, scilicet quæ sequitur, Si Satan expellatur, ergo non fiat à Satana, cum se sinat expelli fallaciter, &c. Hic urgendum est verbum istud, regnum Satanæ, tanquam finalis causa expulsionis, Distingue igitur finalem causam. Si agitur de confirmando regno Christi, de fide, de verbo Dei, hic non cedit Diabolus, nec sinit se expelli ullis viribus, nisi Dei. Sed si est confirmandum mendacium, error, idolatria & regnum Diaboli, hic libenter simulat sese expelli corporaliter, ut septuplo confirmetur in possessione spiritali. Sic fingit se expelli per impios Exorcistas, ut confirmet eos in errore contra Christum. Ideo observandum, an res agatur de Christi regno vel de Diaboli regno. Quia Christus hic loquitur de regno Diaboli non de simulatione ejus. Et hæc signa mendacia prædixit Christus & Paulus, ne crederemus ideo esse verum, si videremus dæmones expelli, Sed causam observaremus, ob quam ipse expelleretur aut cederet, & ita non falleremur. Hoc neglecto, seducti sumus, credentes omnem expulsionem dæmonum esse virtutem divinam, cum fuerint omnia simulationes Dæmonum cedentium, accedentium, recedentium.

*Quæstio.*

*Quando Satan  
expellatur vir-  
tute Dei.*

*Quando fingit  
se expelli.*

*Causa obser-  
vanda prop-  
ter quam Satan  
expellitur.*

Et si ego in Beelzebub ejicio demonia, filij vestri in quo ejiciunt?

Respondet de filiis, quo provocat ad legitimos exorcistas, qui in populo isto fuerunt. Quia sine fide iste populus non fuit unquam, de quo alias &c.

Si autem in spiritu Dei ejicio demonia, Ergo pervenit ad vos regnum Dei.

Ostendit autem magnitudinem virtutis expellendi, scilicet quod sit mutatio regni Satanæ in regnum Dei, Q. d. Nolite ita rem parvam existimare Satanam expellere, Non est sicut ditare, sanare, Regem facere. Sed est à filio, imo servo Diaboli, facere filium & servum Dei. Ideo dico vobis, si ego Dæmones expello digito seu spiritu Dei, agitur res quædam æterna, destruitur Mors, peccatum, ira, diaboli potestas & servitus. Et hic definiendo, dividendo, colligendo &c. potest declarari, quid sit servitus Diaboli, quæ tota tollitur per Christum expellentem.

*3.*

*Expulsi Sa-  
na.*

*Servus Dia-  
boli.*

Et singulariter notandum, quod Christus in præterito loquitur. Pervenit in vos regnum Dei, Q. d. Expulso Satana non solum eritis, sed jam estis filij Dei, Me mediatore & victore Diaboli, vos mox estis regnum Dei, ut sciatis, quia placuit patri vestro dare vobis regnum, ne quis præsumat id suis operibus mereri.

*Gloria Christi.*  
*etiam.*

Quam gloriosa igitur sunt ista, & jucunda, quod Christianus certus est, quam primum Diabolus est expulsus, jam se esse filium Regni & heredem, ac si jam esset in coelis, Sicut dicit & Paulus Rom. 8. Gal. 3. Hæredes Dei, cohæredes Christi, Et Iohan 5. Qui credit in eum, non venit in iudicium. Et 1. Cor. 6. An nescitis quod Angelos iudicabimus? Hæc & similia quæ Regnum Dei conferunt, non solum habebimus in futurum, sed etiam iam habemus, sed in fide. Quia dicit, Regnum Dei pervenit in vos, si me expulsores dæmonum liberi fueritis.

Rom. 8.  
Gal. 3.  
Iohan. 5.  
1 Cor. 6.

*Aut quomodo potest quisquam intrare in domum fortis & vasa eius diripere, &c.*

4.

*Fortis victor  
a fortiori.*

*Similitudo vi-  
ctoris & victi.*

*Diabolus fortis,  
Christus fortior.*

Addit similitudinem seu Exemplum de forti, per alium fortiozem victo & spoliato. Quia vult confirmare idem responsum contra Phariseos, Q. d. Audistis jam, quod Regnum in sese divisum non possit stare. Ideo non posse Dæmonium expelli a suo Principe, nisi simulante, ut supra. Nunc ex alio sic argumentor, Fortis non vincitur, nisi a fortiore, Ergo manifestum est Dæmones mihi esse subiectos, & in me esse virtutem fortiozem, etiam principe dæmoniorum, & omnibus dæmonijs. Quæ virtus nisi in me esset, ille non cederet victus, nec in vos regnum Dei perveniret, Ergo etiam sensu communi cogimini concedere, quod fortis non cedit nisi fortiori. Ideo non potest verum esse, dæmones per Beelzebub expelli a me, Delectatur autem Christus ista similitudine victoris & victi, Quia se & suam passionem in ista pi-  
etiam videt. Diabolus enim fortis est & invictus, & secure possidet genus humanum totum, &c. Sed venit ipse unus & solus fortior eo, & victum spoliat possessione & tyrannide sua, Sed virtute mirabili, scilicet sub infirmitatibus abscondita, Non enim vim vi repulit, sed consilio mystico fregit vim illius, dum se passus est ab eo occidi, & virtute Dei resurrexit. Et sic sub infirmitate illum prostravit & devoravit.

*Miseria natura  
humana.*

*Christus solus  
victor Satana.*

Hic igitur duo notanda sunt, Primum scilicet, quod sub Satanæ regno nascimur captivi, & subiecti vivimus secundum ejus voluntatem, Hoc est, quod natura, vires, liberum arbitrium, justitia, sapientia humana non possit seipsam liberare a Diabolo, sed secure possidetur ab eo, faciens per ista omnia, quæ ei placent. Utiturque nostra summa sapientia, justitia, optimis donis & creaturis Dei ad nostram perniciem æternam. Sicut equo sano, forti & pulchro utitur Latro (sub quo captivus tenetur) ad perniciem equi, & ad omnem ipsius libidinem, etiam per mille pericula sua cogens ferre suum tyrannum, Et tamen equus sibi sanus fortisq; interim videtur ignarus quam iniquo Domino serviat, & quam magno suo malo. Sic homo videtur sibi justus, sapiens, fortis, plane sicut equus & mulus, & tamen nescit sese subiectum servire horribili Tyranno in suam perditionem, Quod unus sit Christus victor nostri Tyranni, qui nos suis meritis asserit, & Diabolum a nostris cervicibus dejicit, Sicut si Princeps terræ latronem ab eo dejiciat, & equum liberet, latronem capiat & occidat, equus sese non liberat. Ergo Christi virtute liberamur, servamur, triumphamus, Ipse solus fortem vincit, alligat & spoliat, &c.

*Qui non est mecum, contra me est.*

*Cum Christo est.*

*Regnum diabo-  
li.*

*Duplex Eccle-  
sia.*

Idem confirmat Gnome seu sententia sequens, Qui non est mecum &c. Qui non colligit mecum, dispergit, Q. d. Nullum hic medium, nullum hic nomen neutri generis, sed necessario sumus, aut sub forti Tyranno Diabolo in atrio suo, aut sub redemptore Christo in coelo, Igitur cum Christo esse, est in Ecclesia seu fide ejus esse. Hoc est, contra diabolum & impietatis Regnum separatum esse, non sentire aut stare pro Diabolo aut regno ipsius, quod est mendacij & homicidij regnum. Sed contra sentire & stare pro veritate & vita.

Summa, duplicem Ecclesiam hic Christus distinguit, alteram Dei, alteram diaboli, Et has dicit absq; ullo medio inter se implacabiliter discordes & pugnaces, Ideo impossibile sit Satanam expelli a Satana, sicut impossibile est, Ecclesiam diaboli fieri hostem sibi ipsi pro Ecclesia Dei. Ideo aut cum Christo contra diabolum, aut cum

cum Diabolo contra Christum vivit quilibet homo, Licet foris in speciem Ecclesia Diaboli appareat sancta, & velit pro Christo contra diabolum agere videri, E contra, Ecclesia Christi apparet hæretica, & velut pro Diabolo contra Christum agere. Ideo benefacit Christus, qui Verbo definit, Et Fide comprehendi docet, Ecclesiam veram esse contra Ecclesiam Diaboli. Nam sensu & specie longe contrarium apparet. Quia & hic ipsi Christo contingit, ut pro Diabolo contra Deum, & contra Pharisei pro Deo contra Diabolum stare judicantur. Det igitur Deus gratiam, ut certo credamus Ecclesiam nostram seu veram, esse pro Deo contra Diabolum, Quia sine fide Ecclesiam veram nemo potest tenere, adeo obscuratur scandalis & infirmitatibus. Contra Ecclesia Diaboli fulget specie & hypocrisi, ita ut rationi sit impossibile discernere. Sibi & suis igitur dicit, Qui non est mecum, contra me est, Pharisei non credunt &c.

*Ecclesia Diaboli in speciem apparet sancta, Christi hæretica.*

Sic & illud, Qui non colligit mecum, spargit, id est, Quæcunq; ego ago & mei mecum sunt frugifera & salutaria ad vitam, Et qui non est mecum, nihil boni facit, sed omnia frustra facit ad perditionem. Horribilis & gravissima sententia contra hypocrisis, qua severe definitur, omnia illa pulcherrima, maxima, sanctissima, infinita opera, imo genera vitæ, esse plane perditæ, imo noxia & perniciofa, si extra fidem sint. E contra, qui cum Christo sunt, etiam si dispergant, id est, peccent & labantur, tamen omnia quæ faciunt, patiuntur, &c. sunt omnia salutaria & utilia, optima, sacratissima, divina. O consolatio inenarrabilis Christianorum, etiam si sint infirmi, tamen cum Christo colligunt. E contra, horribilis comminatio contra impios, quod omnia eorum sint dispersiones & perditiones. Sed hæc iterum secundum speciem sunt falsa, nisi fide id credas. Quia impijs videtur, quod sibi in coelis colligant thesauros infinitos infinitos & æternos, nemoq; colligat nisi soli ipsi. E contra pii dispergant & perdant omnia miserrime, & nemo minus habeat in coelo, quam pii. Ipsi soli ad infernum pertinent, soli impij replent coelum. Sed contra definitur hic verbo Spiritus, quod pii colligunt, impij dispergunt, &c. Et hæc fiunt impijs non intelligentibus, & secure aliud cogitantibus. His factis jam invehitur iratus in istos blasphemos & ex-cæcos diabolos.

*Omnia opera hypocritarum perditæ. Propter salutem via.*

*Impii putant se colligere opes dispergere.*

*Ideo dico vobis, Omne peccatum & blasphemia remittetur hominibus, &c.*

Omnis blasphemia remittetur hominibus, Non solum de peccatis communibus, sed etiam de blasphemia dicit, quod sint omnia remissibilia, præter blasphemiam in Spiritum, Scilicet blasphemare homines, filium etiam Dei, remissibile est, sed Spiritum blasphemare, irremissibile est. Hic quæstio oritur de peccato in Spiritum sanctum, de quo etsi alias dictum sit, tamen & in præsentia paucula quædam subiiciemus.

Sex numerantur peccata in Spiritum sanctum, quæ etsi in re sint fere eadem, tamen officijs seu malefacijs potius differunt, Præsumptio, Impugnatio veritatis agnitæ, Obstinatio, Desperatio, Invidentia fraternæ gratiæ, Impoenitentia finalis. Quæ sic sese sequuntur seu officijs exercentur, Scilicet tempore securitatis & pacis, Præsumptio, Impugnatio, Obstinatio, Tempore angustiarum & turbæ, Desperatio, Invidentia, Impoenitentia.

*De peccato in Spiritum sanctum.*

Impius enim tempore securitatis, confidit, præsumit & certus sibi videtur, sese & sua opera placere Deo, & vult justus esse simpliciter, ut Pharisei. Si arguitur, tunc fit superbus, & resistit veritati sibi contrariæ, etiam si sciat esse veritatem, non vult tamen cedere præsumptione, & ita impugnat agnitam veritatem. Perseverat obstinatus in ista præsumptione & impugnatione, Et moritur ita in peccatis suis, induratus, ingravatus, incorrigibilis. E contra, Impij cum coeperint sentire iram Dei, sicut Cain & Iudas, primo desperant, nec confidunt remitti peccata sua, sed majorem iniquitatem, quam Dei gratiam esse cogitant. Cum viderint sese reprobari, invident omnibus hominibus salutem, vellentq; nullum salvari, & omnes

*cuncta*



cum eis perire. Perseverant in ista invidentia & desperatione, nec sinunt se convertere. Et sicut obstinatio est impenitentia quædam finalis tempore securitatis, id est, in præsumptione & impugnatione, Sic impenitentia finalis est obstinatio quædam tempore angustiarum, id est, in desperatione & invidentia, &c.

*Præter S. Gregorij.*

Sed hic S. Gregorij est insignis lapsus, qui hunc locum ad Purgatorium applicat (scilicet, Neq; hic, neq; in futuro remittetur) Ergo, inquit, aliqua peccata in futuro remittuntur, scilicet in Purgatorio, alias non diceret, Neq; in futuro &c. Valde dormitat bonus vir. Quia Christus hic de blasphemia Spiritus loquitur, quod hæc non remittitur hic, neq; in futuro. Ergo si sola blasphemia in futuro non remittitur, sequeretur eadem consequentia, quod omnia peccata in futuro possent remitti. Et sic remissio in hac vita non esset necessaria, quia in futura posset obtineri, tantum si à blasphemia abstineatur. Et simul vide quam periculosum sit Scripturam male intellectam adducere. Nam hoc uno loco, bonus vir per totum Mundum confirmavit errorem illum de Purgatorio, qui infinitos errores & monstra generavit, scilicet apparitiones Spirituum pro animabus hominum, item Peregrinationes, idolatriam Sanctorum, & horribilem illam Sacramenti prophanationem per Missarum venditionem, & velut operis boni communicationem, in quibus consistit Papatus. Et plane Sacramentum istud mortuis servire fecit, & vivis abstulit. Hic certe Electi sunt in errorem ducti, & mirabiliter servati.

*Purgatorium per S. Gregorij confirmatum.*

*Abusus Sacramenti in Papatu.*

*Electi in errorem adducti.*

Christus autem seipsum exponit Marci 3. ubi dicit, Qui blasphemat Spiritum, non habet remissionem in æternum, sed reus est æterni iudicii. Quæ verba satis ostendunt illud Matthæi (Neq; hic, neq; in futuro) intelligendum esse, non divisim de aliqua remissione, sed conjunctim simpliciter negative, quod nulla sit remissio blasphemiarum. Deinde hoc etiam ridiculum, quod in futuro seu Purgatorio, faciunt remissionem solum venialium peccatorum, aut saltem satisfactionem pro mortalibus hic remissis. Nam cum qui in peccato mortali moritur dicunt simpliciter damnari. Nonne ergo furor est, docere, quod Christus in hac vita remissionem omnium peccatorum, etiam infinitorum & maximorum peccatorum instituerit, & levicula peccata seu satisfactionem temporalem reservavit in Purgatorium? Scilicet qui remittit debitori centum millia talentorum, non remittit etiam unum obulum. Cæcitas & horribilia sunt ista mendacia, & tamen plus formidata, & sublimius honorata, quam ipsum verbum Dei, Per totum enim mundum regnarunt.

*Dimissio Peccatorum.*

*Mendacia in Papatu formidata, &c.*

*Blasphemia in Deum est, hæc autem purgatorium.*

*Purgatorium pugnat contra decem præcepta, Symbolum & orationem dominicam.*

*Purgatorium autem de maximis abominationibus Satanae.*

Et est purgatorium vera blasphemia contra claves à Christo donatas. Quia sic dicit, Quodcumq; solveris super terram, solutum erit in coelis, Non dicit, quædam solventur in futuro, sed super terram soluta, sunt omnia in coelo soluta, Item contra illud, Dimittite, & dimittetur vobis, Non dicit, Dimittite, & quædam hic, quædam in futuro dimittentur, Et contra orationem dominicam & symbolum & decem præcepta pugnat Purgatorium. Quia in omnibus tribus habetur remissio peccatorum, sicut dicit. Dimitte nobis, Item Remissionem peccatorum, Item, Ego Dominus Deus tuus, &c. Quare manifestum est, Purgatorium esse unum de maximis abominationibus & operationibus Satanae, & conterruit totum mundum, & devoravit omnium opes, & statuit Papam regem regum atq; supra Deum & verbum ejus. Quia plus timuimus Papam cum suo purgatorio, quam Deum cum suo inferno, Et plus confisi sumus absolutione Papæ à Purgatorio, quam vera absolutione Dei ab inferno.

*Aut facite arborem bonam & fructus ejus bonos.*

*Christus eadem sæpe docuit.*

Pergit in ira sua Christus contra blasphemos Phariseos, Et adducit Similitudinem seu sententiam proverbialem, quæ est, Arbor bona facit fructus bonos, De quibus ipsemet Christus copiosius supra Cap. 7. Nam satis claret Christum sæpius eadem docuisse & repetiisse, Ideo & nobis non turpe sit eadem sæpius dicere & audire. Applicat autem Christus hoc loco ad Phariseos proprie & dicit, Arborem aut bonam aut malam esse oportet, Sic vos aut bonos aut malos esse oportet. Boni non estis, hocque ex fructibus cognosci potest, quod mali sitis, quia blasphematis Spiritum

Spiritum sanctum, Hic non est fructus bonorum hominum, etiamsi simuletis vos in alijs optimos, &c. Hoc est quod dicit, Genimnia viperarum, quomodo potestis bona loqui, cum sitis mali? Est igitur mirabilis & tamen certa Conclusio, quod malus neque loqui, neque facere bene potest, etiam dum optime facit & loquitur. Nam corde existente malo, & voluntate mala, impossibile est cogitationes, dicta, facta, esse bona. Et hæc est illa pugna in mundo inter Deum & Diabolum, & utriusque regnum. Nam Diabolus loquitur & agit male etiam de bonis tam verbis & factis, imo ipse cum suis solus maxime jactat bona & verba & facta, quia allegat verba & opera Dei mendaciter ad perniciem, Christus cum suis loquitur & agit de bonis verbis & factis veraciter & ad salutem. Sic Diabolus jactat opera singularia vestium, ciborum, austeritatis, non, ut prosit, sed ut perdat istis speciosis operibus, Allegat dicta Scripturæ mendaciter pro istis statuendis, Sed omnia sunt mala, propter malum cor & voluntatem, Ideo dicit nunc Sententiam pulcherrimam.

*Pugna inter  
Deum & Dia-  
bolum.*

*Ex abundantia cordis os loquitur.*

Hoc est, Cor malum non potest non male loqui, etiamsi bona loquatur. Cor bonum non potest non bene loqui, etiamsi mala loquatur. Hic quidam superstitiose & leviter verba Christi intelligunt, volentes verba prolata, uti sonant, accipere, quales ego audiui, cum asperius arguerentur, vel eis dissentiretur, mox inferebant, Tu es mihi hostis, quia mala contra me loqueris. At, inquit alter, bene volens loquor. Non me fallis (ait ille) quia Ex abundantia cordis os loquitur. Hi homines plus æquo inciviles & crassi sunt. Quia eadem ratione possem dicere de omnibus hæreticis & adulatoribus, Eia, Tu recte loqueris, Vbi si quis moneret illum malevolenter loqui bona, Ego tamen contenderem, Non me fallis, Ex abundantia cordis os loquitur. Ideo insignis est ista stulticia. Quasi bonus vir non possit oprimo corde objur- gare, increpare, & contraria nobis dicere, Et e contra pessimus vir, non possit pessimo corde laudare & optima nobis dicere. Igitur non de voce aut syllabis quaestio est, sed de sensu & affectu intelligenda sunt Christi verba, hoc modo, Malus nunquam potest bona, id est, bono corde, sensu seu affectu dicere. E contra bonus, non potest mala, id est, malo corde & affectu dicere, Sed sicut cor est, ita est & oratio, juxta illud vulgare dictum, Oratio character est animi.

*Hæc Christi sen-  
tentia a quibus-  
dam male intelli-  
gitur.*

*Verum intelli-  
gitur sententia  
huius Christi.*

Quanquam & hoc accidit malis, ut male memores non possint cavere, quin prodant sese verbis suis, Quia mendaces oportet esse memores, Mentiuntur aliquamdiu & aliquantum, sed perpetuo tenore non possunt, omnino tandem seipsum prodit mandacium, præsertim apud attentos & observantes. Elabitur enim eis verbum quo capiuntur, Vt hoc loco fatentur ejici dæmonia & tamen Beelzebub autorem mentiuntur. Capiuntur isto verbo, quod confitentur ejici dæmonia, quod vere in corde confusi sunt, & tamen abundantia malitiæ cogit eos dicere, In Beelzebub. Sic in cruce objiciunt Christo, Alios salvos fecit. Hic miracula fatentur imprudenter fuisse vera, & suis verbis capiuntur & damnantur, & tamen malitia abundanter calumniatur ea, quod seipsum non salvet. Recte ergo eos appellat, Genimnia viperarum. Proprie enim & peculiariter sic nominat hoc virulentum genus hominum calumniosorum, quia vere sunt viperæ seu serpentes, id est, venenatis calumnijs pleni. Idem est quod sequitur.

*Attenda-  
tum  
prodit seipsum.*

*Genimnia vipe-  
rarum.*

*Homo bonus bona profert, ex bono thesauro cordis sui.*

Id est, Ex abundantia cordis mali, mala dicuntur &c. Thesaurum enim vocat abundantiam, Ein böß Hers ist voll aller Schaldheit / Ein gut Hers ist voll aller Gutsigheit. Ideo malus etiam bonas res calumniatur, & pessime de eis loquitur, Adeo scilicet plenus est thesauris malitiæ, ut nec optima facta & dicta possit ferre; sed depravet & omnibus detrahat pessimis modis. Quia qualis ipse est, talia sunt ei omnia, etiam Deus ipse, id est, mala & malus, ut Psal. 18. Cum electo electus eris; & cum perverso perverteris. Quia quicquid Deus ipse dicit & facit, hoc malus homo blasphematur, & diabolica esse criminatur. Sicut tunc Christo, & postea Evangelio, etiam

*Thesaurum.  
Mala sunt  
bona calumnia.*

*usque*

Cor malum.

etiam usque hodie & in finem mundi fiebat, fit & fiet. Quare cor malum est fons veneni, & scaturigo quædam virulenta, ex quo nihil boni procedit nec verbo nec facto, etiam in speciem appareant optima. Deinde non solum ipsum nihil bonum profert, sed etiam bona ab alijs dicta & facta inficit & intoxicat, id est, damnat & calumniatur. Es ist der bunte Molch (ut dicunt Germani) da alle giftige Wurm gift bey holen/qui latine dicitur Stellio.

De bono  
Mala.

Cor bonum  
thesaurus mor-  
borum.

Quis autem credit, quis concipere potest, tam horribili sententia in coelis apud Deum esse damnatum cor humanum? scilicet, ut sit Thesaurus malorum, fons venenorum, caput & origo omnis iniquitatis, Es solt ein wol graven für seinen eigen Herzen / wer ein Mensch heist / quando audit in medio corporis sui, talem pestem, tale virus, talem thecam malorum & veneni repositam esse, quod nihil boni dicit & facit, Deinde nihil boni ab alijs dictum & factum, finit esse bonum, sed ex ipso bono sibi venenum, ex Deo Diabolum, ex vita mortem, ex justitia peccatum facit. Vt hic Pharisei ex opere Dei, opus Diaboli, ex regno Dei, servitutem Beelzebub, ex justissimo opere Christi, pessimum peccatum faciunt. Psu der schendlichen Mordgruben/quæ est in corde humano.

Cor bonum mal-  
de optimam  
partem veritatis.  
Natura boni  
corde.

Econtra, cor bonum est tam abundans bonitatis, & plane fons, scaturigo, thesaurus bonitatis, ut non solum bona dicat & faciat, non solum bona esse laudet, quæ alijs ex Deo dicunt & faciunt, sed etiam quæ ex Diabolo & ex ipsis venenatis cordibus mala dicuntur & fiunt, possit sibi vertere in bonum, & inde accipere incrementum bonitatis, Exempli gratia. Videt aliquem Homicidam, aut simili peccato obnoxium, Hic ad misericordiam flectitur, compatitur, orat pro eo, gemit & dolet de miseria hominis, simul monet, arguit & emendat quantum potest. Secundo sese humilians cogitat, Ille heri, Ego hodie, memor scilicet fragilitatis humanæ, Tertio orat Deum, ut custodiatur à simili casu, & laudat eum pro sua custodia. Vide quanta bona facit istud cor ex uno malo alieno. Nonne vere hic esse thesaurus bonitatis in eo corde videmus? prolatum foris in verbo, signo, opere & patientia. Sequitur horribilis comminatio.

*Dico autem vobis, quod de omni verbo ocioso, quod locuti fuerint homines, reddent rationem in die judicii.*

Impij fecerunt  
verbum.

Impij securissime sibi persuadent, universam suam lernam malorum, fore apud Deum non solum impunitam, sed etiam meritoriam & præmio coronandam. Ideo rigidissimum iudicium profert dicens, Nullum ociosum verbum, &c. Non dicit, Nullum venenatum verbum seu blasphemiam, de qua tamen hic agitur. Imo inquit, istis viperis adeo nihil blasphemiarum indulgebatur, ut etiam ociosa eorum verba sint iudicanda. Summa, Nihil eis gratiæ concedetur, omnia eorum dicta & facta severissime iudicabuntur, propter abundantiam mali cordis eorum, ex qua etiam ociosa eorum verba (ut videtur) reputabuntur mala & venenata. Hic mare quoddam

Orisum ver-  
bum.

Disputationum fecerunt, quidnam sit ociosum verbum, Et vexaverunt mire conscientias, quia ab extra definierunt ociosum verbum, id est, quale esset foris apud homines, Sed Christus ab intra definit, dicens, Ex corde bono, non posse nisi bona procedere. At si etiam per lapsum aliquod procederet malum vel ociosum, tamen remittitur per gratiam, & fit non malum nec inutile, imo utile ad humiliationem, confessionem, emendationem, gloriam Dei. Igitur ociosum verbū est, ab intra ex corde definiendum. Vbi corest malum, ibi verbum est malum, etiam si non malum, sed solum ociosum vel jocosum videatur. Malum autem cor, est cor infidele, ignarum Dei, & postea blasphemum, Sicut ad Roman. 14. dicit, Quicquid non est ex fide, peccatum est. Summa, Christus wil syen nichts lassen gut seyn/ weil sie ihm auch nichts lassen gut seyn/ id est, qui negant eum, Econtra, wil er jederman lassen alles gut seyn/ die ihm lassen alles gut seyn/ id est, qui credunt in eum.

Orisum ver-  
bum.

Orisum cor.

Ex verbis enim tuis justificaberis, & ex verbis tuis condemnaberis.



Hoc dupliciter intelligi debet. Primò secundum tenorem hujus loci, scilicet ociosum verbum damnabitur, Ergo verba tua te damnabunt, Econtra, utile verbum justificabitur, Ergo verba tua te justificabunt. *Hastu böses geredt / so wirstu darnach gerichtet werden / Hastu guts geredt / so wirstu darnach geseliget werden.* Et est illa Sententia, Secundum facta cuiusque reddetur ei, Nihil scilicet impunitum, nihil irremuneratum manebit. Et sic est Emphasis in dictione, Verbistuis, Q. d. Nec verba (taceo de operibus) transibunt impunita, Secundo, quod hoc ipso, dum impij sua ju-

*Impi sui iusti-  
ficantes, seipsos  
condemnant.*

*Gen. 4.*

*Magister, Volumus à te videre signum. Qui respondens, ait, Generatio mala & adultera, signum querit, Et non dabitur ei, nisi signum Ionæ Prophetæ, &c.*

Post quærunt signum, sed intempestive. Quia jam est iratus super eorum blasphemias, & nihil facit quod volunt, *Er ist schlecht nicht daheim ist.* Ideo dicit, *Solt ich solchen Leuten Zeichen thun / die mir sie so schendlich verkeren / Ja ich wil ein Zeichen geben / das ihnen sol ein Zeichen seyn / etc.* Et est sane odibile genus hominum, qui sic volunt habere signa ad voluntatem suam, ut quæ libeat, possint blasphemare, quæ vero petant oporteat fieri, *Ja man müß es ihnen so bestellen / spricht Christus /* Quin potius tale detur his hominibus signum, in quo offendantur & ruant, Quale est signum Ionæ, id est, mors & resurrectio mea, In hoc signo tractabuntur, ut digni sunt, nempe quod datum eis & prædicatum, non credent, sed persequentur, & sic peiores fiunt quam Ninivitæ, Imo Ninivitæ sancti erunt & regina Saba sancta, quia minus viderunt & audierunt quam isti, & tamen crediderunt. Isti nec signa præsentis Christi, neq; resurrectionem ejus credunt.

*Signum Ionæ  
Prophætæ.*

*Cum autem immundus spiritus exierit ab homine, ambulat per loca arida, quærens requiem, & non invenit, &c.*

Pergit iratus & prophetat eis mala, scilicet, Ego jam expuli regnum Diaboli ex isto populo, Sed quia ingrati sunt & securi me regnante inter eos, veniet igitur tempus, ut me discedente revertatur Diabolus in eos, septies peior quam ante fuit. Me quidem præfente. Diabolus cogitur exire, & ire per loca deserta, in quibus nihil habet quod agat, Et sitit ibi, quia non potest explere animum suum, decipiendo & nocendo, donec rediens in domum relictam, & furat septies plus. Sic fit & in qualibet persona privatim, ut semper deterior fiat post gratiam, si ceciderit. Eadem comminatur Petrus, 2. Pet. 2. Et probant historiæ in Anabaptistis, Sacramentarijs, &c. Vocabula ista, ociosam, mundatam, ornatam, possunt intelligi ad istum sensum, Quod Diabolus videt domum esse ociosam, id est, vacantem, *sedig stehen /* Q. d. Ah quomodo ista domus sub me fuit operosa, quia serviebat mihi fideliter, nunc me expulso vacat, & nihil servit mihi, Quin etiâ purgata est, ut nihil reliquum sit vel vestigij mei, Etiam ornata est, novis scilicet operibus, quæ contra me sunt, Vt sic sit Diaboli querulantis suum exilium, Ac si aliquis Papista queruletur nos esse vacuos Papæ, & purgatos ab ejus doctrinis, insuper ornatos nova doctrina & moribus, quæ tamen gemat, velut pessima & horribilia mala. Alio modo vere & sensu Christi, quod sit vacua, id est, expulso dæmone secunda & ociosa, quia purgata & ornata est donis Spiritus sancti & remissione peccatorum, Ideo opus sit peioribus dæmonibus, licet illa securitas sit periculosa & noxia.

*Pene securitas  
est & ingrati-  
tudinis.*

*Deterior fit quo  
post gratiam  
labitur.*

*1. Pet. 2.*

*Domus vacua,  
purgata, ornata.*

*Ecce mater & fratres tui foris stant, quærentes te alloqui.*

A a

In fine

Verbum Dei  
omni a prae-  
fatione.

In fine venit mater ejus, volens ei loqui, & c. Absque dubio aliqua magni ac-  
sa, Sed ipse jam raptus affectu iræ contra blasphemos, & studio gloriæ patris, nihil  
audit, ne matrem quidem. Quo docet, ministris Verbi nec parentum honorem cu-  
randum esse, præ ministerio Verbi, Ideoque dicit, Quid mater? Verbum Dei longe  
anteferendum est matri, fratribus & omnibus. Qui hoc audit, hic mater, frater, so-  
ror, & omnia est. Ineffabilem amorem erga Deum super omnia ostendit se habere,  
& habendum esse, & nihil super vel cum Deo æqualiter curandum esse.

## CAPUT XIII.

**I**n illo die exiens Iesus de domo sedebat secus mare, Et congregatæ sunt ad  
eum turba multe, ita ut in naviculam ascendens sederet, & omnis turba stabat  
in littore, & locutus est eis multa in Parabolis dicens, Ecce exiit, qui seminat  
seminare semen suum.

Post hæc loquitur populis per varias similitudines, Cujus rationem quærun-  
discipuli. Et respondet Christus dupliciter, ut infra patebit.

Prima para-  
bola de semi-  
nante.

*In illo die exiens Iesus de domo, sedebat secus mare, Et congregatæ sunt ad eum  
turba multe.*

Parabolæ dicitur  
in verbis de-  
i de iudicant  
multa.

Mundus semper  
sui iudex.

Impij damnant  
pijs.

Contemnentes  
verbum vocalem.

Donatista.  
Maximianista.  
Novatiani.

Verbum Dei  
tantum in qua-  
rta parte  
est.

Prima similitudo est de Agricola seu seminante, quæ in Postillis latius tracta-  
tur, Tamen duo hic notanda, Primum contra spiritus fanaticos, qui verbum vocale  
putant inutile esse quia in plurimis non fert fructum. Stulti, scilicet quasi ipsi fru-  
ctus ferant, cum hoc ipso, quod verbum Dei contemnant, sint pessimi. Hæc hæresis  
vulgata est maximeq; communis. Quia omnis homo sic est, ut promptus sit alios  
judicare, seipso neglecto. Vnde & Poëta dicit, Nemo tentat in sese descendere, Sed  
præcedenti spectatur mantica tergo, Da wird nicht anders aus/ Solch nartheit mus  
man der Welt lassen / quod trabenses judicant fastucentes, Grosse Diebe hengen die  
kleinen Diebe/ Grosse Schelde straffen kleine Schelde. Hoc est, mundus, fuit, est &  
manebit mundus, Sicut & Princeps ejus Diabolus accusat, damnat & occidit san-  
ctos Dei, cum ipse sit omnium damnatissimus. Ita fit in Ecclesia, ut ejusmodi ho-  
mines damnent Sanctos propter aliqua, quæ propter verbum Dei faciunt, Et quæ-  
runt Ecclesiam seu Sanctos sine peccato, quam tamen impossibile est invenire. Ideo  
concludunt, aut eos verum verbum non habere, aut verbum externum esse inutile.

Sed hic vides, quod Semen in terra bona fert fructum, imo nisi esset semen,  
non sequeretur fructus in terra. Ita nisi verbum vocale esset in Ecclesia, nullus esset  
fructus in ea. Ideo summa sapientia est non offendi multitudine Verbum contem-  
nente, Nemo credit, quam magni viri etiam hodie hoc scandalo pereant, qui in Ec-  
clesia nihil nisi summa specie sanctum putant esse videndum. Sic primo Donatista  
ab Ecclesia recesserunt, quia malos in eos mixtos videbant, Postea ipsi inter sese  
quoque discordes. Et recesserunt Maximianista à Donatistis, quia malos inter eos  
invenerunt. Eadem insipientia Novatiani ab Ecclesia recesserunt, & multe aliæ hæ-  
reses, quibus semper fuit hæc causa, quod malos non voluerunt ferre, De quibus  
Augustinus copiose contra Donatistas. Ideo nihil mirum si hodie quoque ista insi-  
pientia perdat multos, & offendat etiam insignes viros, ut taceam Muntzerum &  
fanaticos alios. Sed inexcusabiles sunt, præsertim si Christiani esse volunt. Quis  
hoc caput Matthæi vel non legunt, vel contemnunt. Si enim legerent & crederent,  
fatis aperte hic viderent, Semen, id est, Verbum Dei, vix in quarta parte utile esse.  
Et tres partes habere idem verbum cum quarta, & tamen manere malos. Cur ista  
vel non legunt, vel non credunt? Haberent hic solutionem potentissimam istius  
quæstionis, scilicet, Quomodo fieri possit, ut Verbum sit verum & utile, & tamen  
tertia tantum pars fructificet. Quorum vitio? Verbi? Non, sed terræ seu audito-  
rum. Idem verbum omnes audiunt, sed non omnes fructificant.

Nonne

Nonne igitur furor est manifestus tribuere culpam Verbo, quæ est auditorum? scilicet, Homo non curat verbum auditum, ergo verbum non est verum verbum. Diabolus non amat Deum, ergo Deus non est verus Deus. Filius non honorat Patrem, Ergo Pater non est verus Pater. Latro non obedit principi, ergo princeps non est verus princeps. Hac amentia percuti debent homines ingrati & superbi, ut dicant & faciant non nisi perversa. Et tamen, ut dixi, communis est ista pestis, quod judicant homines de verbo, ex fructibus particularibus, & vitiosissime sic colligunt, Vbicunque non fiunt omnia verbi, ibi non est verbum verum, Apud hos aut alios non fiunt omnia verbi, Ergo non habent verbum. Majorem negat præsens Evangelium, dicens, Multa verbi non fieri, ut inter spinas, petrosa, in via, Ergo est falsa. Sufficit ergo ad veritatem Verbi, quarta pars agri boni, Imo septem millia virorum in Israel sub Elia, Et reliquæ in Ecclesia. Reliquæ enim salvæ fiunt, non tota massa, Ergo qui totam massam spectant, merito offenduntur verbo, Sed qui reliquias spectant, sciunt quod satis sit, fructum esse in reliquijs, etiamsi in alijs sit inutile. Hoc de primo.

Quod verbum  
in paucis fuit  
fictum, non est  
culpa verbi, sed  
auditorum.

Qua amentia  
percutiuntur in-  
grati & super-  
bi.

Reliquæ sal-  
vantur tantum.

Secundo notandum, pro nobis, id est pijs, ut consolationem habeamus si non omnes Verbum nostrum audiant, ne frangamur aut desperemus, aut deseramus verbum, quod multi, imo plurimi ipsum contemnunt, Saltem propter Electos doceamus, & spectemus reliquias salvandas, Abeant aliæ tres partes ad Diabolum. Si Principes non credunt omnes, tamen unus atq; alter, Si Rustici non omnes boni, satis est duos aut tres bonos esse, Si cadunt docti & sancti plurimi, sufficit quod paucos retineamus. Es wil doch nicht anders seyn / Wir werden müssen Dornen lassen Dornen bleiben / vnd können nicht zur guten Erden machen. Also müssen wir auch viam vnd petrosa lassen bleiben / vnd uns der guten Erden trösten / Welche darumb auch nicht zu Dornen wird / ob ihr Nachbar Dornen sind / vnd drumb ihre Frucht des Samens nicht verheilt / ob die Dornen den Samen ersticken / Est, ut dixi, scandalum maximum, tam multos esse contemptores. Sed solatium divinum, quod certi sumus laborem nostrum non esse inanem (ut Paulus ait 1. Cor. 15.) quia verbum Dei non venit vacuum, sed est virtus Dei in salutem credenti, & Spiritus per ipsum venit, saltem in quartam partem terræ, &c.

Consolatio pio-  
rum.

Multi contem-  
ptores verbi.

1. Cor. 15.

*Et accedentes discipuli dixerunt ei, Quare in Parabolis loqueris eis?*

Hic Discipuli Quæstionem movent, Quare populo loquatur non aperte, sed in Parabolis? Respondet Christus satis proluxa responsione, sed quæ sublimis & difficilis est, Quia velut invitus seu potius invidus videtur, qui nolit eos erudiri & intelligere quæ docet, quia dicit,

*Vt audientes non audiant.*

Sed breviter sententia ejus hæc est, Populus iste tam deplorate superbus & malusest, ut etiam, ubi aperte loquor & operor, non solum non velint audire & discere, sed etiam calumnientur & blasphemant agnitam veritatem. Ideo sicut volunt, facio eis, ut cum aperta nolint accipere, Parabolas audiant, quas non possunt intelligere, etiam velint. Wiltu nicht hören das du verstehen kannst / so wil ich wol reden / daß du nicht verstehen solt. Wiltu blind seyn / so sey vnd werde immer hin blind. Hoc modo fit, quod Paulus 2. Cor. 4. dicit, Evangelium nostrum opertum est in his, qui per-eunt, Item velamen est super oculos eorum in lectione Mosis. 2. Cor. 4. Summa, Hostibus verbi nulla ratione potest verbum prædicari ut capiant, quia parati sunt omnia calumniari & depravare. Ideo recte istis viperis docetur sub Parabolis, ut non solum non intelligant, sed etiam calumnientur, quia quæcunque non intelligunt, blasphemant. Ideo non est culpa Christi, quasi sit invitus aut invidus, sed desperata malitia istius populi, qui semper voluit audire in Prophetis sibi grata & plausibilia, vel occidebant eos. Vt Esaias dicit Cap. 30. Loquimini nobis placentia, Præsumpsit enim placere Deo, quicquid cogitaret, diceret, faceret, &c. Hæc est prima responsio. Sed Marcus præter hanc assignat & secundam Cap. 4. dicens,

Hostes verbi  
non patiuntur  
se doceri.

Perversitas po-  
puli Iudei.

2. Cor. 4.

Isa. 30.



*Loquebatur eis verbum, prout audire potuerant.*

*Figuræ & similitudinibus capiuntur simplices.*

Quomodo ista conveniunt cum illis? Sed prior Responsio pertinet, ut dixi ad malos, Hæc posterior ad bonos. Nam malitia illorum facit, ut nihil intelligant (ut ille ait, Faciunt nã intelligendo ut nihil intelligant) quia non discere, sed judicare volunt. Ideo sive aperte, sive figurate loquaris, alio fert eos malitia cordis, ut calumni-entur. Boni autem suavissime capiuntur Similitudinibus & Figuris. Nam etsi etiam non omnia intelligunt, tamen ipsæ figuræ verborum eis in hærent. Sicut pueri & rudes, cum audiunt in cœlo esse choreas, mel, lac, ludos, aurum, gemmas, etiamsi non intelligant hic, res figuratas, tamen percipiunt ex figuris verborum esse summum gaudium in cœlo, Ita hic, etiamsi semen non intelligunt in re, tamen ex verbis capiunt, quod semen sit res preciosa & custodienda, scilicet, vel lex Mosi, vel alia doctrina. Nam Evangelium nondum poterant capere in re ipsa. At malus hic neque rem, neque verba capit, sed fastidit, & vel stulta vel pestifera esse criminatur. Sic bonis cedit in bonum etiam ipsa ignorantia rei, Quia hærent tamen in verbis rerum, & non blasphemant. Malis cedit in malum hoc ipsum quod audiunt verbum, quod & detorquent ad res malas. Hoc est igitur quod nunc in textu dicit, Vobis datum est nosse mysteria Regni cœlorum, illis autem non est datum.

*Qui enim habet, dabitur ei & abundabit, qui autem non habet, & quod habet, auferetur ab eo.*

*Habentibus datur &c.*

Vos habetis, quia saltem verba mea retinetis & honoratis, nec ea contemnitis. Hoc habere est multum & magnum donum, scilicet amare Verbum, etiamsi non omnia perfecte intelligas, Quia hoc ipsum est incipere, scire quid significant. Non enim retinent verba, qui contemnunt scire rem significatam. Econtrà illi nihil habent, quia nec Verbum capiunt, imo contemnunt, Ideo auferetur ab eis verbum cum re, Vobis autem ad Verbum additur & res, Esurientes implet bonis, & divites dimittit inanes.

*Ideo in Parabolis loquor eis, quia videntes non vident, & audientes non audiunt neque intelligunt, Ut ad impleatur in eis prophetia Esaiæ, dicentis, Auditum audietis, & non intelligetis, & videntes videbitis, & non videbitis.*

*Es. 6.*

*Natura hypocritarum.*

Hic digreditur late, & inducit locum Esaiæ ad hanc sententiam dicens, Ideo illis (scilicet pessimis & superbissimis) ita loquor in Parabolis, Quia ipsi sunt tam perversæ malitiæ, ut etiam ea, quæ aperte audiunt & vident, non audiant nec videant, eo, quod non intelligunt, id est, non volunt nec curant intelligere, Sed longe majora & sublimiora videntur sibi intelligere. Ideo quo sublimius ipsi feruntur intelligendo, hoc ego profundius & humiliter feror loquendo, ut superbi inania capteant, humiles me inveniant. Et hoc fit, ut ipsi humiliantur & descendant à sublimitate intelligendi ad humilitatem discendi. Sed hoc nolunt facere, ita manent tales quales sunt, id est, audientes non audiunt, videntes non vident, Non vitio Verbi mei auditi, aut operis mei visi, sed vitio aurium & oculorum ipsorum, Sicut Esaias prædixit, & pinxit hunc talem esse & fuisse & fore semper Populum, erga omnes Prophetas Dei, verbum Dei prædicantes, maxime erga ipsum Christum.

*Populus Iudaicus qualis.*

*Visa & audita ab impijs non videntur nec audiuntur.*

*Diabolus facit ut non mentiamur.*

Est autem horribilis Prophetia, & tamen valde frequentis exempli in genere humano, Quod Deus verbum suum & opera objicit oculis & auribus hominum manifeste & palpabiliter, ita ut & videant (ut hic dicit) & audiant, & tamen tanta est cordis eorum cæcitas, ut visa & audita non videant nec audiant. Viderunt, inquam non posse ista Miracula fieri, nec tam gloriosa doceri, nisi à Deo, Et tamen negant, Dei esse omnia, & tribuunt Beelzebub. Das heist ja mit sehenden Augen blind seyn / & cum ratione insanire. Tantus est artifex Diabolus & fascinator mentium, ut Deum putent esse diabolum, & econtra Diabolum esse Deum.

*Incras-*

*Incrassatum est enim cor Populi hujus, & auribus graviter audierunt, & oculos suos clauferunt, &c.*

Subdit rationem hujus monstri, dicens, Quia populi hujus cor est aggravatum, & oculi eorum clausi, &c. sicut infra dicet. De corde exeunt cogitationes malæ, homicidia, adulteria, &c. Sic etiam hic dicit, Quod cæcitas oculorum videntium, surditas aurium audientium, & ratio insaniens venit ex corde ingravato, seu ut in Ebræo, limo obruto, *das gar verschlemt ist* / scilicet studio & usu longo alia cogitandi & sapiendi. Averso autem corde & alienato animo à re quapiam, jam natura fit, ut oculus negligenter aspiciat, & auris graviter & moleste audiat. Quia res contemptas non dignamur aspectu, vel auditu, vel cogitatione, Et ita alienis oculis & auribus sunt, quasi in alieno mundo, quando audiunt Verbum. Claret itaq; causa hujus monstri, quod cor est tale. Quale autem est cor, qualiter affectum est, tales sunt omnes sensus & affectus, Vt cor perversum, sit velut vitrum pictum, per quod judicant sensus, & falso judicant, quia secundum cor ipsi sentiunt.

Istud verbum *Ne convertantur, & sanem illos*. Etiam videtur invide dictum, quasi non vellet eos videre & sanari. Sed totus ille locus est copulative legendus, ut dependeat hoc modo quasi catena. Populus iste habet cor induratum, & oculos clausos, &c. quo fit, ut non possint converti & sanari, Q. d. Induratio cordis eorum obstat, ne videant, & sanem eos. Vellem, inquit, sanare, ideo mitto Filium, Sed meæ voluntati & eorum saluti obstat induratio cordis. Sic brevius & clarius dicitur, quam quod Lyra solet dicere, Accipi hoc loco particulas, ne, vel ut, consecutive, non affective. Nam si textum sic ordines, Cor populi hujus est induratum, ne videant & sanem eos, clarus est sensus, Ipsos non posse sanari, facit, quia non videant. Quod autem non vident, facit, quia induratum est cor. Sic pater quod voluntas sanandi prædicatur in Deo, sed obstaculum cordis in homine reprehenditur. Sublimior quæstio, Quare alij indurantur, alij molliuntur, Non est hujus loci neq; necessarium, neque utile.

Sequitur Evangelium dominicale.

*Vestri autem beati oculi, quia vident &c.*

Id est, vos vero non habetis oculos clausos, sicut illi calumniatores & contemptores, sed apertos & intentos, Ideo videtis, & ea videtis, Quæ Regibus & Prophetis cupita quidem fuere, sed non visa & exhibita. Hæc in postilla.

*Simile factum est regnum cælorum homini, qui semina vit bonum semen in agro suo.*

Secunda Parabola de semine aliquanto horribilior est quam prima, Quia prima loquitur de semine eodem in diversis agris, id est de Auditoribus diversis Verbi, ubi verbum Dei impeditur, vel juxta viam, vel in petrosis, vel in spinis, Hæc secunda loquitur de diverso semine, scilicet bono & malo in eodem agro, id est, de diversis doctrinis, catholica scilicet & hæretica, Et vult dicere, Regnum cælorum seu Ecclesia sic se habet, Quod ubi prædicatur verbum Dei, ibi Diabolus quoque suas hæreses seminat, ut dicitur, *Wo Gott ein Kirch bauet/da wil der Teufel auch ein Capell oder Ketzmer haben*. Sic in populo Israel juxta Tabernaculum & Templum infinitæ Sæctæ idolatriarum surrexerunt. Ita in Ecclesia prædicat Christus futuros falsos Prophetas & Pseudochristos, Matth. 24. Iam hoc miserabile est & majus malum, quod etiam falsi Doctores veniunt, qui diversa à Verbo doceant, cum satis sit mali, si etiam Doctores omnes unum verbum & concorditer docerent, quod via, petrosa, spinæ, tantum nocerent. Nunc additur huic malo etiam malus Seminator, *Bösen Schülern wird auch ein böser Meister geben* / Magister improbus additur ad ingenium improbum. Hoc est quod hic dicit, Etiam in bona terra malum semen feri. Hinc etiam Paulus queritur Roman. 16. seduci corda innocentium, & Galat. 3.

Aa 3

Secunda parabola.

Ubi parum verbum docetur, ibi diabolus verbum suum spargit.

In bona terra malum semen feri.

Quos seducant  
heretici.

optimos dolet deceptos esse. Quia Hæretici capiunt non Epicuros, non Ipinas, non avaros, sed electiores & optimæ conscientiæ Homines, qui valde serio quærunt veritatem, das einem muß recht thun.

Oportet hereticos esse.

Sed hanc horribilem Parabolam ponit ad consolationem piorum, ne terreantur, si videant Verbi doctrinam tantis malis perturbari, Quasi ideo desperatum sit de Ecclesia & fide, si multos & validos hæreticos viderint in Ecclesia furere, Sed cogitent, Es muß also seyn. Quia prædictum sit ita futurum esse. Solts einen bewegen / so solts den Herrn selbs bewegen / der solches alles zumor sihet vnd verständiget. Vide ergo nunc imaginem Ecclesiæ hic depictam pulcherrime inter hæreticos.

*Cum autem dormirent Homines, venit inimicus ejus, & superseminavit zizania in medio tritici, & abiit.*

Semen bonum  
& malum.

Primo pingit Agricola bonum, seminantem bonum semen super agrum cultum & bonum, Deinde Vicinum, & einen bösen Bawren / qui odio sui vicini corrumpit ejus agrum zizania (Er hat dennoch auch böse Bawren gekennet) Hæc est Ecclesia, in qua Christus agricola est, ut ipsemet infra exponit. Quia hanc Parabolam discipuli melius intelligebant, quam duas sequentes. Diabolus est etiam agricola. Semen bonum, boni ex Verbo geniti, Semen malum, mali ex hæresi geniti, &c. ut infra videbimus. Hac pictura posita, verba sunt diligenter expendenda.

*Dormientibus hominibus, venit inimicus, &c.*

Impossibile esse  
hereticos præcavere.

Significat quod impossibile sit præcavere Hæreticos. Nam dum Apostoli fidentes & lati docent Verbum, sperantes omnia pura & secunda fore, Ecce quasi dormientibus & nihil tale metuentibus, repente surgunt Pseudopostoli & Fratres falsi. Wer kan sich dafür hüten? Es sind Brüder / vnd werden unversehens schelcke / wie Cain gegen Abel. Ergo Christianus & Prædicator semper desperet, omnes esse puros in sua Ecclesia, diabolus semper habet suos intermixtos, qui data occasione erumpunt, etiam si ad tempus simulent. Sic contigit Apostolis, Sic nobis hodie contingit ab istis, qui nostra iddicerunt, dum nos dormimus, & plane ab illis, quos minime timebamus, Et adhuc talia fient etiam ab ijs, quos putamus nunc nostra valde sequi, &c. Quia adhuc dormimus, ad illos, qui futuri sunt &c. Sed consolatur nos in tam atroci malo, quod oportet sic fieri, prædicante Christo. Iohannes etiam seipsum solatur, Ex nobis exierunt, sed ex nobis non fuerunt. Semper ex optimis pessima fiunt, Sicut ex Angelis diaboli, ex Christianis hæretici, ex populo Dei, crucifixores Dei. Es mus so seyn / darumb unerschrocken vnd ungelassen. Es heisset / Inter triticum. Unkraut sol nicht allein wachsen vnter Unkraut / sondern auch vnterm Weizen / Der Teufel wil auch im Himmel sitzen / vnd mag nicht deserta & arida loca. Er isset gerne niedliche Bissen / vnd thut gern an reine örter / Denn er helet seinen vnstat für Therssem vnd Balsam / Das reine Fruchtlin wil vnter den Rosen wohnen. Wir müssen doch so leiden in der Kirchen.

Ex optimis pessima  
fiunt.

Artificium Satanae  
& hereticorum.

Et abiit. Hoc est artificium unicum Satanae & Hæreticorum, quod nolunt videri male docere. Nihil enim iniquius ferunt, quam dici, quod sint noxij in Ecclesia, cum se solos jactent esse syncerissimos, fidelissimos ministros Ecclesiæ, qui zelent pro gloria Dei & salute animarum. Nein / es hat niemand so wenig schaden gethan / Ja so viel guts gestiftet / als sie. Er wischt das Maul gar fein / hat nichts gefressen / vnd gehet davon mit ehren / Das ist verdriesslich / schaden thun / vnd gleichwol recht vnd wolgethan haben wollen / Da schlahe zu o Christe etc. Sed non perficient (ait Paulus) quia revelatur tandem eorum insipientia.

*Cum autem crevisset herba, & fructum fecisset, tunc apparuerunt & zizania.*

Siehe da Fruchtlin / findestu dich? Quia synceri Ministri dinoscunt eorum dogmata, Et Paulus dicit, Hæreses oportere in hoc esse, ut probati manifesti fiant,



fiant, ut falsi separentur à veris, iuxta Psal. 1. Non stabunt impii in iudicio, Et palea non manet tandem cum Triticum. Et omnis arbor mala, antequam fructus edat, foliis gloriosis etiam bonam arborem quandoque superat, Sed gustatis fructibus dicitur, *Species hereticorum.* *Ufu dein malan/So schöner Damm treget so böse Birne/etc.* Sic donec latent sub specie nobiscum Hæretici, sunt pulcherrimi, sed cum incipiunt contraria docere & facere, ibi mox eos sentit Spiritus veritatis. Et sic discedunt ab iniquitate omnes, qui invocant nomen Domini, Et illi etiam exeunt à nobis, & faciunt sectas.

*Accedentes autem servi Patris familias, dixerunt ei, Domine, Nonne bonum Semen seminasti in agro tuo? Unde ergo habet zizania? Vis igitur ut abeamus, & colligamus ea, etc.*

Quia amore Verbi indignantur hæresibus, & vellent nullas esse, sed omnes ubique idem sentire, & dolent in Ecclesia Diabolum regnare.

*Et ait illis, Inimicus homo hoc fecit.*

Respondet Dominus mirabiliter, & tamen consolatorie. Mirabile enim est, quod fateatur inimicum esse, qui seminavit, & tamen nolit eradicari. Consolatio est contra fanaticos spiritus, & eos qui offenduntur in Ecclesie infirmitate. Quia ab initio Ecclesie fuit ista hæreticorum opinio, Ecclesiam oportere esse sanctam & sine peccato, Sed quia videbant in ea esse aliquos peccatis obnoxios, mox negaverunt eam esse Ecclesiam, & fecerunt Sectas, quas volebant esse Ecclesiam sanctam. Inde Donatistæ, Cathari & multi alij, Et hodie Anabaptistæ, &c. qui omnes uno furore clamant, Ecclesiam veram (quia peccatores & impios mixtos vident) non esse Ecclesiam, & separant sese ab ea. Vexat hæc cogitatio etiam magnos viros, quibus indignum videtur in tritico zizania esse mixta, atque adeo ipsosmet Servos, qui cupiunt ea evellere, &c. Summa ergo sapientia est, non scandalizari, si in Ecclesia & ab Ecclesia veniant mali & hæretici. Quia hic dicit, quod inimicus homo hos seminat. Et maximum solatium est scire, quod nihil nobis noccant, sed oporteat zizania intermixta ferre.

*Et ait, Non, ne forte colligentes zizania, eradicetis simul cum eis & triticum.*

Illud, quod pro causa allegat non eradicandi, scilicet, Ne forte simul & triticum evellatis, potest dupliciter intelligi. Primo, quod simul aliquot boni, qui sunt inter eos adhuc convertendi, damnarentur & perderentur, si negaretur eis Ecclesia & societas tritici, Quod nullo modo est faciendum, quia poenitentibus debet patere Thronus gratiæ. Eradicari enim est ab Ecclesia & societate simpliciter repelli. Secundo si nulla vellemus pati zizania, nullam etiam fore Ecclesiam. Quia cum Ecclesia sine zizania esse non possit, tunc eradicari zizania idem esset, quod Ecclesiam eradicari. Hæc Sententia est simplicior & germanior. Quia vere sic est, quod sine malis Ecclesia esse non possit, Et illi fanatici, qui nulla volunt esse zizania inter sese, hoc efficiunt, ut nullum sit apud eos triticum, id est, dum volunt purum esse triticum & Ecclesiam, nimia sanctitate faciunt, ut nulla sint Ecclesia, sed mera Secta diaboli. Quia superbi & vana sanctitatis opinione inflati, nihil minus sunt quam Ecclesia, quæ se confitetur esse peccatricem & ferentem hæreticos, peccatores, impios, id est, zizania mixta. Hoc cum ipsi non velint, separant sese, & evellunt triticum cum zizania, & fiunt nihil minus, quam Ecclesia.

*Sinite utraq; crescere usq; ad messem.*

Id est, ferte & estote patientes, Nolite esse sine malis & Hæreticis, Vos non poteritis hoc mutare, Meum est hoc judicare in futuro iudicio, ubi vos ab hac patientia liberabo, &c. Hic quæstio est, An liceat Papam ferre in Ecclesia & restituere necesse sit monasteria? Quia hic dicitur, Sinite utraque crescere, Hoc volunt intelligi, *An Papa sit vendus sit in Ecclesia, etc.* *Man sol sic lassen frey leben/wie sie wollen/vngestrafft vnd vngeshindert/etc.*

Aa 4

Sic

Sic enim exponunt, Sinite, id est, permittite. Hoc si verum est, tunc jam non licet eos arguere, sed teneremur tacere, & illis concedere omnia. Item, cur ipsi non sinunt utraq; (id est nos pariter) crescere. Ipsi enim nos extinguere volunt. Ergo contra Christum pugnant, quod nos evellunt, & soli volunt crescere, &c. Et quare etiam non eadem ratione dicunt, Christum esse Autorem peccati ipsorum, quia prohibuerit evelli eos, Et sic videtur confirmare eos. Igitur ista cogitatio nihil valet. Est enim hoc verbum, Sinite, non confirmationis & approbationis illorum, sed consolationis & exhortationis nostræ ad patientiam, Q. d. Quia ferre cogimini istos malos, & sine malis Ecclesiam non habebitis, Ideo patientes estote, Sinite, *Laßt gehen/was je nicht halten fünd.* Sic alibi de Phariseis dicit, Sinite eos, quia cæci sunt. Et Matthæi. 8. Sinite mortuos sepelire mortuos suos &c. Quare per hoc non prohibeo, illos arguere, vitare, excommunicare, &c. Sed quando correptionem ipsi non curant, sinite illos, habete patientiam, nec ideo desperetis de Ecclesia. Quia quod vos judicare non potestis, mihi relinquit, Qui vos contemnunt, hos ego inveniam, &c.

*Patentia Sanctorum.*

*Evellere malos ex Ecclesia.*

*Calo. Judas.*

*Verbum sinendi.*

*An licet ferre imperium Papæ.*

*Papæ abutitur ista sententia Christi.*

Et sic Sententia hujus loci est de patientia Sanctorum, qui coguntur ferre scandala & malos in Ecclesia, sicut dicit, De nobis exierunt, de nobis non fuerunt. Ideo evellere malos ex Ecclesia, nihil aliud est, quam Ecclesiam sine malis habere velle, quod est impossibile. Simul tamen stat, quod eos non toleramus, non probamus, non sinimus cum pace esse zizania, Sed increpamus, excommunicamus, facimus quæ possumus. Sic Adam non sinebat Cain irreprehensum abire, & tamen sinebat eum incorrigibilem abire vias suas, Et Christus non sinebat Iudam sine correptione, & tamen incorrectum dimittebat abire. Et ita verbum Sinendi, nihil pro illis, sed contra illos est, scilicet ut non concedamus licentiam peccandi, neq; consentiamus, Sed si pergunt peccare, nostris monitis contemptis, tunc sinimus eos ire viam suam, Sic Papatum non sinimus facere quod volunt, id est, non probamus eorum doctrinam & vitam, Et tamen quia nolunt, sinimus eos ire.

Quare ad quæstionem, An Papam licet ferre, & restituere monasteria? Respondetur, Non licet ita ferre, ut probemus & consentiamus, Sed si per vim rapuerint & fecerint, hoc cogimur ferre. Et hoc est sinere utraque crescere, & non evellere. Quia si deberemus eos sinere in peccato consentiendo, tunc vere triticum eradicaremus, & ipsos solos crescere faceremus, sicuti volunt, Nunc autem non sinimus eos consentiendo, sed repudiando & separando nos ab eis, dicentes, *Wolan/wir müssen doch unter bösen Leuten seyn/ut 1. Corinth. 5.* Alioqui de mundo exire oportebat, *So seyens eben so mehr diese als andere /* Iudicet autem eos Deus suo tempore, qui nos contemnunt. Quare illi falso allegant contra nos, quod illos sinere deberemus, id est, concedere, ut faciant quod volunt, scilicet, ut impunes sint etiam a verbo correctionis, quasi benefacientes, Cum Christus velit eos sinere tanquam incorrigibiliter mala facientes, tanquam rejectos a consortio spiritualium, Illi petunt (hoc verbo) concessam licentiam peccandi, Christus eodem verbo significat punitam & damnatam licentiam peccandi, plane contrario sensu.

Sed hoc est pulchrum & notatu dignum, quod illi ipsi, qui hoc loco nituntur, & causantur oportere zizania sinere crescere, per hoc ipsum fatentur sese zizania esse. Quia ad quid per hunc locum volunt defendere sese, ut sinantur crescere, nisi quod per os proprium volunt nos docere, sese esse zizania, Et tamen cum nos contra eos docemus, tanquam contra zizania, volunt Ecclesia seu triticum esse. Igitur ex verbis suis condemnantur, quod simul volunt esse zizania & triticum, id est, impij & Ecclesia, *Ja das were ein sein Zwickmülle/* quando periculum sentirent, utrinque possint sese in Proteum vertere, Et quando velint Ecclesia esse, contra quando velint zizania esse, & utrinq; liberi & securi, *Wer möchte das nicht? Wie sie es machen und wolten/so müßte es recht seyn/etc.*

*Et in tempore messis dicam messoribus, Colligite zizania.*

*Impi et cuncti tandem ex Ecclesia.*

In fine est hoc solatium, quod non manebunt in æternum, & tandem veniet Messis, in qua liberabitur triticum à zizanijs, licet interim sit durum ferre illorum in Eccle-

in Ecclesia insolentiam. Sed quia Christus seu Evangelista differt hujus Parabolæ interpretationem, & interserit duas alias Parabolas, quare & nos hunc ordinem servabimus.

*Aliam Parabolam proposuit eis dicens, Simile est Regnum cælorum grano sinapis, &c.*

Tertia de Grano sinapis.

Tertia est de grano Sinapis, In qua removet aliud scandalum, scilicet infirmitatis, quæ est verbi & Ecclesiæ coram Mundo, imo etiam in oculis piorum. Nam proxima Parabola tulit scandalum impietatis & Sectarum in Ecclesia. Hic ipsam Ecclesiæ faciem scandalosam tractat, dicens, Ecclesia est velut minutissimum Granulum, quod vilissimum apparet. Hic ratio offenditur, & dicit, *Ach was wilt doch aus der armen Lehre vnd dem geringen Hauffen werden? Wenn Könige/Gelehrten/Heiligen predigten/Ja wenn Engel kemen wie zu Mose/Nunc vero assumuntur & veniunt Pauperes, indocti, fragiles etiam homines, & hi volunt Mundum regere & docere, Piscatores, peccatores, asini docent sapientes &c.* Ista, ut dixi, propter infirmitatem & humilitatem Verbi & personarum etiam nos ipsos movent, distante carnis ratione, Nunquid tu solus & nihili homo tam grandia tentas? Quid si tu unus pecces? Si tot, tanti & omnes errare permittit Deus, Quid si & te unum permittit errare? Huc pertinent illa Argumenta, Ecclesia, Ecclesia, Patres, Patres, Concilia, Consuetudo, Multitudo, Magnitudo hominum sapientum. Quem non obruant Montes isti argumentorum, & nubes, imo maria Exemplorum? Et tamen sic oportet fieri, quod in toto Mundo unus sit Christus, in Roma tota unus Petrus, in tota Græcia unus Paulus, in tota civitate unus Pastor, Omnes contempti erga majestatem mundi in suo loco, & tamen contra eum loquentes. Ex isto autem uno Grano crescit tamen Ecclesia tanta, ut veniant etiam postea magni Homines, Principes, Sapientes, & quiescant in ea per fidem.

Ecclesia faciem scandalosam.

Argumenta adversariorum.

Vult ergo dicere, Mundum esse conversum ad fidem, scandaloso & miraculoso modo, scilicet per infirmitatem contra omnem potentiam, sapientiam, justiciam &c. quæ manifeste sunt divini miraculi. Nam mundi Regna, non infirmitate, sed potentia contra infirmos parantur. Ideo alia ratio est regni Dei propagandi & regni mundi. Et hoc Argumento vincitur, Ecclesiam esse regnum Dei, quod omnia reliqua mundi Regna contra eam unam & infirmam, contemptam & nihili pugnant, nec tamen superant. Sed ipsa vincit tandem omnia Regna, & convertit ad sese, scilicet virtute divina. Sed antequam sic crescat, scandalosa est infirmitas & humilitas ejus, id est, donec contemnitur & impugnatur ab istis Avibus cæli, antequam veniant & nidulenter in ramis ejus.

Propagatio regni Dei.

Ecclesia est regnum Dei.

Et mirum est, quod Sinapin comparat holeribus. Holera enim sunt vescua & coquinæ & ventri utilia, &c. Sinapis vero austeri saporis &c. Significat igitur, quod holera, id est, Regna mundi sint magna quidem, & pascua ventris, & tamen tandem Sinapis crescit, ut ipsi Principes & Reges, & quicquid est holerum, humiliantur in fidem & verbo subiecti gaudeant sese dignos esse in Ecclesia Dei sedere, & in ramis ejus habitare. Hoc est quod Christus hic Sinapin vocat arborem, cum sit frutex & herba, scilicet ab effectu, non à substantia, Q. d. Sinapis non est arbor, sed si consideres Aves, quæ in ramis ejus habitant, erit arbor arborum. Quia in alijs arboribus parvæ Aves, in hac Sinapi sedent aquilæ, Reges, Principes, Sapientes, qui deserta sua fiducia fiunt modicæ velut muscæ in hac Arbore, Summa, Ecclesia & Evangelium fit tandem majus & superius omnibus Regnis. Regna eunt, Ecclesia manet & triumphat, illis tandem subiectis fide, ut testantur Historiæ ab initio Mundi.

Sinapis comparatur holeribus.

Quod Christus Sinapin vocat arborem.

Ecclesia manet & triumphat.

*Aliam parabolam dixit illis. Simile est regnum cælorum fermento, quo lacte aptum mulier abscondit in farinae satis tribus, donec fermentaretur totum.*

Quarta Parabola de fermento.

Gen. 18.

Quarta Parabola est ad literam Gene. 18. de Sara, miscente farinam Angelis, Cujus Allegoriam ipse Christus dignatus est hic ponere, velut amator illius.

Sara fides.



*Fermentum duplex, vetus & novum.*

*Evangelium fermentum novum.*

*Massa salvandorum.*

*Impossibile est Christum separari ab Ecclesia. Satan mittitur separare fermentum à pasta.*

illius optimæ mulieris, propter fidem & patientiam ejus, &c. Ergo primo notandum, quod sicut omnia duplicia sunt, ita & Fermentum, aliud vetus, aliud novum, Ut & Paulus 1. Cor. 5. In fermento veteri. Et est ejus proximum, Modicum fermentum totam massam fermentat, scilicet in utranq; partem, bonum fermentum bene, malum male fermentat, &c. Vult autem Christus hac Parabola consolari nos, & significare, quod Evangelium novum Fermentum, semel mixtum in genus hominum (id est, pastam) non deficiet usque in finem Mundi, sed penetrabit totam massam salvandorum, & perveniet ad omnes, qui digni sunt, etiam in viris omnibus portis inferorum. Et sicut impossibile est fermentum semel pastæ mixtum à pasta separari, quia immutavit pastæ naturam. Ita impossibile est rapi Christianos à Christo. Quia est in eis Christus fermentum ita incorporatus, ut unum sit corpus, una massa, Ein Ruchet/ ein brod/ etc.

Frustra igitur Diabolus Ecclesiam extra Mundum fugat & persequitur, Hoc est Christum à fidelibus, fermentum à pasta separat. Nam quam hominibus impossibile est, mixtum fermentum separare à pasta, tam impossibile est Diabolo, Christum ab Ecclesia sua separare. Der Teig ist geseurt / der Teufel wird die seure nicht sondern vom Teige / Er loche oder brate sie / oder röste vnd bórne sie dazu / so ist der Sauerteig Christus drinnen / Vnd sol drinnen bleiben / bis an den Jüngstentag / das alles durchseuert werde / & nihil de pasta infermentatum maneat. Hic potest rhetorice prosopopœia fingi de Diabolo, qui stet laborans in separando fermento à pasta, & tamen nihil efficiat, nisi quod maculet & velut luto gravet manus. Sicut ancilla irata velit pastam tam diu subigere, donec separet fermentum à pasta, ignorans quod quo plus subigit, hoc plus fermentum in pastam miscet & cogit, So mag man dem Teufel die Rappen mit schellen malen vber einem Trog stehend / vnd sehr zornig knetend / ut separet Christum ab Ecclesia, ignorans stultus, quod subigendo plus fermentum Christi in Ecclesiam miscet & urget. Ergo in finem manebit Verbum simul mixtum, scilicet consolatione nostra, quod diabolo insultare possimus, dicendo, Bórne Teufel / das Quecksilber ist im Teiche / der Sauerteig ist im Teige / du hasto versehen. Hoc est quod videmus Ecclesiam durasse usq; nunc, & duraturam scimus, donec omnis Israel salvus fiat, & tota massa fermentetur.

Hæc omnia locutus est Iesus in Parabolis ad turbas, & sine Parabolis non loquebatur eis, Ut impleretur quod dictum est per Prophetam, Aperiam in Parabolis os meum, eructabo abscondita à constitutione mundi.

*Abraham fidei.*

Post hæc sequuntur verba Evangelistæ satis offensiva, præsertim doctis. Primo, quod dicit Christum sine Parabolis non fuisse locutum turbis, de quo supra utcumq; dictum est. Secundo, quod dicit per hoc impleri illud Psalm. 78. cum prorsus nihil de Christo in isto loco dicatur, Sed (ut textus indicat) de priscis factis Dei in populo Israel, ut Epicuro alicui videatur Matthæus, magis studio allegandi, quam judicio confirmandi, hunc locum citare. Si hic nihil possumus respondere pro nostro captu, cedendum est magisterium Spiritui sancto, si forte in uno aliquo loco vellet nos tentare & stultos facere, cum in cæteris omnibus fuerit tam clarus. Nam vere difficile est Abrahamæ, postquam omnia credidisset, tandem etiam pugnantiâ credere, id est, Filium promissionis occidendum esse. Tutius est igitur fateri ignorantiam, quam velle nihil non intelligere. Ita & hic locus, quamvis sit non necessarius (ut videtur) tamen spiritus novit, quare allegaverit eum.

*Narratio prophetarum.*

Meo sensu Matthæus generalem sententiam applicavit particulari, hoc est, ut Psalm, canit de historijs Patrum, quæ omnes significant multa. Ita & Christus velit dicere multa velut historica, quæ tamen significant multa in toto orbe futura. Nam sicut omnes istæ Parabolæ Christi aliud sonant quam significant (licet etiam id quod sonant historica sunt) ita & historiæ illius populi, licet sunt vere historica, tamen significant simul res futuras in Ecclesia & Christo. Quare utrinq; potest allegari in genere ista sententia. Narrabo propositiones, Q. d. Christi Parabolæ sunt similes

similes historijs priscis, In utrisq; enim ultra rem historicam aliud quoq; docetur. Recte ergo utrunq; potest intelligi in isto verbo, Narrabo propositiones. Hanc sententiam juvat tamen satis forriter Ebraeus textus in eodem Psalmo, qui illas veteres Historias appellat Hidoth, id est, *Xetlin* seu ænigmata, & postea abscondita seu my-  
*Historia*  
 steria &c. Quibus verbis Matth. non sine causa motus videri potest, ut etiam Christi Parabolas intelligeret esse Hidoth & mysteria, deinde hoc loco Psalmi in genere prædictas. Quin & Christus ipse dicit hic Parabolas suas esse mysteria, Q. d. Ego loquor vobis Hidoth & abscondita, qualia Psalmus loquitur, & sic utrique loquimur Parabolas, Ille Psalmus & ego & ita concordamus. De hoc satis, Qui volet plura, quærat.

Sequitur interpretatio Parabolæ secundæ, quam ut supra dictum est, de malis in Ecclesia Christus posuit, Sed tamen nisi ipse Christus singulas partes ita fuisset interpretatus, nemo id ausus fuisset, imo nemo attigisset, scilicet quod Ager esset mun-  
*Interpretatio 2. parabola de zizania.*  
 dus, Semen bonum boni, Seminatore Christus ipse, Zizania mali, Inimicus diabolus, Messores angeli, Messis finis mundi. Hæc enim interpretatio non est œconomica neq; politica, sed plane cœlestis & divina. Nam sine verbo Dei, quis sciret quod Angeli essent messores, Messis finis mundi, Inimicus diabolus, Seminatore Christus? Cum ratio nihil sciat de Angelis, diaboli, fine mundi, Christo, Etiam si posset agrum imaginari Regnum, & bonos esse semen bonum, malos zizania, Tamen de re cœlesti non potest intelligere, cum res æternæ non sint sub ejus capto.

Nobis igitur dicitur Christianis, qui Regnum æternum credimus, quod certi esse debemus, Primum, certum esse finem mundi, & messem hic prædictam, nec staturum esse hoc seculum sine fine, Quod est consolatorium afflictis, qui in hoc seculo  
*De 15.*  
 non habent respiraculum. 1. Cor. 15. Si in hoc tantum mundo in Christo speramus, &c. Secundo, quod interim oporteat nos pati mixtos malos, & Ecclesiam plenam semper fore sceleris, scandalis, malis, Ne ideo desperemus, quasi Ecclesia ideo sit nulla aut Deus deseruerit totum genus humanum. Hæc omnia pertinent ad Consolationem nostram, ut per patientiam in hoc seculo inter malos secure expectemus illam messem. Tertio, quod admoniti esse debemus, Diabolum non dormire, sed circumire querentem quem devoret. Quia non est sperandum quod cessabit seminare inter Ecclesiam malos, Ideo vigilandum & orandum esse. Quarto, quod nec Christus nobis deficit nec sui ministri, Hoc est, quod Ecclesiam suam non derelinquet. Quia hic scribitur, quod servi ejus indicant ei zizania, Domine, inquiunt, nonne bonum Semen seminasti in agro tuo? Unde ergo habet zizania? Ergo semper erunt in Ecclesia, qui malos & scandala accusabunt per orationem coram Christo, & odient ac detestabuntur per confessionem ac prædicationem. Item, simul hic scribitur, quod Christus cum suis loquitur, & bene intelligit ac novit ista scandala, etiam si ministri non accusarent & orarent. Significat enim sese ista omnia mala valde videre, & melius quam ipsi possunt accusare. Et sic Ecclesia nunquam est sine Christo, præsentissimo inspectore, & aliquibus fidelibus solide doctis à Deo. Quia Ecclesia manet Ecclesia, & Christus manet Christus, quamlibet abundant scandala ac mali. Quinto, quod Angeli quoq; coelorum huc spectent, & officio messorum fungantur certissimæ messis. Nam cum etiam messores Deus jam disposuerit suos Angelos, nihil certius est, quam Messem istam certo futuram. Nam messores tanti non frustra disponuntur, Quod etiam nostram consolationem auget & certificat.

*Sicut ergo colliguntur zizania & comburuntur, Sic erit in consummatione seculi. Mittet Filius hominis Angelos suos.*

Post hæc quasi delectatus loqui de illo die extremo, jucunde digreditur, & describit messorum istorum seu Angelorum officium dicens, *Filius hominis*, inquit, *mittet Angelos suos*, quod est idem, quod eos fieri messores, & colligent de Regno, ejus omnia scandala, & eos qui faciunt iniquitatem, id est, tam dogmata impia, quam omnes malos. Et mittent eos in caminum ignis. Hæc est prima pars messis, scilicet

*Angelorum officium.*

*Angeli non essent.*

*Consolatio piorum.*

*Christus Ecclesiam non deseruit.*

*Ecclesia plena scandalis.*

*Christus præsentissimus hic certo finem mundi.*

*Ratio non intelligit æterna.*

scilicet quod zizania separabunt à tritico. Secunda pars est, quod triticum depuratum statuent. Tunc fiet utrinque, ut illi (zizania) ardeant in igne æterno, At isti (triticum) *Fulgebunt sicut sol in regno Patris sui*. Quis hanc messem ita potuisset interpretari? Quis triticum intellexisset, forte fulgens sicut solem, & zizania ardentia sicut scenum, utrunque in æternum? Ideo non frustra clamat in fine.

*Qui habet aures audiendi, audiat.*

*Tempus audiendi.*

Quasi d. Das heisse von andern sachen geredet/ denn die Welt redet/ Et est hic audiendi tempus, non cogitandi, Quia non speculando, sed tantum audiendo ista capi possunt, Qui non audiunt, nihil capiunt.

*Quinta Parabola de thesauro.*

*Simile factum est regnum cælorum thesauro abscondito, quem qui invenit homo abscondit, &c.*

*Regnum Dei frustra queritur humanis viribus.*

*Christus manet absconditus per seculum.*

*Natura regni Dei.*

*Ecclesia non est Ecclesia &c.*

*Impij Ecclesiam se iactant & non juvant.*

Quinta Parabola est de thesauro abscondito in agro, Quæ significat Regnum frustra quæri nostris viribus & studiis seu operibus legis. Quia non ex sanguinibus neque ex voluntate carnis, neque ex voluntate viri, sed ex Deo nati sunt, Sic Iudæi justiciam sectando, ad justiciam non pervenerunt, Agrum habuerunt, thesaurum in eo non viderunt. Sic & hodie & semper justiciarii Legem (velut agrum) exercent, & tamen finem legis, id est, Christum, non assequuntur, sed manet eis absconditus. Invenitur autem ab ijs, qui non quæsierunt, ut Paulus Roma. 10. dicit ex Esaia. Sic cum Iudæi agrum haberent, venerunt Gentes, & invento in lege Christo, iverunt & omnia vendiderunt, & emerunt agrum cum thesauro, id est, legem cum Christo incluso, & pro eo profuderunt cum gaudio vitam & omnia. Talis ergo est natura regni Dei, ut alius videatur possidere, & non possidet. Alius possidet, & tamen non videtur possidere. Hoc est illud, quod hypocritæ volunt Ecclesia esse, & non sunt, quia non cognoscunt Ecclesiæ thesaurum, scilicet Christum. Pij vero cognoscunt, & tamen non videntur esse Ecclesia, sed manent absconditi coram mundo.

Ita stat illud Argumentum à principio mundi, Ecclesia non est Ecclesia, & non Ecclesia est Ecclesia. Quare inveniri hic dicitur & abscondi inventus thesaurus. Quia & sine meritis, velut casu oblatus accipitur, & tamen impijs manet absconditus, etiamsi verbis & factis & cruce & miraculis clarificetur, *Er ist verborgen (non ijs qui inveniunt) vnd bleibet verborgen/ Wers hat/ der kennet/ Wers nicht hat/ der kennet nimmermehr.* Continet ergo ista Parabola gravissimam Consolationem, quod nihil nos moveat, si impij iactent se esse Ecclesiam, & non possunt intelligere. Est pauperculus quidam grex, qui intelligit, & præcipit illis rem Ecclesiæ, & finit illos habere nomen Ecclesiæ cum ignorantia rei. Interim illi eunt & possident mundi gloriam & opes sub nomine Ecclesiæ, Isti vero perdunt & prodigunt omnia sua sub nomine hæreticorum & seditiosorum, *So wilts seyn vnd gehen/ nicht anders/ ut maneat thesaurus absconditus illis, & nos in periculo perdendi omnia, teneamus eum.*

*Sexta Parabola de margarita.*

*Fides proficiens.*

*Margarita audit & cognita queritur.*

*Vita Christiana.*

*Iterum simile est regnum cælorum homini negotiatori, quærenti bonas margaritas, &c.*

Sexta Parabola fere idem docet, quod ista proxima, nisi quod illa de invento, hæc de quasito loquitur. Quare de fide proficiente hic docet, Et significat Margaritam non esse incognitam, sed auditam, quod sit preciosa, Ideo quæritur velut cognita, & petitur plenè possideri, quæ incepta est nosci. Nam iste Mercator non aliud agit, quam ut Margaritam quærat, Supra ille Agricola aliud quærens invenit, id est, sine meritis accepit, Hic Mercator unum hoc spectat, ut cognitam obtineat. Sic est enim vita Christiana, ut qui coeperit, videatur sibi nihil habere, sed tendit & pergit ut apprehendat. Vnde Paulus, Non arbitror me apprehendisse, sed obliviscens anteriora, quæ retro sunt, ad ea quæ priora sunt, me extendo, &c. Quia revera nihil pernicio-



pernicius est homini fidei, quam ista præsumptio, quasi apprehenderit, & opus <sup>Præsumptio est</sup> querendi non sit. Hinc enim multi retrolabuntur, & marcescunt securitate & <sup>perniciosa.</sup> ignavia.

Sic Bernhardus quoque dicit, Stare in via Dei est retrogredi. Quare qui coepit <sup>Diffum S. Bernardi.</sup> esse Christianus, hoc restat, ut cogitet se nondum esse Christianum, sed querere, ut fiat Christianus, Vt cum Paulo possit gloriari, Non sum, sed cupio esse, Et quotquot perfecti sumus, in hac Regula maneamus, Christianus enim non est in facto, sed in fieri, Dicitur enim ad eum, Petite, querite, pulsate, Non dicitur, Habetis, invenistis, <sup>Christiani non sunt in facto, sed in fieri.</sup> intrastis, sed petite, querite, &c. Igitur qui Christianus est, non est Christianus, hoc est, qui se putat factum Christum, cum sit tantum fiendus Christianus, ille nihil est, Tendimus enim in cœlum, nondum sumus in cœlo, Et sicut nunquam veniet in cœlum, qui putat se iam esse in cœlo, Ita jam est in cœlo, qui tendit in cœlum. Quia Deus reputat eum, quasi jam sit in cœlo. Summa, Proficiendum est, non standum & secure stertendum, Homo noster vetus debet de die in diem (ut Paulus) renovari. Vt illi, qui jam totus renovatus est, id est, qui putat sese esse renovatum, Ille absque dubio nondum coepit renovari, nec unquam gustavit, quid sit esse Christianum. Nam qui coepit, ille non putat se esse Christianum, sed valde cupit se fieri Christianum, & quo magis proficit, hoc magis cupit fieri, & minus putat sese esse. Adeo sunt opera Regni hujus mirabilia, Qui stat, ait Paulus, videat ne cadat, Et iterum, Qui existimat se aliquid esse, cum nihil sit, ipse seducit se, &c.

*Iterum simile est Regnum cœlorum sagena, missa in mare, & ex omni genere piscium congreganti, &c. Sic erit in consummatione sæculi, Exhibunt Angeli, & separabunt malos de medio iustorum, &c.* <sup>Septima parabola de re. ti.</sup>

Epitasis hujus Parabolæ est in postrema parte, scilicet quod mali separabuntur à bonis in iudicio extremo, ut ipsemet exponit, dicens, Exhibunt Angeli in fine mundi, & separabunt &c. Alet ergo ista Parabola spem credentium, scilicet, quod in hac vita coguntur ferre inter se quidem mixtos malos, sed certi sint, quod tandem ab eis separabuntur mali in illo die, Sicut Sodomitæ Angeli separabant à Loth, in illo tempore. Valet & hæc parabola contra fanaticos spiritus, qui nolunt ferre malos inter bonos, quasi ipsi sint soli boni, & ante extremum iudicium volunt separare malos. Hic autem dicit primo, quod ista separatio non fiet, nisi in fine mundi, Secundo, non per homines, sed per Angelos. Et ita manifeste insaniunt olim Donatistæ & similes, hodie vero Muntzerani, &c.

Est autem hoc vitium ab originali peccato innatum, quod injustos & injusticiam ferre nolumus. Prompti sumus malos reprehendere, & omnes judicare, Deinde nobis arrogare sapientiam, justiciam & potentiam emendandi omnia, quasi ipsi simus præ cæteris hominibus iusti, sapientes, &c. Sicut ille in Evangelio Luc. 18. Non sum sicut cæteri homines, &c. Sic Donatus voluit esse cū suis purus præ omnibus peccatoribus, Et Muntzerus voluit omnes impios perdere. Hoc est festucam in oculo fratris videre, trabem in oculo suo non videre. Verum hoc malum non desinit in mundo, usque in finem. Semper fuerunt, sunt, erunt, qui pisces malos separare volunt, antequam ad littus rete venit, Non intelligentes, quod ipsimet sunt pisces mali & separandi, *Ein jeglicher wil from seyn / vnd ander Leute meißern* / Et est illa divinitatis imitatio, quam in Paradiso contraximus, quasi sine vicio nos ipsi simus. Dei solius est judicare & emendare omnia, hic per Verbum, illic per factum, Interim *heißt / Ist einer gut / so sind sie alle gut.*

*Intellexistis hæc omnia?*

Finitis Parabolis interrogat Discipulos, An intelligent hæc omnia? Q. d. Quare & nunc non interrogatis de istis Parabolis alijs, sicut interrogastis de primis duabus? forte quod bene intellexistis omnia (ita inquiunt) *Awe ja ihr seyd seine Leute / vnd verstehtet sein.* Loquitur autem Christus cum Discipulis suis, quasi cum Infantibus suis Pater, Non quod ignoret eos nihil istorum intelligere, & laudat eos quasi <sup>Sanctus & Christi conser-</sup> intelli-

intelligent, propter futuram in eis intelligentiam, Sicut si Pater cum filio suo ludat, & interroget eum supra quam intelligat. Vbi cum Filiolus stultus ad rem responderet, dicit, Ita fili mi, tu recte respondes, *Mit der zeit wirstu es wol verstehen.* Sic Christus hic non ludens, sed simplicissima gravitate & gravissima simplicitate, cum suis discipulis velut Infantibus agit. Quia cogitat, quid futuri sint per Spiritum sanctum, & tolerat eorum velut infantilem stulticiam seu simplicitatem.

Nam quomodo ista intelligerent omnia, qui nondum sciebant quid esset Regnum caelorum, quod ipsi temporale futurum cogitabant, multo minus intelligebant istas Parabolas de Regno eodem. Sed quia reverentur & colunt Praeceptorem, & simplicitate humilima nolunt sateri se non intelligere, Ideo placet eorum ista simplicitas & candor, & in spe futurae eorum perfectionis, ista eorum ignorantia paternae ab eo toleratur, imo laudatur. Summa, oportet in istis & similibus factis Christi curia discipulis cogitare, Christum esse quendam dulcem Patrem, qui cum suis dulcibus Infantibus serio & cum voluptate jocetur, & stulte seu infantiliter & dicta & facta eorum optime interprete tur, In futurum spectans, ubi rem sint acturi serio, Q. d. Vestra omnia sunt talia, qualia ego loquor. Ego loquor Parabolica velut infantibus, & vos modo estis infantiles, Erit autem ut aliquando efficiamini viri, & seria agatis, Tunc & ista agentur serio, quae nunc auditis Parabolice à me dici, Interim ego pueriliter loquor, & vos pueriliter respondetis, Tunc erunt omnia sine Parabolis, &c.

*Idco cuncti scribae, doctus ad Regnum caelorum, similis est homini patrifamilias  
qui profert de thesauro suo nova & vetera.*

Concludit enigmate satis mirabili, Quia, inquit, vos intelligitis omnia, digni estis ad futuram functionem, Q. d. Ja das ist recht/so solt seyn / Wer ein Apostel seyn wil/ der solt alles können/sicut vos seitis. Sicut Paterfamilias dives, der solt seyn. Hauff voll haben von allem Gut/ der da könne sagen/ Bringt her vom fernen Wein/ vom neuen Wein/ Lange diß/ lange das her/ Das ist/ es solt alles voll auff da seyn/ daß er könne weidlich aufftragen/ was er wil/ vnd was man wil/ wol zweyfeltig. Et hæc quoque intelliguntur dicta eodem affectu, quo superiora, scilicet Patris erga filium, seu Præceptoris ad discipulum, qui dicat, So lieber Son/ lieber Knabe, so solt man thun/ du biß gelet/ vnd kanst alles/ sare fort/ du thust der Sachen recht/ Ich meyne nicht daß du so gelet werest/ Ey du kanst voll aufftragen/ da seiet nichts/ Sic de discipulis Christus diuiciter & philostorgice loquitur propter futuram functionem, quam erant gesturi, & per opulentiam Spiritus impleturi. Igitur quia intelligitis omnia, digni estis, qui sitis docti scribæ ad Regnum cœlorum, scilicet promovendum. Nam Scriba proprie significat, quod nos dicimus Doctore, Einen Lerer. Vnde & Lucas. Nemo didascalos legis Doctores appellat. Ista ergo copia scientiæ est aliud nihil, quam legem & Evangelium nosse. Nam in his duobus universa sapientia Dei est inclusa, velut in brevi compendio comprehensa.

*Et veniens in patriam suam, dicebat eos in Synagogis eorum, &c.*

Nunc sequitur Historia de contemptu prædicatorum & doctorum &c. Venit ergo in Patriam suam, Ibi docet, & ut Lucas cap. 4. dicit, audierant ejus Miracula in Capernaum facta, & tentabant eum, ut Lucas latius scribit. Sed scandalizati sunt in eo. Quia plus potuit docendo faciendoq; quam hactenus alij. Ideo putant eum talia non facere Dei virtute (alioqui non essent scandalizati, sed ædificati) sed diabolica, Et aliquem Magum eum esse credunt. Hoc est, quod dicunt,

*Vnde hinc sapientia hæc & virtutes? Nonne hic est fabri filius? Nonne mater  
ejus dicitur Maria, & fratres ejus, &c. nonne omnes abud nos sunt?*

Quasi d. Er wird gewislich mit dem Teufel zu thun haben / wil etwas seyn für an-  
dem seinen Freunden / Et sic simpliciter ejus dicta & facta credunt esse demo-  
niaca, à quibus sit abhorrendum. Tentant autem eum teste Luca Cap. 4. Fac  
& hic

& hic sicut Capernaum, Q. d. Du bist ein Geuckler/ Lieber gaudet vns hie auch/ Ideo Christus indignatus, eis dure respondet, dicens, Multæ viduæ erant, &c. Vt in Luca legitur, quem locum oportet huc allegare totum, ad illustrandum Matthæum, Nam ibidem sequitur, quod offensi eius duro verbo, volebant eum præcipitare, tanquam Magum superbum, & eos contemnentem, &c.

*Iesus autem dixit eis, Non est Prophetæ sine honore, nisi in patria sua, &c.*

**Mat. 1.** Magna vero sententia est, ubi dicit, Prophetam in patria sine honore esse. Hoc nimis verum est. Simile dicit Iohan. 1. In propria venit, & sui eum non receperunt. Item S. Paulus, A veritate auditum avertunt, Et videmus in omnibus historijs ista monstra, quod verbum Dei nusquam ita fastiditur, quam ubi copiose docetur, *Verbum nusquam contemnitur quam ubi abunde habetur.* Die es nicht haben/ die wünschen/ die es haben/ verachtens/ Imo, quod pessimum est, non oriuntur hæreses, nisi in Ecclesijs & ex Ecclesijs. Quod non fit, nisi quia fastidiunt & contemnunt Verbū, fiuntq; mox ejus iudices. Si enim non contemnerent, cum reverentia audirent, & hæreses non excitarent. Sit ergo ista consolatio nostra, quod verbum nostrum, imo Dei, contemnitur ab ipsis nostrissimis, & quod non mirum sit à rusticis, nobilibus contemni, ut qui cito saturi fiunt, Sed etiam ab eruditis & ipsis domesticis seu coëpiscopis nostris, qui nos quærunt præcipitare de monte, dum non volumus loqui & facere quæ volunt. *Vnde oriuntur hæreses. A quibus verbum contemnitur.* Es heist/ Prophetæ in patria, Et sicut ex Michea citat Matth. 10. Inimici hominis domestici ejus. Sed econtrà consolatur nos, quod Iesus transiens per medium illorum ibat, *Es werdens nicht enden/vnd müssen den Propheten lassen bleiben.*

*Et non fecit ibi virtutes multas propter incredulitatem eorum.*

**Mat. 6.** Quod addit, eum non potuisse facere miracula, propter eorum incredulitatem, significat eorum insignem contemptum. Quia nec crediderunt eum esse aliud quam Magum quendam, Et ob hanc justiciam formosam, non habebant opus medico tam sancti & validi, Sicut si medicus non posset curare infirmos, ubi nulli volunt esse infirmi. Marcus cap. 6. dicit, quod non potuit ibi facere ullam Virtutem, nisi quod paucos infirmos impositis manibus curavit, Q. d. nullum excellens opus, quod possit dici virtus, Ein weibliche that/ als mortuos suscitare, &c. sed febriculas aliquot sanavit, leviores scilicet virtutulas. *Virtus.*

Sed horrendum iudicium super eos, qui abundanter habent Verbum, & apud quos velut in patria verbum habitat, quod nihil magni apud eos sit, Nisi quod pauci & modici modicum aliquid faciunt, quia securi fiunt, & dicunt, Ja haben wirs doch nu alles/ nihil amplius egemus, Si abessent omnes Prophetæ, tamen sciremus omnia. Hic discite & scito, ferendos esse hos contemptores, Wir werden sie doch nicht enden/ Sed ipsi continuo fiunt peiores, donec ejicient & crucifigant nos, sicut Christo contigit apud suos, Nein/ Alieni müssen nicht thun/ Sui müssen thun/ Quia fieri non potest, ut alibi Prophetæ pereat, quam in Hierusalem, Cain occidit Habel fratrem, non lupi aut ursi, sed homo & frater in eadem domo, eorundem parentum, qui non possit esse propior.

## CAPUT XIV.

**I**n illo tempore audiuit Herodes Tetrarcha famam Iesu, & ait pueris suis, Hic est Iohannes Baptista, ipse resurrexit à mortuis, &c.

Hic inducitur exemplum Regis, ut non solum sciamus, quid rustici in Nasareth, sed etiam quid Reges in aula de Christo sentiant, scilicet quam magnifice & secure illi contemnant Verbum. Audit enim Herodes à suis ministris, magnum esse Virum Christum, & cupit eum videre, Non quod serio quærat, sed quia se Regem esse sentit, putat se dignum, quem Christus adoret, & ultro veniat ad eum, Summa, *Indignum magnum in mundo de Christo.*



Herodes sic cogitat, Ego occidi Iohannem, sanctum virum, forte is surrexit, & facit miracula. Ex istis verbis non sequitur, quod credat Christum esse Iohannem suscitatum, sed ironice videntur ab eo dici. Quia Christus ipse vocat eum Vulpem. Ideo mens Herodis non potest esse alia, quam vulpina, scilicet, Ecce Iohannes, quem decollavi, surrexit (ut Marcus dicit) & virtutes operatur, quas prius non est operatus. Libenter, si fieri posset, eum viderem. Est itaque nequam, & quicquid loquitur est nequitia.

*des vul-*

Inducitur tamen ab Evangelista, ut occasionem accipiat de Herodis malicia dicendi, quia tota Historia sequens est mere vulpina, Vult occidere Iohannem, & tamen non videri occidisse. Ergo secundum Christi sententiam, omnia Herodis verba intelligenda sunt vulpina, quia Christus non fallit. Hæc autem est imago procerum & magnatum in mundo. Quia omnes sunt Herodes. Simulant sese favere Verbo, clam vero rident & perdunt. Sic tamen, ut nolint videri occidisse, Imo laudant Iohannem & Christum, & amant, cupiuntq; videre eos. O vulpes, vulpes, digni quos terra dehiscat. Quin hoc etiam possunt, scilicet loqui de Resurrectione mortuorum, de Miraculis, de religione, ut credere possis Herodem esse Sanctum sanctorum, Et tamen rident interim omnia talia. Sicut hodie faciunt Papistæ & torus fere Orbis, loquentes simillima Christi, cum cogitent dissimillima. Quare Evangelista per totam Historiam de Iohanne Baptista nihil aliud facit, quam quod pingit Herodem, velut insignem Vulpem, qui simulet sese amare Iohannem, & dolere de eo occidendo, cum tamen maxime id voluerit, scilicet amator veritatis nomine, sed re hostis accerrimus. Est igitur Vulpes, ut Christus eum appellat.

*in proce-*  
*to mundo.*

*Inq; de doctri-*  
*na istam bene*  
*loquuntur q;*  
*interim tamen*  
*vident eum.*

*Similitudo fan-*  
*tas in He-*  
*rod.*

Tale est & hoc quod scribit Matthæus, quod timuerit Populum, ne occideret Iohannem, quia eum habebant Prophetam, Non timuit vere populum, quod pater, quia tamen eum postea occidit sine timore; Sed ista est sententia, Sicut Iohannem vulpina fraude audivit, tantum ut haberet nomen pij Regis, sic etiam hic timet populum, id est, veretur ne specie amissa, diceretur palam Tyrannus, quia vult eum occidere (ut textus aperte dicit) Sed hoc vult efficere, ut ipse iustus iusteq; fecisse videatur, Et quia in Iohannem non potest culpa impingi, qua Herodes eum honesta specie occideret, fingit eum sua Meretrice iusjurandum, sub cuius prætextu, velut religione & obsequio Dei, occidit iustum & innocentem, Sic tamen, ut coram populo laudem obtineat, quod non voluntate, sed religione coactus hoc fecerit. *O Schälde vber alle Schälde.* Vnde & Christus supra Cap. 11. indignatus dicit, Elias venit, & fecerunt ei, quæ voluerunt. Voluerunt (inquit) id est, pro sua libidine, nullo respectu Dei, Q. d. *Ja was vnd wie sie gewolt / haben sie gethan.* Voluerunt autem primo eum occidere, secundo voluerunt hoc ipsum facere cum laude, etiamsi Iohannem non possent reprehendere. *Ja sie habens also gethan / ist ihnen also gerathen / Iohannes ist unschuldiglich erwürget / vnd Herodes bleibe dennoch from vnd gerecht mit den Pharisæern. Ja liebes Jucholn / Gott verstehet solches nicht.*

*Esus vult, &*  
*fecerunt ei qd*  
*voluerunt.*

Sequitur nunc Historia ipsa, quæ nullis verbis potest dici, sed affectu vix concipi, *Ach / Wer kan solche Bosheit doch austreichen!* Evangelista tantum adumbrat dialectice, velut Monochroma, sed colores relinquit auditori, tamen nullius eloquentia hos colores assequatur, Tamen prima Propositio est hæc, quam textus habet. Prima propositio, Herodes & sua Adultera definita voluntate cupiunt Iohannem occidere, ut & Marci 6. dicitur, 2. Herodes timet Populum, id est, non vult videri Tyrannus, sed sanctus, Hoc est, quod Marcus dicit, Herodias ipsa insidiabatur ei, ut occideret, Et non potuit, id est, timebat videri impia, &c. 3. Herodes libenter audit & multa facit, ut Marcus cap. 6. dicit, Sed vulpina voluntate, scilicet insidiosè, donec occasionem arripiant vel inveniant ambo contra eum. *Es ist*

*Mar. 6.*

*Naturæ ly-*  
*cratum fere*  
*diacrum in-*  
*qia.*

*Sum vnd Duben.* Ex his patet quod Herodes Iohannem in custodia tenens, audit libenter, & facit multa, aliud nihil facit, quam velut hians Vulpes expectat, si quid arripiat contra eum, scilicet offensus, quod ab eo esset reprehensus. Cum autem nihil invenire possit, & tamen reprehensionem sui ulcisci cupiat, nec ferre possit

possit reprehensorem tantum, dissimulat dolorem, & simulat favorem, donec efficiat per iurandum quod voluit.

Nunc istius fabulæ prosopopœias vide.

1. Opportune accidit Natalis Herodis, festum quidem gentile apud Iudæos, sed <sup>Non gentili</sup> <sup>obferuare na-</sup> <sup>talem Gen.</sup> tamen commodum ad Herodis propositum, & forte pro sua vulpina sanctitate tale festum antea non celebravit, vel non taliter, Quia in festis Iudæorum non voluit facere.
2. Tanto luxu & splendore paratur, quanto non solebat, scilicet vocatis ad id festum principibus, optimatibus, proceribus Galilææ, scilicet ut hac pompa Iohannes obscuraretur, & ipse illustraretur, *Daß die Leute nicht sollen seine Bosheit merken oder achten.*
3. Interim dum sic vivitur, gaudetur, saltatur, Iohannes non vocatur ad prædicandum, sed de ejus Capite cogitatur. Et omnia istius festi gaudia in eum insidiosè aguntur, Conciliantur convivæ tot gaudijs & tripudijs.
4. Lætis tandem & potis convivis in tanto luxu, & jamdudum de Iohanne nullo sollicito, inducitur Diaboli organum, filia saltatrix, *Und mus vmb Johannes willen der Tanz angericht werden/der vielleicht dazumal were* (sicut & convivium) *nachbleiben.* Et vulpine cautum est, ut nulla puella saltet, nisi Filia, ut locus & occasio fiat luramenti (Tanta arte, tot insidijs opus est cruentis istis Dei inimicis, ut justum aliqua <sup>Quibus artibus</sup> <sup>impj insidiantur</sup> <sup>pjs.</sup> specie occidant) Nam propter nullam aliam Puellam potuisset ita jurare verissimiliter, &c.
5. Plauditur saltanti, & concitantur Convivæ ad laudem saltantis Filiz, ut major fiat occasio Iuramenti, & Vulpes pulchrior & sanctior fiat. *Es wer wolt solche Tänzerin nicht loben noch lieb haben?*
6. Paratis igitur plausoribus, Herodes tandem prodit, laudans & ipse & amans filiam tanto amore, quanto nunquam antea. Tam sanctus Vir scilicet & pius, Primo promittit, Secundo jurat, Tertio dimidium Regni promittit. Hoc certe nullus Conviva credidit esse verum, quia Puellis non dabantur Regna, multo minus Privignis, qualis ipsa fuit, scilicet non Herodis, sed Philippi fratris filia. Sed quia lætante corde ista dicit Rex facile fuit in meliorem partem ea interpretari, veluti vel lætus jocus, vel res impossibilis ad laudendam seu ludandam Puellam. Et tamen sub hoc ludo & joco petitur serio caput hostis, id est, reprehensoris sui Iohannis, simul species & prætextus religionis, Interim hæc omnia ignorat Deus, & Vulpem tantam non videt.
7. Puella, dimisso Regni dimidio, petit caput Iohannis, *Ach/ach/hic ist der Fuchs nicht fuchsisch.* Quis enim crederet Puellam repudiare Regnum? (cum sit sexus amans opum & gloriæ plusquam viri) Deinde quid ipsa de Iohanne curaret juvencula? Ipsa accepisset decimam partem Regni, & libenter ignorasset innumeros Iohannes. Sed ita prodit sese esse instructam, hoc est, Diabolus non potest sese totum tegere, Et ita incipit hic Herodes apparere in sua vulpina pelle. <sup>Atalabri sompnium amant opum & glorie quam viri.</sup>
8. Quod tam sollicite & anxie petit Caput Iohannis in disco sibi dari. Non est contenta simpliciter occidi Iohannem, sed certa morte, Nec solum certa morte, verum & caput in disco sibi dari, ne Iohannes hoc periculum evadat. Hæc non sunt puellaria nec juvenilia, sed simpliciter Herodiana & Herodiasina. Non enim posset Puella talia cogitare, multo minus petere, nisi esset instructa & ornata, cum sexus iste, præsertim puellarum, ab isto spectro cordis etiam iniquæ. <sup>Herodiana & Herodiasina.</sup> <sup>a iusta.</sup>
9. Herodes contristatur, id est, Vulpes irridet gallinam lætaturam, *Ach/warlich es ist mir leid/daß der seine Hane tod ist/Aber doch muß ich fressen/Er ist besser tod/denn ich hungerig/Sonst gönst ich ihm wol das leben/wenn ich nicht so gerne fresse/Das mag heißen Sarcasmos,* irrisio non amara tantum, sed etiam sævissima & acerbissima. <sup>Sarcasmos.</sup>
10. Lætus quod hanc tristiciam vulpinam potest pulchre deponere, & gaudet voluntatem suam per iuramentum cogi ad occidendum Iohannem innocentem.

*Herodes quo-  
modo cruci  
fixus sit.*

Interim sanctissimus vir suam vulpem satis putat esse ornatam & laudatam, quod honorat nomen Dei, per quod juraverat. Et sic cogitur propter obedientiam secundi præcepti agere contra obedientiam quinti præcepti, Quia lex inferior cedit superiori, sicut tota secunda tabula primæ cedit, O theologum profundissimum.

*Duplex genus  
hypocritarum.*

Hic obiter notandum duplex genus hypocritarum, Vnum quod simulat se servare secundam tabulam, ut violet primam. Quales illi in Evangelio dicentes, Iuga bouum emi quinque, Item, Villam emi, Item, Vxorem duxi, scilicet ne deserant sua officia necessaria. Nolunt venire ad Nuptias, & videntur sibi excusati pulchre & honeste, quia debitum operibus sunt dediti. Alterum, quod simulat se servare primam tabulam, ut violare possit secundam, Quales sunt isti, Herodes & sui similes. Illud genus est humanum, quia affectibus humanis rapiuntur, servandis personis & rebus presentibus capti, Istud est genus diabolicum, quia solo Diabolo agitantur ad res & personas perdendas. Illi simulant charitatem, ut fidem bona specie negligant, Isti simulant fidem, ut charitatem persequantur sancta specie, Licet utrique omnia perdant, scilicet fidem & charitatem. Sed istæ Vulpes peiores, quam illi Porci sunt. Et illi sunt incorrigibiles ac desperati à gloria Dei, Istorum porcorum aliqui (ut qui humana tentatione ligati) convertuntur aliquando. Vtrisque meliores sunt palam idolatra contra fidem, & peccatores contra charitatem, quia sine specie peccant, & facilius pudeant. De ijs 4. generibus malorum potest latius dici in odium istorum Herodum, quorum malicia non potest depingi satis præ magnitudine, nisi aliquo modo per istas comparationes proponantur, ut stupor in corde auditoris relinquatur de infinita malicia ista Diaboli.

*II.  
Genus hypochri-  
tarum huma-  
num & diaboli-  
cum.*

*Vulpes peiores  
porcis.*

*Quatuor genera  
peccatorum.*

11. Quam secure & sine disputatione statim mittit, qui occidat Iohannem. Nonne oportuit prius quærere, An propter iuramentum istud necesse sit occidere innocentem? Non, istorum nihil quæratur, Sed mox sine ullo processu ac quæstione juris, dictat sententiã & exequitur. *Ach wie gar ernst ist ihm hie die trawrigkeit.* Confer nunc vulpem istam cum Dario rege Persarum, qui Daniele (cum imprudenter & deceptus decreto damnasset) tota die laboravit eripere de manibus suorum procerum, & postea severe illos punit. Sed indigna est ista maledicta vulpes cum optimo rege conferri, Nisi quod opposita juxta se posita (juxta Topicam) clarius elucescant.

*Herodes huma-  
na & divina  
auctoritate con-  
dempnatus.*

12. Allegatur etiam convivarum auctoritas & consensus, scilicet propter eos (inquit) qui discumbebant, ut vulpes ista clarior fiat in speciem, quod coactus sit, non modo auctoritate divina, sed etiam humana. *Wer wil solchen heiligen straffen/der silt Gott vnd der Welt from ist/ vnd mit gutem Gewissen/vnd allen ehren vnschuldig Blut vergeuffet Ja hie solt ich Gott seyn/ &c.* Quam est Deus infinitæ & ineffabilis patientiæ. Hæc de Historia.

*Herodiani no-  
stra tempora.*

*Papa cur sim-  
ulatus esse Ec-  
clesiam.*

Nunc exemplum dilatandum est ad omnes Herodianos, & nostri præsertim temporis, Sic hodie sunt qui simulat Evangelium, ut pios tantum opprimant, & rideant oppressos. Item qui simulat se esse Ecclesiam, ut omnia vastent, ut Antichristus & sui ante Evangelium fecerunt. Nam Papa in omnibus suis Decretis & Bullis ideo simulavit Christum, ut devoraret Orbem, & devoratum rideret. Idem hodie agunt inter nos, qui simulat nostrum Evangelium, donec per occasionem nos perdant & rideant. Quanto igitur melius est, esse Pilatum quam Herodem, aut Gentilem aliquem naturalem, quam Iudæum impium, &c. Quæ sequuntur de capite Iohannis abscisso & Puellæ tradito in discum, & delatum matri, portenta sunt diaboli in sexu foemineo, ne soli viri sint vulpes diabolicæ, sed etiam sexus ille pusillanimis & infirmus sit plus quam Leo aut ulla Bestia furens, quod siccis oculis ista non solum audit & videt (cum tam faciles sint ad lachrymas) sed gremia gaudentes & ludentes avulsum caput viri attrectent, portent, ferant, ostendent. Horribilia sunt ista omnia Satanæ portenta, præmia digna tam vulpinis vulpibus.

*Sexus foeminei  
fuerit.*

*Deus hinc san-  
cti iustissime  
condemnat.*

Post hæc sepelitur à suis Discipulis. Quid isti cogitaverint, quis exprimet? Suum tantum ac talem Præceptorem vident tam crudeliter & nequiter occisum, ac si



ac si nullus sit Deus, qui tam indigna videat, magno certe scandalo, non infirmorum tantum, sed etiam fortium in fide. Quis enim non murmuret contra Dei providentiam, justiciam & bonitatem, qui videt tam sanctum virum, tam misere à Deo negligi? Sunt ista omnia magnæ fidei ferre & intelligere. Hoc est mundum stultum facere in sapientia, Hæc est sapientia Dei abscondita in mysterio, scilicet scire, quod Deus dilectissimum Iohannem tunc maxime diligat, cum eum videatur (sapientia humana) maxime negligere & odisse. Et ipse Christus, cum hoc ei annuntiaretur, non irascitur, nihil dicit, nihil queritur. Sed vadit in desertum ad quietem, quasi omnia sint ei placita, quæ audivit. Sed ô magnificus contemptor. Sicut Herodes non solum contemnit Iohannem, sed etiam occidit, ita Christus contra, non solum non irascitur, sed nec dignum ducit Herodem, propter quem unam syllabam loqui velit, Sed pergit in suo officio, & benefacit alijs etiam per miraculum. In hoc speculo licet videre istos duos Duces belli, scilicet diabolum & Christum. Diabolus per Herodem temporaliter superbit, & Iohannem ac Christum habet pro stercore. Christus contra Diabolum non dignatur ulla cogitatione de ejus malicijs, Sed in futurum & in æternum judicium rejicit illius merita. Q. d. *Ach las machen / sie werden finden.* Sint illi pessimi, Nos vero optimi, Taceamus, Erit tempus, quum pro nobis loquetur ille Pater, Et illi cogentur audire pejora, quam nos nunc cogimur audire.

*Scientia Dei in mysterio abscondita. Christus dissimulat mortem Iohannis.*

*Diabolus.*

*Christus.*

14. 6.

Miraculum de Panibus satis est alias tractatum pro fide inchoante, quæ ventrem credat à Deo alendam, &c. Et est illud ipsum miraculum Iohannis 6. ut probat sequens factum de navi in mari periclitante.

*Miraculum de 5 panibus.*

*Vespere autem factus solus erat ibi. Navicula autem in medio mari jactabatur fluctibus, Erat enim contrarius ventus. Quarta autem vigilia noctis, venit ad eos, ambulans super mare, &c.*

*De ambulatione Christi super mare.*

In isto facto duo sunt consideranda. Primum, quod Christus etiam ipsemet terret suos derelictos Discipulos in mari. Nam satis fuisset terroris, quod vento & mari vexabantur, ut potius solatio & auxilio opus habuerint. Ipse vero addit timorem timori, periculum periculo, apparens eis post longam luctam (quod pessimum fuit) taciturnus & super mare ambulans. Neque enim cogitare poterant eum, quem reliquerant in littore, super mare ambulare cum ipsis. Deinde, si maxime ambularet super mare, non sic terrere, & simulare se alienum deberet. Nobis quidem qui nunc credimus ipsum esse Dominum mortis, parum hoc videtur, quod super mare ambulat. Sed illis eo tempore aliud cogitantibus (scilicet ipsum esse in littore) horribile spectrum fuit, quia nihil minus putabant esse, quam ipsum Christum. Ideo scribit Matthæus, quod præ timore clamaverint, ideo in maxima angustia fuerunt. Quia super mare ambulare, res inaudita illis erat, & non cadebat in cogitationes eorum.

*Christus terret suos discipulos.*

*Aspera res visæ discipulis, Christus super mare ambulare.*

Sed cur talia dilectis facit Amicis & Discipulis? Scilicet ut discamus optimam voluntatem ejus erga nos, quod nobiscum ludit suavissime, cum nos putamus omnia esse perditissima. Culpa est peccati nostri, quod non finit eum agnoscere præsentem, sed putat eum esse phantasma, seu Diabolum potius. Quia apparet aliter quam cogitamus, & tacet. Nos enim in tentatione putamus eum esse in littore vel in monte, ubi relinquimus, præsentem non possumus intelligere. Ergo Canonem hic dat nobis, quod in omnibus tentationibus nos ipsi alium fingimus Deum esse, quam sit. Putamus enim Deum tunc non esse Deum, sed phantasma, id est, horribile Spectrum, quod nos velit devorare in medijs angustijs. Ideo non esse credendum nostris proprijs cogitationibus de Deo. Quia certum est, quod nostræ cogitationes de Deo, faciunt ex Deo faventissimo, phantasma hostilem.

*Christus nobis suum ludit, cum putamus eum trahere.*

*In tentationibus fingimus Deum alium, quam verus est.*

Et hoc maxime debent observare, qui sunt in vocatione & officio certo, sicut hic Discipuli erant in medio mari, non sua temeritate, sed jussu & impulsu ipsius

*Ille vocat tentationibus probatur.*

Tentationes  
contra promissiones,

Fides firma con-  
sistit in primo  
vocationis man-  
dato.

Christi, qui coegerat eos navigare. Nam talibus ista fiunt ut probentur, Sicut Abraham fuit tentatus, ut filium Isaac offerret. Item Iacob luctatur cum Angelo, &c. Hæ sunt tentationes, contra Promissiones & vocationes ab ipso Deo datas. Ideo hic standum est & dicendum, Etiam si Deus ipse contrarium jubeat, non cedam loco, quo constitutus sum. Quia vel tentat me jocando mecum, vel, si periero, rursum me suscitabit, Ut stet fides firma in primo aliquo vocationis mandato, & clausis oculis dicat, Etiam si ipse Christus aliud dixerit, non cedam, Quia certus sum vel non esse Christum vere, vel ipsum velle mecum joculari, Sicut & Paulus Gal. 1. Si Angelus è coelo aliud, &c. Nam non est possibile quod Angelus serio aliud dicat. Ergo, si aliud dixerit, ludere eum credas præ amore erga te, sicut Pater erga Filium, ut tentet eum, &c. Ista possunt latius dictis & exemplis explicari.

Gal. 1.

*Respondens autem Petrus, dixit, Domine, si tu es, jube me venire ad te super aquas. At ipse ait, Veni. Et descendens Petrus de navicula, ambulabat super aquam, ut veniret ad Iesum.*

Secundum, quod solus Matthæus de Petro habet, Pulchrum certe spectaculum & Historia plena solatio. Dum enim audit Iesum in mari ambulantem vel stantem (quia dixerat) *Ego sum, nolite timere.* Petrus fervore & amore raptus, petit, *Domine, si tu es, jube me ad te venire super aquas.* Aus gutem vermügen geschicht dis alles/also sessen oder giengen gute Freunde / vnd scherzten mit einander auff dem Lande. Quia Petrus præsentem Christo in mari, credit etiam se posse super mare ambulare, Et vere ambulabat. Christus enim velut jocans dicit, Veni, & tentat eum. Venit ergo, Sed Christus familiarissime tentat eum (in fide tanta mare calcantem) & ostendit ei ventum fortem. Hic Petrus fide deficiente, amittit illud verbum Christi, quod dixerat, Veni, in cujus virtute è navi transilierat, sed non in ea virtute permansit. Ventus enim, quem vidit, extorsit ei auditum istius, Veni, ut non de ipso verbo Veni cogitaret, sed de vento, quem videbat.

Oculus spiritus  
audiat,

Non proficiamus  
qui etiam bene  
experimus fide.

Ita semper oculus officit auditui, Et res visibiles tollunt Verbum & res invisibiles. Quia fides est rerum invisibilium, Ebræ. 11. Petrus enim donec audiebat (Veni) & non videbat, quomodo mare ferret euntem, feliciter ibat super aquas, Sed ubi coepit videre ventum, jam amisit auditum istius verbi, Veni, Da gieng er dahin / & submergitur. Fides coepit fortiter, sed infirmatur adversitate venti. Pictura est digna latiore declaratione. Nobis ita pingitur Petrus, ne præsumamus etiam si bene coeperimus fide, Sed timeamus Deum, & de nobis nostrisq; viribus desperantes imploremus & semper petamus gratiam solam.

Ebræ. 11.

*Et cum coepisset mergi, clamavit dicens, Domine, salva me,  
Et continuo Iesus extendens manum, apprehendit eum.*

Christus oppor-  
tune fuit adju-  
vans.

Sed contra est etiam solatium, quod percuncti Petro salus restat, scilicet quod clamat, Domine, salva me, Et Christus clamantem nec differt, nec deserit, sed mox auxiliatur eodem momento, Es war auch warlich zeit / Sonst were Petrus fischen gangen unter das Meer / vnd hette nicht mehr Fisch auff den Markt bracht zu Bethsai- da. Sed Christus ostendit sese esse adiutorem in opportunitate. Psalm. 10.

Psalm. 10.

*Et ait illi, Modicæ fidei, quare dubitasti?*

Dubitatio &  
fides mutantur  
mutis.

Post arguit eum Christus, quod fuerit modicæ fidei, & dubitaverit, imputans simpliciter culpam Petro, non mari, neque vento. Non enim dicit, mare vel tempestas, quare hoc vel hoc fecisti? quare voluisti meum Apostolum submergere? Sed sic, Petre, quare tu dubitasti? Mare est excusatum, quia fecit quod est sui juris & naturæ, Et tu passus es quod erat tuæ naturæ, Si credidisses fortiter, & exuisses tuam naturam, mare etiam suam exuisset naturam, & tu fuisses ac perseverasses ejus Calcator, & ipsum fuisset ac perseverasset tibi terra & petra solida. Ergo dubitatio & Fides

Fides mutant omnia. Fides facit mare sicut aridam viam, dubitatio rursus mutat aridam istam viam Petri in mare solitum. Omnia ergo credenti possibilia, E contra dubitanti omnia impossibilia. Fides facit Deos, id est, filios Dei & Mirabilia factores. Dubitatio facit homines, id est, filios miseriarum.

*Fides.  
Dubitatio.*

Vrgendum est verbum Dubitandi, Quia Papistæ valde extenuant fidem, nec putant dubitare esse malum, Contra, Christus hic dubitationi tribuit totam culpam, & clare significat, quod dubitans submergitur, nisi rursus fide recepta clamet & vocet. Nam dubitatio Petrum submersit, sed rursus Fides in Christum invocatum erexit & eduxit eum. Quia dubitatione stante, non potuisset clamare, Domine, salva me (Ea verba non sunt dubitantis, sed iterum credentis) Dubitans enim non invocatur, sed in desperationem & silentium ruit. Magna vero superbia Christi & suorum Fidelium prædicatur, quod ipse cum suis tam secure calcet mare, ac si esset terra solida, scilicet quod omnis creatura subicitur Sanctis in obsequium, & cogitur amittere suas vires, Sicut ignis calorem in Babylone, Aqua liquorem, &c. Hic detestandus Papa, qui cum suis Sophistis, Mare interpretantur Principes, Magistratus, domos, imo & Episcopos & Ecclesias, Quia sicut Petrus super mare ambulavit, Ita ipse super omnes istos & omnes Ecclesias calcare vult, Et profecit mendacium. Mundus autem seu mare non significat Magistratus, Ecclesias aut ullas Dei ordinationes, Sed (si allegoria petitur) Peccata, fluctus tentationum, mortem, Diabolum, &c. Hæc monstra conculcat Christus, non suas optimas creaturas.

*Papista extenuant fidem.*

*Dubitatio Petrum submersit, etc.*

*Tota creatura subicitur Sanctis in obsequium.*

*Mare allegorice quid significet.*

*Et cum ascendisset in naviculam, cessavit ventus.*

Post miraculum intrat in navem, & facit alterum Miraculum, scilicet sedat tempestatem venti & maris, quod & supra 8. fecit. Et quod ibi dictum est, hic dicendum est, scilicet quod præsentem Christo in Ecclesia seu fide, cogitur quiescere turba Conscientiæ, timoris & periculi cujuscunq;. Ipse enim est Pax, quies, solatium, securitas nostra in omni tribulatione. Quia calcet omnia, id est, victor est omnium, & ejus victoria nostra est.

*Tempesta sedata.*

*Christus nostra pax.*

*Qui autem in navicula erant, venerunt, & adoraverunt eum dicentes, Vere filius Dei es.*

Illi qui in navi fuerunt, istis duobus Miraculis Petri scilicet & tempestatis, sunt ad fidem confirmati, ut confiteantur eum esse filium Dei. Certe magnus fructus Miraculorum, confiteri hominem tam vilem filium Dei. Sed qui fuerunt illi? Scilicet Discipuli alij. Quia supra dixit, quod Iesus coëgit Discipulos suos navigare, Tamen inter Discipulos & Nautas fuisse hujus Miraculi magnitudine commotos, non est dubium. Verum ista vox, Tu es filius Dei vere, Significat certe verum filium Dei, quo nomine Scriptura nullum alium nominat. Et absq; dubio sancti Discipuli stupore rapti (propter tale Miraculum) in Spiritu Sancto istam vocem emisunt. Et voluit Spiritus hoc ipsorum testimonio Christum ostendere verum Deum, etiam si postea (ut fuerunt homines) extra stuporem, cum familiariter semper cum eis ageret, non semper cogitaverint aut dixerint similia.

*Fructus Miraculorum.*

*Testimonium Discipulorum de Christo.*

*Et cum cognovissent eum viri loci illius, miserunt in universam regionem illam, & obtulerunt ei omnes male habentes etc.*

In fine scribit multos in ea regione moros, ad eum undique attulisse ægros. Estq; locus ille communis, Quod opera & verba Dei non frustra sunt, sed multum fructum faciunt, etiam si non appareat coram mundo. Quia & hic non mirantur Pilatus & Herodes, Hannas & Caiphas Verbum & opus, sed de populo aliqui. Ideo nullo modo est desistendum (ut alias dictum) quia omnino sequitur fructus apud electos. Quid ad nos de reprobis? Omnia (inquit Paulus) propter Electos facio, ut salvi fiant, & ego particeps sum Evangelij.

*Opera & verba Dei multum fructum faciunt.*

CAPVT



CAPUT XV.



**N** hoc Cap. insignis locus tractatur de traditionibus hominum, Et ostenditur ridicula illorum superstitio, imo & pernicioſa. Ridiculum eſt, quod non lavare manus pro peccato habetur (Deo non mandante) Pernicioſum, quod propter hæc ridicula, tamen ſeria Dei mandata irrita fiunt. Iſta duo prædicata humanæ traditionis ſunt bene urgenda, Scilicet quod primo ſunt nihili & ridicula, quæ non proſunt ad ſalutem, Secundo, quod perdunt tamen veram pietatem. Notanda (inquit adhuc ſemel) ſunt iſta duo mala. Totum genus humanum capitur iſto monſtro ridiculo & ſimia turpiſſima. Quia habet duo ſpecioſiſſima Argumenta, Primum, Quod eſt ſimile veris Dei præceptis, Vt quia in lege Moſi multa docentur de lotionibus corporum, veſtium & vaſorum, quibus illi addiderunt multas & eas infinitas lotiones, tanquam neceſſarias & æquales legi Moſaicæ. Secundum quod procedit ex autoritate Eccleſiæ, ut hic dicit, Traditiones ſeniorum. Seniores autem fuerunt eo tempore quod nunc vocant Eccleſiam, Concilium, patres, &c. Sic & hodie jaçant Eccleſiam catholicam de cibo & potu, &c.

*Duo prædicata humanæ traditionis.*

*De primo. Omnes homines capiuntur traditionibus.*

*Seniores qui.*

*Tunc acceſſerunt ad Ieſum ab Hieroſolymis Scribæ & Phariſæi, dicentes.*

*Phariſæi offenduntur in Chriſto.*

Hic dignum eſt ſpectaculum nobis propoſitum, quomodo Phariſæi ſcandalizantur, & quam magnifice Chriſtus eorum ſcandalum exagitat. Et, ut illuſtrius fiat negotium, veniunt à Ieruſalem, ſcilicet è ſummo loco, acerrimi Iudices in rebus iſtis. Nam contempſiſſe iſtos in terra Genſareth fuerit parvuli periculi vel facti, Sed iſtos proceres ſummi verticis è Ieruſalem, hoc eſt majestatis læſæ vel inſignis ſeditionis ſeu hæreſis crimen. Ideo inducit eos Evangeliſta, impingentes in petram ſcandali. Accedunt enim magno ſupercilio & tumore, velut de ſublimi loquentes cum infimo aliquo Mendico.

*Quare Diſcipuli tui tranſgrediuntur traditiones ſeniorum? Non enim lavant manus ſuas, cum panem edunt.*

*Reprehenſio Phariſæorum cum Chriſto.*

*Autoritas Patrum magniſca.*

Quaſi d. Si tu eſſes ex Deo & Eccleſia, non patereris tuos Diſcipulos eſſe tam rebelles & inobedientes & ſcandalosos, Deinde noſti has eſſe Seniorum traditiones. Tu quis es, qui unus reſiſtis? Autoritas eſt Eccleſiæ, contra quam facis. Nam vox iſta (Seniorum) eſt multi ponderis, & conſcientias vehementer oppreſſit & captivavit. Sicut hodie, S. Patrum, Auguſtini, Ambroſij & ſimilium dicta & facta, quæ valde movent conſcientiam, præſertim infirmam. Nam ſeniores non tantum dicebantur iſti præſentes eo tempore, ſed etiam antecellentes, qui iſta ordinaverant. Et habebant ex Moſe magnam autoritatem, qui docet ubique obediendum eſſe ſummo ſacerdoti & Levitis, tanquam Deo ipſi, ut Deut. 17. Sicut hodie illud allegant, Qui vos audit, me audit. Ideo ſatis ſecura & certa confidentia Chriſtum accuſant inobedienciæ & factionis dicentes, Quare facis hoc? Verum ipſe non relinquit eos abire ſine reſponſo, ut ſequitur.

*Quare vos tranſgredimini mandata Dei propter traditionem veſtram?*

*Chriſti clavis clavo retundit.*

*Hyperbia legem tollit, dum maxime obſervare debet.*

Non dignatur eis ad propoſitum reſpondere, ſed clavum clavo retundit & odioſe ſatis invertit eorum Quaſtionem, ac ſi per comparationem dicat, Si ego culpandus ſum, qui feſtucam vobis videor peccaſſe, Cur vos non magis eſtis culpandi, qui trabes meras peccatis? Culicem meum vultis colare, & veſtros Camelos deglutitis, Licet nec feſtuca nec culex vere apud me inveniantur. Deinde hoc tolerabilius foret, ſi legem Moſi opere non impleretis aut ſervaretis. Hoc peſſimum eſt, quod ipſam legem tollitis. Nam ſtante lege, ſemper ſunt aliqui, qui tamen conantur eam facere, timore Dei inſpirati, Sed ſublata lege, fit jus & licentia ſecure peccandi, imo virtus eſt non curare legem. Hoc autem facitis vos peſſimi hoſtes Dei, & tamen judicatis optimos filios Dei, Nulla alia cauſa, quam ut veſtras Traditiones contra Dei præcepta

præcepta statuatis. *Wu, welch schendlich verflucht Völk seyd ihr/ Qui quum sitis omnium pessimi in terra, tamen audetis etiam damnare Deum ipsum cum omnibus suis Præceptis. Ja ich meine / sie sind wol eingelauffen / vnd haben sich an den rechten Kessel gerieben / vnd Nam gefangen. Sie wollten ihn lehren / wie er vnrecht thu / vnd geben im eitel grosse Ursache ire eigene Laster zu melden.*

Sed hæc hæctenus de illorum pessimorum stulticia & nequicia, Nunc eruditio hinc est consideranda. Prima, quod flagitium maximum sit coram Deo violare mandatum Dei propter traditiones hominum, Quia hoc est ponere Deum infra hominem, Sicut sub Papatu factum est, & adhuc faciunt cum in specie, Coniugio, & alijs libertatis spiritualis Articulis. Ideo audendum & secundum ducia contra eundum est, ubi sentitur premi divina autoritas Verbi, per autoritatem humanæ sapientiæ vel religionis. Quia rata est sententia, Supra & iuxta Deum nullus Deus super omnia, & omnia infra eum. *Dahin es doch endlich kompt v muß. Semper enim hæc tentatio est in Ecclesia, semper fuit & erit, donec I princeps mundi est. Quia ipse ab initio mendax, semper voluit supra Deum iri. Ideo semper nobis hæc Eruditio necessaria est, ut sciamus Deo esse magis obediendum, quam hominibus, Et Verbum ejus præferendum verbo hominum. Quia manent semper homines, qui contrarium faciunt, aliqui errore, aliqui malicia, sicut hodie malicia est, quæ fuit ante error de utraque specie, &c. Et omnes Hæretici suum sensum præferunt vero sensui Christi, usq; in finem mundi. Secundo, in his humanis traditionibus, quæ non tollunt nec pugnant cum mandato Dei, est obsequendum Ecclesiæ, vel plebi, in qua vivimus, sicut dicitur, Si fueris Romæ, Romam vivito more. Nam Christus diserte addit,*

*Propter traditiones vestras.*

Quasi d. Lavare manus pro more gentis, non esset malum, Sed quia vos omnia urgetis pro vestris traditionibus contra mandatum Dei, ideo maledicendi estis cum traditionibus vestris. Qui contra Deum est, Diabolus est, Vos & traditiones vestre contra Deum sunt, Ergo diaboli estis. Sed si non contra Deum essent, pro Deo essent, Vt si lavares manus, ut mores gentis serves, ut charitas, pax & concordia maneret in gloriam Dei, Hoc esset pulchrum lavare, & vere lavare, non tantum manus & pedes, sed & caput & cor, animam & corpus. Iam de textu per ordinem, ut Historia bene memoriæ inculcetur.

*Nam Deus dixit, Honora patrem & matrem. Et qui maledixerit Patri & Matri, morte morietur.*

Hic satis patet, quod Christus Decalogum non solum abrogat, sed confirmat, Quia Parentum autoritatem dicit esse divinam, & per consequens totam æconomiam & politiam Dei ordinationem esse, quam nullis prorsus traditionibus vult violari. Magna certe gloria tam contempri generis vivendi, & in mundo molesti, &c. quæ certe consolari debet politias & domos. Secundo subindicat illos esse maledictos in Parentes, seu seditiosos in politiam, qui docent Parentibus non obediendum specie religionis. Quia & vere maledicunt, & dissipant ista duo vivendi genera, per hoc ipsum quod dicunt, Corban, Q. d. Vos rebelles Deo & hominibus docetis homines credere, quod Parentum & filiorum status non sit sanctus. Quia præferitis vestrum (Corban) id est, donum seu sacrificium.

Et nota Diabolum, quo obsessi erant, quem hic pingit Christus. Quia ista Disputatio fuit Phariseorum, Vtrum melius sit largiri Parentibus, an offerre Sacramentis. Respondent illi, Melius esse offerri, &c. Sic honorem Parentum docuerunt esse tantum ceremoniale, scilicet caput inclinare, assurgere & gestum ostendere reverentia. Hæc docuit eos Spiritus avaritiæ. Nam Christus hic docet, hoc esse Parentibus maledicere, ut taceam honorare. Quia qui dicit, Melius est sacrificium, quam obsequium erga patres, is dicit Parentum statum non esse sanctum, si sacrificio compare-

*Infirmitas pro-  
re contemnu-  
Deum cum o-  
mnibus suis præ-  
ceptis.*

*Violare manda-  
tum Dei propter  
traditionem ho-  
minum etc.*

*Ten-  
sepi*

*Verbum Dei  
præferendum  
verbo hominum*

*Traditiones con-  
trarias contra  
verbo Dei præ-  
ferri possunt.*

*Lavare manus  
non est malum,  
sed urgetur ratio-  
nem illam con-  
tra mandatum  
Dei impium  
est.*

*Christus confir-  
mat Decalo-  
gam.*

*Dei ordinatio  
politia & æco-  
nomia.*

*Maledicti in pa-  
rentes & sediti-  
osissimi tempore  
Corban.*

*Honor paren-  
tum secundum  
Phariseos.*

*Maledicere pa-  
rentibus.*

*Parentum au-  
toritas sacra  
sancta.*

*Papista maledi-  
cunt Dei ordi-  
nationibus &  
operibus.*

*Traditiones à  
Patribus disci-  
plinae causa in-  
stituta, postea  
in abusum ver-  
sa.*

*Corban.*

*Tempus per-  
petuè orant no-  
mine Dei.*

*Hypocrita ve-  
rum Deum  
querens & in  
deum frustra.*

*Oppositum in  
adjecto.*

*Cultus hypocri-  
tarum, est ido-  
latria.*

*Deus Mammon  
Venter, &c.*

comparetur. Hoc est autem vere maledicere Parentibus, id est, viliter & irreverenter de eis sentire & loqui. Contra (inquit Christus) Vestrum sacrificium est maledictum & vile habendum collatione Parentum, Et parentum autoritas sacrificijs comparata, est vere sacrosancta, benedicta & reverenda, quia à Deo praecepta, Sacrificia vero vestra non praecepta.

Multo peiores hodie fuerunt Papistae, qui oeconomiam damnaverunt, & secularem & carnalem vitam vocarunt, suos ordines vero sanctos spirituales, seraphicos, celestinos, & in infinitum praeulerunt etiam ipsi fidei & vitae Christianae. Hi vere sunt maledicti, qui maledicunt Dei ordinationibus & operibus.

Ideo contra eorum furias, haec verba Christi sunt, quantum fieri potest, amplifican-

da. Quia potens fuit haec illa abominatio per totum Orbem, & adhuc etiam accepto non parvo vulnere. Sed stat Christus fortior & potenti-

us vos estis maledici in Dei praeceptum, quia vestras traditiones praefertis

in & Politiae auctoritati & statui. Huic credamus, & non sallemur illorum maledictis speciosis, etiam si scandaliscentur ipsi Pharisei, violatis Patrum omnium

traditionibus. Nam fateri cogimur esse scandalum maximum, Patres, patres, Con-

cilia, concilia, contemnere. Sed quid facies, si eorum dicta & opera (Christo ju-

dicante ipso) per Phariseos inveniantur urgeri contra certum Dei praeceptum? Hic cum fiducia illis traditionibus maledictis valefaciamus, & cum benedicto ver-

bo Dei maneamus. Et possibile, imo certum est à Patribus ipsorum lotionem ma-

nuum honesta causa, scilicet disciplinae gratia fuisse institutam pro rudi populo, Sed ipsi postea verterunt in religionem & cultum Dei, Nec hoc solum, sed addide-

runt etiam traditiones suas contra Dei praecepta. Sic Patres in Ecclesia multa di-

xerunt & fecerunt honesta causa, quae postea posterius in religionem necessariam ver-

terunt, & addiderunt etiam multa de Missa, votis, purgatorio, &c. contra fidem &

obedientiam Dei, &c. Quibus omnibus effecerunt, ut hic Christus dicit, ut homi-

nes amplius non honorent Parentes, seu ut Paulus ait Tit. 1. Doctrinae hominum a-

vertentes à veritate.

Tamen speciem vide, quam praetextunt, dicentes, ut est in Marco. Si dixerit ho-

mo patri aut matri, Corban, &c. id est, donum seu sacrificium Dei, Q. d. Ego tibi

libenter quidem darem, Sed quid faciam, iam non est amplius meum, sed Deo da-

rum. Also muß der Name Gottes der Schanddeckel seyn aller Gotteslesterung und

schalckheit/Gott muß es nu dem Vater genommen haben/was er vom Sohn solt nemen.

Ita non homines, sed Deus peccat ipse in 4. suum praeceptum, ipsi vero sunt interim

sancti, secundum primum praeceptum, tanquam Deo scriventes. O Schelcke vber

alle Schelcke. Ideo merito indignans, dicit ut sequitur:

*Hypocrita, recte propheta vit de vobis Isaias, dicens, Populus hic appropinquat  
mihi ore suo, & labijs me honorat, cor autem eorum longe est à me.* Esai. 29.

Primum, fatetur hypocritas verum Deum querere, quia dicit. ME, Sie meinen mich/das sehe ich wol/Den sie führen meinen Namen in irem Maul/Non videntur sibi

idola aut alienum Deum querere.

Secundum, quod concedit eorum querere, esse cultum, quia dicit, Colunt,

oder ehren mich. Quae est mira Sententia, quod colere sit non colere, sicut dicitur

oppositum in adjecto, Auff deutsch/Es ist ein Teufel Gott/vel sicut dicitur Ein Teu-

stischer Christ/ Ein Teufelischer Engel / Ein hurische Jungfrawe/Eine jungfrawliche

Hure/Ein fromer Schalck / Ein schalckhafter Heilige / Ein hoffertige Demut/ Ein

reich Armut. Qui modus loquendi, vocatur oppositum in adjecto. Ita hic Christus

cultum vocat idolatriam. Nam vere cultus eorum fuit, non cultus, sed idolatria.

Sicut etiam Mammon vocatur Deus, Et Paulus vocat ventrem Deum, & diabolus

reverentia



reverentia veri Dei, timor veri Dei? (Nam timor Dei hoc loco est in Esaia, ubi dicitur, Colunt me, id est, timent me) Sols denn nichts seyn / wenn einer den rechten Gott ehret / fürchtet / dienet? was wollen wir denn thun? Wer wil selig werden? Das hörestu hie wol/das Christus selbs sagt. Wer kan ihm widerstehen? Er sagt dürr eraus/ Sie dienen mir (oder fürchten mich) Wir (sagt er) nicht dem Teufel / Ich bins dem sie dienen / den sie fürchten. Woran seilets denn?

*Cultus & timor  
re Deum idem.*

Daran seilets/das im andern Gebot steht / Meinen Namen soltu nicht mißbrauchen. Mein ist der Name / den du nennest / vnd heisse meinen Namen genennet / vnd nicht des Teufels namen. Ergo hic concluditur, quod omnis idolatria peccat, non in hoc, quod Deus verus non quæatur, Quia omnes verum nomen Dei nominant, Et verum nomen Dei verum Deum significat, sicut hic dicit, Colunt me, Sed hic est error, Quod verum Deum non vero cultu colunt. Ideo non est distinguendum de Deo, sed de cultu, Alius verus, alius falsus. Ieroboam vitulos non adoravit, sed verum Deum falso cultu adoravit. Volebat enim & quærebat Deum illum, qui eduxit Israel de Aegypto (ut verba ejus sonant) sed quod non vere seu vero cultu coluit, dicitur coluisse vitulos, non Deum. Hoc est quod & Paulus affirmat Roma. 10. Zelum Dei habent, sed non secundum scientiam, Et 1. Corinth. 8. Gentes quæ immolant, non Deo immolant, sed dæmonijs. Ecce immolare eos dicit, Immolare est Deo sacrificare. Ideo Roma. 1. dicit, Notum Dei est in illis manifestum, sed non egerunt gratias Deo, &c.

*Cultus verus,  
falsus.  
Ieroboam ve-  
rum Deum fal-  
so cultu adora-  
vit. 2. Reg. 12.  
Immolare.*

Quare hic locus insigniter notandus est, quod cultus Dei (etiam veri) reprobetur contra omnium hominum sensum, qui dicunt, Wenn ichs gut meine / so wirds Gott gefallen. Sicut & Sophistæ docuerunt, Facienti quod in se est, Deus dat gratiam. Quia ista doctrina seu opinio est fons omnium idolatriarum, errorum & sectarum, Das die Leute wehnen / wenn sie den rechten Gott nennen können / vnd gut meinen / so mus es recht seyn. Aber Christus verdampt hie solches alles / vnd spricht / Es sey Mund ohne Herz / vnd fern von Gott / Vnd bekennet doch / Sie ehren / sie fürchten / sie dienen / sie seyen from / sie seyen heilig. Quæ est ratio? Respondet, Quia non verbo Dei colunt ME, sed hominum traditionibus. Hoc est quod dicit,

*Gratia datur fa-  
cienti quod in se  
est, secundum  
Sophistam.*

*Frustra colunt me, docentes doctrinas & mandata hominum.*

Ex his verbis Christi conclude fortiter. 1. Omne quod extra Dei verbum fit est idolatria. 2. Omne quod fit in verbo Dei, est cultus verus. Sicut, 3. Omne quod fit sine fide, est peccatum. 4. Omne quod fit in fide, est bonum opus, Quia verbum & fides est conjugium indissolubile. Hoc clare definit Christus hic dicens, Frustra me colunt mandatis hominum, &c. Iterum coli se verum Deum dicit, sed frustra. Frustra autem, idem est, quod nihil. Ideo in Scripturis idolatria vocatur undique nihil, vanitas, mendacium, falsitas. Psalm. 4. Vt quid diligitis vanitatem, & quæritis mendacium? Hic declaranda & distinguenda sunt mandata hominum à mandatis Dei. Quia mandata Parentum & Principum videntur esse hominum mandata, &c. Hanc distinctionem perfecte tradit Decalogus, ordine ipso præceptorum. Quia prima tabula præfertur secundæ, & influit ac regit secundam. Exempli gratia, Secunda tabula dicit, Honora, audi, sequere parentes, Sed ubi parentes jussurint contra tabulam primam, ibi jam est mandatum hominum, Quia est prorsus contra Deum, Vt fit in casu religionis, quando Parentes cogunt filios ad idolatriam & impietatem, Hic dicendum est, Magis est obediendum Deo quam hominibus. Quia in isto casu, mandatum parentum est merum hominum mandatum, sine Deo, extra Deum, supra Deum, Quia non fluit ex prima tabula, Sed resistit primæ tabulæ, Alias ubi non resistit primæ tabulæ, ibi est Parentum mandatum vere divinum præceptum, Quia ipse jussit obedire parentibus, sed non contra Deum præcipientem.

*Omne quod fit  
sine verbo, est  
idolatria & con-  
tra.*

*Idolatria vocat-  
ur in scripturis  
nihil, vanitas,  
&c.*

*Mandata homi-  
num distinguen-  
da à mandatis  
Dei.  
Parentes non  
audiendi cum  
contra 1. tabula  
idem aliquid iuss-  
erint.*

Secundo, extra religionem potest etiam casus esse, ut etiam non sit obediendum parentibus, ut si parentes manifeste contra tabulam secundam præciperent,

Cc

occidere,

Roma. 10.  
1. Cor. 8.

Roma. 1.

Psalm. 4.

Parentes ipsi  
subiecti a tabu-  
la.  
Humanum &  
impium prae-  
ceptum, quod con-  
tra Decalogum  
praecipitur.  
Traditiones hu-  
mana non solum  
mendaces faci-  
unt, sed etiam  
homicidas.

Duo diaboli  
peccata.

Mendax neces-  
sarius est homi-  
cida.

Vera iustitia ha-  
bet compassio-  
nem, &c.

Christus contra  
Mosen docet  
&c.

Præcepta de esu  
& potu.

occidere, adulterari, furari, mentiri, & alia mala facere. Quia ista omnia Deus excep-  
pit ab obedientia Parentum, & subiecit etiam ipsos parentes secundæ tabulæ. Qua-  
re servatis duarum tabularum præceptis (quia contra has non habent parentes præ-  
cipere) quicquid postea præceperint parentes & magistratus, est faciendum, Et tunc  
sunt eorum mandata non humana, sed divina. Quia Deus dedit eis præcipiendi po-  
testatem, salvo Decalogo, cui & ipsi sunt subiecti. Quicquid igitur contra Decalo-  
gum præcipitur, hoc est impium & humanum præceptum. Iam omnes traditiones  
humanae includunt vitium contra primam tabulam, quia docent fidere operibus ta-  
libus. Quod nisi facerent, nihil nocerent & tuto possent fieri. Sed tunc non diu du-  
rarent, sed contempta jacerent, ut quibus nihil esset opus, si in eis non esset fiden-  
dum. Sicut etiam traditiones postea faciunt homicidas. Quia postquam docuerunt  
operibus fidere (ut est eorum natura) & sic idolatrare contra primam tabulam, mox  
docent etiam esse occidendos omnes, qui similem idolatriam nolunt sequi, Et ha-  
bent titulum, quod propter Deum illos occidant, tanquam blasphemos in cultum  
Dei, sicut Christus dicit, Arbitrantur se obsequium præstare Deo, si vos occiderint.  
Adeo ista duo diaboli peccata, scilicet mendacii contra primam tabulam, & homi-  
cidii contra secundam, non possunt separari, sed sunt conclusiones certissimæ, quas  
Christus Iohan. 8. ponit, Ipse est homicida, & mendax.

Iohan. 8.

Ita omnis traditionis servus est Idolatra seu mendax, Et omnis idolatra est ho-  
micida. Quia etiam si manu non occidat, tamen corde odit omnes pios, qui contra  
suam religionem pugnant, & consentit & gratulatur illos occidi. Sicut ego ipse fe-  
cissem monachus cunctis dijs, si meam stultam religionem seu traditionem impu-  
gnassent, tanquam frustraneam seu idolatriam. Quia ut eram pessimus idolatra, ita  
fuissem crudelissimus homicida factus, si fuisset occasio. Denn es kan nicht anders  
seyn/Wer in der meynung ist/das sein Wesen sey Gottesdienst, der mus auch seind seyn  
allen/die solchen Gottesdienst verdammen / Et tanto magis, quo maiore zelo suum  
cultum amat. Sicut S. Paulus insaniens in suo Pharisaismo, cogebatur furere & ho-  
micida fieri crudelissimus. Sic mendacium (id est, idolatria) trahit necessario homi-  
cidium. Dicit etiam S. Gregorius in Homilia (Licet tenuiter) eandem sententiam.  
Vera iusticia compassionem, falsa indignationem habet. Q. d. Falsi sancti sunt omni-  
um maximi homicidæ, veri sancti sunt suaves & mitissimi.

Et convocatis ad se turbis, dixit, Audite & intelligite, Non quod intrat in os  
coinquinat homines.

Post hæc Christus scribit commentarium in Esaiam, & invectivam in traditi-  
ones humanas, & est copiosus & odiosus in hoc loco, Et data opera digreditur à lo-  
tione manuum (unde orta fuit Disputatio de traditionibus) etiam ad manducatio-  
nem ipsam, in qua ponit directam sententiam contra legem Mosi, qui Exod. &  
Levit. docet, quædam esse immunda animalia ad manducandum, Ipse vero contra  
hic clare statuit generalem Sententiam, quod esus & potus non sanctificet neque  
polluat. Nova plane & inaudita Sententia in isto Populo, imo in faciem Mosi blas-  
phema. Quid enim hic Mosi relinquitur, quando Lex edendi & bibendi libera &  
sublata prædicatur? Potest ergo Iudæus tuto edere carnes, pisces, cibos in lege  
prohibitos, & quoquo modo immundos, Et tenetur (tanto Deo autore) credere  
se se non posse peccare, aut immundum fieri, etiam si muscas ederet, vel si serpens  
casu in os intrasset. Quid ergo sunt Præcepta edendi & bibendi hoc vel illud, &c. si  
iusticia per hæc petitur, nisi manifestæ blasphemix contra hæc Majestatis verba?  
Cogita, quis, qualis, quantus sit, qui hic loquitur, & videbis quam stulta sint, quæ con-  
tra hæc docentur & servantur.

Ipse magna voce & aperto ore dicit, Quicquid in os ingreditur, non polluit.  
Quid potest dici clarius, potentius, certius? Non dicit, Quicquid comeditis, sed  
quicquid ingreditur in os, Ut præoccupet omnium calumnias, & ne quis ullam  
ciborum differentiam, exceptam esse cavilletur, Was zum Paul immer eingeht kan/  
das

das sol nicht Sünde heißen. Si autem cibus & potus non polluit, quanto minus vestis, locus, tempus, personatus & omnes aliae observationes & traditiones, cum cibus & potus sint maximum in hac vita corporis. Observa diligenter hæc dici à Christo. Altera pars propositionis Christi est,

*Sed quicquid egreditur ex ore hoc coinquinat hominem.*

Delectat enim ista pulchra & venusta antithesis, ingredi & egredi. Q. d. Ach was plagen sie sich mit essen vnd trincken / vel illo quod intrat in os, Si observarent quid exiret ex ore, Da solt man auffsehen. Intrans in os, non polluit, Sed exiens ex ore, hoc polluit. O detestabiles hypocritas, qui observant ne polluantur ab ijs rebus (quæ Dei sunt creatura) in os ingredientibus, Cur non observant ea, quæ exeunt ab ore potius, quæ sunt Diaboli opera. Elevanda ergo est Epitaphis illa, Was ausgehet / Q. d. Ach schweiget vom eingehen / Das ausgehen vom Munde / das ist alle Unreinigkeit. Wenn das ausgehen rein were / das eingehen würde nicht unrein machen. Vult dicere, Vos estis Hypocritæ perversissimi, statuantes justiciam ubi nulla est, & peccatum ubi nullum est, Vbi vero peccatum est, nullum statuitis, & ubi justitia est, nullam reputatis.

*Tunc accedentes discipuli ejus dixerunt illi, Nosti Phariseos, audito hoc verbo, scandalizatos fuisse?*

Vides etiam ipsos Discipulos commotos ista doctrina de cibis, quia scandalosam esse dicunt Phariseis. Revera enim fuit scandalosa, etiam contra Moysen, Sed Christus ceu Dominus, potens omnium, respondet adhuc durior sententia, dicens,

*Omnis plantatio, quam non plantavit pater meus cælestis, eradicabitur.*

Quid est hoc dicere? An Moysi lex non est plantata à Deo? Nam discipuli interrogabant non de lotionem manuum, sed de manducatione libera, ubi Christus dixit, Quod intrat in os, &c. Iustissime igitur accusari poterat hæreticus in legem Moysi, contra quam docet, non tantum contra traditionem humanam, de lotionem manuum. Ich hette ihn warlich auch helfen creuzigen / cum in populum tam seditiose doceat palam, non esse servanda, quæ Moyses præcipit, Imo Moysen hæreticum, & alienum à Deo Patre declarat, cum ejus plantationem non ex Patre esse dicat, & eradicandam. Et addit, Omnes esse cæcos, & cæcorum duces, qui ista Moysi præcepta docent & sequuntur. Wer wolt solchen Teufelopediger nicht steinigen / creuzigen vnd ewiglich verfolgen / oder gehas vnd gram seyn?

Quid ergo hic dicemus? Hoc dicemus, Primum, Christum esse Dominum etiam Sabbati, ut supra cap. 12. quanto magis omnium ceremoniarum, cibi & potus, Et ideo Moysen servum cum sua Lege debere cedere suo Domino jam præsentem, Et Phariseos seu sacerdotes jam defunctos suis officiis, novum Regem oportere adorare. Ideo jam non amplius posse leges Moysi vocari plantationes Dei, cum in Christum futurum omnia data sint illis, Et nunc Pater aliud per Filium suum velit Regnum ordiri. Secundo, Phariseos dicimus fuisse Hypocritas, & Moysi perversos discipulos, ut qui ceremonias ex opere operato, id est, ex ipso facto putabant esse justiciam coram Deo. Hoc Moyses vere non voluit, sed ceremonias voluit esse exercitia piorum, qui per fidem essent prius justi, scilicet qui primum (ante omnia) præceptum servarent. Deinde impium vulgus externa disciplina coherceri & separari à gentibus. Hæc est sententia Moysi vere intellecti. Nunc vero cum non solum falso accipiant & doceant Moysen, sed etiam Dominum Moysi præsentem contemnunt, recte concludit Christus esse arborem cum radice eradicandam, tanquam nunc non amplius à Patre plantatam. Et ita ruit Moyses etiam revera cum suis ceremoniis, & simul hypocrisis cum falso intellectu Moysi, Et manet unus Dominus Christus liber & rex libertatis.

*Si autem suscepissent Dominum, & Moysen recte, & (ut Paulus ait) legitime legem*



*Stante fide, stare possunt ceremonie, & contra. Lex non iustificat.*

*Eradicatio.*

gem intelligere voluissent, bonæ fuissent ceremoniæ, & C. Istas eas non eradicasset. Sicut ficum non maledixisset, si ficus etiam non tantum folia tulisset, sed vera ficus fuisset. Quia tota summa est, non ex operibus & ceremonijs esse justiciam coram Deo, sed ex fide. Stante fide, stare poterunt omnes ceremoniæ, imo & traditiones piæ, Sed fide non admissa, neque ceremoniæ etiam divinitus traditæ, minus traditiones quantumvis in speciem piæ, stare poterunt, Sed utraq; & omnes simul sunt eradicandæ tanquam plantatio à Patre non plantata. *Denn er wil fidem haben/ Ideo sol alles außgerottet seyn/ quicquid potest Lex dici. Quia fides iustificat, Lex (ut spiritualissime accipitur) tamen non iustificat. Quare & ipsa tota eradicatur in spiritu ( ut alias sæpe doctum & scriptum est ) Nam hoc loco potest dici de abrogatione legis, cum idem sit hoc loco eradicatio quod abrogatio.*

*Sinite illos, Cæci sunt, & cæcorum duces. Cecus autem si cæco dux fuerit, nonne ambo in foveam cadunt?*

*Sed quia isti non intelligunt impij jubet Christus eos contemnere, ut qui sciret illos neque velle, neque posse intelligere, Ideo valefaciendum est illis. Ach/ last sie faren/ last sie ihr ding machen/ sie verstehen nicht/ wollens vnd können nicht verstehen. Last sie blinden seyn/ vnd einander in die Gruben führen zum Teufel zu/ sie wollen also haben / Es hilfft weder predigen noch wunder thun / Nicht hören wollen sie nicht vnd dürfen doch wol/ Lernen vnd richten wollen sie nicht/ vnd können doch nicht/ blind/ blind immer hin.*

*Respondens autem Petrus dixit ei, Differe nobis parabolam istam.*

Non quærit Petrus de lotionis humanæ, sed de manducatione libera omnium. Quia (ut dictum est) & ipsi discipuli offensi fuerunt hac doctrina nova, contra legem Mosi. Et respondet Christus satis fastuose, & non ad propositum. Nam cum deberet docere, quomodo ista non pugnarent cum Mose, ipse versus alio contemptissime dicit.

*Non intelligitis, quod omne quod intrat in os, in ventrem abit, & in secesum ejicitur?*

*Christus exaggerat quod in cibo pessimum.*

*Quasi si sanctitas eorum, qui eam ponunt in cibo, &c.*

Quasi d. suavissimis & familiarissimis suis Discipulis, Ah, putatis cibum, qui paulo post in secessum ejicitur, posse salvare? Adeo intelligentia caretis? Nam quid opus erat illi tanto Doctori & Domino, etiam istam foedam necessitatem corporis humani non solum attingere, sed etiam (sicut Philosophi & Medici solent) crasse describere, scilicet quomodo in os intret cibus, & in ventrem descendat, deinde egeratur. Nec dignatur saltem dicere, quomodo cibus in carnem & sanguinem mutetur, & nutriat corpus, sed odiose tantum illud exaggerat, quod est in cibo pessimum, scilicet stercus. Germani, ut sunt homines elegantes sua lingua præcipue cum de hoc opere loquuntur, istam Christi sententiam crasso suo more ita efferrent, Qui in cibo ponunt justiciam, sunt Sancti concacati & merdosi. Eorum enim sanctitas consistit in cacando & mingendo. Egregia profecto sanctitas, quæ per secessum in latrinam ejicitur. Germanico more Christus non loquitur, sed tamen indignans significat se hoc ipsum velle. Adeo displicet ei ista Hypocrisis falso intellecti Mosi, Q. d. Ah, putatis Mosen locutum fuisse de edendo & cacando, imo potius locutus est de honesta disciplina externæ vitæ, quæ ad justiciam (ut isti putant) valeat.

*Traditionum humanarum laus.*

*Iusticia extra fidem stercora.*

Tamen serio significat hic veram laudem & victorias traditionum hominum & falsarum justiciarum Legis, etiam ipsius Dei, scilicet esse nihil aliud, quam excrementa & stercora, Sicut & Paul. Phil. 3. Quia non nutriunt animam traditiones, sed sunt tantum stercora. Deinde dicit, Iusticias extra fidem esse stercora & detrimenta, Quasi scilicet Deo curæ sit (quo ad justiciam) quid edas aut caces, quod vestiaris aut nuderis, Nisi quod sicut ipsa necessitas egerendi est honeste regenda, ita

Ita & necessitas edendi, bibendi, &c. est honestis modis regenda, ne ex hominibus fiant bestiae. Sed justiciam in illis statui, hoc non sentit Moses, sed ei affingitur per hypocritas. Ideo sunt merdosi (ut vulgo dicitur) beschissene Propheten / quorum doctrina & justicia est merda & olerum.

*Quae autem procedunt de ore, de corde exeunt, ea coinquinant hominem, &c.*

*De corde enim exeunt cogitationes malae, &c.*

At ego inquit, non dicam vobis de cibo aut stercore, sed quae vere hominem inquinent, scilicet, quae exeunt de ore, non quae intrant. Definit autem quid sit ex ore exire (ne quis sputum aut vomitum somniet) scilicet quae ex corde procedunt per os. De istis scilicet praecepit Moses serio, sed illi istis omissis, disputant de istis in os ingredientibus, colantes culicem & glutientes camelum. Ipsi offenduntur, quod suam stercoreatam justiciam non adoro, Et ego non deberem offendi, quod veram & puram justiciam non curant? *Last sie jhren Dreck fressen des Teufels namen.* Colite vos cordis justiciam, & omnia postea erunt munda, sive jejunium, sive cibus prohibitus, sive permissus à Mose. Quia ille ad me respexit cordis justificatorem, &c. Hic facilis est quaestio, Cur dicat de corde exire ista manifesta peccata, fornicationes, furta, adulteria, falsa testimonia, blasphemias, cum sint omnia externa opera? Quia nemo talia faceret, nisi in corde ista cogitaret & vellet facere. Ergo antequam corpus faciat peccatum, jam factum est in corde, sicut dicit Matth. 5. Qui viderit mulierem ad concupiscendum, adulterium cum ea commisit in corde suo. Et, Qui irascitur fratri suo, reus erit judicio. Et 1. Ioh. 3. Omnis qui odit fratrem, homicida est. Ideo pollutum & malum cor omnia polluit dicta & facta, etiam secundum speciem bona, juxta illud, Mundis omnia munda, Sicut & alibi Christus dicit, Primum munda quod deintus est, &c.

*Ex ore exeunt  
tio quae sunt.*

*In istis cor  
pellanda.*

*Peccatum ex  
terne factum  
primo fit in cor-  
de.*

*Pollutum cor.*

Catalogus vitiorum est notus, scilicet homicidia, adulteria, &c. Nisi quod Christus non tantum de parte peccati, sed de toto peccato loquitur, id est, non de facto operis, sed de radice & arbore cum fructibus. Ut homicidium est peccatum, quod corde, ore, manu, consilio, auxilio fit, vel uno illorum, vel omnibus simul, ut Matth. 5. dicit, Qui irascitur fratri, &c. Sic cogitationes malae, non dicuntur libidines (nam istae sub adulterio & scortatione comprehenduntur) sed noxia studia, artes fallendi, nocendi, fraudendi proximum, etiam tunc, cum volunt videri amici & optimi. Malae enim dicuntur à malo seu noxio, *Schaden thun/bescheissen/liegen/triegen.* Istae enim sunt cogitationes regnantes in Mundo sub specie bona. Et iste procedunt ex corde, in quo radicatae sunt. Sic blasphemiae & falsa testimonia non tantum in secundam tabulam seu praeceptum 8. peccata sunt, sed etiam in primam & in secundum praeceptum, Ut falsi doctores & Spiritus fanatici sub nomine Dei mendacia loquuntur, & veram doctrinam damnant & maledicunt. Et addit admonitionem, dicens, Haec sunt quae coinquinant hominem, Q. d. Ista oportuit observare, ista non sunt de lana caprina, vel de secessu cibi in ventrem, ista sunt de pondere, Cur hic non videris peccata horribilia & trabes maximas?

*Christus de toto  
peccato loqui-  
tur.*

*Homicidium.*

*Cogitationes  
malae.*

*Blasphemia.  
Falsa testimo-  
nia.*

Ultimo redit ad propositum, finita digressionem, dicens,

*Illotis autem manibus manducare, non coinquinat hominem.*

Nam digressus dixerat de cibo seu de eo, quod in os intrat, non tantum de lotionem manuum, Lavet qui lavat, non lavet qui non lavat, manus, Nihil ista ad justiciam vel peccatum. Nolo in istis constitui peccatum vel justiciam. Separate igitur justiciam & peccatum ab istis humanis traditionibus. Non pugno si quis lavet, Sed hoc pugno, ne ideo se quis justum & sanctum coram Deo arbitretur. Sicut nec pugno, si edat vel egerat, modo hoc non justiciam esse fingat. Sint illa honestatis & mundicie corporis, sicut sunt & aliarum rerum, vestium, vasorum, domorum, agrorum, Sed per ista nihil peccati aut justiciae concipitur. Spectanda igitur intentio Christi, quia non hoc vult, ut mundicies corporales damnentur, & pro ijs foeditates arripiantur,

*In istis de pec-  
catum separan-  
da à traditioni-  
bus humanis.*

*Christus non  
damnat mundi-  
ciam corpora-  
lem.*

sicut Monachi putant, vilitate & foeditate vestium sese esse sanctos & magnos. Quis enim ita insanit, ut peccatum putet, si ancilla lavet ollas, vasa, vestes, purget & verat domum & cubilia, &c. Non hoc vult Christus, sed per medium vadit, imo se supra tollit & dicit, In his non esse sitam justiciam aut peccatum, sive bibas lota sive illota mensa, veste, domo, &c.

Historia de  
Cananea.

**E**T egressus inde Iesus, secessit in partes Tyri & Sydonis. Et ecce mulier Cananea à finibus illis egressa, clamabat ad illum dicens, Misere mei Domine, fili David, Filia mea à Daemonio male vexatur. Qui non respondit ei verbum.

Fide. Cananea  
magna omnia  
vicit.

**H**istoriam de Cananæ muliere in postillis satis copiose tractavi, Duos tamen præcipuos locos continet. Primus est de fide magna, constanti & mirabili hujus mulierculæ, quæ non solum credit, sed tot impugnata tentationibus, tamen vincit & triumphat. Nam satis erat magnum, quod Christus clamantem non audivit, sed contempsit. Hic ruerent infinita hominum corda, ac dicerent: Quid clamarem? video me non esse in gratia, nec dignatur me sua gratia, Ergo sum perditus, Deus odit me, nec vult me salvum, ergo desperandum est. Tales cogitationes etiam ista Mulier potuisset pati, & forte etiam passa est secundum sensum carnis. Sed ipsa fortissimi animi Virago has omnes ejicit e corde, & contrarium firmiter statuit, scilicet, se suscipiendam in Gratiâ & exaudiendam, & contra spem in spem credit, dicens, Etiam si sim gentilis & omnibus modis indigna, non tamen volo Gentilis esse, & scio me ab eo pro gentili non haberi, &c. Ista est prima lucta, & quidem satis acerba.

Cananea in  
spem contra  
spem credidit.

*Et accedentes Discipuli ejus, rogabant eum, dicens, Dimitte eam, &c. Quibus ait, Non sum missus, nisi ad oves perditas domus Israel.*

Sequens est acerbior, cum petentibus discipulis Christus perdurat, imo negare se ostendit Gratiâ, plane separans & discernens eam à perditis ovibus Israël. Quis hoc fulmen, hunc ictum ferret, etiam si esset filius Israël? Horribile est audire causam negatæ gratiæ, & non exauditiæ precatationis, scilicet non esse de ovibus Israël, nec ad eam seu propter eam venisse Christum. Hæc horribilis est Excommunicatio & præterea intolerabilis, nisi tentatus fortissimus sit in fide.

*At illa venit, & adoravit eum, dicens, Domine, adjuva me, Qui respondens ait, Non est bonum sumere panem Filiorum, & mittere canibus ad manducandum.*

Tertia est acerbissima, ubi ipsamet procidens & orans, non solum non auditur nec recipitur inter Oves, sed aperta sententia damnatur, & Canis appellatur, ubi alij vocantur Filij. O canem judicari inter Filios, hoc non est haberi inter servos saltem, sed simpliciter ab hæreditate æterna filiorum præcidi.

*At illa dixit, Etiam Domine, nam & catelli edunt de micis, &c. Cui Iesus, O mulier, magna est fides tua, Fiat tibi sicut vis, &c.*

Fidel. vii.

Tanta est vis fidei, & quidem gentilis Fœminæ, ut has acerrimas tentationes vincat, & perrumpat omnes. Ea in paucis & raris invenitur, Hinc & Christus ipse miratur hanc fidem, ita ut etiam exclamet, dicens, O mulier, &c. Et donat ei, quod ab eo rogavit. Ista nobis proponuntur, ut discamus, credentes impetrare tandem, quæ volunt, modo non desistant petere & pulsare. Secundus locus est, quod Christus etiam gentibus donatus sit, non solum Iudæis. Nam in isto populo Iudæorum, nulla erat quæstio major, quam ista, an etiam Gentes (præsertim non circumcisi) essent participes gratiæ Dei? Cum stent hic Moses & omnes prophetæ fortiter, scilicet semen Abraham, esse populum Dei, Ideoq; separatim & electum hunc populum ab omnibus gentibus, non arbitrio humano, sed jussu divino, Signis, cultu, lege,

Christus etiam  
gentibus dona-  
tus, &c.



lege, promissione, circumcissione, deniq; regno & sacerdotio, manifestis signis & usu longo per Deum probatis ac defensis per multa miracula. Ideo Iudæi (sicut adhuc est hodie) nihil minus credere poterant, quam esse aliquem populum Dei præter se nisi circumciderentur & ritum Moysi sequerentur.

Et hanc opinionem videtur Christus hoc loco approbare. 1. cum non audit nec curat Cananæam, 2. cum negat sese missum, nisi ad oves perditas domus Israel. 3. cum ait se esse panem filiorum, non canum, & negat ei panem filiorum. Et semper fuit ab initio mundi, & erit in finem usq; illa gravissima Quæstio, Quæ, quis, ubi sit Ecclesia seu populus Dei? Hoc est, quis & ubi sit Deus? Nam ubi Ecclesia est, ibi Deus est. Iudæi apud se esse credunt, Turcæ apud se, Papistæ præ omnibus apud se, Nos apud nos. Et semper Christus apparet esse extra suos apud alienos. Quia suos videtur neq; audire neq; nosse, sicut hic in ista Muliere facit, Sicut & hodie facit nobiscum, Tamen finali sententia ipse ostendit sese esse Deum, sine personarum respectu, omnium, qui credunt in eum, ut sit Deus fidelium seu credentium. Nam se tandem huic Mulieri ostendit valde propitium, & laudat ejus fidem, licet ipsa sit (quod Marcus satis emphatice urget) Syrophœnissa, gentilis, &c. Id est, non de semine Abraham, sed de gente incircumcisa, nihil merita, nihil operata, imo nec unquam sub lege Moysi posita, non particeps promissionum de Christo, sed simpliciter ex idolatria ad famam seu verbum de Christo audito ad fidem conversa. Quare jubet hoc Exemplum sperare Gentes, etiamsi non sint circumcisæ, aut lege aut promissis Dei ornata, tamen venturas, si crediderint in Christum, ad communionem sortis Sanctorum in luce & ad societatem Regni cœlorum.

*Dicitur Christus  
erga Cananæam.*

*Quæstio gravis-  
sima semper in  
mundo agitur,  
quæ & ubi sit  
Ecclesia.*

*Deus est creden-  
tium Deus.*

*Syrophœnissa  
quomodo ad fi-  
dem peruenit.*

*Rom. 3.*

Quid igitur dicetur ad Argumenta Iudæorum tam fortia ex Scripturis? Paulus solvit mira dialectica Rom. 3. dicens, An Iudæorum Deus tantum? Nonne & gentium? Q. d. Concedo hanc affirmativam Iudæis, quod sint populus Dei electus & vocatus, Sed hanc exclusivam nego, Tantum Iudæi sunt populus Dei. Aliud enim est, Iudæos esse populum Dei & aliud, Tantum Iudæos esse populum Dei. Quia etsi Deus hunc populum peculiariter propter Abraham & Christum elegit, non sequitur, quod ideo nullam Gentem voluerit pro populo suo habere, cum sub Iona habuerit Ninivitas, sub Ioseph Aegyptum, sub Daniele Babylônios, Cur autem nunc sub

*Deus Iudæorum  
& gentium.*

*Populus Dei.*

*Rom. 15.*

Christo ipso, omnes Gentes non haberet indifferenter? Et Paulus Rom. 15. egregie distinguit istam quæstionem, ubi dicit, Christum fuisse ministrum Circumcisionis propter promissiones Dei, seu veritatem Dei patribus factam, Q. d. Iudæi in hoc sunt electi, ut esset aliquis unus certus populus, cui Deus promitteret & eloquia sua

*Christus ministrum  
fuit circumcissi-  
onem.*

*Rom. 3.*

*Psalm. 147.*

(ut Rom. 3. dicit) crederet, Quemadmodum & Psalm. 147. dicit, Qui annunciat Verbum suum Iacob, &c. Sed per hoc non astringit sese, quod solum hunc Populum vellet habere, & omnes gentes reprobare, Imo hoc est plane divinum Consilium, quod non plures populos, sed unum populum, atq; adeo unam personam Abraham eligere voluit, cuius vellet esse Deus. Nam si plures seorsum & manifeste elegisset pro suis eloquijs seu promissionibus, Quomodo unquam potuisset totus Mundus sub uno Christo seu in unam Ecclesiam congregari? Cum etiam nunc, cum certum sit, unius populi fuisse promissorem Deum, & non uno populo promissiones suas datus, Nihilominus tamen infinitæ Sæctæ fiunt, & discedunt à promissis Dei uni & singulari populo datis.

*Consilio divino  
factum, quod  
tantum Iudæis  
populo tradita  
suorum promissi-  
ones.*

Quid fieret vel futurum fuisset, si tunc temporis plures populos elegisset, & sua eloquia illis dedisset, sicut uni populo Iudæorum? Quælibet enim Gens se divina autoritate separaret ab alia (sicut Iudæi faciunt, seu fecerunt potius) Et sic nunquam posset fieri una Ecclesia in Orbe terrarum catholica, Sed tot fierent Ecclesiæ catholicæ, quot essent hujusmodi Gentes, quæ haberent æquales promissiones Iudæis, Nunc vero, cum Deus voluerit unam habere Ecclesiam catholicam per totum Orbem, necesse fuit unum aliquem populum imo unum aliquem Patrem istius unius populi eligi, ad quem & suos Posteriores spectaret totus orbis, & fieret unum ovile, Et sic ex omnibus Gentibus in infinitum variatis moribus, tamen unica fieret Ecclesia.

*Ex omnibus  
gentibus facta  
una Ecclesia.*

Scandalum in-  
tolerabile, gen-  
tes exequari  
Iudei.

Papista deter-  
ores Iudei.

Exemplum Ca-  
nanæ est nobis  
consolatorium.

Papista amittunt  
Ecclesiam,  
dum retinere vo-  
lunt traditiones  
humanae.

Vita Christi.

Diabolus ut est  
autor mortis &  
pater mendacij,  
ita est causa om-  
nium malorum.

Mercis quam  
mundus dat pro  
benefactis  
Christi.

Christus domi-  
nus omnium  
morborum &  
diaboli.

Gentes autem semper oportet intelligi theologicæ, non physice, id est, quales coram Deo sunt. hoc est, quomodo sine Deo, sine lege, sine cultu, sine promissis, sine Patribus, Prophetis, &c. sunt, in suis tantum idolatrijs perditæ, & in infinitum diversis ac divis. Has igitur æquari Iudæis, qui contra habebant Deum, legem, cultum, &c. fuit scandalum intolerabile (ut dixi)

Sed Papistæ nostro seculo multo damnabiliores Iudæis sunt, qui cum non habeant à Deo datas sibi proprias Promissiones, Legem, Cultum, Sed utantur omnium gentium communi Christo, Evangelio, cultu, Tamen proprias sibi finxerunt leges, ceremonias, cultus, promissiones, Quas qui non volunt servare, eos plane hæreticos, & peiores quam Gentes judicant, Et hac furia perciti, istam Cananzam mulierculam non susciperent nec communicarent, Sed velut canem perpetuo excluderent à pane Filiorum, donec cogerent eam circumcidi secundum leges à sese confictas, id est, donec negaret communem Christum, & adoraret novum & singularem istum Antichristum. Quare nobis quoq; solatio est istius mulieris Exemplum quæ cum propter fidem solam recipitur de numero Canum in consortium Filiorum, Multo magis nos erimus Filij consortes, si crediderimus in Christum, Nec opus nobis erit Lege, Circumcisione, cultibus Papisticis, per homines confictis, cum isti Mulieri non fuerit opus Lege, circumcisione, cultu, divinis per Deum ipsum institutis. Si ergo illam non impedivit, etiam ipsa vera lex Dei, ut fieret filia per fidem solam, Quomodo nos impediatur mendax hominum lex seu fictio, ne simus Ecclesia, seu membra Ecclesiæ per eandem fidem in Christum? Imo sicut illi Iudæi, amissa fide propter pertinaciam retinendæ Legis etiam veræ & divinæ, amiserunt & panem & jus filiorum, Ita & Papistæ, qui fidem etiam persequuntur, propter retinendas suas mendaces & confictas leges, amittunt & Ecclesiam & jus Ecclesiæ, facti omnino vera abominatio in loco sancto.

*Ascendens Iesus in montem, sedebat ibi. Et accesserunt ad eum turbae multæ ducentes secum claudos, cæcos, surdos, debiles, & alios multos, & projecerunt eos ad pedes ejus, & sanavit eos, &c.*

Sequitur iterum post istud Miraculum Cananzæ, quidam Catalagus aliorum miraculorum. Quia tota vita Christi fuit ita describenda, quod aut doceret, aut Miracula ederet, aut utrumq; simul ageret. Quia, ut testatur Petrus Act. 10. ad hoc à Patre unctus Spiritu sancto, & missus fuit, quod transiret benefaciendo & liberando eos, quos Diabolus opprimerat. Nam omnes isti morbi tribuuntur Diabolo & homicidæ & hosti generis humani. Quia omnes veniunt ex peccato primo, sicut & mors, Deinde eos auget, & operatur per sese, per Angelos suos, per homines, per alia quoque nociva mala, ut ipse recte omnium morborum & malorum causa dicatur, sicut dicitur autor Mortis & pater mendacij. Hoc autem notandum, quod istæ transitiones per terram & miraculorum operatio, populis eo tempore placet. Mirantur enim & magnificant Deum, qui istos morbos seu opera Diaboli per Christum destruit & solvit, sed post ubi Christus accusatur coram Pilato, vocantur eadem Miracula & Beneficia, Seditio, seductio, rebellio contra Cæsarem & Pontificem, ut utroque tribunali damnetur. Ista est merces, quam Mundus dat pro benefactis & miraculis. Donec indigent & accipiunt bona, valde laudant & mirantur, sed ubi saturi fuerint, damnant & maledicunt, *sa du fromes Bruchlein/du liebes Kind/fragt wohl/Sicut fuisti in principio, ita & nunc & semper, & in secula seculorum. Streisse dich der Teufel.*

Nobis tamen electis scripta sunt & prædicantur ista miracula, Illi offenduntur in illis, Nos ædificamur per ea discantes & credentes, quod Christum habemus Dominum benevolum, mitem, suavem, beneficium, Deinde, qui & potest & velit ac novit juvare. Nam ostendit hic sese esse potentissimum Dominum omnium istorum morborum, seu operum Diaboli, haud dubie quin & ipsius Diaboli dominus potentissimus sit, cujus opera tam facile destruit & dissolvit. Et licet in hac vita ad

certain

certas tantum Personas ista Miracula venerint, tamen in futura vita ad omnes pervenient, qui in eum crediderunt. Tunc enim palam ostendet hanc suam potentiam in omnibus, quam nunc in quibusdam velut significat & ostendit propter nostram fidem erigendam.

*Iesus autem convocatis Discipulis suis, dixit, Misereor turbe. Quia triduo jam perseverant mecum, Et non habent quod manducent, Et dimittere eos jejunos nolo, ne deficiant in via. Et dicunt ei discipuli, Unde ergo nobis tot panes in deserto, ut saturemus turbam tantam?*

Miraculum  
de VII. panibus.

Evangelium hoc in Postilla quidem tractatur, sed tamen aliqua addemus. Primum vocat Discipulos in consilium, tentans eos, ut videat, quid respondere & consulere velint. Illi vero respondent carnalissime, secundum sensum, metientes multitudinem populi & paucitatem Panum. Per quod ostendit Christus etiam discipulis suis, & nobis omnibus per ipsos quam simus stulti & ignari operum Dei, qui nihil putamus eum agere, cum agat supra quam nos cogitamus & petimus, Ideo etiam in rebus desperatis & nobis impossibilibus desperamus semper. Quod vitium hic redarguit Christus, ostendens quod credentes debent cogitare in rebus desperatis, Deum posse & velle facere supra quam nos intelligimus (ut Paulus ait) aut petimus. Quod qui non faciunt, ipsi sese duplici contritione (ut Ierem. loquitur) conterunt, Scilicet rei ipsius difficultate seu impossibilitate, deinde desperatione, quam addunt difficultati rei. Sed apud Deum non est impossibile ullum verbum, licet apud nos sit impossibile, vel saltem difficile creditu. Ideo nobis hic indicatur, quam profunda in nobis hæreat ipsa incredulitas, dum nihil nisi stulta responderemus ad omnia opera Dei, si nos antea consulere vellet, Melius ergo est, ut sine nostro consilio faciat omnia. Quia per nostra consilia nihil unquam faceret operis, quod Deo dignum esset.

Chr. Christus  
consulit discipulos  
Ignari simus  
operum Dei.

Deus totum  
vult facere  
propter nostram  
incredulitatem.

*Et ait Iesus, Quot panes habetis? At illi dixerunt, Septem & paucos pisciculos.*

Secundo consulit, ut innotescat Miraculi magnitudo & certitudo. Quia nisi prius eos consulisset, & testimonium eorum requisivisset, ut certum fieret, non adesse tantum panis, poterat suspicio relinqui, quasi plures fuissent panes, vel ipsi homines secum attulissent, quisque pro se panem suum. Et periisset vel obscurata fuisset miraculi magnificentia, Et ita fides non habuisset locum suum, & frustra factum fuisset tam insigne opus. Sicut frustra fiunt hodie omnes creationes & gubernationes totius creaturæ, cum tamen omnia sint vel æqualia, vel etiam majora Miracula, quam istud fuit. Quid enim mirabilius, quam quotannis à terra produci tot Fructus, Semina, Animalia &c. Sed quia hæc assiduitate viluerunt (ut ait Augustinus) Et Pythagoras, velut Hiob legisset, loquitur de concentu coeli suavissimo, quem homines, qui assiduitate audiendi obsurduerint, amplius non audiant, vult dicere, non considerari miracula quotidiana creaturarum.

Quod innotescat  
Miraculi magnitudo  
Christus  
discipulos de numero  
panis percontatur.

Ideo si intelligi debet majestas operum Dei, oportet vocari in consilium & admoneri hominem de privatione, Hoc est, quid consuleret, si res ista vel ista non essent, Exempli gratia, Si majestatem solis & lunæ concipi & admirari debes, oportet ut cogites, Quid si nullus esset Sol, vel uno die? Quid tum esset totus Mundus? Sic de omnibus alijs operibus Dei. Finge ea esse nihil, Et tum respondebis sicut hic Apostoli, stulte & cum desperatione, scilicet, Actum est. Sic iste alles verlorn/Tunc apparebit miraculum Dei in operibus omnibus, Quia omnia sunt talia, si adsint spectatores digni, qui admoniti talia admirarentur. Hoc est quod Christus hic facit, excitando & admonendo discipulos de privatione primum, id est, de nihilitate ejus operis, quod intendit facere & monstrare. Quia apud eum jamdudum saturavit ista tot millia hominum, vel à principio mundi. Ipse enim videt & scit istam saturitatem & abundantiam, quasi esset ante mille annos facta. Sed in oculis discipulorum omnia sunt impossibilia, etiam post mille annos, imo in æternum. Ideo sic consulerent

Majestas operum  
Dei  
ex privatione  
consideranda.



*Dimittendus est populus, ut vadant in villas, & emant escas.*

Ces.

Ultra non surgunt, Nec hoc saltem cogitantes, quod illæ ipsæ escæ emendæ non essent, nisi etiam miraculose à terra natæ & conservatæ à Deo fuissent. Ah caro es, & manes caro, Absentibus periculis & necessitate, seu repleta præsentibus bonis, fortiter credis, sed abente sufficientia, seu præsentē necessitate, nihil canis seu ululas potius, quam illud Psal. 4. A frumento & vino multiplicantur. Adeo immersa est rebus præsentibus & incuria absentium seu futurarum.

## CAPUT XVI.

**E**T accedentes Pharisei cum Sadduceis tentantes, rogabant eum, ut signum è caelo eis ostenderet.

*Hypocritæ hie pili.*

*Cæleste signum petunt fieri à Christo.*

Sicut sæpe diximus, nihil superbius, arrogantius, fastuosius est, pessimo genere hominum, Hypocritis, qui sibiipsis sapientiam & justiciam præ cæteris arrogant. Hi pinguntur hoc loco satis propria forma. Vide ut accedant, non ut doceantur (nam ipsi doctores esse volunt, non discipuli) sed ut ex Christo Circulatorem quendam sibi & Stocknarrum faciant, qui Signa faciat, ab eis sibi præscripta, quibus ipsi potius confirmantur in sua doctrina, ut qui talem ac tantum artificem sibi obtemperantem habeant. Deinde quasi illa Miracula hætenus ab eo facta, prorsus nihil sint, nisi in terra, scilicet facta, petunt ipsi cæleste aliquod miraculum. Q. d. Ah, ista miracula terrena nihil sunt, si ostenderet se in cælo esse potentem, tunc posset ei credi, Non quod essent tunc credituri, sed quod interim sic calumniantur ista miracula, quæ longe sunt majora quam ea, quæ petuntur in cælo. Nam mortuos suscitare, cæcos illuminare, superat omnia signa in cælis ostendi possibilia, quanto excedit homo, imago Dei, cælum & omnes creaturas corporales, & vita æterna corruptibiles creaturas, &c.

Inde vigilanter Evangelista refert, quod istud Signum petierint, tentantes, id est, maliciose, calumniose, insidiosè, also die verzweyvelten Duben/ Et ipsum volunt oppressum apud populum, dum non facit signa, quæ ipsi eligunt & præscribunt. Contra, quæ signa pater dedit, voluit per eum fieri, nihil curant, Gott solo machen wie sie wollen/ oder sol nicht Gott seyn. So wils Gott haben/ daß sie glauben wie er wil/ redet und thut/ oder sie sollen nicht sein Vold/ noch er jhr Gott seyn. Sicut hodie, si doctrina nostra faceret omnia miracula Christi & Apostolorum (licet plura valde fiant quotidie) tamen si non faceret, quæ ipsi eligerent, nihil esset, Rursus, si fierent, quæ ipsi eligerent, parata mox esset calumnia, à Diabolo esse facta, quia ipsi (qui sunt soli Ecclesia & filij Dei) talia non possunt, Man solo machen wie sie wollen/ oder sol alles vnrecht seyn. Si autem sit quod ipsi volunt, hoc demum est catholicum, si libuerit eis. Quia ipsi sunt Dominus Fac totus in cælo & in terra, sine Deo, extra Deum, supra Deum.

*Iustum iudicium hypocritarum nostri temporis.*

Proinde ego nunquam optavi fieri signum pro ista doctrina, certus, quod nihil proficeretur, & omnia Dæmonibus attribuerentur ab isto perditio genere hypocritarum. Sufficit mihi eos esse convictos vi veritatis, & in conscientia sua æternè maxime à seipsis damnatos. Signa autem talibus hominibus digna, sunt scandala, sed passiva (ut ajunt) quibus offendantur, irretiantur, capiantur, labantur (ut Isaias loquitur) & sic mercedem suam in semetipsis recipiant, quam merentur. Quia in Christo, verbo & miraculis glorioso, nolunt ædificari, ut salvi fiant, justissimum est, ut in Christo per crucem ignominioso & infirmo destruantur & pereant. Sic nostris hypocritis suum iudicium justissimum contingit, ut qui per verbum veritatis (quod sentiunt) & opera synceritatis (quæ negare non possunt) ædificari nolunt, ut in nostra vita, & scandalis sine nostra voluntate abundantibus, offendantur & ruant, Amen.

*At ille respondens ait illis, Hypocritæ, faciem cæli dyjudicare nostis, signa autem temporum non potestis.*

Vide

Vide hic Christum ipsum, quanto in istos hypocritas pessimos animo feratur. Faciem coeli (inquit) nostis hypocritarum judicare, Signa autem hujus temporis non judicatis, Caelum vespere serenum & mane turbidum scitis, quid significet, Quid autem ista signa velint, quae videtis & auditis coram a me fieri, non consideratis. Omnia allegorice & in signis loquitur. Nam sicut vespere serenum, est signum futurae diei laetae & serenae, E contra mane turbidum, est signum tristic & pluviae diei. Sic enim & nostrae linguae proverbium habet, *Abendrot/Morgenschön*. Et iterum, *Morgenrot leuget nicht/ Dicke Nacht treuget nicht/ Ist nicht Regen/ so ist Wind/ Ist die Nacht nicht fett/ so ist ein Kind*. Ita signa Christi sunt duplicis virtutis. Sunt enim pii in resurrectionem & laetitiam justificationis, Impii vero in scandalum & turbidam tempestatem mortis aeternae. Quia pii illis emendantur, Impii eisdem perduntur.

*Caelum vespere  
serenum etc.  
Caelum mane  
turbidum.*

*Signa Christi  
sunt duplicis  
virtutis.*

Dicit igitur, Signa ista coeli intelligitis, Cur non & ista signa intelligitis, quae sunt vobis in salutem credentibus? Et in perniciem incredulis? Est enim jam vobis vespere serenum, in quo spem possetis habere futurae diei salutatis & serenae. Postea sequetur mane turbidum, in quo habetis timere aeternam perditionem. Nam mea signa & hoc tempus gratiae & irae futurae, non minus manifesta sunt & lucent, quam ipsum coelum cum suo vespere & mane, Si Prophetas inspiceretis, prophetantes de hoc tempore, & res ipsas velletis considerare, quae videtis. Sed vos neque Scripturae promissis, neque rebus exhibitis movemini, tantum immergi his temporalibus, quomodo veniant laeti aut tristes dies. Ideo nihil curatis, & tamen interim alia petitis signa, *Ja ihr sollt Signa haben/ quandoquidem ista, quae videtis & calumnijs obruris, blasphematis.*

*Generatio mala & adultera signum querit, Et signum non dabitur ei, nisi signum Iona Prophetae.*

Vos adulterini, alieni, jam non estis filij Abraham & Patrum, non habebitis signum nisi signum Iona Prophetae. Hoc scandalosum signum, quo non aedificabimini (quia aedificari non vultis, sed aedificantem rideris & blasphematis) sed offendemini, labemini, ruetis & peribitis. Hoc (inquam) signum dabitur vobis, ut qui Signis gloriae & virtutis non movemini ad credendum, scandalis crucis & infirmitatis in me offendamini, Et nec passionem nec resurrectionem meam intelligetis. Possetis enim ex istis Signis gloriae & virtutis allici, ut mihi crederetis, quod a Deo essem, cum talia nemo fecerit ante, Et ita mei discipuli facti, audire meae passionis & crucis mysteria. Sed quia non creditis signis gloriae, erit ut, illis cessantibus, ego objiciar vobis infirmus, crucifixus & mortuus, tunc multo minus in me credere poteritis, offensi tanto scandalo crucis, Post me resurgentem multo maxime non credetis, & ita iusto iudicio peribitis, qui signa hujus temporis tam gloriosa spreveritis. Sic Paulus 1. Cor. 1. Quia mundus in sapientia Dei, per sapientiam Deum non cognovit, placuit Deo per stultitiam praedicationis salvos facere credentes. Qui per beneficia Dei nolunt boni fieri, debent per virgam Dei peiores fieri. Qui sapientiam Dei contemnunt, per stultitiam Dei merito pereunt. *Wer nicht lachen wil/wenn Gott pfeiff/der mus zürnen wenn Gott schilt/ Thut er guts/so veracht mans/ Thut er wehe/ so lestert mans/ Er sans nirgend machen/wie wir wollen/ Darumb müssen wir verloren seyn/ denn vns ist nicht zu helfen/weder mit süsse noch sawr/ weder mit lachen noch weinen.*

*Signum Totius  
generacionis.*

1. Cor. 1.

Igitur signum aliud non habeant, quam signum Iona, Non quod alia omnia signa Christi non habeant, cum viderint omnia & blasphemaverint, Sed hoc signum Iona erit eorum proprium. Quia istud fuit in eis efficax ad scandalum & perditionem (sicut digni erant) Quia alia omnia fuerunt apud eos non solum in efficacia & frustranea, sed & diabolica & pessima, &c. Sibi ipsis enim ex medicina saluari faciebant venenum mortiferum. Quomodo autem Iona fuerit signum Christi, ipsemet supra 12. exponit, Nisi quod utroque loco mirum est dici, Christum esse

*Signum Totius  
proprie iude-  
orum.  
Christus signum  
Iona, &c.*

*Jonas in media  
morte videt.*

esse signum Ionæ, cum Ionas ipse fuerit signum Christi futuri. Sed Grammatica hic facile respondet, Ionæ signum dici Christum, quia ipse Christus sit signum Iudæis quoddam Ionale, id est simile, ut ipsemet exponit, Sicut Ionas fuit in ventre ceti, &c. Summa, Christus in ventrem ceti, id est, mortem traditus, & tertio die ejectus & suscitatus, erit signum incredulis Iudæis scandalosum. Qui volet hic historiam Ionæ tractare & rhetoricari, habet insignem locum de fide resurrectionis à mortuis, seu de vita in media morte, Vt discamus miraculum & potentiam Dei hic nobis proponi in Iona, qui triplici morte moritur, scilicet aqua, belua & ira Dei, Tamen ne sic quidem moritur, sed vita æterna vivit. Verum hæc ad istum locum non pertinent.

*Et relictis illis abiit.*

*Hypocriti frustra  
sunt & dicuntur omnia.*

Derelictis illis tentatoribus, inquit Evangelista, abiit. Quia cum talibus frustra fiunt & dicuntur omnia. Non enim hoc agunt, ut discant, sed ut tentent, Deinde ut calumnientur optime dicta & facta. Quare isto exemplo & nos relinquere debemus, qui nos explorant non discendi, sed tentandi gratia, Scientes quod inventuri sint signa & tentationes se dignas.

*Et cum Discipuli transfretassent, obliti sunt panes accipere. Qui dixit illis, Cavete à fermento Phariseorum & Sadduceorum.*

*Panes spiritus  
verbum & fides.*

Hoc ad eruditionem fidei & doctrinæ scribitur. Ideo enim Dominus discipulis, de omisso pane sollicitis, de fermento Phariseorum & Sadduceorum cavendo respondet, ut eos admoneat de verbo & fide servandis, contra doctrinam Phariseorum & Sadduceorum, Q. d. Quid solliciti estis de pane ventris? Videte ut solliciti sitis de pane spiritus, hoc est, de Verbo & fide contra falsam doctrinam & fidem. Primum querite regnum Dei & justiciam ejus, ne per pravos Magistros seducamini in regnum Diaboli & erroris. De hoc pane vero oportuit vos esse sollicitos.

*Apostoli agrestes  
sunt & infirmi.*

*At illi cogitabant intra se, dicentes, Panes non accepimus.*

*Conversatio  
Christi cum  
apostolis suavis  
fuit.*

Sed ecce, quam agrestes & infirmi sint Apostoli. Ex hac enim admonitione nihil meliores fiunt, neque eam intelligunt, Sed præoccupati carnis sensu, nunc magis solliciti fiunt pro ventre, Deinde jam metuunt, quod Christus ipse etiam ultro accusat eorum negligentiam & insolitudinem, ut sic dicam, Non intelligunt solitudinem suam reprobari, sed magis requiri somniant. Videmus igitur suavissimam conversationem Christi apud eos, qui cum non tentant, sed simpliciter doceri parati sunt. Nam vide, ut toleret Apostolorum ignorantiam in Verbo, infirmitatem in fide, Non abit & relinquit eos, sicut facit Phariseis, Sed sustinet & corrigit amicissime eorum stultitiam, Et velut pueris cogitur sese claris verbis explicare, quod dixerat, & eorum captui sese attemperare.

*Quod ubi cognovit Iesus, dixit, Quod cogitatis intra vos, modicæ fidei, quod panes non habetis? Nondum intelligitis neque recordamini quinque panum, &c.*

Duo, inquit, miracula vidistis, quibus pavi in necessitate turbas, Et adhuc dubitatis, an simus habituri panes etiam in hac necessitate. Si ista observassetis & intellexissetis, utique cogitassetis, quod de panibus vobis non loquerer, Sed quod iterum eadem facilitate panem invenirem. Adeo modicæ estis fidei, & nihil intelligitis. Et data opera non sum locutus de pane, sed de fermento, deinde de fermento Phariseorum & Sadduceorum. Quibus verbis poteratis moveri & moneri, me non de pane loqui, cum fermentum edi non sit solitum. Sed vos nihil intelligitis, Quia non habetis fidem ex miraculis firmiorem factam. Marci 8. duris & atrocibus verbis eorum inscitiam & negligentiam insectatur, Quid cogitatis inquit, quod panes non habetis? Nondum cognoscitis & intelligitis? Ad huc obæcarum habetis.

*Matth. 14.  
v. 14.*

*Matth. 1.  
v. 1.*



habetis cor vestrum? Oculos habentes & non videtis, & aures habentes non auditis? Hæc satis acerba est objurgatio, & tamen interim eorum inscitiam & infirmitatem tolerat, non eos deserit aut repellit à se. Nec ipsi amorem, fiduciam & reverentiam erga ipsum propter hoc abjiciunt, sed ut probi discipuli libenter patiuntur castigationem magistri sui, ac per eam emendantur. Hoc faciamus & nos, si aliquando intus aut foris corripimur, ne scilicet statim putemus id ex ira Dei fieri, aut ideo abjiciendos nos esse, Sed conscientia res tenerrima est, quæ in tentatione difficillime hanc fiduciam retinet.

Fermentum duplex nominat, scilicet Phariseorum & Sadduceorum, Marcus dicit, Cavete à fermento Phariseorum & Herodis, Quod idem est. Nam Herodes Epicuræus porcus fuit, sicut & Sadducæi de futura vita in Deo nihil sollicitus. Odiose autem vocat eorum doctrinam non panem, sed fermentum, & fermentum pessimorum hominum. Nam alioqui bonum fermentum ipse tractat supra Cap. 13. Fermentum Phariseorum erat, quod cum accepissent à Mose puram doctrinam Legis & promissionum, Ipsi primo legem externe faciendam docebant, ut satis patet Matth. 5. 15. & 23. ubi eorum intellectum in lege damnat, Deinde quod traditionibus in immensum auctis, præcepta Dei eludebant. Vtraque pestis cavenda est nimis, Maxime vero, quod promissa Dei de Christo ventraliter, ut sic dicam, & temporaliter danda & accipienda esse docebant. In quo plane eis cum Sadducæis conveniebat, nisi quod resurrectionem mortuorum credebant, sed ad eandem corporalem & ventralem gloriam.

Quid vero nos hodie de fermento nostrorum Phariseorum & Sadduceorum seu Herodianorum dicemus? Qui primo fidem in Christum sustulerunt, ut Petrus dicit 2. Pet. 2. Dominum, qui eos mercatus est, negantes, Deinde Ecclesiam vastarunt doctrinis dæmoniorum, de prohibito sexu & conjugio, de purgatorio, satisfactionibus, votis, meritis supererogationis, indulgentiis, peregrinationibus, Sanctorum cultibus, Missis, Sacramento altaris altera specie privato, & in spectaculum mutato. Sed quis numeret, non dico fermenta, sed portenta illa infinita, nec humana, sed verissime Satânica? Hic hic maxime opus est, audire Salvatorem hortantem & præipientem, Cavete à fermento Papistarum, qui Ecclesia esse, & Ecclesiam regere volunt, sicut Pharisei & Sadducæi Synagogam. Non enim de Hæreticis, sed legitimis populorum Episcopis, qui in cathedra Moysi sedent, loquitur. Nam hi legitima potestate & Clave scientiæ fruenter, maxime omnium nocent Ecclesiæ, Sicut Christus dicit Matth. 23. Vos non intratis, & intrantes prohibetis. Igitur pro pura verbi doctrina retinenda, sollicitos nos esse docet, cum in traditiones hominum tam atrociter invehitur.

**E**nī autem Iesus in partes Cæsareæ Philippi, & interrogabat discipulos suos, dicens, quem dicunt homines, filium hominis esse?

Hic locus est caput & fons omnium malorum in Ecclesia. Nam hinc Papa claves sibi soli arrogavit & per hoc seipsum constituit Dominum cœli, terræ & inferorum. Christus, ut jam dictum est, damnavit fermentum Phariseorum, & Sadduceorum, Papa e contra per hunc locum statuit non solum fermenta, sed etiam excrementa, & quidem excrementa pessimorum ac impijssimorum hominum, ut supra ex parte numerata sunt, Sed res major est, quam ut Annotatiunculis explicari possit, digna quæ justis Commentarijs tractetur, Interim simpliciter fidem ædificemus. Primum interrogat Christus, Quid homines de se sentiant? Morale exemplum per hoc præbens, ut curemus bonum testimonium habere etiam apud eos, qui foris sunt, quantum salvo Evangelio fieri potest, ne quis patiat ut adulter, latro, &c. juxta præceptum Petri. Deinde captat occasionem manifestandi sese inter Apostolos, quod sit Christus filius Dei. Ideo post opiniones varias & incertas vulgi, quærit, Quem eum ipsi esse sentiant, cum ait,

Dd

Vos au-

Duplex fermentum.

Fermentum Phariseorum.

Doctrina Phariseorum de promissis Dei in Christo implenda.

Pharisei &amp; Herodiani nostri temporis. Papista Ecclesiæ pestes.

Papa sibi soli arrogavit claves.

Excrementa Papa.

*Vos autem quem me esse dicitis?*

Hic Petrus omnium nomine (omnes enim interrogaverat & cum omnibus loquitur indifferenter & sine respectu personarum) respondet,

*Tu es Christus, filius Dei vivi.*

*Christus verus  
Deus & verus  
homo.*

Igitur nihil prodest ad salutem, si de Christo sentias humana opinione, quod sit justus, sanctus, bonus vir, aut Propheta, etiam maximus, Sed addenda est revelatio Patris à cœlo, quod sit Christus Dei filius, id est, Homo verus & Deus verus, Deinde Rex & Sacerdos ille promissus. Et in paucis istis verbis comprehenditur universa doctrina fidei Christianæ. Quod enim filius Dei vivi est, verum Deum significat, Id quod Scriptura alibi latius probat. Quod autem homo est, per se manifestum est, Quia inter homines conversatus, inventus est ut homo, Et ut ipse hic dicit, Quem dicunt esse filium hominis? Sed quia filius Dei simul est, non potuit nasci in peccato, sicut cæteri ex masculino concepti. Ergo de Virginie sine Patre ex Spiritu sancto natus est. Deinde homo inter homines mortalis fuit. Sed quia Deus, necessario in morte manere aut mori non potuit. Hoc de filio Dei.

*Tu es Christus  
filius Dei vivi.*

Deinde quia Christus, id est, unctus Sacerdos & Rex est, necesse est, totum hoc quod fuit, oblatum esse Sacrificium pro peccatis hominum, ut Prophetæ prædixerunt. Igitur totum Symbolum Apostolorum in his verbis, Tu es Christus filius Dei vivi, includitur, Quod scilicet sit filius Dei patris omnipotentis, creatoris cœli & terræ, Quodq; Dominus noster Iesus Christus, conceptus sit de Spiritu sancto, natus ex Maria virgine, passus pro nobis, quod moriens resurrexerit, sedeat ad dextram Dei Patris, quia Filius, Iudex & Dominus omnium, Quod remissionem peccatorum per Spiritum sanctum distribuat ad resurrectionem & vitam æternam. Nunc respondet Christus Petro, dicens,

*Beatus es Simon Bar Iona, Quia caro & sanguis non revelavit tibi,  
sed Pater meus, qui in cœlis est.*

*Doctrina fidei  
non humana,  
sed cœlestis.*

Hic stat sententia, doctrinam fidei non esse Philosophiam, nec rationis humanæ sapientiam, A qua ut neque inveniri, ita neque retineri nec judicari potest, Sed est doctrina cœlestis, ab ipso Deo patre revelata. Sicut autem candela in nocte, vel facula in tenebris, scilicet absente Sole, quidem lucet, Sed sole in virtute sua fulgente, facula neq; lucet neque fulget, sed obscuratur majestate lucis solaris, Ita fides longe alia lux est, quæ rationis lucem obscurat & extinguit. Gaudeat itaq; omnis, qui potest verbum Petri ex eadem fide dicere, Tu es Christus filius Dei vivi, fide, inquam, non ficta, Et sciat sese habere revelationem Patris à cœlo, & vere se esse Christianum, beatum & salvum à peccato, morte & inferno. Quid vis amplius? Caro & sanguis ista non sciunt neq; intelligunt. Quid est autem Caro & sanguis, nisi homines ex carne & sanguine nati, etiam optimi, sapientissimi, excellentissimi. Hæc non in Philosophorum, Poëtarum, Rhetorum libris aut sapientia, Non in juribus Imperatorum, non in Canonibus Pontificum, invenies, Sed Pater meus, inquit, in cœlis revelavit tibi, cum tamen nondum esset evulgatum Evangelium per Apostolos.

*Caro & sanguis*

*Beati qui sunt.*

*Suavissima  
Christi conversatio.*

Videntur autem ista à Christo dici familiariter, blande & amice, sicut cum suis solet suaviter agere, Ac si diceret, certe Petre tu loqueris grandia & mirabilia, Sapiens vir præter solitum mihi videris. Vnde ista sapientia & cognitio rerum arcanarum & cœlestium? Profecto Pater meus revelavit tibi eam, præterea nullus homo, Et tamē serio affirmat, beatos fore, qui hanc sapientiā à Patre habent. Nā suavitas & blanditia Christi sēper est observāda in factis & dictis suis. Sicut & Paulus tribuit ei Philāthropian, Epikīan & praotita in conversatione sua inter homines, Quæ tamen sine levitate aut scurrilitate cū suavissima gravitate fuerunt conditæ, simul ad erudiendos & alliciendos homines efficacissimæ. Proinde libens credo, quod de S. Petro scribitur, quod post ascensionē Christi tam sæpe fleverit,



fleverit, ut oculos lachrymis corrosos, linteolo semper tergere solitus sit. Et cum interrogaretur, Cur ita fletet & oculos læderet? Respondent, sese non posse à lachrymis sibi temperare, quoties recordaretur illius suavissimæ conversationis Christi.

*Petri fletus.*

Da mihi nunc Petri successorem, qui ita credat & fateatur, qui ita habeat revelationem Patris in cœlis? Putas ne, quod is præ gaudio illius sapientiæ cœlestis posset ferre, non dico optare aut quærere, istas sordes Regnorum mundi, id est, carnis & sanguinis? Quas ita furenter hætenus quærunt omnibus malis artibus & dolis Romani Pontifices, successores (ut haberi volunt) Petri, cum verius successores sint Romuli, Iulij, seu carnis & sanguinis. Nam hoc sequuntur, quod caro & sanguis ostendit. Id quod Pater revelat, & Petrus fateatur, etiam rident hætenus multis seculis, Et tamen sunt, Diabolo favente, Petri successores. Statuendum est igitur primum, Romanos Pontifices plane nihil ad Petrum pertinere, neque Petrum ad ipsos. Nihil enim habent Petrinum, neque Petrus quicquam Papale. Petrus fateatur & docet Christum filij Dei vivi, Papa docet seipsum & suas glorias & potentias, Ille fidem requirit in filium Dei, Papa obedientiam in suas Satánicas avaritiæ leges & consuetudines, Ille futuram vitam, Papa temporalem tyrannidem, Summa, Pontifices Romani hanc fidem & confessionem Petri pulchre & fortiter transilierunt, non eam in armis suis aut annulo Piscatoris sculpi aut pingi fecerunt, Sed claves tyrannicæ sensu depravatas arripuerunt, & ita successores Petri sese fecerunt. Sed rectius & vere fecissent, si pro clavibus Petri, loculos & marsupium Iudæ Ischariotis in armis suis sculptissent. Hujus enim proprie sunt Successores, quia sub nomine Christi omnia rapiunt & furantur, quæ sunt in Orbe, rapturi libenter vel centum (si tot essent) mundorum opes, potentias & glorias, sub nomine Christi, Sicut ille eorum Pater sub nomine Christi furabatur ea, quæ mittebantur.

*Romani Pontifices non Petri, sed Romuli successores.*

*Collatio Petri & Papa.*

*Insignia Paparum.*

*Papa successores Iudæ.*

Secundo, statuendum est Ecclesiam & Episcopos eos esse vere Ecclesiam & Petri successores, qui (pronuntiante hic ipso Christo) fidem & confessionem Christi filij Dei vivi habent, eamque revelante Patre in cœlis, id est, revera & Spiritu sancto per fidem non fictam docente, Id quod postea per verbum Apostolorum fieri debuit, Quia est confessio oris Petrini in Orbem vulganda. Qui vero præter hanc fidem & confessionem Petri docent aliud, vel contra eam pugnant, hi manifeste neque Ecclesia, neque Episcopi esse definiuntur. Cum igitur Papalis Ecclesia non solum præter, sed etiam contra doceat, & eam persequatur, clarum est eam esse non Christi Ecclesiam, nec Petri, sed Diaboli & Iudæ Ischariotis scholam, Iernam & sentinam. De hoc nunc satis pro annotationibus. Nunc videamus quid vicissim Christus istis suis Petris, discipulis & confessoribus promittat & largiatur. Nam ejus verba ad omnes pertinent, sicut Petrus pro omnibus respondet.

*Veri successores Petri.*

*Papalis Ecclesia diaboli schola.*

*Et ego dico tibi, Quia tu es Petrus, & super hanc petram ædificabo Ecclesiam meam. Et portæ inferorum non prævalebunt adversus eam.*

Dimissis varijs multorum cogitationibus & disputationibus, sententia Christi in summa est hæc Propositio, Ecclesia mea est, quæ hanc revelationem habet, quam tu Petre hic confiteris, Q. d. *Wartlich du hastt troffen/ denn da stehets alles auff/* Hæc est Ecclesia mea, quæ hanc Revelationem habet, quod ego sum Christus filius Dei vivi. Super hanc Petram ædificabo Ecclesiam meam. *Da solo auffstehen wer da selig sol werden/ da solo auch bleiben/* etsi omnes portæ inferorum contra sæviant. Quia ego sum Christus filius Dei vivi, Ideo nemo rapiet eos de manu mea, etiamsi portæ inferorum sint raptrices & furant in me & vos, tamen nihil efficient, quia tu Petre dixisti, & recte, Me esse Filium Dei vivi & Christum, Beatus ergo es, beati omnes qui hoc credunt, & ita perseverant, Eos pronuntio victores portarum infernalium, id est, Peccati, mortis & interni, quamlibet illæ ipsæ portæ sæviant. Quia ego sum fundamentum Ecclesiæ (id est, tibi similem

*Ecclesia Christi.*

*Victores portarum infernalium.*



credentium & confitentium) satis fidele & invictum. Per me enim vincent, in me pacem habebunt, & omnia poterunt.

*Depravata  
Christi sententia  
per Papam.*

Ex istis patet, quod Christus hic longe de alia re loquatur, quam Papa cum suis somniant. Ipse de æterna vita, de victoria portarum inferi, de Diaboli furis & Ecclesiæ salute & credentium beatitudine loquitur, Contra, Papa intelligit de sua potestate & tyrannide, sive de obedientia suarum stultissimarum & impijssimarum legum, quæ non de fide in Christum, infernarum portarum victrice, Sed de temporalibus rebus, dignitatibus, opibus, & ut optime, de ceremonijs cum hac vita perituris, nos docent. Quas res etiam Ethnici & Epicurei docere possunt, sine hac revelatione Patris de Christo filio Dei vivi. Quare posthabitis etiam vetustis Doctoribus, quos Papa & sui pro se hoc loco allegant, sequamur unam & simplicem hujus loci sententiam S. Augustini, quæ & analogæ est fidei, & Grammaticam quoque testem habet. Nam necesse est unius loci, tantum unam esse propriam, certam & veram sententiam, Cæteræ sunt opiniones dubiæ & incertæ, quæ fugiendæ sunt in sacris literis. Est autem S. Augustini hæc sententia, quod Christus distincte loquatur, Primo ad ipsum Petrum, dum dicit, Tu es Petrus, Quod sic intelligi debet secundum illam suavem Christi Epiikian inter suos, Id est, *Wolan/du bist doch ja recht Petrus/denn du triffest den Petram, den rechten Menschen und rechten Grund/da es auff siehet und stehen mus.* Secundo ad seipsum dicens:

*Sententia  
germanica ver-  
borum Christi,  
Tu es Petrus,  
Gr.*

*Et super hanc petram ædificabo Ecclesiam meam.*

*Super hanc pe-  
tram.*

Super hanc, id est, super me, non super te, Quia non dicit, Tu es Petrus, & super te Petrum, Sed super hanc (id est, Me) petram ædificabo Ecclesiam meam. Sic S. Augustinus, Non inquit, me super te, sed te super me ædificabo. Quia necesse est ipsum Petrum, super Petram Christum ædificari. Hæc sententia S. Augustini satis perspicua & propria est. Quia ædificare non potest intelligi super Petrum, cum non dicat, super te, sed super hanc Petram. Sed quid multis? Ecclesiam necesse est stare fundatam & ædificatam & victricem inferorum super fundamentum vivum, æternum, & super versantem cum ea petram usque ad consummationem seculi. Petrus autem Apostolus præter hoc, quod est homo peccator, mortuus, sicut omnes alij Sancti, etiam ipse super hanc petram cum Ecclesia ædificatus est. Quare hic locus nihil pertinet ad tyrannidem Papalem.

*Ecclesia funda-  
ta non super Pe-  
trum, sed Pe-  
tram Christum.*

Quod si allegant Apocalypsim de XII. fundamentis civitatis Ierusalem novæ, & Paulum ad Ephes. de fundamento Apostolorum & Prophetarum, breviter dicetur, In istis locis non dici Petrum solum & unum illud esse Fundamentum, Sed æqualiter omnes, non solum Apostolos sed & Prophetas. Quo argumento tandem & Prophetam aliquem veterem - porteret fingi caput Ecclesiæ totius. Sed Grammatica hic facile consulit, Fundamenta Apostolorum & Prophetarum dici, quod primi prædicarint & confessi sint, unum illud & solum fundamentum Christum, Sicut Paulus Evangelium vocat suum, cum sit Christi unius & solius, scilicet quod ministerio suo illud plantaverit, Ita Apostoli sunt primi lapides, supra petram illam unicam, Supra quos seu confessionem ipsorum, etiam reliqui Sancti ædificentur unusquisque in suo ordine, donec domus Dei perficiatur, supra petram unicam fundata.

*Fundamentum  
Apostolorum  
& Prophetarum.*

*Impium est de-  
cere Ecclesiam  
Christi ædifica-  
tam supra Pa-  
pam.*

Sceleratissimum & impijssimum est igitur dicere, quod Ecclesia Dei ædificetur super Papam, pessimum hominem & Diabolum, hoc est, super traditiones humanas ab ipso confictas, Quæ non solum non prævalent contra portas inferorum, sed à portis inferorum excogitatæ sunt contra petram & regnum cælorum. Nam traditiones hominum maxime omnium pugnant contra hanc petram, dum docent operibus nostris adeo fidendum esse, ut & nobis superflua possimus alijs vendere ad salutem. Hæc est petra Papalis, hanc docent, hanc defendunt, id quod testantur eorum facta, verba, decreta, opera, Libri & exempla.

*Petra Papali.*

*Et tibi dabo claves regni Cælorum.*

Bone Deus, quam jugens Tibi & tremendum hoc loco fecit Diabolus per Papam in toto orbe terrarum, Imo etiam in coelo, si Deo placet. Nam juxta Grammaticam & stylum Romanæ Curia, sententia hujus loci est ista, Tibi, Papæ, dabo claves, id est, potestatem, ut sis vicarius Dei in terris, hoc est, ut possis facere quæ velis. Tolerari poterat, si vicarium Dei sese jactasset, modo non se solum, sed similes sibi vicarios reliquos fecisset, Maxime vero, si vicarij officium fideliter impleisset, hoc est, Si nihil aliud, quam quod Dominus ipse mandaverat, docuisset & curasset, sicut decet & oportet vicarios facere omni jure. Nunc vero non solum non docet & curat, quæ Dominus ei mandavit & facienda reliquit, Sed aliena, imo contraria Domino suo, docet & facit, Ideo non vicarius Christi, sed vicarius Diaboli, Antikyrios & Antichristos recte dicitur.

*Tibi dabo, &c.*

*Papa vicarius Diaboli.*

Quare hoc Tibi, de quo gloriatur, nihil omnino ad eum pertinet, Sed ad Petrum confessorem Christi filij Dei vivi, Non ad Petrum piscatorem ex Bethsaida, qui paulo infra ab ipso Domino Satan vocatur. Hujus successor certe non vult Papa haberi, nec expediret sane ejus majestati piscatorem fieri talem. Multo minus pertinet ad Iudam Ischarioth, qui etiam tunc interfuit, & volebat fieri Papa, quia fortiter furabatur & rapiebat, exemplum præbens suis successoribus in Romana curia, nihil sollicitus de confessione filij Dei, quam Petrus confitebatur. Et haud dubie etiam risit apud sese stultum istum Petrum confessorem filij Dei vivi, Sicut hodie Papa & cardinales rident Petros veros seu confessores filij Dei vivi, Imo risum & ludum esse putant eos occidere & perdere. Sed quorsum rapit me zelus & indignatio? Hæc res non annotanda, sed tractanda esset.

*Papa successor & imitator Iudæ.*

Redeamus igitur ab impijs & pessimis hominibus ad ipsum Dominum, qui dicit Petro, id est confessori Dei filij, Tibi dabo claves. Quia vero privata persona (ut Petrus) cadere potest, sicut ipse postea cecidit non semel, Ideo intelligi hoc loco oportet Christum, non de persona privata, sed de publica Confessione, quam Petrus hic facit, hoc est, de ministerio verbi, quod durat in finem Mundi, contra omnes portas inferorum. Recte ergo, Tibi, intelligitur de nulla persona, de nullo Episcopo, sed de ipsa Ecclesia, quæ durat, & ministerium Verbi durabile habet. Quare contra Papatum mendacem nostram fidem ita tueamur, Primo quod Petrus hic est persona publica totius Ecclesiæ seu ministerij Verbi. Nam privatam personam Petri Christus mox Satanam vocat, id est, non sanctam. Hoc autem de Ecclesia intelligi non licet, quam Paulus jubet credi sanctam & Christo subjectam. Hæc est rata Sententia optimorum Patrum, qui dicunt Petrum ore omnium Apostolorum respondisse, sicut Christus non Petrum, sed omnes Apostolos interrogaverat. Quare & illud, Tibi æqualiter & publice pertinet ad omnes Apostolos, quos interrogaverat.

*Christus non dicit privata personæ Petri, Tibi dabo, &c.*

*Petrus persona publica Ecclesiæ.*

Secundo, ut maxime ad solum Petrum diceret, Tibi dabo, Ex hoc non sequitur, Romanum pontificem esse successorem Petri, Tum, quod spiritualia bona non sunt hæreditaria, sicut facultates hujus mundi, Alioqui sicut Petrus fuit sanctus & electus, Ita certum & necessarium esset etiam Pontifices Romanos omnes esse sanctos & electos. Tum, quod Petrus non solius Ecclesiæ Romanæ Episcopus, imo ne Episcopus quidem fuit ullius Ecclesiæ, sed Apostolus fuit plurimarum Ecclesiarum constituens eis Episcopos. Quare ad omnes Ecclesias ab eo constitutas pertineret ea successio, quam sibi arrogat Romanus unus inter ceteros sibi pares Episcopos. Deniq; si Petri successor Romanus, similis esset Apostolo Petro, sequeretur Linum vel Cletum (quos à Petro ferunt ordinatos Romanæ Ecclesiæ Episcopos) post mortem Petri fuisse superiores Apostolo Iohanne & Evangelista, qui tunc adhuc vivebat. Quis autem ferret, Episcopum esse supra Apostolum? Alioqui si nunc rediret S. Paulus vel Andreas, cogerentur esse sub Roman. Pontifice, etiā si esset sceleratior ipso Iulio II. aut Clemente VII. Constat autem Apostolos non fuisse sub Petro, sed æquales ei. Quæ est igitur furia Papistarum, quod Ecclesias Apostolorum velint (etiam in temporalibus bonis)

*Spiritualia bona non sunt hæreditaria.*

*Romanus Episcopus non est successor Petri.*

*Apostoli æquales.*

*Roma igno-  
ratur ubi cor-  
pus S. Petri sit.*

subiectas esse uni tantum Ecclesie S. Petri Romanæ, cum & ipse Petrus multas alias Ecclesias constituerit, quarum æque dignis causis Apostolus dicitur, Præsertim cum Romana Ecclesia nec habeat nec sciat, ubi sit corpus S. Petri usque in hodiernum diem.

*Mendacium est  
Apostolos reli-  
quos fuisse sub  
Petro, & Ec-  
clesias totius  
orbis sub Papa.*

Tertio (quod est demonstratio à posteriori, scilicet ab effectu) convincitur mendacium Papistarum impudentissimum, ipsa re & experientia. Nam neque Apostoli fuerunt unquam sub Petro, nec Ecclesie totius Orbis unquam sub Papa Romano, Id quod testantur omnes historiae. Dicere igitur, quod Christus promiserit Petro, & successori suo Romano Pontifici subjectionem omnium Ecclesiarum, idem est, ac si dicas, Christus est mendax. Quia promissam illam (ut ipsi volunt) subjectionem nunquam implevit. Quare sequitur, quod non promiserit, ut Papistæ sceleratissimi impudenter mentiuntur. Quid igitur est, quod furiosi homines non solum mentiuntur, sed etiam Dominum blasphemant, docendo, quod promiserit quæ non præstiterit, seu potius quod promiserit, quæ non promisit, evidente rerum experientia contrarium testante. Nam quora portio Orbis terrarum fuit sub Papa? Imo ne Europam quidem unquam habuit usque in hodiernum diem, & tempore Augustini nec Africam, imo nec ipsam Italiam, India vero & alia majores orbis partes (in quibus necesse est Christianos esse) nec ipsius Romani Pontificis fortasse nomen audierint unquam. Has autem partes Orbis omnes damnare, & propterea abjicere, quod Romani Pontificis tyrannidem vel ignorent vel recusent, hoc est haud paulo majus quam Satanicum.

*Minima pars  
orbis sub tyran-  
nide Papa fuit.*

*Non sunt dam-  
nandi, qui Pa-  
pam non agnos-  
cunt generalem  
Episcopum Ec-  
clesiarum.*

Contemnamus itaque ista manifesta & Satânica mendacia Papæ, & discamus Christum longe de alia re loqui, quam de temporali potentia, opulentia, superbia & furia pessimorum hominum Romanæ curiæ. Verba sunt clara, Ego ædificabo Ecclesiam meam. Non dicit se ædificaturum esse Regnum mundi vel Imperium temporale hujus vitæ, sed Ecclesiam meam, id est, Regnum cælorum, & futuræ vitæ. Deinde, Super hanc petram, non super hominem aut potentiam perituram, qualem Papa quærit. Quia hac potentia Ecclesia non juvatur, sed ab ea patitur persecutionem, nec ea promovetur vita futura, sed impeditur per eam.

*Ecclesia collu-  
ditur cum por-  
tis inferorum.*

*Hostes Eccl.*

*Ecclesia bona à  
Christo data  
&c.*

Deinde Ecclesia adeo non est regnum temporale, ut nec cum carne & sanguine colluctetur, Sed cum portis inferorum. Portæ inferorum autem non sunt potestates mundi, sed potestas Satanæ, regnum peccati & mortis. Hos habet Ecclesia hostes, cum his pugnat, contra hos triumphat, Non pugnat pro urbe Romana, Sicilia, Neapoli, Bononia, non cum potestatibus mundanis, sicut Papæ faciunt. Quia Roma, Neapolis, Bononia non sunt Peccatum, mors, diabolus, veri scilicet hostes Ecclesiæ, sed sunt lapides & ligna, terra, aqua, aurum, argentum, &c. desiderabilia hominum infidelium & perditorum, Qualia Deus præstare solet suis hostibus & ipsi diabolo. Lōge melius & excellētius his stercorebus tribuit Ecclesiæ bonum, scilicet Iusticiam contra peccatum, Libertatem contra tyrannidem Satanæ, vitam contra mortem, &c. quas res Papa nihil curat, Et interim hunc locum spiritualissimum Matthæi texit in rete, quo capiat cete grandia in hoc mari, id est, Regna mundi, per diaboli virtutes, impulsiones & subversiones.

*Ecclesia quid sit  
Christo defini-  
tore.*

*Lucta & vi-  
ctoria Ecclesia  
contra pecca-  
tum, mortem  
&c.*

Observandum igitur hic, quod Christus apertis verbis Ecclesiam suam definit, esse aciem castrorum ordinatam & Viraginem bellatricem, contra ipsas portas inferorum, id est, contra tentationes peccati, mortis, inferni. Nobis igitur Christianis longe major & difficilior incumbit labor, si serio hunc titulum gerimus, quam ut Regna mundi dolis & mendacijs subjugemus nostro Imperio, contra portas inferorum pugnandum est nobis. Illud alterum potest etiam Diabolus efficere, & longe melius quam nos, quia est Princeps & Deus seculi, non solum nunc, sed à principio, & semper & usque in finem mundi. Ecclesia ergo pugnat, vincit, triumphat, regnat contra Peccatum, mortem & utriusque Autorem & Dominum, Diabolum seu portas inferi, sicut hoc loco Christus promittit, Et tales milites hortatur & consolatur, ut sint fortes, certi de victoria, donec in Ecclesia, confiten-



confitente hanc Petram, & super eam ædificati perseveraverint.

*Et tibi dabo claves regni cælorum. Et quodcumq; ligaveris super terram, erit ligatum & in cælis. Et quodcumq; solveris super terram, erit solutum & in cælis.*

Quia vero in hac tam varia & periculosa pugna, necesse est multos cadere, vel fauciari & periclitari, Ideo hic remedium instituit, scilicet remissionis & retentionis peccatorum, quod vocat Claves regni cælorum. Vnam, meo iudicio, quæ claudat illud impoenitentibus, Alteram, quæ aperiat resipiscentibus, Ita ut per duas Claves intelligere videatur, utranq; potestatem ligandi & solvendi. Sed non pugno cum contentiosis. Nam Clavis scientiæ, quam Matth. 23. Christus nominat, non pertinet ad has Claves, de quibus hoc loco Christus loquitur, Sed clavis scientiæ illic dicitur autoritas docendi seu officium & facultas erudiendi populi per legem, Hic autem Claves sunt autoritas seu officium ligandi & solvendi eos, qui docti & eruditi, postea ceciderint & peccaverint. Et has Claves late intelligimus, ut in omnem locum tempus & personam cadant (modo ne confundatur ordo & disciplina) id est, ut non solum publica Evangelij voce ligentur & solvantur peccata, in Ecclesia commissa, Iuxta illud, Qui crediderit, &c. Sed ut etiam quilibet frater fratrem arguere & consolari possit (maxime vero tempore necessitatis) Iuxta illud, Vbi duo vel tres in nomine meo congregati, &c. Sic tamen ut publica Evangelij concio aut clavium officium non contemnatur. Quia non est permittendum in Ecclesia, ut propter libertatem fugiendi clavibus privatim, insulte publicæ functioni. Hoc enim esset sectas ferere, & gratiam Christi in luxuriam transferre.

Quare papa hic non habet, sicut nec S. Petrus, potestatem Regna rapiendi, Reges depo-  
nendi, instituendi, & pro sua libidine vexandi. De peccatis etenim ligandis & solvendis, hoc est, de morte & vita æterna loquitur Christus, non de coronis & majestatibus mundi. Quia de Ecclesia, id est, fidelibus Petræ confessoribus agit, non de politia terrena. Et mirum est, quod cum claves nominet, tamen earum officium non appellet claudere & aperire, Id enim est proprium earum officium, Sed ligare & solvere, quod est funium & catenarum. Sed ut Claves metaphorice intelligerentur, non aliquod materiale, voluit potestates illas duas sic nominare quo facilius & illustrius significaretur retentio & remissio peccatorum. Nam catenæ & funes magis ligationem quam solutionem, seu solam captivitatem potius figurarent. Ligatio autem & solutio proprie figurant peccatum retentum & remissum. Ideo per Claves voluit eas figurare, quæ utrunq; repræsentarent. Nam clavis non tantum ad claudendum, imo maxime ad aperiendum valet, & in hoc usu pene sola est clavis, Vt doceat proniorem esse Christum & Ecclesiam ad solvendum, quam ad ligandum. Vel dic tu aliud melius ad hanc Quæstionem.

Est & hic locus observandus contra Novatianos, qui Lapsis post baptismum negabant superesse remissionem peccatorum. Hoc plane est tollere claves ab Ecclesia, maxime potiore partem, scilicet remissionem peccatorum. Hi ignorant peccatum originale & vim ejus, Deinde Christum propitiatorem & sacerdotem æternum, fingentes eum semel posse tantum salvare, non in perpetuum, Valeant. Nobis vero Catholicis locus est consolatione & eruditione plenus, scilicet quod in Ecclesia Christus reliquit primo contra duos, superbos, securos, five manifestos, five occultos, potestatem judicandi, damnandi & separandi, Nam & occulte mali coguntur metuere, tam publicam è concione damnationem, quam privatam à fratre, Ita & specialem istam functionem clavium, quæ & ipsa publica est, sed alia à generali. Quia generalis nullam personam nominat, Hæc specialis erga privatam vel certas personas privatas agit. Ita habent impij, securi, &c. quod metuant, nempe ligationem Ecclesiæ.

Dd 4

Econtra,

Claves potestas  
ligandi & sol-  
vendi.

Clavis scientiæ.

Clavium auctori-  
tas ad om-  
nes pertinet.

Papa ab his  
clavibus, &c.

Proprium est  
eius clavium.

Novatianos  
de qua damna-  
tur.

Ecclesia potest  
stare contra om-  
nes, securos,  
&c.

Potestas absol-  
vendi pavidos.

Inducium Eccle-  
siae, ut Dei ju-  
diciam.

Verus usus cla-  
vium dandus  
in Ecclesia con-  
tra abusum in  
Papatu.

Econtra, pro pavidis & contritis reliquit potestatem absolvendi, conso-  
landi & recipiendi tam occultos, quam manifestos, ut sic terra sit plena miseri-  
cordia Domini, ut habeant humiliati quod sperent, scilicet solutionem Eccle-  
siae, tum publice tum privatim, tum generaliter, tum specialiter, quin & indivi-  
dualiter, non de uno peccato tantum, nec unius speciei, sed de omnibus peccatis  
omnium generum & specierum. Et magna Consolatio est, esse certum, quod ju-  
diciam Ecclesiae non sit aliud, quam ipsum Dei judiciam in coelo. Ideo peccator  
durus & securus, certus esse potest, se frustra securum esse & contemnere Ecclesi-  
am, si alibi quam in Ecclesia solutionem & gratiam Dei praesumat invenire. Et  
peccator contritus certus esse potest, si solutionem Ecclesiae seu Fratris audierit,  
se nihil aliud audire, quam vocem ipsius Dei de coelo eum familiariter, persona-  
liter, individualiter alloquentis. Hæc erant diligenter inculcanda & vrgenda,  
scilicet pro conscientijs instituendis & regendis, Non illa sacrilega de potentia  
regnandi & tyrannifandi in rebus mundi, sicut Papa fecit. Sed de his horrendis  
abusibus Clavium alias dictum est, & dicendum fortiter & semper. Præterea &  
in Cap. 18. multa de his rebus dixi pro Concionibus. Ita sit satis hæc pro Annota-  
tiunculis hoc tempore posuisse.

*Tunc præcepit Discipulis suis, ut nemini dicerent, quod ipse esset  
Iesus Christus.*

Dominus ante-  
quam pateretur  
indicari. Apo-  
stoli se Chri-  
stum esse.

Voluit discipulis priusquam pateretur, indicare se esse Christum, ut post  
scandalum crucis confirmarentur, ipsum tamen esse vere Christum, licet tam  
ignominiosa ac scandalosa morte esset peremptus, Sicut & post resurrectionem  
Angelus repetit verba, quibus prædixerat se esse crucifigendum, Ut scirent ipsum  
voluntarie esse passum, ut Dominum mortis, non necessitate, ut servum mortis.  
Ipse enim sua sponte, non coactus mori voluit, Nos cogimur nolentes mori. Quia  
ille dominus & Victor mortis, nos servi & captivi mortis, Sed per ipsum & nos li-  
berati sumus à morte, & Domini mortis constituti per fidem.

*Ex eo tempore cepit Iesus indicare discipulis suis, quod oporteret eum  
ire Hierosolymam, & multa pati à senioribus & principibus  
Sacerdotum & Scribis, & occidi, & tertia die resurgere.*

Christus passio-  
nem suam præ-  
dicat, &c.

Deinde prohibet se Christum vulgari ante completam passionem, Imo  
ipsam passionem eis palam prædicat, & prædicendam concedit, Ne postea dubi-  
tarent cum passio ejus veniret, ipsum esse Dominum & Christum, qui talia præ-  
dixerat, nec casu aut voluntate humana (ut apparebat in oculis insipientium) pas-  
sus esset. Ista enim nosse discipulos expediebat, ut futuros testes Christi per or-  
bem terrarum, Verum hoc principaliter agit Christus, ut ostendat suis discipulis  
Regnum suum non esse temporale aut terrenum, Quia prædicat eis plane contra-  
ria, scilicet quod sit ipse, etiam in ipsa Hierosolyma, item ab ipsis summis Sacer-  
dotibus & Principibus passurus & occidendus.

Christi regnum  
non corporale  
aut terrenum.

Regnum Chri-  
sti.

Quasi d. Adeo non est sperandum, meum Regnum esse temporale, ut et-  
iam ab ipsis, qui in hoc Regno summi sunt, & in ipso loco Regni electo, scilicet in  
Ierusalem, ego sim crucifigendus & perdendus, utq; populus Regni sit hostis me-  
us & mei regni, Nunc si temporale esset meum Regnum, certe per ipsos Princi-  
pes, & in loco principali, vellem me constitui Regem, Sed aliud Regnum habeo,  
quod non est ex hoc mundo. Quia post tres dies, victa morte resurgam, Ergo  
meum Regnum est vita æterna, post victam & abolitam mortem per mortem me-  
am. Hoc est quod dicit, Et tertia die resurget. Hæc verba vitæ & salutis sunt, cre-  
dentibus in consolationem proposita. Sed vide, quid caro & sanguis de his rebus  
sentiat.

*Et assumens eum Petrus, cepit increpare illum, dicens, Absit hoc à te Do-  
mine, nequaquam erit tibi hoc.*

Hic

Hic Petrus (haud dubie etiam cæteris discipulis consentientibus) audita ista scandalosa prophetia, Quod Christus (id est, Rex, Messias, filius Dei vivi) sit crucifigendus, vehementer offenditur, Quia regnum Christi, filij Dei vivi, sperabat temporale, Ideo attonitus dicit, Quid ita loqueris? Rex & filius Dei es, Tu ne crucifigeris & morieris, quem nos filium Dei & Regem credimus? Absit hoc à te, Deus ista prohibeat, parcas tibi ipsi, &c. Et gerit hic Petrus non solum suam privatam, sed totius synagogæ & omnium personam, qui Messiam sperabant Regem temporalem & mundanum futurum. Isti ergo omnes hoc idem sapiebant & volebant, quod hic Petrus sapit & vult, sicut adhuc hodie Iudæi sapiunt. Estq; Argumentum generale omnium Iudæorum ex sanguine natorum, quod Christus sit futurus Rex mundi temporaliter & visibiliter. Ideo Petrus scribitur hic, quod non vocatus, nec interrogatus, nec iussus respondeat, sed ex proprio motu & sensu carnis prorumpit temere, Vt significetur ejus responsum non præceptam esse verbo Dei, nec ex revelatione Patris, sicut fuit superior, Sed ex propria carnis affectione, & ut dicitur, devotione, sine verbo Dei. Quare & duro verbo, sed sine duricia cordis, retunditur & rejicitur à Christo, ita ut etiam Satan appelletur, id est, adversarius ipsius Christi & Dei, ut verba mox sequentia indicant.

*Ratio offendi-  
tur verbo, cruci-  
fixi.*

*Petrus gerit per  
sonam synago-  
gæ.*

*Petrus non in  
revelatione Pa-  
tris, sed sensu  
carnis loquitur.*

*Petrus sermone  
invepat à  
Christo.*

*Abi post me Satana, scandalum es mihi. Quia non sapis quæ Dei sunt,  
sed quæ hominum.*

Et est Christi de re seria quidem, sed contra dilectum Apostolum hæc sententia, Ah Petre, tu recte respondisti, cum te & omnes interrogarem, quod sis Christus filius Dei vivi, Sed nunc cum audis me esse crucifigendum, non intelligens consilium Dei mirabile, laberis in carnem & carnis cogitationes, & loqueris extra revelationem Patris, nihil nisi tua, id est, stulta & carnalia. Quare retrocede, Absit ut ego istam tuam carnalem sapientiam præferam Patris voluntati, Potius te & omnes amitterem, quam ut te admonitore Patri non obediam, Hic plane desipis, & non intelligis quid agatur per filium Dei vivi, quem confessus es. Insigniter hic observandum est, quod extra Christum nulli personæ fidendum est in causa salutis, etiam si sit Petrus ipse summus (ut putant) Apostolus. Nam videmus hic clare & exemplo manifesto, quod ipse Petrus cum toto Apostolorum choro, dum extra confessionem Petræ, & de suo loquitur, non solum stulta, sed contraria Petræ loquitur, & aperte Satan appellatur ab ipso Domino.

*Ratio non in-  
telligit per cen-  
sam nos venire  
ad gloriam.*

*Memini fide-  
dum in re salu-  
tis extra Chri-  
stum.*

In quo potentissima veritate & certissima conscientia, certi reddimur, quod rejecto omni personatu seu larva, etiam ipsius Apostolatus tantum hoc audire debeamus, quod Petrus una cum Apostolis, confessor ex revelatione Patris docet, scilicet Christum esse filium Dei vivi. Contra, quicquid Petrus cum universo collegio Apostolorum loquitur ex suo sensu, & non ex eadem confessione revelationis, hoc sit habendum Satanicum & adversarium Christo. Sic & Paulus 1. Cor. 3. Aliud fundamentum nemo potest ponere, præter id quod positum est, quod est Christus Iesus, &c. Et 1. Cor. ultimo, Qui non amat Dominum Iesum Christum, sit Anathema, Maranatha, Hoc est, Qui aliud amat (is etiam docet aliud) sit maledictus. Et Gal. 1. Anathema sit, qui aliud docuerit, si etiam ego, Petrus vel Angelus à coelo sit, Et 2. Pet. 1. Nos firmum sermonem prophetiæ habemus, Et iterum, Interpretatio Scripturarum non fit voluntate humana & propria, &c. Deinde ipse Pater de coelo, Hunc audite, Et Christus ipse, Ego sum lux mundi, Quotquot venerunt ante me, fures & latrones sunt, Et Ioh. 8. Si filius vos liberaverit, vere liberi eritis.

*Revelatio po-  
træ audienda.*

*In Ecclesia vox  
Christi audien-  
da.*

Tales sententiæ passim multæ sunt per totum Evangelium & Epistolas Apostolorum, nec tamen potuerunt, nec adhuc possunt movere, quin Petri & Apostolorum successores, velint esse Satanæ, seu Petri carnalis successores. Nam quid est hodie Papatus aliud, quam illud ipsum regnum, quod Iudæi de Christo sperant, & Apostoli tunc futurum esse sperabant, scilicet mundanissimum, superbi-

*Papa successores  
Petri car-  
nalis.*

perbissi-



Doctrina Pa-  
pa.

perbissimum & tyrannicissimum ? Deinde quid est doctrina Papæ, nisi propria hominum opinio, imo contra Petram seu confessionem filij Dei vivi ? Quod si (ut dignum, justum & verum est) Christum Dominum nostrum pro summo omnium Prophetarum habemus, ut omnia ejus dicta & facta, non solum sint doctrina seu interpretatio Scripturæ, sed etiam Prophetia futurorum, cogimur intelligere, quod in Petro & Apostolis suis hoc loco præfiguraverit totius Ecclesiæ suæ Historiam futuram, Scilicet quod aliqui sint vere Christi Confessores in Ecclesia futuri, optimi scilicet Episcopi & Martyres, qui Christum filium Dei vivi pure confessi sunt, & docuerunt exemplo Petri ex revelatione Patris loquentis. Sed quia idem Petrus & Apostoli statim post carnem sapiunt, imo Satanæ fiunt (ut ipse dicit) (significatur etiam hac historia, quod post successores Apostolorum & Episcopos optimos, venturi essent Episcopi Satanici. Et tandem ille, qui Petri solius solus & unicus vult esse Successor, qui Satanam, pro revelatione Patris, sequeretur, & non regnum Dei, sed mundi quæreret. Et hanc Prophetiam videmus palpabiliter & horribiliter impletam.

Christus præ-  
figuravit in Pe-  
tro suum Ec-  
clesiæ jam.

Papa pro reve-  
latione Pa-  
tris Satanam  
sequitur.

Papatus.

Doctrina Pa-  
patus.

Quare verba ista, *Abi post me Satana, scandalum es mihi, Non enim sapi quæ Dei sunt, sed quæ hominum*, debemus constanter fateri contra successorem Petri carnalis, seu Papatus dicta esse. Papatus enim, Satanas, id est, Antichristus seu adversarius Christi est, & scandalum Christianæ Ecclesiæ, plenum Sectarum, perditionis, contra confessionem illam unicam & veram de filio Dei vivi. Quid enim sapit, quid docet Papatus, dum optime docet, nisi tyrannidem super Ecclesiam Dei, & super Majestates mundi, ex capite suo proprio & voluntate ? Hoc est, Nihil sapit nisi humana, Non docet fidem & crucem Christi & mortificationem, sed Regnum, licentiam, dominationem, tyrannidem super omnia divina & humana, & omnia Christo contraria, Nam ea, quæ Christus abnegavit & defugit, scilicet Regnum, potentiam & gloriam in hoc mundo, ipse furenter & insanissime quærit, & requirit tanquam sibi debita, & quidem sub prætextu Christi, qui non solum non quæsit talia, verum etiam crucifixus & occisus est per rectores mundi. Sed nunc non est locus nec ocium hujus abominationis tractandæ, Tu ipse Lector verba & facta Christi considera, & confer cum Papæ verbis & factis, tum videbis, fulgente Christi idea, apertam & perfectam faciem Antichristi, sub prætextu nominis Christi superbientem & furentem.

*Tunc Iesus dixit discipulis suis, Si quis vult post me venire, abneget semetipsum, & tollat crucem suam, & sequatur me.*

Opus homi-  
num de justitia  
consequenda.

Dua partes  
Christianæ  
vitæ.

Quid Monachi  
docent, abne-  
gare seipsum &  
Christum sequi.

Primum promissio est, cum dicit, Qui vult venire post me, seu sequi me, hoc est, Qui vult esse meus discipulus, & esse ubi ego sum, & quo ego vado venire, & mecum manere, Ille faciat longe aliud quam hactenus præsumsit. Nam homines hactenus persuasi sunt, quod faciendo legem (seu ut Paulus ait) sectando legem, ad legis justiciam perveniant, Ego autem dico vobis esse desperandum, Primo de vestris operibus, deinde crucem ferendam. Istæ enim sunt duæ partes vitæ Christianæ, scilicet desperare de se, seu abnegare semetipsum, deinde accipere crucem suam super se. Hic definiendum est, quid sit abnegare semetipsum, Est autem vere abnegare semetipsum, non solum relinquere res & domos, sicut Monachi hunc locum pessime corruerunt, qui sic docuerunt, Quod qui vellet post Christum venire, deberet relictis rebus & parentibus in monasterium ire, & fieri solitarius, soli Deo servire. Hinc tot vota & religiones ortæ sunt.

Christus docet  
abnegandum  
fiduciam justiti-  
æ.

Sed obsecro, quæ fuit ista abnegatio, ubi relictis corporalibus rebus proprijs, alienas & majores invenerunt, imo quæsierunt fraude, hypocrisi & omnibus malis artibus ? Interim nihilominus apud se retinuerunt, imo auxerunt, id quod caput est veræ abnegationis, id est, præsumptionem & fiduciam propriæ justitiæ & operum. Ideo impudenter etiam vendiderunt alijs suas superfluas justicias & bona opera, horribili abominatione se æquantes, imo præferentes Christo.

Christus

Christus vero maxime hic petit illud caput serpentis contere, scilicet fiduciam seu præsumptionem justiciæ ex lege & operibus, quod ipsi maxime tuentur & a-  
hant. Vult enim abnegari totum quod sumus, quod possumus, quod facimus. At  
quomodo ego meipsum abnego, quando aliud nihil abnego, quam istas larvas ex-  
ternas, scilicet vestem, victum, locum, ritum, mores, & reservo ac roboro volunta-  
tem & intellectum seu opinionem sanctitatis & scientiæ in operibus? Hoc est Deo  
putamina offerre, & nucleum vorare.

Qualis quæso abnegatio hæc est? ubi centies plura rapio, quam do? Do  
Deo cucullum, locum, personam, ritus (aut potius muto talia solum) quærens  
interim meliora his, Et servo mihi sapientiam & justiciam operum. Non hoc  
Christus vocat abnegare, sed sic definitur abnegatio vera, scilicet ut tuam volun-  
tatem, intellectum, id est, justiciam, sapientiam, opera, &c. subjicias, imo abjicias,  
Et dicas cum Paulo, Ne inveniar in justitia, quæ ex lege est, imo pro stercore ha-  
beas, ut in Christo sapiens & justus & vivus sis, In te vero stultus, peccator, mor-  
tuus. Seipsum igitur abnegare, est totum se abnegare, non aliquam partem seu  
corporalia illa, vestem, victum, locum, &c. Sed tu, tu totus debes mortificari &  
nihil fieri, nihil retinere in quo fidas coram Deo, Hoc non fit, nisi & hoc quod  
summum & optimum in te est abneges, nempe justiciam ac sapientiam, & fias pec-  
cator & stultus, tribuens soli Christo justiciam & sapientiã. Tū vere eris justus, quia  
mortuus (ait Petrus) justificatus est à peccato. Nam tali homini, sic de se desperati,  
non potest non propitius esse Deus per Christum, ei impertiendo omnia bona.

Abnegatus tandem paret se propter Christum ad tentationem. Quia qui  
abnegat, damnat, arguit opera justiciæ propriæ & repugnat hypocritis & falsis il-  
lis abnegatoribus, Is expectet mortem. Nam mundus nihil minus ferre & audi-  
dire potest, quam damnari opera propriæ justiciæ. Falso interpretati sunt ista ver-  
ba, Tollat crucem suam. Quia tollere crucem intellexerunt idem esse, quod eli-  
gere crucem, hoc est, seipsum flagellare, sicut Monachi, Interim simpliciter ni-  
hil pati ab inferentibus crucem. Quia suis flagellis & duris ceremonijs fucum fe-  
cerunt mundo, ut obtinerent gloriam & honorem in mundo, Et tamen interim  
nihil fuit impatientius isto genere hominum, sunt enim pleni vindicta & odio, sic-  
ut decet Hypocritas.

Definitione ergo opus est, quid sit tollere suam crucem, Est autem tollere  
crucem, propter verbum & fidem, sponte suscipere & portare odium Diaboli,  
mundi, carnis, peccati, mortis, &c. Hic non est opus eligere crucem, Tantum inci-  
pe primam partem vitæ, & abnega teipsum, hoc est, argue justiciam operum, &  
confitere fidei justiciam, Et statim aderit secunda pars, scilicet Crux, quam tum  
accipias, sicut Christus suam accepit. Sed quia hypocritæ primam partem da-  
mnant, & suam justiciam defendunt, non modo non accipiunt crucem super se,  
sed ipsi fiunt Crucifixores & occisores piorum, crucem portantium, Interim por-  
tant sua Cilicia, jejunia, sacrificia, vigiliæ, disciplinas, &c. Sed cum magno plausu  
& admiratione mundi, & cum voluptate Diaboli. Insigniter autem addit, suam,  
Quia non docet nos portare eam crucem, quam ipse portavit, Sed suam (inquit)  
quisque portet, Crux est jam parata unicuique sua, id est, pro modulo virtutis unius-  
cujusque; (Quia non omnes possumus similia pati, cum non simus omnes æquales  
in fide & virtute spiritus) Tamen cogita ut feras tuam, ille suam, iste suam, & sic  
de alijs. Nam potest alicui infirmo sua crux (etiamsi in sese sit levissima omnium)  
tam gravis esse, quam fuit S. Paulo sua, quæ tamen erat gravissima, Differentia vi-  
rium facit æquales omnes omnium cruces, quæ inter sese sunt inæqualissimæ, A-  
licui est carcer levior, quam alteri contemptus vel maledictum, Alij levior ipsa  
mors, quam alteri pars bonorum rapta. Ideo sua, id est, unicuique propria, pro ut  
ei imponitur pro tempore, loco & virtute patientis.

Sic Paulus dicit, Fidelis Deus, qui non permittit vos tentari ultra quam po-  
testis, Sed cum tentatione facit proventum, ut possitis sustinere. Quare unusquis-  
que con-

Abnegatio

Seipsum abne-

Quid Monachi  
vocant tolle-  
re crucem.

Tollere crucem.

Hypocritæ non  
ferunt crucem,  
sed sunt piores  
crucifixores.Non eadem  
crux omnium.

que consideret, qua cruce eum Dominus oneravit, nec murmuret, si alius videtur levius habere onus, quia & minus habet virium & ipsi æquum onus, proportionem Geometricam. Vir portat centum libras, puer vero unam, Non indignatur vir se centum, & non, sicut puer, unam portare. Addit autem Christus ferendæ cruci etiam hoc documentum, Et sequatur me. Quia non satis est tollere crucem suam propter Verbum seu abnegationem sui ipsius, nisi & sequatur Christum. Non enim qui incipit, sed qui perseverat usque in finem, hic salvus erit. Sequere ergo Christum crucem portantem & tu cum cruce tua usque in finem. Multi præclare incipiunt, sed in medio fessi finem deserunt, Vt semen illud in petrosis & spinosis Luc. 8. iactum. Quia retrospectantes vel ad pacem, opes, vel alia mundi commoda, amittunt scopum præfixum vocationis cœlestis. Sic Demas tandem reliquit S. Paulum, diligens hoc seculum, licet bene cœperit, &c. 1. Tim. 4.

*Perseverantes usque in finem salvi sunt.*

*Demas*

*Qui enim voluerit servare animam suam, perdet eam. Qui autem perderit animam suam propter me, inveniet eam.*

Confirmat hanc sententiam duobus paradoxis. Quia mirabiliter sonat in auribus carnis, Qui amat seu servat animam suam, perdet eam, Qui perdit, servat. Sed ideo loquitur paradoxa, ut tenacius hæreant in memoria. Quia mirabiliter dicta excitant magis & feriunt aures, eo quod videantur impossibilia. Vult igitur dicere, Videte ne recusetis crucem propter me, & quæratem pacem, gloriam & bonos dies extra me. Dico enim vobis, quod ita quærendo pacem, incurretis crucem æternam, Et recusando crucem, amittetis pacem æternam, E contra, accipiendo crucem istam temporalem, invenietis pacem æternam, Et contemnendo pacem istam temporalem, vitabitis crucem æternam. Sic Luc. 6. Veli Luc. 6. vobis divitibus ridentibus, &c. quia egebitis, lugebitis, E contra, beati pauperes, beati qui lugetis, &c.

*Quærens pacem huius mundi, invenit eternam crucem, &c.*

*Perdere animam propter Christum.*

Sunt igitur ista duo paradoxa, Alterum comminatio, Alterum promissio, Comminatio est, Qui vult animam suam salvam habere, perdet eam, Promissio est, Qui animam suam perdit, servabit eam. Sed notanda particula (propter me) Quia multi temere perdunt animas suas, ut milites, avari, superbi, qui incurrunt in maxima mala, etiam in mortem, Sed propter pecuniam, gloriam vel aliam causam, non propter Christum, Et Hæretici etiam multa patiuntur (ut ipsis videtur) propter Deum, sed revera propter superbiam & ostentationem sapientiæ suæ. Beatus vero, qui propter Christum patitur. Nam animam perdere hic significat non solum mori, sed omnes passiones, cruces, mala, pericula & tentationes, quibus impeditur vita suavis & pax carnis in opibus, gloria, voluptate, Vt idem sit animam perdere, quod pati propter Christum, Et animam servare, idem quod nihil velle pati propter Christum, sed salvas velle habere opes, gloriam, voluptatem, voluntatem & omnia bona.

*Animam perdere. Animam salvare.*

*Quid enim prodest homini, si universum mundum lucretur, animæ vero suæ detrimentum patiatur?*

Nunc Rhetoricatur Christus, dicens, Quid est, quod homo ita quærit pacem, & fugit crucem? Esto quod totus mundus sit ejus, cum omnibus bonis suis, extra Me, contra me, sine me, Quid inde habebit lucri, cum interim æternam damnationem incurrat? Cur istas guttas pacis ita quæritis, seu parvas particulas de toto mundo, cum totus mundus bonorum esset damnum æternum? Brevis est ista pax, quam quærent, deinde exigua, quia minima portio de mundi totius pace, seu bono. Contra, Crux etiam brevis est, & minima portio de æterna damnatione, Et tamen illi per brevem & modicam pacem, incurrunt æternam & infinitam crucem, Et isti per brevem & modicam crucem, inveniunt æternam & infinitam pacem, Vt & Paulus dicit, Modicum & leve tribulationis nostræ operatur supra modum pondus gloriæ, &c. 2. Cor. 4. 2. Cor. 4.

*Æterna crux sequitur brevem mundi pacem.*

Nihil



Psal. 92.

Nihil igitur juvat hominem etiam totius mundi possessio. Quid profuit Alexandro orbis imperium? Quid Iulio, Augusto, & sequentibus eos? Brevi tempore floruerunt, Nunc in æternum perierunt. Sic Psal. 92. Cum exorti fuerint impij sicut fœnum, ut intereant in seculum seculi. Sed quis considerat illam brevitatē, paucitatem, incertitudinem hujus vitæ, pacis, gloriæ, voluptatis, &c. Deinde æternitatem, infinitatem, certitudinem mortis, crucis, ignominie, doloris? Econtrà, Quis piorum satis expendit brevitatē, paucitatem, levitatem crucis? Deinde æternitatem, infinitatem, securitatem vitæ, lætitiæ, salutis? O caro, potens etiam in Sanctis ista obscurare. Addit,

Alexander.  
Julius.  
Augustus.

*Aut quam dabit homo commutationem pro anima sua?*

Quasi d. Non esset adeo mirandum aut gemendum, si homines pro vita ista perderent futuram, Si futura damnatio talis esset, quod posset redimi, aut pateret regressus ab inferis, Nunc vero redimi non potest anima perditā, sed stat certa lege, in inferno nullam esse redemptionem, nisi per me. At illi sine me pereunt, non propter me, Ideo carent precio redemptionis, id est, Me, & ita in æternum sine spe pereunt. Et talia scientes, prudentes, certi contēnunt, & perire malunt, quam salvari, Tantum ne crucem propter me brevissimo tempore ferant.

Anima perditā  
non potest redimi  
sine Christo.

*Futurum est enim, ut Filius hominis veniat in gloria Patris sui cum Angelis suis, Et tunc reddet unicuique secundum opera sua.*

Quasi d. Etiam si in hoc seculo securi sint & pace fruantur, ideoque nihil solliciti de futuro, Tamen certum est, quod cogentur stare ante Tribunal meum, licet id nunc non credant, Et tunc reddam unicuique secundum opera sua. Erit autem tribunal gloriæ ac tale, ut nulli liceat effugere, quia erit in gloria Patris & coram Angelis ejus. His verbis absterret a pace mundi, & hortatur ad patientiam crucis. Quia quid prodest hic, uel Cæsare probante, pace frui, cum certū sit istic coram maiestate Patris & omnium Angelorum damnari? O quantum erit istud Consistoriū, quod Maiestate divina apparēte, & tot millibus Angelorum celebrabitur? Et quāto majoris Maiestatis, tanto majoris terroris & horroris erit impijs.

Tribunal Christi.

Cum dicit (Tunc reddet unicuique secundum opera sua) Primum observandum est, quod in hac vita non sit retributio ulla veræ pietati vel impietati, Sed reservatur ad tribunal Christi. Quia pij premuntur & calcantur, Econtrà impij florent & dominantur. Ergo pietas in hoc seculo non recipit mercedem suam, sicut nec impietas suam poenam & vindictam, Sed contraria omnia. Secundum, Qui vult esse pius, hoc statuatur, ut in futuro spem suam expectet, Quod si nolet facere, maneat impius sicut cæteri, & relinquat Paulum, sicut Demas, & diligat hoc seculum, &c. In summa, Pietas vel impietas non potest judicari pro tribunali Cæsaris. Quia mundus utrumque ignorat, nec quid pium aut impium sit intelligit, cum damnet pietatem & probet impietatem. Iudicat quidem mundus istas inferiores causas, id est, facta contra secundam tabulam, ut manifesta homicidia, adulteria, furta, injurias, &c. Sed quantulum hoc est iudicium respectu magnorum scelerum, quæ contra primam tabulam etiam manifeste fiunt, & contra secundam tabulam, corde & secreto fiunt? *Es ist ein betlerisch Bericht/und nicht das A b c vom gericht Gottes/* quia iudicat de manifeste probatis coram hominibus, id est, de extremo cortice arboris, &c.

Pietas hic non  
recipit mercedem.

Mundus ignorat  
quid pium  
quid impietas  
sit.

Mundi iudicium  
quale.

Dei iudicium.

Tertium, Reddet unicuique secundum opera sua, sublimiter intelligitur, quod etiam illa opera sit damnaturus, quæ in hoc seculo laudantur & canonisantur, & econtra probaturus, quæ in hoc seculo damnantur, Q. d. Quia Mundus inique iudicat de pijs & impijs, Ideo ego aliter iudicabo, & reddam non sicut cogitant homines, &c. ita fiet, ut Iohannem Hus, Constantiæ damnatum, probabit, Et Papam cum suis sese iustificantes, damnabit. Quia illi non reddiderunt Iohanni Hus secundum opera sua, sed contra quam meruit, Ideo ego quoque

Reddet unicuique.  
Iudicium mundi iniquum de pijs & impijs.

Germana sententia huius die.  
Illi Reddet unicuique secundum opera sua.

E c

contra

contra reddam ei secundum opera sua & salvabo, Et illis secundum opera sua, & damnabo eos. Ex istis patet, quam in tempestive Sophistæ hunc locū depravent, & trahant ad justificationem, scilicet quod per opera justificemur vel damnemur, Cum Christus non de justificatione loquatur, sed de tribunali suo, in quo judicabit justos & impios. Non enim quomodo justī fiamus hic docet, sed quomodo examinandi sint justī & injustī, num justī aut injustī fuerint.

*De operibus.* Sed quia Sophistæ non curant distinctam & propriam intelligentiam, in loco secundum materiam subiectam, Sed invento vocabulo, opera clamant, Ecce opera, opera, Ideo digrediamur & nos, & tractemus opera, Verum propter nostros, non propter ipsos, Licet nostri monendi sint, ut locos hujusmodi, ad justificationem non pertinentes, negent ad causam justificationis pertinere, & in hoc fortiter stent & perseverent. Hoc stante, digrediantur ad Disputationem communem de operibus (etiamsi hic non sit locus) & sic dicant.

*Scriptura duas partes.* Primum, Scriptura duas habet partes, Altera est promissio, Altera lex. Hæc distinctio est certa & indubitata etiam adversarijs. Deinde certum est, Promissionē nō exigere ea, quæ nos debemus facere, sed exhibere ea, quæ Deus nobis donat. Hac distinctione stante & concessa, sequitur (ut oportet) necessario, quod omnia dicta seu allegata de operibus & præmijs pertineant ad Legem, non ad promissionem. Si pertinent ad Legem, necessario sequitur, quod non doceant, quid Deus nobis promittat sine lege, sed ostendunt quid nos debeamus facere. Ostendendo autem quid facere nos debeamus, comprehendunt totam vitam qualis esse debeat. Vita autem tota esse non potest, nisi etiam includat cum operibus voluntatem, rationem & omnes vires & animæ & corporis. Exempli gratia, Præceptum de non occidendo, de non furando, &c. non solum opera exigit, sed etiam cor & omnia membra, Vt Christus exponit Matthæi 5. Hic nihil dicitur, quid Deus velit facere, Sed quid nos oporteat facere, Ideo promissio hic nulla, sed solum lex est, quæ totum hominem exigit. *Matth. 5.*

*Lex exigit totum hominem.* Secundo, cum lex exigit sic totum hominem, recte dicitur, Reddi unicuique secundum opera sua. Quia necessario subintelligitur etiam reddi secundum cor, affectum, voluntatem & rationem, à quibus fluunt & pendent opera, tanquā causa & effectus, seu unum compositum. Nam sine corde seu ratione non fieret ullum opus, nec bonum nec malum. Quare illi sunt vehementer detestandi, qui dicta Scripturæ sacræ de operibus sic urgēt, quasi sine ratione & voluntate fieri possint, cum ratio & voluntas sit potior, prior & major pars operum, & necessario includantur in omnibus dictis, quæ de operibus loquuntur. Hæc enim est fallacia compositionis & divisionis, scilicet, cum dividunt ea, quæ debent esse composita seu conjuncta, nempe opera & rationem. Obtento igitur, quod opus necessario includat, imo prærequirat rationē seu voluntatem (hoc est, totum hominem) Tunc sequitur prona consequētia, Ante opus oportere personam seu rationem esse rectam & bonam. Quia nisi prior sit ratio recta & bona, impossibile est opus rectum & bonum fieri.

*Opera sine ratione & voluntate sive bona sive mala non sunt.* Interroga nunc etiam Philosophum, Vtrum recta ratio sola & sine operibus personam faciat bonā? Hic cogitur respondere, Ante opera & sine operibus præcedentibus oportere rectā esse rationē. Quia non ex operibus ratio, sed ex recta ratione fiunt opera. Ergo sola recta ratione sine operibus fit persona recta, tunc persona recta per rationem fiunt opera. Ita fit, ut non opera recta faciant rationem rectam, sed ratio recta facit opera, Et ratio sine operibus & ante opera est recta, imo sunt effectus rationis prius ante opera rectæ, igitur etiā in morali Philosophia decerni oportet, Opus bonum sine ratione nihil esse, Et hominem sola ratione, sine operibus, & ante opera, bonum fieri. Si hoc in morali Philosophia valet, quanto magis in Theologia, ubi requiritur ultra rationem naturalem, donum cœleste. Sicut enim in operibus moralibus necessario prærequiritur ratio recta, quæ hominem ante opera & sine operibus bonum faciat, Ita multo magis in operibus Christiana-

*Quæ opera vocentur bona à Philosophis.*

*Opera bona non faciunt rectam rationem sed contra.*

*Opus bonum sine ratione non valet.*

*In operibus pietatis requiritur fides.*

Christianis requiritur ante omnia fides, quæ personam faciat bonam. Nam quod est ratio in moralibus, hoc fides est in Theologia, Sicut in natura, Arbor est prior fructu.

Quæri enim & hic potest, An fructus faciat arborem, vel arbor fructum. Hic respondebitur ex natura, Nisi primum sit arbor habens suum succum, &c. non sunt fructus. Ita in moralibus, Nisi homo sit bonus, habens succum suum, id est. rectam rationem, non sequuntur bona opera. Ita in Theologia, nisi adsit succus & pinguedo olivæ, hoc est, fides, & cognitio Dei, non sunt opera fidelia. Stat ergo veritas, Arborem sine fructu & ante fructum esse bonam, suo solo succo & natura. Stat veritas, Moralem hominem esse bonum, sine operibus, & ante opera per solam rationem rectam. Stat veritas, Christianum esse justum, sine Charitatis operibus, & ante charitatem, per solam fidem.

Quid est ergo, quod urgent opera, & dicta de operibus? cum cogantur fateri, Nullum opus esse posse, nisi prior sit efficiens seu operans sine opere, Et opus necessario prærequirere personam, quæ ipsum faciat? Cur ergo ita pugnant contra nos, quod fidem sine operibus dicimus esse, & facere personam justam, Postea sequi opera, quæ non faciant personam justam, sed fiant à persona justa, Cum fateri cogantur id ita fieri, tam in natura, quam in Philosophia morali seu lege.

*Opera non faciunt personam justam, sed fiunt à persona justa.*

Quando nunc arguunt Sophistæ, Deus reddit unicuique secundum opera, Item, Hoc fac, & vives, & similia, Respondendum est, Hæc dicta esse nihil aliud, nisi præcepta Dei, quæ totum hominem totamque vitam exigunt. Quia docent, quid nos facere debeamus, aut quid fecerimus. Sicut & S. Augustinus dicit, Talibus de operibus.

*Quid respondendum sit adversariis oppositis de operibus.*

Scripturis nos admoneri, quid facere debeamus, non autem prædicari, quid possumus, aut quid fecerimus. Vitiosissimum igitur Argumentum est, Deus reddit secundum opera, Ergo opera justificant vel damnant, Et est vere fallacia compositionis & divisionis. Pessime enim dividunt, quæ composita sunt, Siquidem illud verbum, opera, est compositum, includens fidem seu rationem fidelem, per quam fiunt opera, &c. At ipsi dividunt istud compositum, & sola opera seu partem compositi opponunt fidei, & per opera volunt salvari. Et ipse textus Evangelij hanc divisionem vitiosam non patitur, quia conjungit opera cum persona, & facit tale compositum ex operante & operibus, quod non sit dividendum. Non enim dicit, Reddet cuilibet operi, sed sic dicit, Reddet unicuique secundum opera sua. Vnicuique, inquit, id est, qualis fuerit persona operans, talem accipiet mercedem. Quare non opera, sed operans recipiet mercedem. Operans vero est, qui ante opus, vel bonus vel malus est. Ergo argumentari ab opere ad operantem, est à parte ad totum argumentari, Sicut si argumenteris, Hoc animal habet duos pedes, ergo est homo, quia duo pedes sunt pars hominis, non totus homo.

*Vitiosum adversarium argumentum.*

*Fallacia compositionis & divisionis.*

*Non opera, sed operans recipit mercedem.*

Si ista subtiliora sunt, quam ut intelligi possint à vulgo, tunc manendum est in ista simplicitate, Quod Scripturæ de operibus & præmijs loquentes, sunt Regulæ secundum quas tota vita agenda sit. In quibus non quæritur, Quid sit fides, quid Christus, quod eorum officium? Sed tantum requiritur, ut eas habeamus, & secundum eas vivamus, Quia præcipiunt. At Scripturæ de promissionibus sunt doctrinæ, in quibus quæritur, quid sit fides, quid possit, quid faciat? Summa, Omnino alia res est, quando dicitur, Sic vivere debes, aut sic vixisti. Quia hæc doctrina comprehendit totum hominem & vitam, & docetur præceptis & lege. Item alia res est, quando dicitur, Vnde petenda sit hæc vita, & quid ad eam pertineat? Statim dicitur, Esto bonus, justus, &c. Hic non doceris aut quæreris, unde aut per quid justus fias, Sed simpliciter dicitur, Esto justus, dilige, bene operare. Sed hæc longe diversa quæstio est, Per quid iusti fiamus? Hic theilet sichs / und wird unterscheiden also / Quod fides iustificet sine operibus. Iustificata autem persona fide, so geschieht denn das ganze auch / scilicet, quod justus es, & bona opera facis. Id est, ex fide primum iustificatus, facis opera. Hic sunt duo diversa, fides & opera, Et tamen sunt unum in omnibus præceptis, quia omnia præcepta utrunque

*Fides & opera diversa sunt & tamen unum.*



requirunt. Sic fit fallacia in omnibus Argumentis, quæ ab opere contra fidem fi-  
unt, Quia apprehendunt totum, & arguunt contra partem.

*Amen dico vobis, Sunt quidam de hic stantibus, qui non gusta-  
bunt mortem.*

*Quidam gusta-  
vit mortem pro  
omnibus.*

*Testis gloria  
eius resurrectionis  
et gloriæ.*

De istis quibusdam non est unus, ille ipse Dominus, qui non solum gusta-  
vit mortem, sed pro omnibus, ac si solus gustare deberet, gustavit mortem, &  
gustando absorbit. Sentiunt fere omnes Christum loqui de Iohanne Evangeli-  
sta, & matre Maria, qui non sunt mortui, ut creditur. Nam ita sonat illud Christi  
Iohan. vult. Si volo cum manere, quid ad te? Adde quæ scribuntur in Legenda e-  
jus. Credi autem potest, & ego verum esse puto, Christum hæc verba dicere in  
Spiritus plenitudine, & exuberanti gaudio cordis, de gloriosa sua resurrectione,  
seu de virtute & efficacia resurrectionis suæ, Quia sciebat morti sic esse vim do-  
mandam & opprimendam, ut quam plurimi in fide eius fortiter morituri, mor-  
tem & terrorem ejus contemnerent. Sicut Petrus, Paulus, omnesq; Apostoli, &  
multi martyres illud cecinerunt in mortis contemptum, Mors, ubi est stimulus  
tuus? Imo semper & adhuc hodie multi moriuntur in Christo, quasi suaviter &  
sine dolore obdormiant, prorsus non sentientes horrorem mortis.

*Iohan. vult.*

Vt sit sententia, Per ME mors est absorpta in victoria, ita ut etiam aliqui  
hic stantes, sint sine morte morituri, seu dormituri verius, ut qui mortis vim non  
sint sensuri, Ac si diceret, Quam nescitis vos omnes, quis sit ille, quem vos hic au-  
ditis & videtis. Amen dico vobis, Ego sum, per quem mors ita victa est, ut non  
modo ante & post, sed jam nunc istorum aliqui, quos videtis, sint sine dolore mori-  
turi, Vt sciatis, in me sita esse omnia, & ad me pertinere omnia cum resurrexero.  
Ego sum resurrectio & vita, ut, etiam si quis mortuus fuerit, tamen vivat. Ideo mox  
sequenti Cap. etiam visione manifesta declarat, eos vivere, qui in se credunt, & si-  
ne dolore mori, Vt Moses & Elias, quos viventes exhibet in gloria Apostolis spe-  
ctandos. Ideo ista verba sunt præfatio capitis sequentis, & ab his erat incipiendum  
Cap. 17. Quia ea, quæ dicit verbo, ostendit eis facto, id est, visione clara & glorio-  
sa, Etiam si textus dicat, Post sex dies demum factam visionem, tamen inter hæc  
verba & visionem nihil medium scribitur, Quasi verbis prophetarit, quod post  
sex dies ostendere voluit. Sicut die ascensionis prædixit, induendos esse virtute  
ex alto, quod post decimum diem Spiritu dato declaravit.

Istud verbum (Aliqui de hic stantibus) potest dupliciter intelligi. Primo  
ut excludat totam turbam, scilicet, ut de Apostolis & fidelibus omnibus intelli-  
gatur, qui tunc corporaliter aderant, Etiam si non tunc, sed postea credituri essent,  
Vt sit sensus, Omnes isti, qui in me credunt ex ista turba populi, morientur sine  
gustu mortis, id est, vivent semper. Secundo, ut excludat aliquos de Apostolis &  
credentibus tunc, vel credituris in eum, Quasi dicat, Sunt aliqui hic inter credu-  
los & discipulos meos jam factos, vel ex ista turba futuros, qui non gustabunt mor-  
tem, donec, &c. Vt sit sensus, multi ex discipulis istis meis & futuris, dormient  
quidem in morte sine dolore, Sed non omnes. Cæteri enim etiam si sint salvandi,  
tamen mortis horrorem sunt sensuri, & meo exemplo gustaturi, quia non æquali-  
ter omnes mortem vincent, nec æquali conditione aut sensu morientur. Hic sen-  
sus mihi probatur. Quia & Prophetæ queruntur de timore mortis & doloribus  
infernæ, Psal. 6. & multis alijs. Quia in alijs & alij fortior est virtus Resurrectio-  
nis, secundum quod spirat Spiritus fidei mensuram, sicut vult pro utilitate Eccle-  
siæ & fidelium singulorum.

*Sensu conque-  
ritur de hor-  
rore mortis.*

*Psal. 6.*

*Donec videant filium hominis venientem in regno suo.*

*Questio.*

Quæstio, Quid faciunt vel patiuntur interim mortui, donec veniat filius  
hominis? Certe de his, qui sine dolore moriuntur, nec mortem gustant, non  
est dubium, quin interim donec Christus venerit nihil mali patiantur. Quia  
necesse est Christum hic vera dicere, Mortem non gustabunt, donec  
viderint,

*Es. 57.* viderint, &c. Idem testatur etiam Esaias Cap. 57. Ante faciem calamitatis tollitur Iustus, intrant in pacem in cubilibus suis recti. Et hoc satis est scire de sanctis, qui dormiunt in Christo. Nam quæ sit ista pax & securitas ipsorum, nos non possumus intelligere, Et sine verbo Dei, temerarium est asserere, quod nobis videtur bona consequentia trahi. Non enim sequitur, Petrus vivit, ergo comedit & bibit, Anima ejus vivit, ergo credit vel sperat. Potest enim vivere, & neq; comedere neq; bibere, sed dormire, vel aliud, quod nesciam, tacere, Sic de alijs.

De ijs vero, qui non sine dolore moriuntur & gustant mortem, quid dicemus? Hic Papistæ facerent duos ordines, Vnum damnatorum, qui perpetuo manent in gustu, seu potius ebrietate mortis, Id est, qui cum divite Epulone in inferno torquentur, Alterum salvandorum, qui in Purgatorium vadunt, gustaturi mortem ad tempus, donec liberentur. Sed de Epulone nihil ad propositum nostrum, quia hic de salvandis loquimur. Nam siue damnati mox incipiant suum infernum, siue in die judicii, nihil ad questionem & ad nos, cum sint judicati suo iudicio æterno. De alijs vero, quia purgatorium probari non potest certa auctoritate Scripturæ aut Patrum (quanquam Patrum auctoritas in tanta causa non sit satis) siue periculo licet sentire, Quod post gustum mortis, soluto corpore, desinant gustare mortem, & requiescant etiã ipsi tunc in pace & securitate usq; ad Christum judicem. Ad quod satis alludit illud Apoc 14. A modo jam dicit spiritus, ut requiescant à laboribus suis. Loquitur enim de ijs, qui in Domino moriuntur, siue cum gustu mortis, siue absque gustu mortis. In Domino enim mortui salvi sunt. Quare si requiescunt, ut textus dicit, Sequitur nullum esse Purgatorium, Nisi velis dicere eos, qui cum gustu mortis moriuntur, non in Domino mori, sed in Diabolo, & extra ac contra Dominum mori, sicut ille Epulo. Si autem in Domino moriuntur (etiam cum gustu mortis) certe requiescunt à laboribus suis, multo magis à cruciatibus suis. Aut nega verba Apocalypsis.

Purgatorium à me assertum jactant Papistæ & Antilogistæ, Et adhuc assero, Sed illud, quod in Psalm. frequentatur, Vbi sancti laudant Deum, quod ab inferno inferiori, de tenebrosis & umbra mortis, de manu inferi, de periculis inferni, de finibus & portis mortis, & quæ sunt similia, liberati sunt, Sed non sacrificijs, aut operibus Sacrificulorum, pessimorum, impurissimorum, impijssimorum hominum, qui suas Missas pro pecunijs scelerate vendiderunt, & operibus operatis Deum & homines deriserunt, Deniq; hoc Purgatorium non est fictum purgatorium (quale est ipsorum) & humanis (sint sane etiam Patrum) opinionibus assertum, Sed res ipsa & nimium serium, his, qui cum Prophetis & Sanctis omnibus in schola Christi discunt hanc duram Lectionem, Deducit ad inferos & reducit, mortificat & vivificat. Sed satis alias de purgatorio Papistico & mēdaci dixi. Nam Patres, quos jactant, non habuerunt cogitationes istorum pessimorum hominum, nec docuerunt, multo minus speraverunt, fore aliquando, ut docerentur in Ecclesia.

At Abraham & Lazarus certe vivunt, & Epuloni videntur, & invicem loquuntur? Respondeo, Vivunt utiq;, Sed qua lingua loquantur, quibus auribus audiant, quibus oculis videant, qualia sint brachia & sinus Abraham, quis intelligit? cum corpora ipsorum cum suis membris jaceant in sepulchro redacta in pulveres, Deniq; quis novit, quale sit illud tempus, cum non sit hoc nostrum sub sole tempus, ex quo sunt translati. Quicquid sit, hoc satis est nosse, Abraham & Lazarum esse in pace & quiete. Quare ex ista visione non probatur Purgatorium illorum, qui obdormierunt in Domino. Dixi vero alias plura de hac re in Sermone, &c.

## CAP. XVII.

**E**t post dies sex, assumpsit Iesus Petrum & Iacobum & Iohannem fratrem eius, & duxit illos in montem excelsum seorsim, & transfiguratus est ante eos.

Ec 3

Quod

*Sicut montis  
Thabor.*

Quod ad historiam attinet, certum est hanc rem gestam esse in Galilæa, dum adhuc moraretur Iesus in Capernaum, Et credibile est montem hunc esse montem Thabor, ut omnes dicunt, In quo & post resurrectionē Discipulis, præcedens eos in Galilæam, apparuit. Est enim pulcherrimus mons, & ut S. Hieronymus ait, in medio campo Galilææ mira rotunditate sublimis, estq; confinium fere quatuor istarum tribuum, Naphtali, Sebulon, Isaschar, Affer, quæ tribus Galilæam terme continent, Et satis commendatur etiam in Scripturis ab amœnitate, ut Psal. 89. Thabor & Hermon in nomine tuo exultabunt, id est, jucundissimi montes sunt à te creati, Thabor & Libanus. Et victoria Deborah & Barac contra Sissera, celebris est Iud. 4.

*Quæstio E-  
angelorum.*

*Ordo historia de  
transfiguratione  
Domini.*

Quod Lucas dicit, Iesum assumpsisse Apostolos illos tres fere post octo dies, &c. & Matthæus cum Marco post sex dies, non sunt contraria. Quia Matthæus & Marcus sex intermedios dies tantum recitant, Lucas autem & ultimum diem, in quo Christus concionatus est ante istos sex dies, & primum post sex dies, in quo clarificatio ista facta est, simul comprehendit. Ordo autem rei gestæ sic habere videtur, Primum ascendit ipse cum tribus istis Apostolis solus, relictis alijs infra in loco campestri, Vbi ascensum est, more suo oravit, Interim tres Apostoli somno gravantur. Sed à colloquio Christi cum Mose & Elia, vel etiam à claritate nimia evigilant, & vident & audiunt hæc omnia, sed attoniti ex somno & rei novitate nihil dicunt, Post ubi Moses & Elias disparuissent, Luca solo referente, Petrus loquitur, Domine, bonum est nos hic esse, &c. nesciens præ stupore quid loqueretur, ut Marcus cum Luca testantur, Inter loquendum autem, nubes lucida obumbravit eos, & vox Patris de nube sonat, Hic est Filius meus dilectus, &c. Tunc territi à nube & voce Apostoli ruunt in faciem. Quia Lucas à nube, Matthæus à voce territōs fuisse scribunt. Post auditam vocem Christus eos tangit, & surgere jubet, Surgentes autem & oculos aperiētes, nihil vident nisi Iesum solum, haud dubie jam claritate faciei suæ dimissa.

*Resurrectio  
mortuorum.*

*Alia via post  
hanc mortalem.*

In hac Historia multa continentur, Primum ostenditur mortuorum resurrectio, & futura gloria seu claritas etiam corporum nostrorum. Nam hoc admirabile fuit, quod Christus in corpore adhuc mortali & passibili clarificatus est, & ostendit immortalitatis claritatem, adhuc in ipsa mortalitate, Quid fiet cum mortalitas absorpta, nihil nisi immortalitas & gloria erit? Secundo, additur huic facto per se admirabili, apparitio Mose & Eliæ, qui etiam si pro mortuis habentur, tamē sua illa apparitione ostendunt se non esse mortuos, sed in aliud quoddam vitæ genus translatos, Deinde ostendunt etiam aliam esse vitam extra istam mortalem, ex qua sublati sunt, & tamen vivunt. Nam neq; Moses, neq; Elias potuissent in hac mortali vita durasse, usq; ad istam horam, in qua apparuerunt, cum jam tot centenarijs annorum fuerint extra mundum, seu hanc vitam, & tamen adhuc vivunt, & se vivos ostendunt, nec unquam vere fuisse mortuos. Tertio, Duos fidelissimos hic testes habemus, Mosen & Eliam, quod mortui non sint mortui, quodq; morientes tantum migrent ex hac misera & calamitosa vita in aliam meliorem. Nam si Moses & Elias simpliciter extincti in nihilum redacti essent, non hic apparerent.

*Mortui Iesum  
migraverunt in  
aliam vitam me-  
liorem.*

*Mors.*

Quarto, Docet ergo ista apparitio, Mortem esse contemnendam, & habendam simpliciter pro migratione quadam ex hoc ergastulo, ad claritatem melioris vitæ, sicut Moses & Elias migraverunt potius, quam mortui sunt, ut & alias scriptura mortem Somnum vocat, Summa summarum, Ista apparitio ostendit hanc vitam esse nihil ad futuram, quæ certissime veniet nobis huic sæculo mortuis in Christo. Et magnis laudibus Deo gratias agere debemus, qui tanta benignitate nobis ista revelare dignatus est, & tam pulchra, manifesta, potenti apparitione nos certos voluit reddere de spe futuræ vitæ. Nam vide quid optimi inter Gentes quæsierint suis Disputationibus, de animæ immortalitate & futura vita, & tamen nihil certi invenerunt. Soli filio Dei reservata est hæc tam certa & clara appari-

*Gentilium dis-  
putationes de  
immortalitate  
anime.*



apparitio, ut per ipsum solum Mundo hæc spes vitæ futuræ certo promitteretur, & aperta ista apparitione ostenderetur. Hæc de morte vincenda per vitam, post ostendetur etiam.

Quinto, ostenditur hac Historia peccatum esse victum. Quia consequentia necessaria sequitur, Vbi mors victa est, ibi & peccatum victum est, cum sit mors nihil nisi stipendium peccati, Rom. 6. Sine peccato enim mors non esset, &c. Ablatis autem peccato & morte per Christum, liberi sumus à potestate Diaboli, & expectamus absorpta ista mortalitate, gloriam claritatis æternæ, &c. quam Christum in corpore adhuc passibili & mortali exhibuit. Voluit autem istam apparitionem præcipue istis tribus Apostolis ostendere, ut eos contra futurum scandalum Crucis & mortis suæ muniret, Sed parum effecit. Quia sub horam tentationis Petrus omnia oblitus, negavit se nosse, quis esset iste homo, Similiter & omnes in eo scandalisati sunt. Tamen post resurrectionem valuit apparitio ista, ad fidem faciendam certissimam de Christo filio Dei vivi, & de Regno ejus spiritualiter intelligendo.

Vnde & Petrus in Epistola posteriore confirmat Cōfessionem suam, Quod Iesus sit Christus filius Dei vivi, allegans hunc locum, seu hanc clarificationem, dicens, Non doctas fabulas secuti notam fecimus vobis virtutē & adventum Domini nostri Iesu Christi. Quia totus Mundus plenus est doctrinis hominum de religione & cultibus divinis, Sed meræ fabulæ sunt, doctæ tamen seu (ut Pauli verbo utar) speciem sapientiæ habentes, ad seducendum homines præpotentes, &c. Sed Spectatores Majestatis ejus fuimus, cum acciperet à Deo Patre gloriam & honorem, voce ad eum facta à magnifica gloria, Hic est filius meus dilectus. Quibus verbis nos docet, Christum esse declaratum Regem & Dominum Dei filium, & hæredem omnium ab ipso Deo Patre, Et hanc esse rectam & veram pietatis doctrinam & scientiam, scilicet docere & credere, Iesum, scilicet istum hominem de Maria natum, esse filium Dei Christum, Dominum & Regem super omnia. Sicut & Psalm. 2. hoc unum præceptum Dei se prædicare dicit, Dominus Dixit ad me, Filius meus es tu. Qui hoc crediderit, salvus erit, Et extra doctrinam hanc unicam, nullam esse reliquam, Sed omnia meras fabulas, ad decipiendum doctas & speciosas.

Et post hæc statim invehitur Petrus in falsos Doctores futuros, qui hanc Confessionem relicuri, proprias Scētas inventuri, & ipsum hunc Dominum negaturi erant. Atq; negat humanas has traditiones à Spiritu sancto venire, sed eas esse proprias interpretationes Scripturæ, voluntate humana allatas, Et horribiliter tales falsos Doctores damnat & maledicit, ut totum Cap. 2. ostendit. Et graphice ac insigniter eodem Cap. Romanum Episcopum exprimit. Nam hic præ omnibus alijs Scripturæ interpretationem non solum sibi facit propriam & secundum voluntatem suam, Sed insuper audet etiam horribiliter blasphemare cum suis Dæmonibus, Se esse supra Scripturas, Et auctoritatem Scripturæ pendere ex ipsius auctoritate, ut legitur in Cap. Cuncta per mundum, &c. O horribilis furia. Sed Petrus suum fictitium & supposititium Successorem hic per os mutum asinæ suæ redarguit, velut Balaam insipientem, dicens, Interpretationem Scripturæ non fieri propria Prophetia, nec voluntate humana unquā allatam esse prophetiā. Quare satis hic monemur, Papæ abominationibus oportere resisti, & eas sicut Satanam fugere, & dicere ad eum, Abi post me Satan, scandalum enim es mihi, &c.

Vult igitur ista apparitio Christi idem ostendere ipsa re & veritate, quod supra Cap. 16. Petrus est confessus, Iesum ex Maria virgine hominem natum, esse Christum filium Dei vivi (Christus autem Regem & Sacerdotem significat, id est, Dominum rerum omnium, Similiter & Mediatorem inter Deum & hominem) Et quia talis erat prædicandus per totum orbem terrarum, Ideo hic tribus Apostolis talis ostēditur, qui hoc essent testaturi, quod vidisset & audissent. Sicut & Iohanni Baptistæ apparitio fere similis facta est in Iordane, Sed nō ita clarificata persona

*Peccatum vult.*

*Quare apparitio ista ostensa sit tribus istis Apostolis.*

*Traditiones humane fabulæ doctæ ad decipiendum.*

*Vera pietatis doctrina.*

*Falsi doctores.*

*Rom. Pontifex à S. Petro graphice depictus.*

*Papæ abominationibus resistendum.*

*Christus.*

sona Christi, & duobus, Mose & Elia simul clarificaris. Quia decuit post Iohannem, Apostolis clariorem ostendi apparitionem. Quare quod supra solus Petrus est confessus, quod Iohannes Baptista solus antea vidit & audivit, hoc ostenditur tribus illis Apostolis præcipuis hac apparitione magnificentissima. Non solû Petrus hic dicit (mox Satan appellandus) Sed Pater ipse de cœlis testatur, quod Iesus iste homo sit filius Dei, id est, hæres omniû. Et nubes adest obumbrans, Tunc duo testes adsunt Moses & Elias, non solum idem testantes, sed etiam de excessu cum illo loquentes, quem erat impleturus Hierosolymis, ut Lucas narrat. Hæc eo pertinent, quod Iesus homo sit docendus & credendus per orbem terrarum, vere Deus & homo, vere filius Dei & hominis, vere ille Christus & Rex, Sacerdos & Dominus, promissus à Deo Patre per Spiritum sanctum ministerio legis (id est, Mose) & Prophetarum (id est, Elia) In quo uno & solo sit salus & vita, in cuius manu sint omnia, quia filius & hæres, Vt beatus sit omnis Simon filius Barjona, qui revelationi huic Patris credens, eum palam & publice fuerit confessus. Nam aliud nomen sub cœlo non est datum hominibus, in quo salvi fiant, &c.

*Discipuli & angeli, &c.*

Non hic agitur de lege, multo minus de traditionibus humanis, Sed de summo articulo salutis humanæ, sine lege, sine traditionibus, sine operibus nostris, id est, de revelato, audiendo, cognoscendo, credendo, confitendo, Christo, filio Dei vivi, Et in confessione perseverando ac moriendo. Ipse enim est salus, vita & resurrectio, &c. Ideo hic tota Trinitas apparet ad confirmationem omnium fidelium, Christus Filius in forma gloriôsa, Pater in voce, declarante Filium Dominum & hæredem, Spiritus sanctus in nube lucida obumbrante, seu fidem infundente, Deinde duo testes. Lex & Prophetæ. Quemadmodum & Paulus hunc locum Rom. 3. tangit, dicens, Iusticiam fidei in Christo ostensam nunc esse, quæ testimonium habeat in Lege & Prophetis. Sed uberiores hujus clarificationis sensum tractat 2. Corinth. 3. ubi de revelata facie Christi disputat, & de claritate Mosi, comparans eam claritati Christi. Sed res est non hujus loci, nec angustis annotationibus tractanda, ut quæ copiosam & plenâ requirat tractationem, &c.

*Et interrogaverunt eum Discipuli, dicentes, Quid ergo Scribæ dicunt, quod oporteat prius Eliam venire? At ille respondens ait eis, Elias quidem venturus est prius & restituet omnia. Dico autem vobis, Elias jam venit, Et non cognoverunt eum sed fecerunt ei quæ voluerunt,*

*Vetus opinio de adventu Elia, &c.*

Vetus opinio de venturo Elia & Henoch post Antichristum ex hoc loco sumpta (ubi Christus ait, Elias quidem venturus est, & restituet omnia, &c.) omnes Libros implevit, & per totam Ecclesiam vagata est. Ideo hoc loco tractanda esset ea quæstio, si idonei essemus ultra auctoritatem veterum aliquid statuere. Primo, Non repugnemus his, qui opinionem hanc veterem sequi volent, Expectent ipsi Eliam & Henoch, simul & Iohannem (de quo etiam dicunt, quod cum Elia sit venturus) modo sinant nobis quoque liberum, hanc opinionem pro opinione habere. Et sane credatur per hunc locum, Elias venturus, vel etiam per Malachiam & Syrach prophetatus, Tamen de Henoch & Iohanne nihil est in Scripturis. Quare manifestum est, esse hominum cogitationem de Henoch & Iohanne. Et per hoc suspectum quoque de Elia, cui sociant istos duos, vel alterum illorum. Qui si non sunt venturi, haud dubie nec socius ipsorum Elias venturus est, &c.

*Christus & Apostoli nihil prædixerunt de adventu Elia, &c.*

Secundo, cum Christus, Iohannes, Petrus, Paulus omnia prædixerint de fine mundi, quomodo sint futura sævissima tempora, Nihil tamen de adventu Elia prædicunt, sed simpliciter adducunt extremum diem & horam post tribulationem ultimam, Et Paulus docet, spiritu otis Christi interficiendum Antichristum, & destruendum illustratione adventus sui, Non est credibile, Christum vel Apostolos fuisse tacituros de Elia venturo, & restituturo omnia in fine Mundi, cum an-

cum antea de eo per Malachiam tam clare prophetaret Spiritus. Quare standum est his verbis Christi, Dico vobis, Elias jam venit, &c. Et verbis Angeli Gabrielis Lucæ 1. qui verba Malachiæ Prophetæ de Elia, ad Iohannem applicat, Sicut & verba Isaia 7. applicat ad filium Mariæ virginis nasciturum, scilicet Iesum Christum. Vt sicut non est expectandus alius filius virginis, juxta Isaia vaticinium Cap. 7. quam qui ex Maria virgine, Gabriele interprete, natus est, Ita non est alius Elias, juxta Malachiam expectandus, quam qui ex Zacharia & Elisabet, eodem interprete Gabriele, venit & fecit, quæ Malachias prædixit.

*Elias à Malachia depictus.*

Et certe dubitare non licet, quin Gabriel, præsertim in legatione tanta Dei, recte & proprie intellexerit & allegaverit Isaia & Malachiam. Non enim falsiloquum aut flexiloquum licet eum æstimare, qui virgini tantas res, tam certis verbis credendas offert. Quod si Gabrielis intellectus in his verbis suis, verus, simplex & syncerus (sicut necessario est) nullus est alius præterea Elias ex Malachia expectandus, quam Iohannes, Sicut non est alius filius ex ALMA illa virgine, Isaia 7. expectandus, quam Iesus Christus, Alioqui peribit simplicitas & veritas literalis sc̃sus, & totius Scripturæ periclitabitur autoritas, Et tot erunt Eliæ & Christi, quot surrexerint novi Prophetæ. Licebit enim cuivis dicere allegorico sensu, Ecce hic est Elias, ecce hic est, Et ita nullus unquam Elias alius erit, qui certus esse possit, si Iohannes non esse statueretur.

*Gabriel recte allegavit Isaia & Malachiam.*

Restat ut verba Christi rectè intelligamus, quibus dicit, *Elias quidem venturus est, & restituet omnia*, Quæ sanè simpliciter videntur de alio quam Iohanne prophetare. Sed ad hæc responderi potest, vel oportet potius, quod Christus ipse mox eo contextu corrigit dictum suum, seu potius sensum eorū, qui verba sua de Elia Thesbite essent intellectu, dicens, *Verum amen dico vobis, Elias jam venit*. Hoc scilicet verbum, dico vobis, Elias jam venit, cur non æque expendimus, ac illud, ubi dicit, Elias quidē venturus est? Maxime cum Evangelistæ testentur, Apostolos hinc intellexisse, eum de Iohanne locutum fuisse, Id est, Iohannem esse Eliam illum, de quo interrogaverant ex Malachia per Phariseos docti. Si ergo Christus ipse dicit, Eliam illum, de quo ex Malachia interrogaverant Apostoli, jam venisse, & fecisse officium suum & passum esse, Quid est quod expectemus alium?

*Iohannes est Elias.*

Iam hoc etiam certum est, Quod Malachias non prædicit venturum Eliam illum priscum, quem Scriptura vocat insigni cognomine Thesbitem, Hic vero Elias non prophetatur Thesbites, sed simpliciter Elias quidam Propheta. Ideo ex Malachia nihil potest definiri de Elia Thesbite, ad stabiliendam opinionem veterem. Qui sumus, rogo, nos, qui addimus Thesbitem, cū Scriptura non addat? Fallimus igitur nos ipsos illa additione, Quare Christo & Gabrieli credendum est, Malachiam de Iohanne prophetasse. Hæc sunt solida & certa, Opinio autem est opinio. Est igitur Christi verbum sic intelligendum, Elias quidam venturus est, Id est, Vera audistis, vera dixerunt Pharisei, venturum esse Eliam, quia Scripturam oportet impleri. Ita oportet Eliam venire, & restituere omnia. Non enim præteribit unum jota à lege, &c. Sed hoc quod ita oportuit fieri & impleri, dico vobis, jam factum & impletum est, Vt intelligas Christum hic non prophetare de alio Elia venturo, Sed repetere & confirmare verba Phariseorum de Elia venturo ab Apostolis audita.

*Elias quidem venturus est, &c.*

*Et cum venisset ad turbam, accessit ad eum homo genibus provolutus ante eum dicens, Domine, miserere filio meo, quia lunaticus est & male patitur. Nam sæpe cadit in ignem, & crebro in aquam, Et obtuli eum discipulis tuis, & non potuerunt curare eum. Respondens autem Iesus, ait, O generatio incredula & perversa, quousque ero vobiscum? Usque quo patiar vos? Afferte hic illum ad me. Et increpavit illum Iesus, & exiit ab eo demonium, & curatus est puer ex illa hora.*

*De Lunaticis.*

Luna-



*Lunaticus.*

*Diversa da-  
monum ge-  
nera.*

*Legio.  
Potentia dia-  
boli.*

*Ira Dei & fu-  
ror Satanae fa-  
ciunt nobis gra-  
tiam Dei sua-  
viorem.*

*Pugnatio.*

*Diversa dae-  
monum genera.*

*Politia inter  
demonia.*

*Dalla spiritum.*

*Crapula.  
Acidie.*

Lunaticus iste fuit daemoniacus, Marc. 9. & satis malo daemone obsessus, Marc. 9. scilicet surdo, muto, & seipsum lacerante & volutante, spumante & frendente. Quia diversa sunt daemonum genera, sicut & hominum. Quia regnum & poli- 1. Cor. 15. tiam inter sese habent usque in diem judicii ubi Christus omnia evacuabit, 1. Co- rinth. 15. Et quis novit, an multi simul istum obsederint hominem? Sicut ille Lucae 8. unus appellatur, & tamen dicit sese vocari Legionem. Ita potest & hic in unum hominem, magna aliqua Legio per numerum pluralem significari. Et hor- ribile est audiri, permissione Dei tantum audere & posse daemones, ut unum ho- munculum, tot potentissimi, pessimi, astutissimi spiritus occupent & divexent, Quasi si unam cervam vel capream venentur multi Leones, seu lupi seu aliae bestiae hostiles, Sicut vulgo dicitur, A novem crabronibus seu aëstris occidi e- quum. Hæc finit fieri illa infinita bonitas, & ob oculos poni, ut discamus metue- re, & ad ipsius auxilium confugere. Quia sine istis miserijs & calamitatibus nos efficeremur securi contemptores Dei & omnis benignitatis ejus. Ideo sicut fames panem, sitis aquam, facit preciosiora, Ita istæ iræ Dei & furores Satanae faciunt no- bis gratiorem misericordiam Dei. Ideo cogitur Deus ita horribiliter irasci, ut lo- cum suæ misericordiæ paret.

Ideo & in Marco iste homo tam diligenter depingitur, & ob oculos horribi- Marc. 9. liter ponitur, quot modis hominem daemones cruciarint, Et additur desperatio, quod nec discipuli potuerint eum liberare, Scilicet ut appareat ira supra modum irata, seu (ut Paulus ait) peccans supra modum peccatum, Et glorificetur Christus in sua potentia, qui solus talem spiritum potuerit ejicere. Et tamen Christus utris- que tribuit culpam, arguens patrem & totam generationem incredulitatis, Deinde & Discipulos, Et quod mirabilius est, quod addit, Hoc genus Daemonio- rum non ejici, nisi jejunio & oratione, cum tamen simul dicat & patri hominis isti- us, Omnia esse credenti possibilia, Et Apostolis clarius, Nihil erit vobis impossi- bile. Ideo hic non sine causa quarritur, Quomodo ista duo concordent. Sunt enim veræ antilogiæ, cum dicat, Non ejicitur Daemonium, nisi per jejunium & orati- onem, Et tamen ejici potest per fidem, Et propter incredulitatem non posse ejici. Hæc videntur fortiter pugnare, quia sine jejunio per fidem ejici, & non per fi- dem, nisi jejunio, &c. ejici pugnatio sunt. Et textus non dicit, quod ipse Iesus ejecerit hoc daemonium per jejunium & orationem, sed simpliciter per imperium & increpationem.

Quid ergo dicemus? Si per opera non justificamur, quomodo per ea facie- 1. Pet. 2. mus miracula? Adde, quod daemon nihil curat opera, sed tantum Verbum & fi- dem, ut Petrus ait, Cui resistite fortes in fide, &c. Respondetur, Si nihil habemus, demus gloriam Deo, & dicamus, Nos ista nescire, præsertim cum distincte Chri- stus de isto genere definiat dicens, Hoc genus non ejicitur nisi jejunio & orati- one. Hoc sonat, Q. d. Alia genera daemoniorum ejici possunt sine jejunio & ora- tione, Sed hoc genus non potest, &c. quasi manifeste asserens diversa esse genera daemoniorum. Deinde cogitatio mea est, quod Christus istis verbis voluerit signi- ficare politiam inter daemones, scilicet, quod quidam sint deputati isti peccato, alij alijs, Vt alij sint spiritus superbiæ, alij invidiæ, alij avaritiæ, alij fornicationis, Et ita singuli præfecti inter illos, singulis vitijs præfint, veluti Provincijs sibi commis- sis. Igitur sicut Italiæ spiritus, est spiritus superbiæ, Germaniæ, spiritus crapulæ & e- brietatis, Græciæ, spiritus mendacij & levitatis, Galliæ, libidinis & perfidiæ, &c. Ita & in singulis hominibus, singula vitia habent suos spiritus, & præcipue istum spiritum, cujus vitio homo iste laborat.

Igitur dicere, Hoc genus non ejici nisi oratione & jejunio, Nihil aliud intelli- go, quam ostendi cujusmodi vitijs istud genus præfit, scilicet crapulæ & segnitiei spiritus, seu acidie, Ideo oportere eos, qui credunt, cavere istorum daemonum vi- 1. Cor. 11. cia, sicut alibi dicit, Videte, ne graventur corda vestra crapula & ebrietate. Hoc enim

enim ad fideles loquitur, ne fiducia fidei inceptæ securi stertant & crapulentur, quasi ista vitia sint sine periculo. Summa, cum non neget Apostolos potuisse ejicere, si fidem habuissent, Et incredulitatem eorum asserat fuisse causam, Certum est, aliud quiddam voluisse eum per orationem & jejunium significare, quam quod rudis auditor ex verbis capit, Scilicet id quod dixi, quod vitium dæmonum voluerit ostendere, Vel admonere fideles, ut sibi caveant à crapula & acidia, certo scientes, opera talia non esse bona, sed diabolica, Vt sit eadem sententia, quæ supra, Videte, ne graventur corda vestra crapula, &c.

Cui ista non faciunt satis, sentiat quod vult, & credat hoc genus non ejici, nisi jejunio & oratione, Et fateatur hoc esse singulare cum istis dæmonibus, Sed hi postea respondeant, quomodo possit dæmonium ejici operibus orationis & jejunij, sine fide? Quando enim dicit, Non ejici, nisi oratione, certe vi verborum excluditur, quicquid non est oratio & jejunium. Ergo & fides & charitas cum omnibus alijs virtutibus & operibus excluditur. Sed fidem excludi cum charitate, est impium, nedum absurdum, Ergo si donandum est, ut oratione & jejunio per fidem & in fide ejiciantur, donandū rursus est, per fidem sine operibus ejici. Nam clare sequitur, Quod habens fidem, ut granum sinapis, dicet monti, Cede, & transferor illuc. Et multo clarius dicit, Nihil erit impossibile vobis, Ergo si nihil impossibile fidei sinapis, etiam ejectio istorum dæmonum non erit impossibilis tali fidei. Quare necesse est, aliud intelligi in verbis jejunij & orationis, quam sonant, Alioqui pugnancia docebit Christus. Quare probabile est, Christum voluisse simul docere sobrietatem, ut supra dixi.

*Vermi inter-  
tus verborum  
Christi.*

Iam quod dicit, Fidem sicut granum sinapis, multi (præsertim Munzer) exaggerant. Supra Cap. 13. Regnum cælorum comparavit grano sinapis, Hic fidei comparat, Sed fides & Regnum cælorum cum sint simul & similia faciant & pati-  
*Regnum cælo-  
rum grano sin-  
api compara-  
tum.*  
antur facile idem de utroque intelligitur. Tamen istis nunc posthabitis, hoc loco simplici grammatica accipimus, fidem etiam parvam & primam (modo sit fides vera & certa) posse miracula facere in omnibus, Et præsertim in primitiva Ecclesia, seu tempore Apostolorum, quando erat Ecclesia fundanda, & necesse erat Miracula fieri. Vnde & multi etiam minores Sancti in principio Ecclesiæ, fecerunt miracula, eadem & similia Apostolis, qui majores erant. Sed postquam firmata fides & Ecclesia per orbem fuit, cessaverunt signa & tandem secutum est novissimum seculum, in quo Antichristus fecit miracula, etsi falsa & mendacia, ad deceptionem incredulorum, ut Paulus dicit, Thessalon. 2.

Si quis tamen volet philosophari, poterit granum sinapis tractare secundum naturam & formam, Scilicet, quod sinapis est rotundæ figuræ, Ita & fides debet esse rotunda, id est, omnibus articulis credens (quantumlibet parva) Nam qui unum articulum non recte credit, in omnibus non recte credit, sicut Iacobus dicit, Qui peccat in uno, sit omnium reus. Et ita, qui in uno Articulo fidei dubitat vel non credit (saltem pertinaciter) solvit rotunditatem grani, & ita nihil potest boni facere. Ita natura sinapis est acris saporis, id est, fides debet esse crucifixa & tentationibus acta, ut cogatur clamare & invocare Deum. Ita fides rotunda est donum Spiritus gratiæ, Fides acris sensus spiritum precum excitat. Hæc fides nunc facit bona, olim etiam miracula, cum opus erat. Sicut scriptum est, Dabo vobis spiritum gratiæ & precum.

*Forma sinapi.*

*Natura sinapi.*

Sequitur pulchra Historia, quomodo Christus sese gessit erga Magistratum politicum, Primo sinit fieri, ut Petrus à Publicanis requiratur de censu annuo, ut & occasio fiat dicendi de duplici Regno, scilicet cœlesti & terreno. Ergo antequam Petrus refert, prævenit Christus, & dicit, A quo accipiunt terreni Reges tributum? Et est sententia, Scio Petre, nos esse Reges & Regum filios, Ipse Rex regum sum, ut nullo jure à nobis census petendus sit, Sed illi potius deberent pendere. Qui sit igitur (Mi Petre) ut à te petant, cum sis Regis filius? Quid videtur tibi, an juste petant seu exigant à recensum? Sed quia Christus hanc Questionem generali modo proponit, Etiam generaliter respondet Petrus pro sua

simplicitate, dicens, Non filij, sed alij solent pendere censum, Ignorans, quod Christus suis verbis ipsum dixerit filium Regis.

*Christi simplicitas.*

*Suavissime  
Christi conver-  
satio cum disci-  
pulis.*

Ex quibus intelligere est, quam suavis fuerit conversatio Christi cum discipulis. Quia hic velut ludens jucunde jocatur cum Petro, velut cum infante, qui sine dolo simplex est, & delectatur Christus illius simplicitate infantili, Et tamen nihil levitatis hic vides, sed merā gravitatem & majestatem in Christo, latentem de simplicitate Petri. *Es mus ja ein sein/ freundlich/ lieblich Gesellschaft seyn geweest* inter Christum & Discipulos suos, ut hic locus arguit, Tanquam si quis cum Filio infante, vel cum suavissimo sodale nugetur, Nisi quod istæ nugæ Christi sic sunt seriæ, ut simul sint suavissimæ, Ac si spectes, quanta sit persona, quæ sic nugatur cum Petro, non possis non summo amore erga Deum affici, Qui dignetur (omissa Majestate) cum istis idiotis sic joculari, ludere & veluti nugari usq; ad suspicionem levitatis. Non sic fecisset Caiphas, non Pharisei, non cæteri Hypocritæ, Sed si audissent vel vidissent talia, mox rugata fronte dixissent, Ecce quam est ille bonus & magnus phantasta, qui cum istis rusticis sic ludit, &c. Sed nobis sunt ista solatia & irritamenta fidei, ad amandum illum familiarissimum & suavissimum, Christum, qui non aspernatur stultos seu simplices.

*Sed ne scandalisemus eos, &c.*

*Christi regnum  
spirituale.*

Hæc est ratio ab ipso Domino reddita, Cur sit obediendum Magistratui prophano, Ideo est ponderanda & observanda, tanquam sententia prolata à summa Majestate, scilicet, quod Magistratus sit honorandus, ne scandalisentur, id est, ne possint Christianos accusare seditionis, ut qui nollent obedire potestati, sed novum Regnum civile moliantur. Quo simul significat Regnum suum non fore civile seu mundanum, Q. d. Petre, vade & scito, nos esse in alio Regno Reges & filios Regis, Sinito illis suum Regnum, in quo sumus hospites, Ideo solvamus Hospiti debitum suum, ne dicant nos esse perfidos in eorum Regno, qui eorum bona comedamus, & non solvamus. Oportuit enim Discipulos admoneri sapius, ne sperarent Messiam futurum Regem mundanum, Sed discerent aliud esse Regnum, Et hoc principaliter agit Christus hoc loco, ut distinguat ista duo Regna. Filij, inquit, Regni sumus, sed non hujus regni mundani.

*Christus confir-  
mat politicum  
magistratum.*

Confirmat igitur hoc loco Magistratum quidem, Sed tamen non eum justificat, nec beatificat coram Deo, Imo separat eum à Regno suo. Ideo quantum habent Reges ex hoc loco autoritatis & gloriæ in Mundo, tantum habent timoris & desperationis, quod non pertineant ad regnum Dei, Ne inflentur, quod eorum status à Deo probetur. Sicut status Conjugij probatur, sed non per hoc justificatur nec salvatur. Hoc dicendum est, quia mirè inflantur nunc etiam impij Principes, imo & nostri Proceres quoq; postquam audiunt Statum suum probari, quasi ideo sint futuri salvi, Non cogitantes, quod in isto statu nihil meliores sint Turcis & omnibus Gentibus. Quia & sub Turca coguntur Christiani obedire Magistratui, sicut hic Christus Romanum Magistratum approbat, & tamen damnatus erat apud Deum idem magistratus. Sic & nostri sunt, si sine fide sunt. Sed hoc esset tolerabile & bonum, si Magistratus acciperet Drachmam etiam à pijs, Nunc vero fiducia approbationis à Deo persequuntur etiam Deum ipsum à quo approbantur, Sicut Christus à Romano Magistratu occisus est. Deus enim benediceret Regnis, ut census haberent in æternum, Sed quia contenti non sunt hac benedictione, persequuntur Benedicentem, & ita cogunt eum, ut eis maledicat, & deponat potentes de sede.

*Magistratus per  
sequitur Deum.*

Demittit autem sponte sese Magistratui, & dicit, Ne scandalisemus eos, Q. d. In isto Regno cum simus peregrini, & jure ipsorum cogimur vivere, ne videamur in eorum domo seditiosi esse, obediamus eis, & demus debita. Tamen ut ostendatur, quod ego sim Dominus omnium, etiam istius Regni, Vade & sis Monetarius in ore piscis, & profer staterem ex ore ejus, O mirabilem Monetarium, qui si-



qui sine auro, argento, pauper mendicat, & ostendit sese vel in ore piscis cujuslibet posse facere aureos montes, si velit. Ergo gratuita est subiectio ista erga Magistratum, Tanquam si rex maximus mundi volens veniat, in domum leproforum, & jure hospitij det obulum, Interim ignorante hospite, quantum Regem in ipso suo Regno habeat.

## CAPUT XVIII.

**H**Oc caput est unum de principalibus. Quia continet saluberrimos locos de Regno Christi & clavibus, seu de remissione peccatorum.

Primo de Regno Christi movent Discipuli quæstionem, Quis sit major in Regno coelorum, Hanc eorum stulticiam non solum benigne fert, sed etiam arripit pro occasione loquendi & docendi de Regno. Erat enim in isto populo radicatissima opinio, regnum Messiae fore temporale & mundanum, ita ut impossibile fuerit eam e cordibus omnium eximi. Ideo contra hanc opinionem hic agit potenter & prolixè, ut eradicet istum carnis sensum e cordibus discipulorum, & facit prosopopœiam advocans puerum, ut tenacius hoc spectaculo hæreant ea, quæ dicturus est. Q. d. Video verbis nudis non satis moveri vestrum carnis sensum, ideo statuo hunc puerum coram vobis, ut ejus postea & semper memineritis. Ecce hic est puer, Dicite, Num is sit idoneus ad regnum mundi seu temporale, quod vos somniatis absque dubio? Miserum Regnum imo nullum regnum foret, quod à puero isto regi deberet. At quam idoneus est iste puer ad regendum regnum mundi, Tam ineptum est cogitare, Regnum meum esse de hoc mundo. Quia tale est Regnum, quod ego incipio, ut omnes mundi Sapientes, multo minus de eo intelligant, quam iste puer de mundi regno intelligat. Ponenda erga est opinio & cogitatio de regno Mundi, quando de regno meo vultis loqui, Quia erit tale regnum meum, in quo vos oportet esse pueros, qui regantur, non regant, Sicut iste puer in Regno mundi non regit, sed regitur.

Summa, aliud Regnum ego ordior à Regno mundi, In quo vos non faciam Reges, sapientes, justos, in hoc seculo, sed Subiectos, stultos, peccatores, coram mundo, Sicut iste puer rectus, stultus, & virgis subiectus est. Alia ergo cogitatio de meo Regno vobis necessaria est, quam illa vulgaris, Quia non reges sed pueros vos faciā, non sapientes, sed stultos, non justos, sed hæreticos & igne dignos, Sic enim & factum est, ut Christiani sint populus in flagella paratus, ut Psalm ait. Cæditur enim & plagis exercetur etiam immeritus. Occultior hic Theologia est talis, Quod Christus respicit ad peccatum originale, in quo Adam voluit (sensu Diaboli) Vir & sapiens fieri, dum non subiectus verbo Dei mansit, sed iudex factus est verbi Dei credens, Deum talia non præcepisse, aut odio præcepisse, Hoc erat Deum judicare & se super Deum extollere. Ideo hic docet Christus oportere nunc contraria fieri, ut Adam sapiens & vir, animo perverse factus, fiat nunc puer & stultus, qui ergo & coram Deo sese humiliet, nihil scire aut sapere velit, sed libenter audire & lequi doctorem Deum, sicut patrem & magistrum, quem antea voluit docere & ducere.

Hoc est quod dicit, Nisi conversi fueritis, id est, *Ihr müßet wieder Kinder werden / Ihr seyd zu frile weise oder Männer worden / Sicut Iohan. 3. Ihr müßet anderweil geboren werden.* Nam hæc est Ebraica phrasis, Conversi fueritis & parvuli efficiamini, quam nos Germani per adverbium loco Verbi sic effertimus, *wieder Kinder werden / Vt alterum verbum converti, sit adverbium, rursus seu denuo.* Per hæc nunc respondet, sed indefinite, dicens, Majorem fore in regno suo, qui rursus puer fuerit factus, Q. d. *Ach denckt nicht / wie ihr groß werdet / Sondern wie ihr klein werdet / Das groß werden wird sich wol finden / wenn ihr klein worden seyd / Es gilt in diesem Reich nicht groß werden / Sondern klein werden / Aber jederman wil groß seyn / niemand wil klein seyn / dieselben gehören in diß Reich nicht.* Nam sange, omnes fieri sicut parvulus

iste, Quomodo omnes sunt majores in regno? Ergo vi verborum sequitur, in Christi regno nullum esse majorem, sed omnes esse æquales. Quia si pariter omnes erunt, sicut iste parvulus (sicut post fuerunt omnes Apostoli) Ergo omnes sunt pariter Majores, Ergo nulli majores, sed omnes æquales. Quare in hoc Regno Christi, non cadit, nec locum habet cogitatio de Majoritate, sicut in mundo, sed de Minoritate simili istius parvuli, Tum erunt omnes magni, majores, maximi, quia erunt æquales, fratres, cohæredes, & omnium rerum simili gloria participes, &c.

*Si manus te scandalizat &c.*

Hoc dicitur & intelligitur sicut illud de Eunuchio, qui seipsum castrare debet. Ita igitur manus & pedes & oculos excidere intelligitur, non seipsum corporaliter truncare, sed cohibere per Spiritum seu fidem. Est duplex hic sensus, prior est de membris corporalibus, seu proprijs, hæc sunt amputanda, id est spiritu coercenda, ne manus, oculus, pedes, faciant, quæ peccatum postulat. Recte enim dicitur, illum non habere manus homicidij, qui opus homicidij coerces in se, Ita oculos Adulterij non habet, qui adulteria odit. Hoc est vere amputare membra, cum ea non sinimus esse arma iniquitatis ad iniquitatem Rom. 6. Sicut è contra-  
rio posses dicere eadem figura, si cæcus es, si cares manu & pede, tape seu accipe oculos, manus, pedes, id est, fac ut Spiritu oculos tuos videre jubeas casta, Manibus beneficia, pedibus innoxia facias. Igitur de usu membrorum, non de substantia loquitur. Quia Spiritus est usus rerum. Quia quid est substantia sine usu, nisi mors & nihil? Quid est manus, quæ facit nihil aut potest? Inde spiritui sancto vivificatio seu usus. Nam vita quid est aliud, quam usus ipsius rei, sine quo res est mortua & velut nihil? Vt oculos non videns, est sicut non oculus, Imo & inanimata, quod sint sine motu & usu, quasi nihil sunt, ut terra non germinans, aut usu aliquo serviens, est terra illa informis & vacua, Gen. 1. donec ornetur herbis & ac-  
quirat usum. Gen. 1.

Orali.  
Mani.  
Pedes.

Posterior sensus est de membris allegoricis seu Politicis, In quo sensu, oculi sunt gubernatores, doctores, & omnis generis superiores etiam parentes, Manus sunt omnes, quorum adjutorio, favore, opera, opus habemus, ut sunt omnes amici, uxor, propinqui, cives, socij, Pedes sunt subditi nobis & omnia quæ gubernare debemus filij, familiæ, possessiones &c. Nunc concludit, Melius est his omnibus carere, ut salvus fias, & intres sine illis in cælum, velut monocus, mutilus, claudus, quam ut cum istis omnibus, vadas ad infernum. Nihil enim tunc proderit, quod habeas talia omnia, scilicet utrosq; oculos, manus, pedes, Hoc est, propter nullum hominem est negligendus Deus. Sgnificat simul istis verbis, quam multi imo totus mundus, propter oculos istos & manus contemnat Regnum Dei, & potius ad infernum istis salvis vadant, quam istis neglectis studeant intrare Regnum Dei. Nam tantus Doctor non loquitur de re parva, aut de paucis aliquibus hominibus, sed de maximis rebus, ut sunt, justitia, sapientia, Lex &c. & de optimis in mundo hominibus, Et tamen hi perdunt se propter talia.

Ideo etiam exclamat dicens, Vch mundo à scandalis, Ach wie weit sieht hie der Mann in die Welt / vnd flagt wie es daselbs zugehe / Scilicet, daß auch die Augen vnd hende ergernis geben / Non tantum privati oculi & manus (quod minimum est malorum) sed etiam Ecclesiastici seu politici, scilicet quod illi, qui alios docere & regere debent, ipsi scandala ponunt, non solum exemplo (quod etiam minus est) sed & verbo, dum docent Ecclesias & populos impia & perversa dogmata, Et difficile est hos oculos eruere, manus amputare, id est, eos vitare, quia ipsi sunt in regimine & volunt audiri, vel occidunt, qui resistunt. Hos igitur terret istis horribilibus minis. At ipsi fortissime eas contemnunt, præsumentes sese esse non scandalizatores aut dissipatores, sed ædificatores & servatores, Et in obsequium Dei occidunt veros ædificatores, & servatores Ecclesiæ. Sed veh illis.

Necesse

*Necesse quidem est scandala venire &c.*

Necessitas non est coactionis, sed consequentiae (ut dicitur) scilicet hoc modo, Necesse est habere oculos & manus, Id est, necesse est habere in officio & ministerio aliquos. Quia Ecclesia non potest esse sine ministris, sicut nec corpus sine oculis & manu. Ministerium necessarium est, sed inter istos necessarios ministros, seu necessarium ministerium, impossibile est caveri, quin oriantur sectae, Sicut & Paulus dicit, Oportet haereses esse, &c. Es kan diß leben nicht anders seyn/ denn es müssen böse Engel vnd gute Engel in Ecclesia seyn/ Wie Apoc. sagt/ Sicut etiam ab initio in coelo fuit, Aber doch wehe den bösen Engeln. Ergo vita istos malos Angelos.

Et hoc est, quod solemus docere, scilicet duplex scandalum, scilicet operis & verbi, seu vitae & doctrinae. Scandalum vitae est privatum seu personale scandalum, Scandalum doctrinae est publicum & reale scandalum, Et de hoc publico scandalo (ut infinitis modis nocentiore quam privatum sit) potissimum Christus hic loquitur. Quia doctores impios maxime designat, quos & horribiliter odit, & eistam severiter minatur. Denn sie sind es/die den rechten schaden thun/ Heissen gleichwol Pastores, Patres, Ah heilige Väter der Kirchen/ etc.

ENARRATIO D. M. L. IN  
PSALMVM LI. MISERERE MEI DE-  
VS, EX PRÆLECTIONIBVS EIVS, ANNO  
M. D. XXXI. Collecta, edita vero à M. Vito Theodoro.

Anno M. D. XXXVIII.

PSALMVS LI.



Miserere mei Deus, secundum magnam misericordiam tuam, Et secundum multitudinem miserationum tuarum dele iniquitates meas.

Amplius lava me ab iniquitate mea, & à peccato meo munda me.

Quoniam iniquitatem meam ego cognosco & peccatum meum contra me est semper.

Tibi soli peccavi, & malum coram te feci, Vt justificeris in sermonibus tuis & vincas cum iudicaris.

Ecce enim in iniquitatibus conceptus sum, & in peccatis concepit me mater mea.

Ecce enim veritatem dilexisti, incerta & occulta sapientiae tuae manifestasti mihi.

Asperges me Domine Hyssopo, & mundabor, lavabis me, & super nivem dealbabor.

Auditu meo dabis gaudium & laticiam, & exultabunt ossa humiliata.

Averte faciem tuam à peccatis meis, & omnes iniquitates meas dele.

Cor mundum crea in me Deus, & Spiritum rectum innova in visceribus meis.



Ne projicias me à facie tua, & Spiritum Sanctum tuum ne auferas à me.  
Redde mihi læticiam salutaris tui, & Spiritu principali confirma me.  
Docebo iniquos vias tuas, & impij ad te convertentur.  
Libera me de sanguinibus Deus, Deus salutis meæ, & exultabit lingua  
mea justiciam tuam.

Domine labia mea aperiens, & os meum annunciabit laudem tuam.  
Quoniam si voluisses, sacrificium dedissem, Vtiq; holocaustis non de-  
lectaberis.

Sacrificium Deo Spiritus contribulatus, Cor contritum & humiliatum  
Deus non despicias.

Benefac Domine in bona voluntate Sion, Vt ædificentur muri Ierusalem,  
Tunc acceptabis sacrificium justiciæ, oblationes & holocausta, tunc im-  
ponent super altare tuum Vitulos.

## AD CHRISTI GLORIAM ET ECCLESIAE UTILITATEM, EDI-

ta est hæc Psalmi L. I. illustris Enarratio, Reverendi Patris D.  
Martini Lutheri.

### PRÆFATIO D. MART. LVTH. in Psalmum L. I.

*Enarratio  
in Psalmum L. I.  
Catalogo An-  
no 40.  
Argumentum  
Psalmi L. I.  
Luth. I.*



*Narravimus proximo vere Psalmum secundum, de rege  
Christo, & spirituali ac cælesti ejus Regno, quomodo in hoc mundo accidatur,  
quomodo vexetur & laceretur per Reges ac populos, & tamen vincat & trium-  
phet, Nunc autem instamus Enarrationem Psalmi Miserere, qui docet de Pœnitentia,  
non quod pollicear me posse huic Lectioni satisfacere, Fateor enim me illam Spiritum non  
totum apprehendisse, qui ibi loquitur; Sed tantum ut habeamus occasionem & materiam co-  
gitandi ac discendi, ut ego vobiscum fiam discipulus, & expectem Spiritum, qui quidquid  
dabit, accipiemus cum gratiarum actione. Est autem multis modis hujus Psalmi cognitio tum  
necessaria, tum utilis. Continet enim doctrinam de precipuis nostre Religionis capitibus, de  
Pœnitentia, de Peccato, de Gratia & justificatione, Item de cultu, quem nos Deo prestare debe-  
mus. Hi sunt divini & cælestes loci, qui nisi magno spiritu doceantur, non est possibile, ut  
ascendant in cor hominis, Sicut videmus hanc doctrinam ab adversarijs nostris magno cona-  
tu, multis ac immensis voluminibus agitatam, Et tamen nemo ex omnium eorum numero  
est, qui sane intelligat, quid sit Pœnitentia, quid peccatum, quid Gratia, Sed sunt eis hæc vo-  
cabula cœsomnium quoddam, cujus vestigia quadam in animo relictæ sunt, sed tota res ex  
animo atque oculis effluxit. Est autem hæc causa tanta cecitatis & ignorantia, quod vera  
cognitio horum locorum non pendet ex cognitione & sapientia rationis humana, Nec nasci-  
tur, ut sic dicam, domi nostra, in cordibus nostris, sed de cælo revelatur & datur. Quis  
enim hominum sic posset loqui de Pœnitentia & Remissione peccatorum, sicut Spiritus sanctus  
in hoc Psalmo loquitur?*

*Pœnitentia  
Psalmus.*

*Definitio actus  
in peccato.*

*Ac vulgo hic Psalmus, Pœnitentia Psalmus appellatus est, & celeberrimus est inter  
omnes, in templorum usu & quotidianis precationibus. Et sane intellexit aliquid, qui pri-  
mus hunc titulum Psalmo indidit, Sed reliqua turba, quæ enim aut decantat quotidie, aut o-  
rat, ut absolvat injunctas ab Episcopis operas, prorsus nihil intellexit. Applicaverunt enim  
Psalmum ad pœnitentiam operum, seu peccatum Actuale, quod sic definiunt, esse dictum sa-  
ctum aut cogitatum contra legem Dei. Sed hæc definitio longe est angustior, quam ut peccati  
magnitudinem, & vim ob oculos ponat. Altius enim peccatum inspicendum, & radix im-  
pietatis, seu peccati clarius ostendenda erat, non simpliciter erat resistendum in actibus elici-  
tis, ut*

sis, ut vocarunt. Ex hoc errore, quod peccatum non recte intelligitur, alius error, ut sit, nascitur, ut neq. Gratia quid sit intelligatur. Accidit igitur, ut in erigendis pavidis conscientijs, in consolandis mentibus contra mortem & iudicium Dei, essent ineptissimi. Quomodo enim consolari potest, qui, quid Gratia sit, non intelligit? Ergo ad illa stulta prolapsi sunt, ut hominibus oppressis conscientia doloribus suaderent cucullos, regulas, & similes nugas, quibus placari Deum credebant. Hac autem manifesta testimonia sunt, quod neq. peccatum, nec Gratiā recte intellexerunt, & simpliciter Theologiam rationalem, sine verbo Dei docuere.

Adeundem modum de Pœnitentia quoq. docuere, ut homines colligerent totius anni prateriti transgressiones, & de ijs dolerent, ac satisfactione ea expiarent. Sed quaeso, num Index ideo furem non suspendit, quod audit eum fateri furtum, & dolere videt? Et isti Deo sic satisfactum putant, scilicet, si ad hunc modum fingant dolorem, si aliter vestiant, aliter incendant, aliter victitent. Quare lectio huius Psalmi precipue ad hanc rem erit utilis, ut caput a ista nostra doctrina recte discamus intelligere, & adversarios nostros, sic impure de gravissimis rebus disputantes, erudite & graviter possumus refutare. Nam meo exemplo comperi, cum aliquoties laboraret conscientia mea, quam nihil opis asferre possent profana ipsorum disputationes. Sapius autem adhortatus sum Ecclesiam ad gratiarum actionem pro hoc ingenti dono Verbi, & pura doctrina, quod pulsus his cœ tenebris, clarum verbi lumen illuxit.

Ut igitur ad Psalmum veniamus, Proponitur hic doctrina de vera Pœnitentia. Sunt autem in vera Pœnitentia duo, cognitio Peccati & cognitio Gratia, seu, ut notioribus appellationibus utamur, timor Dei, & fiducia misericordia. Has duas partes David in hac oratione, cœ in illustri pictura spectandas proponit. Initio enim Psalmi videmus eum laborare ex cognitione peccati sui, ac gravamine conscientia, In fine autem consolatur se fiducia bonitatis Dei, Et promittit se alios quoq. eruditurum, ut convertantur. Sic plane apparet Prophetam singulari consilio in hoc Psalmo voluisse relinquere veram sapientiam religionis divinæ, explicata sanis verbis, & sano sensu, ut quid Peccatum, quid Gratia, quid tota pœnitentia esset, disceremus. Ac sunt huius generis alij quoq. Psalmi, sicut Psalmus, Beati quorum remissa, Item, De profundis clamavi. Nam in hac doctrina tradenda, artifex est David, Ita tamē, ut nobiscum in usu huius doctrina maneat discipulus. Quia omnes homines, quantumvis illustrati Spiritu sancto, tamen manent discipuli Verbi, manent infra & circa verbum, & experiuntur quod vix gustulam ex immenso Spiritus pelago haurire possint.

Dixi paucis Argumentum & ordinem Psalmi, jam etiam de Titulo dicendum est, Est autem nota historia ex secundo libro Samuelis cap. 12. Mihi igitur non est dubium, hunc Titulum occasionem dedisse Scholasticis, ut eum & de persona Davidis tantum, & de actualibus ejus peccatis intelligerent. Videtur enim solus David loqui in propria persona & proprio peccato adulterij & homicidij. At mirum est, quod non docuerunt etiam Psalmum hunc, tantum in hoc uno peccato orandum, Sed permiserunt exempli loco haberi & orari in omnibus alijs peccatis, Sicut Paulus dicit, Dominus Iesus fecit me in exemplum omnium credentium in se, cum tamen non omnes credentes fuerint persecutores Ecclesie, Sed Christus in Paulo suam longanimitatem, mansuetudinem, & infinitam misericordiam ostenderit, ne desperent alij in peccatis. Adeundem modum etiam hunc Psalmum, cœ exemplum orationis in omnibus peccatis proposuerunt, quamvis eum tantum de actuali peccato Davidis intelligerent, cuius titulus meminit.

Sed nobis longius progrediendum est, nec resistendum in peccatis illis exterioribus, sed tota peccati natura, fons & origo intinenda est, Loquitur enim Psalmus de toto peccato, seu de radice peccati, non solum de externo opere, quod cœ fructus, ex arbore peccati & radice enascitur. Nam quod deprecatur se in peccatis conceptum esse, hoc profecto non tantum ad adulterium pertinet, sed ad totam Naturam peccato contaminatam, Et tamen non displicet, quod Davidis factum cœ exemplum proponitur. Nam in hoc facto plura, quam unum cum Bethseba peccatum, videntur. Adjicit enim adulterio pessimum consilium, Pronunciat illum, qui ovem ademit vicino inopi, virum mortis esse, cum ipse suum peccatum in occiso Vria (homine sine dubio pio & egregia in Regē suum fide) item in crepta Cōiuge, non videret, Sed vellet adhuc sanctus & amans juris ac iusticia videri. Hoc vero est duplicare peccatum. Deinde non Vria solum indigna cades per ipsam adornata est, sed perierunt alij Israhelita, Blasphema-

Utrum huius  
Psalmi.

Argumentum  
& ordo huius  
Psalmi.  
Pœnitentia  
partes.

Titulus huius  
Psalmi.

Scholastici de  
actualibus pec-  
catis Davidis  
hunc Psal. in-  
tellexerunt.

Psalmus de ra-  
dice peccati lo-  
quitur.

Davidis pecca-  
tum multipli-

tur nomen Domini, Et sic ultra quintum & sextum praeceptum progressus, etiam in primum, secundum & tertium praeceptum peccavit. Nec quartum praeceptum de officio erga parentes omisisset inviolatum si obstitisset cupido adulterio. Et sane blasphemia peccatum Deus peculiariter ei obijcit, Tu fecisti filios Ammon blasphemare. Nam ex clade sui populi, Gentium animi elati sunt contra populum & Deum Israel, ut clamarent, Deum Israel nihil esse, Deum autem Ammonitarum, esse Deum, ac vincere. Ergo insigne exemplum est David, sic ordine in totum Decalogum fere impingens, Et tamen peccata ista non agnovisset, nisi venisset Nathan, sed volebas adhuc justus & sanctus Rex haberi.

Blasphemia peccatum exprobratum per Nathan.

1. Sam. 12.

David omni peccato victor, tunc excellens.

1. filius David, qui propheta peccavit.

Ad hunc modum explicatum peccatum David, satis illustre gratiae & peccati exemplum est, Ac sane nisi sacra litera hanc historiam prodidissent, quis unquam crederet, virum tam sanctum eo usque potuisse prolabi? Instituerat Cultum tabernaculi summa cura, per Spiritum sanctum, auxerat cultum illum sanctissimis Carminibus, gravissima bella cum insigni felicitate gesserat, Deus eum pronuntiabat electum Virum esse, Habebat illustrissimam promissionem de futuro Semine, seu de Christo, quem Propheta filium Davidis, item, Regem David appellarunt, Quid multis? Nulla causa fingi potest, cur non cum Mose & cum Samuele iure conferri possit, Et tamen Vir tantus prolabitur non in unum leve peccatum, sed in monstra plurimum peccatorum simul, Et quod periculosissimum est, prolabitur in impietatis, & altam securitatem, adeo, ut si Nathan non venisset, David sorte peccasset in Spiritum sanctum.

Quod igitur tantus vir repletus Spiritu sancto, summis bonis operibus divina sapientia, & pra alijs insigni Prophetia dono illustris tam facile labitur, nobis in exemplum sit, ut habeamus consolationem, cum praoccupati peccatis labimur, aut conscientia tanguntur sensu ira &

Exemplum iudicii Dei. Hic enim in luculentissimo exemplo lucet bonitas, & misericordia Dei, parati ad remittenda peccata, & justificandos nos, Tantum ne addamus hoc operculum, ut negemus nos peccasse, Sicut Saulis historia ostendit, qui etsi peccarat contra vocem Domini, tamen id condonatum esset, nisi addidisset peccati defensionem, & dixisset, Implevi verbum Domini.

1. Sam. 15.

1. Sam. 15.

Deus remittit peccata ista, qui ea agnoscent.

Idem cum secundo admoneretur, pertinaciter negat, imo, inquit, audiui vocem Domini, & ambulaui in via, per quam misit me Dominus. Audit igitur ex Samuele tristem sententiam, Pro eo, quod abiecasti sermonem Domini, abiecit te quoque, Dominus, ne sis Rex, Quasi diceret, Paratus quidem est Dominus remittere peccata, sed his, qui peccata sua agnoscunt, & tamen non desperant, sed credunt patere recursum ad illum Deum, qui promissit penitentibus remissionem peccatorum &c.

Ergo, etsi Psalmus loquitur de tota natura peccati & fonte, non tamen excludimus Historiam, quam ostendit titulus, nempe adulterium & cadem Vria. Nam in his suis peccatis videt David cem in speculo totius naturae impuritatem, ut cogitet, Ecce ego, qui sic administra- vi Rempubl. qui institui Ecclesiam & cultum Dei, qui in intellectu manuum mearum deduxi eos, Psal. 78. quomodo in tantam seditatem, in tot ac tanta peccata prolapsus sum? Ex uno igitur peccato venit in cognitionem totius peccati, Quasi diceret: Si ego tantus vir sic, quasi de caelo in infernum usque, prolapsus sum, an non magnum mihi & alijs hic lapsus documentum est, nihil boni esse in carne mea. Magna itaque sapientia est, scire nos nihil esse, quam peccatum, Ne sic leviter de peccato sentiamus, sicut Papa doctores, qui definiunt, Peccatum esse dictum, factum, aut cogitatum contra legem Dei, Quin tu sic defini, secundum hunc Psalmum, Peccatum esse hoc totum, quod est natum ex patre & matre, antequam homo possit per a- tem aliquid dicere, facere, aut cogitare, Ex hac autem cem radice nihil boni coram Deo nasci posse. Hinc nascitur divisio peccati. Nam tota natura primum per peccatum corrupta, & a- terna morti subiecta est, Deinde alia cem species peccati est, quod homo habens Legem, potest agnoscere, cum scilicet furta, adulteria, caedes &c. committuntur. De hoc posteriore genere et-

psal. 72.

Peccatum quid sit, secundum Scholasticos.

Peccatum quid sit, secundum hunc Psalmum.

Naturalia offensa.

iam civilia iura loquuntur, quanquam minus accurate.

Quod igitur Scholastici dicunt, Naturalia esse integra, magna ea blasphemia est, quanquam illa adhuc major est, quod etiam de Damonibus idem iudicant. Si enim naturalia essent integra, quid opus esset Christo? Deinde si homo naturaliter habet bonam voluntatem, Si habet intellectum verum, cui se voluntas, ut ipsi loquuntur, naturaliter potest conformare, Quid tandem illud est, quod in Paradiso per peccatum amissum, per solum filium Dei restitui necesse fuit? Et tamen sententiam hanc quidam, ut videntur, Magistri Theologi no-



stra acate defendunt, quod naturalia sint integra, id est, quod voluntas sit bona, etsi aliquando per malitiam vult, aut cogitat aliud quam quod rectum & bonum est, tribuunt id malitiae hominum, non simpliciter voluntati sicut in se est. Contra has periculosas opiniones muniendus est animus, ne cognitio Gratiae obscuratur, quam impossibile est manere sanam & integram, si ad hunc modum de natura hominis sentiamus. Iam illud quoque, nullo modo tolerari in Ecclesia potest, quod docent Scholastici, Hominem posse facere Legem, quo ad substantiam facti, sed non quo ad intentionem praeipientis. Nam secundum intentionem praeipientis requiri non solum opus, sed habitum in corde, qui vocatur gratia, Perinde ac si dicam, Eum, qui manibus ac pedibus valet, recte posse obire summum munus, sed id impediri eo, quod non simul indutus sit nigra aut candida toga. Plane ad hunc modum dicunt, Deum exigere aliquid ultra Decalogum, nec contentum esse, si quis Decalogum impleat, sed requirere etiam habitum. Hac portenta omnia inde enata sunt, quod, quid peccatum sit, non recte norunt. Recitantur autem à me eo consilio, ut videamus, quantum inter nostram sanam, & illam prodigiosam ac mendacem doctrinam Papa intersit.

Imple docent Scholastici, hominem posse facere legem.

Nos enim sic dicimus, Naturalia esse extreme corrupta. Nam Adam, cum esset conditus habuit rectam voluntatem & intellectum, integre audiebat, videbat, integre curabat terrena in laude & fide Dei, Sed per lapsum postea corrupta est voluntas, intellectus, & omnia naturalia, Ita ut homo non amplius sit integer, sed incurvatus per peccatum, ut qui amisit iudicium rectum coram Deo, & omnia perverse statuit contra voluntatem & legem Dei, qui non amplius cognoscit Deum, nec amat, sed fugit & metuit, ac statuit eum non Deum, hoc est, misericordem & bonum esse, sed iudicem & tyrannum. Ex illa amissione notitiae Dei, nascuntur alia peccata infinita, quod homines, cum res secunda sunt, secure peccant, sicut adversarii nostri, qui persequuntur Verbum, fiducia sua potentia. Deinde credunt Deum ea esse voluntate, ut ipsi sua diligentia & devotione eum possint demereri, & sibi reconciliare. Hinc nata sunt Monasteria, Regula, cuculli, funes, Missa, peregrinationes, & similes stulti cultus, quos natura destituta cognitione Dei, sibi contra & prae Verbum finxit. Hac an non certissima sunt indicia, naturalia (quod ad Deum & Dei cultum pertinet) esse corruptissima? Sic in Veteri Testamento idem comprobant varij Idolorum cultus, contemptus Prophetarum & verbi Dei, & similia peccata, quae Deus per Prophetas in ingrato populo damnat.

Naturalia extreme corrupta quod ad Deum pertinet.

Peccata infunduntur ex amissione notitiae Dei &c.

Sed ne in civilibus quidem possumus pronuntiare, Naturalia esse integra. Videmus enim quantus sit Legum contemptus praeipientium recta, & quanta dissolutio disciplina, propter quam Leges & Magistratus divinitus constituti sunt, Sic Medicus saepe decipitur in misceendis pharmacis, & nonnunquam per imperitiam occidit decumbentem, Quin ipsum oculorum lumen, aures, & alia organa omnia conceperunt vitium ex peccato, neque ita sunt sana & integra sicut in Adamo ante peccatum fuerunt. Hac sensuum corruptio manifesta est, quid in spiritualibus esse putas? Sumus igitur per peccatum simpliciter aversi à Deo, ita ut nihil de Deo recte sentiamus, sed simpliciter sentimus de ipso, sicut de Idolo. Cicero & alij in Republica magni viri, si res spectes, egregie functi sunt suo munere, sed si evolvas animos, videbis eos non alia re ad id excitatos, quam studio gloria, Sicut testatur gnome illa celebris, Mentem tu sola peruris gloria. Hac vero an non etiam manifesta nota est amissa notitia Dei, cui per obedientiam servire debebamus, non nostram querere gloriam, Nunc autem diversum fit, quod non Dei gloriam, sed nostram ipsorum gloriam quarimus in Deo & omnibus creaturis. Sic illi ipsi, quorum insignis continentia & sobrietas fuit, gloriam praeipuum habere scopum, quem spectarent, non voluntatem Dei.

Naturalia ne de civilibus quidem integra pronuntianda.

Omnia membra in homine contraxerunt vitium ex peccato.

Cicero.

Non Dei, sed suam gloriam quare mundum.

Ergo peccatum nostrum est, quod in peccatis nati sumus & concepti, Hoc didicit David experientia propria, Ideo sic definit, ut significet peccatum esse corruptionem omnium virium, interiorum & exteriorum, adeo ut nullum membrum officium suum ita nunc faciat, sicut in Paradiso ante peccatum, Sed discessimus à Deo, pleni conscientia mala, morbis & mortis obnoxij, sicut pœna verba ostendunt, Quacumque die comederis de hoc ligno, morte morieris. Discimus autem hac ex solo Verbo. Gentes verbo destituta, etsi in medijs his malis jacerent, non tamen ea recte intellexerunt. Nam mortem iudicarunt necessitatem aliquam naturalem, non

Peccatum corruptio est omnium virium &c.

Alors peccati

peccati pœna.

Ff 4

peccati penam esse. Sic de tota hominis natura non possunt judicare, quia fontem non norunt, unde ha calamitates in humanum genus promanarunt. De hac peccati & totius natura cognitione Psalmus docet, & non tractat solum exemplum (pro quo tamen gratias agimus Scholius, quod id nobis reliquerunt) sed complectitur totam doctrinam religionis spiritualis, de notitia Dei, item de notitia nostra natura, Peccati, gratia &c. Quare sentiamus hunc Psalmum esse generalem doctrinam totius populi Dei, ab initio, quo factus est usq. in hunc diem, qua David, seu potius Spiritus sanctus in Davide, nos erudit ad cognitionem Dei & nostri. Magnifice autem utrumq. tradit, Nam & egregie primo peccatum, & deinde cognitionem Gratia, sine qua desperatio accidit, ostendit.

Cognitio peccati.

Porro hac cognitio peccati non est speculatio aliqua, seu cogitatio, quam animus sibi fingit, Sed est verus sensus, vera experientia, & gravissimum certamen cordis, Sicut testatur cum dicit, Iniquitatem meam ego cognosco, hoc est sentio, experior. Id enim Ebraica vox proprie significat, non significat, sicut Papa docuit, colligere se, quid feceris, quid omiseris, sed sentire & experiri intolerabile onus ira Dei. Et cognitio peccati, est ipse sensus peccati, Et homo peccator, est qui conscientia premitur, & anxius haret, nesciens quo se vertat. Non igitur agimus hic de cognitione hominis Philosophica, qua definit hominem esse animal rationale, &c. Physica hac sunt, & non Theologica. Sic Iureconsultus loquitur de homine, possessore & Domino suarum rerum, Medicus loquitur de homine sano & agro, Theologus autem disputat de homine peccatore. Hac hominis substantia est in Theologia, & hoc à Theologo agitur, ut hanc suam naturam peccatis corruptam homo sentiat. Id cum fit, sequitur desperatio, qua in infernum deiecit. Quid enim homo in conspectu iusti Dei faciat, qui scit totam naturam peccato oppressam esse, nec quidquam relictum esse, quo possit nisi, sed simpliciter in nihilum iusticia esse redactum. Hac cum in animo sic sentiuntur, tunc debet sequi altera pars cognitionis, qua quoq. non speculativa, sed tota practica & sensitiva esse debet, Ut homo discat & audiat, quid sit Gratia, quid iustificatio, quod Deus sit de homine, sic ad infernum lapsa, consilium, quod scilicet per Christum statueris hominem restituere &c. Hic iterum erigitur animus deiectus, & secundum hanc gratia doctrinam cum gaudio statuit, Si sum peccator in me, in Christo non sum peccator, qui nobis factus est iusticia, sed sum iustus & iustificatus, per iustum & iustificantem Christum, qui ideo iustificans est & dicitur, quod ad peccatores pertinet, & peccatoribus missus est, &c.

Cognitio gratia.

Cognitio hominis & Dei Theologica.

Ha sunt ista dua Theologica cognitiones, quas David in hoc Psalmo tradit, Ut sit argumentum Psalmi, de cognitione hominis Theologica, & de cognitione Dei etiam Theologica, Ne quis de Majestate cogitet, quid feceris Deus, & quam potens sit, Item ne quis cogitet de homine suarum rerum domino, sicut Iureconsultus, aut de homine agro, sicut Medicus, Sed de homine peccante. Nam Theologia proprium subiectum, est homo peccati reus ac perditus, & Deus iustificans ac Salvator hominis peccatoris, Quicquid extra hoc subiectum in Theologia quaritur aut disputatur, est error & venenum. Nam huc omnis Scriptura spectat, ut Dei benignitatem nobis commendat, qui hoc agit per Filium suum, ut naturam in peccatum & damnationem prolapsam iusticia & vita restituat. Hic nihil agitur de hac corporali vita, qui Gen. 1. victus, qua opera sint suscipienda, quomodo regenda familia, quomodo colenda terra &c. Hac ante hominem in Paradiso creata sunt, & hominum in manus data, cum diceret Deus, Dominamini piscibus maris, & volatilibus caeli. Sed agitur hic de futura & aeterna vita, de Deo iustificante, reparante ac vivificante, & de homine à iusticia & vita prolapsa in peccatum & aeternam mortem. Qui hunc scopum sequitur in lectione sacrarum literarum, ille cum fructu sacra leget.

Ergo necessaria hac Theologica cognitio est, ut homo se cognoscat, hoc est, ut sciat, sentiat, & experiasur, quod sit reus peccati, & addictus morti, Deinde etiam, ut contrarium scias & experiasur, quod Deus sit iustificator & redemptor talis hominis, qui sic se cognoscit. Aliorum hominum curam, qui peccata sua non cognoscunt, relinquamus Iureconsultis, Medicis parentibus. Hi enim alio modo de homine disputant, quam Theologus. Nunc ad Psalmum venio.

Miserere

## I.

*Miserere mei Deus, secundum magnam misericordiam tuam, Et secundum multitudinem miserationum tuarum dele iniquitates meas.*

**H**ic initio admonendi estis, quia Deum nominat & nullam Christi mentionem facit, ne putetis Davidem sicut Mahometistam aliquem, aut alium quendam gentilem hominem de Deo loqui. Loquitur enim David cum Deo Patrum suorum, seu cum Deo promissore. Quia populus Israël non habuit Deum absolute speculatum, ut sic dicam, sicut imperitum Monachorum genus speculationibus suis ascendit in cœlum, & de Deo absolute cogitat. Hunc Deum absolutum debent omnes fugere, qui non volunt perire. Quia humana natura, & Deus absolutus (docēdi causa hac appellatione nota utimur) sunt inter se infestissimi inimici, nec potest fieri, quin à tanta Majestate humana infirmitas opprimatur, sicut scriptura aliquoties admonet. Quare nemo intelligat Davidem loqui cum Deo absoluto, sed loquitur cum Deo vestito & induto verbo & promissionibus suis, ne excludatur à nomine Dei Christus, de quo à Deo est facta promissio ad Adamum & relios Patriarchas. Hunc Deum non nudum, sed vestitum & revelatum verbo suo, necesse est nos apprehendere, alioqui certa desperatio nos opprimeret.

*David loquitur  
cum Deo Pa-  
trum suorum.*

*Deus absolutus.*

Et est perpetuo faciendum hoc discrimen inter Prophetas loquentes cum Deo, & gentes. Gentes enim loquuntur cum Deo, extra Verbum & Promissiones, secundum cogitationes cordis sui, Prophetæ autem loquuntur cum Deo, induto & revelato promissionibus & Verbo suo. Hic Deus tam clementi specie, & ut sic dicam, tam jucunda larva indutus, nempe, promissionibus suis, potest apprehendi, & cum gaudio ac fiducia à nobis conspici, ubi econtra Deus absolutus est, ceu æthereus murus, in quē non possumus impingere sine nostro exitio. Ideo Satan hoc dies noctesq; satagit, ut nos ponat in occursum nudi Dei, ut obliti promissionum & beneficentiæ in Christo ostendæ, cogitemus de Deo ac judicio Dei. Id cum fit, perimus illico, prolapsi in desperationē. Hoc modo David cum Deo absoluto non loquitur, sed loquitur cum Deo patrum suorum, hoc est, cum Deo, cujus promissiones novit, & cujus misericordiam ac gratiam sensit. Si igitur Turca, Hypocrita, aut Monachus aliquis dicat, Miserere mei Deus, perinde est ac si nihil dicat, quia Deum, quem nominat, non apprehendit velatum talipersona, seu specie, quæ nobis attemperata est, sed apprehendit & invadit Deum in sua absoluta potestate, ubi necessario sequitur desperatio, & Luciferi casus ex cœlo ad inferos. Hæc igitur causa est, cur Prophetæ sic innixi sint promissionibus Dei in orationibus suis. Quia promissiones includunt Christum, & faciunt Deum non judicem aut hostem nostrum, sed benignum & faventem Deum, qui damnatos vult restituere vitæ, & salvare.

*Gentes loquuntur  
cum Deo sine  
verbo.*

*P̃i loquuntur  
cum Deo reve-  
lato promissio-  
nibus.*

**H**oc primo monendum esse duxi, propter alios Prophetarum locos, Deinde etiam illud considerandum est, quomodo conveniat quod dicit, Miserere mei. Hic enim si personas spectes Deum, & peccatorem Davidem, inter quas res agitur, apparebit summa dissimilitudo, & contradictio immutabilis. An non enim hic totius naturæ sensus, an non hoc omnium hominum judicium est, quod Deus peccatū odit? Sicut Iohannis 9. cæcus dicit, Scimus quod peccatores Deus non audit, Eos autem audit, qui eum colunt, & faciunt voluntatem ejus, Item in Decalogo est, Ego sum Deus zelotes, Quin per totum Mosen fere nihil est, nisi meræ comminationes contra malos & inobædientes, Et convenit cum lege Moysi sensus naturæ, quem nullo modo possumus exuere. Sic enim omnes homines judicant, Tu es peccator, Deus autem est justus, Ergo te odit, ergo infliget poenas, ergo te non audiet. Hanc consequentiā tota natura impossibile est ut negare possit, Hinc sancti Patres qui in Psalmos scripserunt, fere exposuerunt, Iustus Deus, pro eo, quod iuste vindicat ac punit non pro eo quod justificat. Inde mihi accidit

*Miserere mei.*

*Cæcus Ioh. 9.*

*Iustus Deus.*

Iuveni,



Iuveni, ut hanc appellationem Dei odissem, & ex illa hexi seu habitu adhuc hodie quasi cohorresco, cum audio Deum justum dici. Tanta est vis impiæ doctrinæ, si ea animi in prima ætate imbuantur, & tamen veteres Doctores fere omnes sic exponunt.

Sed si Deus sic justus est, ut puniat iuste, seu pro merito, quis potest subsistere in huius iusti Dei conspectu? Siquidem omnes sumus peccatores, & afferimus ad Deum justam poenarum infligendarum causam. Procul hinc cum tali iusticia, & tali iusto Deo, quia nos omnes, sicut ignis consumens, vorabit. Quia autem Christum Salvatorem Deus misit, profecto non hoc modo justus vult esse, ut puniat pro merito, Sed vult justus esse & dici, ut agnoscentes peccata iustificet, & eorum misereatur. Quod igitur David peccator dicit, *Miserere mei Deus*, perinde sonat, ac si loquatur contra Decalogum, in quo Deus mandat, ne sis peccator, & minatur peccatoribus poenas. Quomodo enim convenit inter peccatorem, & Deum, qui est justus, verax, inimicus & hostis peccatorum, qui sua natura non potest ferre peccata? Et tamen David, qui infra dicit, Agnosce o iniquitatem meam, Item, Peccatum meum coram me est semper, Hic David, inquam, Deum appellat, & dicit, *Miserere mei*. Hoc vero est conjungere duo incompatibilia, ut loquuntur. Ergo statim initio ostendit David eam artem & sapientiam, quæ est supra sapientiam Decalogi, & vere cœlestis sapientia, quam neq; Lex docet, nec ratio sine Spiritu sancto cogitare, aut intelligere potest.

Nam natura in universum hoc statuit, & secum dicit, Non audeo elevare oculos ad cœlum, sed terreor conspectu Dei. Vtrumq; enim scio, me peccatorem esse, & Deum peccata odisse, Nunquid igitur orabo? Hic vero incipit certamen difficilimum. Nam aut animus in se propter peccati conscientiam confusus, statuit orationem differendam, donec aliquam in se inveniat (ut sic dicam) dignitatem, aut circumspicit humana consilia, & Sophisticas consolationes, ut prius cogitet de satisfactione, ut possit cum aliqua fiducia propriæ dignitatis accedere, & dicere, *Miserere mei Deus*. Hæc perpetua nostræ naturæ est sententia, sed longe perniciosissima est. Nam animi eriguntur in fiduciam propriæ iusticiæ, & statuunt Deum posse placari nostris operibus. Hæc blasphema præsumptio est propriorum meritorum, contra meritum Christi, Deinde quia in peccatis nati sumus, sequitur nunquam nos oraturos esse, si non prius sumus oraturi, quam sentiamus nos ab omnibus peccatis puros esse.

Ergo excutienda hæc blasphema cogitatio est, & in ipsis peccatis, seu, ut significantius dicam, in ipso mari peccatorum hoc medio utendum est, quo hic David utitur, ne oratio differatur. Quorsum enim attinet Verbum miserendi, si isti, qui orant, mundi sunt, & misericordia non opus habent? Sed ut dixi, acerrimum hoc certamen est, posse animum in ipso peccatorum sensu excitare, ut clamet ad Deum, *Miserere mei*, Aliquoties meo exemplo didici, qui hæc doceo, & alijs præcipio, Omnium fere operum difficilimum esse orare. Quare non profiteor me artificem huius operis, Hoc autem confiteor, sæpe in maximis periculis me admodum frigide hæc verba pronuntiasse, *Miserere mei Deus*, quod mea offendebar indignitate, & tamen vicit tandem Spiritus sanctus, qui suggessit, qualis qualis es, certe orandum est. Deus enim non propter tuam dignitatem, sed propter suam misericordiam orari vult, & exaudire.

Ut igitur hæc recte intelligantur, Deum odisse peccatores, & amare iustos, Distinctio facienda est inter peccatorem sentientem peccata, & peccatorem non sentientem peccata sua, Orationem peccatoris non sentientis peccata sua Deus non vult, Quia hoc ipsum quod orat, non intelligit, nec vult. Sic Monachus, qui in superstitione sua vivit, sæpe canit & murmurat, *Miserere mei Deus*, Sed quia in fiducia propriæ iusticiæ vivit, & immundiciem cordis non sentit, tantum syllabas recitat, rem ipsam nec intelligit, nec optat, Ad hæc addit contraria orationi suæ, Petit ignosci, petit misericordiam, & interim ipse, jam hoc, jam alio mo-

alio modo quaerit expiationem peccati, & satisfactionem. Hoc vero an non est palam Deo illudere? Perinde ac si quis mendicus clamorosus importunis vocibus instat pro stipe, & cum eam aliquis offerat, ipse suas opes, hoc est, mendicitatem suam jactet, & manifeste ostendat, se non indigere stipe.

Sic inimici Evangelij verba numerant, rem autem non modo non intelligunt, sed re ipsa contrarium faciunt, dum varios cultus suscipiunt, dum quaerunt remissionem Peccatorum impijs Missis, peregrinationibus, invocationibus Sanctorum, &c. Tales peccatores qui peccatores sunt, & tamen non sentiunt se esse peccatores, sed praefracta fronte perrumpunt, se justificant, Verbum Dei persequuntur &c. Tales, inquam, procul arcendi sunt ab omni misericordia, & irae dicta eis proponenda, quibus Deus non misericordiam, sed aeternas minatur poenas, Sicut est sententia primi Praecepti, Ego sum Deus zelotes, visitans iniquitatem patrum in tertiam & quartam generationem. Proponenda etiam sunt exempla irae, interitus Sodomorum, Diluvij super omnem carnem effusio, Direptio populi sancti, & si qua alia horribilia spectra judicij & irae Dei in Scripturis extant, ut deducantur insensati & impenitentes peccatores ad cognitionem sui, & serio incipiant implorare misericordiam. Hi enim sunt, de quibus dicitur, Deus peccatores odit, Deus peccatores non audit, &c.

*Impenitentes peccatores Deus odit.*

*Exempla.*

Alij peccatores sunt, qui sentiunt sua peccata, & iram Dei, ac terrentur à facie Dei. Hi arripiunt contra se comminationes in Verbo Dei propositas, & ex horribilibus irae divinae exemplis, ita dejiciuntur animo, ut propter peccata eadem poenas ipsi quoque timeant. In his terroribus cum animus malleo legis & judicij Dei sic quasi contritus est, tum vero locus, tempus & occasio est hujus divinae sapientiae arripiendae, ut cor se erigat, & certo hoc statuatur, Deum cum irascitur peccatoribus, irasci ijs tantum, qui duri & insensati sunt, Qui autem sentiunt molem peccatorum suorum, de ijs dictum esse, Beneplacitum est Domino super timentes eum. Tum enim per Legem satis effectum est, & debent cessare fulmina illa irati Dei, ac lucere illa misericordiae lumina, in verbo Dei proposita, Quod beneplacitum sit Domino super timentes eum, quod Deus cor contritum & humilitatum non despiciat, quod sint aures ejus apertae, & oculi ejus intenti in pauperem, ut eum de stercore erigat, ut foveat lichnum fumantem, ut quassatam arundinem iterum conglutinet &c. Hi enim sunt iste tenerrimus vermiculus (sicut translatio 1. Reg. 23. Hierony. habet 2. Reg. 23. de Davide, quanquam in Ebraeo non est) & molissimus flos, qui ad levem aurulam comminationis divinae commovetur ac trepidat, Vbi illi alteri insensati peccatores in maximis procellis, ceu montes ferrei, stant immoti ad omnem poenitentiae praedicationem. Quare hoc unum in istis pavoribus conscientiarum agendum est, ne sic territi animi judicent secundum naturam & sensum suum, quia abriperentur in desperationem. Sed sicut diversorum morborum natura, inter se diversa remedia sunt, Ita hi territi verbis Gratiae erigendi sunt, sicut illi rigidi sunt concutiendi ferreo sceptro.

*Territi legi verbi Gratiae erigendi, indurati terrendi.*

Papa cum suis Doctoribus nihil sani potest in talibus periculis conscientiarum consulere, sicut meo exemplo expertus sum. Omnes enim judicant secundum naturam, quae dicit, Sum peccator, Deus autem justus est, ergo eadem me poena manet, quae alios peccatores. Hic natura resistit, nec potest in illis nebulis irae divinae radios misericordiae intueri. Sed hic vera Theologia nostra venit, & docet, Cum animi sic sunt territi, tum unam Theologiae partem completam esse, quae Lege & minis legis utitur, ut peccator se incipiat cognoscere, & exuat securitatem, in qua omnes, ante hanc irae revelationem, naturaliter vivimus, Neque hic resistendum esse, sed debere nos progredi ad alteram Theologiae partem cognoscendam, in qua tota Theologiae cognitio impletur, quod Deus humilibus dat gratiam, Pertinere minas illas & horribilia exempla ad induratos & securos peccatores, his Deum esse zelotem, & ignem consumentem. Sed illos contritos & pavidos, esse populum Gratiae, cujus vulnera alligare & sanare velit Pastor bonus, qui a-

*Alia legi & exempla irae indurati poenitentiae & exempla Gratiae pavidis proponenda.*

qui animam suam ponit pro ovibus, Ergo non debere tales obsequi cogitationibus cordis sui, quæ propter peccata suadent non esse orandum, non esse sperandam gratiam, sed cum Davide animo confidenti clamandum esse, Misere mei Deus, propterea quod tales sint Deo beneplacitum.

Hæc hujus Psalmi Theologia est ignota scholis Papistarum. Nam hic Davidem vide, bene aperto ore in hæc Verba erumpentem, Misere mei Deus, & sic cōjungentem res sua natura dissimilimas, Deum & se peccatorem, justum & injustum. Ingentem autem illum montem iræ divinæ, qui ita disjungit Deum & Davidem, transcendit fiducia misericordiæ, & secum Deo conjungit. Hoc vero est, quod addit Theologia nostra ad Legem. Nam appellare Deum, & dicere, Misere, non magni laboris est, sed addere particulam, Mei, id vero est, quod omni studio inculcatur in Evangelio, & tamen experimur, quam ægre à nobis præstari possit. Nam hoc, Mei, fere omnes orationes nostras impedit, cum contra deberet unica & summa orandi causa & occasio esse.

Ergo primo exemplum discendum est, ut recte intueamur pronomen, Mei, & statuamus id significare peccatorem, sicut postea manifeste exponit, cum dicit, In peccatis conceptus sum. Fatetur enim ibi hunc, Mei, esse maximum peccatorem. Ergo nos quoque hoc discamus, ut illæ turbæ cogitationum, quæ nos volunt compescere, nos magis excitent ad clamorem, Sicut de cæco legimus in Evangelio, qui increpatus magis clamabat. Experimur enim in nobis hanc cogitationum quasi turbam, objurgantem nos, Quare vis orare? Nescis quid tu sis, & quid sit Deus? Hæc cogitationum turba valde molesta est spiritui, & plurimos impedit, Sed contemnenda est, & ob eam ipsam causam est orandum, quæ videtur nos ab oratione revocare, ut vi quadam per illam turbam ad Christum pererramus, & rogemus misericordiam. Hoc qui faciunt, illi recte orant, Sed profecto magna contentione spiritus opus est. Nam propria experientia didici, his cogitationibus sæpissime orationem mihi excussam esse, Dei tamē gratia ad eam cognitionem perveni, ut Satanæ telis suis me oppugnantij, non cederem, sed erepta vi spiritus, arma in ipsum hostem converterem, & dicerem, Tu ideo ab oratione deterres, quia sum peccator, Sed ego ob hanc unam causam mihi potissimum orandum esse video, quia sum maximus peccator, & opus habeo misericordia.

Idem faciendum est in ipso æstu tentationum, cum animi aut libidinis, aut vindictæ cogitationibus tentantur. Ibi si quis ad orationem hortetur, statim objicit animus impuritatem, Quasi in istis sordibus cogitationum, orationi non possit esse locus. Hic contra urge, nullo modo expectandum finem tentationis, donec libidinis, aut alterius vitij cogitationes animo penitus effluant, Sed in eo ipso momento, quo tentationem sentis esse validissimam, & te ad orandum imparatissimum, secede in locum solum, & ora Dominicam precationem, aut quicquid tandem potes dicere contra Satanam & tentationem ejus, Tunc senties tentationem mitigari, ac Satanam terga vertere.

Quod si quis orationem existimat differendam, donec animus purus fiat ab impuris cogitationibus, Is nihil aliud facit, quam ut Satanam alioqui plus satis potentem, adjuvet sua sapientia & virtute. Hæc vero gentilis religio & Sophistica est, imo Satanæ doctrina. Contra quam exemplum & doctrina hujus Psalmi tenenda est, in qua videmus, Davidem in ipso totius suæ impuritatis conspectu, & in singulari carnis peccato, non à Deo fugere, sicut Petrus stulte dicebat in navi, Domine exi à me, quia peccator sum, Sed cum fiducia misericordiæ prorumpit in orationem, & dicit, Domine, si sum peccator, sicut sum, Misere mei. Quia enim vere sentiunt nostra corda peccatum, ideo magis debemus per orationem ad Deum accedere. Antea erat fugiendum, antea erat metuendus Deus, cum periculum esset, ne laberemur in peccatum, Post lapsum debet sperari venia, & peti, non debet resisti in cogitationibus iræ & timoris. Nunc Satan hoc agit, ut iste ordo

*Cæcus, Luc. 18.*

*Refle orantes.*

*Orandum maxime in ipsa tentatione est.*

*Exemplum & doctrina hujus Psalmi tenenda.*

*Petrus, Luc. 5.*



ordo pervertatur, ut in peccatis petrandis simus securi, & sine timore Dei, & ut postquam patrata sunt, maneamus in timore, sine spe & fiducia misericordiae.

Sed Davidem, ut dixi, vide diserte confugientem ad misericordiam & dicentem, *Miserere mei Deus*, Q. d. Scio me esse malum & peccatorem, te autem esse justum. Quod igitur me erigo, & orare audeo, hoc totum facio, fiducia Verbi & promissionum tuarum. Quia scio te non esse Deum Mahometistarum aut Monachorum &c. sed Deum Patrum nostrorum, qui promissisti te redempturum peccatores, non quidem simpliciter peccatores, sed peccatores Sensitivos, qui norunt & sentiunt se esse peccatores, &c. Ergo nos quoque audeamus dicere, *Miserere mei Deus*, Sum peccator, tentatus à carne, sanguine, ira, odio, Sed spes est in misericordia & bonitate tua, quam promissisti sitientibus justiciam &c. *Miserere mei Deus.* *Peccatores sentientes.*

Rom. 8.

Non possunt hæc satis apte dici, sed necesse est accedere experientiam propriam, ea docet, quam magnus labor sit, superare istum quasi montem propriæ indignitatis & peccatorum, qui inter nos oraturos & Deum est. Etsi autem hic maxime sentitur infirmitas fidei, tamen etiam hæc consolatio nobis tenenda est, quod non soli dicimus, *Miserere mei Deus*, sed idem nobiscum dicit & orat Spiritus in corde nostro, gemitibus inenarrabilibus. Hos gemitus sicut nos neque videmus, neque plene intelligimus, ita clarissime videt & plenissime intelligit Deus, qui etiam spiritus est. Fiducia igitur hujus interpellatoris etiam in media contentione certaminis seu temptationum, debemus Satanæ resistere, & dicere, Si sum peccator, quid tum? Deus est misericors. Si sum propter peccata ad orandum ineptus, bene est, nolo fieri aprior. Nam prohi dolor, plus satis ad orandum aptus sum, quia nimium sum peccator. *Spiritus dicitur cedit pro nobis ore.*

Hæc hujus loci doctrina est, quod audendum est sensitivis peccatoribus (ut sic appellem docendi causa) & quod Deus justus & homo peccator sunt conciliandi, ne sic in peccatis Deum metuamus, quin cum Davide canamus, *Miserere*, Ne autem pronomen, *Mei*, aut nomen Deus, nos impediat, quin in medio horum ponamus verbum, *Miserere*, per quod Deus & homo peccator conciliantur. Hoc nisi fiat, non solum hunc Psalmum nunquam recte canere, sed ne orationem Dominicam unquam recte orare poterimus. Quia hoc minus in hac vita futurum est, ut simul ab omnibus peccatis simus puri. Nam etsi actualia ut vocant, desint, quod perrarum est, tamen non deerit originale peccatum. Quia aut semper sumus in peccatis, ergo semper quoque orandum est, sicut revera Christianorum corda omni momento orant, cum vident omni momento suam indignitatem, & cupiunt eam condonari. Hæc perpetua Christiani cordis suspiria, cogitationibus, nonnunquam etiam negotijs perturbantur & reguntur, ne ea semper videamus. Vere igitur Theologica virtus est, hoc modo oratione obruere peccatum, & cum sentimus nostram infirmitatem, confugere ad Canticum hoc, *Miserere mei Deus*. *Quomodo conciliandus Deus justus, & homo peccator.* *Pierum corda omni momento orant.* *Theologica virtus.*

Sed postquam diximus, quomodo conciliandi sint Deus justus, & homo peccator, etiam hoc monendum est, ut recte consideremus, Verbum *Miserere*. Nam id si diligentius evolverimus, necesse est ut statuamus omnem nostram vitam conclusam & positam esse in sinu misericordiae Dei. Quia enim nos omnes sumus *Mei*, hoc est, peccatores, manifeste & necessaria consequentia sequitur, Quicquid sumus & vivimus, hoc totum esse meræ gratiae, non justitiae aut meriti nostri. Quid igitur inquires? An non Decalogus præstari debet? Si autem præstatur, an non ea justitia est? Respondeo, Volumus Decalogum præstare & servare, sed cum larga, hoc est, vere Evangelica dispensatione, seu distinctione, Quia accepimus tantum primitias Spiritus, & gemitus spiritus in corde manent, Item caro nostra, cum suis libidinibus & concupiscentiis, hoc est, tota arbor cum fructibus etiam manet. Hæc causa est, cur Decalogus nunquam possit plene præstari. Alioqui si Decalogus posset præstari integer, quid opus esset justitia illa, quam David per verbum *Miserere* petit, hoc est, quid opus esset imputatione? Nunc, cum etiam in Sanctis remaneant peccati reliquiae, nondum plane mortificatae, utrunque fit, ut per Spiritum inhabitantem peccato

*Decalogus plene non servatur à Sanctis.*

resistamus, & obediamus Decalogo, & tamen per carnem & Satanam in peccatum impulsim, speremus remissionem peccatorum.

*Pp. præstant obedientiam legi, sed imperfectam.*

Sic obedientia erat in lege, sacrificare, & tamen infra dicit Propheta, Sacrificium & holocausta nolui. Sic enim erant sacrificia, ne tamen tolleretur misericordia. Ad eundem modum facimus Legem per Spiritum sanctum, & tamen manet verbum, Misere, hoc est, nos manemus peccatores, & opus habemus gratuita remissione peccatorum per Christi meritum. Ergo, misericordia est, tota nostra vita in mortem usque, & tamen Christiani præstant obedientiam legis, sed imperfectam, propter peccatum inhabitans in nobis. Quare hoc quoque discamus, ut verbum, Misere, bene extendamus, non tantum ad actualia peccata, sed ad omnia beneficia Dei, quod sumus iusti alieno merito, quod habemus Deum patrem, quod Deus pater amat peccatores sensitivos, in summa, quod omnis nostra vita est misericordia. Quia tota nostra vita est peccatum, nec potest opponi iudicio aut iræ Dei.

*Pharisei Luca 18.*

*Infirmitas mortis.*

*David tacet iustitiam & meritum suum.*

Ideo non tantum dicit David, *Misere mei Deus*, sed addit, *secundum magnam misericordiam tuam*, ac simpliciter tacet omne meritum, & omnem iusticiam operum. Non dicit, sicut ille in Evangelio, Bis jejuno in Sabbato, Non dicit, Misere mei secundum meritum condigni aut congrui, Quid enim hæc ad misericordiam? Hypocritarum, monachorum, non Davidis sunt ista, jactare meritum & alia, Sicut de cujusdam Regis fratre narratur, qui in extremo vitæ articulo dixit ad Deum, Serva mihi quod promissisti, quia reddidi tibi quod jussisti. Hanc vocem nolim meam esse in articulo mortis. Diversum enim dicendum est, Ne intres in iudicium Domine cum servo tuo, Item, Dele iniquitatem meam, Quod enim possumus jactare meritum hujus levissimi, ut videtur, beneficii, quod oculus sanum servavit Deus? David tacet iusticiam ac meritum suum, & vult secundum magnam misericordiam Deum agere, Hoc modo non solum ex iusticia propria, sed etiam ex ira Dei se evolvit, neque sibi aliud proponit spectrum, quam Deum misericordem, gaudentem & ridentem. Statuit enim Deum habere magnam misericordiam, propter quam nihil aliud velit nec cogitet, quam ignoscere & benefacere.

*Ps. 143. 56*

*Theologia rationis.*

*Sicut credis, fiet tibi.*

*Cogitatio de ira Dei.*

*Cogitatio de misericordia Dei.*

Hoc spectrum Dei faventis & miserentis, est vivificum spectrum, quo operit pronomen, Mei, & rejicit iram in angulum, ac dicit, Deus favet, Hæc non est rationis Theologia, quæ in peccatis suadet desperationem, Sed David sentit peccatum ac iram Dei, & tamen dicit, Misere mei Deus. Hanc doctrinam ratio nescit, sed sacræ literæ tradunt, sicut in hoc primo hujus Psalmi versu videtis. Sunt enim singula verba pure & caste posita, Sed sunt verba Spiritus, habentia vitam, ex quibus spirituales discunt distinguere inter peccatorem & peccatorem, inter Deum & Deum, & discunt etiam conciliare cum homine peccatore, iram Dei, seu iratum Deum. Sed inquires, Hæc non sic fiunt, propterea quod ego, sic tuo verbo edoctus, ista mecum ita cogitare disco, Imo statuendum est, quod sicut credis, sic etiam tibi fiet, Quia hæc fides non est ex tuo iudicio sumpta, sed hausta ex verbo Dei, Si igitur potes hoc apprehendere, & statuere, Deo esse beneplacitum super timentes eum, tunc revera ita tibi continget, Si non apprehendis, non es sub beneplacito, sed sub ira, secundum Christi dictum, Sicut credis, ita fiet tibi. At cogitatio de ira Dei per se quidem falsa est, quia Deus promittit misericordiam, Et tamen talis falsa cogitatio fit vera propterea, quia tu veram esse statuis. Contra illa altera cogitatio, quod Deus faveat peccatoribus, sentientibus peccata sua, simpliciter vera est & manet, Ergo non est quod cogites, non sic futurum propterea, quod tu sic credis. Quin hoc statue, quod res per se certa & vera magis certa & vera fit, te sic credente. Sicut e contra, Si credas Deum iratum esse, certo habiturus es eum iratum & hostem, sed diabolica, idolatræ, & perversa cogitatione. Quia Deo sic servitur, si eum timeas, & apprehendas Christum, objectum misericordiae.

*Theologia vera & falsa.*

Hæc est vera Theologia de vero Deo, & vero Dei cultu. Falsa Theologia est, Deum

Deum esse itatum agnoscantibus peccata sua. Talis enim Deus nec in coelo, nec usquam est, sed est Idolium perversi cordis. Quia verus Deus dicit, Nolo mortem peccatoris, sed ut magis convertatur & vivat. Hoc etiam praesenti Davidis exemplo & oratione comprobatur. Et principio admonuimus, non tantum exemplum Davidis hic considerandum esse, sed Psalmum transferendum in generalem doctrinam, quae pertineat simpliciter ad omnes homines, nullo excepto. Sicut Epistola ad Romanos generaliter citat sententiam, Omnis homo in edax, Item, Conclufit Deus omnes sub peccatum, ut omnium misereretur. Ad hunc modum de Davide diximus, quod non solum suum peccatum, sed totius generis humani mortem & vitam complectatur. Ergo Deus omnibus hominibus talis Deus est, qualis Davidi fuit, hoc est, ignoscens peccata, & misericors in omnes, qui misericordiam rogant, & peccata sua agnoscunt.

Huc pertinet quod repetitione, seu potius amplificatione hac uti voluit, ut addat, *Et secundum multitudinem miserationum tuarum, dele iniquitatem meam.* Rogavit antea, ut Deus per misericordiam avertat oculos a suis peccatis, Hoc versu idem agit, & quidem maiore contentione ac spiritu. Apprehendit enim Deum promissorem, & toto intuitu cordis vertitur in misericordiam. Quod non posset nisi adjutus spiritu, Deum promittentem apprehendisset, & sciret apud Deum reliquam esse spem remissionis peccatorum, pro peccatoribus, Sicut in alio Psalmo dicit, Apud te propitiatio est, ut timearis. Non quaerit satisfactionem, non angulum, in quo se praepararet ad gratiam, sed recto cursu tendit ad conspectum Dei, & ad misericordiam, quae est ei nota non ex suo corde, non ex dictamine rectae rationis (quia ratio in peccatis fugit a Deo, nec se potest attollere conscientia in eam lucem, ut credat reliquam esse Misericordiam, gratiam, favorem, apud Deum pro peccatoribus) Sed misericordia est ei nota ex promissionibus, quas ubique videt sparsas etiam in Legem & Decalogum. Etsi enim ibi Deus minatur peccatoribus, tamen retinet nomen misericordis Dei. Idem testantur promissiones ad Adamum, Abrahamum &c.

Idem nobis in nostris tentationibus est praestandum, ut quoties mordemur & vexamur in conscientia propter peccata, simpliciter sensum avertamus a peccato, & involvamus nos in sinum Dei, qui dicitur Gratia & Misericordia, nihil dubitantes, quin gratia & misericordia velit uti erga miseros & afflictos peccatores, sicut erga induratos peccatores vult uti ira & iudicio. Haec est vera Theologia, quam etiam hic Psalmi versus manifeste ostendit, cum inquit, secundum multitudinem miserationum tuarum iniquitatem meam dele.

Vocabulo Raf utuntur in quantitate discreta & continua, Sicut in Germanico quoque dicimus, *gros Geld* pro multa & numerosa pecunia, Deinde vocabulum Hefed etiam notum est, Paulus saepe beneficium seu *Agape* vertit, ut 1. Tim. 6. ubi servis loquitur, quod debeant colere heros suos, Addit causam, quia, inquit, sunt participes beneficii Evangelij, Nonnunquam etiam dilectionem vertit, Interpretes Graeci, Misericordiam fecit, sicut in illo loco Osee, Misericordiam volo & non sacrificium, hoc est, ut diligatis mutuo, ut beneficiatis alijs, Et sic hoc loco vertit, miserere mei Deus, secundum magnam misericordiam tuam. Alterum vocabulum Rahem significat, clementem animum induere, non velle respicere peccatum alterius, sed ignoscere, indulgere, &c. sicut in illo loco, Miserebor cui misereor, hoc est, ignoscam, condonabo peccatum. Inde venit nomen Rahemim, quod noster vertit miserationem. Haec est Ebraea Grammatica, cujus admonendi sunt imperitiores.

Vide autem jam, quam belle haec duo David conjungat, ut primum Deus misereatur, hoc est, gratis nobis immeritis beneficiat, Deinde ut largiatur remissionem peccatorum, quam fide accipimus per Spiritum sanctum & promissiones, Quia, nisi gratis ignoscat Deus, nulla satisfactio, nullum remedium reliquum est nobis, Non per jejunia nostra, non per alia opera, non per angelos, nec ullam aliam cre-



*Salus unica,  
confugere ad  
misericordiam  
Dei.*

am creaturam salus, sed unica salus est, confugere ad misericordiam Dei, quærere apud Deum beneficium & ignoscentiam, ne respiciat ad nostra peccata & transgressiones, sed ut conniveat, & secundum misericordiam & miserationes suas nobiscum agat. Hoc enim nisi faciat Deus, non sumus digni, quibus ad unam horam vitam proroget, quibus det unam buccellam panis, &c.

*Difficile est so-  
la misericordia  
Dei aut.*

Sed hic quoq; experimur, summæ artis & difficilimum esse, sic conjungere illa duo, & in misericordiam Dei & miserationes tantum oculos intendere. Neq; enim hæc verba domini nostræ nascuntur, sed per Spiritum sanctum afferuntur de Coelo. Contra hæc spinæ nascuntur in cordibus nostris, Ego sum peccator, Deus est justus, & iratus mihi peccatori, Has spinas conscientia non potest evellere, non potest peccatorem constituere coram Deo favente & ignoscente. Spiritus sancti hoc est donum, non nostri arbitrij, aut virium nostrarum. Nam cum absq; Spiritu Dei est, aut indurantur corda in peccatis, aut desperant, Vtrunq; autem est contra Dei voluntatem. Ideo David ex Spiritu sancto per medium inter hanc Satanicam scyllam & charybdim navigat, & projicit se securum, in amplissimam & infinitam illam misericordiam Dei, & dicit, Multæ ac magnæ sunt miserationes tuæ Domine, ego autem sum Peccator, qui male vixi, male vivo, & dum vivo, male vivam, Iam igitur si me volo coram te statuere, necesse est, ut alias cogitationes afferam, quam cor meum mihi subjicit. Confiteor igitur peccatum meum coram te, multum est enim (sic *Psalm. 25.* ut in Psalm. 25. dicit) Sed sic confiteor peccatum, quod simul etiam confiteor tuam misericordiam, & miserationes tuas longe majores peccato meo, Item tuam justiciam, qua peccatores justificas, infinitis modis ampliorem, quam ut desperare debeam, sicut dicit, Secundum multitudinem miserationum tuarum. Quia autem dicit, magnam multitudinem esse miserationum, simpliciter negat, & nescit omnem, tum suam tum aliorum sanctitatem, Quid enim potest esse conjunctionis multitudini miserationum, cum humana sanctitate? Si igitur est misratio sic multa, nulla est sanctitas apud nos, Et vere fictus terminus est, dicere hominem sanctum, sicut fictus terminus est, Deum esse lapsum in peccatum, quia hoc nusquam est in rerum natura.

*Magna multi-  
tudo miserationum  
Dei, &c.*

*Ergo sanctus.*

*Salus Deum  
sanctum.*

Quare isti nimis alti & inveterati errores, ac falsæ opiniones abjiciendæ sunt, cum vocamus monachorum more, S. Hieronymum, S. Paulum, &c. quia in se peccatores sunt, & solus Deus est sanctus, sicut Ecclesia canit. Quos autem nos Sanctos appellamus, ij sunt sanctificati aliena sanctitate per Christum, quæ est sanctitas gratuita misericordiæ. In hac sanctitate convenit tota Ecclesia fidelium, & est nulla differentia Sicut enim Petrus sanctus est, sic Ego sum Sanctus, Sicut autem ego sum sanctus, sic Latio à dextris Christi sanctus est, Nec impedit quod Petrus & Paulus majora fecerunt, quam ego aut tu. Vtrinq; enim nostra natura sumus peccatores, & opus habemus misericordia ac miserationibus, Etsi Apostoli minus externorum peccatorum habuerunt. Tamē sæpe in cordibus senserunt præsumptionem, sæpe fastidium, sæpe desperationis cogitationes, sæpe negationes Dei, & similes humanæ imbecillitatis defectus, adeo, ut in homine nihil sancti, nihil boni videas, sicut Psalmus dicit, Prospexit Deus de cælo super filios hominum, & non erat, qui bonum fa- *Psalm. 14.* ceret, ne unus quidem. Quod si inter filios hominum non sunt boni, ubi igitur possunt esse alibi?

*Filius Dei re-  
velavit mundo,  
miserationes  
Patris.*

Ergo taceamus de sanctitate & sanctis, Sanctificatos autem scimus eos esse, qui ex peccatoribus insensatis fiunt peccatores sensati, qui non præsumunt de sua justitia, quæ nulla est, sed incipiunt habere illuminatum cor, ut agnoscant se & Deum, quod coram Deo malum sit, quicquid est nostrum, & condonetur gratuita condonatione miserationum. In hunc finem opus est, ut nos & omnes Sancti nos recipiamus, aut necesse est nos damnari. Ideo autem misit Deus Filium suum, ut has miserationes mundo revelaret, & istam doctrinam, quam humana corda & ratio nescit, invulgaret. Ac David eam hic nobis proponit, dum confitetur peccata, & tamen misericordiam confitetur esse majorem.

Ergo

Ergo omnes homines hunc versum canant cum Davide, & agnoscant se esse peccatores, Deum autem esse justum, id est, misericordem. Hæc confessio est sacrificium acceptum & gratum Deo, ad quod nos David invitat. Vult enim hanc esse communem totius orbis doctrinam, ut cum Diabolus vel conscientia nos accusat propter peccata, nos quidem libere peccatum confiteamur, quod simus in multis & magnis peccatis, sed non ideo desperemus, quia etsi peccata nostra multa & magna sunt, tamen hic docemur, misericordiam Dei etiam multam & magnam esse. Hæc ratione se defenderunt contra Satanam omnes Sancti, ut quanquam essent peccatores, tamen hac cognitione sunt sanctificati, secundum Esa. Notitia Christi iustificabit multos.

*Qua ratione  
defendant se  
omnes sancti  
contra Sata-  
nam, &c.*

Nos cum semel hæc audivimus, putamus facilia esse, & statim disci. Sed profecto hoc opus, hic labor est, ut aliquo modo hæc teneamus in tentatione. Neque enim de lana caprina lis est, agitur periculum æternæ mortis, & dimicamus de salute animarum nostrarum. Deinde experimur non solum conscientiam reclamantem, sed etiam Satanam inspirantem cogitationes mortis, propter peccata, quorum nobis sumus conscij. Ergo dicere se peccatorem esse, & tamen non desperare, omnino divina virtus est, Ad eam autem non pervenimus hoc modo, si quemadmodum Adversarij nostri, peccatum extenuemus, Sed hoc faciendum est, ut sicut Peccatum sua natura maximum & gravissimum est, ita etiam Gratiā seu misericordiam immensam & inexhaustam esse credamus, sicut David pleno ore hoc jactat, Secundum multitudinem miserationum tuarum iniquitatem meam dele.

*Sentire se peccatorem esse, & non desperare &c.*

Atque huc etiam facit ipsum vocabulum, Delendi, quo Propheta hic utitur, & Paulus Coloss. 2. Delens chirographum, quod adversus nos erat, Item Petrus Act. 3. Pœnitentiam agite & convertimini, ut deleantur vestra peccata. Significat enim verbum delendi, peccata in nostra conscientia scripta esse calamo legis. Ac optat Propheta, Sicut aboletur scriptura in tabella aliqua, ut sic etiam aboleatur memoria peccati in corde suo & oculis Dei, Sic tamen, ne pereat Gratia, aut gratitudo, quia culpa sic condonatur, ne tamen obliviscamur gratiæ, Sicut Petrus dicit de illis, qui obliviscuntur remissionem veterum peccatorum, & cumulant per incredulitatem & ingratitudinem nova peccata. Sicut videmus hodie mundum plenum esse contemptus Evangelij, & omnis generis licentiæ. In talibus peccatum non deletur, sed altius insculpitur. Ergo utrunq; complectitur David, ut peccatum aboleatur, & detur Spiritus sanctus, per quem peccato possit resistere. Quia autem tantum petit deletionem, manifestum est, quomodo fiamus justi, scilicet, mera imputatione justitiæ, cum per gratiam peccata delentur, & nos propter Christum accipimur in gratiam. Sed confer huc Sophistarum & Scholasticorum somnia, tunc videbis quam inepte de remissione peccatorum & justitia docuerint.

*Dele iniquitatem meam.  
Delere.  
Culpa sic condonatur, ne obliviscamur Gratia.*

*Mundus hodie plenus contemptus Verbi.*

## II.

*Amplius lava me ab iniquitate mea, & à peccato meo munda me.*

**H**Actenus petijt Gratiā & remissionem peccatorum, vel indulgentiam, ut velit Deus ipsi & nobis omnibus favere, ignoscere peccatum & delere, secundum suam misericordiam, Hæc enim prima pars est, seu primus gradus post agnitionem peccati, accipere gratiam, habere faventem & beneficientem Deum, ut simus in gremio misericordiæ Dei, & habeamus fiduciam in illas certas promissiones nobis de gratia Dei donatas, Has promissiones sicut nos in baptismo habemus, ita habuerunt ipsi in Christo promisso. In hoc versu autem, ubi rogat se à peccato abluī, proponit nobis aliam peccati distinctionem, quam supra ostendimus. Nam supra divisimus peccatum, in peccatum sensibile (ut sic dicam) & non sensibile. sicut duo genera peccatorum fecimus, peccatores sensatos, & insensatos, seu veros peccatores & sanctos sive hypocritas, qui indurati & securi, peccatum suum non sentiunt. Hic ostendit illud sensibile peccatum etiam duplex esse, seu duplici modo tractari. Est enim peccatum remissum per gratiam, & est peccatum reliquum in carne.

*Primus gradus post agnitionem peccati accipere gratiam.*

Peccatum per  
Gratiam remissum,  
est, quod Deus propter Christum non velit nos  
deferere, quantumcunq; simus peccatores, sed quod velit misericorditer igno-  
scere nobis, qui peccato perdit & corrupti sumus.

Augustinus,  
Peccatum actu  
manet, reatu  
transit.

Peccata reli-  
quia in Sanctis.

Vis peccati per  
misericordiam  
Dei tollitur,  
ergo.

Peccatum per  
Gratiam non  
habet.  
Peccatum re-  
missum.  
Peccatum reli-  
quum.

Pugna cum re-  
liquis peccatis,  
in pte.

Actus iusti-  
ciae.

Similitudo.

Peccatum per Gratiam remissum, est, quod Deus propter Christum non velit nos deferere, quantumcunq; simus peccatores, sed quod velit misericorditer ignoscere nobis, qui peccato perdit & corrupti sumus.

Hoc peccatum per Gratiam remissum non satis est. Nam per infirmitatem subinde in peccata relabimur. Vellemus igitur non solum peccatum remitti, sed totum aboleri. Nam peccatum, sicut Augustinus loquitur, actu manet, reatu autem transit, hoc est, Res ipsa, quæ vere peccatum est, & remissa est, ac à Deo toleratur, ea manet in carne reliqua, nec dum plane mortua est, nisi quod per Christum, sicut in Genesim dicitur, Caput serpentis contritum est, lingua tamen adhuc mi-  
cat, & cauda minatur ictum. Nam peccatum, quia gratia & misericordia Dei super nos regnat, non potest nos damnare, non potest Deum nobis iratum reddere, Et tamen in justificatis reliquæ peccati manent, ut concupiscentia, & alia vitia, quæ ceu feces reliquas, sive seminaria, Propheta in se intuetur, Et sicut supra pro remissione universaliter rogavit, ita hic orat pro istarum reliquiarum expurgatione, seu extirpatione.

Gen. 3.

Psal. 117.

Hæc igitur secunda pars petitionis est, quæ, ut dixi, nobis secundam distinctionem peccati ostendit, quod Deus vult peccata delere, quo ad remissionem culpæ, & ad ipsam vim peccati, non quo ad rem, seu naturam peccati. Nam vis peccati, est accusare, damnare, mordere, lædere, non relinquere pacem cordi, abjicere iratum Deum, infernum, &c. Hæc vis peccati per misericordiam gratuitam tollitur, & tamen manent veræ hujus veneni reliquæ. Ergo utrumq; verum est, Quod nullus Christianus habet peccatum, & quod omnis Christianus habet peccatum. Hinc nascitur illa distinctio, quod apud Christianos duplex est peccatum, Peccatum remissum, & peccatum reliquum, quod extirpandum & abluendum est. Peccatum remissum est, quod fiducia misericordiæ contritum est, ne damnet, ne accuset, & tamen propter hanc carnem adhuc pullulat, & militat in carne nostra, ut efficiat similes fructus prioribus, ut simus securi, ingrati, ignorantes Dei, sicut prius fuimus. Hi sunt conatus reliquiarum peccati in nobis, quos etiam sentiunt Sancti, sed per Spiritum sanctum eis non indulgent.

Ergo Christianus postquam fide justus est, seu remissionem peccatorum accepit, non debet sic securus esse, quasi plane ab omnibus peccatis purus sit, sed tum demum ei perpetua hæc incumbit lucta cum reliquijs peccati, à quibus Propheta hic cupit abluì. Est quidem justus & sanctus, aliena seu extrinseca sanctitate, ut sic docendi causa appellem, hoc est, est justus misericordia & gratia Dei. Hæc misericordia & gratia non est aliquid humanum, non est habitus quidam aut qualitas in corde, sed est divinum beneficium, quod nobis donatur per illam cognitionem Evangelij propriam, quod scimus, seu credimus peccatum nostrum nobis per Christi gratiam & meritum remissum esse, & quod speramus propter Christum in misericordiam & miserationes multas & magnas, sicut Propheta hic dicit. Hæc autem justitia, an non aliena justitia est? quæ tota consistit in alterius indulgentia, & merum donum est Dei misentis, & propter Christum faventis.

Hoc in similitudine clarum fit, Si quis in aula alicujus Principis capitale supplicium sit meritis, hunc si ex Gratia dimittat Princeps, an non dices ei culpam remissam, non proprio merito, sed gratuito beneficio clementis Principis? Meritum enim nihil est, quam supplicium mortis. Sed tali non satis est, commissam culpam condonari, vincula solvenda, præbendæ vestes, aliquid præ manu etiam dandum est unde utatur. Idem nobiscum quoq; accidit in negotio justificationis. Nam cum per misericordiam sumus liberi à culpa, tum etiam dono Spiritus sancti opus est, qui expurget in nobis reliquum peccati, aut saltem nos adjuvet, ne succumbamus peccato & concupiscentijs carnis, sicut Paulus dicit, Mortificantes spiritu facta carnis. Iam hoc nobiscum accidit, quod in ea securitate vivimus pleriq; ac si toti essemus spiritus, & plane nihil carnis esset reliquum. Quare discendum est, carnem manere reliquam, & spiritus hoc esse officium, ut pugnet

Rom. 8.



gnet contra carnem, ne caro ea perficiat, quæ concupiscit.

Ergo Christianus non est formaliter justus, nō est justus secundum substantiam aut qualitatem (docendi causa hisce vocabulis utor) sed est justus secundum prædicamentum ad aliquid, nempe, respectu divinæ Gratiæ tantum, & remissionis peccatorum gratuitæ, quæ contingit agnoscantibus peccatum, & credentibus, quod Deus faveat & ignoscat propter Christum, pro peccatis nostris traditum, & à nobis creditum. Hanc justiciam postquam fide consecuti sumus, tunc necesse est hoc balneo seu lotione hac, de qua Psalmus dicit. Nam peccatum nō quidem amplius damnat, sed tamen remanet, vexat, & moleste impedit, ne sic rapiamur amore erga Deum, ne sic pleno corde credamus, sicut aut per spiritum vellemus, aut Deus exigit, ne sic simus casti, placidi, benefici, &c. sed omnia quasi membra suis vitijs laborant contra legem Dei. Hic nisi magno conatu nos opposuerimus & pugnaverimus, tunc periculum est, ne ista vitia grandescant, & nos retrahant in veterem impietatem. Sicut plurima exempla nostrorum hominum docent, qui nunc audito Evangelio, longe sunt pejores quam antea, Sicut etiam Sectarum exempla testantur. Sic enim securi sunt, ac si non possit eos sua ratio fallere, ac si sint sine carne. Illas diabolicas cogitationes, quas afferunt ad verbum Dei, admirantur & vulgant, quasi oracula, hoc cum fit, nullus remedio locus est reliquus.

*Credens est justus  
non respectu di-  
vinæ Gratiæ,  
sed  
cre.*

*Reliquum pec-  
cati expurgan-  
dum.*

Contra hanc securitatem prodest orationem Davidis bene considerare, in qua postquam remissionem peccatorum, quo ad culpam, rogavit, & in misericordia Dei lætatur, etiam hoc petit, quod restat, ut lavetur ab iniquitatibus, ut donec sibi Spiritus sanctus, virtus & donum illud, quod intus in corde vivat, & expurgat reliquum peccati, quod per Baptismum cœpit sepeliri, sed nondum plane sepultum est. Atq; hæc est vita Christiana, sicut egregie describitur ad Coloss. 3. ut quæramus ea, quæ sursum sunt, tanquam mortui mundo, & quorum vita in Christo abscondita sit, Et 2. Cor. 7. Ut mundemus nos ab omni inquinamento carnis & spiritus. Significat enim restare in se & omnibus Christianis hujusmodi inquinamenta spiritus, hoc est, malas opiniones de Deo & carnis, hoc est, vitiosas cupiditates, & hoc nostri laboris & studij esse debere, ut adjuti spiritu, ea expurgemus. Qui autem sibi toti sancti & sine vitijs esse videntur, hi inquinantur spiritu, ac amittunt fidem, & concipiunt opiniones, fidei quidem similes, sed à Diabolo immixtas, quibus paulatim securi à Verbo in impietatem abducuntur.

*Col. 3.*

*2. Cor. 7.*

*Christiana vita.*

*Inquinamenta  
spiritus & car-  
nis.*

Cito igitur dixeris, Credo in Christum, sed res plenissimi laboris est, ut hæc fides in corde fixa & certa sit ac maneat. Quia inquinamentum spiritus adest, Et nec ratio nostra nec Satan cessant, qui hoc agunt conjunctis viribus, ut omisso Verbo, proprijs opinionibus nos gubernemus. Hinc oriuntur sectæ & hæreses, quæ acerbissimo odio nos oderunt, & tamen hoc suum odium non putant peccatum esse, sed zelum interpretantur. Igitur non expurgant, non abluunt peccatum hoc, sed augent quotidie, Nos autem curemus, ut quotidie lavemur, ut de die in diem fiamus puriores, ut novus homo resurgat, & vetus corrumpatur quotidie, non solum ad mortē, sed etiam ad sanctificationē. Ad hanc Christianorum quasi palæstram faciunt, quod non solum varijs calamitatibus corporalibus Ecclesiam Deus premi finit, sed quod etiam hæreses & sectas permittit excitari, ut exerceatur ad retinendum Verbum & fidem, & expurgandas illas reliquias peccati. Nam ideo datur Spiritus sanctus credentibus, ut cum larvis sapientiæ nostræ in cordibus nostris pugnet, quæ se attollunt adversus justiciam Dei, Deinde ut nos excitet ad orandum, ad præstanda officia humanitatis omnibus, maxime autem Fratribus, & ut sic animus & corpus exerceatur, & de die in diem fiamus sanctiores.

*Fides in Christo  
non est plena  
laboris.*

*Cur Deus Ec-  
clesiam sine  
premi afflictio-  
nibus & hære-  
ses excitari,  
cre.*

Manifesta igitur hæc confessio est, quod Christiani sint peccatores. Nam ubi requiritur lotio, ibi significatur inquinamentum & sordes. Sed nostri Sophistæ quia tantum philosophicam justiciam intelligunt, seu qualitatem in mente, non possunt hanc discordantiam concordare. Ponunt justiciam ceu qualitatem in corde, ea cum adest, sentiunt totum hominem esse sanctum in spiritu & carne. Cum igitur audiunt Paulum esse electum, & tamen esse peccatorem, propter reliquias pec-

*per hanc in-  
dignitatem, ergo sunt  
peccatores.*

cati hærentis in natura, putant se Chimæram aliquam audire, quæ nusquam sit in tota natura. Damnant igitur nos pro hæreticis, & minantur incendia.

*David influe  
habet adhuc  
peccatum.*

Sed respondeant nobis ad hunc Psalmum tam nobilem, & notum vulgo, quid causæ sit, cur David post misericordiam & miserationes, hoc est, post justificationem, petat hoc quoque, ut mundetur? Nam David habens remissionem peccatorum, & existens in Gratia, quem nullum peccatum accusat, nec damnat, tamen adhuc est immundus, & habet adhuc immundum peccatum, cui nihil deest, cur non vere peccatum sit, quam quod non potest eum damnare. Ergo David justus & justificatus adhuc habet peccatum, & pro parte adhuc est injustus. Ideo orat donum maximum Spiritus sancti, ad has sordes expurgandas. Ac sane donum hoc satis probat, non esse ludum aut jocum hanc ablutionem. Nam hoc etiam ca-

*Peccati reliquias  
non extenuan-  
de.*

vendum est, ne illas peccati reliquias extenuemus. Si enim eas extenues, vilescet etiam purgator, & donum purgandi, Spiritus sanctus scilicet. Et Propheta discrete illas reliquias vocat peccatum, & iniquitatem, quanquam non est id peccatum, quod antea fuit, quia caput ejus est contusum per remissionem peccatorum. Ideo 1. Cor. 6. non simpliciter dicit Propheta, Lava me, sed, Amplius, seu multum lava me, hodie, cras, & ita deinceps per omnem vitam, ab inquinamento corporis & spiritus, ut de die in diem fiam fortior & certior, contra terrores Legis, donec fiam Dominus Legis & peccati, per plerophoriam tuæ misericordiæ, &c. Hæc est doctrina hujus Psalmi, & perpetua nostra Schola, in qua nunquam perfecti Magistri evademus, non nos, non Apostoli, non Prophetæ. Omnes enim hic manemus discipuli, & omnes petimus, dum vivimus, amplius lavari.

*Amplius lava  
me &c.*

*Dux justificati-  
onis pariter.*

*Donatio Spiritus  
sancti cum  
donis suis, &c.*

Hæ duæ sunt partes justificationis, Prior est Gratia per Christum revelata, quod per Christum habeamus placatum Deum, ut peccatum amplius non possit nos accusare, sed conscientia fiducia misericordiæ Dei, sit reducta in securitatem. Posterior est donatio Spiritus sancti cum donis suis, qui illuminat contra inquinamenta spiritus & carnis, ut defendamur ab opinionibus diabolicis, quibus orbem terrarum seducit, ut vera cognitio Dei in diem crescat. Item alia dona, castitas, obedientia, patientia, ut corpus nostrum & concupiscentiæ frangantur, ne eis obediamus. Qui hoc donum non habent, aut eo sic non utuntur, sed aut in carnis sordes, aut spiritus labuntur, ut sine discrimine dogmata omnia probent, apud hos dominatur caro, nec norunt tales, quid sit hoc Spiritus sancti balneum, quod David hic petit.

### III.

*Quoniam iniquitatem meam ego cognosco, & peccatum meum contra me est semper.*

*Meritum Christi  
est causa ju-  
stificationis.*

*Causa sine qua  
non.*

**A**Vdivimus duos versus Psalmi, in quibus David postulavit, primo gratiam & remissionem peccatorum, Deinde etiam donum purificans & mundificans facies, seu reliquias peccati. Nam hæc duo absolvunt perfecte justum & sanctum coram Deo, sine omnibus nostris præparationibus & satisfactionibus, & sine ista fictitia poenitentia, quam hætenus docuimus in populo, & Papistæ adhuc docent. Quia tantum una justificationis causa est, scilicet, meritum Christi, seu gratuita misericordia, quam corda Spiritu sancto accensa, fide apprehendunt. Quod si quis vult, numeret agnitionem peccati, tanquam causam secundam, seu, ut eruditi loquuntur, causam sine qua non, quia sic est causa, ut tamen tota res pendeat ex misericordia Dei, seu ex promissione, quod scilicet Deus promissit, se velle illorum misereri, qui agnoscunt sua peccata, & justiciam sitiunt, Alioqui si de natura peccati loquaris, etiam peccatori sensitivo, ut supra appellavimus, nihil aliud debetur secundum omnem legem & naturam, quam poena & indignatio summa. Quod autem tales poenam & iram effugiunt, hoc totum est misericordiæ Dei, qui promissit, se eos, qui sentiunt peccata & horrores judicii divini, velle refocillare gratuito remittendo peccatum.

Nihil

Nihil igitur est, quod possit quoquo modo allegari pro merito. Quia nec agnoscere peccatum aliquid est, nisi quantum promissio divina facit. Nam cum peccatum per Spiritum sanctum arguitur ac revelatur, ut David non adulterium tantum, sed universaliter totam naturam peccato deformatam, penitus animo intueatur, tunc si nihil quam nostra satisfactio expectanda esset, opprimeretur David metu iudicii Dei, & desperatione, Sicut nostra experientia sæpe edocti sumus. In monasterijs proponebantur satisfactiones, & accurata peccatorum confessio, sed non ideo in tranquillo erat conscientia. Suadebatur cucullus, sed ijdem in cucullo durabant animi dolores, quos antea eramus passi, nec proderat iterum abjicere cucillum. Hoc autem experimur, Dei benignitate, præsentissimum & certissimum remedium esse, Nosse seu credere, quod Deus territis peccato suo velit ignoscere, & quod jubeat sperare tales remissionem peccatorum. Hunc promissionis locum ostendit David suo exemplo, sibi causam esse implorandæ misericordiæ & doni quo purificetur.

Quare rationalis particula, qua hic utitur, non ponitur, quasi cognitio peccati sit prima causa, quæ mereatur remissionem peccatorum. Peccatum enim est peccatum, & meretur pœnam sua natura, sive agnoscas, sive non agnoscas. Sed agnitio peccati est correquisitum quoddam, quod Deus vult agnoscentibus peccata ignoscere, non agnoscentibus non vult ignoscere. Hæc promissio sola causa est, & prima, media & ultima causa, hoc est, totum est in justificatione. Ad hanc promissionem David intuetur, cum dicit, Quoniam iniquitatem meam cognosco, Q. d. Non allego tanquam meritum aliquod, quod peccatum meum cognosco, sed quia tu promissisti gratiam agnoscentibus peccatum, ideo coram te profiteor, me peccatum meum agnoscere, &c. Vocabulum Nosse, in Ebræo longe significantius est, quam in alijs linguis. Significat enim sentire & experiri aliquid, quale sit secundum suam naturam. Sic de Adam dicit Scriptura, Cognovit uxorem suam, hoc est, expertus est & sensit. Sic non novit Deus superbos, hoc est, non curat, non promovet eos, &c. Eodem modo hic ponitur, Quoniam peccatum meum cognosco, Q. d. In eum locum veni, ut tempus sit miserendi & juvandi, sum enim factus ex insensato peccatore, peccator sentiens, qui nunc peccatum & iudicium Dei cognosco, hoc est, vere sentio. Porro hic sensus est ipsissima mors naturæ, nisi per Spiritum sanctum subjiciantur cogitationes pacis, & cognitio misericordiæ Dei, quod Deus tales peccatores non velit perdere.

Hic opus est sententijs, quas sine dubio meditatissimas habuere S. Patres, quod dicit Dominus in Deuteronomio, quanquam ibi de corporali beneficio loquitur, Non propter justicias tuas & æquitatem cordis tui possidebis terram gentium &c. Item, Ego Dominus, qui deleo iniquitatem tuam, Item, Vivo ego, Nolo mortem peccatoris, &c. Hic exemplis opus est, quod Deus, cum Ninivæ pœnitentiam agerent, hæc est, cum agnito peccato humiliarentur, retractat sententiam suam, & dicit, Non perdam eos, Item, quod Achab, cui minatus erat interitum familiæ, ignoscit, & dicit ad Prophetam, Vidisti ne Achab humiliatum? Ex his historijs nascitur illa Theologica notitia Dei, quod Deus sit Deus humilium, afflictorum, & pauperum, qui se agnoscunt, quod sint peccatores, & sic timent Deum, ut tamen magis sperent in misericordiam ejus. Hujusmodi Sententiæ & exempla S. Patres in lege sine dubio habuerunt notissimas & charissimas.

Nostri devotarij satis bonum simile ex Mose usurparunt, ubi jubet pignoris loco non simul inferiorem & superiorem molam accipiendam esse, ne de victu periclitetur debitor. Hæc eo accommodarunt, Quod Deus nolit nihil, quam iram sentiri, sed quod velit sensum iræ misceri cum sensu Gratia, secundum sententiam. Beneplacitum est Domino super timentes eum, & super eos, qui sperant super misericordia ejus. Ad hunc modum David quoque petit sibi ignosci, Quia, inquit, agnosco iniquitatem meam. Quid hoc ad me? Deus potest dicere, Si agnoscis peccatum, & ideo ex corde doles, habeas fructum operum tuorum. Ad hunc modum responderet



*Deus ignoscit  
peccata agnoscentibus ea.*

deret Lex, & sineret hominem in illo sensu peccati ita perire. Nam Iudex sic solet, cum confessione culpæ poenam conjungit. Sed Deus non vult esse Iudex, ideo Legem sustulit prædicatione Evangelij, in quo testatur, sibi satis esse poenæ, si cor sit afflictum & desperatum, quod antea in peccatis securum erat, Non quod meritum aliquod sit, agnoscere peccatum, sed quia ipse promisit se agnoscentibus ignoscere velle. Et tantum se irasci istis peccatoribus, qui non sentiunt peccata sua, Sed aut præsumunt de viribus suis, & volunt justificari proprio merito, aut secure peccant secundum concupiscentiam carnis, sine timore Dei. Sed hi crassi peccatores illis adhuc meliores sunt, qui duplici operculo peccatum suum tegunt, quod & fidunt suis viribus, & misericordiam repudiant.

Longe aliud David hic facit, qui petit veniam, sed non in aliam ob causam, quam quod est peccator, & videt suam infirmitatem, sicut mendicus aliquis, qui accedit ad divitem aliquem, de quo opinionem liberalitatis concepit. Is dives, si quid dat medico, non dat meriti alicujus causa, quid enim meretur, qui inopiam suam deplorat? sed dat ex sua quadam liberalitate misericordia adductus.

*Et peccatum meum coram me est semper.*

*Vox ultima  
Bernhardi.  
Perdite vixi.*

Hoc est, incumbit cervicibus meis, premit me, non possum eo plene liberari. Sed hic cavete, ne intelligatis eum loqui de actuali peccato, sed totam vitam, cum omnibus & sanctissimis justicijs suis proprijs, in conspectu Propheta habet, & sentit se istis omnibus nihil juvari, nisi accedat misericordia, Sicut de Bernhardo admirandæ sanctitatis viro narrant, Eum hanc quasi ultimam vocem edidisse, Perdite vixi. Hoc vere est peccatum in conspectu esse, non unum aut alterum malefactum, sed totam naturam, & universale peccatum, cum omnibus viribus, cum justitia & sapientia carnis omni, quod hæc omnia in iudicio Dei nihil sint, & Bernardus cum Davide, David cum omnibus Sanctis dicat, Ne intres Domine in iudicium cum servo tuo.

*Iudicium  
Bernhardi de Sado-  
leto.  
Infirmitas.*

Sadoletus de actuali peccato accipit, sed non potuit alia ratione clarius ostendere, summam veræ Theologiæ & inscitiam. Neque enim posita hæc sunt in eleganti oratione, sed in usu & experientia, quam Davidis & aliorum Sanctorum illustra in sacris literis exempla ostendunt, quorum Sadoletus nihil intelligit. Ego autem ideo diligentius hæc inculco, quia expertus sum quam difficulter persuadeantur ijs, qui in scholastica illa Theologia educati sunt, Et opus habeamus hac cognitione non solum pro nobis, sed etiam cum alij consolandi sunt in simili sensu peccati. Quando enim sic in conspectu est peccatum, tunc animus non audet se erigere, sed sibi perpetuo hanc cantilenam occinit, Peccator es, igitur odit te Deus. Hæc consequentia vera est, in natura, in jure civili & foro, & omnibus humanis rebus. Ibi sane maneat hæc consequentia vera ut dicas, Peccator es in hoc & hoc peccato, igitur te odit Cæsar, Iudex, &c. Hoc autem ceterum Satanae venenum & pestilentissimam pestem caveas, ne hanc consequentiam ex foro etiam ad tribunal Christi transferas. Ibi enim non sequitur, Peccator es, ergo Deus te odit, Sed hoc sequitur, Peccator es, ergo confide, quia tales peccatores, qui peccata sua sentiunt, vult Deus, Alioqui nemo hominum salvaretur, non Apostoli, non Prophetæ, Quia omnia conclusit Deus sub peccatum, sed ideo, ut omnium miseretur. Si igitur agnoscis, te habere peccatum, si tremis, si vexaris sensu iræ Dei, horrore iudicii Dei & inferni, confide, Tu enim es, cum quo Deus vult loqui, cui Deus vult misericordiam suam ostendere, & quem vult salvare. Quia sic sonant promissiones ejus, quod sit Deus pauperum, qui non vult mortem peccatoris, neque enim est Deus furoris, sed Gratiæ & pacis, igitur vult ut peccator convertatur & vivat. Hæc consolationes non sunt leviora verba, quæ decretis Patrum, aut ingressura religionis (ut vocant) nituntur, sed nituntur promissionibus divinis, & omnipotenti verbo Dei, ideo etiam corda eriguntur, & consolationem firmam ac certam sentiunt.

*Deus Gratia  
& pax.*

Sic David hanc causam affert, cur petat misericordiam, Quia inquit, Peccatum

earum meum coram me est semper, hoc est, Peccatum meum me urget, non admittet quietem ullam, non pacem, non vino, non pane, non somno sensus iræ & mortis excutitur. In tali periculo nullum remedium aliud reliquum est, quam ut animus contra hunc sensum eluctetur, & dicat, Miserere mei Deus. Hoc enim tempus, tuum tempus est, quod requirit divinam operationem & opem, qua peccatorem juves & consoles. Quid enim esset, Deum esse, si nihil sciret quam occidere & terrere. Hæc Satan solet facere, item peccatum & mea ipsius conscientia, Deum autem esse, est aliquid supra hæc posse & facere, scilicet, ut in talibus periculis consoletur, erigat & vivificet, ut declaret se plus scire & posse, quam Satan, lex, & ego scimus & possumus. Si igitur Lex cor durum terruit & flagellavit, donec perduceret in sensum peccati, Veniat etiam Christus secundum promissionem suam, & iterum sic territum consoletur & erigat. Nos autem eas consolationes fide accipiamus, & non fiamus increduli divinæ revelationi. Iam sequitur.

*Peccatum meum coram me est semper.*

## IV.

*Tibi soli peccavi, & malum coram te feci, ut iustificeris in sermonibus tuis, & vincas cum judicaris.*

*Rom. 3.*

**H**ic versus à varijs est varie tractatus, & semper sic judicatum est, hunc unicuique scrupulum in hoc Psalmo difficilimum esse. Quia autem Paulus in Epistola ad Romanos eum citavit, factum est, ut numeraretur inter difficiliore totius Scripturæ locos. Et si igitur libenter alijs relinquo, ut abundant suo sensu, tamen bona spes me tenet, nihil nos à sententia vera & germana aberraturos esse. Hoc autem in primis Lectorem volo monitum, ut retineat hoc, quod in principio Psalmi monuimus, quod scilicet David loquitur in persona omnium Sanctorum, non solum in sua persona, seu in persona adulteri. Quanquam non negem potuisse fieri, ut per occasionem hic lapsus eum duceret in cognitionem sui & totius humanæ naturæ, ut sic cogitaret, Ecce ego, tam sanctus Rex, qui tanto studio & in Legem & cultum Dei sancte servandum incubui, tam sum per innatam carni malitiam & peccatum oppressus & victus, ut innocentem hominem cædi objecerim, & per adulterium eripuerim conjugem, An non hoc evidens argumentum est, naturam gravius peccato infectam & corruptam, quam unquam potui suspicari? Qui heri castus eram, hodie sum adulter, Qui heri habebam innocentes manus à sanguine, jam sum vir sanguinum. Et ad hunc modum potest fieri, ut hunc generalem totius peccati sensum ex illo lapsu adulterij & homicidij acceperit, & inde concluderet, Neque arborem, nec fructus humanæ naturæ bonos esse, sed omnia peccato ita deformata ac perditæ, ut nihil sani in tota natura sit reliquum. Hoc primum volo admonitum Lectorem, si modo sanam hujus loci sententiam expetit.

*Propheta inquit in persona omnium Sanctorum.*

Secundo etiam Grammatica explicanda est, quæ aliquid obscuritatis habet. Nam quod interpret reddidit per præteritum, præsens esse debet. Tibi soli pecco, hoc est, agnosco me coram te nihil esse, quam peccatorem. Item, Malum coram te facio semper, hoc est, tota vita mea est mala & perditæ propter peccatum, Non possum jactare coram te meritum aut justiciam, sed sum totus malus, & coram te meum hoc nomen est, quod malum facio, quod peccavi, quod pecco, quod peccaturus sum in infinitum. Ad hunc modum mutatio temporis præteriti in præsens, abducit nos ab actuali peccato, in peccatum universale. Sadoletus sicut bene imperitus Theologus, & tamen vir eloquentia magnus, varie se torquet, & sic transformat sententiam, ut ne divinare possis quid velit, Particulam Soli, exponit, quod nemo id peccatum viderit, nisi Deus, Sed quis non videt, quam ea sententia inepta sit?

*Tibi soli pecco.*

*Sadoletus.*

Nos igitur hic primum Grammaticam restituimus, quod præterita illa sint reddenda in præsentem, Deinde particula Soli, adverbialiter ponenda est, ut sit propria & germana, atque etiam simplicissima sententia, Tibi solum vel tantum pecco. Coram te nihil sum, nisi peccator, Coram tuo judicio, non meritum, non justiciam

*Tibi soli pecco.*

n.

ciam aliquam jacto, sed agnosco me peccatorem, & imploro misericordiam tuam. Ut sit conversa universalis, quæ est apud Iohannem primo, Qui illuminat omnem hominem. Ibi enim totam humanam naturam peccato excæcatam dicit. Hanc sententiam huius loci Paulus quoque comprobatur in Romanis, qui studio hanc sententiam videtur citasse, ut ostenderet, quomodo intelligenda esset. Nam in eo ipso loco ponit hanc universalem, Omnis homo est mendax, ut ipse sit solus verus, Ad eum modum particula, Ut, hic, quoque, exponenda est. Neque enim hoc vult, Dei iusticiam augeri nostris peccatis, sicut Paulum calumniabantur homines profani, sed simplicissime dicit. Ego tantum coram te pecco, ego tantum coram te malum facio, ut constet verum esse, quod tu solus sis justus, & iustificans peccatores, qui solus à peccato liberas, non imputando ea ijs, qui in tuam misericordiam confidunt.

*Iusticiam non  
volunt haberi  
peccatores.*

Hanc sententiam Paulus clare ostendit in ijs, quæ proxime huius loci citationem præcedunt. Quare particula, Ut, non est operis nostri, ut importet causam, sed est tantum nostræ confessionis, quod hæc duo confitemur, Omnes homines esse mendaces, seu peccatores, ut constet, solum Deum esse justum & iustificare impium, qui est ex fide in Christum Iesum. Nam hæc perpetua cum superbis iusticiarijs pugna est, quod non volunt esse peccatores, nec possunt ferre, si quis ipsorum Pharisaicam iusticiam damnet. Hoc autem quid aliud est, quam negare quod solus Deus sit justus? David autem propria experientia edoctus, non iusticiam, non sanctitatem aliquam, aut meritum suum prædicat, sed contrarium dicit. Confiteor me esse peccatorem, neque aliud natura mea & vires meæ per se possunt, cum dono & Spiritu tuo destituor, quam ut peccem. Hoc confiteor de me, & de tota natura, seu de omnibus hominibus, ut tu solus sis justus, ut nemo aliam iusticiam, quam tuam norit, quærat & comparet, &c.

*Dei ius  
sui est.  
Totus mundus  
reus peccati.*

Ad hunc modum huius versus hæc certa & germana sententia est, quod David intuens in totam naturam, sibi & omnibus hominibus propriam iusticiam adimit, & generali confessione nihil quam peccatum sibi allegat & vendicat, ut Deo relinquatur iste titulus plenus & integer, quod sit solus justus. Non igitur efficitur ex hac sententia, quod blasphemii interunt, Si Deus iustificatur ex nostro peccato, ergo magis peccabimus, Sed hoc sequitur, quod totus mundus sit reus peccati, & quia solus Deus justus est, non posse mundum à peccato liberari ullis suis conatibus, studiis, aut operibus, sed eam gloriam iustitiæ soli Deo relictam esse, qui est justus & iustificat impium per fidem in Christum. Ergo omnes, qui hanc naturæ suæ infelicitatem sentiunt & vident, non debent aliam formam aut viam iustitiæ quærere, quam per eum, qui solus est justus. Rom. 3.

*Natura huma-  
na tota peccato  
perdita & de-  
monstrata, &c.*

Constituuntur igitur hic illæ duæ principales totius Scripturæ sententiæ. Prima, quod tota natura peccato damnata & perdita sit, nec possit suis viribus aut studiis ex hac calamitate & morte emergere, Altera, quod Deus solus sit justus, Qui ergo à peccato volunt liberari, hi per confessionem peccati debent ad justum Deum confugere, & misericordiam ejus exemplo Davidis, implorare. Apparet igitur Psalmum hunc pulcherrimum Spiritus sancti monumentum esse, relictum in Ecclesia, ad nos de maximis & gravissimis rebus docendos, quas prior ætas neque intelligere, nec sane docere potuit, quod à verbo ad humana somnia discesserit. Nos autem ex Verbo judicare & docere alios oportet. Id autem manifeste arguit solum Deum esse justum. Ergo non politica, non œconomica iusticia nos liberabit, neque ullæ ceremoniæ, sed sive sit aliquis justus princeps, sive justus maritus, quod ad administrationem externam attinet, tamen coram Deo necesse est eum dicere, Tibi soli peccavi, &c. tu solus es justus. Sed hæc mox pluribus disputabimus.

Mihi quidem tantum videtur in hoc versu positum esse, ut etsi eum jam breviter & fortasse crassius exposuerim, tamen propter eos, qui novi ad hanc doctrinam veniunt, neque statim ista possunt capere, volo paulò copiosius ea repetere quæ dixi. Hanc posuimus primam sententiam, quod Propheta non possit intelligi de actuali peccato.



peccato. Quare Sadoletus & alij frustra laborant, qui eum interpretantur de adulterio, quod fuit ceu fructus illius perpetui, & una nobiscum nati peccati, in quo vivimus & morimur. Secundo etiam hoc monui, neq; historice, neq; grammaticè, sicut verba sonant, hunc versum intelligi debere, quasi Deus non possit justificari, nisi peccemus. Non enim agitur hic de peccato metaphysicè, nec historice, sed Theologicè & in spiritu agitur de illa cognitione, ut pronuntiemus & judicemus nos esse peccatores, Deum autem esse justum. Qui ad hunc modum sententiam hanc non tractant, ij laborant, sicut Paulus ostendit, in absurda & blasphema quæstione. Sectantur enim metaphysicam sententiam, & Theologicam negligunt, aut in eo errant, ut peccatum non intelligant, nisi fructum peccati seu actualia & civilia peccata, atque ideo in hypocriticam opinionem propriæ justiciæ delabuntur.

Iam cum hæc quoq; peccati pars sit, quod peccatum in natura absconditum manet, nec potest totum plene cognosci, necesse fuit id divinitus revelari. Fit autem hæc peccati revelatio per Legem & per Evangelium seu promissionem, Nam utraque doctrina arguit peccata, quæ nos neq; intelligimus, nec credimus, nec sentimus esse peccata, nisi cum admonemur verbo Dei. Ideo Propheta diserte addit hanc particulam, Vt justificeris in sermonibus tuis, Q. d. Omnes sumus peccatores, Tu autem es justus, sicut Verbum tuum pronunciat. Tibi igitur tribuo justiciam, mihi autem & omnibus hominibus tribuo peccatum, Ita ut apud me non sit justicia, sed apud te solum. Facio autem hoc informatus sermonibus tuis, & Verbo tuo. Nam si absq; Verbo essem, non possem habere hanc cognitionem, ut sic de me & omnibus hominibus pronunciarer. Qui enim Verbo non credit, is neq; Deum solum justum, nec sese tantum peccatorem esse confitebitur. Credo igitur Verbo tuo, & sic statuo, te melius nosse meam & omnium hominum naturam, quam nos, & secundum Verbum pronuntio, nos esse peccatores, & quod ad naturam nostram attinet, peccatores manere, ut tu sis justus, & ut justificeris ac glorificeris, per hanc confessionem, quæ me peccatorem, te autem justum & sanctum esse statuit.

*Ps. 32.* Eodem modo Spiritus sanctus loquitur in Psalm. 32. Dixi confitebor adversus me injusticiam meam Domino, & tu remisisti impietatem peccati mei. Ergo hæc confessio sive cognitio ad remissionem peccatorum est necessaria, ut credamus & confiteamur, nos peccatores esse, & totum mundum esse sub ira Dei, Sic primum præceptum per ipsam promissionem arguit peccatum. Nam quod Deus promittit, Ego sum Dominus Deus tuus, hoc est, Ego sum, per quem tibi veniet salus contra mortem & peccatum, Hoc ipsum arguit hanc totam naturam morti & peccato obnoxiam esse. Quorsum enim pertineret alioqui promittere, se nobis Deum fore? Sic verbum Dei, hoc est, tam Lex quam Exangelium, seu promissio, clara & certa consequentia arguit nos esse peccatores, & sola gratia servari. Si enim Deus promittit vitam, sequitur nos sub morte esse. Si promittit remissionem peccatorum, sequitur nos sub peccatis esse & teneri. Iam stipendium peccati mors est. Ad hunc modum cominationes, tum promissiones omnes idem ostendunt. Neq; enim sunt factæ bestiis, quæ in morte manent, sed ad nos homines divina vox facta est & promissio salutis, contra mortem, peccatum & infernum.

*Rom. 6.* Hæc dixi pluribus, ut appareat hanc sententiam non Metaphysicam, sed Theologicam esse, de arguendo peccato per Verbum, sicut Paulus clare dicit, Peccatum non noram, nisi per Legem, Non quod peccatum non habuerit, aut in mundo non fuerit, sed quod peccatum nescierit. Ergo non de essentia peccati, seu Metaphysico peccato agit, sed de cognito peccato, quod intelligitur ac sentitur, quando scilicet vox Dei venit, & sermones Dei, qui in cor nostrum sonant. Tu es peccator, tu es sub ira Dei & morte. Hoc cum fit, tum demum incipit pugna illa, in qua David se fateatur victum succubuisse, in qua pugna litigat humana natura cum Deo, An hoc verbum verum sit, quod pronunciat omnes homines sub peccato esse, Deum autem solum esse justum. Nam natura huic sententiæ reclamationem, nec statim assentitur, quod omnia sua opera in iudicio Dei sint mala & peccatum, sicut Scholastici acerrime

hanc sententiam defendunt, Hominem habere rectum lumen rationis, & naturalia integra. Hoc autem est, non solum negare peccatum, quod divinitus revelatum est, sed etiam negare ipsum Deum esse solum justum, qui nos pronunciat esse peccatores.

*Schola Sophistarum.*

In hac contradictione perpetua vivit totus Papatus, & omnes Scholæ Sophistarum, Nolunt agnoscere, se nihil nisi peccatores esse, sed contendunt, Rationem habere suum lumen integrum, & si quid vitij sit in natura, inferiorem tantum portionem corruptam esse, eam trahi libidine & concupiscentia, sed superiorem portionem habere inextinguibilem & puram lucem. Hoc si quis de civilibus actionibus affirmaret, aliquo modo verum esset, sed non simpliciter. Nam in illis quoque sentimus, quantum per peccatum ademptum sit naturæ. Sed cum de cognitione Dei, & peccati, seu humanæ naturæ agitur, nihil minus verum est. Ergo relinquitur, solius divinæ revelationis esse per Verbum, cognoscere quod simus peccatores, & quod Deus sit justus.

*Deus genus humanum.*

Cum autem Verbo sic revelantur peccata, tunc duo hominum genera diversa se aperiant. Alij justificant Deum, & ei arguenti peccatum humili confessione assentiuntur, Alij Deum arguentem damnant, & mendacij arguunt. Atque hæc major mundi pars est damnantium & persequentium hoc Verbum, quo arguuntur peccata, Neque vero hoc de Turcis tantum & Judæis intelligi velim, qui manifesto odio doctrinæ Christianæ accensi sunt, sed facit id Papa quoque cum sua Ecclesia. Quid enim aliud est, cum dicunt, Se posse ex dictamine rectæ rationis eligere & facere bonum, quam negare, naturam peccato corruptam esse? Deinde nota est illa vulgaris sententia Scholarum, Quando homo facit, quod est in se, tunc Deus infallibiliter dat gratiam, Hoc an non est arguere Deum mendacij? dicentem in verbo suo, Omnes peccaverunt, Non est qui faciat bonum, ne unus quidem, Omnes declinauerunt, & inutiles facti sunt, &c. Non enim arguit tantum illam foedam libidinem, concupiscentiam, avariciam, &c. Sed majora arguit, declinationem scilicet à Deo, quod natura tota non requirit, non curat Deum, quod est sine fide in calamitatibus, sine timore in rebus secundis, &c. Hæc probant rationem humanam una cum voluntate esse exæcatam, & averfam à bono & vero. Quia autem nos hæc docemus & defendimus, ideo damnamur ceu hæretici & rapimur ad supplicia. Atque hoc est quod Psalmus hic dicit, Deum non justificari ab impijs in sermonibus suis, sed argui & damnari.

*Dei genus Sophistarum.*

*Peccata quæ naturam arguunt.*

*Rom. 1.*

Discamus igitur, peccatum esse, ad hunc modum cum Deo litigare, & eum in Verbo suo arguere. Quare hoc potius faciendum est, ut etiam si non intelligamus ista plene, tamen credamus ei, qui nos creavit, pronuncianti de nobis, Ille enim scit, quale figmentum seu lutum simus, nos non scimus. Nam sicut vas figuli, quod rimam ex collisione, aut alia occasione duxit, nescit se habere rimam, figulus autem scit & videt. Ad eum modum nos quoque nostra vitia non novimus plene. Quare confiteamur nostram infirmitatem, & dicamus cum reverentia, O Domine, sum ego lutum tuum, tu autem formator & figulus meus, Quia igitur pronuncias me esse peccatorem, assentior Verbo tuo, & libens agnosco & confiteor hanc impietatem latentem in carne mea & tota natura, ut tu glorificeris, ego autem confundar, ut tu justus, & vita, ego autem cum omnibus alijs hominibus peccatum & mors, ut tu sis summum bonum, ego autem cum omnibus hominibus extremum malum. Hoc agnosco & confiteor, edoctus sic per promissiones tuas & Legem tuam, non per rationem meam, quæ libenter hanc impietatem tegeret, aut ornaret etiam, Sed plus mihi in eo est positum, ut tua gloria crescat. Et qui ad hunc modum confitetur peccatum, is hunc versum cum sancto intellectu orat, Tibi soli peccavi & malum coram te feci, ut justificeris in sermonibus tuis.

*Impietas in natura latens.*

*Et vincas cum judicaris.*

Hanc particulam addidit nobis ad consolationem. Nam illud judicium divinum, quo omnes pronunciamur peccatores, & Deus solus justus, patitur instantiam & re-

& rebellionem, ut sic dicam, à majore parte totius Mundi, sicut supra de Turca, Iudeis, etiam Papistis ostendimus, Quin in nos ipsos quoque pugnamus contra hoc iudicium Dei, quod in sermonibus suis, hoc est, tam per promissiones quam Legem, nos peccati arguit. Nam etiam in Sanctis manet sensus huius blasphemiae, quod saepe indigne ferunt, omnia sua culpari, Deinde etiam hic sensus in Sanctis est, quod tum demum sibi videntur diligentius oraturi, credituri plenius, & laudaturi Deum, si viderent se puris manibus & sensibus esse, & carere omni peccato. Atque hoc non est hominem esse, sed Deum, seu Angelum. Ita luctatur contra Dei iudicium peccatum, quod laret etiam in Sanctis. Etsi enim Spiritus Verbo regitur, & ei acquiescit, tamen fatetur etiam Paulus aliam Legem esse in carne sua, quae contra Spiritum & Verbum pugnat. Hanc contradictionem perpetuam etiam Sancti in se animadvertunt & vident, quid nimirum est, si etiam illi contradicant, qui Verbum odierunt, & nituntur Ordinibus & missis suis?

Quare nos, qui hanc confessionem amplectimur, hanc consolationem, & ceteram prerogativam habemus, quod etsi impugnamur à contradictoribus, tamen non succumbemus. Nam non impugnamur soli, solis non contradicatur sed impugnatur ipse Dominus noster Iesus Christus, & contradicatur Verbo, hoc est, promissionibus & Legi divinae. Igitur eventus erit optatus, secundum particulam hanc, *Ut vincas cum iudicaris*. Sic ipse Dominus noster Christus cogitur Papae esse haereticus, Ipse Deus noster promittens remissionem peccatorum gratuitam per Christum, damnatur à iustis Monachis & sanctis hypocritis, ceterum nocentissima pestis. Ratio & sapientia carnis nostrae damnat sapientiam verbi Dei, Sed spera eventum optatum, & non ideo in tanta contradicentium multitudine desponde animum, Ipse Dominus vincet in nobis & in verbo suo, blasphema ora, nolentium agnoscere immundiciem suam, & conantium afferre ad Christum propriam iusticiam.

Hæc opinio propriae iusticiae, est acerbissima blasphemia contra Deum. Quare nemo cogitet sine causa à Christo dictum esse, Meretrices & publicani praecedent vos in regno Dei. Hi enim, quia in crassis peccatis vivunt, humiliantur, & agnoscunt se esse peccatores. Isti autem in singulas horas, nova certamina cum Deo instituunt, quibus gratiam impugnant, & se defendunt. Hic si essemus soli, fortasse cogeremur cedere furori mundi & hypocritarum, Sed hic audimus consolationem, Deum in sermonibus suis damnari, non in nostris sermonibus & operibus. Sic Pontifex me excommunicavit & damnavit, Non ideo quod sim infirmus & peccator, nam peccata mea posset ferre, sicut fert suorum fornicationes, adulteria & nefandas libidinum species, Hoc autem damnat, propter hoc me & alios fratres excommunicat, quod docemus sermones Dei, quibus arguuntur peccata, & cæcitas Papatus, Sed ne nos ipsi quidem hoc possemus, nisi essemus ita edocti sermonibus Dei. Si igitur accusamur & damnamur tanquam Haeretici, si nostra doctrina iudicatur esse noxia, propterea quod damnat sapientiam humanam, & studia, quae nos ad placandum Deum suscipimus, item si oriuntur malae pugnae, & perturbationes, habemus hic consolationem, quod ipse vincet, quia non nos soli, sed ipsius sermones, petuntur & damnantur. Igitur eos defendet, & ruebitur, contra adversarios. Dat quidem Verbum, ut doceat & salvet, sed si id nolunt accipere, non ideo conculcari sinit Verbum, sed potius conculcat hostes Verbi, sicut res ipsa ostendit.

Hæc consolatio, quam textus praesens nobis ostendit in contradictione, quae fit per excommunicationem & persecutionem, falsae Ecclesiae & Tyrannorum, etiam ad animum nostrum est transferenda. Sicut enim paulo ante dixi, etiam in carne nostra manet talis contradictio, seu lis contra Deum & sermones ejus. Hoc cum experimur, non debemus animo dejici, maneat tantum spiritus integer, & credat ac confiteatur se esse peccatorem, etsi tum nonnunquam blasphemiae tales contra iudicium Dei sentiuntur, tamen fiet, ut spiritus vincat, sicut Deus, qui largitur spiritum, in tali iudicio vincit. Sed victoria hæc etiam in spiritu intelligenda est, Re enim contrarium sentitur, & videtur Deus cum spiritu nostro vinci, caro autem &

*Ut vincat, cum iudicatur.*

*Opinio propriae iusticiae.*

*In sanctis etiam manet de contradictione sermones Dei. Pugna carnis in sanctis contra spiritum, quomodo superius ostendimus.*



mundus vincere. Nam videmus, quod totus fere mundus nos damnat. Qui autem sermonibus Dei assentiuntur, paucissimi sunt, Deinde etiam in nobis & sanctis caro sic tumultuatur, ut quasi extinguat spiritum, Sed esto fortis contra hæc pericula, & crede te esse peccatorem, quem Deus velit pro filio habere, si confitearis te esse perditum. Nam hac confessione, qua te confundis, & tua vulnera medico aperis, Deum glorificas, & provocas ad proprie divinum opus, ut tanquam medicus sanet ægrotam tuam mentem.

*Insuper blasphemant.*

*Sanctum Deum  
remunerant  
libenter habent.*

Econtra qui hoc non faciunt, sed sibi vendicant aliquam justiciæ laudem, hi luctantur cum Creatore suo, & blasphemant ac negant eum, dicunt eum esse mendacem, & persequuntur ejus gratiam & favorem, quo nos amplecti vult, imo ipsam vitam æternam persequuntur, & ex Deo diabolus faciunt. Tanta impietatis humanæ est sceditas, cum non acquiescimus verbo. Sed hanc etiam pii nonnunquam sentiunt, cum à verbo & hac confessione discesserunt. Quoties enim accidit, ut, si in manu mea esset, alium Deum crearem, qui ad me diceret. Ecce in tanta fidelitate docuisti, tanta assiduitate orasti, tanta cura plantasti vineam meam, &c. eris igitur mihi propter hanc tuam diligentiam gravior. Talem Deum, qui operibus nostris concilietur, natura libenter haberet, qui autem gratis ignoscat, cum repudiat. Sicut exemplum adversariorum nostrorum testatur, qui nihil minus ferre possunt, quam quod dicimus, remissionem peccatorum seu misericordiam sola fide accipi. Sic filij Israel Deum remuneratorem operum quærebant, gratis autem ignoscentem & accusantem peccata, persequabantur. Vult autem Deus secundum verbum suum egregie remunerari opera, sed hoc vult ut præcedat, ut confiteamur nos esse peccatores, & fidamus ipsius misericordiæ.

*Deo contra  
hominem.*

*Argumentum  
Sicut.*

Sic sunt duo genera hominum, quorum alij confitentur cum Davide, Deum esse justum, veracem, & sanctum solum, Alij sunt impij, & gigantum exemplo deum dicentes, Verbum tuum non est verum, nos non sumus cæci, Est in nobis adhuc aliquid luminis erga Deum, cui si obediero, ero in gratia. Hoc est ex Deo mercatorem facere, & ad eum dicere, Si dederis, dabo. Atq; in hac sententia omnes Scholastici Doctores consentiunt. Notum est, quid Scotus dicat, Si homo potest diligere, quod minus bonum est, potest etiam diligere quod est majus bonum, At homo creaturam diligit, ergo multo magis diligit Creatorem super omnia. Theologica profecto consequentia, & digna Doctore tenebrarum in Ecclesia, Non videt, quod homo, cum creaturam maxime diligit eam minime diligit sicut creaturam. Quis enim unquam fuit, qui puellam, qui aurum, ut puellam & aurum diligeret. Nam dilectio hæc libidine & avaritia vitiata est, neq; unquam in hac carne potest esse perfecte pura. Hujus generis innumera alia Sententiæ in Recentioribus extant, quæ ostendunt hoc certamen, quod humana ratio contra sermones Dei exercet. Porro nihil hic dicimus de œconomica & politica justitia. Nam etiam illa stante, quam potest esse perfectissima, tamen manet sententia hæc, Tibi tantum pecco, & malum coram te facio.

*Prædictum, in  
Ebraico illi, ne  
purus sis.*

Quod ad Ebræam Grammaticam attinet, verbum, quod Interpres reddidit, Ut vincas, proprie significat, Ut purus seu mundus sis, Q. d. Quando pronuncias homines esse peccatores, tunc mox sequitur, quod judicaris & damnaris, Neque enim hoc judicium tuum ratio ferre potest, ideo hæresin & diaboli dogmata appellat. Sed quid fit? Ipsi te damnant & conspurcant sententijs suis, tu tamen manes purus, mundus & justus, isti autem deprehenduntur esse impuri, & sic Ebraice sonat textus, mihi tamen non displicet Interpretis sententia. Nam clarius ostendit hanc contradictionem & eventum, neq; etiam à sententia abludit. Nam cum ponitur hæc sententia, Tu inveniris integer, seu purus, bellè sequitur antithesis, Ergo isti qui damnant judicium sermonum tuorum, sunt impuri & corrupti. Hoc autem est, quod Deus vincit, non illi, qui Deum arguunt.

*Catachresis hu-  
jus versus.*

Hæc hujus versus propria & germana sententia est, Sed etiam Catachresin, qua quidam hic utuntur, ostendemus, ut ubiq; satisfaciamus auditori. Etsi enim non

non quidem propria sententia est, tamen neque impia est, & est plena consolationis, qua ego saepe apud alios, & etiam in proprijs periculis uius sum. Est autem eiusmodi, cum Satan vexat conscientiam per Legem, sicut in Apocalypsi est, quod accuset Sanctos die ac noctu in conspectu Dei, tunc utile est, se opponere Satanæ, & dicere, *Tibi soli peccaui.* Quid ad te? tamen non peccavi tibi, sed Deo meo, non sum tuus peccator, quid igitur juris tibi in me est? Si igitur peccavi, & est vere peccatum quod accusas (quia Satan nonnunquam vanis peccatis terret animos) Deo peccavi, qui est misericors & longanimis, non peccavi tibi, non Legi, non conscientia, nulli homini, Angelo nulli, sed soli Deo. Deus autem non est Diabolus, non est devorator, aut carnifex, qualis tu es, qui terres & intentas mortem, sed est misericors super peccatores, est integer & incorruptus, pius & iustus, tali Deo peccavi, non peccavi tyranno aut homicidæ. Igitur tibi, qui mendacij pater & homicida es, non est ius aliquod in me, Deo ius est, qui est benignus & clemens, Ideo confitentibus peccatum ignoscit. Illis tantum succenset, illis tantum minatur, qui suam immundiciem nolunt agnoscere, & negant eum esse iustum in sermonibus suis.

Hæc est pia sententia, & bona consolatio contra spicula Diaboli exercentis conscientiam, sed est Catachresis, nam Germanam sententiam supra ostendimus. Hoc autem Satan in consilio habet, dum sic vexat mentes, objiciendo peccata & impuritatem nostram, & urgendo ad perpetuam mundiciem, ut faciat nos hujus Sententiæ oblivisci, quod solus Deus sit iustus & sanctus, & clam à sensu peccati rapiat ad satisfactiones, & fiduciam nostrorum operum. Quare huic malo recte occurratur hoc modo, quo dixi, ut cum fiducia in Dei misericordiam te Satanæ opponas & dicas, Omitte me, non sum tua creatura. Si igitur peccavi, non peccavi tibi, sed Deo meo, qui est iustus & multæ misericordiæ. Qui ad hunc modum confitetur se soli Deo peccasse, is habet Deum justificantem. Quia enim Deum glorificat illa confessione, quod sit solus iustus, Deus non potest non vicissim eum glorificare justificando. Faciunt igitur hoc pij tantum, qui coeperunt renasci, impij non faciunt.

## V.

*Ecce enim in iniquitatibus conceptus sum. Et in peccatis concepit me mater mea.*

**P**Ulcherrimo ordine progreditur Propheta in doctrina poenitentia, imo petit misericordiam, & subicit causam, Quia sum peccator, & agnosco peccatum meum, ut scilicet tu iustus sis, & nos omnes confundamur, Addit hujus notitiæ causam, sermones Dei, nam per Verbum revelatur peccatum. Quæ autem jam sequuntur, si cohærent cum superioribus, ut ea illustriora reddant. Nam causam peccati ostendit, & quasi fundamenta totius negotij aperit, cur sic confiteatur peccatum, & misericordiam imploret, quia inquit, In iniquitatibus conceptus sum. Quid possit dici clarius aut significantius? Non dicit, Occidi Vriam, Non dicit, Commisi adulterium, sed totam humanam naturam ceu uno fasce complexus, addit, In peccatis conceptus sum. Non enim de operibus quibusdam, sed de materia simpliciter loquitur, & dicit, Semen humanum, massa illa, ex qua formatus sum, tota est vitio seu peccato corrupta, Materia ipsa est vitiata. Lutum illud, ut sic dicam, ex quo hoc vasculum fingi cœpit, damnabile est, Quid vis amplius? talis sum ego, tales sunt omnes homines, Ipsa conceptio, ipsa augmentatio foetus in utero, antequam nascimur, & homines esse incipimus, est peccatum.

Porro non loquitur de peccato conjugali, seu parentum, quod parentes accuset peccati, De se dicit, Ego in peccatis conceptus sum, Non dicit, mater mea peccavit cum conciperet me, neq; dicit Ego peccavi cum conciperer, sed de ipso rudi semine loquitur, & pronunciat id peccato plenum, & massam perditionis esse, ut sit vera & germana sententia, Sum peccator, non quia adulterium commisi, non quia

Vriam objeci cædi, sed ideo adulterium, ideo eadem commisi, quia sum peccator natus, imo conceptus & formatus in utero. Sic nos non ideo sumus peccatores, quod jam hoc, jam illud peccatum designamus. Sed ideo ista designantur à nobis, quia antea sumus peccatores. Hoc est, arbor vitiosa & vitiosum semen, etiam fructum vitiosum afferunt. Nec potest ex radice mala aliud quam mala arbor enasci.

*Quæstio, Cur  
conjugium in-  
stitutum sit.*

*Natura præ-  
stantior fuit an-  
te peccatum,  
quam nunc sit.*

*Conjugium res  
bona, & a Deo  
instituta, &c.*

*Vitiosam gene-  
rationem tole-  
rat Deus.*

*Leges non ca-  
rent vitijs, et-  
iam æquissimæ.*

*Vitia quædam  
ferenda.*

*Res bonæ pro-  
pter quædam  
vitia non sunt  
damnanda.*

Sed quærat aliquis. Cur est institutum conjugium? Cur benedixit Deus conjugio? Cur ipsam prolem numerat inter benedictiones? cum massa illa, ex qua foetus fit, sit tota perdita & vitiosa? Respondeo, Quanquam non cogatur nobis Deus rationem reddere, tamen potest non incommode hæc ratio dici, Deum non ideo velle creaturam suam interire, quod peccato vitiosa sit. Num enim ideo totum corpus abjicitur, quod caro leprosa est? Num ideo non dabit homini nato oculos, quia oculi nunc minus acres sunt, quam Adæ in Paradiso fuisse? Neque enim dubium est, quin natura singulorum membrorum corporis longe præstantior fuerit ante peccatum, quam nunc est, postquam peccato corrupta & vitiosa est. Sicut igitur non ademit naturæ oculos, sicut non ademit alia membra, nunc vitio languentia. Ita etiam non ademit multiplicationem, seu procreationem.

Cæterum quidquid de conjugibus sit, non est hic locus ea de re dicere. Nam conjugium est res bona & licita, & a Deo instituta, Neque tamen ideo negatur, patrem & matrem habere carnem corruptam, & ipsum semen non solum libidine foeda, sed etiam contemptu & odio Dei plenum esse. Sic non negatur etiam peccatum, quod in procreando est. Quantillum enim ibi nostra natura bestiis præstat? cum nulla notitia Dei, nulla fides in eo opere sit, sed tantum ex ratione dictante, quod hæc nostra uxor sit, & ex concupiscentia ad procreationem proruiamus. Tolerat autem Deus hanc vitiosam generationem propter conditionem suam, nec vult tollere ob hoc vitium creaturam, sed dissimulat vitium naturale, sicut in Politia dissimulat vitia politica. Quis enim non videt varios morbos & vitia varia legum & politiarum? Quæ enim Respublica est, in qua etiam, qui iustissime omnia ordinant & exequuntur, non sæpe iniusta sanciant & admittant? sicut Proverbium testatur, Summum jus esse summam injuriam. Neque hoc hominum tantum vitium est, sed ipsæ leges quoque non carent vitijs, etiam cum sunt æquissimæ, Ideo opus habent æquo moderatore, qui eas aut laxet aut contrahat pro opportunitate negotiorum.

Tolerat tamen Deus vitia ista, ut saltem aliqua Politia forma constet, ut educetur soboles, colatur terra, ut commutentur officia & merces &c. Nam vitia omnia ex rebus & legibus auferre, est ipsas politias & leges tollere. Tanto quorundam Iureconsultorum major insania est, cum primum ad Respublicam & Aulas veniunt, volentium omnia refecare ad vivum, & conantium Arithmeticam æqualitatem in omnibus constituere. Hoc qui faciunt, pacem turbant. Sed cur non etiam istam pulcherrimam ordinationem procreandæ sobolis tollunt, quæ sine vitio non potest esse? Atqui prudens Magistratus plus in eo laborare debet quomodo conservet pacem, quam quomodo corriget leges. Nam qui hoc faciunt, illud autem negligunt, vere trabem negligunt, & sunt curiosi de festuca. Diversum autem videmus in Dei facto. Etsi enim videt conjugium vitiatum esse libidine, tamen non ideo conjugium tollit, non ideo liberorum procreationem adimit, Mavult vitium tolerare, quam conditionem suam tollere. Sic etiam prudens Iureconsultus in politia hoc in primis spectare debet, quomodo paci & communi hominum tranquillitati possit consuli, ut educatio & alia tum politica, tum œconomica officia conserventur. Quod si qua occurrunt vitia, ea negligenda sunt potius, quam ut vijs motis, publica pax perturbetur.

Ergo neque conjugia, neque aliæ res bonæ propter certa quædam vitia, sunt damnandæ, Sed respiciendum est ad causam finalem. Ea est in conjugio, procreatio sobolis, in politia est conservatio pacis. Quod si in politia causa formalis (leges scilicet) vitiosa est, si est vitiosa causa efficiens, scilicet tyrannis (nam sic jam appello) pronuncietur secundum potiore causam, nempe, secundum causam finalem.

cæteræ



cateræ negligentur. Sic in conjugio, si causa efficiens, ipsi conjuges, mala est, si materia vitiosa est, tolerantur hæ vitiosæ causæ, ut servetur procreatio, pulcherrimum Dei opus & plenissimum admirationis, Sed hæc obiter diximus, Nunc redeo ad institutum.

Hic igitur versus Psalmi nos de causa peccati docet, quare simus peccatores. *Causa peccati*  
Palam enim fateretur Propheta, se suo proprio, non parentum tantum vitio, vitiosum fuisse, dum gestaretur adhuc embrio in utero, & dum adhuc formaretur, ita ut mater sanguine suo in utero adhuc peccatorem aluerit, antequam edidisset partum. Idem sentiendum est simpliciter de omnibus qui nascuntur, & nati sunt, & nascuntur in hunc mundum, excepto uno Christo. Nam quod Iohannes & alij in utero sanctificati sunt, non tamen hoc tollit, quod in peccatis non sint concepti, sicut etiam in adultis sanctificatis Spiritu & fide, caro tamen vitiosa est.

Atq; hic locus de peccato originis, unus ex illis insignioribus locis est, quos ratio nescit. Discitur autem, sicut alij, ex lege & promissionibus Dei. Solus autem Paulus ex Apostolis est, qui hunc locum ex professo magna gravitate tractavit. *Peccatum originis rationi incognitum.*  
Forte autem ideo à reliquis Apostolis prætermisus est, quod hæc doctrina per manus quasi posteris tradita sit. Moses quoq; attingit hunc locum in sua oratione Psalm. 90. Posuisti iniquitates nostras in conspectu tuo, Ibi enim non obscure significat, nos coram Deo esse in ira, & ferre mortem propter iram Dei, quæ inde excitatur, quod peccata nostra Deo nota sint. Horum peccatorum & iræ Dei causa hæc est, quod caro hæc in Paradiso lapsu Adæ vitiata est, ut sit perverso timore & amore erga Deum & seipsum. Hæc doctrina, sicut dixi per manus tradita est posteris, Moses tamen & David etiam literis eam mandarunt, & post eos Apostolus Paulus. Sine dubio autem hanc Sapientiam hauserunt ex primo præcepto, & ex promissione Abrahæ facta & Adæ. Ex his enim manifestum fit, quia benedictionem promittunt, hanc naturam esse sub maledictione, & sub regno Diaboli, in quo sunt tenebræ, odium Dei, diffidentia, &c.

Continet igitur hic versiculus causam, cur nos omnes debeamus confiteri, quod simus peccatores, ac omnia nostra studia coram Deo damnabilia, solus autem Deus sit justus. Atq; hæc doctrina summe necessaria est in Ecclesia, neq; Papa nec Turcæ eam credit. Nam hoc possum testari meo Exemplo, me, cum multos annos Doctor Theologiæ fuisset, hanc doctrinam nondum scivisse. Disputabant quidem de peccato Originis, sed dicebant in Baptismo sublatum esse, & extra Baptismum in natura lumen esse reliquum, quod si quis sequatur, dari infallibiliter gratiam, Quin docebant in Dæmonibus quoq; mansisse naturalia integra, & tantum gratiam eos amisisse. Quis autem non videt, summe contraria hæc esse, dicere, Quod naturalia sint integra, & naturam esse peccato corruptam. Voluntas est quidem res naturalis, sed ipsi non simpliciter de velle disputant, sed de velle bonum, idq; vocant naturale, In eo error est. Manet voluntas in Diabolo, manet in hæreticis, hoc fateor esse naturale, Sed ea voluntas non est bona, neq; intellectus rectus aut illuminatus manet. Ergo si vere volumus de Naturalibus loqui secundum hunc Psalmum, & secundum Spiritus sancti modum, tunc vocemus Naturalia hoc ipsum, quod in peccatis & morte sumus, quod corrupta & mala volumus, intelligimus & expetimus. Hæc enim cum præsentis Psalmi loco conveniunt, & ex eo probari possunt.

Hæc satis sint de confessione peccati originalis, seu nobiscum nati, quod tamen toti mundo absconditum est, nec revelatur viribus, rationibus, aut speculationibus nostris, sed potius obscuratur, defenditur, & excusatur. Ideo opus est verbo Dei de cælo, quo reveletur hæc naturæ immundities, seu vitium, Quin verbo credentes, confiteamur, hæc sic habere, etiamsi tota natura reclamet, sicut cogitur reclamare, Hæc hujus Psalmi, imo totius Scripturæ seu Theologiæ difficilima doctrina est, sine qua impossibile est Scripturam recte intelligi, sicut Recentiorum somnia probant. Nunc sequitur,

*Peccatum originis toti mundo absconditum, verbo revelatur.*

VI.

*Ecce enim veritatem dilexisti, Incerta & occulta sapientiae tuae manifestasti mihi.*

*Turpi interpretis lapsus.*

*Transit. Flammam de peccato & gratia, nunc confutatur diversum sentientes aut facientes.*

*Propheta de Deo loquitur, qui verbo se patet.*

*Confutatio. Obiectio.*

*Contentio de nomine Ecclesiae.*

**M**ultis nominibus hoc loco Interpres, quisquis fuit & culpandus est, Nam praeterquam quod membra versus inepte confudit, etiam impiam sententiam generat. Quid enim est, quod vertit, Incertam sapientiam. Absit enim à Christianis, absit à Doctore eorum Spiritu sancto, ut incerta & dubia doceat. Nam hic, si usquam alibi, debet esse plena *πληροφορία*, certissima persuasio seu veritas & infallibilis lux, qua Deus per verbum & spiritum suum munit, confirmat, & certissimas reddit conscientias nostras. Quare abjiciamus istam incertam sapientiam, quam imperitus Interpres significat, & quæramus tum verba, tum sententiam hujus loci propriam. Hactenus audivimus summam doctrinæ Christianæ, ut scilicet agnoscamus nos totos esse in peccato positos, imo esse peccatum etiam tum cum concipimur & formamur in utero matris. Qui igitur ad hunc modum agnoscunt suam impuritatem, & rejiciunt se in misericordiam, hos consequi misericordiam ideo, quia Deus hac confessione glorificatur, & promisit confidentibus in se veniam. Post hanc doctrinam sic absolutam, nunc per antithesin confutationem instituit, qua eos confutat, qui huic doctrinæ contraria aut docent, aut faciunt.

Observandum autem hic quoque est, quod supra monui, Prophetam non loqui de Deo absoluto, sed de Deo filiorum Israel, qui se certo Verbo, miraculis certis, etiam loco certo in Ierusalem, revelarat, & cujus promissiones Patribus factæ extabant. Hic Deus non est Vagus Deus, sicut Turcæ Deum colunt, sed est Deus revelatus, & ut sic dicam, sigillatus, qui certo loco, Verbo, & signis certis seipsum circumscripsit, ut agnosci & apprehendi possit, Ne vagentur studia pietatis, sicut apud Iudæos, qui relicto templo & verbo, deligebant sibi montana & lucos, & tamen volebant videri quod Deo præstarent cultum. De tali Deo non loquitur David, & operæ precium est id observare, Sed loquitur de Deo certo vel promissore, qui se revelavit Verbo & promissionibus, & signis externis, Talis Deus includit Christum futurum, quia non simpliciter seu absolute Deum intelligit David, sed talem Deum intelligit, qui per Filium, secundum promissiones Patribus factas, salvaturus sit mundum. Multum igitur interest inter Davidem, cum de Deo loquitur, & inter Turcam, Iudæum, aut Papistam. Hi enim de Deo vago loquuntur & agunt. Quia hos suscipiunt cultus, qui sunt sine verbo Dei, nec hærent in externis signis, quibus se Deus in Christo revelavit, Hoc autem est plane amisisse Christum. Ego autem ideo hæc admonéo sæpius, ne præ nimia religione Christum admittamus, extra quem non est alius Deus colendus, aut quærendus.

Instituit igitur Propheta hic generalem confutationem, quasi habeat in conspectu aliquem, qui contra doctrinam jam traditam hæc objiciat, in genere damnas omnes, cum tamen constet, multos bonos & sanctos esse, quorum vita & mores integri & sine querela sunt, Num solus tu sapias? Sicut nobis hodie objiciunt in simili argumento, Num soli vos estis Ecclesia? Num soli habetis Scripturam? Omnis enim contentio est de nomine Ecclesiæ. Id nomen quia affert secum judicium de religione, de salute & vita æterna, ideo furiose pro ea adversarij dimicant, Non volunt videri quod errarint, aut impia docuerint. Et quanquam negare non possint manifestos abusos, qui paulatim invaluerunt, tamen non ideo volunt de Ecclesiæ nomine cedere. Sic Turca pertinaciter retinet hoc nomen, quod colat verum Deum, Sic Synagoga, Sic nostri adversarij etiam vi & armis hoc defendunt, objiciunt cultus suos, & gloriantur, sicut Paulus de Iudæis dicit, se habere zelum, & studere vigilijs, elemosynis, sacrificijs, orationibus, ceremonijs, asperitate victus & alijs, pervenire ad promissiones Patribus factas. Hæc, inquam (objiciunt nobis) an non sancta & bona sunt? Cur igitur dicis omnes esse peccatores? Cur omnes pronuncias damnationi esse obnoxios?

Respondet.

Respondet igitur in hoc versu fides & Spiritus sanctus, Hanc esse sapientiam mundi, non esse sapientiam Dei, Ideo nihilominus veram manere hanc Vniversalem, Omnes esse peccatores, Mundus enim sic judicat, Esse sanctitatem si sordide vestias, si duro victu affligas corpus, & te maceres, si angulum aliquem quæras, semotum à frequentia hominum & turbulentis negocijs, atq; ibi aliquid insolitum instituas. Hæc mendacia & fucatam hanc sanctimoniam intelligit caro, & admiratur, Ideo fit etiam, ut aspera vita & insolitis moribus longe citius homines capiantur, quam sana doctrina & Verbo. Coram mundo enim nihil sanctum est, nisi quod quam longissime à communi consuetudine vitæ discedit, Hinc coelibatus, hinc monasteria, hinc monstrosa illa vestitus & victus ratio, hinc innumera alia stulticia proflexerunt, non apud nos solum, sed & apud Iudæos olim, & hodie apud Turcas, qui prodigiosissima quæque comminiscuntur, & faciunt, ut singularem opinionem sanctitatis apud suos colligant. Quanquam nihil opus est à Turcis petere exempla, Cucullatum monachum inspice, & recte excute, ibi & miraberis, & ridebis ea, postquam de vera & Christiana sanctitate recte eruditus es, quæ adversarij nostri magnis titulis ornant, & prædicant, imo propter quæ conjugia & civilia officia negligunt, tanquam impedimenta suæ sanctimoniam. Hi igitur sunt, qui cum audiunt Vniversalem hanc, quod omnes sint peccatores, plenis buccis objiciunt vitam & observantias suas, Num, inquiunt, omnes nos damnabis? Num nos objicies omnes Satanæ?

*Solutio.*  
*Quid mundum*  
*sanctitatem*  
*appellat.*

*Exempla Papi-*  
*stæ, Iudæo-*  
*rum & Turco-*  
*rum.*

Ita, inquit Propheta, damno omnes vos, cum omni vestra sapientia, cum sanctitate & iusticia vestra omni, Quia tu es Deus, qui diligis seu exis absconditam veritatem. Ita enim sonant verba in Ebræo, Non diligis mendacium, hypocrisim, & fucum. Ergo vocabulum veritatis simpliciter præcidit & damnat, quidquid præsumitur extra hanc doctrinam, Item quidquid operum & iusticiæ esse potest apud Turcas, Iudæos, Papistas, extra verbum Dei, istas omnes iusticias & sanctitatem istam simpliciter vocat mendacium, quod non solum non diligit, verum etiam summe oderit & execretur Deus. Neque enim vocabulum, Veritas, ad verba tantum referendum est, sed in genere ad omnem vitam, ut quidquid dicimus, cogitamus, vivimus & sumus, sit certum & verax, quo non solum non fallatur mundus, sed ne nos quoque.

*Deum diligit*  
*absconditam*  
*veritatem, etc.*

*Iusticia homi-*  
*nū extra ver-*  
*bū Dei men-*  
*dacium est.*

In mundo quoque est veritas politica, quæ verbis & vita præstatur, Sed ea ejusmodi est, ut multa habeat admixta vitia. Sic Pomponius Atticus, Aristides, Socrates fuere homines veraces, & sine fūco, Sic multi inter gentes fuere vere conjuges, qui fidem datam uxoribus egregie præstiterunt, Sic invenias, alicubi mercatorem veracem. Hanc politicam veritatem Deus requirit, & quotidiana exempla ostendunt, non impune esse, si quis aliquid contra civilem veritatem faciat, Sed neq; pura est hæc veritas, si spectes iudicium Dei, hærent enim in ea multa fœda vitia, & Deus longe majorem veritatem requirit, ideo addit, Tu diligis eam veritatem, quæ in abscondito est. Q. d. Veritas politica, quæ in mundo est, potest præstari, & intelligitur saltem ab hominibus, Ideo Aristides, Pomponius, magni nominis fuere inter suos. Econtra audimus quotidianas querelas, de perfidia, mendacijs & fraudibus, quibus homines inter se utuntur.

*Politica veri-*  
*tas.*

Sed illa veritas, quam Deus diligit, ea non est ita exposita oculis, sed est in abscondito & latet. Ergo Mahometh etsi politice fuisset verus, tamen coram Deo fuit mendax. Ego etsi vere & sine fūco Monachus fui (pono enim me sæpe in exemplum, sicut Paulus se vere Phariseum fuisse scribit) tamen coram Deo fui mendax, propter superstitionem & hypocrisim, quam non videbam. Latebat enim abscondita sub specie sanctitatis (sicut etiam veritas abscondita latet) donec per Verbum argueretur, & revelaretur veritas hæc abscondita. Ad tales respicit Propheta, cum dicit, Diligis veritatem in abscondito, Q. d. Illi alij fucati Sancti, qui incedunt in zelo Legis irreprehensibiles & sperant se diligi, qui pro iusticijs suis parati sunt mori, & putant se ac studia sua esse Deo in delicijs, hi sunt, quos extreme odisti, divino & insuperabili odio. Quia tu tantum diligis absconditam veritatem, istos

*Veritas quam*  
*Deus diligit.*

*Pecunia & alia*  
*odit Deus.*

*hypocritas*



mundo, Imo nos ipsi sæpe contra hanc sapientiam pugnamus, nec possumus in totum abjicere fiduciam nostrorum operum, Sed sentimus, etiam si sæpe erremus & labamur, tamen nos non errare in omnibus coram Deo. Alius se putat reprehensione carere, quia sit bonus maritus, alius, quia sine dolo in contractibus agat omnia. Turca etsi dubitare cogatur de sua Religione, tamen Deum non putat tam esse crudelem, qui omnes alias perdat, & nos Christianos solos faciat sapere, præsertim cum ipsi, quod ad externos mores attinet, satis aspere vivant.

Turca

Veritates in publico, sunt in absconditis mendacia.

Veritas occulta

Sapientia carnis.

Vera sapientia occulta.

Cur, quam habet, absconditam sapientiam petit.

Pius, Impius.

Oratio pios, Frustris, omni infirmitate, cum sum, Oratio.

Hæc bono zelo dicuntur & cogitantur, sed sunt veritates in publico, in abscondito autem sunt mendacia. Tolerat autem Deus hanc politicam veritatem, & etiam ornat præmijs, propter publicam pacem, quia alioqui hæc societas & vita non posset consistere, Et tamen coram Deo, ac in iudicio Dei, hæc politica veritas nos non sublevat, Sed oportet adesse veritatem & sapientiam illam occultam, ut confiteamur nos esse peccatores, & tamen erigamus nos iterum, cum mors, conscientia, & sagittæ Diaboli sentiuntur & dicamus, Tu diligis veritatem in occulto, hoc est, diligis confitentes peccata, & credentes promissionibus tuis, quod talibus velis esse misericors. Atque etiam in hac parte est sapientia & veritas illa occulta, quod animi non possunt se erigere, ut in peccatis suis credant se diligi. Ad hunc modum & nostra conscientia & mundus arguunt, hanc sapientiam in utranq; partem valde absconditam esse. Nisi enim etiam in credentibus ratio huic sapientiæ resisteret, nihil obstar, quin hæc vita nobis Paradisus esset, plena gaudio & lætitia. Sed caro etiam in Sanctis manet caro, & reclamationi Spiritui & verbo, ac sentit, Deum peccatores non solum non audire, sed etiam odisse. Hæc est sapientia carnis, ut sæpe jam dixi, militans contra hanc absconditam sapientiam spiritus.

Rom. 7.

Est igitur hic versus confutatio quædam, quod cæteræ quidem sapientiæ & veritates in mundo, sint manifestæ & publicæ, ac coram mundo fūco suo vendibiles, Sed coram Deo impiæ & mendaces, & stultæ, maxime si fiducia aliqua accedat. Hanc autem solam & veram veritatem esse, sed absconditam, confiteri quod solus sit Deus justus, & nos peccatores, & quod peccatores agnoscant suam miseriam, & confidentes misericordiæ, non velit abjicere pro merito, sed ex Gratia salvare. Extra hanc veritatem quicquid docetur, creditur, vivitur & geritur, tanquam ad salutem æternam meritorium aut promotorium, ut sic dicam, est damnatum, Quia Deus tantum diligit sapientiam absconditam & cœlestem. Sic enim dixi textum reddendum esse, ut non sit incerta sapientia nostra, sed certissima, & tamen mystica, seu in mysterio abscondita, quam ratio non intelligit, nisi à Spiritu sancto illustretur. Ad hanc sapientiam, si mundi sapientias conferas, videbis eas incertas & fluctuantes esse instar maris. Quid enim in mundo stabile aut firmum est? Nostra autem sapientia ideo stabilis est, quia est extra mundum in Deo posita & verbo ejus.

Sed hic id quoque monendum est, alteram hujus versus particulam esse ceu precatiunculam. Nascitur autem inde quæstio, Cum hanc absconditam Sapientiam jam ante habeat, cur eam petat. Nam qui potest canere, Tibi solum pecco, tu autem solus justus es, iste profecto hanc Mundo absconditam sapientiam jam habet & novit, non solum quod ad cognitionem Peccati attinet, sed etiam quod attinet ad cognitionem Gratiæ, nam alioqui desperaret. Cur petit igitur? Cur dicit, tu absconditam sapientiam mihi notam facies, cum jam antea eam habeat notam? Respondeo. Pius plus peccati quam gratiæ, plus iræ quam favoris, plus judicii quam redemptionis sentit, Contra, impius fere nihil iræ sentit, sed sic est securus, ac si nulla usquam ira, nullus usquam vindex justiciæ Deus esset. Hoc autem in illis maxime accidit, qui aliquam religionis speciem sequuntur, sicut Franciscani impie gloriantur, suam religionem vitæ Christi similitudinem esse, ideo in ista securitate nihil orant.

Econtra pius, quanto sentit magis suam infirmitatem, tanto in oratione magis est assiduus. Ingreditur enim simul cum ista sapientia continua oratio. Quia enim sensus peccati non cessat, ideo etiam gemitus & oratio non cessat, quia petitur perfectio

perfectio hujus sapientiae. Hæc oratio non est Barrologia, sed ardens desiderium contra illam pugnam carnis, quam sentimus, ut sicut abundat sensus peccati, ita etiam abundet sensus gratiae, & consolatio Spiritus. Ideo etiam in Zacharia conjungitur Spiritus gratiae & precum, Pij enim semper loquuntur quasi sint peccatores, sicut sanctetiam, Sed quia in veritate sunt, diliguntur à Deo, & sunt in gratia. Hic autem sensus gratiae, quia infirmior est propter carnem, ideo etiam cum habent remissionem peccatorum, tamen remissionem peccatorum orant & gemunt, Contra, securi peccatores dicunt, Ago tibi gratias, quod non sum sicut cæteri, sicut ille apud Lucam.

*Spiritus gratiae  
& precum, etc.  
Zach. 12.*

*Act. 18.*

Hæc est causa, cur pius petat gratiam, qui jam coepit esse pius, & habet gustum hujus doctrinae. Hic gustus provocat majorem sitim, nam animi nondum acquiescunt in primitiis spiritus, sed libenter haberent plenitudinem, sicut Paulus dicit, Nondum apprehendi, necdum perfectus sum, sed sector si apprehendam, sicut apprehensus sum. Phil. 3. Ad hunc modum David hic etiam facit, Q. d. Scio te diligere istam veritatem quam in me coepisti, fac modo, ut certius apprehendam, & ne dubitem. Confitetur enim maliciam carnis nostrae, quod etiam si mundus cum molestiis & occupationibus suis non esset, tamen nos ipsi nobis adversamur, & pugnamus contra hanc sapientiam. Nec vult caro nostra id credere, & ei assentiri, quod docemus & dicimus.

*Phil. 3.*

## VIII.

*Asperges me Domine hyssopo & mundabor, Lavabis me, & super nivem dealabor.*

*Haec tenet de  
veritate abscon-  
ditam omnibus  
et praeclara,  
nunc iustitiam  
legis confutat.*

Hæcenus in genere damnavit Propheta omnes iustitias, sapientias, & veritates, & praeclara illam unicam veritatem, quæ est in abscondito, seu sapientiam, quæ est in mysterio, quæ confitetur peccata & sperat misericordiam Dei justificantis peccatores, sicut Iohan. 1. eadem sententia est, Quotquot eum receperunt, his dedit potestatem filios Dei fieri, his qui credunt in nomine ejus, qui non ex sanguinibus, non ex voluntate carnis, non ex voluntate viri, sed ex Deo nati sunt, Ibi in universum damnat, quicquid ratio, & quicquid vir, hoc est, quidquid omnes homines sua natura, & viribus suis, sine Spiritu Sancto præstare possunt, & relinquit tantum fiduciam in nomine Jesu, Huic generali confutationi jam subjicit confutationem specialem iusticiarum legis, seu Mosis, quod aspersiones Mosaicæ nihil sint, nec Moyses recte aspergat eos, quos vult sanctificare, sed alia longe potiore asperzione opus esse.

*Act. 1.*

*Varia aspersio-  
nis legis.  
Exod. 24.*

Habuit Lex varias aspersiones, quæ fiebant cum hyssopo & lana, sicut notum est ex Exodo, ubi Sacerdos, & omnia utensilia sacra aspersione quasi consecrabantur. Ejus consecrationis hæc fuit causa, ut non solum dicata sacris usibus, in profanos usus non converterentur, sed ut populus sciret, in tabernaculo omnia sancta & consecrata esse, atq; ideo alia sacrorum loca omnia profana duceret & fugeret. Hæc consecratio vasorum præcipua causa fuit, quæ apud Simias nostras, hoc est, Papam Mosis exemplo consecrantem templa & vasa, nullum plane locum habet, præter hoc, quod stulta imitatione, non ex certo Dei verbo, instituta est. Aliud aspersioneis genus est, Numeri 19. ex cinere vaccæ ruffæ, quam vocarunt aquam expiationis. Unde Simia nostræ aquam benedictam in Ecclesiam invexerunt, quam ceu alterum Baptismum commendarunt hominibus ac tribuerunt ei vim aliquam ad peccata venialia abluenda, & fugandum dæmonem. Inde mille superstitionum formæ enatae sunt, quas deliræ aniculæ confinxere. Etsi autem creaturam benedicere simpliciter malum non est, Sanctificantur enim omnia Verbo, & Sanctis omnia sunt sanctificata, tamen ea insignis impietas est, tribuere sic sanctificatis creaturis, ut aqua, sali, &c. aliquam justificationem. Quia si illa in lege divinitus mandata consecratio non habebat fiduciam aliquam remissionis peccatorum, aut conscientiae consolationem

*Aqua expiati-  
onis. Num. 19.*

*Aqua immo-  
lata.*

lationem

lationem, sed tantum erat ritus ad externam sanctificationem institutus, ut esset differentia inter vasa sancta & profana, quid tribuamus Papistarum consecrationibus sine Verbo, sine causa omni confectis? Istius populi religio tota, divina voce erat conclusa ad tabernaculum, in quo propiciatorium fuit. Ibi habebant certum testimonium verbi, Deum accepturum sacra, & auditurum preces eorum. Ad hunc locum magis commendandum hominibus, & ad abducendos animos ab idolatria, quam committebant, qui alio in loco sacra faciebant, & alijs utensilibus sacrorum utebantur, tum templum, tum vasa templi divino mandato jubebatur Moyses consecrare.

Novi Testamenti alia longe conditio est. Non enim in isto monte tantum, sed in omni loco colitur & adoratur Deus in spiritu, Deinde sacrificia omnia consummata sunt uno sacrificio Christi, Nec nos in Coena sacrificium, sed memoriam sacrificij per Christum facti retinemus, & quod tum Christus sacrificavit, nos secundum ipsius Verbum non sacrificamus iterum, sed distribuimus fidelibus. Igitur tum templa, tum vasa non sunt consecranda, siquidem non solum non habemus verbum Dei, quo hoc jubeamur, sed ne causa quidem est quæ in lege fuit.

Loquitur igitur Psalmus in genere de lotionibus & mundationibus Mosais, Et simpliciter negat eas valere ad justificandum. Sed requirit aliam mundificationem, quæ non fit hyssopo & aqua expiationis, sed per misericordiam Dei ignoscentis peccata. Hæc doctrina sine dubio plurimos offendit. Nam Prophetarum conciones clare ostendunt, quanta infania sacrificandi agitati sint, quod volebant per ea expiare peccata. Hinc etiam vigentibus adhuc sacris ex mandato Dei, tamen acerrimæ Prophetarum conciones contra sacrificia fiebant, in quibus Deus manifeste dicit, se illa sacra, quæ instituerat, non velle, sicut Esaia 1. & Psalmo 50. cernitur. Quia non erant hoc consilio à Deo instituta, ut per ea peccata tollerentur, hoc enim unius perfecti & consummati sacrificij Christi fuit, Sed primum pertinebant ad hunc populum discernendum ab omnibus alijs gentibus, ut constaret de populo, ex quo nasciturus erat Christus, Deinde profuit ista exercitia sic instituta esse, ne sibi fingerent proprios cultus. Ita enim est hæc natura, non potest esse sine cultu Dei. Cum igitur non habet Verbum, ea comminiscitur, quæ tum gentili-um, tum Papæ exempla ostendunt.

Judei igitur cum in templo, dum intus ad sacra destinato sacrificarent, norant se externum cultum Deo secundum Verbum suum præstitisse, Sed externus cultus non prodest ad salutem, Restabat igitur verus & certus cultus interior, scilicet fides in futurum Christum, seu in Semen benedictum, hic cultus erat & Deo gratissimus, & ad salutem necessarius. Iam major pars hoc cultu neglecto, sacrificijs volebat salvari. Contra hos Prophetæ clamabant, & cultum externum sine interno dam-  
nabant, ut docerent, Primo credendum esse in benedictum Semen, Deinde etiam illa externa exercitia legalis cultus præstanda esse. Ideo Prophetæ his omissis, inno abjectis aspersione Legis, aliam aspersione & Hyssopum alium petit à Domino. Hic sine dubio audivit ab alijs, Domine Rex, quid petis? vis ablui & mundari? Cur non uteris lotionibus à Mose præscriptis? Num eas contemnis ceu inutiles? Cur igitur divinitus sunt præceptæ? Non enim Mose sed Domini mandatum est. Sed David palam ostendit lotiones illas inutiles & pollutas esse, si quis per eas animam seu cor velit purgare, posse mundari vestes, ut vivat populus in externa sanctimonia, sed ad puritatem cordis & bonam conscientiam alia aspersione opus esse.

Ergo hæc manifesta est confutatio contra depravatores Legis, qui Lege volebant uti ad ablunda peccata, cum ea ablutio peccatorum promissa esset non in operibus legis, sed in Semine benedicto, quod credentes expectabant. Nam peccatorum remissio omnibus seculis fuit eadem, Christus enim hodie & heri, idem est etiam in secula. Igitur illi fiducia Christi venturi, nos fiducia Christi exhibiti, passi & glorificati, salvamur, & remissionem peccatorum accipimus. Ergo idem argumentum hic indicat David, quod Epistola ad Ebræos usurpat, cum sic disputat, Si

Certe Domini

Lotiones Legi  
non justificans.Conciones Pro-  
phetarum con-  
tra sacrificiaIndorum opi-  
nio de cultibus  
externis a Pro-  
phetis damnata  
Interior cultus,  
Exterior cul-  
tus sine fide dan-  
damus.Remissio pecca-  
torum in Christo  
promissa.Esaia 1.  
Psal. 50.

26. 7.



sacerdotium Leviticum satis est ad remissionem peccatorum, Cur promittitur aliud sacerdotium, non secundum ordinem Aaron, sed secundum ordinem Melchisedech? Ita hoc in loco, Si aspersio aquæ expiationis valeret ad abluenda peccata, non peteret David aliam asperisionem. Quia autem petit aliam asperisionem, & hyssopum alium, Ergo sequitur universum cultum legis non solum inutilem, sed etiam peritiosum esse, si quis addat opinionem justiciæ. Relinquit igitur, ut laventur Iudæi secundum Legem, sed legitime, & quatenus Lex permittit, ut scilicet populus sit sacer suo Deo, sanctimonia externa, Sed non coram Deo in spiritu. Nam ad eam sanctimoniam spiritus, quæ coram Deo sanctimonia est, opus est alia asperisione, quæ non est ex sanguine vaccæ, aut aqua expiationis, sed ex sanguine Christi, & fide in Christum.

In eo igitur posita sunt omnia, ut legitime utantur asperisione Iudæi, aut expectent ruinam totius legis & salutis. Nam quod simpliciter ad opus attinet, posset servari adhuc aspersio illa Mosaica, si hæc duo capita salva essent. Primum, ut crederetur in Christum jam exhibitum, & non in Christum futurum, sicut sub lege. Nam pii in lege ideo aspergebantur, ut faterentur & testarentur se esse in fide veræ asperisionis per Christum futuræ. Secundum, si asperisioni illi non tribueretur justicia, sed aspersi sentirent se non uno pilo meliores esse coram Deo post illam asperisionem, quam ante. His duobus salvis, sine periculo posset aliquis aspergi, Sed Iudæi nostri in utroq; peccant, & quod expectant Christum tanquam non sit exhibitus, & quod suis ritibus tribuunt justiciam. Hoc autem est negare Christum venisse in carnem, & blasphemare nostram cœlestem justiciam ex fide in Christum. Hæc priusquam admittamus, patiemur potius Molen cum omnibus suis ritibus & ceremonijs perire.

*Asperisio sanguinis Christi, querenda, cum lege mundationis, sicut iudæi ad justiciam coram Deo.*

Observanda igitur est hæc Davidis distinctio. Nam si illa justicia, quæ in lege divinitus fuit mandata, non justificavit coram Deo, quid dicemus nos de Politica justicia? Quid dicemus de alijs operibus & cultibus, quos sine Dei mandato suscipiunt homines, sicut totus Papatus est in *ιδιολογησιας*, ut Paulus appellat. Quæramus igitur asperisionem spiritus, & abluitionem interioriorem, quam Petrus 1. Pet. 1. vocat asperisionem sanguinis Christi, quo omnes aspergimur, qui audimus & credimus Evangelio Christi. Nam os ejus, qui docet Evangelium, est hyssopus, & aspersorium illud, quo doctrina Evangelij sanguine Christi tincta & consignata, spargitur in Ecclesiam. Huic verbo qui non credunt, sunt quidem aspersi, ideo etiam sanguis Christi & verbum Christi eos judicabit, sed incredulitas facit, quo minus abluantur. Ad hanc asperisionem pertinent Sacramenta, Baptismus, & Coena domini, utrinq; enim aspergimur sanguine Christi. Nam & in Baptismo baptisamur in mortem Christi, & in Coena distribuitur Ecclesiæ sanguis & corpus Christi. Sic in ministerio Verbi audimus etiam hanc asperisionem, quod Christus satisfecerit pro peccatis mundi. Neq; hic aliud restat, quam ut sicut audimus hæc in Verbo, & sicut in Symbolis fidei nostræ offeruntur & exhibentur nobis, ita firmiter credamus, & erigamus fiducia hujus asperisionis animos nostros.

*Cela. 1. Pa. 1.*

*Distinctio inter veteris & novi Testamenti Ecclesiam. Summa huius versus.*

Neq; hic inter præsentem Ecclesiam fidelium & illos in Lege aliud interest, quam quod isti hanc asperisionem futuram credebant, nos credimus eam exhibitam & consummatam esse. Atq; hæc summa est hujus versus, quod David primum illas legis mundationes abjicit, tanquam inutiles ad justiciam, Deinde petit aspergi verbo fidei de Christo venturo, qui aspersurus sit sanguine suo Ecclesiam suam. Hoc verbum orat, ut audire & credere possit, sicut sequentia clarius ostendent, Hac fide servati sunt Sancti in veteri testamento, sicut nos quoq; servamur, Quanquam nostra conditio longe melior est, quod hæc in clara luce videmus, Nec tantum in Verbo audimus, sed involuta symbolis accipimus, in Baptismo & coena. Ideo Christus dicit, Multi Reges & Prophetæ optarunt videre quæ vos videtis, Eadem tamen fides utrinq; est, qua salvamur, nos & illi, Quare si quis interroget, quomodo David possit petere hanc asperisionem sanguinis Christi nondum impletam,

*Luc. 10.*

facilis

*Fidere fides Ecclesia præsentis & præteritis sub Patre.*

facilis responsio est, Eandem asperisionem semper in mundo fuisse, qua credentes à peccatis sunt abluti, nempe, asperisionem per sanguinem Christi, Tantum esse differentiam temporis, quod ipsis futura, nobis exhibita & præterita sit asperio illa, Quam si qui per incredulitatem non accipiunt, non ea sanguinis Christi, sed incredulitatis culpa est.

Hæc doctrina facilis est, sed magni negocij est eam retinere, & sic obfirmare animum, ut nullam satisfactionem, opus nullum, non Legem, non justiciam aliquam coram Deo valere statuas, extra hanc unicam asperisionem. Varijs enim cogitationibus tentatur hæc fides. Nam & civilis justitia non potest contemni prorsus ab humano animo, Et Lex Mosi, quia divinitus est præcepta, eam relinquit in animis opinionem, quod is non possit Deo displicere, qui eam justiciam Legis ad Deum affert. Deinde caro nostra & ratio nobis nimium familiaris est, ut libenter ei assentiamur. Videmus civiliter plecti facinorosos, neq; fere quenquam meritis pœnas effugere, & credendum scilicet est, Deum, qui ista levia ita accurate judicio suo persequitur in terra, non eadem severitate in nostra peccata animadversurum esse, sed gratis condonaturum. Huc accedit Satan, singularis hujus doctrinæ hostis, & in hoc præcipue intentus, ut hanc doctrinam obruat.

Difficile igitur est in eo manere fixum, quod justificandi ratio in eo solum sit posita, ut audiamus Verbum de asperione illa, & ei fide assentiamur. Nam caro in sensu peccati, sicut propter opus commissum dolet, ita etiam cogitat, quomodo alio opere id sarciat. Hanc naturam nostram, etiam usus & consuetudo confirmavit. Nam ea doctrina & in Ecclesijs omnibus & in monasterijs maxime usurpata est, ut homines cogitarent de satisfactionibus pro peccatis. Tanto juvenum hoc tempore melior conditio est, qui pravis istis opinionibus non ita sunt corrupti, sicut nos qui sub Papatu viximus. Multo enim facilius hoc possunt capere, quod David hic docet, nempe satisfactiones pertinere ad politiam & œconomiam, ne Moysen colloceamus in cœlum, sed relinquamus eum apud Iudæos suos in terra, & in hac corporali vita. Vnus enim est, qui ascendit ad cœlos, qui etiam descendit, filius hominis & Dei, Christus Iesus. Hic est, de quo habemus mandatum, ut eum audiamus, Hic est, qui tulit peccata mundi, Hæc una satisfactio, hæc una ablutio seu asperio est, qua salvamur, Et Principium salutis est, hæc cum audis, non esse incredulum revelationi divinæ, sed credere. Nam quod nova vita sequi debet, non pertinet id ad satisfactionem, sed ad debitum & obedientiam. Et quia eam Spiritus sanctus in nobis excitat, non potest statui ex ea meritum aliquod nostrum, ad placandum Deum, & expianda peccata, quæ jam per Christum docentur expiata esse.

Sed ut dixi, difficulter hæc doctrina retinetur. Dum extra tentationem sumus, videtur esse facilis, Sed cum tempus pacis abiit, & sumus positi in cogitationibus iræ Dei, tum experimur, quanti negocij sit, hæc firmiter credere. Quare admoniti sint omnes, ne quid præsumant, Doceri & audiri possunt hæc, & credi quoque, sed in tentatione etiam perdurare, hoc singulare Spiritus sancti donum est. Adeo proclive est labi in cogitationes huic doctrinæ contrarias, de satisfactionibus, & similibus Satanæ præstigijs. Quare cum auditis satisfactiones, de ea satisfactione tantum affirmate, quod vera sit, quæ dicitur, & est satisfactio fidei, quod scilicet Christus Iesus portarit peccata tua. Hæc satisfactione stante sola, & purissima, sine ullo additamento tuarum satisfactionum, licet affligere carnem & mortificare, licet sedulo exercere charitatem, servire vocationi, & omnia facere, quæ ex verbo Dei possunt suscipi. Hæc obedientia Deo grata & accepta est, quia sit debito sine, ut scilicet obediatur Deo, non ut instituaturs satisfactio propria. Sed quid facit Monachus? Quid Turca? Quid Iudæus? Suscipiunt varia opera, multa instituant, quibus conantur servire Deo, sed eo animo, & ea fiducia, ut expurgent peccatum, & placent Deum. Hoc vero quid aliud est, quam Christum negare, à Deo in hoc positum, ut satisfaceret pro nobis, & nos pro ea satisfactione cum audiremus, laudaremus & coleremus fide? Hoc quia non faciunt isti satisfactores, sed ideo

manent in monasterijs, ideo iusticias, jejunia, preces suas retinent, quod sperant Deum respecturum eos, ideo audient sententiam Patris, qua jubebit eos in infernum abjici cum jejunijs & iusticijs suis, quibus nihil aliud fecerunt, quam ut filium Dei blasphemarent.

*Iusticia coram Deo.*

Ergo cum ad locum iusticiæ coram Deo ventum est, ibi simpliciter omnis Lex est abroganda tanquam inutilis per quam justificemur, & nihil admittendum est aliud, quam lex spiritus seu promissio, quod Iesus Christus est mortuus propter peccata nostra. Hoc est verbum Gratiæ & promissionis, quo non exigitur aliquid à nobis sicut in Lege, sed offertur plenaria satisfactio per consummatam victimam Christum, quæ victima Moysi & toti Legi finem imposuit. Ideo David imperfectam illam Legis asperisionem tam libere abjicit, & petit aspergi, non per sacerdotem Leviticum, sed per ipsum redemptorem Deum, ut mundetur conscientia tali mundicie, quæ nive sit purior.

*Asperges me hyssopo.*

Hoc etiam admonendum est, quod Noster vertit, Asperges me hyssopo, in Ebraeo esse, Expiabis vel absolves me, Sed sententia manet eadem, & potest tolerari verbum aspergendo, propterea quod expiatio fiebat per asperisionem aquæ, cui adjunctus erat cinis vaccæ ruffæ. Hæc asperisio quia hyssopo fiebat, ideo hyssopum David nominat, ut clarum sit se loqui contra legalem expiationem. Sed hic oritur Theologica quæstio, Quomodo possimus fieri puriores nive, cum tamen reliquæ peccati semper nobis adhæreant? Respondeo, Sæpe dixi hominem dividi in spiritum & carnem. Quod igitur attinet ad totum hominem, manent reliquæ peccati, seu sicut Paulus appellat, inquinamenta spiritus & carnis. Spiritus inquinamenta sunt, dubitatio de Gratia, imperfecta fides, mormurationes contra Deum, impatientia, imperfecta cognitio voluntatis Dei, &c. Carnis inquinamenta sunt, adulteria, concupiscentiæ, homicidia, jurgia, &c. At inquinamenta spiritus per hæreticos, inquinamenta carnis per reliqua scandala in mundo cumulantur, ut & spiritus & corpus polluantur.

*Quomodo, vel quis peccati adhærentibus, sumus nive puriores. Inquinamenta spiritus & carnis. 1. Cor. 7.*

Propter hæc inquinamenta igitur, etsi nunquam simus ita puri & sancti, sicut nos esse conveniebat, tamen consecuti jam sumus Baptismum, qui purissimus est, consecuti sumus Verbum, quod purissimum est, consecuti sumus etiam in verbo & Baptismo, per fidem sanguinem Christi, qui profecto etiam est purissimus. Ergo secundum hanc puritatem, quam spiritu & fide habemus, ex Christo & Sacramentis ab eo institutis, recte dicitur Christianus purior nive, imo purior sole & stellis, etiamsi adhærescant illa inquinamenta spiritus & carnis. Sunt enim testæ & obruta mundicie & puritate Christi, quam consequimur auditu verbi & fide. Est autem diligenter notandum, quod hæc puritas est aliena puritas. Christus enim sua iusticia nos ornat & vestit. Quod si Christianum intuearis, seclusa Christi iusticia & puritate, qualis in se sit, etiam cum est sanctissimus, tum invenies, non solum mundiciem nullam, sed diabolicam, ut sic vocem, nigredinem. Porro quid Papa facit aliud in sua doctrina, quam ut separet nos à Christo, ut Baptismum, auditum Evangelij, seu promissiones Dei nobis adimat, & nos relinquat solos, Hoc vero est omnem puritatem homini adimere, & nihil relinquere nisi peccatum.

*Credentes nive puriores per Christum.*

Quando ergo dicunt, Peccatum semper hæret in homine, quomodo igitur potest ablui, ut sit nive candidior? Responde, Homo considerandus est, non qualis in se est, sed qualis est in Christo, Ibi invenies quod credentes sunt abluti & mundificati sanguine Christi. Quis autem tam profanus est, ut neget sanguinem Christi esse mundissimum? Quid ergo causæ est, cur dubitet fidelis homo de mundicie suæ? an quia sentit adhuc reliquias peccati in se? At tota mundicia hæc aliena esse debet, nempe Christi & sanguinis ejus, non debet esse nostra, quam ipsi nobis circumdamus. An non in Oeconomia filius hæres est patris, qui tamen propter imbecillitatem gestatur, tractatur, & regitur à servula? Hic si gestationem respicias, nonne filius, qui hæres est, servulæ servus est, cui parere cogitur? & tamen non ideo desinit esse hæres, est enim ex patrefamilias natus, non est ex serva natus. Ad eundem modum

*Credentes mundificati sanguine Christi.*



modum de Christiano quoque judicandum est, & huc defigendi sunt oculi, qualis è Baptismo sit retractus, non qualis è parentibus sit natus. Nam regeneratio est potior prima nativitate. Non enim est ex homine, sed ex Deo & promissione ejus, quam fides nostra amplectitur, sicut Propheta jam latius ostendit.

## IX.

*Auditui meo dabis gaudium & letitiam, & exultabunt ossa humiliata.*

**N**on sine causa est quod toties repeto, In hoc Psalmo non solum exemplum justificationis in Davide experiri, sed ipsam veram doctrinam tradi, qua ratione & quomodo justificatio fiat in omnibus hominibus, Vt hic Psalmus sit cœ Regula generalis, quomodo peccatores fiant justī. Hujus Regulæ partem proximi duo versiculi proposuerunt, in quibus confutavit universas alias vias, quibus nituntur homines se purgare à peccatis, & se reconciliare cum Deo, vel per Legis opera, vel per alia electicia opera. Non solum enim requirit veritatem absconditam contra hypocrisin, sed etiam aliam asperisionem requirit, quam lex habebat. Hoc ut clarius possit intelligi, addit, Auditui meo dabis gaudium, Q. d. Sic aspergas me, ut des auditui gaudium, id est, ut habeam pacem cordis per verbum Gratia. Porro Emphasis est in nomine Auditui, quanquam Ebræus paulo aliter legit, Fac me audire gaudium, Sed sententia utrinque est eadem. Hoc enim simpliciter vult, quod remissio peccatorum, quæ sola gaudium affert, contingat per solum Verbum, seu solum auditum. Nam si te usque ad necem excarnifices, si sanguinem fundas, si quidquid est homini possibile, promptissimo animo subeas & tolleres, Tamen nihil proficitur, sed solus auditus affert gaudium. Hic unicus modus est, quo cor in conspectu Dei pacatur, Alia omnia quæ suscipi possunt, relinquunt in animis dubitationem, &c.

*Hic Psalmus tradit doctrinam justificationis.*

*Fac me audire gaudium.*

Signate igitur & per Emphasis hæc omnia intelligenda sunt, Nam ad confusionem supra institutam pertinent. Per Antithesin enim omnes diversas vias, quas homines perturbatis conscientijs ingrediuntur, damnat, quod etsi specie insignes sint, tamen hoc gaudium non afferant, quod affert auditus. Idem enim accidit perturbatis conscientijs, quod anseribus, quos cum persequuntur vultures, volatu conantur evadere, cum cursu id melius possint. E contra cum infestant eos lupi, conantur evadere cursu, cum volatu id tuto possint. Ita homines, cum premuntur conscientia, jam huc, jam illuc cursitant, jam hoc, jam aliud opus instituunt. Ita sibi ipsis tantum cumulant pericula & labores inutiles, cum hic unus verus & certus modus sit sanandæ conscientia, quem David hic asperisionem vocat, qua auditur & accipitur Verbum. Tota enim ratio justificandi, quo ad nos, passiva est. Nos autem cum sumus sanctissimi, volumus active justificari, hoc est, nostris operibus, sed nihil hic à nobis agi, nihil suscipi debet, præter hoc unum, ut adhibeamus aurem, sicut Psal. 45. etiam monet, & credamus ea, quæ nobis dicuntur. Hic solus auditus, est auditus læticia, & hoc solum est, quod nos facimus per Spiritum sanctum in justificationis causa. Sic Paralytico auditus læticia erat, cum diceret Christus, Confide fili, remissa tibi sunt peccata tua. Sic Davidi, læticia erat audire ex Nathan, Non morieris, &c.

*Similitudo de anseribus.*

*Verus modus sanandæ conscientia.*

*Paralyticus Matth. 9.*

Est igitur summa summarum, Cum positus es in tristitia seu sensu iræ divinæ, ne aliam medicinam quæras, ne solatia alia admittas, quam Verbum, sive per Fratrem præsentem inspiretur, sive incidat monente Spiritu per Verbum antea auditum, sicut sunt sententia. Nolo mortem peccatoris, sed ut magis convertatur & vivat, Item, Vita in voluntate ejus, Item, Deus, est Deus vivorum, Item, Sic Deus dilexit mundum, ut daret unigenitum Filium suum, ut omnis qui credit in eum, non pereat, sed habeat vitam æternam. Hæ sententia & similes afferunt auditum læticia, sive per alienum os, sive per Spiritum sanctum inspirata. Sed hæc quoque est abscondita veritas & sapientia, quam homines inexperti non possunt comprehendere, Ideo Papæ Doctores longe alias afferunt rationes, quibus animis perturbatis medeantur.

*Solo verbo perturbata conscientia erigenda.*

*Verbi vocale  
efficacia.*

Perro hic versus insigne testimonium est, quo ministerium Verbi, seu verbum vocale ornatur. Quia enim auditum latitiae petit, manifeste significat Verbum ad consolandos animos esse necessarium, sive id per Fratrem afferatur, sive Spiritus verbum olim auditum suggerat. Ergo pugnat hic versus primo contra omnes, qui oderunt aut negligunt verbum externum, & rapiuntur suis ociosis & inanibus speculationibus. Deinde etiam contra eos pugnat, qui perturbati angoribus animi, verbum nolunt admittere, sed aut increduli sunt, aut à Verbo fugiunt ad opera, sicut illi ad cogitationes suas, Vtrinque erratur, & cogitando & faciendo. Hoc autem uno non erratur, si audias.

*In Sacramenti  
et absolutione  
ad verbum re-  
spondendum.*

Atque hæc doctrina est, propter quam non solum nomen hæreseos, sed etiam poenas sustinemus, quod scilicet omnia tribuimus auditui, seu Verbo, seu fidei in Verbum (sunt enim hæc idem) & non nostris operibus, Quin in Sacramentorum ulu & confessione docemus ad verbum potissimum respiciendum esse, ut omnia revocemus à nostris operibus in verbum. Nam in Baptismo est auditus gaudij, cum dicitur, Baptiso te in nomine Patris & Filij & Spiritus sancti, Qui crediderit & baptisatus fuerit, salvus erit, In Coena est auditus gaudij, cum dicitur, Hoc est corpus meum, quod pro vobis traditur, Hic est calix sanguinis mei, qui pro vobis effunditur in remissionem peccatorum, In Confessione, seu ut rectius appellemus, in Absolutione & clavium usu, est auditus gaudij, Crede, remissa sunt tibi peccata tua per Christi mortem. Etsi igitur hortamur ad Sacramenta, & ad absolutionem, tamen non docemus aliquid de dignitate nostri operis, quod ex opere operato valeat, sicut Papistæ de Coena Domini seu suo sacrificio solent, Sed revocamus homines ad verbum, ut caput totius actionis sit ipsa vox Dei & ipse auditus.

*Doctrina Papa  
de Sacramenti  
et contritioni-  
bus.*

Contra, Papa, omisso Verbo, de forma & virtute Sacramentorum disputat, Item, de contritionibus & attritionibus. Hac doctrina sane ita sum ego in Scholis corruptus, ut vix magno labore, Dei gratia, me ad solum auditum gaudij potuerim convertere. Nam si expectandum eo usque est, donec sufficienter conteraris, nunquam pervenies ad auditum gaudij. Id quod in monasterio magno cum dolore sæpiissime expertus sum. Sequebar enim hanc doctrinam de contritionibus, Sed quanto conterebar magis, tanto dolores & conscientia insurgebat major, nec poteram admittere Absolutionem & alias consolationes, quas afferebant ij, quibus confitebar. Sic enim cogitabam, Quis novit an talibus consolationibus credendum sit? Postea casu accidebat, cum apud Præceptorem meum de his meis tentationibus, quas sane plurimas & propter ætatem patiebar, cum multis lachrymis quererem, ut is ad me diceret, Fili quid facis? An nescis quod ipse Dominus jussit nos sperare? Hoc uno verbo (IVSSIT) ita confirmabar, ut scirem Absolutioni credendum esse, quam sæpe quidem antea audieram, sed stultis cogitationibus impeditus, non putabam me Verbo debere credere, sed audiebam, tanquam nihil ad me pertineret.

*Exemplum Lu-  
theri.*

*Adversatio ad  
hanc doctrinam  
justificationis  
dissonantem.*

Quare meo exemplo & periculo moniti, discite hanc doctrinam justificationis, quam præsens vermiculus ostendit, quod iusticia non contingat, nisi ei, qui credit Verbo, ut distinguatis inter Verbum absolventis & vestrum propositum, seu contritionem, sicut inter cælum & terram. Nam contritio etiam cum summa & perfectissima est, tamen respectu iusticiæ est infimum quiddam, imo merum nihil, quo neque meremur aliquid, nec satisfacimus. Quale enim meritum est agnoscere peccatum, & de eo dolere? Quare procul à tua contritione averte oculos, & in vocem Fratris absolventis toto pectore intueri, ne dubites, quin illa vox Fratris in Sacramento, seu absolutione, sit divinitus dicta ab ipso Deo Patre, Filio & Spiritu sancto, ut ita totus pendeas ab eo, quod audis, non ab eo quod tu facis & cogitas.

*Perversus do-  
ctrina Papisti-  
ca.*

Diversum Papa facit, Adigit primo ad contritionem, & ex contritione postea vult statuere, sit ne verbum efficax an non? Quasi promissio Dei non valeat per se, sed habeat opus accessione nostrorum meritorum, contritionum aut satisfactionum, Atque hanc doctrinam sic retinent, ut nos saniora docentes, tanquam hæreticos

reticos

reticos damnent. & omni genere suppliciorum afficiant. Hinc in omnibus Bullis addita est hæc clausula, Rite confitentibus & contritis, Quasi certitudo absolutionis pendeat ex certitudine contritionis, cum tamen cor nunquam possit statuere, quando sit satis contritum. Has indulgentias etiam magno auro vendidit Pontificum avaricia, Sed ô Christe, aufer indulgentias istas, & potius sine, ut nobis irati sint Pontifices, quam ut relinquentes certitudinem Verbi tui, nitamur contritionibus nostris, sicut ipsi docent. Certitudo enim omnis nobis in Verbo tuo est posita, quo revelas totius orbis Peccata, tuo Sacrificio, Morte, & resurrectione tua expiata & deleta esse. Hanc vocem cum audit cor, tum oritur gaudium, de quo David hic loquitur. Quomodo enim non gaudeat animus, cum audit tantam divinæ misericordiæ esse magnitudinem, ut cum voluptate largiatur gratiam, & non spectet insufficien-

*Gaudium oritur  
de ex verbo  
oritur,*

tem contritionem, sed simpliciter suam misericordiam & nostram calamitatem consideret. Hunc auditum sequitur fiducia illa, ut dicamus, Sum baptizatus. Sumpsi corpus pro me in cruce traditum, Audivi Dei vocem ex ministro vel fratre, qua mihi annunciata est remissio peccatorum, Hæc autem fiducia vincitur mors, & omnia alia mala.

Libenter hæc pluribus dico, ut sciatis formam remissionis peccatorum non esse per opera, sed per auditum. Canunt quidem & orant hunc Psalmum quotidie in templis Papistæ, sed nemo est, qui intelligat quid in hoc gaudium, quo pii lætantur in Domino, nempe, certa fiducia misericordiæ Dei, & conscientia non dubitans de remissione peccatorum. Hæc fiducia, seu cognitio, seu auditus ille si non adsit, nulla potest firma haberi consolatio. Nam hoc quoque propria experientia didici, quod post vigiliis, studiis, jeuniis, orationes, & alia durissimam, quibus Monachus ego ad mortem usque me afflegebam, tamen illa dubitatio relinquerebatur in animo, ut cogitarem. Quis scit an Deo hæc grata sint? Felices igitur vos juvenes, si modo grati fueritis Deo pro tanto dono, quod auditis jam sanam & veram rationem, qua pervenitur ad justiciam, ut possitis dicere in cordibus vestris, Si non tantum oravi aut feci, quantum oportebat aut satis erat, quid ad me? Non enim ædifico super hanc arenam. Si non perfecte contrivi, quid ad me id quoque? Sed hoc ad me pertinet proprie, & super hoc ædifico, quod Deus mihi loquitur per fratrem, Ego absolvo te in nomine & merito Christi. Hoc verbum credo esse verum, nec me fallat fides mea. Est enim ædificata supra petram sermonum filij Dei, qui mentiri non potest, est enim veritas, &c. Ad hunc modum perfunduntur animi vero gaudio, & vera læticia Spiritus sancti, quæ tota consistit in certitudine verbi, seu in auditu.

*Gaudium plerumque ex certitudine verbi.*

Sed hic quoque de Antithesi monendi estis. Videtur enim ad Moysen oblique respicere, cum dicit, Auditui meo dabis gaudium. Quasi dicat, Iam satis diu Legem & Moysen audiui, qui habet gravem linguam, Tolle à me hunc auditum, Est enim auditus iræ Dei & mortis æternæ. Quare peto auditum læticiæ, qui venit per verbum Gratiæ & remissionis peccatorum, Tunc fiet, ut exultent ossa humiliata, hoc est, ossa per sensum peccati contrita & concussa, quem sensum Lex Dei in animis efficit. Sed sicut gaudium, de quo supra dixit, Papæ discipuli non intelligunt, ita neque hanc humiliationem ossium quid sit scire possunt. Nunquam enim audiverunt verba legis, nec audiverunt auditum mortis & desperationis, sed sine experientia de his rebus disputant, sicut cæcus de pictura. Quare pertinet hæc quoque cognitio ad illam absconditam sapientiam, de qua supra dixit. Nam ego sæpe à multis in Monasterio rogavi, ut mihi dicerent, quid essent humiliata ossa, Sed quia experientiam talium tentationum non habuerant, impossibile erat, ut de re ignota aliquid sani & certi dicerent. Non enim omnes easdem tentationes patiuntur, sed dat Deus ista, secundum quod singuli ea ferre possunt, Et tamen necesse est hunc sensum legis & mortis experiri omnes, utcumque alij plus, alij minus eum experiantur, quidam in ultimo articulo vitæ tandem eum sentiunt. Fit autem secundum litteram quoque, ut in isto sensu, ossa humiliantur, hoc est, ut robur corporis & vires

*Antithesis est  
Mose obsequanda.*

*Auditus iræ  
Dei.  
Auditus læticiæ.  
Humiliatio ossium.*



frangantur, & mirabiliter affligantur, sicut in subitis periculis mortis, item in alijs magnis doloribus experimur.

*Contritio hac  
offium, alia est,  
a Papæ contri-  
tione, nec tolli-  
tur nisi voce  
Nathan.*

Sed hæc offium contritio longe alia contritio est, quam Papæ, qui jubet, ut meditemur peccata commissa, postea imponit satisfactiones, stultissimas peregrinationum, jejuniorum, eleemosynarum, &c. Sed nisi ad veram contritionem accedat hoc, quod Nathan Davidi dixit (Abstulit Deus peccata tua) impossibile est, quin ossa <sup>1. Reg. 12.</sup> maneant contrita. Nulla enim re potest sanari hoc conscientiae vulnus, quam Verbo divinæ promissionis, quod scilicet credimus Deum nostrum esse Patrem misericordiarum, & omnis consolationis, Item quod credimus, Esse Domino beneplacitum, super timentes eum, & super eos, qui sperant in misericordia ejus, Quod scimus ipsum velle ut speremus, & nisi speres, poenam æternæ damnationis subeundam esse. Cur autem juberet sperare, nisi vellet ignoscere? Cur objiceret Filium unigenitum tam fœdæ morti, nisi vellet nos per fidem in ipsum salvari?

*Pharmaca qui-  
bus ossa humili-  
ata sanantur.*

Hæc atq; hujusmodi alia dicta, sunt ista vera aspersio, & pharmaca præsentissima, quibus sanantur ossa humiliata, & conscientia erigitur. Qui autem dubitant de hac Dei voluntate, & respiciunt in suam indignitatem, quod sanctitate non Paulo, non Petro sint pares, hi nunquam possunt esse quieto animo. Quare quidquid usquam justiciarum seu peccatorum, sive in te, sive in toto mundo est, hoc totum procul ex oculis atq; animo ejice, & dic, Etsi sum indignus, qui ista tanta beneficia, scilicet remissionem peccatorum & gratiam Dei recipiam, Tamen Deus non est indignus, ut ei credam, quod velit peccata remittere, sicut promisit in Verbo suo. Nam hæc Consequentia in Theologia non valet, Ego sum turpis peccator & malus, Ergo Deus mentitur, qui promisit peccatoribus remissionem peccatorum. Quin hanc Consequentiam facit præ David fecit, Potius sum peccator, quam ut Deus sit mendax, Quod autem misericordiam spero, hoc facio fiducia Verbi sui, quod de Christo predicatur, &c.

*Cur Propheta  
mala à Deo di-  
cant.*

Sed hic admonendus est Lector de proprietate, quam habet Ebræus. Sic enim in Ebræo legitur, Et exultabunt ossa, quæ tu contrivisti. Est autem hic magnus scrupulus, cur Propheta singulari studio hoc observent, ut pronuncient mala ab ipso Deo venire, cum tamen verum sit, Deum per se mala non facere, sed uti medijs instrumentis. Nam sic in Hiob dicit Dominus, Tu me coëgisti, ut eum affligerem <sup>Hiob. 1.</sup> frustra, Hiob. 2. cum tamen historia clare ostendat, Diabolum incendisse domum, occidisse liberos, suasisse desperationem & murmur contra Deum. Hæc, inquam, vere Diaboli opera sunt, & tamen dicit Dominus, Ego affixi eum. Ad eundem modum dicit hic David quoque, Tu contrivisti ossa mea, cum tamen Deus nihil aliud fecerit, quam quod subtraxerit manum & Spiritum suum, & reliquerit Davidem exercendum ignitis telis Satanæ, quibus cor ita implevit tristitia & desperatione, quibus ita perturbavit & confudit mentem, ut nullus pateret exitus. Est enim pater mendacij & homicida. Tale instrumentum seu medium, est Lex quoq; per quam accusantur & damnantur peccata. Utitur autem his medijs Deus ideo, ut humiliet nos & eximat præsumptionem nostrorum operum, ut simpliciter discamus nos sola gratia & benignitate Dei vivere.

*Responsio.*

Sed respondeamus ad argumentum, Cur ista tribuuntur Deo, cum ea proprie non faciat, sed utatur medijs suis, Satan occidit, Lex accusat, & tamen Deo utrunque tribuunt sacræ literæ. Ejus rei hæc causa est, ut retineamur in articulo fidei nostræ, quod tantum sit unus Deus, ne cum Manichæis plures faciamus Deos. Hi enim ponebant duo Principia, quorum unum bonum, alterum malum esset, In bonis currebant ad bonum Deum, in malis ad malum Deum. Vult autem Deus nos tum in secundis, tum in adversis rebus in se uno habere fiduciam, Non vult nos inter eos esse, de quibus Esaias dicit, Non est populus conversus ad percutientem se. Nam hoc solet natura nostra, in subitis terroribus & periculis à vero Deo avertitur, quia credit eum esse iratum, sicut Hiob, Es mihi factus in crudelem. Hoc autem est <sup>Hiob 30.</sup> alium fingere Deum, & non manere in simplicitate fidei, quod sit unus Deus. Neque enim

*Alium Deum  
fingere.*

enim

174. 45.

enim Deus est crudelis, sed est pater consolationis. Quia autem suspendit auxilium, ideo mox corda nostra ex Deo semper sui simili, & constanti, faciunt Idolum iratum. Hoc volunt Prophetæ prohibere, cum uno ore dicunt, Ego Dominus, qui creo bonum & malum, Ne cogitemus, cum Sol impeditur nubibus, omnino Solem è mundo sublatus, aut ex lucido corpore atrum & obscurum factum esse, retinet enim Sol lumen suum, sed nubibus impedimur nos, ne id possimus videre. Sic Deus est bonus, justus, & misericors, etiam cum percutit. Qui hoc non credit, is discedit ab unitate fidei, quod sit unus Deus, & fingit sibi alium Deum, qui sui sit dissimilis, jam bonus jam malus. Sed donum insigne Spiritus sancti est, credere Deum cum mala immittit esse propitium & misericordem.

## X.

*Averte faciem tuam à peccatis meis, Et omnes iniquitates meas dele.*

**H**ic ut videtis, iterum clarum facit, se non de peccato adulterij tantum loqui, dicit enim, Omnes meas iniquitates dele. Ostendit autem nobis hic quoque singularem experientiam, quam in hoc certamine spirituali experiuntur Sancti. Quando enim animus sensu peccati plene occupatus est, tunc ne justique quidem satis pacis habere possunt, sed manet cum auditu læticiæ mixtus dolor, qui non patitur, ut tantum de auditu læticiæ sumant, quantum satis est. Primitias enim habent, & tanquam guttulam extremi digiti, qua refrigerantur animi, plenitudinem gaudij non habent, sed pendent ceu ex tenui filo, ubi bene crasso sane opus erat, ad sustinendam molem corporis. Sic Sancti incipiunt tantum sentire hunc auditum, nondum hauserunt enim ad ebrietatem. Petit igitur David in hoc versiculo incrementum & perfectionem hujus auditus, qui ita impleat animum hac cognitione misericordiæ, ut nihil relinquatur, quod amplius perturbet.

Hac petitione etiam nobis per omnem vitam opus est, ut crescat de die in diem magis noticia hæc & fiducia misericordiæ, sicut Paulus & Petrus hortantur ad hoc fidei incrementum. Videtis enim quantum in eo periculi sit, si statim uno aut altero Libello perlecto, nobis persuadeamus, nos Theologiæ Doctores esse, Ante oculos sectarum exempla sunt, qui cum vix unam guttulam sanæ doctrinæ hausissent tanquam Doctores orbis omnia impleverunt falsis opinionibus, de Baptismo, de Coena Domini, de obedientia erga legem Dei, de obedientia erga Magistratum, &c. Quia enim nunquam in his spiritus certaminibus versati sunt, neque hanc doctrinam de fiducia misericordiæ Dei apprehenderunt, facile fuit Satanae, eos subvertere pravis opinionibus. Quare nos his exemplis horribilibus moniti, petamus cum Davide hanc gratiam augeri, & dicamus, Averte Domine faciem tuam à peccatis nostris, & omnes iniquitates nostras dele, ut sit plena pax & plenum gaudium nostrum.

Probat autem hæc ipsa petitio Iustificationis locum talem esse, qui nunquam possit perdisi. Qui igitur sibi persuadent, quod cum plene norint, hos verissimum est, nunquam cepisse, ut eum discerent. Quia enim quotidie nova certamina, nunc à Satana, nunc à carne nostra, nunc à mundo & conscientia nostra oriuntur, quibus ad desperationem, ad iram, ad libidinem & ad alia vitia rapimur, quomodo possibile est in tanta infirmitate nostra, non sæpe concidere nos, aut saltem frangi. Deinde quot negocia vita hæc nobis objicit, quibus paulatim eo abducimur, ut obliviscamur hujus gaudij? Quare summa necessitas est, petere, ut Deus nos semper hoc auditu læticiæ perfundere seu aspergere velit, ne obruamur iterum tristitia illa, quam sensus peccatorum affert.

Intelligo igitur hunc versiculum de incremento illius pacis & justiciæ, qua vincitur sensus iræ Dei & peccati. Etsi enim justique vere habent remissionem peccatorum, quia habent fiduciam misericordiæ, & sunt propter Christum in gratia. Tamen non cessant conscientia morfus, & reliquæ peccati, quibus infestantur. Hæc igitur ingens Spiritus sancti virtus est, credere gratiæ Dei, & sperare Deum esse propitium

✱

propitium & favere, Nec potest fiducia hæc retineri sine acerrimis certaminibus, quæ in carne excitant, tum quotidianæ orationes perturbationem ac tristitiam, tum nobiscum nata imbecillitas, & diffidentia. Et si enim hodie læto sim animo ob hunc auditum læticiæ, tamen cras aliquid incidit, quo perturbor, cum aut in mentem venit ea me fecisse, quæ fugienda erant, aut omisisse, quæ præstanda erant. Hæ procellæ & fluctus hi, nunquam cessant in animis. Advigilat autem Satan quoq; cum corda nostra promissionibus Dei non bene munita esse sentit, ut alia spectra iræ & perturbationum in nobis excitet, quibus corda ita liquefunt, ceu sal coniectum in aquam. Quare necessaria hæc precatio est, quod orat, Averte faciem tuam à peccatis meis, & omnes iniquitates meas dele, Omnes, inquit, tam præteritas, quàm præsentis, quam futuras, quotidie enim pecco, omnes, omnes dele, ne ruam in desperationem, aut obliviscar misericordiæ tuæ. Hic iterum vides remissionem peccatorum non in eo esse, quid ego faciam, sed in eo, ut Deus per misericordiam deleat, sicut Paulus de chirographo, qui intra nos est, etiam dicit,

*Averte faciem tuam à peccatis meis.*

## XI.

*Cor mundum crea in me Deus, & spiritum rectum innova in visceribus meis.*

*Absoluta præcipui religionis nostra loci, de incipit, quæ ad dona Spiritus pertinent sequitur. Gratia.*

**A**bsolvimus principalem partem hujus Psalmi, in quo præcipui nostræ religionis loci pertractati sunt, nempe, quid sit poenitentia, quid Peccatum, quid Gratia, quid iustificatio, quæ iustificationis causæ sunt; Quæ jam sequuntur, meo iudicio, pertinent ad dona Spiritus, quæ remissionem peccatorum sequuntur. Nam hanc distinctionem Paulus tradit. Aliud esse gratiam, & aliud esse donum. Gratia significat favorem, quo nos Deus complectitur, remittens peccata, & iustificans gratis per Christum. Pertinet autem ad prædicamentum relationis, quod dixerunt Dialectici, minimæ entitatis, & maximæ virtutis esse, Ne putetis esse qualitatem, Sicut Sophistæ somniarunt. Pendet enim remissio peccatorum simpliciter ex promissione, quam fides accipit, non ex nostris operibus aut meritis, sed ex eo, quod Deus gratuito nos ad se revocat, per compunctionem legis, ut agnoscamus eum largitorem esse gratiæ, Donum seu χάρισμα sunt, quæ à Deo reconciliato per Christum, post remissionem peccatorum credentibus donantur. Ad hæc dona, meo iudicio, proximi tres versiculi pertinent. Nam ego conjungendos esse, censeo, propterea, quod ter repetit nomen Spiritus, Spiritum rectum, Sanctum, & Principalem.

*Donum.*

Omitto autem istas inutiles Scholarum disputationes, loquatur ne de Spiritu efficiente, seu persona divina, aut de dono spiritus. Quid enim ista accurate disputata ædificant? cum habeamus clarum verbum Christi, Veniemus ad eum, & mansionem apud eum faciemus. Habitat ergo verus Spiritus in credentibus non tantum per dona, sed quo ad substantiam suam. Neq; enim sic dat dona sua, ut ipse alibi sit, aut dormiat, sed adest donis, & creaturæ suæ conservando, gubernando, addendo robur, &c. Petit igitur Propheta, ut postquam iustificatus est, & remissionem peccatorum accepit, ut iste sensus misericordiæ Dei altissime per Spiritum sanctum infigatur animo. Ideo his verbis utitur, Cor mundum crea in me Deus, Non enim loquitur de momentanea aliqua operatione, sed de continuatione coepto operis, Q. d. Tu coepisti in me opus tuum, quod fido misericordiæ tuæ, iam igitur quod coepisti, absolute, Confirma Deus quod operatus es in me. Non enim qui coeperit, sed qui perseveraverit in finem, salvus erit.

*Spiritus sanctus habitat in corde credentium etiam substantialiter.*

*Cor mundum crea in me Deus.*

*Sophistarum error de Gratia.*

*Gratia.*

Sophistæ nostri in eo errore sunt, ut somnient satis esse semel coepisse. Sic enim docent, Gratiam esse qualitatem latentem in corde, quam si quis habeat, tanquam gemmam inclusam in cor, eum respici à Deo, si cooperetur cum libero arbitrio, Item, Si quis habeat gratiam primam, etiam si vix scintilla sit, eum saluari. Sed nos de gratia aliter docemus & credimus, nempe quod Gratia sit continua & perpetua operatio, seu exercitatio, qua rapimur & agimur Spiritu Dei, ne simus increduli promissionibus eius, & cogitemus atq; operemur, quidquid Deo gratum est & placet, Spiritus enim est res viva, non mortua. Sicut autem vita nunquam ociosa est, sed

*Ab. 14.*

*Matth. 14.*



sed semper dum adest agit aliquid, Nam ne in somno quidem vita ociosa est, sed aut augentur corpora, ut in pueris, aut alia in anhelitu & pulsu vitæ opera sentiuntur, Sic Spiritus sanctus nunquam ociosus est in pijs, semper aliquid agit, quod pertinet ad Regnum Dei. Quare moneo, ut ista vocabula Theologica assuescatis recte intelligere, ne cum auditis vocabulum creandi, cogitetis de uno aliquo momentaneo opere, sed de perpetua gubernatione, conservatione, & augmento spiritualium actionum in corde fideli.

*Spiritus sanctus non est ociosus in pijs.*

Observanda autem hic est Antithesis, quam Propheta ostendit in eo, quod mundum cor petit. Respicit enim obliquis oculis ad illam larvam iusticiariorum, Q. d. Video multa baptismata in sacris, & templo, item domi quoq; jam vestes, jam parietes, jam corpora rota abluuntur, Sed ubi manet illa mundificatio cordis? Sunt enim corda polluta idolatriæ, vanis opinionibus de Deo, concupiscentia & alijs vitijs, quæ inde nascuntur, quod cognitionem Dei sanam non habent. Hæc omnia belli isti balneariores negligunt, & occupantur ea cura, ut corpora & vestes niteant, Sed ô Deus, munda tu cor meum, ut tuam voluntatem agnoscam qualis est, hoc est, bonam & propiciam, ut non phantasticis cogitationibus de Deo abducatur ad impias opiniones. Hoc est proprie mundum cor, de quo Christus quoque dicit Matth. 5. Beati qui sunt mundo corde. Transferenda enim est hæc cordis mundicia ad spirituales actiones. Etsi enim cor etiam polluitur libidinibus, ira, invidia, & alijs vitijs, tamen ea immundities ejusmodi est, ut ratio, & caro eam intelligat & damnet. Sic extant etiam inter gentes insignes Conciones contra vitia, quibus profani homines turpiter indulgent.

*Antithesis cor diuini observandum.*

*Corda polluta peccatis.*

*Cor mundum.*

Sed Propheta orat contra immundiciem, quam ratio non intelligit, ut scilicet corda sint pura & munda à vanis & falsis opinionibus de Deo, & sentiant Deum esse benignum, faventem & misericordem, qui non velit mortem Peccatoris, sed ut convertatur & vivat. Quando enim cor sentit Deum esse iratum, tunc statim sequitur idolatria, qua aut persuademus nobis esse Deum alium, quam natura est, & querimus alia remedia in verbo prohibita, aut plane desperamus. Contra has cordis pollutiones, orat mundum cor, quod de Deo recte sentiat, quod Deum diligat tanquam Salvatorem à peccatis, & largitorem vitæ. Videt enim hoc periculum, quod qui hanc cognitionem habent, tamen à Satana varie sollicitantur ad falsas opiniones de Deo.

*Immundities cordis ignota rationi.*

*Mundum cor.*

Summa igitur hæc est. Agnoscit Propheta gratiam, quod habeat remissionem peccatorum, & faventem Deum, Orat igitur contra periculum, quod plerumq; Satan conatur excitare, ne transferatur in alias opiniones, Sed ut hæc cognitio benignitatis divinæ quotidie magis ac magis crescat, ut in omnibus, quæ facimus aut sustinemus, simus læto animo, & sciamus nos esse propter Christum in Gratia, & placere omnia quæ facimus, etiam illa, quod comedimus & bibimus pro necessitate corporis, quod facimus operas nostras, & ut cor sic maneat purum, in perpetua & sana cognitione Dei & fiducia erga Deum per Christum, ac statuatur omnia nostra Deo placere, non propter meritum seu dignitatem aliquam nostram, sunt enim omnia polluta, sed propter donum Fidei, quod credimus in Christum. Neq; autem est in potestate nostra, tale cor assumere, sed est creationis divinæ, Ideo vocabulo Creandi spiritus hic uti voluit. Nam ea vana somnia sunt, quæ de purgationibus cordis nugari sunt Scholastici. Sicut autem non est nostrarum virium, sed divinæ creationis, tale cor mundum, ita quoq; non possumus hanc creationem conservare contra Diabolum. Ideo videmus quam sæpe polluiamur subitis perturbationibus ac tristitiis, &c. Quare nunquam cessare debet hæc precatio, de creatione & etiam conservatione mundi cordis.

*Inventionem fidei, etc.*

*Sophistæ magis de purgatione cordis.*

Quod sequitur, Et spiritum rectum innova in visceribus meis, quod ad sententiam attinet, idem est, cum mundo corde. Germanis quoq; fere idem est vocabulum Cordis cum eo, quod Ebræus Spiritum dicit. Nam quod Latine dicimus Animam, intellectum, voluntatem, affectum, hæc fere omnia Germani vocabulo

*Spiritus rectus.*

Cordis

*Spiritus certus.  
Spiritus veri-  
tatis.*

Cordis reddunt. Sed Epitheton quod hic Spiritui addit Nachon, significat proprie stabile, solidum, plenum, firmum, certum, indubitatum, Nos post multas cogitationes, desperavimus de hoc vocabulo, significanter Germanice reddendo. Caterum perpetuo opponitur dubitationi & varietati opinionum. Proprie igitur est, Spiritus certus, seu rectus, qui cor stabilit contra dubia & varia dogmata, item contra Diaboli suggestiones, conantis nos ab ea fide abducere, quod Deus non sit misericors & propicius. Ac videtur Christus idem vocare Spiritum veritatis, qui non simulet aliquid, quod non sit, sed certa faciat & doceat. Sic in libris Regum est de Salomone, Et stabilitum est regnum Salomonis, hoc est, ratum factum, Sic dicunt, fruges certas, *1. Reg. 1.* quæ secundum speciem suam certissimo modo proveniunt, Sic dicitur etiam, Certus spiritus, hoc est, certa & indubitata fides, quæ non vagentur opinionibus, sicut pueri solent, sed quæ crescat, & fiat persnasissima, sicut etiam Paulus dicit, Persuasus *Rom. 1.* & certus sum. Nam cum de Gratia & remissione peccatorum agitur, procul omnis dubitatio ejicienda est. Est autem hoc non nostrarum virium, sed Dei creantis.

*Justitia operum  
relinquit cor  
immundum.*

Pertinet autem hæc particula quoque ad confutandam larvatam justiciam illam operum, quæ cor relinquit immundum, & spiritum incertum. Nam Monachus, qui multos annos singulari studio Regulam suam servavit, & omnia fecit quæ potuit, tamen certitudine hæc caret. Ergo hoc primum est post hanc cognitionem misericordię petendum, ut hæc cognitio maneat certa, ut cor nihil dubitet de misericordia Dei, neque vagentur alijs & alijs cogitationibus, quas aut corda sibi fingunt, aut impię doctrinę ferunt. Ad hoc donum necessaria est creatio & invocatio, quæ fit per continuum exercitium spiritualium certaminum, seu tentationum. Nam exempla ante oculos sunt, quod multi nobiscum coeperunt, qui omnes incredibili applausu hanc doctrinam amplectebantur, Sed paulatim postea aut in alias opiniones per Sectas abducti, aut in manifestum contemptum & odium Evangelij prolapsi sunt. Hujus calamitatis non alia causa fuit, quam quod hunc certum Spiritum non habuerunt, Sed cum sibi viderentur pulchre eruditi in hac Theologia, per spiritum malum in eam superbiam abducti sunt, ut aut nova quærerent, aut per invidiam cogitarent de nobis opprimendis. Est igitur opus certitudine Spiritus, non solum propter Diabolum, sed etiam propter carnem nostram & mundum. Hæc enim conjunctis quasi copijs hanc certitudinem doctrinæ nobis extorqueere volunt. Sed ceteri omnia hæc docent longe melius, quam à nobis dici possit.

*Certitudo spiritus.*

## XII.

*Ne projicias me à facie tua, Et spiritum sanctum tuum ne auferas à me.*

*Pericula p[er]i-  
minentia de-  
precat[ur].*

*Spiritum san-  
ctum tuum ne  
auferas à me.*

Vide insignem humilitatem, quam anxie metuat ea pericula, quæ ijs imminent, qui justificati sunt, & remissionem peccatorum habent. Nam sine Spiritu sancto non posset hæc orare, & tamen qui jam habet Spiritum sanctum, hoc petit & suspirat, ne projiciatur, ne deseratur, ne peccet iterum & concidat, Q. d. Habeo carnem, quæ luctatur contra spiritum, Adsis igitur, & me sustenta, ne denuo peccem, sicut antea peccavi, cum à te desertus essem, Ne sic me projicias, & Spiritum tuum sanctum ne auferas à me, hoc est, da perseverantiam ut corpus in me sanctificetur. Nam sicut supra petivit Spiritum certum, hoc est, plerophoriam, ut Paulus vocat, & plenam cognitionem misericordię Dei, Ita hic petit Spiritum sanctum non auferri, nec projici se, Quod ego refero ad sanctificandam carnem, & ad mortificationem, seu ad novam obedientiam, quæ in justificatis sequi debet, Vt maritus caste vivat cum sua conjuge, & suaviter cum vicinis, ut Magistratus diligenter faciat officium in administranda Republic. ne indulgeat peccatis subditorum, &c. Notum enim est, quid nova obedientia in justificatis secum afferat, ut cor quotidie crescat in Spiritu sanctificante nos, ut postquam pugnatum est contra reliquias pravarum opinionum de Deo, & contra dubitationem, progrediatur Spiritus etiam ad governa-

gubernationem actionum corporis, ut ejiciatur libido, assuescat animus ad patientiam, & alias morales virtutes, &c.

Homini in Sophistarum Theologia instituto absurdum videtur, quod tam sanctus Propheta clamat pro donis Spiritus sancti, ac si nulla haberet. Sed nos tum experientia, tum talibus exemplis edocti scimus, quod nemo potest petere gratiam, nisi justificatus. Item quod nemo possit petere dona Spiritus, nisi sanctificatus. Quia enim primitias Spiritus acceperunt tales, ideo cupiunt & aspirant ad decimas quoque accipiendas, & quia renati sunt ad Vitam, ideo cupiunt Mortem cum suis reliquijs plane abjicere, ac sperant, & quærunt perfectionem, à qua experiuntur quotidie, quam adhuc absunt longe. Ideo David orat, ne permittatur suis cogitationibus, sed ut servetur mundus corde & opere in oculis Dei. Facilis enim hic lapsus est, sicut ostendit parabola servuli apud Lucam, qui in conspectu Domini sic humilis & pius erat, ut consequeretur remissionem omnium debitorum, per misericordiam patrisfamilias, sed vix digressus ab hero, incidit in conservum, & fit immitis homicida ac crudelis.

*Qui Gratiam  
& dona Spiritus  
sancti petunt.*

*Parabola de  
servo Luc. 18.*

Sed hic iterum admoneo, quod supra. Quia enim David ista petit à Domino, ideo manifeste nobis ostendit, non esse nostri operis, aut virium nostrarum, conservare ista dona, sed esse nos positos in eo periculo, ne projiciamur. Hoc projici tum fit, cum Dominus nos relinquit nobis, & subtrahit Spiritum suum. sicut scriptura dicit, Dimisit eos in sua desideria. Hoc cum fit, statim concidimus. Nam aut cupiditatibus nostris indulgemus, sicut David in adulterio, aut in præsumptionem aut desperationem prolabimur. Ideo dicit, Ne me projicias, hoc est, Ne deseras me Spiritu tuo sanctificante, nam hoc cum fit, vere projectus sum ac perij, Et Spiritum tuum sanctum ne auferas à me, Fatetur enim Spiritum sanctum se habere, sed nondum perfecte aut totum, sunt enim tantum primitiæ Spiritus, post hanc vitam autem fiet, ut plenitudinem Spiritus consequamur, & fiamus, sicut ipse est. Sic cōjungenda sunt hæc duo, ut per Spiritum sanctum servemur ab omnibus inquinamentis, interius & exterius, spiritus & carnis, ut corda nostra fiant ceu purum habitaculum, ad quod non pateat redivus immundo spiritui, sicut Christus etiam docet in Evangelio. Iam sequitur de tertio dono spiritus.

*Non nostri operis,  
sed conservare  
ista dona Spiritus  
sancti.*

*Ne projicias me  
à facie tua.  
Spiritum sanctum  
tuum ne auferas à me.*

### XIII.

*Redde mihi leticiam salutaris tui, Et spiritu principali confirma me.*

Hoc jam tertium donum Spiritus sancti est, quod sibi petit conferri. Ac sane insignis est ordo, quem Propheta sequitur, Q. d. Sum jam justus gratia Dei, quia sum certus de remissione peccatorum, Deinde sum etiam sanctificatus, ambulo enim in obedientia & sanctimonia præceptorum Domini, ac quotidie augescit hoc donum spiritus, Nunc tertium restat, ut accedat magnus & fortis animus, qui hunc justificatorem & sanctificantorem confiteatur coram mundo, & nullis periculis à confessione se sinat depelli. Ideo Germanice reddidimus hunc versum sic, ut appareat eum rogare, latum, & contemptorem omnium periculorum, animum. Nam lætitia hic proprie significat constantiam, seu animum imperterritum, qui non Mundum, non Satanam, non mortem denique metuat. Talem animum videmus in Paulo, cum læto, exultanti, & pleno spiritu dicit, Quis separabit nos à dilectione Dei? Idem mihi David hoc loco videtur petere, ut libere confiteri possit Deum suum, contemptis omnibus periculis mundi.

*Post confirmationem  
spiritus principalis  
ad libere confitem-  
dum.*

*Lætitia.*

*Rom 8.*

*Psalm. 116.*

Atque hunc ordinem etiam res ostendit, sicut alio in loco Propheta dicit, Credidi propter quod & loquor. Nam cognitionem veritatis statim sequitur confessio, qua doctrinas diversas refutamus, Sed confessioni proximum est quod sequitur, Ego autem humiliatus sum nimis. Quare necessaria est confirmatio Spiritus principalis, ne in humiliatione ista concidamus animis, sed magno spiritu omnia pericula contemnamus. Impossibile enim est, ut mundus possit æquo animo ferre hanc generalem sententiam, Quod omnis homo sit mendax, maxime si

*Fidelis  
& confessio.  
Grax.*

Kk

menda-



mendacia dicas, quæ ipsi pro veritatibus & summo Dei cultu prædicant, sicut sunt, totius Papatus doctrina & vita. Hanc ceu blasphemiam Dei, ferro & igni conantur extinguere, Igitur non solum acerbissima odia, sed etiam cædes & supplicia crudelissima propter confessionem hanc sustinemus. Sed quid postea? Notitia hæc non patitur ut taceamus, & mundus non patitur ut loquamur, Necesse igitur est, ut confirmemur Spiritu, ne propter pericula à confessione discedamus.

*Redde mihi lætiti-  
am.  
Confirmatio spi-  
ritus principalis  
in deserto, &c.*

Quod igitur dicit, Redde mihi lætitiā, significat se istis periculis pene fractum esse. Quare orat lætitiā hanc reddi, quæ sit lætitiā salutaris Dei, hoc est, vult animum sic confirmari, ne dubitet quin Deus in istis periculis, quæ confessio secum affert, adesse & salvare velit. Hæc fiducia sic inspirat animum, ut terrores omnes, & pericula omnia secure contemni possint, Sicut Dei gratia hoc insigne donum ego quoque sum expertus, ut contra Cæsaris, Pontificis, Principum, Regum, & totius fere mundi voluntatem, docendo & scribendo Iesum Christum, Dominum & liberatorem meum liberrime confessus sim, etiam inter mille pericula vitæ, quæ ab iratis hostibus & ipso Satana quoque mihi intentabantur. Sic ad Ieremiam dicit Dominus, Ponam faciem tuam æream, ut nihil cures, etiamsi quis in eam impingat. Ac sane munus docendi in Ecclesiā talem animum contemptorem omnium periculorum requirit, Quin in genere omnes pij ita se comparare debent, ut non detrectent fieri martyres, hoc est, Confessores, seu testes Dei. Neque enim vult Christus latere in mundo, sed vult prædicari, non intra parietes, sed supra tecta, ut in mundo luceat Evangelium, ceu fax in alto monte, aut specula quadam. Hoc autem cum fit, mox præsto sunt omnis generis pericula, & vere hæremus, sicut Germanico proverbio dicitur, inter januam & cardines. Neque aliud est quod nos consolari possit, quam quod promisit Deus, se nos non deferrurum esse.

*Et cum faciem  
meam æream,  
Jerem. I.*

*Tertium donum  
peritum.*

Ergo hoc tertium donum est, quod implet Christianos magna superbia non quidem contra Deum, sed contra superbiam mundi & Diaboli, ut quanto se fortius isti opponunt, tanto nos audentiores eamus contra. Id cum facimus, clamant nos insanabiliter pertinaces esse, Neque id negamus, ita enim requirit munus & vocatio nostra. Ergo, inquiunt, es damnatus, Non sequitur. Nam hic distinguendum est, Coram Deo enim sic sum humiliatus, ut etiam ad nomen ejus paveam, & quotidie incessabiliter rogem, donari Spiritum, augeri fidem, &c. Hic nihil nisi extremam inopiam meam agnosco & deploro, Sed cum ad mundum respicio, video me infinitas tenere opes. Sicut igitur coram Deo me humilio, ita vicissim contra Mundum magno & contemptore animo efferor, damnans doctrinas mundi sicut errores, & vitam omnem sicut peccata. Hinc oriuntur pugne, contradictiones, supplicia, excommunicationes, propter quas David hic orat confirmari Spiritu principali, Q. d. Nisi tu me confirmaveris contra pericula ista, opprimar terroribus.

*Nadab.  
Nedabah.  
Nadab.*

Quod ad Grammaticam attinet, vocabulum Nadib significat Principem, Inde est quod noster interpretes fecit, principali spiritu, Sed Nedabah sine dubio est à verbo Nadab, & significat voluntarium, spontaneum, ultro cupientem & volentem, magnoque animo suscipientem aliquid. Talis autem spiritus etiam est donum Dei, quo animum implet, ne terreamur à Satana & mundo, & qui non cogente lege aliqua, sed gratuita beneficentia aliquid suscipit, Quanquam etiam potest passive dici, munificus Spiritus, qui ex mera Gratia donatus est. Ita in his tribus versibus exponit Propheta dona illa, quæ dantur justificatis fide. Primum est Plerophoria, seu certa fiducia misericordiæ Dei. Secundum est sanctificatio, qua mortificatur vetus homo cum passionibus suis, & surgit novus in nova & sancta obedientia. Tertium est libera confessio, ut sine discrimine, quicquid sanæ doctrinæ non vult cedere, damnetur, etiam Cæsares, Principes, Pontifices, cum toto mundo. Nunc descendit Propheta ad alia, quæ ex hoc principali Spiritu sequuntur.

*Dona fidei iusti-  
ficorum.*

Docebo

## XIII.

*Docebo iniquos vias tuas, Et impij ad te convertentur.*

**H**ic primum incipit Propheta de suis operibus loqui, postquam persona ante <sup>De fructibus  
sive operibus ju-  
stificatorum.</sup> justificata, & per Spiritum sanctum renata est. Oportet enim arborem esse ante fructum, sicut Christus quoque dicit Matth. 12. Aut facite arborem bonam, & fructum ejus bonus, Q. d. Frustra laboratur de fructu, nisi prius sit bona arbor. Nam Phariseorum fere eadem conditio & studium erat, quod hodie in adversarijs videmus, qui pleno ore jactant bona opera, & toti mali sunt. Quomodo autem fieri potest, ut ex malo semine boni aliquid enascatur? Igitur induti cucullis, jejunantes, precantes, vigilantes, nihilominus veterem impietatem cordis retinuerunt. Sicut enim Horatius dicit, Coelum, non animum mutant, qui trans mare currunt, Ita isti vestem, diatam, exercitia mutant, sed animus idem manet. In Theologia vera igitur hoc primum agitur, ut homo fiat bonus per regenerationem Spiritus, qui Spiritus est certus, sanctus & animosus, Deinde fit, ut ceu ex arbore bona, etiam fructus boni enascantur.

Igitur haecenus David tacuit de suis operibus, & tantum rogavit ea, quae Deus debeat per Verbum & Spiritum suum efficere, His autem impetratis, redit ad sua quoque opera, quae in regeneratione sequi debent. Ea opera non sunt, qualia impius Papatus suavit, suscipere vota peregrinationum, ingredi monasteria, quod opus cum lumina Christi contumelia vocarunt alterum Baptismum, Sed Deo sic benefico & misericordi agere gratias, & amplificare dona ejus, & per ea erudire alios quoque homines ad eandem gratiam. Sicut in Evangelio faciunt ij, qui a Christo sanati sunt. Nam etiam cum prohibentur a Christo, non possunt omittere, quin ejus beneficia praedicent, eum laudent, & alios quoque in eandem spem vocent.

**H**ae sunt principalia opera, quae testantur arborem mutatam esse, ex sterili in foecundam, ex arida in succi plenam & florentem. Ad hanc vitam revocat Christus discipulum, cum dicit, Sine ut mortui sepeliant mortuos suos, tu autem me sequere. Significat enim alia opera esse mortuorum opera, eos autem, qui in Christo vivunt, debere esse in agnoscenda & praedicanda misericordia Dei, ut eam alij quoque discant agnoscere. Summa igitur haec est, quod vita & salus nostra tota sit posita in misericordia Dei, quam per Verbum Deus revelat hoc modo, ut jubeat peccatores in ea sperare propter Christum. Haec cognitio est justitia, sicut <sup>Opera virtutum  
in Christo.</sup> Esaias dicit, Et noticia ejus justificabit multos. Hic nullum aliud nostrum opus est, quam <sup>Noticia Christi  
est justitia,  
Esaias 53.</sup> ut oblatam misericordiam non recusemus, sed eam fide accipiamus, Sed hoc ipsum quoque est donum Spiritus sancti, quia fides non est omnium. Post justificationem, cum jam promissio remissionis peccatorum & vitae aeternae creditur, & fide possidetur, tunc proximum & perpetuum opus est, agere Deo gratias, & haec ejus beneficia praedicare. Quia autem mundus omni vi sese opponit, neque Satan etiam cessat, hanc praedicationem varijs incommodis objectis nobis excutere, Ideo petijt David in proximo versu, Spiritum illum animosum, qui contemnat pericula omnia, & magno animo det testimonium Christi, sicut Lucas de Apostolis dicit.

**H**ic Spiritus, inquit, quoniam mihi datus est, ideo docebo iniquos vias tuas. Sed quid, o David, si te audire nolint? Quid si Diabolus & mundus te persequatur? Cur tam arduum & difficile opus promittis, quod iniquos velis docere vias Domini? Vbi sancti manent? Num illos etiam docebis? Ita. Nam quos hic iniquos appellat, eos si larvis & personis suis induas, in quibus coram mundo obambulant, non fures, non adulteros, non homicidas tantum esse dices, sed etiam sapientissimos & sanctissimos coram mundo, Reges, Principes, Sacerdotes, Monachos, in omni sapientia & sanctimonia, quam potest humanus animus sine Spiritu sancto intelligere & praestare. Nam Emphasis tota est in pronomine Tuas, Fa-

retur enim eos, quos iniquos vocat, habere vias, in quibus cant, & sibi pulchre in ijs placere, Sed non sunt, inquit, viæ Domini, sunt viæ humanæ, in quibus non possunt salvari, Igitur docebo eos tuas vias. Hic iterum significat periculum, quod manet hos Doctores. Neq; enim mundus suas vias vult damnari ceu errorem, sed defendit esse vias & justiciam. Qui igitur vult Dei, non Papæ monachus esse, & asperimam Regulam vitæ subire, & suum sacrificium Deo præstare, is hoc agat, ut doceat iniquos vias Dei, Tunc fiet, ut non solum Diabolum cum interno, & mundum cum sanctis, contra se provocet, sed etiam ipse sibi contradicet sæpe, & discet usu, quid sint vere bona opera, sicut Christus quoq; dicit, Feret fructum in patientia. Luc. 1.

Ad hunc modum iniquos expone, non qui coram mundo mali sunt, sed qui coram mundo sunt sanctissimi, sicut Davidis tempore erant Levitæ, Prophetæ, Sacerdotes, Hos peccati arguere, & iniquos appellare, non obstante eo, quod servabant legem Mosi, plenissimum periculi est. Est igitur sita Emphasis in singulis verbis, quod David versatus in vero purgatorio, hoc est, oppressus doloribus peccati & iræ Dei, jam autem per fiduciam misericordiæ justificatus, procedit in publicum, docturus in genere omnes de ineffabili misericordia Dei, & simul reprehensurus omnia bona opera & sanctitates, quæ in mundo sunt, ut in solam misericordiam Dei sperent, Ac hanc fiduciam solam statuunt esse veras vias salutis, Quicquid autem extra hanc fiduciam sit, esse vias mortis, & damnationis æternæ.

*Motus adversus hanc doctrinam.*

Hæc doctrina nunquam abit sine ingentibus moribus, Nam neq; Satanæ, nec mundo tolerabilis est. Hic enim non potest ferre, ut sua damnentur, ille autem hanc felicitatem hominibus invidet, ut per sanam doctrinam salventur. Igitur omni ex parte odia, insidiæ, calumniæ, maledicta congeruntur, ad opprimendam hanc doctrinam, & Doctores hos. Sicut ego quoq; propria experientia hoc pulchre edoctus sum. Initio etiam mali admittebant reprehendi leves abusus, qui in Ecclesia non poterant dissimulari, Nam Indulgentiarum tam indigna venditio prostituebatur, ut paucissimi essent, qui non æquissimo animo ferrent, eas à me reprehendi, Sed cum postea progrediretur reprehensio ad alia, quæ non ita deformata erant, & tamen erant impia, ibi demum coepit totum Satanæ corpus ita commoveri, ut nusquam viderer tuto consistere posse. Sed non accidit hoc inexpectatum, Nam & ipse prævidebam hunc motum, & inter alios, Episcopus Brandenburgensis homo non malus, & mihi perquam familiaris, ita prædixerat, me plurimum negotij mihi accersiturum esse, si Papam etiam attingerem. Ita paulatim intus pavores, & foris pugnæ concitatae sunt, ad quæ pericula vincenda, sane opus fuit Spiritu principali seu animoso, quo confirmabar.

*Philonymus Episcopus Brandenburgensis.*

*Cur iniqui expellat.*

Sed quæras, Cur retinet appellationem iniquorum Propheta, & non potius sanctos appellat, sicut coram mundo judicantur? Respondeo, Sancti & iusti nulli sunt in mundo, ideo etiam si qui speciem sanctitatis habent, tamen sic à Spiritu appellantur, sicut sunt coram Deo, Et pertinet hoc ipsum ad confirmandos pios. Hi enim, quia hanc doctrinam de fiducia misericordiæ Dei prædicant, damnantur tanquam hæretici. Nam hostes hujus doctrinæ sibi iudicium & nomen Ecclesiæ sumunt. Confirmat igitur pios Spiritus sanctus, ne ista specie & dignitate adversariorum Verbi deterreantur, sed sciant à Spiritu sancto pronuntiari, quod omnes, qui hanc doctrinam non habent, quantumcunq; sint in speciem sancti & boni, tamen vere sint iniqui & peccatores.

*Et impij ad te convertentur.*

Addit autem, *Et impij ad te convertentur.* Hic altera causa ostenditur, cur hoc opus pium & in oculis Dei preciosum sit. Prima causa fuit, quod sit plenissimum periculi, nec possit administrari, nisi animis prius spiritu constanti & forti confirmatis. Altera est, quod hoc opus etiam quod ad fructum attinet, sit maximum, Ideo etiam si pericula absterre possent, tamen utilitas incitare debet. Impossibile enim est, verbum Dei sine fructu prædicari, Sed etsi non convertuntur omnes, tamen aliqui sunt, qui ex peccatoribus fiunt creduli & salvantur. Positus

*Verbum sine fructu non datur.*

enim



enim est eventus ministerij, non in hominum, sed Dei arbitrio, Sicut dicit Salomon, *Pro. 20.* Aurem audientem, & oculum videntem, utrunq; facit Dominus, hoc est, utrunque fit Deo donante, ut & sint, qui sane doceant, & qui sane docentibus obtemperent. Ideo inquit David, Faciam hoc, quod possum facere, Docebo iniquos vias tuas, & impij convertentur, hoc est, docebo, quomodo convertendi sint impij, & eventum committam Deo. Nam certum est, quod aliqui convertentur. Alij videntur idem docere, cum bona opera, confessiones, contritiones, & proprias satisfactiones docent, Sed hæ sunt humanæ viæ, profectæ ex spiritu Diaboli, quibus de die in diem longius disceditur à vijs tuis. Ego vero sic docebo, sicut scio me ad te rediisse, quod postquam peccatum meum, hoc est, totam naturam meam peccato corruptam cognovi, in misericordiam tuam me abjeci, & non fui incredulus auditui læticiæ. Hæc est via, & hic modus, quo ad te convertuntur impij, hanc viam docebo, Qui venit, veniat, qui non venit, faciat id suo periculo, &c.

*Humana via.*

Occulte igitur hic insinuat, quod eadem docere velit, quæ supra in sua persona expertus est, Quod peccatores non velit docere, sicut Papa, qui satisfactionem operum consulit, Aut sicut Iudæi, qui sacrificia & traditiones suas proponebant, Sed quod velit universum genus humanum docere, quod omnia humana studia coram Deo damnabilia sint, si suscipiantur cum opinione justiciæ, secundum sententiam, Non est bonus, ne unus quidem, non est qui faciat bonum, Rom. 3. Hac prædicatione occiditur ratio & omnis præsumptio humana. Nam cum peccatum nemo possit negare, quid potest dici horribilius, quam quod homo in se nulla præsidia habeat contra peccatum? Postquam ad hunc modum ira Dei prædicata, & homo in sacrificium Deo mactatus est, tunc sequitur auditus læticiæ, non morieris, Nam Deus peccatoribus sic mactatis non vult irasci, sed vult eos salvare, quia misit Filium suum, ut peccata mundi toleret. Hæc vera doctrina est, & verus cultus, quo impij convertuntur. Alij qui peccatori suadent, confidenti de libidinibus seu scortatione, ut affligat corpus suum, & monasterium petat, ubi cœlebs vivat, nihil aliud faciunt, quam ut conversum ab idolo Veneris, abducant ad idolum Abominationis, & geminent damnationem. Hoc est ex Scylla in Charybdim, ex pluvia in ipsum mare incidere, ubi uno peccato expulso, ingrediuntur alia septem, sicut Christus dicit de ejecto Dæmonio.

*Eadem se velle docere alios, quæ in seipso expertus sit.*

*Doctores operum.*

Hoc primum sacrificium est, quod David justificatus vult Deo reddere, ut homines doceat vias Dei, hoc est, ut doceat, sic ad Deum esse revertendum, ut primo agnoscamus & credamus, quicquid homo fecerit sine Spiritu sancto, hoc totum esse peccatum, si suscipiatur cum opinione justiciæ, Quia persona est peccatrix, ut hoc modo primum conteratur & occidatur peccator in conspectu Dei, Deinde ut doceatur, quod Deus talis sit, qui gratis velit ignoscere propter Christum. Nam ille Deus nusquam est, qui velit peccatorem recipere, propter ordinem Minoritarum, propter peregrinationes, Missas, eleemosynas, &c. sed fingitur talis Deus sine Verbo. Qui igitur sic convertuntur, convertuntur ad idolum cordis sui, non convertuntur ad Deum. Nam ille est unus & verus Deus, qui diligit contritos corde, & cui beneplacitum est super timentes eum, & credentes in eum. Necessè igitur est, si vis converti, ut terrearis seu occidaris, hoc est, ut habeas pavidam & trementem conscientiam. Vbi hoc sic factum est, tunc oportet accipi consolationem, non alicujus tui operis, sed operis Dei, qui Filium suum Iesum Christum ideo in hunc mundum misit, ut consolationem gratuitæ misericordiæ territis peccatoribus prædicaret. Hæc est via convertendi, aliæ viæ sunt viæ errorum. Et hæc inquit Propheta, erit mea servitus, qua tibi gratias agam.

*Sacrificium David vult docere homines vias Dei.*

*Veni Deus.*

*Via conversio.*

Sed inquires, An non ad regenerationem pertinet etiam nova vita? Ita. Sed sicut fructus non sunt, nisi prius sit arbor, Ita non possunt esse bona opera, nisi prius persona sit justa & bona. Igitur vita æterna seu Gratia non venit ex merito operum, Sed quia jam justi sunt, & hæredes vitæ æternæ per Christum, cujus meritum fide accipiunt, isti bona faciunt, non eo fine, ut vitam æternam consequantur,

*De bonis operibus. Quod sine justis bonis operibus non.*

*Quo fine iusti  
bona opera fa-  
ciunt.*

tur, quam jam jure habent alieno merito, scilicet Christi, sed ut grati sint, & obedi-  
dientes divinæ voci, ut gloria Dei, pariter doctrina & vita sancta promoveatur.  
Hunc ordinem finium non intelligunt adversarij, sed pervertunt eum. Igitur ne-  
cessarium est esse Davides, qui magno animo hanc doctrinam spargunt, non tan-  
tum in eos, qui sunt extra gratiam, sed etiam in eos, qui sunt in gratia. Hi enim  
quia sentiunt terrores & infirmitatem suam, cum singulari aviditate hanc do-  
ctrinam hauriunt, Alij extra gratiam etsi magna ex parte persequuntur, tamen  
non omnino fructu caret prædicatio hæc. Ideo Spiritus tanquam in re summe  
necessaria urget ad hanc doctrinam latissime seminandam. Sed hic etiam monen-  
dum est, quod sicut ij, quos iniquos vocat & impios, coram mundo videntur esse  
sanctissimi, Ita conversio hæc à mundo judicatur esse seductio & hæresis, sicut no-  
stro exemplo didicimus. Sed consolatur nos Spiritus sancti judicium, qui non  
hæresin, sed conversionem appellat.

*Conversio.*

## XV.

*Libera me de sanguinibus Deus Deus salutis meæ, & exultabit lingua  
mea justiciam tuam.*

*Sanguis.*

Hic versus est paulo obscurior, & videtur etiam interrompere ordinem, quem  
institimus, sed spero futurum, ut recte utrunq; explicemus. Quod igitur ad  
Grammaticam attinet, Sanguis significat reatum sanguinis, seu culpam sanguinis  
effusi. Quidam igitur per Synechdochen accipiunt speciem pro genere, ut vocet  
sanguinem omnia peccata, quibus meremur sanguinem seu mortem, ut non solū  
Vriæ cædem & etiam adulterium confiteatur David, & pro eo deprecetur, sed  
in genere omnia peccata. Sed hic opponitur, quod antea in genere deprecatus sit  
ista & impetraverit etiam veniam. Quomodo igitur constabit ordo, si nunc denuo  
petat, quod jam consecutus est? Respondeo, Professus est, se docturum iniquos  
viam Domini, iam non solum difficile, sed etiam plenum ignominie est, docere  
alios, & tamen sustinere crimen admissi publice peccati, sicut dicitur vulgari ver-  
ficulo, Turpe est doctori, cum culpa redarguit ipsum. Sicut igitur David antea o-  
ravir, & impetravit Absolutionem ab omnibus peccatis coram Deo, ita etiam hic  
orat Absolutionem omnium peccatorum coram Ecclesia, ut Ecclesia sciat eum  
absolutum esse coram Deo, ne impediatur doctrina, quam instituit. Sic apud nos  
Sacramenta sunt, quibus etiam in hoc utimur, ut sciat universa Ecclesia nos agno-  
scere peccatum nostrum, & credere id nobis propter Christum condonatum es-  
se. Quare, salvo aliorum judicio, intelligo ego hunc versum, de absolutione ex-  
terna coram Ecclesia, ut Deus sanguines, id est, reatum sic tollat, non ut amplius  
offendantur ij, quorum aures & oculi in peccatis Davidis offensi sunt. Quis enim  
non videt, quam in Doctore turpe sit, eum esse reum adulterij & cædis?

*Petit, ut ante  
coram Deo, ita  
nunc coram Ec-  
clesia, absolutio-  
nem.*

*Cædis Vriæ.*

Orat igitur, O Domine, libera me ab eo crimine, quod Sacerdotes mihi pos-  
sunt obijcere, Peccavi in te, Peccavi in Moysen quoq; seu Legem tuam, iam tu mi-  
hi peccatum meum condonasti, quod implevisti animū & cor meum fiducia mi-  
sericordie tue, per auditum lætitiæ, Da, ut etiam coram Ecclesia liberer, ne im-  
pediatur cursus Verbi tui, &c. Videtur autem quasi de privato peccato dicere, hoc  
est, de cæde Vriæ & adulterio, ac sane fieri potest, ut in exemplum recor detur  
privati, peccati Sed ut supra dixi, est species pro genere, & finitum pro infinito, ut  
omnem culpam & reatum tollat, quo possit prædicator coram Ecclesia confundi,  
ut non amplius offendantur homines conscij peccatorum, quæ admiserunt Do-  
ctores, sed etiam confirmetur, sicut Paulus 1. Timoth. 1. commemorat, se fuisse  
blasphemum, & persecutorem Ecclesiæ. Ea commemoratio non solum non of-  
fendit auditores ejus, sed etiam magis confirmat & consolatur, postquam sciunt  
ea peccata ei divinitus condonata esse, Accenduntur enim ipsi quoque ad simi-  
lem spem remissionis peccatorum, sicut Paulus dicit, voluisse Deum hoc ceu ex-  
emplum divinæ misericordie proponere Ecclesiæ.

1. Tim. 1.

1. Tim. 1.

Ad

Ad hunc modum mihi coram Ecclesia non est inhonestum, nec adimit fidem doctrinae meae, quod fateor me quoque inter Papae monstra fuisse, quod factus sum Monachus, & tum mihi meis, tum toto vitae genere Christum redemptorem meum non negavi solum, sed denuo crucifixi. Ita enim totus in fiducia meorum justiciarum vixi, ut si quis ea docuisset tum, quae nunc Dei gratia doceo & credo, credam me eum laceraturum fuisse dentibus, Sed quod Dominus ex ijs blasphemijs me liberavit, & constituit in fidelem Praeconem Verbi & iusticiae suae, hoc coram Ecclesia jucundissimum est audire. Ad hunc modum David quoque orat liberari à sanguinibus, hoc est, adsolvi à reatibus etiam coram Ecclesia, ut sicut à Deo absolutus est, ita etiam sit absolutus à lege, & libere coram Ecclesia possit erigere faciem, sicut jam de meo exemplo dixi, me Christum tum in Ordine, tum ante Ordinem crucifixisse. Hæc confessio peccati non efficit, ut contemnatur Verbum, sed auget fiduciam misericordiae in auditoribus, & Christo quoque grata est. Ideo addit Propheta,

*Lutherus dicit,  
narrat.*

Et exultabit lingua mea iusticiam tuam. Pertinet autem ad prædicationem Verbi, Q. d. Cum sic coram mundo absolutus, & coram te & hominibus justificatus fuero, tunc potero lingua mea exultare, hoc est, cum gaudio annunciare & prædicare tuam iustitiam, hoc est, Gratiam, qua peccata condonas & miseris. Porro hoc vocabulum Iusticiae magno sudore mihi constitit. Sic enim fere exponebant, Iusticiam esse veritatem, qua Deus pro merito damnat seu judicat male meritos, Et opponebant iusticiae misericordiam, qua salvantur credentes. Hæc expositio periculosissima est, præterquam quod vana est, concitat enim occultum odium contra Deum & ejus iusticiam. Quis enim eum potest amare, qui secundum iusticiam cum peccatoribus vult agere? Quare memineritis, Iusticiam Dei esse, qua justificamur, seu donum remissionis peccatorum. Hæc iusticia in Deo grata est. Facit enim ex Deo non justum judicem, sed ignoscentem Patrem, qui iusticia sua vult uti, non ad judicandos, sed justificandos & absolvendos peccatores. Hanc tuam iusticiam, inquit, non iusticiam hominum, aut Moysi, ego cum gaudio & læticia prædicabo, etiam si mihi hostes capiendi sint omnes homines, inodo tu hoc facias, ut etiam coram Ecclesia me absolvas, ut sine pudore possim progredi in publicum, & non erubescere propter peccata, quae Ecclesiae quoque nota sunt. Est autem illustre exemplum, pro consolatione illorum, qui sunt in ministerio Verbi, & tamen sunt reprehensibiles ex præteritis factis suis. Dixi enim in generali doctrina hic quoque speciem pro genere esse positam,

*Iusticia & misericordia Dei secundum Scripturas.*

*Iusticia Dei secundum Paulum. Rom. 3.*

## XVI.

*Domine labia mea aperies, Et os meum annuntiabit laudem tuam.*

**I**n horis Canonicis fortasse bono consilio institutum est, ut earum initia ab hoc versu Ecclesia faceret. Nam quod attinet ad publicam confessionem & ad laudem Dei in Ecclesia, recte usurpatur, Sed in privatis orationibus eo minus hoc exordio est opus, quia ibi nullum tyrannis periculum est. Et hic quoque non agit Propheta de privato colloquio peccatoris cum Deo, sed agit de tota Ecclesia, de ministerio & ministris, ac toto populo Dei. Nam qui justificati jam sunt, hi nihil habent quod restet, quam ut cum Davide dicant, Credidi propter quod locutus sum, Item, Venite, & videte opera Domini, Item, Narrabo nomen tuum Fratribus meis. Idem hoc loco quoque Propheta significat, ut postquam justificatus est coram Deo per gratuitam Misericordiam, quam fide apprehendit, item postquam coram Ecclesia sic à reatu absolutus est, ut peccata præterita non sint scandalo amplius, sed consolationi Ecclesiae, Nunc petit, ut Dominus aperiat labia, ut sine timore libere possit misericordiam Dei prædicare in publico, non in angulis, sicut phanatici solent.

*Petit, ut libere misericordiam Dei publice prædicare possit.*

Quia autem petit à Domino aperiri labia, significat quam arduum opus sit hoc sacrificium laudis, quod in Psalm. 50. exigit. Est enim audacia super audaciam, vir-



*Publica confes-  
sio opus maxime  
arduum.*

*Plurima sunt  
quæ ejusmodi  
confessionem  
impediunt.*

*Annuntiare  
laudem Dei,  
est res consu-  
eta cum extre-  
mo periculo.*

*Opera iustifica-  
tionum præcipua.*

*Quæ Baptista  
commendant,  
et majorem fa-  
ciunt inter na-  
tos mulierum.*

*Cicero.  
Themistocles.  
Demosthenes.*

am, virtus super virtutem, & fortitudo super fortitudinem, audere loqui in publico, & confiteri nomini Domini. Hic enim Satan imminet omni genere insidiarum, ut hanc confessionem impediat. Eas insidias omnes si oculis humanis possibile esset cernere, facile causa pateret, cur & Spiritu antea rogarit confirmari Propheta, & nunc ab ipso Domino labia aperiri optet, non ad orandas horas Canonicas, sed ad portandum nomen Domini coram Diabolo, Mundo, Regibus, Principibus, & carne universa. Hic enim variae occasiones sunt, quæ labia premunt, nonnunquam metus periculi, nonnunquam lucri spes, sæpe etiam amicorum consilia interveniunt, quibus hoc sacrificium Satan conatur impedire. Sicut ego quoque sæpe expertus sum, & tamen in magnis causis, ubi periclitabatur gloria Dei, Deus affuit, & aperuit mihi os contra ista obstacula.

Docet igitur hic de publica confessione & prædicatione ejus, qui jam est justificatus, ut discamus, quanta res sit audere loqui quæ expertus sis. Non solum enim Satan, sed principum & Regum tyrannis, imo peccata & caro nostra hanc confessionem voluit impedire, Contra ex altera parte urget Spiritus, sicut Petrus dicit Actor. 4. Non possumus non loqui, quæ vidimus & audivimus. Hic spiritus hanc precationem multis gemitibus coram Deo orat, ut ipse aperiat labia nostra, ad annuntiandam laudem ejus. Atq; hic admoneo vos, ut quoties in sacris literis occurrunt vocabula ista, Annuntiare laudem Dei, justiciam, &c. memineritis significari simul extrema pericula. Quia dicere laudem Dei, est se obicere Diabolo, mundo, carni, & omnibus malis. Quomodo enim laudabis Deum, nisi prius reum facias ac damnes totum mundum cum omnibus justicijs suis? Hoc autem quisquis facit, sibi non odium solum, sed etiam manifestum periculum accersit, Sicut e contra, qui docent ordines, invocationem Sanctorum, merita, fraternitates & similia, non Deum, sed se laudant, ideo etiam facile tolerantur & admittuntur à mundo. Igitur dicit Propheta, Domine aperi tu labia mea, & da ut possim confidenter clamare, docere, erudire alios hoc, quod ego didici, quod tu solus sis laudabilis & gloriosus in secula, qui gratis justificas impium, &c.

Atq; hic audis, quis sit ille justificatus, & quæ nam potissimum opera eligat, non jejunium, non abstinentioniam, non cilicium Iohannis, non Eremum, &c. quæ etiam aliquid sunt, Sed si ad hoc summum opus conferas, ad prædicationem nominis Domini, ludus & jocus sunt non solum in istis Papæ larvis, sed etiam in vere Sanctis. Neq; enim Iohannes ideo tantus fuit, quia pellibus vestijt, &c. non bibit vinum nec sic eram, sed quia erat plenus Spiritu, & audebat Phariseos appellare, germina viperarum, Quia audebat Tyranno dicere, Non licet tibi habere uxorem fratris tui, Quia audebat coram toto populo testimonium dare Christo inter suos contemptores, Post me venit, qui prior me est, cujus calceos solvere non sum dignus. Hæc sunt quæ Iohannem commendant, & eum majorem faciunt inter natos mulierum. Eremum, pelles, cibum, potum, quivis etiam malus imitari potest, idq; sine periculo, sed docendi munus sine periculo administrabit nemo, Et sane patet, quod præmium Iohannes inde tulserit, cum ita turpiter ad arbitrium meretriculæ jugulatur. Ergo qui volunt magnum & dignum Christiano homine opus ornare meritis laudibus, non laudent stulticias Papæ, non privata Sanctorum exercitia & afflictiones, sed hoc laudent, confiteri nomen Domini coram mundo. Hæc enim virtus virtutum, & summum ac difficilimum opus est.

In Politia apparet, quam pauci sint, qui magno animo Rempub. capeßere, & pericula privata contemnere possint, & plerumq; accidit quod Cicero dicit, ut qui spe amplissimorum præmiorum ad Rempubl. accedunt, metu gravissimorum suppliciorum carere non possint. Et sane Themistoclis, Ciceronis, Demosthenis, & aliorum in Republ. magnorum virorum exempla satis testantur, etiam illud vitæ genus plenissimum periculorum esse. Muliebre enim est, sedere in angulo, & reprehendere aliorum res gestas, Sed in Senatu & conventibus Principum versari, & libere sententiam dicere, etsi necessarium & utile erat, tamen paucissimi au-  
dent.

dent. Quanto majus & augustius esse putas, sacra loqui & docere in conspectu Dei & Angelorum, contra voluntatem non Principum & Regum solum, sed etiam Diaboli & totius mundi? Hic majus periculum suscipitur quam in Republica, quamvis ibi quoque magno animo opus sit, Sed hic etiam Spiritu Dei opus est, & digito Dei, quo diducantur labia, & solvatur os in laudem Dei. Ergo post justificationem & Gratiam, nullum aliud opus majus est, quam loqui veritatem de Christo. Corporalia exercitia, non homines solum præstare possunt, sed bestiae quoque; jejunijs & alijs possunt affligi, Et fertur Turcarum in corporalibus afflictionibus magna esse severitas. At sane inter Christianos omnia exercitia illa suscipienda sunt, quæ pertinent ad frenandam seu mortificandam carnem, Sed audere ob nomen Christi periculum vitæ & fortunarum adire, ad id requiritur Spiritus principalis, & oratio hæc, Domine labia mea aperias. Iam rationem addit, quare postquam justificatus sit, nihil possit nec norit facere, quam per prædicationem nominis Dei, agere gratias, & dicit.

*Post justificationem nullum opus majus commissionis de Christo.*

## XVII.

*Quoniam si voluisses Sacrificium; dedissem, Utq; holocaustis non delectaberis.*

**H**æc est ratio cur velit annuntiare laudem Dei, Quia inquit, non placent tibi sacrificia. Sed hæc an non hæretica vox est, dicere, stante adhuc lege & toto cultu, Non vis sacrificium, holocaustis non delectaris? Ego quidem sæpe miratus sum hanc Prophetarum audaciam, quod sic contemptim de sacrificijs contra legem Mosi & ritum sui populi sint locuti. Quod si Papa sacra & ceremonias suas eo modo ex verbo Dei posset probare, sicut Iudæi sacrificia sua, profecto nunquam ausus essem aliquid contra hiscere, Nunc autem cum sine Verbo, imo contra Verbum ista instituerit & mandarit, summo jure damnamus eum. Sed quanto hæc nostra victoria de Papæ Ecclesia & ceremonijs levior est illa, quam Prophetæ tulerint, quod legis sacrificia sic oppugnarint. Neque enim hic Sacerdotibus sicut Papæ defuere scripturæ. Nam Papa præter nudum Ecclesiæ titulum, prorsus nihil habet, quo se & traditiones suas tueri possit, Isti autem in Lege sacrificia divinitus mandata esse norant.

*Cur Deus laudare seu confiteri velit.*

Igitur David hic simpliciter contra Scripturam, & Mosén videtur loqui, qui manifestum testimonium habet, quod ex voluntate Dei populum ceremonijs instituerit. Notum enim est, quando studio in Exodo, Levitico & Numeris præcipiantur omnia, quæ ad tabernaculum & sacra attinebant, Nota sunt exempla Patriarcharum Abrahamæ, Isaac, &c. qui omnes suam erga Deum gratitudinem sacrificijs testati sunt. Contra expressum igitur mandatum Dei & contra omnium Sanctorum exempla, ita simpliciter dicere, Tu non vis sacrificia, speciem habet certissimæ hæresis. Prius autem quam explicentur ista, hoc monendum est, Quod si Spiritus sanctus in Davide damnat sacrificia, divinitus jussa, quo ore audebunt Monachi cucullos & Ordines, vota & rasuras jactare, tanquam sanctitatem? Quo ore Pontifices suis traditionibus audebunt tribuere aliquam justiciam, cum hæc omnia sine verbo Dei sint instituta? Ergo non solum contra Legem, sed etiam contra Papatum, cum omnibus traditionibus sacris, cultibus, hunc versum à Spiritu sancto sentias positum esse, quod scilicet coram Deo non placeant.

*David videtur contra Mosén & Scripturam loqui.*

Quod igitur David descendit ad speciem specialissimam, & summum cultum Legis damnat, divinitus institutum, manifestam in eo distinctionem facit omnium Religionum in mundo, etiam ejus, quæ à Mose instituta & divinitus præcepta est, & separat ab his religionibus omnibus hanc unam, quæ est per fidem in Christum, qua peccata remittuntur, & donatur justitia, cum vita æterna, sine operibus & sine meritis, tantum ideo, quia Deus misericors est, & per Christum ignoscit. Hæc religio docet, non sic instituenda esse opera & cultus, ut per ea Deus place-

*David facit distinctionem inter omnes religiones, & fidem in Christum, hanc omnium religionum justificationem.*

*Locus ex Psal.  
50.*

placetur, Non sacrificijs, non jejunijs, non obedientia politica, non œconomica, non deniq; ullo alio humano opere peccata expiari, Esse quidem per se sancta & bona opera, & quæ Deo placeant, Sed si fiant alio fine, quam à Deo mandata sunt, non solum non placari per ea Deum, sed etiam offendi. Nam si holocausta non placent, quanta stultitia est præsumere de ijs, quæ nos ipsi sine verbo Dei elegimus? Ideo in Psalm. 50. dicit, Non accipiam de domo tua vitulos, quoniam meæ sunt omnes feræ sylvarum, Meus est orbis terræ & plenitudo ejus, Q. d. Frustra putatis me vestris operibus placatum iri, nam ipsam animam, sensus & vitam vestram omnem meo dono habetis. Si igitur indigerem ijs, quæ vos habetis, aut potestis, non ea darem vobis. Nam unde habet Monachus hoc, quod jejunat, quod orat, quod alia facit quæ vult? Nimirum ex eo, quod voluntatem & facultatem do hæc faciendi? Iam si ego ista do, cur mihi ea reddis tanquam indigenti & poscenti? Ergo nihil est reliquum, quod nos faciamus Deo, quam ut ei agamus gratias. Quidquid enim sumus, vivimus & habemus, dona Dei sunt, sicut ad Rom. II. *Rom. II.* quoq; dicitur, Quis prior dedit illi? Cum igitur omnia facimus, quæ possumus, nihil aliud facimus, quam ut reddamus quæ accepimus, Atqui in eo quid facimus singulare?

Hic respondent Iusticiarij, Volumus aliquid mereri, & testari liberum arbitrium. Hoc vero est, Deo sua reddere, tanquam non sua, sed tanquam proprie nostra, Atqui etiam ratio hanc impietatem & stulticiam arguit, quod nihil eximij is faciat, qui non de suo, sed de alieno liberalis est. Hoc igitur faciendum erat, ut Deo redderemus gloriam, agnoscendo quod quæcunq; aut habemus aut possumus, ejus beneficio possidemus, quod ipse sit qui nos confirmat Spiritu suo, qui aperiat os, & impleat laude sua, &c.

*Etiam refutandi  
adversarij  
ut ibi hic locus.  
Sadoletus.*

Pertinet igitur hic locus, non solum ad nos consolandos & docendos, sed etiam ad refutandos adversarios. Cum enim ad probandam justiciam fidei hæc sententia Pauli utimur, Iustificari hominem sine operibus Legis, ita cavillantur eam, quod sint intelligenda opera ceremonialia, & non moralia, Sicut Sadoletus etiam facit in Commentario ad Romanos, in quo sententiam Pauli ita torquet & retorquet, ut non solum Pauli sententiam nusquam attingat, sed ne sibi quoque constet ubiq;. Produunt autem hoc modo adversarij doctrinæ nostræ, quod sint prorsus imperiti sacræ Scripturæ, & ne puerilia quidem illa intelligant, quid leges ceremoniales sint, seu opera ceremonialia. Nam quod sic Paulum exponunt, Iustificamur sine operibus Legis, id est, sine ceremonijs, quia ceremoniæ sunt abrogatæ, Ex eo nihil aliud \*sequatur, quam Mosis quoq; tempore ceremonias illas fuisse abrogatas, & liberum fuisse, circumcidi vel non, sacrificare vel non, quia etiam Mosis tempore non justificabant, teste hoc loco. At quis tam patiens est, ut hoc ferre possit ab homine Theologo dici? Nam si nunc non sunt ista ceremonialia ad justiciam necessaria, quia abrogata sunt, quid dicemus, cum redierimus retro ad Davidis tempora, cum nondum essent abrogatæ, sed haberentur inter summa & sanctissima opera, & necessaria essent? Num justificabant tum? Minime, nam hoc est, Sacrificia non voluisti.

*Iustificamur sine  
operibus legi.  
quomodo inter-  
pretentur ad-  
versarij.*

*\*  
sequitur.*

*Ceremonialia  
non recte exte-  
nuantur.*

*Ceremonialia  
in lege necessa-  
ria.*

Deinde non recte extenuantur ceremonialia, Nam præceptum de Sabbatho etiam si est ceremoniale, tamen ponitur in prima tabula, ante & super omnia moralia opera. Ergo indigna Theologo, imo simpliciter erudito viro indigna cavillatio est, cum Paulus de operibus Legis loquitur, sentire quod tantum de ceremonialibus loquatur, quasi de operibus in inferiore gradu positis, quam moralia. Respice ista tempora veteris Testamenti, & non solum necessitatem, sed summam quoq; dignitatem ceremoniarum fuisse invenies. Etsi enim nunc ceremonialia aut libera aut abrogata sunt, tamen in lege non fuerunt libera, sed necessaria, & tamen etiam tum verum fuit, Sine operibus Legis justificatur homo. Ergo Paulus simpliciter loquitur de tota Lege, hoc est, tam de ceremonialibus quam moralibus operibus, quod per ea non detur justitia, Sed quod justitia tantum sit appre-



apprehendere misericordiam, quæ misericordia non imputat peccata, sed ignoscit peccata credentibus in Christum. Hanc sententiam defendit Paulus in Epistola ad Romanos, quam qui non animadvertunt, ceu caput totius disputationis, ne quidem umbram aliquam genuinæ sententiæ Pauli vident.

*Es. 1. Psal. 50.* Hanc sententiam etiam David hoc loco ostendit, cum ante tempus novi Testamenti, suo tempore, quo sacrificia & templum in summo flore erant, disertis verbis dicit, Quod sacrificia nihil sunt, quia Deus ea non curet. Hoc enim est simpliciter omnem cultum legalem tollere, etiam si divinitus præceptus & institutus esset, ac oporteret eum fieri. Neq; enim extenuanda est ceremoniarum dignitas, postquam mandato & verbo Dei videmus eas non comprobatas solum, sed etiam institutas & mandatas esse. Et tamen dicit David, Tu eas non vis, Item Es. 1. Cap. Holocausta arietum & adipem pinguedinum nolui, Item Psalmo præcedenti, Non in sacrificijs tuis arguam te, &c. Hujusmodi Conciones sine dubio à sacerdotibus tanquam hæreticæ damnatæ, & ipsi Prophetæ propter eas occisi sunt.

Sed etiam causa ostendenda, cur Sacrificia, quæ summus Dei cultus in lege erant, hoc modo damnarunt Prophetæ. Videtur enim res singularem difficultatem habere, quod per Prophetas damnantur, quæ divina voce jussa erant. Sed hujusmodi conciones Prophetarum non eo modo accipiendæ sunt, quasi simpliciter damnentur sacra & ceremoniæ, nam Prophetæ opinionem maxime respiciunt, cum qua ceremoniæ illæ ab impijs fiebant. Neq; enim finis sacrificiorum seu cultuum legalium erat, ut per eos justificarètur & placerent Deo. Hic finis à peccato Adæ reservatus est uni sacrificio Christi, cujus ceu umbra erant sacrificia Legis. Nam præterquam quod Deus voluit hisce sacrificiorum cultibus discerni suum populum à reliquis gentibus, & obedientiam testari, etiam symbola erant Sa-

*Sacrificium Christi.*

Iam maxima pars Iudæorum, sic depravantibus eos sacerdotibus, sacrificia cum hac opinione faciebant, ut per ea consequerentur remissionem peccatorum. Hoc autem erat sanguinem tauri æquare sanguini Christi, & brutum sacrificium æquare sacrificio filij Dei. Propter hanc impietatem, quam impiæ opiniones de sacrificijs legalibus confirmabant, Prophetæ tam graviter contra sacrificia concionati sunt, Non quod ad formalem, sed quod ad finalem causam attinebat. Fiebant enim sacra plerunq; in loco à Deo destinato & juxta præceptum Dei, ita ut nihil reprehendi posset, quod ad formam pertinebat, Sed finalis causa erat diabolica. Sic damnamus Missas adversariorum, non ideo quod simpliciter malum sit, uti Cœna Domini, Nam nos quoq; ea religiose utimur, Sed quod addunt impias opiniones, de opere operato, de applicatione pro vivis & mortuis, &c. Sic in Baptismo o operi operato nihil relinquimus, sed dicimus requiri Fidem, qua accipiat Gratia, quæ in Baptismo offertur. Sicut autem David suos adversarios habuit, quæ se ei ob hanc doctrinam opposuerunt, ita nos quoq; adversariorum calumnias, odia, excommunicationes, & alia, propter hanc doctrinam ferre cogimur.

*Iudei sacrificia hæc opinione mori.*

*Gal. 3.* Igitur maneat hoc loco quoq; fixa & firmata nostra Theologia, qua sic docemus, In loco justificationis, cum de conscientijs erigendis, & tollendis peccatis agitur, neq; ceremonialia, nec moralia valere, Quia non eo fine sunt instituta, ut justitia per ea contingat, sicut Paulus in genere dicit, Non est data Lex, quæ vivificat, ergo per Legem non potest esse justitia, Gal. 3. Sed hic tantum valet misericordia, quam in sacrificio Christi Deus exhibuit, & Fides, qua misericordia illa seu sacrificium Christi apprehenditur, Sunt igitur ceremoniæ tam nostræ quam Legis olim, sanctæ & optimæ, sed in suo fine, Sunt moralia opera & optima, sed in suo fine, In hoc fine autem iustificationis, non inutilia solum, sed prorsus nihil sunt. Quia hic finis solum pertinet ad sacrificium Christi, præ hujus dignitate omnes ceremoniæ Legis, omnia moralia opera nihil sunt.

*Neq; ceremonialia neq; moralia ad justificationem faciunt.*

*Non est data Lex, quæ vivificat.*

Sic ju-

*Nova obedientia.*

*Samuel. Saul.*

*1. Reg. 16.*

Sic iusticia politica in suo fine est res suavissima & optima, ut constet pax & societas mutua inter homines, Sed si ideo, quia bonus civis, castus maritus, iustus mercator es, etiam coram Deo velis esse iustus, hic ex suavissima re facis Abominationem, quam Deus non potest ferre. Ergo statuamus nos sola misericordia esse iustos, & manere hæredes vitæ æternæ, Postea testemur obedientiam nostram sancta & inculcata vita, quæ pertinet non ad iusticiam nostram, sed ad gratiarum actionem, & obedientiam, quam Deo nostro debemus, sicut filij in domo patris. Tunc fiet, ut sicut sacrificia in Lege Deo fuere suavis odor, propter fiduciam misericordiae, qua persona prius justificata erat, Ita nostra quoque obedientia & sancta opera placebunt, propter fidem in Christum, in suo proprio fine, quod scilicet non fiunt ad iusticiam, sed ad testimonium, quod grati sumus, & gratuito iustificati. Oportet enim arborem prius esse bonam, quam boni aliquid ex ea enascatur, Sicut postea cum Emphasi dicit, Tunc acceptabis sacrificium iusticiæ, cum scilicet prius ad hunc modum ædificati fuerint muri Ierusalem. Sic Samuel quoque ad Saul dicit, Irruet in te Spiritus ac mutaberis, tunc quicquid in manus venit, facito. Hic non unum aliquod opus proponit, sed spiritu mutatum mittit quasi in sylvam operum, Quia enim iam est factus alius vir, ideo etiam sequuntur alia opera.

*Quare David damnet sacrificia.*

Hanc Theologiam adversarij nostri non intelligunt, sed invertunt rem, volunt & docent, tam diu operari, donec mutantur & alij fiant. Sed oportet prius hominem seu personam mutari ad eum modum, quem hujus Psalmi ordo proponit, & postea fiet, ut omnia recte fiant, sive circumcidaris, sacrifices, laves in Lege, sive extra Legem in opere vocationis tuæ sis, comedas, bibas, maritus fias, &c. Omnia enim placent, quia persona jam placet, non quidem propter se, sed propter sacrificium Christi, & misericordiam, quam fide apprehendit. Observanda igitur causa est, cur damnet David sacrificia, nempe, propter locum Iustificationis, seu causam finalem. Hæc enim non solum ceremonialia, sed etiam moralia opera vitiat, si non propria sit. Quare indoctorum in spiritualibus cavillationes sunt, opera Legis apud Paulum interpretari pro ceremonijs. Nam ceremoniæ in Lege æque sanctæ ac necessariæ fuerunt, atque in novo testamento sancta & necessaria sunt moralia opera. Sicut tertium præceptum de Sabbato clare probat, quod cum ceremoniale sit, tamen omnibus moralibus præponitur. Sicut enim hodie obligamur ad Leges Imperiales & oeconomicas, item ad Legem fraternæ charitatis, sic illi obligantur ad ceremonias. Nihil igitur est dicere, Ceremonialia jam sunt mortua & abolita. Tum enim non fuere mortua, & tamen non justificabant, sicut nos non iustificat moralia, sive politica sint, sive Decalogi propria. Hæc monenda fuere propter calumnias, quibus etiam docti homines nos conantur premere. Nunc redeo ad consolationem.

*Quærentes sacrificium sui operibus, &c.*

Plenissimum igitur consolationis est, Deum non velle sacrificia, sed hunc summum cultum damnare & repudiare, siquidem fiat hoc fine, ut avertatur ira Dei, & nos iusti simus. Commendatur enim hic nobis misericordia Dei, gratis condonantis peccata, & iustificantis nos. Qui enim suis operibus iusticiam quærent, nihil faciunt aliud, quam ut contentur sibi ipsis fieri Plasmatores, seu creatores, contra Scripturam, Ipse fecit nos, & non ipsi nos. Prima enim creatura, quod in hanc lucem nati sumus, non est nostra, sed Dei, Et scilicet secunda creatura nostra erit, qua nascamur in æternam vitam? Ergo non falsa solum, sed impia quoque opinio est, sentire quod Deus nostris operibus sic placari possit, ut vitam æternam nobis donet aut iusticiam. Nam si etiam præcepta à se opera non vult hoc fine fieri, sed ea repudiat, quanto minus electitia accipiet, quæ sine mandato Dei stulta superstitio suscipit?

*Deum sacrificia non delectatur.*

Notanda igitur hæc sententia est, qua contra Moysen, contra Legem, contra opera & religiones omnes dicit, Tu non voluisti sacrificium, ut scilicet statuatur iusticia, quæ est per fidem in Christum. Sed non tam Legi quam nostro cordi

senten-

sententia hæc repugnare videtur. Sic enim natura sumus omnes, quod optamus nos aliquid ad Deum afferre posse, quo placetur, neq; possumus satis securo corde nos totos misericordiæ credere, Ideo & in malefactis desperatio, & in benefactis semper occulta præsumptio sentitur. Sed cur præsumimus in ijs, quæ aliunde habemus, & non proprie nostra sunt? Nam etiam ipsa confessio & gratiarum actio est donum aliunde acceptum, quanto magis ista dona sunt, de quibus agimus gratias. Frustra igitur tentatur per opera reconciliatio, Quid igitur vult, siquidem sacrificia non vult?

## XVIII.

*Sacrificium Deo Spiritus contribulatus, Cor contritum & humiliatum*

*Deus non despiciet.*

**H**ic locus dignus erat, qui scriberetur aureis literis. Hic enim vides, quale Sa- Novi sacerdotij cum novo sacrificij institutio. crificium statuatur contra Sacrificia legis & totius orbis terrarum. Quia autem Sacrificium non est sine Sacerdote, igitur sacerdotium Legis simul abjicit, & instituit novum sacerdotium cum novis sacrificijs. Initio igitur faciamus hic divisionem, quod duo sint Sacerdotia, unum quod reprobatur, & alterum quod probatur. Sacerdotium quod reprobatur est illud, quod habet holocausta, & alia Sacrificia in Lege instituta, Sacerdotium autem quod probatur, est illud, in quo non be- Leviticum sacerdotium abrogatum. ftiz, sed corda offeruntur contrita & humiliata. Hanc divisionem initio observemus, ac credamus eam fieri non à Davide, sed ab ipso Spiritu sancto. Nam infra Ps. 39. Attrib. 15. patefiet, quod nulla alia possit major contingere consolatio, quam si scias ab ipso Deo sic pronuntiari, quod non indigeat sanguine taurorum, nec alijs nostris operibus, secundum illud, Frustra me colunt mandatis hominum, Sed Sacrificia divina & placentia Deo, esse spiritum contritum, & cor humiliatum.

Secundo, Non solum traditur hic illa Iudæis intolerabilis distinctio Sacerdotij & sacrificiorum, sed etiam proponitur tam jucunda & suavis descriptio Dei, ut vix usquam suaviorem invenire possis. Speculative definiunt Deum similitudinibus quibusdam, quod Deus sit Centrum, quod ubiq; est, & Sphæra quæ nusquam est. Sed hæc Mathematica & Physica sunt, quæ nos relinquimus alijs professoribus. Nam Theologicam definitionem quærimus, ea non est definitio essentia divina, quæ incomprehensibilis est, sed voluntatis & affectus, quid ei placeat, Theologia Dei descriptio. quid non placeat. Neq; enim Principem novit, qui potentiam & opes novit, sed qui affectus & consilia omnia Principis intelligit. Sic ante oculos sunt creatio mundi & potentia Dei, Sed hoc caput est, scire, quo fine Deus fecerit ista, & quo consilio. Hanc cognitionem præsens versus Psalmi cum singulari suavitate proponit, quod scilicet Deus sit talis Deus, qui finaliter nihil faciat aliud, quam ut contritos, vexatos, perturbatos, respiciat ac amet, & quod sit Deus humilium & contributorum. Hanc definitionem si quis animo complecti posset, is esset Theologus. Neq; enim Deus in majestate & potentia apprehendi potest. Ideo hæc definitio nobis voluntatem Dei aperit, quod sit Deus non mortis, sed Vitæ, non perditionis, sed salutis, non hostis humilium & perditorum, sed amator & adiutor, & simpliciter quod sit Deus Vitæ, salutis, quietis, pacis, & omnis consolationis & lætitiæ. Deus vitæ non mortis.

Consolatur igitur Propheta omnes contritos, quod Deo non possit aliud Sacrificium gratius præstari, quam ut terreamur, ac paveamus, & in isto pavore statuamus Deum esse faventem & placatum, &c. Hæc est sapientia supra sapientiam, hoc est, divina sapientia, quia sensus humanus seu ratio sic dicat, Sentio me peccasse, atq; ideo affligor animo, ergo habeo Deum iratum, ergo omnis gratia Ratio. Satan. sublata est, Sic ratio, & quicquid est infra Christum, dicat, Deinde accedit Satan, qui animum sua sponte in desperationem procumbentem impellit, aut subjiciendo exempla iræ, aut objiciendo eas sententias, quibus Christus & Spiritus sanctus Sapientia Spiritus sancti. secura corda volunt dejicere. His augetur malum, & quasi vires sumit desperatio.



*Quia Spiritus sanctus* Sed quid nos docet sapientia Spiritus sancti? Ea proponit Deum non talem esse Deum, qui contritos magis terrere, & contritos plus contereere velit, Sed qui amans sit contritorum, afflictorum, & humilium, qui expectet & audiat gemitus ac voces calamitosorum. Sed nisi Spiritus sanctus hanc sapientiam in corda infundat, etiam si audiat, tamen sine fructu auditur. Neque enim corda hanc spiritua-lem sapientiam possunt apprehendere, sed cum oppressa sunt amaritudine & tristitia, ne orare quidem audent. Etsi enim ego non magnam huius periculi experientiam habeam, tamen semel atque iterum didici, quam difficile sit in hac lucta dicere, Domine adjuva me. Quia corda in sensu iræ Dei nihil vident, nec norunt, quo se consolari aut erigere possint, adeo absorpta sunt desperatione.

*Quia modo con-  
fessionis me-  
ritum despera-  
tione erigenda.*

Quare vos, qui estis olim futuri Doctores Ecclesiæ, hortor & moneo, ut cum animi in extrema desperatione sunt, sic eos doceatis, ut se erigant, & sperare audeant. Quia hic scriptum est, quod corda ad hunc modum contrita & humiliata, sint Deo gratissimum sacrificium, quod anteferat omnibus cultibus. Hunc cultum expectat ab omnibus, & propter hunc cultum præstandum, mittit pestes, famem, gladium & omnia pericula, ut afflictis speremus divinum auxilium. Percutit enim ut convertat, nos autem accipimus percussione, ut avertamur, & fugiamus ab eo, Affligit ut dicamus, sacrificium Deo spiritus contribulatus, Nos autem, sicut sub Papa, aut in monasteria currimus, aut quærimus alias vias, quibus nobis ipsis medeamur. Hoc est, quod Esaias dicit, Et non est conversus populus ad percutientem se. Sic in universum solet ratio, destituta Verbo & spiritu, vult fugere Deum, sicut Petrus in navi, qui jubet Christum exire, quia ipse non poterat exire, quod si vicinus fuisset littori, sine dubio profuisset in mare. Atqui sicut Spiritus hic docet, Cor sic contritum, esse sacrificium Deo, Ita docet etiam Christus ibi, ne Petrus timeat.

*Ad quos hæc  
Theologia per-  
tinet.*

Est igitur clarissima sententia, quod Theologia nostra non pertineat ad præfractos & securos, Hi insensati prorsus sunt, & nihil huiusmodi spiritualium rerum nec vident nec intelligunt, sicut sunt, qui hanc doctrinam sic pertinaciter persequuntur, tam Doctores quam Magistratus & Principes. Sed pertinet hæc Theologia tantum ad consolandos afflictos, miseros, & desperatos. Hi languent & decumbunt, quia habent animos fractos & contusos, Igitur etiam admittunt medicum Christum, docentem quod iste non sit morbus ad mortem, sed sit Deo jucundissimum sacrificium. Hæc medicina est, quæ solvit dolores illos inenarrabiles, Nec ullum aliud remedij genus est reliquum. Sed mundus & adversarij nostri, quia hæc non intelligunt, rident ea tanquam stulticiam, Sed Spiritui sancto non est stulticia, sed summa sapientia, ut in tempore desperationis maxime speremus misericordiam, contra in tempore præsumptionis & securitatis maxime timeamus. Hunc cultum præfert Propheta sacrificijs, Et nos quoque docendo invitat, ut cum Deo gratissimum sacrificium præstare volumus, non hecatombas, non holocausta instruamus, Sed ut canamus hoc carmen, Sacrificium Deo spiritus contribulatus, hoc est, ut credamus Deo placere vexationem & afflictiones nostras, & confidamus ejus misericordiæ.

*Cor contritum  
et humiliatum  
etc.*

Cor contritum & humiliatum, Deus non despicias. Contritum & humiliatum dicit, non fictè, sed revera comminutum, quod præ desperatione quasi moritur. Tale cor, inquit, tu non odisti, sicut nos somniamus, sed accipis cum voluntate. Videmus igitur nostram Theologiam esse Verbum vitæ & justitiæ, quia pugnat & erigit contra Peccatum & mortem, nec etiam potest exerceri, nisi in peccato & infirmitate, Est quoque verbum lætitiæ, cujus virtus non potest conspici, nisi in tristitia & afflictionibus. At nos sic sumus, ut optemus quidem verbum Vitæ & lætitiæ habere, sed tentationes mortis & tristitiæ optamus abesse, Belli profecto & suaves Theologi. Discendum igitur est, quod in media morte, in morsu & pavoribus conscientiae, in medio dentium Diaboli & inferni versandum sit Christiano, & tamen verbum Gratiae retipendum, ut dicamus in talibus pavoribus,

Tu Do-

Tu Domine faves mihi, quia scriptum est, Deum non aliud sacrificium gratus habere, quam contritum cor, nec aliud acceptius sacerdotium, quam quo offeruntur humiliata corda. Papa cum sacrificat in pompa Regibus digna, sordet in oculis Dei, & est abominatio præ uno peccatore dicente, Deus esto mihi propitius, sicut Publicanus Lucæ 18. Is est verus Papa, & verus sacerdos, ac Deo gratus. Offert enim Deo sacrificium acceptissimum, animum contritum, & tamen sperantem in ejus misericordia.

*Publicanus,  
Luc. 18.*

Plenissima igitur consolationis est hæc Dei seu descriptio, seu definitio, quod Deus in sua propria forma sit talis Deus, qui amet afflictos, qui misereatur humiliatorum, qui ignoscat lapsis, & foveat languidos. Num enim potest ulla suavior Dei imago describi? Cum igitur Deus revera talis sit, tantum de eo habemus, quantum credimus. Deinde hic versus simpliciter abjicit omnes alios cultus, & opera omnia, & nos revocat ad solam fiduciam misericordiae & benignitatis Dei, ut credamus Deum nobis favere, etiam cum videmur nobis deserti & calamitosi esse. Sic cum Nathan Davidi objiceret, Tu es ille vir mortis, humiliabatur David, & instruebat sacrificium hoc, Deinde cum audiret, Non morieris, ibi absolvebat sacrificium. In media enim ira spem misericordiae, & in medio sensu mortis spem vitæ, concipiebat. Ex hac experientia versiculus hic natus est, quo docemur de sacrificio Deo accepto, quod est in morte & ira Dei, vitam & Gratiā sperare. Hæc Theologia per experientiam discenda est, sine experientia non potest intelligi, ut sciant pauperes spiritu, se tum in gratia esse, cum maxime sentiunt iram Dei, ut & in desperatione spes misericordiae, & in securitate timor Dei retineatur, sicut alio in loco est, Beneplacitum est Domino super timentes eum, & super eos, qui sperant in misericordia ejus. Secundum hunc versum enim Deus definitive nihil aliud est, quam Gratia & favor, sed respectu humilium & afflictorum, &c.

*Epilogus de  
Deo & cultib.  
Leviticæ cultum  
abrogat.*

*Exemplum Da-  
vid, 2. Reg.  
11.*

*Ps. 145.*

Sed etiam negative hæc sententia tractanda est, Quia enim Deo gratum est sacrificium, si contristati & contriti speremus misericordiam, ergo prohibet, tantumquam summam impietatem, desperationem. Vult enim in fide sustineri tribulationem, non vult addi desperationem. Par enim peccatum est, præsumere de propria justitia, & desperare propter propriam indignitatem. Media via tenenda est, alioqui ex sacrificio gratissimo redditur summa abominatio. Maneat sacrificium sacrificium, & non fiat exitium, exitium autem est desperare. Sic igitur feramus crucem & afflictiones singuli, ne tamen opprimamur tristitijs, & in desperationem abeamus. Hoc enim est Deo eripere divinitatem, quam in misericordia sua maxime ostendit, sicut etiam hujus versiculi definitio probat. Dicuntur & docentur hæc quotidie, sed cum ad praxin ventum est, paucissimi ea præstant, Sed, ceu ignavi milites, ad primum sensum tentationis fere deserimus signa. Consistendum autem erat fiducia misericordiae etiam tum, cum videmur opprimi doloribus, & absolvendum sacrificium, quod tantopere nobis commendat Spiritus sanctus. Hic enim etiam infirmis locus est, tantum ne prorsus stationem relinquant. Neque enim quisquam Magister hujus artis est, sed manemus omnes discipuli, sicut Paulus quoque dicit, Non quod apprehenderim, aut jam perfectus sim, sed sector, &c.

*Vi spes docetur,  
ita desperatio  
prohibetur.*

*Sacrificium non  
est exitium.*

*1. Cor. 13.*

## XIX.

*Benigne fac Domine in bona voluntate tua Zion, ut ædificentur  
muri Jerusalem.*

**A**Vdivimus hætenus per totum Psalmum locum Iustificationis & poenitentiae, cum fructibus sequentibus, magna copia tractatum, & gravissimis sententijs, affirmativis & negativis, Affirmativa fuit, Cor mundum crea in me Deus, Quia enim novam creationem postulat, plane nihil relinquit libero arbitrio, Negativa est, Quoniam sacrificium non voluisti, Significat enim nullis nostris operibus nos

*Post tractatum  
doctrinam de  
poenitentia &  
Gratia, addit  
precautionem, ut  
ad opum trans-  
ferantur glia &  
confervantur.*

bus nos pervenire posse ad placandam iram Dei, & impetrandam Gratiam, sed simpliciter in eo consistendum esse, quod Deus sit misericors, &c. Nunc discedit Propheta à doctrina & addit precationem, Q. d. Ostendi hætenus rationem justificationis, quis veræ poenitentiae & remissionis peccatorum modus sit, Nunc nihil restat, quam ut oremus hanc cognitionem spargi in totum populum & exerceri. Neq; enim deerunt falsi Doctores, qui Legem & sua sacrificia eo modo prædicant, ut hæc doctrinæ pars de gratuita misericordia Dei plane negligatur. Quare oratione opus est, ut contra tales sana doctrina in populo retineatur. Neque enim sentiendum est, quod oret pro ædificio temporali, Florebat enim tum Ierusalem, & erat instructissima tum legibus, tum optimis Principibus, & tamen optat David muros ejus ædificari, non à talibus ædicatoribus, qui materiam, ligna, lapides, calcem tractant, sed à Domino. Stabant muri, & tamen orat, ut ædificentur. Ergo etsi illam stantem Ierusalem significet, tamen de allegorica Ierusalem loquitur, seu Synecdoche utitur, & cum civitatem nominat, populum seu Ecclesiam in civitate & toto regno intelligit, ut sicut civitas satis munita est muris contra impetum hostium, ita etiam muniatur in spiritu contra vim Diaboli, & spirituales insidias. Neq; enim defuturos esse destructores, qui homines impellant secundum Decalogum benefacere, & de fiducia misericordiae nihil doceant. Ita fieri ut abducantur ad fiduciam propriæ justitiæ. Contra hos, inquit, tu ædifica, ut te vere cognoscant, & intelligant, hoc est, ut sciant nos sola Gratia & misericordia tua justos esse.

*Ædificare  
muros Ierusalem.*

*Petitio pro gratia  
conservanda.*

Hoc est ædificare muros, ut firmi sint, si hoc modo homines discant confidere misericordia Dei, & accipere gratiam. Nam qui semel coeperunt, quotidie magis ac magis crescunt. Neq; enim satis est incipere in hac cognitione, Sed quia Satan, post acceptam Gratiam, contra pios furit cum omnibus suis ministris angelicis & humanis, ideo necesse est stare in acie, necesse est etiam muniri & confirmari animos magis ac magis, ut sicut Satan non cessat infestando, ita nec is cesset defendendo & muniendo, qui custodit Israel. Continet igitur hic versiculus petitionem pro Gratia donanda & conservanda. Tribuit autem hic quoque omnia benignitati Dei, non suis meritis aut studijs, ut scilicet secundum suam bonam voluntatem Deus hanc Gratiæ cognitionem conserve. Deinde ut etiam ædificet muros, hoc est, ut animi firmi sint, & bene muniti in hac cognitione, ut tempore pugnae persistant contra Diabolum. Populo autem sic erudito, justificato, conservato & defenso contra omnes errores & Satanæ insidias.

## XX.

*Tunc acceptabis sacrificium justitiæ, oblationes, & holocausta, Tunc imponent super altare tuum vitulos.*

*Sacrificia Iustitiæ.*

Hoc est, Tunc sacrificia, quæ prius damnavimus, laudabimus, & placebunt tibi. Nam in genere recte intelliges sacrificia, sive ea, quæ fiebant secundum Legem, sive spiritualia sacrificia, utraq; sūt sacrificia justitiæ, quia tota vis est posita in bonitate Dei & beneficio divino. Nam cum homines sic confidunt misericordiae, tunc si bos offertur, placet Deo, & est sacrificium justitiæ, Sin bos deest, placet bos labiorum, sicut Oseas appellat, ergo in genere intelligo sacrificia. Vocantur autem sacrificia Iustitiæ, non quod justificent, quia persona jam antea fide seu misericordia justa est, sed quod à justificatis, seu justis, seu ab ipsa justitia fiunt. Quando enim populus est justus, & cognoscit, quod sola Gratia Deo placeat, non aliqua sua dignitate aut meritis, tunc quicquid secundum Verbum Dei facit, recte vocatur aut sacrificium, aut opus justitiæ, etiam illa corporalia, Vt cum vinum bibit, bibit Vinum justitiæ, cum induit tunicam, induit tunicam justitiæ, cum familiam regit, regit familiam justitiæ, si gerit bellum, si administrat politicam, si vivit, si moritur, omnia illa sunt opera justitiæ, quia persona est justa.

Ad



Ad hunc modum altare intellige, sive illud, quod eo tempore erat in templo Ierosolymis, sive Allegoricum templum, quod hodie est per totum orbem terrarum.

Ergo duplex Sacrificium nobis proponit Propheta. Primum est, quod vocavit Cor contritum, cum scilicet sentitur spiritus contribulatus, & cor humiliatum, quod luctatur cum cogitationibus iræ & iudicii Dei. Hic vide ne addas desperationem, sed confide, & crede in spem contra spem. Christus enim est medicus contritorum, qui lapsos vult erigere, & linum fumigans non extinguere, sed fovere. Si igitur es linum, noli ipse te extinguere, hoc est noli desperationem addere. Si es calamus contritus noli te amplius conterere, aut Satanæ conterendum dare, sed da te Christo, qui est Philanthropus, & amat conquassatos & contritos spiritus. Hoc est primum & potissimum sacrificium. Deinde cum ita cognoscis Deum esse iustificatorem peccatorum, si canis unum Deo gratias, tunc addis alterum sacrificium, nempe sacrificium retributionis seu gratitudinis pro accepto dono, quod sacrificium non est meritum, sed confessio & testificatio Gratiae, quam Deus tuus ex mera misericordia tibi largitus est. Itaque holocausta in lege, à sanctis & iustis exhibitæ, eo fine offerebantur, non ut iustificarentur per ea, sed ut testarentur se accepisse misericordiam & consolationem. Sic bos immolatus est testis gratiæ, seu ut ita dicam, operaria vox gratitudinis, seu gratitudo manualis, qua manus effundit gratitudinem tanquam realibus vocabulis.

Hæc altera species est sacrificii. Nam sacrificium primum, est sacrificium mortificationis, ut neque efferamur secundis rebus, nec adversis desperemus, sed ut timore Dei moderemur securitatem, & in sensu iræ & iudicii Dei, spem retineamus misericordiæ, ne vel capite in cælum, vel pedibus in terram impingamus. Alterum sacrificii genus est gratiarum actio. Hoc non tantum consistit in lingua, ut confiteamur fidem nostram, & prædicemus nomen Domini, sed in omnibus vitæ actionibus. Appellatur autem sacrificium iusticiæ, quod ideo placet, quia persona iusta est, & illud sacrificium humiliationis, & contritionis præcessit, quod medium servat inter præsumptionem & desperationem. Est autem medium non mathematicum, sed physicum. Etsi enim impossibile est in hac infirmitate nostra sic vivere, ut nusquam vel ad dextram vel sinistram impingamus, tamen conatus requiritur, ut cum sentimus vel securitatem vel desperationem, non indulgeamus, sed resistamus ei. Sicut enim cum Sagittarijs scopus propositus est, etiam ijs locus datur, qui non omnino aberrant à scopo, etsi medium seu punctum Mathematicum non attingant, Ita hoc satis est Deo, ut pugnemus cum securitate & superbia spiritus, item cum desperatione. Quod si aliquid lætitiæ deest in afflictionibus, sive timori in prosperis, id non imputatur Sanctis. Habent enim mediatorem Christum, per quem fit, ut pro vere Sanctis reputentur, etiamsi vix habeant primitias sanctitatis. Fiunt enim per Christum decimæ, quæ in se non plus sunt quam primitiæ.

Summa igitur totius doctrinæ hujus est, ut afflictæ se erigant per Christi meritum, seu per misericordiam Dei, Et qui sine afflictionibus sunt, ut ambulent in timore Dei, & securitatem ejicient. Ad hanc doctrinam necessaria est precatio, quæ Psalmum hunc concludit, ut Dominus ædificet Ecclesiam suam, tunc sequentur sacrificia.

Deo grata & accepta. Id quod nobis omnibus largiatur Deus

& Redemptor noster Iesus Christus.

A M E N.

LI 3

PRÆFA-

PRÆFATIO D. MARTINI  
LUTHERI, IN EPISTOLAM S. HIERO-  
nymii ad Evagrium de potestate Papæ.

ANNO M. D. XXXVIII.

**M**ulta sunt in Libro, quem Decretorum Gratiani vocant, præclara ex Patribus collecta, in quibus cernere est, utcumq, statum veteris seu primitivæ Ecclesiæ, longissime diversum à statu sequentis, præsertim Romanæ, Quæ sibi post per Schismaticos Pontifices, universalis Ecclesiæ nomen arrogavit, Si tamen Ecclesiæ licet appellare, qui hoc sacrilegum Idolum ausa est statuere impudentissimi facie. Sed Gratianus Pontificibus jam tunc tyrannidem in Ecclesiâ Christi vendicantibus, adulantior vel obsequentior quam oportuit, optima dicta & Decreta Patrum, vel antiquat vel ad arbitrium Romanorum Pontificum depravat, pia (ut apparet) intentione, sed pestilentissimo exemplo. Nam inde Papa ita superbruit, ut jura negarit sibi nata, Nihil non arrogarit suo nihilissimo fulmine, Deniq, ita crevit tandem tumor ejus in immensum, ut his annis crepuerit medius, sicut antecessor ejus Iudas, diffusaq, sint viscera omnium scelerum & obominationum ejus, ita ut factorem ejus universa terra jam non possit amplius sustinere.

Sic & hæc S. Hieronymi Epistola, inter cetera opuscula ejus, recepta quidem est, & hæcenus conservata, Sed & ipsa antiquata, non autem depravata. Nam clarior & apertior est, quam ut ullius depravationi locum præbeat. In qua etsi forte S. Hieronymi autoritas magna non sit, tum apud latrones tyrannidis Romana prorsus nihil, Tamen visum est eam hoc tempore in publicum ducere, & singulariter inspiciendam proponere, ut habeat juvenis præteritarum rerum imperita testimonium de veteris Ecclesiæ statu, adversus reliquos defensorculos & patrunculos, frigidos sane & elumbes meretricis istius Romanæ, de causa sua non leviter periclitantis.

Nam hic vides tempore Hieronymi (sicut & Ambrosii & Augustini) nullum fuisse Archiepiscopum in Ecclesiâ, nullum Patriarcham, nullum Primate, nullum Metropolitanum, multo minus Papam seu æcumenicum Pontificem, Sed omnes erant Episcopi inter sese æquales. Deinde ipsi Episcopi ydem qui Presbyteri, & econtra, deniq, Episcopum Eugubum non longe à Roma oppiduli, æqualem esse dicis ipsi Romano Episcopo. Heu quantus hæreticus futurus, si hodie viveret vir sanctus, Et mirum quod non milles eum damnent, ultra tartaracum omnibus ejus scriptis. Fuit & vocabulum Papa commune nomen Episcoporum, Sic S. Hieronymus vocat S. Augustinum sanctissimum Papam & Cyprianum vocabant Papam in Ecclesiâ Carthaginensi. Quare evidens est, totam illam Hierarchiam Papalem esse doctrinæ hominum seu demoniorum verius, per hypocritas falsiloquos introductas. Omnes (inquit S. Hieronymus) merito & sacerdotio sunt æquales, Potentia divitiarum & paupertas humilitas, vel sublimiorem vel inferiorem Episcopum facit.

Et quod mirandum est, Eo tempore nec differentia donorum & gratiarum spiritualium (quibus tamen maxime debebatur dignitas præcellentia seu superioritatis) faciebat superiores Episcopos. Nam S. Martinus inter Episcopos Gallia hæud dubie sanctissimus virtute spiritus & miraculis clarus, Tamen inter Episcopos ceteros tenebat suum locum, nec voluit sanare quendam egrotum, nisi ab alijs jussus & fere coactus. Et S. Augustinus inter Episcopos Africa doctissimus & facundissimus, locum suum tenuit inferiorem, veluti junior, & tamen in Synodis cogebatur publice docere vel orationem habere, quod erat vel Carthaginensis, si loci dignitas aliquid valuisset, vel alicujus senioris Episcopi, Erant isti viri sanctissimi, re ipsa, quod vocabantur, id est, vere Episcopi, non suam quærentes vel gloriam vel dignitatem, sed animarum salutem & Ecclesiæ utilitatem. Nostri hodie Episcopi quid sunt? Mortua larva, & figura, atq, usinam tales essent, Ac non etiam vasa tra & furoris Dei essent in perniciem Ecclesiarum.

Quid

*Quid putas fuisset dicturus Sanctus Hieronymus, si vidisset hodiernos Episcopos, Archiepiscopos, Cardinales? Quid si Papam vidisset non solum nullum parem Episcopum ferentem, sed omnes sibi, ut Domino subijci cogentem, plusquam Sicula Tyrannide, Ecclesiam suis pestilentibus doctrinis opprimentem, Omnium Ecclesiarum, & terrarum opes rapientem, furantem, dolis, fraude & omni mendaciorum genere extorquentem, Colla Regum (& quidem Christianorum) pedibus consulcantem, Osculandos eisdem pedes suos offerentem, Gladium utrumq; sibi toto orbe arrogantem. Pompa & splendore cunctos Reges superantem, bellis & seditionibus orbem Christianum vexantem, Verbum Dei non solum negligentem, sed prorsus ignorantem, persequentem, extinguentem, Christi omnia blasphemantem, oves Christi maculantem, Breuiter, horrenda crudelitate & Satânica malicia, in rebus, honoribus, corporibus, animabus fidelium ludentem, fallentem, ridentem, exultantem, & insatiabiliter adhuc ad maiora & pejorantem, Cerse non hominem naturaliter viventem, sed Satanam in specie hominis furentem esse credidisset, & stupefactus in silentium & lachrimas sese dedisset usq; ad mortem. Nam qui ferre non potest, ut Romanus Episcopus Eugubienſi Episcopo superior sit, Quid quaso in Papa inueniret, quod non usq; ad mortem execraretur?*

*Et hac omnia nos miseri, portenta sacrilega & abominanda adacti sumus adorare, veluti jure diuino firmata decreta, incurſuri alioqui indignationem omnipotentis Dei, & beatorum ejus Apostolorum Petri & Pauli, & tolerabilius peccatum fuit negasse, blasphemasse, risisse etiam (uti faciunt ipsi Roma) omnes Articulos fidei, quam de hoc jure diuino Papa subdubitare, deniq; cogitare de Papa aliud, quam esse eum sanctissimum, aeterna damnationis peccatum fuit. Testis est mea & multorum bonorum hominum conscientia, quae istis abominabilibus monstris horribilem in modum captrua fuit, Sed Christo gratia suavissimo Redemptori, qui nos denuo suscitauit secum a mortuis, ostenditq; nobis Ischariothem diffusis visceribus ruptum, fatentem & execrabilem, ideog, nunc contemptum, derelictum & omnium risui, ludibrio & sibilis expositum, Amen, Amen. Domine iusta & vera sunt iudicia tua, Tu igitur Domine seruabis nos & custodies nos à generatione hac in aeternum, Quia impij in circuitu ambulabant, dum exaltati fuerunt vilissimi filiorum hominum, Psalmo X I. Amen.*

## ANNVS CHRISTI

M. D. XL.

## ENARRATIO D. M. L. IN PSALMOS GRADUUM SUMMA FIDE

COLLECTA A M. VITO THEODORO,

& edita, ANNO M. D. XL.

## PRÆFATIO D. M. L. IN

Psalms Graduum.



*A*epe antea ostendi in exordijs mearum lectionum, quo consilio sacrarum literarum enarrationem instituiamus, Non quod nova aut ignota alijs cupiamus adferre, ita enim nostra Theologia, & latinis literis, & vernacula lingua celebrata est, ut magis exhortationibus, quam doctrina opus esse videatur, sed quod diligens verbi Dei predicatio est proprius cultus novi Testamenti, longe gratior Deo, sanctior & melior, quam omnes cultus, & sacrificia omnia veteris Testamenti. Ideo etiam cum Lex adhuc vigeret, sancti Prophetæ procul abiecerunt holocaustis & alijs Legis sacrificijs, sacrificium laudis commendabant. Debemus autem nos hunc cultum ideo maiore studio & diligentia prestare, quod post tantam caliginem, in qua viximus diuina sapientia iterum nobis, seu Sol in meridie, orta est & illuxit.

*Sacrarum literarum tractatio ideo instituitur, ut non solum doceantur homines, sed cultus quo prestatum*  
Dm.



*Necessaria quotidiana verbi tractatio, propter pericula tentationum.* Sicut igitur audire sermonem sacrum ante hoc tempus servitus quadam aestimabatur, qua sicut alia opera ab hominibus praeferretur, ita nunc diversum statuendum est, nempe quod qui docent, legunt, scribunt, audiunt sacra, sint veri sacerdotes Dei, qui Deum suum merito & grato honore afficiunt. Hac igitur debent nos accendere ad assiduam tractationem verbi Dei. Quanquam etiam hoc verum est, non ita plenam nos posse habere sacram rerum cognitionem, quin opus nobis sit, quotidie eas denuo discere, experiri, & in his confirmari, propter continuas vexationes Satana, quibus nos exercet, ut sicut non cessant occasionem ruinae, ita nos quoque non cessemus ab assidua meditatione verbi Dei, ad adificationem nostri & Ecclesiae. Nihil enim aequo perniciosum est, quam quod multi hodie faciunt, ut post levem cognitionem huius divinae sapientiae, statim se Magistros factos putent. Quia enim hac non in eo posita sunt, si quam optime de his differere possis, sed in usu & experientia, quam non ratio humana, sed Spiritus sanctus gubernat ac regit. Profecto longe falluntur, qui in nuda cognitione acquiescunt, qua nunquam esse potest integra sine usu. In veteri Testamento solus Decalogus praescriptus erat, in quo discendo & exercendo, Deus populum suum volebat occupatum esse, sed quis unquam etiam inter Sanctos exstitit, qui gloriari posset, sapientiam in Decalogo per Spiritum sanctum propositam, se consecutum esse? Et nos qui in novo Testamento totam Scripturam habemus propositam, gloriabimur scilicet de plena cognitione?

*Periculosum est presumere, quod hanc doctrinam teneas.* Quare excutiamus istam phantasmam, & humiliemus nos coram Spiritu sancto, ac fateamur, hanc infinitam sapientiam esse, qua non possit exauriri, etiam si vitam omnem in discenda Scriptura deponamus. Et si enim aliquam cognitionem habemus, Dei gratia, tamen quia quotidie quasi nubibus tentationum obruimur, semper ad hunc fontem, imo ad ignem hunc recurrendum est, ut rursus calefiamus, neque aut Satana, aut carni nostra indulgeamus, ut obruantur primitiae Spiritus. In Scholis Acediam vocant (quam corrupto vocabulo Acediam indocti dixerunt) Ea proprie est fastidium hoc Verbi, quod ex presumptione scientiae nascitur, & hodie in vulgo nimis commune est, Contra hoc vitium Moyses jubet acuendam esse legem posteris, hoc est, quotidie urgendam & exercendam etiam si notissima sit, Semper enim exsplendescet aliquid, quod antea nos laesit, semper aliquid adlubescet, quod antea cum insipidum negleximus.

*Adhortatio ad assiduum verbi studium.* Ergo etiam hanc ob causam enarrabimus Psalmos, ut & fastidium hoc Satanicum excutiamus, & Spiritum usu sacram rerum confirmemus, & cenaleamus. Quanquam hoc summum est, quod certo scimus, Deo hunc cultum praecipue placere, cum tractamus Verbum suum, docendo, legendo, scribendo, audiendo, &c. Hoc unum debebat nos continere in assiduo verbi studio. Quid enim aliud est tractare Verbum, quam assiduo sacrificare, assiduo Deum colere, assiduo exerceri in impletionem primi, secundi & tertii praecepti? Nimis magnus pro dolor, eorum est numerus, qui Deum assiduo blasphemant, cum aut diversa docent, aut gladio sano doctrinam persequuntur. Quare magna necessitas est, ut nos, qui numero longe sumus inferiores, Deo nostro serviamus, eumque laudemus, qui & hanc vitam dedit, & futuram promissit. Tum etiam periculum nostrum nos admonet, ne saturi acedia & fastidio etiam non animadvertentes, occupemur. Nam fastidium contemptus sequitur, contemptum autem pernit Deus sic, ut Verbum plane tollat, sicut Papatu insignis documentum est ad omnia tempora, in quo hac sic videmus contigisse.

*Acedia.* Exposui causas, cur enarrationem Psalmorum graduum suscepim, ut scilicet hanc horam consecremus nostro Redemptori, & ei sacrificemus, ac pro nostris viribus primum, secundum & tertium praeceptum, predicatione misericordiae Dei, recte impleamus, cum aliqui totus Mundus contra haec praecepta blasphemando Deum peccet, Es libenter quoque vos exhortatus sum, contra acediam & fastidium. Si enim aliquod doctrina nostra periculum imminet, ab hoc vitio imminet. Haeretici & secta etsi multum noceant, tamen hoc agunt, ut nos cogant ad sacram literarum diligentem cognitionem, sed hac pestis, fastidium Verbi, in nobis ipsis nascitur, & eo plus periculi affert, quanto minus observari a nobis potest. Tum autem certa Satana victoria est, cum nos stertere & securi ac sudari esse experimus.

*Tractatio Verbi.*

*Pena contemptus Verbi.*

*Epilogus.*

DE TITULO PSALMO-  
RVM GRADVVM.

**P**rimum quæstio hic est de titulo Psalmorum, cur inscripti sint Psalmi graduum, seu ut alij vertunt, Ascensionum. Sunt autem varix interpretum opiniones, quas non est operæ precium hic omnes recensere. Lyra narrat sic dictos, quod Levitæ seu sacerdotes eos decantaverint in ascensu, seu gradibus templi. Nam in historia Regum scribitur, quod ad templum per gradus ascendebatur. Hos fingit quindêcim fuisse, & in singulis singulos Psalmos cantatos esse. Hoc verum ne sit, nec ne, haud multum laboro, mihi tamen non videtur veri esse simile. Hoc quidem negari non potest, ebraicam vocem significare gradus, seu adscensiones. Maneo igitur quantum fieri potest, in simplicissima sententia, & iudico sic dictos, quod in gradibus, seu editiore loco à Levitis seu sacerdotibus cantari sint soliti, sicut apud nos, qui publice in templo præcinit, aut concionatur, fere est in aliquo editiore aut superiore loco, unde facilius ab omnibus conspici, & exaudiri possit. Neq; enim hos Psalmos à multitudine, quæ erat in templo, aut à reliquo choro, sed per certos, qui præcinerent alijs, è superiore loco cantatos, aut saltem inchoatos esse iudico, sicut quidam alij Lamnazeah titulum habent, hoc est, præcinentis, de quo alibi diximus. Verum quis possit omnes illorum ritus novisse, præsertim post tantum intervallum temporis, quo ex usu & memoria hominum decessere?

Cur Psalmi graduum inscribantur.

Lyra.

Lamnazeah.

Cum igitur in tanta multitudine Psalmorum, vigente adhuc Lege, alij alijs Ceremonijs cantari sint soliti, pro ratione temporis & loci, nonnunquam etiam pro eo, ut consuetudo obtinuerat, Sufficiat nobis hoc statuere, quod titulus hic non ad doctrinam aliquam, sed tantum ad ceremoniam cantantium pertinet, qualis qualis tandem ceremonia ista fuerit. Apud nos, Schola Psalmos, quidam è pueris primos versus, Minister preces decantat, Deinde mane aliquid ex Pauli Epistolis aut Evangelijs, vespere Psalmi leguntur. Neq; enim quæ publice fiunt, sine ceremonijs possunt fieri. Ad eum modum in isto populo iusto ordine, & certis ceremonijs omnia gesta sunt. Nam erant viginti quatuor sacerdotum vices, Fieri igitur potuit, ut alias per chorum sine populo, alias per partem, nonnunquam etiam alternis canerent, deinde populus aliquid succineret. Hæc certo sciri nequeunt, postquam omnino interciderunt, & quia ad intelligendos Psalmos parum faciunt, æquo animo ferendum censeo, quod ista non plane sciri possunt.

14. Vici sacrum.

Quare etiam hoc omitto, cur & quindêcim numero sint, & his potius quam alijs, titulus hic sit præfixus. Etsi enim multum laboremus, tamen res manet incerta, & cum nulla hujus rei singularis utilitas sit, frustra laboratur. Hoc tamen etiam admonere volui, quosdam exponere Psalmos ascensionum, pro eo quod est Completionum, quod in fine sint cantati, cum jam populus dimittendus, & Sacra completa essent. At sane quia breves sunt, & semper insignes doctrinas proponunt, apti fuerunt conclusioni, Sed relinquo hic quoq; suum iudicium Ebraeis.

Psalmi quæstionum.

## DE ARGVMENTO PSALMI CXX.

**V**idico hunc Psalmum esse invocationem divini auxilij adversus malas linguas, sive contra damna, quæ malæ linguæ, hoc est, hæretici Ecclesiæ afferunt, cum docent contra sanam doctrinam. Hæc enim tentatio quasi in prima classe collocanda est, cum doctrina petitur. Habet enim Diabolus duplicem viam, qua Ecclesiam aggreditur & infestat, hæreses, & vim seu gladium. Ideo Christus quoq; eum mendacem & homicidam appellat. Hinc fit, ut preces in Psalmis fere consummentur in his duobus capitibus, ut aut contra Satanam homicidam, aut contra Satanam mendacem orent, hoc est, aut contra pestilentem doctrinam, aut sub cruce & persecutionibus, contra Tyrannos.

Oratio contra falsam doctrinam.

Psalmi dupliciter contra Satanam.

porro

*S. an quomodo  
homicida.  
Quomodo men-  
dax.*

Porro homicidium varium est, quo Satan Ecclesiam adfligit, Alios sensu mortis, alios calumnijs, alios injurijs inimicorum, odijs, periculis & alijs calamitatibus exercet, Hæc omnia ad vim pertinent. Ad mendacium autem pertinent, quæ per suos ministros, maxime intra ipsam Ecclesiam, facit per falsa dogmata, quibus perturbat conscientias, Itē per tentationes interiores cum fatigat pios venenatis suis telis desperationis, diffidentia, blasphemia, & sic sub nomine Dei occidit & ad infernum abripit. Hæc enim omnia complectitur mendacium. Atq; de his periculis videmus Ecclesiam non solum in Psalmis, sed in omni Scriptura acerbissime conqueri, quod petatur vi, dolo, scetis, hæresibus, &c.

Hic autem Psalmus, ut dixi, meo judicio, proprie pertinet ad alteram tentationem, de pestilenti doctrina, Quanquam & alteram attingit, Non enim potest fieri, quin mendaces doctores etiam crudeles & sanguinarii sint, studio defendendæ impietatis, Et Diabolus ideo mendacium disseminat, ut occasiones cædium exuscitet, Sicut ostendunt exempla tum reliqua Ecclesiæ, tum illud primorum parentum in Paradiso, mendacio enim decepit eos Satan, ut morte perirent. Quia autem similes tentationes hodie Ecclesia patitur, quod undiq; petitur & oppugnatur mendacibus & calumniatricibus linguis, ac sustinet acerbissima odia cum omnis generis periculis, tantum ideo, quia puram doctrinam retinet, & in illustrando verbo occupatur. Ideo nobis hodie quoq; opus est oratione adversus illas nostrorum temporum pestilentes linguas, ne noceant tantum, quantum volunt. At magnum beneficium est, habere etiam præscripta à Spiritu sancto verba, quibus in hoc periculo pij uti possunt, Sed nunc ad Psalmum veniamus.

## PSALMUS CXX.

*Ad Dominum cum tribularer clamaui, & ipse exaudivit me.*

*In hoc Psalmo  
doctrina & ex-  
emplum adver-  
sus linguam  
mendacem imi-  
tandum propo-  
nitur.*

**R**ectius redditur versus per præsentia, *Ad Dominum in tribulatione clamo, & ipse exaudivit me.* Quanquam enim Ebraei quoq; discrimina habent trium temporum, tamen quia præteritum est prima vox, seu thema verbi, lucis causa sæpe rectius redditur per præsens, Ut non solum sit descriptio facti præteriti, seu exemplum, sed etiam doctrina, in qua ostenditur, quid nobis agendum sit in istis tentationibus mendacis linguæ, cum scilicet sentimus & experimur, nos frustra cum hæreticis confictari, nec posse fieri, ut reducantur in viam. Nam hoc diuturna experientia didicimus, verum esse quod Paulus dicit, tales esse suo judicio damnatos, ideoq; post unam & alteram correptionem seu admonitionem sinendos ac vitandos esse, quod ita capti sint opinionibus, ut non possint ab eis deduci.

*Impiorum de-  
guatam auto-  
res coram his pos-  
sunt, reverteri  
non possunt.  
Exempla Arii.*

Atq; hoc præsertim in autoribus hæresium, seu impiarum doctrinarum experimur, ijs nihil dici aut fingi potest, quo emendentur. Non quidem spes desit, futurum, ut cedant veritati, sicut certum est eos convinci posse, sed non convertuntur. Etsi enim jam uno loco impium os obtures, statim inveniunt quod remurmurarent, Sicut non solum Arii & aliorum hæreticorum historiz ostendunt, sed etiam nos nostri seculi exemplis testari possumus. Ergo impossibile est, compescere perpetuo os hæreticorum. Hoc autem possibile est, ut eos vincamus & redarguamus, Item ut nostros ab eorum errore, ceu præsentissimo veneno, præservemus. Debet enim Episcopus instructus esse, non solum ad docendos simplices, sed etiam ad redarguendos perversos. His contenti simus ut nostri præmoniti, in sana doctrina persistant, Ut autem autores hæresium convertamus, hoc non speremus. Quoties Christus Phariseos non solum aperta Scriptura, sed etiam Dei digito & miraculis convicit? & tamen permanebant in sua impietate. Arius coram Probo manifeste concluditur, & tamen postea errorem suum majore fiducia & successu propagat. Quid de Papistis nostris dicemus? an non eadem in eis experimur?

*Pharisei.*

Ergo



Ergo eos, qui non errore, sed voluntate peccant, & converti nolunt, relinquamus, post unam ac alteram admonitionem, & pugnemus contra eos exemplo Davidis oratione, sicut etiam pro nostris nobis orandum est, ne decepti specie seducantur. Præter hoc nihil reliquum est quod agamus. Nam autor hæresium Diabolus ita lubricus, & mille modis Proteus est, ut non possit certo constringi, aut capi. Vna rima obstructa, decem alias invenit, quibus elabatur, & ceu ventus conclusus, omnia quærit, penetrat omnia, ut possit elabi. Contra hunc præcipue pugnatur, quando cum hæreticis res est. Itaque disputando nihil proficitur, etsi disputandum est, & disputationibus ministri Satanæ convincendi & redarguendi sunt, propter reliquam Ecclesiam, Sed cum verbo externo etiam conjungenda est Oratio, qua malignus Spiritus maxime premitur & urgetur. Hæc repressit Arium, Manichæum, Sabellium, hæc Phariseos & incredulam Synagogam contudit, hæc nostri seculi impiarum opinionum autores fregit, quamvis essent ferocissimi. Ita enim fit, ut qui exhortantes & redarguentes nolunt audire, cogantur sentire nos orantes & clamantes ad Dominum, pro sanctificatione nominis ipsius, & adventu regni ejus.

*Admoniti igitur  
sunt relinquendi  
et adversus eos  
orandum.*

*Contra Satanam  
pugnandum  
quando cum  
hæreticis res est  
Vt oratione  
adversus hære-  
ticos.*

*Eph. 6.*

Hæc est via unica ad victoriam, ut etsi ad tempus videantur superiores, tamen eradicentur tandem pestilentes linguæ. Itaque sapienter agendum est & caute in hoc periculo, ac omnis abjicienda fiducia sapientiæ nostræ, etiam si verbum Dei sit, quod pro nobis habemus. Non enim pugnamus contra carnem & sanguinem, sed contra nequitias spirituales. Quod si agendum tantum esset cum carne & sanguine, sic nostra vellemus munire & firmare rationibus, ut nihil posset contra dici, Nunc autem hoc experimur, cum rationibus & Scripturæ autoritate convicti sunt, tamen pertinaciter retinent errorem suum, & in hoc unicum incumbunt, quomodo eum defendere, & quam latissime propagare possint. Itaque soleo peccatum eorum comparare cum peccato Iudæ. Is non potuit excusare consilium proditoris, quod contra Christum ceperat, & tamen pergebat id exequi, sic enim urgebat eum Satan. Ad hunc plane modum Satan auctores impiorum dogmatum semel apprehensos, non dimittit, nec quiescere patitur.

*Natura impro-  
ram Doctorum*

*Peccatum Iudæ*

Ergo oratio addenda est, ergo oratione potissimum pugnandum est, sicut David hic pulcherrimo exemplo & pleno consolationis facit, ac dicit, *Ad Dominum cum tribulor, clamo.* Quasi dicat, In hoc periculo impiæ doctrinæ, frustra conabar hoc ut converterentur, & errorem agnoscerent Pseudoprophetæ. Satan enim, qui corda eorum possedit, ita lubricus est, ut non possit capi. Ad hæc ego inferior eram, si numerum spectes, nam minor pars à me stabat, Contra illi qui me impugnabant, & numero plures erant, & viribus pollebant. Quid igitur facerem miser? Hoc scilicet, Postquam pro dono meo verbum Dei diligenter inculcavi, postquam meos præmonui, illos autem admonui de errore, ascendo ad Deum meum per orationem, & coram ipso pronuncio afflictionem meam, Ac certus sum futurum, ut me exaudiat.

*Oratio pugnandum est  
contra hære-  
ticos.*

Sic proponit nobis exemplum suum David, quid ipse sit solitus facere. Atque hæc quidem dicuntur facile, sed experientia testatur non sine difficilimis conatibus præstari. Primum enim ista incommoda, quæ à Patre mendacij per impiam doctrinam excitantur, non possunt spectari sine summo dolore animi, Ad eum dolorem etiam accedit quædam desperatio medicinæ, quod horribilior species est impiæ doctrinæ grassantis, quam grassantis flammæ, aut exundantis fluminis, quod omnia subito prosternit ac dejicit. Vtrinque igitur affligatur cor, & metu futuræ calamitatis, & sensu præsentium incommodorum. Adhæc si accedat etiam interna tribulatio, ut cor sentiat Deum iratum esse, ibi demum impossibile videtur posse orare, Ac sane homo inexpertus & præsumens de Verbo, & doctrina sua, nihil sibi parabit, quam inutilem laborem & infinitam molestiam. Non enim docere satis est, non est satis redarguere & convincere, Sed oportet ut Deus incrementum addat, ut non solum nos cum fratribus nostris in sana doctrina con-

*Oratio ad-  
versus hæreticos  
pugna & diffi-  
cilium.*

*na con-*

na conservemur, sed ut diversa docentes, extirpentur ac intereant.

*Ufus fidei.*

*Quomodo animi  
ad orationem  
sui excitandi.*

Hoc autem solum oratione perficitur, Ea autem quam non sit facilis, jam ostendimus. Docere Verbum, audire Verbum, sunt etiam opera magna & divina, quæ requirunt Spiritum sanctum, Sed usus fidei, nempe sic se convertere ad Dominum ac orare & præsumere, quod oratio placitura sit, & Deus eam sit auditurus, longe difficilima res est, propterea quod conscientia timida fere repugnant huic fiducia, & de medicina desperant, præsertim si accedat conscientia peccati seu indignitatis. Ibi enim fere accidit, ut animus prius secum disputet, An oratione aliquid possit profici, præsertim ad hanc quæstionem qui deducuntur, nunquam orabunt, si id ex sensu suæ dignitatis metientur. Quin hoc faciendum est, ut qualis tu sis, hoc in loco, negligas, & in promissionem potius, in necessitatem orandi, in periculum & causam ipsam intuearis. Ita enim fiet, ut etsi ab oratione tua conscientia te revocet, tamen periculi magnitudo ad orandum cogat. An enim (exempli causa sic loquor) si quis scortatus est, & inter eundem casu de ponte in flumen labitur, in tanto periculo ideò non orabit, quia conscientiam peccati habet? Imo, quanto periculum & necessitas major est, tanto ad orandum debet animus esse excitatior & promptior. Ad hunc modum in hoc periculo quoque faciendū est, ut quales quales simus nos, magis illuc respiciamus, quod Satan per impios Doctores tantū malorum excitat, quam quod nos indigni simus, qui exaudiamur.

*Tribulatio exci-  
tat orare.*

*✠*

Huc etiam facit promissio, quod in Christo non solum habemus promissionem exauditionis, sed ipsa verba, ipsas syllabas & literas, quas debemus orare, Christus præscripsit, Imo etiā mandatum accedit ut nō nostri arbitrij sit orare, vel non orare sed est præceptū opus. Hæc cum cogitamus, & postea accedit etiā necessitatis seu periculi consideratio, tū acuuntur animi & excutitur illa propriæ dignitatis tentatio, & cōscientia quasi absorbetur. Sicut in subitis periculis quoque fit, cū aut obruitur aliquis in itinere à grassatoribus, aut cum periculo in aquam mergitur, &c. Ibi priusquam quisquam de sua dignitate cogitat, prorumpit aut in verba, aut cogitationem hanc, O Deus adis. Hic enim verum est, quod Medici dicunt, appetitum provocari acribus condimentis. Neque enim melior orandi Magister est quam necessitas. Sed dum nos securi, & quasi oculis capti obambulamus, nec sensu præsentium malorum tangimur, non mirum est, si oratio nostra aut nulla sit, aut plane langueat. Mihi quidem hoc accidit, ut sentiam me nunquam orare melius, quam in tribulatione. Ea est hoc acre condimentum, quod etiam in Davide famem, ut ita dicam, & appetitum orandi excitat, sicut dicit, *Cum tribulor, clamo.*

*Necessitas oran-  
di proposita in  
oratione Domini-  
ca.*

Ergo discamus ex hoc versu, Davidem hoc remedio esse usum in periculo falsæ doctrinæ, ut primum docendo se & suos erigeret, deinde oraret. Idem nobis faciendum est, tantum fiducia causæ seu necessitatis, quam etiam oratio Dominica nobis ostendit. Quia enim polluitur nomen Domini, quia conscientia perduntur, quia confessio Evangelij periclitatur, magna profecto causa est, ut dicamus, Sanctificetur nomen tuum, ut sit finis abominationum & blasphemiarum, Adveniat regnum tuum, quod per regnum Satanæ quasi opprimitur, &c. Qui ad hunc modum orat, is sic orat, ut facile cælum gemitibus suis impleat, Cum alioqui extra tribulationem vix impletur os nostrum, Sicut Papistarum orationes & cantica sunt, Qui cum in summa securitate vivant, quomodo orare possunt? Hanc causam ostendit David, cum dicit, *Cum tribulaber clamaui.* Oportet enim esse necessitatem urgentem, quæ impellat, Sicut sunt nostra & fratrum nostrorum Salus, mors æterna, peccata nostra, incommoda nostra, gloria Dei, regnum Dei, Item pax, bellum, & cætera quæ omnia pulcherrimo ordine in oratione Dominica proposita sunt, & vere sunt tribulationes, quæ docent nos orare, Imo, si boni æstimatores horum periculorum sumus, etiam nos cogunt & urgent. Hæc considere- mus, & perrumpamus per nubes illas, quæ nobis conspectū Dei faventis adimunt, & statuamus orationem esse sacrificiū gratissimū Deo, & talem cultum, quem ipse à nobis

à nobis exigit. Quidam de medio cogitant, & fratrum orationibus nituntur, Id sane non est reprehendendum nam plurimum oratio est fortior, Sed necesse est, ut tu quoque ores, & fias pars Ecclesiæ, quæ uno ore dicit, Pater noster. Neque enim hujus aut illius tantum, sed tuus quoque vult esse Pater.

*Oratio est cultus Dei.*

Diserte autem additum est, Ad Dominum, contra illas cogitationes, quæ & me olim exercuerunt & adhuc hodie, si qui inter Papistas sunt simplices, exercent. Sic enim cogitabam, Peccator sum, non igitur possum orare ad Deum, mihi propter peccata succensentem, Quæram mediatores, quibus propitius est, Mariam, Petrum, Annam, &c. Conscientiæ enim pavida audito nomine Dei, terrentur. Et sane magna est majestas, Sed non tam magnam fingere tibi debes, ut ideo orare nolis. Si enim Majestatem consideras, cur non in hoc consideras, quod ipsa Majestas præcepit, ut orares? Profecto non ita pusillus aut nihil es, quin te autoritas præcipientis liget. Hoc mandatum intueri, & committere te ejus gratiæ, qui id mandavit, dic, Domine non est arbitrij mei, oremne an non orem? (sicut Monachi somniabamus) Tu præcepisti, agnosco igitur me debere parere tibi. Si indignus sum, at præceptum & voluntas tua digna est, cui paream, promissio tua digna est, in qua confidam. Oro itaque in dignitate non mea, non Mariæ, non Petri, sed in dignitate nominis Iesu, & Dei præcipientis & mandantis.

*Quomodo occurrendum sit talibus cogitationibus, cum animi non audens ad Deum clamare.*

Hanc rationem orandi totus Papatus ignorat, & possum exemplo meo affirmare, Sicut ego in Monachatu nunquam unam orationem Dominicam vere oravi, ita quoque adhuc hodie Papistas ne unam quidem syllabam in fide orare. Hoc forte factum est, ut Deus audiret gemitus inenarrabiles cordis mei, sicut credo alios multos fuisse, qui istos gemitus etiam habuerunt, quanquam eos non agnoverunt. Sed extra hos gemitus nulla pars orationis recte aut intellecta aut pronunciata est, ut debet, & ut, Dei gratia, nunc oramus, ac reliquos quoque docemus orare.

*Oratio Papistarum.*

Extat sententia cujusdam Eremitæ, inter Monachos celebris, qui dixit, Nulum esse tantum laborem, sicut est labor orandi. Id quidem verum est, si respicias ad orandi legem sine fide, quæ tradita fuit sacrificulis, Sed magis verum est, cum loquimur de oratione in fide, ut cor reluctetur conscientiæ & desperationi, ac audeat fiducia misericordiæ Dei. Quanquam difficultatem hanc mitigat non solum promissio orantibus facta, item mandatum, sed etiam necessitas, quæ nos urget. Quod autem ad ipsam rem attinet, oratio sine fide vere est impossibilis. Hæc enim duo orationem faciunt efficacem, promissio Dei & tribulatio, In his exercete vos, & assuefacite vos etiam ad clancularias preces in cubiculo, sicut Christus præcipit. Quod si Satan eam orationem, sicut solet, conatur impedire, discite oculos claudere, & dicere, O Domine, ecce hic tribulatio & angustia. Ego hic periclitor, ille Frater meus sic periclitatur, sic vexatur à Satana, non patitur tempus, ut de me cogitem, sim ne bonus an dignus, adjuva me, in tempore secundum Verbum tuum, &c. Hoc modo considerata causa & promissione vincitur Satan. Et ad hanc rationem orandi invitat nos David suo exemplo, non solum in periculo impiæ doctrinæ, sed in omnibus tribulationibus. Ac placet Deo, si hic fiducia misericordiæ & promissionis, bene sis impudens, secundum hoc, quod sequitur, *Et ipse exaudivit me*, Q. d. Hoc modo declarat Deus sibi gratam esse orationem nostram, quam suscipimus fiducia promissionis & misericordiæ ejus, quod eam exaudit.

*Nil est difficilius est quam orare.*

*Promissio & tribulatio faciunt orationem efficacem.*

Atque hic vide, ut hoc nomen Dei diligenter discas, quod David hic ei tribuit, *Auditor precum*, Ac cave, ne, cum oras, per diffidentiam hoc nomen ei eripias, sicut plerumque facimus. Nam sicut Germanico proverbio dicitur, Finem commendare omnia, si bonus sit, Ita plerique in concludenda oratione peccant, ac orationem viciosam reddunt. Cum enim addendum est Amen, dubitatio, quæ in cordibus est, Amen mutat in negativam, quod nihil sit. Contra hanc dubitationem David hic nos confirmat suo exemplo, & præter Promissiones, quas habemus, proponit suam experientiam, ut nos ad orandum in fide excitet, ut statuamus Deum certo nos auditurum esse. Siquidem est auditor omnium gemituum eorum, qui in fide orant.

*Deus auditor precum.*

M in

Quod



*Bernardi sententia.* Quod si non tam cito audit, audiet suo tempore, Si non audit eo modo, quo tu vis & optas, audiet meliore, Si non per hanc personam, quam tu optas, faciet per commodiorem, &c. Sic dicit Bernardus alicubi, nec memini me quidquam legisse in omnium Recentiorum scriptis, de oratione aut pulchrius, aut magis pie dictum, Fratres, inquit, nolite dubitare de oratione vestra, sed scitote, quando verbum per os erumpit, tunc oratio vestra scripta est in oculis Dei, & aut fiet, quod petitur, aut expedit non fieri. Quid potuit dici magis Christianum? Quid consolatione plenius, quam quod Deus tanquam Rex quidam munificentissimus, ad omnes supplicationes nihil aliud respondet, quam fiet quod petitur?

*Deus non semper dat, quod petimus.* Sed inquis, Sæpe fit diversum, Quoties oratur pro gravida & parturiente foemina, quæ in partu moritur? An enim Iacob non putas orasse pro sua Rahel, in tali periculo occumbente in? Sic oravit David maxima spiritus contentione, pro filio ex Bathseba, sed oratio frustra fuit, Ejusmodi etiam inter Sanctos innumera quotidie exempla videmus. Respondeo. Vtunque sit, hoc primum statuendum est, Deum esse auditorem precum, Hic titulus Deo nunquam est adimendus. Sicut in hac fide prima pueritia pulcherrime orat, quæ sic de Deo credit, quod audiat & largiatur omnia, Hanc fidem sine dubitatione in pulcherrima plerophoria pueri retinent. Quare eorum orationem & probo maxime, & sæpe mihi ad exemplum propono. Quamquam enim pueri formam orandi, & verba à nobis discunt, tamen nos recte ex ipsis disceremus orationis efficaciam, propter nostræ naturæ perversitatem, & malam institutionem quoque. Ergo hoc primum sine exceptione est statuendum, quod nostra oratio sit exaudita.

*Deus audit precum.* Secundo, exauditio sic est definienda, non ut Deus semper faciat, quod nos optamus, sed ut faciat quod nobis est utile. Nam Deus cum bonus sit, nihil potest dare, nisi quod bonum est. Nos autem sæpe pro liberis, sæpe pro amicis, sæpe pro nobis ipsis oramus, non quod est bonum, sed quod nobis bonum esse videtur. In talibus Deus etiam tum exaudit, cum non facit quod nos petimus. Itaq; in oratione Dominica prius pro sanctificatione nominis, pro adventu regni Dei, pro voluntatis suæ impletionem oratur, quam de nostris & vitæ nostræ commodis, ut scilicet in talibus Deus non faciat, quod nobis videtur esse bonum, sed quod vere sit bonum. Recte igitur traditur discrimen rerum petendarum, ut in ijs, quæ ad gloriam Dei & salutem nostram pertinent, sine conditione statuamus nos exaudiri, Contra in ijs quæ ad hanc præsentem vitam pertinent, etiam speremus liberationem, Sed cum resignatione nostræ voluntatis in voluntatem Dei, ut in talibus Deus faciat secundum quod ipsi videtur, & nobis utile est. Ipse enim scit, quid sit bonum, nos non scimus, Sicut Paulus quoq; dicit. Ad hunc modum salvandus Deo nostro fideli & bono est titulus, *Am. 1.* quod sit auditor precum, Sicut hic David de eo concionatur.

*Quomodo Deus exaudiat suos.* Secundo, exauditio sic est definienda, non ut Deus semper faciat, quod nos optamus, sed ut faciat quod nobis est utile. Nam Deus cum bonus sit, nihil potest dare, nisi quod bonum est. Nos autem sæpe pro liberis, sæpe pro amicis, sæpe pro nobis ipsis oramus, non quod est bonum, sed quod nobis bonum esse videtur. In talibus Deus etiam tum exaudit, cum non facit quod nos petimus. Itaq; in oratione Dominica prius pro sanctificatione nominis, pro adventu regni Dei, pro voluntatis suæ impletionem oratur, quam de nostris & vitæ nostræ commodis, ut scilicet in talibus Deus non faciat, quod nobis videtur esse bonum, sed quod vere sit bonum. Recte igitur traditur discrimen rerum petendarum, ut in ijs, quæ ad gloriam Dei & salutem nostram pertinent, sine conditione statuamus nos exaudiri, Contra in ijs quæ ad hanc præsentem vitam pertinent, etiam speremus liberationem, Sed cum resignatione nostræ voluntatis in voluntatem Dei, ut in talibus Deus faciat secundum quod ipsi videtur, & nobis utile est. Ipse enim scit, quid sit bonum, nos non scimus, Sicut Paulus quoq; dicit. Ad hunc modum salvandus Deo nostro fideli & bono est titulus, *Am. 1.* quod sit auditor precum, Sicut hic David de eo concionatur.

*Discrimen rerum petendarum.*

*Domine libera animam meam à labijs iniquis & lingua dolosa.*

11.

*Propositio Psalmi.* Hæc est propositio Psalmi. Orat enim pro doctrina & sancto Verbo, adversus hæreticas linguas. Dixi autem initio, Psalmum hunc non tantum esse accipiendum pro exemplo, ad imitationem seu doctrinam, ut discamus, quid in hoc periculo fecerit David, & nobis quoque sit faciendum, Sed etiam accipiendum esse pro consolatione, contra ingens illud Scandalum, quod ubicunque sana doctrina efflorescere incipit, ibi mox fures & latrones exoriuntur, sanæ doctrinæ hostes, à Satana excitati, Ne scilicet nobis videatur novum esse, quod orto Evangelio, Anabaptistæ & similes pestes religionis exorti sunt, Sed ut vigilemus, excussa securitate, cum videamus eum, qui nos tentat, neq; dormire, nec cessare, & pugnemus contra spirituales nequitias, cum quibus semper Sanctis bellum fuit. Habel hostem habuit Cain, Isaac Ismaëlem, Iacob habuit hostem Esau. Hujus inimicitiae autor Satan est, qui Deum & verbum ejus persequitur, non eade solum, sed mendacio quoque. Hæc scire, magna consolatio est, ne in talibus periculis despondeamus animum, Sed cum primum ad ministerium verbi vocamur, contra hoc periculum nos confirmemus, & summo

*Consolatio est, quod videmus priorem Ecclesiam etiam ab hæreticis vexatam esse.*

*Habel, Isaac, Iacob.*

& summo studio caveamus securitatem, quam mendaces linguæ & dolosa labia non permittunt. Itaq; contra mendaciter dialecticantes, & dolose rhetoricantes, debemus parati esse, non solum ut strenue reclamemus, & objurgemus eos, sed etiam ut diligenter oremus, ac meminerimus à Davide nobis ostendi hic Dominum liberatorem, qui solus in tali periculo nos servare & perdere adversarios possit. Coniungi enim debent, exercitium verbi assiduum, & oratio. Ebraismus est, Libera animam meam, id est, me ipsum.

*Quid detur tibi aut quid apponatur tibi ad linguam dolosam?*

*Sagittæ potentis acutæ, cum carbonibus desolatorijs.*

Hi versus cum facilem sententiam habeant, varie tractati sunt à Patribus, propter ineptam versionem. Ac præcipue Augustinus bene hic se macerat, Quid dabitur tibi, exponit, id est, quo remedio liberaberis? Et respondet, Appone vel da mihi sagittas, hoc est, Evangelium, & cum hoc carbones, hoc est, exempla Patrum. Hæc multis disputat, sed nos ea sinamus valere quantum valent. Etsi enim propria non sunt, tamen neq; hæreticum, nec noxium est, in loco non proprio bonam sententiam per catachresin afferre, Sunt, ut sic dicam, hæc tolerabiles ineptiæ Sanctorum, nos tamen, sicut interpretes decet, propriam sententiam sequemur. Sic igitur reddendi sunt hi duo sequentes versus:

*Quid poterit in te lingua dolosa? aut quid efficiet?*

*Est ut acutæ sagittæ potentis, ut ignis in juniperis.*

Interrogatio eo pertinet, ut se excitet, & quali occasionem instruat, accusanda linguæ dolosæ. Sicut profecto gravissime describit duabus insignibus similitudinibus, quam pestilens res sit, impia doctrina, & quid de ea Deus & spirituales homines judicent. Primo comparat eam sagittæ, non obtusæ sed acutæ, deinde quæ ejaculatur, non ab imbelli, sed à robusto, ut utrinq; periculum sit, & ab ipsa sagitta ad penetrandum apta, & ab eo, qui telum magna vi torquet. Igitur Diabolus hæreticorum pater hic nobis proponitur tanquam miles exercitatus & potens, qui contra Ecclesiam à conditione humanæ naturæ pugnavit, & quanquam sæpe sit victus, non tamen cessat, sed redit gravior, & caucior, & quando isti instructiores, sanctiores & doctiores sunt, cum quibus belligeratur, tanto ipse incumbit fortior, tanto aggreditur eos atrocius.

Igitur Spiritus sanctus loquitur hic secundum carnis sensum, hoc est, secundum cogitationes, quas in periculo hoc habent Sancti, & vocat impium Doctorem, sagittam in manu potentis. Si enim spectes adversariorum multitudinem, audaciam, glorias, studia, conatus, pertinaciam, ingeniorum celeritatem, vafritiem, qua eludunt aut calumniantur sancte dicta, videntur oppressuri Ecclesiam quæ multis modis inferior & infirmior judicatur. Satan itaq; ceu telum, quod nulla arma sustinere possunt, videtur triumphaturus esse, sed si finem expectes, contrarium experieris. Sicut enim Ecclesia propter infirmitatem, cum multitudinem hostium, ac suorum paucitatem considerat, turbatur, ac ruinam metuit, Ita Satan inflatur successu, cum videt ad primum conatum omnia procedere: Nam doctrina impia serpit ut cancer, & maxima incrementa in horas sumit, ita, ut in bene constitutis Ecclesijs, qualis, Dei gratia, hæc nostra est, si cui fanatico locus docendi permittatur, subito omnia subvertantur. Sic perrumpit sagitta hæc. Cur? quia impellitur à Satana, & vulgus est ceu officina Satanae, propter fastidium & contemptum quotidianum, Quia autem hæretici à veteri & quotidiana ratione docendi discedunt, & semper nova afferunt, fit quod Moses dicit, ut ebrius apprehendat sitientem, & sagittæ istæ vi perrumpant.

Porro in Scriptura usitatus quoq; tropus est, ut sagittæ appellentur verbum.

Sicut patet ex Psalmo 45. & mala lingua proverbiali figura dicuntur sagittæ ex aliena pharetra, aut sermones aut consilia ab alijs suggesta. Proprie autem falsæ doctrinæ hoc nomen convenit, quæ, ut dixi, facillime penetrat. Sic Muntzeri

Mm 2

sagittæ

III.

IV.

*Alia expeditio.*

*Propria hæc expeditio. Ut mendacis lingua duabus similitudinibus expressa.*

*L. A Sagitta. Pictura: Diabolus & impietatem doctorum.*

*Vulgus officina Diaboli.*

*Muntzeri sagittæ.*

Sagittæ erant seditiosæ voces, quibus iusta imperia abolere nitebatur, incendebat animos simplicium exemplo Gedeonis, Iosua & similium, qui divino mandato Philistæos eiecerunt e terra, Commemorabat magistratum vitia, quod aut Verbum persequerentur, aut secundum verbum non viverent. Igitur docebat, nullam eis deberi obedientiam, non deberi censum &c. Hæ sagittæ simplicium animos confodiebant. Anabaptistarum sagittæ erant, Baptismum esse efficacem in credentibus, Pueros non credere, Ergo non baptisandos esse. Item, Prius docendos esse homines, quam baptisandos secundum sententiam, Ite, docete & baptizate omnes gentes, Pueros, antequam doctrinam possunt intelligere, baptizari. Ergo rebaptizandos esse. Quidam dignitatem Baptismi elevabant, quod aqua nihil faceret ad remissionem peccatorum, quam tamen Christus immediate coniungit cum Spiritu in regeneratione Iohan. 3. Huiusmodi sagittis confixa imperitorum pectora, quantumvis multis erroribus, complectebantur.

Anabaptistæ.

Sacramentarij.

Idem nobis usu venit cum Sacramentarijs, hi etiam sagittas suas habent, quibus multorum corda sauciarunt. Etsi autem cordatis imponere non possint, qui sciunt in nullius hominis iudicio, sed simpliciter in verbo Dei esse acquiescendum, tamen quia sagittæ acutæ sunt, incautos & imperitos vulnerant. Congerunt similitudines. Ego sum Petra, sum Vitis, sum Via, postea volunt ad eundem modum intelligi verba Christi, Hoc est corpus meum, id est, signum vel figura corporis, Hæc pingunt & ornant Patrum sententijs. Augustinus definit Sacramentum esse sacræ rei signum, Igitur hic est Sacramentum corporis Christi, hoc est, signum, non ipsum corpus. Sed quæso te, quid dicturi erant, sicut hanc Augustini sententiam non haberent, aut Sacramenti appellatio Coenæ Domini nunquam esset indita? Sicut etiam in profanis Scriptoribus videmus, quam longe aliter appellatione Sacramenti uti sint.

Hæc fere præcipua sunt, quæ miseri ad verba Christi evertenda afferunt. Nam quod Patrum testimonia converrunt, & magno conatu nituntur ostendere, veterem Ecclesiam sic sensisse, Quem hæc ita moveant, ut ideo à Christi verbis discedat? Cum præsertim non hoc solum probare possimus, Veteres, etiam eo modo, quo nos, de Sacramento esse locutos, Sed, si quis simpliciter veterum autoritate nitatur, cum necessario multa probaturum, quæ manifeste cum sana doctrina pugnant. Periculosa itaq; hæc via est, ideo Christi verba depravare, quia veteres de ijs aliter videntur esse locuti, quam nos solemus, qui dicimus Christum, sicut verba sonant, cum panem dedit, dedisse Corpus suum, & cum vinum dedit, dedisse sanguinem suum. Ita enim nobis de his verbis iudicandum est, sicut iudicarunt Apostoli, cum hæc verba ex Christo audirent, *Accipite, Comedite, Hoc est Corpus meum.* Non est cogitandum, quid ille aut alius dixerit, cum res nondum venisset in disceptationem. Longe enim aliter videmus locutos Patres in disceptationibus & extra disceptationes.

Ille est corpus meum, &c.

Origenes, Augustinus, Hieronymus.

Deinde illis ipsis temporibus Patrum, quorum autoritate nituntur, bona pars sanæ doctrinæ depravata fuit, sicut testantur Origenis in græca, Augustini & Hieronymi in latina Ecclesia libri. Quod autem hæc nostra sententia Sophistarum argutis implicita, & ridiculis quæstionibus prophanata est, quas Sacramentarij lascive exagitant, quid ad nos? qui sine disputatione retinemus Christi verba, & ea merito præferimus omnium hominum opinionibus & iudicijs, etiam veteris Ecclesiæ, sicut ipsi veterem Ecclesiam appellant, Cum tamen fateri cogantur multa Veterum dicta nostram sententiam probare. Ea quoniam Sophistice interpretantur, hoc ipso ostendunt, quam nobis facile sit, si hoc modo liberet, idem facere in interpretandis ijs, quæ ipsi adducunt. Sed accidit eis, quod Græcus Poëta dicit, *ἰδ' ἀδίατον ἄλγος τὸ πρὸς τὸν αὐτὸν φερμένον δὴ πρὸς τοὺς ἄλλους.* Et tamē non bene munita corda ceu sagittæ penetrant, Decipiuntur enim simplices magnifica specie & fuce, quo sua pingunt homines obstinati. Quare opus est, ut cum doctrina sana etiam orationem coniungamus, ad extinguenda ignita tela maligni, sicut Paulus imitatione huius loci videtur appellasse Eph. 6. Hæc est prima similitudo de sagittis in manu potentis, quæ exemplis his facile intelligi potest. Altera

Epist. 6.



Altera similitudo etiam illustrem efficaciam ac celeritatis significationem habet. Sed hic Ebraica Grammatica nobis opus est, neque enim vocant carbones adusta ligna, etiam cum extincta sunt, sicut nos nostra lingua solemus, sed ipsam flammam, Sicut Psalmus 18. Fulgura cum carbonibus vocat à colore, quod videntur esse meræ flammæ. Juniperi autem similitudine ideo utitur, quia habet ea arbor præter densitatem foliorum etiam pinguedinem magnam, Itaque facile ab igni arripitur, & luculenter ardet. Est igitur sententia, Quod ista tela ignita magnum incendium excitant. Neque enim mittuntur in aquam, sed in materiam quæ facillime inflammatur, Sicut Scriptura alibi quoque loquitur de magno incendio, sicut ignis spinarum sub ollis, Cum significare vult eiusmodi flammam seu incendium, quod facillime & late spargitur. Sententia igitur hæc est, quod homines à sana doctrina avertuntur per eiusmodi mendacia, quæ valde sunt efficacia, sicut is qui primus disputationem de Cæna Domini movit, cum particula ræti eiusmodi ignem excitavit, qui ne hodie quidem recte sopitus est. Postea accesserunt alij, qui quasi oleum affuderunt, ut ignis illorum telorum, magna celeritate in vulgo, tanquam in silva juniperorum curreret.

Est igitur hæc pictura querela quædam, quod Hæreticorum lingua tanto successu & tam subito omnia pervagatur, Sicut Paulo accidit, qui cum post maximos labores multas Ecclesias feliciter instituisset, statim postquam torsum vertit, tota Asia à Pseudoprophetis subversa est. Hujus mali quæ causa est, præsertim cum ignis Spiritus sancti adeo tarde accenditur? Hæc nimirum, quod hæretici à Verbo discedunt & ea afferunt quæ rationi convenire videntur. Hæc est pinguedo illa, quæ facile ignem capit, & quæ in natura sua habet fomenta ignis. Itaque libenter fovet illa tela, & ea habet pro dulcissimis remedijs, imo pro igni de cælo misso. Ergo hæc est omnium seculorum calamitas, ut quæ pii doctores multo labore ædificant, illi subito evertant, inveniunt enim operculum dignum tali olla. Nam caro libenter audit & accipit quæ intelligit. Quia autem Verbum docet ea, quæ in cor hominis non venerunt, ideo ratio cito avertitur à Veritate, & amplectitur quæ sibi placent & verisimilia esse videntur.

Docentur autem hæc in nostram consolationem, quod lingua dolosa nunquam sine incendio moveretur, sicut etiam color linguæ, est color ignis. Hic igitur ignis bonus est, quando verbum Dei & fidem docet in Ecclesia, Contra est ignis malus, quando discedit à Verbo, & docet quæ rationis sunt. Hæc videre & ferre cogimur, quod si quis se opponit & eos admonet, hunc rident, & capitali odio persequuntur ac quotidie in pejus proficiunt. Consolemur itaque nos his exemplis, quod hæc sic prædicta, scripta & picta sunt, isto Psalmo teste, Et agamus Deo gratias, saltem pro isto populo, quem adhuc retinemus, Deinde etiam pro dono, quod possumus judicare, tales doctrinas esse Satanae sagittas, quantumvis sint speciosæ, & convenient cum sapientia & iusticia carnis, Item quod sint ignis vehemens, qualis in Junipero solet esse, ad quem restringendum omnem operam omnes conferre debemus.

Hæc sunt spirituales istæ pugnae, quas mundus nescit, longe majores quavis corporali lucta, ubi committuntur fere pares cum paribus, hoc est, homines cum hominibus. Hic non solum pauciores cum pluribus instructissimis malicia & potentia committimur. Sed etiam cum Satana & spiritualibus nequitijs, à quibus illi urgentur pugnamus. Itaque opus nobis est auxilio Dei, & præsidio Angeli Michael, qui illos dejiciat, sicut in Apocalypsi est. Atque hæc est causa, cur oratio & gemitus piorum in tali periculo sint necessarii, ut dicamus, O Domine nos quidem libenter docebimus, Sed tu quoque nos adjuva. Spem hanc habemus in tanto successu, & tanta celeritate propagandæ impiæ doctrinæ, ut quod cito fit, etiam cito pereat, Deinde nulla unquam hæresis ad extremum vicat, Sed mansit victoria verbi. Cain, Ismaël, Arius, Manichæus & alij omnes periire, sic periire gentes & ludæi resistentes Evangelio, Papatus nunc etiam ruit, verbum autem Domini manet in æternum, secundum

*Incendium*

*Juniperum.*

*Ignis hæreticorum est coloris, quem ignis Spiritus sancti*

*Ignis bonus. Ignis malus.*

*Magnitudo periculi, quando cum hæreticis agendum est.*

# ENARRATIO D. M. L. IN II. PSAL. GRADVM

cundum auream illam sententiam Psalmi, Sæpe expugnaverunt me inimici mei, *psal. 11.*  
SED NON PREVALVERUNT MIHI.

*Dolosa lingua  
tempore David  
da.*

Sed hic forte in mentem venit, quæ fuerint istæ hæreses, seu dolosæ linguæ tempore Davidis, contra quas hoc loco orat. In regno erat Ahitophel, erat Semei, erant alij multi, qui ei maledicerent, & vasis consilijs incenderent subditorum animos contra eum, Sed satis apparet, Davidem de graviore periculo loqui. Hic igitur queritur, quale id fuerit? Etli autem, Historiæ sacræ satis ostendunt, quantum semper negotij fuerit veris Prophetis cum falsis doctoribus, sicut Jeremiæ Historia docet, tamen David ipse satis hinc inde in Psalmis ostendit, de qua re maxime ei dimicandum fuerit. At quinquagesimus Psalmus pulchre huc facit, in quo concionatur *psal. 49.* David contra meritum, quod ex sacrificijs sperabant increduli Iudæi. Sicut enim hodie, ita omnibus seculis fuit, ut homines suis operibus sperarent se justos fore. Hæc opinio augebat mirum in modum sacrificia in populo Israël, de quibus testimonia extabant, divinitus mandata & approbata esse. Confidebant enim istis sacrificijs peccata deleri, etiamsi corda impura & sine fide essent. Sicut nostri adversarij sacrificium suum Missæ hoc nomine prædicant, retinent & defendunt, quod per se, ex opere operato valeat.

David itaq; contra has sagittas graviter docuit, nihil magni Deo præstari immolata bove, cum non solum bovem creaverit & donaverit Deus, sed simpliciter sit Dominus omnium, nulla re indigens, nedum bove, Qui igitur recte velint sacrificare, hos debere agnoscere peccata sua, & bonitatem Dei, promittentis benedictionem per Semen benedictum, & pro hoc agere gratias, laudare Deum, ejus nomen invocare, & prædicare, &c. Sic hanc hæresim operum eo in loco David graviter refutat. Hujus pleræq; aliæ fuerunt similes. Neq; enim, sicut in Jeremia quoq; videtur, hoc solum accidit, ut gentium Deos Iudæi colerent, sed relicto templo, currebant ad ea loca, in quibus Patres olim sacrificarant, cum Dominus sacrificiorum & orationis locum designasset tabernaculum constitutum in Jerusalem. Quidam deligebant sibi proprio consilio lucos & colles, in quibus sacrificabant.

*Agnum Dei.*

Hæc omnia, quia erant contra voluntatem & verbum Dei, magno autem studio ab idolatris fiebant, necesse fuit ut pij contra docerent, ne homines aut sibi deligerent rationem colendi Dei, aut aliam rationem justitiæ sequerentur, quam quæ per sanguinem filij Dei obventura esset, quem Iohannes ideo Agnum appellat, quod esset futurus hostia seu víctima, qua expiarentur peccata totius mundi. Ita videmus eadem semper fuisse certamina de iisdem rebus, inter falsam & veram Ecclesiam, eadem quoq; pericula. Quare iisdem remedijs nobis quoq; utendum est, ut primum per sanam doctrinam vindicemus Christo gloriam suam, & homines hortemur ad studium Verbi, Deinde, ut cum Davide oremus contra linguas dolosas, & labia iniqua. Iam subjicit Propheta querelam precationi.

*Hæu mihi quia incolatus meus prolongatus est, habitavi cum habitantibus Kedar, multum incola fuit anima mea.*

*Querela de  
mort.*

Præterquam quod hæc male versa sunt, etiam versuum ordo confusus est, Quare sic reddemus textum, *Hæu mihi quod advena sum in Mesech, quod habito in tabernaculis Kedar.* Hunc versum exposuerunt de desiderio resolutionis ex isto corpore, quasi petet dissolvi & cum Christo esse, ac tribuerunt hoc votum proprie Monachis, Sed non impropria solum, verum etiam inepta & absurdissima hæc sunt. Sententia enim hæc est, Commemoravit hætenus periculum suum & Ecclesiæ, ac petijt liberationem. Nunc querelam subjicit, quod Ecclesia sit in medio hostium, impugnantium doctrinam vi & dolo. Sic igitur dicit, In hoc periculo nihil est, quod possim præstare, quam hæc tria, Primum, quod summa cum fide doceo. Secundum, quod maximo studio oro. Tertium, quod patior. Doceo, ut Verbum maneat in publico, Oro, ut Verbum conservetur & vincat, Interim autem donec vincet, ferendum est quidquid accidit. Qui hoc non vult facere, necesse est ut succumbat. Sic nostro

nostro tempore sustinui-  
mus quoque oppressionem Verbi factam vi & dolo, Et inter nos quoque multi sunt, ma-  
xime nobiles Centauri, qui securissimo animo non solum contemnunt totum mini-  
sterium, sed etiam optarent abolitum esse. Hæc sane acerbissima sunt omnibus pijs,  
qui ea videre & ferre coguntur, nec mutare possunt, Ideo dicimus cum Davide, Hei  
mihi, sum incola Mesech.

*Exemplum nostrum  
nam.*

Kedar est Arabia, quæ Iudæis ad Meridiem fuit, Mesech, sunt qui dicant Itali-  
am esse, sed mihi videtur esse populus, qui Iudæis ad Septentrionem fuit, sicut hodie  
sunt orientales Tartari. Porro uterque populus ferox, barbarus, crudelis, & sine omni  
humanitate est, præterquam quod ad fugam aptus est, & in tabernaculis seu plau-  
stris, Nomadum more, vivit. Per metonymiam itaque hic populus significat hostes  
Ecclesiæ, quos & Ecclesia tum habuit, & postea in novo Testamento habitura erat.  
Malo enim in genere exponere, quam ut tanquam prophetiam ad nostra tempora  
accommodem. Quanquam verum est, Ecclesiam hodie habere hostes Kedar & Me-  
sech, hoc est, Turcam & Tartaros, cultores Mahometis. Sententia igitur est, Cogor  
me consolari spe & patientia, Libenter vellem Ecclesias esse pacificas, & pastores  
inter se consentientes. Sed hoc non fit, Itaque causam totam commendabo Deo per  
orationem, & docebo fideliter, Interim ferenda sunt scandala ista, ut in bono vinca-  
mus malum. Videmus igitur miserrimum genus vitæ esse, docere, quia ibi præter ali-  
as calamitates, quæ in Doctores ab infidelibus congeruntur, etiam hoc ferendum  
est, quod falsi Fratres doctrinam corrumpunt, & Ecclesiam perturbant. Sed propter  
Dominum in coelis ferimus ista, & canimus cum Davide, Quod habitamus apud  
Mesech & Kedar, rapaces & feroces populos.

*Kedar & Me-  
sech, significant  
hostes Ecclesiæ.*

*Falsi Fratres.*

*Cum his qui oderunt pacem, eram pacificus, cum loquebar illis, impugna-  
bant me gratis.*

VI.

Dixi supra, versus quoque confusos esse oscitantis interpretis, Sextus itaque ver-  
sus sic habet, *Longa est anima mea hac mora, inter eos, qui oderunt pacem.* Hic aperte si-  
gnificat, quid eum mordeat, nempe, quod non solum inter fures & latrones vivere,  
ac eos pati, sed longo quoque tempore pati cogatur. Sic enim solet malignus spiritus,  
quos magnitudine vel multitudine tentationum vincere nequit, superat tædio. Ita-  
que multi inexperiti bellorum spiritualium, in principio quidem pugnant fortiter,  
sed in fine languent ac deficiunt. De hoc periculo etiam David queritur, Longa in-  
quit, mihi hæc mora est, inter eos, qui pacem oderunt, hoc est, qui perturbant Eccle-  
sias, nec prius à scribendo & clamando cessant, quam dederint turbas aliquas. Du-  
plex igitur incommodum est, quod tales & potentes sunt, sicut supra dixit, & etiam  
sunt assidui, qui saltem pertinacia cogitant vincere. Sic Hiob non unum calamitatis  
genus fregit, sed cum nuncius nuncium, calamitas calamitatem urgeret, & excipe-  
ret, paulatim coepit animus perturbari. Hæc Satanæ est malignitas. Itaque abiciamus  
prorsus spem pacis, dum hic vivimus, & certi simus, si hodie vincimus unum genus  
tentationum, cras secuturum aliud, Si hodie Anabaptistæ, Sacramentario, Muntze-  
rano, unum argumentum solvis, cras excogitat & affert alia decem. Est enim Sata-  
næ pectus fecundissimum mendacij.

*Quidam de  
duratione cru-  
cis.*

*Anima mali-  
gnitas.*

*Hiob.*

Sed hic vide mundi vafriem, Spiritus sanctus Hæreticos vocat ocores pacis,  
Hoc ipsum nomen in nos detorquent, Tu, inquiunt, es, qui perturbas Israël, Ante-  
quam enim tu orireris, florebat religionis studia, erat pax, nunc quid est præter  
horribiles turbas? Ad hunc modum perturbatores Ecclesiarum accusant veram Ec-  
clesiam, se autem vocant amatores pacis & concordiae. Hoc ferendum est. Itaque o-  
portet nos esse contentos conscientiae nostræ testimonio, quæ coram Deo nos excu-  
sat, quod quæramus pacem Ecclesiarum, quam illi plane tollunt, sicut sequitur,

*Peccatis immu-  
di.*

*Per copiam  
veræ crimi-  
nata pacis.*

*Ego sum pacificus, sed cum loquor, ipsi belligerantur.*

Hoc est conscientiae meæ testimonium, quod sum pacificus, & quero pacem.  
Vnde igitur turbæ & bellum hoc? à me quidem, sed sine mea culpa. Si enim ego

*Quæ sit vera  
causa turbarum  
in Ecclesiis.*

M m 4

tacerem,



tacerem, & istos perturbatores linerem, prout libet, loqui & agere omnia, maneret pax, nihil contra me moverent. Sed quomodo possumus tacere, quæ vidimus, quæ audivimus, quæ denique iussi sumus prædicare, non in cubilibus, sed in tectis? Sic enim dicit Christus, Ite, prædicate Evangelium omni creaturæ, Item, Nemo abscondit lumen subter modium. Hæc faciunt, ut Verbum in nostro ore sit ceu ignitus carbo, qui non potest teneri, sed cogit ad aperiendum os. Hinc igitur illæ turbæ oriuntur, quod tollunt mandatum Dei, & nos tacere volunt, Sed cur ipsi non potius sequuntur nostra? Sit igitur in tali periculo hæc nostra consolatio, quod sumus pacifici, etsi ipsis occasionum turbarum dedisse judicamur. Non facile est superare scandala illa, cum aut Satan, aut sapientes homines ea exaggerant, & causam in nos rejiciunt, quod nos ea excitaverimus pertinaciter resistendo, cedendum fuisse potius, quam ut sic animi exacerbarentur. Sicut Erasmus in Diatribe sua disputat. Esse plerosque morbos, quos præstet omnino non tangere, quam cum tanto periculo medicinam tentare. Sunt hæc sapienter dicta, Et nos ipsi videmus satis incommoda talium scandalorum, videmus contemptum gravissimum verbi, videmus licentiam & disciplinæ dissolutionem, quæ sub Papatu tanta non fuit. Sed quid ista ad nos? Quod enim loquimur, quod pugnamus Verbo, facimus iussi, nec licet nobis detrectare auctoritatem jubentis Domini. Hic igitur fit, quod Christus in Evangelio dicit, In pace esse domum, cum Fortis eam solus tenet, Sed, cum venit Fortior, tum moveri turbas. Cur autem Fortis non potius cedit Fortiori?

*Erasmus Diatribe.*

*De doctrina  
causa turba-  
tum, siquidem  
cum ipsi ferre  
non possunt,  
At contra nos  
qui tacere pos-  
sumus.*

Ergo hæc nostra est consolatio, quod quantumvis plurimum turbarum in Ecclesia est, nos tamen conscientie nostræ testimonio nitimur, quod nihil aliud facimus quam quod loquimur. Id autem facimus non nostra voluntate, sed iussi legitima vocatione. Ergo non vitam, non opera nostra accusant, sola doctrina culpam sustinet, quæ non nostra, sed Christi est. Si igitur indignantur ideo, quid ad nos? Oportet enim nos loqui, oportet confiteri Deum patrem, Filium ejus Christum Iesum, & sanctum spiritum, Oportet ut homines pure doceantur, non solum de usu Sacramentorum, sed etiam de substantia, quid vere sint, quid non sint. Nisi enim hæc doceantur & explicentur, quid remanebit de regno Christi? Quare potius quam aliquid regno Christi & gloriæ ejus decedat, ruat non solum pax, sed coelum & terra. Hoc periculum sapientes isti non vident. Itaque tanti faciunt istam necessariam iuramentum tranquillitatis, quæ sub Papatu fuisse visa est. Nos contra amplificemus gloriam Dei, & fructus qui nascuntur ex pura prædicatione, & contemnamus istas voces quibus nimis moleste nos onerant Epicuri isti, qui nihil quam pacem & tranquillitatem laudare possunt, Videte, inquiunt, quot subito mala emerferint, Vnde? Nimirum ex doctrina Evangelij. Nam ante eam nihil tale fuit, non fuerunt Sacramentarii, non Anabaptistæ, non seditiosi, nunc ista sic invaluerunt, ut nullus eorum videatur finis fore, Quid igitur suadetis ut faciamus? Tacete. Ad hoc consilium decurrunt isti admiratores tranquillitatis & Epicuri.

*Turbatio An-  
ticipata Papæ.*

Sed aperi tu oculos, & non solum intueri in ista incommoda externa, sed vide etiam quæ fuerit turbatio in Papatu, quot & quanta monstra impietatum fuerint. Nusquam unum verbum purum audiebatur, de Peccato, de gratia, de merito Christi, & de fide, de exercitijs Sanctorum operum, de magistratu, de alijs vitæ generibus. Omnia erant conspurcata pestilentibus glossis. Ad hæc quanta fuit prophanatio Missarum? quanta impostura Indulgentiarum, Purgatorij, & similium, ad quæstum excogitatarum abominationum? Mihi quidem intuenti in regnum Papæ, quale fuit ante prædicationem Evangelij nostri, videntur homines studio & ex composito ab impijs doctoribus objecti Satanæ, & æternæ damnationi. Nam quod ad ministerium attinet, tota doctrina jacuit, præter textum Scripturæ, qui negligebatur, & administrationem Sacramentorum, quanquam alterum non solum mutilatum fuit, sed nunquam de vero ejus usu recte homines edocti sunt.

*Item præstet  
esse turbationem  
in Ecclesia, an  
in Papatu tran-  
quillitatem.*

Hic igitur judica, utrum præstet. Sunt enim turbæ istæ, sunt hic quoque turbæ. An non igitur mille modis præstat retinere loquelam seu verbum Dei, quam amisso

amisso verbo, retinere pacem, etiam si sit, ut sic dicam, coelestis pax? Ego quidem sine verbo, ne in Paradiso optarim vivere, At cum verbo, etiam in inferno facile est vivere, Sicut in hoc mundo, quasi in inferno vivimus, & tantum nos consolamur spe, quam verbum Dei nobis ostendit, atq; hac spe vincimus omnis generis incommoda & cruces. Assuescendum itaq; est, ne cum Epicureis tantum intueamur in visibilia scandala, & scandala invisibilia (quæ tamen maxima ac æterna sunt) negligamus, ita fiet, ut istæ turbæ per Sectarios excitatæ leviores esse videantur. Optabile quidem erat, nihil turbarum esse, sed cum id obrineri non possit, præstat mille Anabaptistas, mille Sacramentarios, mille seditiosos excitari, quam ut simul per omnes Ecclesias sit confusio & impura doctrina. Nunc enim etsi est confusio, tamen quædam Ecclesiæ recte sunt constitutæ, quæ sub Papatu & in ista pace non erant. Nunc saltem in certis locis docetur pure, Sacramenta pure administrantur, cum illis temporibus nusquam aut doceretur, aut Sacramenta administrarentur pure.

*Qui sanam doctrinam propagant, soli sunt pacifici.*

Retineamus igitur hanc consolationem, quam nobis hic ostendit Spiritus sanctus, & qua in primis opus habent omnes, qui sane docent, Quod scilicet non sumus causa scandalorum, odij,urbationum, & seditionum, Oportet quidem venire scandala, oportet ut sint Luciani, contemptores religionis, perturbatores Ecclesiarum, Sed beati, qui horum malorum non sunt causa, qui sunt Doctores pacis, qui pacem & charitatem omni studio quærun. In hoc numero, Dei gratia, nos hodie sumus, utcunq; de nobis æstimet mundus. Quod si animus fuisset, augere aut fovere turbas, quam facile nobis fuisset cum ijs sentire, qui nostram doctrinam aut impugnant, aut nova afferunt? Sed nostra cura unica fuit & adhuc est, ut homines sincere & pure docerentur, de merito Christi & gratia, item de Gratia quasi pignoribus & signaculis, quæ Sacramenta vocamus. In hoc studio quoq; precabimur Dominum, ut nos usq; ad ultimum spiritum conservare dignetur, Amen.

Ad hunc modum pingit Psalmus hic hæreticos & veræ Ecclesiæ fortunam, ut scilicet armemus nos contra hæc pericula, & agamus Deo gratias pro hac sancta consolatione, quod quidquid tumultuum excitatur, id non imputat ijs, qui docent, sed verbo, Verbum autem est non nostrum, sed Christi, Itaq; possumus securi esse, quicquid tandem ex sana doctrina sequitur, Qui amant pacem, taceant sane, Nos autem loquamur cum fiducia magnalia Dei, & non erimus inobedientes in vocatione nostra. Si excitantur malæ linguæ &urbationes, cum Davide contra eos orabimur, & securi Deo commendabimus Ecclesiam suam. Is Verbum suum servabit Ecclesiæ suæ, & impias linguas eo incendio extinguet, quo ipsi putant Ecclesiam conflagraturam esse, Amen.

## P S A L M U S C X X I .

*Levavi oculos meos in montes.*

**R**ecedens Psalmus fuit Oratio pro conservatione sanæ doctrinæ adversus linguas Hæreticorum & impias opiniones, hæc enim maxima & principalis pugna Satanz est contra Ecclesiam. Hunc autem Psalmum judico esse compositum pro exhortatione fidelium. Continet enim doctrinam fidei, Fides autem est noticia rerum in-

*Transito, ut procedens Psalmo pro conservatione doctrinæ, oratur, ita hoc dicitur fides.*

visibilium & expectandarum, quæ hæret in promissione & verbo Dei. Quia autem verbum Dei est super omnem captum hominis, & quæ promittit, aut absurda aut impossibilia, aut etiam incredibilia rationi videntur, ideo opus est ijs, qui cœperunt credere, assiduis exhortationibus, ut extimulentur adversus carnem, quæ militat contra fidem & Verbum, ne spiritus quasi aggravatus isto pondere carnis, plane nihil cogitet de invisibilibus, ac totus mergatur in rebus præsentibus & visibilibus. Nostra enim vita inter perpetuas procellas agitur, tanquam qui in mari navigant. Quotidie enim infestamur ventis tentationum, cum aut divitijs aut paupertate, aut gloria, aut ignominia, aut tristitia, aut læticia perturbantur animi,

*Verbum Dei.*

*Inde*

# ENARRATIO D. M. L. IN II. PSAL. GRADVVM

inde sequuntur passionēs graviores, nempe, aut securitas aut desperatio. Ergo his stantibus procellis, necesse est ut resistatur exhortatione Verbi, & ut urgeatur fides in verbum.

Ad hunc modum intelligo hunc Psalmum, quod sit quasi doctrina, qua mone- mur in hac vita, Fidem assiduo exercendam esse exhortationibus, ne occupati curis huius seculi obliviscamur æternorum bonorum.

I.

*Levavi oculos meos in montes, unde veniet auxilium mihi.*

Quod dicit de montibus auxiliaribus, includit antithesin, sicut omnis doctri- na fidei & promissio, antithesin secum affert, si carnem consideres. Promittitur pijs futurum, ut Dominus ipsis adsit. Sed si speciem consideres, etiam Christus in Cruce videtur desertus esse. Ad hunc modum etiam per hunc totum Psalmum bella anti- thesis indicatur, Q. d. Propheta, Ingruentibus tentationibus & examinibus Fidei, unus huc alius illuc currit, quærentur varia solatia, auxilia varia, Si amicis iudicatur opus esse, curritur ad amicos, si principe, ad principem. Sic videas in meo populo alios in Bethel, alios in Gilgal, alios in Bethaven currere, tanquam ad salutes mon- tes, Sicut sub Papatu quidam Romam, alij Compostellam, alij alio currebant. Sunt enim infinita patrocinia & solatia, quæ cor in difficultate positum, credit & quærit, Et quod mirum est, omnia alia patrocinia & solatia facilius ac citius admittit, quam unicum & verum patrocinium solius Dei. Ergo hæc laus est fidei, quod in periculis respicit ad unicum montem salutarem, qui est in Ierusalem, relictis aliorum monti- um præsidijs. Ad hunc modum obliquis oculis quasi inveniatur impios, qui deserta Fi- de, & vero patrocinio misericordiæ divinæ, quod tum in Ierusalem erat, quærebant salutem in alijs montibus.

Simile est, quod in Papatu vidimus, Ibī erant variae Monachorum sectæ, unus Augustini, alius Benedicti, alius Francisci regulam amplectebatur, Nihil autem vo- tis illis quærebatur aliud, quam solatium pro salute æterna impetranda. Metus iræ Dei, & affectus conscientie, videbatur per solatia illa posse curari. Hæc perpetua naturæ humanæ est consuetudo omnibus temporibus. Dicit igitur David, Alij de- serunt templum, abhorrent à monte Zion, Ego autem maneo in via simplici veræ religionis & fidei, quæ est in monte salutari, quem ipse Dominus constituit. Vocat autem montem salutarem, ut rejiciat & damnet alios montes, qui speciem quidem auxilij habent, sicut sunt visibilia auxilia in idolatricis cultibus, sed tamen verum au- xilium non habent. Sic Iudæi dicebant, Baal præsentius juvare, quam Dominum in templo. Itaque apud Ieremiam clamant, Regina cœli sacrificabimus, sermonem autem tuum non faciemus. A quo enim die cessavimus immolare Regina cœli ap- prehendit nos gladius, fames, &c. Ita relictō templo, & vero cultu ad impietatem devolvebantur.

Sed cur inquis, facit hoc Deus, ut idolatria & impij cultus felices sint? Nimi- rum ideo, ut tentet nos, an fides nostra vera sit, an secundum Decalogum vere cre- damus & colamus unum Deum. Felix quidem est idolatria, sed ad tempus, Sic Achas, Dij regum Syriæ auxiliantur eis, placabo igitur ego quoque eos, & mihi ad- erunt. Sed quid textus dicit? Dij Syriæ fuerunt ei ruina & universo Israël. Hic finis est istorum falsorum patrocinatorum, Sic auxiliatur hominibus aurum, seu Mam- mon, Est magnus Deus, qui sæpe liberat, exhilarat, inflat, superbos facit, Sed quam- diu? scilicet, dum hic vivimus, In morte autem non deserit solum cultores suos, sed in infernum demergit. Quidquid igitur humanorum & visibilium solatiorum est, omnia incerta sunt, & destituunt hominem, & tamen mirabiliter vexant corda, & in eas deducunt tenebras, ut nihil curent Deum, qui Deus est æternus, nec titillat vanis solatijs, sicut Mundi patrocinia, sed implet æterno gaudio, ubi e contra mundi gaudium vix puncto temporis durat. Sic enim dicit, *Vos iterum videbo, & gaudebit cor vestrum, & gaudium vestrum nemo auferet à vobis.* Discamus igitur manere apud De- um nostrum, & invisibilia illa solatia. Quod si aliquid patiendum est, si desolari & sine gau-

*Alii allo pro  
fidei quærent,  
Ego ad montem  
salutarem respi-  
cio.  
Alii salutari.*

*Idolatria est fa-  
cta ad tempus.*

*Idolatria sol-  
ta lacerta.*

Exon. 4+

1. h. 14



sine gaudio esse videbimur, Erit cum Deus se ostendet regnare curam nostri, & ipsi nos judicabimus passiones hujus vitæ, non esse similes gloriæ in nos revelandæ, sicut Paulus consolatur.

Rom. 1.

Hæc igitur sententia est hujus versus, quod fides sit noticia rerum invisibili-  
um, & tamen expectandarum, ne scilicet existimemus eam esse puram speculatio-  
nem, qualis est Thomæ de Angelis. Sunt res expectandæ, quas experimur, nempe,  
bona Conscientia, lætus animus, invicta fides, quæ contra paupertatem, invidiam,  
scandala mundi, contra errores, & ipsam etiam mortem consistit. Ad hunc modum  
fidei natura discenda est, quod scilicet sit voluntas, seu noticia, seu expectatio pen-  
dens in verbo Dei, quod verbum ostendit, & monstrat invisibilia auxilia, quæ certa  
quidem & infallibilia sunt, sed tamen expectanda, quæ etsi tardabunt, tamen veni-  
ent. Non signandus est eis locus, non tempus, non persona, sunt enim invisibilia, &  
tamen certa. Huc proprie pertinent verba Psalmi, *Levo oculos meos ad montes, unde  
mihi auxilium venit.* Hic ostendit se carere auxilio, & tamen spe auxilij respicere in  
montes, & expectare invisibile patrocini-um.

Fides.

Natura fidei.

Ad hunc modum nobis quoque faciendum est, Non video quid edam, quid bi-  
bam, unde tolerem sumptus, non video quomodo periculum ignominie evadam,  
Cor igitur palpitat, tanquam destituti simus omni auxilio. Hic sentiendum est, auxi-  
lium certo esse præparatum, etiam si nescimus, quando futurum sit, Ergo credamus  
& expectemus. Sed hic discitur, quam difficile sit credere, cum contra, quæ videmus,  
audimus, sentimus, aliquid nobis constituendum est. Ego sæpe in gravissimis pericu-  
lis fui, cum totus quasi mundus in meum caput conspirasse videretur. Neque enim ces-  
sabat hostis meus & Christi mei, Papa, concitare contra me, quidquid usquam po-  
tentia & terroris erat. Hic mundus & ratio potius consuleret ut tacerem, quam ut  
cum tanto periculo docerem. Nusquam enim videt auxilium Domini, quod invisi-  
bile, & ab oculis mundi est absconditum, Igitur tantum cogitat, quod videt, scilicet  
interitum. Taceo autem hic de meo animo, de fide & spe, quanquam etiam sæpe  
periculis his turbatus sum, hoc tandem res ostendit, auxilium invisibile & abscondi-  
tum à meis & totius mundi oculis, apparuisse, ut non solum nihil mihi accideret ab  
hostibus meis potentissimis, sed ut quotidie per novas occasiones verbum Evange-  
lij latius & fortius propagaretur. Cum igitur caro invisibilia spectare non possit, af-  
fuefaciamus nos, ut in omnibus periculis fides dicat, *Levabo oculos meos in montes,* ibi  
est auxilium certum & paratum, quantumvis id non videam, & caro seu ratio diversum  
videat & expectet. Sic pulchre pingunt hæc verba fidei formam, qualis sit, & quid sit.

Experientia  
Lutheri.

Sed quaeritur hic, Quare dicat, ad montes, & non, ad Deum? Deinde cur in  
plurali loco loquatur, & non unum montem dicat. Hæc enim pluralitas videtur pa-  
trocinari idolatriæ? Ad primam quaestionem sic respondeo, Hunc locum & similes  
(ut, Mittat tibi auxilium de Sancto) pertinere proprie ad nostram Theologiam, quæ  
docet, quod Deus velit audire, coli, expectari, invocari, secundum Verbum suum, &  
non secundum nostras cogitationes. Sic dicit in Deutero. In quocunque loco fecero  
ego memoriam nominis mei, veniam ad te, & benedicam tibi. Erant igitur omnes  
Iudæi affligati, in quocunque loco seu regione essent, ad templum Ierosolymita-  
num, ut etiam domi suæ orantes, verterent oculos ad Zion. Placuit quidem Deo o-  
ratio bonorum in Babylone procul à templo & Ierusalem, sed ita, quia cantabant &  
orabant ad illum Deum, qui in monte Sion habitabat, atque ibi suum tabernacu-  
lum fixerat. Atque hæc causa fuit, cur damnarent Prophetæ sacrificia, & reliquos  
cultus in alijs locis institutos aut factos. Neque enim satis fuit dicere, O Deus,  
qui ex Ægypto populum tuum eduxisti, Sic enim nominabat Deum Hierobo-  
am quoque, vero Dei vocabulo, & orabat fortasse plus, aut ardentius quam qui  
in Ierusalem & templo erant. Sic enim solet hypocritis, & idolatria multo est ar-  
dentior quam vera pietas. Cur autem non placuerunt Deo tales orationes? Ideo,  
scilicet, quia alij montes non erant electi, non habebant verbum Dei. Nolebat itaque  
Deus audire preces, nisi in illo uno loco, ut saltem oculis & corde verterent se Iero-  
solymā, si corpore non possent ibi esse. Itaque Daniel in Babylone oraturus, vertebat  
se le-

Sal. 10.

Psalm. 124.  
Rom. 12.

Cur dicitur ad  
montes, & non  
ad Deum?

Cur dicitur  
Propheta sa-  
crificia & cul-  
tus in alijs locis  
institutos.

se Ierofolymam, non tantum quod Salomo in oratione sua orarat, si quando pulsi in exilium, ad istum locum orantes se verterent, ut exaudiret eos Deus, & reduceret in terram, Sed quia Deus simpliciter vult orari in loco, quem ipse elegit, ut omnes arbitrarias devotiones & vagas prohiberet.

*Montes noster.* Nos in novo Testamento sumus liberati à vinculo externorum locorum, sicut Christus dicit, Erit tempus, cum neque in hoc nec illo monte adorabunt. Est autem noster spiritualis locus Christus Iesus, quia Deus constituit se nihil velle audire, nisi per hunc secundum illud Christi, Quidquid Patrem rogaveritis in nomine meo. Per hunc igitur offerimus Deo vitulos labiorum nostrorum. Neque enim extra Christum quidquam est quod credamus, speremus, aut impetremus. Hæc est principalis nostræ doctrinæ pars, igitur firmiter tenenda est. Multi fuere, qui volebant Deo placere extra Christum. Sic Arius, etsi Christo divinitatem adimeret, tamen volebat videri, quod haberet propitium Deum. Nostri Monachi credunt se Deo placere per vota & suas monasticas observantias. Hi omnes levant oculos suos non ad montes, ad quos David respicit, hoc est, non spectant in solum Christum, cum tamen sit hoc constituendum, Christum solum esse nostrum unicum locum, nostrum tempus, & omnes circumstantias, quæ requiruntur ad orationem. Ut sicut Iudæi nullum Sanctuarium habebant, quam illud in Ierusalem, ita nos quoque nullum Sanctuarium habemus, quam hoc unum, IESVM Mariæ filium.

*Silv. C. 1. 4.* Hoc modo soleo respondere ad priorem quæstionem, quod David figit orationem ad locum sanctum, constitutum in Ierusalem, in quo erat memoria nominis Dei, quam ipse sibi fecerat. Ante id tempus fuerat in Silo & Gibeā, ubi tabernaculum fuerat, In his locis audiebat preces, accipiebat sacrificia, In alijs locis autem neque preces, nec sacrificia accipiebat. Erat enim ibi non memoria nominis Domini, quam ipse sibi fecerat, sed memoria nominis idolatriæ, quam impij Iudæi sibi ipsis fixerant. Nunc autem in novo Testamento, habitat nomen Dei in Christo, & Ecclesia, quæ unum cum Christo corpus est, ubi sunt verbum Dei, Baptismus, Coena Domini, & exercitium obedientiæ erga Deum.

*Cur plurali numero, montes, dixerit.* Ad secundam quæstionem sic respondeo, Quod etsi videtur prophetare de Ecclesia novi Testamenti, in qua multi montes sunt, non unus aliquis, hoc est, Deus in Christo ubique audit fidelium preces, nec est alligata oratio & cultus Dei uni certo loco externo, Tamen fieri potest, ut plurali numero utatur Propheta vel reverentiæ gratia, vel quia gemini montes erant in urbe Ierusalem, mons Sion versus meridiem, & mons Morija, in quo templum fuit. Sicut autem dixi antea, numerus pluralis Antithesin quoque ostendit, Q. d. Idolatræ currunt ad suos montes, Sed ego manebo apud meos montes, hoc est, in unico illo monte templi, qui est mihi loco omnium.

*Yale venit auxilium mihi, fides non est.* Quod autem addit, *Levo oculos meos ad montes, unde auxilium mihi*, plane fidei vox est. Caro enim putat ab istis montibus venire Diabolum, crucem & omnis generis incommoda, Igitur vocat, non auxiliares, sed desolatorios montes, cum videt se propter Religionem premi odio Mundi, paupertate, tentationibus carnis, pavoribus, &c. Hæc videtur esse desolatio, projectio à facie Dei, & descensus ad inferos. Contra hoc carnis iudicium pugnat fides, & iudicat non secundum hoc, quod sentit ac videt, sed secundum Verbum quod Deus loquitur, id jubet credere invisibilia, & plane, ut sic dicam, fieri invisibilem, ut in paupertate credas divitias, in tristitia læticiam, in desolatione auxilium, in abiectione certissimam & æternam gratiam. Sicut David hoc in loco facit, est oppressus malis, nec in ijs sentit auxilium, Et tamen dicit, *Levo oculos meos ad montes, unde auxilium mihi venit.* Levandi igitur oculi sunt, non figendi in præsentia incommoda. Id enim est assentiri oculis & auribus, id est, audire carnem tuam, occinentem de ira Dei, de desertione, de magnitudine periculi, unde non sit exitus, Levandi igitur sunt oculi ad montes Dei, & arrigendæ aures ad vocem Domini, quæ dicit ac promittit, venturum auxilium de istis montibus, quod etsi invisibile est ad tempus, tamen est certum & paratissimum. Qui in opibus,

opibus, gloria, dignitate constituti sunt, hi non sunt in invisibilibus, igitur facile efferuntur animis, Sed qui his destituti laborant in corpore & animo, hi levare debent oculos, ut auxiliū quod invisibile est, eis fiat visibile, secundum quod in verbo promittitur.

Sunt igitur hæc verba hominis experti in spiritualibus, qui sensit, quod nos sentimus, quod scilicet sensus nostri gravantur, cum in desertione non videmus auxilium, cum non divitias, sed paupertatem, non gloriam, sed ignominiam patimur. In his incommodis, cor est ceu gravissimum pondus, quod oculos & caput depri- mit, ut præter terrena nihil cogitet, nec videat. Hortatur itaq; suo exemplo, ut tum levemus oculos, & respiciamus ad invisibilia, quæ Verbum promittit, quod sint pa- ratissima. Ad hunc modum explicat Psalmus hic naturam fidei, Nunc sequitur quasi expositio, de quibus montibus loquatur.

*Auxilium meum à Domino, qui fecit cælum & terram.*

Loquor de montibus, non quos oculi carnis vident. Quis enim aut tam acu- tum cernat, aut tam possit esse sapiens, qui oculis videat, quod Mons Morija sit mons sanctus? Cumulum terræ oculi vident, sanctitatem non vident, quæ in eo posita est, quod verbum Domini ibi est, quod Deus dixit, se ibi habitare velle. Quod memori- am sui nominis in eo loco constituit, Quod ibi & non in cælo velit inveniri. Qui enim ab hoc loco aberravit, etiam in cælo Deum non potuit invenire aut appre- hendere. Sicut postquam Deus in Christo homine se revelavit, recte dicimus & cre- dimus, quod quicumq; hunc hominem ex Maria natum, non apprehendunt, simpli- citer Deum non possunt apprehendere, Sed etiam si dicant se credere in Deum, con- ditorem cæli & terræ, tamen revera credunt in idolum cordis sui, quia extra Chri- stum non est verus Deus. Ergo David intuetur montes istos Ierusalem, non carnis oculis, sicut vacca stabulum suum, sed oculis spiritus, quod Deus per verbum suum ibi habitat. Itaque isti montes non sunt amplius lutum aut terra, sed sunt Dominici montes, & plenitudo divinitatis, ita ut extra hos montes nihil Dei possit inveniri. Ergo recte dicit, auxilium ab his montibus, hoc est, à Deo ibi habitante. Sicut nos Christum credimus esse thronum Gratiæ, in quo inveniuntur omnia, extra eum au- tem invenitur nihil.

Quod autem non simpliciter Dominum dicit, sed epitheton addit, *Qui fecit cælum & terram*, significat Antithesin, ad refutanda alia præsidia, quæ homines qua- runt. Mammon etiam Deus est, hoc est, tanquam Deus colitur ab hominibus, & ju- vat homines aliquando. Sed quid prodest in annonæ penuria? Nemo sane ventrem esurientem exatiabit pecunia, Sic quid prodest in siccitate? quid prodest in morbo corporis? Si igitur Mammon in his corporalibus malis juvare non potest, quid face- ret cum conscientia perturbatur peccatis & morte? Est igitur Mammon factor læ- riciz usq; adeo particularis, ut non possit esse particularior, tantum delectat oculos, sicut picta tabella, adeo ut etiam in proverbium apud Germanos abierit, Sermones de pecunia tristes esse, ubi econtra nugæ de levissimis rebus magis exhilarant. His igitur & similibus auxilijs, quæ mundus quærit, opponit David Dominum, qui non solum aurum & argentum fecit, qui non solum fruges, aquam, sed cælum & terram fecit, hoc est, Angelos, homines, & universam creaturam, & præter hæc remissionem Peccatorum, fidem, justiciam, læticiam & pacem cordis, cum ipsa vita æterna. Hic est, inquit, auxilium meum omnipotens & certum, de quo dubitare non possum, quod uno momento oculi me fallat. Ab hoc Domino peto auxilium, qui potest da- re non tantum sanitatem paucorum annorum, sed æternam vitam cum securitate conscientiz, & post hanc vitam. In hac autem vita largitur contemptum mortis, & omnium furiarum mundi.

Ad hunc modum inflamat se Propheta, & acuit fidem suam, nobis in ex- emplum, ut nos quoque nostra dona & spem nostram amplificemus, Si enim rustici possunt amplificare numos suos, qui ad momentum durant, & in levissimis peri-

De quibus  
montibus loquor  
tur. Mons Mo-  
rija.

Extra Christum  
non est verus  
Deus.

Qui fecit cælum  
& terram,  
opponitur omnibus  
humani præsidij.

Mammon.



culis juvare non possunt, si possunt efferri & inflari propter opes, Cur nos etiam non inflaremur fiducia tanti Dei, qui coelum & terram creavit, qui omnia habet in sua manu, quibus opus est ad hanc vitam & futuram? Sed quia invisibilia hæc sunt, ideo à nobis fere negliguntur, Discendum autem est ut etsi jejunandum & carendum aliquandiu hoc auxilio est, tamen speremus certo venturum esse.

III.

*Non det in commotionem pedem tuum, neq. dormitet qui custodit te.*

*Adhortatur  
aut. in  
auxilium De-*

Rectius leguntur hæc in futuro, Non dabit ut moveatur pes tuus, neque dormitabit qui custodit te. Cohæret autem hic versus cum superioribus. Quia enim instituit Propheta exhortationem ad Fidem, hoc agit, ut his ceu promissionibus instet, urgeat & hortetur ad retinendam illam fiduciam in auxilium divinum. Est autem summe necessarium adhortari & urgere non solum alios, sed etiam nos ipsos, propter illa visibilia & instantia pericula ac vexationes. Quia enim ea, quæ contristant, præsentia sunt, contra, quæ consolantur, sunt absentia, Ideo opus est, dum durant præsentia, quæ vexant, ut Verbo excitemur ad perseverantiam & patientiam. Est enim hæc experientia conjungenda cum doctrina. Nam oculi nostri multo sunt obtusiores, quam ut possint ad invisibilia ista pertingere, & finem præsentium afflictionum videre. Hinc fit, ut natura semper circumspiciat de modo, quo liberari possit, & dum cum non videt, sicut est absconditus & invisibilis, cruciatur. Opus igitur est exhortationibus, ut ista (liceat enim sic loqui) naturalis brevitæ seu angustia cordis nostri dilatetur, magnificetur, ac prolongetur. Hoc potest is, qui videt finem nostrarum tentationum, Ejus Verbum est audiendum, nostrum cor non est audiendum, quod tantum sentit & videt principium tentationum, & doloris finem non videt.

*Quod exhorta-  
tur ad fidem, si-  
gnificat pericu-  
lum adesse.*

Rhetoricatur igitur Spiritus sanctus jam, ut exhortatio fiat illustrior. Atque hic primum monendum est, nisi contrarium fieret ac sentiretur, frustra esse hanc exhortationem. Si enim statim cum tentatione finis etiam adesset, aut mox, cum egere incipimus, Dominus daret, quorsum esset opus, promittere aliquid? Ergo neq. doctrina necessaria est in ijs, quæ ante scimus, nec exhortatio, ubi sumus extra periculum & tentationem. Quod igitur dicit, *Non dabit Dominus in commotionem pedem tuum*, manifeste significat hanc sollicitudinem, quod animi in tentatione periclitantur, ne prorsus pereant, & deserantur, Hic igitur exhortatione est opus, ut fides non plane extinguatur.

*Illam militis  
comparat.*

*Exemplum  
Christi.*

*Remedia in af-  
fectionibus.*

Ratio judicat se deferi, & experitur, quod quidam homo militaris dicere solebat, Nemini plus periculorum & incommodorum accidere, quam qui Deo & Cæsari fideliter servient. Hoc cum ita sit, Verbum fidei adhibendum est, id primum pronunciat, Omnes qui in Christo volunt pie vivere, persecutionem pati, Proponit Christum exemplum, qui per Crucem intravit ad gloriam, Monet nos oportere conformes fieri imagini ejus, hoc est, simul pati, si etiam volumus conglorificari. Ergo parata sunt incommoda & cruces. Deinde etiam hoc ostendit Verbum, quid faciendum, & quæ remedia querenda sint in talibus afflictionibus, quod scilicet sit Verbo attendendum, hoc distinguit tentationem in initium & finem, hoc est, promittit tentationem non fore æternam, sicut judicat cor nostrum. Deinde de initio sic judicat, quod tentatio sit momentanea. Sic Christus appellat modicum, & confert suorum afflictiones cum partu, ubi arctissime mors & vita sunt colligata, Quæ enim jam desperarat de sua & foetus vita, statim edito foetu, omnium dolorum obli- viscitur. Sic Paulus pronuntiat, Neutiquam sunt condignæ passionis gloriæ, quæ in nos revelabitur.

1. Tim. 3.

Rom. 8.

Job. 14.

Rom. 8.

*Judicium verbi  
de afflictionibus  
sequendum est,  
etc.*

Hoc judicium Verbi sequendum est, & non tunc sensus, qui malum judicat esse infinitum, & vere ex Mathematico puncto infinitam sphaeram, seu lineam infinitam facit. Adeo est nostra ratio indocta in divina & coelesti illa Mathematica, Quod Deus momentum, punctum, guttulam, scintillam esse judicat, hoc ipsa æternitatem, infinitum mare, incendium esse definit. Atqui, inquis, Ego sic sentio & experior. Sit sane

Sit sane ita, Sed utrum putas? an tu rectius sentias, an vero Deus certius & melius videat? Ergo hoc faciendum est, ut non iudicemus secundum hoc, quod sentimus, sed secundum quod pronuntiat & iudicat Verbum, seu ipse Deus in verbo suo.

Ad hunc modum ostendunt Historiæ, Cum Iulianus persequeretur divum Athanasium, & exitium ei minaretur, dixisse Athanasium, Esse periculum id simile nubeculae, quam paulatim Sol consumit. Quid potuit quæso dici contemptius de vi tanta, quam moliebatur caput Imperij Romani, quam rectius mari & infinito incendio comparares? Sed sicut Athanasius dixit & credidit, ita quoque factum est. Nam Iulianus paulo post in solitudine quadam in Persis trucidatus est, Athanasius autem mansit incolumis. Hujus exemplo nos quoque discamus nostra pericula æstimare, & spectare Verbum promittentis, ne ex nobis & sensu nostro, sed ex promissione Domini pendeamus. Mors, pestis, fames, odium, quo mundus nos odit, ignominia, & alia similia mala, sunt sane mala, & recte comparantur ingenti ac horribili tempestate, Hic si rationem adhibemus in consilium succumbimus, Sed levandi sunt oculi in montes, & audienda vox, Ego sum Dominus Deus tuus, Ergo magnifica Verbum & auxilium meum. Hoc cum fit, vilescit illa magnitudo periculi, & augentur contra in corde verbum Dei, & promissor, ut dicas, Veniat sane tempestas illa quantumvis ingens, hic est Deus, hic est ejus verbum, Sic redigitur omnis furor Diaboli, etiam Peccatum & mors in nihilum, & fit unum modicum punctulum, quod antea videbatur infinita moles esse.

*Historia de Iuliano & Athanasio.*

*Ego sum Dominus Deus tuus.*

Sic igitur debemus discere distinctiones Spiritus sancti, Moritur tibi pater, filius, uxor, amittis rem, gloriam, sanitatem, fiduciam cordis, etiam Christum interdum, Sunt sane illa magna, Sed cave, ne ex hoc tempore hujus sensus facias sphaeram, & ex puncto hoc lineam infinitam. Quantumvis enim magnum est malum, Deus certe infinitis modis major est. Si igitur ille adhuc stat, si non perijt, sicut perire nequit, Quid magni est, quod uxor, quod liberi tibi perierint? Quid magni est, quod tuum corpus & vita tua perit? Quid enim ea est, si eam ad Deum & ejus Gratiâ compares? Nimirum omnia quæ habemus & sumus, vere sunt punctum mathematicum, collata ad Deum & ejus opes, quas in Verbo promittit. Ergo in hæc intueamur, & discamus in tentatione recte dividere seu distinguere, nempe, quod afflictio & crux in se, hoc est, quo ad carnem & sensum cordis nostri, est quiddam infinitum. Si enim Christus & Deus nihil est, etiam levissimum malum à nobis non posset vinci, sed opprimeret nos, Ad hunc modum quævis calamitas est infinita.

*De cruce secundum illud iudicium ex verbo, non ex sensu carnis.*

Sed an non mendacium est, quod Deus & Christus nihil sit, aut nunquam sit? Si igitur vivit & est Deus & Christus, sicut esse necesse est, Non est absolute iudicandum secundum cor nostrum de cruce, sed secundum prædicamentum relationis, hoc est, conferendum cum Dei auxilio, ita fiet, ut prædicamentum quantitatis totum absorbeat. Tentatio magna est in carne morbus, intolerabile est mori, projici in ignem, &c. magnum est amittere uxorem, liberos, si tantum in te intuearis, Sed comparative hæc intuenda sunt, respectu Dei omnipotentis, quod etsi amissimus hæc, tamen Deus adhuc regnat ac vivit, qui etsi ad modicum affligi sinat, tamen nos beare vult. Sic in Esaia dicit, Ad momentum dereliqui te. Hoc momentum carni videtur infinitum quiddam. Sed ut dixi, carnis oculi fallunt. Igitur iudicium faciendum est ex promissionibus rerum invisibilium, & videndum quid Deus in Verbo suo dicat.

Hoc est fidei exercitium, de quo David hoc in loco nos admonet, ut discamus respicere ad promissionem & Verbum, ac iudicare secundum oculos sursum levatos, non secundum præsentia. Experimur autem hic Theologiam esse infinitam sapientiam, quæ nunquam plene apprehendi aut perdisci potest. Videmus enim mutationem, quam subiti casus afferunt, Hodie recte valeo, cras morior, Id periculum facit, ut cælum & terra angustiora esse videantur, quam ut nos possint capere, & tota creatura sit nobis quasi infernus. Sic caro solet, quam etiam inspirat Satan, ut non Deum, non vitam videat, sed infinitum malum esse iudicet.

*Exercitium fidei.*

# ENARRATIO D. M. L. IN PSAL. II. GRADVVM

Atqui hoc non iudicium, sed mendacium carnis nostrae & Diaboli est, contra quod pugnandum est, & credendum, quod etiam in morte nostra Deus maneat, & noster rex Christus vivat, in cuius conspectu mea mors cum omnibus tribulationibus & periculis sit unum nihil. Quid enim mors? quid liberorum amissio, & similia sunt, si ad Deum conferas?

*Theologum o-  
pote fore ex  
patientia &  
fide.*

*Quis nequit  
or. felicitas.*

*Iudicium fidei.*

Sed hanc artem quis satis didicit? Loqui & docere aliquo modo possumus, sed experimentis & usu oportet fieri Theologum, ut cum Davide affirmemus, *Non dabis pedem tuum in commotionem*, hoc est, non sinet te subverti. Caro enim reclamat, quia sentit non solum moveri pedem, sed se prorsus conculcari. Vide Filium Dei, quid passus est, Vide Iohannem Baptistam, Mariam, Apostolos, Prophetas, quid passi sunt, Vide hodie Ecclesiam quid quotidie patiat. Hæc experientia proverbio locum fecit, quo dicitur, Quo quisque nequior, eo felicitior. Itaque mundus metu horum periculorum discedit ab Evangelio. Ita contrarium apparet ab eo, quod in hoc loco David promittit. Videtur enim Dominus dare pedem in commotionem, Sed videtur tantum, revera non facit, ac videtur carni. Contra spiritus & fides iudicant hanc esse exaltationem coram Deo, & gloriam, Iudicant mortem, quæ ob confessionem Evangelij subitur, esse initium melioris & æternæ Vitæ, Ignominiam iudicant esse inæstimabilem gloriam in oculis Dei. Hoc est fidei iudicium, etsi caro aliter sentit, sed ex sensu carnis non est faciendum iudicium. Quorsum enim pertineret doctrina Verbi, & huiusmodi exhortationes & promissiones? igitur malum est convertendum in bonum, & ubi caro concludit se dari quotidie in conculcationem luti, Ibi fides secundum Verbum pronunciare debet, æquari se Filio Dei, & conformem fieri Christo. Credenda enim sunt hæc tanquam invisibilia, & etiam insensibilia, non videnda & sentienda.

*1. Cor. 13.  
13. 16.*

Qui autem non volunt credere, sed sequi sensum, hi punctum gloriæ & delictorum huius mundi eligunt, Sed quam misera eorum erit conditio, cum post momentum illud vanissimi gaudij, excipientur æternis doloribus & lachrymis? Quanto erat melius cum Lazaro ægrotare & egere ad modicum, quam cum Divite hic abundare, & istuc torqueri in æterna flamma? Pertinet igitur hæc doctrina ad eos, qui credere volunt, & non sentire, ut distinguant inter pericula sua & Deum, & ut oculos non tantum defigant in calamitatem præsentem, sed levent ad auxilium invisibile, & in Verbo promissum. Nam pericula illa quibus credentes expositi sunt sane movent pedem, Sed fides facit, ut pes non moveatur ad lapsum, sed ut quasi transiliamus scopulos illos periculorum, & conferamus punctum afflictionis, cum alijs quæ infinita sunt, sicut est ipse Deus, ejus potentia, Gratia, denique æterna vita, quam promissit credentibus in Christum.

*Deum majorem est  
quam nostra in-  
commoda sunt.*

*Qui facit co-  
m. obsequi.  
et sepe adju-  
vantur etiam  
corporaliter.*

*Impij tamen im-  
puniti dant or-  
do hac vita.*

Hæc scire necesse est, ut nos & Fratres nostros consolemur, dum propter Verbum odio habemur, contemnimur, spoliatur, occidimur. In his malis quo curremus? Vincunt enim omnem virtutem rationis & naturæ nostræ, Huc scilicet, ut dicamus, Deum esse majorem, quam sunt incommoda nostra; Non ideo Deum mori & perire, si nos pereamus. Itaque confidendum est ex animo in ejus bonitate & potentia, & exaltandus sensus spiritus (ut sic dicam) super sensum carnis & cordis nostri. Hoc qui non volunt facere, fruuntur sane suis voluptatibus, hoc tamen expectant futurum, ut feres calicis epotent, cujus partem tantum pii bibunt, sicut Propheta loquitur Psalm. 75. Quanquam etiam pii hoc sæpe contingit, ut adjuvantur corporaliter. Neque enim sic suos prorsus negligit Deus, ut nunquam in hac vita ostendat se eos respuere, Sic David pulsus regno, regno restituitur, Ezechias implicitus lethali morbo, revalescit, Populus Iudæorum dissipatus inter gentes, reducitur. Sed hic quoque fidei suus locus est, ut auxilium id expectetur. Neque enim statim adest, cum eo nobis opus est, aut nos id adesse optamus. Sicut autem Sancti in talibus periculis adjuvantur, Ita etiam impii non semper florent, sed etiam in hac vita sæpe horribiles impietatis suæ poenas dant.

psal. 71.

Insultat nunc Nobilitas nostra miseris pastoribus Ecclesiarum, & omnia studia



studia literarum illiberaliter contemnit & odit, mihi autem dubium non est futurum esse, ut unus pius & fidelis pastor, centum talibus nobilibus anteferatur. Sic Papatus longo tempore floruit, sed experimur multum de veteri potentia & opibus etiam decessisse, & manifestas poenas impietatis eis imminere. Ita etiam corporaliter seu temporaliter exercet Deus iudicium suum, pro pijs contra impios. Tanto nos debebamus fortius niti verbo, & sperare auxiliū levatis oculis ab hac sensibili miseria, ad invisibilem opem. Quæ sequuntur in Psalmo, habent prorsus eandem sententiam, voluit enim Spiritus copiose consolari & exhortari Ecclesiam.

*Ecce non dormitabit neq. dormiet, qui custodit Israel.*

IV.

Hæc quoq; sunt verba mendacia secundum carnem, Num enim hoc est custodire, cum in carcerem conjicimur, & tradimur licitori cremandi? cum exercemur à Satana & mundo varijs incommodis? Imo cum ipse Christus affigitur cruci? cum Baptista ad arbitriū meretriculæ truncatur capite? An non extrema barbaria est hanc appellare custodiam, ubi summa desertio est? Caro itaq; antiphrases esse iudicat, ut per Deum custodem, intelligas desertorem. Igitur sunt hæc verba Spiritus & fidei, non carnis nec sensus. Secundum carnem enim non custodivit Deus patriarcham Iacob, cum periret Ioseph crudelitate Fratrum, & tamen postea res ostendit sic custoditum esse, ut Ioseph tantum non rex Ægypti fieret.

*Consolatio similis precedenti adversum carnem. Christus. Baptista.*

*Deus custodit. Iacob. Ioseph.*

Sic non custodit nos Dominus quin moriendum sit, quin videamus funera uxoris, liberorum, parentum, quin divexemur quotidie à Satana, quin varijs injurijs afficiamur ab ingrato & malo mundo. Hic ubi apparet custodia? ubi apparet Deum super nos vigilare? Igitur levandi oculi sunt ad montes, ubi mandavit Verbum, ibi auscultandum est, quid loquatur de sancto templo suo, Nempe, quod non sit somnolentus desertor, sicut iudicat caro nostra, Sed custos & vigil qui pro nobis excubat. Hoc verbum fides amplectitur, & secundum hoc Verbum iudicat, quantumvis caro reclamet, & secundum sensum suum existimet Deum nec videre, nec audire, sed esse similem ijs, de quibus Psalmus dicit, Aures habent & non audiunt, oculos habent & non vident. Itaque laudat suum Deum Mammon, ut semper in parato sit pecunia, & quicquid ad vitam opus est, Hoc punctulum admiratur & amplectitur caro, nec videt, quid futurum sit, cum moriendum & opes relinquendæ sunt. Itaq; custodem hunc, qui in fide & in Verbo custodit, negligit.

*Deus custodit qui pro nobis vigilat.*

Ps. 115.

Nos igitur, qui sumus credentes, & istam mundi miserabilem cæcitatem videmus, certo statuamus illam fidei, & absconditam custodiam super nos esse omnipotentem, Huc enim nos Scriptura sancta deducit, ac docet regnum Diaboli esse regnum peccati, mortis, & mendacij, Stante autem hoc principio, sequitur, Diabolum omni momento sollicitare homines ad peccatum, occidere, & seducere, aut saltem conari, ut peccemus, moriamur, erremus. Sic sumus semper in morte, semper sumus in periculo impiarum opinionum & peccati. Quid autem nos facimus in istis Satanæ conatibus? Docemus, scilicet, scribimus, legimus, dormimus, edimus, bibimus, exercemus alia officia corporis & sensuum. Hic Theologia nostra nos docet, per nostram experientiam, nisi vigilaret Deus, cum ego dormio, nisi esset sollicitus, cum ego nihil curo, nisi defenderet & custodiret me, cum ego securus sum, Fieret omni momento, ut moreremur, amitteremus loquelam, oculos, aures, manus, pedes &c. Quod igitur hæc nonnunquam accidunt, ut præter spem, uxor, liberi, amici, moriantur, aut implicentur magnis periculis, argumento est, quod Diaboli regnum, est regnum mortis & peccati. In hoc regno quia vivimus, dum in mundo sumus, accidit, ut etiam nolentes sæpe in peccata conjiciamur. Sic David homicida & adulter fit, ut discamus regnum Diaboli esse in hoc mundo, ad peccandum & occidendum. Quod igitur adhuc spiramus, quod non quotidie in gravia peccata incidimus, est illius Custodis, de quo hic David loquitur, Hoc concludit Theologia & pij credunt. Experiuntur enim suo & totius Ecclesiæ exemplo, non quiescere prius Satanam, quam aut animam aut corpus occiderit, Animæ exitium quærit

*Fides transiit custodia custodiam.*

*Regnum Diaboli.*

*Deus curat est de nobis.*

*David.*

*Ad hoc quod  
per mendacia,  
per impiam doctrinam & cultus impios,  
Corporis exitium quærit in-  
finitis conatibus, quos videmus quotidie in nobis & alijs. Quod igitur illa aut non  
sunt, sicut conatur, aut non tam crebro sunt, est beneficium non Satanæ, sed hujus  
Custodis nostri & vigilis.*

per mendacia, per impiam doctrinam & cultus impios, Corporis exitium quærit in-  
finitis conatibus, quos videmus quotidie in nobis & alijs. Quod igitur illa aut non  
sunt, sicut conatur, aut non tam crebro sunt, est beneficium non Satanæ, sed hujus  
Custodis nostri & vigilis.

*Servatur à  
Morte & perli-  
culis, tum corpora-  
libus tum spiritualibus,  
beneficio Christi, in  
cujus Regnum per Baptismum & fidem translati sumus. Hinc oriuntur illæ magni-  
ficæ prædicationes Prophetarum, quibus canunt, Misericordia Domini plenam esse  
terram Misericordiam ejus durare in æternum & infinitam esse, &c. Nonnunquam  
fane succedit conatibus Satanæ, ut subitis periculis homines obuiat & perdat. Ta-  
les casus nobis debebant esse argumenta & exempla eorum malorum, quæ singulis  
horis quidem optaret facere, sicut conatur, nisi impediretur custodia nostri Vigilis  
in coelis. Nam quod ad potentiam hujus hostis attinet, credo eum una hora posse  
occidere, quicquid hominum in terra vivit. Si igitur hoc potest, & conatur facere,  
cur non fit? Nimirum quia noster custos vigilat. Sed credenda sunt hæc, ideo addit  
particulam, Ecce, ut appareat Prophetam in eo esse, ut hanc custodiam bene incul-  
cet animis nostris.*

Sic experientia quoque nos eo deducit, postquam hoc principium positum est,  
quod regnum Diaboli sit regnum peccati & mortis, servari suos sine intermissione  
à Morte & alijs periculis, tum corporalibus tum spiritualibus, beneficio Christi, in  
cujus Regnum per Baptismum & fidem translati sumus. Hinc oriuntur illæ magni-  
ficæ prædicationes Prophetarum, quibus canunt, Misericordia Domini plenam esse  
terram Misericordiam ejus durare in æternum & infinitam esse, &c. Nonnunquam  
fane succedit conatibus Satanæ, ut subitis periculis homines obuiat & perdat. Ta-  
les casus nobis debebant esse argumenta & exempla eorum malorum, quæ singulis  
horis quidem optaret facere, sicut conatur, nisi impediretur custodia nostri Vigilis  
in coelis. Nam quod ad potentiam hujus hostis attinet, credo eum una hora posse  
occidere, quicquid hominum in terra vivit. Si igitur hoc potest, & conatur facere,  
cur non fit? Nimirum quia noster custos vigilat. Sed credenda sunt hæc, ideo addit  
particulam, Ecce, ut appareat Prophetam in eo esse, ut hanc custodiam bene incul-  
cet animis nostris.

*Parentia Sata-  
na,*

*Id est,*

Sed hic monendum est. Deo tribui hanc custodiam Vitæ nostræ, regnorum,  
pacis, urbium, tum tamen eam faciat mediantibus primum Angelis, deinde princi-  
pibus, parentibus, familia, &c. Fit autem id ideo, ut statuamus ista media nihil vali-  
tura esse in custodiendo & curando, nisi supremam curam horum negotiorum susci-  
peret Deus. Utitur itaque ministerio Angelorum, & principum, sicut pane & vino.  
Nam sicut panis & vinum per se vitam non conservant, alioqui nemo moreretur,  
& tamen propter Dei ordinationem & naturæ nostræ conditionem, ad conservati-  
onem vitæ sunt necessaria, ita quoque Angelorum, principum, & aliorum mediorum  
custodia per se nihil esset, nisi custos Israël vigilaret & custodiret. Hanc custodiam  
quia Verbum revelat, & spiritus credit, caro non videt. Itaque secundum Antiphrasin  
exponit verba hæc, Custos Israël, id est, desertor non dormitat, id est, non solum ab-  
tissimum somnum dormit, sed prorsus omni sensu caret & est nihil. Ratio enim tan-  
tum judicat secundum puncta & principia malorum, non secundum Verbum & pro-  
mittentem Deum. Quia autem Prophetæ norunt quam difficile sit ita credere, ideo  
tanta copia contra incredulitatem & judicium carnis exhortantur. Hodie videmus  
fere contemni ista, Iudicant enim fidem tantum esse cognitionem seu notitiam ali-  
quam historiæ, Sed fides proprie est, quæ in extremis malis durat, & retinet Verbum  
vitæ, atque sic superat omnem vim Diaboli, omnes pavores, & pericula omnia, per  
quæ cum gloria & fiducia penetrat ad immortalem vitam.

*Quomodo hæc  
custodia Deo  
tribuitur, tum  
tamen Ange-  
lorum & mini-  
strorum ad eam  
utilitas.*

*Angelorum  
custodia*

*Custos Israël  
non dormitat.*

*Id est,*

*v.*

*Dominus custodiat te, Dominus protectio tua, super manum dextram  
tuam.*

*Deus est um-  
bra super ma-  
num dextram,  
&c.*

Etiam si ministerio Angelorum defendimur, tamen ipse Dominus inquit,  
custodit te, & est umbra super manum dextram tuam, hoc est, super tuas res, quas  
geris. Ita enim simplicissime expono, Nec probo illam sententiam, quod Domi-  
nus sit super dextram secundum spiritum, Diabolus autem super sinistram secun-  
dum carnem. Simpliciter enim significat, Dominus gubernat res tuas, Si doces  
Ecclesias, si facis opus vocationis tuæ, ut pares victum tibi & familiæ, multa occur-  
runt incommoda, adversarii te premunt, vicini invident, &c. Hic erige te & crede,  
quod omnes res tuas, quas tu geris & pateris, gubernat Dominus ac te protegit.  
Sed hic iterum memineris, quod supra dixi, frustra ista dici, & doceri, si non desere-  
remur, Igitur eo ipso quod docet de Custodia, & promittit de gubernatione, facetur  
sentiri desertionem & neglectum, quasi Deo non simus curæ. Pertinet igitur ad con-  
solationem, quod hoc modo Deus ostendit se scire nostra incommoda & tribulati-  
ones

*Psalm. 121.  
99. 101.  
137.*

ones nostras, ac jubet ut credamus, se esse nostram umbram, quæ regat nos. Quanto autem Deus est major quam pericula nostra, etiamsi extrema sint? Igitur habeamus in ipso læticiam & fiduciam, qui promittit, se nostri curam habiturum, in omnibus quæ gerimus.

*Per diem Sol non uret te, nec Luna per noctem.*

Non sunt hic quærendæ peregrinæ sententiæ. Lumen lunæ vehementer nocet, afficit enim corpora, non solum frigore, sed humore quoque, De sole constat, quam debilitet corpora, Significat igitur in genere per Lumen solis & lunæ, omnes tentationes & pericula omnia, quod in illis velit nobiscum esse, nos juvare & liberare, etiamsi ad punctum videamur soli æstum hunc ferre. Si enim soli essemus, tentatio esset æterna, neque enim in nobis tantum præsidij est, ut possimus durare perpetuo, Nunc patitur Deus, ut principium furoris Satan in nos evomat, Hoc autem non patitur, ut tantum noceat, quantum cupit nocere. Quia igitur habemus hanc umbram, debemus initia dolorum patienter ferre, certi quod etiam cum morimur, tamen vita nostra sine periculo in Christo abscondita sit, & superatura sit conatum Satanæ.

*Dominus custodit te ab omni malo, custodiat animam tuam Dominus.*

Quod proximus versus per Allegoriam dixit, hoc nunc simpliciter & sine figura dicit. Anima vitam significat. Etsi itaque occideris propter Verbum, tamen non morieris, Quia Dominus custodit animam tuam, Secundum faciem & sensum carnis morieris, sed non secundum veritatem, quia vita tua vivit, nempe Deus, &c.

*Dominus custodiat introitum tuum & exitum tuum, ex hoc nunc & usq; in seculum.*

Hoc est, quacunque iter facis, domi, in agro, semper tecum ero & custodiam te. Egredi significat ire ad operas, Regredi significat ab opere ad quietem ire. Sententia igitur est, Quicquid facis, semper tecum erit Dominus, nullo loco, nullo tempore, re nulla, non facto, non persona, non opere ullo perire te sinam, sed semper adero custos tuus, qui sum Deus cœli & terræ. Ad hunc modum docet Propheta per hunc Psalmum fidem, non tanquam mortuam affectionem vel qualitatem, sicut Sophiste, sed tanquam maximum opus & motum Spiritus sancti, quo judicamus secundum Verbum, contra quam sentimus, videmus, & experimur, item quo vincimus omnis generis pericula. De hac fide nihilo rectius disputant & judicant Papiste, quam cæcus de colore.

## PSALMUS CXXII

*Latatus sum.*

**E**tsi hi Psalmi nomen auctoris non habent additum, Tamen ipsa orationis forma satis ostendit Davidis esse, optimi & summi Poætæ. Sunt enim Psalmorum scriptores etiam alij, ac habent inter eos non postremam laudem filij Korah, Asaph obscurior est, Salomo nimis est figuratus, & quasi novator verborum, Sed David ad sermonem & sapientiam Mosi accedit proxime, & mire suavis atque elegans est. Itaque recte habetur Psalmographorum Princeps. Accidit enim hic, quod Paulus in Corinthijs disputat, etsi enim unus & idem Spiritus per Sanctos Prophetas locutus est, tamen quia diversis Organis utitur, etiam cum eadem dicit, dissimili oratione utitur. Sic idem Evangelium omnes Prophetæ prædixerunt, Sed quanto alacrior est Esaias reliquis Prophetis? Sic inter



# ENARRATIO D. M. I. IN II. PSAL. GRADVVM

*Augustinus.  
Hieronymus.*

Ecclesiasticos Scriptores, quos habemus, etli eadem tractant, tamen q̄ antū differt ab Augustino Hieronymus? Ita idem Spiritus idem operator, attemperat se diversis formis & qualitatibus Organorum, & tamen in uno Davide videmus, quam omnia sint absoluta, & non solum mira elegantia verborum, sed etiam rerum gravitate condita.

*Argumentum  
Psalmi, est gra-  
tiam alio pro  
dono verbo.*

*Gratiam a-  
lio pro verbo,  
vera virtus.*

Hic igitur Psalmus hoc autore plane dignus est, Est enim gratiarum actio pro dono verbi Dei. Hæc tanto est rarior virtus, quanto Verbum in mundo contemptius est, non solum apud homines indoctos, sed etiam apud eos, qui sapientiæ & doctrinæ laudem sibi vendicant. Itaq; sæpe audiuntur blasphemæ voces, quibus hoc donum Dei summum infamant, cum non solum contemptim loquuntur de Evangelio, sed etiam salutari doctrinæ imputant, quicquid Satan per sua membra incommodorum excitat, sicut sunt Seditiones, sectæ, avaritia, libido, & similia. Est igitur inter rarissimas virtutes hæc numeranda, quod saltem aliqui sunt, qui reverentur Verbum, qui libenter audiunt conciones, qui libenter de Deo & factis ejus fabulantur.

Sentiemus ergo hoc Canticum esse scriptum non canibus & porcis istis, Papistis, hæreticis, ac persecutoribus Verbi, sed electis animabus ac pijs mentibus, quæ summe gaudent de præsentī visitatione, qua oriens ex alto visitat nos in umbra mortis positos, per viscera misericordiæ suæ, sicut Zacharias canit. Nam cum Verbum omnes habeant, & omnium aures ac pectora pulsantur prædicatione Evangelij, quæ debet esse publica, non abscondita in angulis, magna inter homines differentia nascitur, quod alij Verbum tantum habent, alij cognoscunt & sentiunt se habere, atque ideo gaudent & gratias agunt, cum alij magis opibus & voluptatibus suis, quam Verbo afficiantur. Itaque Paulus hoc ipsum pro maximo dono reputat, non solum habere dona, sed dona quæ habes, cognoscere, hoc est, ijs uti, ijs affici, & pro eis agere gratias.

*Donum verbi  
inter omnia do-  
na, amplissimum*

Inter omnia vero dona, donum verbi Dei amplissimum est. Si enim hoc auferas, plane, quod dicitur, solem è mundo sustulisti. Quid enim erit mundus, sublato Verbo, quam infernus, & merum Satanæ imperium, utcunq; sint in eo divites, lures, consulti, Medici? &c. Hi enim quid possunt ausfaciunt sine Verbo? quod Verbum solum conservat lætam conscientiam, propitium Deum, & universam religionem (ex Verbo enim omnis religio ceu ex fonte profluit) imo universum quoq; mundum conservat. Neq; enim unum momentum staret mundus sine Verbo & Christo. Et si igitur in mundo multa & magna Dei sunt dona, condita in usum hominum, Tamen unicum donum, quo alia omnia continentur & servantur, est Verbum quod annuntiat Deum misericordem esse, promittit remissionem peccatorum & vitam æternam. Quæso autem te, si his carendum esset, an etiam vita hæc esset vita æstimanda? Sed sunt hæc spirituales res, & cognitio de cælo revelata, quæ quia in corde nostro non nascitur, ideo etiam tam difficulter apprehendi potest. Sed nunc de Psalmographemus.

*Tabernaculum  
Mosi.*

*Promissio ubi  
Tabernaculum  
ibi Dominum  
er.*

*Arca à Philis-  
tæis capta.*

*Arca transla-  
ta in Jerusalem.*

Eo tempore, quo hic Psalmus est scriptus, nondum erat conditum Templum, sed stabat adhuc tabernaculum Mosi. Quod etsi non uno certo loco, nec in tribu eadem fixum erat (nam & in Silo fuit, & in Gibeon) tamen habebat certam promissionem, ubicunq; esset, ibi Dominum fore, auditurum preces, accepturum sacrificia & propitium futurum, sicut dicit textus, Ubicunq; ego fecero memoriam nominis mei, &c. Cum igitur in Ephraim esset in civitate Silo, invocabatur ibi nomen Domini, audiebatur verbum Dei, colebatur Deus ibi fide, orationibus, sacrificijs, &c. donec tandem crescente impietate & idolatria, Arca de Silo in exercitum contra Philistæos deportata, & à Philistæis capta est. Sed cum Philistæi varie affigerentur ob hanc prophanationem, translata est Arca ad Gabaonitas. Ibi cum fuisset aliquandiu, tandem transtulit eam David in suam civitatem, sicut est 2. Regum 6. Atq; 1. Reg. 6. ibi incidit ei cogitatio de ædificanda domo Dei. Iudicabat enim indignum esse, ut habitaret ipse in cedrino domo, Dominus autem & Rex cœli habitaret sub pellibus, Ac pro-

241.

242.

Ac probabatur initio consilium ejus Prophetæ Nathan, Sed revelatione divina admonitus Nathan est, ne David ædificaret, Servari enim hoc opus filio ejus, qui pacificus esset, & non bellator sicut David, Simul addita est illa magnifica promissio de æterna posteritate Davidis, & vero ejus filio Christo, 2. Reg. 7. De priore igitur promissionis parte, videtur mihi hic Psalmus à Davide esse compositus, quo sibi & toti populo gratulatur ex animo, certum & firmum locum veri cultus Dei in Ierusalem.

Porro hoc certo statuendum est, quod verbum Dei, non solum templum, sed Ecclesiam & veros cultus facit, Templum contra neq; facit Ecclesiam, nec cultus, secundum sententiam, Quocunq; loco ego fecero memoriam nominis mei, ibi ad te veniam, & tibi benedicam. Hic nihil refert, sive ex auro, sive ex ligno sit templum, sive sit stabulum, sicut in Bethlehem, sive regia domus in Ierusalem. Nam ista externa nihil sunt, nec æstimantur à Domino, sicut ad Nathan dicit, Nunquid locutus sum ad unam de tribubus Israel, dicens, Quare non ædificasti mihi domum cedrinam? Sic Iacob ex lapide, quo propulvinari erat usus, altare condit, & vocat domum Dei, quod ibi Dominus se revelasset. Templum igitur est, ubicunq; Deus se revelat per Verbum suum, sive id sit ex auro, sive ex luto. Quanquam igitur ipsam domum, quam postea Salomo ædificavit, etiam complectitur David, tamen potissimum agit de fructu templi ædificandi, quod ibi docturi Ecclesiam, oraturi, & sanctificaturi sint. Hæc est illa laticia, quam in hoc loco audiemus magnifice prædicari, quod lætatur, dum agnoscit illud inestimabile donum, quando Dominus dat, ut possit ejus Verbum audiri, quando revelat faciem suam, & facit nos recte sentire de sua erga nos voluntate. Hoc donum cum adest, pelles tabernaculi Mosaici preciosiores sunt omni auro & gemmis, Contra cum abest, nihil interest inter Mosi tabernaculum, & alia gentilium templa.

Verbum Dei  
facit templum,  
etc.

Iacob Gen. 28.

Templum quid?

Theologistæ nostri multa disputant de definitionibus personalibus divinitatis, &c. Sed illa omnia rationis sunt humanæ, quæ sine Verbo & vera Dei noticia cogitantur, nunquam eo deveniunt, ut aut doceant aut cogitent, quid Deus nobiscum agat. Hinc sunt istæ horrendæ sententiæ inter ipsos notissimæ, Nescit homo, utrum amore vel odio dignus sit, & similes, Sed quæso quid hoc est de Deo disputare, si nescias, quid de te cogitet, aut constituat? Hoc vero est Deum sic concludere & abscondere, ut nusquam eum nec audias, nec videas. Verbum itaq; est, ex quo statuere possumus de voluntate Dei quid nobiscum gerat, quid ei placeat, quid velit, &c. Qui ad hanc cognitionem non veniunt, sunt Theologi haud multo meliores, quam asinus cytharædus. Itaq; illam ignorantiam & scædam inscitiam secuta sunt alia æque absurda, ut crederent se Deo placituros, si hunc aut alium ordinem vitæ monasticæ susciperent, Si hujus aut illius sancti patrocinium peregrinationibus compararent, &c. Hoc chaos infinitorum errorum & malorum sequitur, ubi non est Verbum & vera Dei noticia, quæ tantum ex Verbo sumi potest, Hoc amisso, nescitur quid Deo placeat aut displiceat, sequuntur igitur illa monstra idolatriæ, quæ in Papatu experti sumus.

Sophistæ  
cogitant & disputant  
de Deo & ejus  
voluntate.  
Nescitis Dei  
ex verbo cognoscere.

Commodum  
beneficium  
est.

Furtum, quod lege divina in 7. Præcepto prohibetur, judicatur parvum esse malum, si conferatur ad reliqua, ad eadem, libidines, seditionem &c. Sed tamen frange hoc præceptum non esse positum, quanta sequetur tempestas maximorum incommodorum? vita nostra erit similis furori luporum & urforum, rapientium & vastantium quicquid possunt, aut, ut scædus aliquid dicam, erit inter nos vita qualis porcorum est, qui cum ad cibum adhibentur, si possent singuli tantum vorare, quantum omnibus satis est, facerent, nulla habita ratione reliquorum. Quod igitur nostræ res in tuto sunt, & quanquam caveri pericula omnia non possunt, tamen quod non omnia nostra periclitantur, beneficium est 7. Præcepti.

Sed ascendamus ad majora, Qualis nam futura esset vita, si uxores nostræ non tutæ, non certi liberi essent, si magistratui liceret resistere? an non vitæ hæc esset perpetuus infernus? Quod igitur conjugia, quod Respub. & leges sunt, in quibus

tuto

# ENARRATIO D. M. L. IN PSAL. III. GRADVVM

tuto tranquillam agimus vitam, hæc omnia sunt beneficia verbi Dei, quod in secunda tabula propositum est. Quid autem esset, si prima tabula non esset, si non esset Sabbatum, non Ecclesia, non locus, ubi doceretur Verbum, si non esset notitia Dei, si non invocatio, sed singuli haberent suum Idolum seu Diabolum, quem adorarent?

*Collatio commo-  
dorum secunda  
& primæ ta-  
bulæ.*

Hæc sunt infinito maiora mala quam illa secundæ tabulæ, sed minus reputantur quia sunt spiritualia. Quod si haberemus oculos spiritus, & videremus quantum quotidie animarum per Papam, & Mahometen perdat, pro quibus tamen Christi sanguis fusus est, longe gravius doleremus, quam si omni hora bonorum, imo etiam vitæ nostræ periculo expectanda & subeunda essent.

*Dona spiritua-  
lia quæ Deus  
per verbum dat*

Debemus igitur lætari primum de illis exiguis bonis, quæ per secundam tabulam habemus, quod manet tutela rerum & corporum. Sunt enim exigua dona, si compares cum illis primæ tabulæ, quod Deus se revelat quid de nobis facturum sit, quod dat Verbum, donat fidem & Spiritum, audit orationes, per Verbum quotidie Ecclesiam auget, &c. Hæc tanta sunt, ut nulla lingua possint pro merito amplificari & ornari, quod animæ liberantur à Tyrannide Satanae, & servatur pax cordis, bona conscientia, pura Dei agnitio, per quam plures erudiuntur ad vitam æternam. In hæc David conjicit oculos, hæc secum perpendit, Itaq; movetur ad gratiarum actionem, quam affectus lætitiæ ei exprimit. Nam illi demum vere sunt grati, qui exosculantur dona Dei, & lætantur in donante, Alij, qui hanc lætitiā non sentiunt, etsi hunc Psalmum organis & symphonijs ornant, tamen sunt & manent ingrati, neq; enim intelligunt hæc beneficia.

*Contemptus  
verbi fugiendus*

Hæc ideo libentius commemoro, ut muniant se singuli contra summum vitium & caput omnium malorum in Ecclesia, nempe, contemptum Verbi aut fastidium. Hoc enim est apostatare à Deo, sicut Ecclesiasticus dicit, Initium superbiæ hominis, apostatare à Deo. Nam cum homines hoc morbo spiritus laborant, non est possibile, ut una cogitatio vera & pura de vita æterna, de remissione peccatorum, & spirituali vita possit existere in animis. Videmus autē, proh dolor, hoc malo nihil esse communius in mundo, Nobilitas, quæ vocatur, quam secure Verbum & ejus ministros contemnit? Hos imitantur etiam rustici, pluri facientes numos suos, quam omnes conciones Evangelij. Hos spectare cogimur sicut Lot Sodomitas suos, superbe insultantes, & secure facientes quicquid libebat.

*Nobilitas ver-  
bum contemnit.*

*Lot Gen. 19.*

*Lapsus Ange-  
lorum.*

Horribile est Davidem labi in adulterium & cædem, Sed quanto horribilius est hoc modo impingere in primam tabulam, sicut Angeli impegerunt, qui ideo de cælo præcipitati sunt, David autem poenituit & in viam redijt. Tanto autem plus periculi est omnibus pijs ab hoc malo, quanto facilius hic lapsus est. Ita enim tacite obrepit venenum hoc, ita illabatur sensim, ut pene effugiat sensum. In monasterijs

*Acedia*

Acediam vocabant, cum quis somno indulgeret, & tardior veniret ad cultus, qui tum in templis erant, Nos si vocabulum Acediæ recte interpretari volumus, accommodabimus id proprie ad fastidium & contemptum Verbi, cum Verbum auditur, docetur, discitur negligentius. Hoc vitium sequuntur contrarij affectus ijs, qui in pijs sunt. Sicut enim pij toto animo feruntur ad gloriam Dei amplificandam, ita hi infernali ardore accenduntur ad propagationem, tum dogmatum, tum cultuum impiorum, Sicut in rusticis quoq; experimur, Hi enim affectum & cor quod ad Deum suum afferre debebant, afferunt ad Mammona, & cum summa voluptate versantur in perditione & damnatione sua. Ita quidem conjuncta hæc sunt, ut qui hoc vitio occupati sunt, simul in regno Diaboli sint, & tamen sint læti quoq; Sed sequetur tandem catastrophe, qualem historia Sodomitarum ostendit.

*Verbum rudi-  
mentum & ac-  
cedens.*

Precabimur itaque Deum, ut nos à vitio hoc servet, & discemus hunc Psalmum cum lætitiā canere, & Deo gratias agere, & exultare de isto inenarrabili dono, quod dedit nobis puram cognitionem sui, in qua revelatur Christus, victima pro peccatis nostris, & certa spes vitæ æternæ. Hoc Verbum ruminemus & acuamus nobis, neq; unquam nobis videamur id satis exhaustisse, Habetur quidem abunde scriptum in Libris Latinis & Germanicis, adeo ut hæc Verbi vulgatio in plerisq; fastidium hoc



dium hoc excitasse videri possit, Sed profecto non est satis centies audisse & legisse milles, sicut tandem experimur in periculis tentationum. Quare exhortemur nos ipsos contra hanc pestem, Acediam, & excitemus nos ad laudatissimam virtutem, quæ vocatur reverentia Verbi. Neq; enim quiescit Satan. Nunquam autem est instructior, quam cum nos fastidio Verbi, & præsumptione scientiæ hujus impleti sumus. Sed accedamus tandem ad Psalmum.

*Letatus sum in his quæ dicta sunt mihi, in domum Domini ibimus.*

Similis sententia est in Psalm. 60. Deus locutus est in Sanctuario suo, Letabor. Vterq; versus habet comparisonem cum alijs regnis in mundo amplioribus & opulentioribus, Q. d. Ego sum Rex, & habeo regnum parvum & infirmum, si cum vicinorum potentia compares, Sed hoc habeo, quod alij Reges & Regna omnia in mundo non habent, quod Deus in meo regno loquitur in Sanctuario suo. Ergo meum regnum, est Dei regnum, est regnum cælorum, ideo letor, &c. Ita in hoc loco, Letatus sum, Cur? Quia dictum est mihi, quod ingrediemur domum Domini, hoc est, promissum est mihi, quod simus iste populus, qui ingredietur domum Domini. Hoc an non exhilararet cor meum? Nam cum alias gentes inspicio, video omnes sine discrimine ire in domum Diaboli, & Idolorum templa, video non habere eos primæ tabulæ donum, nempe, verum Deum & certum ejus cultum, utcunq; habeant, natura duce, cognitionem aliquam secundæ tabulæ, certe de prima tabula plane nihil habent. Quid est autem secunda tabula sine prima? Est enim brevis temporis secunda tabula, cessant parentes, cessant nostra corpora, uxor, liberi, res familiaris, &c. Res autem primæ tabulæ, nempe, Deus, Verbum & cultus ejus non cessabunt. Habeo igitur satis causæ, ut gaudeam, quia promissionem habeo, quod iturus sum cum meis in Domum Domini.

Ita verba simplicissima & mire humilia sunt, Sed si evolvases, apparet in eis summa majestas, quam quia Papistæ nostri videre non possunt, ita oscitanter canunt, legunt, & orant hunc Psalmum & alios, ut nulla tam absurda fabula sit, quam non majore alacritate recitare, aut audire posse videantur. Itaq; evolvenda ista sunt, & ponenda in conspectum fidelium. Nihil videtur magni dicere, cum dicit, *In domum Domini ibimus*, quia tantum cogitamus de lapidibus, lignis, & auro, cum audimus domum, Sed domus Domini longe aliud significat, nempe, habere facultatem seu donum Verbi præsentis, & esse in loco, in quo licet audire, videre, invenire Deum præsentem, quia Verbum ejus & verus cultus ibi invenitur. Falsa igitur est definitio, quam Scholastici de templo afferunt, esse domum constructam ex lapidibus & lignis, ad honorem Dei. Hoc ne ipsi quidem intelligunt quid sit. Neq; enim Salomonis templum ideo fuit pulchrum, quod erat ornatum auro & argento, sed verus ornatus fuit, quod ibi audiebatur verbum Dei, quod Deus ibi invocabatur, & inveniebatur propitius, salvans, dans pacem, ignoscens, &c. Hoc est recte inspicere templum, non sicut vaeca fores sui stabuli inspicit, aut larvarum Episcopi inspiciunt templa, cum ea consecrant.

Tenenda igitur hæc definitio est, quod habere domum Domini, idem sit, ac si dicas, habere Davidem illam gratiam, & donum illud, ut sciat, quo eundum sit tempore necessitatis, quo eundum sit cum optat audire & cognoscere, quid Deus velit, quid cogitet de suo populo, &c. Templum enim locus fuit, in quo esse, invocari, orationes audire, coli deniq; Deus voluit, & alibi nusquam per totum orbem terrarum. Hæc igitur sunt dignissima gaudio & læticia, habere accessum ad Deum in tempore periculi, & audire consolationem, qua dicit se esse Deum nostrum, qui adjuvare, in periculis nos liberare, condonare peccata, ad extremum etiam vitam æternam donare velit. Pro hoc dono, inquit David, gratias Deo agimus, & lætamur, quod veniemus in istum locum, ubi illa omnia fiunt, & Deus operatur per Verbum, Verbum enim est solum, per quod Deum cognoscimus, & Deus nobiscum agit, Id Verbum apprehendit fides.

Ita

*Domus Domini  
in completissimam  
primam & se-  
cundam tabu-  
lam.*

Ita complectitur David vocabulo, domus Domini, primam tabulam, quæ nobis proponit Deum, nomen ejus & verbum, cui dicatum est Sabbatum, ut in eo ab alijs feriemur, & audiamus Deum nobiscum loquentem. Habita autem prima tabula, fiet, ut etiam habeas uxorem, parentes, tutelam corporis, Magistratum & omnia, secundum versum, Beatus vir qui timet Dominum. Hoc est ire in domum Domini, & ideo lætari, ac gratias agere. Est enim donum inæstimabile & incomprehensibile impijs, Pij autem illi soli sciunt, quid sit Verbum, & quid in Verbo habeant, At requirit id quoque Deus, cum toties præcipit in Lege, ut populus conveniat, ut lætetur, ut epuletur coram Domino, ut exultet, scilicet, in suis donis, & lætetur quod sic obruitur quasi misericordia & beneficijs Dei. Huc etiam nos David exemplo suo vocat, ut cum reverentia, & quasi stupore quodam lætemur.

11.

*Stantes erunt pedes nostri in atrijs tuis Ierusalem.*

*In secundo  
versu definitur  
certus locus,  
Atrium.*

Est eadem sententia, nisi quod hic locum definit, Ierusalem scilicet esse, cui sit donatum Verbum & præsentia Dei. Q. d. Ante in Ephraim fuit hoc donum, nunc autem est in meo regno. Appellatio Atrij, notum est unde sit sumpta. Habebat enim & Tabernaculum atrium, & Salomo in templo atria faciebat, in quibus consisteret Ecclesia seu populus, cum sacra fierent. Merito igitur prædicatur Ierusalem, quod sit sancta. Quia habitat in ea Dominus, Quia colligitur ibi populus ad audiendum verbum Dei, Quia sacerdotes ibi constituti sunt, qui autoritate divina benedicant Populo, sicut est benedictio Num. 6. in Mose. Quid igitur huic Ierusalem potest deesse, in qua locus, personæ, ritus, & Verbum sunt, divinitus donata ad salutem populi. In Papatu cum Verbum nusquam esset, vidimus quanto studio & conatu homines quæsierint certas personas, signa, loca placandi Dei. Hinc instituta sunt non opera solum varia, sed etiam loca certa, ut peregrinationibus visitarent Romam, Hispanias, & nescio quæ alia loca. His signis nitebantur miseræ conscientie nihilo felicius, quam qui Euboicas seu nocturnas faces sequuntur in mari aut desertis locis. Nunc autem Dei gratia, scimus locum, personam, & signa esse parata, nempe Christum, qui Ecclesiæ suæ certa gratiæ Sacramenta constituit, Baptismum, & cœnam Domini. Habemus itaque Deum loco & persona, & signis certissime descriptum, ubi omnia inveniuntur, quibus ad corporis & animæ salutem opus est.

*Quæritur in Pa-  
pato tenebra o-  
missa verbo.*

*Stantes pedes  
quid.*

Quod Propheta utitur verbo, Stantes, significat perseverantiam seu durationem, quod Deus ista non tantum donare, sed etiam conservare & tueri velit, Ut sit antithesis contra hostes Verbi, qui Verbum conantur quidem opprimere, sed Dominus dat operarios, ut etiam nobis oppressis seu mortuis, Verbum maneat. Hoc enim solet fieri, quod proverbio dicitur, Vbi cunq; Dominus erigit templum, ibi Saran erigit capellam (utar enim Germanica & usitata appellatione) Neque enim pater mendacij, & homicida potest aliud, quam ut persequatur Verbum. Ideo ostendit faces Euboicas, quales hodie sunt Anabaptistarum, Sacramentariorum, olim Arii, Manichæi, & aliorum dogmata, quæ à verbo abducunt ad proprias opiniones. Hic quid faciamus aliud, quam ut oremus ad Dominum, ut stantes faciat pedes nostros, ut pergat dilatare Verbum, etiam repugnantibus portis inferorum. Duplex enim hoc donum est, Primum, cum dat Verbum, Secundum, cum Verbum conservat & defendit contra Tyrannos & falsos Fratres. Postquam igitur Verbum nobis contigit hodie, addamus quoque hanc precationem, ut Dominus perficiat, quod operatus est in nobis, ut sint pedes nostri stantes in atrijs, ubi est invenire Deum, & audire vocantem, docentem, consolantem, juvantem, &c.

111.

*Ierusalem, quæ ædificatur ut civitas, cuius participatio ejus in idipsum.*

*Ædificari Ie-  
rusalem, est op-  
primi, & tamen  
crescere.*

Non possum non reprehendere Interpretem, quod adeo non curaverit sic reddere textum, ut intelligeretur. Sic enim reddenda erit sententia, *Ierusalem ædificatur, ut sit Civitas, in qua conveniatur, scilicet, ad cultum Dei.* Est autem expositio seu amplificatio proximi versus, Q. d. Ierusalem nomino, eam scilicet civitatem, quæ ædificatur,

tur,

Matth. 6.  
Luc. 12.

tur, hoc est, quæ floret & crescit. Nam florente religione & verbo Dei, necesse est florere Rempub. quoq; secundum sententiam, Primum querite regnum Dei, & omnia adjicientur vobis, Sic tamen, ut maneat etiam illud verum, quod Christus Paulo respondet, Virtus mea in infirmitate perficitur. Nam cum Mundus non cesset varijs injurijs onerare Ecclesiam, fit tamen, ut quanto magis conentur adversarij destruere, tanto plus Verbum ædificet. Destruere igitur, vastare, & evellere Ecclesiam, nihil est aliud (si Dei consilium, & deinde eventum consideres) quam ædificare, plantare, rigare, augere Ecclesiam. Domitiani, Maximini, Decij, quanto conatu nitentur nomen Christi delere? Sed Verbum & Ecclesia, sicut palma, quanto premebatur gravius, tanto indies majora incrementa sumebat, Sicut etiam figura populi Israel in Aegypto ostendit. Sic enim dicit Moses Exod. 1. Quanto eos Aegyptij opprimebant magis, tanto magis multiplicabantur & crescebant. Sic insignis veteris Ecclesiæ sententia est, Sanguine martyrum rigari Ecclesiam. Ratio hujus mirabilis ædificationis & incrementi hæc est, Quod ubicunque fiditur Deo, & habetur Verbum, ibi necesse est esse victoriam, etiam si Sancti vastentur, occidantur, & pereant, etiam si ipse Deus videatur eos deseruisse, & simul cum Sanctis opprimi. Ita enim solet Deus, cum infirmus est, tum est potentissimus, & cum obruitur in suis, tum maxime in suis vivit, exaltatur, & minuendo crescit.

Domitiani  
Maximini.

Exod. 1.

Ps. 48.

De tali ædificatione hic quoque David loquitur, quod etsi Jerusalem in medio tot hostium & religionum posita esset, tamen ibi vigeret Verbum & floreret religio. Quis igitur contra nos, cum Deus sic nobiscum sit? An hoc non est ædificari Jerusalem? ad quam Reges venerunt, sed transierunt, sicut dicit Psal. 48. nec potuerunt eam ledere. Nostra quoque experientia hodie didicimus, adversarios Verbi quanto plus fecerunt, tanto minus efficere contra Verbum, imo Verbum tanto propagari latius. Sic etsi Sectarij videantur Ecclesiæ multum nocere, tamen occasione eorum apud nos quotidie Verbum fit illustrius & purius. Sicut Augustinus dicit libro Confessionum 8. Improbatio hæreticorum facit eminere quid Ecclesia sentiat, & quid habeat sana doctrina. Nisi enim ita excitaremur & cogeremur quasi ad inspicendos & exercendos thesauros nostros, ignavi sterteremus, & marcesceremus ocio, Sic hostis noster perpetuus Satan, cum assiduis tentationibus suis, quid aliud efficit, quam ut inquiramus Verbum studiosius, ut discamus orare, fidere, sperare. Vulgo dicitur, optimum condimentum esse famem. Igitur afflictiones Christianorum sunt quoque salus Ecclesiæ, crux & oppressio est exaltatio & triumphus Ecclesiæ, Faciant igitur hostes Ecclesiæ quicquid libet, certum est, quo plus opprimimur, eo magis erigimur. Christus enim Dux noster & Caput nostrum vere nulli malo cedit, habet enim infinitam potentiam, qua dejectos erigit, mortuos vivificat, oppressos facit, ut opprimant. Quia enim Deus est, hoc ejus proprium est officium, ex nihilo facere omnia, & ex eo quod est, facere nihil.

Jerusalem in  
medio hostium  
posita.

Quanto magis  
verbum oppri-  
mitur, tanto  
magis crevit.  
Augustini di-  
ctum.

Satan perpetuus  
Ecclesiæ hostis.

Officium Dei  
proprium.

Ad hunc modum prædicatur hic Jerusalem. Hoc enim est donum super omnia dona, relinquere certum locum, personam, signum, sonum certum Divinitatis præsentis, ne in nostro arbitrio sit, querere locum, personam, signum, &c. Hoc enim cum sit, ut nos statuamus, Deum recte hoc loco & cultu inveniri ac coli, actum est, Sed cum ipse venit & dicit, Hæc est requies mea, hic habitabo, hic loquar, hic erit Verbum meum & Spiritus meus, Tum omnia salva sunt, tum in speciem levissima quoq; opera, sunt præstantiora omnibus thesauris mundi, tum circumcisio pudendi membri, est gratissimus cultus, levare de terra stipulam, si Deus verbo jubeat, majus & excellentius opus, Deo quoq; gratior cultus est, quam omnia omnium Monachorum & totius Papatus opera, sine verbo Dei suscepta.

Donum super  
omnia dona, re-  
ligiones & cul-  
tus Dei verbo  
constituitur esse.

Verbum Dei  
commendat  
omnia.

Hanc sapientiam gentes non habuerunt, Ideo facile eis fuit contemnere Jerusalem, & cum viderent certis temporibus anni ad eam concurrere Judæos, dicere, Cur illo potius, quam ad alias civitates currerent. Sicut Naaman Syrus, putabat initio Damasci aquas nihilo deteriores esse Iordane. Sed de ijs non habebat vocem.

Naaman Syrus,  
4. Reg. 5.



*Cato  
Sic enim est  
nomine, etc.*

Domini, ut in eis lavaret contra lepram. Sic Baptismi aquam prophani homines judicant nihil differre, ab alia aqua. Sic quidam nostro tempore eloquentia & doctrina praestantes, omnes ceremonias ridebant; non ex sacris literis, sed Lucianico more & ex stulticia cordis sui, interrogati cur id facerent, nihil afferebant melius quam quod Cato dicit, Si Deus est animus, ergo est pura mente colendus. Inde asuebant non solum indoctum sed etiam impium hoc consequens, Ergo Deus non colitur externis rebus. Hoc sane non est evertere traditiones, quod tamen conabantur sapientes isti, Sed praebere occasionem infinitis superstitionibus, erroribus & impietatibus, ut tandem non solum traditiones istae pontificiae, Sed etiam Christi verbo institutae ordinationes, rideantur, aut saltem non tanti fiant, quanti debebant à nobis fieri, Sicut haud scio an non & Anabaptistis & Sacramentariis hujusmodi imprudenter dicta, occasionem dederint, contemnendi Baptismi, & multorum aliorum errorum excogitandorum.

*De cultibus &  
ceremoniis tan-  
tum ex verbo  
non statuen-*

Verum est idem Catonis dictum, ceteris paribus, Sed dic tu mihi, ubi est ea pura mens, de qua dicitur? aut quid ea est? Hic alius moderationem affectuum, alius imaginationes de Deo seu speculationes, alij alia respondent. Ergo nihil hoc est dicere, externis Deus non vult coli, Sed qui impias ac stultas traditiones, seu ceremonias volunt evertere, oportet ut veniant pulchre instructi verbo Dei, & ut Verbi in primis rationem habeant. Qui verbum non considerat, necesse est ut praeferat Romam tanquam potentior urbem, Ierosolymis. Necesse est ut statuat Græcos sapientiores esse barbaris Iudæis, sic enim eos censebant Gentes. Sed quid quod Roma quantumvis potens caret Verbo & promissionibus Dei? Quid quod Græci cum alijs Gentibus, quæ sapientiæ laudem habent, etiam carent Verbo & promissionibus Dei? Ergo pura mens, quam cogitant & de qua disputant illi, ergo religio, & omnia quæ habent, sunt prophana, quia sunt sine verbo Dei.

*Aqua  
Sola  
Rasura*

Sic Papatus non potest everti, in aqua benedicta & sale benedicto, sicut sapientes illi putabant, qui nihil aliud poterant asserere, quam saltem esse saltem, aquam esse aquam, Ergo nihil posse facere ad benedictionem animi, Item rasuram in monacho esse rasuram capitis, ergo ad pietatem nihil posse facere. Hoc est ridere monachatum, & benedictionem illam Papatus, sed non tollere. Sic autem tolluntur ista, cum quæro, ubi sit promissio Dei, rasuræ, salis illi, & aquæ addita? Vbi sit, quod David dicit, Latatus sum in his, quæ dicta sunt mihi? Oportet enim, ut habeas dicentem de coelo, hoc est, jubentem & promittentem Deum, hunc si non habes, frustra est quidquid tu instituis. In oculis tuis habet speciem sic radi, habet speciem salis & aquæ benedici, Sed tu non es, de quo Scriptura dicit, Ipse dixit & facta sunt, mandavit & creata sunt. Sic Iudæorum sacerdos habebat vestitum suum, Gentium sacerdotes fortasse vestierunt aut splendidius aut simplicius. Hic non refert, quid ratio judicet, Sed hoc considerandum est, quod Iudæi divino mandato vestiunt sacerdotem suum, Gentes non verbum Dei, sed suam rationem sequuntur. Sic Papatus fere nihil est quam nugæ illæ ungendorum sacerdotum (sicut ipsi vocant, cum in novo Testamento id nomen nemini nisi uni Christo tribuatur) vestium, templorum, vasorum, Vngebantur autem in lege quoque sacerdotes, vestes, templum, vasa templi, Sed nostri ungunt sine mandato Dei, illi faciebant cum mandato. Hinc Iudæorum unctio fuit in conspectu totius Ecclesiæ & Angelorum, præstantissima res, cum pontificiæ istæ unctiones quovis stercore & oleo, in oculis Dei & Ecclesiæ sordiores sint.

*Papatus*

*In Iudæis*

*Aqua Baptis-*

Ergo non ita simpliciter pronuntiandum est, Deus exterius non colitur, nec ideo omnia ridenda sunt in cultu Dei, quæ externa sunt. Cum enim Deus de festuca loquitur, tantum momenti ad festucam affert Verbum, ac si de sole ipso loqueretur. Prophanus itaq; sermo est, aquam Baptismi tantum dicere esse aquam, cum aqua Baptismi habeat additum Verbum, & similis sit ferro candenti seu ignito, quod sicut revera ferrum est, ita etiam revera est ignis, & omnia facit, quæ ignis solet. Sed Verbum in aqua vident & norunt soli pii, vacca aut canis tantum aquam, videt,

videt. Hos caninos & vaccinos oculos ad sacra afferunt tales disputatores, qui de ceremonijs tantum judicant, ut eas vident, non etiam aures afferunt, ut audiant, an habeant promissionem aut mandatum Dei.

Prædicat igitur David suam Ierusalem. Si muros & alia ædificia spectes, Roma longe nobilior & dignior est, ad quam spectandam homines confluant. Sed si Verbum spectes, videbis illam Ierusalem terrenam esse positam in gremio Dei, & omnes ejus lapides omni auro & gemmis esse preciosiores. Sic si sequaris oculos, Mariam gravidam esse, & uterum gesta re vides, sicut alias juvenculas foeminas, Quid enim aliud oculi judicarent? Sed cum Verbum sequeris, quod dicit, ex Spiritu sancto esse gravidam, & habere in utero Filium Dei, per quem celum & terra condita sunt, An non hic ingens discrimen ostenditur, inter Mariam gravidam, & alias mulierculas gravidas? Hic omnia sunt humana, istic autem omnia divina sunt, & recte dicitur jam Maria sanctificatum templum Dei, in quo ipse Deus habitat corporaliter, uterus & latera ejus recte dicuntur coelestia latera esse. Sic inter Ecclesiam & Gentes etiam ingens discrimen est, non sane quod attinet ad externam speciem (nam secundum eam forte præferas gentes) sed Ecclesia habet Verbum, secundum id judicandum est, cum baptizat, cum docet, cum coenam Domini distribuit, cum consolatur, objurgat, absolvit, excommunicat, &c, Gentes de sua religione & omnibus operibus suis. Verbum non habent.

Sic Ierusalem suam laudat, quod ædificatur primum spiritualiter, quia ibi est Regnum & sacerdotium, Verbum & cultus Dei, Deinde etiam corporaliter, quod habet muros & domos, pacem, leges, &c. Se de hoc principaliter non loquitur, Id eo addit, *Ædificatur ut civitas, in participationem omnium simul*, hoc est, ut conveniant ibi homines ad cultum Dei, Neque enim fuit locus in toto mundo, nec in illo populo sancto locus est, in quo oportuit Populum congregari ad cultum Dei, quam in illo uno loco, in Ierusalem, idque non autoritate humana, sed divina, Deo ipso sic jubente & ordinante. Est enim quasi expositio illius in Deutero. Vbi fecero memoriam nominis mei, Q. d. Ille locus est Ierusalem, in quo oportet congregari populum Dei, ubi Deus sedet, quo confluunt omnes in omnibus necessitatibus invocaturi eum, audituri eum, sacrificaturi ei, &c. Hinc vides unde sit, quod etiam alijs in locis orantes tamen ora verterunt Ierusalem versus, quia noverant illum locum ad id electum, ut Deus ibi audiret preces suorum. Hæc est gloria hujus loci, cui nulla mundi gloria potuit par esse. Ideo in Matthæo sancta dicitur, & hic tam magnifice prædicatur à Davide, quanquam propter peccatum postea à gentibus prophanata sit. Sed cur congregantur ibi populi?

*Illuc enim ascendent tribus Domini, in testimonium Israeli, & ad confitendum nomini Domini.*

Quia res de quibus Propheta dicit, absconditæ sunt à judicio rationis, ideo Latinus interpres non potuit eas clare reddere. Est autem plane eadem sententia eum eo, quod in Exod. est, Vbi ego memoriam nominis mei fecero, ibi ad te veniam. Significat autem memoria totum cultum cum Verbo, hoc est, prædicationem Promissionum & Legis, exercitium Sacerdotum, non in sacrificijs tantum legalibus, sed in summo sacrificio prædicationis nominis Dei, in quo proponebantur conditiones spirituales de victoria Mortis & peccati, & temporales de regno & politia. Hæc dona prædicat, cum de ascendendo dicit, Ac facit antithesin, Cæteræ civitates possunt florere opibus & potentia, magis quam mea Ierusalem. Sed hæc est, ad quam ascendent Tribus, non simpliciter, sicut etiam in alijs populis possunt esse tribus, sed Domini tribus, quas ipse Dominus delegit, ut essent suus populus, & ipse eorum Deus, præ reliquis populis in universa terra. Porro non excludit hic Proselytos, qui se ex Gentibus associaverunt huic populo. Dicit enim simpliciter de ascendenti- bus ad audiendum Verbum, & invocandum Deum, sicut ostendunt quæ sequuntur.

Roma.  
Ierusalem.

Maria grvida  
Gr.

Ecclesia.

Ierusalem ædi-  
ficatur spiritaliter  
liber & corpo-  
raliter.

Ierusalem civitas  
sancta.

III

Memoria nom-  
inis Dei.

Tribus Domini.

Proselyti.

*Præcipui cultus  
Dei, prædicare  
Verbum & ora-  
re.*

In testimonium Israeli, & ad confitendum nomini Domini. Hæc duo nihil aliud significant, quam quod sit locus in Ierusalem divinitus designatus, ubi doceatur Verbum & oretur. Erant autem hæc aureis literis scribenda, quod David non de alijs cultibus Dei dicit, quam de hisce duobus. Non dicit templum ad id divinitus designatum, ut ibi mactentur victimæ, ut ibi offeratur incensum, ut oblationes & libamina fiant, ut singuli donis suis se ostendant Deo gratos esse, Horum nihil meminit, quanquam in solo templo ut fierent præcepta erant, Tantum meminit prædicationis & gratiarum actionis. Hoc sine dubio à Sacrificulis tanquam nocentissima hæresis, in hoc populo damnatum est, non aliter loqui de cultu Dei. Sicut nostri Papistæ non possunt ferre, cum docemus, extruções templorum, anathomata, ornatum auri & argenti, non esse cultus Dei. Itaque si David de nostris templis sic hodie concionaretur, sicut tamen de suo templo facit, damnaretur & cremaretur sicut hæreticus, quod pompam illam omnem tabernaculi, omnes externos cultus sic negligit, ac si non videat, & quanquam non reprehendit, tamen pronuntiat hoc religionis esse caput, audire & invocare Deum. De Papistis nostris certum est, quod monasteria & alia templa non ideo ædificant, nec ædificari docuerunt, ut istuc verbum Dei audiretur, Præcipuum fuit, ut ibi missaretur, & ipsi congregarent magnas opes, dum irritant oculos ornatu isto magnifico, de quo Daniel videtur prophetasse, cum in II. dicit, Colet Deum suum Moasim in auro & argento.

*Summus cultus  
audire & invo-  
care Deum.*

*Ornatus tem-  
plorum.*

*Testificari quid*

*Doctores sunt  
testes.*

*Auditores et-  
iam testes sunt.*

Possunt quidem templa ornari honeste, sed debet ea res habere modum. Hoc autem præcipuum est, quod David de suo tabernaculo prædicat, & nos in nostris templis præcipue debemus spectare, quod tribus ascendunt ad testificandum Israeli, hoc est, ad docendum & audiendum verbum Dei. Habent enim Ebraei multa verba, quibus significatur ministerium docendi, seu doctrina, Sicut etiam multa verba habent, quæ irasci & gaudere significant. Eloqui, promittere, confiteri, sedere, judicare, testificari, docere, hæc omnia fere significant idem, quod nobis, Verbum prædicare seu concionari, At Verbum testificandi, habet pulchram etymologiam. Nam Doctores sunt quasi testes populo rei incognitæ, quæ non videtur nec sentitur, sed tantum creditur, Deinde testes etiam sunt qui audiunt Verbum, nam dum audiunt, testificantur contra Diabolum & regnum mundi, contra Peccatum & mortem, deinde etiam contra seditiosos, adulteros, homicidas, Fratres falsos, &c. pro gloria Dei, pro regno Dei, pro pace, obedientia, castitate, charitate, &c. Deus enim est invisibilis. Dum igitur audiuntur qui docent, Deus auditur. Neque enim potest audiri, nisi per testes, & sicut Paulus appellat, legatos suos, Sic enim dicit, Legatione Dei fungimur. Sic res de qua in Ecclesia docentur homines, etiam est invisibilis & absens, ergo solo testimonio Verbi apprehenditur. Sic totum Evangelium est testimonium, loquitur de persona & rebus absentibus, & est fidei prædicatio. Hæc propter rudiores dico de vocabulo testificandi.

*Testimonium  
Israelis.*

Hoc igitur est, quod David gloriatur suam Ierusalem in hoc ædificatam esse, ut prædicetur ibi Verbum fidei, ut doceantur homines de voluntate Dei, ut sciant quid Deus cogitet facere cum suis, quomodo minetur impoenitentibus impijs. Hanc prædicationem vocat testimonium Israelis, hoc est, tale testimonium, quod prædicatur populo Israelitico istuc congregato. Distinguit enim hunc populum ab omnibus alijs gentibus, sicut in alio Psalmo, ubi dicit, Non fecit taliter omni Nationi. Ergo nos quoque hoc beneficium agnoscere, & summi boni loco habere debemus, quod in nostra VVitterberga & alijs locis, sicutum in Ierusalem, docetur verbum Dei pure, quod audiuntur promissiones Dei, quarum spe & fiducia nituntur pij. Item minæ, quibus impij vocantur ad pœnitentiam, pij autem retineantur in timore Dei, & mortificatione veteris hominis, adjuvante eos Spiritu sancto, quem per & propter Christum effundit Pater in eos, qui testimonium hoc accipiunt.

*Doctrinæ præ-  
dicandi pars  
una veri cultus*

Hæc est una pars veri cultus Dei, ut discamus quæ sit potissima ratio serviendi Deo, & præstandi Deo cum cultum, quo maxime delectatur, nempe, docere verbum Dei, & audire Deum per testes suos. Atque hæc etiam est causa, cur Diabolus



Ps. 110.

Diabolus nihil æque cupiat impedire, quam prædicationem Verbi, & auditum Verbi. Ideo excitat, sicut in 120. Psalmo audivimus, Labia iniqua & linguas dolosas, Commovet Mundum, ut gladio & vi conetur opprimere pios, tandem apud & contra nos ipsos, contemptu & fastidio hunc cultum conatur abolere, ubi e contra æquo animo patitur ædificari templa, & ornari. Scit enim non infringi talibus vires & potentiam suam, Sed cum prædicatur de vita æterna, remissione peccatorum, & iusticia per Christum nobis donata, hæc doctrina destruit regnum ejus. Itaq; tanto peius sævit, & omnia conatur, quæ putat impedire posse cursum Verbi.

*Confiteri nomi-  
ni Domini seu  
gratiarum actio  
altera pars cul-  
tus divini.*

Altera pars cultus Dei, est Confiteri nomini Domini. Hoc activum est, illud passivum. Primum enim est accipere Verbum, seu doceri Verbo, Hoc etsi in mundo contemnitur, tamen Deus tanti fecit, ut vasa omnia, & ratio vestiendi tota, quæ in lege & Templo fuit, hujus ministerij essent figuræ quædam & typi. Post hæc proximum est, cum Verbum audivimus, ut etiam Deo agamus gratias. Hunc cultum secundum facit David, cum prædicat suam Ierusalem. Atque hic iterum memineris, cum tacere de sacrificijs & mactationibus, Non quidem, ut ante dixi, reprehendit ea, sed habet Spiritum distinctionis, & reliqua omnia æstimat tanquam paleas aut testas, & prædicat Smaragdos hos, Verbum & ejus fructum, gratiarum actionem. Quod si mactationem taurorum & similia nominasset, non fuisset ea singulorum facultas, ut hoc genere officij Deo possent servire. Itaque hoc exigit, quod omnes habent & possunt sine magnis sumptibus, & tamen paucissimi faciunt. Edificationem templi per Salomonem futuram non damnabat, sed optabat maxime, Hic autem causam vides cur optarit, ut scilicet primum ibi doceretur Verbum, deinde ut Deus ibi acciperet nostras orationes, gratiarum actiones & laudes, de acceptis beneficijs.

Sed cur utitur hac figura docendi, ut potius dicat, *Ad confitendum nomini Domini*, quam, ad confitendum Domino? Ideo quia nihil ibi habebant, quam nomen Domini, & nudum verbum. Deus non videbatur personaliter, sed fecerat ibi memoriam sui nominis, Verbo, & promissione, unde etiam appellabatur Domus Domini, quod Deus verbo suotestatus erat, se ibi habitaturum esse. Ad hunc modum in novo Testamento Baptismus recte dicitur baptisumus, seu aqua Domini, quia habet additum verbum Domini, quod Deus ibi esse & efficax esse velit. Sic vocale verbum recte appellatur verbum Domini, licet ab homine pronuntiatur, quia Dominus promittit se velle cum Verbo esse, & per id operari. Ita definit David præcipuos & summos Dei cultus esse, docere ac audire Verbum, & pro eo agere gratias.

*Quare dicitur ad  
confitendum no-  
mini Domini.*

1. Cor. 12.

Post hæc sequuntur etiam opera secundæ tabulæ, ut egentes singuli pro sua facultate juvent, ut inprimis opibus suis potentes ad hoc utantur, ut ministri Ecclesiarum vacare ministerio possint. Hæc opera postea etiam suas promissiones habent, quod Dominus dicit, Quicquid minimo inter suos fecerimus, hoc sibi fieri, & Prophetæ mercedem habiturum, qui Prophetam acceperit benigne. Contra judicium impiorum ideo gravius erit, quia omnia ipsorum faciunt ad oppressionem Verbi. Ad hunc modum diligenter discernendi sunt cultus, seu partes religionis principales, à minus principalibus, ut in ordine & loco suo proprio singula collocentur. Hoc enim est pure & recte docere, & non confundere omnia, sicut indocti atque impij Papistæ faciunt.

*Opera secunda  
tabulæ.*

Hactenus audivimus, quomodo Prophetæ celebret inenarrabile donum & beneficium Dei, Verbum scilicet, & pro eo agat gratias. Hoc enim demum est donum, quod agnoscitur & scitur esse donum Dei. Totus mundus, sicut videmus, abundat, & quotidie fruitur beneficijs Dei usq; ad satietatem, & tamen manet hæc cæcitas in cordibus, quod non credunt esse dona Dei. Itaq; non aliter ijs fruitur mundus, quam porci cibo & potu. David autem videt sibi donatum esse Regnum, in quo floret purum Verbum, & religio pura. Hoc donum intelligit, Ideo sic lætatur, & prædicat suam Ierusalem, quod sit civitas congregationis, hoc est, locus divinitus ad

*Flallent do-  
num dei Verbi  
predicavit, ex  
pro eo gratias  
agit, tunc ab e-  
jus contemptu  
detrahet.*

id designatus, ut istuc homines conveniant ad audiendum verbum Dei, & agendas Deo gratias, extra quem locum Deus non possit inveniri. Nam gentes non quidem hoc voluerunt ut falsis dijs seu idolis servirent, sed cum Verbum Dei & hunc auditum, de quo David hic loquitur, non haberent, non potuerunt Deum invenire. Hinc facile intelligitur quam horribile peccatum sit, contemnere aut fastidire Verbum. Superat enim omnes Thyestes, & quicquid in omnibus Tragoedijs horribile est, quod homo tam nihili & infirma creatura, in eam superbiam extollitur, ut cum loquatur majestas divina, & nos amicissime ad audiendum invitet, tamen audire nolit. Et tamen videmus hoc peccato nihil esse vulgarius, inter omnes hominum ordines.

*Contemnere & fastidire verbum Dei.*

*Causa contemp-  
tum Verbi.*

*Sed. mo, Gen.  
15.*

Fit autem hoc propter larvam illam, quod Deus amplius non loquitur in majestate, sicut semel locutus est in monte Sina, ubi examinabantur homines terrore, & tamen quantulum intervallum erat, cum obliti Domini, contra ipsum & Moſen murmurarent. In hac majestate non loquitur amplius, sed loquitur per Doctorem, per Patrem, Fratrem, Praeceptorem, itaque contemnitur. Quod igitur Sodoma igni coelitus immissa conflagravit, horribile est, Quod totus mundus Diluvio interierit, etiam horribile est, illa quotidiana scelerum exempla, ut sunt parricidia, sine ingenti animi percussione, ne quidem audiri possunt, Sed utcumque haec omnia sunt, gravius & horribilius hoc est, contemnere Deum nobiscum loquentem, id quod fere totus Mundus facit, non igitur tantum, qui persequuntur Verbum manifesta vi, sed etiam qui inter nos sunt, & initio magno applausu exceperunt hanc doctrinam. Quotus enim quisque est, qui non plus operæ impendit in stultissimas fabellas, quam in sacras conciones? In studium pecuniae, quam in studium Verbi?

*Sententia hujus  
Psalmi.*

*Contemptores  
Dei.*

*Reverentia  
erga Verbum.*

Hortatur itaque nos David hoc Psalmo ad gratitudinem & agnoscendum hoc beneficium summum, & dehortatur ut caveamus à contemptu Dei. Quanquam autem nemo est, qui hoc nomen habere velit, quod sit contemptor Dei, Tamen certum est, contemptores Dei esse omnes, qui verbum Dei contemnunt seu religionem, Qui nostro seculo turbant Ecclesias novis dogmatibus, pleno ore jactant se quaerere gloriam Dei, sed sunt omnes in hoc peccato. Pluris enim faciunt suas cogitationes, quam verbum Dei. Quanto autem optabilius est, ferre Pestem, famem, gladium, quanto etiam est tolerabilius Davidem homicidam fieri & adulterum, modo maneat reverentia erga Verbum, quam poenitentia necessario secum affert, quam eo prolabi, ut verbum contemnatur? Haec enim est ira super iram, sicut econtra gratia super gratiam est, cum Davide habere Verbum, & agnoscere quantum sit donum.

*Querela de con-  
temptu Verbi.*

*Pena circa se-  
quentem con-  
temptum Verbi.*

Nunc quidem magna copia obtruditur Verbum mundo, docetur in templis, scribitur in libris, proponitur in Psalmis & canticis, etiam in parietibus pingitur, Sed quid sit? Magistratus occupatur alijs, & ridet hanc nostram sollicitam curam propagandi Verbi, maxima pars Principum & Regum impie persequuntur & execrantur, cives negligunt, rustici magis amant loachimicos numos, quam omnes conciones & Pastores, nos ipsi denique stertimus. Haec an putas Deo placere posse? Post cum premimur à Turcis, cum annonae caritas aut bellorum metus est, querulamur. Sunt sane satis magna mala, quibus hodie premitur mundus. Sed quid sunt ad hoc quod crucifigis Dei Filium, & conspuis Salvatorem tuum securissimo animo? Quid enim aliud est verbum Dei quod propter salutem tuam revelatur & offertur, irreligiose accipere, & praeferre pacem, pecuniam, & alia levissima hujus vitae commoda? Hoc qui faciunt, & tamen securo animo tantum peccatum negligunt, negligant etiam poenam, quod vastantur à Turca, spoliuntur & occiduntur, Sed hoc non facimus, nostra pericula valde amplificamus, Cur igitur non etiam amplificamus pericula regni Dei? Cur non etiam ploramus in contemptu Verbi, sicut ploramus ob Turcae tyrannidem? Nam hoc definitum est, ut peccata ferant stipendium suum, Mortem & alias poenas, quas Deus infligit. Sic Paulus, Noluerunt verbum veritatis, igitur immisit Deus in eos vehementes errores, qui magna vi hominum animos

1. Th. 2.

animos dementant. Item Psalmus, Noluerunt benedictionem, & elongabitur ab eis.

Psalm. 109.

Ut summariar igitur dicam quod res est, Sicut est summa læticia & summum bonum audire & nosse Deum loquentem nobiscum, annuntiantem Gratiā & pacem, ita nihil tritius, nihil pejus est, quam videre contemptum Verbi, quam Deum, cupientem nobiscum loqui, aversari, & conspuere tanquam stercus. Nullus homo potest ferre tantum contemptum sui, quantum Deus fert quotidie. Est enim patiens, & expectat conversionem seu poenitentiam, sed tandem punit gravissime, sicut exemplo est ruina Synagogæ, & excidium Ierololymorum. Aperte enim Christus hanc causam tantorum malorum indicat, quod non agnoscat tempus visitationis suæ. Discamus igitur nos, hisce exemplis moniti, summum esse donum, audire Deum loquentem, & nobiscum, tanquam cum filiis matrem, suaviter confabulantem. Hoc enim prædicat David, cum commemorat de tribubus ascendentibus, ubi testificatur Israël, hoc est, ubi Verbum docetur, & hi, qui id audiunt, addunt Amen, ac Deo gratias agunt. Hæc est civitas, quæ ornata erat Smaragdis, hic est populus, de quo dicit Christus, Beati sunt qui audiunt verbum Dei, & custodiunt id in bono corde, Hic est regnum cœlorum, hic paradysus, hic apertæ januæ cœli. Nunc sequitur,

Contemptum Dei  
bi, nihil magis  
præsumit magis  
peius.

*Quia illic sedent sedes in iudicio, sedes domus David.*

V.

4 Reg. 2.

Augustinum torfit Ebraismus, sicut satis ridicule dicitur ipsas sedes seu sellas sedere. Sed usitata figura est, ut dicant, sedere pro manere. Sicut 4. Reg. 2. dicit Elias ad Elisum, Sede hic, id est, mane hic. Poterat igitur Latine verti, *Illic sunt, manent, inveniuntur sedes ad iudicandum*, hoc est, Dominus benedixit huic loco, ut ibi sint iudices. Hoc potest intelligi simul de politia & Ecclesia, quanquam principaliter de Ecclesia dicit. Est autem usitata phrasia, ut iudicare usurpent pro docere. Sententia igitur est, Hæc est gloria huius populi, quod in ista Civitate invenitur cathedra seu sedes, in qua docetur verbum Dei, instituuntur conscientie, reguntur homines Verbo ad salutem. Sic Psalmo primo, impij non stabunt in iudicio, hoc est, non perseverant in doctrina fidei, sed fingunt sibi suas opiniones, ideo dissipantur sicut paleæ. Puto autem Ebraica consuetudine adhuc hodie usurpari appellationes illas, sedes Romana, Moguntina, Trevirensis, &c. Ac sane fuerunt in his locis sedes Domini, Nunc propter impiam doctrinam & idolatriam, sunt sedes Satanæ & cathedræ pestilentie.

Sedes.]

Iudicare,  
Sententia huius  
loci.

Impij non sta-  
bunt in iudicio,  
Psalm. 1.

Sedes Romana

Hæc igitur genuina sententia est. In hoc loco impletum est verbum Domini, promittentis facturum se memoriam nominis sui. Hic enim est, hic habitat Deus. Itaque est hic vita, salus, remissio peccatorum, iusticia extincta & abolita tyrannis Satanæ, &c. Hæc enim omnia dicit, cum vocat sedes iudicij, hoc est, administrationem veritatis, ministerium fidei, vocem maiestatis divinæ, cum populo suo loquentis, &c. Nam, sicut dixi, iudicium significat puram doctrinam, quæ de gratia Dei, de bonis operibus, de magistratu, de legibus civilibus recte docet homines. Hæc ubi est, ibi sunt sedes iudicij, Sicut hodie de nostra VVittemberga etiam gloriari possumus, propter sanam doctrinam, qua homines recte docentur ex Verbo, de iusticia, de peccato, de gratia, de fide, de obedientia parentum, &c. Hæc doctrina est cœsol, quo illuminantur Ecclesie. Contra, ubi Verbum non est, ibi sunt sedes iniquitatis & Satanæ. Verbum enim constituit & facit sedem, non fit à sede, sicut Pontifices impie disputant.

Sedes iudicij.  
Iudicium quid.

Sedes Satanæ.

Quod autem repetit, Sedes domus David, hæc causa est, quod respicit ad promissionem Davidi factam, quod sedes tabernaculi seu Templum, à Filio ejus in Ierusalem sit ædificandum, ubi iudicabitur, hoc est, conscientie consolabuntur, terrebuntur, instituentur verbo Dei. Hæc sunt, quæ tantopere prædicat David. Quod autem in mundo tanti non fiunt, sed contempta hæc sunt, ratio est, quia non habemus tales oculos, quales David habuit, alioqui fieret, ut sicut nunc rustici pastores suos tantum non pedibus conculcant, ita cum summa reverentia eos adorarent.

Sedes domus  
David propter  
promissionem  
David factam  
addit.



An non enim suspiciendus & colendus est Frater, per cujus os Deus tibi loquitur, & te vocat ad aeterna bona? Sed homines hæc non considerant, magis admirantur numos, & splendorem mundi. quam istos radios divini luminis & pulcherrimas stellas, sicut Daniel appellat. Nos autem decet dissimiles esse mundi, & agnoscere cum Davide hæc dona, & orare, ut Deus potius Peste, fame, gladio, seu bellis nos affligat, quam ut sinat in talem contemptum Verbi & ministrorum ejus nos prolabi, qualem in præsentī mundo experimur & patimur.

VI.

*Rogate quæ ad pacem sunt Ierusalem, Abundent qui te diligunt.*

*Fortatur ad  
studium pro  
conservatione  
Ierusalem.*

Vidit David primum in spiritu illum horribilem contemptum Verbi, seu ministerij, Deinde etiam hoc vidit, gloriam hujus doni non posse conservari humana virtute aut diligentia, Ideo convertitur ad excitandos animos ad orationem, pro conservatione hujus doni, Q. d. Est quidem hic sedes divini judicij, sed quam pauci sunt, qui eam merito honore, & favore prosequuntur, major pars mundi odit, & eversam eam cupit. Itaq; saltem vos, pusillum gregem hortor, ut vos faveatis, ut rogetis ac precemini ei pacem, ut pacifice & amanter eam salutetis, & dicatis, Benedicat te Deus ex Sion, &c. Hoc enim est rogare, quæ ad pacem sunt, optare, ut Satan cursum & fructum verbi non impediatur.

*Rogare quæ ad  
pacem sunt  
quid.*

*Causa exhorta-  
tionis.*

Causa exhortationis hujus hæc est, quia florente hac civitate, habetis Deum loquentem, salvantem, dantem victoriā contra omnes Satanæ conatus, contra peccatum, pavorem conscientie, &c. Quis igitur pro his donis conservandis non oret? Et tamen experitur David Reges Syria, Egypti, Ammonitas, & alios vicinos populos, nullam pestem sic odisse, sicut Ierusalem, & cultum Dei, qui in Ierusalem fuit.

Orat igitur & optat, ut omnes habeant tales oculos, quales ipse habebat. Sicut nos hodie summis conatibus hortamur Pontifices & Episcopos, quoniam Ecclesie bona habent, ut ijs uti velint ad propagationem veri cultus & Verbi, Sed experimur diversum eos facere & moliri, nempe, quomodo Verbum & omnes Ecclesias nostras funditus extirpent. Itaq; manet hoc votum paucorum, qui intelligunt donum Verbi, & id opibus & potentie mundi anteferunt.

*Pax.  
Pax vobis.*

Porro Ebraismus est, Rogate quæ sunt ad pacem, Pax enim significat, quod bonum, salutare, utile est. Hinc salutatio, Pax vobis, hoc est, bene valeas, salvus sis. Habet autem pulchrum affectum hic versus, Q. d. David, Ah cur hanc civitatem odistis, in qua nobiscum Deus habitat, nobiscum loquitur, omnem benedictionem dat spiritualem & corporalem? Sed hæc ipsa causa est, cur Satan & impij eam oderunt, quia Verbum & verum cultum Dei non possunt ferre. Mallet Satan immolari à parentibus liberos, mallet pro Deo adorari mammonam, mallet alia scelera designari. Contra hæc, quia Verbum monet & servat, ideo id odit & execratur.

*Vicissim bene  
precatur is, qui  
bene cupiunt  
Verbo, &c.*

Quod addit votum, Abundent qui te diligunt, facilem sententiam habet. Optat enim ijs, qui favent Verbo, & huic sedi judicij, omnem benedictionem, ut Deus vicissim ipsis velit benefacere. Atq; hoc votum etiam valde est necessarium. Experimur enim eos, qui sanam doctrinam amplectuntur, varie periclitari, Imo quia hodie in nos quidam non sæviunt, sicut Pontifices & Episcopi vellent, ideo in periculo sunt ipsi quoque, & experiuntur parum æquas aliorum voluntates, Taceo de ijs, qui docent Verbum & propagare student, hi omnibus anathematis subjiciuntur. Non obscura Pontificum & Episcoporum est voluntas, quod æquiore animo ferrent Turcæ imperium, item Diaboli & omnium furiarum, quam quod nos coguntur videre incolumes. Igitur opus habet Ecclesia omnibus temporibus hac precatione, ut Dominus eos abundare faciat, & omnibus bonis cumulet, qui Verbum & cultum Dei diligunt, aut quocunque modo ei non adversantur.

VII.

*Fiat pax in virtute tua, & abundantia in turribus tuis.*

*Invocanda Ec-  
clesia piorum  
precibus.*

Quod Latinus vertit, In virtute tua, rectius sic vertitur, Sit pax intra muros tuos. Postquam enim Propheta exhortatus est omnes, quotquot fovēt & favent Ierusalem,

Ierusalem, ne maledicant ei, nec oderint aut persequantur eum, Verritur nunc ad ipsam civitatem, & non solum ei bene precatur, sed formam p[er]sonis alijs quoq; ostendit. Summa autem est, quod rogat, ut floreat Religio, ac detur ministerium Verbi, & ipsi ministri adversus Pseudoprophetas, Item, ut maneat concordia inter Doctores, Deinde ut politia quoq; & omnia, quæ ad eam pertinent recte gubernentur. Quam autem necessaria hæc oratio sit, docet quotidiana experientia. Vbi enim hæc duo sunt, nempe pax politica, & Ecclesiæ concordia, ibi nihil est, quod possit requiri amplius, Ideo Diabolus tanto conatu se opponit, ut hanc pacem utriusque turbet. Hinc tantus in isto populo Pseudoprophetarum numerus fuit, & tanta semper seditiosorum multitudo, sicut testantur historiae. Itaq; usa edoctus David, hæc duo orat, sine quibus mundus vere desertum est, & sterilis arena.

*Ecclesiæ concordia.*

*Pax politica.*

In proximo est exemplum eorum temporum, quibus sub Papa ante hanc laccem Evangelij viximus. Ibi cum Verbi sana doctrina d[ic]eretur, quid potuerunt quæso præstare omnes Theologi, Monachi, Sacerdotes, Iureconsulti, Medici? Quem verum in toto Psalterio recte intellexerunt? Itaq; factum est, ut ne quidem manifestis impietatibus & idolatrijs potuerint resistere, quales fuere in locis peregrinationum, ubi palpabilia monstra & manifestas nugas approbarunt, & coegerunt vulgus, ut adorarent eas. Si quis uno Verbo contradiceret, à Monachis proclamabatur hæreticus Adeo verum est, quod amisso Verbo, mundus totus in densissimis tenebris oppressus jacet, nec potest aliud quam abuti donis Dei. Magnum ingenium fuit in Scoto, Thoma, & alijs, Sed an non eo dono in totum abusi sunt ad impietatem? Sic Iureconsulti abusi sunt egregio dono Legum politicarum, ad cupiditates suas & contemptum Creatoris, Sic Medici inter reliquos pietatem fere plurimum contempserunt, & admirati sunt illas suaves Epicuri opiniones, Ede, bibe, lude, post mortem nulla voluptas. Sic necesse fuit sine Verbo prolabi homines, aut ad manifestam impietatem cum summa securitate conjunctam, aut ad desperationem. Hoc cum fit, quid profunt opes? quid ingenium? quid magna potentia, & alia quæ mundus admiratur, & quærit? Hoc videt David, & tanquam insignis Poëta, claudit poemam suam voto, ut hæc Ierusalem habeat pacem, ut servantur fideles ministri in Ecclesia, & pii Principes in Politia.

*Amisso vero mundus in tenebris oppressus jacet. Scimus. Thomas.*

Hoc votum fere accidit, ut maneat votum, rarissime enim videmus impleri. Nunquam enim fit, ut totus populus corrigatur, Dixit itaq; David, *Fiat pax in muris tuis*, Sed non est factum. Neq; enim humanis viribus ista possunt retineri. Sic si res nostri arbitrij, & virium nostrarum fuisset, nunquam essemus passi, ut sectæ, nostræ doctrinæ contrariæ, invalescerent, Sed gubernantur ista sic divinitus, ut tamen Satan etiam non quiescat. Itaque oratio necessaria est, & quicquid oratio hæc non impetrat, hoc nulla sapientia humana potest impetrare. Præterquam igitur, quod est persistendum docendo, laborando, conando, etiam oratio adjungenda est, si modo hic fructus pacis debet sequi, Et tamen fiet ut sequatur, non tanquam circumferentia, sed tanquam centrum, hoc est semper major pars reluctabitur, Pusillus autem grex, sicut Christus loquitur, hanc pacem amplexatur & amat, Sicut etiam in Politia nunquam fit, ut omnes sequantur auctoritatem legum, satis est ut aliqui sint, reliqui poenis cohibendi sunt.

*Præparatio mundi.*

*Propter fratres meos & proximos meos, tibi pacem loquor.*

VIII.

Hic significat David communem querelam omnium illorum, qui præsunt, tum in Ecclesia, tum politia, tum œconomia, quod semper major pars ita est tota perversa & mala, ut sæpe ad desperationem animi bonorum concitentur. Qui docet Ecclesias, cum summo studio cogitat mederi vitijs hominum, videt majorem partem magis irritari, Pius Magistratus, cum officium suum summa diligentia facit, Invenit, qui studiose se opponant, & diversum moliantur, Sic in œconomia accidit, quoties fallunt servitia, quæ tu putaras summa fide factura officium? Hæc cum experiuntur homines, concitantur ad furorem & impatientiam, Qui Ecclesias docet, cogi-

*Communis querela omnium qui præsunt. Doctor. Magistratus.*

*Paterfamilias.*

cet, cogitat de alio vitæ genere. Magistratus in tanta difficultate omnem curam Reipublicæ vult abjicere, Oeconomus laudat Monachorum vitam, quæ tali molestia carere videtur, qualem sustinent, qui uxorem, liberos, familiam alunt. Hæc impatientia nobiscum quasi nascitur, Et tamen non potest aliter fieri. Habemus enim hostem Satanam, is neq; dies nec noctes cessat seminare in Ecclesia discordias & pravas opiniones, in politia inobedientes & seditiosos cives, in oeconomia, negligentem & perfidam familiam.

*Secunda mala  
propter Ecclesiam.*

Hic igitur cum Davide adhibenda erat patientia, & non respiciendum ad majorem partem, quæ semper mala est, sed ad Fratres & proximos. Sic Paulus 1. ad Timoth. 2. dicit, Omnia sustineo & fero propter electos. Hi enim nisi essent, quis in Ecclesia docere cuperet? Hos autem tanquam gemmas sparsit Dominus in profundissimum lutum, Itaque non cogites te geminis tantum velle prædicare, quod quidem optabile esset, Sed ratio id non fert, cum hæc sint in medio luto positæ. Sic cum positus sis in Magistratum civilem, in Oeconomum, hoc primum cogita, non futurum, ut omnia sint gemmæ, aurum, argentum, Satis tibi sit, cum sicut in fodinis solet, unam venulam argenti in toto monte conspicias, satis sit, cum unam & alteram gemmulam invenis in maxima luti mole. Major enim pars in Ecclesia semper hæretica & impia est, Minor pars in politia est obediens & amans virtutis. Itaq; sit, ut omnia sint plenissima molestiarum, cum pulcherrimis conatibus & consilijs pessimi quique cum successu repugnent.

Sed noli ideo deferere locum & stationem in quam te collocavit Dominus, noli ideo fieri inobediens Deo, & abjicere curam tibi mandatam. Hoc cogita, Deus dixit ad me, ut sim Princeps, posuit me in rectorem populi, familiæ, &c. Hanc vocationem non deferam. Sic enim peccarem contra Deum meum, cui obedientiam debeo. Sed etsi major pars sit mala, tamen faciam officium propter Electos, propter Fratres & proximos meos, orabo pro pace, hortabor meos, faciam quantum possum, non propter vulgus, sed propter Fratres, qui debent fieri participes nostræ doctrinæ. Sunt inter nobiles, inter rusticos, inter cives, inter adversarios, aliqui boni, aut saltem non plane perversi, propter hos loquar coram Deo & hominibus, quod est optimum, &c.

*Consolatio pro  
magistratu Eccle-  
siastico &  
politico.*

Ad hunc modum expono hunc versum, ut sit consolatio pro Magistratu politico & Ecclesiastico, contra illam multitudinem pravorum hominum, & molestias, quas pijs pariunt. Nostri monachi horum plane nihil intelligunt. Aliam molestiam enim non norunt præter illam, quam ipsi sibi conciliant, ob neglectum matrimonium, nempe, æstum libidinis, illas autem Ecclesiasticas & politicas molestias non sentiunt. Quia enim Princeps mundi eis non adversatur, sed largitur omnia, facile eis est regere. Nunc autem cum per Verbum Ecclesiæ purgantur, & Magistratus recte docetur de suo officio, furit Satan sicut potens in atrio, cum venit potentior & fortior. In his molestijs animus obfirmandus est, & cogitandum, Sicut ista jubente Satana non coepta sunt, ita etiam eo reluctante non abjicienda esse, aut deferendam vocationem, Sed serviendum esse primo ipsi Domino nostro, Deinde etiam Fratribus & proximis nostris, quos sæpe nec videmus, nec novimus, Propter hos Ecclesiæ doceri, Reipublicæ autem regi debent, non propter mundum, is non dignus est, ut fur suspendatur, aut plectatur capite homicida, Sed Dominus in coelis, & Fratres ac proximi in terra, sunt digni hoc officio Magistratus, sicut subjicit.

*Propter domum Domini Dei nostri, quero bona tibi.*

*Causa præsentis  
omni.*

Prima ratio, cur oret & bene precetur est, ut serviat Fratribus, non ingrato & perverso mundo, Secunda est, ut etiam Deo serviat, & conservetur domus illa, in qua Deus loquitur, audit preces &c. Hoc debet satis lucrare pijs, si qui mali contemnunt, aut etiam nocere pijs conantur, erit cum dabunt sui contemptus & impietatis satis magnas poenas, Nobis hoc satis sit, quæsiisse salutem proximi, & conservationem cultus Dei. Neq; enim domum hic intelligere debes, lapides & ligna, sed cultum Dei, qui in ista domo exercebatur. Neq; enim fuit talis domus, in qua nihil



nihil ageretur, Homines ibi orabant, docebatur ibi verbum Dei, Deus autem audiebat preces, & dabat oracula sicut supra quoque dictum est.

*Domus Dei  
mei.*

Sed cur addit Dei nostri? Ideo scilicet, ut intelligatur de tali Deo loqui, qui hunc populum circumcisum, fecerat suum populum. Hæc quoque causa est, cur non, sicut Mundus, quærat malum huic populo, aut frangatur istis molestiis politicis & ecclesiasticis, Sed postquam vocatus est in Regem & Prophetam huius populi, perdurat & consolatur se his duobus, quod serviat primum fratribus, deinde Domino suo, quod non sit inutilis servus, siquidem fructificat Deo, ut glorificetur, & proximo, ut salvetur. Ad hunc modum nobis quoque est cogitandum, ut si non omnes sint boni, obediētes, sufficiat nobis saltem aliquos esse bonos, Si non omnes Ecclesiæ accipiant doctrinam nostram, sufficiat nobis saltem aliquas esse, in quibus fructificatur Deo & fratribus, Hoc enim nunquam fiet, ut omnes boni fiant. Qui hoc non potest ferre, fiat monachus, scilicet, & plane nihil molestiarum patietur. Ergo meminimus orandum esse propter Fratres & domum Domini, cum Davide, qui, sicut hic Psalmus ostendit, probe intellexit virtutem & gloriam Verbi, Ideo non agit gratias, non exultat, propter auri & argenti copiam, quæ tamen ei non defuit, sed propter Verbum & cultum Dei. Hæc cum adsunt, facile omnia alia incommoda sarciri possunt. Nam sic Deus manet, & Fratrum salus quaeritur, hoc quid volumus amplius? Contra cum verbum non adest & nulli veri cultus Dei adsunt, amissimus simul Deus, misericordiam & salutem Ecclesiæ seu Fratrum, & nihil restat quam sacrilega multitudo, quæ damnatur.

*Domini.*

*Virtus & gloria  
verbi.*

Ahortatur igitur nos David in hoc Psalmo, ut discamus verbum colere, & ejus successum per fidelem orationem quaerere, & non turbare, etsi major pars est impia. Sint igitur alij suo periculo impij, nos autem agamus Deo gratias, quod dat pacem & pios doctores, qui verbo gubernant Ecclesias. Vbi enim hæc non sunt, ibi necesse est esse perturbatas conscientias, Idolatriam, impietatem, cædes, adulteria, & similia monstra, quæ Dominus Iesus avertat ab Ecclesiis nostris, & servet nobis istas reliquias, qui colunt Sacerdotium & regnum. Hæc enim duo vocabula, usu quidem vulgata ac nota sunt, sed longe plus in se habent, quam mundus & adversarij nostri intelligunt. Itaque pro conservatione harum rerum, quas non intelligunt, orare non possunt.

*Epilogus Psal.  
mi.*

*Sacerdotium  
Regnum.*

## PSALMUS CXXIII.

*Ad te levavi oculos meos.*



Et hic Psalmus, sicut videtis, satis brevis. Ideo aptum exemplum est, quod ostendit vim Orationis non esse positam in multiloquio, sed in Spiritu. Nam etiam pauca verba magna rerum pondera complecti possunt, accedente spiritu & inenarrabilibus gemitibus cordis. Præsertim cum necessitas ejusmodi incumbit, ut non sit spacium longioris orationis meditando. Extant quidem orationes copiosæ & prolixæ in Psalmis, & inter reliquas Propheticas, insignis est illa Danielis nono, Sed omnis oratio tum satis longa est, quando affectus est vehemens, & intelligit præsentem necessitatem, quæ Sanctis objicitur, non de leviculis rebus, quales mundus maximas judicat, cum aut periclitandum est de victu, aut alijs similibus rebus. Sed cum opprimatur Ecclesia Tyrannorum armis, cum prophanatur nomen Domini impuris dogmatibus, & si qua similia sunt, quæ ad gloriam Dei, ac salutem animarum proprie pertinent, Hæc pericula ferre non possunt oratione dici, Ideo tum vere orant Sancti, quando cum dolore animi, & anxio spiritu ista in mundo vident & experiuntur, ac de ijs serio cogitant.

*Exemplum brevem  
oracionis.*

*Oratio satis  
longa.*

Ad hunc modum hic Psalmus est oratio contra superbos & securos, sicut ostendit postremus versus. Hi autem sunt, non tantum inter eos, qui impia dogmata sequuntur,

*Summus Psalmus.  
Superbi & securi  
qui sunt.*

quantur, sed etiam inter eos, qui volunt gloriari de Verbo & sana doctrina, qui gaudent titulo, quod populus Dei & Ecclesia sint, quiq; nobiscum participes haberi volunt nominis & gloriæ Christi, & tamen sunt, securi spiritus, qui aut rident, aut moleste exercent sincere docentes. Talium magna copia fuit in populo Israel. Habebant enim Regnum & cultum, verbo Dei per Moysen institutum, habebant ministerium copiosum in tanto numero Prophetarum & Doctorum.

*Contemptus prophetarum.*

Sed quomodo Prophetas tractare soliti sint, ostendunt historiae. Cum Elisa 3. Reg. 9. filium Prophetæ ad Ichu mitteret, reliqui dicunt, Quid venit ille insanus ad te? Ac Psalmi & conciones Prophetarum satis arguunt cum de fide & justificatione coram Deo populum docerent, à multitudine derisos, imo etiam ut hæreticos damnatos esse, quod sacrificijs & cultui legali aliquid viderentur detrachere.

*David.*

Sic David sub Saule seditiosus judicabatur, & sustinebat crimen Regni perfide affectati, Postea cum arcam Domini transferret Ierosolymam, & significaret gaudium suum optimo animo, excipitur ab uxore Michal his vocibus, Quam gloriosus fuit hodie rex Israel? qui se nudavit in conspectu ancillarum & servorum suorum tanquam scurra aliquis. Non autem cogitabimus Michal solam fuisse, quæ hoc modo Regis factum calumniata est, fuerunt sine dubio alij in aula, sapientia & dignitate præstantes, qui idem judicarent. Sive enim rex, sive princeps, sive Ecclesiarum doctor sis, si Verbum serio amplecteris, mundus te judicabit insanum & fatuum. Hoc in mundo semper ita fuisse ostendunt historiae, & docent nos idem nostra secula.

*Michal, 2. Reg. 5.*

*Davidi exemplo nobis utendum ad versus Papam, Falsos fratres & hæreticos, Seditiosos.*

Vtile igitur exemplum nobis hic Psalmus proponit, quoniam videre & experiri illam superbiam & securitatem cogimur, ut cum Davide oremus contra superbos, hoc est, Primum contra Papam & totum ejus regnum, Hi enim securissimo animo nos non solum contemnunt, sed damnant quoq; , Deinde contra falsos fratres & novorum dogmatum, aut veterum errorum patronos, quos ita videmus plenos odio nostri, ut ne quidem recte dicta sine calumnia abire sinant, Postremo contra securos in nostris Ecclesijs, sicut hodie sunt nobiles, & numati rustici. Hi enim omnes eo sibi videntur beati esse, quod nos ridere, vexare, & plagis quoq; cum licet, excipere possunt, qui Ecclesias studemus vere & pie docere. Contra hos hæc oratio humilium & vexatorum filiorum Dei est oranda, qui pro fatuis, seditiosis, hæreticis, & probrosis hominibus à mundo habentur. At retinenda simul hæc consolatio est, quoniam Spiritus sanctus nobis hanc orationem per Davidem ita præscripsit, futurum, ut exaudiamur, & ex contemptis reddamur gloriosi in regno Dei. Sed longa nobis hæc mora est, & dolet fere, quod Deus tam diu patitur nobis à malo & securo mundo insultari. Ideo necessarium est Christi mandatum, ut possideamus animas nostras in patientia. Sed veniamus ad verba Psalmi tandem.

*Oratio filiorum Dei, Or.*

1.

*Ad te levo oculos meos, qui habitas in caelis.*

*Affectus animi anxij & destituti omni auxilio.*

Hic est vehemens gemitus animi anxij, & undique circumspicientis, ac querentis fautores, amicos, consolatores, laudatores, sed nunquam invenientis. Quo igitur, inquit, miser & contemptus ego confugiam? Desunt vires, quibus me tuear, deest sapientia & consilium in tanta multitudine adversariorum meorum. Ad te itaq; venio mi Deus, Ad te levo oculos meos, qui in caelis habitas. Sic Deum, ut Scholastici loquebantur, in individuo vago, seu generali appellatione, Habitatorē cœli vocat, Vt significet omnia plena esse derisoribus, & pios conculcari ab omnibus qui habitant in terra, in aëre & nubibus, esse ~~καθάρματα~~ seu purgamenta totius mundi, Vnum igitur habitatorem cœli esse reliquum, à quo speret auxilium & opem.

*Habitator cœli.*

Hanc periculi magnitudinem affectus iste exprimit, quod circumspēctis omnibus, nullum neque auxilium, nec consilium se invenire dicit, quam illum qui in caelis habitat. Hæc tentationem valde augent, Itaque talibus verbis in tentatione orat, quæ fortasse ipse eo tempore non satis plene intellexit, Sicut Paulus quoque dicit. Nos nescire quid oremus. Spiritus quidem novit & intelligit verba ista, sed homo non

non potest ea satis pro magnitudine sua concipere in tempore tentationis, dum fides adhuc infirma est & luctatur, Postquam autem hoc datur quod volumus, & oratio exaudita est, tum fides habet suum robur, & nos tum tentationem, tum orationem, qua in tentatione sumus usi, plenius intelligimus. Opponit itaq; David in hoc versu Habitorem coeli, habitatoribus terræ & aeris, hoc est, Satanæ & Mundo, & erigit se, quod quanquam mundus magnus & potens est, tamē Deus sit major. Quid igitur si mundus te ridet & vexat? Huc potius respice, quod Deus cum omnibus Angelis & Sanctis suis te intuetur, te prædicat ac laudat. Hoc versus iste significat, verbis, ut videtis, satis humilibus, sed plenus omni copia consolationum, si quis modo crederet. Spiritus certe, qui hæc verba dat, & suscitatur gemitus hos, in afflictorum cordibus, intelligit quanta gravitate hæc orentur.

*Habitatoribus  
aeris & terræ  
opponit habitato-  
rem coeli.*

Porro in secundo Psalmo Graduum diximus, Sanctos in veteri Testamento, cum orarunt, non simpliciter orasse ad Deum coeli, sicut Turcæ & Iudæi adhuc hodie orant, sed vertisse se corpore & animo ad templum in Ierusalem. Itaq; quod hic dicit. Ad te Domine levo oculos meos, qui habitas in coelo, sic intelligendum est, ut & corde & gestu fateatur illum coeli Habitorem, habitare vere in tabernaculo in Ierusalem. Hoc eo consilio hic repetendum & admonendum esse duxi, ut prohibeam cogitationes, quæ ascendunt propria temeritate ad nudum Deum, & pingunt Deum in coelo esse invocandum. Nam is locus tenendus est, in quo Deus vult adorari. Is fuit locus tabernaculi, tempore Legis, & recte dicitur coelum, sicut ministri ejus loci & cultuum dicuntur stellæ, & populus, exercitus coeli, sicut Esaias 40. & Daniel 8. 11. loquuntur. In novo Testamento diximus non esse aliquem corporalem locum, sed plenitudinem divinitatis esse, & inveniri in uno homine & Deo Christo. Ejus populus seu credentes appellantur regnum Dei, sicut Paulus dicit, Regnum Dei in vobis est. Ideo scilicet, quia Christus Rex coeli in Sanctis per Spiritum & verbum suum regnat. Sic Paulus in Collossensibus dicit, nos esse in cœlestibus, non quod corpore simus in coelis, sed quod ille Rex, qui regnat, vivit, loquitur, operatur in nobis, est Rex coeli, &c.

*Quomodo sit  
intelligendum, quod  
ad Habitorem  
coeli non tem-  
plum se vertit.*

*Coelum,  
Stella.  
Exercitus coeli.*

*Regnum Dei.*

Hoc ideo necessarium est sciri, ut maneamus in recta, sed tamen agnitione se- mita, nec putemus Davidem orasse spreto templo. Qui enim hoc faciebant, erant sacrilegi & apostatae, sicut à Prophetis appellantur, Quare addamus hanc glossam, cum David dicit. Qui habitas in coelis, ut idem sit, ac si dicat, Qui habitas in Zion seu Ierusalem. Sic apud nos nulla est oratio extra Christum, sed quicquid oramus, oramus in nomine & fiducia Domini nostri Iesu Christi, qui ita est habitator coeli, ut tamen secundum Verbum & Spiritum sit nobiscum in terra, & regnet in manu, lingua, & omnibus membris nostris. Omnia enim Sanctorum opera sunt opera Christi in eis regnantis. Neq; enim separandum est coelum à terra, sicut David non separat coelum & Zion seu Ierusalem. In Christo enim coelum & terra conjuncta & idem sunt, In Christo omnia impleta sunt, & possidentur omnia. Itaq; qui Christum habet & credit, habet coelum & terram, & quicquid in eis est. Sicut tempore veteris Testamenti, Deus omnia collegerat ad locum tabernaculi.

*Oratio extra  
Christum nulla.*

*Opera Sancto-  
rum.*

Fanatici spiritus semper fingunt sibi proprias religiones, Sicut Iudæi quærebant valles, lucos, amœna flumina &c. Hi etiam volebant videri, quod levarent oculos ad Deum habitantem in coelis, sed fallebantur. Quomodo, inquis, An non coelum id est, quod supra caput est: Recte. An non ea sedes est Dei? An non Deus ibi invenitur? Non, Quia Deus sic est habitator coeli, ut verbo suo dixerit, se in loco tabernaculi habitaturum esse. Ibi quære eum Saul, Ahab, Baesa, Ierobeam, Ibi Verbum suum eum invenies, Alibi nusquam, neque in coelo, nec in terra invenies. Turcæ etiam orant ad Deum, coeli & terræ Creatorem, sed non inveniunt, quia in Christo Deum non credunt nec quærunt. Sic Papa orat ad Deum Augustini, Francisci, Petri, Pauli &c. Sed talis Deus nusquam est. In Christo enim placuit habitare omnem plenitudinem, In eo, qui orat, invenit Dei aures apertas, qui extra Christum orat, huic Deus aures non præbet. Hinc facile est ju-

*Antiqui vo-  
lunt orationem rei-  
ligionum quid  
errent.*

*Extra Christum  
Deum non inven-  
iunt.*



In nomine Christi  
si saltem oran-  
dem, aut frustra  
oratur.

dicare de Papistarum orationibus, quæ omnes fere in genere nituntur non solius Christi nomine, sed meritis & intercessionibus Sanctorum. Impossibile igitur est, ut vel hunc vel alium Psalmum possint recte orare. Amisso enim aut posthabito Christo, amissus est Deus cum omni creatura, cum Scriptura & omnibus alijs, quæ sunt.

Regula orandi  
et colendi De-  
um.

Ergo hoc epitheton est Dei, non gloriosi in maiestate, sicut judicant Papistæ, sed revelati, non (ut sic loquar) Dei speculati, aut per nos reperibilis, sed manifestati per suum Verbum, in quo se revelat talem habitatorem cœli, qui habitare velit ad Arcam in tabernaculo. Est quidem revera cœli habitator, Sed non mihi, cui per verbum suum dicit aliud, nempe, quod tum in templo, nunc in homine Christo inveniri & esse velit. Hanc Regulam orandi & colendi Deum, nesciunt Idolatræ Iudæi, Turcæ, Papistæ, & omnes voluntariarum religionum autores, qui putant se Deum velle invenire, & colere, secundum quod ipsis cor dictat. Tales cultores Deus non novit nec accipit, sicut ipsi Deum non noverunt. Neq; enim Deus nudus à nobis apprehendi potest, Circumstantiæ autem, tempus, locus, persona, non sunt sumendæ ex nostra ratione, sed simpliciter ex verbo Dei. Qui ad hunc modum habet Deum descriptum circumstantijs in Verbo suo propositis, is postea sine periculo eum potest appellare secundum maiestatem suam, Habitatores cœli, Deum habitantem lucem inaccessibilem, Creatorem cœli, &c. sicut aliquando Prophetæ & Apostoli solent.

II.

*Ecce sicut oculi servorum respiciunt ad manus dominorum suorum, Sicut oculi ancillæ ad manus domine suæ, Ita oculi nostri ad Dominum Deum nostrum, donec misereatur nostri.*

Consolatio, cum  
auxilium in tem-  
tatione differ-  
tur.

Vritur Propheta duabus similitudinibus, quibus incendit affectum suum, & simul orationem quoq; facit ardentior. Q. d. Differt Dominus auxilium, sinit in nostro conspectu florere subsannatores illos, & secure superbos contemptores, qui gloriantur se esse filios Israel, & sedent in cathedra Moysi, ideoq; timentur ac honorantur. Longa sane nobis & molesta hæc mora est, Sed tamen faciemus, quod probi servi, & probæ ancillæ soleant, ut in hoc contemptu & alijs periculis, ipsi nos non vindicemus per impatientiam, sed respiciamus ad Dominum, & expectemus ejus manum. Sic confitetur sanctus vir Deum differre auxilium, & protrahere moram, nec definire modum aut tempus, quo juvare velit, sed sinere Sanctos in eo sensu, quasi modus & tempus sint infinita, ut videantur quasi inter cœlum & terram pendere medijs. Hæc gravia sunt & mirum in modum aggravant tentationem. Quare tenenda consolatio est, quam Propheta hic ostendit. Quod scilicet tentationis erit finis, Sed non secundum nostram definitionem, ne scilicet Deo tempus, aut modum præscribamus. Deus enim sicut in natura sua, sic etiam in modo agendi & virtute sua, est infinitus, itaq; non patitur à nobis circumscribi. Proponitur igitur nobis hic exemplum patientiæ, quod expectanda sit manus Domini, & non dubitandum de auxilio divino, & manu Domini affutura. Cum enim prima syllaba, seu potius primus gemitus orationis incipit, annuit Deus & respondet nobis, fiat, Non tamen debemus statuere, ubi, quomodo, quando, per quos, sit daturus quæ petimus. Hæc enim relinquenda sunt Deo ut ipse definiat, Nobis hoc agendum est, quod nostri officij est, ut scilicet oremus, & sicut servus, respiciamus ad manum nostri Domini.

Exemplum pa-  
tientie.

Similitudo de  
Idolâ & magis  
Iudæis. Luc. 18.

Tandem dicitur.

Ad hunc modum docet nos David suo exemplo, & monet, ut etiam expectemus, non remittamus brachia, nec avertamus oculos à Domino, sed ut urgeamus, instemus, perseveremus, sicut Christus quoq; monet in similitudine illa mulierculæ & injusti iudicis, qui etsi neq; Deum nec homines timeret, tamen improba assiduitate vincitur, ad cognoscendam causam. Si enim homo pessimus tam malus non est, quin superetur improbitate orandi, Quid non de Deo sperabimus, qui se ultro ad audiendas preces offert, nos autem etiam mandato suo cogit ad orandum? Imo, ut dicam, quod res est, qui ad largiendum est promptior, quam nos ad accipiendum?

Nam

Nam illa mora, qua auxilium differt, non hoc agit, ut ostendat se nos non auditurum esse, sed ut exerceat fidem nostram, & nos discamus cognoscere varias & multiplices rationes auxilij divini, tam longe positas supra hoc, quod capere & intelligere possumus. Statuamus ergo rem, quam petimus, differri, non negari, nec patiamur nos unquam eo adduci, ut moram hanc interpretemur, esse neglectum. Vult enim Dominus ita nobiscum agere, ut nomen suum retineat, quod David in alio loco ei tribuit, quod scilicet sit adjutor in opportunitate. Hæc opportunitas definitur ab ipso, à nobis non potest definiri.

Sed obiter hoc quoque admonendum est, quod Spiritus sanctus hoc in loco probat œconomiam, quod liceat habere servos, & simul significat bonum vitæ genus esse servire, si tamen accedat fides. Siquidem servi hic inducuntur pro consolatione servorum Dei, & probatur in eis patientia, & fides, quam habent de Dominis, quod non statim ad primum asperum verbum fugiunt, neque ita severitate Dominorum terrentur, ut omnem de eorum benignitate spem abjiciant, Sed respiciunt ad manum eorum, & expectant misericordiam. Sed profecto loquitur David de melioribus servis & ancillis, quam hodie sunt. Nullum enim genus hominum est, quod fallacius, negligentius, & impatientius sit, etiam cum justissimæ causæ sunt oburgandi. Quare qui volunt boni esse, meminerint exempli & regulæ, quam Spiritus sanctus hic dicit à bonis servis servari, quod non impatientes, non difficiles sunt, sed fideliter officium faciunt, & respiciunt ad manus Dominorum suorum.

Præcipue autem hoc in loco observandum est pronomen, quod non simpliciter dicit, oculi nostri sunt ad Dominum Deum, sed addit, *Ad Dominum Deum nostrum*, hoc est, ad eum Deum, qui manifestavit & revelavit se nobis in verbo suo. Nam absque hoc si esset, non esset noster Deus. Sic Dij Gentium & Idola, quæ singuli sibi fingunt, dicuntur quidem nostri Dij, tanquam à nobis ficti & facti, sed non sunt veri Dij. Hic autem Deus, est noster Deus, qui se nobis revelavit in verbo suo, & promisit quod velit esse noster Deus, &c. Ergo Carthusianus monachus non habet Deum, quia fingit sibi Deum secundum suas cogitationes, quæ sunt cogitationes Satanae & alienæ à verbo Dei. Sic enim de Deo cogitat, futurum ut respiciat cucullum suum, ut deleatur si tam diu stet in templo, si non vescatur carnibus, si non prodeat in vulgus, &c. Sed Deus revera talis non est, sed simpliciter est hoc Idolum cordis ipsius, & humana opinio sine verbo, imo etiam contra Verbum concepta, & plantata à Diabolo.

Ad hunc igitur modum semper accipe, Deus noster, hoc est, qui se in verbo suo revelavit, quem non finximus nos, sed qui ipse se finxit & pinxit in verbo, quomodo velit coli, adorari, timeri, &c. Hic verus Deus noster videtur quidem sæpe esse alienus Deus, qui nos non respiciat, nec curam nostri agat. Ideo impij homines ab eo discedunt, quærunť præsidia sanctorum Iacobi, Petri, nonnunquam etiam Satanae & magicarum artium, quia hæc, cum Deus noster auxilium differre soleat, præsentius juvant, Sed noster Deus ideo solet differre auxilium, ut nos probet & exerceat, ac sic deducat nos primum in cognitionem nostri, ut agnoscamus pravitatem cordis nostri, quam facile patiamur nos abduci à vero Deo, Deinde ut deducat in cognitionem sui, ut discamus quomodo velit nos juvare, item quomodo possit, longe meliore & faciliore modo ac via, quam unquam cogitare humana ratio potuit.

*Miserere nostri Domine, miserere nostri, quia multum repleti sumus de-  
specione.*

Hæc est Psalmi propositio, & causa cur oret, nempe contemptus hominum superbiorum & securorum, quem nos hodie quoque nimium sentimus, nec possumus superare, nisi hujusmodi exemplis & consolationibus revocemur ad patientiam. Non autem conquerimur tantum de nostro malo, majus hoc est, quod animos piorum exercet, quod scilicet videmus illo contemptu Verbi & ministro-

Contemptus  
verbi perit  
Ecclesiarum mini-  
sterium.

rum, paulatim futurum esse, ut nemo Ecclesiarum administrandarum munus susce-  
pturus sit. Quis enim adolescens ingenio præditus, simul ætatem & substantiam id-  
eo volet perdere, ut tandem pro labore & pio studio nihil quam odium & contem-  
ptum reportet? Sic qui jam in ministerio sunt, cum vident & dignitatis & lucri plus  
esse in alijs professionibus, contemptu hoc eo adiguntur, ut cogitent de abdicanda  
cura Ecclesiarum, & privata vita minus molesta & quætuosiore suscipienda. Sic  
contemptus iste Ecclesias gubernatoribus privabit. Quid autem inde secuturum sit,  
si ministerium ruat, facilis conjectura est, nempe quod simul necesse est ruerè glori-  
am & regnum Dei, & salutem hominum.

Adhortatio ad  
resuscitandum  
verbum.

Opus igitur est cohortationibus, ne patiamur nos isto contemptu vinci, sed li-  
namus tales contemptores suo periculo ridere & secure superbire, Nos autem cogi-  
temus Deum habitatorem cæli adhuc vivere. Quare tanquam fideles servi, strenue  
urgebimus officium nostrum, spe promissionis, quod ipse est Sacerdos in æternum,  
& ponet inimicos scabellum pedum suorum. Qui hunc sacerdotem de sede sua pel-  
lere poterit, illi erit impune risisse Verbum & ministerium. Docent nos quoque, vete-  
rum Prophetarum historia, fuisse similem eorum fortunam, Et caput nostrum Chri-  
stus quomodo quæso à superbis Phariseis irrisus & tractatus est? Quare non offen-  
damur hoc contemptu, ponamus frontem nostram ceu petram contra superbos, &  
faciamus officium nostrum docendo, Deinde etiam oremus, ut Dominus ministe-  
rium conservare velit, quod certe hoc modo videtur ruiturum esse. Sed etsi hic  
V Vittembergæ, Noribergæ, & in alijs locis ruet propter ingratitudinem, tamen non  
ubique ruet. Nolebant Apostolos Iudæi, Gentes igitur eos admiserunt, Sic etsi ea lo-  
ca in quibus nunc Evangelium docetur, hanc doctrinam propter ingratitudinem a-  
mittent, tamen excitabit Deus alibi Doctores & auditores, ut huic Sacerdoti re-  
gnum suum maneat. Isti autem, qui pios Doctores ita contempserunt, punientur se-  
ductioribus, sicut ante oculos multarum magnarum civitatum exempla hodie sunt.  
Boni & fidelis servi est, non frangi, sed durare etiam dum, cum sentit se repletum ef-  
se despectione, & quasi rapitur ad deferendam vocationem, Vritur enim Propheta  
figura sumpta à poculo sic repleto, ut nihil amplius possit affundi, ut significet istam  
nauseam, quam parit contemptus.

Propheta.  
Christus.

IIII

*Quia multum repleta est anima nostra opprobrio abundantium, & despe-  
ctione superbiorum.*

Offensum  
et successu con-  
temptorum.

Hoc auget dolorem, quod qui tales sunt contemptores, videntur impune id fa-  
cere. Siquidem abundanter omni copia rerum, & in mundo magni & clari sunt, Ideo  
etiam exemplo nocent, quod alios in eundem contemptum trahunt. David & alij  
etiam fuere divites & opulenti, sed videmus eos tot calamitatibus & malis, tum do-  
mesticis tum externis vexatos, & exercitos esse, ut eis minime liberet aut superbis  
aut securis esse. Sed impiorum alia conditio est, hi quasi præmium securitatis suæ  
ferre videntur, opes, dignitates, auctoritatem, &c. Contra sancti afflicti & calamitosi  
sunt, & habentur à securis istis pro fatuis & stultis. Sicut summorum Prophetarum  
exempla testantur, & nos hodie experimur, Cum summo studio homines conamur  
abducere, ab avaritia, securitate, & alijs vitijs, rident nos, & cum audiunt de judicio  
Dei, & futuris poenis, existimant nos recitare Fabulam, qualem Æneas narrat de in-  
feris apud Virgilium. Quod si exercerentur ipsi quoque calamitatibus, & haberent,  
sicut Psalmus nonus precatur, Magistrum, qui doceret eos esse homines, aliter sen-  
tirent. Sed quia hoc non fit, & occasiones securitatis & contemptus sibi videntur  
habere, ferendi sunt, & contra eos cum Davide orandum est.

Job.  
Saml.

Solus solus  
Psalmus.

Sic hic est Psalmus tum exemplum, tum consolatio, ne à studio & confessio-  
ne Verbi seu ministerio patiamur nos abduci, propter securos contemptores, Sed  
ut potius nos potentia & promissionibus Dei consolemur, & cogitemus, quando  
nos securissime rident sapientes mundi, heretici, Pontifices, Pharisei, vicissim  
eos



eos rideri ab Angelis, & toto cœtu Sanctorum. Nos autem si fortiter perstiterimus in nostro officio, coronam ab ipso Christo impetram, portaturos esse. Hæc spes retinenda est pijs Doctoribus, & interim contemptus ille ferendus & devorandus est, donec experiantur impij, quem riserint, Amen.

PSALMUS CXXIII.

*Nisi quia Dominus erat in nobis.*

**H**unc Psalmum primum affectus fidei in Theologia, secundo proprietatis in Grammatica arguit Davidis esse. Hæc enim duo præcipua sunt, quæ habet præ alijs, qui Psalmos scripserunt. Est autem hic Psalmus gratiarum actio pro dono & misericordia Dei, quod conservat Regnum & Sacerdotium, vel, ut clarius dicam, totum populum Israël. Sicut enim scitis, & Moses ad populum loquitur Deuter. 7. Non quia vincerent numero cunctas gentes, junctus est eis Dominus, cum potius omnibus populis essent pauciores, sed quia Dominus elegit eos, & custodivit juramentum, quod juravit Patribus eorum. Testantur autem historiae & satis id ex descriptione terræ Sanctæ ostendi potest, fuisse hunc populum positum in medio gentium, tanquam ovium caulam in vastissima sylva. Cingebant eos reges Syriæ, Ægypti, Ammonitarum, Ismaëliitarum, Moabitarum, &c. qui omnes unanimiter extremo odio eos persequiebantur, accendente Satana odium eo consilio, quod optabat cultum & verbum Dei oppressum esse. Et si autem populus Israël satis numerosus fuit, tamen respectu vicinarum gentium, fuit tanquam una aliqua Civitas, collata ad amplissimum regnum. Hoc periculum videt David, & Deo agit gratias, quod suum populum contra furorem tot leonum & draconum servat, ut quamvis acerrimo odio eum oderint, & omnes simul extinctum, & radicitus vastatum cupiant, tamen frustra id conentur. At sane magnum miraculum est, si quis hoc recte æstimer, potuisse hunc populum manere, tot Diabolis contra eum furentibus, Sed postquam res periit, & hæc tantum in Libris scripta leguntur, videntur levicula esse, nec satis movent animos.

*Argumentum  
Psalmi.*

*Populus Israël  
tanquam ovium  
caulam in medio  
vastissimæ  
sylvæ.*

*Summa hujus  
Psalmi.*

*Adversus  
quos nobis est  
mundus hoc  
Psalmus.*

*Pericula profi-  
tentium Evan-  
gelium.*

Summa igitur Psalmi est, quod hortatur suos ad gratiarum actionem, & laudem Domini Dei sui, conservantis, defendentis & liberantis istum parvum populum, contra insidias & vim tot populorum & regnorum in circuitu, odientium & persequentium. A nobis quoque recte canitur, non solum contra nostros adversarios, qui palam oderunt & persequuntur Verbum, sed etiam contra spirituales nequitias. Scimus enim ex Evangelio, quod insidiantur nobis septem demones, ubi antea ab uno tantum periculum erat. Hi non cessant totum mundum contra nos concitare, juxta secundum Psalmum ut vere nullus tam contemptus Magistratus sit, qui non palam ostendat, se Evangelio adversari. Sed, ut dixi, tolerabile esset, si solum mundum sustineremus hostem, & non etiam Satan cum omnibus angelis suis & inferorum portis contra nos sæviret. Sed ne sic quidem satis molestiarum & periculorum est, accedit etiam tertius hostis, qui est contra nos, quem ubique nobiscum circumferimus, alimus, & delicate habemus, nempe sanctissima illa domina, Caro, verus meretrix, quæ assidue nos vexat peccatis, tollit quietem, impugnat fidem, militat denique in membris nostris contra spiritum.

Cum igitur hæc pericula Ecclesia sustineat, canamus nos quoque in Christi laudem hunc Psalmum, quod nos sua membra assidue conservat ab istis hostibus omnibus. Ingratitudo namque extrema esset, hoc miraculum non agnoscere, quod Ecclesia consistit, quod sunt qui Christum vere docent, confitentur & credunt, utcumque Satan sæviat, utcumque mundus & falsi Fratres insidiantur, utcumque denique Caro nostra, tanquam indomita bestia, reluctetur Verbo & fidei. Hoc igitur est beneficium, quod David hic prædicat, Et optat, ut id sui quoque discant intelligere, & pro eo agere gratias. Ideo dicit,

- I. *Nisi Dominus fuisset nobiscum, sic dicat Israel.*  
 II. *Nisi Dominus fuisset nobiscum, cum exurgerunt homines contra nos.*  
 III. *Vivos nos deglutivissent, cum irasceretur furor eorum contra nos.*

*Optat David,  
ut sic dicat Isra-  
el, ergo signifi-  
cat Israelum et  
sic canere.*

Hic vides statim in ipso exordio, quo modo se vertat ad populum, & hortetur, ut hæc verba, una canere, & miraculum hoc intelligere, & Deum laudare, ei; gratias agere velit, pro isto regno sic mirabiliter conservato. Est autem non solum doctrina, ut sic faciant, sed quoque votum, seu oratio, qua precatur & optat, ut hoc faciant, Ac significat sane oratio hæc seu affectus Israelum ejusmodi esse, ut sinat Davidem canere quæ velit, ipse autem canticum hoc plane pervertat, & tribuat ista beneficia non Domino Deo suo, sed regibus Aegypti, Syriæ, socijs Edomeis, &c. ac dicat, Nisi rex Aegypti esset nobiscum, Nisi rex Syriæ esset nobiscum, vivos deglutivissent nos inimici nostri. Notum enim est ex historijs, quantum semper auxilijs Gentilium & vicinorum Regum confisi sint.

*Ad usum pri-  
mi præcepti de-  
ducit, quod Do-  
minus defendat,  
non arma.*

Est igitur hæc Davidis vox, vox fidei, qua urget primum præceptum, & con-  
 tur per experientiam populum suum deducere ad practicam primi Præcepti, ut do-  
 ceat, Non gladij, non arcus, non murorum, non sociorum beneficium esse, quod  
 vivunt, spirant, salvi & tuti sunt, ac pace fruuntur, sed solius Domini. Hoc caro non  
 credit, ideo Canticum hoc adhuc hodie mutat, & alijs verbis canit, sicut etiam  
 nostri homines facto probant. Istæ munitiones & aggeres, quibus hanc urbem  
 cingunt, quid aliud loquuntur, quam quod stolidi homines his præsidij nituntur,  
 & firma satis putant, quibus defendamur contra vim hostium? Sed si præsidium di-  
 vinum non esset, de quo David canit, una hora doceret munitiones istas ne quidem  
 muscæ impetum sustinere posse. Quia etsi Munitiones, propugnacula, gladij, machi-  
 næ sunt, quibus contra hostes possumus uti, tamen verbum Domini docet, Non in  
 curribus, nec in equis, non in arcu, nec gladio, non in tibijs viri & fortitudine equi es-  
 se salutem, Sed sicut David dicit (qui etiam regnum habuit, qui fudit Goliath, qui ur-  
 sum & leonem occidit) Dominus qui me liberavit à leone & ursu, etiam à Philis-  
 tæo hoc me liberabit, 1. Samuel. 17. Item sicut hic dicit, Nisi Dominus esset no-  
 biscum, &c.

*Successum re-  
rum gerenda-  
rum viderunt  
Gentes, sed cau-  
sam ignorarunt*

Dominus igitur cum armis & gladijs nostris utitur, imo cum ea regit & guber-  
 nat, tunc sunt felicia, cum non gubernat, etiam obsunt. Id quod Gentes etiam intel-  
 lexere, quæ tamen nihil quam fiduciam propriæ sapientiæ & virium habuere, & ta-  
 men senserunt nec sapientiam, nec vires per se valere. Ideo tribuerunt omnia Fortu-  
 næ, eam dixerunt esse gubernatricem eventus in bello, ac non tantam industriæ &  
 virtutis in Imperatore deligendo rationem habuere, quantam fortunæ & felicitatis.  
 Sic rem habuere quidem usu edoctæ, sed causam non intellexerunt, quam nobis o-  
 stendunt sacræ literæ, dicentes, quod Deus est, qui dat salutem Regibus. Sicut David  
 hic etiam testatur, tantum Domini beneficium esse, quod populus iste tam varie af-  
 flictus, tamen non possit opprimi, sed vincat. Hic cum victoriam non donat, frustra  
 sunt arma, Cum donat, etiam frustra est quicquid mundus armis & omni vi contra  
 molitur. Ad hunc modum decurrit ad primum præceptum, & excludit simpliciter  
 quicquid non est Deus, nempe exercitus, gladios, arma, munitiones, sapientes homi-  
 nes, industrios, fortes, pecuniam, quam nervos belli appellant, ac dicit omnia illa  
 conjuncta, non potuisse servare hunc populum, sed Dominum servasse.

*Ad David scilicet  
Deum esse, qui  
dat salutem Re-  
gibus.*

Hæc nobis quoq; discenda sunt, ut sciamus, quibus præsidij vere & tuto niti  
 possimus, Alij qui diversum canunt, eos sinamus sua spe frui, dum discant & experi-  
 antur eam frustra esse. Sicut Pontifex canit, Nisi rex Galliarum esset nobiscum, &c. Sic  
 nostri Episcopi canunt, Nisi dux Georgius esset nobiscum, &c. Hi enim sunt, in quo-  
 rum opibus, potentia, & armis impij homines confidunt. Canant igitur quamdiu li-  
 bet, fiet tandē, ut deficiat vox eorum, & cantus tam alta voce coeptus, exeat in asini-  
 nam raucedinem. Nos quidem pauci & contempti sumus, contra illi gloriosi, multi,  
 divites, & magni, Sed erimus, Dei beneficio, superiores, & manebimus invicti, Si mō-  
 do Domi-

do Dominum nobiscum habemus, & non nitimur humanis præsijs, sed Domini auxilio. Impossibile enim est credentem deseriri. Sic inculcat David primum præceptum in hoc versiculo.

Est igitur hic grandis Synecdoche, in vocabulo Israël. Major enim pars populi cecinit (sicut dixi iam canere Papistas nostros) Nisi rex Ægypti, nisi rex Syriæ esset nobiscum, Deo protectori vero & unico, laudem protectionis non tribuerunt. Hoc enim non totus Israël, sed septem millia, quæ Dominus sibi reliqua fecit, faciunt. Alia tota multitudo tribuit id opibus, potentia, industria, viribus humanis. Ideo hortatur David, & repetit, Nisi Dominus esset nobiscum, dicat nunc Israël. Quid autem opus esset repetita exhortatione, si omnes sua sponte agnoscerent hoc Dei beneficium, & non major pars esset, quæ huius beneficii alias causas esse putaret?

Sed hic David se ostendit Rhetorem quoque esse. Dialectice dixit, Esse Deo agendas gratias pro conservatione & defensione huius Regni. Nunc Rhetorice amplificat periculum, cum dicit, Homines insurgunt contra nos. Est enim Emphasis in vocabulo, Homines, Q. d. Nos Iudæi sumus quasi ultima fex orbis, & minima hominum portio, Insurgunt autem contra nos homines, hoc est, Reges, Principes, divites, sapientes, & quicquid in hoc seculo potens & magnū est, hi omnes non adversantur nobis, nec oderunt nos communi modo, Sic contra nos insurgunt, ut conentur plane nos delere & opprimere. Si enim ad orientem, ad Aquilonem, ad Septentrionem & Meridiem te vertas, & consideres quot & quam ampla Regna nos cingant, quam omnia capitali odio contra nos incensa sint, Plane judicabimur similes oviculæ, quam centum lupi circumstant, & omni momento irruere & vorare eam conantur. Quod igitur sumus incolumes, & nostrorum hostium conatus vani sunt, hoc agnosce, ô Israël, Dei beneficium esse, qui tam parvum gregem, tam magnifico miraculo defendit & servat.

Ad hunc modum cum nos hodie nobiscum rationem inimus mirabilis gubernationis divinæ, cogimur fateri tantam esse Satanæ potentiam, ut unus ejus angelus uno momento, omnes nos, qui Christum docemus & confitemur, posset occidere, & totum orbem involvere cædibus. Iam palam est, multos esse Principes, quorum studia omnia spectant ad nos opprimendos. Hos accendunt & adjuvant impia turba Papæ, Pontifices, Episcopi, Monachi, &c. Contra hos tantos viros, quid dicemus aliud esse, quo servamur & defendimur, quam quod Dominus conclusit super nos firmissimam manum, quæ, ceu æneus murus, stat immota, & excipit ac depellit tum Mundi, tum Satanæ violenta jacula, quibus omnibus momentis petimur. Quod igitur vivimus, quod docemus jam verbum Dei, quod vos id auditis, quod in Ecclesijs est locus, in quo baptizamus, quod ministri sunt, qui Sacramenta administrant, & verbo gubernant Ecclesias, hæc omnia certum est Satanam non posse ferre. Quare portas inferorum commovet, & tamen cogitur ferre, propter potentiam regis nostri Christi, qui sedet ad dexteram Dei, humanis viribus nullo modo possent hæc defendi & retineri. Quod si nonnunquam succedit conatibus Satanæ, ut Ecclesias perturbet, Doctores occidat, & similia faciat, hæc fiunt, ut Deus ostendat nobis, quid omni momento Satan posset facere, nisi ei divina potentia obsisteretur, ut scilicet ambulemus in timore Dei, & cum Davide agnoscentes hoc beneficium, assidue id à Deo rogemus.

Discamus igitur cum Davide canere, Nisi Dominus esset nobiscum, cum homines contra nos insurgerent, deglutivissent nos. Non enim Vires, non opes, non sapientia, non justitia nostra, nos servant, Sed virtus & potentia omnipotentis Dei, quæ nobis proponitur in primo præcepto, ut in Deo habeamus positam fiduciam omnem, De nobis autem & nostris viribus desperemus, ac nos projiciamus in certiorē ac meliorem potentiam, quæ est divinæ virtutis. Cum enim sentimus nos esse infirmos, non debemus ideo desperare, sed respicere ad Christum, & sperare, quia Christus est omnipotens sicut consolatur in Iohanne, cum dicit, Confidite, Ego vici mundum.



Ioh. 19.

mundum. hoc est, non respicite ad vos, an possitis vincere mundum, ad me respicite, & sentite meam victoriam esse vestram. Ergo in tentationibus cum à Satana vexamur, ideo confidamus, quia Christus dicit, Ego eis do vitam æternam, & nemo eos rapiet de manu mea, Iohan. 10.

Deo confitemur,  
et tamen  
media ab ipso  
condita non ne-  
gigenda sunt.

Interim tamen non sunt omittenda aut negligenda, quæ sunt nostri officij in Ecclesia, retinenda est spes auxilij divini, & tamen quantum possumus debemus Ecclesijs adesse docendo, exhortando, consolando, orando. Sic Magistratus politicus debet spem auxilij divini retinere, & tamen hoc non committendum est, ut aut non muniat infirma loca, aut noctu sine excubitoribus portas non claudat. Sic Paterfamilias de labore & industria nihil debet remittere, & tamen debet sentire quod alius Psalmus jubet, Nisi Dominus ædificaverit domum, frustra laborat, qui eam ædificat. Hæc enim non solum licita, sed præcepta etiam media sunt, per quæ vult œconomiam, politiam, & Ecclesiam conservare. Vbi autem hæc media infirmiora sunt, quam ut sustinere pericula possint, ibi Deus potius quam relinquat confidentes in se per miraculum solet ostendere potentiam suam. Sic in Ecclesia visibilis Dei potentia est, quam exercet per Pastores pios, qui per sanam doctrinam scandalis medentur. Hoc medium per se infirmius est, quam ut scandala prorsus tolli possint, Ergo Deus secundum illam visibilem potentiam, etiam ostendit suam potentiam invisibilem, quod Arium subitus casus opprimit, Cerinthum opprimit balneum, Aliorum alij exitus sunt, quibus Deus Ecclesiæ ostendit se palam improbare impia dogmata.

Arium.  
Cerinthum.

Periculum Ec-  
clesiæ & pio-  
rum.

Ad hunc modum pingit David hoc in loco periculum Ecclesiæ & piorum, quod totus mundus contra eos insurgit, nec id tantum, sed etiam furiose irascitur, ita ut intelligas facultate nocendi etiam voluntatem, studium, & ardorem nocendi conjunctum esse. Sic undiq; omnia plenissima periculi sunt, Satan circumit tanquam leo rugiens, quærens quem devoret, Principes mundi insurgunt & furiose irascuntur, Ad hæc in carne & conscientia nostra hærent horribilia peccata. Quod igitur non omnibus momentis, aut in desperationem prolabimur, aut alia via perimus, ideo fit, quia major est, qui in nobis est, quam cor nostrum & totus mundus, Sicut David confitetur, Nisi Dominus esset nobiscum, inimici nostri vivos deglutivissent nos. Nunc addit insignem similitudinem, qua amplificat illam magnitudinem periculi & potentiae Impiorum.

III.

V.

*Aque obruissent nos, fluvijs transiissent super animam nostram.  
Transiissent super animam nostram aque nimis altæ.*

Ecclesia in mun-  
do.

Nota est, sed mire apta & significantissima similitudo. Horribilis est species incendij grassantis, sed longe vincit flumen exundans & cum impetu ruens. Nulla enim potentia, nullis viribus potest cohiberi, Sicut igitur, inquit, flumen cum magno impetu fertur, & quicquid obviam venit, evellit & dissipat, ita etiam est furor hostium Ecclesiæ, humana vi non potest cohiberi. Quare discamus uti præsidio & ope Domini. Quid enim est Ecclesia, quam navicola alligata ripæ, quæ impetu aquæ abripitur? aut frutex ad ripam hærens, quam sine ullo conatu diluvium evellit? Talis Davidis tempore fuit populus Israel, collatus ad vicinas gentes, Talis hodie est Ecclesia collata ad adversarios, Tales sumus singuli, collati ad potentiam maligni spiritus, Sumus tanquam fruticulus temere natus, & parum firmiter hærens, Ipse autem est sicut Albis exundans, & magno impetu omnia late sternens. Nos sumus sicut aridum foliolum leviter hærens in arbore, Ipse est tanquam vehemens Boreas, magna vi etiam arbores evellens & prosterbens. Hic quomodo possumus nostris viribus nos sustinere, aut tueri?

Adversarius in De-  
um.

Discendum igitur est, ut nos conjiciamus fide in Verbum, Nam victoria nostra aliud nihil est, quam fides. Etsi etiam munitiones & arma habent suum locum, tamen in eis nihil præsidij est, nisi adsit fiducia in Deum, quam primum præceptum nobis proponit. Ibi enim nobis ostenditur, Deum velle esse nostrum Deum. Ac scimus

scimus eam Dei esse potentiam ut nihil referat, siue validus ventus, siue magna vis fluminis quantumvis humilem casam in patenti campo positam invadat. Hæc sit fiducia nostra, & summa auxilij nostri, quod Deus est noster defensor, ne flumina & torrentes abripiant nos. Hanc defensionem & conservationem impij neq; norunt, nec credunt. Tribuunt enim omnia suis viribus, consilijs, opibus, Sed Salomo etiam his præfidijs instructissimus Rex fuit, Sicut Scriptura sapientiam & opes ejus magnifice commendat, & tamen canit, Nisi Dominus ædificaverit domum, frustra laborant qui ædificant eam, Nisi Dominus custodierit civitatem, frustra vigilant qui custodiunt eam. Quod vertimus, aquæ nimis altæ, in Ebræo est, aquæ superbæ, tumidæ, impetuosæ, quæ sustineri non possunt.

Salomo.

Hactenus David erudit & simul exhortatus est suos ad agendas gratias. Nam docuit nos quis sit conservator noster, & quo in periculis confugiendum sit, cuius iam acceptum ferendum sit, quod vivimus, quod dormimus secure, quod fruimur sanis oculis, auribus, manibus, & quod fruimur uxore, liberis, & alijs, quæ Dominus nobis largitus est, ut scilicet super hæc omnia scribamus hunc versiculū, NISI DOMINUS FVISSET NOBISCVM. Neque enim nostri consilij, aut virium nostrarum est, quod nos & nostra salva sunt, Sed est virtus omnipotentis Dei, qui facit nos durare in medio inundationis aquarum superbarum, sicut in proximo exemplo nostræ experientia est, ut hunc versum merito cum Davide canamus.

Commoverat Pontifex Romanus Clemens maria omnia, quasi obsopturus esset uno spiritu omnes Ecclesias, Diabolus quoque extrema conatus est, & multa millia diabolorum misit Augustam, qui instigarent Principes ad nos opprimendos. Sic erant ibi inundationes, Sed Dominus Pontificis & Satanæ impias cogitationes voluit esse irritas, & prohibuit ne fierent. Ita manifesto miraculo, quod communem modum excedit, servati nos sumus, Adversarij autem nostri, quod Psalmus septimus dicit, pepererunt vanitatem. Hæc est nostra experientia, quam proximo anno vidimus. Quod igitur post illas machinationes & practicas impiorum, nos rebus nostris in pace fruimur, quod adhuc hodie docemus Evangelium, & diabolus cogitur tacere, ac mundus quiescere, hoc totum sit beneficio Domini, non nostra sapientia & virtute. Quare cum Davide merito canimus, Nisi Dominus fuisset nobiscum, cum exurgerent homines Augustæ contra nos, certe vivos deglutivissent nos. Non enim obscurum est, quam cruenta consilia agitaverint viri sanguinum, & dolosi Episcopi. Hæc igitur sunt communia miracula, quæ nemo videt, nisi David, & ij, qui habent cognitionem primi præcepti, in quo Deus dicit, Se velle esse Deum & defensorem nostrum, qui velit facere misericordiam in millia, his qui diligunt eum. Nunc sequitur gratiarum actio.

Comitia Augustana.

Communis periculum non videt.

*Benedictus sit Dominus, quod non dat nos prædam dentibus eorum.*

VL

Hic non exhortatur, sicut supra, cum diceret, Sic dicat Israel, Sed gratias agit pro ijs beneficijs, pro defensione & conservatione, quæ hactenus commemoravit. Porro verbum recte legitur in præsentis, non in præterito, sicut Latina versio habet, ut scilicet significetur assiduitas perpetua, qua sine intermissione custos Ecclesiæ vigilat, ut salvi & tuti simus ab insidijs Dæmonum & impiarum gentium, quæ tanquam famelicus Leo, prædæ inhiant omni momento, & optant lacerare & vorare Ecclesiam. Hæc pericula carnalis Israel non videt, sed vivit securus, ac nunquam de hoste cogitat, sicut fere vulgus semper solet, præsertim cum opes & potentia accedunt. Ibi putant homines se in medio rosarum habitare, Deo non gratias agunt pro tutela hac & alijs donis, quibus cumulantur, sed putant fieri quadam naturæ consuetudine, quod pace fruuntur, & possunt augere rem suam. Atqui propter electos, tantis beneficijs mali fruuntur, Post cum aut pestis aut bellum ingruit, & Satanæ conceditur potestas grassandi in homines, tum demum discunt intelligere, Dei potentia se hactenus servatos & defensos esse. Nos igitur simus cauti, ne tali securitate beneficia Dei negligamus, sed cum Davide cantemus, & gratias agamus

Gratias agit.

Vulgus abstinere beneficijs Dei.

agamus Domino Deo nostro, qui nobiscum est, & impedit, ne famelici leones, qui acuerunt dentes suos ad nos vorandos, nobis nocere possint. Absque hac divina tutela, non est ratio qua possit Satanæ & ejus membris obsisti, ne uno momento quidem.

VII.

*Anima nostra evasit, sicut avis ex laqueo aucupis, Laqueus ruptus est, & nos liberati sumus.*

*Dilectum e-*  
*quorum.*

Etsi, ut supra dixi, præterita hic sint, tamen recte intelliguntur de continuati-  
one periculorum, quod Satan sine intermissione nos sectatur, & insidijs excipit, ex  
quibus nos Dei beneficio, sicut jam capta avis, ex laqueo rupto evadimus. Sic enim  
Satan imminet nostris cervicibus, ut jam jam arrepturus nos esse videatur, & tamen  
auxilio Domini, etiam cum jam capti videmur, elabimur. Sed hic admonendi estis,  
ut illam singularem proprietatem, qua adversarios verbi Spiritus sanctus, tanquam  
optimus pictor, pingit, observetis. Periculi magnitudinem supra satis significanter  
expressit, cum istam hominum iram & furorem comparavit inundantibus aquis, &  
magna vi, magnoq; impetu ruentibus, Non ideo solum, ut ostenderet, quid adver-  
sarij cogitent, sed etiam ut nos admoneret nostri, quod in hominibus tantum virium  
non sit, ut sustinere illa, aut nos contra tantum furorem humanis viribus defendere  
possimus, ut scilicet in talibus periculis non solum obliviscamur humanorum præsi-  
diorum, quæ videntur opponi posse, sed etiam plane de ijs desperemus, & nitamur  
tantum eo, quod initio dixit, Nisi Dominus esset nobiscum.

*Dentes fer-*  
*rum.*

*Adversarij*  
*verbi crudeli.*

Hic autem non solum periculum, ut videtur, pingit, sed ipsos autores pericu-  
lorum, hoc est, hostes verbi, & adversarios Christi, Hos primum comparat bestijs,  
prædam arripientibus ore seu dentibus, Nam inter reliquas bestias hæ truculenti-  
ores, sæviores, & efferatæ magis sunt, quæ dentibus lacerant, sicut lupi & leones, præ-  
sertim cum etiam fame incitantur. Significat igitur Spiritus sanctus, in adversarijs  
Verbi, esse singularem truculentiam, feritatem, crudelitatem, sævitiam, quæ exatu-  
rari non possit, nisi laceratis & occisis verbi confessoribus, Sicut famelicus lupus,  
qui in oves incidit, non exaturatur, nisi occisis & laceratis ovibus. Hæc prima pars  
est hujus picturæ, sicut passim sine figura, Scriptura vocat sanguinarios, crudeles, ve-  
loces ad effundendum sanguinem, Et testantur idem omnes historiarum populi Israel,  
& Ecclesiæ inter Gentes.

*Laqueum aucu-*  
*pis.*

Sed hoc cor tam sævum, immitte & crudele, non ostendunt Adversarij verbi,  
sed tegunt, & ornant simulatione officiorum concordie quærendæ, sanandarum dis-  
cordiarum, &c. sicut hæc altera similitudo de Aucupe pulcherrime ostendit. Au-  
ceps omnia simulat, quæ potest, proponit escam, habet chorum avicularum tan-  
quam in læta re secure canentium, Ipse quoque aucups aliquid accinit, ita ut sus-  
piciem consideres, omnia sint amicissime instructa, Sed in his simulatis officijs, quis  
nescit quale periculum struatur miseris aviculis? Laquei enim latent, qui etsi aperti  
essent, tamen non haberent illam horribilem speciem, quam vel stricti gladij, vel  
nudi luporum dentes exhibent. Sed cur omnia hæc instruuntur ab aucupe? Nonne  
ut aviculis captis obtorqueat collum, & eas strangulet? Sic significat hæc figura bel-  
lissime, astum, calliditatem, dolos, & insidias, quibus sævitiam & crudelitatem suam  
adversarij Verbi tegunt, cum revera aliud nihil agant, quam quomodo nos capiant  
& occidant.

*Hostes verbi*  
*crudeli & cal-*  
*li sunt.*

Hujusmodi aucupium Satanicum perpetuo exercent, & cum summa crudeli-  
tate extremam calliditatem conjungunt, sicut manifestis exemplis declararunt. De  
VVormatiensi Ediçto nihil dico, Augustanorum vero Comitiorum supra memini-  
mus. Ibi Satanæ aucupes, Pontifex & Episcopi, tanquam in aucupio, Carolum ge-  
nerosum illud & pacis amantissimum pectus, tanquam noctuam suo aucupio aptam,  
Augustam accersiverunt, non concordie studio, quam simulabant, sed ut nostri ad-  
volantes opprimerentur. Sicut etiam nostros dimiserunt, cum hac ultima responsio-  
ne, Se conjuncturos non solum vires & opes, sed sanguinem etiam, ad nostram do-  
ctrinam



Strinam opprimendam. Ibi tandem patuerunt doli & crudelitas istorum aucupum Satanae, quibus tamen clementia & bonitas Caesaris occurrit, Deo sic rumpente laqueos & nos liberante. Conveniunt itaq; hæc, experientia nostra, & Spiritus sancti aptissimæ picturæ, quibus pingit adversarios, quod juxta crudeles & callidi sint, nec possit esse contra eos aliud præsidium, quam quod Dominus rumpit laqueum, & pios liberat, secundum sententiam, Nisi Dominus esset nobiscum.

Porro hujusmodi pericula & liberationes, etiam privatim experimur. Quoties accidit, ut servantur, qui jamjam videntur morbo victi? Quoties in aquis præter spem emergunt aliqui? Quoties accidit, ut periculose lapsi tamen non lædantur? Hæc recte tribuimus patrocinio bonorum Angelorum, quo nos servant ab insidijs Satanae, ex mandato Dei, Servamur enim sine consilio nostro, imo tum ubi desperare nos cogunt omnes vires & omnia consilia nostra. Hæc privata sunt, sed sunt tamen signa istius publicæ consolationis, cujus hic meminit David, quod Deus tum adest & servat, cum jamjam videmur perituri. Sic Psalm. 94. Nisi Dominus adjuvisset me, paulominus habitasset in inferno anima mea. Nam hoc experimur in ijs, qui tristitiæ spiritu oppressi sunt, cum jamjam desperaturi esse videntur, quasi in ultimo puncto affulget consolatio, &c.

*Custodia bonorum Angelorum, in privatis est signum publicæ consolationis, de qua hic.*

Sic igitur est vita nostra exposita laqueis Diaboli, & nos sumus ceu stultæ aviculæ, quibus Satan tendit retia, non solum ut vitam nobis adimat, sed ut conjiciat in peccata, & alijs calamitatibus involvat. Si occidere potest, facit, si non potest, saltem ad casum periculorum impellit. Est enim pater mendacij, & homicida. Quod igitur non seducimur, sed defendimur à mendacio & peccatis ac vita incolumi fruimur, sunt Dei dona. Ideo autem fit aliquando ut Satan efficiat, quod vult & noceat aut corporibus aut animabus, ut Deus nos admoneat periculorum talium, & excitet ad fidem ac orationem, ut contra hosce infinitos & innumerabiles laqueos imploremus ejus auxilium, & servati agamus ei gratias.

*Quod à Satana insidias defendimur Dei donum est.*

*Adjutorium nostrum est in nomine Domini, qui fecit caelum & terram.*

Hæc est conclusio gratiarum actionis, quæ continet insignem sententiam, quod contra Peccatum, mortem, & alia pericula nulla sit salus, quam nomen Domini, hoc nisi esset, inquit, rueremus in omnis generis peccata, in blasphemias, errores, item in pericula omnia, Sed adjutorium nostrum est in nomine Domini, defendentis contra hæc & servantis fidem & vitam nostram contra Satanam & mundum. Sic ut autem superiora ita hic quoq; versus probat, quod Deus sinit Sanctos suos tentari, & in tentatione tanquam in aquis sic periclitari, ut videantur perituri esse. Consolatur autem, quod tandem non sit deserturos suos, ut scilicet in his tanquam exemplis discamus cognoscere voluntatem divinam, & quærere salutem apud Dominum, qui ideo suos exercet in fornace Aegypti, ut occidat veterem hominem cum fidijs & spebus, quas habet in sua justitia & viribus suis.

*Nomen Domini servat adversus peccata, &c.*

Huc pertinent omnes experientia istæ. Neque enim unquam futurum est, ut quis speculative & docendo tantum fiat Christianus, practica requiritur, hoc est, Crux, quæ redigat carnem in nihilum, ut homo de auxilio suo desperet, & se rejiciat in auxilium divinum, idq; patienter & cum spe expectet. Hæc enim est voluntas Dei, neq; est ut nos alium Deum nobis fingamus, quam qui velit adjuvare laborantes, & oppressos desperatione, atq; alijs calamitatibus. Hanc doctrinam nosse, est quædam victoriæ pars. Nam qui eam nesciunt, hi mox ingruente tentatione hoc ipsum faciunt, quod Satan quærit ac optat, ut aut desperent, aut aliena præsidia quærant, Ergo discamus ex hoc Psalmo, Deum sic agere cum suis Sanctis, ut exercent eos & sinat flumina irruere super eos, Item ut laqueos, ac insidias sinat poni, ac omnia tentet, Non quidem ut perdat nos, Sed ut ostentat nos nobis ipsis, & doceat in suam salutem sperare. Beatus vero qui ista hoc modo intelligit, Caro enim intuetur in potentiam & multitudinem adversariorum, & suam solitudinem ac infirmitatem, ut vero in Deum speret, & ejus auxilium expectet, id non facit.

*Sine practico cruce in nobis Christianum facit.*

*Car Deus sublevis facit crucem.*

Quare

*Adjutorium  
meum in nomi-  
ne Domini.*

*Effectus ad  
fidei.*

*Habere Deum.*

*Admiratione.*

Quare necessaria est hæc conclusio, *Adjutorium meum in nomine Domini, qui fecit cælum & terram.* Brevis sententia est, sed & doctrinam & consolationem gravissimam proponit, qua præsertim his ultimis temporibus nobis maxime est opus. Videmus enim quo furore Papa & major pars principum doctrinam Evangelij persequantur, Ad hanc quasi molem mundi, quid quæso nos sumus? Imo etsi nulla hominum vis timenda esset, quid sumus nos contra tot dæmones & portas inferorum? Et tamen experimur, etiam cum arripimur & opprimimur, tamen ad extremum nos non deserit, sed tutos esse fiducia ejus auxilij, quod est in manu Domini. Sed ad hanc sapientiam impossibile est nos venire, sine assiduis afflictionibus, quibus frangi fiduciam carnalium præsidiorum necesse est. Vexatio enim secundum Eisaïam, dat hunc intellectum, ut clamemus, O Domine actum est, succurre tu nobis. Sic in ultima hora, quando mors ingruit, tunc neque Cæsaris nec Regum opes & potentia, neque justitia, neque quicquam aliud est, in quo animus possit acquiescere. In hoc autem solo auxilio manus Domini recte & secure acquiescitur, qui tum dicunt, Adjutorium meum in nomine Domini, isti feliciter moriuntur & sunt extra periculum. Sic pertinet hic Psalmus ad primum Præceptum, ut discamus quid sit habere Deum, nempe, acquiescere in fiducia misericordiae & auxilij Dei in omnibus periculis.

Sunt igitur hæc verba vincentis & triumphantis fidei, Adjutorium meum in nomine Domini, qui fecit cælum & terram, Q. d. Deus meus & adiutor meus, est factor cœli & terræ, Hujus Dei similem ostendite mihi vos adversarij mei. Quid igitur ad hunc Deum sunt vestri laquei? quid minæ, potentia, consilia? &c. Sic opponit magnitudini periculorum, inundationibus & diluvijs illis tentationum, illum æternum Deum, & absorbet tanquam uno spiritu universas furias totius mundi & inferorum, sicut absorbetur à magno incendio guttula aquæ, Ac revera quid est mundus cum omni potentia, armis & opibus, si eum spectes qui cælum & terram fecit? Fremat igitur ac indignetur, modo nobis hoc adjutorium maneat, etsi aliquid ferendum & devorandum est, tamen vincemus tandem, Amen.

## PSALMUS CXXV.

*Qui confidunt in Domino.*

*Idem fere hujus  
Psalmi argu-  
mentum cum  
superiore.  
Doctrina fidei.*

**R**ecedens Psalmus fuit gratiarum actio, & sacrificium laudis, quod Sancti experiuntur se fideliter & oportuno tempore adjuvari, Hic Psalmus, qui sequitur, plane eodem argumento est. Pertinet enim ad doctrinam Fidei, & exhortatur ad fidem & spem in Domini auxilio repositam, quam magnificis promissionibus ornat & commendat. Porro ex superioribus facile est eum intelligere. Omnis enim sapientia hæc in eo est posita, ut ex oculis removeamus, quicquid caro potest comprehendere, & secundum Verbum, diversum ab eo quod scimus, sentimus & videmus, statuamus. Proprie igitur est contra Philosophiam & rationem humanam. Necesse est, inquit Aristoteles, habentem intellectum, phantasmata speculari. Sed hic diversum fit. Nam Christianum necesse est plane nihil speculari, & tamen intellectum habere & sapere, siquidem videt, audit & experitur contraria. Qui decumbit in lecto morti vicinus, is secundum rationem suam, aliud nihil potest speculari, quam phantasma mortis, Atqui Christianus, omisso eo phantasmate, scit ibi veram vitam esse. Atqui, inquis, mortem videt, sentit & experitur, vitam non sentit. Recte, Sed quia in Verbo hæret, & secundum Verbum, non secundum suum sensum judicat, ideo nihil aliud in ipsa morte quam vitam videt, & in ipsis tenebris nihil quam clarissimam lucem. Sicut enim Deus ex nihilo facit omnia & ex tenebris lucem, Sic etiam facit Verbum ejus, ut in ipsa morte nihil sit quam vita. Ergo qui adhærent verbo promittentis Dei, & id sequuntur, hi tandem experiuntur, quod David alibi dicit, Dixit Deus & facta sunt, mandavit & creata sunt, Sed priusquam ad hanc experientiam perveniatur, aliquid ferendum est, ideo exhortatione tali est opus, qualem hic Psalmus proponit.

Qui

*Qui confidunt in Domino, sicut mons Sion, non commovebuntur, sed in eternum permanebunt.*

*Pal. 32.* Quod utitur similitudine montis Sion, inde fit, Quia Ierusalem (in qua erat Si-  
on) cum templum istuc ædificatum esset, habebat promissiones Dei insignes, quales  
passim in Prophetis obvia sunt, quod esset duratura invicta contra omnes calamita-  
tes, propter Deum inhabitantem, & quasi civem, qui in ea habebat focum seu cami-  
num suum, secundum promissionem ubi dicit, Hæc est requies mea. Itaq; alius Psal-  
mus gloriatur, Congregati sunt ibi Principes, viderunt eam, & transierunt. Sicut in-  
signis est clades Assyriorum sub Ezechia, item aliorum Regum, sicut historiæ ostendunt, quæ commemorant Ierusalem in extremis periculis mansisse incolumem, non  
virtute aut consilio civium, sed Dei habitantis in ea, & sic ornantis ac defendentis  
suam Rempublicam. Ad hunc modum, nomine montis Sion hic utitur Propheta.  
*Pal. 48.* Sic igitur, inquit, mons Sion & sancta nostra urbs Ierusalem non commoveatur, sed  
manet incolumis & emergit ex summis periculis. Ita qui salvus fieri, vivere, sanus &  
incolumis esse vult, contra omnia pericula mundi & portarum infernarum, is confi-  
dat seu speret in Domino.

Hunc Doctorem diligenter considera, Non præcipientem opus aliquod, sicut  
in Papatu, Monachatus, peregrinationes, jejunia, & alij stulti cultus in periculis, ho-  
minibus propositi sunt, Sed simplicissima via ducentem ad Deum & ad primum  
præceptum, ac pronunciantem, hanc esse summam salutem, Confidere ac sperare,  
Hoc cultu Deum unice delectari. Hæc enim est natura Dei, ut jam ante dixi, ex nihi-  
lo creare omnia. Itaque in morte vitam, in tenebris lucem creat & ostendit. Idem  
fides sua natura & propriissima proprietate credit. Quando igitur Deus talem ho-  
minem invenit, convenientem cum sua natura, hoc est, qui credit in periculis auxili-  
um, in morte vitam, in inopia opes, in peccatis justiciam, idq; tantum propter mise-  
ricordiam Dei seu Christum, talem hominem Deus neq; odisse nec deserere potest.  
Est enim verus Dei servus & cultor, dum confidit in misericordia Dei. Hoc cultu  
Deus unice delectatur, quia gaudet ex nihilo facere aliquid. Sic creavit mundum ex  
nihilo, Sic erigit pauperes & oppressos, sic justificat peccatores, sic vivificat mortu-  
os, sic salvat damnatos, &c.

Ergo hæc Regula retinenda est, Qui consentit naturæ Dei, & obtemperat ejus  
voluntati, expectando aliquid, ubi nihil est, ille est qui Deo placet, & qui non com-  
movebitur. Sed hic cautela opus est, ne nobis fingamus falsam spem, pugnantem  
cum Verbo & vocatione nostra, Sicut si quis neglecto ponte, pedibus transire Albim  
velit, fiducia Dei, is profecto mergeretur, Sic si quis Verbi minister, neglecto mini-  
sterio, fiducia Dei, militare velit, & se immiscere armis, stulte faceret, & merito peri-  
ret, in periculo, quod amavit. Hoc enim primum est, ut quisq; sit certus de vocatio-  
ne, doctrina, & vita sua. Hanc cum urges, & facis officium, ac cum pericula sese osten-  
dunt, ibi confide & spera, & spes tua non erit frustra. Sic qui in conjugio vivit, & cer-  
to vitæ genere, is habet vocationem suam, Hanc cum vel Satan impedit, vel vicini,  
vel familia, vel etiam propria animi imbecillitas, non debet cedere, nec frangi ani-  
mo, Sed si quid incommodi objicitur, expectet Dominum. Quod si Dominus suo  
tempore non fert auxilium, arguat me & Davidem mendacij. Hic enim, nempe in  
operibus vocationis, Deus mandavit spem & fiduciam sui auxiliij. Sed cum opus eli-  
gitur extra vocationem, de quo certus esse non potes, quod Deo placeat, ibi spes  
nulla est, sed potius præsumptio & tentatio Dei, itaq; non potest esse felix.

Ergo fiducia hæc in Dominum, requirit, ut sis in eo loco, opere, instituto, quod  
vocationis tuæ proprium est. Sic qui vocatur ad Ecclesias docendas, certus est, se ef-  
se in tali vitæ genere, in quo Deus vult, ut diligenter officium faciat. Sed hoc Sa-  
tan varie impedit, Incendit odio ministerij rusticos & cives, deinde etiam com-  
movet fanaticos spiritus. Hic memineris vigere tuum officium, & sperare opem,  
nec te defatigari sinas, siquidem scis Deum hoc velle. Quod si vitæ periculum



subeundum sit, ne id quidem recusa, non enim patietur Deus spem tuam frustra esse.

Magistratus  
officio.

Si qui in Magistratu sunt, hi norunt Dei mandatum esse, supplicio afficere improbos, ne licentia crescat, & ut boni in tuto sint. Hoc cum sedulo Magistratus conatur facere, non potest cavere odia & inimicitias. Hæc qui considerare volunt resiliunt, & malunt discedere ab officio, quam tot odia sustinere. Sic hisce quasi spectris periculorum vocationem sibi patiuntur ob imbecillitatem animi excuti, & malunt retinere hominum favorem, quam Dei voluntati obsequi. Hoc si spectare præcipue vellet Doctor Ecclesiæ, sane posset sic dissimulare pleraque & moderari orationem, ne à quonquam reprehenderetur. Sed nullo modo hoc licet, quin postquam certus es te vocatum esse ad Magistratum gerendum, exerce officium tuum, sine ullo metu periculi, Si quid autem incidit, commenda te Deo, & cogita si Deus te vult hoc modo perire, ut feras æquo animo. Hanc spem si singuli ad suum vitæ genus afferrent, longe gererentur omnia felicius, Nunc paucissimi sunt qui hoc faciunt, major pars potius ab officio discedere malunt, quam hoc modo sperare, & subire periculum. Ideo tanta passim incommoda tum in Ecclesia, tum Politia ingruunt, tanquam manifestæ Poenæ hujus tum dissidentiae, à qua hic Psalmus nos dehortatur, tum inobedientiae.

Las contami-  
natio per præ-  
sumptionem.

Videndum ergo est, ut articulus de fide misericordiæ Dei, & auxilij divini, non contaminetur præsumptione, seu tentatione Dei, quæ existit in falsa vocatione, ibi enim necesse est ruere & perire. Sicut econtra qui in obedientia & vocatione sua sperat & confidit, manebit immotus, sicut mons Sion, etiam si omnia conetur Satan & tentet. Nocebit quidem & contristabit, ac rem eo deducet, ut videaris tibi desertus ab omni creatura, & tamen ad extremum victus discedet, si confusus fueris in Domino. Sic Augustæ in proximis Comitijis, in tanto consensu Principum, causa nostra videbatur plane corruisse, & tamen adhuc vivimus, & fruimur optabili pace, contra Satanæ, Pontificis, & omnium Verbi hostium voluntatem. Hisce certaminibus assuescendum est, ut non frangamur statim animo, cum videmus inclinari causam nostram, Sed quanto plus periculi est, tanto speremus pertinacius, ita fiet tandem, ut victi vincamus, & victor nobis det manus.

*Hoc est quod Psalmus canit, Qui confidunt in Domino, sicut mons Sion non commovebuntur, sed in æternum permanebunt.* Profecto insignis promissio, quod certum sit, nos manuros. Si igitur non manemus, nostra ea culpa est, quod non perstamus in fide. Necesse enim est, promissionem hanc veram esse. Sicut enim impossibile est, ut Deus seipsum neget, & non sit Deus, sic impossibile est, ut deserat sperantes in ipsum. Sed non oportet offendi mora, quæ intercedit, Neq; enim Dei potentia prius potest habere locum, quam nos ad extremum usq; simus, ut Scripturæ verbo utar, exinaniti, & excuti omnibus præsidijs. Ad hunc modum cum navicula jam tota obruta videtur fluctibus, tum Dominus se revelat, & pereuntem jam, PEREUNTEM, inquam, servat, sicut geminæ Evangelij historię, una de navicula, altera de Petri periculo, testantur. Quamdiu autem periculum videtur nostro consilio depelli posse, non opus est auxilio divino.

II.  
Synchodoche in  
nomine Populi  
dicitur.

*In circuitu Ierusalem sunt montes, sic Dominus est in circuitu populi sui ex hoc tempore usq; in æternum.*

Ierusalem civitas  
sancta.

Primum observa illam fortissimam Synchodochen, qua David utitur, cum dicit, Dominus est in circuitu sui populi. Nam ubi millies centena hominum millia sunt, inter hos vix septem millia sunt, qui Deum habent, seu credunt, & tamen propter hæc septem millia, totus numerus vocatur populus Dei. Sic etli in Ierusalem major pars perdita & impij essent, tamen Ierusalem appellatur sancta, non solum propter paucos Sanctos inhabitantes, sed verius propter ipsum Deum inhabitantem. Sic cum solus Lot una cum duabus filiabus Sodomis esset justus, non potuerunt tamen Angeli Sodoma mergere incendio, dum Lot ibi esset. Ad hunc modum ubi qua-

tuor,

tuor, quinque, decem Sancti sunt, tota civitas reputatur sancta. Hi enim sunt illæ nobiles gemmæ Dei, & angulares ac electi lapides, quas Deus tanti facit, ut multa millia hominum præ eis ducat nihil esse, imo propter eos etiam immeritis benefaciat.

ab. 3.

Hunc populum igitur dicit sic cinctum esse præsidio Dei, sicut Ierusalem montibus. Sic in Zacharia est prophetia de civitate, cujus murus sit ignis. Hæ figuræ pingunt Ecclesiam Dei, illum infirmum populum, imo verius pusillum gregem, esse invictum contra Satanam & omnia pericula, Hanc promissionem debebamus includere animis nostris, qui hodie habemus verbum Dei, apud quos Deus loquitur & creditur. Vbi enim hæc sunt, ibi omnia sunt munitissima, non montibus & æneis muris, sed ipso Domino. Hanc munitionem, hoc propugnaculum, quis destruet aut evertet? Sed sunt hæc omnia æstimanda, non secundum hoc, quod videtur & experimur, sed secundum verbum & fidem. Ideo longe facilius est docere quam credere, quod nos qui habemus Verbum, & credimus, simus septi præsidio Dei. Quod si aheneos & igneos muros circa nos videremus, securi essemus, & insultaremus Satanæ. Sicut nemo est qui non magis se tutum credat, cum equitum turma in comitatu est, quam cum soli per loca infesta iter facimus. Sed fidei est, non eo niti quod vident oculi, sed quod verbum ostendit. Itaque hæc etsi non videntur, tamen credenda sunt, & tam certa æstimanda, ac si oculis cernerentur, neque enim Deus mentiri potest. Hoc igitur unum deest, quod non habemus oculos spiritus, sed tantum sequimur oculos carnis. Alioqui nihilo essemus magis pavidus, quam qui intra muros inexpugnabilis arcis intrepide expectant irritos conatus hostium. Ergo dubitandum non est, quin simus donec credimus, circumsepti montibus ignitis, hoc est, plane invicti. Sed beatus qui credit.

*Ecclesia munita  
contra Satanam  
&c.*

*Ipsi Domini  
murus credenti-  
um.*

Nam si hæc custodia non esset, res declarat, quanta Satanæ & mundi tum malicia, tum potentia sit. Quid autem sumus nos, qui hodie retinemus & profiteamur Verbum, contra tantam multitudinem hostium, qui de nobis opprimendis atque occidendis omnibus momentis cogitant? Quod igitur servamur, beneficium est horum montium, quibus septi & cincti sumus, ne nocere Satanæ & mundus nobis possint. Hi montes sunt Angeli, non privati cives, sed omnibus montibus mundi potentiores & excelsiores, qui si non singulis momentis in nos intuerentur, & nos defenderent, longe atrociora nos manerent. Hoc testabuntur omnes ij, qui norunt & credunt Satanam esse mendacem & homicidam. Hic cum non videre, non audire, non ferre pios possit, sed cupiat extinctos & deletos esse, an non manifestum signum hujus defensionis est, quod tamen pii quotidie docent, baptizant, consolantur, & alia similia faciunt? Hoc nonnunquam fit, ut in nos, ceu per fenestram jaculetur, ac lædat nonnihil, sed nocere non poterit.

*Experientia  
hujus muniti-  
onis.*

*Custodia angeli-  
corum.*

al. 4.  
22. 6.

Videtur similitudo sumpta ex historia de Eliseo, quæ est 3. Reg. 6. Eum cum Rex Syriæ comperisset in Dothan esse, mittit istuc magnam multitudinem, ut orbe obfessa, Eliseum caperent. Cum itaque Propheta mane cum puero institutum iter ingrederetur, videt Puer insidias, ac tanquam in manifesto periculo trepidat. Consolatur eum Propheta, & monet ne trepidat, majora se auxilia habere, quam ut isthæc hostium multitudo aliquid incommodi afferre possit. Sed servulus cum hostium copias videret, & auxilia, de quibus Propheta dicebat, nusquam oculis cerneret, non potuit pavorem, quem præsens periculum concitavit, excutere, donec Propheta Dominum oraret, ut servuli oculi aperirentur. Ibi dicit textus, vidisse eum montes vicinos, plenos ignitis curribus, & equitibus circumdantibus Eliseum, ac defendentibus. Præsidium igitur hoc, quod tum apertis oculis Propheta servus vidit, Propheta autem credidit etiam, cum non videret, dicit Psalmus, esse circa omnes, qui confidunt in Domino, sicut etiam Psalmus 34. Angelus Domini circumvallat timentes eum. Sed oculi nostri clausi sunt, & miracula hæc non vident, quæ tamen quotidie sentimus.

*Elisei historia.*

34.

Non igitur fallit promissio hæc, tantum ne nos fallamur. Itaque si crederemus,

dormiremus, viveremus, moreremur secure, imo quod plus est, etiam secure patere-  
mur. Sic enim cogitaremus, Si quid patior incommodi, certum est me id pati magno  
Dei consilio, non temere, sed ex certa ratione, quam ego non video, nec fortasse  
nunc intelligo. Si itaq; Satan murum perfodit in una parte, non tamen ideo murum  
totum evertit. Sic cogitaremus in periculis, & consolaremur nos bona Dei volun-  
tate erga nos, Sed de nobis exemplum capiamus, quam pauci id faciant. Si centum  
millia militum haberemus, magno animo aggredieremur Turcam, sed ut niteremur  
promissione hac, etiam tum cum numerus militum non tam magnus sit, hoc non fit.  
Sic privatum quoq; pavemus & perturbamur in periculis, securitatem autem illam,  
quam fides affert, nunquam experimur. Sic scilicet serimus poenas incredulitatis  
nostræ, quam fovemus, etsi tam copiosis & gravibus sententijs Scripturæ ab ea a-  
vocemur.

*Dominus est  
credentium  
murus.*

*O detestanda  
incredulitas.*

Porro non satis est muris igneis, hoc est, angelorum custodia & excubijs nos  
defendi, ipse Dominus vult esse murus noster, ut in circuitu per Dominum simus se-  
pti & defensi. Supra nos est Dominus nobis, coelum à lateribus est nobis murus, in-  
fra nos est nobis pavimento solidum, in quo subsistimus, sic undiq; circumcirca se-  
pti sumus. Quod si Satan per has munitiones forte jaculum in nos torquet, necesse  
est prius ipsum Dominum sauciari quam te. Sed o nostram incredulitatem, quod  
hæc frustra audimus. Docenda tamen & discenda sunt, si forte usus veniat, ne plane  
simus destituti consilio. Nam certum est venturam horam, qua aut experiri ista, aut  
perire necesse est.

*Populus Dei.*

Sed Emphasin quoq; observabis, In circuitu populi sui. Populum enim Dei vo-  
cat, qui habet Deum, hoc est, qui confidit in Deum & credit Deo. Ergo ille simpli-  
citer non est Dei populus, qui sacrificat in Ierusalem, & incedit in lege seu ritibus  
Mosi, sed is, qui jam ante populus Dei est factus, etiam hæc legalia obire & facere  
potest in gratiarum actionem. Longe enim augustius & amplius est, esse Dei popu-  
lum, quam ista legalia facere, Sicut etiam nobis testatur nostra conscientia. Veretur  
enim se in hanc quasi superbiam attollere, ut gloriatur quod simus filij Dei, & servi  
Iesu Christi. Et tamen primum præceptum utrumq; nobis tribuit, cum Dominus di-  
cit, Ego sum Deus tuus. Specifica igitur differentia populi Dei est, non quod facit  
opera legalia, aut etiam opera secundæ tabulæ, hæc enim simulari possunt & fallere,  
sed quod credit & habet Deum, hæc nota non fallit. Quod addit, *Ex hoc tempore usq;  
in æternum.* Non proprie æternitatem significat, sed incertum tempus. Nam etiam  
promissiones corporales fuissent æternæ, si populus servasset mandata Dei, Sed quia  
conabantur per incredulitatem, promissionem de Christo eradicare, ideo etiam  
corporales promissiones amiserunt.

*Nota populi  
Dei.*

### III.

*Quia non permanebit Sceptrum impiorum super sortem justorum, ne extendant  
justi ad injusticiam manus suas.*

*Populus Dei  
secundum spiri-  
tum munitus,  
secundum car-  
nem autem de-  
fectus & p-  
ressus est.*

Hic vides manifeste concedere Davidem populum, qui in tam firmis muniti-  
onibus & præsijs sedet, secundum carnem vexari, & expositissimum esse periculis,  
etsi secundum Spiritum sit munitissimus, Ibi altissimis montibus est septus, quos Sa-  
tan non potest transilire, Sed secundum carnem vetus homo exponitur omnibus  
jaculis mundi & Satanæ. Ideo scilicet, quia Deus vult hoc modo vexare carnem,  
ut mortificetur peccatum & insipientia carnis, ac paulatim crescat spiritualis sapi-  
entia, & interior homo. Hæc causa est, cur secundum carnem simus tanquam lace-  
ra sepes, & tanquam civitas, cujus muri disiecti sunt, ut ad eam ex omni parte sit  
aditus. Itaque nullum hominum genus tam abjectum est, quod non putet sibi o-  
mnia licere in ministros Ecclesiarum. Hinc injuriæ, Blasphemiar, maledicta, suppli-  
cia, cædes denique Sanctorum existunt. Neque enim caro habet muros, quibus de-  
fenditur, sed Spiritus. Itaque caro omnibus ventis & procellis exposita est, & con-  
culcatur atque atteritur ab impijs, sicut in Esaia est Cap. 51. *Dixerunt animæ tuæ*  
*incurvare, ut transcamus, posuisti itaq; corpus tuum ut terram, & quasi viam trans-*  
*euntibus.*

*Am 13*



euntibus. Hæ Vexationes sustinendæ, & per patientiam superandæ sunt, ac cavendum est, ne per externam vexationem infirmetur homo interior, Sed retinenda hæc fiducia est, ut statuamus Dominum nos non deserturum, sed esse nos in sinu Patris, & habere circa nos munitiones firmissimas, ut etsi eripiantur, opes, uxor, liberi, deniq; ipsa vita nostra, tamen Christus noster nobis non eripiat, per quem sic muniti erimus, ut etiam cum tentatione eventus & finis secuturus sit, sicut Pauli sententia testatur in Corinthiis.

Cor. 10.

2r. 15.

Ad hunc modum videmus cujusmodi consolationes Spiritus sanctus ijs proponat, qui credunt verbo Dei. Quia enim aliam vitam coguntur expectare quam hæc præsens sit, sive totam, sive per partes consideres. Ideo hic omnia sunt plena periculis, Mors succedit morti, sicut Paulus dicit, quotidie morimur, tentatio excipit tentationem, donec tandem per mortem carnis, omnia pericula consumantur. Pertinet autem hic versiculus ad consolationem, ut statuamus nos quidem multa passuros esse, sed sic, ut tandem fiamus salvi & liberemur, si non statim, at saltem in futura & æterna vita. Quid enim aliud nobis possumus polliceri in hac diligenti angelorum custodia, imo, in custodia ipsius Dei, qui est in circuitu populi sui? Sed ut supra diximus, fide hic opus est, ut iudicium faciamus, non ex præsentibus casibus & tentationibus, sed ex Verbo promittentis. Quorsum autem promissionibus opus esset, si nullæ essent tentationes? Hæc sive sint intus in spiritu, sive foris in carne, tamen futurum est, ut tandem victoria nostra sit per Christum, sicut hic versiculus plenissimus consolationis, promittit.

*Pi multa quidem patimur, sed tandem liberemur.*

Porro promissio hæc utrinq; ineredibilis est, tum nobis, qui patimur, tum etiam his, qui nos persequuntur & affligunt. Si enim sensum consideres, quid æque potest judicari falsum esse? contrarium enim verum est. Nam Christum considera, An non ita relictus est in cruce, ut virga seu sceptrum impiorum super eum maneret? Sic Prophetæ, sic Apostoli, sic alij sancti martyres. Res igitur, si oculos sequamur longe alia est quam verba sonant. Promittunt enim non fore ut Sceptrum impiorum dominetur pijs, & tamen omnes historiarum & exempla omnia testantur hoc fieri. Revocat igitur nos Spiritus sanctus ad suum Verbum & ad suas cogitationes, ac jubet considerare, non quid nos patiamur aut videamus, sed quid ipse in cœlis cogitet. Hoc autem artis est, sic posse se abripiere à tentationibus & transire in voluntatem Dei, atq; ibi acquiescere. Qui hoc non norunt, hi nihil in Theologia norunt. Quid enim est hoc nosse, si nescias Deum talem esse Deum, qui non passurus sit opprimi justos ab impijs? Quia enim dicit, *Ego sum Dominus Deus tuus*, profecto hoc faciet, ut quod suum est, non sinat sibi neq; per mundum, nec per inferorum portas eripi. Si igitur ipse manet, manebunt etiam qui sunt ejus. Hæc statuere, & ad hunc modum invisibilia apprehendere, est vera & Theologica sapientia, quam hic versus nobis proponit, ut statuamus hanc propositionem de invisibili consilio Dei, Deus impios odit, justos diligit. Ergo impios damnabit & perdet, justos autem liberabit & servabit. Videmus autem hoc, quod in Psalmis & Prophetis optimum est, manare ex promissione primi præcepti, *Ego sum Deus tuus*.

*Sceptrum impiorum in speciem videtur manere*

*Sapientia Theologica.*

Iam discendum est, ut versiculum hunc recte discamus applicare. Debet enim Theologia prorsus esse practica. Vexamur varie à Pontificibus, ab impijs principibus & alijs, qui verbum Dei & nostram doctrinam oderunt, Sed hæc puerilia sunt si cum illis vexationibus conferas, quas in conscientia nostra excitant Satan, peccatum nostrum, & infirmitas nostra. Discendum itaque est, ut de his omnibus statuas, quod sint virga seu Sceptrum impiorum, & opponas Dominum, revelantem hic in Verbo suam voluntatem, ac pronunciantem, quod non passurus sit, ut super sortem justorum maneat Sceptrum impiorum. Hoc cum ille Princeps promittat, qui omnia habet in manibus, quid requirimus amplius? Si enim patiendum aliquid est, certa est voluntas ejus, quod vexare sinit, sed non sinit conculcare & perdere, Sic utendum erit his consolationibus suavissimis.

*Applicatio huius consolationis*

Quod ad Grammaticam attinet, nota est phrasis, quo modo utatur Scriptura vocabulo

# ENARRATIO D. M. L. IN VI. PSAL. GRADVVM

*Virga quid.*

vocabulo virgæ. Pueri in prima ætate corriguntur virga, cum autem adoleverint, baculo, Quod si ne sic quidem meliores fiunt, sequitur tandem virga ferrea. Hinc fit, ut virga significet omnem potestatem, seu gubernationem ad emendandos & corrigendos homines, Sic Psalm. 110. Virgam virtutis tuæ emittet Dominus ex Si-

*Psalm. 110.*

*Tyrannus impi-  
orum in pios.*

on, hoc est, regnum tuum. Significat enim ibi talem virgam, qua gubernantur regna & populi. Ad hunc modum concedit hic Spiritus sanctus dominationem seu tyrannidem impijs in pios, quam pij coguntur ferre, Sicut nos cogimur non videre solum, sed etiam sustinere tyrannidem Pontificum & Episcoporum, occidentium Christi-  
anos, & omni crudelitatis genere grassantium, Item cogimur sustinere tyrannidem Satanæ, vexantis & pavefacientis nostrum cor, & omnium Fratrum credentium in Christum. Hanc dominationem seu tyrannidem, vocat Spiritus virgam impiorum, & consolatur, Si vivit Dominus, Tyrannis ista cadet, non quiescet super sortem  
piorum.

*Virga impi-  
orum.*

*Sors iustorum.*

Sors portionem significat, Sors iustorum, hoc est turbula piorum, congregatio  
piorum, Sicut Christus vocat pusillum gregem, & Paulus, Pauperes sanctos, Super  
hos, inquit, etsi Tyranni dominantur, tamen dominium eorum non durabit, Perse-  
cutores Evangelij etsi premunt fideles, tamen non facient id perpetuo, neq; iste con-  
siliorum eventus erit, quem ipsi cogitant. Nam cogitant quod velint eradicare hanc  
doctrinam, Hoc non facient. Vos igitur, dicit Spiritus, interim patimini, & scitote  
meam voluntatem esse, ut serventur omnes, qui credunt, Ergo habetis quod in me-  
dia tentatione speretis, &c.

*Luc. 12.*

*Deus non tan-  
tum verbo sed  
etiam opere con-  
suetur.*

Sed vide quam mirabilem *ἀπολογία* seu rationem Spiritus sanctus attexit,  
Hoc, inquit, cogitur Deus facere, ut auxilietur pijs, alioqui futurum esset, ut amitte-  
ret Ecclesiam suam, & iusti ad injustos extenderent manum suam. Sic in Ieremia,  
antequam populus traditur in manus Babyloniorum, promittitur ei futurum, ut post  
annos septuaginta redeant Ierosolymam, ut scilicet retinerent fiduciam misericor-  
dia, & non desperarent penitus, ac in gentilitatem transirent, Sic in Psalmo 85. Ne  
convertantur sancti ad stulticiam, hoc est, ne blasphemant, aut impatientes fiant.  
Hæc causa est, cur Deus promissionem Verbi & executionem facti cogatur con-  
jungere, alioqui enim futurum esset, ut pij desperarent. Videmus quam multos exercet  
fortuna, cum homines, opes, liberos, & alia quæ chara habent, amittunt. Nisi igitur  
primum Verbo erigerentur animi, deinde etiam facto adjuvantur, multi dicerent  
non esse Deum. Itaq; necesse est, ut Deus se ostendat esse Deum, non tantum Ver-  
bo, sed etiam factis. Sic David habebat maximas promissiones, & tamen à Filio ex-  
uitur regno, Hæc ejusmodi tentatio fuit, quam fortasse nullus nostrum sustinere pos-  
set. Nam à Filio spoliari regno, & Regem nudis pedibus & capite nudo fugere, gra-  
vissimum est. Promissiones itaq; , quas habuit amplissimas, non erexissent animum  
ejus, nisi Deus ipso facto cum eduxisset ex hoc periculo. Sic, si contra Papam & ad-  
versarios Verbi tantum promissiones essent, & non etiam re ipsa Deus nos contra  
eos defenderet, frangeremur animo, & sollicitaremur ad desperationem. Vtrunque  
igitur facit Dominus, verbo erigit & executione facti liberat, ut secundum Paulum  
tentatio non superet vires, & finem suum habeat, nosq; usu discamus, primum præ-  
ceptum esse verum.

*Psalm. 85.*

*David regno  
spoliatus à filio.*

*1. Cor. 10.*

*Deus non est  
sine populo.*

Quod itaq; dicit, Ne iusti extendant manus suas ad injusticiam, idem est, ac  
si dicat, Ne iusti deficient, Deo enim utrumque curæ est, primum ut fideles ferre  
possint tentationem, hoc facit promissionibus & Verbo, Secundum, ut tentatio non  
sit perpetua, sed habeat finem suum. Hoc nos quoque expectare debemus, ut post  
promissiones quas habemus certas de Dei benevolentia erga nos, & æterna vita, et-  
iam expectemus futurum, ut liberemur & adversarii nostri pereant, etsi nulla vesti-  
gia videmus, qua via Deus id facturum sit. Hoc est, quod hic versiculus dicit, Deum  
tam esse sollicitum pro suorum liberatione, ut videatur metuere ne deficient, & ipse  
non habeat populum, & sic nullus Deus sit. Deus enim est Deus vivorum, & oportet  
ut habeat populum, Ergo semper necesse est manere aliquos superstites, qui eum  
laudent

laudent & colant. Hos si necesse est manere, hoc quoque necesse est, ut faciat finem tentationis.

2m. 14. Sed hic cavendum est, ne hujus liberationis tempus nos definiamus. Deus enim finit nos tentari usque ad extremum, ut prius omnia consilia, & fiducia omnis purissime exhauriatur, ac nos vicini simus desperationi. Ad hunc locum cum ventum est, ut nihil quam desperatio sit reliqua, tum mittit salutem, in ipsa Morte ostendit vitam, in ipsa damnatione salvat. In summa ex nihilo facit omnia, & cum res deplo-  
rabilissima est, restituit omnia in integrum. Hoc Deus hujus mundi non potest. Igitur sunt hæc vere Dei opera, ut tum cum te plane attritum & perditum esse sentis, sis incolumis, & fulgeas tanquam clarus Lucifer. Ideo noster Deus est solus Dominus, & nos quia sive vivimus, sive morimur, sumus Domini. Itaque mors & vita nobis sine discrimine accidit, siquidem Deus noster utrumque potest. Si ducit ad inferos, reducit. Si occidit, iterum vivificat &c. Hæc facile dicuntur, Sed in usu discimus, quam longe sint posita supra & extra rationem ac vires hominum, & quam nos ægre possimus credere, Deum ex nihilo facere omnia, esse sollicitum pro nobis, sive affligimur in carne, sive in spiritu, citius cogitare de redemptione quam nos ipsos. Inculcanda itaque hæc sæpe sunt, ut discamus sapientiam coelestem, quam primum Præceptum nobis proponit, quod Deus noster sit talis Deus, qui soleat ex veteribus facere omnia nova, ex pauperibus divites, ex contemptis gloriosos. Atque hoc posterius quidem omnes libenter haberemus, Sed non potest fieri, nisi prius præcesserit contemptus & inopia.

Propria Dei opera.

Celestis sapientia.

Est igitur hæc insignis promissio & consolatio. Q. d. Dolet vobis virga peccatorum, sed sperate & durate, qui estis populus meus, non enim patiar sic invalescere tentationem, ut omnem fiduciam & spem vobis excuriat. Procellæ orientur, & videbitur, quasi Naviculam vestram jamjam fluctus oppressuri sint. Sed non permit-  
tam, ponam modum & finem virgæ impiorum. Si accusat vos Satan & conscientia vestra, tanquam injustissimos, non tamen destituet vos mea justitia. Ad hunc modum docent tentationes usum & tractationem primi Præcepti, quam sine tentatione nemo sciet.

Porro docemur hic quoque de magnitudine periculi, quod in eo est, si per impatientiam discedamus à verbo & fide. Siquidem Deus tanto studio hic significat se cavere, ne id accadat. Certum enim est, qui à Verbo discedunt, eos longe peiores esse quam fuerunt antea, Sicut Christus quoque in Evangelio concionatur, septem spiritus nequiores invadere tales. Durandum igitur & perseverandum est, ac ferenda potius extrema omnia, quam ut ab Evangelio deficiamus, & arripiamur septem nequioribus spiritibus. Ac retinenda hæc fiducia est, quam versiculus ille nobis commendat, quod Deus nos, cum tali animo sumus, non sit deserturus, ut relabamur ad impietatem istam. Manifesta enim hic est promissio, & descriptio divinæ curæ & provisionis Dei de nobis, quod scilicet cogitet de fine tentationis, si tantum perseveremus. Quod sic Poeta dixit, Durate & vosmet rebus servate secundis. Quāto magis Christiani se cohortari ad perseverantiam debent, sive sint pericula in carne, sive in bonis, sive in conscientia. Siquidem habemus Dominum, qui potest servare in ipsa morte, in inferno & medijs peccatis. Ad hunc modum primum Præceptum discendum &c.

Periculum deficiendi quare magnum sit.

*Bene fac Domine bonis & rectis corde.*

IIII.

Consolationi subjicit orationem & Prophetiam simul. Porro oratio hæc etiam tacitam querimoniam continet. Quia enim orat, ut rectis & bonis beneficiat Dominus tacite queritur, bonis hic male esse, rursus malos abundare benedictionibus. Sicut hodie videmus Pontifices, Episcopos, & alios Verbi hostes, cum maximis dignitatibus etiam maximas opes tenere. Sic Romani olim potentia, quam habebant, contra Sanctos & Ecclesiam utebantur. Hoc magnum est scandalum. Ideo hac oratione Ecclesia opus habet, ut Deus etiam bonis beneficiat, qui in

Bonis hic male est, &c.



ipsum confidunt, & gloriam ejus ex corde quærunt, ne hoc scandalo offensi, declinent ad impietatem. Hæc oratio promissionem & prophetiam includit, futurum esse, ut sicut oratur pro benedictione justorum, ita eventus tandem respondeat.

V.

*Declinantes autem ad pravās vias suas ducet Dominus cum operarijs iniquitatis, At pax sit super Israel.*

*Declinantes.*

• Declinantes vocat eos, qui non perseverant, sed aggregant se ad virgam impiorum, aut lucri spe, aut aliarum commoditatum. Sicut hodie faciunt, qui ideo Evangelium deserunt, ut retineant amplas Præbendas & Canonicatus. Hi non perseverant in promissionibus Dei expectandis, sed ob molliciem declinant ad viam pravam, & vincuntur scandalis, hoc est, miseria & calamitatibus piorum. Hos, inquit, ducet cum ijs, qui operantur iniquitatem, nempe discipulum cum Magistro, ut una pereant. Sed hanc comminationem pauci curant, cogitant se bene posse salvari, etsi non profiteantur doctrinam nostram, dum modo retineant suaves & bonos dies, sed in judicio Dei aliud experientur.

*Veni Israel.*

Hi autem qui perseverant & sunt verus Israel, hi pacem habebunt, hoc est, omnia salva, quantumcunque videantur esse afflicti. Sic videmus Prophetas, in hoc articulo fidei, & usu primi Præcepti fuisse exercitatissimos ac probe munitos, contra illos, qui scandalis offensi, maluerunt corporalia commoda quam promissiones Dei amplecti & expectare. Ac sine dubio David, Ezechias, & similes sancti Principes usu didicerunt quam facile declinent homines. Igitur hortatur David hoc Psalmo ad fiduciam in Deum, & monet ne offendamur, si multi quotidie declinent, habituros enim eos satis grave & durum judicium. Discamus igitur stare & perseverare in fide, quod si mora videtur longior esse, cogitemus Dominum certo promittere, quod nos non sit derelicturus, Amen.

## PSALMUS CXXVI.

*In convertendo.*



Ertant Theologi inter se, quæ nam ea sit captivitas, de qua hic Psalmus loquitur. Alij enim Babylonicam, alij, ut Iudæi, Romanam intelligunt, Quidam putant in genere accipiendum de omnibus captivitatibus & redemptionibus hujus populi, secundum promissionem, quæ est Deut. 4. quæ promittit futurum, si quando propter peccatum captivi abducti fuerint, & post poenituerint, ut iterum misereatur eorum Dominus & deducat eos in terram suam. Hac catachresi, qui volunt uti accommodabunt Psalmum ad omnes captivitates. Sed mea sententia rectius Psalmum hunc intelligunt, qui cum interpretantur de illa maxime generali redemptione generis humani per Christum facta. Nam Propheta longe graviore oratione utitur, quam ut istis particularibus & unius temporis captivitatibus conveniat. Quid enim magnum est, hunc quasi pugillum populi Iudæici liberatum esse, præ illa splendida & maxima liberatione, qua universum genus humanum liberatum est, non à temporalibus hostibus, sed æternis, à morte, Satana, & inferno? Quare statuimus hunc Psalmum esse Prophetiam de redemptione per Christum futura, & invulgatione Evangelij, per quod regnum Christi propagatur, Mors & Satan vincitur, & abolentur omnia mala. Stante hac generali sententia, postea liberum est, Psalmum applicare cuilibet liberationi, tum corporali tum spirituali.

*Psalmus hic  
Prophetia est  
de redemptione  
per Christum  
facta.*

*Promissio Iudæi  
facta, non genti-  
libus.*

Porro notum est ex Prophetis, verbum Evangelij & ipsum Christum, ex Sion venturum, hoc est, ex eo populo, cui, sicut Rom. 3. est, credita erant oracula Dei, sicut etiam Paulus hoc beneficium Verbi magnifice prædicat, cum dicit, Non fecit taliter omni nationi. Etsi enim promissio complectebatur gentes quoque, tamen promissio gentibus non est facta, sed Iudæis tantum. Cum igitur promissio hæc Iudæorum sit propria, sequitur ipsis opus fuisse Christo, contra spirituales captivitates, quæ

*Rom. 3.  
Psalm. 145.*

quæ eos tenebat, stante adhuc & flore regno ipsorum. Neq; enim Moyses aut Prophetæ redemerunt eos, & transtulerunt in regnum æternum. Itaq; Psalmus 14. cum scilicet regnum sub Davide in flore esset, optat, Quis dabit de Sion salutare? Mira oratio, stante regno & sacerdotio in summo flore, hoc flagitare, Sed respondet, Cum Dominus converterit captivitatem populi sui, exultabit Iacob & lætabitur Israel. Hic audis, hunc populum nondum salvum, nondum neq; liberatum nec redemptum fuisse, cum Lex & cultus Legis vigerent. Quin lex tenebat eos captivos sub Peccato, morte, & diabolo. Ideo inquit, Cum hanc captivitatem Dominus solverit, exultabit Iacob, Sic Psalmus 68. Ascendit in altum, captivam duxit captivitatem, Ibi quoq; de captivitate loquitur, de qua hic Psalmus agit, nempe de captivitate peccati & mortis, quæ durabat in eo populo, quantumvis Legem & cultus divinitus institutos haberet. Quare omissis particularibus captivitatibus interpretabimur hunc Psalmum de captivitate generalissima totius generis humani, ac de liberatione, quæ facta est per Christi sanguinem, & annuntiatur in Evangelio.

*Locus ex Psal.  
14. Durante  
lege populus su-  
davit, neq; sal-  
vum neque libe-  
ratum.*

*Cum libera verit Dominus captivos Sion, erimus sicut somniantes.*

Sunt grandia verba, non Comica & exilia, Itaque vocabulum, Sion, emphasim habet, ut intelligas eum loqui de populo, qui habet promissionem de Christo. Nam redemptio & salus primum exhibita est populo Sionico, & filijs Abraham secundum carnem, Hi tenebantur conclusi Lege, & per Legem erant captivi Mortis & peccati. Quod si hic populus de captivitate queritur, & suspirat ad liberationem, quid de Gentibus judicabimus, sine lege, sine Dei cultu viventibus in idolatria & cupiditatibus suis? Non igitur potuit magis generalem & graviolem captivitatem significare, quam cum dicit suum populum Sion hanc redemptionem expectare, qui secundum externam faciem sanctissimus erat, & sub Davide ac Salomone florebat pulcherrime.

*Captivitas pec-  
cati.*

II.

*Grandiloquentia in hoc Psalmo.  
Si populus in Si-  
on liberationem  
expectat, quid  
Gentes?*

Sed vide quomodo pingat gaudium, quod liberationem hanc secuturum est, Erimus, inquit, sicut somniantes. Novo enim vocabulo exprimit rei magnitudinem, ut significet tantum gaudium & tantam futuram læticiam, ut cor humanum non possit eam capere. Q. d. Cum audiemus, imo, cum experiemur & sentiemus illam liberationem à Peccato & morte, præ gaudio quasi stupidi & insensati erimus. Ita enim solet evenire, leviores affectiones faciunt vel gaudium vel mœrorem, Sed magnæ, stuporem inducunt, sicut ille Ægyptius apud Herodotum testatur, qui cum à Cambyse interrogaretur, Cur nunc in amici casu fletet, cum antea siccis oculis & filium euntem ad mortem, & filiam contumeliose tractatam spectare potuerit? respondit, Amici calamitatem admittere lachrymas, sed domestica mala majora fuisse, quam ut potuerit in ijs flere. Sicut igitur magnus dolor quasi viam præcludit lachrymis, ita quoq; eximium gaudium, cum subito expectatio & spes superantur, ita obruit animos, ut ipsi se videantur ignorare & dubitare, Sint ne vera, quæ acciderunt, an ludantur quasi somnio quodam.

*Pictura quædam  
faciunt hanc li-  
berationem.*

*Magna affectio  
omnes stuporem  
inducunt.*

Significat igitur figura hæc illam inenarrabilem Gratiâ, qua redempti sumus sanguine filij Dei, non parentis sibi & vitæ suæ, ut nos essemus liberi à potestate Satanæ, ab ira Dei, à mundi furore & nostra pusillanimitate. Ac profecto cor humanum longe est angustius quam ut ista capere possit, Quanto autem plus capit, tanto fit homo alacrior & animosior, in omnibus periculis. Quanto autem minus, tanto magis fatigatur terroribus, donec tandem, sicut Israelitæ in deserto, respiciat ad Ægyptum & querat justiciam operum, in qua tandem nihil inveniet, quam laborem & dolorem. Quare conandum est, ut cæteris studiis posthabitis, cor nostrum in redemptione hac acquiescat, & nos quoq; partem aliquam hujus gustus consequamur, quem Propheta vere comparat jucundissimo somnio.

*Inenarrabile  
Gratiâ signifi-  
cat. figura som-  
niantium.*

Porro qui hic vult rhetoricari, habet amplissimam materiam, si amplificet hoc beneficium Christi, seu liberationem hanc à Persona Redimentis, à persona redemptorum, à multitudine, ab ipsis rebus, seu periculis, à potentia Diaboli, à magni-

*Beneficium  
Christi, quomodo  
de amplificandi*

magnitudine & horrore mortis, à potentia peccati, &c. Hæ enim res totum genus humanum devoraverunt, nec potuerunt nisi per filium Dei vivi ab ijs liberari. Hæc est magnifica illa & inæstimabilis redemptio, quæ animam præ gaudio stupere facit. Qui igitur gaudium non sentiunt, hi vere beneficium hoc non acceperunt, sed Verbum est in eorum corde tanquam spuma.

II.

*Tunc replebitur os nostrum risu & lingua nostra exultatione.*

*Tunc dicent inter gentes, Magna fecit Dominus cum istis.*

*Risus vocat  
Evangelij.*

Sicut dixi, Psalmus hic singularem grandiloquentiam habet, ideo crebris figuris utitur. Nam risum vocat hic vocem Evangelij, sicut revera Evangelium nobis aliud nihil esse debet quam risus & ovatio, præsertim si cum lege id comparemus. Lex enim terret & occidit, pertinet enim proprie ad conterenda & mollienda saxea corda impenitentium, sicut Ezechiel loquitur. Hi enim sunt hoc quasi ferreo sceptro confringendi, & abripiendi in infernum, sicut precatur Psalmus 10. Convertantur peccatores in infernum, nempe, omnes gentes, quæ obliviscuntur Dei, Quia enim habent cor ferreum, & sicut Propheta dicit, æneam frontem, terrendi sunt fulminibus Legis, hoc est, deducendi ad timorem Dei, & pavoribus mortis implendi, sicut accidebat populo Israel ad montem Sina, cum voce Domini Lex promulgaretur. Sed qui habent cor carneum, hoc est, cor tenerimum, sine ossibus & duricie, ac meram pulpam carnis, hi non sunt Lege occidendi, sed vivificandi & erigendi altero doctrinæ genere, quod Spiritus sanctus hic vocat risum & ovationem, nempe Evangelio. Hoc est quod Paulus monet, de Verbo recte secando, ut duris dura, fractis autem & mollibus mollia proponantur, ut qui sine timore sunt securi, incipiant timere, qui autem plus satis timore oppressi sunt, incipiant fidere & sperare.

*Qui Evangelij  
ergantur.*

*Prædicta  
Legis  
& Evangelij,  
non ut vulgata.*

Hæc satis vulgata differentia est Legis & Evangelij, sed usu tamen non ita vulgata est. Sic enim sumus infirmi, ut facilius sequamur sensum de Peccato & morte, quam istum risum & læticiam Evangelij. Nam ut de me dicam, non ita percellitur cor Redemptione & vita donata per Christum, sicut cor terretur uno verbulo Legis, seu una cogitatiuncula de Peccato & iudicio Dei. Hoc inde accidit, quia hæc Legis & Evangelij differentia usu non satis potest disci, Scribitur quidem & docetur, Sed corde non ita sentitur, alioqui fieret, ut territa corda, omnem tristitiam animo ejicerent, quia, ut audivimus, ad tales pertinet vox risus & gaudij, non vox terroris & tristitiæ. Sed sentimus hic etiam adversarium Satanam, qui de Lege acutissime nobiscum disputat, & ejusmodi utitur argumentis, quæ negare non possumus. Fateri enim cogimur nostra peccata, quæ etiam coram hominibus nonnunquam tegimus, tamen conscientia, quasi mille testes, contra nos pronuntiat, nec patitur eorum oblivisci, aut ea tegi. Oritur itaque sæpe dubitatio etiam de sanctis operibus, taceo de ijs, quæ manifeste flagitiosa sunt.

*Quomodo Satan  
dixit terrere  
secundum.*

His tanquam aculeis mollia corda Satan transfigit, & gravissime sauciat, tantum ideo, quia distinctionem hanc usu & praxi non ita habemus notam, sicut est nobis speculative nota. Nam si praxin haberemus, distingueremus inter doctrinam Legis & Evangelij, item inter discipulos Legis & Evangelij, & refutarem Satanam hoc modo, Quod Satan tanquam mendax spiritus, mendacijs corda involuit & implicat. Siquidem ubi sunt corda saxea, ea non occidit, sed palpat, ut magis indurentur, ac implet promissionibus & spe, quæ ad talia corda non pertinent. Hæc sophistica sunt, confunduntur enim mendaciter doctrinæ genera. Contra ubi corda plus satis sunt territa, ibi erigenda erant promissionibus Dei, at Satan tum maxime ea terrere nititur, & in hoc incumbit, ut jam antea fractos animos penitus conterat. Laborandum itaque est Christiano, ut assuescat in corde suo distinctionem hanc pure facere, & Satanæ respondeat, Abi Satan cum mendacijs tuis, Quando sum sine timore Dei securus & durus, tum veni & inculca mihi Legem, tum te audiam libenter, nam is locus est docendæ Legis, Sed postquam nunc cum Lege venis quando cor meum jam ante Morte & peccato pavescit, te non audiam.

Non



Non enim ad me pertinet tua doctrina, sed risus & ovatio non terror & mors, Abi igitur, &c.

Sic respondendum erat terrenti Satanæ, Sed experimur, cum maxime hoc responso opus erat, animum non posse sic respondere, utcumq; sæpe hæc audiverit. Ratio est, Quia naturaliter sit, ut plus nos terreat hiatus inferni apertus, quam coelum apertum exhilaret, ut plus tristitiæ afferat una cogitatio de peccato nostro, quam omnes conciones fere de merito Christi. Quare sudandum est, ut praxin hanc saltem aliquo modo discamus, & nos erigamus his verbis, quod scilicet Evangelium sit risus & ovatio, quæ proprie pertinet ad captivos. hoc est, ad sentientes captivitatem peccati & mortis, ad corda carnea, pavescēta sensu iræ & judicij Dei. Hi sunt discipuli, in quorum cordibus plantandus est risus, & qui soli audire debent vocem exultationis in tabernaculis justorum, Idq; autoritate Spiritus sancti, quam hic versiculus ostendit. Significat enim hunc populum esse in Sion, & secundum externam regni & sacerdotij speciem belle florere. Sed si quis spectet, qualis sit secundum spiritum, videbit esse in misera captivitate, Ideoq; linguam esse plenam tristitia & fletu ob cor sensu peccati & mortis pavescētum.

*Praxin hæc discernenda Legem & Evangelij discenda.*

Hæc est Mosi lingua, seu os Mosi plenum absynthio, & amaritudine mortis, quo debet occidere eos, qui nimium vivaces & securi sunt, ac contemnentes Dei. Qui autem captivitatem suam intelligunt, horum os debet impleri & risu & exultatione, hoc est, per Evangelium debet eis prædicari redemptio à peccatis & morte, per Christi sanguinem parata. Hæc est Spiritus sancti sententia, ut talium os impleatur risu, hoc est, nihil aliud prædicet & sonet, quam summam læticiam, & voces triumphales de Christo vincente Satanam & mortem, & exsolvente peccata nostra. Nam quod dicit, Os nostrum erit plenum, non hoc tantum significat, quod ibi erit vox & sonus quidam, sed quod os simpliciter aliud nihil sonabit, quam risum, & illas Evangelij consolationes. Sic lingua nostra, id est, prædicatio, erit plena exultatione, hoc est, totum ministerium erit consolatorium. Hoc primum Iudæo est dictum, Nam risus ille primum offerendus fuit illi populo habenti promissiones, Iam ad Gentes venit, quas etiam vocat ad communionem hujus risus.

*Os & lingua Mosi.*

Tunc dicent inter Gentes, Magna fecit Dominus cum istis. Gentes nominat, quæ naturaliter oderant & fastidiebant Iudæos, nec quicquam minus quam religionem eorum poterant ferre, Hæc inquit, prædicato isto risu admirabantur, & prædicabunt magnalia Dei. Hoc miraculum scilicet efficiet ille risus prædicatus per os & linguam nostram. Porro Gentes hoc nullo modo facerent, nec haberent pro beneficio, nisi ipsi quoque ejus beneficii essent participes. Cum igitur Spiritus sanctus dicat, nos prædicatores & admiratores hoc beneficium solutæ captivitatis Iudæorum, manifeste significat etiam hujus liberationis participes fore, sicut Christus in Evangelio dicit, Qui in nomine meo facit virtutem, non est contra me, sed pro me. Ad hunc modum dicit, Gentes quoque illam redemptionem de Morte & peccato prædicaturus esse, sicut idem testantur aliorum fere omnium Prophetarum testimonia. Zacha. 8. est, quod decem viri ex omnibus linguis Gentium, apprehendent fimbriam viri Iudæi dicentes, Ibimus vobiscum, audivimus enim, quoniam Deus vobiscum est. Hic locus quasi ex hoc Psalmo videtur transcriptus esse. Sic Esaia 2. Confluent ad montem Domini omnes Gentes, & ibunt populi multi & dicent, Venite adscendamus ad montem Domini, & ad domum Dei Iacob, & docebit nos vias suas, & ambulabimus in semitis ejus, &c.

*Gentes participes hujus redemptionis.*

Hæc ad nostram consolationem pertinent, qui secundum carnem non sumus semen Abraham, quod quanquam promissio nobis non facta est, tamen postquam impleta est, nos ejus reddimur participes, sed tamen per Iudæos, secundum promissionis verba, In Semine tuo benedicentur omnes Gentes, Et Christus, Salus ex Iudæis est. Certum igitur est, nos Gentes pertinere ad illam redemptionem, etiamsi nobis non debebatur. Nobis enim non fuit promissa, sed ex misericordia contigit per risum illum prædicatum, non solum in Zion, sed in Gentibus etiam, quæ prædicabunt & habebunt omnia cum populo sancto, sicut sequitur.

*Gentes quibus non erat promissa sed tamen fruentur benedictione, &c.*

Magna

III.

*Magna fecit Dominus nobiscum, ideo facti sumus latantes.**Una Ecclesia ex  
Iudeis & Gen-  
tibus constituta.**Regnum Papæ  
horribiliter abo-  
minatur.**Advertendo ad  
gratiarum affli-  
ctionem pro delictis  
in Evangelij.*

Hic vides unam Ecclesiam constitui ex Gentibus & Iudeis, una voce prædicantibus beneficia Dei, ut, sicut Paulus Rom. 15. ait, unanimiter uno ore glorificetur Deus & pater Domini nostri Iesu Christi. Hoc enim quod canit Ecclesia Iudeorum, Magna fecit Dominus nobiscum, idem etiam canit Ecclesia gentium, & sequitur idem fructus utrinque, & verum signum populi Evangelij, nempe, quod sunt populus exultationis & lætitiæ, sicut dicunt, Ideo facti sumus latantes. Iam ipsi cogitate & videte quam horribilis abominatio fuerit regnum Papæ, in quo nihil audiebatur, videbatur, docebatur, legebatur, nihil exercebatur aliud, quam traditiones humanae, quæ sua natura aliud non possunt, quam afferre tristitiam, & affligere corda. Regula enim parit regulam, observatio observationem, & fiunt, quod deterrimum est, ista omnia laquei conscientiarum, non manent simpliciter onera corporis. sicut debebant, ubi utiliter instituuntur. Itaque in regno Papæ non fuit una gutta hujus doctrinæ, quæ pareret gaudium & lætitiā. Si igitur ibi sunt pavida corda, non inveniunt consolatorem, Si anguntur & dubitant, non possunt distinctionem facere, de qua supra diximus.

Quare debebamus Deo pro hoc immenso beneficio Gratiā, quod scimus nunc doctrinam Evangelij proprie esse doctrinam salutis & consolationis. Quantum igitur quisque in suo corde secundum hoc Verbum gaudij sentit, tantum etiam habet vitæ & salutis. Si autem adhuc sentis tristitiam, signum id est, quod Diabolus nondum desijt te vexare. Quare cor ad illum usum est instituendum, ut scias Lege esse utendum, contra impoenitentes & induratos. Ibi enim est in legitimo & proprio usu, Sed est in usu illegitimo & improprio, cum exercet & vexat animos jam antea territos. Quare animi terri Legem audire & admittere non debent. Ad hos enim pertinet risus & oratio, hoc est, prædicatio Evangelij, seu remissio peccatorum in Christo donata, Hac etiam sanctificamur, Lege non possumus sanctificari, sed magis rei efficimur, sicut Paulus dicit in Romanis 7.

IIII.

*Converte Domine captivitatem nostram, sicut aquas ad Austrum.**Postulationem  
de redemptione  
per Christum  
Iudeis & Gen-  
tibus comuni,  
sub hoc de ora-  
tione.**Causa cur opus  
in oratione.*

Hactenus Propheta vaticinatus est de regno Christi, & redemptione per Christum efficienda, ac invulgenda postea in universum genus humanum, & totum orbem terrarum, sic ut ex Iudeis & Gentibus fiat una Ecclesia, in qua nihil prædicetur, quam risus & exultatio, laus & gratiarum actio, Iam pergit describere eandem Ecclesiam, & ostendit quid sequatur ad illum fructum redemptionis, & ad illam communionem Iudeorum & Gentium, Nempe, quod necessaria sit oratio, sicut etiam Zacharias conjungit cum Spiritu gratiæ, Spiritum precum, hoc est, cum redemptione illa per Christum facta, orationem fidelium & jam redemptorum. Etsi enim redemptio est facta & nos vere redempti sumus sanguine Filij Dei, tamen necesse est, ut quotidie pro redemptione oremus, sicut Christus quoque in oratione sua jubet orari, Ut sanctificetur nomen Dei, quod tamen constat esse sanctum & sanctificatum, Ut veniat regnum Dei, quod tamen venit & est, &c. Item Christus dicit, Pater glorifica nomen tuum, ac respondet Pater, glorificavi id & glorificabo adhuc amplius, Item Paulus, Non arbitror me apprehendisse, &c.

Hoc enim est quod etiam supra monui, beneficium Evangelij & inestimabile illud donum redemptionis nostræ, & vitæ æternæ facile dici quidem, sed difficilissime credi. Quia habemus in hac vita non decimas, sed tantum primitias Spiritus, plenitudo autem carnis fere tota adhuc vivit, & est incolumis. Ingredivimur quidem in regnum Dei, ac, ut sic dicam, uno pede certi sumus de promissione consequenda, sed non sic subsistendum est, etiam alter pes trahendus, hoc est, quotidie crescendum & proficiendum est in hac agnitione gratiæ & fide. Ideo Zacharias dicit, effundi Spiritum precum, qui augmentum hoc requirat, & Paulus dicit, Spiritum gemitibus inenarrabilibus, imo universam creaturam ingemiscere, pro liberatione filiorum Dei. Igitur donec habitamus in hoc corpore, quod nos gravat & remoratur quo

quo minus possimus ista plene apprehendere, habemus non solum Spiritum gratiæ, sed precum quoque, ut sciamus quidem nos esse in Gratia, propter Christum in quem credimus, & tamen assidue oremus, ut quod Deus in nobis cœpit, perficiat.

Nemo igitur tam sit arrogans, ut æstimet, cum hæc semel audivit, se esse Theologum, & plene scire ista. Hæc enim arrogantia facit phanaticos spiritus, qui sicut canis Æsopicus, umbram sectantur, & quod verum est, amittunt. Verbum quidem, Baptismus, denique ipse Christus, plena, perfecta & integra sunt, Sed nos hic non de rebus ipsis agimus, sed de apprehensione rerum. Sic vita æterna vere est perfecta, Sicut Christus dicit, In domo Patris mei mansiones multæ sunt, Sed in his mansionibus nos dum hic vivimus, nondum consedimus, spe tantum eas possidemus, & vexamur interim peccatis, desperatione, curis, laboribus, &c. Ac nonnunquam fides satis firma est, Sed rursus accidit ut sit infirmissima, ibi immergimur tanquam in profundissimum lutum, ex quo eluctari non possumus, quin undique commaculemur. Talis est vita Christianorum, qui jam primitias spiritus acceperunt, Hi usu discunt, non ista posse sic plane apprehendi, quin sæpe fiat, ut labuntur, periclitentur, & allevatione opus habeant, sicut Christus Paulo respondit, Virtus mea in infirmitate perficitur. Infirmitas est nostra, & manet nostra, dum vivimus, virtus autem est solius Christi.

Hoc in Papatu ignoravimus, Nam & de Sanctis, etsi historiae sacrarum literarum diversum ostendunt, credidimus, eos fuisse purissimos, & de nobis cogitavimus, si quis unum, ut sic dicam, gradulum Gratiae haberet, salvum esse. Ac sane non nego hoc postremum, & tamen verum est, præsertim in pugna & tentationibus, tales sæpe labi, & scintillam Spiritus penitus extinguere, sicut Davidi accidit in adulterio. Quare excutienda hæc est Papistarum opinio, qua animi redduntur securi, ac putant satis esse, cœpisse hæc semel. At Christus dicit, Qui perseveraverit in finem, hic salvus erit. Quod si quis post Baptismum aquæ & Spiritus statim extingueretur, is salvaretur, Sed quia vivimus longius, non potest aliter fieri, quam ut sæpissime impugnemur à Diabolo, qui conatur spem, fidem, & optimas virtutes, quæ in nobis per gratiam Dei sunt, convellere & labefactare. Habet autem Satan hic eam prærogativam, quod Gratia in nobis cœpta, nondum autem impleta & perfecta est, Res quidem integræ & perfectæ sunt, Sed nos nondum sumus integri & perfecti, Ideo non possumus res integras & perfectas integre & perfecte apprehendere, sicut Paulus loquitur. Ideo autem invadit Satan hæc initia, quod metuit ne perficiantur, & pugnat contra spem, fidem, & charitatem.

In hoc periculo Ecclesia se confert ad orationem, & dicit, Ne inducas nos in tentationem; Item, Da victoriam, ne deficiat fides mea, ne confundatur spes mea, perfice bonum opus, quod cœpisti in me, &c. Tales sunt Christiani, qui habent perfectam redemptionem, & certam spem vitæ æternæ & remissionis omnium peccatorum, & veram liberationem à Diabolo, morte, & inferno. Has res habent, nec in rebus ullus defectus est, Sed in me, & te est defectus, quod ista nondum plene apprehendimus. Nam caro & sanguis, ac peccati reliquiæ adhuc vivunt, ideo S. Paulus clamat, Video aliam Legem in membris meis, repugnantem legi Dei. Hæc causa est cur Christianus non possit esse securus. Videt enim se omnia pericula nondum superasse, quæ quotidie hostis excogitat. Quod autem ad Christum attinet, quem fide apprehendit, verum est, quod habet omnia. Nam in Christo, Diabolus prostratus, Lex impleta, ira Dei submota, peccata exoluta, & mors ipsa devicta est. Sic sunt hæc, cum in Christum, in quem credimus, respicimus, Sed cum postea ad nos respicimus, cogimur fateri nos nondum esse putros, quia fides nondum perfecta est, quæ ista dona perfecte apprehendere possit. Igitur in pugna formidamus, cedimus hosti, patimur nobis excuri spem, commovemur ad tristitiam, impatientiam, &c. Sic Christiani sunt bellatores & veri milites Dei, qui in acie stant, nec possunt esse securi, ideo orant solícite & implorant Dei auxilium. Contra, qui securi sunt, nihil orant, Sentiunt enim Diabolum

Rr

procul

*Deterreret à per  
suasione doctri-  
ne fidei.*

*Vita Christiano-  
rum.*

*Proposita Pa-  
pistarum opinio  
de Sanctis ex-  
cutienda.*

*Ecclesia in li-  
beratione sua or-  
rat.*

*Christiani non  
sunt securi.*

*Plene, quod ad  
Christum atti-  
net habet om-  
nia, sed quod  
ad se attinet,  
&c.*



procul abesse, & fidem etiam non sentientes amittunt, & postea in tentatione sunt tanquam aridum folium.

*Oratio est sem-  
per continuan-  
da in Ecclesia.*

Hoc dicit hic versus, nempe quod in Ecclesia semper sit continuanda ora-  
tio, si non ore, at corde & gemitibus secundum præceptum Pauli, Abundet ver-  
bum Dei inter vos, ut non tantum docendo publice & privatim quotidie acua-  
tur, sed etiam orando, & ut Moses in Deut. dicit, meditando, sive cum stamus, i-  
mus, vigilamus, edimus, &c. Non quidem ideo, quod in re sit dubitatio aliqua, sed  
quia Adversarius noster tanquam leo circumit, quærens quem devoret. Nos au-  
tem sumus infirmi, gestantes thesaurum hunc in testaceis vasis, Imo aggravati ad-  
huc carne peccatis plena, in qua fides est ceu surculus, qui nondum pervenit ad  
maturitatem, & facile à ventis commoveri, aut extinguì etiam potest. Hoc nesci-  
unt, qui, antequam in pugna periculum faciunt, se Christianos esse, & credere pu-  
tant. Hi aut hæretici sunt, apprehendentes temere omnia, aut plane prophani  
redduntur, sicut jam vulgus est, quod quidem doctrinam nostram verbis aliquo  
modo referre potest, sed inclinatum, tanquam porcus in sterco, vere Verbum ni-  
hil curant, sed etiam deteriores nunc sunt, quam ante fuerunt. Hi non intelligunt  
quod necessarium sit quotidie crescere, ut in pugnis quotidianis contra sagittas  
Satanæ consistere possimus, impellentis ad contemptum Dei & hominum. Vigi-  
landum itaq; est & orandum, secundum præceptum Christi.

*Hæc oratio in  
persona Christi-  
anorum, quoti-  
die precantium  
ut amplius libe-  
rentur, intelli-  
genda.*

Ad hunc modum intelligo orationem hanc non in persona Prophetæ, quæ-  
si oret pro revelatione redemptionis futuræ, sed in persona Christianorum, qui  
quotidie necesse habent hunc versum orare, & dicere, Domine redemisti de ca-  
ptivitate, redime amplius, Remisisti peccatum, remitte amplius, Occidisti Diabo-  
lum, occide amplius, Sustulisti Legem, tolle amplius. Postulandum enim hoc est,  
quod jam ante habemus, donec fiamus perfecte puri, id quod fiet mortuo hoc  
corpore nostro, in quo peccatum hic regnat. Sententia igitur est, Domine con-  
verte captivitatem nostram, hoc est, nos qui incepimus esse initium novæ creatu-  
ræ, redime, ut sicut redemptio per Christum plene & perfecte facta est, ita nos ple-  
ne & perfecte eam apprehendamus & sentiamus. Multa enim sunt in hac vita, quæ  
huic redemptioni adversantur, quare opus est nos sic defendi, ne relabamur in ca-  
ptivitatem, ne fides nostra per Satanam evertatur. Caro enim est infirma, at Sa-  
tan est potens, nisi igitur nos defenderit & servaverit Deus, frustra incepimus re-  
dimi. Ad hunc modum semper orandum est, ut augeantur in nobis primitiæ Spi-  
ritus, & renovemur de die in diem, donec vetus homo totus aboleatur per mor-  
tem. Tunc enim futurum est, ut captivitas perfecte convertatur, sicut torrentes  
seu aquæ austri exiccatae sunt, Sive mare rubrum, sive Iordanem intelligas, parum  
enim refert. Similitudo enim hæc est, Sicut per manum tuam mirabiliter fecisti,  
ut mare exiccaretur à sicco vento, Ita penitus exicca quicquid est captivitatis in  
nobis, ut perfecte absumatur, sicut torrentes, qui per hyemem inundant, per æsta-  
tem autem toti exiccantur. Significat enim simpliciter siccitatem, sive eam in-  
telligas, quæ in mari rubro & Iordanæ fuit, sive quæ in torrentibus solet acci-  
dere.

*Similitudo à  
torrentibus au-  
sti.*

*Cur Christiani  
assidue oran-  
dam, &c.*

Hoc igitur est, quod moneo, ut assuefaciamus nos ad assiduam orationem  
& meditationem Scripturæ sanctæ. Qui non pugnaverunt contra Satanam, nesci-  
unt quam Spiritus precum sit necessarius. Paulatim enim crescit negligentia &  
securitas, sicut rubigo in ferro, & Verbum paulatim quasi de manibus delabitur,  
priusquam sentiamus, Hoc cum sit, jam dimidium victoriæ Satan abstulit. Non e-  
nim dormit, sed observat omnia momenta, & cum adoriri solet, cum cor vacuum  
Verbo senserit, Ibi facile tanquam ex scintilla ingens incendium in conscientia  
excitat, Id priusquam restingui possit, & Christus ac Verbum iterum apprehendi,  
aut doloribus & cruciatibus oppressi aut penitus enecati sumus. Est enim homi-  
cida, & omnia consilia sua instituit ad nos occidendos. Necessarium igitur  
est Verbum ruminare, & orare, sive cum surgimus, sive cubitum imus, ne nos  
vacuos

vacuos & imparatos hostis inveniat, & redemptionem hanc penitus nobis excutiat.

Ego etiam Theologus sum, qui mediocrem usum & peritiam sacrae Scripturae varijs periculis sum consecutus, Sed non ita efferor hoc dono, quin quotidie una cum pueris Catechismum, hoc est, Decalogum, Symbolum & decem praecepta, mecum orem, & intento corde inspiciam, non tantum verba transcurrens, sed etiam observans quid singula verba significant, Et sane, cum hoc non facio, & alijs negocijs occupor, sentio inde certum incommodum. Verbum enim à Deo in id datum est, ut id nobis acuamus, sicut Mosi dicit, & exerceamus, Sine hoc exercitio animi nostri contrahunt quasi rubiginem, ut ipsi nobis ipsis excidamus. Videmus, & quotidiana vita satis magnum documentum est, quo homines cadant, & quibus excipiantur periculis. Sed hujus rei quæ alia causa est, quam quod securi sunt, non orant, Verbum non audiunt, nec ruminant, contenti eo sunt, quod in libris habent & legere possunt. His paulatim inserit Satan contemptum Verbi, deinde aut in subitam desperationem, aut alia pericula conjicit. Quid enim reliquum est, Verbo amisso, quo homo contra hunc hostem se munire & defendere possit? Theologi igitur est, assidue discere, assidue exerceri in Verbo & oratione, non tantum quia res sunt maximæ, quæ animo plene includi non possunt, sed etiam, quia adversarius noster non semel tentat, sed assidue, Ergo assidue Verbo contra eum pugnandum & orandum est. Ita ad populum Christi & Ecclesiam, seu redemptos & sanctificatos pertinet oratio. Increduli enim & impij non orant.

*Qui seminant in lachrymis, in exultatione metent.*

14. Hoc etiam unum est de ijs, quæ proprie ad redemptos pertinent, quod sub-  
 jiciuntur multis tentationibus, secundum sententiam, per multas tribulationes  
 oportet in Regnum coelorum intrare. Itaq; Theologia recte vocatur professio  
 sanctæ crucis. Sic Christum oportuit pati, caput Ecclesiæ, & Prophetæ per Spiri-  
 tum sanctum, sicut Petrus dicit, prædixerunt passionem ejus, & post eas etiam glo-  
 rificationem, 1. Pet. 1. Ac quomodo posset fieri, ut Christiani non paterentur, cum  
 nullum in mundo officium sit, quod sit sine cruce? Magistratum esse, & regere ali-  
 os, an non miserrimum genus vitæ est, adeo ut Demosthenes sapientissimus vir,  
 post tot in Atheniensi Repub. pericula & molestias, dixerit, Si geminæ viæ essent  
 propositæ, una quæ ad inferos, altera quæ ad Rempub. duceret, se malle eam, quæ  
 tendit ad mortem & ad inferos, ingredi. Itaq; Bias id genus vitæ certissimam Re-  
 gulam esse censuit, qua judicari possit de singulorum ingenijs, Magistratus, inquit,  
 ostendit virum. Neq; enim, nisi vir sis, & vere invictum habeas animum, pericula  
 & labores omnes sustinere poteris, quos hæc vita secum trahit. Quam multi sunt,  
 qui priusquam invidiam subeant, & offendant alios, à justo & vero declinant? Id-  
 eo fit, ut paucissimi in Magistratu boni sint, Si qui autem sint boni, fere ingrati-  
 tudinem & extrema pericula pro laboribus reportant. Nam justa administra-  
 tio semper odium & invidiam concitat. Sic si uxorem ducas, quæ ibi molestia-  
 rum moles objicitur? qui ut Basilij verbis utar, *τὸν φερόντα δούλον* maritum ex-  
 cipit? sive familiam, sive liberos, sive alia domestica incommoda, sive etiam vici-  
 norum injurias consideres. Quid multa? nullum vitæ genus invenies, quod non  
 sit plenissimum omnis generis molestiarum, nisi velis injustus esse. Si autem hoc  
 serio conatus fueris, ut juste & sancte vivas, non poterit abesse, quin statim Satan  
 crucem objiciat, & te vexet.

Sunt autem hæc, ut videmus, temporalia, Quanto igitur magis in Ecclesia  
 idem accidet, ubi cum Diabolo pugnandum est de justitia & vita æterna? Nam si  
 Satan justiciam civilem ferre non potest, quomodo pateretur æternam justiciam,  
 qua ipse in æternum se periturum novit? Christiani igitur habent acerrimos ho-  
 stes demones, qui eos persequuntur ac fatigant dies & noctes. Quare eorū miser-

R r a

tima

*Exemplum D.  
M. L.*

V.

*Crux propria  
nota redempto-  
rum.  
Theologia.  
Professio S.  
crucis.  
Nullum genus  
vitæ sine cruce  
est.  
Magistratus.*

*Chrysostomus.*

*Eccl. 1. 14.*

*Plerumque  
injuria.*

*Hiob imago fidei  
hominis.* rimavita est, prae omnibus hominibus, siue respicias ad ea, quae patiuntur in carne, siue in conscientia. In civilibus negotijs invenitur saltem aliqua species laticitiae & voluptatum. Sed qui volunt Christiani esse, hi sunt & manent in Peccatis, quae tum corpus, tum conscientiam coram Deo ream agunt, Coram mundo autem sunt vermes, abominatio, & *habituam*, subjecti odijs daemonum & totius mundi, ideo omni genere suppliciorum in eos mundus saevit. Qui igitur veram imaginem Christiani oculis intueri vult, Hiob intueatur, daemonibus, cruciatibus corporis, & fœdis ulceribus obsessum & oppressum. Quid faciemus igitur? Si volumus & optamus consequi vitam æternam, hæc ferenda sunt. Si volumus confiteri redemptionem & redemptorem nostrum Christum Iesum, sciamus paratos fore, qui iusticiæ & vitæ nostræ æternæ insidientur.

*Conformandos  
animos ad tem-  
tationem.* Præparemus igitur, sicut Syrach monet, animam nostram ad tentationem, & præbeamus tergum nostrum aratoribus, sicut Psal. 129. dicit, Quisquis enim profitetur se baptisatum esse, & censerì nomine Christi gaudet, statuatur se non esse meliorem Christo Domino suo. Oportet enim conformes fieri imagini Filij Dei. Si Christus gestavit spineam coronam, non speremus futurum, ut nostro capiti ferta & rosæ imponantur. Nos quidem quærimus pacem & quietem, nec ullam damus occasionem iustam mundo sæviendi in nos, Sed Satanæ odium hoc modo non placatur, sed incenditur magis.

*Miserabilis  
imago Christiani.* Videte igitur nunc miserabilem illam formam Christiani, qui tamen redemptus est, Est plenus peccatis, tristitia, morte, ideo rotus sibi ipsi displicet, Deinde est ceu Lazarus ante fores divitis, Est ceu Hiob infinitis periculis & malis oppressus. Hic dicas, Quis igitur optet Christianus esse? Audi igitur quid Petrus dicat, 1. Pet. 4. Fratres, ne miremini fervorem seu tentationem, quæ in vobis sit, ad tentandos vos, quasi novi aliquid vobis contingat, sed tanquam communicantes Christi passionibus gaudete, ut & in revelatione gloriæ ejus gaudeatis exultantes. Hæc enim est Christi, Ecclesiæ, & omnium Fratrum imago, ut patiantur. Sed noli ad passionem & tribulationes tantum respicere, etiam ad fructum respice, qui sequi solet, quod scilicet, qui in lachrymis seminant, in exultatione metent. Hæc consolatione quid potest suavius objici ijs, qui crucem Christi portant & secundum spiritum à Dæmonibus, secundum corpus autem à mundo vexantur? Satan enim oppugnat fidem, & facit nos murmurare contra Deum, aut tristitia ita opprimat, ut quid agamus, aut ubi simus, nesciamus, & tamen verum est quod simus sancti & redempti. Sed redemptio est abscondita, tentatio autem sentitur in spiritu & in carne. Deinde accedunt temporalia, verbi adversarij calumniantur nostra, & mendaciter deferunt, ac mille occasiones quærunt nocendi nobis.

*Fructum crucis.* Hæc cum sentiuntur, tunc cor palpitat, & clamat cum Davide, Miserere nostri Domine, miserere nostri. Hoc totum vocat Spiritus sanctus, Seminare in lachrymis, ire & flere, ac mittere semina. Aliter fieri non potest, quam ut Christianus sit seminator talis, qui sementem faciat non in risu, sed in acerbissimo luctu & lachrymis.

*Seminare in la-  
chrymis.* At inquis, Vbi manet risus, qui prædicatur redemptis illis, de quo David paulo ante dixit? In Spiritu. Quantum enim habes fidei, tantum etiam habes risus, Sed nonnunquam risus excutitur, non tamen omnino deferemur, quia promissio est, futurum ut in exultatione metamus. Porro non est ut intelligamus verbum seminandi tantum de officio docendi, sicut eo utitur Paulus, Qui seminant vobis spiritualia, Sed significat totum vitæ genus omnium piorum, & actiones omnes, quas suscipiunt ratione vocationis. Sunt enim tanquam semina in futuram vitam, quam spe habemus ac possidemus. Sumus enim salvi, & victores Mortis, sed in spe, Interim autem dum hac vita fungimur, sumus in lachrymis, sicut Christus dicit, Mundus gaudebit, vos autem plorabitis, Sed tristitia vestra, inquit, vertetur in gaudium. Hoc expectandum est, & tristitiæ ac vexationes hac spe tolerandæ & vincendæ sunt. Sumus enim in oculis Dei tanquam fere, quas venationibus si-



bus finit exerceri, ut nusquam tuti esse videamur, Christianus enim sine afflictionibus nihil valet. Sic videmus quomodo Petrum, Paulum, & alios Sanctos persequi sinat à venatoribus, hoc est, à Synagoga, Cæsaribus, Principibus, ut scilicet discant in sese esse humiles & patientes, & non superbiant.

11. 14. Cum igitur omnes, qui pie volunt in Christo vivere, persecutionem oporteat pati, retinenda est hæc consolatio, qua vexationes illas quasi condiamus, nempe quod Spiritus sanctus hic quidem varicinatur futurum, ut seramus in lachrymis, sed confidendum esse. Quo enim lachrimæ sunt uberiores & acerbiores, hoc risum & lætitiā maiorem parient, Sicut etiam contrarium exemplum ostendit, Mundus seminat in risu, sed postea in æterna tristitia & doloribus metit, Nos autem modicum hic tentamur. Sustineamus igitur & speremus futurum, ut æternum gaudium metamus, pro ista modici temporis laboriosa satione.

*Consolatio adversus afflictiones.*

*Atundat seminat in risu.*

Deinde etiam in hoc consolatio est, quod etsi tota vita est tristissima & vere seminatio in lachrymis, tamen Deus interim nullam tentationem finit esse perpetuam, Sed sicut vices sunt tempestatum, ita semper illa nubila sequitur serenitas, & recreatio post labores, Sic experimur cū animi cogitationibus desperationis, diffidentia, impatientia coram Deo & mundo ad unum, duos, tres dies, aut amplius vexati sunt, postea sequitur, ut animi consolatione aliqua spiritali iterum erigantur. Sicut enim parentes filiis virga castigatis, postea iterum blandiuntur, & saccaro aut alijs illecebris, ad se alliciunt, Ita Deus quoque nobiscum agit, ne, si nulla esset refocillatio, perpetuum ab eo fugeremus. Itaque Paulus quoque monet liberos sic castigandos esse, ne tamen fiant pusillo animo, hoc est, alieno à parentibus. Et moderati parentes solent miscere ideo virgam blanditijs & munusculis, quæ arguant amorem, ne dum plagas sentiunt liberi, prorsus nullam existiment veniæ locum relictum esse. Ad hunc modum solet Deus quoque. Si enim tentationes essent perpetuæ, quis eas ferret? Miscentur itaque consolationibus, ut intelligamus Deum non velle totos nos absorberi tristitia, Corrigere vult, sicut Psalmus dicit, sed non morti tradere, Impelli finit, sed etiam manum porrigit qua nos suscipit, ducit ad inferos, sed reducit quoque. Contra Satan & Mundus infinito odio & insatiabili ira ardent, hi dicunt, Exinanite, exinanite usque ad fundamentum. Talis non est Dei ira, qui corripit ad salutem.

*Alia consolatio tentationem non fore perpetuam.*

Discamus igitur hæc, quod tentationes nobis sint perferendæ, & seminandum in lachrymis, ne scilicet cum tentatio ingruit, tanquam nova & inusitata re offendamur ac desperemus, sed retineamus hanc consolationem, habere nos me sem in vita æterna, quam cum gaudio facturi sumus, Præter hoc, quod etiam in hac vita tentationes ita temperantur, ut sustineri possint, secundum sententiam Pauli, Fidelis est Deus, qui non finit nos tentari supra quam possumus, Sed cum tentatione etiam facit *in 6a m* seu evasionem. Hoc quidem accidit, ut nobis videamur non amplius sustinere posse, sed virtus Domini perficitur in infirmitate.

*Epilogus de cruce, & adversus eam, Consolatio.*

10. 12. *Euntes eunt & flent portantes preciosum semen, Et venientes venient cum exultatione, portantes manipulos suos,*

VL

Quomodo potuit clarius pingi conditio Ecclesiæ, & iter, quod ambulat sub sancta cruce? ut scilicet muniamus animos nostros, ne amittamus risum illum, quem fide apprehendimus, sed crescamus per crucem, & risum illum sentiamus augeri. Neque enim fides & Christianorum vita sunt hypocrisis, qualis monachorum est, Qui etiam ad perfectionem conantur pervenire speculationibus istis unionis spiritalis, sicut ipsi vocant, Sed, sicut meo exemplo didici, frustra. Neque enim, cum serio id agerem, ullum unquam gustum ex talibus speculationibus sensi. Sunt igitur nihil quam periculosa fabulæ & hypocrisis. Hæc autem est vita Christiana, quæ hic describitur exerceri Cruce ac tentationibus, & apprehendere verbum. Hæc est vera & practica unio nostra cum Deo, in qua unione quotidie crescendo est propter carnem, mundum, & Satanam quotidie tentantem.

*Ecclesiæ conditio sub cruce non risum verbo amittat. Vita Christiana.*

Nisi enim in his periculis recursus pateat ad Verbum & orationem, succumbimus. Ideo crux est medium, quo Deus nos exerceri, non absorberi vult, ut quotidie magis ac magis purificemur.

Porro quod ad textum attinet, parum refert siue exponas hunc versum, quod sit repetitio primi versus, siue distinguas, Quod loquatur de consolatione hujus vitæ, Superior autem de consolatione futuræ vitæ. Mihi tamen proprie etiam hoc videtur significare voluisse, quod tribulationes non semel tantum fiunt. Etsi enim intercedat consolatio, tamen tentatio alia aliam excipit, ita ut tota vita sit continuatio quædam tentationum. Sic in Ecclesia una hæresi devicta & extirpata, subnata est alia, uno Tyranno oppresso manu Domini, secutus est alius, Sic privatim una desperatione victa, succedit alia, &c. Hanc continuationem etiam geminatione illa videtur significare Propheta, quod dicit, Eundo eunt. Nullus enim lachrymarum finis est, antequam descendamus in sepulchrum, etsi tempus respirandi conceditur.

Quod vertunt, preciosum semen, viderint isti, qui Ebraicæ linguæ magistri sunt. Nam nimis remota ea figura est. Mihi magis videtur significare protractionem, ut exprimat continuationem tentationum, de qua jam dixi, seu Epitafin. Alioqui Mesech sunt, sicut supra diximus, tracturi, sed hoc nihil ad hunc locum. Sententia igitur est, Portant prolongatum seu dilatatum semen, hoc est, laboriosam vitam agunt, de die in diem exercentur novis periculis & calamitatibus, sine cessatione, Ut sit protractum semen, idem ac si dicas, continuatas, successivas, seu alternatas tentationes. Sed hujus continuatoris quis est finis? Ille scilicet, quod æternum gaudium possidebunt, sicut Epistola ad Ebræos egregie dicit, Omnis disciplina in præsentibus quidem videtur non esse gaudij, sed mœroris (hic audis lachrymas) postea autem fructum paratissimum justitiæ reddet exercitatis per eam. Hic audis quod venientes, venient cum exultatione. Si igitur protractum & prolongatum semen est, non tamen est æternum, gaudium autem æternum erit. Sic regnum Christi non est positum in potentia mundi & opibus, Sed in redemptione æterna, quam cogimur obtinere magnis vexationibus & crucibus infinitis, in quibus tamen sustentamur Verbo & oratione, donec salvemur, Amen.

*Eundo eunt.*

*Mesech.*

*Regnum Christi.*

*Quod contra institutum nostrum duos ex Psalmis Graduum, nem.*

*ps. 12. cum 13. quorum ille uno 14. hic vero 38. ab initio ex- it, cum reliquis ejusdem ordinis Psalmis in unum omnium co- agimus, ideo so- litum est, quod omnes unius ge- neris sunt pa- res, quodque ab Autore eodem tempore expressi sunt.*

*Salomonem autorem esse hujus Psalmi verisimile est, quod ut in omni- bus libris suis, ita hic quoque de politia tractat. Collatio politi- corum Salomo- nis & Philoso- phorum.*

## PSALMUS CXXVII.

*Nisi Dominus ædific.*



Abet hic Psalmus titulum Salomonis, & sane verisimile est Salomonem autorem ejus esse. Videmus enim in omnibus Salomonis libris, quod verè est Doctor politicus, nec tractat principalem Articulum patris sui David, de Iustificatione, vel de Christo hærede & nepote Davidis, Sed ea tractat, in quibus versatus & à Deo constitutus fuit, nempe politica. Id autem facit eo modo, ut nullus Philosophus unquam sic de Politicis docuerit. Transfert enim totam politiam ad Fidem, & quicquid vel in Repub. vel in Oeconomia geritur, id refert ad divinam administrationem, quod alij scriptores, siue Philosophi, siue Oratores, fuerunt, non faciunt. Quanquam enim Leges dicant, & rationes præscribunt, quibus recte administrari Respublica, & familia pulchre gubernari possit, tamen non sciunt unde successus petendus sit, ut illa, quæ recte consulta sunt, succedant, sed experiuntur se successu destitui. Nam materialem & formalem Causam solum, tum Politia, tum Oeconomiam norunt. Finale autem & efficientem causam non norunt, hoc est, nesciunt unde veniant Politia & Oeconomia, & à quo conser- ventur, item quo tendant.

Aristoteles igitur in Ethicis & de Republica, item Xenophon, Plato, Cicero, & alij, quanquam de Republica præclare scripserunt, tamen veram efficientem, & finalem causam non attingunt. Causam enim finalem optimam & præcipuam, putant esse Pacem Politicam, honestum, gloriam, &c. Efficientem autem causam constituunt Virum sapientem, seu prudentem Magistratum, vel, ut ipsi loquuntur, virum

virum & civem bonum. Sed Salomonem audiemus aliter & proprie magis disputantem. Philosophi igitur formalem causam recte tenent, quomodo sit gerenda Respublica, quod alicubi Iusticia commutativa, alicubi distributiva sit sequenda, quod secundum hanc puniendi Sontes, defendendi insontes sint, secundum illam constituendi Contractus, &c.

Hanc causam pulcherrime & optime tractant, Sed hæc non satis est. Nam cum hæc ita instituta sunt, requiritur etiam successus. Videmus sapientissimos viros graviter commoveri, cum pulcherrimis suis Consilijs successum deesse vident. Leges enim habent iustissimas & honestissimas, & summa vi in id incumbunt, ut leges illæ serventur, Sed in efficiendi & finali causa hærent. Quia enim statuunt finem, Gloriam, pacem, opulentiam, hæc autem non semper eveniunt, sæpe etiam diversum accidit. Manifestum ergo est, hos eventus non esse causam Finalem. Econtra alius quispiam, quo est pejor & negligentior, eo est fortunatior, ea res magis commovet bonos ad impatientiam, Quare in hoc omnia sunt, ut sciamus unde ista sic fiant, quod boni plerumque pessime habent, econtra pessimi optime. Sicut multi dissoluti & maligni oeconomi florent, optimi autem egent.

Ergo apparet, quod non possunt Philosophi & Gentes de Rebusp. & oeconomia sic dicere, ut Spiritus sanctus. Nam ipsi tantum habent & sequuntur rationem, Salomon autem & Spiritum sanctum habet, qui eum de finali & efficiente causa Imperiorum & oeconomiæ docet, Habet item rationem & experientiam, quia & Rempub. & domum gubernavit. Quare non tantum ex Spiritu sancto loquitur, sed etiam ex experientia, quod est in maximis causis versatus, & magnum gravissimarum rerum usum habuit. Debet autem hoc nomine commendatior nobis hic Psalmus esse, quod eum vir tantus de Politia & de re familiari composu-  
*Commendatio  
huius Psalmi.*  
it. Qui quanquam brevis est, nam sex tantum versiculi sunt, tamen est singulari Doctrina refertus, ac Formalem, item materiale causam non urget. Videt enim jam adesse domos, constitutas esse Respub. ac munitas optimis legibus ac Magistratibus. Sed sunt ne satis? Minime. Duæ enim principales causæ adhuc desiderantur. Nam quod ad formalem causam attinet, fieri potest, ut Leges meliores fuerint apud Gentes, quam apud Iudæos, Et fieri potest, ut Magistratus quidam Gentium fuerint meliores ijs, qui in populo Dei fuere. Sed hæc tantum sunt materia & forma.

Quare eo perveniendum est, ut principales causæ Rerumpub. & oeconomiæ cognoscantur, quis sit, qui faciat Rempub. & domum, item quare faciat. Has Gentes & ratio non vident, sed ratio tantum in Materiam, & formam intuetur, & quia causam Efficientem non novit, conatur ea gubernare secundum eum Finem, quem ipsa constituit ex sua virtute, quasi ipsa sit, quæ tantas res possit constituere, Fit igitur, ut impingat, & fallatur. Sic Demosthenes accedit ad Rempub. quam invenit bene institutam Legibus & moribus, Irruit igitur tanquam illotis manibus & pedibus, & conatur fieri causa efficiens Atheniensis Reipub. hoc est, vult eam gubernare tanquam sapiens vir suis consilijs. Ad quem finem? Vt scilicet publicam Pacem stabiliat, & sibi ac patriæ Gloriam & tranquillitatem pariat, & omnia sic eveniant, ut à se prudenter excogitata & deliberata videt. Sed Deus, quia  
*Efficientis & finalis principales causas politica & oeconomia cognoscenda.*  
superba consilia odit, diversum facit. Ergo in materia & forma nihil vitij est, In fine autem & efficiente causa sapientissimus vir fallitur.  
*Gentes huiusmodi rationi impugnant & derisive sunt.*

Idem in Romana Repub. Ciceroni, summo viro, idem Iulio Cæsari evenit. Fit igitur, ut cum neque Efficientem causam cernant, nec Finalem attingant, ut clament, Omnia casu & fortuna ferri, quæ rectis consilijs fere semper adversentur. Quia enim neque Virtute, nec sapientia, nec diligentia eum Finem quem optabant, attingere possunt, & vident quoque inscitiam & malitiam hominum Rebuspub. plus nocere, quam nonnunquam rectis consilijs adjuvantur. Finxerunt tertium & medium quiddam, Fortunam scilicet, quæ incerta causa esset, & alibi recta consilia successu juvaret, alibi impediret, Ac coacti sunt dicere,



maiores rem esse administrationem Rerumpubl. quam quæ humanis consilijs regeretur. Nam præter consilia etiam fortunam requiri, quæ divinitus jam huic, jam illi contingeret. Atq; hæc est ratio, cur summi viri inter Gentes neq; de œconomia, nec de Politia recte docere potuerunt.

*Salomon usq; Spiritu sancto doctus, recte de utroq; causarum genere docet.*

Ergo subit hic Doctor, qui habet alium Spiritum, cum experientia conjunctum, & docet, unde, & quo, hoc est, quæ vera causa efficiens, tam politiæ, quam œconomia sit, & quis earum sit finis. Nam utranq; complectitur, & docet, ut si quis velit vel domum, vel Rempub. feliciter gubernare, ne is se Principalem causam constituat, alioqui fore, ut evertat omnia. Tot enim pericula, tot molestiæ & curæ in utroq; genere vitæ occurrunt, quæ ita perturbant animum, ut defatigatus ac desperans, omisis omnibus indignetur, & Satana duce se in has molestias precipitatum dicat, Et merito. Quare enim præsumit de eo gubernando, quod est supra vires suas? Sic Demosthenes jactatus in Rempub. varijs casibus, tandem dixit, Si duæ viæ propositæ essent, altera ad Rempub. altera ad Inferos, se citius eam ingressurum, quæ ad Inferos duceret, quam alteram. Sic in œconomia, qui conjugium ingreditur, omnia sibi expedita & suavia promittit. Putat enim se certam rationem & uxoris assuefaciendæ, & educandæ sobolis, ac gubernandæ familiæ secuturum. Hæc cum in experiundo diversa accidunt, & vel uxor minus est morigera, vel liberi ingrati & inobedientes sunt, familia est negligens, vicini graves & molesti (sunt enim infinita conjugij onera) Ibi indignantur, & sero quæri incipiunt, Hoc si scissent, nunquam ducturos fuisse uxorem, Suaviorem Monachorum vitam esse, qui carent his molestijs, &c. Talibus vocibus deplorant conditionem suam stulti homines, Quasi vero, si Monachus fias, omnia incommoda simul abjeceris, imo et si in monasterium te abdas, tamen non carebis omnibus molestijs. Quia sicut sub cælo & in terra es, quocunq; in loco sis, ita vel sub œconomia vel Politia necesse est ut vivas, ubicunq; tandem vivas, aliter non potest fieri.

Quare compara te, ut vincere & devorare molestias istas possis, & eas in aliam causam extra te rejicere discas, quæ sit robustior quam tu es. Solus autem Spiritus sanctus Doctor ille est, qui docet & monet, ut rejiciamus nos totos in sinum divinæ Majestatis, & confidamus illi, & in nomine ejus ducamus uxorem, curemus familiam, gubernemus Respub. figamus Leges, &c. Quæ si succedunt, bene est, si non succedunt, etiam bene. Quia illa est voluntas Dei, ut cum semel, vocante Deo, vel ad Rempub. vel œconomiam sis ingressus, tamen illo invocato, in ea perstes & perdures.

*Papiste hæc Psalmi doctrinam, ad Deum autorem referendum finem, ignorata, & politiam & œconomiam servaverunt.*

Atq; hæc est doctrina principalis hujus Psalmi, quem Papistæ in omnibus templis canunt, & tamen omnium minime res, de quibus agit, intelligunt. Fugiant enim & œconomiam, & politiam, & tamen in utranq; immerfi sunt. Nemo enim magis politicus vel œconomicus est. Nam Papa & Monachi etiam magnos Monarchas & Principes, impudentissime gubernaverunt, & ab Officialibus conjugiorum causæ judicatæ sunt, tum Confessionibus tam domos privatas, quam Imperia & Magistratus rexerunt. Ita autem accidit, ut per homines imperitos utrunq; vitæ genus pene extinctum sit. Nam eos, qui in Politia vivebant & conjugio, damnabant tanquam status seculares, & consulebant, ut vitam Monasticam potius sequerentur. Sicut Philosophi gentium, qui privatam vitam, hoc est, extra conjugium & Politiam positam tanquam optimam prædicabant. Deinde tales Leges præscripserunt, quas nec ipsi servaverunt.

*Sic & Philosophi.*

*Consolatio pio-ram aduersus auresq;.*

Contra hanc stultam & impiam vitam Papistarum & Philosophorum, consolatur nos Deus in Scriptura sancta, in qua videmus, quod nullus Sanctus unquam extiterit, qui non versatus fuerit vel in Politia, vel œconomia. Maximos enim viros intrusit Deus in aulas Principum, Eliam, Elisæum, Esaïam, Danielem, &c. Taceo jam de sanctissimis Regibus, Davide, Salomone, Ezechia, & alijs. Quin Iohannem Baptistam quoq; oportuit aulicum fieri, & regium consiliarium, sicut

*Mat. 6.*

sicut textus dicit, Herodes multa faciebat, audito Iohanne. Sic omnes Sanctos suos coniecit vel in Politiam, vel œconomiam, excepto uno Christo, qui erat sapientia Patris, is nec uxorem duxit, nec gubernavit Politiam. Quia oportuit cum aliquid singulare esse præ reliquis, & tamen utrunq; vitæ genus honoravit, nempe nuptias & Magistratum.

Monachorum igitur vita vere est diabolica, quod & œconomiam & Politiam fugiunt. Ac sapiunt quidem. Quis enim non longe malit aliquo in Solitudine fugere, & sibi vivere, de alieno victitare, frui ocio, pace, quiete, voluptate, & alijs bonis, cum opinione sanctitatis, quam in mundo iactari inter illas miseras & calamitosas curas, quibus humana hæc vita plenissima est? Hoc vere est decerpere, quod est lautissimum, & relinquere alijs fæces, relinquere alijs gravissimos labores educandorum liberorum, gubernandæ domus, administrandi Imperij, &c.

*Monachorum  
vita diabolica,  
quod fugiunt  
politiam & œconomiam.*

Sed ex hac ignavia meritum præmium ferunt, quod sunt homines imperiti, qui nullam rerum humanarum cognitionem habent, Sicut Hypocriti & nugacibus suis speculationibus Mundum pertarbarunt, & perplexos reddiderunt, tam eos qui in œconomia præerant, quam in Politia, Ino fecerunt, ut inviti sustinerent officia, ad quæ divinitus vocati erant, hi qui vel in conjugio vel Politia vivebant. Si quis enim vel Oeconomus vel Magistratus accedebat ad eos, & de illis incommodis domesticis vel publicis querebatur, non solum non consolatiles sunt ad ferenda onera illa, Sed quasi Phanatici ab his optimis vitæ generibus, ad Monasticen eos vocabant, Donec eo tandem ventum est, ut mortuos Cucullo indutos sepelirent. Nesciebant ista genera vitæ conjugium & Magistratum, à Deo creata & condita esse. Nesciebant quod oporteret tales ad Constantiam & patientiam potius adhortari, nempe, quod essent divinitus constituti in conjugium & in Rempub. placere igitur Deo officium ipsorum, neq; deferenda esse hæc vitæ genera, Sed si qua aliter quam vellent, evenirent, paterentur ea incommoda propter Deum, & Deo commendarent omnia. Hoc vere fuisset docere & consolari mentes. Sed Papistæ neq; ante hoc tempus id potuerunt, nec hodie possunt facere. Ratio est, quia sunt positi extra Officium, usum & experientiam harum rerum & tantum ociose de his cogitant, præterquam quod sunt quoq; destituti Spiritu sancto. Salomon autem utrunq; habet, & maximam experientiam Politicæ ac œconomiz, & Spiritum sanctum. His Doctoribus didicit non posse res administrari humana sapientia, sed omnia divinitus gubernari.

*Monachi se dignam mercedem tolerant.*

Naaman Syrus non tantum afferebat ad Rempub. magnam Sapientiam, sed textus dicit, quod Deus cum dedit in salutem Syriæ, hoc est, magna illa sapientia infelix erat futura, nisi divinitus esset donatus successus. Sic si quis magnus & bonus est futurus Princeps, non habet id Naturæ dono, neq; ex institutione aut doctrina, sed donum Dei est. Hoc autem postea docet experientia ac usus, res sæpissime aliter cadere, quam animo prævideris. Idem marito accidit. Quoties enim fallunt consilia? Verum igitur est, quod vulgo dicitur, Homo proponit, Deus autem disponit, Et quod Salomon dicit Prov. 16. Cor hominis disponit viam suam, sed Domini est dirigere gressus ejus. Instituis tecum Consilia, qua ratione rebus tuis mederi velis. Res aliter cadunt, & his ipsis consilijs, quibus tantum confidebas, corrumpis Causam tuam præter opinionem tuam & aliorum. Parit autem hæc res ingentem impatientiam. Quare discas, quod Sapientia & consilijs tuis ne tuum quidem corpus possis regere, quomodo ergo regeres aliorum Corpora & voluntates in una aliqua domo, civitate, ducatu, imperio? Disce ergo quod sicut Jeremias dicit, Via hominis non est ejus. Ita hoc ipsum corpus, quod sustines & circumfers, non esse in manu tua.

*Naamæ Syri.*

*Princeps.*

*Maritus.*

Hoc vere est docere de politia & œconomia, ostendere scilicet causâ efficientem & finalem. Est autem eo magis necessaria hæc doctrina, quod omnes vel in Politia vel in œconomia sumus. Et si enim non sis maritus, tamen necesse est te esse in aliqua œconomiz parte. Nam aut es Filius, aut servus, aut habes liberos, servos,

*Doctrina de  
politia & œconomia  
necessaria.*

servos, vicinos, aut alia quadam conditione in domo vel societate hominum es. Caveri autem non potest quin multa molesta tibi accidant. Discendum ergo est, quomodo in istis Vitæ generibus sit versandum, unde ista sint, & quis eorum finis esse debeat. Longe autem maxime hac cognitione opus est ijs, qui in aliquo superiore vitæ gradu sunt, & vel Rempublicam vel domum gubernare debent, ut sci-  
ant quis ejus gubernationis sit finis.

*Idem argumen-  
tum hujus Psal-  
mi cum Ecclesi-  
aste.*

Pertinet igitur Psalmus hic proprie ad Ecclesiasten Salomonis, & non so-  
lum doctrinam eandem, sed verba quoque fere eadem habet. In Ecclesiaste dicit,  
Vidi vanitates, quod nec in Oeconomia, nec in Politia succedebat, sed afflictio  
spiritus in utraq; erat. Quare nihil est melius, quam lætari in Deo, & cum gratia-  
rum actione frui donis præsentibus, quæ largitur, & facere quantum possis. Hic i-  
gitur Psalmus videtur quasi compendium & Epiphonema ejus libri esse, quo do-  
cet, & quæ sit efficiens Causa Politicæ & œconomice sive Reip. sive rei familiaris, &  
ad quem Finem gubernatio ista tendere debeat, Nempe quod tantum simus Mi-  
nistri & cooperatores Dei, nec simus causa efficiens, sed Instrumentalis causa, per  
quam Deus operatur & facit illa. Sicut sapientia dicit, Per me regnant Reges.  
Sic Pater est instrumentum generandi, Deus autem est fons Vitæ & autor. Sic

*Magistrum,  
Maritus & u-  
xor sunt instru-  
menta &c.*

Magistratus tantum instrumentum est, per quod Deus pacem & jura conservat.  
Maritus & uxor in Domo instrumenta sunt, per quæ Domus & res familiaris au-  
getur.

Hæc scire magnam consolationem affert. Si enim res aliter cadunt, nec  
pertingimus ad finem præstitutum, possumus dicere, Ego tantum instrumentum  
quoddam sum, nec sunt ista in manu mea, sed gubernantur ab alia majore Poten-  
tia & sapientia. Si igitur Vxor moritur, si moriuntur liberi, si turbatur Pax, aut ali-  
ud quiddam incommodi accidit, dic, Non sunt ista in manu mea, instrumentum  
sum, quantum omnino possum facio, laboro, curo, inando, vigilo, Tu Domine, in  
cujus manu omnia hæc sunt, da successum, alioqui frustra est omnis Conatus, la-  
bor omnis, &c. Nisi enim adsit prima Causa, secunda causa per se nihil agit. Sic  
docet Psalmus de causa efficiente.

*Causa finalis œ-  
conomice & po-  
liticæ gloriæ &c.  
est donum Dei.*

Eodem modo de Finali causa docet, ut intelligas omnia esse donum Dei,  
& pertinere ad gloriam & cultum Dei, non ad nostram Pacem, voluptatem, glori-  
am, &c. ut dicamus. Hoc fecit Dominus, is dedit hunc felicem finem. Ei sit laus &  
gloria in seculum, ego tantum instrumentum fui, Ejus igitur est Donum, non me-  
um opus. Agrum debeo colere, possum esse instrumentum, sed quod proveniunt  
Fruges, hoc Dei donum est, non labor meus. Si enim nostrum opus esset, nun-  
quam perirent segetes exundationibus, æstu, imbribus, &c. Sic in conjugio tum  
demum apparet liberos donum Dei esse, quando uxor non parit. Harum causa-  
rum cognitio necessaria est Christiano, quare jam ipsum Psalmum audiamus.

I.

*Nisi Dominus ædificaverit domum, in vanum laborant, qui ædi-  
ficant eam.*

*Noster labor  
non est causa ef-  
ficiens sperata  
felicitatis.*

Sunt grandia verba, quibus in universum damnat Laborem nostrum, quod  
non sit causa efficiens eorum commodorum, propter quæ suscipitur. Adhibe au-  
tem huc omnes omnium Gentium historias, sacras, græcas, latinas, barbaras, & vi-  
debis, quod Deus hoc multis dederit, ut laudabiliter ordinare Politiam & œco-  
nomiam inciperent, verum quia Successus non est secutus, fracti sunt animis, non-  
nunquam pro summo in Rempub. studio, extremam ingratitude sunt exper-  
ti. Quot summi viri in Atheniensi Republica? quod in Republ. Lacedæmonio-  
rum? quod in Romana ab ingratissimis civibus damnati & proscripti sunt? Adeo ut  
hæc communis omnium fortuna sit, sive in privata, sive in publica vita, qui hone-  
ste agere & summo studio consulere rebus volunt, ut Invidia & insidijs aliorum  
impediti, non possint hoc efficere, quod conantur, Satan enim tot impedimenta,  
tot adversarios, tanta odia, & tam varias insidias in bonos viros concitat, ut aut vi-  
di im-

*Multi guberna-  
tores de Re-  
bus pub. bene  
meriti damnati  
sunt.*



Et impatientia abjiciant illam curam Reipublicæ, aut indignitate moti crudeliter sæviant in eos, quos sibi ob stare vident, & sic peccant vel Desperatione, quod abjiciunt omnia, vel Præsumptione, quod perrumpere nituntur. Hi laudabiliter quidem incipiunt, & delectantur Consilijs suis, quæ cum vident carere Successu, sequitur vel furor vel desperatio.

Quare nos discamus media via incedere, Et si Deus nos vocavit ad famili- Vocatus ad go-  
bernationem  
media via inco-  
ndendum.  
am gubernandam, dicamus, Domine dedisti uxorem, domum, liberos, his tua au-  
toritate præsum. Faciam igitur quantum potero, ut omnia rectissime gubernen-  
tur, Si non omnia ita succedunt, ut ego volo, scribam, PATIENTIA, secundum il-  
lud vulgare, verbum Monachorum, Mitte vadere, sicut vadit, quoniam vult vade-  
re, sicut vadit, Sin succedit ex sententia, dicam, Deo gratias. Domine non est opus  
meum, non labor meus, sed donum tuum. Idem faciat is, qui ad Rempub. vocatus  
est, in qua ob magnitudinem molestiarum & laborum, longe magis hoc sancto  
Consilio opus est, Qui autem est animo ita instituto, is Conjugio, item administra-  
tione Reipub. cum pace frui potest, & manet quietus in pace, & tranquillitate  
Cordis, etiam cum summa pericula imminant. Hoc non faciunt pertinaces & ca-  
pitosi illi, qui simpliciter dicunt, Sic volo, sic jubeo. Post ubi diversum accidit,  
non volunt Patientia mala illa vincere, Sed aut Respub. & domos furiose pertur-  
bant, aut dicunt, se non posse sustinere Molestias & labores illos, & discedunt ab  
officio. Inde fit Anarchia, ut omnia finant ferri suo arbitrio, non legibus, non pœ- Anarchia  
nis licentiam improborum compescant. Hoc Satanæ consilium est, ut per hanc  
difficultatem, quæ in utroq; genere vitæ est, omnia ad Anarchiam relabantur,  
aut ad Tyrannidem, quando ne latum quidem unguem discedi à suis consilijs vo-  
lunt, Nemo autem media via incedat.

Quare ego sæpe doceo & hortor, ut & Magistratum & conjugium incipia- Conjugium inci-  
piendum ab in-  
vocatione, &c.  
tis ab invocatione Dei & oratione, Ut, qui uxorem velit ducere, ante omnia ferio  
ad Deum clamet, & imploret ejus auxilium, ut & uxorem bonam donet, & postea  
totam vitam gubernet. Quando enim hoc non fit, ducit aliquis uxorem ea spe,  
quod talem sit habiturus vitam, qualem Amor recens fingit. Postea cum experi-  
undo res aliter cadit, ut aut vitij aliquid in uxore hæreat, aut quædam alia objici-  
atur molestia, tunc aut fit Leo in domo sua, ut Salomo ait, & poenitet eum facti,  
aut neglecta domo, ipse hac, uxor alia via abir, & dissipat omnia, Quia enim cogi-  
taverat omnia pulcherrime successura, cum diversum accidit indignatur, & accu-  
sat conjugium, Sed male. Tua enim culpa est, non rei familiaris, sed tuæ insipien-  
tiæ, quia vis esse efficiens Causa œconomix, cum id tibi non sit concessum, tan-  
tum debebas esse causa instrumentalis.

Quare potius te submitte alteri Magistro, & dic, Domine mi, doce tu me, Pq. meriti  
magistratus  
quomodo si ge-  
rere debent.  
ut recte administrem domum, Politiam, &c. Gubernare tu, ad sis tu mihi, ne qua im-  
pingam. Faciam enim quantum in me est, Si succedit, agnoscam Donum tuum, &  
tibi agam gratias. Si non succedit, pariar æquo animo. Tu enim es prima Causa, e-  
go sum secunda causa, tu es Creator, & fac totum, ego tantum sum Instrumentum.  
Si hoc animo gubernaremus, recte omnia se haberent. Nunc autem, sive Magi-  
stratum, sive novos maritos intuearis, videbis summam Præsumptionem. Ita enim  
instituunt omnia, ac si impossibile sit aliud evenire, quam ipsi cogitant, Incedunt  
tanquam sint prima & efficiens Causa, & præstituunt finem pro gloria & libidine  
sua. Sed Deus dicit, Aut non sic facies, aut impinges, Et merito. Quia sunt sacrile-  
gi & blasphemii, quod id invadunt, quod erat primæ Causæ. Cum enim vel cala-  
mus Scribam docere vult, quomodo pingendæ sint literæ, vel securis Fabrum,  
quomodo incidenda sit arbor, Nihil rite fiet. Plane idem hic fit, quando nos vo-  
lumus gubernare, quod solius Dei est.

Expedit autem vobis, ut exempla hujus stulticiæ consideretis, quæ abunde  
multa suppeditant omnes aulæ Principum, civitates omnes, & domus fere singu-  
læ. Omnes enim ita incedunt. Ego sum autor & Magister hujus œconomix,  
hujus

ENARRATIO D. M. L. IN PSAL. VIII. GRADUUM

hujus politia, &c. Merito igitur sunt inquieti, & indignantur, quod non succedunt omnia, Deinde ulciscuntur dolorem suum, Et plane sunt ejusmodi, apud quos nihil neq; Humanitatis, neq; consilij, nec auxilij invenias, Sed aut est Anarchia, aut Tyrannis, & in neutra parte est bonum opus, sed utraq; sunt noxia. Sic in conjugio, si neq; maritus uxori, nec uxor marito aliquid vult concedere, præterquam quod Concordia conjugalis dissipatur, etiam hoc accedit, ut aut maritus in Tyrannum mutetur, aut negligat omnia.

*In diffidat  
magistratus  
conjugij quid fa-  
ciendum.*

Quid igitur faciendum est? Papa respondet & consulit, deferendam esse Politiam, & fugiendum aliquo in Solitudinem, aut monasterium aliquod. Non, dicit Spiritus sanctus, hoc non est Dei consilium, sed Diaboli, Quin sic fac, cogita te esse instrumentum, & crede esse adhuc alium Magistratum, vel patremfamilias principalem qui vocatur DOMINVS, is nisi fuerit principalis causa, tum fiet, quod Psalmus hic dicit, ut domus non ædificetur, & nec Politia, nec œconomia sit felix. Sic de finali causa, Si omnia voles ad certum Finem à te præstitutum referre, & existimas non fore, ut fallant te Rationes tuæ, erras, sicut docet experientia. Aliquis accedit ad Rempub. ad augendam potentiam & dignitatem suam, & contrarium accidit. Alius sperat ex conjugio Voluptates, quærit uxorem pulchram, juvenculam, morigeram, contrarium autem evenit, Recte. Cur enim ingrederis Politiam & œconomiam, tanquam Deus aliquis, & putas tuam Sapientiam, potentiam tuam satis esse ad illas res gubernandas, nec esse opus, ut aliquando oculos leves ad illum, qui supra est, & implores ejus opem. Cum igitur diversum postea experiris, discis hunc Psalmum canere, *Nisi Dominus ædificaverit domum, frustra laborat, qui ædificat eam.* Antea non putabas esse alium Dominum, præter te, quo opus esset ad gubernandam domum.

Alij qui ad hanc cognitionem non perveniunt, ij aut quotidie bella cum uxoribus gerunt, aut desertis uxoribus fugiunt, Iure, juste, sancte. Cur enim cum esses stercus, es ingressus, tanquam Deus aliquis, & gubernationem illam cœlestem & supernaturalem, naturali affectu cœpisti? Merito igitur fit, quod impingis. Quare non sic potius dicis, Domine, dedisti mihi uxorem, liberos, familiam, Ad sis ope tua, gubernes tu, alioqui frustra erit conatus meus &c. Quia autem & sacræ literæ nos hæc docent, & experientia cum ijs consentit, quod sine ope divina frustra sint omnia quæ suscipimus, ideo discere hæc debebamus.

*Quare frustra  
laborem ædifi-  
cantur.*

*Spiritus sancti  
rationem se-  
quentes forsan  
sunt.*

Frustra, inquit, laborant, qui ædificant eam. Ratio est, quia aut Tyranni efficiuntur, aut redduntur desperati, & deserunt officium, tunc perit tam politia, quam œconomia. Quæ autem hæc amentia est, sic regere, ut vel Familia, vel tu per eas? Quin potius eam rationem inimus, quam hic docet Spiritus sanctus, ut utraq; maneat, tu, & familia. Id autem fit, non si Monachus fias, sed si discas agnoscere principalem Causam, & verum patremfamilias Deum, eumq; invoces, & confidas ei, ac dicas, Tu Domine creasti me, ut essem paterfamilias, dedisti quæ pertinent ad domum, Sed majus id onus est quam quod ego sustinere queam, Succedas igitur in meum locum, cedam enim tibi humiliter, & sis tu Paterfamilias. Tunc Deus exaudiet, & dicet, Faciam, modo tu ita te pares, ut Patientia vincas, si qua minus cedunt ex sententia, neq; desperes, aut Monachus fias, deserto hoc vitæ genere, ad quod te vocavi. Quia enim me invocas, & illa, quæ dedi, agnoscis tanquam dona mea, Ideo libenter conservabo te, & familiam tuam. Si qua tamen molesta accidunt, ferendum est aliquid, non ideo metuendum est, fore ut omnia corruant. Quæ œconomia fuit miserabilior Davidis œconomia? & tamen permansit donec ex ea natus Christus. Quare tu quoq; mihi tanquam Creatori & gubernatori illa commenda, si qua deesse videbuntur.

*Frustra laborat,  
qui sine Domi-  
no laborat.*

Sic docet hic versus principaliter de Oeconomia, Et notate Epitafin, FRV. STRA LABORANT. Efficitur enim vel Tyrannis, vel Anarchia, & vel deserent officium, vel impingent & præsumunt. Vtrinq; autem magna sunt pericula & damna. Nam vel se ipsos destruunt, vel omittunt sua, quia volunt laborare sine Domino,

mino, hoc est, sua sapientia gubernare illa, & esse principalis causa. Ideo impingunt Cicero, Iulius, & alij sapientissimi viri, qui tamen, si successissent omnia, fortasse in Tyrannidem essent lapsi, quod in magno successu haud vere unquam Tyrannis abest.

*Claro. Antim. Ose.*

Quod ad Grammaticam attinet, scitis, opinor, Aedificare non significare hoc loco congerere struem lignorum & lapidum, sed significat totum corpus Oeconomix, nempe, regere, gubernare, ducere uxorem, procreare sobolem, educare liberos, familiam regere, alere, parare opes, &c. ut sit Aedificium res domestica bene constituta, ubi sint optimi parentes & secundum, qui in pulchra pace vivunt, & habent obsequentes liberos, ex quibus boni adolescentes & viri optimi fiunt. Hæc est domus aedificata ex parentibus, liberis, & familia bene constituta, nempe pulcherrimum Dei donum. Alioqui vere sic vivitur, ut etiam si multa bene præcipiat Paterfamilias, tamen nemo sit qui obtemperet. Ea est domus ruinosa, &c.

*Aedificari.*

*Aedificari.*

Sic, Laborare est se fatigare, & Viribus, sapientia, voluntate sua omnia gubernare velle, ut nihil usquam peccetur, ut familia ubique officium faciat studiose, ut res familiaris nulla in parte detrimentum accipiat, &c. Hæc, inquit, sic conari, est frustra laborare, aut desperatione quadam omnia abjicere. Quæ igitur instituenda ratio est, ne frustra labores? Nempe hæc, ut quantum omnino consilio & viribus potes, facias, Deinde omnia commendes Deo, ac ei confidas, qui te fecit, maritum, dedit uxorem, liberos, domum, &c. Si succedunt omnia bene, age gratias Deo pro donis suis, Sin alicubi diversum evenit, vince Patientia malum, & cogita, quod Deus tentat te, an sentias Eum verum patrem familias esse, in cujus manu successu s est, an vero tibi id tribuas & tuis consilijs? Est igitur hæc doctrina Spiritus sancti, quod nec domus aedificari, nec Civitas custodiri possit Industria, sapientia, potentia, viribus humanis.

*Laborare.*

*Pr labor tunc successus laboris, quid faciat.*

Sed frustra prædicantur hæc, & vere Surdo narratur fabula. Mundus enim tanquam captus auribus & oculis, suo modo agit, nempe plane contrarium ab hac Doctrina. Quare Oraculum hoc pro paucis illis erudiendis canitur, qui pii sunt, & credunt in Christum, qui se in Domino erudiri patiuntur. Alij sectantur præsentia, & putant res illas suas esse, & sua potentia ac sapientia gubernari posse. Ideo quoque accidit, ut nihil inde habeant nisi perniciem æuram frustraneam, & sollicitudinem perpetuam. Id quanquam experiantur & audiant, tamen non sapiunt. Sequitur secundus versus.

*Præter paucos pro nemo hoc audit.*

*Nisi Dominus custodierit civitatem, frustra vigilat, qui custodit eam.*

*II.*

Sicut supra domum appellavit rem familiarem, & quod nos dicimus conjugium, seu oeconomiam, ita hic civitatem appellat Rempub. sive sit Regnum, sive Ducatus, sive Civitas, sive quæcunque Respublica, vel magna vel parva. Quanquam autem hæc secundum carnem in nostra Potestate esse videntur, tamen revera longe supra nos sunt posita, & est erudiendus pius animus, ut sciat se in illa Gubernatione, vel privata vel publica, esse tanquam instrumentum divinum. Itaque ad Deum est respiciendum, & statuendum, quod ex ipsius Gubernatione eventura sint omnia, supra & ultra quam nos cogitare possumus. Hoc qui non vult credere, is feret præmium hic propositum, nempe, quod omnes Conatus, consilia, studia, labores omnes erunt frustra.

*A fiducia sua ad deum gubernationem vocat omnes Auditores.*

Diserte autem dicit. Nisi Dominus C U S T O D I E R I T Civitatem, non dicit, aedificaverit, sicut supra de domo dixit. Quia cum gubernatio domestica & privata bene est constituta, tunc etiam bene habebit Respublica. Oeconomia enim fons est Reipub. Si enim desint Pater & mater, uxor & maritus, qui progenerent sobolem, & educant, non poterit consistere Respublica. Ex domo igitur propagatur Civitas, quæ nihil aliud est, quam multa domus & familia. Ex Civitatibus fit Ducatus, ex Ducatibus Regnum, quod illa omnia conjungit. Harum

*Omniumque illi Rempub. qd.*

*Adam.*

*SS*

*omnium*



*Œconomia à  
Deo creata in  
Paradiso.  
Artes omnes  
nata sunt extra-  
tione.*

omnium Œconomia fons est, à Deo creata in Paradiso, ubi dixit, *Non est bonum, hominem esse solum.* Item, Crescite & multiplicamini. Ergo non docet Salomon in hoc Psalmo, quomodo sint constituendæ Respub. & ordinandæ leges. Hæc enim jam ante sunt in Natura, neq; sunt primum nata aut ostensa à Iuriconsultis, sed nata ex fonte humanæ Rationis & divina Sapiencia. Neq; enim Iura fecerunt sapienciam humanam, aut ingenium, Sed econtra humana sapiencia seu ratio peperit Leges & Iura. Sicut omnes aliæ artes, quas habemus, ex humano ingenio sunt natæ seu ex ratione. Sicut autem Creator est prior creatura, sic ratio prior est artibus, Geometer prior est & quasi pater Geometriæ. Et jura non pepererunt civilia jura, sed iusti homines pepererunt jura.

*Salomon non  
docet de legibus  
ferendis, sed eas  
à Deo approba-  
ri.  
& Publici.*

Salomon igitur tanquam Theologus non disputat de Legibus ferendis, nec de rebus instituendis. Hæc enim in Paradiso quasi plantata sunt divinitus in naturam. Sic enim textus dicit, *Creavit Deus hominem ad imaginem sui.* Deinde hanc imaginem exponit, *Dominamini piscibus maris, &c.* Hic textus manifeste ostendit implantatum divinitus homini Ius & scientiam rerum, agriculturam, medicinam, & alias artes. Deinde ingeniosi homines ea, quæ natura habebant, & usu ac diligenti cogitatione acuerant, mandarunt literis, sicut videmus. Hæ sunt vires Sapiencie humanæ concreatæ & implantatæ in Paradiso, id quod planum est. Quare Spiritus sanctus illa non curat, tantum approbat tum Leges, tum artes illas tanquam pulcherrimum & nobilissimum hujus Vitæ Thesaurum, & dicit, Hæc omnia sunt mea creatura.

*Deum à fiducia  
carnali abstra-  
hit.*

Deinde vult nostram cæcam & lapsam Naturam erigere, & vocare à Fiducia carnali, ne quid supra vires tentemus, aut nobis sumamus. Quia lapsu Adæ sic corrupta est Natura, ut dona Dei non videat esse dona, sed Iuriconsultus aut alius politicus vir putat se omnia ex seipso habere, nec respicit sursum, nec glorificat Deum largitorem talium donorum, sed dicit, Hæc ego feci. Ex hoc Feci, verè fiunt fæces. Ergo cum conditæ sint Politicæ & œconomiæ, cum leges & artes divina ordinatione cum homine concreatæ sint, Natura ferè his abutitur, in eo quod dicit, Ego faciam, ego gubernabo, & perducam ista dona in hunc finem, quæram inde meam Voluptatem, gloriam, pacem, &c. Hac præsumptione Deus summe offenditur, quare non addit successum, & merito. Sicut enim solem condidit, ut eo fruereris, non ut eum pro tuo arbitrio regeres. Sic dedit agrum ut eum coleres, non ut pro tuo arbitrio ferret quid, & quantum tu velles, sed quid & quantum ipse donaret. Sic dedit Rempub., rationem, uxorem, familiam & reliqua. Sed hoc perpetuum est vitium humanæ naturæ, quæ peccato Adæ sic est corrupta, ut dona Dei non agnoscat. De dono debebat cum gratiarum actione dicere, Hoc accipi, sed superbe & blaspheme dicit, Hoc feci, Debebat dicere, Hæc Dominus Deus meus dedit & conservat, sed dicit, Hæc ego homo peperì, & gubernabo mea Sapiencia.

*Nisi Dominus,  
non homo, aut  
nos.*

Quare particula DOMINUS, in primo & secundo versu cum Epitafi est legenda, ut respiciat Antithesin. Nisi Dominus ædificaverit, custodierit, &c. Dominus dicit, non homo, aut nos. Non enim nos sumus, qui generamus filios, qui gubernamus uxores & familiam, sed Dominus. Sicut textus in Genesi quoq; probat, *Adduxit ea ad Adam Dominus, ut videret, quid vocaret ea, &c.* Adam quidem vocavit creaturas omnes, & accepit Dominium, sed accepit à Deo, Ipse nec creavit eas, nec ad se adduxit, sed creatas & adductas nominavit, & positus est Dominus, sic tamen ut gubernaretur à superiore Domino. Ita hic Psalmus dicit, Dominus est, qui ædificat domum, qui dat uxorem, liberos, victum, qui civitatem custodit, pacem publicam donat, leges tuetur, &c.

Quare voces, *Nisi Dominus*, grandioribus literis sunt scribendæ. Quia natura humana maxime contra eas pugnat, idq; vitio lapsus Adæ, quod omnia in nos transferimus, quæ à Deo accepimus, quæq; Deo tribuenda sunt, arripimus tanquam nostra. Et Satan quoque Naturam sua sponte huc inclinatam, magis impellit. Fit igitur, ut & infelices simus, & nunquam simus quieti. Si enim, absque hoc vitio

vitio Præsumptionis essemus, plus quietis & fortunæ haberemus. Deus enim diceret, Tu habes me pro Creatore & donatore, ego igitur tibi benedicam. Qui autem hoc non facimus, ideo varijs ærumnis & calamitatibus nos obruit, emittit in nos Diabolum, & quasi recludit Infernum, ut in œconomia excitentur turbæ, in politia bella & cædes. Quia enim monentem per Verbum audire nolumus, poenis & calamitatibus nostris docere nos vult, ut Phrygum more, icti sapere incipiamus, & discamus nos non esse dominos rerum istarum.

*Quod, quæ Deo  
sunt, nobis tribu-  
untur, variis plu-  
rimis.*

Sic Cicero ad extremum cantabat illud, O me nunquam sapientem, & aliquid quando tamen, id quod non eram, frustra existimatum, quantum te popule Romanæ de me fecellit opinio, &c. Sic enim gubernabat consilijs suis Rempub. Romanam, ut plecteretur tandem capite. Hoc est vitium nostrum, & non Creatoris, quod habemus ex primo & originali Peccato Adæ, dum non agnoscimus Dominantem, & gubernantem Dominum, sed omnia agimus sine timore, fiducia propriarum virium. Sic in Oeconomia dat superbo cuidam juveni formosam uxorem, quæ aut sit adultera, aut ad omnes res domesticas est inepta, & est perpetuum quoddam onus mariti. Idem in politia principibus accidit, ut nullis consilijs evolvere se ex periculis possint, Et recte. Cur enim nolunt Dominum habere largientem, sed ipsi volunt esse ædificatores. Sed mundus hæc etsi audit, tamen non curat nec credit.

*Cicero ad rem.*

Quare solis pijs hæc dicuntur, *Nisi Dominus custodieris civitatem, frustra laborat, qui custodit eam*, Q. d. Dominus est custos, qui si non adest, infelix est, quicquid in Respub. agitur. Ego cum discerem Erfordiam, audivi hanc vocem Martini Sangerhausen viri periti, celebrari, Erfordiam mansuram invictam, quod ad opes & munitiones attineret, sed defuturos potenti & opulentæ Reipub. homines. Sapientissima vox fuit, qua testatus est, Reipub. opibus & potentia non teneri, si desint moderatores periti. Ædificent igitur homines, & si fieri possit, ferreis muris muniunt Vrbes, colligant auri montes, frustra sunt hæc omnia sine gubernatore.

*Martini Sangerhausen.*

Primum igitur hoc det Deus, ut cives sint boni, Deinde ut ij, qui præsumunt, quoque sint boni & periti viri, Item, ut Principes ejusmodi sint, qui colant ac metuant Deum. Hæc vera & solida munimenta Imperiorum & Rerumpub. sunt, quæ cum divinitus contigerunt, tum etiam de muris & vallis cogitari poterit. Sed hoc quia non fit, ideo Regna & Imperia ruunt, unum post aliud. Et ego plane in ea opinione sum, Monarchias longe diutius fuisse duraturas, si Monarchæ hoc unum pronomen EG O omisissent, Hoc est, si nō fiducia Potentiæ & sapientiæ suæ superbivissent. Iam cum Monarcha Babylonis Nabuchodonosor, præsumptione virium suarum inflatus dicit, Ego hoc feci, septem annis tanquam Bestia herba vescitur, & in agris errat. Sic Persarum, sic Græcorum, sic Romanorum Monarchia ob præsumptionem vastata est, Cum canerent, Ego feci, mox secutum est illud, Ego perij. Circumspice hic omnia Regna, Principes & Respub. omnes, quando rebus gestis addiderunt hanc vocem, Hoc ego feci, corruerunt. Quia excludunt per hanc superbiam Deum tanquam stultum, & se in ejus locum collocant. Fit igitur ut Consilia humana, potentia, & vires nostræ deficient. Sic hodie non deessent nobis muri, non alia munimenta, si non deessent Homines. Horum maxima penuria jam est, & qui præsumunt, hi præsentem Fortunam non possunt ferre, sed insolescunt Potentia & opibus, munitionibus fidunt, quas habent, quasi vero difficile sit Deo dissipare etiam ferreos muros, & montes auri.

*Vera Rerump.  
munimenta.*

*Nabuchodonosor.  
Causa vastationis  
Monarchiarum.*

*Dan 4.*

Neque autem hæc eo dico, quod non sint muniendæ Vrbes, & paranda præsidia contra vim, quod non sint constituendæ Leges & retinenda disciplina publica. Hæc recte fieri & debere fieri dicimus, Non damnamus Iureconsultos, non damnamus milites, sed additamentum illud, quod assuunt, damnamus, quod scilicet in frontibus suis pingunt, EG O. Hanc additionem neque vult ferre, nec potest ferre Deus, nec debet etiam ferre. Mundus autem quia non potest omittere, ideo Monarchia post Monarchiam, Princeps post Principem, Respub. post Remp. corrumpit.

*Non vrbes, non  
præsidia, non leges,  
non disciplina  
non damnamus,  
sed arrogantiam  
in Ego.*

*Sennacherib.* Sic Sennacherib apud Esaïam gloriatur de manu sua invicta contra omnes Deos, *Isa. 37.*  
*Cyrus Esa. 41.* Sequitur igitur nobilis illa cædes, qua opprimitur. De Cyro autem dicit textus, Apprehendi manum ejus, ut aperiâ januas ferreas. Nulla enim tanta Vis, nulla tanta munitio est, quam non expugnet Deus. Quam difficile putas ei esse, Venetias potentissimam Rempub. ad extremam paupertatem redigere, vel Bello, vel fame, vel peste, vel etiam exiccando mari?

Paranda igitur sunt illa Præsidia, est ædificanda domus, ducenda uxor, instituenda œconomia, &c. Hæc non damnat Spiritus sanctus, sed vult ne addamus peccatum originale. Quare serva creaturam, ac utere ea, tolle autem tuum vitium Originis, quo Deum offendis. Creaturæ sunt, Vxor, liberi, familia, Leges, opes, &c. Sunt res bonæ, & verè Dei Dona, quorum usum nobis concedit Deus. Verrum tu addis his tuum peccatum Originale, & vis ea gubernare sapientia tua, contempto & non invocato, non credito Deo, qui ea tibi concessit, vis simpliciter incedere in hac præsumptione, ego sum qui ista rego. Merito igitur fit, ut & uxor, & liberi, & familia sint inobedientes. Proficiat vobis Domine Rector, qui volebatis ista gubernare. Deo non prius salutato.

*Sine Domino aut nullus successus, aut regni tristis sit exitus.* Idem accidit in Politia, Dicit igitur Psalmus, Nisi DOMINUS custodierit, &c. Pone igitur nomen, Dominus in prædicamentum Relationis, contra nostrum Originale peccatum, & contra naturalem præsumptionem nostram, Q. d. Ego quidem sic dico, infeliciter custodiri Civitatem, nisi Dominus custodiat. Sed est alius quidam Dominus, qui vult gubernare ista, nostra scilicet Sapientia & præsumptio, quæ contempto Deo, præsumit gubernationem tantarum rerum, & excludit Dominum, Et quidem succedit aliquando, Sed ea duplex Ira est, quando Deus impijs dat successum. Est enim Scandalum, quod & pios offendit, & infinitos alios illaqueat, qui spe eadem efficiendi accedunt, sed frustrantur. Sic Augustus Rempub. bene constituit, & evasit illos tragicos casus Regum, quod ad ipsius Personam attinet, quanquam quod ad domesticos attinet, infelicissimûs fuit. Ejus exemplo alij postea Rempub. capessunt, & existimant se idem præstare posse, Sed vide quam paucis successerit, ut verissimum sit illud Juvenalis,

Ad generum Cereris sine cæde & sanguine pauci  
 Descendunt Reges, & sicca morte Tyranni.

Commemoro autem hæc ideo, ut discamus, nos non esse Rectores rerum istarum sublimium, Politia & œconomia, multo minus autem Ecclesia, ubi omnia infinito sunt majora & difficiliora.

*Custodire. Reclatatio generalis de civitate.* Custodire, conservare est. Non autem loquitur hic, sicut supra etiam admonui, de condendis Legibus, Nam has, quia ratio ferre potest, præsupponit in Rempub. esse, Sed admonet & erudit Magistratus, ut invocent Deum, & cum timore administrent negocia, Vt, sicubi non succedunt consilia, sentiant Deum id facere ad frænandam Superbiam, ne fidant sua Sapientia & potentia. Esset enim Occasio infinitorum malorum, si succederent omnia. Nunc autem cum fallitur Sapientia, & frustratur potentia, discunt propria experientia, alium esse Dominum invocandum, & præficiendum Rebusp. qui adsit ac gubernet, ac sapienter cogitatis addat Successum, ut ita confugiant ad Orationem, & dicant, Adsis ô Domine, ipse gubernes, &c. Deinde sciant, se habere Promissionem largam, quod Dominus invocatus velit exaudire, & adesse. Particula igitur, *Nisi Dominus custodierit*, posita est cõtra illos, qui non invocât, sed ipsi sua Sapiëntia & viribus suis ædificare domû, custodire civitatē volunt. His dicitur, quod frustra laborabunt & custodient.

*Reges, principes &c. Prophetæ appellant Custodes.* Custodem vocat Regem, Principem, Magistratum. Parvo enim vocabulo res grandes & summas in Mundo complectitur. Est enim Deus magnus Dominus, qui amplum Os habet, & exilibus verbis ac tenuibus, res nobis maximas effert. Reges igitur & Principes Custodes appellat, qui constituti sunt ad gubernandas Respub. Sed frustra vigilant, inquit, nisi Dominus ipse adsit, nec perveniunt labore & sudore suo quo volût, Sed si Dominus absit, nihil aliud inde habent, quam

*Frustra laborant.*



quam quod se frustra crucifigunt & flagellant. Quod Propheta suis verbis dicit, Frustra laborare. Sic ego cum essem adolescens, vidi quosdam, qui diu noctuq; assiduo labore se fatigabant, neq; tamen inde suppeditabat, unde tolerarent Vitā, nullum otio, nullum ludo tribuebant tempus, & tamen misere agebant cum uxore & liberis. Hos cum alij Patresfamilias lautiores viderent, & dolerent vicem eorum, admohebant eos, nunquam fore, ut labore isto assiduo ditescerent, Adhibendam industriam ad laborem esse, in ea plus positum ad parandas opes, quam in labore. Nam Oeconomus in quo paululum modo industriæ est, melius uti uno aureo, quam alius duobus, potest. Natura enim sic comparatum est, ut industria sit felicior.

Egerant.

Labor sine industria infelix.

Sed illi ipsi, qui hoc consilium dabant illis egentibus, non videbant, Industriam quoq; donum Dei esse, & divinitus homini donari. Sicut apparet quod mulier perita œconomiz & industria, ijs sumptibus totum annum cum familia sua vivit, qui alij non industria vix suppetere ad semestre. Ideo autem tantum momenti in industria est positum, quod observat Personas & loca, & tempora, neque quidquam temere agit. Hæc qui non observant, vel in œconomia, vel Politia, necesse est sæpe falli. Nihil igitur mirum est, si etiam magnæ Opes non sufficiant omisso homini & negligenti, non observanti tempus & locum opportunum. Illi igitur, sicut dixi, hoc consilium dabant, Industriam labori addendam esse, quia labor sine industria sit infelix.

Industria Dei donum.

Salomon autem magis proprie loquitur, & non Industriam, sed Dominum dicit esse causam. Nam hoc ipsum donum Dei est, per industriam administrare Rempub. vel parare aliquid, ne temere irruas, sed expectes occasiones omnes. Tale ingenium erat laudatissimi Principis Friderici Saxoniz Ducis, Electoris. Is erat vir vere industrius, qui non dicebat, non faciebat omnia, quæ poterat in præsens dicere & facere, sed expectabat Tempus, personam, locum commodum, Dissimulabat multa, suo autem tempore & loco, uno verbo plus efficiebat, quam multi alij sine hac industria, potentia, & viribus summis. Tales sunt industrii homines, qui possunt dissimulare, & expectare opportunum tempus, quo unum Verbum magis ferit, quam alio tempore multi Gladij ferirent. Est autem hæc sapientia humana, & non divina, Quare etiam non satis est ad tantas res gerendas, sed adhibenda est ad eam Oratio, ut Dominus adsit, & vigilas obeat, alioqui frustra vigilabit, quantumvis magna industria.

Deus propria causa felicitatis.

Princeps Fridericus Saxonia Elector.

Industrii homines.

Sic ducem Fridericum quanquam sapientissimum virum, multa fefellerunt, quæ cavere non potuit, quæ res etiam vehementer eum sæpe commovit. Forte enim non fuit in eo primis temporibus hæc Sapientia, ut diceret, Domine adsis, & adjuva laborantem, Nam Monachi, qui tum Principum animos ceperant, nihil tale docere poterant, Postquam autem ex hac nostra doctrina didicit, Magistratum divinitus esse institutum, mirabilem ex ea re voluptatem cepit. Nostri homines hodie audiunt quidem, & sciunt hæc, & tamen incedunt secundum peccatum Originale, & secundum affectus & fines suos, quos sibi constituunt. Fiet igitur, ut aliquando ita se involvant suis consilijs, ut inde se expedire non possint. Eo autem majus peccatum hoc est, quod hanc divinam sapientiam, quam audiunt, ita superbe contemnunt. Data enim est hæc Lux, ut homines eam cognoscant, & inde meliores fiant, sed fiunt deteriores, & duplo arrogantiores. Fiet igitur aliquando, ut Poenam satis gravem luant suæ præsumptionis, sicut textus minatur, FRUSTRA vigilat, id est, se & alios homines frustra affligit. Quia enim volunt omnia gerere suo Consilio, neq; rogant à Deo auxilium, Ideo cum non succedit, furunt. Sciunt se esse Magistratus, & constitutos in officio, inde existimant se omnibus terrori esse, & urgent consilia sua, sic fit, ut impingant.

Expende ista Lector diligenter, etc.

Sic erudit nos hic Psalmus de Principali Causa, qua gubernantur consilia & negocia omnia, & prohibet, ne Causas confundamus, ne ex prima causa faciamus secundam, aut plane nullam causam, Alioqui dicit, futurum, ut ex secunda

Quæ sit principalis causa consiliorum &amp; negotiorum omnium, ostendit Psalmus, etc.

ENARRATIO D. M. L. IN VIII. PSAL. GRADVVM

causa nulla fiat causa. Non enim fecit, & abiit, dixit quidam Philosophus de Deo, *Demiurgus* & recte. Neq; enim sic fecit Conjugium & Politiam Deus, sicut Architectus navim, qui postquam absolvit opus, ab eo discedit, & nautæ regendam navim committit, Sed adest creaturæ suæ Deus, & gubernat tam Politiam quam œconomiam. Hoc nesciunt homines, & opinantur Deum non curare, quæ agimus, sed permittere ea nobis. Contra hanc falsam opinionem erudit nos Salomon, ut timeamus Deum, & discamus tranquillo animo regere & invocare Deum & dicere, Domine tu me constituisti maritum, adjuva igitur me, aut si soli mihi regendus erit currus, ita immergetur in lutum, ut inde nequeat retrahi, &c. Item monet ne præsumamus de nostra Sapientia, potentia, munitionibus & opibus. Plenæ sunt omnes Historiæ exemplorum, tum nostra experientia quotidiana idem testatur, Præsumptionem esse infelicem, & tamen Mundus manet Mundus, nec credit. Quare solis pijs hæc profunt. Mundus autem, siquidem audire & parere non vult, sane collidatur, dum experitur, se frustra vigilare, frustra laborare, ac conteri in laboribus. Recte, juste, jure. Quia hic est scriptum, *Nisi Dominus*, Id abjiciunt. Deus igitur custodiam & ædificationem ipsorum quoq; abjicit, Sic tantum remanet, FRUSTRA.

*Vanum est vobis ante lucem surgere, surgite postquam sederitis, qui manducatis panem doloris.*

Oportune accidit, ut, quemadmodum res, quæ in hoc Psalmo docetur, ita quoq; versio Psalms esset obscurissima. Neq; enim digni fuerunt Papistæ, qui sententiam bene redditam haberent, cum tam longe à re abessent, Quare sic verte, *Frustra est vobis ante lucem surgere, sero cubitum ire, & magno labore parare victum.* Hoc enim significat panis. Hiero. vertit panem Idolorum, Sed nihil aliud est, quam quod nostra lingua dicimus, *Erlesto ihm sower werden*/Ebraei vocant panem afflictionis seu doloris, Sententia igitur hæc est, Quod tam in Oeconomia quam Politia curæ, studia, assidui labores frustra sint, nisi benedicantur superne. Voluit enim nimium Conatum & laborem, curam & sollicitudinem nimiam his figuris significare, Mane surgere, & diu sedere, hoc est, fatigari diu nocturno. Q. d. Tux vires & studium tuum non faciet, sed benedictio Domini facit divites. Non dabit Deus Successum ex laboribus vel propter labores tuos, sicut neq; sine labore ociosos vult ditare, Sed laborandum est, & tamen sunt omnia relinquenda & commendanda Deo benedicenti.

*Panis afflictionis.  
Sententia hujus  
versus.  
Mane surgere  
&c.*

*Laborem prohibeat.  
Spiritus & caro,  
Fides & opera  
distingua  
da.*

*Externus homo  
laboravit, inter-  
num vero a Do-  
mino pendebit.*

Videtur autem hic textus sonare quasi laborem prohibeat, contra illud Genes. 3. *In sudore vultus tui comedes panem tuum*, Et illud Pauli, *Qui præest, præsit in sollicitudine*, Rom. 12. Hic contrarium videtur dici. Siquidem pronunciat, quod Labor, mane surgere, curare, frustra sit, cum tamen alijs in locis damnetur otium & ignavia. Hic opus est, ut distinguas Fidem & opera, vel Spiritum & carnem. Corde debes confidere in Deum, & invocare Deum. Quod si uxorem duxisti, aut ad Rempub. accessisti, bene, pertinet ea res ad externum hominem, ad carnem, non ad spiritum, ad opera, non ad fidem. Ibi est laborandum, & exercendus vetus homo, ut mane surgas, sero cubitum eas, hoc est, ut sis sollicitus secundum veterem hominem, quomodo pares victum, administres Rempub. Leges condas, præsidia & munitiones compares. Si Bellum imminet, cura quomodo te pares contra hostes, instruas arma & acies, Sed hoc tantum secundum externum hominem, Hoc est, ut animus sit vacuus & liber. Cura enim & sollicitudo non debet ultra externum hominem procedere, hoc est, externus homo non debet esse ociosus aut ignavus, sed sedulo facere officium, laborando, cogitando, inveniando, curando, tanquam instrumentum, ut manus laborent, Cor autem à labore sursum ad Dominum spectare, & opem rogare debet, Vt dum externus homo Labore occupatur, Cor seu novus homo loco curarum preces ponat, & dicat, Domine sequor Vocationem tuam, faciam igitur omnia in tuo nomine, tu gubernas, &c.

Hæc

Hæc consolatio tanta est, ut verbis non possit dici. Quia etsi male cedit res, es tamen quieto animo, & dicis, Deo sic placuit, Feci quod in me fuit. Si aliter cecidit, quam putaram, sit sine mea culpa, qui non sum principalis Causa, sed tantum Instrumentum. Sicut enim cum forte accidit, ut dum opus facis, manum ferro vel alia quadam re lædas, nihilominus manet manus, quæ ante fuit. nec ideo abjicitur, Sic etsi familia inobediens est, commenda rem Deo, & fac quantum potes, tunc utrunque facis approbante Deo, ut & mane surgas, & non mane surgas, ut labores, & tamen non frustra labores. Secundum veterem enim hominem vesceris pane doloris, cor autem est tranquillum & quietum, in Spe auxilij & benedictionis divinae.

Hæc etsi quotidie docemus, tamen tanta jam hominum Avaritia est, ut nullus finis cumulandarum opum sit, quo jure, quaque injuria. Ac ne jumentis quidem Festo die conceduntur suæ feriæ. Cum autem in templum ad verbum Dei audiendum eundum est, supputant accurate tempus, & jacturam operarum, quam faciunt, æstimant, ac potius cultum Dei, quam laborem omittunt. Nec vident dum Verbum negligunt, se decies majorem jacturam rerum suarum facere. Quod si id in præsentia non fit, accidet tamen aliquando, ut magno labore cumulatæ Oppes, aut furto, aut bello, aut incendio, Deo olim poenas expetente, pereant, aut non perveniant ad heredem, quem ipsi destinant. Atqui in Papatu hæc persuasio in animis hominum fuit, ut crederent, audita Missa eo die melius cessura omnia, sed hoc reprehendendum fuit, quia non confidebant in gubernatorem Deum, sed in opus suum, & tamen respondebat eventus, Satana adjuvante impietatem hanc. Inde hunc versiculum in omnibus parietibus scribebant, *Nec unctura rotam, nec tardat Missa diætam.* Addebant fabulas, quibus superstitionem hanc augebant, Multos una fecisse iter, qui cum forte in pagum quendam tempore Missæ venissent, unum substituisse, & audisse Missam, alios studio properandi neglexisse pium (ut tum judicabatur) Dei cultum, & incidisse in Latrones, & occisos esse, Illum autem, qui Missam audierat, tulisse præmium piæ moræ, quam fecerat in templo.

Hæc publice docuerunt in Papatu, quæ ego recito eo, ut nostram infidelitatem magis cernamus, qui non possumus Deo tribuere, quæ illi operi suo tribuerunt. Fiet igitur in poenam Peccati, ut Mundus ad majorem redigatur inopiam, & major de die in diem omnium rerum penuria fiat. Sicut videmus etiam majorem omnium rerum caritatem jam esse, quam præteritis temporibus fuit. Quæ est causa? Nimirum, quod mane surgimus, & tardamus sessionem, ac panem doloris comedimus. Delectamur solitudine, curis, labore, & negligimus interea Deum & verbum ejus. Fiet igitur ut Deus cumulet abunde curas, labores & molestias, Sic enim volumus.

Sed redeo ad textum Psalmi, in quo videtis Oeconomiam & Politiam nobis commissas esse, Sed sic, ut sciamus nos instrumenta esse divinæ Majestatis & Organa seu cooperatores, non autores, principia, vel causas primas istarum divinarum rerum. Ideo non satis ei fuit affirmative dicere, Ipse Dominus gubernat & facit Civitatem, Ipse Dominus ædificat domum, & constituit familiam, Sed ponit etiam negativam, Vos non facitis. Hoc enim est boni Doctoris. Sed sicut dixi, Mundus negativam non potest ferre, Vult dicere, Ego hoc volo, ego hoc feci, ego hoc faciam, vult esse gubernator Rerum publicarum & vicem Dei obire. Fert igitur meritum fructum, quod vana tentat, quod frustra sunt labores, & studia omnia. Sicut dicit Psalmo 78. Defecerunt in vanitate dies eorum, id est, prius mortui sunt, quam hoc perficerent, quod conabantur. Quia enim nolunt credere, Deum gubernare omnia, ideo experiuntur vanitatem & frustraneum laborem, & merito. Cur enim nos, qui sumus secundæ Causæ, imo organa constituta, præsumimus esse prima & principalis causa? Perinde ac si securis præsumat esse Faber, aratrum præsumat esse agricola, calamus scriba, &c. Maneat igitur unusquisque nostrum in



# ENARRATIO D. M. L. IN VIII. PSAL. GRADVVM

suo Ordine & conditione, & sciamus Deum hoc à nobis exigere, ut dicamus, Credo in unum Deum, hoc est, Deus vult manere Deus, creator & factor omnium, nos autem vult habere Cooperatores, seu potius instrumenta, non autores. Quia autem postulamus esse, autores, fit ut inde habeamus vanitatem & panem afflictionis.

*Labor non pro-*  
*hibetur, sed*  
*presumptio da-*  
*monum. &c.*

*Hereditarium*  
*malum afflic-*  
*to divinitatem.*

Porro phrasis hæc dilatanda est, & transferenda ad omnes Ordines hominum, ac non tantum ad opifices, qui mane surgunt ad faciendum opus, Non quod sit malum mane surgere, & sero cubitum ire, non quod sit malum tota die labore occupari, Nam hæc exiguntur divinitus ab omnibus, contra Ignavia & ocium est maledictum, Sed distinguendus est labor & præsumptio. Laborem non damnat, sed diabolicam Præsumptionem damnat, qua nos non contenti labore, insuper arripimus divinam curam & sollicitudinem, quam ipse pro nobis habet, & vult nobis extorquere Majestatem divinam, quam per illam curam invadimus, non vult nos omittere laborem, Hæc enim tentatio nobis naturaliter adhæret, quod ambimus & invadimus Majestatem divinam. Hoc malum in Paradiso primum coepit, cum Satan ad Evam diceret, Eritis sicut Dij, & perpetui huic Carni adhæret, nec potest ita vitari, ut conveniebat, etiamsi id doceamur, & doceamus, Sed volumus & affectamus Dij esse. Hic ergo vere est hæreditarius creaturæ morbus.

Contra hanc Præsumptionem & curam, quæ proprie ad ipsam Majestatem pertinet, pugnat Spiritus sanctus, cum dicit, Non esse nostri operis, ista gubernare, sed Dei, nos autem tantum Instrumenta esse. Sed nihil proficitur apud impios, Quin pij quoque in hoc peccant sæpissime, Nos enim non contenti nostra Sorte, volumus quoque gubernatores esse, & constituere Modum, medium, & finem nobis commodum. Maceramus igitur nos vanis curis dies ac noctes, sicut exempla totius mundi ostendunt, Alius constituit se hanc puellam ducturum in uxorem, & suas secuturum rationes in conjugio, Alius exactissimam formam administrandæ Reipub. animo concipit, in qua nihil desideres, priorum inscitiam reprehendit, suam sapientiam admiratur & prædicat alijs, Sed in experiundo longe turpius fallitur, quam priores. Sic Paterfamilias, de quo dixi, in experiundo longe aliam rationem invenit, quam ipse cogitarat. Nunc decumbit uxor, nunc liberi moriuntur, nunc alia accidit calamitas. Recte & laudabiliter, ut scilicet videas Deum vindicare Majestatem suam, quam tu consilijs tuis ei eripere conabar. Quod si nihil incommodi hominibus sic præsummentibus accidit, manifesta ea est Occasio maximorum incommodorum quæ securis hominibus impendent.

*Quod ex impij*  
*tuemo ex pjs*  
*pauci, nec sine*  
*ratio. hoc audi-*  
*ant, fit ut e ven-*  
*tu plurimum*  
*fallant.*  
*Principes.*

In summa nullum vitæ genus est, in quo non plurima aliter eveniant quam putaras. Adversarijs nostris quam multa præter spem acciderunt? quid eorum, quæ certa putarant, confecerunt? Sic singulis Magistratibus, singulis familijs accidit, ut non ubiq; hoc efficiant, quod destinarunt. Quid igitur habent ex suis multis & varijs Consilijs, quam vanitatem, quod se ipsos frustra affligunt, & sic transigunt vitam suam, ut paucissimas horas quieto animo hilare traducant. Sic invenies aliquos Principes beatissimos, si quiete ijs donis frui possent, quæ contigerunt. Sic autem quiete ijs fruerentur, si Deo omnia commendarent. Sed quid faciunt? Amissa hac felicitate, quam habent in manu, præsumunt ea, quæ non sunt suarum virium, nec sibi mandata, ijs curis se conficiunt usq; ad mortem, Et merito. Cur enim arrogant sibi res non commendatas à Deo, & ijs, quæ habent, non quiete fruuntur? Sicut Salomon dicit Eccle. 5. *Est malum quod vidi sub sole, ut cui dedit Deus divitias, & substantiam & honorem, & nihil decit anima sua ex omnibus, quæ desiderat, nec tribuit ei potestatem Deus ut comedat ex eo, &c.* Si enim essemus contenti ijs, quæ habemus, & frueremur donis Dei, lætaremurq; cum uxore, liberis, familia, cum gratiarum actione, ac faceremus officium nostrum in bona Conscientia & pace, quid esset nobis felicitus? Sed facimus quæ versus hujus Psalmi vetat, Mane surgimus, affligimur, & cum dolore comedimus panem.

Hæc est vita humana per totum orbem Terrarum, sicut Spiritus sanctus hic

hic testatur. Ratio est, quia nemo sua sorte contentus est,  
Optat ephippia bos piger, optat arare caballus.

Donum quod Deus nobis fruendum dedit, displicet. Circumspicimus igitur aliud, in ejus cogitatione excruciamus nos, quomodo id possimus consequi. Ac nostra bona non inspicimus, sed sicut Poeta inquit:

Fertilior seges est alienis semper in agris,  
Vicinumque pecus grandius uber habet.

Quid autem habemus inde? nempe vanitatem vanitatum, panem doloris, & frustraneos conatus, sessiones & surrectiones frustraneas.

Ergo soli pii hoc possunt, ut presentibus contenti vivant. Quia sciunt Deum esse gubernatorem & largitorem omnis boni, spiritualis & corporalis. Laborant igitur in simplicitate, & labore partis fruuntur tanquam donis Dei, neque se autores eorum esse presumunt. Quare pacem habent, & si quid mali incidit, possunt id superare, dicentes cum Hiob, Dominus dedit, Dominus abstulit, sit nomen Domini benedictum. Sic & presentibus bonis frui, & mala omnia vincere possunt, Caro neutrum potest, presentia non intuetur, sed tantum in futura est intenta, de ijs dum speculatur, amittit etiam presentia, Sicut canis Aesopici, qui dum umbræ inhiat, carnem quam rictu tenebat, amittit una cum umbra. Iuste. Quis enim hoc Iudicium condemnare ausit? Canis igitur ille est pictura totius Mundi. Ibi videas unum Patremfamilias, cui Deus dedit uxorem, liberos, familiam, rem, &c. Hæc est caro in rictu canis. Quid igitur facit? Presentia Dei dona non curat, nec ijs fruatur, sed interea macerat se alijs inanibus curis rerum non presentium, quas nunquam consequitur, nec dissimile patitur ab ijs, qui in somnis conantur effugere, & tamen nec pedem loco movere posse sibi videntur.

Sed non possunt hæc disci ex Libris, experientia autem est unica glossa, quæ hunc Psalmum interpretatur. Nam ego quoque & intelligo hæc, & docere etiam alios possum, sæpe tamen accidit, ut ipse quoque vanis conatibus & studiis me fatigem. Ratio est, quod illa Divinitas semel affectata in paradiso, non potest plene abjici, ne in Sanctis quidem. Si autem accidit, ut quanto plus hujus Originalis veneni habeas, tanto minus habeas quietis & pacis, secundum illud Augustini, Iussisti Domine, & ita fit, ut omnis Inordinatus animus sit sui ipsius Poena. Sicut enim Ebrietas suam poenam secum affert, crudelitatem & dolorem capitis, ita quoque inordinatus animus, qui se curis exercet & fatigat, affert panem Doloris & conatum frustraneum, Exemplum videmus etiam in magnis Principibus.

Hoc est quod dixi, non tantum de Opificibus, sed de tota massa Generis humani in omnibus officiis accipiendam esse hanc sententiam, quod frustra sit mane surgere, hoc est, vehementer esse curiosum & presumptuosum, in quocunque genere officij. Sic Magistratus mane surgit, cum sollicitus est, ut omnia gerantur secundum destinatum animo Finem, secundum sua consilia & voluntatem suam. Sic per omnia alia vitæ Genera mane surgere est, nullum habere vacuum tempus à Curis & consilijs, nisi eo pervenias quo constituisti, Sed hoc est frustra. Hujus rei exempla infinita vidi, & vos quoque videbitis, si vixeritis. Juventus enim, quia experientia caret, nondum intelligit hæc, sed fiet tempore, ut in omnibus generibus vitæ, in rusticis, indoctis, doctis, Principibus, Regibus videatis, quod mane surgunt, hoc est, valde sunt solliciti, & præstipulant sibi fines, ac se Causas efficientes constituunt, & omnia pro sua sapientia volunt gubernare, Sed frustra.

Viderunt hoc Gentes quoque, Ideo dixerunt, Fortunam dominari in omnibus. Si enim Sapientia satis esset ad res bene gerendas, Cicero & Demosthenes non essent falsi suis sapientissimis & honestissimis rationibus, Si a sapientia & robur, Hector apud Poëtam Trojam, Cæsar Iulius Romanum Imperium, servassent. Non enim Sapientia, non potentia, non cura, non sollicitudo, summis viris defuit, Non defuit mane surgere, & tarde cubitum ire, non panis Doloris, & tamen misere perierunt omnes, ac falsi sunt. Coacti igitur sunt dicere, Fortunam dominari

Pi presentibus  
sunt contenti.

Canis Aesopici  
canis.

Experientia  
Magistra hæc  
demonstrat.

Augustini de  
Civitate.

Frustra est mane  
surgere.

Gentes & gentes  
omnes inconstantia  
ad fortunam  
revertuntur.  
a potentia.

dominari in rebus, Item, Casu omnia ferri. Quia quo sapientiores fuerunt, eo se-  
re stultius administrarunt omnia, & major felicitas Tyrannos sæpe secuta est,  
quam summos in Repub. viros, sicut ex Aristotele quoq; citarunt, Ibi maiorem  
esse fortunam, ubi intellectus est minor. Quanquam enim Aristotelis alia sit sen-  
tentia, verum tamen est, quod summa sapientia evertit summa Imperia, Sicut pro-  
verbio quoq; dicitur, Sapientes viros non leviter peccare.

*Sapientes non  
leviter peccant.*

Quanquam igitur Gentes non illuminatæ verbo Dei, sed tantum Experi-  
entia doctæ, faterentur res non gubernari Sapientia & potentia, Sed fortuna, ta-  
men non abstinuerunt à Præsumptione suæ sapientiæ & potentia, sed gubernare  
Respub. proprijs consilijs voluerunt. Post cum res aliter cederet, agnoicebant er-  
rorem, & Fortunæ tribuebant omnia. Nos non debemus Fortunæ illa tribuere, ni-  
si fortunam voces, quando sapientibus & potentibus, ac mane surgentibus aliter  
cedunt sua consilia, quam præsumebant, sed iudicio Dei, qui præsumptionem sic  
punit. Quare enim homines præsumunt esse Sapientes & potentes in ijs rebus,  
quæ sunt positæ supra Sapientiam & potentiam humanam, ac quæ reguntur divi-  
nitas? Cur non ibi utuntur Sapientia & potentia sua, ubi Deus voluit, nempe in  
rebus infra se positis, de quibus dicit Gen. 2. Merito igitur falluntur, & clamant,  
Fortuna omnia fieri. Sed nimis sero, post perditas scilicet Respub. & eversa Impe-  
ria. Stultorum enim hoc carmen est, dicere, Non putaram, & accusare fortunam.

*Fortuna.*

*Non putaram.*

*Confutatur fal-  
sum consilium.*

*Blasphemia vo-  
ci præsumpti-  
onis.*

Neq; enim fortuna facit, ut fallant consilia nostra, sed tua stultitia & igno-  
rantia Dei & tui. Primum, quod non intelligis quis tu sis. Deinde quod non vi-  
des, quod sit mandatum Dei, & quatenus te voluerit præesse rebus. Alius inci-  
pis Carmen, asinorum more, ergo male desinis. Hoc postea cum vides, clamas,  
Nullus est Deus, Nulla est Providentia divina. Quia sapientissimi Principes non  
perficiunt hoc, quod sapientissime constituerunt, Potentissimi Reges non effici-  
unt hoc quod possunt. Iniquus igitur est Deus, aut plane nullus, quia alioqui re-  
spiceret sapientes viros, & omnia sic gererentur, ut destinavimus. Egregiæ vero vo-  
ces, Quali vero Deum, talem Deum esse conveniat, qui cum videat te Patrem fa-  
milias sapienter instituisse omnia, accedat, & dicat tibi, Domine Paterfamilias, re-  
cte consulisti omnia, sapientissimus vir es, qui gubernare possis, etiam sine me.  
Vbi autem interim manet gloria & maiestas divina? Vbi manet ipse Deus, si tu o-  
mnia prospicis, gubernas, & efficis? Si tua sapientia & potentia facit omnia? nem-  
pe divina sapientia & potentia hoc modo in nihilum redigitur.

*Quo quisq; sa-  
pientior, eo mi-  
nores habet pec-  
cessus.*

*Non sapientes,  
sed quod fiducia  
eorum danti Deus  
à Gubernatione  
excluditur, de-  
minuitur.*

Quin potius destruantur Consilia tua, dissipetur Potentia & sapientia tua,  
ut experientia discas, Quod quo quisq; est sapientior, eo minus efficit hoc quod  
vult, eo est stultior & infelicior. Econtra ubi nonnunquam minimum spei est, ibi  
facillime succedit, ut intelligas Sapientiam & potentiam, qua tu fidis, nihil esse,  
nihil posse, sed potius nocere. Non quod damnet Sapientiam & potentiam Deus,  
sunt enim dona Dei, quæ dat hominibus, Sed hoc damnat, quod homines sapien-  
tes & potentes fiducia horum donorum, excludunt Deum à gubernatione rerum,  
& ipsi per se omnia conantur regere. Sic Cicero, Iulius, Brutus consilia Reipub.  
bene constituendæ ineunt, cogitant, sic faciam. Quis? Ego Cicero, Cæsar, Brutus.  
Qua re facies? Mea Sapientia, mea potentia. Hanc præsumptionem & arrogantiam  
non vident peccatum esse. Post cum sapientissimas suas Cogitationes falli vi-  
dent, blasphemii fiunt, & putant nullum esse Deum, aut Deum iniquum esse, qui  
Virtuti non honorem habet, & Sapientiæ non addit successum. Ideo autem infe-  
lices sunt, quia excedunt limites suæ sapientiæ, neq; eo sunt contenti, quod sunt  
constituti Domini super Pecora campi, Pisces maris, volatilia coeli & super ter-  
ram, quarum rerum dominium homini concessum est, Genes. 1. Sed volunt etiam  
gubernare per se, hominem sibi similem, domum, uxorem, liberos, regna, Impe-  
ria, idq; autoritate & sapientia propria, non salutato Deo, non invocata ad id ope  
divina.

*Idea totius mun-  
di, frustra manus  
argenteæ.*

Ergo hic versus est idea & imago totius mundi. Quid enim aliud est totus  
Mundus,



Mundus, cum omnibus suis studiis, quam frustra mane surgere? Inspice Principes, inspicere Magistratus, inspicere patresfamilias & oeconomicos, & videbis mane surgentes, sed frustra. A summo igitur ordine usque ad infimum omnes canunt hoc carmen, Monarcha æque, ut ancilla in domo, Ego mane surgo, & fatigo me, ac manduco panem doloris. Paucissimi sunt divinitus illuminati, qui hanc gratiam habent, ut agnoscant se esse Instrumenta, Deum autem gubernatorem, & qui donum existiment, Successum, non opus suæ sapientiæ & consilij. Reliqui omnes incedunt in præsumptione, & quasi ipsi sint Magistri rerum, suo operi tribuunt omnia, Inde fit, ut impingant. Sic Cicero, Demosthenes, alij summi viri in Repub. non peccaverunt in eo, quod fuerunt sapientes, Sicut in regno Israel Ahas & Achab, quos apparet fuisse politicos viros, Sed in eo peccaverunt, quod cogitabant res illas & Imperium illud suæ sapientiæ subiectum esse. Cicero videbat se esse unicum Oratorem in Romana Repub. & videbat, quid oporteret fieri, quomodo gubernanda essent omnia. Quia autem erat vacuus timore Dei, & suis consilijs omnia tribuebat, excluso Deo, ideo voluit ei Deus ipsa experientia ostendere, non satis esse bene consulere, neque sufficere humana ingenia ad tantarum rerum Administrationem, sed requiri benedictionem Dei de coelo. Quare Cicero suis consilijs non solum Rempub. non sublevavit, sed & sibi ipsi & Reipub. exitium accersivit.

*Exempla Demosthenis. Acha. Achab. Cæronu.*

Idem fit in divitijs & opibus. Opes non sunt malæ, sed sunt donum Dei, sicut sapientia. Favet igitur & concedit nobis Deus earum usum ac possessionem, Sed quod dives vult addere, Hæc mea sunt, hæc paravi industria & labore meo, & intuetur eas tanquam suum partum, hoc est malum, & est affectatio diabolica Divinitatis, quam decepti à Diabolo parentes nostri in paradiso induerunt, ac postea nos ab eis procreati omnes nobiscum afferimus. Quam igitur impossibile est exuere Carnem hanc, quam circumferimus nobiscum, tamen etiam impossibile est, illam affectationem Divinitatis totam abicere. Sancti tamen contra eam pugnant, & de die in diem magis eam mortificant, donec tandem tota per Mortem una cum vita aboleatur.

*Quod in sapientia idem peccatur in divitijs.*

*Affectatio diabolica.*

Pij igitur, quibus contigerunt opes, dicunt. Habeo aurum, habeo argentum, non autem est meum opus, sed tuum donum Domine, quod tu dedisti per meum laborem. Quantumcunque autem laborassem, nisi tu dedisses, nihil haberem, &c. Mundus autem diversum dicit, Habeo uxorem formosam, habeo liberos suaves. Cujus beneficio? Meo nimirum. Dignus enim sum, qui tales habeam, Atqui, inquit Deus, tu cum hæc præsumis, mentiris. In signum ejus rei faciam, ut moriantur Liberi, aut corrumpantur, ut Vxor aut ægra decumbat, aut fiat adultera, aut rem familiarem dissipet, &c. Alius habet magnifice extructas ædes, Eum si quæras, Vnde hæc habes, cujus opera? cujus virtute parasti eas? Respondet. Mea. Non, Et, ut id videas verum esse, incendio perire eas sinam, aut tu, priusquam ijs pro libitu fruaris, morieris. Alius in pace gubernat Rempub. ducatum, regnum. Cujus virtute? Mea, inquit. Non Et, ut videas id verum esse, permittam excitari Seditionem, bellum, aut aliam turbam, ut mireris, & dicas, Quis vel suspicari potuit hæc futura esse?

*Placuit opes esse Dei dona. Alius donorum Dei in mundo.*

Contra hanc præsumptionem docet nos Psalmus, ut dicamus, Vxor, liberi, familia, opes, pax, regnum, &c. sunt dona Dei, ijs fruar cum gratitudine, quam diu Domino placuerit, & quam diu Dominus dederit. Si moritur uxor aut liberi, si aliquid publice turbatur, Domine Deus, eram possessor horum donorum, tu ea dedisti, idem tu abstulisti quoque. Libenter igitur feram hanc jacturam, tamen alioqui non potuit æterna hæc esse possessio, &c. Animus ad hunc modum institutus etiam Adversa bene fere potest, quæ impij cum maximo dolore ferre coguntur. Sed Mundus non audit, ideo experitur hoc quod Psalmus dicit, Vanum est vobis mane surgere, & sunt sibi ipsis Carnifices & Diaboli, qui se ipsos affligunt, & frustra. Merito, Cur enim non audiunt? Intuere igitur in omnia Regna, in Respub. omnes, quarum historiae extant, Romanam Atheniensem, Lacedæmoniorum, Thebanorum, &c. & invenies imaginem verissimam hujus versus.

*Plus opum & potentia est.*

Cum

etiam in aliis, ut cives dicerent, Ecce hunc sumus secuti, hic gessit illas res, &c. Sic ut testatur versiculus Ciceronis,

O fortunam natam me consule Romam.

Hæc an non arrogantissima vox fuit, & dignissima quæ exagitareretur? Ad extremum itaque canebat aliam cantilenam, sicut apparet in Epistola ad Octavium. Hoc autem est ex divino Dono, facere opus superbiæ humanæ, seu potius Satanicæ.

*Vox Ciceronis  
arrogans.*

Si igitur jam Cicero & Demosthenes rogent, cum sapientissima consilia eos scellorint, quid faciendum sit? Sit ne omittenda sapientia, & abjiciendum Imperium, &c? Respondet Salomon, Non, Sed debetis imperare, gubernare rempub. consiliis, Sic Oeconomum jubet ducere uxorem, quærere opes, colere agrum, &c. Sed sic, ut stet hoc, Dabit dilecto suo per somnum, ut verbum (Dabit) maneat, hoc est, ut quidquid obvenit, donum esse agnoscatur. Item, quod dabit ei, qui est dilectus, & dabit quasi per somnum, ut sit Donum, donatum amico, & faciat natum. Hæc est summa brevissime exposita, quam postea latius explicabit per pericula, ut quidquid insperaveris, te ipsum, vitam tuam, corpus tuum, uxorem, liberos, pacem, successum, &c. agnoscas esse donum Creatoris, nemini datum nisi dilecto suo.

*Non abjicienda  
sapientia, neq;  
imperii deso-  
renda, sed Da-  
bit, adjungan-  
dam.*

Facies igitur & Idea mundi est in præcedenti versu, ubi non sunt dilecti, sed dementati homines, nativa divinitate & carnali, qui omnia suis consiliis volunt regere & efficere. Hi nullum habent donum, quia etsi habent, tamen non agnoscunt tanquam donum, nec dicunt, Hæc Deus dedit. Ac licet Cicero & alij Philosophi interdum illas res dona Dei esse significant, tamen non credunt, sed ex se Deos quosdam faciunt, ac creatores, qui suis consiliis munierint Respub. Imperium propagarint, imminentes turbas caverint, &c. Hac præsumptione provocant Deum, ut immitat Annibalem aliquem, aut Pyrrhum, aut intestinum bellum excitet per Syllam, Pompejum, aut conjurationem nefariorum hominum per Catilinam, ut sic agnoscant, se non esse gubernatores tantarum rerum. Sic habent etiam impij dona Dei, etsi non intelligant esse dona. Nos autem debemus id discere, ut, si duxisti uxorem, præfectus es Reipub. aut alicui alij negotio, Bene, esto prudens, audi verbum Dei, & intellige quid sis, quid non sis, Vxorem, liberos, familiam, opes, &c. orna hoc titulo, quod Dominus ea dedit, hoc est, sentias ex corde esse dona Dei, quæ Deus dedit, neq; aliud pro iis exigit, quam ut grato animo agnoscas esse sua dona. Verum hoc ipsum agnoscere etiam est donum Dei, sicut dicitur Sap. 8. *Scivi quod aliter non possem esse continens, nisi Deus id daret.* Hoc autem ipsum erat summa sapientia, scire cujus esset hoc donum.

*Facies & Idea  
mundi.*

*Pij contra, quæ  
mundus & im-  
pij, donum &  
civilitatem Dei  
dona agnoscunt.*

*Sapient. 8.*

Qui igitur certo statuit uxorem, liberos, Magistratum, &c. esse dona Dei, is non inflatur successu, quia scit donum Dei esse, non suum opus, non virtutem & gloriam suam. Sic maritus ita institutus habet puram læticiam in uxore & liberis, quia sentit ea Dei dona, & fruitur iis cum gratiarum actione, quam diu Deus concesserit. Si iterum aufert ea Deus, æquo animo fert, non laborat, non edit panem afflictionis, sed dormit, Quia est ille dilectus, cui favet Deus, & vivit ac si dormiat, eiq; tanquam dormienti rete trahitur, sicut de Timotheo dicebant. Nam viderunt Gentes quoq; Fortunam dominari, sicut Poëta dicit, Fata regunt orbem, Causam tamen nescierunt, cur sic fieret, quod sapientissimi fallerentur, & aliis qui nullam sapientiæ laudem singularem haberent, omnia cederent ex sententia.

*Pius maritus.*

*Fata regunt or-  
bem.*

Cum primum Imperium ad Carolum Cæsarem nostrum invictissimum delatum esset, mira erat omnium de eo desperatio, Papa, Gallus, Veneti ridebant nos, admiratione suæ sapientiæ, Cujus nihil in Carolo simile videbatur. Quid autem sit? Sapientia illa admirabilis, de qua hostes Imperij gloriabantur, turpiter confunditur, Carolus ubiq; triumphat. Clamant igitur & convitiij loco objiciunt ei fortunam, quod habeat istas Glorias non ex se, sed quasi dormienti cuncta obveniant. Verum tu vide, vnde ista fortuna sit, & invenies esse donum Dei. Id quia Carolus intelligit (ut spero) & testantur id tum facta tum dicta ejus, ideo diligitur à Deo, & sicut Psalmus dicit, Dilecto dantur omnia quasi per somnum. Quod si aliquando (quod Deus

T t

prohi-

# ENARRATIO D. M. L. IN VIII. PSAL. GRADVVM

prohibeat) sinistre aliquid acciderit, si est Christianus, dicet, Dominus dedit tam diu successum, jam aufert, sit nomen Domini benedictum.

*Pius fructus do-  
ni Dei.*

Sic pius fruitur rebus & dominio illo concesso à Deo, Gen. 2. Edit, bibit, dor- mit, delectatur uxore, liberis, opibus, cum gratiarum actione, dicens, Domine Deus, tuum est donum, tuum fuit donum, Si eripis, iterum est tuum, &c. Sic est animus ve- re & pie quietus & tranquillus. Impij autem habent panem Afflictionis, & ne noctu quidem dormiunt, Pius autem non solum noctu, sed in toto tempore vitæ suæ dor- mit, hoc est, est ocioso animo, & in regno quasi in molli lecto quiescit, summam gu- bernationem concedit Deo, ac fruitur donis ejus, & scit se esse instrumentum Dei, atq; ita omnia habet tanquam per somnum in ocio, dans Deo gloriam, & nihil faci- endo facit omnia, ac faciendo omnia, nihil facit.

*Principali ga-  
bernator politia  
Dom.  
Somni.*

Sic postquam supra satis damnavit præsumptionem sapientiæ & virium hu- manarum, docet tam- in veram causam, & principalem Dominum & gubernato- rem politia & œconomia, scilicet, ipsum Dominum. Est autem mira brevitatis, Dat amico suo per somnum. Somnus vero, de quo dicit, referendus est ad ocium & quie- tem animi, vel conscientia, non ad ocium carnis & corporis. Laborandum est corpo- re & sudandum, sed in lata conscientia, ac fiducia Benedictionis divinæ, sicut in Ge- nesi scriptum est, Omnia nostra constare benedictione divina, non nostra cura. Iam pergit, & quæ breviter exposuit, latius explicat, eo ordine, quem supra servavit, ut primum de Oeconomia, post de Politia dicat.

*Quæ sit senten-  
tia huius ver-  
su.*

Ecce filij hæreditas Domini, & fructus ventris est merces. Est mirabilis ob- securitas in hoc versu, vitio Interpretis, nec possibile est intelligi eum ab homine La- tino. Non solum enim vocabula, sed & phrasia est divina, qua Spiritus sanctus & scri- ptura utitur. Sententia igitur hæc est. Ecce hæc est sapientia, regula & modus recte sentiendi de Oeconomia, quod filij sint hæreditas divina, id est, Dei donum, & quod fructus ventris, hoc est, quicquid ex ventre nascitur, est Merces, id est, donum Dei. Non est autem valde inepta sententia, si primo loco differentia causa, Filios accipias masculinum scilicet genus, secundo fructum ventris, id est, Femellas omnium ani- mantium, potissimum tamen hominum. Redit enim res eodem, nempe, quod pa- trem & matrem esse, non sit humani operis, sed divini, Et quanquam maritus gene- ret per uxorem, uxor autem imprægnetur per virum, tamen utrumq; sit donum Dei, & benedictio divina, sicut textus dicit, Creavit Deus masculum & foeminam, Crea- vit dicit, ut significet, quod non sint sui ipsorum Rectores & fectores, sed quod tam masculus quam foemina sint Dei creaturæ. Deinde addit, Et benedixit eis, Crescite & multiplicamini. Ex hoc Genesis loco manat hic versiculus Psalmi, Nam quod De- us dat liberos, hoc non est operis nostri, sed est benedictio divina. Quanquam au- tem mundus hoc experitur, tamen neq; intelligit, nec observat. Quia enim illa pro- creatio sobolis est quotidianum beneficium, ideo vilescit. Sic mundus tanquam porci, in coeno studiorum ac voluptatum suarum volutatur, & hæc summa Dei be- neficia, in quibus vivit & ambulat, neq; agnoscit, nec miratur.

*Homo perhibe-  
ri benedictione  
à Deo ornatur.*

Observandum autem hoc quoq; est, quia non ita promiscue benedixit Deus homini, sicut aliis bestiis benedixit, sed peculiari benedictione hominem ornavit, ut eo facilius credamus, donum Dei esse, habere filios & filias, Neq; sibi arroget Mari- tus, quasi ipse fecundet uxorem, nec uxor sibi arroget, quasi concipiat naturali & propria quadam sua virtute. Sed discant esse hæc opera vere divina. Ideo etiam acci- dit nonnunquam ut sanæ & formosæ mulieres robustis & sanis maritis conjunctæ in magnis opibus & delitiis, tamen sint steriles, ut videlicet ostendat Deus, Benedicti- onis suæ, non humanæ virtutis aut naturæ esse parere & gignere. Contra, alius, qui vix contra famem se defendere potest, plenas ædes sobole habet. Recte igitur dicunt Germani nostri, cum de liberis loquuntur. Unser Herr Gott hat mir ein Kind be- schenkt/ Deus largitus est mihi liberos. Hoc verbum quanquam omnibus in ore sit, pauci tamen sunt, qui admirentur istam Benedictionem aut intelligant, propter- ea quod obscurata sit misera illa voluptate, & aliis foeditatibus carnis, nempe,

*Deus largitur  
liberos.*

Calami-



Calamitatibus, periculis, sudoribus, laboribus, &c. Hæc ita obscurant Benedictionem divinam, ut non benedictio, sed maledictio potius videatur. Nam cum aut filij sunt inobedientes, aut uxor immorigera, aut moriuntur parentes, & relinquunt liberos orphanos, aut moritur uxor, &c. videtur maledictio superare benedictionem. Ideo revocat nos Scriptura sancta ad se, & jubet nos intueri ipsam rem, & substantiam conjugij, quæ est benedictio divina, ut dum in eam inspicimus absorbeamus quicquid est calamitatis & miseriarum in conjugio.

*Substantia conjugij.*

Cernitur autem hoc in loco infirmitas & incredulitas nostra. Ejusmodi enim ingenio sumus omnes, ut uno incommodo plus moveamur, quam centum commodis aliis. Sicut videmus, Si cui corpus sanum contingit, magis dolet de uno Ulcere in genu aut cubito exorto, quam lateretur de totius corporis reliqui incolumitate, iuxta Germanicum proverbium, Si quem in humeris tuis Romam usque deferas, & leviter modo, cum de humeris deponis, offendas, omnem gratiam perire. Sicut cernimus in ingratis liberis quoque, quos maximis laboribus & sumptibus postquam educarunt parentes, aut mortem parentum expectant, & optant, aut inobedientes fiunt, obliti omnium beneficiorum. Ad hunc modum in conjugio quoque fit, ut obscuretur Benedictio maledictione. Quare Spiritus sanctus benedictionem pulchre amplificat, ut in Dominum potius & in auctorem ac creatorem respiciamus, quam in illas molestias, quibus sanctissimum vitæ genus obruitur. Hoc igitur verbum nobis inculcemus, & in eo hæreamus, quod in Genesi legitur, Et benedixit eis. Hoc verbo confirmemus nos contra illa mala, & dicamus, Si est benedictio Dei hoc nostrum vitæ genus, Lætabor in benedicente Domino, sive bene sive male cedat, & credam ei placere hoc opus. Scio enim dona ejus esse, uxorem, liberos, domum, familiam, &c. ut hunc titulum, Donum Dei est, omnibus quæ habes & possides inscribas, & immiscendo benedictionem ac Majestatem divinam tuo vitæ generi, absorbeas omnes calamitates, pericula & molestias omnes.

*Infirmitas & incredulitas nostra in conjugio.*

*Ingrati liberi.*

*Quomodo adversus eam infirmitatem progredendum.*

*Donum Dei est.*

Gentes autem, & qui carent verbo Dei, nihil minus quam hoc statuere de conjugio possunt, Sed existimant conjungi maritum & foeminam casu, ac liberos eis nasci, sicut porcis. Eos tum habent, educant in magnam spem opum & honorum, Verum plerumque accidit, ut summorum hominum liberi maxime degenerent. Sicut multa exempla ostendunt, non solum in Historiis sacris & Gentium, sed etiam in hac quotidiana vita. Spiritus sanctus igitur nos revocat ad verbum Dei, quod in Genesi est, ut discamus nostra corpora, non esse nostra. Sed si es masculus, ut sentias quicquid in te est masculinum, esse donum Dei, sic liberos esse Dei donum, non tuum opus. Tu igitur mane creatura Dei, & persuade tibi, Deo placere tuum masculinum corpus, & vitam tuam, tum potes sine molestia singulari iis, quæ Deus dedit, scilicet vita, uxore, liberis, opibus frui, & cum bona conscientia. Et si qua incidunt molesta, ea quoque superare potes comparatione reliquorum donorum, quæ multo plura in tuo vitæ genere invenies quam incommoda.

*Carentes verbo quomodo de conjugio cogitent.*

*Et benedixit eis. Gen. 1.*

Porro vocat Filios, non solum fructum ventris, sed quicquid ad liberos alendos, educandos, vestiendos & curandos requiritur. Nam qui dat liberos, etiam una dat & creat, quo alantur, alioqui non possent diu durare filij. Dat igitur illa Deus huic opulenter, illi minus opulenter, ita tamen, ne quisquam fame pereat, nisi cum peculiariter tentat aliquos. Generali autem actione divina & communi afferunt nati liberi secum Victum & amictum, ne per inopiam pereant. Quanquam aliquoties accidit, ut præ Famis impatientia natos vorarint matres, non tamen uno & altero exemplo tollitur regula. Hæc enim fuerunt singularia exempla iræ Dei & plagæ divinæ. Aliud autem est loqui de Deo irato & immittentes plagas, aliud loqui de Deo gubernante & regente nos. Quare videmus liberos eorum, qui aqua & pane misere victitant, optima esse habitudine corporis, & nitidissimos. E contra multorum liberos, qui in maximis opibus ac deliciis vivunt, quasi umbras incedere & fœde pallefcere. Quare hoc? Quia filij sunt donum Dei, quos ipse Deus creavit. Dat igitur una etiam illa, quibus carere filij non possunt, Sicut ostendit nobis prima hominis

*Filij quid.*

*Exempla iræ Dei.*

*Liberi donum sunt Dei.*

T t 2

creatio.

creatio. Priusquam enim Adam fingitur ex terra, ipse Deus conditor terram ei instruit tanquam domum. in qua habitet, Nec eam domum relinquit vacuum & inanem, sed omni genere opum & deliciarum ornat, ut nobis posteris Adæ ostenderet se Patrem nostrum fore, & gubernaturum nos, ac abunde suppeditaturum omnia, modo credamus.

*Præparatio in utero  
matris a Deo.*

Sic dum adhuc in utero matris vivit foetus, alitur sine ullo suo opere & cura, à solo Deo. Quid enim faceret foetus, qui sine ullo sensu jacet? postquam jam partu est editus, paratam habet cellam. Vbera matris, tanquam fontem ad hoc instructum, paratam habet coquinam, balneas, lintea, & alia quibus habet opus. Et adsunt non solum mulierculæ, quæ sua opera infantem curent, sed Angeli quoque, sicut multa clarissima exempla ostendunt. Vnde hæc omnia? Nimirum, quod Deus dona sua ipse conservat, & quibus conserventur, abunde donat. Quare Filios hoc loco non simpliciter accipies pro liberis, pro carne, cute & ossibus, sed pro omnibus, quæ ad liberos pertinent.

*Maritus, uxor,  
significat.*

Ad eundem modum Maritus & uxor non sunt intelligenda nuda corpora, sed habitaculum, focus, cibus, potus, & omnia, quæ ad œconomiam requiruntur. Hæc autem sunt Dei dona, si ea habeamus opulenter, si tenuiter, nam non eodem modo distribuit ea Deus. Sunt tamen eo ipso etiam, cum parce contigerunt, satis magna & ampla, quod Dei dona sunt. Sicut enim dona Principum, quantumvis tenuia, magis æstimamus animo quam precio, Ita quanquam exiguum donum tibi Deus contulit, ut te & tuos misere alere possis, sufficiat tamen tibi voluntas divina & benedictio divina, quod certo scis Deum tibi favere, & illa dona contulisse. Quæ cum iterum eripit, æquo animo id ferre potes, quia scis non tua, sed Dei fuisse. Sic quieto animo es & ocioso, si abundes si egeas. Et cum sic Deum suis beneficiis quali induis, & ut sic loquar, incorporas, sunt ampliora & majora illa beneficia, quantumcunq; sint parva in speciem.

*Hereditas Dei  
significat.*

Atque hæc sufficiant de sententia Prophetæ, Restat ut Grammaticam quoq; nonnihil attingamus, quæ propter Ebraicam phrasin paulo est obscurior, Nam quod Ebraeus dicit, Hereditas Domini, filij, Latinus sic diceret, Filij sunt donum divinum, Et merces fructus ventris, Latine posset dici, filij sunt largitio divina. Nam vocabulum Hereditatis valde late eis patet. Hereditatem vocant terram divisam in populum per Iosua, Inde translata vox est ad omnes donationes. Terra enim Canaan simpliciter donabatur populo Israël, Hinc omnes alias Possessiones, proprietates & dona, vocant hereditatem. Sic in Psal. Lex tua est hereditas mea, hoc est, donum à te mihi donatum, *Mein höchstes Erbgut*. Nos paulo aliter utimur nomine hereditatis, pro re à parentibus nobis relicta, Sed Ebraeus est donum & portio divinitus donata.

*Hereditas.*

Nomen mercedis est Ebraeus valde usitatum, Ieremiæ 31. *Merces est operi tuo*, Et in Hiob. *Hæc est merces eorum, qui seminant in ventum*, Et Psalmo 109. *Hoc opus eorum, qui detrahunt mihi apud Dominum, &c.* Significat autem donum præmium operæ, largitionem divinam. Sic est apud Esaiam cap. 40. & 62. Sic Paul. 1. Corinth. 15. *Scite, quoniam non est inanis labor vester.*

*œconomia  
Christiana.*

Hæc est igitur doctrina domestica Spiritus sancti, & vera œconomia Christiana, credere liberos & omnia alia esse divinum donum. Hæc cognitio quando est certa, quod accipimus omnia tanquam de manu largientis Dei, tunc statim per pulchram consequentiam, quam Dialectica Spiritus sancti nos docet, discemus, quomodo pericula, calamitates & miseriæ omnes ferendæ & superandæ sint, ut si uxor, si liberi moriantur, si alia mala in nos ingruant, cum Hiob dicamus, *Dominus dedit, Dominus abstulit sit nomen Domini benedictum*. Ratio enim illustrata per verbum, benedictionem agnoscit, & gratias agit, In adversis autem Dei voluntati non repugnat. Non quod sine dolore carnis amittamus Dei dona, neq; enim consolamur carnem, sed spiritum, sed sancti quoque sentiunt illa mala, & eis afficiuntur, non tamen superantur, Sicut Iacob amisso Ioseph graviter angebatur, non tamen de-

*Domini dedit,  
Hiob, &c.*

*Iacob gemitus*

sperabat,

sperabat, non blasphemabat, sed ferebat calamitatem, quia videbat eum fuisse donum Dei, & rursus ereptum esse. Qui igitur sic instructus est, illi nunquam quicquam deficit.

Verum non satis est ex libro hanc doctrinam discere, sed requiritur usus & experientia, sine qua hæc œconomia nunquam discetur. Sicut videmus in iis, qui nihil spectant nisi Fortunam & casum, Hi dum incidunt in conjugium eo animo, ut Voluptates suas alant, ut liberos sua sapientia provohant ad magnas opes & dignitates, omnia diversa experiuntur, ut ipsi cum suis Liberis, uxore ac facultatibus pereant, quia ignorant Benedictione divina opus esse. Contra, qui ista Dona tanquam benedictionem Dei accipiunt, hi, etiam si adversa fortuna sit, tamen tranquillo & ocioso animo sunt.

*Sicut sagittæ in manu potentis, ita filij excussorum.*

V.

Est militaris similitudo, & subobscura, Pertinet autem ad politiam. Arcus in manu robusti jaculatoris, non frustra torquetur, sicut David de Ionatha dicit, *Sagitta Ionathæ nunquam rediit retrorsum, hoc est, non aberravit, 2. Samuel. 1. sed ferit & penetrat.* Hinc Esaias Apostolos sagittas vocat, item Zacharias. Sententia igitur est, Divinum donum est, domi in pace sine seditione regnare, & foris vincere. Neque est sine hoc dono felix gubernatio omnis, nec victoria belli. In Repub. enim semper plus est hostium quam amicorum, Deinde semper major pars est mala, & fere vincit meliorem, nisi Deus adsit. Quare simpliciter divinum Donum est, statum Reipub. vel domi vel foris felicem esse.

Latinus fecit, Filij excussorum, sed est, Filij juventutis, qui debent armis Rempub. tueri, & bella gerere. Hi sunt tanquam sagittæ, quæ feriunt, quia divinitus mittuntur & donantur. Senes enim non sunt apti bellis, sicut docet versiculus vetus.

*Ἔργα νέων, βῆλαι δὲ μέσων, ἀρχαὶ τε γέροντων*, hoc est, Labores in Repub. obire debent juvenes, Qui autem mediæ ætate sunt, debent consulere, Qui in extrema ætate sunt, votis Rempub. juvare debent. Sicut igitur supra in œconomia filios masculos posuit, ita hic ponit juvenes, ut utrumque complecteretur, alere & defendere, Nec enim *ἡδὲ καὶ τὸ πῶς* / Hæc enim duo ad hanc vitam civilem & corporalem sunt necessaria.

Sed audi quomodo defensionem publicam honestissimo titulo ornet, quod donum divinum vocat Juvenes, quos Deus facit victrices sagittas, quæ sic irruant in hostes, ut victoriam reportent. Nam hoc Gentes quoque experientia docuit, Victoriam non sequi vires & potentiam, sed divinitus donari, & plus momenti in industria ac consiliis, quam in armis esse. Ita sæpe accidit, ut parva manu maximi exercitus sint fusi. Non quod ideo non sint comparanda Arma, & cogendi exercitus, sed quod, cum necessitas bellandi Magistratui incumbit, sive multos, sive paucos milites habeat, non ideo aut præsumere aut desperare debet, sed intueri vocationem, quod ex officio cogatur pugnare, & querere victoriam, ac rogare de cælo, & dicere, Domine, apud te est virtus & victoria, ad sis tu mihi, &c. Sicut e contra, si hostibus numero & viribus sis superior, non ideo promittes tibi certam victoriam, sed rogabis eam à Deo. Domine, tua est victoria, eam si daturus es, agam tibi gratias, Sin ulturus es clade peccata nostra, ecce adsum.

Talis fiducia si vel in solo Duce sit, qui agnoscit vocationem suam, & auxilium à Deo requirit, haud dubie victoriam consequetur. Sicut Iephta, is erat in officio, libenter una cum suis vixisset in pace, sed Ammon id non sinebat, Iephta igitur proponebat Deo necessitatem pugnandi, sibi impositam, & rogabat opem contra hostes, & sic vincebat. Agnoscebat enim victoriam non suum opus, sed Dei donum esse. Sic David varias & præclaras victorias, aliam post aliam ex hostibus reportavit. Unde? Habebat arma, equites, pedites, Sed illa, inquit, nihil ad victoriam comparandam valent, ideo à Domino eam rogabat & expectabat, Hanc fidem sequebatur certa victoria. Salomo igitur hoc versu docet, victoriam vere esse donum Dei, Et, sicut sagittæ cum impetu jactatæ & contortæ penetrant, Ita quoque in bello valore juvenes divina benedictione, non propria virtute, nec præsumptione. Ebra-

*angitur amissio Iephta.*

*Ubi ad hanc doctrinam nisi acc dat, non discitur.*

*Similitudo militum.*

*Sententia vera.*

*Filij juventutis.*

*Defensio publica, donum divinum. Victoria divinitus donatur.*

*Iephta.*

*Davidis victoria.*



*214 juvenum.* ilinus est, Filij juventutis, id est, juvenes, sicut filium mortis, vocant destinatum morti, &c. iam concludit,

*Beatus vir qui implevit desiderium suum ex ipsis, non confundetur cum loquetur inimicis suis in porta.*

*Consolatio p[ro] Magistratu.*

Verte sic, Beatus vir, qui implevit pharetram suam talibus, non confundetur, si quando cum hostibus in porta reserit, q. d. Is est beatus Princeps, ea est felix Politia, quæ habet hanc benedictionem & intelligit eam esse donum Dei, Ibi necesse est esse victoriam & pacem, domi & foris. Quanquam autem accidit, ut quidam pereant & occidantur (ea est quasi scabies & pustulæ in cute) tamen corpus salvatur, & paratur victoria. Vix enim unquam victoria omnino incruenta contingit, sed quo plus periculi fuit, eo plus gloriæ militibus accedit, & plus gaudij est in victoria difficili, quam doloris in sanguine. Sic neq; Oeconomia omnibus incommodis caret, nec ulla omnino totius vitæ pars. Sed non est putandum incommodum, quod curis (utor enim libenter hac similitudine) leviter scabie infestatur, totum autem corpus bene habet. Quare stat hoc, Beatos esse, qui hujusmodi juvenes defensores habent, licet quidam pereant, hoc est, beatos esse, qui hoc donum habent, & norunt esse donum Dei.

*Oeconomia.*

*Loqui in porta, quid.*

Loqui in porta, Ebraismus est. Non enim tantum significat loqui, sed politice loqui, hoc est, Leges condere, per leges gubernare, edicta proponere, coercere nefarios, &c. q. d. Vbi tales sunt Iuvenes, ij sciunt in porta loqui, hoc est, in Reipub. negociis recte versantur, sunt Gubernatores, constitutores, conservatores Reipub. & legum. Sed audi quid addat, nempe, quod tales non solum habent Hostes impugnant, sed etiam inimicos odientes. Quare oportet, ut Magistratus discant ferre illa odia, Alioqui si odiis deterriti, gratiam hominum venari volent, ad Anarchiam res delabatur. Sicut videmus in aulis Principum, ibi quia omnes volunt in gratia esse, ideo nihil reprehendere, nihil damnare audent, ne in odium Principum incurrant. At cur Magistratum ambiunt? cur in aula vivunt, si non Labores, & tantum præmia ac gloriam spectant? Hinc fit, ut nullo usquam iusta Imperij species sit, & pessime administrantur omnia. Atqui si qui offensas & odia hominum subire nolunt, abstineant à Magistratu.

*Magistratus habet inimicos ergo odia ferenda.*

*David Absolon.*

Quis unquam sanctius administravit regnum quam David? & tamen, cum seditiosus filius Absolon eum criminaretur apud vulgus, facile invenit, qui ei crederent. Cur hoc? Quia David erat sanctissimus Rex, nec connivebat ad subditorum peccata, sed in ea acerbe pro merito animadvertibat, ea res primum ei odium & invidiam conflagavit ad vulgus. Deinde cum Filius dux Seditionis & autor accederet, facile pertrahi ad defectionem potuerunt. Neq; enim potest aliter fieri, quin improborum odia in se concitet, qui officium suum strenue in Magistratu facit. Sapiunt igitur nostri, qui honores & Magistratus sine labore retinere cupiunt, sed cum magno Reipub. periculo.

*Regere, quid.*

Quare hanc particulam, In porta loqui cum inimicis, non sic nude accipies, tanquam de re ociosa. Significat enim Leges condere, & eas post exequi, urgere carcere, vinculis, & poenis improbos, irritare in se furorem maliciosorum hominum, &c. Vt qui in Reipub. præsit, sic præsit, ut nunquam metu gravissimorum Periculorum, quod ad audaciam improborum attinet, careat. Quia regere nihil aliud est, quam odiis se gravare, & immiscere se in istam beluam dentatam & sævissimam. Sicut Æschines quoq; dixit, cum à Reipub. Atheniensi discederet, se gaudere, quod liberatus sit à Reipub. tanquam à rabiosa cane. Et Bias dixit, Magistratus ostendit virum.

*Regere gravissimum.*

Quot enim hodie sunt Respub. quæ suos cives, quot Principes, qui nobilitatem suam in officio retineant? Est enim omnium operum humanorum longe gravissimum, regere. Sicut autem si quis ideo uxorem ducit, ut libidinem & voluptates suas expleat, longe fallitur, & nunquam cogitaris molestiis involvitur. Ita quoque qui ad Magistratum accedunt, spe Præmiorum & gloriæ adducti, omnia diversa inveniunt si modo,

si modo facere officium volent. Fit igitur, ut fracti magnitudine laborum & impatentia, indignentur, & abjiciant omnia.

Quare discendum est, in administratione hæc omnia inesse vitia, Odia, rebellionem, seditionem, inobedientiam, ingratitude, mille pericula, turbatores Pacis & oculi, qui vitæ, fortunæ, & dignitati tuæ insidientur. Hic quid faciet igitur Magistratus? nimirum hoc primum, ut sciat Magistratum esse ordinationem, ac statuatur se voluntate Dei accessisse ad Rempub. Deinde postquam hoc constituit, ut quoque confirmet animum, & obfirmet contra omnia pericula, ac faciat Officium suum, live indigentur cives, live non. Tunc fiet, ut Deus addat benedictionem, & assistat tibi, & non inimicis, Sicut hic dicit, Non confunderis, etiamsi tibi loquendum sit cum inimicis, & inobedientibus ac seditiosis civibus. Item Psalm. 144. Qui subdit populum meum sub me. Item Psalm. 7. Tu es iudex populorum, q. d. Non est meorum virium, Prudentiæ aut sapientiæ meæ, hunc populum regere. Dominus igitur est, qui dat obediens cives, & conservat populum, qui naturaliter odit Magistratus. Omnes enim volunt esse liberi, & ægre ferunt Legum vinculis licentiam constringi. Sicut in Nobilitate hodie videmus, quæ simpliciter omnia sibi vult impune licere. Si quis Princeps cohibere eos vult, deficiunt.

Contra hæc pericula consolatur Magistratum hoc in loco Spiritus sanctus, Cum leges condideris, inquit, non confunderis. Quia Deus dabit tibi juvenes, qui possunt juvare. Unus enim & alter bonus in Repub. vir sæpè totam reliquam civium multitudinem in officio retinent gravitate sua, & severitate. Alii autem, qui ad omnia connivent, ne sibi consent invidiam, non Magistratus, sed pictæ quædam statuz Magistratum, & picti sunt Principes, ad nullam rem idonei.

Habes Psalmum Politicum & Oeconomicum quomodo in utroque genere vita instituendus sit pius animus, ne vel successu nimio in securitatem prolabamur, vel adversa fortuna fracti discedamus ab officio. Quod utrumque impiis accidit, qui sine timore Dei vel in conjugium vel Politiam irruunt. Quia enim nesciunt divinitus hæc regi, ideo suis consiliis moderari volunt omnia. Hinc fit ut aut periculose impingant, aut eo usque securitatis progrediantur, ut revocari ad sana consilia non possint. Quare danda est nobis opera, quos aut jam in hac vita genera conjecit Deus, aut olim conjiciet, ut quàm hac doctrina omnibus est necessaria & utilis, tam eam studiose discamus. In ea re & nobis ipsis & Reipub. quoque plurimum profuerimus. Tum Deo quoque probabitur officium nostrum, qui, sicut promissit, addet successum, & re comprobabit beneplacitum sibi esse super metuentes eum, & super omnes qui sperant in misericordia ejus, Amen.

## PSALMVS CXXVIII.

Beati omnes.

**I**N præcedenti Psalmo docuit Propheta de utroque vitæ genere, hoc est, de Politia & Oeconomia, Idem fere hic quoque agit, sed alio modo. Etsi enim hic quoque conjungit cum Politia Oeconomiam, & utrique benedictionem ac pacem precatur, tamen magis ad Oeconomiam seu conjugium respicit in hoc Psalmo, quod ea sit ceu fons & origo politix. Quos enim domi educamus & instituimus pueros, eos posteritas est olim habitura Reipub. gubernatores. Ita enim accidit, ex domibus seu familiis civitates, ex civitatibus provinciæ, ex provinciis regna constituuntur. Rectè igitur dicitur oeconomia fons politix, quod turbatis œconomiis non possunt constitui imperia, nec civitates, sicut individuis sublatis, neque species, nec genus consistere potest. Quare faciemus huic Psalmo titulum, quod sit ceu Epithalamium, & nuptiale carmen, quo Propheta & cōsolatur conjuges & eis omnia felicia precatur, & promittit à Deo.

Tr 4

Possunt

Vita in administratione.

Consilium pio Magistratus sequendum.

Nobilitas.

Epilogus.

In Psalmo præcedente, ita hic quoque de politia & oeconomia, sed diverso modo.

Oeconomia fons politia.

Argumentum Psalms.

Posiunt autem hæc postea ad Politiam tanquam a specie ad genus transferri. Quia sicut conjugio Deus benedicere vult, propterea quod conjugium est divina ordinatio, & vitæ genus Deo gratissimum, Ita quoque Magistratus divinitus institutus est, & certam habet promissionem divinæ benedictionis.

*Stultus est qui  
in malis, Animam  
sua vendit  
conjugio.*

Apparebit autem in hoc Psalmo, quam bonus tum Poëta, tum Orator sit Spiritus sanctus, qui omnes dicendi & persuadendi regulas optime novit. Diligentissime enim ea dissimulat, quæ in hoc vitæ genere molesta aut odiosa sunt & ea tantum multo studio diligit & colligit, quæ ad persuasionem aptissima, & in conjugio sola & vere bona sunt, Mundus diversum facit. Nam vera bona conjugij non solum ignorat, sed etiam si qua videat, obruit ea præsentibus molestiis. Ideo nihil mirum est cum de hoc vitæ genere homines impij loquuntur, quod aliis verbis utuntur, quam Spiritus sanctus solet. Sequuntur enim tantum sensum carnis, & tam in politica, quam œconomia nihil aliud vident, quam quæ difficilia, molesta, aut laboriosa sunt. Nec id solum, sed quæ sunt vere divina bona in his vitæ generibus, ea propter illa carnis levia incommoda non animadvertunt. Hinc nata sunt illa dicta, Nulla civitas sine malo, hoc est, sine mulieribus, Item, Vxor malum necessarium, & si qua similia sunt convicia in istum lexum, quæ apud Græcos sunt plurima, Sic citatur contumeliosa sententia cujusdam Græci Poëtæ, *ἡ γυναῖκα δαίμων, ἡ πόλις ἀνίστημι*, Et quidam Romanus quoque dixit, Si foeminis carere possemus, magna careremus molestia. Ratio hujus judicij hæc est, quod originali peccato caro sic est vitata, ut illas pœnas peccati non possit æquo animo ferre, sed tantum quærat, quæ suavia sunt, molestias autem & labores fugiat. Ideo conjugium & politica officia aut omnino vitat, sicut Epicurei, aut iis tantum abutitur ad suas voluptates. Aden excæcata est per peccatum originis, cupiditate voluptatum, gloriæ & opum. Necesse igitur fuit addere pharmacum corruptæ naturæ, & lascivientem carnem his molestiis quæ tum in conjugio, tum magistratu sunt, aliquantulum reprimere.

*Antithesis  
iudicij hominum  
et  
Spiritus sancti.*

Cum ergo in scriptura sacra legimus ista conjugij encomia, debemus Antithesin facere judicij hominum, & hanc addere correctionem, quod ista sint vera, secundum Spiritum sanctum, sed secundum carnem non sint vera. Sic cum infra dicit de pio marito, Beatus es & bene tibi erit, Caro diversum sentit, & judicat conjugem esse miserrimum, & esse ei pessime, quod duro labore victum cogatur quærere. Quia mundus ea non intelligit, quæ sunt spiritus sancti, & ista bona, quæ vel in œconomia vel politica sunt non videt, sed tantum hæret in creatura, Deum condentem, regentem, & benedicientem creaturæ, non videt.

*Mundus magis  
magistratu  
et  
conjugium  
sequitur.*

Contra Spiritus in Creatorem rerum intuetur, & benedictionem Domini, quantumvis variis afflictionibus obrutam, magnifice extollit, Alia incommoda aut prorsus dissimulat aut extenuat egregie, hoc mundus non potest facere. Ideo videmus in historiis, homines quanto fuerunt sapientiores, tanto cavisse diligentius, ne ad publica negocia & administrationem politicam accederent. Idem in conjugio accidit, juvenus difficillime sibi patitur id imponi jugum, sicut senex apud Comicum ait, Omnes qui amant graviter sibi uxorem dari ferunt. Et si qui amore compulsi, colla huic jugo submittunt, cum postea non fluunt ad voluntatem, sed alia atq; alia incommoda incidunt, quæ amore excæcati non prævidere, Tum demum querelæ & nimis sera reprehensio facti sequitur, Et fit, ut multo facilius omnia vitia in scorto vel adultera tolerant alij, quam maritus in uxore. Sicut econtra uxor quoq; nisi insigniter proba sit, facilius ad adulteri peccata, quam leves mariti offensiones connivet. Quia natura vincula ista non potest æquo animo tolerare, nisi animi edocti verbo, & Spiritu illuminati, respiciant ad creatorem, qui tum politiam tum œconomiam instituit & vult utraq; ab hac misera carne administrari. Qui hanc cognitionem non habent, aut leviter admodum meditatam tenent, ij facile commoventur ad impatientiam, cum minus recte succedunt omnia.

*Præmonendi, ut  
saliter quam*

Ergo etiam piorum animi erudiendi, exhortandi & erigendi sunt, ut aliquid spectent ultra illa incommoda, quæ prima incurrunt in oculos, & rejectis judiciis sapientum



sapientum mundi, respiciant ad vera & summa bona, quæ Deus in hac vita genera-  
abdedit; atq; ea alte animo includat, tunc fiet, ut & facilius tolerant molestias illas, &  
Deo libenter pareant varie tentanti. Atque in hunc usum hoc Epithalamium nunc  
interpretabimur, ut & videamus ista spiritualia bona, quæ Deus in conjugio abscondit,  
possimus, & admirari, ne fiamus mundo similes, videnti opera Dei, & tamen non in-  
telligenti, audienti benedictionem divinam & suavissimas promissiones, & tamen  
non credenti.

*Beatus omnis, qui timet Dominum, qui ambulat in viis ejus.*

I.

Hic primum vide, quod Propheta non statim irruit in promissiones conjugii,  
tanquam propter conjugium simpliciter obtingant. Sed incipit à prima tabula & be-  
atum prædicat, qui Dominum timet. Facit autem id ideo, ut significet mundum  
non intelligere quid sit conjugem fieri, seu uxorem ducere. Ideo etiam si quæ mo-  
lestiæ incidunt, non potest eas æquo animo ferre, ideo etiam non beatus, sed miser  
est. Qui autem Dominum timet, is sive ad politiam accedit vocatus, sive uxorem  
ducit, Beatus est, utcunque cedat vel conjugium vel Magistratus. Potest enim fieri,  
quòd etiam istis, qui timent Dominum, non bene cedat conjugium, sed conjungan-  
tur aut cum malis, aut cum morosis uxoribus, aut alia quædam incommoda eos  
premunt, qualia sunt, bonæ uxoris præmatura mors, aut liberi degeneres, aut matri-  
monium sterile & infœcundum. Hic si pius sit animus & timens Dei, facile vincet  
illa incommoda, & sic cogitabit, Ecce, contigit tibi uxor multis modis incommo-  
da, cum qua alius nullum diem quiete posset vivere, Sed Deus tibi hoc largitus est,  
ut & agnoscas Deum esse creatorem & patrem tuum, & discas voluntatem ejus pa-  
tienter ferre, &c. Hoc dono levi compensatum est matrimonium tristius, siquidem  
non ad matrimonii solum molestias superandas, sed ad alia quoque mala vincula  
donum hoc prodest.

*mundus, de his  
vita generibus  
constituit.*

*Ne propter con-  
jugium qui pa-  
ter contingere  
promissione,  
hortatur ad ti-  
morem Domini.*

*Etiam qui Do-  
minum timent  
sæpe infelices  
sunt in conjugio*

Ergo sic incipit Propheta Epithalamium hoc, Si vis esse felix & beatus, & ad-  
jecisti animum ad conjugium, hoc experieris, Deus tibi dabit uxorem, dabit do-  
mum, dabit liberos & alia, Sed hoc primum da operam, ut Deum timeas, & in no-  
mine Dei id vitæ genus incipias. Hæc utilis doctrina est quam statim initio tradit  
Spiritus sanctus, ut is, cui non datum est ut contineat, incipiat matrimonium à primo  
præcepto, & divinam imploret opem, ac in conspectum Dei prodeat & dicat, Do-  
mine Deus, tu dicis ad me in verbo tuo, quòd sis & esse velis Dominus & Deus me-  
us, Creasti igitur me masculum, & creasti foemellam, Hæc tua creatio & hoc opus  
tuum est, ego me sic non feci, nec fortuito ita sum factus, Adde igitur creaturæ tuæ  
successum, & da ut sim felix maritus, ut sim uxor felix, &c. ut sic incipiamus in timo-  
re Dei, non simus securi, aut præsumentes, nec sicut rustici & imperiti homines te-  
mere in hoc vitæ genus irruamus, sed invocemus illum, qui ad id vitæ genus nos cre-  
avit, tunc fiet, ut feliciter eveniant omnia.

*Conjugium in-  
cipiendum à ti-  
more Dei exor-  
tatione.*

Longè igitur alio modo Epithalamion suum Spiritus sanctus orditur, quàm  
alii Poëtæ. Hortatur enim, ut invocemus primum Deum & fiduciam misericordiæ  
ejus animo concipiamus. Non enim Deus invitus audiet, si appelles eum Creato-  
rem tuum, sed vicissim agnoscet te creaturam suam esse, nec negabit, se tibi dedisse  
ut esses masculus, aut esses foemina. Præsumptionem prohibuit, nec vult privato con-  
silio hoc vitæ genus incipere, sed vult, ut tua consilia tibi sint suspecta, & quòd ea De-  
us non sit fortunaturus, nisi ipsum in consilium adhibueris. Recte igitur dicit: Beatus  
vir qui timet Dominum. Nam exempla quotidie sunt ob oculos, quòd sæpe vehe-  
mentissimus amor initio inter conjuges est, qui postea facilimè extinguitur, ut aut vi-  
vant inter se hostiliter, aut alter alterum deserat, Nonnunquā ita immerguntur vo-  
luptatibus aut opibus, ut planè sine omni Dei metu vivant, eā duplo major est infeli-  
citas & miseria. Sed merito hæc eis accidunt, Cur enim non addunt timorem Dei?

*Timere Deum  
est, Deus e-  
nim præsum-  
ptionem odit.*

Disce igitur hinc, ut vivas in timore Dei, qui te creavit, ut possis esse maritus,  
vel uxor, & vult etiam conjugium tuum gubernare. Quod si eum gubernatorem  
non adhibueris, & ipse uxorem & familiam pro tuo arbitrio sine oratione ad Deum,  
guberna-

*Inventum de  
conjugio recte  
edoceri debet.*

gubernare voles, fiet ut aut evertas omnia, aut perpetuo successu dementatus in graviora mala incidas. Vult timeri & coli Deus, hoc est, vult, ut confiteamur nos nihil posse feliciter incipere, aut gubernare, sine ipsius auxilio & consilio. Hanc doctrinam utile est inculcare juventuti, ut si qui futuri sint conjuges, discant ista & sequantur. Ratio est, quia conjugium in mundo & in carne, hoc est, in medio inter demones versatur, Caro cito fastidit uxorem, Sicut quidam nequam senex dixit ad sponsum subinde in nuptiis respicientem ad sponsam, Amice, ne ita respicias sæpe, fiet non post multos menses, ut magis cupias cum famula, quam cum conjugē cubare. Hujus rei quæ causa est? Hæc scilicet quod conjugium versatur in carne, quæ tota peccato est corrupta. Hanc postea accendit Satan vel odio ex levissimis offensionibus, vel zelotypia. Nisi igitur respicias ad voluntatem Dei, non potest esse conjugium aut stabile, aut jucundum diu.

*Oratio opus  
est conjugum,  
propter periculo-  
ritatem.*

Ergo debet juvenus recte de conjugio edoceri, ut si quis ducit uxorem, possit cum ea vivere in favore & benedictione divina, ac dicere, Domine, dedisti ut essem masculus, dedisti etiam hanc uxorem, Sumus autem ambo in mundo & carne hac infirmissima, & inter medios demones turbatores conjugalis amoris, Da igitur benedictionem tuam, ut etiam si quæ offensiones incidunt, eas tua benedictio, & admiratio donorum, quæ in hoc conjugio sunt, vincat, &c. Hæc ratio est, cur à timore Dei cæcumen hoc incipiat, ut præsumptionem nobis adimat, ne cogitemus omnia eo modo eventura, quem nos animo concepimus. Non enim ita fiet, aut si fit, fit cum majore malo, nempe ad suppressionem verbi & cognitionis Dei. Media autem via est, Deum timere, & ei confidere, & in nomine Dei, cum humili oratione, in omnem eventum, conjugium incipere.

*Conjugium sub  
Papam defor-  
matum.*

Sub Papa egregie deformarunt conjugium. Nam appellabant statum secularem, & conjuges docebantur, ut inter peccata in confessione etiam consuetudinem istam conjugalem enumerarent, Inde inter Sophistas disputatio fuit, de peccato veniali inter conjuges, & mortali in copula carnali, ut vocabant. Sed fuerunt istæ inutilis & stultæ, partim etiam impiæ disputationes, quibus occasionem præbuisse Augustinus videtur, cum alicubi de peccato veniali dicit, id esse simile peccato conjugum, pro quo oratur, Dimitte nobis debita nostra. Verum quidem est, debet ista consuetudo conjugum esse moderata, ad extinguendum fervorem carnis, Et sicut modus in cibo & potu servari debet, ita etiam pii conjuges carni non debent indulgere nimium. Nam ille fervor carnis & foeda libido, qua caro æstuat, ex peccato est. Ideo in pœnam libidinis hujus admixtum est absynthium plurimarum curarum & sollicitudinum, pro victu, pro liberis, pro administratione negotiorum communium, Item offensiones familiæ, vicinorum, &c. Hæc tanquam sal aspera sunt, ut macerent perulantiam carnis. Cujus infirmitati Deus consulere voluit, per conjugium non voluit excitare ardorem carnis, Ideo voluit etiam membra apta esse procreandæ soboli, sicut ad alios usus alia membra creavit, ad alendum foetum ubera, ad gestandum brachia, &c.

*Consuetudo con-  
jugum debet es-  
se moderata.*

*Pœna libidinis.*

*Conjugium ut  
felix sit, timeant  
Deum conju-  
ges, ut in  
vitiis ejus ambu-  
lent.*

Ergo hæc prima doctrina, si modo conjugium debet esse felix & jucundum, & quod Deo placeat, ut conjuges timeant Deum, hoc est, ut ponant præsumptionem suorum consiliorum, & incumbant in humilem orationem, qua petant, bonam conjugem, pudicam, & morigeram, item successum in aliis rebus, & cum postea aliquid accidit præter voluntatem, ut æquo animo ferant, falli spem & cogitationes suas. Non solum autem hoc requirit, quod in primo Præcepto requiritur, ut suum cultum Deo exhibeant, hoc est, Deum timeant, & ejus bonitati fidant, hæc enim reverentia est, quam Deo debemus, Sed addit, Beatus qui ambulat in viis ejus, hoc est, qui etiam secundæ tabulæ opera præstat, qui obedit parentibus & magistratui, qui non facit cædem, non lædit alios, qui se non polluit scortis & adulterio, sed uxorem ideo ducit, ut possit caste vivere, & cavere talia peccata.

*In vitiis Dei  
ambulare.*

*Refutatio insula-  
si argumenti  
Hieronymi.*

Cecinerunt & adhuc hodie canunt hunc Psalmum Papistæ, sed non intelligunt. Sequuntur enim Hieronymum, qui satis irreligiose & inerudite contra conjugium

jugium infert, Si conjuges beati sunt, sequitur Isaac ante annum quadragesimum, & alios sanctos, qui uxores non habuerunt, non fuisse beatos hac beatitudine. Sed nos scimus Psalmum non loqui de privilegiatis, sicut Ieremias mandatum habuit non ducendæ uxoris & Iohannes Baptista etiam certo consilio à conjugio abstinuit, sicut Christus quoque. Hi navigent suo vento, & teneant cursum suum divinitus datum, Cæteri autem, qui dono hoc carent, & sunt sine privilegio isto summorum hominum, discant hoc carmen, hoc est, in timore Domini fiant conjuges, & ambulent in viis Domini, Ac sciant se in hoc vitæ genere ita posse vivere, ut & Deum timeant, & ambulent in viis ejus, contra vanam & impiam persuasionem Monachorum & totius Papatus, qui fingunt conjugium tanquam vitæ genus, quod cum religione aut pugnet aut non valde conveniat.

*Laborem manuum tuarum comedes, beatus tu & benè tibi erit.*

II.

Hoc etiam docendi sunt conjuges, ut laborent, Quia juris naturalis est, ut maritus alat uxorem & liberos, Postquam enim hoc sciunt conjuges, quod debeant timere Deum creatorem suum, qui fecit ipsos, & addidit benedictionem tanquam creaturæ suæ, debet hoc secundum esse, ut tale aliquid instituant, ne ociantur. Sicut etiam admonuit Hesiodus: *οἶκός μιν πρῶτιστά, γυναικάτε βῆντ' ἀροῖντα.* Vult enim primum certam deligi sedem, ubi cum uxore & liberis habitare possis. Deinde uxorem queri, Sed ita, si habeas bovem aratorem, hoc est, si habeas, quo te & tuos alere possis. Et si enim neq; studium nostrum, nec opera satis sit ad alendam familiam, tamen Deus nostro studio & opera nostra tanquam medio utitur, per quod nobis vult benedicere. Sic corium non sutori, satio non agricolæ, Doctori non prædicatio dat unde vivat, & tamen Deus per hæc seu potius cum his dat victum. Vult igitur omnem maritum vivere in sudore vultus sui, & exerceri labore, ad premendam carnem, & mortificandas cupiditates carnis. Nam qui in ocio vivunt, ambulant non in Domini, sed in diaboli viis. Non enim sunt, nec vivunt in ordinatione divina, siquidem laborem ordinavit Deus.

Conjuges  
mandatum est  
labor.

Atque hinc vide Spiritus sancti consilium. Labor est etiam unum de incommodis vitæ conjugalis, sed quam belle abscondit hoc incommodum, cum primum mandatum Dei esse ostendit, & postea promittit Deum per laborem, quantumvis dura & incommoda res esse videatur, velle benedicere. Hoc verè est absynthium lacaro miscere. Sicut etiam Iesus Sirach laborem hoc nomine ornat, quod dicit esse conditum à Deo & beneplacitum in oculis Dei. Est autem hac quoq; admonitione opus propter nostram corruptam naturam. Verum enim est, quod Comicus dicit: Omnium hominum ingenium à labore proclive esse ad libidinem. Ideo etiam quarundam barbararum gentium mos fuit, prostituere uxores & liberos, tantum ut possint in ocio vivere.

Laborem molis  
sua mandatum  
promissa bene-  
dictione abscon-  
ditur à Spiritu  
sancto.

Monet igitur hoc Epithalamion Sponsum & sponsam in nuptiis, primum ut timeant Dominum, & credant ei, nec præsumant de sua opulentia aut sapientia, Deinde ut sciant hoc habituros incommodi, ut laborent, & labores manuum comedant. Quod igitur libido in carnem sparsa est, quæ conjuges conjungit, id non est principale vinculum, sicut etiam cito dissolvitur aliis incommodis. Hæc autem vera vincula conjugii sunt, scire quod etiam iste labor manuum & sollicitudo pro familia, sint sacrificium Deo gratum, quod uxor cum præbet mammam infanti, maritus cum ad sudorem usque corpus defatigat laboribus domesticis, Deo talem cultum exhibeant, qui omnium Monachorum cultibus, & quantumvis asperis studiis longè præstet. Quid enim dicat Propheta, quæso vide? Beatus es tu, & bene tibi erit.

Dei timor fides  
& labor præcia  
pater conjugii  
vera conjugii  
vincula.

Hæc an non est satis magna & suavissima commendatio laborum & totius conjugii? Es maritus, inquit, & laboras ut te & familiam possis honestè alere, Audi quid iste tuus labor sit. Est res sanctissima, qua Deus delectatur, & per quam vult benedictionem suam tibi donare. Hoc encomium laboris debebat scribi in omnium opificum instrumentis, in fronte, & in naso sudante ex labore. Mundus enim laborem non judicat benedictionem esse, ideo eum fugit, & odit.

Commendatio  
laboris & con-  
jugii.

Hinc illæ  
querelæ



*Beatus es, &  
bene tibi erit.*

querelæ & diræ imprecationes, quas per impatientiam impii conjuges effundunt, cum jam ad hoc, jam ad aliud negotium rapiuntur, Sed pii & qui Dominum timent, animo alacri & læto laborant. Quia agnoscunt mandatum & voluntatem Dei, Sic pius agricola in curru & aratro suo, sutor in corio & acu, faber in ligno & ferro scriptum videt hunc versum, Beatus es, & bene tibi erit. Mundus invertit, & dicit, Miser es, & male tibi erit, Siquidem ista semper toleranda & ferenda sunt, Felices autem sunt, qui in ocio vitam tolerant, & sine labore habent unde vivant, sicut Martialis commendat rem non partam labore, sed relictam. Talia convitia spargit Diabolus in conjugium, magis quam in Magistratum politicum. Quia etsi ibi quoque sunt incommoda aliqua, tamen illa facile devorant homines ambitiosi, ob gloriæ & dignitatis accessionem.

*Consolatio pro  
conjugibus.*

Opus igitur est hac consolatione contra scandalum hoc mundi, ut conjuges sciant Deum hoc vitæ genus ordinasse, in quo sudent ac laborent, & ferant peccati originalis maledictionem, in Paradiso inflictam, Deinde, ut præter id, hoc etiam sciant, Spiritum sanctum hic pronunciare, beatos eos esse, qui officiū faciunt & strenue laborant. Hæc tanta sunt, ut facile pii molestias laboris sint toleraturi. Quid enim amplius vis? Primum audis Deum velle per laborem, victum & alia ad tuendam vitam necessaria per benedictionem suam largiri, Deinde etiam tuo labore delectari, eumq; approbare, ac sacrificii & gratissimi cultus loco habiturum esse. Siquidem non simpliciter labor est, sed opus obedientiæ seu vocationis. Hæc impii nesciunt, ideo aut sectantur ocium, aut impatientissime ferunt laborandi necessitatem. Quia non vident oculis Spiritus sancti, sed simpliciter secundum oculos carnis judicant, qui oculi nihil præter incommoda & molestias vident, & merito. Sed Spiritus pius erigit & consolatur, quod & Deus per laborem velit benedicere (Ociosi enim etiam si quid dat, dat eis in perniciem) & quod sudor iste ac labor Deo placeat. Hoc duplex commodum est, pro uno incommodo, quod caro tantum videt.

*Labor quid significet.*

Sed est hic etiam admonendum, Laborem dici non tantum cum fatigantur membra, sed etiam solitudinem & curam. Nam Propheta ejusmodi vocabulo utitur, quod non solum sic significat laborare, ut aliquid agas manu, sed incommoda etiam complectitur, quæ inter laborandum patimur. Cujusmodi in œconomia plurima occurrunt. Sæpe cum maritus magno conatu facit officium, molesta est uxor & lites movet, liberi implicantur morbis, familia non solum negligentia peccat, Sed sæpe perfida est, & clam pecunias aut supellectilem furatur. Magistratus quoque difficilibus temporibus enecat exactionibus, & servitute. Hæc nos non labores, sed molestias vocamus, & tamen Propheta utrunq; complectitur vocabulo laboris, ut sive agendo, sive patiando nobis afflicti esse videamur, æquo animo id feramus, & cogitemus Deum hanc vitam non condidisse ad voluptates, Ideo enim ad mulierem dixit: Multiplicabo æumnas tuas dum gravida es, in dolore paries filios tuos. Nam & tempus ante partum plenissimum est maximarum molestiarum, Ipse partus autem quantillum à morte differt? Sic viro dixit: Maledictus sit ager propter te, in dolore comedes fructus ejus, omnibus diebus vitæ tuæ. Hic audis non diem, non annum unum dolori & labori, sed omne vitæ tempus destinatum esse.

*Obiectio.  
Solutio.*

Ergo inquis, cum hæc sic sint, præstat vivere coelibem vitam & scortari. Fac periculum, & vide an sic te evolvere ex his incommodis possis, Imo magis te involves & gravioribus periculis onerabis. Nam hoc modo iratum Deum, & malam conscientiam tibi comparabis, ac ipse damnabis te & vitam tuam. Dum enim sectaris gaudium carnis, & voluptates, incidis in amaritudinem spiritus, quæ quid sit, suo tempore experieris. Nam una guttula malæ conscientiæ, ut sic dicam, totum mare mundani gaudii absorbet. Quid fiet, ubi per impiam tuam vitam, non unius diei, sed multorum annorum malam conscientiam sustinere cogeris? E contra, ubi est læta conscientia, & certa de favore ac benedictione Dei, ibi etiam est æterna læticia, quæ illas guttulas humanorum incommodorum & molestiarum, ita haurit & absorbet, sicut sol meridianus rorem.

An non igitur turpe est, illas guttulas ac scintillas laboris sic metuere & fugere, cum videas Deum eas melle & saccaro suavissimo condidisse, nempe, quod hic in Psalmo omnibus sic laborantibus & ferentibus communes conjugii molestias dicit. Beatus es, & bene tibi erit? hoc est, quod in isto vitæ genere es, quod laboras, quod varie tentaris, & jam hanc, jam aliam molestiam devoras, hoc non solum mihi placet, sed tibi quoque utile est, ut hoc modo caro mortificetur, & peccatum originale vexetur, & tu in conjugio, tanquam schola, hanc perfectissimam Philosophiam discas, ut Dei voluntatem patienter feras, & mille occasiones declarandæ patientiæ & dilectionis habeas, quas extra conjugium in vita cœlibe non haberes. Qui hoc modo in conjugio vivunt, etiam cum calamitosissimi sunt, tamen vere beati sunt, Et contra qui hoc modo non vivunt, vere infelices sunt. Nam labores & molestias, quibus simpliciter hæc vita carere non potest, eo modo ferunt, ut dolorem dolori addant. Hinc inter ipsos conjuges oriuntur lites. Hinc oritur fastidium, ut una ire, colloqui, edere, bibere pigeat, hæc planè diabolica vita est. Ergo hæc exhortatio diligenter discenda & exercenda est, ut laborem & omnes molestias æquo animo feramus, & per patientiam vincamus, contenti hoc dono, quod scimus Deo nostrum vitæ genus gratum esse, & ideo ipsum benedicturum esse nobis. Hoc modo cum bona ac læta conscientia familia regi, & omnia incommoda devorari possunt.

*Beatus es & bene tibi erit?*

*Pii conjuges calamitosi, tamen beati.*

*Vxor tua erit, ut vitis frugifera in lateribus domus tue, & filii tui, sicut plantule olivarum in circuitu mensæ tuæ.*

III.

Audivimus duo præconia sancti conjugii, ubi conjuges Deum timent, & in viis ejus ambulant, quod scilicet Deo grata sit hæc vita, & ipse sit ei benedicturus. Quare tolerandas esse æquo animo molestias & labores, quos Deus ideo huic generi vitæ addidit, ut vitium & morbus naturæ paulatim sanctetur, dum per hujusmodi molestias premitur, humiliatur, & coercetur. Nam quod Monachi philosophati sunt fugiendos labores, & tranquillitatem ac vitam solitariam expectendam esse, hic Psalmus satis arguit, id Deo non placere. Hoc autem placere, ut in laboribus & molestiis jactemur, & cogitemus nos divinitus esse positos ad ferendos illos tum activos tum passivos labores, quos sane tum conjugium secum affert, sicut dicit: Labores manuum tuarum manducabis. Non dicit, in ocio vivendum & alienarum manuum labores manducandos esse, Sicut Papæ sancti faciunt, hoc est, Epicurei & delicati illi martyres.

*Vita conjugum Deo grata & benedicta.*

Porro supra attigi, Hieronymum, & post eum, alios quoque disputare de hoc Psalmo, cur David tantopere commendat beati viri vitam, si uxorem habuerit, cum tot in sacris literis sint sancti, qui cœlibes vixerunt, qualis forte fuit Elias, Eliseus, & similes, quanquam de his affirmari id certo non possit, de Ieremia potest, In novo autem Testamento longè speciosius exemplum est, omnium fere Episcoporum, præsertim si posteriora tempora spectes, Imo etiam quorundam conjugum, sicut de Rege Henrico & Kunegunde commemorant, qui abstinnerunt à copula carnis, ut loquuntur, & vixerunt casti. Tales igitur omnes an non sunt beati, dicunt, cum Spiritus sanctus hic tantum conjuges beatos prædicet? Hieronymus hic se ad allegoriam vertit, & sequitur suum magistrum Origenem, & ex uxore facit Ecclesiam, sicut postea celebris hæc sententia fuit, cum Paulus dicit, Episcopus sit maritus unius uxoris, ut exponerent, id est, unius Ecclesiæ, Item, habeat filios honestos & obediētes, hoc est, discipulos seu auditores honestos. Ad hunc modum respondent isti. Quidam cum vident quam hoc ridiculum sit, eo decurrunt, ut dicant Propheam locutum esse pro ratione suorum temporum, quibus frequentior conjugii fuit usus, Sed ne hoc quidem satis facere potest ingenioso homini.

*Sententia Hieronymi graviter refutatur, contumeliose tractant conjugium.*

*Rex Henricus.*

*Hieronymus.*

*Quomodo Psalmus commendat conjugium.*

*Ad conjugium non cogendus qui conjugio carere potest.*

Sic itaque respondemus, Psalmum hoc solum agere, ut erudiat homines pios de hoc genere vitæ divinitus instituto, non hoc agere ut cogat aut præcipiat pariter omnibus, quod oporteat uxorem ducere, sed ut qui duxerunt, aut sunt ducendi, intelligant quid habeant, cum uxores habent, ita ut libertas sua maneat tum

1. Tim. 3.

Matth. 19.

coelibatui, tum conjugio. Quis enim ad conjugium cogat non indigentem conjugio? Qui tales sunt, ut hoc Verbum possint capere, mancant coelibes, & glorientur in Domino, Sicut qui non vocantur ad Rempub. privati manent, qui non vocantur ad ministerium Ecclesiarum, manent inter auditores. Par omnino hic ratio est, cum per infirmitatem naturæ suæ non cogantur ad conjugium, sed ex eorum numero sint, qui conjugio carere possunt, recte faciunt, quod conjugio abstinent, & iis molestis se non onerant, quibus carere possunt. E contra, qui non sic robusti sunt dono Dei, sed sunt propriæ infirmitatis sibi conscii, quod non simul caste & extra conjugium possint vivere, hi pluris facere necessitatem suam debent, quam incommoda & molestias conjugii.

*Cum conjugium laudatur, coelibes non damnantur, si sancte & caste vixerint.*

Nunc facilis responsio est ad disputationem illam, si prius statuas Psalmum tantum ornare & commendare donum hoc, non urgere & cogere ad conjugium, ne insaniamus sicut primus phanaticus spiritus, qui in schola nostra extitit, is ex loco Pauli ad Timotheum hoc volebat evincere, Non posse pastorem esse, nisi etiam maritus <sup>1 Tim. 4.</sup> esset, q. d. non posse esse Principem, aut Magistratum, nisi uxorem habeat. Hæc neque Pauli sententia est, nec Psalmi hujus, in quo Spiritus sanctus laudat conjugium, & docet, qui in eo sunt, quomodo recte eo possint uti. Caterum unus Spiritus aliis <sup>1 Cor. 12.</sup> sic, aliis aliter distribuit dona sua. Sumus quidem in uno corpore, & ornatur ab uno & eodem Spiritu, sed non eodem modo. Itaque, qui sine conjugio non possunt caste vivere, uxorem ducant, & sciant se habere inigne & excellens donum à Deo conditum, ad infirmitatem suam medicandam, sicut scriptura foeminam vocat adiutorium viri. Qui autem castitatis donum habent, vivant coelibes, ut ita, quanquam donis sumus dispares, tamen singuli in nostris donis serviamus Deo, & vivamus sine scandalo, ad utilitatem proximi.

*Anale.*

Hæc itaque vera est solutio, quod Psalmus hoc vitæ genus commendat. Non itaq; negat nos esse beatos, qui extra conjugium sancte & caste vixerunt, sed hoc manifeste prohibet, ne conjugium vituperetur, Oculus sane præstantius est membrum quam auris, & tamen non potest nec debet officium aurium aspernari. Sic ineptum esset ita laudare Theologum professionem suam, ut professionem Legum damnaret, sic & Iureconsultus non debet cum contumelia Medicinæ, Poëta cum contumelia Rhetorices, professionem suam ornare, Diversa sunt dona. Hoc igitur faciendum est, ut unusquisq; in suo dono laudet & honoret Deum, atque eo utatur ad Reipub. utilitatem, & sinat alios quoque in suo genere pro viribus adjuvare Rempub. Theologus sane major est Grammatico & Astronomo, sed non ideo Grammaticum & Astronomum contemnere, multo minus in eum contumeliosus esse debet. Ament inter se tanquam fratres, & sint pia familia summi Patrisfamilias, ac singuli in suo vocationis genere serviant Domino. Hoc non norunt, qui putant, cum David conjuges laudet, ac beatos prædicet, alios, qui extra conjugium sancte vivunt, negare beatos esse. Nam spiritus sanctus pure laudat dona Dei, sine contumelia aliorum donorum, nec sic prædicat conjuges beatos esse, ut eos damnet, qui in conjugio non vivunt. Sed cum conjugium in mundo varie vituperetur, & obscurantur ejus veræ laudes, primum sensu carnis, deinde etiam suggestionibus Diaboli, & suggillationibus mundi, vult Spiritus sanctus hoc donum, sic contemptum ab iis, qui id habent, extollere & amplificare, ita tamen, ne aliis donis aliquid detrahat. Maneant viduæ, maneant virgines in suo loco. Spiritus sanctus enim nunc instituit dicere non de viduis, non de virginibus, sed de conjugio, ut qui in conjugio sunt, norint donum suum.

*Conjugium varie vituperatur, quando, ac Spiritus sanctus vult illud sine aliorum injuria.*

*Hieronymi ob-  
sidio.  
solatio.*

Quod igitur Hieronymus satis indocte objicit, Abraham, Isaac, & alii Patriarchæ, ætate plus satis matura duxerunt uxores, & multos annos vixerunt in conjugio sine liberis, Ergo non fuere beati secundum hunc Psalmum, Neganda est consequentia. Nam Abraham, Isaac, & alii fuere beati, etiam ante ductas uxores, & susceptos liberos, sicut omnes credentes & baptisatæ tum viduæ, tum virgines, beatæ sunt. Quod autem ad Psalmum attinet, simpliciter de dono loquitur, & do-



& docet, non urget ad donum, sed donum in mundo sic conspurcatum ornat. Ergo id ex Psalmo non sequitur, quod isti conantur efficere odio quodam conjugii. Fingunt quidem Monachi, se conjugium ideo fugere, ut castitatem amare videantur, sed non est verum. Divo Paulo potius credendum est, dicenti, quod spiritu erroris, non studio castitatis, conjugium damnabunt, præsertim nunc posita lege, qua conjugium prohibent. Ambrosium multa arguunt sponte abstinuisse à conjugio. Hujus exemplum fortasse alii quoq; certo consilio secuti sunt. Sed Hieronymus ita contumeliose de conjugio loquitur, ut prorsus non possit excusari, sicut nec hodie nostri Papistæ, Sic neq; Gregorius excusari potest, qui Legem de cœlibatu & conjugii solvendis, propagavit etiam in alias Ecclesias. Loquuntur uterque mendacium in hypocrisis, quando dicunt, quod amore castitatis conjugium detestentur, Non enim sunt nec possunt esse casti, sicut quotidiana scelera ipsorum ostendunt, Sed hoc sectantur, ut sint liberi & securi ab illis molestiis, & simul specie ac hypocrisis opinionem sanctitatis apud vulgus colligant, ut videantur tanquam spectacula & Angeli in mundo esse, non homines, & ideo digni habeantur, qui labores alienarum manuum manducent, Hæc est præsertim nostrorum Papistarum, Monachorum, Sacrificulorum, & Monialium sacra, hoc est, execrabilis castitas.

*Ambrosii exemplum.*

*Hieronymus.*

*Gregorius.*

*Castitas Papistarum impura & hypocrisis.*

Qui hoc modo à conjugio abstinere, verè sunt Antichristi, secundum sententiam Danielis, qui hanc insignem Antichristi notam esse dicit, quod concupiscentiam mulierum non curabit. Id glossa quoq; de Antichristo exponit his verbis, quod simulaturus sit castitatem, ut facilius decipere possit. Nos autem hanc quoq; causam addimus, ut delicatum hominum genus, molestiam, curas & sollicitudinem istam effugeret, quam conjugium secum affert, dignam quidem pio viro, si ita ei Dominus dederit. Sed qui sine peccato conjugio carere possunt, fruantur in suo dono, sine aliorum contumelia, quibus id donum non est. Alii omnes potius, quàm impure vivant sine conjugio, deligant castitatem conjugalem, puriorem & meliorem, & Deo magis gratam, quàm omnium Papistarum castitas esse potest, etiam si in totum à mulierum congressu abstinerent, quod tamen quomodo faciant, notum est. Si igitur sunt quidam qui donum castitatis habent, ut sine conjugio ardoribus carnis careant, hi maneant in suo dono. Contra qui uruntur, hi imbecillitati suæ consulant, secundum Pauli verbum, & ordinationem Dei, qui homini voluit foeminam esse adiutorium, ut etsi dona sint differentia, tamen ejusdem Domini servi maneamus, retinentes bonam conscientiam, & nemini scandalum præbentes.

*Qui propter hypocrisis & ut molestias conjugii fugiant cœlibes vivunt, sunt Antichristi.*

*Castitas conjugalis.*

Sic conjugium, sanctum, laudabile, bonum & utile genus vitæ est, quare meretur, sicut Psalmus hic facit, laudari, etsi caro & mundus, propter incommoda quæ habet, non possit id laudare, sed potius admiretur ac prædicet cœlibatum. Sed hoc non est verbum Dei sequi. Caro enim prædicat & distinguit dona secundum suum judiciû, & statuit melius & purius servire Deo in cœlibatu, quàm conjugio, Sicut Hieronymus facit in pestilentibus libris contra Iovinianum, quæ tamen apparet plus eruditionis & judicii habuisse in uno digito, quàm Hieronymum in toto corpore. Neq; enim virginitatem cum contumelia conjugii laudare debuit. Sed sic potius dicere, ut qui virgines sint, serviant Deo in suo dono, non ideo conjugium damnandum esse, sed prædicandû tanquam genus vitæ à Deo conditû, etiam tum, cum natura adhuc esset integra, & peccato nondum vitiata. Sed Hieronymus neq; pietatis, nec judicii tantum habet, sed simpliciter, sicut indocti Monachi adhuc solent, prorsumpit, Bonum est homini sic esse, Ergo conjugem esse, malum est. Item, Bonum monile Ecclesiæ, Eustochium virgo, Qualis quæso hæc vox est? Monile Ecclesiæ est, credere in Christum, esse baptisatum & communicatum, Sed virginem aut conjugem esse, sunt diversa dona, Deo æquè grata. Nam quod de conjugio objiciunt, Tribulationem carnis habebunt ejusmodi, hoc nos libenter concedimus, sed ea non conjugii culpa est, sed peccati, quod habent etiam isti, qui non sunt conjuges, Gen. 3.

*Conjugium exemplum Psalmi hujus laudandum.*

*Hieronymus prorsus præfert virginitatem conjugio. Monile Ecclesiæ.*

Hæc respondere volui ad Hieronymi sententiam nugantem cum Origene suo, & fingentem per Allegorias ineptos patres & filios spirituales. Quibus sermonibus

*rim. 4.*

*1 Cor. 9. Genes. 3.*

occasionem dederunt Papæ, ut se faceret sponsum, seu maritum Ecclesiæ. Ita error errorem peperit. Ego autem optarim sponsum hunc cum Iuda ex arbore pendere, & in inferno sepultum esse, potius quam ut hoc modo Christo nomen suum eriperet. Vnus enim sponsus & maritus Ecclesiæ tantum est, Iesus Christus. Reliqui omnes sancti sunt amici sponsi, sicut se Baptista vocat, Ecclesia est sponsa seu uxor, Filii sunt fideles, qui quotidie accedunt, Hi per fidem etiam fiunt sponsa, communicant enim cum bonis sponsi, & consequuntur fide iusticiam Christi & merita. Si Papa bonus est, est in horum numero, non sponsus, non maritus, sed sponsa accipiens de bonis sponsi, si malus est, est sponsus Satanæ, & amicus Iudæ.

*Vnus Sponsus  
Ecclesiæ Christi  
fuit.*

*Conclusio, Psal-  
mum laudare  
conjugium con-  
tra mundi iuda-  
cium, non coge-  
re quonquam  
ad id.*

*Predicatio u-  
xoræ.*

Summa igitur responsi nostri est, quod hic Psalmus non cogat ad conjugium, tanquam necesse sit omnes in conjugio vivere, neque enim præjudicat Christi verbo, dicentis, qui potest capere, capiat, Sed simpliciter laudat conjugium adversus carnem, & pestilentia exempla mundi, quæ omnia hoc genus vitæ impugnant, propter molestias, quæ conjugibus obijciuntur, qui eas decreverunt fugere, polluuntur scortatione & adulteriis, & sic etiam exemplo nocent. Adversus has viperinas linguas, & exempla plena scandali, munit hic Psalmus animos. Mundus vocat uxorem necessari-um malum, ac Petrus ob certam causam, & tamen sine contumelia, vocat vas infirmum, Sed vide quid hic Spiritus dicat, quomodo ornet ac prædicet uxorem, dum eam comparat viti fecundæ & liberos, quos marito parit, plantulis olivarum. Dic vero an in ullis literis extent tam elegantes & significantes ac jucundæ similitudines duæ, sicut hæ sunt? Imo an etiam in aliis locis sacrae Scripturæ inveniantur? Apprehendit enim duas nobilissimas arbores, vitem & oleam, unde duo præstantissimi liquores colliguntur, atque his comparat illos, scilicet coram mundo contemptas res, uxorem, & fructus ejus liberos. Si conditionem consideres, uxor est infirmum vas, & sexus longè infra masculam virtutem positus, præsertim si compares ad eas res quæ per masculos geruntur, per mulieres autem geri non possunt, Sed Spiritus sanctus donum considerat, & amplitudine doni abscondit quicquid in sexu incommodi est, idque splendidißimis similitudinibus obruit.

*Causa ob se  
prædicatur u-  
xor.*

Vt autem aliquo modo possimus videre causas, cur tantopere prædicet hunc sexum Spiritus sanctus, fingamus nos omnes non esse conjuges, siquidem conjugium mundus detestatur, sed coelibes, Imo fingamus neque masculum nec foemellam esse, sed quiddam unum, quod neutrum sit, ut ideo coelibatus possit fingi perfectior, quid quæso cum tali mundo & felici ac puro coelibatu futurum est? Quam diu subsistet species? An non intra annos viginti totus mundus deserti & vastæ solitudinis imaginem habebit? Quis tum erit usus auri? quis argenti? imo quis erit usus Solis, lunæ, & omnium terra nascentium? deficiente subito genere humano, si hoc modo conjugium abolitum, & beatus, si diis placet, coelibatus statuatur? Quin huc vide, ubi tum erit ministerium Verbi? Quis fructus erit beneficii Christi? Cur igitur coelibatum sic laudas, ut extenues dignitatem, & maximos fructus conjugii? Quin utrunque lauda pro sua dignitate & merito, ac præsertim considera hoc in loco, quomodo Spiritus sanctus te doceat tuam inspicere uxorem, nempe, non sicut infirmam carnem, quæ (salvo pudore sic cogor loqui propter blasphemos contemptores creaturæ Dei) mingat, sudet, & reliqua naturæ faciat. Cur enim hoc non etiam in vite facis? Cur eam non contemnis propter stercus, quod ad radices ponitur? An non potiore rationem habes succi, qui hoc modo ex vite producitur? Sic in olea neminem offendit asperitas corticis, & quod fimo curanda ac quasi saginanda radix est. Nam fructum potissimum spectamus omnes. Quis igitur non serio indignetur, eam hominum esse prudentiam, ut deligere in aliis vilioribus rebus optima, & mala aut tegere aut negligere soleant propter majus bonum seu commodum, & tamen hoc non faciant in nobilissima Dei creatura foemina? Quasi vero non etiam uxores ejusmodi foeditates (sic enim delicati isti vocant) in maritis reprehendere possint.

*Sicut in vite  
propter suavi-  
tatem fructus,  
quæ fæda sunt,  
negliguntur, ita  
in ore quædam.*

In prole possumus discernere inter prolem, & sterces, ulcera, morbos & si quid aliud dici potest. Quis enim abjicit filium, quod stercore se defœdarit? Imo quis abjicit, quod aut scabie deformatus est, aut peste aut alio cōtagioso morbo infectus? An non sterces abluuntur? an non in morbo solícite curatur, ut nobis maneat incolumis? Sic naturalia vitia obruimus magnitudine ejus boni, quod putamus nobis in incolumitate liberorum esse positum. Hic quis non rideret, imo quis non execraretur eum, qui diceret, propter sterces aut morbum etiam gravissimum, puerum abjiciendum, sicut tamen belli & delicati homines odiose exagitant ista officia, quæ non gravatim mariti præstant uxoribus, cum ita postulat earum valetudo. An non enim cogitabimus Dei esse creaturam, & participem beneficii Christi præterquam quod nobis addita est à Deo, ut sit adiutorium nostrum?

*In liberis factum idem, non abjiciunt eos propter scabiem*

*Bona, quæ in uxore admitti debent.*

Diabolicæ igitur illæ voces sunt, quibus impii exagitant consuetudinem conjugum inter se, ut scilicet videantur viri esse, & merito ista contemnere. Si digni essent tales, ut fierent patres, intelligerent quam etiam dignitate præstanti patri nihil noceret, osculari ægrotum filium, & curare ejus ulcera. Si enim aut ægroti, aut stercore defœdati infantes abjiciendi essent, te quæso, ubi ego, ubi tu essemus? Dignissimus igitur est mundus reprehensione, quod etiam in optimis rebus tantum solet considerare vitia, non etiam virtutes. Et cum usu virtutum istarum non possit carere, atque eas quasi in manu quotidie habeat, tamen ita cæcus est, ut eas videre non possit. Sed hoc est peccatum originis, etiam in præstantissimis creaturis cæcutire, & non intelligere quid in eis boni sit, sed magis offendi longe inferioribus incommodis. Adco ut opus sit contra istam cæcitatem docere, & tamen homines id ægre credant.

*Mundus reprehensione dignissimus.*

Est igitur hic faciendum, quod Cicero dicit, se solere in caulis agendis, ut si quid mali sit, id dissimulet, ubi autem in causa insit boni aliquid, id urgeat, ibi totus sit, & quasi ibi habitet. Quis enim ideo sui corporis minorem rationem habet, quod aut ulcus in pectore, aut aliud vitium in alia corporis parte habet? An non ideo majore diligentia corpus curamus? Quin vides aulicos nostros, hi cum bene pasti, stercore refertum ventrem circumferant, tamen neglectis sordibus & contemptis, incedunt aurati ac sericati, ac si totum corpus esset merum balsamum. Sic celamus vitia studiose, honesta autem ostendimus. Sed quare idem non etiam facimus in conjugio, ut obruamus & tegamus vitia, & inspiciamus in virtutes & commoda? Hic omnes faciunt diversum, non rerum culpa, sed propter peccatum originis, id sic excæcat hominum animos, ut in rebus optimis & sanctissimis, tantum ea diligamus, quæ calumniari possumus. Idem facimus in verbo Dei & omnibus, quæ ad regnum Dei pertinent. Nam cum solem dat, cum dat annonam, corpus sanum, sanos oculos, &c. nemo considerat, nemo gratias agit pro his donis. Cum primum autem pestis ingruit, aut annonæ difficultas, aut saltem unus dens dolet, tunc fit, ut hoc quasi centrum seu punctus doloris, totam sphaeram beneficiorum Dei nobis obscuret, aut prorsus adimat. Sic est mundus, & ratio nostra, uno malo plus movetur, quam mille bonis. Sicut Papistæ nostri etiam solent, hi ex optimis donis & virtutibus, quas nostræ Ecclesiæ habent, tantum ea deligunt, quæ calumniari possunt, ea sic amplificat, ut obruant universas virtutes Verbi.

*Effectus originis peccati.*

Sed Spiritus sanctus contrarium facit, vitia tegit, & hoc quod boni in re est ornat meritis laudibus. Ideo uxorem sic pingit, ut jubeat eam considerari tanquam vitem plantatam & donatam tibi à Domino in domo tua, cujus fructus verè divinæ plantæ sunt, longè jucundiores aspectu & usu præstantiores quàm olea. Et si enim degenerant & mali sunt, tamen non potest negari esse Dei donum, id agnoscendum est, Hoc est vere erudire conjugem. Qui autem donum castitatis habent, illi hac vite careant, & delectentur sua alia arbore & aliis fructibus. Nos autem nunc sumus in hoc vitæ genere laudando, in eo uxor est sicut vitis, & proles sicut olea, ita enim nos docet Spiritus sanctus, & res idem testatur, etsi Scriptura sancta hoc non traderet. Nam etiam gentes recte prædicaverunt σοφίας φρονιμί, & testantur idem etiam nostrorum hominum Germanicæ cantica, quibus summis laudibus prædicatur fides

*Spiritus sanctus dissimulat vitia, quæ bona sunt, laudas in uxore.*



conjugum, quod hæc vita nihil habeat suavius & præstantius, quàm est uxor mariti amans. Idem uno ore omnes sani homines fatentur, non quidem propter voluptatē carnis, quæ in scortatione, adulterio, pollutionibus major est, Ibi enim incenditur libido, In matrimonio autem extinguatur, Sed quia summa voluptas est, uxorem esse paterno, materno, filiali, hoc est, summo affectu erga maritum. Hoc illud excellens donum est, & dignum quod in mulieribus admiremur ac prædicemus. De quo porci illi nihil norunt, qui sentiunt uxorem tantum porcile volutabrum esse voluptatum. Est longe melius & dignius instrumentum, divinitus plantatum, ut in domo tua sit tanquam frugifera vitis. Quare etiam magis, quàm vitam suam, uxorem & liberos mariti amare debent.

*Encomia  
conjugii.*

*Certa testimo-  
nia, quod Deus  
conjugium vitæ  
amet.*

Pertinent igitur hæc encomia magnifica contra virulentas linguas Satanæ & hominum, quibus hoc genus vitæ incessant, item contra carnis nostræ depravatum iudicium, quo fit, ut aut ad fastidium, aut ad impatientiā sollicitemur, cum scilicet oculi cæcutiunt ad æstimanda commoda, & tantum hærent, aut in vitiis, aut molestiis. Atqui hoc ne quidem saniores inter Gentes fecerunt. Viderunt enim istam naturalem affectionē erga prolem, & mutuū amorē ac fidem conjugū inter se, & utrumque laudaverunt egregiis testimoniis. Ita Deus per paucitatem sanorum hominum, etiam inter gentes superavit illam multitudinem linguæ viperinæ contra hoc genus vitæ. Quanto autem magis nos decet conjugio patrocinari, invitante Spiritu sancto his tam claris & illustribus similitudinibus, quibus ostendit Deum sic delectari vita conjugali, ut det non solum benedictionem suam ad sustentandam vitam, sed etiam benedictionem ventris & uberum, sicut Mose appellat. Hoc profecto Deus non faceret, si conjuges odisset. Atqui ad Adam dixit: Omne quod provenit ē terra, sit vobis in cibum, Post diluvium etiam concessit usum animalium mundorum, Imo conjugio donat quicquid est thesaurorum & opum in mundo, & quicquid omnino hæc natura habet. Hæc omnia viva testimonia sunt, quod Deus hoc genus vitæ approbat, etiam si non hoc ostenderent sacræ literæ. Postremo ipsa propagatio speciei, quis non videt quod creata & condita sit à Deo. Meminerimus igitur harum similitudinum adversus calumnias nostrarum cogitationum, Diaboli, & viperinarum linguarum, quæ extollunt vanitates & impurissimas impuritates suas, hæc autem Dei summa dona vituperant.

#### IV.

*Ecce sic benedicetur homo, qui timet Dominum.*

*Post magnificas  
conjugii com-  
mendationes,  
subicit de be-  
nedictione.*

*Amor sobolis.*

*Vita conjugum  
est benedictio  
Dei.*

Haftenus audivimus illas magnificas commendationes conjugii, quas Spiritus proponit, ad eos confirmandos & consolandos, qui in hoc vitæ genere sunt constituti, ut patienter ferant incommoda, tentationes & vexationes conjugii, & non sequantur iudicium mundi, qui non secus quàm mulus & asinus sequitur sensum carnis, & patitur se impediri illis incommodis, Bona autem divinitus data non intelligit, sed nonnunquam execratur etiam & horret. Sicut multos invenias, quibus ingrata est sobolis multitudo, ac si conjugium esset institutum tantum ad voluptates pecuinas, non etiam ad gratissima officia, quibus Deo & hominibus servimus, cum sobolem divinitus datam curamus & educamus. Hi quod conjugium suavissimum habet, non intelligunt. Quid enim superat amorem sobolis? præsertim cum hic audias, eam esse præcipuam partem benedictionis divinæ?

Sed hic iterum opus est fide. Nam mundus non habet pro benedictione, laboribus victum quærere, ferre incommoda uxoris, liberorum, &c. quæ varia obijciuntur. Hæc omnia mundus & ratio habet loco maledictionis, & abhorret, Spiritus sanctus autem, ut confirmet priorum animos, hoc totum, quod haftenus dixit, commendat hoc suavissimo nomine, & vocat benedictiones, ut scilicet exuscitet nos ad Deum & dona ejus recte cognoscenda, ne, quod mundus solet, qui semper præsentia fastidit, & absentia appetit, in mediis donis Dei fastidiū concipiamus. Emphasis igitur hæc diligenter notanda est, quod hanc vitam, secundum rationem miserā & calamitosā, appellat benedictā, cum dicit: Ecce sic benedicetur homo, q. d. Quid amplius vis? hoc quod uxore habes, quod habes liberos, quod manuū labore vivis, vere est bene-

benedictio Dei, itaq; non solum non offendaris, sed etiam Deo agas gratias pro benedictione sua.

Sed quam pauci sunt, qui hoc credunt? etsi qui credunt, tamen per infirmitatem saepe abducuntur ab hac fide, & obliti benedictionis, tanquam in maledictione sunt impatientes. Optabile igitur erat hanc vocem Spiritus sancti tanquam summam consolationem semper obversari piorum oculis atq; auribus. Quomodo enim certius argumentum potest ostendi, conjugum vitam Deo placere, quam hoc est, quod eorum omnis vita sit benedictio? Hoc quidem accidit, ut saepe impatientiae peccatis vexentur, propter peccata familiae & sobolis, item invidia contra vicinos, sed quid tum? Non possunt omnia in hac infirmitate ita munda & perfecta esse, ut non saepe sentiantur vel excessus vel defectus in domo & extra domum. Sed haec impatientiae peccata, quotidiana oratio piorum extinguit, & debent pii conjuges semper hanc consolationem retinere, ut statuunt se esse positos in benedictionibus, & habere vitam à Deo benedictam. Hæc fides quanto est firmior & uberior, tanto plus gaudij adest. Etsi enim accidunt quædam molestiae, nonnunquam etiam peccata nos occupant, tamen verbum Dei est omnipotentis, Ideo in omnibus tentationibus victoria eos sequitur, qui id fideliter retinent.

*Si conjugum vitam est benedictio ergo Deo placet.*

*Consolatio piorum conjugum.*

Hæ igitur voces, tanquam divina oracula apprehendendæ sunt, & assuescendum est, ut hoc vitæ genus merito honore afficiamus, siquidem ipse Deus suam benedictionem in id tam copiose profudit. Hoc non intelligendum est tantum, ut ornemus id verbis, & commendemus aliis, sed singuli, qui in conjugio sumus, nobis ipsis id debemus commendare, ut sive paupertas, sive morbi, sive calamitates rei familiaris, sive alia incommoda nos excipiant, ea feramus æquo animo, contenti illa opulentissima consolatione, quod Spiritus sanctus appellat vitam benedictam. Atque hoc experiuntur, norunt, & faciunt, qui timent Dominum, & vere colunt, sicut dicit, Sic benedicetur vir, qui timet Dominum. Nam verus cultus Dei est, timere Deum, fidere Deo, & omnem spem habere in Deo fixam. Hos motus animorum postea sequitur obedientia in vocatione & aliis, quæ divinitus nobis mandata sunt. Hæc enim omnia complectitur timor Domini. Qui Deum non timent, horum nihil intelligunt, nec de eis Spiritus sanctus hic canit.

*Verum Dei cultus.*

*Timor Domini.*

*Benedicat tibi Dominus ex Sion, ut videas bona Ierusalem omnibus diebus vitæ tuæ.*

V.

Post insignes commendationes conjugij addat Spiritus sanctus precationē valde magnificam, qua precatur, ut benedictum hoc vitæ genus Deus magis benedicat, & etiam propter tales conjuges Rempublicam tranquillam faciat ac fortunet. Porro omnes hujusmodi orationes habent inclusam promissionem, futurum, ut sicut oramus, ita eveniant ista. Neq; enim sentiendum est, Spiritum sanctum aut ea orare, aut oranda præscribere, quæ Deo non probentur, & exaudire nolit. Quod autem dicitur addit, Dominus ex Sion, facit id ideo, quia cultus Dei eo tempore in Zion erat. Ideo non solum corde ad eum locum respiciebant, sicut supra aliquoties ostendimus, sed etiam faciem oraturi eo convertebant, quod Deus promiserat se ibi habitare velle, & accipere preces ac sacrificia. Hinc sunt appellationes illæ, Orare coram Domino, offerre coram Domino, Apparare coram Domino, hoc est, in tabernaculo, in quo erat arca & propitiatorium, ad quod Deus se alligarat, quod ibi vellet inveniri. Ideo vocarunt hunc locum, Fortitudinem, Regnum, Majestatem, Gloriam, Pulchritudinem, seu Decorem, Item Requiem Domini, Sicut in Psalmis & reliquis Prophetis est videre.

*Bene precatur conjugio. Precationes habent inclusam promissionem.*

*Quare addit, Dominum ex Zion.*

*Apparare coram Domino.*

Post Christum exhibitum, & Evangelium invulgatum, locus ille cessavit. Itaque nunc non canimus, Dominus benedicat tibi ex Zion, aut templo sancto suo, Sed per Christum Dominum nostrum. Hic enim est nostrum verum propitiatorium, cujus illud veteris Testamenti, umbra seu typus fuit. In Christo enim habitat divinitas corporaliter, Itaque ad Deum orantes, rogamus exaudiri in nomine

*Zion ubi Testamenti Christi sunt.*

*Christiana cognitio & sapientia.*

*Omnis cultus Dei collectus in unum Christum.*

Christi, sicut etiam veteris Ecclesiæ exemplo, orationes publicæ omnes clauduntur hac particula, Per Christum Dominum nostrum. Sed de hoc supra aliquoties diximus, quanquam non possunt satis hæc inculcari. Est enim hæc Christiana cognitio & sapientia, ne habeamus cogitationes (ut sic appellem) volatiles & dispersas, sed collectas in unum objectum, nempe in Christum. Sicut enim in veteri Testamento populus colligebatur ad arcam seu tabernaculum, non permittebatur in Dan, Bethel, Gilgal, & aliis locis (quæ contra verbum impij idolatræ deligebant) sacrificare, Ita hodie non est ad Deum querenda via per invocationem Sanctorum, aut ullos alios cultus ac opera, nisi per Christum, & in Christo, secundum sententiam, Quicquid rogaveritis Patrem in nomine ME O, hoc dabit vobis. Hoc enim corda purissime debent statuere, Deum non esse in monasteriis, non in peregrinationibus, non hic, non illic, ac ne in cælo quidem, sed tantum inveniri & coli in illa unica persona, quæ ex Maria nata est, hoc est, in Christo Iesu. Hic est propitiatorium verum, & certus thronus divinitatis, ubi divinitas corporaliter habitat & invenitur, sicut docent sententiæ Evangelij, Nemo venit ad Patrem, nisi per me, Ego sum vita, veritas & via. Ioh. 16.

*Patroni Monachorum exclusi Christo.*

Hoc objectum, qui non habent, horum animi errant, & vagantur in infinitas opiniones. Sicut in Monachorum exemplo patet, Alius Franciscum, alius Dominicum, alius Benedictum, alij alios delegerunt Patronos, per quorum Regulam tanquam certam viam, ad vitam veniant. Hi omnes quid fecerunt? Cor eorum excute, & uno ore dicent omnes, se Deum voluisse querere, Deum autem cogitaverunt esse in cælo talem, qui si cucullo induti sint, si a carnibus abstineant, si vivant coelibes, si pecuniam non contrectent, &c. eos auditurus, ac eis propitius futurus sit. Sic relicta vera & unica via, quæ est Christus, divagati sunt unusquisque in suam propriam viam, plane eodem exemplo quo Iudæi. Quibus cum esset proposita una via inveniendi Dei, si ad Tabernaculum irent, ibi adorarent, sacrificarent, relicta hac unica & vera via, discurrebant ad lucos, valles, flumina, &c. Hic duplex incommodum passi sunt. Nam cum crederent se Deum invenire, fallebantur, & cum crederent se Deum placare, magis offendeabant, Sicut manifestæ sententiæ extant in Prophetis, in quibus Deus dicit, se damnare vias, quas ipsi sibi eligunt, nec velle se ab eis inveniri. Cur enim rectam viam & infallibilem per verbum Dei ostensam non insistant?

*Vocabulum Zion admonet de cavenda idolatria.*

*Deum querere extra Christum.*

Hæc dico, ut sine offendiculo legamus, quod dicit, Dominus ex Zion. Necessario enim facit mentionem hujus loci, ad cavendam idolatriam. In hoc enim uno loco Deus revelarat se velle coli. Itaque per involucrum promissionis, etiam Christum ibi colebant; quem promissio includebat, Nunc autem sepulta & destructa Zion, thesaurus apertus est, nempe Christus, qui tum in promissione, tanquam in involucro, erat absconditus. Quare memineritis hujusmodi locos omnes ad Christum esse accommodandos, sicut etiam experientia discimus, in tentationibus non esse consolationem, qua erigi possint animi, ne in Deo quidem, nisi illam unam de Christo. Non solum enim periculosum, sed etiam horribile est, de Deo extra Christum cogitare. Nam præterquam quod Satan tum facillime opprimere nos potest, splendore majestatis divinæ, etiam ideo periculum adest, quia Deus istis viis non vult comprehendi. Hærendum igitur est in illo unico objecto, in quo Deus se & animum suum nobis ostendit, in Christo, Qui autem extra Christum aliud querunt, hi in tentatione, suo periculo discent, quam id non sit tutum.

*Pax conceditur propter educationem iudeorum.*

Sed inquis, quomodo Dominus ex Zion benedicet amplius? Sic scilicet, ut videas bona Ierusalem, hoc est, Dominus propter bonos conjuges ac timentes Dei, dabit pacem politicam, quæ non solum prodest ad victum facilius parandum, sed magis ad recte educandam sobolem. Atque hæc causa initio fuit condendarum civitatum, ut conjunctis viribus depellerent injurias hominum ac ferarum, ac in pace se suosque possent alere, Postea cum in una civitate non esset satis præsidij, conjunxerunt se plures inter se. Ita principatus & regna nata sunt tantum propter pacem, qua conjugibus opus est, Ac ratio fingit hæc naturam sic conciliasse & docuisse, Sed Spiritus sanctus



I.  
II.  
III.

sanctus veram causam ostendit hic, nempe, quod ista contingunt ex benedictione, quam Dominus largitur conjugibus, maxime autem piis. Hi debent agnoscere primam benedictionem esse, timere Dominum, alteram, habere uxorem & liberos, tertiam frui pace politica. Hoc quid vis amplius? Ergo propter vitem & oleas tuas, quas domi tuæ habes, senties Dominum dare, Reges, principes, judicia, leges, & quicquid ad conservationem Rerumpub. & pacis necessarium est.

Hinc etiam illud recte admonemur, cum certum sit servire Principes & Magistratus patribus familias, debere eis vicissim pro officio hoc beneficii, ut dentur tributa, vectigalia, & si quid aliud est, quo Magistratus opus habet, dum vigilat pro conservatione pacis. Sunt enim ministri Dei, sicut Paulus quoque appellat, in hoc à Deo donati, ut tu possis pace frui. Quam magnum autem beneficium pax sit, commune Germanorum proverbium testatur, quo dicunt, Patrem familias, qui duas vaccas habet, alteram debere dare, ut altera in pace frui, & eam retinere possit. Quid enim profuerit, si domum habeas refertam opibus, & eam contra prædones aut fures tueri non possis? Hoc igitur cum Magistratus præstet, imo, cum judicia & leges iterum vendicent Domino, quod injuste ereptum est, merito ei honor debetur, & juste penditur tributum, tanquam administro benedictionum Dei, quas conjugibus destinavit. Nam hæc tertia conjugii benedictio, hic à Davide numeratur, ut conjuges videant bona Ierusalem, hoc est, ut videant Ierusalem florere, Primo per veram religionem & sanam doctrinam, Secundo per bonos Magistratus. Hæc enim sunt bona non unius tantum domus, sed totius Ierusalem. Sic pulcherrimo ordine Spiritus sanctus nobis commendat dona Dei. Primum est timor Dei, hic complectitur ea, quæ primæ tabulæ sunt. Propter timorem Dei, postea donat & conservat Deus domum & œconomiam, Tandem propter œconomias recte institutas, & in timore Dei administratas, sequitur etiam tertia benedictio, felix scilicet Politia.

*Magistratus propter conservationem pacis debetur tributum. Proverbium Germanorum commendans pacem.*

*Bona Ierusalem*

*Dona Dei.*

Porro caro de his politicis benedictionibus, plane eodem modo judicat, sicut de œconomicis. Est enim impatientissima legum. Hinc sequuntur vulgi odium, maledicta, convitia in Magistratus, etiam cum officium diligentissime faciunt. Quando enim vulgus non est impatientissimum, etiam cum iustissimis de causis exiguntur pecuniæ? Quasi vero hoc solum sit quod agat, ut pecunias colligat, & iis pro voluptate, sine omni molestia & onere utatur? Quis quæso est, qui gratis servit sine mercede? Quæ igitur illa tandem est ingratitude, Magistratui servienti Reipub. cum maximo periculo, & in laboriosissimo vitæ genere, non velle reddere, quod ipsorum labor meretur? An putas tibi gratis hoc officij præstandum esse, ut in hoc vel alio oppido habites, fruaris pace, foro, Ecclesia, sine ullo sumptu tuo? Pij sane hoc non postulant, sed agnoscunt Magistratum propter pacem à Deo constitutum esse, ideo prompti sunt ad honorem, tributum, vectigal eis pendendum, tanquam Angelis pacis, nos custodientibus & pro nobis vigilantibus.

*Inducum carnis de politia benedictionibus.*

Hinc Scriptura etiam de graviore officio admonet, & id nobis imponit, ut etiam pro Magistratu oremus. Hoc qui non faciunt, & publica onera etiam impatienter sustinent, merentur, ut loco bonorum Principum tyrannos habeant, qui ad graviora eos cogant & non ordinaria onera exigant, ubi ordinaria aut cum molestia susceperunt, aut maligne executi sunt. Hæ sunt justæ poenæ inobedientium civium & vulgi, quod in periculis unicum refugium habet ad Magistratum, in eos quasi evomit quicquid animo dolet, & ægre est, Ibi Magistratus suis rebus relictis, singulorum incommoda audire, iis remedia quærere cogitur, ac maxime tum curæ oriuntur, cum publica incommoda sananda sunt. An non igitur digni tyrannis sunt, & sumptuosius ac negligentibus Dominis, qui pio & sollicito Magistratui non student reddere gratiam? Nam tyranni postea faciunt, ut tales discant quid sit bonus Magistratus, ut ipsi se reprehendant, quod peccarint per inobedientiã, quod peccarint dum maligne solverunt ordinaria tributa, dū reprehenderunt Magistratū, &c. Hæc si per tyrannos Deus hoc modo non punit, ac facit id per seditiones & bella, ne istis porcis impune

*Orandum pro Magistratu.*

*Ingratitudo erga Magistratum, quod meretur pacem.*

impune sit, non obedisse, & non honorasse Magistratum. Sicut enim porci tantum hoc agunt, ut ingluviem suam expleant, ita rustici putant se tantum in hoc natos, ut pace fruantur ad colligendas opes, & explendam avaritiam suam, Vt autem de collectis opibus aliquid in commune conferant, hoc aut cum molestia aut maligne faciunt.

*Beneficia Magistratus agnoscenda.*

Quare assuefaciamus nos, ut recte intelligere discamus illa Magistratus beneficia, & pro iis grati simus, ne sicut vulgus, offendamur oneribus, quæ Reipub. causa libenter sunt subeunda. Deinde ut discamus hoc beneficium boni Magistratus donari propter pios conjuges, quo etiam impij postea fruuntur, tanquam porci-esca, sine gratiarum actione. Sicut enim Sodomorum exitium propter Lot differebatur, ita sæpe propter unam & alteram piam domum, toti Reipub. benedicit Dominus, propter unum & alterum pium Principem totum Imperium fortunat Dominus.

VI

*Et videns filiorum tuorum filios, pacem super Israel.*

*Hæc est non omnibus obveniens, pios tamen conjugibus precanda.*

Donum Liberorum multis contingit in conjugio, multis non contingit. Recte igitur supra diximus esse commendationem, non promissionem, quæ ad singulos pertineat, sed ad ipsum genus vitæ. Ita quibusdam contingit ut videant filios filiorum, seu nepotes, Quidam sterile conjugium habent, sicut hæc Dominus distribuit singulis pro ipsorum commodo. Et tamen piis conjugibus ista sunt precanda, & ut plurimum obveniunt. Ac digna admiratione est, præsertim in senibus illa εὐγυνή seu amor singularis, quo nepotes complectuntur. Nam impensius eos amant quam suos liberos. Itaque cum Psalmus versetur in ornando conjugio, & conjugibus etiam bene precetur, addit hanc ceu summam voluptatem de longa posteritate, ne quid eorum omittat, quæ conjugibus divinitus donantur, si non omnibus, tamen pluribus. Etsi autem supra diximus huiusmodi preces includere promissiones, tamen nota est ratio promissionum corporalium, quod eas Dominus ita dat, ut singulis prodest. Quare hanc promissionem huic prece in clusam, ad ipsum vitæ genus, non ad singulos pertinet. Quod pij conjuges & timentes Dei crescent in magnam posteritatem, & quod propter eos benedictio manatura sit in totum populum, sicut addit, Pax super Israel, hoc est, Israeli propter te omnia felicia obveniant.

*Storge senilis.*

*Promissio huic prece in clusa, ad vitæ genus, non ad singulos pertinet.*

*Impatientia carnis mirabilis in conjugio & politica.*

Sic commendat Psalmus nobis conjugium contra illas carnis calumnias, quæ tantum secundum sensum judicat. Itaque, sicut offenditur molestiis & oneribus, quæ conjugium habet, ita etiam offenditur iis, quæ in politica usu veniunt, cum parendum legibus, tributum pendendum, & alia onera subeunda sunt. Sic enim vellet vivere, ut quod optimum in conjugio est & politica, eo solide & sine ulla molestia possit frui. Sicut videmus delicatos homines ideo conjugium inire, quod imperiti rerum in eo putant nihil quam meros amores & suavia esse. Sic invenias, quos ita dignitas, & gloria studium dementet, ut tantum per ambitionem, Magistratus aut caprent, aut invadant. Sed cum postea in conjugio infinita molestia, in Magistratu invidia, odium, maledicta, calumnia ferenda sunt, clamitant quod sua spe decepti sint. Hæc necesse est ita fieri. Quia hoc quod in utroque genere præstantissimum & optimum est, nempe, benedictionem Domini, eam pro nihilo aestimant. Benedictio igitur est inspicienda, & Domini voluntas ac Verbum habendum est in oculis, ut cum alia omnia plena periculis, tribulationibus & execrationibus sint, in voluntate Dei acquiescamus. Sic in Ecclesia, an non quæso omnia plena sunt molestissimis molestiis in tanto impiorum & profanorum hominum numero? Sed hæc omnia consideratione voluntatis Dei facile feruntur & superantur.

*Dona Dei agnoscenda, & pro in gratia agenda.*

Sic igitur in conjugio quoque consideremus primum Verbum. Deinde donum quod Dominus dat, cum dat uxorem & liberos. Tertio etiam benedictionem politicam & pacem, Pro his donis agnitis, postea agamus gratias. Ita futurum est, ut provocetur Deus ad ampliore benedictionem, Vbi, cum hæc non sunt, provocatur ad eripienda etiam illa dona, quæ habemus. Sic magna imperia, urbes, & Respub. possent quidem in flore longius durare, Sed quia non agunt gratias Deo, & Verbum ejus contemnunt, fit, ut propter ingratitude percant.

Nos itaque, discamus grati esse, & benedictio Domini abundabit in nobis, AMEN.

## PSALMVS CXXIX.

*Sæpe expugna verunt me.*

Abet hic Psalmus duas partes, In priore agit gratias pro defensione & redemptione perpetua populi Dei, In posteriore orat contra adversarios, & orando simul prophetat. Porro utriusque pertinet ad nos erudiendos, ac exhortandos ad patientiam, quæ non unius ætatis, aut temporis est, sed sicut Ecclesiæ perpetua historia ostendit, est omnium temporum, & totius vitæ. Porro complectimur hic utranque Ecclesiam Iudæorum, & Gentium, sicut Paulus etiam fere eas coniungit, cum dicit, Primum Iudæo, deinde Græcis. Nam quod ad Ecclesiam seu populum Iudæorum attinet, notum est ex historiis, quod in medio inimicorum suorum fuerint positi, ceu elegans Rosa in medio spinarum, A meridie Ismaelitæ, Arabes, & aliæ efferae gentes eas urserunt, Ab Occidente Ægyptij, Æthiopes, Troglodytæ, &c. A Septentrione Philistæi, Assyrij &c.

*Argumentum Psalmi.**Iudæorum Ecclesia, in medio inimicorum.**Psalmus.*

Sic Ecclesia post Synagogæ exitium, undique cincta est hostibus, & regnat Christus secundum Psalmum, in medio inimicorum suorum. Vtrinque igitur verum est, quod sæpe expugnati sint, Sed hic etiam miraculum hoc ostendit Deus, quod semper sic expugnatos iterum liberavit, Sic regnum Israel vere miraculosum, ut sic loquar, regnum fuit, quod cum Dominus castigare vellet, permittebat victoriam Philistinis, Edomæis, Moabitis, Assyriis, Babyloniis. Rursum cum viderentur plane oppressi Iudæi, erant liberi victores hostium suorum. Sic mansit hoc Regnum invitis vicinis, & etiam ipso Satana, sicut hoc pulchre cernitur in libris Regum & Paralipomenon. Quia autem tum de afflictionibus, tum etiam de liberatione extabant & minæ, & promissiones, magna hujus populi consolatio fuit, etiam cum affligerentur & vastarentur, quod scirent accidere ista, non simpliciter voluntate hostium, aut viribus, multo minus propter justiciam & meritum hostium, sed simpliciter voluntate Dei, sic punientis peccata populi sui, imo id in Prophetis comminantis & prædicentis quod inobedientes affligere velit. Hæc consolatio non est exigua, ut in calamitate dicas, Flagellum Dei, hoc est, sic visitantis peccatum meum, non est ira, aut meritum adversariorum meorum.

*Sic Ecclesia gentium.**ut Vtrinque.**Regnum Israel.**Consolatio Iudæorum in calamitatibus.*

Porro hæc ad nos quoque debemus transferre, ut sentiamus quando succumbimus, nos non succumbere virtute Mortis, peccati, inferni, vel cuiusquam creaturæ, sed voluntate Dei creatoris nostri, tradentis nos in afflictionem, & punientis peccata & ingratitude nostram, sic tamen ut paternam promissionem relinquat, quod nos non sit deserturus. Ac huiusmodi totius regni Christi pictura in Apocalypsi ostenditur. Quam enim multa de malis angelis, de bestiis, & similibus Ecclesiæ pestibus loquitur quæ in Ecclesiam & regnum Christi grassaturæ sint, permittente sic Domino? Semper tamen fit, ut calamitatem sequatur consolatio, & quantumvis afflictæ ac oppressæ Ecclesia perduret, ac tandem triumphet.

*Consolatio hæc ad vos transferri debet.**Ecclesia pictura in Apocalypsi.*

At sane nostris temporibus in primis convenit hic Psalmus, quibus Ecclesia à Turcis, tum à Pontificibus gravissime afflictæ & quasi extincta est, ut si quis diligenter rem æstimet, melior conditio Iudæorum in Babylone, quam Ecclesiæ sub Antichristo fuisse videatur. Verus usus Sacramentorum ablati, beneficium Christi obscuratum, Fides ipsa plane extincta erat. Nulli veri cultus, nulla vera bona opera ostensa, aut usurpata sunt, Simpliciter omnia, quæ ad veram religionem pertinebant, aut adempta, aut obscurata erant. Sicut igitur Iudæi in Babylone privati fuere conspectu & usu templi, sacrificiorum, ceremoniarum & omnis politicæ, ita Ecclesia sub Antichristo non habuit verum ministerium, non cultus, non regnum suum, sed coacta fuit servare ritus Papistarum vere Babylonicos & gentiles. Ita utrinque eadem ira, eadem fere poenæ fuere.

*Nostris temporibus accommodatissimus Psalmus propter tyrannidem.**Ecclesia conditio miserrima sub Papa.*

Necessarium



Necessarium ergo est tenere consolationem hanc, quod sicut Psalmus dicit, Impugnatur, de jicimur, conculcamur, sed non vincemur. Stabit enim Ecclesia invicta, quanquam victoria ejus incredibili infirmitate abscondita est. Sicut sub Papa fuit, Omnes cathedra, templa omnia, nihil aliud resonabant, quam impiam & blasphemam doctrinam Pontificum, & Monachorum somnia. Hoc vere erat, quod Psalmus 74 conqueritur, Signa nostra non vidimus, & tamen habuit etiam tum Dominus Ecclesiam suam, quanquam & valde raram, & varie deformatam. Ante Pontificum impium regnum, quantus fuit hæreticorum proventus? Ab his quoque Ecclesia graviter impugnata est, Sicut Iudæos impugnabant vicinæ gentes, cum adhuc essent in sua terra, Sicut autem eam impugnationem captivitas excepit, Ita regnum Pontificum vere captivitas illa fuit, quæ secuta est hæreticorum impetum, & in quam ceu sentinam confluxit, quicquid usquam mali unquam in Ecclesia fuit. Nunc Dei beneficio captivitas converti incipit, & restauratur templum Domini & cultus.

*Hæretici.*

*Collatio Iudaica cum Pontificia captivitate.*

*Sicut Psalmus complectitur historiam Ecclesie Iudæorum, ita est prophetia ad Ecclesiam gentium.*

*Ecclesia pericula.*

Loquitur igitur Psalmus secundum meam sententiam in genere de omnibus ejusmodi periculis Ecclesie, quæ omnibus temporibus fuerunt, Quod regnum Iudæorum adhuc sub bonis Regibus quotidie oppugnatum sit, & tamen non expugnatum, Quod postea ab Assyriis & Babyloniis penitus vastatum, & abductus populus sit, non tamen penitus desertus. Nam & ex captivitate Iudæi liberati sunt, & in sua terra consecuti sunt promissionem de Christo exhibitam. Ita canit Psalmus primum de Iudæorum Ecclesia, Deinde complectitur etiam tanquam prophetia, Ecclesie Gentium fortunam & conditionem, quod Deus eam servaturus sit contra omnes Hæreticos, contra omnem furorem mundi, contra Pontificum seu Antichristi regnum, denique etiam privatim contra tentationes peccatorum omnium. Ad hunc modum Psalmus hic dilatandus est per Ecclesiam omnium temporum, & omnes casus, & pericula omnia, mundi, carnis, peccati, legis, mortis, etiam portarum inferni. Mundus enim eam impetit potentia & sapientia, Diabolus desperatione ac dubitatione, Hæretici erroribus in fide, conscientia autem peccatis. In his periculis omnibus dicimus, Benedictus Dominus Deus, qui non finit nos tentari supra hoc, quod possumus, Tentari quidem oportet, sed tum tentatione etiam evasio contingit, præterquam quod Deus sufficit vires, ut tentatio ad tempus evasionis sustineri possit, Hoc beneficium David hic celebrat, & nobis sui populi fortunam ostendit, ut consolationem hanc discamus, Sicut Dominus illum populum servavit, ita etiam futurum esse, ut nos servemur. Habemus enim eundem Deum, eundem Spiritum, idem Verbum, easdem promissiones, In summa, habemus omnia eadem. Itaque possumus dicere & canere cum Davide,

I. *Sape expugna verunt me à juventute mea, dicat nunc Israel.*

II. *Sape expugna verunt me à juventute mea, & non prævaluerunt mihi.*

*Sine nomine de hostibus loquitur, ut omnes intelligat.*

*Primitiva Ecclesia.*

*Facies Ecclesie.*

Hostem certum non nominat, ut scilicet omnes & singulos comprehendat. Quod autem dicit, A juventute, etiam universum tempus comprehendit à primitiva ipsorum Ecclesia, sicut nos appellamus, hoc est, à Mose usque, cum primum cœpit Israel esse populus Dei, Etsi enim nos semper laudamus priora, sicut primitiva Ecclesia recte laudatur, tamen manifestum est, Deum istam differentiam non curare, qui etiam in novissimis temporibus insignes Prophetas dedit populo Israel, ante captivitatem, Esaïam, fere principem reliquorum, post captivitatem Aggeum, Zachariam, & alios, &c. Medio tempore inter Mosen & hos, fuere præstantes Elias, Eliseus, &c. Ita cernimus primitivam Ecclesiam puriorem quidem fuisse ab hæreticis & impiis opinionibus, Sed nihilominus tamen etiam in fine extitisse præstantes aliquot Prophetas & viros. Ac cum jam radix Iesse exaruisse videretur, tamen extiterunt Simeon, Anna, Zacharias, Elisabeth, Maria. Deus enim suam Ecclesiam, quantumvis oppugnetur & expugnetur, servat secundum promissionem suam, tantum oculos aperiamus, & videamus unde sit.

Non autem respiciemus ad illa, quæ mundus admiratur, Ad expugnatam, afflictam,

flictam, calamitosam respicere oportet. Is enim ejus ornatus & titulus proprius est, quod infirma, obsessa, & omnibus machinis, item furoribus omnibus Diaboli, Mundi, carnis, peccati, mortis, &c. cincta est, Hæc qui non inspicere, sed fugere vult, Ecclesiam nunquam inveniet. Neq; enim est ejus ea facies, quam pictores pingunt, qui aut elegantem Virginem, aut bene munitam & ornatam civitatem pingunt. Vera quidem est ea pictura, sed non secundum oculos carnis. Spirituales oculi vident hanc formosam speciem & summam elegantiam, quod Christus est ejus Sponsus, & eam sibi generavit per Spiritum sanctum, ac ornavit sanguine, meritis, & justitia sua. Horum nihil caro videre aut judicare potest, quæ diversum videt, quomodo odiis acerbissimis invidiæ, maximis suppliciis, & cruciatibus sit subjecta. Itaq; si, ut videt eam, ita pingere eam velit, Pinget deformem & pauperulam puellam, sedentem in infesto nemore, in medio famelicorum leonum, urforum, luporum, porcorum, deniq; serpentum venenatorum, Item in medio furiosorum hominum, admoventium terrum, ignem, aquam, ad occidendam eam & tollendam de terra, sicut in Apocalypsi elegantissima pictura est (qua fere ille Liber nihil elegantius aut melius habet) quod Ecclesia seu Virgo solitaria, fugiat antiquum serpentem, seu draconem insidiantem ei & ejus Filio. Ideo etiam conveniunt ei voces istæ, quas hic David usurpat, Sæpe oppugnaverunt me inimici mei, Sæpe oppugnaverunt me.

*Nota Ecclesia, est afflictio.*

*Pictura Ecclesie juxta externam faciem.*

Habet autem hæc oppugnatio speciem expugnationis, si carnem sequaris, ac si hostes Ecclesiæ vincant & superiores discedant, victa & oppressa Ecclesia, sicut singuli experimur in nostris certaminibus, quæ privatim in corde nostro sustinemus, cum Satan terret & confundit conscientias. Hic tanti excitantur pavores, ut nemo possit aliter judicare, quam quod victoria sit penes Satanam obruentem nos cogitationibus tristitiæ, blasphemis, molestiis, & sic adimentem consolationes omnes, quas Christi meritum & Verbum nobis exhibent, Secundum hunc sensum recte legitur, Sæpe expugnaverunt me. Non enim simpliciter oppugnatio, sed expugnatio esse videtur, sicut utriq; singuli hæc experimur. Ita quoq; tum corpus Ecclesiæ confitetur omnibus temporibus se cinctum & oppugnatum exercitiis bellicis omnium gentium, & machinis omnium tribulationum seu tentationum à juventute usque, hoc est, ab eo tempore, cum ex Ægypto liberati, coeperunt discerni à reliquis gentibus & esse populus Dei.

*Oppugnatio Ecclesie, est similitudo expugnationis.*

*Verumq;.*

Sed hic erigit se Ecclesia, tanquam sæpe idem experta, quod in hisce malis Deus virtutem suam ostenderit, & tum peccatum, tum poenas ita averterit, ut Ecclesia maneret, & hostium conatus frustra essent. Itaq; & periculum repetit, & postea ex abundanti gaudio hortatur, ut hujus corporis singula membra prædicent beneficium Dei & dicant, Non potuerunt me vincere. Hæc consolatio tenenda est, non solum pro Ecclesia, sed etiam singuli in nostris periculis contra magnificas spes, quas jaçant, & conceperunt adversarij nostri. Hæretici & sectæ gloriantur quod sint perrupturi, Papa subnixus sua & Principum potentia, clamat, vincemus, His etiam Satan acclamat, ita miscens negotia, ut non dubia ipsorum videatur futura victoria. Hoc non solum privatim perturbat singulos, sed totum corpus tristitia & dolore implet, sicut in comitiis Augustanis proximis sumus experti, in quibus adversarij videbantur nos oppressuri esse. Sed an non ibi quoq; experti sumus, hanc plenissimam consolationis vocem, Non potuerunt? Hæc consolatio etiam tum retinenda est cum occidimur, sicut primitivæ Ecclesiæ exempla testantur. Nam sanguine piorum rigata est quasi Ecclesia, ut major seges Christianorum proveniret.

*Consolatio, quod hostes non prevalerunt.*

*Augustana Comitia.*

*Sanguine piorum rigatur Ecclesia.*

*Impugnatio hæreticorum.*

Sicut autem hæc ad persecutionem, quæ gladio fit, recte accommodantur, ita etiam accommodanda sunt ad impugnationem hæreticorum & sectarum. Horum enim proprium est gloriari de victoria, & ante eventum canere epinicion. Sed ubi sunt, qui nobis primi de Baptismo, de coena Domini, dedere turbas? Hoc igitur faciendum est, glorientur adversarij quocunq; volent modo, Nos tantum hoc faciamus, ut Verbum pure retineamus, & quicquid agimus, hoc totum referamus ad regni Christi propagationem & verbi, Si tum (quod certo eveniet) expugnationes &

certamina sequuntur, canamus cum Davide, non potuerunt. Nam etsi occidant nos, non tamen Verbum extinguunt neq; Hæretici, nec Papa, nec Turca, nec Satan ipse, Deinde neq; contra nos prævalebunt, si pure maneamus in verbo. Concedendum quidem est Satanae quod viribus sit major, & varie vexet nos, Multæ enim sunt tribulationes justorum, sed tamen ex his omnibus liberat eos Dominus. Cur? quia verbum Dei est, quod sequuntur & docent, & causa Dei est quam tuentur. Etsi igitur Papa multum conetur, ac totum orbem studeat contra nos concitare, etsi non cessent falsi Fratres, non incedentes in sana doctrina, etsi Satan ipse portas interiorum commovere non desinat, tamen cum Davide canemus usq; in finem, Non potuerunt, tantum propter Verbum.

*Supra dorsum meum araverunt aratores, & prolongaverunt sulcos suos.*

*Dei certe liberat, Sed longa patientia interea opus est.*

Vide quam dissimilia conjungat, & pene contraria dicat. Magnifice consolatus est, futurum ut hostes nihil contra Ecclesiam possint efficere, quod vere invicta sit, Et hic queritur arari in tergo Ecclesiae, & ejusmodi duci sulcos, qui videntur in infinitum protrahi. Hoc igitur illud scandalum est quod gravissime exercet pios, quod Deus sinit tam diu furere Satanam & mundum, quod fortunat eorum consilia, dat successum malis etiam tum, cum dignissimi essent, quod pœnis & omnibus calamitatibus excercerentur. Contra pij quanto plus orant, quanto sperant pertinacius, tanto minus respondet eventus spei & consiliis, quotidie magis ac magis affliguntur, ac minus minusq; spei relinquitur. Recte convenit igitur Similitudo, quod comparantur terræ, quæ assiduo aratur, & in qua longissimi ducuntur sulci, Quasi non sit Deus, quod aut ipsorum calamitatem, aut hostium Verbi impietatem & injustam crudelitatem videat. Significat igitur opus esse æterna patientia, quæ non unius diei, non anni unius, sed totius vitæ perpetua sit, ut isti, qui habent Verbum, secum ita statuunt, se ab eo non discessuros, etsi mille annis eadem ferenda & patienda essent. Vidimus nostra ætate quam multi defecerint cum persecutione, tanquam sole exiccante segetem in petris, fructus Verbi impediretur, sæpe tandem etiam ij cadunt, qui tamen aliquandiu steterunt.

*Patientia piorum perpetua.*

Ergo discendum est, patientiam Christianorum, sicut hoc versu describitur, eam esse, quæ parata sit præbere dorsum aratoribus & pati, non ad unum aut alterum diem, sed per omnem vitam. Comparat enim afflictiones prolixæ arationi in dorso piorum, Sicut Christus idem significat cum dicit, Qui perseveraverit in finem, salvus erit. Neq; enim sufficit incipere, nam eam patientiam quæ certis finibus descripta est, etiam inter Gentes invenias, sed Christianorum patientia æterna est, hoc est, ejusmodi est, ut infinita esse videatur, siquidem finis ejus non apparet, sicut econtra finis divinæ consolationis etiam nullus apparet, ut sic jungantur, quæ videntur maxime esse contraria, nempe, prolongatio sulcorum in tergo piorum, & victoria piorum canentium de his, qui aratrum ducunt, Non potuerunt.

*Patientia Christianorum.*

*Prolongatio sulcorum significat, quod impij diu sint felices.*

Porro hæc prolongatio sulcorum includit illud scandalum, quod nulla sapientia carnalis potest vincere, nempe, Quod impij diu felices sunt, & videntur quasi præmium ferre persecutionis & odij in Christianos. Si enim unum aut alterum diem Deus tyrannidem eorum toleraret & statim pro merito puniret, diceremus omnes, Deum suos respicere, & impiis irasci, Nunc autem cum ad multos annos impietas felix sit & impunita, sit quod Diogenes de Harpalo dicebat, ut videantur dicere vivum testimonium contra Deos. Ita tentantur pij quoq; illa mora, Vt nonnunquam eo prolabantur ut statuunt, Deum non respicere ipsos. Assuescendum itaque est, ut etiam si prolongatio sulcorum sentiat, tamen non ideo offendamur, sed paremus nos, una tentatione finita, ad aliam. Siquidem tergum nostrum ad hoc paratum esse debet, ut feramus prolongationem sulcorum.

*Diogenes de Harpalo.*

*Post predicationem defensa Ecclesia & gratiarum actio, addit precationem.*

Hæc est prima pars Psalmi, in qua confitetur miracula divina & potentiam Dei, qua suos servat non solum contra mundum, sed etiam contra Peccatum, mortem, & diabolum, & agit gratias, quod dat victoriam victis, victores autem facit cadere. Hunc eventum jubet nos expectare, & hortatur ad patientiam, Nunc ad pre-



ad preces venit, & non solum orat, sed etiam promittit, hostes Ecclesiæ, etsi pertinaciter pergant nocere, tamen id facere sine benedictione sibi ipsis ad talem ruinam, ut non possint unquam resurgere, Sicut etiam experientia ostendit. Te enim quæso, quod regnum ab initio mundi mansit incolume? Spacia terrarum adhuc reliqua sunt, sed Regna, ut ille in Fabula dicit, *ὅχιται*, Contra non ita magnus furor, non ita magna potentia regnorum mundi fuit, ut Ecclesiam opprimerent, hæc enim adhuc durat, & durabit usque in consummationem mundi, sicut sequitur.

*Dominus justus, concidit funes peccatorum.*

Hæc formam orationis habent, qua in periculis Sanctis nihil est prius aut melius. Experiuntur enim eam omni armorum apparatu, & omnibus muris esse firmitorem. Primum igitur considera, cur Dominum appelles I u s t u m & videbis ideo id cum facere, quia cum res ipsas, & administrationem divinam consideras, qualis est secundum carnem, omnino videtur D e u s injustus esse, dum fovet impiorum tyrannidem, magnis opibus, potentia, dignitate, &c. Hæreticos autem cumulat gloria & applausu apud vulgus. Hoc cum videt ratio, non potest aliter judicare, quam, Si Deus est, esse injustum. Nam hoc primum ratio colligit, Si Deus est, potest impiis resistere, & eos perdere. Deum enim esse, est omnipotentem esse. Iam etiam hoc verum est, Si Deus est, debet ista scire, quæ in mundo geruntur. Neque enim in Deum cadit, nescire aliquid, aut stultum esse. Ex his autem quid aliud sequitur, quam si Deus scit ista sic geri indignis modis, & potest prohibere, certe etiam velle debet, Alioqui si statuamus eum non velle, quod scit & potest, sequeretur eum non bonum, sed malum, non justum, sed injustum esse.

*Oratio.*

*Tribuere Deo nomen justitia, solum fidei est superantia præsentia scandala.*

Iam collige ista, Si Deus habet potentiam, sapientiam, & bonitatem, si potest, scit, & vult juvare, Quare res hoc modo geruntur in mundo, ut impij etiam præmium impietatis ferant, potentiam, opes, dignitates? Contra pij ob pietatem ab impiis varie affligantur? Sic sunt hæc quasi vivum testimonium, sicut supra de Diogene diximus, contra Deum. Hoc argumentum Epicuri & similium plane insolubile est. Itaque cæca, & his quasi nexibus irretita ratio in eam sententiam inclinat, ut statuatur, aut nullos esse Deos, aut humana non curare, sicut Vellejus ex Epicuri sententia apud Ciceronem disputat. Porro apud ingeniosos etiam ista per se difficilima Satan acuit. Quia enim cogimur Deo tribuere omnipotentiam, sapientiam, & bonitatem, Arguit diabolus ex concessis principiis contra nos, & hoc ipsum quod cogimur Deo tribuere, iterum quasi de manibus excutit, ut victi rerum præsentium administratione, statuamus Deum aut nullum esse, aut infirmum ac impotentem esse. Sicut Aristoteles in eam fere delabatur sententiam, ut etsi Deum non appellet stultum, tamen ignarum omnium rerum statuatur, qui nihil nostrorum negotiorum intelligat & videat, nihil consideret præter seipsum, & tantum delectetur in speculatione sui ipsius. Hoc autem etsi non est stultitiam tribuere, tamen certe est adimere scientiam, & constituere ignarum rerum humanarum. Sed quid ad nos talis Deus, aut quis ejus est usus?

*Scandalum quod impiis bene est facit ut ratio inducat, Deum non esse justum.*

*Vellejus.*

*Aristoteles.*

Contra hoc scandalum monet nos Spiritus sanctus, cum Deo tribuit nomen, quod justus sit, cui non placet injusticia & impietas. Ideo etsi sinit aliquandiu florere impios, tamen ad extremum concidit funes eorum, hoc est, perdit potentiam eorum cum ipsis. Pios autem liberat & eripit secundum sententiam, Non Deus volens iniquitatem es tu. Ergo discamus respondere ad hoc Argumentum illo vulgari dicto, à Musicis usurpato, In fine videtur cujus toni. Iudicandum enim est Christiano, non ex eo quod sentit in præsentia, sed ex eo, quod verbum promittit de futuro, quod scilicet impij cum prolixi araverunt, & varie afflixerunt bonos, tandem sint perituri, Quia Deus justus est, Non igitur patietur justicia ejus, justos opprimi in finem.

*In fine videtur cujus toni.*

*Confundantur & convertantur retrorsum qui oderunt Zion.*

V.

Dixi orationem esse, Sed scitis in omni oratione esse promissionem, quam

*Promissio in-*

*ei in hac  
precationem.*

*Confundantur  
et convertan-  
tur.*

*Petenda & ex-  
pellenda vindi-  
cta hostium  
Evangelij.*

promissionem etiam in precedenti versu cum singulari Emphasi ostendit vocabulum, Iustus, ne scilicet murmuremus, neve blasphememus Deum, quasi nostri oblitus sit, & nos non respiciat. Porro quod hic dicit, Confundantur & convertantur retrorsum, est quædam explicatio ejus, quod supra dixit, futurum, ut concidantur funes eorum, hoc est, ut auferantur Regna, potestas, opes, leges, ipsum deniq; totum corpus politicum. Sicut accidit Babylon, Niniæ, Ierosolymis, Athenis, Corintho, Thebis, Romæ; In summa, omnibus regnis & politiis non submittentibus se Evangelio. Cum enim attollerent cervices, & Christo Regi se opponerent, tanquam potentia sua oppressuri eum, perierunt. Ad hunc modum debemus nos quoq; orare, & expectare certam vindictam eorum, qui se hodie Evangelio opponunt, quod confundentur tandem Papa, Episcopi, & omnis eorum factio, cum omnibus Regibus & Principibus, qui impietatem eorum fovere & defendere conantur. Evangelium autem seu verbum Domini manebit in æternum, cum omnibus, quæ per Verbum instituta sunt, nempe, Baptismus, coena Domini integra, Absolutio, & similia. Nomen enim Christi non opprimeretur, sed invocatum à fidelibus, aderit, & jam hujus, jam illius impij funes concidet, &c.

*Homines &  
Satanæ cur ode-  
runt Zion seu  
Ecclesiam.*

Ad hunc modum varie consolatur nos Spiritus sanctus, & erudit. Postquam enim didicimus Satanam esse talem spiritum, qui non cesset nos tentare, sed cum magnitudine ac multitudine vexationum non possit, saltem assiduitate & prolongatione conetur vincere, vult ut nos eo consolemur, quod etsi diuturna ista sint, tamen non fore perpetua. Nam cum utrunq; prædictum sit, prolongatio & finis, facilius est scientibus ista sustinere. Huc pertinet etiam quod diserte addit, quibus male prece-  
tur, nempe, odientibus Zion. Hoc non est accipiendum, quasi ex humana philautia maledicat talibus, Sicut homines solent male precari iis, qui non eadem probare & amare volunt, quæ ipsi amant & probant, Sed significat David hoc odium, quo oderunt Zion, esse odium contra Deum. Nam quod Satan Ecclesiam odit, facit non tantum hominum causa, sed magis odio Dei, quem Ecclesia prædicat. Porro Zion erat locus Dei, Sicut igitur eum locum Deus sibi elegerat ad diligendum, ita Satan elegerat eum ad odiendum, ut sic dicam, & infestandum. Ad hunc modum non Satan solum, sed Papæ Ecclesia quoq; odit nos, non quod aut politice aut œconomice mali simus, Hoc enim ferre possent, imo etiam gauderent, si audirent nos esse scortatores, adulteros, homicidas, sicut ipsi sunt, Sed causa odij vere hæc est, quod dolent nos esse innocentes in secunda tabula, & obediētes primæ tabulæ, qua jubemur Deum prædicare, sperare in ejus misericordia, eum timere, &c.

## VI.

*Similitudine  
figuratur, ut  
floridat, brevi  
duraturam ty-  
rannidem.*

*Fiant sicut fœnum tectorum, quod prius quam evellatur exaruit.*

*Fœnum in te-  
ctis.*

Est profecto elegans Psalmus, propter crebras & aptissimas similitudines, quibus contumeliose fere traducit tantas majestates, & principatus illos in mundo, Evangelio resistentes. Comparavit eos supra aratoribus prolixè trahentibus sulcos, non quidem ea ratione, quasi tam longe concedatur eis abuti potentia & opibus suis, sed propter affectum patientium aratra, vulnera, & conculcationem. His enim videtur longa & quasi infinita aratio. Ideo optant liberari, & quantumvis brevis mora propter affectum eis videtur esse intolerabilis. Contra hunc affectum igitur consolatur hac similitudine fœni in tecto, per fictionem poëticam, q. d. Cur tam longa tibi est mora? Cur non discis tandem recte intelligere, quid adversarij tui, aratores illi sint? Nunquam ne vidisti fœnum in tectis? Quis unquam est, qui conquestus sit, id nimis diu florere? Quis unquam studuit id evellere, quasi non sua sponte exarescere soleat? Disce igitur plane eandem esse conditionem adversariorum tuorum, &c. Ad hunc modum pugnat similitudine contra similitudinem. Sed si quis posset credere, hanc similitudinem à Spiritu sancto esse factam, & plene includere in animum, is non Turcam metueret, non Papam, non Episcopos, non furiosos Principes, sed contemneret omnes, & negligeret tanquam fœnum in tectis.

*Species fœni  
qualis.*

Sed vide speciem quam fœnum habet. Si quis puer id videat, putabit præstare omni ordeo, cum non sicut reliqua in terra, sed in superiore & nobiliore loco crescat,

crescat, & recta premat, Sed virum adhibe intelligentem ista, is iudicat nihil quam speciem esse, sine omni fructu. Sic Spiritus sanctus elegit istam similitudinem ad nos docendos, ut non optemus foeno similes esse Tyrannos, sed certo statuamus eos esse similes foeno in tectis, quod quidem speciem habet ordeï, sed priusquam messis tempus adest, perit sine ulla humana vi. Statuamus itaq; cum videmus vicinum Episcopum magnifice nos contemnere, & ornare puerorum more templa sua, item cum videmus vicinos Principes summa vi oppugnantes, & opprimere conantes doctrinam nostram, virere & florere eos tanquam foenum non in terra, ideoq; tanquam elegantes rosas gestari in corollis & adorari à summis, Hoc enim est foenum quod non humi, sed in tectis nascitur. Sed cum maxime sæviunt & videntur iam Christum & verbum ejus oppressuri, dicamus cum Psalmo, Erunt & sunt hi magni Principes (nam oratio & promissio idem sunt) sicut foenum.

*Tyranni similes  
sano in tectis.*

*Oratio & pro-  
missio, idem  
sunt.*

Sed optabile esset, posse nos hanc ideam hoc modo in animum includere, & statuere, sicut Spiritus sanctus definit Principes, Reges, cives, rusticos, In summa omnes, qui adversantur Verbo, esse similes foeno. Sennaherib, qui obsidebat Ierosolymam, volaverat quasi super omnia Regna, conculcaverat & oppresserat omnia. Non itaq; potuit censerī ab Ezechia & aliis foenum esse, Et tamen antequam hoc efficeret quod conabatur, peribat, & cum summa trepidatione ac maxima clade suorum solvebat obsidionem. Sic Pharaon non crescere videbatur humi, sed in aëre & tectis, miseri autē Iudæi opprimebantur. Hæc non arescentis, sed florentis foeni species est, Sed quam cito exaruit? cum de eis opprimendis cogitaret, peribat in aquis.

*Sennaherib.*

*Pharaon.*

Talem imaginem tyrannorum Spiritus sanctus in hoc loco nobis ostendit. Cur igitur paveres? cur trepidares? cur abjiceres animum, Quasi vero nunquam videris florentissimum foenum paucorum dierum spacio, sua sponte exarescere, imo ea natura esse, ut non possit esse diuturnum? Sic Athanasius, cum Iulianus varie tum ipsum tum omnem Ecclesiam vexaret, ac non solum crudelitate sed astu etiam contra pios pugnaret, & alij tanquam in magna tempestate desponderent animum, dixit, Non tempestatem, sed nubeculam esse illam Iuliani persecutionem. Hoc sane cor fuit fide plenum, quod statuere potuit Iulianum similem esse non tempestati, magna vi grassanti, non crassæ nubi involventi omnia tenebris, sed nubeculæ, quam sol nullo negotio haurire soleat. Ad hunc modum nos quoq; debemus extenuare adversariorum potentiam, furorem eorum pro nihilo ducere, non quidem propter nostram potentiam, Sed quod sua natura vere sint bulla, foenum in tectis, & umbra potius quam homines, Præterquam quod etiam Deum contra se provocant, ad cuius potentiam collatus eorum furor, etiam inanius quiddam est, quam foenum in tectis, & bulla in aquis. Vere enim nihil est quam nudissima species, quæ quidem aliquid videtur esse, sed nihil est. Sic sunt adversariorum studia minantia quidem, se revera sine effectu.

*Athanasius  
Iulianum com-  
parat nubeco-  
la.*

Hæc Christianorum est sapientia, ut extenuent vim & potentiam adversariorum, contra Verbum & auxilium Domini amplificent ac magnificent. Sic Diabolus, peccatum, mors, tentationes aliæ spirituales sane magnæ sunt & potentes, sed Christianus distinguit de magnitudine. Nam, ut scholastice loquamur, magnitudo uno modo dicitur, quo ad oculum, Alio modo, quo ad veritatem rei. Hoc est, est duplex magnitudo, Alia oculorum, quam oculi iudicant, secundum apparentiam, Alia veritatis, quam fides iudicat secundum verbum. Magnitudo igitur Peccati, mortis, impiorum Regum, Principum, Pontificum, est tantum magnitudo secundum oculum. Quia Deus, qui dicit, Confidite, ego vici mundum, Item, Nolite timere eos, qui possunt occidere corpus, animam non possunt, Ille Deus, inquam, solus est vera magnitudo, ad quem si conferas Satanam & omnem furorem totius mundi, quid est quam bulla? quid est quam levissima stipula? Sed cum ista extra Deum considerantur, sane terrent specie & videntur magna esse.

*Christianorum  
sapientia, ma-  
gnificare ver-  
bum & alia o-  
mnia parvi  
pendere.*

*Duplex magni-  
tudo.*

han. 16.  
1. timb. 1.

Debent igitur Christiani res iudicare, non secundum opinionem, sed secundum veritatem. Opinio autem est, quam ratio affert præter Verbum, Sed veritas ex



*Non vires, sed  
p. sumptio &  
abusus damna-  
tur in principi-  
bus.*

Verbo petitur, quod iudicat illum furorem & potentiam mundi contra verbum  
sævientis similem esse fœno in tectis. Hæc promissio recte inclusa & infixæ animo,  
confirmat animum, contra opinatam potentiam mundi & Satanæ, Vbi e contra,  
cum Verbum non adest, animi territi magnifica specie, & opinionibus rationis,  
metu opprimuntur. Porro non sunt hæc ita accipienda, quasi damnemus simpli-  
citer vires Principum & mundi, quas iudicamus esse creaturam Dei, non utiq; sim-  
pliciter damnamus vires, sed præsumptionem virium & abusum, quod iis contra  
Deum & Ecclesiam ejus pugnare nituntur. Sint Principes in terra, urantur viri-  
bus suis in terra, Sed quod in cœlo pugnare, & viribus suis verbum conantur in-  
vadere ac opprimere, hoc recte damnatur, Et vere dicit ac iudicat, quisquis eos  
bullis, fœno, stipulæ, imò nihilo comparat. Cur enim sunt θεσµαχοι? An nos ne-  
scire putant, quid Deus sit, & quid homo? quid creatura & Creator?

*Ex ore  
sua sponte  
proferunt  
admiratur.*

Recte igitur comparantur fœno tectorum, Etsi vix potuit contemptius lo-  
qui Spiritus sanctus. Nam id fœnum ejusmodi est, ut brevi tempore priusquam  
falx adhibeatur exarescat, Imo, nemo dignum falce iudicat, nemo curat, permit-  
tunt omnes ut fruatur momentanea ista superbia, & se detecto ostendet homini-  
bus, tanquam sit aliquid, cum re vera nihil sit. Sic impij persecutores Verbi in  
mundo, qui secundum speciem iudicantur esse tam horribiles, contemptissimi  
sunt. Christiani enim non cogitant de iis evellendis, non persequuntur eos, non  
vindictam iniurias, sed sinunt eos crescere & superbire pro libidine. Sciunt enim  
eos impulsu vehementioris venti non posse sustinere, Imo etiam si omnia tran-  
quilla sint, tamen sicut fœnum in tectis à sole paulatim exurit, Ita ad levissimas  
occasiones intereunt tyranni. Patiundo itaq; eos Christiani ferunt, & vincunt,  
Ipsi autem agendo pereunt, & succumbunt, sicut omnes Historiæ omnium tem-  
porum ostendunt.

*Ecclesia patien-  
do vincit, ty-  
ranni agendo  
pereunt.*

**VII.** *De quo non implevit manum suam qui metet, & sinum suum, qui manipulos colliget.*

*Antithesis se-  
getis & frumenti.*

Hic Spiritus sanctus collationem facit fœni ad veras fruges & fœcundas se-  
getes, ut hoc modo magis commendat nobis similitudinem hanc, & abducat ani-  
mos à metu & trepidatione, quam species illa objicit. Fœcundæ segetes, inquit, e-  
jusmodi sunt, ut qui metit eas, impleat manum suam, & qui colligit manipulos,  
habeat quod deferat in horreum. Hic veritas est, non vana species, Sed fœnum in  
tectis simpliciter mentitur specie sua, est enim sine omni fructu, Sic tyranni Pon-  
tifices, Episcopi, habent similitudinem seu speciem, quod sint Ecclesia, retinent  
dignitates, stipendia, beneficia, sicut fœnum habet culmum & spicam suam, Sed  
revera non sunt Ecclesia, sicut neq; fœnum est frumentum. Arescit enim prius-  
quam possit ad frugem pervenire. Hoc enim est præcipuum argumentum, quo  
contra nos pugnant, quod propter hanc speciem, quam dixi, sibi usurpant titulum  
Ecclesiæ, Ac sane si quis specie vult contentus esse, iste decipietur. Nos autem  
mandatum habemus, ne specie contenti simus, Imo monemur, etiam speciem oc-  
casionem fore maximorum periculorum. Nam Christus præcipit & monet, Ca-  
vete à Pseudoprophetis, qui veniunt in pellibus ovium, Item, Ex fructibus eorum  
cognoscetis eos. Quod igitur sibi usurpant nomen Ecclesiæ, & volunt ob speci-  
em, quam virens fœnum in tectis habet, esse verum frumentum, hoc nos eis non  
concedimus. Si enim sunt frumentum, impleant manum messori, Sed hoc non  
faciunt, Vere sunt inutile fœnum, & fœno deteriores, quod ne speciem quidem  
retinent in istis impuritatibus libidinum & barbarica crudelitate, quam exercent  
contra veram Ecclesiam. Itaq; cum nihil quam species, eaq; varie deformata, ni-  
hil quam hypocrisis sit apud adversarios, iudicamus eos non Ecclesiam Christi,  
sed Satanæ esse. Ideoq; sicut paleæ & stipulæ ad incendium parantur, quantumvis  
nos sub specie & apparentia illa Ecclesiæ affligant.

*Species non est  
seguenda.*

**VIII.** *Et non dixerunt, qui præteribant, Benedictio Domini super vos, Benedicimus vobis in nomine Domini.*

Pertinent

Pertinent hæc quoque ad similitudinem de fœno commendandam nobis & illustrandam. Nam vere fruges habent hanc laudē, quod sint benedictio divina. Itaque cum germinant, qui eas aspiciunt, precationibus prosequuntur eas. Hoc, inquit David, non dicetur de fœno illo, de tyrannis & hostibus Ecclesiæ, sed potius maledicetur eis ab universo genere humano, & conjungetur, sic accumulabitur super eos maledictio Dei & hominum. Sic floruit Ecclesia Papæ ante doctrinam, Sed cum Evangelium jam speciem ei detrahat, & ostendat sine fructu esse, fit ut nemo Papæ, Episcoporum, Monachorum, & totius damnatæ hypocriseos meminisse amplius velit, nemo optat ut redeat pristinus status Religionis, sed simpliciter perit eorum memoria cum ipsis apud pios. Sic precatur Propheta, & simul promittit, quod impii qualis qualis eorum species est, tamen verè nihil sint, & sint perituri, Deinde etiam carituri Benedictione Dei & hominum, sicut perit Phariseorum, Iudæ, Cerinthi, Arii, Pelagii memoria. Sunt enim mortui simul re & nomine. Idem accidet iis, qui hodie turbant Ecclesias depravatis dogmatibus, de baptismo, cœna Domini & aliis rebus, Florere quidem videntur, sed cum Benedictio ibi nulla sit, nihil hæreditabunt quàm maledictionem, & peribunt cum re & gloria omni, quam nunc videntur habere, ita ut nemo piorum optet in eorum numero esse.

*Tyranni carent benedictione.*

*Euangelii.*

*Memoria impi-  
orum una cum  
ipsis perit.*

Quare nos qui Dei gratia doctrinam per omnes partes sanam, & consentientem cum tota Scriptura habemus, meminerimus hujus similitudinis, ut cum propter verbum sustinenda est invidia, & omnis generis injuriæ, non terreamur, sed judicemus, Papam, Episcopos, & administratos crudelitatis eorum, impios Principes, nihil esse quàm fœnum tectorum, Quod quidem apparet esse aliquid, sed revera nihil est, Itaque caret benedictione omni, & dicetur talibus cum divite illo in inferno, Fili, memento, quia bona accepisti in vita tua. Nam cum omnem historiam totius Ecclesiæ ab initio mundi consideramus, videmus hanc divinorum consiliorum constantem fuisse practicam & rationem, ut Tyranni, sicut fœnum non pervenirent ad maturitatem. Itaque duremus nos quoque in talibus periculis, cum fœnum adhuc viret, & expectemus in patientia, dum declaret exitus nihil fuisse quàm fœnum, & præter spem subito exaruisse. Fruuntur quidem impii propter Ecclesiam omnibus beneficiis, sicut fœnum in tectis æquè fruitur pluvia & sole, sicut segetes in agris, Sed præterquam quod non dimidiabunt dies suos, & consilia sua, experientur frustra esse, etiam fient perpetuum opprobrium hominum, quibus nemo quidquam boni precabitur, Sicut hodie Iudæ, Pilati, impiorum Iudæorum, Diocletiani, Maximini, & aliorum Tyrannorum memoria, omni honore caret.

*Hostes verbi  
sunt fœnum te-  
ctorum.*

*Fœnum fruitur  
pluvia & sole,  
sicut segetes.*

Hæc consolatio à spiritu sancto ideo talibus ideis & crassis similitudinibus proponitur, ut saltem speciem aliquam divinorum operum animo complectamur, cum res nondum possimus rectè judicare secundum veritatem, sed sentiamus ob illam magnificam speciem, quod tam diu felices sunt, eos esse optimum triticum. Hærendum itaque est in Verbo, quod talibus similitudinibus negocia ista pingit, & est sensus abducendus ab aspectu & specie, ne aliter de adversariis Verbi judicemus, quam de vilissimo & vanissimo fœno, quod in tectis crescit, & ab omnibus negligitur. Sic enim dicit Spiritus & fides, sed sensus nostri dicunt aliter.

Idem faciendum est in aliis tentationibus, quando venit conscientia, accusans nos, & urgens testimonio suo, quando opprimimur periculis mortis, hic cum speciem sequimur, judicamus hosce hostes esse, Fac totum, & simpliciter nos oppressuros esse. Hæc est oculorum, seu sensuum magnitudo, quæ ex opinione, non ex veritate nascitur, sed cum respicimus ad veram magnitudinem, quam nobis verbum proponit, cogimur dicere, Quod mors, peccatum, Satan, cum portis inferorum, vere nihil sint, quàm fœnum in tectis, quàm stipula & bulla innatans aquæ, quæ levissima occasione rumpitur & evanescit. Sic sunt hæc dilatanda adversus omnia genera tentationum, sive sint persecutores verbi, Mundus & Principes, sive peccatum, mors & Satan, omnia hæc discamus extenuare, quantum omnino possumus, ideo scilicet,

*Idem sentiendū  
de spiritalibus  
tentationibus,  
quod de Tyranni-  
bus.*

*Omnia pericu-  
la, respectu ca-  
piunt nostri Chri-  
sti, sunt exi-  
gua.*

quia Christus vivit, & nos Verbum ejus retinemus. Is enim est, qui devorare ista omnia potest, & dicere, quod sint unum nihil.

Cum vero ista consideramus extra verbum & Christum, respectu nostri & nostrarum virium, tunc profecto non sunt fœnum, sed magni & insuperabiles montes. Sed debemus esse Dialectici, & quando adversus hostes pugnandum est, nos debemus nos ex simplici & absoluto substantiæ prædicamento transferre in prædicamentum relationis, ut scilicet pugnemus non simpliciter, ut homo constans ex corpore & anima, sed ut Christianus, baptisatus in nomine Christi, habens donum Spiritus & verbum. Diabolus itaq; mors, infernus ipse, mundus cum omnibus iratis Principibus, comparatus ad Christianum, verè sunt fœnum tectorum, & si quid aliud potest dici vilius ac contemptius. Habet enim Verbum, quod est omnipotens, siquidem est potentia Dei, Item habet ipsum Christum. Itaque Christiani sunt invicti, etiam tum, cum vincuntur, & succumbunt, Nam Christi virtus in infirmitate perficitur. Ad hunc modum confirmarunt se sancti Prophetæ & Martyres contra mundum & Satanæ regnum, Ideo tanto animo omnis generis pericula sustinuerunt, ac statuerunt victoriam fore, non fœni, sua sponte sine hominum conatu exarescentis, sed verbi Dei. Verum enim est quod Basiliius scribit cum Alexandrinos consolatur contra furorem Arianorum: *ὅτι ἐν τοῖς ὡς ἂν ἐχθροῖς διαγυμνῶν ἀληθυῖται ἡ ἐκκλησία καὶ μάλιστα θανάτῳ*. Id quod nos quoq; experti sumus, & faxit Dominus, ut experiamur adhuc amplius, Amen.

# PSALMVS CXXX.

*De profundis clamaui.*

*Hic Psalmus est inter principales, propter locum justificationis.*

**H**ic Psalmum etiam numeramus inter eos, qui maximè excellent. Tractat enim principalem locum nostræ salutis, iustificationem scilicet, cujus pura cognitio sola Ecclesiam servat, Est enim cognitio veritatis & vitæ. E contra cum hæc cognitio iustificationis amissa est, simul amittitur Christus & vita, & Ecclesia. Neq; ullum doctrinæ aut spirituum iudicium relinquitur, sed occupant omnia tenebræ & cæcitas. Ut igitur pro virili nostra posteris hoc lumen conservemus, etiam huius Psalmi explicationem aggrediemur.

*Quomodo Prophetæ de Deo loqui soleant, & cum de se loquuntur.*

Initio autem hoc monendi estis, quod sæpe alias ex me audistis, Prophetæ, cum loquuntur de Deo, aut nominant Deum, loqui de suo Deo, cujus promissiones & cultum habebant, Ne putetis nobis patere aditum ad Deum per nostras cogitationes, quas de Deo concipimus sine Verbo ejus, sicut Turcæ, Iudæi, & Papistæ de Deo speculantur, aut omnino sine Verbo, aut transformato verbo à germana sententia, ad eam phantasiam seu speculationem, quam ipsi sibi finxerunt. Prophetæ enim norant verum Deum, quanquam sua natura infinitus est, tamen inclusum esse in propiciatorium, cui se alligarat Verbo. Igitur etsi appellaret Deum cœli & creatorem omnium, tamen hanc ceu propiorem & ideo certiolem notam Dei veri habebant, quod norant eum habitare in Zion. Oraturi igitur ad Deum, aut de Deo concionaturi, faciebant id secundum eum modum, quo ipse Deus se eis in verbo & promissionibus revelarat.

*Extra Christum Deum nec coli nec adorari potest.*

Quare etsi hoc in loco nulla additur mentio Tabernaculi, nec promissionum, sed videtur simpliciter loqui ad Deum, tamen tenenda sententia hæc est, cum tantum loqui ad Deum, qualis est in Verbo & cultu suo, sicut nos hodie de Deo non aliter cogitare nec loqui debemus, quam qualis est in nostro vero propiciatorio Christo. Ita enim Christus dicit ad Philippum: Qui me videt, videt Patrem meum, Item: Nemo ad Patrem venit, nisi per me. Hæc cognitio cum tenetur, tunc sine periculo potest Deus conditor cœli & terræ adorari, & certo apprehenditur. Quanquam enim sua natura, & extra hanc revelationem sit incomprehensibilis



sibilis & infinitus, tamen in Verbo suo & promissionibus, quibus se involvit est finitus & comprehensibilis. Igitur Iudæi ad arcam adorantes, verum Deum coeli & terræ adorabant. Nam Deus verbo suo significarat se affuturum, & auditurum ibi preces sui populi.

Sic nos respicientes in Christum & adorantes, verū Deum adoramus, nam Deus in Christo se revelavit, Ideo Christus quoque dicit: Quidquid rogaveritis Patrem in ME O nomine, dabit vobis. Qui igitur ad Deum orant, & non in Christum oculos atque animum defigunt, hi errant, & ad Deum non perveniunt, sed cogitationes cordis sui, loco veri Dei, adorant, & idolatræ sunt. Neque enim Deus queri, inveniri, nec audire vult, nisi in nostro propiciatorio Christo. Igitur cum Deum verè invenire, Deum rectè cognoscere, & ad eum certo pervenire volumus, Christum intueamur, secundum sententiam, Qui videt me, videt Patrem, Item: Si novistis me, novistis & Patrem. Ad hunc modum colligit Verbum vagas cogitationes nostri cordis in hanc unam personam, quæ est Christus, Deus & Homo, ita ut extra Christum sentiamus nullum Deum esse & inveniri posse, Non credis, inquit, quòd Pater in me est, & ego in Patre?

*Christus propiciatorium nostrum.*

Ad hunc modum statuendum est, sanctos Iudæos quoque orasse ad Deum, habitantem in Zion, cum locum qui negligebant, etsi iisdem sacris, iisdem inter orandū verbis uterentur, tamen idolatriam committebant, non aliā ob causam, quam quod faciebant contra hoc præscriptum, quod Deus præceperat, se in Ierusalem adorari velle. Hæc igitur generalis Regula est, omnibus in Psalmis & tota scriptura observanda, quod in veteri Testamento non erat Deus, nisi in Zion, seu loco tabernaculi, & quod omnes orationes ad Deum sedentem & habitantem inter Cherubim fiebant. Destructo autem templo hoc, posuit Deus aliud templum, quod est Christus, in quo vult queri, adorari, coli, Extra hoc templum, non est Deus, sed Diabolus queritur ac invenitur, & animi aut in desperationem incidunt, si accedat conscientia mala, aut in præsumptionem per hypocrisin, sicut idolatræ Iudæi, & nostri Papistæ præsumunt multum de sua iusticia & Dei favore.

*Zion.*

*Regula in Scripturis observanda.*

Huc pertinent hæc & similes Psalmorum & Prophetarum sententiæ, Levavi, inquit David, oculos meos ad montes, Item: Benedicat te Deus ex Zion. Ad hunc modum reliquæ sententiæ sunt accipiendæ, in quibus non additur manifesta loci, seu templi significatio, sicut hoc in loco, De profundis clamo ad te Domine, Dominum vocat non simpliciter creatorem coeli & terræ, sicut etiam Turcæ appellant, sed eum, qui habitat in Zion, cuius promissiones & verbum habebant, quod ibi accipere vota, & audire vellet. Incedit igitur in purissima fiducia misericordiæ & gratiæ Dei, etiam cum adhuc floreret lex Moysi, Sed istius Dei, qui in Zion est, quique dixit ad Satanam, Inimicitias ponam inter te & semen mulieris. Neque enim Deus nostris cogitationibus vult queri, Si enim id possemus facere, quid opus esset Verbo? Cur in lege locus, in novo Testamento persona Christus revelata & designata esset? Vide quid accidat adversariis nostris Papistis, Hi multum orant, recitant Psalmos, dicunt, Pater noster, qui es in coelis, &c. Sed quia Verbum Christi contemnunt, imo quia vi persequuntur etiam, ideo sub istis pulcherrimis vocabulis, quæ ex Psalmis recitant, mera Idolatria latet. Idem Iudæis, idem Turcis accidit, etiam tum, cum dicunt se adorare Deum vivum, creatorem coeli & terræ.

*Dominus habitans in Zion.*

Ergo sæpe & libenter hoc inculco, ut extra Christum oculos & aures claudatis, & dicatis, Nullum vos scire Deum, nisi qui fuit in gremio Mariæ, & suxit ubera ejus. Vbi ille Deus Christus Iesus est, ibi est totus Deus, seu tota divinitas, ibi invenitur Pater & Spiritus sanctus, extra hunc Christum Deus nusquam est nec invenitur. Multos novi Monachos, qui cum crederent Deum apprehendi posse humanis speculationibus, in gravissima pericula inciderunt, & nisi me Deus singulari beneficio ab eadem tentatione liberasset, præcepis ruisssem in exitium. Vtile autem est ad vitam aliorum periculis cautiore fieri.

*Deus extra Christum non invenitur.*

Et si

*Propheta, quia erat pro remissione peccatorum, includit Christum.* Gen. 1.  
 Et si autem Propheta, ut dixi, hic nullam manifestam mentionem facit Templi, tamen videbitis quomodo involvat promissionem de Christo. Hoc enim hujus Psalmi argumentum est, quod nulla Salus, gratia & justificatio nulla sit, nisi in Deo remittente peccata, & ignoscente. Is autem Deus, an est alius, quam qui dixit, Semen mulieris conteret caput tuum? Ergo Deum promissorem intelligit, & sic Christum ostendit promissum à Patre, ut esset victima pro peccatis mundi, Et tractat principalem locum, qui est de justitia Christiana, item de sapientia Christiana, seu de gloria Christi. Hæc David tractat vigente & florente Lege ac cultibus legalibus, & profilit extra septa legis in paradisum, vel potius in ipsum cælum gratiæ & misericordiæ. Cur enim Gratiam non appellaremus cælum, per quam ad cælum transimus, & quæ non legibus, non factis, non studiis ullis potest comprehendì, sed tanquàm amplissimum cælum apprehendit nos credentes, quod imputatione simus justi coram Deo per Christum? Ad hunc modum David locum justificationis tractat, & quanquam id non faciat solus (nam omnes magni Prophetæ, Moses, Esaias, & alii, hunc locum attigerunt) tamen cum singulari diligentia & magna copia facit.

*Argumentum Psalmi.* Ex his patet argumentum Psalmi, nempe, quod David vult nos docere suo exemplo de vera via ad justiciam, vitam & salutem, Item quod vult ostendere veram evasionem à morte, peccato, & ira Dei, ut ex hac vita transeamus ad æternam vitam. Docet autem hæc, non sicut in scholis Sophistæ, qui sine omni usu de sacris docent, sed affert propriam experientiam, & proponit nobis cor suum, quod Spiritus sanctus variis tentationibus exercuit & erudivit, ut ad hanc doctrinam perveniret, quam hic nos quoque docere instituit. Doctrinæ autem summa est, quod acquiescit in spe misericordiæ Dei, & fiducia remissionis peccatorum. Sed hæc inter tractandum luce-  
 scunt clarius, Quare exordiemur tandem Psalmum.

*De profundis clama vi ad te Domine.*

*Magnitudo tentationis, quæ David suis implicuit.* Videtur initio battologia esse, sed inspicienti causam, quæ Prophetam urget, facile patebit, nulla copia neque affectum hujus exprimi, nec periculum satis dici posse. Non enim premitur aliqua tentatione usitata & vulgari, non queritur de periculis, quæ imminebant à Saule, Absolone, falsis Prophetis, & aliis, non de aliis tentationibus dicit, quæ ex invidia & odio, quo mundus pios persequitur, nascuntur, Sed significat illum conscientia morbum, & veras mortis angustias, cum desperatione quasi occupati animi, sentiunt se à Deo deserì, cum conspiciunt indignitatem & demerita sua coram Deo iudice, accusari, cum videtur Deus non deseruisse solum, sed etiam abjecisse eos propter peccata & odisse. Hæ tentationes non paulò sunt intolerabiliore, quàm aliæ, quæ plerumque incidunt, hic enim agitur periculum animæ & æternæ salutis, Ideo etiam utitur hac forma dicendi, ut dicat, *De profundis clamo ad te*, q. d. Extremis urgeor malis, Sentio enim peccata mea, & justam Dei iram, Huic prorsus nescio, quomodo mederi possim. Odio, item aliis calamitatibus, quibus premimur inter homines inveniri remedia possunt, Sed hoc vere immedicabile malum est, nisi mittatur salus ex alto.

*De profundis clamo ad te.* Ac sane reliqua incommoda, quibus exercentur pii, possunt patientia vinci, ut cum periclitantur opes, dignitas, &c. Quin etiam in peccatis inferioribus, qualia juventuris sunt, potest facilius iterum erigi animus, Sed hi nodi sentiuntur & sunt inexplicabiles, cum cogitationes hæ infernales animum occupant, ut homo nihil sentiat aliud, quàm quod sit projectus à Deo in æternum. Qui igitur tales tentationes sentiunt, habent hic exemplum, quod similia David passus & expertus sit. Nam hoc quoque tentationem hanc auget, quod tales sibi videntur soli hæc pati. Discendum igitur est, sanctissimos quosque eadem passos, & terroribus legis ac peccati ad mortem usque fatigatos esse. Sicut videmus Davidem, hic cru in inferno constitutum, clamare, *De profundis clamo ad te Domine.*

*Consolatio, adversus hoc genus tentationis, à Davidis exemplo.* Sed non in eo consistendum est, quod non soli tales tentationes & pericula sustineamus, etiam via discenda est, qua ii, qui eadem sunt passi, emergere. Vides autem Davidem quid faciat? Vides quo erat in illis difficultatibus? Non desperat, sed clamat,

*Et David, ita ex nobis ex quomodo tentationibus emer- & adit.*

clamat, tanquam certa spe auxilii & consolationis relicta. Igitur tu quoq; idē sentias, & facias. Non enim ideo tentatur David, ut desperet. Quare tu quoq; ne eo animo accipias tentationem, ut in tristitia & desperatione quasi absorbearis. Si deductus es ad inferos, credas Dominū esse, qui ab inferis velit reducere. Si comminutus & contritus es, scias Dominum esse, qui iterum sanare & mederi velit. Si tristitia plena est anima tua, expectes iterum consolationem ab eo, qui promisit, Sacrificium sibi esse spiritum contribulatum. Utile autem est in talibus paroxysmis adesse fratrem, qui consoletur nos verbo. Voluit enim Deus Ecclesiam sic esse, ut alter alterum consoletur, & promisit se tertium fore, cū duo congregati sunt in nomine ipsius. Et sanē animum sic saucium nihil æque erigit, quā audire ex fratre, quod huiusmodi terrores immittantur, non ut pereamus, sed ut humiliemur ad agnoscendam Gratiā, & cum gratiarum actione suscipiendam. Quod si hoc præsidio fratrum destituti sumus, hoc faciendum est, quod David hoc in loco facit, ut clameamus, & hunc Psalmum cum Davide oremus, in quo vides gemitus, qui pingunt summas animi angustias, ex quibus hæc non ociosa copia profluit, ut non solum dicat se ex abyssu clamare, sed etiam admoneat Deum promissionum, ut audiat clamantem, Neque id satis est, sed addit eandem sententiam commutatis verbis.

*Frater accersendus, qui verbo erigat.*

*Domine exaudi vocem meam, fiant aures tuæ intendentes in vocem deprecationis meæ.*

II.

Loquitur, ut ante dixi, cum Deo, cuius sedes erat in Ierusalem, sicut nos cum Deo loquimur, & eum Patrem appellamus, qui est & colitur tantum in Christo: Hunc Deum orat, ut diligenter velit audire orationem suam. Quod si nobis videmur non posse eodem animo & eadem vehementia orare, quam verba hæc ostēdunt, meminerimus neq; Davidem in paroxysmo tentationis, ad hunc modum orasse. Desperatus enim & tristis animus non orat, dum desperatio & tristitia durat, sed blasphemiz & murmur contra Deum tum sentiuntur, neq; potest animus recte de Deo sentire. Sed cū remittit paroxysmus, tum primū incipit clamor hic & vehemens desiderium, quod in paroxysmo ita obrutum fuit, ut vix sentiretur. Plurimum autē adjuvatur animus, sicut ante dixi, cū audit fratrem commode tractantem verbum Dei, Quid tristaris frater? An non atidis Deum mortē peccatoris non velle? An oblitus es præcipi spem & fidem in Deum? Inspice primum præceptum, id quid est, aut quid exigit, quam ut Deum colamus fide & spe? Cur igitur tu nihil ejus benignitate consideres? cur desperares? Hoc scilicet est, peccato addere peccatum, & cum ante in inferiore mandatorum Dei ordine peccator sis, nunc etiam te constituis in supremum gradum, addendo ad reliqua peccata desperationem & incredulitatem, &c. Cū ad hunc modum fiducia in Deum, & misericordia Dei animo anxio inculcatur, tum surgit scintilla fidei & gemitus cordis. O si possem! Hos gemitus inenarrabiles Spiritus adjuvat, & sequitur tandem sensus gaudii. Neque enim Deus hos gemitus potest contemnere, aut negligere. Horum gemituum umbram quasi videmus in his primis versibus. Sed cur gemis? quid est quod doles? Audi:

*David vehementer oravit, sed remittente jam tentationis paroxysmo.*

*Insignes consolationes contra desperationem.*

*Si iniquitates observaveris Domine, Domine, quis sustinebit?*

III.

Hic versiculus, sicut novistis, in nostra Theologia est celeberrimus, neq; video quomodo eū aut adversarii, aut Satan ipse possit eludere. Quid enim est, de quo possit dubitari? Habet David testimoniū, quod sit vir secundū cor Dei, & sanē insigne exemplū est in omni genere Christianarum virtutum. Nam etsi cæde Vriæ, & adulterio Bethsebes infamis est, an non etiam insignis humiliatio, & ardēs ejus fides est, Propheta arguente peccatum ejus, & iterum erigente? Vide deinde, quanta in adversis rebus tolerātia, quanta in constituendo & propagando cultu Dei diligentia & assiduitas fuerit. Quid multis? David non est unus ē multis, siue ejus fidem & vitam, siue Dei de ipso testimonium consideres, Et tamen vir tantus

*David potuit remitti peccata, & non observari iniquitates, Ergo simpliciter negat ullam esse justiciam operum coram Deo.*



tantus & tam sanctus diserte & manifeste dicit, Si observaveris Domine iniquitates, Domine, quis sustinebit? An non ergo hoc est negare simpliciter omnem justiciam, sanctitatem, & mundiciem omnem? Sicut etiam in Psalmo 32. manifeste Sanctos <sup>Ps. 32.</sup> vocat, & tamen dicit, Pro hac orabit ad te omnis Sanctus, scilicet, ut condones peccata.

Vbi igitur sunt, qui justiciam operum tantopere prædicant? cum David simpliciter opera & justiciam omnem abiciat in conspectu Dei, & simpliciter hoc petat, ne observet Dominus iniquitates? Ac sane adversarii nostri nunc aliquanto moderatius loquuntur, quam initio. Non enim simpliciter negant amplius, quod fides justificet. sed addunt tamen, eam fidem, quæ justificat, debere charitate formatam esse. Sic scilicet picarum instar, non intellecta verba sonant. Sed formes fidem quocumque modo velis, hæc generalis sententia est, Si iniquitates observaveris Domine, Domine, **Q V I S**, **Q V I S** sustinebit? Nullus scilicet. Nam si quis sustinere posset, profecto David quoque sustinisset, vir tam sanctus, in verbo Dei tam eruditus, tot malis & periculis toties exercitus ad fidem & timorem Dei. Neque enim credo tam esse impudenti animo quenquam inter omnes Papistas, qui non longe se, si justiciam operum spectes, infra Davidem abiciat, & tamen dicit David, iusticia non est per opera, Quia si iniquitates observaveris, nemo sustinebit.

Quare discamus, ne ad iudicium Dei veniamus fiducia nostrorum operum, aut justiciæ nostræ, etiam si fecissemus omnia, quæ potuissemus facere. Narrant de Arsenio, credo, cum decubisset, toto triduo mire animo fuisse consternatum. Id cum viderent discipuli, accedunt, Magistrum consolantur, nihil esse, cur trepidet animo, vixisse cum secundum voluntatem Dei. Hic Arsenius, In veritate, inquit, timeo; nam etsi ex vobis audio, me servasse mandata Dei, tamen certum est alia Dei, alia hominum iudicia esse. Vides hominem positum in cogitationibus de iudicio Dei, noluisse confidere in justiciæ & operibus suis. Sic de quodam alio Eremita fertur, cum esset adhibitus ad quendam consolandum, qui jam agebat animam, iussisse ut mortem patienter ferret, ita enim futurum, ut consequatur æternam vitam, Sicut Monachi nostri soliti sunt consolari homines capitali supplicio afficiendos, Ibi de merito Christi aut parum, aut nihil dicebatur, tantum dicebant de morte, quam subituri erant condemnati, quod per eam essent ingressuri ad vitam. Sed quid accidit huic consolatori? Cum is, quem hoc modo consolatus erat, decessisset, gravissima tentatione excipitur, in mentem venit, quam parum firmam consolationem fratri suggesserit, cum iussit eum niti patientia sua, & non potius merito & morte Christi. Hæc cura intra triduum hominem confecit, ut ipse quoque moreretur.

Hujus generis innumerabilia exempla hæc quotidiana vita ostendit, quæ probant, non satis esse nostram justiciam & voluntariam mortem, sed requiri fidem in Christum Iesum. Hujus morte tuto possumus niti, quia est sacrificium pro peccatis mundi. Nostra mors, etiam si eam patienter toleremus, & omnis alia nostra obedientia, pro peccatis reputantur, cum Christi meritum negligimus, & sentimus nos iis sublevari in iudicio Dei.

Ergo nemo pius subeat mortem & iudicium Dei, fiducia meriti aut justiciæ suæ. Nec sane puto quenquam inter adversarios esse, qui ausit iudicium Dei subire fiducia suæ justiciæ, & tamen docent, jubent, ac hortantur, ut alii faciant, Nos autem contrarium docentes, & deducentes Ecclesiam ad fiduciam meriti & mortis Christi, damnant tanquam hæreticos. Hæc an non extrema est malitia? Ipsi non faciunt quod docent, ut fiducia suorum meritorum moriantur, & volunt ad hoc alios cogere, aut tanquam hæreticos damnant. Sic omnium sanorum hominum experientia hoc docet, neminem vincere in conspectu Dei, suis operibus, aut justiciæ suæ, & tamen tota natura, cum extra tentationem est, circumspicit ad opera, & quærit quomodo per ea Deum possit placare, Sed hic proponitur simplex & clara doctrina. Si peccata observaveris, nemo sustinebit. Quis igitur cupiat sic in iudicium descendere, ut vincatur & condemnetur?

Quare

*Papiste charitatem, quæ ad fidem addit, debere charitate formatam esse, ut David fides, si iniquitates observaveris, &c.*

*Nemo fiducia suorum meritorum ad iudicium Dei veniat. Arsenius.*

*Aliud De, aliud hominis iudicium.*

*Eremita.*

*Morte Christi sola tuto possumus niti.*

*Papiste docent, quod ipsi non faciunt.*

Quare hæc summa est, quod nos omnes (David, Petrus, Paulus, &c.) peccatores nascimur, vivimus, sumus, & morimur. Hæc autem est gloria nostra & salus, quod edocti per Evangelium de misericordia Dei & merito Christi profiliamus extra legem, & nostra opera, quasi in alium orbem doctrinæ, & aliam lucē, & cum fiducia ad Deum accedentes dicimus: O Domine, non possumus tecū iudicio contendere, non possumus de nostra iusticia & peccato tecū disputare, quod si vis iniquitates observare, si vis tanquam in iudicio interrogare, an iusti simus, periiimus. Appellamus igitur ab hoc iudicio ad thronum misericordiæ, Si quid sancte egimus, fecimus hoc ex tuo dono. Igitur nos respice oculis misericordiæ tuæ, non oculis iusticiæ iudicii tui. Nisi enim induleris iniquitates nobis, & ad eas clauderis oculos, ne videas, non salvabimur, &c.

*Fiducia misericordie Dei sola nobis debemus.*

*Psalm. 32.* Hanc doctrinæ lucem videmus Davidem in tenebris Legis secutum esse, Nostra hodie melior est conditio, quod hæc clare videmus in novo Testamento proponi. Nam quid docemus hodie aliud, quam sola fide in Christum nos salvari? solo Christi merito regi & tolli peccata nostra? secundum sententiam: Beati quorum remissæ sunt iniquitates, Remissio peccatorum igitur est cælum illud, sub quo habitamus fiducia meriti Christi. Qui enim credit, non iudicatur, sed transiit à iudicio in vitam æternam. David non addit manifestam de Christo mentionē, & tamen quia propitiationem sperat, rectè respicit ad hoc propitiatorium, in novo Testamento revelandum clarius. Non enim vides, quod significet sibi desperandum esse, si velit Deus peccata observare? Nam extra remissionem peccatorum, seu cognitionem gratiæ, quid est, quo possumus fidere, aut tuti esse?

*Per solum Christum est remissio peccatorum, ergo etiam sola fides, qua Christus apprehenditur, iustificat.*

Qui igitur non in hoc uno fidunt, quod per mortem Christi peccata sublata, & Deo quasi clausi oculi sint, ne peccata nostra videre possit, hi sine dubio perierunt. Hoc enim unum proponunt sacrae literæ, vitam nostram esse tantum sub remissione peccatorum, sub conniventia, tolerantia, indulgentia Dei, ut nihil sciamus, nisi iusticiam Christi, non quod non sit benè operandum, non quod peccatum non adsit, aut id Deus non oderit, sed quod dicit Deus, & promittit, se non velle observare transgressionem nostras, quia credimus in Christum, & Christo fidimus. Hunc clypeum qui objiciunt, & sub eo latent, illi habentur pro filiis, quia habent propitiatorem, qui non habent, coguntur desperare. Quid enim promovent cursitando ad loca Apostolorum? quid promovent induendo cucullum, & miserè affligendo corpus? cum simpliciter dicat David: Si observaveris iniquitates, quis sustinebit te Domine? Ergo in eo posita sunt omnia, quod sequitur:

*Quia apud te propitiatio est, & propter legem tuam sustinui te Domine.*

IIII.

Hic versus pessimè est redditus, Ac videtur interpretes eo respexisse, quod si mus iusti, si sustineamus Dominum, aut servemus legem, cum tamen non solatium, non spes aliqua sit salutis, quam in eo, quod Deus per Christum remissionem peccatorum promissit, rejectis simpliciter omnibus aliis legibus & iusticiis. Nam hoc etiā prior versiculi huius pars affirmat, cum dicit: Quia apud te est propitiatio. Ergo propitiationem non invenies in Mose, non in Lege & factis legis, non in professione vitæ monasticæ, non in dura & laboriosa vita, non in eleemosynis, non apud divum Iacobum, aut Romæ in æde divi Petri, In summa, nusquam invenies propitiationem, quia nusquam est, quam apud Te. Est autem propitiatio non nostrum meritum, aut iusticia nostra, sed gratuita remissio peccatorum, ignoscentia, & indulgentia per Christum. Hanc, etiam si mille annis te affligas in monasterio, in monasterio tamen, & tuis aliis operibus, non invenies, sicut satis probat conscientia, quæ sentit desperationem, etiam in sanctissima & durissima vita. In hoc autem uno acquiescit conscientia, quod simpliciter, sine ullo additamento propriæ dignitatis, nudissima, ut sic dicam, nudissimæ misericordiæ Dei per Christum se committit, & dicit: O Domine, habeo tuam promissionem, quod ex sola misericordia sit iusticia, quæ iusticia nihil aliud est, quam tua ignoscentia, id est, quod non vis observare iniquitates, &c.

*Propitiatio apud Deum solum est exclusivè.*

*Propitiatio quid.*

Commendo igitur vobis hanc Davidicam definitionem iusticiæ Christianæ,

Yy

quod

*Observare iustitiam, quid iustitia.*

Quòd observare peccatum, est condemnare. Econtrà non observare peccatū, est justificare, seu iustum pronunciare, & quòd iusticia est, quando non observantur peccata, sed ignoscuntur, condonantur & non reputantur, sicut alio in loco beatum definit, & Paulus eam definitionem valdè propriè allegat, Beatus vir, cui non imputavit Dominus peccatum. Non enim dicit: Beatus vir, qui non habet peccatum, sed cui peccatum, quod habet, Dominus non imputavit, sicut hìc quoque dicit, Cùm non observantur peccata. Hæc testimonia diligenter colligenda sunt, ut videamus, quomodo hæc doctrina sit fundata in Scriptura sancta, & quomodo omnis fiducia iusticiæ operum & legis in iudicio Dei præcisa sit.

*Psalm. 32.  
Rom. 4.*

*Doctrina iustificationis adæquat omnes homines.*

Nam sine discrimine adæquat hæc doctrina omnes homines. Si enim tantum sumus iusti imputatione, sequitur, nos non solum omnes peccatores esse, sed planè nihil interesse, quo ad Deum, inter conjugem & monachū, inter Eremitam & civem, inter principē & agricolam. Hæc enim differentia conditionū nihil sublevar homines in iudicio Dei, hoc autem sublevar, quod peccata condonantur. Quod si in Ecclesia hæc doctrina diligenter tradita esset, nō Monachatus, non alia vitæ genera inventa essent, quæ homines stulti crediderunt coram Deo plus commendationis habere. Qualis qualis enim vita sit, in hoc omnium eadem est conditio, quod opus habemus remissione peccatorum, sicut Paulus in Actis dicit, Deum tulisse mores Patrum in deserto quadraginta annis, *ἡρεποφείποντο αὐτὲς*, inquit, Actor. 13. Sicut bonus maritus fert mores uxoris, præceptor discipulorum, princeps suorum aulicorum. Quod si hæc civilis vita opus habet ista epikia, ut non summo jure homines omnia inter se agant, quanto magis hoc necesse est, ut Deus sit *ἡρεποφείσῃ* in hac nostra tum imbecillitate, tum pravitate? Esset quotidie quod observaret, & puniret, sed non vult observare nos, hoc vult, ut nos credamus in Christum, tunc vult ipse *ἡρεποφείσῃ*, vult ad nostram imbecillitatem connivere & ignoscere, ac propter fidem in Christum nos pro iustis habere.

*Act. 13.*

*In sensu peccati quid cogitanda.*

Ad hunc modum David à desperatione ad fiduciā & certam spem misericordiae se convertit. Nam cùm ad peccata nostra respicimus, necessario perturbamur & prolabimur ad desperationē, Sed nō sunt oculi ad peccata solum defigendi, huc respiciendum est, ad propitiatorium, ut quanquam non possimus negare nos esse peccatores, tamen etiam non negemus remissionem peccatorum. Cur autem remissio peccatorum promissa est, si non peccatores eam debent consequi? Quin quod propitiationem David nominat, hoc ipso testatur se esse peccatorē, & propitiationem ad se propriè pertinere. Sed, inquires, peccata indignum faciunt, cuius Deus misereatur, Sperent igitur David, Paulus, Petrus, tanquā sancti & digni, at ego peccator sum, sperare non possum, &c. Huiusmodi cogitationes, ceu ipsissimā pestē animæ tuæ fugias, & sic potius cogites: quia peccator sum, ideo remissio peccatorū ad me pertinet. Nō igitur desperabo, nō absorbebor tristitia, sed cōvertam me ad Dominū, qui promisit propitiationem, qui jubet sperare & credere, &c.

*Diabolus hanc de iusticia doctrinam extremè odit & persequitur. Sacramentaria. Anabaptista.*

Sic proponit David in his duobus versiculis summā totius doctrinæ Christianæ, & Solē illum, qui illuminat Ecclesiam. Stante enim hac doctrina, stat Ecclesia, ruente autem, ruit ipsa quoq;. Ego autē ideo sæpius eam inculco, quia scio Satanam nihil æque velle & agere, quam ut hanc cognitionē ex cōspectu & animis tollat. Huc principaliter spectant omnes turbæ, quas tum publicè tum privatim excitat. Per Sacramentarios & Anabaptistas, videmus quantū malum dederit Ecclesiæ, quòd non solū homines intenti in novas disputationes, articuli huius ferè obliti sunt, sed multi deterriti dissensionibus, etiam odisse hanc doctrinā coeperunt. Boni igitur pastoris est, ne sinat se ulla disputatione ab assidua huius loci tractatione abduci. Privatim autem quoties accidit, ut per cogitationes legis & peccati, hæc cogitatio remissionis peccatorum aut amittatur, aut periclitetur? Ideo David in hoc Psalmo non solum propriam experientiam, sed adhortationes & promissiones, sicut audiemus, proponit, ut appareat eum anxie laborasse pro conservatione huius doctrinæ. Et sanè periculi magnitudo, diligentiam hanc excitare & augere debet. Amisso enim hoc loco, omnis generis tentationibus obruuntur animi.

Sic



Sic cum in Papatu hic articulus amissus esset, quid tam monstruosum fuit, quod non æquis animis & auribus acciperetur ab omnibus? Pudet dicere, tantum non crepitus ventris sui nobis impudens monachorum temeritas adorandos proposuit, E- contra cum hæc cognitio retinetur, facile omnis generis hæreses eveni possunt. Et inlignè exemplum Papatus est, qui unico hoc loco victus, & ex animis hominum ex- turbatus est. Nam etiam si Papistarum vitam insecteris, & sceleratam libidinem, ava- ritiam, crudelitatem, &c. exagites, atq; ex malis legis operibus eorum impietatem arguas, nihil profeceris. Concedit enim id totum Papa, sicut non potest negare ma- nifesta suorum scelera, Sed, inquit, nihilominus vocatio nostra, doctrina & regnum nostrum sanctum est, etiam si vita sit deformata peccatis. Ad hunc modum Diabo- lus quoque in lege & operibus non potest vinci. Sic enim tum leges, tum opera tra- ctat, ut ceu per aranei telam perumpat, salva sua potentia. Sed tum vincitur, cum doctrina fidei & hic locus urgetur, quod Christum & rationem justificationis Papi- stæ non amiserint solum, sed etiam scædis dogmatibus deformaverint & obruerint. Hoc caput cum petitur, vertere terga coguntur, tum Papa, tum Satan. Nihil enim habent, quo se tueri possint, si doctrina convincatur quod falsa sit.

*Doctrina iusti-  
ficationis sola  
Papatum ex-  
ter-*

Hunc igitur principalem locum, date operam ut diligenter agnitum & firmi- ter fundatum habeatis. Nec quisquam vestrum ita sit arrogans, ut existimet se hanc divinam sapientiam plene hausisse. Nam dum Satan & mundus, item nostra ratio valent, nunquam erimus in hac cognitione perfecti, & quia sicut milites in acie col- locati sumus, quotidie pericula obicientur, in quibus omnibus stare, non est huma- næ aut virtutis taut sapientiæ. Summa igitur est hujus versiculi, Quoniam apud te propitiatio est, quod concludit Deum non velle nobiscum agere secundum legem, ut nos vicissim cum Deo non agamus secundum legem, sed dicamus cum publica- no: Domine propitius esto mihi peccatori. Qui extra hæc gratiæ septa progredi- untur, & relicta hac amplitudine gratiæ, de lege disputare volunt, quod hæc fecerint, illa non fecerint, hi quanto progrediuntur longius, tanto altius demerguntur in in- fernum.

*Deus non vult  
nobiscum agere  
secundum legem,  
ergo nos quoq;  
non debemus  
cum Deo secun-  
dum legem agere*

Non frustra hoc moneo, video quid acciderit optimo viro Bernhardo, cum si diligenter excutias, invenies esse duplicem. Quando enim est apud se in fide, tunc pulcherrime docet Christum, prædicat ejus beneficia, accendit animos ad ample- ctendum Christum, hic nihil spirat nisi rosas & mella. Rursus cum disputat, ex lege, aut de lege, tunc non aliter disputat, quam Turca aut Iudæus aliquis, qui Christum aut nescit, aut negat. Legat ejus disputationes quisquis volet de vita monastica, de obedientia erga Abbates, &c. & videbit me verum dicere. Idem aliis Doctoribus omnibus usu venit. Quando sunt secum extra disputationes, purè docent Christum, cum autem in campum Legis progrediuntur, sic disputant, quasi nullus usquam es- set Christus, qui instituisset, imo qui suo sanguine remissionem peccatorum emisset. Idem nos quoq; experimur, cum in legalia & traditiones incidimus. Ergo in illo Pa- radiso seu coelo gratiæ consistendum est, & nusquam progrediendum alio, ut mane- amus in hac simplici confessione cum Davide, Apud te propitiatio est.

Sed cur addit, Vt timearis? Nam sic reddenda est altera pars hujus versiculi, nimirum, ut ostendat nobis contra quos pugnet, & ut magis illustret sententiam, ad- dita Antithesi, q. d. Experientia didici, cur apud te sit propitiatio, & cur tu hunc ti- tulum tibi vendices, quod sis misericors & ignoscens. Quia enim omnia colligis in gratuitam miserationem, & nihil relinquis meritis & operibus humanis, ideo time- ris. Quod si non essent omnia posita in misericordia tua, & nos nostris viribus posse- mus peccata tollere, nemo timeret te, sed totus mundus superbe te contēneret. Hoc enim quotidiana experientia testatur, quod ubicunque hæc cognitio misericordiæ Dei non est, ibi homines ambulant in præsumptione suorum meritorum. Intuere Monachum, præsertim autem Minoritam, quod genus ob istam superbiam semper maximè odi, is quia habet Regulam & legem, ad quam vivat, sine omni vero Dei ti- more est, & in summa securitate ambulat, Paucissimi sunt, qui veniunt in cognitio-

*Hydrocrita non  
timens, sed præ-  
sumens, gratia  
autem iustifica-  
mur ne præsu-  
memus sed ti-  
meamus.*

*Minorita.*

nem peccati, & qui desperationem sentiunt. Nam qui sentiunt desperationem, libentissime admittunt, quod apud Deum sit propitiatio. Isti autem etiam ferro & igni doctrinam de propitiatione persequuntur. Sic enim solet lex, facit præsumptuosos, superbos, ac contemptores Gratiae, sicut Paulus egregie ostendit in Iudæis, Rom. 2. Iudæus appellaris, & niteris Lege, & gloriaris de Deo, &c.

Qui tales sunt, non autoritate Apostolorum, non Christi miraculis excitantur mortuos moventur, sed tanquam saxa stant immobiles. Neque enim intelligunt propitiationem in ista securitate, sed etiam persequuntur. Dupliciter igitur peccant tales prae publicanis, & recte dicit Christus: Meretrices & publicani vos praecedent in regno caelorum. His enim facile persuadetur, quod sint peccatores, & quod opus habeant gratuita condonatione, Contra, Hannas, Caiphas, & alii Pharisei, cum haec audiunt, rident, nec possunt ferre, ut à quoquam doceantur.

Quod autem ad utrosque attinet, iustissime decrevit Deus iusticiam aestimandam esse, non secundum opera nostra, sed simpliciter secundum misericordiam & remissionem peccatorum. Quia si iusticia esset ex operibus aut lege, necesse esset aut desperationem sequi ex Lege non sancte servata, aut præsumptionem, si servata esset. In desperatione autem timor major est, quam debeat esse, In præsumptione plane nullus timor est. Media igitur via est, quod Deus omnia concludit in misericordiam. Non quidem tollit legem, nam haec vita sine lege non potest consistere, Quae enim Reipub. forma futura esset, si caedes, adulteria, furta, impunè admitterentur? Deinde oportet etiam piorum exercitia & opera verbo Dei regi, Ad hunc usum relinquit Deus legem, & accipit eam pro obedientia in iis qui credunt. Sed quod ad ipsum peccatum attinet, jubet, ut posita omni fiducia legis, tantum speremus in misericordiam, quam in Christo Iesu pro peccatis passo, ostendit Deus. Ita tollitur præsumptio, & relinquitur timor, non qualis in desperatis est, sed qualem invenias apud recte institutos liberos erga patrem. Ergo nullus Monachus salvabitur propter Regulam & duram vitam, ego etiam non salvabor ideo, quod cum summa fide & studio Christum praedico, Non salvatur Princeps, quia diligenter praestit suis, & defendit suos. Ac de Monacho facile probaveris hoc verum esse, nam totum vitae genus est sine verbo Dei, sed docere Ecclesias, gubernare Respublicas, sunt quidem sanctissima & summa opera, sed tamen sunt opera Legis, quae per se aut desperationem, aut præsumptionem pariunt. Igitur etiam stantibus his operibus, non contingit salus, nisi per id, quod apud Deum propitiatio est, ut timeatur.

Recte igitur conclusit Deus omnia sub peccatum, ut omnium misereatur. Nam si aliquid relinquas humanae naturae, quo Deum possit demereri, Nemo timebit nec colet Deum, sed venient ad Deum omnes, sicut Monachi, afferentes jejunia, orationes, obedientiam, & similia, Sed hoc modo amittitur Deus, & loco Dei colitur Idolum cordis. Nam dum cogitat Monachus Deo placere funem, quo rectius ex arbore penderet, quam cinctus est, dum cogitat placere Deo alias traditionum observationes, Nonne à vero Deo discedit, & cogitationes cordis sui in Dei locum collocat, dum sentit Deum idem cogitare quod ipse cogitat? Sequitur igitur ex iusticia legis vera idolatria, quae fingit alium Deum, & verum amittit. Nam verus Deus est propitiatio per Christum, operarii autem volunt opera sua esse propitiatoria. Deus igitur abjicit opera omnia, & nudam misericordiam suam proponit, ut scilicet timeatur, ut non contemnatur à præsumptuosis, omni causa præsumptionis sublata.

Discamus igitur ex hoc versiculo hanc Maximam, quod cum doctrina remissionis peccatorum, Gratiae, seu propitiationis, amissa est, necessario sequitur, ut Idolatria regnet. Nam sublata Gratia, etiam timorem Dei tolli. Propheta dicit. Quid autem est timere Deum aliud, quam colere & venerari Deum? Item agnoscere quod sit beneficus, & ideo ei obedire. Hunc Deum amisi ego, cum essem Monachus, & ambularem in fiducia iusticiae meae. Nam facto & verbo probare possum, ex perfectissima iusticia legis nihil aliud posse sequi, quam aut desperationem, quae est rarior, aut præsumptio-

facit contemptores gratiae

Iusticia tantum est ex gratia.

Lex non tollit Deum, & im-  
men-tem ad ius-  
ticiam nihil fa-  
cit.

Iusticiam sanctissimam opera non iustificat.

Fiducia operum amittit Deum & excludit timorem.

Deum non timeatur, ubi non creditur gratuita iustitia.

Timere Deum.

Quis sit legem suam, signum non iustificat.

Rom. 2.

Matth. 23.

Rom. 11.  
Gen. 3.

sumptionem, quæ est communior, . Natura enim & diabolus non possunt cavere quin præsumant.

Luc. 17.  
Joh. 1.

Quid igitur, inquires, an non facienda lex est? an non sunt facienda bona opera? Profecto facienda sunt. Nam ideo Ecclesiam habet Deus in mundo, Ideo Respublicas & œconomiam instituit, ut nusquam deesset occasio recte operandi. Sed quis est, etiam cum hæc facit studiosissime, qui non videat quantum adhuc relinquatur immundicie, præsertim si facta sua deducat in conspectum Dei? Ergo caput negotii totius relinquitur soli Misericordiæ, quam sola fide in Christum apprehendimus. Et qui per opera sumus servi inutiles, per Gratiā, quæ in Christo exhibita est, constituimur filii, Ioh. 1. Sic verus timor Dei, verus cultus reverentia vera imo agnitio Dei vera, sola misericordia nititur, quod per Christum confidimus Deum esse propitium. Cum hoc cultu Dei plus pugnant desperatio & præsumptio, quam aqua & ignis inter se pugnant. Quia autem lex aut ad desperationem, aut præsumptionem, inclinatur, ideo recte concluditur, per Legem neq; justiciam, nec verum Dei cultum existere. Et tamen servandus est decalogus. Qui enim præest, præsit in sollicitudine, qui est subditus, pareat. Hic sunt dissimilimæ inter se conditiones, & personæ, Principis, Doctoris, ministri, senatoris, civis, servi, ancillæ, patris, matris, filii, &c. Debent autem singuli in suo genere obedientiam Deo, ut summo studio faciant, quantum possunt. Sed quia legis opera hæc sunt, per ea tantum servi sumus, & accipimus promissam mercedem ex pacto, per propiciationem autem seu gratiam constituimur filii & hæredes regni Dei. Opera igitur quæ sequuntur, non faciunt hæredes aut filios, sed sunt ab hæredibus & filiis, ad gratiarum actionem, & testandam obedientiam.

Gratia filios facit, Opera faciunt servos.

Quare commendo vobis has consequentias, quod ubi propitiatio non est, ibi nullus est Deus, Item, ubi Deus non est, ibi non est propitiatio, Item, ubi propitiatio non est, ibi non est timor aut cultus Dei, sed manet idolatria & justitia operum. Hæc stante Lege & natura, non possunt aliter se habere. Ergo Papatus, Mahometismus, Iudaismus, Monachismus, & quicquid simile est, quod propiciationem nō intelligit aut credit, simpliciter est coram Deo Idolatria, etiamsi specie videatur eximiū esse, quia extra propiciatorium non est timor Dei, sed præsumptio. Christiana igitur doctrina non negat aut damnat opera bona, sicut impudenter adversarii nos calumniantur apud imperitos, Sed docet Deum non velle observare iniquitates, hoc autem velle, ut credamus, seu fidamus misericordiæ, quia apud eum est propitiatio, ut timeatur, & maneat Deus noster. Quicumq; igitur credunt Deum esse ignoscentem, & propter Christum remittere peccata, hi verum & rationalem cultum Deo præstant, non litigant cum Deo de lege, operibus, & justitia, sed posita omni propria fiducia, reverentur eum ob propiciationem, & sic constituuntur filii, qui accipiunt Spiritum sanctum, & legem verè incipiunt facere. Hujus doctrinæ jam experientia & exhortationes sequuntur.

Consequentia  
Psalms

Christiana doctrina non bona opera prohibet.

*Sustinui te Domine, sustinuit anima mea, in verbo ejus speravit anima mea.*

Non possum non valde accusare interpretem, quisquis fuit, quod tam negligenter reddidit, quanquam hi errores istis debentur, qui in Græcam linguam hunc librum transtulerunt. In superiore versu planè contrariam sententiam reddidit, & etiam confudit versum. Nam quod fecit, Propter legem tuam sustinui te Domine, neq; sensum aliquem habet, nec ad hunc versum propriè pertinet, Sic enim debent collocari versus. Apud te propitiatio est, ut timearis ( id est, ut maneat Deus, & colaris. Qui enim Deum non agnoscunt, quod sit apud eum propitiatio, planè ignorāt Deum, nec possunt eum recte colere ) *Expecto Dominum, expectat anima mea, expecto in verbo ejus.* Satis verbosus versiculus, sed minime ociosus est. Pertinet enim ad augendam, & quasi inspirandam orationem, & exhortationem. Primum enim proposuit se tanquam exemplū ejus doctrinæ, quam cupit in Ecclesia conservari, & oravit pro exauditione. Deinde apprehensa propitiatio, sensit se esse exauditum. Iam igitur adhortationem addit, qua se excitat, ut in hac gratiæ cognitione perseveret, neq; unquam se in aliud doctrinæ genus sinat abduci, q. d. Scio apud Deum esse pro-

V.

&

ut timeatur.



*Expectare.*

pitiationem, Hunc principalem articulum aliquatenus didici, Nunc hoc faciendum est, ut expectem (significat autem expectare idem quod sperare) ut perdurem in hac cognitione, ut summum solatium habeam in propitiatione, quam sensi apud Deum esse, & perpetuo hanc spem propitiationis retineam.

*Animi facile ab hac gratia cognitione abducuntur disputationibus.*

*Disputando amittitur veritas.*

*Heva.*

Ostendit autem Propheta hoc in loco, quàm facile animi ab hac cognitione abducantur in disputationes, sive publice sive privatim. Nos cum essemus in pulcherrimo cursu propagandæ doctrinæ sanæ, primo impediēbamur a seditiosis hominibus, postea ab iis, qui Sacramentum corporis & sanguinis Christi profanabant, tandē ab Anabaptistis quoq;. Cum his dum digladiamur, penē effugit nos hujus loci diligentior tractatio. Idem periculum posteros quoq; manebit, neque enim docendo, sed disputando amittitur veritas. Hoc enim malum disputationes secum afferūt, quod animi quasi profanātur, & rixis occupati, quæ præcipua sunt, negligūt. Sic Heva paradiso, cum retineret præceptum Domini, pulchrē stabat, Vocatur igitur à Serpente in alienam disputationem, de consilio prohibitorum fructuum, & sic à verbo abducitur. Porro Satan novit hunc articulum justificationis, ne quidem ab inferorum portis everti posse. Quod igitur recta via non audet tentare, per indirectum (ut loquuntur) conficit, Incipit disputationes, & objicit spectacula, in quæ cum intuemur, & pio animo ad sedandas turbas quasi arbitri accurrimus, involvimur ipsi quoque negociis, & paulatim ab hoc scopo abducimur. Pugnandum quidem est contra hæreses, sed ita, ne id solum agamus, & hujus loci obliviscamur. Hoc periculum ostendit David, cum sic urget exemplum, q. d. Magni laboris est, in hac doctrina manere. Ego igitur hoc unum agam, ut expectem Dominum, & caveam ne hæc cognitio mihi eripiat.

*Expectatio seu spes debet verbo gratia niti.*

Quod addit: Expectat anima mea, Ebraïsinus est, sicut nos Germanicè dicimus, Ex toto corde expectabo. Est enim amplificatio, quod non solum expectaturum se Dominum esse dicit, sed addit: Ex toto corde expectabo, ut significet ardens studium retinendæ hujus doctrinæ. Sed præcipuè observandum est, quod addit, *Expecto vel spero in verbo ejus.* Papa, Hæretici, Iudæi, etiam se sperare dicunt, sed relinquunt Verbum, & sequuntur cogitationes suas. Hæc est quidem spes nomine, sed re est nihil. Neq; enim à vocali Verbo discedendum est. Id enim cum sit, quid potest certi de Deo retineri? maximè cum Deus ideo dederit verbum, ideo instituerit ministros verbi, Magistratus, parentes, &c. Quorum vocem sequi, & eorum auctoritati nos parere jussit. Non enim vult sperari secundum nostras cogitationes, sicut profani spiritus etiam nostro tempore docebant, qui sine Verbo vocali, sine sacramentis cum Deo agendum esse putabant, sed alligat nos ad Verbum, quod certis ministris in Ecclesia mandatum est.

*Satanæ artes.*

Significat autem Propheta hic aliam tentationem, quæ eos obruit, qui in cognitione misericordiæ retinenda non sunt diligentes. Hoc enim agit Satan, aut publicè tollit verbum, aut privatim, apud eos qui habent verbum, hanc spem impedit. Sic Papa habuit verbum, habuit Sacramenta quoq;, & tamen stante verbo & Sacramentis, abripi se est passus ad peregrinationes, regulas, vota, &c. Nobis quid cum sectis acciderit, jam ante commemoravimus. Quis autem pericula illa enumeret, quibus animi privatim quotidie sollicitantur, ut à verbo discedant ad alias opiniones, quas sine verbo ratio sibi fingit. Tantæ molis est, vitare has Satanæ artes. Dicit igitur, Non patiar me à Verbo abduci, sed sperabo in verbo, remissionem peccatorum, & fidem meam non fingam ex meis cogitationibus, sed ex verbo, &c. Duplex igitur periculum est, contra quod Propheta suo exemplo nos monet. Primum est apud eos, qui fingunt fidem, & tollunt verbum, sicut prophani spiritus. Secundum est apud eos, qui verbum quidem habent, sed id non retinent, & ad Idolatriam abducuntur, sicut Papatus. Sed tertia tentatio est gravissima, contra quam dicit,

*Primâ tentatio. Secunda.*

*VI.*

*Expectat anima mea Dominum, à custodia matutina usque ad noctem.*

*Tertia.*

Hæc est tertia tentatio. Quando enim Satan non potest vincere recta via, ut aut discedamus à Verbo vocali ad nostras cogitationes, sicut hæretici, aut retinentes Verbum,

Verbum, vertamur ad Idolatriam, sicut Papistæ, tunc hoc agit, ut fatigando nos vincat. Quare non solum magno animo opus est ad vincendum, sed etiam assiduitate, ne sinamus nos ejus improbitate vinci. Nam hoc videmus sæpe, quod *Non debere fatigari nos assiduitate hostis.* assiduitate vincuntur, quos nulla periculorum magnitudo potuit vincere. Et in re bellica nihil æque laudatur, quam urgere hostem. Sic Turca, etsi sæpius magnas clades acceperit, tamen quia pertinaciter urget, vincit, Hanc assiduitatem David significat præstandam esse ijs, qui volunt doctrinam justificationis, & ipsam justiciam retinere, & proponit hic suum exemplum, Quod sicut hostis non desinit impetere, ita ipse quoque non desinat expectare, & ad Dominum respicere, ut non solum valida & forti, sed etiam assidua fide vincat, & indefatigabili spe.

Discenda igitur ratio pugnandi est ex nostri hostis consilijs. Is nunquā fatigatur studio impetendæ Ecclesiæ, Sic initio statim hæresis hæresin, persecutio persecutionem excipiebat. Nobis quoque primum cum monstris Papæ pugna fuit, His repressis, surrexerunt profanatores Sacramenti, postea Anabaptistæ secuti sunt. Hi errores nunc non primum nati sunt, sed indefatigatus hostis, & consilijs nocendi instructissimus, jam olim sopita mala, denuo excitat, ne quod respirandi tempus afflicta Ecclesia habeat. Videmus enim, quam incipiant omnia plena esse Epicureis, nec pauci sunt qui semina Arianae hæresis revocant. Hanc hostis pertinaciam utile est scire ne prolabamur in securitatem. Neque enim semel vicisse satis est, sed pugna pugnam, victoria victoriam sequitur. *Satan est assiduus hostis.*

Sicut autem hanc hostis improbam assiduitatem in Ecclesiæ historia cernimus, ita experimur eam privatim quoque. Quare si hodie oratione vicisti, ne sis securus, cras enim redibit fortior & instructior, igitur ad aliam pugnam te compara. Ita sæpe accidit, ut cogitatio, quam hodie facile potuimus vincere, cras vincat, & nos evertat. Quare Christianus debet paratus esse non solum viribus, sed etiam perseverantia. Neque enim in stadio currit, cujus terminus aliquis sit, sed circulum *Perseveranter orandum.* habet propositum, ubi semper recurritur ad initium. Ideo Christus dicit, Qui perseveraverit in finem usque, hic salvus erit. Non igitur debemus frangi improbitate, aut vinci tædio, sed pugnandum est non solum contra vim & dolum, sed etiam contra tædium, ut excitemus nos hac fide, quod sicut Satan non dormit, nec quiescit, sic non dormit, nec quiescit Dominus & Deus noster.

Ad hunc modum proponit nobis exemplum suum David, ut muniti contra tentationes, quæ promissionem Peccatorum sequuntur, non cedamus Satanæ. *Davidi exempla non cedendum tentationibus.* Etsi enim certissimum est, propitiationem esse apud Dominum, peccata esse remissa, nos baptizatos esse in mortem Christi, & vocatos verbo ad communionem Sanctorum, & cum reliquis Christi membris corpore & sanguine Christi refectos, Hæc omnia, inquam, etsi sunt certissima, tamen satis periculi est, ne ab astuto hoste decipiamur, qui ex omni parte insidiatur nobis. A dextris imminet per hypocrisin & securitatem, A sinistris per tyrannos & desperationem. Ad hæc accedit improbum studium, ut nusquam absit longius, Igitur dicit Propheta, Expecta anima mea Dominum à matutina custodia usque ad aliam matutinam custodiam. Atque hæc est Christianorum patientia. Nota est Gentium sententia, Furor fit læsa sæpius patientia. Nam si quid patitur patientia, patitur ex desperatione quadam, ut cogitent animi, frustra tolerari ista, hinc vertitur patientia in furiam & opprimitur desperatione. Sed Christianorum patientia non sinit se opprimi, sed urget spem de die in diem, de anno in annum, & sic tandem triumphat ac vincit. *Quomodo differat patientia gentium, à Christiana patientia* Magnum est in Repub. retinere invictum animum contra quotidiana incommoda, quæ incidunt, Sed perseverare in his malis, quæ David suo exemplo ostendit Christianis, jam consecutis remissionem peccatorum, imminere, retinere spem in peccatis & conscientia accusationibus, ferre alias vexationes, quibus Satan credens sine modo torquet. Hæc divina virtus est, & talis pugna, cui promissa est immarcessibilis corona gloriæ. Iam sequitur exhortatio ad imitandum hoc exemplum, & doctrinam hanc amplectendam.

## VII.

*Speret Israel in Dominum, Quia apud Dominum misericordia, & multa apud eum redemptio.*

*Optat & hortatur ut populus suo exemplo in Dei misericordia acquiescat.*

*Fides summum & praestantissimum donum.*

*Fidei collatio cum charitate.*

*Fructus fidei.*

*Expectare cur necesse sit.*

*Apud Deum est propitio, ergo non ira.*

*Credere.*

*Hesed.*

*Verbo plus quàm*

Hic est profecto aureus Versiculus, & dignus, qui summa cura cognoscatur, quod optat & hortatur, ut totus populus suo exemplo in certa spe misericordiae Dei acquiescat & perduret. Neque enim fides ita leviter aestimanda est, ut Papistae docent, qui somniant, Fidem esse qualitatem haerentem in corde, cum qua transeat cor tanquam dormiens, postquam numerare novit syllabas istas, Credo in Deum. Quia enim nunquam experiuntur certamina illa, quae fidei subeunda sunt, etiam rident nos, cum dicimus, Fidem esse principalem virtutem, qua sola justificemur, liberemur à peccatis, &c. Verum enim est quod Sapiens dixit, Stultus non intelligit, nisi dicas quae sunt in corde ipsius. Quae igitur nos fidei tribuimus, isti charitati tribuunt, & eam fidei praefereunt. Sed si vere & suis coloribus fidem pingas, longe charitatem superat. Vide enim fidei objecta, Coram Deo pugnat sola, contra Satanam nunquam cessantem, sed semper impugnantem, idque de morte & vita aeterna, de peccato & lege accusante, de Gratia remittente. Ad haec si charitatem conferas, occupatam in levandis calamitatibus hominum, siue consolatione, siue auxilio opus sit, quis non videt, quod longe antecellat fides? Quantum enim discrimen est inter Deum & hominem, inter humanas necessitates & mortem aeternam? Haec igitur fidei sunt exercitia, ut in summis periculis cum Satana in conspectu Dei assiduo depugnet, neque enim, ut supra diximus, improbus hostis concedit serias aliquas. Etsi igitur charitas non pulchra solum, sed etiam latissime patens virtus sit, respectu aliarum virtutum moralium, Tamen fides infinito major & augustior est, siue objecta, siue alias causas consideres.

Hic enim fructus Fidei est, ut sentiat cor, victam esse mortem, morte Christi, peccatum autem expiatum, & legem abolitam, per Gratiam & propitiationem. Haec per se sunt certissima, sed ea nostra est infirmitas, ut non possimus certo apprehendere, igitur adhuc terremur cogitationibus mortis & peccati. Quod si haec fiducia gratiae Dei esset perfecta, nulla unquam tristitia posset cor credens occupare. Ideo David hac exhortatione utitur, ut postquam Israel habet propitiationem, perseveret in expectatione, nec sinat sibi excuti fiduciam misericordiae. Verbum quo utitur, proprie significat expectare. Respicit autem certamen illud, cum animus incipit dubitare de misericordia Dei, ob certas calamitates, quibus obruitur. In eo certamine quia non ita statim sentiuntur, quae verbum promittit, & fides credit, procumbunt animi in desperationem. Contra hanc tentationem hic monet, ut meminerint expectandum esse, non esse discedendum à verbo, aut statuendum aliquid contra verbum. Et addit causam.

Quia apud Dominum misericordia est, Caro in tentatione & periculis sentit apud Deum nihil esse nisi iram. Consolatur igitur nos Spiritus, & hanc impiam de Deo opinionem conatur extinguere, & pronunciat apud Deum esse Misericordiam, seu beneficentiam, si tantum hoc faciamus, ut expectemus. Ideo autem opus habemus hoc testimonio, quod cum sensum sequimur, contrarium experimur. Sed non ex sensu, nec ex re praesenti iudicium faciendum est, Verbum est sequendum, & statuendum, quod haec credenda, non experienda sint. Credere enim, non est experiri, non quod nunquam experienda sint quae credimus, sed quod experientiam debet praecedere fides, & est credendum Verbo, etiam tum, cum diversa à verbo sentimus, & experimur. Ut cum animi statuunt in calamitatibus, Deum nobis irasci, nos non curare, sed odisse, Fides contra statuat, apud Deum nec iram, nec odium, nec poenam, nec culpam esse, sed etiam si sinat affligi, non hoc fieri, ut malefaciat nobis, esse enim apud eum Hesed, & cogitare eum de beneficiis, ut liberet à malis, ut mortificet peccata, ut alia dona, in nobis augeat, &c. Haec si impiis non contingunt, quid mirum est? Aut enim plane non credunt, aut cum credunt, non perseverant. Quare nos credentes addamus ad Fidem etiam

spem,



spem, ut etiam si contraria sentimus & experimur, & videatur Deus nobis tanquam hostis infligere poenas, tamen non credamus ulli experientiae magis, quam verbo & Spiritui sancto, qui pronunciat apud Deum esse misericordiam, seu beneficentiam, qui amet nos, & cupiat nobis benefacere.

Hæc Spiritus sancti veritas est, ut cogitemus, imo certissime statuamus, apud Deum non esse iram, sed etiam si qua externa incommoda accidunt, fames, morbus, dolor animi, & similia incommoda, ut eas tentationes devoremus per fidem & spem, probantes patientiam nostram Deo, & sperantes liberationem in tempore opportuno, sicut Paulus in Rom. jubet in tribulationibus etiam gloriandum esse. Nam nisi Deus nos amaret, non odisset nos Satan, Nisi haberemus vitam, non perqueretur nos hostis noster morte. Sic qui maxime iusti & sancti sunt, quia retinent fiduciam remissionis peccatorum, hos Satan maxime tentat conscientia peccatorum, adeo, ut nonnunquam ex uno poculo vini exhausto, ex uno dicto, quod per imprudentiam exijt, ejusmodi peccatum faciat, quod Baptismum & omnia dona, quæ possidemus, obruat. Quin sæpe bona & sancta opera calumniatur, ut animus in moerorem conjiciatur. Hæc omnia, inquam, Sancti experiuntur, Quam autem longe erraremus, si semper posthabito verbo, vellemus sequi sensum & experientiam nostram? Hæc Papistis Satan non facit, diversum facit, horrenda flagitia eorum & nefanda crimina ornat tanquam summas pietates. Contra nos, qui cupimus & conamur vivere secundum voluntatem Dei, qui deinde sanctissime docemus, sustinemus sæpe conscientiam, ac si pessime vixerimus.

Discendum igitur hoc est in Theologia, quod hæc accidunt pijs, & vincenda sint ijs cogitationibus, quas hic proponit Spiritus sanctus, ut sic apud nos statuamus, Sum vocatus ad communionem meriti Christi, & sum baptisatus, Siqua hæc quotidiana vita peccata habet, transeant ista fiducia propitiationis. Doctrina autem, etsi eam mundus calumniatur, & contumeliose accipit, non potest non esse vera. Hæc ostendit, postquam in Christum credidimus, nihil esse apud Deum aliud, quam Hæsed, seu beneficentiam, quod Deus non possit aliud facere, quam ut amet & benefaciat. Quod si contrarium apparet in sensu, non curo, Nec, si moriendum, hanc cognitionem mihi excuti patiar, sed firmiter credo, infra in terra, & supra in cælo nihil esse nisi beneficentiam. Statuo autem hoc non ex sensu, aut præsentire, sed ex verbo, quod dicit, Apud Dominum misericordiam esse, super me & omnes, qui credunt, Qui autem non credunt, super hos esse iram. Vincam igitur cogitationes meas Verbo, & scribam hanc promissionem in cor meum, quod postquam credo in Christum Iesum, & non dubito, mihi esse remissa peccata per sanguinem ejus, non confundar, etiam si omnis sensus & experientia diversum suadeant & probent. Apud me sentio iram, apud Diabolum sentio odium, apud Mundum extremum furorem. Sed Spiritus sanctus non mentitur, qui jubet sperare, Quia apud Dominum misericordia est, & multa apud eum redemptio.

Redemptio significat liberationem, atq; eam universalem, tam à culpa, quam à poena, quanquam magis à culpa. Hanc dicit copiosam & multam esse, propter angustiam cordis nostri. Nam cum nos oramus pro liberatione, ita oramus, ut modico videamur contenti fore, Sic qui tristitia animi turbantur, optant quietem unius diei, qui premuntur inopia, pane quotidiano videntur sibi contenti fore, Sed Deo hoc non satis est, dat enim supra quam possumus intelligere aut petere, Et prorsus verum est, nescire nos, quomodo aut quid petamus. Libenter utor proprijs experientijs. Quid enim & quantum mihi uni dedit? Non plus optabam, quam ut iste unus abusus Indulgentiarum tolleretur, Sed quod diluvium mirabilem ac maximorum beneficiorum secutum est? Ita in universum verum est, Neminem audere optare tantum, quantum Deus paratus est donare. Causa est angustia cordis nostri, parvitas spei & infirmitas fidei. Superat igitur copiosa redemptio infinitis modis petitionem nostram, Ideo etiam Dominus tradidit formam orandi. Hæc enim nisi ita à Christo præscripta esset, quis nostrum esset ausus tot & tanta petere? Igitur non

In tentationibus retinenda spes & respondendum ad verbum, non ad sensum præsentem.

Experientia Theologica.

Hæsed.

Redemptio copiosa.

Oraturi non possumus animo contenti, quantum Deus vult dare.

Rom. 3.

Ephes. 3.  
Rom. 8.

non solum constituimur per meritum Christi victores peccati, inferni & mortis, sed etiam in hac vita multipliciter sentimus beneficentiam Dei. Et licet nunquam tantum ausi essemus petere, tamen donavit ea Dominus, & donabit alia quoque.

*Deum liberaliter exaudiri.*

*Jacob. Abraham.*

*Formam. Ecclesia post Christum.*

Ideo dicit Propheta, Copiosam redemptionem esse, quæ scilicet sit supra nostrum captum. Nos enim sicut exiliter credimus, ita etiam petimus exiliter. Ipse autem Pater in cœlis pluit uberrime super scintillas orationis nostræ, & guttulas fidei nostræ, & compenlat moram, liberali copia. Nam etiam si expectandum est, tamen tanto postea est liberatio uberior. Iacob, qui est Israel, expectavit Dominum, Quid igitur secutum est? Totum fere orbem mutavit ille populus, ex tam parvis initiis succrescens, An non putas autem, si Abraham hanc posteritatem suam omnem, & insignes res gestas vidisset, eum dicturum fuisse, Nunquam se hoc potuisse sperare animo? Credebat quidem promittenti Deo, sed tam mirabilem & magnificam posteritatis suæ fortunam non potuit credere, propter angustiam cordis humani. Sic Ecclesia post Christum oravit pro regno Dei, Ad hanc orationem secuta est ruina regni Romani, invicti, ut videbatur. Nos quoque oramus hodie pro liberatione, Veni et igitur dies Domini, & dissipabit universum mundum, cum omni potentia Satanae & inferorum. Ergo hoc tantum curemus, ut perseveremus in spe & fide, tunc faciet Dominus gloriosum eventum omnium periculorum. Non enim deseret nos Deus, nisi nos priores cessaverimus sperare & orare.

*Consolatio Christiani tenenda. I. Præcepti summa.*

Ergo Christiani hanc consolationem teneant, nunquam esse tantam oppressionem, quanta futura est liberatio. Quod si aliter sentiunt & cogitant, male cogitant. Hæc enim est primi Præcepti summa, quod hic dicit, Copiosa est apud Deum redemptio. Hoc enim vere est, esse Deum, redimere & liberare, idque majore dignitate & splendore, quam ab animo humano cogitari potest.

### VIII.

*Conclusio Psalmi. Bonitas Dei.*

*Et ipse redimet Israel, ex omnibus iniquitatibus ejus.*

*Vera Dei pictura.*

Hæc promissio est conclusio Psalmi, In qua iterum ostendit, quam habuerit causam cur oraret, & quid nos in simili periculo sperare debeamus. Est autem suavissimum, videre bonitatem Dei, non in eo solum, quod hanc vitam donat, regit, & conservat, Sed multo magis, quod ostendit se hostem esse peccati & mortis, atque hoc agit, ut nos ab his liberet ac salvet. Hoc enim est, quo alia Dei dona jucunda efficiuntur. Etsi enim scimus nos esse Dei creaturam, tamen quia tristitia, timor mortis, mala conscientia, & similia incommoda adsunt, non possumus Dei donis libero animo frui. Hoc igitur est Deum suis coloribus pingere, ut hæc vita & omnes creature nobis dulcescant, cum secundum versiculum hunc pingitur, quod velit redimere populum suum à peccatis, quod mortem occidere, infernum vastare, & Satanam velit contere. Talis Deus est credentium Deus, credentium dico, propter negantes & contemnentes eum. Nam qui credunt, etsi pusillanimes sunt, & vexantur à Diabolo & morte, tamen norunt Deum suum esse Redemptorem ab omnibus iniquitatibus. Eriguntur igitur & sperant, expectantes liberationem in Verbo promissam.

*Definitio quid sit Deus proprie.*

Accommodabitur igitur hunc versiculum eo, ut sit ceu definitio, quodnam Dei officium sit, aut quid velit proprie facere, nempe, quod velit cum peccatoribus rem habere, ut & peccata aboleat & creat vitam, justiciam, læticiam, & omnia bona, Medium autem quo hæc Deus facit, scitis esse Christum, quem ideo in hunc mundum misit, & suppliciis mortis subiecit, ut credentes in eum consequerentur remissionem peccatorum, & constituerentur filij Dei, Sic docet totus Psalmus, non de externa vita aut bonis operibus, sed tantum de fide & spe erga Deum per Christum, & de finali victoria, contra Satanam, peccatum & mortem. Hæc enim non sunt humanorum operum, aut nostrarum virium, sed divini operis & virtutis, Communicantur autem nobis, quia apud Dominum est misericordia, & copiosa apud eum redemptio. Hæc una ratio & via est, qua ad victoriam hanc pervenitur, Doctrina operum habet alium finem, & sic urgenda est, ut tamen gloriæ & merito Christi nihil detrahatur,

hatur, sicut nos Dei gratia, hunc locum ubiq; sincere tractavimus. Faxit autem Christus, ut eadem lux etiam luceat posteris nostris. Amen, A M E N.

M. D. XXXIII. Mense Octobri.

# PSALMVS CXXXI.

*Domine non est exaltatum.*

**H**ic Psalmus fere de eadem materia loquitur, de qua præcedens Psalmus locutus est, nisi quod Antithesin paulo clarius exprimit, qua animum oppressum sensu peccati ostendit. Vnde apud Theologos generali sententia in proverbium abiit, Ambulare in mirabilibus super se, hoc est, quod vulgo dicunt, nimis alte volare, tentare rem supra vires, & sic periculum incurrere. Sic in genere non inepta Catachresi, seu potius contra generalem sententiam, Psalmo hoc usi sunt contra omnem superbiam, commune totius generis humani vitium, in quo omnes sumus, nec potest alio remedio curari, quam aut gratia divina, aut furore seu ira Dei, hoc est, cum vel pij afflictionibus, vel impij pœnis exercentur. His rationibus præsumptio, naturale vitium omnium, sanatur, Alioqui impossibile est non præsumere hominem vel de potentia vel sapientia vel iustitia.

*Generalis sententia Psalmi contra superbiam.*

*Superbia commune omnium hominibus.*

Hæc superbia postea parit contentiones & rixas, sicut videmus, quæ ad ingenij laudem attinent quam varie homines exercent. Ibi non solum præsentibus volunt videri sapientiores & eruditiores, sed etiam priora secula incessant, & cornicum oculos, quod dicitur, configunt. Quid futurum putas, cum talia ingenia postea ad sacra accedunt? Sic potentia infatuantur animi, ut nullum faciant modum superborum consiliorum & cogitationum. Idem accidit cum Pharisei & hypocritæ (nam horum id proprium est) conceperunt opinionem sanctitatis & iustitiæ, In summa homines superbi & præsumptuosi, ut vocant, sunt Perturbatores non solum sui ipsius, sed Rerumpub. Ecclesiæ, œconomix & omnium rerum. Qui historias norunt, vident quantum mali semper ambitiosa ingenia excitarint, Sic in Ecclesia hæretici, extimulati persuasione sapientiæ, concordix & pacis perturbatores sunt, Idem in œconomicis usu venit, unde natum Germanis elegans & bonum Proverbium est, quod dicunt, Malo dignum esse, qui conatur quod non potest præstare.

*Sapientia facit superbos.*

*Potentia.*

*Injustitia. Es gehe dies sen altes vnglück an / dec es besser wil machen denn er kan.*

Sed tales quæso qui sunt? Omnis mundus, Quis enim est, qui contentus sit dono suo, & non aliquando conetur aliquid melius & accuratius præstare, quam potest? Sequitur itaq; tertium, ut sicut præsumptio tollit pacem & concordiam, lites autem & contentiones, ceu foecunda mater pariat, Ita tandem necessario sequatur vanitas vanitatum & frustra sint impij conatus. Noster vicinus Dux an non satis negotij haberet in gubernanda sua Ditione, & administrando opere suæ vocationis? Sed præsumptio non patitur cum quiescere, quin etiam suscipiat curam Ecclesiæ gubernandæ, quæ tamen ei non est demandata. Sic qui primi dederunt nobis turbas de Sacramentis, non contenti fuere ministerio suarum Ecclesiarum, etiam totius sacrae Scripturæ quasi dominium usurparunt, ut existimarent sibi licere eam pro arbitrio interpretari, & ut Basilius loquitur, *τὴν ἀλήθειαν ἀφαιρούμεν.*

*Exitus præsumptionis.*

Adeo late patet hoc vitium, & sicut dixi, plane est immedicabile, nisi sanetur vel gratia vel furore. Gratia est cum afflictionibus revocamur ad moderationem, seu humilitatem, furor est, cum superbos obruit Dominus pœnis & eos tollit, sicut sustulit Pharaonem. Hujus præfractio & contumacia non potuit sanari, nisi exitio in mari rubro, Sic Benjamitæ non cessarunt prius à furore, quam pene deleti essent. Sic Absolon non cessavit, priusquam ex arbore penderet. Sic Arius, Cerinthus, & multi nostro sæculo novatores dogmatum, non cessaverunt priusquam dignum suis factis exitium invenirent. Ita fit, cum impij ceu equus furcens, per superbiam cursum arripuerunt, non prius sistunt cursum, quam perierint.

*Duplex modus sananda superbia. Pharaon. Benjamitæ. Absolon. Arius.*



perierint. Idem accidit iusticiarijs, Pharisei non prius cessabant Evangelium persequi, & niti suis iusticijs, quam Ierusalem, regnum, & sacerdotium funditus perisset. Hic est exitus præsumptionis quando verbo non corrigitur. Verum itaq; est non posse sanari hanc pestem, quam vel gratia, vel furore.

*Psalmus loquitur de superbia spirituali.*

*Superbia tandem confunditur.*

Ad hunc modum generaliter fere interpretantur Psalmum contra superbiam seu præsumptionem, Sed ego existimo rectius exponi posse de superbia spirituali, seu de superbia iusticiæ. Nam, ut supra ostendi, hæc tria fere superbos faciunt, Potentia, sapientia, & iusticia. Si quis igitur vult, faciat sane triplicem superbiam, secundum hæc tria objecta. Sunt enim dona distributa in homines, & habent suam mensuram & modum suum. Itaq; potentes suo modo potentes sunt, nec possunt esse potentiores, Sapientes suo modo sapientes sunt, nec possunt esse sapientiores, Iusti suo modo sunt iusti, nec possunt esse iustiores. Superbia autem facit ut velint esse & videri potentiores, sapientiores & iustiores, quam revera sunt. Hinc cum res ad certamen deducitur, & peccatum cum iusticia, non manente in suo dono, modo, & mensura sua, pugnat, vincitur, & ex iusticia fit desperatio, quæ sæpe ad laqueum hypocritas adigit. Sic fit, ut impotentia committatur cum potentia & vincat, potentia autem confundatur. Sicut accidit Israelitis pugnantibus contra unam tribum Benjamin, Sic stultitia sæpe vincit & confundit sapientiam.

*Moderate de se sentiamus &c.*

*Cicero. Iulius Cæsar. Pharao.*

Hujus insperati eventus quæ causa est? Hæc scilicet, quia homines non confidunt in Dominum, sed præsument de propria iusticia, sapientia, potentia, contra verbum & voluntatem Dei. Vult enim Deus, nos tantum confidere in ipsius virtute & misericordia, Sed homines id nolunt, & putant se ideo potentes, iustos, sapientes esse, ut in his dictis confidant, & de ijs prælumant. Merito itaque sunt infelices. Cur enim quod possunt, non faciunt, & faciunt quod non possunt? Digni itaq; malo sunt, secundum proverbium Germanicum, quia conantur quod præstare non possunt. Ergo maneamus in humilitate, & moderate sentiamus de dono nostro, non iudicemus, non premamus alios, non simus ingeniosi in aliorum laboribus, sed singuli faciamus quod nostræ vocationis est, ac huic vitio obsistamus tanto diligentius, quanto id natura nobis omnibus adhæret altius, quanquam in uno plus, in alio minus se exerit. Sicut etiam Gentilium historiæ ostendunt. Cicero est ambitiosior Demosthene, fortasse quod in ampliore imperio & potentissima monarchia vixit. Iulius Cæsar est ambitiosior Augusto. Sic in sacris, pertinaciam cum superbia conjunctam habet Pharao. Porro omnia exempla tum sacrarum literarum, tum Gentilium, eundem eventum & exitum ostendunt, quod præter spem suam immersi malis, confunduntur & pereunt. Sed, ut dixi, nos relicta hac generali sententia, interpretabimur Psalmum de spirituali superbia, quæ consistit in opinione sapientiæ & iusticiæ.

I.

*Domine non est exaltatum cor meum, neq; elati sunt oculi mei, Nec ambulavi in magnis & mirabilibus super me.*

*David humilissimus. Phariseus, Luc. ca. 18.*

*Iusticiarij iudicant timore.*

*carnificum.*

*Proprietatem civium iusticia.*

Quod David hic gloriatur, facit doctus experientia, Q. d. Sensi quantum mali sit efferri animo, & securum esse in iusticia. Itaq; non ero amplius superbus, non gloriabor amplius de iusticia propria. Nam superbus Phariseus, qui gloriatur se non esse sicut cæteri sunt, is ad primam vocem accusantis conscientie concidit, & pavore exanimatur, nec potest contra levissimum peccatum consistere, taceo montes & maria peccatorum, quæ uno momento extinguunt præsumptuosos & securos, Bonum itaq; est, inquit, quod tu me humiliasti, & docuisti per afflictiones, ne superbi-rem, ne mihi viderer sanctus, ne me constituerem tanquam executorem iusticiæ, iudicantem & condemnantem omnes. Nam hoc omnium iusticiariorum proprium est, iudicare alios, & se constituere tanquam censorem reliquorum, Sicut exemplum Pharisei in Evangelio ostendit, qui non potest simpliciter commemorare virtutes suas, nisi etiam miserum publicanum simul damnet. Hoc proprium peccatum est naturalis, legalis, & civilis iusticiæ, ut damnet alios, ut invadat tribunal Dei, & pronunciet contra eos, quos videt tanquam in inferiori gradu positos esse. Qui est bonus

bonus civis, qui est eruditus Iureconsultus, admiratur se, & tantum non constituit se sibi idolum quoddam, Alios autem iudicat, & præ se contemnit. Rusticus qui non omnino est stupidus, cum videt aliquod sui Magistratus erratum, cogitat sicut servulus in Comœdia reprehendens avariciam heri sui, Oh me Regem esse oportuit.

*De iustitia non  
magis erat præ-  
sumendum  
quam de artifi-  
cio quod exer-  
cetur.*

Hæc politica sunt plena vanitatibus & stultissimis stulticijs, quibus tamen nemo potest abstinere, nisi Spiritus sanctus moderetur corda ac gubernet, & doceat nos, quod iustitia illa, sive naturalis, sive moralis, sit tanquam opificiū quoddam, per quod coram Deo nihilo simus meliores. Ac nemo sane tam stultus est, qui se meliorem Christianum, & Deo gratiorem esse constituat, quod sartor, futor, figulus, faber &c. sit, Sed cum plane eadem ratio sit iustitiæ, sive moralis, sive naturalis, nemo tamen est, qui non de ea præsumat, nisi Spiritus sanctus in viam revocet. Habet enim speciem sanctitatis, itaque animi inflantur, donec humiliati discant, nihil in ea iustitia esse præsidij coram iudicio Dei. Quoties vidimus magnos Theologos, cum magno supercilio inter homines versatos, tandem desperatione quadam cum jam morti vicini essent, ad stultissimas nugas confugisse, & induisse cucullum Monasticum? Sic memini magnum virum, & qui primam laudem inter Iureconsultos habuerat, in articulo mortis dicere, O si subuleus potius quam Iureconsultus fuisset. Sentiebat enim in eo periculo etiam diligentem iustitiæ administrationem nihil opis asferre. Sic Cicero cum ob Augusti & Antonij potentiam, periculum sibi iudicaret imminere, nullum præsidium esse sentiebat in omnibus literis, sed vanecebat omnis eruditio, & studium illud ingens Philosophiæ. Idem Demostheni accidit fugienti Antipatrum, In summa, Omnia huiusmodi exempla docent verum esse quod Salomon dicit, Qui exaltat domum suam, quærit ruinam.

*Magni viri in  
periculo animo  
franguntur.*

*Cicero.*

*Demosthenes.*

Sed hoc aulici nostri non credunt. Queruntur adhiberi ad Principum negotia Scriptores (sic enim appellant eruditos) nobilitatem autem negligi. Sed cum ipsi ad negotia adhibentur, sic ea gubernant, ut tanquam currus in altum cœnum demersus, neque retrahi nec promoveri possit. Recte & iuste. Cur enim conantur quod non possunt præstare? Hæc causa est, cur fere Imperia nihil sint quam ruinæ & cædes. Quis est, qui si diligenter administrationem, quæ sub primis Cæsaribus fuit, consideret, vel unum diem consistere posse imperium Romanum putet? Sicut enim Livius dicit, neque vitia, nec remedia sua videtur ferre posse, sed simpliciter mole sua ruere, sicut ædificium nimis altum.

*Aulici nobiles  
Imperii.*

Sed longe plus periculi est, cum in religione homines elatos oculos habent, & ambulant in mirabilibus super se, hoc est, cum sibi placent ob sanctitatem, ac videntur sibi sedere in sinu Dei, & tamen nihil norunt de propitiatione & remissione peccatorum, sed simpliciter incedunt in suis operibus, quod jejunant bis in sabbato, quod dant decimas, quod non sunt adulteri, raptores &c. etsi cor plenum sit omnis generis foedis cupiditatibus. Hæc præsumptio manet usque dum occupemur periculis mortis, tum omnia illa præsidia elabuntur de manibus, & sequuntur voces illæ desperationis, Perдите vixi, vota, regulam nostram, non servavi &c. Cur itaque es factus monachus? Nonne ut ascenderes ad iusticiam? Sed sic descendisti ad infernum, quia voluisti exaltari. Qui non exercentur huiusmodi tentationibus, moriuntur sicut vaccæ.

*Præsumptio iu-  
sticia.*

II.

*Quando animam meam non posui & compefeci, tunc erat anima mea sicut  
ab lactatus à matre sua.*

Hic palam dicit de experientia sua, quod viderit quantum periculi sit in præsumptione iustitiæ. Quare discamus quid sit, quod Epistola ad Ebræos dicit, ἀπαρ-  
τίας ἐκ παγίσανον ubique circumstantis peccatum, & præsens, nec sequamur temerita-  
tem vulgi, quod non ita multis concionibus auditis, putat se totum Evangelium satis cognovisse, Audisti fortasse totum, sed totum nondum credidisti, nondum experientias illas fidei, orationis, crucis, quæ in Christiano præcipuæ sunt, didicisti,

*Circumstant  
peccatum.*

vobis cavere, ponite vos in numero discipulorum. Satan enim ejusmodi artifex est, ut facile discrimen hoc tollere, & loco Evangelij legem, rursus loco legis Evangelium possit obtrudere. Quoties enim accidit laborantibus in agone mortis, ut miseræ conscientia apprehendant quasdam Evangelij sententias, quæ vere ad Legem pertinent, & per eas Evangelij consolationem amittant? Qualis hæc est, Si vis vitam ingredi, serva mandata Dei, Item hæc, Non omnis qui dicit mihi Domine Domine, intrabit in regnum coelorum. Hujusmodi sententijs sic nonnunquam contunduntur mentes, ut nihil videant, quam quid sit à se factum, quid fuerit faciendum, Item quid Deus exigat, quid prohibeat. Hæc dum corda intuentur, obliviscuntur omnium, quæ Christus fecit, & Deus per Christum facienda promisit. Quare nemo præsumat se hæc plene esse assecutū, Verbo quidem distinctio hæc facilis est, sed in morte & periculis experimur, quam non simus boni Dialectici, quando scilicet incidit disputatio de factis & faciendis, Cum Lex objicit, hoc præcepit tibi Dominus faciendum, Tu autem non fecisti, Sed fecisti contrarium, Damnaberis itaq; secundum sententiam Legislatoris. Hic qui bonus Dialecticus est, distinguit inter Legem & Evangelium, & concedit quidem Legem se non fecisse, Sed ad hoc antecedens, inquit, non sequitur illud consequens, ut ideo desperem & damner. Evangelium enim jubet in Christum credere, & Christi operibus ac justitia niti. Qui ad hunc modum discrimen hoc tenet, & hanc maninam Evangelij apprehendit, salvatur & vincit, qui non apprehendit, perit & desperat.

*Discrimen legis & Evangelij quod difficile est.*

*Si vis vitam ingredi &c.*

*Disputatio de factis & faciendis.*

*Evangelij vox.*

In hoc igitur loco de justitia coram Deo plurimum est periculi, itaq; non præsumendum, sed cum timore humiliter agendum est. Si enim præsumptio in politicis, cum aut opum aut potentia aut sapientia fiducia inflantur animi, nunquam sine periculo abit, in Theologia longe periculosissima est, & tamen ibi maxime est. Satan enim ad filios Dei venit, & conatur omni studio in præsumptionem & securitatem eos inducere. Quare quotidie contra hanc latentem pestem pugnandum est, & cavendum præcipue, ne quis sibi placeat, quasi teneat distinctionem Legis & Evangelij, Tenere quidem potes, sed hoc vide, num etiam firmiter teneas, ita ut non possit excuti à conscientia & Satana. Paulus certe libere fatetur, se nondum apprehendisse, sed sequi hanc cognitionem tanquam in stadio metam. Sic nos omnes sumus, faciem quidem ad metam tendimus, & in eo sumus ut eam attingamus, Sed id non fit ante carnem exutam & humatam. Quare in timore interim ambulemus, orantes ut lucem quam Dominus ostendit, non sinat extinguī, sed quotidie magis illuminet mentes nostras, & perficiat opus quod in nobis coepit. Hoc qui non faciunt, obruentur desperatione & erunt similes ablactatis.

*Præsumptio in Theologia periculosissima est.*

*Phil. 3.*

*Speret Israel in Domino, ex hoc nunc & usq; in seculum.*

III.

Hic versus clare ostendit Psalmum loqui de ea præsumptione, quæ proprie contra fidem est, & vocatur præsumptio justitiæ propriæ. Ideo hortatur, ut confidant in Domino, & discant firmi esse in humilitate & mortificanda fiducia, quæ est in adjutorio Legis & propriæ dignitatis. Hoc inquit, tum fiet, si confidatis & speretis in Domino, non hodie, aut cras tantum, sed nunc & in æternum usq; , ut quædam æterna sit præsumptio (sic loquendo) misericordiæ Dei, remissionis peccatorum & justitiæ per Christum donatæ. E contra, ut nunquam ne uno quidem momento præsumatis de vestris operibus, quanquam ea sancta & legi Dei conformia esse debent. Nam hæc unica & nudissime nuda fiducia manere debet, quæ vocatur fiducia & spes misericordiæ Dei in Christo exhibitæ. Hæc fiducia firma est. Deus enim non mentitur, sed fideliter servat, quod promisit, tu modo perpetuo & fideliter in eum confidas. Sed hic à Satana periculum est, omnibus viribus conante, ut nos ab hac firma fiducia abducatur. Pugnandum itaq; est, & hæc doctrina est quotidianis certaminibus contra Diabolum & nequitas spirituales exercenda, quæ nihil aliud agunt & moliuntur, quam ut primum nos erigant in præsumptionem, & deinde iterum dejiciant in desperationem.

*Hortatur ad fiduciam in Domino, & pugnandum ad versus præsumptionem propriam justitiæ.*

*Fiducia misericordiæ Dei.*  
*Satan inflat ut dejiciat.*

Contra Deus primum per Legem suam terret & dejicit, ut postea elevet, de-

*Deus dejicit ut exaltet.*



*Umbraculum  
contra æstum.*

ducit ad inferos, ut reducat. Mammam gratiæ etiam justificatis nonnunquam subtrahit, ut discamus quid nostra ipsorum justitia soleat facere, nempe, quod solet opprimere desperatione, Vt postquam hoc experti sumus, non sequamur nostrum sensum, sed erigamus nos fiducia Christi, qua mortui vivificantur, & salvantur. Hæc misericordia est ceu cœlum, quod semper manet firmitatum super nos, quo tecti, ubicunq; sumus, securi sumus. Sic Esaias vocat umbraculum contra æstum, quod misericordia Domini regimur contra iram, desperationem, Diabolum, & mortem. Hoc umbraculum qui deserunt, patientur intolerabilem æstum. Ad hunc modum docet hic versus, loqui Davidem de damnabili illa præsumptione justitiæ propriæ, & hortatur contra eam luctari per spem misericordiæ æternæ & per æternam fidem, Hæc unica via est qua servamur.

## PSALMVS CXXXII.

*Memento Domine David.*

*Argumentum  
Psalmi.*

*Diabolus mendax & homicida.*

*Finis politica.*

*Finis sacerdotij.*

**H**ic Psalmus, sive Salomonis est, ut quibusdam videtur, sive Davidis, est oratio pro regno & sacerdotio. Hæc enim duo sunt præcipua dona in hac vita & hoc mundo. Ideo opus habent oratione & auxilio Dei, ut contra Diabolum defendantur, cujus duplicem titulum nostis, quem ei Christus tribuit in Evangelio Iohannis, cum vocat mendacem & homicidam. Non enim quiescit, sed omnia quærit & conatur, ut mendacijs & cædibus involvat mundum. Adversus has Diaboli artes & regna, erexit Deus alia duo Regna, sic enim vocare libet, Politiam & Ecclesiam, seu regnum & sacerdotium contra cædes & mendaces doctrinas. Sic David, Reges & Principes omnes administratione politiæ, debent hoc studere, ut tranquillam vitam agant subditi, ut conjugia, liberorum educatio, & alia officia œconomica in pace possint consistere, & defendi contra seditiosos, & cupiditatem hominum. Sacerdotium autem pertinet, ut subnascens proles deducatur ad Regnum cœlorum, & ministri Ecclesiæ sunt ceu Angeli positi ad defendendam veritatem, ut destruat regnum Satanæ, patris mendaciorum. Hæc sunt propria sacerdotum officia, quæ semper in mundo inter fideles extitere, & continuum bellum gessere contra Hæreticos.

*Patriarcha.  
Propheta, &  
Apostoli.*

Sic Patriarchis certamen fuit ante diluvium contra Cainitas, Post diluvium contra Esavitas & alios, Prophetæ belligerati sunt contra falsos Prophetas, sicut testantur ipsorum conciones. Apostoli, contra Pseudoapostolos, Neq; enim Satan cessat. Porro semper majus fuit regnum Satanæ, Nam si Ecclesiam spectes, semper plures fuerunt infideles quam fideles. Sic in politica, semper major pars est eorum, qui non obediunt, qui turbas & bella movent, quam qui officium faciunt & obediunt. Cum igitur regnum Satanæ (si numerum spectes) longe sit amplius, deinde tum Politia, tum Sacerdotium ejusmodi res sint, quæ longe supra vires humanas positæ sunt, Itaque nostris viribus defendi & retineri non possunt, Palam est, quam necessaria hæc oratio sit, qua David utrunq; fortunari & conservari postulat.

*Quid gentes  
senserint de  
gubernatione  
imperatorum.*

*Cicero.  
Antonius.  
Xerxes à  
Themistocle  
victus.*

Atq; hic primum vide differentiam inter regem Davidem & alios Reges mundi. Sentiunt & vident hoc alij quoque, Respub. humana vi retineri non posse, Itaque dixerunt, singulari afflatu numinis opus esse ei, qui bene & feliciter velit regere. Ac quanquam nescirent divinitus ista gubernari, tamen fortunam (ita enim appellant benedictionem, cujus causam non norunt) prætulerunt sapientiæ, potentiæ, justitiæ, & omnibus imperatoriis virtutibus. Quia enim justi viri fere opprimuntur, injusti autem dominantur, judicarunt justiciam non esse principalem causam retinendorum Imperiorum, Alioqui non occubuisset Cicero, Antonius autem non esset evehctus ad tantam potentiam. Si potentia vero retinerentur imperia, non vicisset Themistocles Xerxen. Sic multis claris Imperatoribus non defuit

defuit sapientia & industria, & tamen fuerunt infelices. Hæ experientia coegerunt etiam Gentes, ut divinitatem aliquam adderent magnis Imperatoribus, quæ regeret sapientiam, potentiam, & iusticiam, atq; hanc fortunam dixerunt.

Sed mihi hic Davidem vide. Hoc etiam videt, non esse suarum virium, retinere regnū, Sed non fortunam esse sentit, quæ imperia conservat, Deum enim iudicat esse causam, Deinde statuit, sicut audiemus, Deum propter misericordiam non defuturum orantibus, Gentes neutrum horum norunt. Porro eadem necessitas, quæ incumbit Magistratui, ut pro Repub. orent, etiam incumbit, ut oretur pro Ecclesia. Iohannes Apostolus prohibere non potuit, quin nasceretur Cerinthus, Posterioribus temporib. prohibere Ecclesia non potuit, quin Arius, Sabellius, Novatus, & alij hæretici exorirentur, Nos hodie non potuimus prohibere, quin exorirentur profanatores cœnæ Domini, Baptismi, &c. Studiose quidem docuimus Ecclesias, ne quicquam desiderari sumus passi, quod pertinebat ad nostrum officium, Sed hoc non satis fuit. Quid igitur faciendum est? nempe hoc, quod Psalmus ait, ut dicamus, Memento Domine David, ut sanctificetur nomen tuum, ut foedi isti profanatores luant poenas turbatae pacis & Ecclesiæ, &c.

David sentit imperia divinit. su gubernari.

Cerinthus. Arius.

Profanatores cœnæ Domini.

Ad hunc modum est Psalmus oratio pro veteri populo, ut Deus regnum & Sacerdotium propter promissiones Davidi factas servare velit. Est autem nobis quoq; usui, quod etiam nos habemus nostrum Davida, & Ephratam, in qua invenimus tabernaculum Dei nostri, Res enim manent eadem, tantum significatio vocabulorum immutanda est. Sicut autem ipsi periclitati sunt in utroq; ita nos quoq; periclitamur. Quare una recte canemus hoc, MEMENTO. Porro sequar sententiam literæ simpliciter, quomodo à populo veteris Testamenti oratus sit. Facile enim est postea eum applicare ad nostra tempora. Sicut autem regnum duplex erat, hoc est, regnum corporale & spirituale, ita quoq; dividitur Psalmus in duas partes. Primum enim orat pro Ecclesia, deinde pro politia.

I.

*Memento Domine David, & omnis afflictionis ejus.*

Atque fustid.

Vocabulum Hefed afflictionem, humiliationem, oppressionem significat. Hieronymus fere ubiq; vertit pro mansuetudine, Sed circumstantiæ arguunt eum loqui de Davide multa passo propter promissionem divinam. Sicut enim historia Regum ostendit, persequitur eum Saul immani odio. Sed cur? Nimirum ideo, quia à Samuele, vivente adhuc Saule, in Regem unctus erat, Hinc persecutiones illæ, odium, invidia, obrectatio, & omnis generis pericula in eum derivata sunt. Quod autem horum sive Salomo filius, sive totus populus in oratione & conspectu Dei meminere, non sit eo modo, quo Papistæ putant, ut David pro ipsis intercedat, Sed loquantur de Davide habente promissiones, ac Deum per Davidem illarum promissionum commonefaciunt, sicut Paulus quoq; loquitur de Abrahamo. Quare nomen Davidis non est accipiendum absolute tanquam loquatur solum de persona ejus. Loquitur enim de Davide non simpliciter, sed secundum aliquid, hoc est, de Davide promissario, ut sic dicam, seu habente promissiones, & vestito divinis promissionibus, ut magis intelligas formam quam materiam. Formam enim docendi causa voco, promissionem, Materiam autem, ipsum Davidem, cui promissiones factæ sunt.

Meminit Davidis pro et promissiones l. p. faciat.

Est itaq; hæc sententia, Domine Deus oramus pro regno non tanquam digni & meriti ut exaudiamur, sed sicut Daniel loquitur, prosternimus nostras preces coram te in multis tuis miserationibus, nitentes eo, quod Davidi promisisti, te facturum, ut Regnum nostrum sit perpetuum. Ita pulcherrime orditur orationem, statim in ipso vestibulo ostentans promissionem. Hoc exemplum utilissimum est, ut oraturi appareamus coram Deo tanquam miseri peccatores, non confidentes nostro merito, neque nitentes dignitate nostra, sed quasi induti misericordia & promissionibus ipsius. Non sicut ille, qui dicit, Bis jejuno in Sabbato, Sed memento Domine promissionum tuarum. Nam promissiones aliud nihil sunt, quam miserationes & misericordiæ gratis oblatae.

Nomen Davidis includit promissiones, atq; ideo etiam misericordiam.

Phariseus Lucae 18.

Quomodo men-  
tionem faciat  
afflictionum.

Sancti veteris  
Testamenti  
quos Papistæ es-  
sant de invoca-  
tione Sancti.

Papistarum i-  
dolatria.

Eadem religio  
Iudaorum, Pa-  
pistarum, Tur-  
carum.

Ad hunc modum quod afflictionum meminit, etiam non facit id absolute seu simpliciter, sed secundum aliquid. Intelligit enim proprie afflictiones toleratas propter Promissiones, in quibus afflictionibus David, promissiones tenuit, nec passus est sibi eas excuti, Deus quoque eas Davidi servavit. Sicut igitur, inquit, Davidem, omnia propter Verbum tuum tolerantem, & nitentem Verbo tuo servasti, Ita nos quoque nitentes promissionibus tuis serva, ut perficias, quod operatus es in nobis. Ad promissiones enim omnia referenda sunt, sicut Mose quoque facit cum dicit, Memento Abraham, Isaac, &c. Non enim, sicut indocti Papistæ somniant, invocavit Abraham & Isaac, sed promissiones, allegat, ipsis de Semine seu posteritate factas. Harum quomodo potest Deus rectius commoneri, quam cum isti nominantur quibus promissiones Dominus fecit? Has Sancti opponunt indignitati suæ, peccatis, & demeritis suis.

Hæc diligenter sunt inculcanda, ne degeneremus in absurditates Papistarum, quorum Theologia scholastica plane nihil novit de promissionibus Dei, sed cum hæc sint potior pars sacrarum literarum, tamen eas non intelligunt. Alteram autem partem, nempe Legem, tenuiter tradunt & semiplenam. Ideo huiusmodi sententias sic exponunt, q. d. Psalmus, Memento Davidis, quam sanctus & bonus fuerit, ac sine, ut per merita ejus, quæ in nos supererogavit, habeamus Regnum &c. Hæc sententia autem, palam est idolotrica, Apprehendit enim nudam materiam sine forma, seu personam activam tantum. Sicut Iudæi putant propter sua merita se velle impetrare Messiam. Ad hunc modum plane eadem religio Turcarum, Iudæorum, & Papistarum est, pariter enim nituntur sua dignitate. Nos autem personam activam, cum ad Dei conspectum ventum est, abjicimus, & volumus passivam personam indutam promissionibus, hoc est, talem Davidem, qui spargat in nos non sua merita, sed promissiones datas & conservatas in omnibus afflictionibus. Huiusmodi Davidem Papistæ non norunt. Cum itaque tantum norint activum Davidem, ex eo postea idolum faciunt. Non norunt eum ita sanctum esse, sicut tota Ecclesia est sancta, Non quia habet bona opera, sed quia habet promissionem gratiæ, quæ vere sinus & uterus est, in quo Ecclesia geritur & nos omnes.

## II.

*Quia juravit Domino, votum fecit Deo Jacob.*

Hæc videntur ad Salomonem non inepte referri posse, tanquam autorem huius Psalmi. Vult enim dicere, Tu promissisti Davidi regnum, David rursus promissit tibi templum, hoc nunc perfectum, & impletum votum est. Serva jam tu quoque promissum tuum, ut huic loco & populo adsis. Ad hunc modum offert templum, & arcam in fide promissionis Davidi factæ, de lucerna non extinguenda, ac rogat eam promissionem servari. Porro de hoc voto nihil loquitur scriptura, tantum enim habetur illa consultatio cum Propheta Nathan 2. Reg. 7. Sed autor voluntatem Davidis vocabulo juramenti & voti voluit commendare, quod fixum habuerit, in animo, hoc modo gratitudinem declarare, & testari fidem suam in promissionem Dei.

Votum Davidis.

Potens Jacob.

Virtus populi Dei.

Vbi Latinus fecit Deo Jacob, in Ebræo est, Abir, quod magnum & potentem significat. Hoc nonnunquam tribuitur Angelis, sæpe etiam tribuitur adjective alijs rebus, quibus fortitudo & robur quoddam inest, sicut bovi &c. Hic autem insigne fidei vocabulum est, quod Deus sit potentia seu vis sui populi. Sola enim fides Deo hoc tribuit, Ratio & caro plus tribuit opibus & alijs præsidij carnalibus, quæ ipsa intelligit. Sed quicquid ejusmodi carnalium præsidiorum est, vere sunt idola, quæ fallunt. Ista autem est virtus, vis & robur populi quod Deum habet. Hæc virtus, in medio hostium hunc quasi pugillum populi Iudaici conservavit. Porro ideo hoc vocabulum Deo tribuitur, ut intelligas eum solum esse, qui dat virtutem & victoriam. Sic alio in loco textus dicit, Alij in curribus & equis, nos autem in nomine Domini. Sic Paulus dicit, Confortamini in potentia ipsius. Nam hoc robur æternum est & non fallit, Reliqua præterquam quod fallunt etiam sunt momentanea. Hinc sequitur forma juramenti.

2. Reg. 7.

Psalm. 120.  
Gal. 6.

Siin.



*Si introiero in tabernaculum domus meae, Si ascendero in lectum  
strati mei.*

III.

*Si dederò somnum oculis meis, & palpebris meis quietem.*

IV.

*Donec inveniam locum Domino, tabernaculum potenti Iacob.*

V.

Est hæc *μεγαρολογία* usitata Ebræis, cum magnum studium significant, nos una figura diceremus hoc totum, non acquiescam priusquam Domino invenero habitaculum. Neq; autem hic necesse respondere ad puerilem illam quæstionē, quomodo poterit hoc juramentum consistere, cum neq; David templum ædificaverit, nec si ipse ædificasset potuerit opus absolvi, nisi sæpius conscenderet lectū suum, & dormiret. Nam de voluntate seu animo loquitur, quod David ad hoc opus perficiendum affectus fuit. Porro voluntas seu animus artificis complectitur omnes causas, materialem, formalem, finalem & efficientem etiam. Quoniam itaque, sicut in Regum libro ostenditur, David indignum esse ratus est, si ipse habitaret in cedrina domo, arca autem sub pellibus esset, explicat hæc figura summam voluntatem, qua optavit hanc indignitatem tollere.

Porro hic iterum notabitis, cum de tabernaculo potentis in Iacob loquitur, quod sancti Patres & Prophetæ non simpliciter Deum in cœlis habitantē speculati sunt, sed Deum apprehensibilem in certo loco, & quasi persona quadam indutum. Deus enim per se est natura infinita, ideo cogitationibus simpliciter apprehendi & circumscribi nequit. Respicit igitur David ad verbum, quo Deus se alligarat ad arcam, quam cum in templum collocaturus erat, vocat templum, tabernaculum seu habitaculū Dei Iacob. Hic sapientes Iudæi disputarunt, Deus infinitus est, stultū igitur est putare eum rectius coli in isto loco quàm alibi. Sed laudandi sunt oculi Davidis, Salomonis & aliorū piorum, qui non vagabantur opinionibus suis in infinitum, sed verbum secuti, Deum tantū eo in loco quærebant, ubi se inveniri velle verbo revelaverat. Qui ibi offerebant, dicebantur coram Domino offerre, qui adorabant, dicebantur coram Domino adorare. Sic Adam, Abraham, Iacob habuerunt altaria, ubi Deus se revelarat, & signo cœlesti confirmarat se ibi esse. Quia enim Idolatriæ peccatum nemo potest effugere, si non ipse Deus, locū & modum cultus ostendat, Ideo semper in mundo piis certus locus ostensus est, de quo promissio fuit, Deum ibi esse, audire, loqui velle, &c. Nos hodie nullū habemus locum corporalē, sed omnia sunt in Christo. In hunc unū debent intenti esse oculi & corda nostra, solus enim est nostrum *οἶκος*, ita ut rectē dicatur, extra hunc hominem Iesum, nullum esse Deum. Itaq; qui eum apprehendit fide, habet Deum, qui non apprehendit, Deum nullum habet, nec potest habere.

*Tabernaculum Dei.*

*Altaria Patri*

In Ebræo nomen tabernaculi plurale est, videlicet propter partes templi. Nam propitiatorium erat, in quo non licebat, nisi semel in anno comparere summo sacerdoti. Deinde erat Sanctum, in quod licebat solis sacerdotibus ingredi. Tertia pars erat Atrium, in quo reliquis tribus adorare licebat, hoc est, vulgo pariter & Principibus. Etsi autem solis sacerdotibus in Sancta, & ad Propitiatorium ire concessum erat, tamen omnibus communis erat promissio, futurum ut ibi orantes exaudirentur. Inde accidit, ut qui etiam Ierosolymis non essent, tamen orantes faciem & oculos versus templum flecterent fiducia promissionis, quam Dominus tabernaculo affixerat.

*Partes templi.*

*Ecce audivimus eam in Ephrata, invenimus eam in campis Sylva.*

VI.

Hoc est, votum Davidis nunc est impletum. Prædicatur enim Dominus habitare in isto templo à Salomone ædificato, quod est ejusmodi, ut posthac non sit transferendum in alia loca, sicut hætenus accidit, jam in Gilgal, jam in Silo, tandem in Gabaa erat. Porro ubicunque erat arca, ibi simul Deus erat. Nam promissio arcam sequebatur ubicunque tandem locorum esset. Nunc, inquit, fixus & stabilis locus est, in quo arca & templum manebit, quod si in hoc loco non erit, nusquam in toto orbe terrarum erit.

*Dominum habitare in templo Salomonis.*

*Ephrata esse,  
quid sit.*

Sed quid est, quod dicit in Ephrata esse? nusquam enim legitur domum Domini fuisse in Ephrata, hoc est, Bethlehem. Etsi igitur figura paulò videtur esse durior, tamen certum est per Ephratam intelligi regnum Iudæ, cui præfuit David Ephrateus, ut idem sit in Ephrata, hoc est, in Ierusalem, ad quam David Ephrateus transtulit sedem regiam. A rege itaq; Ephrateo, per Metonymiam, Ierusalem vocatur Ephrata, sicut etiam in Germanico sæpè solemus, ut si dicam, Saxonia liberè confessæ est Christum Augustæ coram Cæsare & toto imperio. Hic Saxonia significat Ducem illustrissimum & perpetua memoria Ecclesiarum dignum IOHANNEM, electorem Saxonie, qui genere Saxo fuit, Sic dicimus, Pomerania regit Ecclesiam VVittenbergensem, hoc est, Iohannes Bugenhagen Pomeranus. Eo autem hac figura hoc in loco voluit uti Propheta, ut intelligas templum prædicari non propter Salomonem, qui templum ædificavit, nec propter populum præsentem confluentem ad templum, sed propter Davida habentem promissionem istam. Sicut enim supra admonui, promissio est summum, quod considerari debet in omnibus, ad eam hic respicit & significat ex promissione, non ex meritis datum esse templum.

*Campi sylvæ.*

*Locus in quo  
verbum Dei  
docetur.*

Repetitio seu *ταυτολογία* est quod addit in campis sylvæ, Nam campos sylvæ vocat Ierusalem, sicut Prophetæ sæpius eam vocant Libanon, quod ex Cedris Libani sit ædificata, & ligna Libani, quasi migrasse Ierololymam videantur. Superior itaque appellatio ex persona, Hæc autem ex materia ei est indita. Pertinent autem hæ figuræ eo, ut discamus, quam magnum donum sit habere locum, in quo verbum Dei docetur. Ibi enim est & conservatur Ecclesia, hoc est, regnum cælorum. Hunc locum, inquit, hic habemus, ubi templum est ædificatum promissione divina. Hic enim Verbum audimus, hic Deus nobiscum loquitur, hic oramus & facimus omnia, quæ ad Dei cultum pertinent, hic vincitur diabolus, & omnes ejus insidiæ, furores, mendacia, quibus Ecclesiam perturbare, & gloriæ Dei ac Ecclesiæ nocere conatur.

## VII.

*Introibimus in tabernaculum ejus, adorabimus in loco, ubi steterunt  
pedes ejus.*

*Gratulatio &  
adhortatio ad  
cultum divinum  
in tabernaculo,  
&c.*

*Adorare.*

Hæc satis arguunt, de Ierusalem eum loqui, siquidem loquitur de iis, quæ post Davidem acciderunt impleto voto, quod vovit. Est itaq; vox gratulatoria, & simul adhortatoria, q. d. Cum habeamus locum verbo Dei designatum & firmatum, quid cessamus? quin imus audituri ibi verbum Dei, oraturi, Deo acturi gratias, prædicaturi ejus Misericordiam, & bonitatem? Hæc enim ferè sunt, quæ in domo Dei, seu templo convenit facere. Verbum adorandi, gestum significat, nempe, sicut ferè solemus orantes, incurvari & vultum advertere ad Dominum seu templum. Quod Latinus fecit, In loco ubi steterunt pedes ejus, in Ebræo est, Adorabimus ante scabellum pedum ejus, hoc est, ante propitiatorium, seu arcam, ubi Deus promiserat se habitare velle, Vbicunque autem Verbum est, ibi vere est scabellum, habitaculum, cubile, & altare Dei, Sicut Prophetæ ferè significant per verbum, quod Deus sit præsens, sicut econtrà cum Verbum abest, verè Deus abest, & sumus tanquam oves in deserto sine Pastore.

## VIII.

*Surge Domine in requiem tuam, tu & arca fortitudinis tue.*

*Requies Dei.*

Hic denuò appellat locum Verbi, requiem divinam, hoc est, tabernaculū, habitationem, seu mansionem Dei, sicut Christus loquitur, mansionem apud eum faciemus. Est autem oratio hæc, quam subjicit superioribus, q. d. Templum ædificatum est, ac nunc arcam in id collocamus, Surge igitur ad locum tuum & collocare, ut habites nobiscum. Hæc, enim est requies tua, Vis enim certo loco & modo coli, nec tibi placent variæ opiniones, & cultus varii secundum inventiones hominum. Es quidem Deus cæli, & cælum est solium tuum, sed à nobis non sic vis coli, hoc vis, ut agnoscamus te hic habitare, & ut in hoc uno loco te quæramus, &c.

*Isa. 14.*

Porro

Porro stultum & ridiculum est in cordibus sapientum hominum, Deum affigere huic loco & ceu murem collocare in istas Sanctuarii tenebras, quod tantum ibi & nullibi alibi velit coli. Sic vicinas Gentes, quibus Iudæorum religio nota fuit, mirum in modum offendit, concludi hoc modo in angulum infinitam naturam, Sed Deus hominum cogitationes non solum non curat, sed damnat quoque & statuit, ex suo Verbo esse cogitationes nobis formandas. Vbi cunq; ego, inquit, memoriam nominis mei fecero, ibi ero, q. d. Scio locum istum in Ierusalem angustioresse, quam ut me possit capere. Nam quem coelum coelorum non capit, quomodo antrum id caperet, & tam brevis arca? Imo pro mea maiestate & persona mea non indigeo alicujus loci, sed pro tua salute tu indiges ut sit certus locus, in quo adores, me invenias, verbum audias, benedictionem accipias &c. Hoc tua necessitas postulat, ne, si ego talem locum tibi non destinem, Diabolus te decipiat, & tu cum credas me adorari & coli, ipsum Satanam adores & colas. Hoc periculum tuum cogit, ut ego constituam certum locum, in quo sit memoria mea. Quanta quæso fuit nostra sive infania, sive stulticia, quod alius Romam, alius Hispanias petijt, quasi non ubique esset nobis præsens Deus invocantibus cum in nomine Christi? Quanta porro opinionum extitit varietas, cum singuli sibi deligerent peculiarem modum colendi Dei? Hæc ne à populo Dei fierent, sicut tamen Prophetæ ostendunt esse facta, constituit Deus unum certum locum, ad quem convenirent, non quod non etiam alibi esse posset, sed ut populus haberet, quo cum veniret, certo inveniret Deum.

*Certus locus in quo Deus invenitur.*

Arca quidem fuit res corporalis, sicut templa apud nos habent materiam, ex qua ædificantur. Sed quia Deus verbo suo ei corporali loco alligaverat suam præsentiam, erat verè habitatio Dei. Sic scimus Verbum esse incarnatum, Corpus itaq; Christi seu caro est corpus & caro vera, Humanitas ejus, est vera humanitas, sed in carne, corpore, seu humanitate ista, tanquam in speculo quodam, exhibitus est nobis & propositus Deus, Deus in carne illa sic apparet, ut extra hanc carnem nolit coli, & cognosci non possit. Adoramus itaq; nos quoq; coram illa arca quæ nunc est, coram propitiatorio nostro, homine Christo, & statuimus, qui extra hoc propitiatorium adorant Deum, peccant, & sunt Idolatræ. Sicut peccabant, & idolatræ erant, qui illo tempore alibi quàm in templo Deum quærebant, & colere volebant. Itaq; pii, etiam cum Ierosolymis non essent, tamen orantes vertebant faciem ad templum & Ierusalém. Sicut Ecclesia hodie dispersa per orbem terrarum, tamen in eo convenit, quod orat in nomine Iesu, cujus passione & meritis nititur, Atq; ita per fidem in Christum, est tantum una Ecclesia. Hujusmodi sententiæ igitur, quæ Deum sic alligant ad unum certum locum diligenter sunt observandæ. Valent enim ad resistendum omnibus idolatriis, & ad omnes doctrinas judicandas, Sicut Iudæi universalem hanc potuerunt statuere, quod omnis cultus extra illum locum tabernaculi esset idolatria, Sic Patriarchæ potuerunt judicare de aris, quas in iis locis condiderunt, ubi eis apparuit Dominus. Neque enim templum contra templum, non ara contra aram, non arca contra arcam, fuit collocanda, sed unum templum, una arca, una ara erat, sicut nobis unus Christus est, in quo Deus habitat & invenitur.

*Arca fuit habitatio Dei.*

*Propitiatorium nostrum Christus.*

*Maria patris.*

Ideo magnifico titulo appellat arcam fortitudinis, hoc est, regni. Sicut Psalm. 110. Sceptrum virtutis. Item. 8. Ex ore infantium perfecisti virtutem. Sic arca fortitudinis seu virtutis, Vbi Deus potenter regit, auxiliatur, defendit, & exercet divinam virtutem suam pro salute hominum, exaudiendo eos, remittendo peccata, consolando, juvando contra hostes, Satanam, mortem, &c. Hæc divina virtus, inquit, est alligata huic arcae, ideo rectè appellatur arca fortitudinis. Fuit alligata aris Patrum, nunc alligata est homini nato ex Maria virgine. Ad hunc quicumq; accesserit, sentiet virtutem divinam, Si moritur, inveniet vitam, Si premitur conscientia & peccatis, inveniet remissionem peccatorum, Si divexatur à Satana, inveniet pacem, Si à mundo infestatur, inveniet securitatem & victoriam. Nam Christus, cujus regnum est, non ideo regnat, ut nos cumulet opibus, ut locupletet nos bobus, equis, agris, Hæc enim habemus ex primo Genesis, Sed ut divinam virtutem faciat, & libe-

*Arca fortitudinis.*



*Propitiatorum  
nostris Christus.*

*Religio populi  
Israel.*

& liberet ex illis malis, ex quibus nos nostris viribus non possumus nos vindicare, sicut fideles illius temporis liberavit ab omnibus periculis. Fuit enim arca eistantumquam coelum, ubi invenerunt salutem ab omnibus malis, Ideo populus fuit Regnum coelorum, & sancti in populo fuerunt stellae coeli, sicut Scriptura & Prophetæ hujus populi religionem magnifice ornant, & hic arca appellatur, arca fortitudinis, hoc est, divinæ virtutis. Vbi enim Deus residet, ibi est regnum Dei, Residet autem in arca hac & populo isto Ergo arca est coelum, & quicunq; sunt in isto populo residentiae divinæ sunt regnum coelorum. Hinc Daniel de Antiocho, quod dejiciet stellas. Recte enim ubicunque verbum Dei est, ibi statuitur esse regnum Dei, coelorum, vitæ, victoriæ mortis, peccati, & omnium malorum. Ad hunc modum, Verbum in mundo contemptibile, est magnificandum.

IX.

*Sacerdotes tui induantur justitia, & Sancti tui exultent.*

*Eadem petitio  
cum nostra, quæ  
petimus à Do-  
mino pro mini-  
stros, &c.*

*Officium mini-  
storum Verbi.*

*Justitia ministe-  
rii, non personæ,  
proprie est.*

*Justitia personæ  
in nunquam si-  
ne vitio est.*

*Justitia ministe-  
rii non est vitio-  
sa.*

*Sacerdotes Pa-  
pæ sunt in-  
duti injustitia*

Hæc petitio eadem est cum illa, qua nos in concionibus nostris utimur, cum rogamus, ut Dominus det sanctos & bonos ministros Verbi, & prohibeat, ne malis doctoribus inter nos locus sit. Nam Deus in regno suo est quasi Cæsar quidam, Sicut igitur Principes sunt Cæsaris ministri, & quasi pars præcipua regni ejus, ita in Christi regno sunt Angeli pacis, seu ministri Evangelii. Qui igitur pro regno Dei orant, hos necesse est orare, ut Dominus donet fideles ministros, Sicut alibi dicit, Messis magna est, rogate Dominum messis, ut mittat operarios in messem suam. Horum operariorum labor est, administrare Sacramenta, & communicare doctrinam, consolationes, minas, &c.

Hoc igitur ut justè fiat, necesse est operarios justitia indui, non solum privata illa justitia, quæ singulorū est, sed maxime publica justitia, quæ est ministerii seu verbi quæ nunquā potest esse corrupta. Quia etsi persona potest esse vitiosa, tamē ipsa administratio Verbi & Sacramentorum, non est vitiosa. Neq; enim verbū aliquid accipit à persona, sicut nec Sacramenta. Si igitur essem ego sceleratissimus homo, & tamen secundum ministerium & vocationem meam baptisarem, Baptismus propter vitiosam personam non viticaretur, sed retineret puritatem suam, & esset purior sole. Sic Verbum, quia est verbum Dei, est etiam purius sole, utcunque vitiosus & peccator sit, qui id docet. Sic Sacramenta sanctissima & purissima sunt, etiamsi per indignum hominem administrentur. Ad hunc modum loquitur de justitia regente ac gubernante in hoc regno, non de personali justitia, qua sumus singuli justis nostris operibus. Hæc enim justitia, quia nunquam est sine vitio, secundum sententiam, Pro hac orabit ad te omnis Sanctus, Ideo alia justitia opus est, quæ nunquam sit cum vitio. Ea est justitia, qua administratur regnum Christi, nempe ipsum Verbum & Sacramenta.

Hinc facilè intelligitur, quàm pueriliter de hac justitia disputant Iudæi, qui intelligunt justas vestes & pompam Aaronicam. Etsi enim non licuit Sacerdotem aliter vestire, quàm verbo Dei erat constitutum, tamen ea non est ejusmodi justitia, qua regnum hoc promoveretur. Tum autem verè induti sunt Sacerdotes justitia, cum justum officium administrant, hoc est, cum Verbum purè docent, sicut Petrus dicit: Si quis loquitur, tanquam sermones Dei. Cum Sacramenta purè administrant, ut quicquid tum loquuntur tum faciunt, sit aut verbum Dei, aut opus Dei. Sic qui baptizat, non facit aliquod suū opus, quod aut ipse finxerit, aut excogitarit, sed baptizat in virtute divina. Sic qui consolatur afflictam mentem, facit id non ex sua voluntate aut electione, sed ex certo præscripto divinæ voluntatis. Quare etiam qui Verbum id audit, non debet accipere tanquam Verbum hominis, sed tanquam vocem de coelo sonantem. Sic justum est ministerium, quod verè fit in virtute divina, & hæc est vera justitia.

Contrà qui sic docent, ut jubeant fidere propriis meritis & operibus, ut certam vestiendi, comedendi, jejunandi, &c. formam præscribant, sicut Papistarum & Turcarum justitia tota in his externis consistit, tales Sacerdotes sunt induti iniquitate, injustitia, blasphemis & sacrilegiis. Amiserunt enim præcipuum ornamentum sui

*Psalm. 33.*

*1. Pet. 4.*

fui ministerii, & verum vestitum, quod non verè docent, nec gubernant verè, sed seducunt potius homines specie gubernationis & ministerii sui, idq; impulsu Satanæ odientis hanc justam administrationem, & subvertentis Sacerdotes. Hæc calamitas in regno Christi accidit, sicut videmus quoq; in regno mundi. Nam etsi Carolus Cæsar est, tamen alicubi Satanæ impulsu, seditiones & bella excitantur ab iis, quibus tyrannis gravior est, quam justa administratio. Sed hoc modo etiam fit, ut boni cives impensius ament justam administrationem, & pro ea diligentius orent, Idem in regno Dei accidit.

Summa igitur hujus orationis est, ut qui apud arcam fortitudinis sunt, justè gubernent, ne illa pulcherrimè constituta Religio collabatur, ut sic extet fructus verbi, & pavidæ animi erigantur, pertinaces & profani cohibeantur minis, infirmi confirmentur, simplices & imperiti doceantur, sicut hæc Dei gratia, apud nos diligenter fiunt. Apud Anabaptistas, Sacramentarios, & alios non fiunt, quia enim doctrinam corruerunt, carent hoc sancto ornatu justiciæ. Nec potest aliter fieri, ubi pastores errant, quin etiam populus doctorum errorem sequatur. Est autem hæc maxima ira, ubi Sacerdotes, quos justitia oportebat indutos esse, impietate ac blasphemia doctrina induti sunt, sicut econtra summum donum est, habere Sacerdotes justitia indutos.

Quod sequitur, Et sancti tui exultent, Satis pulchrè ostendit, quæ Dei de nobis sit sententia, vel consiliū, nempe quod Deus non delectatur inquietudine seu tristitia cordis, hoc est, mala conscientia, quam peccatū gignit & metus, qui naturaliter peccatū sequitur, sicut econtrā bona conscientia, læta & hilaris est, & pie securū animum facit. Cū igitur sint duo regna, regnum Mortis, & Vitæ, seu inferni, & cœli, optat ut sancti in regno vitæ conserventur, & fruatur bona conscientia, quam justa sacerdotum administratio præcipuè efficit. Cum hac precatione convenit precatio Apostolica, à qua Apostoli suas Epistolas ferè ordiuntur: Gratia vobis & pax à Deo patre, &c. Gratia est remissio peccatorum, Hanc sequitur necessariò pax, seu bona conscientia, quam hîc David vocat exultationē. Sententia igitur est, Sancti tui, hoc est, populus simul cum sacerdotibus, audito vero Verbo justī ministerii, exultent in illo verbo, sint securi, triumphent, &c. Vocat autē Sanctos propter usum verbi, & ministerii quod sanctū est. Sic Iudæi vocabantur sancti, quia ut suprā dixi, erant in illo populo qui habebat arcā, & verbum Dei, res verè sanctas & sanctificantes. Sic Ecclesia nostra quoq; vocatur sancta, non præcipuè propter personalem sanctitatem, quam adesse necesse est, sed potius propter sanctitatem, quam Verbum & Sacramenta afferunt ad ritè utentes. His precatur læticiam, ut sint in Domino læti & jucundi.

Est igitur sententia hujus particulæ hæc, quod Rex noster Iesus Christus ideo nobis dedit Verbū, ideo jussit nos baptisari, & uti Sacramento corporis & sanguinis sui, non quod nos occidere, tanquā veneno, aut contristare velit, sed ut simus læti, jucundi, securi, habentes pacē, & bonam conscientia per ipsius meritum. Ergo Christi regnū est regnū exultationis & salutis, sicut alius Psalmus quoq; ostēdit, In tabernaculis justorum, hoc est, in Ecclesia, est vox exultationis, quia norunt regem suū Christum hoc velle, ut per ipsum habeant consolationē, vitam, securitatem, & victoriam contra mortē & Satanam. Hæc igitur est Christianorum, seu, ut hîc vocat, Sanctōrū exultatio & triumphus. Cur enim Christianus contristaretur, aut doleret cū per Evangelium in regnū Christi & gratiæ vocatus, baptisatus, & corpore ac sanguine Domini refectus sit, & quotidie verbo erigatur contra desperationē & pavores? Si igitur reliqua est tristitia, non accidit id culpa hujus regni, non Verbi & Sacramentorum, sed mea & Diaboli culpa, quod Verbū non vera fide amplector, nec penitus ei credo. Cur enim paverem, si verè crederem, me esse baptisatum, vocatum, communicatum, & sic insertum in regnum vitæ, comprehensum in gratiam, & conclusum in misericordia Dei? Satanæ igitur hæc technæ sunt, qui non sinit nos videre nostras opes & glorias, sed fingit tentationē & cruces, ubi crux nulla est, sed salus & victoria.

Rectè

*Summa hujus orationis.**Ministerium**Deus non vult tristem spiritum**Gratia. Pax.**Sancti. Ecclesia sancta**Regnum Dei. Pax & gratia**Exultatio Sanctorum.*

Quomodo con-  
tra tristitiam  
Satanam erige-  
di sine animi.

Rectè igitur prædicatur puella illa, quæ cum tentaretur à Satana, responde-  
bat, se Christianam esse, & sic in eo viro acquiescebat. Neque enim multis cum Sa-  
tana agendum est, Si objicit peccata, rectè facis, si tu ei objicias Baptismum, quem ne  
ipse quidem negare potest, quin habeas. Item, si Verbum, quo vocatus es in regnum  
Gratiæ ei objicias, quod cum Verbum Dei sit, quomodo te falleret? Ad hunc mo-  
dum non potest in credente loco esse tristitiæ, siquidem agnoscit in se Baptismum,  
Verbum, communionem corporis & sanguinis Christi, gratiam, favorem, & miseri-  
cordiam Dei. Quomodo igitur potest non lætari & gaudere? Sed quia Verbum &  
illa Dei dona sæpe patimur nobis excuti, & oculos alio convertimus, hinc necesse est  
oriri metum, tristitiam & desperationem, Accidit autem hoc partim nostra culpa,  
partim Diaboli, qui nos ne sentientes quidem abducit à verbo, ut cogitemus de no-  
stris sive meritis, sive demeritis, Item de morte sævientis, de inferno ardente. De his  
malis cum cogitamus, sine Christo perimus, absorpti tristitia & doloribus. Hoc  
enim est arcam fœderis amittere. Qui igitur in hisce periculis Verbum iterum ap-  
prehendunt, salvantur & admiratione quadam rerum ipsi secum Davidis exemplo  
dicunt, Quare tristis es anima mea, & quare conturbas me, siquidem sum in regno  
Christi, hoc est, in regno pacis, lætitiæ & exultationis æternæ quidem, nisi quatenus  
impeditur per Diabolum & carnem nostram, quæ diligentius intuetur & pluri facit  
peccata & indignitatem propriam, quam Baptismum & suavissimas promissiones  
Dei. Hæc autem est sapientia, imo pestis abscondita in carne nostra, quod magis af-  
ficimur immundicie nostra quam puritate Verbi & Sacramentorum. Quare qui in  
Verbo consistunt, verè in portu navigant, securi ab his procellis & tempestatibus  
terrorum.

in Christo

Orandum, ut  
bonos pastores  
habeamus.  
Regni Christi  
ordo.

Orandum igitur est, ut habeamus bonos Pastores, & fideles dispensatores ver-  
bi Dei. Hi enim hujus boni occasio sunt. Nam regni Christi hic est ordo. Christus  
tanquã imperator sedet in Ecclesia, tanquã tẽplo, seu solio suo, Doctores, quasi Prin-  
cipes ejus regni, purè administrant Verbum, ac verè docent, Horum officium seu  
gubernatio non est irrita. Itaq; Ecclesia triumphat, insultat morti, peccato, & Dia-  
bolo, quia scit se esse sub imperatore Christo, in gratia. Hæc est vera pax, nempe, pax  
cordis. In mundo enim pressuram habet. Ad hunc modum, tanquam summum do-  
num flagitat Propheta, ut Sacerdotes induantur justitia, & postea populus exultet.  
Hæc prima pars est hujus Psalmi, nunc sequitur secunda pars.

X.

*Propter David servum tuum, non avertas faciem Christi tui.*

1. Pars Psalmi  
precatio pro po-  
pulo.  
Davidi memi-  
ni propter pro-  
missiones factas

Hæc est nova precatio, quam totam instituit fiducia promissionum, hic enim,  
sicut supra quoque vocabulum David, non significat propriè substantiam illam, sed  
qualitatem potius, hoc est, Davidem indutum, & ornatum promissionibus de regno,  
q. d. Oro te, ut etiam regnum nostrum serves, & benedicas, & nobis adsis, hoc autem  
oro non simpliciter mea causa, quasi dignus sim, cui ista largiaris, sed fiducia promif-  
sionum, quas fecisti patri meo David, cum dixisti: Non defuturam lucernam domui  
David, &c. Pertinet autem hoc ad exemplum & ad doctrinam, ut nos quoq; oraturi  
potissimum ad promissiones respiciamus, sicut suprà aliquoties admonuimus.

Promissiones  
duplices, Lega-  
les seu conditio-  
nales.

Porro hic nos locus admonet discriminis, quod est inter promissiones spiritu-  
ales & corporales. Nam corporales promissiones habent additam conditionem no-  
strorum operum, Sic Davidi est promissum regnum corporale, si posteri ejus mane-  
ant in verbo & voluntate Dei, Tales sunt reliquæ Legis promissiones. Nam eo ni-  
tuntur, si populus custodiat pactum Dei, sicut in Mose cernitur. Spirituales autem  
promissiones non nituntur conditione humanorum operum, sed simpliciter miseri-  
cordia & veritate Dei. Itaque etsi populus Israël regno exutus, & è terra sua pulsus  
est, tamen promissio de semine Abraham non est sublata. Ita enim textus dicit: Etsi  
ejiciam & disperdam eos, tamen misericordiam meam ab eis non amovebo. Sic E-  
saïas: Faciet Dominus consummationem & abbreviationem, hoc est, Dominus con-  
summabit & perdet populum, propter peccata sua, & tamen propter misericordiam  
servabit reliquias, ex quibus nova Ecclesia enascetur. Sic promissio hoc in loco de  
domo

psal. 139

Spirituales.

Promissio de  
semine.

Locus ex Esaïa  
10.



domo David est conditionalis, & eventus ostendit regnum totum eversum esse, & tamen verum hoc quoque est, quod Angelus dicit: Sedebit super solium Davidis usque in seculum. Hæc contradictio nunquam potest conciliari, nisi tale discrimen promissionum Dei faciamus. Omnis autem Iudæorum error in hoc discrimine positus est, vident magnificas promissiones de terra & regno, Deinde etiam, quæ de regno Spirituali promissa sunt, ea accommodant ad corporale regnum. Hinc surgunt eis illæ lætæ & pertinaces spes de regno restaurando, sed facile judicium est, quam stultè errent, sed videamus jam ad Psalmum.

*Iudeo-æ error, quod non videt promissiones de terra conditionales esse.*

Cur Davidis mentionem faciat, diximus, Propter promissiones igitur Davidi factas, petit ne avertatur seu tollatur facies Christi, hoc est, Regis. Est enim appellativum nomen, quod simpliciter significat Regem seu unctum, sicut David dicit, nō mittam manū meam in Christum Domini, hoc est, in Saulem verbo seu mandato Domini unctum. Porro faciem Christi vocat, præsentia Regis, seu ipsum regnū divinitus donatū & constitutum, q. d. Serva Domine populum tuū, jus, judicia, æquitatem, & totam administrationem politicam, ut omnia justo ordine fiant, ne pax turbetur per seditiones & intestina odia, ne disciplina per adulteria & reliqua scandala confundatur, aut deformetur. Hæc enim & his similia ad regnum pertinent, neq; enim regnum petere, est simpliciter coronam petere, sed pulchram & bene constitutam politiam, in qua tuta sit innocentia, contra pravitas & scelera graviter puniantur. Hæc omnia flagitat Psalmus, cum rogat ne tollatur facies Christi.

*Facies Christi quid.*

Causa autem est, cur hoc potissimum petat, quod in isto populo sit Ecclesia & verbum Dei, cui non potest esse laus, ubi cædibus, bellis, & legum contemptu omnia ardent. Sic Paulus quoq; jubet orari pro Regibus, ut vitam agamus in tranquillitate. Hodie sub imperatore Carolo habemus aliquas Ecclesias bene constitutas, in quibus sana doctrina & iusta Sacramentorū administratio floret. Orandū itaq; est, ne Deus tollat faciem Christi, ac bellis Ecclesias collabi sinat. Nam sub pace Cæsaris, est etiā Ecclesiarum pax. Ad hanc orationē diligenter hortamur nostros. Quomodo igitur impii homines nos accusare audent, quasi simus perturbatores pacis? Mihi quidem dubium non est, si ulla re pax & tranquillitas conservatur, fieri id potissimum nostrarum Ecclesiarum precibus. Quid enim orarent adversarii, aut quid Christus largiretur suis hostibus & persecutoribus? qui ne quidem quomodo orandum sit norunt.

*Pax opus est propter Ecclesiam.*

*Juravit Dominus David veritatem, & non frustrabitur eum,*

*De fructu ventris tui ponam super sedem tuam.*

XL

Diximus institutam esse secundam partem hujus Psalmi, in qua oratur pro regno politico. Hæc enim duo regna, politicum & spirituale, etsi sunt inter se diversissima, ita tamen conjuncta sunt, ut alterum sine altero, vel vix, vel omnino non possit consistere. Vbi enim pax deest, ibi pietas sine summis periculis non potest coli, contra, ubi Verbum deest, ibi sine fine errandum est. Necessaria igitur oratio est pro pace politica & regno. Ad hæc cum verbum accedit, eo major causa est, cur Deo agamus gratias. Diximus autem hanc quoq; orationē niti promissione Dei, In oratione enim præcipue spectandum est, ut nihil oretur, nisi quod certum est, ac impetrari potest, propter hanc certitudinem, non solum præceptum de oratione traditum est, sed etiam certa orandi forma & concepta verba, ut vocant, præscripta sunt. Causæ quoq; certæ ostensæ, pro quibus dum oramus, certi sumus Deo gratam esse orationem. Sicut cum oratur pro sanctificatione nominis Dei, &c. Huc pertinet, quod in hoc loco promissio augetur juramēto, ut eo certior esset. Hæc promissio de regno temporali, sicut est valde magnifica, ita quoq; occasio mortis fuit multis sanctis Prophetis. Sicut enim promissiones erigunt afflictas & pias mentes, in suo vero & proprio usu, ita quoq; in abusu inflant securos & præsumptuosos, qui fiducia harū promissionū postea persequuntur pios, sicut manifesta exempla in Prophetis sunt, qui cum castigarēt idolatriam Regum, & damnarent impios cultus, ac ideo minarentur interitum regno & populo, nisi eos abjicerent, tanquā hæretici rapiebantur ad supplicia, quod contra hanc & alias promissiones loquerentur. Et in speciem sane magnum argumentum fuit, quod Prophetis objiciebant, Si promisit Dominus, quod filii David in seculum

*Politia servit Ecclesia, Ecclesia autem conservat politiam.*

*Promissionibus inflantur impii, & faciunt in veram Ecclesiam.*

sedebunt super sedem Davidis; impossibile est à Rege tale aliquid fieri, propter quod destruat regnum. Profectò tam magnificam speciem Papæ regnum non habuit, quanquā is quoq; eodem modo promissionibus Christi abusus est, ad stabiliendā tyrannidem suam, & idolatricas abominationes. Quanto supercilio jactarunt, quod Christus Ecclesiæ suæ dixit: Vobiscum ero usque in finem seculi? quasi verò hoc ad Papæ nunquam interituram tyrannidem pertineat. Sic pulcherrima illa consolatio, portæ inferorum non prævalebunt, cruenta & sanguinaria facta est ac multis Sanctis exitio fuit, quod eam Papa sibi & tyrannidi suæ usurpavit. Hæc enim sola ratio fuit, quā probaverunt, Papam non posse errare, tanquā Ecclesiæ caput. Ad hunc modum promissionibus, quibus Deus voluit suos erigere, impii & securi homines abutuntur contra verā Ecclesiam. Hæc erat causa, cur Amos Prophetam non posset ferre Amazia sacerdos, Amos 7. In medio domus tuæ, inquit, seditionem contra te movet Amos, Non potest terra sustinere sermones ejus. Sic enim dicit: Gladio peribit Ieroboam, & Israël captivus abigetur de terra sua. Quasi vero impossibile hoc esset, & Rex eo, quòd Rex erat, impunè peccare posset. Atqui postea res docuit, vanam istam fuisse fiduciam, Prophetam autem vera dixisse.

Ad hunc modum abutuntur impii promissionibus Dei, arrogant eas sibi, cum tamen ad verā Ecclesiam pertineant, ac fiunt præsumptuosi & securi. Non cogitant de peccatis suis, non de judicio Dei, sed securissimè sæviunt in sanctos, sicut hodie in Papatu videmus. Ita opprimitur quidem vera Ecclesia, obruitur à tyrannis, oppugnatur à falsis fratribus, laborat contemptu & odio mundi, ac similis est jam jam peritura. Hic opus erat, ut pii se erigerent fiducia misericordiæ & promissionum Dei, nam ideo promissiones propositæ sunt. Sed hinc videmus mirabilem perversionem, qui credere debebant, & se consolari ac erigere, non faciunt, neq; enim finit id infirmitas carnis, quam etiam Satan auget, amplificando pericula & terrores. Contrà, impiorū Ecclesia, quæ propter peccata timere sibi debebat, præsumit, optimè sperat, vivit sine omni metu in suā securitate. Sic Papa pertinaciter retinet illas promissiones, quibus Christus consolatus suos est, se cum eis futurū usq; in finem seculi, Naviculam Petri, etsi periclitetur, tamen non submersum iri. At ecclesia vera, cui soli hæc dicta sunt, hæc non sic credit, nec se ita fiducia harum promissionum erigit. Ita omnibus temporibus eadem est fortuna & conditio veræ Ecclesiæ.

Sicut autem impii pertinacissimè sperant, dum res secundæ sunt, ita quoq; cum adversæ sunt, foedissimè desperant. Contrà, pii etiam in malis spem retinent, utcunq; nullus videatur spei locus esse. Sic promissio hæc de regno Christi variè impedita fuit, per rebelles populos, per hostes & Reges impios, donec tandem propter peccatum civitas ac templum vastatum, & populus captivus abductus est, relictis tantum aratoribus, & infima fece populi. Iacebat tum verbū, cultus, judicia usitata, In summa, jacebat Ecclesia & politia omnis, ibi quis potuit sperare, non defuturam posteritatem Davidi? sicut hic Psalmus promittit. Opus igitur hac promissione fuit, quæ sancti se consolarentur, quod scilicet impossibile esset hoc regnum rueri, antequam Christus, verum Davidis semen, exhiberetur. Itaq; cum desperatissima tum omnia viderentur, excitavit Deus summos Prophetas, Daniele etiam constituit inter summos Principes, à Jeremia desiniebantur anni 70. Reliquiæ regalis stirpis, hoc est, semen David, etiam in captivitate servabantur. Ad hunc modum regnum verè desertum secundum externam speciem, tamen non fuit desertum, & pii retinuerunt spem liberationis, ubi impii desperabant ac peribant.

Ad hunc modum credimus, & consolamur nos hodie Christum affuturum regno suo, & Ecclesiæ, usq; in finem mundi, etiamsi Papa Antichristus triumphet, & sedeat in templo Dei, ac Ecclesiam videatur planè oppressurus. Nam propter pericula & necessitatem hanc, promissiones suas Ecclesiæ Deus reliquit, quas etsi Ecclesia plenè non potest credere, tamen eas non planè negat. Probat autem Christus fidem, etiamsi sit sicut granum sinapis. Hoc utile est admonere, propterea quòd futurum est, si modo non occupamur novissimo die, ut Satan per suos omnia tentet & conetur,

*Papa quomodo  
abusus sit pro-  
missionibus Ec-  
clesiæ.*

*Amos Prophe-  
ta cap. 7.*

*Impii abutuntur  
promissionibus  
Dei, nec possunt  
sele erigere pro  
nationibus sic  
ut impii.*

*Pii in periculis  
spem retinent,  
ubi impii plane  
desperant.*

*Anni 70. cap-  
tivitas, Jer.  
25.*

*Promissiones  
proponuntur  
propter hoc, ne  
qui periculis non  
plane desperent.*

*Matth. 18.  
Matth. 16.*

netur, quæ ad oppressionem doctrinæ pertinent, Hic si nos etiam captivum, & ut sic vocem, transmigratum Regnum & arcam videbimus, sicut populus Iudæorum, tamē debemus retinere spem, futurum ut Dominus det Prophetas, & desertam Ecclesiam tamen non deferat. Magis enim movere nos debet verbum promittentis Dei, quam præsens aut imminens ruina. Si enim Deus per patientiam multam conserva-

*Ecclesia sub  
Papam qualem  
fuerit.*

vit Ecclesiam sub Papa, si tulit usum alterius speciei tantum, & multos abusus, quos in Ecclesiam invexerunt impii doctores, si tandem cum omnia essent desperatissima, clarissimam verbi sui lucem exoriri fecit inter densissimas tenebras, cur desperare-  
mus? Major est misericordia Dei coelo & terra, & potest absorbere errores, in quos Electi nonnunquam inducuntur.

Nemo quidem est, qui non optet politiam esse tranquillam, populum obedi-  
entem, & sanctum. Sic optabile erat, Ecclesiam esse concordem, nulla nec doctrinæ nec morum conspici scandala, Principes amplecti verbum, id non odisse aut perse-  
qui. Sed talis tum politia, tum Ecclesia, fortè à perito artifice chyrè pingi potest, in hoc mundo verò non poterit usquam inveniri. Quare sic comparemus nos, quòd Ecclesiæ tam puræ & politæ sic tranquillæ faciē nunquā simus visuri, Eo autē contē-  
ti simus, quòd Ecclesia & politia (etsi turbæ & incōmoda quædam sunt) non prorsus abolentur, quod aliqua majestas in Imperio, in Ecclesia autē sana doctrina conspici-  
& tur, quòd pauci quidam magnificiunt Verbum, utuntur Sacramentis, orant, etsi major pars diversum facit. Ad hunc finem pertinent consolationes hæ, ne dū omnia videntur collapsura, omnem spem abiciamus. Nunc sanè misera Ecclesiæ facies est, cum pastores & ministri verbi vix se videntur contra famem tueri posse, in tanto rusticorum & civium odio. Sæpè itaque cogito, totum ministerium, sua sponte, etiam si absque tyrannis esset, corrui-  
turum, Sed promissio pluris à nobis debet fieri quam omnes species, quæ se oculis ingerunt. Nam vide omnes historias, an non Ecclesia semper fuit abscondita tyrannide principum, & mendaciis hæreticorum? Ad hæc accesserunt propriæ tentationes peccatorum, & vexationes Diaboli, quibus perpetuo exercentur pii. Hæc si quis intuetur & in his malis fixos habet oculos, is judicabit, neque Ecclesiam nec Deum usquam esse.

*Ecclesia nunquam  
est sine incom-  
modis, itaq; o-  
pus habet pro-  
missionibus.  
Ecclesia qualis  
hodie apud nos.*

*Externa Eccle-  
sia facies.*

Sed non est ex hac specie faciendum iudicium. Nunquam enim talem Ecclesiæ faciem videbis, in qua nihil offensionum, non scandala, non dissensiones, non infirmitates variæ & quasi morbi inveniantur. Optabile erat quidem abesse hæc, & talem speciem extare Ecclesiæ, qualis ferè hîc & in aliis locis describitur, ubi comparatur Sponsæ formosæ, in qua non macula, non ruga aliqua conspicitur, Sed nunquam videbis foris talem esse, semper enim opprimitur à tyrannis, vexatur ab hæreticis, exercetur afflictionibus tum internis, tum externis, inobedientia, contemptu rusticorum, perfidia falsorum Fratrum, &c. In his periculis omnibus retinenda est consolatio, quòd nec portæ inferorum adversus eam prævalebunt, & per-  
gendum magno animo, docendo, exhortando, corrigendo, & reliquis, quæ ad mi-  
nisterium pertinent, Si qui inobedientes sunt, eant sanè, & ruant, satis sit aliquos esse quibus Christus & ministerium Evangelii est in resurrectionem.

Ad hunc modum fecerunt S. Prophetæ qui viderunt captivitatem Babylo-  
nicam impendere, templum, & urbem incensum iri. Hæc erat facies Regni inter-  
ituri prorsus. Nihil itaque fuit quo se consolarentur, præter hanc, & alias similes promissiones, futurum, ut de fructu ventris David, ponatur Rex atque hoc confir-  
masse Deum juramento. Ac sanè insignis hæc est promissio, quod certam personam definit, nec finit successionem vagari in incerta persona. Abraham, Isaac, Iacob, etiā habuerūt promissionē de Christo, sed sub incerta persona, si respicias ad multiplicatā posteritatem. In hac autem promissione est certa descriptio, quod certa persona denominata est, ut quamvis totus populus captivus esset abducendus, tamen quam-  
diu posteritas Davidis superesset, spem regni retinerent. Hujusmodi promissionem non habet regnum Pontificium, quasi necesse sit esse Pontificem talem in Ecclesia, sicut in illo populo omniū corda & oculi jubebantur respicere ad unicam familiam

*Consolatio Ec-  
clesiæ Israel sub  
tempore captivi-  
tatis.*

*Familia David-  
di.*



Davidis. Hæc causa fuit cur existimem accuratè annotatas esse genealogias à piis, ut scilicet successio familiæ Davidis propter hanc spem exhibendæ promissionis esset quam certissima. Fuit enim hæc familia tanquam stella quædam in hoc populo, cujus posteritas quamdiu conspiciebatur, certam spem relinquebat futuræ liberationis per Christum, etiam in captivitate Babylonica, & omnibus aliis periculis.

*Collatio captivi-  
tatis Babylo-  
nicæ, cum indier-  
na Iudæorum.*

Et si enim captivitas Babylonica satis horribilis & acerba fuit, longè tamen mitior fuit, quàm ista calamitas, in qua Iudæi post vastationem à Romanis factam vivunt. Nam etsi populus captivus esset, tamen habebat etiam in captivitate Regem, in quem piorum oculi intuebantur tanquam in pignus promissionis de Christo exhibendæ. Testabatur enim Deus superstitè adhuc rege, relictum esse fructum ventris David. Deinde in captivitate, habebant Iudæi Verbum & Prophetas, Danielem, Hieremiam, Ezechielem, & sine dubio plerosq; alios. Quis autem non videt regnum nondum planè fuisse desertum, nec vastatum, superstitibus adhuc personis, destinatis ad regnum & sacerdotium? Tertiò, etiam annorum numerus definitus erat, quibus duratura esset captivitas. Horum quid simile Iudæi hodie possunt ostendere? non solum Regnum nusquam habent, sed ne quidem personas destinatas regno, præter id quod neq; annorum certum numerum, nec verbum, seu Prophetas habent. Quam præclaras reliquias in captivitate habebat populus. Certum igitur est, Iudæos planè periisse, & præsentem calamitatem non debere appellari captivitatem, sed simpliciter destructionem, sicut Daniel quoq; dicit, Et posthac erit finis. Quomodo enim stante promissione hac, populus Dei potest penitus sine Rege de ventre Davidis esse? Nam in captivitate Babylonica, etsi sine regno erant, tamen regias personas, tanquam scintillas quasdam regni habebant, sicut dicunt, tanquam scintillam de lucerna Davidis tunc fuisse relictam. Huiusmodi nihil Iudæi hodie habent, itaq; res arguit, eos damnatos esse cum omni religione sua, aut præsens promissio Psalmi vana est & mendax, quæ confirmat non defuturam posteritatem Davidi usque ad Christum, cujus regnum æternum est.

*Definitio Ec-  
clesiæ seu que  
nam sit vera  
Ecclesiæ.*

Porro de præsumptione impiorum supra diximus, quæ fecit, ut omnes huiusmodi promissiones essent cruentæ. Nam cum ad pios propriè pertineant, impii semper eas sibi arroganti, quibus cum contradicunt pii, & minantur eis iram Dei atq; exitium, vim parant impii. Discendum itaq; est, quod sub nomine Ecclesiæ, omnis generis incommoda machinetur & struat Satan. Sic videmus quid Papa in Ecclesia effecerit, uno hoc prætextu, quod persuasit orbi, Ecclesiam non posse errare, Ecclesiam non posse perire, vera quidem vox est, sed hoc etiam addendum erat, ut propriè definiatur, quæ nam sit vera Ecclesia, & ubi sit. Hæc definitio non ex decretis Pontificum, sed ex Evangelio petenda est, in quo Christus confessionem tanquam certam notam suorum exigit. Qui me, inquit, confessus fuerit coram hominibus, eum ego quoq; confitebor coram Patre meo. Ergo ad verbum potissimum respiciendum est. Neq; enim confessio est, nec esse potest, ubi non est verbum. Sequitur igitur, quod ubicunq; confessio & verbum non est, etsi ibi sit multitudo, potentia, magnifici tituli, species sanctitatis, &c. tamen ibi non est Ecclesia. Ad hunc modum accommodandus est Psalmus ad nostras res & præsentem usum, ac transferenda promissio regni corporalis ad Ecclesiam, quæ etsi ab hæreticis & tyrannis affligitur, tamen non peribit, sed manebit inconcussa etiam contra portas inferi.

XII.

*Si custodierint filii tui testamentum meum & testimonia mea,  
quæ docebo eos, tunc filii eorum usque in seculum seculi, se-  
debunt super sedem tuam.*

*Quia conditio-  
nalis erat pro-  
missio, ideo cor-  
porale regnum  
tandem desit.*

Hæc promissio non est absoluta, habet enim additam conditionem. Differentia igitur est inter hanc & illas, quæ sine conditione sunt, qualis est in Psalmis: Dixit Dominus, &c. Deus iudicium tuum regi da. Ibi absolute promittitur regnum Christo, Sed hic non absolute promittitur regnum posteritati Davidis,

*Ps. 110.  
73.*

Davidis, sed cum hac conditione, si servarint testamentum Domini. Itaque Salomoni obvenit regnū, qui ex Bathseba natus est, sed defecit fere postea stirps ejus in Ahasia, quem sustulit Athalia, cum solus Ioas, reliquis ab Athalia occisis, superesset. Hoc molitus est Satan, si quomodo promissionem de Christo posset impedire, Postea ad Ioas devenit regnum, qui etiam erat de semine Davidis, & cura sororis asservatus erat, ne occideretur ab Athalia. Sic regnum quidem perpetuum promissum est posteritati Davidis, sed sic, ut minetur Deus exitium, si non servant testimonia sua. Itaque tandem regnum etiam posteritati Nathan ereptum est, & usurpatum per alienigenam Herodem, donec regnantibus impiis, Christus ex Maria Berthelemitide natus est. Vna igitur posteritas post aliam à Satana, propter peccatum, destructa est, & tamen servata est integra successio seu linea usque ad Mariam.

Nathan.

Conditio addita, propter presumptionem.

Math. 28.  
Math. 3.

Hæc utilis est considerare, quomodo regnum promissum Davidi, Salomoni filio obvenit, sed propter peccatum iterum ei adimitur. Idem cum Nathan accidit, & tamen servavit Deus scintillam, ex qua hoc regnum tanquam fax quædam emicaret. Facta autem sunt hæc ad retundendam præsumptionem nostram. Sic promissio de Ecclesia est, Vobiscum ero usque ad finem mundi, Sed additur conditio, si ambulaveritis in viis meis. Nam qui verbum negligunt, eos Deus vicissim negligit, & excitat alios, qui sint Ecclesia, Sic Iohannes: Potest Deus ex lapidibus facere filios Abrahamæ. Quia enim promissio erat Abrahamæ facta, Pharisei sentiebant se, cum filii Abrahamæ essent, certo hæredes promissionis futuros esse. Hæc fiducia inflabat eos, ut securi & sine timore, Dei viverent, Dicit igitur Iohannes, certum est filii Abrahamæ erunt hæredes promissionum, quæ Abrahamæ factæ sunt. Sed si vos vultis securi esse, & non obedire mandato Dei, dico vobis facile est Deo, vobis rejectis, Abrahamæ ex lapidibus producere posteritatem. Sic Papa non ideo est Papa, quia sedet in regno & dignitate ista, nam si non vult verbo Dei obedire, facile inveniet & excitabit Deus alibi Ecclesiam. Sic promissio hæc tota pēdet ex addita conditione, contra præsumptionem.

Testamentum.

Testimonia.

Ecclesia sub conditione est Ecclesia, si scilicet verbum sequatur.

Testamentum est promissio misericordiæ per Christum, Testimonia sunt voluntas Dei revelata omnibus temporibus per Moysen & Prophetas. Itaque requirit fidem, deinde etiam obedientiam erga legem. Disertè autem dicit, Testimonia, quæ docebo, per sacerdotes scilicet. Hi enim etsi ministerium habebant, tamen ipse Dominus vult esse Doctor, & se audiri, non vult audiri Concilia, non doctores docentes, quæ ipse non docuerit. Hunc igitur ad modum de Ecclesia quoque dicimus, quod ubicunque creditur promissioni Dei, & obeditur ejus verbo, ibi est Ecclesia. Qui autem non credunt, nec obediunt verbo, hi, etsi titulos, vocationem, & alia habent, tamen verè à Deo abjecti sunt, nec habendi pro Ecclesia. Quis enim Pontifici crederet, ideo quia est Pontifex? Atqui hoc uno nomine postulat sibi credi, nec vult disputari, utrum vera sint & sana, quæ præcipit, simpliciter vult credi, quod sacra sedes non possit errare. Qui contradicunt, & exigunt ejus decreta ad verbum & voluntatem Dei, subjiciuntur omnis generis suppliciis. Planè idem usurpant phanatici spiritus hodie, quidquid somniant, volunt esse Spiritum sanctum. Sed egregiè Basiliius dixit: *ὁ πᾶς ἐν πνεύματι, ὁ δὲ πᾶς ἀποφθαρῖα.*

Math. 10.

Math. 7.

Sicut igitur isti in populo Israël propagaverunt & defenderunt errores & impietates suas autoritate Regum, in quibus videbatur hæc promissio niti, ita omnibus seculis solet falsa Ecclesia, sed nos respondemus, Promissionem quidem veram esse, sed esse conditionalem, & dici, Si custodierint testamentum & testimonia mea. Neque enim Deus sic unxit Reges, ut facerent quidquid ipsis videretur, aut ut quidquid instituerent & docerent, Deus probaret ideo, quia essent Reges, Sed conditionem addidit, Si servaveritis testamentum meum. Sic in novo Testamento, non negamus hanc Dei vocem esse veram, Qui vos audit, me audit, Sed hoc negamus, quod simpliciter de omnibus in Ecclesia docentibus intelligenda sit. Quidam enim docent non Christi, sed suum verbum, hos certe Christus non vult audiri, sicut seipsum, sed prohibuit audiri, cum dicit: Cavete à falsis Prophetis.

*Mandatum regum in veteri testamento. Pontifex Romanus quomodo examinandus.*

Sic in Deuteronomio præcipit Moses, ut librum legis nunquam deponat de manibus, ut perpetuo se in eo legendo, discendo, faciendo exerceat. Hoc si Regibus in lege fuit mandatum, quid sentiemus de verbo novi Testamenti? Ibi certè frustra jactabunt Pontifices sua Concilia, Patres, Ecclesiam, dignitatem tot seculis usurpatam. Hæc omnia sic valeant, si juxta Regulam verbi doceant. Ecclesia enim quæ autoritatem divinam usurpat, ea tantum est, quæ sequitur vocem & verbū Domini. Ad hanc regulam examina Pontificem, tuentem se nomine Ecclesiæ, & vide num secundum legē sibi divinitus præscriptam Pontifex doceat. Si contra docet, nec incedit recta via, & tamen sedet in regno, non ideo deturbes eum de loco suo, sicut Ahas, non ideo quia idolatra est, occidi debet à subditis. Hoc autem facias, ne sequaris ejus imperium, ne doctrinam impiam approbes, ne facias, quæ Episcopus Romanus jubet contra scripturam fieri. In hoc enim casu absolvit nos omnes Deus ab obedientia, Sic enim dicit: Ordino tibi Pastorem, cui obedias tanquam mihi. Sed fieri potest, ut velit abuti ordinatione Dei contra verbum, Ibi tibi relinquo hoc præsidium, hoc remedium tibi subministro, ut dicas, Oportet Deo magis obedire quàm hominibus. Igitur etsi Reges sunt, etsi sunt Pontifices, eatenus audiendi, & eis obtemperandum est, quatenus incedunt juxta regulam verbi.

*Papæ legitima autoritas non tollitur.*

Porro usu discimus, nihil esse crebrius, nec vulgatius, quàm abuti potestate, tum in politia, tum Ecclesia. Itaque rarissimi sunt, qui legitimè utuntur autoritate, quam sive in Ecclesia, sive Politia habent. Ratio est, quia major pars hominum servit cupiditatibus & patitur se regi & gubernari à Satana. Hinc fit, quòd videmus Pontificem & Episcopos de doctrina nihil esse sollicitos, omnem autem curam eo convertere, ut augeant gloriam suam, dignitates, opes, voluptates. Hic quid faciendum est subditis? Num per seditionem eos ejicient, aut occident? Non, sed sinant eos regere, & tantum observent ac caveant os eorum, sicut apud Matthæum Christus quoque dicit: Super cathedram Moisi sedent (quanquam longè dispar ratio est nostrorum Pontificum.) Hic relinquit eis sessionem & autoritatem docendi, nec vult eam violari, Concedit quoque clavem scientiæ. Hoc autem damnat, quòd dum clavē scientiæ habent, & sedent in officio, tamen præterquam, quod ipsi seipsos non docent, etiam alios seducunt. Quanquam hic etiam Ecclesia reliqua sui juris meminisse debet, Quia enim nostri Episcopi neque docent ipsi, nec sanis Doctoribus relinquunt locum docendi, & tamen fruuntur beneficiis Ecclesiarum, atque iis abutuntur ad foedissimas voluptates suas, eleganter & verè multi disputant, non esse beneficium separandum ab officio. Ideo reliqua Ecclesia pro suo jure tantum potest Papistarum facultatibus detrahare, ut pii doctores habeant, unde vivant, hoc enim omnibus modis cavendum est, ne ministerium prorsus aboleatur.

*Cathedra Moisi.*

*Claves scientiæ.*

*In Ecclesia.*

Explodendus itaque est error ille, quem impii Canonistæ impudentissime statuunt, cum dicere audent, Non esse præsumendum, quod apex tantæ celsitudinis erret. Hoc est quasi primum principium stolidorum Canonistarum, ex quo hoc Monstrum enatum est, quod nunc in Papatu videmus & execramur, quod sine fronte, quidquid in mentem venit, & ad numos parandos idoneum fuit, tanquam articulos fidei statuerunt. Nos autem sic dicimus, vocetur sanè apex celsitudinis ista tyrannis, quam contra scripturam & omnem æquitatem sibi usurpat, & ut plus tribuam, fingamus eum etiam divina ordinatione esse Pontificem, & obtinere primatum in Ecclesia. Adhuc plus tribuam, Si ita postulat Pontifex, faciamus eum sanè Angelum de coelo, Quid possum de eo sentire præclarum magis? Sed etiam si Angelus sit, tamen anathema eum esse prænunciat Paulus, cum aliud Evangelium evangelizat.

*Pontifex etiam si Angelus esset, tamen si à verbo discedit, anathema est. Hoc nota diligenter.*

Sic Pastor est divinitus pastor, Rex est divinitus Rex. Hæc si largiamur Pontifici quoque, quasi vera autoritate præsit. Sed conditio, de qua diximus, necessitatem affert, ut distinguamus inter rem & usum. Rem voco autoritatem divinam, eam etsi concedam Pontificibus, tamen usum non concedo, quia rem divinam manifestè trahunt in abusum. Non utuntur autoritate sua secundum voluntatem Dei,

*Pontifex rem habet, usum non.*

*Matth. 17*

*Galat. 1*



Dei, pro gloria Verbi, sed pro sua gloria. Non igitur obligat nos eorum autoritas, etiam si sit, ut dixi, autoritas Angeli de coelis, Sed cum bona conscientia discedimus ab eis, ne inobedientes fiamus summæ autoritati, & majestati, quæ est Deus. Quod si Pontifices non pugnarent contra doctrinam Christi, si nobiscum statuerent, justificari nos solo precio sanguinis Christi, & non docerent negociari homines propriis meritis & operibus, tunc libenter agnoscerem autoritatem eorum, & confiterer eos re sancta sancte etiam uti. Sed cum abusus manifestus sit, nihil eos juvat, quod sanctam rem habeant, sicut gloriantur.

Hæc enim est summa summarum, quod Papa non minus quam omnes alij homines, etiam si angelicam dignitatem haberet, alligatus est ad verbum Dei. Hoc cum manifeste impugnet, cum extrema crudelitate impietates suas defendat, non sublevat eum sedes, non dignitas, non autoritas, sed est anathema, sicut Paulus dicit. Vulgatissimum est inter Doctores Papatus, quod Papa sit supra verbum seu scripturam, & possit pro arbitrio in lege divina dispensare. Hinc de Ecclesia & conscientiis constituit, quidquid voluit. Hoc cum nos, freti verbo Domini, damnemus, & coacti mandato Domini, graviter refutemus, excommunicamur. Ab hac sententia non debemus discedere, sed cum Psalmo hoc dicere, Quod si Pontifices custodierint testamentum, & testimonia, quæ Dominus docet, audiemus eos, Si non custodierint, non audiemus, nec venerabimur in eis quantumvis sanctam rem, qua sic foede & impie abutuntur. Nam etsi Pontifices non sunt, tamen aliqui erunt, qui custodient testamentum, ne Ecclesia plane aboleatur. Sic ante annos centum, cum Pontifices testamentum Domini projicerent, Iohannes Hufs inventus est, qui id summa cum reverentia custodiret. Sic hodie cum Episcopus Moguntinus, tanquam summus, quo ad dignitatem, testamentum non vult custodire, sunt alii qui custodiant, & in oculis Dei pastor contemptissimi pagi longe gravior & major est, quam omnes totius Germaniæ Episcopi, cum omnibus Cardinalibus & Pontificibus. Neque enim Deus concedit hominibus autoritatem supra Verbum. Hoc qui venerantur, sequuntur & custodiunt, sunt Ecclesia, quantumvis in mundo contempti sint. Qui non custodiunt, sunt ecclesia Satanae, nec sublevant eos magnifici tituli.

*Canonista negant, Papam esse supra scripturam.*

*Iohannes Hufs.*

Atque hæc causa quoque est, cur diserte in textu ponitur, Testimonia quæ ego docebo eos. Sic enim vult Deus in Ecclesia uti ministerio Doctorum, ut tamen ipse sit summus Doctor, & ministri omnes, etiam Papa, etiam ipsa Ecclesia, regantur & gubernentur verbo, Sic enim hæc transferri debent ad præsentem usum. Neque enim hæc particularis & certi temporis disputatio est, sed durat omnibus seculis. In populo Israel Reges & Sacerdotes inflati vocatione, putabant sibi omnia licere. Sic hodie Pontifices non putant se subiectos esse legibus Verbi, sed audent sibi arrogare potestatem supra verbum & scripturam. Plane similis causa est. Oportet igitur nos hic munitos esse, ut possimus dicere, credo Concilium, credo Papam, credo Principes & Reges, credo Ecclesiam sanctam & catholicam, Sed sic, ut illa sancta Ecclesia, nedum Episcopi & Pontifices, sit per omnia subiecta suo Deo & sponso Christo, & ejus verbo, sine ulla exceptione. Atque hoc ita credo, ut non sit necesse Deum mihi de coelo loqui, & sensibilibus mihi revelare. Hoc Verbum, quod Prophetæ & Apostoli locuti sunt est id verbum, quod debet credi, cui debet subiectus esse Papa, cum omni Ecclesia sanctorum, nec quicquam debet sine hoc verbo, multo minus contra hoc verbum, suscipere &c.

*Omnes verba verbo sunt subiecta.*

Ad hunc modum in ordinem redigi debet Papa, Sed experimur, nullum veneni genus eum sic formidare & odisse, sicut Scripturam, itaque totis viribus, etiam si aliud simulet, obnititur, ne fiat Synodus seu Concilium, tantum ideo, quia hanc questionem metuit, ne quærat in Synodo, Vtrum Papa sit iudicandus per Scripturam, an Scriptura per Concilium? Nam mala conscientia quam Papa habet, hoc semper ei acclamat, quod Scriptura sancta sit verbum Dei, futurum itaque ut verbum Dei vincat, & Concilium concludat, quod necesse sit Papam esse sub

*Papa non formidet Concilium.*

Scriptura sancta. Hoc si fiat, de Papa actum erit. Nam quid in omnibus suis decretis, ceremonijs, doctrina, tueri poterit Papa, si iudicium fiat ex sacris literis? Prævidet itaq; animo reformationem intolerabilem, atq; ideo omnia conatur, ne Concilium cogatur, quanquam interim si quis verba spectet, simulat se nihil optare aliud, quam Synodum. Sed dum hæc jactat, Regum animos sic implicat & involvit, ut ad omnia suscipienda plus ocij & animi habeant, quam ad concilium instituendum Oasturiam dignam æternis flammis, & odio omnium bonorum, quod cum tanto Ecclesiæ incommodo Pontifices suam tyrannidem volunt stabilitam.

Hæc omnia diximus propter similitudinem negotiorum in hoc Psalmo propositam, quod Deus suos Reges, qui pollebant autoritate divina, circumscriptit, & vinxit legibus suis, ut et si potentia præpollerent omnibus, tamen Deo & verbo ejus essent subiecti. Huic verbo necesse fuit, eos parere, et si ab inferiore annuntiaretur, Sicut Nathan Davidem arguit, & David parer, non quia Nathan seipsum offerebat, sed verbum Dei. Hujus discipuli debemus omnes esse. Quare cum ad Pontificem dico, ut se submittat misericordiæ Dei, quæ sola necesse sit nos justificari in oculis Dei, debet Pontifex se submittere Verbo, non quidem propter me, qui id annuncio, sed propter ipsum verbum. Hoc si non facit, abutitur potestate sua, nec debetur ei ulla obedientia in ijs, quæ contra Verbum mandat aut docet.

Nathan.  
David.

Conditio addita  
propter impios.

Hæc conditionalis sententia ponitur propter impios, ne sibi sumant absolutam potestatem contra Verbum. Nam absoluta promissio ea est, quæ Christum complectitur. Hunc enim non promittit sub certa conditione, sed simpliciter promittit, venturum cum ex semine Abraham. Quia autem dum hæc de Christo promissio impleretur, regnum corporale duravit, est id sic firmatum verbo Dei, ut tamen haberet certam conditionem additam. Itaq; multi impij Reges cum tota familia funditus deleti sunt, & alij suffecti, ut tamen regnum temporale aliquo modo perduraret, donec veniret Sanctus sanctorum, & Rex regum, qui regnum hoc continuavit usq; huc & in æternum. Pertinet itaq; conditio addita contra præsumptionem, Q. d. veniet promissio mea de Christo, & certo stabiliam thronum Davidi meo, Sed vos qui interim in hoc throno sedetis, & administratis regnum hoc, nolite putare quod non possitis errare, aut errata vestra probaturus, & non potius damnaturus sit Deus. Itaq; aut secundum Verbum administrare regnum vestrum, aut præcipitabo vos & evertam. Hanc promissionem amplificat jam egregie.

XII.

*Quoniam elegit Dominus Zion, elegit eam in habitationem sibi.*

Hæc est amplificatio promissionis, Q. d. Habetis promissionem, sed in hoc nunc incumbite, ut iusti sitis, & custodiatis testamentum meum, tum enim fiet ut regnum hoc maneat, & ego habitabo vobiscum, Sicut apud Esaiam quoq; dicit, Habebo focum in Sion, hoc est, ero oeconomus in utroq; regno, spiritali & corporali, & dabo omnem benedictionem, sed ita, si obedieritis voci meæ.

Esa. 31.

Deus elegit locum  
eum colimus, ergo  
nos non debemus  
eum eligere.

Vtitur autem singulari consilio, eo verbo, quo Moyses quoq; usus est, Deut. 16. 26. In loco quem elegerit Dominus Deus tuus, ut habitet Nomen ejus ibi. Neque enim initio certus tabernaculi locus erat, sed vagabatur non solum per loca diversa, sed etiam per tribus diversas, Ephraim, Manasse, Dan, &c. Porro destruit hoc verbo omnes proprias electiones hominum, seu ut Paulus vocat *ἰδιολογίας* quæ apud Iudæos infinitæ erant. Sic enim cogitabant, Si licet sacerdotibus transferre tabernaculum ex uno loco in alium, Cur nobis quoq; non liceret plus uno in loco sacrificare? Hæc erat certa Idolatria, Quia enim Deus per Verbum suum, se propitiatorio alligaverat, quod ibi esse & inveniri vellet, Idolatria erat eum alibi aut credere esse aut quærere. Pugnant igitur Prophetæ summo conatu contra hoc, ne sibi homines aliud eligant, quam Deus. Nihil enim Deus æque execratur quam suscipi aut institui aliquid pro cultu Dei, quod ipse non iussit. Nostra igitur debet esse non electio, sed obedientia, Alioqui continget nobis quod Ieremias minatur, Projiciam electa eorum. Hæc pertinent ad refutandas electiones, quas in Papatu vidimus. Nam quod

Deut. 16.  
16.

alius

alius huic ordini, alius alii se addicit, quod certos dies jejunii habet, quod certos Santos, quos invocat, &c. hoc totum si quæras, quis jussit? cogit cum conscientia, ut respondeat, se sic elegisse ista. At hoc est non Deo, sed Satanæ servire. Neq; enim Deo aliter servitur, quam cum fit quod ipse jussit. Pertinet itaque electio non ad nos, sed ad Deum, Obedientia autem ad nos pertinet, ut quod Deus elegit, nos exequamur.

Deinde verbum eligendi pertinet etiam contra præsumptionem meriti. Si enim diceret, Ego reddo vobis Sion, aut remuneror vos, significaret id fieri nostro merito. Sed cum dicit, Eligo secundum meam voluntatem, significat se id facere, sine respectu ullorum meritorum, ut simul & religionem, quæ simulatur, & fiduciam meriti damnet, *ἰδελοθησκία*, igitur, seu ut Anselmus vocat, factitiæ religiones, pertinent ad Theologiam Diaboli. Neq; enim sublevat nos, quod bona intentione susceptæ sunt. Neque enim est bona intentio, quæ non Verbo, sed suo judicio nititur. Itaque quod Ambrosius dicit, Intentionem judicare opus, recte quidem dictum est, si recte intelligatur. Nam intentio finalis debet habere verbum Dei, seu fundamentum cui innitatur. Is enim solus recte intendit, qui statuere potest, se verbo Dei cogi ad hoc aut illud suscipiendū. Hoc verbū, qui non habet, etiam si angelica omnia sint, cave probes aut sequaris. Hæc igitur tutissima Regula est, quam cum sequimur, nunquam aberrabimus, ut semper quæramus, Num Deus hoc elegerit? Si responderetur, quod Benedictus, Augustinus, Franciscus, elegerit, qui etiam Deo chari fuerunt, fuge tanquam pestem & venenum extremè noxium, Certum enim est Deum nihil probare, nisi quod ipse elegit. Hæc de verbo eligendi paucis admonere volui.

*Si Deus eligit,  
ergo non est ex  
merito nostro.*

*Bona intentio  
qua.*

*Intentio judicis  
opus.*

*Regula.*

*Hæc requies mea in seculum seculi, hic habitabo, quoniam elegi  
eam.*

XIV.

Hæc est sane magnifica promissio qualem de nullo unquam alio loco dedit. Hinc Esaias & cæteri Prophetæ videntur concludere, quod Ierusalem duratura sit in æternum, hoc est, donec veniat Messias, qui faciat ex temporali Ierusalem, æternam. Sic Angelus quoq; ad Mariam dicit, quod sedebit Christus super thronum patris sui David in secula. Porro nota consequentiam, quam promissio hæc evidenter ostendit. Ierusalem hodie jacet, & tamen promissio hæc manifeste dicit, quod sit hæc futura Domino sedes in seculum seculi, sequitur igitur certissime, quod ille venerit qui Ierusalem hanc seu regnum hoc perpetuavit in æternum. Nam quod etiam in captivitate Babylonica vastata fuit, tamen servatæ sunt reliquiæ, definitum fuit tempus, quo duratura esset captivitas, manebant Reges & Prophetæ. Hujusmodi nunc nihil est, sicut etiam supra ostendimus.

*Consequentia  
arguit Messiam  
exhibendum esse.*

Magnifica igitur hæc est promissio, Ierusalem hanc fore in æternum sedem Domino, nec unquam deletum iri. Fiducia hujus promissionis crucifixerunt Christum, & omnia scelera patrarunt, quod nunquam putabant futurum ut Ierusalem periret, propter promissionem æternitatis, quam habebat. Sed audivimus conditionaliter hæc promitti, si servant testamentum Domini & testimonia ejus. Mansit itaq; Ierusalem usque ad Christum, postea dedit peccatorum poenas, sicut aliæ impiæ civitates & impia regna. Sic Prophetæ certo promittunt venturum Evangelium ex Sion, & novum Christi regnum ex Ierusalem, sed postea addunt Ierusalem hanc fore majorem tota terra, muros ejus fore fines terræ, &c. Hæc non possunt intelligi de corporali Ierusalem, quæ tamen initium regno Christi præbuit. Sed postea est vastata, sicut etiam Davidis impii posterii excisi sunt, pii manserunt usq; dum Christus nasceretur.

*Ierusalem vasta  
ta est, & tamen  
est à Christo a-  
dificata ut sit  
perpetua.*

Porro notum est, electionem hanc cœpisse sub Davide. Nam Ierosolymorum urbs ante id tempus Iebusitarum fuerat, sub Davide autem per promissionem Domini electa est, ut esset regalis & sacerdotalis Civitas, idque ita, ut sicut antea sacerdotum non vagæ, sed certæ personæ, ita etiam porro Regum personæ & successi-

*Iebusici.*

ones



ones essent certæ, nec sic vagarentur, sicut antea Iudices & Duces non in certa tribu consistebant. Vitur autem hic quoq; verbo eligendi, ad redarguendam fiduciam meriti, quod fere semper adhærescit animis, ut intelligant divina gratia & beneplacito Domini hanc urbem definitam esse, ut esset sedes religionis & politię. Peculiariter enim laborabant Iudæi hoc vitio Satânico, ut gloriarentur, de operibus, merito, & cultibus suis. Sicut Moyses quoq; ideo eos objurgat ac præmonet, ne statuunt propter iustitias suas sibi beneficia tam magnifica contrigisse, sed quod & gentes istæ merita erant tales pœnas, & Dominus bene volebat suo populo. Non propter tuas iustitias, inquit, introduxit te Dominus in terram hanc. Sic quoq; in papatu diabolicam hanc fiduciam videmus quanquam longe deteriore condicione, quam in populo Dei, qui divinitus mandato cultu utebatur. In papatu nihil sunt, nisi electiones humane, quæ sunt idolorum servitus.

*Iudæi præsumptuosi.*

*Papæ præsumptuosi.*

*Magnam beneplacito Dei quod locum certum cultui suo destinavit.*

*Ierusalem civitas sancta.*

*Gloria Ecclesiæ novæ Testamenti.*

*Satan Ierusalem odit.*

Videtur autem nihil magni dici in eo, quod promittit Deus se habitaturum in Ierusalem, Sed oportet spectare magnitudinem habitantis, tum locus quantumvis humilis & contemptus, reddetur augustissimus. Quem enim cœli cœlorum non comprehendunt, cum promittebat verbum in Ierusalem certo inventum iri. Ergo magnifica promissio est, scire & habere certum locum, in quo Deus inveniri possit, ne corda dubia vagentur, & unusquisq; pro sua voluntate sibi Deum, aut locum cultus Dei deligat. Illa enim erratio vagabunda, cum animi sibi locum & cultum constituunt, sicut Hieroboam, nihil est quam idolatria. Quare infinita misericordia est, quod definivit Deus certum locum verbi, & totius cultus divini. Hinc magnificus ille titulus loco tributus est, ut appellaretur civitas sancta, non quidem propter populum sanctum inhabitantem, sed propter Dominum sanctum inhabitantem & sanctificantem per verbum omnia.

Hanc gloriam habet quoq; Ecclesia novi Testamenti, quod scilicet caput ejus est, non Papa, sicut impij Papistæ impie dicunt, sed Christus sedens ad dextram Dei, qui adest verbo & Sacramentis suis. Hæc ingens est magnificentia & superbia, quæ pender non ex nostra iusticia, sed ex misericordia Dei, accipientis, probantis, & laudantis omnia propter Filium suum, caput nostrum. Sed civitas Ierusalem propter hanc causam quoq; infensissimum habuit Satanam, quod esset tanquam officina Dei, in qua omnis generis beneficia & sancta opera Deus quotidie exerceret. Sed tamen à Deo mirabiliter quoq; servata est & defensa, ne incertum redderetur, ubi esset, ubi coli & audiri vellet Deus. Iterum autem hic monemur, quod hæc omnia domini, non meriti sint, misericordiæ, non operum. Si quidem ipse elegit hanc requiem, & ipsi placuit habitare in loco. Sic meriti nostri non est, quod habemus Evangelium, Baptismum, Absolutionem privatam & publicam, Omnia hæc sunt dona misericordis & benevolentis Dei propter Christum. Iam transit ad politica seu temporalia.

#### XV. *Victui ejus benedicens benedicam, & pauperes ejus saturabo panibus.*

*Victum cui ferri. prout prædam vocet.*

Nostra translatio habet, Viduam ejus, sed fortasse imperiti scriptoris hoc erratum est. Vocabulum proprie prædam, seu venationem significat. Sed cur sic appellat scriptura cibum nostrum? Nimirum eam ob causam, propter quam Christus vocat panem quotidianum, ut sicut bestię prædam suam quotidie sectantur & inveniunt, non seminant, non laborant, sed per prædam quasi obveniunt eis omnia, Ita nos quoque, non in multos annos per avaritiam & incredulitatem cumulemus victum, sed quotidie expectemus & accipiamus de manu Domini, mediante tamen labore nostro, & eo contenti simus, quod quotidie obvenit, tanquam bestię oblata præda. Avaritia enim & incredulitas non est contenta præsentibus, quantumvis promittat Deus fideliter, se nos pasturum, & daturum unde vivamus. Ad hunc modum scriptura, Victum, proprie & significanter prædam vocat, quæ nobis non sollicitis obvenit, sed laborantibus & relinquentibus curam Deo nostro, sicut Christus fere hortatur Matthæi 6. Iubet laborare, facere, conari omnia, quæ sunt vocationis nostræ. Ebræis enim est labor, quem singuli dies habent, & secum afferunt, Sollicitudinem

*Matth. 6.*

nem

nem autem & curam jubet Deo relinqui, ac promittit victum nobis tam non defuturum, quam avibus & cæteris animantibus. Neque enim hoc agitur, ut in hac vita simus inexplēbiles, Et si enim habeamus omnes totius mundi opes, tamen cum hac vita relinquendæ sunt. Sicut autem vita non certa est, sed ceu raptus quidam, aut præda, qua fruimur, donec Domino visum est, Ita etiam est victus, ceu raptus quidam, quo debemus contenti vivere, non de futuro solliciti esse. Sic damnat appellatio hæc impiam sollicitudinem, & anxiam incredulitatem, qua tamen nihil promove-  
tur.

Quod sequitur, Et pauperes ejus saturabo panibus, nota phrasise est, quod *Panis quid.* panem vocant, sicut nos victum, hoc est, quicquid ad alimoniam pertinet, cibum & potum. Hæc promittit, sed pauperibus, Sic autem appellat populum suum. Vidit enim suam Ecclesiam, talem, qualis semper est, quod in media opulentia mundi, sola *Ecclesia in mundo esurit.* esurit & sitit. Sic Levitarum initio singularis fuit inopia, donec tandem ad regnum spectarunt. Sicut nostri Pontifices quoque, Ita enim gubernat ista Satan, ministerium conatur fame opprimere & contemptu, Id quia multi recusant ferre, eo prolabantur, ut potius quam esuriant, doceant hominibus beneplacencia, & sic evehantur ad magnas opes & dignitates. Retinenda itaque piis est hæc promissio, quod Psalmus dicit, Dominum daturum panes pauperibus suis. Vtrunq; enim fiet, Habebunt pa-  
*Regnum Christi non est de hoc mundo.* nes, & tamen erunt pauperes, ideo scilicet, quia regnum Christi non est de hoc mundo. Itaq; ij, qui in ministerio sunt, & præcipua pars hujus regni, ferant ignominiam, odium, & contemptum, aut à ministerio desistant. Non enim hujus mundi, sed futuræ *Beati pauperes spiritu.* vitæ certa & æterna hæreditas piis promissa est. Itaq; Christus beatos pronunciat pauperes spiritu, quos necesse est simul sustinere calamitates plurimas. Contra eos, qui abundant & saturi sunt, dicit, infelices, quia futurum est ut plorent. Instituamus igitur rationes nostras ad hunc modum, Si volumus esse populus Dei, ut contenti in hac vita victu & amictu, reliqua omnia æquo animo feramus, & superemus spe ejus gloriæ, quæ revelabitur in filios Dei.

*Sacerdotes ejus induam salutari, & Sancti ejus exultatione exultabunt.*

XVI.

Hæc promissio longe præstantior est ea, de qua jam diximus, quod promittit Deus, sic gubernaturum Sacerdotes, ut sint puri & sancti per Verbum, & habeant bonam conscientiam. Hæc si possemus conferre cum illo parvo defectu corporalium rerum, patientius eum toleraremus. Ego fui Monachus, & vixi in meris labyrinthis & laqueis conscientiarum, ubi per traditionum copiam peccatum pariebat peccatum. Eram alligatus contra naturam ad impurum coelibatum, Ibi si quis mihi dixisset, quanti redimere vellem pacem cum Christo, & illas magnificas glorias, quas hodie per verbum & spiritum Dei habemus, humilis me prostravisset in terram, ac vitam libenter profudissem, ac petivissem tantum conscientiam liberari. At nunc, cum vere indui sumus salutari, propter amplissimas & manifestas promissiones remissionis peccatorum, & vitæ æternæ, obliviscimur harum opulentiarum spiritualium & querimus quod non etiam simus Reges in hac corporali vita. Non anteferimus nostras glorias æternas & spirituales. Magna autem hæc est ingratitudo, sic offendi illa externa paupertate, & non potius lætari & gaudere in tantis opibus spiritus. Quis enim non mallet, cum istis donis spiritus etiam mendicare panem ostiatim, quam esse Episcopus Moguntinus, vel etiam Pontifex, quos constat, cum hostes Verbi sint, in illis opibus mundi, extreme infelices esse? siquidem carent remissione peccatorum, spe vitæ æternæ, cognitione Christi, & omnibus aliis, quæ nos per verbum abunde habemus.

Si igitur sumus coram Mundo contempti, afflicti, tristes, vexati, abominabiles, pauperes, consolemur nos eo, quod habemus dotes Regni coelorum, quod per fidem in Verbum evademus victores peccati, mortis, & Satanæ, quod toti sumus indui salute. Quam multos apprehendit ante hoc felix seculum desperatio? Quod si hanc cognitionem gratiæ Dei, & consolationes has Verbi habuissent, an non  
putas



putas eos potius omnium opum mundi jacturam passuros fuisse? Quando enim sentitur ira Dei, & desperatio, tum etiam infinitæ opes vilesunt. Quid enim tum sunt arces, quid oppida, quid regna & principatus? Omnia hæc quis non libenter projiceret, tantum ut cor pacatum esset?

Merito igitur Paulus ὁλοκληρία vocat, quod omnia in hac cognitione sint posita. Nam etsi emendicato pane hic vivamus, an non hoc pulchre sarcitur in eo, quod pascimur pane cum Angelis, & vita æterna, Christo & Sacramentis? Hæc cui non sapiunt, is sane scētur Papam, & quærat cum fabris Satanæ Cardinalicum gale-  
rum. Ego alias opes scētor, quas fortasse contemnunt sapientes, qui aut Epicūrei, aut  
Academici sunt, ego autem omnibus mundi gemmis, & auro omni antepōno. Ante  
annos triginta, si vnius tantum Psalmi veram cognitionem habuissem, visus mihi  
fuissem Deus quispiam, Omnia enim tum plena erant scēdissima ignorantia, abomi-  
nationibus & idolatria infinita, At nunc, cum quasi diluvium quoddam cœlestis sa-  
pientiæ & cognitionis nobis Dominus aperuerit, etiam mundanas opes quærimus  
ingrati, & sic delicati sumus, ut nolimus eorum, quæ mundus habet, aliquid nobis  
desideri, Sed apud Esaiam est, Lectum angustum esse, non itaque utrisque potest esse  
locus. Quanquam res non damnamus, sunt enim dona Dei, quare quibus obveni-  
unt, fruuntur iis cum gratiarum actione, & sine querela proximi, Quibus autem non  
obveniunt, ij æquo animo ferant penuriam. Sicut Paulus dicit, se omnia posse, abun-  
dare, egere, edere, esurire, laudari, vituperari, &c. ideo scilicet, quia habemus aliud  
Regnum in cœlo, & expectamus Salvatorem, qui nobis illa cœpit largiri per Ver-  
bum & Sacramenta. Is tantum verbum & sacerdotium nobis relinquat purum, &  
integrum, de reliquis non multum laborabimus.

*Ecclesia manebit usque ad finem mundi.*

Est igitur hæc insignis promissio & consolatio, quod scilicet Ecclesia & verbum manebunt usque ad finem mundi, Idque non humano consilio aut sapientia, sed Deo induente Sacerdotes suo saluari. Itaque etsi sub Ahas & aliis impiis Regibus omnia plena erant Idolatria, tamen erant certi Prophetæ, per quos Verbum retinebatur. Ac Christi tempore incredibilis fuit cæcitas, cujus similem non existimo fuisse in illo populo, & tamen erant tum Simeon & Hanna agnoscētes & prædicantes recens natum Salvatorem. Hoc vere Dei donum & opus est, induentis hoc modo salute, hoc est, victorioso verbo, vero & sancto cultu sacerdotes suos, ut audiat ex ore hominum salus & gloria nostra. Hæ sunt magnificentiores vestes, quam illæ Aaronicæ Mo-  
sis, quod Doctores sunt instructi & ornati verbis salutis, & doctrina veritatis, qua non solum suos in pace docere, sed etiam contradicētes refutare possint. Huc enim pertinet vestis salutis, hoc est, victoriæ, quæ paratur per purum verbum, & salutare ministerium.

*Fructus verbi.*

Secundum est, quod promittit etiam fructum Verbo, nempe, quod omnes, qui audiunt illos sacerdotes, & credunt verbo, sanctificantur, & implentur corda eorum pace & gaudio, bene sperant de Deo, cui sciunt se placere, quem statuunt sibi favere. Hæc pax cordis, est nostrum Regnum cœlorum, quod habemus in hac vita. Est enim thesaurus inenarrabilis, ad quem comparata Regna & opes mundi sunt fex & stercora, Sic conjungit Psalmus hæc duo, quod victoriosum Verbum sit daturus per sacerdotes, & fidem audientibus eos, ut sic omnes salventur, ac in læticia cordis prædicent ac laudent Deum tam beneficū. Si quis speciem externam sequatur, judicabit hæc falsa esse, sunt enim verba spiritualia, quæ secundum carnem non debent intelligi. Nam si quis speciem sequatur, de Papa potius & impiis ministris judicabit, quod sint induti salute. Hi enim securissime triumphant, etiam tum, cum sentiunt contra Christum & veram Ecclesiam, Contra Christiani seu vera Ecclesia vexantur intus & foris, à Satana, hæreticis & persecutoribus. Hæc sane nemo vel salutem vel læticiam appellabit, sed potius calamitates & æumnas perpetuas, (Sed tu oculos tuos ab externa specie remove, & intueri illam majestatem, quam tibi in verbo loquitur, & promittit, quod velit tibi esse propicia. Si igitur apud Deum es in gratia, si ille te non odit, sed amat, si fovet ac tuetur te, quid, quæso sunt omnes calamitates & odia

*Pax cordis summi bonum.*

*Benedictio spiritualis Ecclesia non est estimanda externa specie.*



Rom. 8.

odia omnia mundi? An non calamitates omnes quantumvis magnæ, absorbentur in illo profundo misericordiæ Dei? sicut Paulus quoq; ratiocinatur, Si Deus pro nobis, quis contra nos? Sit sane Satan cum omnibus furiis mundi, quid nocebunt mihi, cum Deus foveat, cum me, ut filium, complectatur, & cumulet omni benedictione spirituali per verbum victoriæ suæ.

*Illic producam cornu David, paravi lucernam Christo meo.*

XVII.

Perseverat in promissione regni & sacerdotij, quod non solum servabitur sa- *Promissio de de-  
fendendo regno.*

lus & læticia Sacerdotum & Sanctorum in populo adversus phanaticos spiritus, qui-  
bus ille populus nunquam caruit, sed etiam, quod servabitur hoc regnum foris ad-  
versus externos hostes & gentes, & domi adversus seditiosos. Sicut enim inter Levi-  
tas multi fuerunt phanatici & hæretici, ita in reliquis ordinibus multi fuere seditio-  
si, sicut ostendunt historiæ. Quam multos Saul habuit, qui eum pro Rege non agnos-  
cerent, sed criminarentur & contemnerent eum? Eo occiso, cum à tribu Iuda David *Saul.  
David.*

Rex salutatus esset, per seditionem discesserunt ab eo omnes reliquæ tribus, & secu-  
tæ sunt superstitem Saulis filium. Ea dissensio vere fuit seditio, & duravit ad annos 7.  
& menses 6. sicut clare ostenditur 2. Samuelis 2. Quis autem nescit, quæ incommo-  
da seditionum & bellorum David postea in regno sustinuerit? Post Salomonis au-  
tem obitum res iterum ad infinitam seditionem per Hieroboam deducta est. Con-  
tra hæc mala confirmat populum Psalmus, & promittit, cornu David istic mansu-  
rum, tanquam à Domino productum. Hæc fortuna huius regni fuit, Sacerdotium  
sanctum & purum contaminabat Satan per sectas, quæ puram doctrinam impugna-  
rent, In Politia excitabat rebelles & inobedientes cives. Ad hunc modum Satan  
mendacio contra regnum spirituale, & cædibus contra politiam furit, ne scilicet  
usquam desint scandala mendacii & cædium.

2. Sam. 2.  
Act. 1. 3.

Ergo sicut inspiciendum hoc regnum & iudicandum est, non secundum spe-  
ciem externam (Ita enim apparet esse regnum infirmum, seditiosum, debile) Ita Ec-  
clesia quoq; habet quidem promissiones pacis, Sed sic ut pro majori parte turbetur  
scandalis, persecutione, & afflictionibus aliis. Hærendum itaq; est in magnitudine  
promissionis, in maiestate Verbi & autoritate promissoris, qui salutem sic promittit,  
ut tamen maneant in Politia rebelles, & in Ecclesia scandalosi hæretici. Hic forti ani- *Ecclesia species.*  
mo opus est, ut statuamus nos, si de mundo essemus, à mundo diligi, Si enim Papæ  
adulari, & quæ ipse probat, docere vellemus, amaret nos, non persequeretur, non fe-  
raret sententia anathematis. Sic hæretici & sectæ, si, quæ ipsis placent, probaremus,  
non sic acerbè odissent nos. Hic igitur perpetuus est cursus mundi, ut qui in Ecclesia  
volunt esse, se comparent ad ista scandala magno animo, fiducia promissionum Dei,  
sustinenda & superanda. Promissio autem in hoc tota est, ut consolemur nos eo,  
quod habemus Deum faventem, & quod hostes verbi Ecclesiam non evertent, ut-  
cunq; contra eam furant. Ideo scilicet, quia Dominus producet, seu, ut in Ebræo est,  
germinare ibi faciet cornu David.

Notus est locus in Zacharia, de Zemah, seu germine. Itaque quidam iudicant *Zemah.*  
hic obscure per vocabulum germinandi, significari Christum, in quo regnum David  
vere confirmatum est, Neq; ego valde repugno, Et tamen malo in simplicitate literæ  
consistere, quod simpliciter promittat Davidi & locum & posteritatem certam. Ideo  
autem utitur germinandi vocabulo, ut significet incrementum, sicut nostris moribus  
Imperatorem Augustum vocamus ab augendo. Nisi enim regna conservarentur, per- *Augustus.  
Ecclesia germinat.*  
irent, Et crescere, est conservari, Sic Ecclesia germinat, etsi propter persecutiones  
videtur diminui, quia conservat eam Dominus, & quotidie auget per Verbum &  
Spiritus suum. Sententia itaq; est, quod Dominus cornu David, hoc est, regnum, po-  
tentiam & fortitudinem benedicet, quod gubernabit & servabit, Personam enim  
præcipue notare voluit, ut certi essent posterius de domo, persona & loco regni.

Quod sequitur, Paravi lucernam Christo meo, Ebraismus est, qui convenit fere *Johannes Huss.  
Leonhardus  
Kaser.*  
cum eo, quod nos dicimus. Iohannes Huss est lumen Ecclesiæ Bohemicæ. Leonhar-  
dus Kaser propter insignem confessionem fidei, & constantiam, est lumen Bava-

ria, &c. Idem fere lucernam vocat Ebraeus. Vsurpatur autem hæc figura 2. Regum 21. Ne extinguatur lucerna Israel, & 2. Paralip. 21. de Ioram. Noluit Dominus disperdere domum David propter pactum, quod inierat cum eo, & quia promiserat, ut daret ei lucernam, & filius ejus in omni tempore, Ioram n. ultimus fuit ex posteritate Salomonis. Qui post eum regnarunt, fuerunt ex posteritate Nathan, Ea sub captivitate Babylonicam videbatur proxima esse exitio, cum Vrbs deleta esset, & Rex teneretur in vinculis, Sed Dominus tum locum, tum personam castigavit, non mutavit neq; abiecit. Sub nativitatem Christi, imperium a Davidis stirpe ad Machabæos & Romanos devenerat, Quod igitur ad rem attinebat, pene interciderat Lucerna hæc, sed tamen in fide erat adhuc incolumis. Relicti enim erant certi quidam ex tribu Iuda, ex quibus postea natus est Christus.

1. ultimus  
ex. Ieremie  
Salomonis.

1. Reg. 21.  
2. Par. 21.

Lucerna.

Lucernam itaq; vocat conservationem Regni, saltem quo ad speciem, etiam si quod ad rem attinebat, tum locus, tum persona, periclitata sint. Coactus enim erat Deus propter idolatriam & præsumptionem destruere & delere eos. Itaq; sub Christum, regnum a tribu Iuda ablatum est. Successit autem Christus, qui ædificavit novam Ierusalem, quæ nunquam cessabit. Similis phrasis est 2. Reg. 14. Voluit extinguere scintillam meam, hoc est, hæredem meum, ut tota posteritas mea intereat. Hinc Salomo Prov. 31. Non extinguetur in nocte lucerna ejus.

2. Reg. 14.  
Prov. 31.

Paravi lucernam.

Est autem Emphasis quoq; in verbo, Paravi. Significat enim hoc regnum munitum esse, non solum contra domesticos hostes, sed quoq; contra omnes dæmones & portas inferorum usq; ad Christum, Et tamen historia docet, quomodo variis calamitatibus fuerit humiliatum. Sic nos habemus promissionem de Ecclesia mansuram eam usq; ad finem mundi, & non prævalituras portas inferorum, Et tamen quis nescit, quomodo Ecclesia sub Papa humiliata & pene extincta fuerit? Prædicabatur & adorabatur non Christus, sed Maria, Apostoli, itaq; secundum Christi verbum, nisi

Lucerna Extincta  
sit etiam parata.

Matth. 14.

abbreviati essent dies hi, non salvata esset omnis caro. Hoc igitur semper faciendum est, ut præferamus magnitudinem & potentiam promissoris scandalis mundi & diaboli, nec sinamus dejici animos, cum Papa anathemate, mundus gladio sedit contra Ecclesiam. Nam etsi Ecclesia neq; numero nec potentia par sit adversariis, tamen manebit, adversarii autem peribunt. Major enim est, qui in nobis est, quam qui in mundo est, & verbum, quia æterna Dei potentia est, omnes inferorum furias facile vincet.

1. Job. 4.

## XVIII.

*Inimicos ejus induam confusione, super ipsum autem efflorescit sanctificatio mea.*

Non rex Babylonis, non Syria, non Edom, non Moab, non Ægyptus, In summa, nullus inimicus prævalebit huic Regno, sed regnum hoc stabit paratum usq; ad Christum. Inimici autem hujus regni omnes induentur confusione. Lucerna hæc non extinguetur, donec ille venerit, qui implebit omnia. Hic thronus, quantumvis despectus & odiosus toti mundo, manebit in gloria, non solum coram me, sed etiam coram mundo. Neq; enim Satan, etsi unice id ageret, efficere potuit, ut posteritas Davidis deleteretur, antequam Christus natus esset. His promissionibus, ceu baculo firmo, imo ceu petra Sancti innixi sunt in summis calamitatibus, quibus Satan hunc populum exercuit, studio impediendæ promissionis de Christo. Ac sane Antiochus Epiphanes præ cæteris magno conatu hoc egit, ut populum hunc eradicaret, Sed sicut Psalmus hic promittit, Quia inimicus fuit sancti populi, confusione indutus est.

Posteritas Davidis.

Antiochus Epiphanes.

Coronam vocat regnum.  
Nazaraeorum cultum.

Quod Latinus vertit, Sanctificatio mea, verti debet, Corona ejus. Sic enim vocat regnum. Ab hoc vocabulo Nazaraei dicti sunt, de quibus est Num. 6. Horum erat singularis cultus, non dissimilis monastico, Abstinebant à vino, & omni forti potu, non radebantur, idq; aut ad certum tempus, aut per omnem ætatem. Etsi autem in arbitrio hominum positus erat hic cultus, tamen non erat electius, sicut Monachorum, sed à Deo præscriptus. Hinc sumit similitudinem Psalmus, Et sicut tales erant Nazaraei, ita dicit Davidem quoque, seu regnum ejus fore, ut sic dicam,

Num. 6.



dicam, Nazaraeolum, seu coronulam, quam conservaturus sit, & ita stabiliturus, ut floreat, tanquam Deo gratissimum, & mundo utilissimum regnum. Respicit enim eo, quod in Mundo contemnitur, tanquam exiguum & infirmum regnum, Sed inquit, Ne vos hoc offendat, Mihi enim est coronula florentissima, & fructificans, tam in spiritali, quam corporali administratione. Ad hunc modum intelligo simpliciter de regno Davidis usque ad Christum.

Qui malunt Allegoriam sequi, & ista omnia transferre ad Christum, sine negotio id possunt. Nam alioqui in Prophetis usitatum est, ut in fine attexant prophetias de Christo, qui est verus surculus seu germen, & verus Nazaraeus, à Deo in hoc paratus, ut sit lucerna perpetua, quam non possit extinguere Satan. Nam absque hoc, constat totum illud regnum fuisse figuram Christi & regni ejus. Hic enim est, cujus perpetuus thronus firmatus est in domo David, cujus imperium durat, dum sol & luna cursum suum retinent, &c. Complectitur itaque Psalmus precationem pro Verbo & pace conservanda. Hoc enim, nisi ingrati esse volumus, praecipue in oratione nostra à Deo rogandum est. Ita autem animi sunt instituendi, ne offendantur, seu scandalisentur, cum vexatur aut Politia inobedientia vulgi, ac Magistratum iniquitate, aut Ecclesia falsis Fratribus & haeresibus. Non enim aliter fiet, ubicunque est Verbum & pax, ibi Satan, mendax & homicida spiritus, utrumque perturbare conabitur. Haec est causa seditionum, bellorum & sectarum seu haeresium. Munitos itaque oportet nos esse, ut cum adversarius noster non dormitet, magno animo nos talibus scandalis opponamus, & putemus ea esse admonitiones quasdam, saepe etiam virgas, seu poenas, quas Dominus immittit, ut emendemur, non ut pereamus. Melius enim est affligi à maligno vulgo, quam damnari. Itaque verbum quidem & leges manent, sed major pars hominum sequitur cupiditates suas, & tum verbum in Ecclesia, tum leges in Politia negligit. Hoc cum experimur, feramus, nam peccata nostra etiam graviores poenas meruerunt. Deus misereatur nostri, & benedicat nobis, Amen.

*Allegoria Psalmi.  
Christus verus  
Nazaraeus.*

## PSALMVS CXXXIII.

*Ecce quam bonum.*

**H**ic Psalmus etsi brevis est, tamen quod ad rem & sententiam attinet, satis etiam apertus & clarus est, exceptis duabus barbaris, imo potius sanctis & Ebraicis figuris, de rebus apud Gentes simpliciter incognitis. Neque enim decet barbara vocare, quibus Spiritus sanctus uti voluit, quin potius barbariem vocemus elegantiam Graecorum, siquidem cum impietate & ignorantia Dei conjuncta est. Quod igitur ad argumentum attinet, commendat concordiam seu charitatem in utroque regno, spiritali & corporali, principaliter tamen in spiritali, proque hac agit Deo gratias. Non solum enim pulcherrimum hoc donum est, esse concordem Ecclesiam, & tranquillam Rempublicam, sed etiam maximorum bonorum fons & origo.

*Argumentum  
Psalmi.*

Hic forte queras, ubi David didicerit, tam esse magna & utilia? Sed intuitibus historiam ejus, facile apparet, magistros hujus cognitionis fuisse Saulum, Doeg, & alios Centauros in aula Saulis praecedentis Regis, Item Absalon, Ahitophel. Hoc est, David multis tentationibus, & longa experientia didicit, concordia & tranquillitate nihil esse melius. Verum enim est, quod proverbio dicitur, Dulce bellum inexpertis. Juvenes enim qui adhuc juvenili sanguine fervent, nihil ducunt pulchrius gloria belli, & victoria qua inclarescant. Hi carnales motus facile postea extinguuntur, cum experiuntur tales, suam & suorum calamitatem. Sed ante calamitates, commoda pacis ignorantur à mundo, & vere bellum inexpertis dulce est. Sicut historiae ostendunt, in quibus saepe seditiosa ingenia accusant pacem, quod in ocio fere homines stertant & ignavi fiant, optant bellum, ceu segetem gloriae, & occasionem ostentandae virtutis.

*David experientia didicit, pace nihil esse melius.*

*Mundus pacem non potest ferre.*



Hic affectus nobis per peccatum insitus est, ut divina, necessaria & optima dona Dei simpliciter fastidiamus ac fugiamus, & persequamur ultro diaboli damna & calamitates, sicut Germanico proverbio dicitur, Luctari sæpe homines, ut sibi concilient malum. Et in Proverb. Malum malum dicit omnis emptor. Nam optimas res fastidiunt animi propter copiam præsentem. Itaq; etsi pax vere sit præstantissimum omnium honorum, tamen natura sic corrupta est, ut sæpe bellum malit. Sicut autem mundus pacem non potest ferre, ita vicissim multo minus potest ferre bellum. In pace queritur de ignavia, in bello iterum pacem expetit. Quod igitur vocant gentes, Pacem auream, quod dicunt, Concordia parvas res crescere, discordia etiam maximas dilabi, Hoc ipsum, etsi experientia didicerunt, tamen non credunt verum esse, nec sequuntur, alioqui non quærerent occasiones bellorum, & turbandæ pacis, Quid facerent in spiritualibus, quæ plane non intelligunt? cum visibilia sua, tum bona quæ pax affert, tum mala, quæ bellum affert, quæq; sentiunt, non tamen intelligant, siquidem pacis pertæsi sunt, & occasionibus moruum & bellorum gaudent, idq; contra iudicium suum?

Pax.

Natura peccato corrupta, contra quæ iudicat facit.

Donum est, dona Deo instillare.

Pax donum Dei.

Habere itaq; pacem tum in Politia tum Ecclesia, summum donum est, sed hoc postea etiam donum est, agnoscere quod sit donum. Multos enim videas, qui pacem habent & obediētes subditos, sed tamen hoc dono non fruuntur. Sic dux nobis vicinus persecutor & hostis Evangelij insignis, habet pacem, & bene constitutam politiam, sed in media hac tranquillitate irrequieto est animo, cum odio Verbi semper novas occasiones quærīt, reprehendendæ & dissipandæ religionis nostræ. Quanto eum decebat magis agnoscere donum pacis, & ea uti cum gratiarum actione? Exhortamur itaq; ad gratitudinem non solum hujus doni, sed Dei etiam, qui tum pacem, tum alia donat, ut discamus, quam magna res sit pax & concordia, & eam referamus acceptam Deo auctori, ne mundo fiamus similes, qui donum hoc non intelligit, sed in ipso usu doni Dei obliviscitur, & est inquietus, donec perturbet aliquid. Donet igitur Dominus nobis meliorem vitam. Nam Deum juro, hæc vita prorsus nihil valet, in qua non solum res optimas non servamus, nec studemus retinere, sed ne intelligimus quoq; quod sint dona. Hoc non Magistratus politicus, non Ecclesiasticus efficere potest, ut retineatur hoc ipsum donum, quod habetur, sed tanquam oculis & auribus capti homines faciunt non quod probant, sed quod tum peccatum in natura, tum Satan suadet.

Donum solum impati servat.

Ergo non hominis, imo nec Angeli, quæ melior creatura est, sed solius Dei est, servare Imperia, ne prorsus collabantur bellis & tumultibus. Is pacem non solum constituit & restituit, sed solus servat, etiam tum, cum nos in Politia seditiosis, in Ecclesia autem Dei, fanaticis nos opponimus. Hoc donum jubet Psalmus agnoscere, & hortatur ad gratiarum actionem pro hoc dono, Siquidem manus divina est, quod saltem aliqua pax existit. Ac Deo gratia sit, quod cognitionem hanc habemus, & scimus pacem esse donum Dei, etiamsi gubernare & retinere eam viribus nostris non possumus. Hoc enim eo valere debet, non ut desperemus in ista cupiditate & malicia hominum, sed ut tanto diligentius incumbamus in orationem, ut quod Dominus dedit, id etiam servet, defendat contra Satanam & improbos homines. Sed veniamus ad Psalmum.

*Ecce quam bonum & quam jucundum, habitare Fratres in unam.*

Fuit in periculis, & usu didicit in seditione & aliis turbis, non solum quantum malum in discordia & doctrina erroris sit, sed etiam, quantum boni sit in concordia & sana doctrina. Itaq; statuit, quod Deus ista conservet, gubernet ac benedicat. Intelligo enim Psalmum de utroq; genere, hoc est, de pace politia & Ecclesie, sicut etiam natura conjunctæ sunt. Nam pax politia, est etiam Ecclesie pax, propterea, quod in pace Verbum propagari potest. Fratres autem vocat tum cives inter se, tum Sacerdotes. Hi tum sunt concordēs, cum una & eadem doctrina pascunt populum, cum non pugnant inter se, & uno ore sanam doctrinam propagant, & populus credit Verbo. Hæc Pax in Ecclesia est singulare donum, & bonum non delectabile solum,

Fratres.

solum, sed etiam utile & honestum, Sic in Politia, cum legum autoritas consistit, & Magistratus subditorum diligentem curam gerit, contra, subditi Magistratus suos, tanquam liberi parentes, colunt, venerantur, & eorum autoritati parent. Hæc dona hortatur Psalmus, ut intelligere discamus, & pro iis agamus gratias.

*Sicut unguentum in capite, quod descendit in barbam Aaron, quod descendit in oram vestimenti ejus.*

430. Hæc est barbaries Spiritus sancti, qui si nobis est barbarus, nos vicissim sumus illi barbari. Porro notus est locus Exod. 30. in quo præcipitur Mosi de singulari unguento conficiendo, adjecta hac prohibitione, ne à quoquam alio fiat, neve in alios usus fiat, quam ad unguendum Sacerdotem summum. Cum hoc unguento comparat Psalmus pacem, quod sit singularis quædam sacra & divina res, quæ nullis viribus humanis nec parari nec conservari potest. Nam etsi impiis quoque donatur, sicut ostendunt regna, quæ extra Ecclesiam sunt, tamen revera est donum Dei, & sacerrimum, quod præcipue servire debet sacris usibus ad propagationem religionis, ad matrimoniorum fidem, ad educationem liberorum, & curam omnis honestatis retinendæ. Hoc si persuaderi posset phanaticis hominibus, qui novis & absurdis dogmatibus de Sacramentis, & aliis articulis perturbant Ecclesiæ pacem, quod scilicet pax Ecclesiarum sit sacrum & Deo gratissimum Balsamum, segregatum omnino à prophanis usibus, an non existimas cautius eos acturos esse? Sed quia hoc non credunt, nec sibi persuaderi sinunt, nihil pensi habent temere cogitata, temere effundunt, & sacro hoc balsamo utuntur ad prophanos usus, ut sibi gloriam & nomen magnum comparent. Imo concordiam sanctissimam rem, pro ignominia habent, & tanquam sterminus contulcant pedibus, non utuntur ea pro capitis unguento. Sed quam longe alia Spiritus sancti sententia est, qui vellet pacem exosculari à nobis, & haberi pro sacerrimis reliquiis, sicut similitudine optimis verbis exposita ostendit.

*Pax comparatur sancto unguento.*

*Phanatici turbant pacem tantæ preciosæ rem.*

Diserte autem dicit, à capite, ut ostendat veram & arctissimam concordiam. Nam si similitudinem respicias, Aaron primo ungitur in capite, inde unguentum promanat in barbam, tandem fertur ad oram vestimenti ejus. Cur itaque capitis mentionem facit? Nempe, ut ostendat, quod ubi concordia non est, ibi perinde, ac cum regnum sine capite est, alius huc, alius istuc fertur. Ecclesia autem habet caput Christum. Debet itaque Balsamum hoc, id est, concors doctrina, ceu unguentum preciosum fluere per unitatem spiritus in barbam, hoc est, in viriles personas, quæ administrant officium docendi. Hoc enim barba significat, quæ os vestit, organum doctrinæ. Inde fluere debet in oram vestimenti, hoc est, in reliquam Ecclesiam, quæ est indumentum Christi. Ad hunc modum optat Spiritus sanctus concordiam pro sacra & nobilissima re haberi. Sed quam pauci sint, qui hoc sibi persuaderi sinant, notum est. Quis enim non videt phanaticos spiritus, quos Basilius eleganter ἡ γλῶσση βομβαίνει dicit, hanc unicam gloriam ducere, ut concordiam discindant? Hi Psalmum invertunt, & cantant, in cordibus suis, Ecce quam bonum & jucundum est, disturbare Fratres, ut non habitent in unum, sed alius huc, alius illuc proruat. Neque enim habent pacem & concordiam pro Balsamo, ideo semper nova quærunt, nec putant se aut Doctores, aut pastores Ecclesiarum esse posse, nisi à nobis dissentiant, & quiddam novum sibi excogitent. Hos fugere debemus, & cavere, ne eorum simus similes, sed discere, quod Ecclesiarum concordia sit donum Dei, quam fovere, augere, custodire debemus omnibus viribus. Nihil enim est pulchrius in oculis Dei & angelorum, quam videre, quod Doctores & Magistri Ecclesiarum sint concordes & unanimes, qui idem docendo sequantur & sentiant.

*Ecclesia caput Christus.*

*Barba. Ora vestimenti.*

*Ecclesiarum concordia donum Dei.*

Papa quidem cum suis pulchre concordat. Est enim etiam furum & latronum inter se concordia, sicut Iudæ cum Phariseis. Sed hæc non est concordia, quam Psalmus hic prædicat, Psalmus enim eam concordiam prædicat, quæ inter eos est, qui habent Verbum purum. Ideo utitur non simpliciter quavis similitudine, sed

*Concordia Phariseorum.*



ea, quæ pertinet ad Aaron, divina voce nominatum sacerdotem. Ac diserte de barba dicit, quæ cum ore conjuncta est, ut significet concordiam à Doctõribus per totum corpus Ecclesiæ diffundi, ut non solum ipsum corpus recreetur, sed odor diffundatur passim, & fama Ecclesiæ celebretur coram Deo, & hominibus, qui hoc donum intelligunt.

*Sicut Ros Hermon, qui descendit in montem Sion, Quoniam illic mandavit Dominus benedictionem, & vitam usq. in seculum.*

*Hermon.  
Terra Hermonim.*

Hermon est mons contiguus Libano. Hinc alio in loco terram Hermonim vocat Iudæam, quæ montibus istis cingitur. Quod ad similitudinem hanc attinet, existimo Prophetam vulgari modo loqui, Quia enim montes procul intuentibus videntur cœlam contingere, ros qui de cœlo seu ex nubibus defertur, videtur ex montibus altioribus ferri in subjectos colles. Itaq; dicit, Rorem descendere ex Hermonim in montem Sion, quia sic videtur procul aspicientibus. Pertinet autem meo iudicio hæc particula ad concordiam politicam, sicut superior similitudo ad Ecclesiam, quod per pacem Deus imperia & regna recreat, Sicut sata & herbæ recreantur matutino rore, Initium autem pacis est ab ipsis Principibus, tanquam à monte Hermon, inde in privatos cives & totam Rempub. manat, quæ ceu rore refrigeratur ut omnia floreat. Sicut enim rore omnia terra nascentia revirescunt & incrementa trahunt, Ita concordia quantumvis parvæ res crescunt. Contra, in magnis æstibus, & καύματι, sicut exarescunt & pereunt omnia, Sic bella, seditiones & turbæ evertunt Resp. Hoc experientia etiam Gentes docuit, & adhuc docet, Et tamen experimur etiam in nostris hominibus, quod diuturnam pacem fastidiunt, & ea gravantur, nec videntur eam ferre posse, perinde ac si quoddam intolerabile onus esset, Itaq; opus est, non solum diligentibus exhortationibus pro concione, sed etiam oratione assidua, sicut Propheta jam addit,

*Illic mandavit Dominus benedictionem, & vitas illis.*

*Encomium pacis, quod Deus ibi habitare velit.*

Sic enim in Ebræo est, Hoc est, Illic Deus habitabit, ubi concordia est. Hoc profecto magnificum encomium est, quo ornat pacem, Ac debebant animi excitari hæc prædicatione ad studium pacis, siquidem audiunt Deum habitare velle cum talibus Principibus & Doctõribus, qui pacem amant, & adjuvant. Sequitur igitur, quod ubi sunt inimici pacis, & qui bellis non necessariis delectantur, sicut sunt Centauri aulici, & seditiosi rustici, ibi habitet Diabolus cum angelis suis, & quod Deus ibi mandavit maledictionem, mortes, & perniciem.

*In pace omnia vitæ genera florent.*

Emphasis est in nomine Vitæ, est enim plurale, sicut Psal. 63. Significat enim in genere omne quod vivit, seu omnes ordines vitæ, Sacerdotes, Levitas, fideles, Magistratum, artifices, cives, rusticos, &c. Q. d. Omnia genera vitæ, omnes status & ordines omnes locupletabuntur in pace. Hæc sane magnifica promissio est, Sed an non nos sumus, qui magnifice quoq; eam contemnimus? Multi de industria quarunt occasiones turbandarum Ecclesiarum, In Repub. experimur, quantus sit Legum contemptus. His omnibus quasi cogimus Deum, ne benedictionem & vitas mandet. Itaq; variis calamitatibus subjicimur, quia benedictionem tam liberaliter oblatam contemnimus, Quanquam ne quidem calamitatibus & flagellis mundus sanatur. Quid enim profuit toties exerceri Iudæos omnis generis malis? Itaq; ad extremum funditus eos delere necesse fuit, Sic Sodomis frustra concionabatur Lot, primo mundo frustra concionabatur Noah. Idem periculum nos Germanos quoq; manet, pestibus, bello, fame non emendamus, nec meliores reddimur, Itaq; sequetur interitus.

*Lot.  
Noah.*

*Commendatio pacis.*

Est igitur Psalmus commendatio pacis, ut habeamus loco summi & sanctissimi doni, & potius omnia reliqua in discrimen patriamur ad eam duci, quam ut adjuvemus homines seditiosos & prophanos. Nam etiamsi ferendum aliquid est, æquo animo ferri debet, siquidem pace omnia restaurantur, sicut quidam eleganter dixit, Nihil minoris emi quam pacem, siquidem emptori amplissimos fructus parit.

*Nihil minoris emi quam pacem.*

Sape



Sæpè in privatis negociis experimur, si quis jacturam decem aut viginti aureorum æquo animo fert, ut pacem retineat, eum rectissimè consulere suę rei familiari, ubi alius, prodita pace, dum per contentiones & lites decem aureos sectatur, sæpè centum aut amplius amittit. Hæc si in privatis sic fiunt, quid putas in administratione Rerumpub. & Imperiorum fieri? Discamus itaq; pacem magno æstimare, & Deo pro tanto dono, tum in Repub. tum Ecclesia, grati esse, tunc fiet, ut nos quoque sentiamus mandatum de benedictione & vitis, sicut Spiritus sanctus promittit, Amen.

Magistratu,

## PSALMVS CXXXIV.

*Ecce nunc benedicite Domino.*

**H**ic est ultimus Psalmus inter eos, qui habent titulum à gradibus, in quibus cum hætenus audiveritis multas graves & utiles doctrinas, firmè de omnibus articulis totius religionis Christianæ, de justificatione seu remissione peccatorum, de cruce, de charitate, de conjugio, Magistratu, &c. (perinde ac si hoc studuerit Propheta, ut in hisce breviusculis Psalmis summam eorum comprehenderet, quæ in populo docenda sunt) videtur jam concludere hoc Psalmo institutum argumentum. Sicut nos quoque solemus, cum in fine concionum rogamus, ut Deus nobis conservet verbum suum, & donet nobis, ut in eo perseveremus. Quia cum Verbum est purum, tum omnia sunt salva, sancta & pura, utcunque furant portæ inferorum, & nos non solum rerum, sed quoque vitæ & corporis jacturam faciamus. Quid enim in eo incommodi est, modo animæ salventur? Verbum itaque est, ut sic dicam, genus generalissimum omnium bonorum, siquidem omnia bona conservat, Hoc autem amisso aut depravato, omnia bona simul sunt amissa. Sicut enim sublato sole & luce mundi, qui ambulat, in tenebris ambulat, ita obscurato verbo, sequitur etiam politiæ periculum. Ibi non Magistratus, non subditus, non ancilla, non servus scit quid faciat, sed sunt omnia in errore & densissimis tenebris.

Donum Verbi.

Ergo hic Psalmus hortatur, ut oremus pro verbo conservando, & studeamus singuli hoc officio adjuvare Ecclesiam. Nam etsi nunquam Ecclesia est sine hæreticis, sicut quoque Politia nunquam est sine hominibus seditiosis, tamè verbo adhuc incolumi, non potest fieri, quin multa bona, & multi boni quoque simul relictæ sint. Accipio igitur Psalmum, quod sit tanquam epiphonema superiorum, in quo precatur & hortatur, ut Domino agantur gratiæ pro dono Verbi sui, ut id porro quoque conservetur, propterea, quod conservato verbo, semper est invenire aliquot bonos, qui sanctè & purè vivant, Ideo dicit:

Psalmus hic est tanquam epiphonema præcedentium.

*Ecce nunc benedicite Domino, omnes servi Domini, qui statis in domo Domini per noctes.*

I.

Benedicere significat non solū privatim agere gratias Deo, sed publicè quoque laudare Deum, & prædicare verbum Dei. Hoc enim non potest fieri, quin simul celebretur misericordia Dei, qui creator, cōservator, & simul redemptor noster est, qui omnia fert & tentavit, quæ pertinent ad vitam nostrā, non solum hanc corporalem, sed futuram etiam & æternam. Etsi autem vocabulum servorum Dei propriè pertinet ad ministros Ecclesiæ, tamen complectitur in genere omnes, qui veram doctrinā profitentur & sequuntur. Nam etiam istorum, qui in ministerio nō sunt, officium est, confiteri verbum, & beneficia Dei agnoscere ac celebrare. Omnes igitur vos, inquit, simul conferte operas, perseverate in verbo, confitemini, prædicate, docete, magnificite illud, ut cum reliquis totus mundus Deum blasphemet, & contumelia afficiat, vos saltem sitis, qui eum benedicatis, quod sit misericors, tunc fiet, ut etsi numero & viribus sitis inferiores, tamen vincatis omnes hostes vestros.

Benedicere.

Servi Dei

Qui stans nocte  
in domo Domini.

Sed quid est quod disertè addit, Qui stans nocte in domo Domini? Num Pa-  
pistarum more, in templo certas horas observarunt? Ebraismus est. Significat enim  
idem quod nos germanicè dicimus, manè & vesperi, hoc est, assiduo, sicut etiam su-  
prà, A custodia matutina usque ad noctem. Paulus hanc sententiàm aliis verbis ef-  
fecit, Abundet verbum in vobis omni tempore. Et Christus, Oportet semper orare,  
Nam cum noctis tempus somno destinatum sit, qui nocte benedicit, etiam interdiu  
idem faciet, & sic semper benedicet. Ebraismus quoq; est in verbo, Stans. Neque e-  
nim significat positum corporis, sicut Carthusiani orantes stabant, sed vocationem,  
Ergo idè est, cum dicit, Qui stans, ac si dicat, Qui ordinati & vocati estis ad domum  
Domini, ut ibi lauderis & prædicetis Dominum, non cantando solum, sed enarran-  
do verbum Dei, exhortando fideles, ad fidem, patientiam, charitatem, &c.

Ps. 95.  
Coloss. 3.  
Luc. 11.

Stare.

II.

*Extollite manus vestras in Sancto, & benedicite Domino.*

Puræ manus  
levare.

Non invitus verterem, Levate manus purè & sanctè, sed Grammatica repu-  
gnat, quanquam sententia eodem redit. Nani qui in Sanctuario orat, debet purè o-  
rare, hoc est, puras & sanctas manus tollere, sicut Paulus loquitur, alioqui frustra o-  
rabit. Significant autem puræ manus innocentiam à sanguine & rapina præcipuè.

1. Tim. 2.

Duo genera ho-  
minum, qui o-  
rant.

Ostendit autem Propheta duo genera esse hominum venientium ad templum & o-  
rantium, Quidam veniunt & orant in innocentia & sanctitate, Quidam orant in hy-  
pocrisi, & habent manus pollutas sanguine, siquidem incensi sunt odio veræ doctri-  
næ & totius ministerii. Horum oratio peccatum est, sicut Psalmus dicit. Ad hunc  
modum præcipit de oratione Paulus quoq; Orate sine murmure & sine hæsitatione.  
Hæsitatio est dubitatio, ubi non est vera fiducia misericordiæ Dei, murmur est impa-  
tientia, quam mora seu dilatio exauditionis affert, Hæc ferè cum studio vindictæ  
conjuncta est. Item Christus: Si vis offerre munus tuum ad altare, & tibi in men-  
tem venit, fratrem tuum habere aliquid contra te, abi & reconciliare fratri tuo, &  
tum offer munus tuum. Hoc enim ulitatum est, quod Hypocritæ postquam omni ge-  
nere injuriarum onerarunt fratres, non solum sibi non sunt malè conscii, & excusant fa-  
ctum suum, sed etiam simulant singulare studium religionis, & sanctitatis, ac jactant  
Evangelium plusquam veri Christiani, securi de eo, quod odio & invidia contra pro-  
ximum accensi sunt.

Ps. 107.

Hæsitatio.  
Murmur.

Matth. 5.

Contra hos monet Psalmus, ut in sancto loco oraturi, puri & sancti sint. Nam  
qui orat, & est aut avaritia, aut libidine, aut ira, aut alio Diabolo obsessus & captus,  
huic dicit Dominus: Quare enarras justicias meas, & assumis testamentum meum  
per os tuum? Tu odisti disciplinam, & projecisti sermones meos retrorsum, Cum  
videres furem, currebas cum eo, cum adulteris erat portio tua, &c. Psal. 50. Talis e-  
rat oratio Pharisei, qui descendit injustus ex templo. Nam hæc usitatissima pestis  
est, quod qui impurissimi sunt, de Deo & verbo ejus magis & pertinacius gloriantur  
quàm verè pii. Itaque Scriptura disertè nominat, quod quidam nomen Dei in vanum  
assumunt, qui corde & vita tamen polluti & impii sunt. Et Propheta hoc in loco Hy-  
pocritis insultat, qui cum orant, putant Deum non videre impuritatem cordis ipso-  
rum. Necessarium igitur votum est, ut primum Deus verbum daret, & id servet con-  
tra phanaticos spiritus & hæreses, deinde etiam ut nos servet in innocentia, & cu-  
stodiat ab hypocrisi.

Psal. 50.

Oratio Phari-  
sæi, Luc. 18.

*Benedicat tibi Dominus ex Zion, qui fecit cælum & terram.*

De Zion aliquoties in his lectionibus admonuimus. Voluit enim Deus, non  
solum ritum & personas, sed locum quoq; cultus certum esse, ne animi incerti vaga-  
rentur, & sibi ipsis certa loca cultuum deligerent. Quia autem non carebat res scan-  
dalo, quid enim absurdius potest fingi, quàm Deum cœli & terræ concludi in illas  
tenebras? Ideo ad cõfirmandos animos dicit, quod Dominus qui in Zion habitat, sit  
creator cœli & terræ. Hæc sæpè diximus, & utile est sæpè ineulcari, ne deligamus no-  
bis peculiare cultus. Sicut enim in veteri testamento erat certus locus, persona, &  
tempora certa, quibus Deus cultum suum quasi affixerat, ita apud nos in solo Christo inve-

invenimus Patrem. In Christo adoratur Pater, & invenitur, extra Christum nec adorari, nec inveniri potest, sed damnatum est quicquid extra Christum pro cultu Dei instituitur.

Summa igitur est, Vobis sacerdotibus dico, vos moneo, ut Verbum sequamini, & pure administretis officium vestrum. Nam verbo & ministerio salvo nihil est quod possit nocere. Et si enim Satan & mundus oppugnat nos, quid tum? Si enim Deus pro nobis, quis contra nos? Prima itaque cura sit, ut vos Doctores curetis de puro verbo conservando, in eo adjuvet nos Deus. Hæc enim vera & præcipua est Dei benedictio, id quod posset dici pluribus, sed satis sit ostendisse. Nostrum hodie est, in hac luce verbi, eadem studere & conari, ac omnibus modis cavere, ne per ingratitude nostram, verbum iterum amittamus. Id fiet, si nos quoque Ecclesiis præcābimur, ut benedicat eos Deus per filium suum redemptorem, Dominum ac Deum nostrum Iesum Christum, cui sit laus & gloria, in secula seculorum, Amen.

Finiit Lutherus Psalmos Graduum VVitembergæ, Anno Domini 1533. die Octobris, 27. Descripti autem sunt Noribergæ, & finiti anno 1540. die Ianuar. 26.

ἡ δὲ θεὸς δόξα

# ANNVS CHRISTI M. D. XLI.

## ENARRATIO PSALMI XC. PER D. DOCTOREM MARTI-

NUM LUTHERUM IN SCHOLA VVIT-  
TEMBERGENSI, Anno 1534. publicè absoluta,  
edita vero Anno M. D. XLI.

### P R Æ F A T I U N C U L A.



*E* officio nostro, quos Deus ad docendas Ecclesias vocavit, sæpe dixi, quod cum post mortem nostram satis multi futuri sint, imo hodie satis multi vivant, qui Theologiam & omnia studia contemnunt, necesse est esse aliquos, qui Deum laudent, & verbum ejus longè latèque propagare conentur. In hoc curriculo, siquidem nobis decurrendum est, donec absolvamus cursum nostrum, & constitutam metam salutis nostræ attingamus.

Certo consuevit post multos Psalmos explicatos, nunc hunc Mose Psalmum decrevi enarrare, & ita reliquum vite, quod Dominus mihi dabit, in Mose explicando consummare. Quia enim Moses fons est, ex quo Propheta sancti & Apostoli quoque sapientiam divinam, Spiritus sancti beneficio, traxerunt, non possumus operam nostram melius aut rectius collocare, quàm si nos quoque ad hunc fontem deducamus discipulos, & pro virili nostra, ac modo doni nostri, ostendamus fœmina divinæ Sapientie, quæ per Moysen Spiritus sanctus sic sparsit, ut nulla ratio, nulla vis humani ingenii, Spiritu sancto destituta, videre aut intelligere ea possit. Sed priusquàm vel ad Titulum, vel ipsum Psalmum perveniamus, paulo copiosius de argumento præfandum est.

### A R G U M E N T U M P S A L M I.



*V*niuersum genus humanum ita lapsum & excæcatum est peccato originis, ut homo non solum se & Deum ignoret, Sed ne calamitates suas, quas sentit & patitur, has nec unde sint intelligit, nec videt quo redeant. Tanta est miseria illa, quam ex peccato contra-

Perit origo  
ni vi, &c.



*Disputationes  
gentilium de  
morte.*

contraxerunt nostri primi parentes, & in posteros propagarunt. Nam vide illam gravissimam & horribilem poenam, quæ est mors, & tantis calamitatibus inundat in totum genus humanum, quam stultè de ea sapientissimi homines disputarunt, dum alii suadent, ut contemnatur, sicut ille dixit: Summum nec metuas diem nec opes. Alii dum sentiunt, nimis esse gravem rem, eo inducunt homines, ut præsentibus voluptatibus ad leniendum malum hoc indulgeant liberius. Sicut extat notus, sed depravatus verficulus, ex Sardanapali Epitaphio sumptus: Ede, bibe, lude, post mortem nulla voluptas. Sic sapientes mundi, dum poenæ peccati mederi volunt, in majora peccata involvuntur. Neque enim mors contemnendo vincitur, sicut latrunculi & milites putant fortitudinis specimen se edere, cum etiam per jocum pestem, pustulas gallicas, & similes calamitates aliis imprecantur. Alia arte, aliis remediis opus est.

*Recentiores  
Theologi.*

Ferè idem recentiores Theologi faciunt, cum exemplo gentilium disputant in funebribus Orationibus, Non esse dolendum tanquam in re mala, Mortem esse portum quendam, in quem conclusi, tuti simus à laboribus & calamitatibus, quibus hæc communis vita subjecta est. Porro hæc extrema est cæcitas, & miseria alia, superaddita peccato originis, quod ipsum peccatum & mortem, cum reliquis calamitatibus generis humani sic extenuamus, & pugnamus contra communem sensum, contra ipsam experientiam, ac nobis blandimur levissimis & vanissimis cogitationibus, non enim iste est modus disputandi de morte, sed sunt, ut sic vocem, gentiles cæcitates & fructus peccati originis, quod sua mala defendit non esse mala, cum tamen diversum sentiat & experiatur.

*Quomodo Mo-  
ses de morte  
disputet.*

At Moses noster longè aliter in hoc Psalmo de Morte disputat. Hoc enim primum agit, ut mortem, & reliquas hujus vitæ calamitates, quam potest maximè exaggeret. In ea re, secundum officium suum legale, est molissimus Moses, hoc est, severus minister mortis, iræ Dei, & peccati. Egregiè igitur fungitur officio Legis, & pingit mortem horribilissimis coloribus, quod ira Dei sit, qua occidimur, Imo ostendit nos jam ante occisos, & ingentibus calamitatibus oppressos. Ac utitur hic nova Rhetorica, vocans mortem, iram Dei. Addit ex sua Dialectica causam efficientem & finalem mortis, & omnium calamitatum hujus vitæ, opponit nobis Deum iratum, Quis, inquit, norat tantam esse potestatem iræ tuæ? Nam quòd morimur, accidit ex intolerabili ira Dei adversus peccatum. Porro, si respicias ad consequentia, facile intelliges cum non simpliciter loqui de morte corporali, Si enim ea sola expectanda esset, diceremus cum Poëta, Summum nec metuas diem nec opes. At nos sustinemus æternam mortem, siquidem iram Dei, quæ à nobis vinci nequit, sustinemus. Ad hunc modum de morte disputat Moses, tanquam Legislatores, contra induratos & insensatos peccatores. Qui autem conspectu peccatorum suorum & mortis territi sunt, hos suo exemplo docet orare, ut Deus ostendat numerum dierum esse brevem, &c.

*Mors ira Dei.*

*Moses loquitur  
de morte æter-  
na.*

*Argumentum  
Psalmi.*

Argumentum itaq; Psalmi est, quod Moses in hoc Psalmo vult perterrefacere superbos hypocritas, securos Epicuræos, & omnes contemptores Dei, qui sibi hoc negotii dari putant in hac vita, ut iram Dei & mortem contemnant, & vivant sicut bruta, quibus nulla post hanc vitam spes est reliqua. His ostendit Moses, quòd mors sit æternus Tyrannus, ut hoc modo perterrefacti, discant calamitates suas intelligere, & etiam accendantur desiderio medicinæ, quæ in his extremis difficultatibus adhibenda est. Terret igitur primo, non ut perdat, aut in desperatione relinquat, sed ut territis, & non amplius securis ostendat consolationem, & det locum respirandi. Ita conjungit Evangelii doctrinam cum lege, quanquam Evangelium tractat paulo obscurius, Nam hæc prædicatio reservanda erat Domino nostro Iesu Christo, & temporis novi Testamenti, Mosen autem oportuit esse Mosen. Itaq; Evangelium parcius attingit, ut ea gloria maneret integra meliori magistro, de quo Pater dicit: Hunc audite.

Hæc duo sunt in hoc Psalmo præcipuè observanda. Primum quòd amplificat tyrannidem mortis & iræ Dei, cum ostendit æternæ morti esse subjectam naturam

ram humanam, ut scilicet duos & incredulos contemptores Dei terreat. Secundum, quod orat pro remedio contra desperationem, ne homines relinquerentur in desperatione. Est igitur utilissimus Psalmus, in quo audimus Moysen in suo proprio officio terrentem peccatores, & tamen obicure significantem redemptionem, ut scilicet humiliet superbos, & humiliatos consoletur.

## DE TITVLO PSALMI.

**A**m facilis est titulus, Oratio Moysi. Hieronymus inter cætera in hoc Psalmo annotat, quod hic perpetuus mos sit Psalmorum, ut semper decem sequentes Psalmi pertineant ad eum Autorem, cuius manifestum nomen in præcedenti Psalmo positum est. Hoc fortasse ex Rabinorum traditione dixit. Mihi autem non est dubium, hunc unicum Psalmum esse Moysi, & non sequentes, qui carent titulis. Nam Epistola ad Ebræos aperte dicit, de Psalmi 95. versu: Hodie, si vocem ejus audieritis, &c. quod per Davidem Deus hæc locutus sit. Quare sentimus Hieronymum Iudæorum figmentum esse secutum, Præsentem autem Psalmum Moysi esse, non titulus tantum, sed ipsa dictio, res ipsæ & tota Theologia ejus arguit. Vocatur autem Moyses, vir Dei, quod peculiariter à Deo sit missus, ad docendam legem in populo. Qualis autem est Moyses aliàs in docenda lege, talis hic est in orando. Est minister mortis, peccati & damnationis, ut terreat superbos & in peccatis securos, eisque clare ob oculos ponat sua mala, nihil dissimulet nec occultet, Sicut in hac Oratione videbimus eum facere. Paulus appellat Timotheum quoque hominem Dei, sed hujus appellationis paulo alia ratio est, Nam vocabulum (Isch) non simpliciter virum significat, sed sæpè usurpatur pro Magistratu, qui publicè vir est, hoc est, qui est in publico officio. Sicut in historia Regum libro 4. cap. 4. Mors in olla, vir Dei, hoc est, qui es constitutus publicè in officio, quod Dei est, qui es Organum Dei, cuius dicta & facta accipiuntur, tanquam per ipsum Deum edita. Ad hunc modum hic intellige appellationem viri Dei, quod Moyses tale officium habeat à Deo demandatum, ut ei docenti non minus quàm ipsi Deo habeatur fides.

Complectitur itaque titulus hæc tria, Personam, Autoritatem & Opus. Autoritas est ut cum Paulus vocat se servum Domini Iesu Christi, Ea non superbia est, sed necessaria commendatio sui verbi & officii. Sic Moyses non per superbiam se appellat virum Dei, sed quia id ministerium à Deo demandatum postulat, ut ei non aliter, quàm Deo concionanti credatur. Sed inquires, Tamen ad aquas contradictionis peccavit, igitur non est tutum prorsus ei credere? Respondeo. Verum est quod peccavit, sed singulari iudicio Dei etiam est castigatus, Et indicatum est simul, quid esset peccatum, quid non. Vbi punitus est, ibi prohibuit Deus ne crederetur ei. Sed ubi non est punitus, ibi manet Moysi legatio & autoritas, Ibi manet ejus vocatio integra, manet organum divinum. Quicumque igitur eum contempserit, contempnit Deum. Sic David mansit vir Dei seu Rex, non obstate peccato ejus seu lapsu, etsi enim peccavit, tamè mansit ei sua vocatio integra.

Sic nos quotidie possumus labi, sed Ministerio seu verbo nihil derigatur per peccatum nostrum. Quanquam nostra Vocatio, nescio an cum illorum vocatione possit conferri. Sic hujus Moysi facta & dicta sunt divina judicanda, & habenda pro dictis Spiritus sancti, melius intelligentis nostra mala, quam nos ipsi. Gentes quoniam ea non intelligunt, in quibus vivunt & moriuntur, quæ experiuntur & sentiunt, quomodo intelligerent, quæ ad Deum pertinent? Sentiamus igitur hunc Psalmum ab ipso Spiritu sancto factum, & nobis propositum esse. In quo docet nos de nostris calamitatibus, quas non appellat infirmitatem aut morbum, sicut quidam Mathæologi, nec disputat sicut Sophistæ de fomite, sed docet, sicut vir Dei, cui tanquam ipsi Deo concionanti credendum est.

Admonet



*Regula obser-  
vati digna.*

*Vocabulum ora-  
tionis ostendit  
reliquam esse  
spem vitæ con-  
tra mortem.*

*Lex.  
Nec.*

*Cato.*

*Mortis vis.*

*Cicero.*

*Oratio est Dei.*

*Oratio sine fide*

*Lex.  
Evangelium.*

Admonet autem nos etiam titulus Psalmi, quod Oratio inscribitur, Regula quæ in Theologia necessaria, & plena consolationis est. Nempe, quod ubicumque agitur de præceptis seu operibus primæ tabulæ, ibi obscure significatur resurrectio mortuorum, secundum Christi pulcherrimam & eruditissimam sententiam, Deus non est Deus mortuorum, sed vivorum. Etsi igitur Moyses ministerio suo occidit, dum peccatum & ejus poenas ostendit, tamen quia hunc Psalmum nominat Orationem, obscure, quanquam certis verbis ostendit etiam remedium contra mortem, Sicque superat duplici nomine omnium gentium scripta. Aristoteles sentit, sicut Monachi, Meditationem mortis esse remedium, quod mortem tolerabiliorem faciat. Sed si rem recte aestimaverimus, præstat plane Epicuræum esse, quam mortem meditari, si desit altera pars, scilicet, post iram spes illa vitæ & misericordiæ. Hac sublata præstat edere, bibere, & curare cuticulam, quam se frustra macerare curis ejus mali, quod vitari non potest. Præsertim cum cogitationes illæ, si sint sine spe remedii, concitent animos ad iram erga Deum, ad blasphemiam & impatientiam, Verum enim est, quod Cato dixit, Qui metuit mortem, etiam id quod vivit perdit. Indigna igitur est sapientia hæc humano generi, præsertim cum tantum calamitatum afferat. Altius nobis ascendendum est, & dirigendi oculi ad divinam sapientiam, quam hic Moyses tradit, Qui sic mortem amplificat, sicque terret, ut tamen subindicet quoque spem esse reliquam, ne qui territi & humiliati sunt, in desperationem inducantur.

Ad hunc modum gentes docere non possunt, sed solus Spiritus sanctus. Nec nascitur hæc noticia domi nostræ, sed à viro Dei eam oportet accipi. Mortis tanta vis est, ut nos, priusquam sentimus, devoret. Quare oportet accedere aliam lucem, De cælo revelari oportet, quomodo in hoc periculo animi sint erigendi. Gentes quidem rhetoricantur, sicut Cicero in Tusculanis suis, sed verum & certum remedium ostendere non potest. Nam etiam inter disputandum apparet, quam non ipse sibi hoc persuadeat, quod aliis persuadere conatur. Quod igitur Moyses titulum Psalmo fecit, esse Orationem, hoc ipso nomine subindicat, esse spem vitæ reliquam. Quid enim est orare? An non est querere opem? Quid est porro ad Deum orare, in periculo peccati & mortis? An non est sentire, quod apud Deum sit locus veniæ, & certum auxilium contra ista exitialia mala? An non orare contra mortem, est sperare vitam? Qui enim de vita desperat, planè nihil orat, tanquam in deplorato negotio. Ita vera est Regula, quod ubicunque agitur de præcepto primæ tabulæ, seu de operibus primæ tabulæ (sicut Oratio est opus primæ tabulæ) ibi necessario includitur fides & spes resurrectionis mortuorum. Hanc Theologiam docuit nos Christus elicere ex simplicissimis Scripturæ verbis, cum dicit: Ego sum Deus Abraham, Isaac, Iacob. Deus autem non est Deus mortuorum, sed vivorum. Quicumque igitur hunc Deum colunt, qui in eum credunt & orant ad eum, hi etiam in morte vivent. Quare? Quia scilicet non colitur, non creditur, non adoratur Deus mortuorum, sed vivorum, Ideo cultus Dei, fides & oratio verè includit articulum resurrectionis & vitæ æternæ.

Hæc nemo in primo Præcepto suspicatus esset ostendi, nisi Doctor noster de cælo veniens nos admonuisset. Neque enim prima tabula est tradita brutis, nec hominibus in æternum mortuis, sed hominibus habentibus Deum, qui ipsi quoque cum Deo in æternum sunt victuri, Deus enim non est Deus mortuorum, sed vivorum. Oratio est opus secundi præcepti, ea si sit sine Deo, non est vocanda oratio. Cum autem Moyses hunc Psalmum inscribat, quod sit oratio, sequitur, quod & ad Deum oret, & oret in spe, & fiducia remissionis peccatorum & vitæ æternæ. Sic in ipso titulo ostendit remedium contra horribilem doctrinam de morte, & sic utrumque temperat, ut neque isti desperent, qui hac doctrina sunt territi, nec alii indurentur & securi fiant. Conjungenda enim hæc sunt, ut securi terreantur, & pavefacti erigantur & animentur, dum jubentur exemplo Mosis credere & orare. Legis vox terret, cum occinit securis, Media vita in morte sumus, At Evangelii vox iterum erigit & canit, Media morte in vita sumus. Hæc de Argumento & titulo



titulo Psalmi, ut admoneatur auditor, de qua re agatur, quis & qualis Autor sit, & quod sit ejus opus, Oratio scilicet. Nunc ad Psalmum veniamus.

## PRIMUS VERSUS.

*Domine habitaculum tu es nobis, à generatione in generationem.*



Hoc exordium etiam spirat vitam, & pertinet ad certam spem resurrectionis & vitæ æternæ. Siquidem Deum, qui æternus est, vocat nostrum habitaculum, seu ut clarius dicam, locum refugii, ad quem confugiunt in tuto simus. Si enim Deus est nostrum habitaculum, & Deus est vita, nos autem habitatores, necessariò sequitur, nos esse in vita, & in æternum vituros esse. Hæc omnia virtute primi præcepti, scimus consequi optima & certissima consequentia. Quis enim Deum vocabit habitaculum mortuorum? Quis eum pro sepulchro æstimabit, aut pro cruce? Vita est, itaque quibus est habitaculum, hi quoque vivent. Ad hunc modum Moses in ipso statim exordio, priusquam horribiliter tonare & fulminare incipiat, præmunit pavidos, ut statuam Deum esse vivum habitaculum viventium, orantium ad eum, & confidentium in eo.

*Moses vocat Deum habitaculum hominum. Deus autem est Deus vivens, ergo homines beneficio Dei à morte liberabuntur.*

1. Cor. 3.

Psalm. 76.

Coloss. 3.

Est autem mirabilis locutio, cujus simile nusquam est in sacris literis, quòd Deus sit habitaculum. Quin scriptura in aliis locis diversum dicit, vocat homines templa Dei, in quibus Deus habiter, Templum Dei, inquit Paulus, intra vos est. Hoc invertit Moses, & dicit, nos esse habitatores & Dominos in hac domo. Nam Ebræa vox (Maon) significat propriè habitaculum, ut cum scriptura dicit: In Zion est habitatio ejus, ibi vertitur hoc vocabulo (Maon) Quia autem domus propter tutelam est, fit, ut vocabulum hoc exponatur pro refugio, aut loco refugii. Voluit autem Moses data opera sic loqui, ut ostenderet omnem spem nobis in Deo certissimè esse positam, & oraturi ad hunc Deum, statuerent se non frustra in mundo affligi, nec mori, siquidem Deum habeant, locum refugii, & divinam majestatem tanquam habitaculum, in quo tuti acquiescant in æternum. Ad hunc modum ferè Paulus loquitur, cum in Coloss. dicit: Vita vestra cum Christo abscondita est in Deo. Multo enim clarior & luculentior sententia est, cum dico, Credentes in Deo habitare, quàm quòd Deus in ipsis habiter. Habitavit quoque corporaliter in Zion, sed locus mutatus est. At quod in Deo est, manifestum est, quòd non mutetur, nec possit transferri, Deus enim ejusmodi habitatio est, quæ perire nequeat. Voluit itaque Moses certissimam vitam ostendere, cum dixit, Deum esse habitaculum nostrum, non terram, non cœlum, non paradysum, sed simpliciter Deum ipsum, Idq;:

*Deus habitaculi hominum.*

*Maon.*

*Piam consolationem.*

*Credentes in Deo habitant.*

*A generatione in generationem.*

Hoc est, à principio mundi usque ad finem mundi nunquam deseruit Deus suos. Adam, Heva, Patriarchæ, Prophetæ, Reges pii dormiunt in isto habitaculo, Si enim cum Christo nondum (ut puto) resurrexerunt, quiescunt quidem corpora eorum in sepulchris, at vita eorum cum Christo in Deo abscondita est, & revelabitur cum gloria in ultimo die. Ad hunc modum Moses, si non clare satis, tamen significantibus verbis ostendit Resurrectionem mortuorum, & spem vitæ contra mortem, Christo enim propriè reservari debuit, ut palam in novo Testamento remissionem peccatorum & resurrectionem mortuorum prædicaret, quæ in veteri Testamento quibusdam ceu involucris proposita fuerunt. Moses quidem attingit ista, & ceu digito monstrat, sed postea in inculcanda ira est copiosior & apertior. Hoc enim præcipuè studet efficere, ut discant homines Deum timere, & territi ira Dei & morte humiliantur coram Deo, & præparentur ad gratiam. Impossibile enim est hominem permoveri ad timorem Dei, nisi ostensa prius ira Dei. Hæc autem quomodo potest ostendi, nisi peccatum ostendatur, quod postea, ut Paulus dicit, operatur iram. Sic ad montem Sinai populus coepit metuere ab illis tonitruis & horribili tempestate, quæ admonebant eos peccatorum, & faciebant eis majestatem divinam intolerabilem. Hæc humiliatio seu timor ille Domino gratus fuit. Ad hunc enim modum cum

*Deus ab initio usque ad finem mundi sui adsit.*

*Moses legilator terret.*

Rom. 4.  
Erod. 19.

hominibus induratis & securis agendum est, qui verbum Dei, & tum poenas omnes impietatis, tum præmia pietatis negligunt.

*Verbum Dei  
est secundum.*

Ideo Paulus quoque jubet recte secari verbum, ne confundantur promissiones 1. Tim. 2.

*Dollus tyræ  
in Papatu.*

& minæ, sicut Iudæi olim solebant, & Papistæ hodie. Nam Iudæi, etiam si omnia dura minarentur Prophetæ. Tamen comminationes illas negligebant, & nitebantur promissionibus. Ad hunc modum extinguebant timorem Dei, & reddebantur præsumptuosi & intractabiles, Contra in Papatu tyrannici Doctores, & carnifices animarum, omnes iras & increpationes ingesserunt in conscientias afflictas, cum potius erigendæ & mollissime fuissent tractandæ. Vtrinque igitur peccatur, cum verbum Dei non recte secatur. Illa igitur copia, qua postea uretur Moses, propriè pertinet ad eos, quos Paulus ἀπληγῆς vocat, qui studiosè, sicut feroces milites solent, ex animis ejiciunt cogitationes mortis & iræ Dei. Hi non possunt in viam reduci, nisi amplifices eis iram Dei, ut hoc modo radicem, germinantem fel & amaritudinem (sicut Deuter. 29. scriptum est) præcidas, Contra illa suavissima, quæ initio hic Eph. 4.  
Deut. 29.

*Timentes mor-  
tem.*

commemorat, ad eos propriè pertinent, qui timent mortem, ut discant fidere bonitati Dei, & gaudeant tantum in se vitæ & sensus esse, quod agnoscunt peccata sua, nec sunt de eorum numero, qui aut securè negligunt aut rident illa. Hi enim possunt doceri, & præbent se volentes ad accipiendam consolationem.

Ad hunc modum si Psalmum hunc accipias, dulcescet, & in omnes partes videbitur utilissimus esse. Mihi quidem sæpè accidit in Monachatu, ut cum hunc Psalmum legerem, cogerer librum deponere de manibus, sed nesciebam territæ menti, hæc terribilia non esse proposita, nesciebam Mosen potissimum indurata & superbæ turbæ concionari, quæ Dei iram, mortem, & omnes suas calamitates non curat nec intelligit.

*Prima orationis  
virtus, appre-  
hendere Deum  
salutem.*

Sed respiciamus hic iterum ad Titulum. Inscriptus Moses Psalmum hunc, quod sit oratio. Apparet autem hic primam veræ & seriæ orationis esse virtutem, quod apprehendit spem salutis, & statuit Deum esse propitium, ideoque confidit, in eo esse præsidium contra mortem. Cur enim, nisi hoc ita esset, appellaret eum habitaculum nostrum. Sunt igitur hæc verba maxime fiduciæ & perfectissimæ spei de vita consequenda, siquidem in ipso sensu iræ & peccati dicere audet, O Domine, quanquam merito irasceris nobis propter peccata nostra, Tamen nunquam ita deseruisti genus humanum, quin semper tibi reservaveris Ecclesiam, quin eorum fueris habitaculum & portus, qui spem salutis in te habuerunt positam. Hæc prima Orationis est virtus, apprehendere Deum, quod sit misericors & faveat, & juvare velit.

*Oratio non pot-  
est existere sine  
fide.*

Quis jam neget Spiritum sanctum in suis esse optimum Oratorem? Siquidem Moses in difficilima causa, qua se & totum mundum coram Deo reum agit, tam aptè benevolentiam captat, & judicem causæ conciliat, per fidem in misericordiam Dei, quam omnibus seculis Ecclesiæ exhibuit. Sine hac fide Oratio non potest esse oratio. Quomodo enim orabit ille, qui non putat in Deo tantum bonitatis esse, ut orantes audiat, sed vel contemnit Deum, vel de Deo desperat? Cujus generis sunt omnes orationes Papatus. Non solum enim in fide orare non possunt, siquidem fidem non intelligunt, sed etiam postea in eo vitiant orationem, quod Sanctorum meritis & intercessionibus nituntur. Quare nos hunc Doctorem sequamur, qui in Spiritu sancto, hoc est, in vera fide cordis orat, & dicit: *Tu es habitaculum nostrum.* Hoc sine fide, sine dono Spiritus sancti, nemo ex corde potest dicere.

*Oratio vera.*

Necessaria autem doctrina est, quæ in exemplo hoc proponitur, quod videmus in oratione vera necessariam esse fidem. Hæc si adest, triumphamus. Nam propter fidem in Christum oratio accepta est, & placet & impetrat omnia. Si credis Deum esse habitaculum tuum, est tibi verè habitaculum. Si non credis, non est. Quare qui sine fide sunt, non solum sine omni fructu orant, sed etiam vertitur eorum Oratio in peccatum, & magis irritant Deum. Blasphemia enim est, venire per orationem in conspectum Dei, & tamen statuere, quod frustra ores, quod non sit te auditurus Deus.

*Sine fide oran-  
tes.*

Secunda virtus veræ orationis est, quod se vertit ad Deum, non ad alia præsidia carnalia. Atque hoc etiam fidei opus est, quæ non solum nos conciliat Deo, sed simul etiam tuetur contra omnes impias doctrinas, & præsidia humana. Nam hæ duæ sunt virtutes, Habere Deum, & retinere Deum. Qui fidem habet, habet Deum faventem, ideo placent & oratio ejus & omnia reliqua vocationis opera. Sed magna diligentia & cura, imo magno Dei beneficio opus est, ut Deum sic retineamus, & non supplantemur à Satana, variè solitante nos, si quo modo à vero Deo, ad fiduciam humanorum præsidiorum nos possit abducere. Ideo Moses disertè hîc dicit: *Tu Domine es refugium nostrum.*

*Secunda virtus orationis, Non respicere ad carnalia præsidia.*

Sed cur addit: *A generatione in generationem?* Nimirum, ut significet unam Ecclesiam durantem à principio conditi hominis, usque ad finem mundi. Hoc enim est, quod dicit, A quo die generatio seu ætas coepit, Tu es habitaculum nostrum, q. d. Semper fuit Ecclesia, semper fuit aliquis Dei populus, à primo homine Adam usque ad novissimum, Licet aliquando Ecclesia fuerit infirmissima, & sic dispersa, ut nusquam appareret, sicut sub Elia, ubi impius rex Ahab veris cultibus interdixerat, & Prophetas magno numero crudeliter occiderat, ita ut Elias quereretur, se solum esse reliquum servum veri Dei. Fuit igitur Ecclesia tum sic abscondita, ut nusquam esset nisi in oculis Dei, qui dicebat, Se sibi servasse septem millia, qui non adorant Baal. Sic in Papatu fuit & mansit Ecclesia, sed verè abscondita fuit, ita, ut judicanti ex specie, quæ apparebat, videretur nusquam esse. Atque hoc benè & diligenter notandum est. Primum, quòd semper fuerunt, sunt & erunt, qui confitentur Deum, qui sanè docent de Deo, etiamsi sint paucissimi.

*Ecclesia semper est & manet.*

*Ecclesia Elia temporibus.*

*Ecclesia in Papatu.*

Secundum, quòd Ecclesia non est in sanctitate perfecta, sine omnibus scandalis & maculis, sicut Papistæ somniant, hi, cum Ecclesiam audiunt in Symbolo sanctam dici, cogitant de tali populo, qui sit sine omnibus peccatis, & scandalis omnibus. Cum igitur postea suum coetum inspiciunt, dubitare coguntur, sit ne Ecclesia? Cum ad nos respiciunt, & scandala, quibus Satan nostras Ecclesias deformat, vident, etiam negant nos esse Ecclesiam, nec possunt ex hoc scandalo se evolvere. Idem Donatistarum fuit judicium, lapsos excommunicabant, nec dabant eis reditum in suas Ecclesias. Volebant enim Ecclesiam esse talem, quæ esset sine omnibus vitiis. Necessario igitur redigebantur ipsorum Ecclesiæ in exiguum numerum. Idem Manichæi & alii secuti sunt, quasi vero Ecclesia esset in vita æterna, & non in carne. Ad hunc modum de Ecclesia non disputandum est. Nam Ecclesia vera est, quæ orat ex fide ac serio orat, Remitte nobis debita nostra, sicut nos remittimus debitoribus nostris. Ecclesia est, quæ de die in diem proficit, quæ de die in diem induitur novum hominem, & exuit veterem, Ecclesia est, quæ primitias Spiritus, non decimas, multò minus plenitudinem in hac vita accipit. Nondum sumus planè exuti carne, & nudi, sed sumus in exuendo & promovendo seu proficiendo. Quod igitur peccati reliquum est, offendit quidem spirituosos Donatistas, Manichæos, Papistas, Deum autem non offendit, quia propter fidem in Christum id condonat & remittit.

*Judicium Papistarum de Ecclesia.*

*Donatista.*

*Manichæi.*

*Ecclesia orat pro remissione peccatorum, Ergo non est perfecta sine peccatis.*

Quare cum de Ecclesia judicare voles, non respiciendum simpliciter eo est, ubi nulla vitia & scandala nulla sint, sed ubi est verbum purum, ubi est administratio Sacramentorum pura, ubi sunt homines amantes verbi, & confitentes verbum corâ mundo. Hæc ubi invenis, ibi statue Ecclesiam esse, sive pauci numero sint, qui ista habent & faciunt, sive multi. Certum est semper fore aliquos, alioqui enim quomodo fuisset Deus habitaculum nostrum ab æterno? Ad hunc modum rectè disputat alicubi Anselmus, & colligit mirabili, sed tamen bono & vero Syllogismo, Adam & Hevam fuisse Christianos & justos, & quod oportuerit statim à lapsu eos redire per fidem in viam, ne scilicet ullum esset tempus, quo non esset Ecclesia. Et sanè Moses in historia de lapsu ostendit, Adam & Hevam statim à peccato poenitentia ductos sibi metuisse. Cum autem postea accederet promissio de semine mulieris, re vera fide in Christum justificati sunt. Fugiebant quidè Deum, metu iræ Dei & futuræ poenæ, sed Deus eos ultrò quærebat & revocabat. Hæc fuit prima Ecclesia per verbum regenerata, & fide in Christum justificata.

*Nota vera Ecclesia.*

*Anselmus. Adam & Heva Christiani.*

*Prima Ecclesia in mundo.*



Erudite sanè disputantur hæc ab Anshelmo & verè. Oportet enim Ecclesiam semper manere & esse. Sicut etiam Moses hîc indicat, cùm Deum dicit esse habitaculum hominum, à generatione in generationem.

II.

*Priusquam montes nascerentur, aut crearetur terra & mundus,  
es tu Deus ab æterno usque in æternum.*

*Quomodo Mo-  
ses describat  
Deum.*

Hîc Moses secundum rationem officii sui incipit esse Moses, & egregiè amplificat tum miseriam nostram, tum iram Dei, separat autem ista longa descriptione Deum verum à diis gentiû, de quibus non potest dici, quòd fuerint ab æterno, & in æternum mancant, q. d. Non adoramus novum aut vulgarem Deum, non lignum, non aurû, sed eum, qui fuit ante mundû, qui est æternus & verus Deus, &c. Deinde hoc quoq; significat, quòd talis sit Deus, qui nullius creature sit indigus, sed simpliciter in se sit beatus, siquidem est antequam crearetur terra & mundus. Hanc majestatem tam brevibus verbis comprehensam nemo potest explicare. Complectitur enim, si quis evolvat omnes proprietates divinitatis, quæ possunt colligi. Quia enim æternus est, sequitur esse immortalem, omnipotentem, beatum, sapientem, qui nihil à quoquam accepit, sicut Scriptura dicit, Non est qui prior ei aliquid dederit, solus sibi sufficit, &c. Rom. 12.

*Iladu.  
Potentia Dei  
verbo omnia  
creantis conso-  
latur nos.*

Verbum ( iladu ) significantius est, quàm si dixisset, priusquam crearentur aut fierent montes. Significat enim propriè ipsum egressum creature ex nihilo in aliquid, sicut ex homine nascitur aliud corpus mirabili ortu, non sicut faber ex materia aliquid facit, dū materiā parat, aliquid vel refecat, vel addit, dum materiā format, &c. Sed sicut arbores nascuntur ex terra, tanquam ex nihilo, ut videantur omnia nasci verius, quàm formari aut creari. Dicit enim montes natos, tanquam gignente Deo, ut significet id, quod in Psalmo ex Genesi est, Ipse dixit & facta sunt. Per verbum enim ista sunt omnia facta, ut verius nasci, quàm creari aut formari viderentur, quia ibi defuerunt omnia instrumenta. Psal. 13.

*Holel.*

Verbum ( holel ) propriè significat formari sicut Embryo formatur in utero, nullo adhibito instrumento. Vult autem Moses ista verborum proprietate ostendere, quòd creatio totius mundi fuerit Deo, ceu parturitio quædā, vel, quòd fuerit quædam nativitas, jubente Deo, Vt discamus, quàm facile Deo fuerit ex nihilo omnia facere, siquidem res ex ipsius verbo, quasi enatæ sunt. Nam in nascendo apparet summa facilitas, Arbor cùm nascitur non laborat.

Talem (inquit) habemus & colimus Deum, ad talem Deum oramus, quo jubente nascuntur universa creata. Quid igitur pavemus, si hic Deus favet? Quid metuiamus ab ira universi mundi? Si est habitaculum nostrum, an non tuti erimus, etiam si cœlum ruat? Habemus enim Dominum majorem toto mundo, Habemus Dominum sic potentem, quo dicente omnia nascuntur, & tamen ita sumus pusillanimes, ut si unius Principis aut regis, imo unius vicini ira sustinenda sit, trepidemus & despondeamus animum, Cùm tamen consideratione hujus Regis, omnia alia in toto mundo sint, ceu levissimi pulveres, quos levis aura loco movet, nec patitur consistere. Ad hunc modum hæc descriptio Dei consolatur, ac animi pavidi ad hanc consolationem debent respicere in tentationibus & periculis.

*Magnitudo ira  
Dei.*

Econtra hinc etiam colligitur, quanta sit magnitudo iræ Dei, sicut Manasse in oratione sua comemorat, merito pavere & tremere omnes à vultu virtutis Dei, cujus ira super peccatores sustineri non possit. Nam animus cùm intelligit Deum sic potentem & magnum irasci ac intentare pœnas, quo fugiet? Verè enim cum Davide dicet: Quò ibo à Spiritu tuo, & quò à facie tua fugiā? Si ascendero in cœlû, illic es, si strati fecero in inferno, etiā illic ades, &c. Quod enim potest esse refugiû, si ille irascitur, cujus manu omnia facta sunt, & qui potest omnia? Rectè igitur dicunt, qui existimant hanc infernalem pœnam fore, quod optabunt impii manum Dei effugere, & non poterunt, Sicut etiam Paulus ostendit 1. Thessal. 5. Talibus cogitationibus exercendi, & his quasi malleis contundendi sunt ἀπληγῶτες illi & insen- Psal. 139. 1. Cor. 13.

*Pœna inferna-  
li, &c.  
Insensati pecca-  
tores torrendi.*

& insensati peccatores, qui in summis peccatis tamen securè vivunt. Hi audiāt qualis & quantus sit, quem peccatis suis ad infligendam poenam irritant, videant hi fulmina, & audiant tonitrua in monte Sina, videant contremiscere terram, omnia præsentem mortem minari. Qui autem peccata agnoscunt & jam antea trepidant, hi doceantur de habitaculo & erigantur. Hoc est rectè secare Verbum, ut aliter doceas superbos & securos, aliter eos, qui jam antea territi pavent, & etiam tuta omnia timent. Hi discant cogitare de habitaculo infinito, æterno, omnipotente. Illi sciant se non habere iratum Dæmonem, sed Deum ipsum, qui est super omnia.

Ergo ex descriptione hac Dei, quod sit æternus & omnipotens, immensus & infinitus, Sequitur utrumq; quod & habitaculum ejus, seu favor super timentes eum, sit infinitus, & quod furor, seu ira ejus super securos etiam sit immensus & infinitus. Nam effectus semper sequitur magnitudinem causæ efficientis. Pertinet itaq; versus hic præcipuè eo, quod mors in homine sit infinitis modis major calamitas, quàm aliorum animantium mors. Nam etsi equi, vaccæ, & omnia bruta moriantur, tamen non moriuntur irascente Deo, sed est eis mors quædam calamitas temporalis, à Deo sic ordinata, non in poenam, sed quia alioqui Deo sic videretur bonum. Hominum autem mors est miseria & ira ferè infinita & æterna, propterea quod homo sit talis creatura, quæ ad hoc creata est, ut viveret in obedientia Verbi, & esset similis Deo, non est creata ad moriendum, sed mors peccati poena constituta est, sicut Deus dixit ad Adam: Quocunq; die comederis de ligno hoc, morte morieris.

Non igitur hominum mors est similis morti bestiarum, quæ naturali Lege moriuntur, nec est mors, quæ casu acciderit, aut temporalis esset, sed est mors, ut sic dicam, minata & profecta ab irato & alienato Deo. Nisi enim Adam comedisset de ligno prohibito, fuisset immortalis. Nunc postquam per inobedientiam peccavit, mulctatur morte non creata, sicut est brutorum mors, quæ sunt subiecta homini, sed per iram irrogata & inflicta, & per peccatum seu inobedientiam debita. Multo igitur miserrimum est audire, quod homo morti sit destinatus, qui tamen ad vitam bonus & integer est conditus, ut haberet habitaculum in Deo. Ab hac felicitate per peccatum excidit, id quod Moses omnibus nobis conatur ostendere, dum personam irascentem sic diligenter pingit, ad terrendos securos & præfractos.

*Qui facis homines mori, & dicis, Revertimini filii hominum.*

Quod in Ebræo est, Facis hominem reverti ad contritionem, revera aliud nihil est, quàm quod nos vertimus, Facis homines mori, itaq; cum hoc clarius esset, malui eo uti. Porro quod ad sententiam attinet, habent hic Patres suum intellectum de peccato concupiscentiæ, Fortasse, quod non habuerunt alias tentationes, præter illas animales & carnis, Nam aliarum in suis scriptis raram fecerunt mentionem. Inde fit, ut Papistæ nostri, cum de peccato originis disputant, etiam nihil intelligant, quàm concupiscentiam carnis.

At cum ea primum sentiri incipiat à pubescentibus, sequitur peccatum originis longè esse gravius quippiam, quod etiam in iis est & vivit, qui ætate inferiores sunt, in infantibus, imo etiam in foetu adhuc vivente in utero, sicut Psalmus 51. ostendit. Sed quia Doctores ferè resisterunt in Psychicis cogitationibus, nec potuerunt Scripturam ad illa occultiora & spiritualia Naturæ vitia accommodare, fit ut negligentius etiam in summis Scripturæ locis versentur. Quare sinamus eos regnare & abundare in suo sensu, nos autem sequamur veram & germanam sententiam.

Sententia igitur hujus loci hæc est, quod Moses vult nos docere, per peccatum esse factum, quod homo gratia excidit, & poenam mortis sustinet. Tu vertis, inquit, hominem in contritionem, & redigis eum in nihilum. Hæc an non horribilis sententia & gravissima ira est? Hominem per iram Dei mori, tam nobilem Creaturam, quæ omnibus animantibus præstat, & non Angelis, non Dæmonibus subiecta fuit, sed soli Majestati divinæ, Imo quæ ad similitudinem Dei condita fuit, ut viveret & dominaretur. Hæc profecto gravior mors, & tristior casus est, quàm cum vacca mactatur, præsertim si respicias propagationem mali. *Hominem (inquit) vertis in contritionem,*

*contritionem*, hoc est, totum humanum genus. Haurit enim uno verbo omnem posteritatem primorum parentum. Ergo quod ad vitam creatum erat, morti jam destinatur, idq; Deo irascente, & est totum humanum genus prolapsum ex immortalitate in mortem æternam.

*Moses dixit,  
mortem à Deo  
monstrari, ne cū-  
fuerat, pluresq;  
diversi Deus.*

Vide autem quam prudenter Moses loquatur, cum hanc iram simpliciter refert in creatorem, ne veniat Manichæus, cum insana sua turba, & faciat duos Deos, unum propitium & bonum, alterum malum. Non enim dicit, Diabolus redigit homines in nihilum, Sed tu ipse, qui fuisti antequam cælum & terra essent. Hoc enim Manichæi deliramentum fuit, Et non dubium est, inultos nunc in eodem errore esse positos, qui imaginantur omnia bona à bono Deo, mala autem à malo Deo oriri, In hoc errore vixit Augustinus annis ferè novem. Sed impietas est fingere novum Deum, & hoc modo effugere ac declinare velle iram Dei, jure nobis propter peccatum irrogatam, sicut milites, qui palam contemnunt mortem. Sed quid profecisti etiam si mortem extreme contempnas? Num ideo etiam mortem vicisti? Quare meminerimus, hic non disputari de Epicuri cogitationibus, quomodo mitigentur mala, quæ non possunt caveri? Sed doceri nos, ut bona & mala referamus ad unum Deum, & discamus, quomodo illa mala vinci possint. Hoc enim est, quod Moses præcipuè instituit facere.

*Homines nō te-  
mere moriuntur*

*Tandem Dei.*

Prudenter itaq; dixit: *Tu facis homines mori*, Hoc est tuum opus, imo ira tua est, quod universum genus humanum per mortem absorbetur. Non temerè fiunt homines, non temerè nascuntur, non temerè patiuntur, non moriuntur temerè. Nam ne pecudes quidem temerè moriuntur, sed nostro arbitrio. Sunt enim ipsorum calamitates in dominio hominum, Quamto minus mors & finis hominum sine certa ratione est. Sicut igitur vita divino & certo consilio conceditur, sic etiam mors est opus iræ Dei, quo vertit creaturam hanc in contritionem, & protrudit ex vita in mortem. Ita propriè refert hunc effectum ad ipsum Deum, ut admoniti non aliunde accersamus auxilium, quam ab eo, qui inflixit malum. Qui enim percussit, idem & sanabit. Hic enim est titulus Dei nostri, quod occidit & vivificat, quod ducit ad inferos & reducit, quod (sicut hinc dicit) vertit homines in contritionem, & jubet reverti filios hominum, ut sicut per ipsum initio accepimus vitam, ita per ipsum quoq; tandem vincamus mortem, quæ mors non simpliciter concupiscentiæ, sed totius peccati causa est. Vtitur quidem Deus Diabolo ad affligendos nos & occidendos, sed Diabolus id non potest, nisi Deus hoc modo vellet puniri peccatum. Sumus igitur oves occisionis, subiecti morti propter iram Dei, ob peccatum.

*Noah, Gen. 7.  
Adam Gen. 2.*

Secunda pars versiculi: *Et dicis, Revertimini filii hominum*, eo pertinet, quod sicut moriuntur homines quotidie propter peccatum, Ita quoq; interea nascuntur alii, sed eadem conditione, qua illi, qui defuncti sunt. Sic seculum illud ante diluviū periit, dixerat enim Dominus: Delebo omne animal vivum, Et tamen ad Noah dicit Dominus: Fac tibi arcam, & ingredere tu & filii tui, & eorum uxores. Sic ad Adam dixit: Morte morieris, quacunq; die comederis de ligno hoc, Et postea: Terra es, & in terram reverteris. Hic enim locus est, qui haurit universum genus humanū, Et tamen semper alii in hanc vitam nascuntur, eisdem calamitatibus obnoxii.

*Disputationes  
de contemnenda  
morte, &c.*

Hæc est sententia divina, quam aperuit nobis Moses, ratio per se videre hæc non potuit. Itaq; non gentes solum, sed Monachi quoque multa disputarunt de contemnenda morte, sed malè. Nam homines hoc modo aut securi fiunt, aut blasphemii, dum exuunt timorem Dei, ac commoventur adversus Deum, quasi Deus tyrannum agat, & sine ratione morti exponat hanc miseram Creaturam. Longè melius Moses docet, quod etsi abjecerit Deus hominem propter peccatum, tamen non sic abjecerit quin etiam misereri & juvare eum velit. Ratio utrunq; nescit, primum, quod mors propter peccatum, per iram Dei homini irrogata sit. Deinde, quod contra iram hanc sit remedium in misericordia Dei, quod ille iratus Deus sinat se flecti precibus & vinci, ut renovet nos per verbum gratiæ, & Spiritum suum in vitam æternam.

Sicut



Collatio hujus  
loci cum Genesi.

Sicut autem Moyses hic dicit, Facis homines mori, & dicis, Revertimini filii hominum, ita in Genesi Deus simul promittit multiplicationem seu benedictionem, & involvit simul hominem calamitatibus infinitis. Quod in Genesi dicit, Crescite & multiplicamini, hic dicit, Facis filios hominum redire. Quod istic dicit, Pulvis es, & in pulverem reverteris, hic dicit, Facis hominem mori. Sic una brevi sententia simul constituit & haurit totum genus humanum, Quod alii vertuntur in contritionem & pereunt, alii nascuntur in similes calamitates, Donec veniat expectata illa dies redemptionis nostræ, in qua vere vivemus. Tunc enim non solum istæ miseræ carnis calamitates omnes auferentur, sed etiam revelabitur gloria Dei in filios ejus, Interim hæc duo opera Dei manent, ut & perdat calamitatibus genus humanum, & generatione etiam augeat.

Quamquam autem calamitosa est vita hæc, Hoc tamen plenissimum consolationis est, quod mors præcedit, & vita sequitur, Sicut studiose Moyses hoc ostendit, cum dicit, Facis homines mori (hoc primum est) & dicis, Revertimini filii hominum (hoc secundum seu posterius est & optimum) Sic calamitosum est, esse pauperem, sed hujus calamitatis quem poeniteat, si tandem locupletetur? Miserum est esurire, sed majore cum voluptate postea cibus fruimur. Hanc igitur spem occulte ostendit hic Moyses quoque, quod post mortem secutura sit vita, nec futurum ut homines pereant, sicut reliqua animalia, Sed quod moriuntur, fieri ut humiliantur, non ut in morte maneat. Hanc spem ostendit iis, quorum corda consideratione peccati sui, & iræ Dei perterrita sunt. Ac sub finem orationis hanc doctrinam de vincenda morte & ira Dei clarius tradet.

Moses primum  
mortem, post vi-  
tam ponit.

Sed admonendus quoque, Lector est de phrasi. Singulari enim consilio retinet Moyses usitatam loquendi formam, cum sic dicit, Tu dicis, revertimini filii hominum, Respicit enim ad id in Genesi, Dixit Deus, Fiat firmamentum, sol, luna, &c. Item, Faciamus hominem, Quod omnia Verbo creata sunt & conservantur. Facit autem hoc quoque ad ostendendam magnitudinem personæ, quæ uno verba haurit & constituit omnia. Quid levius potest videri Verbo? At cum Deus dicit Verbum, statim fit, quod dicitur. Sic dicit matri meæ, Cōcipe, & concipit, Dicit mihi, Nascere, & nascor.

T. dicit.

*Quoniam mille anni sunt coram te, sicut dies hesternæ quæ præterit, & sicut vigilia nocturna.*

IIII.

Hic transfert nos à conspectu rerum humanarum in divinitatem, & ex tempore in talem vitam, in qua nullum est tempus. Pertinet autem hoc quoque, sicut superiora ad ostendendam magnitudinem personæ irascentis Dei. Nam si quis viveret annos Mathusalah, qui fere decem secula implevit, cogitarem, talem hominem in meliore conditione esse, quam reliquos, nec per iram abjectum esse, Sed Moyses diversum dicit, quod non solum ira Dei premat homines, sed etiam festinata ira, quod nimium cito morimur, nec habemus solarium differendæ vel tardantis mortis aut calamitatis, quod vivimus brevissimam & tamen calamitosam vitam, postea morimur æterna morte. Nam etiam Mathusalæ vitam si consideres, non vixit mille annis. Mille anni autem quid sunt, si sunt coram Deo, sicut dies hesternæ?

Vita hominum  
non solum cala-  
mitosa, sed &  
brevissima.

Hanc vitæ brevitatem quis homo unquam ita depinxit? Significat enim non cursum, sed ceu impetuosum jactum esse, quo ad mortem rapimur, Nos fingimus nobis longum tempus esse septuaginta annos, Et semper accidit, quod Cicero dicit, Neminem ita esse senem, quin speret, se unum annum adhuc victurum esse. Hæc spes longioris vitæ natura omnibus indita est, Inde fit, ut studia & rationes omnes ita instituant homines, quasi semper sint victuri. Faciunt enim ex sua vita, opinione, æternam vitam, cum tamen mors ubique insistat nostris vestigiis, & nobis nunquam non sit vicinissima. Sic ostendit Moyses hanc calamitatem maximam, quod homines suas calamitates, nempe iram Dei & brevitatem vitæ non sentiunt, quam tamen oculis vident & experiuntur. Hodie moritur, qui heri speraverat, se quadraginta annos, aut amplius victurum esse, & si hos annos vixisset, nondum tamen abjecisset spem longioris

Moses dicit.

Cicero.  
Spes longioris  
vitæ, &c.Homines brevem  
vitam hujus vi-  
tæ non intelligunt.

*Anno 1535.* vita. Monet igitur Moses, ut transferamus nos extra tempus, & Dei oculis inspiciamus nostram vitam, Tum dicturos nos esse, quod tota hominis vita, etiam cum longissima est, vix sit una horula. Ego jam sum natus annos 51. hoc totum tempus, cum recte considero, sic abiit, ac si hoc die essem natus. Verum enim est quod Philosophi dicunt, Præteritum abiit, futurum non venit, Igitur de omni tempore nihil habemus quam quod Nunc est, Reliqua non sunt, quia aut abierunt, aut nondum venerunt.

*Mors hominum* Ad hunc modum Moses iram Dei auget, præter omnium hominum opinionem & iudicium. Primo (ut usitatum Verbum retineam) intensive, cum mortem hominum facit pejorem & graviolem omnium animantium morte, quod per iram Dei irrogata est. Deinde extensive, quod vita brevissime abit. Hoc totum tempus, quod est ab initio conditi hominis, videbitur Adamo resurgenti tanquam somnus vnius horæ. Carnis oculi beluini sunt, hi iudicant multum esse, si quis centum annos impleat, At coram Deo mille anni sunt ceu hesternæ dies, de qua nihil restat. Huc Hiob *Hiob. 14.* quoque respexit, cum dixit, Homo de muliere natus, brevi vivens tempore, multis repletur miseriis. Est enim non solum, ut dixi, ira, sed festinata ira ac calamitas. Et sicut persona est infinita, sic ista brevitæ est finitissima.

*Vigilia in nocte.* Quod Scriptura alibi dicit, Dies una est coram eo, sicut mille anni, Id pertinet ad spiritualem & æternam Vitam. Quod de vigilia in nocte addit, notum est veteri consuetudine in quatuor vigilias noctem distributam esse. Sicut igitur mille annos comparavit ad hesternam diem. Sic totam vitam comparat cum particula noctis, quam somno transigimus, Q. d. Si hujus vitæ dies numeras, sunt dies præteriti, Si noctes, est quasi quartale noctis. Ad hunc modum non solum amplificat calamitatem, sed etiam id, quod optimum fuit, nempe reversionem ad vitam extenuat. Est quidem vita bona creatura Dei, Sed quia tam brevis est, & à morte excipitur, merito deploramus calamitatem nostram. Non autem inepta est sententia, quam alii sequuntur, qui similitudinem de vigilia nocturna eo accommodant, quod sicut vices sunt vigiliarum, ita quoque vices sunt in hac vita. Qui hodie vixit & tanquam in statione sua vigilavit, per mortem quasi evocatur, & succedit alius. Non enim excubiæ semper per eosdem milites aguntur, Qui hac hora vigilavit, discedit, & succedit alius. Ita inquit, Alij moriuntur, Alij in vitam nascuntur, & quasi succedunt, sed eadem conditione qua priores, ut completo vigiliæ tempore discedant ipsi quoque. Nunc sequuntur aliæ similitudines.

V. *Inundationem in eos immittis, Et sunt somnus, Sicut fœnum, quod subito exarescit.*

VI. *Quod mane floret, & mutatur vespere, succiditur & arefcit.*

*Zaram.* Hebræum verbum (Zaram) significat proprie inundare, & cum impetu, sicut fluctus solent, invadere. Est igitur plenissima similitudo, quæ significat totum genus humanum, ceu fluctu abripi, Sic seculum post seculum, ceu concitatum flumen, rapitur. Hoc an non est egregie extenuare illam vitam benedictam, seu potius reliquias benedictæ vitæ? Quid igitur superbimus? Cur attollimur in tantum fastum, & Epicuri more contemnimus Deum, voluptatum nostrarum causa? Cur non discimus potius iram Dei recte æstimare, & cognoscere vitam nostram qualis sit, & quam celeri cursu feratur ad interitum? hoc est ex guttula benedictionis ad mare maledictionis? An nescimus quod somnus sit? qui prius desinit, quam à nobis possit observari. Nam priusquam intelligimus nos dormisse, somnus jam abiit. Vere itaque somnus & somnium est vita nostra. Prius enim quam nos vivere scimus, vivere desinimus.

*Similitudo de fœno.* Similitudo de fœno crebra est in sacris literis, Quare manifestum est, ex hoc Psalmo multa hausisse & didicisse sanctos Prophetas. David fere totum 39. Psalmum hinc sumpsisse videri potest, In quo & ipse nova similitudine vitam hanc pingit, cum dicit, Hominem pertransire in imagine, Et Psalmus 73. Subitis terroribus intereunt, sicut somnium evigilantis, Et Psalmus 76. Præda fiant superbi, & dormiant somnum suum, *Psalm. 39.* *Psalm. 73.* *Psalm. 76.*

Isa. 40.  
Psal. 102.  
Psal. 144.

suum, Sic Esaias, Omnis caro foenum, & gloria ejus sicut flos agri, Psalmus 102. Dies mei sic, ut umbra, transierunt, & ego sicut foenum exarui, Psalmus 144. Homo est nihil, & tempus ejus sicut umbra abit. Hæc si nos non satis de nostra vita docent, nescio quid possit dici plenius. Pueritia est flos ætatis, cum adolescentia accedit, statim folia deformantur, Nam commoda vitæ impediunt curæ & varia pericula, quæ pueritia sicut non intelligit, ita nec metuit quoque. Quare ea pars vitæ celerrimo cursu videtur absolvi, Sicut Poeta quoque dicit,

Pueritia.  
Adolescentia.

Optima quæque dies miseris mortalibus ævi  
Prima fugit, Subeunt morbi tristisque senectus,  
Et labor, Et duræ rapit inclementia mortis.

Vergilius.

Recte igitur comparatur vita hæc flori, qui cum oritur & colore & odore præstat, Sed priusquam sol occidat utrunque, amittit. Sic laudat quidem similitudo hæc benedictionem Creationis, quod in illa calamitate tamen enascitur pulcher flosculus, sed miserabile est, tam cito defluere folia & mutari, nec posse retinere colorem & odorem nativum.

Vita nostra floribus  
comparatur.

Verbum (halaph) significat mutari, sicut vestes mutantur. Hinc vocant (heliphas) vestes mutatorias. Vult igitur, foenum seu florem mutari tum, cum jam incipit flos esse. Hoc verbo utitur Scriptura, cum dicit, Coelum & terram mutatum iri, ut significet, neque Coelum, nec terram suo vero ornatu vestitam esse in hac vita, sed nunc esse quasi cilicio induta, Tum autem cum renovabuntur, induenda esse alia splendidiore veste. Nunc terra palustris & ruinosa est, sed in illo die erit ac si esset gemmea & argentea. Montes erunt adamantini, Flumina erunt ceu optimum balsamum. &c. Nam verbum (halaph) dupliciter significat mutari, sive de esse ad non esse, sive de non esse ad esse. Porro pulcherrima sententia est, Si totum genus humanum sub appellatione foeni intelligas, quod primo mane mutatur ex embryone, in formam hominis, ibi est foenum. Nascitur enim totum genus humanum ex tenebris & hyeme, & quasi ex mortuo semine in vivum gramen, Ac statim cum ita natum est, mutatur iterum de ista forma in hyemem & noctem suam. Sicut Salomon quoque dicit, Solem perpetuis vicibus oriri & occidere. Hanc mutationem proprie Verbum significat, Sicut annus mutatur ex æstate in hyemem, tempus ex die in noctem. Sic Iacobi 1. Apud Deum non est transmutatio, nec vicissitudinis obumbratio. Nox quidem transmutatur in diem, & dies per vices obumbratur, Sed tale nihil, inquit, in Deo est. Porro hæ mutationes differunt ab eâ, de qua Psalmus hic loquitur. Nam hæ sunt naturæ mutationes, sed illa, de qua Psalmus loquitur, est mutatio non naturæ, sed quæ proficiscitur ab ira Dei.

Mutari in scriptura  
quid.  
Coelum & terra  
mutabuntur.

Halaph.

Porro dixi supra plenum esse consolationis, quod in tertio versu primo loco mortem ponit, & deinde subjungit de vita, ut spem occultam ostendat, quod post mortem resuscitabimur, & mors illa corporalis in veram & æternam vitam terminabitur, Sed hoc in loco Propheta diversum facit & ordinem invertit. Siquidem totum humanum genus describit, primum quale sit in vita, deinde quale sit in morte, Mane, inquit, sicut flos floret, sed vespere mutatur, exciditur, arefcit.

Quid hæc ordinis immutatio significat? Num arguit sententiam prius à nobis recitatam incertam aut falsam esse? Non, Sed simpliciter proponit nobis miseriam nostram, qualis est in oculis nostris, non qualis est in oculis Dei. Cum supra diceret, Tu dicis, Revertimini in filii hominum, statim subjungit, Quoniam coram te mille anni sunt sicut dies hesternæ. At alia ratio est, si sequaris nostrum iudicium & rationem nostram. Sicut enim aliud est, videre sigillum quomodo in gemma aut auro sculptum est, Et aliud, quomodo in cera exprimitur (Deus, ut utar similitudine hac, ipsam gemmam inspicit, Nos tantum formam gemmæ, seu sculpturam in cera oculis nostris possumus videre) Ita quod in conspectu Dei vita est, in nostro conspectu mors est. Quod apud nos temporale est, apud Deum non est temporale. Quod apud nos æternum est, apud Deum non est æternum.

Moses hic alio  
ordine utitur  
quam supra.

Ad hunc



Ad hunc modum loquitur hic de miseria hominum, sicut est in oculis nostris. Ibi videmus, quod qui hodie vixit, cras moritur. Præter & ultra mortem hanc ratio nihil videt amplius, & semper magis intenta est in calamitatem & miseriam, quam in vitam. Sic enim natura sumus, Ingrati in bonis, & impatientes in malis, Malorum tenacissimi, & bonorum, ut sic loquar, obliuiofissimi. Nam vide naturam rerum, in quibus quotidie vivimus, quas videmus, tangimus, quibus fruimur quotidie, An non ex terra, imo ex lapidibus & montibus enascitur frumentum, vinum, & quicquid usus hujus vitæ postulat? Revera igitur ex nihilo fit aliquid. Sic ex sterili & informi hyeme fit fecunda & amœnissima æstas, ex nocte fit dies. Hæc est mutatio creaturæ perpetua, Sed hanc negligimus fere ingrati, & convertimus oculos ad illam alteram mutationem, quæ tristior & miserabilior est, ubi aliquid mutatur in nihil, & de esse ad non esse. Hoc Moses hic significat cum nostrum judicium sequitur & concionatur, Primum de miserabili conditione hujus vitæ, Deinde de morte.

*Ex nihilo aliquid fit.  
Mutatio creaturæ.*

*Mutatio in creaturis & hominibus.*

Admonendi autem hic iterum sumus de differentia ejus mutationis, quæ in Creaturis reliquis est, & quæ in nobis est. Nam quod nos mutamur, & sicut fœnum subito concidimus, hæc est iræ divinæ mutatio. Fœnum autem non sic mutatur per iram Dei, sed sicut ex ordinatione Dei surgit, ita iterum perit sine sua molestia, & sine ira Dei. Sic dies habet cursum suum ex bona voluntate Dei, Sed quod nos mutamur & vertimur in atram noctem, hoc accidit ex ira Dei. Ad hunc modum nunc Moses pergit ad Epitafin negotij in narratione sua, & non sine lachrymis conqueritur de onere iræ Dei, Q. d. An non extrema calamitas est, solum hominem, præter exemplum omnium reliquarum Creaturarum, vivere sic calamitosam vitam, & postea in ira Dei perire? Miserabile est, quod homo est sicut fœnum, & citius moritur quam recte didicit vivere. Sed in hoc fœni melior & felicior conditio est, quod oritur & occidit Deo favente & ridente. Nos, sicut jam dicet, in ira tua consumimur, & sustinemus intolerabile onus, quod scimus Deum nos odisse propter peccatum.

## VII.

*Quoniam in ira tua perimus, Et in furore tuo terremur.*

Hæc, ut dixi, Est Epitafis negotij, & ostendit differentiam inter hominem & reliquas creaturas. Quod ita consumitur homo, & celeri cursu per iram Dei rapitur ad interitum, Hoc non fœnum, non flos, non volucres coeli, non bestiae terræ patiuntur, sed solus homo. Is sentit cum sua morte & reliquis hujus vitæ calamitatibus, etiam conjunctum esse peccatum & iram Dei, Vbi econtra tauri, oves, & omnia animalia ex ordinatione Dei, quæ ex beneplacito proficiscitur, pereunt sine suo peccato, sine Dei ira. Hæc fere ostendunt in Mose sensum blasphemiae, Nisi enim in hoc sensu ostendatur lumen gratiae, impossibile est non sequi desperationem & summam blasphemiam. Quis enim iræ Dei meminisse potest sine murmuratione? Etiam innocens creatura passiones suas non potest ferre sine molestia, Suem si macies, clamore ostendit impatientiam & dolorem, Arbor cum succiditur, non sine crepitu concidit. Quomodo igitur natura humana hanc cogitationem iræ Dei, sine lachrymis, sine murmuratione, sine summa impatientia sustineret? Quomodo æquo animo toleraret mortem, quam scit se propter peccatum & ex ira Divina pati?

*Ratio cum cogitat de incommensabilis sui ad impatentiam & blasphemiam concitatur.*

*Epicurus Erasmi.  
Tantali lapid.*

Ratio igitur aut viam contemptus ingreditur, aut viam blasphemiae. Extat in Colloquiis Erasmi Dialogus, quem inscripsit Epicurum. In eo disputatur de religione Christiana, quod habeat lapidem Tantali, Siquidem post calamitates hujus vitæ, etiam ignem æternum minatur. Huic malo, inquit, quod potest aptius remedium esse, quam incredulitas aut dementia, ut non credas hæc vera esse? Ad hunc modum ratio disputat. Intolerabile enim videtur esse, & indignum divina sapientia & bonitate, quod post incommoda hujus vitæ etiam æterna mors metuenda sit, Idq; ex ira, quod Deus hominibus sic calamitosus etiam irascitur. Has cogitationes ratio sustinere non potest sine blasphemia. Consulit itaq; Epicurus, ut aut demens, aut incredulus fias, Sicq; reliberes ab isto sensu iræ & peccati in calamitatibus & morte. Sed o frivolum consilium. Quid enim si aut non possis esse incredulus, & metuas, ne quæ

*Epicuri consilium.*

hic

hic contemnis, post vitam hanc sentias vera esse. Aut non possis esse demens, ut nunquam de hoc futuro periculo cogites. Ergo Natura aliud nihil potest quam horrere, & frendere quod reliquus sit supra nostalis Dominus, quem etiam post mortem cogitur metuere. Sicut Vellejus apud Ciceronem loquitur, Imponit hoc modo cervi-

*Vellejus.*

cibus nostris sempiternum Dominum. Diligenter itaq; Mosis exemplum notandum est, Vt discamus moderari & gubernare gemitum hunc cordis nostri, positi in sensu iræ Dei, & mortis. Neq; enim malum est hoc modo sentire iram Dei, modo ne vertamur ad stultitiam & præ tribulatione vel contemnamus Deum, vel blasphememus. Quanquam fieri non potest, quin etiam Sanctorum gemitus in talibus tentationibus habeant partem aliquam blasphemiae. An enim Hiob excusabimus, cum maledictum diem vocat, in quo natus est? An Ieremiam succensentem, quod non mortuus sit in vulva matris suæ? Sic Hieronymus satis duro verbo utitur, cum dicit, Homines omnibus pecudibus infeliciores, siquidem post cæteras calamitates hujus vitæ, æternam mortem, expectare, vel saltem metuere coguntur. Hæ sunt voces profectæ ex corde irato, & perturbato sensu malorum. Non autem malum signum est, sic irasci, modo gubernes hunc motum, & regas certa ratione. Sicut enim Adolescens sentit libidinem, Deus autem id ignoscit, si aut moderetur & gubernet sensum hunc, aut uxorem ducat. Ita in Christianis quoque hærent illi motus, murmurantis, blasphemantis, dubitantis cordis. Sed gubernari debent, ne sicut in impiis, aut in contemptu Dei, aut desperatione abeant.

*Sensus blasphemie de Sanctis. Hiob. Ieremias. Hieronymi de Hum.*

Augustinus dicit, Melius est simpliciter esse, quam non esse, Sed institue tecum rationem, & dices, diversum esse melius. Hæ cogitationes à blasphemia non multum absunt, præsertim si eis indulgeas. Sæpe autem accidit, & ego in multis hoc vidi, quod cum sentirent homines inexercitati has blasphemiae cogitationes, exanimarentur fere, Quare necesse est gubernari eas. Porro gubernatio vera hæc est, ut statuas te non ideo à Deo abjectum esse, quod ista sentis. Etsi enim causa aliqua talium cogitationum in nobis est, sunt enim fructus peccati originalis, tamen adjuvantur & augentur etiam à tentatore Satana. Sic sæpe accidit piis adolescentibus & puellis, ut ardeant cogitationibus libidinis, etiam contra voluntatem. Quando enim homo arripitur ab affectu, totus arripitur, ut nihil aliud videre, audire, cogitare possit, quam quod affectus suggerit. Sic occupantur animi ira, cura, odio & similibus affectibus. In talibus tentationibus gubernatio necessaria est, ut per Spiritum sanctum nos confirmemus, & sentiamus, non ideo nos perituros esse, quod talia sentimus. Neq; enim semper concupiscentiæ & vitii est, quod juvenis ardet libidine, quod cor concitatur ira, & aliis vitiosis affectibus, Sed sæpe accidunt talia à Satana, agente animos stimulis suis, & accendente carnem contra voluntatem.

*Diff. Augustini. Cogitationes in tentatione quomodo sint gubernandæ.*

Sæpe enim accidit, ut cupias ex animo liberari impuro motu cordis, & tamen non possis. Ibi consilium hoc sequendum est, Primum, ut non ideo desperemus de salute, sicut antea dixi. Secundo, ut reluctemur cogitationibus talibus, nec eas approbemus aut eis indulgeamus, & simul ut per orationem seriam flagitemus à Deo auxilium, Neq; enim ideo immittuntur cogitationes tales, ut secundum eas judices & eas sequaris, Sed ut relucteris, & oratione contra pugnes. Sicut autem dico de crassioribus tentationibus libidinis, iræ, &c. Ita etiam de hac tentatione blasphemiae statuendum est. Nam Satan ideo se in Angelum lucis transformat & in formam Dei, ut nos abducat ob orationem & Verbo, & sic nudos aggrediatur & vincat. Cum tentavit blasphema cogitatione, statim accusat nos, Vide cor tuum, inquit, quale sit? An non peccator es? Hoc cogitur cor affirmare, Deinde aggregat alia, Igitur habes Deum iratum contra te, Quomodo enim Deus peccato non potest irasci? Hic si paululum cedas, opprimit te, Et multos sane hoc modo occidit Satan.

*Tentatio blasphemie.*

Gubernatione itaq; opus est, ut hosti te opponas, & statuas istam infirmitatem tuam Deo notam esse, nec offendi Deum ea, si non indulgeas ei. Quod autem peccator es, & humili confessione id agnoscis, grata Deo est humiliatio hæc, siquidem eam per Moysen & Prophetas docuit, & Legē suam ideo revelavit, ut hoc modo humi-

*Familiaris Deo grata.*

humiliaret nos. Quæ autem Satan in humiliatione hac suggerit, vel ad desperationem, vel ad contemptum & blasphemiam, hæc æstimabis, quod sint passionēs tantum, & non res seu sententia iudicata, Sic filius, cum à parente castigatur, non æstimat virgam esse signum exheredationis, sed etiam si virgam patiatur, tamen statuit patrem esse & manere patrem. Sic qui gravi morbo implicitus est, morbo seposito videt & sperat salutem. Ad hunc modum, sunt quidem istæ cogitationes blasphemie horribiles, & tamen sunt bonæ, Si modo eas gubernes, & iis bene utaris. Includunt enim istos gemitus inenarrabiles, qui penetrant nubes, & divinam Majestatem quasi cogunt ad ignoscendum & salvandum. Sentiri hæc possunt, sicut reliqua spiritualia, dici non possunt, nec sine experientia disci. Quare merito ridetur Dionysius, qui scripsit de Theologia negativa & affirmativa. Postea definit Theologiam affirmativam esse, Deus est ens, Negativam esse, Deus est non ens. Nos autem, si vere volumus Theologiam negativam definire, statuemus eam esse sanctam crucem & tentationes, in quibus Deus quidem non cernitur, & tamen adest ille gemitus, de quo jam dixi. Utile autem est admoneri & inculcari hæc sæpius, propter illos, qui vel ipsi tales tentationes experiuntur, vel alios versantes in illis consolari debent. Sicut mandatum est in Scriptura, Pusillanimes esse consolandos, Linum fumigans non esse extinguendum, sed fovendum. Scit enim Spiritus sanctus, Diabolum esse varie instructum, & singulis horis conari illis cogitationibus desperationis & tristitiæ nos invadere. Quare monet & hortatur ubique, ut Christiani divina autoritate alius alium doceat & erigat.

*Dionysius.  
Theologia negativa.*

*Consolatio per  
verbum fratris.*

*Lex Christi.  
Infirmi.*

Itaq; inter nos quoq; debet esse illa diligentia & studium, ut tu me audias ex præcepto Dei, & ego te, in luctu & periculo positum, consoletur. Ut tu mihi credas, & ego tibi vicissim, cum in simili periculo versor. Sum quidem Doctor, & fatentur multi, se à me non mediocriter adjutos in sacris literis, Sed hoc mihi sæpe usu venit, ut sentirem me adjuvari & erigi uno verbo Fratris, qui se mihi nullo modo putabat parem esse. Ingens enim pondus est in Verbo fratris, quod tempore periculi ex Scriptura propuntiatur. Habet enim Scriptura inseparabilem comitem Spiritum sanctum, qui corda varie movet & erigit per Verbum. Sic consolati sunt S. Paulum Timotheus, Titus, Epaphroditus, Fratres è Roma euntes ei in occursum, Quamquam multis modis doctiorem & exercitatiorem in verbo Dei. Habent enim etiam summi Sancti tempus suum, in quo infirmi sunt, alii autem firmiores. Iam hæc perpetua lex Christi est & regula, Ut firmi portent infirmiores, sicut ossa carnem. Sicut enim nemo ideo nasum abjicit, quod impuro phlegmate abundat, & quasi cloaca cerebri est, Ita etiam infirmi, tempore infirmitatis sunt pars regni Christi, qui non ideo abjiciendi, sed fovendi, sanandi & erigendi sunt.

*Mors piorum.*

*Epicurus.  
Christiani.*

*Mors à Dei.*

*Timor mortis.*

*Impi.*

*Pi.*

Sed redeamus ad Moysen, Is nunc vere est in Epitaphi negotij, Itaq; suas cogitationes libere exponit Deo, Ut eum postea facilius flectat ad ignoscendum & salvandum. Quid, inquit, sumus nos homines, quos ira tua occidit? Profecto mors nostra omnibus non solum aliorum animantium, sed hominum quoque mortibus & calamitatibus atrocior est. Quid enim est, quod Epicurus moritur, qui non solum Deum esse nescit, sed etiam calamitatem suam, quam sustinet, ignorat? Sed Christiani & timentes Dei homines, norunt mortem suam, cum reliquis hujus vitæ calamitatibus, esse iram Dei. Itaq; coguntur cum irato Deo congregari, & dimicare de retinenda salute. Sed quid sunt homines, jam antea obruti & oppressi miseriis hujus vitæ? Quæ si non essent, tamen solus timor mortis satis esset magna calamitas. Nam nullum animantium genus exercetur timore mortis, sicut homo.

Sed quid dico de animantibus brutis, impiorum hominum vitam considera, Epicuri & similium, hi vere, sicut Hiob dicit Cap. 21. habitant domos securas & pacatas, & non est virga Dei super eos, Ducunt in bonis dies suos, & in puncto descendunt ad inferna. At pii & sancti macerantur per totam vitam variis & mortis & aliarum rerum curis, urgentur à Satana, quotidianis pavoribus & incertitudine vitæ. Norunt enim Deum irasci peccatis, & calamitatum omnium causam existere peccatum.

*Job. 21.*



*Cogitationes de  
morte & no-  
stra calamitati-  
bus esse utiles.*

tum, Hæc ratio & Gentes non norunt. Hujusmodi cogitationes pavoris & iræ Dei, cum experimur nos quoque, non debemus ideo desperare, quasi hoc malum esset signum. Nam infra audiemus Moysen etiam hoc orare à Deo, ut de ira hac cogitare possit. Videmus enim, quam horribilis humanarum mentium sit securitas, ut quotidianis & durissimis calamitatibus suis & aliorum admoniti, tamen non requirant Deum. Sicut apud Esaiam est, Et non est reversus populus ad percutientem se. Similes enim sunt porcorum, & plane sine omni sensu, nec animi advertunt divinitus calamitates infligi.

At vult Deus, ut saltem mala nostra intelligamus, & emendemur plagis. Igitur si sentis, ex ira Dei propter peccatum te varie affligi, & ideo per impatientiam quoque aliquando murmuras, noli ideo abjicere animum. Non enim causa in te solo est, sed accedit Satan quoque, qui in Paradiso docuit hominem, ne esset contentus eo, quod Deus præceperat, sed ut etiam causam quæreretur. Hinc per impatientiam existunt voces istæ, Quare sumus nati? Cur nostra non ea conditio est, quæ est peccatum? &c. Hac tentatione vere etiam Sancti exercentur. Nec fuit prorsus ignota tentatio in monasteriis, vocaverunt enim Spiritum blasphemiae, Ac Gerson varie contra eam consolatur. Utitur similitudinibus quibusdam, Quod sicut anserum sibilos negligimus, Ita hæc quoque, etsi sentiuntur, negligenda & ejicienda esse animo. Nam quemadmodum Canis latrans quanto te ei opponas graviore conatu, tanto concitatur & furit magis, Ita quoque hujusmodi cogitationes, suadent non esse irritandas indulgendo. Simile quiddam legitur in Vitæ Patrum. Nam ibi docet quidam hujusmodi cogitationes, similes avibus in aperto coelo volantibus, Ac prohibere, ne huc vel illuc volent, dicit non esse in manu nostra. Hoc autem in manu nostra esse, ne nidos figant in capillis nostris. Sic esse cogitationes illas natas ex alia quadam causa extra nos, nempe ex Diabolo. Non itaque prohiberi posse, ne nobis incidant, hoc autem posse caveri, ne eis indulgeamus, & sic abducamur in peccatum. Prudenter hæc & ex magno usu rerum spiritualium tradita sunt.

*Spiritus blasphemiae.  
Gerson.*

*Canis latrans.*

*Exemplum ex  
vita Patrum.*

Quare nos quoque hoc modo nos consolemur, cum infigit Satan sagittas suas in corda nostra, sentiamus eas esse cogitationes Diaboli, & nostræ infirmitatis, quæ ad impatientiam & murmurationem naturaliter inclinata est. Habet igitur Satan apertam fenestram adoriendi nos. Sed non tantum spectandus est furor Diaboli, sed etiam Dei consilium. Ille enim promisit sic vulneratis cordibus gratiam, & ideo humiliari nos finit, ut ad eum gemamus & suspiremus. Sic deduxit Moysen in extremum discrimen ad mare rubrum, Non ut ibi periret, & Aegyptij deletis Iudæis redirent incolumes ad suos, Sed ut Moyses oraret & liberaretur, qui solus sustinebat culpam, quasi ipsius voluntate populus in hanc calamitatem projectus esset. Ac sentit Moyses periculum hoc, Itaque cum ipse ore taceret, tamen Dominus dicit, Quid clamas? Sicut igitur Moyses in illo periculo non perijt, nec ideo tentatus est, ut periret, sed ut adjuvaretur per Spiritum, & corde suo clamaret ad Deum & liberaretur, Ita isti quoque non peribunt, sed liberabuntur, qui sentiunt quidem cogitationes blasphemiae, & tamen eas gubernant & moderantur, sicut supra dixi. Sicut enim fomes libidinis est in adolescentibus, Sic in Spiritualibus habet Diabolus suum negocium, ut eos ad desperationem adducat. Quando enim videt homines hoc agere, ut salventur, tunc pulsat corda cogitationibus iræ, & exemplis horrendi judicii Dei, nos subicientis peccato & morti, ut incipiant secum disputare, Quare Deus nos sic calamitatibus æternis oppressit? Huic disputationi si qui præbent animum & aures, paulatim sic implentur sensu iræ Dei, ut nusquam consistere possint præ angustia & povere.

*Cur Deus finit  
nos tentari.*

Quare statuendum est, cum sentiuntur ista, Tempus esse non desperandi, sed gemendi. Itaque geme tu pro liberatione, quæ certo obveniet. Causam autem, cur Deus ista sic permittat fieri, jube, ut Satan ex ipso Deo quærat. Nobis enim objiciuntur calamitates illæ, & omnes aliæ tentationes, ut humiliemur, non ut damnemur, Atque hæc causa quoque Mosis est, quod sic intendat narrationem institutam, & calamitatem hominum exaggeret super omnes alias calamitates, ideo quia est conjuncta

*Calamitas ho-  
minum, &c.*

cum ira divina. Qui igitur se non erigunt fiducia misericordiae Dei, hi nihil quam vel desperationem, vel blasphemiam sentient. Atqui Dei voluntas non est, ut desperemus, sed ut per Christum vincamus ista, Sicut Apostoli & alii Sancti similes tentationes vicerunt. Sic senserunt sanctae Virgines sexum suum, Martyres senserunt dolorem suppliciorum, Sed utriq; gubernarunt sensum hunc & vicerunt. Ad hunc modum omnes sancti sentiunt istam iram, sed per Christum etiam vincunt. Pertinet enim sensus ille ad mortificationem. Satis magnum malum est consumi, Sed consumi per iram Dei, id vero est, quod ratio humana vincere nescit, nisi per Verbum Dei erudita, & per Spiritum sanctum adjuta sit.

Virgines.  
Martyres.  
Sancti.

Consumi per  
iram Dei.

Terror mortis.

Serpens mortu-  
us, &c.

Vilitas terro-  
ris.

Altera pars hujus Versiculi, Et in furore tuo terremur. Proprie loquitur de terrore mortis, qui si non esset, Mors vere esset somnus quidam. Sicut enim serpens mortuus speciem Serpentis retinet, sed veneno caret, nec nocere potest, Ita Mors vere mortua esset, si absq; hoc terrore esset, qui vere est quasi venenum Mortis. Orandum itaq; est, ne hunc terrorem feramus in ultima hora, sed potius in vita, etiam si sine murmure eum ferre non possimus, Sic Paulus, Foris pugnae, intus pavores. Opus autem est per vitam pavoribus his, ad mortificandum & excitandum veterem hominem, ne stertat in securitate. Sicut igitur pueri, qui virga non possunt corrigi, fustibus corrigendi sunt. Ita quos corporales poenae non emendant, nec docent timorem Dei, Hi igni infernali & hoc sensu irae frangendi sunt, ne maneant insensati. Cum primum autem sentiunt iram Dei, ibi in spem vocandi & erigendi sunt. Haec jam est una calamitas, quae nos omnibus aliis creaturis facit calamitosiores, Quae etsi sunt mutabiles & obnoxiae Morti, non tamen in ira Dei mutantur, sicut nos, qui in terroribus irae divinae vivimus. Nunc sequitur altera calamitas, Quod etiam Peccatis sumus obruti. Haec quoq; non sentiunt nec patiuntur reliqua animantia.

## VIII.

*Ponis iniquitates nostras coram te, incognita peccata nostra in lucem, sub conspectum tuum.*

Peccatum exci-  
tat timorem  
mortis.

Elymenus.

Dixit vivere hominem in pavoribus mortis, Cur hoc? Quia peccatum habemus, Peccati autem stipendium Mors est. Conscientia igitur cum sentit peccatum, aliud sentire & statuere non potest, quam quod iratum Deum habeat, & ideo mori cogatur. Vocabulum (Elymenu) significat abscondita vel occulta nostra. Haec, inquit, tu quasi in claro lumine Solis posita habes & vides, nec finis me esse innocentem, sicut Hiob dicit. Haec quoq; non multum absunt à blasphemia, Praesertim si cor intuearis, cum talia verba meditatur. Ostendit quidem se cupere esse liberum à peccatis. Sed inquit, hoc mihi impossibile est, Cujus culpa? Dei scilicet, qui occultissima nostra videt, Nihil condonat, omnia observat, omnia etiam levissima in rationes suas refert. Haec cogitatio facit, ut etiam optima opera nostra nobis displiceant, siquidem coelum & terra videntur nostris peccatis repleta esse. Haec est Epitasis ejus Fabulae, quam nobiscum ludit Deus, ut ambulemus in sensu peccatorum nostrorum & mortis. Non autem malum est, ut supra quoq; dixi, sentire haec, conqueri de calamitatibus suis, & judicare quod nihil in nobis sit, quam damnatio. Conqueraris sane sic & gemas, Deinde etiam hoc coneris, ut secundum gemitum hunc instituas & regas vitam tuam, tum fiet, ut sentias salutem.

Peccata sua nemo  
videt omnia.

Libido.

Peccata sua nemo  
videt omnia.

Libido.

Affectus aman-  
tium.

Peccata spiritu-  
alia.

Porro hic praecipue observanda haec Sententia est, quod nullus homo omnia sua peccata videre possit, praecipue si magnitudinem peccati Originalis spectes. Neque id mirum est, Quis enim unicum peccatum libidinis, omnibus notum, satis describere potest, etiam si omnes essemus Poetae, Virgilio vel Ovidio pares? Ideo Salomomo quoq; dicit, Viam viri erga puellam esse investigabilem, hoc est, affectus amantium à nemine exponi, aut satis dici posse. Quanto igitur minus poterunt reliqua peccata graviora & spiritualia satis agnosci, sicut sunt impatientia in adversis, blasphemiae, murmurationes, contra Deum, &c. Quantum barathrum est sola Incredulitas? Vere igitur peccatum tam est magnum, quam magnus est, qui peccato offenditur. Eum vero Coelum & terra non possunt capere. Merito igitur vocat peccatum

Pro. 31.

rem

rem absconditam, cujus magnitudo non potest includi animo. Sicut enim ira Dei, sicut Mors, Ita peccatum quoque infinitum est. Vult autem Moses hæc à nobis disci & credi, ut per terrefacti suspiremus ad Deum pro gratia, ne simus in contemptorum numero, Sed contriti & humiliati ad moriendum, speremus per gratiam Dei æternum pondus gloriæ.

*Peccatum res infinita.*  
*Peccatum absconditum.*

Qui hoc modo contriti & humiliati sunt malleo Legis, hi possunt informari & doceri, ut illas sagittas Satanæ moderentur, cum nos sollicitat, ut quæramus causas, Cur sic nobiscum agat Deus? Cur omnem potentiam suam contra hoc aridum folium exerceat, sicut Hiob loquitur? Incidere possunt hæc disputationes, sed noli terri. Hoc potius statue, Esse hæc quoque peccati poenas & sagittas Diaboli, quæ repelluntur clypeo fidei, ad hoc valente, ut prematur securitas & superbia nostra, in quam peccatum Originis nos deducit. Quantum itaque de calamitate hominum potest dici, tantum hic dicit Moses, Nec credo posse hæc aut melioribus aut gravioribus Verbis explicari. Deducit enim narrationem usque ad extremum gradum, quod hæc calamitatum causa sit Peccatum, Quod etsi à nobis & toto mundo absconditum est, tamen in conspectu & claro lumine Dei collocatur, Quid potest dici gravius? Differt tamen Moses à reliquis blasphemis, quod adhuc servat gemitum illum filialem erga patrem Deum, Non avertit à Deo faciem, non detrahit Deo, non blasphemat, sed recto vultu filialiter murmurat & querulatur. Hoc non faciunt impii in tali sensu iræ Dei, sed quia omnem spem de bonitate Dei, sicut Iudas, Cain, Saul, abjiciunt. Ideo vehementissimo odio Dei ardent, Deum blasphemant in corde suo, & magis magisque peccant. Nunc sequitur,

*Peccatum causa omnium calamitatum.*

*Quoniam omnes dies nostri abeunt in ira tua, Annos nostros finimus, velut sermonem.*

IX.

Verbum Panu (quod nos vertimus pro Abire) complectitur insignem tapinosin, seu extenuationem vitæ humanæ. Significat enim quod vita nostra non vertat ad nos faciem quasi veniat, Sed dorsum potius, quæ celerrimo cursu fugiat. Sicut eleganter inquit Poeta, Optima quæque dies miseris mortalibus ævi Prima fugit, subeunt morbi tristisque senectus. Ita si omnes annos numeres, à peccato Adæ usque ad ultimum articulum temporis, videbis omnes illos annos, cum universo genere hominum, nihil esse quam recessum & fugam. Non est duratio statuta aut fixa, sed ut Poeta dicit, Tempora labuntur, tacitisque senescimus annis.

*Vita brevis.*

Hæc Moses non primus nec solus docuit, sed à Patribus accepit, qui omnem vitam compararunt celerrimæ fugæ. Sed longe gravissimum est, quod non solum dicit fugere vitam, Sed illam fugam esse etiam poenam à Deo irato inflictam. Sustinent hanc calamitatem etiam cætera animantia, quod non ita longæva sunt, Sed in animantibus non accidunt hæc ex ira Dei. Itaque Moses hic suo more Officium suum facit, & sic nos nostræ calamitatis admonet, ut animi tantis periculis perculsi, exuant omnem securitatem, & in timore Dei discant simul orare.

*Vita fugit.*

Quod addit, Finimus annos nostros, velut sermonem seu loquelam. Etiam pertinet ad extenuationem vitæ nostræ plane miserrimæ. Sicut Poema, aut potius versiculus aliquis Virgilij quasi transit, cum recitatur, Sic transit vita nostra. Porro similitudo hæc utrinque aptissima est, sive eam intelligas secundum substantiam, sive secundum motum. Quod ad substantiam attinet, Nemo novit, quid sit sermo, Est sonus quo feriuntur aures, Sed cujus nec principium, nec finem noris, quid aut unde sit, Antequam incipis loqui, nihil est, cum desisti loqui, etiam nihil est, præter sonum nihil novimus, quid sit Sermo? Talis, inquit, est vita nostra, est ceu Echo quidam, qui brevissime finitur & abrumpitur. Si similitudinem malis intelligere de motu, etiam bene quadrat. Quid enim humana voce est celerius? Visus quidem celerior est, sed hæret tantum in uno objecto, Neque enim uno momento ad varia objecta recte cognoscenda transferri potest, Sed Oratio in ictu oculi & perfecte sonat ex ore, & simul omnium auribus eodem instanti, seu puncto temporis ingeritur. Hæc causa fuit, cur finxerunt Poetæ Mercurium alatum, Et notum est epitheton Homericum, Alata verba, Et Ovidius, *Volat irrevocabile Verbum.*

*Comparatur vitæ sermoni quo ad substantiam.*

*Sermo.*

*Quo ad motum.*  
*Visus.*  
*Oratio.*

*Mercurius alatus.*



Brevitas vita  
humana.  
Luscinia.

Sive igitur substantiam sermonis, sive motum intelligas, est summa extensio brevitatis vitæ, quod neque vitæ nostræ ortum, nec finem novimus, Sed sicut quidam strepitus ac sonus absolvitur, ubi neque ante nec post aliquid manet reliqui, Sic inquit Moses est vita nostra. Luscinia parva avicula est, & tamen voce sua replet cœlum & terram, Vnde autem vox hæc sit, ubi incipiat, ubi desinat, nescis, Sic est vita nostra. Quis igitur superbiat in opibus, potentia, dignitate, Cum non solum res istæ fluxiles sint, sed etiam vita nostra sit brevissima?

X.

*Dies annorum nostrorum sunt septuaginta anni, aut ad summum octoginta, E quibus quod optimum est, est molestia & labor, Transitus enim celer est, & a volamus.*

70. & 80. anni.

Si ponimus hanc comparisonem inter annos nostros & Dei, septuaginta anni non æquivalent uno momento aut punctulo. Sed Moses vult eos comparari inter se, sicut dicit in ipsis, Ibi septuaginta anni sunt molestia & dolor. Porro septuaginta & octoginta annos intelligas secundum punctum physicum, & non mathematicum. Neque enim præcise significat septuaginta aut octoginta, quasi nihil infra aut supra sit, Sed cum fere hoc tempus attingant homines, ponit hunc communem terminum. Nam quod superest, non meretur dici vita, Siquidem tum omnia, quæ naturalis vitæ sunt, desinunt, Non cibo, non potu cum voluptate fruuntur homines, Ad nullas res gerendas fere sunt utiles, & aluntur tantum in poenam suam. Sed anni præcedentes, si respicias ad Deum, sunt quasi sonus oris, qui celerrime dissipatur, Apud nos sunt quasi volatus quidam, in quo nihil sentitur, quam labor & dolor. Hic mihi considera, An non magna calamitas sit, quod etsi ista omnes patimur & experimur, tamen paucissimi sunt, qui, ut ita loquar, sensata hæc sentiant, Sicut proverbio germanico dicitur, Senes stultos stultissimos esse. Quotus enim quisque est, qui etiam cum ad illam annorum miseriam pervenit, intelligat, senectutem, mortem & similia esse poenas? Quin mirabili stultitia juvenescunt, non sensu solum, sed sæpe etiam affectu. O miseriam miseriam!

Die ostendit  
Moses die  
bestem.

Actus homi-  
ni.

Sed hic movetur quæstio, An hoc tempore sint anni vitæ pauciores, quam Mosis tempore? & An tempore Mosis omnes communiter attigerint septuagesimum vel octuagesimum annum? Moses quidem attigit annum centesimum & vicesimum, David non attigit octuagesimum. Itaque ponit hunc certum annorum numerum, tanquam medium quiddam, quod fere attingunt homines. Nostra ætas hodie non multum defecit, si modo viveremus ipsorum more moderate, & non corrumpere-remus valetudinem & vitam nostram immodico luxu & crapula, Ipsi ad dimensum vixerunt in summa frugalitate. Itaque & tolerare sumptus eis facile fuit, & pervenerunt ad justam ætatem, quam fortasse nos quoque implemus, si pari moderatione corpus regeremus. Quanquam eorum sententiam non improbo, qui existimant etiam decrevisse aliquid de ætate hominis nostro tempore. Ante diluvium anni quingenti, aut quadringenti fuere medium Physicum, quod fere attingebant homines. Nam usque ad octingentesimum & nongentesimum Patres pervenerunt. Sicut autem post diluvium multum decessit ætati hominum, Ita verisimile est nostrum seculum degenerasse non nihil à seculo Davidis.

Actus Patrum  
ante diluvium.

Dietæ nostræ  
immoderata.

Immoderatio  
vitiis.  
Immoderata se-  
nectutis.

Sicut igitur Moses tanquam communem terminum ponit annos septuaginta, Ita nostro tempore ponamus quadraginta aut quinquaginta. Nam paucissimi sunt, qui attingunt sexagesimum, & hi judicantur esse in provectiore ætate. Neque mirum, Si quis enim rationem ineat secundum nostram immoderatam diætam, præut illi frugales & parci fuerunt, mirum potius est quosdam sexagesimum attingere posse. Nam ex Parentibus immoderatis, necesse est liberos infirmioribus corporibus nasci. Ita ex sola immoderatione victus facile est iudicium, decessisse aliquid vitæ hominum. Quæ autem hic de Complexionum vitiis ex causis cœlestibus possunt dici, ea relinquo Philosophis & Mathematicis. Nobis satis est experientia quotidiana. De incommodis senectutis hic non est, necesse disputare, quæ Cato apud Ciceronem magno

magno conatu defendit esse levissima. Nam res superat verba, & communis sensus est in contrario. An non est magnum incommodum, hominem senem fere omnibus privari, quibus hæc vita condita est?

Recitat Cicero ex Platone historiam de Sophocle, eum, confecta jam ætate, cum quidam interrogaret, Vteretur ne rebus venereis? Respondit, Dii meliora, libenter vero istinc, sicut à Domino agresti ac furioso profugi. Hanc vocem vehementer prædicat Cicero, Sed si nos rem recta æstimamus ratione, videbimus loco unius juvenilis libidinis, succedere in Senibus, ut sic dicam, centum graviores & peiores libidines, Invidiam, iram, curas, impatientiam, dolorem, quem movent mala exempla, &c. Recte igitur Comicus dicit. Senectus per se ipsa morbus est. Vere igitur dicitur, incommoda vita, quæ sibi & aliis gravis est. Quod si fuerunt aliqui, qui senectutem nec aliis molestam, nec sibi injucundam vixerunt, Quid ii sunt ad totam reliquam multitudinem? Neque enim ut in Proverbio est, Vna hirundo ver facit. *Sophocles.*  
*Senum vitia.*  
*Senectus per se morbus.*  
*Amal.*  
*Aven.*  
 Duo vocabula (Amal & Aven) fere usurpantur figurate, Hic autem sunt in sua propria significatione, Sicut Hiob 5. Homo natus est ad laborem seu molestiam, sicut avis ad volandum. Sed Scriptura alibi utitur his vocabulis, pro religione confecta seu Idolatria. Idque ideo, quia omnis superstitio & Idolatria vere excarnificat homines. Sicut germanice vocamus martyres Diaboli, qui ipsi sibi cumulant molestias præter necessitatem. Et extat germanicum Proverbium, Infernum majoribus sudoribus & laboribus parari, quam coelum. Nam falsa Religio seu Idolatria non potest habere veram lætitiæ cordis & pacem in Domino. Necessario igitur affert inquietum cor & perturbatum. Quare pulchre hæc appellationes Idolatriæ conveniunt. Sic tota vita est dolor & labor. Nisi in quantum hæc mala mitigantur fide & spe misericordiæ in regeneratis, qui sunt novi homines & senescere nequeunt. *Superstitio.*  
*Martyres Diaboli.*  
*Falsa religio, &c.*  
*Vita nostra est dolor & labor.*

Quod in altera parte versus est, Transitus enim celer est, & avolamus, non habet opus longa explicatione. Nam experientia discimus veram esse sententiam. Mihi puero narrabatur fabula, Patriarcham aliquem rogasse, ut divinitus sibi ostenderetur, quamdiu esset victurus? Cum itaque intellexisset, mille & quingentos annos se adhuc victurum, incepisse tum primum sibi ædificare in solitudine tuguriolum quoddam, quod sibi soli sufficeret, & non domum. Hanc fabulam quisquis finxit, certe voluit ostendere, Vitam etiam tot annorum nihil quam volatum esse & celerimum transitum, At nunc sic ædificant homines, quasi in æternum hic victuri sint. *Fabula.*

*Quis novit potentiam iræ tuæ, Et quis metuit furorem tuum?*

XL

Est Epiphonema, quo claudit narrationem hanc. Paucissimi sunt, inquit, qui considerant magnitudinem iræ tuæ, & tam horribilem furorem tuum, Reliqui secure vivunt præsentem, regnante & stante furore tuo super eos, Non considerant, quod sint in peccatis, & te habeant iratum, Sentiunt quidem mala sua, sed non agnoscunt, nec credunt, vivunt sicut bestię, ac si in contrario statu essent, in summa gratia, in æterna vita. Ita omnia incommoda vitæ ex animo & oculis ejiciunt, & securi aut blasphemant aut contemnunt. Vivunt annos septuaginta, hos æstimant ac si sint æternitatis. Imo invenias qui tam calamitosam vitam præ illa optare ausint, & indignentur se creatos esse ad immortalitatem. Sicut narrant de quodam Rustico, Is cum multa de coelo & Beatorum consortio audiret ex Parocho, Quid coelum, inquit, prædicas, si haberemus frumentum. *Was Himmel/hetten wir hie Mehl.* Tales homines nihil sentiunt de morte, sed sunt vere insensati, sicut bruta, omnia ducunt pro nihilo. Hanc cæcitatem deplorat hic Moses, quod homines sic sint dementati, ut sua summa incommoda non intelligant, etiam cum ea sentiunt. Sed sicut Servi assuefacti ad plagas ferendas, nihil emendantur flagello Dei. Tales, inquit Moses, sumus nos omnes, laboramus incredibili stupore cordis, ut mala quæ sentimus, non intelligamus. *Securitas hominum pestifera.*  
*Rustici ejusmodi imple vox.*

Atque hic ostendit, Cur narrationem hanc, & propter quos instituerit, Nempe propter insensatos peccatores, ut deducantur ad cognitionem suarum calamitatum. Nam hæc summa miseria est, quod nos homines in tantis calamitatibus, quarum



*Homo secundum  
Philosophos,  
&c.*

*Yuxta Lot.*

non est numerus, & in tam brevi vita, & in periculo, imo in certo eventu mortis æternæ vivimus, Et tamen non sentimus, nec satis intelligimus hæc. Hunc tantum stuporem quis satis potest explicare? Philosophi hominem definiunt esse animal rationale. Sed hoc quis dicit in Theologia esse verum? Ibi enim vere homo est statua fallis, sicut uxor Lot. Quia illam magnam iram Dei non intelligit, & ruit imprudens in mille pericula mortis, imo sæpe volens & sciens. Hanc calamitatem nostram Moses hic nobis ob oculos ponit, quod simus coram Deo accusati & damnati, ut aperiamus oculos, & credentes hoc exuamus securitatem, & oremus pro liberatione, Siquidem sic oppressi sumus morte æterna & peccatis, & tamen id non sentimus, nisi admoneamur, admoniti autem non credamus. Nam cum temporalia illa, de calamitatibus hujus vitæ, non intelligamus nec credamus, Quanto minus credemus spiritualia, de æterna morte & æterna vita? Magna hæc sunt, inquit, Sed quis credit?

*Quis metuit furorem tuum?*

*Ira Dei im-  
mensa.*

Furor tuus tam est magnus quam tu es, ergo est infinitus furor & immensa ira, Et tamen hoc homo non sentit, Sed sicut ille in Comœdia oppedit Iovi tonanti, ita illi securissime contemnunt Deum. Media vita in morte sumus, & tamen non pavemus, non credimus, sed incedimus securissime etiam tum, cum omnia pericula jam incumbunt cervicibus nostris, &c. Includit autem hæc querela petitionem, Quod optat Moses eximi ex suo & omnium hominum cordibus hanc pestiferam securitatem, & accendi corda fide, ut credant, hæc vera esse, & exhorrescant propter tam magnam iram Dei. Qui enim intelligunt & statuunt hæc esse vera, emendantur & præbent se faciles Doctoribus, Alii manent in damnatione, & secure contemnunt sua pericula, donec ea experiantur. Optandus itaque est hic sensus mortis & iræ, humiliatio & contritio illa.

XII.

*Doce nos, ut sciamus numerum dierum nostrorum, Vt incedamus corde sapienti.*

*Vita gratiæ vel  
iræ futura post  
hanc vitam.*

*Gentes quomo-  
do de Deo lo-  
quantur, & quo  
sine eum colant.*

*Testimonia de  
vita futura post  
hanc vitam.*

Audivimus hætenus à principio significari per Moysen, Quod post hanc vitam sit alia vita, Nec simpliciter vita alia, sed vel vita iræ, vel gratiæ. Frustra enim alioqui esset invocare hunc Regem, extra hanc vitam, imo extra mundum hunc positum, si non esset alia vita & mundus alius. Neque enim Deus videtur humanis oculis, sicut Cæsar, nec auditur sicut homo, Sed est extra conspectum nostrum, imo etiam extra cogitationes cordis humani, sicut apparet ex Gentium libris, Et si enim loquuntur de Deo, tamen dubitative loquuntur. Deinde quidquid cultuum Dei suscipiunt, suscipiunt propter hanc præsentem vitam, de futura non cogitant. Est autem usitata sententia in scholis Theologorum, Non extare multa testimonia de vita æterna, & resurrectione mortuorum in veteri Testamento. Atqui, si Prophetas & alios Sanctos videas orantes & invocantes Deum, extra omnia, quæ videmus, positum, statim videbis, quod ipsa invocatione Dei fatentur esse aliam vitam post hanc vitam, sive sit gratiæ sive iræ vita.

*Gentium libri.*

Ad hunc modum quoque prima Tabula, cum docet, Deum esse, & misericordem timentibus eum, & acerrimum Iudicem in securos & impenitentes, clare docet, non solum post hanc vitam restare aliam vitam, sed futuræ vitæ conditionem, aut fore sub gratia, aut sub ira. Hujusmodi testimonia & certa sunt, & non sunt sic rara, sicut Scholastici somniaverunt. Admonuimus autem supra, quo consilio Moses universam nostram tum vitam, tum mortem, referat ad Deum invisibilem, & extra omnia visibilia positum, Vt scilicet nos adigat ad timorem & reverentiam invisibilis Dei, Item, ut in nobis accendat metum futuræ iræ, & spem vitæ æternæ. Atque in hoc differunt Gentium libri à sacris, Quod Gentes non certo possunt statuere, quod Deus sit, & homines curet etiam post hanc vitam, Sicut Moses hic ostendit & in his, quæ sequuntur, faciet copiosius & clarius. Nunc enim ingredimur alteram hujus Psalmi partem.

In pri-



In prima parte satis diligenter posuit in conspectum omnes calamitates generis humani. Videt autem inter reliquas hanc non esse postremam, quod tanta live malitia, sive poena peccati originis est, ut ne sentiamus quidem ista mala, quæ patimur. Ideo Propheta & sanctissimi quique coguntur orare, ut homines saltem agnoscere hanc miseriam suam possint. Sive igitur peccatum originis qualitatem, sive morbum vocaverimus, profecto extremum malum est, non solum pati æternam iram & mortem, sed ne agnoscere quidem quæ pateris, adeo, ut necessaria sit oratio pro toto genere humano, ut ista cogitare possit, quæ videt, imo quæ experitur fieri, quod hæc vita non solum brevissima, sed variis malis obnoxia est, quodque post illa corporalia incommoda, expectanda sint æterna. Satis malorum esset, absconditum esse peccatum originis, sed quod etiam ipsa poena peccati est abscondita, hæc non lepra est, quæ nihil sentit, sed verè lapidis natura.

Orat itaque Moses, ut doceat Dominus nos numerare nostros dies, hoc non sic intelligendum est, quasi optet indicari diem aut horam mortis, sed ut homines verè cogitent de vita sua, quam misera & calamitosa sit, quod sicut umbra fugit, & vel iræ vel gratiæ æternitas subeunda est. Tales Arithmeticos optat omnes nos fieri, ne fingamus nobis infinitos annos, sicut præcipuè Tyranni solent, aut longissimam vitam cogitant, aut sperant se una infelici hora omnibus periculis defungi posse. Hæc summa est miseria, quando præsens mors & cæteræ prementes calamitates, aut non considerantur aut contemnuntur. Contra hanc miseriam orat, ut per Spiritum sanctum doceamur numerare nostros dies, & ut tentationibus mortis & aliorum periculorum divexemur, ut cogitemus de nobis quid simus, & etiam centum annos hujus vitæ ducamus similes puncto Mathematico & brevissimo momento. Sicut profecto est, cum vera ratione quam Moses hinc docet, æstimamus vitam nostram.

Hæc, nisi viderem Mosen hinc cum tanta gravitate & tam serio orare, nunquam mihi in mentem venissent, quod roganda essent. Sic enim putabam omnium corda sic pavere & terreri periculis mortis, sicut ego terreor. At diligentius intuenti hæc, apparet inter decem millia vix decem inveniri, qui hæc sic æstiment, Reliqua turba omnis sic vivit, quasi nec mors, nec Deus ullus sit. Hæc maxima est miseria & dignissima lachrymis, quod homines in ipsa morte somniant vitam, in ipso calamitatum omnium pelago, somniant felicitatem, In extremis periculis, securissimi sunt. Rectè igitur docemur orare, ut numerentur dies nostri, non ut præfinitum nobis tempus sciamus, sed ut consideremus, quam misera & brevis sit vita nostra, propter mortem & iram Dei æternam, singulis momentis nobis impendentem. Invenies alicubi homines tentatos, qui sine oratione hunc sensum nimium habent, sed major pars eum non habet, Siquidem ferè omnes sic vivunt, ut unum momentum, quo vivunt, existiment esse seculum. His pernecessaria est Oratio hæc, quam Moses hinc præscribit, sed audi quid addat:

*Et incedemus corde sapienti.*

Vsitata est phrasis in verbo (Nabia) incedemus. Vsurpatur enim pro eo quod dicimus, res gerere, versari in negotiis, administrare aliquid, q. d. Hæc vita ejusmodi est, non ut standum, nec ociandum, sed incedendum sit, hoc est, aliquid gerendum, sive in Oeconomia, sive in Politia. Da itaque gratiam, ut id faciamus sapienter, hoc est, in humilitate & in timore tuo, ut meminerimus nos esse sub ira tua propter peccatum nostrum, nec simus in ea hominū fece, quæ nec vitam nec mortem suam, aut rectè novit, aut curat, sed tantum pascit ventrem, quærens glorias & potentiam. Hi incedunt in summo contemptu irati Dei, neque gratiam nec iram curant, vivunt itaque in extrema stultitia & ignavia. Serva igitur nos in sapientia hac, hoc est, in timore tuo. Nam initium sapientiæ, seu summa sapientia est, timor Domini, nosse iram Dei, & post vivere & agere omnia in humilitate.

Ad hunc modum commendat Scriptura timorem Dei, quando homines ita vivunt, ut singulis horis metuant iram Dei, & sentiant se morte esse morituros.

Ddd 4

Hæc

Pharao.  
Sennacherib.  
Ezechias.  
Moses.

Hæc enim prima est pars salutis, nullam videre salutem propter peccatum. Hæc est summa sapientia, incedere in cognitione iræ Dei. Ita enim paramur tanquam terra aratro, ad suscipiendum semen illud divinum, cujus fructus est æterna vita. Pharao, Sennacherib & alii, hac sapientia carent, Itaque pereunt priusquam intelligant se perire, sunt enim excæcati potentia & viribus suis. Contra Ezechias in Ierusalem obsessus, Moses & Iudæi ad rubrum mare, inveniunt certam & gloriosam liberationem. Quare ita statuamus, non esse damnabile, si sentias iram Dei, sed esse initium salutis, quod non obtineri potest sine oratione assidua. Est enim singulare donum Dei, quod ratio nec capit nec intelligit, alioqui Moses non cum tanto conatu hanc sapientiam flagitaret dari.

XIII.

*Convertere Domine, usque quo? esto propitius servis tuis.*

Consolatio à  
Mose proposita.

Hoc est caput institutæ Orationis, Videt paucos esse, qui vivant in timore Dei, qui numerent dies suos, & sapienter agant, Pro his paucis, quos vocat servos Dei, orat, ut eos Deus consolari velit. Sicut autem suprâ, cum totum humanum genus occidit, de morte & ira Dei æterna locutus est, Ita hæc quoque loquitur non de aliqua consolatione carnis in hoc seculo, sed de æterna vita. Hanc non solum rogat, sed simul etiam promittit iis, qui primam illam gratiam habent, ut intelligant iram Dei, & sentiant iudicium divinum. Includit itaque hæc petitio obscure Prophetiam de Christo venturo. Siquidem salus æterna tantum per Christum parari potuit. Oportuit autem mysteria hæc salutis abscondi propter Epicuræos & alios securos homines, usque ad adventum Christi, in quo revelati sunt thesauri misericordiæ Dei.

Mysteria salu-  
tis abscondita.  
Ecce.

Sententia itaque facilis est. Oppressisti nos calamitatibus, dedisti hanc primam sapientiam, ut agnosceremus iram, Iam mi Deus desine satis occidisti, satis oppressisti, satis humiliasti nos, Convertere tandem, & esto nobis propitius, Ostende nobis etiam quam benignus & misericors sis, ut habeamus, quo in his terroribus consolari corda nostra possimus. Loquitur enim de conversione totius iræ & mortis, non temporalis, sed æternæ. Quid enim aliud rogaret loco illorum terrorum? Quid solatii in eo esset, si unum aut alterum diem transigeremus hilarem? Ergo loquitur de vita, & salute infinita. Si alii nolunt numerare dies suos, At servis tuis esto propitius, qui eos numerant assiduo, & metuunt te, qui incedunt corde sapienti, & expendunt iram tuam. Es enim Deus, qui mortificatos iterum vis vivificare, &c.

Quid rogat  
Moses.

Porro suprâ quoque de hac sententia admonui. Quia enim orat ad talem Deum, qui est Rex extra hanc corporalem nostram vitam, ergo orat simpliciter pro æterna vita obtinenda. Nam si alia vita, præter hanc corporalem, nulla esset, qua in re nobis opus esset Deo? Habemus dominium in creaturas reliquas, in pisces, volucres & bestias agri, Id pro hac corporali vita satis esset, constitutis Politiis & Oeconomis. Sed Moses ostendit post hanc vitam esse aliam vitam, siquidem in hac necessitate orat ad eum Deum, qui est extra mundum & invisibilis. Sequitur itaque etiam gratiam ejus & vitam, quam ab eo postulamus, esse invisibilem, & pertinere ad aliam vitam, quo ad nos, & non quo ad boves, quia sicut Paulus dicit, Non est ei cura de bobus.

Gratia Dei  
quam petimus,  
Ecce.

Quod igitur ad hunc modum docet expectandam salutem æternam per Deum, occultè ostendit Deum incarnandum esse. Id si Iudæi non omnes intellexerunt, quid ad nos? Tamen ne hodie quidem omnes religionem nostram aut norunt aut curant. Sicut itaque apud nos etiam multi, qui Psalmum hunc canunt, non tamen eum intelligunt. Ita sub Lege tantum spirituales hæc mysteria obscure ostensa, viderunt & intellexerunt, quod Deus, quem ipsi colebant in tabernaculo, & credebant habitare in Propitiatorio, suo tempore esset incarnandus, & salutem hanc allaturus hominibus, contra iram Dei & mortem æternam. Alii tanquam porci tantum fuere intenti in voluptates suas & temporales curas, sicut multi hodie Evangelio abutuntur, quasi omnia sint in temporalibus posita. Sed nos decet expectare aliam vitam & regnum aliud, quod Moses hæc significat esse æternum regnum. Ac sine dubio cum hunc versum scriberet, vidit mysterium salutis nostræ, & vitæ æternæ aliquem gustum

Deum incarnan-  
dum, Ecce.

Plu sub lege.

Imphi tempore  
legi.  
Expectanda  
alia vita.

gustum habuit. Siquidem territos peccatis suis, ad hunc modum orare & sperare salutem docet.

*Imple nos mane misericordia tua, & jubilabimus, & exultabimus  
cunctis diebus nostris.*

XIV.

Misericordiam propriè eam significat, quæ pertinet ad institutum negocium, hoc est, non aliquam particularem misericordiam, sed verè universalem, quæ Misericordia  
universalis Dei ad totum hunc morbum pertinet, de quo hætenus est conquestus. Est autè confessus & conquestus non de particulari aliqua calamitate vel morbo, qualis fuit exilium in Ægypto aut Babylone, sed de universali calamitate totius generis humani, de peccato & ira Dei, quâ totus mundus oppressus jacet. Cum itaq; nunc petat misericordiâ, certa consequentia sequitur, eum talè misericordiam petere, quæ sit medela hujus comunis & universalis mali, Alioqui quid, aut cur, peteret contra infinitâ calamitatē aliquod leve & exiguum beneficiū paucorū annorum?

Vtitur quidem scriptura sæpè de particularibus beneficiis & corporalibus vocabulo misericordiæ, Sed hîc ipse textus & cohærentia sententiarum cogit, ut misericordiam generalissimè accipiamus, de generali salute contra generalè perditionem peccati & mortis, ut sit sententia, Da abundantem misericordiam, non particularem, qua vel regnum vel valetudo conservatur, plenitudinem & abundantiam misericordiæ tuæ petimus. Nam in ista calamitate, quæ totum genus humanum premit, non sufficit nobis particularis, & quasi stillabilis (ut sic loquar) misericordia, sed diluvium quoddam & mare, quod exaturet nos, tunc exaltabimus & lætabimur. Nam illa sola misericordia, quæ nos à peccato liberat, & assecurat de certa salute æterna, parit perpetuum & verum gaudium, gratitudinem & gratiarum actionem.

*Latifica nos rursum post diuturnam afflictionem, secundum annos,  
quibus vidimus afflictionem.*

XV.

Notum est ex superioribus, de quibus humilitatibus seu afflictionibus loquatur. Dixit enim, Tu avertis hominem in nihilum, in furore & ira tua deficiunt dies nostri. Ibi loquitur de malis, quæ vidimus à tempore vitæ, imo quæ totum genus humanum sustinet & patitur à principio mundi usque in finem. Pro hoc malo, inquit, te nunc oro, quo nos humiliasti statim à nativitate, & pro istis annis, quibus vidimus generalissimam subversionem nostri, propter peccatum. Ostendit itaq; quod petat æternum remedium, contra mala nobiscum nata & durantia, scilicet contra peccatū originis & pœnas ejus. Hæc mala, inquit, deprecamur, & petimus remissionem peccatorū æternam, non legalem, contra perpetuum malum. Mala hujus  
vitæ. Deinde petimus etiam liberationem à pœna, ut simus non solum justi, sed etiam læti & jucundi, ut humiliatio & peccatum tollantur per remissionem peccatorum, & visio malorum (sicut ipse loquitur) per exultationem & salutem, quæ est liberatio à pœna. Remissio peccatorum.  
Liberatio à pœna.

Porro non obscurum est, quòd his generalibus verbis orat Propheta adventum filii Dei in carnem. Neque enim redemptio hæc potuit contingere, quàm per illud unicum Semen benedictionis. Oportuit enim mysterium hoc ita obscuris verbis ostendi, ut hi, qui essent sancti, intelligerent, quo pacto salvandi essent. Atq; hoc Spiritus sancti lumen est, quod necessaria cohærentia textus probat, orare Moſen pro remedio iræ generalis contra peccatum, id quia unius Messiae erat, includit hæc petitio Christum. Hoc Sancti intellexerunt adjuti Spiritu sancto, reliqua rudis & carnalis turba non vidit, propterea quòd Scriptura his ipsis vocabulis sæpè utitur in corporali salute & particulari. Qui itaque contextum non observant, nunquam intelligent peti hic, ut Christus in carnem veniat, & liberet mundum à peccatis & morte. Hæc enim est illa plenitudo & saturitas misericordiæ, sicut Psalmus 130. vocat copiosam Redemptionem. Nam isto precio, quod pro peccatis exolutum est, infiniti mundi potuerunt redimi.

Appa-



## XVI.

*Appareat servis tuis opus tuum, Et gloria tua filiis eorum.**Paal.*

Pertinent hæc ad eandem petitionem suprà institutam. Vocabulum (Paal) est notum, vertitur plerunque opus, sed ita ut intelligas opus remunerationis seu præmium, sicut in Esaia merces ejus cum eo, ibi est Paal. Et in Psalm. 109. hoc opus eorum, Item in Hiob, hoc opus eorum, qui impii sunt, id est, hoc est præmium, hæc hæreditas seu remuneratio eorum est. Ad hunc modum hic quoque intelli-

*Opus Dei.*

gitur opus Dei, præmium seu merces, quam reddit Deus iis, qui sustinuerunt in fiducia misericordiae ejus illos, terrores mortis & alia pericula, de quibus Moses dixit, q. d. Sumus vexati peccatis & oppressi morte, fuimus turpissima mancipia demonum, Redde itaque tu nobis tuum opus, contra illud Satanæ opus. Nam

*Tuum.*

pronomem tuum, includit cum Emphasi Antithesin. Convenit itaque phrasis & sententia cum eo, quod Iohannes dicit in sua Canonica: Venit Christus, ut dissol-

*Opus [Diaboli].*

vat opus diaboli. Opus diaboli est, quod supplantavit nos, & per peccatum nos ex vita conjecit in mortem. Sicut Epistola ad Ebræos Satanam vocat autorem mor-

*Christi opus.*

tis, Contra hoc opus Satanæ venit Christus cum suo opere, & destruxit mortem, ac vitam illuminavit. Sunt enim hæc verè divina opera, justificare, vivificare, sal-

*Propria Dei opera.*

vsurpat quidem Deus sibi opus mortificationis quoque, sicut suprà in oratione Mosi audivimus, & Scriptura manifestè dicit de Deo, quod occidit & vivificat, Sed Esaia hæc distinguit, & dicit, Quædam esse opera Dei, sed aliena, quædam autem propria. Propria sunt illa misericordiae opera, quod remittit pec-

*Aliena Dei opera.*

cata, justos pronunciat, & salvat credentes in Christum, Aliena opera sunt, judicare, damnare, affligere impenitentes & incredulos. Hæc cogitur Deus sibi sumere, & suum opus dicere, propter superbiam nostram, ut humiliati ipsum agnosca-

*Manichæi.*

mus Dominum, & pareamus voluntati ejus. Deinde cogitur id etiam facere propter eam causam, quam suprà ostendimus, ne Manichæorum exemplo fingamus nobis plures esse Deos, seu aliud principium bonorum, aliud malorum. Vult

*Hiob.*

Deus, ut mala, quæ nobis inferuntur, statuamus nobis inferri, ipso permittente.

*Paal.*

Nam nisi permitteret, nunquam Diabolus Hiob sic afflixisset. Ideo autem permittit, ut humiliati nos rejiciamus in misericordiam. Sic vocabulum (Paal) significat quasi recompensationem, ut sit sententia, Appareat opus tuum, hoc est, humiliatos nos morte, vivifica, vexatos peccato, justifica, & sic proprium tuum opus nobis ostende, vitam & justiciam. &c.

Atqui, inquires, idem suprà petivit, cum optavit saturari misericordia. Verum est, sed hic oratio in eo intenditur, quod petit id opus misericordiae ostendi, ut sentiatur. Neque enim satis est habere donum, nisi etiam oculi aperiantur, ut donum videamus. Sicut Paulus dicit ad Corinthios: Spiritus nobis revelavit, ut

*Gloria & opus Dei.*

sciamus, quæ nobis donata sunt. Habent omnes vitam, sed quotusquisque est, qui sentit eam esse donum Dei, qui pro ea Deo gratias agit, & petit eam conserva-

*Hadar.*

ri? Pertinet itaque hic versus eo, ut sensus hujus divini beneficii penetret corda, ne dubitent de remissione peccatorum, ut opus Dei seu misericordia sic exhibea-

*Vestitus Dei, sunt opera ejus, quibus se ostendit.*

tur, ut corda certa sint de sua redemptione, ut videant vitam, salutem & justiciam suam, sicut David petit in Psalmo 51. se confirmari Spiritu certo. Sed pulchrum est, quod hoc opus Dei vocat gloriam Dei, cum addit, Et gloriam tuam filiis eo-

rum. Sic ferè conjungit hæc Psalmus 19. Coeli enarrant gloriam Dei, & opera ejus annunciat firmamentum. Quanquam in hoc loco est (Hadar) quod significat gloriosum & pulcherrimum ornatum, seu vestes splendidas. Sicut Psalmo 96.

Confessionem & decorem induisti. Ideo autem Scriptura hac phrasi utitur, & Deum splendido vestitu ornatum dicit, ut ostendat Deum apparere & manifestum fieri in cordibus hominum per sua gloriosa & magnifica opera, in quibus tan-

quam splendido vestitu indutus apparet. Sunt autem hæc opera, quod Christus est nobis à Deo factus nostra justitia, sapientia, sanctitas, redemptio, lux, laticia, & omnia bona, quod est via, veritas, vita

vita nostra. In his operibus vitæ, salutis & justitiæ, cum nobis apparet Deus, tum verè apparet in sua gloria. Antequam autem sic apparet, tunc vere est, sicut Moyses dicit, sub tenebrosis aquis. Quare pavidæ conscientiæ, quæ opus gloriæ ejus non vident, ab eo metuunt, & imaginantur eum esse Diabolum. Nec possunt eum pingere in quadam amabili forma, seu habitu. Gladiis & fulmine armant eum, ut revera nihil neq; in cœlo neque in terra sit truculentius aut foedius irato Deo. Talis apparuit in Sina, talem Moyses eum suprâ quoque descripsit. Hic autem petit ostendi aliam formam, quam cum voluptate possimus intueri, & de qua latari possimus. Talis verè est Deus, cum eum aspicimus in persona Christi, In eo enim est summa misericordia, vita, salus, liberatio. In eo videtur Deus gloriosus, hoc est, indutus suis gloriosis & jucundis operibus. Ad hunc modum, inquit, ostende te nobis miseris & damnatis peccatoribus.

*Apparitio Dei in sua gloria.*

*Conscientia pavidæ quomodo Deum pingat.*

*Forma Dei jucunda.*

Hæc est prima pars petitionis, qua rogat remissionem peccatorum, & justiciam, & vitam æternam. Sic autem petit hæc, ut simus certi, ne cor nostrum quidquam de his dubitare possit. Hoc autem quia non fit, nisi in Christo, propriè hæc petitio includit adventum Christi in carnem. Quæ nunc sequuntur, & quibus claudit Orationem, propriè pertinent ad nostra opera.

*Sit jucundus Dominus Deus noster super nos, Et opus manuum nostrarum confirma super nos, Et ipsum opus manuum nostrarum confirma.*

XVII.

In voce (Naim) est quasi diluvium quoddam gratiæ. Hactenus, inquit, Domine, petivimus tuum opus, ibi nos nihil agimus, sed tantum sumus spectatores & receptores tuorum munerum, sumus mere passivi. Ibi enim te nobis ostendis, & nos salvos facis, solo tuo opere, quod tu facis, cum liberas ab eo morbo, quem Satan toti humano generi in Adamo infixit, nempe peccatum & mortem æternam. Post hoc tuum opus, venimus etiam nos cum nostro opere. Quando sic justificati sumus, & sanctè vivimus in obedientia verbi tui, idq; tibi placet & gratum est, sed tamen hoc quoque est ex gratia tua, & procedit ex primo opere tuo. Sit igitur Dominus Deus noster jucundus super nos, ut placeamus ei, postquam per mortem Filii sumus cum eo reconciliati. Oportet enim ut Dominus sit lætus & jucundus, super illis, quibus apparuit opus ejus, ne nos paveamus à facie ejus, sed statuamus ei placere nos & nostra. Petit autem id ideo, quia etsi sumus à morte liberati, tamen manent in sanctis quoque reliquiæ peccati, Sequuntur alia varia scandala, item passionēs & tentationes variæ, intra nos & extra nos. Quare si Deus vellet rigide observare omnia, omni momento irasceretur.

*Naim. Opus Dei.*

*Opus nostrum.*

*Deus jucundus etc.*

*Reliquia peccati in sanctis etc.*

Pertinet igitur hoc eo, ut Deus non velit offendi in eo, quod propter carnem in nobis de peccato reliquum manet, ne velit ideo vitam & remissionem peccatorum nobis adimere, sed ut potius Deus ipse jucundus ac suavis super nos, Nos vicissim super Deo jucundi & suaves maneamus. Hoc enim est ostendere Deum gloriosum, non in seipso, sed ut nobis jucundus, gloriosus & lætus sit. At tunc dicitur, Deus lætari super nos cum nos statuimus, Deum nobis non iratum, sed amicum & jucundum esse. Est autem hæc pernecessaria petitio, quia caro nostra est infirma, cor est pavidum, & conscientia tenerrima, Itaq; facili occasione conterremur. Deinde quia peccata & poenæ peccati quotidianæ sunt, satis est occasionum tristitiæ & infirmitatis fidei. Cum itaq; corda nostra tristantur, dicitur ipse Deus tritari, qui in hoc est mortuus, ut essemus justi, sancti & hilares. Huc itaq; pertinet petitio hæc, ut dicamus: O Domine, dedisti nobis Filium tuum, hoc donum nobis conserva, Sæpè labimur dicto, sæpè facto, sæpius cogitationibus, Hæc perturbant nobis gaudium hoc, sive igitur peccamus, sive negligentes & ingrati sumus, maneat Deus noster, Idq; sic, ut sis Naim, jucundus & suavis, hoc est, ut nos conservemur in gaudio & pace Spiritus sancti.

*Deum lætum super nos.*

*Caro nostra infirma.*

*Deum tritari.*

*Deus jucundus etc.*

Alteram particulam versus bis repetit, de confirmando opere manuum nostrarum, Fortè ideo, ut ostendat diversitatem Regni spiritualis & corporalis. Nam secundum eam etiam opera nostra distinguuntur. Alia enim sunt, quæ in Ecclesia

*Opera duplicia.*



*Opera Ecclesiastica.*

Ecclesia facimus, & alia quæ in domo vel œconomia vel politica. In Ecclesia facimus, quæ ad animam & spirituales vitam pertinent, In domo & œconomia ac politica, quæ pertinent ad vitam corporalem. Ideo videtur in priore particula dicere, Opus manuum nostrarum dirige (Alenu) super nos, ut significet id opus, quo gubernamur divinitus, & tamen etiam aliquid facimus docendo, consolando, arguendo, judicando, baptizando, communicando, &c. quæ opera sunt Ecclesiæ gubernandæ, & populi dirigendi in spiritualibus. Quanta autem hujus operis sit necessitas videmus, ne irruant Sectæ, pervertentes Sacramenta, & eorum usum, depravantes Verbum, &c. Hic profecto opus est, ut Deus hoc opus super nos gubernet ac dirigat, ubi nos quoque operamur aliquid, nec sumus mere passivi, sicut in primo opere Dei. Secundum hanc sententiam accipio quod dicit: Confirma opus manuum nostrarum super nos. q. d. Postquam sumus justificati, da ut doctrina maneat pura, Ne tempore Legis lex Moysi per Hypocritas evertatur, ne hodie Evangelium corrumpatur, & sic Deus & Spiritus sanctus in nobis habitans contristetur.

*Konen.*

Verbum (Konen) significat solidum facere, sicut Petrus loquitur, 1. Pet. 4. Deus perficiet & consolidabit vos. Sic David appellat Spiritum certum, firmum, qui nihil dubitet, & magno animo amplectatur Verbum, ut, sicut Petrus dicit: Qui lo-

*1. Pet. 4  
Psal. 51.*

*Certitudo de verbo & opere Dei.*

quitur, loquatur tanquam sermones Dei, Si quis ministrat, &c. Ne quod dubium in doctrina sit, ne animi ambigant de voluntate Dei erga se. Ut cum aliquis petit remissionem peccatorum, & audit promissionem Christi, ne dubitet, quin verè sicut verbum sonat, peccata ei remissa sint, ac judicet id non simpliciter hominis, sed Dei opus esse. Ad hunc modum in Ecclesia, quæ aguntur, certa esse debent, non sicut quis aërem verberat. Atque hoc vult propriè verbum hoc, quo hic usus est. Nos ferè vertimus, Confirmare. At sanè necessaria hæc est petitio, quia hoc opus Dei, quod per nostrum ministerium administratur, impugnatur foris per Diabolum, & intus per cor nostrum. Difficile igitur est retinere hanc fiduciam, quod Deus sit jucundus super nos, & de opere Dei nihil dubitare. Qui autem dubitat, neq; ad docendum, nec ad discendum aptus est, sed est inconstans in viis suis, & jam huc, jam illuc rapitur. Orat itaque Moyses non sine causa pro confirmatione seu consolidatione operum manuum nostrarum, ut sit certitudo tam in docentibus, quàm in recipientibus, ut maneat in Ecclesia illud solidum firmamentum, contra quod portæ inferorum nihil poterunt, & ut omnes certi sint de verbo & opere Dei.

*Opera politica, &c.*

Quod repetit: Et opus manuum nostrarum confirma, Accipio de opere politico & œconomico, ut Deus donet publicam pacem, ne fiat confusio, sicut Paulus monet. Orandum esse pro Regibus, ut tranquillam agamus vitam. Est autem pace opus, non tantum ad alendum corpus, sed etiam ad educationem, & ad docendas Ecclesias. Atque hujus rei causa potissimum constitutus est Magistratus politicus, ut ejus studio, opera & auxilio retineatur pax, ne aut per dissolutionem disciplinæ nulla possit esse educatio, aut per tumultus & bella Ecclesiæ non possint rectè doceri, sicut fit in bello. Nulla enim fides pietasq; viris, qui castra sequuntur, Et silent Leges inter arma. In summa, tota harmonia politice armis dissolvitur. Orandum itaque est cum Mose pro pace, ut dirigat Deus opera manuum nostrarum, quæ non sunt super nos, sed in manibus nostris. Hæc enim, quæ ad Politiam & Oeconomiam pertinent, sunt rationi subiecta, secundum sententiam, Dominamini piscibus maris, &c.

*Operationi subiecta.*

*Epilogus Psalmi.  
Pietas.  
Pax.*

Sic orat Moyses pro rebus in hac vita necessariis. Primum pro remissione peccatorum & vita æterna. Deinde, quia in hac vita non sumus ociosi, sed anima est confirmanda verbo Dei usque ad mortem, corpus autem in pace alendum, Orat, ut pietas rectè doceatur, & pax retineri possit. Hac cum habemus, vitam æternam in certa spe, deinde purum ministerium Ecclesiæ, & post tranquillam vitam seu pacem, tunc habemus omnia, ac vivimus in pace corporis & animæ, in fide quotidie crescimus, donec evolamus in cælum. Non autem hæc petitio tantum est, sed est etiam promissio, sicut alias de orationibus, à Spiritu sancto in sacris literis præscriptis, disputavimus.

*Habetis*



*Habetis hunc Psalmum, quantum dedit mihi Dominus, explicatum. Post hac Genesim explicabimus, dum Dominus vitam prorogaverit, ut sic tandem feliciter moriamur in verbo & opere Dei. Id quod faxit Deus & liberator noster Iesus Christus, Amen. Curabo, volente Deo, ut idem Psalmus, à piis, latine lingua imperitis, in sua vernacula legi possit. Continet enim doctrinam utilem, & necessariam, quam magnopere refert scire.*

*Promittit enarrationem Genesim.*

# ANNVS CHRISTI M. D. XLII.

## COMMENTARIVS IN MICHAM PROPHE TAM, COLLECTVS

ex prælectionibus Rever. Patris D. M. L. Per M. Vitum Theodorum, concionatorem Noribergensem.

ANNO M. D. XLII.

### P R Æ F A T I O.



Vm jam instaret vastatio duorum Regnorum Israël & Iuda, multi & insignes Prophetæ à Domino missi sunt, qui eam calamitatem prædicerent, & hortarentur populum ad poenitentiam, ut in ista miserabili clade populi futura saltem aliqui converterentur & servarentur. Vastatio Regni Israël incidit in annum Ichiskia sextum, Is enim nonus est Hoseæ, 2. Regum 17. Annis post circiter centum & quinquaginta Regnum Iuda per Babylonium eversum, Civitas vastata & templum incensum est. Has calamitates primus Amos prædixit, qui sub Vfia, patre Iotham, fuit. Eum secutus Hoseas, vixit sub Vfia, Iotham & Ahas, Esaias longiore tempore in ministerio fuit. Nam sub Ezechia quoque vixit. Sed Micha inter hos junior, Vfiæ tempore nondum fuit in ministerio. Horum Prophetarum planè eadem ratio in docendo est. Nam concionantur de vastando populo, & abolendo Regno corporali propter peccata, ut aliud novum & Spirituale per Christum instituatur.

*Argumentum quatuor prophetarum, Amos, Hosea, Esaias, & Michæa.*

Prior pars doctrinæ ad poenitentiam pertinet, posterior pertinet ad consolationem piorum, qui cum in eadem calamitate essent constituti, opus habebant illa spiritali consolatione de regno Christi, per quod in gratia se futuros credebant. Est enim Regnum remissionis peccatorum, justiciæ & vitæ æternæ. Atque hujus spiritalis regni causa, cum ambo regna, Iuda & Israël vastata, & populus inter gentes dissipatus esset, reliquiae servatae sunt, ut promissio de Christo maneret certa, & certus esset populus, ex quo nasceretur Christus. Hoc commune Argumentum quatuor dicti Prophetæ tractant, ut & populum vocent ad poenitentiam, & consolentur Pios, qui communium calamitatum erant socii.

*Regnum Christi.*

Atque hic rectè admonemur de consilio Dei, qui semper solet, cum maximæ mutationes & calamitosissima tempora imminet, per verbum prius admonere homines. Sic Noha centum & viginti annis ante diluvium concionatus est, ut emendarentur aliqui & salvarentur, Ante postremam vastationem Synagogæ, amplius XL. annis, Iohannes, Christus, Apostoli concionati sunt. Nec dubiū est, quin hanc lucem verbi, quam hodie habemus, certa calamitas secutura sit. Nam ad alia peccata accedit hoc quoque, quod verbum negligitur & contemnitur,

*Deus semper antequam magnas calamitates immitteret, verbo ad poenitentiam vocat.*

Eee

tur,

tur, ab iis, qui id audiunt & habent, Reliqui, qui non habent, ut sunt Pontifex, Episcopi, & multi furiosi Principes, summa cum crudelitate persequuntur Verbum, Hæc an putas Deum videre & tolerare posse longius? Cùm igitur Germania matura sit ad meritas pœnas sustinendas, Verbo admonemur, ut saltem aliqui emendati, aut liberentur imminentibus malis, aut habeant, quo se in publicis calamitatibus consolari possint.

*Iudæi comminationibus non credebant propter promissiones non satis intellectas.*

*Papistæ securi propter promissiones Ecclesiæ factas.*

*Ratio non intelligit quomodo Deus promissiones suas implet.*

*Papistæ multo et dementiores securi faciunt quasi non possent perire.*

Ac Iudæi ferè causam habuisse videri possunt, cur non crederent prædicationi Prophetarum. Extrabant enim promissiones de æterno Regno Davidis, Item, quòd non esset Sceptrum auferendum de tribu Iuda, donec veniret Messias. Contra has promissiones videbantur Prophetarum conciones pugnare. Itaque non deerant qui eos accusarent, tanquam essent mendaces spiritus, sicut Ieremiæ & aliorum exempla testantur. Ac inflati promissionibus non recte intellectis, securissimo animo veros Prophetas ridebant & contemnebant, sicut nunc Papistæ, quia somniant se esse Ecclesiam, promissionibus Ecclesiæ factis nituntur & securissime vivunt. Atqui Deus mirabili sapientia utrunq; fecit, ut & comminationes Prophetarum non essent irritæ, & tamen promissiones quoque implerentur. Abducebatur populus captivus, & tamen manebat Lucerna de domo David, captivus Iojachim, qui ab Evilmerodach ex carcere liberatus & regio loco habitus est. Deinde accidit ut reliquiæ populi restituerentur, per quas restaurata est Civitas & Templum.

Hunc modum, quo Deus promissiones suas implet, Ratio non intelligit. Putat enim Deum curare numerum, Et sicut ambitiosa est, putat Deum suæ gloriæ causa magnifice omnia gerere, Sed Deus numerum non curat, Imo ingentem multitudinem propter peccatum potius abjicit, ut paucis credentibus promissiones suas præstare possit. Ad hunc modum disputat S. Paulus, Deum non abieciisse populum suum. Nam inquit, Ego, quoque Israëlita sum ex semine Abraham. Egregia scilicet res, gloriari de se uno, & interim totum populum fateri abjectum & reprobatum. Sed hoc modo Deus agere solet, sicut Esaias quoque testatur: Si fuerit numerus filiorum Israël, ut arena maris, reliquiæ salvæ erunt. Hoc impia turba Iudæorum non norat, Ideo securi contemnebant minas Prophetarum, & putabant Deum tantum numerum non abiecturum esse.

Papistæ nullam similem promissionem habent, & tamen gloriantur, Deum Ecclesiæ non defuturum esse. Id quidem verum est, Sed quo modo probabunt se esse Ecclesiam? Num quia in suprema dignitate constituti sunt? Num quia major multitudo ab ipsis stat? At nec dignitatem, nec numerum curat Deus, sicut testatur Iudæorum historia. Quare debebant securitatem hanc exuere, & humiliari coram Deo, ut qui Ecclesiam suam possit servare, etiamsi nullus Pontifex, nullus Episcopus esset. Sicut extincto ferè toto regno Iuda, & quicquid in populo eximium fuit, tamen servavit stirpem, ex qua Christus natus est, tanquam auriculam agni creptam ex lupi faucibus, sicut Propheta loquitur. Solet enim Deus sic mirabiliter agere, ut impii confundantur, excæcentur & pereant.

Atque hæc quoque est causa, cur Propheta sic involverint nonnunquam futura, ut videantur sibi esse contrarii. Sicut insignis locus est de Zidekia rege, de eo dicit Ieremias: Os ejus loquetur cum ore illius, & oculi ejus oculos illius videbunt, Ezechiel autem cap. 12. dicit: Quod facies ejus operietur & non videbit terram illius. Hujusmodi contradictiones pulchrè observaverunt impii, & eas tanquã certa argumenta mendacii objecerunt Prophetis, Et tamen verum est quod Ezechiel dixit. Nam cùm Zidekiæ oculi essent effossi, terram Babylonis non potuit videre, & tamen vidit oculos Regis. Offenderunt hæc impios, ut Prophetas suspicarentur mentitos esse. Sed sic Deus præsumptionem solet punire cæcitate. Hæc paucis de Argumento hujus Prophetæ.

CAPUT I.

*Verbum Domini quod factum est ad Micham Morasthiten, in diebus Iotham, Abas & Iehiskia regum Iuda, quod vidit super Samariam & Ierusalem.*

**N**ota phrasis est in vocabulo (dabar) Rectè quidem redditur Verbum, sed Ebræis verbum plus significat quam nobis. Significat enim totum negocium de quo agitur aut dicitur, sicut nos ferè utimur vocabulo rei. Meminit autem in Titulo tantum Regum Iuda, cum tamen etiam de Vastatione concionetur regni Israël, Fortasse ideo, quia in Regno Iuda tantum prophetavit. Amos & Hoseas etiam faciunt mentionem Regum Israël. Morasthites vocatur Propheta à patria Maresa civitate Iuda, Sicut patet ex Iosua 15. 1. Paralip. 16.

Meminit autem trium Regum, Iotham imperavit annis 16. Totidem imperavit etiam Ahaz filius, Iehiskia imperavit annis 29. Hæc supputatio ostendit, quòd non solum longo tempore in ministerio Micha vixerit, sed etiam quòd non uno sermone nec etiam anno uno Prophetiam istam absolverit. Sicut igitur suprà Prophetam Amos & reliquos in certas Conciones divisimus, Ita Micha quoque in plures conciones est dividendus. Atque hæc quoque causa est, cur Lucas Prophetiā Iesaiæ vocet librum sermonum. Ostendit enim, non sicut nobis apparet, uno tempore & sermone, ista omnia tractata & absoluta esse, sed diversis temporibus. Pertinent autem hæc eo, ut æquo animo feramus contemptum verbi & persecutionem, quam hodie sentimus passim. Siquidem eandem calamitatem, indefesso studio & animo, sancti Prophetæ pluribus annis in pervicaci & duro populo pertulerunt, nec ideo discesserunt à vocatione, sicut nos, cum animi indignitate moventur & franguntur, sæpè de deserendo ministerio & sectando ocio cogitamus.

Quòd autem addit, Verbum Domini esse factum contra Samariam & Ierusalem, Primum in eo sibi magnam invidiam & odium conciliat, quod Ierusalem cum Samaria conjungit, cum tamen Hierosolymis esset verus cultus & verum ministerium, in Samaria autem neutrum esset, sed idolatria & impia doctrina omnia essent plena. Sicut nobis indignum videretur, si quis dicat, Eos, qui Evangelium profitentur, in eadem damnatione apud DEUM esse cum Papistis, & easdem poenas ac iudicium idem subituros esse. Indigna viderentur, & tamen verum est, Deum ex æquo odisse peccata, sive à nobis, sive ab adversariis admittantur. Imo servus qui voluntatem Dei scit, & eam non facit, magis vapulabit, sicut Christus in Evangelio ostendit. Sed Prophetam nihil movet iudicium populi, liberè dicit quod res est, nec movetur periculo suo. Ideo seniores populi Ieremiam liberaturi ab injusta morte, hoc exemplo Michæ contra furiosos sacerdotes, qui Ieremiam occisum volebant, utuntur. Ac prædicant regis Iehiskia pietatem, qui Prophetam servaverit tanto animo vaticinantem contra Ierusalem. Satis autem ostendit Ieremiæ locus, si absque bono Rege fuisset, pereundum Michæ fuisse, propter hæc vaticinia contra Civitatem sanctam Ierusalem.

*Audite populi omnes, ausculta terra & quicquid in ea est, & sit Dominus Dominus in testem contra vos, Dominus de templo sancto suo.*

Est exordium convenientissimum Argumento. Quia enim tam horribilem vastationem certo videt imminere, magno spiritu, magnaque vehementia homines, quasi sopitos in peccatis suis, conatur excitare ad suscipiendam curam emendandæ vitæ & avertendæ poenæ. Hoc enim primum est, quod Prophetæ solent agere, Et voluit Christus etiam in novo Testamento hunc in docendo ordinem servari,

*Micha longo tempore in ministerio fuit.*

*Contemptum verbi.*

*Regnum Samaria & Ierusalem coniunguntur in parva.*

*Propheta vult excitare ad poenitentiam.*



ut primo traderetur doctrina Poenitentiae, quae deducit hominem ad agnitionem peccati, ut non solum confiteamur nos esse peccatores, sed etiam incipiamus Peccatum verè odisse propter magnitudinem irae Dei, quam in nos derivat. Simili exordio quoque Esaias utitur. Videntur autem ambo imitati Moysen Deutero. 32. Et si enim uni populo Iudaico concionantur Prophetae, tamen tanta verbi majestas est, ut quicquid in tota creatura est, merito verbum revereatur. Et pertinet hoc exemplum ad nos omnes, ut discamus Deum timere & desinamus peccare, siquidem tam duri- ter peccatum in suo populo punivit.

Quod addit, Dominus DOMINUS sit contra vos in Testem, Simile est illi, quod in Apostolorum literis videmus, ubi se profitentur Servos Iesu Christi, per voluntatem Dei. Nam Micha non vult doctrinam suam accipi, tanquam suam, sed tanquam Dei. Ideo dicit se Dominum DOMINUM adhibere in Testem, quod nihil propria voluntate, sed omnia Deo revelante & iubente dicat, Vt sit sententia, Audite me vos populi. Nam cum me audietis, ipsum audietis Dominum, Hunc tanquam testem Prophetiae meae profecto non sine summo vestro periculo abjicietis. Sic Moyses in oratione sua propter reverentiam verbi se vocat virum Dei, hoc est, à Deo jussum & missum, ut voluntatem Dei per Legem revelaret.

Sed quid vult sibi repetitio cum mentione loci, DOMINUS de Templo sancto suo? Hoc non solum ideo addit, ut verum DEUM, certa & vera nota describat, nempe qui verbo suo promiserat, se habitare velle in Templo in Ierusalem, sed etiam ut notet impiam praesumptionem. Nam regnum Iuda retinebat verum cultum in legitimo loco. Cum autem Propheta Ierusalem cum Samaria conjunxisset, & similem esset minatus poenam, qui in regno Iuda erant, se longè regno Israël putabant sanctiores. Nam regnum Israël manifestam idolatriam sequebatur. Huic praesumptioni occurrit hac repetitione Propheta, q. d. Praesumitis vos de cultu & Sacrificiis vestris, jactatis Templum, jactatis templi habitatorem DOMINUM, sed ille ipse DOMINUS de habitatione sua testabitur contra vos. Et si enim habetis legitima Sacrificia legitimo in loco, tamen non praestatis vero modo. In eo enim erat fidendum, quod Dominus misericors est, At vos fiditis in Templo & sacrificiis vestris. Huic misericordiae & benigno Domino debebatis ex animo parere, & facere mandata ejus, At ea negligitis & vivitis in vestris viis, sicut Esaias dicit, Cupiditatibus vestris laxatis fræna, & sine timore Dei facitis quicquid libet. Hoc testimonium impietatis vestrae ipse Dominus contra vos fert de templo suo, de quo valde superbitis. Sed sicut locus verè sanctus est, propter sanctum habitatorem, ita per vos, quia prophani estis, prophanatur.

Ad hunc modum judico Prophetam hic obscure taxare fiduciam, quam in templo, & cultibus suis verius quam in DEO habebant positam Iudaei. Potest tamen etiam eo referri, quod sicut postea ostendemus, Templum sub Ahaz clausum, & omnes anguli pleni excelsis fuere, q. d. Templum deseritis, quod Dominus destinavit ad cultum suum, sed non patietur se contemni, ex ipso Templo contra vos aget.

*Quoniam ecce Dominus egredietur de loco suo, & descendet ac calcabit  
Excelsa terrae.*

Hic incipit comminari futuram calamitatem seu vastitatem potius, q. d. Nolite esse securi, Fingitis quidem Deum vobis esse propitium, aut saltem non videre nec punire velle peccata vestra, putatis eum ociosum stertere, &c. non animadvertere transgressiones vestras. Profecto jam commovet se, ut egrediatur & visitet vos, veniens veniet, ac descendet, hoc est, effectu ostendet se esse praesentem & irasci impietati vestrae, ut eam puniat per Assyrium & Babylonium. Utitur autem Scriptura similitudine hac egressionis & descensionis, ut ostendat Deum, etsi ad vindicandum tardus est, tamen certo vindicaturum esse quicquid est impietatis & scelerum. Sicut Poetae quoque finxerunt Deos laneis pedibus ingredi, cum supplicia irrogare volunt. Nam impii non sentientes obruuntur ira Dei, sicut experientia etiam gentes docuit.

Vox

Vox Ebræa (Bamoth) quam Latinus excelsa vertit, frequenter solet accipi pro altaribus seu aris, quas nos quoque latina consuetudine altaria vocamus, ab altitudine, seu quòd in editiore loco sint erecta super terram, In genere tamen significat quicquid est excelsum seu eminent. Itaque in hoc loco puto generaliter accipi, Dominus calcabit super excelsa terræ, id est, quæ apud vos sublimia sunt, quæque præ aliis eminent, nempe Reges, Principes, Sacerdotes, cultum, deniq; & ipsum Templum, conculcabit Dominus, & in nihilum rediget. Itaq; hæc hujus totius Prophetiæ quasi Propositio & summa est, quam postea variè explicabit.

Bamoth.  
Excelsa.  
Altaria.

*Et liquefient montes sub eo, & valles scindentur, sicut cera à vicino igni,  
Sicut aquæ, quæ per præcipitium feruntur.*

Synecdoche est, usurpat enim continens pro contento. Nam appellati-  
one montium & vallium complectitur totum populum, quod omnia vastabun-  
tur, quæ vel in montibus, vel vallibus sunt posita. Alludit enim ad situm terræ  
sanctæ, quæ plena est montibus & vallibus, ut significet extremam vastitatem, ne  
quid usquam pleretur reliquum fore, à quo hostis manum abstineat. Similitudi-  
nes, quibus Propheta utitur, eo pertinent, ut ostendat iram hanc Domini nulla  
ratione cohiberi aut impediri posse. Quid enim est, quod ceram salvare possit ad-  
iuncto igni, ne lique scat? Quid potest cohibere impetum fluminis, per præcipi-  
tia loca labentis? Eadem ratio, inquit, erit pœnæ, magno impetu grassantis in  
vos. Dominus est ignis, vos estis molliores quavis cera. Dominus est flumen ma-  
gno impetu ruens, Vos estis, ceu frutices ægrè hærentes in præcipiti seu declivi  
loco. Sine negotio igitur abripiemini ad pœnam, & peribitis.

Montes &  
vallis.

Cera ad ignem,  
Flumen per  
præcipitia lan-  
dens.

Horribilia hæc sunt, & quæ merito debebant nos revocare in viam, ne-  
dum sine timore Dei, cum magno scandalo fratrum, in peccatis pergimus, exar-  
descat ira ejus, & pereamus è vestigio, sicut Psalmo 2. eadem similitudine minatur.

*Propter peccatum Iacob totum hoc fiet, & propter errata domus Israel.  
Quod vero est peccatum Iacob, an non Samaria? Et quæ sunt excelsa,  
Iuda? An non Ierusalem?*

Pœnam prædixi, & etiam causam calamitatum istarum ostendit. Atq;  
hic cernitur in Propheta singularis magnitudo animi, & insignis *παρρησία*, quod  
eos homines impietatis arguit, quibus totus mundus videbatur nihil habere san-  
ctius. Et profecto nostros Monachos & hypocritas, cum Iudæis nulla in parte pos-  
sumus conferre. Iudæi enim versabantur in cultibus à Deo institutis & mandatis,  
Sed Monachorum religio nihil est quàm *ἰδελοθεοκρατία*, sicut S. Paulus appellat,  
hoc est, cultus, quos ipsi sibi sine verbo, sine mandato Dei, ex proprio arbitrio de-  
legerunt, de quibus nunquam possunt esse certi, quod Deo placeant & proben-  
tur. Hos cultus tam ridiculos, & verbo seu mandato Dei non suffultos, cum no-  
stri tam ægrè patiantur reprehendi, quo animo putabimus hanc Prophetæ conci-  
onem ab hominibus in speciem sanctis, & sua justitia nitentibus, acceptam esse?  
Ac præsertim domus Iuda potuit ei objicere, Templum, Sacerdotes, & legitima  
sacra in loco à Deo constituto, Sed Propheta in genere pronunciat, Propter pec-  
catum Iacob, & errata Israël (hoc est, ejus populi, qui jactabat Israël seu Iacob pa-  
trem, à quo originem ducerent) istas calamitates obvenire. Ad hanc concionem  
tam liberè vulgandam opus fuit animo magno, & contemptore omnium peri-  
culorum, quæ ab impiis justiciariis imminebant.

Papæ non ma-  
rentur conferri  
cum Iudæis.

Porrò sententia hæc pertinet ad doctrinam de poenitentia, & utile est eam  
probè considerari, propter miram securitatem animorum, quam in nobis & aliis  
hominibus omnibus deprehendimus. Ea etsi propria naturæ nostræ est, sic per  
peccatum depravata, tamen accenditur & augetur per Satanam. Cain cum de  
fratre occidendo cogitat, neutiquam cogitat Deum inspecturum, & ulturum eam-  
dem tam indignam. David accensus amore, neutiquam prævidet animo illam

Securitas facta,  
ut non creda-  
mus Deum per  
cata punire vol-  
le.

David.

perle desperationem, quam sensit cum admoneretur à Propheta Nathan, Quanto minus tum cogitare potuit de horribili seditione post per filiū excitata, de violatis ab eo Concubinīs, de cædibus quarum seditio occasio fuit? Quæ omnia Scriptura ostendit, peccati illius pœnas fuisse. Nam Satan animum occupatum cogitationibus peccati sic tenet irretitum, ut nihil prævidere, nusquam circumspicere possit.

Necessaria itaque est hæc Concio, quæ nos admoneat, Deum simpliciter peccata velle punire, nec velle aut ad ea connivere, aut leviter ea punire, sed iram ejus immensam esse, ut hoc modo admoniti, vivamus in timore Dei, & Deum serio precemur, ne nos in tentationem inducat, sed gubernet ad sui Nominis gloriam, & à malo liberet.

Quod autem Propheta subjicit interrogationem in persona populi, Quod est peccatum Jacob? & postea respondet, An non est Samaria? Hoc ideo facit, ut ostendat impios cultus, Idolatriam, fiduciam operum mordicus ab hypocritis retentam & defensam esse, q. d. Nemo potest vos ad confessionem peccati adigere, etiam gloriamini in transgressionibus vestris, tanquam in justitia, Vt igitur sciatis, quid Dominus reprehendat, & cur tantas calamitates vobis minetur, Regnum Israël peccat in Samaria, quod ibi sacrificat & cultus instituit contra mandatum Dei, Regnum Iuda autem peccat in Ierusalem eo ipso, quod putat se Deum colere & deinereri.

*Consilium Hieroboam.*

Porro suprà dixi habuisse Prophetas manifestam causam, cur cultus in regno Samariæ seu Israël institutos damnaverint. Quia enim Deus Ierusalem delegerat, in qua sacra fierent in Templo, divinitus jussu ædificari, Idolatria fuit, quod Hieroboam instituit loca cultuum in regno Israël. Fecit enim id sine verbis, imo contra verbum Dei. Atq; hinc egregie pingitur stulticia & error sapientiæ humanæ. Putabat Hieroboam, si peculiares cultus in suo Regno institueret & prohiberet, ne subditi Hierosolymis sacra annua facerent, se pulchre stabiliturum regnum suum, & fracturum vires regni Iuda. Sed diversum accidit. Nam hoc ipso consilio per idolatriam evertit regnum, ut vastaretur à gentibus. Non dissimile est, quod hodie plerisque Principibus & Regibus accidit. Adorant meretricem Romanam, & impios cultus fovēt ac defendunt, cavent ne quid vel in doctrina vel ceremoniis mutetur, atq; hoc modo putant se in tuto fore & sua salvari posse, Sed hac ipsa ratione se & sua evertent. Neq; enim Deus contemptum verbi sui & Idolatriam perpetuo patietur impunem esse.

*Quomodo regnum Israel exasperavit idolatriam.*

Etsi igitur regnum Israel mordicus retinebat cultus suos, & dicebat se non idola, sed verum Deum colere, nec tanti esse loci rationem, Deum cor respicere, non locum, non Personas, Perinde itaq; esse, siue in Ierusalem, siue aliis in locis Deo sacra facias, nec majores uno in loco sacrificasse, Hierosolymam gentium fuisse oppidum, quomodo igitur præstaret aliis locis? Hæc & similia etsi à Pseudoprophetis, ad defensionem idolatriæ, contra Prophetas dicta sunt, tamen idolatriam non potuerunt negare. Neque enim nobis permissum est instituere cultus divinos. Et si quid instituimus propria voluntate, quomodo possunt animi certi esse, quod Deo placeat? Cum itaque non solum locus, non personæ solum, sed tota ratio cultus à Deo præscripta esset, sine negotio potuerunt Prophetæ regnum Israël convincere de idolatria. Non enim quid facias, sed quomodo facias refert, cum de cultu Dei agitur. Offerebant in regno Israël statim horis & diebus, tauros, oves, oblationes, sicut usus erat in regno Iuda & Ierusalem. Etsi igitur quod ad ipsum opus attinget, nulla erat differentia, tamen in eo differentia erat, quod Deus jusserat alio in loco hoc opus fieri, & per alias personas.

*Idolatria est, ubi non omnia sunt ad præscriptum verbi. Idolatria.*

Itaq; cum sacrificiis regni Israël conjuncta erat negligentia mandati Dei, & inobedientia erga verbum. Deus autem, sicut apud Samuelem est, potius vult obedientiam erga verbum suum, quam victimas & adipem arietum. Si quis autem non obediat voci Dei, hunc dicit idolatram esse, etiamsi jactet summos & difficilimos cultus Dei. Sicut idolatrarum proprium est, non deligere levia in speciem, sed quæ ardua & difficilima sunt.

Idco



Ideo quoq; Monachi nostri, Satanae mancipia fugiunt usitata illa, rationem administrandae Oeconomiae, Conjugium, & reliqua ad civilem vitam necessaria officia, non utuntur usitato vestitu, non cibis usitatis, sed ea deligunt, quae propter raritatem plus admirationis habent. Sicut Sacerdotes Baal vulnerabant cutem & sanguinem fundebant, Ipsi Reges in populo Dei, ad exemplum Abrahamae, mactabant & concremabant liberos suos. Sed cum Deus ante omnia postulet, ut obediatur voci suae, manifestum est, ubi haec obedientia non est, ibi esse idolatriam.

*Monachi fugiunt usitata officia, &c.*

*Sacerdotes Baal.*

Sed inquires, non eadem ratio fuit regni Iuda? Hi enim retinebant usitatos cultus in loco divinitus designato, & per Personas divinitus ordinatas. Cur igitur Propheta dicit, Excelsa Iuda, esse ipsam Ierusalem? quae ob hoc totius regni corona fuit, quod ad cultum Dei ab ipso Deo constituta fuit. Hic primum debemus meminisse tituli. Dixit enim Propheta se vixisse & concionatum esse sub Ahaz filio Iotham, Ostendunt autem Historiae regem Ahaz, discessisse à via patris, & secutum viam regni Israel. Nam & imagines Baalim sibi curavit fieri, & eas adoravit, & in valle Hinnom immolavit filium, denique in excelsis omnibus sacrificavit. Hanc idolatriam cum Deus varie puniret per Regem Assyriae, per Regem Israel, per Edomitas, Tamen non solum non est melior factus, sed addidit graviora peccata, Templum destinatum à Deo divinis cultibus clausit, & in omnibus angulis Ierusalem erexit aras, in quibus iussit sacra fieri alienis diis, In reliquis quoque civitatibus Iuda iussit excelsa erigi, & alienis diis sacra fieri. Recte igitur secundum literam hoc modo exponuntur excelsa Iuda, ipsa Ierusalem, in qua impius Rex omnis generis impietates & idolatrias instituit, unde Exemplum postea in totum regnum emanavit.

*Excelsa Iuda Ierusalem.*

Sed invenias alibi etiam ipsos cultus, legitimo modo in ipso templo per legitimas Personas facto, reprehendi, Sicut Psal. 50. Esaia 1. ubi Deus simpliciter de ipsis sacrificiis pronunciat, se ea neque amare neque exigere, etsi non sint facta in alieno loco, nec per illegitimas Personas, sicut in regno Israel. Satis autem cum hoc modo reprehenduntur sacra, ipsi Prophetae ostendunt quod in eis vitiosum sit. Esaia queritur, quod illi, qui plurimum sacrificabant, vivant in manifestis flagitiis, dum per avaritiam opprimunt pauperes, Ius non sancte dicunt, negligunt pupillos & viduas. Sicut Psal. 50. quoque conqueritur, Odisse eos disciplinam, projicere sermonem Domini retrorsum, Currere eos cum Furibus, hoc est, in contractibus defraudare alios, & adulteria sectari, &c. Haec qui faciunt & postea per sacrificia se commendari putant, an non merito reprehenduntur?

*Legitima sacrificia non placent, cum fiant ab impiis & prophanis.*

Quare Dominus 6. Cap. apud Hoseam quoque dicit, se malle misericordiam, quam sacrificium. Et repetitur haec sententia aptissime à Christo contra iusticiarios & Phariseos, qui minimo loco habebant summa dilectionis opera, praestantibus suis. Igitur sacra per se bona & sancta vitiantur à prophanis hominibus, qui ea praestant, non solum sine fide, sed etiam cum mala conscientia, sine timore Dei, & ex corde non solum non poenitente, sed etiam quærente & sperante per talia opera iusticiam.

Secundo, sunt talia sacrificia etiam ideo vitiosa, quia confunditur ordo, quem ipse Deus voluit esse in cultibus. Nam alii cultus sunt exteriores, sicut sunt sacrificia & Ceremoniae divinitus institutae, item omnia bona opera divinitus mandata, Alii sunt spirituales, qui pertinent ad primam Tabulam, sicut sunt fides, timor Dei, invocatio, spes, gratiarum actio, confessio, &c. Placent autem Deo etiam exteriores cultus, quia sunt obedientia erga Verbum, si sint conjuncti cum interioribus. At Hypocritae veris cultibus neglectis, qui in corde sunt, tantum imitantur externos, & de iis praesumunt tanquam sint per se iusticia, etiam si corda sint vacua fide & timore Dei, etiam si in periculis non invocent Deum, sed quærant alia praesidia. Sicut Ahaz relicto vero Deo & cultibus ejus, se conferebat ad cultum deorum Damasci, quia videbat Syrum meliore fortuna uti. Hanc perversitatem reprehendunt Prophetae & hortantur Hypocritas, si velint Deo probari sua opera, ut Deum verè timeant, ejus Verbum sequantur, in Deo spem omnem habeant positam. At haec si negligant, frustra esse quicquid faciant & tentent, Deum enim non placari, sed irritari magis.

*Ordo cultuum.*

*Cultus exterior placent propter interius.*

Cultus Papista-  
rum sine verbo.

Ad hunc modum concionatur Deus in Psalmo 50. Nunquid manducabo carnes taurorum, aut sanguinem hircorum potabo? Immola Deo sacrificium laudis, & redde Altissimo vota tua. Invoca me in die tribulationis, & eruam te, & honorificabis me, Q. d. Pervertitis ordinem & sinistre omnia agitis. Sic urgetis sacrificia, quasi iis valde opus habeam, Hoc potius præstandum erat, ut me agnosceretis Deum vestrum, in me haberetis positas spes vestras, & invocaretis me, ita fieret ut etiam externi cultus, tanquam obedientia, mihi probarentur, Sed cum illa omittitis ac negligitis, quomodo hæc placere mihi possunt? Taceo quod additis peccata illa, impiam doctrinam, impias de Deo opiniones, idolatriam & spirituales fornicationem, Deinde etiam sceleratam vitam, ac plenam omnis generis peccatis.

Ad hunc modum nos quoque reprehendimus in adversariis cultus, quos ipsi sine verbo Dei instituerunt & tanquam justicias adorant. Vbi enim vota, ubi coelibatus, ubi Missæ pro vivis & mortuis, ubi cultus Sanctorum, ubi intercessionem & merita Sanctorum, ubi peregrinationes, Monachatus, & similes nugacissimæ nugæ, imo nocentissimæ pestes, verbo Dei institutæ, traditæ, aut mandatæ sunt? Si autem sunt sine verbo, ubi quæso est obedientia, quam Deus magis vult, quam victimas? Taceo jam, quod hæc contra verbum defendunt impii, & Verbum, defendendæ idolatriæ suæ causâ, crudelissime persequuntur. Si enim cultus Dei vis jactare, ostende verbum Dei, non cogitationes tuas & idolum cordis tui. Verbum autem si non habes, fuge tanquam extremam impietatem, quicquid pro cultu Dei obtruditur.

Fiducia meriti  
vitiat etiam ve-  
ra bona opera.

Secundo, reprehendimus quoque fiduciam, quam ponunt in opera per se bona, hoc est, divinitus mandata, qualia sunt dilectionis opera, per se bona quidem, sed tamen quæ vitiantur addita fiducia in ea, Sicut vitiabantur Iudæorum sacrificia, quamquam divinitus instituta & mandata essent. Placent quidem bona opera in iis, qui habent remissionem peccatorum per fidem in Christum, & habent suam remunerationem, Sed si cor in ea fidat, & putet se per ea habere Deum propitium, tunc vitiantur & Deo placere non possunt. Nam fiducia non debetur nostris, aut aliorum operibus, sed debetur soli misericordiæ Dei, ac meritis seu operibus filij Dei. Non sunt opera nostra opponenda gratiæ Dei, sed præstanda sunt, tanquam obedientia, quam Deo tam propitio & misericordi debemus, cum hac confessione, quod cum omnia fecimus, quæ possumus, tamen sumus servi inutiles. Luc. 17.

*Et ponam Samariam sicut acervum lapidum in campo, ubi plantatur vinea, & precipitabo lapides ejus in vallem, & funditus eam evertam.*

Vitæ cultus.

Samaria.

Samaria.

Hieroboam primus Rex Israel, sicut supra dixi, fecit vitulos aureos in Dan & Bethel, ut haberet suum peculiarem cultum in regno suo, differentem à cultu, quem Dominus Hierosolymis instituerat, propter causas, quas supra ostendi. In hac idolatria, cum totum regnum Israel annis quadraginta octo esset versatum, per Amri regem, emptus est mons Semron, & in eo ædificata est civitas Samaria, Cujus auspiciis ut essent augustiora, nova istic quoque idolatria cœpta est præter eam, quam instituerat Hieroboam, quæ postea maxima incrementa sumpsit. Siquidem Samaria sedes Regum perpetua posthac fuit, Et Ahab filius Amri ibi instituit cultum Baal, Ideo Propheta, cum caput peccatorum ostendere volunt, Samariam fere nominare solent. Ac alicubi totum Regnum hoc nomine significant, Sed hic proprie de Civitate agit Propheta, quæ cum munitissima & opibus instructissima esset, & tamen, sicut Propheta hic minatur, data erat supplicium pro peccatis, facile judicium est, eadem calamitate etiam involvendas esse reliquas Civitates.

Vritur autem hic quoque Propheta insigni similitudine, qua futuram vastitatem graphice depingit. Florens Regnum seu Civitas recte comparatur culto agro, seu horto, ubi non solum singularis amœnitas, sed etiam læta omnis generis frugum ubertas est, quam ordo quoque commendare solet. Ingrata enim est confusio, ubi non singula suis certis locis disposita sunt. Ad hanc Similitudinem respicit Prophe-  
ta, &

ta, & minatur futurum, ut alia Samariæ sit facies, nempe talis, qualis est acervi lapidum, qui, cum vineta conferunt studiosi agricolæ, colliguntur ex vinea in unum locum. Quomodo autem, inquires, hoc fiet? Sie, ut lapides ejus, hoc est, magnifica ædificia & basilicas Hostes disjiciant, & funditus evertant. Hanc puto propriam esse sententiam. Quidam quod de plantatione vineæ dicit, ita exponunt, Quod sit redigenda in vastum agrum, in quo vineas postea plantent agricolæ.

*Et omnia sculpsilia ejus conterentur, & omnia donaria ejus comburentur igni, Omnia denique idola ejus perdam. Quoniam de mercede meretricis ea collegit, & in mercedem meretricis redibunt.*

Quid, inquis, magni est, minari sculpsilium & idolorum perditionem? Quis optaret ista salva, abductis hominibus & vastato regno? Num del. Tat Deum scire in ligna & lapides, quæ sunt Dei creaturæ, nec possunt peccare, etsi ab hominibus ad impietatem & scandalum transferri possunt? Sed pertinet hæc quoque comminatio, sicut reliqua, ad poenitentiae concionem, ut homines abjiciant fiduciam istam, quam in mortua ligna ac lapides, & in cultus à se confictos, positam habebant, Siquidem certum erat, ut fierent præda hostibus, nec ipsa se possent liberare ab igni & hostili vi.

Quod ad Grammaticam attinet (Pesel) vocantur idola sculpta (Athnan) ver-  
timus donaria. Sed est idem vocabulum, quod postea mercedem vertimus, significat  
autem hic quæstum meretricium, hoc est, quem ex idolatria capiebant impii Sacer-  
dotes. Sicut nos vidimus in iis locis, ubi certa idola colebantur, magnam donario-  
rum seu anathematum multitudinem quotidie oblatam, Qualia fuere Mariæ idola  
Aquisgrani, Regensburgi, in Grimmental, & infinita alia per totum Papæ regnum, ex  
quibus amplissimos redditus compararunt idolorum mancipia, confictis ad id men-  
dacibus miraculis (Ezeb) idola vertimus, nam scriptura sæpe ea sic appellat, à verbo  
(Azab) quod proprie significat affligi, Non ideo solum, quod impietatem semper  
certæ calamitates sequuntur, sicut omnia omnium seculorum exempla testantur,  
Sed etiam quod nihil laboriosius & molestius est, quam idolatrarum vita. Sicut ex-  
emplo sunt Monachi nostri, quibus quotidie novus aliquis cultus nascebatur, quibus  
quotidie novos labores imponebat in infinitum patens superstitio.

Porro hic locus unus est ex eorum numero, qui hodie *ἱεροποιεῖς* occasionem  
dedit, ut omnes imagines sine discrimine ex templis ejicerent. Neque hic novus in  
Ecclesia tumultus est, Nicæna Synodus secunda annis retro plus mille & centum, sub  
Constantio & Irene matre ejus, hanc ob unam causam coacta est, & decretum ma-  
gno consensu est contra eos, qui statuebant nullum in templis imaginum usum esse.  
Non igitur absurdum fuerit paucis ostendere, quid de hoc negotio recte possit con-  
stitui. Verum est quod Moses & Prophetæ magno studio ubique prohibent & da-  
mnant imagines, Sed ineptum est, id in genere intelligere de omnibus imaginibus.  
Nam & Iudæi imaginibus etiam in templo sunt usi, sicut ostendit ædificium Salomo-  
nis. Et quis dubitet in Regum & principum domibus non fuisse aliquas pictas tabu-  
las? Pictura enim, quia res repræsentat, nunquam inter prohibitas, aut illicitas artes  
habita est. Sicut igitur sine peccato recitatur Historia de Salomone, sapienter judi-  
cante inter duas meretrices, Ita profecto sine peccato eadem Historia pingitur. Ne-  
que ego unquam Iudæos tam barbaros fuisse judicavi, quin etiam in publicis locis,  
& non tantum inter privatos parietes hæc monumenta rerum præclare gestarum  
habuerint picta, Sicut in iis describendis per quam diligentes fuerunt.

Non solum igitur barbariem, sed insignem quoque inscitiam judicaverimus,  
quod in multis locis, etiam Christi & Apostolorum imagines, sine discrimine, ex  
templis ejectæ sunt. Quis enim non videt, quod sicut sine peccato piæ Historiæ,  
etiam cum fructu auditorum recitantur, ad hunc modum propter rudes etiam  
pingi tales Historiæ & sculpi possint, non solum in privatis ædibus, sed in publicis  
locis. Ut sicut olim decreta rerum publicarum in publico loco proponebantur,  
Ita ru-

*Pesel.  
Athnan.*

*Ezeb.  
Azab.  
Idolatræ,  
vita.*

*Ab omnes ima-  
gines tollenda?  
Nicæna Synodus  
secunda.*

*Iudæi non in  
genere prohibi-  
ta omnes ima-  
gines.*

*Imagines piæ  
sunt esse usæ.*



Ita rudes ubique admoneantur salutis suae, beneficiorum Dei, poenarum, quae peccatoribus infliguntur sunt, & si quae alia ad aedificationem sunt utilia.

*Imagines prohibita, quae adorantur.*

Sed inquires, Si tanta picturarum & imaginum utilitas est, cur tanto studio à Mose & Prophetis prohibentur & damnantur? Respondeo, Moses & Prophetae loquuntur de imaginibus ad eum finem conditis, ut adorarentur, & per illam adorationem Deus crederetur coli. Sicut manifestum testimonium est in secundo praecepto, Non adorabis neque coles ea, Quia ego sum Deus tuus. Sic in Deuteronomio dicit Mose, Dominus locutus est vobis, Vocem ejus audivistis, similitudinem vidistis nullam, Ne faceretis vobis imaginem, quam adoraretis. Ergo vitium omne est in adoratione & cultu, qui non ligno, non lapidi, non auro, non argento, sed ipsi Deo conditori debetur. Adoratio igitur si absit, potest imaginum, sicut literarum, usus esse, quae admonent nos rerum, & res quasi representant. Evangelia exponunt Historiam Christi, Lex & Prophetae voluntatem Dei nobis exponunt, Sed quis ideo chartas exoseculatur? Quis eas adorat? Quis putat Deum coli, si coram sanctis Bibliis procumbat? Alius earum est usus, ut legantur, ut edoccamur de voluntate Dei, & faciamus eam.

*Mendaces imagines impaciter tollenda.*

Hic igitur nascitur alia imaginum differentia. Quaedam enim mendaces & scandalosae sunt, Sicut Barbarae, Margarethae, Georgij, Christophori, Catharinae, &c. Hae quia mendaces sunt (Nam quos referunt, nunquam in natura fuerunt) abjiciendae sunt. Sunt enim tantum ad idolatriam confectae. Sicut igitur mendaces libri abjiciuntur, quod etiam si diu eos legas, nihil nisi mendacia legas. Ita quoque harum imaginum plane nullus est usus. Non autem satis est admonere, quod sint mendaces, sed propter scandalum penitus tollendae sunt. In quem usum enim asservantur? Quin potius sicut nemo domi suae scandalosas picturas ferre debet, Ita maxime ex publicis Ecclesiis ejiciendae sunt, in quibus omnia ad aedificationem servire debent quicquid dicitur, scribitur, canitur, pingitur, sculpiri, In summa, quicquid videtur & auditur. Ac habenda est in hac re posteritatis ratio, cui ista in scandalum & ruinam esse possunt. Sicut exempla exstant in sacris Historiis, ubi etiam bonae res, cum in scandalum abiissent, abjectae sunt. Sicut aeneus Serpens &c. Sed de hac re infra plura fortasse.

*Meretrix.*

Quod addit, QVONIAM de mercede meretricis ea collegit Samaria, redibunt in mercedem meretricis, Habet speciem proverbij haec sententia, Sicut nos dicimus, Male parta, male dilabi. Vocat enim usitata figura Meretricem, populum fornicantem cum idolis, deserto vero sponso Deo. Idola ista, donaria, templa magnifice ornata, haec omnia, inquit, sunt praemia idolatriae, parta per praedicationem fiduciae in alienos Deos. Sed haec omnia sicut parta sunt, ita etiam peribunt, Veniet populus impius & sine Deo, huic idola ista praedae erunt, &c. Porro non inepte hic conquerimur de mundi extrema caecitate & malicia. Experimur enim hodie, cum homines recte de Deo & cultu Dei, item de vere bonis operibus docentur, immanem quandam avaritiam omnium corda atque animos occupasse. Nemo ea liberalitate juvat Pauperes, qua debebat. Excogitantur infinitae viae augendorum preciorum etiam in minutissimis rebus, Quicquid autem in ministros Ecclesiarum, quicquid in Scholas impenditur, hoc omne judicatur esse nimium. Itaque quod summum, non solum dedecus, sed quoque peccatum hujus seculi est, videas hominum avaritia multas Parochias aut penitus collabi, aut miserrimi negligi.

*Mundus ad superstitiam pervertitur, Ad verbum Dei pervertitur.*

*Caecitas mundi.*

Sed respice superiora secula, cum nulla vera religionis ratio extaret, cum homines ad idolorum cultus & vanam propriorum operum fiduciam deducerentur, ibi nullus largiendi finis fuit, Omnia monasteria, omnia sacrificulorum Collegia passcebantur in summa abundantia omnium rerum, Templa auro & argento usque ad admirationem ornabantur. In summa, dicas aurum & argentum ab hominibus tunc vilius habitum, quam nunc lapides. Merito deploranda haec caecitas mundi venit, quam Propheta hic ostendit, quod idolatria felicissima fuerit, & habuerit amplissimos proventus, ubi Levitae, qui in Ierusalem vero ministerio praerant, misere esuriebant.

Sed

Sed quæ poena proposita est iis, qui sic per impietatem opes colligunt? Nimirum, quam Propheta dicit, De mercede meretricis collegit ea, & revertentur ad mercedes meretricis. Magna hodie querela est, occupari bona Ecclesiastica à nostris Principibus, & poni in prophanos usus. Sed primum, si sunt bona Ecclesiastica, te quaeso, quomodo sunt parva? An non per vanas & impias prædicationes Missarum, indulgentiarum, meritorum, & similes nugas? Deinde quaeso te, quomodo iis utuntur, qui amplissimos redditus Ecclesiasticos habent? Quotusquisque est, qui docet Evangelium? qui Pauperum curam agit, qui in aliqua parte dat talem Ecclesiæ operam? An non fere soli sunt, qui Evangelium crudelissime persequuntur? qui omnis generis idolatrias mordicus retinent, & cum summa crudelitate defendunt? Qui infinitis scandalis, & turpissima vita Ecclesiam deformant? Quid multis? sunt vere opes meretricis, & ab illis ipsis, qui eas tenent, non collocantur in alios usus quam meretricios. Aut enim foedissime eas prodigunt, aut crudeliter comparcunt. Sed hæc nondum vera poena est, Prædæ erunt aliis, qui veram doctrinam neque norunt nec propagare student.

Quod ad nostros Principes attinet, omni laude digni sunt, quod recta studia & religionis doctrinam egregie & cum maximis sumptibus propagant, Immerito igitur spoliū & alienatarum Ecclesiasticarum opum accusantur. Hi potius accusentur, qui Ecclesiam non adjuvant, & tamen monasteria spoliant, Sed hoc quoque accidit Papistis secundum verbum Prophetæ, opes meretricis sunt, & in opes meretricis redibunt.

*Ideo plangam & ululabo, incedam spoliatus & nudus, planctum edam, qualis est Draconum, & sicut Struthionum pulli eiulabo.*

Quæ sequuntur, etsi quod ad sententiam attinet, plana sunt (Nam vastationem, quam hætenus paucis comprehensam prædixit, nunc copiosius & quasi per distributionem explicat) tamen propter varias allusiones obscurissimam grammaticam habent. Atque hic recte admonentur sacrarum literarum studiosi, ut magno studio incumbant in Linguarum studia. Etsi enim hæc explicari audias optime, tamen impossibile est, ea plene assequi Ebraicæ linguæ prorsus rudem, propter figuras, quas nulla alia lingua imitari potest.

Ostendit Propheta hætenus vastationem regni Israel & Iuda per Assyrium futuram, Nunc quasi in rem præsentem ducit Lectorem, ac non aliter vaticinatur, quam si omnia essent posita ob oculos. Itaque potentialiter intelligenda sunt verba hæc, quæ in futuro Ebraeus legit. Caret enim Ebraea lingua optativo. Tanta, inquit, est calamitas, ut posset aliquis vel deberet lugere & ejulare, sicut Dracones, &c. Porro usitatum est in sacris literis, quoties vastitas significatur, uti similitudine Draconum & Struthionum, in desertis locis ululantium. Sicut Esaia 13. de vastatione Babylonis, 34. de vastatione regni Edom. Threnorum 4. de vastatione Hierosolymorum, &c. Ideo autem potissimum allegat Propheta magnas bestias, ut exaggeret futuram miseriam. Nam pro magnitudine corporum etiam magnos tugitus edunt. De Struthionibus est apud Hiob, quod sit vecors & crudele in suos pullos animal. Siquidem ponunt ova in terram, & postea ea negligunt. Diserte igitur propheta pullorum meminit, ut ostendat populum prorsus derelictum, Sicut vere derelictus pullus est, cum à matre negligitur.

Quod dicit, Incedam nudus, referendum est ad ornatum splendidiorem, Non quasi plane nudus velit incedere, sed quod honestiore vestitu deposito, in vili veste (sicut sorditati solebant) velit incedere. Sic Iesaja jubebatur incedere nudus, ad significandam captivitatem Aegypti. Neque autem est, quod cogitemus eum prorsus nudato corpore incesse, Vili & breviori veste indutus fuit, oblonga & honestiore abjecta. Sicut in historia Evangelij discipulus dicitur aufugisse nudus, relicta post se syndone, quæ superior & honestior vestis erat.

*Quoniam*

*Quoniam plagæ ejus sunt insanabiles, ac venerunt usq; ad Iudam, pervenerunt usq; ad portam populi mei, usq; ad Ierusalem ipsam.*

Anusa.  
à Ista.

Vocabulum (Anusa) significat vehementem, gravem & miserabilem plagam, quæ non potest sanari. Ita vastitas, inquit, quæ in Israel incipiet, non ibi resistet, Sentiet percussuram eam Iuda quoq; Imo in portis Ierusalem sentient eam. Notum enim est ex historia, sicut paulo post Propheta vaticinabitur, Sanherib regnum Iuda quoq; vastasse, & pervenisse usq; ad Ierusalem. Eam cum obsidione cinxisset, ab angelo Domini inde fugatus est, cum magna suorum cæde. Hoc Propheta hic significat.

*In Gath ne annuncietis, neq; exaudiatur ploratus vester, In domo Aphra in pulvere voluta te.*

Hic incipiunt figuræ, quæ difficultatem pariunt. Nam in re difficultas nulla est. Quod de Gath Palæstinorum dicit, transumptum est ex Cantico Davidis, 2. 1. Sam. 1. Nam Propheta sæpe ex historiis mutuatur aliquid, cum in re quædam similitudo est. David videt magnum vulnus accepisse regnum extincto Saule & ejus filiis. Hanc calamitatem optat sic posse regi, ne incircumcisi Philistiim id resciscant, & ideo latentur. Idem Propheta hic optat. Augetur enim calamitas, cum videas insultantes Hostes. Aphra est in tribu Benjamin. Quia enim dixit pertingere plagam hanc regni Israel usq; ad Iudam & portas Ierusalem, ideo in Benjamin & tribu Iuda positas Civitates commemorat.

Aphra.

Aphar.

Cinere consper-  
git.

Atq; hic prima allusio est, In domo Aphra, in Aphar voluta te. Porro Aphar significat proprie terram effossam, quæ dissoluta est nec cohæret, qualis est quæ ex sepulchris effoditur & fere solet reddi vocabulo terræ aut pulveris. Sententia igitur est. Civitas Aphra recte à pulvere nomen habet. Ea enim tum ejus calamitas erit, ut merito, tanquam in summo luctu cinere se conspergat, id quod usitatum Iudæis erat in magnis periculis & magno luctu.

*Transi Civitas decora, turpiter nudata.*

Saphir.

Porro non est hic allusio in vocabulo, sed pulchra in re antithesis (Saphir) significat pulchrum & decorum esse. Hoc nomen, inquit, Samaria hætenus habuit, Sed quo abiit nomen tuum? Quo abiit decor & pulchritudo tua? Iaces enim vastata, ac si nunquam fuisses, & es tota operata confusione & ignominia, Perinde ac si quis elegantem puellam, splendido vestitu ornatam exuat, & nudam objiciat spectandam oculis hominum.

Porro hic Ebraismus est, qui latine non, nisi per circumlocutionem, reddi potest. Sic enim de verbo ad verbum sonat, Transi vobis Civitas decora (Ibri lachem) Hoc est, abi, & fuge in alium locum. Id enim è re tua est. Id tibi proderit. Tibi fuga consule. Et figura etiam est in hisce vocabulis (Iosebeth ibri) Fuisti hætenus Iosebeth, quæ habitasti secunda, non es assueta ad migrationes, Sed nunc tibi migrandum erit (Ibri) transi, *Auff und davon/ da ist keine bleibens mehr.*

*Non expaciabitur Civitas Zaenan præ luctu.*

Zaenan.

Zaenan est in tribu Iuda, sicut patet ex Iosua, Habet autem nomen ab egrediendo, Q. dicas, expaciatricem. Est autem hic iterum allusio (Zaenan non Iazah) hoc est, non egredietur, continebit se domi suæ, Sicut solent qui in luctu sunt positi. Hi enim ultra hominum conspectum fugiunt, ut possint vacare lachrymis, Sicut Propheta causam subjungit.

*Domus vicina accipiet à vobis substantiam vestram.*

Beth.  
Ezel.

Ad hunc modum ego hunc locum intelligo, propterea quod aliæ sententiæ, quæ afferuntur ab interpretibus videntur esse coactiones. Nam etiamsi Beth Ezel proprie accipias, quid erit (Emdatho) Exponunt quidem, stationem hostis, Sed coactior sententia est, id eo transferre, quod hoc præmium hostis accepturus sit pro ea mora, quam ibi traxit. Quare cum hæc sententia & propius ad rem accedat, & quoq; grammaticæ non ita adversetur, volui eam retinere, quod Beth Ezel appellative, vicina domus, nempe Aslur, accipiet à Zaenitis substantiam eorum, hoc est, etiam illa, quæ ipsi putabant sibi statuta & tuta fore.

Quoniam



*Quoniam anxie expectat bonum Civitas Maroth, Sed descendit malum à Domino ad portam Ierusalem.*

In hac sententia non est minor obscuritas, quam fuit in priore. Alii enim exponunt (halah) pro dolere, Quod dolebit Maroth propter amissa bona. Alii quæ d in- <sup>Halab.</sup> firmata sit ad bonum faciendum, quod non exercuerit se in obedientia erga legem & verbum Dei. Sicut (Maroth) significat rebellem & inobedientem. Quidam hanc <sup>Maroth.</sup> sententiam esse putant, quod bono seu felicitate & successu infirmata, hoc est, demerata sit, Secundum proverbium, Fortuna quos fovet, stultos facit. Hoc enim commune Rerum publicarum florentium vitium est, quod infatuantur successu, ac propter opes & potentiam credant se ac sua tum in tuto esse, cum maxime vicina sunt pericula, itaque cum ad poenitentiam comminationibus futurarum calamitatum invitantur, eas non admittunt nec credunt. Sunt igitur fortuna & successus ipsis vere pestiferi & exitiales morbi. Vbi enim verbum negligitur & nulla poenitentia sequitur, ibi non potest longius abesse poena.

Sed simplicissima sententia hæc est, siue Maroth pro proprio accipias, siue appellative, pro rebelli Civitate, Quod anxie expectat bonum. Nam homines constituti in periculis, illo ipso dolent & infirmantur, quod expectant auxilium, & frustra expectant. Hunc affectum verbum (halah) hoc in loco ostendit.

*Alliga mulum ad quadrigam Civitas Lachis, quæ fuisti occasio errati filiae Zion, In te enim deprehensæ sunt transgressionis Israel.*

Lachis satis nota est, Eam quoque Sanherib expugnavit, sicut ostendit historia. Hanc calamitatem prædicit ei Propheta, & tanquam in præsentis periculo, jubet ut quadrigam comparet & se in fugam det. Porro Propheta hic nos singularis Historiæ admonet, cujus nulla alibi sunt vestigia certa, nempe, quod Lachis prima ex re- <sup>Lachis.</sup> gno Iuda, regni Israel idolatriam & impios cultus amplexa sit.

Docemur autem primo hic, quod idolatriam soleat Deus punire bellis & <sup>Pena idolatriæ.</sup> vastitate, Deinde quod maiorem poenam merentur, qui aliis exemplo suo idolatriæ <sup>Matth. 18.</sup> occasio sunt. Sicut etiam Christus in Evangelio gravissime minatur iis, qui aliis sunt scandalo. Quare decebat hoc studium præcipue Reges & Principes, ne, dum ipsi re- <sup>Officium Principum.</sup> ligionem parum curant, alii interim idolatriam & impios cultus propagent, Sicut hodie fit. Existimat Magistratus non esse sui muneris curare, quid agatur in Ecclesia, Itaque impii homines cum maiore licentia abominationes Papatus urgent. Sed vae istis, qui cum hæc ex mandato Dei debebant prohibere, & propter autoritatem etiam poterant, tamen id non faciunt. Nam sicut hic locus admonet, major poena eos consequetur, quorum exemplo alii peccant.

*Propterea mitte Legatos ad Moreseth Gath, Domum Achzib, Reges Israel fallent.*

Vocabulum (Siluhim) est à Salach, misit, Itaq; liberum est, siue donum, quod <sup>Siluhim.</sup> mittitur, siue Legatos interpreteris. Manet enim eadem sententia. Hortatur enim per ironiam ad quærenda auxilia à vicinis, quos tamen ipsos dicit cum iisdem periculis confictari. Porro in eo hic obscuritas est, quidam conjungunt hanc sententiam cum superiore, ut Lachis mittat munera Morasethis, vicinis Gath Palæstinorum, Alii ad Achzib referunt.

Vtitur autem Propheta hic quoq; bellissima allusione, Domus Achzib ad <sup>Achzib.</sup> Achzab regibus Israel. Significat autem Achzab mendacium, à verbo (Cazeb) men- <sup>Cazeb.</sup> tiri, fallere, frustra esse. Porro Iosue 15. nominatur Achzib, quod sit Civitas Iuda. <sup>Achzib.</sup> Hæc, sicut Propheta hoc in loco videtur ostendere, junxit foedus cum regno Israel. Sed quod fere accidit, dicit Propheta, eo foedere non adjuvari eos in calamitate per Assyrium futura. Quanquam non inepta esset sententia, si passive accipias, Ad mendacium regibus Israel, hoc est, quibus reges Israel mentiti sunt, Quos reges Israel ceperunt per idolatriam.

Eff

ADHVC

*AD HVC heredem tibi adducam Civitas Maresa.*

*Maresa.*

Texit Propheta brevem Catalogum civitatum Iuda, quas Rex Sanherib erat post regnum Israel vastaturus. Est autem hic quoq; elegans allusio, Marescha adducam tibi Haresch, hoc est, heredem. Porro nomen Maresa, significat hereditatem seu possessionem, Venit enim à verbo Iarasch, Q. d. Propheta, habes nomen ab hereditate, tu Maresa, Ecce faciam, ut fias hereditas potentis hostis, qui te expugnabit & spoliabit. Pertinent autem hæc omnia, sicut dixit, ad poenitentiam docendam, ut credant tales poenas impietatis certo secuturas, & ideo in tempore abjiciant impios cultus, & se conferant ad veram religionem.

*Usque ad Adullam de veniet gloria Israel.*

*Adullam spelunca.*

*Cognitio sacrae linguae.*

Nota est spelunca Adullam ex historia Davidis. Puto autem hanc esse quasi conclusionem institutæ comminationis, Q. d. magna est gloria Israel, nititur opibus & potentia sua, atq; ideo segura est in maximis peccatis. Sed profecto fiet, ut ista omnis gloria, tot magnificæ & locupletes civitates, fiant sicut Adullam, ignobilis & vasta spelunca, propter vastitatem, quam Sanherib afferet. Sic emerſimus jam ex istis obscuris locis, quanquam in re non magnus labor est, Grammatica paulo est impeditior, Sicut satis apparet ex translatione Hieronymi, qui fere ex propriis facit appellativa, Sicut alibi ex appellativis propria. Satis autem hic locus ostendit, quam necessaria Theologiæ studiosis sit cognitio sacrae linguae.

*Decalueris & tondearis liberos tuos delicatos, Dilata calviciam tuam sicut Aquila, quoniam captivi abducentur à te.*

*Idolatriæ fuganda.*

In luctu solebant aut evellere, aut præscindere comam, & calvi incedere. Cum itaque tam horribilis vastitas regno Israel, & partim etiam regno Iuda, immineret, vult Propheta, ut, sicut in maximo luctu solet, tondeatur, & non alat comam, sicut in ocio, tranquillitate & successu, solebat. Nam filii tui, inquit, quos in magnam spem educaſti, per Hostem abripiuntur in alienam terram. Ita hæc prima Concio tota eo pertinet, ut summo studio fugiamus idolatriam, quam non leves poenæ, sed extrema vastitas sequitur. Si enim injurias contra proximum horribilibus poenis ulciscitur Deus, sicut sequens caput ostendet, Quanto purabimus Deum acriorem vindicem fore, cum suam Gloriam videt ab hominibus impiis opprimi per idolatriam, per impiam doctrinam & cultus impios?

Necessaria autem hæc nostris quoq; temporibus est concio, Quantum enim abominationum jam plus quam sexcentis annis in Ecclesiam per Pontifices inventum est? Coegit eos necessitas, ut saltem textum Evangelij in templis recitarent, quanquam id quoque in Italia & aliis Nationibus multo rarius, quam in Germania factum est. Sic Baptismum & Coenam Domini retinere eis necesse fuit, quanquam utrunq; Sacramentum varie contaminaverunt, alterum etiam impie mutilaverunt. Hæc ut retinerent necessitas coëgit eos. Sed his sepositis, nihil per omnem vitam à Pontifice ut Pontifice, ab Episcopo ut Episcopo, à Sacrificulo ut Sacrificulo, à Monacho ut Monacho, à Moniali ut Moniali, per tot secula factum est, quod non ex Diametro cum verbo Dei pugnaret. Nam etiam bona ipsorum opera defœdavit impia opinio meriti. Hanc impietatem, cum adhuc hodie pontifices velint esse salvam, cum eam mordicus retineant, & cum immani crudelitate defendant, quomodo possibile est, ut non Deus suo tempore, & brevi quidem, cum vastitate totius Germaniæ puniat? Non enim habebitur innocens, qui nomen Dei

*Mordas.*

blasphemaverit, & Verbum ac voluntatem ejus contempserit,

Sicut exemplum hoc regni Israel abunde ostendit.

CAPUT II.

*Ve iis, qui cogitant iniqua, & meditantur injurias in cubilibus suis, ut eas in luce matutina faciant, quia potentes sunt.*



**A**bsolvimus unam Prophetæ Concionem, in qua tum regno Israel, tum Iuda prædixit calamitatem per Assyrium futuram, Addidit autem causam, longe aliam, quam à ratione possit deprehendi. Nam ratio ea tantum peccata intelligit, quæ contra secundam Tabulam fiunt, Operum primæ tabulæ plane nullam notitiam habet. Itaq; verbo Dei opus est ad revelanda peccata contra primam tabulam.

Iactabat uterque populus cultum Dei & singulare religionis studium, Sed Prophetæ religionem, quam ipsi sequebantur, dicit causam præcipuam esse omnium calamitatum. Quia enim cultus Dei non potest dici, nisi quod secundum verbum Dei instituitur. Idolatria est, quicquid homines sine Verbo, pro cultu Dei instituunt, ac meretur extremas poenas. Et si enim alia peccata, contra secundam Tabulam admissa, quoque suas poenas habent, Tamen hi cultus humana opinione aut devotione, sine manifesto Verbo instituti, majores poenas & certiores merentur. Ideo Prophetæ primo loco idolatriam reprehendit, & ostendit, quæ ejus sint futuræ poenæ. Semper enim idolatria cum blasphemia Dei & neglectione Verbi conjuncta est. Postea idolatria etiam est causa vitiosæ vitæ. Quomodo enim recte institui aut geri vita potest, ubi Verbi nulla est ratio? Instituit igitur Prophetæ hic aliam concionem, in qua etiam illa peccata reprehendit, quæ ratio judicare potest, Avaritiam, injurias, violentiam, injusta judicia, & similia. Hæc non habent speciem aliquam sanctitatis, qua se tueri possint, sicut idolatria, Et tamen prætextu idolatriæ putant impii ea non posse observari.

*Causa calamitatum religio.*

*Cultus Dei, Idolatria.*

*Ubi Verbum nō est, ibi non potest esse sancta vita.*

Sic magna sanctitas simulatur à Monachis & sacrificulis, quoties missandum est, quoties in publico aliquid faciendum. Sed cum postea ad vinum, ad scorta, ad exigendos numos, ventum est, ibi primum ostendunt, quam eis simulatio ista sanctitatis cordi fuerit. Sic Pontifices, bone Deus, quam sancti, quam mites, quam humiles sunt, cum instituuntur processiones seu supplicationes, cum indulgentiæ effunduntur in stultam multitudinem. Sed his ipsis levissimum est, magno numero interficere pios Doctores ubique gentium, His ipsis levissimum exolvere ab obedientia & juramento subditos, quoties Cæsares aut Principes ipsorum cupiditati nolunt obsequi, Levissimum est, involvere in bella & cædes tota regna, Taceo fraudem judiciorum, inexhaustam avaritiam, infandas libidines, quæ quidem omnia etiam vulgus intelligit execranda esse. Sed tamen isti qui faciunt putant ea splendore religionis recta esse, & non ita conspici.

*Monachorum sanctitas, &c. Pontifices.*

Pertinet itaq; hæc quoque Concio Prophetæ ad poenitentiae doctrinam, ut discamus similia peccata, similes poenas consequi. Si enim Avaritia, si fraudes in judiciis, illo tempore tantorum malorum extiterunt occasio, quid nunc sperabimus melius, cum avaritia homines obsessos & oppressos videas, cum summa pauperum calamitate? Vocabulum quo Prophetæ hic utitur, & nos iniquitatem reddidimus, valde usitatum est. Et si enim sæpe pro idolatria usurpatur, propterea quod tam dolor & labor consequitur, tamen in hoc loco generaliter accipitur, pro quavis iniquitate seu injuria, quam potentiores inferioribus afferunt.

*Poenitentia Concio. Avaritia.*

Loquitur autem Prophetæ hic de acerrimo nocendi studio, cum dicit eos etiam in lectis non posse quiescere, quin cogitent, quomodo noceant, insidiantur, incommodent aliis. Sicut etiam 36. Psalmus hoc impiorum studium egregie & pene iisdem verbis describit, Iniquitatem meditatus est in cubili suo, Astitit omni viæ

*Impiorum studium.*



non bonæ, & maliciam non odivit. Væ talibus inquit Propheta, nam suo tempore sustinebunt intolerabile iudicium, Huc pertinet quoque circumstantia temporis, quam addit, ut summo mane perpetrent, quæ noctu ab eis fraudulenter in aliorum incommodum excogitata sunt, Porro non incommode hæc intelliguntur de iis, qui in Ecclesia & Republica primo loco sunt, Quod impii Doctores summo studio exquirant, quæ ad rem familiarem augendam & amplificandam probe faciant. Deinde quod qui in Republica & in iudiciis sunt, non ad iustum, non ad æquum & bonum, sed ad id, quod ipsis utile est, respiciant, & figant ac refigant Leges pro sua commoditate.

Papam.

Ac sane arbormala quos alios potest producere fructus quam malos? Itaq; insigne huius rei exemplum Papatus est, qui nihil egit aliud, nulli rei advigilavit diligentius, quam quomodo opes & potentiam compararent, & non egerent. Inde illa læva tyrannis orta est, ut ob pauculos numos excommunicarent publice homines. Sed erit cum ad teruncium eis ratio omnium factorum reddenda erit.

El.

In Grammatica hic obscuritas est. Nam quod nos vertimus, Quia potentes sunt, in Ebræo est, quoniam est (leel) manus eorum. Quia autem vocabulum (El) sæpe Deo tribuitur, Ideo Hieronymus vertit, Quoniam contra Dominum est manus eorum, Sed usurpatur vocabulum etiam appellative, pro forti, potenti, Et in abstracto, pro potentia, virtute. Sic Proverb. 3. Quando manus tua potens est ut beneficiat, ne neges indigenti officium (biheioth leel jadecha) Sic Deuter. 28. Non erit fortitudo in manu tua (ve en leel jadecha) Ad hunc modum hic quoque Propheta loquitur, Sunt parati ad nocendum, & id agunt diu noctuq; quia sunt potentes, Itaq; inferiores mustitare injuriam coguntur, depellere non possunt.

Prov. 3.  
Deut. 28.

*Concupiscunt agros, & rapiunt, auferunt domos, violenter occupant domos, & possessiones quorumlibet.*

Avaritia in-  
piorum.

Eleganter exaggerat Propheta avaritiam impiorum, præsertim autem Doctorum. Sicut Christus quoque dicit, Væ vobis Scribæ & Pharisei hypocritæ, quoniam comeditis domus viduarum. Huius avaritiæ insignia hodie exempla sunt, tot collegia Sacerdotum, tot monasteria, tam ampli reditus, tantus splendor ædificiorum. Quis enim unquam fuit, aut hodie est Monarcha, qui has opes æquare possit? Iactant donationes Constantini & Cæsarum, Sed si verum consideramus, Donationes istæ sic sunt accipiendæ, sicut Propheta dicit, Desideraverunt tales opes, & postea rapuerunt, Non quidem aperta vi, sed deceptis hominibus specie religionis, & persuasis, ut hoc modo sibi gradum facerent ad æternam vitam. Quamquam exempla multa & nimis nota ob oculos sunt, ubi etiam manifesta vi egerunt. Vnde enim Episcopis Civitates & Oppida obtigerunt, quæ non ita ante multos annos fuerunt Imperij?

Matth. 23.

*Ideo sic dicit Dominus, Ecce ego quoque super generationem hanc malum cogito, unde non poteritis subducere colla vestra, neque ambulabitis amplius erecti. Erit enim tempus calamitosum.*

Minatur potentes, qui alii injuriam faciunt, & consolatur oppressos.

Vtitur Propheta hic quoque eleganti figura, Vos, inquit, cogitatis malum contra alios, Ideo ego quoque contra vos malum cogito, quo, ceu vinculo, constringimini, ne possitis subducere colla vestra. Respicit autem pulchre ad cogitationes eorum, qui injuriis oppressi, vim injustam coguntur ferre. Hi sic judicant, quod si qui potentia & opibus abundant, certum præsidium habeant contra omnis generis pericula, In caritate annonæ melior eorum conditio est, nam abundant pane, cum alii esuriunt, In bello, opibus videntur redimere posse salutem. In peste mutant loca, & fuga sibi consulunt. Hæc præsidia habent Divites & potentes parata in similibus malis, quæ pauperes & oppressi non habent, Sed Dominus minatur futurum, ut his

ut his præfidiis non sublevantur. Itaq; consolatur Propheta pauperes & oppressos, ne dubitent, quin Deus injurias & fraudes potentum videat, & suo tempore puniturus sit, ut caveant pauperes à vindicta, & se assuefaciant ad poenitentiam, liquidem suo tempore Dominus inevitabilibus suppliciis eos subiecturus sit.

Sic superbia & fastus, qui opes sequitur, intolerabile quoddam onus videtur. *Superbia.* Sed significat Propheta insignem commutationem secuturam esse, Vt sicut inferiores coguntur se humiliare, & quasi curvi injuriis oppressi, incedere, Ita quoq; suo tempore cum Dominus poenas expetet, illi erecti & superbe incedentes, etiam humilientur propter calamitatem inevitabilem. Præclara hæc consolatio est, si eam ad exempla & in rem præsentem transferas. Aegypti fastus intolerabilis fuit. Ita enim opprimebatur Israel laboribus, ut respirare non posset, Contra Pharaon & sui erecti in summo ocio incedebant. Hic cogitare potuit Israel, Deum ipsorum oblitum esse. Sed quam jucunda commutatio secuta est, Israel cum opibus Aegypti securus abit ad terram promissionis, Aegyptus humiliatur & perit. Sicut igitur antea erant erectæ cervices hostium, Ita postea summa voluptas fuit videre hostes sic circumseptos undiq; terroribus mortis, ut nusquam pateret effugium. *Fastus An-  
Eph.*

*Psal. 91.*

Pertinet igitur hic locus ad sententiam Psalmi 91. Et retributionem peccatorum videbis. Quare qui oppressi sunt & humiliantur à Tyrannis, hi spe hac se consolentur, & expectent vindictam Domini, à propria autem vindicta abstineant.

*In die illa feretur de vobis Proverbium, & miserabilis planctus edetur.*

*Sic enim dicent, Penitus vastati sumus, Hæreditas populi mei misere tractatur, Nunquam restituentur nobis agri nostri, quos sibi divisit.*

Opus hic est paulo liberiore translatione, propterea quod Ebræa lingua hic suum quendam proprium loquendi modum habet, præterquam quod etiam brevitæ obscuritatem auget. Celebrabitur, inquit, calamitas vestra sermonibus & carminibus publicis, Hoc autem erit Carmen, Vastatione vastati sumus, Terra & populus, qui hætenus habuit nomen, quod esset populus Dei, nunc alium habebit dominum, nempe Assyrium. Is enim sic vastavit regnum Israel, ut non iterum populo divideret agros, sed suis militibus, Sicut ex historia notum est. Quia enim hic dicit de finali vastatione, puto eum tantum de regno Israel loqui, non de regno Iuda, quod et si quoq; per Assyrium vastaretur, tamen Assyrius eo non potitus est, quin postea domesticis malis conflictatus, in Iuda nunquam rediit, Sicut patet ex Prophetia Esaia. Cæpit enim sub id tempus Babyloniorum potentia crescere, qui Assyrios tandem vicerunt & Monarchiam transtulerunt ad se.

*Clarius loci ex-  
positio.*

*Eph. 37.*

*Ideo non erit, qui mittat funiculum in sorte in Ecclesia Domini.*

Pertinet hoc quoq; ad Canticum. Atque hic apparet iterum loqui eum de finali vastatione, quod sic abducentur Cives regni Israel, ut posthac non redituri, neq; partem aliquam in Ecclesia Domini, hoc est, in populo Israel, habituri sint. Nam quod Propheta quoq; concionantur restituendum Israel, id pertinet ad regnum spirituale Christi, in quo per Evangelium ad regnum Dei vocati sunt Israelitæ, qui inter gentes exulabant, & in gentes quoq; degeneraverant, non pertinet ad corporale regnum de quo Propheta hic loquitur.

*Regnum Israel  
finaliter vastatum.*

*Eph. 5.*

Hæ sunt cogitationes Dei contra impios, qui tum doctrina, tum potentia abutuntur ad opprimendos alios, & ad augendas opes suas. Idem iudicium manebit quoq; impium Papatum, quod propter inexplebilem avaritiam, & pecuniæ studium immodicum, nullum idolatriæ & impiorum cultuum finem facit. Quidam particulam hanc (Non erit qui mittat funiculum) eo accommodant, quasi idem sit cum eo, quod Paulus dicit, Avari regnum Dei non possidebunt. Vera quidem sententia, sed altera historica & propria magis esse videtur.

*Ne stilletis, Imo stillabunt. Ne stilletis illis, non enim tanta apprehendet eos ignominia.*

Nataph.

Stillare pro docere, sicut pluvia pro doctrina.

Parum latina hæc sunt, & tamen phrasis retinenda fuit, qua in aliis quoque locis scriptura utitur. Est enim usitatum, quod verbo (Nataph) stillavit, utuntur pro docere, prophetare, concionari. Sicut fere eadem figura pluviam scriptura vocat doctrinam. Sicut Psalm. 68. Pluviam secundam segregabis Deus hereditati tuæ, Vbi loquitur de doctrina Evangelij, per Apostolos in mundum vulganda.

Porro incipit Propheta hic novum locum seu Concionem novam, quæ proprie ad Magistratus pertinet, tum Ecclesiasticos, tum Politicos, qui Prophetis, hortantibus populum ad poenitentiam, & comminantibus futuram vastitatem, obstreperant, Opponebant promissiones huic populo factas de æterno regno Davidis, ac mendacij arguebant Prophetas. *Ματαιότης* igitur hæc accipienda sunt, in persona illorum impiorum Magistratum, qui secure contemnebant minas Prophetarum, præsumentes de promissionibus huic populo factis, Sicut initio hujus Prophetæ etiam diximus. Ipsi igitur dicunt, Ne stillatis, ne talia prædicetis.

Respondet Propheta & Dei & Ecclesiæ nomine, Imo stillabunt, Non frustra erit hæc comminatio, nec patiemur nos terreri autoritate vestra. Hic iterum impius Magistratus interponit autoritatem suam, & non vult ista doceri à Prophetis, Ne stillatis his; inquit, hoc est, Huic populo nolite minari, Addit causam, Non apprehendet hos ignominia, hoc est, Tu Micha & alii mentimini, Prædicitis vastitatem, sed Deus promisit se stabiliturum Davidi regnum in secula. Igitur ignominia hunc populum non apprehendet.

Presumptio & securitas impiorum.

Vtile autem est videre in Prophetis hæc præsumptionis exempla. Sæpe enim infirmorum animos hæc securitas impiorum frangit. Papistas hodiè vide, Non aliter contra nos agunt, quam si divina voce confirmati essent, suam idolatriam Deo gratam, nostram autem doctrinam falsam & Deo ingratam esse. Hanc securitatem Christus quoque in Evangelio notat, cum de Synagoga dicit, Et cum occideret vos, putabunt se Deo officium præstare, Et Iohannes Baptista, Quis ostendit vobis, quod iram Dei effugituri sitis? Q. d. tam estis certi iudicium Dei ad vos non appropinquaturum esse, ac si divinitus id vobis ostensum esset voce de coelo. Eodem plane modo hic Prophetam jubent tacere, quasi certi sint eum mentiri, & mala, quæ minabatur impiis non esse ventura. Mirabilis brevitatis, quæ in hoc loco est, parit obscuritatem, itaque variant hic interpretes. Ego hanc sententiam iudico esse simplicissimam.

Job. 16. Math. 9.

*Domus Iacob sic sibi pollicetur, Num abbreviatus est spiritus Domini? Num hæc sunt opera ejus?*

Domus Iacob.

Promissionibus decipiuntur & inflantur impii.

Pertinent hæc quoque ad superiora. Accipio enim sic, quod per imitationem dicantur in persona impiorum arguentium Prophetam mendacij, & consolantium se quod mala ista non sint ventura. Emphasis igitur est in appellatione domus Iacob, Q. d. Nolite credere Prophetæ, Num obliti estis vos esse domum Iacob? cui tam amplas promissiones fecit Dominus? Gentibus minetur Propheta, quæ talibus promissionibus carent, & in peccatis vivunt. Nos sumus populus Dei, Itaque retinebimus hanc spem, Spiritum Domini non esse abbreviatum, si quid promittit, hoc etiam potest præstare, Et nota sunt opera Dei, quibus testatus est, semper se nobis bene velle, Nos ex Aegypto liberat, non demergit nos in mare rubrum, hoc enim Pharaoni debetur, Nos in terram Canaan ponit, non eiecit nos, hoc enim debetur impiis Gentibus. Dei igitur opera in hoc populo sunt, salvare, liberare, ornare, Non sunt Dei opera perdere, deferere, confundere, sicut Micha mendaciter minatur.

Pictura impiorum.

Impii securi, ubi periculi sunt.

Profecto insignis hæc pictura est impiorum, præsumentium mirifice de Dei favore, etiam tum, cum calamitas in propinquo est. Fit igitur, ut doctrinam poenitentiae non accipiant, Sicut nostri Papistæ, cum audiunt damnari Missas suas, & alias impias Ceremonias, non solum eas non mutant nec abjiciunt, sed etiam pertinacius in eas sperant. Vbi contra pii verentur, sicut Hiob dicit, opera sua omnia, etiam bona, nec possunt tantam fiduciam promissionum & misericordiae sibi inducere, quanta in impiis est, etiam cum pessima faciunt. Itaque Satanæ artibus occurrendum est, Cor.

Job. 9.



est, Corda timentia Dei, erigenda consolationibus. Contra securi minis contunden- di & frangendi sunt. Nos qui hodie sanam doctrinam sequimur, in tanto mundi & Satanae furore nequaquam sic nos possumus erigere, sicut Papistae se erigunt illa con- solatione, Quod Ecclesia non sit peritura. Quoquo enim vertimus oculos terremur variè, Mundi & Satanae furor extremus est, quo conatur hanc doctrinam extinguere. Hi in quibus praesidii aliquid videbatur esse, laborant suis quoque affectibus. Aut e- nim adulantur Pontificibus propter lucri occasionem, aut non habent tantum ani- mi, ut se opponant injustae tyrannidi. Itaque videmus, quam nihil in Magistratu ferè praesidii sit.

Inter nos, qui habemus doctrinam, Dei gratia, sanam, quantum infirmitatis & incommodorum est? Nec est obscura significatio, nostras Ecclesias laboraturas in- credibili penuria Doctorum, De aliis incommodis libens taceo. Hæc omnia cum ante oculos sint posita, non potest non animus omnia metuere. At Pontifices vide, hi in manifesta idolatria, in omnis generis vitiis & peccatis, tamen hanc spem reti- nent & plenis buccis efflant, Ecclesiam non perituram. Cur hoc nos quoque non fa- cimus, qui etsi infirmi sumus, tamen per Christum habemus remissionem peccato- rum, & sanam doctrinam profitemur? Sed ita sunt ista, Satanae utile est Papistas esse quàm securissimos, Sic enim non emendantur, nec poenitentiam agunt. Econtra vo- luptati ei est, nos angere & pavere, ac magis moveri terribilioris, quæ ipse objicit, quàm consolatione & promissionibus victoris & liberatoris nostri Christi. Sicut et- iam Prophetarum acerbissimas querelas, contra triumphos impiorum, qui jam jam extremis calamitatibus subjiciendi erant, scriptura ubique nobis proponit.

*Nonne verba mea bona promittunt, si rectè ambules?*

Hic respondet Propheta, & paucis verbis, quicquid ab impiis potest objici confutat. Non quidem, inquit, dico, spiritum Dei abbreviari, Non dico, Dei opera esse, ut perdat, sed hæc ad eos pertinent, qui boni sunt, ibi nulla calamitas potest tan- ta incidere, quin eam Dominus spiritu suo arceat, & suos liberet. Vbi autem homi- nes non rectè ambulant, ibi profecto Deus punit, & omnis generis calamitates cu- mulat. Atque hæc sententia est ceu expositio omnium promissionum legalium. Hæc enim conditionales sunt, sicut illa de regno Davidi promissa ostendit Psalm. 132. promittitur Davidi posteritas, promittitur Sacerdotii confirmatio, pax, annona ab- undans, & omnis generis bona, sed cum hac conditione, Si filii tui custodierint pa- ctum meum, & testimonia mea, quæ docebo eos. Hanc conditionem impii Iudæi ne- gligebant, instituebant certos cultus sine mandato Dei, indulgebant cupiditatibus suis, & Verbi nullam habebant rationem. Hæc peccata postea cum reprehenderent Prophetæ, & minarentur vastitatem, opponebant impii promissiones. Bene, inquit Propheta, promissiones veræ sunt, non mentientur, sed iis, qui boni sunt. Malis enim Deus nihil promittit, quàm indignationem & interitum.

Sic cum Papistæ jactant promissiones Ecclesiae factas, Non quidem nego promissiones esse veras, Hoc autem nego, ipsos Ecclesiam esse, qui Ecclesiam & e- jus caput, Christum, tanta crudelitate persequuntur, & pertinaciter idolatriam & impiam doctrinam suam defendunt. Sequitur igitur, Ecclesiae bona loqui De- um, Sed iis, qui non Ecclesia sunt, loquitur pessima, sicut Propheta de suo populo jam addit.

Porro sæpè admonuimus de differentia, quæ est inter promissiones Legis & Ev- angelii. Propheta hic legaliter loquitur, quod Deus sit bonus, & bona loquatur, bo- nis, hoc est, facientibus Legem & sequentibus verbum Dei. Hoc enim est rectè am- bulare. Christus autem aliter, Non veni vocare justos, sed peccatores. Nam remissio peccatorum & vita æterna non promittuntur nobis, propter nostram dignitatē, seu opera nostra, Sed propter Filium Dei, si agnoscentes peccata, credamus ea per Chri- stum expiata & condonata esse. Cum igitur pavidæ mentes hujusmodi Conciones, qualis Prophetæ hic est, ad Evangelii promissiones transferre volunt, & statuere, tum demum Deum condonaturum peccata, cum boni fuerimus, admonendæ sunt,

sunt, ad promissiones Evangelii nihil à nobis quam fidem afferri posse, ut quæ per Christum facta sunt, credamus pro nobis facta esse, & propter Christum speremus remissionem peccatorum & vitam æternam. Hæc spes seu fiducia retinenda est etiam tum, cum nobis peccata nostra obversantur. Nam qui propter peccata sua, hanc spem seu fiduciam sibi patitur excuti, hic peccatis peccatum addit, quod sanguinem Filii Dei non pluris facit, quàm peccata sua, & contra mandatum Dei manet in incredulitate. Matth. 9.

Evangelium.

Porro Evangelium non solum exigit obedientiam erga Legem, Sed etiam promittit credentibus Spiritum sanctum, quo Legem implere possint. Sed propter hanc impletionem non remittuntur peccata, nec contingit vita æterna, sed propter fidem in Christum, qui propter peccata nostra mortuus est, & propter justiciam nostram resurrexit. Quare hic cautos esse oportet, ne ex Lege Evangelium faciamus, & Prophetam loquentem de Lege, transferamus ad promissiones Evangelii, quæ peccatoribus offeruntur & ad peccatores pertinent, sicut Christus dicit: Rom. 4.  
Non veni vocare justos, sed peccatores. Matth. 9.

*Populus autem meus jamdudum hostiliter se gerit, Et spoliat veste & pallio eos, qui sine metu periculi prætereunt, è bello reversi.*

Quia objiciebant promissiones impii, & iis se consolabantur, neglecta poenitentia, fecit Propheta distinctionem admodum necessariam, & dixit, promissiones tantum pertinere ad eos, qui rectè ambulant, hoc est, ad eos, qui verbum sequuntur & pii sunt. Ostendit autem jam populum Jacob, non esse talem, Quia, inquit, hostiliter se gerit, exercet intolerabilem tyrannidem in eos, quibus tanquàm fratribus debebat parcere. Igitur non promissiones, sed minas tantum peccatoribus propositas, ad se pertinere putent. Hieronymus aliam sententiam secutus est, simpliciter seu securè ambulantes, convertistis ad bellum, hoc est, seritis lites ubi lites non sunt. Sicut Pontifices mendaciis & calumniis suis, sæpè amicissimos Principes in mutuam perniciem impulerunt. Sed nostra sententia propria est, & cum Grammatica convenit.

*Mulieres populi mei ejicite ex charis suis ædibus, A parvulis earum auferitis ornatum meum in perpetuum.*

Idolatria cum avaritia conjuncta.

Pertinet hoc quoque ad descriptionem violentiæ contra pauperes, quam etiam initio hujus capituli reprehendit. Idolatria enim semper cum avaritia conjuncta est. Est autem major crudelitas, viduas & pupillos exuere fortunis, sicut Christus quoque in Phariseis hanc crudelitatem damnat, Væ vobis, qui comeditis domos viduarum. Quia enim injuriis aptiores sunt, debebant earum patrocini-um suscipere, præsertim qui in Magistratu sunt. At inquit, Ex domibus deliciarum suarum eas ejicite, hoc est, ex charis & gratis ædibus, sicut Græci dicunt, *οἶκος φίλων οἶκος ἀεὶς*. Optima enim domus ea est, in qua libenter es. Sic viduis & pupillis domus suæ, ceu niduli verè deliciarum domus sunt, etiam cum non sunt magnificæ, Ibi enim libenter sunt, & sicut Germanicè dicimus, Sunt domi suæ. Hunc affectum, ad augendam crudelitatem avarorum hominum Propheta exprimere voluit.

Heder.

Vocabulum, (Heder) significat decorem & magnificentiam, quæ in ornatu seu vestitu est. Vocat autem hoc in loco sic hæreditatem, quæ liberis patre orbatis obvenit, huic insidiâmini, inquit, & damno nunquam resarciendo afficitis miseros parvulos viduarum.

*Surgite igitur & abite, Non enim hic amplius manebitis.*

*Quia enim polluta est terra hæc, vastabitur & quidem extrema vastatione.*

Comminatur esse fore, ut à suis sedibus ejiciantur.

Hic claudit institutum sermonem contra avaritiam impiorum doctorum & Magistratum. Quia ita crudeliter tractastis miseras viduas & eorum parvulos, reddentes

reddentur vobis paria, ejiciemini enim vos quoque. Frustra igitur speratis vos hic habituros fixas sedes, Non erit hæc quies vestra, emigrandum erit in Gentes, & ferenda erunt omnia captivitatis incommoda. Hanc particulam itaque etiam ita accipio, quod hæc pertineant ad regnum Israël, quod penitus erat per Assyrium vastandum, tum propter idolatriam, tum propter avaritiam & alia peccata, quæ Propheta recensuit. Quia autem avaritia passim immanis exercetur ab omnibus ordinibus, existimabimus has conciones etiam ad nostri seculi homines pertinere. Nam paria peccata paribus poenis pensantur.

*Si essem vir vanus & mendax, & prophetarem tibi de vino & sicera,  
tunc essem Propbeta gratus huic populo.*

Brevitas semper obscuritatem parit, itaque de hac sententia aliud aliorum judicium est, Hieronymus particulam (Lu) reddidit pro utinam, Sed parum aptam sententiam inde colligit. Hæc nostra simplicior & instituto aptior est. Conquestus enim est Propheta, quod non solum non potuerit Iudæos ad poenitentiam istis futurarum calamitatum comminationibus perducere, sed quod omnino conati sint prohibere ne doceret. Ad eam querimoniam pertinet quoque hæc particula, q. d. Frustra vobis prædico, cum futuras calamitates prædico. Si autem abundantiam frugum, pacem, opes, magnificas victorias, vobis promitterem, si comestiones, crapulam, & luxum vestrum probarem, tunc essem vobis gratus Propbeta.

Lu.

Querela Propbeta, quod non potuerit eos ad poenitentiam vel comminationibus perducere.

Utitur autem eleganti figura, quam latine non possumus reddere. Vocat enim (Isch holech ruah) Virum vento ambulantiem, hominem vanum, & vana promittentem. Cujusmodi doctores tum in populo multos fuisse indicat, qui conniventes ad peccata populi consolabantur eos, promittebant victorias contra gentes. Tales doctores, inquit, vobis grati sunt, me autem ferre non potestis. Sed ambulantes in vento, hoc est, vana promittunt. Hæc jam est secunda Concio, in qua avaritiam, maximè eorum, qui in Ecclesia præsidebant, damnat, & minatur vastitatem, Nunc pro more Prophetarum, discedit à populo præsentis tam malo, & pios consolatur egregia Concione de regno Christi.

Vir vento ambulans.

*Profecto universam domum Iacob congregabo, Profecto colligam reliquias Israël, in unum eos redigam, tanquam gregem Bozra, tanquam gregem in uno ovili conclusum, Fremitus erit præ multitudine hominum.*

Hactenus hortatus est Propheta populum ad poenitentiam, & opposuit cogitationes Dei cogitationibus impiorum & securorum hominum, qui rerum potiebantur, & liberè faciebant quicquid libebat. Nunc transiione utitur, Transfert enim sermonem à præsentis populo & corporali regno ad regnum Christi spirituale. Hic enim Prophetarum mos est, postquam impios securè peccantes castigarunt, ac prædixerunt futuram vastitatem, tandem etiam de regno Christi æterno concionantur. Idque propter pios, non solum ut hoc modo eos consolentur, sed etiam ut spem augent, ne metu corporalium incommodorum de regno Christi desperent.

Transiio.

Prophetarum mos, &c.

Multum autem refert in Prophetarum lectione, diligenter has transiiones observare. Sæpè enim nimis abruptæ sunt, ut vix credas Prophetas ab instituta disputatione, sine ulla occasione, tam repente digredi. Si igitur sequentem hunc locum cum prioribus connectere, & de externa seu corporali restitutione populi intelligere velis, tota via aberraveris. Quando enim regnum Israël restitutum est? Si autem non est restitutum, quid Propheta vult, qui dicit restituendum? Iudæi quidem his promissionibus inducti, pertinaciter sperant liberationem corporalem, sed frustra. Non enim de corporali, sed spirituali liberatione, loquitur Propheta, quæ fit per Evangelium de Christo invulgatum in toto orbe terrarum. Ibi totus Iacob & reliquæ Israël dispersæ sunt, qui per fidem Evangelium accipiunt, & credunt per Christum remissionem peccatorum & vitam æternam. Hanc congrega-

Transiio: Prophetarum abrupta.

Totus Israël colligitur, &c.



gregationem quia Iudæi non intelligunt, sit ut quanto longius expectent & sperent, tanto minus spei relinquatur.

*Claritas Evangelii.* Sed inquires, Cur ista non clarius à Prophetis significata sunt? Respondeo, *Ioh. 1.* Filius qui in sinu patris est, enarravit nobis. Fuerunt enim hæc involvenda, ut Claritas Evangelii differret à claritate Legis, & eam vinceret. Christi & Apostolorum conciones hæc mysteria omnia clarissime interpretantur, Hos cum Iudæi nolint agnoscere, merito in cæcitate ista horribili detinentur. Quod igitur ad verba Prophetæ attinet, disertè dicit, Totum Iacob congregandum, & Israël relíquias colligendas. Sicut etiam promissio Abrahamæ universalis est, In te benedicentur omnes gentes.

*Promissiones universales non sunt ad eventum accommodanda.* Hic incauti lectores iterum impingunt, & universales promissiones referunt ad eventum, qui maximè particularis est. Neque enim omnes credunt ideo, neque salvantur omnes. Tenendum igitur discrimen est. Aliud enim est, benedicentur in te omnes gentes, Et aliud, Omnes gentes promissionem hanc de benedictione accipient. Nam Evangelium offert quidem omnibus remissionem peccatorum & vitam æternam per Christum, sed non omnes hanc promissionem Evangelii accipiunt. Ita hoc in loco dicit Propheta, Univerſum te Iacob congregabo, Et tamen eventus docet, maximam partem populi Evangelio non credidisse, & ideo abjectam esse, sicut Propheta idem ostendit, cum dicit de reliquiis Israël. *Cur promissiones sint universales, & tamen in eventu sint particulares.* Cur igitur, inquires, sententiæ sic universales sunt? Ideo scilicet, ne quis se ab Evangelii promissione excludat. Christus enim non unius populi, aut temporis thesaurus est, sed offertur per Verbum omnibus. Quod autem Christum non omnes accipiunt, ipsorum culpa fit, quòd non credunt, & indulgent incredulitati suæ. Interim manet sententia Dei & promissio universalis, quod Deus omnes homines vult salvos esse.

Ad hunc modum Propheta quidem dicit, universum Iacob colligendum, Deus enim vult Christum esse communem thesaurum omnium, sicut dicit Christus: Ita dilexit Deus mundum, ut daret Filium suum, ut omnis qui credit in eum, non pereat, sed habeat vitam æternam. Ecce colligendi studium, ut omnes colligat in unum ovile, ad unam gratiam per Christum. Sed huic voluntati Dei obſtunt increduli, cum verbo parere, & id accipere nolunt. Itaque tantum reliquiæ Israël colliguntur & salvantur. *Ioh. 1.*

*Similitudo de ovibus. Christus pastor.* Vritur autem Propheta similitudine sumpta à Pastore & ovibus, quæ non solum in Prophetis, sed in novo Testamento etiam sæpè usurpatur. Complectitur enim multa, quæ & Christi officium illustrent, & nos quoque de Ecclesiæ fortuna doceant. Nam ipse Christus Pastoris nomen nō uno in loco usurpat, ut ostendat regnum suum non violentum nec corporale esse, sed in eo positum, ut pascat oves verbo, sicut disertè dicit: Oves meæ vocem meam audiunt, Et in Psalmo: *Ioh. 10. Psal. 23.* Virga tua & baculus tuus, ipsa me consolata sunt. His pastoralibus instrumentis Verbum significatur, quod & ad docendam Ecclesiam, & Lupos arcendos aptum est. Sic Ecclesia Ovium seu gregis nomen habet, non solum ideo, ut innocentiam præstet, nemini vim faciat, placida & mitis sit, Sed magis, ut significetur esse eam subjectam afflictionibus & opportunam injuriis. Sicut Propheta de Christo dicit, Sicut ovis ductus est ad mactationem, Et Psalmus: Sumus sicut oves occisionis. Atque huc pertinet illud insigne periculum, quod ovibus lupo est, hoc est, Primum ab ipso Satana, deinde à Satanæ ministris, hoc est, à falsis Doctoribus & tyrannis. Hi enim conjunctis studiis hoc agunt, ut oviculas à Pastore suo verò avollant & præcipitent in damnationem. *Ioh. 10. Psal. 44.*

*Ministri pastores, &c.* His malis quia medetur ministerium, Ideo etiam ipsi Ministri Pastorum nomen habent, sed unus & verus Pastor est Dominus noster Christus Iesus, is enim solus ponit animam pro suis ovibus. Objicit enim se devorandum & occidendum Satanæ, ut hoc modo ovibus paretur securitas & vita æterna. Hæc consolatio, quia vera & certa est, ideo Propheta eam piis hic proponit, ut captivitatis incom-

commoda hac spe lenirent & vincerent. Sicut nos quoq; consolamur homines in afflictionibus, ut meminerint eas pensandas æternis bonis, quæ Christus Pastor ovibus suis promeruit, qui animam suam pro eis posuit.

Joan. 10.

Quod de uno ovili dicit, eandem rationem habet cum eo, quod Christus in Evangelio dicit, Joh. 10. Qui enim in Christum credunt, sunt collecti in idem verbum, in eundem Spiritum, in eandem spem, in eandem remissionem peccatorum & vitam, sive sint Iudæi, sive gentes. Ideo autem Vniendi verbo Propheta utitur, quia Regnum Israël totum à regno Iuda alienum erat. Hæ inimicitie, inquit, cessabunt, cum Evangelium invulgabitur. Erunt enim omnes, sicut oves conclusæ in unum ovile, quæ simul pascuntur sub eodem pastore.

*Fremitus erit præ multitudine hominum.*

Ebraicè sic est (Thehimenah Meadam) Tumultuabuntur præ hominibus, Sed nos ferè tumultum intelligimus de motu, qualis est in seditione. Vocabulum autem (Hom) propriè significat fremere, sicut Vergilius hoc vocabulo ubique ferè utitur, cum in magna concione, confusæ voces, ingentem sonum edunt. Sicut etiam vocat fremitum maris sonum, quem allisæ undæ scopulis edunt. Sic in Proverb. cap. 1. (Berosch homijoth) in capite coetuum, hoc est, in concionibus, ubi magnà multitudo hominum est, & fremitum edit. De sententia igitur non dubium est, velle Prophetam hinc, quod Evangelium per totum mundum sit vulgandum, & quod tanta sit futura multitudo credentium & copia, ut sit ceu species tumultus. Nam ubi magna hominum frequentia est, ibi confusæ voces tumultum quendam referunt. Pertinet itaque hæc particula ad conversionem gentium, & ad ipsum ministerium Verbi, quod ideo etiam tumultuantium vocibus comparatur, quia commovet mundum, & mundus se ei opponit.

Tumultus.

Hom.

Evangelii per totum mundum vulgandum.

Converso gentium.

*Ascendet autem ante eas Perruptor, ac perrumpent ipsi quoque, & ingredientur ac egredientur per portam. Rex eorum præibit eis, & Dominus erit Dux eorum.*

Quod Hieronymus vertit, Pandent iter, est (haporex) disruptor, dissipator, qui perrumpit vi. Est autem hic locus mirè elegans & plenissimus consolationis. Primum enim vocabulum dissipatoris continet significationem Crucis & obstaculorū, Deinde etiam certæ liberationis, q. d. Do ovibus meis vitam æternam, & duco eas ad vera pascua, Sed hoc magno constat. Neq; enim trita aut expedita via est, multa obstant, quæ electos morari conantur, nempe Satan, mors, peccatum, Lex, quid multis è totus vetus Adam obstat. Faxo autem, ut etsi obstacula sint, tamen vos non morentur. Præmittam Disruptorem Christum, qui perrumpet & tollet omne offendiculum, is præbabit vobis viam, fracta Satanæ & mortis potentia, ut facilis postea sit transitus adjutus spiritu meo.

Christus vocatur perruptor, Nam exobstaculo ei, & tam perrumpit.

Matth. 11.

Cæterum, ut dixi, hæc via carni asperrima videtur. Ideo Christus in Evangelio de regno Dei dicit, quod βίας αἰ, id est, violenti rapiunt illud, Sicut Propheta hic dicit (Parezu) perrumpent ipsi quoq; virtute ducis sui. Oportet enim carnem mortificari & se opponere toti mundo & Satanæ, conanti nos impedire & morari, ne hunc Dissipatorem sequamur. Sed consolatur nos in his difficultatibus Christus dicens: Confidite, ego vici mundum, hoc est, ego perrupi. Vos etiā me duce perrumpetis ad regnum Dei, ut illud vobis pateat, ut egrediamini & ingrediamini per portam, hoc est, ut per ministerium Evangelii etiam alios ad regnum Dei perducatis. Porro non est obscurum, quanta vi Satan se ministerio Evangelii opponat. Itaq; necesse est, ut qui in ministerio sunt, verè sint perruptores, qui nullam injustam vim, pericula nulla formident, sed magna animi constantia perrumpant.

Matth. 16.

Dixi suprà, Verbum perrumpendi significare crucem, quod per mille pericula rerum perrumpendum est. Quare cum constituat Christum esse (Porez) seu perruptorem, ostendit eum esse verè hominem, & luctari cum periculis tanquam hominem, Sicut testantur agonie illæ in morte & cruce. Quia autem vincit in periculis illis,

Christus vocatur homo & Dominus.

illis, & per eam victoriam sibi parat populum & regnum. Ideo dicitur Rex noster. Sed idem etiam hic appellatur (Iehovah) quod nomen soli Deo tribuitur. Itaque hoc testimonium observent sacrarum rerum studiosi, quo Christi divinitas certo affirmatur. Sicut infra quoque Cap. 5. Propheta idem claris & minime dubiis verbis ostendit.

Hanc brevem concionem de Liberatore nostro Christo & regno ejus Propheta intertexuit, tanquam insignem gemmam, nunc redit ad suum populum.

### CAPUT III.

*Et dixi: Audite quæso capita Iacob, & Principes domus Israel,  
An non vestrum erat jus nosse.*

*Summa hujus  
& precedentium  
capitulum.*



Vdivimus tres Prophetæ Conciones, duæ priores concionantur de pœnis idolatriæ & avaritiæ, Tertia est consolatio de regno Christi, qui tanquam Pastor ovium, Ecclesiæ suæ curam habiturus & eam gubernaturus sit. In hoc capite proponitur quarta Concio, cujus idem Argumentum est cum duabus prioribus. Quia autem tota posita est in reprehensione exteriorum vitiorum, avaritiæ, crudelitatis, injuriarum, quibus Principes & Sacerdotes populum onerabant, præter Grammaticam, quæ ipsa tamen facilis est, nihil est, quod Lectorem morari possit.

*Tyrannis veritas  
tam impatientissima.*

*Aristoteles fabula de leporibus, &c.*

Est autem hæc illa vehemens concio, de qua Ieremias loquitur Cap. 26. ac scribit eam à Micha tempore Ezechia habitam, nec tamen ab Ezechia propterea Ierem. 26. occisum esse, cum impius Rex, ob repetitam hanc comminationem, Ieremiam occidisset, nisi à senioribus defensus esset. Satis autem patet ex eo loco, neque Micham caruisse periculis, sed boni Regis ope fuisse tutum. Non solum enim tyrannis veritatis impatientissima est, sed causas fingit, cur hæc Doctorum libertas coherceri debeat. Sicut nostro tempore, prohi dolor, nimis multa exempla extant, quæ alioqui tolerabiles Magistratus veritate offensos esse ostendunt. Fit enim quod Aristoteles bellissima fabula ostendit, Vt Leones ægrè patientur sibi à Leporibus quasi Leges præfigi, ad quas consilia & facta sua dirigant. Dum igitur Lepores pio studio concionantur Leonibus, aut Leonum ungulas, cum discrimine experiri, aut vitam fugatueri coguntur.

*Vitia magistratuum, &c.*

Vsitatum autem est hodie in aulis, ut liberiores conciones, in quibus Magistratum vitia notantur, seditiosas esse dicant. Sed si seditiosum est, Magistratum vitia notare, quæso te, quid de Micha dicemus, qui non dixit, sed scripsit quoque hæc? ac palam ostendit se non cum rusticis, sed cum ipsis Principibus & Capitibus domus Iacob & Israël agere, Sed impudentissima oratio est, Micham, & alios idem cum Micha facientes, seditiosos vocare. Num enim veritas seditionis causa est, quæ & Deo grata est, & peculiariter ministris Verbi commendata? Sacrae literæ & experientia quoque prolixè testantur, seditiones esse pœnas divinitus immisas, non propter veritatem Doctoribus mandatam, sed propter peccata Magistratum, quæ ob certas causas notanda sunt, non dissimulanda aut tacenda. Nam dissimulatio Deum ultorem & traductorem talium peccatorum excitat.

*Magistratus ad  
monendum sui  
officiu.*

Primum enim cum Magistratus in republica sit, quasi Caput in corpore humano, non potest cum fructu medicina adhiberi reliquo corpori, nisi prius caput fanatum sit. Sicut enim ferè frustra hortamur vulgus ad pietatem, ubi ipse Magistratus nullam religionis curam habet, Ita si Magistratus rectè institutus sit, sua sponte vulgus severitate pœnarum, ad moderationem & studium virtutis revocat. Quare pio Doctori prima cura debet esse, de Magistratu, ut admoneat officii, ut revocet eum ab usitata licentia, quam propter potentiam sibi sumit. Hoc autem quæso quomodo poterit fieri, si Doctor ad omnia peccata conniveat & dissimulet omnia?

Deinde verum est, quod Satyricus dixit, Omne animi vitium tanto conspectius



Etius in se crimen habet, quanto qui peccat major habetur. Sicut enim persona publica est, ita etiam peccata Magistratus publica sunt, & latius patent quam privatorum, non solum ratione scandali, quod vulgus proclive est ad Principum vitia imitanda, Sed quod Magistratus postea languidior redditur ad ea reprehendenda & castiganda in subditis, quæ ipse in se agnoscit. Hoc vero illud est ingens malum, cui omni studio pii Doctores cum Micha debent occurrere. Quoties enim testatur Dominus, se quasi placatum esse severa animadversione in flagitiosos? Ergo ubi Magistratus in hac parte suum officium non facit, ipse Dominus, cuius iudicium est, iudicium cogitur exercere. Sed id nunquam ferè fit sine publicis calamitatibus, Sicut hoc in loco Propheta testatur propter huiusmodi Principum peccata, Zion ut agrum arandam, & Ierusalem funditus delendam, ut nihil sit nisi acervus lapidum.

Magistratus  
peccata, &c.

Tertio, Prophetarum hæc singularis vocatio erat, ut quæ Dominus per visiones aut alio modo revelarat, fideliter nunciarent. Etsi autem hæc hodie ferè desierit, tamen exemplum ostendit, Deum velle, ne dissimulentur Principum peccata. Et in novo Testamento generale mandatum est, Prædicandam esse poenitentiam. Ac hanc Principibus quomodo prædicabis, nisi manifesta ipsorum peccata, quæ cum ingenti subditorum scandalo committunt, arguas? Hæ & similes rationes Prophetam vindicant à crimine seditionis.

Prophetarum  
vocatio singu-  
laris.

*Qui odio habetis bonum, malum autem diligitis, Qui pellem & carnem  
eorum de ossibus eorum abripitis.*

Pulchra figura expressit crudelitatem, quam in subditos exercebant, Ac Germani eadem figura utuntur, cum extremam violentiam significare volunt. Sic enim dicunt: *Er schindet seine arme leute bis auff den grad.* Hæc tragica figura ostendit, quantum peccatum in oculis Dei sit avaritia. Magistratus sæpè cogitat, Etsi injurius sit in subditos, tamen non esse magnum peccatum, si unum & alterum aureum præter ordinaria onera exigat, sed Prophetam hic audi tragicè exaggerantem peccatum hoc. Dicit enim idem esse ac si pellem detrahas, ac si ossa nudes carne, ac si nudata ossa tandem immaniter conteras ac confringas. Hæc quis quæso parva dicet? Quis non hanc summam existimabit esse tyrannidem & immanitatem? Itaque hic locus, ut si quis alius in tota scriptura, gravissimam reprehensionem avaritiæ habet, non solum quod poenam gravissimam proponit, sicut sequetur, sed quod ipsam peccati magnitudinem sic tragicè amplificat.

Avaritia.

Injusta exactio.

*Qui comedunt carnem populi mei, qui nudant eos pelle sua & ossa eorum  
confringunt, & concidunt tanquam in ollam, & sicut carnem, quæ in  
abenum ponitur.*

Perstat in descriptione violentæ & tyrannicæ avaritiæ. Verè enim avaritia cum tyrannide & injusta vi conjuncta est. Porro hæc commemoratio avaritiæ & tyrannidis tam copiosa, non solum eo valet, ut qui temporibus Michæ in administratione tum Reip. tum Ecclesiæ fuerunt, emendarentur, & curam de privata re augenda converterent ad Rempub. & Ecclesiam sanandam & juvandam, sed sunt ceu oracula quædam ad nostra quoque tempora utilia, ut qui in Magistratu sunt, sive politico sive Ecclesiastico, sciant hanc quoque unam esse tentationem, qua Satan eos cogitat abducere à via, & inducere in peccata, ut tanto majore studio tum injustam vim, tum avaritiam discant fugere.

Avaritia cum  
tyrannide con-  
iuncta.

Nostro seculo immodice crevit aulicus luxus. Cum igitur ordinarii redditus ad tolerandos tantos sumptus non sufficiant, videmus novis & inusitatis exactionibus subditos gravari. Prætexuntur quidem publica pericula, sed nemo non videt causam talium exactionum esse, quod majores sumptus, quam pro re, faciunt Principes. Quare hæc Michæ concio piis Principibus debebat esse admonitio, ut occasiones omnes fugiant, ne potentia sua ad exhauriendos subditos violenter abutantur. De Presbyteris, quos in nostris Ecclesiis habemus, non valde opus est admonere.

Aulicus luxu,  
&c.

Ggg

Sic

Sic enim ferè ubiq; parcè ac illiberaliter à suis habentur, ut procul sint ab omni suspicione avaritiæ, vix enim habent unde se & suos alant, Et tamen si qui occasionibus parandarum opum intenti sunt, hi meminerint, ut ratione habeant sui ministerii, ne aut id dehonestent privatis cupiditatibus, aut eo abutantur ad quæstum.

*Papam ex-  
riliis.*

Cæterum Papæ turba hic suum locum habet, qui verè vivunt ex rapinis, Et si enim nunc de justo titulo possessionis gloriantur, tamen initia vide, quibus rationibus coeperint crescere. Nisi homines impia & e mentita doctrina dementassèt, nunquam ad tantas opes pervenissent. Et ne ipsi quidem negare possunt, quod in nulla parte sint Ecclesiæ utiles, nisi fortasse Ecclesiæ putamus prodesse, alere scorta, equos, comessari, ludere, crapulari, & similia. Sed relinquamus eos suo magistro, qui animam occidere, & corpus in Gehennam potest projicere, Nos enim non audiunt, Si quæ tamen moderatiora ingenia sunt, hæc mirum est, si non perturbantur animo, cum tantas opes, ad otium concedi vident, ac fruuntur beneficio, nullum præstantes Ecclesiæ officium. Sed jam poenam audiamus.

*Tunc clamabunt ad Dominum, & non respondebit eis, & abscondet faciem suam ab eis in tempore illo, quia malè egerunt operibus suis.*

*Abscondere  
ostendere faci-*

Solent Prophetæ, cum opportunum est, imitari Moysen, Sicut & hæc phrasis Mosaica est, desumpta ex Cantico Mosi. Significat autè abscondere seu avertere, faciem, irasci, sicut econtra ostendere faciem illuminare vultum est clementer aspicere favere, & benè velle. Sicut Psal. 79. Ostende faciem tuam & salvi erimus. Salus enim vera est, cum Deus favet, cum diligit & clementer nos respicit, secundum notam sententiam Pauli, Si Deus pro nobis, quis contra nos? Porro diligenter notabis hunc textum. Minatus supra est, tam injustis & avaris hominibus captivitatem & exitium, Id cum per se grave sit, hic geminat poenam, cum etiam auxilium omne negat in calamitate, Atque hæc poena propriè pertinet ad impenitentes, qui admoniti verbo Dei, tamen non desistunt malè agere. His ad poenas corporales etiam hæc accedit, quod Deus orantes non vult audire, quia ipsi quoque Deum vocantem ad poenitentiam audire noluerunt. Ita non solum fortunas per avaritiam & impietatem peritas amittunt & implicantur calamitatibus, sed amittunt simul promissionem liberationis. Non ideo solum, quod Deus audire eos nolit, qui tam diu Deum frustra concionantem & admonentem noluerunt audire, Sed quod ipsi etiam cum orant, tamen per conscientiam suam confusi, salutem sperare non audent.

*Pena impeni-  
tentium.*

*Magi-  
strum.*

Hæc crux fixa est avaris Magistratibus, ut in calamitatibus nihil habeant quod sperent. Gravis enim sententia est, Clamabunt ad Dominum, & non respondebit eis. Vnde igitur auxilium petere & sperare poterunt, si Dominus in calamitate eos non respiciat? Sed tanquam iratus hostis oppressos magis opprimat? Hæc cogitare debebamus, & his comminationibus credere, tunc minus essemus ad peccandum prompti, & timor Domini expelleret ex animis nostris securitatem. Ac sane sunt aliqui, quos hæc vaticinia & comminationes movent. Quanquam major pars opibus, potentia, voluptatibus suis capti & dementati hæc non prius credunt, quam experiantur.

*Impenitentes.*

Dixi autem impenitentibus hæc Prophetam comminari, hoc est, iis qui verbum audiunt, sed ei non obtemperant, qui que tam diu securè peccant, donec à poena apprehenduntur. Hoc enim est, quod addit, Avertet in illo tempore faciem suam, tanquam ab his, qui malè egerunt operibus suis, Hoc est, qui non desierunt ante peccare, quam ab irato Deo poenis essent circumventi. Monet itaque locus hic omnes Magistratus, ne indulgeant cupiditatibus suis, & oneri sint subditis, sed ut custodiāt iudicium, Alioqui futurum, ut sine omni auxilii spe extremis malis circumventi pereant. Porro ut hoc quoque admoneam, hæc Legis sententia est, quæ concionatur impenitentibus certas & inevitabiles calamitates. Sic Manasse nulla ratione potuit deprecari exilium & captivitatem, Et tamen cum postea agnosceret peccatum, & rogaret veniam, non repellitur à Deo. Ita statuamus, etsi poena evitari non

*Manasse.*

non

non potest, tamen per poenitentiam & fidem patere omnibus reditum ad gratiam, sicut Evangelium docet.

*Sic dicit Dominus contra Prophetas, qui seducunt populum meum, eumq; lacerant dentibus suis, & clamant, Pax. Si quis autem non dederit eis, quod vorent, parant contra eum bellum.*

Haftenus de Magistratu politico, nunc de Prophetis & Doctoribus concionatur, conferentibus Ministerium suum, non ad hominū salutem, nec ad gloriam Dei, sed ad suum quæstum. Vtitur autem hic quoque tragicis figuris, cum impios Doctores dicit lacerare populum dentibus. Non autem solum referendum hoc est ad incommodum fortunarum, quod patiuntur auditores propter Doctorum avaritiam, sed magis ad incommodum animarum & salutis. Quare cum à Prophetis, tum ab ipso Christo & Apostolis Lupi vocantur, qui lacerent ac lani-  
*Lupi.*

Porro elegans figura est in eo quod additur, Clamant pax, Si quis autem ori eorum non dederit, adversus hunc parant bellum. Vocabulum pacis notū est. Significat enim, quod Pseudoprophetæ consolabantur populum, contra illas sanctorum Prophetarum comminationes, ac promittebant omnia fausta & felicia. Hoc autem, inquit Propheta, faciebant ideo, quia videbant populum & Principes talibus concionibus delectari. Sicut igitur Michæ & collegis ejus veritas odium conciliabat, ita hi propter mendacium in precio erant, & lautè habebantur. Semper enim ita factum est, ut mendaces Prophetæ cum voluptate audirentur, & hominibus grati essent, Contra, ut pii & veri negligerentur, esurirent, & essent in odio, præcipuè Magistratus & Principum.  
*Pax.*

Porro notanda hoc in loco Prophetæ phrasis est, Non enim, ut transtulimus, dicit, quod parent bellum, Sed dicit eos sanctificare bellum (Kidschu alaf Milhamah) Ac si dicas, non quidē gladio contra eos pugnant, qui nihil volunt dare (sicut civilis Magistratus, qui gerit gladium) habent suum peculiare bellū, quod excommunicant, quod excludunt tales ab Ecclesia, quod damnant tanquā Hæreticos, &c. Atq; hoc faciunt eo titulo quod sint Sancti, quod sint Ecclesia, quod sint Sacerdotes, Levitæ, &c. Hæc phrasis Latine non potest satis perspicue reddi. Convenit autem hoc pulchrè cum Papistarum artibus. Sicut enim Pseudoprophetæ Iudæos hortabantur ad frequentanda sacrificia, & dissimulatis reliquis peccatis, promittebant omnia rectissimè habitura esse, si liberaliter & sæpè sacrificarent, Ita nondum ex memoria hominum abiit, quo conatu, quibus artibus, Papistæ homines induxerint ad redimendas indulgentias, ad ornanda Tempia, ad Missas, ut vocant, vovendas, In his omnibus erat quæstus longe maximus.  
*Sanctificare bellum.*

Si qui autem vel contra dicerent, vel hæc sibi persuaderi non paterentur, dic mihi, an non, ut Propheta hic dicit, erant ei paratæ lites, & certa pericula subeunda? Adhuc hodie, si quis in iis locis, ubi Evangelium nostrum à Magistratu damnatur, non jubeat defuncto parenti exequias, ipsorum more fieri, si non missas, si non alia usitata in Papatu, certa pecunia redimat, statim Lutheranus habetur, & habet paratas lites à Monachis, tyrannorum licitoribus. Adeo nunquam sui dissimilis est impietas, licet dissimilitudo morum & temporum sit maxima. Sed quod judicium manebit hos impios doctores & seductores? Hoc scilicet:

*Ideo Visio vertetur vobis in noctem, & divinatio in tenebras.*

*Occidet Sol super Prophetas, & obtenebrabitur super eos dies.*

Hoc est, Quia abutuntur impii Doctores ministerio suo ad quæstum, fiet ut excæcentur, & non solum deprehendantur falsa prædixisse & docuisse, sed etiam si velint & cupiant vera docere, non tamen possint. Antitheses satis notæ sunt (Hafson) visionem significat, hoc est, Prophetiæ donum, sicut usitatum est, videntes nominare Prophetas. Huic opponit noctem, quæ omnia involvit tenebris & con-  
*Pars imperii de Clerum.*  
*Visio.*  
*Videntes.*  
*Nox.*



fundit, ut significet extremam cecitatem. Sic videmus multos, quibus initio nostra doctrina non solum non displicuit, sed etiam summi thesauri loco fuit. Hi postquam se cum adversariis, ob majus lucrum conjunxerunt, non possunt non blasphemari esse, & odiosissime de nobis loqui & cogitare. Hoc præmium manet eos, qui abutuntur officio seu ministerio ad suum quæstum, Hæc est una pars pœnæ.

*Confundentur Propheta & pudebunt Vates, velabunt labium suum universi, Quoniam non afferunt responsum Dei.*

*Pena Pseudo-  
phetarum, caci-  
tas & confusio.*

*Velare labium.*

Magna & gravis pœna est cecitas tam horrenda, quam Propheta minatur, & nos in seductoribus Papistis hodie videmus, sed ea non satis est, Etiam confusio & ignominia cecitatem hanc comitabitur, ut cum diversa ab iis, quæ promiserunt, evenient, palam de mendacio possint convinci. Antequam igitur eventus sequatur, gloriari possunt Pseudoprophetae contra Micham, & spe successus consolari suos, Sed cum jam Assyrius Israëllem vastasset, & exercitum admovisset ad portas Jerusalem, res arguebat Micham vera, illos autem falsa, docuisse. Ibi coacti sunt, sicut Micha eleganti figura loquitur, Velare labium, hoc est, ne mutire quidem ausi sunt, qui ante templum & plateas omnes clamoribus suis impleverant. Est autem etiam hæc figura ex Mose desumpta, ubi Levitici 13. de leproso loquitur, ut habeat os veste <sup>Lev. 13.</sup> contactum, Et nos Germanicè non dissimili figura notamus confusionem, cum dicimus, Non audere hominem, de mendacio convictum, os aperire, aut se dare in conspectum hominum. Et Romana consuetudine obvolvebant caput, iudicio dam- <sup>1 Petr. 2.</sup> nati.

Porro in primis memorabilis est ultima particula, in qua Propheta causam tum cecitatis, tum confusionis ostendit. Vtitur autem eleganti brevitate (Ki en ma- anch Elohim) quoniam non responsum Domini, hoc est, quia hoc quod docuerunt & promiserunt, non fuit verbum Domini, De officio & vocatione nihil dicit, Hanc concedit eis. Sicut etiam hodie non ideo recusamus obedire Pontificibus & Episcopis, quasi non habeant vocationem & officium legitimum. Cum S. Paulus disertè dicat, Antichristum habiturum sedem suam in Ecclesia, Et Christus de sui temporis Pseu- <sup>2 Thim. 2.</sup> dophetis dicit: Supra cathedram Moysi sedent. Relinquit igitur Propheta Pseu- <sup>Matth. 23.</sup> dophetis officium & vocationem, eaq; non accusat, nec damnat, Hoc autem damnat, quod cum in officio sint, non tamen officio verè utantur, cum docent, sed non verbum Domini, cum promittunt & consolantur, sed non ex responso Domini.

*Officio non ex-  
cusatur peccatum.*

Iam hæc perversitas omnibus seculis in Pseudoprophetis fuit, ut accusati de officio non recte administrato, tamen se officii autoritate tuerentur. Quid enim hodie aliud habent Pontifices & Episcopi, quod nobis opponant, quam quod sint in vocatione & officio? Hanc causam putant se habere, cur & nobis leges ferant, & nos eas accipiamus. Sed nunquam nobis de officio disputatio fuit, Abusum officii taxamus, quem abusum ipsi autoritate officii dependere volunt. Quis autem est, qui non rideat imo execretur Principem, in politia multa nefariè & sceleratè peccantem, & tamen postea excusantem peccata ratione officii? An non, quia Princeps est, ideo cavere debebat, quæ prava cupiditas suadet? Nam Princeps est, ut administret justiciam, Hoc si non facit, aut etiam adversum facit, ipse suo testimonio vincitur, quod faciat præter officium, nec potest se ratione officii tueri. Ita planè ineptum & contra communem sensum est, quod stolidi Papistæ faciunt. Quia enim in officio sunt, volunt sibi licere quidvis.

Sed nos cum Propheta controversiam de officio nullam movemus, de ratione administrati officii nobis lis est. Quia enim responsum Domini non habent, hoc est, sine verbo Dei præeunte docent, instituunt, mandant omnia, meritò à nobis reprehenduntur, merito detrectamus auctoritatem eorum, quam veneremur, si Verbum retinerent, & non contra Verbum se tueri vellent. Quod igitur apud Esaiam affirmativè est, Verbum Domini manet in æternum, id Propheta hic negativè ponit. Nempe

**Matth. 7.** Nempè quod ubi responsum seu verbum Domini non est, ibi non est durable aut æternum aliquid, sed oportet sequi cæcitatem & confusionem. Sicut Christus eleganti similitudine de domo super arenam ædificata ostendit. Habet quidē impietas sæpè insignem speciem, ut nulla vi videatur posse convelli. Sicut cum cogitatione respicimus ad illam Ecclesiæ formā, quæ ante Evangelii lucem in Papatu fuit, ibi tanta missæ & aliarum impiarum Ceremoniarum dignitas esse visa est, ut hanc mutationem nemo potuerit sperare. Sed quia Ceremoniæ illæ fuerunt sine verbo, imo contra verbum institutæ, accidit, ut domus illa ingruente tempestate verbi & vento spiritus, convelleretur, & ex imis fundamentis inciperet corruere. Verum enim est, Verbum Domini manet in æternum. Ergo ubi Verbum non est, ibi nihil durable potest esse, etiamsi in specie adamantinum esse videatur.

*Ecclesiæ forma ante lucem Evangelii.*

*Ego vero plenus sum virtute spiritus Domini, & iudicio & fortitudine, ut annunciem Iacob transgressionem suam, & Israel erratum suum.*

**Isaiah 40.** Hæc est egregia Antithesis, in qua Propheta, non solum officium & vocationem suam, sed etiam administrationem officii jactat contra Pseudopphetas, & egregiè ornat verum Verbi ministerium. Id cur institutum sit, patet ex illa nota sententia Christi, ubi dicit, Spiritum sanctū arguiturum mundum de peccato, de justitia, & de iudicio, Vt homines non solum discant agnoscere peccatum, sed ut etiam consequantur remissionem peccati ac justiciam per Christum, & magno animo contemnant minas & furorem, tum Satanæ tum mundi. Ostendit autem Propheta supra, quam non possit mundus ferre veritatem & reprehensionem peccati. Ideo contra pios Doctores sævit omnis generis suppliciis, Sicut omnium Prophetarum, Apostolorum & Doctorem exempla ostendunt. Qui autem connivere solent, & blandiuntur mundo, hi in precio sunt & laus habentur. Ac eo major omnibus temporibus talium proventus est, quod non omnes eo animi robore sunt, ut odium & furorem mundi contemnere possint. Deinde ferè vincuntur, etiam splendore vitæ ac cupiditate opum.

*Ministerii finis.*

*Mundus non potest ferre reprehensionem peccati.*

Hæc vitia in Pseudopphetis Micha eruditissimè perstringit, cum suum exemplum opponit & dicit: Ego vero sum plenus virtute spiritus Domini, hoc est, Non affero meam sapientiam, non nitor viribus meis, Alioqui vestri similis essem, qui humano spiritu pleni estis, & succumbitis in tentatione, dum propter opes & dignitatem parandam ac favorem hominum colligendum, connivetis ad peccata populi. Exerit autem se virtus spiritus Dei inhabitantis in me duobus modis, in iudicio & in fortitudine. Iudicium significat hîc usitato scripturæ more, cum quæ prava sunt, reprehenduntur & damnantur, Sicut Propheta ipse se exponit, cum addit, Sic sum iudicio plenus, ut annunciem Iacob peccatum suum & Israël erratum suum.

*Iudicium.*

Sed cum iudiciū hoc non careat periculo, quod mundus nihil minus quam reprehensionem peccatorū ferre possit, etiam in eo se ostendit Spiritus Dei, quod sum fortitudine plenus, & pericula illa contemnere possum. Hoc vero illud insignè donū est, quod Christus toties promittit, quoties consolatur discipulos, cum jubet, Ne sint solliciti quid dicant, etiam tūc cum ad supplicia rapiuntur. Propterea quod non soli simus, sed habeamus additū Paracletum, qui corda tanto certiore spe impleat, quanto pericula omnia videntur præsentiora & graviora esse. Hoc dono Propheta se dicit pleni, ut etsi minentur omnia, tamen ipse in nulla parte à mandato Domini sit discessurus. Hoc dono Apostoli, etiam post plagas acceptas, ibant gaudentes, quod digni essent habiti, qui pro nomine Christi contumelia affecti essent. Qui autē hoc donum non habent, hi etsi extra pericula ferociores sint, tamen ad primum congressū cedunt, ac loquuntur & faciunt omnia ad gratiā, potius, quam ut propter veritatē in periculo esse, & odium hominū sustinere velint. Sed quis horum finis sit, supra ostensum est, quod scilicet sol super eos occidet, hoc est, quod in extremā cæcitātē prolabantur, & tandem etiā confundentur.

*Donū spiritus arguere mundū & contemnere pericula. Matth. 10.*

*Pena impiorū Doctorem.*

*Audite quæso hoc capita domus Iacob, & Principes domus Israel,  
qui abominabile faciunt iudicium, & quicquid rectum est,  
pervertunt.*

*Sapientia principum*

Redit ad objurgandos Principes in republica, qui cum justitiæ custodes esse debebant, omissa cura Reipub. & subditorum, sua tantum curabant commoda. Sicut supra quoque diximus, avaritiam esse peculiarem laqueum Satanæ, quo magistratibus insidiatur, ut suis commodis invitati, Reipublicæ curam abjiciant, jus negligant, & injusta administratione premant cives, qui injuriam ferre & mustitare coguntur propter potentiam Principum.

*Contemptores iudicii.*

Vsus autem est Propheta verbis valde significantibus. Vocat (Hamethæsim) contemptores iudicii, qui quidē vident quid æquū & justum sit, sed indulgent cupiditati, & quod norunt, facile nolunt. Sicut apud Poëtam est, Sit pro ratione voluntas. Deinde elegans etiam est Antithesis, quod rectum est, pervertunt seu depravant. Significat enim studio eos hoc agere, ne recte agant, tantum ut ditentur.

*Ædificant Zion in sanguinibus & Ierusalem in iniquitate.*

*Luxus principum, &c.  
In sanguinibus ædificare.*

Mutatio personæ Ebræis usitata est. Hic autem participium (Bonch) singulare, habet quasi vim collectivi nominis. Vult enim dicere, quod singuli hoc modo ædificent. Porro Ebraismus etiam est, quod dicit, Ædificari Zion in sanguinibus. Significat enim, quod magnificè ædificent, sed ex sudore & sanguine pauperum. Sicut hodie inulitatus luxus omnium Principum aulas invasit, Non ædificiorum ratio, non vestitus, non victus, eadem est quæ olim fuit. Omnia sumptuosissime instruuntur. Sed revera ædificant & ornant Principes quoque suas aulas in sanguinibus, quod novis & inulitatis exactionibus subditos onerant, ne quid de splendore & luxu cogantur diminuire. Olim parcè vivebant Principes, itaque tolerare sumptus poterant sine injuria subditorum, Et in publicis periculis patebat eis refugium ad privatorum opes. Nunc cum ad Luxum expilètur subditi, nulla præsidia ad publica pericula depellenda Principes sibi reliqua faciunt. Et accedit aliud gravius incommodum, quod iniquis istis exactionibus etiam subditorum animi alienantur, & sternitur quasi via ad seditiones & alia mala. Sed sunt hæ poenæ peccatorum, quæ postea aliis poenis excipiuntur & multantur.

*Principes ejus propter munera judicant, Et Sacerdotes ejus  
propter mercedem docent, Et Prophetæ ejus propter argentum vaticinantur.*

Quæ de Principibus dicit, pertinent ad expositionem ejus, quod paulo ante dixit, Ædificant in sanguinibus. Etsi enim Tyranni avaritiam suam defendunt sanguine bonorum, Sicut Naboth cum impio Regi hortum vendere nollet, occiditur, & Tyrannus potitur horto, Tamen etiam hoc est in sanguine ædificare, seu augere rem, cum nimium premuntur subditi, & principes non æqualiter administrant jus, Sed ut Propheta hic dicit, judicant propter munera, hoc est, cum largientibus munera jus dicunt etiam in injusta causa, Contra, nihil largientibus jus non dicunt, etsi causam habeant æquissimam.

*Judicandi potestas.*

Est autem hæ insignis perversitas, quanquam in omnibus judiciis sit usitatissima. Nota est sententia optimi Principis Iosaphat, qui cum Politiam & Ecclesiā, viris idoneis delectis, præclarè constitueret, politicum Magistratū gravissimè adhortatur, Videte, inquit, quid faciatis. Non enim hominis exercetis iudicium, sed Domini, Quodcumque igitur judicaveritis, in vos redundabit. Hac sententia docet judicandi potestatem non humanam esse, nec simpliciter ab hominibus mandari, sed ab ipso Deo. Quare propter Deum & propter mandatum Dei, hoc opus Dei rectè erat administrandum. Sed, inquit Propheta, Non solum non respiciunt Deum Principes nostri, sed Deo, mandato Dei & operi Dei antefecerunt munera. Hunc contemptū an putabitis impune fore? redundabit itaque ista iniquitas in



in vos, ut vicissim contemnamini & abjiciamini, sicut contemnitis & abjicitis Dei opus & mandatum.

Porro hæc non tantum ad ipsos judices seu Magistratus referenda sunt, sed etiam ad illos, quorum opera Magistratus in administrando jure utitur, ut sunt Jurisconsulti, Advocati, Procuratores, & id genus alii, Quorum cum esset jus & æquum defendere, sæpe lucro uberiore invitati, iniquas causas defendunt, Sæpe bonas causas involvunt & implicant magis, quod in mora esset quæstus sit, Sæpe pauperibus negant operam suam etiam in iustis causis, quando contra potentiores agendum est. Magis enim hominum favorem & gratiam, quam Domini mandatum & functionem suam respiciunt. Sed quis omnes hujus generis fraudes & dolos commemoraret? Etsi autem nihil magis dolet, quam in bona & justa causa succumbere, propter aliorum sive perfidiam, sive inscitiam (Nam ii quoque peccant, qui ad hæc negocia nondum satis instructi accedunt) tamen quia judicium Domini est, missitanda injuria, & vindicta Domino relinquenda est, qui suo tempore ab avaris contemptoribus juris & pravaricatoribus satis graves poenas expetet, sicut Propheta in fine admonebit.

*Et sacerdotes ejus propter mercedem, &c.*

Iam Propheta etiam contra Ecclesiasticos Magistratus concionatur, ut ostendat se esse judicio & fortitudine plenum. Reprehendit autem in his quoque, quod avaritia infecti discedant ab officio, & neglecto mandato Dei ad quæstum respiciant.

Porro inerudite hac sententia quidam abutuntur contra pios Doctores quasi non sit licitum, vivere ex stipendiis, quæ Ministris Ecclesiarum constituta sunt. Allegant Christi verbum, Gratis accepistis, gratis date, Opponunt quoque S. Pauli exemplum, qui cum doceret Ecclesias, tamen Ecclesias non voluit onerare, sed ipse manibus suis paravit victum. Hæc sive querela sive calumnia nascitur ex quodam diabolico odio ministerij Verbi. Quid enim aliud faciunt impii homines, qui talibus sermonibus simplicium aures fatigant, quam ut non solum personas Ministrorum, sed ipsum ministerium in contemptum adducant, cum potius omni cura in id incumbendum erat, ut ministris propter Verbi honorem, sua dignitas restitueretur.

Verum quidem est, quod Christus dicit, Gratis accepistis, gratis date, Vult enim finem principalem ministerij esse, ut serviatur gloriæ Dei, & hominum saluti. Nam propter hæc duo ministerium Verbi præcipue institutum est in mundo, Sed ex hoc non sequitur, quod impium sit, ut Ecclesia alat ministros suos. Hoc impium esset, si Ministri finem ministerij negligere, & tantum ad mercedem respicere, seu propter mercedem docendi munus non recte administrare vellent. Sicut igitur Minister mandato Dei cogitur, ut & gloriæ Dei & saluti hominum serviat, Ita vicissim Ecclesiæ mandatum habent, ut Ministros alant. Sic enim dicit Christus, Mercenarius dignus est mercede sua. Si dignus est, nemo igitur mercedem exprobrare Doctori debet. Sicut S. Paulus hanc sententiam clarius explicat, 1. Cor. 9. Dominus, inquit, constituit seu ordinavit, ut qui Evangelium annuntiant, etiam ex Evangelio vivant. Allegat autem ministerium Legis, Qui, inquit, sacra faciunt, an non ex sacrificio vivunt? Qui assident sacrario, an non cum sacrario participant? Utitur aliis similitudinibus ad hoc negotium aptissimis. Quis, inquit, est, qui propriis stipendiis militet? An qui vineam plantat, eam sic plantat, ut de fructibus ejus non comedat? Præcipue autem digna observatione est insignis illa collatio, qua etiam in Galatis utitur, Seminamus vobis spiritualia, magnum vero est, quod nobis carnalia suppeditatis?

Quod igitur ad exemplum Pauli attinet, ipse palam testatur, se hoc non facere, quasi iniquum sit ab Ecclesiis accipere victum, sed ut adjuvet hoc modo cursum Verbi, & præcidat occasiones calumniandi, quas in re nova homines indigni poterant comminisci. Debet quidem, sicut ab omnibus Christianis, ita maxime Ministris verbi omnis avaritiæ & cupiditatis suspicio abesse, Non tamen ideo statuendum est, quod iniquum sit accipere ab Ecclesiis, quæ ad commodum victum sunt necessaria. Sicut quidam hisce prodigiosis opinionibus, propter speciem singularis sanctitatis, delectantur,

lectantur, quidam ex certa malevolentia & Satanico odio ministerij, in calumniam rapiunt, quod Ministris alibi pro facultatibus Ecclesiarum, liberaliora stipendia constituta sunt.

Si enim Ecclesiarum utilitatem spectamus, An non in eam potius partem pronuntiabimus, ut ministri Ecclesiarum habeantur liberaliter, quam quod multis in locis vix à fame se & suos tueri possunt? Nam hæc illiberalitas meliora ingenia à cura Ecclesiarum absterret. Non enim omnium est illud robur animi & ea constantia, ut pro difficilimis laboribus odium & famem reportare velint. Ac præcipue marito nihil potest gravius accidere, quam si videat uxorem & liberos egere, quos, si aliam rationem vitæ sequatur, etiam cum splendore alere possit. Nam etsi Legum aut Medicinæ studium, propter magnos sumptus non omnibus pateat, Tamen quot in Republica munia honeste administrari possunt ab homine etiam medioeriter erudito, quæ omnia ad splendorem vitæ & ad opes aditum parefaciunt? Hæc profecto inventus magis sectari voluit, etiam suorum causa, quam ut uxorem & liberos in certam mendicitatem sciens & prudens protrudat.

An non igitur Ecclesiæ ex ista illiberalitate, qua erga Ministros utitur, certum periculum erit? siquidem & eruditis hominibus carebit, & indoctorum hominum, qui non possunt ad altiora contendere, inepta ac periculosa gubernatione opprimetur? Sicut ante oculos exempla sunt, quæ ostendunt, non solum quanta caligine res sacræ indoctorum gubernatione involutæ, sed etiam quanta barbarie omnes bonæ artes oppressæ fuerint. Nemo igitur offendatur, quod alicubi bonorum Principum pio studio, Ecclesiarum Ministri paulo liberalius habentur, Hoc potius queramus omnes, non haberi à maxima parte Principum & Rerumpub. posteritatis curam, quæ in tanta illiberalitate aut nullos aut indoctissimos gubernatores habitura est. In primis grave & intolerabile illorum, tum peccatum tum iudicium erit, qui Ecclesias spoliant, & Ministrorum facultates invadunt. Sicut in agro ferox Nobilitas, & in Rebuspub. potentiores familiæ, plerumque solent. Vtrique enim parvi lucri spe invitati, incertum exitium Ecclesias adducunt, quas majorum exemplo, etiam sua liberalitate adjuvare, & ornare debebant.

Sed ad Micham redeo, is non damnat Sacerdotes & Prophetas, quod mercedem & argentum accipiant, debetur enim merces sua piis Doctoribus, Hoc autem damnat, quod ministerio ad quæstum abutebantur, Quod propter lucrum connivebant ad peccata populi, quæ reprehendere debebant. Sicut Bileam conduci se patitur, ut maledicat, quibus Dominus ut benediceret mandarat. Ad hunc modum, inquit Propheta, debebat reprehendi impietas hujus populi, Sed propter quæstum Pseudoprophetae etiam assentantur peccatoribus, & bona promittunt.

*Et tamen super Dominum nituntur, & dicunt, Nonne Dominus in medio nostri est? Non igitur veniet super nos malum.*

Hic est insignis locus, qui non solum ad explicationem aliorum Prophetarum utilis est, sed etiam insignem quasi picturam habet nostrorum adversariorum. Nemo est, qui si diligenter omnia inspiciat, non vehementer miretur, unde ista in Pontifice & ejus asseclis tum securitas, tum pertinacia possit esse. Doctrinæ genus profitentur ex diametro pugnans cum doctrina Evangelij, Ceremonias ab ipso Christo institutas aut corruerunt, aut ineptis additamentis conspurcarunt, & substituerunt novas sine verbo Dei. De vita autem nihil necesse est dicere, quanto enim in altiore fastigio rerum consistunt, tanto peccant licentius, Ita ut jam olim proverbio factus sit locus, Quod quanto Roma propior, tanto Christianismus sit longinquior. Et tamen in tanta impietate longe minus metuunt, quam quorum doctrina & vita sanctior ac melior est. Hæc securitas quis non miretur unde existat? Sic satis ostendit Propheta, quantum ab officio discedant sui Sacerdotes & Prophetæ, cum magis quæstum spectant quam ministerium suum. Cumque pecuniæ causa ea dissimulant, quæ ministerij ratione graviter reprehendenda erant, Et tamen, inquit, tales cum sint, nituntur super Domi-

*Securitas falsa  
Ecclesia.*

*Causa servitutis  
in impietate.*

Dominum, & fidunt ejus benignitate, Nonne Dominus in medio nostri est? Nihil enim patiemur mali, &c.

Porro utrinq; eadem præsumptionis causa est, Quod impii decepti hypocrisis <sup>Impii arripunt promissiones</sup> sua, arripiunt promissiones, & fiducia illarum, omnes contemnunt minas. Sic magnificas promissiones habuerunt Iudæi de conservando populo & regno usq; ad Christum, Cum igitur Prophetæ peccata populi reprehenderent, & minarentur exitium, opponebant promissiones illas, jactabant patrem Abraham, Ministerium seu vocationem, Cultus, & sacrificia divinitus instituta. His freti, tanquam certis præfidiis, securi erant de poena. Sic magnificas promissiones habet Ecclesia novi Testamenti. Quia autem Pontifices summum in Ecclesia locum vi sibi usurparunt, fit, ut quicquid Ecclesiæ promissum est, hoc putent sibi & statui suo esse promissum. Igitur etiam in extremis periculis illud eis in ore est, Quod cymba Petri fluctibus jactari, sed non mergi possit.

6. Falluntur autem pariter tum impii Iudæi, tum Papistæ, Non quod Deus promissa non servare, aut populum & Ecclesiam suam abicere velit, sed quod Hypocritæ, etsi officium habent, tamen officio abutuntur, atque ideo tum populus Dei, tum Ecclesia esse desinunt, Manet enim sententia supra posita, Sermones mei boni sunt, sed ambulantes integre. Qui igitur non integre ambulant, his non promissiones, sed comminationes propositæ sunt, ut aut emendentur, aut pereant in peccatis suis. Nam apud Deum non est personarum acceptio. Vocantur Pontifices & Episcopi ad justam administrationem Ecclesiarum, Sed cum officium non faciunt, non tantum momenti coram Deo est in dignitate ipsorum & loco quem tenent, ut propterea eis impune sit peccare. Quin valet sententia Evangelij, Deposuit potentes de sede, Et, Quicquid coram hominibus sublime est, abominatio est apud Deum. Huc faciunt exempla, quod primogeniti fere sunt reprobi, ut Cain, Ismael, Esau, Sic incredula Synagoga, cum sacris, & ipso templo abjecta est, reliquæ autem salvatæ sunt. Ad hunc modum abjectis & reprobatis Pontificibus, Episcopis, & toto illo Antichristi satellitio, constat sua Ecclesia Christo, etiamsi exigua, in mundo contempta, oppressa, pauper, & ignominiosa est.

Sententia igitur Prophetæ est, Quod securi Hypocritæ instantur officio suo, & <sup>Promissiones vbi conditione data.</sup> arripiunt promissiones, quæ non simpliciter, sed cum conditione datæ sunt iis, qui vere sunt populus Dei seu Ecclesia, Non iis, qui vivunt sine timore Dei, etsi in magnis dignitatibus vivunt. Erat Dominus tempore Michæ in medio populi sui, sed ideo non erat parciturus impiis prævaricatoribus, Non ideo erat toleraturus, quod impii abutebantur sancto ministerio ad quæstum, & vana promittebant iis, qui comminationibus iræ Dei ad poenitentiam erant convertendi. Satana, cum se per superbiam opponeret filio Dei, non profuit, quod Angelus esset conditus, Iudam nihil sublevavit cum peccaret, quod esset Apostolus, Et scilicet Papistæ nostri ideo impune peccabunt, quod Pontifices & Episcopi sunt? Quin potius dabunt dignas impietatis poenas, & Ecclesia etiam sine istis Pontificibus & Episcopis conservabitur, sicut Prophetæ jam addit.

*Ideo Sion propter vos sicut ager arabitur & Jerusalem redigetur in acervum lapidum, & mons Domus erit sicut excelsa sylvarum.*

116. Hæc est Prophetia illa, quam cum Ieremias repeteret, occisus esset ab impio Rege, nisi seniores se interposuissent, & exemplo Michæ eum defendissent, Non enim ulla blasphemia in Deum Iudæis tam visa est esse intolerabilis, quam quod Jerusalem excirzenda & Templum vastandum esset. Extabant enim Prophetæ clare de Regno & populo hoc conservando & defendendo, Deinde quia cultus Dei ad Templum alligatus erat, nihil potuit minus credibile à quoquam dici, quam quod Deus cultum à se institutum, abicere & prophanare vellet. Quare & Michæ sine dubio concitavit hæc Concione plurimorum odia contra sese, & si absq; pii Regis Ezechizæ cura & defensione fuisset, ab impiis præsumptoribus esset occisus, Quod minatur non amplius ipsis peccatoribus, ut antea, sed etiam ipsi Templo, quod ab ipso Deo



Deo ad usum sacrorum delectum erat. Quod autem ad Grammaticam attinet, facilis est sententia. Significat enim extremam vastitatem & desolationem, cum ipsam urbem dicit tanquam agrum arandum, & montem Domini, qui tum sacrificiis & cultibus à Deo institutis splendebat, similem fore montibus, qui in desertis & nemorosis locis sunt.

*Doctrina poenitentiae.*

Sed sententia magnum pondus gravissimarum rerum secum trahit. Hic enim videmus severitatem iudicii, & magnitudinem iræ Dei erga peccatum, Quod qui sine timore Dei vivunt in peccatis, hos non potentia, non dignitas officii, non ulla etiam spiritualium rerum prærogativa sublevare poterit. Si enim Dominus propter peccatum non suo populo, non Templo, denique non cultui suo pepercit, Quid tandem erit, quod iræ Dei opponi posse speremus? Exuenda igitur omnis præsumptio est, & ne quidem de eo præsumendum est, quod Christiani & baptisati sumus, ut ideo magis securi peccemus. Hæc non modo non mitigabunt poenas, sed augebunt in impenitentibus, Sicut Christus dicit, Sodomorum tolerabilius iudicium fore, quam illorum qui audiverunt Evangelium & viderunt miracula. Habebant Iudæi quoque circumcisionem signum foederis, & iusticiæ signaculum, habebant magnificas promissiones de Christo, de conservatione Regni & sacerdotij, Credita eis erant oracula Dei, &c. Sed postquam à timore Dei discesserunt, & his prærogativis abusi sunt, ut eo licentius peccarent, non solum amiserunt hæc dona, & glorias has, sed perierunt ipsi quoque.

Quare pertinet hæc Concio ad doctrinam poenitentiae, ut singuli vivamus in timore Dei & obediamus verbo, alioqui futurum est ut pereamus. Non enim vult Deus ut securi simus, aut præsumamus, Timeri vult a nobis ne peccemus, & vult quoque ut per Christum in sua misericordia, non in nostra dignitate, sapientia, aut iusticia spem habeamus. Hoc qui non faciunt, quanto in altiore gradu dignitatis consistunt, tanto ruent gravius, & tanto atrocioribus poenis subjicientur, Sicut horrendum hoc Iudæorum exemplum satis ostendit.

## CAPUT IIM.

*Transit à regno corporali ad spirituale, hoc est, à reprehensione impiorum.*

**N**unc iterum transit Propheta à regno corporali ad spirituale, hoc est, à reprehensione impiorum ad consolationem Sanctorum, ut in publica calamitate haberent, quo se consolarentur, & mala illa vincerent spe liberationis per Christum futuræ. Ersi enim consolatio erat, quod captivitas ista certo annorum numero finienda esset, Tamen pauci fuerunt, qui usque ad exhibitionem ejus promissionis vixerunt, Duravit enim captivitas septuaginta annis. Hæc autem solida consolatio fuit omnium, certo scire quod Christi regnum esset revelandum, per quem remissio peccatorum, & vita æterna credentibus obventura erat. Ac priorem partem de verbo ad verbum Esaias transcripsit in suam Prophetiam, qui, ut initio dixi, coætaneus Michæ fuit, quanquam Michas senior esset.

*Fugienda Iudæa forma.*

Monendus autem initio est Lector, ut fugiat somnia Iudæa, qui has spirituales promissiones, ad Regnum corporale transferunt, atque ita in duplicem errorem incidunt. Nam & Christum, cujus regnum spirituale est, hoc modo amittunt nec agnoscunt, & frustra expectant corporale regnum. Sicut enim res ostendit, de die in diem altius immerguntur calamitatibus, & de spe sua coguntur desperare.

*Prophetia videtur inter se pugnare.*

Secundo observanda etiam hic est discrepantia Prophetiarum, qua impii offensi, veris Prophetis non poterant credere. Sicut enim Zachariæ 7. & 8. primum miserabilis vastitas tum civitatis, tum populi prædicitur. Sic enim dicit, Dispersi eos per omnia regna, quæ nesciunt, & terra ab eis desolata est, Deinde additur, Adhuc habitabunt senes & anus in plateis Jerusalem, & viri baculus in manu ejus præ multitudine dierum, & plateæ civitatis complebuntur infantibus & puellis ludentibus in plateis ejus. Ita plane ad eundem modum Michas videtur secum pugnare, qui Templum dicit simile fore excelsis sylvarum, & postea addit, Montem Domini elevatum iri super

*Zach. 7. 8.*

iri super omnes colles, Gentes ad eum decurluras, & novum verbum de Zion promulgandum esse. Sic Ieremias missus erat ut certam vastitatem prædiceret, Ac eo redierat jam res, ut occupata à Chaldaeis urbe maxima civium pars captiva abduceretur. Et tamen in tanta desperatione rerum, jubetur salutem promittere, Et in signum restorationis omnium, dat ei Dominus mandatum, ut emat agrum, qui jam ab ipsis hostibus tenebatur. Hæc diversitas etiam à piis non semper potuit intelligi. Sicut in Ieremia videmus, qui consilium Domini admiratur, & dicit, Ecce munitiones extructæ sunt adversus urbem, ut capiatur, & urbs data est in manus Chaldaeorum, Et tu Domine dicis mihi, Eme agrum argento & abhibe testes, cum urbs data sit in manus Chaldaeorum?

Hæc diversitas hominibus impiis satis digna causa est visa, cur Prophetis non crederent, Et tamen eventus ostendit, Deum utrumque fecisse. Nam & impios propter peccatum dedit in captivitatem Gentium. Et tamen inter medias gentes reliquias & sanctum Semen servavit, donec nasceretur Christus, qui novum regnum institueret, & has promissiones non corporales, sed spirituales, per verbum Evangelij exhiberet. Ac tum dissipatum regnum Israel, una cum aliis Gentibus, ad Regem suum Christum, reversum est & salvatum.

*Et fiet in novissimis diebus, Erit mons domus Domini firmatus in capite montium, & erit elevatus præ collibus, & confluent populi ad eum.*

Quia dixi Prophetam loqui de regno spirituali, propter quod etiam corporale regnum, ab Assyriis & Chaldaeis vastatum, restaurandum erat, non ad opus, non ad potentiam, non ad eminentiam corporalem respicere debent, qui hoc regnum invenire volunt, sed ad verbum Evangelij. Vbi enim Evangelium est, ibi quoque infallibiliter est CHRISTVS, & regnum CHRISTI, seu Ecclesia. Hæc quia in mundo est, oportuit esse aliquem locum in quo inciperet. Itaque Propheta nominat montem Zion, Sicut David quoque cum dicit, Virgam virtutis tuæ emittet Dominus ex Zion. Promittit autem montem Zion sic firmatum iri, ut extet super omnes montes, & sit ceu caput omnium collium. Hæc jam non ad corporalem locum referenda sunt, sicut Iudæi inepte faciunt. Nam Templum reedificatum post captivitatem neutiquam tam splendidum fuit, quam illud prius, Adeo ut quidam flerent, qui prius illud Salomonis viderant, sicut testatur Historia 1. Esdræ 3. Sed etsi corporalem locum nominat, tamen sunt hæc transferenda ad ipsum regnum spirituale, ad Ecclesiam & verbum Evangelij, quod cœpit doceri in Zion, ubi prima fuit Ecclesia.

*Locus in quo caput regnum Christi.*

Quod igitur de elevatione & stabilitione montis dicit, proprie ad ipsum regnum Christi, non ad corporalem locum referendum est, qui propter peccata populi vastatus, & in excelsa sylvarum mutatus est. Regnum autem Christi seu ipsum Evangelium sic firmatum est, ut nullis viribus possit opprimi aut everti. Sicut Christus dicit, Portæ inferorum non prævalebunt, Non quod semper clareat miraculis, quibus duplicem ob causam initio opus erat, Quod & in Prophetis promissa essent, & nova doctrina hoc quasi testimonio divinitus hominibus commendanda esset, ut agnosceretur Christus, Sed quod semper vincat & triumphet contra omnes hostes suos. Ideo Propheta verbo (Nachon) usus est, quod non solum præparare, sed etiam confirmare & stabilire significat. Vt sicut est regnum Christi super omnia regna, ita etiam maneat, secundum sententiam, Verbum autem Domini manet in æternum.

*Regnum Christi firmatum.*

*Nachon.*

Quod autem additum est, Et populi confluent ad eum, In eo pulchre ostenditur diversitas hujus Regni ab aliis corporalibus regnis. Ibi enim vinculis legum & coactione est opus, ut homines maneant in officio, & nihil turbent. Ideo etiam armis ad imperia retinenda, & defendendam autoritatem Principum opus est. Sed in Christi regno hæc cura non opus est, Non indiget armis, quibus homines cogat, statim cum verbum in auribus & cordibus hominum sonare cœperit, ipsi homines sua sponte, vel potius sua voluntate, ut ille dicit, coacti accurrunt, & in parte hujus Regni hæere volunt, Sicut Christus dicit, Regnum Dei nunc vim patitur, & violenti rapiunt

*Regnum Christi diversum a regni mundi, habet enim populi spontaneum. Psal. 110.*

Ar. 3.

Esdræ 3.

Matth. 16.

Isai. 40.

Matth. 11.

rapiunt illud. Quid enim potest lætius audiri, quam quod per Christum Pater reconciliatus, peccata remissa, & vita æterna nobis donata sit? Tantarum opum quis non optaret se quoque participem fieri? Itaque cum primum Verbum hoc vulgatur, sicut flumina nemine cogente, sed sua vi per præcipitia decurrunt, Ita populi ad hunc montem, hoc est, ad Ecclesiam confluunt, in qua per Evangelium thesauri misericordiae Dei ostenduntur, & credentibus distribuuntur. Nam verbum (Naharu) similitudinem fluminis, magna vi per declivia loca decurrentis, complectitur. Sicut etiam ideo (Nahar) fluvium vocant à cursu seu defluxu.

Naharu.

Regnum Christi  
diversum a re-  
gno Moysi.

Præsertim autem voluit Propheta ostendere diversitatem huius Regni à regno legis seu Moysi. Is enim violentus Doctor est, & vix minis & plagis multis aliquam umbram obedientiae exculpere potest. Videmus enim quid Lex faciat, cum maxime cogit & urget, aut desperatos, aut præsumptores seu Hypocritas facit. Sed regnum Christi habet, sicut Psalmus 100, eleganter dicit, spontaneum populum, qui ultra sicut oves Pastorem suum sequitur. Trahunt enim eos beneficia, non cogunt minæ, aut irata verba. Deus enim per Christum non iratus, sed summe clemens & misericors est, Quare omnes cum tam misericordi Deo se conjungi optant, nec differunt rem, usque dum cogantur, Cogit eos voluntas & desiderium ipsorum, Sicut in Evangelio quoque Christus pulcherrime dicit. Cum enim liberalitatem suavissimi hospitii, homines suis studiis & cupiditatibus immersi aspernarentur, jubet ut servi claudos & cæcos ad nuptiarum pompam cogant, & compellant intrare. Psal. 100. Luc. 14.

Compelle m-  
trare.

Mira vero coactio seu compulsio, cum homo calamitosus & famelicus ad lautissimas epulas cogitur. An non enim hoc unum in votis habet, ut cum calamitoso Lazaro, de micis & reliquiis saturari possit? Si igitur coactionem volumus dicere, coactio est, quod ipsi aliud non optant, quod non acquiescere possunt, nisi ad tam laute instructas epulas vocentur, Adest enim summa voluntas consequendi huius beneficii, Vbi contra Moses omnis generis minis aliud nihil potest conficere, quam ut homines in speciem aliquid faciant, Cor autem ab eo quod faciunt longissime abest. Sic uno verbo Propheta gravissimas & longissimas coniectiones complectuntur.

*Ibunt autem Gentes multæ, & dicent, Venite & ascendemus ad montem Domini, & ad domum Dei Iacob, & docebit nos de viis suis, & ibimus in semitis ejus, Quoniam de Zion egredietur Lex, & verbum Domini de Ierusalem.*

Et.

Verbum, Ibunt, etiam significat summam voluntatem, sine cujusquam coactione, Sicut etiam, quod se invicem cohortantur, & dicunt, Venite ascendemus. Ostendunt autem hæc, quod regnum Christi sit regnum Gratiae, quam optant & cum summa voluptate & voluntate accipiunt omnes, qui sentiunt onus peccatorum suorum. Imprimis autem dignum observatione est, quod dicunt se ituros ad montem Domini, & ad Domum Dei Iacob, Et addunt causam cur ituri sint, scilicet, ut ipse Dominus eos doceat de viis suis. Hic sicut uno digito Propheta ostendit regnum Christi in novissimis diebus revelandum, Ita etiam retro nos vult respicere, & videre, quale regnum Legis fuerit, Q. d. Hodie ex omnibus Iudææ angulis confluunt omnes certis temporibus ad montem Domini, & ad Ierusalem, ut ibi sacra faciant, ut coram Propitiatorio adorent, ut pascha ibi comedant, &c. Nam totus cultus erat ad unam Ierusalem & tabernaculi locum destinatus. Sed in novissimis diebus, cum Christus revelabitur, Ibi populi & Gentes current ad montem Domini & civitatem Ierusalem, Verum longe alias ob causas. Non enim sacrificabunt, non ibi adorabunt, sed ibi audient & doceri se sinent de viis Domini, ab ipso Domino.

Regnum Christi  
habet novam  
formam.

Ad hunc modum, non solum abolitionem cultuum legis, & sacrificiorum Propheta significat, Sed etiam docet de novo Verbo, cujus, non ut legis, aliquam notitiam homines habent, sed quæ mere coelestis & ab omnium hominum cordibus abscondita est. In cujus enim cor unquam descendit, quod simus salvi merito Christi Iesu, qui pro nobis mortuus est? Filius qui in sinu Patris est, iste enarravit nobis hæc.



Matth. 3.  
Rom. 2.

hæc, de quo Pater de cœlo mandat, Hic est Filius meus dilectus, Hunc audite. Lex præterquam quod in ipsam naturam implantata est divinitus, sicut Paulus erudite disputat, etiam in Gentium cordibus esse cogitationes, quibus aut accusantur male facta, aut defenduntur bene facta, etiam per Moſen antea tradita, & Iudæis ostensa est. Itaque Christus in novo Testamento novum doctrinæ genus affert, quo de remissione peccatorum docemur, & donamur spiritu sancto, ut ambulemus in viis Domini, dum & credimus promissionibus de Christo, & spiritu sancto adjuti resistimus peccato, & excitamur ad obedientiam Deo in omnibus præstandam.

Psal. 2.

Psal. 110.  
v. 45.

Ad hunc modum docet Propheta hic de Ecclesia novi Testamenti, quod sit habitura Doctorem ipsum Dominum, qui eam doceat de suis viis, Sicut etiam in 2. Psalmo dicitur, Ego constitui Regem meum, super Zion montem sanctum meum. Hic rex annuntiabit præceptum, dicens, Dominus dixit ad me, Filius meus es tu, &c. Hæc est clara sententia, Regnum Christi positum esse in docendo, Sicut Propheta ideo ipsum Evangelium vocant Sceptrum, ut Psalmus 110. & Psalm. 45. Sceptrum æquitatis est sceptrum regni tui. Nam de verbo loquitur, quod certum ac firmum est & fallere non potest.

Sicut autem Rex est doctor, ita sequitur, quod hujus Regis subditi, sint auditores & discipuli, qui audire Regem suum debent, nec unquam audiendo fatigantur. Est enim Evangelium doctrina plane inexhausta, quam nunquam audimus sine singulari fructu. Ac nobis quoque expedit, ut simus assidui in audiendo hoc Rege nostro, propterea quod nullum tempus abit, quo non aut doctrina, aut consolatione, aut admonitione, aut etiam confirmatione nobis opus sit, tum propter Satanæ hostis nostri assiduos insultus, tum etiam propter imbecillitatem carnis nostræ, & varia scandala, quibus in mundo exercemur ac irritamur, Nulla autem potest esse firma consolatio animorum contra peccatum, Satanam & mortem, quam quæ ex verbo petitur. Merito igitur hoc primum beneficium hujus regni commemorat, & prædicat Propheta, quod ipse Dominus docebit suos de viis suis. Et quod post hanc doctrinam futurum est, ut ambulemus in semitis ejus. Nam Christus per Evangelium in nos effundit Spiritum suum, & est in nobis efficax, Vt sicut Satan in suis operatur mortem & peccata, ita Christus per Spiritum suum in nobis excitat & operatur fidem, charitatem, patientiam, & quicquid est aliarum virtutum, quas obedientia erga legem Dei requirit.

Qui in regno  
Christi sunt,  
sunt auditores.

Notanda autem hic quoque exclusiva est. Sicut enim qui hunc doctorem audiunt, ambulant in semitis Domini, hoc est, regenerati per Spiritum sanctum, propter fidem Deo placent, & grata est ipsorum obedientia. Ita si hunc Doctorem non audias, impossibile est, quod gloriari possis te ambulare in semitis Domini. Possunt esse semitæ tuæ, Francisci, Dominici, Benedicti, hoc est, humanæ viæ, sed non Domini viæ, Tanto debet major reverentia, studium & cura Verbi in nobis esse. Hoc enim cum retinemus, habemus Domini vias, & quanquam infirmitas nostra magna est, tamen primitiæ spiritus non erunt sine omni fructu, Exerent se resistendo carni & cupiditatibus ejus, Excitabunt ad fiduciam auxilij Dei in malis, Excitabunt ad timorem Dei, ne in secundis rebus securi simus, Accendent animos ad studium concordia, ad charitatem, ad patientiam, ad ignoscentiam, &c. Hæc omnia enim Propheta complectitur, cum vias Domini vocat, etsi, ut dixi, in tanta animorum imbecillitate, hæc quoque infirma sunt, & sæpe obruuntur vitiosis affectibus.

Qui Christum non  
audiunt, non possunt  
seire semitas  
Domini.

Via Satana.

Sed ubi verbum non est, ibi etsi disciplina aliqua esse potest, tamen non possunt ibi esse semitæ Domini, Et Satan contrarios motus in impiis excitat, implet animos securitate & fiducia priorum donorum, Itaque etiam si calamitas ingruit, tamen nulla fit seria invocatio, sed quærentur humana præsidia, fervent alii motus tali autore digni, contemptus fratrum, avaritia, luxus, ambitio, &c. Quanquam hæc plerumque ab hypocritis singulari pietatis specie, & fucosis operibus teguntur. Hæ sunt Satanæ & hominum propriæ viæ, in quibus necesse est omnes ambulare, qui hoc Doctore aut destituti sunt, aut eum audire nolunt.

H h h

Sed

De Zion egre-  
ditur Lex &  
Verbum Domi-  
ni de Ierusalem.

Sed quid sibi vult ratio addita, Quoniam de Zion egredietur Lex, & Verbum Domini de Ierusalem? Hoc nimirum, ut & propriam causam cognoscamus, cur tanto numero Gentes ad montem Domini confluant, & discamus hoc Verbum à verbo Legis discernere. Hic enim iterum omnes hujus regni thesauros in verbum transfert. Dicit autem aliud Verbum fore quam de Sinai exivit per Moysen, Lex, inquit, de Zion exhibit, & Verbum de Ierusalem. Hic nisi percussi amentia & cæcitate Iudæi essent, an non clare ostendit Propheta, hoc regnum non fore corporale? Siquidem post illam magnificam prædicationem de confluentibus Gentibus nihil aliud dicit quam quod Dominus docebit, & verbum, inquit, egredietur de Zion.

Cur autem promittit novum Verbum, si illud à Mose datum valere debet? Valet quidem Lex, & debet valere ad nos docendos de obedientia erga Deum in hac vita, Sed de possessione futuræ vitæ, non solum nihil promittit, verum etiam spem ejus adimit, dum nos convincit, quod voluntati Dei non satisfecerimus. Hinc oritur illud animorum horribile periculum, ut cognita voluntate Dei ex lege, nihil quam mortem & damnationem nostram sentiamus. Implentur igitur animi desperatione, & ira contra judicium Dei. Summa igitur Dei bonitas est, quod per Evangelium aliter nos de sua voluntate docet, In eo annuntiatur remissio peccatorum per Christum. Hanc animi, lege perterriti, accipiunt summa cum voluptate, Deum prædicant, ejus bonitatem admirantur, Misericordia ejus fidunt, in nomine Christi invocant, & læti promissionem futuræ vitæ expectant, Satanæ & carni suæ resistunt. Atque hæc omnia faciunt per Doctorem huius Verbi, quod de Zion egreditur, Sic enim docetur verbum hoc, ut simul Dominus addat Spiritum.

Horum nihil Moyses per Legem, in Sinai vulgatam facit. Ostendit quidem, quid faciendum sit, sed quia non simul dat Spiritum sanctum, non solum frustra id docet, sed etiam dubitatione, desperatione & blasphemia implet animos, cum vident aliam legem in suis membris, repugnantem legi Dei, & accusantem ipsos. Ideo Moyses est formidabilis Doctor, quem fugiunt homines, Sicut ad montem Sinai pavebat multitudo, in ista horribili specie. Sed ad hoc verbum, quod in Zion egreditur, accurrunt Gentes magno numero, &c. Est autem emphasis in appellationibus Legis, & verbi Domini. Semper n. Prophetæ cum hoc novum regnum prædicant, oblique respiciunt ad regnum Legis. At Iudæi impense gloriabantur, quod haberent legem Dei, & verbum Dei. Sicut etiam hanc prærogativam Psalmus commendat, Non fecit taliter Psal. 145  
Rom. 1. omni nationi, Et Paulus, His sunt concredita Oracula Dei.

Hanc gloriationem & prærogativam, qua Iudæi tempore Evangelij ad Evangelium aspernandum abuturi erant, Propheta hic notat. Q. d. magnifice vos effertis, quod habetis Legem & verbum Dei, Sed de hac lege, de hoc Dei verbo potius gaudete & gloriamini, quod non exivit de Sinai, sed quod de Zion egredietur. Ibi enim non docebitur, quid debeat facere, sed & remittentur vobis peccata, & dabitur vobis Spiritus sanctus, ut, quæ Deus præcepit, possitis facere. Quod si etiam illa satisfactio seu obedientia non plena, sed vitiosa est, remissione peccatorum, quod vitiosum est, tollitur, & tamen ipsa obedientia propter fidem in Christum placebit. Hæc Lex (quam propter antithesin sic appellat, sicut Paulus quoque appellat legem Spiritus, ipsam doctrinam Evangelij, seu fidem apprehendentem remissionem peccatorum) hoc verbum, inquit, consolabitur corda, ubi Lex Moysi, dum docet quid faciamus, non autem facultatem faciendi præstat, terret, conscientias exercet, & occidit. Si igitur legem, si verbum Dei vultis jactare, hoc quod de Zion exhibit, jactate, &c. Nunc de fructu doctrinæ, quam Dominus in Zion docebit, dicet.

*Et judicabit inter populos multos, & arguet Gentes fortes procul distitas.*

Regnum Christi  
in verbo pos-  
itum.

Hic addit Propheta quasi expositionem superiorum, ut clare doceat, quod hoc regnum, non in externa vi, aut armis, sed in Verbo sit positum, & quod Gentes ad id pertineant. Non erat rarum etiam in Lege, ut convenirent Gentes Hierosolymam, sicut Naaman, Regina Sabæ, & sine dubio aliqui vicini Reges, ut  
Rex

Rex Tyri & alii, Sed Propheta hic dicit futurum, ut Rex, qui in Ierusalem suos cives docebit, etiam doceat magnos populos & arguat gentes fortes, longe ab Hierosolymis distitas. Hoc est, quod Lucæ ultimo dicitur, Poenitentia & remissio peccatorum prædicabitur *in πάντα τὰ ἔθνη*, in omnes gentes, sic tamen, ut incipiat à Ierusalem.

Porro cum Scriptura etiam Gentes ad Regnum Christi accessuras dicit, non solum abjicit Moysen cum Politia sua, tanquam inutilem Doctorem ad æternam vitam, sed simul ostendit Regnum Christi esse regnum gratiæ & remissionis peccatorum. Quid enim est esse Gentilem, quam non pertinere ad populum Dei, esse sine lege, vivere in peccatis, in idolatria, in impietate? Quod igitur tales ad regnum Christi vocantur, an non regnum Christi vere tale regnum est, in quo non judicatur secundum opera, sed annunciat gratuita remissio peccatorum per Christum? Sicut Paulus quoque dicit, justiciam Dei revelari in Evangelio sine lege, hoc est, In regno Christi justos haberi eos, qui carent justitia Legis, & qui peccatores sunt, Si scilicet credant, per Christum peccata sua sublata esse.

*Vocatio Gentium probat hoc regnum esse regnum gratiæ.*

Atque hoc est mysterium illud, sicut Paulus appellat. Nam corda nostra cum vident indignitatem suam, dubitant de gratia Dei, Si enim peccata, quorum nobis conscii sumus, abessent, consideremus Deum nobis propitium esse. Sed huic dubitationi opponenda sententia hæc est, Quod Christus Evangelium, hoc est, remissionem peccatorum, non solis Iudæis, qui legis justiciam habent & populus Dei sunt, annunciat, sed Gentibus quoque, hoc est, iis qui non sunt populus Dei, sed miseri peccatores. Vritur autem Propheta significantibus vocabulis, cum vocat populos multos seu magnos, est enim vox (Rabbim) & gentes fortes. Commendat enim hoc modo potentiam Verbi, quo non alia res in mundo contemptior est, Et tamen huic contempto verbo, nisi credant gentes & populi, quantumvis magni ac fortes, pessum ibunt, secundum sententiam, Qui non crediderit, condemnabitur. Hoc periculo moventur populi & gentes, ac submitunt colla Evangelio, patiuntur se judicari, hoc est, ostendi & argui peccata, Ea agnoscunt, & credunt remissionem per Christum.

*Rabbim. Verbi potentia.*

Nam Propheta hoc in loco verbo judicandi & arguendi utitur, sicut Christus Iohan. 16. Spiritus sanctus arguet mundum de peccato, de justitia, & de iudicio, Hoc est, in Evangelio arguentur homines, ut agnoscant incredulitatem esse summum peccatum, & docebuntur, ut remissionem peccatorum credant per Christum donari, & ut statuunt tyrannidem Satanæ fractam esse, ne possit iis nocere, qui in Christum credunt. Sicut Propheta hic quoque addit de fructu, qui hoc iudicium, & castigationem hanc sequetur.

*Et cudent ex gladiis suis vomeres, & ex cuspidibus falces. Non ele-  
bit gens contra gentem gladium, & non studebunt amplius bello.*

Eadem sunt Ies. 2. Sed priusquam de Prophetæ sententia dicam, eorum error reprehendendus est, qui legitimam armorum tractationem putant Christianis prohibitam esse, Sicut Anabaptistæ non solum impium esse ducunt belligerari, sed etiam hanc sanctitatis laudem putant, si quis sine telo & inermis incedat. Atqui primum constat Prophetam hoc in loco nihil agere de Magistratu civili, sed de regno Christi. Relinquit igitur Magistratui Politico suam administrationem integram, ut pax publica conservetur, qua etiam Ecclesiis opus est. Porro sine armis pax retineri nequit, Et bella eo fine geruntur, ut non solum depellantur injuriæ, sed ut firma pax constituatur.

*Ab Christianis prohibitum sit belligerari.*

Si quis igitur ita sacrarum rerum imperitus est, ut hæc eo accommodet, ne Christiano aut arma gerere, aut iis legitime uti liceat, Is sententiam Prophetæ ineptissime pervertit. Nam transfert sententiam à Christi regno spirituali ad regnum corporale. Idque contra manifestam scripturam, quæ Magistratui necessitatem imponit, defendendi subditos ab injusta vi, & custodiendæ pacis. Sicut Abraham armis defendit Lot, & regum historiæ ostendunt, non solum maxima bella gessisse pios Reges, sed etiam consilia eorum fortunasse Deum. Et manifesta sententia est in Concione

*Pax in regno Christi.*

H h h 2 Iohan.



Iohannis de poenitentia; ubi jubet milites contentos esse stipendiis suis. Probat enim armorum legitimum usum, vel concessum, vel mandatum à Magistratu, nec jubet abjicere arma. Vera igitur hujus loci sententia est, quod Propheta figurate loquitur de fructu, qui Evangelium in Gentes vulgatum sequitur. Postquam enim homines de peccatis suis, item de ira & judicio Dei sunt admoniti (hoc enim est quod Propheta de judicandis populis dixit, & arguendis gentibus) Etiam de remedio, quo huic malo occurri potest, docentur, Nempe de remissione peccatorum, per filium Dei parta, qui se dedit victimam, seu, ut Paulus elegantissime dicit, λύτρον, hoc est, precium, quo peccata nostra redimerentur.

Hæc Evangelij promissio terrores illos peccati & legis tollit, ac corda reddit quæta. Vident enim Deum propter filii sui mortem non amplius irasci nobis. Vicissim igitur amant Deum, fidunt ejus benignitate, agunt ei gratias, quod per Filium suum à morte & peccatis liberaverit. Sicut Paulus hoc ipsum sine figura dicit, quod Propheta hic figurate voluit dicere. Iustificati, inquit, fide pacem habemus apud Deum, Hoc est, postquam corda persuasa sunt, peccata nostra à filio Dei sublata, & Deum nobis per Filium reconciliatum esse (nam hoc vocat Paulus fidem) fit, ut homines nihil metuant à Deo, quem placatum norunt, sed consolantur se misericordia ejus, & sunt bono animo etiam in cruce & periculis. De tali pace Propheta hic loquitur, qua corda liberantur metu mortis & judicii Dei, per Evangelium de Filio Dei tradito propter peccata nostra.

*Pax inter con-  
sortes fidei.*

Quia autem per Evangelium exæquantur omnes (Sicut enim Deus sub peccatum omnia conclusit, ita etiam omnium vult misereri) Sequitur ex hac exæquatione etiam pax externa inter Ecclesiæ membra, nec manet amplius acerrimum illud odium, quod fuit inter Iudæos & gentes, stante adhuc maceria legis. Quid enim aut Iudæus se præferat gentili, aut gentilis Iudææ, cum Iesus Christus filius Dei aqua & communis omnium possessio sit? Cum omnes simus baptisati in mortem Christi, & vivamus in spe æternæ vitæ, per Christum consequendq? Fit igitur, ut qui ante cognitum Evangelium, odio ipso, tanquam acutis gladiis & venenatis telis, usi sunt, hi nunc inter se concordēs vivant, & utantur illa sancta concordia, tanquam vomeribus & falcibus, ad secandos & metendos nobiles illos fructus fidei, erudiendo alios quoq; ad justiciam, & invitando eos pietate & inculpatis moribus, ad cognoscenda & consequenda beneficia, quæ Evangelium nobis per filium Dei ostendit exhibita esse.

Ideo addit Propheta, Non elevabit Gens gladium contra gentem, nec erit amplius studium belli, hoc est, Erit summa animorum inter se conjunctio, postquam homines hoc modo agnoscunt Christum, & per remissionem peccatorum corda pacata sunt. Non studebunt amplius bello, Hoc est, non solum non nocebunt aliis, sed omni genere officiorum inter se utentur, re & opera juvabunt fratres, ac præcipue illa eximia præstabunt, ut doceant rudes, ut admoneant incautos, ut castigent ignavos, ut consolentur pavidos, ut exhortentur periclitantes, ut confirmant infirmos, &c. Hæc enim officia in Ecclesia debent esse perpetua. Etsi autem propter carnis molestas ac vitiosas cupiditates, deinde etiam propter Satanae insidias, non ab omnibus hæc ita fiunt, sed etiam Sancti sæpe labuntur & peccant, tamen Verbum tanquam lucerna, semper præit monendo, & docendo hæc, ut saltem agnoscant credentes infirmitatem suam, & ei non indulgeant, sed resistent malis cupiditatibus, & mortificent carnem suam. Hæc verbi assidua quasi exhortatio non est sine fructibus in Ecclesia, etsi fructus isti, propter infirmitatem, minus sunt conspicui.

*Et sedebit unusquisq; sub vite sua, & sub ficu sua, nec erit qui eos terreat,*

*Quoniam os Domini Zebaoth locutum est.*

Significant hæc quoque summam tranquillitatem, qua animi fruuntur, qui in ista Evangelij prædicatione acquiescunt. Et tamen videtur Propheta singulari consilio primum voluisse uti non una tantum specie arborum, deinde talibus arboribus, quæ & foecundissimæ sunt, & propter fructum solum, non propter umbram aut speciem

speciem coluntur. Nam & in Ecclesia variae sunt functiones, & officia varia, & nullus Christianus est, quin in suo genere sit tanquam foecunda vitis seu ficus. Diversa officia sunt, docere Ecclesias, & administrare gladium, sicut diversae species sunt, vitis & ficus, Et tamen utraq; habent suos pulcherrimos fructus. Vitis & Ficus.

Doctores sua diligentia ostendit voluntatem Dei & salutem. Magistratus civilis est custos pacis, defendit bonos, malos punit. Quanta diversitas est inter Oeconomos? Sed si Christiani sint, singuli suos nobiles fructus habent, quibus alios juvant. Deinde illa omnium & singulorum cura est, ut propagent noticiam Dei, ut in periculis se & alios erigant fiducia auxilij divini, ut invocent Deum, ut vincant mala praesentia spe futurae immortalitatis, ut sint patientes, non cupidi vindictae, &c. Ad hunc modum singuli in suo vitae genere habent vitem & ficum suam, plenam suavissimis fructibus, nec est qui eos terreat. Non quasi aut Mundus aut Satan non plurimum periculorum contra eos excitaturi sint. Sed primum ista fiducia misericordiae & verus ejus fructus, nempe aeterna vita eis non excutitur. Deinde quanto tentationes ingruunt validius, tanto uberior occasio adest, exercendae fidei per invocationem, quae certam promissionem habet liberationis, & securitatis, de qua Propheta hic loquitur.

Particula quae additur, Quoniam os Domini Zebaoth locutum est, est confirmatio tam magnificae promissionis de regno Christi, qua opus erat, propter illud ingens scandalum vastationis & captivitatis regni Iuda. Videbatur enim non solum exitium toti populo & religioni imminere, sed etiam in dubium revocari promissio de regno Christi. Consolatur igitur Propheta pios, ut in illa publica calamitate magno sint animo, & se consolentur certa spe regni Christi futuri, in quo & remissionem peccatorum & vitam aeternam, hoc est, summam pacem & securitatem omnes consecuturi sint, qui in Iesum Christum credunt. Nam os Domini Zebaoth haec locutum est.

*Quoniam omnes populi ibunt, singuli in nomine Dei sui, Nos autem ibimus in nomine Domini Dei nostri in seculum, & in perpetuum.*

Haec particula videtur pugnare cum superioribus. Quomodo enim convenit, quod supra dixit, Gentes & populos multos venturos, cum eo quod nunc addit, Singulos populos ambulaturos in nomine sui Dei? Sed respicit Propheta ad Satanae & mundi maliciam. Sicut enim cum Christus hujus regni praeco esset, impii Iudaei, Pharisei, sacerdotes, Reges à Satana concitabantur contra Christum, & Apostolos, ita semper in mundo accidit. Nunquam hoc verbum regni Christi praedicatum est, quin alii se opponerent, quin alii alios Deos & religionem aliam sequerentur, Sicut Christus quoque ostendit, cum dicit, Pauperes evangelizantur, Item, Si meum verbum servaverunt, etiam vestrum servabunt. Regnum Christi  
nunquam sine  
adversariis &  
hostibus.

Pertinet igitur particula haec ad docendam Ecclesiam & praemonendam de scandalo, Quod ubicunque hoc regnum in mundo est, ibi etiam erunt, qui hunc Deum nolint sequi, & gloriantur de aliis Diis, de alia religione, & cultibus aliis, Imo quod semper erunt, qui veram Ecclesiam damnabunt, tanquam quae non habeat Deum. Sic enim singulae gentes ambulant in nomine Dei sui, ut diversa sequentes judicent esse impios. Sicut hodie adversarii nostri nos tanquam haereticos damnant, appellant membra ab Ecclesiae corpore resecta, &c. Quia persuasi sunt, nos à Deo abjectos, se autem solos verum Deum habere & esse veram Ecclesiam. Hoc scandalum magnum est. Nam primum vehementer dolet piis animis, veram doctrinam sic blasphemari à mundo, Deinde nonnunquam ista securitate adversariorum sollicitantur ad dubitationem.

Propheta igitur postquam de periculo hoc admonuit, Nunc etiam consolationem addit. Nos autem, inquit, ibimus in nomine Dei nostri, Hoc est, Si gloriantur adversarii de suis diis, si damnant, contemnunt & blasphemant Deum & verbum nostrum, vicissim nos gloriemur de Deo nostro, damnemus vicissim ipsos. Scimus enim Consolatio ad-  
versus hoc scan-  
dalo.

*7. ecclesia patiens  
et humilis est,  
etc.*

nos habere Dominum qui est (Iehova) hoc est, scimus nos habere verum Deum, ipsos autem esse idolatras. Tribuit itaq; hoc in loco Propheta Ecclesiae liberam confessionem, ut non patiatur se terreri iudiciis falsae Ecclesiae, sed ut primum magno animo pergat in viis Domini Dei sui, Deinde ut libere damnet diversa sequentes. Debet quidem Ecclesia esse patiens, humilis & officiosa, sed cum versatur in suis rebus. At cum de doctrina, de cultu Dei, de ipso Deo agitur, ibi debet superba ac animosa esse, ac libere sine dissimulatione damnare omnes errores, & sua defendere. Hoc enim non solum ad Christi gloriam, sed etiam ad animorum salutem pertinet.

Si enim Adversarii dogmata sua libere, & nemine damnante, in publicum spargerent, multo plures seducerentur, Nunc, cum & damnamus eos, & nostra defendimus, cum gloriamur etiam de lumine Verbi, quod apud nos est, ac Pauli exemplo etiam Angelos anathematizamus, si diversum doceant, salvatur Christo honos suus, & Satanæ conatus franguntur, non valentis tam multos in fraudem inducere. Ad hanc superbiam & obstinaciam vocat Propheta hic Ecclesiam, & promittit quod illi, qui hunc Dominum habent, & in viis ejus ambulant, hoc est, qui Verbum ejus sequuntur & retinent, erunt in seculum & in perpetuum, hoc est, quod manebunt populus Dei, etiam post hanc vitam in sempiternum. Hoc testimonium de resurrectione & vita aeterna dignum est notatu. Agnoscamus igitur thesaurum, quem nobis Dominus dedit, revelato regno Christi, & patientes in adversis, gloriationem hanc verae doctrinae ac spem vitae aeternae retineamus, neglectis illis, qui alios cultus & Deos alios sequuntur, ac nostram doctrinam damnant.

*In die illa dicit Dominus, Colligam claudicantem, & congregabo ejectam, quam afflixi.*

*Claudicans vocatur regnum  
Israel.*

Dixit haecenus de regno Christi, quod per doctrinam Evangelij incipiet in Ierusalem, Ac etiam de gentibus addidit, quod sint se regi Christo adjuncturae, Eo tempore, inquit, cum ista sic fient, erit alicubi claudicans & in longinquas terras projecta mulier, Eam etiam adducam ad hoc regnum, & amplectar. Porro usitatum est in Prophetis mulieris nomine appellare Gentem vel populum. Haec igitur claudicans & projecta mulier est domus Israel, quam Propheta supra cap. 2. sic dicit projiciendam & dissipandam in gentes, ut & amplius non sit pars in sorte Domini, hoc est, ut stante illa republica & cultu Mosaico, non sit reditura in terram suam.

*Claudicans.*

Vocat autem (Hazoleah) claudicantem, sive ob sterilitatem, quod quibus os foemoris loco motum est, parum sint aptae ad partum, sive quod domus Israel (sicut Elias quoq; loquitur) postquam se à regno Iudae avulsit, in perpetua idolatria vixerit, nec recte inceserit in cultu Dei divinitus instituto. Et haec appellatio ostendit causam calamitatis, quod propter idolatriam regnum Israel vastatum sit. Necessaria itaq; haec consolatio fuit, Quod etsi spes, redeundi ad populum Iudaeorum, praecisa esset, tamen audiunt se non ideo excludendos esse à regno Christi. Vult itaque Propheta, ut non solum respiciant in praesentem vastationem, quam Assyrius erat allaturus, sed ut magis respiciant ad futuram collectionem, quam ipse Dominus erat factururus, ut collecti ad Ecclesiam promisso semine fruerentur, & aeternis bonis per semen Ecclesiae fidelium partis.

*Restitutio regni  
Israel spiritualis.*

Haec tanta sunt, ut facile fuerit bonis incommoda praesentis captivitatis & vastationis ferre. Quis enim in certa spe aeternorum bonorum non facile patiatur temporalia sibi adimi? Sed haec tantum fidelium consolatio fuit. Major autem pars fuerunt impii, qui & promissiones spiritualis liberationis neglexerunt, & cupiditate corporalium commodorum, non inviti se adjunxerunt gentibus, sicq; in impietate perierunt. Porro hic locus clare explicat aliorum Prophetarum obscuriores sententias de restitutione decem tribuum Israel. Quia enim diserte dicit restituendas esse, postquam regnum Christi in Ierusalem coepit, & gentes Evangelium amplexae sunt, sine dubio restitutio talis erit, quale hoc regnum est, nempe non corporalis, qualem somniant adhuc Iudaei, sed spiritualis, Quod Evangelio inter gentes praedicatio,



dicatio, etiam ipsi credent, & participes efficientur beneficiorum Christi, per fidē in Christum. Ac secundū hanc sententiam etiam intelligenda sunt, quæ sequuntur.

*Et faciam ut claudicans habeat posteritatem, & ut infirma crescat in gentem robustam. Et regnabit Dominus super eos in monte Zion, à modo usque in seculum.*

Non hoc vult, quod potentiam & opes assequantur. Sicut enim Rex hujus regni pauper & calamitosus in hac vita fuit, Ita etiam pauperes & calamitosi erunt in hac vita, quotquot in eum credunt. Frustra igitur Iudæi expectant corporalem dominationem. Omnis gloria hujus Regis & subditorum in eo erit, quod cum rege suo in æternum vivent. Est enim hoc in loco primum insigne testimonium, quod caput hujus regni, Christus, sit verus Deus, tribuit enim ei nomen veri Dei (Iehova) Deinde etiam est testimonium clarum de resurrectione mortuorum, & alia vita post hanc vitam. Si enim Dominus regnabit super eos, non solum in hac vita, sed in æternum, Profecto necesse est, eos in æternum vivere. Deus enim est Deus non mortuorum, sed viventium. Et cur prædicaretur hic tam magnificè regnum in mortuos, qui nihil sunt? Si regnum est, est vivorum regnum. Sicut igitur necesse est omnes homines semel mori, Ita hujus regni ea vis est, ut in eo mortui, vivant iterum, & non moriantur. Sicut hæc in novo Testamento clarius dicuntur, Qui credit in me, etiam si mortuus fuerit, vivet, Item: Ut omnis qui credit in Filium DEI, non pereat, sed habeat vitam æternam. Hanc consolationem desertæ & abjectæ domui Israël proponit, ut spe horum æternorum bonorum se erigant, & vincant corporalia, incommoda quæ peccatis suis mernerunt.

*Testimoniū h. divinitatis Christi & resurrectionis mortuorum.*

Sed quid est quod dicit: Regnabit super eos in monte Zion? Cur nominat corporalem locum, si restitutio hæc spiritualis solum & non etiam corporalis est? Hæc causa est, cur Iudæi adhuc corporalem restitutionem expectent, Siquidem Prophetæ corporalium locorum meminerunt. Et doctores alicubi etiam in has carnales opiniones delabuntur. Sed si quis Prophetæ verba videat, pulchrè cum experientia convenit. Res enim ostendit Zion everfam & funditus vastatam esse, Frustra igitur expectatur corporalis loci & populi restitutio. Nec Prophetæ de corporali Zion loquitur, Loquitur enim de tali Zion, quæ duret in æternū. Non igitur de lapidibus & lignis loquitur, Sed de Zion, hoc est, de illo populo, qui Verbo, quod in Zion primum spargi cœpit, credit, & sic salvatur. Hic populus, hæc Ecclesia credentiū in Christum, est illa æterna Zion, super quam regnabit Dominus. Sicut etiam Prophetæ alicubi in hanc ipsam sententiam utuntur nomine Ierusalem, pro eo populo, qui verbo, quod in Ierusalem primum prædicatum est, credit. Ad hunc modum Prophetæ omnes absurdas opiniones Iudæorum cautissimè quidem præcidunt. Sed cæci homines etiam quæ vident, non vident. Christus dicit: Cælum & terra transibunt, & tamen cæci homines somniant locum in terra æternum.

*Zion significat Ecclesiam.*

Atque hic etiam non inconveniens est, arguere blasphemam impudentiam Papistarum, in tanta verbi luce nondum cessantium à defensione Primatus Pontificii, quod Pontifex Romanus sit caput Ecclesiæ in terris. Sed Prophetæ disertè dicit, Dominus regnabit super eos in monte Zion, à nunc usque in seculum. Montis Zion meminit, ut significet populum seu Ecclesiam in terris, Hæc aliud caput non habebit, quàm Dominum Christum, Non enim is sic deseruit Ecclesiam suam, ut alio vicario opus sit. Ministros habet in Ecclesia sua, Dominos & Reges non habet. Ideo Antichristicum est, quod Papa hanc dignitatem affectat, ac planè impium, quod etiam eam defendit. Nam pii sequuntur Christi regulam, Reges gentium dominantur gentibus, vos autem non sic.

*Pontifex Romanus non est caput Ecclesiæ, sed Christus.*

*Et tu Eder turris filia Zion caliginosa, Decor tuus veniet, & veniet dominium primum, regnum filia Ierusalem.*

Hic redit ad Regnum Iuda, Id quoniam per Babylonios vastandum, & populus

*Iohan. 11. Tobam. 3.*

*Luc. 23.*

Consolatio.

Turris Eder.

Eder.

Ophel.

Alma.

Spirituali decor regni Christi.

Christus vocatur Consiliarius.

Christus Consiliarius Ecclesie sue.

populus captivus abducendus erat, etiam consolatur, ne desperet de tam præclaro regno Christi. Vocat autem Regnum Iuda turrim Eder, per Synecdochen. Quia turris Eder fuit in tribu Iuda, sicut apparet ex capite Genes. 25. Vñtatum autem est, totum denominare à parte, sicut plerunque à parvis oppidulis magnæ Regionis nomen sortiuntur. Porro Eder significat gregem. Quare etiam per allegoriam regno Iudæ hoc nomen convenit, in quo fuit Templum & cultus Dei, ad quem populus, tanquam greges, ad certum locum colligebatur.

Atque ob hanc causam etiam Epitheton ei tribuit (Ophel Bath Zion) Significat autem (Ophel) propriè, quod quasi intra nubila conditum, non facile conspici potest, Ac si dicas, caliginosum, seu involutum nubibus. Hæc appellatio pulcherrimè convenit ad Ecclesiam, cuius dona summa sunt, sed sunt abscondita infirmitate & scandalis, ut oculis carnis non possint cerni. Ideo Ecclesia rectè dicitur Alma, velata & abscondita. Alii per metalepsin vocabulum (Ophel) accipiunt pro munitione seu propugnaculo, Neq; id ineptum est. Nam quod ad Prophetam attinet, non de lapidibus loquitur, ex quibus turris hæc constructa fuit, sed de summo dono huius populi loquitur, quod habebant verbum & cultum Dei, & locum cultus ab ipso Domino destinatum. Aliæ munitiones, potentia, opes, quantumvis magnæ, percutunt, & sæpe nocent possessoribus, At noticia Dei, verbum, verus cultus Dei, hæc ubi sunt, ibi sunt homines tuti à spiritualibus nequitis, Contra ubi non sunt, ibi omnia sunt plenissima maximorum periculorum. Hæc de Grammatica, nunc sententiam videamus.

Instabat populo horribilis vastitas, itaq; ne omnino desperarent, consolatur eos, ne æstiment rem ex præsentis facie. Nam vastitate illa tolli decorem omnem, qui tum in Politia, tum in sacerdotio erat, Sed hic, inquit, est decor temporalis, quem alioqui oportet cessare. Itaque nolite de eo valde esse solliciti. Est alius decor spiritualis & æternus, ille debetur huic regno, in hunc respicite, & spe huius obliviscimini temporalium incommodorum. Est autem ille decor primum dominium, seu primū regnum filia: Ierusalem, q. d. Hactenus nullam verum regnum habuistis. Si opes, potentiam & alia respiciatis, floruit regnum sub Davide, Salomone, & quibusdam aliis Regibus, Sed quale Regnum fuit, cum omnia morte constricta, peccatis polluta, & ira Dei oppressa essent? Sed cum Christus veniet, ibi demum verus decor & principale Dominium, cuius antea nihil simile fuit, veniet. Non enim dominabitur vobis amplius mors, non peccatum accusabit vos, non Satan tyrannide sua infestabit vos, sed liberi eritis, quia Filius vos liberabit. Addit igitur:

*Nunc quare ita miserè vociferaris? Num Rex tuus non est tecum, aut Consiliarius tuus periit? Siquidem te apprehendit dolor tanquam parturientem.*

Hæc est exhortatio, addita promissioni. Videt populum ita metu captivitatis & calamitatis esse oppressum, ut omnium promissionum obliviscatur, Itaque hortatur, ne id faciat. Apprehendit, inquit, vos dolor tanquam parturientem, Itaque vociferamini, quasi ille Rex, de quo dico, non sit inter vos, & quasi Consiliarius ille vobis perierit. Sed malè facitis, Profecto veniet, Itaq; ne patiamini vobis spem istam excuti. Pertinet autem hæc particula ad nos docendos de infirmitate nostra in periculis. Sicut enim extra periculum in rebus lætis animi labuntur in securitatem, Ita cum primum ingruunt pericula, pavemus & desperamus, Iudicamus Deum nobis irasci, nos abjicere, nos non velle curare amplius. Verum enim est quod David dicit, Omnis homo mendax. Nam in tentatione ita obruimur cogitationibus iræ Dei, ut obliviscamur omnium ferè promissionum Dei.

Tribuit autem Propheta hic Christo Regi, nomen Consiliarii, sicut etiam Esaias cap. 9. Quod etiam cum affligi nos finit, consulit nobis ne pereamus. Sed cum captivi abducerentur, Iudæi iudicabant se Deum consiliarium amisisse, & sine omni spe auxilii in gentes abduci. Monet itaque Propheta, ut animi in tentatione contra hanc

hanc dubitationem pugnent, propterea quod Ecclesia curæ est Regi & Consiliario suo. Etiam hoc monet, ut in periculis abstineamus à fiducia præsidiorum humanorum, hoc enim est regi Christo nomen & honorẽ suum adimere. Tum enim ipsi debebamus nobis esse Consilarii, si alium Consiliarium non haberemus, iam cum Rex Christus habeat nomen Consilarii & sit (loez) noster, cur sequimur, aut tentamus alia consilia? Si enim vel consiliis vel auxiliis fidendum est, quis non maximè hujus Consilarii æterni & omnipotentis consiliis fidat?

1002.

Sed habent hæc consilia aliam speciem, quam consilia mundi. Mundi consilia magna & infallibilia esse videntur. Nituntur enim rebus, quas ratio videt & intelligit, opibus, potentia, sapientia, &c. At consilia hujus Regis, sicut etiam ipsum regnum, infirma sunt, & specie omni carent. Tum enim Deus suos liberat, cum prius afflixit, Tum erigit, cum prius pessundedit, Tum justificat, cum prius in conscientia accusavit. Ideo mundus ab hoc Consiliario refugit, mavult opibus & potentia quam Verbo inniti. Et tamen res ostendit, quod Christus dicit, Cælum & terra transibunt, Verba autem mea non transibunt. Qui enim huic Consiliario innituntur, hi servantur & liberantur, sicut docet exemplum Iudæorum in captivitate, & tota Ecclesiæ historia.

Mundi consilia

Consilia Regis Christi.

*Dole & enitere filia Zion, sicut parturiens, Quoniam nunc egredieris de civitate, & habitabis in agro, & venies, usq; Babylonem, Ibi liberaberis, Ibi redimet te Dominus de manu inimicorum tuorum.*

Pertinet etiam hoc ad consolationem, quod tam certo captivitatem prædicat. Nam mala inevitabilia facilius feruntur. Ideo utitur etiã similitudine de parturiente foemina, Non solum, ut magnitudinẽ periculi & doloris ostendat, sed magis ut certam spem liberationis faciat. Nam cum mulier apprehenditur doloribus partus, hi dolores quid aliud significant, quam foetum nunc maturum esse, qui exeat ex utero matris in aliam vitam. Itaq; dolores hi non significant mortẽ, sed geminam vitam, ut & mater liberetur onere illo, & homo novus nascatur in mundum. Sic inquit Propheta, vos quoq; cogitate, Affligemini & malè à gentibus tractabimini, itaq; gemetis & dolebitis. Id sanè non prohibeo, video enim impossibile esse non dolere in doloribus summis, sed debet hujus doloris modus esse. Captivitas certa est, Vos autem sicut in partu, sperate secuturum foetum aliquem, Itaque enitmini, hoc est, spe & orationibus urgete imminentem commutationem, quam Consiliarius vester faciet, Non abjicite animum, &c.

Similitudo de parturiente.

*Nunc autem congregabuntur adversum te Gentes multæ, dicentes, Polluta est, Cum gaudio aspiciet oculus noster Zion.*

Sicut Propheta antea ostendit, quæ sint judicia futura populi, cum ingruet calamitas, quod desperabunt ac respicient ad humana auxilia, ac consolatus est populum contra hæc judicia, quod Dominus sit Consiliarius, qui sic affligit, ut iterum liberet, Ita hoc in loco ostendit, quæ sint futura judicia gentium de populo Israëlítico sic afflicto, & etiam contra illa judicia gentium consolatur suos. Fiet, inquit, ut congregentur adversus te, Gentes validæ & multæ, nec tum est, ut expectes ab eis opem. Hoc potius fiet, gaudebunt de incommodis tuis, judicabunt, id quod res est, te dare poenam peccatorum, te pollutam à Deo projectam & desertam esse, ideo parabunt se, ut te possint delere, Sed tu expectabis meliora.

Indicium gentium de populo Israel

De hoc affectu etiã concionatur Psal. 137. Nam & vicinis gentibus voluptati fuit, deleri hunc populum, & ipsi hostes miseris captivis insultabant, sicut dicunt, Cantate nobis canticum Sion. Hæc enim semper populi Dei fortuna est, ut Satan odium suum non possit explere, nisi etiã insultet eis in summis calamitatibus. Sicut impii Iudæi Christo pendenti & clamitanti, Eli, illudunt, Veniat Elias & liberet eum. Mundus n. sic solet, cum tempus postulat misericordiã, consolationẽ, opem, addit crudelitatem, ludibria, insultationes. Hæc inquit Propheta, vobis quoque tum

Fortuna populi Dei.



tum accident, Sed nolite offendi. Ebraïsmus est in verbo: Videbit oculus noster, significat enim cum gaudio aspicere & delectari videndo.

*Sed hæ Gentes nesciunt cogitationes Domini, neque intelligunt consilium ejus, Quoniam congregavit eas, sicut manipulos in aream.*

*Consolatur ad-  
versus insulta-  
tiones gentium.*

Hic incipit contra insultationes & maligna studia Gentium consolari populum suum, Non affligemini casu, nec evenient omnia, sicut Gentes impiæ nunc cogitant. Nam etiam Dominus habet suas cogitationes, & consilia sua. Ad ea oportebat vos respicere, non ad vestra aut Gentium impiarum judicia. Videmini vobis & Gentibus colligi nunc, ceu manipuli, ut in area Babylonis trituremini, Sed mihi credite, Domini consilia alia sunt, nempe, ut Gentes tanquam manipuli colligantur, & vos eas trituretis. Atq; hæc ceu generalis doctrinæ est, quam diligenter in omnibus tentationibus, & periculis debemus sequi. Nam in omni tentatione hoc primum est, quod cogitamus, nos à Deo abjectos, aut desertos esse, ac Deum permissurum esse omnia libidini hostium nostrorum & Satanæ. Contra has cogitationes consolatur nos Propheta, & docet, quod nulla tentatio, calamitas nulla incidat, nisi certo Dei consilio. Non enim affligit Deus nos, ut reddat nobis secundum peccata nostra, alioqui non corporales, sed æternas pœnas & calamitates immitteret, Nam peccata nostra verè æternas pœnas merentur, Sed ut consulat nobis. Est enim sicut Propheta eum supra appellavit (Ioel) seu Consiliarius.

*Quo consilio  
Deus nos affli-  
gat.*

Quod autem hoc consilium est? Nimirum, ut hoc modo nos Deus revocet ad pœnitentiam, ut agnoscentes peccata nostra, convertamur & emendemur, & Deus iterum nos liberet, ac si glorificetur Nomen ejus. Quare in omni tentatione respiciendum erat primum ad vitam & mores nostros. Emendanda erant, quæ vitiosa sunt, de quibus nos Deus per calamitates admonet, ut ea emendemus. Sed homines ferè contrarium faciunt. Primum enim secure pergunt in peccatis, ita fit, ut calamitates quotidie crescant. Deinde quærunt aliam viam salutis, nempe auxilia hominum, cum Deus hoc consilio calamitates immittat, ut agnoscentes peccata, emendemur, & liberati à Domino, gratias agamus nomini ejus, &c.

Porro solet hæc Prophetia plerunq; exponi de regno Christi, quod per Apostolos Gentes trituratæ, hoc est, ad obedientiam Evangelii & fidei traductæ sint. Sed quia hæc Prophetia infra suum locum habet, cum de capite regni hujus in Bethlehè nascendo vaticinatur, rectius videntur hæc transferri ad historiam, quod scilicet captivi Iudæi in Babylone per verbum, ad veram Dei noticiam & veros cultus, Gentes transferent. Sic Daniel per mirabilem occasionem innotescit in aula Regis Nebucadnezar, ac per eum, aliosq; pios cognitio Dei in totum Regnum spargitur. Sicut extant Edicta, quibus Rex ille omnes subditos hortatur ad cultum veri Dei. Idem accidit cum filio ejus Evilmerodach. Is enim nisi Deum Iudæorum habuisset pro vero Deo, neuriquam Regem eorum liberasset ex carcere, & regio loco habuisset. Interim Daniel cum in Medis est, Darius & Cyrus instituit ad pietatem. Et extat insigne Darii Edictum de Deo Danielis. Cyrus autem magnifica testimonia pietatis, tum in Esaiâ, tum Ieremia habet, Et est insigne ejus opus, quod captivos Iudæos dimittit, & sumptus addit ad ædificationem Templi, Esdræ 5. Sic Artaxerxis pietas egregiè prædicatur, qui vult pro se & regno orari in Templo, & magnificos sumptus ponit, tum in ædificationem tum in sacra, Esdræ 7.

*Esdræ 5.*

*Esdræ 7.*

Hæc est illa trituration, de qua dicit Dominum cogitare, ad quam nunquam Iudæi venissent, nisi hoc modo in Gentes essent sparsi. Fit igitur hic insignis commutatio, Domi ubi habuerant Templum, peccaverant variè, Ideo dant pœnas impietatis, & abducuntur in exilium. In exilio autem colunt Deum, & sanctissima opera faciunt, Non quidem sacrificando, nam id extra Templum non licbat, sed sanctificando nomen Dei, & propagando regnum ejus, dum alios ad pietatem & justiciam erudiunt. Hanc consolationem vult, ut tum cogitent, cum captivi abducentur, & jubet, ut magno sint animo, sicut sequitur:

*Surge*

*Surge & tritura filia Zion, Quoniam cornu tuum ponam ferreum, & ungulis tuis ponam æreas, & comminues populos multos.*

Respicit ad triturationis usum, quem habebant in Iudæa. Non enim flagris <sup>Triturationis usus apud Indos.</sup> excutiebant grana, sicut apud nos in Germania, sed sicut adhuc in Italia & aliis exteris nationibus solet, jumentis ad eam rem utebantur. Ideo dicit, Es meus bos, quem armabo ferreis cornibus, & æreis ungulis. Ungulis æreis opus est, ut non defatigentur nec atterantur excutiendo grana. Significat igitur efficaciam additam ministerio docendi inter gentes, quod non frustra docebunt, sed sicut solet dici, Bos lassus fortius figit pedem, ita ipsi ita prement & obterent Gentes, ut multus inde Deo & hominibus enascatur fructus.

<sup>Dan. 1.</sup> Sed quid opus est cornibus ferreis ad triturationem, cum ungulis solis utatur bos? Robur bovis est in cornibus, significat igitur fiduciam & animum infractum in iis, qui inter gentes docebunt. Sicut insignis sociorum Danielis virtus fuit, qui ob honorem sui Dei, procidere coram statua noluerunt, Magnus animus quoque in ipso Daniele fuit, admonente & docente Regem, de futura poena, Item objurgante impiū Belsazarem. Hæc ferrea cornua ipse Dominus trituranti bovi donavit, ut comminuerentur multi populi, nempe illi ipsi, qui se contra Zion congregaverant.


*De vo vi enim Domino opes eorum, & facultates eorum Domino universæ terræ.*

Pulchrè Propheta ubique videt, quomodo apta & commoda remedia opponat perturbatorum cogitationibus. Metuebant boni, ne tanto tempore, quo eis in captivitate vivendum erat, omnia abirent in gentilitatem, At promittit Dominus, futurum, ut etiam Gentes ad cognitionem Dei veniant. Metuebant etiam, ne direptis facultatibus unquam Templum & Civitatem possent restaurare, Sed, inquit Dominus, hic quoque prospiciam vobis, Sinite ut Gentes pro arbitrio nunc rapiant vestra, Sinite ut ex rapina cumulent sibi opes. Nam istas opes multi cumulant, ut suo tempore habeant posteri vestri, unde Templum reædificent. Sic citatur Esdræ 5. decretum Cyri, Et supra quoque diximus de liberalitate Artaxerxis Longimani. Iosephus quoque aliorum Regum meminit, qui liberaliter Iudæos adjuverunt, ut suppetere sumptus annuorum sacrificiorum.

Admonentur autem hic Principes officii sui, ut ipsi quoque pro facultatibus adjuvent laborantes Ecclesias, Ac testatur hic locus Prophetæ, qui hoc faciunt, hos divinitus sic moveri. Quia enim dicit Dominus, Anathematizavi Domino opes eorum, Profecto divinum opus est, quod Cyrus, Darius & alii cultum Dei adjuvant. Contra, quod hodie maxima pars Principum in facultates Ecclesiis donatas involant, iis ad ædificationes, ad stipendia latrunculis constituenda, & alias res profanas abutuntur, hos quis dubitet à Satana regi & impelli? Cui utile est, aut vastas jacere Parochias, aut à talibus administrari, qui officium suum non intelligunt, atque ideo qualicunque conditione contenti vivunt.

## CAPUT V.

*Nunc accingere filia bellatrix, Tenemur enim obfessi, & virga percutient maxillam Iudicis Israel.*



Agnifice concionatus est Propheta de iis, quæ post captivitatem eventura erant, Nunc redit ad Prophetiam de incommodis, quæ priusquam hæc commoda contingent, eventura sint. q. d. Dixi vos dominos Gentium fore, & captivatueros eos, ut desertis idolis unum & verum Deum vobiscum adorent, Sed priusquam hæc fient, pugnandum vobis erit. Veniet enim hostis & obsidione cinget Hierosolymam, ac futurum est, ut Iudex

<sup>Præcipue gentes convertantur, bello vexati sumini.</sup>

Israël percutiatur super maxillam, hoc est, contumeliose tractetur. Respuenda enim est sententia, quasi hîc vaticinetur de Christo, cæso colaphis à militibus Pilati, sicut Hieronymus & Lyra exponunt. Hic iterum Propheta tanquam calamitate captivitatis consternatus, per transitionem, se vertit ad lætiores conciones de regno Christi. Magnum, inquit, est, quod captivitas erit occasio futura, ut gentes convertantur ab idolis ad verum Deum, & facultatibus suis cultum veri Dei adjuvent. Sed hoc divinæ bonitati nondum satis est, cumulabit vos adhuc majoribus bonis. Vt enim certum signum habeatis Deum non deserturum vos, sed restitutum vobis patriam vestram, Audite quid decreverit. Illa contempta & parva Bethlehem, quæ respectu Hierosolymorum nihil est, non peribit. Ex ea enim mihi nascetur Dux populi, qui erit Dux in æternum.

*Et tu Bethlehem Ephrata, etsi parva es inter millia Iuda, tamen ex te mihi egredietur, qui sit Dominator Israel, Cujus egressiones ab antiquo & à diebus seculi.*

**Zair.** Quod ad grammaticam attinet, non displicet, quod vocabulum (Zair) exponitur adverbialiter pro parum, ut conveniat sententia cum Evangelista, qui dicit: Neutiquam es minima inter Principes Iuda. Erit autem tum sic reddendus **Matth. 2.** textus, Tu Bethlehem Ephrata, parum est, ut sis inter millenos Iuda, Loquitur enim phrasi Mosaica. Sicut enim Romani Centurias habuerunt, in quas diviserunt populum, ita Ebræi diviserunt in millenarios. Nec pugnat quod septuaginta verterunt, *ἐν τοῖς ἑβδομήκοντι*, inter Principes. Nam Ebræi quoque (Alphe lehuda) Principes millenarios, sicut Latini centuriones à centuriis vocant. Sed neque hoc ineptum est, si (Zair) accipias adjectivè, non enim in eo violatur Evangelistæ auctoritas, qui septuaginta translationem, non Ebraicum textum sequi voluit, Sicut quoque cæteri Apostoli faciunt, certo suo consilio per totum ferè novum Testamentum.

**Bethlehem.** Habet autem Ebræus textus hoc in loco antithesin, si respicias cogitationes captivorum. Norant Hierosolymam jacere vastatam & in cinere, itaque nihil habebant, quod sperarent de reliqua terra. Nam regnum Samariæ jam antea à gentibus occupatum erat, Idem de regno Iuda cogebantur metuere. Sed Propheta contra has cogitationes eos consolatur, Bethlehem, inquit, est ignobilis vicus, si compares ad Ierusalem, & tamen non sinam, ut aut pereat, aut à gentibus occupetur, manebit possessio populi, & manebit tam diu, dum mihi ex ea nascatur, qui sit Dux populi mei. Hæc sententia etiam valet ad typum Ecclesiæ, Christus non nascitur Hierosolymis, sed in parva & humili Bethlehem. Ad hunc modum Ecclesia vera, non magnos titulos, non opes, non dignitates amplas tenet, **1. Cor. 1.** (Non multi, inquit Paulus, secundum carnem nobiles aut sapientes vocati sunt, **Ioh. 18.** Stulta mundi elegit Deus) sed potius contempta, pauper, abjecta, imo cruce & scandalis oppressa est, ut verum esse statuamus illud Christi, Regnum meum non est de hoc mundo.

**Christus Dominus.** Quod autem Christo tribuit novum nomen, & vocat (Moschel he Israel) id imitatus videtur Angelus, Luc. 2. cum ad pastores dicit: Vobis natus est hodie Christus Dominus, Et Apostoli quoque eadem ratione Christum ubique appellant Dominum, seu Dominatorem. Ipse enim est, qui solus dominatur morti, peccato & Satanæ, sicut Ioh. 8. concionatur, Liberi eritis, si Filius vos liberaverit. **Ioh. 8.**

**Christus natura Deus.** Particula sequens, Cujus egressiones ab antiquo, præcipuè notanda est. Sicut enim cætera, quæ sequuntur, officium Christi ostendunt, Ita hæc particula personam pingit, ut intelligamus de quali Domino loquatur. Quod igitur ad sententiam attinet, convenit planè cum illo Iohannis, In principio erat Verbum, **Ioh. 18.** Item Ioh. 8. Antequam Abraham esset, ego sum, **Colos. 1.** Ipse est primogenitus omnis creaturæ. Neque enim vocabulum (Mozaothaf) quod nos egressiones verimus, Iudaico more depravandum est, quod significet ab æterno seu ab antiquo **Galat. 4.** promiss-



promissum. Substantiam & ipsum esse significat, quod extiterit à diebus seculi, antequam tempus aut ulla alia creatura esset. Sicut Paulus ideo significanter dicit, In tempore natus de muliere, ut ostendat eum ante tempus fuisse, Item secundum carnem filius David, ut ostendat eum, antequam carnem hanc indueret, extitisse.

Act. 1.

Hic igitur primum discernit hunc ( Moschel ) seu Dominum, non solum ab omnibus hominibus, sed etiam ab Angelis omnibus. Est enim tempus, quo neq; homo nec angeli fuerunt, sed tum habuit ille Dominus egressiones suas, nec coepit tum primum esse, cum in carne coepit esse. Pertinet autem hoc ad stabiliendam fidem nostram. Quis enim non stupefcit ad illas maximas res, quas Christum solo verbo gessisse Evangelistæ commemorant? Homini igitur seu creaturæ ista impossibilia sunt, sed ei, cujus exitus ab æterno est, non sunt impossibilia. Huic enim ( licet secundum carnem sit creatura ) omnis tamen creatura servit, tanquam Domino suo. Pertinent autem hæc ad nos quoque de vita nostra docendos. Quia enim caput hujus Regni æternum est, debemus nos quoque ad æterna aspirare, non adhærere mundo, sed vivere, ac si essemus extra hunc mundum. Sicut Paulus egregie adhortatur ad Colossenses. Si cum Christo consurrexistis, quærite quæ sursum sunt. Hæc conveniebant subditis hujus Regis. Nam certum est, qui studiis mundi & temporalium rerum occupati sunt, hos Christi servos non esse.

Coloss. 3.

*Propterea dabit eos usq; ad tempus, quo parturiens pariet, & reliquæ Fratrum ejus revertentur ad filios Israël.*

Ferè ab omnibus exponitur hæc sententia de spiritali partu, quod per Evangelium in gentibus ab Apostolis prædicatum, parta sit Deo Ecclesia nova ex gentibus, Sed nihil prohibet, quam simplicissime intelligere parturientem beatam Virginem, quæ per Spiritum sanctum concepit, & peperit Christum in hunc mundum. Ostendit enim Propheta emphasin, & significat singularem partum, cujus simile in mundo neq; fuerit, nec futurum sit. Sicut Esaias quoq; cap. 7. eodem vocabulo utitur, Concipiet virgo & pariet filium, & vocabitur nomen ejus Emmanuel. Sententia igitur est, Antequam felix ille partus edatur, variè affligetur populus per posteros Alexandri, per Romanos, per Herodem. Sed hæc corporalia incommoda pensabuntur, cum ea, quæ parturit, hoc est, ea, de cujus partu Spiritus sanctus vaticinatur, pepererit. Ibi enim fiet, ut etiam reliquæ fratrum ejus, hoc est, reliquæ decem tribuum Israël, revertantur ad filios Israël, hoc est, ut amplectantur Evangelium, credant ac salventur. Hæc videtur simplicissima & genuina sententia esse, quæ illam alteram in-

Parturientem

Reliquæ fratrum ejus

Admonet autem Propheta hic tacite de ordine operum Dei, quod scilicet prius affligere solet, quam consoletur, prius finit opprimi, quam liberet. Ac qui calamitatibus exercentur, iis hac admonitione opus est, ut non solum non desperent, cum sentiunt incommoda, sed tum se erigant ac certam spem concipiant, Deum affuturum ac ostensurum, tum potentiam, tum bonitatem suam in summis periculis. Caro autem diversum solet, benè sperat, cum omnia cadunt ex sententia, Contra, ubi paulo iniquior fortuna esse videtur, somniat iram Dei & interitum suum. Ideo Propheta populum suum clare admonet, futurum, ut priusquam illa promissio contingat, variè affligantur, ne in afflictionibus desperent, quasi promissiones de Christo non sint implendæ. Opus autem habet hæc natura tali ordine operum Dei, ne securi reddamur, ne inflemur successu, sed ut in timore Dei vivamus, & exerceamus tum fidem tum invocationem, &c.

Deum prius affligere, postea liberare.

*Et stabit & pascet in fortitudine Domini, in magnificentia nominis Domini Dei sui, & habitabunt secure, Quoniam tunc magnificabitur usq; ad fines terræ.*

Haftenus personam pinxit, nunc etiam de officio hujus Domini docet, Ac initio dicit, Stabit, ut significet non ociosum fore, sicut qui soluti jacent & stertunt.

Stare. Pascere.

Iii

Quid

*Pastoris officium.  
Christus pascit  
& defendit.*

Quid igitur faciet? Pascet. Hoc quid sit ex novo Testamento facile intelligi potest, cum Christus dicit, Ego sum Pastor bonus, Item, Pasce oves meas. Habet enim mirabilem similitudinem Pastoris officium, cum officio Christi. Pastor duo agit, ut etiam supra ostendimus, Pascit & defendit, Sic Christus pascit per Verbum, cum docet, Deum nobis favere, peccata remittere, vitam æternam donare velle per filium. Defensio autem vere mirabilis est, cum se objicit Satanæ, & sicut ipse dicit, ponit vitam suam, pro ovibus suis. Job. 10.

*Nomen Dei.*

Facit autem hoc in virtute seu fortitudine Domini, hoc est, potentia divina. Itaque occisus Christus, vivit, victus vincit, oppressus opprimit, captivus captivat. Non enim potuit teneri, sicut Petrus inquit, in doloribus mortis. Sed non solum in fortitudine Domini pascet, sed in magnifico & triumphali nomine Domini Dei sui. Mira profecto ratio, qua Dominus hic regnum suum administrat. Pascit in fortitudine Domini, & tamen non armis, sed simpliciter in nomine Dei sui vincit. Hoc vero illud est, quod in hoc regno summum est. Quid autem dicemus esse nomen Dei, quam verbum ejus? hoc enim est verum pabulum, quod non Moses, sed Christus revelavit, secundum sententiam, Deum nemo vidit unquam, Filius, qui in sinu Patris est, enarravit nobis. Est autem hoc nomen magnificum, hoc est, triumphat & vincit, sicut Christus dicit, Portæ inferorum non prævalebunt, Et Esai. Verbum autem Domini manet in æternum. Mat. 16.  
Esai. 40.

*In nomine Domini vincemus omnia pericula.*

Etsi igitur admonemur periculi in eo, dum hic rex nobis proponitur, quod sit Pastor noster. Quis enim non videt periculum, quod ovibus à lupis & aliis feris est? Sic habet infirma hæc natura hostem Satanam, qui circumit, sicut Leo rugiens, & est intentus in omnes occasiones nocendi. Tam autem nihil præsidij in nobis contra hunc hostem est, ut ovis videatur multo esse tutior in medio luporum, quam nos sumus. Quid igitur faciendum est, ne hostis vincat? Hoc nimirum, Arripiendum est nomen Domini, hoc est, fide apprehendendum est verbum Christi, & sic vincemus. Si urgent peccata, audi Christum jubentem, ut prædicetur in nomine suo poenitentia & remissio peccatorum. Si impendet mors & terret, Christum audi, Ego sum resurrectio & vita, qui in me credit, non morietur in æternum. Terret te judicium & ira Dei, Christum audi dicentem, Sic Deus dilexit mundum, ut miserit unigenitum Filium suum. Num igitur ab eo metues, quem te tantopere audis diligere, ut Filium det? Ad hunc modum Pastor noster Christus nobis præit, pascens & servans in nomine Dei sui. Sicut etiam in Iohanne loquitur Cap. 17. Quando eram cum eis, ego servabam eos in nomine tuo, quos dedisti mihi, &c. 1. Pet. 5.  
Job. 11.  
Job. 3.  
Job. 17.

Ideo Propheta quoque hic addit, Et habitabunt (in scaberrimo) hoc est, securi sedebunt. Sicut Paulus quoque Rom. 5. Iustificati fide pacem habebunt. Etsi enim non solum nihil præsidij in nobis est, sed hostis quoque noster in eo vincit, quod cum accusat nos, nunquam frustra accusat, Cogimur enim nos quoque confiteri peccata & corruptam extreme naturam nostram, Tamen ideo securi habitamus, quia habemus talem Pastorem, tanto studio, diligentia & cura, denique tanta cum potentia pascentem. Merito igitur & Propheta tantopere hoc regnum prædicant, & nos omnia postponimus verbo, Sicut Petrus dicit, Domine quo ibimus? Tu verba vitæ habes. Non enim mortis, non peccati victoria est, nisi in nomine Dei, in quo ille Pastor pascit, hoc est, in verbo Christi, in quo solo acquiescunt animi, sicut dicit, In me pacem habebitis. Item, Invenietis requiem animabus vestris, &c. Quia autem securitas tantum in nomine seu verbo Dei promittitur, sequitur, quod cum à Verbo discesseris, erunt omnia plenaurbationibus & periculis, Sicut Christus dicit, In mundo pressuram habebitis, in me autem pacem, conjuncta enim hæc sunt, Pax & securitas in verbo, quod fides apprehendit, & spes retinet, Et in carne pericula, Crux, peccatum, pavores, &c. contra quæ fides assiduo pugnat in Sanctis. Rom. 5.  
Job. 16.

*Tempus Legis.*

Quod additum est, Et ipse magnificabitur tunc, usque ad fines terræ, Primo facit insignem anrithesin temporum Legis & Evangelij, Nam Legis tempore magnificatus est Dominus, tantum in suo populo & intra Iudææ fines, Tota reliqua genti-

gentilitas ignorabat Deum, non habebat verbum, non cultū Dei, Magnificabat itaq; non verum Deum, sed idola sua, & impietatem suam. Hoc, inquit Propheta, cessabit, Nam gloria Domini propagabitur in universum mundum. Per Evangelium enim agnoscitur Deus, id Evangelium dicit hic in totum orbem terrarum propagandum. Ergo sequitur primum, Gentes ad regnum Christi esse vocandas, Secundo sequitur, hoc regnum, esse regnum Gratiae, non meriti operum. Quomodo enim alioqui ad id vocarentur Gentes, non solum carentes merito omni, sed etiam gravissimis peccatis pollutæ? Atque hoc est, quod Paulus dicit, Revelari justiciam Dei sine Lege per fidem in Christum.

*Gentium vocatio ad Evangelium.*

*Regnum Christi, &c.*

Rom. 3.

Sed quomodo magnificabitur, cum non solum hoc constet, ipsum Christum indignissimis modis à suis esse tractatum, sed etiam eandem fortunam esse omnium credentium? Omnes enim, qui in Christo volunt pie vivere, persecutionem patientur, Hoc autem non est magnificari. Magnificantur igitur verius hostes Christi & Evangelii, Christus autem & Evangelium ejus blasphemantur, damnantur, suppliciis subjiciuntur. Respondeo, Nota est sententia Christi, Regnum meum non est de hoc mundo. Ergo sequitur magnificentiam hujus Regni aliam esse, quam quæ sit regnorum mundi. In mundo magnificentia vocatur, quæ est in opibus, dignitate, potentia, &c. Sed Christi regnum habet aliam magnificentiam, nempe, quod non est unius loci, aut temporis, sed ubique & semper. Nec fuit ulla tanta potentia in mundo, quæ Evangelio non sit coacta locum dare, secundum Psalmum, Non sunt loquelæ neq; sermones, ubi non audiat vox eorum. In omnem enim terram exivit sonus eorum, & in fines orbis terræ verba eorum.

*Regnum Christi, etsi in mundo sit contemptum, tamen est magnificentum.*

Psal. 19.

Porro sicut pluvia nunquam abit sine fructu, præsertim si agri sitiant, Ita perpetua hæc verbi fortuna est, ut nunquam sine fructu doceatur. Hi autem qui verbum fide accipiunt, apud hos etiam magnificatur Dominus. Malunt enim opes, vitam, & totum hunc mundum, sibi perire, quam ut Christum negent, aut sibi eripi sinant. Notæ sunt Pauli voces, notæ Prophetarum conciones, quibus hujus Regni bona ornant & prædicant.

*Verbum sine fructu non docetur.*

Daniel. 2.

Sed inquires, non omnes credunt, major pars impia est, blasphematur Evangelium & persequitur. Vbi igitur est magnificentia quam prædicas? Hic vero magnificentia hæc maxime conspicua est. Nulla enim tanta potentia est, quæ non cogatur cedere huic regno. Manifestæ sunt opes, potentia, & furor mundi. Sed finem considera, & apparebit Verbum Domini manere in æternum, & esse tanquam petram, in quam si quis cadat, alliditur, Super quem autem ceciderit, conteritur. Sicut Daniel quoq; vaticinatur cap. 2. Nam lapidem de coelo sine manibus hominum cadentem, & conterentem aurum, argentum, æs, ferrum & lutum, dicit esse regnum Christi, quod omnia mundi regna contritum sit. Coepit autem hæc magnificentia statim tum, cum promissum est Semen contritum caput Serpentis. Nam ab eo die, quicquid se Christo & verbo Dei opposuit, periit. Sic paulatim una Monarchia post aliam extincta est. Ac fiet tandem, ut illæ miseræ reliquæ, quas Daniel pedibus, ex terra, ære & ferro mixtis, comparat, penitus per regem nostrum Christum conterantur.

Daniel. 2.

Ante hanc universalem contritionem, fiunt illæ particulares contritiones furiosorum Principum, quos longa pax, opes, & fortuna dementat. Sicut vidimus corruisse aliquos, qui soli putabant se ad doctrinam nostram delendam suffecturos esse. Sed sicut Psalmus dicit de Ierusalem, Viderunt eam Reges & transierunt, Ita perierunt hostes Ecclesiæ & peribunt, Ecclesia autem servabitur. Hanc magnificentiam Domini in toto orbe terrarum, in fidelibus, & etiam in hostibus Evangelii Propheta prædicat hoc in loco.

Psal. 48.

*Et hic erit pax. Assur cum veniet in terram nostram, & cum conculcabit palatia nostra, tum suscitabimus contra eum septem Pastores & octo ex plebe constitutos, Et depascent terram Assur gladio, & terram Nimrod lanceis suis, Et fiet liberatio ab Assur, quando veniet in terram nostram, & quando conculcabit confinia nostra.*



*Pax quam Chri-  
stus largitur.*

Non necesse est, ut pronomen masculinum vertamus in neutrum. Si enim de Christo intelligas, quod iste sit pax, est eadem sententia, quæ in Evangelio est, In me habebitis pacem, sed non quam mundus dat. Hæc enim pax est, quod scimus nobis peccata nostra condonata, & nos à morte æterna liberatos esse, per hunc Regem Christum. Hæc pax mitigat molestias, pericula, turbas, & incommoda omnia carnis.

*Terra Nimrod.*

Quod ad reliqua in textu attinet, Assyria nota est, Terra autem Nimrod est regnum Babylonium. Hæc enim duo regna plurimum Iudæis nocuerunt. Salmanesser Assyrius abduxit decem tribus Israel. Nebucadnezar Babylonius abduxit tribum Iudam. Etsi autem Lyra & alii hæc ad historiam referunt, quod tum Assyriorum, tum Babyloniorum potentia ad Medos & Persas translata sit, Tamen cum etiam sequentia de regno Christi necessario intelligere cogamur, cur faceremus hic non necessariam transitionem? Sentio igitur per Assyrios & Babylonios in genere intelligi hos-

*Hostes Ecclesie.*

tes, quos Ecclesia omnibus temporibus habuit. Sicut enim populus Israel hosce hostes passus est, ita etiam Ecclesia patitur suos hostes.

*Septem & octo.*

Contra hos promittit futurum, ut suscitentur septem pastores, & octo Principes ex plebe, hoc est, magna copia Doctorum. Est enim hæc Ebraica Phrasis, qua magna copia & magnus numerus significatur. Sicut enim Ecclesiastæ II. Salomo loquitur, Da partes septem & octo, hoc est, da liberaliter, non parce. Ita hic dicit, Habebit Ecclesia magnam copiam Evangelistarum, qui inter Gentes docebunt, & aut humiliabunt eos, ut obediant prædicationi Evangelij, aut evertent eos, Non armis (Nam sunt Pastores tantum, & constituti homines, non milites) sed tantum Verbo. Necesse est enim perire armis, qui Verbo resistunt, Sicut supra quoque diximus. Vo-

*Nasach.*

cabulum (nesiche) est à (nasach) quod significat constituere in Principem, ordinare, &c. Ideo fecimus constitutos, ut significantur Apostoli, ex infimo genere hominum delecti, ad docendum & gubernandum mundum Verbo. Eodem verbo utitur David Psal. 1. Ego autem (nasachti) constitui Regem meum. Habet enim vocabulum peculiarem vim, ut ostendat ministerij demandationem.

*Et erunt reliquie Iacob in medio populorum multorum, sicut ros à D O-  
MINO, sicut pluvia super herbam, quæ non expectat virum, nec  
sperat in filios hominum.*

Est eadem sententia cum superioribus, quanquam figuræ sunt aliæ. Dixit de septem Pastoribus & octo Principibus vastaturis per Evangelium Assur & Nimrod, hoc est, omnes Ecclesiæ hostes. Hic alia similitudine utitur, qua tum dignitatem, tum etiam fructus ministerij in novo Testamento ostendit. Comparat enim reliquias Iacob inter Gentes, hoc est, Apostolos & eorum in ministerio successores, rori cœlesti & pluvie. Hoc primum ad dignitatem ministerij referri debet. Est enim Evangelium cœleste donum, omnia alia dona longe antecellens, Sicut Baptista dicit, Deum nemo vidit unquam, Filius qui in sinu Patris est, enarravit nobis. Merito igitur omnibus re-

*Dignitas mini-  
sterij.*

bus debet anteferri. Deinde referri etiam similitudo debet ad fructus hujus ministe-

*Fructus mini-  
sterij.*

rii. Sicut enim rore cœlesti & pluvia recreatur terra, virescunt & augentur omnia, ita certus fructus sequitur Verbum. Sicut in hanc sententiam, hac ipsa similitudine

*Fructus Evan-  
gelij.*

quoq; Esaias utitur. Fructus autem hujus cœlestis doni sunt, Spiritus sanctus, qui per Verbum Evangelij descendit in corda hominum, & excitat in eis fidem. Per fidem autem accipitur remissio peccatorum & vita æterna. Sicut Christus dicit, Qui credit in me, non morietur in æternum.

*Spiritus sanctus  
efficax, &c.*

Porro Spiritus sanctus non est ociosus in cordibus credentium, Pugnat enim contra carnem, mortificando carnem & ejus desideria, & excitat ad obedientiam erga Deum. Hæc autem cum nunquam possit esse in hac carnis imbecillitate perfecta, corda per Spiritum sanctum, & contra imbecillitatem hanc, & alia peccata, quotidie

*Ros & pluvia.*

se erigunt fide, hoc est, fiducia misericordiæ per Christum exhibitæ. Sicut autem Propheta dicit, Herbam, quæ rore cœlesti & fecunda pluvia reficitur, non expectare virum, nec habere fiduciam in homine (Non enim hominis, Sed Dei & vere cœlestia

Ita dona sunt ros & pluvia) Ita frustra quærentur hi fructus exercitiis, studio & operibus hominum. Vna ratio perveniendi ad eos est, attendere Verbo, & ei obedire.

*Matth. 15.* Nota sunt studia Monachorum in Papatu, quibus homines simplices credebant se ad hos fructus posse pervenire, Sed frustra tentata omnia sunt. Hoc enim erat, quod Propheta hic dicit, Expectare virum, & spem habere in homine, Et Christus: Frustra colunt me mandatis hominum. Rore de coelo & pluvia cœlesti opus est, hoc est, Bonis & piis ministris, qui verbum Christi purè doceant.

*Studia Monachorum.*

Insignem itaq; commendationem ministerii præfens locus habet, Sed meminerimus Spiritum sanctum ad hunc modum de Verbo & verbi ministris loqui. Hic solus eos ornat pulcherrimis his appellationibus, ut vocet eos rorem à Domino & pluviam. Mundi vero aliud iudicium est, Nam Papam & totam Antichristi Ecclesiā vide, Hæc pios Doctores comparat veneno ex inferno immisso in mundum, Doctrinam tanquam nocentissimam pestem damnat, & execratur. Hinc anathemata, persecutiones, & tot supplicia existunt piorum. Necessarium itaq; est, ut nos contra illa mundi iudicia confirmemus, & gratulemur nobis hoc Spiritus sancti elogium, qui pios Evangelii ministros comparat rori cœlesti & foecundæ pluviae. Hujus unius iudicium anteferamus toti mundo.

*Commendatio ministrorum verbi.*

*Eterunt reliquie Jacob in gentibus in medio populorum multorum, sicut Leo inter animalia sylvæ, Sicut catulus Leonis inter greges ovium, qui postquam in eas irruit, conculcat & arripit, nec est qui eripere possit.*

Hæc alia similitudo est, quæ etiam pertinet ad ministerii commendationem. Est quidem hoc ministerium totum comparatum ad sanandum, sicut Christus dicit: Venit Filius hominis, ut ministraret aliis, & daret animam suam precium pro multis, Rectè itaq; ministri Evangelii comparantur placidæ & foecundæ pluviae. Quid igitur, inquires, Propheta in mentem venit, quod reliquias Jacob comparat Leoni graffanti in sylva inter feras, & catulo Leonis ferocienti propter ætatem, & imbelles oves immaniter prosternenti? Hæc an non inter se contraria sunt? Ita sane. Sed etiā contraria objecta sunt verbi. Qui enim Verbum fide accipiunt, his verè est cœlestis ros & pluvia, sicut Christus dicit: Venite ad me omnes, qui laboratis & onerati estis, Ego reficiam vos. Sed qui verbo se opponunt, id non solum fide non accipiunt, sed persequuntur & extinctum volunt, sicut impia Synagoga, sicut regnum Romanum fecit, his Verbum & totum ministerium fit Leo rapiens & dissipans.

*Matth. 11.*

*Matth. 16.* Est igitur eadem hujus similitudinis sententia, quæ Christi Matth. 16. Super hanc petram ædificabo Ecclesiam meam, & portæ inferorum non prævalebunt. Ante oculos exempla sunt. Synagoga tota vi se opponit Apostolis, sed Apostoli servantur, Synagoga funditus evertitur. Sed, inquires, Romani everterunt eam, hi fuerunt ille Leo rapiens & conculcans. non Apostoli, Sed tu Christum audi, Non manebit, inquit Lucæ 19. lapis super lapidem, Quia non cognovisti tempus visitationis tuæ. Nonne igitur hoc ipso ministerio Evangelii, quo credentes salvati sunt, Synagoga funditus eversa est? Similis eventus omnes Evangelii hostes ab initio prædicati Evangelii, secutus est.

*Verbum dum persequuntur impii, seipsos evadunt.*

*Romani, valis.*

*Luc. 19.*

Pertinet igitur hæc similitudo ad consolandam Ecclesiam in mundo, tanquam navis in vasto pelago, & sævissima tempestate jactatam. Non enim ociosus est Satan, novit quos fructus hæc foecundissima pluvia afferat. Itaq; aut pluviam, quod tamen non potest prohibere, aut segetem strangulare conatur. Armat homines potentia, opibus, sapientia, dignitate, ac impellit, ut his donis ad opprimendum verbū utantur. Contra, Ecclesia ferè his donis destituta est. Iacet n. tanquā pauper Lazarus ante ædes divitis, in summo contemptu, odio, miseria, in summis periculis & calamitatibus. Hæc cum æstimant pii, suo, hoc est, humano iudicio, judicant Ecclesiam perituram. Quomodo enim una tot hostibus, Mundo & Dæmonibus, par esse potest? Sed Propheta consolatur nos, futurum, ut Ecclesia vincat, sicut Leo inter reliquas feras, & sicut catulus Leonis inter oves. Paratur victoria hæc non humano modo,

*Satanæ doli.*

*Ecclesia completa.*

*Victoria Ecclesie.*

ibi enim vincit, qui viribus potior est, & adversarium profligit, Ecclesia autem dum vincitur vincit, non armis aut humana vi, sed in magnificentia nominis Dei sui, hoc est, in Verbo, quod omnipotens est & manet in æternum, sicut Propheta hic concludit.

*Extolletur manus tua super omnes, qui tribulant te, & omnes inimici tui exterminabuntur.*

*Ecclesia quantumvis afflicta, triumphat.*

Vides clare Ecclesiam triumphantem sic esse in mundo, ut tribuletur, ut inimicos, eosque multos habeat. Quid igitur stulti satagimus, ut Ecclesia nullos hostes habeat, & ubiq; constituatur concordia? Tolerabile autem esset, si tantum hostes haberet Ecclesia, & non hostes etiam essent tribulatores, varie exercentes Ecclesiam. Ferre itaque oportet tribulationes & angustias, & tamen speranda simul est victoria, speranda est hostium verbi, non ruina solum, sed exterminatio. Ratio judicat, imminere exitium iis, qui cum potentiore hoste manus conserunt, Sed Spiritus sanctus illam unam & certissimam exitij inevitabilis viam esse dicit, si sis inter hostes Ecclesiae. Quid igitur commovemur, cum videmus Reges & Principes conspirare in Ecclesiae perniciem? Quid eis mala imprecamur? An non enim commiseratione digni sunt, qui ipsi suo gladio se confodiunt? Ecclesiae enim nocere non possunt. Et habent hic definitam sententiam, futurum ut exterminentur. Tanto major debebat Verbi reverentia & studium esse in Regibus & Principibus, qui tamen fere hoc conjunctis viribus agunt, ut Evangelium nusquam possit libere prædicari. Itaq; certa vastitas Germaniae impendet. Da pacem Domine in diebus nostris, Amen.

*Germania impendet vastitas.*

*Et erit in die illa dicit DOMINVS, exterminabo equos tuos de medio tui, & perdam quadrigas tuas, Et exterminabo Civitates de terra tua, & destruiam munitiones tuas.*

*Vastitas Synagoga, &c.*

Supra posuit Propheta generalem Prophetiam, futurum ut omnes Ecclesiae & Verbi hostes exterminentur. Iam addit specialem Prophetiam de Iudæis & Synagoga, quod penitus vastanda sit, quia Evangelio se opponat. Etsi igitur Romani suas politicas rationes habuerunt, cur obsiderent & expugnarent Hierosolymam, tamen vera & unica ejus calamitatis causa fuit, quod Synagoga Apostolis & Evangelio se opposuit. Sicut Christus quoq; dicit, Non relinquetur lapis super lapidem. Quia non cognovisti tempus visitationis tuae, hoc est, quia non credidisti Evangelio. Per Romanos igitur equi perdit, & quadrigae fractae sunt, hoc est, regnum & omnis hujus populi potentia fracta est. Sicut autem hæc in populo Iudaico coeperunt, ita postea usq; in hunc diem etiam in Gentibus factum est. Vbicunq; enim Verbum prædicatum & non acceptum est, ibi certa secuta est vastitas. Exemplo est regnum Romanum, postea tota fere Asia. Porro Græciæ, Thraciæ, & confinium Gentium, quibus nunc immanes Turci dominantur, calamitas ante oculos est.

Necessaria itaq; hæc cohortatio est, ubicunq; Evangelium prædicatur, ut id cum reverentia accipiant & amplectantur omnes. Videmus autem non voluisse Deum, ut Evangelium per Angelos prædicaretur. Homines sunt, quibus eam functionem mandat. Sicut autem his serio interdictum est, ne ministerio abutantur ad potentiam & opes parandas, Ita vicissim mandatum est Ecclesiae, ut hos ministros Verbi in honore habeat, liberaliter alat & revereatur. Atq; hanc ob causam tam magnifice prædicat Scriptura ministerium Verbi, Quam speciosi sunt pedes, inquit Cap. 52. Esaias, annunciantium pacem. Micha noster elegantissima figura comparat eos rori coelesti & foecundæ pluviae, Alicubi angeli appellantur. His commendationibus Spiritus sanctus certo consilio utitur, ut nos quoq; ad reverentiam ministrorum Verbi excitet.

*Ministerium Verbi.*

*Contemptum ministrorum Dei.*

Et extant exempla quoq;, ubi Deus poenas gravissimas exegit à contemptoribus ministrorum Verbi, Taceo diluvium, Sodomorum interitum, terram Core & socios dehiscentem, Eliseus cum à pueris ridetur, ursi veniunt & quadraginta duos perdunt.



perdunt. Atqui hi calviciem tantum seni exprobrabant, & merebatur excusationem ætas. Quanto gravius puniet Deus contemptum ministerij in adultis, qui hoc modo se suis sceleribus patrocinari posse credunt, si in contemptum confictis criminibus ministerium adducant. Iudæi varie exercebant Apostolos, cædebant eos virgis, interminabantur eis, conjiciebant in vincula, occidebant. Hac tyrannide autem effecerunt, sicut Propheta hic dicit, ut & equos & quadrigas perderent, ut & munitiones & Civitates vastarentur.

*Exterminabo Incantatores de manu tua, & Divinatores non erunt apud te.*

Sicut regno seu politiz minatus est vastitatem, Ita quoq; hic minatur Sacerdotio, quod certam ob causam comparat auguriis & divinationibus, sicut post dicemus. Porro habent Ebræi multa divinorum nomina, quæ ferme omnia congeffit Mo-  
Deut. 18. se Deut. 18. Hoc in loco positum est (Keschaphim) quod fere redditur nomine Incantatoris. Significat enim eos, qui maleficiis seu magia utuntur. Alterum vocabulum est (Mionenim) quo significantur divinatores, qui vel ex auguriis divinant, vel astrologicas observationes sequuntur. Sed quæ est similitudo horum cum Sacerdotio? Nam etiam reliquis Prophetis usitatum est, comparare impios Doctores Incantatoribus. Hujusmodi loca fere omnia respiciunt ad concionem Samuelis, quam habuit ad  
1. Sam. 15. Saulem 1. Samuel. 15. ubi dicit, Quoniam velut peccatum magiæ, ita etiam est rebellio, & inobedientia est sicut idolatria.

*Divinatorum nomina.*

*Cur Propheta Sacerdotes vocet incantatores*

*Magia.*

Magia est manifesta discessio à Deo. Nam fiducia auxilij, quod solum à Deo expectandum erat, transfertur ad creaturas & ad DEI adversarium, Satanam. Cum hoc peccato comparat Propheta hoc in loco sacerdotium Iudaicum. Quia enim mandatum de cælo est, Hunc audite, Sacerdotes autem nolunt audire, & Evangelium persequuntur, judicat DEUS omnia eorum sacrificia, omnes cultus, orationes, & studia, tanquam abominabilem magiam & discessionem à Deo. Melius enim est, sicut Samuel dicit, obedire quam sacrificare, & auscultare, quam adipem arietum offerre. Ad hunc modum Adversarij nostri extreme oderunt Evangelium, id tanquam hæresin damnant & abolere nituntur. Vrgent autem interim, vota, missas, jejunia, peregrinationes & alias nugas. Sed recte comparamus hæc magiæ, quod Deus tam abominetur ista omnia studia, quam magiam abominatur, in qua manifesta est impietas, & discessio à Deo. Nam summum Dei cultum, nempe obedientiam erga Verbum, abjiciunt, & interim putant se suis traditionibus sanctos esse. Ergo & Politia & sacerdotium Iudaicum vastatum & abolitum est, quia Iudæi Legem pertinaciter retinuerunt, & Evangelium aspernati, ac hostili odio sunt persecuti.

*Et exterminabo sculptilia tua & statuas tuas de medio tui, & non adorabis amplius opus manuum tuarum. Et evellam lucos tuos de medio tui, & delebo Civitates tuas.*

Similis locus est supra 1. Cap. Dixi autem eo in loco has minas eo pertinere, ut intelligat populus illum idolorum cultum non solum frustra esse, sed etiam Deum summe offendere. Quid enim attinet, minari lapidibus & lignis? Cum igitur dicit, hæc peritura, docet homines, ne quam in eorum cultu spem ponant, Sed ut ex poena colligant & discant, Deum graviter offensum esse ista idolatria. Disputatum autem supra est, quæ imagines tolerandæ, & quæ tollendæ sint. Nam & Propheta hic idem diserte ostendit, cum dicit, Non adorabis opus manuum tuarum. Adoratio igitur & cultus damnatur, imagines non simpliciter damnantur, si modo veræ & non scandalosæ sint. Nam scandali quoque ratio habenda est, Sicut Ezechias fecit, qui æneum serpentem confregit, postquam ei incensa fiebant.  
2. Reg. 18.

*Idolorum cultus, &c.*

*Quæ imagines tollendæ, &c.*

*Serpens æneus fractus ab Ezechia.*

Ostendit autem textus non obscure, invito populo & sacerdotibus, pium Regem id fecisse, Ideo enim additur, Sperabat Rex in Domino Deo Israel. Et serpentem vocabat (Nehustan) hoc est, æs. Norat enim, etsi Deo mandante erat factus

non tamen esse factum ad adorationem, sed ut qui læsi erant à serpentibus, sanarentur. Extra hunc usum, inquit, æs est æs. Itaque impietas fuit, fieri ei divinos honores, & optimo consilio ab Ezechia est fractus & contritus. Ad hunc modum pius Magistratus ubique quæ scandalosa sunt, debebat abjicere, ne posteris aliquando ex illis Papæ reliquiis nova enascantur incommoda.

*Et faciam in furore & indignatione ultionem Gentium, quæ non audiunt.*

Insignis hæc est sententia, quæ involvit ultimum iudicium. Sicut enim Iudæis exitio fuit, quod se opposuerunt Evangelio, ita quoque reliquis gentibus idem accideret, Donec tandem in novissimo die generalis ultio exercebitur in omnes, qui Evangelio non obediverunt. Inprimis autem observandum est, quod nullius peccati meminit, quam quod non audiverunt. Fit autem hoc ideo, quia mandatum de coelo est, Hunc audite. Huic mandato qui non obtemperant, sibi ipsis exitio sunt. Hæc est illa insignis Prophetia de regno Christi. In qua primo loco ipsum Regem describit, quod sit Deus. Item officium ejus, quod pascet in magnificentia nominis Dei sui. Tertio etiam ministerij Evangelij vim & dignitatem ostendit. Ac vaticinatur tandem, quod sive Iudæi, sive Gentes huic doctrinæ non obedientes sint perituri. Hujus comminationis meminisse debemus, & cum omni reverentia Verbum amplecti. Nunc sequitur alia concio.

## CAPUT VI.

**H**oc Caput habet insignem concionem pœnitentiæ. Initio enim commemorat beneficia, quæ Deus huic populo multa & magna concessit. Quia autem non reddiderunt parem gratiam Conditori suo, objurgat eos, & damnat ingratitudinem. Hoc peccatum cum negare non posset populus, vertitur ad usitata studia, & quærit præsidium contra iram Dei in sacrificiis & aliis legalibus. Sed Deus aliam rationem, qua placari possit & velit, ostendit. Itaque hic locus insignem doctrinam & egregiam antithesin verorum & falsorum cultuum ostendit. Postrema pars est comminatio. Quia enim Deo veros cultus docenti non obsequuntur, sed pergunt in peccatis suis, minatur vastitatem. Hic enim inobedientiæ seu peccati finis est.

*Audite obsecro ea, quæ DOMINVS dicit.*

Hæc est usitata Prophetis præfatio, qua uti solent, non solum ut sibi auctoritatem & fidem concilient, sed magis ut populum moneant, ne in horribile illud peccatum ruat, scilicet in contemptum Dei & Verbi ejus. Nam hoc homines plerumque solent, præsertim cum audiunt de ira Dei, ut credant mitius secum actum iri. Itaque etiam in ipsis peccatis spem veniæ sibi fingunt, & aut rident Prophetarum minas, aut negligunt tanquam hominum commenta. Huic malo Propheta hic mederi vult, cum dicit, Dominum esse audiendum, non se, Dominum dicere, non se.

*Surge, obiurga montes, & colles audiant vocem tuam.*

Hieronymi ineptias omittamus, qui montes & colles interpretatur Angelos. Hi enim quia sunt administratorij spiritus, si inquit, non fecerunt voluntatem Domini (nam in Apocalypsi Ecclesiarum angeli accusantur) recte accusantur. Contra, si fecerunt, culpa incumbit populo. Postea suo more quærit aliam sententiam æque ineptam, Vel, inquit, montes & fundamenta terræ, sunt Abraham, Isaac, Iacob. Hæc à Prophetæ sententia alienissima sunt. Veniam autem merebatur, si hoc uno in loco hæc figura esset, Sed cum passim in Prophetis, montium & collium appellatione veniant Principes, & qui ratione officii super reliquam multitudinem eminent, quid opus fuit tam absurda fingere? Præsertim cum Propheta ipse, sine figura dicat quid velit, cum subjicit, Dominus litigabit cum populo suo, & contendet cum Israel. Recte enim hic populus comparatur montibus, propter insignia dona, quibus excelluit omnes populos terræ, Sicut Psalmus dicit, Non fecit taliter omni nationi. Deinde in ipso populo sancto, colles & montes sunt, Reges & principes. Hi enim eminent super reliquum

Summa sexti  
capituli.

Contemptus  
Dei & verbi  
ejus.

Montes,  
Colles.

reliquum populum, Sicut etiam in Ecclesia, colles & montes sunt Sacerdotes & Prophetae.

Quod autem Dominus jubet, ut cum populo sancto contendat, & ut Principes in utroque regno objurget, ob male administratum officium, id dupliciter periculosum est. Nam qui in imperio sunt, & omnium minime patiuntur se reprehendi, & omnium maxime nocere possunt. Itaque haec ipsa concio, non odium solum, sed pericula quoque certa Prophetae concitavit. Audivit enim sine dubio, quae nos hodie, cum vitia Principum notamus, Diminui hoc modo auctoritatem Magistratus, ab alienari animos subditorum à Magistratu, & tanquam semina seditionum talibus concionibus in vulgus spargi. In genere notanda vitia, non diserte Magistratus incensendos esse. Id enim non solum nihil aedificare, sed etiam nocere posse. Quidam etiam hoc addunt, Affectare hoc modo concionatores viam ad gubernacula rerum publicarum, &c. Ac tyranni non solent ad hunc modum rationibus se tueri, sed vi in Prophetas grassantur, Sicut alterius Michae, Jeremiae & aliorum exempla testantur.

*Propheta Magistratum vitia libere reprehendit.*

*1. Reg. 22.*

Sed Prophetam nihil horum movet, non parcat dignitati montium, non movetur suo periculo, Mandatum Domini respicit, huic statuit parendum esse, etiam si mille seditiones inde orirentur, Sed frustra nobis seditiones objiciunt, sunt haec semper poenae peccatorum, non ministerij dextre administrati. Igitur, qui seditiones cavere aut prohibere volunt, non hoc agant, ut hi, quibus docendi munus mandatum est, peccata Magistratum dissimulent. Hac enim via provocatur Dominus ad faciendam ultionem. Peccata igitur sinant reprehendi libere, id enim mandatum Dei est, ipsi autem desinant. Nam cum Magistratui ideo sit gladius divinitus traditus, ut facinorosos coherceat, impeditur ejus officium, cum ipse iis peccatis obnoxius est, quae in subditis punire debebat. Quomodo enim adulterium punire audeat, qui ipse adulterij sui passim multos testes habet? Satis autem testantur sacrae literae, si Magistratus in puniendis facinorosis non satis aut diligens, aut severus sit, Deum provocari ad publicas poenas infligendas. Vbi contra gladius Pinchas in scortatorem strictus, mitigat iram Dei & cessare facit publicam plagam. Sicut etiam Psalm. 106. testatur, Accessit Pinchas & placavit, & cessavit plaga. Haec primum magna causa est, cur Magistratus diserte admonendus sit officij, & reprehendendus sicubi peccat.

*Se libenter poena peccatorum.*

*Nam 25.*

*Magistratus admonendus officij.*

*Psalm. 106.*

*Pinchas.*

Deinde etiam hoc considerari debet, quod Magistratus exemplo, quasi invitati subditi, putant se tuto peccare posse. Quae enim vident in Magistratu, sine periculo se imitari posse putant, Recte igitur Propheta facit, qui non dissimulat gubernatorum vitia, sed ea ratione ministerij sui libere reprehendit. Ac debent exemplum ejus sequi omnes, qui Ecclesias vere docere volunt.

*Gubernatorum vitia non dissimulanda.*

*Audite montes judicium DOMINI, & fortia fundamenta terrae, Quoniam contendet DOMINUS cum populo suo, & arguet Israel.*

*Psalm. 47.*

Fundamenta terrae vocat idem quod montes, Sicut Psalm. 47. pari ratione vocat scuta terrae, Nisi enim essent Magistratus & Leges, non posset in tanta hominum improbitate consistere pax, necessaria ad alendos, educandos, docendos liberos, tum in religione, tum in oeconomia. Singularis autem Emphasis est in vocabulis, Cum populo suo & cum Israel, Q. d. Hos ex mandato Dei reprehendere & damnare cogor, qui sunt populus Dei, qui praesumunt de justitia, & se sanctos ac Deo dilectos esse jactant. Nunc sequitur objurgatio prima facie levissima, Sed quanto minus probare populus suam ingratitude potest, tanto vehementius accusantur, & coguntur ipsi se damnare.

*Fundamentum terra.*

*Popule meus quid feci tibi, aut ubi molestus tibi fui? responde mihi. Nam eduxi te de terra Aegypti, & de domo gravis servitutis redemi te, Et misi ante faciem tuam Moysen, Aaron & Miriam.*

*Popule meus, recordare quaeso, quale consilium fuerit Balac Regis Moab, & quid responderit ei Bileam filius Peor, à Sittim usque ad Gilgal, ut disceres DOMINUM esse beneficium.*

Summa



*Tria beneficia  
populo exhibita*

Summa est, Dominus omni genere beneficiorum cumulavit vos, tanto vestrum peccatum majus est, quod sic vivitis, ac si esset hostis & summus inimicus vester, ac si omnia hostilia in vos tentasset. Commemorat autem tria beneficia. Primum, quod à violentia Tyranni eos liberaverit, & sibi asseruerit in populum. Sicut in primo Præcepto quoque est, Ego sum Deus tuus, qui eduxi te de terra Aegypti.

*Pium Magistratum.*

Secundum, quod dederit Moſen ductorem & rectorem, Aaron Sacerdotem, & Miriam Prophetissam. Videmus autem hoc in loco, quod Deus summi beneficii loco commemorat pium Magistratum, tum in Republica, tum Ecclesia. Pluris igitur æstimatur in conspectu Dei, tum Moſe tum Aaron, quam increduli Iudæi eos æstimabant, qui etiam lapidibus eos non semel conabantur obruere.

*Bileam conductum per Balac, &c.*

Tertium est, Cum Balac conduxisset Prophetam Bileam, ut malediceret populo, coegit eum Dominus, ut benediceret ei. Hoc enim potissimum hoc in loco Propheta prædicat. Quod autem commemorat de toto itinere de Sittim usque ad Gilgal, includit simul miraculum de populo, sicco pede transeunte per Iordanem. Omnia hæc, inquit, eo tendunt, ut discas Deum esse beneficium. Est enim hic vocabulum (Zidkos) quod sicut in concione Danielis, non justiciam, sed potius beneficentiam significat.

*Zidkos.*

*Pharaon noster.*

Hæc cum ad Iudæos pertineant, Hieronymus allegoriam affert, ne scilicet hæc Prophetæ concio sine omni fructu à nobis legeretur, Sed nos aliam similitudinem, eamque majorum beneficiorum habemus, quæ nos ad pœnitentiam debebat excitulare. Habuimus nostrum Pharaonem & Aegyptum nostram, tyrannidem scilicet Satanæ & mortis propter peccatum. Sumus autem ex hac captivitate liberati, per sanguinem Filii Dei, Hoc ingens beneficium est & longe præclarior liberatio, quam illa Aegyptiaca. Nec deest nobis Moſes noster, Aaron, & Miriam. Habemus enim Dei beneficio bonos & pios Doctores verbi. Sicut Paulus quoque hoc beneficium magnifice prædicat, cum dicit, Dona ascensionis Christi esse, quod alii in Ecclesia sunt Prophetæ, alii Apostoli, alii Evangelistæ, alii Doctores & Pastores.

*Similitudo temporis novi Testamenti.*

*Bileam conductum à Balac ad maledicendum Israël.*

Quod autem Balac conducit Prophetam Bileam ad maledicendum populo, id an non belle cum eo convenit, quod impii Principes conjungunt se cum Pontificibus, ut maledicant & malefaciant veræ Ecclesiæ? Sed Dominus vertit ipsorum maledictiones in benedictionem. Nam quicquid hætenus contra sanam doctrinam machinati sunt, id omne Deus eo convertit, ut & gloria verbi amplificaretur, & tum doli tum impietas adversariæ partis magis patefieret. Decebat itaque nos in tanta multitudine beneficiorum Dei, non ingratos esse, sed testari obedientiam & gratitudinem nostram, sancta vita. Decebat nos fugere & detestari scandala. Sed quia hoc non facimus, etiam gravius iudicium, quam Iudæis nobis expectandum est.

*In quo præveniam Dominum? Incurvabor ne coram Deo excelsio? An vero præveniam eum holocaustis & vitulis amniculis? Non placebit Domino, etiamsi mille arietes, aut multa millia fluminum Olei offeras. Num igitur dabo primogenitum meum pro transgressionem meam? & fructum ventris mei pro peccato animæ meæ?*

Agnoscit populus peccatum, sicut nos quoque nostrum peccatum cogimur agnoscere, cum beneficia divina comparamus cum vita & moribus nostris. Hic igitur pulcherrime pingitur, quid soleant homines in tali confusione. Franguntur metu malorum, & confugiunt ad hypocritica opera, his sperant se Deum placaturum esse. Sed Propheta hic palam ostendit, Deum sacrificia nolle, Sicut etiam Esai. Cap. 1. facit. Et Oſeas, Misericordiam volo, non sacrificium, Et Psal. 50. Itaque aliam rationem placandi Dei ostendit.

*Esai. 1.  
Oſeas 6.  
Psal. 50.*

*Cur sacrificia damnet Deus.*

Hic igitur nascitur quæstio, digna quæ tractetur. Cur Deus sacrificia respuat, quæ tamen tanquam cultus mandarant Iudæis? Reprehendi itaque poterant Iudæi, si non sacrificassent, Sed quod sacrificant, profecto non debet reprehendi. Ad hanc quæstionem sic respondeo, Verum est, quod Deus sacrificia præcepit tanquam cultus.

*ius.*

tus. Sed ea non sola praecepit, dedit enim mandata etiam de aliis cultibus interioribus, & ut Paulus vocat, rationalibus. Deinde praeceperat Deus sacrificia, non in eum finem, ut essent satisfactio pro peccatis. Duplex igitur vitium habebat in sacrificiis Iudaeorum, seu legalibus cultibus. Primum vitium erat, quod hosce ἀλόγως seu irrationales cultus praestabant, omittis aliis cultibus λογικαῖς, quales sunt, sicut Propheta post commemorat, Facere iudicium, amare beneficentiam, & humilem ambulare coram Deo suo. Sicut Oseas quoque dicit, Non vult Deus sacrificium, sed misericordiam, non holocaustum, sed agnitionem Dei. Et Psal. 50. Immola Deo sacrificium laudis, & redde altissimo vota tua. Invoca me in die tribulationis, & ego eripiam te, & honorificabis me.

Hos cultus impij non praestant, Nam in rebus laetis securi sunt, non agnoscunt Deum autorem, nec utuntur pro Dei voluntate donis Dei. Et in adversis non confugiunt ad Deum, sed quaerunt humana praesidia. Haec igitur, quae potissima & summa sunt, cum omittant, quomodo potest Deus inferiori, & illo quasi brutali cultu delectari? Sic Esaias concionatur, Quo mihi multitudo vestrarum victimarum? holocausta arietum, & adipem pinguium & sanguinem vitulorum nolo. Lavamini, mundi estote, auferite malum cogitationum vestrarum ab oculis meis, Desinite agere perverse, & discite benefacere, quaerite iudicium, subvenite oppresso, &c. Haec sunt vere bona opera, nec possunt simulari ab impiis, Ideo omittunt ea impij, indulgent avaritiae, libidini, irae, &c. Sicut Psalmus 50. dicit, Videbas furem, & currebas cum eo, &c. Hanc impietatem conantur Hypocritae postea tegere & obruere ista simulatione externorum cultuum, Merito igitur Deus eos cultus damnat & rejicit.

In Oeconomia herus a servo exigit, ut domum purget scopis, Sed ad hanc solam operam non conduxit servum. Habet enim opus servo ad alia maiora officia, ut fideliter tractet pecuniam, ut in labore assiduus & diligens sit, &c. Si igitur servus maiora illa negligat, nonne parvam gratiam merebitur illa verrendi diligentia? maxime si intelligat Herus servum hoc modo quaerere pretextum malitiae & ignaviae. Ita damnat Deus sacrificia Iudaeorum, quod maiores & rationales cultus plane negligebant, & impietatem suam palliabant ista sacrificiorum pompa.

Secundum vitium in eo erat, quod Iudaei sacrificiis non solum tegebant impietatem cordium, sed etiam volebant ea esse precium pro peccatis. At sacrificia in hunc finem non instituerat nec mandarat Deus, Volebat hoc modo prospectum Sacerdotibus. Et erant sacrificia typus summi sacrificij, quod per mortem filii Dei peccata mundi essent expianda. Hoc sacrificium filii Dei impij non considerabant, & tribuebant remissionem peccatorum sacrificiis suis. An non autem extrema impietas & blasphemia est, sanguini hircorum & taurorum tribuere eum honorem, qui solius sanguinis Christi est? Itaque passim in Prophetis dicit Deus, se etiam abominari sacrificia, se non praecepisse ea, &c. Nam praeceperat quidem, sed non in hunc finem, Erat quoque ea accepturus, tanquam obedientiae erga Deum testimonia, si non in maioribus & gravioribus rebus essent inobedientes. Sed cum & maiores cultus intermittant, & hos inferiores & vere ἀλόγως cultus, cum tam impia opinione praestent, abominatur sacrificia Deus, & ridet quoque, Sicut in Psalmo 50. Nunquid manducabo carnes taurorum, aut sanguinem hircorum potabo?

Ac viderunt Iudaei quoque non esse istos summos cultus, si vaccam, aut arietem immolarent. Itaque ad sumptuosiora sacrificia versi sunt. Sicut Propheta hic testatur, Etiam si mille arietes & tota flumina olei offeras, ingratum erit id officium Domino. Quia sicut in Psalmo 50. est, Omnia animalia sylvarum sunt Domini, & universa quae in agris sunt, ipsius sunt. Aliud igitur consilium instituebant, & immolabant in honorem & cultum Dei filios & filias. Hujus crudelitatis occasionem sumpserunt ex facto Abrahae. Quia enim Deus tantopere praedicat ejus obedientiam, quod filium voluerit immolare, putabant Deum quoque eo officio placari, si liberos suos ei obtulissent. Ac si opus ipsum spectes, magnū & arduum fuit. Quis enim non libentius opes & vitam etiam suam in discrimen ponat, quam ut liberos suos det mactandos aliis, aut

Rationales cultus.

Vere bona opera

Sacrificia Iudaeorum a Deo damnata.

Vel sacrificio Christi competit honor remissionis peccatorum.

Non immolandum liberos.

aut mactet ipse? Itaq; postea Gentes quoque hunc cultum imitatae sunt. Sed infelices Hypocritae non videbant Abrahamum jussu, ut offerret filium, Ipsis autem tale nihil mandatum erat. Itaq; non solum cultus nullus fuit, sed etiam gravissimum peccatum fuit, contra quintum Praeceptum, quo prohibentur caedes.

*Cultus & opera  
Monachorum.*

Sic Monachi jaectant suos cultus, praedicant sua bona opera, Quod abstinere à civilibus negociis, certis horis orant, à certis cibis cavent, &c. Sed quia haec omnia suscipiunt sine mandato Dei, nihil Deo gratiores sunt ipsorum cultus, quam erant illa parricidialia sacrificia, in quibus parentes liberos suos offerebant Deo. Cultus enim non potest esse, ubi non est mandatum Dei expressum, secundum sententiam Christi, Frustra me colunt mandatis hominum. Docet itaq; hic locus de Hypocritis, quod conantur suis operibus placare Deum, quae tamen ejusmodi sunt, ut per se non sint bona. Haec autem non est vera ratio placandi Dei. Itaq; Propheta nunc docet, quomodo Deus placari velit.

*Hypocritae.*

*Matth. 23.*

*Indicavit tibi DOMINVS o homo, quid sit bonum, & quid à te postulet, nempe, Ut facias judicium, ut ames beneficentiam, & ut humiliter ambules, coram Deo tuo.*

*Vbi mandatum  
Dei non est, ibi  
non potest esse  
cultus Dei.*

Primum insignis commendatio in eo est, quod dicit, Se traditurum, quae bona sint, & quae exigit Deus. Igitur certi esse possumus, cum ea facimus, Deo nos placituros esse, Nam non nisi bona exigit Deus, & ea quae exigit, placent ei. Vbi e contra alii cultus, quos ipsi delegimus, non possunt Deo placere, Sicut sunt vota Monachorum, impurus coelibatus, sacrificium missae pro vivis & mortuis, cultus Sanctorum, Peregrinationes, certarum horarum preces, abstinentia à certis cibis, &c. Habent haec magnam speciem, & sunt quoq; laboriosa satis, Itaq; mundus judicat ea bona esse, & placere Deo, Sed deest his omnibus illa insignis commendatio, qua Propheta suam doctrinam commendat, cum dicit, se traditurum, quae bona sint, & Dominus exigit. Sunt enim omnia instituta, humana voluntate, non autoritate divina, Itaq; habent mercedem ab hominibus, non à Deo, sicut Christus dicit, Frustra me colunt mandatis hominum, &c.

*Veri cultus.*

*Facere judicium.*

Veri igitur & boni cultus, quos Deus exigit, hi sunt, Facere judicium. Hoc fere exponunt pro iusta agere, hoc est, ut puniantur nocentes, & defendantur innocentes. Nam hoc loco Propheta cum montibus agit, hoc est, cum Regibus & Principibus, quibus Deus gladium commendavit. Hi cum gladio utuntur ad coercendos malos, certi sunt se facere bonum opus, quod Deus exigit. cum e contra, qui segniter administrant officium suum, & aut negligentia peccant, aut periculis suis moventur, ne animadvertant severius in facinorosos, faciunt rem malam, & omittunt quod Deus exigit. In hanc sententiam fere accipitur formula haec in Scripturis. Nam Hieronymi sententiam non probo. Exponit enim judicium facere pro eo, ut nihil absq; ratione & consilio faciamus, ut ante meus judicet, quid factura sit, & postea opere compleat. Hoc est Philosophicum judicium, Sed Scriptura, ut dixi, judicium aliud quiddam vocat.

*Judicium facere.*

*Judicium significat  
verbum.*

*Judicium facere.*

Haec igitur sententia non inepta est, ut hortetur Magistratum ad faciendum officium. Sicut in hanc sententiam Esaias 1. Cap. jubet, ut quaerant judicium, Et subjungit quasi expositionem, Subvenite oppresso, &c. Sed quia hoc in loco Propheta generalem Concionem de poenitentia instituit, vocabulum judicij paulo latius accipiendum est. Notum enim est, quod saepe usurpetur pro verbo Dei, Sicut probat Psalmus 119. Idq; eam ob causam, quod Verbum judicat homines, dum damnat mala, & docet sancta & vera. Ergo hoc in loco judicium facere, est Verbo attendere, id sequi, ei obedire, non repugnare Verbo, non odisse Verbum, sed id cum gratiarum actione accipere, ei parere, sine Verbo nihil suscipere, quae verbum mandat sedulo facere, &c.

*Verbum docet et  
morem & fidem*

Non solum autem includuntur in hoc mandatum externa vitae officia, seu bona opera, sed motus illi spirituales, de quibus docet prima tabula. Nam verbi Dei haec



Isa. 66.

hæc duo præcipua sunt, ut doceat fidere Deo, & timere Deum. Fiducia autem in Deum requirit notitiam Christi. Itaq; hoc primum conandum est, ut attendamus verbo Dei, ut fidamus misericordiæ per Christum exhibitæ, & timeamus eum. Ejusmodi autem hic cultus est, ut possit ab omnibus præstari. Nam si sacrificia requirentur, melior esset divitum conditio, pauperum deterior. Sed non requirit Deus sumptus magnificos, Animum requirit timentem ad sermones suos, & fidentem misericordia ejus.

*Diligere misericordiam.*

*Conditio servorum.*

Secundum est, Diligere misericordiam seu beneficentiam. Ac diserte utitur Verbo diligendi, Videt enim omnium hominum animis inditum esse studium singulare, ut sibi benefaciant, & negligant alios. Hunc affectum vult eximi ex nostris animis, & vult in nobis singulare studium esse beneficentiæ erga omnes. Hic quoq; ejusmodi cultus est, qui ab omnibus potest præstari. Quæ enim tam vilis conditio est, in qua non possis prodesse aliis? Deterrima judicatur conditio servorum & ancillarum. Sed hi tum imperata sedulo faciunt, dum curant rem familiarem aut liberos, sanctius opus faciunt, quam omnes monachi & moniales, Faciunt enim quod Deus mandat. Illi sponte susceptis laboribus defatigantur, sine mandato Dei, imo etiam contra mandatum Dei.

1. Pet. 5.

*Humilem ambulare coram Deo*

*Veri cultus.*

*Antichristi Ecclesia.*

Tertium est, Humilem ambulare coram Deo. Hoc non solum eo pertinet, ne simus arrogantes, superbi, præsumptuosi, sed ut in cruce simus patientes, Sicut Petrus dicit, Humiliamini sub potenti manu Dei, hoc est, ferte voluntatem Dei æquo animo, Nolite indignari, Nolite averti à Deo ad humana & illicita præsidia. Sed humiliamini, id est, agnoscite poenam peccatorum, aut saltem necessariam mortificationem veteris hominis, Deinde petite & sperate liberationem per Christum. Hi sunt veri cultus, & vera poenitentia, quam qui præstant, hos amare, tueri, defendere vult Deus, Ac vera Ecclesia in id incumbit, ut hos cultus Deo præstet, & homines ad talem rationem vitæ & morum excitentur. At Ecclesia Antichristi diversum facit. Nam & Verbum persequitur ac blasphematur, Deinde crudelis est in veram Ecclesiam. Crucem autem abominatur, quærit voluptates & ocium, Ideo etiam prement eam eadem poenæ, quas impiis Propheta jam minabitur.

*Vox DOMINI ad Civitatem clamat, Et salus timentibus Nomen tuum.*

Th. 1.

*Duplex vox Dei.*

*Lair.*

Cohærent hæc cum superioribus. Reprehendit hæctenus Propheta hypocriticos cultus, tanquam inutiles ad placandum Deum, & docuit de veris cultibus, & vera ratione placandi Dei, & mitigandarum poenarum. Hanc vocem Dei placidam & salutarem cum videt negligi, minatur Deum alia voce locuturum, quam non solum audire, sed etiam experiri cogantur. Sicut enim tota Scriptura ostendit, Deum poenitentibus ignoscere velle, Ita minatur impoenitentibus exitium. Porro non pertinet hæc irata Dei vox ad unam Civitatem, sed ad omnes. Itaq; vocabulum (Lair) collectivè accipiendum est, Sicut cum Paulus ad Tit. Cap. 1. dicit, Constitues Presbyteros, κατὰ πόλιν, Id quod nos reddimus, per singulas Civitates.

Am. 8.

*Tuschijah.*

Addit autem hic quoque consolationem ad erigendos pios, ne in publica calamitate despondeant animum. Loquetur, inquit, Dominus ad singulas Civitates, ea erit vox iræ & furoris, Pertinet tamen ad eos tantum, qui sunt impoenitentes, & non auscultant verbo, Cæteri autem qui timent nomen Domini, his erit salus. Etsi enim Ebræa vox varie à Rabinis exponitur, tamen satis constat, significare salutem, successum, felicitatem, & si quid simile est. Sicut ostendit locus Proverbiorum 8. (Liazah ve Tuschijah) Meum est consilium & successus. Nam quod recta consilia instituimus, Dei donum est. Quia autem etiam recta consilia nonnunquam male cedunt, requiritur (Tuschijah) successus, Item Capite 3. Recondet rectis (Tuschijah) hoc est, Fortunabit eos, servabit in periculis, ubi impii peribunt, &c.

Includit autem Propheta pulchram antithesin, videt omnes occupatos studio augendæ rei familiaris, quod putent in opibus præsidium esse contra communes calamitates.

Opes injustæ.  
Nomen Domini  
timere.  
Hypocritæ.

calamitates, Dicit igitur, Fallimini si hoc sentitis. Nam opes injustæ causa sunt exitij, Hi autem salvabuntur, qui timebunt nomen Domini, hoc est, qui Verbum amplectuntur, qui obediunt Verbo. Ideo autem hac phrasi utitur, ut diserte dicat, qui timeant nomen tuum. Quia Hypocritæ nunquam patientur de se hoc dici, quod Dominum non timeant. Ideo enim sacrificant, ideo in externis cultibus præstandis tam sunt assidui, Sed si ad Verbum respicias, ibi produnt se, quod, sicut Psalmus dicit, Non est in oculis eorum timor Domini. Nam verbum aut persequuntur aut negligunt. Indulgent cupiditatibus pro occasione, sunt avari, ambitiosi, crudeles.

Porro hanc Concionem ad nos quoque pertinere statuemus. Nemo est qui non exhorrescat Turcicam immanitatem quotidie magis ac magis appropinquantem. Hæc est vox Domini, quæ clamat super inobedientem Germaniam, Sed salustimentibus nomen Domini. Hos enim sicut Daniele in Babylone, in media Turcia, servare, & evehere novit Dominus. Similis sententia est Proverb. 16. Misericordia & veritate redimitur iniquitas, & per timorem Domini declinatur à malo.

*Audite tribus, Sed quis testificabitur ei?*

Match.

Est hic aliquid negotij in Grammatica, Nam alii vocabulum (Match) accipiunt pro virga, ut sit sententia, Audite virgam seu flagellum, & cum qui testificatur de eo. Hieronymus autem vertit, Audite tribus, & quis approbabit illud? Sed in commentariis sequitur aliam sententiam. Sic enim dicit, Audite tribus, quæ vobis contestatur Dominus. Nam verbum (laad) usitata phrasi significat concionari, prædicare, docere. Sed si ad textum respiciamus, simplicissima sententia est, Iubet Propheta primum, ut tribus audiant, Postea tanquam desperans de fructu, Quis, inquit, testificabitur ei? hoc est, Quis hunc populum doceat? Quis ei concionetur? cum nullus fructus sequatur, sed ipsi pergant in suis peccatis, sine omni poenitentia, Sicut sequitur in textu.

*Nonne adhuc ignis in domo impii, thesauri impietatis, & modius macilentus, ira plenus.*

Ignis.

Opes male partæ.  
se. temperantur  
igni.

In priore sententiæ parte Ebræi habent duplicem lectionem. Alii enim legunt (Hajesch) Nunquid est? Cum in-textu sit (haisch) quod alii virum, alii ignem exponunt. Sententiæ autem convenientius est, ut exponas pro igni, Quanquam Grammatici aliam punctorum rationem requirant. Significat autem ignis hic poenam, sicut supra Amos 5. Quærite Dominum, & vivetis, Ne forte erumpat quasi ignis in domum. Ioseph, & devoret, & non sit, qui extinguat in Bethel. Atque hæc bellissima figura est, quæ pingit opes fraude & injuriis partas, quod sint tanquam ignis, quo necesse sit ipsos conflagrare, qui eas possident. Sicut etiam testantur vulgo nota Dicta, De male quæsitis non gaudet tertius hæres, Male quæsitæ male dilabuntur, Et Salomo, In domo impii corrosio.

Modus huiusmodi parit.

Sed hic vide impiam hominum impietatem ne an incredulam pertinaciam dicam? Nemo non cohorresceret, si videret facem ardentem ad moveri tecto suo, Manifestum enim in ea re est periculum, & sæpe ex parva scintilla neglecta, maxima oriuntur incendia, Sed cur non eodem etiam modo abhorremus ab opibus per avaritiam & injurias partis? quas Propheta hic dicit esse ignem. Verum enim est, quod alicubi Chrysostomus dicit, quod parvæ opes fraude partæ, etiam magnas opes honeste & bene partas, quasi absument. Christus etiam recte parta spinis comparat stragulantibus segetem, Male autem parta, aut diffuunt turpiter, aut sicut experientia testatur, nocent hæredibus. Et tamen in id incumbunt omnes, ut quo jure, qua injuria ditescant. Has autem comminationes tanquam aniles fabulas contemnunt. Fit autem hoc, quia Dominus ad tempus ignem quasi sopit, nec finit statim collucere & devorare. Nam impii florent aliquandiu, ut Cedri Libani, Sed paulo post fit, quod Psalmus dicit, Transivi & ecce non erat, Quæsi vi eum, & non inventus est locus ejus. Quomodo hoc? Quia ignis devoravit eum, quem domi suæ fovit, cumulavit & in tantum auxit, ut esset inextinguibilis.

Eadem

Eadem sententia est particulæ, quæ additur, Quod modius macilentus, sit indignatio. Est autem hæc quoq; bellissima figura, quod vocet (Ephat rason) modium maciei, qui non abundat, sed cui deest aliquid. Sicut econtra Christus vocat *καλὸν μέτρον, πεπισμύμενον καὶ σταλευμένον, καὶ ὑπερεκχυνόμενον*, id est, mensuram bonam, pressam, agitaram, & superexundantem, Luc. 6. Fit autem hoc quoque, ut homines utantur mensuris, ut Propheta appellat, macilentis, ac ea in re sperent lucrum, Sed quale id est lucrum? Propheta respondet, est (Seumah) hoc est, indignatio, seu comminatio certi mali, quod sequetur. Quis autem tam stultus & amens est, ut optet opes conjunctas cum indignatione Dei? Nimirum omnes hi, qui mensuris non justis, sed parvis & deficientibus utuntur in vendendo.

*Num excusabo stateram impiani, & fraudulenta pondera in sacco? per quæ divites ejus omnia implent injuriis? & cives ejus loquuntur mendacium, & lingua eorum dolosa est in ore eorum.*

Hic pondera reprehendit, sicut supra mensuram iniquam. Nam in eo quoq; lucrum esse homines putant, si pondera vitient, sed DOMINUS ea damnat. Ideo fit, ut quanto plus se adimere aliis fraudulentis venditores confidant, tanto plus sibi adimant. Provocant enim iram Dei, sicut etiam alibi scriptura minatur, Proverb. 11. Statera dolosa abominatio est apud Deum, At æqua mensura ei placet. Quod fecimus fraudulenta pondera, in Ebræo est (Abne Mirma) lapides dolosi, Vtebantur enim Iudæi ponderibus ex lapide, non, ut nos, ex ære & ferro fere. Eadem phrasis est Proverb. 16. Pondus & statera judicia Domini sunt, & opera ejus omnes lapides sacculi, Vbi in nostris codicibus corrupte legitur, seculi. Quod de mendacio & lingua dolosa addit, etsi videatur ad doctrinam referri posse, tamen rectius intelligitur de illa, toti mundo nota, mercatorum & opificum perfidia & vanitate, qua imponunt omnibus.

*Igitur ego quoq; cæpi percutere te, & perdere propter peccata tua.*

Verbum (Hehelethi) Hieronymus format, à (halal) quod significat incipere, Sed alii contendunt esse à (Halah) & exponunt, Ego te ægrotare feci, sicut etiam Osee 7. Incipit autem Propheta hic minari peccatis, quæ supra recensuit. Ea duplicia sunt, Non enim in eo tantum peccarunt Iudæi, quod per avaritiam injustis ponderibus & mensuris usi sunt, Sed etiam quod retinebant idolatrias suas, nec patiebantur emendari impietatem per sanam doctrinam. Hic igitur panditur judicium Dei plane diversum à judicio hominum. Papistæ hodie non ideo urgent cultus & doctrinam suam, quod velint perire. Putant enim se hoc modo stabilituros suum regnum, & certo statuunt, si doctrinam nostram sequantur, se beneficia, redditus, dignitates, quas retinent, amissuros esse. Sicut Iudæi quoque non ideo sacrificabant Reginae coeli, ut est apud Ieremiam, quod vellent perire, putabant eum cultum unicam esse causam felicitatis & successus. Sed quid sit? Hi ipsi cultus perdiderunt Iudæos, & sine dubio perdent quoque Papistas nostros, Quanto enim impia studia urgent diligentius, tanto in se magis provocant iram Dei, donec tandem penitus excidentur.

Similis ratio est peccatorum secundæ tabulæ. Divites putant iniquam mensuram & pondus fraudulentum additurum aliquid suis opibus. Sed sic partæ opes, etiam honeste acquisita absumunt. Si igitur liceret nobis omnis generis mala imprecari avaris hominibus, quid aliud imprecaremur eis, quam quod faciunt, ut fraude, mendaciis, perluriis pararent divitias? Nulla enim compendiosa magis ad interitum via est, sicut Propheta testatur, qui injustas opes ignem vocat, & mensuram injustam indignationem Domini. Sed mundus non credit hæc, Ideo hoc unum agit & urget, ut quam plurimum possideat. Sequuntur autem hoc studium suæ certæ calamitates, ut avari & injusti homines sibi ipsis sint carnifices, aut habeant additas poenas & morbos insignes, aut ut iterum redigantur ad inopiam, aut occasione opum



palam fiant impii, aut calamitates illæ vel singulæ, vel aliquæ etiam in hæredes deriventur.

*Panis quotidianus.*

Quare hoc potius faciendum erat, ut non de opibus colligendis, sed de peccatis cavendis cogitarem. Ibi enim cessaret ira, & abesset ignis ille, adesset autem benedictio DOMINI. Nam etsi non habeas magnas opes, tamen DOMINUS vult largiri panem quotidianum, hoc est, quantum satis est, Sicut dicit, Pater vester scit, quibus habeatis opus, Item, Primum querite regnum DEI, & omnia illa adjicientur vobis. Et Psal. 37. Quotidie miseretur & dat mutuum, & semen ejus in benedictione est, hoc est, qui liberaliter dant & sunt benefici, his non solum nihil deerit, sed redundabit benedictio etiam in posteros. Sed quia mundus neque credit, nec facit hæc, ideo cogitur experiri, quæ Propheta minatur impiis & incredulis suis Iudæis. Psal. 37.

*Tu comedes & non saturaberis, & oppressio tui in medio tui.*

*Pena Molatria & avaritia.*

*Oppressio tui in medio tui.*

Vide ingentem iram, quam illa hominum malitia meretur. Panis quotidianus promissus est piis, sed avaris hominibus hic negatur. De piis dicit Spiritus sanctus, Non vidi semen justii querere panem. Sed avari & injusti homines, etiam cum quærent panem non invenient, etiam cum panem habent, non poterunt eo exaturare famem. Etsi autem hæc tempore pacis quoque possunt accidere, ob difficultatem annonæ, Tamen Propheta respicit ad belli tempora. Sicut nunc miseris captivis accidit in Turcia. Hi enim cum in summa vini & frumenti copia vixerint, nunc vix habent, quod tolerandæ vitæ satis sit. Quod addit, Oppressio tui in medio tui, significat quod nullum sint habituri successum, urgente & deprimente eos ira Domini. Itaque latine reddi potest, Ex omni parte opprimeris. Nam Ebraicum vocabulum (Ieschah) significat humiliationem seu depressionem, Sicut germanice, cum volumus significare adversissimam fortunam, dicimus, *Er kan nicht vber sich kommen* / Premitur manu Domini, ut emergere non possit. Sic Psal. 38. (Schahoti) depressus sum vehementer. Nota Psal. 38. translatio habet, Curvatus sum in finem, Sed loquitur ibi de spirituali humiliatione, quæ nascitur ex sensu iræ Dei, & conspectu peccatorum.

*Apprehendes quidem, sed non eripies, quod autem eripueris, gladio dabo.*

*Apprehendere*

Rabini nescio quid de abortivis hic comminiscuntur, Sed Propheta alia sententia est. Vult enim ostendere, quod non solum corpora, sed omnes ipsorum fortunæ in extremis periculis versabuntur. Ac verbum apprehendendi ostendit magnum studium emergendi ex calamitate, quod impliciti & involuti malis varia conabuntur & tentabunt eluctari ex præsentī calamitate. Sed minatur Propheta, eos quoque conatus frustra fore, Non quod non aliquando sint aliquid effecturi, sed quod etiam si quid confecerint, id iterum diffluet, aut in hostium manus veniet, Sicut sequentia ostendunt.

*Tu seminabis, & non metes, Tu calcabis oleam, & non ungeris oleo, Mustum quoque calcabis, sed vinum non bibes.*

Qui seminavit, videtur aliquid apprehendisse, & sperat messem, Sed propter peccata vestra fiet, ut non solum non demetaris, quæ seminastis, sed ut hostis ea conculcet & perdat. Ad hunc modum, qui oleas & uvas collegit, videtur apprehendisse, quo frui possit, sed propter peccata vestra fiet, ut hæc non possitis salvare, nec iis frui. Nam hostibus illa offa parata est, quam vobis è faucibus eripient. Sunt hæc tragicæ figuræ, Sed eventus ostendit multo atrociora passos Iudæos. Et habemus nos limilia exempla in foribus Germaniæ, Imo in ipsa Germania. An non enim putas miseros Hungaros, & omnes Austriacos nunc aliquoties seminasse, quæ ab hostibus Turcis obtrita sunt, & musta calcasse, quæ immanis hostis temere effudit? Proponuntur autem hæc Prophetarum conciones ideo, ut postquam certum est, propter peccata nostra hæc ita accidere, agamus poenitentiam & emendemur.

*Quia*

*Quia observastis ritus Amri, & omne opus domus Ahab, & ambulastis secundum consilia eorum, Ideo dedi te in desolationem, & Cives tuos in sibilum, & opprobrium populi mei portabitis.*

Meminit Amri & Ahab, qui post Hieroboam, novæ idolatriæ populo Israel fuerunt authores. Nam Amri ædificavit Samariam, & ibi instituit cultum Dei contra mandatum Dei. Ahab autem etiam Templum ibi ædificavit idolo Baal. Propter hanc impietatem regnum Israel à Salmanasser vastatum est. Et cum eadem peccata postea imitarentur Reges Iudæ, est id quoque regnum à Nebucadnezar Babylonio vastatum, & populus captivus abductus. Avaritia enim & alia peccata secundæ tabulæ, ut fame, bellis, & aliis calamitatibus solent puniri, Ita peccata primæ tabulæ, impia doctrina, cultus impii & idolatrici, solent puniri, sicut supra audivimus, extrema vastitate. Sicut Iudæorum exemplum ostendit, quibus & in captivitate Babylonica, & hodie summum opprobrium est, quod fuerint populus Dei, & tam turpiter à Deo suo discesserint ad idolatriam & impietatem.

Hæc est insignis poenitentia Concio, præcipue nostro seculo necessaria, ut emendemus vitam & mores nostros, ac faciamus iudicium, diligamus beneficentiam, & humiliter ambulemus coram Deo nostro, sicque gratiam inveniamus apud eum per Christum, & liberemur ab horribilibus poenis, quæ imminet propter peccata toti mundo, Amen.

## CAPUT VII.

**H**æc est ultima hujus Prophetæ Concio. Principio est querimonia de malicia & impietate sui populi, qui verbum habebat, sed eo non utebatur ad poenitentiam & emendationem, sed securus pergebat in peccatis. Deinde doctrina seu exhortatio subjicitur, ut pii soli Deo & ejus verbo innituntur, nec se, vel autoritate, vel potentia, vel conjunctione cujusquam, aut amicitia patiantur à verbo abduci. Postea consolatio additur, quod etsi captivitas propter peccata ferenda sit, tamen Deus non sit abjecturus populum suum, sed consolaturus suos, non solum reducendo eos in terram Canaan, & ulciscendo hostes ejus, sed mittendo Christum, qui regnum Gratiæ & misericordiæ per totum mundum sit habiturus. Ad hunc modum claudit Prophetiam suam optimus Doctor, pulcherrima concione de regno Christi, & remissione peccatorum ex mera & gratuita misericordia. Sed nunc ordine textum explicabimus.

*Hei mihi, quoniam sum, sicut qui colligere vult æstivos fructus, Sicut qui vvas tempore vindemiæ vult colligere, & non invenit botrum quem comedat, Primitias desiderabat anima mea.*

Hæc est querimonia. Dolet enim pio Doctore tantam esse hominum perversitatem, ut non solum non emendentur impii, sed quasi data opera, quotidie deteriores fiant, & licentius peccent, Cum tamen Deus eo animo Verbum suum mittat, ut & homines admoniti, peccare desinant, & futuras poenas, tum corporales tum æternas evitent. Utitur autem similitudine de vinea, qua etiam Esaias utitur Cap. 5. Sæpe enim jam vidimus hos duos Prophetas, qui iisdem temporibus docuerunt, etiam iisdem verbis uti. Est autem sumpta similitudo ex Cantico Mose Deut. 32. ubi de impiis Iudæis dicit, De vinea Sodomorum vitis eorum, & de agris Gomorrhæ uva eorum, nva fellis & botrus amarissimus.

Imitatus autem est similitudinem hanc Christus quoque Matth. 21. ubi Scribæ & Pharisei sibi ipsis Prophetæ sunt, quod vinea elocabitur aliis, Malos autem Deus male perdet, Et Iohan. 15. Christus suam Ecclesiam vineæ comparat ac similitudinis partes pulcherrime explicat, Dicit se esse vitem, Discipulos autem suos seu Ecclesiam esse palmites, Deum dicit esse vinitorem, ac purgare vitem Verbo, ut uberiores fructum

fructum ferat. Sicut autem palmites à vite excisi, fructum ferre non possunt, Ita, inquit, si nos maneamus in vite Christo, futurum, ut per eum feramus fructum. Nam ipse solus est, qui dat Spiritum & vitam. Ad hunc modum Propheta hoc in loco populum comparat vineæ, se autem dicit esse Vinitorem, qui per Verbum hætenus eam coluerit. Sed queritur nullum inveniri à se fructum.

Vocabulum ( Bekudah ) Hieronymus vertit præcoquas ficus, Sed in genere significat primitias omnium frugum. Diserte autem dicit Propheta, Anima mea primitias desiderabat. Has enim quia tempore vindemiæ se non invenire posse dicit, frustra decimæ, frustra plenitudo uvarum expectatur. Pertinet autem hoc ad illud commune scandalum, quod omnibus seculis pios Doctores exercuit. Sic enim solet mundus, hominum vitia imputat doctrinæ & Doctoribus. Sicut hodie cum adversarij atrocissime contra doctrinam nostram loquuntur, urgent fructus, objiciunt seditiones, sectas, avaritiam, tyrannidem Principum, & alia.

Sed dic mihi, num Micham accusabimus, quod aut in docendo negligentior, aut in objurgando non satis vehemens fuerit? Nam doctrinam ejus culpæ non audebis, Et tamen ipse testatur, se nullum videre fructum suæ doctrinæ in populo. Imo quanto ipse acrius reprehendit vitia, tanto majora incrementa sumpserunt. Hujus igitur incommodi quæ causa est? Profecto non Doctores, ac multo minus doctrina. Sed Satan est causa, qui Zizania hominibus dormientibus serit in bono agro. Ea postea sic pullulant, ita succrescunt, ut bonum semen non solum obruatur, sed plane stranguletur.

Sed non ideo aut vocatio penitus abjicienda, aut negligentius faciendum officium est. Hæc enim duo incumbunt Doctoribus. Primum ut animam suam redimant, sicut Ezechiel loquitur. Deinde etiam ut impius mundus habeat testimonium publicum contra se. Sicut Christus dicit Iohan. 15. Si non venissem & locutus essem, peccatum non haberent. Nunc autem excusationem non habent de peccato suo. Ad hæc accedit tertia causa & quidem potissima, quod & nomen Dei sanctificandum est, aliis omnibus blasphemantibus, & semper aliqui erunt, qui Verbum amplectentur. Habet enim Deus semper suam Ecclesiam, ubi Verbum est, etsi variis scandalis deformata & pene oppressa sit.

*Periit Sanctus de terra, & rectus inter homines non est. Omnes insidiantur sanguini, unusquisque venatur Fratrem suum ad perniciem.*

Hoc Prophetis usitatum est, ut quod antea figurate dixerunt, postea simpliciter & sine figura dicant. Idem Micha hoc loco facit, Botri, quos in vinea sua quæsit, hi erant, de quibus in superiore capite dixit, Facere iudicium, diligere beneficentiam, & humilem esse coram Deo. Sed hæc cum quærit in suo populo, contrarium invenit. Periit, inquit, de terra Sanctus, & Rectus non est inter homines.

Vocabulum Sanctus ( Halid ) apud Ebræos active & passive significat, nempe, qui misericordiam à Deo consecutus est, & qui misericordiam exercet erga alios. Debent enim hæc duo concurrere, ut servus, cui debitum remissum est decies mille talentorum, vicissim remittat conservo centum denarios. Rectum vocat, qui recta incedit, & neque ad sinistram nec ad dextram deflectit, hoc est, qui ambulat in timore Dei, & sperat in ejus misericordia. Talem negat amplius inveniri, quod videbat omnes, rebus latis, sine timore & in summa licentia vivere, Contra in calamitatibus aut desperare, aut converti ad carnalia præsidia.

Hæc recte opponuntur ei, quod supra dixit, Iudicium facere, hoc est, attendere verbo, quod hos duos cultus præcipit, Timorem & fiduciam in Deum. Hi cultus cum non adsunt, sequuntur ea, quæ Propheta commemorat, ut omnes insidiantur sanguini. Hoc etsi ad cædes referri poterat, quas sæpe ambitio & avaritia parit, tamen rectius refertur ad cædes Prophetarum, obnitentium cupiditatibus Mundi. Sicut videmus, si quis Papistarum impietatem libere insectetur, ei omnis generis insidiæ & supplicia subeunda sunt. Quia autem paucissimi sunt, qui Prophetis recte monentibus



bus parent, quid tum futurum putamus, cum qui recta monent, per crudelitatem è medio sublati sunt?

*Esa. 5.* Quod addit, Vnusquisq; venatur Fratrem suum ad perniciem, idem est, quod *Esa. 5. Cap.* dicit, Expectavit Dominus iudicium, & ecce oppressio, Iusticiam, & ecce querelæ. Væ igitur vobis qui coniungitis domum domui, & agrum agro, nec relinquitis pauperi locum, ut vos soli occupetis omnia, &c. Notat simul tyrannidem & avaritiam grassantem inter impios. Operosa res est venatio, canes adhibentur ad vim, & retia ad dolum. Nec Venator se nudum feris objicit, hastis, bombardis, gladiis instructus est. Hanc similitudinem affer ad aulas Principum, insidiantium facultatibus subditorum, ad mercaturam, ad alia quæstuosa negocia, & invenies miras artes, quibus omnibus homines hoc agunt, ut quamplurimum corradant, etiamsi aliis omnibus egendum & fame pereundum sit.

*Similitudo venationis.*

*Malum manuum suarum dicunt bonum.*

*Esa. 5.* Est hæc quoq; magna perversitas, quod mundus non solum excusat, sed etiam ornat peccata sua. De hac labrusca in vinea Domini etiam Esaias queritur, Væ qui dicunt malum bonum, & bonum malum, qui ponunt tenebras in lucem, & lucem in tenebras, quiq; ponunt amarum in dulce, & dulce in amarum. Fit autem hoc maxime in iis, quæ ad Verbum & ad Ecclesiam pertinent. Iudæi cum Stephanum occidunt, neutiquam volunt videri quod peccarint, sed etiam pietatis laudem inde quarunt, quod occiderint eum, qui blasphemus fuerit in Mosen & Deum, *Act. 6.* Sicut Christus variatus est. Putabunt se Deo obsequium præstare, cum vos occiderint.

*Multas excusas peccata spiritualia & politica.*

*Act. 6. Iob. 13.*

Sic Pontifices & Episcopi hodie, an non malum suarum manuum dicunt bonum, cum & sua defendunt ac stabiliunt, veram autem Evangelij doctrinam damnant, tanquam nocentissimam hæresin? Manifesta autem flagitia, quæ committunt, etsi non possunt defendere, quasi sint benefacta, tamen videmus eos in summa securitate, tanquam re bene acta, indulgere cupiditatibus. In primis autem avaritia pulcherrimis coloribus pingitur, ut non vitii, sed virtutis loco sit & colatur. Ne quidem maxime insignes usurarii usuras agnoscunt, sed eas quoq; defendunt, quæ centesimam excedunt. Sic malum manuum suarum impii dicunt bonum.

*Impii malum manuum suarum dicunt bonum.*

*Avaritia.*

*Usura.*

*Princeps petit, Iudex munera accipit, Potens loquitur secundum pravitatem animæ suæ, & conjungunt studia.*

Distributione hic Propheta utitur, ut ostendat omnes ordines extreme corruptos & depravatos esse, qui tamen reliquos exemplo suo ad pietatem & honestatem debebant invitare. Principum est consulere suorum commodis, ut in pace rem parare & suos alere commodè possint. At hoc, inquit, nostri principes non faciunt, sed assidue postulant à subditis. Verum autem est quod Græci dicunt, ἡ ἀρχὴ τῶν δούλων ἀνάγκη. Naboth cum vineam postulanti Ahab negat, occiditur. Hos Principum mores imitatur reliqua aula.

*Principes. Principes cum petunt, cogunt.*

*Esa. 5.*

(Haschoveth baschillum) Iudex propter retributionem, hoc est, non administrat jus ex æquo, sed ex suo commodo, Danti æquus est, etiamsi causa sit inferior, Non danti, est iniquus, etiamsi causa vincat. Sicut Esaias quoq; hanc sententiam eleganter exponit, Iustificat impium, inquit, propter munus, Iusticiam autem justorum auferunt ab eis. Cum hac sententia non pugnat, si (Baschillum) referas ad ipsum Principem, cujus tyrannidem Iudex ideo adjuvat & defendit, quia sperat retributionem ab eo.

*Integritas iudex.*

Tertius gradus est, privatorum hominum, sed potentum & divitum. Hi quales sunt? Loquuntur, ait, secundum pravitatem cordium suorum, hoc est, sequuntur cupiditates suas, omnia gerunt pro libidine sua, confisi opibus & potentia (Vajeabethica) Hoc refero in genere ad omnes istos tres ordines, est enim plurale, quod conjunctis studiis ad malitiam, vincunt & perrumpunt. Nam verbū (Abath) significat intricare, condensare, & per metalepsin, quæ huic linguæ communissima est, roborare, fortè facere. Sicut Proverbium testatur, Funiculus triplex difficilior rumpitur. Hinc à

*Disticti mercatores.*

*Havoth.*

connexione vocant(Aboth)funem densum & fortem. Quod Hieronymus vertit, Secundum desiderium animæ suæ, sententiam magis quam verba reddidit, quanquam sententia minus significans est. Nam vocabulum (Navah) significat poenam & culpam, Sicut cum Germanice dicimus, *Nach vnglück ringen/Vnglück stiften*. Sic in Plal. 91. ubi nostra translatio habet, A peste noxia, in Ebræo est (Mideber havoth) à peste noxia, seu à re infelici. Sententia igitur est, Qui opibus valent, pleni sunt pravis cupiditatibus, his obsequuntur & indulgent libere.

*Magnæ pietatis.*

*Vitia magnarum Rerū publicarum.*

Vide autem quam brevibus, & tamen mire significantibus verbis, descriptas ac propriis coloribus depictas habeas aulas omnium fere Principum. Quibus nunquam seculis auditum est, tanta onera imposita esse subditis, tantum ut sumptuose ædificare, splendide vestire, & magnam aulicorum turbam, ad fruges consumendas, aptam & natam, possint alere. Hæc enim faciunt, ut nulli ordinarij reditus eis satis sint. Itaq; postea aliis quoq; magistri avaritiæ fiunt, qui jus administrare & publica officia Reipub. necessaria, administrare debebant. Eadem magnarum rerumpub. vitia sunt. Nam inter opes, omnia vitia liberrime grassantur. Putant enim homines potentes, se una cum opibus, omnium scelerum licentiam possidere. Hinc sunt illæ oppressiones pauperum, immanes usuræ, adulteria, fornicationes, manifestus contemptus Verbi & ministrorum, injuriæ manifestæ, & indignissimæ. Hæc itaq; sunt illa fecunda semina, ex quibus postea vastitas & interitus regnorum & rerumpub. nascitur. Nisi & concionatorum diligentia & Magistratus severa disciplina, publicis his scandalis eatur obviam.

*Qui optimus inter eos est, est quasi paliurus, & qui rectissimus est, est quasi vepretum.*

Simile est quod Esaias dicit, Expectavit Dominus, ut vinea uvas faceret, sed fecit labruscas. Alludit enim Propheta hic quoq; ad similitudinem de vinea, Q. d. Debebant Principes & cives mei esse jucundæ & suaves uvæ, Nam in hunc finem doceo, & ad poenitentiam eos revocare conor, Sed sunt spinæ & vepres, quorum omnis vita ejusmodi est, ut ubiq; pungant & lacerent. Non solum enim exemplo nocent, sed injurijs quoque sunt in proximos. Ad hunc modum utitur similitudine hac Christus Matth. 7. Num poterunt uvæ colligi ex spinis, & ficus de tribulis? David in verbis suis novissimis, 2. Samuel. 23. etiam hac figura utitur, sed respicit ad eventum. Prævaricatores, inquit, quasi spinæ evellentur, Propheta magis ad mores respicit, quod sicut spinæ pungunt, & tamen glaberrimam corticem habent, Ita qui aliorum incommodis sua quærunt commoda, & in omnibus flagitiis licentissime vivunt, tamen palliant impietatem.

*Cum vero dies Speculatorum tuorum, ac visitationis tuæ adveniet, tunc arguentur animo.*

*Impiis Doctoribus.*

Hic minatur etiam impiis Doctoribus, qui avaritiæ suæ causa Principibus adulabantur. Non reprehendebant vitia, non comminabantur poenam peccatis, Sed se piis Prophetis etiam opponebant, quasi non essent illa eventura, quæ minati erant peccatoribus. Dicit igitur, Cum tales vestri mores sint, profecto non dormitabit poena, & ultio divina. Sed veniet dies, cum speculatores tui, hoc est, Episcopi & doctores, arguentur mendacij, & vos visitabimini per Assyrium, & Babylonium, ac fiet tum, ut qui nunc vos consolantur, qui magnifica promittunt, quasi Deus ad peccata vestra, propter templum & cultum suum connivere velit, Hi impliciti subitis terroribus & malis, quo se vertant nescient, hoc enim fere significat Ebræum verbum.

*Ne credatis amico, ne confidatis in Principe. Ab ea quæ in sinu tuo jacet, custodi ostium oris tui. Nam & filius in patrem contumeliosus est, & filia consurgit adversus matrem suam, & nurus adversus socrum suam, Et inimici cujuslibet, domestici ejus.*

Haftenus

Haftenus querimonia Prophetæ est de perversitate morum in toto populo, & scandalis magno impetu in omnibus ordinibus grassantibus, Nunc subjicit admonitionem admodum necessariam. Hanc Hieronymus accommodat ad Pseudoprophetas, quem Lyra sequitur. Glosa ordinaria ineptè accommodat ad diversos Prælatos in Ecclesia, quibus quidem honos deferendus, sed non fidendum est. Qui Rabinos sequuntur, putant Prophetam politicè loqui, contra perfidiam hominum. Sicut anus apud Comicum dicit, Quid credas jam, aut cui credas? Ac profecto non inutile illud Græcorum præceptum est, *μὴ μνησθῆναι ἀνθρώπων*. Tam enim altæ humanarum mentium sunt latebræ, tanta ingeniorum & morum pravitas est, ut quid cui credas nescias. Non inusitata exempla sunt, Sicut etiam Hieronymus hoc in loco queritur ubi filius parenti, frater fratri insidiatus est. Nam ut Poëta inquit:

*Non confiden-  
dum in hominibus*

*Urvitur ex raptis, non hospes ab hospite tutus,  
Non socer à genero. Fratrum concordia rara est.  
Imminet exitio vir conjugis, illa mariti.  
Lurida terribiles miscent aconita hoverca.  
Filius ante diem patrios inquit in annos.*

*Ovidius.*

Hujusmodi exempla cum non rara accidunt, rectè monentur homines, ne temere quibusvis credant. Ac monet idem Scriptura quoque, sed paulo alia ratione. Sic enim prohibet fiduciam in homines, ut fiduciam omnem habeamus positam in divino auxilio, quod non potest fallere. Hominum autem tum consilia, tum auxilia fallunt, Imo etiam sæpè nocent. Sicut Esaias dicit: Ægyptios Iudæis fore tanquam arundinem, cui si innitaris, frangitur, & fauciat brachium. Et omnes gentium historiae plenæ sunt exemplis, quæ ostendunt eos, qui fiducia humanorum auxiliorum res novas moliti sunt, periisse. Est enim illa in homines fiducia peccatum contra primum præceptum, Ego sum Dominus Deus, Igitur certæ poenæ eam consequuntur.

*Scriptura da-  
mnat fiduciam  
in hominibus.*

*Hominum con-  
silia & auxilia  
fallunt, &c.*

*Fiducia in ho-  
minibus.*

Sicut igitur Scriptura ubiq; hortatur ad fiduciam in Deum, ita fiduciam in homines ubiq; damnat. Relinquit tamen fiduciam, ut sic appellem, œconomicam & politicam. Charitas, inquit Paulus, non est suspicax, Cum igitur mandatum sit, ut viri diligant uxores suas, profecto debet longissimè abesse à conjugibus, vel diffidentia vel suspicio omnis, Sicut Salomon dicit: Confidit in uxore cor viri, Proverb. 31. hoc est, non solum credit ei, administrationem rei familiaris, sed etiam se redamari credit, & amore alienorum non affici. Hæc fiducia inter conjuges debet esse perpetua, nisi res aliud ostendat. Sic Paterfamilias committit operas domesticas familiae. Princeps credit se diligi à suis, vicissim subditi credunt se Principi suo charos & securæ esse. Hæc fiducia non solum alit amorem, sed est unicū vinculum animorum & negotiorum omnium. Itaq; necessaria est, & divinitus præcepta. Sed est, ut dixi, fides œconomica & politica, quæ non tollere debet fiduciam in Deum. Quia autè fieri potest, ut alicubi fallamur, etiam orandus Deus est, ut hoc animorum vinculum conservet. Et simul diligenti inspectione & studio opus est, sæpè enim homines incurii negligentia sua aliis dant occasionem peccandi. Si Paterfamilias non inspiciat operas familiae, & gubernet, nihil mirum est, si familia alicubi aut cesset, aut depravet aliqua. Sic princeps suarum rerum curam ita mandabit aliis, ut tamén ipse in parte aliqua administrationis sit.

*Non ubiq; dif-  
fidendum homi-  
nibus.*

*Fiducia inter  
conjuges.*

*Fides politica.*

Sed quod ad præsentem locum attinet, non loquitur Propheta de illa civili diffidentia, qua propter perfidiam hominum uti aliquando necesse est, Ad graviores res hæc admonitio referenda est. Conquestus est, quod neq; Principes, nec iudices officium faciunt, De privatorum quoque cupiditatibus dixit. Nunc igitur hanc admonitionem subjicit, ne talibus scandalis pii se quoque ad impietatem patiantur abduci. Magnum enim periculum est in illa scandalorum multitudine, sicut tot Prophetarum conciones testantur. Psal. 125. dicit: Non relinquet Dominus Sceptrum impiorum super sortem justorum, ne fortè justique extendant ad iniquitatem manus suas. Et Christus Mat. 18. graviter monet: Si manus tua, aut pes tuus te scandalizat, excinde

*Propheta loquitur  
de cavendis  
scandalis eorum,  
qui præsumunt.  
Psal. 125.*



*Scandalum vi-  
tandum.*

excinde eum & abjice. Melius est tibi, ut claudus & mancus ingrediaris ad vitam, quam ut ambas manus & pedes ambos habens projiciaris in aeternum ignem, Et si oculus tuus te scandalizat, exime eum & abjice. Melius enim tibi est unoculo in vitam ingredi, quam duos oculos habentem projici in gehennam ignis. Hoc est, non patiaris te à quoquam induci in scandalum, etiamsi eo tam non videaris posse carere, quam oculo aut pedibus. Erue oculum, excinde pedem, & quacunq; ratione potes te libera, noli assentiri, &c.

Ad hunc modum Propheta quoq; hoc in loco concionatur, ne amicorum, ne Principis, ne deniq; nobis conjunctissimorum tantam rationem habeamus, ut eorum exemplis invitati à Verbo discedamus, aut contra Verbum faciamus. Sunt enim homines, quicunq; tandem sunt. Deo igitur potius gratificandum, & ejus Verbum sequendum est. Is enim major est homine, & ex calamitatibus quas homines struunt, eripere potest, ubi contra homines fallunt, etsi non in pericula involvunt, tamen in periculis deferunt.

*Ego autem ad Dominum respiciam, sperabo in Deo salutis meae, Et exau-  
diet me. Deus meus.*

*In Deum credē-  
dum, non in ho-  
mines.*

Hic Propheta exponit se. Quod enim supra dixit negative, hoc nunc affirmative dicit, & transfert rem in suam personam. Nolite, inquit, credere in homines, in Deum credite, si servari vultis, sicut ego facio. Sunt autem hæc verba plena fidei & consolationis, quæ ut rectius intelligi possint, in rem quasi præsentem cogitatione insistamus. Est hæc ultima Concio Prophetæ, quem videmus maximo animo insectatum esse vitia suorum temporum, & comminatum pœnas. Nec id satis ei fuit, Etiam rationem ostendit emendandæ vitæ & placandæ iræ Dei. Cum itaq; videt impium mundum, neglectis comminationibus & doctrina salutari, pergere in peccatis, duo facit, quæ maxime sunt insignia. Primum non movetur scandalis impiæ multitudinis, sed manet firmus in sententia sua, non mutaturus eam, si capiendi ideo inimici sint omnes homines. Hæc Prophetica & heroica constantia in fideli Doctore in primis est necessaria. Sed alterum majus est, quod cum in talibus moribus non posset abesse longius pœna & vindicta divina, non tamen spem omnem abjicit, sed oculos in Deum rejicit, certus, quod etiamsi universalis pœna tanquam diluvium grassatura sit, tamen Deus norit eripere & servare suos, Sicut Petrus quoq; dicit.

*Constantia Mi-  
cha.*

*Vastatio Germa-  
niæ imminens.*

Nostrorum temporum plane eadem conditio est. Mundus sic immergitur peccatis, ut non possit sperari aliud, quam certâ vastatio totius Germaniæ. Hanc enim meruerunt non solum idolatriæ & blasphemiæ tempore Papatus, sed etiam augmentum contemptus Verbi revelati, ingratitude, inobedientia, deniq; omnium vitiis infinita licentia. Oportebit itaq; nos quoq; Prophetæ exemplum imitari. Primum ne decepti scandalis, patiamur nos quoq; ad impietatem abripi. Cogitandum enim est singulis nobis, etiamsi totus mundus libidini, avaritiæ, crapulæ indulgeret, nos tamen castos, beneficos & sobrios velle vivere. Secundo ne prorsus abjiciamus spem salutis, etiamsi hac hora ingruat Turca, & omnes calamitates.

*Deum salutis.*

*Ad Dominum  
respiciam.*

Propheta excidium Hierosolymitanum non erat visurus, vastationem regni Israel vidit, & fortasse obsidionem Hierosolymitanam quoque factam à Sanherib octavo anno post occupatum regnum Israel. Pertinent igitur hæc ejus voces, ad Ecclesiam tempore vastationis futuram, ad illum pusillum piorum gregem, qui calamitates illas vidit. Hunc docet, ne abjiciant spem salutis, Sed ut levant oculos ad Dominum, qui est Deus salutis, & audit preces suorum. Brevia verba, sed quæ ingens pondus gravissimarum rerum secum trahunt. Non solum enim bellam antithesin includunt, sed etiam doctrinam maxime necessariam complectuntur. Respiciam, seu spectabo ad Dominum, inquit, Non eos sequar, qui respiciunt ad suam justiciam, sapientiam, potentiam, qui in aliorum hominum opibus & amicitia confidunt. Nam omnia, quæ ab hominibus præstari possunt, sunt fallacia. Oculos igitur ad eum vertam, qui est Deus omnipotens, de ejus manu accipiam. Sicut hunc affectum eleganter pin-

21.13. ter pingit Psal. 123. Ad te levavi oculos meos, qui habitas in coelis, Ecce sicut oculi servorum ad manus dominorum suorum, Sicut oculi ancillæ ad manus dominæ suæ, Ita oculi nostri ad Dominum Deum nostrum, donec misereatur nostri. Singularis itaque emphasis est in vocabulo, ad Dominum. Opponit enim hunc omnibus humanis præfidiis.

Secundò addit, Expectabo Deum salutis meæ. Magna fides, quod nominat Deum salutis, qui velit & possit salvare. Addit autem diserte, meæ. Nam hæc demum vera fides est, quæ sibi ipsi applicat misericordiam Dei & salutem. Hunc Deum, inquit, expectabo. Cur hoc addit? Nimirum, ut ostendat, se, etsi de salute certus sit, tamen Deo non præfixurum tempus, non modum, non media salutis. Hoc enim esset tentare Deum, quasi omisso hoc articulo temporis, postea salus esset impossibilis, quasi tantum uno modo & medio salus possit contingere. Ab hac tentatione, qui se liberare volunt, illi, expectant, dum ipse Deus opportunum tempus & modum definiat. Est enim adiutor in opportunitate, sed opportunitatem definit ipse.

Tertiò dicit: Et audiet me Deus meus. Vide quam pertinaciter urgeat, se habere DEUM, quasi reliqua impia turba Deum non habeat. Habent quidem Deum etiam impii, sed iratum, & Deum vindictæ, non salutis. Propheta autem gloriatur de Deo suæ salutis, & de suo Deo, qui non probet contemptorum verbi impietatem. Hic Deus meus, inquit, exaudiet me. Cur hoc? Nimirum, quòd tum tardat auxilium, Propheta tamen non cessabit orare, non desinet clamare pro auxilio. Hoc enim modo, si incessanter oraverimus, probamus DEO fidem nostram, quod de salute ejus nondum desperemus. Probamus etiam DEO patientiam nostram, quòd mora illa non frangit animos nostros. Est enim hæc non rara tentatio, quod homines dum expectant & petunt opem, & eam differri vident, putant aut Deo non curæ esse sua, aut orationem minus gratā, Itaq; desperatione quadam abjiciunt orationem.

Sed Propheta expectans, & adhuc sperans salutem, etiam hoc pertinaciter sperat, Deum auditurum, Ergo ostendit se de oratione nihil remittere, sed eam, fiducia salutis impetrandæ, de die in diem urgere. Sicut Christus docet in parabola illa de iniquo Iudice, & de vicino improbius flagitante panem. Hujusmodi tum præcepta, tum exempla nobis in omnibus periculis debent esse ob oculos, ut excitemur ipsi quoq; ad pertinacem spem, etiam tum, ubi simpliciter desperandū esse videtur.

*Ne leteris inimica mea super me, quod cecidi, surgam.*

*Et si sedero in tenebris, DOMINVS lux mihi est.*

Fecit Propheta officium suum, quod attinet ad securos & impenitentes peccatores. Nam & reprehendit peccata & comminatus est gravissimas poenas, Ac ne quid intermitteret, viam quoq; ostendit, qua possint reconciliari Domino, si non indulgeant scandalis, sed sequantur verbum, & respiciant ad Deum. Postquam autem videt, nihil à se profici, dimittit eos secundum desideria cordium suorum. Nam apud tales nihil est reliquum, quam ut experiantur vera esse, quæ ridebant, cum ex Propheta audirent ventura esse. Vertitur igitur jam ad alteram partem, ad pios, qui admoniti Concionibus Prophetæ, & agnoscebant peccata, & poenitentiam agebant, & tamen communem calamitatem, certo DOMINI consilio cogeantur simul ferre. Consolatur autem hos pulcherrime, & promittit futurum, ut non solum hostes crudelitatis suæ satis graves poenas luant, sed ut etiam reedificetur Ierusalem, & longe splendidior fiat, quam unquam fuit. Nam cum hætenus inimicos habuerit omnes vicinos, futurum posthac, ut omnibus dominatura, & hostes ejus omni genere honoris eam persecuturi sint. Deum quoque longe clariora favoris sui signa esse editurum, quàm illa in Ægypto fuere. Tota autem hæc consolatio referenda est ad spirituale regnum Christi per Evangelium.

Initio Apostrophe est ad Assyrios & Babylonios, per quos diversis temporibus populus Israël gravissime afflictus est. Nam hi regnum Iuda, illi decem tribus Israël vastarunt & captivos abduxerunt. His victoriis barbaræ & impiæ Gentes non

non potuerunt non efferri, Sicut videmus in Rabsace apud Esaiam, & Belsazer apud <sup>2. Reg. 17.</sup> <sup>Da. 5.</sup> Danielelem. Vterque enim insolescit victoria & blasphematur Deum cœli, Laudant sua idola tanquam largitores tanti successus, Deum autem Israel contemnunt, & rident tanquam Deum imbellem, qui non potuerit suos liberare. Sicut hic dicunt, Vbi est Deus tuus? Hæc impiorum summa securitas, piorum calamitatem etiam auget, ut & videantur sibi penitus à Deo deserti, & nullam salutis spem existiment esse reliquam. Hæc enim perpetua carnis nostræ est natura, nisi gubernetur verbo Dei & Spiritu sancto, ut latis rebus insolescat, & adversis frangatur. Propheta igitur, ac si in re præsentem esset, & suorum pusillanimitatem, & adversariorum insolentiam videt. Monet igitur hos, ne efferantur in illa calamitate populi sui, Ac addit causas, futurum scilicet, ut lapsi iterum resurgant. Pertinet autem hoc eo, ut suum populum in spem salutis erigat & labantes animos confirmet. Ideo inquit, Ne læteris inimica mea super me, quod cecidi. Videt humanitatis esse, ut occurramus lapsis, & eos vel erigamus, si possumus, vel saltem commoveamur eorum calamitatibus ad misericordiam.

*Natura carnis.*

*Ecclesia calamitatibus impiis non efficitur.*

Sed hæc Ecclesia perpetua fortuna est, ut calamitatibus ejus nemo moveatur, sed ut inimici calamitatem calamitati addant, nec ulla suppliciorum acerbitate exaturari possint. Ad hunc modum Christus, Ecclesiæ caput, in cruce vidit exultantem gaudio Synagogam, & insultantem moribundo. Sed fuit hæc impiorum læticia & risus brevissimi temporis. Vix in sepulchrum positus erat Christus, ac jam exaturata crudelitas hostium ejus quietura videbatur, ibi novus & inulitatus metus eos invadit, ut etiam mortuum cadaver metuant, & Christus tertia die resurgens ad infirmisimum mendacij præsidium eos cogit. Sunt enim resurrectionis Christi nuntij & testes, illi ipsi hostes Christi.

Ad hunc modum Propheta quoque hic consolatur suos, qui oppressi gravi calamitate jacebant, atque ideo etiam trepidabant animo, ubi contra inimici lætabantur. Surgetis, inquit, Mira profecto & pene incredibilis vox, iis, qui se ita lapsos videbant, ut nulla humana vi viderentur erigi posse. Maxima pars populi bello absumpta, reliqui captivi abducti erant. Præfiniebatur à Ieremia captivitatis tempus pene infinitum, anni septuaginta. Paucissimi enim, qui Hierosolymam viderant, redierunt in terram Canaan, Alia multitudo in Babylone, inter gentes, sine patriis Ceremoniis & ritibus educati sunt. Itaque omnes in gentilitatem videbantur degeneraturi, inter tot & tanta impiarum gentium scandala. Et tamen Propheta certam spem incolumitatis populo promittit, cum dicit, Surgam. Nec falsus est, nam regnum Iuda reductum est in terram suam, muri Ierusalem, quanquam in angustia temporis, ut Daniel <sup>Da. 9.</sup> loquitur, reedificati sunt, Donec tandem Christus venit, & per prædicationem Evangelij etiam decem tribus Israel surrexerunt, & cum vera Ecclesia fidelium sociatæ sunt.

*Lux in tenebris.*

Sed maxime insigne est, quod Propheta addit, Si sedero in tenebris, **D O M I N U S** est mihi lux. Potest enim Prophetae obijci, In longinquum tempus est, quod promittis, Varie interim affligentur omnes, multi autem morte prævenientur, De his quid fiet? Profecto promissiones hæc eis nihil proderunt, post tam longum tempus secururæ. Respondet itaque, Calamitates istas, & mortem quoque esse ceu horribiles tenebras, Sed illustrari tamen eas spiritali & æterna luce, nempe ab ipso Deo, cujus Verbum tanquam lucerna in caliginoso loco præluceat, ne calamitatibus fati- <sup>1. Pet. 1.</sup> gati frangamur, & despondeamus animum. Hæc illa insignis consolatio est, qua vincenda sunt omnia incommoda corporalia, etiam mors ipsa. Quid enim est, detineri morbo incurabili & quotidiana quasi morte absumi? quid est captivum esse Turcæ? Quid est egere, & premi inopia? Quid laborare aliis incommodis sive œconomicis, sive politicis? Nonne omnia hæc sunt temporalia, & conditionem hanc perpetuam secum afferunt, Quod aliquando necesse sit ea mutari, saltem tum, cum vita mutanda est? Sunt igitur, ut Propheta appellat, tenebræ, & quidem horribiles, quas omnes naturaliter fugimus, & averfamur, Caro enim non potest non abhorrere ista incommoda.

*Visio omnia incommodorum.*

Sed



Sed respice in verbum, ad hanc lucem spirituales, de quo Propheta hic loquitur, & senties vinci tenebras illo lumine, ex quo hi radii consolationum oriuntur. Pater filium, quem diligit, castigat, Corripimur à Domino, ne cum hoc mundo damnemur, Non sunt dignæ passiones hujus temporis gloria, quæ revelabitur in nos, Venite ad me omnes, qui laboratis & onerati estis, & ego reficiam vos, Nolo mortem peccatoris, sed ut convertatur & vivat, Linum fumigans nō extinguet, Cor humiliatum & contritum Deus non despiciet, Qui relinquit propter me Patrem & matrem, centuplum inveniet, Qui vitam propter me amittit, inveniet, &c. Sunt enim infinitæ hujusmodi sententiæ in Concionibus Prophetarum, Apostolorum & Christi, quæ in ipso sensu calamitatis piis prælucent, ne desperent, hoc est, illustrant tenebras carni intolerabiles.

*Consolatio verbi, est lux in tenebris.*

Neque vero impedit, quod calamitates illæ sunt poenæ peccatorum. Nam Propheta statim peccatum in sua & Sanctorum persona profitetur ac agnoscit. Hoc solum restat, ut tu quoque peccata tua agnoscas, & in iis non pergas obstinate. Castigat Pater quoque filium propter peccata, & tamen ipsa castigatio est signum paterni animi. Sic Paulus dicit, Corripi nos à Domino, ne cum hoc mundo damnemur. Fiunt igitur etiam illæ calamitates, quas propter peccatum infligit Deus, piis seu poenitentibus, certa signa gratiæ Dei, & vera Sacramenta, sicut Epistola ad Ebræos hunc ipsum locum pulcherrime explicat scap. 12. Fiunt etiam exercitia fidei, Fiunt opera obedientiæ erga Deum, & habent promissionem compensationum æternarum. In hanc igitur lucem nos quoque intueamur oculos & animo, & fiet, sicut Paulus dicit, ut etiam gloriemur in tribulationibus, Scientes, quod tribulatio patientiam, patientia probationem, probatio spem efficit, Spes autem non confundit. Scimus enim per Spiritum sanctum, qui nobis datus est, nos à Deo diligere, & gratiam tanquam diluvium inundare in nos.

*Calamitates quas peccata merentur, piis sunt signa gratiæ.*

*Iram Domini feram, quia peccavi ei, donec judicaverit causam meam, feceritq; meum judicium.*

*Educat enim me in lucem, & cum gaudio videbo justiciam ejus.*

Hic clarius exponit, quod supra de tenebris & luce dixit. Ac initio est insignis confessio, Agnoscit illam calamitatem proficisci ex ira, & quidem ex ira DOMINI, Deinde nihil dissimulans addit causam, Quia peccavi Domino, ideo plector. Continet igitur hic locus doctrinam longe utilissimam, ut nos quoque in calamitatibus non tantum mulierum more, querulemur & ejulemus, Sed attollamus oculos & circumspiciamus de causa calamitatum. Tunc enim fiet, ut non solum statuamus nos levius puniri, quam pro merito, & ideo simus patientiores & animo magis præsentem, Sed etiam desinamus peccare, & vivamus in timore Domini, quæ vera poenitentia est.

*In calamitatibus non tantum querulemur, sed causa calamitatum consideranda.*

Complectitur igitur locus hic gravissimam doctrinam de Poenitentia. Quia enim disertè dicit: Iram Domini feram, quia peccavi ei, profecto hoc significat futurum, ut semper peccatum consequantur suæ poenæ. Hoc si statutum habeat adulter, avarus, usurarius, impius verbi, & ministrorum contemptor, num putas adeo secure peccaturos esse? Diversum credunt. Nam cum vident, quod homines possint honesta specie falli, etiam Deum se fallere posse confidunt, Putant Deum tanquam Cupidinem clausis oculis inter homines, sine sensu, sine cura aliqua humanarum rerum volitare. Ideo tam secure peccant, sine ullo metu poenæ secururæ, donec post longum spatium, quod Deus ex thesauro bonitatis suæ dat ad poenitentiam, poena eos arripit, ibi in horribilem desperationem incidunt, Sicut exempla ante oculos sunt, ubi in levissimis incommodis, mirabilis animorum consternatio sentitur.

*Doctrina poenitentia.*

*Pœna consequitur peccatum.*

Necessaria igitur hæc doctrina est, ut in omnibus calamitatibus & periculis Propheta exemplum imitemur, ac respiciamus ad causam mali, & fateamur peccata nostra talium incommodorum non occasionem tantum, sed veram causam esse. Ita fiet, ut cum Propheta humili, & tamen forti & constanti corde dicamus: *Feram iram Domini.*

ferenda est. Nam fidem & misericordiam Dei necesse est vincere; etiam in media morte. Sed quid ad hoc dicemus? Propheta supra gentes accusavit, quod in ista calamitate populi Iudaici, gauderent. Nunc autem quod in Gentibus damnavit, ipse se facturum dicit, scilicet, cum gaudio interitum & conculcationem Babyloniorum spectaturum. Hoc potius decebat, etiam illorum calamitate affici, & condolere, non insultare afflictis, non gaudere in eorum calamitatibus, &c.

Respondeo. Duplex hostium Ecclesiæ peccatum est. Peccant enim non tantum in secundam tabulam, dum crudelius tractant populum Dei, sed etiam in primam. Nam odio Dei & veri cultus sic sæviunt in populum Dei. Hi cum divinitus rapiuntur ad supplicium, non solum liberatur Ecclesia, sed etiam prohibentur blasphemix, datur facultas exercendi verbi & cultus Dei. Hæc an non digna gaudio, & votis omnibus postulanda sunt? Sicut etiam oratio Dominica jubet rogari sanctificationem nominis D E I. Ea autem semper conjuncta est cum interitu blasphemantium & persequentium Ecclesiam & verbum Dei. Non igitur simpliciter gaudent Sancti in interitu impiorum, mallent eos credere & servari, Sed cum id non volunt, gaudent & lætantur, quod Dominus impiorum conatibus resistit, quod verbum & cultum suum non finit penitus opprimi, etsi laborare ad tempus finit.

Duplex peccatum hostium Ecclesiæ.

Sanctificatio nominis Dei.

*Hæc erit dies, in qua ædificabuntur macerix tue.*

Quomodo Hieronymus hunc locum exponat notum est, conjungit eum cum superioribus & transfert ad vastationem regni Babel per Medos & Persas, sed longe alia Prophetæ sententia est. Absolvit illas consolationes de regno corporali, quod populus sit reducendus, & gentes vastandæ, quæ eum tenuerunt captivum. Nunc ad ea pergit, quæ corporalem restitutionem regni Iuda secuta sunt, quod scilicet Christus tum revelandus sit in carne, & allaturus novum doctrinæ genus, de gratuita remissione peccatorum. Hæc dies, inquit, cum veniet, erit dies ædificandarum tuarum maceriarum. Ibi enim primum firmabitur solium regni David, non ejus, quod in terra est, & sicut alia regna mundi, dissolvetur, sed spirituale & æternum, nempe regnum remissionis peccatorum & vitæ æternæ.

Ædificatio maceriarum, &c.

*In die illa longe propagabitur præceptum.*

Hic exponit ædificationem de qua dixit, quod Ierusalem sic ædificabitur, ut propagetur in longinquas terras præceptum. Est enim hic vocabulum (Hok) quod in secundo Psalmo, planè in eadem significatione usurpatur, ubi de regno Christi concionatur Propheta, & dicit, Quod Christus prædicabit præceptum, nempe hoc, Dominus dixit ad me, Filius meus es tu. Hæc enim Evangelii vox est, quod Iesus ex Maria virgine natus, sit filius Dei, in quo Patri complacuit, ut omnis qui in eum credit non pereat, sed habeat vitam æternam. Hoc præceptum Domini, seu doctrina hæc in Ierusalem & monte Zion incepit quidem, sicut supra quoque dictum est, Sed ibi non restitit. Invulgatum enim est in totum orbem terrarum, & hæc ipsa evulgatio fuit vera ædificatio civitatis Ierusalæ, hoc est, regni Christi. Nam sic Christo magnū & infinitum regnū paratum est per verbū Evangelij, sicut Propheta etiam hoc ipsum clarius jam exponit, ut nihil opus sit peregrinas & ineptas sententias comminisci.

Ædificatio Ierusalem.

Præceptum.

Psalm. 1.

Sed hic etiam antithesis observanda est, Non dicit de præcepto Moysi, quod id vulgandum sit in Gentes, quod gentes circumcidendæ, ad sacra legalia & alios ritus adigendæ sint, Nam præceptum id mansit tantum in populo Dei, Sed hoc præceptū de Filio audiendo, adorando, osculando, hoc dicit longe propagatum iri, à Mari ad Mare, à flumine usque ad terminos terræ. Sicut etiam Christus hanc ipsam ob causam comparat Evangelium fermento, quod totum mundum sit pervasurum, Item, Fulmini, quod subito ab oriente in occidentem fertur, nec potest ulla humana vi impediri.

Psalm. 1.

Matth. 23.

Matth. 24.

*In die illa usque ad te ibitur ab Assur & civitatibus munitis, & à munitione usque ad flumen, & à mari ad mare, & à monte ad montem.*

*Mazor.* Omitto rugas illas, an (Mazor) sicut Septuaginta reddiderunt, sint duæ voces, & significetur Tyrus. An sit una vox, & significet munitionem. Retinet enim hic Propheta usitatam phrasin, quæ etiam alii Prophetae usi sunt, cum de regno Christi loquuntur. Sicut Psalm. 72. Dominabitur à mari usque ad mare, & à flumine usque ad terminos terræ. Hunc locum quis non videt Micham voluisse imitari. Sicut Zachariam quoque Cap. 7. Loquetur pacem ad gentes, & dominium ejus à mari usque ad mare, & à flumine usque ad terminos terræ. Nihil igitur hic opus est disputare, quæ sint flumina, qui montes, quæ civitates munitæ, de quibus Propheta loquitur. Nam in genere & simpliciter hoc vult, quod verbum Evangelii spargetur in totum orbem terrarum. *Psalm. 72. Zach. 7.*

*Erit autem terra in desolationem propter habitatores suos, & propter fructum studiorum suorum.*

*Abolitio regni Legis.* Vide singularem diligentiam spiritus sancti, Videt quæ sint futuræ cogitationes impiæ Synagogæ, quod speratura sit regnum corporale, & verbum Evangelii neglectura. Huic errori, qui regnum Christi non solum obscurat, sed simpliciter tollit, vult spiritus sanctus hoc in loco mederi. Ideo addit de terra Iudæorum, quod erit in desolationem, hoc est, quod corporale regnum una cum sacerdotio & cultu legali totum destruetur ac vastabitur. Igitur quæ de ædificatione maceriarum dixit, neutiquam referenda sunt ad illam corporalem Ierusalem, sed simpliciter ad regnum Christi, quod est spirituale, & ædificatur per verbum Evangelii. Hanc sententiam nisi sequaris, Propheta sibi ipsi contradicere videbitur. Quomodo enim convenit ædificari Ierusalem, & totam terram vastari? Sic autem non pugnant hæc, si de ædificatione spirituali intelligas.

*Mundi securi.* Sed unde hæc ira est? Nimirum propter habitatores terræ, & propter fructum studii eorum. Hic brevibus verbis complectitur illam poenitentiae doctrinam, quam omnes Prophetae tractant. Mundus securissimus est in omnibus peccatis, maxime tamen in peccatis contra primam tabulam. Nam ea defendit & urget tanquam justiciam. Quis enim Monachus est, qui putet se peccare, cum sacrificat, cum jejunat, cum orat? Et tamen sententia vera est, Quicquid non ex fide est, peccatum est. *Rom. 14.* Dum autem Monachus suo more sacrificat, jejunat, orat, impossibile est ut credat, quia verbum nullum habet, quo jubetur ista hoc modo facere.

*Arbor mala excidetur.* Peccata autem contra secundam tabulam, etsi non possunt semper ab impiis excusari, tamen videmus augeri securitatem, quia non statim ea punit Deus. Itaque avarus pergit in avaritia, & cumulat opes quacunque occasione, scortator indulget libidini, &c. Sed quis tandem horum studiorum erit finis? Nimirum, quem Propheta hic indicat, Desolabitur terra propter habitatores suos, & propter fructum studiorum suorum. Studia sunt mala, ideo etiam enascuntur fructus mali. Hic autem finis erit, ut arbor tandem excidatur & tradatur igni. Hæc generalis regula est, proposita omnibus, qui non poenitent.

*Pasce populum tuum in virga tua, gregem hæreditatis tue, qui solus moratur in sylva, in medio campi. Pascantur in Bajan & Gilead, juxta dies pristinos.*

*Collatio Synagoga & Ecclesie in novo Testamento.* Hæc particula est quasi oratio Ecclesiæ credentis Evangelio, & videntis illam ruinam Synagogæ. Porro singula verba diligenter pensanda sunt. Magnum est, quod Ecclesia Evangelio credens, se vocat populum Dei. Hoc enim Synagogæ hactenus nomen fuit, quæ habuit Legem divinitus traditam, circumcisionem, sacrificia, templum, Prophetas, Patres. Hæc satis illustria testimonia fuere, quibus Deus testatus est, hunc populum ad se pertinere. Quid simile habet Ecclesia collecta ex reliquiis Iudæorum & Gentibus? quæ etiam à lege discedit. Atque hæc quoque causa fuit, cur Synagoga tanto conatu se opponeret Evangelio.

Si igitur externam speciem sequaris, Synagoga majora testimonia & plura habuit,



habuit,quàm Ecclesia novi Testamenti. Hic enim non templum,non circumcisi-  
nem,signum corpori impressum,non magnificos cultus vides. Itaque ipsa Ecclesia  
credentium hoc loco fatetur, se habitare solam in campo sylvæ,ubi Synagoga ceu in  
cultissimo horto & munitissima urbe habitavit. Nam quæ habet,sine omni specie  
sunt. Remissio peccatorum & vita æterna proponuntur, sed in verbo tantum. Hujus  
promissionis signum est Baptismus,quo cutis abluitur,Item Coena Domini,specu-  
cula verè ridicula gentibus & Iudæis, imo etiam Papistis. Nam his parum visum est  
baptizari aqua, Ideo excogitarunt alium Baptismum splendidiorem, nempe vota  
Monachorum,Abjurarunt conjugium,non cibo,non vestitu,non aliis rebus com-  
muni modo usi sunt, Atque eas putaverunt magnificas & populo Dei dignas notas,  
quas qui habuerunt,eos spirituales & Dei populum vocarunt.

*Ecclesia habi-  
tatio.*

*Nota vera Ec-  
clesia,sunt con-  
temptibiles in  
specie.*

*Papistæ alias  
Ecclesia notas  
addiderunt.*

Sed miseri & bis cæci homines non vident,Ecclesiam & populum Christi el-  
se spirituale regnum. Itaque non habet externas notas, nisi valde contemptibiles,  
scilicet,Verbum remissionis peccatorum,Baptismum in mortem Christi,& Coenam  
Domini. Quæ cum intuentur gentes,Iudæi & Papistæ,levia ducunt. Non enim con-  
siderant in qua re nitantur ista,nempe,in sanguine Filii Dei, Ecclesia autem in hoc  
considerat,& hunc thesaurum agnoscit. Videt sibi filium Dei datum & natum, ut  
Propheta loquitur. Imo videt eum etiam in cruce propter nos occisum,ut nos vive-  
remus. Agnoscit ipsum verbum Evangelii,Baptismum & Coenam Domini,sanguine  
Filii Dei signata, Ideo verè se jactat populum Dei. Confer enim huc Legem,circum-  
cisionem,sacrificia,templum,terram Canaan,& alia omnia,quæ populus ille habuit,  
& de quibus magnificè est gloriatus,Ea quid,obsecro, sunt,ad sanguinem Filii Dei?  
Porro si hæc,quæ Deo mandante instituta & facta sunt,non merentur huc conferri,  
Vbi quæso manebunt vota Monachorū,impurus cœlibatus,& alia id genus, quæ ab  
hominibus conficta,à Deo autem nusquam nec mandata,nec approbata sunt?

*Ecclesie nota  
in spiritu & usu  
præstantissime.*

Ergo cum Propheta definimus Ecclesiam,seu populum Dei, non carnalem  
Israël,ornatum circumcissione,donatum terra Canaan,institutum ceremoniis & le-  
gibus à Deo. Si enim ita defines populum Dei,cogeris excludere omnes Patres,qui  
fuerunt ante circumcissionem,fuerunt enim hæc ornamenta externi regni. Sed po-  
pulus Dei est & semper fuit,qui credidit in promissum semen. Itaque semper extite-  
runt in Ecclesia promissiones de semine, & postquam exhibitum est semen illud,  
commendatur nobis non tantum per Verbum, sed etiam per Baptismum & Coenā  
Domini,quæ utraque instituta sunt,ut sciamus filium Dei nobis datum, & pro nobis  
in cruce oblatum esse,&c. Sicut etiam ante exhibitionem seminis hujus fuerunt sa-  
crificia,typi hujus sacrificii, per filium Dei celebrandi.

*Populus Dei  
quæ?*

Hæc definitio populi Dei vera & certa est,quare certum judicium inde sumi  
potest. Vbicunq; enim non est sanguis filii Dei,seu fides in semen promissum,ibi nō  
est populus Dei,licet sit ibi lex,sacrificia,boni mores,potentia,successus,& quicquid  
ab hominibus optari,aut prædicari potest. Sicut autem Ecclesia credentium,Syna-  
gogæ eripit nomen & titulum populi Dei,& se vocat populum Dei, Ita etiam eripit  
Synagogæ magnificum nomen,hæreditatis Dei,& se vocat gregem hæreditatis Dei.  
Habuerat hætenus hunc titulum Synagoga, solum enim hunc populum delegerat  
Dominus,in quo habitaret,cum quo loqueretur,quem defenderet,in quo nascere-  
tur Christus, Sed cum Christum & Evangelium ejus nollet complecti,repudiatur  
Synagoga,& assumitur in hæreditatem Ecclesia credentium. Sicut in secundo.Psal-  
mo David loquitur,Postula à me,& dabo tibi gentes hæreditatem tuam, q. d. Pa-  
rum CHRISTO est,ut habeat Iudæos fastidientes Evangelium, totius mundi o-  
porteret cum esse Dominum.

*Psal. 2.*

Quod igitur ad hunc locum attinet,Ecclesia,quæ se agnoscit populum & gregē  
hæreditatis Christi esse,orat,ut velit pascere,idd; in virga sua. Hic primum alia con-  
ditio hujus Regis ostenditur,quàm est Regum mundi. Hi enim dominantur,& fru-  
untur subditorum laboribus, At Christus, sicut Pastor, suorum subditorum curam  
gerit,ponit animam suam pro eis, Non fugit Lupum, ut Mercenarii, sed se obijcti

*Differentiare  
grem Christi &  
mundi.*

*Schebet.* lupo, ut paretur securitas Ovibus. Disertè autem dicit, *Pasce in Tua virga.* Est enim hic vocabulum ( *Schebet* ) quod est in Psal. 23. Virga tua & baculus tuus, ipsa me *Psalm. 23.* consolata sunt. Non igitur vult virgam Mofi, quæ aberrantes oves castigat, Sed qua monstratur pabulum, & arcantur Lupi. Videt enim Ecclesia sibi perpetuo præsidio Verbi esse opus contra Satanam & ejus membra. Nec contra spirituales nequicias & insidias aliud remediū est, quam virga Pastoris, hoc est, Verbum Evangelii, quod ostendit Principem mundi esse judicatum.

*Ecce ego mitto vos, sicut oves in medio Luporum.* Hoc periculum pulchre indicat Propheta, cum dicit, Hunc gregem solum habitare in sylva, ubi magna copia immanium ferarum est, & ideo majus gregis periculum est. Significat enim Ecclesiam undique cinctam hostibus, sicut Christus dicit: *Ecce ego mitto vos, sicut oves in medio Luporum.* Non tamen in hoc periculo desunt consolationes Verbi, ideo dicit sylvam esse in Carmelo, loco fertili. Huc pertinet, quod addit, Pascantur in Basan & Gilead. Fuerunt hæc fertilia pascua in regno Israël. Voluit autem Propheta testè etiam hoc ostendere, Redituras ad Regnum Christi etiam reliquias regni Israël, Libenter autem utuntur Prophetæ, cum de regno Christi loquuntur, similitudine prioris regni, quod typus fuit futuri, Sicut paulo post Micha etiam utitur similitudine exitus de Ægypto. Sed non ideo hæc de corporali restitutione accipienda sunt, sicut Hieronymus & post eum Lyra facit. Allegorica hæc sunt, & significant magnam copiam doctorum & verbi. Hæc sunt illa lata pascua Basan & Gilead in hoc regno, quæ oves Christi desiderant & petunt.

*Ostendam ei mirabilia, sicut in diebus exitus de terra Ægypti.*

Oratio est exaudita, Promittit enim se etiam hujus populi curam habiturum, sicut illius veteris. Lyra hæc refert ad populum reductum ex captivitate, sicut Iudæi quoque, Sed quis non videt populum Legis post captivitatem nihil istarum gloriarum & miraculorum vidisse, quæ vidit primus Israël in Ægypto? Itaque Daniel *Daniel 9.* promittit quidem muros Ierusalem ædificandos, sed in angustia temporis, hoc est, non sine magnis periculis & adversitatibus.

*Quod igitur Dominus dicit: Ostendam ei mirabilia, sicut cum ex Ægypto egrederetur,* Profecto non potest intelligi de populo legis & corporali regno, Ad Christi regnum hæc pertinent, per quem liberatio longè præstantior & melior facta est, quàm illa in Ægypto fuit. Non enim liberavit Ecclesiam suam Christus à tyrannide hominum, A morte, peccato, & tyrannide Diaboli liberavit. Hi spirituales & æterni hostes generis humani sunt, nec ulla humana vi possunt vinci. Ideo Dei filium oportuit hostiam fieri, Is solus mundi peccata, sicut Baptista loquitur, tollit, & pro *Matth. 11.* iis satisfacit, ut credentes in eum, habeant simul remissionem peccatorum, Spiritum sanctum, & vitam æternam. Hæc an non infinitis modis major possessio est, quàm illa terræ Canaan, populo legis concessa?

*Sed cur vocat ( Niphlaoth ) mirabilia seu miranda?* Illa potius veteris populi fuerunt mirabilia, cum mare se divisit, cum Iordanis cursum cohibuit, dum transiret populus, cum sol ad aliquot horarum spacia retrocederet, &c. Sed sicut liberatio in novo Testamento multis modis major fuit & præstantior, quàm illa ex Ægypto, Sic etiam miracula infinitis modis sunt majora. Quid enim potest dici admirabilius, quàm Dei filium induere carnem hominis, & ex virgine nasci? Quid magis stupendum est, quàm cum filius Dei cum morte & Satana concreditur, se vinci finit, suam vitam hostibus his objicit, & dum vincitur, vincit? Sic summum miraculum est Christum hominem in crucem mortuum, tertia die ex morte & sepulchro clauso resurgere, & cum carne posthac immortalis ascendere in cælum, & sedere ad dexteram Dei. Hisce miraculis quid simile dici, imo cogitari potest? Sed hæc non sola sunt in regno Christi, nam Propheta etiam alia commemorat.

*Videbunt gentes & confundentur cum omni fortitudine sua, ponent manum super os, & obturabunt aures, Lingent pulverem sicut serpens, & sicut vermes terre contremiscent in latibulis suis, coram Domino Deo nostro pavebunt, & timebunt te.*

Lyra

Lyra variè se torquet, dum hæc ad populum ex captivitate restitutum accom-  
modat, Sed respicienti ad novum Testamentum & Evangelii prædicationem omnia  
fiunt facilia & expedita. Christus liberat reliquias Iudæorum miraculose, Hæc mi-  
racula cum per Apostolos inter gentes prædicantur, accedunt ipsæ quoq; ad Eccle-  
siam. Id quod etiam maximi miraculi loco merito habetur. Primum enim confun-  
duntur cum omni sua fortitudine, hoc est, Agnoscunt religionem, cultus & fiduciam  
suam omnem, quam in idolis posuerunt, frustra esse. Hoc enim propriè est confundi,  
videre, quod deceptus sis, quod spem tuam posueris in res nihili, imo quod verum  
Deum tuum offenderis maximè, cum existimasti, te eum sanctissime colere. Hanc  
confusionem sequitur, quod ora velant manibus, hoc est, quod non amplius prædica-  
bunt illos suos idolatricos cultus, sed gaudebunt ex sermone & memoria omnium  
hominum sublato esse.

*Christum liberat  
reliquias Iuda-  
eorum.*

*Confundi in  
fortitudine.*

*Velare ora.*

*Obtundere aures*

*Pulverem in-  
gere.*

*Pavebunt co-  
ram Domino.*

*Hæc miracula  
sunt omnium  
temporum.*

*Gen. 3.*  
*3. Reg. 11.*  
*Matth. 11.* Tertium est, quod etiam aures obturant, hoc est, quod non solum ipsi non do-  
cent idolatriam, sed ne alios quidem docentes amplius audire sustinent. Quartum  
est, quod pulverem lingunt sicut serpens. Hac figura significat Propheta, non solum  
externam humiliationem, sed etiam humiliationis causam, nempe agnitionem pec-  
cati & sensum maledictionis propter peccatum. Ideo etiam utitur similitudine ser-  
pentis propter peccatum hominis maledictæ, Genes. 3. Porro hujus sensus insignis  
imago in adultero Davide proposita est, cum à Propheta corripitur. Quod de ver-  
mibus addit, etiam ad istos conscientie terrores pertinet. Sicut Propheta ipse se ex-  
ponit, Pavebunt coram Domino Deo nostro & timebunt te. Hic timor vere est ini-  
tium sapientie & salutis. Qui enim ad hunc modum territi sunt, & pavent, hi Chri-  
stum docentem de remissione peccatorum & vita æterna avidissimè audiunt, & cum  
violentia rapiunt regnum Dei, Matth. 11.

Porro hæc non unius tantum temporis sunt. Vbicunq; enim & quodocunq;  
Evangelium docetur, ibi ad hunc modum fructificat inter Gentes. Sicut etiam no-  
stra experientia testatur. Quantum erat studium redimendarum Missarum? quam  
frequens invocatio Sanctorum? in peregrinationes quantum impendebatur? quan-  
tum in ornamenta templorum? &c. Hæc omnia Evangelium de morte filii Dei pro  
peccatis nostris, ita ex animis nostris excussit, ut etiam ad mentionem talis idolatriæ  
horreamus.

*Matth. 11.* Sed, inquires, hoc non omnes faciunt. Declarant enim tot Conventus, quam  
nihil de idolatria illa major pars Principum velit mutatum, & accedunt porcini So-  
phistæ, hi novo modo theologicantur, simpliciter nullum neq; in doctrina veteri, nec  
ceremoniis, vitium agnoscere volunt, Sed etiam manifestas blasphemias impuden-  
tissime defendunt. Hoc quomodo convenit cum hac promissione Prophetæ? Re-  
spondeo. Hodie non alia nec melior conditio Evangelii est, quam cum id Christus &  
Apostoli prædicarent. Nam non nisi pauperes Evangelizantur, Magni, potentes &  
sapientes coram mundo id oderunt & persequuntur. Hi postea inveniunt suos sacer-  
dotes, qui cultum Baal defendant, & pium Eliam persequantur. Sufficit autem Pro-  
phetæ, quod inter omnes gentes, ubi Evangelium prædicatur, tales fructus certo se-  
quuntur, ut aliqui miracula ista videant & convertantur ad fidem in filium Dei, fa-  
ctum victimam pro peccatis mundi.

*Quis Deus sicut tu? Remittens iniquitatem, & præteriens transgressio-  
nes reliquiarum hereditatis sue. Non retinet iram suam in æternum,  
sed misericordiam amat. Revertetur igitur & miserebitur nostri,  
Pessundabit iniquitates nostras, & projiciet in abyssos maris omnia  
errata nostra. Dabis veritatem Jacob, & Abrabæ misericordiam,  
quam jurasti Patribus nostris ab antiquis diebus.*

Est hic unus ex insignioribus locis totius scripturæ, in quo docemur de vo-  
luntate Dei erga nos. Pertinet autem hæc pars ad explicationem superiorum,



ut intelligamus clare, quid sit amplificari muros Ierusalem, quod sit pabulum gregis Domini, & quæ sint mirabilia, quæ ostendit Deus suo populo, nempe, prædicatio Evangelij, quod longe aliter de Deo nos docet, quam vel Lex vel ratio nostra. Sicut igitur liberatio per filium Dei facta, plena miraculorum est, ita etiam doctrina Evangelij, quæ de liberatione illa docet, est miraculosa. Nos homines omnes sic sumus, ut cum exactissime nos & nostra omnia consideramus, cogamur fateri, quod simus peccatores. Nam quod ex lege scimus voluntatem Dei, non subleuat nos, sed potius auget peccatum. Sicut Christus in Parabola ostendit, de servo sciente quidem voluntatem Domini sui, & tamen non faciente. Si igitur secundum legem judicare volumus, quod iudicium nos maneat, in promptu est, quid speremus. Sic enim Deus ipse in lege concionatur. Ego sum Dominus Deus tuus, fortis zelotes, visitans iniquitatem Patrum in filios, in tertiam & quartam generationem eorum, qui oderunt me, Et faciens misericordiam in millia, his, qui diligunt me, & faciunt præcepta mea.

Hanc sententiam impossibile est intueri, sine ingenti metu & dolore animi. Nam peccata negare non possumus, & inevitabilis poenæ necessitas necessario desperationem affert animis sic territis. Itaque anxia mens circumspicit auxilia, & hac occasione labitur in hypocrisin, Sicut ostendunt exempla Papatus. Qui enim huiusmodi tristitiam volebant evadere, convertebantur ad merita Sanctorum, ad propria bona opera, ad monasticen, &c. Quid enim aliud potest Ratio facere, quæ nullam aliam Dei cognitionem habet, quam eam, quæ in Lege præscripta est, quod scilicet Deus sit bonus bonis, & malus malis? Sicut etiam Micha supra dixit. Hæc cognitio aut ad desperationem, aut ad Hypocrisin, & vana operum præsidia cogit.

Ideo Micha simpliciter avertit oculos suos à Lege, nec vult jam talem Deum nosse, qui irascatur peccatis & peccatoribus, & describit nobis alium Deum, nempe, qui non puniat peccata, sed remittat. Hæc est doctrina, quæ cum Lege videtur plane pugnare. Incumbit igitur nobis, ut causas utriusque doctrinæ videamus, Cur & minetur Deus peccatoribus per Legem, & cur per Evangelium consoletur peccatores & promittat eis Gratiam. Ac videmus utrunque in concionibus Michæ. Conciones ad præsentem populum factæ legales sunt, ac faciunt Deum atrocem vindicem in peccatores. Conciones autem de regno Christi, non poenas minantur, sed promittunt remissionem peccatorum.

Num igitur Propheta secum pugnat, aut num verbum Dei falsum est? Minime, sed sicut non pugnant timor Dei & fides in corde, ita Doctrina Legis & Evangelij non pugnant, si modo dextre explicentur. Lex minatur iram peccatoribus, ut hoc modo discant homines agnoscere peccata, & humiliantur coram Deo. Evangelium autem humiliatis promittit gratiam per Christum, qui & pro peccatis satisfacit, & vitam æternam promeruit omnibus credentibus in eum, sicut dicit, Qui credit in me, non morietur.

Ergo in æternum manet verum, quod Deus irascitur peccatoribus, qui non poenitent, & etiam damnabit peccatores, qui non poenitent & humiliantur. Ergo manet in æternum verum etiam hoc, quod Deus remittit peccata poenitentibus, seu contritis, seu humiliatis, & credentibus in Christum. Atque hanc sententiam ipse Propheta pulcherrime ostendit. Minatus est supra omnis generis calamitates tum regno Iuda tum Israel, Humiliatis autem hoc modo iterum promittit gratiam & remissionem peccatorum.

Sunt autem hic in Ebræo duo insignia vocabula (Nose ve Ober) Primo utitur David Psal. 32. Beatus vir cui remissæ sunt iniquitates, Id in Ebræo sonat, qui est levatus iniquitatibus. Ac videtur Iohannes hanc figuram imitatus, cum dicit, Baptistam vocasse Christum agnum Dei, tollentem peccata, ut scilicet intelligas, peccatum esse intolerabile onus, & demergens nos usque in profundum inferni, Quo onere tamen sic liberamur, quod filius Dei id in se recipit, & nos eo levat. Alterum verbum significat præterire, transire. Hoc etiam belle nobis adumbrat misericordiam Dei, qui, cum in Christum credimus, non patitur, se nostris peccatis

Evangelij doctrina.

Quomodo de Deo concionetur Lex.

Evangelium aliter concionatur de Deo.

Lex.

Evangelium.

Deus irascitur peccatoribus. Deus remittit peccata poenitentibus.

Nose ve Ober.

Peccatum onus intolerabile.

Misericordia Dei.

Matth. 10.

Psal. 32. 1. 16.

peccatis remorari, transit seu præterit ea tanquam rem indignam, ad quam moretur, Sicut viator urget iter suum, & negligit quæ temere inter eundem obijciuntur. Nam Deo bene placitum est in filio suo, In eum qui credunt, horum peccata præterit, non inquit in ea, &c.

Sed pulcherrimum est, quod subicit Propheta, Non tenet iram suam in æternum. Hic enim utrunq; complectitur, quod & irascatur peccatis Deus ac puniat, & tamen iram hanc non pertinaciter sine modo grassari sinat, sed eam remittat, cum humiliamur coram Deo, hoc est, cum agnoscimus peccatum, & petimus ac speramus veniam per Christum. Hæc igitur est illa doctrina, erigens corda, metu mortis & iræ Dei territa, quod Deus etsi irascitur, sicut iram ejus varie sentimus, tamen non irascitur in æternum, sed statuit modum iræ, cum nos poenitentiam agimus, Sicut docet Ezech. quoq; cap. 18. & 33. Sed quæ hujus bonitatis causa est, Num merita? Num intercessionem Sanctorum? Num alia, quæ sibi fingunt homines? Minime, Sed quod Propheta dicit (Ki Haphez Hefed hu) Quoniam tu gaudes esse beneficus, quoniam es misericors, *Es ist dein Herz und lust den Leuten helfen /* Hoc est proprie & vere de Deo loqui. Et comprobantur hæc ipsa experientia. An non enim misericordem & beneficium dicemus, qui initio hominem condidit ad immortalitatem & ad imaginem suam, ei; terram & omnia, quæ in mundo sunt, servire jussit? Deinde, an non misericors & beneficus est, qui lapsum hominem in peccatum & mortem, non abiecit, sed promisit liberationem per semen benedictum? Hæc cum cogitas, quomodo aliter de Deo cogitare potes, quam Propheta hic facit?

Quia autem hæc cognitio Dei vitam & salutem affert, Ideo eam tam varie conatur Satan obruere. Excitat Pseudoprophetas, qui operum fiduciam & merita docent, sicut totus Papatus facit. Deinde nostris cordibus pingit longe aliam Dei imaginem, quam hic à Propheta describitur. Sic enim terret peccatis, sic mortem ob oculos ponit, ut hæc Dei amica facies penitus ex corde & oculis effluat, & substituat alia tyrannica, ac si Deus, cum semel ferire coepit, nullum finem iræ statuatur. Itaq; corda à Deo refugiunt & incipiunt eum odisse, ac in desperationem ruunt. Itaq; retinenda diligenter hæc Michæ Concio est, qua Deum misericordem & beneficium facit, Sicut Christus quoq; Ioh. 3. cum dicit, Sic Deus dilexit mundum, ut unigenitum suum Filium daret: Non dicit, quod oderit mundum, quod aversetur aut abjiciat, sed quod diligat, & det summum donum, filium suum. Hæc sententia firmiter impressa animo, sequetur ut etiã in mediis periculis & malis, cum Propheta credamus, ac statuamus, Quod revertetur & miserebitur nostri. Quid enim aliud faciat misericors Deus?

Quid autem est hoc reverti & misereri? Nimirum aliud nihil quam peccatum conculcare, & peccata nostra projicere in profundum maris, hoc est, in talem locum ubi non amplius à quoquam conspici possunt. Est autem hic quoq; insigne verbum (Kabafch) quod significat subjungere, subicere, pessundare. Ac usus simili phrasi Paulus est, sed negative, Rom. 6. Noster vetus homo simul crucifixus est, ne amplius nos serviamus peccato, Item, Non igitur regnet peccatum in mortali corpore vestro, ut obediatis ei in desideriis ipsius. Sunt autem hæc phrasæ natæ ex illa concione Adæ ad homicidam Cain, ubi jubet, ut ipse dominetur peccato, & ei resistat. Complectitur itaq; Propheta hic duplex beneficium, remissionem peccatorum, & Spiritum sanctum. Nam primum, Peccatum sic calcatum seu pessundatum est, ut non possit nos accusare nec damnare, Per Christum enim expiatum & remissum est. Deinde datur credentibus Spiritus sanctus, ut vere dominantur peccato, hoc est, ei resistent, id mortificent, se ad veram & spontaneam obedientiam exsuscitent, &c.

Porro non ineptum est si, quod de peccatis in mari, seu aqua mergendis dicit, referas ad Baptismum, In quo vere per sanguinem Christi (baptizamus enim in mortem Christi) abluuntur & delentur peccata. Sicut simili allegoria de diluvio Petrus usus est, & Patres plerumq; similes locos Prophetarum ad Baptismum transtulerunt.

Postrema particula de fide & misericordia promissa Patribus & fideliter serva-

*Deum non tenet iram in æternum.*

*Deum beneficum.*

*Satan facit Deum crudeliter.*

*Convertetur & miserebitur nostri.*

*Kabafch.*

*Duplex beneficium.*

*Baptismus.*

servata, pertinet eo, ut causam discamus tantorum beneficiorum aliam non esse, quam quod Deus natura sua est misericors. Itaq; non voluit, nos demersos in mortem & iram Dei perire, salvare voluit, ac salutem promisit Abraham per Semen benedictum. Hanc promissionem etiam Iacob habuit. Vidit enim Christum ex posteris Iudae nasciturum esse, sicut testatur ejus vaticinium Genes. 49. Ad hunc modum meminere promissionis Maria in Cantico, Suscepit Israel puerum suum, recordatus misericordiae suae, Sicut locutus est ad Patres nostros, Abraham & semini ejus in secula. Et Zacharias pater Iohannis Baptistae Lucae 1. Recordatus est testamenti sui f. n. cti, iuramenti quod iuravit Abraham Patri nostro, &c. Gen. 49. Luc. 1.

*Epilogus.*

Ad hunc modum videmus, quam diligens Doctor sit Micha, qui tam belle conjungit doctrinam Legis & Evangelij. Ad Legem pertinent, quae in primo capite de poenis idolatriae, In secundo & tertio de poenis avaritiae concionatus est, & in sexto de falsis cultibus. Quia autem similia peccata Germaniam premunt, facile apparet, quid sperari possit, Praesertim cum barbarum hostem tam vicinum habeamus. Ad Evangelium pertinent, quae de Christo & regno ejus satis copiose vaticinatus est. Docuit enim de persona Christi, quod sit nasciturus in Bethlehem, & sit filius Dei, qui ab aeterno fuerit. Deinde de ipso Christi regno docuit, quod in Ierusalem initia sumet, & deinde propagabitur in totum orbem terrarum, Sic tamen ut eant alii populi omnes in nomine Dei sui, hoc est, ut mundus sit habiturus suos proprios cultus, quos dum stabilire conabitur, vera Ecclesia in periculo erit, sed non opprimetur penitus. Haec & alia multifaria sunt utilia, erigunt enim perculsos animos, docent, augent fidem, excitant ad orationem, cum certa spe exauditionis. Ergo & merito pro tam uberi cognitione gralias agimus Deo per Christum, & cum Propheta, sicut Hieronymus quoque in fine sui commentarij facit, oramus:

O Deus quis est similis tibi, Remittens iniquitatem & praeteriens peccata reliquiarum hereditatis tuae. Qui non tenes iram tuam in aeternum, sed vis esse misericors, Reversus es ad nos, & misertus es nostri, Pessundedisti iniquitates nostras, & projecisti in profundum maris omnia peccata nostra. Hanc misericordiam nobis serva perpetuam, ut in lumine Verbi tui ambulantes omnia Satanæ & mundi pericula effugiamus, Per Iesum Christum filium tuum & liberatorem nostrum, Amen, Amen, Amen.

Finis Commentarij in Micham Prophetam.

## PRINCIPALES LOCI ET

Sententiae Concionum Prophetæ Michæ.

### CAPUT I.

**P**rimum caput habet Prophetiam de vastatione utriusq; regni per Sanherib Assyrium. Etsi enim per Angelum à portis Ierusalem ingenti suorum strage depulsus est, tamen regnum Iudae valde afflixit. Hujus calamitatis dicit causam esse idolatriam, quod relicto vero Deo & templo sacris cultibus destinato, sacrificabant idolis & eligebant profana loca, sicut historiae regni Israel & Iuda, tempore Ahas ostendunt.

Haec doctrina ad nostra tempora utilis est. Nam idolatria, quae in Papatu multiplex imo infinita fuit, per Evangelium revelata est. Igitur qui eam non emendant, sed urgent, sicut impia Episcoporum & Sophistarum turba facit, hi sine dubio vastitatem sibi accersent, Sicut ante oculos sunt exempla Ecclesiarum, quas Christi hostis Turca crudelissime perdidit.

Habet hoc caput unam insignem sententiam, Quod opes meretricis in mercedem meretricis convertentur, hoc est, quod unus Idolatra alium perdit, Sicut hodie Monasteria, & Ecclesiarum opes, per idolatriam partas, etiam ii diripiunt, qui summi Pontificiae dignitatis defensores haberi volunt.

Secun-



II.

Secundus sermo habet gravem accusationem avaritiæ, quæ est tanquam fons injuriarum & violentiæ. Minatur autem Dominus etiam avaris vastationem. Atq; hic imprimis notanda est securitas impiorum etiam in manifestis peccatis. Putabant enim Iudæi se licentius peccare posse, quod essent populus Dei, & inflabantur promissionibus. Sed insignis Prophetæ sententia est, Sermones mei, inquit, boni sunt, seu bona promittunt bonis. Cum igitur sitis mali, quomodo potest à vobis longius abesse malum? Ergo definita sententia est, quod Deus velit peccatores punire, nisi poenitentiam agant & convertantur à peccatis.

Huic Concioni legali subjungit Propheta promissionem de Christo, quem facit Pastorem colligentem reliquias credentium. Vocat quoq; Porez, dissipatorem, qui regnum Satanæ, mortis & peccati sit destructurus, Ac consolatur futurum, ut Ecclesia quoque Christo præeunte, defendente, ac juvante, omnia ista mala sit superatura, & ita perruptura ex miseriis hujus vitæ ad æternam vitam. Notabile autem hoc est, quod tribuit Domino nostro Iesu Christo nomen Dei ineffabile.

III.

Sicut in secundo capite accusavit in genere avaritiam, Ita hic in specie avaritiam Magistratus tum Politici, tum Ecclesiastici reprehendit. Minatur autem futurum, ut, cum clamabunt ad Dominum, eos non sit exauditurus, hoc est, quod velit eos objicere gladio & tradere hosti, qui vicissim in eos sæviat, sicut sævierunt in subditos. Atq; in hac concione est insignis collatio Pseudoprophetarum cum veris Doctoribus. Hi spiritu pleni sunt & libere reprehendunt peccata Principum & populi. Illi quæstus causa connivent ad peccata, & non poenitentibus promittunt omnia secunda.

IV.

Est insignis Prophetia de regno Christi. Primo nominatur locus quod in Zion hoc regnum sumet initia.

Secundo promittit futurum, ut etiam Gentes hoc regnum quærant.

Tertio dicit de officio Regis, quod ipse Rex docebit suas vias, per novum Verbum & novam legem, hoc est, aliam quam Mosi fuit. Hæc enim accusat peccata, & minatur peccatoribus. Illa autem Christi remittit peccata, & promittit Spiritum sanctum per Christi meritum & mortem.

Itaq; ( quod quartum est ) sequitur hanc doctrinam pax conscientiarum & multiplex fructus. Sicut Propheta hic dicit, Sedebit unusquisque sub ficu sua & vite sua, hoc est, Singuli in suo genere vitæ & officio edent fructus fidei varios & optimos.

Quinto docet hoc regnum habiturum suos adversarios in mundo, Siquidem singuli populi ambulabunt in nomine sui Dei, Ecclesia autem in nomine Dei nostri. Promittit tamen hoc regnum non oppressum iri, sed fore æternum regnum. Nos enim, inquit, ambulabimus in nomine DOMINI DEI nostri in æternum.

Ad hanc consolationem pertinent quæ de claudicante & abjecta dicit. Et si enim in commentariis de reliquiis regni Israel inter Gentes id exposuimus, tamen nihil prohibet ad totam Ecclesiam, in mundo contemptam & afflictam accommodare, sicut Sophonias facit, qui eadem appellatione Ecclesiam notat, Cap. 3. Quia autem antequam promissio hæc de regno Christi impleta est, populus erat captivus abducendus in Babylonem, Ideo consolatur Propheta pios, ne hujus Regis obliviscantur, Et addit simul hanc consolationem, futurum, ut non solum liberentur ex captivitate Babylonica, Sed per Evangelium dominantur Gentibus, quæ verbum amplexuræ sint.

V.

Est promissio de Christo & regno ejus, Initio locum ostendit, in quo Christum nasci oporteat.

Secundo docet de persona Christi, quod non tum primum coeperit esse, cum ex Maria natus est, sed sit ab æterno, hoc est, Dei Filius.

Tertio

PRINCIPALES LOCI CONCIONUM PRO MICHA.

Terrio de officio docet, quod pascet populum suum & secure habitabunt. Nam per Christum destructum est regnum Satanæ & peccati, & hanc Christi victoriam affert Evangelium credentibus.

Quarto docet, Regnum hoc pertinere etiam ad gentes. Magnifice autem commendat ministerium Verbi, cum comparat ministros Evangelij rori & pluviz. Ac minatur exitium iis, qui Evangelio se opponunt, Sicut etiam Synagogam ideo dicit vastandam esse.

## VI.

Est Concio Legis, in qua accusat populum summæ ingratitude, & damnat impios cultus, quibus sperabant se Deum placaturos esse. Quod autem pulcherrimum est, ostendit, quibus cultibus delectetur Deus, Nempe obedientia erga verbum, Misericordia erga pauperes, ac patientia & spe in adversis. Hos cultus cum videret à suo populo negligi, Avaritiam autem & alia vicia cum idolatria crescere, minatur eis extremam vastationem.

Insignes hic sunt figuræ, quibus Avaritiam pingit, quas aliquo modo imitatus videtur Chrysostomus in quinto capite primæ ad Corinthios, ubi inquit, πολλὰ καὶ ἴσως ἐκείνη κακῶς ὀλίγα, καὶ καλῶς κείμενα ἐξέβαλε πολλὰ ὄντα. ἔδεν γὰρ σαφέστερον πλεονεξία. καὶ τὴν πλεονεξίαν τοῦ Θεοῦ ἰσχυροῦ τοῦ γοιζοῦ τοῦ ἐμμελίου, καὶ δύρα καὶ μέχλον, εἰς τὴν αὐτὴν ποιεῖς, πλεονεξία ἐνδοξόν τὸν χαλεπὸν τὸν ληστὴν κατακλίσαι, καὶ πάντα διωάμενοι ἐξενίγκειν.

Id simpliciter, sed parum eleganter sic reddidimus. Sæpe exiguum lucellum fraude quæsitum, magnas opes recte partas evertit. Nihil enim est, quod facilius omnia corrumpit, quam fraus. Quod si capsam illam sera, ostio, vecte quoq; communieris, tamen frustra id facis, siquidem fraudem intus conclusam habes violentissimum Prædonem, qui quicquid invenit, diripit. Similis apud Isocratem quoque sententia est, Docet enim gentes ipsa experientia male parta male perire.

## vii.

Hæc Concio est tanquam Epilogus superiorum Concionum. Habet initio querimoniam, quod frustra doceat impœnitentes. Deinde monet pios, ne his scandalis patiantur se à vera via abduci. Quanquam enim poenas publicas subituri erant, tamen hortatur, ut respiciant ad regnum gratiæ per Christum futurum, quod magnifice commendat, quod sit regnum remissionis peccatorum, gratiæ, & vitæ æternæ. Reliqua in commentariis explicantur uberius.


### Finis Commentarij in Micham Prophetam.

CVR ET QVOMODO  
CHRISTIANVM CONCILIVM DE-

beat esse liberum. D. M. L. Item de Conjuracione Papista-  
rum. Anno M. D. XXXVII.

*Quod in aliis  
quibusdam, idē  
in hoc quoq; li-  
bello accidit, ut  
quod, quo excu-  
di debebat tem-  
pore, defuerit,  
alieno sit editus,  
Est enim pri-  
mam editione  
Anno 1537.*



 **V**m Paulus hujus nominis tertius Pontifex Romanus Concilium generale hoc anno, qui est à nativitate Domini 1537. Mantuæ celebrandum indixerit, Animadverto nonnullos simplices homines magnam spem Ecclesiæ reformandæ, synceriorisq; doctrinæ restituendæ concepisse, quos tamen pro sua simplicitate rerumq; imperitia, miserabiliter errare, ac periculose falli nequaquam dubito. Nam omnes ubiq; fere, Juris & Theologiæ doctores, item Notarij, Abbates, generales, Vicarij, ministri & magistri ordinum, Episcopi, Archiepiscopi, Primate, Patriarchæ, & Cardinales omnes, usq; adeo Romano Pontifici addicti, & in obedientiam atq; servitutem illicitis juramentis horrendissimis, ac palam impiis adacti & constricti tenentur, ut sperandum non sit, quenquam

quam ex eis pro Christi gloria, Evangelij veritate, Ecclesiae puritate, ac animarum salute strenue laboraturum. Idq; propter infinita pericula, quæ illis imminerent, si vel suspitione aliqua, contempti aut neglecti juramenti aspergerentur.

Quæ dum metu Pontificiæ Tyrannidis (quam Reges etiam potentissimi exhorrent) anxie cavent, magis quid Pontifex rugiat, quam quid Deus approbet, considerant, exceptis paucissimis quibusdam, qui nuper ad Christum veluti postliminio redierunt, & de erroribus ac impiis suis juramentis, vere & ex animo poenitentiam egerunt. Quorum animi tamen per se imbecilles, magis franguntur opprobriis eorum, qui cum ejusdem conditionis, ordinis, atq; dignitatis sint, violatum illis commune juramentum exprobrant, atq; ita quantumvis in conscientia coram Deo securos, coram mundo tamen pudescere, & pallescere & perfidiæ infamiam horrere cogunt. Reliqui vero docti, boni, & pii viri, qui incorrupte & secundum Verbum Dei recte judicare possent, cum sententiæ de rebus & dogmatibus in Christiana religione controversis dicendæ sunt, in Concilium nequaquam admittuntur, quum soli digni essent, & idonei, quibus tantæ res committerentur.

Quapropter nisi **LIBERUM**, atq; adeo vere & *ymptus* **LIBERUM** fuerit concilium, hoc est, nisi talia, illicita, impia, & horribilia juramenta, publice relaxentur, ex animo contemnantur, ac prorsus aboleantur, pluresq; boni docti & pii viri, hujusmodi sceleratis ac nefariis juramentis non contaminari, & infecti, ad judicandum admittantur, fieri non potest, ut veritas obtineat, & Ecclesiae Dei consulatur. Quis enim non intelligit, talium hominum colluviem, non Christianum esse Concilium, sed nequissimorum Papæ servorum, contra Christum & Ecclesiam ejus conjuratorum evidens latrocinium? Id quod Iohannis Hussi, & Hieronymi Pragensis indignissimæ mortes, & publica pax, cum summo ad omnem posteritatem dedecore, violata, clarissime testantur.

Vt autem, quod hætenus à me dictum est, verum esse intelligas, Christiane Lector, & rem ex aliquo specimine, veluti Leonem ex unguiculis, æstimare possis, En tibi horrendissimorum aliquot juramentorum formulas. Vnam ejus, quod Scholastici omnium ferme publicarum, vel, ut rectius dicam, Papisticarum Scholarum, qui doctoris titulum ambiunt, jurare coguntur, antequam eis **LICENTIA** (quam vocant) ad accipienda Doctoratus insignia confertur. Alteram ejus, quod omnes auctoritate papali, publici notarii præstant. Tertiam ejus juramenti, quod Episcopi electi omnes non modo jurare, verum etiam in literas referre, ac Romam mittere coguntur, antequam consecrentur, idq; subinde pro Pontificia libidine ac tyrannide mutatum & aggravatum. Quibus perlectis ac diligenter excussis, facile judicabis, cur Doctores, quamvis indoctissimi, & Notarii, etiamsi nihil aliud sint, quam stipites, & puri puti asini, item Episcopi, licet Ecclesiae neq; vita, neq; doctrina utiles, in regno tamen Papæ, reliquis eruditis, bonis, honestis, gravibus, & piis viris omnibus, tanto intervallo hætenus præponi & quasi numina quædam coli soleant. Didicerunt enim unius horæ momento, artem ipsis quæstuosissimam, Curiae Romanæ acceptissimam, sed miseræ, afflictæ, & oppressæ Ecclesiae perniciosissimam, ac universæ Reipub. exitiosam, **PAPÆ** scilicet servire, adulari, divinos honores tribuere, jus & fas in gratiam ipsius pervertere, ac omnia omnium secreta, cum illi commodum est, **PRODERE**. De bonis & integris viris, qui in hoc hominum genere reliqui sunt, non loquor.

Simul hoc quoq; intelliges, cur soli quidam indocti & nugaces doctorculi Sophistæ, quales multi extant eruditissimi hujus seculi dedecora, pro Papistici regni abusibus, erroribus, mendaciis, superstitionibus, hæresibus & idolatriis defendendis, tanta impudentia, pertinacia, atq; vesania (frustra tamen) rixentur verius, quam pugnent aut belligerentur, cum tot alioqui docti & eloquentes viri, vel quiescant omnino, vel certe sanius ac moderatius agant. Nam Jurisconsultorum quorundam contra Verbum Dei & ministros ejus violentiam, una cum Episcoporum, alioqui effœminatissimorum, barbarica sævitia, ex eodem fonte fluere, quis dubitet? Sed

M m m

jam



jam tempus est, ut detestabilissimorum juramentorum formulas, huc usq; satis diligenter, & insidiosè celatas, è tenebris, tanquam Cacus è spelunca sua in lucem producam, quas cum detestabiles & execrabiles (ut sunt) esse judicaveris, tum C R T S T U M servatorem nostrum precator, ut Ecclesiæ suæ ipse consulat. Nam ab hac exitiosa conjuratorum caterva, nisi dissolvatur, nihil prorsus boni sperandum est.

## SEQVITUR FORMULA SOLENNIS IVRAMENTI, QVOD II, QVI DOCTORATVM IVRIS, aut Theologiæ in Scholis Papisticis ambiunt, antequam eis Li- centia ad accipienda Doctoratus insignia confertur, jurare coguntur, cum annotationibus.



**E**GO N. Scholaris Ingolstatensis Eistetensis diocesis, ab hac hora inantea a fidelis & obediens ero Beato b Petro, sanctaq; c Apostolica Romana Ecclesiæ & d Domino nostro Domino Paulo tertio, ac ejus successoribus Canonice intrantibus, Non ero in consilio, consensu, tractatu vel facto, ut e vitã aut membrum perdant, seu quod contra alicujus eorum personam vel in ipsorum, aut Ecclesiæ seorundem, seu sedis Apostolica autoritatum, honorum, privilegiorum, vel Apostolicorum g statutorum, ordinationum, reservationem, dispositionum seu mandatorum derogationem, vel præjudicium, machinationes vel conspirationes fiant. h Et si ac quoties aliquid horum tractari \* scrivero, id ne fiat pro posse impediam, & quanto commodè potero i eidem Domino nostro, vel alteri, per quem ad illius noticiam pervenire possit, significabo. Consilium quod mihi per se vel nuncios seu literas credituri sunt, ad eorum damnum k nemini pandam, ad defendendum & retinendum. l P A T R I U M Romanum & regalia sancti Petri contra m omnem hominem n adjutor ero. Auctoritatem, privilegia & jura, quantum in me est, potius o ad augere & promovere statuta, ordinationes, reservationes, dispositiones, & mandata hujusmodi p observare & eis intendere curabo. q Legatos sedis Apostolica honorifice tractabo, & in suis necessitatibus adjuvabo. r Hæreticos & Schismaticos & qui alicui ex Dominis nostris & successoribus prædictis s rebelles fuerint t pro viribus persequar & impugnabo. u Sic me Deus adjuvet & hac sancta Dei Evangelia.

\* Etiam ex secreta confessione, Nam sigillum Confessionis me- rui uti fucus, quo laici os ob- luntur.

## ANNOTATIONES.



**M**Anc juramenti formulam ideo primo loco ponere volui, quod sit reliquis omnibus apertior & explicatior. Quippe in qua Papa sine ullo pudore omnes suas abominationes nominatim approbandas, promovendas, ac defendendas diligentissime recenscat & exigat. Et est velut imago quædam totius regni Papistici artificiosissime depicta, in qua ingenium & varietatem Romanensium deprehendere licet. Cum enim plures longe reperiantur Doctores, quam Episcopi, regnentq; in Scholis publicis, in templis, & concionibus, sintq; Episcoporum Officiales ac Vicarii, principum & liberarum Civitatum Consiliarii, facile viderunt, si eos obnoxios haberent, eorum opera totum Romanum imperium se oppressuros esse, quod & factum est, Vnde merito superiore seculo nomen Doctorum tam fuit invisum, ut si vir nobilis Doctoratum recepisset, plane degener existimaretur, hodieq; in plerisq; Civitatibus in Senatum non leguntur.

a Suspiciatur eum antea Christo fidelem & verbo ejus obedientem fuisse, quod cum Papatui adversetur ex diametro, rectim & per ambages illud abjurare, & cum bestia Romana conjurare compellitur.

b Non sentit de Petro Apostolo, qui propter Christum reliquit omnia, Sed de fictitio illo Petro, sive ut rectius dicam, Simone, qui amplissimum Romæ patrimonium habere dicitur, mendaciis, fraudibus, perjuriis, homicidiis, veneficiis, ac latrociniiis quæsitum, ex meris furtis, rapinis & sacrilegiis conflatum.

c Vt

c Ut nititur Belua, ex Apostolica facere Romanam, cum Apostolica sit per totum orbem diffusa nulliq; certo loco alligata.

d O turpissimi domini turpiora mancipia. Si Christiani essetis, præter Christum nullum in regno spirituali Dominum agnolceretis, & omnia vestra essent, etiam Paulus & Cephas, vos autem Christi, Nunc quæ dementia est, quod vos ipsos, vestra sponte in servitutem morte graviolem deditis Antichristo? cui dum servitis, omnium abominationum, quæ Romæ perpetrantur, reos vos ipsos constituitis.

e Vides ut Bestia illa Romana, non modo seipsam, verum etiam vilissimam sui partem, carnem scilicet plus quam Christum, Evangelium & Ecclesiam diligit ac curæ habeat, ideoq; illis contemptis, conculcatis & oppressis sibi suæq; cuti primum cavet.

f Nota bene, Papa fingit & rugit Ecclesiam esse suam & non Christi, O Pastorem, imo vero furem & latronem, Ecclesia de Christo capite suo, non de Papa persecutore, & oppressore suo dicit in Cantico canticorum, Dilectus meus mihi & ego illi.

g Secundo cavet pecuniarum aucupiiis, rebus ac musculis. Nam in iis consistunt tyrannidis illius nervi, è quibus delicatæ & effœminatæ Papistarum vitæ supeditatur materies luxuriæ.

h Tu ne miser homuncio impedies, quicquid contra Papam tractabitur? pro posse, inquis, impediam. Sed age dic, an impedies, etiamsi optimo atq; adeo divino jure fieret? etiam ne si in bonum Ecclesiæ universalis & Christianæ Reipub. vergeret? etiam ne si illi, qui tractant, superiores tui essent? tuq; illis juramentum fidelitatis præstitisses? & stipendium honestum eo nomine ab iisdem acciperes? Deum immortalem, nihil horum excipi audio. Nunc nunc Reges intelligite, & Principes erudimini, qui judicatis terram, Et considerate quam fideles consiliarios hujusmodi Papisticos Doctores existimare debeat, quos Papa, talibus tam, impiis, tamq; horribilibus juramentis, in vestram pernitiem obstrinxit & instruxit.

i O pestilentes proditores, & proditorum supproditores, vel ipso Iuda sceleratior. Nam qualis ille cunq; fuit, Christum tamen palam & aperte prodidit, vos occultissime proditis, & altissime dissimulatis. Ille poenitentia ductus, pecuniam, proditionis mercedem, statim retulit & in templum abiecit, Vos quasi re bene gesta, vobis ipsi plauditis & proditionis vestræ mercedes, dignitates scilicet, præbendas & prælaturas mordicus retinetis, & in eis gloriamini & deliciamini, digni, qui etiam sicut Iudas suspendamini.

k Tertio cavet suis occultis & insidiosis consiliis. Notandum autem, Si Doctor Papisticus juramentum fidelitatis præstiterit Principi cuidam vel Reipub. qui aliquid habeant contra Papam, tunc aut prodet Dominum suum, aut violabit hoc juramentum. Quale igitur monstrum est Doctor Papisticus, qui nec fidelis esse potest sine scelere, nec vir bonus sine periurio?

l Quarto Tyrannidem suam munire & stabilite nititur, pro qua conservanda non aliter, quam pro aris atque focis dimicat, & divina pariter atq; humana omnia commiscet, confundit, ac pervertit. Recte autem vocat Papatum Romanum, quia revera nihil aliud est, quam Papatus, non Apostolatus, ideoq; tantum Romanus, non etiam Christianus. Eodem modo accipienda sunt Regalia Petri, ut quæ non à Christo data sunt, sed quæ Pontifices à Regibus vel per dolum vel per vim abstulerint.

m Etiam ne contra Christum ipsum? Nam & is, ut verus Deus, ita etiam verus homo est. Sed quid dubitamus, cum neminem omnino excipiat? Et Christus Papatum nominatim prohibuerit, cum diceret, Reges gentium dominantur earum, vos autem non sic. Frustra igitur defenderetur Papatus, nisi etiam contra Christum hominem defenderetur. O portenta, ô scelera, ô tartareas furias.

n Etiam ne mendaciis, dolis & fraudibus? etiam ne conspirationibus, prodicionibus & seditionibus? etiam ne beneficiis, cædibus, latrociniis, injusto bello? Quid quæris? Cum papatus sit contra Verbum Christi, non potest legitime defendi. Quare necesse est, adiutorum & defensorum auxilia omnia illegitima & nefaria

M m m 2

intel-

intelligi, O conjugationem furiis infernalibus procuratricibus conflata, in qua Christus non solum abnegatur, verum etiam apertum ei bellum indicitur.

o Quinto, Incrementa suæ Tyrannidis molitur. Et nota, quod nullus Doctor, auctoritatem, privilegia & jura Papæ adaugere potest realiter & cum effectu. Hoc enim nemo potest, nisi donando, aut nova jura condendo, quorum hoc soli Reges & Imperatores possunt, illud autem Doctores, quia tenues, non solent. Reliquum igitur est, ut id non assequantur, nisi jura, & sacras literas pervertendo, & iniquas sententias in judiciis & Conciliis in gratiam Papæ dicendo.

p Sexto, Quietis & securitati suæ Tyrannidis consulit. Cum autem statuta, ordinationes, dispositiones, & mandata Papæ, plerumque sint contra Verbum Dei, certum est, quod quisquis in illa meat, Verbum Dei è contrario abjurat, Nemo enim potest duobus Dominis servire.

q Septimo cavet suis satellitibus, tyrannidis ministris. Et olim sic præscribebat Legatum, quem certum esse cognovero, &c. nunc licentia in immensum aucta, sine exceptione legatos omnes adjuvari cogit. Mavult enim falsos juvari, quam certos destitui.

r Ultimo cavet suis traditionibus, mendaciis & seductionibus. Nam hæreticos, qui vere hæretici sunt, nihil curat, modo tyrannidem ejus non lædant. Eos vero solos, ut hæreticos insectatur, qui vitiis & erroribus, idolatriis & blasphemis ipsius obviam ire, eaq; verbo Dei oppugnare audent. Sicut etiam Schismaticos eos solos appellat, qui nihil numerant, nec tyrannidi ejus subjiciuntur. Reliquos autem vere Schismaticos, qui dicunt, ego sum Pauli, ego Apollo, ego Cepha, ego Benedicti, ego Dominici, ego Francisci, ego Bernardi, &c. insuper Ecclesiam dissensionibus & dissidiis misere lacerant, sicut fecerunt Dominicastri Bernenses, tanquam dilectos filios amplectitur ac fovet.

f Rebelles vocat, qui in spiritualibus libertatem Christianam, contra Papisticas traditiones defendunt, & in civilibus, jus suum, quamvis legitime contra tyrannidem ejus obtinere & tueri nituntur. Nam qui vere Christo & Ecclesiæ rebelles sunt, hoc est, mandata ejus scientes & prudentes pedibus conculcant, apud eum sunt in pretio.

t Quantum audio, Doctores Papistici, non disputando, non jus enucleando, non sacras literas docendo, non justas sententias in judiciis & conciliis dicendo, hæreticos, Schismaticos, & rebelles vincere & ad meliorem mentem reducere debent. Nihil enim horum contra eos, quos Papa mendaciter hæreticos pronunciat, fieri potest, cum jus divinum, & verbum Dei habeant pro se, sed viribus, ut audis, viribus inquam, persequendos & impugnandos esse censet. Cum autem ejusmodi Doctoribus, apertum & legitimum bellum gerere non liceat, non video, quomodo viribus persequi quenquam possint, nisi vel veneno tollant, vel occulto & insidioso latrocinio interficiant. Quid mirum igitur, tantam in regno Papistico esse veneficorum, sicariorum, & latronum segetem, cum Doctores Papistici quoque nihil aliud sint (quantum ex hoc quidem juramento apparet) quam venefici, percussores, sicarii, & latrones conjurati.

u O te terque quaterque miserum, sceleratum & desperatum, qui ita juras, O infelices parentes tuos, qui suis te facultatibus & sumptibus in hoc aluerunt, ut animæ tuæ salutem tam impie devoveres. Si enim hoc juramentum conservare voles, contra Christum pro Antichristo militabis, sacramenti, quo in Baptismo initiatus & obligatus es, proditor factus. Si vero non, nec Deum adiutorem, nec Evangelium ejus salutis medelam te habere velle consentis. Quare expergiscere tandem, & quanto in periculo verferis vide, poenitentiam age, Deumque precare, ut edicto suo prætorio te in integrum restituat, & juramentum tam sceleratum aboleat, atque æternâ oblivione obruat, ne in æternum condemneris, Amen.

Finis Annotationum.

Hic



Hic primum admonitos esse volo, non modo eos Doctores, qui Doctoratus insignia in iis Scholis acceperunt, in quibus talia iuramenta non exiguntur (ut sunt hoc tempore in Germania Vvittembergæ & Tubinga, in Anglia omnes, & in Italia, si modo vera est fama una & altera, ob hoc vere felices) verum, etiam eos, qui etsi fraude ac dolis Papistarum circumventi & irretiti hoc iuramentum vel inviti, vel imprudentes præstiterunt, nunc tamen ceu impium & execrandum, ex animo contemnunt ac negligunt, idq; dictis & factis palam præ se ferunt, hos inquam omnes, admonitos esse volo, nihil eorum, quæ hic dicuntur, ad eos pertinere.

Deinde reliquos bonos ac pios viros omnes rogatos volo, ne talium quenkam ob Doctoris titulum, aut tale iuramentum præstitum contemnere, sed potius amare, aut certe errato veniam dare velint. Sunt enim laude & amore digni, qui eruditionem utilem & necessariam, cum publica autoritate conjunxerunt, si modo eam ad gloriam Dei, & Reipub. commoda referunt, & non ad tyrannidem Papæ stabi- liendam conferunt, Quin potius totam invidiam & execrationem hujus horrendæ & abominandæ conjurationis, in eos tantum Doctores derivent, qui, ut scientes & prudentes, jurarunt, ita etiam in proposito conservandi tam detestabile iuramentum persistunt, & omnem suam virulentiam, contra oriens Evangelium, pro idolo suo Romano effundunt.

Cæterum si quis posthac, cum jam de ista abominatione admonitus & cer- tior factus est, sciens prudensque jurarit, is nihil causæ fingere poterit, quo minus vir pestilens, abominabilis & execrabilis habendus sit, à bonis & piis omnibus. Proinde cave, nescis enim quid vesper serus vehat.

## SEQVITUR FORMULA IURAMEN- TI, QUOD NOTARII PVBLICI à PAPA creati præstare coguntur, magna ex parte cum superiore consentiens.

**E**go. N. ab hac hora inantea fidelis ero beato Petro & sanctæ Romanæ Ec-  
clesiæ, ac domino nostro, domino Iulio Papa secundo, suisq; successoribus Canonicè  
intransibus. Et non ero in consilio, auxilio, consensu vel facto, ut vitam perdant, Hoc iuramentum præter alias ab-  
ominations,  
aut membrum, vel capiantur mala captione. Consilium quod mihi per se, vel quæ habet cum  
superiore com-  
munis, duas co-  
plectitur propri-  
as ac novas, V-  
nam quod speci-  
aliter contra Pa-  
triam jurare co-  
gitur, quod est  
magna imple-  
tas, Alteram  
quod Papam vel  
aliis magis papi-  
stis amissis, de  
recuperatione  
mentionem facit,  
quod est incredi-  
bili pertinacia,  
contra Christum  
& verbum eum.  
Ille enim solus  
Papam per  
Verbum & Spl-  
ritum suum de-  
struet.  
litteras, aut nuntium manifestabunt, ad eorum damnum scienter nemini pandam. Si vero  
ad mei notitiam aliquid devenire contigerit, quod in periculum Romani Pontificis, aut Ec-  
clesiæ Romanæ vergeret, seu grave damnum, illud pro posse impediam. Et si hoc impedire  
non possum, procurabo bona fide, id ad noticiam præfati domini nostri Papa deferri. P A P A  
T U M Romanum & regalia sancti Petri ac jura ipsius Ecclesiæ, Specialiter, si qua in eadem  
Ecclesiæ in Civitate, vel terra, de qua oriundus sum habeas, ad iutor eis ero, ad defendendum,  
retinendū & recuperandam contra omnes homines. Tabellionatus officium fideliter exercebo,  
contractus, in quibus exigitur consensus partium, fideliter faciam, nihil addendo vel minuen-  
do, nisi de consensu partium, quod substantiam immutes. Si vero ad conficiendum aliquod  
instrumentum unius solius partis sit requirenda voluntas, hoc ipsum faciam, aliquem con-  
tractum, in quo ego sciam vitium vel fraudem intervenire, non conficiam. Contractus in  
Protocollo redigam, & postquam redegero, maliciose non differam, contra volunta-  
tem illorum, quorum intererit super eo publicum conficere instrumentum,  
salvo meo justo solario. Sic Deus me adjuvet, & hæc sancta  
Dei Evangelia.

## SEQVITUR VETUS FORMULA

juramenti Episcoporum, & ponitur in Decretalibus de jurejurando. C. Ego.

Consentit & hoc Juramentum magna ex parte cum primo, Et habet peculiari clausulam, de minimis Apostolorum quotannis visitandis, ejus intelligentiam quare post proximum Juramentum.



**E**GO N. Episcopus ab hac hora inantea fidelis ero S. Petro, sanctæq; Apostolica Romana Ecclesia, dominog; meo N. Papa, ejusq; successoribus Canonice intrantibus, Non ero neq; in consilio, neq; in facto, ut vitam perdat, aut membrum, vel capiat, mala captione. Consilium quod mihi, aut per se, aut per literas, aut per nuncium manifestabit, ad ejus damnum nulli pandam. Papatum Romana Ecclesia, & regulas sanctorum Patrum adjutor ero ad defendendum & retinendum (salvo ordine meo) contra omnes homines. Vocatus ad Synodum, veniam, nisi prapeditus fuero Canonica prapeditio: ne. Legatum Apostolica sedis, quem certum esse cognovero, in eundo & redeundo honorifice tractabo, & in suis necessitatibus adjuvabo. Limina Apostolorum singulis annis, aut per me aut per certum nuncium visitabo, nisi eorum absolvar licentia. Sic me Deus adjuvet, & hac sancta Dei Evangelia.

Cum cernerem Doctores ad tam horribile juramentum adigi, coepi dubitare, num Papa contentus esset hoc tempore, suprascripto juramento Episcoporum, hanc dubitationem meam deinde auxit glossa super Verbo, singulis annis indicto, C. Ego, ubi additur, vel rarius, juxta Chirographum suum. Inspexi igitur Pontificiale, & librum cæremoniarum, ubi certo deprehendi, eos jurare juxta rescriptum Papæ, cujus tamen tenor in neutro exprimebatur. Rogavi igitur amicos pios & doctos, etiam apud exterarum nationes, ut mihi fide dignum exemplar ejus juramenti communicarent. Quod & factum est. Id autem bona fide de Verbo ad Verbum subjiciendum putavi.

## SEQVITUR FORMULA RE-

centior juramenti Episcoporum.



**E**N Dei nomine, Amen. Ego N. electus. N. Episcopus, ab hac hora inantea fidelis ero & obediens, beato Petro sanctæq; Apostolica Romana Ecclesia, & domino nostro, domino Hadriano Papa sexto, suisq; successoribus Canonice intrantibus. Non ero in consilio, aut consensu, vel facto, ut vitam perdant, aut membrum, seu capiantur, aut in eos violenter manus quomodolibet ingerantur, vel injuria aliqua inferantur, quovis quasito colore. Consilium vero quod mihi credituri sunt, per se, aut nuncios, seu literas, ad eorum damnum, me sciente nemini pandam. Papatum Romanum & regalia S. Petri, adjutor eis ero ad retinendum & defendendum contra omnem hominem. Legatum Apostolica sedis in eundo & redeundo honorifice tractabo, & in suis necessitatibus adjuvabo. Iura, honores, privilegia & auctoritatem Romana Ecclesia domini nostri Papa, & successorum prædictorum conservare, defendere, augere & promovere curabo. Nec ero in consilio, in facto, seu in tractatu, in quibus contra ipsam dominum nostrum, vel eandem Romanam Ecclesiam aliqua sinistra, vel præjudicialia personarum, juris, honoris, status, & potestatis eorum machinentur; & si talia à quibusdam tractari novero, vel procurari, impediam hoc pro posse, & quantoties potero, commode significabo eidem Domino nostro, vel alteri, per quem ad ipsius noticiam possit pervenire. Regulas sanctorum Patrum, decreta, ordinationes, sententias, dispensationes, reservationes provisiones & mandata apostolica totis viribus observabo, & faciam ab aliis observari. Hæreticos, schismaticos, & rebelles Domino nostro, vel successoribus prædictis, pro posse persequar & impugnabo. Vocatus ad Synodum veniam, nisi prapeditus fuero Canonica prapeditio. Apostolorum limina, Romana curia existente citra, singulis annis, ultra vero montes singulis trienniis visitabo, aut per me aut per meum nuncium, nisi Apostolica absolvar licentia. Possessiones vero ad mensam meam pertinentes, non vendam, neq; donabo, neq; impignorabo, neq; de novo infundabo, vel aliquo modo abalienabo, etiam cum consensu Capituli Ecclesie mee, inconsulto Romano Pontifice. Sic me Deus adjuvet & hac sancta Dei Evangelia.

Vides,

Vides, Christiane Lector, hoc juramentum Episcoporum, gravius etiam & atrocius esse, quàm juramentum illud Doctorum. Quare nihil mirum, si docti & prudentes Canonici, Episcopatum ultro oblatum repudient, aut si suscipiant, præstito hoc juramento, planè in bestias degenerent. Quantum enim abest à peccato in Spiritum sanctum, si quis Papisticarum abominationum non ignarus, tale tamen juramentum sciens & prudens præstare non dubitat?

Habet autem admirabilem articulum de visitandis liminibus Apostolorum. Qui primum in hoc valet, ut, si Episcopi nimium vivaces diutius obstant, quo minus pallia sæpè redimantur, negata licentia omittendæ hujus visitationis, vel in itinere moriantur, vel Romæ veneno tollantur, vel, si non venerint, ut perjuri deponantur.

Deinde, ut omittendi licentiam, quamdiu Romanensibus commodum videtur, quotannis pecunia numerata obtineant, pro qua ne semel in universum transigant, sed quotannis nova pecunia multentur, etiam per nuncios visitare permittuntur, ex quibus deinde Romanenses nebulones omnia, quæ lubet, expilcantur, maxime optimas præbendas, quas, cum vacaverint, Papa suis stabulariis donet.

Postremo, quod est omnium indignissimum, hoc juramento omnes Episcopi circumventi, capti & intricati, sub Antichristo, tyranno omnium detestabilissimo, in gravissimam & prorsus inexplicabilem servitutem pertrahuntur. Nam nullus Episcoporum hunc articulum implere potest, retinentibus eum vel gravibus negotiis, vel corporis infirmitatibus, vel itineris & bellorum periculis. Cogitur ergo relaxationem juramenti à Papa petere, quod dum facit, non modo verbis, verum etiam re ipsa confitetur, Papam habere potestatem relaxandi omnia juramenta, hoc autem Romanus Pontifex cupide amplectitur, quippe qui hunc articulum in hoc excogitavit. Et si deinde Episcopus aliquis Romanæ tyrannidi, qua opprimitur, contra dicat, & ei modum aliquem statuere nitatur, excommunicatur, deponitur, & subditis ejus juramentum obedientiæ relaxatur.

Porro si Episcopus contendere velit, subditos non posse per Papam ritè solvi ab obedientiæ juramento, tum sibi ipse contradicit, seq; ipsum perjurum constituit, quippe qui seipsum quoque à juramenti vinculo per Papam liberari posse, credidit & petiit, eaq; liberatione fretus juramentum sciens & prudens neglexit, etsi ignorantiam prætexere voluerit, sequetur, ut limina Apostolorum quotannis visitare adhuc teneatur, quod si facit, ad certissimam mortem pergit.

Ergo, ut compendio repetam, quisquis hanc clausulam juravit, cogitur Pontificiæ tyrannidi & libidini per omnia, etiam injustissima & indignissima obedire, aut liberatis per Papam subditis à necessitate obediendi, ab Episcopatu cadere, aut incurrendo perjurii infamiam, seipsum inhabilem reddere, aut servando juramentum, sese tyranno crudelissimo ad indignum supplicium sistere. O fraudes plusquam Sathanicas, o Episcopos effœminatos, qui tam crudelem tyrannidem, tot annis tam serviliter pertulerunt, sexcenties potius mori oportuit, quàm Ecclesiam tam turpiter deserere, & Antichristo dilacerandam & opprimendam permittere.

Consideret igitur Christianus Lector, quid boni ex concilio Papistico sperandum sit, in quo tales Doctores disputabunt, tales Notarii acta publica conficient, tales Episcopi & Cardinales sententias decisivas dicent. Nam præter tales, nemo alius admitti solet, ut clarissime scribitur in libro Ceremoniarum Papisticarum his verbis: In Conciliis non legimus intervenisse statuendi causa, nisi Episcopos & Abbates, & hi tantum decretis subscribebant, Episcopos autem appellamus, etiam Episcoporum Principes, quoniam hæc est suprema in Ecclesia Dei potestas. Inferioris autem gradus Ecclesiasticos viros & Principes seculares, consulendi ac instruendi gratia, non autem decernendi intererant, qui, ut periti ajunt, consultivam vocem habent in Conciliis, non definitivam, sed deliberativam.

Aderunt igitur in conciliis ad statuendum, Romanus Pontifex tanquam Rector & moderator totius Ecclesiæ, Pastor gregis dominici, & omnium Episcoporum



Episcopus, sacer Cardinalium senatus, Patriarchæ, Primates, Archiepiscopi, Episcopi & Abbates, quibus non immerito, & ordinum religiosorum generales Magistri additi sunt, deniq; omnes Prælati, qui secundum formam juramenti, quod præstant cum ad dignitates promoventur, ad synodum venire tenentur. Alii autem ut diximus, differendi, instruendi, consulendive causa poterunt interesse, non tamen in sessionibus publicis induti sacris vestibus sedebunt, neq; sententiam dicent. FINIS.

# ANNVS CHRISTI

## M. D. XLIII.

DUÆ EPISTOLÆ D. M. L. A D. M.  
SIMONEM VVOLFERINVM APVD S. ANDREAM  
Islebiæ Pastorem, de controversia super reliquiis  
Sacramenti Altaris.

**R**atiam & pacem in Domino, Inter tot miseras mee ultime ætatis hoc additur, quod tu, mi Simon, & D. Fridericus Pastor ad S. Petrum in patria mea mihi dolorem peperistis. Nec est, quod canseris ipsum solum audistum te absente, Vidi disputationes & literas tuas, in quibus ita te vindicas acerbè, ac si ille esset perditissimus Papistarum unus, cum sitis ambo unius Civitatis & populi Pastores, maximo scilicet scandalo. Esto te offenderit publica consensio, quod negas, & ego non iudico, Cur non vel lege, vel charitate egisti cum eo? Sed accensus furia te ipsum vindicasti & iudicem te constituisti verbis atrocissimis & cuius Baccho convenientibus magis, quam comministro in comministrum. Neg, enim ille hæreticus est aut hostis doctrina, quem tu tam hostiliter tractas. Vel non est sapiens inter nos aut vos, ad quas referres iram tuam, antequam sic insanires?

Sed ad rem. Non nos à te, sed tu à nobis haud dubie habes, Quod Sacramentum sint actiones, non stantes factiones, Sed quæ est ista singularis tua temeritas, ut tam mala specie non abstineas, quam scire te oportuit, esse scandalosam, nempe quod reliquum Vini vel panis mисces priori panis & Vini? Quo exemplo id facis? Non vides certè, quam periculosas quaestiones movebis, si tuo sensu abundans contendes, Cessante actione cessare Sacramentum. Zuinglium te forte vis audiri, Et ego te Zuinglii insania laborare credam, qui tam superbe & contemptim irritas, cum tua illa singulari & gloriosa sapientia. Non erat alia via, ut simplicibus & adversariis non daretur suspicio, te esse contemptorem Sacramenti, quam ut mala specie offenderes, reliquum Sacramenti miscendo & confundendo cum vino priori? Cur non imitaris alias Ecclesias? Cur solus vis novus & periculosus auter haberi? Hac ita dolenter scribo, ut scias te me offendisse, & spiritum meum contristasse. Tu ipse dicis, nugas esse, & pro nugis ita insanis? Ita sunt nuga nimium seria. Sed tu forte nihil curas, quis offendatur, dum tu evadas Victor nugarum, sed Dominus, cui tu resistis, resistet vicissim tibi.


Quare te hortor, qui scis, aut scire debes, quomodo in Ecclesia sit ambulandum, ut cum D. Friderico redeas in gratiam, & uno corde idem sapiatis, uno ore dicatis idem. Poteris enim ita, ut nos hic facimus, reliquum Sacramenti cum communicantibus ebibere & comedere, ut non sit necesse, quaestiones istas scandalosas & periculosas moveri, de cessatione actionis sacramentalis, in quibus tu suffocaberis, nisi respicias. Nam hoc argumento tolles totum Sacramentum, Nec habes, quod respondeas calumniatoribus, qui dicunt, Inter agendum plus cessat Sacramentum, quam exercetur, Tandem deveniemus ad Cratylæ portentia, ut cogamur actione tantum habere Sacramentum, non intermissione accidentium, Et tandem erit tempus & momentum Sacramenti causa, & alia multa absurda sequentur. Quare esto conformis aliis Ecclesiis, nec illis bellum infero, ne succumbas cum ignominia. Ego certe pro meis viribus tua singularitati & temeritati scandalosa & offensiva adversabor, nec ultimam horam meam

tuis scandalis onerari sinam. Vale in Domino, in Domino, inquam, & istam tuam Vindicta & superbia cupiditatem, praesertim erga fratrem, non haeticum, nec alienum a doctrina nostra, coherce. Feria 4. post Petri & Pauli, Anno 1543.

Martinus Luther D.

Ego Iohannes Bugenhagius Pomeranus D. subscribo sententiae Reverendi patris nostri Lutheri.

# I I.

 Ratiam & pacem, Scilicet ego non turbarer & dolerem, optime Simon VVolferine, qui viderem vos unius oppiduli, unius Ecclesiae populi ministros, in tota doctrina concordēs, tam gladiatorio animo inter vos concurrere propter rem neque perspectam satis vobis, neque tanti momenti, si perspecta esset. Vide tu ipse Propositiones tuas, An respondeant tam tragica vociferationes charitati & fraternitati. Video Satanam vos tentare, ut ex festuca trabem faciat, potius incendium ex scintilla. Poteratis hac mutuo colloquio transigere, cum non contra rabiem Papistarum, sed contra socium ministerii & religionis res esset.

Sanè D. Philippus rectè scripsit, Sacramentum nullum esse extra actionem sacramentalem, Sed vos nimis precipitanter & abruptè definitis actionem sacramentalem. Quare efficietis, ut nullum prorsus videamini habere Sacramentum. Nam si stet illa & festinata, praefixio actionis, Sequetur quod post prolationem verborum, qua est potissima & principalis actio in Sacramento, nullus percipiat corpus & sanguinem Christi, eo quod defuerit actio. Hoc certè non vult D. Philippus, Et generaret ista definitio actionis infinitos scrupulos conscientiarum, & interminabiles quaestiones, sicut apud Papistas disputabatur, An sub primis, mediis vel ultimis syllabis adesset corpus & sanguis Christi. Spectandus est ergo non tantum motus ipse actionis instantis vel praesentis, sed tempus quoque, non mathematica, sed physica latitudine, hoc est, danda est mora actioni huic, & mora in iusta latitudine, ut dicunt ἐν ᾧ ἔστι.

Sic ergo definiemus tempus, vel actionem sacramentalem, ut incipiat ab initio orationis Dominica, & duret donec omnes communicaverint, calicem ebiberint, particulas comederint, populus dimissus & ab altari discessum sit, Ita tuti & liberi erimus à scrupulis & scandalis quaestionum interminabilium. D. Philippus actionem sacramentalem definit relative ad extra, id est, contra inclusionem, & circumgestionem Sacramenti, Non dividit eam intra seipsam, nec definit contra seipsam. Quare curabitis, si quid reliquum fuerit Sacramenti, ut id accipiant, vel aliqui communicantes, vel ipse Sacerdos & minister, Non ut solus Diaconus, vel alius tantummodo bibat reliquum in calice, Sed alius det, qui & de corpore participati fuerint, ne videamini malo exemplo Sacramentum dividere, aut actionem sacramentalem irreverenter tractare, Sic sentio, sic sentis & Philippus, hoc scio.

Deinde hortor vos ad concordiam, & pacem, & ut habetis praeceptum Domini, ita invicem condonetis & reconciliemini, Alioqui sine periculo & scandalo, imo sine gravi ira Dei, non eritis ministri Ecclesiae. Poteritis uti (si vos mutuo colloqui primo timeris) aliis & idoneis personis, qui inter vos mediatores existant. Hac qua tibi scribo, & Vigelio & D. Frederico scripta esse volo. Dominus dirigat corda vestra in charitate & patientia Christi. Boni consulite hanc meam dictationem, scribere enim ipse non potui, cum laborarem è capite.

Quare & orate pro me & exhilarate cor meum, Hoc facietis si intellexero,

Vos reconciliatos in Domino, in quo bene valete, Data VViseimb.

20. Iulii. Anno M. D. XLIII.

Martinus Luther.

ANNVS

ANNVS CHRISTI  
M. D. XLV.ENARRATIO D. M. L. IN  
HOSEAM PROPHETAM, IN PUBLI-  
cis prælectionibus à M. Vito Theodoro Nurm-  
bergensi collecta & edita

ANNO M. D. XLV.

PRÆFATIO IN HOSEAM PRO-  
PHETAM, DE PROPHETARVM LECTIONE,  
& argumento concionum H O S E Æ.Summa doctri-  
nae Prophetarum.

Rophetarum cognitio in Ecclesia valde necessaria est. Nam doctrinam de timore Dei fideliter inculcant, Siquidem reprehendunt in suo populo Idolatriam, fiduciam in homines, impia dogmata, avaritiam, &c. ac poenas horum peccatorum clare ostendunt, Et etiam de fide in Christum docent, dum consolantur afflictos suavissimis Prophetiis de futuro regno Christi. Ideo non Apostoli solum testimoniis Prophetarum sæpè utuntur, sed ipse Dei Filius non uno in loco hortatur, ut assidui in eorum lectione esse velimus.

Christus & A-  
postoli testimo-  
niis Prophetarum  
utuntur.

Non solum igitur inepti, sed planè stulti sunt, qui in Prophetis nihil contineri putant, quàm conciones vetustas, quarum nostro seculo non sit usus. Cur enim Christus Hoseæ testimonio bis utitur, & quidem in gravissimis disputationibus? Nam Matth. 9. agitur de officio Christi, quòd se conjunxerat cum peccatoribus. Alio in loco contra Phariseos disputat, Deo gratissimum esse sacrificium, si afficiamur aliorum necessitate, & non temere judicemus alios. Paulus autem quam apposite hujus Prophetæ testimonio utitur, in prima ad Corinth. Cap. 15. ubi de resurrectione mortuorum per Christum certo futura concionatur? Ad hunc modum liceret aliorum quoque Prophetarum sententias allegare, quibus tum ipse Filius Dei, tum ejus ministri Apostoli novi Testamenti præcipua dogmata confirmant. Sed cum Hoseam jam suscepimus enarrandum, malui hujus unius testimoniis uti, ut tanto Lectoribus esset commendatior, & intelligerent omnes nos rectè in eo enarrando ponere operam.

Prophetarum  
lectio hodie ne-  
cessaria.

Ac profecto nostro seculo Ecclesiæ necessitas assiduam Prophetarum lectionem desiderat, ut intueantur pii in promissiones de regno Christi, quas veteri Ecclesiæ tam magnificè Prophetæ commendarunt. Nam in tot ac tantis calamitatibus quid aliud est, quo nos possumus erigere & consolari, quam quod etsi oppressi variè laboremus, tamen hujus regni vera membra sumus, in quo agnoscimus nos sociatos marito nostro Christo, sicut in 2. Cap. Hoseas suavissimè concionatur, & speramus, post tot casus, post tot discrimina rerum, potituros nos victoria Christi, qua mortem vicit, & evertit infernū, Sicut in 13. Hoseas promittit. Hanc enim spem si ex oculis removeris, quid est, quod consolari animum Christianum possit? Verè enim Paulus in ea ipsa disputatione, in qua nostri Prophetæ testimonio utitur, dicit, nos omnibus hominibus miserabiliores esse, si tantum in hac vita in Christum speramus, & non futuræ ac æternæ vitæ spem certam circumferimus inclusam animis nostris. Ideo Prophetæ quoque etsi summo cum dolore sui populi imminentes calamitates expectarent, & impiæ multitudini vero zelo succenserent, Tamen quoties delabuntur in illas de regno Christi Prophetias, subito gaudio

Hose. 1.  
Hose. 13.  
1. Cor. 15.



gaudio perfusi, & stomachum & sensum omnem humanarū calamitatum amittunt. Quid enim metueret? quid recusaret omnium incommodorum, quæ hæc vita habet? quid querularetur is, qui Deum per Christum reconciliatum novit, & se statuit ad communionem meritorum Christi vocatum esse?

Itaq; his perturbatis temporibus, quæ non solum Reipub. sed Ecclesiæ quoque minantur, Prophetarum conciones utiliter Ecclesiis proponuntur, non solum ut similitudine quadam eventuum pii se consolentur, Sed etiam ut altius infigant animis opes regni Christi, quas à Prophetis tam magnificè vident commendatas, cum tamen non ut nos hodie, exhibitas eas viderent, sed crederent post multa secula exhibendas mundo. Quia autem Ecclesia in hac vita tale est corpus, quod multa vitiosa membra habet, etiam eam ob causam Prophetarum lectio est utilis, quia habet crebriores & graviore oburgationes. Etsi enim Christus & Apostoli quoque minantur facinorosis, & graviter reprehendunt vitia, tamen Prophetarum conciones ideo ad deterrendos malos aptiores, & ad timorem Dei inculcandum efficaciores sunt, quia semper certas poenas flagitiosorum addunt, quas eventus postea ostendit non fuisse vanas. Atq; hæc quoque causa fuit, cur Prophetarum ministerium tam esset grave. Non enim hoc solum mandatur Ionæ, ut Ninivitas revocet in viam, & de vero Dei cultu ac sancta vita moneat, jubetur etiam, ut certo prænunciet intra dies quadraginta perituros.

*Doctrina de moribus.*

Ad hunc modum Hoseas non solum docet regnum Israël de vero cultu, & revocat ab idolatria, Sed certo minatur Assyrium venturum, & ferro ac igni vastaturum omnia, populum autem captivum inter gentes mansurum, nec posthac splendidum illud nomen habiturum, quod sit populus Dei. Cum autem conferimus historias, eventus probat Prophetam nihil esse mentitum. Itaq; inter Doctores novi Testamenti & Prophetas magna differentia est, Non quo ad doctrinam. Nam utrique reprehendunt impietatem, & docent fidem in Christum, minantur quoq; utriq; peccatoribus poenas, Sed Prophetæ certas revelationes habent, de certis poenis, certo tempore, per certos homines infligendis. Nos hodie in genere tantum minamur impio mundo, nec habemus certam revelationem, per Turcam ne, an per alias pestes, Deus impietatem nostram visitaturus sit. Sunt autem harum minarum, quas nos in genere flagitiosis proponimus, insignes testes Prophetæ. Itaq; ad revocandos homines à peccatis, & ad docendum timorem Dei mire sunt utiles.

*Differentia inter Prophetas veteris & novi Testamenti conciones.*

Sed postquam in genere breviter de Prophetarum concionibus diximus, nunc de Hosea peculiariter instituenda oratio est, qui quo tempore vixerit, ipse docet in titulo, cum Reges nominat, quorum temporibus in ministerio fuit. Amos & Esaïas etiam Vsiæ temporibus fuerunt, sed Amos videtur major natu, Esaïas autem minor natu. Nam usq; ad Manasse tempora vixisse & ab eo occisus esse creditur. Hoseas autem prius in ministerio fuisse judicatur, quam vel Micha vel Esaïas. Et extat locus 2. Reg. 14. qui ostendit Hoseam primum fuisse, qui cum Amos, deinde cum Micha & Esaïa vastationem regno Israël prædixit. Ita enim loquitur de tempore Ierobeam regis Israël, Nec locutus erat Dominus, ut deleret nomen Israël sub coelo. Igitur etiam hac ratione ministerium Hoseæ fuit periculosius, quod minas antehac nunquam auditas in hoc populo attulit de decem tribubus penitus vastandis. Hic primum admonemur, quam Deo curæ sit Ecclesia, qui tantos viros illis temporibus dedit, cum jam regno Israël impenderet extrema vastitas propter Idolatriæ peccatum. Dicunt igitur etiam hodie hi quatuor Prophetæ vivum de Deo testimonium, quod verè talis Deus sit, qui non velit mortem peccatoris, sed tanquam bonus Pastor quærat errantem oviculam per Verbum suum, ut convertatur & vivat. Tanto igitur hominum pertinax impietas magis deploranda est, quæ tam benigni Patris consilium & quotidianas voces non admittit, sed pergit in peccatis, donec tandem cogatur Deus, sicut per Verbum suum tempore visitationis minatus est, eos perdere.

Non igitur frustra erunt torpiæ commonitiones, quibus hodie impium Papatum,

Papatum, & induratum Episcoporum ordinem ad sanam doctrinam & pios cultus invitamus, Et sentient illi quoque, quia apud nos impia sua vita Evangelium dehonestant, suas poenas. Ideo enim Amos, Hoseas, Micha & Esaias mittuntur, ut populus metu futurae iræ ab Idolatria cesset, & amplectatur veros cultus. Sed quia pios monitores regnum Israël securè negligit, & ad reliqua peccata etiam Verbi contemptus accedit, dat meritas poenas impietatis. Regnum Iuda quoque, in quo verus cultus erat, etsi non destruitur planè, tamen per Assyriam variè affligitur, donec tandè, sicut Micha & Esaias vaticinantur, à Babylonius penitus vastatur. In hæc exempla intueri utile est, ut cogitemus Deum non frustra hoc tempore lucem Verbi sui dedisse Germaniæ. Profecto enim magna calamitas sequetur, si ad hunc modum Episcopi & Reges se opponere Evangelio pergent, & reliquum vulgus nihil minuet de avaritia, luxu, libidine, & aliis vitiis, quæ omnibus temporibus certissima signa futurarum mutationum in regnis & Rebus pub. extiterunt.

Postquam autem de tempore Hoseæ constat ex titulo, operæ precium fecerit Lector, si illorum Regum quos nominat, res gestas, præcipuè autem regni Israël historiam diligenter inspexerit. Ibi enim causæ tantarum calamitatum recensentur, Quanquam eas Propheta quoque diligenter commemorat. Disertè enim ostendit sibi cum regno Israël ea de re præcipue agendum esse, quod etsi aliis quoque peccatis esset variè pollutum, tamen Idolomania nullum faceret finem. Nam primus ex Ierobeam contra verbum Dei instituerat peculiarem cultum erectis vitulis in regno Israël, cum totus populus juberetur non nisi Hierosolymis & in templo sacrificare. Ad hanc Idolatriam Ahab adjecerat etiam cultum Baal in Samariæ monte. Etsi autem Ierobeam, cujus hic Hoseas meminit, satis in imperio felix fuit, tamen quia retinuit idolatricos cultus, à filio Nebat institutos, minatur ejus posteritati Propheta exitium. Nam in ejus filio Zacharia, qui post sextum regni mensem occiditur, posteritas Iehu definit, & vexatur regnum longis & gravibus seditionibus ac turbis, donec tandem à Tigleth Pilesser Assyrio, tribus Naphthali abducitur captiva, Reliquum autem regnum graviter affligitur, & postremo à Salmanasser penitus occupatur & vastatur. Hic idolatriæ finis, hæc præmia impiorum cultuum, oppressæ sanæ doctrinæ & indignarum cædium ac crudelitatis in Prophetas, extitit.

*Papa Ecclesia reprehendenda.*

Igitur Hoseas hoc præ reliquis eximium habet, quod plurimus est in reprehendenda idolatria, quam foedo nomine adulterium & fornicationem appellat, ut pios à tanti peccati foeditate absterreat. Atque hoc nomine etiam nostris temporibus aptior hæc lectio est, ut admoniti impiam Papæ Ecclesiam plenam idolatricis cultibus fugiamus. Non enim eos probo, qui Papistas suo malo genio relinquendos censent, & moderationem vocant, si quis pro concione non sapius in eos invehatur. Si enim puritas doctrinæ retineri debet, & populo veri cultus commendari, profecto magna necessitas omnibus piis Doctoribus incumbit, ut sæpè populum de vitiis impiae doctrinæ in Papatu & falsorū cultuū poenis doceant. Reliqua n. peccata etiā imperiti judicare possunt. Sed has veras Ecclesiæ pestes, non solum vulgus non intelligit, sed etiam fucosis commendationibus à Pseudoprophetis audit ornari. Igitur pios Doctores Hoseæ exemplum decet imitari, ut magno animo reprehendant cultus idolatricos, & ad sanam doctrinam auditores invitent. Nam hoc argumento ferè conciones suas Hoseas instituit.

Ne autem pii, qui genua sua Baal non flexerant, prorsus sine omni consolatione in tantis publicis periculis essent, aspergit non semel jucundissimas regni Christi descriptiones. Addit quoq; Prophetias de Synagogæ ruina, pertinaciter retinentis Mosaicas ceremonias, & Evangelii doctrinam rejicientis. In sexto & decimo tertio Capite resurrectionis mortuorum & futurae vitæ meminit. Ac passim insectatur Pseudopphetas, qui se veris Doctoribus opponebant & invitabant homines ad idolatriam. Hæc ferè hujus Prophetiæ capita sunt, quam claudit Propheta insigni cohortatione ad poenitentiam, ut populus agnoscat peccata sua, & amplectatur Evangelium, in quo remissio peccatorum per CHRISTUM offertur. Hæc de Propheta.

phetarum lectione, & hujus Prophetæ concionibus satis sint. Nunc ordine textum explicabimus.

# CAPUT I.

*Verbum Domini, quod factum est ad Hoseam filium Beer, in diebus  
Usie, Iothan, Achaz, & Iehiskia regum Iuda, & in diebus Ie-  
robeam filii Ioas Regis Israel.*

**N**on tribum, non patriam nominat, Tantum parentis nomen ostendit, qui fortasse & ipse, aut Propheta fuit, aut Doctor. Habet enim nomen à docendo. Regum autem nomina pertinent ad ostendendum tempus, quo Propheta docuit. Ac Ierobeam nō solum fortunatus rex fuit, Nam & Syros repressit, & veteres regni fines usq; ad Damascum recuperavit, Sed etiam longo tempore tenuit regnum. Nam quadraginta & uno anno regnavit. Cū igitur hoc tempore regnum Israël maximè floreret, penè ridiculum fuit minari Prophetam vastitatem. Sed ita fit, contritionem, ut Salomō dicit, præcedit superbia, & ruinam exaltatio spiritus. Quia enim Deus non statim pœnas infligit, sed pergit benefacere ingratis, & expectat, sicut apud Esaiam est, num vinea sua velit fructum producere, paulatim indurantur impii, & cumulant sibi iram & pœnas. Nec dubium est, quin impius Rex Ierobeam tantos successus retulerit acceptos suæ religioni, seu, ut verius dicam, potius Idolatriæ suæ. Nam hoc manifestè Regum historia tradit, retinuisse eum Idolatricos cultus institutos à Ierobeam filio Nebat. Sic nostro seculo impia Papæ turba largam pacem & alia commoda superiorum temporum accepta fert cultibus, qui eo tempore floruerunt, Contra præsentia incommoda bellorum, annonæ, pestilitatis, imputat Evangelio.

*Rex Ierobeam  
filius Ioas.*

Sed historia 2. Reg. 14. veram causam successus sub impio Rege ostendit, nempe, quod populus tum varie fuerit afflictus à Syris. Deum igitur pro sua misericordia etiā erga malos fuisse beneficium. Sic enim dicit Scriptura: Vidit Dominus afflictionem Israël amarā nimis, & quod consumpti essent usq; ad clausos carceris & extremos, & non esset qui auxiliaretur. Nec locutus est Dominus, ut deleret nomen Israël sub coelo, sed salvavit eos per manū Ierobeam. Hæc vera causa successus est, quò Deus etiā in malos est beneficus, nec vult perdere, nisi prius benè admonitos per Verbū. Meruerant igitur peccata exitium, Sed quia Dominus exitiū per verbum nondū prædixerat, ideo salutem afflictis misit, & in illo successu etiam addidit majus donū, fideles Doctores, qui & hortabantur ad pietatē, & idolatriā damnabant. Sed hoc beneficium Verbi cū negligerent impii, & successu illo contra Verbum & Prophetas abuterentur, secuta tandem est vastitas. Non igitur frustra est, quod historia addit, nondum locutum Dominū, quod vellet Israël delere. Qui nostrum seculum diligenter considerat, similitudinem aliquam istorum temporum videbit, Quare etiam eventum similem merito timemus.

*Hoc est principium, quando Dominus locutus est per Hoseam, & Dominus ad Hoseam dixit: Vade, & sume tibi uxorem fornicariam, & filios ex fornicatione natos. Quoniam terra Domino relicta turpiter fornicata est. Abiit igitur & accepit Gomer filiam Diblaim, quæ concipiens peperit ei filium.*

Hoc est propheticum exordium, quod initio allegat vocationem divinam, ac bis Domini meminit, quod locutus sit. Pertinet autem hoc non solum ad Prophetam excitandum, ut magno animo demandatum munus obeat, sed etiam ad auditores cohortandos, ne dum Prophetam sibi jure videntur negligere, Deum negligant, qui iussit talia per Prophetam nunciari. Igitur hīc tacitè primum Præceptum

*Prophetæ  
exordium de  
vocationis cer-  
titudine.*



inculcatur, ut populus Israel Deum suum loquentem audire velit. Nam cum sit Deus ipsorum, non frustra eis concionatur, nec impune feret à suo populo contemni Verbum suum. Similem rationem secuti sunt Apostoli in exordiis suorum scriptorum, dum se vocatos Apostolos & servos Iesu Christi profitentur.

Porro offendit hic fere omnes interpretes absurditas mandati, quod jubetur Propheta fornicariam ducere. Itaq; alii tantum allegoriam sequuntur, Alii judicant Prophetam se humiliasse, & matrimonio legitimo ex mandato Domini sibi junxisse meretricem. Isti autem omnium maximè inepti sunt, qui sentiunt Prophetam ipsum fornicatum esse cum meretrice, & hujus fornicationis autorem & impulsorem constituunt Deum, ac eam excusant similitudine illius furti seu spoli in Aegypto, quo populus Israel præcepto Domini vasa aurea & argentea ablata Aegyptiis extulit, Existimantes eadem ratione excusari posse fornicationem, qua excusabantur Iudæi, Aegyptiorum aurum & argentum auferentes. Sed longe maxima hic dissimilitudo est. Nam factum Iudæorum non solum excusat autoritas divina, Sed etiam ratio seu naturæ jus, quod præmia constituit mercenariis. Oppressi igitur diutina tyrannide Iudæi, tandem ita jubente Deo mercedem suorum laborum ferunt ab ingratis Aegyptiis. Erat igitur hoc opus non furtum, sed justa merces, debita Israelitis pro tam longa & officiosa servitute, quam Deus summus & iustissimus Magistratus & Iudex ipsis tribuit.

*Fornicatio nam-  
quam est excu-  
sabilis.*

Hic autem nullum jus fingi potest, quod fornicationem excuset. Nam legiti-  
mas nuptias non solum divinæ leges, sed etiam naturæ jus exigunt, Nec unquam ac-  
cidere potest, ut Deus præcipiat aut approbet vagas libidines, seu non legitimam  
conjunctionem viri & mulieris. Quia hæc est immutabilis ejus voluntas, ut conjun-  
ctio viri & mulieris sint legitimæ nuptiæ, sicut dicitur, Erunt in carnem unam, id est,  
inseparabiliter conjuncti. Et perpetua est autoritas dicti, Scortatores & adulteros ju-  
dicabit Deus. Et probant hanc Dei voluntatem quotidianæ poenæ, quibus cumulate  
scortatores & adulteros plecti videmus, Non enim corpora solum descendant certi  
morbi ad hoc peccatum destinati, Non solum oeconomiae & facultatum ruinam pro-  
miscua libido secum affert, sed etiam polluuntur animi. Quomodo igitur Deus, aut  
in quem finem cogeret ad fornicationem Prophetam? Et si docendus fuit populus  
de Idolatria, an non potuit doceri, nisi Propheta fornicaretur? Aut putabimus Do-  
ctorem tali crimine pollutum plus autoritatis ad ministerium afferre, ac non potius  
ministerium in contemptum adducere? Vere enim, qui sana docet, & turpiter vivit,  
sicut eleganter Nazianzenus dixit, una manu porrigit, quod altera rapit.

*Mat. 19  
1. Cor. 6.  
Ebr. 13.*

*Propheta legiti-  
mo conjugio  
usus.*

Quæ igitur Prophetæ sententia est? Verba enim manifesta sunt, Abiit Pro-  
pheta, & duxit in uxorem Gomer filiam Diblaim, quæ concepit & peperit ei filium.  
Respondeo, Prophetam fornicatum esse, palam absurdum est, & pugnat non solum  
cum natura, sed etiam cum mandato Dei, Quod autem duxerit scortum etiam ab-  
surdum est. Nam cum in re turpitudine sit (honestæ enim debent esse nuptiæ, præser-  
tim Doctorum in Ecclesia) merito hanc sententiam repudiamus. Restat igitur, ut sta-  
tuamus Prophetam legitimo conjugio hanc mulierem uxorem duxisse, non aliquod  
sordidum scortum, sed filiam honesti civis, & honeste educatam, quod & nomen pa-  
tris hic additum indicat. Nam quod aliqui dicunt, hic non narrari historiam, nec hæc  
ita gesta esse, sed tantum in visione ostensa Prophetæ, id non consistit. Nam si hoc  
admittas, data est occasio eludendi alia similia exempla prophetica, qualia multa fa-  
cta scribuntur, ut essent signa & testimonia Propheticarum concionum publice pro-  
posita populo, Vt de Esaia, qui scribitur obambulasse nudus & discalceatus, ut esset  
signum & portentum Aegypto, Cap. 15. Et de Ieremia, qui aliquandiu gestavit in col-  
lo jugum & catenas Cap. 26. Item Ezechieli prædicitur eodem die morituram uxore,  
& interdicitur, ne lugeat, cumq; id & prædiceret, & ipso facto populo ostende-  
ret, quærit populus, quid ista significant? Quid autem hic moveretur populus, aut in-  
telligeret sibi ab Hosea divinitus significari, si hæc tantum in visione soli ipsi ostensa,  
non gesta, & ipso facto in populum prolata fuissent?

*Isa. 15.  
Jer. 26.  
Ezech. 2.*

Cur

Cur igitur, cum uxorem jubeatur ducere Propheta, & ex ea suscipere liberos, dicitur ducere uxorem fornicationum? & quod mirabilius est, gignere filios fornicationum, qui certè non fuerunt nothi, etiamsi ejus uxor ante conjugium fuisset fornicaria. Mira res est, Propheta singulariter vocatur, ut populi Idolatriam accuset, & prædicet de poenis secuturis, scilicet de vastatione & rejectione populi & totius politiae, & quia tamen necesse est juxta promissiones divinas servari aliquam Ecclesiam, addit consolationem piis necessariam, de servandis aliquibus reliquiis, & de vocatione Gentium. Ut igitur serio testetur, se divino mandato accusare populum Idolatriæ, & prædicare certo secuturas poenas, hoc velut gestu & signo id populo ostendit. Iubetur ductam uxorem & susceptos filios, velut traducere hoc infami nomine, ut ipse eos vocet, & divinitus sic vocari testetur, uxorem & filios fornicationum, videlicet, ut significet totum populum esse talem coram Deo, reum & daturum poenas idolatriæ, seu desertionis à Verbo, fide & vero cultu hujus Dei, qui se datis promissionibus huic populo patefecerat, & eum peculiaribus testimoniis & miraculis vocatum selegerat ex aliis gentibus.

Hoc in scriptura Prophetica usitatè vocatur fornicatio, à fide Verbi traditi & cultibus à Deo mandatis desiscere, & sequi doctrinam & cultus humano consilio & electione. Est igitur & in vocabulo fornicationis allegoria, & ipsum factum Prophetæ ceu gestus seu pictura quædam, significans accusari idolatriam, q. d. Duxi uxorem, & ex ea suscepi liberos mandato divino, Sed qualem uxorem, quales liberos? quid habeo, nisi & uxorem & filios fornicationum? Quid ita? quia hic totus populus talis est, sicut hinc inquit, clavis verbis addens interpretationem, Fornicans fornicatur terra à Domino. Ideo cogor eos ipse hoc probroso nomine vocare uxorem & liberos fornicationum, *Ein Weib der Hurerey / vnd Kinder der Hurerey* / Sicut & de poenis etiam nomina imposita liberis significant, Loryhamo, & Loamni, Non misericordiam consecuta, & non Populus meus.

*Fornicatio.*

*Sententia Prophetæ.*

Quod hæc hujus totius loci sententia sit, sequentia satis ostendunt (sicut dixi) cum ait: Terram relicto Domino fornicatam, hoc est, alienos Deos & cultus secutam esse. Nam de idolatricis cultibus omnino hæc intelligenda sunt. Sicut autem impius Papatus verbis quidem Christi nomen & meritum, Baptismum, Eucharistiam & alia non negat, ipso autem opere negat, dum præter meritum Christi & gratuitam remissionem peccatorum, propria merita statuit, Ita impii idolatriæ in regno Israël volebant haberi veri cultores veri Dei, à quo ex Ægypto essent educti. Sed quia discedebant à cultu divinitus mandato, etsi ore dicerent, se Deum Israël colere, tamen veri idolatriæ erant, & jure dicebantur à Deo, sicut fornicaria mulier à marito, discessisse. Non enim Deum, sed cordis sui figmentum & opiniones, quas ipsi sine verbo Dei de Deo finxerant, colebant. Deus autè tum demum verè colitur, cum secundum Verbum suum colitur, hoc est, cum animi reverentur, & timent Deum, Deinde etiam Dei bonitati fidunt. Hi præcipui & interni cultus sunt, hos postea etiam externi cultus sequi debent, non quales nos nobis fingimus (sicut Papatus finxit Missas, vota, intercessionem Sanctorum, merita Sanctorum distribuenda in Ecclesia, jejunia, & ideo idolatriæ crimen effugere non potest) sed quales præscribit Dei verbum seu secunda tabula.

Iudæi igitur, qui relicto mandato Dei de templo Hierosolymis, sacrificabant in Dan, Bethel, Gilgal, in monte Samariæ & lucis, etsi verum Deum se colere sentirent, tamen erant odiosi Idolatriæ. Nam ut de corde impio nihil dicamus, & loci & personæ ratione vitiosus erat cultus. In regno enim Iuda sacrificia mandata erant, & sacerdotium administrabat ex mandato tribus Levi, Sed Ierobeam in regno Israël, contra mandatum Dei sacrificabat, & sine discrimine vilissimos ex plebe ad sacerdotium admittebat, etiam pecunia vendens officium divinitus certæ familiæ assignatum, Sicut pontifices hodie Episcopatus & alia Ecclesiastica munera vendunt. Hanc cultus mutationem non solum imitati sunt reliqui Reges Israël, sed Ahab adjecit ethnicum cultum Idoli Baal in monte Samariæ. Nihil enim dubium est, quin Baal

*Idolatria in regno Israël.*

*Cultus Baal.*

Belus sit à Gentibus cultus. Sicut etiam gentilium historiarum testantur. Rectè igitur discessio hæc à Deo & idolatria judicatur. Siquidè pugnabant hic cultus cum mandato, & erant mera inobedientia. Deus autem, sicut Samuel concionatur, mavult obedientiam quàm victimam, & rebellionem non minus odit quàm incantamenta, in quibus non solum à Deo disceditur, sed homines etiam Satanæ supplices fiunt, & ejus, tum operam, tum opem requirunt.

*Idolatria comparatur adulterio.*

*Promissio signis externis confirmata.*

Dixi de mandato factò ad Hoseam, nunc etiam id explicandum est, quod ferè per singulas Prophetiarum partes repetitur, & tum à Mose, tum aliis Prophetis frequenter usurpatur, nempe, cur Scriptura idolatriam cum fornicatione seu adulterio comparet? Est autem mire apta similitudo, si circumstantias omnes consideres diligentius. Sicut enim maritus se cum uxore conjungit, ita Deus omnibus temporibus sibi adjunxit Ecclesiam. Nam statim postquam primi parentes lapsi sunt, Deus promisit liberationem per semen mulieris. Hanc promissionem postea non solum repetivit, sed etiam multis externis signis confirmavit. Abraham promittitur manifesta benedictio, & additur signum circumcisionis, ut etiam denotato populo, & quasi designatis promissionis hæredibus, certa esset benedictio. Moses quoque populum, qui circumcisionem habebat ex mandato Domini, instituit de externo cultu, & addit Dominus manifestum pactum, se fore Deum hujus populi, si servant mandata, sin autem à mandatis suis discedant, se quidem servaturum promissa, etsi alium populum sibi adjuncturus sit. Hujusmodi promissiones omnes nihil aliud sunt, quàm amica invitatio, sicut Christus in Evangelio loquitur, ad nuptias, ubi ipsi hospites seu Ecclesia sunt sponsa, & offert ei sponsus quicquid habet bonorum. Sic enim invitantur hospites, ut nuncietur eis omnia esse parata. Ad has promissiones respiciunt Prophetæ, cum idolatriam fornicationem vocant. Significant enim, quòd Deus tanquam maritus se adjunxerit populo suo, & eum variè ornaverit, sed populum oblitum horum beneficiorum tanquam sponsam discessisse à sponso, & se cum alienis conjunxisse.

*Gen. 3.*

*Locum Ezechiel in cap. 16. explicatum.*

Ad hunc modum concionatur Propheta Ezechiel cap. 16. de populo veteris Testamenti, dicit eum ortum ex gentibus, natum tanquam puellam umbilico non præciso, quæ nec lota in salutem, nec sale conspersa, nec involuta pannis est. Talis enim origo fuit hujus populi, sicut & Iosue & Stephanus testantur, ut simpliciter per misericordiam Dominus Abraham assumpserit ex mediis gentibus, & ex idolatra fecerit sibi servum. Misertus enim generis humani, hunc quali ramum ex arbore totius generis humani decerpfit, ex quo sibi plantaret populum quasi hortum. Ea fuit quali prima ætas populi veteris Testamenti. Cum autem jam coepisset multiplicari populus, & tanquàm puella matura esse viro, ibi inquit Dominus, adhuc nuda & confusionis plena eras, ac erat tum tempus, quo amari poteras. Primum igitur expandi amictum meum super te, & ignominiam tuam operui. Nam cum populus in Ægypto multiplicatus esset, & jam penè in Gentium idolatriam involutus, ibi demum ostendit Dominus misericordiam suam, & ingressus ad hunc populum, quasi ad puellam, per Moysen, inivit cum eo pactum. Hic vides omnia gesta, tanquam à sponso cum sponsa. Postquam autem populus hujus pacti oblitus, se cum alienis Diis conjunxit, An non verè & propriè hæc fornicatio & adulterium dici potest?

*Iosue 24. Act. 7.*

*Filius Dei sponsum Ecclesiam.*

Sed tum demum verè hoc pactum absolutum est, cum Filius Dei caro factus est. Ibi enim se tanquam sponsus cum sponsa conjunxit, & nos jacentes, sicut Propheta dicit, in sanguine peccati originalis abluit, unda seu aqua baptismi, quo baptizamur in mortem filii Dei. Hæc enim vera à sanguine emundatio est. Deinde ungit oleo, hoc est, donat per baptismum Spiritum sanctum, vestit discoloribus, dum variè excitat animos, ut obediant legi Dei. Itaque Paulus quoque hac ipsa similitudine utitur, cum dicit Ephes. 5. Christum nutrire & fovere Ecclesiam suam tanquam membrum corporis sui, carnem ex carne ejus, & os ex ossibus ejus. Hæc beneficia etsi per Christum demum sunt exhibita, tamen & promissa sunt populo veteris Testamenti, & qui promissionem hanc acceperunt fide, salvati sunt.

*Ephes. 5.*

Quod



Quod igitur & populus in veteri Testamento à tam benefico Deo discedit, & nos hodie obliti beneficiorū Christi, Verbum & cultus ab ipso institutos & mandatos negligimus, & ea sequimur, quæ verbo neq; ostensa nec mandata sunt, sed cum verbo pugnant, hoc peccatum quomodo potest aptius describi, quàm illa similitudine fornicationis seu adulterii? Nam hoc uno crimine omnia ista comprehenduntur, quòd Deus immensam suam gratiam erga indignos, & verè in sanguine nostro volutantes declarat, Quòd nos tā benefico Deo ingrati sumus. Quòd extrema indignitas hæc est, à tam munifico, clementi & benevolo marito discedere, apud quem in summo honore sumus, & conjungere nos cum iis, qui ad turpitudinem tantum abutuntur & rebus & animabus nostris. Hic enim non tantum perfidia, sed etiam extrema amentia conspicitur.

Postremò hæc similitudo ob oculos ponit justum zelum Dei, qui non potest hunc contemptum ferre, Sicut impossibile est, ut maritus, honestatis amans, possit a quo animo ferre uxoris amores inhonestos. Sicut profecto Ezechiel hunc ipsum locum egregie tractat. Hæc hujus similitudinis propria sunt, & profecto diligenter consideratæ circumstantiæ omnes foeditatem Idolatriæ egregiè ob oculos ponunt.

Sed præter hæc similitudo ista etiam furorem pingit, quo Idolatræ corripuntur. Sicut enim impudica mulier nihil aliud somniat, etiam vigilans, quàm amores adulteri, & paratissima est ad omne genus veneficiorum & cædium, Ita idolatræ ingenti odio veræ religionis incensi sunt, & lummo studio urgent & tuentur idolatriam. Non parcant ministris Dei, non parentibus, non magistratui, non liberis, Quisquis se eis opposuerit, hunc immani odio prosequuntur, nec quiescunt priusquam sustulerint e medio, Sicut Pharisaicum odium contra Christum & Apostolos, Item Papistarum odium contra nostras Ecclesias ostendit. Sic nimirum & Gentium historiæ, & Poëtarum quoque fabulæ horribilium parricidiorum & atrocissimarum cædium meminerunt, ut insanis amoribus adulteri possent frui.

Ergo aptissima hæc figura est, qua idolatria comparatur fornicationi. Et quia manifestam turpitudinem res habet, etiam eo pertinet, ut à tam gravi peccato abducantur homines. Nam Monachus, si intelligeret, cum Francisco aut Dominico nomen dat, & inusitato vitæ genere ac operibus quærit justiciam, se à Deo discedere, & adulteræ more violare pactum cum Deo in Baptismo initum, An non putas, veniam precaretur, & se cum Deo suo per veram pœnitentiam denuo conjungeret? Monasterium autem, Missas, jejunia, preces idolatricas, vestitum hypocriticum, & reliqua superstitionis tanquam nocentissimam pestem fugeret? Ad eum modum sic statueret, intercessionem & cultum Sanctorum, impurum coelibatum, & totam humanarum traditionum turbam apostasiam à Deo seu adulterium esse, profecto non solum ipso peccato, sed etiam turpitudine rei moveretur, ne in Deum suum tam esset ingratus & impius.

Qui igitur verè Ecclesiam Papæ volet pingere, comparet omnino Papistarū studia & cultus turpi adulterio. Siquidem Christum, in cujus mortem baptizati sunt, gratis offerentem justiciam, negligunt, & sequuntur hominum traditiones, ac cordis sui studia, per quæ justiciam sibi & aliis promittunt. Rectè igitur ad Prophetarum imitationem, Antichristum Apocalypsis comparat cum scorto, & vocat magnam meretricem Babylonis. Hujus fornicationis & tam turpium adulteriorum patroni, hodie sunt Episcopi. Horum parastatæ & satellites sunt impii Doctores, stupidæ Cochleæ, clamosi & ebriosi Eccii, scabiosi Pighii, hypocritæ VVice-  
lii, & quicquid hujusmodi farinæ est, quos Episcopi in hoc alunt, ut impios cultus commendent imperito vulgo, ac ad foeda adulteria invitent. Sed quæ pœnæ hanc impietatem secuturæ sint, Propheta jam indicat.

*Dixitq; Dominus ad eum, Voca nomen ejus Iezreel, quoniam adhuc modicum est, & visitabo sanguines Iezreel super domum lebu, & delebo regnum domus Israel, Et in die illa frangam arcum Israel in valle Iezreel.*

*Zelus Dei.*

*Furor Idolatrarum.*

*Pharisaicum odium contra Christum.*

*Monachi adulteri.*

*Intercessionem & cultum Sanctorum.*

*Pictura Ecclesie sic Papæ.*

*Haec enim de  
prophetis, nunc  
de populo.*

Hæc altera pars hujus primæ Prophetiæ est de regno Israël. Nam quod Propheta jubetur ducere, quam vocat uxorem fornicationum, id pertinet ad significandum peccatum hujus populi, quod idolatria corruptus discesserat à Deo, & vero Dei cultu. Nunc cum ex ea filius nascitur, mandat Dominus, ut ponatur puero nomen Iezreel. Pertinet autem hoc, sicut ipse Propheta ostendit, ad significandam poenam, quam populus impia fornicatione erat meritus. Sed quæras quomodo? Vocabulum Iezreel venit à verbo Zara, quod seminare significat. Quia autem hic populus eo nomine maximè superbiebat, quod norat se esse Dei populum, & tanquam vineam ab ipso Domino plantatam, atq; ideo secure contemnebat minas Prophetarum. Ideo Deus hoc ipsum nomen jubet imponi, sed longè alia ratione, quam hætenus à populo usurpatum erat. Nam nomine Iezreel, quod factum est à seminando, gloriabatur, quod esset populus à Deo seminatus & propagatus, sed Propheta vocat Iezreel ideo, quod Deus velit eum ob peccatum Idolatriæ diffeminare in gentes. Sicut enim semini terra opus est, in quam condatur, ita populum hunc Dei semen vocat, quod ipse Deus erat eum tanquam semen dispersurus in longinquas gentes.

*Iehu ultor Ilo-*  
*phetae.*

Hanc sententiam ipse Propheta ostendit. Siquidem subjicit de visitandis sanguinibus domus Iehu, & evertendo regno Israël. Sed offundunt huic quoque loco variaz interpretum sententiæ caliginem. Quia enim historia docet, Iehu ambos reges Iuda & Israël sustulisse, ac deinde in posteritatem impii regis Ahab & in Prophetas Baal gladio grassatum esse, putant quidam hoc loco de illis cædibus Prophetam loqui. Statim igitur difficultas nascitur, cur Deus hoc in loco poenam minetur posteritati Iehu, ob effusum sanguinem. Cum tamen & probet factum Iehu Deus, & ideo in quartam generationem ei promittat regnum Israël, tanquam præmium rei benè gestæ. Ac profecto non ita facile est hæc conciliare. Non enim cadit in Deum illa inconstantia, ut quod semel probavit rursus improbet. Statuamus igitur Iehu non peccasse, cum ex mandato Dei in impios Reges & posteritatem eorum, deinde etiam in sacerdotes Baal grassatus est. Non enim cum ista faceret, privatus fuit. Nam & unctus prius in Regem erat à Propheta, & acclamavit ei populus. Et accedit ad hæc non solum mandatum Domini per Prophetam, ut ista faciat, sed Dominus factum etiam probat. Sic enim dicit: Quia studiosè egisti, quod rectum erat & placebat in oculis meis, & omnia, quæ erant in corde meo, fecisti contra domum Ahab, filii tui usque in quartam generationem sedebunt super thronum Israël.

*Peccatum Iehu quale.*

Quod igitur peccatum Iehu est, seu quid sunt sanguines isti, quos Dominus super domum Iehu se visitaturum dicit? Nimirum aliud nihil quam quod statim historia Regum subjungit, sic dicens: Porro Iehu non custodivit, ut ambularet in lege Domini Dei Israël in toto corde suo. Non enim recessit à peccatis Ierobeam, qui peccare fecerat Israël. Igitur sicut suprà idolatriam appellavit Propheta fornicationem, ita hic novo nomine (damim) sanguines appellat, Neq; longius inquirenda hujus appellationis ratio est. Nam idolatria semper cum cædibus & sanguine conjuncta est. Quia enim pii Doctores non possunt connivere ad impios cultus, sed mandato Dei damnare eos, & revocare populum ad sanam doctrinam coguntur. Contra impii nihil minus possunt ferre, quam reprehensionem suorum cultuum. Itaque potentia atque opibus instructi, statim expediunt arma, & persequuntur veros Doctores. Ac fuit istis temporibus etiam usitata immolatio liberorum, sicut historiæ ostendunt. Itaque etiam ea ratione idolatria rectè vocatur sanguis seu sanguines.

*Idolatria semper cum sanguine conjuncta est.*

*Propheta appellavit peccata sanguines, etc.*

Sed præter hæc usitatum apud Prophetas est, ut in genere peccata vocent sanguines. Sic David in illa communi deprecatione peccatorum petit liberari midamim à sanguinibus. Et Ezechiel in loco, quem suprà citavimus, etsi alludit ad nativitatem hominis, cum dicit: Vidi te sanguinibus deformatam, tamen significat peccatum originis, quod nos coram Deo reos statuit, & est fons, unde tota reliqua inobedientia promanat. Vera igitur sententia hujus loci est, quod sicut Deus idolatriam superiorum Regum non passus est inultam esse, ita quoque velit etiam punire in domo Iehu, in Iezreel, hoc est, in Samaria seu regno Israël.

*Psalm. 51.  
Ezech. 16.*

Qualis

Qualis autem vel visitatio, vel poena hæc futura sit, exponunt sequentia, Cessare faciam regnum domus Israel. Nam Zacharias ultimus ex posteritate Iehu, & filius hujus Ierobeam, sub quo Propheta docuit, post sextum regni mensem per seditionem à Sallum occisus est, qui ipse quoque injustæ cordis poenas dedit. Nam primo regni mense per Menahem interemptus est. Dum itaq; regnum intestinis seditionibus jactaretur, accessit etiam externus hostis Assyrius, Is regem Israel tributarium sibi fecit. Post Menahem imperat Pekaja, hic cum biennium regnasset, occiditur à Pekah, Sub hoc Tigleth Pileser Israelem vastat, & bonam populi partem abducit captivam. Sub Hosea autem, qui ultimus regnavit, Salmanasser totum regnum occupavit & evertit. Hæc omnia intra annos circiter quadraginta post mortem Ierobeam acciderunt. Ibi demum Israel factus est Iezreel, sicut hoc in loco Propheta vaticinatur. Nam à Domino visitante tot sectarum idolatriam abjectus & inter Gentes disseminatus est. Visitata phrasis est, Arcum Israel, hoc est, potentiam Israel, & vires bellitas dici. Fuit enim potentissimum regnum. Quod autem dicit, In valle Iezreel, etsi forte in eo loco singularis aliqua clades accepta, aut Zacharias occisus est, Tamen nihil prohibet, quin accipiamus pro toto regno Israel. Nam Iezreel metropolis fuit Samariæ, & fuit ibi regia domus, sicut historia Ahab ostendit.

*Et rursus illa concipiens peperit filiam, dixitq; ad eum, Voca nomen ejus Lo Ryhamo, quia posthac non miserebor amplius domus Israel, Omnia non parcam ei.*

Pertinet hæc quoq; particula ad Prophetiam de poena Idolatriæ. Statim enim postquam in regno Israel Idolatria per Ierobeam cœpit, varie Deus admonuit populum per flagella sua, Syros, Assyrios, & alias Gentes, regno Israel vicinas, ut redirent in viam, & se cum Deo, cujus cultus in Ierusalem erat, conjungerent. Quia autem Deus longanimis & patiens, & multæ misericordiæ est, afflictæ populi clamorem & preces audivit, Sicut in Ioas historia videmus, Misertus, inquit, est Dominus eorum, & reversus est ad eos propter pactum. Item in historia Ierobeam, Vidit Dominus afflictionem Israel amaram nimis, &c. Etsi igitur affligeret eos propter peccatum, tamen dedit interdum fortunatos Principes, qui hostem reprimerent, & illa quasi vulnera Reipub. sanarent. Hujusmodi exempla sine dubio in spem aliquam vocaverunt populum, cum regnum post posteritatem Iehu sic varie seditionibus & aliis incommodis jactaretur.

Sed Propheta hic novi aliquid minatur, cum dicit, Filix datum nomen Lo Ryhamo. Significat enim non futuras posthac ullas vices, quales fuerunt, sed populum semel ita disseminatum inter Gentes, sine misericordia in illa calamitate mansurum esse, Nomen factum est à Riham, miseratus est, negativa particula Lo addita, significat autem quæ misericordiam non consequitur, Die in vngnad ist. Quod Latinus habet, Oblivione obliviscar ejus, In Ebræo est verbum Nasa, quod levare significat. Igitur rectius redditur per Verbum abjiciendi, & convenit cum projectione sementis, de qua supra dixit. Nam abjecturi aliquid, id levamus. Quia autem repetit verbum abjiciendo abjiciam, ideo addidimus particulam, penitus, ut aliquo modo vehementia, quæ in Ebræo est, exprimeretur.

Hæc est Prophetia de domo Israel, profecto horribilis, si te cogitationibus, quasi in rem præsentem constituas. Etsi .n. non rarum est, everti regna, & Respub. interire, tamen hujus populi ruina, ideo tum gravior, tum horribilior est, quia Dei populus fuit, cui promissiones in Abraham factæ sunt, non solum de multiplicatione & successu corporali, sed quod majus est, de semine mulieris benedicturo familias omnes terræ, Hunc populum ex Patribus prognatum, donatum promissionibus, liberatum ex Aegypto, positum in terram Canaan, ornatum verbo & cultu Dei, Deus sic abjicit, ut videatur plus amare & curare quasvis alias Gentes, quæ sine Deo & sine Verbo in idolatriam & impietatem demersæ erant. Quod enim regnum sic eversum est, cujus non vestigia aliqua manerent? Hic autem populus ita ex terra sua ejicitur,



ut ne nomen quidem maneat reliquum. Hujus tantæ iræ quæ causa est? Nulla alia, quam quod regnum Israel discessit à verbo & cultu Dei, & secutum est idolatriam, seu cultus verbo Domini non institutos. Hoc enim peccatum illud est, quod Deus tolerare non potest, sed extrema vastatione ulciscitur, sicut hic profecto horribilis sententia est, Non miserebor amplius domus Israel. Si enim misericordiam Dei tollas, quid quæso miseris aliud relinquitur, quam ut in calamitate sine ulla spe auxilij pereant?

*Idolatria in Germania.*

Pertinet autem hæc ipsa comminatio ad nostra quoque tempora, quibus Dei beneficio lux verbi Germaniæ reddita est, ac patet, qui veri sint cultus, qui vitiosi, Quid cum verbo Christi conveniat, quid non conveniat. Sed in hac tanta luce videmus, quid Papa, quid Episcopi, jurata Papæ mancipia, faciant. Retinent veterem idolatriam, eam defendunt, cogunt ad eam subditos, sanam doctrinam blasphemant & damnant, In nos extremam crudelitatem ubicunq; possunt, exercent, qui cupimus Ecclesiis consultum & Christi gloriam salvam. Nata igitur nostris quoq; temporibus est illa infelix LoRyhamo. Certum enim est, etsi tempus, quo ista fient, non novimus, Deum Germaniam ob hoc idolatriæ peccatum visitaturum. Sicut etiam exempla habemus ante oculos, Ecclesias Aegyptiacas, Syriacas, Asiaticas, Græcas, & pene Pannonias etiam, quas Turca vastavit.

Oportebat igitur hanc piorum Principum curam esse, ut repurgarentur Ecclesiæ, tollerentur abusus, & veri cultus instituerentur, Siquidem & hostem procul submotum & patriam vere salvam volunt. Nam si pergent crudeliter grassari in Ecclesias, quæ Verbum habent, & defendere Pontificiam idolatriam, visitabit Dominus sanguines eorum, sicut Iehu, in quo horribile exemplum Magistratui propositum est. Quia enim idolatriam non prohibuit, sed suo exemplo etiam subditos ad impietatem invitavit, peccatum populi ei soli imputatur, Solus hic peccasse dicitur cum sua domo. Nam peccata populi, quæ Magistratus prohibere potuit, Magistratui imputantur. Atq; hoc patris peccatum etiam filii post quartam generationem luunt, secundum sententiam primi Præcepti. Sed quam paucos Reges totus orbis terrarum, quam paucos Principes Germania habet, qui serio cogitant de posteritate sua. Sicut igitur domus Israel sub fortunato rege Ierobeam has minas contemnebat, Ita contemnunt hæc Principes, Sed furor Domini non dormiet, exardescet in brevi, & peribunt peccatores subito, Sicut secundus Psalmus quoq; regibus & populis minatur, qui Filium osculari, hoc est, Verbum ejus amplecti & sequi nolunt.

*Domus autem Iuda miserebor, & sal vabo eam per Dominum Deum ejus, & non sal vabo eam per Arcum, non per gladium, non per bellum, non per equos, non per equites.*

*Regnum Iude ab Assyrio afflictum.*

Absolvit Propheta vaticinium de regno Israel, ac satis horribile & dignum exemplum est, in quod omnis posteritas sæpe intueatur, ut discat fugere idolatriam, & verbo diligentius attendere. Quia autem hostis etiam in regnum Iuda grassaturus erat, annectit Prophetiam, quod non humana, sed coelesti ope servandum sit, Sicut historia quoq; ostendit, quæ hunc Prophetæ locum pulchre explicat. Non enim istorum sententiam probo, qui hunc locum accommodant ad reditum ex Babylone. Esaias Cap. 10. ordine ostendit, quæ loca hostis vastaverit post occupatum regnum Israel. Fuit autem hujus quoq; calamitatis causa Idolatria Achas, qui & filium transire fecerat per ignem, sicut scriptura loquitur, & cultum Deorum Damasci invexerat in suum regnum, invitatus successu hostium, perinde ac si quis impius rex hodie ad impietatem Turcicam deficiat, fortuna eorum invitatus. Itaq; cum Deus idolatriam domus Israel visitaret, etiam Iuda sensit vicinum malum, & tantæ impietatis dedit poenas, ac sola restabat Ierusalem, quam ipsam quoq; hostis obsedit. Sed subito soluta obsidio est, cum maxima hostium clade. Nam Angelus Domini in una nocte centum & octuaginta quinq; millia occidit. Itaq; Sanherib non tam suo periculo quam clade suorum motus, retro movit castra, & fugit in Assyriam, ubi sicut Esaias

*Achas.*

*Sanherib.*

vatici-

vaticinatur, à filiis occisus est, & finita Monarchia Assyriorum, ac ad Babylonios hac occasione translata est, de hac liberatione Propheta hic concionatur, cum dicit, Salutem obventuram per Dominum, & non per gladium.

Sicut autem supra causas ostendimus vastitatis utriusq; Regni, ita hic quoq; utile fuerit circumspicere, quæ fuerit causa servati regni Iudæ. Peccata Achas causa fuerant vastationis regni Iudæ, sed pius filius Ezechias seu Hiskias, cui divino beneficio Esaias doctor & monitor contigerat, veræ religionis studiosissimus erat, Itaque & æneum serpentem combussit, postquam ad idolatriam eo abutebantur Iudæi, & instituit veros cultus in Ecclesia, sicut ostendit historia. Deinde in ipso periculo, cum jam hostis accessisset ad urbem Ierusalem, non confugiebat ad humana prætidia, sed orabat in templo, & ad orationem quoq; hortabatur doctorem suum Esaiam. Tales si hodie quoq; haberemus Duces, an non putas feliciter nos cum Turcis pugnuros esse? Nunc cum aut vera Religio sit contemptui, & retineatur idolatria Papæ, aut ambitione ac avaritia depravati sint animi, quid mirum, si non solum non vincimus, sed quotidie magis ac magis ab hoste premimur? Digna itaq; historia erat, quæ omnium Principum aulis, imo animis insculperetur. Vere enim glorificat Deus se glorificantes, Vbi econtra, qui gloriam Dei negligunt, hoc est, qui idolatricos cultus fovent, operiuntur confusione.

Hæc historia est, de qua Propheta hoc loco vaticinatur, quod per Dominum & non per equos nec equites regnum Iuda salvandum sit. Potest tamen accommodari in genere etiam eo, quod damnatur fiducia carnalis brachii. Etsi enim Deus vult nos uti mediis à se conditis, tamen non vult, ut iis fidamus, aut nitamur, sed vult successum à se solo peti & expectari, sicut etiam Psalmus monet, Hi in curribus & in equis, ac conciderunt, Nos autem in nomine Domini, & vincimus. Sed hoc in loco recte monemur de illa diversitate, quod historia & Propheta Esaias dicunt, Salutem hanc factam per Angelum. Propheta autem hoc in loco dicit factam Balchova per Deum. Est enim hic nomen divinum, quod non nisi Deo tribuitur. Vtrumq; igitur occulte hic ostenditur, quod & per Christum hæc liberatio facta sit, & quod Christus natura Deus sit. Sicut etiam Paulus dicit, Christum comitatum Iudæos in deserto. Et prima promissio vaticinatur, Semen mulieris contritum caput serpentis. Illa enim Ecclesiæ defensio, quæ inde ab Adæ lapsu perpetua fuit, non per Angelos, sed per Dei Filium facta est, quem Scriptura sæpe Angelum appellat, Sicut Gen. 48. Angelus Domini, qui me eruit de omni malo, Esai, 63. Angelus faciei ejus salvavit eos, Malach. 3. Angelus foederis, quem vos desideratis. Etsi enim Angelorum ministerio Deus ad Ecclesiæ defensionem utitur, tamen Christus solus est, qui Satanæ vires infringit, & caput ejus conterit.

Ac jucundum in primis spectaculum est, videre in tot discriminibus à principio mundi Ecclesiam habuisse defensorem Filium Dei, qui se postea ostendit hominibus, & à Satana toties victo, vinci se passus est, ut Ecclesia à summo periculo æternæ mortis liberaretur. Speremus autem, sicut Christus, etiam antequam humanam naturam adsumpsit, ociosus non fuit, sed opposuit se furori Satanæ, Ita hoc quoq; tempore, postquam in gloria est, non defuturum nobis, sed repressurum hostem suum Satanam, tot modis insidiantem miseræ Ecclesiæ.

*Et ablactavit Lo Ribamo, ac concepit rursum, & peperit filium & dixit, Voca nomen ejus Lo Ammi, quoniam vos non populus meus, neq; ego vester ero.*

Quod Iudæi dicunt ideo nunc filium, nunc filiam, tandem iterum filium Prophetae natum, quod regnum alio tempore firmius, alio minus firmum & calamitosum fuerit, non omnino displicet, nam cum historia convenit, & Scriptura sæpe, quæ firmiora sunt, masculis comparat, Sed sententia quæ sit videamus, Regnum Israel jam disseminatum in Gentes comparat ablactatæ puellæ, cui mater non amplius lac præbet. Nam sicut nomen ostendit, sine misericordia, hoc est, sine promif.

*Ierusalem quæ servata sit.*

*Fiducia carnalis brachii damnatur.*

*Christus servavit Ecclesiam Ierusalem.*

*Filius Dei Ecclesie defensor ab initio mundi.*

*Regnum Iuda  
quoque perden-  
dum.*

promissione restitutionis corporalis abiecerat Deus decem tribus Israel. Itaque sequens particula de tertio filio pertinet ad domum Iudæ, Ac recte Lyra eam interpretatur de finali abiectione Synagogæ, & vastitate per Romanos facta. Quia enim Evangelium amplecti noluit, abiecit eam Deus, nec pepercit vel templo vel cultui. Pluris enim facit Filii sui gloriam, quam illa externa sui populi dona, Pluris facit ipsum Filium, quam populum inobedientem.

Diligenter autem primo considerata poenæ magnitudo est, & quod Deus minatur, Sicut ipsi non volunt esse populus meus, ita ego non volo esse Deus ipsorum. Qui enim Deum non habent, quid quæso habent, etiamsi totum mundum possideant? Sed tantæ iræ quæ causa est? Propheta infra eam copiose ostendet, & Christus in Evangelio clare dicit, Ideo vastandam Synagogam, quia tempus visitationis suæ non agnovit, hoc est, quia gratiam Dei in Evangelio oblatam per Filium Dei noluit amplecti, sed retinuit Mosen spreto Christo, retinuit Legem abiectione Evangelio, retinuit opera sua, abiectione gratia Dei, quam Filius Dei sua morte acquisivit nobis. Hic igitur iterum admonemur, quantum peccatum sit non amplecti Evangelium. In hoc peccato si Principes & Episcopi Germaniæ pergent, quis non videt, quo fato tandem Germaniam perire necesse sit?

## CAPUT II.

**H**anc particulam conjungit vetus translatio cum superioribus, Sed quia novam Concionem Propheta hic orditur, de novo populo & novo regno, Ideo nos hic novum ordiemur caput. Etsi autem hæc subita ab instituto argumento discessio minus convenire videtur, & obscuritatem quoque in Prophetis parit, tamen si propius rem consideremus, ipse rerum ordo ad has transitiones cogit Prophetas. In prima concione ostendit Hosea, quod & regnum Israel in Gentes ob idolatriam esset disseminandum, & regnum Iudæ ob contemptum Evangelij à Romanis vastandum. Hic ipsa series negotiorum Prophetam cogit, ut ostendat, quid vastato regno Iudæ futurum sit, & qualem habiturus Deus in mundo sit Ecclesiam, postquam ille populus, qui Legem & cultum Dei habuit, propter peccatum abiectionis est. Itaque illæ Prophetiæ de Ecclesia novi Testamenti pertinent ad articulum Symboli, in quo profiteamur nos credere Ecclesiam sanctam & catholicam. Etsi enim experientia docet, omnia mundi regna sua quasi fata habere, quibus intereunt, tamen Deus semper in mundo sibi reliquum facit populum, à quo agnoscatur & prædicetur.

*Causa cur Pro-  
pheta tam abrupte  
de regno  
Christi doc-  
ceant.*

*Propheta do-  
cens timorem &  
fidem.*

Utrunq; igitur Prophetæ admonent, primum hortantur ad timorem Dei. Si quidem veterem populum propter peccatum abiectionis esse ostendunt, qui tamen Dei populus & quasi peculium Dei erat, Sicut Iohannes quoque appellat, cum dicit, *Ioh. 1.* In propria venit, & sui eum non receperunt. Deinde etiam docent de inæstimabili Dei bonitate, & hortantur ad fidem. Sicut enim Deus suo populo discedenti à Verbo & retinenti idolatriam, non parcat, ita quoque non finit se Gentium peccatis impediri, qui ignorantes peccant, & Verbum non habent, quin eos vocet ad cognitionem nominis sui, & societatem regni Christi. Non autem dubium est, si abuti Evangelio Germanicæ Ecclesiæ pergent, quin Deus eas quoque abiectionis sit, & aliam nationem electurus, pro tantis donis magis gratam. Ne igitur securi simus, sed & timeamus Dominum, & tanquam beneficium Patrem, qui Peccatores assumit, eum complectamur. Sed nunc textum explicabimus.

*Erit autem numerus filiorum Israel, sicut arena maris, quæ nec mensurari nec numerari potest. Et erit in loco, in quo dictum eis est, Non populus meus vos, Ibi dicetur eis, Filii Dei viventis.*

*Israel per Evan-  
gelium revoca-  
tur ad regnum  
Christi.*

Prior pars hujus Prophetiæ in genere proponit promissionem, ne Israel abiectionis in Gentes desperet de regno Christi, Sed statuatur ex hac quasi morte enascituram



ram novam vitam, Deum enim hanc ruinam Israelis restauraturum esse. Nam hic operum Dei ordo est, Mortificat, non ut in morte relinquat, sed ut ad poenitentiam vocet. Sic Israel disseminavit in Gentes, ac sine omni misericordia, si externam faciem rerum consideres, abiecit. Non enim redierunt in terram Canaan decem tribus, Sed hanc calamitatem quam bene compensavit Deus? Disseminatos enim inter Gentes per Evangelium collegit iterum & sic collegit, ut una cum reliquiis regni Israel plenitudo Gentium veniret ad cognitionem regni Christi. Hujus compensationis hic admonet populum Israel, ne in ista calamitate penitus desperaret, Sicut nos quoque mitigamus praesentes calamitates spe futurae gloriae, quam Christus sua morte nobis paravit.

Atque ob hanc causam non simpliciter voluit Propheta dicere, multiplicandum Israel, Sed singulari studio imitatur verba Promissionis Abraham factae. Sic enim ad eum dicit Dominus Gen. 13. Si quis pulverem terrae poterit numerare, etiam semen tuum numerare poterit. Ad hanc promissionem, quis non videt respicere Prophetam, cum dicit, numerum filiorum Israel fore sicut arenam maris, quam frustra aut metiri aut numerare conatus fueris? Vult autem hoc modo afflictum populum consolari, ne abjicerent spem futuri regni, & dubitarent de promissionibus, quae Patribus factae erant. Videbantur quidem sibi redigi in parvum numerum decem tribus, cum inter gentes disseminarentur, Sed nolite, inquit Propheta, desperare, cum sic disseminabimini inter Gentes, Sperate impletionem promissionis Abraham factae, Non illius corporalis, de terra Canaan, quae etiam magna fuit, sed spiritualis & aeternae, in qua non possessio terrae Canaan, sed remissio peccatorum & vita aeterna (quae vera benedictio est) per semen Abraham promissa est omnibus credentibus in illud semen, hoc est, in Christum Dei filium. Nam in hanc sententiam Jeremias quoque Cap. 33. hac promissione de Verbo ad Verbum usus est, ubi de regno Christi vaticinatur. Sed sequentia ostendunt formam hujus infinitae multiplicationis, seu modum.

*Erit, inquit, in loco, ubi dictum eis est, Non populus meus vos, Ibi dicitur. Vos filii Dei viventis.*

Quamquam enim Israel abjectus esset propter peccatum, tamen pertinebat ad eum promissio Abraham facta. Haec igitur cum Israeli inter Gentes disseminato per Apostolos nuntiaretur impleta esse, participes hujus nuntii etiam Gentes fiebant. Atque haec illa est magnifica tum reductio, tum multiplicatio regni Israel, de qua passim vaticinantur Prophetae. Ad terram Canaan decem tribus non redierunt, sed fide in Evangelium Christi venerunt ad promissum semen Abraham. Nec sunt multiplicati carnali propagatione, sed multiplicatio vera est, quod habent Gentes socios fide, quae ipsae per eam praedicationem, quae abjecto Israeli ex promissione debebatur, ad cognitionem Christi venerunt, Sicut Christus quoque dicit, Violentos rapere regnum coelorum. Nam Gentes Evangelium amplectuntur, quibus tamen nulla promissio erat facta. Quia autem Israeli inter Gentes disseminato, secundum promissionem Christus annuntiatur, hac occasione Gentes Evangelium & audiunt & amplectuntur.

Quod autem de vocatione Gentium haec particula accipienda sit, habemus testem Paulum ad Rom. 9. Igitur verbum Veomer dicitur, accipiamus de publica praedicatione, per quam Gentes, quae non sunt Dei populus, postquam Evangelium fide accipiunt, & in Christum credunt, pronuntiantur esse filii Dei. Notum autem est ubicunque de vocatione Gentium dicitur, ibi & abrogationem cultuum legalium, & gratuitam justiciam intelligi. Quae enim merita, aut quos cultus tribuimus istis, quibus per verbum Dei praedicatur, Non populus meus vos? Si non Dei populus, ergo nec Deus ipsorum Deus est, ergo carent noticia Dei, Verbo, bonis operibus, & toto illo ornatu verae Ecclesiae. Hoc igitur est, quod Paulus pugnat, justificari nos gratis sine operibus legis, fide in Christum. Et nos hodie recte dicimus, Sola fide justificari. Quid enim aliud afferunt ad Deum, qui Dei populus non sunt, quam quod verbo

verbo Evangelij credunt, statuunt se per Christum Deo reconciliatos, peccata condonata, & vitam æternam restitutam? Hac fide ex non populo fiunt filii Dei viventis, sicut Propheta hic loquitur, quem imitatus Iohannes videtur, cum dicit, Dedit eis potestatem filios Dei fieri, qui credunt in nomine ejus. Ioh. 1.

*Gentes filii Dei  
viventis.*

Præcipue igitur observanda hic nova phrasis est, quod Gentes, quæ Evangelio credunt, vocat Dei viventis filios. Postulabat orationis commutatio, qua supra quaq; Propheta usus est, ut diceret, Erit ubi dictum est, Non populus meus vos, Ibi dicetur, Vos populus Dei. Sed Propheta hoc nimis exile visum est ad gloriam novi Testamenti ostendendam, Igitur, ut Christi beneficium clarius explicaret, non populum, sed filios Dei viventis vocat. Ac primum hæc appellatio includit illustrem

*Homines natura filii Satanae,  
gratia autem  
filii Dei.*

Antithesin, quod antequam per fidem ad Christi regnum accedimus, non simus Dei, sed Satanae filii. Sumus quidem à Deo conditi, ad ipsius imaginem, hoc est, sancti & iusti, ac etiam immortales, Sed per peccatum, cuius autor & causa Satan & nostra voluntas est, ita sumus deformati, ut amplius Dei filii non simus. Siquidem Dei similitudinem amisimus, & Satanae similitudinem accepimus, qui etiam in veritate non stetit. Quid autem inobedientiam hanc seu peccatum secutum sit, notum est. Natura enim ad vitam condita, morti & infinitis calamitatibus subiecta est. Mens, in qua Dei notitia lucebat, per peccatum ita excæcata est, ut Deum amplius non agnoscat. Voluntas quoque ad eum modum est depravata, ut diversum concupiscat à lege Dei. Itaq; mirabilis *ἀταξία* omnium affectuū seu motuum est, qui etli omnes per se vitiosi non sint (Nam appetitus cibi & potus, amor conjugis, liberorum & parentum & similes affectus, etiam in integra natura extitissent) Tamen nunc non ita puri sunt, semper enim adhæret vitiosum aliquid, legi Dei adversum. Ideo etiam sancti variis calamitatibus subiciuntur in hac vita, ut peccati reliquiae & puniantur & paulatim extinguantur. Ioh. 3.

*Quomodo per  
peccatum natura  
corrupta sit.*

Hæc incommoda omnia per peccatum accepta sunt, per quod primi parentes, ex quibus propagati sumus, desierunt esse filii Dei, ac similitudinem Dei amisierunt. Itaq; scriptura totam naturam accusat, sicut est in Psal. 14. & contumelioso nomine appellat, hominum, non Dei filios, Prospexit Dominus de cælo super filios hominum, ut videat, num sit aliquis intelligens, qui requirat Deum, Sed omnes declinaverunt, inutiles facti sunt, non est aliquis qui faciat bonum, ne unus quidem. Hæc sententia commune iudicium de toto genere humano proponit, nec quisquam excipitur, non Iudæi, non Majores eorū sancti & primi Patres. Eadem enim ratione propagati sumus omnes ex carne per peccatum corrupta, Itaque omnes sumus natura non Dei, sed hominum filii, hoc est, peccatores, qui caremus Gloria Dei, Rom. 3. Psal. 14.  
Rom. 3.

*Christi beneficium*

Hic igitur beneficium Christi clare pingitur, cum illi, qui non sunt populus Dei, filii Dei viventis fiunt. Significatur enim hac appellatione destructio regni Satanae, abolitio mortis, remissio peccatorum, & donatio Spiritus sancti, qui veram cognitionem Dei infundit animis, & exuscitat mentes ad veram obedientiam, Denique etiam vita æterna, & hæreditas omnium bonorum, quæ Deus possidet. Ideo enim non solum Dei, sed viventis Dei filios appellat, ut ostendat hunc populum, qui Dei populus non erat, sed per fidem in Christum adoptatur in filios, in æternum esse victurum. Vita autem consistere non potest, ubi est peccatum. Nam peccati stipendium mors est. Rom. 6.

*Lex Ioh. 1.*

Atq; huc adhibenda lux est novi Testamenti, quod non solum prædicat gratuitam Misericordiam, qua adoptamur in filios, sed etiam causam tantæ misericordiæ ostendit, scilicet Christum, qui pro peccatis nostris se tradidit, & sua morte ab æterna morte nos liberavit. Hoc Christi beneficium Evangelium ostendit, cui qui credunt, hi fiunt filii Dei. Sicut Iohannes dicit, Dedit eis potestatem filios Dei fieri, his, qui credunt in nomine ejus, non qui ex sanguinibus, neq; ex voluntate carnis, nec ex voluntate viri, sed ex Deo nati sunt. Sanguines vocat generationem carnalem, Sic Cain est filius Adæ, sed non ideo habet fidem Adæ, & per consequens non ideo est

*Sanguines.*

Voluntas carnis. filius Dei. Voluntatem carnis vocat electionem seu adoptionem humanam, Sicut

*Voluntas carnis.*

Hæc

Heva judicat de Cain, futurum, ut reparet damna in Paradiso accepta, Iacob existimat Esau fore hæredem promissionis, sed fallitur quoque. Non enim hæc fiunt juxta nostrum iudicium. Sic magnum nomen habet in mundo status spiritualium, ut vocant, Sed non ideo Deus eos approbat, quia mundus approbat, Respicit enim fidem. Ita voluntas carnis non facit filios Dei. Voluntas viri est imitatio seu studium hominum, sine Spiritu sancto, quod non facit filios Dei, sed filii Dei ex Deo nascuntur, cum Spiritus sanctus per Evangelium fidem accendit in cordibus, ut statuunt se propter Christum acceptos esse. Hoc beneficium Paulus egregie tractat in Epistola ad Rom. 8. ubi dicit, Si filii, ergo & hæredes, hæredes quidem Dei, sed cohæredes Christi. Ostendit enim hic discrimen, quod Christus natura sit filius Dei, nos autem adoptione per fidem. Nam per Christum efficimur filii Dei, Igitur dicit, Cohæredes Christi.

*Voluntas viri.*

Sed inquires, Non tractat Deus filios suos ut filios. Premuntur enim cruce, & sævit in eos Satan, & mundus. Recte, hoc enim etiam ad filios pertinet, ut adoptivi filii vero Dei filio similes fiant, qui etiam passus est mortem & omnis generis calamitates. In his, inquit Paulus, retineamus hanc spem, quod si compatimur, etiam conglorificabimur. Sumus enim salvi facti, sed spe. Spes autem non videtur. Sic Iohannes, Nunc sumus filii Dei, sed nondum manifestatum est, quid erimus. Scimus autem, quod cum manifestabitur, similes ei erimus. Hæc consolatio admodum est necessaria, ne in calamitatibus sinamus nobis hanc promissionem excuti, quod sumus Dei filii per Christum. Nam pater filium, quem diligit, castigat, &c.

*Et congregabuntur filii Iuda & filii Israel simul, & constituent sibi Caput unum.*

Magna fuit calamitas in populo Dei, & initium omnis mali, quod post Salomonis obitum regnum divisum est. Ea enim res idolatriæ occasionem dedit, sicut historia ostendit. Nam cum Ierobeam à decem tribubus, quæ à filio Salomonis defecerant, Rex electus esset, ideo peculiare cultus contra verbum Dei, in regno Israel instituit, ne suus populus Ierosolymam quotannis ad sacra iret, & per istam sacrorum quasi societatem, se iterum cum rege Iuda conjungeret. Itaque sicut regnum seu politia, ita etiam sacrorum ratio in regno Israel à regno Iuda differebat. Sed horum consiliorum quis fuerit eventus, ostendit historia. Idolatria enim præcipua causa fuit, cur regnum Israeliticum everteretur, & populus abduceretur captivus. Ad hoc caput totius mali Propheta hic respicit, & consolatur futurum, ut illa discessio à regno Iuda per Christum pulchre sanetur. Nam Iuda & Israel conjunctis animis & studiis in eandem doctrinam Evangelij consensuros, & non, sicut post Salomonem accidit, habituros diversa Capita, sed unum regem Christum amplexuros & exosculaturos. Itaque posthac nihil tale metuendum, quod prius accidit, cum hæc regna dividerentur. Idem iisdem pene verbis dicit Esaias Cap. 11. Levabit signum in Gentibus, congregabitque ejectos Israel, & dispersos Iuda congregabit, Ephraim non æmulabitur Iudam, nec Iuda anget Ephraim, &c.

*Regnum Israel quomodo divisum sit à Iuda.*

In primis autem notanda phrasis est, quod dicit posituros sibi unum caput. Hoc enim non dubium est, quin filii Iuda & Israel, de quibus hic dicit, sint vera Ecclesia, seu populus novi Testamenti, qui ex reliquiis Israelis & Iudæ, deinde ex Gentibus constat. Dicit autem hanc Ecclesiam sibi posituram unum caput Christum, Sicut Michas hunc Hoseæ locum exponit Cap. 2. cum dicit, Rex eorum anteibit eos, & Dominus erit caput eorum. Sic enim rectius vertimus, quod est in Ebræo, Va Iehova beroschom. Satis enim multa exempla sunt, quod Prophetæ, qui eodem tempore docuerunt, etiam iisdem verbis sæpe utuntur, præsertim ubi de Christi regno loquuntur. At Paulus, qui in Prophetarum vaticiniis de Christo singulariter præ aliis videtur laborasse, hac ipsa phrasi sæpe usus est in suis Epistolis, ut Ephes. 1. Ipsum dedit Caput super omnem Ecclesiam, quæ est corpus ejus & plenitudo ejus, qui omnia implet.

*Locum Mich. 2.*



*Locus Ephes. 1.*

Phrasin Hoseæ hic agnoscis, & simul causam audis, cur Christus dicatur caput, quia habet corpus Ecclesiam, quod alit, gubernat, ornat donis suis. In eo autem differt Paulus ab Hosea, quod Hoseas de Ecclesia dicit, Posituram eam sibi caput unum, Paulus autem dicit, à Deo hoc Caput positum seu datum, Sed bellissime hæc conveniunt. Nam Paulus Dei misericordiam hic commendat, cujus ineffabili bonitate hoc caput Ecclesiæ contigit, Propheta autem commendat tum fidem, tum confessionem Ecclesiæ, quæ paret voci Dei de coelo sonanti (hunc audite) & Christum solum agnoscit caput suum, per quem vivit, alitur, servatur, regitur. Hoc caput firma fide retinet, nec se ab hoc capite finit abduci. Hanc enim constantiam significat Propheta, cum dicit, Et ponent sibi caput unum.

*Romana bestia  
vult esse caput  
Ecclesiæ.*

*Nota præcipua  
Antichristi.*

Nec mihi dubium est, quin Propheta istam pestem tempore novi Testamenti grassaturam viderit, quod Romana bestia se toti mundo esset pro capite Ecclesiæ commendatura. Recte igitur & prædicatur veræ Ecclesiæ constantia, & numeratur inter præcipua dona Spiritus sancti, quod non agnoscit plura capita, sed unum Caput sibi ponit Christum, quem prædicat unicum & verum fontem omnium donorum, quæ in Ecclesia sunt. Sed quæ pericula Ecclesiam exceptura sint, tantum unum caput Christum agnoscentem, nostra tempora satis ostendunt. Quia enim negamus Pontificem caput Ecclesiæ esse, Christum autem solum prædicamus caput nostrum, qui solus suppeditat corpori suo justiciam, remissionem peccatorum, Spiritum sanctum, & vitam æternam, anathemati & omnis generis suppliciis subijcitur. Est igitur hæc una & præcipua nota Antichristi, quod Christo titulum capitis adimit, & se gloriatur caput Ecclesiæ esse. Sed quam miserum caput? Mancipium Satanæ nimirum, Siquidem veram Ecclesiam diris & ferro persequitur. Quale autem caput, tale etiam reliquum corpus est. Nam Cardinales, Episcopos, Sacrificulos, Monachos, Nonnas, præter impietatem, quam doctrina & idolatrici cultus habent, etiam vitæ abominanda foeditas deformat, Ac merito. Cur enim non ponunt sibi verum Caput, per quod benedicerentur omni benedictione spirituali? Sicut Paulus dicit Ephes. 1. & essent irreprehensibiles & sancti in conspectu Dei per dilectionem. Hæc autem dona veram Ecclesiam invitant, ut & cupide se cum hoc capite jungat, & magno animo hoc Caput contra mundum & portas inferorum confiteatur & prædicet.

*Et ascendent de terra, quia magnus dies Iezreel.*

*Ascensus  
Ecclesiæ.*

Quo ascendent? aut de qua terra? Iudæi expectant reditum in terram Canaan, Sed Hoseas reclamatur, qui jam ante dixit, istam ejectionem per Assyrium sine omni misericordia futuram, hoc est, sine spe reditus. Igitur ascensus, de quo hic loquitur, is est, quod Ecclesia per Christum liberata à regno Satanæ, quod erit regnum mortis & peccati, ascendet ex hac calamitosa vita ad meliorem & æternam. De hac sententia diligens Lector non opinor dubitabit. Quid enim aliud Ecclesiæ expectandum est, postquam hoc caput Christum est adepta, quam ut promissionum fiat particeps, quas audit in Evangelio & credit? Sed de phrasi fortasse quæret aliquis? Habemus igitur hic interpretem Esaïam, qui iisdem verbis utitur Cap. 11. & concionem de Christi regno sic claudit, Eritq; semita reliquiis populi ejus, quæ relinquentur ab Assur, qualem habuit Israel in die, quo ascendit de terra Aegypti.

*Iezreel*

Vsitatum autem est Prophetas, cum de regno Christi loquuntur, comparare id cum illa ex Aegypto liberatione, Sicut aliquoties in Micha ostendimus. Ibi enim post duram & diuturnam servitutem finitam, ac Pharaonem divinitus oppressum, nihil restabat, nisi ut promissionem terræ Canaan consequerentur. Sicut igitur ad hanc ascenderunt Israelitæ, & prostratis hostibus eam occupaverunt, Ita inquit Propheta, hic fiet, Post varia certamina, quæ Ecclesia in hac vita sustinet, ascendet de terra servitutis ad promissam patriam, Ratio est, quia magnus est dies Iezreel. Utitur autem Propheta hoc in loco nomine Iezreel aliter, quam supra in 1. cap. ubi ideo eum Iezreel vocavit, quod Dominus per iram esset eum disseminaturus in Gentes, Hic autem vocat Iezreel, quod Dominus per Evangelium eos plantaturus sit, ut sine semen

1.

semen sanctum, sicut paulo supra vocavit eos filios Dei viventis. Fuit igitur Israel initio semen iræ, quia Dominus peccatis eorum offensus, abiecit eos, Hic autem in novo Testamento non solum Israel, sed tota Ecclesia est semen gratiæ. Plantatur enim Ecclesia per verbum Evangelij ab ipso Deo. Sicut Ioannes quoque dicit, Dedit eis potestatem filios Dei fieri, qui credunt in nomine ejus, & ex Deo nati sunt. *Magnum dies.* Magnum diem non tantum refero ad tempus ultimi iudicii, quo Ecclesia liberabitur ab omnibus malis, Sed simpliciter ad totum tempus novi Testamenti. Nam quæ in futura vita revelabuntur, ea habet Ecclesia per verbum, & in spe etiam in hac vita. Sicut Propheta addit,

*Dicite Fratribus vestris (Ammi) Populus meus, & Sororibus vestris (Ryhamo) misericordiam consecuta.*

Rom. 8.

Vide commutationem suavissimam, Appellavit Ecclesiam priori nomine Iezreel, sed longe alia significatione. Nam prior disseminatio iræ & furoris, Hæc autem gratiæ & misericordiæ est. Ad hunc modum reliqua quoque nomina, quæ liberis ab irato Deo jussus est indere, Propheta nunc convertit, ut statuatur Ecclesia, quæ Christum Caput agnoscit, omnia nunc mutata esse, nullam restare iram, sed patere jam illas misericordiæ Dei divitias inexhaustas. Quomodo enim postquam filium dedit, non omnia dedit cum eo? Sicut autem supra quoque dixi, Verbum Imru (dicite) pertinere ad publicum ministerium, Ita hic quoque statuamus ministris Evangelij in novo Testamento hanc vocem divinitus esse mandatam, ut credentes consolentur, ac pronuntient eos esse populum Dei, & in gratia. Non enim propter peccata credentes accusabit Deus, siquidem iustificati sunt fide in Christum, Non condemnabit, siquidem Christus pro eis mortuus est, Imo & resurrexit, ac sedet ad dexteram Patris, interpellans pro nobis. Hæc cum ita esse testetur Apostolus Rom. 8. quid quæso aliud in Ecclesia potest doceri, quam quod Propheta hic jubet, quod tales sint populus Dei, & misericordiam consecuti?

Rom. 8.

Sed inquires, Quid necesse fuit hæc repetere, quod supra dixit, Vos filii Dei viventis? Respondeo, Satis id quidem erat. Nam sicut diximus, complectitur totum illud pondus beneficiorum & gloriæ, quæ credentibus per Christum contigerunt, Sed hanc fiduciam sentimus sæpe nobis excuti. Sicut Paulus in hoc ipso loco, quem paulo ante citavimus, satis ostendit, Ecclesia enim affligitur, angitur, persecutionibus subicitur, esurit, nuda est, periclitatur, occiditur. Hæc omnia videntur Ecclesiæ non tanquam populo Dei seu filiis accidere, sed tanquam hostibus & inimicis Dei.

Itaque hic assidua cohortatione opus est, ne abiciat animum, & se desertam aut à Deo projectam existimet, sed ut retineat pertinaciter hanc consolationem, se esse populum Dei, esse in gratia, habere misericordem & faventem Deum. Hæc quia in tentatione difficulter creduntur, ideo Propheta, seu potius per Prophetam Deus mandat, ne in Ecclesia hæc vox taceatur. Ammi Ryhamo, Estis populus meus, vestri misertus sum, non abiciam vos, non imputabo vobis peccata, non relinquam vos orphanos, non sinam vos perire in tentationibus, non objiciam vos morti & Satanæ, quia estis meus populus, & ego misertus sum vestri. Nam quod affligimini, sit vestro commodo, ut expurgetur & mortificetur in vobis peccatum, ut cumulemini gloria tanquam strenui milites, ut crescat in vobis Fides, ut invocetis me, ut glorificetur in vobis nomen meum, ut mea virtus in vestra infirmitate perficiatur, ut filio meo vos conformes faciam, primum in cruce, deinde etiam in gloria. Sic pulcherrime conveniunt conciones Prophetarum & Apostolorum, quæ omnes co tendunt, ut Ecclesia per Christum consolationem habeat & salvetur.

*Ecclesia consolatio.*

*Judicate matrem vestram, judicate, Quoniam ipsa non est uxor mea, nec ego maritus ejus.*

Postquam Propheta magnifica concione illas inexhaustas divitias misericordiæ Dei, in novo Testamento per Verbum omnibus offerendas, prædicavit,

*Vainum de  
Synagoga inter-  
ritu quo perti-  
neat?*

Convertit se ad reliquias veteris populi, & concionatur de Synagoga, quæ repudia-  
to Christo, ex Lege sperabat remissionem peccatorum & vitam æternam. Est autem  
hæc de Synagoga peccatis & poenis necessaria concio, non solum propter eos, qui  
convertendi erant ad Christum ex Iudæis, Sed etiam propter credentes, ne hoc scan-  
dalo impiæ multitudinis commoti, deserto Christo ad Synagogam & Moſen rede-  
ant. Simeon in Evangelio vaticinatur, Christum fore in ruinam & resurrectionem  
multorum in Israel. Qui enim eum amplectuntur & in eum credunt, his est in resur-  
rectionem, Nam liberati per Christum à peccatis, retinent spem vitæ æternæ, Qui  
autem non credunt, his est in ruinam. Qualis autem ea ruina sit, præſens concio Pro-  
phetæ ostendet, ad confirmandos credentes admodum necessaria, ne offendantur  
iſta Synagoga pertinacia, Sed potius gratias agant liberatori suo Christo, per quem  
ab iſtis tum peccatis, tum poenis liberati sunt, in quibus Synagogam pertinaciter  
pergere & perire vident.

*Locum Pſa. 45.*

Ad hunc modum Pſalmus 45. postquam de Christo rege & Ecclesia, per spon-  
ſum Christum egregie ornata, concionatus est, addit exhortationem ſimilem, Audi  
filia, vide, & inclina aurem tuam, hoc est, ſiſ intenta in verbum Evangelij, id retine,  
nec te patiari ab eo abduci, obliſcere populi tui, & domus patris tui, hoc est, cave,  
ne cum Synagoga te jungas, quæ Evangelium abjicit & perſequitur, diſcede ab  
ea, & obliſcere iſtius conjunctionis carnalis, quæ inter vos fuit, priuſquam venires  
ad cognitionem Christi. Hanc Prophetæ vocem Paulus ſecutus est, cum ad Philip. 3. *Phil. 3.*  
dicit ſe omnia pro ſtercoribus habere, præ illa eminenti cognitione Christi & juſti-  
ciæ ejus. Ac Prophetæ hoc in loco jubet, ut reliquæ credentium ex Iudæis tali ani-  
mo ſint erga incredulam Synagogam. Præcipit enim, ludicate matrem veſtram, judi-  
cate. Ebraum verbum (Rib) *עליון* est, tamen durius ſignificat, c in malam  
partem accipitur, Complectitur enim & accusationem & damnationem, ſicut etiam  
utrunq; Prophetæ hic facit, accuſat peccatum, & poenas minatur.

*An parentes  
debeat accuſare.*



Vbi autem, inquires, manet hic reverentia erga parentes? Nam filii jubentur  
matrem accuſare & damnare. Nec levia crimina ſunt, quæ Prophetæ hic commemo-  
rat, Non, inquit, eſt uxor mea, nec ego maritus ejus. hoc eſt, eſt adultera. Notum au-  
tem eſt, quid Prophetæ vocet adulterium. An non igitur parentibus ille honor ha-  
bendus eſt, ut regantur eorum peccata? Cur igitur Prophetæ hortatur Eccleſiam, ut  
arguat peccatum matris, & id libere reprehendat? Reſpondeo, Debetur parentibus  
honor, ſed ſic, ne dum parentes honoramus, Deus afficiatur contumelia. Nam præ-  
ceptum de colendo Deo, ordine prius eſt, illud de parentibus poſterius. Pertinet au-  
tem ad gloriam Dei, reprehendere peccata, ac præſertim impios cultus, quibus Deus  
contumelia afficitur. Recte igitur facit Eccleſia, quæ non connivet ad adulterium  
matris, ſed libere eam traducit. Eſi enim hoc ſit cum contumelia matris, tamen felix  
contumelia illa dicenda eſt, quæ cum ſalute animæ conjuncta eſt. Reprehenditur  
enim peccatum, ut emenderetur, & accuſatur Synagoga, ut reſipſcat, nec pergat  
Deum contumelia afficere, & ſibi accerſat exitium.

*Cur autem  
Papa non par-  
tet.*

Sed hæc ipſa cauſa eſt ingentis odii & invidiæ, qua Eccleſia omnibus tempo-  
ribus gravatur. Auguſtum enim nomen Matris, Et beneficia educationis merito  
prædicantur à parentibus, Apud liberos autem recte in admiratione ſunt. Itaq; Syna-  
goga jure ſibi queri viſa eſt de injuſta deſertione filiorum, quos in veteri cultu divini-  
tus inſtituto & mandato educavit & inſtituit, ut mater, ac juſ docendi exiſtimavit  
non ſine gravi ſua injuriâ à filiis contra matrem uſurpari. Sicut Pontifex hodie & au-  
toritate, quam in Eccleſia habet, nos premit, & non vult redigi in ordinem à nobis,  
Sed accuſat nos injuſtæ deſertionis, Sibi autem ſplendidiffimum hunc titulum ſumit,  
quem hic Prophetæ Synagoga tribuit, dum matrem vocat.

Ac Sycophantæ Pontificij in eo ſibi palmarium putant poſitum, ſi authorita-  
tem Eccleſiæ verbis in cælum uſque tollant, & illa veteris diſciplinæ vincula com-  
mendent ſimplicibus. Dicite, inquiunt, Si vos eſtis Eccleſia, unde cœpiſtis eſſe  
Eccleſia? An non in Papæ Eccleſia eſtis baptizati? Cur igitur nunc ab ea diſceditis?

Cur



Cur tanquam filii parentem vultis docere? Quin potius à parente discite, & ei obedite, nisi vultis esse ingrati filii. Hæ Papistarum voces sunt, quibus nos putant obrui posse, At si Prophetas respicimus, hæ ipsa causa fuit, cur Synagoga ab Apostolis doceri nollet, & vellet parci honori suo. Propheta autem hoc in loco diversum jubet, ut accusetur mater à liberis, nulla habita ratione singularis in speciem prærogativa, quod mater est.

At.

Itaq; hic regula Petri tenenda est, Deo magis obediendum esse, quam hominibus. Amplectatur Synagoga Christum, agnoscat per eum solum accipi remissionem peccatorum & vitam æternam, & exosculabuntur eam filij, ac omni genere honoris & officiorum eam cumulabunt. Sic Pontifices & Episcopi desinant Evangelium persequi & blasphemare, Curent Ecclesiis veros Doctores, impios autem & idolatricos cultus amoveant, & restituant puros & veros cultus, tum non deerunt eis nostra officia. Agnoscamus eos tanquam parentes nostros, & parebimus libenter ipsorum auctoritati, quam verbo Dei videmus communitam. Sed quia persequuntur Evangelium, ac idolatriam retinent, non tanti apud nos Parentis nomen esse debet, ut ideo Christum negemus, & nos cum idolatricis jungamus, Deo potius obedimus, qui jubet audiri Filium, & non solum nos ab idolatris sejungimus, sed libere quoq; recusamus auctoritatem eorum, & idolatriam traducimus, ne exemplo eorum offensi imperiti inducantur in errorem.

Meminerimus itaq; à Spiritu sancto mandari hoc in loco iudicium, Iudicate, inquit, hoc est, accusate & damnate. Quos? Matrem vestram. Atqui parentibus debetur honor? Verum id est, sed huic matri non debetur, quæ non solum turpis adultera est, sed etiam ad adulterium vult cogere liberos ex se natos. Igitur matris titulus non vos impediat, Damnate eam, & dicite, quod non sit mea uxor, neq; ego maritus ejus. Hæc est excommunicationis sententia profecto horribilis, si eam evolvas diligenter, & conferas cum ista opinione, quam mater inter liberos vult retinere. Synagoga enim hunc titulum etiam ferro & igni tueri voluit, quod esset populus Dei, contra, Apostolos damnavit tanquam nocentissimas pestes. Iubentur autem hic liberi damnare matrem, & excommunicare quod non solum non sit Dei uxor, sed turpis Satanae adultera.

Sic Pontifex usurpat nomen Ecclesiæ, nos autem damnat tanquam hæreticos, Hanc blasphemiam nullo modo vult dissimulari Spiritus sanctus, sed vult libere pronuntiari à nobis, quod Pontifex cum suis sit Satanae Ecclesia. Siquidem Evangelio se opponit, & statuit aliam justiciam, quam quæ est per filium Dei. Hic dupliciter offenditur Ecclesia Satanae. Primum non potest ferre hanc de se sententiam. Secundo non vult talem sententiam ab iis ferri, quorum se parentem esse videt. Itaq; mover pugnas & hanc injuriam varie conatur ulcisci. Sed vera Ecclesia non potest abjicere mandatum Dei, Itaq; cogitur pronuntiare contra Matrem hanc de adulterio sententiam, quod ista religio, quam sequitur, nihil sit nisi foeda Idolatria, quam Propheta adulterio comparat, propter causas supra dictas.

*Deponat fornicationes suas à facie sua, & adulteria sua ab uberibus suis, ne penitus denudem eam, & statuam eam, ut sit sicut eo die, quo nata est, & ponam eam sicut desertum, & ponam sicut terram desolatam, & eam siti enecem,*

Hæc est altera pars sententiæ, in qua non tantum commemorat peccatum, sed etiam poenas, quæ profecto horribiles sunt, ac ita convenimus cum eventu, ut etiam nolentes volentes agnoscamus iudicium Dei super incredulam Synagogam.

Particula. Mi poneha, à facie sua. Ebræis usitatissima est, Hoc autem in loco certa ratione videtur posita. Sicut post etiam additur, Miben scadeha, ab uberibus suis. Significat enim & oculis seu facie & uberibus abuti ad adulterium. Recte autem oculos transferimus ad fiduciam, quæ Deo debetur, sed ab idolatris transfertur ad creaturas. Deinde ubera ad alendum foetum foemipis sunt donata. Igitur significant doctrinam

nam seu verbum. Pertinent autem hæc ad descriptiones adulterij & fornicationis, de qua Propheta dicit. Nam postquam discessum est à Deo & fiducia translata in creaturas (Sic enim voco cultus, quos ipsi nobis sine verbo Dei fingimus) postea sequitur, ut etiam verbum depravent impij, & sic ubera sua conferant ad adulterium, Sed quæ poena consequetur tandem.

*Pena contem-  
pti Evangelij  
apud Iudeos.  
Locum Eze. 16.*

Primum est, quod minatur Dominus, se eam penitus denudaturum, & positurum, ut sit sicut eo die quo nata est, Ex hoc Hoseæ loco videtur Ezech. præclara illa concio nata cap. 16. Radix tua & generatio tua de terra Canaan, Pater tuus Amoræus & mater tua Cethæa. Quando nata es in die ortus tui, non est præcisus umbilicus tuus, nec es lota aqua ad salutem, nec sale salita, nec involuta pannis, &c. Nam hunc populum ex solitario Abraha ortum, qui ex gentilitate & Idolatria vocatus est, quomodo ornaverit Dominus regno & sacerdotio seu cultu notum est. Hæc ornamenta, inquit, propter idolatriam tuam amittes. Redigam enim te in ordinem, & abjiciam, ut sis, sicut alij populi, qui non Deum, non cultum Dei habent.

Secundo, ponam te sic nudatam omnibus ornamentis, in solitudinem, ut sis sicut terra desolata, quæ habitari nequit. Hic significat populum hunc, postquam cultum & regnum amiserit, frustra postea tentaturum, ut emergat iterum. Sicut Daniel quoq; dicit cap. 9. Civitatem & sanctuarium vastabit populus cum Duce venturo, & finis ejus erit, quasi inundatio, & post finem belli definita desolatio, hoc est, Sicut à Romanis populus hic opprimetur, ita manebit & statutum est, ne unquam posthac emergat. Itaq; varie tentarunt fortunam, sed frustra. Positi enim sunt sicut hoc loco bis minatur, ut maneant tanquam desolatus & inhabitabilis locus.

*Ps. 69.*

Tertium est, quod etiam siti hunc populum perdet. Hoc proprie pertinet ad excæcationem spiritualem, quod sicut David dicit, Mensa eorum eis est in laqueum. Grave est sic vastari hunc populum, ut nulla ratione possit restaurari, Sed longe gravius est, in tot calamitatibus etiam consolatione omni carere, sicut Iudæis accidit. Studiose enim hoc agunt, ne intelligant prophetias de Christo, ac in id incumbunt, quomodo veram Scripturæ sententiam cavillationibus possint obruere. Hæc est illa sitis, quam Amos fami comparat, non panis, sed Verbi. Sicut econtra, qui Christum amplectuntur, & in eum credunt, in illis nascitur fons aquæ salientis in æternam vitam, Hac aqua qui carent, hos perire necesse est, sicut exemplum Iudæorum ante oculos est, Sed nondum finis. Nam addit,

*Panes Verbi*

*Et filiorum ejus non miserebor, quoniam sunt filii ex fornicatione nati.*

*Nam mater eorum fornicata est, & parens eorum turpiter se gessit.*

*Pena in posteritatem.  
Fuit fornicationis.*

Hæc est quarta calamitas, quod poena etiam in posteritatem derivabitur. Vocat enim filias fornicationis posteritatem, quæ Synagogæ impietatem sequitur. Hæc cum peccatis etiam poenæ hæreditatem sortitur, sicut videmus ante oculos. Volunt Iudæi Majorum suorum esse similes, Christum blasphemant, omnes vias obstruunt, quibus possunt duci ad cognitionem Christi, suis Doctoribus plus fidei tribuunt, quam ipsi Scripturæ, Prophetarum testimonia de Christo non solum scelerate eludunt, sed prorsus rejiciunt. Nullum enim invenies Iudæum, qui Prophetarum auctoritatem sequatur. Manent igitur in eadem cæcitate, & portant eandem poenam cum matre, in iisdem enim peccatis permanent.

*Quia dixit, Sequar amatores meos, qui mihi dant panem meum, aquas meas, lanam meam, linum meum, oleum meum, & potum meum.*

*Evangelium ab  
gignunt homines  
propter lucrum.*

Hoc Synagogæ peccatum Propheta in hoc loco non semel reprehendit, sicut sequentia ostendunt, quod scilicet Synagoga putabat illum Evangelij & Christi neglectum profuturum ad retinendum regnum & corporalia commoda, Sicut Iohannes ostendit capite 11. in publica deliberatione hoc caput fuisse, Si dimitterent Iesum, futurum, ut omnes crederent in eum, ac tandem venirent Romani, & tollerent Gentem & locum ipsorum. Clarius autem hoc ipsum proponit Christus in parabola de cœ-

de coena magna, ubi convivæ invitati coenam negligunt, quod cura agrorum, boum & nuptiarum potior eis videretur. Quis autem non miretur extremam cæcitatem? Idolatriam & mendacem doctrinam judicant felicem fore, Contra, si veram doctrinam amplecterentur, metuerent, ne fame esset percundum. Sicut Ierobeam Idolatriæ pater, tum se regnum retinere posse sperabat, si verum cultum aboleret, & institueret novos cultus.

Hodie quoque quam putamus causam, cur retineant tam pertinaciter impios cultus Papistæ, nisi quod vident eos conjunctos cum opibus & dignitate? his metunt, si sanam doctrinam amplectantur, Quasi vero, aut Deus nolit dare panem Ecclesiæ suæ, aut satius sit à Satana cum petere. Novi hominem nobilem, qui cum amplissimos redditus non ex uno Canonatu haberet, à familiari pio & erudito viro admonitus forte in mensa est, ut se quocunque modo ex hoc vitæ genere evolveret, in quo ne quidem recte sentire de religione esset tutum. Ibi ille, commonstrans digito delictiorem panem, & vinum, quod præstantissimum tum appositum erat. Hæc, inquit, sunt quæ faciunt, ut hoc vitæ genus deserere non libeat. Agnoscis, quod sicut Propheta de Synagoga hic dicit, Ita Canonicus iste panem & vinum idolatriæ præmia judicabat, & ideo eam volebat abjicere. Ac profecto postea majus præmium hujus impii sui animi tulit. Nam etiam Episcopus est factus, ad quam dignitatem nunquam venisset, si sui ordinis idolatriam & impietatem reprehendere, & cum Christo se conjungere, ac Evangelium amplecti voluisset.

Quid autem de his dicas aliud, quam quod Paulus dixit, Deum eorum esse ventrem? Hunc respiciunt in suis cultibus, Huic quicquid aut commodum aut incommodum est, hoc vel sequuntur vel fugiunt, nulla plane habita ratione verbi & filii Dei, de quo tamen norunt divinitus mandatum, quod audiri debeat. Profecto toto animo cohorresco, cum video Papistarum peccata sic congruere cum Israëlitiçi populi peccatis. Quis enim non metuat idem periculum etiam Germaniæ impendere?

*Quare, ecce ego intercludam vias tuas spinis, & sepi obsepiam, ne inveniat semitas suas, Setabitur ergo amatores suos, & non assequetur, quæret eos, & non inveniet.*

Repetit hic pœnas, sed aliis figuris. Quia enim impii quanto calamitati propiores, tanto etiam securi magis sunt, non satis est eos admonuisse semel, etiam milies repetitas minas tamen contemnunt. Vtitur autem Propheta bellissima figura. Similitudo de adultera ostendit ardens desyderium, quo Satan idolatrarum animos accendit. Vere enim nullum scortum sic ardet libidine, sicut qui à vero cultu discesserunt, studio idolatriæ cumulandæ & promovendæ ardent. Cum igitur nulla ratione possint revocari in viam, quanto enim te eis oppones vehementius, tanto ardentius urgent cultus suos. Ideo minatur Deus, se interclusurum eis viam, hoc est, per externum hostem coacturum, ut ab idolatria desistant. Nihil Christus, nihil Apostoli potuerunt proficere apud Iudæos. Sed postquam Romani Templum & civitatem æquarunt solo, ibi sacrificia & cultus suos, quos Evangelio pertinaciter opposuerant, coacti sunt intermittere. Cum enim studium idolatriæ eximi non possit, siquidem verbo parere nolunt, facultas tali ratione adimi potest, ut currentes non apprehendant, & quærentes non inveniant amatores suos.

Hanc pœnam etiam Episcopi Germaniæ urgent, Nullum faciunt finem impiarum Missarum, nihil minuunt de idolatricis aliis cultibus, Pergunt adhuc hodie commendare suis infinitas superstitiones benedictæ aquæ, salis, &c. Admonentur quidem de his per verbum, sed frustra, Quid igitur expectamus aliud, quam ut Turca aut alius Barbarus hostis veniat, & evertat omnia. Hæc sola sepes est, qua via eis ad superstitionem occludi potest. Misera Pannonia septennalia vota habuit, quæ per solvit Idolo Mariæ, quod ad Aquas cultum est. Nonne autem occlusa jam eis via est, dum à Turcis oppressi, vitam, fortunas, & omnia amiserunt? Hæc idolatriæ merces est.

Ooo 4

Sed

*Idolatriam comparat adulterio.*

*Episcopi Germaniæ.*

*Pannonia.*



Sed mundus non prius hæc credit,quàm experiatur. Itaque qui moniti resipiscere nolunt,pergant. Nos autem decet tanto diligentius urgere veros cultus, & omnes occasiones idolatriæ cavere,ne in eadem pericula involvamus.

*Vt dicat, Vadam & revertar ad maritum meum priorem, apud quem melius habebam quam nunc.*

*Deus punit bo-  
no consilio in-  
fligit.*

Insignis particula est. Docet enim,quòd Deus,etiam cùm peccata punit, eo consilio punit,ut peccatores revocet ad pœnitentiam, & reducat in viam. Sicut Paulus quoque Corinthiis concionatur, Cùm judicamur, à Domino corripimur, ne cum hoc mundo damnemur. Hæc sententia tanto est inculcanda nobis diligentius, quanto rationis iudicium longius ab ea dissentit. Nam postquam constat punire Deum peccata, ratio eam pœnam iudicat sine omni misericordia esse. Itaq; abjicit animum & desperat. Sed Prophetam hîc audi. Peccatum Synagogæ profecto grave & horribile est, pœna quoque est horribilis. Sed cur eam infligit Deus? Nimirum, ut admonita calamitatibus redeat ad Deum suum, & iterum se cum eo conjungat. Rectè igitur David calicem Domini appellat, calicem salutis. Nec solum <sup>psal. 11.</sup> Sanctis salutis calix est, qui sæpè affliguntur præter meritum, sed iis quoque, qui propter peccata castigantur. Deus enim non vult mortem peccatoris, sed ut convertatur & vivat, ut sicut à Deo discessimus, ita rursus cum Deo per veram pœnitentiam & fidem jungamur. <sup>Exod. 14.</sup>

*Hungaria.*

Hanc sententiam afflictiis inculcare utile est, ut postquam peccatum negare non possunt, cuius eos pœna admonet, hanc tamen consolationem retineant, Deum punire, non ut abjiciat, sed ut ad se revocet, & tanquam benignus pater remedia quærat, ne inobedientem filium ab hæreditate cogatur excludere. Horribilis hodie miseræ Hungariæ facies est, sed utinam contingant Hungaris pii doctores, qui eos admoneant Deum hoc agere, non ut abjiciat eos, sed ut admoneat veteris idolatriæ, & hoc modo ab Idolatria cessare faciat. Precentur peccatorum veniam, & sperent salutem per Christum.

*Austria.*

Vicina Austria videt, quid sibi expectandum deinceps sit. Utinam autem cogitet, & statuatur hæc esse præmia idolatriæ tam diu defensæ, & innocentis sanguinis, qui effusus est passim, dum sævitur in eos, qui puram doctrinam Evangelii profitentur, & abusus Pontificios damnant. Utinam admonita præsentibus calamitatibus discat eam religionem, quam hætenus pertinaciter retinuit, horum malorum causam esse, & amplectatur Verbum, ac Ecclesias verè instituat, abjectis inutilibus & superstitiosis cultibus. Sed sicut apud Synagogam frustra fuerunt hæc omnia, ita quoque periculum est, nos frustra concionari adversariis nostris.

*Sed ipsa non intelligit, quod ego dederim ei frumentum, mustum, & oleum, ac multiplicaverim ei argentum & aurum. Ideo eo abusi sunt ad cultum Baal.*

Consilium Dei bonum & sanctum est, sed impia caro non paret, non abolet impios cultus, sed auget, non agit pœnitentiam, sed secunda in peccatis pergit, Sicut etiam Esaias in 1. cap. queritur, Super quo percutiam vos ultra? Siquidem additis <sup>isa. 1.</sup> prævaricationem. Intueamur autem nostra quoque tempora. Horribiles & quotidianæ pœnæ, quæ undique ingruunt, non frangunt adversarios, Itaque crudelitatem, qua contra Ecclesiam usi sunt, non abjiciunt, nec ad verbum advertunt animum, & summa pertinacia, quæ reprehendi in suis cultibus norunt, retinent ac defendunt.

Merito igitur intuentur hic pii in longanimitatem Dei, & ea se consolantur. Siquidem etiam in malos Deus est beneficus, & non solum cumulat eos bonis, sicut Dominus hic dicit, Se dedisse idolatris ludæis frumentum, mustum & oleum, ac multiplicasse eis aurum & argentum, Sed etiam cùm punit ingratos, pœna eo consilio immittitur, ut discant agnoscere Deum, & convertantur ad Deum. Sicut autem caro cæca est, & consilium Dei punientis non videt, Ita etiam non animadvertit ex quo

quo fonte tantum beneficiorum flumen promanat, Accepta enim fert omnia idolatriæ & idolis, in quibus ornandis & colendis postea non solum studiosa, sed etiam immodice prodiga est. Sicut etiam Papistarum exemplum ostendit.

Postrema particula mire brevis est (Asu la Baal) fecerunt ad vel pro Baal. Sed non dubium est, quin Propheta hoc velit dicere, quod Idolatræ Iudæi auro & argento abusi sint ad cultum Baal, Siquidem existimaverunt hæc cultus ipsorum præmia esse. Sed hic nascitur quæstio, Historiæ ostendunt cultum Baal tempore Iudicum sub Gedeone coepisse, & sub Iosia desuisse. Si igitur hoc in loco Propheta agit de Synagoga per Romanos vastanda, quomodo cultus Baal meminit jam olim penitus sublatus? Responderetur, Nomine Baal in genere omnem idolatriam significari. Non enim vocabulum Baal tantum Dominum significat, sed fere accipitur pro adamato, sicut in germanico vocamus *Ein Buleu*/cum significamus inhonestum amorem. Usitatum autem huic Prophetae est, idolatriam comparare cum scortatione & adulterio. Nec inepta etiam hoc loco sententia est, faciunt Baal ex auro & argento, ut non intelligas tantum ornatas statuas Baal auro & argento, sed simpliciter abusus Iudæos opibus ad idolatriam ornandam. Sic infra dicet, Auferam nomina Baalim, hoc est, non colet idola, Sed dicet, marite mi. Complectitur igitur nomen Baal in genere omnem idolatriam, quæ propriè est turpis & foedus amor, translatus à Creatore ad creaturas.

Baal.

Si quis tamen hanc sententiam complecti nolet, quæ incommodi nihil habet & cum Grammatica convenit, is hoc modo patietur sibi satisfieri, ut hunc locum intelligat, sicut illum Matth. 23. cum Christus minatur Phariseis, & toti Synagogæ, ac dicit, venturum super eos sanguinem omnium occisorum ab Habel usque ad Zachariam. Certe Iudæi, qui tum erant, Habelem non occiderant, & tamen sanguinis ejus poenas luunt, quia se cum impio Cain conjungunt, & persequuntur pios doctores. Ad hunc modum idolatræ Iudæi, hoc est, persecutores Evangelij, etsi Baal non coluerant, tamen eodem Idolatriæ peccato tenebantur, ponentes fiduciam in cultus & sacrificia sua, & Christum abicientes. Quod si ad hunc modum hæc transferas ad Synagogam, Christi & Apostolorum tempore Evangelium damnantem, grande hoc convicium est, sacrificia & alios cultus legales appellare cultum Baal, hoc est, statuere, quod tam Deus eos abominetur, atque idoli Baal cultum abominatus est. Et tamen revera sic est, Siquidem quod non ex fide est, est peccatum, Et qui filium Dei non habet, non habet vitam æternam, 1. Iohan. 4.

Cultus Baal.

*Quare auferam rursus frumentum meum in tempore suo, & mustum meum certo suo tempore, & lanam meam eripiam, ac linum meum, quo vela vit pudenda sua.*

Hic tandem finis est, ad quem impietas tendit, & cogit Deum, sua natura bonum, mitem, patientem & ignoscentem, ut sit durior. Nam qui bonitate Dei abuti non desinunt, in hos quomodo potest Deus diutius esse beneficus? Frumentum, mustum, lanam & linum, hoc est, panem quotidianum, pacem & omnia, quibus hæc corporalis vita opus habet, Deus etiam malis donat, ut agnoscant eum & ejus bonitati fidant, ac acquiescant voci ejus.

Sed Iudæorum exemplum vide. His donis abusi sunt ad tegendam ignominiam suam seu impietatem. Voluerunt enim ex isto successu probare aliis, quam Deo essent curæ, cum tamen turpes idolatræ & Propheticidæ essent. Sicut Pontificii superiorum temporum commoda nobis obijciunt, tanquam certum argumentum veræ & puræ religionis. Præsentia autem incommoda, quæ superioris idolatriæ, & præsentis ingratitude & contemptus poenæ sunt, dicunt ex Evangelij nostri doctrina enari, quam tanquam noxiam damnant, & omnibus conantur invisam reddere. Vere igitur mundus insanabilibus malis urgetur, nam plagis non emendatur, & beneficiis Dei turpiter abutitur. Quid igitur aliud faciat Deus, quam ut malos male perdat, & omnia commoda tandem eripiat, ut cogantur vel invitati desistere à peccatis?

Impi bonitate Dei abutitur.

Sed

Dives, Luc. 16.

Lazarus.

Sed hæc quoque privatorum existimemus peccata esse. Dives apud Lucam in summis deliciis, in re bona ac lauta est, Nec tam presentium bonorum usu delectatur, quam quod putat ea esse premia justiciæ. Se igitur beatum judicat, Econtra Lazarum afflictum contemnit, tanquam Deo invisum, & qui peccatis suis coegerit Deum ad tam acerbos cruciatus infligendos. Securus itaque pergit in hypocrisi, & verorum cultuum Dei penitus obliviscitur. Non cogitat hoc præcipue faciendum sibi, ut primum Deo gratus sit pro benedictione illa corporali, hoc est, ut discat fidere bonitate Dei, ac ejus verbo parere. Deinde, ut utatur bonis non ad suas voluptates tantum, sed ad aliorum inopiam sublevandam. Itaque cogit Deum sicut Propheta hic loquitur, ut iratus repetat frumentum, mustum, lanam ac linum, & nudum proponat spectandum aliis, quod non fuerit Deo charus nec gratus.

Creatura liberatur ab abusu, cum eripitur impiis.

Ufus autem est Propheta mire significanti verbo. Non enim simpliciter sonat eripere, sed (Hizalhi) liberabo. Id quod Paulus imitatus videtur, cum dicit Rom. 8. *Rom. 8.* Ipsa autem creatura liberabitur à servitute corruptionis. Nam quæ Deus condidit, omnia bona sunt, & ad hominis usum condita. Ista autem creaturarum quasi captivitas est, quod servire coguntur impiorum abusibus. Sic lana & lino abusi fuerant ad regendam turpitudinem seu impietatem suam idolatræ. Ex hac servitute, inquit Dominus, liberabo lanam & linum meum, hoc est, auferam impiis hominibus dona hæc, ne iis amplius possint abuti ad hypocrisin & idolatriam ornandam, Hanc liberationem videmus, cum Dominus Tyrannis eripit regna, cum avaris opes, robustis vires, & aliis alia dona adimit. Quia enim non nisi abuti illis impii volunt, merito eripiuntur eis. Qui historiam Iudaici belli legunt, vident quomodo frumentum, mustum, lanam & linum Synagogæ eripuit Dominus.

*Et nunc detegam turpitudinem ejus, in conspectu Amatorum ejus, nec eripiet eam quisquam ex manu mea.*

Impiorum pena sine fine.

Hic demum rectè ex eventu judicium sumitur. Sinit enim Deus etiam pios affligi in hac vita, sed habet afflictio modum, & sicut Christus promittit, vertitur tristitia *Iob. 16.* piorum in gaudium. Sed cum impios Dominus visitat, qui in peccatis secure pergunt, sic obruuntur malis, ut finis nullus sit calamitatum. Cur enim tempus, quod Dominus ad poenitentiam concessit, præmittunt sine omni fructu, & hoc tantum agunt, ut sibi cumulent iram? Retinet autem Propheta hic similitudinem de adultera, siquidem amatorum meminit. Nihil autem opus est definire, qui sint isti amatores. Propheta enim simpliciter hoc vult dicere, futurum, ut illæ infinitæ calamitates toti mundo hujus populi pertinacem impietatem patefaciant, & ex illa mirabili ruina agnoscant omnes cultum, quem Synagoga contra Evangelij doctrinam retinuit, meram esse abominationem coram DEO.

Vocabulum (Nebala) utrunque complectitur peccatum & peccati poenam, confusionem. Indifferens igitur est, sive stulticiam seu turpitudinem & confusionem vertas, ubi idolatras eventus confundit, ut sentiant tandem se vanis præfidiis esse nixos, siquidem insanabilibus malis circumveniuntur.

*Et cessare faciam omne gaudium ejus, solennitatem ejus, Neomeniam ejus, Sabbatum ejus, & omnia statuta festa ejus.*

Abrogatio Legis.

Postquam omni genere calamitatum circumventi sunt, etiam hoc malum accedit, ut religionem & cultus Dominus damnet & abjiciat. Si enim Sabbata, si Neomeniæ, si cætera statuta festa cassabunt, quid retinebunt ex legalibus cultibus? &c. Ergo Propheta hic minatur abolitionem legis seu legalium cultuum. Non autem simpliciter in factum intueri debemus. Nam etiam Gentilium cultus interciderunt. Sed postquam legales cultus, hoc est, divina voce mandatos & institutos Propheta abolendos esse vaticinatur, nonne hoc clarum argumentum est, per legis opera non impetrari justiciam? Quanto autem difficilius fuit, præstare Decalogi opera, quam Ceremonias & sacrificia obire, tanto minus per Decalogum quoque sperari potest justicia.



ficia. Ergo similes loci omnes, qui de abrogatione legis loquuntur, ad hanc doctrinam accommodandi sunt, quod per opera non possit sperari iusticia, sed sola fide remissionem peccatorum accipi & nos justificari.

Quis igitur, inquires, sacrorum legalium usus fuit, aut cur mandavit ea Deus? Legis cultum cum mandati. Nimirum, ut Ecclesia haberet externum cultum, in quo declararet se agnoscere Deum, & obediret voci ejus. Voluit autem Deus cum hoc externo cultu conjungi interiores & veros cultus, quales sunt timor Dei & fiducia in Dei misericordiam per Seminem promissum, cujus sacrificia legalia typus fuerunt. Viderunt enim pii Deum certam hostiam filii sui liberaturum esse mundum à peccato & morte æterna. Qui in hac fide præstiterunt externos legis cultus, horum obedientia Deo placuit. Qui autem caruerunt hac fide, eos Deus tanquam idolatras abiecit & perdidit, quod statuerent se per sanguinem taurorum & hircorum hoc consequi, quod sanguine Filii Dei erat perficiendum. Hanc impietatem Prophetæ ubiq; graviter insectantur, sicut alio in loco dicemus.

*Vastabo quoq; vitem ejus & ficum ejus, de quibus dixit, Hæc mea sunt merces, quam mihi dederunt amatores mei. Igitur ponam eas, ut sint tanquam sylva, & depascent eas feræ.*

Nihil hic opus est allegoriam fingere. Minatur non solum annonæ caritatem, Deus etiam terram affligit propter impios. quam incommodæ tempestates afferunt, sed simpliciter vastitatem agrorum & totius regionis, ut olim culta & felicia loca ferarum latibula sint futura. Cur hoc facit Dominus? Cur non pulsus improbis relinquit terram colendam & habitandam melioribus? Ideo nimirum, quia benedictionem superiorum temporum, non Deo, qui etiam in malos beneficus est, acceptam ferebant, sed idolatriæ. Sicut nostro tempore Pontificis mancipia superiorum temporum felicitatem tribuunt suis cultibus, præsentia autem incommoda Evangelio imputant. Sic apud Ieremiam Iudæi cultum Reginae cœli commendabant suis auditoribus. Et Iudæi tempore Christi Mosaicos cultus anteferebant Evangelio. Sed hæc pertinax impietatis defensio cogit Deum, ut sinat iram suam sine modo grassari, non in homines tantum, sed etiam in ipsam terram, quæ propter peccata hominum amittit dona & opes suas.

*Et visitabo contra eam dies Baalim, quibus incensum fecit, & ornata monili, ac torque suo, secuta est amatores suos, mei autem oblita est, dicit Dominus.*

Superiora satis arguunt loqui eum de pœnis Synagogæ post Christi resurrectionem. Minatur enim vastationem terræ, & cultuum legalium abolitionem perpetuam. Itaq; fallitur Lyra & alii, qui ad captivitatem Babylonicam has minas applicant. Vocat autem hic, sicut supra κατ' ἐξουσίαν, dies Baalim, studium legis & legalium cultuum in conjunctum cum contemptu Christi & Evangelij. Quid enim Deo placitum credimus, ubi Filium suum abjici, & suavissimas promissiones contemni videt? Igitur, etsi legales cultus retinerent, & Deo, à quo ex Aegypto liberati erant, sacrificarent, tamen eos damnat, ac dicit oblitos Dei.

Pertinet igitur hæc tota concio eo, ut postquam Evangelium de filio Dei, & ejus beneficiis innotuit, id omnes amplectamur, aut expectemus easdem pœnas, quas populo suo inflixit Deus. Nam etsi Deus peccata odit, tamen ad alia omnia est ignoscentior, Contemptum autem Filii, hoc est, suæ misericordiæ, ferre non potest. Itaq; facile judicium est, quid maneat Pontificis turbam, quæ doctrinam fidei damnat tanquam nocentissimam hæresin, & suadet meritorum seu operum præsidia.

*Ecce autem ego persuadebo eam, & deducam in desertum, & amice cum ea loquar. Ego dabo ei ab eo loco vineas suas, & vallem Achor, ut aperiatur spes.*

Hunc

*Etiam Regno  
Iudæ minatur.*

Hunc locum, quia plenus figurarum, & ideo quoq; obscurior est, varie interpretes exposuerunt. Sed nos veram sententiam tum demum attingemus, cum diligenter seriem hujus concionis observaverimus. Primum caput post vaticinium de calamitate decem tribuum, etiam regno Iudæ minatur futurum, ut sit (Loammi) non populus. Hic Prophetam cogit necessitas, ut ostendat, quam sit Deus habiturus Ecclesiam, abjecta Synagoga & veteri populo. Dixit itaq; Deum multiplicaturum numerum filiorum Israel sicut arenam maris. Hæc ipsa promissio de multiplicatione satis ostendit, tantum reliquias veteris populi mansuras.

*Cultus Baal.*

Si autem quæras causam tantæ iræ, quod Deus suum populum sic abiecit, explicat eam Propheta copiose in 1. cap. ubi Idolatriam Synagogæ accusat, quod Christo & Evangelio repudiato retinebant legem, & observatione legis credebant se Deo placituros. Hanc impiam opinionem vocat fornicationem, vocat adulterium, vocat cultum Baal. Quia enim cultus Baal à Gentibus acceptus erat, ideo hoc studium Legis cum contemptu Evangelij conjunctum tam turpi nomine notat, & addit quoq; integram Prophetiam de futuris calamitatibus, quibus Deus hanc idolatriam puniturus sit. Hæc igitur hujus concionis pars quasi expositio ejus est, quod in 1. capite Propheta breviter dicit, Vos non populus meus.

*Summa loci.  
Collatio Ecclesie  
novi Testamenti  
cum veteri po-  
pulo.*

Quæ nunc sequuntur, pertinent ad explicationem ejus particulæ, à qua 2. capituli initium fecimus, ubi Propheta vaticinatur de Ecclesia, quam Deus in mundo abjecta Synagoga habiturus est. Summa autem hujus loci est, quod Deus novum populum sibi paraturus sit per novum Evangelij verbum. Hæc Prophetæ simplex sententia est. Sed nunc figuras quoq; paucis indicabimus, ut clarius conspici Prophetæ sententia possit. Vetus populus cum ex Aegypto educeretur, in desertum ductus est.

I. Ita hic dicit Dominus de populo novi Testamenti, se eum etiam ducturum in desertum.

II. Porro in deserto cum veteri populo locutus est Dominus in monte Syna. Ita hic quoq; locuturum se cum suo populo Dominus promittit, sed alio modo. Nam in Syna horribili voce locutus est, hic autem blande loquitur.

III. Cum jam occupata Iericho à Iosua introduceretur populus in terram promissam, habuerunt vallem Achor, in qua turbatus est Israel propter peccatum Achan. Ita hic quoque dicit habituram Ecclesiam suam vallem Achor, hoc est, crucem & pericula, sed Dominum mitigaturum hæc certa spe vitæ æternæ. *Ios. 7.*

Quarto, Populus ex Aegypto egressus & liberatus à Pharaone, canit laudes Deo. Ita in hoc novo regno futurum dicit, ut canant laudes Deo pro tam magnifica liberatione. Hic enim demum verus cultus est, amplecti verbum, seu credere, & postea confiteri, ut prædicatione verbi etiam cæteri ad cognitionem Christi invitentur. Quæ postea Propheta usq; ad finem capituli subjicit de pace, de æterno fœdere, de exauditione, ea pertinent ad hujus regni divitias & dona prædicanda.

Hanc sententiam sic breviter ostensam confer cum aliorum expositionibus, & apparebit in hoc nihil coactum, nihil alienum, nihil incommode adhiectum. Sicut multa fingere eos necesse est, qui minus propriam sententiam sequuntur. Sed nunc ordine explicabimus singula.

Verbum persuadendi Ebræis est (Patha) à quo sine dubio Græcum *πείθω* factum est, & fortasse etiam *ἀπατάω* & *ἀπάται*. Nam Ebræum verbum sæpe usurpatur pro decipere, ut Exod. 22. Si quis deceperit puellam. Proverb. 1. Fili, si te lætaverint peccatores. Ierem. 20. Domine seduxisti me, & seductus sum. Est enim vocabulum medium, & significat bona verba dare, sive studio juvandi alios, seu nocendi aliis. Proprie igitur hoc in loco pertinet ad doctrinam Evangelij. Ea enim vera Pitho seu Suada est, qua animi hominum capiuntur. Non enim sicut lex terret animos minis & poenarum cruciatu. Sed etsi arguit peccata, tamen ostendit Deum peccatoribus propter Filium suum ignoscere velle, & proponit sacrificium filii Dei, ut statuam animi Deo per id satisfactum.

*Evangelium la-  
tis nunciatur.*

*Exod. 22.  
Prov. 1.  
Jer. 20.*

Quemadmodum igitur illud nuncium, oppresso populo ab Aegyptiis gratissimum

tissimum erat, cum audirent ex Mose, quod Dominus apparuisset, & liberationem promississet. Ita hoc in loco ostendit Propheta suavius & lætius hoc nuncium fore, cum pavidæ conscientiæ audient, Deum remittentem peccata, & promittentem vitam æternam, per Filii sui mortem & meritum. Hac doctrina, inquit, ita capiuntur & demulcentur animi, ut Dominum vocantem in desertum sponte sequantur.

Mat. 11.  
1. Cor. 1.  
Ihu. 30.

Et si autem tantum ideo deserti mentionem Propheta facit, quod vetus legis populus, cum ex Aegypto liberatus esset, in desertum primo ductus est, tamen non inconcinna allegoria est. Mundus enim contempto Evangelij verbo, Aegyptum tenet & fruitur ibi ollis carnum & saturitate panis. Contra pii quasi in deserto vivunt ac undiq; premuntur, Sicut Christus dicit. Pauperes evangelizantur, & Paulus, Non multi nobiles secundum carnem, potentes & sapientes, &c. & tamen hoc ipsum desertum habet suam benedictionem, panem scilicet arctum & aquam brevem. Sicut Esaiæ 30. appellat. Et si enim Dominus non dat eam abundantiam Ecclesiæ, quam habent impii, tamen tribuit necessaria. Hæc priusquam sineret deserti piis, nubes rumperentur, & deplueret panis, sicut in deserto. Habet enim Ecclesia promissionem, futurum, ut si primum quærat regnum Dei & justiciam ejus, omnia ei affluant. Scit enim Pater noster cœlestis, quibus habeamus opus, nec ita durus est, ut filio postulanti panem, lapidem porrigat, &c.

Desertum in quo  
Ecclesia vivit.

Mat. 6.

Sed his promissionibus mundus non credit. Itaque sicut inobediens Israël respicit ad ollas carnum, ita videmus omnes indulgere curis hujus seculi, & non spem sed opes & potentiam sectari. Itaque meminerint pii, relinquendam Aegyptum, & expectandum auxilium ex cœlis. Fortasse desertum etiam eo accommodari potest, quod politia & cultus Mosaicus desit. Itaq; intuenti in Ecclesiam desertum esse videtur. Sublata enim discrimina sunt, quæ in lege erant, personarum, temporum & rerum, ac conceditur liber usus omnium rerum, si cum gratiarum actione & sine scandalo iis fruamur. Quæ autem proprie Ecclesiæ sunt, nempe ministerium docendi, Baptismus & coena Domini, levia esse videntur, & non magni momenti. Sed qui hos quasi absconditos thesauros eruit, & in lucem collocat, videt non esse Ecclesiam desertum, sed Paradisum, &c.

Esa. 40.

Ebræa phrasis est (Dibarthi al libo) quo in simili concione Esaias quoq; utitur cap. 40. Loquimini ad cor Ierusalem. Significat autem sic familiariter & amice loqui, ut cor non possit non gaudere, & impleri certa fiducia benevolentiae. Respicit autem Propheta hic quoq; ad veteris populi exemplum. Cum eo Dominus in deserto ad montem Syna locutus est, Sed adeo insuavi & horribili voce, ut pavidæ corda eum non possent sustinere amplius, & rogarent Mosen, ut ipse potius loqueretur. Sicut igitur populus ihj hominis vocem voci Dei præferebat, Nam legis vox intolerabilis est, siquidem præstare eam in hac imbecillitate nostra, & Satanae potentia non possumus. Ita hic diversum facit Ecclesia, Dei blandam & suavem vocem admittit, hominum autem vocem tanquam ominosam averfat.

Vox Dei in no-  
vo Testamento.

Quæ sequuntur, eodem pertinent, Populus ex Aegypto in desertum deductus, cum veniret ad terram promissionis, occupabat culta hostium vineta. Ita significat etiam Ecclesiam quoq; suas vineas, hoc est, consolationem spiritualem & dona sua habituram, ad quæ iter per desertum mitigatur. Nam quod Evangelium audimus, quod baptizamur, quod utimur Coena Domini, hæc non corporalis alicujus commodi gratia, nec propter hanc brevem & calamitosam vitam facimus, quæ ideo quoq; deserti similis est, quod post alia incommoda etiam à feris, hoc est, à Satana & ejus membris, nobis periculum est. Sed quæritur nobis consolatio de æterna vita, ut liberati per filium Dei à peccatis, & à morte habeamus quo innitamur in judicio Dei, non nostram justiciam, sed eam, quæ est per fidem in Filium Dei.

Suavissimum autem est, quod Propheta meminit vallis Achor, cui ab eventu nomen est inditum. Cum enim Iericho occupata, & omnium animi tam pulchro successu in certam spem terræ Canaan occupandæ vocati essent, subito magna turbatio incidit. Nam cum Achan ex præda anathemate consecrata, contra

Vallis Achor.

Achan.



mandatum Domini, pallam & aurum clam abstulisset, publica calamitate privatum peccatum punitum est. Habitatores enim civitatis Ai tria Israelitarum millia in fugam verterunt, cæsis non paucis. Hæc subita & insperata calamitas omnium animos perturbavit. Videbantur enim reliqui terræ Canaan habitatores resumpturi animos ex Aitarum successu. Et loquebatur res ipsa, Dominum, cujus timor totam gentem illam pervaserat, ab Israelitis recessisse. Itaq; ab eventu vocarunt vallem Achor, quasi dicas,urbationis vallem, quod omnium animi insperata clade mire perturbati essent. Sed Iosue postquam lustravit exercitum, & sorte iniquitas Achan prodita esset, sumisit supplicium de eo, & mitigata hoc pacto ira Domini, postea omnia fuerunt felicia.

*Ecclesia habet  
vallem Achor.*

Ad hunc modum vaticinatur Ecclesiæ Propheta, futurum, ut ipsa quoque habeat suam vallem Achor, hoc est, ut cruce & variis periculis exerceatur. Nota enim est Satanæ malicia & assiduum studium, quo insidiatur Verbo & fidei. Initio excitat impios doctores, qui serunt pravæ opinionis de religione. Has quia mundus avide amplectitur, etiam crudelia consilia capit, ac vi grassatur in veræ religionis doctores. Mundus enim nihil potest minus ferre, quam idolatriæ & superstitionis reprehensionem, Sicut experimur in nostris Episcopis & Pontificibus. Vtrumq; igitur piis periculum est, ut & virent impia dogmata, & patienter ferant injurias Tyrannorum, quas propter defensionem sanæ doctrinæ sustinere coguntur. Sed hæc fere ludus & jocus sunt, si conferas ad illa certamina, quæ in piorum animis à Satana excitantur. Hi enim etsi non soli sentiunt veros terrores mortis, tamen soli pugnant contra desperationem, & experiuntur peccati stimulos, quos Lex acuit. Nec satis est semel hæc expertos esse, quotidie novæ pugnae nascuntur, quotidie nova pericula surgunt. Sicut Psal. 42. ostendit, qui tentationes comparat tempestati, in qua fluctus ex fluctibus veluti nascuntur, & magna mole se mutuo urgent ac impellunt. Undiq; igitur pii angusti septi sunt, sicut Apostolus quoq; dicit, Foris pugna, intus pavor. Quis autem enumeret illa incommoda corporum & fortunæ, quibus exercentur pii, Sicut ostendunt exempla Iob, Lazari & aliorum.

Hanc Ecclesiæ seu conditionem seu fortunam ostendit Propheta, cum facit mentionem vallis Achor. Nec absurda etiam hæc similitudinis ratio est, quod populus Israel propter unius Achan peccatum sic turbatur. Etsi enim Ecclesia non patitur suo merito, sicut facinorosi, tamen omnium calamitatum causa est peccatum, quod à primis parentibus in nos derivatum est, & variis crucis remediis opus habet, ut paulatim mortificetur. Sancti enim tum maxime periculis expositi sunt, cum minimum sentiunt tentationum. Et caro nisi exerceatur quotidianis incommodis, paulatim labitur in securitatem, & peccat. Igitur Deus tanquam Pater filiorum amans suos assidue exerceri sinit, ut discant exercere fidem in oratione, & patientiam in periculis.

Sed dura, inquires, Christianorum conditio est, si hoc modo perpetuis crucis & periculorum undis in mundo jactantur? Profecto dura, si, ut Paulus in Corinthiis dicit, nihil habent, quam spem hujus præsentis vitæ. Sed audi porro Prophetam, quid de valle Achor addat. Dabo ei, inquit, vallem Achor, ut aperiatur spes. Hic iterum respicit ad veterem populum, qui cum in valle Achor, propter acceptam cladem ex peccato Achan turbaretur, posturbationem istam iterum spem certam occupandæ terræ Canaan ex Aitarum clade concepit. Omnia enim felicissime successerunt.

*In valle Achor  
aperitur spes.*

*Ecclesia.*

Sic de Ecclesia promittit, futurum, cum sic undique turbatur à Satana, mundo, peccato, & morte, ut aperiatur ei spes, non solum certæ, sed etiam æternæ victoriæ. Nam Ecclesia primo verbum habet, quo promittitur liberatio. Deinde pii non soli in periculis sunt, sed assistit eis Filius Dei, qui pugnantes adjuvat, & fessos animos erigit spe futurorum bonorum, quæ verbum ostendit. Assistit quoq; eis Paracletus, sanctus Spiritus, hic animos excitat ad orationem, & consolatur, ne frangi se sinant, sed statuam Satanam jam antea à Christo victum ac prostratum, & nunc hoc agi, ut ope Christi ipsi quoq; eum vincant. Hæc spes non solum erigit animos, sed etiam certam parit victoriam, Sicut historiæ Martyrum ostendunt.

Igitur

Rom. 5.  
Luc. 8.

Igitur ex hoc loco natæ sunt insignes conciones Apostolorum, quibus docent ac hortantur, ut non solum non frangamur animis in tribulationibus, sed etiam gloriamur. Tribulatio enim, sicut Paulus Rom. 5. dicit, parit patientiam, Patientia probationem, Probatio spem. Spes autem non confundit. Ideo Lucas quoque cum explicat parabolam, suavissime dicit, Semen in bona terra esse eos, qui audiunt Verbum, & retinent in bono ac puro corde, ac ferunt fructum in patientia.

Conciones Apostolorum de virtute & afflictionibus Ecclesie.

1. Cor. 9.  
1. Tim. 2.

Sic vallis Achor sine dubio fuit fecundissima vallis, sed in ea Israel valde turbatus est. Ecclesia igitur, quæ sola optimorum fructuum ferax est (Sicut Christus testatur, cum dicit, Ego sum vitis, vos palmites, qui in me manet, & ego in eo, hic feret multum fructum) sic parit fructus suos, ut sit tamen in valle Achor. Urgetur enim omnis generis malis & periculis. Quod autem non succumbit, nec vincitur malis, causa est, Quia in hac ipsaurbationis valle aperitur spes. Qui enim novit peccata sua condonata, & se propter Iesum Filium Dei cum Deo reconciliatum, ac filium Dei & hæredem factum esse, hunc quæ calamitas dejiciat? Etsi enim vita profundenda est, tamen scit, se non amittere vitam, sed invenire, & effugere æternam mortem, sicut Christus dicit. Hæc spes Ecclesiam servat. Itaque Paulus, cum hortatur Timotheum, jubet, ut meminerit Iesum Christum excitatum ex morte. Fidelem enim esse sermonem, si simul morimur, etiam simul vivemus, Si patimur, etiam simul regnabimus.

Vallis Achor.

Spes in cruce qualem?

Isa. 65.

Simili ratione meminit vallis Achor Esaias quoque cap. 65. Ostendimus enim non uno loco in Michæ e narratione, hos Prophetas, sicut eodem tempore docuerunt, ita etiam verbis & figuris sæpe iisdem esse usos. Sic autem dicit Esaias, Educam semen de Iacob, & hæredem montium meorum de Iuda, & hæreditabunt eam electi mei, & servi mei habitabunt ibi, & erit Saron habitaculum ovium, & vallis Achor cubile populo meo, qui me quæsit. Delectavit enim Prophetas suavissima similitudo, quod vallis Achor est, sicut Propheta dicit (Lepatha thikiva) ad aperiendam spem, quod qui (sicut in Psalmo est) in lachrymis seminant, in exultatione metent. Utile autem est hæc sæpe meditari animo. Sentimus enim quantum ratio à cruce abhorreat. Fit autem id eam ob causam, quia sentimus cum cruce conjunctam iram Dei, & perditionem, hoc est, judicamus crucem esse sine spe, & tantum vallem Achor. Sed hoc rationis iudicium non convenit cum Propheta, qui promittit in ista valle Achor aperiendam spem.

Spem non abijciendam in cruce.

1. Cor. 10.

Discamus igitur magno animo esse in periculis, & cum fidei Abraham credamus in spem contra spem. Fidelis enim Deus est, qui non sinet nos tentari supra id, quod possumus, sed simul faciet cum tentatione *ἐξόδου* seu evasionem. Sicut testantur exempla & quotidiana experientia. Nam si etiam sancti Martyres, qui vitam suam propter Christum profuderunt, tamen spem æternæ vitæ retinuerunt, Num putabimus nobis abijciendam spem, qui nondum usque ad sanguinem restitimus? Sicut igitur Ecclesia omnibus temporibus per hanc vallem Achor ambulavit, & variis periculis & malis jactata est, Ita etiam videmus omnibus piis in ista ipsa valle Achor apertam spem, ut & contemnere pericula possint, & tandem liberentur. Molli autem & infirmi animi est, postulare, ut Deus nos meliore loco habeat, quam reliquam totam Sanctorum suorum Ecclesiam, imo quam filium suum, qui ideo in hanc vallem Achor constitutus est, ut tanto nobis certior spes salutis ostenderetur. Hunc igitur tanquam ducem periculosi hujus itineris sequamur, sicut Michas eum perruptorem seu dissipatorem vocat. Ita nos quoque speremus ipsius ope & auxilio nos tuto perrupturos.

Mich. 2.

Rom. 8.

Atque hic locus eo etiam nomine nobis debet esse commendatus magis, quia ostendit, quale sit regnum Christi, non corporale seu mundanum, quod totum in usu & tractatione rerum, quæ oculis expositæ sunt, est positum, Sed Spirituale, in quo non res sed spes docetur, sicut Paulus dicit, Spe salvi facti sumus, Spes autem, quæ videtur, non est spes. Cur enim speret aliquis quod videt? Si autem, quod non videmus, id speramus, per patientiam expectamus. Sicut igitur Propheta

Regnum Christi est regnum spei, Contra mundi regna regnum con-  
stant.

vallem Achor cum spe conjungit, ad eum modum vides conjungi à Paulo patientiam cum spe. Sic Zacharias vocat Ecclesiam (Alire hathik vah) Cap. 9. qui vincti sunt, sed cum spe liberationis. Nam quod credimus remissionem peccatorum per Christum, & speramus post mortem hujus corporis vitam æternam, hoc nemo oculis cernet, nec palpabit manibus. Imo experientia & sensus diversum probant. Sentimus enim peccatum inhabitans in nobis ac vivens, & ubiq; monumenta mortis obversantur animo atq; oculis. Hæc sunt vincula, quibus omnes alligati tenemur. Quia autem Verbum promittit remissionem peccatorum & vitam æternam per Christum, spe hæc arripienda & tenenda sunt, quod certo nobis per Christum obtinent. Hæc spes non confundit, sed salvat. Qui autem hanc spem non habent, sunt, sicut Paulus dicit, omnibus hominibus inferiores. Christi igitur regnum, quod Propheta hic promittit, fidei regnum est, Fides autem solo verbo nititur. Hæc tam suavis figuris veteri populo à Prophetis proposita sunt, quæ in novo Testamento explicantur clarius. Rom. 8. 1. Cor. 15.

*Et canet ibi, sicut tempore adolescentiæ suæ, & sicut in die, quo ascendit de terra Egypti.*

Respicit hic quoq; Propheta ad veterem populum. Sic enim est Exod. 15. Tunc cecinit Moses & filii Israel carmen hoc Domino, & dixerunt, Cantemus Domino, gloriose enim magnificatus est, equum & ascensorem dejecit in Mare, &c. Item Miriam soror Aaron & Prophetissa sumsit tympanum, & egressæ post eam omnes mulieres cum tympanis & choris, cecinerunt, Cantemus Domino, &c. Sicut autem beneficium corporalis liberationis Ecclesia veteris populi prædicavit, Ita dicit futurum, ut Ecclesia novi Testamenti beneficium Christi prædicet, quod devicit mortem & Satanam, ac satisfecit pro peccatis, & nobis aperuit vitam æternam. Hæc prædicatio est verus cultus novi Testamenti, quo non solum Deus colitur, sed etiam plantatur Ecclesia, & invitantur plures ad cognitionem Christi. Exod. 15. Psal. 118.

Ad hunc locum affer Scripturas, tum veteris tum novi Testamenti, quæ vel exigunt confessionem fidei, coram mundo, vel prædicant & magnifice promittunt confidentibus. Hæc enim est vox exultationis & salutis in tabernaculis justorum, & vere lætum canticum de parta victoria per Christum. Sicut Psal. 118. loquitur. Hoc enim cantico prædicatur non nostra dextera, quæ imbecillis est, & vincere nescit, sed dextera Domini, quæ est triumphans dextera, qua adjuti nos non morimur, sed vivimus, & deprædicamus opera, non nostra, sicut hypocritæ, sed Domini. Sicut autem Propheta hoc in loco testatur, illos, qui in valle Achor sunt, cantaturos triumphale carmen, ita Psalmus hanc ipsam vallem Achor significat, cum subjicit, Castigat quidem me Dominus, sed morti me non tradit. Ac petit sibi aperiri portas justitiæ, hoc est, petit se admitti ad justum populum seu Ecclesiam lotam & mundatam sanguine filii Dei, ut ingressus gratias agat Domino. Psal. 118.

Quid enim aliud possumus nos miseri homines, peccatis & morte oppressi, quam ut beneficium tam gloriøsæ liberationis nobis ipsis & aliis prædicemus? Sicut infra docet Propheta, cum orat, Remitte omnia peccata, & dona bonum, ac persolvemus tibi vitulos labiorum nostrorum. Nam regnum Christi propagari debet, ut quam plurimi ad cognitionem hujus beneficii veniant ac salventur. Et nisi ipsi nobis hoc beneficium quotidie ponamus ob oculos, paulatim hoc efficit Satan, ut ejus obliti vertamur ad mundi curas & opes, ac in illis nobis putemus posita esse omnia. Nec tum possibile est, ut caveri possit idolatria, Sicut Paulus avaritiam idolorum servitutem vocat. Et Propheta in proxima concione satis diserte ostendit, quod postquam Domini oblitus est populus, alios Amatores sectari cœperit. Psal. 118.

Non solum igitur Deo jucunda, sed etiam nobis admodum necessaria est illa vox Cantici, quæ nunquam silere in Ecclesia debet, Ideo etiam Satan mundum impellit, ut hanc vocem prohibeat. Nam quod hodie Pontifex doctrinam nostram damnat, & Principum potentia ad opprimendas nostras Ecclesias abuti cupit, hoc



hoc eo pertinet, ne Ecclesia canat, sed taceat. Quia autem hoc Ecclesia non potest facere, accenduntur odia adversariæ partis, & decurritur ad vim & arma. Hic meminisse Ecclesiam decet ejus, quod supra dictum est, quod scilicet in vallem Achor à pastore nostro Christo deducimur, sed ita, ut nobis spes aperiatur. Habemus enim magnificas consolationes, quæ nos non patiuntur tacere, sed cogunt ad confessionem & canticum, etiamsi mundus summa vi se opponat, & nos variis injuriis adlachrymas cogat.

Quis enim non sumat animum, cum audit Christum nos quoque coram Patre in novissimo die & alia vita confessurum, sicut eum confessi sumus in hac vita. Quis non etiam cum gaudio mortem subeat, cum audit inventuros nos aliam & meliorem vitam, quando hanc calamitosam & brevem propter Christum abjecerimus? Hæc igitur causa est cur Ecclesia tacere non possit, sed omnia personent vocibus iustorum, quibus & beneficium Christi prædicant & damnant fiduciam, quæ extra Christum ponitur in legem seu legis opera & hominum merita. Conjugi enim hæc debent, ut non solum doceas quæ vera sunt, sed etiam, quæ falsa sunt reprehendas, ne in errorem inducantur simplices. Sic Psalmus 118. quem supra citavimus, libere concionatur de peccato ædificantium, hoc est, doctorum in populo, qui angularem lapidem abjecturi erant, Et Propheta jam subjungit de nominibus Baalim tollendis, contra nostrorum sapientulorum opinionem, qui sic Evangelium docendum existimant, ut nusquam Pontificis & adversariorum Evangelij mentionem facias. Hos molles doctores relinquamus aulis, Ecclesia autem libere reprehendat quæ sanæ doctrinæ adversantur. Hoc enim est recte Domino canere.

*Et erit in die illo, dicit Dominus, vocabis me, mi marite, & non amplius vocabis me, Domine mi.*

In Ebræo non paulo suavior est hæc sententia. Vocabis me, Ischi velo Bāali. Quomodo autem hunc locum explicet Hieronymus, notum est. Nam Lyra quoque Salomonis Iudæi sententiam magis catholicam esse dicit, qui appellationem Mariti, amoris, Baalis autem seu Domini, timoris significationem continere dicit, & accomodat huc breve, sed argutum (sicut fere omnia ejus sunt) Augustini dictum, Brevis differentia legis & Evangelij, timor & amor, Timori igitur successit amor. Bona quidem sententia, sed in Prophetarum lectione explicanda, ea sequi debemus, quæ maxime propria sunt. Utitur igitur Propheta suo more hic figura sibi familiari, ac verum cultum Dei, hoc est, fidem in Christum comparat amoris conjugali, idolatriam autem seu fiduciam in Creaturas & propriam justiciam comparat fornicationi & adulterio, nam supra quoque dixi Baal vocari non tantum Dominum, sed etiam Amasium, Ein Dylen.

Ac profecto insignem sententiam præsens locus proponit. Ostendit enim quæ sint tum veri cultus, tum Idolatriæ præmia. In Conjugio est mutuus amor, eo vinculo colligati animi suavissime inter se vivunt. Maritus uxoris consuetudine carere non potest. Ad eum modum uxor quoque vitam sine marito sibi gravem ac intolerabilem esse judicat. Experitur enim tam se marito charam esse, quam ipse est sibi. Sicut etiam mutua officia testantur. Hæc translata ad Ecclesiam plena veræ consolationis sunt. Nam ut Paulus ait, nutritur & fovetur Ecclesia à marito Christo, Siquidem omnia sua dona & opes in eam confert. Sicut locus supra ex Ezechiele citatus ostendit cap. 16.

Hunc maritum igitur, qui negligunt, & sequuntur alienos amatores, hoc est, qui discedunt à Verbo & à fiducia, quæ est in misericordiam Dei per Christum, & sequuntur sua studia, qui novos cultus sibi sine verbo fingunt. Hi quidem inveniunt quos ament, sed non redamantur, sicut à marito. Non enim maritum, sed Dominum habent, qui ipsorum studiis abutitur pro suo commodo, dum liber. Exemplum non necesse est, ut petamus longius. Mundus sub Papatu suas fortunas pene omnes in Idolatriam impendit. Nec ullus unquam tam potens fuit Imperator, qui Pontificis

opes æquare posset. Hæc fuit illa turpis fornicatio & desertio mariti, qui corpus & sanguinem suum in nos impendit. Sed hujus impietatis quod tandem præmium tollit mundus? Nonne Dominum & non maritum amavit? Fuit enim cum hoc ipso cultu conjunctus timor & desperatio, nec profuit post fortunas etiam vitam in hos cultus impendisse. Nam conscientia non potuerunt acquiescere in traditionibus & operibus hominum.

Sententia igitur Prophetæ est, Synagoga, sicut turpis adultera, secuta est Baalim, quibus cum corpore & fortune serviret, tamen metu carere non potuit. Sed populus novi Testamenti & vera Ecclesia me sicut maritum casta uxor unice adamat, & spem omnem in me habebit positam, non appellabit me Dominum, sicut adultera, quæ quotidie cogitur metuere ne ab adultero deseratur, sed maritum. Scit enim se mihi esse curæ, scit se amari à me, nec metuet desertionem. Hoc modo Propheta plenam & certam fiduciam ex summo amore natam voluit ostendere, quæ fiducia præcipuus Dei cultus est. Porro hic locus clare ostendit, idolatras, dum idola colant, sentire, quod verum Deum colant, nec sic esse stupidos, ut ligno aut argento divinos honores habeant. Sicut apud Esaiam quoque Dominus testatur. Frustra colunt me mandatis hominum. Nam Majorem hanc omnium gentium animis instillavit natura, quod Deus colendus sit, qui mundum & omnia condidit. Sed postea in Minore vitium est, quod ratio non sequitur cultus verbo institutos, sed fingit ipsa sibi modum, quo Deum coli velle putat. Idolatria autem est omnis cultus, qui suscipitur sine verbo Dei, quantumvis sit splendidus & difficilis. Ideo etiam ipsum legis studium Propheta hoc in loco vocat cultum Baal & fornicationem, quia etsi præcepta lex divinitus esset, tamen voluit Deus tantum agnosci & coli in Filio suo. Hanc obedientiam seu cultum hunc quia Synagoga non præstabat, & pertinaciter opponebat Evangelio legales cultus, recte comparatur Baalis cultoribus.

*Et auferam nomina Baalim de ore ejus, nec recordabitur ultra nominis eorum.*

*Vbi vera cognitio Dei, ibi cessat idolatria.* Facilis sententia est. Vbi enim vera cognitio Dei, seu purum verbum est, sibi necesse est, ut cesset idolatria. Sicut postquam Dei beneficio verbum Dei Germaniæ hoc tempore ostensum est, desierunt impii cultus Missarum, invocationis Sanctorum, votorum, &c. in quibus spem salutis vanam homines habebant positam. Itaque qui superstitiones & abusus vere cupiunt ex Ecclesiis sublato, non hoc agant, quod indoctum vulgus solet, ut deturbent subito Imagines ex templis, & vi grassentur in idolatras, Sed verbum proponant Ecclesiis sincere, tum sine tumultu, sine strepitu omni concident quantumvis diu usurpati falsi cultus.

*Et percutiam eis fœdus in die illa, cum feris, & cum volucribus cœli, & cum reptilibus terræ.*

*Collata veteri liberationi cum ea, quæ per Christum facta.* Apparet Prophetas delectatos ista comparatione liberationis, quæ per Christum facta est, cum ea, quæ veteri populo contigit. Ac profecto, si vetus populus tantopere illis beneficiis Dei corporalibus confusus est, quanto nos debebamus magis fidere illa liberatione æterna, quæ per Filium Dei facta est, eamque prædicare & ea niti. Pertinet itaque hæc quoque particula ad institutam collationem. Nam populus jam in terram promissam introductus, etsi cultissimos & fecundissimos agros possideret, tamen quia discedebat à lege Domini, agri per locustas, vineæ per vermes, sicut Moses in Deuteronomio minatus erat, perdebantur. Accedebant aliæ quoque calamitates, de quibus historiæ meminerunt. Sicut autem causa horum incommodorum erat, quod legem non servabant Iudæi, ita promittit Dominus hoc in loco fœdus cum bestiis, volatilibus cœli, & vermibus, quia habet Ecclesia verbum Evangelij, quo non, ut in lege, requiritur nostra dignitas, sed tantum offertur misericordia per Christum, seu remissio peccatorum, & donatur Spiritus sanctus, qui adjuvat nos, ut præstemus aliquo modo debitam obedientiam,

Sed

*Pax cum Eccl.*  
*quæ.*

*Mat. 16.*

*Mat. 11. 35.*

Sed quod, inquires, hoc fœdus est? Non loquitur de animalibus volatilibus & vermibus, qualibus vexabatur vetus populus, Sed significat Ecclesiam divinitus defensam iri à peccati, Satanæ & mundi injuriis, ut hostes ejus nocere ei non possint. Diserte autem dicit, percutiam, ne existimemus nostrarum virium esse hanc defensionem, sed contingere de cœlo, per misericordiam Dei, qua credentes in Filium complectitur. Manent igitur bestię agri, manent volatilia cœli, manent vermes terræ, & non possunt aliter, quam ut noceant, Sed qui in regno Christi sunt, his nocere non possunt, Sicut Christus dicit, Portæ inferorum non prævalebunt adversus eam.

Solet conferri cum hoc loco, quod Esaïæ undecimo est, de agno & lupo pascente simul, Item trigesimo quinto, Non erit Leo ibi, & mala bestia per eam viam non ascendet. Sed Propheta ibi loquitur de virtute verbi, quod inter inimicos efficax est, & nunc Tyrannos, nunc Hæreticos & Idolatras convertit. Hujus autem loci magis propria sententia est, quæ ex collatione cum veteri populo sumpta est, quod Dominus tum Satanam, tum ejus mancipia arcebit, ne possint Ecclesiæ nocere, & consolationes in verbo propositas eximere ex animis.

*Et confringam Arcum, gladium & bellum de terra, & faciam eos secure habitare.*

*Mat. 4.*

*Mat. 1. 11.*

*Mat. 6.*

*Esa. 32.*

Similis sententia est Mich. 4. & Esaï. 2. 21. 35. Exponit autem Paulus eam copiose in 5. Cap. ad Romanos, ubi inquit, iustificati fide pacem habemus erga Deum, &c. Et Esaïas Cap. 32. Erit opus justiciæ, pax, & opus justiciæ tranquillitas & securitas usque in seculum, & sedebit populus meus in habitaculo pacis, & in mansionibus securis, atq; in refrigeriis turissimis. Profecto summa & æternis cruciatibus ac flammis digna ingratitude est, si tam magnificas promissiones negligimus, & interim sectamur vanas spes & res mundi. Non enim gaudere, non triumphare nos oportebat, quod habemus Filium Dei, factum victimam pro peccatis nostris, & nunc sedentem ad dextram Patris, ut omnia nobis pacata & secure sint, nitentibus ejus ope & auxilio? Quid enim conturbare animum poterit, cum & peccata remissa sunt, & hic nobis Dux & gubernator contigit? Quid poterit nos separare à dilectione Dei, qui non pepercit Filio suo, sed pro nobis omnibus tradidit eum? Sed verbis hæc explicari non possunt. Et Propheta nunc causam tam jucundæ securitatis ostendet.

*Pax Ecclesiæ*  
*quæ.*

*Novus.*

*Mat. 1.*

*Mat. 16.*

Cæterum monere hic Lectorem necesse est, ut sciat, in regno Christi, seu verbo & fide hanc securitatem esse. Nam si respicias ad regnum mundi, omnia ibi bellorum, injuriarum, cædium invenies plenissima. Sicut Christus dicit, In me pacem habebitis, in mundo autem pressuram, Et supra dictum est, regnum Christi esse regnum non rerum, sed spæi. Porro hæc quoque particula ad institutam collationem referenda est. Nam populus deductus in terram Canaan non possedit eam quietus, sed perpetuas dimicationes cum vicinis Gentibus habuit. Itaque gladio & arcu habuit opus. Sed populus novi Testamenti habitabit secure. Etsi enim hostes suos, & eos potentia ac numero præstantes habet, tamen consolatur se verbo, & sperat per Christum victoriam, ac tribulationes omnes spe futuræ salutis vincit ac superat.

*Regnum Christi*  
*spæi regnum.*

*Et desponsabo te mihi in æternum, Desponsabo te mihi in justitia, & in iudicio, in gratia & in miserationibus, In fide desponsabo te mihi, & cognosces Dominum.*

Propheta hic causam pacis & confidentis fiduciæ ostendit, quod scilicet Deus per Filium suum Christum Iesum, se cum Ecclesia desponsat. Ac profecto explicari verbis non possunt abundantes hæ gratiæ divitiæ. Itaq; paucis indicabimus sententiam, ac precabimur Deum, ut quæ verbis pro dignitate dici non possunt, ipse suo Spiritu cordibus nostris inspiret, ut cogitatione saltem partem aliquam harum consolationum adsequamur. Primum, verbum (Erasm.) plenum consolationis est. Itaq; Paulus quoq; libenter conjunctionem Ecclesiæ cum Christo comparat conjugali conjunctioni, & Christus in suis concionibus similitudine nuptiarum delectatus videtur.

*Deum per Christum*  
*se cum Ecclesia se desponsat.*



Non solum enim proponit similitudines de nuptiis, sed amicos Sponsi vocat discipulos. Sicut etiam Iohannes Christum sponsum vocat. Et ipse Christus hanc appellationem sibi tribuit, cum de adventu suo in novissimo die docet. Quis autem dubitat, quod non respexerit ad hanc & similes Prophetarum conciones?

Secundo, quod addit particulam (leolam) id vero consolationem facit longe plenissimam. Respicit autem hic quoque ad foedus factum cum veteri populo, cum Lex data est, Nam illud foedus non æternum, sed certi temporis fuit. Quia enim legis satisfacere hæc natura non potest, non potuit foedus cum conditione faciendæ legis esse perpetuum. Hoc autem est æternum foedus, quod Deus nobiscum iniit, imo quo se nobiscum desponsavit per Filium suum Christum. Est enim foedus Gratiæ, in quo quæ peccavimus, non imputantur, sed condonantur propter fidem in Christum, sicut postea Propheta addet. Igitur nihil incidere potest, quod foedus hoc impediat, quin æternum sit. Non enim habet conditionem nostræ dignitatis, sicut foedus legis.

Deinde quod dicit, In æternum te mihi desponsabo, non solum hoc vult, quod Christi regnum non sit corporale, Sed quia æternum foedus est, necesse est illos quoque vivere in æternum, cum quibus hoc foedus conjugale iniit Deus. Quomodo enim æternum alioqui esse posset, iis extinctis, cum quibus est initum? Foedus enim non est unius tantum, sed duorum. Aeternos igitur foedus ostendit utroque esse, & cum a quo incipit foedus, & cum cum quo foedus initum est. Ita immortalitatem seu vitam post hanc vitam, & resurrectionem a mortuis Propheta hoc in loco ostendit.

Sed causæ quoque videndæ sunt, cur dicat esse æternum foedus. Prima est, quod dicit, Desponsabo te mihi in iusticia (Bezodeck) Hæc prima gemma est annuli, quem Ecclesiæ seu Sponsæ suæ Christus donat, Iusticiam scilicet, non eam, quam mundus vocat iusticiam, & Lex quoque docet. Quia enim Iudex iustus est, ideo furem laqueo interficit, latronem rota, homicidam gladio. Sed hanc iusticiam fares, latrones, homicidæ oderunt. Talis non est iusticia, de qua hic loquitur Propheta, Sed est iusticia, qua per Christum condonantur peccata. Sicut Zacharias quoque consolatur Ecclesiam, cum dicit, Ecce Rex tuus venit iustus, hoc est, afferens ad peccatores iusticiam. Ad hunc enim modum Paulus vocabulum iusticiæ explicat Rom. 3. Declarat Deus iusticiam suam hoc tempore, ut ipse sit iustus & justificans eum, qui est ex fide in Iesum, hoc est, eum qui credit in Iesum. Sic iustum Deum peccatores non fugiunt, sed ultro sequuntur eum, imo ipse Deus ultro se eis offert, & consolatur eos. Novum igitur hoc, & longe diversum a veteri foedere foedus est. Nam Lex proponit Deum, intentantem poenas peccatoribus, At revera Deus talis est extra Christum. Sed in Christo est iustus, id est, justificans impium, condonans peccata, præteriens peccata, sicut Michas loquitur, & ea in abyssos maris demergens.

Secunda causa est, quod dicit, Desponsabo te mihi in iudicio (Bemispat) Hæc secunda gemma maritalis annuli est, qua Christus Ecclesiam suam ornat, Iudicium, quod scilicet vult Iudex esse. Neque hic intelligendum est iudicium, quod formidabile sit piis, sed est iudicium, quod pii summis votis exoptant, ut & Ecclesiæ suæ adsit Deus, & vindictam exercent in hostes Verbi, sicut Petrus dicit, 2. Pet. 2. Novit Dominus eripere pios ex tentatione, Injustos autem novit servare ad diem iudicii, ut puniantur. Complectitur enim vocabulum Iudicii utrumque, & liberationem piorum, & poenas impiorum. Pertinent igitur huc insignes sententiæ, quæ consolantur Ecclesiam, Non prævalituras portas Inferorum, Deum affaturum Ecclesiæ, & adversarias repressurum, sicut Psal. 110. vaticinatur.

Historiæ quoque Ecclesiæ huc afferendæ erant, in quibus iudicium hoc Deus patefecit mundo. Iam multos annos hoc agit Satan, ut & per impios Magistratus Ecclesia opprimatur, & doctrina per profanos doctores depravetur. Sed vidit Germania Deum iudicantem, & senferunt Ecclesiæ liberationem, dum & in mediis conatibus conciderunt impii Principes, & impuri Sophistæ dignam impuriæ vitam perpeffi sunt. Impudentia & arrogantia Ecclesiæ omnia Pontificis mancipia vicit, & hoc studio habuisse cum postremi ejus libri testantur, ut etiam reliquorum virulen-

virulentiam, si non superare, æquare saltem ut posset. Itaq; Ecclesiæ aliquandiu visæ sunt destitutæ iudice, dum impune impurus homo dicit & facit quæ vult. Sed non cessavit longius vindicis Dei ira, Sic enim de eo narrant, quod circumventus letali morbo, dum ad decumbentis lectum Misa habetur, amens nescio quid de quater mille aureis numis dixerit, parum sollicitus de eo, quod tum à Monacho sacrificulo agebatur, nec ita multo post epilepsia oppressus, linguæ usum amittit, & simul cum sanguine evomit animam miser.

*Ecclesiæ interitum.*

Non delectant pios hi horribiles casus. Mallent enim, ut omnes conferrent operam suam ad Evangelij doctrinam illustrandam ac propagandam, quam dum Evangelium blasphemant, sibi æternos cruciatus ut concilient. Sed dum nullum blasphemiarum modum faciunt, talibus exemplis opus est, ut Deus testetur se iudicem esse, & reprimat impiorum conatus, ut alii emendentur, & Evangelio non ita se opponant. Hoc igitur est iudicium latum & necessarium Ecclesiæ, ut liberetur ex periculis, & impii concidant.

Tertio dicit, Desponsabo te mihi (Be hesed) in beneficentia, hoc est, bene faciam tibi, exaudiam preces tuas, largiar, quibus indiges, omnia. Hæc tertia maritalis annuli gemma est, qua Sponsam suam Ecclesiam ornavit Deus per Christum, quod est in eam beneficus, Non tantum liberat, sed multis & magnis donis eam exornat tum spiritualibus, tum etiam corporalibus. Non enim, etsi affligi Ecclesiam aliquandiu finit Deus, ideo eam perpetuo situ & squalore absumi paritur, sed exornat Doctoribus, dat pios Magistratus, dat pacem & pacis commoda, exercet & auget fidem, accendit dilectionem, facit mansuetos, patientes, humiles, obedientes. Hæc enim sunt (Hesed) & obveniunt ex misericordia Dei per Christum, sicut Psalmus dicit Christum ascensurum ad cœlos, ut dividat dona in homines.

3.

*Beneficentia. Christus beneficus in Ecclesiam.*

*Psalm. 68.*

Quarto dicit, Desponsabo te mihi (berahamim) in miserationibus, hoc est, miserebor tui cum es in periculis, cum cruce & calamitatibus oppressa es, non negligam te, sed sustinebo ipse partem tuarum calamitatum, Sicut Epistola ad Ebræos suavissime dicit, Christum esse Pontificem tentatum per omnia *διὰ πάντων συμπαθησάν* *ταῖς ἀσθενείαις ἡμῶν*, qui possit compati Ecclesiæ suæ, quæ cum sit infirmissima, tamen conflictatur cum gravissimis difficultatibus. An non hæc plena suavissimarum consolationum concio est? Etsi enim varie exercemur, tamen scimus, quod Deo curæ simus, imo scimus, quod Deum nostra afflictio affligat. Sicut alibi dicit, Qui vos tangit, tangit pupillam oculi mei. Et ad Saulum de cœlo clamat, Saul Saul quid me persequeris? Hæc est quarta huius annuli gemma, preciosior quovis adamante & smaragdo. Huc igitur in calamitatibus debebamus respicere, & sicut paulo ante Propheeta dixit, aperietur nobis spes in valle Achor.

4.

*Compassio Dei.*

*Hebr. 5.*

*Zach. 2.*

*Amos. 9.*

Quod quinto addit, Desponsabo te mihi (Be æmuna) Etsi significat veram, certam & firmam desponsationem, tamen recte redditur, In fide te mihi desponsabo. Nam si sensum sequaris, soli Christiani sunt, qui sentiunt peccatum, soli tanquam deserti obijciuntur morti & periculis. Impiis autem affluunt divitiæ, & omnis generis commoda. Itaq; videntur Deo chari & grati, Vbi e contra Ecclesia à Deo videtur negligi in perpetuis calamitatibus, quas sustinet. Hic igitur necesse est, ut credamus sponsalia hæc esse facta (Be æmuna) fideliter, & Deum, etsi sentimus peccata, etsi affligimur, tamen nobis condonaturum peccata, & liberaturum nos, sicut verbum promittit. Hæc fides retinenda est, ut contra spem credamus in spem. Non enim faller nos sponsus noster, & quæ amor suus erga nos miseros peccatores coëgit promittere, ea fideliter præstabit, nec sinet se impediri nostris peccatis, quæ agnoscimus, & quorum veniam rogamus. Hæc particula est aurum, ex quo annulus hic factus est, & quod præciosas has gemmas complectitur.

5.

Sextum est, quod dicit, Et cognosces Dominum, Vere enim Dei noticia est, non ea, quam Lex ostendit, quod peccatores abjicere & damnare velit, Non est ea, quam ostendunt corporalia beneficia, conditio rerum, liberatio facta Israeli oppresso ab Aegyptiis, Sed quam ostendit nobis Filius Dei, qui dicit, Deum sic dilexisse

6.

*Vera Dei notitia.*

*Mat. 11.*

dilexisse mundum, ut unigenitum suum Filium daret, ut omnis, qui credit in eum, non pereat, sed habeat vitam æternam. Ideo Christus quoq; dicit, Nemo cognoscit Patrem, nisi Filius, & cui Filius volet revelare. Hæc est cognitio pacti, quod Deus nobiscum pactus est, quod velit peccata condonare, liberare à periculis, bene facere, & miseratione tangi, propter Filium suum, in quem credimus. Sic Prophetæ eleganter, & erudite commendarunt suis auditoribus & posteris eorum, doctrinam fidei, Legi autem & operibus nostris simpliciter gloriam justificationis in totum ademerunt.

*Et erit in die illo exaudiam, dicit Dominus, Exaudiam cælos, & illi exaudient terram, & terra exaudiet frumentum, mustum & oleum, & hæc exaudient lezeel.*

*Cur Propheta  
tam diligenter  
& sæpe de re-  
gno Christi con-  
solationi fiat.*

Non potest Propheta satiari commemoratione beneficiorum novi Testamenti. Ideo autem perpetuo confert ea cum beneficiis veteris populi, ut accendat animos suorum tam luculenta spe, & confirmet eos contra illa incommoda, quæ impendebant. Itaq; pii omnibus temporibus in hæc Prophetias intuebantur, & spe misericordiæ, quæ per Christum mundo obventura erat, in communibus calamitatibus se consolabantur. Etsi enim externa Ecclesiæ forma non semper fuit eadem, tamen eadem semper veræ doctrinæ ratio fuit, ut homines discerent se consolari spe beneficiorum, quæ Christus, promissum semen, exhibiturus erat credentibus. Hac fide Patres ante diluvium se erigebant, & salvati sunt, Hac fide pii sub lege se sunt consolati. Hac fide nos quoq; mundum & omnia incommoda præsentis vitæ superamus. Qui autem hac fide se non crexerunt, contra peccatum & mortem, hos non circumcilio, non Lex, non ulla opera potuerunt sublevare.

Magna itaq; causa fuit, cur Propheta futuri temporis beneficia populo suo ita crebro inculcarent. Nam & vera doctrina religionis agitanda & in Ecclesia retinenda fuit, contra falsas opiniones justitiæ operum & meriti, & omnibus temporibus pii in valle Achor constituti, his ceu fulcris habuerunt opus, ne oppressi calamitatibus penitus conciderent.

Quod autem ad præsentem locum attinet, opponit Propheta tempus novi Testamenti seu gratiæ, tempori veteris Testamenti & legis. Ibi enim, quia populus peccare non destitit, sic Dominus inobedientiam punivit, ut terram daret ferream & coelum æneum, Sicut Moses in Deut. minatur. Sed qui sub gratia & in Christi regno sunt, hos dicit terram & coelum obsequentissimos habituros ad omnia sua vota, neq; omnium rerum quicquam eis defuturum. Sed hanc promissionem neutiquam putabimus esse corporalem, sicut Iudæi somniant. Nam supra dixit Propheta, habiturum hunc populum vallem Achor, & spem ei aperiendam, non res statim in manus offerendas. Itaq; Ecclesia sustinebit communes calamitates, quibus ingratum mundum Deus afficit, sentiet famem, inopiam, persecutiones, bella. Si igitur externam faciem intuearis, apparebit coelum & terram adversari Ecclesiæ, & non exaudire vota afflictorum. Etsi enim verum est, quod David dicit, Non vidi justum derelictum, nec semen ejus quærere panem, tamen Ecclesiæ panis vere est (lehem zar umajim lahaz) panis tribulationis & aqua ejus aqua afflictionis, Esaia 30. Deut. 28.  
Psalm. 37.  
Esa. 30.

*Ecclesia calamitatibus  
afficitur.*

*Deus Ecclesiam  
oppressam exaudi-  
dit.  
Iohan. 16.*

Quo igitur, inquis, referenda est hæc promissio? Ad spiritum scilicet, quod oppressa calamitatibus Ecclesia, habet Deum, qui non tacet ad clamores seu preces suorum, sed respondet & exaudit. Sicut igitur Christus Iohan. 16. post alias consolationes etiam hanc addit, Amen amen dico vobis, quod quæcunq; rogaveritis Patrem in nomine meo, ea dabit vobis. Hactenus nihil rogastis in nomine meo, Rogate & accipietis, ut plenum sit gaudium vestrum, Ita Propheta hic promittit Ecclesiæ Deum ipsius vota & gemitus auditorum. Quia se cum ea desponsavit in justitia, iudicio, beneficentia & miserationibus. Sic Zacharias promittit Spiritum gratiæ & precum. Zach. 12. Ecclesia enim fidit misericordiæ Dei in Christo ostensæ, & ideo in periculis cum certa spe salutis clamat. Videt enim Deum, postquam Filium suum nobis dedit, una dedisse omnia, quæ habet. Atque hic vides insignem lucem, quam novum Testamen-  
tum



tum ad Prophetarum oracula recte intelligenda affert. Evangelium enim causam desponsationis & exauditionis clare ostendit, Filium Dei, propter quem sumus in gratia & exaudimur. Sed Prophetæ hanc causam occulte indicarunt.

Proponamus autem nobis quoque huiusmodi oracula, & accendamus eorum meditatione animos nostros, ut in tantis periculis, quæ undiq; nunc Ecclesiam premunt, cum certa fiducia possimus implorare auxilium, tam certo promissum per Prophetas, ac statuamus nostris orationibus cessuras omnes creaturas, etiam ipsum Satanam, qui tamen extreme nos odit, præsertim cum ad promissiones tam luculentas etiam ipsum mandatum additum sit, quo jubemur orare. Non igitur nostra peccata, non aliorum peccata nos ab oratione deterreant. Plurimum æstimabit Deus veritatem suam, & pactum, quod per Filium suum nobiscum ... at, quam nostra & aliorum peccata. Quanquam hic quoque vallis Achor non debemus oblivisci. Solet enim Deus differre auxilium, & prius deducit ad inferos, quam reducat, prius deiecit quam erigat, mortificat prius quam vivificat. Itaque Ecclesia non carebit tentatione illa, quam sensit Cananitis, Matth. 15. Deum avversari preces nostras, non audire, negligere nos, &c. Hic necesse est meminisse, quod regnum Christi est regnum spei, & non rerum apparentium. Differtur itaque auxilium, sed non aufertur. Cessat exauditione, sed non negatur. Ergo discamus esse improbi flagitatores, *μη ἐκκαθέσθαι τῇ πόλει τοῦ Χριστοῦ*, sicut Christus dicit. Delectatur enim hac seu improbitate seu impudentia Deus, & simul etiam exercitium suum habet fides, quæ augescit usu.

*Exhortatio ad precationem.*

*Exauditiō differ-  
tur, sed non ne-  
gatur.  
Cananitis.  
Matth. 15.*

*Lu. 18.*

Vtitur autem hic denuo Propheta nomine Iezreel in ea significatione, qua usus est supra, cum dixit, Magnum fore diem Iezreel, pro semine Gratia, non pro semine iræ, sicut in 1. Cap: Significat enim hic Ecclesiam, quæ vere est divinum semen, siquidem per Verbum & Spiritum sanctum plantatur. Ideo autem hac appellatione Propheta uti voluit, Quoniam regnum Israel sine spe reditus disseminandum erat in Gentes, ut in tanto periculo, & tam diuturna calamitate spe futuræ benedictionis, per semen promissum se consolarentur, & scirent suam posteritatem non sic degeneraturam in gentilitatem, quin magno numero regnum Christi amplexura sit, atque hanc ob causam etiam reliqua attexuntur.

*Iezreel.*

*Et seminabo eam mihi in terram, & miserebor ejus quæ fuit sine misericordia, Et dicam non populo meo, populus meus es tu, & ipse dicet, Deus meus es tu.*

Hic rationem nominis ostendit, cur vocet Iezreel populum suum, ac profecto præclarum & plenum consolationis nomen est. Nam ab ipso Deo plantatum hortum, quæ ventorum aut tempestatum vis evertet? cum Deus in manu sua tempestates & ventos habeat, & velit hunc hortum à se plantatum excoli & crescere. Convenit itaque cum hoc nomine sententia Christi, Matth. 16. ad Petrum, Non caro & sanguis tibi hæc revelavit, sed Pater meus in coelis (hic audis plantationem seu semen divinum) Et tibi dico, quod tu es Petrus, & super petram hanc ædificabo Ecclesiam meam, & portæ Inferorum non prævalebunt ei. Igitur in periculis ad hanc sententiam respiciamus, & nos ea consolemur, non sic grassaturum furorem Turcæ, Pontificis & Satanæ, quin Deus servaturus sibi sit semen in terra, quanquam nonnunquam ita vepribus ac sentibus oppressum est, ut conspici non possit, sicut tempore Eliæ & Christi.

*Iezreel.*

*Mat. 16.*

Quod addit, Et miserebor ejus, est quasi epilogus hujus bene longæ & suavissimæ concionis, de Ecclesia novi Testamenti. Quia reliquæ regni colligentur ad Ecclesiam, & abjecta incredula Synagoga, Deus Gentes ad communionem Ecclesiæ per prædicationem Evangelij sit vocaturus. Nam in hanc sententiam citatur hic locus à Paulo Rom. 9. Alibi autem dictum est, quod vocatio Gentium evertit meritum Legis, & arguit Christi regnum tantum esse regnum Gratia. Si enim Gentes, quæ sine Lege sunt, Evangelio credunt & salvantur, palam est, non circumcisionem, non Legem, non Legis opera, qualiacunq; ea sint, justificare, sed tantum fidem in Christum.

*Rom. 9.*

*Alludit*

Alludit autem hic Propheta ad ea, quæ in Primo capite dixit, Populo Israel abjecto, in Gentes inditur nomen (LoRyhamo) hoc est, non consecuta misericordiam. Hic autem dicit, se ejus miserturum. Igitur pertinet hæc quoq; particula ad regnum Israel disseminatum inter Gentes, quod per Evangelium ad verum Israel collectum est, Sed (Loammi) Non populus, sunt Gentes, sicut Paulus explicat.

### CAPUT III.

*Et dixit Dominus ad me, Vade adhuc, & ama mulierem adamatam à proximo, & adulteram, Sic enim amat Dominus Filios Israel, respicientes ad Deos alienos, & amantes lagenas utrarum.*

*Varie hoc Caput  
explicatum.*



**H**oc Caput ab Interpretibus varie exponitur. Alii enim intelligunt de toto populo, quasi sit vaticinium de postremis hujus populi temporibus, cum immineret adventus Christi. Etsi enim tum habuit populus Reges & Sacerdotium, tamen & Reges erant exteri, & Sacerdotium non erat legitimum, sed emebatur ab avaris & potentibus hominibus, sicut historia ostendunt. Sed cum hac sententia pugnat, quod Propheta diserte loquitur tantum de filiis & regno Israel, hoc est, de decem tribubus, quæ à tribu Iuda per seditionem discesserant. Alii sicut Lyra putant hoc caput continere vaticinium de tempore novi Testamenti, & de conversione Iudeorum ad Christum, de qua Paulus quoque Rom. 11. videtur vaticinari. Sed errant hi quoq;. Nam quod de conversione ad Dominum hic dicit, id sicut aliquoties jam ostendimus, impletum est, cum Evangelium coepit inter Gentes doceri. Nos igitur simplicem & certam sententiam hanc judicamus.

*Argumentum  
Capitis tertii.*

Sicut appellatio ostendit, agit Propheta hoc in loco tantum de regno Israel, ei promittit, etsi propter peccata in Gentes erat dissipandum, futurum tamen, ut iterum à Domino tanquam ab ignoscente marito adametur. Hac consolatione admodum opus habebant pii in regno Israel, etsi numero pauci essent, ne putarent se penitus abjectos, sed ut spe futuri Christi se consolarentur, & expectatione æternorum commodorum temporalem calamitatem lenirent. Nec absurdum, aut Prophetæ inusitatum est, quod quæ in proximo capite copiose dixit, eadem hic repetat. Quoties enim Esaias captivitatem prædicit regno Iudæ? quoties promittit liberationem ab Assyrio? quoties de regno Christi concionatur? Apparet autem hunc Prophetam præcipue ad regnum Israel missum, Id cum sine misericordia videret in Gentes disseminandum esse, sæpe hanc de Christo promissionem inculcat, ne piorum animi præsentibus malis fracti, desperarent prorsus.

*Comparatio primi  
& tertii Capitis.*

Sed conferemus hanc concionem cum Prophetia i. Capitis. Ita enim plus lucis huic loco accedet. Ea, sicut audivimus, fuit Prophetia iræ. Cum enim Dominus ostendere vellet populo Israel, se offensum idolatriis, non posse non odisse eos, jubet Prophetam cogitare, quò animo maritus possit aut velit esse erga uxorem adulteram, & filios ex adulterio natos. Significans se tali animo in decem tribus esse. Atq; ex hac causa indit liberis tristia nomina, quod filium vocat disseminatum, & filiam, cujus nolit misereri. Hæc iræ prophetia fuit. Sed quæ in hoc capite à Propheta instituitur, est suavissimum Gratiæ & misericordiæ vaticinium. Proponitur enim Prophetæ hic alia similitudo, in qua non jubetur ducere, sed amare adulteram, Ducere enim facilius est, sed amare est difficilimum. Cogitur autem Propheta hac similitudine, ut statuatur mitissimum & placidissimum animum esse ejus mariti, qui oblivisci tam insignis injuriæ possit, & amore complecti tam turpem adulteram.

Tali animo, inquit Dominus, ego sum erga populum Israel, erga turpem adulteram, quæ me Dominum deserit, & sectatur alienos Deos. Me, inquit, deserit, qui ei suppeto omnia, etiam æterna bona. Sectatur autem illos, qui vini cantharum offerunt.

runt. An non hæc insignis ingratitudo & abominabilis malicia est? Sed non ideo abjiciam populum hunc, summo amore eum complectar, & adjungam eum mihi, ac si nihil unquam peccasset.

Hæc profecto illustris misericordiae significatio est, quod tam scædam adulteram Dominus testatur se non abjecturum, sed denuo amore velle complecti. Nonne enim adulterium odii causa est, & concitat maritum ad justam iram? Sed hic Prophetam audi, is non, ut antea, minatur dissipationem in Gentes, non negat misericordiam, Sed promittit summum amorem. Amor autem non iram, non odium, non poenas, non dolorem, non metum, sed misericordiam, gratiam, beneficentiam, gaudium, & plenam fiduciam complectitur. *Misericordia Dei.*

Mat. 3.

Igitur hæc plena consolationis concio est, quæ id quod proprium & præcipuum Evangelij est, ostendit, nempe quod Deus, sicut Iohan. 3. est, diligat mundum, quod velit condonare peccata, ignoscere, & omni genere beneficiorum cumulare propter Christum. Sicut igitur Prophetæ alibi Christum pingunt, quod sit Sacerdos, qui & oret pro peccatis sui populi, & sacrificet, Sicut Pastorem ovium appellant, qui non ideo baculum gestat, ut oves male mulcet, sed ut lupum arceat, & eis quietam reddat pascua, Sicut Doctorem vocant donatum suavi lingua, ut erigat tristes & pavidas mentes, Sicut Regem appellant, qui tamen afflictus sit & justus, Ita Propheta hic eum comparat marito, à quo etsi discessit adultera uxor, & alienos amores sectata est, tamen obliviscitur hujus summæ ingratitudinis & offensæ, & iterum se cum ea conjungit. *Christus Sacerdos, Doctor, Pastor, &c.*

Luc. 15.

Quid potuit fingi suavius? Qua alia similitudine Dei misericordia æque potuit commendari? Suavissimum est, quod ipse Christus dicit de ovicula perdita. Sed hæc culpæ significatio tam illustris, abyssos misericordiae divinæ clarius ostendit. Nobiscum, qui sumus Gentes, hoc conjugale pactum non habuit Deus, quod cum Judæis habuit, & tamen nos quoque tanquam immundus partus à Domino mundati & ornati sumus. *Deus comparatur marito, qui adultera uxorem reconciliat.*

Rom. 5.

Erant autem hæc ad usum transferenda. Adultera cum agnoscit peccatum, aut calamitatibus admonita, aut aliis occasionibus, non audet sperare benevolentiam mariti, quem videt tam graviter à se offensum. Sic animi nostri, cum intuentur suam immundiciem, timent judicium Dei. Notum enim est, quid minetur Deus peccatoribus, & terrent nos merito aliorum exempla, Sed erigendus erat animus, & spes veniæ concipienda. Quomodo enim odisse nos potest Deus, pro quibus dedit Filium suum? Gravissima enim Pauli sententia est, Rom. 5. In hoc commendat Deus suam misericordiam erga nos, quod Christus pro nobis mortuus est, cum essemus peccatores. Et recte nos ex hoc beneficio tanquam ex fonte misericordiae haurimus etiam alias consolationes, quarum in eo loco meminit Paulus quod scilicet defendemur divinitus ab ira, postquam sanguine Christi mundati sumus. Abjiciamus igitur metum iræ & judicii Dei, propter peccata nostra, & credamus quod Propheta hic dicit, Deum similem esse mariti, qui etsi ab adultera uxore desertus & graviter offensus est; tamen magis movetur bonitate sua, quam peccato adulteræ, & eam denuo amanter complectitur. *Quomodo contra peccatum consuevit nos debere.*

Profecto utrinque maximas res Propheta complexus est. Nam & peccatum non potuit exaggerari amplius, quam hic exaggerat cum adulteræ similitudinem proponit, quæ maritum deserit, cujus beneficio possidet quæ habet omnia, & tamen sectatur alienos amores ob poculum vini. Et misericordiam quoque eadem hæc similitudo egregie commendat, cum maritum amore adulteræ incensum dicit. Quid enim sequitur amorem aliud, quam omnis generis beneficia? Dignus itaque locus est, qui diligenter observetur, ut & peccata nostra recte agnoscantur, & nos his misericordiae divitiis consolemur.

Pertinet igitur hic locus proprie ad descriptionem regni Christi, quod est regnum gratiæ & misericordiae, non est regnum iræ & judicii. Hanc doctrinam adversarij blasphemant, quasi det hæc Gratiae commendatio licentiam peccandi. *Commendatio gratiæ quid faciat.*



candi. Sed cogitatu, qualis adulteræ animus futurus sit, quam sic benigne iterum complectitur maritus, si modo vere credat se à marito amari? An non excitabitur vehementior dolor de præterito & tam indigno facto? An non postea studebit se comparare ad mariti voluntatem, facere ac conari omnia, quibus novit maritum delectari? Contra fugere & cavere, quibus intelligit offendi ejus animum? Itaq; non commendatur misericordia Dei Ecclesiis, ut homines ea abutantur, & peccare pergant, sed ut incipiant ardentius in id incumbere, ut porro voluntatem Dei faciant, quam hætenus tam scelerate à se contemptam vident.

*Et emi eam mihi quindecim argenteis, & coro hordei, & dimidio coro, & dixi ad eam, Diebus multa volo ut sedeas, & non fornicaberis, nec te conjunges cum viro, ego autem me tecum jungam.*

Brevitas obscuritatem parit, sed spero hanc sententiam cum Grammatica convenire. Iussus est Propheta amare adulteram, sed initia amoris admodum sunt tenuia. Impendit in eam non tantum, quantum impendebatur in ancillam à bove corrupta læsam. Nam ejus hero ex Lege numerandi erant sicli triginta, Hic dimidium precium est. Deinde cur ita parce donat hordeum, & non complet duos coros? Hieronymus sequitur Iudæorum sententiam, qui in hisce numeris mysteria esse censent, & transferunt eos ad populum veterem, liberatum ex Aegypto, & ornatum die quadragesimo quinto lege. Hæc etsi non omnino damno, tamen certum est, non esse propria. Simplex enim & vera sententia est, quod Dominus Israellem inter Gentes disseminaturus, & ibi habiturus sit parce ac duriter, ut hoc modo cogat desistere ab idolatria. Nam quindecim argentei, & sesquicorus tritici nihil sunt quam panis quotidianus & triste exilium inter Gentes.

*Simplex hujus  
laci sententia.*

Ostendit autem causam, cur hoc facturum sit Deus, & projecturus suum populum in Gentes, & passurus, ut ibi duriter habeatur, Ibi, inquit, mihi sedebis, & non fornicaberis, non conjunges te cum alio marito, hoc est, Ideo te trado Assyriis, ut cogaris desistere ab illa turpi idolatria, quam dum regnum quietum fuit, tam pertinaciter retinuisti. Pertinet igitur hæc sententia ad docendos nos de poenis, quas infligit nobis Deus propter peccata, ut scilicet statuamus, eas nobis non infligi ideo, quasi abjicere nos Deus & in peccatis perire velit, sed ut coacti malis, desinamus peccare, & vocemur hisce duris mediis ad poenitentiam. Sicut Paulus dicit, A Domino corripi-  
mur, ne cum hoc mundo damnemur, Et Esaias, Vexatio dat intellectum. Abductus  
igitur populus ex regno, sedere inter Gentes coactus fuit, & sicut in priore capite dictum est, non potuit invenire viam amatorum suorum. Igitur carni dura captivitas profuit ad poenitentiam. Poenitentibus autem Dominus dat gratiam, & miseretur ac liberat.

*Quo consilio  
Deus affligat.*

*Quoniam dies multos sedebunt filii Israel sine Rege, & sine Principe, & sine Sacrificio, & sine statua, & sine Ephod, & sine Imaginibus idolatricis.*

Vsitatum Prophetis est, ut quæ figurate dixerunt, ea postea sine figura simpliciter dicant. Itaq; hæc particula expositio est proximi versus. Nam vile precium argentei quindecim & sesquicorus tritici, quibus adulteram sibi quasi emit, ne scætetur alienos amores, nihil aliud sunt, quam triste exilium inter Gentes, à quibus duriter habitati sunt Israelitæ. Fuerunt enim sine Rege & sine Principe, hoc est, vixerunt sub ethnicis Magistratibus. Deinde caruerunt sacrificio, hoc est, non permissum eis fuit à Gentibus, ut patriis cultibus uterentur. Itaq; populus Israel, tanquam adultera ab amatoribus deserta, sedit inter Gentes, nec fornicatus est amplius in terra sua. Ad hunc modum Deus solet idolatras compescere. Nam rebus florentibus non solum non cedunt veræ religionis Doctoribus, qui veros cultus ostendunt, & ab idolatria dehortantur, sed etiam furiose eos persequuntur. Sicut Papistarum exemplum docet, quos Dominus sive per Turcam, sive per alium hostem suo tempore etiam ab idolatria coget desistere.

*Expositio præ-  
cedenti versui.*

Quod

*Lev. 26.* Quod ad Grammaticam attinet, statuae vocabulum Ebraeis est (Mazeboth à Iazab) statuit. Significat autem non solum statuas, quæ sunt in monumenta rerum gestarum, sed etiam, quæ ad cultum eriguntur, sicut testatur locus Levit. 26. Non facietis vobis Idolum & sculprile (V mazebah) non statuam erigetis, nec insignem lapidem ponetis in terra, ut adoretis eum. Significat igitur proprie statuas vitulorum in Dan & Bethel & aliis locis, quas Reges idolatræ erexerunt. Ephod ex Mose notum est, *Ephod.*  
*Exod. 28.* Fuit enim vestis summi Sacerdotis, conjuncta cum pectorali seu (Hofen) in quo fuerunt (Vrim ve Thumim) res nobis ignotæ, Sed sic dictæ ab eventu. Nam interrogantes Dominum in dubiis rebus per Vrim & Thumim divina revelatione facta, docebantur, quid Dominus vellet fieri. Qualis autem ea revelatio fuerit, ignoratur (Vrim) vertunt illuminationes seu lumina (Thumim) autem perfectiones, sine dubio ad significandam certitudinem hujus revelationis in Ephod factæ. *Vrim. Thumim.*

Sed inquires, Quomodo hoc convenit ad regnum Israel? Nam sacerdotium verum & veros cultus sola tribus Iuda retinuit. Igitur Ephod nunquam fuit apud Israel, sed tantum in regno Iuda? Respondeo, Impius rex Ierobeam cum per seditionem regnum occupasset, instituit cultus in regno Israel ad similitudinem cultuum Iuda. Sicut igitur testatur historia erexisse eum altaria, & constituisse sacerdotes, Ita nihil dubitabimus, quin ad exemplum Iuda suos quoque sacerdotes ornarit, ne dissimilis cultus sacerdotium Iuda redderet augustius. Ideo meminit Propheta hoc in loco Ephod, ut idolatriam ostendat, quam Dominus exilio tam duro voluit punire. *Ephod. Thrachim.* Ac conjungit cum Ephod etiam Thrachim, quas Idolatricas Imágenes fuisse non uno in loco Scriptura ostendit. Sic enim vocat Moses Idola Laban, quæ Rahel clam patre abstulerat. Gen. 31. Et Michol, cum David à Regiis satellitibus quæritur, ponit in locum ejus in lectum (Trachim) Et Ezech. 21. accusatur rex Babylonis, quod consuluerit (Be Trachim) Itaq; Iudæi quoq; ubiq; exponunt pro idolatricis Imaginibus, quibus ad divinationes usæ sunt Gentes. *Gen. 31. Ezech. 21.*

*Postea convertentur filii Israel, & quærent Dominum Deum suum, & David Regem suum, & reverebuntur Dominum, & bonitatem ejus in novissimis diebus.*

Hic incipit illa suavis concio, quod Dominus adulteram verò & maritali amore complecti, & eam propter adulterium non abjicere, sed se cum ea in justitia, judicio, beneficentia, & miserationibus despondere velit. Nam populus Israel inter gentes mansit disseminatus, donec per Apostolos Evangelium in Gentes vulgatum est, ibi demum coepit converti & quærare Dominum Deum suum, & David Regem suum. Profecto insignis concio, si rectè explicetur. Vere enim probat, quod Dominus alibi dicit, Nolo mortem peccatoris, sed ut convertatur & vivat.

Sed quid est converti? aliud nihil, quam obedire Evangelio, quod arguit mundum de peccato, de justitia, & judicio. Porro peccatum si tantum accipias pro crimine admissio contra Legem, etiam ratio id judicat & intelligit, Sed Evangelium ostendit totam hominis naturam peccato corruptam, & tanquam venenum per omnes corporis partes diffusum. Hæc cognitio dejicit animum, & eximit securitatem, ac concitat verum timorem iræ & judicii divini. Atq; hi terrores occiderent hominem, nisi Evangelium cum hac doctrina de peccato conjungeret aliam doctrinam de justitia & judicio. Non autem tribuit justiciam nostris operibus, qui sumus natura mali, sed operibus Christi, & jubet, ut ea statuamus ad nos pertinere, & pro nobis suscepta esse. Hac fide eriguntur animi, & incipiunt Deum diligere, ac misericordia ejus discunt niti. Itaq; sequitur judicium quoq; ut nihil metuant Satanæ minas. Norunt enim eum judicatum, nec sequuntur eum tanquam tyrannum, sed per Spiritum sanctum se ei opponunt, & fide vincunt conatus ejus. *Converti ad Dominum. Locum Joh. 16. Spiritus sanctus arguet mundum.*

Hæc igitur est vera conversio, credere Evangelio arguenti peccatum, & docenti justiciam & judicium. Hanc conversionem sequitur, ut Dominum quærant, hoc est, ut innitantur verbo, ut retineant veros cultus, ut idolatriam fugiant, *Quærent Deum.*

ut exerceant in periculis fidem & invocationem, ut alios ad religionem invitent libera confessione Verbi, ut in omnibus respiciant ad Dei voluntatem, & mundi ac carnis scandala amputent. Hæc enim omnia complectitur Verbum quærendi. Significat enim ardens studium veræ religionis & obedientiæ erga Deum, conjunctæ cum summo neglectu mundi & hujus miseræ vitæ, quam hic vivimus.

*De regno David, hoc est, de Christo.*

Sed hic observa diligenter verba, Quærent, inquit, Dominum Deum suum, & Regem suum David. Quid hic novi oritur? Nam Verbum quærendi hoc in loco proprie significat internos cultus, sicut testatur Psalmus 69. Non erubescant propter me, qui te expectant Domine, Non confundantur propter me, qui te quærunt Deus Israel. Hos cultus Deo tribui nemo inique feret, sicut Propheta hic utitur vero Dei nomine (Iehova) Sed hic respondeant Iudæi, Cur is cultus, qui Deo tribuitur etiam tribuitur Regi David? Num igitur colemus plures Deos? Aut Deus dabit gloriam suam alteri? Non solum enim dicit, Deum quærent, sed promittit futurum, ut etiam quærant Regem suum David, Clarum igitur hoc testimonium est, eodem studio & affectu Regem David quærendum, quo verus Deus quæritur.

Hoc autem si absurdum & impium videbitur (Deus enim Deus unus est) cogget Iudæos necessitas, ut definiant Deum (Iehova) & hunc Regem David esse unum & eundem Deum. Siquidem eodem cultu sunt colendi. Sed hic respondeant, quis ille Rex David sit? Nam filius Isai non est, qui cum Ierobeam dominaretur in Israel, ante annos plus minus ducentos mortuus fuerat, & promittit hunc David quærendum, postquam longo tempore in captivitate regnum Israel vixerit. Ad hæc respondeant Iudæi, nam Propheta sententia eludi non debet.

Nobis autem facilis responsio est, qui confitemur Christum esse verum Deum, qui etsi à Patre in eo differt, quod genitus est ex Patre, tamen quod ad divinitatem pertinet, à Patre nihil differt. Nam Deus Pater ex sua æterna natura nihil potest generare, quod non sit æternum, Sicut Epistola ad Ebræos ideo Christum appellat characterem substantiæ Patris, & ἀπαύλασμα gloriæ, Et Christus ad Philippum dicit, Philippe, qui me videt, videt Patrem meum, An non credis, quod ego in Patre sum, & Pater in me est? Iohan. 14. Appellat autem Propheta eum novo nomine Davidem, ut ostenderet æternum Dei Filium nasciturum in hunc mundum ex stirpe Davidis, & inculcaret populo promissiones Davidi de æterno Messia regno factas, Sicut hujus promissionis etiam Angelus meminit, Dabit ei Dominus solium patris sui David, & regnabit super domum Iacob in æternum, Lucæ primo.

*Cur Christus vocetur David.*

Igitur hæc sententia eo pertinet, ut primum nos doceat de persona Messia seu Christi, quod sit nasciturus ex semine Davidis secundum carnem, ne dubitemus eum esse verum hominem Davidis similem, secundum carnem, & tamen quod, ut Michas dicit, ejus egressus sit ab antiquis diebus & à seculo, hoc est, quod natura sit Deus, à Deo ab æterno genitus, coæqualis Patri in gloria. Hanc cognitionem nisi afferas ad Christum, nunquam poteris victoria ejus, qua peccatum, mortem, & Satanam vicit, gaudere. Nam divina virtute ad hos hostes nostros vincendos opus fuit, Ideo Paulus in Romanis dicit, Christum declaratum Filium Dei potenter per Spiritum sanctum. Siquidem resurrexit ex mortuis.

*Verus Dei cultus, Christum amplecti.*

Secundo pertinet hoc etiam eo, ut doceamur de veris cultibus Dei. Sicut enim sine Christo Deum nemo cognoscit, Ita etiam sine Christo Deum nemo colit. Si Turcam audias, si Iudæum, audis Dei nomen, qui condidit coelum & terram, hunc invocant, hunc prædicant, hunc colere se profitentur, sed sunt turpes & scelerati Idolatræ. Quærunt enim Deum, & Regem Davidem non quærunt. Deus autem, sicut Propheta hic testatur, sic vult quæri, ut simul quæras Davidem Regem, hoc est, ut in Christo Deum quæras & colas. Sicut Christus dicit Matth. 11. Nemo novit Filium, nisi Pater, & Patrem novit nemo nisi Filius, & cui Filius revelaverit. Quid potest dici clarius, sine Christo Deus non est, Deus sine Christo non quæri debet, non inveniri nec coli potest.

Gravissi-



Gravissima igitur hæc Prophetæ sententia est, sic conjungentis in cultu Deum (Iehova) & Christum, ut invocantes Deum per Christum eum invocemus, ut sperantes in misericordiam Dei, per Christum speremus Deum nobis propitium, sicut novum Testamentum ubiq; Christum proponit tanquam unicum Mediatorem, per quem ad Deum nobis est aditus.

Quod addit, *Et revereantur Dominum & bonitatem ejus in novissimis diebus*, id proprie pertinet ad cultum Dei. Utitur autem Propheta hic verbo (Pahad) quod medium est, & nonnunquam in malam, nonnunquam in bonam partem accipitur. Nam Moses cum minatur transgressoribus Legis Deut. 28. dicit futurum, ut paveant dies ac noctes. Contra, cum dicit Genes. 31. de Iacob, jurasse eum per pavorem patris sui Isaac. Ibi de Deo & beato pâtre eum loqui clarum est. Et res ostendit, non eodem timore à fure timeri licitorem, & à liberis beneficium parentem. Quia autem Propheta diserte addit, *Pavebunt à bonitate ejus*, quis non videt pavorem hunc verius reverentiam esse, & acre studium, ne tam beneficus Deus offendatur. Ergo vera sententia est, quod in novo Testamento per Evangelium prædicabitur aliud nihil, quam immensa Dei bonitas, quæ per Christum Filium Dei ostensa est, & quod hanc cum admiratione amplexuræ sunt reliquæ Israel tum inter Gentes sparsæ.

*Timere Deum quid.*

*Deut. 28.  
Gen. 31.*

Sed cum hæc prædicatione & cultu quomodo convenit Pontificis doctrina, qui Mediatoris officium à Christo transfert in Divos, & non bonitatem Dei, sed durum & acerbum iudicium prædicat? Deinde cogit, ut homines suis studiis & operibus tam durum & implacabilem animum Dei mitigent. Hæc poenæ merito consecutæ sunt ingratitudinem nostram, Siquidem, tam præclaras Prophetarum conciones negleximus, & hominum somnia sumus admirati. Singularem igitur consolationem hoc caput proponit, & non tantum docet nos de Christo vero Deo, sed etiam de Regno ejus, quod sit regnum, in quo non terrentur animi, sicut à Lege, sed eriguntur fiducia bonitatis, quæ in Christo proposita est, per quem Deus etiam peccatoribus ignoscere, & eos in gratiam recipere ac salvare vult.

## CAPUT IV.

*Audite verbum Domini filii Israel, quia lis Domino contra habitatores terræ.*

**R**Ecte hoc loco distincta sunt capita. Nam Propheta hic novam Concionem instituit, nostris temporibus ita convenientem, ut non de suo populo, sed de nobis vaticinatum esse credas. Multa sunt, ex quibus homines eruditi futurorum eventuum significationes colligunt. Nam & portenta, quæ passim visuntur, nihil pollicentur boni, & ipsa negocia paulatim delabuntur eo, ut certam confusionem omnium Ordinum tandem sequi necesse sit. Sed profecto certissima impendentium calamitatum indicia sumuntur ex moribus, usq; adeo corruptis & depravatis. Ac cum hoc genere divinationis, quod ex moribus sumitur, conveniunt Prophetarum vaticinia. Quis enim non videt, quid in suo populo reprehendat Hosea? Sed cum eadem nostrorum temporum vitia ob oculos sint, magno impetu grassantia, num dubitabimus de simili eventu?

*Iudicium de futuro sumitur ex moribus.*

Pertinet igitur hæc Concio ad poenitentiam, ut pii se & familias suas diligenter discant regere in timore Dei. Etsi enim fatalis calamitas Germaniæ impendet, tamen qui in timore sanctæ vivunt, & vulgatis criminibus se non contaminant, hos Dominus, sicut Daniele & socios ejus, tuebitur & servabit, ut sentiant præmia pietatis, sicut reliqui peccatorum meritis poenas sentiunt. Præfatio gravissima est, quam vaticinio suo addit Hosea. Nam verbum Domini se afferre dicit. Itaq; nemo dubitet, quin certò secutura sint, quæ minatur. Et durum est, quod affirmat Dominum habere litem contra populum. Quis enim in eo iudicio consistet, in quo à Domino accusatur?

*Concilio poenitentia.*

tur? Non enim, sicut coram Iudice, in hoc iudicio verbis disceptatur, sed nos ipsi contra nos afferimus testimonium conscientiae, tanquam chirographum.

*Domini actus  
sunt mundi per  
ministros Verbi.*

Sed quomodo contendit seu litigat Dominus? De coelo non tonat, nec mittit Angelos nuntios irae, sed pauperes, contemptos, & nihili homines mittit, quos mundus tanquam peripsemata contemnit, & abominatur. Itaque geminatur hic peccatum mundi. Non enim solum peccat secure, sed reprehensionem peccatorum non vult ferre. Accusat Doctores seditionis, ac convicia & blasphemias interpretatur, cum audit reprehendi peccata. Vtrinque igitur urgentur Doctores. Si faciunt officium, & accusant mundum, Mundus irascitur & furit, si non faciunt, Deum iratum habent. Sicut testatur Ezechiel. Oportet igitur, ut Doctores magno sint animo, & libere arguant mundum. Ezech. 3:

Deinde ad auditores hoc pertinet, ut hanc litem seu expostulationem doctorum non contemnant tanquam hominum voces, sed grato animo accipiant, & quae reprehendi audiunt, corrigant. Ideo enim haec expostulatio instituitur, ut de peccatis admoniti redeamus in viam, ut tempore calamitatis habeamus protectorem Deum, cum impios abripiet ira ad interitum. Sed jam expostulationem audiamus.

*Non veritas, non beneficentia, non Dei cognitio est in terra.*

Hic vide, quam sapienter instituat reprehensionem Propheta, Non tantum dicit, qua in re peccet populus, sed simul etiam hoc significat, cui rei studere debeant, qui cupiunt effugere iram Dei. Sicut igitur tota Lex contrahitur in haec duo capita, quod docet de cultu Dei, & de officiis erga proximum, seu de dilectione, Ita Propheta haec duo hoc in loco erudite & breviter conjungit (Emes ve hesed) Veritas & beneficentia pertinent ad secundam tabulam (Daas Elohim) Notitia Dei pertinet ad primam tabulam. Hoc igitur stadium est, in quo sibi decurrendum pii statuunt, si volunt modo facere officium, & iram Dei effugere. Hieronymus habet suas causas, cur putet misericordiam cum veritate à Propheta conjungi. Sed nihil prohibet, quominus veritatem & misericordiam pro una & eadem re, hoc est, pro vera misericordia & non simulata accipias. Sicut Paulus ad Timoth. vocat ἀγάπην ἐκ καθαρῆς καρδίας, Dilectionem ex puro corde. Saepè enim benefacimus aliis spe majoris commodi, saepè ambitio liberales facit, saepè pudor, Sed vera dilectio suum non quaerit, tantum respicit Dei mandatum, & proximi necessitatem. Talis dilectio, inquit Propheta, nusquam invenitur. Igitur non aberit poena longius. Qui veritatem simpliciter accipiunt pro constantia in dictis & factis, hi quidem non errant, Sed includitur haec quoque in dilectionem, quam Propheta hic beneficentiam vocat.

*Veritas & mi-  
sericordia.*

*Veritas non est ver-  
bum, sed non est  
vera veritas.*

Sed unde hoc malum ingruit in mundum, ut nihil veri, sed omnia simulata sint, & nulla usquam veri amoris cernantur indicia? Inde nimirum, quod nulla Dei notitia est in hominibus, hoc est, quod homines negligunt Verbum, quod nullos habent pios Doctores. Igitur qui huic quasi morbo mundi cupiunt mederi, abhibeant verum & rectum pharmacum, verbum Dei. Id solum est, quod huic morbo medetur. Nam animi recte instituti de voluntate Dei, non sunt securi, sed incipiunt timere Deum, & invocare ejus nomen, & repugnant peccato, ac se ad voluntatem Dei comparant. Sed o pestem penitus exitialem! Quam enim invenias multos in Germania, qui totis viribus hoc agunt, ne sui ad notitiam Dei perveniant, Siquidem tanto studio se verbo opponunt, & vi ad idolatriam cogunt subditos. Nihil igitur dubitemus eadem ipsos manere incommoda, quae populus Israel expertus est.

Ad hunc modum Propheta infra Cap. 6. conjungit eadem (Hesed) beneficentiam amo, & non sacrificium (Ve daath Elohim) & notitiam Dei praeholocaustis. Et Michas in 6. Indicabo tibi, o homo, quid sit bonum, & quid exigit Dominus à te, Mich. 6: nempe, ut facias iudicium, ut diligas beneficentiam, & ut in timore Dei ambules. Meminerimus igitur nos quoque in hac nobis incumbendum esse, si modo volumus effugere iram Dei.

*Sed maledicta, mendacium, cades, furtum, adulterium grassantur, & sanguines attingunt sanguines.*

Hæc

Hæc confer ad nostra tempora, & non ovum ovo tam simile esse dices, quam nostri mores similes sunt moribus domus Israel. Verbum (Alo) significat maledictum, hoc est, blasphemias & diras imprecationes, quas apud nos pueri prius pene discunt, quam loqui norunt. Mendacia in contractibus etiam ingenii laudem habent. Cædes & furta sunt peculiaria, quasi ornamenta nobilitatis. Adulteria nostris moribus ne quidem poenam constitutam habent. Vere igitur, sicut Propheta hic eleganter loquitur (Damim be damim nagau) sanguines tangunt sanguines, hoc est, peccata cumulantur peccatis, & unum peccatum trudit aliud. Nota enim phrasis est ex Psalmo 51. quod sanguines vocantur non tantum cædes, sed in genere omnia peccata, morte digna. Quanquam hic Propheta videtur proprie respicere ad indignas sanctorum Prophetarum cædes, & persecutionem in Ecclesia. Sed tam corruptos mores, quæ tandem sequetur fortuna?

Psalm. 51.

*Propterea lugebit terra, & excidentur omnes habitatores ejus, una cum  
feris silvestribus & volucribus cœli, quin & pisces maris deficient.*

Horribilis hæc concio est, sed docet nos experientia hoc modo grassari peccatorum poenas. Nota est figura in verbo (abal) planxit. Sicut enim tum dicitur ride- re ager, cum omnia florent, Ita contrario modo lugere dicitur, cum incommodis tempestatibus deformatus sterilefcit. Hoc incommodum sequitur aliud, ut externus hostis ingruat, & dissipet omnia. Nam id significat verbum (ymlal)

Quod de bestia agri & volucribus cœli dicit, quidam exponunt per Hypallagen, quod scilicet ipsi homines auferentur, qui volucribus cœli & bestiis agri sole- bant frui, Sed nihil opus est hac interpretatione. Videmus enim ita accidere, cum ira Domini venit, ut omnium rerum summa penuria & caritas oriatur. Nam hodie non est eadem piscium & volucrum copia, quæ memoratur superioribus annis fuisse. Hæc si quis peccatorum poenas esse dicit, profecto non fallitur. Itaq; libenter ad hunc modum præsentem locum expono, ut significet omnium rerum penuriam & carita- tem, quæ superioribus temporibus, cum ira Dei adhuc quiesceret, tanta non erat.

De Hieronymo vehementer miror. Nam hanc eandem sententiam retinet, hæc enim sunt ejus verba, quæ libens adscripsi, Cum captivitas decem tribuum, in- quit, venerit, habitatore sublato, bestiarum quoq; & volucres cœli, & pisces maris defi- cient, iramq; Domini etiam muta elementa sentient. Hoc qui non credit accidisse populo Israel, cernat Illyrium, cernat Thracias, Macedoniam atq; Pannonias, om- nemq; terram, quæ à Propontide & Bosphoro usq; ad Alpes Iulias extenditur, & probabit, cum hominibus & animantia cuncta deficere, quæ in usus hominum à Creatore prius alebantur. Hactenus Hieronymus loquitur de suis temporibus, Sed quis non videt eum verius vaticinatum esse de nostris temporibus, quæ harum re- gionum, quas nominat, eversionem vident & sentiunt factam per Turcam, propter peccata nostra.

*Sed nemo eos accusare, nemo reprehendere audeat. Populus enim tuus est,  
sicut qui accusant Sacerdotem.*

Nota est Phrasis (Isch aliaref) vir ne contendat. Nam vocabulo viri solent Ebraei uti pro particula indefinita. Recensuit Propheta hactenus peccata sui populi. Debet autem hæc commemoratio eo infigi diligentius animis nostris, quod istorum temporum imaginem præsens nostra ætas refert. Itaq; nisi vera poenitentia prævene- rimus iram Domini, eadem Germaniam poena manebit. Addit autem Propheta jam aliud peccatum, quod in speciem videtur esse levius, sed longe gravissimum est. Non enim tantum est peccasse, quantum est peccati reprehensionem nolle ferre, & excusare peccata. Vbi enim ad hunc modum vivitur, ut à medicina abhorreant ani- mi, ibi non potest longius abesse poena. Quod igitur dicit Propheta, nemo litiget, ne- mo reprehendat, non hoc vult, quasi reprehendi vitia non debeant, Sed ostendit re- prehensionem frustra esse, non admitti eam ab hominibus aut tolerari.

Nostri ferat  
mores.

Atque cum  
peccat, non vult  
reprehendi.



Hoc quoque peccatum nostro seculo usitatissimum est. Inspice enim Ecclesias, & videbis passim Doctores in odio esse, quod liberius, sicut ministerii ratio postulat, arguunt peccata, Ac precipue eorum, qui in Magistratu sunt, tenerrimæ sunt aures. Qui enim potatores sunt, cum audiunt reprehendi ebrietatem, se lædi & peti putant, Qui adulteri, avari, iniusti sunt, horum vitiorum reprehensionem judicant sibi contumeliosam. Sed hac ratione magis provocatur Deus ad iram. Nam peccata ista aut omittenda & corrigenda erant, aut erat ferenda libera reprehensio. Non enim homo, sed Deus litigat & exposulat cum peccatoribus. Sicut Propheta initio præfatus est, Et hic eodem verbo utitur, Deum autem reprehendentem non odisse, sed revereri, ei parere & obsequi debemus. Qui hoc non faciunt, infra audient, quale iudicium eos maneat.

Sed longe iniquius ferunt reprehensionem adversarij nostri, qui Verbum non habent. Hi enim cum audiunt reprehendi idolatricos cultus, etiam ferro Doctores volunt compescere. Nota quoque exempla sunt veterum Prophetarum, Eliæ, Esaia, Jeremia, & in novo Testamento historia Christi & Apostolorum satis testatur, quo animo justas reprehensiones acceperit Synagoga. Ad hunc modum hoc in loco ostendit Hosea, pios Doctores non carituros periculis, si faciant officium. Nam Mundus impatiens est reprehensionum.

Quod addit, Populus tuus, sicut qui litigant cum Sacerdote, est insignis amplificatio. Nam in priore sententia ostendit populum talem esse, ut nolit à quoquam reprehendi. Hic addit, Quod cum reprehenditur à Sacerdote, movet ei litem & exposulat cum eo. Hoc autem est plane invertere omnia. Populus enim audire, at sacerdos loqui & docere debebat, Doctrina autem includit reprehensionem eorum, quæ mala sunt, Hanc ferre non volunt. Passim igitur invenias (meribekohen) hoc est, tales, qui cum mereantur reprehendi à Doctoribus propter peccata, ipsi Doctores reprehendunt, & rixantur cum eis. Sed quam periculosum est, si quis in corporis morbo cum Medico rixari, ac ei non parere velit? Multo autem plus periculi in eo est, cum abjicitur verbum, & excutitur disciplina. Quid enim reliquum est, quo sanari animæ morbus possit?

*Corruet igitur hodie, & corruet una tecum Propheta in nocte, & perdam matrem tuam.*

*Pœna contem-  
ptorum verbi  
in prophetis De-  
i. etiam.*

*Corruere in no-  
cte.*

Hæc est pœna proposita peccatoribus contemnentibus verbum Dei. Sicut autem accidit hodie, cum hortamur adversarios ad veram religionem, & minamur, si pergant in idolatria, futurum, ut omnis generis malis circumveniantur. Ipsi autem non solum negligunt has minas, & contemnunt, sed etiam persuadent suis, has pœnas ideo immitteri, quod Papæ religio non defenditur acrius. Ita prorsus in regno Israel accidit, Cum mitterentur ad eos veri Prophetæ, qui hortarentur ad veros cultus, & reprehenderent idolatriam, Pseudoprophetæ se eis opponebant, & suos confirmabant in idolatria. Minatur autem Dominus hoc in loco, tum populo, tum Prophetis, futurum, ut cadant. Ac quod de Prophetis dicit, nocte casuros, ostendit allegorice durissimam circumstantiam, quod cum apprehendet eos calamitas, etiam conscientia malæ stimulis exagitabuntur, quod tantum ventris sui causa in tantum discrimen adduxerint populum.

*Populus meus perit, quia est sine verbo.*

*Scientia.*

Hoc caput mali est, quanto Deus verbum mittit, & mundus id amplecti recusat, ac retinet potius usitatam idolatriam. In Ebraeo sententia mire rotunda & elegans est (Nidmu ammi mibli hadaath) Populus meus vastatus est sine scientia. Scientia enim vocabulum, ut supra dictum est, usurpatur pro notitia Dei. Hæc cum ex solo verbo Dei possit peti, retinui Verbi appellationem, Quamquam Propheta non hoc dicit, quod caruerint prorsus verbo, sed quod cum haberent verbum, id noluerint amplecti. Similis sententia est in Salomone, Vbi non est prophetia, dissipatur populus. Et

lus, Et docet idem Amos quoq; , cum minatur famem non panis. Igitur Principes & Respub. verbi donum debebant exosculari. Hoc enim aut amisso, aut negligenter habito, certa vastitas sequitur.

*Quia tu abiecisti verbum, ego quoq; abjiciam te, ne sis meus Sacerdos & quia oblitus es legis Dei tui, ego quoq; obliviscar filiorum tuorum.*

Hæc est altera pars expostulationis, in qua proprie expostulat cum sacerdotibus. Horum enim præcipuum officium est, docere Ecclesiam, & non solum instituere veros cultus, sed etiam amputare scandala, & hortari populum ad sanctam vitam. Sed nihil minus agunt, inquit Hosea, Igitur perdam eos quoq; , nec sublevabit eos ministerium in quo sunt. Est autem hic locus dignus observatione, Non solum enim Iudæi ministerij dignitate se tuebantur, sicut exempla Prophetarum ostendunt, quibus fiducia ministerij Sacerdotes se opponebant, quasi non posset perire Lex à Sacerdote, neq; consilium à sapiente, nec sermo à Propheta. Sed hoc idem faciunt hodie Pontifex, Cardinales & Episcopi. Vsurpant enim sibi nomen Ecclesiæ, propter ministerium, quod in Ecclesia esse necesse est, & hoc quasi pallio tegunt, quicquid impiorum dogmatum & cultuum ab ipsis in Ecclesiam inductum est. Quasi vero aut qui in ministerio sunt, errare non possint, aut Ecclesia ad ordinem certum sit alligata, & non potius ad verbum.

*Ministerium ad excusandas peccata aut errores.*

Verum est, quod ministerium tantum in Ecclesia est, Sed ministerium quoq; suos certos limites habet, intra quos consistit, Non tribuit potestatem instituendi novos cultus, non liberat ab obedientia verbi, non excusat peccata, non mutat, quæ à Christo Ecclesiæ donata & instituta sunt, Sed sicut Christus de Spiritu sancto dicit, Ipse de me testabitur, & vos testabimini, necesse est eos, qui in ministerio sunt, hoc testimonium retinere, & nusquam ab eo discedere. Si autem discedunt, ministerium amittunt, hoc est, ipsorum auditores mandato divino coguntur, ne eis obediant, sicut Christus dicit, Cavete à falsis Prophetis.

Ac de Iudæorum Sacerdotio constat, eam successionem divinitus mandatam, & certum cultus ipsorum locum constitutum esse. Quod profecto in novo Testamento non est, Nam Sacerdotis nomen & officium solus Christus gerit & implet, Et tamen veteris populi sacerdotium divinitus constitutum verbo alligatum fuit. Itaq; discedentes à verbo errarunt. Sicut testatur Ezechielis locus de vero Iudæ sacerdotio, Lex peribit à Sacerdote, & consilium à Senioribus, Ezech. 7. Et Hosea hic clare dicit. *Quia repulisti verbum meum, ego quoq; abjiciam te, ne sis meus Sacerdos, & quia oblitus es legis Dei tui, ego quoq; obliviscar filiorum tuorum, hoc est, successionem sacerdotij abjiciam.* Si hoc, inquam, veteri sacerdotio accidit, cujus successio divinitus erat mandata, quid objiciunt nobis titulos & ministerium, Pontifex, Cardinales & Episcopi? Prius probent nobis, retinere se Verbum, nihil contra Christi institutum se docere, nihil à Christo mandatum & institutum mutasse, & agnoscemus ministerium eorum tale esse, cui parere omnes conveniat, secundum sententiam, Qui vos audit, me audit, Item, Spiritus sanctus testabitur de me, & vos testabimini.

*Papæ frustra imitantur vocatum esse seu ministerio.*

Sed cum convinci possint, quod in Ecclesiam invexerunt, quæ Christus prohibuit, sicut est mandatum de coelibatu. Christus enim eos tantum jubet capere verbum id, qui possint capere, At Papa in genere omnes Ecclesiarum ministros à conjugio arcet. Item, quod à Christo instituta & mandata mutarunt, sicut usum integri Sacramenti. Item, quod nova dogmata & novos cultus instituerunt, quos prima Ecclesia nescivit, sicut sunt Missæ pro vivis & mortuis. Invocatio Sanctorum, Deprecationes pro mortuis, & similia, Dicimus cum Hosea ad Papæ Ecclesiam, Tu repulisti Verbum, ideo non es Sacerdos Dei, sed repulit te Deus quoque. Nec plus apud nos Pontificum aut Episcoporum autoritas valere debet, postquam à verbo discesserunt, quam cujusquam privati. Non enim habent successionem, quæ sine verbo dureret, Sed ministerium est alligatum ad verbum. Hoc qui non sequitur, qui aliquid de eo

*Or Papæ non audendum.*

de eo mutat, qui aliquid ei addit, sive Pontifex, sive Episcopus, sit anathema, & non tantum non caput, sed ne membrum quidem veræ Ecclesiæ, secundum Pauli sententiam, Qui aliud Evangelium evangelisaverit, anathema sit, etiamsi Angelus de coelo id faciat. Gal. 1.

*Quanto magis multiplicantur, tanto peccant magis contra me. Igitur gloriam eorum in ignominiam commutabo.*

*Keribam.*

Vocabulum (Keribam) juxta multitudinem, ambiguum est. Potest enim aut ad multiplicationem personarum, aut rerum seu benedictionem referri, Quod Sacerdotes in magno honore fuerint, & divinitus aucti sint omni genere commodorum, Sed postquam hisce donis ad avaritiam & peccata abusi sunt, Dominum eos puniturum, non solum auferendo ista, sed etiam cumulando variis malis. Ad hunc modum Ieremias cum toto populo exostulat, Introduxi vos ad terram cultam & fertilem, ut comederetis fructus ejus, & quicquid habet boni, sed ingressi eo inquinastis terram meam. Jer. 2.

*Kebod.*

Vtitur autem Propheta hic Augusto vocabulo (kebod) ut appareat eum tantum loqui de dignissima parte populi, hoc est, de Sacerdotibus, quos Deus suo loco voluit in terra esse, ut doceant populum de Deo & cultu Dei, ut deprecantur pro populo Deum, ut etiam sacra pro populo faciant. Hæc omnia augustissima sunt, sed quia discedunt à verbo, & non faciunt quæ sunt ministerij. hunc ornatum, hoc est, ministerium ipsum eis adimam, inquit, & replebo eos ignominia, ut videant cultum suum inutilem esse, & non placere mihi.

*Peccatum populi mei comedant, & anima eorum delectatur iniquitate eorum.*

Nomen peccati (hatath) non tantum usurpatur pro reatu, sed etiam pro expiatione reatus, seu sacrificio, Sicut Paulus quoque hanc Ebraicam phrasin secutus, Christum dicit peccatum factum, hoc est, hostiam seu victimam pro peccatis. In hac sententia etiam hoc loco accipitur. In altera parte sententiæ est alia phrasis (Isu Naphscho) levaverunt animam. Hanc etsi alii aliter interpretantur, tamen rectissime videtur exponi, pro magno desiderio, cum aliquis avide aliquid cupit. Sed quid hic novi oritur? Num peccatum fuit vesci sacrificiis & de altari comedere? Cur igitur prophanis tam serio interdictum fuit à sacrorum esu? Cur Malachias tam minatur severe offerentibus macras & vitiosas hostias? Sed hoc non est peccatum illud, quod Propheta hic tam serio damnat, Aliud majus & gravius agit, sicut verba sequentia ostendunt, nempe quod Sacerdotes, ut uberiores quæstum haberent, invitabant populum ad Mosaica sacrificia, & de vero sacrificio Filii Dei nihil docebant. Sed priusquam sententiam ostendamus, paucis ratio sacrificiorum veteris Testamenti explicanda est. Rom. 8.  
1. Cor. 5.

*Cultus legis.*

Habuit populus Legis cultus suos, institutos ad tempus, ut esset occasio declarandæ obedientiæ erga Deum (erant enim divinitus mandati) & ut simul discerneretur ab aliis Gentibus, quæ utebantur cultibus aut à se excogitatis, aut sine mandato aliquo Dei aliunde acceptis. Præterea erant quoque sacrificia veteris populi figuræ, quæ admonerent populum de vero & æterno sacrificio, quod per Filium Dei offerendum erat. Etsi autem inter hæc sacra erant, quæ proprie dicerentur hostiæ pro peccato, tamen in genere omnia sacra habebantur pro cultu Dei, ac licebat ex Lege vesci Sacerdotibus iis, quæ offerebantur, sicut ex Mose patet. Sed cultus hi non habuerunt promissionem remissionis peccatorum coram Deo. Ad eam enim rem alia erat proposita victima Filius Dei, Sicut Iohannes ideo eum vocat agnum Dei, hoc est, à Deo destinatum, ut fieret victima pro peccatis mundi. Non igitur damnat hoc in loco, quod sacris vescerentur Sacerdotes, sed doctrinam damnat, quod docebant his legalibus sacrificiis impetrari remissionem peccatorum & justiciam. Hæc enim opinione depravatus populus, liberalius sacrificabat.

*Vna victimam pro peccatis, Filium Dei.*

Sicut



Sicut in Papatu quoq; experti sumus, Nam opinio meriti & justiciæ omnes divitum thesauros aperiebat, Nunc cum docetur remissio peccatorum & salus, tantum per fidem in Christum contingere, bona opera autem tanquam obedientiam Deo debitam præstandam esse, nemo est, qui juvare Ecclesiam, ministros, & pauperes velit, Igitur hic duplex peccatum concurrit, Primum & gravissimum est depravatio doctrinæ sanæ, Alterum est avaritia, quæ occasio est depravandæ doctrinæ. Sententia igitur est, quod Sacerdotes quæstus sui causa docebant populum, sacrificiis aboleri peccata. Sicut hodie Papistæ docent, de justiciâ per Missas & eleemosynas consequenda. Ex ea re quæstus erat uberrimus. Atq; hoc est, peccata populi comedere, & desiderare peccata populi. Erant enim peccata occasio plurium sacrificiorum.

Sic apud nos sub Papatu, cum creditum esset, cædes expiari peregrinatione suscepta ad Romam aut Compostellam, gratissimum fuit Papistis, quam plurimos esse homicidas. Cum esset creditum, graviora peccata sanari Indulgentiis, maximus in eo Papistarum quæstus fuit, si quam plurimi insignes peccatores essent, Quin, quod etiam dictu turpe est, Episcopis utile fuit Sacerdotes turpissime vivere. Nam ex concubinis erat quæstus maximus. Sed quid Propheta de suis Sacerdotibus?

*Sicut populus est, sic est sacerdos, Igitur visitabo eos juxta vias ejus, atq; studia ejus reddam ei.*

Quam belle omnia quadrant ad nostra tempora. Papistæ jactant superiorum temporum pacem & commoda, eaq; tribuunt suis cultibus & idolatriæ, Sed si causam veram istius successus optas scire, nulla alia est, quam quod Dominus tum non visitavit peccata & vias eorum. Tenuit quasi clausos oculos, & fuit similis non videnti, sed non dormitabit neq; dormiet perpetuo. Nunc autem aperit oculos, & retribuit idolatris. Sicut hic Israeli quoq; minatur.

*Comedent & non saturabuntur, fornicabuntur & non succedet, eo quod desierunt observare Dominum.*

Hoc est, cumulabuntur omnis generis malis. Desinent commoda illa priorum temporum, nec erit amplius felix fornicatio. Prædicant Papistæ Missas, supplicationes publicas in honorem Divorum institutas, nec dum ab hac fornicatione desinunt, Adhuc urgent hos cultus in publicis periculis, Sed sicut Propheta dicit (hisnu velu yphrozu) fornicantur, sed sunt infelices, non assequuntur quod volunt, Immerguntur de die in diem altius in pericula & calamitates, sicut ostendit experientia. Quod si omissa idolatria observarent Dominum, hoc est, si amplecterentur sanam doctrinam, & idolatricos cultus corrigerent, essent feliciores, Sed hoc non credunt, Itaq; peribunt.

*Fornicatio & vinum & mustum auferunt cor.*

Haftenus Propheta commemoravit in genere peccata, tum populi, tum Sacerdotum seu Doctorum, & addidit quoq; de poenis. Nunc peculiarem Concionem instituit de fornicatione, hoc est, de idolatria. Nam Propheta hoc præ reliquis singulare habet, quod acerrime insectatur idolatriam tanquam caput peccati. Sicut enim fidem ceu bonam arborem boni fructus sequuntur, Ita falsam fiduciam, quæ idolatria est, sequuntur omnis generis peccata. Solet autem hæc sententia non raro etiam de fornicatione carnali citari, Nec inepta sententia est. Nam exempla docent, hoc scelere constrictos nihil habere pensi, sed quasi amentes ruere quocunque malesuada libido impellit. Et Prophetam similitudo tum affectuum tum etiam eventuum movit, ut fornicationem transferret ad idolatriæ studium. Paria enim utrinq; sunt omnia, nisi quod spiritualis fornicatio gravior & infinitis modis periculosior est. Animi enim hac occupati & infecti, haud facile sanari possunt. Existimatur enim esse religio & summus Dei cultus. Contra, in fornicatione carnali manifesta turpitudine est, quæ neq; coram hominibus excusari aut defendi potest, nec coram conscientia. Deinde homines circumventi incommodis, quæ turpis libido parit, peccare desinunt.

Itaq;

*Conch de fornicatione.*

*Fornicatio spiritus & corporalis.*

Itaq; videmus in Evangelij historia Phariseos, insignes fornicarios, hoc est, idolatras tumentes opinione propriæ justitiæ, plane esse incorrigibiles, & Christus libere eis exprobrat futurum, ut meretrices & publicani eos præcedant in regno Dei. Apparet autem, hanc sententiam vulgo usitatam, & proverbii loco usurpatam esse (Fornicatio & vinum & mustum auferunt cor) Nam hæc duo vitia, fornicatio & ebrietas ita mentem capiunt, ut nihil se dignum cogitare, loqui, aut agere possit. Eleganter igitur puer Cyrus apud Xenophontem vino venenum admixtum dicit, quod videbat τοὺς μεθύοντας καὶ ταῖς γνώμας καὶ τοῖς σώμασι σφάλλειν. Id quod Comicus videtur voluisse exprimere, cum dicit rusticus adolescens, Postquam surrexi, neq; pes, neq; mens satis suum officium facit. Et notum est illud Archilochi de impuro amore, ἴσως πολλὴν κατ' ἀχλὺν ὁμμάτων ἔχειν κλίψας ἐκ σῆθιαν ἀπαλὰς φρένας.

Vinum & amor  
graviter cadunt.

Atq; hæc fuit causa, cur Poetæ fingerent Cupidinem cæcum. Vere enim cæco nemo in amore sapit. Sed longe periculosius movetur animus, postquam à fiducia, quæ in Deum poni debet, discessit. Hæc fornicatio nocentissima est, & ut Propheta dicit, auferit cor. Amittitur enim Verbum, amittitur notitia Dei, Nec id solum, sed implentur animi odio Dei & verbi, & omne studium ponitur in idolatriæ defensionem. Quæ autem consilia, qui eventus hanc impietatem sequantur, non obscurum est. Nota sunt pericula, in quæ turpis amor involvit homines, Nota sunt ebrietatis infinita mala. Sed omnia hæc superat fornicatio spiritualis, quam & extrema pericula, & certus animæ interitus sequitur.

Fornicatio.

Ebrietas.

Contra fornicationem extant gravissimæ Conciones in Paulo & Salomone, ac horribilium exemplorum omnes tum sacræ tum profanæ historiæ plenæ sunt, quibus ostendit Deus, quam impense oderit vagas libidines. Ebrietas quoque multis modis detestanda est, quam Christus etiam hoc nomine nobis odiosam conatur reddere, quod, sicut Propheta quoque hoc in loco concionatur, corda gravat. Cavete, inquit, ne corda vestra graventur crapula. Duplex enim hic malum oritur, Mandato divino cogimur ad laborem & ad certum operarum genus. Labor autem requirit industriam & sollicitudinem, Sed hæc nulla esse potest, ubi animi vino gravati sunt. Quanto autem genus vitæ sublimius est, in quod divinitus te collocatum vides, tanto diligentius ab ebrietate cavendum erat, quæ nihil recte geri sinit.

Zac. 12.

Alterum malum est, quod animi gravati vino ad verbum & orationem prorsus inepti sunt. Igitur tanquam nudati præsidio Angelorum, qui timentes Dominum circumvallant, exponuntur tyrannidi Satanæ, & ut Christus dicit, priusquam sentiunt, obruuntur periculis. Hæc recte considerata, pios animos movebunt, ut ab ebrietate caveant. Ac Paulus gravi verbo dicit, Cavete à vino, in quo est Asotia, hoc est, vino dediti degenerant in feritatem, & omnino redduntur dissoluti. Sicut eleganter Seneca dixit, Vitia vino concepta, etiam sine vino durant. Sed redeamus ad Prophetam, qui nunc hoc ager, ut ostendat, quomodo fornicatio adimat mentem seu cor.

Eph. 5.

Seneca.

*Populus meus rogat lignum suum, & baculus ejus vaticinatur ei.*

Statuarum &  
imaginum cul-  
tum.

Verbo (Schaal) utuntur Ebraei, sicut Græci verbo ἱερῶν, & Latini rogandi verbo, pro interrogare & petere. Ac videtur hoc loco aptissimum esse, si accipias pro petitione, ut sit sententia, Invocant lignum, à ligno rogant opem in periculis, sicut statuarum invocationem Pontifex quoq; in Ecclesiam invexit. Creditum enim est, statuas Divorum certis in locis invocantibus magis esse salutare. Sed quid stultius, quid à communi etiam sensu alienius est, quam à ligno expectare opem? quam credere, quod lignum, quæ tu animo volvis, & lingua effers, intelligat?

Esaïas igitur longa concione hanc hominum amentiam exagitat Cap. 40. *Artifex, inquit, ex lignis sumsit, & calefactus est, succendit & pinsuit panes, De eo autem, quod reliquum fuit, finxit Deum, & adoravit, fecit sculptile, & curvatus est ante illud, medium ejus combussit igni, & de medio ejus coxit carnes & comedit, Item coxit pulmentum & saturatus est, & calefactus est, & dixit Euge, calefactus sum, & sensi ignem, reliquum autem ligni Deum fecit & sculptile sibi, curvatur ante*

Mal. 40.

ante illud & adoratur illud ac obsecrat illud dicens, Libera me, quia Deus meus es tu. Hæc copiosa est explicatio ejus, quod Hosea dicit, rogare eos lignum.

Quæ sequuntur in Esaia, explicant quod Hosea dicit, Cor auferri per fornicationem. Nesciunt nec intelligunt, Obliti sunt oculi eorum, ne videant, & ne intelligat cor eorum. Non enim talis homo redit ad cor suum, non est sensus nec intelligentia in eo, ut dicat, Medietatem ligni hujus combussi igni, & in prunis ejus coxi panem, & assavi carnem, Quomodo igitur de reliquo ejus idolum facio? & cur coram stipite ligni procido? Itaque lignum idem & cinerem pascit, & cor deceptum inclinat ad se, cum tamen non possit liberare animam. Et tamen homo non animadvertit mendacium esse in dextera sua, &c. Malui reddere sententiam, quam verba, id quod candidus Lector non reprehendet.

Atque hæc quoque causa est, cur tantopere passim imaginum usus damnetur in Scriptura, Et nos quoque hortatores sumus, ne scandalosæ imagines in templis tollerentur. Etsi enim verbo eruditos hæc non movent, tamen cavendum erat imperitis. Nam scandali occasionibus remotis, minus periculorum erit. Nec tantum homines quid tentent, respiciendum est, Officina hæc Satanæ est, qui non cessat perturbare Ecclesias, dum occasiones talium peccatorum in publico existunt. Ac apud nos eo minus defendi statuarum usus potest, quod pleræque mendaces sunt, & sicut Prophetæ hic dicit, nihil sunt nisi lignum. Quid enim Georgij, quid Margarethæ statuæ sunt, quam figmenta Græcorum, Perseus & Andromeda? Verarum autem statuarum usus aliquis esse potest, ut admoneant de historia, Sed hæc quoque cum in idolatriam vertuntur, tollendæ sunt, sicut in Micha pluribus disputavimus.

*Quia spiritu fornicationum deceptus est, ut fornicaretur deserto Deo suo.*

Hæc sententia ob Antithesin magis notanda est. Sicut enim Zacharias vocat Spiritum gratiæ, sanctum Spiritum, qui testatur de Christo, & notam nobis facit voluntatem Dei bonam, quod propter peccata eos, qui Christum amplectuntur, damnare nolit, Ita Hosea hic vocat (Ruah zenunim) malum spiritum, qui veras opiniones de Deo eximit ex animis, & aut depravat aut penitus opprimit verbum, & implet animos fiducia creaturarum, quæ vera idolatria est. Non enim idolatria tantum putanda est adoratio statuarum, sed fiducia in propriam justiciam, opera & merita, in opes, in hominum potentiam. Hæc sicut usitatissima, ita etiam nocentissima idolatria est, Sicut Paulus avaritiam vocat idolorum servitutem. Quam autem impium esse censes his rebus fidere, & fiduciam in Deum æternum & omnipotentem abjicere?

*In summitatibus montium sacrificant, & in collibus incensa adolent, sub quercu, tilia, fago, bona enim harum umbra est.*

Hæc alia idolatriæ species est. Etsi enim sacra hæc fiebant in veri Dei honorem, tamen in eo vitium erat, quod fiebant in loco divinitus non ostenso nec mandato. Igitur cum his cultibus conjuncta erat inobedientia. Nam Deus constituerat certum locum externis cultibus in Ierusalem seu Templo, Sed regnum Israel sacrificabat in aliis locis. Notandum igitur est, hosce cultus ideo reprobari, quod conjuncti erant cum inobedientia, nec ex verbi præscripto, sed ex singulorum consilio erant suscepti. Sæpe autem dictum est, cultus non esse, qui sine verbo Dei suscipiuntur, secundum sententiam Christi, Frustra me colunt mandatis hominum. Quæ sequuntur, poenas idolatriæ ostendunt.

*Idcirco fornicabuntur filie vestrae, & sponse vestrae mæchabuntur, Nec visitabo super filias vestras, quod fornicatae sunt, & super sponas vestras, quod mæchatae sunt, quia ipsi cum scortis secedunt, & cum meretricibus sacrificant. Igitur populus non attendens verbo cadet.*

Profecto dura idolatrarum poena, quæ etiam in posteros redundat. Allegorica enim hæc omnia sunt. Eleganter dicunt Græci, Ancillas sequi mores dominarum.

*Cor dementur  
imagines.*

*Spiritus gratia.*

*Spiritus fornicationum.*

*Idolatria Eph. 5*

*Cultus sine verbo  
suscepti.*

*Reprobis  
sui poena  
idolatriæ.*



Ac docet experientia turpem parentum vitam imitari liberos. Ita hic quoque accidet, inquit Propheta, idolatræ parentes etiam idolatricos habebunt liberos. Adhanc poenam accedit alia longe gravior, quod dicit, futurum, ut fornicationem hanc Dominus non visitet, hoc est, ut permittat eos ferri sua voluntate, & poenis non cohibeat errantem populum. Nam castigatio ostendit, sicut supra diximus, nos Deo curæ esse, & Deum de nobis servandis esse sollicitum, ut hoc modo à peccatis arceat. Vbi autem Deus permittit homines sibi ipsis, hæc demum est gravissima ira. Igitur verbum visitandi proprie hic accipitur, pro eo, quod Dominus castigatione sua errantem populum non sit revocaturus in viam, sed passurus, ut ex uno peccato ruat in aliud, sicut Paulus in 1. ad Romanos de Gentibus concionatur, quæ discesserunt ab ea Dei notitia, quam eis indidit natura. Rom. 2.

Respicit autem Propheta sine dubio ad Synagogæ posteritatem, quæ Evangelium abiectione erat. Errat enim jam miser populus, & in errore hoc pergit securus. Hæc sententia nos merito exuscitare debebat ad sedulam curam verbi Dei. Quid enim hi aliud agunt, qui verbum negligunt, quam ut posteritatem relinquant impiam? Quis autem impiorum, hoc est, aut carentium Verbo, aut verbum negligentium finis sit, ostendit Propheta, cum claudit hanc concionem, & dicit, Populus non intelligens, hoc est, qui verbo non vult erudiri, & negligit Verbum, corruet. Sicut supra quoque dixit, Vastatus est populus, quod esset sine Verbo. Quid enim Deus cum his faciat aliud, quibus donat verbum, & tamen verbo erudiri nolunt, quam ut eos tradat in reprobum sensum, hoc est, ut sinat eos ferri suis consiliis, donec pereant? Hic finis est idolatriæ & impietatis. Quod ad Grammaticam attinet, verbum (lepheredu) significat hoc loco deserta Ecclesia seu cœtu populi Dei, segregari seu separari ad peculiarem cultum.

*Si fornicaris tu Israel, ne delinquat Iuda, Ne veniatis in Gilgal, neve ascendatis ad Beth Aven, & ne juretis, Vivit Dominus.*

Longæ expositulationi subjicit Propheta exhortationem ad regnum Iuda, ne exemplo Israelis ipsum quoque deflectat à vera religione ad idolatriam. Nam facilis hic lapsus est, sicut historiæ ostendunt. Prima Ecclesia exemplo Cainitarum paulatim sic est depravata, ut non nisi octo animæ ab eo contagio tandem servarentur, Moabitarum & aliarum gentium idolatria populo in deserto occasio ruinæ fuit, Salomoni quoque summo alioqui viro nocuit affinitas Regum Aegypti, ut etiam Aegyptiorum cultus institueret, Tandem regnum Iuda exemplo Israelis peccare didicit, sicut historiæ ostendunt. Recte igitur Paulus scandala comparat fermento, quod licet sit perexiguum, tamen paulatim totam massam pervadit. Ideo magno studio hoc agendum est, tum gubernatoribus Ecclesiarum, tum etiam magistratui Christiano, ut mature nascentibus scandalis occurrant. Vere enim sunt sementis Satanæ, Itaque quæcumque Ecclesiæ partem occuparit, tam copiose subnascitur, ut eradicari non possit. Gal. 5.

Gilgal notus locus est ex capite Iosue 4. & 5. Ibi enim positum monumentum est duodecim lapidum ad retinendam memoriam exiectionis Iordanis, Ibi novus populus in deserto natus & educatus, circumcissus est, Ibi Pascha quoque Domino est celebratum. Hæc quasi divinitatem aliquam conciliarunt loco apud posteros. Itaque cum regnum Israel à Iuda discessisset, ibi coli Deus ab idolatris tanquam in sancto loco coeptus est. De Beth Aven dubium est. Extat enim hoc nomine civitas, Iosue 7. Sed de Idolatria istuc instituta nihil meminerunt Prophetæ. Itaque ego existimo appellari à Propheta hoc nomine civitatem Beth El, in qua Ierobeam erexit aureum vitulum. Est autem Beth El nota ex capite Genes. 28. Cum enim prius Luza appellaretur, Iacob voluit Beth El appellari, quod ibi vidisset apertos coelos, & Angelos ascendentes & descendentes in scala. Sic enim dicit, Reverendus est locus iste. Non enim hic est aliud, quam domus Dei & coeli porta. Ios. 4. & 5. Gen. 28.

Cum

Rom. 14.

Cum autem Ierobeam ibi aureum vitulum excitasset, noluerunt Prophetæ eum locum amplius BethEl (id est, domum Dei) appellare, sed vicini oppidi nomine appellarunt BethAven, id est, domum peccati. Peccatum enim est, quicquid fit sine fide, hoc est, quicquid sine verbo Dei, aut contra verbum Dei pro cultu instituitur. Nam solum verbum est, quo sanctificantur omnia, & quo fides nititur. Ac confirmatur hæc mea sententia infra in Cap. 10. ubi de vitulo in BethAven loquitur, cum in fine capitis clare ostendat Prophetæ, se de BethEl locutum esse, ubi Ierobeam vitulum aureum voluit coli. Sic Sathan ex BethEl domo Dei, facit BethAven, domum peccati, cum novus cultus contra verbum Dei ab impiis institui curat.

Ad hunc modum impii Reges loca, in quibus Patriarchæ sacrificarant, translulerunt ad cultus idolatricos. Sed Patriarcharum factum non erat rapiendum in exemplum. Siquidem manifestum mandatum extabat de loco destinato cultibus. *Exempla Sanctorum non semper sequenda.* Exempla autem tum demum sequenda sunt, cum habent additum mandatum. Abraham jubebatur divina voce mactare filium, Hoc mandatum non habebat Ahas. Igitur idem opus in Abraham verus Dei cultus, & eximium obedientiæ specimen fuit, in Ahas autem fuit abominabile parricidium. Ad hunc modum dives adolescens in Evangelio mandatum habet vendendi omnia, & distribuendi in pauperes. Sed impie facit monachus, qui deserta vocatione discedit à rebus suis, & se concludit in monasterium. Non enim habet mandatum ut id faciat. Retinenda igitur Regula est, omnes cultus esse impios, qui sine mandato Dei suscipiuntur, et si similes cultus in Patribus, qui mandatum habuerunt, laudati sunt. *Cultus impij.*

Deut. 6.

Quod de juramento addit, facile intelligi ex superioribus potest. Non enim prohibitum sed mandatum est jurare. Vivit Dominus, Deut. 6. Pertinet enim ad gloriam Dei, allegari eum testem veritatis, & sentire quod inspiciat negotia nostra, & si quid contra conscientiam admittas, vindicaturus sit. Itaque jurare per se malum non est, Sed Israelitæ gloriam hanc tribuebant idolis suis. Intelligebant enim Deum, quem ipsi colebant in Dan, Gilgal, Berhel & aliis locis, ubi Deus non poterat coli, siquidem alium cultui locum designarat. Igitur prohibet Prophetæ ad hunc modum jurare. Tribuitur enim gloria, quæ uni Deo debetur, idolis. *Jurare non licitum tantum, sed etiam mandatum.*

*Quia enim, sicut rebellis vacca Israel rebellavit, Ideo tunc pascet eum Dominus, sicut agnum in vasto loco.*

Pertinet hæc quoque particula ad exhortationem, ut regnum Iuda moveri se sinat poenis, quæ idolatras sequentur (Parah fererah) significat vaccam impatientem jugi & indomitam, quæ coerceri nequit. Huic comparat Israelitas. Nam verbum Dei est illud vinculum, quo nos alligavit Deus, ne exorbitemus à vero, & indulgeamus cupiditatibus carnis. Hoc vinculum, inquit, Israel excussit. Non enim audit, quæ de veris cultibus Deus per Prophetas admonet, quærit alia cultuum loca, ac Templum Ierosolymitanum deserit. Quæ autem sequetur poena? Hæc nimirum, ut erret sicut agnus in vasto loco, hoc est, ut inter Gentes sit sine verbo & cultu Dei. Perinde ac si hodie concioneris Papistis, admonemini verbo, ut corrigatis abusus, ut Sacramentum porrigatis integrum, ut vivatis in sancto conjugio sine scandalo Ecclesiarum. Sed quia non vultis acquiescere his monitis, fiet, ut in abusibus istis moriamini, sine Sacramento, sine verbo, sine Christo. Agni in deserto similitudine ideo Prophetam judico uti, quia nihil calamitosius est agno, cum destitutus est pastore. Expositus enim est infinitis periculis, ad quæ depellenda minime est instructus. Ideo Christus quoque similitudine agni errantis utitur, cum peccatorum miseram conditionem vult ostendere, & suam erga eos eximiam benevolentiam, Ac hoc in loco promittitur spes aliqua. Etsi enim certum est, hanc ovem in deserto & vasto loco pascendam, tamen additur consolatio, Dominum eam pasturum.

*Adjunxit se idolis Ephraim, dimitte eum.*

Hæc est conclusio Concionis tam longæ. Quia Israel ab idolis avelli non potest, relinquam eum Gentibus vastandum, Sicut supra quoque dixit, Non visitabo

super filias vestras. Vocabulum, quo idola hic appellat, nomen habet ab ærumnis. Non solum enim idolatrarum vita ærumnosa est, quod nullum sibi relinquunt ocium nec quietem, sed certa calamitas idolatriam sequitur.

*Fœde crapulantur, fornicantur turpiter, Principes eorum vehementer delectantur confusione, Ligabit igitur eos ventus in alis suis, & confundentur in sacrificiis suis.*

*Idolatria.*

Non libuit hoc in loco verbum verbo reddere. Nam quod Ebræus dicit, Fœtuit vinum eorum, hoc nihil aliud est, quam quod fœde crapulati sint. Sicut autem solet in Epilogis, repetit Propheta hoc in loco peccata regni Israel, Et addit, quæ poena secutura sit. Idolatria initio felix est, hoc est, consequitur magnas opes & potentiam, ubi e contra vera religio esurit & alget. Quomodo autem soleant Idolatræ opibus uti, exemplum à Papistis peti potest. Vide enim Collegia Canonicorum, aulas Episcoporum & Cardinalium, & apparebit eadem hodie fieri, quæ in regno Israel Propheta reprehendit. Impinguatus enim, incrassatus, & dilatatus servus recalcitrat, *Dnt. 13.* sicut Moses loquitur.

Hanc idolatrarum, tum impietatem, tum impuritatem, Magistratus politicus tuetur. Nam Reges & Principes ( quos hoc in loco Propheta ex Psal. 47. Maginim *Ps. 47.* scuta vocat, propter officium, cui potentia eorum servire debebat ) fere semper patroni impietatis & idolatriæ existunt. Ideo dicit Propheta, eos gaudere ignominia, hoc est, idolatria, quam ignominia & confusio tandem certo sequitur. Sed quis erit finis? Nimirum is de quo concionatur Samuel, 1. Samuel. 12. ( Ve im hareah hareu gam *1. Sam. 12.* athem gam malkechem tisaphu ) Si, quod malum est, feceritis, & vos & rex vester peribitis. Idem Propheta hic minatur, Ligabit eos ventus in alis, hoc est, ira Domini tanquam vehemens ventus agitabit & impellet vos, & confundemini in sacrificiis vestris. Nam cultus idolatrici suscepti ad avertendam iram Dei, Deum magis irritant. Sic Papistæ hodie cum Missis, supplicationibus, sanctorum cultu, aliud nihil faciunt, quam ut maturent sibi interitum. Hic idolatriæ finis est.

## C A P U T V.

*Audite hoc Sacerdotes, attendite domus Israel, & domus regis auscultate. Quoniam de vobis iudicium fiet, quod estis laqueus in Mirza, & rete extensum in Thabor.*

*Idolatria semper cum contemptu & odio verbi coniuncta est.*

**I**det hoc quoq; caput reprehensionem idolatriæ, & additam comminationem certæ vastationis. Nihil enim Deus minus ferre potest, quam contemptum sui Verbi, qui perpetuus Idolatriæ comes est. Quia enim Verbum ostendit veram rationem colendi Dei, Idolatræ neglecto verbo fingunt ipsi sibi modum, quo Deum colant. Docet autem universa Scriptura, ut primum amplectamur Filium Dei, qui factus est hostia pro peccatis nostris. Deinde, ut præstemus debitam obedientiam Deo, ad quam nos vocat Decalogus. Sed quid sit? Hoc vero cultu neglecto, Iudæi somniabant, etsi indulgerent peccatis, se per sacrificia sua habituros remissionem peccatorum. Sic apud nos Monachus novum genus vitæ eligit, jejunat, vigilat, orat, vestit novo modo, celebrat missas, hoc studio sperat se remissionem peccatorum consecuturum. Si autem quæras, cur hos cultus suscepit? Non dicet verbo Dei ita se cogi, sed allegabit Majorum religionem & exempla, quæ imitari iudicat non malum esse. Quod si acius instes, & dicas, sine verbo susceptos cultus scædam idolatriam esse, statim orientur certamina, & cum impio cultu, etiam odium veræ doctrinæ & cædes conjungentur. Vtrinq; igitur cogitur Deus ad faciendum iudicium, ne vel opprimantur pii, vel idolatris impune sit discessisse à Verbo, & novos cultus instituisse, quibus ceu laqueis irretiti alii, ad veram Dei cognitionem venire non possunt.

Porro



Porro hæc reprehensio eo nomine etiam est notanda magis, quia ostendit ministerii rationem exigere, ut libere reprehendantur peccata, nulla ratione salva dignitatis. Non enim, sicut supra, in genere reprehendit domum Israel, sed nominat Sacerdotes, Item domum Regis, hoc est, ipsum Regem & totam aulam. Hæ personarum certæ & indubitatæ notæ sunt. Nec movet Prophetam, quod periculum erat, ne Magistratus publice notatus contemneretur, & istæ judicarentur seditiosæ voces. Urget eum, ut hoc faciat, aliud & majus periculum, quod videt exemplo potentiorum etiam subditos peccare. Necessarium igitur est, reprehendi scandalorum autores, præsertim si dignitate præsent, Sed res non caret periculo. Itaque mirum est, quod non ob hanc concionem statim ad supplicium raptus est Hoseas, quod unus tantum audet, & damnat populum Dei, Sacerdotes & ipsum Regem, ac minatur eis interitum, tum, cum regnum videretur reflorescere. Nam Ierobeam, sicut historia ostendit, magno successu administravit regnum Israel.

*Etiam Magistra  
tui vitia repro-  
benda.*

Debent autem ministri verbi hanc Prophetæ virtutem imitari, ne dum mollius tractant eos, qui in dignitate & imperio sunt, in fraudem inducantur simpliciores, Movetur enim vulgus Principum exemplis. Præcipue autem hoc agendum est, ne Pontificios abusus reprehendamus negligentius. Non enim sapientum mundi judicia curanda sunt, qui existimant posse retineri doctrinam sanam, etsi dissimulentur propter bonum pacis adversariæ partis vitia. Majus enim periculum est in scandalo, cui mederi alia ratione Doctores non possunt, quam si libere, quæ prava geri vident, reprehendant.

Quod in Ebræo est (Ki lahem chamispas) quoniam vobis seu contra vos judicium est, idem est, ac si dicat, Quoniam Dominus judicabit, puniet, affliget vos. Sic enim verba judicandi sæpe utitur Scriptura, Sicut apud Paulum, Si nos ipsos dijudicaremus, non judicaremur à Domino, hoc est, Dominus non affligeret nos. Ad hunc modum etiam hoc in loco iudicii nomen accipitur in malam partem, & significat poenas. Alibi ut supra in 2. Desponsabo te mihi in iudicio, significat in bonam partem. Hæc enim altera iudicii pars est, quod oppressis malis liberentur pii, Mizpa mons est in Gilead citra Iordanem. Thabor celebre montis nomen est in Galilæa etiam citra Iordanem. Est autem eodem nomine Levitarum civitas in tribu Zabulon, sicut testatur clarus locus 1. Paral. 6. quod Thabor cum suis suburbanis sit donata filiis Merari.

*Judicare signifi-  
cat etiam poenas  
infligere.*

*Mizpa.  
Thabor.*

1. Paral. 6.

Hieronymus, & eum secutus Lyra, nomen Mizpa appellative reddidit pro specula, in qua dicunt constitutos ab impiis Regibus milites, qui pios Israelitas, cultum in Ierusalem retinentes, observarent & retraherent. Sicut apud nos Principes & Episcopi suis interdiciunt, ne nostras conciones audiant, & urantur nobiscum sacro Sacramento. Sed aptius est, ut intelligamus in his locis Mizpa & Thabor peculiare cultus institutos à Sacerdotibus & Regibus, ut retineretur populus specie ista religionis, & de veris cultibus in Ierusalem non cogitaret. Hanc enim ob causam dicit, hæc loca esse retia & laqueos, quod insidiarentur populo novis cultibus, ut eo major ipsorum quæstus esset. Porro hæc ministerii prophanatio est maximum peccatum. Nam ministerium in Ecclesia institutum est, ad docendos & explicandos animos ex erroribus & pravis opinionibus. At Sacerdotes Israel eo studium omne convertebant, ut magis implicarent animos in idolatriam, & falsas de Deo opiniones. Quod autem hæc vera sententia sit, etiam sequentia probant.

*Declinant dum tantum student victimis. Itaque ego castigabo uni versos.*

In Ebræo est (ve schaheta setim heemiku) id si ad verbum reddas, sic sonat, Declinantes mactationem profundaverunt. Significat autem verbum (heemik) fere, quod nos dicimus, radices agere, seu firmum ac validum esse & bene fixum. Sicut Psal. 92. Cogitationes tuæ valde (ameku) profundæ sunt, hoc est, firmæ, quæ tanquam ædificium bene fundatum non possunt everti. Ad hunc modum hic quoque accipiamus, quod dicit, profundas factas mactationes, hoc est, sacrificia ita populo commendata, ita firmata, ut ex hominum animis ea opinio non posset eximi. Ac si nos

Psal. 92.

diceremus, cultum Missarum in Papatu profundum factum, hoc est, altissime egisse radices, adeo ut nulla humana vi ex hominum cordibus potuerit illa fiducia evelli, & tamen verbo evulsa est.

Est autem egregia Tapinosis in verbo (Schachat) quod cultum Dei, quem Israel retinebat, vocat mactationem, Q. d. Profecto insignis cultus. Quid enim aliud facitis, quam quod Iani solent quotidie? Hoc modo non colitur Deus, sed peccatum jugulandum & cupiditates frenandæ erant. Hoc sacrificio Deus capitur, si accedat fiducia in promissum Semen. Nunc cum quidquid libet, etiam licere vobis putetis, in eo gloriamini tanquam in summo cultu, quod mactatis bestias.

*Sacrificia Iudeo-  
rum cum impia  
opinionem.*

Dictum autem aliquoties est, cur sacrificia divinitus mandata reprehendant Prophetæ. Non solum enim peccabant Israelitæ, quod in loco prohibito sacrificabant, sed etiam vera sacrificia tum vitiosa erant, quando addebatur ad ea opinio iusticiæ. Non enim iusticia est nostrum aliquod opus, sed sacrificium filii Dei. Hoc sacrificium qui abiciebant, hoc est, qui nitebantur suis sacrificiis & operibus, hos Scriptura ubiq; damnat, tanquam sacrilegos & idolatras. Non enim hoc modo Deus vult coli, etsi hoc voluerit in suo populo obedientiæ exercitium esse, Vult rationalem cultum sicut Paulus appellat, hoc est, vult, ut corda de Deo recte sentiant, ut agnoscant suam indignitatem, & nitantur misericordia Dei, ostensa in Filio suo. Hic cultus ubi præstatur, ibi postea etiam externa obedientia sacrificiorum & aliorum operum placet.

*Ego novi Ephraim, Et Israel non est absconditus à me, quoniam nunc fornicatus es Ephraim, & Israel contaminatus est.*

Hæc nota sunt ex superioribus. Exprobrat enim eis idolatriam, qua polluuntur mentes & omnia opera.

*Non dant operam suam, ut revertantur ad Deum suum. Quoniam spiritus fornicationum est in medio eorum, & Dominum non norunt.*

*Veri cultus obedi-  
entia verbo Dei.*

Quomodo hoc? Tamen non parcunt nec labori, nec sumtibus, ut ostendant omnibus se religionis studiosos, & Dei observantes esse. Hoc testantur templa, sacrificia, conciones & alia, Sed verum est Prophetæ iudicium, quod non cogitant reverti ad Deum, & Dominum non student cognoscere. Aversi igitur sunt à Deo, & Dei notitiam non habent. Sicut igitur supra damnavit idolatricos cultus, Ita hic ostendit, qui sint veri cultus, scilicet, converti ad Deum, & nosse Deum, hoc est, audire verbum & ei obtemperare. Igitur in eo omnia sunt posita, ut Verbum audiamus, & ei obtemperemus. Tum enim non avertemur à Deo, non sequemur nostras cogitationes, non ipsi nobis fingemus cultus, Sed eos cultus pertinaciter retinebimus, quos videmus ostendi & mandari Verbo. Hoc si Papa fecisset, non Missarum prophanatio, non Sanctorum idolatrica invocatio, non aliæ impiæ Ceremoniæ in Ecclesiam essent invecæ. Sed quia verbum neglexit, & dedit tentationi locum, in immensum crevit superstitio. Quæ sequuntur poenas idolatriæ ostendunt.

*Humiliabitur superbia Israel videntibus ipsis. Israel enim & Ephraim ruent in iniquitate sua, ruet etiam Iuda cum eis.*

*Premebantur.*

Hæc est poena idolatriæ, quod affligentur & amittent religionem, regnum, opes, & omnia quæ habuerunt. Est autem hoc eo gravius, quod propter peccata hoc eis acciderit, sicut dicit, Ruent in iniquitate sua. Vtrinque igitur premebantur, nam corpus incommoda captivitatis, animum autem conscientia peccati torquebit. Hic finis est impietatis, quando neglecto Verbo in idolatriam prolabuntur animi. Differt autem Dominus poenas, ut spacium poenitentiae concedat peccatoribus. Non enim delectatur eorum morte, mallet converti eos & vivere. Ideo tanquam pastor voce Verbi sui quærit errantes oviculas, sed cum obstinati pergunt, & admonitiones omnes contemnunt, apprehendit eos sera, sed gravis poena. Hoc omnium peccato-  
rum

rum certum est iudicium. De Iuda meminit hic. Quia enim, ut historia ostendit, idolatriæ socius fuit, etiam poenarum aliquam partem sortitus est. Nam Assyrius tribum Iuda graviter afflixit, sicut ex Esaia patet.

*Cum gregibus & armentis suis ibunt, ut quærant Dominum, & non inveniunt, subduxit enim se ab eis.*

Hæc est calamitas, quæ longe illam corporalem vincit, sed est propria & vera poena neglecti Verbi. Supra dixit Propheta, decipi homines frequentibus mactationibus, quod is non sit verus cultus Dei. Quomodo enim Deum laniena pecudum delectare aut placare potest? Nunc igitur, cum in summo & præsentis periculo sunt, ad illos cultus recurrunt, propter quos plectuntur. Hæc ratio non est placandi Dei, Peccata agnoscenda & corrigenda erant, erat petenda venia, & sperandum in misericordia Dei, propter sacrificium promissi Seminis. Hac ratione placatur Deus, & hæc vera est poenitentia, per quam ad Gratiâ patet aditus, Sicut Regem Nebucad-<sup>Vera poenitentia.</sup> Nezar docet Daniel. Videbat in proximo adesse poenam, quod abuteretur Regno ad superbiam & tyrannidem, & veram religionem negligeret. Monet igitur ut meminisset, se non ideo in hoc fastigium rerum positum esse, ut superbe imperaret, sed ut subditorum diligentem ageret curam, & serviret eorum necessitatibus. Hæc enim est iusticia seu misericordia & eleemosynæ, de quibus concionatur. Ita fiet, inquit, cum correxeris peccata, ut poenam effugias, quæ certo secutura est, nisi meo parueris consilio.

Ad hunc modum Israelitæ debebant agnoscere peccatum, quod contra verbum immolarant in locis prohibitis, Debeant redire ad cultum in Ierusalem, & niti misericordia Dei, non suis sacrificiis, Sed hoc non faciebant, Ideo quanto ipsi urgebant suos cultus gravius, tanto gravius irascebatur Dominus. Inspice jam Papæ Ecclesias, & videbis eadem. Non abjiciunt Missas, non invocationem Sanctorum, non meritum fiduciam, sed his tanquam summis cultibus sperant se depulsuros Turcam, & majore studio in eos incumbunt, quam antehac unquam. Quod enim ante non solebant, nunc mandatis cogunt subditos ad hanc idolatriam, & diligens sit inquisitio in eos, qui negligentius superstitionem videntur curare. Quis autem non sentit, cum hoc modo quærant Dominum, eum non inveniri, sed discessisse ab eis. Itaque tanto successu contra eos belligeratur Turca. Illustris hic locus est, qui pertinet ad doctrinam de poenitentia, quæ non in externis cultibus, sed in emendatione peccatorum, & fiducia misericordiae Dei posita est.

*Spreverunt Dominum, Quia filios alienos genuerunt. Nunc igitur devorabit eos mensis una cum agris ipsorum.*

Quomodo spernunt Dominum, qui, ut Propheta dixit, quærant Dominum cum bobus & ovibus? Quem enim quis spernit, hunc non quærit, non sumtus ejus causa facit, &c. Sed aliquoties diximus, Dominum quærere, aliud nihil esse, quam amplecti Verbum, verbo attendere, verbo parere, non instituere alios cultus, non credere aliam salutem, quam verbum ostendit. Ita contemnere Deum, est negligere Verbum, fingere cultus præter Verbum, niti aliis rebus quam Verbum jubet. Ad Verbum igitur respiciendum est, si certo judicare vis, qui nam vere curent seu quærant Deum, & qui contemnant Deum. Nam qui neglecto verbo iudicium volet sumere ab externa operum specie, fallitur. Quantum enim studium religionis in Ahab, in Manasse, & similibus sit, videmus omnes, Nam ne liberis quidem parcunt, ut ostendant se Deo libenter velle rem gratam facere, & ei servire, Sed qui hos cultus ad Verbum confert, videt esse extremam idolatriam, æternis flammis dignam.

Auger autem peccatum Propheta, quod addit de alienis filiis, Significat enim scandalum, quod posteritati ponitur. Hæc enim quia majorum vestigiis insistit, non potest pervenire ad veræ religionis agnitionem. Sic videmus in adversariis,



quam pertinaciter Majorum exempla retineant. Idem autem utrosq; manet judicium, Vorabit eos mensis, hoc est, idolatria perdet eos. Menseni enim accipi hic judico, sicut supra, Neomeniam cessare faciam. Nam Iudæorum expositionem de mense non probo.

*Clangite cornu in Gibeā, & tubā in Rama, canite classicum in Beth Aven, post te o Benjamin. Ephraim in desolationem erit in die correptionis.*

*Adhortatio ut  
proclametur E-  
phraim capti-  
vum abducen-  
dum.*

Hic quoq; quid alii sentiant, relinquo iudicium Lectori, mihi videtur esse vehemens adhortatio, ut in his tanquam editioribus locis publice hoc proclametur, quod Ephraim in die, cum Dominus eum visitabit, desolandus sit, hoc est, captivus abducendus in Gentes, sine ulla spe reditus, Ne putent has minas esse vanas. Sic enim solent impii, contemnunt iudicium Dei, nec putant Deum tam severe animadversurum, sunt igitur securi. Hanc securitatem optat Propheta eximi posse animis, & hortatur, ut ubiq; hoc Domini futurum iudicium innotescat.

*Tribus Israel fideliter præmonui.*

*Germania ad-  
monetur.*

Egregia particula, quod summo studio dicit se præmonuisse de eventu, sed frustra. Nam & retinuerunt idolatriam, & contempserunt minas & iudicium Dei. Ad hunc modum Germania quoq; varie admonetur. In primis autem Episcopi admonentur officii, ut emendent abusus, & veram doctrinam curent tradi. Sed quotusquisq; est, qui serio de hac re cogitet? Igitur etsi subitis calamitatibus circumveniuntur suo tempore, tamen nihil patientur, quod non longè ante prædictum sit. Adeo impietas omnibus seculis sui similis, hoc est, pertinax, obstinata, & incorrigibilis est.

*Principes Iudæ similes sunt transferentibus terminos, Ideo effundam super eos furorem meum tanquam aquam.*

*Terminos mu-  
tant.*

Quia idem eorum, quæ sequuntur, argumentum est, recte conjunguntur cum superioribus. Videtur autem minus necessaria & injucunda hæc perpetua de poenis impietatis repetitio. Sed meminerimus neq; uno die, nec loco habitas has conciones, & ipsa humanarum mentium obstinacia opus habet, ut eadem sæpe inculcentur, si qui in viam reduci ab erroribus queant. Vtitur autem hoc in loco Propheta nova figura, quod Principes Iudæ comparat cum his, qui terminos mutant. Etsi enim discessionem à Verbo & vera ac avita religione significat, tamen notat hæc figura etiam avaritiam & studium quæstus, quod in idolatris est perpetuum, Sicut etiam Papistarum exemplum ostendit. Nunquam sic urgerent Missas, si utilitates Missæ, ut quidam appellare solet, non essent tantæ. Sic alias traditiones non defenderent tam pertinaciter, si non ex iis tam uber quæstus esset.

Regnum igitur Iudæ post defectionem regni Israel aliquandiu puram doctrinam & cultus veros retinuit, Sed tandem exemplo decepti & inescati, uberiore quæstu Sacerdotes Iudæ, & Principes ipsi quoq; idolatriam amplexi sunt. Sicut autem terminos nemo sine peccato transfert, ita quoq; veteris & veræ religionis corruptela & depravatio certam poenam affert. Ideo minatur Dominus se iram suam, sicut aquam, effusurum. Aqua enim non solum recto cursu cum imperu fertur, Sed etiam diffunditur utrinque in latera. Ita minatur iram suam grassaturam Dominus, Et ostendit historia, quomodo Sanherib regnum Iudæ longe lateq; usque ad ipsam Ierusalem vastavit.

*Ephraim vim patitur, & iudicio conteritur, eo quod secutus est mandatum.*

*Iudicium.*

Hæc de vastitate regni Israel accipiuntur, quod gravius quam regnum Iudæ afflictum est. Vim attulit ei hostis Assyrius, sed id neuiquam potuisset, nisi Domini iudicio prius esset contritus Israel. Significat enim hic iudicium poenam, quæ propter peccatum irrogatur à iudice. In iudicio enim utrunq; solet. Puniuntur mali, & vindi-

vindicantur boni. Ideo iudicii vocabulum Ebræi in utranq; partem accipiunt. Sicut autem principes Iuda accusavit de motis terminis, Ita regnum Israel accusat, quod paruerit mandato suorum Regum. Nam hoc significat vocabulum(zaf) Sed inquires, An non hæc virtus est, cum subditi auctoritatem Magistratus sui sequuntur? Cur igitur hoc in crimen trahit Propheta, & minatur huic obedientiæ poenas? Respondeo, Magistratui præstanda est obedientia in civilibus, & quæ sui (ut loquuntur) fori sunt. Cum autem Magistratus extra suum forum profilit in forum Dei, & vult mandare, quæ verbo Dei prohibita sunt, hic si quis obedit, peccat. Agnoscendum enim est Quatenus parendum Magistratui. mandatum superioris Domini, & ei parendum, sicut Petrus dicit, Deo magis obediendum esse, quam hominibus.

Urgetur Germania hodie hoc quoq; peccato. Non solum enim Episcopi cogunt suos ad idolatriam, sed faciunt idem Principes. Ac iudicamus nos plerunq; illud Magistratus peccatum ipsis nociturum, non subditis. Sed Prophetam hic audi, Is diserte dicit, Puniendum Israel, quod ierit post mandata suorum Regum. Quid igitur faciendum erat? Erant ne Reges ejiciendi regno, aut vis paranda contra eos? Non, Sed injustè imperantibus non erat parendum, ac potius patienda extrema, Sicut exemplum Danielis & suorum conjunctorum ostendit. Ad hunc modum suis Episcopis & Principibus idolatriam retinentibus, & ad eam cogentibus suis, subditi non parere debebant. Dei enim mandatum majus est, quam hominis, Et est quoq; obedientiæ majus præmium. Nam hic corpus tantum ad breve tempus relinquit illæsum, Ille autem corpus & animam servat in æternum.

*Ego enim quasi tineam sum Ephraim, & quasi teredo domui Iuda.*

Hic exponit, quæ illa vis sit, & quis iudex, qui Israelem contriverit, nempe Dominus ipse, Ac utitur illustribus figuris. Tinea enim nihil mollius est. Non enim tantum sustinere potest, & tamen paulatim arrodit pannum, ut ad vestiendum prorsus sit inutilis (Rakat) est minutissimus vermiculus, Latini teredinem, nisi fallor, appellant, Sed etiam grandia ligna erodit paulatim. Dominus tinea & teredo appellatur.

Sic ira Domini superbissimè contemnitur ab impiis, tanquam si sit vana & sine viribus, sicut tinea & teredo, Sed tamen quidquid occupaverit, hoc paulatim perit, nec potest ulla ratione restitui in integrum. Quare pertinent hæc conciones ad nos docendos, ne simus securi, Sed ut timeamus Dominum, & ambulemus in viis ejus. Alioqui nullum robur, potentia nulla tueri nos poterit. Sicut videmus à minutissimis vermiculis densissima robora erodi, ut putrescant & concidant. Quæ sequuntur, ostendunt quis hypocritarum in periculis sit animus.

*Vidit Ephraim infirmitatem suam, & Iuda vulnus suum, & abiit Ephraim ad Assyrium & misit ad regem Iareb. Sed ille non potuit mederi vobis, nec sanare vulnus vestrum.*

Supra dixit, idolatras in periculis nihil minuire de idolatria, sed eam urgere vehementius, Cum econtra vera poenitentia postulet, ut acquiescamus in Verbo, & cultus in verbo propositos ac mandatos amplectamur, Eos autem, qui sine verbo instituti sunt, abiciamus. Itaq; hoc primum est, quod idolatræ peccant. Deinde etiam in eo peccant, sicut hic Propheta ostendit. Sustentare debebant se spe misericordiæ & auxilii divini, Sed hanc in totum nullam habent, & confugiunt ad spem auxiliorum, quam ostendunt opes & potentiæ mundi. Sic cum urgerent Israelem Syri vicini, Ephraim se conjungebat cum Assyrio, & magna vi argenti emebat auxilia, Cum postea ab Assyrio immineret malum, conjunxit se cum Iareb, Sicut Iuda petebat auxilium ab Aegyptiis. Et si enim quis rex Iareb sit, non constet, tamen clarum est, reprehendi hic fiduciam humanorum auxiliorum. Idolatra in periculo confugiunt ad præsidia humana. Iareb.

Pertinet igitur hæc quoq; particula eo, ut doceat de vera poenitentia, ut primum abjecta idolatria acquiescamus in verbo. Deinde ut spem nostram habeamus positam in Deo, qui & peccata remittit, & poenas mitigat iis, qui peccare desinunt.

Qui

Qui autem nolunt hanc poenitentiae formam, & retinent idolatriam, sicut Papistae, hi properant sibi exitium, & qui ad humana auxilia confugiunt, de his dicit Propheta, Non potuerunt sanare vulnus tuum. Cur hoc?

*Quia ego sum velut leo Ephraim, & velut catulus leonis domui Iuda. Ego ego rapio & vado, tollo & nemo eripit.*

Non Assyrius regnum Israel, non Babylonius regnum seu domum Iuda vastavit, Sed ipse Dominus, qui sicubi coeperit indignari, vere est sicut leo, cui quod arripuit, eripi non potest. Nos quoque hodie judicemus hanc esse causam, quod tanto successu contra nos pugnat Turca. Si enim nos conjungeremus cum Domino, & cum nobis non constitueremus inimicum, per peccata nostra, impius hostis etiam daret poenas nefarii conatus. Nunc cum maturi sumus poenis, impia consilia fortunantur. Repetitio pronomini pertinet ad reprimendam securitatem idolatrarum. Existimant enim se diligere à Deo propter cultus, quos praestant, sed Dominus testatur se odisse eos.

## CAPUT VI.

*Vadam, revertar ad locum meum, donec abjiciant peccatum, & querant faciem meam, In tribulatione sua accelerabunt ad me.*

*Consolatio pio-  
rum.*

**H**ic incipit nova Concio de regno Christi, qua solatur Propheta pios, ne istis calamitatibus, quae impendebant de jici animum sinant. Sic enim solent Prophetae, cum vident majorem populi partem secure in peccatis pergere, & cumulare sibi iram, convertunt se ad pios, quos publicarum poenarum vident esse socios, ut discant spe gratiae per Christum futurae mitigare dolorem, quem publica calamitas concitavit. Est autem maxime insignis hic locus, Docet enim de gravissimis rebus, De consilio, quo affligit Deus suos, de vera poenitentia, de fide, de resurrectione Christi & fructu eius, & de toto Evangelij ministerio, quale id sit, & quos sit pariturum fructus. Itaque non est negligenter transeundus.

*Differentia in-  
ter Dei & ho-  
minis iram.*

*Ira hominum.*

Natura sic sumus, Cum affligimur, judicamus Deum nobis esse iratum, Ac verum est, odit Deus peccatum, & ideo infligit poenas. Sed Verbum ostendit insignem differentiam inter iram Dei & hominum. Homines cum irascuntur, frustra speres ab eis beneficium. Ideo Christus cum 5. praeceptum enarrat, manifeste dicit, quod qui irascitur fratri, homicida sit. Sed Dei ira, est ira judicii. Etsi enim peccatum odit & punit, tamen personam non odit. Diligit enim mundum, Sicut ipse Christus docet, Iohan. 3. & Paulus dicit, nos à Deo dilectos, tum cum essemus inimici. Conjuncta igitur est ira Dei cum dilectione, hoc est, cum studio servandi & salvandi homines. Talis ira hominum non est. Ea enim conjuncta est cum studio nocendi, & extinguit prorsus dilectionem. Et tamen voluit Deus suae irae, quae dilectionis ira est, vestigium quoddam in natura relinquere. Ideo Salomon similitudine ab hominibus sumpta utitur, cum dicit, Filium, quem diligit pater, castigat. Hic enim utrumque videmus, quod & odit peccatum pater, & tamen personam, quae peccavit, diligit. Ac ipsa dilectio, quod mirabile est, irae causa est, Nisi enim diligeret pater filium, sineret eum impune ferri suis cupiditatibus, Sed quia hoc videt filio exitiale fore, frænat cupiditates severitate disciplinae & plagis.

Hoc consilium Dei Propheta hic eleganter explicat. Horribile irae exemplum erat, abjici totum populum Israel in Gentes, & ibi relinqui in perpetua, non solum servitute, sed cæcitate & ignorantia Dei. Iudae conditio etsi esset melior (nam sicut infra dicit, servabatur ad messem promissam) tamen duriter habitus est, quod vastato templo & toto regno totos 70. annos inter Gentes captivus habitavit. Itaque populus fuit quasi sine Deo. Nam Dominus sicut hic minatur, abiit in suum locum, hoc est, reliquit idolatras plebendos, Gentibus, nec defendit eos contra Gentes. Quo autem



autem consilio hoc fecit? Eo nimirum, ut agnoscerent peccatum suum, & quarent faciem Domini, hoc est, ut amplecterentur verbum, & cultus in verbo propositos. Hæc enim proprie facies Dei est, qua se revelat & nobis quasi conspiciendum offert, verbum scilicet & cultus externi, verbo mandati.

*Quo consilio  
Dei agitur.*

Atqui dices, poterat hoc fieri alia ratione minus dura, & quæ misericordiæ Dei esset convenientior? Respondeo, Non poterat, Nam hoc usu discimus, idolatras dum utuntur secunda fortuna plane esse incorrigibiles. Sicut enim supra Hosea testatus est, hos ipsos successus, quibus utebantur, idolatriæ ferebant acceptos, & ideo magis incumbabant in eam. Et si igitur Deus poterat uti mitioribus remediis, tamen ea non admittit hominum pravitas. Quæ enim mitior potest esse ratio, quam quod Verbo admonet peccatores, ut emendent peccata & poenarum causas vitent? Sed nihil hac ratione proficit Deus. Castigandi igitur sunt, & quidem adeo duriter, ut nulla exercendæ idolatriæ relinquatur facultas. Dum enim adversarij religionis nostræ, aut in pace vivunt, aut ex longinquo rumoribus bellicorum terrentur, nullum Idolatriæ finem faciunt. Itaque quotidie gravius incumbit Turca, donec etiam facultatem idolatriæ exercendæ adimat Deus.

*Deus cogitur  
graviter punire  
Idolatrias.*

Felices autem sunt, qui consilium Dei hoc modo intelligunt. Hi enim veram viam ad poenitentiam insistant, hoc est, agnoscunt peccata, propter quæ iram Dei venisse norunt, & ea emendant, Deinde quærunt faciem Domini, hoc est, Nihil suscipiunt aut instituunt contra Verbum aut sine verbo, & incipiunt fidere misericordiæ Domini, quod sicut percussit, ita & fovere & sanare velit. Animi autem sic instituti acquiescunt voluntati Dei. Fiducia enim misericordiæ Dei se consolantur, & spe futuri boni vincunt præsentia incommoda, unde nascitur vera patientia, & voluntaria obedientia. Verbum (jeesmu) varie exponunt, Sed sicut (Asma) significat peccatum, & hostiam pro peccato, Ita verbum (Aschem) utrunq; significat, peccare, & peccatum expiare sacrificio. Non solum igitur significat Propheta eam poenitentiam partem, qua agnoscimus peccatum. Sed etiam fidem, qua sacrificium Christi pro peccatis oblatum amplectimur, & à peccatis mundamur. Tum enim sacrificamus pro peccato, cum sacrificium Christi nobis fide applicamus. Ideo (Aschem) libuit vertere, abjicere seu deponere peccatum, Ita enim utrunq; complectimur, & sacrificium Christi, quo peccata nostra à nobis transtulit Filius Dei, & emendationem, quæ semper cum fide conjuncta est.

*Veram poenitentiam*

Sicut igitur nemo periculose decumbens à medico & medicina abhorreere debet, Honorandus enim est medicus propter necessitatem, Ita quoque cum afflictio sit medicina animæ, qua deducimur in cognitionem peccati & urgemur ad quærendum firmum auxilium contra peccatum, non debemus eam odisse, non querulari, muliercularum more, sed Deo gratias agere, qui nos visitavit non in ira, quanquam est ira, sed in gratia. Irascitur enim, ne perduremus in peccatis, sed ut convertamur & salvemur. Quod si absq; hac ira esset, periremus in peccatis. Nam ea demum gravissima ira est, cum peccata non punit Dominus, sed sinit homines ferri suis cupiditatibus, Sicut supra dixit in 4. de filiabus fornicantibus. Vexatio enim dat intellectum, & facit attendere verbo, Sicut hic dicit. In tribulatione sua mane me quærent. Nota autem phrasis est in verbo (Schiha) quod significat vehemens studium & festinationem.

*Quid facendum,  
cum festinus  
perimus peccatorum.*

*Venite & revertamur ad Dominum, quoniam ipse lacerauit & sanabit nos, percussit & medebitur nobis.*

Hoc quoque ad poenitentiam veræ descriptionem pertinet. Qui enim dicit se velle reverti ad Dominum, fatetur quod à Domino discesserit. Sic igitur damnat Ecclesia collecta ex reliquiis Israel uno verbo omnes cultus & sacrificia omnia, quibus hactenus est usa. Sed quomodo revertitur ad Dominum? Sic nimirum, quod non suas cogitationes, non mandata suorum principum, non exempla vicinorum, sed ipsum Verbum sequitur, ac cultus in verbo mandatos retinet. Supra autem ostendimus qui sint veri cultus, nempe obedientia erga Legem, cum confessione peccati. Dein- de fides,

*Veritas.*

de fides, quæ apprehendit hostiam Christum, ac statuit, quod ipsius merito sumus iusti & Deo reconciliati. Et si autem, quod ad externam vitæ rationem attinet, magna officiorum varietas est, tamen ea quoque ad Decalogum referenda sunt, ac sentiet se unusquisque Deo servisse, cum vocationi servit.

*Fiducia misericordie.*

Itaque non solum confessionem præteritorum peccatorum hæc verba includunt, quod dicit Ecclesia se reversuram ad Dominum, Sed etiam insignem fiduciam misericordie & auxilij ostendunt. Nemo enim in periculo suo ad illum confugit, & quo metuit malum Ideo addit Ecclesia, Ipse diripuit nos, sed sanabit quoque, vulneravit nos, sed vulnera quoque obligabit, seu sanabit emplastro imposito. Id enim significat verbum (Habasch) Non potuit autem Propheta fiduciam misericordie significantius ostendere. Sic enim natura solemus, A quo plagas vel accipimus vel metuimus, eum odimus & fugimus. Quod igitur Ecclesia ex reliquiis Israel collecta post acceptas plagas, tamen confidit Deum allaturum opem & sanaturum vulnera, hoc eximie fiducie signum est, cujus in liberis bene educatis similitudo est. Hos enim perpetua parentum consuetudo ita retinet in officio, ut etiam post acceptas plagas parentes amare non desistant, sed se cum eis conjungunt ac sperant ab eis usitata beneficia. Causam autem hujus affectus in liberis cernimus esse, non tam naturam, quam longa consuetudine spectatam benevolentiam.

*Cur Deus cruci nos subjicit?*

*Manasses.*

*Cain. Saul.*

Pertinet autem hic quoque locus eo, ut discamus recte judicare de afflictionibus, quod Dominus non ideo infligit plagas, ut penitus abiciat nos, & damnet, sed ut nos peccati admoneat, & excitet ad poenitentiam, ac postea iterum nos sanet, ac nostri misereatur. Misere tractatus est in exilio Manasses, sed si absque ea plaga fuisset, nunquam desisset persequi veram Ecclesiam, & idolatricos cultus urgere. Postquam igitur urgetur poenis, peccati admonetur, ac dolet de peccato, ita tamen, ut in ipso sensu iræ retineat spem misericordie. Hæc vero est insignis virtus, non nata ex carne & sanguine, sed ex verbo, quo Spiritus sanctus accendit corda, ut statuunt Deum etiam tum, cum irascitur & punit, esse misericordem, & nobis bene velle. Hoc non videbat Cain, non Saul. Igitur cæci urgebant interitum suum abjecta spe veniæ. Notandus igitur diligenter hic locus est, quod ita belle poenitentiam describit, ac conjungit cum sensu iræ fiduciam misericordie.

*Vivificabit nos post biduum, In die tertio faciet nos surgere, & vivemus ante faciem ejus.*

*Locum de resurrectione Christi & nostra.*

Hieronymus recitat Iudæorum sententiam de tribus diebus, Sed quid expectabimus sani ab iis in Prophetarum explicatione, qui Prophetas, si acrius eos urgeas, plane negant? Delectentur igitur eorum ineptiis & quæ sitis cavillibus, qui volent, Ego indignos judico, quos, cum sacra explicamus, vel inspiciamus. Primum igitur Lector hic diligenter verba Prophetæ ponderet, Vivificabit nos, inquit, Ergo prius mortui sunt, Et addit tempus, post biduum vivificabit nos, & tertia die suscitabit nos. Quomodo autem erit? Nimirum, ut vivamus ante faciem ejus, hoc est, in vita, in qua ipse vivit. Hæc diligenter æstimata arguunt Prophetam diserte loqui de Christi resurrectione, & hunc esse locum, quem Paulus innuit 1. Cor. 15. ubi dicit, Resurrexit Christus tertia die secundum Scripturam. Non enim solum urgeri potest, quod dicit post biduum, & tertia die, sed quod addit, Dominus vivificabit nos, & vivemus coram ipso. Hæc non nisi ad resurrectionem carnis nostræ & vitam æternam referri possunt.

*1. Cor. 15.*

*Christi resurrectione nostra.*

Sed inquires, Non loquitur de Christi resurrectione seu reditu in vitam æternam, sed de nostra. Nos enim, inquit, vivificabit post biduum, &c. Respondeo, Hoc ipsum maxime dignum est observatione. Ostendit enim hoc modo fructum resurrectionis Christi. Christus enim solus est, qui post biduum vivificatus est, & tertia die resurrexit à mortuis. Ostendit autem Propheta hujus resurrectionis fructum ad nos quoque pertinere. Itaque Christi vitam, nostram vitam, & ejus resurrectionem, nostram resurrectionem facit, Sicut Apostoli quoque solent, Paulus Coloss. 3. dicit nos mortuos,

*Coloss. 3.*

1. Cor. 15. tuos, & vitam nostram cum Christo in Deo absconditam, In capite 15. primæ ad Corinth. dicit, Si Christus prædicatur resurrexisse à mortuis, quomodo dicunt quidam resurrectionem mortuorum nihil esse? Item, Christus resurrexit, & factus est primitiæ dormientium. Quia per unum hominem Mors, & per unum hominem Resurrectio mortuorum venit. Sicut enim per Adam omnes moriuntur, Ita vivificabuntur omnes per Christum. Hæ sententiæ ostendunt fructum resurrectionis Christi hunc esse, ut nos quoque resurgamus & vivamus.

1. Pet. 3. Itaque Propheta recte mutat personas. Dicendum enim erat, Christus vivificabitur post biduum, & tertia die resurget, Sicut Petrus dicit, Vivificatum spiritu. Nam ita accidit, ut Christus tertia die resurgeret, At Propheta inquit, nos vivificandos post biduum, & tertia die, quo Christus resurrexit, resurrecturos. Idque ideo, Quia enim peccato demersi in mortem, perpetuo eramus in morte mansuri, Filius Dei nostra peccata in se transtulit, & pro eis satisfecit in cruce, Ac postea resurgens, mortem quam pro nobis obierat, vicit. Itaque nos tum resurgere & vivere coepimus, cum Christus resurgeret. Per eum enim nostra mors deviata, & vita, quam amiseramus, reddita est. Danda autem diligens opera erat, ut ad hunc modum resurrectionem Christi nobis applicaremus, ut cum audis, Christum tertia die resurrexisse, certò statuas te una cum ipso resurrexisse, Sicut revera est, quanquam nondum revelatum est. Ideo enim Paulus Christum vocat primitias dormientium, quod primus in vitam seipsum ex morte excitavit, & nos cum secuturi sumus. Ac dicit, nobis à Deo datam victoriam Mortis & peccati per Christum.

Non autem opus est sollicite inquirere, Cur non satis sit Propheta dixisse, Tertia die surgere nos faciet, sed etiam addit de biduo, Post biduum vivificabit nos. Etsi enim poterat dici, Tertiam diem & post biduum idem esse, aut saltem biduum includi in tertiam diem, Tamen nihil prohibet, cum hi duo articuli fidei nostræ distincti sint, Descendit ad inferna, & tertia die resurrexit, hoc quod de biduo dicit, transferre ad descensum ad inferna, Oportet enim credi hunc descensum fuisse aliud quiddam, quam quod sepultus est. Et Petrus hunc descensum videtur explicare, cum 1. Pet. 3. Christum pro peccatis nostris mortuum, Iustum pro injustis, ut nos ad Deum adduceret, mortificatum quidem carne, vivificatum autem spiritu, Quo & his qui in carcere erant, spiritu veniens prædicavit, qui increduli fuerant aliquando, quando expectabatur Dei patientia in diebus Noæ, cum fabricaretur arca. Hic Petrus clare dicit, non solum apparuisse Christum defunctis Patribus & Patriarchis, quorum sine dubio Christus aliquos, cum resurgeret, secum ad vitam æternam excitavit, Sed etiam aliquibus, qui tempore Noæ non crediderunt, ac expectaverunt patientiam Dei, hoc est, qui sperarunt Deum non sic duriter grassaturum in universam carnem, prædicasse, ut agnoscerent sibi per Christi sacrificium peccata condonata esse. Complectitur igitur Propheta hoc in loco Ecclesiam omnium temporum, hoc est, non eam solum, quæ sub Lege & post Legem, sed etiam, quæ ante diluvium extitit.

1. Joh. 3. Quod dicit, Vivemus (Lipanas) ante faciem ejus, Etsi aliqui referunt ad vitam piorum in hoc seculo, tamen certo includit æternam vitam, quam incipimus fide possidere, dum hic vivimus, Sicut Iohan. dicit, Nunc sumus filii Dei, sed nondum revelatum est, Cum autem revelabitur, erimus sicut ipse est.

*Et sciemus, & incumbemus in id, ut cognoscamus Dominum.*

Nota est phrasis in verbo (Iada) Complectitur enim noticiam Dei, & ministerium verbi, quo vera Dei noticia propagatur. Pertinet igitur hic locus ad tempus revelati Evangelij, post Christi resurrectionem, cum & Spiritus sanctus Apostolis datus, & ministerio eorum noticia Dei, hoc est, Christi beneficium in omnes partes terrarum sparsa est. Tum enim accensi animi per Spiritum sanctum magno studio verbum amplexi sunt. Sicut ostendit historia Apostolorum.

Sed hic nota nomen (Ichova) Dicit enim Dominum tum primum vere agnitu-  
tuos homines, cum doctrina de Christo spargetur in mundum. Num igitur antea

*Locus Petri de descensu Christi ad inferos.*

*Iada.*

*Per Christum Deum cognoscimus.*



nulla Dei noticia in mundo fuit? Sed pertinet sententia hæc ad illos Evangelij locos, Nemo novit Patrem nisi Filius, Item, Qui me videt, videt Patrem meum. Nam et si natura habet aliquam Dei noticiam, quam sumit, sicut Paulus ait, ex visibilibus mundi, Tamen ea per exigua est, & facile excutitur. Sed qui Christum novit, quod sit Filius Dei, à Deo Patre missus, ut salvos faceret peccatores, hic demum vere Deum novit, quod sit misericors, benignus, mitis, placidus, quod amet mundum, non oderit, quod peccatores cupiat salvare, non perdere. Hanc noticiam Dei sola noticia Christi, hoc est, Evangelium, parit. Itaq; misera peccatorum turba, metu judicii Dei territa, sicut Propheta hic loquitur, sectatur magno studio & conatu hanc doctrinam, ut Deum hoc modo agnoscat.

*Quasi aurora firmatus est egressus ejus.*

*Evangelium an  
sens comparatur.*

Hæc ad ministerium verbi & doctrinam Evangelij pertinent. Ideo enim auroræ similitudine Propheta utitur, ut ostendat hanc verbi lucem, quæ est noticia Domini, spargendam in totum orbem terrarum. Nec dubium mihi est, Prophetam in hoc loco imitatum Davidis vaticinium Psalm. 19. ubi doctrinam Evangelij comparat Soli, Ab extremo coelorum, inquit, egressus ejus, & circuitus ad extremum eorum, & nemo est absconditus à calore ejus. Quia autem noster Propheta de initiis & quasi cunabulis Evangelij vaticinatur, aptior auroræ similitudo fuit, quam solis. Hæc enim tanquam procul se ostendens orbi paulatim ea incrementa sumit, ut ascendens Sol lumine suo totum mundum illustret.

*Mundus sine  
Evangelio.*

Deinde similitudo hæc eo quoq; accommodanda est, ut discamus quid sit mundus, cum doctrina Evangelij caret. Est instructus noticia Legis, habet imperia & regna, hæc legibus, disciplina, virtute, poenis quoq; legitimis conservantur & retinentur. Nec potest negari magna & eximia hæc esse dona, Sed nisi accedat ad hæc Evangelij cognitio, vere mundus tanquam in cæca nocte errat. Caret enim noticia Dei, quæ unâ, non solum ornat & absolvit reliqua dona, sed verum ac salutarem eorum usum ostendit hominibus, ut ea conferant ad Dei gloriam & proximi salutem. Hunc donorum usum mundus, cognitione Evangelij carens, non videt. Itaque putat ea transferenda ad gloriam & commodum proprium, sed cum hoc modo donis abutitur, infelix est & varie plectitur.

*Nachon.*

Sed quorsum pertinet verbum (Nachon) quod vertimus firmatus est, Alii vertunt paratum esse, ac verum est. Significat (chon) paratum esse, Sed sic ut stabile & firmum sit, nec possit aut everti aut impediri. Ad hunc modum Propheta hic de Christo & Evangelio dicit, in quo Christi beneficium proponitur, Paratus est egressus ejus. Sicut enim auroram surgentem nemo prohibere, nec ejus lumen involvere potest, ne possit conspici, Ita significat ministerium Evangelij impediri aut opprimi non posse, etsi id magno conatu Satan & mundus acturus sit. Convenit igitur sententia cum illo Christi dicto, Portæ inferorum non prævalebunt. Ratio est, Quia paratus & firmatus est hujus Regis egressus per Evangelium, sicut auroræ, quæ impediri non potest, sed paulatim illustrior infundit se orbi.

*Consolatio Eccle  
siae contra adver  
sarios verbi.*

Continet igitur sententia insignem consolationem, quam includere animis nostris hoc præsertim tempore debebamus. Si enim consideres furorem adversariorum, potentiam & assiduum studium nocendi, cum summa calliditate conjunctum, Si postea intuearis nostras Ecclesias, quam magna ubiq; sit infirmitas, quanta scandalorum copia, quanta Doctorum penuria, quam periculosa principum & gubernatorum ignavia, Dic mihi an non Evangelium judicabis simile lychno admodum obscurum lumen spargenti, quod uno spiritu eoq; non vehementi extingui posse videbitur? Itaq; pii trepidant, cum in tam multiplicia pericula intuentur. Sed Propheta consolatur nos, futurum, ut sicut frustra laboraret, qui conaretur surgentem auroram opprimere. Ita Evangelij quoq; lumen sumturum maxima incrementa, nec impediri posse aut opprimi. Nam exitus ejus stabilitus est, ut impediri non possit. Sicut eadem figura Simeon in Cantico suo usus est, cum vocat Christum Salutare, paratum ante faciem omnium populorum, hoc est, firmatum, stabilitum.

*Simeon Luc. 1.*

Et

*Et veniet nobis sicut pluvia, sicut sera pluvia terræ.*

Hæc est altera consolatio, Quod verbum sicut non poterit impediri, ita etiam certum pariet fructum. Hoc enim rete est, quod in mundum tanquam in mare voluit Christus ab Apostolis & Doctoribus projici, ad capiendos homines ad salutem. Hæc enim causa est, cur Propheta Evangelium pluvie comparet, & quidem seræ, quæ segetem æstu solis assiduo pene exhaustam, sub messis tempus recreat, ut incrementum possit sumere. Evangelium nō est sine fructu. Sera pluvia.

*Quid faciam tibi Ephraim? Quid faciam tibi Iuda? Beneficentia, qua erga vos utar, erit sicut nubes matutina, & sicut ros mane veniens.*

Dixit Propheta de tempore novi Testamenti, quod prædicabitur liberatio à morte per Christi resurrectionem & æterna vita, Ac tum vere agnituros homines Deum. Non enim timebunt eum, sicut coguntur timere, quibus recte notus non est, sed acquiescent in ejus misericordia. Etsi autem Synagoga & Gentes huic doctrinæ se opponant, tamen futurum esse dicit, ut sicut aurora cohiberi non possit, sed magis ac magis illustret mundum non sine ingenti fructu, Ita neq; verbi cursus & fructus impediri poterit. Hæc hæcenus de Christi regno Propheta dixit, Nunc addit amplificationem horum beneficiorum. Quid tibi faciam o Ephraim? Quid tibi faciam o Iuda? quasi collaturus ea cum beneficiis veteri populo exhibitis. Magnum fuit liberari ex Aegypti servitute, ornari præclaris victoriis contra Gentes, possidere terram promissam Patribus, Sed hæc omnia temporalia fuerunt, & tantum præsentis adjuti sunt. Novum autem Testamentum affert ad nos opes spirituales & æternas, nempe reconciliationem cum Deo, remissionem peccatorum, Spiritum sanctum & vitam æternam.

Ideo Propheta addit, Vestra gratia erit sicut matutina nubes. Hic Interpretes non solum ambiguitas, sed etiam similitudinis ratio fetellit. Nam recentiores fere omnes accipiunt beneficentiam seu pietatem active, qua aliis benefaciebant Iudæi, ac putant eam comparari rori, quod subito ab ea deflexerint ad impietatem & peccata. Hieronymus passive accipit, Sed similitudinis rationem eandem putat esse, quod beneficentia, qua eos Dominus adjuverit, cito sit desitura, Abducendos enim in captivitatem ab Assyriis & Babylonis, &c. Sed neutram sententiam probō. Verum quidem est, quod pietas seu beneficentia accipitur passive, qua Deus est usus erga hunc populum, Sed similitudine roris non utitur Propheta, ideo quod cito evanescit, sed eo potius respicit, quod per rorem recreatur terra. Nam in magnis æstibus etiam noctes usq; ad languorem hominum calent. Sed cum jam aurora proditura est, excitantur aurulæ frigidiusculæ, & roridæ nubes destillantes restinguunt calorem, & refrigerant terram. Sicut igitur calentia & sitibunda corpora, cum frigidam bibunt, recreantur, & amissam alacritatem resumunt, Ita quoq; terra recreatur & quasi vires resumunt ac eriguntur languentes herbæ, cum matutinum rorem bibunt. Similitudo roris.

Sed quis iste æstus est in hominibus? Aliud nihil, quam sensus peccati, iræ Dei, & æternarum poenarum. Hæc enim cum occupant animum, tantum non præcludunt Spiritum, Sicut egregie describitur hæc ipsa tentatio in Psal. 38. Domine ne in furore tuo arguas me, neq; in ira tua corripas me. Quoniam sagittæ tuæ infixæ sunt mihi, & manus tuæ gravis est super me. Non est sanitas in carne mea propter iram tuam, nec est pax ossibus meis propter peccatum meum. Quoniam peccata mea supergressa sunt caput meum, & sicut onus grave gravata sunt super me. Curvus & depressus nimium & tristis tota die incedo. Quoniam lumbi mei ariditate pleni sunt, & non est sanitas in carne mea, Collisus & contritus sum vehementer, ejulo præ anxietate cordis mei. Domine coram te est omne desiderium meum, & gemitus meus à te non est absconditus. Cor meum tremit, dereliquerunt me vires meæ, & lumen oculorum meorum non est apud me. Tentatio de peccato.

In his doloribus & periculis languentes & tantum non mortuos animos, Medicina hujus tentationis.

Evangelium.

nihil errigit, quam doctrina Evangelij, quæ docet Christum nostra peccata in se transtulisse, pro iis satisfecisse, & nobis morte sua patefecisse aditum ad vitam. Hæc cum audiunt animi, concipiunt spem veniæ, & sicut pene emortui flores, redeunt ad pristinam alacritatem & nitorem. Atq; hoc proprium Evangelij beneficium est. Nam Lex adhibita hos terrores tantum auget & amplificat Peccatum. Quanta igitur illorum perversitas est, qui mentes conspectu peccatorum suorum territas, non ad has refrigerij aquas deducunt, sed jubent ad præsidia operum confugere, & in Legis doctrina acquiescere? Hi afflictioni addunt afflictionem, & vere, sicut Aegyptij, duplicant lateres. Non enim per opera Legis, sed per fidem in Christum est justitia. Et non Lex, sed Evangelium est potentia Dei ad salutem omni credenti. Has sententias quis dubitet Paulum ex his Prophetarum concionibus hausisse? Rom. 1.

*Propterea dolavi per Prophetas, Occidi eos per verba oris mei, & judicia tua lux egrediens.*

Prophetarum lectionem haud alia res facit obscuriorem, quam quod tantum aliquas notas suarum concionum proponunt, atq; ideo sæpius abruptis transitionibus utuntur. Has qui non diligenter observant, eos falli necesse est. Neq; ad eam grammatices cognitione, sed lumine Spiritus opus est. Itaq; videas passim, quæ de regno Christi dicta sunt, transferri ad veterem populum. Sicut in proximo versu omnes Interpretes fecerunt, Cum tamen de regno Christi locutum Prophetam constet. Nonnunquam quæ de præsentī populo dicta sunt, ab incautis transferuntur ad tempus Novi Testamenti. Ejusmodi abrupta transitione hic quoque Propheta est usus. Nam præsens locus non ad superiora pertinet, sed ad populum præsentem, cui concionabatur Hosea, non tamen cohæret inepte. Respondet enim Propheta tacitæ objectioni, Quia enim tantas divitias bonitatis & misericordiæ suæ Deus populo novī Testamenti erat donaturus, Injuria populo Legis videbatur fieri qui hisce donis care-ret. Sed, inquit Propheta, nulla vobis injuria fit. Mittit enim Deus Prophetas suos, Horum verbum ceu dolabra est, ut præcidat vitia, dum minatur poenas peccatoribus & veram Dei noticiam ac veros cultus ostendit.

Verbum compo-  
ratur dolabra.

Hæc pulcherrima ministerij descriptio est, quod omnibus temporibus fuit in Ecclesia. Comparatur enim dolabræ, non solum quod per ministerium verbi resecantur, quæ vitiosa sunt, Sed renovatur & regeneratur homo, ut qui antea ceu rude & nodosum lignum, aspectu foedus, & ad opus Dei ineptus erat, nunc quasi levigatus & politus, præbeat se Deo fingendum, formandum & sculpendum ad sanctos usus.

Doctrina Legis

Sæpe autem dictum est, Doctrinam in Ecclesia esse duplicem. Lex ostendit, quid Deus à nobis exigat, & simul proponit poenas transgressoribus. Ideo ministerium Legis appellat Paulus ministerium mortis, non solum quod ad vitam non prodest, sed quod cum peccatoribus poena peccati proposita sit, ipsa mors, Lex, quæ peccati nos convincit, occidit nos, hoc est, arguit nos reos esse mortis, & simul monet, ne cumulemus nobis poenas & iram Dei, sed abstineamus ab iis, propter quæ venit ira Dei super filios inobedientiæ. Hanc doctrinæ partem significat Propheta cum dicit Occido eos per verba oris mei. Est autem necessaria hæc doctrinæ pars Ecclesiis. Nam qui peccata sua non vident, securi sunt, & gratiam contemnunt, neq; unquam ad veram poenitentiam accedunt, Sicut Phariseorum exempla ostendunt. Territi autem ira Dei, non solum timent Deum & à peccatis cavent, sed etiam de remedio peccatorum circumspiciunt, Quare neutiquam tolerari debent, qui præstant Legis doctrinam ex Ecclesiis ejiciendam. Hac enim dolabra ad rudes & nodosos stipites opus est. 1. Cor. 1.

Doctrina Evan-  
gelij.

Altera doctrinæ pars est verbum Evangelij, quo territa & da iterum eriguntur. Audiunt enim quod Deus peccatores non velit abjicere. Odit quidem peccatum Deus, & minatur ei poenas, Sed peccatores non idcirco vult perditos. Mittit enim ad hos redimendos victimam Filium suum, qui pro peccatis sua morte satisfaciatur. Hac voluntate Dei cognita in Christo, eriguntur animi, & novam lucem



lucem concipiunt. Non amplius pavent, non fugiunt Deum, Sed per Christum pleni spe confugiunt ad ejus gratiam, quia se sic vident ei curæ esse, ut Filio suo unigenito non pepercerit. Igitur comparat Propheta Evangelium soli orienti, & lumine suo quasi vitam afferenti mundo, tenebris noctis involuto.

2m. 1.

24. 16.

Vocat autem peculiari vocabulo, ludicia, sicut Christus quoq; Ioh. 16. dicit, Spiritum sanctum arguturum mundum. Debent igitur hæ duæ doctrinæ inter se diversæ perpetuo conjungi, ut primum occidantur animi prædicatione Legis, Deinde lumine Evangelij iterum vivificentur. Nam ita demum recte amputantur, quæ in nobis vitiosa sunt, & regeneramur in novam & spiritualem vitam. Per verbū enim Legis occiditur vetus homo, excutitur securitas, & inseritur animis timor Dei, Per Evangelium autem nascitur novus homo. Nam Spiritus per id accendit & purificat corda.

Dixi igitur, ministerij, quod in Ecclesia est, descriptionem hoc in loco esse, id comparatur dolabræ, Et Doctores Ecclesiarum vere nihil aliud faciunt, cum officium faciunt, quam ut homines ceu rudia & nodosa ligna dedolent, & verrucas amputent. Sicut enim lignum terra natum nullis usibus aptum est, Sed postquam nodi amputati, cortex abrasus, & securi primum, post dolabra aut aliis instrumentis levigatum est, variis usibus servire potest. Ita videmus multa in hominibus vitiosa esse, quæ per verbum ressecanda sunt. Deformis nodus est avaritia, hanc cum Doctor in Ecclesia docet fugiendam, cum ostendit pœnas propositas avaris, alicubi inveniet, qui pœnitebit de admissio hoc peccato, & posthac sibi cavebit. Non enim verbum redibit vacuum ad eum, qui misit. Idem de reliquis vitiis fit, si contingit sedulus dolator.

*Doctores in Ecclesia docent homines.*

Notandum est autem, quod non dicit, Prophetas esse, qui dedolent nodosa ligna, hoc est, qui ad pœnitentiam revocent peccatores, sed ipsum Deum. Ego, inquit, dolavi per Prophetas. Vult enim nos docere, ne succenseamus Doctoribus, cum reprehendunt, quæ reprehensionem merentur, Sed accipiamus verba eorum tanquam Dei verbum, Sicut revera est. Quod Deus hoc modo querit salutem peccatorum, ne in peccatis securi pergant & damnentur. Quod si hanc ipsam imaginem possemus includere animis nostris, quod sumus similes stipiti deformato multis nodis, nunquam cessaremus gratias agere Deo, sic paterne nos admonenti, & per verbum suum formanti nos, ut possimus hære in regno ejus. Verbum (hazaf) non proprie dolare significat, quod tantum ad ligna refertur, sed excindere, præcidere, amputare, sicut solet, cum lintres, torcularia & similia cavantur. Nos verbum dolandi ideo retinuimus, quod bellam sententiam includit, & ad pœnitentiæ doctrinam alludit propius.

*Deus vocat ad pœnitentiam.*

*Hæref.*

Ad hunc modum etsi hic de præsentī populo Propheta agit, recte tamen coheret transitio hæc cum præcedenti Prophetia de regno Christi. Nam semper idem verbum fuit in Ecclesia, Sed temporibus novi Testamenti proponitur clarius. Sicut Christus quoq; dicit, Multi Reges & Prophetæ voluerunt videre quæ vos videtis, & non viderunt, & tamen dicit Abrahamum vidisse diem Christi. Si igitur conferas Ecclesiam veteris Testamenti cum Ecclesia novi Testamenti, similis est homini lippis oculis ex longinquo aliquid intuenti. Is idem videt, quod alius, qui acutius videt, sed non ita clare, Agnoscit ex longinquo montem, turrin, arcem, civitatem, sed qui acutius vident, etiam minutissimas partes ædificiorum oculis notant. Ad hunc modum eadem doctrina, eadem res omnibus temporibus Ecclesiis propositæ sunt in verbo, Sed novum Testamentum has ipsas res propius admovet oculis, & præbet clarius conspiciendas. Sicut nunc eleganti brevitate & mirabili gravitate summam doctrinæ Propheta complectitur.

*Misericordiam amo magis, quam sacrificium, & noticiam Dei magis, quam multa holocausta.*

Hæc sententia non ideo solum notatu dignissima est, quod complectitur summam doctrinæ Christianæ, quæ semper in mundo in Ecclesia fuit, sed quia à Christo quoq; bis usurpata est. Prius igitur, quam explicemus eam, videbimus quomodo ea

do ea sit usus Christus. Nam veteris Testamenti explicatio ubiq; ex novo petenda est. Citatur hæc sententia à Christo Matth. 9. ubi Christus se tuetur contra Phariseos, quod Matthæum vocarat ad ministerium, & cum peccatoribus non dedignabatur comedere, Eam rem indigne ferebant Pharisei. Sed Christus jubet, ut discant, quid sit, Misericordiam volo, &c. Significat igitur Deum non velle tantum hanc misericordiam, qua adjuvamus alii alios, in corporalibus malis, sed in spiritualibus etiam. Fit autem hoc eo modo, si Doctores se cum peccatoribus conjungant, si eos doceant, si dehortentur à peccatis & cohortentur ad pietatem. Hanc misericordiam eum exigat Deus, merito Christus factum suum defendit.

Secundo citatur Matth. 12. cum Pharisei judicarent discipulos ob evulsas spicas & gustatas in Sabbato. Igitur Christus eo in loco misericordiam vocat, non judicare alios, sicut Paulus quoq; dicit, Charitas non est suspiciosa, hoc est, accipit & interpretatur omnia in meliorem partem. Ostendunt igitur hi duo loci vocabulum (Hefed) hoc in loco aliud nihil significare, quam quod nos dilectionem seu charitatem appellamus, Hanc dicit Hosea Deo gratiorem esse, quàm sacrificium. Conjungit autem cum dilectione noticiam Dei, hanc præponit holocaustis. Sæpius autem iam diximus, quid sit nosse Deum, nempe scire quæ sit voluntas ejus erga nos. Hanc noticiam in Lege non inveniemus. Lex enim aliud facit nihil, quam ut ostendat quid Deus à nobis flagitet, nempe dilectionem Dei & proximi, Sicut Christus Matth. 22. Legis summam pulchre contrahit in hæc duo præcepta, Diliges Dominum Deum tuum ex toto corde, & proximum tuum sicut teipsum. Si igitur quæras, quæ voluntas Dei sit erga eos, qui hæc duo mandata non servant, minatur eis iram & æternas poenas.

Noticia Dei.

Quomodo Deus  
cognoscatur.  
Noticia Dei.

Vera igitur Dei noticia ex Evangelio petenda est. Hoc enim ostendit Filium Dei missum in hunc mundum, ut salvos faceret peccatores. Hæc est noticia Dei talis, quæ non excitat odium Dei, sed reverentiam, dilectionem & obedientiam. Tam benignum enim Deum quis cupiat, offensum? quis oderit? quis non libens sequatur & ei pareat? Recte igitur numeratur noticia Dei inter summos cultus. Complectitur enim studium Verbi, fidem, invocationem, spem, patientiam in adversis, obedientiam, &c. Conjungit igitur Propheta hoc in loco Legem cum Evangelio, & ostendit qui sint præcipui cultus Dei, in quibus nobis sudandum est, si volumus servi Dei haberi, nempe, ut diligamus proximum, & amplectamur Evangelium, hoc est, ut credamus remissionem peccatorum & vitam æternam gratis per Christum. Hoc igitur stadium norunt pii sibi propositum, in quo decurrant.

Sed cur addit collationem de sacrificiis? Erant ea quoq; divinitus mandata. Sed cum tantum essent typus futuri sacrificii per Christum, & exercitium obedientiæ ad tempus, Ideo Propheta ostendit hos legales cultus ita exigi, ut tamen potior cura sit habenda superiorum cultuum, qui omnibus temporibus in Ecclesia viguerunt, Dilectio proximi & noticia Dei. Sed impia Iudæorum turba verbum negligebat, ac Prophetas persequabatur, & tamen sperabat se Deo placituram propter illos externos & legales cultus. Ideo Prophetæ tam sæpe contra sacrificia concionantur, & ea penitus abjiciunt. Non enim mandata erant, ut per ea consequerentur remissionem peccatorum, servabatur id Christi sacrificio, Obedientiæ externum exercitium erant, quo Deus suum populum à Gentibus voluit discernere, non voluit eos eo modo à peccatis liberare.

*Ipsi autem sicut Adam, transgressi sunt fœdus, Ibi spreverunt me.*

Peccatum quid.

Hæc conclusio est hujus concionis, quæ multos insignes locos habet. Initio bona est peccati descriptio, quod sit transgressio fœderis. Est enim inobedientia, quæ habet additam poenam. Ideo autem Adæ meminit, ut ostendat peccatum propagari in nos. Sicut enim Adæ prohibitum fuit, ne arborem scientiæ boni & mali attingeret, ipse autem Dei voluntati non paruit, & ideo poenam huic peccato propositam incurrit, Ita suum quoq; populum Deus voluit alligatum ad noticiam Dei, & dilectionem

onem proximi. Sed quid fit? Adam pomum interdictum arripit, Iudaei noticiam Dei & dilectionem proximi abjiciunt, & serviunt suis commodis & honori suo. Itaque poenas in Lege propositas incurrunt. Pertinet autem foederis mentio etiam eo, ut ostendat promissiones huic populo de regno & sacerdotio factas, esse conditionales, Contra obstinatum Iudaorum praesumptionem, qui nunquam futurum putabant, ut Deus abjiceret populum suum. Quae sequuntur, hanc generalem sententiam evolvunt, & de specie loquuntur.

*Gilead civitas operantium iniquitatem, est plena sanguinis.*

Is. 8.

Deut. 4.

Duplex peccatum ostendit, Mendacem religionem, & tyrannicam politiam, Ac semper conjuncta sunt haec, sicut Christus ostendit cum Diabolum mendacii Patrem & homicidam vocat. Nam qui impios cultos sequuntur, crudeles in eos sunt, a quibus se reprehendi vident, Sic Papa, quoniam impios cultus in Ecclesia vult retineri, in pios Doctores omni genere crudelitatis saevit. Idem hoc in loco de regno Israel Hosea queritur. Habuit autem regnum Israel plures civitates idolatria inlignes, sicut Samariam regni caput, Bethel, Dan, Gilgal, Beth Aven. Sed Propheta certo consilio regionis Gilead nomine utitur ad exaggerandum peccatum, In ea enim erat civitas refugii seu asylum Ramoth, Deut. 4. Levitarum sedes, ut ibi cognosceretur de caedibus non voluntariis, sed casu factis. Sed quid fit? ubi Deus singulari studio voluit caedes prohibitas, ibi maximarum caedium occasio fuit propter idolatriam.

Gilead.

Sic initio a Christianis templa coepta sunt extrui, ut in certo loco populus conveniret ad audiendum Verbum, ad orationem, & Sacramentorum usum, Sed Pontificum non solum negligentia, sed malicia quoque factum est, pene ut nusquam doceretur verbum, & templa omnes judicarent tantum destinata ad impium Missae sacrificium. Adeo omnibus temporibus Satan se ostendit adversarius Dei & hostem veri cultus. Quae Hieronymus de sanguine seu caedibus recitat, ex Iudaei cujusdam sententia, nugae sunt. Nam ipse Propheta iam explicat se, quid vocarit sanguine oppressam Gilead.

*Turba Sacerdotum similis est latronibus, usque insidias ponunt in via versus Sichem, & caedes faciunt, Qui a faciunt quicquid cogitant.*

Luc. 10.

Insignis figura haec est, quod Sacerdotes, intentos ad cumulanda idolatrica sacra, comparat latronibus obsidentibus loca insidiis opportuna, & non opinantes viatores opprimuntibus. Nam ministerium habent, quod institutum est ad docendam Ecclesiam. Quia autem abjecto verbo ea docent, ex quibus uberrimus quaestus est, non noticiam Dei, non dilectionem, nec beneficentiam. Quid fit? Populus ceu viator securus ambulat, & dum putat se rectum & tutum tenere iter ad aeternam vitam, praecipitatur ab impiis Doctoribus in infernum. Hieronymus vocabulum Sichem appellative reddit. Sed est proprium hoc in loco, est enim pars deserti, quod est ad Hiericho. Ideo Christus quoque ad Hoseam respexit, cum proponit similitudinem de eo, qui descendens a Hierosolymis ad Hiericho instituerat iter, & in latrones inciderat. Nam ibi quoque eadem ratione, qua Hosea hic, notat Sacerdotem & Levitam.

Impii Doctores comparantur latronibus.

Ita ministerium comparatum ad vitam, transferunt impii Doctores eo, ut sit occasio interitus. Longe igitur peccant gravius, quam qui nihil metuentes latrociniis opprimunt. Non solum enim spoliunt miseros auditores, & exuunt fortunis, non solum corpora laedunt, sed animos jugulant, & objiciunt aeternis cruciatibus. Quod in Ebraeo est (Kizima asu) fortasse non inepte reddidimus. Nam verbum (zamam) studium & cogitationem significat. Id etsi meson sit, tamen hic in malam partem significat, quod faciant quicquid cogitant, Was sie denken/dürffen sie thun. Sicut fere de Monachis hoc verbo Germani utuntur, quod tam desperatae maliciae sint, ut nihil cogitent, quod non idem patrare audent.

*In domo Israel video horrenda. Ibi enim fornicatur Ephraim, & polluitur Israel.*



Summa idola-  
trorum cultus  
Deo est aconi-  
tatio.

Hæc ex superioribus nota sunt, Id tamen ut admoneamus operæ precium est, Quod nulla in re idolatræ sibi magis placent, quam in cultu suo, Itaq; Israelitæ præclare se de Deo judicabant meritos, cum cumulassent sacra, Sicut Monachi & Sacrificuli tum demum se Deo gratissimam rem putant facere, cum sacrificant, cum observant certos dies, cum jejunant. Sed quid hic pronunciat Dominus? Video à quibus abhorret animus. Nam cultus, quos homines sibi sine mandato Dei fingunt, nihilo Deo gratiores sunt, quam honesto viro turpis uxoris adulterium. Sicut igitur adulteram ejicit maritus, Ita regnum Israel tandem ejectum ex sua terra, & in Gentes translatum est, sine misericordia & sine spe reditus, sicut in 1. capite Propheta vaticinatus est.

*Sed ô Iuda, ponis tibi messem, cum convertam captivitatem populi mei.*

Regnum Iuda quoq; propter peccatum à Babylonio captivum abductum est. Sed hæc captivitas non fuit perpetua. Nam propter promissionem Davidi factam (quam hic figurate messem vocat) oportuit hunc populum manere & restitui, ut ex eo nasceretur Christus. Egregie autem ornatur tempus regni Christi, quod in comparat Propheta messi. Ac imitatus est figuram Christus in similitudine de semine producente multiplicem fructum. Hic autem verus demum fructus est, propter quem feritur verbum, ut homines discant nosse Deum & salventur. Quam autem sunt infelices, qui hic cessant, & non diligentes in hac messe sunt operarii? Ad hunc modum gravi cohortatione hoc caput claudit Propheta.

## CAPUT VII.

*Cum sanarem Israel, revelabatur iniquitas Ephraim & multa malicia Samarie. Quia operantur mendacium, ideo venit fur, & latro foris spoliat.*



Equens concio etiam legalis est. Habet enim reprehensionem idolatriæ, & minatur poenas securis peccatoribus. Nec in re aliqua difficultas est, Grammatica aliquanto est obscurior propter figuras (ut stulta ratio judicat) aliquanto duriores. Sed si eas consideremus diligentius, etsi rustice & ex medio usu hominum sunt sumptæ, tamen proprie admodum pingunt idolatrarum studia. Apparet autem hoc ex loco, sicut omnibus temporibus Ecclesia eundem habuit hostem, Ita quoq; tentationes esse similes. Si enim contemptores verbi, quos hodie habemus, cum Israelitis conferas, non ovum ovo dices magis esse simile. Queritur Dominus, quod cum de sanando Israele cogitet, Israel quasi furiis agitatus tum demum summo studio incipiat urgere idolatriam, & licentius peccare. Mira res & pene incredibilis, Sed intuerè in nostra exempla, quæ ob oculos nobis sunt, & dices idem adhuc hodie fieri.

Furor idolatra-  
rum.

Patefecit nobis Dominus per Verbum suum verum Dei cultum, ut credamus Evangelio & invocemus tam misericordem Patrem in nomine Christi, cujus merito seu morte, à peccato & morte liberati sumus. Damnantur idolatria & falsi cultus, ac admonentur homines, ut posthabitis traditionibus humanis, serio incumbant in ea, quæ divinitus præcepta sunt, bona opera. Sed an non hic quoq; revelatur iniquitas Papistarum, & Ecclesiæ Antichristi malicia? Sanam doctrinam etiam armis conantur opprimere, impios cultus Missarum, idolatriam in invocatione, & quicquid abusu est, nunc serio incipiunt defendere, & quantum possunt, stabiliunt. Sic Israel quoq; occidebat veros Doctores, & tanto furiosius urgebat sacra sua, cum audiret ea à piis Doctoribus reprehendi. Sed hanc pertinacem impietatem quomodo ultus est Dominus? Venit fur, inquit Propheta, & armatus incursionem fecit, hoc est, ut nos loquimur, domi & foris varie sunt vexati & direpti. Non enim furem vocat, qui noctu

Pena idolatriæ.

noctu perfodit parietem, & clam, quæ potest, tollit, Sed mendacia, fraudes, avaritiam, injustam vim, injurias, quibus cives inter se utuntur, injusta onera publica ab avaris Magistratibus imposita. Hi enim nocentissimi fures sunt, quibus expilantur Respub. Ad hæc domestica incommoda dicit accedere externum hostem & bella.

Hæc an non etiam nostro seculo sentimus? Principes turpissime subditos spoliant. Ipsi inter se cives nullum avaritiæ modum statuunt. Et accedit quoque Tyrannus Turcicus, Item alia bella, Ita utrinque premitur misera, sed matura poenis Germania, quam vere, sicut senex in comoedia dicit, ne quidem ipsa salus, si cupiat, servare posset. Ac nos, qui tamen de Evangelio gloriamur, hisce poenis non caremus prorsus. Videmus enim easdem rerum publicarum pestes apud nos grassari, Nocentem furem & direptorem hostem. Itaque hæc quoque nostrorum peccatorum poena sunt, quod abutimur Evangelio, neque eo digne ambulamus.

*Et tamen non cogitant, quod sciam quicquid mali faciunt.*

*Nunc enim studia, quibus occupantur, sunt in conspectu meo.*

Hæc est reprehensio Securitatis, qua nullum nocentius peccatum est. Excludit enim poenitentiam, qua sola patet aditus ad mitigationem publicarum calamitatum. In his peccatis, inquit Propheta, sic secure pergunt, ac si certi essent me ea nescire. Sed non nescio, Ante oculos assiduo versantur, nec patiuntur se ignorari, Itaque gravioribus poenis dabunt occasionem. Sed vide hic quoque adversarios nostros. An non ita se gerunt, ac si vocem de coelo audissent, se effugituros iram Dei? Sicut Johannes ad Phariseos dicit. Pertinet autem ad Ecclesiæ consolationem, quod Deus studia impiorum dicit assidue ob oculos sibi esse. Quia enim cessat poena, & idolatræ crudeliter pios persequuntur, sæpe piorum animi tentantur, ac si Deus alias res agat, & de Ecclesia sua non sit sollicitus. Sed profecto non tantum facta, quæ oculis cernuntur, sed consilia & studia ac intimum cordis Deus videt, Itaque non perpetuo sinet impunitos abire.

*Malicia sua ex hilarant Regem, & mendaciis suis Principes.*

Hic de Sacerdotum peccato proprie loquitur, qui idolatriam non solum non reprehendebant, sed etiam Principum gratiam idolatricis cultibus captabant. Nam malicia, de qua Propheta hic loquitur, non est civilis malicia, sed Ecclesiastica, quæ complectitur impios cultus & dogmata impia, ideo appellat mendacia. Decipiuntur enim simplices, & dum putant se Deo gratum facere, maxime eum offendunt. Sicut Monachus dum jejunat, dum studiose adorat Sanctos, dum Missas celebrat, vere mendaciis occupatur. Non enim hi Dei cultus, sed blasphemia & summa erga Deum inobedientia sunt.

*Universi ipsi sunt adulteri, similes fornaci succensa per Pistorem, qui quiescit ab excitanda & subigenda farina, donec fermentetur.*

Hic exponit se, de qua malicia, & de quo mendacio loquatur, nempe, de turpi adulterio, quod discesserunt à vero Deo, & sicut adultera mulier, se contulerunt ad alienos Amatores, ad idola & prohibitos cultus. Similitudo proprie pertinet ad pingendum vehemens studium, quod in idolatris est. Ardent enim sicut fornax, quæ succensa est. Quod ad Grammaticam attinet, puto sententiam recte & proprie redditam.

*Dies Regis nostri est, Principes igitur incalescentes vino debilitantur & Rex manu sua ad se trahit illusores.*

Brevitas, ut solet, hic obscuritatem parit. Sed Propheta nihil aliud agit, quam ut similitudinem de fornace succensa explicet. Pistoris nomine veniunt impij

impii Doctores, hi farinam agitant, hoc est, instituunt populum ad idolatriam, Postea succenditur fornax, hoc est, Populus novis ceremoniis & cultibus invitatur ad idolatriam, Sicut dicit: Hodie dies Regis nostri est, hoc est, singularis solennitas. Igitur Principes in aula crapulantur, In templo autem impii cultus fiunt, & magna in gratia apud Regem sunt horum autores. Non dissimile est, quod magni Principes apud nos natalem suum magna pompa in templis celebrant, frequentibus Missis & aliis impiis ceremoniis. Illusores sicut in 1. Psalmo vocat Propheta impios Doctores, qui interpretando depravant Scripturam. Id autem vere est illudere, tum Deo, tum hominibus.

Illusores, mali  
Doctores.

*Cum insidias struunt, cor ipsorum ardet sicut fornax. Sed tota nocte dormit Pistor eorum, & mane ardet quasi flamma ignis.*

Pertinet hoc quoque ad Sacerdotes, qui impiorum cultuum autores sunt. Hi, inquit, cum insidias ponunt, hoc est, cum vacant idolatriæ, sunt sicut succensa fornax, hoc est, ardent ingenti studio idolatriæ augendæ & confirmandæ. Vident enim hoc modo sibi aditum esse ad favorem Principum, & etiam rem familiarem hoc modo pulchre augent, Sed non cadent feliciter hæc consilia. Perinde enim ac si ignis ex succensa fornace, dum Pistor somno oppressus jacet, erumpat, & omnia incendio involvat. Ita Idolatria regno Israel exitio erit.

*Omnes calent, sicut fornax, vorantur iudices eorum, atque omnes Reges eorum cadunt, Nemo tamen est inter eos, qui ad me clamet.*

Gradus peccato-  
rum in idola-  
tria.

Hic sine figura dicit, quod supra de igni in fornace ardente, & ipsum Pistorem vorante dixit. Observandi autem hoc in loco sunt gradus impietatis. Primum est, quod idolatriæ verbo non acquiescunt, Sed quanto Deus per Prophetas eos monet diligentius, tanto ipsi vehementius in Idolatriam incumbunt. Hoc peccatum suæ consequuntur poenæ. Nam & Iudices & Reges cadunt, ac populus à vicinis Gentibus diripitur. Alterum peccatum est, quod sicut Deum amice per verbum vocantem non audiebant, ita nec curant affligentem. Fingunt alias causas calamitatum, quam idolatriam suam. Sicut Esaias quoque queritur in 1. Capite. Populum non reverti ad percutientem se, Ergo etiam hac in parte consilium Dei frustra est. Sicut enim per Verbum ab idolatria volebat eos abducere, Ita quoque eo consilio immittit poenas Deus, ut agnoscant peccata, & per poenitentiam redeant in viam. Sed ubi nec verbis, nec verberibus quicquam proficitur, quid aliud sperari potest, quam vastitas? Esa. 1.

Consilio po-  
nit Deus pec-  
cata.

Docet igitur hic locus de consilio Dei, quo punit peccata. Non enim hoc agit, ut propter peccatum nos abiciat, & damnet, Revocat hoc modo ad poenitentiam, ut cessemus à malo, & ut invocemus eum. Hæc enim via est, qua occurritur iræ Dei, si cum oratione jungamus poenitentiam. Sed quid faciunt idolatriæ? etiam cum poenas sentiunt, non statuunt eas ab irato Deo immitti. Itaque non invocant Deum, sed invocant idola sua. Invocant homines, quorum potentia sperant se emergere posse ex calamitatibus præsentibus. Sicut qui hodie pontificiam religionem sequuntur, sentiunt quidem Turcam & alia incommoda. Itaque pro liberatione orant, sed non orant ad Deum, Ponunt fiduciam in operibus, nituntur Sanctorum intercessionibus, Imo Sanctos quoque invocant, cum invocatio tantum debeat ad Deum fieri in nomine Christi, Ita enim rogatur gratuitum beneficium, quod Deus Ecclesiæ promisit.

*Ephraim miscetur cum populis, Ephraim est factus ceu placenta, quæ non vertitur.*

Hoc tertium peccatum est, quod non solum Deum non invocant, sed etiam nituntur prædiis humanis, & conjungunt se per foedera cum Gentibus, Sed hoc quoque male cedit Idolatriæ. Nam cum quibus se conjungunt, iis prædæ sunt. Sicut figura de placenta ostendit, quæ dupliciter intelligi potest. Nam placenta, quæ non vertitur, dum semper una in parte sentit ignem, aduritur & redigitur in cinerem.

Sed



Sed fortasse huic loco aptius est ut intelligas, Prophetam voluisse hac figura ostendere, quod Israel avide diripiatur à Gentibus, Sicut homines famis impatientes placentas semicoctas vorant, nec expectare possunt dum percoquantur. Itaq; quæ sub-  
jicit, sunt ceu expositio. Verbo (jisbolal) utitur, sicut Moses Exod. 29. 39. Levit. 7. ubi loquitur de farina miscenda cum oleo, Ac facit id hoc quoq; in loco ad similitudinem de placenta.

*Comedunt alieni robur ejus, & tamen non intelligit. Canescit, & tamen non intelligit. Humiliatur superbia Ephraim videntibus ipsis, & tamen non revertuntur ad Dominum Deum suum, neq; querunt eum in omnibus istis.*

Duo complectitur Propheta hoc in loco, & pœnam certam & tantam cæcitatē, ut pœnam quam sentiunt, non videant unde sit. Si enim propter idolatriam crederent se puniri, abjicerent eam, sed id non faciunt. Quod de canis addit, recte exponitur de fractis regni viribus, Sicut Comicus senectutem vocat morbum. Invenit enim Ierobeam, sub quo vixit Propheta, regnum Israel miserrime direptum. Nihil tamen prohibet, si hoc ad amplificationem peccati referas. Turpior est enim tam foeda ignorantia in sene, quam in juvene. Quod dicit, humiliatam superbiā Israel, id supra in 5. exposuimus. Summum igitur peccatum est post neglectum verbum etiam negligere plagas, quas Deus eo consilio infligit, ut revocet errantes in viam, Sicut hoc in loco Propheta ostendit, cum dicit, Non reverti eos ad Dominum, nec querere Deum, Reverti enim ad Deum, est abjicere idolatriam, & Deum querere, est verbum sequi.

*Ephraim est sicut columba seducta, quæ nihil intelligit, Invocaverunt enim Ægyptum, & abierunt ad Assyrium.*

Admodum elegans hæc similitudo est, sumpta ipsa quoq; ex œconomia. Columba inter omnes aves facillime decipitur, ut obliviscatur nidi sui. Ita dicit Ephraim quoq; assuefactum ad alienum nidum, dum deserto Deo & templo querit auxilia non à Deo, cujus nomen habitabat Hierosolymis, sed à vicinis gentibus, Ægyptiis & Assyriis. Vritur Esaias quoq; similitudine columbarum Cap. 60. cum de Apostolis & Evangelistis vaticinatur, Sed in his commendat, quod norunt suas fenestras, nec sinunt se à verbo tanquam à vero nido abduci ad impia dogmata. Ideo Christus quoque Apostolos vult columbarum similes esse, quod ad simplicitatem & innocentiam attinet. Cæterum addit, Estote prudentes ut serpentes. Nam fatuæ columbæ decipiuntur, & patiuntur se ad alienos nidos assuefieri. Id in Christi discipulis esse non debet. Hi enim prudentem simplicitatem præstent necesse est. Nam simplicitas est nihil spectare quam Dei gloriam & proximi salutem, Prudentia cavere laqueos Satanae, & tantum verbo inniti.

Columba.

Estote simplices ut columba.

*Quocumq; igitur abierint, expandam super eos rete meum, & cadere faciam sicut aves cæli, ac castigabo eos, sicut audiunt in Ecclesia sua.*

Hoc tandem impietatis præmium est, & exitus impiorum foederum, quæ suscipiuntur spe humanorum auxiliorum. Emphasis est in pronomine, Meum rete. Id enim ejusmodi est, quod effugere mali non possunt. Includit autem similitudinem securitatem impiorum, tum subitum & improvisum exitium. Quod in Ebræo est (Keschema) secundum auditum Ecclesiæ eorum, Nota phrasis est, Significat autem pœnas quas Moses minatur impiis, Sicut Esaias aliquoties loquitur, Non desiderari, ne unum quidem eorum, quæ Dominus minatus est. Soliti enim sunt, sicut Evangelium testatur, Mosē sabbatis diebus legere in scholis seu Ecclesia. Existimabimus autem easdem privatorum quoq; pœnas fore, si neglecto Verbo non arripuerimus poenitentiam, & impios cultus non abjecerimus.

Impietatis præmium.

Vae eis,

*Ve eis, quoniam recedunt à me, Devastabuntur, quoniam inique agunt contra me. Ego quidem redimo eos, Ipsi autem loquuntur contra me mendacia.*

Hic est præsentis Concionis Epilogus. Notabis autem quod Dominus ubiq; addit suam personam. A me recesserunt, Contra me inique egerunt, Contra me loquuntur mendacium. Ad me non clamant, Contra me malum cogitant. Igitur sicut nos distinguimus peccata secundum tabulas Mosi, ita hic sentiemus Prophetam non agere de peccatis secundæ, sed primæ tabulæ.

*A Deo recedere.*

Recedere à Deo, est abjecta fide in Deum, fidere hominibus, & eorum opem niti.

*Inique agere.*

Inique contra Dominum agere, est mutare cultum, & idolatriam institueret.

*Mendacia loqui.*

Mendacia loqui contra Dominum, est prophanare nomen Dei per impiam doctrinam.

*Ad Dominum non clamare.*

Ad Dominum non clamare, est prophanare nomen Dei per falsam invocationem.

*Cogitare malum contra Dominum.*

Cogitare malum contra Dominum, est cogitare de impio cultu retinendo & propagando, ac includit persecutionem verbi, item abusum pacis & reliquorum donorum, quæ impii conferunt ad idolatriæ defensionem.

Hæc peccata in sequenti epologo commemorat, & minatur fore, ut propter ea vastentur. Itaq; discamus nos ea cavere, illorum exemplo moniti. Sumus nos quoq; miseri peccatores. Sed hæc primæ tabulæ peccata Dei beneficio effugimus, dum & cultus veros & sanam doctrinam retinemus. Itaq; spes veniæ nobis reliqua est. Qui autem cum impia doctrina impios cultus conjungunt, sicut adversarii nostri, hi quid aliud quam vastitatem sibi promittere possunt? Quod dicit, Ego quidem redimo eos, & ipsi loquuntur contra me mendacium, Id proprie pertinet ad tempora Ierobeam, qui etsi esset impius rex, tamen fortunatus fuit. Nam restituit regno Israel, quæ à majoribus amissa erant, usque ab Hemath ad mare. 2. Regum 14.

*Non clamant ad me ex corde suo, sed ululant in cubiculis suis. Propter frumentum & mustum congregantur, & adversantur mihi.*

Clamant quidem, & ex corde, Nam calamitas ita urget, Sed in eo vitium est, quod non clamant ex corde ad Dominum. Conveniebant enim ad idola, & invocabant in loco prohibito. Nam orationi destinatum erat templum Hierosolymitanum. Itaque etiam qui corpore aberant, istuc vertebant faciem, Sed Israel templum contemnebat, & habebat idolatrica templa, sine Verbo & contra Dei mandatum instituta, quæ Propheta hic vocat cubicula. Alludit enim ad similitudinem adulterij. Maxime autem insigne est, quod vocat idolatricam invocationem ululatum (Ielala) Sicut enim Musicus concentus aures demulcet, ita ululatus offendit aures. Vera igitur invocatio est Deo suavissima musica, sed falsa invocatio & idolatrica offendit gravissime aures & animum ejus.

*Idolatrica invocatio, ululatum.*

Debuit autem hæc sententia inscribi parietibus omnium templorum, præcipue autem eorum, in quibus collegia Sacrificulorum sunt. Nam cum istic perpetuo aliud nihil fiat, quam ut summa contentione decantetur, Propheta hic ostendit, quid in hoc cultu sit vitii. Primum & fere summum est, quod si ea invocatio est, non tantum sine mente, sed etiam sine omni intellectu est, Taceo, quod illa Sanctorum seu divorum invocatio in totum idolatrica est.

*Falsa invocatio in Populo.*

Secundum vitium est, quod vere, sicut Propheta hic dicit, Propter frumentum & mustum congregantur. Nisi enim illa præmia huic labori essent proposita, nunquam ad has operas convenirent. Igitur Deus eorum, quem his cantibus colunt, non est Deus cœli, quem nesciunt, Sed panis & vinum, quæ vorant, & quibus saginantur. Tertium vitium est, quod istum cultum sic præstant, ut interim summo conatu & studio

& studio adversentur Deo, hoc est, sanæ doctrinæ, quam in totum, ut hæresim, damnant & extinctam cupiunt. Et scilicet impium hominum genus audent interrogare, Cur tot nominibus impium cultum ex nostris Ecclesiis ejecerimus?

*Ego erudio & firmo brachia eorum, Sed malum contra me cogitant.*

Hæc quoq; proprie ad tempora Ierobeam pertinent. Commemorat autem duo beneficia, eaq; summa, Primum est, quod per Prophetas erudit & mittit Verbum. Habuit enim id tempus quinq; insignes Prophetas, Amos, Hoseam, Esaiam, Micham, Nahum, qui omnes cohortati populum sunt ad poenitentiam, & prædixerunt futuram vastitatem per Assyrium, nisi convertantur, & idolatriam abjiciant. Deinde etiam confirmavit brachia, hoc est, pacē & victoriis ornavit Deus Rempub. sicut paulo ante de Ierobeam commemoravimus. Sed his donis quomodo usi sunt? Contra me, inquit, cogitant malum, hoc est, abutuntur pace & victoriis ad opprimendum Verbum, & veros cultus, & ad stabiliendam idolatriam. Significat enim verbum (Hasehab) non simpliciter cogitare, sed diligenter & serio cogitare.

*Convertuntur, sed non ad Altissimum, & sunt sicut arcus dolosus, Cadent per gladium Principes eorum propter furorem linguæ suæ. In terra Ægypti ludibrio erunt.*

Hæc est conclusio, etiam cum affligo eos propter peccatum, nihil proficio. Nam cum sentiunt plagas, non ad me convertuntur, sed invocant idola sua, & quarunt præsidia hominum. Quis igitur erit finis tandem? Erunt sicut arcus dolosus. Arcus instructus est ad feriendum hostem, quod si rumpatur nervus, aut aliquid simile accadat, ineptus est. Ita minatur hic, etsi neque consilia nec res defuturæ sint regno Israel, tamen infelices fore omnes conatus propter peccata ejus. Sicut exponit se, *Psal. 127.* Cadent Principes, &c. Contraria sententia est in Psal. 127. ubi comparat filios eorum, qui divinitus reguntur, sagittis in manu potentis, significat enim felices gubernatores. Sed hic sagittæ quidem in manu sunt, & quidem potenti manu, Nam regnum Israel sub Ierobeam pulchre floruit, Sed arcus dolosus est, hoc est, concidunt in ipso conatu. Et hoc propter furorem linguæ suæ, quod contumeliosi sunt in pios Doctores, & magnifice prædicant vires & auxilia sua, quibus se sperant tutos fore. Ægyptus enim fallit eos, Itaq; ridebuntur.

Ebræi aliam sententiam sequuntur. Vocant enim arcum dolosum, qui dolo intenditur, ut cum putes dextram petiturum, petit sinistram. Ac in eam sententiam interpretati sunt Septuaginta Psal. 78. (Remijah) versatilem arcum, *ερεβλόν*, qui facile huc illuc vertitur. Neque hæc sententia huic loco inconveniens est, ut non poenæ sed culpæ sit. Sicut arcus dolosus convertuntur, tanquam acturi poenitentiam, Sed non convertuntur ad Deum, pergunt in idolatria sua, cum ad dextram speres ituros, deflectunt ad sinistram, &c.

## CAPUT VIII.

*Admovere ori tuo tubam Assur, Sicut Aquila veniet super domum Domini, quoniam transgressi sunt pactum meum, & inique egerunt contra Legem meam.*



St hæc quoq; legalis Concio, in qua Propheta tum idolatriam, tum etiam fiduciam humanorum præsidiorum, seu foedera cum Gentibus damnat, & minatur excidium. Itaq; quod ad res attinet, prorsus hic nulla est difficultas, nec grammatica obscura est. Principium hujus Capituli pertinet ad regnum Iuda. Nam diserte meminit domus Domini, quod in Ierusalem erat. Etsi autem aliqui ad captivitatem Babylonicam vaticinium hoc referunt, tamen rectius, sicut sequentia arguunt, refertur ad calamitatem regno Iudæ per Sancherib illatam.

*Prima hujus Capituli concio pertinet ad regnum Iuda.*

T t t

Simili-



*Amila.*

*Fœdus Dei  
cum populo.*

Similitudo Aquilæ, tum ad celeritatem, tum ad potentiam hostis referenda est. Vtroq; enim vincit Aquila inter omnes aves, & ideo regium nomen habet. Sed hujus mali quæ causa est? Nimirum transgressio fœderis, & violatio legis. Igitur his periculis, qui carere volunt, hi omni studio in id incumbant, ut obediant verbo. Fœdus cum populo suo tale pepigerat Deus, quod si ambularent in obedientia Legis, omni genere beneficiorum cumulandos esse, Sed discedentibus à Lege pœnæ certæ propolitæ erant. Tale pactum cum Gentibus non est factum. Nam quæ ad cultum externum attinebant, omnia abrogata sunt, Et tamen primum Præceptum universale est, & ad omnes pertinet. Ideo & qui parent Deo, certum obedientiæ fructum ferent, Qui autem discedunt ab obedientia, pœnas sentient.

*Ad me clamabunt, Deus meus, agnoscimus te ô Israel.*

*Summa hujus  
capituli.*

Hæc fere ab omnibus in eam sententiam exponuntur, quasi frustra sint clamaturi, Sicut supra de regno Israel dixit in cap. 5. Tum quærent me, sed non invenient. Sed dixi supra, hanc concionem proprie pertinere ad regnum Iuda, quod divinitus ab hoste liberatum est. Sententia igitur hæc est, quod regnum Iuda ab Assyrio vexatum agnosceret peccatum, & clamabit ad Deum pro liberatione, & servabitur, sicut historia de pio rege Hiskia testatur. Atq; huc facit, quod Prophetæ ostendunt non cultum solum, sed etiam nomen Dei dissimile fuisse in regno Iuda & Israel. Nam Israel Deum gentili nomine appellavit Baal, Iuda autem sicut verum cultum retinuit, ita quoq; Deum suo vero nomine appellavit. Utile autem hoc regni Iudæ exemplum est, quod hoc tempore consideremus. Ostendit enim spem veniæ reliquam iis, qui etsi peccatores sunt, tamen verbum & cultum retinent. Qui autem verbum persequuntur, & idolatricis cultibus occupantur, hi corripientur durius, & exemplo Israel funditus excidentur, nisi pœnitentiam egerint. Porro Israel hic vocat Deum Israel, hunc dicunt se agnoscere, hoc est, retinere verbum & cultum ejus.

*Israel deserit bonum, inimicus persequetur eum.*

### ALTE RA CONCIO AD REGNUM ISRAEL.

Revis sententia, sed valde illustris. Verbum & cultum Dei verum, vocat bonum, Quia pax multa diligentibus Legem tuam Domine. Hi enim habent Deum protectorem in omnibus periculis. Sed qui bonum hoc deserunt, & ab eo discedunt, hi quid faciunt aliud, quam ut involvantur malis? Hoc scilicet tanto studio facit mundus, cum aut verbum negligit, aut persequitur. Negligit enim & persequitur bonum, Amplectitur autem & sectatur exitium suum, Quæ sequuntur, explicant quid sit bonum deferere.

*Ipsi constituunt Reges, sed non per me, Constituunt Principes, sed me nesciente, Argentum & aurum suum fecerunt sibi, ut essent idola, ideo excidentur.*

*Requitur de  
foederibus cum  
Gentibus.*

Non loquitur de electione Regis, quæ legitima est, sed de fœderibus cum Regibus & Principibus, sicut supra dixit de Assyrio & Ægyptio ascito. Nam etsi per seditionem primus Ierobeam Rex est creatus, tamen diligenter inspicienti historiam apparet regnum Israel divinitus approbatum. Non igitur de successione in regno, sed de fœderibus cum Gentibus loquitur. Ideo addit (Ve lo mîmenni) Sine me hoc faciunt, abjecta scilicet fiducia, quam de me debebant retinere firmam. Sic se nesciente dicit constitui Principes. Hæc est prima discessio à bono. Altera est, quod ex auro & argento faciunt idola, hoc est, tribuunt auro & argento divinum honorem, Sicut in Papatu quoque solent, cum adorant divorum statuas. Hoc idolatriæ peccatum sequitur excidium.

*Ejecit*

*Ejecit vitulum tuum, ô Samaria, Incanduit furor meus in eos, Non poterunt perpetuo innocentes esse.*

Excidium minatus est, nunc repetit peccatum, Fieri id propter adorationem & cultum vituli. Itaque non inepte (Eglech) pro nominativo accipitur. Vitulus tuus ejecit te, hoc est, idolatria est tibi causa exitii. Non enim potest eam ferre Dominus. *Idolatria perdit.* Quod vertimus, non poterunt perpetuo innocentes esse. In Ebræo est, usquequo non possunt innocentiam. Id brevius & obscurius dictum est, Sed revera nihil aliud significat, quam si dicas, Sunt nocentes, ideo non perpetuo ferent impune peccata sua.

*Nam ex Israel est vitulus iste, Artifex fecit eum, Neque est Deus iste, Ideo in frustra comminuetur vitulus Samariae.*

Facilia hæc sunt. Pertinent enim ad idolatriam ridendam. Quid enim stultius est, quam procidere coram ligno, lapide, argento, auro, hominum manibus factis? Cur non prociditur coram eo, cur is non invocatur, qui ex nihilo fecit omnia? Is enim liberare potest. At aurum, argentum, lapides, ligna, ne se quidem liberare possunt, sed comminuentur. Et tamen in hac turpi, foeda, & exitiali idolatria totus Papatus adhuc merfus jacet. *Idolatria ridetur.*

*Quoniam ventum feminant, metent tempestatem, Nullus culmus invenietur, nec germen quod farinam faciat, & tamen si forte fecerit farinam, alieni eam devorabunt.*

Irriti consilii descriptio est. Tempus sationi aptissimum est, cum est tranquillitas. Sic messis tempus nisi serenum sit, incommodum est. Dicit igitur, Initia, sicut sunt propter idolatriam & fiduciam in homines infasta, Ita etiam eventus erunt tristissimi, Perinde ac si quis in magna tempestate serat, ac in magnis imbribus messem colligat, Ibi vix invenies culmum qui frugi sit, &c. *Irritum consilium.*

*Israel devoratur, & facti jam sunt inter Gentes, sicut vas quod nemo vult.*

Quod Propheta toties eandem rem repetit, argumento est, quod neque uno & eodem tempore nec loco conciones hæc sint habitæ. Deinde, quod à securis Israelitis superbe contemptæ sint, Sio enim solent impii, quanto sunt propiores periculo, tanto agunt securius, sicut Salomo dicit. Contritionem præcedit superbia, & ante ruinam exaltatur spiritus. Auxit autem Israelitis animum successus fortunati regis Ierobeam. Sed quam misere fallitur mundus? Victorias tam præclaras Deus misericors regno Israel concesserat, ut esset tranquillitas, & Ecclesiæ de vero Dei cultu posset doceri, utque poena idolatriæ per poenitentiam præcideretur. Vere enim Deus non vult mortem peccatoris, sed ut convertatur & vivat, Sed impii homines, quanto florebat regnum magis, tanto incumbabant magis in idolatriam, & contemnebant Verbum. Quærebant vicinorum Regum amicitiam, & præsidia, ac se ita credebant tutos fore, si quid incideret adversi. Hæc peccata hoc in loco Propheta enumerat, & vastitatem minatur. Illustris autem figura est, quod comparat Israelem impuro vasi, quod nemo appetit, sed statim abjicit, cum in manus venit, Sic projecti propter idolatriam à Deo, etiam inter Gentes contemptissime habebantur. *Causa crebra repetitionis.*

*Quia ascenderunt ad Assur, similes erranti feræ. Ephraim conduxit Amatores, etiam Gentes conduxerunt. Itaque colligam eas, & atterentur paulatim oppressi à rege & principibus.*

Hoc primum peccatum est, quod obliti Dei & Legis, nitebantur Gentium præfidiis. Sic enim fit, ubi fiducia in Deum amissa est, confugitur ad humana auxilia. Id autem caput idolatriæ est, & peccatum contra primum Præceptum, quo prohibetur

tur aliorum Deorum cultus, hoc est, fiducia in creaturas. Vocabulum (Pere) exponitur pro onagro, Sed mihi videtur generale esse vocabulum, sicut nos feras appellamus. Ac fortasse hæc ipsa appellatio ex Ebræo vocabulo nata est, sicut pleraq; alia tum græca tum latina. Quod autem addit (pere boded lo) fera sola sibi, aliud nihil est, quam fera, quæ sola errat, & jam huc jam illuc incerta animi vagatur.

Quod addit de Amatoribus & Gentibus conductis, eodem pertinet. Est autem emphasis in vocabulo (Ba Gojim) Q. d. Populus meus execrari debebat Gentium societatem, quæ Deum non norunt, & oderunt verum cultum Dei. Sed his etiam munera parant, & magnam in eos profundunt pecuniam. Sed quis erit finis? Infirmabuntur ab onere Regis & Principum, hoc est, foedera ista eis exitio erunt. Colligam enim illas ipsas Gentes, quarum præsidio nituntur, ut Israellem opprimant. Alii verbum (lahelu) formant à (hehel) quod incipere significat, Sed rectius formatur à (hala) infirmari. Facit enim commodiorem sententiam, neq; usq; adeo repugnat Grammatica.

*Quia multiplicat Ephraim altaria ad peccandum, ideo erunt ei ad peccatum.*

*Idoli cultus.*

Hoc secundum peccatum est. Impius cultus seu idolatria, quod multiplicaverunt altaria, in quibus sacra fierent, Cum Deus tantum voluisset unum esse in templo in Ierusalem. Sed cur dicit, multiplicata ad peccandum altaria? Certè eo animo altaria non extruxerunt, ut peccarent, sed putabant hunc cultum Deo probatum iri. Est igitur hoc Spiritus sancti iudicium & sententia, qui dicit quod res est, ac pingit idolatriam veris coloribus. Etsi enim statuebant se hoc modo Deum verum culturos, tamen cum esset cultus institutus sine Verbo, imo contra Verbum, non potuit Deo probari, & verè aliud nihil fuit quam peccatum. Sic Monachus ordinis sui præcepta observat anxie, magna devotione celebrat Missas, sed quia utrumque fit contra verbum, ista ipsa religione sua cumulat peccata, & irritat Deum.

*Scripti ei sedulo Legem meam, Sed reputaverunt eam alienam esse.*

Hoc tertium peccatum est, Prophetæ reprehendebant idolatriam, & docebant ex verbo Dei de veris cultibus, de timore Dei, de fide in promissum Semen, de obedientia erga Legem, iterum de externis cultibus in loco divinitus ostenso, Sed (Kemozar nehesbu) putabant nihil ad se pertinere conciones Prophetarum, contemnebant eas, & damnabant tanquam doctrinam, quæ & Reipub. noceret, & extingueret religionem in populo, Sicut Papistæ hodie Evangelium damnant.

*Imolant hostias mihi in oblationem carnem, & comedunt, sed Domino non placent. Nunc igitur recordabitur iniquitatis eorum, & visitabit peccata eorum, quod ad Egyptios se vertunt.*

Hæc est insignis tapinosis sacrificiorum. Magnum vero, inquit, donum est, quo à vobis afficior, Imolatis hostias, carnem, Eam postea voratis, Scilicet hoc cultu tantopere delectarer? Non mihi offertis, sed vobis, Exaturatis enim ventres vestros, Hac ratione peccata non expiantur. Igitur sicut istorum misereor, qui confugiunt ad misericordiam, & petunt veniam, fiducia promissi Seminis, Ita vestra peccata manebunt vobis fixa, Recordabor eorum & visitabo. Siquidem nullam aliam meliorem rationem habetis eorum expiandorum, quam quod carnes offertis & voratis. Repetit autem hic peccatum, fiduciam in auxilia humana, cum solo in Deo fiducia debebat fixa esse, sicut jam addit.

*Obliviscitur Israel Factoris sui, & edificat templa, & Iuda multiplicat urbes munitas. Ego autem mittam ignem in civitates ejus, & devorabit palatia ejus.*

Hic



Hic quoque peccatum est florentium regnorum & Rerumpublicarum, quod sumtuose ædificant, & sperant ita tutos se fore ab hostium vi & armis, Sed nisi Dominus custodiat civitatem, frustra vigilat custos. Non igitur ædificatio, sed fiducia hic reprehenditur. Ut autem appareat eam vanam esse, ipse Dominus minatur se ignem immissurum, hunc aqua non restinguet. Ita hoc in capite ostendit Propheta, quæ sint peccata propter quæ florentia regna extinguuntur. Pertinent autem hæc ad nos docendos, ut moniti exemplo regni Israel talia peccata caveamus.

## CAPUT IX.

*Ne lateris, nevé exultes Israel, sicut populi, quoniam per fornicationem discessisti à Deo tuo.*



St hæc quoq; Concio poenitentiae, in qua idolatriam regni Israel damnat, & minatur vastitatem. Itaq; plana sunt omnia. Ostendunt autem toties à Prophetis repetitæ Conciones, non solum magnitudinem hujus peccati, sed etiam obstinatam idolatrarum pertinaciam, Itaq; non miremur hodie, quod adversarij nostri tam pertinaciter sua defendunt, & nullis nostris admonitionibus acquiescunt. Obtinet enim Satan morem suum antiquum, & semel irretitos impiis opinionibus & cultibus adeo retinet firmiter; ut se explicare ex impietatis multiplicibus nodis non possint. Verè enim sicut Paulus de Galatis suis dicit, habent fascinatas mentes. Tanto debebamus nos & diligentius agere gratias Deo pro luce Verbi, & incumbere in id majore studio, ut retineremus eam.

Gal. 3.

Initio hujus Capitis est comminatio poenæ, & peccati reprehensio. Florebat regnum Israel sub Ierobeam, antea multis & variis casibus jactatum. Nam vicinus hostis Syrus assidue & magno cum successu contra Israel belligeratus erat, Sed Ierobeam potentiam Syrorum fregit, ut se intra suos continerent terminos. Cum igitur, ut solet longa pace, potentia regni Israel confirmaretur, luxuriabant animi, & hanc perpetuam sibi somniabant felicitatem. Monet autem Propheta eos, ne lætentur, neve exultent, Urgeri enim eos gravissimo peccato, quod per idolatriam à Deo discesserint. Id peccatum certam poenam vastitatis dicit consecuturam.

*Summa capitis.*

*Dilexisti mercedem, horrea frumento plena.*

Facit Propheta geminum peccatum, sicut supra aliquoties. Nam cultus regni Israel erat discessio à Deo, & turpe adulterium. Sed retinebant hunc cultum Sacerdotes propter commoda corporalia, quod faciebat, sicut Græci loquuntur, πὸς τὰ ἀλφίτα. Semper enim impietas quæstuosa est. Ideo Papistæ quoq; Missam & alios cultus non tam retinent propter religionem, quam quod sunt cum ubere quæstu. In Ebræo particula (Al) obscuritatem parit, Dilexisti mercedem apud universa horrea frumenti, sed de sententia dubitari non potest. Iam addit de poenis.

*Horreum & torcular non pascet eos, & mustum fallet eos.*

Hæc prima poena est, quod istis commodis privabuntur, & in summa omnium rerum abundantia egebunt. Verum enim est, quod Germani Proverbio dicunt, Si montes omnes nihil sint quam farina, tamen famem arceri non posse, si sic mercantur peccata hominum. Arguit autem hoc, omnia esse in eo posita, si Dominus benedictionem suam addat, & non in ipsa rerum abundantia, quam tamen mundus quasi sola satis sit, tanto studio, curis & laboribus quærit.

*Prima poena.*

*Non habitabunt in terra Domini, sed revertetur Ephraim in Ægyptum, & in Assyriam, ac pollutum comedet.*

Secunda.

Secunda poena est, captivitas inter Gentes. Ægyptum & Assyriam nominat, ut intelligas ab illis ipsis oppressum regnum Israel, quorum foedere & amicitia sperabat se tutum fore. Sic sunt humana consilia, Sic cedit fiducia in homines. De polluto paulo post Propheta se explicabit.

*Non libabunt Domino vinum, nec placebunt ei, sacrificia eorum sunt sicut panis lugentium, Omnes qui comederunt de eo, polluentur, Quia panis eorum, quo aluntur, non veniet ad domum Domini.*

Panis lugentium polluitur.

Hæc tertia & acerbissima poena est, quod nullum habituri sint publicum cultum, sed degeneraturi in Gentes cum sua posteritate. Sicut nostris hominibus accidit, qui in Turcia captivi tenentur, hi nullas audiunt conciones, non possunt adhibere liberos suos ad Baptismum, non possunt uti Eucharistia, non veniunt in coetus hominum congregatorum ad faciendas preces. Hæ sunt poenæ neglecti cultus, sicut hoc in loco videmus. Igitur discamus sancte uti his tantis donis, dum possumus. Quod de pane lugentium dicit, notum est ex Capite Deut. 26. Nam funeribus polluebantur in Lege. Itaque cum iis, qui in luctu erant, nemo se conjungebat. Et vult quoque Deus animum plenum gaudio & spe, vult niti nos sua bonitate, non vult tristari, angere, dolere. Geminum hoc igitur malum est quod minatur nullos fore cultus, si qui autem sint, iis pollui, non sanctificari homines.

Quod sequitur, Panis eorum quo aluntur, non veniet ad domum Domini, idem est, ac si dicas, Vescantur pane profano, non sanctificato, Sicut sanctificabantur per oblationem fructus terra nati. In Ebræo est (laheman lenaphscham) panis eorum, animæ eorum, non afferetur, aut veniet ad domum Domini. Id nos simpliciter reddidimus, Panis, quo aluntur, Quanquam in Ebræo significantius sit. Hoc enim vult dicere, Non habebunt panem, de quo aliquid offerant, sicut soliti sunt in terra Domini, Tantum habebunt panem, quo se alant, non quo Dominum honorent, & ministerium ornent, quia nullum templum, nullos habebunt ministros sacrorum.

*Quid facietis in die solenni, & in festo Domini.*

Solennem diem vocat stata festa, quæ certo anni tempore celebrabantur, sicut Pascha, Pentecoste, &c. Est autem eadem sententia cum superioribus. Inter Gentes captivi eritis, non templum, non cultum, non festa usitata retinebitis.

*Quoniam ecce abeunt propter vastitatem, Ægyptus eos colliget, Moph eos sepeliet, Urtica possidebit loca, in quibus argentea idola, deliciae ipsorum, sunt posita, Sentes in tabernaculis ipsorum provenient.*

Utrunque conjungit, & captivitatem inter Gentes, & vastitatem, Verbo (hal-chu) abierunt, fere usus hoc loco est Propheta, sicut Græci utuntur verbo ἵκεσαν, sic sind hin. Moph, Memphin Ægypti esse judicant. Argentum, certum est, dici argentea idola, sicut aliquoties supra dixit, conflare ex auro & argento idola, ea vocat (Mahmad) desiderabile, quia hoc cultu delectabantur & fidebant. Hæc incommoda florantissimum regnum incurrit propter idolatriam. Tanto nos decebat lucem Verbi majore studio amplecti & habere reverentius.

*Venerunt dies visitationis, Venerunt dies retributionis, Israel sentiet.*

Nullum peccatum impunitum.

Cohærent hæc cum superioribus. Singularis autem Emphasis est in eo, quod appellat dies visitationis & retributionis. Nam dum poena abest, impii somniant Deum tanquam Cupidinem cæcum esse, nec unquam animadversurum. Sed paulo post, inquit Propheta, recordabitur iniquitatis eorum, & visitabit peccata eorum. Igitur excutienda erat hæc securitas, & redeundum in viam, dum flagellum cessat, & datur tempus poenitentiae. Qui autem hoc poenitentiae tempus sine fructu sinunt abire, hi postea frustra quærunt mitigationem poenarum, sicut Propheta dicit, Israel cognoscet, hoc est, sentiet me vera prædixisse.

Propheta

*Propheta stultus est, Qui gloriatur de spiritu, furit, propter multam tuam iniquitatem & vehemens odium.*

Postquam in genere reprehendit omnes propter idolatriam, nunc specialiter de Doctoribus loquitur, Vocat stultos, quod non Verbum, sed somnia sua docebant, Item furibundos, quod & manifesta peccata defendebant, quæ communis sensus judicabat, & inclinatis jam rebus promittebant meliora. Sicut in Papatu hodie defenditur usus unius speciei, damnatur conjugium sacerdotum, constituitur cultus in cibis certis, in vestitu, &c. Hæc etiam pueri judicare possunt. Sed homines amentes & sine sensu omni, etiam indignis piorum cædibus hæc defendunt. In Ebræo est (Isch haruah) vir spiritus, hoc est, qui jactat spiritum, qui gloriatur se habere Spiritum sanctum. Micheas mendaces & vanos Doctores vocat, viros ambulantes spiritu seu vento. Sed hoc in loco verbum ambulandi deest, itaq; alia est significatio.

*Doctores impij sunt furiosi.*

Observabis autem hoc in loco, quod diserte statuit Propheta, impios Doctores esse poenas peccatorum, & summam Dei indignationem. Sicut econtra pii Doctores illustre testimonium sunt misericordiæ & gratiæ Dei, Itaq; Paulus, Apostolos, Evangelistas, Prophetas vocat dona Christi sedentis ad dexteram Dei Patris, & Micheas Doctores Evangelij comparat foecundæ pluvix. Vocabulum (Mastema) odium significat. Appellat autem ita idolatriam, quod Dominus eam odio habeat, nec possit ferre.

*Impij Doctores.*

*Speculator Ephraim olim sequebatur Deum meum. At nunc Propheta est laqueus venatoris in omnibus viis suis, odium in domo Dei sui.*

Brevitas obscuritatem parit hoc in loco. Existimo autem Antithesi uti Prophetam, quam nos additis circumstantiis temporum Lectori volumus ostendere. Sententia enim est quod priora tempora habuerint veros Prophetas, Eliam, Elisæum, & alios, qui magno animo reprehenderunt idolatriam, & docuerunt verum Dei cultum. Sed speculatores & Episcopi, qui nunc sunt (inquit) occasio sunt errorum & impietatis. Ponunt enim laqueos populo, & invitant populum ad idolatriam, ac magno conatu impios cultus defendunt.

*Occasus verum & novum Prophetarum.*

*Occalluerunt, scelerate agunt, sicut tempore Gibeæ. Igitur recordabitur iniquitatis eorum, & visitabit peccata eorum.*

Supra in quinto dixi de verbo (heemiku) Eadem in significatione hic quoq; ponitur, quod tam altas radices egerit impietas, & studium decipiendi populi, ut nulla admonitione sanari possint impii Doctores. Vfus autem in versione sum alia metaphora, quæ tamen eundem sensum ostendit. Sic verbum (Schiheru) significat corrumpere, depravare, perdere ad exitium rem adducere, Sed ne id quoq; proprio aliquo verbo reddere potuimus, itaq; sententiam ostendimus, Scelerate agunt. Historia de Gibeæ nota est, ex lib. Iud. 19. Tam foedo & horribili peccato comparat Idolatriæ patrociniū, quod hodie, proh dolor, in Papæ Ecclesia usitatissimum est. Sed statuamus nos quoq; Eckios, Pighios, Vvicelios, dum Missas, invocationem Sanctorum, purgatorium, Indulgentias, merita operum & alias religionis pestes defendunt, nihilo facere rectius, quam si foedissimarum libidinum patroni essent.

*Patroni Idolatriæ.*

*Sicut uvæ in deserto, inveni Israelem, Vidi Patres vestros in initio quasi primitias in ficu. Sed abierunt ipsi ad Baal Peor, & sanctificaverunt se turpi idolo, factiq; sunt abominabiles, sicut eorum amatores erant.*

Amplificat peccatum Ephraim commemoratione præteritorum peccatorum, Q. d. Est populus perpetuo sui similis. In ipso deserto, cum quotidie sentirent beneficia mea, & mirabilem gubernationem, tamen discesserunt à me, & dediderunt se stu-



*Peor.  
Id est apertu-  
ram vel bia-  
tum.*

*Nazari.*

se studiis & cultibus Gentium, In hac impietate adhuc pergunt, nec sanari possunt. Nota autem est historia de fornicatione filiorum Israel cum Moabitarum filiabus in Sittim, & de cultu idoli Baal Peor, quod Hieronymus Priapum fuisse existimat, ac convenit sane appellatio. Nam vox Ebræa Peor nuditatem significat. Quod vertimus, sanctificaverunt se turpi idolo, in Ebræo est, segregaverunt se ad confusionem seu turpitudinem, Sed nos maluimus sententiam ostendere. Nam verbum (jinazru) etsi significat segregare, tamen proprie est verbum cultus. Sicut etiam inde Nazarei dicti sunt, quod segregarent se, hoc est, quod singulare quiddam susciperent ad cultum Dei.

(Boscheth) autem sine dubio appellat idolum Peor, turpem & foedam statuam. Quanquam hæc ipsa appellatio idolo etiam convenit propter eventum, quod propter hunc cultum turpis idoli, populus confusus & male afflictus est, sicut historia ostendit, uno die cecidisse viginti tria millia. In vocabulo (kehabam) usitata Ebræis phrasis. Ponitur enim abstractum pro concreto, Amor pro amatoribus, Dilectio pro dilectis. Appellat autem amatores Moabitas idolatras, quorum cultum Israel secutus est. Sic enim dicit Mose, Num. 25. Fornicatus est populus cum filiabus Moab, quæ vocaverunt eos ad sacrificia sua, At illi comederunt, & adoraverunt Deos eorum, Initiatusque est Israel Baal Peor, &c. Num. 25.

*Facilis lapsus in  
idolatriam.*

Vtile autem hic est considerare quam facilis sit lapsus à vera religione, & quanta Satanæ non tantum sit malitia, sed etiam potentia. Non enim exiguum aliquid dicit Dominus, cum populum Israel, sicut ex Aegypto evocatus est, comparat uvæ in deserto, & ficui præmaturæ. Significat enim populum hunc & magno studio amplexum oracula divinitus prodita, & in timore Dei pulchre ambulasse, ita ut Deo essent unicæ delitiæ, qui cultu, pietate, fide, invocatione hujus populi unice delectatus est. Nam uva prima, & ficus prima singularem voluptatem colono præbet.

Sed populus tam pulchre incedens in timore Dei & fide, dementatus à Satana, prolabitur in foedissimam idolatriam, cujus occasio est libido prohibita. Sicut historia ostendit, quod invitati ad sacrificia, comederint, & adoraverint idolum. Vere igitur supra dixit Hosea, Vinum & fornicatio auferunt cor, hoc est, dementant homines, instillant animis vel neglectum, vel contemptum religionis, & in impietatem abducunt. Sicut etiam Papatus insigne exemplum ostendit. Nam libidines impurum coelibatum secutæ, etiam idolatriam multiplicem pepererunt. Itaque Daniel conjungit hæc duo de Antichristo vaticinatus, quod Deum Patrum suorum, & amorem mulierum non curabit. Dan. 11.

Mérito igitur consideramus hoc in loco & nostram imbecillitatem, & Satanæ potentiam ac astuta consilia, quæ impossibile est, ut effugiant incauti & negligentes homines. Assidua precatione opus est, ut nos Dominus regat Spiritu suo, Opus est cura singulari, qua ipsi gubernemus cupiditates & affectus praves, nusquam à verbo deflectentes oculos nostros. Hanc curam qui non adhibent, & negligunt orationem quoque, consistere diu non possunt, sed incauti abripiuntur à Satana, nec prosunt eis quantumvis excellentia dona quibus à Deo ornati sunt.

Igitur Paulus cum Corinthios de hoc ipso periculo admonet, quod facilis sit lapsus à vera religione & timore Dei, hac historia populi fornicantis in deserto utitur, 1. Corinth. 10. Et Christus non frustra admonuit, orandum quotidie, ne inducamur in tentationem. Lapsus enim facilis est, Sicut Davidis, Petri, & aliorum Sanctorum, præcipue autem hujus totius populi exempla ostendunt. Ingens autem est hostis potentia, cum nos vere, sicut Paulus vocat, simus vasa testacea, qui levi impulsu frangimur, nisi innixi verbo ad humilem & seriam orationem confugerimus. 1. Cor. 10.  
Mat. 26.  
1. Cor. 4.

*Gloria Israel a volat quasi avis, non pariet, non geret in utero, non concipiet amplius. Etiam si educa verint filios suos, tamen eos orbos faciam, ne sint inter homines.*

Gloriam

Gloriam vocat sicut supra regnum, & quicquid donorum hic populus habuit, *Gloria.*  
Hanc minatur avolaturam sicut avem. Significat autem hac figura cladem regni fore irrecoverabilem. Avis enim dimissa è manibus apprehendi denuo nequit. Quod additur, in Ebræo admodum breve est, A partu, ab utero, à conceptione, Sed sententia indubie hæc est, Non parituram, non gestaturam in utero, non concepturam. Hoc non sic intelligendum est, quasi populus Israel dono fecunditatis in captivitate cariturus sit. Mansuræ enim erant reliquæ usque ad Christum, Sed quod perpetua servitute oppressus jacebit. Quanquam etiam poena includitur de liberis immatura morte tollendis.

*Etiam vae eis, cum recessero ab eis.*

Hic de tempore captivitatis loquitur, quod inter Gentes duriter ac misere *Tyrus.*  
sint victuri. Atque hæ idolatriæ & impietatis poenæ sunt, quas ita demum utiliter considerabimus, cum nos ad diligens studium Verbi convertemus, & agemus poenitentiam. Nam Hosea non minus quam Iohannes Baptista hoc agit, ut, populum ad poenitentiam hortetur, & moneat, securim jam ad radicem arboris positam, nisi emendent vitam.

*Ephraim, sicut video, pulchre plantatus est, ut Tyrus.  
At educet Ephraim quoque filios suos Percussori.*

Tyrus tum ex historiis, tum poematibus Gentilium scriptorum nota est. Fuit enim celeberrimum emporium, florens opibus & potentia. Ac quanquam ab Alexandro everfa est, tamen difficilima oppugnatio fuit, & Alexander, quod tamen nusquam alibi accidisse ei puto, de expugnatione non semel desperavit. Non igitur exiguum eam putabimus commendationem, quod tam opulentæ Reipubl. ac potenti regnum Israel comparat. Sed hic discite, quanta hominum sit calamitas, Quos Deus *Attendat abstinere danti Deo contra Deum.*  
omni genere beneficiorum ornarat, ut provocati hoc modo, & revereri eum & amare ac parere ejus Verbo discerent, hi quasi dementati fortuna & successu tanto, Deum & verbum ejus contemnebant pertinacius, & beneficia ista putabant idolatriæ esse præmia. Igitur quantumvis florens regnum non potuit longius consistere, sed periit tandem. Iudæ autem regnum etsi sicut viribus, ita etiam opibus impar esset, tamen quia in eo Ecclesiæ sedes erat, servatum est. Sic solet Deus potentiam impiorum confringere, & in infirmitate ostendere virtutem & potentiam suam.

Nos quoque testes sumus amplissimorum commodorum corporalium, quæ Germania & cæteræ quoque Nationes senserunt florente regno pontificio. Non vidimus Turcam grassantem in finibus nostris, Annona erat uberrima. Non undique tantæ tumultuum & dissidiorum ostendebantur occasiones, quantæ nunc sunt. Hanc felicitatem unde putabimus natam, quam ex immensa Dei bonitate, qui non statim pro nostro merito punit, sed largitur poenitentiae spacium, & bonis etiam multiplicibus ingratum mundum invitat ad Verbum & veros cultus. Sed parum hac ratione proficit Deus. Sicut enim supra de regno Israel dixit, Sequar amatores meos, qui dant mihi panem meum, aquas meas, lanam meam, Ita audimus adhuc hodie commendari à Papistis felicitatem superiorum temporum, tanquam præmium cultus, Pertinacius igitur incumbunt in idolatriam.

Sed quid fiet tandem? Nunc Dominus, cum poena idolatriæ non possit abesse longius, ostendit Germaniæ Verbum suum, ut cum priusquam poena grassetur, pii discant, quomodo se in publicis malis, quæ præteritæ idolatriæ poenæ sunt, solari debeant. Involvent enim hæ pios quoque, sicut superiorum temporum historiæ ostendunt. Sed quia impii Papistæ Verbum negligunt ac persequuntur, idolatriam autem urgent, arripiet eos poena, & sine consolatione peribunt, sicut Israel.

Sed cur minatur Deus etiam innocenti ætati hostilia arma? Ephraim, inquit, educet suos liberos ad percussorem. Num parentum peccata exolvent liberi innocentes? Respondeo, Verum est, cum publicæ poenæ grassantur, etiam innocentes invol-

*Cur parvi in-  
volventur de-  
nocentes parvi*

involvunt. Sic Daniel & socii ejus, etsi ea tantum impiorum poena esset, tamen abducebantur captivi in Babylonem, & cum grassantur seu bella, seu pestis, quantum perit puerorum, qui adhuc sunt innocentes, hoc est, qui habent remissionem peccatorum in Baptismo promissam, nec dum à Gratia exciderunt per peccata?

Fit autem hoc non tantum propter exemplum, ut posteri admoniti atrocitate poenarum discant Deum timere, & idolatriam fugere, Sed etiam in poenam parentum, quibus liberorum mors sua morte acerbior accidit. Etsi autem durum videtur abripi innocentes, tamen eis mali nihil accidit, Corpus alioqui morti est obnoxium, & eam ob causam mori quam vivere præstat, quod innocentiam suam, nisi morte prævenirentur, non possent tueri. Abriperentur enim exemplo parentum tanquam violento flumine in impietatem ipsi quoque. Itaque pueris mali nihil accidit, & prodest exemplum aliis, ut admoniti atrocitate poenæ Deum timere & idolatriam fugere discant. De Ethnicorum pueris aliud judicium est, qui sunt extra Ecclesiam quamquam fortasse de his quoque mitius aliquid statuetur quam de adultis. Sed hæc futura vita aperiet. Cavendum autem studiose est, ne quid pronuntiemus, quod Verbo non est revelatum. Sicut certa verbi revelatio est, de baptisatis, ut ante Christi adventum de circumcisis, quod sint recepti à Deo in gratiam.

*Da eis Domine. Quid dabis? Da eis sterilem uterum, & arida ubera.*

*Non fecunditas donum negari vult, sed, &c.*

Sententia est eadem, quæ supra. Non enim hoc vult, ut donum fecunditatis eis negetur in totum. Nam reliquæ Israel manserunt usque ad regnum Christi, Sed ut non pariant, sicut hætenus pepererunt, ubi filii nati successerunt parentibus, stante regno, politia, moribus patriis, &c. Cessabit iam regnum, inquit, ejicientur sedibus suis cives, & habitabunt inter Gentes servili conditione, nunquam emergent, nunquam in Repub. locum aliquem sortientur. Igitur alia conditione eis nascentur liberi, quam ipsi nati sunt, qui regnum à majoribus constitutum, quasi per manus traditum acceperunt, quanquam etiam κατὰ τὸ πρῶτον, & ad literam prophetia hæc impleta est. Nam poena peccati numeratur in Deuteronomio, maledictio fructuum ventris, hoc est, infelices & tristes partus, ut aut rarius & infelicius matres pariant, aut partus citius pereant. Deut. 28.

*Quæstio, cur male precetur Propheta populum.*

Relinquitur autem hic quæstio, Cur Propheta hæc imprecetur calamitoso populo? cum mandatum habeamus etiam de inimicis diligendis, & Christus discrete jubeat Matth. 5. Benedicendum iis, qui nobis maledicunt, & orandum pro iis, qui conviciantur nobis. Cum hac sententia, inquires quomodo convenit hæc in speciem crudelis imprecatio? Etsi enim parentum peccatum hoc merebatur, quod innocentis ætatis est meritum? Quanto præstabat rogare, ut & Dominus corda ipsorum sua gratia illustraret, & saltem posteri non demergerentur in illas parentum poenas? Satis magna calamitas est, pati crudelem hostem, ejici patria & avito regno, carere vero cultu, cur etiam benedictionem uteri & uberum petit tolli? Gentium istæ voces sunt, Exinanite eam, exinanite usque ad fundamentum. Prophetam certè aliter loqui oportebat, Tangi decebat eum tam insigni sui populi calamitate, & precari meliora, Nunc quasi oblitus sui, calamitosus plus calamitatum imponit, cum etiam ista œconomica bona eis invidet, &c. Mat. 5. Psal. 136.

*Christus quomodo prohibeat vindictam, &c.*

Ad hæc Respondeo, Duo nobis consideranda hoc in loco sunt, sicut etiam personæ duplices proponuntur, Vocatio sancti Prophetæ, & peccatum populi. Christus cum concionatur Matthæi 5. non respicit ad singulares & certas vocationes. Sed, sicut Decalogus est universalis Lex ostendit omnes obligari ad dilectionem. Dilectio autem non admittit iram, non jurgia, non imprecationes malas, non reverberationem, non injuriarum vindictam, sed simpliciter jubet amanter compleri proximum, etiam malè de nobis meritum, & inimicum. Qui igitur dilectionem ad hunc modum non undique puram & synceram præstat, Decalogum violat. Rectè igitur Christus eo in loco damnat iram, imprecationes diras, gestus iratos, lites, vindictam, Mat. 5.



etiam juramenta quoque. Quid enim aliud faciat, cum decalogus sit universalis Lex proposita toti humano generi?

Sed Deus, qui omnes homines uni & eidem legi subiecit, postea per vocationem facit hominum discrimina, non vult pari cum potestate esse Regem & subditos, parentes & liberos, herum & familiam, ducem & militem. Itaque mandat liberis, ut parentes colant, hoc est, ut eorum auctoritati pareant, non dat potestatem liberis, ut imperent parentibus. Imo jubet ut parentes etiam vi coerceant petulantiam liberorum. Non solum igitur licet parentibus irasci, cum non faciunt officium liberi, sed etiam admoveere manus & plagis eos emendare. Nec tamen violant quintum Præceptum, sed faciunt secundum vocationem suam, & Deo inobedientes essent, si aliter facerent. Sicut Dominus de Eli dicit, 1. Samuel. 3. Iudicaturus sum domum ejus propter iniquitatem ejus, eo quod noverat indigne agere filios suos, & non corripuerit eos. Sic Magistratus in adultos jus habet, qui parentum potestatem contemnere, aut etiam lædere parentes solent. Sicut autem Magistratus imperium latius patet, ita etiam poenæ atrociores sunt, quam illæ œconomicae. Habet enim potestatem vitæ & necis. Non igitur dicitur Magistratus facere contra quintum præceptum, cum suspendit fures, cum homicidas capite plectit. Habet enim peculiarem vocationem, qua id jubetur facere, quod aliis prohibitum est.

*Singulares vocationes.*

Ad eum modum respondebimus de Propheta facto. Habet singularem vocationem, non jubetur loqui cum populo Israel, non orare sicut alii, sed jubetur divinitus huic populo maledicere, & male precari. Hoc cum facit, non adversatur Christi doctrinæ, qui non respicit singulares vocationes, sed in genere, Sicut Lex universalis est, proponit quid universis faciendum sit, qui non habent suam singularem & certam vocationem. Propheta autem habet suam singularem vocationem, hanc cum sequitur, recte facit. Ad hunc modum responderi potest ad alias sententias, Nolite resistere malo, Omnino nolite jurare. Hæ sententiæ omnes sunt universales, sicut Lex universalis est, Igitur non debent resistere malo, non debent jurare, quibus id non permittitur ex singulari vocatione. Magistratus autem est disciplinæ custos, bonis in honorem, malis in poenam. Hic sicut jus habet puniendi, ita etiam jus habet constituendi judicia, & mandandi juramenti. Qui igitur jure agunt, faciunt id mandante Magistratu, qui ideo præest, ut tueatur bonos, & nocentes puniat. Qui juramento testimonium suum in re dubia confirmant, faciunt id mandante Magistratu, nec peccant. Est igitur hæc publica & legitima vindicta judicanda, non privata. Nam exercetur per Magistratum, qui vult injustos deferri & accusari, non vult confirmari eorum malitiam dissimulando, aut ferendo.

*Cur Propheta male precatur Israelitum.*

*An liceat resistere, ligare.*

Habet autem postea locum patientia Christiana, si jus, quod quæris, impetrari & obtineri non potest, nec Christus aliud imponit suis, qui cum Legem non venit solvere, nec Politias vult solvere. Sicut id aliis sententiis Scripturæ ostendi potest. Responsio igitur ad propositam quæstionem hæc est, Christus in 5. cap. Matthæi loquitur in genere de omnibus privatis personis. Singulares autem vocationes non tollit, sicut certè vindictam Magistratus non tollit. Propheta autem habet peculiarem vocationem, Igitur non facit contra Christi præceptum, cum populo sic merito maledicit. Ita enim jubetur divinitus.

*Patientia Christiana.*

Debet autem peccatum hujus populi quoque considerari. Id ejusmodi est, ut etsi mali nihil imprecandum eis judices, tamen pro eis orare non possis. Misericors Deus hoc modo cum peccatoribus agit, ut eos per verbum de voluntate sua doceat, Idolatriam damnet, & hortetur ad poenitentiam. Hoc ministerium certis hominibus mandat. Non enim ut cum Mose, per Angelos, nec ut in Baptismo Christi sua voce de cælo vult nobiscum loqui. Cum autem impii & verbum abjiciant & persequantur, & admoniti idolatriam urgeant pertinacius, quid potest addi amplius à nobis? Num precabimur, ut Deus confirmet eorum potentiam? & non potius veniat justus judex, & impios perdat de terra, qui hoc agunt, ut in impietatem omnes involvantur?

Ponti-

Pro Papistis  
memorandum.

Pontificia turba hodie Verbum non solum non admittit, sed crudeliter odit & damnat. Nec solum nulli emendantur abusus quantumvis manifesti, Sed excogitantur quotidie novi fuci, quibus ornetur impietas. Hic quid facias? Ea spe docuimus, ut emendarentur, quotidie quoque oramus pro successu Verbi, & contra Satanæ mendacia. Sed impii homines, quanto nos & docemus diligentius & oramus studiosius, tanto sunt deteriores, agunt, conantur, moliuntur omnia, quæ videntur ad doctrinæ nostræ interitum & idolatriæ propagationem pertinere. Num igitur orabimus, ut sint felices, ut habeant quietem ad hostibus? ut nullis arceantur poenis, cum certum sit, & successu eos abusu ad Dei contumeliam, & pace ad delendas Ecclesias, quæ sanam doctrinam & veros cultus retinent? Quin potius oremus pro sanctificatione nominis Dei. Hæc oratio sic demum exaudiri cognoscitur, cum Dominus subvertit impietatis patronos, & omni genere calamitatum eos coercet, ne possint hoc perficere, quod tanto studio instituerunt.

Ita quoque consideratione peccati excusari Propheta potest, cui prior est cura sanctificationis nominis Dei, quam salutis sui populi. Vellet quidem salvum populum, Sed cum hoc non possit fieri, nisi cum perpetua nominis Dei blasphemia, Siquidem nolunt emendari Verbo, mavult perire populum quam gloriam Dei, Verbum, & cultus veros periclitari. Ad hunc modum Moses orat contra seditiosum Core & socios ejus. Et Ieremias prohibetur orare pro populo, & Iohannes dicit, esse peccatum ad mortem, pro quo non sit orandum. Hic si objicias, Vbi manet Spiritus sanctus, qui est spiritus dilectionis? Vbi manet Charitas? Sic enim nobis respondent hodie sectarum patroni. Respondetur, Peccatum ejusmodi est, ut charitatem omnem excludat. Nam prima cura nobis debet esse nominis Dei, posterior salutis aliorum. Horum alterum cum intercideret necesse sit, pereat Papa, pereant impii Magistratus, pereant impiorum dogmatum patroni, pereat totus mundus, & salvetur Deo sua Gloria, suum verbum, sua Ecclesia, suus cultus, A M E N.

Nam. 16.  
Iohann. 15.

*Omne malum eorum est in Gilgal, ideo ibi odi eos.*

Gilgal.

De Gilgal supra in fine sexti diximus, fuisse augustum locum, propter monumentum duodecim lapidum, quos ibi excitari Dominus jussit in memoriam stupendi miraculi, quod Iordanis cohibuit cursum suum, dum trajiceret populum, Item quod circumcissus sit ibi populus in deserto natus, & celebratum secundum Phasce. Nam ibi primum populus coepit vesci terra natis, cum per quadraginta annos Manna coelesti esset usus. Hæc omnia voluit Deus tanquam singularia suæ in hunc populum benignitatis testimonia extare, & conspici etiam apud posteros, ut admoniti & fidere Dei bonitati & timere eum discerent. Sic enim dicit textus Iosua 4. Docebis hæc filios tuos, ut omnes terrarum populi discant manum Dei esse fortissimam, & vos omni tempore timeatis Deum vestrum. Atque inde etiam loco nomen posuit ipse Dominus, & vocavit Gilgal, quod ibi à populo suo amoverit, seu ut Verbum sonat, devolverit opprobrium Aegypti, hoc est, quod populum incircumcissum, & ideo Aegyptiis & aliis gentibus similem, ibi circumcidi jusserit, & receperit in foedus suum.

Is. 4.

Gilgal.

Sancta loca à Sa-  
crae polluantur.

Atque hoc illud est, ad quod Propheta hic proprie respicit, cum dicit, *Omne malum eorum est in Gilgal, ideo ibi odi eos*, Quid. Heu quantum mutatus ab illo locus est, qui nomen habet ab amoto & devoluto peccato, cum jam ibi populus cumulet peccata idolatricis cultibus. Sicut igitur populum per Iordagem istuc venientem dilexit Deus, ita hunc odit & abominatur.

Ita docemur eventu, verum esse, quod Germani proverbio dicimus, Diabolum ibi solere compotandi locum extruere, ubi Deus templum habet. Loca enim, quæ propter religionem & magnifica Dei opera celeberrima fuerunt, semper turpissima idolatria defœdavit Satan, Donec etiam ipsum templum, in quo voluit retineri cultum suum Deus, Satan commutavit in speluncam latronum, & sanctam terram impiissimæ Gentis sedem fecit. Græcia habuit Ecclesias optime institutas, & fuerunt ibi doctrina & pietate excellentes Episcopi, Nunc immanes Turcæ omnia invo-

involvunt in scelerem Mahometi impietatem. Sic Romæ sanctissimorum hominum maxima fuit copia, qui omnes vita & sanguine suo veræ religionis studium & amorem probaverunt. Nunc istic regnat homo peccati, Antichristus, qui inde, tanquam ex arce, multis seculis veram religionem oppugnavit, & idolatriam, ac multiplicem superstitionem in totum orbem terrarum effudit.

Docent autem nos talia exempla de ira Dei immensa, quæ sequi solet contemptum Verbi & securitatem. Itaq; discamus verbo sanctè uti, non stertamus securi, ac si nulli ab hoste nobis struerentur insidiæ. Profecto intentus est in omnes occasiones, & plerunq; ex levissimis initiis ingentia mala excitat. Itaq; vigilandum est diligenter, neq; ullæ sunt negligendæ occasiones. Principiis obstandum est. Nam historia testantur ex parvis initiis periculosissimas dissensiones in Ecclesia natas, & idolatriam etiam sub specie sanctitatis hominibus commendatam esse. Nam, ut de præsentī loco dicam, Pseudopropheta populo persuaserunt, à majoribus in Gilgal facta sacra, non igitur reprehendi posse, si ipsi quoq; ibi sacrificent. Ratio in speciem probabilis est, sed attendenti ad Verbum, quod in Ierusalem cultui locum statuit, facile apparet cultus in Gilgal institutos nihil esse, nisi idolatriam. Igitur pronuntiat Deus hoc in loco abominari se tum sacra, tum sacrorum autores.

*Ita Dei, quæ sequitur contemptum verbi etc.*

In novo Testamento nullus certus locus sacris destinatus est, possunt baptizari pueri, vel domi, si res postulat, vel in templo, vel sub dio, vel sub recto. Locus, imo persona quoq; ministrans, ad Baptismum nihil affert. Sic Eucharistia recte distribuitur volentibus ea uti, seu domi seu in templo, Hoc unum requiritur, ut fiducia omnis nitatur in solo Filio Dei, qui se dedit hostiam pro peccatis nostris, & nos reconciliavit Deo. Hæc fiducia ubi est, ibi Deo probantur omnia vocationis opera, etiam quæ in speciem videntur vilissima. At hæc fiducia si absit, sanctissima & factu difficilima opera Deus odit & abominatur, si pro cultu ea habere velis, juxta regulam, Quicquid non est ex fide peccatum est.

*Propter mala studia ipsorum è Domo mea eos ejiciam, Non amplius diligam eos. Omnes enim Principes eorum à me defecerunt.*

Mala studia vocat idolatriam excogitatam ab hominibus sine verbo, Est autem durissimum hoc Verbum, quod minatur Deus se eos ejecturum domo. Fuerat enim populus Israel hætenus tanquam familia Dei. Etsi enim in cultu esset vitium, & idolatriam retineret, tamen visitabatur à Domino per Prophetas. Hos cum negligeret, & pergeret in idolatria, minatur Dominus futurum, ut tanquam inobedientes filii ejiciantur è domo, hoc est, ut captivi transferantur ex terra à Domino donata, in Gentes, sine omni spe reditus. Hoc enim est quod dicit, Non addam ut amplius eos diligam. Loquitur enim tantum de corporali pœna, Hæc promissionem futuræ benedictionis per Christum non tollebat, sicut alia testimonia ostendunt. Vocabulum, quod Principibus tribuit, significat rebellionem, sicut supra vocavit Israel (Phara Sorera) vaccam, quæ non potest domari, & jugum excutit.

*Gentes.*

Facile autem judicari potest, quid reprehendat in Principibus, quod elati potentia negligebant verbum, & volebant superiores esse verbo. Sicut impiorum Regum exempla ostendunt, qui ingenti odio Prophetas, verum cultum, & sanam doctrinam patefacientes persecuti sunt, ubi tales patronos impietas invenit, ibi penitus concidit religio, nec pœna potestab esse longius, ea autem semper incumbit gravius in tyrannos, quam in plebeios, sicut exempla ostendunt. Ac causa est, quia Magistratus debet esse custos totius Legis, hoc est, debet etiam religionis curam suscipere, idolatriam & impios Doctores arcere, & tandem alia quoque scandala, quæ contra secundam tabulam fiunt, tollere. Hoc reges Israel non modo non faciebant, sed etiam autores suis idolatriæ erant, & vi à vero cultu arcebant subditos.

*Magistratus suo exemplo nocet.*

*Percussus est Ephraim, exaruit radix eorum, itaq; fructum nullum ferent, Et tamen si pepererint, ego interficiam delicias ventris eorum.*

V u u

Exponit



Exponit quod supra dixit, non amplius diligam eos, & comparat florentissimum regnum arbori, cujus radix exaruit. Ibi non solum nulli fructus, sed ne quidem folia illa nascuntur. De fructu ventris necando supra diximus, significari perpetuam servitutem inter Gentes. Quanquam etiam ista ad literam poena secuta est, ut extinguerentur feliciora ingenia priusquam ad maturitatem pervenirent.

*Abjiciet eos Deus meus, quod non audierunt eum, & erunt vagi inter Gentes.*

Hæc notabilis sententia est, & digna, quæ in omnibus parietibus scribat, *Abjiciet eos Deus meus, quod non audierunt eum &c.* Admonet enim nos, si cupimus retinere benedictionem Domini, qua nos ornavit, ut audiamus eum, hoc est, ut amplectamur & studiose sequamur verbum. Deus enim se glorificantes glorificabit, Contra qui Deum non glorificant, hoc est, qui malunt sequi suas cogitationes, quam verbum Dei, hi erunt (Node dim ba Gojim) id est, vagi inter Gentes. Nunc ante oculos est Hungariæ exemplum profecto miserabile, quam barbarie, & impietate clarus hostis vastat, & veteres colonos aut jugulat gladio, aut transfert in remota loca, ubi sine spe aliqua certæ sedis miseri homines vivunt. Id enim significat Ebræum vocabulum. Causam autem hujus mali quid opus est querere? Ostendit enim eam tot annis usitata idolatria, & Episcoporum, non solum negligentia, sed extrema impietas, qui studiose Idolatriæ patrocinati sunt.

Videant igitur, quibus lucem verbi sui accendit Deus, ut eam studiose foveant, ut reverenter hoc tantum donum habeant, & eo digne ambulent, Alioqui nos quoque involvemur in similia mala. Laboravit sine dubio populus Israel etiam aliis vitiis, sicut & Hosea supra ostendit, & Michas tyrannidem, avaritiam, injurias, libidines reprehendit. Sed Propheta hoc in loco tantum hujus peccati meminit, quod non audiverint Deum loquentem. Id enim ejusmodi est peccatum, ut tota regna evertat.

## CAPUT X.

*Israel est vitis direpta, talis quoque est fructus ejus.*

*Populus Dei  
vinea compara-  
tur.*



Sitata figura in Prophetis est, quod populum sanctum comparant vineæ, ob sanctos & Deo gratos fructus, qui sequuntur verbum Dei. Sicut autem Esaias & Michas queruntur de sui temporis populo, loco uvarum nasci labruscas, Ita Hosea hic comparat populum direptæ viti, in qua nullæ appareant uvæ, quod sicut in superiore capite dixit, noluerint audire Dominum, Sicut enim verbum tanquam fecunda pluvia nunquam sine fructu docetur, sed semper aliqui excitantur ad timorem Dei & fidem, Ita sine Verbo nulli possunt existere veri fructus. Quid enim ratio destituta verbo faciat? Somniat quidem pietatis studium, & in cultibus instituendis non est negligens. Sed Deus non vultcoli eo modo, quo nobis videtur, Verbum vult audiri, & ea à nobis fieri, quæ ipse mandavit, non quæ nobis vel bona vel factu difficilia & sumptuosa judicantur.

Sic religionis studium in regno Israel magnum & singulare fuit, Sicut in Papatu quoque difficiles & sumptuosi cultus sunt. Sed cum sine verbo suscepti tales cultus essent, execrabatur eos Deus. Pluris enim facit, sicut Samuel dicit, obedientiam quam holocaustum. In Ebræo paulo aliter verba sunt posita, Vitis evacuata seu direpta Israel fructus adæquabitur, seu similis erit ei, hoc est, qualis vitis est, talis etiam est fructus, Vitis est direpta, igitur nullæ ibi inveniuntur uvæ. Vñus est hoc verbo Esaias 24. Ecce Dominus (bokek haarez) evacuat terram, hoc est, finit eam vastari ab hostibus, ut nihil sit reliquum, Sicut addit, & nudabit eam. Item Jer. 51. (bokeku es arzah) populabuntur, evacuabunt terram. Ita hoc in loco comparat Hosea populum viti non infrugiferæ, sed cujus fructus direpti sint. Nam & impiorum Regum exemplis,

*Esai. 24.  
Jerem. 51.*

exemplis & Pseudoprophetarum impiis dogmatibus populus diripiebatur, ut potius idolis quam Deo suo serviret, sicut Propheta jam addit.

*Multiplicat altaria secundum multitudinem fructuum suorum, secundum bonitatem terræ suæ bonas faciunt statuas.*

Voluit Deus in isto populo tantum unum esse altare, in quo fierent sacra, & probaret populus tum obedientiam, tum gratitudinem suam Deo, Sed Israel, inquit, neglecto eo altari, ingentem multitudinem altarium passim in terra excitavit. Prohibuit quoque Deus erigi statuas, ad quas fierent sacra, Sed Israel ubi agri erant fecundissimi, ibi & statuas & templa magno sumptu ædificavit. Sicut in Papatu quoque videmus, quod ubi pinguiissimi agri, & maxima omnium rerum copia est, ibi monasteria & sacrificulorum collegia amplissima sunt. Sic semper solet idolatria, habet Deum ventrem, eum colit & adorat. In Ebræo jucunda figura est in vocabulis (berob ketob) Ac in verbo (hetibu) respicit Propheta ad nomen (tob) ut ostendat eo consilio excitatas ab Israelitis statuas, ut Deo præstarent cultum, & aliquid boni facerent.

*Divisum est cor eorum.*

Hoc alii referunt ad dissensionem natam ex varietate cultuum, Sicut insignia fuerunt odia inter Monachos diversos, dum singuli sine modo suam factionem evehebant. Sed aptius est, ut referas ad mandatum Dei summum, Deut. 6. Diliges Dominum Deum tuum ex toto corde tuo, ex tota anima tua, & tota fortitudine tua. Vult enim Deus non partem cordis, sed totum cor. At idolatræ vere habent divisum cor, dum non solo verbo nituntur, sed indulgent suis studiis. Hactenus peccatum Israel commemoravit, Nunc addit poenas.

*Nunc peccati convincentur. Ipse enim confringet altaria eorum, & statuas eorum vastabit.*

Verbum (leeschamu) hoc loco quidam exponunt desolabuntur, sed significat delinquere, Ac singularem hoc in loco Emphasin habet, quam periphrasi ostendimus. Nam idolatrarum hoc proprium est, quod non solum statuunt se placere Deo, sed etiam damnant eos, qui diversam doctrinam & cultus alios sequuntur. Cum igitur Israelitæ adduci non possent, ut crederent suos cultus Deo displicere, sed eos, sicut Papistæ hodie solent, ferro & igni defenderent, minatur Propheta futurum, ut poenis convincantur, cultus illos à Deo improbari, Alioqui non permissurum altaria & statuas illas ab Assyriis vastari, si eas probaret. Perinde ac si dicas, convinci nunc miseram Hungariam, quod Deus septennialibus votis ad Aquas non sit deletatus, Siquidem à Turca direpta est.

*Quoniam dum dicent, Non est nobis Rex, quod non timuimus Dominum, etsi Rex esset, quid nobis prodesset?*

Profecto hoc non dicent idolatræ, alioqui agerent poenitentiam, & sicut hactenus se Dominum non timuisse profiterentur, inciperent nunc timere Dominum, & cogitarent de seria emendatione. Sed quid cogitent & faciant, statim Propheta nos docebit. Quæ igitur erit hujus loci sententia? Nam verba Prophetæ clara sunt, Tum dicent, Non nobis Rex &c. Respondeo, Sunt hæc nobis æstimanda ex affectu impiorum. Deus immittit hoc consilio poenas, ut cognoscentes peccata emendemur. Ac impios quoque cogit iræ & poenarum sensus, ut αὐτοκατακρείτοι sicut Paulus appellat, damnent se & sua studia, & tamen sic impie pertinaces sunt, ut nihil minuant eorum facere, quæ fecerunt. Papistas nostros intueri. Nunc Hungaria misera à Turcis, ut dixi, pene tota est devorata. Vicini populi quid metuant vident, nec possunt negare hæc esse præmia impietatis. Et tamen quam rari sunt Principes & Episcopi, qui Ecclesiarum vitia emendent? qui curent, ut subditi habeant pios Doctores?

ut administratio Sacramentorum fiat secundum Christi institutum, ut tollatur idolatria, quæ est in invocatione Sanctorum, in statuis adorandis &c. Sic utrunq; faciunt impii, vident accidere poenas ita merentibus peccatis, & tamen nihilo fiunt meliores.

Ad hunc modum de populo Israel Propheta hic loquitur, Fiet, ut non habeatis Regem, qui vos defendat. Nam Hosea ultimus Rex statim accepit conditiones latas ab Assyrio, & postquam eas violavit, obsessus in Samaria, & tandem captus est, expugnata Samaria tertio anno. Ibi convincet vos calamitas, quod hæ sint poenæ abjecti timoris Dei, hoc est, quod non secuti sitis verbum, sed feceritis contra verbum. Nam timere Deum aliud nihil est, quam verbum ejus observare, & cavere, ne quid contra fiat, sive in cultu, sive vita & moribus. Et tamen non est secuta vera emendatio. Nam audi quid Propheta dicit secutum.

*Consultant, jurant mendaciter, sanciunt fœdus, & germinat sicut fel judicium in sulcis agri.*

Ebraismus notus est (dibru debarim) locuti sunt verba, pro anxie consultant, sicut Esa. 8. Inite consilium & dissolvetur, loquimini verbum, & non stabilietur. Sic igitur solent idolatræ, qui abjecerunt verbum, & retinent impios cultus, etiam cum sentiunt iratum Deum, tamen non agunt poenitentiam, de cultibus utilitatis nihil mutant, sed confugiunt ad præsidia humana, conferunt consilia, & conantur eluctari ex malis sine Deo, sed frustra. Nam etiam prudenter deliberatas res infelices sequuntur eventus, si sine Deo deliberemus, hoc est, nitentes nostra tum sapientia, tum potentia, & non agentes poenitentiam, sicut Propheta hic dicit, Iudicium germinat, sicut fel, in sulcis agri. Vocat autem iudicium has ipsas deliberationes sine poenitentia, ad quas eos cogit calamitas, qua urgentur. Hæ, inquit, nihil nisi venenatum fel pariunt, hoc est, magis irritant Deum, & sunt occasio atrocioris supplicii.

Vocabulum, quod fel reddidimus, Ebræis (rosch) est, quod non fel, sed herbam significat, cur enim alioqui adderet Propheta de sulcis agri? Et apparet ex Mose quoq; herbam esse, Deuter. 29. ubi dicit, Ne sit inter vos vir aut mulier, familia aut tribus, cujus cor se avertat à Domino Deo nostro hodie, & vadat, ut serviat diis gentium istarum, ne sit forte inter vos radix germinans fel & absynthium. Respicit autem Moses hic ad scandalum, sicut Paulus in Epistola ad Corinthios, ubi dicit, modico fermento fermentari totam massam. Ita Moses dicit, non contemnendum periculum, si in toto populo sit unus tantum idolatra, fore eum sicut radicem fellis & absynthii, quæ fecundissima est, & totos agros, nisi mature & radicitus evellas, opplet.

Ad hunc locum sine dubio Hosea respicit, ac significat populum ceu agrum, qui colono caret, totum corruptum idolatria & impiis opinionibus, Ideoq; extremum supplicium non posse effugere. Iudæorum interpretes addunt, herbam hanc venenatam esse, Ideo quidam cicutam verterunt. Id etsi proprium fortasse non est, tamen genus ostendit, quod scilicet herba sit, hoc nomine appellata, & non fel. Vtitur hoc ipso vocabulo (rosch) Psal. 69. ubi de Christi passione vaticinatur, Dederunt in escam meam fel, & aceto potaverunt me in siti mea. Itaq; eo quoq; in loco fel pro herba accipi necesse est. Ac verisimile est, factum hoc à gentibus, ut suppliciis subiectis fel & acetum miscerent, quo citius extinguerentur. Itaq; Evangelistæ diserte addunt, Christum gustasse quidem, sed noluisse bibere. Patiebatur enim non coactus, ut alii, sed ex Dei & sua voluntate, nec cupiebat dolore victus citius finire vitam, quam naturæ jus postularet.

*Habitatores Samariæ in metu erunt, propter vitulas Beth Aven.*

De Beth Aven supra diximus, vocari hoc nomine à Prophetis Beth El, quod eo in loco erectus à Ierobeam esset vitulus ad idolatriam. Sicut autem populus in deserto voluit sibi aureum vitulum fieri, quod vituli cultus usitatus esset apud Ægyptios, Sicut etiam, Græcorum historiæ testantur, & describitur diligenter ab



ab Herodoto Apis seu Epaphus vitulus, quem Ægyptii pro Deo colebant, in tertio libro, in Cambyſis historia. Ita Ierobeam quoque quod aliquandiu apud Ægyptios exul vixiſſet, cum in Regem electus eſſet, Ægyptiorum cultus invexit in regnum Iſrael, ut & firmaret ſibi regnum, ſi non aſcenderet populus ad uſitata ſacra in Ieruſalem, & hac ratione quoque Ægyptios vicinos ſibi devinciret. Sacrorum enim ſimilitudo non exiguum inter homines eſt vinculum. Sicut e contra diverſi cultus odium excitant.

Sed mirabitur aliquis, quomodo Ierobeam hoc potuerit perficere, cum nota eſſet in hoc populo historia deſerti, ubi vituli cultus non ſolum palam damnatus, ſed etiam populus ideo mulctatus, & à Levitis viginti tria hominum millia uno die ex voluntate Domini occiſa eſſent. Hæc historia etiam vulgo nota fuit, Mirum igitur eſt, quod & Ierobeam auſus ſit jam diu damnatum cultum revocare, & populus eum amiſerit. Sed hoc ipſum exemplum nos monet, nihil tam poſſe doceri abſurdum, quod homines deſtituti Verbo, aut verbo non attendentes, non probent & ſequantur, præſertim ſi impiorum Principum ſtudium & exemplum accedat.

Sine dubio autem Ierobeam ſimili ratione defendit tactum ſuum, quo Papiſtæ hodie impietates & idolatriam ſuam defendunt, cum dicunt. Nos numero paucos nova dogmata ſequi, quæ multa retro ſecula ignorarint. Sic Ierobeam & vitulorum ſacerdotes, Camarim, riſerunt Iudam, quod inter omnes totius terræ populos & regna ſuos peculiare cultus retineret, Ægypti regnum ſicut florentiſſimum fuit, ita etiam eſſe antiquiſſimum, in illo hunc vituli cultum tot ſeculis fuiſſe ac à Deo approbatum, alioqui non futurum regnum tam diu felix. Magnas illas opes, pacem, potentiam, dignitatem eſſe præmia pietatis &c. Sic perſuaſum vulgus vituli cultum approbavit, Non aliter quam nunc impietatem Miſſarum, coelibatus, votorum &c. Papiſtæ defendunt, diuturnitate temporis, longo uſu & commodis.

*Vituli cultus  
quomodo à  
Pſeudopropheta  
commodatus  
ſit.*

Sed quis tandem finis fuit? quomodo ceſſit Iſraeli cultus ex Ægypto accerſitus? Nimirum ita, ut Samaria caput regni in ſummo eſſet periculo, & obſideretur à rege Aſſyriorum, & tandem expugnaretur. Verbum (Iaguru) utrunque ſignificat in metu eſſe, ſeu timere, & exulare. Itaque non eſſet ineptum proſus, ſi hic quoque acciperetur pro exulare. Exulabunt cives Samaritæ propter vitulas in BethEL, hoc eſt, peccatum idolatriæ punietur æterno exilio.

*Quoniam lugebit Vitulum populus ejus, lugebunt quoque Camarim ejus qui exultabant propter gloriam ejus, Quoniam migravit ab eis, Quoniam ad Aſſyrium deportatus eſt munus Regi Iareb.*

Non ſola Samaria in metu & periculo erit, Omnis populus lugebit propter impium vituli cultum, hoc eſt affligetur propter idolatriam, Etiam Camarim ſacerdotes vituli, quibus hic cultus magno tum quæſtui, tum honori fuit, lugebunt. Hoſtis enim vaſtabit regnum, idola abducet, & ſimul etiam ſacerdotes & populum captivos abducet in Aſſyriam. Habent autem nomen Camarim ab ardenti ſtudio impij cultus. Sicut in Papatu ardens ſtudium fuit in ſumma impietate, cum ſacrificuli ſomniarent, ſe ſua quadam propria poteſtate mutare panem & offerre Dei Filium. Ea impietas ſola ſummam dignitatem conciliavit ſacrificulis, & mirè quæſtuofa fuit, ſicut vituli cultus Camarinis. Sed lugebunt ipſi quoque, cum apprehendet eos poena.

*Camarim.*

*Accipiet Ephraim confuſionem, Iſrael confundetur propter confuſionem ſuam.*

Vitulus, inquit, mittetur in munus Regi Iareb. Sed pro hoc munere quomodo remunerabitur Ephraim? quid accipiet? Confuſionem, hoc eſt, deſtituetur auxilio in periculis, peribit. Confundi enim proprie eſt, cum nos fallit ſpes & fiducia auxilij. Igitur confuſio præmium eſt omnium idolatrarum. Deſeruntur enim in periculis, & experiuntur idolatriam eſſe fontem omnium calamitatum. Cum e contra,

*Iareb.  
Confundi.  
Præmium ideo  
latrarum.*

qui ponant fiduciam suam in Domino, & retinent veros cultus, etsi periculis carere non possunt, tamen sentiunt certum auxilium. Sicut dicit Psal. 25. Omnes qui te expectant, non confundentur, Psal. 31. In te spero Domine, non confundar in æternum, Item, Domine non confundar, quoniam te invoco, Et Psal. 37. Qui sunt integri, non confundentur in tempore malo. Sed pleni sunt Prophetarum libri his sententiis.

Psal. 25.  
Psal. 31.  
Psal. 37.

*Excisus est rex Samaria sicut spuma super aquas.*

Spuma aquæ.

Hic exponit quid velit intelligi per confusionem. Vitur autem similitudo spumæ, quæ fertur super aquas, non solum ideo, ut ostendat regnum hoc ceu spumam dissipandum, Sed ut magnitudinem iræ & calamitatis pingat. Nihil enim infirmius est spuma, fertur magno impetu, nec potest imperare aquæ, sed abripitur ab aqua, ita ostendit regem Samariæ abripiendum, nec futurum ut tueri se possit contra vim hostium, magno impetu in regno Israel grassantium.

*Exterminabuntur excelsa Aven, peccatum Israel, Spina & fentes proveni-  
ent, ubi nunc sunt altaria eorum, & ipsi dicent montibus, Operite nos, &  
collibus, Cadite super nos.*

Aven.

Supra Beth El vocavit Beth Aven. Hic tantum Aven vocat, quod iniquitatem significat, Sicut peccatum Israel vocat vel vitulos, vel templa. Omnia vastabuntur ab hoste, & jacebunt postea deserta. Populus autem tam horribilibus malis conflictabitur, ut quod nunc abominantur, optaturi sint, ruinam scilicet ædium, ut statim cum liberis, conjugibus, familia, & omnibus suis extinguantur. Sed frustra hoc optabunt, servabuntur enim durioribus malis. Hic fuit finis regni Israel & idolatriæ ac contempti verbi Dei. Christus hæc Prophetæ verba usurpat, cum vaticinatur de vastatione Ierusalem per Romanos futura, cujus eadem causæ fuerunt, quæ regnum Israel perdidit. Ac quanto erat optabilius subito extingui, quam esse spectatorem tam horribilium calamitatum? Excitemus igitur nos ad timorem Dei, fugiamus idolatriam, ornemus verbum sanctis moribus, & ut Christus inquit, etiam oremus, ut digni fiamus effugere hæc omnia, quæ contemptoribus verbi & idolatriæ historiarum hæc minantur.

Luc. 23.

Luc. 21.

*A diebus Gibeæ Israel peccasti, ac ita perstitisti, sed non apprehendet eos prælium, quale in Gibeæ fuit, quod contra filios iniquitatis gestum est.*

Peccatum Gibeæ.

Quæ jam sequuntur, paulo obscuriora sunt propter figuras, De sententia tamen certum est, coherere hæc quoque cum superioribus, & pertinere ad comminationem institutam de regno Israel propter idolatriam penitus vastando, Ac in superiore quoque capite meminit Propheta peccati Gibeæ, quod recitatur in libro Iudicum cap. 19. Ab eo, inquit, tempore Israel semper peccavit, ac ita perrexit usque in hunc diem. In Ebræo mutatae personæ & numeri sunt, A diebus Gibeæ Israel peccasti, ibi steterunt, Sed nos sententiam reddidimus. Minatur autem Dominus futurum, ut gravius affligantur quam Beniamitæ, defendentes scelus Gibeonitarum. Etsi enim propter peccatum Gibeæ tota tribus Benjamin pene occisione occisa est, Tamen reconciliati fratribus manserunt in populo Dei, & habuerunt reliquæ suæ in terra promissa locum. Id, inquit Dominus, cum regno Israel non fiet, abducentur captivi in Assyriam, nec unquam redibunt.

Jud. 19.

Pugna cum Beniamitis.

Alii paulo aliter hunc locum explicant, & quod de Gibeæ allegat Propheta, id non referunt ad Beniamitarum calamitates, quæ aliquo modo postea mitigatae sunt, sed ad reliquas tribus Israel. Hæ enim etiam in iusta causa bis infelicitè pugnarunt, ut priusquam de aliis supplicium sumerent, ipsi quoque darent poenas idolatriæ longo tempore in monte Ephraim usitatae, Sed tertia dimicatio tandem felix fuit. Ad hunc fortasse modum potuit se consolari Israel, quod etsi aliquandiu graviter afflicti sint, tamen futurum aliquando, ut melius habeant, Sicut bis infelicitè

citer

citer pugnans Israel tertio prælio Beniamitas fudit. Sed Propheta negat tali fortuna nunc dimicatu-  
 rum. Etsi autem sententiæ non pugnent, utraq; enim minatur  
 Israel exitium, tamen prior videtur magis propria, Liberum tamen Lectori est se-  
 qui utram velit. Particula quam addit, quod contra filios iniquitatis gestum est, per-  
 tinet ad amplificationem peccati. Si enim graviore poena affligetur Israel, quam  
 tum Gibeæ, sequitur, etiam peccatum esse gravius, cum tamen illud Gibeonitarum  
 gravissimum fuisse constet.

*Valde cupide eos castigabo, & congregabuntur adversus eos populi, cum alli-  
 gabo eos propter geminum peccatum ipsorum.*

Vide quid peccatum faciat? Deus sua natura est talis, ut cupiat juvare, bene-  
 facere, prodesse hominibus, Sed peccatum hanc voluntatem mutat, & cogit Deum  
 contra naturam suam esse duriorem, ut puniat peccatores, Sicut hic dicit se delecta-  
 ri poenis, quas gentes infligent pertinacibus idolatris. Sequens particula ab aliis ali-  
 ter redditur, Nam vocabulum (onofam) quidam exponunt oculos, quidam sulcos. Onofam  
 Utraq; expositio inepta est. Pagninus recte facit, qui dicit esse vocem factam ab  
 (Aon) quod peccatum significat, ut sit sententia, Propter geminum peccatum, hoc  
 est, propter geminos vitulos in Dan & BethEL alligabo eos. Alludit enim ad simi-  
 litudinem de vitulo.

*Ephraim vitula est assuefacta, ut libenter trituret, Sed ego ascendam super ro-  
 bustum collum ejus, & equitabo in Ephraim. Arabit Iuda, & occabit  
 Iacob.*

Pulcherrima hæc sententia est, quanquam propter figuram paulo obscurior Trituratio In-  
 dorum.  
 sit, Iudæi aliū usum excutiendi frumenti habebant, quam nos. Vtebantur enim tau-  
 ris, hi circumacti in area ungulis excutiebant semina, Is labor jumentis gratus erat,  
 non enim alligata, non iugo, non onere pressa erant, sed discurrebant liberè, & sup-  
 petebat eis victus, secundum mandatum Domini in Lege, Non alligabis os bovi tri-  
 turanti, hoc est, non prohibebis, quin cum inter triturandum esurit, comedat. Huc  
 igitur respicit Propheta, & comparat Israelis regnum non bovi, sed vitulæ, quæ per  
 ætatē lascivit, nec dum ad jugum assuefacta est, ac dicit, Israel tanquam vitulus amat  
 triturationem, hoc est, amat tales operas seu cultus, ex quibus victus suppetit. Non  
 vult sequi verbum, sectatur lucrum, & ventri servit. Sed quid ego facturus sum? Con-  
 scendam in ejus robustum collum, tanquam eques, & equitabo in Ephraim, tan-  
 quam in equo, hoc est, premam eum, non sinam discurrere liberum, sed tanquam  
 equum cogam ire, quo ego volo, invitus sanè ibit in Assyriam, sed cogetur vi. Quod  
 de Iuda arante addit, id pertinet ad regnum Iuda, quod graviter ab Assyrio tum af-  
 flictum est, quanquam non plane est vastatum.

*Seminate vobis ad justiciam, & metite beneficentiam, Arate vobis sedulo,  
 Tempus enim est querendi Dominum, donec veniat, & depluat vobis  
 justiciam.*

Admonet Prophetam similitudo, qua usus, ut comminationi subjiciat exhor- Exhortatio  
 rationem. Vitulo seu regno Israel minatus est futurum, ut non amplius adhibeatur  
 ad faciles & quætuosas operas, ad triturationem, sed ut præbeat tergum sellori, qui  
 tanquam equum cogat abire in Assyriam, De regno autem Iuda dixit futurum, ut  
 aret, & proscindat glebas. Is etsi durus labor est, tamen est tolerabilis, nec est per-  
 petuus. Ostendit igitur hac figura, Iudam mitius accipiendum. Quanquam enim  
 per Assyrium afflictus est, tamen non est vastatus penitus, quin vidit miraculo divi-  
 nitus submotum hostem, qui posthac non rediit, sicut Esaias promittit. Hæc, inquit  
 Propheta, accidunt vobis vestro merito. Cur enim non attenditis verbo, & san-  
 ctè vivitis? Cur non in tempore convertimini ad Dominum, dum inveniri potest?  
 Ita enim calamitates istas effugeretis, & multiplici benedictione ornaremini, &c.



Hæc est occasio hujus exhortationis, & bellè cohæret cum comminatione. Sed evolvemus eam, digna enim est, quæ consideretur diligentius, siquidem veram poenitentiae rationem ostendit.

*Iusticia.*

Requirat Propheta iusticiam & beneficentiam. Sicut supra in sexto capite docuit, cum notitia Dei conjungendam beneficentiam. Notum autem est, quid sit iusticia, nempe, remissio peccatorum. Nam cum peccato sic sumus infecti, ut dum carnem & sanguinem circumferimus, peccato carere non possumus (secundum sententiam, Si dixerimus nos non habere peccatum, nos ipsos decipimus, & veritas non est in nobis) non potest esse alia nostra iusticia, quam quod peccata, quæ habemus, non imputantur, sed condonantur. Sicut Paulus beatitudinem definit ex Psalm. 32. Sumus igitur iusti, non quasi peccatum non habeamus, singulis enim momentis opus habemus hac oratione, Remitte nobis debita nostra, Sed quod peccata, quæ habemus, non imputantur, sed propter fidem in Christum condonantur. Nam Christus hujus iusticiæ fons & origo est. Hunc cum peccatores, tanquam in deserto ab aspidibus icti, æneum serpentem intuentur, cum statuunt poenam peccati sui Christum in corpore suo exolvisse, ac Deum propter ipsum nos recepturos, justificantur, hoc est, peccata eis non imputantur, & habentur pro iustis, Imo revera isti sunt, quia peccata ipsorum non in ipsis amplius hærent, sed in Christo, secundum Iohannis sententiam, Ecce agnus Dei, qui tollit peccata Mundi.

*Iob. 1.*

*Rom. 4.  
Psalm. 32.*

*Ioh. 1.*

Sicut autem hodie adversarii nostri aliam iusticiæ comparandæ viam ostendunt, Imo ipsam iusticiam prorsus aliam fingunt, siquidem qualitatem esse statuunt, & non imputationem, Ita Israelitæ quoque non credebant remissionem peccatorum per Messiam exhibendam orbi terrarum, sed statuebant satis esse sacrificia sua & alios tum cultus, tum virtutes. Radicem igitur impietatis Propheta hic petit, cum jubet, ut seminent iusticiam. Cur autem jubet seminari iusticiam? An non satis erat dicere, Curate ut sitis iusti? Sed Propheta hic diserte doctrinam reprehendit. Nam semen iusticiæ quid aliud est, quam sana doctrina, quæ proponit Deum propitium & ignoscentem esse, Siquidem promisit semen, quod Satanæ caput conterat, & nos ab ejus tyrannide liberet? Impossibile enim est scire hanc iusticiam, nisi ostendatur per verbum, Sicut impossibile est terram per se sine bono semine aliquid boni producere.

*Semen iusticia.*

*Gen. 1.*

Jubet igitur Propheta, ut Israelitæ ante omnia attendant Verbo, & discant, quam verbum definiat esse veram iusticiam. Nam ratio cum ad summum pervenit, statuit iusticiam esse, discedere à malo, & facere bonum. Sed quis non videt utrinque nos hære? Nam exuere carnem non possumus, & requiritur, ut prius tu sis bonus, quam aliquid boni facias. Hypocritæ autem neutrum vident, & falso somniant se iustos, cum quæ in speciem non mala sunt, faciunt.

*Iusticia.*

Sed Scriptura aliam nobis iusticiam ostendit. Ea est, scire, quod in te nihil sit boni, & quod seminis promissi olim, nunc autem exhibiti beneficio malum, quod in te, in carne tua, in corde & spiritu tuo est, & pertinaciter habitat, non imputatur à misericorde Patre in cœlis, propter unigenitum suum Filium, qui nostra peccata in se recepit, & pro iis satisfecit. Hanc iusticiam, inquit Propheta, docete, & abjicite usitatas opiniones, quod obedientia erga Legem, sacrificiis & bonis moribus impietatem vestram sanare possitis. Majus malum peccatum est, quam ut his rationibus possit sanari. Opus est victima Filio Dei, hunc colite firma fide, quod propter ipsum Deus velit vobis ignoscere. Hac fide vere purificabuntur corda. Nam & peccata tolluntur, & nascitur ex semine iusticiæ alius fructus, beneficentia. Hunc fructum metite, Est enim verus fructus, sine hypocrisi.

*Bona opera sequuntur iusticiam.*

Est autem insignis doctrina in verbo Metite, Messis non antecedit, sed sequitur sationem. Si igitur iusticia semen est, quis furor, quæ cæcitas adversariorum nostrorum est, quod semen hoc damnant & abjiciunt, & urgent populum ad messem? In omnibus suggestis audiuntur præclara bonorum operum encomia. Hæc falso à nobis clamitant negligi, cum hunc unum sollicite agamus ubique, ut verum semen

semen Ecclesiae retineant, ex quo enascatur beneficentia. Ipsi autem hanc totam doctrinae partem non modo non tradunt, sed prorsus non intelligunt, quod capti suis opinionibus, statuunt justiciam esse, non imputationem, sed qualitatem. Horruntur igitur tantum ad bene operandum, Vnde autem ea facultas sit, non ostendunt.

Propheta igitur alium doctrinae ordinem tradit. Vult feri justiciam, hoc est, doctrinam de vera justicia per Christum, non per opera aut studia nostra, vult initio tradi, Ac ostendit post hanc quasi sationem, secururam messem, non talium operum, quae fingunt hypocritae, ut per ea remissionem peccatorum consequantur, qualia in Lege erant sacrificia, oblationes, observationes rituum legalium, In Papatu autem sunt impium Missae sacrificium, vota, coelibatus, delectus ciborum, ratio singularis vestiendi, invocatio & cultus Sanctorum, adoratio statuarum, Sed vere bona opera dilectionis, quae hic (hesed) seu beneficentiam vocat, Haec enim absolvunt Dei cultum.

*Vera bona opera.*

Omnis enim Dei cultus in his duobus constat. Primum, ut attendas Verbo & audias Filium Dei concionantem de misericordia Patris, & amore erga nos, & de suo merito, Hic est summus cultus, quem supra in sexto vocavit notitiam Dei, & praetulit holocaustis. Hic autem vocat justiciam. Quid enim aliud possumus Deo facere, quam ut dona quae nobis offert, grato animo accipiamus, & non ea aversemur, Sicut faciunt Pharisei & hypocritae in Evangelio. Post hunc cultum proximus est, ut juves proximum, hoc est, omnes illos, qui tua opera opus habent. Haec est dilectio, quam Paulus vocat consumationem Legis. Nam secunda tabula tota in operibus dilectionis consumitur. Sicut autem mundus gratiam, quam Deus in Filio suo offert, superbe contemnit, & quaerit alias vias remissionis peccatorum, quam fidem in Christum, Ita haec charitatis opera, tanquam levia & vilia negligit. Deligit sumptuosiora, & in speciem difficiliora, Non vult opibus juvare calamitosos, sed Deum, Ideo multiplicabant sacra impii Iudaei. Nostri in Papatu immodice profundunt opes in ornamenta templorum. Sed non est ista vera ratio colendi Dei, non opus habet auro & argento nostro, Proximus eo opus habet, Eum cum juvamus, Deus se adiutum judicabit, Sicut Christus dicit. Quicquid fecistis minimo ex meis, mihi fecistis. Sed persuaderi haec mundo non possunt. Itaque doctrinam sanam non solum negligit, sed etiam damnat, & magnos sumptus facit in res nihili, neglectis pauperibus, quorum curam nobis tam solcite Dominus mandavit. Sed quae poenae securae sint, possumus ex Israelitarum exemplo discere.

*Cultus Dei.*

*Dilectio proximi. Ephes. 4.*

Non solum igitur praecleara haec admonitio, sed etiam utilis doctrina est, quae cultum Dei sic pure ostendit. Sed cur addit, Arate vobis sedulo? Quod ad Grammaticam attinet, utitur totidem verbis Ierem. cap. 4. cum concionatur de regno Christi (Niru lachem nir) Arate vobis arationem, & nolite seminare in spinas. Vsitatum autem Ebraeis est, cum geminant voces, intendi significationem, Itaque vertimus pro sedula aratione. Hieronymus fecit, Innovate vobis novale. Sed etiam si sic legas, tamen manet eadem sententia, quam ostendit Ieremias, cum addit, non ferendum inter spinas. Respicit enim Propheta ad reliquias peccati, quae manent etiam in piis & excitantur per tentatorem Satanam. Etsi enim per Verbum acceperunt Spiritum sanctum, & fide iusti sunt, tamen tantum acceperunt primitias Spiritus. Caro autem & sanguis antiquum obtinent, & nisi spiritu facta carnis mortificaverimus, sicut Paulus loquitur, caro extinguet spiritum. Christiani igitur hoc quoque praeccepto opus habent, ut studiose arent, hoc est, ut sedulo mortificent carnem & expurgent vetus fermentum, ut sint nova conspersio, ut sicut in 1. Cor 5. Paulus ex Esa. Cap. 43. citat, omnia sint nova, vetera autem aboleantur.

*Mortificatio peccati.*

Iam igitur vide, an non Propheta eruditissime, & tamen mira simplicitate suos docuerit de vera religione? Si enim Christianum pingere voles, quomodo poteris eum pingere magis propriis coloribus quam Propheta pinxit, cum seminare, metere, arare jubet? Itaque haec ejus instrumenta sunt, semen in sinu, falx in dextera, aratrum in sinistra manu, Assiduum studium verbi, Dilectio proximi, & mortificatio carnis.

*Christianorum instrumenta.*

*Matth. 23.*

*Ierem. 4.*

*1. Cor. 5. Eph. 43.*

carnis. In his posita est vita Christiana, Ac futurum est, qui ad hunc modum se in pietatis agro exercent, ut hi inveniant Dominum, qui justiciam depluat, qui ignoret peccata, & omni genere bonorum spiritualium ornet suos, secundum Christi dictum, Omni habenti dabitur. Non enim Christianos decet ignavos esse, strenuo laborandum est, & adjuvabit Spiritu suo laborantes Dominus. Depluendi verbum (lore) etiam docere significat, sicut Esa. 28. (Es mijore daas) quem docebit scientiam) Neq; inepte hic quoq; verteretur, & docebit Dominus justiciam. Sed visa est retinenda Metaphora, quod de agro & rusticis operis Propheta hic agit. Notanda quoq; phrasis hoc in loco est, Seminate vobis, arate vobis (Iachem) hoc est, in vestrum usum, vobis proderit, si seminaveritis justiciam, si sedulo araveritis &c.

*Arastis impietatem, iniquitatem messuistis, Comedistis fructum mendacij, quia confusus es in via tua, & in multitudine fortium tuorum.*

Impietas aratro erat excindenda, sed vos eam stabilitis, ut radices agat. Hinc enati sunt pessimi fructus, & messis secuta peccati. Totus enim cultus nihil est, nisi hypocrisis, hac fidunt, hac se putant tutos fore, Sed mentietur eis spes ipsorum. Fortes vocat sive doctores, qui impietati patrocinaabantur, sive reges & Principes. Sæpe enim diximus, eo tempore, quo Hosea vaticinatus est, regnum Israel fuisse potentissimum.

*Excitabitur igitur tumultus in populo tuo, & omnes munitiones tue vastabuntur, sicut Salman vastavit domum Arbeel, tempore belli, quo mater una cum liberis collisa est.*

Historia, cujus hoc in loco Propheta meminit, nusquam extat, Sed insignem fuisse calamitatem ostendit, in qua non sexui, non ætati, non demum foetui in utero parsum est. Talis, inquit, calamitas vos quoq; excipiet. Sic enim subjungit,

*In hunc modum faciet vobis Beth EL, propter ingentem maliciam vestram, Rex Israel subito penitus excindetur.*

Vocat Beth El, quam supra Beth Aven, ubi cultus vituli à primo Ierobeam institutus est. Et si enim totum regnum Israel ab Assyrio vastatum est, tamen loca impiis cultibus insignia gravius affligi Deus voluit. Nota phrasis est, quod dicit Regem mane excindendum, Significat enim subitum & improvisum exitium. Hic idolatriæ & impiorum cultuum finis est, Nec dubium est, quin Germania similibus calamitatibus aliquando obrueretur, si impia Episcoporum & sacrificulorum turba verbo & sanæ doctrinæ non acquieverit.

## CAPUT XI.

*Cum Israel puer esset, diligebam eum, & ex Ægypto vocabam eum.*



Oharent hæc cum superioribus. Est enim ejusdem argumenti prophetia, nisi quod hic, sicut supra quoq; aliquoties fecit, commemorat Dominus beneficia sua, ab initio huic populo exhibita, ut tanto conspectior fiat populi ingratitude & pœna justior. Suavis affectus est, quod comparat populum hunc puello, qui per ætatem nondum potest ingredi. Nam exordia habuit admodum infirma, sicut etiam apud Esaiam id prædicat Dominus, cum jubet cap. 51. ut respiciant ad originem suam, & comparat Abraham aridæ petrae, Saram autem cavernæ lacus seu fonti, ad quem non est aditus, ut inde aqua peti queat.

*Dilectio Dei  
organ.*

In primis autem verbum diligendi observandum est. Ostendit enim in eo omnem



omnem nostram spem sitam esse debere, quod Deus non est crudelis aut immitis tyrannus, non odit, non abjicit homines, sed amat. Sicut nos solemus amare ex nobis natos, non propter lucrum aut merita, sed quia odisse ex nobis natos non possumus. Nam parentes in sobolem impendunt tum labores, tum sumtus. Itaque si quis ad meriti rationem respiciat, liberi parentibus etiam oneri sunt, & tamen diliguntur. Hunc naturæ affectum Deus hoc in loco sibi sumit, cum dicit, amatum à se hunc populum inter initia, ac pro filio habitum, & ideo vocatum ex Ægypto, ac liberatum à dura servitute. Atque hoc primum est beneficium, quod Deus, ceu Pater hunc populum tanquam filium amplexus, benigne fovit, dum cresceret in ingentem populum.

Matth. 1.

Hic varie se torquent Interpretes. Nam sententia Prophetæ quæ sit, vident, quod scilicet loquatur de populo Legis, ex Ægypto per mare rubrum in terram Canaan translato. Si igitur Deus Filium suum ex Ægypto vocavit, cum in terra Ægypti primogenita omnia occideret, Quæritur, quomodo Matthæus Prophetiam hanc tum demum impletam esse dicat, cum Christus puer ex Ægypto in Galilæam rediret? Si enim ex Evangelistæ sententia Prophetam interpreteris, plane nova nascetur sententia. Absurdum autem est, pugnare inter se tam magnos authores. Sicut ostendit Hieronymus, Iulianum Augustum, tanquam grande flagitium hoc objecisse Christianis, & sugillasse Evangelistæ autoritatem, quasi illudere voluerit Gentibus, cum quæ de veteri populo Prophetæ dixit, Matthæus ad Christum accommodat. Sed facilis res est apud homines non contentiosos. Prophetam de veteri populo loqui certum est. Ideo autem eum filium vocat, quia ad Moysen respicit, cujus verba, sicut sæpe aliàs, hic imitari voluit. Sic enim concionatur Moyses Deut. 1. Portavit te Dominus Deus tuus, ut solet homo gestare parvulum filium suum in omni via, per quam ambulastis, donec veniretis ad locum istum.

Quæstio quomodo Matth. hunc locum citet.

Deut. 1.

Matth. 1.

Cur igitur, inquis, accommodat hæc ad Christum Matthæus? Respondeo, Nullam aliam ob causam, quam ut ostendat verum & ab æterno genitum Dei Filium esse hunc Iesum, natum ex Maria virgine, & revocatum per Angelum ex Ægypto in Galilæam. Sicut olim non natura sed per misericordiam Filius populus Israel ex Ægypto vocatus, & in terrâ Canaan Patribus promissam reductus est. Nec habet aliquid incommodi hæc sententia. Non enim novum aut inusitatum est, cum similes eventus sunt, ex particularibus sententiis facere generales. Sicut paulo ante quoque Evangelista fecit, cum Ieremiæ sententiâ transfert ad luctum excitatum indigna cæde infantum circa Bethlehem. Hoc magis observandum est, cum fere semper Apostoli translationem Septuaginta sequantur, quod Matthæus hoc in loco Ebræorum biblia sequi voluit. Nam septuaginta non singularem, sed pluralem numerum habent, Ex Ægypto vocavi filios ejus. Hunc errorem corrigit Evangelista, & pro sua auctoritate ostendere hoc testimonio vult, hunc Iesum ex Maria natum, & ex Ægypto per Angelum vocatum, esse verum Dei æterni filium, ab æterno genitum. Ideo verius, in eum competere hoc testimonium Prophetæ, quam in veterem populum, qui non natura, sed adoptione erat filius. Hæc simplex & genuina sententia est.

*Vocaverunt eos Prophetæ, sed abierunt à facie illorum, sacrificaverunt statuis Baal, & obtulerunt incensa sculptilibus.*

Hic incipit exprobratio inobedientiæ, quod populus translatus in terram Canaan, & varie ornatus à Domino, discessit à verbo, & idolatriam secutus est. In Ebræo brevitatis obscuritatem parit. Prophetæ Antithesin vult considerari. Cum Israel esset puer, & ego vocarem eum, obtemperabat, sequebatur vocantem, Nunc quoque vocatur per Prophetas meos, jubetur insistere veram viam, attendere verbo, præstare veros cultus. Sed non acquiescit, alio vertit faciem, vocantes non vult audire, non sequi, Me negligit, colit Baalim, me vivum Deum contemnit, & adorat sculptilia.

Exprobratio inobedientiæ.

Ego

*Ego incedere docui Ephraim, tenens brachia ejus, & tamen non cognoverunt, quod ego sanarem eos.*

Hic vides Prophetam, ut supra dixi, respicere ad Mosi Concionem, Deuter. 10. Deut. 10. Verbum (Thirgalti) est factum à (Regel) pes, & significat, quod nos germanice dicimus, *Gehen leren / auff die füsse helfen* / ducere, sicut infantes manu ducuntur, ut assuescant ngere pedes & ingredi. Hac similitudine ostendit Dominus singulari studio & cura se hunc populum fovisse, ut cresceret in magnam gentem. Sed quam retulit gratiam? Non cognoverunt, inquit, quod ego sanarem eos, hoc est, beneficia hæc non retulerunt mihi accepta, non egerunt mihi gratias, non acquieverunt verbo meo, non coluerunt me, sed versi sunt ad idola & auxilia Gentium. Magnum igitur quoq; hoc beneficium, quod vocatos ex Ægypto non deseruit, sed tanquam infantem fovit, & ingredi docuit Dominus, dum ubiq; propitius adest, juvat, defendit, benedicit &c. Sed hoc nondum satis est benigno Patri.

*Funibus hominis traxi eos, & vinculis dilectionis, & fui ei sicut, qui jugum elevant à maxillis eorum, & admovi eis pabulum, ne reverteretur in terram Ægypti.*

*Beneficia Dei  
in veterem po-  
pulum.*

Hoc vero est illud eximium & summum beneficium, quod hunc populum non dimisit, sicut reliquas gentes, vagari pro libidine, sed alligavit eum funibus, ut maneret in officio. Sunt autem hi funes quoque admirabiles (hable adam veabothoth ahabah) funes hominis, quibus homines, non bestię, alligari solent, & vincula seu lora dilectionis, ad hoc comparata, ut dilectio excitetur. Nihil autem sunt hi funes, quam Lex divinitus huic populo tradita & ostensa, qua jubebatur primum Deum agnoscere, hoc est, verbo ejus attendere, Deo fidere, & eum invocare. Hi hominis funes sunt. Solus enim homo creatus est, ut Deum discat cognoscere, & prædicare. Deinde etiam diligere proximum. Hæc doctrina ingens est beneficium.

Ad id accessit tertium, quod Deus similis factus est iis, qui elevant jugum super maxillam. Vult enim Spiritu suo illos adjuvare, qui & attendunt verbo, & exercent dilectionem, secundum sententiam, *Omni habenti dabitur*. Non enim præcipit Luc. 19. solum quid facias, sed etiam Spiritu suo infirmos nos erigit, ut jugum, quod nobis imposuit, simul portet. Ad hæc accessit quartum beneficium, quod admovit pabulum, hoc est, quod etiam corporali benedictione populum hunc cumulavit, ut tot beneficiis provocatus, vicissim Deo gratificaretur, agnosceret eum, obediret verbo ejus, coleret eum. In periculis deniq; omnibus per invocationem ad eum confugeret, & non ad homines, non ad idola gentium. Hoc enim est, quod dicit, *Ne reverteretur in terram Ægypti*. Quod ad Grammaticam attinet, fere omnes vocabulum (At) formant à verbo (Natha) quod inclinare significat, Atq; hos nos quoq; secuti fecimus, *Admovi eis pabulum*. Quidam tamen (At) adverbialiter exponunt, pro quiete, & (Okil) accipiunt pro (Eakil) futuro, faciam comedere eos quiete, Sed cum sententia nihil variet, sequatur Lector quod volet.

*Sed ipse Assur nunc rex ejus est, quoniam noluerunt converti. Ideo manebit gladius in civitatibus ejus, & atteret veſtes ejus ac forabit, propter consilia eorum.*

Hoc nimirum præmium est, quod tam beneficium Deum neglexerunt & maluerunt cogitationes suas & studia, quam Dei verbum sequi. Assyrius enim regnum Israel penitus vastavit. Nota sententiam (Ki meanu Iaschub) quoniam noluerunt converti, hoc est, quoniam non egerunt poenitentiam, & admoniti verbo, non abjecerunt idolatriam. Nam impoenitentes odit Deus & punit, poenitentibus autem dat gratiam.

*Populus meus dubitat, an velit redire ad me, Cum vocarent eum Prophetæ ad Altissimum, ne unus quidem erat, qui se erigeret.*

Vocabu-

Vocabulum (Thilum) significat suspensos, dubios. Voluit autem Propheta insignem Verbi contemptum hoc modo ostendere, Q. d. Convincuntur de idolatria per Prophetas, qui proponunt eis verbum meum, & veros cultus ostendunt, Sed videntes, scientes pergunt in idolatria, Contemnunt mandatum meum, ac more rebellium servorum, iussi aliquid dubitant, an id velint exequi. Sic enim ipse Propheta se exponit, cum dicit, Vocari eos ad altissimum, Sed ipsos ac si non audiant & surdi sint, ociose sedere, non surgere, non sequi vocantis vocem.

*Quomodo dabo te Ephraim? Num te protegam Israel?*

*Quin dabo te, sicut Adama, & ponam te sicut Zeboim.*

Gen. 19.

Deut. 19.

Nota est historia, quomodo civitates Sodoma, Gomorra Gen. 19. Igni coelitus demisso perditæ sint. Ac minatur Dominus similem poenam transgressoribus Legis, Deuter. 19. Ad eam igitur comminationem hoc in loco Dominus respicit, meriti estis pertinaci vestra idolatria, inquit, ut penitus vos excindam, sicut Adama & Zeboim. Sed mitius vobiscum agam. Sic enim sequitur,

*Conversum est ad me cor meum, simul serbuerunt miserationes meæ. Non faciam secundum iram furoris mei, non convertar ut perdam Ephraim.*

*Quoniam Deus ego & non homo, sanctus sum in medio tui.*

Hic intignis locus est, qui opponi debet cogitationibus de ira Dei. Sicut enim Lex Deum illis favere dicit, qui obediunt voluntati ejus, Contra illis minatur iram Dei, qui discedunt à verbo, & delinquant, Ita animi quoque nostri statuunt, Deum odisse peccatores, & condemnare velle. Cum igitur nobis male conscii simus, fugimus Deum, & metuemus ejus judicium. Sicut Adam & Heva, cum sentirent Deum in Paradiso appropinquare, quærebant latibula, & reformidabant conspectum ejus, non poterant hoc sibi persuadere, quod, postquam peccassent, Deus eos paterne complecti, ignoscere, & porro defendere vellet. Poenam certam norant, eam judicabant non posse ulla ratione vel impediri, vel mitigari.

*Peccati offer-  
tus in animis.*

Ad hunc modum omnes homines de Deo sentiunt. Ideo hypocritæ, qui se legi Dei satis fecisse somniant, securi sunt, ac tantum non in sinu Dei se sedere existimant, Sed hoc in loco ipse Deus longe aliis se pingit coloribus. Peccatum Israël quale sit, notum est ex crebris hujus prophetæ concionibus. Ac satis id pingitur hac una comminatione, quod minatur Dominus poenam Adamæ & Zeboim, Et tamen dicit Dominus, Conversum ad se cor suum, & incensum esse commiseratione. Hoc quid aliud est dicere, quam quod cor concitatum ira propter peccata hominum, non sit verum Dei cor. Verum autem Dei cor hoc esse, quod afficitur malis nostris, quod ardet commiseratione, quod hominibus ruentibus in suum exitium opem fert, ac meritis extremam calamitatem ultro benefacit. Hoc vere est Deum esse, esse ignoscentem, tangi nostris periculis, magno studio & molimine ferri, ad juvandos miseros peccatores, & eripiendos ex meritis poenis.

*Cor Dei quale.*

*Deum.*

Sal. 4.  
ca. 3.

Proposuerat Deus primis parentibus inobedientiæ poenam, mortem. Non enim est Deus volens iniquitatem. Lapsis igitur in peccatum & mortem, etsi poenam non prorsus adimit, tamen mitigat, & promittit morti successuram vitam, per semen mulieris, quod caput serpentis contritum est. Causa subiti hujus boni quæ est, quod mors propter peccatum irrogata, per Filium Dei tollitur, & ex æterna poena tantum fit poena corporalis? Prorsus eadem est causa, qua hic se commoveri Deus dicit, quod populum Israël, qui meritis erat poenam Adamæ & Zeboim, negat se penitus perditurum. Convertitur enim cor ipsius ad ipsum, hoc est, redit ad ingenium, obtinet antiquum, Non irascitur sine modo, mitis est, habet cor non ira, sed amore ac commiseratione ardens. Itaque abjicit iram, & sequitur suam naturam, quæ bona, placita, ignoscens, misericors est, &c.

Addit autem causam, Quia Deus ego sum, non homo, & sanctus in medio tui. Hoc aliud nihil est, quam si dicat, Cum misereor, cum ignosco, cum tangor vestris malis, hoc facio, quod vere Dei est. Itaque dixi hoc in loco pingi Deum suis veris

X x x

colori-



*Crescere in dilectione Dei.*

coloribus. Hanc Dei noticiam qui habet, is etsi causam habet propter peccata sua, cur sibi inervat, tamen se eriget, & fiducia misericordiae se consolabitur. Contra, qui hanc Dei noticiam amiserunt, isti, sicut Cain, Saul, Iudas desperant. Ideo Apostoli passim hortantur fideles, ut in Dilectione Dei crescant, hoc est, ut corda certo statu-  
ant se à Deo diligere, ac proponunt hujus dilectionis infallibile testimonium, quod non pepercit Filio suo, sed mundo eum donavit, ut ipsius morte mundo redderetur vita. Hoc summum & certissimum dilectionis Dei testimonium est, sicut Paulus ait, *Rom. 8.*  
Si Filium dedit, quomodo non dedit omnia cum eo?

*Deus sanctus.*

Sed cur hominum hic meminit, Quoniam Deus sum & non homo? Nimirum ut ostendat, nos peccato sic depravatos, ut nullum iræ & vindictæ statuamus modum. Hæc implacabilitas ex Satana & peccato est. Eo malo, inquit Deus, ego careo. Ideo etsi irascor, tamen iram moderor, & cum castigo, facio id in iudicio, & non in furore, Nisi homines ejusmodi sint, ut nullum velint modum facere peccatis, ibi justitia est, tales reprimere, & potius eos perdere, quam ut ipsi innumerabiles homines perdant. Sed cum admoniti calamitatibus agnoscunt peccata, expetunt veniam à me, tum quid aliud faciam, quam ut miserear, & omnem iram ejiciam animo? Eodem pertinet quod dicit, Sum sanctus in medio tui. Sicut enim dicit, Deus sum, & non homo. Homo enim per peccatum depravatus, nullum statuit iræ modum, Deus autem peccatum non habet, ideo non sinit iram immodice grassari, Ita dicit, Sum sanctus in medio tui, Q. d. Vos non estis sancti, Ego autem ideo sum in medio vestri sanctus, Ideo me vobiscum conjungo, ut vos sanctificem, ut peccata condonem, & meo spiritu excitem ad veram obedientiam. *Jerem. 16.*

*Summa hujus loci.*

Quomodo autem hoc facit Deus? Nimirum per verbum suum, in quo docet nos de sua misericordia & dilectione erga nos, quam declaravit misso filio. Hac prædicatione Spiritus sanctus accendit animos fiducia bonitatis Dei, ut & doleant de admittis peccatis, & statuam ea à misericorde Deo per Filium remissa ac condonata. Deinde ut toto pectore ferantur ad præstandam debitam obedientiam, & reprimendam carnem. Sic sanctificat nos Deus, habitans inter nos per Verbum Evangelii de Filio suo. Summa igitur hujus loci est, quod Dominus promittit, Etsi regnum, Israel vastandum, & inter gentes disseminandum sit, tamen futurum, ut Deus non in totum id perdat, sed suo tempore revocet per Evangelium ad regnum Christi, ut misereatur ejus, & ignoscat peccata seu sanctificet. Addit autem mirabilem conditionem.

### *Non veniam ad Civitatem.*

*Israëli.*

Hoc quid sibi vult? Alii alia afferunt. Sed mihi videtur simplicissimum & sententiae Prophetæ convenientissimum, ut intelligas Deum sic velle misereri regni Israelis disseminati inter Gentes, ut tamen non redeant Israelitæ ad politiam, & Ecclesiam Mosaicam, quæ usque ad Evangelii tempus in regno Iuda manet. Imitatur *Luc. 14.* hanc ipsam figuram Christus, cum dicit in parabola Luc. 14. Vocatos ad magnam coenam eos, qui in civitate erant. Sed cum præter claudos, cæcos, & alios calamitosos homines nemo venire vellet, tandem mandatum esse à Domino coenæ, ut etiam vocarentur, qui extra urbem in compitis essent. Ad hunc modum hic in Prophetâ dicit Dominus. Adducam Israelem ad regnum Gratiae, sanctificabo ejus reliquias, Sed sic, ne ego in urbem veniam, hoc est, relinquam eos inter Gentes & inter Gentes miserebor eorum. Itaque includitur hic abrogatio politiae & cultuum Mosaicorum, siquidem sanctificatio illis promittitur, qui sunt extra civitatem inter Gentes, non circumcisi carne, non instituti in Lege &c.

### *Post Dominum ambulabunt.*

*Post Dominum ambulabunt.*

Hic demum erit fructus, qui sequetur verbum Evangelii & sanctificationem. Quod cum hætenus ambulaverint secundum desideria cordium suorum, cum statuerint sua sacra, ritus & alia, esse justiciam coram Deo, hæc omnia simul abjicient,

abjicient, & nitentur tantum iustitia & meritis filii Dei, quem in Evangelio audi-  
ent traditum pro peccatis ipsorum. Habet enim sententia hæc insignem exclusi-  
vam omnium operum & cultuum, qui non sunt Dominus. Quanta in Papatu cultu-  
um & operum est varietas? & tamen non Monachus votum suum, non sacrificulus  
Missam suam, non hypocritæ jejunia sua, non divites eleemosynas suas audebunt ap-  
pellare, quod sint Dominus.

Quod igitur dicit, Ambulabunt post Dominum, idem est, ac si dicat, Abjici-  
ent fiduciam omnium operum humanorum, & sola Dei gratia ac bonitate nitentur  
& fident. Nam qui credit Filium Dei factum victimam pro peccatis suis, hic nullo suo  
opere nitetur. Videt enim nostra opera non posse æquari morti Filii Dei. Itaque ea  
una se eriget, per eam unam statuet sibi reconciliatum Deum, impetratam remissio-  
nem peccatorum & vitam æternam. Hoc vere est post Dominum ambulare. Ac se-  
quitur hanc fidem studium obedientiæ erga Legem. Liberati enim à peccatis, cupi-  
unt innocentiam hanc retinere. Etsi igitur labuntur per infirmitatem, tamen se ite-  
rum erigunt hac fiducia, & postea ambulant cautius.

*Sicut Leo rugiet, & cum ipse rugiet pavebunt filij ab occidente,  
Pavebunt qui in Ægypto sunt, sicut aves, & qui de terra. As-  
sur sunt, sicut columba, Ego autem habitare eos faciam in domi-  
bus suis, dicit Dominus.*

Leonis rugitus celebratur inter omnes bestias, quod & maxime sit sonorus, &  
naturaliter incuriat pavorem homini. Ac rugitu fere tum utitur, cum prædam ad-  
eptus est, sicut Amos dicit 3. Nunquid rugiet leo in sylva, quando non habet escam?  
Nunquid dabit catulus leonis vocem suam, de latibulo suo, quando nihil cepit?  
Comparatur igitur prædicatio Evangelii rugitui leonis, quod passim exauditur per  
totum orbem terrarum, & est ejusmodi doctrina, qua animi commoventur, non am-  
plius securi sunt, sed anxie circumspiciunt de salute. Sicut patet ex loco Act. 2.  
cum ad Petrum dicunt, Quid faciemus viri fratres? Petrus autem respondet,  
Agite poenitentiam, & baptizetur unusquisque in nomine Iesu Christi ad remissionem  
peccatorum.

*Rugitus Leo-  
nis.*

Ad hunc modum Propheta hic quoque dicit, Cum ipse rugiet, pavebunt filii ad  
Occidentem; Item Ægyptii & Assyrii. Cum enim securæ mentes audiunt, non con-  
tingere salutem nisi baptizatis & credentibus in nomen Christi, vere expavescunt,  
& de salute sunt solliciti. Sed in eo quoque similitudo belle convenit, quod Leo non so-  
let rugire, nisi cum prædam tenet unguibus & laniat. Nam Dominus noster Iesus  
Christus post victam mortem, post superatum Satanam, post infernum destructum,  
hunc rugitum Evangelii sui edidit, cum iussit Apostolos ire ad omnes gentes, & præ-  
dicare in suo nomine poenitentiam & remissionem peccatorum.

Cur autem utitur similitudine avium & columbarum territarum? Ideo ut  
ostendat tanquam in pictura, quis mundi status sit ante hunc rugitum. Nam ante-  
quam Evangelii prædicatio insonuit, similis fuit mundus avibus & columbis securæ  
sedentibus in pastu. Etsi enim sint diversæ religiones, tamen singuli se id sequi judi-  
cant, quod verum & salutare sit. Differebat cultus Græcorum à Romano, ab utroque  
Ægyptius. Singulæ enim gentes suam propriam habuerunt religionem, nec un-  
quam solliciti de eo fuerunt, fallerentur ne an non? Accidit igitur, quod Christus  
in Evangelio dicit. Fortis dum tenet atrium suum, omnia ejus in pace sunt. Sed cum  
venit fortior & vincit eum, exiit eum armis quibus fidebat & dividit spolia. Aves  
dum in pastu sedent, securæ sunt, pascuntur, non sponte deserunt tam commodum  
locum, sed quotidie repetunt. Si autem subito vel leonis rugitum vel bombardæ so-  
num audiunt, obliti pabuli sursum volant gregatim, & pabulum relinquunt.

*Mundus per  
Evangelium  
turbatur.*

Ad eum modum, inquit Propheta, Evangelium concutiet orbem, commove-  
bit gentes, ut ceu territæ aves surgant de pastu, relinquunt idola & religiones suas, &  
amplectantur Evangelii doctrinam. Respice ad Papæ tempora, priusquam Evange-

lium de Christo innotesceret, varii erant Monachorum ordines, varii cultus, & revera singuli singulas habebant vias, quibus credebant se salvandos. Quanta enim Divorum multitudo, quanta deniq; cultuum erat varietas? Et tamen nemo putabat se falli, singuli quod rectum erat, se tenere ducebant. Similes itaq; erant avibus secure legentibus semina.

Ecce autem singulari Dei clementia Leo rugit, insonat Evangelium, docemur unicum Christi sacrificium esse, quo debeamus niti, Reliqua omnia longe esse inferiora, quam ut liberare ab uno & eo quidem levissimo peccato possint. Ad hanc vocem commovetur Germania, Monachi & Moniales abjiciunt impia vota, quibus hactenus confisi erant, Amplectuntur Filium Dei, tanquam victimam pro peccatis suis oblatam, & vitæ genus sequuntur, quo servire proximo possint. Sic qui confisi erant impio Missæ sacrificio, illud abjiciunt, & sacerdotem Christum amplectuntur. Qui jejuniis, peregrinationibus redemptione indulgentiarum sperarant remissionem peccatorum, abominantur jam mendacem spem, & se conferunt ad Christi sacrificium. Quid multis opus est? hoc rugitu commota terra est, & nos omnes, tanquam aves, quæ prius securæ in pastu sedebant, subito exterriti discessimus ab idolatria, & secuti sumus vocem veri Pastoris nescientis fallere.

*Evangelii prædicatio, Job. 16.*

Qualis autem, inquires, est vox ista? Hæc nimirum, de qua Christus dicit Ioh. 16. Spiritus sanctus arguet mundum de peccato, justitia & iudicio, hoc est, reprehendet mundum, quod habeat peccata, quod careat justitia, quod iudicatus & condemnatus sit, Sic autem liberari à peccato, sic consequi justiciam, sic condemnationem effugere, si credat in Christum, qui ascendit ad coelos, & sedet ad dexteram Dei, ac iudicavit seu condemnavit Satanam, secundum Psal. 110. sententiam, Sede à dextris meis, donec ponam inimicos tuos scabellum pedum tuorum. Hæc Evangelii vox non relinquit in animis securitatem, Nemo enim vult in æternum damnari, nemo vult esse sub ira Dei, Iram Dei fugimus, & vitam æternam expetimus. Itaq; cum hæc vitæ proponatur via, deserunt omnes suas vias, quas vident damnari, & insistent in hanc fidei viam, quæ sola ducit ad æternam vitam.

Igitur Prophetæ quoq; non satis fuit dicere, quod expavescent à rugitu leonis filii ab occidente, Ægyptii & Assyrii, Sed addit, Dominus eos habitare faciet in domibus suis, hoc est, postquam hoc modo per Evangelium territi, reliquerint idolatriam, in qua prius securè vivebant, Dominus eos ostendet nidulos, in quibus securè habitent. Evangelium enim non tantum de peccato arguit mundum, sed docet veram justiciam, proponit Filium Dei, factum victimam pro peccatis nostris ex voluntate sui Patris, ac resurrexisse propter justiciam nostram. Hoc nuntio eriguntur animi. Vident enim se diligi à Deo, vident Deum non delectari ipsorum morte, sed velle, ut credant & salventur. Itaq; hac voluntate Dei se consolantur, ac triumphant etiam in periculis & afflictionibus. Parum enim est, quod ad tempus hic affliguntur, Spes æternæ vitæ eis est potior, hac vincunt quicquid molestiæ & periculorum vel mundus, vel Satan objicit. Hoc est quod promittit futurum, ut securè habitent in domibus suis. Q. d. Non relinquam ita perturbatos, consolabor eos, ac veram vitæ viam eis ostendam.

*Vocatio gentium.*

Observabis autem, sicut antea dixit de reliquiis regni Israel, Ita hic ad societatem Evangelii vocat Gentes. Meminit enim istorum, qui sunt ad Occidentem, & in Ægypto, & in Assyria, ubi regnum Israel captivum fuit. Sæpe autem dictum est, vocationem Gentium ad Regnum Christi includere abrogationem Legis, & cultuum Mosaicorum, ac stabiliri eam justiciam, quæ non ex operibus Legis, sed ex fide in Christum gratis contingit.



CAPUT XII.

*Ephraim ubiq; contra me agit mendacio, & domus Israel dolo, Iuda autem adhuc dominatur cum Deo, & fideliter retinet sanctum cultum.*

**E**c nova est concio, sed prorsus simili argumento. Nam idolatriam damnat, & minatur vastitatem. Sicut enim medicus curam aegroti, dum morbus durat, non abjicit, Ita Prophetæ quoq; , qui verbo mederi Ecclesie debent, tam diu monendo, increpando, minando pergunt, quam diu pergere impios in peccatis vident. Quia autem Iudæ hic fit mentio, quod dominetur cum Domino, apparet hanc concionem inter postremas habitam esse, sub Ezechie tempus, qui Ecclesiam ex Esaie & aliorum Prophetarum sententia egregie restauravit.

*Damnat idolatriam & minatur vastitatem.*

*Iuda.*

Ac supra sæpe diximus, hanc idolatriæ toties repetitam reprehensionem ideo utiliter hodie nostris Ecclesiis proponi, ut tanto simus excitatiores ad agendas Deo pro immensa sua misericordia ac bonitate gratias, quod per claram Verbi lucem ex tenebris erepti nunc agnoscimus Deum, ac veros cultus omni idolatria abjecta & explosa retinemus. Hic enim fons est omnis boni, Sicut e contra, ubi sana doctrina & veri cultus amissi sunt, omnis generis calamitates & poenas sequi necesse est. Quid enim boni ibi sperari potest, ubi nulla Dei noticia est, ubi animi Deum non judicant benignum & faventem esse, sed demerendum studiis nostris? Hic sine modo nascuntur cultus novi, Sed quia sine verbo sunt suscepti, odit eos Deus & punit. Conjecti autem in miseras & calamitatem miseri homines, quia Deum non norunt, aut cum dubitatione cum invocant, aut convertuntur ad sua studia, & hominum auxilia quærunt. Ita subinde altius atq; altius in iram Dei immerguntur.

Hoc est mendacium & hic dolus est, quo se circumdari Dominus hoc in loco queritur. Veri enim cultus sunt, qui suscipiuntur secundum verbum Dei, & mandante Deo. Hi in humilitate & cum certa fiducia misericordiæ suscepti Deo grati sunt. Ideo afflictis rebus opem affert, & invocatus audit, Sed Idolatræ quanto majore conatu se Deo commendare & ex malis præsentibus evolvere moliuntur, tanto involvuntur altius in iram & poenas, sicut paulo post Propheta dicet. Mendacium igitur impia doctrina, & dolus, hypocrisis ac impius cultus est, qui qualis in regno Israel fuerit satis ipsa historia ostendit.

*Veri cultus.*

*Idolatra.*

*Mendacium, Dolus.*

Contra, ingens Iudæ commendatio & consolatio est quod dominatur cum Deo, hoc est, quia retinet verum cultum, quia habet verbum purum, dominatur, nec potest opprimi, aut corruere penitus, cum tamen Satan hoc ubiq; agat, ut omni genere malorum pios obruat. Vtrinq; igitur eventus mirabiles & insperati sunt. Pii, quia odit eos mundus propter confessionem & verbum, in periculo sunt & sibi metuunt, Sed frustra metuunt. Dominantur enim cum Deo suo, hoc est, tam non possunt opprimi, quam non potest opprimi Deus, in quo confidunt, & cujus verbo nituntur. Contra impii, excæcati præsentis successu, putant periclitaturos se si verâ religionem amplectantur, ac ideo urgent impietatem, quia hoc modo stabiliri opes suas putant. Ierobeam judicabat se amissurum regnum, si populum suum divinitus mandato cultu permitteret uti. Papa judicat dignitatem & opes se amissurum, si nostram doctrinam probet, nec videt aliam viam stabiliendi regni sui, quam si pertinaciter sit impius. Sed quid fiet? Hac ratione ipse sibi accersit poenas, & nunquam finiendam calamitatem. In Ebræo est (Imkedoschim neeman) cum sanctis fidelis. Id aptissimum visum est referre ad cultum. Etsi enim Ebræi Sanctos, Deum, intelligunt, tamen hoc simplicius est. Neq; tamen errat, qui simpliciter intelligit Sanctos, sanctificatos, vel Ecclesiam. Eodem enim sententia redit, Retinere Iudam fideliter cultum, observatum à Sanctis in sancta Ecclesia, & eo in loco, quem ipse Dominus cultui suo sanctificavit. Quæ sequuntur de eventu utrinq; docent, Impii scilicet regni Israel, & pii regni Iuda.

*Ierobeam, Papa.*

*Ephraim pascitur vento, & persequitur ventum orientalem, quotidie multiplicat mendacia & vastitatem, ac percutiunt fœdus cum Assyrio, & balsamum in Ægyptum portant.*

*Idolatra vana  
spe se consolatur.*

Insigni figura Propheta est usus, qua omnium temporum impios idolatras pingit. Magnifice sibi pollicentur de cultibus suis, In eos incumbunt magno studio, præsertim cum urgentur periculis, Sed perinde hoc est, ac si famelicus hauriat ore ventum. Est enim non solum vana hæc spes, sed magis provocatur ad iram Dominus. Hodie Germania sentit periculum, quod à Turcico Tyranno impendet, Nec quisquam tam est stupidus, qui non videat hanc peccatorum esse pœnam. Qui igitur Pontificis auctoritatem sequuntur, instituunt supplicationes ad certos Divos, indicunt jejunia, cumulant Missas, & alios idolatricos cultus. Hac ratione se publicis malis mederi & iram Dei placare posse sperant, Sed vere pascuntur vento, & sequuntur orientalem ventum, qui cum siccus & frigidus sit, noxius est. Ita varietas cultuum impiorum nihil est, quam mendacium, & auget calamitates. Alia enim ratio est placandæ iræ Dei, de qua Propheta statim admonebit, ut misericordiam & iudicium custodiamus, ac speremus in Deo nostro pertinaciter. Sed mundus neutrum facit, Misericordiam ac iudicium negligit, & querit humana præsidia, Sicut Israel conjungebat se cum Assyrio, & quærebat auxilia Ægyptiaca. Sed hæc quoque studia nihil sunt, quam mendacium & vastitas. Fallit enim spes humanorum auxiliorum, & certam affert vastitatem.

*Lis est Domino contra Iudam, ut visitet super Iacob secundum vias ejus, eiq; reddat secundum studia ejus.*

*Cur liti meminit.*

Iudam supra laudavit, quod dominetur cum vero Deo, & cultum verum retineat, Cur igitur liti meminit? Nam hac phrasi Propheta passim utuntur in malam partem, sicut supra cap. 4. & 5. & Mich. 6. Respondeo, Historia nos abunde docet de hac re. Nam quæ Ecclesiæ forma fuerit ante Ezechiam, notum est, Et Assyrius cum captivum abduxisset regnum Israel, etiam Iudam afflixit ob peccata Ahas patris Ezechiae, de quo historia dicit 2. Reg. 16. Non fecit, quod erat placitum coram Domino Deo suo, sicut David pater ejus, sed ambulavit in viis regum Israel, & imitatus quoq; est Damascenorum impietatem. Itaq; post alias clades etiam ab ipso Senaherib regnum Iuda graviter est afflictum, & obsessa Ierusalem. Sed Dominus misertus pii regis Ezechiae, obsidionem miraculo solvit. Iacob autem seu Israel regnum penitus vastatum est. Quod igitur de Iacob addit, est sicut illud Petri, Iudicium à domo Dei incipit. Et Christi, Si hæc sunt in ligno viridi &c. Si enim Domino cum Iuda lis est, qui cultum verum tum retinebat, Iacobo majus periculum metendum erat, qui etiam admonitus nolebat resipiscere.

*In utero arripuit plantam Fratris sui, & viribus suis prævaluit Deo, Et prævaluit Angelo, eoq; potentior fuit, flevit & precatus est eum. In Beth-El invenit eum, & ibi locutus est nobis Dominus Deus exercituum Dominus, memoriale ejus.*

*Iacob Patriarcha.  
Esa.  
Jacob.*

Vocavit regnum Israel usitato nomine Iacob, Ac ex hac appellatione jam sumit occasionem gravissimæ exhortationis. Proponit enim fidem & studium promissionum Dei, quod fuit in Patriarcha Iacob, cujus nomen impii Israelitæ usurpabant, ac docet in Israëlitis nihil inveniri simile. Nam exercebant impios cultus, & verbum prorsus negligebant. Hanc iudicio huius loci esse simplicissimam sententiam, ac recte cohæret cum præcedentibus & sequentibus. Commendat autem fidem Patriarchæ Iacob, commemoratione duarum historiarum. Prima est Genes. 25. quod cum Rebecca, quæ sterilis fuerat, primo partu geminos eniteretur, exiit primus Esau, Iacob autem in utero arripuit plantam fratris, tanquam retenturus eum, & invidens ei primogenituræ prærogativam.

Mirabi-

Mirabilis profecto historia, quam hoc in loco Propheta ideo adducit, ut statuamus non temere hoc esse factum. Cur enim allegaret temerarium factum & cum eo conjungeret, quod maximæ admirationi nobis est, quod homo cum Deo luctatus, tamen non potuerit vinci? Ostendit igitur in embryone Iacob fuisse ingens desiderium & studium consequendæ promissionis Patribus factæ. Itaque cum frater prior exiret ex utero, conatus est eum retrahere. Notum enim est quod fuerit primogeniti jus, seu privilegium. Pertinebat ad eum promissio de semine contrituro caput serpentis. Hanc Iacob etiam in utero matris studuit obtinere, Siquidem conatus est impedire Esau, ne primus nasceretur. Vnde, inquires, in foetu hic sensus? Ex Spiritu sancto, nimirum, qui Iohannem, sex mensium foetum, ita illuminavit, ut sentiret Christi recens concepti præsentiam. Est enim Deus non tantum adultorum Deus, sed etiam infantum, etiam embryonum, dum adhuc in utero sunt. Ac quid hoc mirum est, Spiritum sanctum in eis esse efficacem eo modo, quem nos non intelligimus? tamen cum habeant vitam, carnem & ossa, non tamen aluntur in utero eo modo, quo nos, qui in hac luce vivimus, alimur.

*Primogeniti  
ius.*

*Spiritus sanctus  
efficax in non-  
dum matris.*

Vere igitur odiosum & impium Anabaptistarum dogma est, qui ideo pueris baptismum negant, quod sensu & mente careant, nec intelligant quæ cum eis aguntur. Nobis non intelligunt, nobis mente ac sensu judicantur carere, Sed Deo non sic, cuius opus sunt. Deus enim sicut alio modo eos alit, quam nos. Ita quoque alio modo movet eorum corda. Quod si nullus in Iacob, cum adhuc in utero matris vivit sensus est, cur allegatur ejus factum? aut in quem usum allegatur? Sed considerat Propheta Dei mirabile opus, & ideo in Iacob nondum nato singulare studium ac desiderium promissionis de Christo, hoc est, primogenituræ prædicat, ut arguat Israelitas, qui ad exemplum Esau promissionem de semine negligebant, & curabant interim ventrem. Hanc sententiam nisi sequaris, quis erit usus hujus historiae hoc in loco citatæ, aut quomodo non ineptum erit, eam conjungere cum altera memorabili historia de lucta Iacob cum Deo, citra Iordanem? Ac divus Paulus quoque non frustra, sed disertis verbis, cum de Iacob & Esau loquitur, addit, priusquam nascerentur.

*Anabaptista-  
rum error.*

*Rom. 9.*

*Gen. 32.*

*Gen. 23.*

Altera historia est Gen. 32. Sicut enim Iacob, cum adhuc in utero matris esset, optavit consequi promissionem, Patribus de Semine benedicto factam. Ita ætate auctum hoc studium est, ex pia institutione Parentum, ac matris præcipue, quæ à Patriarcha Sem acceperat responsum futurum, ut Minor dominaretur Majori. Ac sicut historia ostendit, accidit casu, ut venator Esau, fame pene enecatus, rediret domum, ac primogenituræ jus fratri cederet propter cibum, cuius tum avidior quam promissionis erat. Itaque cum Isaac jam ex hac vita emigraturus, benedicere filiis vellet, pio matris dolo substituitur Iacob pro Esau, ac benedictionem à patre accipit. Ea re admodum offensus est Esau, Itaque mater metuens, ne Cain exemplum sequeretur, ablegat filium Iacob in Mesopotamiam ad fratrem Laban, cuius duas filias Iacob in uxores ducit. Tandem cum revocaretur à Domino in terram Canaan, metuens fratris iram Iacob, ad eum mittit servos, ut explorent ejus animum. Esau audito adventu fratris, cum quadringentis expeditis viris ei occurrit. Id nuncium Iacob admodum perturbavit. Nam causa non constabat, cur frater tanto numero stipatus se in viam dedisset.

Cum igitur ad vadum Iordanis, cui Iaboc nomen est, venisset, transportat noctu pecora, familiam, uxores ac liberos. Ipse autem solus subsistit citra Iordanem, oraturus sine dubio, & commendaturus suam & familiæ salutem Deo suo. Ibi historia commemorat, accessisse ad Iacob noctu virum, qui hostiliter eum aggressus sit, ita ut de vita periclitaretur Iacob. Ac diserte Scriptura dicit, Prævaluisse Iacob illi viro, qui etiam rogavit, ut dimitteretur. Itaque Iacob positum nomen Israel, quod sonat vi-ctorem Dei, quia Deum vicerit. Hæc fere sunt, quæ historia ostendit.

*Historia de la-  
da cum An-  
gelo.*

*Israel.*

Hic primum observa, nomen (Elohim) quod in plurali numero Deum significat, sicut passim, ac præcipue in primo Capite Genesis ostenditur. Addit autem Propheta hoc in loco aliud nomen, & vocat (Maleach) quod Angelum sonat.

*Angelus cum  
quo Iacob lu-  
clatur, est pater  
Dei.*



Itaque Iudæi suo more nugantur & (Elohim) etiam exponunt Angelum. Sed veritas nos aliud docet. Scimus enim Christum propter ministerium, quod in Ecclesia & in carne habiturus erat, dici Angelum, Genes. 48. Esa 63. Malach. 3. Itaq; clarum est, Angelum hunc, qui & (Elohim) dicitur, fuisse Filium Dei, Et Iacob, quia in ea lucta vicit, vocatur Israel, quod Deum vicerit. Gen. 48.  
Esa 63.  
Malach. 3.

*Fuit Angelus  
cum Iacob quando  
luctatus.*

Ad hunc modum mysterium Trinitatis involvunt Prophetæ, & cum certam personam pingunt, tamen docent non nisi unum esse Deum, qui est Deus Pater, Deus Filius, qui nascitur ex Patre, & Deus Spiritus sanctus qui procedit à Patre & Filio. Disputari autem varie solet, qualis ea fuerit lucta? Sed historia ostendit Iacob venisse in certum vitæ discrimen, & totis viribus esse ob antagonista ignoto invasum. Itaq; viribus corporis ipse quoq; contra antagonistam est usus, ut defenderet vitam. Non tamen pugnavit corporis viribus tantum, etiam fides ejus luctata est, ac primum in tam præsentis periculo consolatus se est, quod divinitus esset jussus redire in terram Canaan. Deinde toto pectore arripuit promissionem in BethEl à Domino factam, ubi clare promissa est defensio. Cum igitur angeretur, ac ab ignoto hoste totis viribus oppugnaretur, etsi viribus suis contra est usus, tamen fortius pugnavit fide, intuens promissionem, & certo statuens Deum secundum Verbum suum affuturum in tanto periculo, & servaturum, Atq; hac fide vicit Deum. Etsi enim Christus tentaret Iacob hac lucta, tamen præter vel contra Verbum suum, quo Iacob nixus est, nihil potuit facere.

Apparet autem Iacob tum demum agnovisse, quod esset Dominus, cum tantum esset femur ejus, & Dominus rogaret dimitti. Magnum enim est, quod ab Antagonista, cum quo de vita pugnaverat, petit benedici, & ipse Dominus se vult agnoscere, cum ei nomen Israël tribuit. Dicit enim, Quia cum Deo & hominibus confixisti & prævaluisti. Sicut igitur Iacob de vita periclitatus est inter luctandum, ita quoq; fides ejus graviter est oppugnata. Norat Iacob promissionem Dei, sed nunc tentatur, ut dubitare de ea incipiat, vera ne sit, & an Deus vere promiserit hoc, ac in tanto periculo jam constitutum servare velit. In his terroribus ac periculis fides verbum arripit, & statuit Deum secundum Verbum suum etiam in media morte servaturum vitam, & daturum posteritatem &c. Atq; hac ratione vincit Iacob, nec potest succumbere.

Atq; hæc causa est, quod Propheta hic dicit de BethEl. Sicut enim cum Iacob fratrem fugeret, ibi primum Deus se ei revelavit, ac promissionem certam proposuit, qua Iacob in hac lucta se sustentavit ac vicit, Ita post, sicut Gen. 35. scribitur, Promissio hoc ipso in loco repetita est, & Iacob ideo erexit ex Domini jussu altare. Sententia igitur est, In BethEl invenit eum, hoc est, ibi repetita est promissio, & intellexit Iacob se non frustra credidisse. Habet autem loci appellatio etiam Antirhesin, qua punit idolatras, Q. d. Quam dissimiles estis Patrum vestrorum? Edificavit Iacob in BethEl altare, sed jussus à Deo, Vos sine mandato Dei istuc erexitis templum vitulo. Ac cum Deus in BethEl locatus nobis sit, & magnificas promissiones nobis fecerit, Cur vertimur nos ad muta idola? Cur verbo non attendimus? Ad hunc modum Propheta ubiq; notat idolatras ac punit.

*Cananitis.*

Nos, etsi corporale periculum non sentimus, tamen hunc spirituales agone experiri necesse est. Quoties enim tentamur de peccatis nostris? quoties sentimus iram Dei? Sæpe Satan ex ipso verbo Dei nobis intentat aternos cruciatus & damnationem, dum non solum terret animos comminationibus Legis, sed etiam iræ exempla proponit. Hic vere luctamur cum Deo, sicut Cananitis, quæ tristis sententiam ex Christo audiebat, à quo sperarat salutem. Ex tamen si nitimur promissionibus de Christo, ac pertinaciter speramus, Deum nobis propter Filium suum juxta promissiones propitiū fore, vincimus exemplo Iacob, & sumus nos quoq; Israel. Matth. 1

*Iacob.*

Sed ad Prophetam redeo, Cur utitur hisce historiis? Nimirum ut ostendat regnum Israel, quod Patriarchæ Iacob nomen usurpabat, prorsus dissimiles esse. Fuit enim in Patriarcha Iacob eximium studium verbi, seu promissionis de Christo, & fides

& fides constantissima. At regnum Israel exemplo Esau verbum & promissionem de Christo negligebat, oderat fratres, qui verum cultum retinebant, & nitebatur suis meritis, ac pertinaciter retinebat idolatricos cultus, sacrificabat vitulis &c. At Jacob Domino Deo Zebaoth excitabat altare, ut testaretur se credere promissioni ibi factæ.

Hic iterum memineris mysterii Trinitatis, Deum & Angelum vocat, ac post addit, In BethEl invenit eum & ibi locutus est nobis. Quis? Nimirum qui erat Deus & Angelus (Maleach Elohim) Ut autem prorsus nihil dubites, quis ille Deus & Angelus sit, addit Dominus Deus exercituum, Dominus memoriale, seu nomen ejus, Hic augustum Dei nomen (Iehova) tribuitur Domino nostro Iesu Christo, quod ipse sibi sumit, cum dicit, Philippe, qui videt me, videt Patrem meum. Hanc lucem cæci Iudæi non digni sunt, ut videant. Itaq; cum legunt hæc, quid legant nesciunt, & impossibile est, ut ex hoc loco possint se evolvere, aut eum rectè explicare. Si autem verum est, quod Prophetæ ex Spiritu sancto locuti sunt, quod potest Trinitatis clarius testimonium ostendi? Sed pergamus ad reliqua.

Christus Deus.

*Et tu ad Deum tuum convertaris, Beneficentiam & iudicium custodi, & spera in Deum tuum semper.*

Proposuit Prophetæ exemplum Patriarchæ Jacob, cujus nomen Idolatræ Israelitæ usurpabant, Sed non imitabantur fidem. Nunc subjicit exhortationem, Fac tu quoq; eadem, inquit, & rectè vocaberis Jacob. Hic primum observa Iudæos fortiter hoc in loco convinci ab ipso Propheta, quod falsò vocabulum (Elohim) supra positum exponunt de Angelis, Nam hic idem nomen repetitur, & jubet Propheta, ut Israelitæ se convertant ad eum Angelum, & ut semper in hoc Angelo spem habeant. Ergo Angelus hic, ad quem Propheta jubet converti populum suum, & sperare in eo, cum quo Jacob luctatus est, non est Angelus creatura, sed æternus Filius æterni Patris, Dominus noster Iesus Christus. Hunc jubet Propheta agnosci & accipi. Sicut Pater quoq; sua voce de cælo sonat, Hic est Filius meus dilectus, hunc audite. Et secundus Psalmus mandat, Osculamini Filium.

Exhortatio ad imitandum Jacob.

Hic igitur vide, quanta dissimilitudo sit. Jacob etiam in utero cum fratre depugnavit de consequenda hac promissione, & in lucta contra Angelum hac ipsa promissione vicit. Sed populus Israel prorsus nullam hujus promissionis curam habet, Retinet Idolatricos cultus, sine Dei mandato institutos. His sperat se mereri gratiam & remissionem peccatorum. Quid magis absurdum fingi potest? quodq; minus conveniat ad Jacob exemplum? Luctatus est Jacob cum Angelo, & deprecatus est eum flens, ut benediceret. Ab hoc Angelo avertit se Israel, ac benedictionem, quam ultro Angelus hic per Verbum suum offert, abjicit, ac sperat in idolatriam suam. Rectè igitur objurgat Propheta, & hortatur impium populum ac dicit Convertere tu quoq; ad Deum tuum. Hic enim est vocabulum (Elohim) cum quo luctatus est Jacob.

Complectitur autem brevis hæc concio pulcherrimam formam pœnitentiæ. Primum enim hortatur, ut abjecta fiducia proprii meriti, convertant se ad promissum Semen, quod contritum erat caput serpentis, & sublaturum maledictionem, in quam propter peccatum primorum parentum totum humanum genus prolapsus est. In hoc Semen qui credunt, hoc Semen qui accipiunt, hi non sunt idolatræ, sed Deum colunt eo modo, quo ipse se patefecit homini, & coli voluit. In hoc enim Semine ostenditur nobis, quæ sit Dei erga nos voluntas, quod non irasci, sed propitius esse, non damnare, sed salvare velit peccatores, Siquidem hunc Filium ponit victimam pro peccatoribus. Hic est cultus cordis, & sicut Paulus appellat λογική λατρεία, quæ in prima tabula Decalogi proponitur.

Manifesta autem est Antithesis, Quia enim jubet, ut ad Deum convertantur, significat eos aversos esse à Deo, seu verbo, & retinere sua studia. Hic qui pœnitere volunt, necesse est, ut ad Deum convertantur, hoc est, ut attendant Verbo secundum mandatum de cælo, Hunc audite. Ad hunc cultum, qui est fides in Christum,

Doctrina pœnitentiæ.

mone t.

monet, ut addant alios externos cultus. Qui vero hi sunt? Sacrificia ne? oblationes, holocausta? incensa? baptismata? &c. Hæc quidem proposita erant Iudæo populo, primum ut essent exercitia externi cultus, Deinde, ut tanquam typus futuri sacrificii, docerent populum de vera liberatione à peccatis, quæ non per asperisionem sanguinis taurini, agnini, vitulini, sed promissi seminis, hoc est, Filii Dei, ventura erat. Ideo cum hæc essent typus, necesse fuit ea aboleri præfente veritate. Ac Propheta propositurus externos cultus, quos præstant, qui ad Deum convertuntur, tacet de his legalibus cultibus, & proponit præcepta perpetua & immutabilia, nempe secundam tabulam Mosi, Hanc in pulcherrimum compendium redigit, sicut Paulus quoque, cum dicit, Finis Legis charitas.

Primum est, ut custodiant beneficentiam, hoc est, ut sint in omnes beneficii. Sicut Christus quoque, egregie charitatis opera commendat, cum interrogatus de summo mandato Legis, dicit, Dominum Deum tuum diliges ex toto corde, tota anima, & viribus totis. Hoc primum & summum præceptum est. Alterum huic simile est, Diliges proximum tuum sicut teipsum, Si igitur serio cupis converti ad Deum, primò amplectere vera fide Christum tanquam Redemptorem tuum, Crede Deum propitium tibi futurum, propter Filii sui mortem. Deinde si quæris, qualis debeat esse vita tua, præsta beneficentiam, non solum non sis injurius in quenquam, sed etiam prosequere beneficiis quos potes, Hic enim Legis finis est.

*Charitatem  
parci præstant.*

Facilis, inquires, hæc veri cultus ratio est? Profecto facilis, sed vide tu, quam pauci eum præstent. Vide, quanta sit in liberis & familia inobedientia erga parentes, quanta parentum negligentia in educandis & gubernandis suis. Hæc quomodo conveniunt ad beneficentiam? Deinde vide, quanta sit impatientia, quantus iræ furor in hominibus, injuriæ, convitia, diræ imprecationes, plagæ, cædes etiam. Huc annumeræ cæcarum libidinum innumera incommoda, deinde furta, fraudes, imposturas, mendacia, perjuria, & quis enumeraverit omnia? Hæc ex diametro pugnant cum hoc præcepto, & tamen quàm sunt vulgaria in omnibus vitæ ordinibus? Nihil igitur mirum, si hanc peccatorum usitatam licentiam variè punit Deus.

Taceo autem jam ista graviora officia, cum aut Magistratus negligenter facit officium, aut etiam injurius est, & tyrannidem exercet, Aut Doctores non fideliter suos docent, ac magis quæstui suo, quam saluti suorum consulunt. Si autem qui ad Deum vere convertuntur, hæc officia præstant, ut benefici sint in proximum. Nonne verè dicemus de iis, qui diversum faciunt, eos à Deo aversos, & sine fide esse.

*Judicium con-  
jungitur cum  
beneficentia.*

Cum beneficentia conjungit Propheta judicium, Sed alia ratione, quam Michas in capite sexto. Ibi enim certas ob causas judicium exposuimus, de doctrina sana, per quam Spiritus sanctus judicat mundum, hoc est, damnat impios cultus, & opera impia, ac docet veros & sanctos cultus. Hanc partem poenitentiae Propheta complexus paulo ante est, cum jubet, ut ad Deum convertantur, hoc est, ut Dei verbo auscultent. Itaque judicium hoc in loco proprie significat illud ingens veræ charitatis opus, scilicet reprehendere, prohibere, damnare, quæ mala sunt. Sicut Paulus Magistratum monet, gestare eum gladium, ut terrori sit malis, Et patresfamilias etiam tum sunt benefici in suos, cum scandalis occurrunt, & severa animadversione in peccantem familiam utuntur. Habet enim judicium locum suum in omnibus vitæ generibus, ut singuli pro sua vocatione in id incumbant, ne scandala impunè grassentur.

In genere autem pertinet ad judicium, quod Christus omnibus Christianis mandat, ut fratrem peccantem privatim arguant. Non enim connivendum est ad cuiusquæ flagitia. Privati monendo & objurgando scandalis occurrere debent, Magistratus gladio. Parentes, & patresfamilias non tantum minis, sed etiam verberibus. Itaque non minus late patet hæc charitatis pars, quæ vocatur judicium, quam ipsa beneficentia. Ac debent in omni vita misceri beneficentia & judicium, hoc est, afflictis subveniendū, contra facinorosis occurrendū est, ne immodicè scandala grassentur.



tor. Lyra non ineleganter dicit, ideo conjungi hæc, quia judicium sine misericordia sit crudelitas, Misericordiam autem sine judicio esse pusillanimitatem. Verum enim est, quod licentia homines deteriores fiunt, & multos à judicio absterret metus. Non enim libenter nobis conciliamus odium, quod, judicium si exerceas, sequi perpetuo solet.

Itaq; Propheta addit tertium membrum, & jubet spem poni in Deo nostro. Quia enim mundus non vult reprehendi, nec damnari, varia pericula subeant necesse est, qui pro vocatione judicium exercere volunt. Et est alioqui Satan juratus piorum hostis. Itaque hoc piis faciendum est, ut si quid accadat incommodi, patientia id vincant & spe æternorum bonorum se consolentur, quibus hujus vitæ passionibus longe inferiores sunt. Hæc igitur corona est qua ornata est sancta Ecclesia. Non vertit Deo loquenti tergum, sicut solent inobedientes liberi parentibus, Sed auscultat humiliter, & sequitur vocem Dei, Deinde in calamitosos est benefica, malos autem, pro vocatione sua, reprimat. Ac si quid accidit ideo incommodi, vel à Satana, vel mundo, æquo animo id fert, & tradit vindictam judicanti juste, Consolatur tamen interim se spe futuræ & æternæ liberationis, quæ per Angelum benedictum contingit. Hoc curriculum est, in quo pii decurrunt. Nam, ut dixi, Propheta totam vitam piorum ac integram poenitentiae formam voluit hac brevi concione complecti. Nunc redit ad objurgandum populum suum his sanctis admonitionibus non acquiescentem.

*Vericulus in Ecclesia.*

*Sede est Canaan, In manu ejus est statera dolosa, cupide infert injurias. Sic enim dicit Ephraim, Dives sum factus, inveni mibi opes, Nec invenietur in cunctis laboribus meis vel iniquitas, vel peccatum.*

Quæ usq; ad finem capitis sequuntur, apte cum superioribus cohærent. Proposuit exemplum Patriarchæ Jacob cujus nomen impius populus Israël usurpabat, Deinde etiam Regulam poenitentiae tradidit, Nunc autem contra ostendit, quantum degeneraverit hic populus à sancto Patriarcha, cujus nomen usurpabat, & à sana doctrina. Itaq; non appellat amplius domum Jacob, sed Canaan, ut ostendat populum Israël nihilo meliorem esse illis gentibus, quas propter multiplicia peccata ejecerat Dominus ex terra. Ac docet ordine negligi beneficentiam, contemni judicium, & pertinaciter populum retinere idolatricos cultus. Porro vocabulum Canaan mercatorem significat. Nota autem mercatorum studia sunt, Cumulandæ pecuniæ dant operam, nec pensi habent, jure an injuria diteſcant.

*Quantum à Patriarcha Jacob degeneraverit hic populus Canaan.*

*Mercatorum.*

Ideo Propheta hic addit de statera dolosa, & cupiditate nocendi. Nam hanc existimat vulgus rationem quærendæ & augendæ rei optimam, si pondera & mensuras vitiet, ac incautos emptores decipiat. Non putat comparari opes posse justis rationibus. Convincuntur igitur impii Israelitæ, quod nullum prorsus beneficentiæ studium habeant, Siquidem tantum de quæstu sunt solliciti. Taxat idem peccatum Michas quoq; in sexto, & ostendit, quæ poenæ sint secururæ. Est autem hoc peculiare avaris, etsi sine aliorum injuria magnas opes parare non possunt, ut non agnoscant peccatum, sed rationes fingant, quibus excusent se. Qui honestissimi sunt, adduci se studio familiæ suæ alendæ dicunt, Alii temporum difficultatem allegant, quæ majores sumtus requirat, Alii exemplis aliorum se tuentur, ac putant sibi quoq; licere, quod impune ab aliis committi vident.

*Statera dolosa.*

*Avaritia se excusat.*

Sicut igitur Ephraim hoc in loco dicit, Non invenietur iniquitas in laboribus meis, Ita avari non solum excusant se, sed etiam sibi blandiuntur, quasi ista opum vis, tam malis artibus parta, sit benedictio Dei. Sed eventus comprobatur non esse benedictionem. Vere enim, ut Michas dicit, male partæ opes, sunt quasi ignis in domo divitis. Sequuntur enim eas certæ calamitates. Sicut igitur beneficentiam comitatur benedictio, Ita vesanum hoc studium augendæ rei multiplices poenæ comitantur, quas etiam in hæredes cum opibus derivari experientia monstrat. Hæc prima pars Antithesis est, in qua docet beneficentiam negligi. Sequitur secunda pars de neglecto judicio.

*Et ego*

*Et ego Dominus Deus tuus, ex terra Ægypti, qui te adhuc sedere facio in tabernaculis certo tempore, & loquor cum Prophetis, Ego multiplico visionem, & per ministerium Prophetarum me patefacio, Sed in Gilead est iniquitas. Vani enim facti sunt. In Gilgal quoque immolant boves, & Altaria eorum sunt, sicut acervi in sulcis agrorum.*

*Objurgatio  
propter non fa-  
ctum judicium.*

Adhortatus supra est ad judicium faciendum, hoc est, ut singuli in suo genere occurrant scandalis, & damnent quæ sunt damnanda, Sed hoc in loco queritur Dominus, id quoque indignissime negligi. Ego, inquit, eduxi vos ex terra Ægypti, & annum Festum tabernaculorum, quod celebratis, testimonium dicit de multiplicibus beneficiis, quibus vos per omne tempus profectiois vestræ in deserto cumula- vi. Sed parum hoc est, Addidi majus beneficium, Per Prophetas, cum quibus loquor, hoc est, quos Spiritu meo repleo, vos doceo de veris cultibus, & damno idolatriam. Hic quid decebat vos facere? An non ipsi quoque parere voci & monitionibus meis debebatis, & exercere judicium ac damnare quæ cum verbo pugnant? Sed nihil horum à vobis fit, In Gilead exercetur idolatria; in Gilgal fiunt sacra, & aræ tot sunt, quot in agris acervi lapidum sunt. Sic judicium prorsus nullum apud vos est. Pertinet igitur objurgatio hæc, tum ad Magistratum civilem, tum etiam ad Sacerdotes, quorum officium erat, damnare impios cultus, & docere de veris cultibus. Sed hi Patroni impietatis & idolatriæ erant, ac exemplo suo vulgus invitabant ad impios cultus.

Verbum (Adameh) significat assimilari, Id fere hoc in loco exponunt pro eo, quod est, dare similitudines. Nam Prophetarum conciones non ubique planæ sunt, sed sunt similes ænigmatum, ac recte conjungitur hoc cum visionibus. Mihi tamen ea sententia magis videtur propria, quam aliquantulum mutatis verbis reddidi, quod per ministerium Prophetarum patefecerit se Deus, hoc est, ostenderit verum cultum per verbum suum. Proponit enim Deus in verbo similitudinem sui, hoc est, pingit voluntatem suam, de qua non possunt dubitare, qui verbum fideliter retinent. Sicut enim pictura refert faciem hominis, Ita Verbum veram Dei notitiam nobis proponit.

*Fugit Iacob in agrum Syriae, & servivit Israel propter uxorem, propter uxorem custos fuit pecoris. Eduxit autem Dominus Israel ex Ægypto per Prophetam, & per Prophetam custoditus est.*

*Reprehensio  
quod noluit  
converti ad  
Deum.*

Hoc tertium membrum & principale est, quod nolint converti ad Deum, etsi variis ab eo beneficiis provocentur. Vtitur autem hic quoque exemplo Iacob, qui cum extreme miser esset, tamen non discessit à vero cultu & verbo. Cum contra populus Israel abundet bonis, & tamen nolit ad Deum converti. Ita totus hic locus & cohæret apte, & utilem doctrinam proponit, si per omnia Antithesin observes. De spe in Deum, quod quartum membrum erat, nihil meminit. Quia enim in populo Israel nulla beneficentia, nullum judicium, nulla ad Deum conversio erat, Ideo etiam non urgebatur cruce, quæ sola pios animos excitat ad spem in Deum.

*Historia pa-  
trum.*

Porto œconomicae historiae Patrum, qualis hic de Iacob recitatur, admodum sunt utiles. Vtrunq; enim proponunt, & varios adversæ fortunæ casus, & mirabilem Dei gubernationem, qua suos defendit, servat & benedicit tandem. Patriarcha Iacob jam à patre Isaac acceperat benedictionem, quæ promittebat futurum, ut non solum dominaretur fratri, qui major erat, sed etiam, ut haberet filium Christum, cujus beneficio totum humanum genus à peccatis & morte æterna liberaretur. Sed hujus benedictionis tam opulentæ quæ sunt initia? Hæc nimirum, quod frater Esau, quem divina benedictio constituebat Minorem, incipiebat insidiari vitæ Iacob. Itaq; Parentes moti tanto periculo, & ablegabant filium Iacob in Mesopotamiam, & dabant hoc in mandatis, ut non nisi avunculi Laban filiam duceret in uxorem, ita  
initium

initium benedictionis est longinquum exilium, conjunctum cum certo vitæ discrimine. Nihil enim aliud fratris pertinax ira & odium promittebat. Cum igitur Iacob ad avunculum Laban venit, & ex parentum consilio de uxore ducenda cogitat, servit annis 7. pro Rahel. Sed decipitur à Laban, & adjungitur ei Lea. Itaq; alios septem annos pro Rahel impetranda servit. Hoc pene ridiculum & indignum viro judicatur, tam longam servitutem consequendæ uxoris causa suscipere & ferre.

*Iacob servivit pro uxore.*

Sed ostendit primum hoc Patriarchæ factum, quanti fecerit auctoritatem parentum, qui certum mandatum dederant, ne aliam, quam avunculi filiam duceret. Ac optabile erat, ut aut liberi in hoc ipso negotio Parentum auctoritatem & consilium sequerentur semper, aut cum contra faciunt, à Magistratu in eos animadverteretur. Quid enim indignius est, quam cum parentum contemptu aut neglectione nuptias quærere? Itaq; leges quoq; civiles Parentum consensum requirunt in legitimo matrimonio, Sacrarum autem literarum auctoritas ostendit infelicia consilia esse, quæ contra parentum voluntatem instituunt liberi. Et testatur experientia quoque, plerunq; tales nuptias infelices esse, Non ideo solû, quod hæc ætas infirmior sit, quam ut recte sibi possit consulere, ducitur enim, imò rapitur cæcis & stultis cupiditatibus, Sed quod Deus ubiq; auctoritatem parentum vult salvam esse. Itaq; & obedientibus liberis, sicut Iacob, benedicit, inobedientes autem, pro merito, sive in conjugio, sive extra conjugium vivant, affligit.

*Parentum consilio in diligenda uxore utendû.*

Secundo ostendit hoc ipsum factum Patriarchæ, quanti fecerit conjugium, nunquam enim tam longam servitutem subiisset, nisi statuisset hoc genus vitæ & Deo gratum & hominibus necessarium esse. Sed cum hoc iudicio sancti Patriarchæ quomodo convenit, quod Papistæ docent & faciunt, qui tanquam profanum vitæ genus honestas nuptias damnant? Ferunt tamen impietatis hujus dignas pœnas, quod & corpora & conscientias pollutas circumferunt. Quam autem putabimus horum conjugium fuisse amicam & suavem vitæ consuetudinem? Non enim ideo tam longo tempore servivit Iacob, ut haberet socium vitæ, cum quo perpetuo rixaretur. Vidit probari Deo hanc corporum & animorum piam conjunctionem, Vidit occasiones in hoc vitæ genere varias, exercendæ charitatis, & probandæ obedientiæ Deo. Itaq; tanquam Scholam omnium virtutum matrimonium cupide ingressus est, & speravit Deum non solum gubernaturum, sed etiam varia benedictione ornaturum conjuges. Id quod accidit, sicut ipse dicit, Se præter baculum nihil in Mesopotamiam attulisse, exire autem nunc sic benedictione Domini locupletatum, ut duo agmina in terrâ Canaan reducat. Debet autem hoc quoq; consolari pios conjuges.

*Nuptiarum commendatio.*

*Conjugium Sanctorum.*

Summa igitur hujus loci est, Iacob, cujus nomen impium regnum Israel usurpabat, in summa miseria exul servivit apud avunculum, Sed non ideo discessit à Deo, non abiecit verbum Dei & cultum, retinuit spem benedictionis pertinaciter. Sed quid facit populus Israel, provocatus variis beneficiis? Non enim solum Dominus eos in terram Canaan deduxit, Sed etiam addidit magno numero Prophetas, qui ad verum cultum eos invitarent. Audi Prophetam,

*Sed Ephraim irritat Deum per idola, ideo sanguis ejus super ipsum effundetur, & blasphemias ejus reddet ei Dominus ejus.*

Hoc est, Ephraim non vult converti ad Deum, non audit Prophetas, sed retinet idolatricos cultus. Ideo contrarius eventus eos excipiet. Sicut enim pius Iacob tulit pietatis præmium, amplissimam benedictionem, Ita regnum Israel impietatis pœnas dabit, & extinguetur. Dominus ejus, rex Assur, cujus potentia putabat se tutum fore ab aliorum hostium impetu, reddet eis opprobrium, hoc est, puniet contemptum verbi, quod Deum tam diu sunt passi frustra clamare. Hæc enim vere blasphemia est, non obedire Verbo, sed id persequi & damnare. Ebraum vocabulum (Thamrurim) est factum à (Marâr) quod significat amarum esse, ac si dicas amaritudines. Sic autem vocat idola vel statuas, quas odit Dominus, & quorum cultu exacerbat. Apud Ieremiam capite 31. accipitur (Thamrurim) pro statuis seu monumentis præteritarum calamitatum.

*Ephraim in idolatria pergens plectitur.*



## CAPUT XIII.

*Cum loqueretur Ephraim horrenda, efferebat se in Israel, Deinde peccabat colendo Baal, ideoq. mortuus est, Nunc autem amplius peccant & faciunt sibi conflatile ex argento suo, & secundum industriam suam sculptilia, Opus artificum id totum est, De bis concionantur ipsi, Qui hominem immolaverit, osculatus est vitulos.*

*Inste abisti per-  
tinaciter pec-  
cantem populum.*



St hæc quoque Concio instituta contra peccatum idolatriæ, Sed paulo altius id hoc in loco repetit Propheta, ut ostendat iusto Dei iudicio tam pertinaciter peccantem populum sine misericordia abjici inter Gentes. Nam duplex scandalum Propheta videt. Alterum est, quod Deus tam diu meritis poenas differt. Etsi autem hoc facit Dominus, ut tempus poenitentiae concedat peccatoribus, tamen abutitur hac Dei patientia & longanimitate mundus ad licentiam peccandi. Alterum scandalum est, quod cum emendationis spes nulla est reliqua, Deus tarditatem supplicii gravitate compensat. Hic enim iterum impingit ratio, & offenditur, statuit enim Deum ad crudelitatem usq. indulgere iræ. Hoc scandalum ut præcidat Propheta, ab exordio regni Israël commemorat initia & progressus idolatriæ & impietatis, frustra renitentibus & in viam revocantibus Prophetis pertinacem populum.

*Idolatria quomodo paulatim in regno Israël crevit?*

Erit autem Lectori hæc concio admodum facilis, si historiam regni Israël in conspectu & notam habeat. Nam cum poena idolatriæ, quam Salomon in uxorum gratiam primus in hoc populo instituerat, non solum in ejus filium Rehabeam, sed etiam in totum populum derivaretur, & decem tribus per secessionem se cum Ierobeam conjunxissent, Sola autem tribus Iuda cum reliquiis Benjamitarum, Davidis nepotem pro rege agnosceret, Ierobeam vitulorum cultum in Dan & Beth El instituit. Sperabat enim hoc pacto facilius se retenturum regnum. Hæc idolatriæ initia Propheta intelligit, cum dicit, Ephraim horribilia vel dixisse, vel docuisse. Etsi enim hoc alii politice intelligunt, & ad seditiosas voces decem tribuum referunt, tamen mihi rectius videtur accommodari ad impia dogmata, quæ piis animis vero, ut Propheta appellat, sunt (Retheth) seu terror. Vident enim cum sparguntur impia dogmata, simul spargi semina ingentium calamitatum, quibus idolatras tandem involvi necesse est. Itaq. cum pii hæc certo videant eventura, commoventur animis, ædolent, quod in tam gravi peccato, & certis poenis homines ita securi sint.

*Id.*

*Vitulos.*

*Idol.*

*1. Reg. 16.*

Deinde vocabulum (Retheth) etiam recte eo transtuleris, quod idolatria & impia dogmata semper conjuncta sunt cum crudelitate. Sicut hodie adversariorum nostrorum manifestus furor est, qui ne verbo quidem idolatriam suam volunt notari, ac ideo crudeliter sæviunt in Ecclesiam Dei. Notaphrasis est in vocabulo (Nasa) significat enim levare caput, efferrī. Initium igitur idolatriæ fuit, cum in Israël per Ierobeam institueretur cultus vitulorum, quem Ierobeam secum ex Ægypto, ubi aliquandiu exulavit, in regnum Israël attulit. Hunc vitulorum cultum secutum aliud malum est, nempe cultus Sydonii idoli Baal, quem Ahab uxor Iezabel invexit, sicut ostendit historia 1. Reg. 16. Quæ autem calamitas hanc idolatriam secuta sit, Propheta hoc loco uno verbo ostendit, historia autem pluribus. Non solum enim omnis familia Ahab ob hoc peccatum excisa est, usq. ad mingentem ad parietem, sicut scriptura solet loqui, sed miserabili fame terra afflicta est, quod neq. ros, nec pluvia amplius toto triennio de cælo venit. Perpetuus autem famis comes est pestilientia, & accessit quoque ab externo hoste periculum.

*Idol.*

Sed ne hoc quidem modo sanatus est populus. Cum enim per Iehu, & cultus Idoli Baal, & tota Regis posteritas deleta esset, infelicius seculum est secutum. Sicut enim prius regia familia peculiarem cultum instituerat, ita postea singuli singulos sibi Deos fingeant. Sicut apud nos post Missæ impium cultum secuta est multi-

multiplex idolatria, Singuli enim singulos sanctos fere invocabant & colebant, sicut impiarum statuarum infinita multitudo indicio est, quam qui in templis hodie, & in tanta verbi luce retinent, næ illi parum attendunt, quam facilis lapsus sit in tanta scandalorum occasione in superstitiosos cultus.

Vtitur autem Propheta, insigni extenuatione, cum idola vocat (Mæse haraschim) Opus fabrorum seu artificum. Nisi enim artificis manus accederet, quid aliud adorarent, quid aliud invocarent stulti idolatræ, quam lignum, lapidem, argentum, quoad alias res homines recte utuntur, ad invocationem autem recte uti non possunt, quæ uni Deo debetur, cujus nulla est similitudo, nisi Verbum seu Filius Dei, qui sola mente coli vult. Hæc sane in populo Dei sic gesta esse, contra Prophetarum assidue admonitiones & objurgationes quis non miretur? Sed restat alius idolatriæ gradus longe execrabilior. Ideo Propheta ultimo loco eum ponit, quod vitulis immolarint filios & filias, hoc animo, tanquam præstituri Deo eximium cultum. Sic enim ratiocinabantur, Si Deus in Abraham tantopere probavit voluntatem, Quanto magis probabit ipsum factum? Sed decepti à Satana idolatræ, non videbant Abraham peculiari mandato jussu, ut offerret filium, Se autem generali mandato à cæde facienda prohiberi. Ita videmus semel à vera semita declinantes, subinde altius involvi erroribus, donec pereant.

Psalm.

Notanda autem hic phrasis est in verbo (iischakun) osculantur. Significat enim summum cultum seu reverentiam, quæ debetur Deo, sicut ex secundo Psalmo patet, ubi jubet osculari Filium. Hunc summum cultum, inquit Propheta, putabant positum in eo, Si vitulis immolarent homines. O verè excæcatas à Satana mentes & animos. Tanto decebat nos gratos magis esse Deo nostro, qui per lucem Verbi sui nos liberavit à tam multiplici idolatria, & ostendit dum demum se vere coli, si osculemur & audiamus Filium, ac per ipsius sacrificium speremus Deum nobis reconciliatum, condonata peccata, & donatam vitam æternam. Nunc de poenis addit,

*Ideo erunt quasi nubes matutina, & quasi ros mane veniens, & sicut palea, quam ventus dispellit in area, & velut fumus qui de fenestra pellitur.*

Supra in sexto capite similitudine matutinæ nubis & roris est usus, cum consolaretur Ecclesiam promissionibus regni Christi. Itaq; hoc in loco, si quis eandem sententiam retinere volet, facilis applicatio est, quod scilicet præcones impietatis & idolatriæ omnia promittant ex sententia successura iis, qui usitatos cultus retinuerint. Sed Propheta subjicit contrariam sententiam. Non eritis sicut nubes matutina, nec sicut ros mane cadens, quin potius eritis sicut palea in area & fumus in fenestra. Neutrum enim consistere potest, sed vi pellitur. Mihi tamen videtur aptius si etiam de rore & nube similitudo jungatur cum palea & fumo. Nam Propheta hoc in loco, non ut supra, respicit ad humectationem, quæ sitientem terram & solis ardoribus pene exhaustam recreat, sed ad subitam mutationem. Etsi enim nubes mane surgens videatur totum cælum occupatura, tamen paulatim & brevi temporis spacio sic à Sole hauritur, ut nullum usquam relinquatur ejus vestigium. Idem in rore videmus, qui etsi late campos & agros occupet, tamen paulatim absumitur à sole. Ita minatur regnum quoq; Israel perituro subito, nec ulla vel potentia, vel consilio hoc malum averti posse ostendit.

Eadem aliarum similitudinum sententia est, Non ut nos in horreis & sub tecto, sed in aperto campo triturbant Iudæi segetes, Itaq; paleæ facile & subito dispelluntur. Eodem modo Israel dispellendum minatur. Fumus quoq; nusquam minus potest consistere quam in fenestra, ibi enim vi Venti propellitur, nec ullo modo sustinere venti impetum potest. Idem de Israël quoq; futurum dicit, cum admovebit exercitum Assyrius. Ad hunc modum similitudines belle conveniunt, & graphice pingunt magnitudinem calamitatis, quæ idolatras oppressura sit.

Yyy 2

Ego

*Ego autem Dominus Deus tuus de terra Ægypti, Itaq; Deum præter me non agnosces. Non enim est Salvator præter me. Ego cognovi te in deserto, in terra arida. Sed cum abunde eos pascere, & saturati essent, elevatum est cor eorum, & obliti sunt mei.*

*Ingratitudinis  
accusatio.*

Haftenus ostendit, quomodo paulatim idolatria incrementa sumpserit, donec ad summum pervenit, Nunc, ut amplificet, hanc populi impietatem, addit de suis meritis & beneficiis, Quod se huic populo patefecerit, liberando eum ex dura servitute Ægypti, Quod in ipso deserto varie eorum necessitati succurrerit, pluendo manna de coelo, aperiendis saxis, ut largam effunderent aquam &c. Quod tandem in uberrima pascua, hoc est, in terram Canaan eos perduxerit, ubi munitas civitates & magnifice extructas ædes, consitos agros, & vineta, pulsas gentibus occupaverunt. Pro his tantis beneficiis, inquit, hanc fero gratiam, quod me non agnoscunt Deum & Salvatorem esse, qui tamen solus eos salvavi, Sed tribuunt hunc honorem idolis gentium, mei autem sic obliviscuntur, ac si nunquam aliquid eis benefecerim. Elevatum enim est cor eorum in copia omnium rerum, hoc est, Verbum, quod per Prophetas eis dedi, neglexerunt, & quæsierunt sibi alios cultus, quam quos verbo meo ostenderam, ac obliti sunt mei, hoc est, prorsus nullam curam Verbi habuerunt, perinde vixerunt, ac si nunquam cum eis per Prophetas essem locutus. Nam hoc vere est oblivisci Dei, cujus tamen nomen idolatris semper in ore erat, sed verbo non attendebant.

*Securitas facit  
negligentes &  
superbos.*

*David.*

*Ezechias.*

Est autem hæc ingens ac horribilis humani cordis malicia, quod facilius tolerat mala quam bona. Vexatio, inquit Esaias, dat intellectum. Nam in malis discimus agnoscere peccata, emendamur, invocamus Deum, exuimus securitatem. Sicut Manassæ exemplum ostendit, & Parabola de filio prodigo, Sed cum abundamus, fere semper obliviscimur Dei, David cum primum à Saule, & postea à filio Absolone periculum esset, quam sancte & humiliter se gerebat? Sed in ocio & abundantia positus turpissime & gravissime peccat. Sic Ezechias, cum hostis ad moenia esset, & jam instaret ultimum discrimen, quanto ardore orabat ad Deum? quam humiliter à Propheta petebat, ut interponeret ipse quoq; preces suas? Idem in morbo suo & certo vitæ periculo facit. Sed cum & hostis sic divinitus submotus esset, ut nullum ab eo restaret periculum, & confirmata quoq; valetudo esset, in securitatem, & pernitiosam ambitionem incidit, cujus posteritas poenas dabat.

*Prov. 30.*

Recte igitur Salomo orat, Duo rogavi te, ne deneges mihi antequam moriar, Vanitatem & verba mendacii longe fac à me, hoc est, sic me gubernà, ne incidam in impia dogmata & idolatriam. Mendicitatem quoque & divitias ne dederis mihi. Tribue tantum victui meo necessaria, ne forte satiatu illicitarum ad negandum, & dicam, Quis est Deus? aut compulsus egestate furer, & contumelia afficiam nomen Dei mei. Vidit sanctus vir, nihil esse difficilius, quam in rebus secundis non efferri, non inolescere, non abjicere timorem Dei. Ac Gentiles quoq; experientia edocti, ingrati comitem Nemelin seu Adrastian iis addiderunt, qui nescierunt in rebus secundis servare modum. Recte igitur David beneficii loco prædicat, quod subinde afflictionibus suorum vitam & conditionem temperat Deus, Bonum est, inquit, Domine quod humiliasti me, ut discerem justificationes tuas. Hoc enim remedio Deus insolentem naturam reprimit, & his ceu calcaribus & freno indomitum equum retinet, ne feratur, quo cum mala aufert cupido. Utile autem est, hanc nostram infirmitatem, seu, ut verius dicam, extreme corruptam naturam, nobis bene esse notam, ut & incumbamus in orationem diligentius, ne inducamur in tentationem, & perpetuo defigentes oculos in verbum, nusquam à timore Dei deflectamus.

*Psalm. 119.*

In Oeconomia experimur similia. Nam familia corrumpitur indulgentia, Contra severitate iusta retinetur in officio. Respublicæ quoq; cum florent, diffuunt ocio, quod semper foecunda mater omnis generis vitiorum extitit. Itaq; videmus Imperia, tum demum ruere ac labi, cum firmissima sunt. Quid enim aliud faciat Deus,



Deus, postquam homines ita turpiter beneficiis ejus abutuntur, quam ut occasiones flagitiorum præcidat, & variis calamitatibus impios reprimat? Sicut jam addit.

*Quare ego quoque, ero eis sicut Leo, sicut Pardus, qui insidiatur in via, Occurram eis quasi ursus orbatu catulis, & lacerabo obstinatum cor eorum, devorabo eos ibi quasi Leo, Bestia agri diripiet eos.*

Hæ sunt tragicæ figuræ, quibus magnitudinem securæ poenæ describit. Leonis ferocia & invicta virtus nota est. Pardi ad ferociam etiam astum addunt, Nam ut historiæ docent, in frondosis arboribus confidunt, ut incautos viatores & nihil ex alto metuentes, opprimant. In urso quoque celebratur studium & amor in foetum suum. Sed cur singulariter cordis meminit lacerandi? Respicit Propheta ad pertinacem contemptum Verbi. Nam cum Propheta ex mandato Dei populum conarentur revocare in viam, non admittebant pias admonitiones. Nunc autem fiet, inquit, ut corda vestra hætenus ad verbum clausa, aperiantur duris calamitatibus, ut & agnoscatis vos meritis idolatriæ poenas dare, & frustra circumspiciatis de auxilio, cum prædæ eritis Assyrio, tanquam Leoni famelico.

Leo.  
Pardus.

Ursus.

Laceratum cor.

*Perdidisti te, Israel, Sed in Me est auxilium tuum.*

Recte hæc cum superioribus cohærent. Quia enim, ut supra quoque dixi, ratio offenditur, ac judicat populum hunc durius affligi, quam conveniat bonitati Dei, ideo hæc quasi excusatio instituta est. Sic enim dicit Dominus, in me est auxilium tuum, hoc est, cupio te defendere, te servare, te gubernare, ne quid patiaris incommodi. Hoc enim, vere est Deum esse. Sed tu hoc serio conantem facere impedis per peccata tua. Quia enim nullum impiorum cultuum & idolatriæ finem facis, quid aliud faciam, quam ut te perire sinam? Est autem perditio hæc ex te. Hæc hujus loci vera sententia est.

Vsi autem sumus hoc dicto ad refutandos liberi Arbitrii assertores, Quod salutis nostræ causa solus sit Deus, non nostra opera, Nos autem destitutos Gratia, nihil ex nobis posse, nisi peccare, & sic nobis ipsis esse causam interitus. Hæc sententia etsi cum ea, quam ostendimus, non prorsus videatur convenire, tamen nulla alia re differt, nisi quod à specie ad genus translata est. Sicut enim Israel sibi ipsi causa fuit exitii propter peccata sua, Deus autem, si peccare desisset, & egisset poenitentiam, libenter eum servaturus & defensurus fuerat, Sic omnes homines sibi accersunt certum exitium per peccatum, si poenitentiam non agant, nec vel peccato resistere, vel poenæ peccati occurrere ac mederi possunt, destituti Spiritu sancto. Nam hæc regula certa est ac vera, Deum esse natura bonum, ideo nihil à Deo proficisci, nisi quod bonum est. Mors autem est mala, peccatum etiam est malum, Item poenæ, quæ peccatum sequuntur, siue sint corporales siue spirituales, Non igitur à Deo proficiscuntur mala hæc.

Vnde igitur, inquires, sunt hæc? Sunt ex ipso peccato secundum sententiam, Quæcumque die comederitis ex ligno hoc, morte moriemini. Sed peccati porro quæ causa sit, si roges, sacræ literæ ostendunt, id ex Satana esse, cui contra verbum Dei assenserunt nostri parentes, & Deo inobedientes facti incurrerunt in horribiles poenas. Nam per peccatum illud non solum corpora nostra sic infirmata sunt, ut ex immortalibus mortalia fierent, sed etiam mens depravata est. Amisit enim homo veram Dei noticiam, & voluntas quoque tum admodum est depravata, ut nihil quàm malum appetat, hoc est, ut Paulus dicit, ut oderit legem Dei, & peccato delectetur. Nam de naturalibus appetitionibus, quales sunt, studium conservandi sui & suorum, in fame desiderium cibi, in nimia fatigue quietis desiderium &c. hic nihil agimus. Voluit enim Deus hæc etiam in natura integra existere, quæcumque nunc aliquid admixtum sit vitii, propter peccatum, nec semper hæc appetitiones se intra suos limites continent, sicut usu discimus.

Yyy 3

Hæc

Hæc igitur vera mali seu peccati causa est, quod voluntas per peccatum depravata, & mens agnitione Dei, ac ipso Dei spiritu est destituta. Hinc enim non modo, tanquam ex perenni fonte, omnis generis peccata emanant, sed etiam reliqua mala oriuntur, quæ in hac misera vita patimur, & patientur damnati in æternum. Accendit autem Satan voluntatem contra Deum, & tanquam equo sua natura indomito, subjicit calcaria. Hæc tot ac tam multiplicia mala ex peccato, per Satanam enata, isti non vident, qui liberum arbitrium defendunt. Etsi enim ratio imperare sibi potest, ne consentiat omnibus cupiditatibus, quod attinet ad ipsum externum opus. Sæpe enim cohibet, sæpe moderatur vitiosos impetus, Id enim nisi aliquo modo in nobis esset positum, quæ legum politicarum, quæ disciplinæ esset utilitas, quam tamen tantopere divinitus commendari videmus? Ac docet experientia, eam pene solam efficere, ne omnes pariter in cædes, adulteria, & alia vitia prolabamur, Tamen inde effici non potest, quod sit arbitrium liberum, hoc est, quod homo sine Spiritu sancto se gubernare, recte facere, ac Deo commendare possit, Id quod caput est de quo liberi Arbitrii defensores pugnant. Nam ipsa concupiscentia peccatum est, nec est ociosa, sed perpetuo contra legem Dei sollicitat animos. Vere igitur nihil in homine boni est, si non per Spiritum sanctum prius corda fide purificata, & per remissionem peccatorum nobiscum nata iniquitas sublata fuerit.

Quædamliberum  
arbitrium  
est.

In homine nihil  
boni est.

Atq; hæc nostra ratio est, quod liberum Arbitrium dicimus nullum esse, ac defendimus in homine nihil esse boni, nec posse ab homine boni aliquid fieri, nisi Spiritus Sanctus eum regeneret. Sicut Ecclesia egregie profecto canit de Spiritu, Sine tuo numine, nihil est in homine, nihil est innoxium. Etsi enim externam disciplinam, quæ in arbitrio hominis aliquo modo posita est, Deus & exigit & probat, tamen hac non liberamur à peccatis, non liberamur à morte, non commendamur Deo, ut remittat peccata, & æternam vitam donet. Contingunt hæc tantum fide, ex merito Filii Dei, qui pro peccatis nostris sua morte satisfecit, & promissionem Spiritus à Patre accepit, per quem corda moventur, ut & credant remissionem peccatorum, & resistent peccato ac nocenti concupiscentiæ, quæ non prius tota moritur, quam caro hæc moriatur. Non igitur hoc Prophetæ dicto inepte usi sunt nostri, contra liberi Arbitrii Patronos.

*Vbi est rex tuus nunc, ut salvet te in omnibus civitatibus tuis? Vbi sunt Iudices tui, de quibus dixisti, Da mihi Regem, & Principes. Dedi tibi Regem in ira mea, & auferam eum in furore meo.*

Magistratus  
eximium Dei  
donum.

Magistratus eximium Dei donum est, concessum hominibus ad defensionem contra varias improborum injurias. Ac addit Deus successum Magistratui, sedulo in hoc incumbenti, ut reprimatur malorum cupiditas, sicut ostendunt exempla. Sed Prophetam, imo Dominum ipsum, audi hic, quid minetur. Non solum peccata ex Deo clementi iratum Deum faciunt, sed etiam Magistratui potentiam & arma excutunt, ne facere possit, quod divinitus jubetur facere. Q. d. Dedi tibi Regem, dedi Principes, qui te defenderent ab omni injuria, tum hostium externorum, tum civium, sed sicut ego te salvare non possum, cum tu urgeas per peccata meritum tuum, sic ne Magistratus quidem tuus salvare te poterit, sed una tecum peribit.

Quod sequitur, Dedi tibi Regem in furore meo, plerumq; exponitur de Saule, quem Dominus populo improbo ad Gentium exemplum flagitanti, Regem dedit, cum prius non Reges per successionem, sed Iudices imperarent, quos Dominus pro sua voluntate ex incertis familiis deligebat. Sed non inepte hæc ad Ierobeam videntur referri. Non enim hæc concio ad totum populum, cui Saul Rex contigit, sed ad domum Israël pertinet. Et retinuit regnum Iuda Reges suos usq; ad captivitatem Babylonicam. Ierobeam igitur Rex est, quem dedit Dominus in ira sua. Nam per discessionem seu seditionem illam punivit Dominus idolatriam à Salomone inventam in populum, sicut historia ostendit. Minatur igitur, quod sicut ista regni Iudæ divisio propter idolatriam facta est, ita quoq; regnum Israel penitus propter idolatriam

etiam ab Assyrio vastandum, ut posthac nullum Regem habeat. Ita initium hujus regni consentit cum fine.

*Colligata est iniquitas Ephraim, & repositum peccatum ejus. Dolores parturientis venient ei. Ipse est filius non sapiens, Veniet igitur tempus, & non consistet, Obruetur enim doloribus partus.*

Non nunc primum cœpisti peccare, idolatria cœpit, cum regnum habere inciperes, Sed non statim punivi te, colligavi quasi in fascem peccata tua, ac dedi spacium poenitentiae. Dissimulavi iram, ac si peccata tua essent abscondita, & ego ea non viderem, Sed nunc proferentur in apricum, & adducentur jam olim merita poenae. Tum dolor parturientis te apprehendet, hoc est, graviter angeris. Quia fuisti filius non sapiens, hoc est, quia noluisti acquiescere Verbo meo, quod solum sapientes facit. Siquidem instillat animis timorem Dei, & eximit securitatem, Hæc enim vera *Vera sapientia* sapientia est. Veniet igitur tempus, cum gravissime angeris, nec ullo modo poteris effugere dolorem, tanquam parturiens mulier, quæ cum foetus jam exiturus est, gravissime angitur, nec ulla ratione effugere dolorem potest, quantumvis magno labore & sudore enitatur. Hæc propria sententia est.

Isa 37.

Verba in Ebræo paulo obscuriora sunt. Sic enim sonant (Ki eth loiaa mod bemischbar banim) quoniam tempus non stabit in utero filii. Vocabulum (Maschbar) significat matricem, seu ut proprie dicam, os matricis. Est autem factum à verbo (Schabar) quod frangere & conterere significat. Nam cum ad matricis os foetus pervenit, ista quasi collisione aperiuntur ossa vicina, quæ sacra vocantur, & est dolor intensissimus, ac nisi parturiens fortiter enitatur, periclitatur una cum foetu. Itaq; hæc figura aliud nihil significat, quam præsentissimum periculum. Sic Rex Hiskia ad Esaïam dicit, Venerunt filii usq; ad (Mischbar) & desunt vires ut enitar, hoc est, sum in extremis angustiis, undiq; premor & angor, nec patet liberationis via. Eadem prorsus figura, imo iisdem quoq; verbis Propheta hic utitur, Nos etsi pluribus verbis sumus usi, tamen exprimere breviter Ebræi sermonis non satis potuimus.

*De manu inferni redimam eos, à morte vindicabo eos. Ero pestis tua Mors, Ero exitium tuum Inferne.*

Propheta postquam idolatris vastationem minatus est, Nunc vertitur ad consolationem *Consolatio piorum.* piorum, qui non solum spectaturi tam horribiles poenas erant, sed etiam, ut sit, eas passuri. Nam cum publicæ poenæ grassantur, etiam pii partem earum sentiunt. Mirabilis autem hæc consolatio est, quam eis proponit. Non enim dicit futurum, ut eos Dominus, cum ingruet Assyrius Monarcha, à manu ejus liberet. Occidimini, inquit, vos quoq; aut captivi abducemini in Gentes, nec erit melior vestra conditio, quam idolatrarum, propter quos tanta ira & calamitas grassatur. Hanc poenam sustinebitis æquo animo. ac sperabitis longe meliorem liberationem, quam si nunc ex manu inimicorum liberaremini. Liberabo enim vos de manu inferni, hoc est, jam vita functos & sepultos, excitabo in meliorem & æternam vitam. Sic pensabo passiones vestras, & tribulationes, quæ parient æternum pondus gloriæ &c. Vocabulum (Scheol) quod fere infernum vertunt, significat sepulcrum seu locum, in quem cadavera hominum reponuntur. Itaq; vult dicere Propheta, Cum jam corpora vestra terræ mandata fuerint, & jacebitis omnis sensus expertes, tum demum continget vobis liberatio, quam vos sperare jubeo & vobis promitto. *Promissio de abolenda morte.*

Quomodo autem hoc? Respondet Dominus, Mors, ego ero Pestis tua, Inferne ego ero Exitium tuum. Hic primum Antithesin considera. Mors nobis est pestis & exitium. Quis enim unquam hominum mortem potuit evadere? At nunc consolatur Dominus, futurum, ut Mors, quæ omnibus hominibus incurabilis pestis est, etiam suam pestem sentiat & extinguatur, ac promittit se fore Morti pestem & inferno exitium. Notabis igitur primo, quod Dominus hic loquatur, qui paulo ante dixit, Ego Dominus Deus tuus, Deum præter me non agnosces, Non est Salvator præter



me. Nam vincere aut delere Mortem, non hominis, sed solius Dei virtus & potentia est. Quomodo autem Deus morti pestis sit facta, exponit novum Testamentum, quod Dei Filius ab æterno Patre genitus, æternus & omnipotens, per Spiritum sanctum conceptus, in utero Mariæ virginis in hunc mundum sit Homo natus. Ibi postquam homines de Dei voluntate bona docuit, & evidentibus miraculis & signis se Dei Filium esse probavit, tandem Patri obediens est factus usque ad mortem, & mortem crucis, quam subiit ad exolvenda peccata nostra & placandam iram Dei. Ac mortuus in cruce, sepultus est, Tertia autem die resurrexit, Nam à morte & sepulchro non potuit teneri is, qui vita erat. Phil. 2.

Ibi demum impletum est, quod hoc in loco Dominus promittit, Mors enim devoravit Christum, sicut alios homines, sed mirabili modo fit, dum mors Christum devorat, devoratur, dum occidit, occiditur, dum vincit, vincitur. Non enim simpliciter cum homine congreditur, sed cum homine, qui est æternus Dei Filius, & Dominus totius creaturæ. Itaque paruit tandem, eum habere potestatem ponendæ & sumendæ animæ seu vitæ suæ, & non tantum hominem esse, etsi vere carnem humanam induit, sed etiam immortalem Deum. Hoc miraculum Ecclesia pulcherrimo cantico celebrat, Mors & vita duello conflixere mirando, Dux vitæ mortuus, regnat vivus. Quod ad Grammaticam attinet, noverit Lector hic poni eadem vocabula, quæ sunt in Psalmo 91. Non timebis à peste perambulante in tenebris, & ab exitio, Psal. 91. quod grassatur in meridie. Vtrunq; eo in loco significat, sicut hic, exitiale malum, seu pestem præsentissimam, quæ inficit & occidit corpora. Translatio latina habet, Asperum verbum, & dæmonium meridianum, sed collatus locus ad hunc, facilis est intellectu. In Ebræo sunt (Deber & Kereb.)

Divus Paulus 1. Corinth. 15. Etsi verba mutavit, tamen sententiam pulcherrime expressit. Devorata inquit, est mors in victoriam, hoc est, Christus vicit mortem, ac vult ea victoria nos quoque frui, Adjuti enim ab ipso, non vincemur à morte, sed vincemus. Addit igitur, Vbi est aculeus tuus ô Mors, & Inferne, ubi est tua victoria? Q. d. Vterque hostis noster longe lateque imperavit, & omnes homines oppressit. Sed postquam per Christum mors deglutita est seu absorpta, non potest amplius nocere. Etsi enim est noster hostis, tamen est spoliatus, victus, & armis ac viribus omnibus exutus. Itaque frustra eum metuemus, qui in Christum credimus, victorem mortis. 1. Cor. 15.

Atque hæc est hujus loci vera & utilis praxis, ut quoties de morte cogitamus, oculos nostros conjiciamus in Christum, & hanc ejus victoriam intueamur. Si enim mortem spectes qualis erga nos sit, merito desperabis. Nihil enim invenies in te virium, quibus tam potenti hosti resistas. Cum nemine unquam congressus est, quem non vicerit, excepto uno Christo. Itaque si tu quoque non vis vinci, cum Christo te conjunge, hoc est, nitere ejus victoria, spera te per ipsum servatum iri, & quanquam mors occideret corpus, tamen statue & crede Christum redditurum tibi vitam meliorem & æternam. Est enim Dominus mortis, devicit eam, occidit eam, & ut Propheta hic loquitur, morti factus est pestis & exitium, ut nos, qui sub morte sumus, per eum viveremus. Sicut per eum mors mori coacta est. Mortuum autem hostem quis tam est vecors qui timeat? Hæc consolatio firmiter tenenda est in morte & omnibus aliis hujus vitæ periculis & difficultatibus, tum fiet, ut luculenta hac spe suffulti, non succumbamus.

Pontificis Doctores varia præsidia ostendunt contra mortem, sed vere ficulnea. Non enim nostra opera, non aliorum merita, non intercessiones Sanctorum à morte liberabunt. Hæc una via est, qua servamur, ut statuas Christum sua morte nostram mortem, vicisse, & nos excitaturum esse in meliorem & æternam vitam. Paulus, pro excellenti sua cognitione, pulcherrimas & plenissimas consolationum consequentias ex hoc Propheta loco necit, Si inquit, mors amisit aculeum, seu potentiam, suam, Sequitur etiam peccatum per Christum expiatum, & nos ab eo liberatos esse. Vbi enim peccatum est, ibi mortem existere necesse est. Sicut e contra, ubi peccatum non

non est, ibi vita & iusticia adsit necesse est. Sed si peccatum per hanc victoriam sublatum est, peccati quoque virtus, hoc est, Lex simul sublata est, ne damnare vel accusare nos possit. Hæc, inquit, est præclara illa victoria, quam habemus per Christum, & merito pro eo gratias agimus Deo nostro, qui eam nobis dedit, ut nos ea fruamur.

*Sed consolatio abscondita est ab oculis meis, Et tamen inter fratres ipse fructum feret.*

Simplicissime hoc ego intelligo, quod consolatio hæc non cernatur oculis, sed fide accipiatur. Oculi enim eam non vident, sed aures in Verbo audiunt, & cor per fidem statuit verum esse quod audit, & acquiescit hoc modo in verbo. Si quis tamen ad Synagogam incredulam hæc referre malit, quod abjiciat Evangelium, nec velit credere, cum eo non pugnabo. Quod addit de fratribus, proprie pertinet ad Ecclesiam pingendam. Qui enim in Christum credunt, hoc est, qui sperant per Christum liberationem à morte & Inferno, hi sunt filii Dei, Iohan. 1. Vocantur igitur fratres, ut qui per Christum eundem Patrem habent. Inter hos, inquit, ipse fructum feret, hoc est, Christus hac consolatione, quæ abscondita est ab oculis, excitabit corda, ut in summa securitate expectent æternam vitam, & æquo animo ferant ac tolerant quicquid malorum hæc præsens vita objicit. Qui autem fratres non sunt, hoc est, qui per Christum non credunt se factos filios Dei, hi in morte & Inferno manebunt, sicut Iudæi, Turcæ, Gentes, Hypocritæ, falsi fratres, &c. qui Christum non agnoscunt Dei Filium, & Salvatorem mundi.

*Consolatio hæc fide apprehenditur.*

*Sola Ecclesia fructum meritis Christi.*

*Veniet autem ventus urens, Dominus à deserto ascendet, & arefaciet venam ejus, & fontem ejus exiccabit, Ipse diripiet thesaurum omnium vasorum desiderabilium.*

Hanc quoque particulam varie interpretantur. Alii enim ad Assyrium, alii ad Nebucadnezar hæc referunt, forte ideo quod hic dicitur de vasis desiderabilibus. Hieronymus nescio quam Allegoriam fingit. Exponit enim thesaurum & vasa desiderabilia, Sanctos Patres, per Christum resurgentem liberatos ex inferno. Hæc etsi non disputantur irreligiose, tamen aliena prorsus ab hoc loco sunt. Itaque quid proprium maxime sit in interpretatione Prophetarum, potissimum spectandum est. Primum igitur consideret Lector, quod ventus urens, quem vocat (Kadim ruah) semper significat in malam partem. Sicut enim Zephyri foecundi sunt, ita orientales, quia frigidi & sicci sunt, agros lædunt. Deinde non gratiæ, sed iræ verba hæc sunt. Arefaciet venam, exiccabit fontem &c. Duriora autem longe hæc sunt, quam ut ad captivitatem vel Babylonicam vel Assyriacam referamus. Nam illis poenis fons seu vena non exiccata est, afflicti quidem graviter fuit populus, sed non totus perditus, & quamquam Israelis regnum periret, tamen fons mansit, hoc est, major & potior pars populi, ex quo tandem Christus natus est.

*Varia opinionet de hoc loco.*

Pertinet igitur Prophetia hæc ad Synagogam, quæ Christum victorem mortis & inferni noluit agnoscere, imo tanquam Satanæ filium affixit cruci & occidit. Sicut enim supra dixit, eum facere fructum inter fratres, hoc est, servare & salvare eos, qui credunt se propter ipsum esse in gratia & filios Dei, Ita hic de incredula parte dicit, futurum, quoniam Salvatorem hunc nolint accipere, ut pereant penitus, & amittant quicquid hæcenus habuerunt inter omnes totius orbis gentes eximium. Itaque thesaurus & vasa desiderabilia non sunt argentea vel aurea vasa, sed augustum nomen, quod dicebantur populus Dei, quod solis erant credita oracula Dei, quod essent ex sancta propagine Patrum nati, quod haberent Ecclesiam & cultum divinitus institutum. His tantis donis sic sunt spoliati, ut in caligine densissima errent, & sicut Psalmus minatur, Mensa eorum, hoc est, Moysi & Prophetarum oracula, quæ viam vitæ pandunt, & afflicti mentes sola consolari possunt, eis sit in laqueum. Alunt enim odium Dei, cæcitatem & damnationem suam. Impii Iudæi, cum sacra legunt, ac involvuntur altius in tenebras. Hoc vere est exiccare venam & arefacere fontem.

*Synagoga interitum.*

*Vera loci sententia.*

Ac facit hoc Dominus ex deserto ascendens, tanquam ventus affligens lætas segetes. Poena enim hæc per Romanos divinitus excitatos, coepit, sicut Christus dicit, Luc. 19. Fient autem hæc tibi, quia tempus visitationis tuæ non cognovisti. Hæc huius loci vera & propria sententia est, ac aptissime cohæret cum præcedentibus. Nunc sequitur alia nova concio. Itaq; novum caput ibi ordiemur.

## CAPUT XIV.

*Devastabitur Samaria, quoniam rebellavit Deo suo. Per gladium cadent, Parvuli eorum allidentur & prægnantes ejus discidentur.*

Omnia Pro-  
pheta concio-  
num breviter  
comprehensio.



Ecce ab hoc loco auspicamur ultimum caput. Nam Propheta hic omnium suarum concionum summam complecti voluit. Primum enim minatur regno Israël vastitatem propter idolatriam, diserte enim de Samaria loquitur. Deinde hortatur, ut in ista calamitate populus se convertat ad Deum, ac pulcherrime docet, quæ sit vera poenitentia, nempe emendatio vitæ & fiducia misericordiæ, qua remissio peccatorum accipitur, Huic exhortationi subjicit suavissimas & opulentissimas promissiones. Deinde ad exhortationem redit, atq; hoc modo claudit Conciones suas.

Quæ reprehenduntur cultus in  
Israel.

Comminatio brevis est, sed gravissima. Vastabitur, inquit, Samaria, hoc est, totum regnum Israël ab Assyrio evertetur. Ac addit causam tam horribilis poenæ, Quia rebellavit Deo suo. Hoc crimen sine dubio tam non agnovit Israël, quam hodie Papistæ nostri non agnoscunt se idolatras & blasphemos esse. Nam cultus & sumptuosi & difficiles in regno Israël fuerunt, quibus etiam cum superbia professi sunt se colere illum Deum, à quo ex Ægypto liberati sint. Sicut igitur Papistæ cum accusantur impietatis, allegant votorum onera, jejunia, vigiliæ, sumptus magnificos in templa, frequentiam missarum, disciplinam & similia. Ita sine dubio regnum Israel contra hoc crimen se defendit, & voluit non rebellis, sed Deo obedientissimus videri. Allegavit tot loca ornata templis, & à patribus quondam culta, Sed Propheta vocat Rebelles Deo, quia verbo Dei non obtemperarant. Non deerant cultus in regno Israel, Sed hoc nomine vitiosi & Deo abominabiles erant, quod erant instituti contra verbum. Iacob in BethEl, Isaac & Abraham etiam aliis in locis sacrificarant, Sed posteritas eorum divina voce jubebatur tantum in templo Hierosolymis sacra facere. Hoc mandatum cum prorsus negligeret regnum Israël, & pro libitu passim excitaret templa, an non vere rebellabat Deo?

Cultus quoque  
sunt gradus.

Nos quoq; cum hodie accusamus Papistas, non negamus eos habere ordines, vota, jejunia, Missas, preces &c. Sed hoc damnamus, quod hæc aut merè sint traditiones humanæ sine verbo institutæ, aut ex diametro pugnent cum verbo Dei. Cultus enim Dei non sunt, quæ nos instituimus, sed quæ Deus per verbum suum mandat. Hoc verbum qui aut negligunt, aut contra faciunt, hi sunt rebelles, & non tantum non præstant Deo cultum, sed etiam irritant Deum, & ad severas poenas provocant. Sunt autem veri cultus quatuor species, dignitate & ordine inter se differentes. Primus & summus cultus est fides in Christum, secundum vocem istam de coelo sonantem, Hunc audite. Hæc fiducia includit timorem Dei, studium verbi, invocationem, & reliqua, quæ prima tabula ostendit, & Paulus vocat *λογικὸς* cultus, quia sunt sine hypocrisi, & manant ex corde per Spiritum sanctum illuminato.

Secundum locum obtinet obedientia erga secundam tabulam, seu dilectionis opera. Tertio loco sunt ceremoniæ, quas Deus in Ecclesia voluit extare, ut essent non solum exercitia, sed etiam testimonia divinæ voluntatis. Sic non satis fuit Iudæo servare decalogum, etiam circumcidi oportuit. Et nos hodie, si volumus Ecclesiæ membra esse, sacrum Baptisma, & coenam domini nullo modo debemus aut negligere aut abjicere. Ac quod ad hos tres ordines attinet, omnes inter se Christiani sunt similes. Obligantur enim omnes pariter ad hos cultus præstandos.

Quartum



Quarum locum vendicant opera vocationis, hæc quoque sunt Deo grati cultus, quanquam diversa sint. Magistratus colit Deum, cum potentiam suam confert ad juris & æqui conservationem, Paterfamilias, cum strenuè laborat, Materfamilias cum curat liberos & familiam &c. Qui igitur non volunt Deo rebelles esse, sed præstare obedientiam debitam & gratam, hi in curriculo se contineant, & caveant ne hypocritarum more alios cultus sibi quærant. Frustra enim colitur Deus mandatis hominum.

Atrocia sunt, quæ de parvulis & prægnantibus minatur Propheta, ac causæ quæri solent, innocens ætas cur tantis poenis subjiciatur? Sed facilis responsio est, Infantes isti, si sunt in Ecclesia, hoc est, si in veteri populo circumcisi, apud nos autem baptisati sunt, nihil patiuntur mali. Affligitur quidem caro, sed salvatur Spiritus. Habet autem hæc ipsa afflictio carnis suum fructum. Pertinent enim hæc iræ tristitia spectacula ad docendos alios, de timore Dei, ne secure peccent, sed in tempore emendent vitam, ac exposcant veniam peccatorum, quorum poenas etiam innocentem ætatem vident sustinere. Vera hæc quoque ratio est, quia infantes sunt pars Ecclesiæ, oportet eos cum Ecclesia affligi, ut reddantur conformes Filio Dei.

Cur infantes irriteris? Dom.

*Convertere Israel ad Dominum Deum tuum, quoniam corruisti propter iniquitatem tuam.*

Hic incipit exhortatio ad poenitentiam, ac continet utilissimam doctrinam, quid faciendum sit, cum sentimus poenas & iram Domini. Quid ratio seu caro soleat, notum est. Fugit enim à Deo, & tanquam hostem averfatur, nec, cum plagas ab eo sentiat infligi, potest sperare auxilium, Sæpe quoque convertitur ad illicita remedia, sicut in Saule apparet, cum videt se abjectum à Deo. Sed propheta populum suum aliter docet, Verum est, inquit, propter peccata tua corruisti, Sed non ideo desperabis. Qui enim percussit, idem etiam medicas afferet manus. Igitur noli converti ad præsidia humana, sed convertere ad Dominum Deum tuum. Etsi enim percussit te, peccatis tuis irritatus & quasi coactus, tamen non ideo Deus esse desiit. Igitur ad eum convertere, non sicut antea fecisti, obverte ei docenti, monenti, consulenti per verbum suum, dorsum, Converte ad eum faciem tuam, pende ab ore ejus, audi quæ mandat, & obsequere. Ita desinet irasci, & non solum mitigabit poenas, sed etiam condonabit peccata, & cumulabit te æternis bonis. Ita in genere Propheta primum ostendit, quid sit poenitentia, nempe converti ad Dominum, seu attendere Verbo. Sed nunc per species explicabit.

Revertens ad poenitentiam.

sal.

*Accipite vobiscum verba, & convertimini ad Dominum, & dicite ad eum, Omnem remitte iniquitatem, & dona bonum, & reddemus vitulos labiorum nostrorum.*

Simplicissime intelligo, Accipite vobiscum verba, pro eo, ac si dicat, Parete huic monitioni meæ. Quidam putant allusisse eum ad Mosi Phrasin, qui legem ferè (hadebarim) vocat, ut sit sententia, Custodite Legem, attendite verbo, & discite in hunc modum orare, seu cum Deo loqui, & cavete, ne quid contra verbum suscipiatis. Nam hæc poenitentia pars est obedire Verbo, & quæ contra feceris, emendare. Sed prior sententia mihi magis placet, ac belle convenit repetitio, Accipite verba, hoc est, Audite me, & convertimini ad Dominum. Addit autem, quomodo converti debeant, Dicite, inquit, ad eum, Remitte omnem iniquitatem, & dona bonum. Quæ in Pontificis Ecclesia de poenitentia doctrina sit, notum est. Concionantur de contritione & attritione, quam sibi quisque fingere potest. Non enim judicant hunc Spiritus sancti motum esse, quem per verbum Legis in credentibus excitat. Hanc sequi volunt auricularem confessionem eorum delictorum, quorum veniam petas. Tandem Satisfactio imponitur, quæ certorum operum onera continet. Hæc ipsis poenitentiam absolvunt. Nam statuunt, si posthac Absolutio, quæ non Christi solius, sed Sanctorum quoque meritis nititur, accedat, se remissionem peccatorum habere.

Doctrina poenitentia in populo.

Nihil autem necesse est consutare hæc accuratius, tantum cum hac doctrina præsen-

præsentem Prophetæ locum comparemus, & patebit longe lateq; à Prophetis scripturis Papæ doctrinam de hoc articulo dissidere. Nam primum considera, qui sint, quibus concionatur Hosea, nempe, fœdi idolatræ, qui postea (sicut necesse est, ubi semel à vera via deflexeris) variis peccatis & criminibus se polluerunt. Ac locupletissimum testimonium peccatorum sunt horribiles poenæ, populo Israel inflictæ. Hos habet discipulos Prophetæ. At nunc in eo est, ut oppressos ira Dei, & poenis peccatorum horribilibus erigat, ac viam placandi Dei & consequendæ remissionis peccatorum ostendar.

*Doctrina de  
vera poeniten-  
tia.*

*Vera Confessio.*

Quis autem tam est stolidus & vecors, qui non putet in simili argumento Prophetam Doctorem sibi sequendum esse potius, quam Pontifices & Scholas? Non autem jubet Prophetæ accedere sacerdotem, ibi clam in aurem insuffurrare delicta. Converti ad Dominum, & os aperire jubet, ac veniam peccatorum exposcere. Hæc oratio primum habet confessionem peccati, non quæ ore fit ad hominem, sed quæ ad Dominum sine hypocrisi, & ex vero corde fit. Hæc confessio erat proponenda Ecclesiæ & commendanda, tanquam necessaria ad peccatorum remissionem, quanquam remissionem peccatorum non meretur, Sicut Papistæ de hypocritica sua confessione falso prædicant. Sic David de se profitetur, Peccatum meum tibi notum *Psal. 31.* faciam, & iniquitatem meam non tegam, Dixi, confitebor transgressiones meas, Ibi tum remisisti iniquitatem peccati mei. Sic Daniel, Ieremias & alii Prophetæ etiam orationibus suis confessionem peccati addunt. Porro confessio hæc non solum certorum delictorum seu criminum est, sed complectitur totum naturæ vitium, Quod etsi non polluti simus externis flagitiis, sicut quidam, tamen nihil boni in nobis sit, Sicut David confitetur, *Psal. 51.* Tibi soli peccavi, vel, ut sententiam clarius reddam, *Psal. 51.* coram te nihil sum, quam peccator, & malum coram te facio. Hæc confessio vera est humiliatio, & magnifice nobis commendat gratiam & misericordiam Dei, quod sic vitiatos, corruptos, & perditos peccato non abjicit, sed miseretur eorum & ignoscit eis.

*Poenitentia vera.*

*Contritio seu agnitus peccati.*

Meminerimus igitur, Poenitentiam veram incipere ab agnitione & vera confessione peccati. Neq; autem hæc potest existere sine ingenti dolore. Quia enim mens intuetur voluntatem Dei, & æternas peccati poenas, hoc est, Mortem ob oculos habet, serio commovetur, & non tantum dolet de admissis peccatis, sed etiam peccatum vere incipit odire. Hunc motum sive contritionem sive attritionem dicas, non statuemus cum Sophistis esse motum hominis, sed Spiritus sancti opus est. Natura enim destituta Spiritu sancto, non odit peccatum, sed amat, non dolet de peccato, sed gaudet peccatis, & occasionibus peccatorum non potest satiari. Spiritus sanctus igitur cum per poenitentiam refingit hominem, diversos motus inserit animis, ut videant peccati fœditatem, ut cogitent de poenis, & ira Dei, hæc cogitationes sequitur odium peccati, & ardens desiderium ignoscentiæ. Etsi autem nonnunquam ipse sensus poenarum animos commovet, ut doleant de admissis peccatis, Tamen verum, ut ita dicam, instrumentum Spiritus sancti est verbum Dei, quo Deus ostendit & irasci se peccato, & tum temporalibus, tum æternis poenis peccatores subiecturum. Hanc quasi flammam divini iudicii cum Spiritus sanctus per Verbum in corda immittit, tum sequuntur non hypocritici, sed veri & serii motus, dolor de peccato, confessio peccati, & propositum cavendi & fugiendi porro peccati.

*Fides absolute poenitentiam.*

Sed hic quoq; Sophistarum deliria & impias opiniones fuge. Statuunt enim hunc dolorem mereri remissionem peccatorum, Nos dicimus necessarium esse, si petas remissionem peccatorum, sed meritum omne excludimus. Illud enim, ut post patebit, non nostrum sed Christi est. Inchoata igitur poenitentia est, cum agnoscimus peccata, & de iis serio dolemus, Tum autem absolvitur, cum in his doloribus accedit fiducia misericordiæ, & animi, ut Prophetæ hic docet, convertuntur ad Deum, & exposcunt veniam peccatorum. De hac fide Pontificis Scholæ prorsus nihil docent, quæ caput poenitentiae est, & remissionem peccatorum sola accipit. Hæc seu fides, seu fiducia etiam opus est Spiritus sancti, non nostrum. Nam natura refugit à Deo, cum

vide t

videt ab eo immitti poenas, nec potest sperare inde salutem, unde iram videt proficisci. Hunc naturæ nostræ affectum Spiritus sanctus per verbum Evangelii non corrigit solum, sed prorsus tollit, & instillat animis fiduciam misericordiæ. Ostendit enim Deum, etsi peccatum odit, tamen non eo esse animo, ut peccatores ideo velit damnatos. Nam mundo donavit Filium suum, & jussit per eum credere remissionem peccatorum, & vitam æternam.

Vera justifica-  
tio.

Eccl. 18.  
Rom. 8.

Hanc coelestis Patris voluntatem cum animi Spiritu sancto per verbum afflati intuentur, in ipsis doloribus concipiunt spem, & tanquam in umbra mortis vident lucem vitæ. Etsi enim peccata terrent, tamen ideo non desperant, quia vident præ-  
eium peccatorum incomparabile, sanguinem filii Dei, mortem quoque, etsi meritos se peccatis statuunt, tamen acquiescunt in misericordia Dei, qui non vult mortem peccatoris, sed vult ut convertatur & vivat. Atque ideo non pepercit unigenito filio suo, sed dedit eum usque ad mortem crucis, ut ipsius plagis non sanaremur. Ad hunc modum absolvitur poenitentia, cujus postea certi proveniunt fructus ut infra mon-  
bimus.

Act. 13.

Ioh. 1.

Psal. 32.

Ioh. 1.

Hanc fiduciam hæc oratio Prophetæ clarè ostendit. Qui enim os suum ad Deum aperit, & dicit, Leva, seu tolle, seu remitte omnem iniquitatem, hunc dubitare ne putes de Dei voluntate bona? Hanc igitur vocamus fidem, seu fiduciam misericordiæ, quæ sacrificio filii Dei nititur, & sola remissionem peccatorum accipit, seu, ut Petrus dicit, purificat corda. Impura enim corda sunt, quæ à peccatis nondum sunt defæcata. Sequitur autem, si iniquitas remittitur, justiciam esse gratuitam, & non contingere per aut propter opera nostra, sicut Papistæ etiam impie mentiuntur. Ac utitur Prophetam mirè significanti verbo (Koltisa aon) Significat enim levare peccato, sicut bajulantes levantur onere. Nec dubium est hac ipsa voce usum Baptistam, cum Christum vocavit agnum tollentem peccata mundi. Latinus interpres fere exposuit remittere, sicut Psal. 32. Beati quorum remissæ sunt iniquitates, hoc est, quorum iniquitates levatæ seu sublatae sunt. Hoc quomodo fiat, Baptista ostendit, qui docet Christum esse victimam portantem & in se recipientem peccata nostra. Hoc cum corda vere statuunt, & Deum ideo placatum credunt, ea vera fides est, Spiritus sancti opus seu donum, quod per Evangelii prædicationem contingit.

Iustificamur  
grati per fidem  
in Christum.

Hic forte in mentem Lectori sacrarum rerum imperito veniet, Quomodo possit mens à Deo sperare remissionem peccatorum, cum Deus peccata graviter punire soleat, sicut exemplum regni Israël ostendit? Sed meminerit veram peccati poenam non esse calamitates has corporales, sed mortem æternam. Etsi igitur poena corporalis in nos incumbit, tamen spes de remissione æternæ poenæ retinenda firmiter est, & pro ea orandum. Ostendit autem Deus misso Filio suo, quanquam calamitati-  
bus certis peccatores sit visitaturus, tamen libenter æternas poenas remissurum iis, qui Filium apprehendunt fide, & ejus merito nituntur. Itaque pii hac spe, quod vera & æterna poena peccati remissa sit per Filium Dei, se consolantur, & vincunt difficul-  
tates omnes hujus vitæ, quarum peccatum causa est.

Peccati vera  
pena.

Psal. 25.  
Eccl. 8.  
Gen. 45.  
Deut. 6.  
Eccl. 9.

Mat. 19.

Hæc de prima hujus precatiunculæ parte necessaria visa sunt, quæ admonere-  
mus, Nunc reliqua quoque videbimus. Non satis est Prophetæ docuisse, ut pro remis-  
sione peccatorum ac veræ & æternæ poenæ oret populus, addit aliam particulam, &  
jubet, ut orent etiam donari bonum. Hic primum Lector observet vocabulum (Tob)  
non accipi eodem modo, Alicubi significat benedictionem corporalem, ut Psal. 25.  
Anima ejus in bono commorabitur, Eccl. 8. Bonum non est impio, Gen. 45. Dabo  
vobis omne bonum terræ Ægypti, Deut. 6. Domus plenâs omni bono. Nonnun-  
quam usurpatur pro eo, quod nos communiter bonum seu rectum etiam coram Deo  
dicimus, ut Deut. 6. Et facies rectum & bonum in oculis Domini. Ita sæpe in sacris  
litteris vocatur bonus pro justo, ut Ecclesiast. 9. Omnia geruntur, ac si omnium idem  
esset eventus justo & impio, bono ac mundo & polluto, sacrificanti & non sacrifi-  
canti, bono & peccatori. Sic Christus in Evangelio inquit, Nemo est bonus nisi Deus.

Quod igitur Prophetam hoc in loco dicit, Et dona quod bonum est, simpli-

Z z z

cissime



*In spiritu  
sancto.*

cissime comparo cum proxima particula, Tolle peccatum, quod malum est, & dona bonum, hoc est, Spiritum Sanctum, qui sanctificet nos. Nam peccatum præteritum condonari satis non est, opus est Spiritu sancto, qui confirmet & regat nos, ne victi à Satana & carne relabamur in desideria carnis. Assidua enim cum hoc hoste nobis pugna est, id summo studio agenti, ut nos retrahat in suum regnum, & per inobedientiam ex regno Christi ejiciat. Hoc igitur Spiritus sancti opus est, ut non solum per fidem in Christum nos sanctificet, & peccatis liberet, Sed etiam ut excitet ad veram obedientiam, ut contra peccatum & carnem pugnemus, resistentes concupiscentiæ &c. In Ebræo est verbum (lakah) quod accipere fere exponunt. Est autem idem verbum, quod est in Psal. 68. Accepisti dona pro hominibus. Id Paulus vertit sicut nos, dedit dona hominibus. Donandi autem verbo ideo volui uti, ut hic quoque gratuiti beneficii admoneretur Lector.

*Psal. 68.  
Ephes. 4.*

*Opera nostra si-  
ne spiritu san-  
cto.*

Nihil ne igitur sunt opera, inquies? An non his quoque in poenitentia doctrina locus aliquis est? Respondeo, Hactenus de remissione peccatorum & donatione Spiritus sancti diximus. Hæc prorsus gratuita, & non nostri meriti, sed simpliciter inexhaustæ bonitatis & misericordiæ Dei sunt. Itaque recte cum de remissione peccatorum loquimur, de nostris operibus tacemus, quæ quia sine Spiritu sancto fiunt, etiam si civiliter non mala sunt, tamen bona dici non possunt, nec debent, propter impurum cor, ex quo proficiuntur. Cum autem per fidem remissionem peccatorum & una Spiritum sanctum accepimus, ibi & de ceu puro fonte etiam pura ac Deo beneplacita opera sequuntur. Etsi enim propter peccati reliquias etiam Sanctorum obedientia penitus pura non est, tamen propter fidem in Christum Deo placet & grata est.

*Fructus poenit-  
entia.*

*Prædicatio mi-  
sericordiæ Dei.*

Atque hæc opera vocantur fructus poenitentia. Inter quæ primo loco hoc est, quod Propheta hic commemorat, quod linguæ solvantur in laudem Dei. Quid enim miseri homines possumus aliud, quam ut tantam bonitatem prædicemus? Sic Psal. 116. Quid retribuam Domino, pro omnibus beneficiis ejus? Calicem salutarem accipiam, hoc est, sustinebo patienter quicquid accidet, & nomen Domini invocabo. Vota mea reddam Domino coram omni populo ejus. Hæc vota, hæc nominis Dei prædicatio quid sunt? nimirum hæc humilis confessio, En Domine, sum ego servus tuus, servus tuus sum & filius ancillæ tuæ, Tu dirupisti vincula mea. Ideo sacrificabo tibi sacrificium gratiarum actionis, & prædicabo nomen Domini. Sicut autem David hanc prædicationem beneficiorum Dei vocat sacrificium, Ita Hosea noster bellissime dicit, Vitulos labiorum nostrorum offeremus, Q. d. Hypocritæ cum putant se summum cultum Deo præstare, immolant vel taurum, vel vitulos, Sed vere *ἀλγος* iste cultus est. Deus hoc modo non colitur, vult intelligi & prædicari suam misericordiam, hæc vult nos niti, & secure gaudere. Hic est rationalis cultus, qui non fingi potest ab hypocritis, Igitur Deo vere placet, Hypocritica ista sacrificia sine hoc cultu Deo non placent &c.

*Psal. 116.*

Ad hunc modum confert cultus Legis cum cultibus novi Testamenti, hos Deo dicit gratos esse, proficiuntur enim ex fide in Filium Dei, Illos autem ostendit Deo non placere. Siquidem fiunt ab hypocritis, qui non solum impura corda habent, sed etiam laudem justitiæ & meriti sibi volunt à Deo tribui. Non solum autem laudat cultus novi Testamenti Propheta, & præfert cultibus Legis, sed etiam ostendit futurum, ut per Christum, qui remissionem peccatorum credentibus donabit, Sacerdotium legale una cum sacrificiis in totum aboleatur. Nam legale Sacerdotium consistebat in certa tribu, Hic autem cum dicit, Offeremus vitulos labiorum, ostendit hoc personarum discrimen sublatum iri, & fore Sacerdotes Deo gratos, non qui ex tribu Levi nati sunt, sed qui in Christum credunt, & vera fide Christum invocant. Sicut Petrus hoc clarius dicit, cum scribit, credentibus in hæc verba, Vos estis electa gens, regale sacerdotium &c.

*1. Pet. 2.*

Quod igitur habent sacrificium? Non opus operatum Missæ, quod Pontifex rasæ & unctæ turbæ suæ vult esse proprium. Quod enim ad remissionem peccatorum attinet, sunt fideles, contenti sacrificio Christi, Eum solum agnoscunt Sacerdotem,

dorem, qui vera oblatione consummavit omnes Sanctos, Ipsi autem offerunt in gratiarum actionem, sicut Propheta hic eleganter dicit, Tauros labiorum, invocant nomen Domini, prædicant ejus misericordiam, annunciant mortem sui Sacerdotis, & ejus sacrificium commendant publice omnibus. Sunt autem hi Sacerdotes altissimi, non à Pontificibus, sed à Spiritu sancto uncti, Et tamen non solum contemnantur ab ea turba, quam Pontifices ungunt, sed etiam damnantur pro hæreticis, & omni genere contumeliarum & suppliciorum afficiuntur. Sed hunc poenitentiae fructum sequuntur etiam alii.

*Assur non salvabit nos, Super equum non ascendemus. Neque dicemus ultra operibus manuumstrarum, Deo nostri. Quia per Te misericordiam consequitur Pupillus.*

Miraberis fortasse, cur non aliorum operum meminerit, beneficentiae in proximum, castitatis, patientiae, humilitatis? Nam hi omnes fructus sequuntur veram poenitentiam. Sed Propheta tanquam in brevi concione præcipua capita primæ tabulae ostendit, quæ secum trahunt opera secundæ tabulae. Erudite autem complexus est tum politicae tum Ecclesiae præcipua peccata, cum prima tabula pugnancia. Nam quod de Assyrio & equis dicit, est commune omnium Regnorum & rerum publicarum peccatum, fiducia scilicet humanorum præsidiorum, dignitatis, opum, potentiae, gloriae &c. His enim quia nituntur homines, fiducia in Deum obliviscuntur, in periculis Deum non invocant, non expectant divinitus defensionem, Statim ubi periculi metus adest, convertuntur ad sua consilia, quærunt præsidia vicinorum, jungunt foedera, conferunt vires & arma, atque hoc modo putant se satis fore tutos.

*Fiducia humanorum auxiliorum.*

Quia autem hæc fiducia cum contumelia Dei conjuncta est, antefertur enim creatura Creatori, ideo est infelix. Et plerumque accidit, ut, quos putaris saluti fore, sint exitio, sicut Esaias de Ægyptiorum præsidiis vaticinatur, fore tanquam arundinem, cui si innitaris, sustinere pondus non potest, fracta autem lædit manum. Ac fuit hoc peculiare hujus populi peccatum, sicut apparet ex concionibus Prophetarum. Tanto autem fuit gravius, quod abjecta fiducia auxilii divini, in Gentibus putabant plus præsidii esse, quas norant esse impias, etsi opibus & potentia præstarent, Itaque accidit, ut Salvatores eorum perderent eos. Sic fere omnia regna evertit fiducia humanorum auxiliorum, & tamen videntes, scientes sequimur infausta hæc vestigia etiam nos, qui possessione veræ religionis gloriamur. Quorsum enim foedera pertinent, si non hac ratione Principes & Respublicæ confidunt se tutiores esse? Non satis credimus in Deo virium esse, Non statuimus nos & causam nostram ei curæ esse, alioqui ipsius bonitate & potentia suffulti, non tam solliciti de carnalibus præsidiis comparandis circumspiceremus.

*Fœdera præsidiorum.*

Sed multi in ea opinione sunt, sine peccato hæc fieri, & pertinere ad Magistratus civilis curam consilia hæc, nec debere reprehendi ab Ecclesiarum ministris, tanquam alio in foro versantibus. Ac sane fateor belle hæc disputari, si non Magistratus civilis quoque juberetur omnem auxilii spem in solo Deo habere fixam. Igitur inquires ne quidem armis utetur ad suos defendendos? Minime. Nam ideo Deus Magistratum munivit potentia, ut ea ad suorum defensionem utatur. Sed infelix ea est, si sit sola, hoc est, si sit sine fiducia in Deum, Et manifesta blasphemia est, credere vel in suam vel aliorum potentiam. Quia autem hæc impia fiducia fere semper cum foederibus conjuncta est, ideo Prophetæ ubique ea damnant, præsertim quando cum impiis sunt inita. Sicut Propheta ad Iosaphat dicit, Quia habuisti foedus cum Ahasia, percussit Dominus opera tua, hoc est, non addidit successum, 2. Paral. 20.

Quod igitur sancta Ecclesia hoc in loco dicit, Non salvabit nos rex Assur, Item, Non ascendemus equos, idem est, ac si dicat, Abjiciemus spem omnium humanorum præsidiorum, & tantum sperabimus in Dei bonitate, Sicut Psal. 30. dicit, Hi in curribus & in equis, Nos autem nomen Domini Dei nostri invocamus. Succumbent igitur hi & cadent, nos autem stabimus erecti. Etsi enim pius Magistratus

2. Es. 36.

2. Paral. 20.

Psal. 30.

curribus & equis utitur, tamen sperat divinitus victoriam, & tantum ab auxilio & benedictione Domini pendet, non ex equis aut apparatu bellico. Ad hunc modum etiam foedera inter pios esse possunt. Imo jam antea inter nos arctissimo foedere professionis & spei conjuncti sumus, Sed varie produnt homines sensus suos, quod alio consilio foedera ineant. Porro non tantum ad imperia & Respublicas hæc doctrina pertinet, Debet hæc etiam privatorum per omnem vitam & in omnibus negotiis Regula esse, ut toti dependeant ab auxilio Dei, & sicut copia aut potentia non debet nos reddere securos aut tumidos, Sic inopia & calamitatibus non debemus frangi. Nam hic quoque fiducia misericordiae Dei erigendi sunt animi, cum exerce mur morbis, penuria, injustis odiis &c. Hoc verum exercitium est primi Præcepti, ut statuamus Deum nostrum esse Deum, & in eo solo hæreamus, tam in adversis, quam secundis rebus.

*Inducta operum  
peccatum spiri-  
tuale.*

Altera particula de operibus manuum, pertinet ad Ecclesiam, Sicut enim fiducia propriae potentiae capitale regnorum peccatum est, Ita capitale in Ecclesia peccatum est, fiducia operum. Non solum enim istam crassam idolatriam significat, quod adorantur statuas, manibus hominum factas, sicut adhuc ante oculos impij Papatus foeda idolatria est, dum in hoc loco Mariae, in alio Annae, & aliorum Divorum statuae splendide exornantur & coluntur. Ibi enim procumbunt idolatrae in genua, ibi vota faciunt, ibi se putant exaudiri intercessione talium Divorum, quos tanquam Patronos suorum negotiorum constituunt. Sed complectitur Propheta etiam vanam fiduciam priorum operum seu meritorum. Recte enim opus manuum hominum dicitur Monachatus. Nam sua voluntate, Deo non jubente, deligunt sibi certum vitae genus Monachi, quo sperant se Deo placituros. Sic alius dum jejunat, dum certis diebus à quibusdam cibis abstinet, putat se Deo præstare cultum. Hæc sunt opera manuum nostrarum, quæ adorant idolatrae tanquam Deum. Nam cum nihil sint nisi traditiones hominum, tamen confidunt Deum hoc modo placari, coli & ornari.

*Opera manuum  
humanum.*

Sic Israëlita cum immolarent certis in locis, quæ sibi delegerant, cum mactarent libetos, cum prociderent coram statuis, ex operibus manuum suarum faciebant Deos, hoc est, putabant se hoc modo Deo commendari, præstare cultum, mereri remissionem peccatorum &c. Hoc, inquit Ecclesia, non faciemus amplius. Scimus enim peccatorum remissionem contingere gratis per Filium Dei. Ideo in sola Dei misericordia confidimus, in hac acquiescimus, per hanc speramus remissionem peccatorum & vitam æternam. Corda autem ad hunc modum illuminata, non sequuntur carnem seu desideria carnis, sed contra carnem pugnant, & respiciunt ad Verbum, ac quicquid verbo vident præcipi, solícite faciunt. Itaq; non sunt inobedientes parentibus & magistratibus, non occidunt, non alunt simulcra, non sunt implacabiles, non adulterantur, non fornicantur, quærunt suo labore victum, sunt liberales in pauperes &c. Atq; hi sunt veri fructus, qui poenitentiam & remissionem peccatorum sequuntur. Etsi autem sæpe vincuntur à peccato & carne, tamen hanc obedientiam, quantumvis imperfectam, propter fidem in Christum, quæ omnia peccata tollit, amat Deus, & ampla promittit præmia, tum corporalia, tum spiritualia. Hæc est precatio pro remissione peccatorum, quæ ostendit sicut diximus, veram poenitentiae rationem.

*Ecclesia compa-  
ratur orphano.*

Addit autem Propheta particulam (Quia per te misericordiam consequitur Pupillus) plenam pulcherrima fiducia in Deum, sine qua oratio frustra est. Convenit autem hæc particula cum sententia Christi, Non relinquam vos orphanos. Item cum Psal. 10. Tu es pupillo adjutor, Item, Tu judicas pro pupillo & paupere, ut non amplius grassetur homo super terram. Hæc sententiae omnes & doctrina & consolatione sunt insignes, si quis eas evolvat diligentius. Doctrina est, quod proponunt imaginem seu definitionem Ecclesiae, quæ in mundo similis est pupillo seu orphano, cujus nemo curam agit, imo cui ob oportunitatem nocere omnes cupiunt, cum econtra mundus instructus sit sapientia, opibus, potentia, justitia &c. quibus nititur & superbit, Non igitur pauper, non orphanus est, sed in manibus habet, quo confidit, seq; contra injurias fortunæ, & etiam Dei judicium tutum existimat.

*Yohan. 14  
Psal. 10.*

Sic



Sic Nebucadnezar suæ sapientiæ acceptum fert, tam potens & amplum regnum, Haman nititur favore Regis, Phariseus confidit sua justitia. Sic ubiq; videas homines instructos præsiidiis carnalibus, & ideo securos. Itaque si ad Ecclesiam seu singulos Christianos hosce compares, similes videbuntur adulto viro, qui manu contra injurias se defendere, & ratione ac consilio res suas gubernare potest, Cum econtra Ecclesia sit ceu orphanus, qui & viribus & consilio destituitur, atq; ideo injuriis opportunus est. Exempla enim ob oculos sunt, quomodo tractari orphani soleant. Nam cum accurata legum cura, deinde sancta jurisjurandi religio, qua in bene constitutis Rebuspub. ob pupillorum commoda, Magistratus uti solet, hominum cupiditates & perfidiam arcere non possint, Quid ibi fiet, ubi hujusmodi vincula aut nulla sunt, aut non tam sollicitè observantur? Usitatum enim est, ut etiam hi, qui tutelam suscipiunt, suis potius quam pupillorum commodis studeant. Quid igitur ab alienis metuendum est, cum à notis & amicis tantum periculum sit? Sed etiam si boni viri sint, qui præficiuntur tutelæ, quid tamen ea cura & sollicitudo est, collata ad curam parentum? ut omnia facias, ut tentes omnia, tamen quia affectus ille, quem parentibus erga liberos Deus insevit, abest, etiam summa diligentia negligentia estimationem sortietur.

Talis, inquit Propheta, in hoc mundo Christianorum seu Ecclesiæ fortuna & conditio erit. Erunt orphani, non habebunt parentes, qui sollicitè eos curent & custodiant, Imo etiam Satanam ipsum habebunt hostem, is non cessabit omni genere calamitatum eos per membra sua exercere, Etsi enim Christiani quoq; benedictionem Domini habent, & opes tenent, tamen eas sic tenent, ut etiam de ipsa vita periclitentur ob confessionem & fidem. Deinde non nituntur sapientia sua. Vident enim eam admodum exiguam & tenuem scintillam esse, quam in tanta caligine sequi tuto non possunt. Sentiunt igitur alio ampliore lumine opus esse, quod non tam facile possit à Satana extingui. Id verbum Dei est, eo nituntur, eo solo se tutos fore credunt. Sapientiam autem suam ad illa leviora negocia convertunt, quæ hujus temporalis vitæ necessitas imponit. Quando autem ad peccati & mortis pericula accedendum est, ibi vere statuunt se orphanos, in quibus nihil præsiidii contra tam potentes hostes sit.

Exponit itaq; hac ipsa appellatione Propheta, quid voluerit, cum supra dixit, Assur non salvabit nos, non ascendemus equos, non dicemus operibus manuum nostrarum, Dii nostri estis, Nempe quod Ecclesia in hoc mundo sit destituta omnibus præsiidiis. Fortunis & opum splendore fere carent pii, sicut Paulus dicit, Non multi secundum carnem potentes, non multi nobiles &c. Et quanquam aliqui benedictione Dei ornantur, tamen habent eam tanquã non habentes, sicut Paulus dicit. David rex est, dignitate, potentia, & opibus ornatus, & tamen de se dicit Psal. 39. Ne sileas ad lachrymas meas, sum peregrinus tuus & civis tuus, sicut Patres mei omnes. Cur peregrinum se vocat, nisi quod sentit, etsi multa habeat dona corporalia, tamen esse ea momentanea, quæ subito vel nos deserunt vel à nobis evocatis ex hac vita deseruntur?

Hujus conditionis hic admonemur per Prophetam, cum pupillos vocat. Docet enim, ne frangamur impatientia, sed in periculis constituti, cogitemus, nos esse orphanos. Decumbis ex morbo, noli ideo angi animo, cogita te esse portionem Ecclesiæ, & esse ceu pupillum jacentem in cunis, qui aliorum opera opus habet. Patris aliquid incommodi in fortunis, cogita, sum orphanus, male igitur tractor, non tantum ab alienis, sed etiam à notis & conjunctis. Definita enim sententia est, qui volunt in Christo piè vivere, persecutionem patientur. Hoc autem magis statuendum est, in illis negotiis conscientia, cum tentaris peccato, metu mortis, sensu iræ, & judicii Dei, Ibi demum cogita, te vere esse orphanum, sed non ideo à Deo abjectum. Nam hic audis insignem consolationem & definitionem Dei pulcherrimam.

Ecclesiam definiit Propheta esse orphanos, qui patiuntur, & ipsi se defendere non possunt contra injurias, Id sane acerbum est & miserum. Sed nunc contra audi,

*Pupillorum  
consolatio.*

quid de Deo concionetur, & quo colore eum pingat, Per te, inquit, misericordiam consequetur pupillus. Ergo pupilli & orphani tales habent misericordem & propitium Deum. Sicut igitur prima definitio omnia præsidia mundi piis adimit, quæ mundus magni facit, admiratur, quibus triumphat contra pios, & eos opprimit, Ita hic, cum Deum pupillorum misereri dicit, omnia eis largitur. Si enim Deus est misericors, si habet affectum paternum erga afflictos Christianos, quid deesse nobis omnium rerum potest? Desint opes, At habemus æternos thesauros, Desit potentia, & premant nos Tyranni, At habemus Dominum Dominorum, qui æterna liberatione nos suo tempore liberabit, Desit gloria & dignitas, ac mundus nos contumelia & ignominia obruat, At habemus, qui æterna Gloria nos circumdabit. Sic enim hoc in loco consolatur Propheta, Pupillus, inquit, coram te inveniet misericordiam.

*Hieronymus  
Baumgartnerus  
100.*

Hæc si includere possemus animis, etiam in tribulationibus, ut Paulus inquit, gloriaremur. Magna calamitas est, quod optimus vir & tum doctrinæ, tum pietatis laude insignis Hieronymus Baumgartnerus, dum Legatus suæ Reipublicæ domum ex comitiis Spirensibus rediit, in conspectu Cæsaris capitur, ac longa ac durissima captivitate detinetur, Sentit igitur se esse pupillum seu orphanum, & nos merito calamitate optimi viri, de sua Repub. & Ecclesia Christi præclare meriti, comovemur. Sed vicissim consolari nos debet, quod cum orphanus sit, etiam habeat misericordem Deum, qui & liberabit eum suo tempore, & æterna Gloria ornabit in meliore vita.

Sed inquires, Cur misericordia hæc non cernitur? Respondeo, Conjungenda hæc sunt, Primum, ut sentias te esse orphanum, Alterum ut sentias Deum esse misericordem. Atq; illud ordine prius, hoc autem posterius, Illud acerbum, hoc jucundum, Illud grave, hoc suave est. Itaq; accidit, ut hoc frui, illo carere optemus. Sed definitum est, si vis misericordiam consequi, orphanus prius ut fias, necesse est, nec statues tu quam diu velis orphanus esse. Nam etiam brevis mora, cum crux urget, longissima est. Deo relinquenda cura est liberationis, Is adiutor est in opportunitate, & est quoq; fidelis, Itaq; non sinet nos tentari supra quam possumus. Et quanquam liberationem differt, tamen certo eam præstabit, Est enim Pater noster, Itaq; postulanti-  
bus panem non porriget lapidem, postulanti-  
bus ovum, non dabit scorpionem, Scit quibus habeamus opus, & volens, sicut sequitur, præstabit. Est enim misericors, hoc est, Patris erga nos affectu est, tantum ne nos de misericordia ejus dubitemus. Ad hunc modum consolari nos in nostris & aliorum periculis debemus. Meminisse tamen hoc oportet, hanc consolationem propositam esse iis, qui poenitentiam agunt, Mundus etiam sentit sua incommoda. Non enim perpetuo Deus connivet ad peccata. Cum igitur urgetur poenis, frustra expectat misericordiam, Sicut ostendunt exempla, Absalom, Ahitophel, Ammon. Non enim agunt poenitentiam, igitur in ira Dei percutiunt.

*Ps. 9.  
Lc. 10.*

*Sanabo aversionem eorum, Diligam eos mea sponte, quoniam furor meus aversus est ab eo.*

*Oratio in cor-  
poralibus peri-  
culis.*

Orationi subjicitur promissio, ut confirmentur animi, cum pro remissione peccatorum orant, certo se exauditos iri. In aliis periculis, quæ hujus vitæ sunt, cum rogamus liberationem, addimus conditionem de voluntate Dei, ut Deus tum nos exaudiat, si ejus sit voluntas. Vere enim nescimus, quid nobis prosit, & Deus solet per infirmitatem perficere virtutem suam, hoc est, cum sumus infirmi, ostendit nos non humanis consiliis aut nostris viribus, sed divina virtute servari ac defendi. Itaq; Paulus frustra orat liberationem, ne colaphizetur à Satanae angelo. David frustra orat pro filii vita, Iacob frustra orat pro conjuge periclitante in partu. Hæc pericula corporalia erant. Est autem Ecclesia in hoc mundo subiecta cruci, Itaq; etsi petit liberationem ab hujusmodi corporalibus malis, & sperat etiam liberationem (nam oratio sine fide existere non potest) tamen permittit se voluntati divinæ, & sicuti Petrus dicit, humiliatur sub potenti manu Dei, hoc est, sic urget suam voluntatem, ut tamen voluntatem Dei anteponat. Lazarus in tanta miseria, inq; tantis cruciatibus petit liberationem, & tamen constituit apud se, se velle Deo parere, & sus-

*2. Cor. 12.  
2. Reg. 12.  
Gen. 29.  
1. Pet. 5.  
Luc. 20.*

& sustinere afflictiones istas, si Deo sic libeat. Ad hunc modum nos quoq; in nostris seu periculis seu calamitatibus faciamus.

Sed cum de remissione peccatorum, de sanctificatione per Spiritum sanctum & de vita æterna rogandum est, non est addenda ista conditio divinæ voluntatis. Nam Dei voluntas jam antea manifesta est & certa, quod vult omnes homines salvos fieri, quod vult ignoscere peccata, quod vult donare Spiritum sanctum, certa igitur fiducia hæc petenda sunt, sine omni conditione addita. Nam hæc ipsa, ut donaret nobis gratis, ideo misit Filium suum in hunc mundum. Et ipse filius Dei ideo passus & mortuus est, ideo ascendit ad coelos resurgens à morte, & reliquit hic mandatum prædicandæ in nomine suo poenitentiae & remissionis peccatorum. In hunc finem instituit Baptismum, donavit Ecclesiæ claves, & corpus & sanguinem suum nobis in cibum dedit. Addidit tandem promissionem, futurum, ut quicquid in nomine ipsius rogaverimus, Pater donet.

*Oratio de remissione peccatorum.*

Itaq; ne quidem indignitas & peccata nostra hanc fiduciam nobis debent excutere. Imo peccata nostra ad orationem nos hortari & urgere debent, sicut Propheta hic ostendit. Nam si peccata impedirent nos, ne exaudiremur, profecto Propheta reliquias Israël non juberet orare, pro remissione non levium, sed gravissimorum peccatorum, idolatriæ, abnegati Dei, superstitionis, blasphemiae, cædis Sanctorum &c. Sed non solum jubet, ut orent, & aperiant os ad Deum sic offensum, sed etiam addit promissiones. Audi enim, quid ipse Dominus hic loquatur ad peccatores agentes poenitentiam, & sperantes in misericordiam ejus.

Ego, inquit, sanabo aversionem eorum. Summum profecto peccatum est, aversioni à Deo, non curare Verbum, & etiam sævire crudeliter in ministros Verbi. Propter hæc enim peccata decem tribus penitus vastata sunt. Et tamen promittit Deus, se oratoris gratiam horum peccatorum, facturum & daturum veniam. Cur igitur tu desperares? cur non erigeres te, & fiducia Christi pro remissione peccatorum tui quoq; orares? Non enim res pendet vel ex tua, vel ex orationis dignitate, aut merito, sed simpliciter ex Filio Dei, Hunc si fide apprehendis, quod pro te satisfecerit, quod Deus per eum tibi reconciliatus sit, exaudita est oratio tua.

*Sanabo aversionem.*

Hæc prima pars promissionis est, quod Dominus aversionem nostram, qua ad mortem usq; ceu præsentissimo veneno infecti sumus, sanare velit. Altera est, quod sua sponte & liberaliter vult eos peccatores diligere, qui poenitent & orant. Nam Ebraicum vocabulum (Nedabah) utrunq; significat, voluntarium & munificum, Sicut etiam hæc natura conjuncta sunt. Vbi enim verus amor est, non coactus, non stultus, sed ex certo judicio natus, ibi nullus est modus officiorum & beneficiorum. Hanc promissionem, te obsecro, quæ lingua explicare potest? Possumus igitur domestico & nobis noto exemplo, uti, ut cogitemus, quo animo simus erga conjuges & liberos nostros, Sed in eo postea labor erit, ut nobis persuadeamus, etiam nos sic diligi à Deo. Corda enim nostra angustiora sunt, quam ut complecti tantas res possint. Quem tu vere amas, is omnia tua, etiam vitam tuam possidet, ac magis quidem, quam tu ipse. Amor igitur, quem nobis hoc in loco & gratuitum & liberalem promittit Dominus, affert ad nos quicquid Deus est & habet, ut nos quoq; simus Domini peccati, mortis, inferni, Satanæ & omnium creaturarum. Quis enim contra nos, si Deus pro nobis?

*Diligam eos.*

*Dilectio Dei.*

*Rom. 8.*

*Math. 22.  
Eph. 5.*

*Rom. 8.*

Alicubi Scriptura tribuit Deo maritalem amorem, sicut etiam Christus, cum misericordiam Dei prædicat, nuptiarum similitudinem proponit. Et Paulus Sacramentum magnum vocat conjugalem vitam. Sed meminerimus abscondi hunc amorem in hac vita cruce, Ideo fide opus est, quæ statuatur has promissiones veras esse. Qui enim vel sensum, vel speciem sequitur, judicabit Ecclesiam non amari à Deo maritali amore, sed vel negligi, vel etiam in odio esse. Igitur carnales oculi claudendi, & fide hæc accipienda sunt, sicut Paulus inquit: Spe salvi facti sumus. Tum autem revelabuntur hæc, cum Christus se nobis revelabit, & hæc caro peccato plena fuerit abolita.



Particula sequens, Quoniam averſus ab eo furor meus eſt, videtur abundare, Vbi enim amor eſt, ibi excluſa eſt ira & odium, ſed magna cauſa fuit, cur hanc particulam Dominus adderet. Quia enim, ut jam diximus, amor, quo complectitur ſuos Dominus, tanquã ſponſus ſponſam, cruce tegitur, ne oculis carnalibus cerni poteſt, offenditur caro, & cum tentatione & pericula ſentit, ſtatuit ſe non diligere à Deo. Ad hoc ſcandalum removendum particula hæc pertinet. Conſtituit enim diſcrimen inter crucem Sanctorum, & poenas impiorum. Sancti, hoc eſt, credentes in Chriſtum habent remiſſionem peccatorum, ac diliguntur à Deo, & tamen ſubjiciuntur variis calamitatibus adeo, ut deterior eorum videatur conditio, quam impiorum, qui plerunq; florent & abundant omnium rerum copia. Fit autem hoc, non quaſi Deus hos diligat, pios autem odio habeat. Averſus, inquit Spiritus ſanctus hoc in loco, eſt furor meus ab eo. Itaq; ſicut pater caſtigat filium, quem diligit, ita hic quoq; cum flagello conjunctus eſt ſummus amor. Contra, impiis, quibus bene eſt, irascitur Dominus, & ſic irascitur, ut ira nullum habeat modum in æternum, niſi poenitentiam agant.

Pertinet itaq; hæc particula ad tollendum ſcandalum, ne cum cruce premimur, ſtatuamus Deum nos odiſſe, Non odit poenitentiam agentes, & orantes remiſſionem peccatorum, etſi affligi eos ſinit, furor & ira eſt averſa ab eis, & manet ſuper eos, qui poenitentiam non agunt, qui ſecuri in peccatis vivunt, & remiſſionem peccatorum per orationem non quaerunt. Quæ ſequuntur jam, pertinent ad explicandam proximam promiſſionis particulam, de dilectione.

*Ero Iſraeli, tanquam roſa, & florebit ſicut roſa. Figet radices ſuas ſicut Libanus. Diffundentur rami ejus, & erit ſicut olea pulchritudo ejus, & odor ejus ſicut Libani, qui ſub umbra ejus ſedent, recreabuntur, Vivent frumento, & ſicut vitis floreſcunt, Celebrabuntur ſicut vinum Libani.*

Pertinent hæc quoq; ad promiſſiones. Quod enim Propheta prius ſimpliciter & ſine figura dixerat, hic figurate dicit, & tanquam in pictura proponit deſcriptionem Eccleſiæ, credentis in Chriſtum, qualis ſit coram Deo, & quibus donis ornata. Agnoſcunt Iudæi quoq; hæc dici de tempore Meſſiæ. Itaq; cum audiunt propoſiti ſimilitudines corporalium rerum, expectant à Meſſia hujus vitæ commoda, & putant, cum veniet, corporali benedictione ornaturum populum ſuum, ut ſicut roſa floret, ſicut arbor, quæ altè radices egit, & diffudit ramos, non ſolum aſpectu jucunda, ſed etiam contra ventorum & tempeſtatis vim firma eſt, Ita Iudæos in toto orbe terrarum admirationi futuros omnibus gentibus, & ſolos dominaturos ubiq;. De peccatorum remiſſione, de Spiritus ſancti dono, & vita æterna ne ſomniant quidem. Hæc cæcitas inde naſcitur, quod primum ſicut Chriſtus Matth. 22. eis objicit, neſciunt Matth. 22. cujus filius Meſſias ſit. Putant enim eum tantum Davidis filium, Itaq; tanquam ab homine nihil niſi humana & temporalia expectant.

Deinde non vident naturam hanc peccato ſic vitiatam, ut non poſſit ipſa ex ira & judicio Dei ſe evolvere. Hoc enim ſi ſtatuerent, circumſpicerent de alieno auxilio, quod nunc in iſta cæcitate, cum offertur à Filio Dei, tam ſecure negligunt. Obliviſcuntur igitur ejus ſententiæ, quam paulo ante propheta propoſuit, cum comparat Eccleſiam pupillo, quod & premitur in mundo varie, & nihil habet virium contra graviffimos illos hoſtes, Satanam, peccatum & mortem. Hæc quia non vident Iudæi, nihil mirum eſt, ſi tantum in temporalia commoda ſunt intenti, & ne quidem umbram harum promiſſionum vident. Nos rectius eruditi ſumus, Scimus hominem per peccatum incidiffe in iram Dei & æternam mortem, Deum autem miſerum noſtri, miſiſſe Filium, qui non, ut ſolent Reges mundi, corporum & facultatum curam gereret, Sed afferret ad nos remiſſionem peccatorum, & reconciliaret nos cum Patre, ac ab æterna morte & omni Satanæ tyrannide nos liberaret, Sicut Pro-  
pheta

*Iudæi ſo-  
mnia de corpo-  
ra libus com-  
modis.*

pheta paulo ante dixit Deum sanaturum aversionem eorum, qui convertuntur, & dilecturum eos, & averfurum ab eis iram suam. Hæc illa bona sunt, quibus Ecclesia gaudet, & Deo agit gratias, Cæci autem Iudæi ea prorsus non vident, & ideo in Deum sunt ingratiissimi.

Vtrumq; igitur Ecclesia habet, Est pupilla, & est Domina omnium rerum. Pupilla est, quia etsi habet ingentia dona æterna, Verbum & agnitionem Dei, remissionem peccatorum, justitiam, vitam æternam, imo & Deum in ipsa habitantem & regentem eam Spiritu sancto, Tamen foris est subjecta cruci, tenentibus interea impiis regna mundi, opes, voluptates, gloriam mundi. Rursus tamen est domina omnium rerum fide & spe, quia etsi in hoc mundo non habet præsidia corporalia, tamen ut pupilla expectat defensionem à Deo, & certa fide scit se non deleri posse à Tyrannis, & impetrat in multis magnis periculis gloriosas liberationes, Præterea & spe futurae gloriæ consolationem habet, sicut Paulus inquit, Gloriamur spe gloriæ Dei, quæ conspicietur in æterna Dei, Christi, Patrum, Prophetarum, Apostolorum & omnium electorum consuetudine.

Rom. 1.

Sed impii has consolationes fidei ac spei, & hoc dominium rectum cruce non vident, ærumnas & calamitates intuentur, & propter has putant Ecclesiam à Deo negligi, & vere miseram pupillam & desertam esse judicant, ipsi vero sibi opes & potentiam quærunt, ut securi sint, aut spe præsidiorum humanorum se consolentur. Hæc qui carnalibus oculis intuetur, cum Davide diceret, Impios similes arbori validæ, frondosæ, & lauro virenti, Item amœno & jucundo prato omnis generis floribus picto. Ad quos si Ecclesiam conferas, similis videbitur arescenti arbori, in qua non solum fructus nulli, sed ne folia quidem aliqua hærent. Nam ipsa Ecclesia, sub onere peccatorum tantum non corruens, sua voce (cum orat, Remitte omnem iniquitatē, & dona bonum) satis testatur, quo in loco sit posita, quam sit afflicta & calamitosa.

Psal. 37.

Hæc prima Ecclesiæ pictura est, quæ ostendit, qualis sit Ecclesia, quod attinet ad hanc vitam corporalem. Hujus picturæ prorsus obliviscuntur Iudæi, cum somniant regnis & opibus mundi beneficio Messiae se potituros. Non enim volunt pupilli esse in hoc mundo, imperare volunt & abundare opibus, Ideo Ecclesiam miseram & calamitosam averfantur. Sed tu paulisper transfer oculos ex hac vita, & secundum spem, quam Ecclesia ex verbo concipit, eam judica, & apparebit longe alia ejus facies. Habet enim Deum sanantem gravissimum peccati malum, Is maritali amore eam complectitur, & affert ad eam quidquid boni habet & possidet. Has tantas opes, hunc ornatum, quæ lingua explicabit?

Ecclesia dicitur  
pupilla.

Igitur, quæ in mundo, & in suis quoq; oculis effoetæ & aridæ arbori similis est, vere, sicut Propheta hic dicit, in oculis Dei floret, sicut Rosa, non ex suis viribus, aut propter justiciam suam, & alia dona, Sed quia Dominus ei est, sicut ros, hoc est, quia Dominus affert ad ipsam justiciam, tollit peccatum, donat Spiritum sanctum, excitat fidem, obedientiam, spem, patientiam, dilectionem proximi, & alias Deo gratas virtutes. Nam similitudo Rosæ utrumq; complectitur, & pulchritudinem, quod aspectu jucunda est, & odorem, quem late fundit. Placent enim Deo Sanctorum opera, propter fidem in Christum etsi in speciem levia & vulgaria sunt. Similitudo autem roris cœlo venientis, eo pertinet, ut statuas omnia hæc contingere nobis à misericordi Patre, propter Filium ad nos missum, non propter nostra merita, dona, aut studia aliqua.

Rosa.

Ros.

Porro coelestem hunc rorem Gratia sequuntur etiam alia dona, nempe, ut Ecclesia tanquam arbor Libani firmis radicibus hæreat. Habet enim hostes mundum & Satanam, qui assidue eam oppugnant. Quia autem est ædificata super petram Christum, ne quidem inferorum portæ eam vincere, aut evertere possunt.

Libani, Libani.

Tertium donum est, quod diu manduntur rami ejus, hoc est, Non solum non potest opprimi, sed etiam in ipsis periculis incrementa sumit. Nam & singula Ecclesiæ membra quotidie crescunt in agnitione Dei, & aliis pietatis exercitiis, & ipsum Ecclesiæ corpus quotidie fit auctius.

Quartum est, quod Ecclesia sicut olea pulchra est, & sicut mons Libanus late diffun-

diffundit odorem. Hæc conveniunt cum eo quod supra de Rosa diximus, Nisi quod hic quoque incrementum donorum significatur. Nam olea foecundissima est, & Libani fertilitas etiam ex gentilium literis est nota.

*Umbra Eccle-  
sia.*

Quintum est, quod Ecclesia tanquam arbor etiam umbram dabit fatigatis in æstu. Hoc vero singulare & excellens donum est, quod sola Ecclesia habet consolationem veram contra peccatum & mortem, & omnes Satanæ conatus. Igitur in ea, tanquam sub arbore umbrosa, acquiescimus & respiramus. Nam verbum (laschubu) convertentur, hoc loco accipiendum est, sicut in Psal. 19. Lex Domini immaculata (Meschibas naphesch) convertens animas, hoc est, recreans, refocillans. Sicut germanice quoque solemus loqui, *er ist wieder zu sich kommen / Item, er feret wieder* / cum exanimati respirant. Nam hoc Verbi proprium est, erigere animos, & ostendere in ipsa tentatione & periculis spem liberationis & auxilium, sicut Psalmus paulo post clarius dicit, Mandata Domini recta, lætificantia cor.

Complectitur igitur Spiritus sanctus hoc in loco non solum Verbum, sed etiam visibilia & externa signa, Baptismum & coenam Domini à Christo instituta, ut per ea consolationem haberemus contra peccatum, mortem & Satanam. Nam quod baptisaris, id eo fit, ut credas te per Christi mortem adoptatum à Deo in filium, Cum autem sacrosancta coena utimur, non solum admonemur remissionis peccatorum per Christi mortem acquisitæ, sed ipsum precium, quo peccatorum remissio empta est, nempe corpus Christi datur nobis comedendum, & sanguis bibendus, ut certo statuamus ad nos remissionem peccatorum pertinere, Hic igitur, tanquam in umbra, acquiescunt animi, metu iræ Dei & æternarum poenarum propter peccatum anxii.

*Frumento pa-  
scentur.*

Sextum est, quod frumento aluntur. Hic quoque doctrina & verbum commendatur, quo saginantur animi & confirmantur. Sic Christus consolatur Apostolos, Comedatis & bibetis in mensa mea in regno meo. Significat autem cognitionem Dei certam, quam verbum ostendit. Ideo autem dicit, Frumento aluntur, ut ostendat mundum destitutum verbo, etsi cultus & religionis curam jactat, tanquam paleis vesci, Ecclesiam autem habere verum pabulum, quo confirmantur & saginantur mentes.

*vin.*

Septimum est, quod sicut vitis florebit Ecclesia. Id proprie ad fructus pertinet, qui in Ecclesia ex assiduo verbi usu nascuntur. Hos mundus non admiratur, sed negligit, occupatur autem aliis studiis, quæ speciem habent majorem, Sic œconomiam & politiam negligunt Pontificii, & deligunt sibi vitæ genus aliud solitarium in monasteriis. Sed aliud Dei judicium est, ista electitia opera & cultus abominatur, amat autem à se præcepta, etiamsi in speciem sint vilia.

*Memoria vini  
Libani.*

Octavum est, quod dicit Ecclesiæ sicut vini in Libano nati, memoriam fore, hoc est, celebratum iri. Hæc quoque particula ad Ecclesiæ commendationem pertinet, ac necessaria est, propter ingens scandalum, quo Ecclesia ita opprimitur, ut agnosci pene non possit. Nam vide Patriarchas, vide Prophetas & Apostolos, quomodo in mundo sint habiti? Quin Christus Dei filius, & caput Ecclesiæ, quam tractatur indigne à suo populo? Clamant obsessum à Satana, violentum, seditiosum, blasphemum esse. Nos hodie etiam adversariorum testimonio retinemus Sacramenta integra, & habemus doctrinam consentientem cum Apostolorum scriptis, quæ præcipue veræ Ecclesiæ notæ sunt. Et tamen quale sustinemus judicium? Damnamur tanquam hæretici, traducimur tanquam Ecclesiæ pestes, & omnis honestatis ac disciplinæ turbatores. Sunt autem hæc atrocissima convicia, quæ sine dubio multorum animos ita feriunt, ut etiam ad nomen nostrum inhorrescant. Sed si, ut dixi, Christi Filii Dei, Baptistæ, Apostolorum, Prophetarum historias inspicias, nihil patimur novi.

Et Propheta hoc in loco non temerè utitur similitudine vini, cum de memoria seu nomine Ecclesiæ & Sanctorum loquitur. Hæc enim commendatio non est musti aut horni vini, quod sit odorum, sed vetusti. Non autem ferunt ætatem, nisi generosissima. Ad hunc modum Ecclesia & singula ejus membra in mundo ad tempus sunt

sine



*Ps. 112.* *Ps. 9.* *Ps. 116.* sine odore, imo foetent coram mundo. Atrocibus enim convitiis deformantur. Sed quid dicit Psalmus? In memoria æterna erit justus, Cum econtra memoria impiorum una cum ipsis intereat. Psal. 9. Misera conditio fuit Pauli, Petri, & Apostolorum aliorum, si consideres adversariorum potentiâ, dignitatem, opes, Sed sicut generosa vina ætate odorem ex se generant, ita piorum gloria post mortem augescit, secundum sententiâ, Preciosa mors Sanctorum in conspectu ejus, impii autem sicut vappa exolefcunt.

Hæc igitur est magnifica consolatio, & suavissima descriptio Ecclesiæ, non qualis in mundo aut secundum speciem est, sed qualis est in Spiritu ac coram Deo. Si enim speciem sequaris, invenies omnia contraria, Est sicut arbor sine succo, arida, infirma, deformis, etiam scandalis plena. Ideo tanquam latè foetens cadaver abominatur eam mundus, qui opes & dignitatem tenet, atq; ideo judicatur florere ut rosa, & altè egisse radices. Sed cave, ne decipiaris specie. Ex verbo enim judicium faciendum est, & sunt hæc transferenda ex mundo in Dei conspectum, ibi apparebit, quod qui verbo & cognitione Dei vera carent, atque ideo sine Spiritu sancto & adhuc in peccatis sunt, etsi potentiam & opes tenent, tamen sicut arbor senescunt, exarescent, & radicitus peribunt. Nam in oculis Dei foetent, in seipsis autem non solum infirmi, sed etiam inquieti sunt.

Ostenduntur autem hæc ideo à Prophetis, ut Ecclesia se consoletur contra utrumq; scandalum, ne vel suis calamitatibus, vel adversariorum successu perturbetur aut frangatur, sed finem respiciat. Ita enim fiet, ut & æquo animo præsentia incommoda ferat, & de impiorum infelicitate etiam doleat, qui tantilli temporis exigua commoditate magis moventur, quam æternis cruciatibus. Hæc nunc quasi in fascem convolvit Propheta & dicit,

*Ephraim quid tibi amplius cum idolis? Ego exaudio & respicio te, Ego tanquam abies virens, ex me fructus tuus provenit.*

Quia crebra personæ mutatio, quæ in Ebræo est, obscuritatem parit, volui secunda persona ubiq; uti. Est autem hic insignis & vere Propheticus affectus. Nam commemoratione ista beneficiorum novi Testamenti ac exuberantis Gratiae, quæ per filium Dei credentibus obventura est, quasi accensus, convertitur ad suum populum, nunc hoc postremum admonens, ut idolatriam abjiciant, & Dei verbum sequantur, Q. d. Quanta infelicitas est, quod non potestis avelli à falso cultu & impia doctrina? Quare non agnoscitis vos decipi, dum tales Deos colitis, qui neque audiunt in periculis, nec respiciunt vos, sed deserunt & prorsus perire sinunt? Cur non ad hunc potius convertimini, qui & exaudit suos, & educit ex periculis, qui denique variis donis ornat suos?

Continet igitur hic quoq; locus insignem descriptionem Dei, quod Deus verus talis sit, qui exaudiat, defendat & ornet suos. Exauditio includit pericula, Hæc enim excitant ad orationem. Igitur Ecclesia hanc promissionem habet, quod etsi caritura periculis non sit, tamen Deus eam sit auditurus. Est autem huic consolationi annexum scandalum, quo offenditur caro. Solet enim Deus exauditionem differre, ut & probet fidem nostram, & potentiam suam ac gloriam ostendat. Siquidem tum liberat, cum desperamus de liberatione.

Secundum est gubernatio, custodia, defensio, Nam verbum (Schor) significat intentis ac fixis oculis aliquid intueri, *gnath und fleissig auff ein ding sehen.* Sic supra *Dei observat & gubernat suos.* Cap. 13. hoc verbo Propheta est usus, Sicut Pardus juxta viam aspiciam, hoc est, sollicite observabo, ne evadant, Et Iere. 5. Inveni sunt in populo meo impii, aspicientes, sicut qui laqueos ponunt, hoc est, Intenti in hoc sunt, ut noceant sicut aucupes cum insidiantur avibus. Ad hunc modum hoc in loco promittit Dominus, se fixis oculis intuiturum suos, & gubernaturum, ne quid eis accidat mali. Habet autem hæc quoq; promissio annexum scandalum, Nam sic tractantur pii, ac si Deus non videat, Sicut testatur Psalmus 94. Viduam & advenam occidunt, & pupillos interficiunt, & dicunt, Non videt Dominus, nec attendit hæc Deus, Et Psalm. 64. Consultant quemadmodum laqueos ponant, & dicunt, Quis videt nos? Non solum igitur pii judi-

judicant in periculis à Deo se negligi, sed tanta impiorum ex ista Dei dissimulatione securitas est, ut certo sibi polliceantur, Deum non curare pios quos premunt, nec videre quid machinetur, Sed quid hoc in loco dicit Dominus? Aspicio eum solcite.

Lot, Gen. 9.

Igitur fides se hoc verbo consoletur, statuatur se non negligi, etsi ad tempus neglectio certa quasi apparet. Sicut illustre est exemplum Lot in Sodomis, ista tractatur indignissime à Sodomitis, ac jam periculum est, ne fores vi effringantur. Hic quis putet Dominum habere oculos apertos, & videre hæc, siquidem usq; ad extremum impiorum conatum tacet. Et tamen videt, Nam cum periculum sumum est, Lot ab Angelis arripitur, & percutiuntur impii cæcitate, tandem etiam igni coelitus demisso absorbentur. Vtrunq; igitur videt Dominus, & periculum Lot, & impiorum impios conatus. Ad hunc modum nos quoq; expectemus & sustineamus Dominum, qui non claudet oculos penitus, sed intente aspiciet suos, ac servabit sicut hoc in loco promittit.

Frustrum pietatis.

Tertium est de fructibus, Ero sicut abies virens, fructus tuus in me invenietur. Hæc sententia convenit cum dicto Christi, Ego vitis sum, vos palmites. Sicut autem <sup>Ioh. 15.</sup> palmes non potest fructum ferre, nisi maneat in vite, sic neq; vos, nisi in me manseritis. Primum autem fructus definiendi sunt, de quibus Propheta loquitur. Hi non sunt simulata studia, & hypocritica opera, sed vera Dei notitia, vera erga Legem obedientia, & vita æterna, Hos fructus dicit Dominus in se inveniri. Ergo liberum arbitrium, mens nostra, ratio nostra, voluntas nostra, studia nostra, etiam cum sunt optima, si sola sunt, hoc est, si Spiritum sanctum non accepimus, sunt sicut sterilis arbor, in qua nullus invenitur fructus. Contra, qui in Christo, tanquam palmes in vite manent, hoc est, qui credunt in Christum, & per Christum statuunt pro peccatis suis satisfactum, & se Deo reconciliatos esse, in his Spiritus sanctus est efficax, ut & verbo obediunt, & fructum fidei suæ vitam æternam consequantur.

Statuuntur igitur hoc in loco duæ conclusiones, quas Papa tanquam certam hæresim damnat. Prima, quod homo in quantum homo, sine Spiritu sancto, sit sterilis arbor, nec possit consequi salutem. Secunda, quod per fidem in Christum, sine merito nostro, tantum ex gratia consequamur vitam æternam. Clara enim sententia est, <sup>Ioh. 15.</sup> Fructus tuus in me invenietur, & Ioh. 15. Nisi in me manseritis, fructum non feretis. Hæ sunt magnificæ consolationes quæ nos invitare debebant, ut cum vera Ecclesia nos jungeremus, quæ statuit remissionem peccatorum & vitam æternam tantum contingere ex gratia per fidem in Christum. Habet autem hæc Ecclesia Deum exaudientem in periculis, respicientem & variis donis ornantem suos, Cum econtra alii, qui nituntur sua justitia & suis meritis, etsi ad tempus florent (nam idolatriæ initia splendida & felicia sunt) similes erunt arbori, cujus folia defluunt, & horto, <sup>Esa. 1.</sup> qui non habet aquas, sicut Esa. 1. cap. minatur.

*Qui sapiens est, intelliget hæc, & prudens cognoscet ea. Quoniam rectæ sunt viæ Domini, & iusti ambulabunt in eis, Peccatores autem corruent in eis.*

Perversum populi iudicium.

Mirabilis harum concionum conclusio hæc est, & inusitata propemodum, sed mire apta & conveniens, si respicias & ad verbi naturam & hominum mores, Apparet Hoseam primum fuisse, qui de regni Israelitici vastatione per Assyrium futura nuntium attulerit. Quia autem sub Ierobeam felici Rege florebat regnum Israel, dementati successu homines somniabant perpetuam eam felicitatem, Propheta autem minas securissime contemnebant. Hoc videt Propheta, & consolans se contra istam securitatem sui populi in hanc vocem erumpit, Quis sapiens & intelliget hæc? Q. d. Major pars populi stulti sunt, dementantur præsentī fortuna, contemnunt minas, doctrinam abjiciunt. Hi sane pereant, cum doceri nolint. Erunt tamen aliqui sapientes, qui intelligent has minas non esse vanas. Igitur humiliabunt se sub potenti manu Dei, deprecabuntur veniam peccatorum, & spe futuri sacrificii pro peccatis, consolabuntur se in communibus calamitatibus.

Sapientes.

Vsitatum autem est in Scriptura, vocare sapientes & prudentes, qui amplectuntur

etuntur & reverentur Verbum, seu Deum timent. Sicut econtra stulti vocantur, qui abjecto timore Dei & Verbo, secure indulgent cupiditatibus & studiis hujus mundi, nihil solliciti de ira & judicio Dei, Et tamen si quis inter sapientem & prudentem velit distinguere, Prudentiam tribuat vitæ & moribus secundum verbum Dei institutis, Sapientiam autem fidei & veræ Dei notitiæ. Conjuncta enim hæc sunt, & semper veram fidem sequitur sancta ac Deo grata vita. Est igitur sententia, Qui Deum timent, hi sane minas has non contemnent, sed emendabunt vitam, & studebunt parere Deo, non irritabunt eum amplius impia vita & cultibus impiis. Reliquum autem vulgus, quia stulti sunt, pergunt in impietate.

*Stultitia.  
Prudentia.  
Sapientia.*

Sed cur hoc fit? Cur non major pars verbum amplectitur? Num ideo doctrina mala est? Sicut hodie adversarii nostri, quia scandala multa apud nos sunt, & pauci dignam vocatione sua vitam vivunt, doctrinam accusant & damnant, tanquam malam, & quæ his scandalis occasionem præbeat. Non inquit Propheta, doctrina ideo accusanda est. Quia viæ Domini rectæ sunt, hoc est, doctrina est sancta ac pia, ac qui eam amplectuntur, hi recte ambulant. Iusti, inquit, ambulant in eis. Qui enim verbum amplectuntur, quia credunt Deo per Semen, futurum promittenti remissionem peccatorum & vitam æternam, hi justificantur & vivunt. Sed impii qui Verbum abjiciunt corruent non doctrinæ vitio, quæ aliud non potest, quam salvare & justificare, sed suo. Quia enim salutem abjiciunt, pereant necesse est.

*Pauci verbum amplectuntur.*

*Luc. 11.*

*Mat. 3.*

*Luc. 12.*

*Mat. 3.*

*Mat. 12.*

Convenit igitur sententia cum illo Simeonis dicto, Hic positus est in ruinam & resurrectionem multorum in Israel, & in signum, cui contradicitur. Item cum illo Christi, Non veni ut judicem mundum, sed ut salvem mundum. Qui abjicit me, & non accipit verba mea, habet qui eum judicabit. Verbum enim quod locutus sum, illud judicabit eum in novissime die, Et Iohan. 3. Qui non credit jam judicatus est. Sicut enim Propheta hic Domini vias rectas vocat, in quibus iusti ambulant, Sic Christus se per Verbum suum dicit afferre vitam ad omnes, qui credunt. Qui autem non credunt, sed sicut Pharisei & Sacerdotes illud vel abjiciunt vel contemnunt, hos vita carere necesse est, & immergi in æternam mortem ac damnationem. Ad hunc modum sanctus Propheta se consolatur, contra acerbum & ingens hoc scandalum, quod tam pauci Verbum apprehendunt & sequuntur, Ac suo exemplo nos quoque vult confirmatos, ne ideo doctrinam veram vel abjiciamus, vel odisse incipiamus, quod major pars licentius peccat. Non enim hoc accidit doctrinæ vitio, quasi mala sit, sed Satanæ hoc opus est, impellentis animos contra verbum. Sicut Christus docet de zizaniis in bono agro, & inter bonum semen enascentibus.

*Consolatio contra scandalum.*

Igitur non frangamur animis, Meminerimus eadem scandala secuta, cum illi sancti Prophetæ docerent, quorum nos vix discipuli appellari possumus. Sicut autem se consolati sunt contra hæc scandala, sic nos quoque consolemur nos, & sufficiat nobis, quod saltem pauci sapientes & prudentes sunt, qui non cum reliquo vulgo Verbum negligunt, Sed agnoscunt peccata, emendantur, precantur veniam peccatorum, & acquiescunt in promissionibus, à Filio Dei factis omnibus, qui credunt in ipsum. Nos surgere ex ipsa morte & peccatis nobis satis sit, Reliquos quia à ruina servari nolunt, permittamus ruere. Cur enim non amplectuntur Verbum? Cur non nituntur Christo filio Dei, in hoc ab ipso Patre posito, ut esset nobis corruentibus & jacentibus propter peccatum resurrectio & vita? Agamus autem misericordiam & æterno Patri Liberatoris & Mediatoris nostri Iesu Christi gratias pro summo hoc dono, quod patefecit nobis has rectas vias. Et oremus, ut nos in iis ambulantes Spiritu sancto suo gubernet ac servet in perpetuum, Amen.

Finis Commentarii in Hoseam Prophetam.

## PRINCIPALES LOCI ET PRÆCIPUÆ

*sententiæ Concionum Hoseæ Prophetæ.*

**I**N pauca contrahemus Hoseæ Conciones omnes, ut cum totum librum completi non possis, tamen eorum, quæ præcipua sunt memineris. Hosea igitur hoc

A a a a

præci-



## P R I N C I P A L E S L O C I C O N C I O N U M

*del. in populo* *7. 456* & fere in omnibus capitibus agit, ut idolatriam sui populi reprehendat, & minetur vastitatem per Assyrium. Fuit autem idolatria hæc, quod cum cultus omnis divina voce ad templum Hierosolymitanum destinatus esset, decem tribus neglecto templo erigebant altaria, & sacrificabant ubicunq; libebat.

*del. in populo* *7. 456* Hujus idolatriæ similitudo hodie est, quod cum jubeamur in nomine Christi Iesu invocare æternum Patrem, Nos omisso Christo Divos invocavimus, Christum judicavimus similem Tyranno, seu judici duro, qui nolit audire, nisi habeamus intercessores, cum ipse Mediator noster ad Deum esse velit. Sicut autem Iudæi Baalam, vitulos & alias statuas erigebant, Sic apud nos etiam statuae coeptæ sunt coli, & creditum est, Deum esse magis ad hanc vel illam statuam propitium, quam si vel domi vel alio in templo ores. Præluceat igitur nobis exemplum Israelitici populi, ut fugamus idolatriam. Siquidem horribilibus poenis Dominus eam in suo populo ultus est. Hoc primum est, quod Hosea agit, ac sunt huc referendæ insigniores sententiae, quas passim habet. Idolatriam vocat adulterium, ac Deum tam offendi dicit idolatricis cultibus, quam offenditur maritus adulterio conjugis suæ.

In quarto capite dicit, Fornicatio, vinum & mustum auferunt cor. Sicut enim & qui amant, & qui ebrii sunt, mente carent, & tantum non insaniunt. Ita quoq; idolatria dementes facit, ut non erudiri, non sanari verbo possint, sed tanquam coeci ruunt, quocunq; spiritus fornicationis eos impellit, sicut in Papistis videmus.

In nono capite dicit, Idolatriam etiam puniri hoc modo, ut Deus immittat falsos Doctores. Propter tuam iniquitatem, ait, & vehemens odium Propheta stultus est, & furit qui gloriatur de spiritu, Sic Paulus dicit, Immitti efficaces errores, propter veritatem non creditam.

In decimo tertio capite dicit, Idolatriam fere nasci ex secundis rebus, ex otio & affluentia omnium rerum, Cum abunde eos pascereim, & saturati essent, elevatum est cor eorum, hoc est, verbum abjecerunt, & sibi statuerunt cultus quos vellent. Afferendæ quoq; huc sunt sententiæ, in quibus minatur Propheta idolatris ac verbi contemptoribus vastitatem & alias poenas, qualis est in capite quarto.

In quarto capite, Populus meus perit, quia sine verbo est. Et paulo post, Populus non attendens verbo, cadet.

Et capite nono, Abjiciet eos Deus meus, quod non audierunt eum, & vagabuntur inter Gentes. Hæc memorabiles sententiæ sunt, quæ ostendunt, neglecto verbo nasci idolatrias, propter quas tandem omnis generis calamitates ingruunt.

Huc pertinet, quod in quarto capite dicit, Quia abjecisti verbum meum, Ego quoq; te abjiciam, ne sis meus Sacerdos, & quia oblitus es Legis Dei tui, ego quoq; obliviscar filiorum tuorum. Vtilis hæc quoq; sententia est, & ad confirmandos animos hodie adprime apta. Pontifices & Episcopi jactant ministerium, quod in Ecclesia habent, & volunt ideo servari, quæ mandant. Sed definita sententia est, quod qui verbum abjiciunt, abjecti sunt à Deo, nec debent audiri. Summa enim autoritas est penes verbum. Huic obedit Ecclesia, non respiciens personam docentem. Qui autem verbum non afferunt, aut contraria verbo statuunt, hos scit Ecclesia à Deo abjectos, & non audit.

*7. 456* Secundus locus est exhortatio ad veros cultus & sanctam vitam, seu ad poenitentiam. Ea ter repetita est, Primum in sexto, cum dicit, Misericordiam volo magis quam sacrificium, & cognitionem Dei magis quam holocausta, Et in decimo, Seminate vobis ad justiciam, Merite ad beneficentiam, & arate assiduo, Et capite undecimo, Convertere ad tuum Deum. Custodi justiciam & judicium, & spera semper in Deo tuo. Huc enim omnis vita nostra dirigenda est, ut fide accipiamus remissionem peccatorum, ut scandala extirpemus & mortificemus peccatum, & in cruce renovemus spem liberationis. Hi veri cultus sunt, quibus Deus delectatur. Sed pauci eos præstant, verbum negligitur, negligitur proximus, & indulgent homines peccatis. Fit igitur ut cum apprehendet eos ira & indignatio, sint sine spe. Hæc peccati vis est, quæ nos ab hac Regula abducit.

Igitur

Matth. 18.

Igitur exhortationi subicit Propheta doctrinam, capite decimo tertio, Accipite vobiscum verba hæc, Convertimini ad Dominum, & dicite, Remitte nobis omnem iniquitatem, & dona bonum, & immolabimus boves labiorum nostrorum. Sola enim oratio est, quæ supplet quod nobis deest, Sicut etiam apparet ex parabola de servo debente decem millia talentorum, Matth. 18. Hoc qui faciunt, hoc est, qui custodiunt justiciam & iudicium, & sperant in Deo, Deinde addunt deprecationem pro remissione peccatorum & gubernatione, Hi per Christum sunt Filii Dei, redempti ex inferno & liberati à morte, Itaque etsi moriuntur, tamen iterum resurgent, excitati à Filio Dei ad æternam vitam. Interim spe horum donorum, quæ tum contingunt, in verbo autem proponuntur, nos consolemur, quod sicut in secundo capite dicit, simus Filii Dei viventis, & Populus Dei, imo sponsa, &c.

Ad hos locos pertinent insignes sententiæ & plenæ consolationis, quas de Evangelio Propheta aspergit. In secundo capite dicit, Erit in loco in quo dictum est eis, Non populus meus vos, ibi diceretur eis, Filii Dei viventis, Item, Dicite Fratribus vestris, Populus meus, & sororibus vestris, Misericordiam consecuta, Item, Desponsabo te mihi in æternum, desponsabo te mihi in justitia, & in iudicio, in gratia & miserationibus, in fide desponsabo te mihi, & cognosces Dominum. Additur quoque promissio de Oratione exaudienda, Et erit in die illo exaudiam, dicit Dominus, exaudiam cœlos, &c.

At de Hypocritarum oratione, qui doctrinam fidei abjiciunt, & nituntur suis justitiis, dicit in septimo, quod sit foedus uludatus, quod offendunt aures Dei. Tales sunt hodie Papistarum Missæ, horæ canonicæ, Conciones & alii cultus.

Et in quinto dicit, Cum gregibus & armentis suis ibunt, ut quærant Dominum, & non invenient, subduxit enim se ab eis. Docet enim quod qui poenitentiae tempus negligunt, & in peccatis pergunt, poenas nulla ratione possint effugere, siquidem Deus eos non audit.

Sic in octavo dicit, Deum sacrificia hypocritarum odisse, Immolant hostias in oblationem mihi, quæ nihil nisi caro sunt, quam comedunt, sed Domino non placent. Hoc enim placet, quod supra in sexto dixit, Misericordiam volo potius, quam sacrificium, Hæc insignia dona cum habeat Ecclesia, quæ non nititur sua justitia, sed misericordia Dei, Tamen dicit eam in valle Achor esse, hoc est, affligi varie, Sicut ideo eam in decimo quarto comparat pupillo.

Matth. 34.

In tertio capite insignis est Prophetia de Christo, & testimonium quod verus Deus sit. Sic enim dicit, Postea convertentur filii Israel, & quærent Dominum Deum suum, & David Regem suum, & reverebuntur Dominum & bonitatem ejus. Vocat enim Christum David, sicut Ezechiel Cap. 34. Quia enim idem cultus Davidi & Domino tribuitur, sequitur, Davidem hunc esse natura Deum, secundum sententiam, Gloriam meam alteri non dabo.

In sexto & tertiodécimo, Sunt clara testimonia resurrectionis mortuorum, Dominus laceravit nos & sanabit nos, Percussit & medebitur nobis, Vivificabit nos post biduum, In die tertio faciet nos resurgere, & vivemus ante faciem ejus, & sciemus & incumbemus in id, ut cognoscamus Dominum. Quasi aurora firmatus est egressus ejus. Et veniet nobis sicut pluvia, &c. Nam resurrectionem Christi, qua mortem vicit, & destruxit infernum, secuta est revelatio Evangelii, in totum orbem terrarum, & vocamur nos quoque ad spem resurrectionis per Christum.

Luc. 11.

In tertiodécimo nobilis sententia est, De manu inferni redimam eos, A morte vindicabo eos, Ero pestis tua Mors, Ero Exitium tuum Inferne. Hoc qui per Christum credunt, his non mors, non infernus formidini est, Sciunt enim per Christum mortem occisam, & infernum extinctum. Nihil igitur restat, quam ut se adjungant ad Christum victorem Mortis & inferni, Is sua victoria solus non vult frui, sed dividit spolia, sicut in Evangelio dicit, & nos hujus victoriae facit participes. u

Huic vero & æterno Deo, cum Patre & sancto Spiritu, sit laus & gloria in secula seculorum, A M E N.

MART. LUTH. ADDITIO IN LO-  
cum *Hosea capite 13. Ero mors, &c.*

**H**Vnc locum, Ero mors tua, & mors, Ero morsus tuus inferne, Apostolus Paulus sic legit, 1. Corinth. 15. Vbi tuus mors stimulus? Vbi tua Inferne victoria? *1. Cor. 15.*  
*πῶς οὐ θάνατος τὸ κίνητρον? πῶς οὐ ἀδὴ τὸν νίκης?* De qua re paulo copiosius & diligentius dicendum est. Quia Paulus putatur quasi aliena & impertinentia loqui, Nec est facile ullus locus tam varie translatus, ut hic Hosea 13.

Primo, Evidens est, varietatem esse ortam ex ipso Ebraeo textu. Nam hoc verbum (Ehi) id est, ero, Hieronymus, Symmachus & nostri omnes constanter testantur se legisse in suis Exemplaribus. Contra alii, ut 70. Quinta editio, & Aquila testantur, se legisse per metathesin (Aie) id est, ubi. Quibus consentit Paulus Apostolus, certe gravis autor imprimis, haud dubie Ebraice doctissimus. Quin sunt etiamnum Ebraei, qui etiam ipsum (Ehi) sentiant significare, ubi, & non ero, cum plenis literis, Ero, sit Ebraice. (Ehie) Exod. 3. 2. Reg. 7. 1. Paral. 17. Nec nisi per apocopen E posse legi pro ero. *Hosea 13.*  
*Exod. 3. 2. Reg. 7. 1. Paral. 17.*

Et si apud me 70. autoritas parum valet, ut qui saepius, sive volentes sive ignorantes, alienissima à verbis & intellectu Scripturae transtulerint, quae nulla ratione defendi possunt, ut Hieronymus in multis locis convincit, Aquilam tamen laudat, ut contentiosum & rigidissimum Interpretem, Et quinta editio non fuit contemnendae opinionis. Quibus cum consentiat S. Paulus, videtur omnino cum illo legendum esse, & scriptum fuisse ab Hosea, Vbi, & non Ero.

Deinde illud, Mors tua, non est idem vocabulum quod sequitur, O Mors, Sed (Dbrcho) quod in Ebraeo diversum efficit vocabulum. Nam si à nomine (deber) inflectas, significat pestes tuas, sive pestilentiae tuas, in plurali. Et ita legisse S. Paulum credo, qui vertit, Stimulus tuus, Et hanc esse germanam lectionem arbitror. Suadet idem sequens mox vocabulum, Vbi est inferne (kotoscho?) quod à nomine (keteb) venit, non ambiguo aut æquivoco, sed simplici & univoco.

Ista enim duo vocabula (deber) & (keteb) in Scripturis sunt nomina pestilentiarum, ut apud Latinos illa duo, Pestis & Lues. Et ut lues atrocior est, quam pestis, ut cui morbo statim necanti adhuc non potuerunt invenire remedium, imo veneno potius naturae quam morbo, sicut Perottus dicit, Ita (keteb) atrocior in Ebraeo est quam (deber) Vnde aliqui fingunt esse nomina Dæmonum, de quo videre licet Lyram & Burgensem Psal. 91. Cum ergo Hosea velut per tautologiam conjungat (keteb) univocum cum (deber) æquivoco, satis patet, eum per hoc æquivocationem restrinxisse ad univocationem, Et non (dabar) sed (deber) legi voluisse.

S. Paulus vertit (keteb) tua, victoria tua, 70. Stimulus tuus, quo Paulus illud (deber) tua reddidit. Hieronymus, Morsus tuus. Symmachus, Occursus tuus, ut & Pl. 91. *Psal. 91.*  
latini habet, Ab incurso, id est, à (keteb) Quinta editio & Theodotio, plaga tua.

Si vero legas à nomine (dabar diborecho) significat verba tua, res tuas, causae tuas, in plurali. Sic legit Aquila & Quinta editio, Vbi sunt sermones tui? Et 70. *70.*  
*וְיָדִיעַ שְׁמִיעַ* Vbi est causa, vindicta, poena, jus tuum & similia, de quibus infra, Nam mihi lectio ista habetur violenta & coacta.

Sic ergo ex Ebraeo absq; præjudicio mihi vertenda videntur verba proprie, Vbi sunt Pestilentiae tuae, Mors? Vbi est Lues tua, Inferne? Non loquitur autem Propheta de pestibus ad literam seu casualibus, de quibus Medicorum est judicare & disputare, sicut nec de morte casuali, Sed de naturalibus pestibus & morte nobis congenitis, quae per omne genus hominum saeviunt & furunt, Quas pestes habet etiam juvenis, sanus, robustus, formosus. Omnes enim moriuntur. Et eisdem pestibus morimur omnes. Sicut Psal. 51. plorat. Ecce in iniquitatibus conceptus sum. Sed antequam de his plura dicam, prius textum Pauli absolvamus. *Psal. 51.*

Allegat S. Paulus, & connectit duos locos Scripturae, 1. Cor. 15. Prior est Isaia 25. Absorpta est mors in victoriam. Perspicuum est, me ipsum cum aliis multis



of. 13.

multis errasse, qui putavimus hunc locum Iesaiæ esse eundem in Hoseæ 13. Ero mors tua. Posterior est hoc cap. 13. Hoseæ, Vbi est mors stimulus tuus? de priore prius dicendum est. Hic illos 70. corrigit Paulus, cum dicit, Absorpta est mors in victoriam, Vbi illi transtulerunt, Devoravit mors prævalens, Et mutat activam significationem in passivam. Nam illa sententia 70. quod mors omnia devoret potenter, neque huius loci est, neque digna spirituali & Prophetica Theologia. Quis enim nescit, omnia deberi nos nostraq; morti, ut Horatius dicit? Pleni sunt omnium gentium de hac re Libri, & experientia querula nos id docet, velimus nolimus, assidue omnibus horis & momentis.

Ideo Paulus 70. interpretationem reprobans, veram & spiritualement sententiam profert, Non esse dicendum, quod Mors omnia devoret prævalida, Sed quod Mors omnium devoratrix potentissima sit devorata. Ideo transfert passive, Absorpta est Mors in victoriam. Satis autem constat, ubi passiva significatio est, simul poni activam, & econtra, ut fert natura relativorum, mutuo se se ponunt & tollunt, Vbi scilicet est absorptus, necesse est ut sit absorbens, Cum ergo S. Paulus voluerit passivam significationem, id est, absorpta est mors, proferre, simul significavit illam activam significationem esse in Iesaiæ textu intelligendam, non pro Morte, sed contra Mortem, Et 70. male vertisse, Devoravit Mors prævalens, in nominativo, Sed fuisse verendum, Devoravit (scilicet Filius Dei) Mortem, in accusativo, in victoriam, sive in finem. Sic est enim in Ebraeo, Devoravit, absorpsit seu præcipitavit Mortem in sempiternum seu victoriam.

In victoriam, quod Ebraice dicitur (la Nezach) credo recte ab Apostolo versum esse. Sciunt Ebraei vim vocabuli Nezach, esse id, quod est superare, superiorem esse, vincere, prævalere, præesse, prædominari, ut sit sensus, Absorpta est Mors in victoriam, id est, Absorpta Morte, prævalet, dominatur, regnat, triumphat vita, Significat enim (ut Grammatica docet) motum ad locum, sive (ut Philosophi de suis rebus dicunt) finem ultimum & gratia cuius, Ut hæc victoria non sit Christi victoria activa, sed nostra victoria passiva, quam nobis Christus sua victoria peperit, scilicet, Mors etiam nobis absorpta est (per Christum victorem) ut vita in æternum triumphet. Nec spes ulla sit Morti, ut unquam redeat, ne ad pugnam quidem, multo minus ad victoriam seu regnum, quale hæcenus & nunc habet in nos miserrimos homines.

Rom. 5.

Sic Paulus Rom. 5. Ut sicut regnavit Peccatum ad mortem, ita regnet Gratia per justiciam in vitam æternam, per Iesum Christum Dominum nostrum, Et iterum, Mors regnavit ab Adam usque ad Moysen. Ex iis intelligitur, Paulum illud verbum (Nezach) quod nostri, in finem, in sempiternum, 70. prævalere, interpretati sunt, pro vincere, & victoria usurpasse. Et quid verius dici potest, quam illum vincere & prævalere, qui suo adversario intereunte vel absorpto, ipse in æternum manet salvus & gloriosus?

Rom. 5. 6. 7.

Posterior locus est hic, quem in manibus habemus quem supra ex Ebraeo reddidimus, Vbi sunt Pestilentie tuæ, Mors? Vbi Lues tua, Inferne? Quod Paulus sic reddit, Vbi tuus est Mors Stimulus? Tbi tua Inferne Victoria? Hic necesse est, Paulinam Theologiam de peccato, Rom. 5. 6. 7. præcognitam habere. Nam Hosea idem vult cum S. Paulo, Nempe genus humanum totum semel esse corruptum & perditum peccato, per primum hominem, quod vocant originale, Atq; hoc ipsum successu temporis auctum fuisse actualibus peccatis, simul & poenas auctas esse, semper enim & quotidie augescunt utraque.

Gen. 2.

Hoc peccatum vocat pestilentias Mortis & luem inferni, sicut dicit, Stimulus mortis peccatum est, A quibus per Christum Filium Dei sumus liberati & redempti. Nam sine Peccato Mors nulla esset, sicut Genes. 2. dicitur, Quaecunq; die comederis, morte morieris, id est, absq; peccato viveres in æternum, Corrupta autem natura per istas Pestilentias & Luem, id est, per Peccatum, subjecta est morti. Et, ut Paulus dicit, intravit mors per peccatum in omnes homines, Rom. 5. Sic Mors regnat & triumphat per suas Pestilentias, & Infernus per suam Luem. Nam peccatum est vis,

Rom. 5.

regnum, potentia, imo virus, venenum, contagium Mortis, nec unius generis, sed multæ Pestilentia.

Porro Pestes illæ & Lues seu peccatum, ut plurimum, habet se velut cubans & dormiens, quietum, sed in foribus, sicut Genes. 3. dicitur, id est, non sentitur nec reputatur, Vt videmus in hominibus securis & epicureis, Etiam si hoc modo pereant omnes, & moriantur per ipsum, licet ignorantes, Rom. 4. Peccatum non imputatur, cum non esset Lex, Sed regnavit Mors ab Adam usq; ad Moysen, etiam in eos, qui non peccaverunt, &c. Et Rom. 7. Sine Lege Peccatum mortuum erat, Sed cum venisset Mandatum, revixit Peccatum. Gen. 3. Rom. 4. Rom. 7.

De hoc non agitur hoc loco, sed de peccato per Legem excitato, id est, cognito. Hoc ostendit, sese esse Pestilentias Mortis, & Luem Inferni, quia vel irritatur & furit magis, odiens Legem prohibentem, sicut dicitur, Nitimur in vetitum, &c. vel ducit ad desperationem & blasphemiam, sensu iræ Dei. Ita fit peccatum supra modum peccans, operans omnem concupiscentiam in nobis, & occidens per mandatum, Romanorum 7. Rom. 7.

Has duas formas Peccati tangit Spiritus istis duobus verbis, Mors & infernus. Irritatum peccatum scit sese Morte digna facere, & per desperationem sese in Infernum ire, Et ut Mors corpus occidit, ita Infernus animam rapit. Inde in scripturis duo ista loca sic distribuuntur, ut (keber) sepulchrum corpori (scheol) Infernus animæ deputetur, Psalm. 6. Non est in Morte, qui memor sit tui, In Inferno quis confitebitur tibi? Psalm. 115. Non mortui laudabunt te Domine, neq; omnes qui descendunt in Infernum. Psalm. 6. 115.

*Keber.  
Scheol.*

Hieronymus hoc loco dicit, Inter Mortem & Inferos hoc interest, Mors est, qua anima separatur à corpore, Infernus, locus in quo recluduntur animæ, sive in refrigerio, sive in poenis, pro qualitate meritorum, Quod dicit propter Patriarchas, qui in Infernum sese descendere farentur. Sed qualis sit ille locus, & quid aut qualiter in eo sint, agant, habeant animæ, nescimus, quia Scriptura non dicit. Existimatur sane post resurrectionem Christi nullum esse piorum Infernum, Licet pro eo finxerint Purgatorium homines audaces, Sed qui intelligunt, quid sit Peccatum per Legem excitatum, & desperationem adducens, ipsi intelligunt, quid sit Mors & Infernus. Sed mirum est, cur Paulus pro, Pestilentia tua, reddit, Stimulus tuus, Et pro, lues tua, victoria tua, An & voluit à 70. dissentire, vel potius illis, qui pestilentias & luem in passiva significatione accipiunt, Vt faciunt illi qui legunt, Ero pestilentia tua Mors. Ero lues tua Inferne, scilicet, quas Mors, & quam Infernus patiantur à Christo Filio Dei. Et forte amphiboliam declinavit. Nam etiam si leges, Vbi pestilentia tua Mors? ambiguum apud nos sonat, de pestilentia, qua occiditur mors, & de pestilentia, quæ nos occidit.

Ipsæ autem cum Hosea indubitate loquitur, de activa mortis pestilentia, qua nos occidit, Sicut e contra de resurrectione nostra loquitur passiva, qua nos resuscitatur, non de activa personali Christi resurrectione, quæ est effectrix nostræ resurrectionis, ut clarissima sunt verba Pauli, Cum autem mortale hoc induerit immortalitatem, tunc fiet sermo, qui scriptus est, Vbi est mors stimulus tuus, &c. Licet resurrectio nostra necessaria consequentia resurrectionem Christi, & contra inferat, ut fert natura relativorum, Et satis clare prædicatur verbo præcedenti, De manu inferni redimam eos, de morte liberabo eos. 1. Cor. 15.

Fortassis atrocius voluit de re tanta dicere & Hoseæ verbum Pestilentia tua, velut plebeium, castrensi & militari, seu latronali potius verbo amplificare, scilicet stimulo, quo Mors non ceu lenta peste, sed tota vi semel totum genus humanum confoderit & confecerit in æternum. Oportet enim hic emphasim observare in stimulo mortis. Nam si solitarium dicatur, stimulus seu aculeus, leviusculæ significationis est, cum & apiculæ & minutiores vermes habeant aculeum seu stimulum.

Sed si addas, Mortis, jam aculeus seu stimulus major est toto mundo, ac plane tantus, quanta ipsa mors est, Domina & tyranna scilicet totius generis humani à princi-

principio mundi usq; ad finem. Sicut si verbum dicas solitarium, exile quiddam cogitatur, scilicet loquela hominis, Sed si addas Dei, jam verbum majus est tota creatura, etiam ipsa morte & inferno.

Libenter etiam dicerem, Paulum respexisse ad stimulum Goliath, qui figura fuit Mortis. Idem fortassis fecere Ebraei ante 70. Vix enim credo 70. primos invenisse suam hoc loco interpretationem. Quidquid sit, quando Mortem & regnum ejus nominas, omnia maxima nominasti, etiam si tantum febrem, papulam, subulam, aciculam Mortis nominares. Mors enim totum genus hominum absorpsit, Vnde & (keteb) inferni Paulus solus vertit victoriam, quasi absorptionem æternam, Vbi 70. stimulum posuere, ut supra dixi. Quia infernus per (keteb) id est, peccatum absorbet, regnat & triumphat super genus hominum, veluti nunquam liberandum.

Hic iterum vides Paulum delectari hac significatione (Nezach) pro victoria, quod alias in finem, in sempiternum transfertur, quod is vicerit & prævaluerit, qui pereunte adversario manet, ut Psal. 9. Inimici defecerunt frameæ in finem, id est, victoriam, Et Psal. 10. Avertit faciem suam, ne videat in finem, id est, victoriam. Sic mors per (keteb) devorat omnes homines in finem, id est, in victoriam, quia omnibus morientibus ipsa pergit & triumphat. Est sane pulchra prosopopœia, qua mors & infernus finguntur hostes humanæ naturæ, terribiles armis suis, aculeo (Deber, keteb) victores, triumphatores, insultatores in æternum sua victoria, id est, peccato & morbo naturæ, quos Filius Dei per seipsum pro nobis, ut David, Goliath, prostravit, & sustulit in sempiternum & in victoriam.

Iam facile est, si libet, aliorum interpretationes conciliare, ut, Vbi sunt Mors sermones tui? Sermones, verba, res Mortis, quibus agit, sunt ipsum peccatum & chi-rographum decreti, ut Paulus ait, quo nos reos arguit, accusat, condemnat. Quid enim Mors aliud contra nos potest dicere, contendere, jactare, quam hanc vocem, Tu peccasti, peccato tuo mihi reus es, peccati jure te devoro in sempiternum? Cum nulla creatura loquitur vel agit Mors, nisi cum homine, quia solus ipse peccavit. Nullum animal peccat. Loquitur autem contra nos non nisi iudicium, & agit causam seu *ἔκαστον* suam, ut 70. vertunt.

Eadem feceris cum morfu, incurfu, occurfu, & si quæ alia alii transtulerunt. Nam quando in hoc omnes conveniunt, ut de morte & inferno, & regno eorum loquantur, Paulus autem aperte dicit, peccatum esse illud medium seu instrumentum, quo Mors & Infernus agunt, vorant, regnant, triumphant, & omnia contra humanum genus faciunt, sine periculo peccatum ipsum appellas stimulum, aculeum, morsum, pestem, lucem, virus, plagam, incursum, victoriam Mortis & inferni, & omne illud, quo homo occidi & damnari potest. Nisi quod opera tamen danda est, ut Ebraeus textus Hoseæ aliquam unam teneat verborum certamque Grammaticam, quam variis modis Paulo & aliis liceat figurare, salva sententia. Quia nec Paulo cura est, an stimulus vel pestis dicatur, &c. modo intelligas hunc stimulum, pestem, &c. nihil esse, nisi peccatum. De hoc satis.

Retexamus nunc totam Concionem Hoseæ in fine cap. 13. Colligata est iniquitas Ephraim. Omnibus notum esse puto, Prophetas maxime vero Hoseam, abbreviatis posuisse sententias ac veluti themata, vel potius summaria Concionum suarum. Ita cum Hosea haud dubie in ista Concione bene prolixam habuerit orationem, de Lege, peccato, gratia Christi futuri, & regno ejus, tandem collegit & signavit omnia in summam & brevissima capita, dicens, Colligata est iniquitas Ephraim, ac si diceret, Sape & satis multa diximus de Lege, sed quo plus docemus, hoc magis peccatur. Nihil proficimus Lege docenda, nisi quod Legem docere ita necessarium est, quo populus agnoscat sese esse perditum peccatorem, per Legem convictus, & egeat alia doctrina ultra Legem, nempe de remissione peccatorum & Spiritu sancto, per Messiam promissum & futurum donando, ad aliam scilicet æternam vitam, Ideo dicit,

*Colligata est iniquitas Ephraim, Absconditum peccatum ejus.*



Scio Hiob. 14. dici, Sigillatum est in fasciculo peccatorum meum, quod voluit intelligi de peccato reservato & puniendo. Verum quando hoc loco additur, Absconditum est peccatum ejus, sequar hanc sententiam, quod Hosea propheter de novo Testamento, id est, de remissione peccatorum, sicut Daniel dicit, ut sigilletur peccatum. Et Psal. 32. Beati quorum remissæ sunt iniquitates, & quorum tecta sunt peccata. Abscondi enim peccata est, ut Psal. 51. dicit, Averti faciem à peccatis. Et Jeremiæ 33. & Esaie 43. peccatorum non recordari amplius. Nam si iniquitates observaveris Domine (quod fit illustrante, docente, accusante & damnante Lege) quis sustinebit? Sic & Hiob 14. Nunc tu numerasti gressus meos, sed parce peccatis meis, quod Ebraice dicitur, Ne observes peccatum meum.

Daniel 9.  
Psal. 31.  
Psal. 51.  
Jerem. 33.  
Psal. 29.  
Hiob. 14.

Igitur hoc vult Hosea, Futurum est tempus acceptabile & dies saluris, in quo Lege finita seu impleta per Christum, iniquitas Ephraim claudetur & colligetur, remitteretur, & peccatum absconderetur, & velut sepelietur, Quod per Legem continue revelatur, aperitur, & dilatatur, Tunc autem contrahetur & velut in fasciculo constringetur, ne amplius pateat coram oculis Dei, & ne prolatum toras, ultra accuset & vim suam ostendat.

*Dolores parturientis venient ei.*

Hoc de salutari parturitione & dolore intelligitur, de qua Esaia 26. Domine, in angustia requisiverunt te, Et mox, Sicut prægnaus vicina partui dolet, & clamat in doloribus suis, sic sumus à facie tua Domine, Concipimus, parturimus, & parimus spiritum, Iere. 31. Postquam sum conversus, poenitentiam ago, Et postquam cognovi, percussi femur &c. Hoc est enim mulierum parturientium in Ieremia, Et Mich. 4. Dole & ingemisce filia Zion, quasi pariens, Quoniam nunc egredieris de civitate, & habitabis in agro. Remissio enim peccatorum & gratia operantur carnis mortificationem, odium sui & destructionem peccati in carne, Deinde excitat persecutionem, ut notum est exemplo totius Ecclesiæ. Hi sunt dolores salutare parturientis. Durum est carni, præsertim Ephraim, mortificari gloriam Legis, & justiciam operum occidere, in seipso. Hoc vere est mortificari veterem hominem, & exuere cum actibus suis, non tantum illis crassis & manifestis peccatis, sed speciosis & sanctissimis cultibus, in quibus fidebant certi & securi de gloria apud Deum.

Esaia 26.

Iere. 31.  
Mich. 4.

*Ipse filius non sapiens.*

Hoc est, Nunc factus filius ex servo, & novus homo ex veteri, videt & sentit sese esse & fuisse stultum, qui Lege voluerit justificari, & in seipso gloriari, Nunc intelligit alio verbo, scilicet Evangelio opus esse, quo eruditur, ut gloriatur in Domino, & quæ antea pro lucro habuit, nunc pro detrimento habeat, Et ut fiat sapiens, stultum sese oportere fieri cognoscit. Hoc fuit huic populo durissimum, & major pars hanc stultitiam crucis repudiavit, manens in vita & gloria justiciæ & sapientiæ suæ. Sed ista stulticia agnita, est beata & saluberrima.

*Quia tempus erit, in quo non stabit in contritione filiorum.*

Sub Lege erat tempus, ubi perpetuo parturiebant, & nunquam pariebant, Sectando Legem in justiciam Legis non pervenerunt. Nihil enim ad perfectum duxit Lex, sed ostendit tantum justiciam, & non præstabat, Ita in Lege est semper discere, & ad scientiam veritatis nunquam pervenire. Quia parturiens non habuit vires ad enitendum, ut verbo Ezechie utar. Ita nihil fuit ibi, nisi contritio & suffocatio filiorum, Quia ex operibus Legis non justificatur ulla caro. At tempore gratiæ non amplius stat Ephraim in contritione filiorum, Quia omnes ex Deo nati sunt felicissimo partu. Ipsa enim mater vires habet, Sic Psal. 110. Ex utero auroræ tibi ros pueritiæ tuæ, Et Esa. 54. Latere sterilis, quæ non parit, erumpe & clama, quæ non parturis, Quia multi filii desertæ magis, quam quæ habet virum. Sic Zion non stat in contritione filiorum, sed in lætitia multorum filiorum. De qua re Esaias in multis locis copiose loquitur. Quia

Esaia 37.

Psal. 110.  
Esa. 54.

*De manu Inferni redimam eos, de Morte liberabo eos.*

Hæc

Hæc sunt verba in persona Filii Dei incarnati & Salvatoris, qui est finis Legis ad iustitiam omni credenti. Nam Lex iram operatur & ad Infernum ducit, sed non reducit, Mortificat, sed non resuscitat. Hæc sunt notissima ex Evangelio. Non enim argento & auro, sed suo proprio corpore & sanguine precioso nos redemit.

*Vbi est Mors stimulus tuus? Vbi est Inferne victoria tua?*

De quo satis supra dictum est, Quanquam illa sententia, Ero Mors tua, ô Mors, Ero pestis tua Inferne, vehementer & merito delectet, & verissima simul ac jucundissima est. Denique ex natura relativorum ex priora sequitur. Sed Paulum 1. Corinth. 15. hoc loco volui explicare juxta grammaticam, ideo differenda fuit in alium locum. Hæc mihi visa sunt adjicienda, Cætera in Commentario.

# SVPPVTATIO ANNORUM MUNDI

D. M. LUTHERI.

Anno M. D. XLI.

Dictum eorum, qui dicebantur de Domo ELI & Prophetæ, Burgen. parte prima, distincti. 3. Cap. 4. Scrutinii.

Sex millibus annorum stabit Mundus.

Duobus millibus inane,

Duobus millibus Lex.

Duobus millibus Messias.

Isti sunt Sex dies hebdomadæ coram Deo, Septimus dies Sabbatum æternum est.

Psal. 90. Et 1. Pet. 2.

Mille anni sicut dies unus.

MARTINVS LUTHERVS.

**N**unc Supputationem annorum, ad meum unius usum paraveram, non ut esset Chronicon vel Historicon, Sed ut ob oculos positam haberem veluti tabulam, ad inspicienda tempora & annos Historiarum, in sacris literis traditarum, Si quando recolere vellem, quot annis Patriarchæ, Iudices, Reges, Duces, vixissent vel regnassent, aut quanto intervallo temporis sibi successissent. Ideo non est, ut multis verbis vel commendem, vel extenuem. Non enim spectavi, quid vel quantum utilitatis aliis afferret, præsertim cum tot extent Chronica seu Historiæ, & quotidie multiplicentur. Ego contentus sum eo fructu, quem inter supputandum percepi. Illi, qui vulgatam voluerunt, ubi ejus videndæ copia rogantibus à me facta est, Vel qui lecturi sunt, viderint, an operæ pretium facturi sint legendo. Mea sane nihil refert, si pereat, sive maneat, Sed nec multum curo, si aliis satisfaciât, sive minus.

Sane Chronicon Charionis Philippicum, primum est & optimum exemplum supputationis, in quo pulcherrime totus annorum cursus, in sex millenarios distributus est, id quod & ego secutus sum. Vnum ausus sum in Historia Ioram Regis Iuda sub Elia & Elisæo, in qua 30. annos plus numeravi, quam habeant omnes alii Chronici. Hæc mea esto culpa vel studium, ratio reddetur suo loco. Nam Eusebii Chronicon, sumptum ex 70. interpretibus, qui Genesi 5. (ut Hiero. in quæst. Ebraicis refert) semper ducentos pro centum transtulerunt (fortasse nomine singulari Meath pro nomine plurali Meoth accepto) invexit in omnes Chronicas ante nostram ætatem istum errorem, reliquos omitto, ut abundant in numeris annorum, mille ducentis quadraginta novem annis. Denique sextum Millenarium, quem sextam ætatē vocant, egressi,

In summa 1541  
referenda est  
hæc Annorum  
mundi Suppu-  
tatio, si priorum  
editionem se-  
quaris, Sin po-  
steriorem, in  
hunc 1545. quo  
sub prelo re-  
vocata emenda-  
tur erit.

egressi, de septimo Millenario, quem septimam vocant, jam dictos annos numerant. Verum de Eusebio minor est querela, qui fuit vere, ut Hieronymus scribit, vir admirabilis & diligentissimus, De aliis omnibus Historicis querimur, & ipsi inter sese queruntur, destitui se exacta annorum supputatione. Quare illis posthabitis hoc opere hanc supputationem ex Scripturis sanctis potissimum colligere volui, quibus certe & fideliter niti possumus & debemus. Scripturae autem sic habent, ut sequitur.

## PARTES SUPPUTATIONIS

Annorum à condito Mundo.

|      |                                                                                          |
|------|------------------------------------------------------------------------------------------|
| 1656 | ad Diluvium. Gene. 5.                                                                    |
| 367  | ad vocationem Abraham. Genes. 11. & 12.                                                  |
| 430  | ad Exitum de Ægypto. Exod. 12. Galat. 3.                                                 |
| 480  | ad Templum Salomonis. 3. Reg. 6.                                                         |
| 158  | ad Finem Stirpis Salomonis. 4. Reg. 11. & 2. Paral. 23.                                  |
| 291  | ad Migrantem Iechania. 4. Reg. 12. usq; ad finem.                                        |
| 11   | Zedechiae. 4. Reg. 24.                                                                   |
| 70   | Desolationis. 2. Paral. ultimo. Esdr. 1.                                                 |
| 46   | ad initium hebdomadarum anno 2. Darii. Iohan. 2.                                         |
| 483  | seu 69. hebdomadae ad occisum & resurgentem Christum. Dan. 9.                            |
| 7    | anni ultimae hebdomadis, in qua Pactum firmatum & Lex abrogata in medio ejus. Daniel. 9. |

Anni Christi sequentes patent per se.

## ALITER ET HOC MODO.

|      |                                                        |
|------|--------------------------------------------------------|
| 1656 | ad Diluvium. Genes. 5.                                 |
| 292  | ad natum Abraham. Genesis 11.                          |
| 425  | ad natum Moysen.                                       |
| 80   | ad exitum de Ægypto.                                   |
| 480  | ad Templum Salomonis.                                  |
| 158  | ad Regem Ioas & finem Stirpis Salomonis.               |
| 291  | ad migrantem Iechania.                                 |
| 11   | anni Zedechiae ad Desolationem.                        |
| 70   | anni Desolationis usq; ad Cyrum.                       |
| 46   | ad secundum annum Darii, id est, initium hebdomadarum. |
| 483  | anni seu 69. hebdomadae ad occisum Christum.           |
| 7    | anni ultimae hebdomadis.                               |

De partibus omnibus Supputationis nulla est omnino mihi dubitatio. Quare & de summa non potest esse quaestio, excepta una parte, quae est à finita Desolatione usq; ad initium Hebdomadarum, seu à Cyro usq; ad 2. annum Darii, de qua paucula dicam, quae me movent.

Iohannis 3. dicunt Iudaei ad Christum, 46. annis est Templum hoc aedificatum, & tu in tribus diebus excitabis illud? Quo verbo satis certum fit, plures quam 46. annos fluxisse inter Darii & Cyri primum annum & Templum perfectum. Nam ex Esrae 7. clarum fit, Templum esse completum non anno 2. Darii seu 46. à Cyro, quando exivit verbum DEI per Haggæum & Zachariam ad initium Hebdomadarum, Sed anno Darii 6. Ita superant quatuor anni ultra istos 46. annos dictos, & sunt pleni 50. anni à Cyro usq; ad Templum completum. Quae res sola facit quaestionem propter istos 4. annos, alioqui sunt salva & certa omnia. Hanc quaestionem parit incertitudo annorum Regum Persarum. Nam Historici variant, non solum in annis Cyri, sed & Darii & aliorum.

Dabo (stultus) meas de his 4. annis imaginationes in publicum, consulat & iudicet, qui volet vel potest, meliora. Daniel. 5. & 6. Darium Medum & Cyrum Persarum  
Deo. 5. 6. scior.



feorsim regnare facit, dum dicit, Darium Medum successisse Balthasari in regnum Chaldaeorum, & Cyrum non addit. Item, dum dicit, Daniel prospere egit in Regno Darii & in Regno Cyri Perse, non quod ideo falsum sit, quod Cyrus cum Dario simul regnarit, ut est moris Scripturæ, ubi Filii cum patribus regnare leguntur, Sed quod distinguendum sit Regnum Cyri cum Dario, à Regno Cyri solius. Quod ideo dico, quia mihi necessarium hoc loco videtur primum annum Cyri (2. Paral. ultimo & Esræ 1.) intelligere annum primum Cyri solius & post Darium regnantis. Sic absorbentur duo anni de istis 4. annis superantibus, & manent tantum duo anni in quaestione, quos ita vellem absorbere.

Vt sunt magnorum Regnorum & potentatuum præsertim novorum tarda molimina & impeditissima antequam confirmantur, potuit fieri, ut Edictum Cyri vix in fine primi sui anni sit editum, ut sic unus annus in eo consumptus sit. Post necesse videtur etiam annum unum ad minus tribuere parasceve Iudæorum, quo sese post Edictum datum pararent ad reditum; multo magis ad possessionem capiendam in Hierusalem. Vt, si in fine secundi anni, vel in tertio anno Cyri cœperunt ædificare, satis multum feliciter festinatum esse possis dicere. Sic absorbentur reliqui duo anni, & stabit textus Iohannis 2. 46. annis esse templum ædificatum. Sentio sane, quid hic, etiam ego ipse possim contradicere, Sed parum me movet.

Duos autem annos Darii Medi possunt (qui volunt) includere intra 70. annos Desolationis, Sed ego malo eos numerare post 70. annos. Nam occiso Balthasare, & Regno ejus ad Darium Medum translato, jam reipsa fuerunt Iudæi liberati, & Prædictiones Hieremiæ impletæ. Quare istis duobus annis laboratum & actum est de populo Iudæorum, jam ubiq; liberato, etiam remittendo in terram suam, in qua re Daniel cum suis strenue laboraverunt.

Quibus autem ista non placent, dent meliora, vel, ut rigidissime omnia exigant, dicemus parum esse, si tota Supputatio certa sit, & tantum in 2. vel 4. annis quaestio hæreat. Si enim ad finem mundi omnia recte quadrent præter 2. vel 4. annos, non multum periclitatur fides & Ecclesia, poterimus tuta conscientia 4. annos in tanta re, id est, totius Mundi cursu ignorare.

Hoc solum volo admonere eum, qui admoneri se patitur, Me fixum & pertinacem stare in ea sententia, esse scilicet initium Hebdomadarum nullo alio loco, quam secundo anno Darii Longimani ponendum, ut frustra se agere sciat, qui mecum super hac re disputare vel contendere paratus est. Denique pro me solo (ut dixi) hanc Supputationem paravi æquissime ferre paratus, si alius aliam pro se ipso vel pro aliis elaboraverit, Ego solis Scripturis Sanctis nitor. Vnde & Philonem quanquam valde invitatus cogor rejicere, intra Hebdomadas Danielis alicubi superantem 18. annis. Et mihi parva ratio habetur, ubi Alexander, Antiochus, Epiphanes, Maccabæus &c. ponantur, quanquam eos pono, sed non valde anxius suo in loco, an secus, cum mihi interim anni Hebdomadarum salvi & certissimi currant.

Sic & Metastheni cogor dissentire in 12. annis. Nam si Metasthenis supputatio & numeri Regum Assyriorum stent, fiet necessario, ut Sanherib venerit ad Ierusalem 2. anno Ezechiae, quod est impossibile. Nam 6. anno Ezechiae transfert Salmanassar totum Israel in Assyriam. 4. Reg. 17. Et demum anno 14. Ezechiae venit Sanherib ad Ierusalem, 4. Reg. 18. Hæc causa me movit, ut Historicos non quidem in totum contemptos haberem, sed sacram Scripturam illis præferrem. Vtor illis ita, ut non cogar Scripturis contradicere. Quia credo in Scripturis Deum

veracem loqui, in Historiis homines optimos suam quam potuerunt

diligentiam & fidem (sed ut homines) præstare,

aut saltem transcriptores potu-

isse errare.

A CON.

MILLENARIUS PRIMVS.  
A CONDITO MVNDO, ET EXILIO DE  
Paradiso, A peccato & morte & Satanæ regno.

Mortuus enim tunc fuit Adam, dum sensit iudicium Mortis. Nam Mors sine sensu non est Mors, sed somnus Iohan. 8. Non gustabit mortem &c. Sic multi moriuntur subito terrore & major pars moerore tabescit. Sic passim faterur David sese ex inferno inferiore liberatum, id est, ex Morte vere æterna, quam gustavit.

Primo promittitur Gratia contra peccatum, Vita contra mortem, Spiritus sanctus contra Satanam, per Semen mulieris.

Qua promissione Adam & Heva per fidem ex morte vivificati, generant Cain & Habel, Et incipit Ecclesia Dei propagari, Sed mox Cain Apostata constituit Ecclesiam Diaboli.

X

X

X

X

X

Circa hæc forte tempora  
offerunt Cain & Habel,  
Occiditur Habel, prævalet-  
que in hoc seculo Ecclesia  
Cainica, Sed significatur,  
Ecclesiam Dei vivere, alia  
scilicet æterna vita in Ha-  
bel mortuo, qui in Deo vi-  
vit. Primum exemplum  
Seminis promissi.

Filiæ non numerantur,  
cum tamen pateat Cain  
habuisse uxorem, & Tex-  
tus dicat genuit filios & fi-  
lias. Videtur ergo Adam  
post Cain & Habel multos  
genuisse alios antequam  
occideretur Habel, à quo-  
rum consortio & Ecclesia  
Cain queritur sese ejici,  
quod vocat à facie DO-  
MINI ejici, quos & timuit,  
ne occideretur ab eis.

C

X

Bbbb

100.



Deus bone, Quid ege-  
runt illi duo homines soli  
tot annis, post occisum  
Habel & abjectum Cain?  
Luxerunt scilicet horribi-  
les istos casus, & initia  
mundi tam tristia & infe-  
licia.

Quid passi sint licet facile  
æstimare, scilicet Morsus  
serpentis & desperationis,  
X & similium agonum impe-  
tus, Item, exempla pessima  
Ecclesiæ Cainicæ. Nam  
credi potest, Cain genera-  
se, & Ecclesiam fecisse an-  
tequam nasceretur Seth,  
Deniq, Civitatem condi-  
dit, Politiam speciosam  
constituens.

Nullus fuit homo inferior  
primo parente, neque erit.  
Ipse enim conscientia illa  
horribili oppressus, quod  
suo solius peccato efficax  
causa fuit, perditionis in  
corpore & anima, omnium  
posterorum suorum, id est,  
totius generis humani. Hic  
est homicida, primum sui  
ipsius, deinde omnium fili-  
orum suorum, usq; in finem  
mundi, id est, infinitæ mul-  
titudinis animarum. Quo-  
modo potuit uno momẽto  
vivere, talia cogitans? Nisi  
Deus ipse per Angelos fa-  
miliariter locutus fuisset,  
dicens, Noli desperare A-  
dam, Ego resarciam hoc  
infinitum malum, & mit-  
tam Filium, qui de tua  
Carne tibi quoque filius  
erit. Hic tollet totum hoc  
peccatum, & salvabit ge-  
nus filiorum tuorum. Hinc  
forte apud gentes reliqua  
mansit fabula, ex obscura  
antiquitate, quod Saturnus  
senex devorat omnes filios  
suos.

X Seth nascitur anno Adæ &  
Hevæ, 130.

Cur tam diu distulerunt  
generare ? scilicet per A-  
dam admoniti de peccato  
& Diabolo tam diu sub di-  
sciplina fuerunt. Audive-  
runt & didicerunt omnia  
antequam subirent onera  
Ecclesiæ, politiæ, œcono-  
miæ.

Nos hodie vix egressi de  
utero & plane hesterni (ut  
Iob ait) præsumimus o-  
mnia, & plusquam omnia  
posse, ideo tam feliciter re-  
gnamus.

Sic Iacob fuit in Taber-  
naculis vir simplex scilicet  
sub Eber, & didicit Theo-  
logiam antequam conjugii  
Xum susciperet.

Non est enim dubium  
quin Patres isti diligentissi-  
me instituerint & docue-  
runt filios contra Diabo-  
lum, peccatum & pericula  
hujus vitæ, tum labores &  
patientiam in Ecclesiæ, po-  
litiæ, & œconomix admi-  
nistratiōe.

C X

Bbbb 2

200

# MILLENARIIS PRIMUS.

Tunc ceptum est invocari  
nomen DOMINI. Scilicet,  
quod Evangelion de Semi-  
ne mulieris successum ha-  
buit, forte conversis ali-  
quot etiam de Cainica Ec-  
clesia, Episcopante ipso A-  
dam cum Seth.

Enos nascitur anno  
Seth. 105.





Bbbb 3

300.

MILLENNARIUS PRIMUS.



Kenan nascitur anno Enos  
90.



Malaleel nascitur anno  
Kenan. 70.


Bbbb 4

400.




MILLENARIUS PRIMVS.





# MILLENARIUS PRIMUS.






ficat eos fuisse Patresfami-  
 lias. Gubernatores politiae  
 & Ecclesiae miserrimos &  
 laboriosissimos, ut qui sub  
 Regno Diaboli, quod sub  
 Adam coepit educare libe-  
 ros, regere domos & respu-  
 blicas & Ecclesias in cultu  
 Dei & officio verbi, sunt  
 coacti. In quibus rebus à  
 Diabolo in Cainica Eccle-  
 sia, quæ Mundus tunc dici  
 potuit, innumerabiles passi  
 sunt agones, & forte plu-  
 res, quam nos hodie pati-  
 mur, Denique prævalente  
 tandem Cainica Ecclesia  
 seu Mundo frustra illis san-  
 ctis Patribus renitentibus  
 etiam filii Dei degenera-  
 verunt, & corrupta Eccle-  
 sia Dei coëgit Deum irasci  
 & diluvio omnes perdere.

C X


600.

# MILLENNARIUS PRIMVS.

37



Henoeh nascitur Anno  
Lared 162





MILLENARIUS PRIMUS.






Cccc 2

800.

MILLENARIUS PRIMUS.







Lamech nascitur Anno  
Methusalah. 187.

Cccc 3

900.

# MILLENARIUS PRIMUS.

|                                                                                                                                                                                                                                                                                                                                                                                                                          |      |                                                                                                                                                                                                                                                           |         |      |     |       |     |           |     |       |     |       |     |            |     |        |    |  |  |                                                                                                                                                                                         |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------|-----------------------------------------------------------------------------------------------------------------------------------------------------------------------------------------------------------------------------------------------------------|---------|------|-----|-------|-----|-----------|-----|-------|-----|-------|-----|------------|-----|--------|----|--|--|-----------------------------------------------------------------------------------------------------------------------------------------------------------------------------------------|
| <p>Nota</p> <p>Adam vivit cum</p> <table> <tr> <td>Seth</td> <td>800</td> <td rowspan="7">} annis</td> </tr> <tr> <td>Enos</td> <td>695</td> </tr> <tr> <td>Kenan</td> <td>605</td> </tr> <tr> <td>Malahleel</td> <td>535</td> </tr> <tr> <td>Jared</td> <td>470</td> </tr> <tr> <td>Enoch</td> <td>308</td> </tr> <tr> <td>Methuselah</td> <td>253</td> </tr> <tr> <td>Lamech</td> <td>56</td> <td></td> </tr> </table> | Seth | 800                                                                                                                                                                                                                                                       | } annis | Enos | 695 | Kenan | 605 | Malahleel | 535 | Jared | 470 | Enoch | 308 | Methuselah | 253 | Lamech | 56 |  |  | <p>Quorum Conciones non in libris, sed in coelo scriptae sunt, unde vocatur tempus Thohu vacuum. Quia non lex, nec libri, Sed vivi fuerunt Sermones per Patres in posteros traditi.</p> |
| Seth                                                                                                                                                                                                                                                                                                                                                                                                                     | 800  | } annis                                                                                                                                                                                                                                                   |         |      |     |       |     |           |     |       |     |       |     |            |     |        |    |  |  |                                                                                                                                                                                         |
| Enos                                                                                                                                                                                                                                                                                                                                                                                                                     | 695  |                                                                                                                                                                                                                                                           |         |      |     |       |     |           |     |       |     |       |     |            |     |        |    |  |  |                                                                                                                                                                                         |
| Kenan                                                                                                                                                                                                                                                                                                                                                                                                                    | 605  |                                                                                                                                                                                                                                                           |         |      |     |       |     |           |     |       |     |       |     |            |     |        |    |  |  |                                                                                                                                                                                         |
| Malahleel                                                                                                                                                                                                                                                                                                                                                                                                                | 535  |                                                                                                                                                                                                                                                           |         |      |     |       |     |           |     |       |     |       |     |            |     |        |    |  |  |                                                                                                                                                                                         |
| Jared                                                                                                                                                                                                                                                                                                                                                                                                                    | 470  |                                                                                                                                                                                                                                                           |         |      |     |       |     |           |     |       |     |       |     |            |     |        |    |  |  |                                                                                                                                                                                         |
| Enoch                                                                                                                                                                                                                                                                                                                                                                                                                    | 308  |                                                                                                                                                                                                                                                           |         |      |     |       |     |           |     |       |     |       |     |            |     |        |    |  |  |                                                                                                                                                                                         |
| Methuselah                                                                                                                                                                                                                                                                                                                                                                                                               | 253  |                                                                                                                                                                                                                                                           |         |      |     |       |     |           |     |       |     |       |     |            |     |        |    |  |  |                                                                                                                                                                                         |
| Lamech                                                                                                                                                                                                                                                                                                                                                                                                                   | 56   |                                                                                                                                                                                                                                                           |         |      |     |       |     |           |     |       |     |       |     |            |     |        |    |  |  |                                                                                                                                                                                         |
| <p>Et hi vicissim cum Adam totidem annis vixerunt, videntes, audientes, experti quoque illius &amp; suas tentationes. Solt das nicht gute Theologen / Propheten vnd Patres machen? Non disputaverunt de lana caprina, von Thallern / Guldern / Coronis / Sed de serpente, peccato, morte, inferno, rursus de Semine Mulieris, Iusticia, Vita, Paradiso, Angelis, &amp;c.</p>                                             |      | <p>Magnum tamen fuisse solatium credi par est, Adæ &amp; Hevæ, videre fidem Seminis promissi in posteritate ista.</p> <p>Mortuo vero Adam, Enoch singulare fuit solatium reliquis, sublatus in vitam Seminis vivificantis, post mortem Adæ peccantis.</p> |         |      |     |       |     |           |     |       |     |       |     |            |     |        |    |  |  |                                                                                                                                                                                         |
| <p>Tot annis vixit Adam in fide Seminis promissi, etiamsi quotidie moreretur à serpente morsus, Neque Serpens quievissè putandus est.</p>                                                                                                                                                                                                                                                                                |      | <p>Adam moritur 930. anno</p> <p>Moritur Adam in Christo Semine mulieris defunctus, relinquens post se Mundum Cainico regno florente &amp; Seminis regno infirmo, in Ecclesia Seth &amp; Patrum sequentium.</p>                                           |         |      |     |       |     |           |     |       |     |       |     |            |     |        |    |  |  |                                                                                                                                                                                         |

Duces Ecclesiæ Cainicæ  
& impiorum & Serpentis,  
usq; ad diluvium.

{ Cain  
Hench  
Irad  
Maviel  
Methusael  
Lamech

Iabal, Iubal, Tubal,  
Cain, Naema.

Duces Ecclesiæ Seminis  
Christi usq; ad diluvium.

{ Seth  
Enos  
Kenan  
Malaleel  
Iared  
Hench  
Methusalah  
Lamech  
Noha

Singula nomina viden-  
tur singulas vel plures hi-  
storias indicare, non solum  
æmulatione Ecclesiæ, Sed  
& imperii, Cum eadem fe-  
re nomina cum Sanctis ha-  
beant.

Adam vixit cum omni-  
bus præter Noha, qui 126.  
anno post mortem Adæ  
natus est.

HENOCH non apparet  
sublatus à Deo, Anno suæ  
ætatis 365.

**VITA RESTAT**  
Hench incipit vitam æter-  
nam post Habel, etiam cor-  
poraliter translatus, victo  
serpente & morte per Se-  
men, ut non dubitemus de  
vita, tam animæ, quam cor-  
poris. Ambulavit aut cum  
Deo (ut dicit textus) qui  
est Semen promissum in  
quod

MC

X

Cccc 4

Mille.  
pri.  
1000.



# MILLENNARIUS SECUNDUS.

quod credidit & fecit mirabilia, quæ mundus nec hodie videre dignus est.

Primus Millenarius quem incepit Adam & finit eundem cum nepote 7. Henoch.

Præstantissimum seculum sub tantis patribus, Quas Conciones? Quas pugnas? Quos agones? Quæ dicta? Quæ gesta? Quæ mirabilia istius Seculi? Videbimus hæc omnia in illo die.

X

X

X

X

Seth moritur anno suo, 912.

X

Noha nascitur anno 182.  
Lamech, secundi millena-  
rii gubernator usque ad  
Abraham.

Quam Iucundum fuit,  
dum Noha audivit ex E-  
nos, O Fili mi, Pater meus  
Seth, ante te 14. annos mor-  
tuus, monuit, ut te doce-  
rem, Imo Avus meus A-  
dam, primus homo, multa  
mihi de serpente narravit,  
& de Paradiso, quæ tibi  
quoq; trado &c.

Nam Adam est, 126. an-  
nos mortuus ante Noha  
natum, Nonne breve tem-  
pus inter Adam & Noha?

Noha habuit patres ex  
primo Millenario secum  
videntes.

|        |                 |      |
|--------|-----------------|------|
| Avum   | Enos            | 84   |
|        | Kenan           | 179. |
|        | Malaleel        | 234. |
|        | Iared           | 366. |
|        | Methu-<br>salah | 600. |
| Patrem | Lamech          |      |

Horum consilio (haud  
dubie) gessit omnia usque  
ad annum 500. Quando vo-  
catus verbo Dei, ad fabri-  
candam arcam cœpit ipse  
gubernare, scilicet mortu-  
is tum Patribus omnibus,  
præter avum Methusalah,  
& patrem Lamech.

Ex altera parte in Eccle-  
sia Cainica, non est feria-  
tus serpens contra eos,  
more suo, id est, idolatria  
(i. mendacio) & vi (i. ho-  
micidiis).

1100.


# MILLENARIUS SECUNDUS.

Et hic in Ecclesia Semi-  
nis, per tantos patres, ha-  
ben müssen Leute werden/  
præsertim exercente eos  
Serpente, infinitis tentati-  
onibus.





Enos moritur 905.





MILLENARIUS SECHUNDUS.






1300.



MILLENARIUS SECUNDUS.






Dddd 2

1400.

# MILLENARIUS SECUNDUS.







Dddd. 3.

1500.

# MILLENARIUS SECUNDUS.



Hic incipiunt 120.  
anni, quos dedit Deus,  
poenitentiae ante dilu-  
vium, Gene. 6.

Noha coepit generare anno 500. non Sem, qui est 100. annorum, biennio post Diluvium, quando Noha est 502. annorum, non Ham, qui est junior, Ergo Iapheth.

Ordo filiorum  
Noha est,  
Iaphet primus  
Sem secundus  
Ham tertius

Quod probatur sic, Sem est 100. annorum, biennio post diluvium, dum genuit Arphachsad, Gene. 10. Ergo in diluvio fuit Sem, 98. annorum, & ita Noha fuit 502. annorum, nato Sem. Porro Iapheth fuit frater Sem major, Genes. 11. Sequitur ergo, quod solus Iapheth major frater, sit natus anno 500. Noha. Præponitur Sem honoris gratia, quod per eum venturus erat Christus, Semen promissum.

Eodem modo infra præponitur Abraham, junior fratribus suis, Aran & Nahor.

Noha genuit anno  
500. IAPHETH,  
502. SEM.  
504. HAM.

Vidit igitur Sem  
Patrem

|             |      |         |
|-------------|------|---------|
| Noha        | 450  | } annis |
| Avum        |      |         |
| Lamech      | 95.  |         |
| Abavum      |      |         |
| Methusalah. | 100. |         |

Eosdem viderunt, & Iapheth & Ham, Sed Ham fit Diabolus, etiam post tanta portenta, contemptis tantis Patri bus & fratribus.

C X

Dddd 4

1600.



Usque ad Diluvium omnes  
 Patres (magis forte Sancta  
 Cainica Ecclesia, fulsit hac  
 specie) vixerunt sine carni-  
 bus, piscibus, vino, haud  
 dubie etiam sine Serico,  
 aureo, argenteo, vestitu, sed  
 cibo, fructibus arborum,  
 stirpibus & radicibus, sed  
 eo seculo saluberrimis, ut  
 carnes nihil curarint. Et  
 aqua fuit saluberrima no-  
 stris speciebus aromaticis  
 præstantior, antequam per  
 diluvium terra perderetur.  
 Ein Apffel ist dasumal bes-  
 ser gewest / denn vnser Apo-  
 tecten drey / Ideo non tot  
 morbis vexati, diutissime  
 vixerunt.  
 Aureum hoc seculum fuit,  
 de quo Poëtæ somniant,  
 ex aliqua relatione obscu-  
 ra Majorum.

## METHVSALAH

moritur, 269.

ARPHACHSAD na-  
scitur anno Sem 100.

Horribilium omnium hor-  
ribilissimum, non modo in  
omnibus historiis, sed eti-  
am in sacra Scriptura, ex-  
cepta crucifixione Filii  
Dei, & Iudicio extremo,  
quod per Diluvium deleta  
est, non modo Cainica &  
Serpentis funditus, sed et-  
iam Ecclesia Seminis & fi-  
liorum Dei, servatis tan-  
tum 8. animabus reliquis.

Quantum ibi periiit, Fratrum, Patruorum, Amitarum, Consanguineorum, Affinium & Amicorum Noha, qui tamen de Ecclesia ejus fuisse, fortasse primi videbantur. O Time-te Dominum & nolite gloriari de nomine Ecclesiæ.

**Quæstio, Quomodo Ar-  
phachsad nascatur bien-  
nio post diluvium, cum sit  
tertius filius Sem, Gene. 10.  
Scilicet primus nativitate,  
tertius numero. Vel nomi-  
natur primus hoc loco, ut  
Sem, qui tamen fuit secun-  
dus, & Abraham, qui fuit  
tamen tertius.**

LAMECH mo.

ritur. 777.

**DILVVIVManno**

**Noha 600.**

Diluvium durat anno uno & 10. dies, Sed supputantes (ut & Philo) incipiunt ab initio diluvii, ut Sem genuit Arphachsad, biennio post diluvium, scilicet inceptum. Qui à Diluvio finito volent supputare, annum unum adjiciant huic supputationi.

### Salah nascitur ex

Arphachsad anno 35.  
post diluvium.


C

ix

1700.

# MILLENARIUS SECUNDUS.

Festinasse videntur Patres isti, ad generationem, post tantam calamitatem generis humani, Alioqui diutius abstinuissent moerore, sicut Adam post Habel.



Eber nascitur de Salah anno 30. post Diluvium 67. Et vixit usq; ad 51. annum, ante descensum in Aegyptum. Tam vicina sunt, Diluvium & Servitus in Aegypto, unde Moses Gene. 10. appellat Sem, Patrem omnium filiorum Eber. Quia omnium patrum post Diluvium longissime vixit, scilicet 74. post Abraham, ut infra.  
Hinc Ebraei dicti.




Ædificatio Turris Babel, anno 100. fere post diluvium, anno fere 700. Noha, Quem viventem, Gubernantem, Docentem, de tanta ira Dei, contempserunt cum tota sua Ecclesia, & posteritate sanctissimorum Patrum, homines impii, obliti tam subito iræ Dei, tam horribilis. An hæc non macerasse putanda sunt, Noha & suos, dum filii sui talia moliuntur, & iterum pro insano habetur illis.

Peleg nascitur ex Eber, anno 34.

REG Vde Peleg.  
anno 30.

1800.

# MILLENARIUS SECUNDUS.



ASSTRIONVM  
REGES.  
Hic Nimrod Serug  
pater Berofus, qui  
regavit annos 36.



THARE de Nahor.

anno 29.

BEVS  
lupar.  
62.

Ecce

1900.



# MILLENARIUS SECUNDUS.

viduam Thare post duxerit, ut sit filia Thare legitima, sicut sonant verba Abrahæ, Vere soror mea est, filia patris mei, scilicet legitima, non matris, id est, non naturalis.

X

Circa hæc tempora natum credo Haran primogenitum Thare, patrem Lot, Saræ & Melcæ.

X

Postea Nahor frater medius.


X

Facile itaq; solvitur questio, Quomodo Abraham duxit filiam fratris sui Haran, Et forte persecutio Nimrodi, coëgit tam propinquas ducere, Etsi adhuc dici possit, Saram fuisse legitimam filiam Haran ex vidua ducta, ut non sit necesse hic Exempla turpitudinis fingere, posito quod eadem sit mulier Iska & Sara, ut Ebræi volunt, scilicet filia Haran. Quare si Sara fuit alia, scilicet non Neptis, sed filia Thare (ut videtur) potuit esse nata ex muliere, quam viduam

X

ABRAM nascitur in VrChaldæorum ex Thare, anno 70. Gubernator Terrii Millenarii, cum suis posteris usq; ad David.

3. NINVS Mo-  
sarcha primus.  
52.



# MILLENARIUS TERTIUS.

4.  
SEMIRAMIS  
hic anno  
regnat in prae-  
senti Babel, si Bero-  
sus & Metasthenes recte  
numeraui.  
42.

NOHA moritur 950.

X

X

Abraham vocatur ex Ha-  
ran Gene. 12. à quo anno  
usq; ad descensum in Ægy-  
ptum, sunt anni 215. Dein-  
de mansio in Ægypto, 215.  
qui juncti, faciunt 430. an-  
nos, Exod. 12. Gal. 3.

Regu moritur, 239.  
Debora nutrix Rebecca  
nascitur, si 30. anno sit nu-  
trix.

X

Ismael nascitur ex Hagar  
anno 28. post mortem No-  
ha. Mater Hagar haud du-  
bie vidit Noha & audivit.

X

Quo anno Circumcisio  
instituitur, Abram voca-  
tur Abraham, & Sarai Sa-  
ra, Gene. 17.

9.  
SARAI.  
38.

Circumcisio mandatur.  
Perditio Sodomorum.  
Gene. 19. SERV G  
moritur anno 230.

X

ISAAC nascitur.



REBECCA nascitur,  
si est 10. annis natu minor  
Isaac. Et vidit Sem 100  
annis.

X

X

X

THARE moritur, 205.

SARA moritur, 127.

ISAAC ducit Rebeccam  
uxorem Gene. 25. Quæ vi-  
dit à conjugii anno, ipsum  
Sem 70. annis.

X

Circa hæc tempora Isaac  
offertur, Et promittitur  
benedictio omnium gen-  
tium in semine Abrahamæ,  
Christo, Gene. 22. .

Fons totius Scripturæ  
sanctæ, ex hac promissione  
Abrahamæ facta, manavit,  
Christo testante, Iohan. 5.  
Salus ex Iudæis, Licet an-  
te, per vocem vivam ab A-  
dam, per Seminis promif-  
sionem eadem, quasi per  
manus, tradita sit.

C

X

Eccc 3

2106.

6.  
ARIVS.  
30.

# MILLENARIUS TERTIUS.

7.  
MR. ALIYS  
40.

ABRAHAM mo-  
ritur 175.

2.  
XERXES  
BALEYS.  
30.

IACOB & ESAV  
nascuntur.

Vides Abraham vidisse  
suos nepotes Esau & Ia-  
cob. 15. annis, Et ipsi avum  
tantum virum, ad minus  
10. annis, audiverunt do-  
centem & intellexerunt.

SALAH moritur  
anno 433.

ESAV duxit uxores 40.  
anno, quæ sunt forte 30.  
annorum vel 20. Et vide-  
xerunt Sem 30. annis, Eber 56.

Vides quod Sem vixit  
post Abra-  
ham 35.  
Cum Isaac 110.  
Cum Iacob  
& Esau 50. } annos.

SEM moritur. 600.

- X  
1 Abraham,  
2 Isaac. } Sed Ebræi  
3 Esau. } à Nahor  
4 Raguel. } fratre A-  
5 Sara. } braham  
6 Iob seu } ducunt.  
Iobab.

August. Ambro.

ISMAEL moritur.  
anno 127.

X

Quantas Maroth, id est,  
(amaritudines) passus est  
Isaac & Rebecca istis 37  
annis à nuribus suis, domi-  
nabus in aliena domo, su-  
um genus jactantibus con-  
tra peregrinos, forte Idola  
quoq; colentibus?

X

Eber moritur. 464.

Nu sind die Väter à Dilu-  
vio alle tod / bis auff Isaac/  
Vnd ist Iacob allein Eccle-  
siarum Patriarcha.

Ex Lea { Ruben,  
Simeon  
Levi  
Iuda  
Gad } Ex Zil-  
Affer } pa.  
Isaschar  
Zebulon  
Dina.

IACOB vadit in Ha-  
ran. anno 77. Benedi-  
ctione surrepta, sed sibi  
debita.

X

Nuptia Iacob cum Lea &  
Rahel, anno suo 84.

{  
o  
o  
o  
o  
Dan } Ex Ra-  
Naphthali } hel.  
Ioseph. } Bilha

X

Eccc 4

3200.

9.  
ANNO  
M. D.  
XLV.



# MILLENARIUS TERTIUS.

|                                                                                                                                                                            |   |   |                                                                                      |
|----------------------------------------------------------------------------------------------------------------------------------------------------------------------------|---|---|--------------------------------------------------------------------------------------|
|                                                                                                                                                                            |   |   | Sex annis in Haran pro<br>pecoribus servit, Ge-<br>nesis 30.<br>Et vocatur Israel in |
| Ex Haran migrat Ia-<br>cob.                                                                                                                                                |   |   | lucta, Genes. 31. 32. 33.                                                            |
|                                                                                                                                                                            | 1 |   | Detur hic annus itineri ad<br>Sichem.                                                |
|                                                                                                                                                                            | 2 |   |                                                                                      |
|                                                                                                                                                                            | 3 |   | Iuda ducit uxore. Gen. 38.                                                           |
| Octo anni in Sichem.                                                                                                                                                       | 4 | X | 1 Et filius Iudæ natus.                                                              |
|                                                                                                                                                                            | 5 |   | 2 Onan.                                                                              |
|                                                                                                                                                                            | 6 |   | 3 Sela.                                                                              |
| DINA violatur                                                                                                                                                              | 7 |   |                                                                                      |
| BENIAMIN nascitur                                                                                                                                                          | 8 |   | Itur in Bethel, ubi Dibora<br>moritur.                                               |
| & Rahel moritur in Beth-<br>lehem. Eodem anno Ru-<br>ben stuprat Bilha in He-<br>bron. Quinq; calamitates<br>Iacob magnæ in duobus<br>tere annis.                          |   | X | IOSEPH venditur.                                                                     |
| Occiduntur Er & Onan<br>& moritur uxor Iuda.                                                                                                                               |   |   |                                                                                      |
| PEREZ & HEZRON<br>nascuntur.                                                                                                                                               |   |   | IVDA incestat<br>Thamar.                                                             |
|                                                                                                                                                                            |   |   |                                                                                      |
| ISAAC moritur anno<br>180. Gene. 35.                                                                                                                                       |   |   | IOSEPH ex carcere<br>princeps Aegypti. Ge-<br>nes. 41.                               |
|                                                                                                                                                                            |   | X |                                                                                      |
| Anni 7. fertilitatis.                                                                                                                                                      |   |   | MANASSE, EPHRA-<br>IM nascuntur.<br>HEZRON & HAMVL<br>ex Perez.                      |
|                                                                                                                                                                            |   |   |                                                                                      |
|                                                                                                                                                                            |   |   | Descensus in Ægyptum                                                                 |
|                                                                                                                                                                            |   |   | anno Iacob. 130.                                                                     |
| Anni 7. famis.                                                                                                                                                             |   | X | Avocatione Abrahæ.<br>anno 215. ut supra.                                            |
|                                                                                                                                                                            |   |   |                                                                                      |
| Ante descensum mortuæ<br>sunt Lea, Bilha, Zilpa,<br>Quia nulla earum ingredi-<br>tur Ægyptum, fortasse<br>suavitate & amore huius<br>vitæ expirantes, more san-<br>ctorum. |   | X |                                                                                      |

10  
BELOCHYS  
Prisus  
33-

In descensu Ægypti.  
 Ruben } 45.  
 Simeon } 44. anno-  
 Levi } est 43. rum.  
 Iuda } 42.

Sic deinceps usq; ad Io-  
 seph, qui est 39. Benjamin  
 23. annorum.

IACOB moritur an-  
 no 147.


II.  
 B. ALBY  
 junior.  
 (18)

Nota.


Duodecim Patriarchæ  
 cum filiis & posteris, per  
 215. annos, in Ægypto vi-  
 xerunt & mortui sunt. Quā-  
 tus numerus (putas) San-  
 ctorum & Martyrum, dor-  
 miant in Ægypto? Solius  
 enim Ioseph ossa relata  
 sunt. Licet Stephanus ali-  
 ter narrat Actor. 7. scilicet  
 ex opinione vulgari.

C X

2300.







| Ordo Patrum.                                                                                                                                                                                                                                                |          |                                     |                                                                                                                                                                            |
|-------------------------------------------------------------------------------------------------------------------------------------------------------------------------------------------------------------------------------------------------------------|----------|-------------------------------------|----------------------------------------------------------------------------------------------------------------------------------------------------------------------------|
| 1                                                                                                                                                                                                                                                           | Abraham  |                                     | NAHESSON Dux                                                                                                                                                               |
| 2                                                                                                                                                                                                                                                           | Isaac    |                                     | in exitu, unus de 12. Principibus                                                                                                                                          |
| 3                                                                                                                                                                                                                                                           | Jacob    |                                     | suspensus in Campes-tribus Moab, propter                                                                                                                                   |
| 4                                                                                                                                                                                                                                                           | Juda     | } <i>Descendunt in Aegyptum.</i>    | Peor Num. 25. cum fuisset                                                                                                                                                  |
| 5                                                                                                                                                                                                                                                           | Perez    |                                     | 40. annos Dux per desertum, usque ad introitum                                                                                                                             |
| 6                                                                                                                                                                                                                                                           | Hezron.  |                                     | terræ & Pater Christi ven-                                                                                                                                                 |
| 7                                                                                                                                                                                                                                                           | Ram      | } <i>Isti in Aegypto nascuntur.</i> | turi, Matth. 1.                                                                                                                                                            |
| 8                                                                                                                                                                                                                                                           | Aminadab |                                     |                                                                                                                                                                            |
| 9                                                                                                                                                                                                                                                           | Naheffon |                                     |                                                                                                                                                                            |
| 10                                                                                                                                                                                                                                                          | Salma    |                                     |                                                                                                                                                                            |
| 11                                                                                                                                                                                                                                                          | Boas     |                                     |                                                                                                                                                                            |
| 12                                                                                                                                                                                                                                                          | Obed     |                                     | Iosua nascitur anno                                                                                                                                                        |
| 13                                                                                                                                                                                                                                                          | Isai     |                                     | Mosi 42. ut infra.                                                                                                                                                         |
| 14                                                                                                                                                                                                                                                          | David    |                                     |                                                                                                                                                                            |
| 15                                                                                                                                                                                                                                                          | Salomo   |                                     |                                                                                                                                                                            |
| 6. <i>MAMELYS.</i> 30.                                                                                                                                                                                                                                      |          |                                     | Salma Dux introitus in                                                                                                                                                     |
| Falsi Prophetæ ex Ephraim volentes terram promissam ante tempus intrare, & à Philistæis occisi. 1. Paralip. 7. Vide ibi Lyram.                                                                                                                              |          | X                                   | terram cum Iosua, duxit Rahab meretricem Ierichontinam, Et ipse Pater Christi, Matthæi 1. Ex quo Boas.                                                                     |
| Necesse est istos tres patres,                                                                                                                                                                                                                              |          | X                                   | Sunt autem à nativitate                                                                                                                                                    |
| { Boas 1                                                                                                                                                                                                                                                    |          |                                     | Boas ad nativitatem David 350. anni. Si nunc istos                                                                                                                         |
| { Obed 2                                                                                                                                                                                                                                                    |          |                                     | 50. annos superfluos distribuis inter istos tres patres,                                                                                                                   |
| { Iesse 3                                                                                                                                                                                                                                                   |          |                                     | Boas, Obed, Isai, cuilibet                                                                                                                                                 |
| valde diu vixisse, scilicet toto tempore Iudicum, usque ad Regnum David. Nam Isai mittit filium David ad Saul regem. Vnde Lyra ex Ebræorum opinione facit tres Boas, scilicet, patrem, filium, nepotem, & hunc tertium faciunt patrem Obed, quod non credo. |          | X                                   | addendo 16. vel 17. annos, ut Boas 117. generanti Obed. Obed 117. generanti Isai. Isai 116. generanti Davidem, Non erit opus tres                                          |
| Sed fingamus                                                                                                                                                                                                                                                |          |                                     | Boas fingere, Nec est impossibile, cum Abraham genuerit ex Cethura 120. Vt supra Gene. 25. Et scriptura facit Boas & Isai senes valde, dum generant ille Obed, iste David. |
| Boas nascatur ex Salma de Rahab 17. anno post ingressum terræ Canaan.                                                                                                                                                                                       |          | X                                   | Et Ehud ultra 100. fuit, moriens, qui rexit 80. annis.                                                                                                                     |
| Obed                                                                                                                                                                                                                                                        |          |                                     |                                                                                                                                                                            |

Potest etiā dici quod Boas natus sit, anno 20. tunc 30 post ingressum

17. SPARRHVS. 40.

*proffum. Quia  
Rahab paruit  
esse puella seu  
mulier juvenem.  
Idem nubes  
Solma.*

Obed nascatur 100. anno  
Boas ex Ruth Moabiti-  
de.

Isai nascatur 100. anno  
Obed, filio Boas.

David nascatur 100. anno  
patris sui Isai.

David 30. anno fiat rex,  
unctus anno 20. ut infra.

*\* Nativitas quinq; librorum Mofi, Quadraginta anni in deserto, pleni ma-  
gis miraculis & Historiis, in quatuor libris Mofe, Exo. Levit. Num. Deut.  
comprehens. Sed Historia ab exitu annis duobus primis facta scribuntur  
à Cap. 14. Exodi usq; ad finem, deinde per totum Leviticum usq; ad 15. ca-  
pitulum. Sed à cap. 20. Nume. per totum Deuteronomium historiae factae  
sunt ultimo anno scilicet 40. exitus. Quia Aaron moritur anno suo 123. an-  
norum, id est, anno Mofi 120. ut patet in textu. Ergo in deserto per annos 38.  
nihil scriptum est vel ad quod nisi ea, quae cap. 15. 16. 17. 18. 19. leguntur in lib.  
Numerorum, Nisi dicemus esse multa per Hyfferon & Proteron scripta.*

Iosua Dux primus Iu-  
dicum, 40. annis cum Ath-  
niel.

Liber Iudicum à Iosua in-  
cipit, mirabilis sane, si tem-  
pora cum Historiis consi-  
deres.

Exitus de Aegypto 30.  
215. à descensu, Et 430. à  
vocatione Abraham ex Ha-  
ran, Gene. 12. Exod. 12.

A 1no 2. egressionis mit-  
tuntur exploratores Num.  
10. & 11. Tum est Iosua 40.  
Caleb 42. ann. (Iosua 14.)

*\* Quo de 350.  
anni, à nativitate  
Boas ad na-  
tivitatem Da-  
vid, hoc loco de-  
sumt (quorum  
metrum est,  
Sunt autem à  
nativitate Boas  
350. ) ut habet  
sol. precedente  
184. b. colu-  
mna 2. è regio-  
ne istius ver-  
borum, Necesso  
est istos nos*

*Boas  
Obed  
Isai  
David*

18.  
ASCADAS  
40.

Mose moritur anno 120.

Sex annis vincit Iosua re-  
ges vel 7. quod probat Ly-  
ra, Iosua 14.

Finge Boas hic nasci  
ex Rahab 7. anno ingrel-  
sus.

Ffff

2500.

C X



Anni divisionis terræ  
Canaan sub Iosua 32. an-  
nis. His completur liber  
Iosua totus.

Finge hic Boas nasci ex  
Salma scilicet 17. anno  
post ingressum terræ. Quia  
cum & Paralip. & ambo  
Evangelistæ Lucas & Mat-  
thæus tantum unum Boas  
numerent, similiter &  
Ruth ultimo, Non possu-  
mus tres Boas cum Iudæis  
ponere.

Ergo sub Iosua & Ath-  
niel, fecerunt mala illa,  
quæ Iudi. 1. & 2. scribun-  
tur, Adhuc vivo Eleaza-  
ro filio Aaronis, Angelus  
Dei dictus ibidem, ut vi-  
detur.

Historiam Miche sub  
Athniel, vel in fine Iosua,  
ponendam censeo &c.

**IOSVA** moritur anno

110. Cui adduntur 8. anni  
Athnielis Iudi. 3. Et fiunt  
40. anni à morte Mosis.

Ehud 80. Iud. 3. contra  
Moabitas, sub quo adhuc  
Eleasar videtur vivere.  
Nam si fuit Ehud 40. an-  
norum, cum cœpit judica-  
re, tunc vixit cum Iosua  
plus 40. annos. Si fuit 50.  
tunc fuit unus infantium  
sub Mose in deserto nato-  
rum, & sub Iosua circum-  
cisorum. Quicquid sit,  
ipse vidit prælia & res ge-  
stas Iosua & Athniel, et-  
iamsi vix 20. annorum lu-  
dex factus esset, Forte fuit  
unus ducum in Exercitu  
Iosua, vel saltem egregius  
Miles.



X  
Sub isto Ehud Historiam  
Levitæ cum uxore sua fa-  
ctam esse credo. Quia sub  
Pinehas facta est. Qui fuit  
ad minus 20 annorum, cum  
occideret Midianitidem.  
anno ultimo in deserto, Et  
anno 40 Ehud, Ipse est 100.  
annorum. Deinde credo

X quoque historiam Ruth  
sub hoc Ehud factam, ut ita  
sit Miche prima, Levites  
secunda, Ruth tertia, sic-  
ut & ordo ipse in libro Iu-  
di. ostendit.

10.  
BELOCHVS  
junior.  
15.

11.  
BELLERVS  
RES.  
10.  
2600.

Ffff 2

Docent Historiæ Indicum, sub & post Iosua, finitimas gentes voluisse regnum Israel delere, & Canaanæos ulcisci, nec pati novos homines in terra sua. Ita populus post populum conspiravit, & pugnavit contra populum Dei, sine fine, ut & ipsis regibus post Iudices nulla fuerit pax, usq; ad captivitatem Babylonis. Sic Hæretici post hæreticos, tyranni post tyrannos volunt delere Ecclesiam, Significantem Scriptura, Deum solum esse defensorem suorum in medio inimicorum. Psal. 109.

Dibora & Barac 40. Iud. 4. Contra Iabin regem Hazor, fuerunt anno 120. post Moysen. 88. post Iosua.

Finge hic nasci OBED, Tunc historia Ruth est facta sub Ehud (uti dicitur textus) Tempore unius Iudicis &c. Et vidit gesta Gedeon & forte interfuit.

11.  
LAMPRE  
DES. 1  
32



\* Gedeon 40. Iud. 8. contra Midianitas.

Vides ante reges non fuisse certam successionem Ducum, ex certa una tribu, Sed Dominus fuit Dux & Rex eorum, Sicuti dicit Gedeon, Non dominabor vestri, Sed Dominus &c. Et ad Samuelem, Non te, sed me abjecerunt, ne regnem super eos, ideo elegit Duces promiscue ex tribubus. Sic in Ecclesia non facit successio Episcoporum Episcopos, sed Dominus solus est Episcopus noster, suscitans Episcopos, ubi quos, quando vult, ut in Hieron. August. Ambro. Huf. & nobis videmus, neglecta successione, quam iactant Papistæ.

Nora.

\* Tempora Iudicū à morte Moise, usq; ad Samuelem sunt 357. incluso Iosua ut ipse vides, Nec falli finit supputatio, cum 3. Reg. 6. censeantur anni ab exitu ad templū Salomonis 480.

Vnde manifestus error est in Act. Apostolorum 13. vitio Scriptorum, Latina sane translatio bis falsa est. dum 450. ponit ante Iudices, sub distributione terræ, cogens Lyram recurrere ad annos usq; Isaac.

Græca vero falsata est positis 450. pro 350. facili scribentis errore pro *regaxoious* facientis *regaxoious*. Sic enim dicit Paulus, Tulit mores eorum in deserto

ferro per 40. annos (Hic vides Mosen includi) Deinde quasi 350. annis, dedit eis Iudices, usque ad Samuelem, Inde postulaverunt regem, Et dedit eis Saul filium Cis, 40. annis. Hic vides Samuel & Saul cum suis annis seorsum excludi à 350. annis, ut illi ipsi 350. anni maneant in Iudicum tempore.

Quod autem dicit (quasi) fit ideo, Quia 8. vel 7. anni superant plenum numerum, quem voluit solum numerare, ut infra Iephthah quoq; facit, cum suis 300. annis plenis, omittens sex superantes.

23.  
SOS. ARES.  
20.

24.  
LAMP. A  
RES.  
30.

Abimelech seditiosus  
Iud. 9.

Thola. 23. Iud. 10.

Ffff 3 2700.

# MILLENARIUS TERTIUS.

25.  
ANNI  
45.

Iudices pacis  
Thola & Iair.



X

IAIR 22. Iud. 10.

X

X

Finge hic nasci Ifai pa-  
trem David, Et vidit Gesta  
Iephtha, Samson & Samuel,  
& forte intertuit.

X Interregnum 18. Iud. 10.

Trecenti anni præscripti  
onis, quos Iephtha objicit  
de possessione terræ Israë-  
lis, Regi Ammon. Iudi. 11.  
incipiunt ab exitu de Æ-  
gypto sub Mose, & desinunt  
anno 6. ante Iephtha. Ta-  
cet autem hos 6. ut super-  
abundantes 300. annis mo-  
re communi, quo dicitur,  
Circiter 400. annos, bey  
300. Jahren.

Isti 18. anni sunt jungendi  
ad annos Iephtha, qui  
Ammonitas oppressit (istis  
18. annis furentes) sicut o-  
mnibus ducibus in hoc li-  
bro apputantur anni affli-  
ctionis, ut patet supputan-  
ti, Et est Canon supputan-  
di, ut supra de 430. annis.  
Exod. 12. diximus.

C

X

|                                                                                                                                  |     |                                           |                              |
|----------------------------------------------------------------------------------------------------------------------------------|-----|-------------------------------------------|------------------------------|
|                                                                                                                                  |     | Annus 300. ab exitu<br>de Ægypto.         | 16.<br>SOSAR.<br>MVS.<br>19. |
| Hunc volunt esse Boas<br>nepotem ex Salma duce,<br>marito Rahab, maritum<br>Ruth Moabitidis, de quo<br>supra meum sensum dixi.   | X   | Iephtha. 9. Iud. 12.<br>contra Ammonitas. |                              |
|                                                                                                                                  |     | Abessan vel Ibzan. 7.<br>Iud. 12.         |                              |
| Indices patris.                                                                                                                  | X   | Elon. 10. Iud. 12.                        | 17.<br>MITRECYS<br>17.       |
|                                                                                                                                  | X   | Abdon. 8. Iud. 12.                        |                              |
| Hunc Samson 1. Reg. 12.<br>Samuel appellat Bedan,<br>quod volunt per Syncopen<br>dictum quasi Bendan, quia<br>fuit de tribu Dan. | X   | Samson 20. Iud. 12.<br>Contra Philisteos. |                              |
| 28.                                                                                                                              | C X |                                           | 2800.                        |

28.  
TAVTA  
MVS.  
32.

Ffff 4



Iste Eli non fuit ex familia Eleasari, Sed Ithamar (ut dicunt) Non enim numeratur in successione summorum Sacerdotum 1. Paralip. 25. Adeo neque fuit summus Sacerdos, sed Iudex, sicut Samuel non fuit summus Sacerdos, sed Iudex in Israel. Neque erat Sacerdotum proprium aut successorium, judicare seu regere populum, Sed offerre & servire tabernaculo, ut in lib. Mose patet. Lyra ex Iudæis dicit eum gessisse cum filiis, summum sacerdotium, vitio posterorum ex Eleasar, quia filii ejus portaverunt & amiserunt arcam, Sed hoc nihil probat.

Historia Michæ facta  
est ante Ehud, mox post  
mortem Iosua. Quia dici-  
tur ibi, Tribum Dan non-  
dum obtinuisse, sed quæsi-  
visse possessionem. Nec mi-  
rum sub bonis Iudicibus  
fuisse Idolatriam, cum fue-  
rit sub Mose (ut Amos al-  
legante Stephano Act. 7.  
testatur) & sub Iosua, ut  
ipse testatur 24. & Iudicum  
1. 2. 3.

X ELI. 40.1. Reg. 4.

Hujus ignaviam latis arguit, quod licentiæ filiorum indulſit, nec curavit docere populū. Vnde ſcriptura dicit, Sermo Domini fuit precioſus, ſc̃z ipſo negligente officium ſuum, docendi & regendi. Ideo faciebat unusquiſq; quod

X. placuit, cum non esset rex in Israel, Ideo & c. radicatus est.

• Si Samuel est 30. annorum, cum incipit judicare, est natus anno 10. Eli.

Et hic incipit tempus Prophetarum, ut ait Petrus, A tempore Samuelis, omnes Prophetæ prædixerunt dies istos, Vnde in Ebræo libri Regum, Prophetæ majores vocantur, Et recte. Plus enim est in illis Prophetarum quam Regum gubernationis.

19.  
FEBRUARY  
40.

**x**

SAMUEL & Saul 40.  
Act. 13.

**X**

S. Paulus Acto. 13. Soli Sauli tribuit hos 40. annos, ut supra dixi, juxta Canonem, quo anni 430. mansionis in Ægypto tribuuntur vocationi Abrahæ & sequentibus, usq; ad exitum. Iudicavit Samuel 20. annis ante Saul, Nisi velis fingere Samuelem nullo anno judicasse, qui tamen usque ad senium suum judicasse & filios substituisse scribitur. 1. Reg. 8.

Porro, quod Saul scribitur fuisse filius unius anni, & duobus annis regnasse. 1. Reg. 13. Vide Lyram, qui videtur sana dicere, scilicet quod tantum duobus annis bene regnarit, usque ad peccatum in Amalech, quo meruit abjici & coepit David eligi &c.

DAVID erat 30. annorum cum regnare coepit. 2. Reg. 5.

X Hic DAVID nascitur.

X SAVL ungitur à Samuele.

30.  
T T N E V S.  
30.


X DAVID ungitur à Samuele 20. anno ætatis suæ.

X DAVID rex, gubernator quarti Millenarii, cum suis posteris usq; ad Christum filium & Hæredem, Gubernatorem per omnia secula & in æternum.

Septem annis in Ebron, & 6. mensibus. 33. annis in Ierusalem. 1. Paral. 3.

C X

1900.





RÉGES ISRAEL.

REGES IVDA.

**DIVISIO**  
*Regni Israel.*

Si Abiam est 20. annorum generans, Asa est natus ultimo anno Salomonis, Si plurium, vidit Salomonem.

• IEROBEAM primus rex Israel. 22.

Rehobeam audivit omnia præclare gesta David Avi, & vidit patris sui glorias, tamen est stultus & Idolatra, una cum principibus & populo Iuda, Nonne monstrum? Ita plus valuit exem-

X plum Salomonis in extrema senectute delirantis, quam omnia præcedentia miracula. Tribus enim annis manserunt boni viri (2. Paral. 12.) in priore exemplo David & Salomonis. Mox facti Idolatræ (3. Reg. 15.) ita, ut statuas, lucos, aras, deserto templo, sibi fa-

X cerent, Quin scortationes permiserunt publicas, qui sunt fructus licentiæ in Idolatriis, ut videmus in omnibus historiis. Das heist/ Heroum filii Noxæ.

• Rehobeam. 17.

Si Asa est 20. annorum generans Iosaphat, tunc est hoc anno natus.

X A Roboam incipit scriptura numerare ætatis annos, in Regibus Iuda, Sed tantum in Regibus Iuda. Nam in Regibus Israel, tantum annos Regni, non ætatis numerat.

A B I A M. 3.

X A S S A. 41.

NADAB. 2.

BAE SA. 24. includunt annos Nadab & Ella.

ELIA Sin medio Seculorum seu mundi.

IOSAPHAT nascitur, Et haud dubie circa hæc tempora natus est Elias & Eliseus. Quia Elias incipit fere cum Iosaphat regnante prophetare, tam propin-

C

X qui sunt Salomoni & Davidi.

31.  
L. MOSTE-  
NES.  
41.

Millenari-  
us Tertius  
3000.

Anno 3.  
Asa.

# MILLENARIUS QVARTVS.

## REGES ISRAEL.

## REGES IVDA.

vides cum regnare 36. annis. Reliqui 24. tacentur. De qua re schedam consulte.

ELLA 2. anno Aſſe. 26.

SIMRI. 7. dies, anno Aſſe 27.

Interregnum 4. annorum.

AMRI 12. anno Aſſe 31. Sed includunt annos Simri ſeu interregni.

AHAB 22. Anno Aſſe 38. Includunt unum aut alterum annum patris Amri, ut filius ſcilicet indiſtrius, inciperet regnare cum patre.

FAMES Eliæ ſub Ahab, Iofaphat &c.

Mirabilia tempora, quod ſub tanto Propheta & tam ſancto Rege, tanta fuerit Satanae potentia. Hic vere videas Angelos cum Dæmonibus, Mundum cum Eccleſia, Carnem cum Spiritu, conſiſſe magno impetu. Coepit ſimul & Eliæus prophetare, Ergo Raptus Eliæ, qui ſcribitur 4. Reg. 2. factus eſt poſt ea, quæ ſcribuntur 4. Reg. 3. per hyſteron proteron.

AHASIAS 2. includit annum unum patris.

IORAM ISRAEL (anno Iofaphat 18.) 12. Sed vi-

Ioram Iuda naſcitur.

25. annorum. IOSAPHAT. 25.

X Anno 4. Ahab, id eſt, in principio anni 4. Eſt enim obſervandum, quod anni Regum Iſrael cum annis Regum Iuda, frequenter in mediis, in principiis vel fine tantum concurrunt.

X AHASIAS naſcitur, Et vidit optimum Avum, Eliam & Eliſæum, ſicut & Mater Iſebel impiaſſima, nec tamen profuit &c.

32. annorum.

IORAM cum patre. 9.

34.  
PIRICIDI.  
AS.  
30.

REGES ISRAEL.

f His annis, illi tres reges Iosaphat, Iorá, Rex Edom, coram Elisæo comparent, f (Elia interim alibi agente) consulentes eum 4. Reg. 3. Nam ista sunt vivo Iosaphat, qui est unus illorum trium.

Regnant hic duo Iorá Impii, Et prævalet impietas, Vnde & Elias tandem tollitur, relictis literis ad Ioram Iuda, & prophetiis, de impiis in Israel abolendis per Iehu, per Afael, per Elieum. Et si Ioram Israel videtur insignis vir fuisse, laudatus &c. 4. Reg. 3. & miraculis Elisæi ornatus varie, ut Historiæ testantur.

RAPTUS ELIÆ.

FAMES ELISÆI. Gloriosum seculum sub Elia & Elisæo, insigne duplici fame, moribus Prophetarum per Isebel occisorum, suscitatione mortuorum, & aliis miraculis Eliæ & Elisæi, quibus implentur duo dimidii libri Reg. 3. & 4. unde recte dicuntur Prophetæ majores.

IEHV. 28.

REGES IVDA.

32. annorum.  
IORAM per se. 8.

35.  
OPHRA  
TEVS.  
10.

X

Hic incipit Ioram Iuda impie regnare cum regnasset octo annis bene, donec patris memoria viguit. Et regnat cum eo filius Ahasia istis 20. annis, ipse 22. annorum. 4. Reg. 8.

X

Isti 20. anni utriusq; Ioram & Ahasiæ tacentur ob malitiam eorum. Adduntur autem ætati filii ejus Ahasiæ, ne fiat error in historiis. Hieron. Lyræ 2. Para. 22. Alioqui sequeretur Ahasiam esse 2. annis natu majorem patre suo Ioram. Et hoc est illud pessimum seculum, de quo sic querulatur Elias, & optat mori. Sicut semper optimi Prophetæ sunt pessimis temporibus.

AHASIAS 24. annorum, regnat per se anno uno.

ATTALIA. 7.

Iste Ahalias est finis Stirpis Salomonis, interfecto universo per Attaliam semine regio.

IOAS. 40.

X

C

X

Gggg

3100.

36.  
OFR AGA  
NEVS.  
10.



REGES ISRAEL.

REGES IVDA.

IOAHAS filius Iehu. 17.

IOAS 16. sub quo mori-  
tur Elitcus.

IEROBEAM incipit  
anno Amazia 15. & re-  
gnat 41. Ergo cum patre  
Ioas regnavit 3. per se 41.

AMAZIAS. 29.

Hujus fratrem faciunt E-  
brai Amoz, patrem Iesa-  
ia Prophetæ, Non fuit de  
sacerdotibus, sed de tribu  
regia, Vnde Isa. 5. appel-  
lat Christum patrualem  
suum.

|        |       |
|--------|-------|
|        | Ioas  |
| Amazia | Amoz  |
| Vsia   | Isaia |
| Iotham | Iasub |

Quod isti 3. anni pertine-  
ant ad Ierobeam, probat  
id, quod Vsia regnat 27.  
anno Ierobeam. 4 Reg. 15.  
Et ipse tamen incipit anno  
15. Amazia.

37.  
ASCRA  
5 APRIL  
42.

REGES ISRAEL.

REGES IVDA.

VSIAS nascitur.

Hic definit Amazias, fugiens, relicto filio Vlia 6. annorum & occisus est in Lachis pater ejus.

Sub Ieroboam mittitur Iona ad Niniven. Et iste PhulBelochus (nisi Sardanapalum malis) est Rex qui Ionam audivit, & poenitentiam egit. Qui cum Arbace Monarchiam Assyriorum post Sardanapalum divisit, sibi Assyriam & Babylonem retinens, Arbaci Mediam & Persiam relinquens. Cujus posterii Babylonem excoluerunt, & relicta Ninive, palatium ibi constituerunt. Vnde Esaias contra Assur prophetans, postea contra Babylonem. Hanc partem Monarchiae intelligit.

✠ Terræ motus.

HIEROBOAM moritur, & regnum Israel deinceps tumultibus agitur, usq; ad finem sui.

IESA

HO

IOTHAM nascitur.

X Interregnum Iudæ 10. annorum, Quod probatur ut supra ex annis Ierobeam, cujus 27. regnat Asarias.

ISAIA nascitur forte.

16. annorum.

X ASARIAS, VSIAS 52.

Amos Propheta sub Vfia & Hierobeam, duobus annis ante terræ motum.

X Error perspicuus, quod Vfia sit leprosus factus sub an. terræ motus, de quo Amos dicit, propter usurpatum Sacerdotale officium, cum terræ motus sit sub Hierobeam factus. Et Iotham primum post 11. annum mortui Hierobeam nascitur, & non potuit palatium regere antequam nasceretur, Ergo leprosus est factus circa annū regni sui 40. vel ultra, quando Iotham est 12. vel ultra annorū ut palatiū gubernet.

Circa hæc tempora credo Isaiam incepisse, cum jam superasset 30. annos, Quæ est ætas Christi, in qua & Ezechiel coepit, ut ibi.

Ggg 2 dem 3200.

38.  
SARDANAPALVS.

15.

39.  
PHULBELLOCHVS.

40.  
Qui Manabem vexavit.

Ab hoc dicto sunt 69. anni ad migrationem Isaiæ 7.

| REGES ISRAEL.                                                                                                                                                                                                                                | REGES IVDA.                                                                                                                                                     |
|----------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------|
| dem, Ita colligentur 100. anni, quibus prophetavit usq; ad 12. annum Manasse.                                                                                                                                                                |                                                                                                                                                                 |
| <div> <div>I</div> <div>SE</div> <div>Sallum 6. mensibus.</div> <div>Manahen 10. annis.</div> <div>A</div> <div>A</div> <div>sub</div> <div>Ezechia</div> <div>Ioatham</div> <div>Ezra</div> <div>scripsi</div> <div>corulibri.</div> </div> | <div>Roma nascitur anno 37.</div> <div>Vsæ Sacharias filius Iero- beam, 6. mensibus, finis quartæ generationis Iehu.</div> <div>4. Reg. 15.</div>               |
| Pekala 2. 4. Reg. 15.                                                                                                                                                                                                                        | <div>Ahas nascitur anno</div> <div>Avi sui 64.</div>                                                                                                            |
| <div>Pekah Romalia 20.</div> <div>4. Reg. 15.</div> <div>IOEL.</div> <div>MICHA.</div> <div>NAHVM.</div>                                                                                                                                     | <div>25. annorum.</div> <div>IOTHAM. 16.</div>                                                                                                                  |
| Inter nativitatem Ahas & nativitatem Ezechie sunt tantum 11. anni. Quomodo ergo filius ejus fuit? Puto legalem fuisse ex fratre filium, Et Ahas suos filios per ignem obtulisse, vel mortuos esse omnes propter impietatem patris.           | <div>EZECHIAS nascitur,</div> <div>ergo non potest esse Emmanuel, filius Alma, Isai. 7. cum talis prophetia sub Ahas, anno ejus 4. (ut dicunt) facta sit.</div> |
| 4. Reg. 15.                                                                                                                                                                                                                                  | <div>20. annorum.</div> <div>AHAS. 16.</div>                                                                                                                    |
| Hofeas occidit Peka, anno Ioatham 20. Hic est annus 4. Ahas Ioatham enim 16. tantum regnavit. Propheta indignatur Ahas nominare, propter impietatem, Et potius mortuum patrem nominat, nisi sit hic alia quæstio, de qua in fine.            | <div>Interregnum in Israel. 9. annis.</div>                                                                                                                     |

ROMA

40.  
TEGLAT.  
PHYLAS  
SER.  
21.

41.  
SALMA  
NASSAR.  
17.



## REGES ISRAEL.

HOSEA ultimus rex Israel. 9. annis regnat.

Ergo illud 4. Reg. 15. Hosea occidit Pekah anno 20. Iotham, & regnavit pro eo, est divisive intelligendum, scz. occidit Pekah anno 20. Iotham, & post annos 9. regnavit pro eo, Non eodem anno occidit & regnat. Similia etiam sunt alibi, ut supra.

MIGRAT & finitur regnum Israel translatum in Assyriam per Salmanassar. 4. Reg. 15. anno 6. Ezechiae, & 9. Hoseae. Stetit autem regnum Israel 299. an. Has calamitates & praedixit Isaia, & vidit senex.

f MIGRATIO  
ISRAELIS.

Aureum seculum in spiritu, & tamen per maximas calamitates, miserum in carne, Dignum in quo Satan, per Assyrios, Item per Manassen, tot Sanctos occidens, probaret veram esse futuram sui damnationem, & electorum salutem.

Demus Isaiaem coepisse, 427. Vixit (tunc est fere 32. annis) & occisum esse 10. anno Manasse, Tunc Prophetavit 96. annos, & cum eo Hosea, & Michea, ad minus 70. vel 60. vel 80. annis, ut patet ex numeris annorum Vixit, Iotham, Ahas, Ezechiae.

## REGES IVDA.

25. annorum.  
EZECHIA. 29.

X His annis maxima fiunt

miracula per Isaiaem, caso Sanherib, Ierusalem liberata vi Angelorum. Item mutato cursu coeli propter Ezechiam (quod incredibile est) Sol facit retrogradus tres dies pro uno. Et quod omnium maximum, prophetiae de Christo perne clariores Evangelio, per ipsum Isaiaem, Hoseam, Micheam.

42.  
SANHERIB.  
7.

43.  
ASAR.  
ADDON.  
10.

X

12. annorum.

MANASSE. 55.

Egregius occisor Prophetarum, replens Ierusalem sanguine (ut Paralip.) usque ad os, seu de porta ad portam, Etiam victorem

X Assyriorum, & liberatorem patriae, Isaiaem, So sol man Gott danken vnn dienen occidendo eos, qui gratiam & non Iusticiam operum docent, Definamus nos querulari de ingratitude & malitia mundi, istis exemplis moniti.

44.  
MERO.  
DACH.

40.  
Nam 12. annos superfluos datus ei a Manasse. cogit amputari Scripturam historia.

3300.

C X

Gggg 3

REGES IVDA.

45.  
DENME  
RODACH  
21.

MANASSE 10. annis  
captivus, poenitentiam ag-  
git valde 2. Paral. 2. de suis  
malis.

Iosias nascitur.

22.  
AMON. 2.

8.  
IOSIA. 31.

46.  
NEBYC.  
PRIMUM.  
35.

Ioiakim nascitur.

Ioahas nascitur.

Hos 10. annos regnasse  
Amon dicitur à Philone,  
dum pater abest, Sed tum  
Amon est puer 10. vel 9.  
annorum. Ideo per pro-  
ceres & Sacerdotes, sicut  
Ioas per Ioiada. Quin &  
Iosias regnat 8. annos na-  
tus &c. Queritur, an Iosia  
sit naturalis filius Amon,  
cum inter utriusque nati-  
vitatem sint tantum 16. an-  
ni, an Amon 15. genuisse di-  
cendus sit.

Quomodo Iosia est pater  
Ioiakim & Ioahas, cum Io-  
sia sit 14. an. nascente Io-  
iakim, & 16. an. nascente Io-  
ahas? Porro Matthæus istis  
tacitis, Iechania facit filium  
Iosia, imo falsatus est, dum  
deest 14. generatio ( quam  
promittit ) scilicet Ioiakim  
pater Iechania.

## REGES IVDA.

IEREMIA.  
OBADIA.  
HABACVC.  
ZEPHANIA.

IEREMIAS incipit 13. anno Iosaz, Et prophetat ultra captivitatem, incertum quot annis, in Aegypto à Iudeis lapidatus, ut dicitur. f. Ite Iechania scribitur 8. annorum esse cum regnat 2. Paral. ult. & 18. annorum 4. Reg. ult. Vide Lyram ibi. Quomodo 10. annis cum patre regnavit, & solus tantum tres menses. Iterum hic divisive est intelligendum illud 2. Paral. scilicet Iechania est 8. annorum, cum coepit cum patre regnare 10. annis, Et est 18. annorum, cum solus coepit regnare tribus mensibus, ut supra de Hosea rege diximus.

X

ZEDEKIA nascitur  
tertius filius Iosaz.

IECHANIA nascitur.

X

25.  
Ioiakim. 11.

DANIEL migrat cum sociis in Babel. Anno 3.

Ioiakim. Daniel. 1.

DANIEL interpretatur  
Somnium Nebucadnesar  
de statua, anno ejus regni  
2. (Dan. 2.) in solatium captivorum.

Captivitas  
L.

21. ZIDEKIA. 11.

Captivitas  
L.

X

DESOLATIO IERV.

Captivitas  
3.

SALEM 70. annorum  
Danielis 9. 2. Paralip. ultimo. Ne te fallant, qui fingunt 52. annos desolationis. Item qui captivitatem Iechania faciunt initium desolationis. Daniel 1e. 3400.

Gggg 4 remi

IOAHAS. 3. mensibus. Isti tres menses cum 3. mensibus Iechan. pro nihilo reputantur, inclusi in annum integrum.

IECHANIA cum Patre. 19. annis, qui cum loco suo constituit anno 3. in Regem, tunc est 8. annorum. 2. Paralip. ultimo.

IECHANIA. 3. mens.

per se.

Et Migratio spontanea.

EZECHIEL incipit in Babel prophetare, anno 5. migrationis Iechania.

47.  
NEBUCC.  
secundus.  
45.

4. Reg. ult.  
2. Para. ult.

DESOLATIO.  
210.

no 19. Nebucadnezar, qui regnavit 45.

Circa hec tempora mittuntur tres illi socii Danielis in fornacem ignis, forte eadem causa & Iechania in carcerem, jam dudum Danielis

X

3400.



|                                  |                                                                                                                         |   |                                                                                                                                                   |
|----------------------------------|-------------------------------------------------------------------------------------------------------------------------|---|---------------------------------------------------------------------------------------------------------------------------------------------------|
|                                  | nielis interpretatione ob-<br>livioni tradita.                                                                          |   | remiā allegans dicit, com-<br>pletos esse desolationis an-<br>nos 70. & 2. Paral. ultimo,<br>incipit desolationis annos<br>à destructa Ierusalem. |
|                                  |                                                                                                                         | X |                                                                                                                                                   |
|                                  | Patientia tantorum malo-<br>rum testatur, Iechania ma-<br>ximæ sanctitatis virum fu-<br>isse.                           |   | <u>IECHANIA</u> in car-<br>cerem 6. annis, ut Philo<br>dicit.                                                                                     |
| 48.<br>EVILME-<br>RODACH.<br>30. | <u>EVILMERODACH.</u><br>30. favens Iechaniae, Philo.<br>Ego suspicor hunc regio<br>nomine etiam Nabucad-<br>nezar dici. | X | <u>IECHANIA</u> ex carcere<br>genuit Sealthiel, Qui ge-<br>nuit Zerubabel. Philo.                                                                 |
|                                  |                                                                                                                         | X |                                                                                                                                                   |
|                                  |                                                                                                                         |   | <u>SEALTHIEL.</u>                                                                                                                                 |
|                                  |                                                                                                                         | X |                                                                                                                                                   |
|                                  |                                                                                                                         |   | <u>Zerubabel nascitur.</u><br>Qui anno suo 17. dux<br>fit solutæ captivitatis.                                                                    |
| 49.<br>BALTHASSAR.<br>14.        | <u>BALTHASSAR 14.</u><br>Metasthenes facit 5. Reges<br>Babel.                                                           | X |                                                                                                                                                   |

Nebucadnezar. 45  
 Evilmerodach. 30.  
 Reg Assar. 3.  
 Lab Assar Adach. 6.  
 Balthassar. 5.

Sed me mover, quod Daniel tantū tres nominat, Deinde Ier. 27. dicit, Servient Regi Babel ipsi, & filio ejus, & filio filii ejus. Hunc sequor ego, Aliis relinquo suum judicium.

### SOLVITIO CAPTI-

vitatis & initium regni Persarum. Anno 1. Darii, audit Daniel ex Angelo 70. hebdomadas. Vidit n. 70. an. desolationis impletos, unde accipit novam 70. hebdomadarum revelationem.

Primo anno Cyri, Iesus Sacer. Zerubabel dos. 36. hujus Dux 58. a pater Iozadas lias Berefuit ductus in chia 2. Pababel. 1. Paralip. lip. 7.

### CAPTIVITATIS SOLVITIO.

Ioiakim Sacer. 8. absente C  
 patre. Huic tribuit Philo  
 librum Iudith.

DANIEL videt somnium

4. ventorum, & 4. Bestiarū  
 an. 1. Balthassar, Dan. 7.

DANIEL videt visionem

Arietis & hirci, anno 3.

Balthassar. Dan. 8.

X

DANIEL interpretatur  
 visionem Balthassari.

DARIUS Medus cum

Cyro. Anno ultimo Darii  
 vincit Daniel Leones.

### CYRVS SOLVS.

Anno 3. Cyri audit Daniel,  
 magna de Antichristo.

Dan. 11. & 12.

Apparet Darium Danieli  
 curam Medorum, post eti  
 am Cyrum ei & Persarum  
 curam demandasse.

His annis absente Cyro,  
 in bello Scythico 6. annis,  
 regnat filius Cambyfes ty-  
 rannus 7. annis, qui vetuit  
 & impedivit mandatum  
 Cyri de edificando tem-  
 plo.

X

### ARTAXERXES

Priscus Assuerus 20. filius

Hystaspis, etiam Darius di-  
 ctus, maritus Esther, qui  
 exaltavit Mardocheum, &  
 Babylonem rebellem re-  
 cuperavit.

Historia Esther.  
 Esther 4.

Mardocheus exaltatur 12.

anno Assueri, vixit annos  
 197. Philo.

PERSA-  
RVM RE-  
GNVM.

1.  
DARIUS  
cum CYRO.

2.  
CYRVS solus.

3.  
ARTAXERXES

3500.

INITIVM  
hebdomadæ.

Iesus reversus. 20.

Haggai, Zacharias.

Exitus verbi, Dan. 9.

Anno 6. Darii, perfecta est  
domus Domini, Esræ 7. Io-  
ann. 2. Iudæi dicunt Chri-  
sto, Domus hæc ædificata  
est 46. an. & tu in triduo re-  
ædificas. Illa sunt n. tempo-  
ra angustia, in quibus im-  
pediti sunt, post jactū fun-  
damentum. Nam sequenti-  
bus 4. annis successit opus  
feliciter, ut dicitur Esræ 9.

Lucæ 3.

Dux Resa Metullam. 66.  
Ioiakim filius Iesû. 48.

eodem anno quo Nehemia  
missus est.

Huic tribuit Philo librum  
Esther.

Ad annū ejus 20. effluxos,  
Eo iste vmb die 18 Jahr zu  
thun, quibus tardius veniet  
Christus dux, in Chronico  
isto. Ego tamē moveor plus  
quod verbū egressū, sit ver-  
bum Dei, per Haggæum &  
Zachariā revelatum, Anno  
2. Darii, quam verbum i-  
pſius Darii an. 20. cum de  
verbo ejus nihil constet, nisi  
quod dedit licentiā Nehe-  
miæ satis difficulter, & civi-  
tatis ædificatio recte intel-  
ligitur, cū templum potior  
pars civitatis per Haggæi  
verbum inciperet ædificari,  
Sic ego sine præjudicio.  
Quicquid n. sit de inter-  
mediis, hebdomadas oportet  
certo initio & fine contineri,  
& Christum verum  
intelligi in ista prophetia.

DARIVS longa mæ-

nu. 37.

INITIVM HEB-

DOMA DARVM  
DANIELIS, anno 2.  
Darii.

Efra venit Ierusalem anno

7. Darii Esræ 7.

Cum isto Dario regnat fo-  
ris X E R X E S pater, occu-  
patus bello Græco, qui Da-  
ni. 11. quartus dicitur à Cā-  
byse. Nam reliquos non  
curare videtur Angelus.

Videtur Regina Esther, ut  
vidua, mater hujus Darii  
multum valuisse istis annis.  
Nam liber Esræ, & Nehe-  
miæ, mirum modum Este-  
rissat & Mardochissat. An-  
no 20. mittitur Nehemia

ad Dario, ad ædificationem  
Ierusalem, videtur vixisse  
ultra 120. annos, quia attingit  
Alexandrum Magnum  
infra.

Qui volet hebdomadas  
Danielis incipere ab an.  
20. Darii, mittentis Nehe-  
miam, eo quod Angelus de  
reædificatione Civitatis lo-  
quatur, quod opus fecit Ne-  
hemia, Is adjiciat istos an-  
nos 18. ab anno 2. Darii, &

DARIVS NO-

THVS. 19.

DARIVS  
longa mæ-

DARIVS  
NOTHVS



De concordia inter histo-  
rias & regibus istis pri-  
mis, vide M. Philippum  
Melanthonem in suo Ca-  
rione, qui proxime attingit,  
ut melius non possit.  
Deficiente enim Scriptura,  
in his rebus cogimur  
Philoni, Iosepho, & aliis  
credere.

X

ARTAXERXES

MEMNON. 55. hic  
magnus vocatur.

Græc. 40.  
restim.  
6.  
ARTAXERXES.

X

Eliash. Sac. à Nehemia  
reprehensus. 21.

X

Hoc anno moritur Mar-  
docheus, posito quod fue-  
rit 10. annorum quando cū  
Iechania sponte migravit.  
Tot enim sunt anni (197.)  
à prædicta migratione usq;  
huc, conjunctis 10. annis  
ipsius Mardochei.

198. Philo.

Lucæ 3.

Dux Iohanna ben Resa.

53.

Quod dico.

X Quia Lyra multa patitur  
in isto Mardocheo, dum  
credit eum vixisse, aliquot  
centenos annos, secundum  
historias latinas (falsas)  
Quæ Persarum regnum fa-  
ciunt multos centenos an-  
norum. Ita secutus Rab.  
Sal. confunditur & con-  
fundit supputationem heb-  
domadarum, ut in  
tea recte tractetur

3600.

Ioiada Sacerdos. 24.

C

X

0,

alio propter hunc Mardocheum, absurda sequitur in hebdomadibus, Daniel. 9. Esther 4.

X

<sup>6.</sup>  
OCHVS. 16.

<sup>7.</sup>  
OCHVS.

X

Iohannan Sacerdos, alias  
Ioathan 24.

Hic ponunt fere omnes  
Alexandrum Magnum O-  
lympiade. III. anno ejus 2.

X FINIS REGNI PER-  
SARVM secundum e-  
osdem.

Dixi supra in Praefatione,  
mihi non esse multum cu-  
ra, quo loco ponatur ab Hi-  
storicis Alexander, dum  
mihi numerus Hebdoma-  
darum saluus sit. Ideo Phi-  
lonem secutus (ut antea)  
hic nolui mutare editio-  
nem priorem.

MORS ALEXANDRI,  
& Regni Graecorum ini-  
tium.

Lucæ 9.  
Dux Iudæ. 14. dictus  
Hircanus primus.

X

Iaddua Sacerd. 10. Hic dici-  
tur Alexandrum Magnum  
in Ierusalem suscepisse, &  
Nehemia 12. cum nominat.  
Ideo verisimile est, Nehe-  
miam interfuisse, forte &  
Efratæ ingressui Alexan-  
dri in Ierusalem.

<sup>7.</sup>  
ARSAMES vel  
Arles. 4.

<sup>8.</sup>  
ARSAMES.

<sup>8.</sup>  
DARIVS Ultimus. 6.

<sup>9.</sup>  
DARIVS  
ultimus.

C

X

*Finis regni Per-  
sarum, & initi-  
um regni Græ-  
corum.*

**FINIS REGNI PER-**

**SARVM, & initium re-  
gni Græcorū. Lucæ 3.  
Onias Sacerd. Dux Ioseph  
Priscus. 27. Primus. 7.**

**Lucæ 3.  
Abner Semei. 11.**

**Lucæ 3.  
Dux Eli Mathathias. 12.**

**Simon Priscus Sacerd. 13.**

**Lucæ 3.  
Dux Afer Maat. 9.**

**Lucæ 3.  
Dux Artaxat Nagid. 10.  
Eleazar Sacerdos Antio-  
chi Theos inimicus. 20.  
Hic Ptolomæo Philadel-  
pho misit 70. Interpretes.**

**ALEXANDER**

**Magnus. 7.**

**ALEXAN-  
DER Ma-  
gnus.**

X

X

X

X

C

X

Vides post Alexandrum  
Sacerdotes apud Reges in-  
claruisse, contempta tribu  
regia, quia Rex nullus erat.  
Ideo & simul cœperunt  
Traditiones & supersticio-  
nes ad decipiendos Reges.

3700.

Hhhh



Lucæ 3.  
Dux Haggai Eli. 8.

Lucæ 3.  
Dux Maslot. Nahum. 7.

Manasse Seleuco Gallini-  
co amicus. 27.

Lucæ 3.  
Dux Amos. Syrach. 14.

Ab hoc dici credendus  
est Iesus Syrach velut Ne-  
pos. Quia vocat Avum su-  
um, & sub Evergete se dicit  
in Ægypto fuisse, qui circa  
hæc tempora fuit.

Lucæ 3.  
Dux Mathathias Silo3.  
10.

Simon Iustus  
honoratus ab Antiocho  
magno, 28. Huic tri-  
buitur Thal- mud Iudæo-  
rum & ipse postremus lau-  
datur à Syr. ut facile pro-  
betur, ipsum (Syrach) fuisse  
paulo ante Maccabæos.

X

X

X

X

X

Onias filius Simonis, spoliatus templo à Seleuco Ceraunio fratre Epiphanis. 29.

Hunc celebrat libro 2. Maccab. & ipse in Ægypto ædificavit templum in Heliopoli, falso intelligens verbum Isaiaë, ipso facto prophetans finem sacerdotii.

**B** IVDAS MACCABEVS, secundum opinionem primam, quæ Alexandrum ponit III. Olympiade, Et regnum Græcorum post mortem ejus, & putatur verior.

**C** Opinione secunda Philonis, quam secutus sum, accipiendo regni Græcorum initium ab Alexandro.

**ANTIOCHVS. 12.**  
cujus anno 9. Maccabeus Iudas regnat 146. anno Græcorum, secundum opinionem primam.

**A** *Hic observandum has tres membra (que litteris A B C compendij causa notata vides) coniungi debent, cum nullum per se perfectum videatur, & verba quaedam in duobus prioribus his posita reperiant.*

Hhhh 2

3800.

# MILLENARIUS QUARTUS.

Lucæ 3.  
Ianneus secundus Hir-  
canus. 16.

Jonathan. 19.

X

X

Hasmonai, id est Simonen-  
ses Haschameonim de qui-  
bus dicit Philo, quod rapu-  
erunt simul & Ducatum à  
domo David & Pontifica-  
tum. Verum id factum est,  
& ducibus & pontificibus  
suum officium omittenti-  
bus, ideo Deus per alienos  
voluit populo suo dare (ut

SIMON. 8. Philo  
Maccab. 16. tribuit ei  
71 annos.

X

Daniel dicit) auxilium par-  
vulum, Mysterio scilicet, ut  
transiret & Sacerdotium &  
Regnum ad alienos, usq; ad  
Christum, qui finitis 70.  
hebdomad. solus utrumq;  
suscepit in æternum.

Ioannes Hircanus major.  
26. hujus meminit finis  
1. Maccab.

X

X



git virga Iessæ, Christus.  
Quia sicut 70. anni serva-  
runt populum in Babylone  
per promissiones, ita 70.  
hebdomadas servant (sine  
throno & rege) eundem  
populum usq; ad Christum  
per eandem promissionem.

Aristobulus. I.

X Alexander Crudelis. 27.

Lucæ 3.

Quæritur

Quomodo verum sit ver-  
bum Iacob Genesis 49.

Non auferetur Sceptrum  
de Iuda, &c. cum hic defe-  
cerit & Ducatus & Pontifi-  
catus sub Maccabæis, sal-  
tem in linea naturali, & Ie-  
remias copiose clamat, non  
defuturum de filiis David  
sedentem super thronum  
ejus coram Domino cun-  
ctis diebus.

Sed

Isaias prædixit II. Christum  
oriturum ex radice Iessæ,  
id est, mortuo trunco in  
terris & desperato. Ita hic  
Davidis linea simpliciter  
moritur. Sic sunt opera  
Dei, ut occidat & vivifi-  
cet, ita ex mortuo trunco  
(tot annis) Davidis, sur-

git


Alexandra uxor. 9.  
mulier prudens

Hircanus junior. 34.  
à Parthis captus.

Hhhh 3

3900.

MILLENNARIUS QUARTUS.



Annus Herodis 30. & Augusti 40. qui est annus primus salutis ab incarnatione Christi.

ARCHELAUS. 9.

AVGVSTVS moritur.

IOANNES BAPTISTA anno 15. Tiberii anno 2.

In principio 34. anni ætatis Christi, est ipse crucifixus, surrexit, misit Spiritum sanctum, &c. ipse est primus annus ultimæ hebdomadæ.

VLTIMA HEBDOMADA.

CALIGVLA. 4. AN. FINIS HEBDOMADARVM.

CALIGVLA. 3. annis mensibus. 3.

Finis 70. hebdomadarum. Certa ratio ab anno Darii 2. 490. anni.

X CHRISTVS IESVS

filius Dei, nascitur ex virgine Maria.

Annus 1. Salutis.

X

TIBERIVS. 23.

HERODES Antipa.

Tetrarcha, occisor Iohannis Baptistæ. 24.

3. TIBERIVS.

X

X CHRISTVS BAPTISTA

SATVS incipiens (ait Lucas) 30. anno.

CHRISTVS mortuus, resurrexit, Dux æternus, regnat an. 100000. & sic sine fine.

In dimidio hebdomadis cecidit sacrificium & oblatio, Dan. 9. dum fere 3. anno post resurrectione, in Concilio Apostolorum, publico decreto, lex abrogatur & libertas promulgatur à lege.


2. ARTVS millenarius.

4000.

Hhhh 4



# MILLENARIUS QUINTUS.



100. Salus.

Ben Cosbankochab.

NERVA. 1. annum 4. men.

10. NERVA

TRAIANVS. 19. annum

11. TRAIANVS.

6. menf.

Nascitur volumen volans,  
id est, maledictio, Thalmud  
Babylonicum, quo maxi-  
me utuntur Iudæi. Vide  
Burg. Esa. 34. Zach. 5.

X

X ADRIANVS. 20.

12. ADRIANVS.

X

Kochab occiditur.

4100.

ANTONINVS


13. ANTONINVS.

PIVS. 23. annis.

C

X

# MILLENARIUS QVINTUS.





16.  
ELIVS  
17.  
DIDIVS.

ELIVS pertinax 6. mens.

DIDIVS IVLIANVS

7. menies.

ORIGENES.

800. Saluti.

SEVERVS an. 18. "

18.  
SEVERVS.

Papinianus Iureconsultus.

ANTONINVS BAS-  
SA Caracalla. 6. Papa.

18.  
ANTONINVS.

MACRINVS 2. menses  
1. annum.

20.  
MACRINVS.

VARIVS HELIO  
Gabalus. 4. Cardinalis.

21.  
VARIVS.  
HELIOG.

Vlpianus Iureconsultus.

ALEXANDER SE-  
VERVS, 13. annis.

22.  
ALEXANDER

Messias de domo Elia.  
4000. annus Mundi, se. C.  
cundum Iudæos.

MAXIMINVS Pa-  
stor. 3. annis.

23.  
MAXIMINVS.

4200.

# MILLENARIUS QVINTVS.

|                                                             |   |                                                                                                                                               |                                       |
|-------------------------------------------------------------|---|-----------------------------------------------------------------------------------------------------------------------------------------------|---------------------------------------|
|                                                             |   | GORDIANVS. 6.                                                                                                                                 | <sup>24.</sup><br>GORDIA-<br>NVS.     |
| ROMA hoc anno est<br>mille annorum.                         |   | PHILIPPVS. annis 5.                                                                                                                           | <sup>25.</sup><br>PHILIP-<br>PVS.     |
|                                                             | X |                                                                                                                                               |                                       |
| Gotthorum initium cum<br>300000. hominum contra<br>Romanos. |   | DECIVS 2. annis.                                                                                                                              | <sup>26.</sup><br>DECIVS.             |
|                                                             |   | VIBIVS GALLVS                                                                                                                                 | <sup>27.</sup><br>VIBIVS.             |
|                                                             |   | cum filio Volutiano. 2.                                                                                                                       | <sup>28.</sup><br>VALERI-<br>ANVS.    |
|                                                             |   | VALERIANVS. 6.                                                                                                                                |                                       |
|                                                             | X |                                                                                                                                               |                                       |
|                                                             |   | GALLIENVS ejus<br>filius. 9.                                                                                                                  | <sup>29.</sup><br>GALLIE-<br>NVS.     |
|                                                             | X |                                                                                                                                               |                                       |
|                                                             |   | FLAVIVS CLAV-<br>DIVS. 2.                                                                                                                     | <sup>30.</sup><br>FLAVIVS<br>CLAVDIVS |
|                                                             |   | AVRELIANVS. 5.                                                                                                                                | <sup>31.</sup><br>AVRELI-<br>ANVS.    |
|                                                             |   | annis 6. mensibus.                                                                                                                            |                                       |
| MANICHEI.                                                   |   |                                                                                                                                               |                                       |
|                                                             | X | TACITVS. 6. mens.                                                                                                                             | <sup>32.</sup><br>TACITVS.            |
|                                                             |   | PROBVS. 6. mens. 4.                                                                                                                           | <sup>33.</sup><br>PROBVS.             |
|                                                             |   |                                                                                                                                               |                                       |
|                                                             |   | CARVS. 2. annis.                                                                                                                              | <sup>34.</sup><br>CARVS.              |
|                                                             |   | DIOCLETIANVS. 20.                                                                                                                             | <sup>35.</sup><br>DIOCLETI-<br>ANVS.  |
|                                                             |   | annis, offensus forte legis<br>Christianorum, voluit o-<br>mnia restituere. Sicut &<br>X nunc & semper moverunt<br>se andala Ecclesiæ gentes. |                                       |

300.  
Sexti.

Seperatio { Francorum.  
Alemanorū.

CONSTANTIVS.

4. annis cum Valerio Ma-  
ximo.

36.  
CONSTAN  
TIVS.

CONSTANTIVS

Magnus, 30. annis.

37.  
CONSTAN  
TIVS.

Sylvester anno 3. Con-  
stantini.

ANIVS.

CONCILIVM NI-  
CENVM. anno 14. Con-  
stantini.

iiii

4300.



MILLENNARIUS QUINTUS.

CONSTANTIVS

38.  
CONSTANTIVS.  
filius, 24. annis.

38.  
CONSTANTIVS.

X

X

Augustinus nascitur. 19.

Constantii.

39.  
IVLIANVS 2. annis.

39.  
IVLIANVS.

IOVINIANVS 7. mens.

40.  
IOVINIANVS.

VALENTINIANVS.

12. annis cum fratre Valen-

41.  
VALENTINIANVS.

X te Ariano.

S. Martinus baptisatur à  
Sancto Hilario, Episcopo  
Pictaviensi.

Damasus Papa.

S. Hilarius obiit.

2 V : 8 A

S. Martinus fit Episco-  
pus.

S. Ambrosius fit Episco-  
pus.

VALENS post fratrem X

X

3. annis solus.

42.  
GRATIANVS filius

42.  
GRATIANVS.

Valentiniani filius senior

6. annis.

CONCILIVM Con-

stantinopolitanum, anno

5. Gratiani.

43.  
THEODOSIVS Ma-

43.  
THEODOSIVS.

gnus 11. annis-

X

S. Augustinus baptisatur,  
anno 3. Theodosii.

Iohannes Eremita cla-  
ret.

Augustinus presbyter.  
Honorius frater. 29.

ARCADIUS filius  
Theodosii, 13. annis.

44.  
ARCADIVS.

400. Subit.

GOTTHI.

ROMA à Gotthis capta  
anno Christi. 412. Al-  
richo.

Arcadius moritur.

Valentinianus junior cum  
Theodosio in occidente.  
25. annis.

THEODOSIVS junior  
filius Arcadii, 27.

45.  
THEODOSIVS.

Augustinus moritur. 75.  
CONCILIVM Ephe-  
sinum. anno 10. Theodosii.

Iiii 2

4400.

# MILLENARIUS QUINTUS.

<sup>47.</sup>  
MARTIANVS.

\*  
\*  
MARTIANVS in ori-  
ente. 6.  
ROMA à Vandalis capta  
anno 456.  
CONCILIVM Calce-  
donense. anno 4. Martiani.

VALENTINIANVS

Junior post Honorii mor-  
tem in occidente. Post Va-  
lentinianum Italia lacerata  
turbatur usq; ad Caro-  
lum magnum.

<sup>46.</sup>  
VALENTINIANVS.

X LEO I. 16. annis.

<sup>48.</sup>  
LEO.

ZENO. 17. annis.

<sup>49.</sup>  
ZENO.



ANASTASIVS 26.

<sup>10.</sup>  
ANASTASIVS

see. folio.

X

X

IUSTINVS subulcus.

9. annis.

<sup>11.</sup>  
IUSTINVS

X

IVRA.

IUSTINIANVS, Iusti-

ni bubulci ex forore nepos.

X 38. annis.

<sup>12.</sup>  
IUSTINIANVS

C

X

Iiii 3

4500.

MILLENARIUS QVINTVS.

ROMA exusta & vastata  
à Gothis per Tottilam, an-  
no Christi 548.

Longobardi in Italia  
morantur.

IVSTINVS nepos ex <sup>13.</sup> IVSTINIA  
filia. 10. annis.

TIBERIVS. 7. <sup>14.</sup> TIBERIVS  
annis.

MAVRITIVS. 20. <sup>15.</sup> MAVRITIVS  
Martyr sanctus. VS MARTYR.

Gregorius Magnus ultimus Episcopus Romanæ Ecclesiæ, sequentes sunt Papæ, id est, Pontifices Romanæ curiæ.

600. Saluti.

X

FOCAS. 8. annis.

Cæsaricida, Papeficus & Papifex.

56. FOCAS.

PRIMA-  
RIUS PAPA.

PRIMATVS PAPÆ  
stabilitur, id impetravit  
Bonifacius tertius.

Nota.

Bonifatius est nomen Pa-  
pale. q. bona facies, Quia  
bona specie pessima facit  
Deo & hominibus.

X

HERACLIVS. 29.

57. HERA-  
CLIVS.

X

MAHOMET.

MAHOMET incipit  
anno Christi 630. Et anno  
18. Heraclii.

X


X


Iiii 4

4600.




# MILLENARIUS QVINTUS.





MILLENNARIUS QVINTUS.





REGNUM  
GOTHORUM

100.  
Sextu.



CAROLVS Magnus.  
14. annis.  
Prius 32. rex Galliar.

1.  
CAROLVS  
Magnus.

LVDEVICVS pius  
26. annis.

2.  
LVDEVICVS  
pius.

LV THERVS alias  
Lotharius. 15. annis.

3.  
LV THERVS  
4800.


# MILLENARIUS QUINTUS.

A quo Lutheringa.

2977 3710  
1000  
2000

2977 3710  
1000  
2000

2977 3710  
1000  
2000



LVDEVICVS

CAROLVS  
CRASSVS

EHRNHVLF alias  
Arnoltus. 12. annis.

6.  
EHRN-  
HYLE.

X

LVDEVICVS tertius.  
10. annis.

7.  
LVDEVI-  
CVS.

X

Thraßbulus.

KVN RAT. 7.

8.  
KVN RAT.

X

HINRICVS 1. Auceps  
dux Saxoniz. 17.

9.  
HINRICVS.

X

HETTA 1. Otto pri-  
mus. 36. annis.

10.  
HETTA.

.1. pater.

C

X


Kkkk

4900.

900. f. 100.



MILLENNARIUS QVINTUS.



2000. *Salutis.*

MILLESIMVS SA-  
LVTIS.

Finito isto Millenario sol-  
vitur nunc Satan, Et fit E-  
piscopus Romanus Anti-  
christus, etiam vi gladii.

*Apoc. 20.*

INSTITVTIO septem-  
viratus in Imperio, seu 7.  
Electorum sub Ottone. 3.

HINRICVS 2. Claudus  
Sanctus, finis Ottonum. 22.  
annis,

<sup>13.</sup>  
HINRICVS.

KVN RAT 2. Fran-  
cus 15.

<sup>14.</sup>  
KVN RAT.

QVINTVS  
Millenarium.

5000.

C

X


HINRICVS. 3. Ni-

ger. 17. annis.

Kkkk 2

<sup>15.</sup>  
HINRICVS

MILLENNARIUS SEXTUS.





Messias Cahadras.

1100. Sabar.

HINRICVS 5. 20.

17.  
HINRICVS  
10

Bernhardus fit Monachus.

Bernhardus Abbas. 36.  
annis, in quibus ædificat  
160. Monasteria.

Lotharius.

LVTHER Saxo. 13.

12.  
LVTHER

Gratianus Decreti compi-  
lator.

KVNRA T. 3. Suevus.  
14. annis.

19.  
KVNRA T.  
5100.

Kkkk 3

# MILLENNIUS SEXTUS.

Sub { Petrus Comestor  
Con- { Magister Historiæ  
rado { scholasticæ. Petrus  
Lombardus Magi-  
ster Sententiarum.

Bernhardus moritur.

X

FRIDERICVS BAR-

barossa. 37. annis.

<sup>10.</sup> FRIDER-  
ICVS.

X

X

ABBAS Ioachim.

X

X

HINRICVS 6. filius


Barbarossa. 7.

<sup>21.</sup> HINRICVS.  
6.

|                                             |                        |                                                                     |                                         |
|---------------------------------------------|------------------------|---------------------------------------------------------------------|-----------------------------------------|
|                                             | X                      | PHILIPPVS Barba-<br>rossæ filius. 10.                               | 22.<br><i>P H I L I P .<br/>P V S .</i> |
| Innocentius 3. Hypocrita<br>ignis.          | {                      | Franciscus mendican-<br>tes Ordines<br>sub Philip-<br>Dominicus po. | 1208. Salvem.                           |
| S.Elizabeth nascitur.                       | X                      | HETTA dux Brunf.<br>4. annis.                                       | 23.<br><i>H E T T A</i>                 |
| Honorius 3. Deus Franci-<br>sci & Dominici. | X                      | FRIDERICVS 2. 37.<br>nepos Barbarossæ.                              | 24.<br><i>F R I D E R I C U S 2 .</i>   |
| Gregorius 9. Decretalium<br>autor.          | Messias Mosis Egyptii. |                                                                     |                                         |
| S.Franciscus moritur.                       | X                      |                                                                     |                                         |
| Antonius de Padua.                          | X                      |                                                                     |                                         |
| Elizabeth Marpurgi Ca-<br>nonifatur.        | C X                    | Kkkk 4                                                              | cos5.                                   |




MILLENARIUS SEXTUS.



|                                                                                                                                          |     |                                                                                                     |                                                  |
|------------------------------------------------------------------------------------------------------------------------------------------|-----|-----------------------------------------------------------------------------------------------------|--------------------------------------------------|
| † srrjosN<br>Adolff.                                                                                                                     |     | HETTAHVLF Comes<br>a Nassau.<br>Signum crucis in vestibus<br>Iudæorum, Scruti. parte 2.<br>cap. 11. | 18.<br>HETTA-<br>HVLF.                           |
| Celestinus. 5.<br>Canis.<br>vit ut Leo, mortuus ut<br>intravit ut vulpes, regna-                                                         |     | ALBERTVS primus<br>Aultrix. 10.                                                                     | 19.<br>ALBER-<br>TVS.                            |
| Bonifacius. 8. Monstrum.                                                                                                                 | X   | Sub hoc Alberto crevit<br>Othomannus, Vnde ista fa-<br>milia Turcarum.                              | OTTO-<br>MANNVS.<br>19.                          |
| Papa Clemens. 5.                                                                                                                         |     |                                                                                                     | Sedes Pope in<br>Gallia Avind-<br>us. 74. annis. |
| Clementinarum opifex.                                                                                                                    |     | HINRICVS 7. Lucel-<br>burgensis. 6.                                                                 | 30.<br>HINRICVS<br>7.                            |
| Lyrae quæstio quodlibe-<br>tica.                                                                                                         | X   | LVDEVICVS Bava-<br>rus. 33. annis.                                                                  | 31.<br>LVDEVICVS.                                |
| Papa Iohan. 22. 19.<br>annis.                                                                                                            |     |                                                                                                     |                                                  |
|                                                                                                                                          | X   | OKAM.                                                                                               |                                                  |
| Hic finiunt. 1290. dies Da-<br>nielis. 12. à dimidio hebd.<br>ultimæ, in qua cecidit sa-<br>crificium, &c. die, pro an-<br>no supputato. | X   | Nico. Lyra complet suam<br>Postillam, ut dicit Danie-<br>lis 9.                                     |                                                  |
| Papa Benedictus II.                                                                                                                      |     |                                                                                                     | Ocranus.                                         |
|                                                                                                                                          | C X |                                                                                                     | 530.                                             |

# MILLENARIUS SEXTUS.





IOHANNES HVS

**incipit.**

**1400. Sabu.**

**Mofet.**

13.  
Mahomet.

**Innocentius 6.**

**TAMERLANES**  
Schyta, ein Schotte.

Schyta, ein Schotte.

**• រដ្ឋបាលស្ថាប័ន**

Alexander J.

**Quiz.**

Johannes z. B. das frome

**Ratvverd.**

**X R V P E R T V S Comes**

### 34. **HYPERTENS**

**Palatinus, 10. annis.**

**Sigman.**

X SIGISMVNDVS fili-

35.  
SIGISMUND-  
DYS.

us Caroli.27.

**Concilium Satanæ Con-**  
**stantiensis. 4. annis.**

**Sanctus Martyr Christi Ioannes Hus  
ab Antichristo exultus Constantiæ cū  
socio martyre Hieronymo de Praga.**

**Redit sedes Papæ ex Gallia ad urbem post 39. annos schismatis. i. post translationem sui in Galliam.**

**Martins, J.**

30.

Estimates 19.

**x**

**Burgensis additiones in  
Lyram.**

### Burgensis Scrutinium.

**Eugenius 4**

Concilium { Basiliense  
Ferrariense  
Florentinum

עוֹבְדֵי

ALBERTVS. 2.2.  
Felix, 5. in Schilmar Ba-

36.  
ALBER-  
TVS.

\$400.

C

X FRIDERICVS. 353.

37.  
FRIDERT.  
CVS.

MILLENARIUS SEXTUS.

VLADISLAVS Polo.

Rex, caesus apud Varnam  
ab Amuratz.

Nicolaus. 5.

X

EXPVGNATVR

Constantinopolis à Maho-  
mete Turca.

Calixtus. 3.

Pius. 2.

MATTHIAS Rex

Vngariz.

X

Paulus 2.

Sixtus 4.

X

X

Innocentius. 8.

Cum patre Maximilia-  
nus.

X

15.  
Mahometus.

37.  
Mahometus.

INDVL-  
GENTIAE  
Papales.


|                                                                                                                                                                                                                                                                                                                                                                                                                                                                                         |                   |                                                                                                            |                                            |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------|------------------------------------------------------------------------------------------------------------|--------------------------------------------|
| Alexander 6.                                                                                                                                                                                                                                                                                                                                                                                                                                                                            |                   | MAXIMILIANVS<br>folus. 25.                                                                                 | 38.<br>MAXIMILIANVS.                       |
| <p>Morbus novus Gallicus, alias Hispanicus coepit, Ex Insulis novis repertis in Occidente (ut dicitur) inventus Europæ, Vnum de signis magnis ante diem extremum.</p> <p>Et sub isto Maximiliano signa in cœlo mirabilia &amp; multa facta sunt, imo &amp; in terra &amp; in aquis, de quibus Christus dixit, Et signa magna erunt, ita ut nullo seculo simul &amp; plura &amp; maiora facta legantur, Quæ spem certam faciunt diem illum beatum instare brevi.</p> <p>Leo decimus.</p> | <p>X</p> <p>X</p> | <p>Pius. 3.<br/>carnatus.</p> <p>Julius 2. Diabolus in-</p> <p>Finis regni Saracenorum<br/>superborum.</p> | <p>1505. Schol.</p> <p>6.<br/>Zelimus.</p> |
| <p>INDVLGENTIAE<br/>Papales.</p> <p>Papales impugnatae per Luth. post mortem Iohan. Hus anno 102, qui est annus fere 1000. confirmati Papatus per Focam.</p>                                                                                                                                                                                                                                                                                                                            | <p>X</p>          | CAROLVS quintus.                                                                                           | 39.<br>CAROLVS<br>quintus.<br>Seymannus.   |
| <p>Adrianus. 6.</p> <p>Clemens. 7. filius Saran.</p>                                                                                                                                                                                                                                                                                                                                                                                                                                    | <p>X</p>          | <p>CONFESSIO principum in Comitibus Augustæ coram Carolo 5. &amp; imperio toto.</p>                        |                                            |
| <p>Paulus 3. Nequam.</p>                                                                                                                                                                                                                                                                                                                                                                                                                                                                | <p>C</p> <p>X</p> | <p>Hodiernus annus 1540.<br/>Annus Mahomet. 940.<br/>Papæ. 960.</p>                                        | <p>5500.</p>                               |

LIII



Sperandus est finis Mundi.

Nam sextus Millenarius non complebitur. Sicuti tres dies mortui Christi, non sunt completi, ut sic dividam.



(est completum, Sed mane surrexit, in medio scilicet diei tertiae, Sicut in medio diei primae captus est, ita nunc est medium sexti Millenarii.

1600, Jan. 1.



LIII 2

Anno 25. Vñæ Regis Iuda Olympias prima incipit.

Darius Longimanus Olympi. 78. anno 4.

Alexander Magnus Olympiade III. anno 2.

Augustus Olymp. 184. anno 3.

Christus natus Olymp. 194. anno 4.

Christus mortuus Olymp. 203. anno 3.

Quamvis Olympiadarum certitudine nihil torqueri velim, nec me, nec quencquam, dum sacræ Scripturæ certitudine fruimur.

## DE SEPTUAGINTA HEBDOMADIBVS DANIELIS.

**V**ideamus nunc Daniele de Hebdomadibus. Ab exitu Verbi de re-  
dicanda Ierusalem, &c. Contemptis (hac vice) diversis opinionibus, unam  
apprehendamus, scilicet exitum verbi esse intelligendum, coepisse anno  
2. Darii, Vbi non verbum hominis, sed Dei, per Haggai & Zachariam  
egressum est. Nec est necesse initium istius exitus, vel verbi accipere eo anno, quo  
est Danieli revelatum. Est enim anno primo Darii & Cyri (ut supra in textu) ei re-  
velatum, cum jam impleti & finiti essent 70. anni desolationis. Sicut non est necesse  
initium eorundem 70. annorum sumere eo tempore, quo Ieremiæ fuit revelatum,  
scilicet 4. anno Zedech. vel Iojakim, ut aliqui Iudæi & Lyra faciunt. Quia Daniel,  
& 2. Paralip. ult. & Esræ primo, satis docent, annos desolationis coepisse à de-  
structa Ierusalem. Et pertinet illud verbum Ieremiæ de desolatione, nihil ad hoc  
verbum, de quo Daniel novam accipit revelationem, post finitos 70. annos, jam e-  
gresso verbo solvendæ captivitatis. Nihil etiam Ieremias dicit de ædificanda Ieru-  
salem. Sed de revocando populo post 70. annos, quod ita factum & impletum est.

Igitur novum verbum post Ieremiæ verbum prædicat Angelus, nec signat ei  
initium exitus. Quia futura prophetat, non pro Daniele, sed pro populo suo. Dividit  
Angelus 70. hebdomadas in 7. in 62. & in 1. scilicet, septem hebdomadibus repa-  
rabitur platea, & fossa in angustia temporum, Hac impleta docet liber Nehemiæ,  
Qui 20. anno Darii venit, & vix perficit muros, cum interim à 2. anno Darii per 18.  
annos multa passi essent in angustia illa temporis impredientibus gentibus opus, ver-  
bo Dei mandatum. Nam antea à tempore Cyri per 24. annos simpliciter jacebat  
opus, prohibitum à rege Persarum Cambyse.

Dat igitur Angelus reparationi Ierusalem 7. hebdomadas. i. 49. annos. Tot  
enim annis ab anno 2. Darii, vix est restituta Ierusalem, ita ut plateam & fossam ha-  
beret (sic Angelus loquitur) i. ut haberet politiam constitutam in platea & pace, Et  
fossam, id est, murum, munitionem contra bellum & hostes, Da gehöret zeit zu/ daß  
eine Stadt angericht werde/beyde zum Regiment vnd wider die Feinde / daß beydes im  
schwang gehe vnd stehe. 1. Paral.

Isti anni sunt impleti anno 5. Artaxerxis Mnemonis, Adhuc gubernante Ne-  
hemias & Iojakim sacerdote, &c.

Et post hebdomadas 62. excidetur Christus, Et nihil ei. 62. hebdomadae sunt.  
434. anni, Qui simul juncti cum 49. seu 7. hebdomadis, faciunt 483. Tot sunt anni  
ab anno 2. Darii, post quem annum scilicet 483. statim in principio sequentis anni,  
qui est primus ultimæ hebdomadis, & initium 34. anni ætatis Christi, in eo (in-  
quā) ipso, est excisus, ut hic dicit Angelus, sequitur ultima hebdomada, de qua mox.

Illud (Et nihil ei) seu, quod noster de suo addens dicit, Et non erit populus ejus,  
qui cum negaturus est, sic potius intelligitur, Quod Christus excisus de terra viven-  
tium & à Iudæis crucifixus, nihil de lege Mosaica, neq; cultu ullo carnis, Sed neq; de  
Politia, aut Oeconomia aliquid habebit. Sed erit regnū ejus spirituale & æternū, in  
justitia & sanctitate veritatis. Psalm. 15. Non congregabo conventicula eorum de  
sanguinibus, Omnia nova. Et alibi, Neq; in monte hoc, neq; in Ierusalem adorabi-  
tis, Psalm. 15.



ris, Nec memor ero nominum eorum super labia mea, Hoc vigilanti verbo, Excidendi, significat Angelus, moriturum Christum & resurrecturum, & adducturum Iusticiam, & vitam sine Lege & operibus, Vnde sequitur.

Confirmabit pactum multis hebdomada una, Lege Conciones Petri Act. 3. 4. & c. Et Pauli 13. & totum illum librum, in quo docent impleta esse omnia filiis eorum per Iesum. Et ita patet, quid velit Angelus. Est autem hæc hebdomada æstimanda similis festivitati Paschæ, in qua feriabantur tota hebdomada. Ita & hæc hebdomada veri & impleti Paschatis, fuit celeberrima & sanctissima virtutibus & miraculis Spiritus sancti, & sermone omnium linguarum potenti & mirabili.

Et in dimidia hebdomadis deficiet sacrificium & oblatio. Hoc factum est Act. 15. Quando publica sententia in Concilio Apostolorum decretum est, onus Legis esse tollendum à cervicibus discipulorum, Id quod factum est fere 3. aut 4. anno post resurrectionem, id est, dimidio ultimæ hebdomadis.

Quam misere sunt excæcati Iudæi, Qui hebdomadarum saluberrimam promissionem tam stulte abjiciunt. Nam sicut Ieremias promissione 70. annorum sustentavit Populum in captivitate, ut scirent certam esse redemptionem ab illa calamitate. Ita cum futurum esset, ut post reditum à captivitate, non multo levioribus calamitatibus vexarentur (Nam in Babylone certe magnificentius sunt honorati, tam per Reges, quam per Prophetas excellentissimos, Daniel, Ezechiel, & c. dat eis Deus solatium promittens, non amplius duratura ista mala, quam 70. hebdomadas, Tunc affore ipsum Christum, qui finem faciat æterna redemptione omnibus malis. Ipsi vero finem hebdomadarum faciunt initium expectandi Christi in certo tempore, seipsos à præfinito tempore excludentes, abjiciunt sese in Chaos incerti & nunquam futuri temporis, fraudantes sese tam salutari promissione.

### SCRUPULI IN ISTA SUPPUTATIONE annorum Mundi.

Duo sunt scrupuli in ista supputatione annorum Mundi. Vnus ex narratione Stephani Actor. 7. quem facit Lucas, dicere, quod Abraham sit post mortem patris sui Thare translatus ex Haran in terram Canaan. Quod si verum est, Sequitur, Abraham fuisse natum anno Thare patris sui, 130. Quia Abraham est 75. annorum, egressus Haran, id est, post mortem patris sui (ut Stephanus dicit) Thare autem vixit, 205. annis. Ita clarum est, Abraham esse natum 130. patris sui Thare.

Contra scribitur Genes. 11. Thare 70. annorum genuit Abraham, Nahor & Haran. Durum autem & audaciæ magnæ sit dicere, quod Mose scribit Abraham esse natum 60. annis antequam nasceretur. Quia si est natus 130. patris sui (ut narratio Stephani sentit) & tamen est (ut Moses dicit) natus 70. sequitur esse eum natum 60. annis ante suam nativitatem, Hoc est (ut dixi) nimis audere.

Vtram voles sequi sententiam, per me quidem liberum sit tibi, Sed difficile erit Mosen corrigere. Ego sentio cum Mose, scilicet, Abraham vere esse natum 70. anno patris sui, Deinde egressum ex Haran ante mortem patris sui 60. annis. Sic non intercidunt 60. anni in numero annorum mundi. Deinde credo, quod Thare genuerit Haran primogenitum, anno suæ ætatis fere tricesimo. Sic enim vides omnes alios patres, Peleg, Eber, Salach, & c. genuisse circa 30. annum, scilicet festinantes mundum vacuum implere post diluvium. Quare & Thare credendus est eorum exemplo & more generasse circa 30. annum, scilicet Haran primogenitum anno fere 30. Nahor forte post, anno 40. ultimo Abraham 70. & forte ex alia (utpote) juniore. Sic enim ipse appellat Sarai sororem suam, filiam patris sui non matris suæ, seu verius neptem ex Haran fratre. Nominatur autem Abraham prior, cum sit junior, quia proprie sit anno 70. natus, Simul hoc Moses admonet, cum 3. filios Thare eodem anno natos scribat, ut cogitemus alios duos alio tempore esse natos, Quos hic repetit natos, cum Abraham dicit natum, Sicut supra filii Noha numerantur eodem anno nati, cum solus Iaphet major sit illo anno Noha natus, ut supra.

# SUPPUTA. ANNORUM MUNDI D. M. L.

Ad narrationem Stephani dici potest, Non fuisse assertionem propriam, sed e vulgo sumptam narrationem, quæ solet esse confusa & obscura. Deinde solent Evangelistæ potius indicare loca scripturæ, quam recitare, contenti breviter allegasse & remisisse ad ipsos fontes. Nam vide Matthæum 1. quomodo genealogia non respondeat historiis. Simul negari non potest, eundem locum Actor. 7. non uno modo depravatum esse per aliquos Sciolos. Iste enim error perspicuus est, quod dicit Dominum apparuisse in Mesopotamia antequam habitaret in Haran, & postea egressum de Chaldea, Mesopotamia positum est, pro Chaldea, nisi Chaldeam in Mesopotamia ponas, Alioqui jamdudum exierat de Chaldea. Vide Aug. lib. 1. de quæstionibus super Genesim, & 16. de civitate Dei, cap. 15.

## ALTER SCRIPVLVS EST IN AN- nis Ioram regis Iuda & filij sui Ahasia.

Hic omnes supputantes omittunt 20 annos, quod patet sic, Ahasia scribitur, 2. Paral. 22. esse 42. annorum. Rursus, 4. Regum 8. scribitur esse 22. annorum. Si igitur Paralippo. vera dicit, erit Ahasia 2. annis major natu ipso patre suo Ioram. Hoc si patet, Ioram est 32. annorum, cum incipit regnare, & 8. annis regnat, Qui simul faciunt 40. annos. Qua sententia (si quis sequi velit) cogetur dicere, Ahasia esse filium legalem ipsius Ioram, Sed contra hoc est, quod mater Attalia, uxor Ioram dicitur mater Ahasia. Matres vero non solent in scripturis legalium filiorum, sed naturalium matres dici.

Sequor igitur Hierony. & Lyræ, scilicet Ioram regnasse 28. Viginti autem taceri in Historia, propter ejus malitiam, qua impie & tyrannice regnavit, sed eodem annos signari in ætate filii Ahasia, ne fieret error in Historia. Ita fit Ioram pater, suo filio Iunior Ahasia 18. major natu, vel 27. ut patet.

Hac sententia stante, quam libens sequor, fiet, ut ultimus annus, ultimæ hebdomadæ, sit ipse quater millesimus annus mundi, ut vides in Chronico.

## S C H E D A.

### Solve Problema

1. Primum. Ioram Israel regnat anno { Iosaphat patris 18. 4. Reg. 1.  
Ioram filij 2.
2. Secundum. Ioram Iuda regnat anno 5. Ioram Israel. 4. Regum 8. Quomodo potest idem annus esse simul 2. Ioram Iuda & 1. Ioram Israel, denique simul quintus Ioram Israel? 4. Reg. 1.
3. Tertium, Ahasia Iudæ regnat 12. Ioram Israel, cum ab anno 2. Ioram Iudæ ad ultimum annum Ioram Israel sint 15. anni. 4. Reg. 8.

Confusissima est descriptio istius temporis Eliæ & Elisæi, sicut & regnum fuit tunc turbatissimum Idolatria & impietate Iese belis.

Pone sic, ut versa facie

Sit. A. annus Iosaphat 16. Et post eum incipiat filius Ioram regnare cum patre anno 17.

A. Ioram

A.

Annorum. 23.

Ioram cum patre. 9.

Ioram Israel tumultuarie.  
Sed post tres annos quiete.

Sic est solutū primum Problema, quod annus 2. Iorā Iuda & annus 1. Ioram Israēl, & 18. annus Iosaphat, sunt idem annus, si finem & principium copules.

Isti sunt 12. anni Ioram. Et solutum est Problema secundum, scilicet, quod Ioram Iuda regnat annos 5. (scilicet incipiente) Ioram Israēl.

Fac saltum per 20. an.

4. Reg. 8. an. 12.

4. Reg. 9. an. 11.

Ioram regnavit Ahasias. f. { principio } anni. { fine }

Isti viginti anni simpliciter tacentur in Historia, Et indicantur solum in ætate Ahasia.

X Sic solutum est Problema tertium, quod 12. annus Ioram Israel est primus Ahasia in principio & fine concurrentes.

Ideo observandum & distinguendum est in verbis duplicem regnandi intelligentiam, scilicet filii cum patre, aut filii solius, deinde principium anni in uno Rege, esse finem anni in altero rege. Hæc æquivocatio est mater erroris.

42 annorum. 2. Para. 12. Ahasias per se. 1.

Iehu. 28.

X Atalia. 7.

Vel tu da melius.

*Distingue ergo locutiones in diversa tempora, Vt Ahasias est 22 annorum cum cepit regnare (scilicet cum patre Ioram regnante) 4. Reg. 8. Et est 42. annorum cum regnat per se post patrem, Et uno anno regnavit, scilicet tacitū per saltum 10. annis, quibus cum patre impie regnavit. Sic sunt soluta Problemata, Modo scias annum 5. in Problemate secundo intelligi finem quarti, Et ille ipse annus 5. Ioram Israel, est primus annus Ioram Iuda per se regnantis, tacendū tres annos Ioram Israel tumultuarie regnantis, Sic 12. annus Ioram Israel intelliges initium eius, quia eundem regnavit annum cum eo Ahasia, in quo ambo sunt occisi a Iehu. Quæ duodecim per saltum ultra 20. annos intermissos, ponendæ sūt.*

LIII 4

ANNVS





# ANNVS CHRISTI M. D. XLVI.

## ENARRATIO D. M. L. IN PSALMUM SE- CVNDVM, COLLECTA A M. VITO

Theodoro Noribergensi, Anno XXXII, edita  
vero M. D. XLVI.

### PSALMVS II.



Vare tumultuantur Gentes, Et populi medicantur inania?  
Consurgunt Reges terræ, & Principes consultant simul, Adver-  
sus DOMINUM & adversus CHRISTUM ejus.  
Dirumpamus vincula eorum, & projiciamus à nobis funes e-  
orum.

At Habitator cœli ridet, Et DOMINUS subsannat eos.

Tunc loquetur ad eos in ira sua, Et in furore suo conturbabit eos.

Ego autem constitui Regem meum, super Zion montem sanctum  
meum.

Prædicabo statutum, quod DOMINVS ad ME dixit, Filius meus es  
tu, Ego hodie genui Te.

Postula à me, & dabo tibi Gentes hæreditatem tuam, Et possessionem  
tuam terminos terræ.

Reges eos sceptro ferreo, Et ut vas figuli confringes eos.

Nunc ergo Reges erudimini, Sinite vos castigari iudices terræ.

Servite DOMINO in timore, Et exultate in tremore.

Osculamini Filium, ne irascatur, & pereatis in via, quoniam brevi exar-  
descet ira ejus, At beati omnes qui sperant in eum.

## PRÆFATIO D. M. L. IN SECUNDUM PSALMVM.



EST SANE NOSTRA CONDITIO, QUI SERVI-  
mus Ecclesie, & docendi munus sustinemus, admodum exigua & tenuis, si eam  
cum aliis professionibus compares & mundi iudicium sequaris. Fere enim pro la-  
bore reportamus odium, & non solum contemnimur superbe, sed etiam strenue  
esurimus, cum alij & in re bene laeta sint, & in summo habeantur precio. Experimur  
autem hanc ob causam meliora ingenia nostrum hoc studium negligere, & sequi postus  
eas

tas artes, quæ in questu & cum dignitate sunt. Sed si rem recta putes via, Theologus quantumvis miser & contemptus, meliore loco est, quam omnes aliarum professionum Magistri. Quoties enim suum administrat munus, non solum proximo suo præclaram dat operam, præstantem omnibus omnium hominum officiis, quantumvis sumptuosus & utilibus, sed ipsi Deo in cælu gratissimum offert sacrificium, & vere vocatur atq; est altissimi Sacerdos. Totum enim hoc, quod Theologus in Ecclesia agit, pertinet ad notitiam Dei propagandam, & ad salutem hominum.

Cum igitur divino beneficio sublata sint abominationes impij sacrificij Papistarum, Missas dico, quas solas impius Papa cum suis Doctores sacrificij nomine ornavit, cumq; restitutus nunc sit verus cultus, nempe prædicatio verbi Dei, quo & vere cognoscitur Deus, & ornatur, Ego quoq; tanquam unus ex numero sacerdotum Dei, Psalmum secundum volui in manus sumere & explicare. Non tantum, ut vos doceam & ipse discam, Sed etiam, ut sacrificem Deo gratum sacrificium. Cur enim non sic appellarem hanc operam, quam Ecclesia Christi causa suscipio, quæq; tota ad gloriam Dei & hominum salutem comparata est, ac nobis in secundo & tertio præcepto mandata? Quomodo enim Dei nomine sanctius possumus uti, quam cum nos & alios instituimus verbo Dei? Quomodo tempus rectius possumus ponere, & sanctificare Sabbatum, quam cum hisce miseris temporibus, consolationibus scripturarum certissima eademq; gravissima pericula misigamus.

Conjungamus igitur studia & operas, ac vos audiendo, ego docendo, sicut nostra fert vocatio, præstemus Deo hunc cultum, quem ubiq; à nobis exigit, ut & in nobis ipsis tractatione hac verbi Dei confirmetur fides, & gloria Dei propagetur. Hoc est sacrificium Deo gratum & acceptum. His laborum vitulis, ut Propheta loquitur, capitur magis quam omnibus quantumvis sumptuosus & difficilibus operibus. Decet igitur nos ad tales operas tam sanctas, tam necessarias ac utiles, animo alacri accedere. Certi enim sumus, nos, dum hac agimus, non solum nihil peccare, sed occupari sanctissimis operibus, quæ certum fructum, cumq; æternum sunt allatura.

# ENARRATIO

## PSALMI SECUNDI, PER

### D. MARTINUM LUTHERUM PUBLICE

#### INSTITUTA, ANNO M. D. XXXII.

menſe Martio.

**P**orro hic secundus Psalmus, sicut ex Actis discimus, dedit primas preces & gratiarum actiones Deo in Ecclesia novi Testamenti. Collecti enim Discipuli, tum canebant & laudabant Deum, ac precabantur, ut in tantis periculis & tanto furore adversariorum confirmarentur animi, & cum fiducia verbum prædicaretur. Is locus satis probat hunc Psalmum eximii aliquid habere, Siquidem Apostoli recens Spiritu sancto impleri, ac in prima tentatione seu paroxysmo primo, cum apprehendunt, orantes, & hoc modo tum consolantur, tum muniunt se adversus omnem vim hostium. Est autem utrunq; nobis in his novissimis temporibus admodum necessarium. Siquidem & vi & dolo, deinde variis scandalis, & omni genere malorum propter verbum Dei à Satana & mundo impetimur.

Est autem Propheticus Psalmus, in quo nos quoq; laudabimus Deum, ac cum Apostolis orabimus contra furorem mundi, & certo accipiemus cum Apostolis consolationem, quam proponit abundantem, & bonis verbis ac sententiis oppositum. Hoc enim argumentum David tractat, ut consoletur & doceat Ecclesiam, de regno Christi, in vitis potestatibus mundi & æris, propagando. Quæ præcipue pertinet ad confirmandum articulum de novo Testamento seu regno Christi quod sit futurum

Apostoli hoc  
Psalmi se con-  
solantur, Act.  
4.

Argumentum  
Psalmi & præ-  
cipui eius loci.

Regnum Chri-  
sti.

*Regnum Chri-  
sti infirmum.*

futurum spirituale Regnum, Quod Christus sit Rex æternus, nullum habiturus successor, Quod etiam sit Sacerdos, qui doceat Ecclesiam, Imo quod sit natura Deus, & afferat ad nos æternam justiciam & sapientiam. Hæc cum explicantur, plena consolationum sunt, Et tamen ostendit Propheta hoc regnum in speciem adeo fore infirmum, ut putetur omnibus momentis casurum. Non enim habet fundamentum, aut robur aliquod visibile, quale regnorum mundi est, quæ potentia, opibus, populorum numero & finium amplitudine nituntur. His omnibus præfidiis hoc regnum destitutū, sine fundamento, in nudo verbo hæret, tanquam gutta aquæ adhærens situla.

*Doctrina  
Psalmi.*

Hæc fere præsens Psalmus complectitur, Igitur ad docendam Ecclesiam utilis est, ut discamus omnes hujus regni circumstantias, Qualis Christus Rex sit, Quando, ubi, quomodo sit administraturus regnum suum, Quæ cum hoc regno conveniant, quæ sint contraria, Qui hujus regni fructus seu effectus sint, Quæ species coram mundo, quæ coram Deo & in spiritu, Hæc qui norunt, certam & veram hujus regni ideam habent. Deinde valet quoq; ad consolationem. Præmonemur enim adversaturum huic regno Diabolum & mundum, ac quidquid est in mundo sublimē, opinione vel sanctitatis vel sapientiæ singularis, hoc totum vaticinatur Propheta, communi consilio Regnum hoc invasurum esse.

*Consolatio  
Psalmi.*

Sed inquires, Hæc magis terrent, quam consolantur. Minime. Nam hoc additum est, quod & Satan & Mundus, cum omnibus viribus & omni potentia sua nihil aliud efficient, quam ut Deo risum moveant, & tandem ad indignationem tantam excitent, ut perire eis necesse sit, quotquot huic regno adversantur. Hoc scire utile, & consolatione plenum est, ac ad hujus regni ideam proprie pertinet, ne turbati his scandalis, quibus regnum hoc impetitur, abiciamus animum, & frangamur. Nostro tempore successus Evangelii primo magnus erat, Sperabant enim omnes idem, quod Apostoli, priusquam per Spiritum sanctum de hoc regno docerentur, futurum, ut libertatem politicam, & tranquillitatem disciplinæ doctrina hæc afferret, Sed ubi coeptum est tumultuari à Munzero primum, qui ferebatur seditioso Spiritu, deinde à Carlstadio, Cinglio & aliis fanaticis doctoribus Ecclesiæ perturbarentur, ac jam idea propria hujus Regni cerneretur, nempe in ipsa Ecclesia turbæ, & in repub. seditiones, Deniq; in sanctis summa infirmitas, & cum, secundum Poëtam, una hæc esset salus, nullam in tot ac tantis periculis undiq; ingruentibus sperare salutem, ibi demum plurimi animis fracti resilierunt, & etiam odisse Evangelium coeperunt.

*Munzerus.*

*Scandala Ec-  
clesiæ nostræ  
temporibus.*

Hujus mali quæ causa fuit alia, quam quod conditiones regni Christi non noscent? Id enim ejusmodi est, ut undique impetatur à Satana & mundo. Hoc qui non norunt, in periculis cedent, & Evangelium tanquam seditiosam doctrinam damnabunt. David igitur, ut præmuniat animos contra hæc scandala, pingit in hoc Psalmo regnum Christi secundum omnes circumstantias, Et imprimis hanc rhetorice illustrat, quod hoc regnum tam multos & potentes adversarios sit habiturum. Inde enim sumit principium, & dicit,

I.

*Quare tumultuantur Gentes, & Populi meditantur inania?*

*Propheta admira-  
tur stultitiam  
mundi.*

Patheticum exordium hoc est, & mire apta apostrophe. Plenus enim admiratione Propheta, quid hoc, inquit, rei est, Gentes tumultuantur, Populi meditantur & consultant, Non contra regem Persarum, non contra Turcam, sed contra DOMINUM. An non ridiculi, stulti, & inanes hi conatus erunt? Nemo igitur paveat, Nemo terreri se sinat consiliis istis, quæ eventus docebit fuisse vanissima. Non enim contra homines, sicut apparet, sed contra Dominum suscipiuntur. Sic statim initio nos traducit à metu ad spem, & consolatur futurum, ut populi & gentes, nisi consilia hæc abiciant, corruant. Quia contra Deum, & non contra homines consultant.

*Adversarii  
Evangelii im-  
pugnant turbas,  
scandala, &c.*

Papistarum scripta lege, audi conciones, & invenies hoc uno eos niri argumento, quod dicunt, Nihil ex nostra doctrina enatum boni. Nam statim postquam Evangelium nostrum sonuit, secutam seditionem horribilem Agricolarum, orta dissidia in Ecclesia & scētas, dissolutam disciplinam, ac quasi effractis repagulis le-  
gum,



gum, summa licentia omnes coepisse uti, sicut profecto verum est, Major enim licentia omnium vitiorum nunc est, quam fuit superioribus temporibus, cum metu vulgaris coerceretur, quod nunc tanquam effrenis equus pro libitu agit omnia. Nam Ecclesiastica vincula contemnit, quibus prius sub Papatu tenebatur, & abutitur quoque civilis magistratus negligentia. Hæc incommoda omnia, quæ neutiquam levia sunt, adversarii nostri, nostræ doctrinæ, seu Evangelio imputant.

Sed tu paulisper differ sententiam, & prius de tota re cogita diligentius, ac in formam dialecticam argumentum redige & dispice, num bona consequentia hæc sit, Theologus iste est malus, ergo etiam Theologia est mala, Iurisconsultus iste est nequam, Ergo cognitio iuris quoque est mala. Hic Magister est scortator, ergo artes, quas proficitur, sunt scortatio. An non insanum dicemus, qui has consequentias defendat bonas & firmas esse? Et tamen nihilo prudentius colligunt adversarii. Verum hic Psalmum audi hoc prædicentem, futurum, ut, cum hic Rex incipiet Regnum suum, hoc est, cum incipiet docere, sequantur fremitus gentium, tumultus populorum, pugnae & bella Regum, studia & consilia principum. Contra quem? contra Dominum & Christum ejus.

*Argumentum  
adversarii  
vitiis est.*

Igitur præmunito conscientiam tuam, & admonitus per Spiritum sanctum hoc in loco statue, Mundum tumultuaturum, Causam autem horum tumultuum, non in Regem hunc, nec Verbum ejus conjicito, sed in Satanam & impium mundum, Ac contrarium potius statuito, ac dicito, Etsi mala sequuntur ad hujus Regis doctrinam, tamen non ideo doctrina mala est, Sed potius homines mali sunt, qui bonæ doctrinæ adversantur, & eam volunt oppressam. Hæc enim est vera & certa consequentia, quod, quanto mundus studiosius huic sanctæ doctrinæ adversatur, tanto peior & scelestior est, nec ob hominum vitium doctrina male audire debet. Iudæi crucifigunt Christum, num igitur accusabimus ideo Doctorem Christum? Præmunitos igitur esse oportet, ut dicamus, Quid ad Deum, quid ad Verbum ejus, si homines mali sunt? Hominum enim hoc, non Dei vitium est, qui ideo mittit Filium & verbum suum, ut homines salventur, Sed si nolunt, pereant sua culpa. Christus non ideo desinet esse Dei Filius, Deus non ideo abjiciet eum, quem constituit Regem omnium.

*Vera con-  
sequencia opres-  
dit, homines  
malos esse non  
doctrinam.*

Pertinet igitur principium hoc Psalmi ad erudiendos nos, ut discamus Regnum seu verbum Dei, cum venit, venire cum tumultu & furore Regum & Principum. Causam ostendit Christus in Evangelio, cum dicit, Satanam tanquam fortem armatum, tenere atrium in pace, sed cum supervenit Fortior, tum fremere, ac tentare omnia, sicut etiam Historiæ ostendunt. Quoties enim Christus conatur ejicere Satanam, quantus furor, quantæ intemperiæ exagitant obsessos? Odit enim Satan Christum, odit verbum ejus, nec vult ei cedere, aut locum dare verbo. Igitur cum instat Christus, & cogit, indignatur ac furit, & experitur omnes vires suas, commovet Reges & principes, Pontifices & Episcopos, cives & rusticos, ut se opponant verbo.

*Causa tumultu-  
um & scandalo-  
rum, Satan*

Hoc adversarii nostri non vident, atque ita ostendunt, quod prorsus nesciant, quale sit regnum Christi, tantum intelligunt, quid regnum mundi sit. Itaque cum in Christi regno pacem illam non vident, sine qua regna mundi consistere non possunt, damnant & abjiciunt tum verbum, tum regnum Christi, & anteferunt mundi regna. Psalmus autem diversum nos docet, ut regno Christi adhæreamus, etiam si tumultuatur omnes homines. Quid enim hoc ad nos? Nostra enim pax est extra illi tumultum, & consistit certa, ac Rex noster manet Rex, etiam invitis inferorum portis & mundo. Hoc mundus, & qui sapientia mundi pollent, non vident, igitur magno studio id agunt, ut nos ab hoc Rege avocent, & ad suas cogitationes nos abducant, ut nos quoque solliciti cogitemus de retinenda pace mundi. Hoc qui tentant, conferunt consilia, & sentiunt humana industria pacem retineri posse. Sed revera irriti & stulti hi conatus sunt, quos ideo suscipit mundus, quia hujus regni notitiam nullam habet. Quemadmodum enim frustra te tuis consiliis fatigas, ut Diabolum coherceas, ne insurgat contra Christum, Sic quoque frustra conaris cohibere ejus manus,

*Adversarii  
Christi regnum  
nesciunt.*

manus, oculos, linguas, pedes, hoc est, Principes mundi & impios doctores. Cum enim vix hincere ac mutire Christus incipit, innox Satan in suis membris furit, scintillant oculi, ardent manus & voluntates, ac commovet quicquid in mundo potentia & opum est, ad verbum opprimendum.

*Furor Satanae  
contra Iohann.  
Huss.*

Hanc tu discere causam esse, quod & nostro seculo seditiones, & tot in Ecclesia impia opiniones emerferunt. Est enim impatiens Verbi Satan. Igitur cum Christus per Evangelium suum nunc tonet, in toto mundo, & idolatriam ac abominationem pontificiam revelet, scilicet taceret aut dissimularet tantum sui regni detrimentum Satan, quem vidimus tam atrociter saevisse, cum à Sancto viro Iohanne Hus, tantum moralia quaedam reprehenderentur. Non enim ille, sicut nos, Missæ sacrificium, non merita, non alios cultus damnabat, Vocabat in dubium Primatum Pontificis, indulgentias contendebat non vendendas, negabat Purgatorium, quod videbat in tanto quaestu esse. Et tamen ita commotus est Satan, ut simul Germaniam & Bohemiam horribili & diuturno bello involveret.

*Spiritus S. con-  
solatur contra  
hoc scandalum.*

Docet igitur & consolatur nos Spiritus sanctus in hoc Psalmo, ut fortiter huic Regi adhæreamus, & in ipsum potius, quam in tumultus & alia scandala intueamur. Nam hæc conditio Regni eius est, ut sine tumultibus esse non possit, Non suo vitio, sed quia Satan, & impius mundus ferre hunc Regem non possunt. Hoc discere, & cum gliscunt tumultus, cum fremunt gentes, populi meditantur, Reges insurgunt, & principes consultant de hoc Rege opprimendo, tu magno animo esto, nec moveare eo periculo. Ita enim prædixit Psalmus secundus futurum, ut commoveatur totus mundus, cum hic Rex os suum aperiet. Quod igitur Reges & Principes hoc tempore contra nos insaniunt, quod Zinglius, Carlstadius, & alii movent in Ecclesia turbas, quod cives & rustici contemnunt Evangelium, nihil novi aut insoliti est, neque nos eam ob causam abjiciamus Evangelium, Sed contra gratias agamus Domino, qui nos ad hoc regnum vocavit, quod merito anteponimus paci & opibus mundi, imo propter quod & tumultus & pericula omnia libenter sustinemus, de quibus etiam sequens versus vaticinatur.

II.

*Consurgunt Reges terræ, & Principes consultant simul, adversus Dominum,  
& adversus Christum ejus.*

*Hostes regni  
Christi qui.*

Quatuor ordines hominum Spiritus sanctus commemorat, qui communi consilio huic Regi se opponunt. Primi sunt Reges seu Monarchæ, qui dignitate & potentia excellunt. Secundi sunt Gentes, hoc est, subditi Regum. Populi sunt plebes seu Respublicæ. Principes autem sunt inferiores Magistratus, & omnes qui valent consilio & sapientia. Quid igitur omisit Spiritus sanctus, quod non diceret huic Regno adversaturum? Potentia, sapientia, opes, justitia, sanctitas, sunt insignia Dei dona, & tamen his abutitur mundus contra Dei regnum. Hæc an non extrema malitia est? Memineris autem non damnari Regna, non principatus, non alia dona. Non enim sequitur, Regna mundi pugnant contra Christi regnum, ergo sunt mala per se. Sicut non sequitur, ferrum, quo latus Domini in cruce apertum est, non fuisse bonam creaturam, Sed est constituenda differentia inter creaturam, seu rem & abusum. Creatura bona est, etsi in abusu sit. Oritur enim abusus non ex re, sed ex pravo animo. Sic justitia civilis, jura ipsa, artes, studia, sunt res sua natura bonæ, sed abusus est malus, quod mundus his donis abutitur contra Deum.

*Regna mundi  
non ideo mala  
sunt, quia mun-  
do is abutitur  
&c.*

*Consolatio.*

In tali abusu pingitur hoc in loco Mundus, cum Regnis, gentibus, populis, & principibus suis, nullam aliam ab causam, quam ut præmoniti non terreamur, cum hæc nobis usu veniunt, ut mundus clamitet, Nihil esse apud nos quam hæreses, errores, seditiones, scandala, ac ideo damnet nos secure. Ipse autem de sapientia, gloria, potentia, addo etiam justitia, triumphet, ac gloriatur contra nos. Ad has voces affuescendum est, nec ideo abjiciendus animus, Præmonuit enim nos Spiritus sanctus, cum dicit, Reges se huic regno opposituros, & principes capturos consilia de eo evertendo. Hic igitur tumultus & scandalorum causa sunt, non nos, qui modesti, placidi, quieti

quiescimus, & genus doctrinæ quoque non turbulentum, sed placidissimum afferimus, Alioqui, si doctrinæ culpa acciderent tumultus isti, fieret, ut omnes essemus inquieti & turbulenti, qui eam profiteamur. Nunc autem hoc summo studio facimus, ut oremus pro pace, ut scandalorum occasiones præcidi optemus. Adversarii autem nostri, sicut ipsorum studia testantur, noctes & dies hoc agunt, ut serant turbas, ut de nostris cervicibus dicant sententias, & concitent contra nos Principes mundi, Et tamen doctrinam nostram accusant quasi seditiosa sit, & turbas excitet, se autem dicunt filios pacis esse.

**CONSOLEMV** igitur nos per hunc Psalmum, & statuamus, cum Mundus ad hunc modum furit, etsi nos petit, non tantum solos nos, sed alium peti, *Alia consolatio quod mundus cum furit, contra Dominum Deum furit.* Qui, etsi nos pauci, imbecilles, infirmi, & variè oppressi sumus, est Dominus, nec vulgaris Dominus, quales in mundo sunt, sed Dominus totius creaturæ. An non igitur mundus cum sibi maximè videtur sapere, stultissimus est? Si puer nudus le mille Cataphrattis opponeret, quis non ejus certo periculo commoveretur? Si quis accensam stipulam, Solis lumen obruiturum polliceretur, quis non rideret? Sed in hac ipsa stultitia, in hoc certo periculo mundus perpetuo versatur, Siquidem se verbo & Ecclesiæ opponit. Opponit enim se ipsi Domino & Creatori omnium rerum. Hanc fiduciam & consolationem Psalmus animis nostris vult instillare. Opus autem est nobis amplo & vasto oculo, ut uno aspectu omnes Reges cum omni sua sapientia & potentia hauriamus, & ducamus eos pro stipula accensa, quam uno spiritu extinguere potest, is, qui cælum, terram, & omnia condidit.

Gentes, reges, populi, principes, si humano modo æstimes, sunt immensum quiddam, Ideo trepidamus quando nostram imbecillitatem cum ipsorum potentia comparamus. Sed quid docet hoc in loco Spiritus? Opponit huic infinitæ quasi potentie, unicū **DOMINVM**, & miratur quod mundus tam stultus sit, ut putet se aliquid contra Dominum effecturum, cum revera sit, sicut scintilla ignis, comparata ad totum mare, *Mundus contra Deum tanquam scintilla contra mare.* Q. d. Nonne extrema stultitia est, quod scintillam parvā conari totum mare exiccare? Sicut autem nos ipsi cum in periculo sumus, hæc vix credimus, Ita quoque Reges & Principes nunquam sibi hoc persuadere patiuntur, quod sint scintilla, putant se mera incendia esse. Sed eventus & experientia aliter docuit summos Monarchas jam inde ab initio mundi, qui se huic Domino opposuerunt.

Igitur omnis Emphasis in eo est, quod in secundo versu dicit, Fremere gentes, Disputare populos, Reges concitari, Et consultare principes, contra Dominum principaliter, deinde etiam contra Christum seu Messiam ejus. Non enim frustra primo loco **DOMINI** meminit, sed vult ostendere nobis, quod Deus pater principaliter petatur à furente mundo, Etiam si mundus non Deo Patri, conditori omnium rerum, neque Papistæ hodie, Filio ejus Domino nostro Iesu Christo, quem & ipsi ore confitentur Salvatorem mundi, Sed Evangelio ipsius, quod sapientibus hujus sæculi est stultitia, & suā propriā justiciā tumentibus est scandalum & hæresis, sese adversari dicant. Ut neque Iudæi videri volebant sese adversari Deo, cœli & terræ Creatori, sed doctrinæ Iesu illius Nazareni, quem non ut filium Dei, in Mose & Prophetis promissum recipiebant, sed ut hominem seditiosum & blasphemum persequerentur, & tandem interficiebant.

Quia vero est Christus Patris, hoc est, à Patre constitutus, & missus, ut sit *Qui contra Christum fuerunt, contra Dominum fuerunt.* ceu sol contra mundum, qui tanquam scintilla est, Fit ut omnes, qui hunc filium aut abijciunt, aut se ei opponunt, in ipsum Deum creatorem omnium impingant. Vtrinque igitur fallitur mundus, quantumvis de sua sapientia magnificè gloriatur, Primum non videt hunc magnum Dominum, contra quem insurgit. Deinde non videt suam infirmitatem, quod sit ceu obscura & parva scintilla, collata ad jubar solis. Nos autem sumus recti æstimatores, ac sumamus judicium, non ex opinionibus mundi, sed ex verbo, id mundum cum omnibus suis

M m m m

Viri.



viribus comparat languenti scintillæ, hæc si conatur mare extinguere, in mo-  
*Non nos, sed* mento absorbetur & obruitur. Qui hoc credit, veram Christi & ejus regni co-  
*Christum perfe-* gnitionem habet. Sed consolatio in hoc major & abundantior est, quod non  
*quitur mundum.* nostumus, qui petimur ab irato & furijs agitato mundo, sed petitur ipse Chri-  
 stus Dei, qui est caput Ecclesiæ, & ipse Deus, qui est caput Christi, sicut Paulus  
 loquitur. Quid igitur obtinebit mundus? aut quomodo periclitari nos pos-  
 sibile est? Certè quem Deus constituit Christum, hunc mundus opprimere non  
 poterit, nec poterit etiam debellare, aut cœlo deturbare Dominum. Cur igitur  
 pauemus, cur trepidamus ad tam stultos & irritos conatus? Cur non potius  
 ridemus extremam mundi stultitiam?

*Cantandum bis  
 Psalm. etiam  
 à nobis, &c.*

Igitur in nomine Iesu, quem Pater constituit Christum, cantemus nos  
 quoque in nostris Ecclesijs hunc Psalmum, sicut Apostoli eum cecinerunt, Et  
 explodamus adversariorum postorum celebre argumentum, cum regere nos  
 conantur, & obijciunt, quid boni ex nostra doctrina enatum sit, Siquidem, se-  
 ditiones, bella, hæreses, sectæ, magno numero post sparsum Evangelium exor-  
 tæ sunt, Explodamus, inquam, has voces, & insultemus potius eis cum Spiritu  
 sancto dicentes, Quare fremunt gentes? populi cur frustra consultant? cur Re-  
 ges congregantur adversus Dominum? & principes ineunt consilia contra  
 Christum ejus? Si enim mundus vellet facere officium suum, oscularetur fi-  
 lium, Patris mandatum de filio amplecteretur, Nunc neutrum facit, movet ar-  
 ma, parat bella, excitat sectas, videlicet ut statuamus Spiritum sanctum non  
 mentitum, qui tanto ante per Davidem servum suum prædixit, futurum, ut cum  
 hic Rex cum suo tonitruo veniet, commoveatur non una aut altera arbor, sed  
 totus orbis terrarum, & quidquid in mundo magnum est, sicut in alio Psalmo  
 dicit, turbari terram & moveri montes.

Itaq; etiam pijs obrepunt hæc cogitationes, ut optent potius tacuisse se,  
 quàm lucutos esse, siquidem tanti motus excitati sunt. Sed procul abijce eas  
 cogitationes & statuè, majores res hic geri, quàm tranquillitas mundi & pax est,  
 cum omnibus opibus mundi. Hoc enim agitur, ut quem Deus Pater constituit  
 Christum, is agnoscat, exaltetur & adoretur, Hoc qui nolunt facere, illi sa-  
 nè fremant, indignentur, furant, misceant cœlum terræ. Dominus tamen,  
 qui Christum suum constituit, eos abijcet in infernum, verbum autem & Ec-  
 clesiam, & Ecclesiæ suæ caput Christum servabit in æternum, Amen.

III.

*Dirumpamus vincula eorum, & projiciamus à nobis funes  
 ipsorum.*

*Causa cur  
 mundus fre-  
 mit.*

HIC exponit Spiritus sanctus causam fremitus, & qualia captent consilia,  
 quidue inter sese disputent Reges & Principes, Quod scilicet hoc omnibus vi-  
 ribus & conatibus agant, ut dirumpant vincula Christi & Patris. Hoc enim Sa-  
 tan agit, ut non solum humiliet, ut non solum occidat nos, qui docemus & cre-  
 dimus, Sed ut verbum, nomen Christi, Baptismum, & quicquid Religio nostra  
 habet, penitus obruat, & aboleat. Cum igitur summa fide docemus Christum,  
 incipit furere, occupat voluntates Principum, Regum, sapientum, potentum,  
 multitudinis deniq; Hi communẽ consilio omnes in id incumbunt, ut vincula  
 hæc dirumpant, hoc est, Verbum ut extinguant, & Idololatriam tueantur.  
 Vtrinq; igitur urgemur à Satana, qui & vi & dolo instructus est, Vim intentat  
 per Reges, Gentes, Principes, Populos, Dolo autem vitur cum fingit in nobis  
 opiniones, quomodo simul & retineri verbum, & pax salvari possit. Abhorre-  
 mus enim natura omnes à turbis, quarum incommoda nota & ob oculos sunt,  
 & amamus pacem, pulcherrimam rerum, ut ille ait. Sed qui his cogitationi-  
 bus indulget, paulatim eo pertrahitur, ut studio pacis regnum Christi amittat.

*Pax pulcherrima  
 est regnum.*

Discamus igitur oculos figere in hunc Regem nostrum & eum observare,  
 nec moveamur strepitu armorum & turbaram, quæ excitantur, Quia statuamus  
 Reges,

Reges, Principes, Gentes & populos, ac totum mundum, cum se huic Domino opponunt, esse pulvisculum, Christum autem esse ingentem montem. Hoc qui fixum habet in suo animo, non movebitur Satanae & mundi conatibus, Nascentur sectae, & turbantur Ecclesiae. Quid ad me inquiet? Pereat totus mundus, & maneat mihi salvus Christus. Pulcherrima rerum pax est, sed hæc si retineri non potest, quid perit, nisi scintilla quædam creaturarum. In Christo autem mihi manent justitia, salus, & vita æterna. Hæc sunt vera bona, ad quæ si conferas pacem mundi, & alia huius vitæ commoda, nihil sunt, sunt enim incerta & brevis temporis. Ad hunc modum consolari nos debemus, alioqui fiet, ut moti his corporalibus incommodis, nisi spiritualia & æterna opponamus, trepidemus, angamur & quetulemur tanquam in magna calamitate, & ex hac scintilla tandem nascetur incendium, quod hauriet & devorabit Christum in nobis cum omnibus suis donis.

*Quomodo con-  
solari nos de-  
beamus contra  
scandala.*

Videt David in Spiritu furorem mundi, tota vi se opponentis Christo, sed non ideo turbatur animo, Nobis in exemplum, ut nos quoque Turcam, Pontificem, Reges & Principes non curemus, cum se huic Regi opponent. Sunt enim stulti & cæci, nec vident, dum Evangelium student opprimere, rem impossibilem se tentare. Sic reliqua quoque scandala superemus. Munzerus seditionem excitat in Turingis, Carlstadius & Zinglius excitant horribiles in Ecclesia turbas, dum persuadere alijs conantur, in cæna non corpus & sanguinem Christi ore accipi, sed tantum panem & vinum. His adiungunt se alij, & paulatim perniciosum hoc dogma implet Gallias, Italiam, & alias nationes. Magnum profecto malum utrinque, quod & politia & Ecclesia sic concutitur. Quid igitur faciemus nos, qui harum turbarum non autores sed spectatores sumus? Num ideo ad mortem usque nos excruciamur? Sicut ego profecto non semel feci, & dum mederi his malis volo, sic sensi me vulnerari, ut (testis est Deus) fides mea graviter periclitaretur & infirmaretur.

*Magna scandala in Ecclesia.*

Sed tandem vidi, Dei beneficio, has ipsas cogitationes, curas, tristitias, dolores animi, nasci ex mera ignorantia regni Christi, & nocenti stulticia. Igitur resumpsi animum & dixi, Fiunt hæc sine mea culpa, igitur autores horum malorum se excrucient, non ego. Faciam & conabor quidem omnia, an possim mederi aliquid his malis, Sed si id non possum, non ideo absumar dolore. Si Satanae vnus Munzerus, Carlstadius, Zinglius non satis est, excitet plures. Scio hanc huius Regni esse naturam, ut Satan id terre non possit. Is manibus & pedibus obnixè dat operam, ut turbet Ecclesias & verbum oppugnet. Quod autem postea clamor ingens excitatur, Nasci turbas, quæ antea non fuerunt, pacem tolli, accendi licentiam vulgi, Has querelas multi iustas esse existimant. Sed isti cur non etiam queruntur de contemptu Evangelij tanto? de pertinacia ingenti adversariorum verbi, & fremitu indigno, de contumelia qua Christus afficitur? Scilicet pacis commoda pluris, quam Christum, faciunt, His magis moventur, quam gloria Dei, & salute animarum. Sed si te hæc tantæ res non movent aut perturbant, an non putas Christum tibi dicturum, Si incommoda mei Regni te non afficiunt, si de meo regno sic variè & indignè lacerato non doles, cur ego dolorem de tuis incommodis, de turbata pace & alijs? Quin pereas tu potius penitus, quam Regnum meum pereat.

*Consolatio contra scandala.*

Ad hunc modum optabile esset, cognosci rectè & Regem hunc, & Regnum ejus, Sic fieret, ut contemnentes eum, nos quoque contemneremus, & tantum huius Regis opibus fideremus, non opibus aut commodis mundi.

VIDE enim quanta adversariorum sit improbitas? Evangelium, quod gratiam Dei nobis annuntiat, quod justiciam promittit & vitam æternam, hi vinculum & funes seu jugum appellant. Quid autem facias cum tam perduto mendico, cui si mille aureos dono offeras, donum illiberaliter abijciat, & oneri sibi fore dicat? An non dignum iudices, qui famè & siti pereat? Sed hoc ipso pec-

Mmm a cato

cato Reges, principes, gentes & populi Deum irritant. Donat eis verbum, & cum hoc vitam æternam, Sed ipsi ideò arma arripiunt, ne his donis frui cogantur, movent ideò bella & omnia turbis implent, quod promittit Deus, se propter Filium condonaturum peccata, & daturum omnium rerum abundantiam etiam in hac vita. An non igitur dignus mundus est, qui æternis flammis subijciatur.

*Totus mundus regno Christi resistit.*

Memineris igitur regnum Christi esse ejusmodi, cui resistit totus Mundus, & præcipuè quicquid in mundo, dignitate, potentia, sapientia, justitia, & opibus valet. Confirmandi igitur animi sunt, ne ideò trepident ac cogitandum, quod vitari aut caveri hæ turbæ nulla moderatione nec ratione alia possint. Mundus enim sui similis est, & præbet se facilem ad officia Satanæ, qui verbum extremè odit, Quin nostra caro, & carnis sapientia cum ipsa conscia nostra huic regno & Regi se opponit. Nemo igitur existimet joculariam rem se suscipere, cum profitetur Verbum & fidem in Christum. Sentiet enim adversarios Reges & Principes, quos Satan excitat. His etsi pares non sumus, tamen Deus vult nos cum eis congregari, ut amplificet gloriam suam, & ostendat sapientiam ac potentiam suam in nostra infirmitate, suppetens de coelo virtutem, cui ne Inferorum quidem portæ possunt resistere, ad confundendam sapientiam & potentiam omnium adversariorum Verbi.

*Deus ostendit potentiam suam in nostra infirmitate.*

Habes igitur hoc in loco, cogitationes, studia, disputationes Regum & Principum, Gentium & Populorum descriptas, imò etiam carnis tuæ, & conscientia tuæ, quàm Dabolus etiam vexat, ut cogites de dirumpendo vinculo & proijciendo jugo. Reges & Principes vi & armis utuntur, Cor autem tuum per infidelitatem contra hoc Regnum pugnat, cum de promissionibus dubitat, cum consolationem de remissione peccatorum, de gratuita justitia, & vita æterna non admittit. Oportet igitur nos esse præmunitos, ut cogitemus, sicut paulò post Psalmus dicet, Hunc Regem à Deo patre constitutum. Si igitur mundus furit, si conscientia tua trepidat, confortare & robustus esto, ne deficiat fides tua. Regem hunc nemo deturbabit de suo solio, in quod eum Deus pater collocavit, & tanto antè de his periculis à Spiritu sancto per sanctos Prophetas admonitus es, Prævisa igitur jacula minus nocebunt.

Sic Sirach admonet, Fili accedens ad servitutem Dei, sta in justitia & timore, & præpara animam tuam ad tentationem, Deprime cor tuum, & sustine, & inclina aurè tuam, & suscipe verba intellectus. Qui igitur non vult in aciem prodire, sed signa deserere, is prorsus ab hoc regno abstineat. Diabolus enim nunquam cessabit per ora Principum & Regum, per impios Doctores, imò etiam per tuam conscientiam hunc versum canere, Dirumpamus vincula eorum, & jugum eorum proijciamus à nobis. Sed collige te, & dic mihi verum, An non horribilis hæc tentatio, & peccatum gravissimum sit, quod mundus Evangelium, hoc dulce nuntium de remissione peccatorum, & vita æterna, per Christum nobis parat ac gratis donata, appellat vincula & jugum? Omnia totius mundi regna intueri animo, & videbis dissimilima, & ut ita dicam, diversissima esse inter se, non solum quod ad potentiam carnalem attinet, sed multò magis quod attinet ad religionem, leges & mores.

*spiritus*

Vnica Roma quot habuit idola? Quot Græcia? Quot Aegyptus, & tamen nunquam religionis causa, quæ diversissima fuit, moverunt arma. Romani, etiam cum Domini Græcorum essent, non ideò, quia cultus diversi essent, Græcos oderunt, sed potius ipsorum cultus amplexi sunt, sicut historiz ostendunt de Eleusynijs sacris, de Dracone Epidaurio, de simulachro Idææ matris, &c. Hanc infinitam diversitatem Mundus tulit æquissimo animo semper. Apud nos quoque ante Evangelij lucem, quanta dissimilitudo erat cultuum, non solum differentium secundum Dioeceses, sed etiam secundum singula templa? Hæc neminem unquam offenderunt. Sed quando Christus cum suo Evangelio adve-

*Mundus omnes errores tolerare potest, Evangelium non potest.*



advenit, ut hanc differentiam tollat, & in vnum corpus omnes cogat, Ibi, qui religione diversissimi sunt, inter se omnes conspirant, & quasi vnum fiunt, ad opprimendum hoc Regnum. Quid enim Papæ regnum fuit aliud, quam monstrum diversorum capitum, præsertim si Monachos spectes, quorum hic Augustinum, ille Franciscum, tertius Dominicum, quartus Benedictum, reputavit, dignum esse, cui nomen daret. Hanc diversitatem Papa toleravit, & quam ipsi Monachi inter se odissent Vatiniano odio, tamen, cum jam Evangelizatum est, consentiunt in eo oppugnando, & vnanimes conferunt consilia, operas & opes suas. Hoc quis non vidit Satanæ dolis fieri, qui omnes alias Religiones tolerare potest, hanc vnam autem, quæ vera est, odit & persequitur, ac facit, ut homines judicent eam intolerabile esse jugum?

*Papæ mon-  
strum diverso-  
rum capitum.*

Cur autem hoc mundus facit? Tamen Evangelium nihil aliud agit, quam ut liberet conscientias à pavore mortis, ut & remissionem peccatorum credamus, & per filium Dei pro nobis traditum retineamus spem vitæ æternæ. Sic autem docet hæc Evangelium, ut neque Magistratus, nec leges, neque opes, nec alia, aut damnet aut tollat, aut mutet, Sed relinquit ista suo loco, & tantum de conscientijs sanandis cogitat, ne oppressæ peccatis & metu mortis, sine consolatione & auxilio sint. Cur igitur mundus hæc non admittit? Cur jugum, cur vincula vocat, & tolerare recusat? Respondeo. Iusticiam suam non vult amittere, Sapientiam suam non vult confundi, Gloriam denique & potentiam suam non vult deserere, & ut vno verbo dicam, primum præceptum nec vult, nec potest servare, Sed pugnat contra id, omnibus viribus voluntatis, intellectus, & fortunarum. Deum debebat amare & anteferre omnibus, Sed amat se & sua, Iusticiam Dei debebat solam extollere & eam niti, Sed tanti facit suam iusticiam, ut Dei iusticiam prorsus non curet. Itaque sicut Simia prolem suam, sic mundus tantum ea, quæ mundi sunt, amat, his gaudet, superbit, inflatur, reliqua quæ extra se & tantum in fide posita sunt, supinus negligit, & tanquam ignotum thesaurum calcatur pedibus.

*Cur mundus  
Evangelium  
vocat vincula  
& jugum.*

At Evangelium hoc vnicè agit, ut Christum proponat animis atque oculis omnium, in eum vnum intueri, ab eo vno pendere, eo solo niti ac fidere jubet, qui indutus carnem nostram, in carne nostra vicit Satanam, occidit mortem, & infernum populatus est ac destruxit. Hunc vnum prædicat sapientem, quia solus Dei Patris voluntatem scit & facit, Hunc solum vocat justum, quia non solum peccatum nullum fecit, sed suam iusticiam communicare omnibus credentibus in eum potest & vult, Hunc solum dicit potentem, quia solus Fortem, custodientem atrium suum, vicit & spoliavit. Igitur ejus sapientia, iusticia, & potentia vult nos confidere, ac tunc demum nos quoque promittit sapientes justos, potentes, fore. Qui si hac sapientia destituamur, verè stulti, peccatores & imbecilles sumus. Sed mundus tanquam vincula, doctrinam hanc disrumpe- re, & tanquam jugum proicere à se conatur.

*Evangelij  
summa.*

Sic omnis contentio est cum hoc Rege de primo præcepto. Et Spiritus sanctus in hac Prophetia præcipue confirmare animos nostros voluit contra hoc scandalum, quod potentissimi Reges & Principes, sanctissimi & sapientissimi homines, quorum sapientia, Regna & Respub. gubernantur, quorum iusticia & æquitate florent, huic Regi se opponunt, Nullam aliam ob causam, quam, quod non volunt coram Deo stulti esse, Non possunt ferre, cum audiunt, leges, disciplinam, honestatem & alia bona opera, ad vitam æternam, & remissionem peccatorum consequendam, esse inutilia. Igitur tumultuantur, furunt, consultant, insurgunt contra Evangelium tanquam seditiosam doctrinam & perniciosam, quæ det occasionem licentiæ, quæ prohibeat bona opera, aut saltem ab- hiciat & damnet, siquidem ad iusticiam nihil valere dicit.

*Judicium mun-  
di de doctrina  
Evangelij.*

Quam autem vera hæc sit accusatio, æstiment boni. Non enim damnat bona opera Evangelium, hoc enim esset Legem damnare & tollere, Quin po-

trius stabilit legem, sicut Paulus docet, cum ostendit rationem, qua legi possit satisfieri, & assidue hortatur ad legis studium & bona opera, Hoc vnum prohibet, ne in his fiduciam ponamus justiciæ coram Deo. Hanc enim docet collocandam in ipsum crucifixum filium Dei. Hunc cum fide amplectimur, promittit nos justos esse coram Deo, etsi coram nobis & mundo simus peccatores, Promittit potentes esse, etsi simus infirmi. Sapientes, etsi simus coram mundo stulti. In hunc igitur crucifixum Dei-filium jubet ut confidamus. Sed mundus id facere recusat, quia hanc justiciam, potentiam, sapientiam non videt. Non igitur vult præsentia, quæ videt ante oculos, & manibus tenet, amittere, & alligari invisibilibus & nusquam apparentibus, de quibus Evangelium concionatur. Ideo vinculum, ideò jugum vocat, quo ligatur & premitur, ne sapientiam, justiciam, potentiam quam habet, aliquid esse putet.

Hinc nascuntur illæ voces. Quid? Igitur homo nihil est? Igitur arbitrium non est liberum? Igitur Deus causa est damnationis impiorum? Cur enim non creavit justos? Igitur Majores nostri, qui hæc ignorarunt, omnes damnati sunt? Vos autem soli sapientes, justi, salvi estis? Hæ voces passim audiuntur & leguntur. Nec sanari cæci homines possunt, siquidem audire nolunt. Sedulo enim monemus, scribimus, concionamur, clamamus, sapientia, potentia, & alijs Dei creaturis, utendum in hac vita, ad præsentia negotia gubernanda & constituenda. Ibi locum esse, in quo ratio nostra, tanquam in suo stadio, decurrat, faciat & curet, quantum possit, Sed coram Deo omnia hæc nihil esse, neque valere quidquam, Requirit enim ibi meliorem justiciam, & majorem potentiam quam nostra est. Sed surdo narratur fabula, Reclamant enim, & vocant vincula & jugum intolerabile, quod vident sapientiam & justiciam suam coram Deo, tanquam inutilem & inefficacem ligari. Nolumus hunc regnare super nos, Gloriant sicut Iudæi, ac damnant pariter doctrinam, & eos, qui doctrinæ huic assentiuntur, Appellat seditiosos, hæreticos & diabolicos. Ipsi autem, sicut Pharisei & Scribæ, gloriantur de cathedra Moysi, de nomine Ecclesiæ, ac soli iusticiæ & sapientiæ possessionem sibi, etiam armis & gladio vendicant.

Hæc mundi facies est, Odit Regem Christum & regnum ejus, ac tentat omnia, quæ ad hujus regni oppressionem facere judicat. Quæ autem Ecclesiæ in tantis periculis spes est?

*At habitator cæli ridet, Et Dominus subsannat eos.*

IIII

Hæc est Spiritus sancti vox, per os Prophetæ emissa, propter nostram pusillanimitatem & paucitatem, quam videt, Deinde propter multitudinem & potentiam Regum & adversariorum. Quidquid enim in mundo sublime est, hoc totum confluit & conjungit vires contra Ecclesiam, quæ sicut numero parva est, ita fere destituitur omnibus illis donis, quibus mundus insolescit. Cum igitur obruitur scandalis, quasi aquis maris, cum tot Regum arma, potentiam, opes, quibus oppugnatur, æstimat, pavet ac trepidat, Nam cor humanum, non est ferreum, aut saxeum, sed carneum ac molle, Itaque afficitur in tam certis periculis. Non enim hoc agitur, ut Christianus contra se, vnum aliquem hostem habeat, Reges & Principes, Gentes & Populi, sicut Spiritus sanctus hoc in loco vaticinatur, contra eum insurgunt, Imò omnes Diaboli vnum impetunt & oppugnant, ut integra de scrupulis, quibus conscientia exercetur, nihil dicam.

Hostes pium  
multis, pœni-  
tes, &c.

Consolatio  
Spiritus sancti  
contra mundi  
furorem.

In hoc tanto periculo Dominus misericors venit per verbum suum, & opponit huic multitudini malorum & scandalorum alias res longe majores. Non solum enim dicit, sicut in 10. Psalmo, Oculi Domini respiciunt in pauperem. Sed de illis Ecclesiæ hostibus & omnibus eorum conatibus dicit, Habitator cæli ridet, & Dominus subsannat eos. Sic haurit vno verbo consolatorio, quidquid est furiosorum hominum, principum, Regum, & Dominum. Magni quidem sunt, qui adversantur Ecclesiæ & potentes, sunt etiam multi, pollent sapien-

Psal. 10.

sapientia, habent opinionem iusticiæ, Contra nos sumus pauci & infirmi, Præterquam igitur quod obruimur multitudine & magnitudine majestatum mundi, etiam conscientia nostra, & nobis nota infirmitate sollicitamur & angimur. Discenda igitur hæc consolatio est, ut tam horribili imagine non confundamur, sed dicamus, Scio ego quoque vnum, qui habitat arcem munitissimam & inaccessibilem, ad quam non solum Principes & Reges, sed ne quidem Satan accedere potest. Hi enim omnes aut in terra, aut aëre sunt, Sed hujus Regis domus est ipsum cœlum, ubi nec hominum, nec Satanæ potentia aliquid valet.

Præ contemptu igitur adversariorum Ecclesiæ, non nominat quis ille in arce cœli sit, Simpliciter dicit, Ioshefbaschaim, habitans cœlum. Hunc, opponit cum fiducia & contemptu, spiritu & fide plenissimus, omnibus mundi & inferni furijs, Q. d. veniant Gentes & Reges, Populi & Principes, veniant Anabaptistæ, Sacramentarii, seditiosi, & alij sectarii, Non ideo, quia in terra potentes sunt, cœlum conscendent, Sunt misera reptilia terræ, Ibi tumultuantur, furunt, consilia capiunt. Quid autem facit cœlum habitans? Num metuit sicut nos, Num trepidat aut commovetur? Plane non, sed ridet stulticiam, & vanos hominum conatus. Hæc est nova & inaudita vox. Nam ratio pronunciat, aut non videre talia Deum, atque ideo omnia temere ferri, Aut si videt & non reprimat malos, imbecillum esse. Videre enim & pati indigna, quæ prohibere possis, putat injustæ & iniquæ mentis esse. Tali honore ratio Deum ornat, ut judicet, aut stultum esse, qui multa nec videat, nec sciat, aut malum, quod quæ videt non prohibet.

*Hostes Ecclesiæ.*

*Mundi judicium de Deo.*

Contra has Blasphemias Spiritus sanctus nos hic munit, ne ideo existimemus Deum, non videre impiorum conatus, siquidem ad eos connivet. Turcæ quanta & quam indigna crudelitas & immanitas est? Pontifices & Episcopi quanto odio ardent contra verbum & vera Ecclesiæ membra? Tyrannorum quoque odiosa consilia sunt. Hæc ne putemus ignorare Patrem nostrum in cœlis, aut abscondita esse ab ejus oculis, Videt, sed non ita citò ad iram commovetur, sicut nos, Dissimulat iram, ridet ad tempus, Non solum quia videt frustra esse conatus tales, Sed quia concedit spacium poenitentiae.

*Turcæ.  
Pontifices.  
Tyranni.*

Hæc est spiritualis cogitatio, qua erudiri Ecclesiæ & singula ejus membra debent, ut rapiamur nos quoque à visibilibus ad invisibilia. Visibilia & tangibilia sunt, furor mundi, tyrannis Turcica & Pontificia. Sed hic risus Habitatoris cœli est nobis invisibilis, credi itaque debet, tum fiet, ut nos quoque rideamus, siquidem hostes Ecclesiæ meditantur inania. Nam quod Spiritus sanctus Deum ridere dicit, & subfannare impios, id propter nos fit, ut nos quoque rideamus cum Deo, & non ringamur, aut trepidemus, quando Pontifices, Episcopi, Principes, Reges hoc agunt, ut vi opprimant Euangelium, quando denique Satan obruit Ecclesiam varijs scandalis, sunt enim inania consilia. Sed experimur hunc risum nobis penè impossibilem esse, quia neque visibilia contemnere, nec invisibilia apprehendere possumus, vim & potentiam Regum & Principum, sapientiam mundi, malitiam Satanæ, denique peccati & conscientiae nostræ onus sentimus, ideo non ridemus, sed ejulamus, deficimus, desperamus, & omnem vitam hac ratione nobis acerbam facimus. Sed male. Quid enim proficimus, etsi ad mortem usque contristamur. Nunquam enim sanabitur mundus, Satan nunquam fiet mitior.

*Deus cui ridemus.*

*Nos quoque rideamus.*

*Visibilia nobis prohibent risum.*

Discamus igitur erigere animos nostros in talibus periculis, & cum Deo nostro rideamus, quem certum est non risurum perpetuo sed aliquando etiam succensurum impijs & eos conturbaturum, sicut statim sequetur. Eo autem facilior nobis erit risus, si non obliti fuerimus ejus, quod supra dixit de Domino & Christo ejus. Hoc enim certo nobis est statuendum, quod omnes istæ tentationes, omnes isti fremitus & furores mundi concitantur in nos propter Christum. Hic solus causa est, cur male propicium habeamus mundum & Sa-

*Omnis tentatio erit propter fidem.*



Christiani ten-  
tantur de pec-  
cato.

tanam, imò etiam ipsum cor nostrum, Sicut ipse dicit, Iohan. 15. Si essetis de mundo, mundus quod suum est diligeret, Nunc autem quia vos è mundo de-  
gi, odit. odit vos mundus. Idem de Peccato quoq; accidit. Quis enim, non mi-  
retur, quod mundus, qui in peccatis vivit, qui peccatorum remissionem non so-  
lum non credit, sed oblatam in verbo etiam respuit, tamen vivit in summa se-  
curitate. Contra vera Ecclesiæ membra, quæ remissionem peccatorum au-  
diunt, amplectuntur, & credunt aliquo modo, hi soli exercentur pavoribus diu  
ac noctu, ac tantum non absorbentur dolore.

Hujus rei quæ causa est? Alia nulla, quam quod sunt Christiani, & verbum  
Christi amplectuntur. Ideò acuit eis Satan peccatum, exercet eos pavoribus,  
mortis & damnationis æternæ, nec vnquam quiescere pia corda sinit. Quid igitur  
faciemus nos? Ejulabimus & querulabimur, abijciemus animum & immo-  
riemur luctibus? Minimè. Nihil enim hoc modo proficiemus. Erigamus igitur  
tur potius capita, sicut Christus jubet, cum de suo adventu vaticinatur, & furen-  
te Satana ac mundo (imo etiam peccato & conscientia nostra in nobis) ridea-  
mus. Quia enim poena impiorum adhuc cessat, certum est Deum quoq; ride-  
re, qui in cœlis est, nec ab impijs inde deturbari potest. Merito igitur ridet ir-  
ritos canatus. Et nos quoq; cogitemus nos risuros, si tam alto in loco, & tam  
munita arce sederemus. Statueremus enim, etsi Regum, Principum, ipsius Sa-  
tanæ quoq; potentia & furor maximus est, tamen eos hic infra mansuros in ter-  
ra, neq; ad nos vsq; penetraturos, Sed aperiunt hæ cogitationes nostram infide-  
litatem. Sumus enim omnes nos, qui credimus in Christum, revera in eodem  
cœlo, in quo Dominus habitat, Si non secundum carnem, tamen fide & verbo.

A visibilibus  
transcendendum  
ad invisibilia.

Ad hunc modum à visibilibus transcendendum est ad invisibilia, & trans-  
ferendi oculi atq; animus à præsentibus ad cœlestia, vbi turbæ illæ, non solum  
sunt inanes, sed antè annos mille & quingentos victæ. Sic enim dicit Christus,  
Confidite, ego vici mundum, Et de iudicio nos consolatur, Principem mundi  
jam esse judicatum. Cum igitur victi hi hostes restaurant bellum, nihil aliud  
faciunt, quam vt Deo risum moveant. Pueri suaves nobis reddunt ludos, cum  
stipula arrepta, tanquam cultro, canes aut sues jugulare conantur. Nec tenere  
quisquam nostrum risum posset, si videret fatuum, virgula in manus sumpta,  
magno molimine contra Turrim currere, & sic conari, vt evertat turrim, Stul-  
tus enim & irritus is conatus esset. Ad hunc modum de mundi molitionibus,  
apparatu, potentia, ira, furore cogitaremus nos quoq; si animis & cogitationi-  
bus conscenderemus ad eum, qui est Habitator cœli, & eum rectè intueremur.  
Ad hunc enim si conferas Turcam, Pontificem, Episcopos, Reges, & Principes,  
& totum Satanæ regnum, an non similes fatuo tali erunt, qui moliatur vastam  
turrim baculo evertere? Ludos igitur & jocos Deo exhibent, *Wachen ihm ein  
Faschnachspiel/ wenn sie am Zornigsten sind/* & revera aliud nihil sunt, cum talibus  
cogitationibus & molitionibus occupantur, quàm jocularia officina, & sicut  
germanice dicimus, *unsers Herrn Gottes Gaukelesack*.

Sapientia Chri-  
stianorum.

Hæc est sapientia abscondita, quæ tantum ex verbo discitur, quod trans-  
fert nos à præsentibus & apparentibus, ad absentia & invisibilia. Præsentia  
sunt, quod cum Christum confitemur & in eum credimus, mundus insanit &  
furit. Sed ne te hæc commoveant, ne ideò contristetur conscientia tua, dese-  
re hunc sensum, ac insuave hoc spectaculum, & ingredi cum Mose in nebu-  
las ac tenebras, hoc est, amplectere res invisibiles. Ascende ad Dominum, &  
verbum promissionis ejus, & discce, quod rideat Deus istam incredibilem stulti-  
tiam, quod mundus cum Satana conantur nocere regno Dei, & id evertere. Mi-  
seri non vident, quod omnis potentia eorum, tantum terrena est, Rex autem  
hic cœlum habitat, quo ascendere non possunt.

QUICQUID autem de Regibus, seu adversarijs Euangelij dico, hoc pri-  
vatim de cujuslibet conscientia dico, vt discamus nos erigere, & simus fortes,  
non

non tam contra Tyrannos, quàm contra nosipfos. Nam Satan magis nos vrget & persequitur per ipsum cor nostrum & conscientiam nostram, quàm per gladium & tyrannidem. Turca enim plus nocere non potest, quàm: vt præcidat caput, & Sed iugulet cor nostrum talem nobis movere disputationem, talem tristitiã excitare potest, in qua perire necesse sit in æternum, nisi Spiritu & verbo Domini liberemur. Igitur Diabolus nusquam potentior, callidior, fortior, sanctior, iustior est, quàm in cordibus nostris. Hic si eum vicerimus, si ex hac sede eum firma fide ejecerimus, ac nos ad invisibilia transtulerimus, tùm iratos Principes, Reges, Tyrannos, non faciemus pili. Sin autem formidini sunt, terror hic non ab ipsis, sed à corde nostro proficiscitur, quod infirmum est & adhærescit præsentibus, Absentia autem & invisibilia apprehendere non potest.

*Satan corda  
maximè oppu-  
gnat.*

Discamus igitur fortes esse in omnibus periculis, maximè autem contra nos ipsos & cor nostrum. Ibi enim Satan firmissimam sedem habet & præclare adjuvatur per præterita. Scit enim nos esse peccatores. Igitur seriem nostrorum peccatorum, & triste chirographum ponit ante oculos, & vrget nos. Quin præsentia quoque arripit, & nos ijs oppugnat, quod nondum credimus ita firmiter vt debebamus, nondum ita amamus ardentem, & tentamur impatientia quoque. Hæc cum exaggerat, est enim callidus & vehemens Orator, frangitur animus, & non solum illo tumultu Principum & Regum, sed etiam strepitu cadentis folij terretur. Muniamus igitur corda nostra, & respiciamus ad invisibilia, & in tenebras verbi, nec timeamus vel paveamus ab ijs, quæ sentimus intra vel extra nos, quæ sensibilia & visibilia sunt, ac carne percipiuntur. Exuamus sensus omnes, & camus, quo ducit nos præsens versiculus ad invisibilia. Ac cum Satan obijcit, Ecce es peccator, non sic credis, non sic diligis, sicut requirit verbum, Tu contra dic, Quid me vexas cum his visibilibus, Bene sentio ista, nec opus est, tu me vt doceas, Illud opus est, vt verbum sequar, & transferam me ad invisibilia, hoc est ad eum, qui in cœlis habitat, & ad verbum ejus in cujus oculis omnia, quæ me terrent, sunt merus ludus, & spectacula carnis privalia, vt vocant, quæ non ad terrorem, sed ad risum instituuntur &c.

*Satan quomo-  
do nos de pec-  
cato leniet.*

Ad hunc modum ad practicam trahendus est, hic versiculus, non tantùm in periculis illis externis, quæ intentantur nobis ab hostibus verbi, à Turca, Pontifice, Episcopis, Regibus, principibus, qui omnes potentia, sapientia, iusticia, instructi sunt, Sed etiam in tentationibus spiritualibus, cum Diabolus terret conscientiam, accusans nos intra nos, propter peccata admissa. Ibi, qui hunc versum rectè meditatum habet, ridebit Satanam, & ejus tùm accusationes, tùm minas. Nihil, inquiet, hæc ad me, quæ etiam Deo meo habitanti in cœlis risum movent, non prævalebis accusando & contristando. Quin cum Deo meo ridebo ego quoque. Scio enim quod conatus tui frustra sunt. Et si enim peccator sum, et si peccati pœna, mors æterna est, tamen non ideò ridere desinam. Quia ad dextram Dei sedet, qui pro peccatis satisfecit, & te in carne sua vicit ac prostravit, non enim tu me petis solum, sed illum ipsum, qui te vicit, filium Dei &c.

*Satana tenta-  
tioni de pecca-  
to, quomodo sit  
occurrendum.*

Hoc enim firmiter statuendum est, quod omnis persecutio etiam illa ipsa spiritualis, quæ per Satanam in cordibus nostris fit, propter Christum sit. Nam credere remissionem peccatorum per Christum est summus articulus fidei nostræ. Ac verum est, quod qui hunc articulum credit, habet remissionem peccatorum. Ideò tantopere conatur Satan, fidem hanc nobis vt excutiat. Qui autem sequitur Satanæ cogitationes, quibus nos vexat, vt spem remissionis peccatorum abijciat, is peccat. Ne igitur sequamur cogitationes cordis nostri, accusantis nos de peccato, & spem remissionis peccatorum non existimantis ad se pertinere. Hoc enim esset ipsum Satanam sequi, vexantem nos non solum mediate per Principes & Tyrannos, sed etiam immediate per peccatum & cor nostrum.

*Retinenda fides  
remissionis pec-  
catorum.*

Sed

Cogitationibus  
cordis accusan-  
tu nos, resistan-  
tiam.

Difficile nobis  
videtur in peri-  
culis & tenta-  
tione.

Verus Theolo-  
giae Doctor.

Patientia S.  
Patriarcha-  
rum.

Promissio de  
impis repræ-  
senti.

Veritas & iusti-  
cia laborant,  
&c.

Exempla cum  
promissione  
conveniunt.

Sed opponamus nos ei magno animo, ac dicamus. Neutiquam contristabis nec terrebis me. Resurrexit enim à mortuis, qui me iussit quietum esse. Ridebo igitur, non, ut tu vis, ejulabo, quasi solus & sine auxiliatore sim.

Sed quanti laboris, & quam longi temporis sit hanc artem discere, singulos experientia docebit. Verba quidem facillime didiceris, iustus erit absque omni pavore, Christianus non metuet peccatum, nec mortem, sed ridebit Diabolum & minas ejus, Sed experire rem, & vide, num possis læto animo esse, cum aut conscientia te accusat, aut nascuntur hæreses & scandala. Caro enim statim incipit trepidare, & vellet omnia visibiliter esse quietia. Quia autem diversum accidit, & omnia injusta, impia, stulta, profana, blasphemata, turbulenta, & inquieta sunt, quæ apparent & ante oculos sunt, excutiuntur per hæc visibilia, illa invisibilia, de quibus Spiritus sanctus nos hoc in loco docet. Assuescamus igitur ad has tempestates, in quibus vivendum, & assiduo Christianis versandum est, & abdamus nos in tenebras, ac apprehendamus invisibilia, Tunc fiet, ut furorem Turcæ, Pontificum, Tyrannorum, sectarum, hæreticorum & omnium adversantium regno Christi rideamus, tanquam, jocularium spectaculum. Hoc qui ubique & semper potest, is est verus Theologiæ Doctor. Sed nec Petrus, nec Paulus, nec reliqui Apostoli semper hoc potuerunt. Igitur nos quoque discipulos, & non Doctores in hac arte nos esse profiteamur, quanquam ne discipulorum quidem nomen meremur, siquidem cum Deus ridet, nos aut ringimur, aut stomachamur.

*Tunc loquetur ad eos in ira sua, & in furore suo conturbabit eos.*

V.

Præcedens versus descripsit patientiam Dei, nobis quidem intolerabilem, sed Deo satis vulgarem & consuetam. Solet enim impiorum furores, vulgi, Regum, Principum, & populorum, insanias tolerare ad tempus, nec statim, ut Poëta inquit, sua fulmina mittit, cum peccant homines. Interea Ecclesia in tribulationibus versatur & gemit, optans vindictam in impios. Sicut Christus in parabola de improbo iudice, Luc. 18. ostendit. Videtur enim pijs hæc Dei patientia esse sine fine, & ideò penè intolerabilis est, vexans & humilians ferentes crucem, non vno aut altero anno, sed pluribus annis. Et tamen hæc patientia nostra nihil est ad patientiam sanctorum Patriarcharum collata, qui quingentis, sexcentis, & pluribus annis vixerunt, in eadem tentatione. Hi non, ut nos, his triginta annis tantum, sed per omnem vitam audiverunt impiorum carmen, Dirumpamus vincula eorum, Deus non videt, non intelligit hæc &c. Nam in hanc securitatem tandem prolabuntur impij, Siquidem Deus sic longanimis est, & pœnas tamdiu differt. Cum autem ad hunc modum impij securè gloriantur, pijs autem affliguntur & gement, tùm in proximo est, ut Deus, qui, plorantibus & gementibus pijs, Impijs autem securè ferocientibus, risit, commoveatur ad iram. Hæc hujus fabulæ est Catastrophe finalis,

1. a.

Continet igitur hic versiculus promissionem suavissimam, quales passim in Psalmis sunt, Psal. 9. Dominus est in refugium oppresso, Refugium opportuno tempore in tribulatione, & 10. Quoniam tu laborem & dolorem consideras, Tu iudicas pro pupillo & paupere, & 68. Pes tuus tingetur sanguine inimicorum tuorum, & 110. Dominus conquassabit capita in terra multorum. Conveniunt autem cum his promissionibus etiam exempla non solum, quæ in sacris literis sunt, sed etiam gentium. Ita enim perpetuò solet in mundo. Veritas & iustitia laborant, ac præcipuè in Ecclesia veritas risum, subsannationem, & plagas quoque accipit, ac si nullus esset Deus, ut saltem Deus humana non videret aut curaret. Sed si finem respicias, videbis oppugnari veritatem, sed opprimi non posse, Quia habitans in coelis, etsi ridet ad tempus impiorum irritos conatus, tamè non perpetuo ridet, sed etiam loquitur, ac quidem in ira, & ad eum modum, ut conturbentur impij, qui tanquam in parva victoria lætos triumphos agebant,

Hæc

Psalm. 9.  
10.  
68. 110.



Hæc igitur promissio est spes nostra, ac præcipue pertinet ad miseras conscientias erigendas, quas penè opprimunt ij, qui cantant, Dirumpamus vincula eorum. Nam in nostris viribus non est, ut eis imponamus silentium, ne cantent, Nec possumus perpetuò sic obturare aures nostras, ut hoc carmen impiorum non exaudiamus. Dissimulanda igitur & ferenda, ac per patientiam superanda hæc securitas est, usque ad illum articulum temporis, cum Dominus incipiat loqui. Is enim habet vastam & tubalem vocem, quæ compescit impios, ubi nos vix hiscere possumus præ ipsorum clamoribus.

*Dirumpamus  
vincula eorum.*

Particula, Az, non significat certum tempus seu terminum, sed est indefinita particula, Fiet ut loquatur, quandoque tandem loquetur. Atque tum risus, qui, dum secure impij canunt, absconditus est, revelabitur. Sicut Psalmus 91. dicit, Oculis tuis retributionem impiorum videbis. Nam judicia Dei non sunt abscondita, cernitur in clara luce tandem ira Dei, quem impij dormire putant, nec judicant attendere, quid ipsi moliantur. Exempla ante oculos sunt. Romanorum Monarchia fuit potentissima, & tamen cum meditaretur regni Christi vastationem, vastatum ipsum est & periit, Ecclesia autem retinens fidem promissionum, mansit incolumis, etsi graviter afflictæ esset. Qui igitur tum vixerunt, oculis suis viderunt retributionem, quod mille caderent à dextris, & decem millia à sinistris, manente Ecclesia salva.

*Monarchia Ro-  
manorum.*

Sic sub Ezechia rege miserabilis populi Dei facies erat. Assyrius, qui decem tribus captivas abduxerat, obsidebat Ierosolymam, & cæteras regni Iudæ partes graviter afflixerat. Ridebat tum Dominus, tanquam de irritò conatu sed Ecclesia afflictæ ridere non poterat, Tota in lachrymis & luctu erat. Sed an non revelatus est risus Dei tandem? an non Ecclesia quoque ridere demum incepit, cum una nocte centum millia & octuaginta quinque millia ab angelo Domini interfecti essent? Videt enim corporalibus suis oculis vindictam impiorum. Sic postea captivus in Babylone populus, oculis suis videt destructionem Babylonis. Ita Historiæ ostendunt promissionem hanc non esse vanam, sed etsi tempus non revelatum nobis est, quo liberaturus Dominus pios, impios autem sit perditurus, tamen aliquando certo futurum, modo ne frangamur animo, & fortes in fide, in assiduam orationem incumbamus. Sicut enim supra de improbo Iudice diximus, vult precibus nostris admoneri & excitari Deus, Idco afflictionem sentiri & tolerari, liberationem autem credi vult.

*Sauverib. Af-  
syriis.*

*Destructio Ba-  
bylonis.*

Sed nostram quoque experientiam non tacebimus, non tantum ut innorescat, verum hunc verum esse, sed ut Deo grati simus, intelligentes, & firma memoria retinentes ac prædicantes ingentia ejus beneficia, & mirabilem salvandi ac servandi modum. Pontifex & Episcopi, Reges & Principes, qui Pontifici adherent, an non usque ad ravim decantarunt hunc versum annis ferme jam triginta. Dirumpamus vincula eorum, & projiciamus à nobis jugum eorum? Itaque consilia inierunt multiplicia, & tantum non in manibus habuerunt victoriam, partiti inter se victoriæ præmia, Principum nostrorum civitates & arces. Sed quid effecerunt? Nonne, qui hujus fabulæ primas partes agebant, perierunt, atque utinam non etiam periissent in æternum? Qui autem superstites adhuc sunt, an non calamitosi sunt, & lro pauperiores? siquidem aut sua culpa amiserunt, quæ à majoribus eis relicta sunt, aut ægrè ea retinent ac tuentur? Nec dum finis malorum & poenarum est, quotidie deteriorem faciunt causam suam & altius immerguntur malis.

*Experientia  
nostræ temporis.*

*Dirumpamus  
vincula eorum.*

Perseveremus igitur in fide & verbi confessione, nec inveniamur in eorum numero, qui, ut Ecclesiasticus dicit, amiserunt tolerantiam. Premant, urgeant, affligant, occidant etiam nos, & tamen si non frangemur animis, si tolerabimus in spe liberationis mala hæc, non deferet nos Dominus. Promittit enim hic se locuturum in ira, & illos conturbatos iri. Particula igitur indefiniti temporis diligenter est notanda, Tunc loquetur, seu aliquando loquetur, cum scilicet,

- Tunc, non significat certum tempus.* scilicet, ipsi opportunum videbitur. Risus igitur est in coelo & absconditus sed hoc loqui sentietur in terra. Loquetur enim ad Cantores illos, qui omnia horribili clamore complent, vociferantes, Dirumpamus, dirumpamus. Ad hos cum loquetur, profecto audient eum. Fiet autem id tunc, non nunc, sicut nos opramus, quibus omnis mora sub cruce longa est, Igitur vellemus Deum nunc loqui, sed non vult id facere. Tunc vult loqui, cum scilicet nos desperantes penè judicamus eum perpetuò taciturnum.
- Deum loqui quid sit.* Sed quid, aut quomodo loquetur? Hic Ebraica phrasis observanda est. Nam cum scriptura dicit loqui Deum, intelligit verbum reale, seu actionem, non sonum tantum, qualis noster est. Non enim os, non linguam habet Deus, est enim Spiritus. Igitur os & lingua Dei vocatur, Ipse dixit & facta sunt, & cum loquitur, tremunt montes, dissipantur Regna, totus deniq; commovetur orbis. Hic est alius sermo; quam noster. Oriente sole, sole occidente, loquitur Deus, crescentibus frugibus, nascentibus hominibus, loquitur Deus. Igitur Dei verba non sunt vanus aer, sed res maximæ, & admirabiles, quas oculis videmus & palpamus manibus. Cum enim secundum Moysen Dominus diceret, Fiat sol, fiat luna, Terra producat arbores, &c. statim quod dixit, factum est. Vocem hanc audivit nemo, sed opera & res ipsas videmus ante oculos, & tangimus manibus. Simul igitur & consolatur hoc in loco Spiritus sanctus pios, qui sub cruce gemunt & anhelant, & terret impios, ne sint securi, sed certò statuunt Deum locuturum. Id autem cum in ira fit, fit sine fine, sine spe auxilij. Cum enim irascitur Dominus, non ludus, non jocus est, Sed sentiunt impij hoc iræ verbum, & in hac vita per varias afflictiones, & in futura vita, nisi convertantur & agant poenitentiam. Tale iræ verbum audit hodie Hungaria & Germania, cum per Turcam affligitur propter idololatriam, & contemptum Euangelij.
- Dei verba.* Solet autem loqui quoq; in gratia, cum dat pacem, annonam vberem, bonos Magistratus, pios Doctores. Hæc sunt gratiæ verba. Sic Psalmus 147. dicit, Emittit eloquium suum terræ, velociter currit furmo ejus. Exponit enim quomodo hoc intelligendum sit, scilicet quod dat nivem, pruina, glaciem, &c. Est autem hæc phrasis tantum sanctæ linguæ, (ad quam discendam sæpe, sed pene frustra mones juvenutem, egregie enim facit ejus cognitio ad illustrandam Scripturam) sumpta ex Mose, qui in 1. cap. Genes. cum commemorat Deum ex nihilo condidisse omnia, subinde sic solet loqui, Dixit Deus, Fiat lux, fiat firmamentum, &c. Et facta est lux, Et fecit Deus firmamentum. Ex hoc loco sumpta hæc phrasis est. Sicut enim Poetæ græci Homerum, latini Virgilium habent, ad cujus imitationem scribunt, Ita sancti Prophetæ ex Mose didicerunt recte loqui, de Dei factis. Viderunt enim, quod dicere apud Deum, sit facere, & verbum sit factum.
- Deum loqui in ira.* Horribile autem hoc in loco est, quod Propheta dicit, Deum in irâ sua locuturum. Certum enim est, quod ad hoc verbum iræ ruituræ sint totæ Nationes, nec possint vlla sua vi, aut potentiâ se tueri, quo minus cadant. Sic locutus est Deus in ira sua cum Romanos mitteret contra civitatem sanctam Jerusalem, cum postea contra Romam mitteret Vandalos & Gothos. Hæc fuerunt vasta & grandia verba, ac ferrea vox, quæ potentissimos Monarchas dejecit. Ad hunc modum loquitur in ira sua, cum immittit pestem, famem, & alias plagas. Hic tandem finis erit hujus furoris mundi, quod concitabit contra se Majestatem, ut loquatur non verba, qualia hominum sunt, quæ aures tantum feriunt, sed quæ terrent conscientiam, & aspectu horrenda sunt, nempe multa millia crudelium militum, & alias plagas, quæ tota regna evertunt funditus. Quanto autem satius erat Christi jugum ferre, & non excutere, quod etsi carni durum est (Nam ferenda est ijs, qui nomina Christo dant, habent enim adversarios potentes, & multos, sicut diximus) tamen spiritus consolationem & pacem habet, non brevem, qualis illa mundi est, propter quam jugum hoc labijcit
- Christi jugum.*

Psalm. 147.

Gen. 1.

Mat. 23.

abijcit mundus, sed æternam. Pater filium, quem amat, castigat. Ita Christus quoque in ira loquitur contra carnem, Sed idem in Gratia loquitur pro spiritu. Hoc jugum, hæc vincula, qui nolunt ferre, hi audient aliam vocem, nempe multa Turcarum millia grassantia, & late omnia populantia ferro & igni,

Sed non satis est Domino, sic in ira esse locutum ad impios, sequitur ejus vocem iræ, turbatio, ut hostes ejus subito ita percellantur animis, ut quo se ver-  
tant nesciant, Atque hoc ruinæ est initium. Talis igitur miles est Dominus in cœ-  
lis habitans, Initio dissimulat iram, ac ridet vanos conatus. Sed cum ab ijs im-  
pij nolunt desistere, non pedes, non manus, vulnerat, non eruit oculos, sed  
tantum animos turbat, Hoc cum factum est, facile etiam inermes & pauci nu-  
mero vincunt. Multa conati sumus his annis viginti contra Turcam, sed infe-  
liciter. Cur hoc? Peccata nostra concitarunt iram Dei etiam nos. Cum igitur  
pœnam vellet de nobis sumere, armavit hostes nostros Turcas, ira & crudelita-  
te contra hos, nobis autem immisit pavorem, Ut recte obijciatur Germanis,  
Oblitos nos virtutis nostræ, & degenerasse à majoribus nostris. Ad hunc mo-  
dum turbavit gentem suam, Iudæos sub NebucadNazar, Babylonios sub Dario  
& Cyro, Persas sub Alexandro, Græcos sub Romanorum imperio. Omnium  
enim ætatum hostes Christi hic Versiculus deiecit & turbavit, ac deiciet quoque  
Turcam & Pontificem. In hoc enim à Spiritu sancto est scriptus, ut totum or-  
bem occidat & vastet. Siquidem non cessare vult ab hoc furore, ut contra Do-  
minum & Christum ejus pugnet.

*Impij contur-  
bantur loquen-  
te Domino.*

*Hic Psalmus  
perdit omnes  
Christi hostes.*

Potro, quia dicit Dominum locuturum, ex hoc apparet, quod mali sint  
incorrigibiles, nec sanari se patientur ab ijs, qui Domini verbum, quod Gratia  
verbum est, ad eos afferunt. Si enim attenderent verbo, & doceri se permitte-  
rent, abijcerent studium hoc oppugnandi Dei. Sed cum non audiant, & secu-  
re pergant contempto verbo & doctrina sana, coguntur audire aliam vocem,  
quæ est iræ vox, & manet omnes adversarios verbi. Quando enim converti  
homines nolunt, & cœci urgent suum institutum, sequitur Versiculus hic, ut  
Dominus loquatur in ira sua, & conturbet impœnitentes. Hoc Germaniæ  
peccatum est, quod certam minatur ruinam. Etsi enim magno studiohorta-  
mur ad amplectendum Verbum, & abijciendos impios cultus, tamen Episcopi  
& Principes quidem non audiunt, sed magis accenduntur contra nos. Expe-  
ctabimus igitur nos quoque hanc iræ vocem, quam inviti & pereuntes cogen-  
tur audire impij. Interea faciamus sicut Loth in Sodomis, sicut Abraham in  
medio Chaldæorum, sicut captivi in Babylone. Hi enim etsi sanare impium  
mundum conatentur, tamen non potuerunt, Sed passi quoque sunt indigna, affli-  
ciabatur eorum anima diu noctuque.

*Impij sunt in-  
corrigibiles.*

*Germaniæ  
peccatum.*

*Patientia p̃js  
op̃m est.*

Nec nos hodie sine ingenti animorum dolore audimus blasphemias, &  
videmus idololatricam Pontificiam. Sed quid faciamus? Sanari nolunt, & sic-  
ut Apostoli Ierosolymam non potuerunt revocare ad pœnitentiam, Ita nostri  
Episcopi urgent interitum suum. Hæc feramus dum Dominus incipiet eis  
concionari, non tali voce, qualis nostra est, quam contemnunt, tanquam  
somnia, sed voce iræ, quæ euertit vno spiritu Imperia & Regna. Doce-  
mur autem talibus exemplis, quod ubicunque est verbum, ibi certa calami-  
tas & vastitas sequetur propter illos, qui verbo se opponunt, Et tamen ver-  
bum in istis ruinis mundi non ruet, sed stabit firmum. Stabit Ecclesia quo-  
que quantumcunque afflicta, aut exigua sit. Non enim ideò, quia impij  
conturbantur, Rex hic desinet rex esse, Sed ideò loquitur in ira sua, ideò  
turbat suos hostes, ut verbum & Ecclesia maneant salva. Nam hoc Ecclesia  
sola per virtutem Dei potest, quod patitur, & tamen non corrui, sed manet.  
Imò sub cruce vires sumit & crescit. Itaque Psalmus quoque, tanquam procul  
ablegatis impijs hostibus, de victoria verbi, & nostri Regis maiestate, nos do-  
cere pergit, ac dicit.

*Vbi verbum  
est, ibi sequitur  
vastitas, & ta-  
men Ecclesia  
servatur.*

*Nnn*

*Ego*



*Ego autem constitui Regem meum, super Zion montem sanctum meum.*

VI.

*Regnum Christi  
et regnum.*

*Lapis implens  
orbem terrarum.*

Hic vides definitam sententiam, quod minatur Majestas divina se eversum & vastaturum omnes, qui adversantur Verbo suo, & promittit servaturum tamen se Regem suum, Christum, & regnum ejus, hoc est, verbum. Possunt autem hæc omnia sola fide apprehendi, non carne aut sensu. Caro enim non potest credere, quod in vno homine Iesu, nato ex Maria, omnia sint posita, quod propter vnum eum totum Mundum ruere & perire necesse sit, potius quam Regno ejus aliquid oriatur incommodi. Si enim hoc crederent Reges & Principes, caverent sibi, amplecterentur eum, non odissent, nec conarentur eum opprimere. Sed quia non credunt, quia tantum visibilia, hoc est, suam potentiam & opes intuentur, Invisibilia autem, hoc est, verbum, negligunt & contemnunt, Cæci ruunt vnus post alium, donec omnes pereant. Exempla ante oculos sunt vetera & recentia. Est enim Christus, sicut Daniel dicit, Lapis, qui implet totum orbem, huic qui se opponunt, conteruntur in pulverem. Et ipse Christus dicit, Lucæ 20. Omnis, qui ceciderit super illum Lapidem, conquassabitur, super quem autem ceciderit, comminuet illum.

*Quatuor Monarchia.  
Eulisia.*

Neque hodie novum est hæc de Christo prædicare, Exempla quatuor Monarchiarum sunt ante oculos, quas videmus in pulvere jacere, quod huic Regno se opponerent pertinaciter. Contra, Ecclesia quæ omnibus sæculis à mundo graviter fuit afflictæ, stat, sumit incrementa, gaudet, Deum laudat, ejus beneficia prædicat, frementibus & indignantibus Satana ac mundo, Idque propter hunc versum, quod hic vidit, Hunc Regem suum constitutum & ordinatum super Zion. Hinc eum deturbet, qui volet, Nos gaudemus, & gratias Deo agimus, quod frustra sunt omnes mundi & Satanae conatus. Itaque eos fiducia hujus verius secure contemnimus, & ridemus.

*Persona hic  
consideranda.*

OBSERVABIS autem hoc in loco, summo studio, primam personam loquentem, hoc est, æternum Deum Patrem, Deinde personam, de qua loquitur Pater, Tertio etiam locum ipsum, quem Spiritus sanctus nominat. Hæc tria diligenter observata, oppone omnibus, quæ ab his Personis & loco hoc diversa sunt, ac contemne tanquam si nihil essent. Nam hic versus rectè consideratus ita implet cælum & terram, ut præterea nihil, quantumvis coram mundo magnum & splendidum, conspici possit. Quis enim est, qui dicit, Ego? An non Dominus cæli & terræ, qui omnia virtute verbi sui ex nihilo condidit? Ad hunc confer mundum & omnem mundi potentiâ, quid erit, quid poterit contra hunc Dominum? Nonne ipso dicente Mundus est? ipso dicente Mundus non est, sed subito collabitur? Hic igitur Dominus omnium, solus æternus, solus sapiens, solus justus, solus omnipotens Deus, dicit, Ego constitui Regem meum.

*Persona lo-  
quens.*

*Persona ad  
quam loquitur  
Deus.*

*Humana crea-  
tura. 1. Petri. 2.*

Hanc quoque personam considera, quæ & qualis sit. Habet mundus quodammodo Reges suos, qui imperant divina autoritate, Sicut Paulus dicit, Omnes potestas à Deo est, Et tamen sunt, ut Petrus appellat, humana creatura, hoc est, humana ordinatione instituti, & tantum de externis & corporalibus rebus mandata eis cura est. Sed hic Rex Dominus noster Iesus Christus, immediatè ab ipso Patre æterno ordinatur, ut Rex sit, & vocatur Patris Rex, seu à Patre constitutus Rex, Ego, inquit, constitui meum Regem. Separat igitur eum ab omnibus regibus mundi. Etsi enim Deus ceteros etiam constituit, sicut Paulus dicit, Omnipotestas à Deo est, tamen non vocat suos Reges. Igitur hic egregius ille Rex est, & eximius, quem Dominus & æternus Pater sibi in Regem ordinat, atque ideo alij Reges meritò eum reverentur, observant, amplectuntur, & ut infra dicit, exosculantur, tanquam unicam gemmam, ad quam omnes alij Reges, & regna omnia collata, vix lateres & lutum sunt.

Sed

SED quorsum attinet notatio loci, quod dicit, Constitutum Regem super Zion montem sanctum? Hoc vero est, quod præcipue observandum est. Ideo enim loci corporalis meminit, ut statuamus hunc Regem divinitus constitutum, esse verum hominem, & Personam, ut sic dicam, personatam, quæ possit comprehendi, cerni oculis, attingi manibus. Non enim istorum stulta imaginatio sequenda est, qui se abdunt in angulos, qui certa exercitia corporalia incipiunt, expectantes dum Deus cum eis loquatur, ac fingentes, quod quidquid vel cogitant, vel somniant, sint Prophetæ & Spiritus sancti radij. Nam hæc etiam Monachorum stulticia fuit. Sed si Deus hoc modo nos docere, nobiscum loqui, nos illuminare voluisset, non designasset certam personam, præcipue autem non designasset locum in terris, unde iste Rex expectandus, ubi audiendus esset. Nunc autem persona certissime definita est, Primò, quod sit Filius Dei, Deinde, quod sit Rex in Zion, hoc est, filius Davidis, hæres Davidis, & Davidi promissus, ut sit Rex populi circumcisi, cui imperavit David. Ergo hominem hunc in Zion docentem, in Zion se revelantem, amplectamur, quod sit divinitus constitutus Rex. Et si enim Synecdoche est in nomine, Zion, non enim lapides & ligna significat, sed eos, qui habitant in Zion, tamen corporalis is locus est, & docet nos, ut amplectamur eum Regem, qui vocatur Zionicus Rex.

Cur locum notat Prophetæ.

Quod si materialiter accipias Zion, de nobis gentibus actum erit. Quia hunc montem hodie non possidemus, possidetur enim ab impijs Agarenis. Nunc autem salus nostra & omnis consolatio in eo nobis est posita, quod illum Regem habemus, confitemur, amplectimur, qui fuit in monte sancto Zion, hoc est, qui Davidi promissus est, ut, sicut Angelus ad Mariam dicit, regnet super domum Iacob in secula, & sedeat super thronum patris sui David. Hanc promissionem, quia ipse pater Davidi dedit, rectè dicitur à Deo constitutus Rex super montem Zion, in quo David Rex sedit. Hic igitur est titulus Regis nostri, scriptus in Diademate, quo eum ornavit æternus Pater, ut sit Zionicus Rex, in monte sancto Zion, & civitate Ierusalem, Dominus noster Iesus Christus, natus in tempore ex Maria virgine. De hoc omnes Prophetæ vaticinantur in monte Zion eum habiturum sedem, tanquam Filium & Hæredem David.

Zionicus Rex.

Zachar. 9.  
Esai. 2.  
Psalm. 110.  
Esai. 59.  
Abd. 1.

Sic Zacharias, Filia Zion jubila, ecce venit Rex tuus.  
Et Esaias, De Zion exhibit lex, & verbum de Ierusalem.  
Et Psalm 110. De Zion emittet Dominus sceptrum Regni tui.  
Esai. 59. Veniet ex Zion, qui liberet.  
Abd. In monte Zion erit salvatio.

Hæc Prophetarum testimonia omnia nos ad corporalem Zion deducunt, hoc est, ad populum & sedem David, ut inde expectemus orituram justiciam & flumen mundæ aquæ. Hanc igitur consolationem nobis Spiritus sanctus tandem subijcit in istis mundi & Satanæ turbis ac odijs, Q. d. Parvule grex, ne timeas, Sustine ac fer injurias omnes, sine mundum superbire opibus & potentia sua, dum iræ dies veniat, & impœnitentes opprimat. Regnum autem Regis mei manebit firmum. Nam à me constitutus Rex est, Non ab ipsis, Sicut autem non constituerunt Regem hunc, ita etiam non destituent eum,

Zion cur seque-  
tur mens di-  
cat.

QVARE autem appellat Zion montem sanctum, cum ipse mons nihil fuerit, nisi lapides & ligna, Populus autem inhabitans caro & sanguis, sicut aliarum gentium & civitatum homines? An non autem rectius conveniret hic augustus titulus monti, in quo Templum & cultus fuit? Respondeo, Sæpe dixi, nihil credi à nobis difficilius, quàm quod simus sancti. Offendunt enim nos, tum in nobis, tum in alijs, scandala & nota infirmitas. Sicut igitur de nobis hoc polliceri alijs sibi non possunt, quod simus sancti. Ita nos ipsi quoque nobis hunc honorem tribuere non audemus. Debebat autem hæc sanctitatis opinio, neque alijs, nec nobis detrahi, sed sicut Germanicè vsitatum est vocari bonum virum, bonam matrem familias, ita in Ecclesia sanctitatis appellatio debebat nobis esse familia-

familiaris, Sed, vt dixi, movet nos nostra & nobis nota infirmitas. Quia enim sumus caro & sanguis, quia non ambulamus in nubibus, sed occupamur vulgaribus operibus œconomiz & Politiz, hæc objecta sanctitatem quasi obscurant. Igitur rectè institui animos de hac in speciem levi quæstione, admodum est utile.

*Duplex sancti-  
tas generalis  
& specialis.*

*Ecclesia sancta  
per verbum &  
sacramentum.*

Solet autem plerumque si responderi, Montem Zion, seu populum habitantem in Zion, habuisse duplicem sanctitatem, seu duplici nomine fuisse sanctum populum. Primò, quia habuit verbum & cultum Dei. Hoc verbo, lapides & ligna, & etiam ipsi homines sanctificati sunt, adeò, vt si quis Iudæum occideret, diceretur sanctum hominum occidisse, non propter personam ipsam, sed propter locum & populum, per verbum Dei, imò per ipsum Deum inhabitantem, sanctificatum. Secundò fuit alia & quidem major, Quia enim habitabat in hoc populo Deus per verbum suum, in hoc solo populo fuit vera Ecclesia, quæ sancta est per fidem, & nusquam alibi. Norant enim sancti venturum Semen benedictum, ac Filium Dei incarnatum, oblaturum se hostiam pro peccatis totius mundi. Hac fide consequiebantur per promissum Semen, remissionem peccatorum, & Spiritum sanctum, ac verè sanctificabantur. Ac propter hos verè sanctificatos, etsi pauci essent, postea totus populus sanctus appellatus est, quia solus erat, in quo sancti homines viverent. Hæc major & verior sanctitas est, quàm illa, de qua antè diximus.

*Præceptum.*

*Mons Zion  
sanctus.*

Sic apud nos quartum Præceptum, Honora Patrem & Matrem sanctificat hæc generavitæ, Vt rectè dicam, Pater est sanctus, Mater est sancta, Magistratus est sanctus, sanctitate scilicet generali, quia divinum mandatum est, vt eis obediamus. Est autem hoc mandatum tale, quod non vnum populum, sed omnes passim obligat. Igitur hæc ordinatio divina pervadit omnes gentes. Sed postea Pater & Mater, item magistratus Christiani, habent aliam non sic generalem, sed specialem sanctitatem, quod sunt Baptizati in nomine Iesu, & sanctificati fide in promissionem & Spiritu sancto. Ad hunc modum mons Zion fuit sanctus mons, primum sanctitate legali, quia ibi erat verbum, erant cultus legales. Deinde etiam sanctitate gratiali, quod habebat promissionem remissionis peccatorum, per futurum Semen, quæ postea exhibita, & per Apostolos inde in totum orbem vulgata, tum autem à sanctis credita, & vt sic dicam, fide possessa est.

*Christi Re-  
gnum manebit  
in ætænum.*

Sed vera Responsio & germana sententia est, Montem Zion dici sanctum, non ex se, neque ex populo, sed ex ipso Rege. Sicut apud nos quoque visitata figura est, vt dicamus, arcem prædatoriam, in qua prædones habitant, civitatem mercatoriam, in qua mercatores vivunt. Ita quoque Zion dicitur sanctus mons, non à Davide habitatore, sed à Christo, qui ita sanctus est, vt in se credentes sanctificet, hoc est, vt peccata condonet, & donet Spiritum sanctum. Hæc huius montis sanctitas est, quam à Rege habet. Manente autem hoc Rege, manebimus nos quoque, etiam si rumpatur Pontifex, Turca, & quidquid est, quod hunc Regem odit, aut impugnat. Non prius desinemus sperare in hunc Regem nostrum, quàm viderimus eum ex hac sede sua, in quam Deus pater eum collocavit, deturbatum. Credimus autem hunc, EGO, qui Regem suum constituit, non passurum, vt quod ipse statuit, mundus infringat, Sicut probat experientia omnium seculorum. Hostes enim huius Regis omnes conciderunt. Ipse autem salvus regnat.

Igitur primum discite, Quod hic Rex à Patre constitutus sit, Deinde quod expectandus & inveniendus sit in monte sancto Zion. Huc igitur convertamus oculos nostros, & non errabimus, Mundus autem errabit, qui Zion contemnit, & contra hunc Regem movet turbas.

HACTENUS docuit nos Propheta de constituto & declarato seditioso Rege, vnà cum seditiosa sua doctrina. Seditiosum autem voco non sua culpa, sed quod mundus, hoc est, Reges, Populi, Principes, Sapientes, Sancti, Religiosi, offen-



si, offenduntur in eo, ac ideò furere & seditiones movere incipiunt. Etsi autem hoc vaticinium non admodum lætum est, tamen necessarium est ad nos confirmandos, ne ideò frangamur animis, cum hæc ita geruntur, nosq; cum Rege nostro & doctrina ejus accusamur, quasi simus seditiosi. Habemus enim in hoc periculo defensorem & justificatorem, eum, qui hic loquitur & dicit, Ego constitui Regem meum.

Hæc vnica nostra consolatio est, in qua hæremus, imò in qua stamus & superbimus etiam, simpliciter extra oculos positis & neglectis omnibus Regibus & Principibus, omnibus gentibus & populis, cum omni potentia, & viribus suis. Hic enim, EGO, fortior, potentior, sapientior est his omnibus. Itaque servabit Regem suum contra mundi furias, Hoc servato, nos quoq; ejus subditi servabimur. Ita consistendum est in invisibilibus, quæ ostendit hic Psalmus, & visibilia sunt negligenda. Pergit autem Propheta jam, & postquam locum, seu sedem hujus Regis descripsit, etiam officium ejus indicat, Vt non solum scias ubi sit, sed etiam quid ab eo expectandum sit, quid acturus sit.

*Ego constitui Regem meum.*

VII. *Predicabo statutum, quod Dominus ad me dixit, Filius meus Tu, Te Ego hodie genui.*

Hæc verba vulgata & nota sunt in omnibus Templis & Monasterijs, sed prorsus nullo modo intellecta, quod tam ponderosa sint, & tam magnas res complectantur. Nam vt paucis multa dicam, abrogata est hic vniversa lex, & officium Christi purissimè descriptum, quod non gladium gestaturus, non Politiam conditurus sit novam, Sed futurus Doctor, qui doceat homines de quodam inaudito Dei sed æterno decreto.

*Quale Christi regnum sit.*

*Officium Christi.*

Etsi igitur alij quoq; Reges necessario condunt leges, & per leges gubernant, tamen eorum principale officium non est, docere aut leges condere, Sed punire malos gladio, bonos autem defendere. Sunt igitur quasi lictores & carnifices Dei. Sic enim dicit Paulus gestare eos gladium, malis in terrorem, & ad vindictam. Non igitur officium eorum proprium est docere. Quia non conscientias, non corda regunt, sed tantum manus cohibent. Et sicut subulcus porcos gubernat & pascit simpliciter secundum quinque sensus, Sic Reges mundi sunt pastores, gubernantes non conscientiam, sed corpora tanquam jumenta. Noster autem Rex, de quo Spiritus sanctus hic vaticinatur, talis Rex est, qui ad hoc ordinatus & à Deo æterno Patre constitutus est, vt doceat. Ergo simul etiam est Sacerdos, Doctor, Theologus, qui erudiat & doceat suos de Deo, ac conscientias tantum gubernet.

*Discrimen inter Regnum Christi & mundi.*

*Officium Regum mundi.*

*Christi Rex & Sacerdos.*

Hæc est differentia, qua Rex noster differt ab omnibus alijs Regibus, & est diligentissimè observanda. Nam hæc Satanz perpetua cura & indefatigatum studium est, vt confundat hoc Regnum cum Mundi regnis, & ex Christo, qui conscientiarum Doctor est, mundanum Regem faciat. Ac Papa singulare Satanz instrumentum, Christum, in quantum Doctorem, abjecit penitus, & apprehendit gladium, Quin claves quoq; à Christo Ecclesie datas, convertit in Politicum finem. Sic Rottenenses spiritus, seu sectarij iisdem cogitationibus decipiuntur, & apprehendunt politica. Nam abrogant priores Politias, & instituant novos mores, ritus novos. Hunc putant Evangelij præcipuum fructum esse. Ego ipse audiui Zinglium, magno supercilio Marburgi concionantem, de sublati rubeis pileis, quibus Helvetij tanquam milites aliquandiu vsi erant, cum militiam sectarentur. Nihilo sanior fuit Carlstadius, putans in eo multum positum, si desereret Scholam & studia, & sibi non Doctoris sed novi Laici nomen sumeret. Sic enim scribebat in librorum titulis, se novum Laicum esse. Nascentur autem hæc ineptiæ ex alia quadam ignorantia regni Christi. Quia enim non distinguunt inter Christi Regnum, & mundi regna, Ideò Christianismum collocant in mutatione quarundam externarum rerum.

*Discrimen hoc pauci norunt.*

*Papa.*

*Sectarij.*

*Zinglium.*

*Carlstadium.*

Vos non sic.

Sed relinquit illa Christus Regibus mundi, suis autem dicit, Vos non sic. Est enim ipsius Regnum positum in verbo, & officium ejus est docere, Regibus mundi relinquit curam porcorum. Hi enim instructi sunt baculo, quo pecus cogant, Ipsi autem officium est, sicut Psalmus hic loquitur, Prædicare, narrare de Dei decreto. Hæc satis clara Regni Christi definitio, & propria differentia est, Sed pauci profectò eam apprehendunt. Perpetuo adhæret animis illa pestilens mixtura vtriusq; Regni, adeò ut etiam spiritualibus difficile sit ubique hoc Regnum propriè discernere à mundi regno, Qui tamen statuunt, aliam vitam post hanc vitam, Hi Regum & magistratus beneficijs sibi in hac vita vident opus esse, Hoc autem Rege Christo utuntur ad aliam, & æternam vitam.

Officium Christi.

Personarum mutatio in Ebraeo visitata.

Mutatio personarum in Scriptura non est visa.

PERSONARVM mutatio Lectorem nihil moveat, est enim in Ebraeo visitatissima, Ut cum dicunt, Vivat Dominus meus Rex, nihil aliud dicunt, quam vivas tu Rex. Ita hoc in loco, si personarum mutationem excludas, facilior erit sententia, Ego constitui Regem meum super Zion montem sanctum meum, ut prædicet decretum meum, Quod sit filius meus, quem hodie genui. Sed scriptura sancta retinet suum morem, cui assuescendum est, etsi nonnunquam reddit sententiam obscuriorem, sicut in Psalm. 91. Dominus est spes ejus, Altissimum posuisti refugium tuum. Clarior sententia esset, si primo in loco etiam secunda persona esset usus, Dominus est spes tua, Altissimum posuisti tibi in refugium, Et tamen diligenter consideranti, hæc personarum mutatio non videbitur prorsus ociosa. Quanto enim hoc in loco gravius est, quod ipsum Regem facit concionantem de Dei decreto? Nam, ut dixi, hoc præcipue agit, ut ostendat hunc Regem Doctorem etiam esse. Deinde sine dubio Spiritus sanctus etiam eo respicit, ut doceat nos, Deum facere omnia per filium. Dum enim filius prædicat præceptum, ipse Pater, qui est in Filio, seu vnum cum Filio, prædicat. Et dum nos prædicamus de eodem decreto, prædicat ipse Christus, sicut dicit, Qui vos audit, me audit.

Psalm. 91.

Matth. 11.

Christus prædicat verbum vocale.

Scriptum Regis Christi.

Sed hoc commodissimum, quod describitur hic Rex narraturus seu prædicaturus vocaliter. Nam hic locus omnino de vocali prædicatione & non de spiritali intelligendus est. Quod supra dixit, Ego constitui Regem meum, cum verbum canit, ipse Deus sibi & Filio suo, Nobis autem Rex noster canit, Prædicabo. Est enim Doctor publicus ad hoc missus, ut prædicet sicut Matth. 11. dicit: Pauperibus prædicatur Evangelium, Hoc officium habet, ne existimes eum esse mundi principem. Affert enim non gladium, sed verbum. Hoc hujus Regis sceptrum est, Itaq; amplectere eum, tanquam Ducem conscientiarum, tanquam sacerdotem & Doctorem. Atq; hæc quoq; causa est, quod alij Reges se ei opponunt. Si enim taceret, si non prædicaret hic Rex, mundus quiesceret. Sed hæc prædicatio commover totum mundum ad arma.

Matth. 11.

Vok.

Abrogatio Lex.

VOCABULVM, statutum (hok) admodum late patet, ac significat, ut plurimum, Cæremoniam, eine Weise/Sitte. Fere autem convenit cum germanico vocabulo, Recht. Nam illud quoq; usu latissime patet, Ut cum dicimus, Landrecht/Stadtrecht/Vaterrecht/Tochterrecht/etc. Hoc igitur in loco significat novum quendam doctrinæ modum. Nam cum Moses multas tradiderit cæremonias, Reges quoq; terræ cum habeant suas leges & statuta. Hic Rex venit cum aliquo novo statuto, differente ab omnibus Mosi & aliorum Regum statutis. Est autem hoc ita accipiendum, quod abrogavit leges omnes etiam ipsius Mosi, quod sint ad salutem æternam consequendam inutiles. Nam cum de vita æterna, de remissione peccatorum, de morte, & in summa, de omnibus, quæ ad conscientiam pertinent, agitur, taceat Moses, taceant leges & reges omnes, Hic autem solus Doctor & Rex audiatur, qui hic promittitur prædicaturus.

Sed hic diligenter considera circumstantiam temporis. Cum enim hæc Prophetia per Spiritum sanctum à Davide scriberetur, vigeat lex, & sacerdotium

tium Mosaicum in summo erat flore. Iam si hic Rex non aliam doctrinam allaturus fuit, quam Moses, Frustra hæc est promissio. Nam extabat tantum lex Mosi, Rursus si hic Rex aliud quiddam quam Moses prædicaturus est, sicut hæc ipsa promissio clare secum affert, Quæritur, quid possit doceri excellentius, quam Moses docuit, qui Decalogum attulit, summam & vere divinam Sapientiam, quæ nos de summis & sanctissimis operibus docet? Quid enim majus est, quam quod primum præceptum tradit, de fiducia in Deum, & Dilectione Dei? Nec leviora sunt, quæ sequuntur de cultu nominis Dei, de vera invocatione, de gratiarum actione, de studio verbi. Nam secundæ tabulæ doctrinam, tanquam longæ inferiorem, hic omitto. Hæc sunt summa officia, & summi cultus, à Mose quidem ostensi, sed ab ipsa sapientia Dei mandati & scripti. Igitur Decalogus de facto est summa doctrina, cui nihil in toto orbe terrarum simile est.

*Qualis hujus Regis sit doctrina.*

*Decalogus continet summam doctrinam, &c.*

Quæritur igitur, Qualis doctrina hæc sit, quæ per Christum vulganda hic promittitur? Nam consequentia manifesta est, siquidem durante lege & sacerdotio promittitur Doctor, qui doceat Ecclesiam, Sequitur eum aliam allaturum doctrinam, quam Mosi est, quam Levitarum, quam Sacerdotum, quam Prophetarum, qui tum, cum hæc promissio scriberetur, aderant gubernantes & docentes Ecclesiam. Quod enim promittit hunc Doctorem, perinde est, ac si dicat, Hactenus non habuistis Doctorem Regem, qui doceret præceptum, quod hic meus Rex docebit. Doctores quidem habuistis, sed non veros, non sufficientes, Igitur hunc meum Doctorem expectabitis, qui non, sicut Moses, docebit. Quorsum enim attineret promittere, quod jam ante habetis in manibus? Sed aliam doctrinam afferet, majorem, meliorem, vtiliorem & sanctiorem.

QUALIS autem doctrina hæc est? quod est statutum hoc? Illud nimirum, Dominus dixit ad me, Filius meus es tu. Hujus versus magnificus Interpres est divus Paulus in Exordio Epistolæ ad Romanos, cum dicit, Promisit Deus longe ante per Prophetas suos, in sanctis scripturis, Evangelium de Filio suo, nato secundum carnem ex semine David, declarato autem Filio Dei ex resurrectione mortuorum, per virtutem secundum Spiritum sanctificantem, &c. Hæc est nova illa doctrina, in mundum, sicut Psalmus hic dicit, per filium Dei spargenda. Antiqua doctrina est illa Mosi, Time Deum, fide Deo, dilige Deum, & proximum sicut teipsum, Sed hæc longe est excellentior. Non enim docet, quid nos faciamus, Hoc legis proprium munus est, ea exigit à nobis certa opera, quæ si non præstes, minatur iram Dei. Igitur nihil facit aliud, quam ut terreat, minetur & vexet nos, nec sinat quiescere. Nam quod exigit, nobis præstare impossibile est. Talis Doctor hic Rex non est, non exigit à nobis nostra opera, sed donat nobis sua, Non docet, qui nos sumus, Id enim lex facit, Sed quis ipse sit, ut nos cum amplectamur, & donis ejus fruamur, etiamsi non præstiterimus, quæ exigit Moses.

*Dominus dixit ad ME.*

*Legis officium.*

*Officium Christi.*

*Doctrina in mundum spargenda per Christum.*

*Evangelium tantum Christi proponit.*

*Illos audite. Aeneas serpente, Num. 21.*

Doctrina igitur hujus Regis distincta est ab omnibus alijs doctrinis, etiam ab ipsa Lege, quæ tamen cum de operibus, seu de eo, quod nos facere conveniat, agitur, perfectissima est, Sed hujus Regis doctrina non docet de operibus, sed de persona ad quam Dominus dixit, Filius meus es tu. Brevis doctrina, pure & simpliciter proposita, sine amplificationibus, sine circumstantijs, Sed si hæc pauca verba rectè consideraveris, ipsæ amplificationes se ultro offerent, quas Evangelium ostendit, quod personam hanc pingit clarius ac docet, ex Spiritu sancto conceptum ex Maria matre virgine natum, sub Pontio Pilato passum, mortuum, Iterum ex morte excitatum sua virtute, sedere ad dexteram Patris, ac esse mandatum de cælo, ut cum audiamus, ut in eum unum, sicut in deserto Iudæi in æneum serpente figamus oculos, nec usquam ejus verbis deflectamus, Sed quidquid tum loquitur, tum facit, id omne ad nostram salutem pertinere, ut statuamus, Nam hoc Evangelium ubique agit, ideo tum



miracula, tum conciones Christi; tam diligenter ostendit, vt cum nobis commendet, vt nos invitet ad eum amplectendum, sequendum, observandum. Hoc enim cum facimus, nusquam aberramus, sed retinemus rectam salutis viam.

*Legis Doctrina, Euangelium.*

*Hodie.*

*Summus fidei nostrae articulus.*

*Arium.*

Hæc augustior & præstantior doctrina est, quam sit Lex, quæ tantum hoc agit, vt doceat, quid nos faciamus. Non autem abiicit Euangelium legem. Est enim lex quoque Dei vox, cui parere omnes æquum est, sed Euangelium manente lege, docet quiddam altius. Quia enim parere Legi nemo potest, concionatur de Dei filio, quem Pater hodie, hoc est, ab æterno genuit, & super Zion constituit Regem, hoc est, voluit eum hominem nasci & docere. Hic, necessario excitantur animi sua sponte ad audiendum hunc tantum Regem, & ad observanda eius opera. Ergo summus hic fidei nostræ articulus est, scire, quod filius Mariæ sit æternus Dei filius, missus à Patre, vt prædicet, non vt pugnet. Habet enim virtutem in ore, non gladium in manu. Ac doctrinæ eius summa hæc est, quod dicit, Deus æternus Pater me genuit in æternitate. Hoc fidei nostræ caput, & Euangelij summus articulus est. Ideo tam graviter cum oppugnavit Satan per Arium, & eius impiam posteritatem.

*Articulus quod Christus sit Filius Dei quomodo impugnetur.*

*Doctrina Christi.*

*Christus verus homo, & verus Deus.*

*Hodie genuit.*

*Hodie apud Deum.*

Nec dum cessat etiam per corda nostra Satan hunc articulum labefactare. Vnde enim oriuntur pavores, lachrymæ, gemitus, querelæ piorum, quam quod hic articulus nondum satis firmus est in mentibus nostris? Si enim statueremus certo, hunc Iesum esse filium Dei, quid metueremus? Siquidem eum pro nobis stare, & in nostrum commodum missum esse à Patre certum est. Nunc tentamur peccatis miseri, metuiamus mortem, metuiamus damnationem, tantum ideo, quia conscientia dubitat, an Christus sit filius Dei. Hoc enim si certo crederemus, contemneremus peccatum, tanquam rem nihili, rideremus mortem & Satanam tanquam hostes prostratos & inertes. Quid enim sunt ad filium Dei, peccata, mors, Satan? Quod autem non credimus hoc, defectus est non in Doctore, aut verbo eius, sed in nobis, vel prorsus incredulis, vel infirmis credentibus. Hæc igitur est doctrina Regis nostri, quod concionatur Deum æternum ab æterno dixisse, Filius meus es tu, hodie Ego genui Te. Vides autem nihil hic proponi nostrarum rerum aut operum, id enim lex facit, Sed tantum hunc Dei filium, cum verbo & factis suis.

Sed conferamus jam hæc inter se. Vocat Psalmus in priori versu, Regem, & disertè dicit, constitutum Regem in Zion, Ergo sequitur bona & certa consequentia, esse eum hominem, alioqui quomodo posset corporalis loci Rex esse? Huc facit quod dicit, à Deo constitutum Regem. Dei autem non est constitui, sed constituere, est enim creator, Hic autem Rex constitutus est, Ergo est homo, est creatura. Hoc arguit ipsa constitutio & innunctio, & locus corporalis, vt sit verus, visibilis, & palpabilis homo, qui humana etiam voce doceat. Nec de eâ re dubium fuit hominibus vnquam, nec opus ad eam rem fuit fide. Nam oculis viderunt esse hominem, habentem carnem, ossa, sanguinem, & quæ non Dei, sed hominis atque adeo creaturæ sunt. Sed hoc an de isto Rege satis est scire? Nullo modo satis est, sed etiam est filius Dei, ab æterno genitus. Hoc oculis cerni, non potuit, Igitur ipse Rex hoc docet, & fide opus est.

Ne autem eludi possit textus, verba pensanda sunt. Filius meus es Tu, Hodie genui te. Est Deus extra tempus, est natura spiritualis, Igitur nihil temporale, nihil corporale ex se potest gignere, sed gignit sibi simile, hoc est, æternum & spirituale. Quia autem hæc verba dicit ad illam personam constitutam in Zion, vt esset Rex in corporali & visibili loco, quid inde sequitur? Nonne hoc, quod hic homo in tempore natus ex Maria virgine, antequam in utero Mariæ conciperetur per Spiritum sanctum, exstitit, & quidem ab æterno. Nam hodie apud Deum, sicut postea dicemus, non habet initium, non habet finem. Sic in hac persona coniungit textus præsens, divinitatem & humanitatem, vt vnum sint, vt rectè dicas, hic homo est Deus,

Hanc

HANC sententiam in Psalmo hoc ostensam retineamus firmiter contra Satanæ linguas, quæ hunc articulum conatæ sunt labefactare, Imò etiam contra nostræ rationis stulticiam. Cum enim stulti homines de Majestatis perfectione disputare incipiunt, labuntur & ruunt, tanquam Lucifer de coelo in blasphemias. Quid enim de tantis rebus nos miseri vel cogitare possumus, postquam à Verbo discesserimus? Quin potius sequimur hunc Psalmum, qui jam annister mille contra omnes hæreses firmus & inviolatus stetit, & clare & rotunde pronuncians hunc Regem esse & hominem, & æternum Deum. Huic definitioni assentiamur nos quoque, & quidquid præterea vel audimus, vel cogitamus, ab hac definitione dissentiens, id tanquam fanaticum, blasphemum, & à Satana excogitatum, execremur & damnemus.

*Sententia Psalmi, de divinitate Christi, firmiter retinenda.*

*Hæreses contra hunc Psalmum.*

Tulit implus Arius nomen filij Dei, Sed interea retinuit & defendit blasphemum dogma, eadem ratione nos quoque filios Dei esse. Quanto rectius Paulus nos adoptione filios esse dixit, hunc autem natura Filium esse, Itaque *αὐτοῦ εἰκόν*, seu imaginem invisibilis Dei appellat. Deinde Epistola ad Ebræos, quam apposite, quam graviter hujus Psalmi testimonio utitur, cum inquit? Cui Angelorum unquam dixit Deus, Filius meus es tu, Hodie ego genui te? Extollit enim hunc Regem etiam super Angelicam naturam, quæ tamen inter creaturas primum locum obtinet, ac meritò, Nam per Dei filium Angeli & Archangeli sunt conditi. Et Paulus Col. 1. idè *πρωτότοκος πρὸς πάντας αἰῶνας*, primogenitum totius creaturæ, vocat Filium, ut eum extra & supra Angelos & omnes alias creaturas collocet.

*Arium. Christus Filius Dei natura, non adoptione, &c. Lucus ex cap. I. ad Ebræos.*

In hac simplicitate vivamus, & non committamus nos huic alto & vastissimo pelago, disputaturi de tantis rebus. Est enim hic articulus admodum lubricus, primum propter subtilitatem, Deinde etiam propter nostram infirmitatem. Mera igitur stulticia est, & periculosissimus conatus, velle hæc scrutari subtilius. Si enim hoc possemus, non opus esset nobis ducere Scriptura. Imò hoc Doctore & Rege nihil nobis opus esset. Qui autem Scripturam negligunt, & fiducia ingenij tantas res aggrediuntur, hi sunt magistri Dei, & non discipuli, Itaq; sicut Phaeton gubernaturus Solem, præcipitantur & ruunt.

*De articulo Divinitatis non disputandum.*

*Phaeton.*

DE hac temeritate conqueritur Deus, cum apud Prophetam inquit, Cui assimilastis me? Nam hoc omnium Hæreticorum, hypocritarum & sectarum proprium est, ut sibi imaginem aliquam Dei fingant. Monachus ore confitetur, quod credat Christum esse Dei Filium, Sed huic Filio Dei affingit aliquid ex sua voluntate, & statuit eum probare cucullum, & hoc genus vitæ singulare, ac pro eo redditurum æternam vitam. Sed ò hypocrita quis jussit te Dei Filio talem, ut sic vocem, nasum affingere? quis certum te fecit, Deum tale aliquid abs te velle? Nihilo igitur Monachus, quando secundum Regulam suam sanctissimè vivit, sanior aut melior est Ario, dicenti, quod Deus tantum unus sit, Christum autem dici Dei filium, quod sit perfectissima & prima creatura, per quam omnes aliæ creaturæ factæ sunt. Si enim Christus Dei filius est, & in eo vno nobis acquiescendum est, quod Deus eum miserit Salvatorem, cur addit Monachus talem fiduciam suo operi à se delecto? Hæc incommoda inde nascuntur, quod omisso aut neglecto verbo, animi de Deo speculantur. Omnis enim speculator est figulus, & fingit quod in veritate non est, Sequitur enim rationem suam. Cum in his rebus tantum sit sequendum verbum, Ratio enim neque capere tantas res per se, nec vincere speculationes suas aut superare potest.

*Hæreticorum & hypocritarum proprium. Monachus.*

*Arium.*

Tales speculatores fuerunt Zinglius & Carlstadius. Postquam enim à verbo discesserunt, quod dicit, Panem esse corpus Christi, & vinum sanguinem Christi, necesse fuit eos aliquid aliud fingere. Hunc suum foetum seu cogitationem exosculati sunt, tanquam mater infantem, & quidquid postea legerunt in Patribus, hoc totum judicaverunt facere ad suam causam. Sed majore reli-

*Zinglius. Carlstadius.*

re religione sacra tractanda erant. Hic Rex, qui Doctoris officium habet, erat audiendus, ejus verbum retinendum erat, nec querenda opinio, ab ejus verbo aliena, aut dissqua sicut hæc est. Nam cum Christus de pane dicat, Hoc est corpus meum, ipsi dicunt, Hic panis nihil aliud est, quam panis, Et cum de calice dicat, quod sit sanguis novi Testamenti, ipsi defendunt, vinum tantum esse vinum, & significare, non autem esse sanguinem illum. Hæc pugnare quis tam cæcus est, qui non videat? & tamen fanaticos hos homines quidam etiam in cælum evehunt.

*Hoc est corpus meum.*

Quod igitur ad præsentem locum attinet, credamus & confiteamur cum Psalmo hoc, Christum, qui est Doctor in Zion & Rex, esse Dei filium, ab æterno ex Patre natum, supra, extra, & ante omnes creaturas. Non igitur est secundum hanc nativatem creatura, sicut Athanasius rectè dicit, Genitum, non creatum. Hic si ratio te interpellat, & cogitationes oriuntur, quales Turcarum sunt. Num igitur sunt duo Dij? Dic tu, Non sunt, Est tantum vnus Deus, & tamen est Pater, & est Filius. Quomodo hoc? Responde cum humilitate Nescio. Non enim voluit Deus cerni hæc oculis, in verbo tantum proposuit & credi voluit. Hoc enim facimus, non erramus. Sequimur enim lumen ab ipso Deo accensum, Nostra autem ratio cæcutit, nec videre tantas res potest.

*Athanasius.*

*Vnus tantum Deus.*

*Cum Patri tribuitur sermo.*

Hic iterum mutatae sunt Personæ, Potuit enim dicere, Ego sum Filius Dei, sed Patri tribuitur sermo. Fit autem hoc ideò, vt omnia referat ad Patrem, tanquam autorem. Sicut Christus solet in suis concionibus, vbiq; allegat auctoritatem Patris, ex sententia Patris, dicit se loqui, Patrem dicit facere, quæ ipse facit, Non dicit se facere aliquid ex sua voluntate, sed ex mandato Patris, vt omnes per Christum Patrem agnoscant, in Patrem credant, & Patrem prædicent. Hic est peculiaris modus hujus Doctoris, quem Spiritus sanctus hoc in loco ostendere voluit, cum Patri tribuit vocem, & tamen hunc Regem ostendit. Vult enim, sicut Christus quoq; facit, per Christum adducere nos ad Patrem. Pertinet autem hoc quoq; ad consolandos animos. Conscientia enim etiam ad Dei nomen expallescit & pavet. Agnoscit enim peccata, & metuit iram ejus. Ideò horret vocem Dei, & mallet vel Turcam vel Satanam audire. Sicut hic ipse affectus pulchrè pictus est, in historia datæ Legis, cum populus exclamat, Non loquatur nobis Dominus, ne fortè moriamur, Loquere tu nobis. Sicut enim Majestas divina non potest oculis hominis cerni, Ita aures nostræ ejus vocem ferre non possunt.

*Historia data Legi Exod. 19. 20.*

*Christum omnia, quæ loquitur & facit, refert in Patrem.*

Hoc videt Christus, Igitur semper quidquid loquitur, quicquid facit, refert id in Deum Patrem, vt terrorem hunc excutiat animis nostris, & triste hoc spectaculum, quod ipsi nobis fingimus, removeat ex oculis. Quid enim est in Christo, quod non sit plenum consolationis, amabile & jucundum? Cum igitur eum vides in cruce pendere, cum sanguine manare vides, & refers ista, secundum ipsius verba, in Dei voluntatem, An non ibi dulcescet horribile alioqui nomen Dei? & tu non solum nihil à Deo, mittenti in hunc finem Filium suum, metues mali, sed etiam certa spe misericordiæ & amoris erga te & totum genus humanum impleberis? Ad hanc rem utilis est, & valet allegatio hæc. Tribuit Spiritus sanctus Patri hanc vocem, Filius meus es tu. Ipse Christus allegat auctoritatem & voluntatem Patris vbiq; non sua causa, quasi ipsi ita opus sit loqui, Sed propter nostram conscientiam, vt statuamus nos habere Mediatorem, qui se interponat apud Deum, qui pro nobis intercedat medius, qui amet nos, qui pro nobis moriatur, idq; ex voluntate æterni Patris sui.

*Filius meus es tu.*

*Nova docendi ratio Regis Zionici.*

Hæc ratio docendi nova, & mundo incognita, ac ab impijs prorsus abscondita est, sed pijs est nota. Hi cum summa voluntate Doctorem hunc Zionicum audiunt, qui etsi doceat ipse, tamen docet nos verbum, quod Pater loquitur, Dominus, inquit, dixit ad me, Filius meus es tu. Q. d. Doctrina non est mea. Ego tantum narro & recito, quod ad me dictum est. Igitur qui me audit, Patrem

rem



trem audit. Ego enim etsi prædico, tamen non prædico, Sed vnum est verbum, quod ego loquor, & Pater cogitat &c. Hoc utile est discere, ne scilicet putemus Patrem aliter esse erga nos affectum, quam ex Filio audimus, qui cum pro nobis moriatur, profecto odisse nos non potest. Idem de Patre statue & crede. Nam Christi vox, est vox Patris invisibilis. Loquitur enim Filius ex ore Patris, & vicissim Pater ex ore Filij, Pater enim & Filius vnum sunt. Ad hunc modum, etsi personæ sint differentes ( hoc est, Pater non est Filius, nec Filius est Pater ) tamen voluntas est eadem, & verbum idem.

*Christi vox est  
Patris vox.*

**VALET** autem hoc eo quoque, ne cogitationibus nostris à Christo discedamus, quæsituri, audituri, invocaturi Patrem, Sed sicut Christus ad Philippum dicit, certo statuamus, cum intuemur, audimus, invocamus, colimus Christum, nos Deum Patrem intueri, audire, invocare, colere. Igitur adhæreamus huic Doctori, nec nos ab ejus verbo patiamur abduci. Quod enim ex ipso audis, ex æterno & invisibili Patre audis, nec est præter hunc Christum alius Deus, aut alia Dei voluntas quærenda. Qui igitur indulgent suis cogitationibus, & de Deo & voluntate ejus, sine Christo speculantur, hi Deum prorsus amittunt. Igitur quod Spiritus sanctus hic dicit, Dominus dixit ad me, Intelligendum est de vera Divinitate, sicut Epistola ad Ebræos hoc ipso testimonio utitur.

*Deum tantum  
in Christo invenitur.*

**DE** particula, Hodie egogenui te, variè disputarunt Doctores. Alij enim de nativitate Christi exponunt, alij de Resurrectione & tempore novi Testamenti, Sed nos retineamus *genitum* seu literam. Verbum Ebræum enim significat propriè gignere. Id hoc loco non potest intelligi de nativitate naturali seu temporali (non enim de hominibus, sed de Deo dicitur) Significat igitur nativitatem æternam & invisibilem. Igitur ejusmodi verbum est, quod intelligi aut comprehendi ratione humana non potest. Filius narrat nobis, sed nisi crediderimus, nunquam intelligemus. Est enim verbum allatum ad nos ex illa inaccessiblei luce, quam Deus habitat. Tum intelligitur cum inter homines de hominibus dicitur, Sed hic cum Pater æternus, qui Spiritus est, de Filio suo hoc verbum loquitur, intelligi non potest. Vides autem hoc ipso in loco duplicem prædicationem. Prima est interna, quando Dominus cum Filio loquitur. Eam nos, neque audimus, nec intelligimus, sed tantum intelligitur ab eo, qui dicit, & ad quem dicitur. Altera prædicationis est externa, quando Filius nobiscum loquitur, Dominus dixit ad me, Filius meus es tu. Hanc audimus quidem, sed etiam non intelligimus, Sola enim fide apprehendi vult & potest. Accipio igitur locum hunc de generatione æterna.

*Hodie genitum*

*Filius genitum  
ex patre.*

*Prædicationis interna & externa.*

**Augustini** Disputatio non displicet, vbi comparat verbum præteriti temporis cum adverbio præsentis temporis, & dicit coram Deo, neque præteritum neque futurum esse, sed extra tempus & in æternitate omnia esse præsentia. Et tamen tempore præterito voluit Spiritus sanctus uti, ad notandam perfectionem nativitatis, Alioqui si, ut res est, loqui volumus, hodie, quotidie, & semper nascitur, & natus est Filius Dei. Nam æternitas neque præteritum neque futurum habet. Ad hunc modum accipienda particula, Hodie, est pro tempore, scilicet Dei, non nostro. Non enim nobiscum loquitur Deus, sed cum illo, qui est extra tempus apud Deum. Nos habemus ista temporum discrimina, ut aliud sit hodie, aliud heri, aliud cras. Hanc differentiam nescit æternitas, vbi nullum est tempus, neque præteritum neque futurum, sed perpetuum hodie, sicut Petrus dicit, Vnus dies apud Dominum, sicut mille anni, & mille anni, sicut unus dies. Nam principium, finis, & medium temporis, apud Deum sunt vnum momentum.

*Augustini cogitatio de hoc loco.*

*Hodie*

**Hæc** verba sicut psitaci loquimur sine intellectu. Sumus enim temporales, seu, ut verius dicam, vna exigua particula temporis. Nam quod fuimus abiit, quod autem futurum est, eo caremus. Ita de tempore nihil habemus, nisi

*De tempore  
habemus breve  
momentum.*

*Duplex Chri-  
sti nativitas.*

*Non disputan-  
dum de hoc  
Articulo.*

*Præcipui arti-  
culi nostræ fidei  
in hoc Psalm.*

*Qui credit  
Christum Dei  
esse Filium, &  
omnia credit.*

*Qui non credit,  
Christum esse  
Dei Filium,  
nihil credit.*

*Filius meus  
es tu.*

*Ratio clara.*

nisi momentaneum quiddam quod præsens est. Pertinet igitur adverbium, Hodie, ad illam æternam nativitatem Filii, quæ manifeste convincit, cum non esse creaturam. Siquidem hodie, hoc est, in æternum est natus, sine principio & sine fine, in præsentissima, ut sic dicam, nativitate. Dixi autem supra, si con-feras hæc, quod & ab æterno sit natus hic filius, & tamen sit Rex in Zion, sequi duplicem ejus esse nativitatem, extra tempus, & in tempore, & simul verum hominem & verum Deum esse hanc personam ex Maria virgine natam. Id quo-modo aut factum sit, aut potuerit fieri, cave disputes subtilius, Verbum sequere simplici fide, quod de his rebus sic nos docet, & disputationes fuge: Non enim hominum hoc figmentum est, ut de hoc homine ex Maria virgine nato dica-tur, esse Deum, esse à Patre ab æterno genitum, Scriptura sola nos hoc docet, Credamus igitur, tanquam articulum nobis divinitus sine nostro invento tradi-tum & ostensum nec æstimenus tantas res ex nostra mendicitate, qui tantum breve momentum de tempore habemus, æternitatem autem ne intelligimus quidem.

HABETIS igitur jam præcipuos Fidei nostræ articulos ostensos in hoc Psalmo, Quis & qualis Rex sit Christus, Nempe à Patre ab æterno genitus, & constitutus super montem Zion. Deinde quale ejus sit Regnum, quod scili-cet Doctor sit ultra Legem & Moysen. Docet enim non de nostris operibus, sed de se, quod sit æternus Filius Dei, ut excitet nos ad amplectendum se, & ad fiduciam suorum meritum & operum. Hæc qui admittit & credit, huic mox se amplificabit hic Rex per sua dicta & facta. Verbum ejus non contemnes, neque negliges, Scis enim Dei Filium esse, In facta quoque ejus intueberis, & sum-ma cum voluptate audies, quod factus sit homo, quod passus sit mortem crucis, quod ex morte excitaverit ipse sese. Statues enim hæc non sua causa facta, cui, quia Filius Dei est, nihil deerat, sed tua, ut tu à morte, à peccato, à Satanæ la-queis & tyrannide feres liber. Confides igitur in hunc Regem, & per ipsum statues te potiturum æterna vita. Hæc omnia sequentur, cum firmiter hunc articulum retinebis, quod Christus sit Dei æternus Filius.

Qui autem hunc Articulum non firmiter retinent, hi aut, sicut Turcæ, si magnificent Christum, judicabunt eum Prophetam esse, Aut, sicut Papa, non magnificent, ejus opera & verba, Sed quærent sibi præsidia alia, quibus re-missionem peccatorum & vitam æternam sperent. Norunt hi quoque ex Ma-ria natum, & sub Pontio Pilato passum, Sed hæc omnia eis historica tantum sunt, non excitantur ad fidem, non concipiunt per hæc certam spem salutis, sed sicut legunt historias Regum, Iuda aut Israël, ita hæc quoque de Christo no-runt. Non enim potest aliter fieri. Totum Evangelium tantum historia sit, amissa hac capitali sententia de æterna nativitate Christi. In hac enim posita sunt omnia. Itaque qui hanc tenent, apud hos dicta & facta Christi, non sunt mortuæ historiæ, sed res viventes, nobis idcirco à Filio Dei objectæ, ut nos per eas viveremus.

Igitur notate hunc versum diligentissime, Filius meus es tu, Ego hodie genui Te, Sunt pauca verba, sed immensum pondus habent, ac ratione com-prehendi non possunt, Quæ cum se extra tempus & temporalia proripit, pro-terius cæca & stupida est, nihil neque videns, nec sentiens. Fide igitur opus est, Ratio autem, sicut Paulus de mulieribus in Ecclesia præcipit, nihil loquatur, sed sileat. Sicut autem Spiritus sanctus nos de Rege hoc docuit hactenus, à priori, seu (si modo ita dicere licet) ab efficienti causa, quod à Patre ab æterno sit ge-nitus. Ita jam perget eum describere à posteriori, & ostendet ex ipsis effecti-bus hunc Regem non solum hominem, sed Deum esse.

*Postula à Me, & dabo Tibi Gentes hereditatem, & possessionem  
tuam terminos terræ.*

VIII

Hæc

H AEC simul ad Regni & personæ descriptionem referenda sunt. Arripuit Arius quoque hunc locum contra Divinitatem, Si inquit, Christus natura Deus est, jam antea est Dominus Gentium & finium terræ, sed hic postulat tanquam inferior Deo, & accipit, quod antea non habuit, Igitur non est Deus, sed perfectissima creatura, Vnde etiam nomen habet, & vocatur filius Dei. Sic sunt subtilia ingenia, officina Satanae, postquam à Verbo se patiuntur abduci, & nuntiantur suo sensu. Quin potius invertimus totum argumentum, & sic concludimus? Filius hic constituitur Dominus finium terræ, hoc est totius creaturæ, Ergo sequitur eum esse natura Deum. Sic enim Dominus dicit, Gloriam meam non dabo alteri, Huic dat gloriam suam, Ergo non dat alieno, sed sibi simili, hoc est, Deo, Et tamen manet differentia personarum, Alius enim dat, Alius autem postulat dari, imo jubetur postulare. Cur autem hoc? Si Deus est, cur sibi non sumit, quod suum est? quid opus est eum postulare?

Respondeo, Loquitur Psalmus de filio Dei, non sicut ab æterno fuit. Hac enim ratione est Dominus creaturæ, nihil accipit, sed omnia habet, Sed loquitur de Rege in Zion, hoc est, de filio Dei incarnato, de homine nato ex Maria virgine, & incipiente Regnum suum in corporali Zion per Euangelium. Huic homini, qui infra Angelos humiliatus est, tradit imperium in gentes Deus, ut omnes ei pareant, ut omnes per eum remissionem peccatorum & vitam æternam sperent. Et jubetur Filius postulare hoc imperium, ut scilicet ubique se ostendat reverentia erga Patrem & ineffabilis humilitas. Non intrudit se, non ultro rapit, In humiliatione crucis manet, sicut dicit, Discite à me, quia mitis sum & humilis corde, & expectat dum Pater eum exalter. Est igitur Iohannica hæc Phrasis, hoc est, Christi propria, Ad hunc enim modum solet loqui, Pater major me est. Verba, quæ loquor, non mea sunt, Pater operatur, & ego operor. Ubique enim solet Patrem autorem allegare, & referre omnia sua ad Patrem, Non solum ad terrendos impios, sed etiam ad consolandos pios, sicut paulò antè diximus.

Discito igitur virgere contra Arianos hunc versum, Accipit Christus dominium in gentes, accipit autem sic, ut ipse sit Dominus, ut per ipsum Gentes accipiant justiciam & iudicium, beneficentiam & veritatem, Sicut Psalm. 89. testatur. Sunt autem hæc tales res, quæ ne in Angelorum quidem manu sunt, sed solus Deus remittit peccata & justificat, Solus Deus liberat à morte & æterna damnatione, Solus Deus dat Spiritum sanctum, Solus quoque Deus verax est. Hæc cum jubetur filius effundere in Gentes, quis non videt eum natura Deum esse? Hæc enim non creaturæ sunt opera, & tamen hæc persona, cui hæc ab ipso Deo Patre donantur, est semen Davidis, & tenet sedem Patris sui Davidis. Sicut igitur Arianis verbum, Dabo, plenum scandali est, Ita nobis consolationis plenum est. Quia enim filius Dei apparuit in carne nostra, tanquam Semen Davidis, pertinet hoc verbum ad declarationem, de qua S. Paulus Roman. 1. loquitur, Quod potenter declaratus sit filius Dei unigenitus, qui omnia à Patre habet.

Ad hunc modum non offendit nos, sed ædificat verbum postulandi, Ac docet, ne more gentium, Turcarum, Iudæorum, petaturi aliquid accurramus sine reverentia ad Deum tanquam ad ignotum Dominum, sed conferamus nos ad Filium, mediatorem inter nos & Deum, cui Pater omnia tradidit. Sicut Christus dicit, hunc ipsum Psalmi locum quasi enarrans, Omnis potestas mihi tradita est in coelo & in terra. Ita consequemur, quod optamus, nec dubitabunt animi nostri sic, ut necessario Turcarum & Iudæorum animi dubitant, invocantes, quem non norunt. Nos autem Christum novimus declaratum filium Dei, cum daretur ei potestas in Gentes. Itaque orantes in nomine ejus consequimur, quidquid oramus. Hæc initio contra Arianam pestem ad confirmandum nostræ fidei summum articulum paucis sint dicta, Nunc explicabimus verba.

O o o o

CONSTI.



*Finis Regni  
Christi.*

*Christum non  
mutas leges  
civiles.*

*Regnum Chri-  
sti.*

*Cur Gentes  
Christo se op-  
ponant.*

*Doctrina filij  
Dei de remissio-  
ne peccatorum.*

*Perirent qui  
se Christo op-  
ponunt.*

CONSTITUTVS est hic Rex in sede sui Patris David Zion, ibi in popu-  
lo Davidis incipit Regnum suum, non gladio, sicut David, sed tantum verbo,  
Est enim prædicator. Sed Regnum in Zion & populo Davidis ceptum non ibi  
finitur, sed proferuntur Regni hujus fines in omnes Gentes, & ad terræ termi-  
nos, Hoc est, Regnum ceptum in Ierusalem, verbum in Zion primò prædica-  
tum, evulgatur in totum orbem terrarum, sicut Psalm. 19. dicit: Non sunt lo-  
quelæ, neq; sermones, ubi non audiatur vox eorū. In omnem terram exivit sonus  
eorum, & in fines orbis terræ verba eorum. Est igitur cum hoc versu conjungen-  
dus is, qui præcessit, ne ideò, quia Christus prædicatur Dominus & Rex totius  
mundi, in eā insaniam prolabaris, vt omnia politica Imperia ideò existimes, aut  
non legitima imperia, aut latrocinia esse, Sicut quidam ineptè disputant. Præce-  
dens enim Versus hunc Regem dicit Doctorem esse, Igitur non dissipabit Poli-  
tias, non mutabit leges civiles, non rapiet regna. Hæc manebunt eadem condi-  
tione, qua antea in mundo fuere, Hoc est, facientes officium Reges & Principes  
erunt felices, Contra, negligenter administrantes officium dabunt poenas.

Hunc mundi sive cursum, sive ordinem non mutabit hic Rex, nec abo-  
lebit. Regnum enim ejus non est de hoc mundo, Sed ad omnia Regna, ad Re-  
spub. omnes afferet novum Verbum & doctrinam novam de se, Quod omnes,  
qui credunt in ipsum & baptizantur, habituri sint remissionem peccatorum &  
vitam æternam. Hoc hujus Regis Regnum, hæc ejus dominatio, hoc impe-  
rium ejus est. Qui igitur non credent, qui non amplectentur eum, hi æterna mor-  
te punientur, nec poterunt se evolvere ex peccatis, aut effugere peccati poenam.

Sed hoc Regis nostri Regnum, hæc ejus doctrina, est occasio motuum, de  
quibus Psalmus initio dixit. Tumultuantur enim Gentes, Populi meditantur,  
Reges se commovent, & Principes conspirant, tantum ideò, vt hunc Regem &  
doctrinam ejus, qua regnat, aboleant. Idq; hanc ob causam non tantum sunt  
instructi ratione & sapientia Gentes & Populi, sed etiam libero arbitrio, quo se  
conformant ad honestam, & in speciem sanctam vitam. Nisi enim hoc aliquo  
modo in hominis viribus esset positum, quid disciplina, quid leges prodes-  
sent? Quod autem quidam Legum vinculis constringi cupiditates suas sinunt, qui-  
dam autem, tanquam rabiosi canes, vincula perrumpunt, & indulgent cupidita-  
tibus, Quis non videt hoc rationis humanæ opus esse, quod etiam sine Spiritu  
sancto ipsa per se præstare potest?

His igitur donis, scilicet Lumine rationis & libertate arbitrij instantur  
Gentes, & Regem hunc cupiunt oppressum, qui simul & rationis lumen & li-  
bertatem arbitrij damnat & abiicit, tanquam ad remissionem peccatorum &  
vitam æternam inutilia. Docet enim hic Rex remissionem peccatorum & vi-  
tam æternam tantum per suam mortem & merita sua contingere, & sibi hanc  
à Patre traditam potestatem dicit. Caterum lumine rationis, & arbitrio seu vo-  
luntate vult homines vti, ad hujus mundi res gubernandas, & ad præstandam in  
externa vita honestatem. Nam ad hoc ambo hæc ratio & voluntas valent. Sed  
hoc Gentibus exiguum videtur, salvari per hæc naturæ dona volunt. Id cum re-  
prehendit Christus, movent turbas, & damnant Doctorem seu Regem hunc  
cum sua doctrina.

QUOMODO igitur inquies Christus Rex est Gentium, Siquidem Gentes  
eum nolunt & damnant, Siquidem contra eum movent turbas? Respondeo, Si  
Gentes abiicientes Christum id cum suo commodo facerent, Ibi sane nascere-  
tur incommodum Regi Christo: Sed Gentes abiiciunt Christum cum summo  
suo periculo, & certissima perditione. Igitur Christi Regnum hac ratione non  
læditur, Sed incredulus mundus sibi ipsi nocet & accersit damnationem. Ma-  
net igitur sententia hæc, Tradidit Dominus Christo Regi imperium in omnes  
Gentes, Itaq; ipse per Euangelium suum omnes vocat ad fidem. Qui audiunt  
& parent Euangelio, accipiunt remissionem peccatorum & vitam æternam.

Qui

Qui autem non credunt, hi manent in peccatis, nec rationis beneficio, nec liberi arbitrij viribus ex peccatis se possunt evolvere. Non igitur Christi regno, cui se opponunt, sed sibi ipsis nocent.

Pertinet igitur hic Versus, non solum eo, ut ostendat Legem Mosi abrogandam, Siquidem novum Regnum à Christo institutum, etiam in Gentes transferendum est, Sed ad abolenda omnia, quæ per rationem & voluntatem hominis possunt perfici, quod ad salutem & vitam æternam nihil valeant. Non igitur disciplina, non ceteræ virtutes, quæ à voluntate fingi possunt, non suscepta quantumvis difficilia opera remissionem peccatorum merentur, aut nos cum Deo reconcilient, Sed sola fides in filium Dei. Sed, ut dixi, hæc doctrina turbarum & tumultuum causa est in mundo. Nam cur nos hodie damnamur, quam quod hunc Regem dicimus solum esse justiciam nostram? quod sola in ipsum fide affirmamus contingere remissionem peccatorum & vitam æternam? Sed nihil moveat nos furor mundi. Scimus enim ex hoc Psalmo, datum Regi nostro imperium in omnes Gentes, ut sint possessio ejus, hoc est, ut per ipsum salventur, & accipiant remissionem peccatorum & Spiritum sanctum, Qui autem eum agnoscere nolunt, de his aliud postea judicium erit.

Igitur vocabulum, Gentes, non ita nude pro materia est accipiendum, *Gentes Christo tradite.* Sed complectitur omnia, quæ Gentes habent, justicias, sapientiam, potentiam, leges & cetera, quibus se credunt, & adversus civilia mala & æterna tutos. Vide Romanum Imperium non solum potentia, sed legibus quoque præclare munitum, in eo invenies excellentes viros, quorum virtus ad cælum usque literis tollitur. Hos admiratur mundus & prædicat, ac imprimis religionis studio capiuntur anigni. Sed quid dicit hic Psalmus, Postula à me & dabo tibi Gentes, hoc est, non juvabit Romanum imperium sua potentia, non leges, non virtus, non religio: Tui sunt, & tibi traditi, hoc est, Si in te crediderint, placebunt mihi, & erunt in gratia, Si non, abijciam & perdam eos, non poterunt se tueri. Pertinet igitur hic Versus ad nos consolandos contra scandalum crucis. Nam, ut Psalmus initio dixit, Gentes tumultuantur, fremunt Populi, insurgunt Reges, Principes consultant. Neque abeunt hæc sine Ecclesiæ periculis, & certis incommodis, Sed hic statuamus postulasse Christum imperium in Gentes, & à Deo Patre id ei traditum. Infaniam igitur mundus, tumultuetur Satan cum toto inferno, non tamen prævalebunt. Nam Christi Regnum est & erit, ac dominabitur in medio Inimicorum suorum. *Romanum Imperium.* *Dabo tibi Gentes.*

Ad hunc modum in privata quoque lucta erigamus nos, cum animi lege, peccato, morte terrentur, Ibi arripiamus verum hunc, Tibi dabo Gentes possessionem tuam, & fines terræ hereditatem tuam. Hoc est, statuamus Christum auctoritate Patris constitutum Dominum super omnia, ut salus ex ipso solo pendeat. In hujus igitur mortem cum simus baptizati, hujus nomen cum invocemus, hujus verbo cum nitamur, Statuamus victoriam nostram fore, ac nos per ipsum dominaturos morti & inferno. Non enim Deus Pater hic de alijs aut capis concionatur, Tradit Filio in manus omnia, ut per ipsum salvi fiant, qui credunt, qui autem non credunt, ut pereant & damnentur. Non igitur mundus, non Satan, non cor nostrum nos perturbet. Affligimur quidem & premimur varie, sed præcessit nos in hoc ipso curriculo filius Dei, Sensit is quoque fremitum gentium & Regum minas ac conatus, sed tandem declaratus est Rex omnium gentium Terræ, & dominator ad salutem credentium, & damnationem incredulorum. *Christum Dominum omnium.*

INSIGNIS igitur hic proponitur consolatio pro credentibus, quod cum habeamus Dominum, qui totius mundi sit Dominus, cui Reges & Gentes omnes, etiam Satan ipse servire & parere, aut interire aut perire debent. Si rem videas, nihil hujusmodi apparet, & tamen exitus ostendit Spiritum sanctum vera dicere. Vide, quale Regnum Christi fuerit temporibus Apostolorum, Pauci numero *Regnum Christi si temporibus Apostolorum.*

Synagoga &  
Romanum im-  
perium &c.

mero & iidem contemptissimi, ac sæx vulgi erant, qui Regem hunc prædica-  
bant, & mundo ostendebant. Contra Synagoga florebat & dignitate potentia,  
ac totis se opponebat viribus his novis Doctoribus. Tandem accedebat Roma-  
uum imperium, id multorum millium Martyrum sanguinem effundebat, ad  
opprimendum Regem hunc, nec apparebat tum Christum habere regnum in  
Gentes. Gentes videbantur dominari non Apostolis solis, quos occidebant im-  
pune, sed ipsi Christo, quem blasphemabant, Et tamen quis non videt tum Syna-  
gogam, tum Romanum imperium huic Regi traditum? Quia enim cum nolue-  
runt amplecti, ita perierunt, ut vix extent vestigia, aut umbra quædam tantæ po-  
tentia. Ita hic versus pessumdedit quidquid se opposuit Christo, Nec dubitabi-  
mus, quin hostes Christi, qui hodie Evangelio se opponunt, ad eum modum pe-  
rituri sint. Non enim vana hæc vox est, Dabo tibi gentes, &c.

Zinglium.  
Carlstadium.

Sicut autem Reges terræ insurgunt, sicut Gentes tumultuantur, sed ad  
extremum sentiunt irritos conatus, & certum exitium, Ad eum modum in cor-  
dibus nostris sæviunt, Mors, peccatum, lex, Sed, quia hic scriptum est, Tibi da-  
bo Gentes possessionem tuam, Insurgere, & aliquid conari hi nostri hostes pos-  
sunt, vincere autem non poterunt. Hoc enim est Regi nostro datum, qui super  
Zion constitutus est. Hujus vnus est Regnum, potentia, & gloria in secula secu-  
lorum, Amen. Idem, de hæreticis & Ecclesiæ turbatoribus statuamus. Zin-  
glius & Carlstadius jam movent turbas; Persuadere conantur simplicibus, in cœ-  
na Domini tantum edi panem, & bibi vinum. Christi autem verba, quibus af-  
firmat, hunc panem esse corpus suum, & hoc poculum sanguinem suum, mali-  
etiose & impie depravant secundum cordium suorum vanitatem. Mihi igitur  
dubium non est, qui ipsi quoque daturi sint poenas hujus impietatis, & cum suo in-  
genti damno experturi tandem, quod Christus dominetur.

sciti.

Emphasis igitur est in vocabulo, Gentes. Non enim nudè accipiendum  
est pro corporibus tantum, seu materia, Sed complectitur justiciam, sapientiam,  
potentiam, voluntatem, rationem, & omnia alia dona. Hæc omnia Christo  
subijcit Pater & obnoxia facit, ita, ut simpliciter abijciat & condemnet Gentes  
cum omnibus quæ habent, nisi in Christo & per Christum sint in gratia. Sunt  
quidem aliquid in mundo, Leges, studium virtutis, disciplina, justitia &c. Sed  
ad Christum collata, sunt nihil, & merentur damnationem æternam. Gratia  
enim & veritas tantum per Christum contingunt, quem Pater constituit Domi-  
num super omnia, etiam super peccatum, & mortem, & Satanam.

Christus Dom.

Dixi autem supra, pertinere hæc ad declarationem, quod sit filius Dei,  
seu natura Deus, Non enim creaturæ est, dare vitam, abolere mortem, & sanare  
peccatum. Hæc igitur quia Christus facit, & facit Patre ita volente, jubente &  
donante, sequitur esse Deum, juxta illud, Gloriam meam non dabo alteri. Re-  
ctè igitur Epistola ad Ebræos dicit, Cui angelorum dixit, Filius meus es tu? Ac  
nos ad eundem modum hic quoque rectè dicimus, Cui angelorum dedit Gentes  
in possessionem, & fines terræ in hæreditatem?

*Conteres eos sceptro ferreo, & ut vas Figuli confringes eos.*

IX.

PRAECEDENS Versus docuit, quod divina autoritate hic Rex con-  
stitutus est, ad destruendum evellendum, damnandum, quicquid est religionis,  
sapientia, potentia & justitia in toto mundo, & apud omnes Gentes. Huic e-  
nim soli Regi hæc gloria reservata est, ut in nomine ejus justificentur & vivant,  
quicunque justificantur. Habeant igitur Iudæi infinitos Moses, si vnus eis non  
satis est, habeant gentes Doctores juris & justitia, habeant Monachi & justicia-  
rij certas religionis notas, si hunc Regem non habent, si ejus justitia non sunt  
ornati & donati, sunt & manent in regno Satanæ, in peccatis & morte. At-  
que hæc causa est, quod mundus, sicut initio Psalmi hujus Spiritus sanctus va-  
ricinatus est, totis viribus huic Regi se opponit, nec vincula hæc vult sustinere,  
Non



Non vult, ut etiam hodie experimur, damnari sapientiam suam, Non vult ac-  
culari iusticiam suam, quasi sit peccatum, Non vult potentiam suam contemni  
tanquam infirmitatem, In summa, Non vult ferre sententiam hanc, quod  
omnia sua sint nihil. Si enim illa misera metalli substantia, aurum scilicet &  
argentum, facit inflatos homines & superbos, Quanto magis Religio, iusticia,  
& notitia legis, divinitus datae, inflabunt infirmos animos?

*Increduli pe-  
vibunt.*

Cum igitur hæc summa dona mundus audit per Euangelium reprobari,  
& tantum commendari hunc Regem, non offenditur solum, sed etiam arma pa-  
rat, & totis viribus vindicare sua dona ab hac contumelia contendit. Hæc cer-  
taminum acerrimorum occasio est, ut mundus & Rex hic infestis animis inter  
se concurrant, eo tamen eventu, de quo Psalmus 118. vaticinatur, Lapis, quem  
reprobaverunt ædificatores, factus est in caput anguli. Comparat Regem hunc  
Lapidi, quem ædificantes reprobant, hoc est, abijciunt tanquam ad nihil vti-  
lem. Contra, sicut statuunt lapidem reprobum esse, Ita se, iusticias suas, ope-  
ra sua ornant hoc titulo, quod Deo placeant, quod sint Ecclesia & populus Dei.  
Hæc contradictio & reprobatio, necesse est, ut sit, ubicunq; hic Lapis est, & ædi-  
ficatores sunt, hoc est, tales, qui gloriuntur se esse Ecclesiam & possessionem  
veræ doctrinæ & sanctorum cultuum sibi vendicant. Quis autem horum cer-  
taminum tandem erit finis? Hic nimirum, de quo Psalmus dicit, Reprobatus  
lapis fit lapis anguli, qui totum ædificium sustinet, Et fit, ut, qui cadent super  
hunc lapidem, confringantur, super quos autem hic lapis ceciderit, ut commi-  
nuantur. Sic enim Christus Matth. 21. Psalmum hunc exponit, Et est prorsus  
eadem huius quoq; loci sententia.

*Locus ex Psal-  
mo 118.*

*Christus La-  
pis anguli.*

*118. 21.*

CONTERES, inquit, eos scepro, seu virga ferrea, Hoc est, concitabi-  
tur mundus contra te, non feret hoc de se iudicium, parabit vim & arma, Sed  
quo eventu? Hoc nimirum, ut tandem conterantur & pereant. Habes enim  
virgam seu sceptrum ferreum & adamantinum, quod sustinere non poterunt,  
&c. Si cui magis placet latina translatio, Tehroem, Reges eos, seu, ut Hiero-  
nymus vertit, Pasces eos, Ne hæc quidem insuavis aut inconcinna figura est. Sic  
enim nos quoq; germanicè solemus loqui, Du solt ihnen ein bislein zu fressen ge-  
ben/ da sie an sollen zu dâwen haben/ Dabis eis pabulum tale, quo peribunt.

*Reges eos.*

Est igitur versus comminatorius, & terret impios, qui huic Regi se op-  
ponunt, Contra nobis est consolatorius, qui nos cum hoc Rege conjungimus,  
ac scimus esse eum, quo ad mundum, infirmum Regem, laborantem in multis  
infirmitatibus, sive se ei opponant Tyranni & potentes in mundo, sive falsi Fra-  
tres & autores Sectarum ac Hæresium, sive etiam conscientia nostra. Sed tan-  
ta infirmitas nostri Regis non est, neq; etiam potentia adversariorum tanta,  
quin tandem omnes, qui se ei opponunt, tuant & pereant. Retineamus igitur  
consolationem hanc, cum mundus furit, ac vi & armis contra Regem hunc  
grassatur. Etsi enim mundus habet magnam potentiam, contra Rex hic ad-  
modum est infirmus, Nihil enim habet quo pugnet, quàm verbum Euange-  
lij, quod secure à mundo contemni videmus, Tamen hoc ipsum verbum, sic  
contemptum & neglectum in mundo, tandem destruet omnes suos hostes. Est  
enim, ut Propheta hic loquitur, ferreum sceptrum, Contra mundus est vas fi-  
gulinum, levi igitur impulsu ferri vas Figuli disijcitur.

*Mundus vas  
est figulinum.*

CUR inquires, hoc nomine Euangelium appellat Spiritus sanctus, cum  
re vera sit verbum recreans animas & salvans, sicut Christus quoq; non venit  
ad perdendum mundum, sed ut salvet mundum. Hic autem diversum vatici-  
natur Spiritus sanctus, quod mundum sit vastaturus. Respondeo, verum est,  
quod hoc Christi officium est, ut salvet, ut à peccatis liberet, & donet æternam  
vitam. Sic Euangelium quoq; recte dicitur à Paulo, potentia Dei ad salutem  
omni credenti. Qui enim Christum amplectuntur, & verbo ejus credunt,  
vere consequuntur salutem. Ideo Scriptura quoque eum vocat anguli Lapi-  
dem,

*Euangelium  
sceptrum fer-  
reum.  
Christi of-  
ficiu.*

*1. 2.*

Oooo

dem,

*Christus lapis  
regulatus.* dem, qui sustinet totum ædificij pondus, cui totum ædificium innititur, ne cor-  
ruat. Qui autem Christum non amplectuntur, & verbum eius oderunt, hi quia  
salutem suam abijciunt, quomodo possunt non perire? Qui hunc Lapidem non  
volunt inniti, sed aperta fronte contra eunt, qui aut cadunt in hunc Lapidem,  
aut super quos hic Lapis cadit, quomodo non possunt lædi?

*Verbum Evan-  
gelii est virga  
salutis creden-  
tibus.* Igitur Christus quoque dicit, Iohan. 12. Non veni, ut iudicem mundum, *Iohan. 12.*  
sed ut salvem mundum. Qui me spernit, & verbum meum non accipit, is ha-  
bet, qui cum iudicet, Verbum quod locutus sum, iudicabit eum in novissimo  
die. Est quidem sceptrum seu virga salutis verbum Evangelii omnibus cre-  
dentibus, Sed qui hoc abijciunt, quia salutem abijciunt, non possunt non peri-  
re. Non culpa verbi, quod sanctum est, & vitam offert, sed sua culpa, quod hanc  
salutem, quæ offertur, reiiciunt, & nituntur potius, sicut Iudæi, lege & sacrifi-  
cijs, sicut Monachi votis & traditionibus suis, sicut iusticiarii omnes cultibus,  
quos ipsi sibi delegerunt. Cur enim non humiliant se, cur Deo non dant ho-  
norem, cur non fatentur se miseros esse peccatores, & Christum amplectuntur?  
Sic enim esset eis Evangelium salutis & vitæ virga.

*Virtus verbi  
invisibilis.* DILIGENTER igitur notabis hanc descriptionem, quod Evangelium  
appellatur sceptrum ferreum, Qui autem Evangelio se opponunt, testa aut vas  
figuli. Profecto non magni negotij res est, si manibus teneas ferreum malleum,  
ollam fictilem confringere. Quid enim tuis viribus, quid brachiorum ponde-  
re opus est? Ferrum tenere in ollam cadens, eam confringet. Pertinet igitur  
hæc descriptio ad significandam illam invictam virtutem Verbi, quæ non cer-  
nitur oculis, sed est abscondita. Si enim mundi seu rationis iudicium sequaris,  
quid est verbo infirmius? quid contemptius? Non enim ferrum, sed stipula, aut  
levis palea esse videtur, quæ infirmo anhelitu seu spiritu loco movetur, nec po-  
test consistere. Ita enim Reges, Pontifex, Episcopi & tota impiorum turba co-  
gitant de nobis, esse nos numero paucos, & miseros mendicos, qui ne apud no-  
stros quidem aliquo in loco sumus. Secure igitur nos, & verbum, quod præ-  
dicamus contemnunt, non metuunt ruinam, non calamitatem aliquam à ne-  
bis. Sunt enim numero multi, ac valent potentia, dignitate, & opibus. Rident  
igitur tanquam suaves ineptias, cum minamur certas pœnas secuturas contem-  
ptum Verbi tam insignem.

*Idol contriti.* Sic Petrus, Paulus, & alij Apostoli quid erant collati ad Synagogam? cu-  
jus doctrinam, cultus, & totum Sacerdotium conabantur mutare? Suavis risus  
movebatur Pontificibus ex his conatibus, Sed tu vide, quid secutum sit. Nonne  
infirma ista vox Petri, Pauli, & aliorum, vere fuit ferrea vox, fuit malleus, quo  
Synagoga, tanquam testa, contusa & in pulverem redacta est, adeo ut ne qui-  
dem testa supersit, in qua (ut Esaias hanc figuram imitatus ait) igniculus gestari  
possit? Non enim solum per totum orbem terrarum miser populus dissipatus  
est, sicut testæ, sed ne particula quidem restat ad ullam rem utilis, simpliciter  
sunt reprobi, & neque ad Remp. nec Ecclesiam utiles. Idem accideret ijs, qui ho-  
die se verbo opponunt, Papæ & ejus simplicibus, Turcæ, Sæctarijs & Schuerme-  
ris nostris, qui falsis dogmatibus de cœna Domini, de Baptismo &c. perturbant  
Ecclesias, Omnes hos Spiritus sanctus hic pingit, quod sint fracta testa, in qua  
non possit gestari igniculus. Sed non apparet jam hæc Verbi potentia, imò  
diversum apparet, Doctrina nostra videtur in tanta adversariorum multi-  
tudo proflus casura, impij Doctores, idololatria, Tyrannis videntur præ-  
valitura.

Pertinet igitur versus hic ad nos consolandos, ne abijciamus animum  
& desperemus, sed statuamus, sicut coram Deo hostes verbi jam iudicati & præ-  
cipitati sunt in infernum, Ita iudicium hoc suo tempore manifestatum iri.  
Verbum enim Dei tanquam torrens, nulla vi poterit cohiberi, faciet, quod na-  
tura solet, ut salvet credentes, impios autem ut damnet & conterat, Idque ideo,  
quia

quia autor huius verbi est, Sapiencia, potentia, iusticia divina, ideo est super omnia, quæ nos habemus & sumus. Quid enim est Papa cum iusticijs suis? quid Turca cum potentia sua? Quid Sacramentarij? Quid Anabaptistæ cum suis pithanologijs & fucatis rationibus? Nihil profectò nisi furiles & inutiles Bullæ, quæ inflatæ sunt, & aliquid esse videntur, sed subito evanescunt. Amplificemus autem nobis præsertim his novissimis temporibus has consolationes de invicta verbi potentia. Fieri enim non potest, quin animi nostri perturbentur in tanta scandalorum multitudine & infirmitate Ecclesiæ. Non enim ludus aut iocus est, quod totus mundus se nobis opponit. Turcam & Papistas si conferas, dissimilimi inter se sunt, & esse volunt, Sed in hoc consentiunt, quod contra Christum pugnant, & doctrinam hanc volunt sublatam. Est quoque magnum nobis periculum à falsis Fratribus & autoribus impiorum dogmatum, Quin etiam corda nostra nos oppugnant, & hanc consolationem, quam per Christum habemus, conantur reddere dubiam.

*Verbum Dei nullari cohiberi potest.*

*Periculum à falsis Fratribus.*

Necesse igitur est, ut amplificemus nobis Verbum & ejus potentiam ac statuamus quidquid sapientiæ, iusticiæ, tyrannidis sive extra, sive intra nos est, hoc omne, aut cedat verbo oportet, aut ruat & pereat. Quanta potentia Satanæ foris sit, in tyrannis sentimus, Sed profectò longè est potentior in cordibus nostris. Habet enim maximam nostri partem, nempe carnem nostram, eam incitat, ut vexet corda desperatione, tristitia, conscientia peccati & alijs similibus telis verè ignitis. Sed statuamus secundum huius Psalmi vaticinium, sedere contra hæc omnia mala & difficultates omnes, Regem nostrum Christum, qui est filius Dei, ac ornatus hoc titulo, quod sit Rex regum Apocal. 19. ac tenere manu ferreum malleum, Esse autem Tyrannos, Hæreticos, & quidquid se verbo opponit, vas figuli. Cum igitur inter hos committitur certamen, impossibile est, ut figulinum vas prævaleat ferro, ferrum comminuet & conteret restas. Manebit autem apud nos, sicut credimus, vera iusticia, sapientia, salus & vita, velit, nolit mundus & Satan. Nam Verbum Domini manet in æternum, Manet Pontifex & Rex noster Christus, manebimus nos quoque, qui in eum credimus, Hostes autem verbi omnes ruent & peribunt, Amen.

*Potentia Satanæ in tyrannibus.*

*Tyranni, Hæretici sunt, vas figuli.*

Non autem eo solum respicit Spiritus sanctus, cum videtur similitudine vasis figulini, quod facillimè & sine omni negotio frangatur, sed quod fracta vasa figulina nullius prorsus sint usus. Lignea cremari possunt, & valent ad ignem succendendum, ferrea vasa, argentea, aurea si frangas, reliquæ tamen sunt aliqujus usus, Sed partes figulini vasis prorsus ad nihil sunt utiles, Sic abijcientur in æternum hostes Verbi.

*Vasa figulina fracta nullius sunt usus.*

*Nunc ergo Reges erudimini, Sinite vos castigari Iudices terra.*

X.

Hactenus Regem Christum & Regnum ejus Propheta, Spiritu sancto plenus, pinxit, Nunc addit Concionem exhortatoriam, cujus nihil simile invenies in omnibus literis. Hoc enim solent alij Scriptores, commendant imperia & magistratus, ac hortantur ad obedientiam subditos, ac benè quidem. Sed Propheta diversum facit, non loquitur cum rusticis, non cum servis, non cum pueris, ut sint obedientes, sed cum ipsis Regibus, & mandat, ut patiantur se erudiri & disciplinari. Quid vnquam audivisti simile? vocari ad disciplinam eos, qui alijs imperant? An non magna superbia est, sic contemptim cum Regibus loqui in genere, nullum excipere, sed omnes simul alloqui, tanquam fatuos, qui nihil intelligant, tanquam sine legibus, sine disciplina omni viventes? Si enim jam antea sapiunt, cur dicit intelligite? Si reguntur legibus, cur dicit, disciplinamini, seu accipite disciplinam.

*Exhortatio ad Reges & Principes, ut Regem Christum & ejus verbum amplectantur.*

Atque hæc causa est, quod hic Rex, sicut Propheta initio dixit, non regnat sine cruce, & varijs vexationibus infinitorum hostium. Quia enim sine

Oooo 4

vlla



Vlla exceptione omnes alios Reges, ad disciplinam vocat, Quia damnat leges, justiciam, sapientiam, & ipsos Reges, ac Iudices terræ stultos vocat, quibus magistro opus sit, qui eos doceat justiciam & disciplinam, Ideo insurgunt contra eum, nolunt doceri, nolunt haberi pro stultis.

*repre-* NVM igitur inquires, Imperia mala sunt, aut leges damnandæ? Minime.  
*in Re-* Sunt enim ab ipso Deo condita imperia & Leges. Sed tu hunc Regem consi-  
*Christum.* dera qualis sit, Non est mundanus Rex, sed est Doctor, qui docet de remissione peccatorum, & vita æterna consequenda. Huc si Leges, si imperia transferas, tanquam ad salutem consequendam profutura falleris. Non igitur damnat sapientiam & justiciam Regum, si consistent suo in loco, hoc est, si rationi subiectas res moderentur, ac gubernent sapientia sua, & honestis moribus alios quoque invitent ad legum obedientiam, & communi tranquillitati serviant. Hic enim etiam præmia sua habet industria & virtus, Deus enim addit successum, Sed fiducia horum donorum, aspernari verbum, abijcere mediatorem Christum, sperare salutem, &c. hoc peccatum illud est, quod in potentissimis, sapientissimis & sanctissimis Rex hic damnat, & ideo jubet, ad se ut veniant, ex se ut discant, se ut audiant, &c.

*Peccatum quod*  
*Christum in Re-*  
*gibus damnat.*

*Abrogatio le-*  
*gis & omnium*  
*imperiorum,*  
*&c.*

Abrogatur igitur hic quoque non solum Moses & lex, sed omnia imperia cum omnibus donis, quæ habent, cum sapientia, potentia, legibus, disciplina, virtutibus, religionibus omnibus, & studiis, quod ad salutem prorsus nihil profint. In hoc autem uno ostenditur esse salus posita, si hunc Doctorem audias, si te illi regendum, assuesciendum, fingendum & formandum præbeas. Hic enim Rex, ut vulgo ajunt, est Fac totum, Deo nihil placet, nihil Deo gratum est, præter hunc Regem. Igitur qui hunc Regem non amplectuntur, qui se ad ejus pedes non abijciunt, qui non ipso mediatore utuntur, hos odit, abijcit, & in æternum damnat Deus, nihil curans opera, nihil virtutes, nihil studia eximia, nihil justiciam & sanctitatem, qua se coram Deo commendari credunt. Solus enim hic est Filius, in quo Patri complacitum est, solus omnia habet, & possidet ex voluntate Patris.

*Scandalum*  
*quo Ecclesia*  
*vexatur.*

*Consolatio.*

*Super ipsum*  
*continebunt*  
*Reges os suum.*

P E R T I N E T igitur hic quoque versus ad nos confirmandos contra ingens scandalum, quo Ecclesia vexatur. Si enim rem spectes, contrarium fit, Non patiuntur doceri se Reges & Principes, sed vinculum hoc disciplinæ, sicut supra Spiritus dixit, summa vi conantur dirumpere. Huc accedit Satan, qui cum toto inferno huic Doctori se opponit, & excitat falsos Prophetas. Nec corda nostra quiescunt. Nam exagitata per legem, peccatum & mortis metum, quærunt alia præidia, quam Doctorem hunc. Hic excitemus nos, & hoc versu nos consolemur, quod hic solus sit Doctor, quo recte possimus erudiri, ac futurum, ut qui hunc non audiant, simpliciter pereant, cum omnibus donis & præidijs suis. Sic apud Esaiam dicit Dominus capite 53. Super ipsum continebunt Reges os suum, hoc est, Omnes Reges terræ, ad eum collati, erunt sicut discipulus ad præceptorem, Præceptor loquitur & docet, discipulus tacet & auscultat.

Ad hunc quidem modum gerere se debebant Reges, si vellent consequi salutem, Ac sane omnes qui salvantur, continent os suum, & obediunt voci Evangelij. Sed major pars diversum facit. Est enim noster Rex, positus in signum, cui contradicunt. Qui autem contradicunt, quod inde ferunt lucrum? hoc scilicet, quod damnantur & abijciuntur à Deo. Definita enim sententia est, quod huic Regi debent cedere non solum Reges & Principes, sed etiam portæ inferorum & omnes Angeli. Solus enim debet replere cælum & terram, & omnia, sicut Paulus dicit, nobis ad consolationem, ut firma fide in eo hæreamus, & per eum solum speremus salutem. Hæc est vera Theologia, quæ animos docet & erigit in summis periculis.

PARTICULA temporis, Nunc, non est ociosa. Significat enim tempus invulgati Evangelij per Apostolos. Hic, si speciem consideres, non solum summa ap-

ma apparet infirmitas, sed etiam manifestum periculum in re est. Numero enim pauci & contempti ex infima plebe homines, novum genus doctrinæ spargunt in mundum, & docent salutem per Christum crucifixum, idque eo modo, ut omnia alia ad salutem instituta, damnent. Hoc scandalum videt Spiritus sanctus, ideo dicit, Nunc intelligite Reges, hoc est, præbere vos instituendos & doctos, Et erudimini, qui iudicatis terram, hoc est, sinite vos castigari, sinite reprehendi vestras justicias & religiones, & parete huic Doctori, Hic vos docebit veram viam salutis &c. Sicut igitur supra ipse Christus dixit, se prædicaturum, Ita Spiritus sanctus hoc in loco monet, ut Prædicatorem hunc nemo negligat. Facit enim ex Rege Christo Doctorem, ac totum mundum ostendit esse ejus Scholam, Discipuli autem ejus sunt Reges & Iudices. Hi autem si hunc Doctorem audire debent, quid dubitabimus de illis, qui inferiore loco sunt? In summa, hic Rex docet totum mundum, ut omnes agnoscant se errasse cum omnibus suis justicijs & meritis.

Schola, & discipuli, Doctorem Christi qui?

Sicut autem in genere omnes ad hanc Scholam Spiritus sanctus vocat. Ita pauci admodum sunt, qui hunc Doctorem admittant. Igitur sequuntur turbæ, fremitus, indignatio, & quidquid iratus animus suadet, Et tamen Doctor hic triumphat tandem. Pereunt autem inobedientes discipuli, sicut paulò post dicit, & supra quoque dixit. Urgenda igitur vocabula sunt, Intelligite, Erudimini. Significat enim Spiritus sanctus, etsi Reges, Iudices &c. notitiam legis habent, & studium virtutis: tamen nisi hunc Doctorem audiant, & doceri se sinant, esse fatuos & stultos. Nam si cognitio Christi desit, omnis sapientia est stultitia, omnis justitia est iniquitas & peccatum, quin ipsa vita quoque mors est. Haurit igitur Spiritus sanctus hoc versu totum mundum, & omnia subijcit Christo, Cum Regibus loquitur, ac si essent locustæ, cum sapientibus mundi, ac si essent pueri. Videt enim quid tandem sit futurum, quod nisi hunc Doctorem audierint, cum omni sua sapientia, justitia, potentia, sint addicendi æternis flammis. Hoc enim mandatum est divinum, ut omnes humilientur, ut contineant ora, sicut Esaias cap. 53. loquitur, ut agnoscant hunc Regem solum esse, per quem ventura sit salus & vita. Huic mandato qui parent, salvantur, qui non parent, pereunt.

Pauci audiunt Christum.

Sine Christi cognitione omnis sapientia est stultitia.

*Servite Domino in timore, & exultate in tremore.*

Hactenus docuit Propheta, Regem Christum constitutum super montem Zion, & definivit quoque eum, qualis & quantus sit, nempe Filius Dei ab æterno genitus, verus Deus, & tamen temporaliter etiam natus homo, ut acciperet sedem Patris sui David, & dominaretur in Zion. Inde dixit, propagandum Regnum in fines orbis terræ. Datæ enim huic Regi sunt omnes Gentes, ut sit Rex regum & Dominus dominantium, in quem oculi, aures, & corda omnium hominum intenta sint, sive sint Iudæi, sive Gentes, sive justī, sive peccatores, sive spiritualis magistratus, sive politicus. In hoc enim vno Rege omnia sunt sita, Solus habet vitam, solus justificat, solus salvat. Huic doctrinæ, quæ præcipua hujus Psalmi pars est, subjecit Propheta exhortationem, in qua personas nominat easdem, quas initio nominavit, Reges scilicet & Iudices, qui tumultuantur, cum hic Rex exercet suum officium, ac movet, ut tumultuari desinant, & humilientur, ac se præbeant discipulos, ut patientur judicari & damnari se tanquam peccatores & reprobos, ac Filium hunc audiant.

Christus verus Deus & homo.

Ad hanc exhortationem etiam hic versus pertinet. Non solum enim jubet ut audiant, sed postquam audiverunt hunc Regem, vult etiam, ut desinant ab insurgendo, & ei serviant. Ac addit causam, Quia, inquit, hic Rex est Dominus, seu verus Deus, Positum enim hic est nomen Tetragrammaton, quod vocant & soli Deo tribuitur in scriptura, Iudæi neutiquam concedunt, quod

Filius Dei supra Rex nominatus, hic Iesus va nominatur.

quod persona, quam Propheta supra Regem nominavit, hic nominetur Dominus, seu Iehova, sed frustra pugnant. Nam statim subiicit, Osculamini Filium. Quia autem verbum osculandi est vocabulum cultus, vult Pater, ut hunc Filium adorent, & ei serviant omnes, Et ostendit, quod dum hunc Regi servitur, servitur vero Deo, & qui verbo Deo servire volunt, ut id faciant in Filio. Ad hunc <sup>Modum</sup> modum cultum Dei & huius Regis Hoseas capite tertio conjungit, cum inquit Tum converterentur filii Israël, & quærent Dominum Deum suum, & Regem suum David. Quia enim Pater & Filius vnum sunt, coli Pater sine Filio non potest, Ac mandat Pater, ut qui vere servire sibi volunt, Filio serviant, & cum audiant. Qui autem Filium negant, sicut Iudæi ac Turcæ, hi etiam ipsum Deum negant, & sunt abominabiles Idololatæ.

Reiciamus igitur Iudæorum somnia, & statuamus Filij personam, qui est Filius Davidis, & sedet in arce Davidica Rex, esse Deum, ac appellari hoc in loco, augusto illo nomine Dei. Hoc primum est, quod monendum hic fuit. Alterum est, ut etiam verborum propriam significationem observemus. Scitis enim quam vocabula hæc depravata sint in Papæ Ecclesia, quibus Dei cultus significatur. Factum autem id eam ob causam est, quia nemo dignatus est inspicere textum diligentius, seu potius Deus propter nostram ingratitude, tanta nos cæcitate flagellavit, ut quæ ante oculos essent, non videremus. Consule enim recentium Theologorum libros, & videbis, servire Deo, eis nihil esse aliud, quam fugere in eremum, deferere politica, aut æconomica officia, & sese abdere in Monasterium.

Sed si hæc vera definitio est, quorum attinent præcepta illa, quibus Apostolorum libri pleni sunt, de dilectione conjugum inter se, de obedientia servorum, de æquitate Dominorum & moderatione, de diligenti cura administranda Reipub. Nonne hæc ipsa præcepta ostendunt, quod Evangelium omnes hos vitæ ordines commendat? Quæ igitur amentia fuit, docere, quod servire Deo, sit fugere hæc vitæ genera, mutare non solum habitum, sed etiam ipsam naturam & sexum? Quid enim aliud facit monachus, quam quod contra Dei ordinationem vult aliud esse, quam masculus? Hæc nonne extrema amentia est? Memini Erphordia esse duos præstantes Iurisperitos, hi, cum jam moriendum eis esset, altum ingemiscientes, dixerunt, O si non Doctores Iuris, sed Monachi fuissetis, quanto nunc moriremur beatus. Sed quod præteritum erat te vocari non poterat. Igitur quod vnum videbatur remedium restare, mandabant & præter sacra, quæ magno emebant, etiam cucullis involuerentur cadavera, & sic monastico habitu sepelirentur. Hi an non satis clare ostenderunt, nescire se, quod in suo officio servivissent Deo?

Constituenda igitur vera definitio est, ut statuas, servire Deo, non hoc esse, si mutes habitum, si mutes sexum, si, relictis politicis & æconomicis ministerijs, te abdas in monasterium, Hæc omnia æterna sunt, & simulari possunt. Hoc autem etiam abominabile est, quod sine autoritate Verbi, ex propria devotione, ut vocant, suscipiantur. Cave igitur, quæ huiusmodi sunt, ne hoc augusto titulo ornes, quod sint cultus, aut servitus Dei. Sed quid disputo de traditionibus humanis? ne quidem Iudæi sua sacrificia, & alios legales cultus, quos tamen divinitus mandatos fuisse constat, hoc titulo ornare, & servitutem Dei vocare audent. Nam si Psalmus diceret, Venite ad Ierusalem, sacrificate, munda vestes, jejunate, adorare ad Cherubim &c. Ibi sanè cogeremur definire, eam esse propriam servitutem Dei, sed horum nihil Psalmus dicit, Loquitur autem de novo Regno, & de doctrina nova instituta post Moysen.

Ergo simpliciter removeas ex oculis quidquid est religionum & cultuum, etiam illos, quos Deus per Moysen instituit. Venit enim hic novus Rex, igitur nova etiam constituitur servitus. Potest Iudæus retinere circumcisionem, Monachus potest retinere cucullum, sed hoc statuat necesse est, non esse hanc

*Christus natus  
7. Den., quia  
præcipit co-  
landum.*

*Servire Deo  
in Papatu.  
Præcepta in  
Apostolorum  
scriptis.*

*Duo Iurisper-  
suli Erphor-  
dienses.*

*Servire Deo.*

*Legales cultus  
abrogati.*

*Nova servi-  
tutis, populi gra-  
tia.*



hanc servitutem à Deo impositam, qua hic Rex coli vult. Quia autem utriq̃, Monachus & Iudæus ista retinent tanquam cultus, damnantur hoc in loco à Spiritu sancto, & præscribitur alia servitutis forma seu ratio.

*bas. m.* Ea autem qualis sit ex Decalogo ostendi potest, qui sic dicit, Adorabis Dominum Deum tuum, & ei soli servies. Hæc duo sic mihi soleo distinguere, quod adorare sit hominis conversi ad Deum, Servire autem hominis missi à Deo, Vel, ut Christus in parabola solet loqui, Adorare est ingredientis ad Deum, Servire autem egredientis à Deo. Qui enim adorat, procumbit in genua, & ostendit signa subjectionis. Ea est quasi passiva servitus. Sic enim convertens se ad Dominum in certa fiducia misericordiae, propter Christum accipit remissionem peccatorum & justificatur, Ac receptus ad hunc modum in Gratiâ, egreditur à Deo, & convertit se ad homines, ac exequitur mandatum Dei, quod attinet ad officia erga homines. Paulus fide jam justificatus, iusta facit, hoc est, exercet officium suum docendo, Pius magistratus regendo, Paterfamilias laborando, ac sic serviunt Deo. Faciunt enim, non ut Monachi, quod ipsis libet, sed quod Deus præcipit.

Ergo servire Deo aliud nihil est, quam facere, quod Deus jubet, & agnoscere, quod ea sit debita obedientia. Hoc nesciverunt Monachi & alij Papæ doctores, alioqui non iussissent ingredi monasteria, & relinquere politica & œconomica munera. Satis eis fuisset, quæcunq; tandem vocatio esset, respicere ad Decalogum, & ibi præcepta opera exequi, non confingere nova, & à communi consuetudine vitæ abhorrentia, qualia Monachorum & totius Papatus sunt. Ad hunc modum in genere admonendum duxi, quod sit servire Deo.

*q. 3* PORRO, etsi Iudæi negant Christum hoc loco appellari Dominum, tamen quia totus Psalmus loquitur de novo Rege, constituto super Zion, & cui traditæ Gentes, & fines orbis terræ sint, ac jubeantur Reges ei servire. Hic quasi in specie constituendum est, quid sit Christo Regi servire, Sed non discedemus à generali definitione, Servire enim Christo Regi aliud nihil est, quam audire hunc Regem, & postea in nomine ejus omnia facere, quæ requirit vocatio, seu officium nostrum, Ut sit sententia, Vos Reges & Iudices, & quidquid eximium est, vel in Ecclesia, vel Politia, relinquit quidquid in toto orbe terrarum est, etiam Moïsem, leges, jura &c. & audite hunc Regem, præbete vos ei discipulos, auscultate ei. Hæc prima servitutis pars est. Deinde quæ audivistis, ea facite, & facite in hujus Regis nomine. Sicut Paulus dicit Col. 3. Quidquid facitis, si verbo, si opere, omnia facite in nomine Domini Iesu, & gratias agite Deo & Patri per ipsum.

Servire igitur Christo, non est induere cucullum, non est occupari Moïsaicis ceremonijs, Sed est res prorsus spiritualis, Non eo modo, quo Monachi spirituale vocant, quod tantum in corde geritur, Sed est spiritualis servitus, quæ ex Spiritu proficiscitur. Qui enim Spiritus verba loquitur, prædicat, docet, recte dicitur spiritualiter loqui. Sic spiritualiter etiam vivere is dicitur, qui sanctis occupatur operibus, hoc est, qui facit, quæ in Decalogo sunt præcepta. Sic œconomus gubernans domum suam in fide filij Dei, vivit spiritualiter. Spiritualis enim obædientia est in fide filij Dei facere, quæ mandato Dei jubetur facere. Habes quid sit servire huic Regi, non, ut Monachi solent, abire in monasterium, non hæc vel illa opera deligere, sed intueri hunc Regem, & audire, ac postea quæ audieris, facere.

C V R autem addit, Servitè ei in timore? Oblique respicit ad Reges. Hi enim, quia potentia & opibus instructi sunt, vi se huic Regi opponunt. Nam persequi Christum, non est propriè vulgi, quod facile compesci potest, sed Regum mundi, præsumptum de potentia & opibus. Hos Spiritus sanctus singulariter intuetur ac monet, ut vertant superbiam istam in humilitatem, & timeant

*Cultus Dei,  
adorare Deum  
& servire Deo.  
Adorare.  
Servire.*

*Servire Deo.*

*Servire Christo.*

*Spiritualis servitus.*

*Spiritualiter loqui, vivere.*

*Christo servire, dum in timore.*

*Persequi Christum, propriè est Regum mundi-  
timeant*

timeant hunc Regem, ut nemo amplius sciat eos esse Reges. Nam Regem esse & servire, sunt contraria; & tamen vult Spiritus, ut ipsi Reges serviant, hoc est, ut agnoscant se huius Regis servos esse; & quidem magis quam ipsorum subditi sunt servi. Exhortationi igitur comminationem interponit. Quia enim videt potentia inflatos esse & securos, Monet, ut humiliantur, ut abijciant omnia præsidia, & se supplices ad huius Regis pedes abijciant, & cum audiant.

*anabaptista.*

*Quomodo Re-  
ges Christo ser-  
vire debent.*

Se D num patrocinator Psalmus Anabaptistis? Si enim Reges servire docet, ergo vult ut abijciant coronas, sceptras, & alia insignia, quæ eis conciliant dignitatem, & extollunt supra communem conditionem hominum? Ergo redigit eos simpliciter in ordinem, ut nulla differentia sit inter Regem & molitorum? &c. Minimè. Nam Reges ut Reges, & Iudices ut Iudices, debent præstare novam servitutem, Non debent abijcere regna, sed retinere, Et tamen hunc Regem revereri, & cum audire, ac suas leges, secundum huius Regis verbum, moderari, hoc est, nihil statuere, quod verbo Christi contrarium est. Itaque non tollit nec mutat leges politicas Spiritus sanctus, sed subijcit eas huic Regi, ne ei adversentur. Non solum igitur Reges & Principes debent retinere munus suum, sed etiam qui Ecclesiasticos titulos gerunt. Papa scilicet & Episcopi, maneat suo loco, tantum hunc Regem agnoscant, & humiles ei submittant colla, ac amplectantur verbum ejus.

*Reges.  
Iudices.*

*Servite Domino  
in timore.*

*Exultate ei in  
timore.*

DISERTE autem definit servitutem hanc Propheta, cum jubet in timore huic Regi ut serviant. Pertinet autem hoc, ut supra dixi, ad notandas personas, cum Spiritus sanctus loquitur. Reges inflantur potentia & opibus, Iudices seu Doctores sapientia, & in genere omnes sunt iusticiarii, hoc est, retinent opinionem sanctitatis, & videntur sibi iusti. Hi igitur sunt quibus dicit Spiritus, In timore servite. Nam alij qui affliguntur, qui destituti humanis præsidijs, configunt non solum cum fame, sed cum peccatis & conscientia sua, ij jam antea constituti sunt in timore Dei; Itaque ad eos non hæc conicio pertinet, sed illa de credenda remissione peccatorum per filium Dei, factum pro nobis victimam, de qua statim Psalm. subijcit & dicit, Exultate in timore. Non enim vult Spiritus sanctus nos sic timere, ut in timore absorpti desperemus, Sed sicut præsumptionem vult sublaram, & ideo jubet ut timeamus, Ita quoque vult sublaram desperationem, ac jubet, ut regia incedamus via, & simul metuamus ac speremus.

*Vera Dei ser-  
vitus.*

Q. D. Hic Rex, sicut non vult ferre superbiam Regum, & iusticiam sanctorum, Ita quoque non vult ferre abjectionem pauperum & stultorum, qui sibi non possunt consulere. Hoc autem vult, ut & timeas, atque ita effugas superbiam seu præsumptionem; & exultes, ut effugas desperationem. Qui non volunt eum timere, his minatur plagas, habet enim virgam ferream, Qui autem sic timent, ut simul exultent, hoc est, ut statuunt se justificari sola Dei misericordia & beneficio Christi, Hi sunt vere filij Dei, qui Deum timent, non ut tyrannum, sed sicut liberi parentem cum reverentia. Temperant enim Timorem Dei cum lætitia & spe, & tamen ne nimis crescat animus & evadat in præsumptionem, manent in humili reverentia. Hæc est vera Dei servitus, quam agnoscimus perdisci nunquam posse. At adversarij nostri Schuerméri, tanquam notam, ac, ut dici solet, calceis attritam rem, contemnunt, Itaque occupantur alijs, in quibus ingenij aliqua laus consistere videtur.

*Ne quid ali-  
quid.*

AD hunc modum conjungit hæc Psalm. 147. Beneplacitum est Domino *Psalm. 147.* super timentes eum, & qui sperant in misericordia ejus. Cur addit super timentes? Nimirum propter superbos, qui fidunt in sua sapientia & iusticia, in his non potest esse beneplacitum. Soli autem hi placent, qui timent, hoc est, qui se agnoscunt peccatores esse; & ideo non erigunt cristas, sed humiles demittunt capita. Et tamen hic quoque requiritur illud, Ne quid nimis. Non enim cum ad hunc

21.  
3.

hunc modum sentis terrorem, indulgere cordi tuo debes, non debes statuere, quod irascatur tibi Deus, quod abjecerit te, quod perdere velit, Sed attollendi sunt oculi & respiciendum in Christum, qui se posuit Mediatorem inter Deum & nos, & peccata nostra in suum tergum recepit, ac pro ijs in cruce in poenam mortis. Hic tanquam ænei serpentis aspectus mitigabit timorem, ne sit nimis & evadat in desperationem.

Sed, ut dixi, ardua res est, & vix magnis sudoribus Christiani eo veniunt, ut hanc Psalmi particulam intelligant. Verba quidem audimus, ac facilia esse videmus, Sed non ita admittit hæc animus, cum seria res agitur, sicut alia, quæ ex humana sapientia nata sunt. Tota igitur vita nostra ad hanc vnam artem discendam non sufficit. Natura enim in vtrinq; partem est pronissima & vehementissima, sicut Poëta quoq; dicit:

Nescia mens hominum tati fortisq; futuræ.

Et servare modum rebus sublata secundis.

Et extat similis apud Basilium sententia, ὁμοίως γὰρ ὁ Θεὸς χαλεπὸν ἐντὶ δυσκολίας πειράματα ἀταπείων τὴν ψυχὴν ἀλασιόσα δὲ καὶ ἐν ταῖς περὶ φανείαις μὴ ἐπιτεθῆαι πρὸς ὑβριν. Cum enim animus inflatur rebus secundis, nullus modus est superbiæ, sicut apparet in divitibus mundi, & est hodie insigne exemplum in Turcica gente. Contra hos igitur dicit Spiritus sanctus, Timete, nolite superbire, sed servite huic Regi in timore. Contra, cum res adversæ sunt, nulla bestia magis confunditur pavore, quam homo. Nullus enim querulandi modus est, & pro-  
*Vitium na-  
tura.*  
 ni abimus in desperationem, Hæc est natura nostra, vtrinque ad extremum depravata, live adversa, seu propicia fortuna utamur.

11.

Igitur omni conatu hoc agendum est, ut moderemur ac gubernemus impetus vitiosos, ac ad hunc Regem nos conferamus, qui solus est, non solum Medicus horum atrocissimorum morborum, sed etiam Regula, sicut dicit, Ex me discite, quia mitis sum & humilis corde. Nota est Pauli Apostoli querela ad Roman. 7. Delectat me lex Dei, inquit, secundum internum hominem, Sed video aliam legem in membris meis rebellantem legi mentis meæ, Hoc est, Tota natura repugnat legi Dei. Hæc sane horribilis vox est, Sed addit aliud gravius, Lex in membris meis, inquit, captivat me peccato, hoc est, nolens, volens cogor peccato servire contra Legem Dei. Sicut in Adolescentibus vide-  
*Locum ex cap. 1.  
ad Roman.*  
 mus motum libidinis, qui nolentes volentes abripit in peccatum, nec vel in ratione vel in arbitrio tantum est virium, ut furiosum hunc motum reprimant, Sic senes absorbet avaritia.

Sicut autem hæc vitia certam ætatem exercent & vexant, Ita omnes Christianos exercet & vexat, imò prorsus absorbet vel tristitia in rebus adversis, vel securitas in lætis. Tales natura sumus omnes, Peccata captivant nos, ut non possimus exultare in timore, aut timere in exultatione. Adeo difficilis mixtura, & prorsus impossibile hoc temperamentum ponderis est (licet enim Philosophico vocabulo in Theologica materia uti) quod Spiritus sanctus hic ponit. Nam timere & lætari sunt affectus prorsus contrarii, & tamen si volumus Christiani esse, vtrunq; necesse est, ut & paveamus & exultemus.

*Tristitia.  
Lætitia.*

RECENTIORES Theologi disputarunt multa de timore servili & filiali. Ac sane facile est videre, quid intersit inter patrem castigantem filium, & lictorem. Cum enim pater filium castigat, non abiicit omnem spem filius, Videt enim finem virgæ, hoc est, sentit iram cum virga cessare. Igitur etsi dolet, etsi patris iram metuit, tamen retinet spem misericordiæ. Tali animo in poena non est fur, cum a Lictore arripitur. Novit enim Lictoris animum talem, ut propicius non sit, nisi prius laqueo strangulaverit turem. Desperat igitur, Quia poenæ nullum videt finem. Hoc œconomicum exemplum admodum luculentum est, sed nobis constitutis in poena persuaderi non potest, Deum esse nobis Patrem. Itaque timemus cum non filiali timore (non enim videmus

*Differentia timoris servilis & filialis.*

PPPP

confi-



consilium erudiendi) sed servili. Statuimus enim Deum irasci sine fine. Qui igitur hic posset sapere, cum sentit peccatorum poenas, & dicere, Es filius Dei, Deus autem sicut Pater, filium, quem diligit, castigat. Momentum est ira ejus, Non in æternum irascetur Dominus, hic faceret, quod Spiritus sanctus hoc in loco jubet.

David hanc artem tenuit, sicut testantur conciones ejus. Deinde etiam experientia ostendit, cum in poena non abijcere spem, retinet enim invocatio-  
*Exultatio est* nem, *valde exigua.* Et si autem exultatio esset valde infirma, tamen quia finem flagelli videbat, vincebat timorem, ne, quod impijs accidit, absorberetur penitus. Car-  
*Verum Dei ti-* nem, si spectes etiam in Davide pene obruta est timore, ut exultationem non-  
*mor.* sentiat, Et tamen, sicut Paulus dicit, mente servit legi Dei, etiam in ipsa poena exilij, Deum invocatur, sentit, non, ut apud licentem, nullum esse veniæ locum, etiam dum plagas accipit, Hoc secum statuit, Patet est, non irascetur in perpetuum. Facile igitur dictum est, quod timor Dei verus sit filialis timor, hoc est, mixtus cum exultatione, seu spe. Sed, si sequaris sensum, timore senties exultationem quasi obrui & extinguere. Sed ne ideo abijcias animum, nec desperes, *Psalm.*  
*Ira Dei mo-* sustine Dominum, & apprehende Verbum, quod concionatur, iram Dei esse  
*mentandam.* momentaneam, vitam autem esse in voluntate ejus. hoc est, velle Deum, ut vivamus, non velle, ut periamus, atque hanc ipsam ob causam immittere plagas. Sic fiet, ut saltem guttulam aliquam exultationis sentias, ea paulatim crescat, ut tandem superet timorem. Difficilis praxis, sed tamen ejusmodi, quam, sicut testantur exempla, sancti Dei didicerunt. Oportet autem nos eorum sequi vestigia, & hanc artem etiam discere, Adjuvabit autem nos, præsertim si oraverimus, sanctus Spiritus.

*Juvenes ten-* Multi juvenes timent Dominum, nec ruunt, sicut Satanæ mancipia, in  
*et libidine,* libidines. Horum corda si inspicias, videbis ea sic turbari æstibus libidinis, ut  
*et.* ipsi ne guttam quidem castitatis sentiant, quam tamen totis animis optant sibi dari. Quid multa? Ipsi judicant & sentiunt sua corda esse ceu lupanaria, in quibus nihil sit castitatis, & tamen latet in imo eorum castitas, sed oppressa sensu libidinis, donec tempus conjugii venit. Et si enim sensu carnis carere non possunt, tamen gemunt corda castitatem, quam abesse sentiunt, optant adesse, & inviti tolerant istas flammæ libidinis. Sicut igitur hic castitas ceu in angulo latens pene extinguitur sensu libidinis, Ita quoque exultatio non sentitur, sed occupat omnia timor, & tamen non vincit timor. Sic aliæ passionnes prædominantur, quo ad sensum, sed virtus & ipse tandem prædominantur, quo ad vim. Major enim est vis virtutis, quam timoris, libidinis, & aliarum passionum.

Hæc sic discenda & ferenda sunt. Non enim aliter fiet, virtus Dei in infirmitate perficitur. Paulus quoque libenter habuisset purum timorem, puram *1. Cor. 13.* exultationem, puram castitatem, hoc est, purum sensum horum donorum, quæ habebat & quibus indigebat, Sed hæc in hac vita si contingant, non erit amplius calamitosa vita, sed amœna paradisus. Juvenis, senex, si nullum peccati sensum haberet, si non exerceretur desperatione, simpliciter esset in Regno cælorum. Sed talis hæc vita non debet, imo ne potest quidem esse, Non debet sentiri pura exultatio, debet admixtus esse timor. Donec enim hæc caro vivit, facit quod est carnis. Hæc nos nunquam emendabimus perfecte, Itaque ideo non desperemus. Spiritus enim est absconditus, cum Deus videt, & quia Christum apprehendimus fide, peccata carnis libenter condonat. Hæc est una pars cultus, ut serviamus Christo Regi in timore, & exulemus ei in tremore. Magna autem causa est, cur exultationem conjungat cum tremore. Si enim pura exultatio sentiretur, sequeretur Securitas, securitatem præsumptio, præsumptionem autem damnatio. Non enim tollerare Deus præsumptionem potest. Sic autem miscbimus hæc, si in Deo exulemus, in nobis autem conturbe-

*Car. cum ri-*  
*mor. conjuncta*  
*exultatio.*

turbemur. Sumus enim non solum stulti, sed etiam miseri peccatores. Causa igitur satis est, ut tremamus & metuemus nobis.

Sed hic non consistendum est. Si enim nihil videas, quam quod peccator sis, sequetur desperatio. Igitur attollendi sunt oculi, & respiciendum est in Christum, tum sequetur timorem exultatio. Sic enim dicemus, Sum sane peccator, sed non ideo desperabo. Christus enim iustus est, Imo Christus mea peccata transiit in se, & ideo passus est ac resurrexit, ut ego iusticiam eius induerem. Si igitur in me non est consilium, ipse est mihi à Deo positus, ut sit sapientia mea, Si ego pauper & inops sum, ipse est potens & dives &c. Hic deum est purus cultus, quo Christus vult à nobis coli, segregatus ab omnibus superstitionibus. Illas enim Spiritus sanctus non curat, sicut ne reliqua quidem humano consilio instituta. Relinquit Regibus coronas suas & sceptrum. Monachus si velit jejunare, si velit dissimili ab alijs vestitu & victu uti, ne id quidem curat, vult ista subesse rationi humanæ, ac, prout cuique commodum est, observari, Hac vna adhibita Regula, ne cuiquam ponamus scandalum. Hoc autem ab omnibus, sive Reges, sive Monachi, sive sancti, sive potentes sint, postulat, ut humiliantur coram hoc Rege, ut eum audiant, de eo solo gloriantur, in eo solo exultent, In se autem & suis omnibus ut humiliantur. Hunc cultum, qui præstant, hi postea quidquid pro vocatione sua faciunt, si id in nomine Iesu faciunt, Deo gratum est.

Discamus igitur nos quoque hunc cultum Deo præstare, & distinguamus eum ab omnibus externis rebus. Non enim curat Deus, Rex ne an servus sis, maritus an coelebs, vir ne an femina, præceptor an discipulus. Sunt hæ humanæ constitutiones, seu creaturæ, ut Petrus appellat, quarum voluit nos Deus esse Dominos & gubernatores. Non curat, jejunes ne an comedas, modo cum fructu tuo id facias. Nihil, inquit, ista omnia ad me, & ad cultum meum. Meus enim cultus est, me revereri, à me accipere omnia, me agnoscere, de me loqui, me prædicare, quod omnia mea sint, quæ in toto orbe terrarum sunt, Confiteri quod sitis, cum sine me estis, peccatores, stulti, infirmi, Item agnoscere me, quod non sim Tyrannus, quod non ideo vos humilio, quasi velim perditos, sed ut revocem vos à superbia, & doceam vos humiles esse. Hoc cum à me per crucem factum est, volo ut erigamini iterum, ut attollatis capita & oculos ad Christum meum. Quoniam si quid vobis aut sapientiæ, aut iusticiæ, aut virium deest, ibi habetis fontem omnis sapientiæ & iusticiæ. Sic servietis mihi in timore & exultabitis in tremore. Tremor quidem in sensu est admodum magnus, sed exultatio sensu parva, tamen virtute magna tandem triumphabit.

Ego Adolescens hunc versum oderam, Non enim libenter audiebam, quod Deus esset metuendus. Accidebat autem id eam ob causam, quia nesciebam timorem miscendum cum exultatione seu spe, hoc est, nesciebam differentiam, quæ est inter nostra & Christi opera. Nostra opera mala sunt, sicut tota natura mala est, Igitur non debemus esse securi, sed metuere iudicium Dei. Contra Christi opera sancta & perfecta sunt, Igitur debemus retinere spem misericordiæ. Non enim sua causa natus, legi subditus & tandem cruci affixus est, nostra hæc voluit esse dona. Igitur sic timeamus ne exultatio excludatur prorsus. Debet autem exultatio vera esse. Non enim ita concluditur in cor, ut foris nullæ ejus appareant notæ. Tranquillus animus, & qui vere statuit Deum, propter Christum, nobis re conciliatum esse, parit hilarem vultum & lætos oculos, linguam solvit in laudes Dei. Ad hunc modum, inquit Spiritus sanctus, servietis huic Regi, ut sit læritia intus & foris, conjuncta tamen cum reverentia, ne efficiamini sues, & nimium securi, descendentes in carnalem lætitiā. Securitatem enim si removeas, non offenditur Deus hilaritate, quin tristitia offenditur, & præcipit hilaritatem. Sic in lege prohibitum erat, sacra fieri à lugentibus, & Malachias dicit, pollui sacrificia luctu. Læ-

Pppp 2

temur

temur igitur, sic tamen ne fiamus securi, sed admixtus sit lætitiæ timor, & timori spes. Mark. 16

Hæc est exhortatio contra superbos & pro pusillanimibus, qui nimium sunt humiliati. Nam par blasphemia est, siue desperes, siue præsumas. Non enim voluit nos esse Deus in cœlo, aut in terra, sed in medio, Pedes tendunt ad infera, caput autem ad superos, Et quanquam in terra vivimus, tamen jubemur, ut conversatio nostra sit in cœlestibus. In summa, qui sunt Christiani, non sunt pure timidi, nec pure læti. Timori est adjuncta exultatio, merui spes, lachrymis risus, ut statuamus tum demum nos perfecte exultaturos, cum carnem hanc deposuerimus, quæ sicut metum abijcere non potest, ita utile ei est, in metu esse, ne secuta fiat. Ad hunc modum definivit cultum Dei præsens Psalmus. Illa enim demum est vera Religio, timere Deum & confidere Deo. Hæc duo ubi recte sunt temperata, ibi tota vita est iusta & sancta. Cæremoniæ externæ, & quidquid est externorum operum, omnia postea gubernantur feliciter, quando hæc duo recte sunt temperata. Nunc addit comminationem & consolationem, ut Prophetiam claudat.

*Osculamini Filium, ne irascatur, & pereatis in via, quoniam brevi exardescet ira ejus. At beati omnes, qui confidunt in eum.* XII.

Exhortationi hic est addita comminatio satis dura. Pertinet autem ad contundendas superbias Regum, Sapientum, Sanctorum, & omnium illorum, qui fidunt creaturæ extra Deum. Ita autem natura nostra est vitiata, ita ad præsumptionem & securitatem, cum res secundæ sunt, sumus proni, ut, nisi Spiritus sanctus immutet corda, impossibile nobis sit consistere. Non leges, non pœnæ ullæ coercere hoc vitium possunt, Sola vox de cœlo sonans superbias has dissipat, & temperat lætitiā metu. Quod ad Grammaticam attinet, norunt Ebraice docti legendum hic, non ut latinus textus habet, Apprehendere, sed osculamini. Itaq; consilium suum permittimus septuaginta interpretibus, nos tamen à veritate Ebraica ideo non discedemus.

Quod 70. verterunt *בְּרַךְ אֶת הַבָּר* *brach et hab*, in Ebreo est, Bar, ac late patet ejus significatio. Est enim adjectivum nomen, & significat purum, electum, Ideo Hieronymus vertit, Adorate pure. Per antonomasiam autem quæ ex communi nomine facit proprium, postea transfertur ad alias res, & propter excellentiam individui vocatur sic triticum seu frumentum, tanquam electa res. Sic Apostolum intelligimus Paulum, Prophetam Davidem, Philosophum Aristotelem, Militem Georgium à Fronsberg, &c. Nam propter excellentiam sæpe ex communi nomine fit proprium. Sic Christus per excellentiam dicitur justus, sapiens, sacerdos, Filius hominis, Rex &c. Ad hunc modum Bar substantivè significat etiam Filium, tanquam rem maximè electam, charam, jucundam parentibus. Si voluisset David Ebraice loqui, dixisset Ben, Sed utitur vocabulo, Bar, in eadem significatione, per Antonomasiam, ad obscurandam Prophetiam à facie Diaboli & impiorum, qui non sunt digni videre hæc. Hæc est vera hujus appellationis ratio, quantum ego video. In Psalm. 19. adjective *רָאָה* *raah* ponitur, Præceptum Domini purum, latina translatio habet lucidum.

Sed quò, inquires, pertinet vocabulum, Osculamini? Significat cæremoniam. Sunt autem osculorum genera admodum varia. Osculetur me osculo oris sui, inquit, Sponsa in Canticis, Hoc est, Osculum charitatis & signum summi amoris. Ideo Paulus quoq; dicit, Osculamini vos in osculo charitatis. Aliud est osculum manuum, id nostro more est homagium præstare, Eo utimur erga illos, quos agnoscimus Dominos nostros, Aliud est pedum osculum, quo significatur extrema humilitas. Ac usus est Christus eo in cœna, ut ostenderet se minimum esse in Regno cœlorum, & omnium servum. Est enim factus servus noster, & habuit nos pro dominis suis, Siquidem pro nobis laboravit,



ravit, & tulit peccata nostra. Sic manuum & pedum osculum significatione conveniunt, quanquam hoc altioris humilitatis indicium est, Hieronymus igitur non verbum, sed sententiam expressit, cum vertit, Adorate, Sed in eo lapsus est, quod nomen (Bar) reddidit adverbialiter, Adorate pure. Si nominaliter vertisset, recte fecisset, Adorate purum, electum, lucidum. Sic enim nos quoque solemus dicere, Mea lux, meum corculum.

Pulcherrimis igitur verbis & plane rhetoricis commendat Spiritus sanctus nobis Filium Dei, Osculamini, estote subditi, procidite, humiliamini, agnoscite vos subditos. Cuius? aut coram quo? Coram electissimo, coram purissimo, in quo solo Patri complacitum est. Sicut Pater de coelo testatur, Hic est Filius meus dilectus. Et ipse Christus apud Iohannem dicit, Pater diligit filium. Osculamini  
Filium. Has ipsas voces complectitur Psalmus, & de eis vaticinatur, cum Ebraico vocabulo Filium vocat, Bar, Q. d. Ipse est meum dilectum, meum purum, meum electum, quo vnice delector, *mein Herz/mein Freude*. Ergo adore Deum, qui est deliciae vnicæ Dei, & in summa, placentia, & adorabitis Deum, Deo rem gratam facietis &c. Flectite ei genua, osculamini pedes eius &c.

P O R R O hæ voces significant, Christum non esse simpliciter hominem. Siquidem Pater tribuit honorem suum Filio, & jubet adorari Filium. T. Firmo  
divinitas. Adorabis Dominum Deum tuum, inquit Moyses, & ei soli servies, Et apud Dent. 6. Esaiam dicit Dominus, Gloriam meam alteri non dabo. Cum igitur Deus non possit esse mendax, & tamen hic præcipiat adorandum hunc Regem, Sequitur hunc Regem in Zion positum, natura esse Deum. Igitur supra quoque ostendi, etsi Iudæi contendunt, præcedentem versum non ad hunc Regem, sed ad ipsum Deum esse referendum, tamen, nisi prorsus amentes sunt, fatebuntur, quod Deus hic suo mandato omnes nos remittat ad Filium, & Filium velit coli & adorari. Mat. 3. 17.  
Iohan. 3. Convenit igitur sententia cum his Evangelij vocibus, Hic est Filius meus dilectus, Hunc audite, Qui crediderit in me, mortem non videbit in æternum, Creditis in Deum, & in me credite, Doctrina mea non est mea, Quæ ego loquor, loquitur Pater, Pater operatur adhuc, & ego operor, Pater mihi omnia dedit, Pater dedit iudicium Filio, Filius neminem iudicat, Sicut Pater vivificat, sic & Filius &c.

In his sententijs invicem referunt se Pater ad Filium, & Filius ad Patrem, ut non dubium nobis esse possit, hunc Regem esse verum, legitimum & naturalem Deum, Et, nisi hunc Regem colas ac amplectaris, Deum non posse coli. Pater enim & Filius vnum sunt. Frustra igitur Turca, frustra Papa, frustra Monachus speculatur de Deo extra Christum. Turca dicit se adorare Deum, qui fecit cælum & terram, Idem Iudæus dicit. Sed quia vterque hunc Regem negat esse Filium Dei, non solum aberrant à Deo, sed & idolum cordis sui adorant, Fingunt enim Deum talem, qualem ipsi volunt, non qualem se Deus revelavit. Sed Deus abominatur eos, & obturat aures suas ad eorum preces. Neminem enim vult audire & videre, nisi in Filio suo. Turca.  
Iudæus.

Sicut Christus dicit ad Philippum, Iohan. 14. Philippe, qui videt me, videt Patrem meum. Cum enim Philippus orat, Ostende nobis Patrem, Christus admirandus responder, Tanto tempore vobiscum sum, & tu me nondum novisti, Q. d. Quo abripiunt te cogitationes & speculationes tuæ? Nisi in me figas oculos atque animum tuum, nec Deum nec Patrem usquam invenies. Est enim Pater in me, & ego in Patre, Et verba, quæ loquor, non loquor ego, Sed Pater qui in me habitat, is facit opera &c. Ad hunc modum videtur Pater quasi fessus ferendi dominij, omnem administrationem totius creaturæ dedisse Filio in manum & sinum. Ac quidem factum est hoc ab æterno, Sed postea per revelationem, & declarationem tandem patuit. Semper enim habuit hanc gloriam Filius ab æterno, sed tum pri-

Pppp 3

mum

munum patuit, cum per Evangelium nomen ejus in totum orbem terrarum est vulgatum.

*Abrogatio Le-  
gis & cultuum  
legalium.*

*Osculati s.  
lium.  
Arius.  
Papa.*

**SECUNDO** pertinet hic Versus etiam ad abrogationem legis & cultuum legalium. Non enim dicit Psalmus de adoratione in templo in Ierusalem, sed nominat alium cultum. Si, inquit, vultis adorare Deum, si vultis acceptum sacrificium ei præstare, & Deo sic servire ut faciatis ei rem gratam, nihil aliud feceritis, quam ut hunc Filium osculemini. Hac una ratione servietis Deo, & placabitur vobis Deus. Sed persuaderi hoc mundo non potest. Igitur Arius surgit, spargit blasphemum dogma, contra Filium Dei. Turca hoc summum scelus ducit, quod & credimus Christum Dei Filium, & eum adoramus. Papa, etsi manifestas has blasphemias cavet, tamen re vera Christum non agnoscit Filium Dei. Quia sacrificio ejus non est contentus, & docet nos nostris operibus posse efficere, quod Filius Dei sanguine & morte sua effecit.

Meminerimus igitur hujus testimonii, quod hic Rex est Dei filius ab æterno genitus ex Patre, & nobis propositus, ut nos cum osculemur & ei serviamus, hoc est, ut statuamus nos per ipsum reconciliatos Deo, Ut quanquam merito Dei iram propter peccata expavescimus, tamen fiducia hujus Mediatoris speremus salutem. Hunc cultum postquam Filio præstiterimus, contentus est Pater, & amplius nihil flagitat à nobis, quod attinet ad reconciliationem, & spem vitæ æternæ. Obedientia autem, quæ postea accedit, quia omnia in fide filij Dei facimus, etiamsi imperfecta sit, tamen Deo placet, & habet cum corporalia, tum spiritualia præmia.

*Religio vera  
posita in  
transformatione animi.*

Hæc est summa totius Religionis facilima, quo ad externa opera. Non enim consistit in mutandis rebus externis. Servus, si vult esse Christianus, non necesse est, ut mutet conditionem, Sic Magistratus politicus. Non enim apud Deum est acceptio personarum. Animus autem ut muretur est necesse, ut ubi prius propter peccatum tantum non desperasti, nunc per Christum spem certam veniæ concipias, Vbi prius peccato delectatus es, nunc peccatum oderis & fugias, Vbi prius tardus eras & negligens in obedientia erga Deum, nunc summo studio & voluntate in id, ut incumbas, nec ubi Deum aut verbo, aut facto offendas &c. Ad hunc modum animus & cor mutari debet, ut de Deo judices non ex tuo corde, sed ex verbo, quod filius Dei proponit. Hoc cum præstiteris, postea sane Ratio utatur suo regno, ducas uxorem, gubernes familiam, instituas certas operas, parandi victus causa. Hæc omnia Deus permittit, tuo judicio instituenda & gubernanda.

*Adversatio hu-  
jus Regis trans-  
mutata in vani-  
tatem.*

Sic simplex religionis veræ forma & ratio est, Sed mundus non parit, Omnia potius mutat, quam animum & conscientiam, omnia facilius adorat quam hunc Regem. Monachus putat se Deo præstare summum cultum, cum mutat vestem, cum relinquit vocationem, & se abdit in monasterium, ubi novo modo comedit, bibit, dormit, &c. Sic putat se renasci & fieri novum hominem, Et tamen solus externus habitus mutatus est, mens autem & animus manet idem, manet eadem sacrilega opinio, quæ fuit in scelerato Cain, qui cum meditaretur cædem Fratris, sperabat tamen se apud Deum in gratia fore propter sacrificium. Sed vere scelerata opinio & sacrilega hæc est. Non enim curat Deus vel circumcissionem, vel præputium, sicut non curat, curas ne in via, an stes, alba ne an nigra vestiarius veste. Externa hæc sunt, quæ quisque, prout sibi commodum est, gubernet, habita tantum ratione proximi, ne eum offendant. Sic nihil curat hoc Deus, sis ne in politæ parte, an solitudine, nisi quod manifestum peccatum est, si vocationem deferas, & tua sponte deligas tibi aliud vivendi genus.

*Vera Religio.*

Hoc autem curat, imo hoc præcipit & mandat, cor ut mutes, ut conscientiam imbuas nova opinione & cogitatione de Deo, ut dicas, Agnosco & reveore filium Dei, Dominum Iesum Christum, Et quia Mediator meus est,

per

per eum spero me reconciliatum Deo, & peccata mihi condonata esse. Cum tali corde ibo, & fodiam agrum, faciam opus, ducam uxorem, serviam hero meo &c. Talem cultum exigit hoc in loco Psalmus, & talem religionis formam præscribit. Sed, ut dixi, mundus sanam doctrinam non accipit. Hanc judicat esse veram religionem, si aliquid foris, seu in externis mutet. Sic vecordes Anabaptistæ tum putant se veros sanctos, si non gestent armā, si induant glaucam vestem, si dimittant capita tristes. Sed an non hæc cuivis Rustico muratu facilia sunt? In Christum autem confidere, & servire Deo in timore, hoc ne quidem digito attingunt stulti homines.

Anabaptistæ.

Ac certum est, quod nullus hominum, qui studet legibus aut iusticiis, hos veros cultus præstat. Ne quidem cogitatione eos assequi possunt. Est enim doctrina de cælo revelata, quæ non nascitur in corde, aut capite humano, Spiritu sancto doctore & gubernatore opus est. Quia autem is tantum contingit per fidem in Christum, iusticiarii autem fidem abijciunt, & Legem retinent, impossibile eis est hos cultus præstare. Est igitur religio Christiana, ut dixi, facilima, si spectes externa opera, At si spectes hos spirituales cultus, est difficilima. Nam hi præstari non possunt, nisi mutetur cor. Cor igitur & animum exigit vera religio, non opus aut alia externa, Quanquam hæc sequuntur, si cor habeas. Vbi enim cor est, ibi sunt omnia. Non negabit tibi pecuniam, non operas, non seipsum, qui te serio amat. Atq; hæc causa est, quod vera religio sit *ἀνανεσις*, & non simulatur, sicut illa Pharisaica est, quæ tantum externa, non animum mutat.

Vera religio exigit cor.

ERGO verus Dei cultus est, Filium osculari, hoc est, eum sic adorare, ut nihil in cælo & in terra extra hunc videas, nec vlla alia re fidas. Sicut primum præceptum jubet, Non facies tibi sculptile, neq; omnem similitudinem, quæ est in cælo desuper, & quæ in terra deorsum, nec eorum, quæ sunt in aquis sub terra. Hoc mandato captivavit Deus populum suum, in spirituales conspectum, & abstraxit eum ab omnibus vagis cogitationibus, Et tamen in Idololatriam prolapsi sunt, sicut historia ostendit. Sic enim judicarunt, Deum laudari, si laudaretur creatura ab ipso condita. Hinc secuta est adoratio Solis, lunæ & exercitus cælestis, cum tamen Deus discrete mandasset, ad solum Propiciatorium adorandum. Ad hunc modum hic quoq; caveamus ab imaginibus cæli & terræ, & hæreamus in solo Filio, Sic apprehendemus certo Patrem, & totam divinitatem. Nam & Paulus dicit, Tota divinitas habitat in Christo corporaliter. Igitur Deum non invenies in Sole, Luna, non in aliis creaturis, in solo Filio, qui ex Maria natus est, invenitur. In hoc solo est salus, gratia, vita, extra hunc quidquid de Deo cogitas, est vana cogitatio & mera Idololatria.

Verus Dei cultus.

In solo Christo hærendum.

Hoc Papistæ nesciunt, Hi cum de cultu Dei docent, aut tantum à se electos cultus intelligunt, aut cum minimum mali sunt, deducunt homines ad Mosen, & obedientiam legis, seu decalogi. Ac verum est, Deus decalogum ideo præscripsit, ut nos eum præstaremus, Sed cum hæc obedientia perfectissima est, hoc est, tam absoluta, quam in hominem cadere potest, non tamen in ea possumus acquiescere; non solum non apprehendimus in ista obedientia Deum, sed à Deo refugimus etiam. Sed qui Christum intuentur, hi inveniunt talem Deum, a quo non metuunt, sed quem cum reverentia & fiducia certa misericordiæ amplectuntur. Sicut igitur sancti Iudæi nesciebant alium Deum, quam qui ad propiciatorium se jusserat invocari, sicut nesciebant alium Dei cultum, quam qui in templo, divinitus à Deo destinato, cultibus præstabatur. Sic nos in vno Filio hæremus, In eo Patrem invenimus, in eo vitam & salutem accipimus. Hæc est sapientia nostra, qui sumus Christiani, quod cohibemus vagas cogitationes cordium nostrorum, & hæremus in solo Filio, nec extra Filium novimus Deum, Filius enim est, qui exaltatus trahit ad se omnia, Hunc, qui aut non norunt, aut amiserunt, Hi in medio mari damnationis jactantur,

Sapientia Christianorum.



tur, nec possunt attingere portum salutis. Contra qui Christum habent, & in eum in Serpentem æneum, fixis oculis intuentur, hoc est, qui credunt eum ex voluntate Patris oblatum pro peccatis nostris, Hi à Satana tuti sunt, & verum Deum, vitam, iusticiam, & sapientiam æternam possident.

Osculati  
sunt.

Magna igitur vis est in verbo, Osculamini, significat enim ut toto corde hunc filium amplectamur, neque aliud vel videamus, vel audiamus, quam Christum, eumque crucifixum. Qui autem in religione aliquid aliud spectat, aut alius querit, Hic fallitur & aberrabit à via salutis. Ratione & sapientia nostro utamur ad alias res, ad gubernandam familiam, ad faciendas operas, ad emptionem & venditionem, Sed cum de cultu Dei queritur, hic rationi præcludas omnes vias, & uni huic Filio adhæreas. Per se malum non est, mutare vestem, sicut Monachus mutat, jejunare, affligere corpus &c. Reprehendimus enim hæc tantum eo nomine, quia suscipiuntur cum impia opinione, tanquam res ad impetrandam remissionem peccatorum utiles. Hanc opinionem si abijcias, etiam si retineas cucullum, modo Filium sincere osculeris, hoc est, modo nitaris ejus meritis & gratia, vives in æternum. Hoc igitur caput est cultus Dei, reliqua omnia sunt tanquam cauda, & tamen caput hoc negligit mundus, & fidit in hypocritica mutatione externorum. Addit igitur Spiritus sanctus.

*Ne forte irascatur, & pereatis in via.*

Mat. 23.

Papistæ Filium  
non osculan-  
tur, sed sua  
opera.

Videt hanc Doctrinam in mundo contemni Propheta. Iudæi, Turcæ, Gentes omnes absurdissimum esse judicant, quod adoramus hominem, sustinentem omnes communes passiones carnis, quas alij homines sustinent, imo reputatum inter latrones & affixum cruci, Papistæ etsi in hac infirmitate Christi non scandalizentur, tamen aliam vitam vitæ docent, quam Christum & ejus opera. Verbo quidem, sacrificio Christi nihil derogant, sed dum suis operibus & sacrificiis tribuunt meritum remissionis peccatorum, nonne alium constituent Christum, quam qui à Patre nobis datus est, ut sit iustitia & sapientia, sanctificatio & redemptio nostra? Itaque loco osculi, quod Filio dari Spiritus sanctus jubet, osculantur suas missas, sua jejunia, suos cucullos, Christum autem osculantur Iudæ osculo. Oderunt enim doctrinam hanc, & omni genere credulitatis persequuntur.

Mat. 23.

Osculati  
sunt.

Hoc videt Spiritus sanctus, monet igitur & minatur, Aut hunc adorate, aut scitote vos manere sub ira. Si enim de eo agitur, quomodo placari Deus debeat, quomodo remissio peccatorum possit impetrari, aut osculamini Filium, aut peribitis, nullum hic est medium. Sic Iohannes pronunciat, Qui non credit in Filium, ira Dei manet super eum, Item, Qui non credit, jam judicatus est, Sive sit Rex, sive pastor, sive Carthusianus, sive miles, sive coelebs vivat, sive in conjugio, sive Medicus, sive Iurisconsultus sit, si non osculatur Filium, hoc est, si non omnem spem salutis habet collocatam in Filio, etiam si ad mortem usque se maceret jejunis, etiam si flammis subijci corpus suum permittat, peribit in ira Dei.

Mat. 23.

Ad hunc modum haurit Spiritus sanctus totum orbem terrarum vno verbo, cum universa sapientia, iusticia, meritis, cultibus, adorationibus, afflictionibus, & omnia transfert in Filij osculum, Si osculamini Filium, bene, Si non, peribitis in via. Futurum enim est, inquit, ut Filius irascatur tandem, Nunc offert vobis osculum, ut à vobis vicissim ferat osculum. Insigni enim amore complectitur genus humanum. Venit enim in hanc carnem non ut judicet, non ut damnet, sed ut osculetur nos, & ostendat nobis amorem, quo nos amplectitur. Si igitur eum non vicissim fueritis osculati, nulla religio, nulla iusticia, nulla sapientia vos sublevabit, Sed simpliciter manebitis sub ira, & peribitis in ira. Sed mundus minas has non curat, putat diversum futurum, sperat gratiam Dei per sua opera, & iusticias suas, sed frustra. Definita enim sententia est, Qui non crediderit, condemnabitur.

Mat. 23.

Septua.

Septuaginta fecerunt, Ne pareatis de viâ iusta. Itaque interpretes distin-  
xerunt, esse aliam viam bonam, aliam malam. Sed pugnant hæc cum Ebræo. *Via nostra.*  
Ibi enim simpliciter est, ne pereatis in via. Sententia igitur est, Quod sim-  
pliciter prohibet Spiritus sanctus, ne confidamus in vllis vijs nostris, etiamsi spe- *tura civilia.*  
ciosissimæ & optimæ esse videantur. Papæ regnum habet magnam speciem,  
Iura civilia quoq; merito celebrantur, tanquam insigne donum Dei, & necessa-  
rium ad publicam tranquillitatem, Carthusianus etiam habet splendidam viam,  
in qua incedit, Sic aliorum ordinum sunt certæ viæ. Sed quidquid hujusmo-  
di est in universo orbe terrarum, hoc totum, nisi Filium osculeris, est nihil,  
nisi ira & damnatio, & ira faciet, ut viæ hæc aboleantur & pereant. Si enim Re-  
ligio veteris populi consistere non potuit, hoc Filio abjecto & repudiato, Si  
illi, quorum erat testamentum, legislatio, cultus, sacerdotium, templum,  
vnâ cum sua via perierunt, quid dicemus de vijs electis sine verbo Dei, quales  
sunt Papistarum?

Emphasis igitur est in vocabulo, via. Non enim dicit, peribitis in er- *Peribitis in*  
rore, sed in via, hoc est, instituti cultus, electa opera ad salutem, vobis exitio *via, inquit,*  
erunt. Miserabile autem est, quod Monachus, qui noctu diuq; aliud nihil agit, *non in errore.*  
quàm ut affligat corpus suum, aliud hac diligentia non efficit, quàm ut subijcia-  
tur gehennæ flammis. Sic Iudæi, magno Zelo pugnantes pro Lege & sacri-  
ficiis, habent viam, qua putant recta tendere ad vitam, sed in hac via pereunt,  
ita ut sint in vago errore animæ & corporis. Sic Regnum Romanum habuit *Exempla pet-*  
viam, qua putavit vinci posse omnia pericula. Sed omnes hi, quia Filium non *entium.*  
sunt osculati, perierunt in via sua, & cum via sua. Hodie quoq; Dei beneficio *Via Romani*  
videmus perire Papam in conspectu nostro, cum variis suis viis. Est enim hujus *Regni.*  
Filii ira, divina ira, & habet potestatem, non est vana, aut sine viribus ira, sed *Filij ira.*  
vult haberi pro Deo & coli, aut minatur interitum.

Augēt autem comminationem, quod addit Spiritus sanctus, Brevi exar- *Brevi exar-*  
suram iram hanc. Vtrunq; enim complectitur, & omnipotentem esse hanc *desceat ira ejus.*  
iram, & admodum propinquam, Dum cessat, longissime videtur abesse, non  
iis solum, qui iram hanc non experiuntur, sed etiam piis, qui interea affliguntur  
& torquentur. Sed definita sententia est, Brevi exardescet, hoc est, Certissime  
veniet, ac veniet tum, cum dixerint, Pax & securitas. Sic Iudæi ruinam suam  
non existimabant, tam esse propinquam. Nostro quoq; tempore Papatus cœ-  
pit ruere, cum esset securissimus. Nunc quoq; nescio, quid spei alant hostes  
Euangelii, Sed fiet secundum Scripturam, Non dimidiabunt impii vias suas.  
Nunc annis amplius sexcentis hoc agunt Pontifices ut potiantur Romano im-  
perio, Sed falsi sunt spe, & omnes conciderunt in ipsis conatibus, uq; omnium  
turpissime, qui sapientia & calliditate erant instructissimi.

E s t autem causa hujus iudicii & ruinæ impiorum, hæc quoque. Quod  
etsi Filius in brevi irascetur, tamen pii eam quoq; orationibus suis vrgent. Ita-  
que sicut Christus de iniquo Iudice & vidua dicit, Deus quoq; faciet vindictam  
electorum suorum, clamantium ad se die & nocte, & cito quidem eam faciet.  
Sic in Apocalypsi, Veniet cito. Nobis quidem, qui patiamur interea, diutur- *Spes tarda.*  
na & tarda videtur ira, Spes enim, quæ tarda est, affligit animum, Sed impiis  
admodum est brevis. Obruuntur enim tum, cum putant se esse tutissimos.  
Itaq; in momento videntur perire. Nunc cum audiunt has minas, secure eas  
contemnunt. Sicut de Latrone quodam narratur fabula, qui cum viatorem  
quendam spoliaret, & ille pœnam in ultimo die exolvendam clamaret, Eja, in- *Securitas lat-*  
quit latro, si tam diu differetur pœna, bene mecum agetur, Nunc igitur hac spe, *ronum & re-*  
præter tunicam etiam interulam mihi trade, *pentium in-*  
*seriem.*

Tales sunt omnes impii Sed cum apprehendit eos pœna, tum canunt *Non putaram.*  
stultam hanc cantionem, Non putaram. Sodomitæ Loth monentem fideliter,  
etiam convitiis incessebant. Ingressus es, inquit, ut advena, nunquid igitur  
judica-

Indicabis nos? Securi scilicet erant. Sed cum oriretur mane Sol, hauriebantur coelesti flamma & hiatu terræ. Sic ostendit se ira hæc, quæ cito venit, & priusquam impij id possunt credere.

*Beati qui con-  
fidunt in eum.* *Mundus.*  
Est igitur hæc gravissima comminatio & plena terroris, quæ ipsa cogitatione saltem occideret nos, nisi addidisset Spiritus sanctus necessariam consolationem. Distinguit enim inter eos, qui Filium hunc osculantur, & qui non osculantur. Qui igitur non volunt osculari Filium hunc, sed propter justiciam suam inflati sunt, his irascitur & minatur exitium. Qui autem Filium osculantur, qui propter peccata sua in metu sunt, & tamen propter Filium Dei spem concipiunt, hi inquit, beati sunt. Sic Angeli ad sepulchrum Domini discrimen faciunt, cum mulierculis dicunt, Nolite timere. Non enim ad eas terrendas advenerant, quæ Christum amabant & quærebant, sed ad terrendos custodes, qui operam suam addixerant Phariseis & Pontificibus, ad Christi gloriam opprimendam. Sicut igitur personæ differunt, Ita etiam differunt conciones, Concio misericordiæ pertinet ad perditos & afflictos, Hi enim erigendi sunt. Concio autem iræ & poenarum pertinet ad duros & securos, Hi sunt contundendi malleo legis. Sic sunt quasi duo mundi, vnus Diaboli, in quo sunt homines securi, superbi, negligentes Dei & Euangelij. Hos monet Spiritus sanctus, ut securitatem exuant, aut futurum, ut pereant cum via sua. Alter mundus est Christi, In eo sunt homines afflictos & calamitosi, qui sensu suorum peccatorum conturbantur, & metuunt peccatorum poenam, mortem æternam & iram Dei, Et tamen, quia vident Filium Dei victimam factum pro peccatis, concipiunt spem misericordiæ. Hos Spiritus sanctus consolatur egregio verbo, Beati, inquit, sunt omnes, qui in eo fidunt, seu sperant.

*Colere Deum  
vitem.*  
Docet autem simul de vero Dei cultu, quod colere Deum nihil sit aliud, nisi totam fiduciam in hunc Regem ponere, & niti ejus auxilio atque ope contra mortem, peccatum & Satanam. Verbum igitur sperandi exponit osculum, de quo supra dixit, Q. D. Respicite in hunc Regem, sitis læti & jucundi, ac cor vestrum imbuite bonis de Deo cogitationibus, per hunc Filium, qui vobis à Deo Patre proponitur osculandus. Nam quidquid cæterarum rerum est in mundo, Id omne contristabit, non afferet consolationem, aut opem contra mortem, & peccatum, ne quidem sanctissima vita, bona opera seu justicia vestra. In hoc autem Filio invenietis fontem salutis, & omnis consolationis. Igitur non tantum sperate in eo, sed etiam statuere vos beatos esse, cum in eo speratis.

Ad hunc modum describit hic Psalmus coelestem religionem & veros cultus, cum vera Ecclesia & ejus capite Christo, Vt, quanquam Ecclesia in mundo lateat abscondita, & videantur dominari Satan & impii, imo etiam caro nostra, tamen Ecclesia, per fidem in hunc Regem, vincat tandem & triumphet contra Satanam & totum mundum, Secundum sententiam hanc, Beati omnes, qui confidunt in eo. Itaque in tantis difficultatibus, cum quibus hodie conflictatur misera, & quasi vndique oppressa Ecclesia, nos quoque consolationem hanc ambabus teneamus manibus, quod sperantes in Christum Filium Dei, sumus beati,

AMEN.



PRAEFA:



**P R A E F A T I O D. M. L.**  
**I N D E C L A M A T I O N E S I L L V S T R I V M**  
**P R I N C I P V M I V N I O R V M S A X O N I A E,**  
**I O H A N N I S F R I D E R I C I I I. & I O H A N N I S**  
**G V I L H E L M I, F r a t r u m.**

*A N N O M. D. X L I I I.*

**V** I D I M V S & *audivimus bis diebus singulare, & apud Germa-*  
*nos inusitatum exemplum, quod duo fratres, alter tertiumdecimum, alter*  
*quartumdecimum annum ingressus, ac pene (ut dicitur) infantes, habue-*  
*runt duas Orationes latinas contiguas, coram tota hac Vniversitate. Et hi*  
*fratres, non infima, nec mediocri. Sed summa nobilitatis, puta summo clarissimoq, loco*  
*nati, nempe filij illustrissimi Principis nostri & Domini D. Iohannis Friderici Ducis Saxo-*  
*niae, Electoris &c. omnium studiorum, artium, & virtutum patroni clementissimi. Qui*  
*& ipse cum aliquot alijs Principibus una praesens audiebat, magno (ut credere par fuit,*  
*& satis apparebat) gaudio, scilicet Pater filios suos, ea aetate tam feliciter, idq, brevi*  
*tempore, in literis profecisse.*

In annum 49.  
 & hac referen-  
 da erant, sed  
 tardius exhi-  
 bitum exem-  
 plar, ne id fla-  
 ret obstitit.

Ego sane inter ceteros admirabar vehementer, non solum istam animi magnitudi-  
 nem in pueris, qua in tali ac tanto casu, nihil territi, latine & dexterrime perorabant,  
 sed etiam tam pure, tam graviter, tam distincte, ac fere memoriter, quasi ex tempore di-  
 cerent, omnia pronuntiabant.

Simul succurrebat recordatio temporis paulo superioris, in quo non invenisses ex  
 omni (quod dicitur) multitudine Ecclesiastica, Pontificum etiam Romanorum, Cardina-  
 lium, Episcoporum, addo Doctorum, & quicumq, voluissent deniq, audire doctissimi in-  
 ter eos, qui tale aliquid prestare potuissent. Certe magnum decus, magnamq, gloriam li-  
 tere, utut sint apud alios magnates & procures contempta, in istis clarissimis & illustris-  
 simis Principibus consecuta sunt, nec minore gloria ipsa vicissim Principes tantos orna-  
 verunt.

Hi videas, quid sit, quantumq, valeat bona institutio, praesertim, si contingat  
 (ut hic) natura formabilis & ingenium idoneum. Qua in re optimi parentis & illu-  
 strissimi Principis consilium & voluntas mirifice extollenda sunt; qui filios suos non vulga-  
 ri more Principum & nobilitatis dilexerit, id est, otio & ignorantia negligi passus sit,  
 Sed omni studio & cura eos recte institui & erudiri curavit, Ut essent non tantum san-  
 guinis genere clarissimi, Sed & literis ingenijq, cultu, cunctis nationibus admirabiles.  
 Sed ipsae orationes mihi omnem materiam laudis praeipuerunt, ex quibus ipse Lector in-  
 telliges, plura quam mea sicca ista, & jejuna, seu horrida & sordida oratio dicere potest.

Hoc reliquum est, ut optimis pueris, clarissimisq, Principibus, omnia bene pre-  
 cemur, & oremus Deum Patrem, largitorem istorum & omnium bonorum, Ut caeptis  
 istis felicibus studiis & institutis, feliciorem successum, felicissimumq, fructum, benedi-  
 ctione abundantis gratia sua donare dignetur. Quod eo magis orandum est, quod hoc se-  
 culo ingrato & pessimo, dubitare nos Christiani non possumus, quin Diabolus omnium bo-  
 norum, ipsiusq, Dei hostis furentissimus, & sicut Leo rugiens, & confessioni Evangelij per  
 istos Principes exacerbatissimus, tentabit omnibus studiis & insidiis, si non perdere omni-  
 no poterit, tamen impedire & frustrari hac divina dona.

Et videmus in sacris Historijs, imo & in omnium Gentium Historijs, quibus,  
 qualibus, quantis machinis & astutijs in aulis Regum & Principum (quia ex illis ma-  
 ximos & saluberrimos fructus in Ecclesiam & Politiam proferri sentit) regnare sem-  
 per tentavit, & omnia invertere studuerit, Ut nisi Principem ista coronet & comple-  
 tur Oratio, Psalmo 20. Protegat te nomen Dei Iacob, Mittat tibi auxilium de sancto,  
 & de Zion tueatur te, Certe inter tot Dracones, serpentes, lupos, vulpes, & si qua  
 pejora


pejora sunt monstra Diaboli furentis ministeria, id est, inter fallaces Consiliarias, perfidos amicos, proditores ministros, rapaces procures, ipse unus & solus nequeat onus suum sustinere & perducere, Et tamen inter hos vivere & regere cogitur. Principes enim & quod optimum & summum in Mundo est, unice & avidissime petit, Delicata est gula (ut dicit Habacu) esca ejus electa, & Tyranni ridiculum ejus sunt.

Quapropter commendatos habeat sibi Ecclesia, & quisquis est, qui Christi esse voluerit, hos optimos Principes, & eorum studia ac gubernationes, fideli & seria apud Deum oratione. j. idet, contra Diabolum hostem illorum precipuum. Quā in re faciemus non solum gratissimum sacrificium Deo, Sed nobis ipsis quoque necessarium & salutare beneficium. Quis enim cogitando, nedum dicendo, consequi potest, quā beatatus sit, sub bono & salutaris Principe vivere, Qui & gloriam Dei, & salutem Republica quærat, augeat & conseruet? Dona sunt hæc, & (ut Scriptura loquitur) benedictiones Dei opulentissima.

Ipsæ Dominus IESUS CHRISTUS filius Dei, qui cepit bonum opus suum in istis fratribus Principibus, des, ut non solum alijs Principibus, Sed sibi ipsis, has duas orationes cumulatissimo opere & fructu recitarint, recitent, retineantq; semper, ad gloriam Dei, & salutem hominum, AMEN.

ANNVS CHRISTI  
M. D. XLVII.  
COMMENTARIVS D. M. L.  
IN IOELEM PROPHETAM, M. D. XLVII.  
ARGVMENTVM IN JOELEM

Prophetam, D. M. L.



Vo tempore Joel concionatus sit, ideo dubitatur, quia in titulo nullam Regum mentionem facit. Et tamen consideranti diligentius Argumentum, non levis conjectura se offerunt, quas secuti, statuamus eum post Esaiam vixisse, ac Esaiam natu majorem fuisse. Primò enim non facit Regni Israelis mentionem sicut Oseas & Esaias, Itaq; id ab Assyrio jam vastatum, & decem tribus abductas arbitramur, cum Joel cepit concionari. Deinde disertè ostendit se de vastitate per Babylonios futura, & de tribu Iuda loqui. Facit enim mentionem domus Domini, qua tantum in Ierusalem fuit, ac di. it interfuisse sacrificium & libationem. Et si igitur Reges nullos nominat, tamen in postremis Hiskia temporibus, aut sub Marasse vixisse eum judicamus.

Argumentum  
concionum  
Joelis.

Quod autem ad Argumentum concionum Joelis attinet, fere idem est, quod Oseas, Amos, & Esaias. Minus enim vastationem per Babylonum futuram, ac hortatur studiose ad penitentiam & orationem. Hac enim est verum Asylum, ad quod si confugimus, etiam in medijs periculis servamur. Hodie Ecclesia varie periclitatur. Impy Mahometista magno successu contra nos pugnant, nec minus nobis à Pontifice, & ejus complicibus periculum ostenditur. Hoc enim magno conatu post varias & multas insidias agunt, ut specie Concilij, ad componendam religionis causam instituti, armentur Reges & Principes contra miseras nostras Ecclesias, qua idololatriam Pontificiam abiecerunt, & Evangelij sanam doctrinam amplexa sunt. In his malis, qua aut Ecclesijs utilior doctrina, aut consolatio uberior proponi potest, quā Joelis conciones? Diligentissime hortatur suum populum ad penitentiam. Prescribit formam, qua in tantis periculis ad Deum orantes utamur. Addit consolationes insignes de misericordia Dei, & ineffabili patientia seu longanimitate.

Prima pars  
concionum  
Joelis.

Quia

Quia autem admonitiones hæc pia & necessaria à vulgo contemnebantur (Sicut hodie quoque ad radice usque, sed frustra clamamus, ut minuant nostri homines luxum, ut liberalius adjuvant Ecclesias, ut cadant scandala, & suo exemplo ad timorem DEI alios quoque affuefaciant) Convertitur Propheta ad reliquias sanctas, quas publica calamitas, tanquam impetus aquarum multarum simul abreptura erat, concionatur de Regno DEI, per Evangelium propagando in totum orbem terrarum, Docet de beneficiis Christi, quod donaturus sit Spiritum sanctum; Vacinasur de novis & aliis cultibus, quam illi in Lege erant, ac alia dicit eorum premia fore. Habentur, inquit, jam populus Dei, qui sunt circumcisi in carne, qui immolant tauros, qui offerunt libationes, sed tam fiet, ut omnis, qui invocat nomen Domini, salvus fiat. Tandem addit admonitionem ad omnes gentes, ut volentes colla submittant Evangelio, Futurum enim, ut qui Evangelio credunt, damnentur in æternum.

Altera pars concionum Joëli, Evangelium.

Hæc summa concionum Joëli, Nec levis ei auctoritas inde accessit, quod in nobis Testamenti primæ concione de Christo Filio Dei passio & resuscitatio, hujus Propheta testimonio Petrus usus est, contra impiorum impias calumnias, blasphemantes Spiritus sancti admirabile opus. Merito igitur hæc quoque conciones explicandas suscipimus, tam ad nostra tempora aptas, ac ad afflictas Ecclesias consolandas necessarias. Filius Dei, qui ad dextram Patris sedet, nos quoque, Spiritu suo regat, ut dicamus utilia, & multorum animi lectione hujus Propheta ad timorem Dei excitentur, nosque his miseriis temporibus experiamur Deum verè esse benignum & misericordem, patientem, & multa misericordia, & quem peniteat mali, quod propter peccata nostra de nobis cogitavit, Amen.

## CAPUT I.

Verbum Domini, quod factum est ad Joël, filium Petbuel.

**H**OC usitatum Prophetis exordium est, sed augustius longè, quam prima fronte appareat, quod non suas cogitationes, non consilia sua, sed DEI verbum afferunt, quod Dominus locutus est, nec ullâ ratione impediri aut mutari potest. Plato Homeri versum eleganter amplificat, in quo Minoa Cretensium legislatorem, vocat, *ὁ ἀγροῦ καὶ τοῦ δήμου*, auditorem Jovis, Sed hoc nomen nos Prophetis meritò verè tribuimus Non enim afferunt à se excogitatas sententias, quæ ex ipso DEO audierunt, quæ creator omnium vel per somnia, vel per visiones eis ostendit, ea patefaciunt & explicant. Sunt autem, non sicut illa gentilium, de terrenis & perituris rebus, Excitant animos Prophetæ ad timorem DEI, Instillant animis fiduciam in misericordiam DEI, Docent, ut caveamus scandala, ac hortantur ad obedientiam, Tandem patefaciunt viam ad æternam vitam, fidem in Filium DEI, verè *ὁ ἀγροῦ καὶ τοῦ δήμου*. Nam regit mentem & linguam æternus & omnipotens DEI Spiritus. Idcirco David hoc ipsum beneficium gravissimè commendat, cum post alia beneficia infinita etiam hoc commemorat. Annunciat verba sua Jacob, Israëlî statuta & judicia sua. Non fecit taliter ullis gentibus, nec judicia sua manifestavit eis. Hoc enim solius Ecclesiæ donum est, quod habet Spiritus DEI eruditos Doctores, qui de voluntate DEI & vera salute doceant.

Propheta ex Spiritu Dei vacillavit.

Extra Ecclesiam sunt quoque multa præclara ingenia, Sed hæc præter rationes lumen nihil vident, Itaque DEI verà cognitione destituuntur, imò ne se quidem norunt, In peccatis sunt securi, Judicium DEI, dum abest, securè contemnunt, viam autem, quâ ad æternam vitam itur, prorsus nesciunt. Aut enim immortalitatem, ceu vanum somnium rident, aut, præter Legis notitiam, nihil vident. Si præstent honestatem in moribus & vita, sperant se diligentiae suæ præmium apud Deum in futura vita inventuros. Hæc cæcitas humanarum mentium semper est extra Ecclesiam, ubi non sunt *ὁ ἀγροῦ καὶ τοῦ δήμου*, nec sonat ista vox Dei.

Doctrina extra Ecclesiam qualis.

Sed cum DEUS sibi separasset populum, abjectis impiis gentibus, quæ Verbum abjecerant, & sequebantur sua studia, hoc perpetuum ei concessit donum,

Capita doctrinae Christianae in Prophetis.

Qqqq

ut hæc.



I.  
Timor Dei.

ut haberet pios, & à Spiritu sancto eruditos Doctores, Hi & ad timorem Dei, & ad Fidem suam exhortabantur. Hæc enim duo sunt capita, in quibus omnis de pietate doctrina consumitur. Doctrina timoris non solum complectitur exhortationem ad obedientiam erga Legem Dei, sed etiam poenas. Atque hic Prophetarum singulare donum cernitur. Nam divinitus eis ostendebatur, vel per somnia vel per visiones (Num. 12.) per quos, quo tempore, & quo modo Deus peccata populi sui esset puniturus. Hæc poenarum diserta denuntiatio, singulare Dei beneficium fuit, quod propter electos concessit Deus, Primum, ut hi in communibus periculis, vitam regerent diligentius, & præteritorum peccatorum veniam à Deo expolcerent, Deinde, ut turbatis imperiis, tamen retinerent spem de venturo Christo, & mansura hac Ecclesia, quam Deus circumcissione & lege ornaverat. Ac magnum hoc misericordiae, longanimitatis, & patientiae Dei argumentum est, quod non subito peccatores obruit, sed per Verbum revocat in viam, & ut Paulus ait, poenitentiae spacium concedit, tanto ante denunciata futura calamitate, & poenis peccati per Prophetas suos.

II.

Fides.

Doctrina Fidei complectitur promissiones de Christo & Regno ejus. Hic quoque Prophetarum singulare donum cernitur. Nam per Spiritum sanctum personam, ministerium, afflictiones & gloriam Christi, seu Messiae, imò etiam tempus ipsum, quo revelandus esset, noverunt. Fuit autem summe necessarium, hæc de Christo doctrina, ut sæpe & per plures repeteretur. Nam tot tristibus casibus jactatus populus Judæorum est, ut, nisi subinde vaticiniis de Christo pii erecti essent, facile omnem spem de ejus futuro Regno abjicerent. Sed Prophetæ luculentis testimoniis de Christo, piorum spem confirmarunt, ut in omnibus periculis ad Semen promissum respicerent, & per id benedictionem æternam expectarent. Hoc igitur Prophetarum ministerium fuit in Ecclesia, seu populo Dei admodum necessarium.

Nos hodiè alteram ministerii ipsorum partem de Christo, & spe æternæ gloriæ habemus multò luculentiorē. Quæ enim ipsis futura erat, nos videmus jam per Filium Dei impleta, Scimus expiata peccata, per Christi mortem, Per ejus resurrectionem autem mortem & Satanam victum ac prostratum, Nec leve Spiritus sancti testimonium est per verbum illabentis in corda fidelium. Altera pars ministerii Prophetici, quod pertinebat ad futurarum calamitatum prædictiones, hodiè minus necessaria est. Non enim sicut illis temporibus, Monarchiarum tot mutationes Regno Christi minantur, quòd non amplius in uno certo loco consistit, sed est sparsum in totum orbem terrarum. Itaque si in una parte orbis terrarum propter peccata populi Ecclesia turbatur, in alia parte viget & floret, & quotidie succrescit nova soboles, ac longius propagatur, sicut Historiæ ostendunt. Expectamus autem omnes Filium DEI venturum in nube, & judicaturum vivos & mortuos, ac piis donaturum æternam vitam, Impiis autem æternas poenas irrogaturum. Deinde scimus, quòd, qui Verbum non amplectuntur, etiam corporalibus poenis exercebuntur. Hæc generalis Prophetia hodiè nobis satis est, etsi tempus & modum futurarum poenarum ignoramus. Et tamen ne hoc quidem donum prorsus extinctum est, ac inde usque ab Apostolorum tempore quædam futurorum præscientia in Ecclesia fuit, quâ admoniti pii gubernarunt mores diligentius, & mitigationem calamitatum à Patre in cælis cum certa spe liberationis expectarunt. Omnia enim hujusmodi dona propter Ecclesiam & pios Deus orbi concedit.

*Audite hoc senes, & auscultate omnes habitatores terræ. Num hoc factum est in diebus vestris, aut in diebus Patrum vestrorum? De eo narrate filiis vestris, & filii vestri filiis suis, ac filii eorum generationi alteri. Quod ab Eruca*

*reli-*

*relictum est, comedit Locusta, Quod à Locustis relictum est, comedit Bruchus, Quod à Brucho relictum est, comedit vermis.*

Ferè omnes interpretes, tum veteres, tum recentiores hanc de noxiis vermibus concionem allegoricam esse putant, Ac quidem longius proveci, non unius temporis historiam à Propheta significari contendunt. Nam pro varietate vermium varias externarum gentium irruptiones intelligunt, Erucas Assyrium, Bruchos Babylonium, Locustas Alexandri posteritatem, Rubiginem Romanos interpretantur. Hæ enim Monarchiæ populum Dei graviter afflixerunt, donec tandem propter contemptum Evangelii, & idololatriam sub Romanis penitus concidit. Hanc sententiam, si quis amplecti volet, non impediam. Diligens tamen Interpres hoc ubique sequetur, quod cujusque loci maximè proprium est. Moveor igitur primum autoritate Mosis, ut historica hæc, *Opinio interpretum de noxiis bestiis.* & non allegorica esse iudicem. Sic enim minatur Deut. 28. Sementem multam *Vera huius loci sententia.* jacies in terram, & modicum congregabis, quia locustæ devorabunt omnia, Vineam plantabis & fodies, & non bibes vinum, nec colliges ex ea quippiam, quoniam vastabitur à vermibus. Ergo plaga, seu peccati poena definita est noxiorum vermium copia, qua annona perit, Deinde convenit cum Mose experientia quoque. Et si enim hæc noxiorum vermium multitudo per se poena est peccati, tamen videmus eam etiam cum significatione esse alicujus gravioris poenæ secularis. In multis Germaniæ partibus, Anno Domini 1544. locustæ ingruerunt, ac longè lateque depopulatæ sunt agros, ac superiore anno, hoc est, 46. finitima Italiæ loca, ad Tridentum, & Saxoniam partem, quæ Silesiam attingit, magno numero infestarunt, ac usque ad Regium montem Francorum progressi sunt. Vastati igitur agri, ac radicitus excelsæ segetes per se, sunt poenæ peccatorum. Sed cum inusitatum quiddam, ac multis retrò seculis non auditum hoc malum esset, etiam pro signo id pii acceperunt, quo Deus ostenderet futuras clades per impiam & barbaram aliquam multitudinem. Sicut apud Judæos quoque hanc agrorum vastationem subsecuta est gravissima vastitas per Babylonium, qui longè gravius afflixit terram, quàm hæc vermium noxia multitudo. Statuo igitur non allegorica hæc esse, sed revera impœnitentem populum punitum non uno anno noxiis vermibus, qui agros & fruges omnes depasti, famem & pestem conciliarunt. Hæc prima, sed adhuc miris & tolerabilis poena fuit, quàm subsecuta postea est gravior, de qua paulò post dicit, nempe barbarus hostis, qui omnia evertit.

Quod ad Grammaticam attinet, sicut in omnibus linguis, ita in Ebræa quoque magna opinionum de propriis nominibus varietas est. Gazam, Erucam ferè vertunt, à verbo (Gazaz) quod significat tondere, abradere, ac convenit etymon cum hac bestiola, nam & herbas & folia demetit dentibus. (Arbeh) locusta est, ea nomen habet, quod cum magna multitudine se effundat. Sive enim volant, sic catervatim volant, ut nubem esse putes, sive occupant agros, ita quasi colligantur, ut nusquam pedem possis figere (Ieleq) bruchum vertunt. Habet autem nomen à (laqaq) quod lingere significat. Nam lingen- do nocet (Chafil) in genere vermis nomine reddidi. Nec dubium est ex pluribus Scripturæ locis, asse noxiam bestiolam seu vermem. Habet autem nomen à (Chafal) quod significat perdere, vastare. Hieronymus vertit rubiginem, quæ sequitur noxium rorem, den Westhaw. Hic enim cum in folia depuit, sole superveniente, animatur & vivit, ac variè nocet arboribus & plantis.

Sed inquires, Cur Propheta commemorat jam præteritam eladem? Ostendit enim hæc jam accidisse, nec superioribus temporibus simile aliquid unquam esse visum. Prophetarum autem hoc proprium iudicatur officium de futuris, ut doceant, non de præteritis: Sed arguit hæc ipsa res hominum incredibilem *Præteritam poenam commemorat Præteritam poenam.*

Q q q q 2

stupo.

humana  
omnis  
quod nec  
in nostris  
affligitur.

stuporem. Et si enim Deus talibus pestibus peccata hominum solet punire, tamen quousque est, qui cum hac patitur, sensu peccati sui tangatur? qui Deum judicet serio irasci? qui serio de emendatione peccati cogitet? Verè, ut in fabula est, homines scientes & videntes in exitum ruunt. Tanta igitur cum sit nostrorum animorum cæcitas, ut etiam mala, quæ sentimus & patimur, non intelligamus, Ideò Prophetæ præteritas calamitates proponit, docet eas esse peccatorum pœnas, ac pro ministerii sui ratione vocat populum ad pœnitentiam, hortatur, ut hanc Dei iram cognoscant, & de ea mitiganda per veros fructus pœnitentiae cogitent.

Nos hodiè experimur calamitates frugum accidere frequentiores, Non, ut olim, intervalla sunt annorum, quibus pestis evenit, Etiam loca, in quibus aura salubrior est, singulis ferè annis sentiunt pestilentiam. De bellorum rumoribus, & aliis periculis, quibus involvimur in dies altius, nihil dico. Verè enim in ea incidimus tempora, quorum superior ætas nihil vidit simile. Sed ecce omnes ferè tanquam attoniri, etiam quæ oculis videmus, quæ palpamus manibus, non videmus, nec curamus. Alioqui si serio statueremus immitti hæc ab irato Deo, ac nostrorum peccatorum pœnas esse, profectò commoveretur animis, & de pœnitentia cogitaremus. Non igitur satis est, quòd Deus affligit nos, quòd mittit varias pestes. Excitanda enim hæc sunt per ministerium Propheticum, & subijcienda attonitorum oculis, alioqui fiet, ut prorsus negligantur, Sicut beneficia quoque, nisi per verbum excitemur, egregiè negligimus, nec statuimus ea à benigno Patre donari, atque idè quoque in eorum usu sumus incautiores.

Atque hæc causa est, cur dicat Prophetæ, Audite hoc senes, Auscultate omnes, qui habitatis terram, Dicite hæc filiis vestris, &c. Primum enim opus est, ut per ministerium Verbi, tum ira Dei, tum misericordia inculcetur animis, Sed hoc non satis est, nisi postea etiam œconomica disciplina adjuvetur Doctor, ac parentes eadem diligenter, tum liberis, tum familiæ domi inculcent, quæ in publico seu templis, ex piis doctoribus audiunt. Hoc enim studium si desit, admodum exiguus publici ministerii fructus erit. Sed translata pia doctrina in privatas domos, Ista itæ exempla proposita infirmæ ætati, ac inculcata diligenter, multiplicem fructum timoris Dei afferent. Itaque postulat ubique Deus hanc diligentiam à parentibus, vult propagari doctrinam pietatis, ut iræ exemplis deterrita infirmior ætas à peccatis caveat, & invitata insignibus beneficiis Dei in omnibus periculis discat confidere misericordiae Dei, ac sperare liberationem. Sicut autem certa benedictio hanc piorum parentum curam sequitur, Nam in timore Dei educari liberi, verè ut Salomon dicit, Jactificant parentes, & sunt corona parentum, Ita quoque ubi parentes hanc curam abjiciunt, & non solum non instituunt suos ad pietatem, sed etiam scandalis daprant suos, ibi necessariò sequitur ira Dei, ac omnis generis maledictiones, quæ utroque involvunt & parentes & liberos, Secundum sententiam, Dolor Patris filius stultus. Sic enim usitata phrasi vocat Scriptura, qui religionis aut Verbi notitiam, aut curam nullam habent. Sicut econtrà summa sapientia est timere Deum, & verbum ejus observare. Debent autem pii Doctores in publicis concionibus ad hanc curam domesticæ disciplinæ sæpè cohortari parentes, ac tum promissionibus, tum minis, tum exemplis, tum sententiis sacrarum literarum eos excitare, ne in hac parte officio suo desint. Verè enim hoc seminarium pietatis, & nervus disciplinæ est, si ad hunc modum domi à suis fideliter instituatur juvenus. Neque hoc in loco tam accurata Prophetæ exhortatio negligenda fuit.

*Ejulate ebrij, & ululate omnes vini potatores propter mustum.*

*Periit enim ab ore vestro. Gens enim fortis, & quæ numerari nequit, ascendit ad terram meam, Dentes ejus dentes*

*leonis,*



*leonis, & molares ei leonis, Vineam meam vastavit, & decorticavit ficum meam, penitus eam decorticavit, ac projecit eam, albent rami eius.*

Suprà commemoravit præteritam pœnam, ac iussit eam diligenter considerari, ut hoc pacto se excitent ad pœnitentiam, hoc est, ut & agnoscant peccata, & emendent, Nunc vaticinatur de alio futuro & maiore malo, nempe de hoste *Vaticinatur de vastatione per Babylonios futura.* Qui non solum longè lateque omnia sit vastaturus, sed etiam sublaturus cultum, quem Dominus in templo mandarar præstandum. Non autem temerè est, quòd cum per peregrinum hostem minatur vastitatem agrorum, convertit orationem, non, ut Oseas & alii Prophetæ, ad Idololatrias, ad adulteros, ad avaros, sed ad ebrios. Ostendit enim Deum odissè ebrietatem ac luxum, quæ peccata ferè, sicut etiam hoc tempore in Germania vidimus, vastitatem & publicas calamitates præcedere solent. Mundi iudicium si sequaris, exiguum quiddam videtur adhibere plusculum, & inebriari. Ac tuo iudicio, plùs peccant, qui avarè cumulant opes, qui defraudant alios. Ebrietas enim prorsus privatum peccatum iudicatur, quòd etsi afferat sua incommoda, tamen quia privata sunt, exigua esse iudicantur. Itaque non solum nulla turpitudine in hoc peccato constituitur, Sed etiam ceu curarum & laborum quadam permissa mitigatio, ab omnibus studiosè appetitur. Ad hunc modum iudicat mundus.

*Ebrietatem arguit Propheta.*

Sed si recta via rem æstimaverimus, statuemus, ebrietatem esse peccatum *Ebrietas maximum peccatum.* omnium maximum, quod secum infinita alia peccata trahit. Ac Gentes quoque non turpitudinem solam, sed etiam ingentia incommoda viderunt, quæ hoc malum affert. Itaque extant honestissimæ sententiæ, quibus commendatur sobrietas, Ebrietas autem ceu nocentissima pestis damnatur. Cum enim bruta *Iudicia gentium de ebrietate.* non plùs adbibant, quàm naturæ ratio postulat, an non magna turpitudine est, hominem nescire hac in re modum, & quasi violentas sibi afferre manus? Nudum prodire in conspectum honestorum hominum, volutari in cœno, saltare, non hominis, sed bruti est, Profectò autem non minùs contra naturam faciunt, qui immodico potu naturam obruunt. Amittunt enim, quod hominis proprium est, mentem, & in bruta degenerant. Omnes enim ebriorum motus ferales sunt. Si indignantur, ita non hominis, sed sævæ bestię est, quæ ratione nulla mitigari potest, Si solvuntur in gaudia ( Nam, ut naturæ diversæ sunt, sic quoque vinum diversos motus in animis excitat ) nihil videas dissolutius, sine omni pudore audent & faciunt quævis. Meritò igitur etiam gentes ebrietatem detestatae sunt, tot modis naturæ hominis adversantem & nocentem.

*Lucæ 21.* Sed hoc nondum caput mali est, Sacræ literæ nos docent de his peccatis, *Iudicium Scripturæ de ebrietate.* quæ gentes non potuerunt videre. Sic enim concionatur Christus, Non graventur corda vestra crapula. *Ephes. 5.* Paulus dicit, Ebriosi Regnum Dei non possidebunt, *Oseas 4.* Item, Cavete à vino, in quo est Asotia. Oseas quoque gravissimè dicit, Fornicatio & vinum auferunt cor. Has & similes sententias intueri animo diligentius, & patefcent huius peccati, non solum summa sceditas, sed pericula & incommoda extrema. Si enim Medicus tantoperè dehortatur ab hoc vitio, quia gravat caput, quia incendit corpus, & mille morborum occasiones præbet, quantò hoc gravius est incommodum, quòd non solum gravat corda ebrietas, sed etiam corda aufert, hoc est, tollit timorem Dei, reddit animos securos, accendit appetitus pugnantes cum lege Dei, adimit notitiam Dei, reddit ineptos ad invocationem, & ut uno verbo dicam, Imaginem Dei lucentem in animis per verbum & fidem, hanc prorsus tanquam cœno involvit. Hinc sequuntur illi horribiles casus, quorum exempla infinita quotidie conspiciuntur, quòd levissimis occasionibus plurimi intereunt, multi non animadvertentes involvuntur gravissimis peccatis. Verum enim est, quod Græcus Poëta dicit, *ἐμβουὶν ἰκανὴν ἀρµάδα* *Φαῖς αἷς θ' ἀμαρτάνει.* Ebrietas enim non minùs animum, quàm corpus ex-

Qqqq 3

armat.

armat. Itaque nocens hostis, & ubique insidias ponens, sine negotio ebriosos quibus vult, malis cumulat. Ac restat postea gravius malum, quod, ut Paulus inquit, Ebriosi regnum Dei non possidebunt. Non solum igitur fugienda ebrietas est, Sed, ut Christus monet, vigilare & orare debemus jugiter, ne intremus in Matth. 26 tentationem.

*Alia ex ebrietate mala.*

Habes quomodo sacræ literæ de ebrietate concionentur, utile autem est, considerare reliqua quoque corporis & fortunarum incommoda, Subitos & exitiales morbos parit ebrietas, Corpus reddit ineptum etiam ad levissimas operas, ingenium penitus obruit, & fit, ut, sicut Seneca dicit, Vitia vino concepta, etiam sine vino durent. Rectè igitur Pythagoras ebrietatem τῆς μωρίας μάλιστα dixit. Hoc enim ebriosis accidit, ut perpetuò videantur insanire. De Sophocle narrant, solitum eum reprehendere ob perpetuam ebrietatem Aeschylum. Etli enim, inquit, bonos scribit versus, tamen laudem meretur nullam, quia nesciens hoc facit. Hæc enim recitantur ejus verba, εἴμαι δέν τε ποιεῖ αἰὲν οἷον ἰδὼς γα. Verè enim ebrii, sicut bruta sine mente sunt, non possunt intendere animum insensam de gravibus rebus cogitationem. Si quid igitur rectè faciunt, fit hoc magis casu seu fortuna, quam industria, quæ in ebriosis prorsus nulla esse potest. Nascitur autem inde rei etiam familiaris detrimentum. Sicut enim Sirach dicit 19. Operarius ebriosus non locupletabitur, Non solum idèò, quia sumptus ferè tolerare nequeunt, Sed etiam quòd tam turpem optimi & saluberrimi doni abulum ferre nequit.

Magna igitur nostrorum hominum cæcitas, amentia, & impietas est, quòd tot modis noxium malum tam amplectuntur avidè, & alios quoque ad id quibus possunt, invitant modis. Nulla habita ratione salutis æternæ, nulla corporum & fortunarum, quas extremè periclitari certum est. Pii autem has sententias sibi proponunt ob oculos, & cùm audiant à Propheta, Ebriosos calamitatibus frugum puniendos, cum gratiarum actione, moderatè & sobriè utantur dono Dei, non ad luxum, sed ad corporis necessitatem. Ita fiet, ut non solum effugiant poenas tristissimas, Sed etiam certa pietatis suæ præmia ferant, ac gaudeant & exultent in benedictione Dei. Alii, qui tam graves Christi & Apostolorum, & Prophetarum conciones contemnunt, & indulgent huic furori, hos nemo judicet Christianos esse.

*Plange ut virgo sacco induta, propter Amasium adolescentie suæ. Perijt oblatio & libatio de domo Domini, Lugent Sacerdotes, qui ministrant Domino, Ager vastatus est, Terra luges, quia frumentum perijt, mustum erubescit, oleum sublatum est.*

*Similitudo puella sperantis nuptias.*

Sententia clara est, Pulchrè autem, quasi inspirat eam insignibus figuris. Scriptura inter præcipuos dolores commemorat luctum, quem parentes ex liberorum morte, & conjuges ex conjugaliter interitu capiunt, Ac excellit in utroque muliebri genus, tanquam mollius, & ad ferendum tam insignem dolorem infirmius. Ita hoc in loco comparat Propheta populum puellæ, non quidem nuptæ, sed quæ jam spem nuptiarum concepit, ac subitò tollitur spes. Quem enim adamarat, morte præventum videt. Hæc figura pulcherrimè cum re convenit, Vocabulum, Baal, non maritum, sed amasium significat. Sicut in Osea quoque diximus, nec dubium est, quin factum sit inde Germanicum vocabulum, Bul & Bulen. Fœdus igitur matrimoniale servatum fuit novo Testamento, in quo per mediatorem Christum, Deus tanquam sponsus se exhibuit Ecclesiæ suæ. Ille autem, qui sub lege inter Deum & populum legis, seu amor, seu conjunctio fuit, similis fuit amori, qui est ante nuptias. Deus amavit populum hunc, populus quoque adamavit Deum tam variè beneficientem, ac nuptiæ, ut sic dicam, in spe fuere, dum adolesceret populus, & ceu puella nondum nubilus, maturus fieret mari-

marito. Sed quid accidit? Priusquam exhibetur Christus, populus propter peccata vastatur, & captivus abducitur à Babyloniis. Totis annis LXX. in captivitate sine cultu Dei, sine legibus patriis vivit. Igitur Propheta plorare eum jubet, ceu puellam, quæ amasium amisit, & nunc spe nuptiarum penitus excidit. Difficile enim fuit sperare reditum, & pristinam Patriorum cultuum & morum restorationem. Perichitara igitur simul est expectatio de Christo, de quo extabant testimonia, quod in ipsa Judæa, stantibus adhuc patriis legibus, & cultu Dei esset nascendus, & tamen per hanc spem retinuerunt. Volui autem admonere hæc de similitudine hac, quod illustrem significationem habet differentiarum, quæ inter Legem & Evangelium est, Offert se Deus in lege quoque placidum & benignum, Sed nihil est is amor, ad amorem maritalē, qui in Evangelio per Christum ostenditur.

Quod dicit periisse libationem & oblationem, id etiam refero ad magnam famem, & annonæ inopiam. Luctus Sacerdotum idem significat. Quia enim hi alebantur decimis, nec reliquarum tribuum exemplo ex agro vivebant, famis incommoda præ cæteris senserunt. Quod autem addit, Mustum erubescit, coactus sum retinere hanc figuram, quæ etiam in nostra lingua paulò sit durior, tamen admodum propria & elegans est. Cum magna uvarum copia est, vites pulcherrimè exornatæ sunt, & quasi superbire judicantur suo dono, Sicut Poëta ridere prata dicit, cum commoditate tempestatum gramina & flores succrescunt. Sed hic Propheta contrarium significat, cum dicit (hobisch thirofch) confusum est mustum, deformatæ sunt vites, quia sunt sine fructu. Ideoque pudore suffunduntur, agrè patiuntur se aspici, fugiunt quasi hominum conspectum, &c. Germani eadem figura utimur, Der Wein stehet schendlich vbel/ &c. Sæpè hæc figura hoc in loco repetita est.

*Erubescite agricole, ululate vinitores, propter triticum & ordum, quoniam perijt messis agri. Vineæ erubescit, & ficus vastata est. Malum punicum, item palma, & pomus, universæ denique arbores agri exaruerunt. Nam gaudium filiorum hominum in confusionem versum est. Accingimini & plangite Sacerdotes, Ululate ministri altaris, ingredimini, pernoctate in saccis ministri Dei mei, quoniam probibita est a domo Dei vestri, oblatio & libatio.*

Longa hæc & admodum copiosa ad lachrymas & luctum exhortatio penè oriosa videtur. Sic enim judicamus natura fieri, ut calamitates luctum afferant. Itaque hoc potius faciendum, ut pressi malis animi erigantur & confirmantur. Sed nobis respiciendum est ad institutum Prophetæ. Hoc enim agit, Siquidem impendebat jam populo vastitas per Babylonium, ut populum ad poenitentiam excitet. Est autem hic primus poenitentiarum gradus, lugere, hoc est, non esse securum, agnoscere iram Dei, expavescere iudicium Dei, dolere de peccato, emendare vitam, &c. Ad talem luctum invitat hoc in loco Joël, ac jubet deponi securitatem, jubet considerari iram Dei, & futuras poenas, nisi sequatur emendatio vitæ.

Sed videas hic mirabilem animorum perversitatem. Quantò enim maius est propius, tantò securiores ferè sumus. Itaque cum lachrymis opus esset, solvimur in risum & gaudia. Vide Pharaonem, cum proximus esset exitio, securè insultabat Israël, & de eo mactando cogitabat. Quantò autem fecisset rectius, si & ingemuisset propter peccatum suum, quod admonitus contempsisset Dei vocem, & populum Dei dimisisset liberum? Nebucadnezar quoque cum immineret ei illa miserabilis calamitas, in quam omnes Reges intueri perpetuò debebant, quàm erat securus? quàm placebat sibi de suis opibus & successu? Idem in Hamano vides, cum proximus esset laqueo, securus de se, tantum de Mardachæi



suspensio cogitabat. Hæc & similia exempla pingunt securitatem humanorum animorum, quæ tum semper est maxima, cum proximum est exitium. Sicut Salomo quoque dicit, Contritionem præcedit superbia, & ruinam exaltatio spiritus. Prov. 16.

Idem accidit populo Judæorum, Imminebat vastitas & longa captivitas per Babylonium, jam antea per portentosam noxiorum vermium multitudinem magna annonæ calamitas facile obliti, de fura, quam Propheta minabatur, nihil erant solliciti, vivebant in delitiis, indulgebant comestationibus, agebant triumphos, ac si nihil utquam esset periculi, & certò omnibus malis essent defuncti, itaque incautos oppressit hostis. Experimur eadem hodiè quoque Loca vicina Turcæ, quæ quasi in foribus hostem vident, quam nihil metuunt, quam sequuntur & retinent cupidè notas ac usitatas voluptates & delicias? Ad eò semper sui similis est mundus, Cum jubetur poenitentiam agere, dolere de peccatis, expavescere iram & judicium Dei, agit securus ludos, indulget voluptatibus. Meritò igitur cum postea præmittitur malis, & urgetur periculis, ac erigendi jam animi erant fiducia misericordiæ Dei, nullus lachrymarum finis aut modus est, & pronus in desperationem fertur. Cur enim non audit Prophetarum pias admonitiones? Cur minas tam securè contemnit? Non igitur otiosa hæc copiosa ad lachrymas & luctum exhortatio est. Est summè necessaria, quanquam ferè frustra est apud maximam hominum partem. Alunt enim securitatem, quæ veræ poenitentiae maximè adversatur. Poenitentiae enim initium est agnoscere peccatum, perterrefieri judicio Dei, ac metu meritæ poenæ, & cogitare de emendatione, Sicut Propheta copiosius exponit. Quod dicit, Gaudium filiorum hominum in confusionem versum est, in genere complectitur annonæ caritatem, natam non solum ex tempestate, sed magis ex numerosi & crudelis hostis furore omnia latè populantis & vastantis. Nam colono gratus gaudium objici non potest, quam si videat benedictione Domini ornatos agros suos. Sed hoc gaudium in totum periit. Cur? Quia securi vixistis in peccatis, Prophetarum pias admonitiones neglexistis, Ad hæc accessit ingens abulus donorum, & infinita scandala. His peccatis debetur poena hæc. Illa autem major est, quod peregrinus hostis etiam cultum tollit.

*Sanctificate jejunium, Convocate cœtum, Congregate senes, universos habitatores terre in domum Domini Dei vestri, & clamate ad Dominum.*

*Jejunia Papistua.*

*Jejunia Induta.*

Hæc est altera pars doctrinæ de poenitentia. Apud Judæos alia jejuniorum ratio fuit, quam apud nos. Sicut enim in Papatu omnes alii cultus, ita jejunium quoque nihil est, nisi hypocrisis, Abstinere à carnibus, ac cœna carent, Prandia autem habent lautissimè ex omni genere piscium instructa, ac ventres ita faciunt, ut sine molestia perendinum prandium expectare possint. An non insignis hic Dei cultus est? Apud Judæos jejunium erat, abstinere per totum diem ab omni cibo & potu. Id cum per se grave sit, rectè appellarunt eam afflictionem animæ. Visitatum autem fuit, indicare jejunia publicè in magnis periculis. Sic Saul cum periclitaretur exercitus, indicit jejunium. Hester quoque indici jejunium postulat, cum de liberando suo populo apud Regem esset actura. Ac videmus à Propheta hic idem præcipi, cum jam immineret Babylonica captivitas. Sed in secundo capite de jejunio, & aliis ceremoniis disputabimus copiosius, Nunc, quod institutum est, absolvemus, ac integram poenitentiae doctrinam complectemur. Postquam præcepit de luctu, & per jejunium, quo quasi præparandi ad sanctas res animi erant, interdixit usum voluptatum, & crapulam, hortatur universum populum, frequentes ad templum ut conveniant, & clament ad Dominum. Hæc est altera pars, quæ absolvit poenitentiam, Nempe, fiducia misericordiæ Dei. Oratio enim includit fidem. Si enim nulla veniæ spes

Spes relicta esset, cur orares? Serio autem orans hoc animo fixum habet, futurum aliquem orationis fructum, hoc est, Deum miserituum nostri, ac liberaturum nos pro sua misericordia. Habes quid sit *penitentia*, Timere Deum, propter peccata admissa, dolere de peccato, odisse peccatum, serio cogitare de emendanda vita. Hæc est una pars, Altera est, retinere spem veniæ propter misericordiam Dei, quam ostendit in filio suo promisso primum, deinde exhibito, ut fieret victima pro peccatis totius mundi. Hic cultus Deo est gratissimus. Delectatur enim primo humilitate, Deinde ista certa fiducia bonitatis per filium concepta.

*Penitentia quid?*

Vtile autem est, sicut hæc in genere à Propheta præcipiuntur toti populo, ut primum luceant, deinde in templo orent, Si ad eum modum singuli nos comparemus, constituti in periculis, & sentientes iram Dei, seu flagellum. Vsi- *Quomodo lu- gendum in pu- blicis calamita- tibus.* tatum quidem est, dolere in malis, & vociferari, Sed Propheta de alio luctu loquitur, qui non solum ex sensu poenæ, sed ex conspectu peccatorum oritur, si scilicet serio doceas, quod ipse tibi tuis peccatis extiteris tantarum calamitatum causa, Deinde si conjicias oculos in Christum, & per victimam hanc à Deo propositam, discas niti fiducia misericordiae Dei, & exores ab eo veniam, Hoc est, ut non solum speres liberationem corporalem, sed etiam condonationem culpæ, ac donum Spiritus sancti, qui porro te regat, ne in similes Saranæ laqueos recidas. Hæc vera & unica ratio est emergendi ex periculis, sed pauci eam sequuntur. Aut enim circumventi malis, spem omnem abjiciunt, aut non ad Deum, sed ad illicita remedia confugiunt, sicut Saul. Ideo plerunque in mediis malis concidunt. Quæ sequuntur, sunt forma precatationis.

*Heu qualis dies? Propinquus enim est dies Domini, & quasi vastitas ab omnipotente venit. Nonne coram oculis nostris annona succisa est? Gaudium & exultatio de domo Dei nostri? Computruit sementis sub glebis suis, Vastata sunt horrea, Diruta sunt granaria, quoniam frumentum erubescit. Quam ingemiscit pecus? Armenta bouum confusa sunt, quoniam nulla inveniunt pascua, Etiam ovium greges dissipatae sunt, Ad te Domine clamo, quoniam ignis devoravit amœna loca deserti, & flamma combussit universas arbores agri, Etiam pecora campi clamant ad te, Quoniam exaruerunt rivi aquarum, & ignis devoravit amœna loca deserti.*

Doctrinæ seu exhortationi ad penitentiam subjicit Propheta hæc orationem, & prolixam satis, & mirè ardentem. Vtile autem est extare talia orationum exempla in Prophetis, contra prophanas imaginationes, quas imperiti sacrarum rerum sibi fingunt. Quidam enim in eo errore sunt, ut satis esse putent, si de calamitatibus suis cogitent, Orationem autem seu recitationem certorum verborum putant otiosam & supervacaneam, siquidem cor inspicit Deus, & intelligit cogitationes nostras. Sed hæc sententia si vera est, cur ipse Christus docuit orationem Dominicam? Cur ipse in agone suo ter iisdem verbis orationem reperit? Cur in ultima cœna tam verbosam orationem pro se & Ecclesia instituit? Statuamus igitur invocationem illam mandatam, quæ ore fit, nec carete certo suo fructu, cum mandata, & ab ipso Dei filio usurpata sit.

*De oratione vocali.*

Contrà alii, quia multiloquium prohibitum est, peccatum esse putant, si pluribus verbis in oratione utantur, Sed hi non intelligunt causam, cur bat- *in oratione cas- tologiam damnet Christus.* Verè enim si rem æstimes, non prolixitatem orationis, sed infidelitatem damnat. Qui enim idè utuntur longiore oratione, quasi Deus aut causam non intelligas, tanquam imperitus Judex, aut non sua sponte exaudire velit, nisi longa oratione quasi impellatur & excitetur, hi peccant. Statuere enim utrumque animi debent, Primum, quod (ut Christus dicit)

*Multiloquium in oratione cas- tologiam damnet.*

Pater

Pater noster in cœlis norit, quibus habeamus opus, Deinde, quod sponte & volens exaudire vult, Sicut dicit Christus Lucæ 11. Si vos, qui mali estis, novistis bona dona dare filiis vestris, quanto magis Pater, qui ex cœlo est, dabit sanctum Spiritum se petentibus? Negligens & durus Judex opus habet longa instructione, ut causam discat, & non statim ad primum verbum flectitur, Talis, inquit Christus, Pater cœlestis non est, Igitur sufficiet, si paucis exponas quid velis. Novit enim hoc priusquam tu ores, & quia misericors est, ultrò cupit dare. Hanc sapientiae & misericordiae laudem qui Deo non tribuunt, & ideò cum orant, bene prolixi sunt, non rectè orant. Sunt autem ferè tales orationes Monachorum, in quibus amplificatur non promissiones Dei, quod cum fructu fieret, sed cruciatus Christi in cruce, & similia.

*Prolixa orationes piorum.*

Propheta quidem hoc in loco satis prolixus est. Sed non ut doceat Deum, non ut cogitet Deum hoc modo flectendum, Suo affectu cogitur, ne sit brevis, ac ipsa diligenti consideratione praesentium malorum exuscitat se, ut tantò oret ardentius. Idem facit Daniel in longa ista oratione, pro liberatione populi. Idem facit Psalmus 79, dum etiam tragica ista addit, Effuderunt sanguinem ipsorum, tanquam aquam in circuitu Hierusalem, adeò ut deessent, qui eos sepelirent, &c. Non dicuntur hæc quasi aut nesciat ea Deus, aut hoc modo excitandus sit ad ferendam opem, nec sua sponte oppresso populo adesse velit. Sensus mali tam altè impressus est animis piorum, ut nulla quantumvis longa oratione exprimi posse videatur.

*Bellum comparatur incendio.*

Tragica hoc in loco figura est, cum dicit igni devorari quicquid in agris amœnum est, & flammis exuri arbores, Sed quæ potest aptiori mago belli fingi, quàm si id compares cum incendio? Oppida, pagi, pacis tempore florent, exornantur, & omnium necessariorum rerum copia instruuntur. Sicut autem orto incendio omnia pereunt, ac miserabilis facies ruinarum conspicitur, dum omnia in cinerem redacta, confusa jacent, Ita bellum omnia ornamenta tollit, ac relinquit informem vastitatem. Sic paulò post Propheta de Babylonio hoste dicit, Terra ante eum est sicut Paradisus, sed post eum deserta solitudo. Sed hac pictura in oratione cur Propheta utitur? Cur non satis ei est dixisse, quod hostis omnia ornamenta domi forisque abstulerit? An non videbat, notat, intelligebat hæc Deus qualia essent, etiam si Propheta non sic amplificaret? Norat quidem, nec Propheta, ut Deum doceat, ideò sic orat, Sed vehemens affectus, & ingens desiderium speratae opis, eum sic facit copiosum, & vehementem oratorem. Non enim decet orationem esse languidam, Elucescere in ea debet fides. Quantò autem calamitas redditur atrocior, tantò facilius exauditio sperari potest. Non igitur eris Battologus, si contra Turcicum Tyrannum orans, intuearis animo Pannonias, Macedoniam, Græciam, Asiam, tot præclaras Ecclesias, tot millia hominum, qui aut gladio perierunt, aut degenerarunt in Turcicam impietatem. Excitatur enim hoc modo animus, ad diligentiorum orationem, & ad certiorum fiduciam exauditionis, siquidem Deus misericors & bonus est, nec potest longius tolerare tantam crudelitatem.

*Infra cap. 2.*

*Oratio debet ardere.*

*Differentia inter orationem Ethnicam & veram.*

*De notitia imperfecta.*

Sed hinc observanda etiam est Emphasis, quod dicit Propheta, Ad te clamo Deus. Discernit enim hoc modo suam, & sui populi orationem ab Ethnicorum orationibus. Si verba spectes, etiam Turcæ, etiam Judæi hodiè in hunc modum orant, ut dicant, Ad te Deus clamo, Ac intelligunt ipsi quoque æternum illud nomen, à quo universa sunt condita. Sed hoc nondum est Deum verè nosse, si noris eum esse conditorem omnium rerum, Sicut enim hominem nondum novisti, si vestem aut os noris, Hæc enim jumenta quoque observant & norunt, Mentem si noris, tunc verè eum novisti. Ad hunc modum, qui plus de Deo non norunt, quàm quod conditor sit cœli & terræ, verè Deum nesciunt, nec possunt verè invocare Deum. Quia enim animum Dei, qualis sit, ignorant, coguntur dubitare cum orant, nec possunt statuere certi aliquid de exauditione.

Pro-



Dei notitia  
vera.

Prophetæ autem alia invocatio est. Deum enim, quem invocat, verè novit, non solum ex hoc ejus opere, quod oculis subjectum est, quod est conditor & conservator totius creaturæ, sed ex aliis propioribus, & animum ejus clariùs ostendentibus. Novit enim hunc populum peculiariter vocatum, ut esset populus Dei, novit liberatum ex Aegypto, novit expulsis gentibus donatum possessione terræ Canaan, & ornatum Verbo, & cultu Dei. Hæc omnia certa sunt signa, diligere hunc populum à Deo. Igitur orans statuit, se non frustrà orare. Scit enim, quod orat benignum & faventem Patrem. Hæc opera propius quasi ostendunt Deum, & certa benevolentiae argumenta commonstrant huic populo peculiariter exhibita. Sed ne hæc quidem perfecta Dei notitia est. Arguunt enim curam Dei, sed eam temporalem, & hujus tantum vitæ. Vera autem Dei notitia hæc est, quod norant Prophetæ, Deum cœli promississe Semen mulieris, quod contereret caput serpentis, quod maledictionem, in qua totum genus humanum propter peccatum est, averteret, & adduceret super nos benedictionem. Sicut ad Abrahamum dicit Deus, In Semine tuo benedicentur omnes gentes. Hæc illa vera nota est, quam qui norunt, Deum verè norunt, hoc est, animum & voluntatem ejus norunt, quod non oderit genus humanum propter peccatum, Sed id amet, ac certò liberaturus sit per Filium suum, à morte æterna, à peccato & Satanæ tyrannide. Hanc notitiam postea sequitur certa fides. Quomodo enim dubitare de Dei benevolentia animus amplius potest? An, qui Filium promittit & donat, frustrà à se peti sinet, quæ longè inferiora, & hujus tantum vitæ sunt? Hæc vera Dei notitia omnibus temporibus in Ecclesia fuit, & sola est fons veræ invocationis. Quia autem ex solo Verbo nascitur, certum est, non Turcas, non Judæos, non ullas gentes, non denique infideles in ipsa Ecclesia orare. Quanquam enim verba recitant, tamen, quem invocent, non norunt, coguntur igitur dubitare de eventu seu exauditione.

Notitiam Dei  
veram sequatur  
fides & invocatio.

Sed non tantum hæc Dei notitia accendit fidem, Ecclesia habuit omnibus temporibus certam exauditionis promissionem. Nam in Lege erat certum verbum, quod orantes in templo Deus exaudire vellet. Quia enim cum locum suo cultui delegerat Deus, ac se ibi habitaturum promiserat, ac auditurum supplicantium preces, pii invitati hac promissione de Dei voluntate nihil poterant dubitare. In novo Testamento Ecclesia non est alligata ad certum locum, sicut in veteri. Nam, ut Christus inquit, neque in hoc, neque in illo monte adoratur Deus, Sed veri adoratores adorant eum in Spiritu, Hoc est, non sunt alligati ad certum locum, Sed mens intuetur Christum, Sicque invocans Deum exauditur, secundum Christi dictum, Quicquid rogaveritis Patrem in nomine meo, hoc vobis dabit, Petite & accipietis. Talem promissionem non habent Turcæ, non Judæi, non Papistæ. Igitur oratio eorum proflus sine fide est, nec meretur orationis nomen, potius est illusio aut blasphemia in Deum. Si extaret promissio, Deum auditurum in Mahometis nomine invocantes, Deum auditurum eos, qui CHRISTUM negarent, qui invocarent nomen Mariæ, Petri, Pauli, & aliorum divorum, possent Turcæ, Judæi, Papistæ aliquid suæ invocationi tribuere, Sed cum Turcæ & Judæi Christum abjiciant, Papistæ autem in divorum invocatione spem ponant, coguntur dubitare quoniam orant. Fides enim nritur promissione. Vbi igitur promissio non est, ibi nec fides esse potest.

Promissiones de  
exaudienda  
oratione Ec-  
clesia.Papistarum  
oratio frustra.

Dilertè igitur Propheta dicit, Ad te Domine clamo, qui, scilicet, te nobis patefecisti, non solum illis magnificis beneficiis corporalibus, sed promissione de Semine mulieris contrituro caput serpentis, Deinde, qui in hoc loco jussisti te invocari, ac addidisti certam promissionem, futurum, ut hic te invocantes exaudias, Ad te, inquit, clamo. Invocant te gentes quoque, Sed nesciunt te, & invocant sine promissione exauditionis, necessariò igitur dubitant, & potius blasphemant quam orant. Qui enim dubitat de exauditione, adimit

Quomodo orandi.

Quomodo tran-  
sum contra  
in la corpo-  
ralia.

Quomodo be-  
stie Deum in-  
vocant.

admit DEO gloriam bonitatis & misericordiae. Meminerimus igitur, admoniti hoc loco, in omni vera invocatione hoc primum esse, ut mens intueatur Deum, ac norit voluntatem ejus esse talem, quod velit nobis adesse, nos exaudire, nos liberare, siquidem promisit liberationem ab æternis malis per Filium suum. Deinde, ut intueatur etiam promissionem de exauditione peculiariter loquentem. Ita enim confirmabitur animus, ut cum certa fiducia oret, & excludatur dubitatio. Etsi enim in corporalibus malis, nos submittere voluntati DEI æquum est, nec sic urgenda est exauditione, quia, si DEO ita videatur, volentes parituri simus ejus voluntati, ac humiliaturi nos sub ejus potentem manum, tamen cum hac obedientia fides recte conjungitur. Certus est enim animus de æterna liberatione per Filium DEI facta, ac statuit in levioribus quoque misericordiam DEI nobis non defuturam, si sic & gloria ejus, & nostra salus postulet.

Sed quid est, quod Prophetæ non satis est dixisse, Ad te clamo, Sed addit etiam de bestiis? Pecora campi, inquit, ad te clamant. Num sensus aliquis, aut cognitio aliqua DEI in bestiis est? Ad hunc modum Psalmus dicit, Corvorum pullos invocare Dominum, cum tamen bruta, & sine sensu talium motuum sint. Respondeo. Hoc certum est, quod etiam bruta intelligunt suas calamitates. Nam siti, fame, plagis afficiuntur, & restantur dolorem ac periculum ejulatu. Quia autem Scriptura palam pronunciat, clamare etiam bestias ad DEUM, manifestum est, etsi sine mente & DEI notitiâ sint bruta, tamen eorum clamore DEUM affici. Perinet igitur hæc phrasia ad nos excitandos ad fidem. Quia enim Scriptura testatur, DEUM etiam clamore bestiarum moveri, cur statueremus lachrymas & gemitus nostros aspernaturum, qui & videmus mentem ejus, & ad gratiarum actionem non erimus muti, qua in primis delectatur, tanquam præstantissimo cultu.

## CAPUT II.

*Clangite tuba in Zion, & canite classicum in monte sancto meo. Paveant omnes habitatores terræ, quoniam venit dies Domini, quoniam prope est. Dies tenebrosa & caliginosa, Dies nubila & obscura, Sicut aurora expansa super montes populus multus & fortis, cui similis non fuit à seculo, nec post eum erit omnibus seculis. Ante eum ignis devorat, & post eum flamma exurit. Terra ante eum est, quasi hortus voluptatis, & post eum solitudo vastata, nec evadet eum quisquam. Aspectus ejus sicut aspectus equorum. Sicut equites current, Sicut strepitus quadrigarum in cacuminibus montium saltabunt, & sicut sonus flammæ ignis devorantis stipulam, & sicut populus fortis instructus ad bellum. Populi eo conspecto sicut mulier in partu dolebunt. Omnium facies colligent nigredinem. Sicut robusti current, & sicut viri bellicosi ascendent murum, & singuli in suis vijs ibunt, nec erunt tardi in semitis suis. Nullus molestus erit fratri suo. Sed unusquisque incedet per semitam suam, cumque gladio se objecerint, non vulnerabuntur. Per civitatem discurrent, current in muro, atque in domos ascendent, & quasi fur ingredientur per fenestras. Ante illum contremiscit terra, & commovetur cælum, Sol & Luna obtenebrantur, & stellæ cōbident lumen suum, Et Dominus dat vocem suam ante exer-*

*citum*

*citum suum. Quoniam valde magna sunt castra ejus, quoniam fortia sunt, ut faciant Verbum ejus, Quoniam magnus est dies Domini, & valde terribilis, & quis sustinebit eum.*

Prior hujus capitis pars habet concionem similem superiori. Prædicat enim vastitatem regno Judæ per Babylonium. Ideo autem tot tum verbis, tum figuris Propheta utitur, quia de re futura concionatur, & apud securos prorsus incredibili. Actria potissimum in tam longa descriptione notanda sunt. Primum, quod tempus belli appellat diem Domini. Secundum, quod impium hostem populi Dei vocat exercitum Dei. Tertium, quod dicit, præcedere ante hunc exercitum vocem Domini.

*Prædicat vastitatem per Tyrannum Babylonium. Tria in hac vastitatis futura descriptione notanda.*

Appellatio diei Domini includit pulchram antithesin. Dum enim tempus poenitentiae concedit Deus, & per verbum monet ac revocat in viam, securus & incredulus mundus tum habet suum diem, hoc est, non Deum, non verbum ejus curat, indulget peccatis, & cumulat sibi iram, sicut experimur hodiè. Imminentibus enim tot malis, sæviante Turca, dissidentibus Principibus, Pontifice conspirante cum suis in exitium nostrum, quæ vitia non admittuntur? In civitatibus inter potentes avaritia, libido, crapula, luxus dominantur. Qui autem egent, & in re non lauta sunt, apud hos summa est perfidia, fraudes, furta. In genere autem apud omnes, tum summos, tum infimos, contemptus verbi Dei, blasphemiae, & omnis generis scandala vigent. Aularum peccata referre animus horret. Est enim ibi neglectio Ecclesiarum & juris extrema, & quaruntur studiosè occasionēs omnium vitiorum. Est igitur hic mundi dies, de Domino nulla cogitatio, nulla cura. Connivet autem Dominus ad hæc aliquandiu, non punit statim, relinquit spacium poenitentiae, crescente autem malitia, fit commutatio. Præterit enim dies mundi, & venit dies Domini, Dies, ut Propheta dicit, magnus & horribilis valde, quo Dominus iram suam grassari sinit, & ostendit, quod sit Deus non volens iniquitatem. Ad pios igitur hæc cura pertinet, ne cum mundo sint securi, sed in timore Dei vivant, certi, futurum, ut dies Domini veniat, quo impiorum peccata visitabuntur. Qui hoc faciunt, hos aut eximet per mortem Dominus futuris calamitatibus, Sicut de Josia Scriptura dicit, aut in ipsa calamitate consolabitur, ac reget, Sicut Daniele apud Babylonios.

*Dies Domini, vocatur tempus visitationis. Mundi securitas & malitia.*

*Sic Lutherum sanctum Dei organum evocavit ante hos mores Domini.*

Atque hæc causa est tam insignis mutationis, ut impius Babyloniorum populus, qui sine notitia Dei, sine cultu Dei, in idololatria, & omnis generis peccatis securè vivebat, appelletur exercitus Dei, Judæi autem qui populus Dei fuerant, sint hostes Dei, contra quos Deus ipse pugnet, & quibus eripiat omnia dona, quibus eos præ omnibus terræ populis ornaverant. Cur enim non paruerunt Prophetarum admonitionibus? Cur verbum neglexerunt impiè? & potius suorum desideria, quàm Dei vocem secuti sunt? Hodiè iniquum videtur, tot victoriis ornari Christi & Ecclesiæ hostem Turcam, crudelem tyrannum, & scelerrum idololatram, Nos autem qui nomen Christo dedimus, & ad consortium celestis regni per baptismum vocati sumus, miserè premi & affligi. Sed meruerunt has poenas peccata nostra. Ac cum omninò necesse sit, ut humiliemur, facit hoc Deus per impias gentes, ut tantò major sit confusio nostra, nosque eo facilius ad confessionem peccati & emendationem redigamur. Convincit enim nos eventus, non ut de religione nostra dubitemus, vera ne sit an non, Sed ut statuamus Deum sic peccatis nostris offensum, ut differre poenas amplius non potuerit. Sed nunc Grammaticam quoque videbimus.

*Cur impij felices sint contra Ecclesiam.*

*Clangite tuba in Zion.*

Hoc perinde est, ac cum apud nos aut canuntur classica, aut pulsu camparum significatur subitum periculum, & congregantur cives, Sicut solet in incendiis, & subita hostium incursione. Carebant enim Judæi campanis. Porro

Rrr

Zion



Zion arx regia fuit. Quòd autem addit, Canite classicum in monte sancto, et si id ad montem, in quo templum erat, quidam referunt, tamen propter secundum Psalmum libenter accipio sanctum montem, pro monte Zion, in quo erat arx regia, qui propter sanctum Regem Christum mons sanctus appellatus est.

*Quia venit dies Domini, quia prope est.*

... Domini.

Caligo.

L. x.

Dixi supra de appellatione hac, diem Domini vocari hunc tempus, quo Dominus visitat peccatores. Quia autem addit, Prope esse hunc diem, ex eo colligo hunc Prophetam post Esaiam, Oseam, & alios fuisse, qui de captivitate Babyloica vaticinati sunt, ac Ebraeorum Chronica eum sub Manasse Ezechiae filio docuisse ostendunt. Tenebrosus diem vocat infestum & infelicem, usitata Scripturae phrasi, quae lucem appellat pacem, & felicem rerum successum, E contra tenebras & caliginem, calamitates & pericula, ut apud Esaiam, Qui non dixerit secundum verbum hoc, non erit ei maturata lux. Et Psalmo 13. Si ambulaveris in valle umbræ mortis, non timebo malum, quoniam tu mecum es. Significat enim certum periculum mortis.

Esai. 8.  
Psal. 13.

*Sicut aurora expansa super montes, populus multus & fortis.*

Inusitata sed significatissima hæc figura est. Aurora enim subito incrementa sumens, paulatim illustrat montes, ita dicit hunc populum subito occupaturum & impleturum omnia. Quòd autem addit, nec fuisse. nec futurum talem populum in omnem posteritatem, id neque ad multitudinem, nec ad potentiam refero, Sed simpliciter ad id, quòd prima Monarchia fuit felicissima, Sicut ideo à Daniele comparatur aureo capiti.

*Aspectus ejus, sicut aspectus equorum.*

Hæc quoque figura paulò apparet durior, Sed in equo quia lucet generositas, ac celeritate valet, non inepta comparatio est ad strenuum & expeditum militem. Huc faciunt sequentes similitudines, de strepitu quadrigarum, & sonitu grassantis ignis, quibus ceu hypotyposi pingit terrorem & periculum inevitabile.

*Populi eo conspecto dolebunt.*

Labili.

Verbum (Jachilu) notum est, et si autem id variè vertunt Interpretes (alius enim dolebunt, alius timebunt, Hieronymus eruciabuntur, exponit) tamen certum est, sumptam similitudinem à doloribus parturientium. Significat igitur Propheta magnitudinem periculi, Quasi dicat, Statim ad aspectum tam formidabilis hostis, concident animis, ac tanquam parturiens mulier dolebunt. Quòd autem addit, Omnium facies colligent nigredinem, In Ebraeo est, Omnium facies (kibzupharur) colligent ollam, Ac certum est, sumptam hanc formam ex cap. 2. Nahum. Et si autem remotior figura hæc est, tamen de significatione nullum est dubium. Nam in subitis periculis expallescimus. Significat autem Propheta pallorem nigricantem. Sicut enim olla admota igni fumo fuscatur, ita in periculis mutantur vultus. In lætitia diffuso sanguine, rubent homines, Contra cum in mœrore & periculis subitis, contrahitur sanguis ad cor, nigricans quidam pallor relinquitur, & nitor omnis oris perit.

*Sicut fortes current.*

Hæc pertinent ad industriam, gravitatem, diligentiam, & celeritatem pingendam, quòd unusquisque gnaviter urgebit suum munus. Quod Hieronymus fecit, sed & per fenestras eadem, & non demolientur, sine omni sensu est, & prorsus discedit ab Ebraeo, quod ad verbum sic habet, Super gladios cum se projicient, non tamen vulnerabuntur, hoc est, pugnabunt cum magno successu, etiam si imprudentes se exponant periculis, Sicut in direptionibus oppidorum prædæ cupida turba solet, & tamen evadent, felix erit audacia.

Ante

*Ante illum contremiscit terra.*

Sunt hæ tragicæ figuræ, quibus calamitatem amplificat. Non positi in luctu & periculis, omnia quæ oculis cernunt, etiam cælum, & solis lumen, judicant tristitia & adversa. Sicut e contra animi excitati & hilares, etiam quæ parum jucunda sunt, jucunda & gaudii sui conscia esse ducunt.

*Dominus dat vocem suam ante exercitum suum.*

Quid dicemus hanc Domini vocem esse, qua utrumque fit, ut hostes magno animo pericula omnia contemnant, & gnaviter rem gerant, Judæi autem pavore & perturbatione impediti desperent? Aliud nihil, quàm quod corda impiorum frangit Deus, Sicut e contra animum addit hostibus. Non enim securitas impiorum perpetua est, Cum primùm ingruit ira Domini, peccatum, quod tempore securitatis altum somnum dormierat, excitatur, & tanquam sævus lictor excruciat animum, Inde pavor & desperatio oriuntur, ut etiam ad folii sonitum fugiant. Hic tandem finis est impietatis. Hactenus vaticinatus est Propheta de futura per Babylonium vastatione, nunc tanquam Medicus præmonet de cavenda hac pœna, & effugienda per veram pœnitentiam & orationem.

*Et etiam jam nunc dicit DOMINUS, Convertimini usque ad me in toto corde vestro, in jejunio & in fletu, & in luctu, Et scindite cor vestrum, & non vestimenta vestra, Et convertimini ad Deum vestrum. Quoniam clemens & misericors ipse, longanimis, & multum beneficus, & pœnitebit super malo.*

Hæc est insignis exhortatio ad veram pœnitentiam, ac digna, quæ hodiè diligenter in Ecclesiis narretur. Vita hominis peccatoris aliud nihil est, quàm perpetua aversio à Deo, qui se ad nos convertit per verbum suum, Sed nos more rebellium & inobsequentium liberorum vocanti ad se Patri terga obvertimus, & imus quo nobis libet, non quo per verbum ipse vocat. Sic autem paulatim contumacia & furor crescit, ut summa voluptas sit habere quàm plurimas peccatorum occasiones. Has enim captant impii, ac securè contemnunt judicium Dei. Talem vitam pingit Christus egregiè in similitudine errantis oviculæ. Hæc enim quò longius abit, tantò decrat longius, & altius involvitur periculis.

Ad hunc modum populus Israël, Deo loquenti, & per Prophetas in viam revocanti, obvertebat tergum, veros cultus abiciebat, & sequebatur cordis sui inventiones, Sicut tempora Manassis, in quibus Joëlem vixisse verisimile est, clare ostendunt. Non igitur cessabat diutius pœna, Rex abducebatur captivus, Terra & hostilibus incursionibus & noxiis bestiis variè affligebatur. Sicut autem qui in deviis constituti sunt, quò longius abeunt, tantò aberrant magis, Ita aversus per impietatem a Deo populus, cum remedia publicarum calamitatum quæreret, augebat eas impiis cultibus, & magis irritabat Deum. Sicut Papistæ, in periculis cumulantes missas, invocantes divos, instituentes supplicationes, mandantes jejunia, non quidem iram Dei mitigant, sed accendunt gravius. Non enim hæc ratio placandi Dei est.

Ideo Dominus hoc in loco dicit, Ad me convertimini, hoc est, Nolite mihi obvertere tergum, cum loquor ad vos, anscultate mihi, idque ex toto corde vestro, ne aut sit simulata conversio, aut non integra. Vult enim Deus totum cor, Non vult timeri, non vult credi alium Deum, Sicut Christus quoque dicit, Nemo potest duobus dominis servire. Vñtatum autem hoc inter nos, cum audimus in verbo quid nobis sit faciendum, ut tamen hactenus servatos

REXX 2

cultus,

Converti ad Deum quid.

Matth. 6.

cultus, ac usitatos mores non prorsus abiciamus, aut damnemus. Dicit igitur, in toto corde ad me convertimini, ut summo studio intendentes verbo nusquam ab eo deflectamus. Hoc primum est, ut verbo attendamus.

Quid autem tradit verbum? quàm ostendit placandi Dei viam? In jejuni-  
nio, in fletu & in luctu convertimini ad me, & scindite non vestes, sed corda ve-  
stra. Hæc prima pars est pœnitentiæ, quam Prophetæ tradunt. Notus autem  
Judæorum mos est, vestes scindentium ac lacerantium, in rebus adversis, Sic An-  
nas indicaturus dolorem, quem ex Christi blasphemia, ut judicabat, voce accepe-  
rat, vestem rumpit. Ac multa alia in veteri Testamento similia exempla sunt. Di-  
sertè autem dicit Joël, Non vestes, sed corda scindite, significans, velle se, ut seriùs  
sit dolor, non simulatus. Nam homines etsi in calamitatibus dolent, tamen  
non dolent seriò. Serius enim & verus dolor, ad quem Prophetæ hortatur, non  
est querulari de incommodis, quæ patimur, sed causam incommodorum inspi-  
cere, peccata scilicet, de iis dolere, ea emendare, ac porro non admittere, Is de-  
mittit verus dolor, & verum pœnitentiæ initium est. Impudica mulier, maritus  
adulter, præter ignominiam etiam sentiunt maledictionem & inopiam, De his  
dolere nihil novi est. Est enim hæc veteris hominis natura, se ut amet, de suis ma-  
lis ut doleat & queratur, etiam si causam mali nondum oderit, aut excreetur. Do-  
ler autem, de quo Spiritus sanctus hîc concionatur, est non affici solum sensu  
pœnæ, sed sensu peccati, quod per adulterium Deum offenderis, quod conjece-  
ris te in iram & damnationem. Hic sensus cum verè occupavit animum, ibi de-  
mum sequitur, quod vulgo vocant, bonum propositum, Non querentur amplius  
occasiones prohibitarum libidinum, animus etiam ad cogitationem præteriti  
peccati cohorrescet, & abhorrebit à tanta sceditate. Hic dolor Spiritus sancti  
opus est, qui per verbum Legis ad hunc modum animos terret, Non est, ut Papi-  
stæ docent, opus hominis, quod quoties liber, præstari à nobis potest, oportet ut  
verbo ad hunc modum per Spiritum sanctum excitentur animi, Absque eo si sit,  
vetus homo semper antiquum obtinet, & delectatur peccatis, sectatur occasiones  
peccatorum, & potius iis, tanquam re benè & feliciter gesta gaudet.

Sic usitatum est, cum pestilientia, aut annonæ caritas incidit, dolere & con-  
queri, Sed quotusquisque est, qui de horum malorum fontibus seriò cogitet, ac  
admonitus his calamitatibus peccare desinat, emendet vitam, minuat avari-  
tiam, luxum, negligentiam in vocatione? &c. Sic Judæi quoque dolebant de in-  
commodò, quæ hostis ac noxiæ bestię invexerant, Sed non dolebant de Idolola-  
tria, de verbi & Prophetarum contemptu, & aliis peccatis, quæ tantas calamita-  
tes concitarant. Jubet igitur per Prophetam Deus corda scindi, non vestes, hoc  
est, jubet, ut seriò de peccatis admissis doleant. Id enim cum fit, sequitur se-  
ria vitæ emendatio, Audiunt animi & amplectuntur verbum, non sequuntur  
amplius vel cupiditates, vel studia sua, Igitur jacent idololatria, falsi cultus,  
fiducia in propria opera & totum illud peccatorum agmen, quod impietas se-  
cum trahit.

Talem luctum requirit Deus, ac meminit quoque jejunii, non solum quod  
aptos facit ad orandum, Sed quod indicium etiam est animi seriò perturbati.  
Sicut etiam lachrymæ animi testes sunt. Peccatrix Luc. 7. prostrata ad pedes  
Christi, muta prorsus est, sed intelligit lacrymas ejus Christus, & jubet, ut sit orio-  
so animo, dimissa enim jam ei esse peccata, Talem fletum hîc quoque Prophetæ  
exigit. In pœnitentia enim hoc primum est, agnoscere peccatum, seriò pertur-  
bari & dolere de peccatis admissis. Hanc contritionem sequuntur deinde certi  
fructus, emendatio scilicet vitæ, & vehemens peccati odium. Sed etsi necessa-  
ria hæc sunt, nondum tamen ad justiciam satis sunt, nec ut Sophistæ disputarunt,  
merentur remissionem peccatorum. Fide enim in Christum opus est, ea sola,  
quia misericordia Dei nititur, remissionem peccatorum impetrat, & absolvit  
pœnitentiam.

Itaque

*pœnitentia*  
*1. 1. 1.*

*Quid facien-*  
*tiæ, cum graf-*  
*sentur publica*  
*pœnia.*

*Jejunium cur*  
*requiritur?*



Itaque addit Propheta,

*Convertimini ad Dominum Deum vestrum, quoniam clemens est.*

Hic maximè insignis locus est, quo veris suis coloribus Propheta Deum pingit, ut terribitos animos magnitudine peccatorum suorum erigar, & in certam spem veniæ vocet. Ita enim absolvitur pœnitentia, seu conversio ad Deum, si certa Misericordia spes & fiducia accedat. Rectè autem hoc loco fuerimus usi, si primùm his gravissimis appellationibus Dei nos erexerimus contra desperationem, Deinde etiam transtulerimus ad exemplar, quod imitemur, ad corrigendum id, quod in nobis vitiosum est, & cum divina natura pugnat.

banum.

Prima appellatio, quam Propheta Deo tribuit, est (Chanunum) quod plerunque vertitur, misericors, Sed propriè significat clementem, facilem, benignum. Quale autem id sit, ex Antithesi facile intelliges. Nos natura sumus inclementes & immites, offensi non facile flectimur ad lenitatem, non ignoscimus facile, sed sicut Poëta Achillem pingit implacabilem, & durum, ita ferè omnes sumus. Contrà Deus natura talis est, quæ se facile sinit flecti, non est implacabilis aut inexorabilis, ad primum, ut ita dicam, verbum supplicantis flectitur, & ignoscit. Hoc primum oppone tuis cogitationibus, quæ pingunt Deum immitem, & tanquam carnificem implacabili ira. Ideò consci nobis peccati, præsertim si pœna ante oculos sit, refugimus ab eo, & sicut Adam in Paradiso, quarimus latibula, Sed memineris te injuriam facere clementi Deo. Etsi enim pœnam infligit, tamen non ideò discedit à natura sua, Retinet cor molle & flexibile, etiam tum, cum nobis videtur iratissimus. Nam etiam pœnam eo animo immittit, ne aliùs demergamur in peccata, Sed ut convertamur & vivamus. Ab hoc clementi & benigno patre cur refugis? Non persequitur te, ut occidat, sed ut in viam revocet. Consiste igitur, convertere ad eum ex toto animo, & ipse propiciabitur peccatis tuis, Exposce veniam supplex, & ultrò complectetur te.

I.

Dei est de-  
mens.

Sed tentaris ira & peccatis suis nihil incredibilius potest dici. Convertendi igitur oculi sunt ad illud eximium, certissimum; & apertissimum signum Gratiz, quòd non pepercit Deus filio suo, sed pro nobis omnibus tradidit illum. Hoc Dei opus pone tibi ob oculos, & de eo cogita diligenter. Nam pro peccatoribus hoc fecit Deus. Si igitur peccatores tam complexus est familiariter, & morte filii sui ostendit, non ita se eos odisse, quin salvos & liberos ab æterna morte esse velit. Cur nunc de voluntate Dei erga te dubitas, postquam per filium Dei Deo reconciliatus es? Sed inquires, peccator sum, offendi Deum, nec parvi voluntati ejus ita, ut par erat. Sit hoc quoque, Non enim negabimus peccatum. Tu igitur mutatus es, ex bono factus es malus, ex filio factus es inobediens, Sed num ideò statues Deum quoque mutatum, aut alium factum? Quin discede à malo. Peccasti, peccare desine, pete veniam, spera per Christum, Deum sic tibi reconciliatum, ut reconciliatio sit æterna, non unius aut alterius diei vel anni, sed perpetua, & comperies Prophetam non mentitum, qui eum vocat (chanun) placabilem, mitem, benignum, clementem. Ad hunc modum primò hac consolatione utaris contra peccatum & iram Dei, quem mens tua falsò tibi proponit implacabilem. Deinde imitare exemplum, & esto tu quoque misericors, sicut pater tuus coelestis. Ne sis durior erga fratres, sinas te reconciliari iis, qui te offenderunt. Ita utrinque rectè usus fueris hac Prophetæ concione.

Argumentum  
clementie Dei.

Rom. 8.

Nos quoq, debemus  
esse clementes

Secundum nomen, quo Propheta Deum appellat (rachum) id propriè est misericors, qui afficitur malis aliorum. Hæc quoque Dei virtus collatione facilius intelligitur. Nos gaudemus incommodis inimicorum, Ideò quarimus etiam occasiones nocendi. Sed talis Deus non est, etsi offendimus eum

II.

Dei misericors  
Rachum.

peccatis nostris, & pertinacia nostra cogimus ad infligendas poenas, tamen non delectatur eo spectaculo Deus, cum dolore ac luctu aspicit calamitates nostras, vellet præcisas omnes poenarum occasiones, & quanquam cogitur, ut puniat, tamen id quasi invito animo & reluctante facit. Mallet non solum parcere, Sed etiam omni genere bonorum cumulare homines, modo parerent voluntati suæ, sed cum hoc pertinaciter recusent facere, punit quidem, & subijcit calamitatibus, Sed invitus & dolens. Hoc si persuaderi nobis pateremur in tentatione, & urgentibus poenis, quam præclare ageretur nobiscum? Sed quia diversum statui-  
mus, & odisse Deum nos, & gaudere nostris malis, ideo aut desperamus, aut im-  
patientia victi, Deum odisse incipimus.

Disce igitur de voluntate Dei judicare non ex tuo animo, sed ex Verbo Dei, & ora Deum, ut per Spiritum suum hanc brevem concionem tuo cordi in-  
scribat, ita & impatientiæ parabitur medicina, & tu excitabis te ad seriam oratio-  
nem certus de exauditione. Si enim verum est, quod Deus est misericors, qui  
afficiatur malis nostris, dic, an non rogatus feret opem, & liberabit nos? an non  
ipse quoque hac tanta molestia liberari optabit, modo tu cum non impedias, vel  
desperatione, vel impatientia tua? Cum Saulus miseros Christianos, qui Damasci  
erant, oppressurus & in impiorum manus traditurus esset, filius Dei de cælo cla-  
mat, Saul, Saul, quid me persequeris? Et Epistola ad Hebræos ideo hunc Pontifi-  
cem per omnia tentatum dicit, ut disceret compati nostris malis. Ne igitur de-  
speres, etiam cum sentis peccatorum poenas, convertere potius ad Deum miseri-  
cordem, seu misericordem, Nec statue cum tanquam infestum inimicum dele-  
ctari tuis malis. Dolet enim quod tua improbitate coactus sit infligere poe-  
nas, ac cupit te converti, ut poenas abrumpat, & se tibi misericordem esse osten-  
dat. Dabis autem operam, ut tu quoque idem facias erga proximum tuum, ne  
læteris in malis ejus, sed potius condolens, vel consoleris eum, vel re adjuves, si  
ita sinunt facultates tuæ. Hanc gratitudinem merito suo à te exigit Deus, ideo  
studiosè præstanda est, nisi ultrò nobis eam fortunam volumus accersere, quam  
expertus est servus nequam, cui cum decem millia talentorum condonata es-  
sent, noluit conservo suo centum denarios condonare.

Non quod de-  
remus miseri-  
corde esse.

### *Ipsa ira tardus.*

III.

Ira non tardus  
ad iram.

Hoc tertium Dei nomen ferè redditur uno vocabulo longanimis, Sed  
non satis exprimit Ebraicam phrasin. Significat enim, quod Deus non solum  
non facile commovetur ad iram, sed quod etiam, cum putatur irasci, & infligit  
poenas, nondum tamen verè irascitur. Est enim flagellum Patris, quod profici-  
scitur non ex ira, sed ex vero & paterno amore. Ira enim simpliciter poenam spe-  
stat, Sed cum à Domino judicamur, corripimur, ne cum hoc mundo damnemur.  
Non acquiescit Dominus simpliciter in poena, sed querit per poenam emenda-  
tionem, & salutem nostram. Hoc quoque ægerrimè nobis persuadetur. Nam  
ad primum statim iratum statuunt animi irasci Deum, Cum tamen verum sit,  
quod ad iram tardus sit, nec facile se commoveri sinat, Sicut etiam impiorum ex-  
empla probant. Quoties admonetur Pharaon, ut dimittat populum? & quan-  
quam fert dignas pertinaciæ poenas, easque varias, tamen Dominus eas tollit ad  
primas Sanctorum preces. Cum autem sanari ratione nulla furor ejus erga po-  
pulum Dei potest, Sed jam in eo est, ut simul totum perdat, tum demum irasci-  
tur Dominus, & demergit eum in mare. Igitur nisi prorsus nulla emendationis  
spes relinquatur, non solet irasci Dominus. Tu ergo, constitutus in certis vel  
malis, vel periculis, explora cor tuum, sic ne oderis prorsus Deum, ut redire ad  
ad eum nolis. Quod si hoc animo tuo fixum est, cupere te redire, modo ipse te  
velit amplecti, si seriò de peccatis admissus doles, & ex animo cupis desistere, &  
reconciliari cum Deo, ne dubites Deus non irascitur, Imò irasci nondum coepit,  
siquidem tu nondum coepisti esse desperabilis.

Trans.

Transferendum autem hoc quoque nomen Dei ad nostrum exemplum est, Nos facile irritamur, non solum ad injurias quasvis, sed etiam ad singula prope verba. Hoc vitium memineris emendandum esse, ne sis irritabilis, Sed ut tu quoque ad iram tardus sis, & libenter condones proximo tuo, si quid in te peccavit.

Quartum nomen Dei est plenissimum consolationis (rob chesed) quasi dicas, multum beneficus. Ostendit enim Deum affligere non ut perdat, sed ut nos reducat in viam, & invitet ad pietatem, ut possit in nos esse beneficus. Non est nostri similis, qui duri sumus erga eos, qui nos offenderunt, Statim enim retrahimus manum, & claudimus oculos, Deus autem etiam in ingratos est beneficus, & de male meritis cupit bene mereri. Nam etiam flagello eo animo utitur, ut converfis & agentibus poenitentiam benefaciat, non solum, mitigando aut tollendo poenas, ac donanda benedictione corporali, sed multo magis, ut in æternum nos salvet, nosque, ut Paulus loquitur, cum securo mundo non damnemur. Sed ô miseros nos, & per peccatum ad extremum depravatos, qui ad tam suaves consolationes non erigimur, sed tanquam agri somnia, eas negligimus. Ita enim tanquam in cœnum mentis nostræ oculi altissime defossi sunt, ut hoc divinum lumen non possimus cernere. Rogandus igitur Dominus est, ut aperiat oculos nostros, ut lucem hanc cœlestem saltem à longinquo possimus aspicere. Non enim Deus isti soli populo, cui concionatur Joël, talis esse vult. Quia enim victimam à se contra peccatum destinatam, nempe, filium suum æternum, vult omnibus hominibus communem esse, quomodo de animo ejus possumus dubitare, quod non talis erga nos quoque esse velit, qualis hic à Propheta describitur? Consolemur igitur nos hac conclusione contra tentationem iræ Dei, & postea meminerimus subinde ad hoc cœleste exemplar respicere, ut nos quoque vincamus iram, & benefici simus etiam in eos, qui nobis nocuerunt. Ita enim comprobabimus nos Dei esse filios. Jam sequitur quintum Dei nomen.

*Et poenitens super malum.*

Qualis hæc virtus sit, ex collatione intelligi potest. Homines cum ira accensi sunt, sic ardent, ut satiari calamitatibus adversariorum non possint. In Deo diversa natura est, non facile, ut supra diximus, commoveretur ad iram, & quanquam iratus immittit poenas (animi enim nostri iratum esse statuunt) tamen poenitet eum consilii, videtur sibi nimium quasi durus fuisse, & reprehendit se. Ad hunc modum apud Hieremiam dicit, cap. 18. Si poenitentiam egit gens à malo suo, quod locutus sum adversus eam, agam & ego poenitentiam super malo, quod cogitavi, ut facerem ei, & subito loquar de gente, & de regno, ut ædificem & plantem eam. Hunc affectum experiuntur parentes quoque. Nobis enim usu venit cum liberis nostris, postquam in eos animadvertimus, ut abjiciamus virgam, & reprehendamus iram nostram, ac judicemus, nos nimium fuisse duos. Sed hoc quis de Deo credit? De nobis exemplum capimus, & statuimus, cum nostri similem, ardentem ira, & cui nulla crudelitas satis sit. Sed hæc summa blasphemia est, cujus sine dubio auctor est Satan, qui ideò Deum crudelem & sævum pingit, ne ad eum confugiamus, & inveniamus calamitatum nostrarum mitigationem. Proponit autem Scriptura insignes has consolationes ideò, ut in calamitatibus nos erigamus, & consolemur, ne victi desperatione blasphememus, sed invenientes levationem, gratias agamus Deo, & predicemus misericordiam ejus.

Memineris autem, si Deus natura talis est, qualem Propheta hic pingit, clemens, misericors, tardus ad iram, multum beneficus, & quem facile poenitet mali, quod infligi fecit, Quantum hi sibi mali conciliabunt, qui hac tanta Dei



bonitate abutuntur, & securi in peccatis pergunt? Est enim talis erga nos, non ut obvertamus ei tergum, non ut contemnamus, aut violemus ejus mandata, Sed ut invitati hac tanta bonitate adjungamus nos ipsi, complectamur eum, studeamus voluntati ejus satisfacere, & curiosa ac sollicita obedientia conservemus illam erga nos immensam benevolentiam. Sed prohi dolor, pauci hoc faciunt. Major pars abit secura de Deo, & cum posset habere Deum propitium, cogit eum ad pœnas, & reddit inimicum pertinaci malitia. Horum ne simus similes, Sed excitemus hac Prophetæ concione nos ad veram pœnitentiam, & muniamus nos contra desperationem, ad quam natura proclives sumus, quod animi alias de Deo imaginationes in periculis sibi fingunt, quàm hîc à Propheta pingitur.

*Quis scit, Convertetur & pœnitebit, & relinquet post se benedictionem, oblationem, & libationem Domino Deo vestro.*

*Particula, Quis scit, non dubitativa.*

In nostra lingua phrasis hæc negativè, seu potiùs dubitativè sonat, Quis scit, Sed est aprissima pœnitentis vox. Virunque enim complectitur & sensum peccati, qui facit, ut illatuamus Deum justè irasci, ac nos plectere, & spem liberationis, siquidem Deus natura benignus, & placabilis est. Sic cum cœcus in Evangelio dicit, Si vis, potes me mundare, primùm hac voce se abjicit ad pedes Christi, liberè confitens se merito hanc pœnam sustinere, Deinde ostendit elucescentem in hoc sensu peccati sui spem liberationis per Christum, Debet autem perpetua hæc nostræ orandi forma esse, ut primùm propter peccatum nos humiliemus, Deinde erigamus nos in spem exauditionis propter promissiones in Christo factas. Abolvit autem, ut suprâ diximus, hæc spes pœnitentiam, & glorificat Deum. Ideo gratissimus cultus, & acceptissimum sacrificium est, quod hypocritæ præstare non possunt.

Quod de benedictione addit, rectè hoc intelligitur de benedictione corporali, quod si agat populus pœnitentiam, Dominus omni genere benedictionis eum non cumulat, & liberaturus à Babylonio hoste, Includit tamen etiam promissionem de Christo, quæ in novissimis diebus exhibita est. Tum enim verè benedixit Dominus populo suo, & restituit oblationem & libamen, hoc est, veros cultus, non simulatos, fidem, confessionem, invocationem in periculis, prædicationem misericordiæ Dei, &c. Admonemur autem hoc in loco ejus quoque, quod benedictione sua ideò Deus nos ornat, ut eam conteramus ad cultum Dei, non ut abutamur ea ad luxum. Sicut tamen plerunque fit.

*Collatio doctrinæ Pontificiæ de pœnitentia, cum Prophetica.*

Hæc est admodum pulchra & sancta ad pœnitentiam exhortatio, quàm si cum Papæ dogmatibus conteras, videbis in scelerissimum monstrum transformari sanam doctrinam. Juber Prophetæ ad Dominum converti ex toto corde, hoc est, attendere verbo, & sequi verbum, ac seriò dolere de peccatis, deinde niti bonitate Dei & misericordia. His duabus partibus doctrinam de pœnitentia abolvit. Sed tu audi Pontificem, Contritionem mandat, eam statuit nostri arbitrii opus esse, ac mereri remissionem peccatorum. Virunque autem falsum est. Deinde contritis imponit onus confessionis, hoc est, ut catalogum peccatorum texas, & recites ministro Ecclesiæ. Statuit autem confessionem quoque mentoriæ esse. Tertio addit infinitum mare operum, satisfactionem scilicet, cum certa opera injunguntur. Hæc, quia semper cum vitio sunt, nec unquam in eis acquiescere conscientia potest, rectè mare appellatur, quod semel ingressus, portum nunquam attinges. Nihil monstrum hoc docet de pavore, quem excitat in animis Lex, cum ostendit iram Dei, & nos in judicio Dei accusat. Nihil docet de fide, de promissione nihil, quæ tamen sola remissionem peccatorum ad nos affert, & animos turbatos metu iræ Dei, sola erigit. Si autem de operibus satisfactionum diligentius inquiras, ibi demum apparebit Satanz dolus, Alius certis diebus jejunat, alius recitat certum numerum precationum non intellectarum. Invenias qui peregrinationibus, adoratione statuarum, & aliis nugis se veniam peccato-

rum

him consecuturos sperent. Hæc igitur perturbatio sanæ doctrinæ, imò everfio, non non satis magna & digna causa fuit, ut nos à Pontifice separaremus? Sed ne Propheta quidem operum & ceremoniarum nullam mentionem facit, Ideò videamus quales ex sint.

*Clangite buccina Zion, Sanctificate jejunium, convocate cœtum, colligite populum, Sanctificate Ecclesiam, Congregate senes, colligite parvulos, & sugentes ubera, egrediatur sponsus de cubili suo, & sponsa de thalamo suo.*

Doctrinam de vera pœnitentia Propheta hætenus tradidit, Quid enim aliud à miseris peccatoribus potest fieri, quàm ut de admissio peccato doleant, & rogent veniam? Hic autem etiam de ceremoniis addit, & externis moribus, quibus vulgus opus habet, ut invitetur ad pœnitentiam. Vtile autem est videre, quales populus Dei habuerit ceremonias, ac faciliè inde potest judicari, quæ ceremoniæ tolerandæ, aut instituendæ, quæ autem abolendæ sint. De vera pœnitentia diximus, inchoari eam ab agnitione peccati, quòd sua natura cùm verè nos arripit, aliud nihil potest, quàm terrere, anxios reddere, ac in desperationem adigere, Absolvi autem fide in Christum, in quo Deus se nobis benignum, ac placatum ostendit, Siquidem per eum expiari omnium peccata voluit. Hæc singulis præstare latis est, nec Deus quicquam aliud à nobis requirit. Nam pavores illi odium peccati instillant, & afferunt studium emendationis, quanquam facultatem non præstant. Ea enim per Spiritum sanctum confertur, & fide in Christum justificamur, hoc est, peccata nobis non imputantur. Deus igitur hoc modo tibi satisfieri sinit, & tamen Propheta post hanc doctrinam etiam de ceremoniis præcipit. Cur hoc?

Respondeo. Ecclesia electorum admodum est exigua, habet autem maximam malorum turbam admixtam. Paucissimi igitur cùm sint, qui verè pœniteant, major autem pars perpetuò sui maneat similis, necesse est, ut sicut alii, qui verè Ecclesiæ membra non sunt, scandalis nocent, Ita qui sunt verè Ecclesiæ membra, exemplo suo alios ad pœnitentiam invitent. Hoc igitur fine institutæ ceremoniæ, piæ & salutes sunt. Eaciunt enim ad salutem proximi & gloriam Dei. Sed res exemplo fiet clarior. Soliti sunt Judæi in periculis, sicut ex hoc loco liquet, Jejunium sanctificare, hoc est, publicè mandare jejunium, ac id sanctificare, id est, tempore ejus jejuni petere vel synagogas, vel templum, & ibi audire verbum Dei, quo admonebantur de emendatione vitæ, & de diligenti oratione. Hoc cùm studiosè fieret à piis, rudiores exemplo eorum moniti, intelligebant magnam rem agi, & invitabantur ipsi quoque ad cœtum sanctum, & ad orationem. Nam inusitata illa spectacula incurrunt non solum in oculos, sed etiam animos commovent. Ideò jubet Propheta non simpliciter præcipi jejunium, Sed vult clangi tuba de Zion, ut scilicet insolito convocationis signo plurimi concurrerent ad templum, audirent verbum Dei, ac preces suas in communi periculo cum aliis conjungerent, ubi si absque hac ceremoniali & celebri convocatione esset, plurimi templum negligerent, neque ad audiendum verbum & faciendas preces convenirent. Sunt autem utraque, hoc est, & conciones & orationes publicæ, organa, per quæ Spiritus sanctus hominum animos movere solet.

Cur igitur, inquires, Papæ ceremonias abjecistis? Nam insignes Pompæ, musica organa, & festivi cantus, ac quicquid ejusmodi fuit, hoc totum institutum fuit, ad vulgus invitandum in templa, Cur igitur reprehenditis tales ceremonias? Imò cur aboleris? Respondeo. Fines diversî sunt ceremoniarum in Papatu, & quas Propheta hic commemorat. In Papatu enim ministerium docendi prorsus concidit. Ita enim idololatriæ invaluit, ut ministerium verbi inter cultus divinos non amplius numeraretur. Id quod inde liquet, quòd inter mille templa vix erant centum, in quibus doceretur populus, & extructa essent

sugge-

suggesta. Celebrare, & audire missas, procumbere ad statuas Sanctorum, eas ornare, & adorandas proponere, habebatur summus cultus Dei. Ad hunc populum invitabatur ceremoniis. Igitur ceremoniæ istæ prorsus eodem loco fuerunt habendæ, quo ipsi cultus. Non solum enim inutiles, sed etiam impiæ erant, & fervebant impietati, nec edificabant rudiores, Sed aliùs demergebant in superstitiones. Quæ autem hoc in loco Propheta jubet, ea omnia faciunt ad gloriam Dei, hoc est, ad notitiam Dei, ut homines per verbum discant voluntatem Dei, & ad salutem & ædificationem proximi. Igitur hæc tuba, quæ convocabatur populus Judæorum ad templum & verbum Dei, tuit Dei tuba, hoc est, sancta & benedicta tuba, Contra campana, quæ Pontifex ad suas ceremonias, quæ sine verbo, sine doctrina sunt, convocat, est satanæ organum, & perditionis signum. Quia non servit verbo, non facit ad notitiam Dei, non emendat homines, sicut verbum solet, Sed demergit aliùs in impietatem & superstitionem, ac servit idolatriæ. Regula enim hæc de ceremoniis ubique sequenda est, ut imperiti, rudes, negligentes, per eas excitentur ad discendam voluntatem Dei in verbo, & faciendas preces, seu ad invocationem nominis Dei. Hoc quibuscunque rationibus fit, rectè fit. Contra si hoc negligas, frustrà sunt omnia, etiam ea, quæ in speciem pulcherrima & sanctissima videntur. Est autem hoc quoque notandum, in Papatu multas ceremonias impias, & contra verbum institutas fuisse, sicut illa, cum circumferunt in pompa panem, cum longinqua templa petunt, &c. Judæi autem jejunii rationem divinitus præscriptam habebant.

*Quales ceremonie probande.*

*Jejunium sanctificare.*

Ostendit autem Propheta hanc regulam in eo, quod non simpliciter de jejunio dicit, sed de sanctificando jejunio, hoc est, quod præcipit tale jejunium, quod serviat sanctis rebus. Sobrii enim ad orationem, & ad audiendum verbum Dei aptiores sumus. Habet plurima jejunia Papatus quoque, sed longè alio fine instituta, quàm ut ad audiendum verbum paratiores simus, Imò finem nullum prorsus habent, sed ipsa abstinencia à cibo per se pro cultu habetur. Tale jejunium ignoravit populus Dei, qui semper adjunxit preces, & precum causa voluit Ecclesiam convenire jejunam, Sicut paulò post Propheta subjungit, Et ostendunt idem alia exempla Scripturæ. Hester in tanto periculo sui populi, cum quærit consilia, quibus tyrannis inaudita impediatur, jubet judici jejunium, Ninivitæ quoque jejunant deprecaturi eversionem suæ civitatis, non quod Dei cultum existimarent abstinere à cibo, Sed quod hoc verè perturbatarum mentium esset argumentum, & Deus vult seriam, sobriam & jejunam orationem.

*An licet instituisse ceremonias novas.*

Tales ceremonias servientes Verbo, hoc est, agnitioni Dei, & salutis hominum, permissum adhuc hodiè est, singuli pastores in suis Ecclesiis ut instituant, Hæc enim cura eis mandata est, ut quàm plurimi invitentur ad verbum, & assuefiant ad pietatem. Ad eam rem cum viam sternant ceremoniæ, non peccant, qui diligenter sui populi mores considerant, & ea instituunt, quæ pro cuiusq; loci commoditate ad invitandum vulgus, ut sanctæ congregationi, in qua & verbum docetur, & instituuntur orationes, intersint, idonea sunt. Deploranda autem meritò hîc est veræ disciplinæ ruina. Quia enim necessitate coacti sumus impias Papæ ceremonias abjicere, multi in ea opinione sunt, ceremoniis nullum in Ecclesia relinquendum locum. Itaque si quis pio animo, cum aut in magnis ardoribus pluvia, aut in continuis imbribus serenitate, ac solis calore opus est (ut ut enim hoc exemplo noto) conventum extraordinarium institueret, aut præciperet jejunium certorum dierum, aut hortaretur ad emendationem vitæ, & seriam orationem, quid hîc contumeliarum non audiret, ut nunc mores sunt? Clamarent statim omnes, revocari Papatum, & periclitari libertatem Christianam. Sed tu hunc mihi populum considera, Audi Prophetam, cui non satis est proposuisse purè doctrinam veræ poenitentiae, vult institui celebrem conventum, vult certa tempora insigniri jejunio. Cur? ut hi sint cultus? Minimè. Sed ut his ceu insignibus notis rudes, sacrarum rerum negligentes, addo etiam, impii,

*Ruina disciplinae Ecclesiastica.*

invi-



invitentur ad audiendum verbum, & exercendam invocationem. Hæc enim sunt organa, per quæ Spiritus sanctus movere animos solet. Non igitur negligenda sunt. Pertinebat autem ad pii magistratus curam, adjuvare hac in parte ministros Ecclesiarum, sicut extant exempla, quod hæc olim Regum cura fuit, Saul impius Rex minatur mortem gustanti aliquid eo die, cum à Philistinis esset periculum, ac ne filio quidem parciturus fuerat, nisi à populo esset impeditus. Hæc severitas, & disciplinæ custodia, in magistratu necessaria est, propterea quod sine *Magistratus officium.* his vinculis indocile & prophanum vulgus retineri in officio, ac coerceri nullo modo potest.

Sicut autem hæc publicè Propheta jubet fieri, ita meminerimus singuli *Oeconomica disciplina.* domi nostræ hanc Christianæ disciplinæ rationem diligenter retinendam & conservandam esse. Multa incommoda pijs patribus familiæ quotidie obijciuntur, Ad horum sensum minimè omnium decet non moveri. Principiò igitur statuas, has esse peccatorum pœnas, & cogites de diligenti & seria emendatione, non pergas securus facere, quæ hætenus solitus es. Deinde petas per orationem veniam delictorum, & firma fide in promissionem Dei te erigas. Quia autem hæc non sunt nostri operis, aut virium nostrarum, rogandus Deus est, ut per Spiritum suum corda excitet, ne furo aut hypocrisis nos ipsos decipiamus. Accedat *Officium patrum familiæ.* postea disciplina, de qua Propheta hic concionatur, Hortetur pater familiæ liberos & familiam ad sanctam vitam, Ipse certas orationes instituat, quas subsequatur familia & liberi, cum aut accedunt ad mensam, aut lectum adeunt, in quibus confiteantur peccata, & querantur de suo, ac publico periculo, ac liberationem petant. Hæc utiliter & pie instituuntur privatim, nec alia melior via ostendi potest, qua evadamus pericula, in quæ nos nostra conjecit, vel negligentia vel improbitas.

Hætenus explicatum est, quod de buccina & jejunio sanctificando Propheta dixit, addemus nunc reliqua membra. Vult convocari cœtum, & colligi *Sanctificare Ecclesiam quid.* populum, ut ab hac frequentia tanta, nemo sine singulari turpitudine se abesse posse statuat, & ita quàm plurimi ad audiendum verbum & ad orationem publicè confluant. Id enim est, quod addit, Sanctificate Ecclesiam. Non enim vult, ut convenient tanquam ad spectaculum aliquod prophanum, vult, ut convenient ad res sanctas. Forma orationis ex Mose sumpta est, Is jubetur sanctificare *Sanctificare populum.* populum ad biduum, priusquam accederet ad montem, & audiret promulgationem legis. Variè autem sanctificandi verbum exponitur, Ebræi ferè accipiunt, pro præparando, ac præparationem hanc dicunt fuisse, quod & abstinebant à consuetudine conjugum viri, & de mundo vestitu curabant. Sed leviora hæc sunt, quàm ut convenient tantæ rei, & tam augusto nomini satisfaciant, ac sanctificationem absolvant. Nos rectè sententiam ex tercio præcepto colligemus, quod jubet diem Sabbatum sanctificandum, hoc est, ponendum in sanctas res, & verum Dei cultum, non in prophana negotia, quibus licebat aliis diebus vacare. Inde translatum quoque vocabulum est etiam ad res alias. Tabernaculum, & *Sanctificare tabernaculum.* res tabernaculi sanctificabantur, hoc est, deputabantur cultui Dei, ut in solo tabernaculo exercerentur cultus, & vasa illa ad alios prophanos usus non adhiberentur, Et 1. Paral. 20. thesauri sanctificati vocantur, qui non nisi ad templi, quod *Sanctificare thesauros.* sanctum erat, usus conferebantur. Ad hunc modum intelligo sanctificari populum, hoc est, publico edicto admoneri, ut omnia prophana negotia & operas *Sanctificare populum.* intermittat, ac vacet verbo & orationi. Ad hanc sanctificationem benè conveniunt, continentia & sobrietas, seu jejunium, &c.

Senum peculiariter meminit, ut congregentur. Hi enim exemplo suo alios invitare debent, ne publica sacra negligant. Sed cur ad hunc cœtum etiam infantes, qui lac sugunt, vult afferri, cum tamen sensum publicarum calamitatum nullum habeant, nec intelligant quid in hoc cœtu agatur? Respondco. *Infantes debent interesse sacris concionibus.* Fit hoc quoque propter rude vulgus, ut tantò honestior sit cœtus, & plus gravitatis habeat. Admonentur enim rudiores pertinere etiam ad innocentem ætatem peri-

pericula, quæ imminent, ut tanto majore studio ea deprecentur omnes. Move-  
mur enim naturaliter infantium malis, & cupimus eos servari. Quantum igitur  
peccant primùm parentes, Deinde, qui parentum loco sunt, præceptores, qui  
jam confirmatos annis juvenes non assuefaciunt ad sacra? Imò quantum pec-  
cant Doctores Ecclesiarum, qui aut negligentius publicè sacra tractant, aut rariùs  
eis interfunt, sectantes convivia, aleam, &c.

In publico luctu  
etiam concessa  
gaudia inter-  
mittenda.

In sine sponsi & sponsæ meminit, ac vult, ut egrediantur de cubili, & in pu-  
blico luctu, à licitis voluptatibus abstineant. Cur hoc? Num damnat consue-  
tudinem conjugum? An non gaudium Sponsi etiam sacris literis celebratum  
est? De Christo dicit Scriptura: Proceedit sicut sponsus de thalamo suo, hoc est, *Psalm.*  
plenus gaudio & alacritate instituit regnum Evangelii. Hic autem jubetur spon-  
sus & sponsa egredi de thalamo tristis & mœrens. Quam ob causam? Quia sci-  
licet imminebat dies Domini horribilis. Ergo in publico periculo omnes hor-  
tatur ad agnitionem peccati, & seriam poenitentiam, ut in tempore occurratur  
iræ Dei, Sed confer tu Prophetæ utilem exhortationem ad nostros mores, Vult  
etiam concessa & honesta gaudia in publicis calamitatibus intermitteri. At nostri  
homines in tanta concussione totius Germaniæ, ac tantis Ecclesiarum periculis,  
nihil remittunt de computationibus, Non emendant blasphemias, Non minuant  
usuras, Sine dubio igitur atrociora pericula impoenitentes circumvenient.

*Sacerdotes ministri Dei, plorent inter vestibulum & altare, ac  
dicant, Misere Domine super populum tuum, & ne des be-  
reditatem tuam in opprobrium, ut dominantur eis gentes,  
Quare dicent in populis, Ubi est Deus eorum.*

Domini appel-  
latio in pro-  
prium  
orationibus  
quid significet.

Hic causam vides tam celebris conventus. Non vult enim mutos esse, sed  
jubet, ut Sacerdotes publicè orationem instituant, quam populus postea voce  
subsequatur. Primùm autem in hac precatone observanda est appellatio Dei,  
quam vocant tetragrammaton. Non enim Judæi Dominum appellabant, ut  
gentes, quæ carebant verbo, & veram Dei notitiam non habebant. Norant qui-  
dem Deum esse conditorem omnium rerum, Sed de voluntate ejus nihil norant.  
Itaque invocare Deum non poterant, hoc est, cogebantur perpetuò de volun-  
tate Dei dubitare. Sed Ecclesia veteris Testamenti, quia habebat verbum, verè  
noverat Deum, & invocans Dominum, statuebat se certò exaudiri, non propter  
sua aliqua merita, sed quia multis innumeris beneficiis Deus se declaraverat fa-  
vere huic populo, & dederat promissionem de filio mittendo in carnem, per  
quem benedicerentur omnes familiæ terræ. His notis se huic populo Deus per  
verbum suum patefecerat, & huic Deum invocabant sancti. Itaque orantes de  
bona ejus voluntate non poterant dubitare. Accedebat autem hoc quoque,  
quòd Dominus sua voce locum orationi destinarat certum, in quo orantes certò  
exaudiret. Etsi autem hoc ingens beneficium fuit, quòd intuentes, de exaudi-  
tione non poterant dubitare, tamen illud de promisso semine longè erat augu-  
stius & præstantius beneficium.

In invocatione  
cogitandum  
quem invocet.

Vera Dei no-  
titia.

Debemus autem nos quoque instituentes orationem, primùm cogitatio-  
nibus nostris definire quis sit, quem invocaturi sumus. Neque hic sufficiat no-  
bis illa communis notitia, quam Turcæ, Judæi, & gentes quoque habent. Intu-  
entes enim hanc mundi machinam, statuunt æternam mentem ejus architecta-  
tricem, ac gubernatricem esse. Est hæc aliqua Dei notitia, sicut in Symbolo  
quoque Patris persona pingitur, quòd omnipotens sit, & creator cœli & terræ.  
Sed est adhuc imperfecta notitia. Oportet enim accedere illam de Filio promif-  
sionem, quòd Deus dederit filium, ut expiaret sua morte peccata nostra, & resur-  
gens à morte, donaret sanctum Spiritum, quo illuminata corda, & promittunt  
sibi gratiam omnium peccatorum, & præstant debitam obedientiam, quantum  
in hac carnis imbecillitate fieri potest. Hæc demum est vera Dei notitia, quam  
qui

qui habent, cum certa spe Deum invocant. Quia enim Filium ab eo donatum vident, de benignitate ejus cur dubitent, causam penitus nullam habent, ne quidem peccata sua. Norunt enim per Filium Dei ea esse expiata. Sicut autem Indæi habebant promissionem exauditos se iri, si ad templum orent, in quo Deus se habitaturum promiserat. Ita nos promissionem habemus, non de temporali aliquo loco, Sed in nomine Christi, sicut dicit: Amen, Amen dico vobis, quicquid in nomine meo petieritis, Pater meus dabit vobis. Hæc igitur duo oraturus tibi ob oculos ponē, ut cogites primum, quem adores, deinde etiam promissionem intuearis. Ita excitabitur animus, ut in fide certa ores, hoc est, ut certò credas obventura, quæ petis. Complectitur autem hæc duo Propheta in vocabulo, DOMINI, cum appellat verum & æternum Deum, quo nomine non uno in loco Filius Dei appellatur.

Verbum (Chusah) aptissimè subiicitur, significat autem parcere & misereri. Itaque includit primum confessionem peccati, Ac si dicat, Quæ patimur, jure patimur, Deinde etiam veniæ spem complectitur. Tribuit enim Deo tale cor, quod nostris malis non delectetur, Sed malit parcere, quàm punire. Ostenditur autem hic quoq; conditio, quæ in oratione admodum necessaria est. Priusquam enim aliquid petas, necesse est, ut te coram Deo humilies, ut serio agnoscas, te esse peccatorem, & indignum, qui accipias, vel postules beneficium à Deo, in quem tam variè per omnem vitam peccaveris. Hanc humiliationem Deus postulat, & vocatur alio nomine timor Dei. Cum hoc si postea fidem conjunxeris, sic invocas Deum, ut etiam honorifices eum, hoc est, ut tribuas ei laudem, quæ soli Deo debetur, quod sit clemens & misericors, qui ignorare, & omnibus nos bonis cumulare velit, non propter nostra aliqua merita, Sed propter suam misericordiam, quia bonus est. Ad hunc modum si te ad orationem præparaveris, ut & noris, quem invoces, & intuearis promissionem, & confitearis indignitatem tuam, tum opportune ostendes periculum, & postulabis opem. Sicut Propheta quoq; hic facit, & petit parci populo.

Est autem insignis emphasis in pronomine Tuo. Distinguit enim Ecclesiæ populum ab omnibus alijs populis, qui etiam sunt populi Dei, hoc est, à Deo conditi, & qui gubernantur à Deo, Sed neq; cognoscunt Deum, nec se Deus eis revelavit per verbum suum. Ecclesia igitur hoc habet eximium, quod vocatur populus Dei, qui agnoscit Deum, & cui Deus se revelavit. Sed longè majus est, quod etiam hæreditatem vocat, seu peculium & possessionem Dei. Include enim in hanc appellationem omnia illa singularia beneficia, quibus Deus hunc populum ornavit, quod primum Abrahamum selegit, & ornavit nota circumcisionis, ut agnosceret se Deo charum & curæ esse. Deinde quod benedixit ejus posteritati, quod liberavit eum ex Aegypto, quod dedit verbum & cultum, quod introduxit in Canaan, quod Prophetas, & reges, & victorias claras dedit. Hæc omnia complectitur Propheta, cum appellat hunc populum hæreditatem, seu peculium Dei. Ac considerata hæc diligenter accendunt animum, & quasi robur orationi addunt, ut animus certò statuatur, futurum, ut non frustra fatigemus Deum precibus nostris, jam antea tam varie testatum suam eximiam erga nos benevolentiam.

Sed longè illustriora hæc sunt in novo testamento. Ecclesia enim verè est hæreditas Dei, quam Deus sibi acquisivit, sanguine & morte unigeniti sui filij, Hæc hæreditas cum periclitatur, sicut Turcica tyrannis, & Pontificius furor profecto certum periculum ostendunt, nos quoque excitari ad orationem, ac certam exauditionis spem hac ratione concipere debemus, quam Propheta suis præscribit.

Sed vtile est videre reliqua quoque. Prophetæ alicubi meminerunt in orationibus calamitatum, quas leniri optant, sicut supra cap. 1. meminit Propheta hostilis ignis & vastitatis, & Psalmus, Deus venerunt gentes, commemorat



Opprobrium  
nominis Dei cur  
vigetur in o-  
ratione.

Finis invoca-  
tionis verus.

Differentia pe-  
riculorum. con-  
tra qua oran-  
dum est.

morat crudelitatem hostilem, eamque tragicis figuris amplificat, Effuderunt sanguinem tanquam aquam per circuitum Hierusalem, &c. Hæc omnia hoc in loco omittit Propheta, & tantum queritur de opprobrio, ne sinat Dominus populum suum à gentibus diripi, futurum enim ut populi captivitas vergat in ignominiam Dei, Exprobraturas enim gentes Iudæis, ubi sit Deus, quem soli se verum coluisse & agnovisse iactarunt, damnantes omnium gentium Deos & cultus. Pertinet autem hoc quoque ad nos docendos de fine invocationis. Non enim hic proprius finis esse debet, nobis ut bene sit, Sed ut Dei gloria promoveatur. Nobis enim saepe prodest exerceri cruce. Ideò dicit Paulus, ignore nos quid petamus. Tum autem recte oraverimus, & certi de exauditione esse possumus, quando cum nostro periculo conjuncta est gloria Dei. Iussit enim nos Dominus orare pro sanctificatione nominis Dei. Etsi autem pro pane quotidiano quoque orandum est, tamen semper potior nominis Dei cura esse debet, secundum sententiam: Non in solo pane vivet homo, sed in omni verbo, quod egreditur de ore Domini, Et recte secundum diversitatem promissionum, etiam periculorum differentia constituitur. Promissiones quædam sunt corporales. Habet enim Ecclesia opus gubernatione & defensione in tanta periculorum multitudine, quæ & Satan & mundus intentat. In his speranda est liberatio, & confugiendum præcipue ad invocationem. Et tamen, quia saepe utile nobis est, exerceri cruce (Excurrit enim securitatem, excitat fidem, & accendit orationem) sic instituenda in talibus periculis oratio est, ut tamen voluntatem Dei æquo animo feramus, si diutius crucem nos velit ferre, Promissiones autem spirituales, quæ ad salutem nostram, & Dei gloriam pertinent, hæc sine dubitatione amplectendæ sunt. Patefecit enim de iis voluntatem suam Dominus, quòd & per Christum nos salvare, & nomen suum sanctificari velit. Igitur hic precipue finis in omni oratione spectandus est. Ita animi certi de exauditione esse poterunt.

Rom. 1.

Deut. 11.

*Et zelabit Dominus pro terra sua, & parcat populo suo  
& respondebit Dominus, & dicet populo suo, Ecce ego  
mitto vobis frumentum, & mustum, & oleum, & satura-  
bimini eo, & non amplius vos dabo in opprobrium inter gen-  
tes, Et elongabo à vobis septentrionalem, & expellam eum  
in terram desertam, & devastatam. Facies ejus ad mare  
Orientis, Terminus ejus mare ultimum.*

Promittit pœ-  
nitentibus &  
invocantibus  
liberationem &  
benedictionem.

Exhortationi ad pœnitentiam subjecit Propheta precationem, quam à Sacerdotibus in Ecclesia recitari vult, Nunc subijcit promissionem, quæ hæc duo complectitur, futurum, si pœnitentiam agant, & ut Dominus benedicat agris, & hostem procul arceat. Sed verba Prophetæ intueri diligentius. Zelabit, inquit, pro terra sua. Zelus est vehemens & justa ira, qualis esse solet, cum aut maritus indigna experitur in vxore, aut parentes indigne tractari liberos vident. Commoveretur enim supra modum in talibus occasionibus animus, & jure commoveretur. Quod igitur Dominus promittit se zelaturum pro terra, nihil aliud est, quàm quod nullo modo passurus sit durius tractari populum agentem pœnitentiam. Sicut enim de impœnitente Iuda dicit, apud Esaiam, Ego consolabor super hostibus meis, hoc est, gentes, quæ sunt hostes mei, cum vos diripient & mactabunt, consolabuntur me, & gratissimum exhibebunt mihi spectaculum, Ita hic dicit, Si pœnitueritis, zelabo pro terra mea, non potero ferre, ut vos affligant hostes, Sed sicut patris animus ira ardet, & qua ratione potest opem fert liberis, quos ab alienis indignius tractari videt, Ita ego quoque excitabor ad ferendam vobis opem, & affligendos hostes vestros, & parcam meo populo, hoc est, avertam & mitigabo pœnas. Et respondebit Dominus,

Esai. 6.

minus, hoc est, Non tacebit ad populi sui preces, Invocatus aderit & audiet, & dicet populo suo, Ecce mitto vobis frumentum, &c.

Insignis profectò locus, & dignus, quem diligenter nobis inculcemus. Quæ enim ad pœnitentiã efficacior esse potest exhortatio, quàm quòd Dominus pœnitentibus & orantibus se tam benignum offert? Sed ô miseros nos, qui <sup>Prælium qui sumus</sup> surdi prorsus sumus ad suavissimas has conciones. <sup>quibus veram pœnitentiã.</sup> Populo Judaico frustrà hæc occinebantur, igitur barbarus hostis vastavit longè lateque totum regnum, & captivos Judæos abduxit in Babylona. Nos autem bis sumus miseri, si tam horribili calamitate, & tam suavi concione non movemur. Vtrunque enim ob oculos est. Rogemus igitur æternum Patrem Domini nostri Jesu Christi, ut his miseriis & periculosis temporibus, per suum Spiritum corda nostra ad veram pœnitentiã excitet, ut attendentes verba, caveamus scandala, & seriò cogitemus de emendanda vita, & vera fide invocemus filium Dei, ut & Turcarum furorem reprimat, & Pontificis impia consilia impediat, ne turbatis per bella & cædes Ecclesiis, lux verbi, qua sola ad æternam vitam via ostenditur, penitus apud nos extinguatur, Amen, Amen.

Interpretes plerunque hoc in loco historiam quærunt, quòd de aquilofari propellendo in desertum, & ad ultimum mare minatur. Alius exponit de Senaherib; quem tamen in regno suo, cum Ninivis in templo adoraret idolum suum filiorum gladiis jugulatum constat, Alius de Babylonio tyranno, de quo itidem constat in arce Babylonia noctu oppressum. Hæ hallucinationes inde oriuntur, quòd parum attentè observant ordinem, quo Propheta utitur. Est enim totus hic locus promissio de futura liberatione, si populus ad eum modum pœnitentiã agat, quem Propheta præscribit. Cum autem pœnitentiã non agerent, irrita fuit promissio, non Dei, sed inobedientis populi culpa. Frustrà igitur quæritur Historia, ubi res non habuit eventum.

*Et ascendet fœtor ejus, & ascendet putredo ejus, quoniam magnificatus est in operibus suis. Ne timeas terra, Exulta & letare, quoniam magnificatus Dominus in operibus suis.*

Respicendum lectori subinde est ad ordinem, quem Propheta in hac concione diligenter observat. Initiò prædixit vastationem futuram per Babylonium. Deinde hortatus est populum ad pœnitentiã & orationem, formam quoque precandi præscripsit. Addidit quoque promissionem, si populus agat pœnitentiã, futurum, ut potens hostis divinitus reprimatur, & infelicitè pereat. Cum hac sententia cohererent quæ addit, Fœtebit & putrescet, quia effertur rebus <sup>Attendit prioribus</sup> gestis. Sed ô terra ne timeas, Dominus quoque efferetur, seu magnificum se <sup>promissionem</sup> get, ob res feliciter contra hunc tuum hostem gestas. Quia autem plena <sup>quædam, &</sup> consolationis hæc sententia est, paulò diligentius tractanda est. <sup>consolatur.</sup>

De Babylonio rege Prophetam loqui prorsus nullum dubium est, Nam Osæ temporibus Babyloniæ potestas, oppressis Assyriis, multum est aucta; ac inter iniria quoque affixerunt Judam. Nam Manasses captus in Babylona abductus est. Est igitur hæc generalis sententia, quæ habet pulchram imaginem Ecclesiæ, & ejus hostium omnibus temporibus. Sicut enim Judæi, si ad Babyloniæ Monarchæ potentiam compares, exigui, imbecilli, & pauper populus fuere, Ita Ecclesia comparata cum suis hostibus, verè pauper & exigua turba <sup>Collatio Ecclesiæ</sup> est. <sup>& hostium ejus.</sup> Mundus enim habet opes, & dignitatem, ac quia potentia suffultus est, ornatur præclaris victoriis. Contra Ecclesia est pauper, est contempta, & subjecta cruci, miserè exercetur, tantum non oppressa ab hostibus. Hanc dissimilem fortunam sequuntur etiam dissimiles affectus utrinque. Mundus enim securus est, & triumphat, sicut Propheta hic dicit, nihil moderatum cogitat aut facit, ebriis similis. Ecclesia autem oppressa gemit, pugnat cum desperatione, lachrymatur. Quid enim aliud faciat afflicta & tot modis misera? Ideò Propheta hoc

in loco dicit, Ne timeas terra. Sentit enim sic immerfam malis, ut etiam, quæ  
tata sunt, timeat. Si igitur rationem sequaris, Ecclesia pessimo loco est, Adver-  
sarii autem ejus sunt optimo loco. Ideò triumphant, efferuntur, gaudent,  
videntur enim tuti. Contrà Ecclesia periculis exposita, & ruinæ proxima est,  
Sed hîc Prophetam audi. Quia magnificatus est faciendo, ideò inquit, fortebit  
& putrescet.

*Successus ever-  
tit impios.*

*Ecclesia afflicta  
triumphat.*

*Consolationes  
privatorum.*

*Ecclesia in-  
solatio.*

*Hostes Ecclesia.*

Ratio existimat istos magnificos in rebus gerendis successus, esse firma-  
mentum tyrannidis. At Prophetæ diversum judicat, ac statuit, quanto evehantur  
altius, tanto & gravius & citius collapsuros. Confirmatur autem hæc penè in-  
credibilis sententia quotidiana experientia. Vide Pharaonem in Aegypto, San-  
heriba ad Hierusalem temporibus Hiskiz, Belsazer apud Babylonios, nonnè  
tùm, cum potentia maxima, & victoria certissima est, concidunt? Diversum au-  
tem de Ecclesia fit, ibi cum nihil sit, nisi pericula, gemitus, suspiria, lachrymæ, ac  
desperationi ideò vicina sit, tamen certa ei parata est victoria. Quomodo, aut  
cur? Nulla alia ratione quàm cum hostes Ecclesiæ magnificent se, Dominus quo-  
que vult seipsum magnificare, ac facit id cum ruina istorum, qui successu in-  
flati, & fortuna elati sunt. Ecclesia igitur de se desperans, benè speret de Domi-  
no, qui postquam hostes Ecclesiæ magnificati sunt, ipse quoque magnificabitur.  
Transferenda autem hæc consolatio est etiam ad privatorum pericula. Notum  
est, quid Dominus Paulo responderit, Sufficit tibi gratia mea. Virtus mea in-  
firmitate perficitur. Cum igitur sentis tuam infirmitatem, ne ideò desperes,  
excites te potius in spem, futurum, ut Dominus virtutem suam exercent, liqui-  
dem tua virtus cessat, & fracta jacet. Est enim adiutor in opportunitate, hoc est,  
tum demum juvat, cum necessitas auxilium postulat, Non igitur desperes in  
rebus adversis, Nec æstimes eventum ex tuis viribus, Dominum respicias, In  
eo sit tibi posita spes omnis, in te autem nulla. Certum enim est, quod ipse  
quoque magnificabit se.

2. Cor. 12.

Sunt autem hæc magis conspicua in universo corpore. Ecclesia sine  
dubio hodiè apud nos est, ubi doctrina Evangelii, sana, & administratio Sacra-  
mentorum legitima & pura est. Habet autem hæc Ecclesia suos hostes, quos  
impellit Satan. Hi ad tempus felices sunt & florent, Nos autem involvimur pe-  
riculis, trepidamus & penè desperamus. Hæc nos non deiciant. Verùm enim  
certum & indubitatum est, Deum Ecclesiæ suæ hostes pessundaturum. Gradus  
autem hi sunt, quos Prophetæ hoc in loco ostendit, Vt prius magnificentur ho-  
stes (eò enim pervenire eos Dominus finit) Postea magnificatur Dominus quo-  
que. Hanc igitur spem retinentes oremus contra hostes Ecclesiæ, & quia vide-  
mus, quod magnificentur, speremus futurum, ut magnificetur quoque Deus no-  
ster, & terra non amplius lugeat, sed lætetur, Amen.

Hæc est prior pars concionum Ioëlis, in qua hortatur suum populum ad  
poenitentiam, ac promittit pacem, victoriam, & abundantiam omnium rerum,  
si pareant. Vtilis igitur & necessaria nostris temporibus doctrina hæc est.  
Nam quæ mala Germaniæ in tanto Satanæ furore non impendeant solum, sed  
eam miserè jam oppresserint penè, notum est, Unica autem effugiendi iudicii  
Dei via est, ut Paulus inquit, Si nos iudicemus, hoc est, si non pergamus securi in  
peccatis, Sed discedentes à vitijs, attendamus verbo, sanctè vivamus, & incum-  
bamus in orationem. Hoc quia populus Iudaicus noluit facere, venit tan-  
dem à Prophetis prædicta poena, & tota terra vastata à Babylonio, populus  
autem captivus abductus est. Finiemus autem hîc secun-  
dum caput. Nam quæ sequuntur, ad Evangelii  
tempora pertinent.

1. Cor. 13.

ALTE-



# ALTERA PARS CON- CIONUM IOELIS,

## CAPVT III.

**H**IC rectè ordiemur caput tertium. Transit enim iam Propheta à populo sui temporis ad lætum, & à primis mundi temporibus expectatum diem, & Regnum Filii Dei in hoc mundo. Quia enim frustrà fuerunt admonitiones & exhortationes ad pœnitentiam, atque ideò promissiones quoque de corporali liberatione, quam acturis pœnitentiam liberaliter promisit, non sunt exhibitæ, sed horribilis totius regni Juda vastatio secuta est, Propheta propter electos in populo, vaticinatur de Regno Christi, ut hoc ceu fulcro inniterentur, corporalibus incommodis penè oppressi. *Promissio de regno Christi.* Involuit enim horribilis hac pœna captivitatis etiam pios, quorum multi crudeliter occisi, multi, ut Daniel cum suis, captivi in Chaldæam abducti sunt. Quanquam autem Dominus piorum captivitatem tollerabiliorem reddidit, & pauci quidam in terram sanctam, & ad veteres sedes redierunt, tamen, quia in ipso exilio multi sancti extincti sunt, necessaria fuit hæc de Christi Regno Prophetia, qua lenitent corporalia incommoda sancti. Nos quoque hodie, quia Ecclesiæ variis periculis aguntur, non tantum urgemus, quæ ad hanc vitam pertinent, sed consolationibus futuræ & æternæ liberationis per filium Dei nos & alios erigimus, ne victi malis corporalibus succumbamus aut desperemus.

Sicut igitur hætenus Legis Doctorem audivisti, concionantem de peccatis sui populi, & de pœnis, partim jam influctis, partim infligendis, ac exhortantem ad pœnitentiam & promissionibus invitantem, Ita porro audies Evangelistam, ex *Joël Evange.* Spiritu sancto docentem de regno Christi in terris futuro, qualis sit futurus Doctor, quem successum, quos hostes, quas victorias sit habiturus. Hæc cum leges, memineris excellentis doni, quo Deus hunc populum ornavit, Imò quo Ecclesiam omnibus seculis servavit, aluit & auxit. Hæc enim Prophetarum voce excitati piorum animi (ut Christus loquitur) optaverunt videre diem Christi, & viderunt. Expectantes enim, & fide credentes liberationem per promissum Semen futurum, salvati sunt, Sicut nos, qui credimus in cruce liberationem à peccatis factam, futuram autem liberationem à morte corporis hujus, cum apparebit filius Dei in nubibus. Nam omnium temporum eadem Ecclesiæ veræ fides *Ecclesia omnium temporibus eadem.* & doctrina fuit, etsi quod ad ceremonias & externam conversationem attinet, varietas aliqua fuerit. Primus mundus ad diluvium usque gubernatus est per ministerium verbi, quod quasi per manus majores posteris tradiderunt, docentes de semine promisso, & victoria ejus contra serpentem, & monentes de cavendis peccatis, & insidiis Satanae. Habuerunt enim sua conventicula pii, & externus cultus fuit gratiarum actio in isto coetu & oblatio de iis, quæ benedictione Domini singulis obvenerant. Post diluvium, cum Abrahamum Dominus singulari vocatione segregasset, & circumcisionis signo discrevisset ab omnibus aliis gentibus, mansit idem ministerium usque ad Legem in monte datam. Ibi non tantum circumcissione, sed cultu & politia, imò quoque loco divino cultui destinato, & certis personis cultui præficiendis, Ecclesia insignita est. Cultus autem fuerunt tales, qui adumbrarent Christum, & docerent de Filio Dei mactando pro peccatis mundi, ut hoc spectaculo quotidie oculis obversante, animi admonerentur de futura liberatione, donec secundum promissionem exhiberetur. Postquam autem Christus sua morte pro peccatis satisfecit, & regnum sibi constituit per Evangelium, Mosaica illa omnia, tanquam umbra, abrogata sunt.

Ad hunc modum vides in Ecclesiâ Dei, quod ad externam formam attinet, diversitatem aliquam, Sed fides & doctrina semper fuit eadem, Animi intue-

bantur promissionem de Semine, & expectabant Serpentis oppressionem, Quoties Adam, Seth, Noha, Abraham lapsi sunt, agnoverunt hos esse morsus Serpentis lethales, nullo humano remedio sanabiles. Igitur humiliter confitentes cordis impuritatem, & Satanæ ac carnis potentiam injustam, totos se rejecerunt in Semen promissum, per id sperarunt remissionem peccatorum, & gubernationem. Hæc fides non fuit frustrâ. Per Christum enim obtinuerunt remissionem peccatorum, & à Spiritu sancto, qui propter Christum eis donatus est, gubernari sunt per hanc vitam, donec ex hoc mundo evocarentur. Prophetarum autem hoc ministerium fuit, vaticiniis hanc fidem subinde alere, & ad eam invitare plures. Nam quod reprehendunt peccata sui populi, quod minantur pœnas, quod exhortantur ad pœnitentiam, inde potius Doctores, quàm Prophetæ appellandi sunt. Pertinet autem ad gloriam & bonitatem Dei hoc præcipue, quod hanc de Christo lucem subinde accendit per sanctos Prophetas, atque Ecclesiam hoc modo confirmavit & auxit. Hæc enim lux ostendit vitam & salutem æternam. Sed audiamus Evangelistam nostrum.

*Et filij Zion exultate & letamini in Domino Deo vestro, quoniam dat vobis Doctorem justitiæ, & descendere vobis facit pluviam, pluviam, & pluviam serotinam, sicut ab initio, & implebuntur borrea frumento, & torcularia oleo & musto.*

Cur concionem  
de Regno Christi  
hoc loco an-  
spiciatur.

Non existimo candidum & pium Lectorem moturum nobis litem, quod ab hoc loco concionem de Regno Christi incipimus, & non ab eo, quem Petrus in Actis citat. Sunt enim duo certa ejus rei argumenta. Primum, quod de Doctore justitiæ promittit, eum quem statuimus esse, nisi solum Christum, filium Dei? Alterum, quod bis promittitur, non futurum posthac in æternum, ut populus confundatur. Hoc quomodo potest dici de populo legis, qui etsi restitutus est ab exilio suis sedibus, tamen subinde à Syriis, Aegyptiis, tandem Romanis quoque variè vexatus, & tantum non oppressus est. Ecclesia igitur novi Testamenti ea est, quæ in æternum non confunditur. Etsi enim cruce oppressa jacet, tamen habet per filium Dei spem æternæ liberationis & gloriæ. Tertiò usitatum est Zionis appellatione venire Ecclesiam novi Testamenti. Idque hac ratione, In Zione monte Hierosolymorum fuit Regia arx, extracta à Davide, sicut docet historia 2. Samuel. 5. Quia autem Christus Davidi promissus est, vocatur Christus quoque Rex Zionis, tanquam filius & hæres Davidis. Hinc mons Zion vocatur sanctus mons, Psal. 2. quod sanctum semen ibi regnaturum sit, Sicut ut Psalmus 110. dicit, ex Zione emissurum hunc Regem sceptrum suum. Hæc igitur ratione filij Zion vocantur Ecclesia, à suo Rege, qui in Zione habitaturus, & novum inde regnum auspicatorus erat, per Evangelij prædicationem. A monte Moria denominationem Ecclesia non habet. Etsi enim is mons erat dicatus cultui Dei, & ideò quoque sanctus appellatur à Prophetis, tamen, quia exhibito Christo abrogandi cultus hi erant, tanquam umbra & figuræ, à Zione, potius Ecclesia nomen habet.

Zion ipse Es-  
clausus aut.

Jubet autem Propheta filios Zion, ut latentur, tanquam in nova & diu expectata re, ac disertè dicit, ut latentur in Domino Deo suo, ut ostendat hujus gradui instructorem, seu auctorem fore non homines, non Angelos, sed ipsum Deum. Nam in aliis beneficiis, vel hominum vel Angelorum ministerio Deus uti solet. Per Moysen eduxit populum suum, per Josua, Gideon, Simson, & alios Heroes defendit populum suum, Per Angelos dedit Legem, per Angelum occidit primogenita Aegypti, & obsidionem Hierosolymorum solvit, Sed in hoc beneficio, quod populo suo Deum exhibiturum dicit Propheta, atque ideò letari jubet, nullius vel Angeli, vel hominis ministerio utetur Deus. Ipse per se aderit populo suo, & benefaciet ei. Ideò dicit, In Domino Deo vestro letamini.

*Mich.* mini. Cur, aut quam ob causam? Quid fiet magni? Quia, inquit, dat tibi Doctorem. Vocabulum (Moreh) notum est, Vtrunque significat Doctorem & *Pluvia signifi-*  
 pluviā, fortè, quod, ut in Esaia est, par utrinque ratio est, Pluvia cœlitus demit- *cat Doctorem.*  
 titur, Boni Doctores quoque Dei donum sunt. Pluvia sine fructu in terram aridam nunquam descendit, Ita certus semper verbi in Ecclesia fructus est. Sed hic exclamabit Judæus, quid hoc magni aut novi est? An non habemus jam antea divinum doctorem Moysen & Prophetas? Verum sanè est, Rectè hi quoque dicuntur Doctores, & quasi cœlitus demissa in aridam pluvia. Sicut ipse Moyses hac figura utitur, & precatur, ut doctrina sua stilleret ceu pluvia, & fluat, ut ros, oratio, ut imber super herbam, & guttæ super gramen, Deuteron. 32. Sed si Judæus, si ve alius quispiam es, qui hæc sic tecum cogitas, cur non revereris divinam Majestatem? Cur tantum tuæ sapientiæ tribuis? An non hoc tibi satis est? Siquidem post Moysen & Prophetas Dominus hoc in loco promittit Doctorem, ut statuas hunc Doctorem longè Moysi & omnibus Prophetis anteferendum, ac necessario allaturum aliud quoddam doctrinæ genus quàm Moysen, idque longè excellentius.

*Luc. 10.* Sed hic in mentem tibi venit, quod isti Scribæ apud Lucam, audienti magnificam commendationem Evangelii, quod oculi & aures illorum beati sint, qui videant & audiant, quæ Apostoli vident & audiunt. Sic enim, hæc ex Christo audiens, cogitabat, nihil posse præstantius doceri, quàm quod Moyses docuisset. Quid enim melius, perfectius, sanctius potest præcipi, quàm diligendum Deum *Lex sancta & perfecta doctrina sed non justificat.*  
 ex toto corde, & proximum sicut teipsum? Habet autem Moyses manifestum testimonium, quod acceperit doctrinam suam ab ipso Deo. Cur igitur hic promittitur alius Doctor? Num hæc sancta & cœlitus ostensa doctrina Moysi abroganda est? aut Doctor ille aliquid excellentius docere poterit? His rationibus Scribæ apud Lucam se vincere, & Christum ad palinodiam redigi posse sperant. Sed sicut Christus cum reprimat hoc uno verbo, quod dicit, Fac hoc, & vives, Ita Joël *Evangelium melior doctrina, qua justificat.*  
 Propheta uno verbo has cogitationes jugulat, quod dicit, non solum daturum Deum doctorem seu magistrum, Sed addit ad justiciam, hoc est, qui verbo & doctrina sua, quam afferet, homines à peccatis liberabit, & justos faciet. Talem Doctorem Moysen fuisse nemo dicet.

Docet Moyses præclare de voluntate Dei, quid à nobis exigat Deus, quid faciendum nobis sit, si velimus Dei voluntatem facere. In hoc argumento Moyses non habet similem. Sed quid responderet Joannes Baptista? Hoc scilicet, Lex per Moysen data est, hoc est, Moyses tantum est Legislatores, hoc tantum agit, ut ostendat, quid nobis faciendum sit. Sed interim corda per peccatum depravata, abhorrent hanc Dei voluntatem, & malunt sequi suas cupiditates. Ac si qui gubernant hos vitiosos motus aliquo modo, sit hoc tantum metu pœnæ, non verò obediendi studio, aut amore Dei, Cor interim dependet totum in aliam partem. Quia autem Lex Dei requirit cor purum, Nos autem ne quidem manus, linguam, & alia membra regere possumus, quin sæpè contra Legem Dei delinquamus, hinc fit, ut, sicut Paulus loquitur, Moyses sit minister mortis, & lex augeat peccatum, & occidat. Si enim Lex non esset, non esset peccatum. Nunc cum Lex posita sit, nos autem convincat cor nostrum de violata Legge, quid aliud restat, quàm ut animi turbentur, ut peccatum fiat excellenter peccatum, & Lex nos morti objiciat? Sicut enim Syngrapha te convincit debiti, ut id negare non possis, Ita Lex verè est chirographum contra nos, quo animi convincuntur peccati, & consequenter subjiciuntur pœnis Lege constitutis. De tali doctore gloriantur Judæi, cum de Lege & Moysi gloriantur, qui ceu lictor & carnifex arripit furem, & strangulat laqueo.

Et tamen verum hoc est, Legis doctrinam necessariam, sanctam, & perfectam esse, Omne autem vitium in nobis est. Per peccatum enim corrupta



*Differentia in-  
Christum  
& Moysen.*

*Christus qualis  
Doctus.*

*Gratia & veri-  
tas per Chri-  
stum facta.*

*Summa Evan-  
gelij ex 2. Psal-  
mo.*

voluntate & intellectu, neque videre possumus recta, neque, si ostendantur, perscrutari. Alia igitur doctrina, alio Doctore opus est, qui primum hoc cordium vitium sanat, Deinde etiam vires suppeditet præstandi ea, quæ lege jubemur facere. Talis Doctor cum Christus sit, tribuit ei Joel excellens & sublime hoc nomen, quæ sit Doctor iustitiæ, & non, sicut Moyses, Doctor peccati. Quia enim ostendit quid faciamus, nos autem id facere non possumus, nihil aliud quam peccatores ex nobis facit, & grauat conscientias nostras, perturbat animos, & implet eos metu, imo etiam odio iudicii Dei. Mallet enim natura Deum non esse, quam se æternis supplicijs subijci. Huic impietati non solum lex non medetur, sed etiam accendit eam, & auget, non, ut dixi, suo vitio, est enim cœlestis pluvia, Sed nostro, qui ceu petra rigata largis imbribus, tamen perpetuo manemus steriles. Christus igitur Rex Zionis sancti montis, est iustitiæ Doctor. Mutat enim corda per Spiritum sanctum, & quod vitiosum in nobis est, hoc condonat, Sicut Baptista egregie dicit, Lex per Moysen data est, Gratia autem & veritas per Jesum Christum facta. Gratia est remissio peccatorum, quæ credentibus in Christum donatur, Veritas autem est donum Spiritus sancti, qui mutat corda, & incitat ad veram obedientiam contra peccatum, ac excludit omnem hypocrisin. Talem Doctorem promittit hic Propheta Ecclesiæ, & jubet eam idcirco gaudere in Domino. Sic Esaias, Servus meus iustus noticia sui iustificabit multos, hoc est, Filius Dei patefaciet se per Evangelium, & sic multi iustificabuntur, Et Christus dicit, Hæc est vita æterna, ut cognoscant te æternum Patrem, & quem misisti Filium Jesum Christum, Et Paulus, Evangelium est potentia Dei ad salutem omni credenti.

Habes finem seu effectum doctrinæ, quam filius Dei in hunc mundum hoc in loco promittitur allaturus, Sed quæ forma doctrinæ sit, etsi supra ostensum loci Scripturæ satis docent, tamen ea bellissime in secundo Psalmo expressa est, ubi Rex in Zion divinitus constitutus dicit, Prædicabo præceptum, Filius meus es tu, hodie ego genui te. Paucula hæc verba summam Evangelii complectuntur. Quid enim Evangelium aliud docet, quam quod Jesus ex Maria virgine natus, sit Filius æterni Patris, venerit autem in hanc carnem, ut nos primum de Patris misericordie voluntate doceret, Deinde, ut pro peccatis nostris in cruce satisfaceret, & donaret Spiritum sanctum, ac in æternum salvos faceret. Hæc doctrina accenduntur animi per Spiritum sanctum, ut primo Deum verè ament, Si quidem tam eximio in nos amore flagrare eum videmus, ut nostræ salutis causa ne quidem filio suo pepercerit, Deinde, ut Filium complectantur, tanquam sufficientem hostiam pro peccatis, qua sola Pater voluerit placari. Hæc fiducia consequimur remissionem omnium peccatorum, & libenter Redemptori nostro paremus vocanti nos ad Baptismum, ad verbum, ad coenam suam, Deinde hortantur ad dilectionem. Adjuvamus autem per Spiritum sanctum, ut corda mutata incipiant odisse peccatum, nec amplius vel indulgeant peccato, vel delectentur, sicut antea, & summo studio omnem suam viram ad veram obedientiam Dei conferant, Ita iustificamur coram Deo fide in Christum, & accipimus Spiritum sanctum, qui inchoat in nobis obedientiam erga Deum. Etsi autem propter reliquias peccati in carne, hæc nunquam perfecta est, tamen quod in ea vitii est, hoc per fidem in Christum absorbetur.

Tum, inquit Propheta, descendet vobis pluvia, pluvia prima, & pluvia serotina, sicut ab initio, & implebuntur horrea frumento, & torcularia oleo & masto. Hæc allegorica esse prorsus nullum dubium est. Promittit Dominus in Moysen, si servent Legem, aperturum se thesaurum suum bonum, nempe cœlos, ut dent pluviam in tempore suo, hoc est, cum opportunissimum & commodissimum est, scilicet post sationem, ut succrescat sementis, & sub messem, ut vegetentur quasi segetes solibus exhaustæ. Vocat autem Scriptura hanc (Malkosch) seram pluviam, qua post longos æstus segeti opus est, priusquam demetatur, à verbo

verbo (liqesch) quod tardare significat. Alia, quæ prior cadit post sationem, idem nomen habet, quod supra doctorem vertimus. Significat igitur Propheta felicem Evangelii successum, & pulchros fructus, qui hanc doctrinam justiciæ subsequuntur, non tantum in illo brevi angulo, in quo Iudæi habitabant, sed per omnem terrarum orbem. Hæc sunt horrea plena, & torcularia redundantia musto & oleo. Quanquam hæc ipsa similitudo Ecclesiæ etiam promittit benedictionem corporalem, & victum sufficientem, Sicut apud Esaiam in simili promissione conjunguntur. Dabit tibi Dominus panem tribulationis, & aquam afflictionis, nec avolabit amplius abs te Doctor tuus, Sed oculi tui videbunt Doctorem tuum.

*Evangelij successus.*

*Esaiæ 58. Ecclesia promittit ut panis quotidianus.*

*Et compensabo vobis annos, quos comedit locusta, bruchus, vermis & eruca, Exercitus meus magnus, quem misi in vos. Et cupide comedetis, ac exaturabimini, & laudabitis nomen Domini Dei vestri, quoniam mirabilia vobiscum fecit, & non confundetur populus meus in eternum.*

Ostendi supra causam, cur hæc Prophetiæ pars de tempore novi Testamenti intelligenda sit. Nam Doctorem justiciæ, novi Testamenti, & non Legis Doctorem esse, planum est, & solam justiciam sequitur hæc gloria, ne in æternum aliqua accadat consilio. Mirabitur autem lector, cur, si de novi Testamenti tempore loquitur, hic mentionem faciat calamitatis à locustis illatæ, & aliis noxiis animantibus, quorum in primo capite paulum mutato ordine meminit. Sed exempla in Prophetis plurima sunt, quæ docent studiosè ab eis involvi hæc mysteria. Loquitur igitur Propheta hic non simpliciter de locustis, nec solos illos annos intelligit, in quos calamitates supra commemoratæ inciderunt, Sed complectitur totum legis tempus, quo defuit hic justiciæ Doctor. Illud totum verè sterile & infrugiferum fuit, Sicut Epistola ad Hebræos pulchrè dicit, quod mandatum sit abrogatum, quia erat infirmum & inutile. Lex enim nihil ad perfectionem adduxit, idèò introducta est melior spes, per quam ad Deum appropinquamus. Vocat legis doctrinam infirmam, quia nos sumus infirmi, quibus data est, nec possumus præstare, quod exigit à nobis. Perinde enim ac si infantem in cuius jubeas mensæ assistere & ministrare, vana & irrita ea fuerit præceptio. Non ea enim est ætas, non robur illud, facere imperata ut possit infans, Ita quoque lex præcipit, quæ propter cordium immundiciem præstare non possumus. Igitur non solum infirma, sed etiam inutilis lex est, nec quenquam adducit ad perfectum, hoc est, neque tollit peccata, nec justos facit, Sed relinquit nos in peccatis & sub ira Dei, Imò utrumque augeat, peccatum & iram Dei, ac ad desperationem adducit. Hæc igitur causa fuit, cur Sacardotium vetus una cum Lege abrogaretur, & ut epistola ad Hebræos dicit, ut induceretur spes melior, quæ faceret nos appropinquare ad Deum, quæ non, ut lex, impleveret animos metum iræ Dei, & à Deo averteret, Sed accenderet in animis fiduciam misericordiæ Dei. Hæc est Evangelii doctrina, seu, ut Propheta hic vocat, doctrina justiciæ, qua remittuntur peccata per Christum, & donatur Spiritus sanctus.

*Lex infirma & sterile.*

Ideò dicit Deus, Reddam seu compensabo vobis annos, quos voraverunt locustæ, & comedentes comedetis, hoc est, cupide & cum singulari voluptate comedetis, sicut famelici solent. Respicit autem hic quoque ad Legem, ea rectè comparatur cibo, qui movet nauseam. Non quòd lex mala sit, Est enim ros divinitus demissus, ut Moses appellat, hoc est, Est cœlestis doctrina, Nos autem tum palatum, tum stomachum vitiosum habemus, qualis esse solet ægrotantium, idèò salubrem cibum fastidimus. Sicut enim Paulus dicit Rom. 8, Sensus carnis est inimicitia erga Deum, Legi enim Dei non subditur,

*Lex similis cibo, qui movet nauseam.*

non



non enim potest. Qui autem secundum carnem vivunt, Deo placere non possunt. Hic est morbus noster, qui palatum & stomachum vitiat, ut cœlestis cibus à nobis fastidiatur. Quæ enim Deo placent, nobis displicent. Contra, quæ nobis placent, Deo displicent. Quia autem lex pœnas minatur transgressoribus, ideo abhorremus ab ea, & odimus eam. Sed Evangelium est ille cœlestis cibus, de quo hic Propheta concionatur, quod cupide & cum voluptate summatum sumus comesturi. Non enim, ut Lex, docet quid à nobis exigit Deus, non intentat pœnas, Sed proponit Deum, ut supra Propheta dixit, elementem, misericordem, tardum ad iram, beneficum, & pœnitentem super malo, Ostendit Filium Dei ideo in hanc nostram carnem venisse, ut opera Diaboli destrueret, hoc est, ut aboleret peccatum, vinceret mortem, patefaceret vitam, & tyrannidem Satanæ everteret. Hic est gratus menti cibus, & suavis, quem territi animi conspectu peccatorum suorum, & metu iræ ac iudicii Dei, ceu famelicus stomachus, avide arripiunt. Hoc primum est beneficium huius Doctoris, quod affert ad nos cibum, quem cohedentes comedimus, hoc est, cupide & cum singulari voluptate.

*Evangelium  
delicatum cibum.*

*Lex cum cibum,  
quo accenditur  
fames.*

*Animi non ac-  
quiescunt in no-  
stris operibus.*

*Evangelium  
solidum cibum.*

Alterum est, quod non solum dicit, comedetis cupide, Sed addit etiam, & exaturabimini. Respicit autem hic quoque oblique ad Legem. Etsi enim habet cultus suos, etsi ostendit quid faciendum sit, tamen sicut cibus qui famem non sedat, sed accendit magis & irritat stomachum, Ita Lex relinquit animos anxios, & dubios de salute, non possunt mentes in his acquiescere. Atque hoc vitium in genere est omnium studiorum & operum, quæ suscipiuntur ad placandam iram Dei. Relinquunt enim magis dubios & anxios animos, quam acceperunt. Multis suæ tentationes in Papatu causa fuerunt, ut relicto usitato vitæ genere, se abderent in Monasteria. Sperabant enim & conversatione sanctorum hominum (ita enim tum judicabantur) & assiduo cultus Dei exercitio se liberatos iri. Sed ferè accidit, ut ad priores tentationes postea aliæ graviores aggregarentur, Non jejunia, non assidue orationes, non alia exercitia, sanabant morbum. Sunt igitur omnia hæc studia hominum, quæ sine verbo suscipiuntur ad placandum Deum, & conscientiam exonerandam, similia cibo, qui comestus famem non sedat, sed accendit.

Contra, Evangelium, quod hic iusticiæ Doctor ex sinu Patris ad nos affert, est solidus cibus, qui implet & exatiat stomachum, ac famem tollit. Animi enim intuentes Filium Dei factum victimam pro nobis, in hoc Sacrificio acquiescunt, implentur gaudio, & certam etiam in ipsa morte consolationem habent. Num enim peccatum metuet, qui novit Christum Dei filium pro iis in cruce satisfecisse? Num mortem, qui novit per Christum apertam viam Vitæ? Num Satanæ tyrannidem, qui videt Christum ad dextram Patris? Hæc eadem præsidia mundi furoribus opponenda sunt. Vere enim dicit Paulus, Si Deus *Rom. 8.* pro nobis, quis contra vos? Quis accusabit electos Dei? Deus enim eos justificat. Quis condemnabit? Christus enim mortuus est, imo & resuscitatus est ad dextram Dei, & intercedit pro nobis. Hæc verba, & triumphantis hæ voces arguunt Paulum, non famelicum aut esurientem, sed satum, & quasi ebrium gaudio, qui cum paulo antè de lege, de vita, & studiis suis dissereret, exclamabat, O miserum me, quis liberabit me de morte corporis huius?

*Evangelium  
facit, ut laudemus  
Deum.*

Sequitur igitur in Propheta, Et laudabitis nomen DOMINI Dei vestri. Hic fructus saturitatem hanc cœlestis cibi semper sequitur. Vides autem hic quoque clarum discrimen Legis & Evangelij. Lex operatur iram, Commovetur enim animi contra Deum, judicant injustum & crudelem esse, quod hanc infirmam naturam oneravit ingenti hac mole legis, quam sustinere impossibile est. Contra Evangelium, quia concionatur de misericordia & æternis beneficiis Dei patris, qui filium suum dedit victimam, Et filij, qui sanguinem suum fudit pro peccatis nostris, Et Spiritus sancti, qui accendit in animis fiduciam



etiam erga Deum per Christum, Ideò animi intuentes in has divitias misericordiae & bonitatis Dei, erumpunt in laudem Dei, prædicant bonitatem eius, laudant & ornant eum, ac etiam vitam potius abijciunt quàm confessionem.

Iudæi intelligunt has promissiones de temporali benedictione, quod annos famis recompensaturum Dominus se dicat, Sed quid copiam annonæ & pacem soleat sequi notum est, nempe quod Moses dicit, Servus meus impinguitus, dilatatus, incrassatus est, & recalcitravit. Natura enim peccato depravata, non potest aliter quàm abuti donis Dei, non solum ad luxum & superbiam, sed contra Ecclesiam & Deum. Itaque non laudes, non gratiarum actio sequuntur saturitatem, Sed contemptus religionis & extrema securitas. Ideo Deus Ecclesiam suam post alia incommoda, etiam fame & inopia exerceri finit. Quia autem abunde habet pabulum Verbi, & sentit in ipsis periculis certam consolationem, Ideo solvuntur linguæ in laudem & gloriam Dei. Sic dicit

*Saturitas pa-  
ni facit secu-  
ros.*

*Verbum exci-  
tat ad laudem  
Dei.*

Psalm. 51. Libera me à sanguinibus Deus, Deus salutis meæ, & lingua mea laudabit justiciam tuam, Et Oseas dicit, Dimitte peccata, & benefac nobis, & reddemus tibi vitulos labiorum nostrorum. Hoc igitur illud beneficium est, quod hic fructus sequi solet, ut laudetur Deus, & prædicetur ejus misericordia, sicut Propheta hic quoque dicit, Laudabitis, inquit, nomen Domini Dei vestri, quia facit mirabilia vobiscum. Hæc enim mirabilia non sunt benedictio corporalis, & annonæ vbertas, Sed quod nobis miseris peccatoribus, qui sumus natura filij iræ, datur justiciæ Doctor filius Dei, qui famelicos nos, positos sub Lege & ira Dei, pascit verbo suo, & hoc modo ex peccatoribus justos, ex iræ filijs, Deo gratos, ex damnatis salvos, ex mortalibus immortales facit. Hæc vere sunt mirabilia, quæ nemo vnquam fecit, nisi Doctor hic justiciæ, Filius Dei.

Quod de non confundendo in sempiternum addit, dixi argumentum esse certum, quod hæc non de reductione in terram Canaan ex Babel, Sed de tempore Evangelij intelligenda sint, præsertim cum Scriptura hac ipsa phrasi in alijs quoque locis soleat vti, vbi non de corporalibus beneficijs, sed de remissione peccatorum agit. Psalm. 25. dicit, Omnes qui te expectant non confundentur, & Psalm. 31. In te spero Domine, non confundar in æternum. Habet autem hæc quoque particula insignem antithesin Evangelij & Legis. Iustificati fide, inquit Paulus, pacem habemus apud Deum, per Dominum nostrum Iesum Christum, per quem etiam aditum habemus fide ad gratiam hanc, in qua stamus, Et Ephes. 3. Per Christum habemus libertatem & aditum cum fiducia, quæ est per fidem. Et Ebræo. 4. Accedamus igitur cum fiducia ad thronum gratiæ, ut accipiamus misericordiam, & gratiam inveniamus, ut opportunum nobis contingat auxilium. Quia enim Evangelium ostendit Christum Dei filium ex voluntate Patris factum victimam, & satisfecisse pro peccatis, Ideo animi non dubitant de Dei benevolentia, non pavent, non refugiunt à Deo, spem omnem in Dei misericordia habent positam. Sed quid Lex facit? Ostendit quidem Dei voluntas quæ sit, quod attinet ad nostra opera, & quid Deus à nobis exigit, Sed quia facultatem faciendi non præstat, nihil aliud sequitur legem, quam confusio. Sicut enim peccator apud Lucam procul stat, & ne oculos quidem attollere audet, Ita nos quoque cum Lex nobis ostendit peccata, & accusat nos, trepidamus, pavemus, non audemus ad Deum attollere oculos, refugimus à Deo, & sicut Adam & Eva in paradiso, nihil optamus magis, quam ut abscondere nos ab ejus facie possimus. Hanc confusionem tollit hic Doctor. Simpliciter enim verum est, qui credit in Christum, non confundetur in æternum.

*Evangelium  
non confundit.*

*Lex confundit  
conscientias.*

Ad hunc modum confusionem hic intelligo, Alii simpliciter referunt ad deformationem naturæ, quæ per peccatum facta est, quod & in animo sunt vitiosi motus, pugnantes cum Lege Dei, & corpus non morti solum, sed variis alijs

alijs incommotis obnoxium est. Sicut enim concupiscentia perpetuo nos sollicitat ad peccatum, ita sapissime transversos agit & incendit animos contra Legem Dei, Sequuntur autem peccatum poenæ suæ. Ita tota hæc vita nihil aliud est, quam perpetua confusio, error, & calamitas. Nam tanquam de mancipijs, triumphos de nobis agunt quotidianos, peccatum & Satan. Sanat autem hanc miseræ naturæ confusionem Deus per hunc justiciæ Doctorem, qui remittit peccata, donat Spiritum sanctum, & hæredes æternæ vitæ nos constituit. Neq; hæc incommoda explicatio est, Sed priorem magis probo, quod illustrem habet Evangelij & Legis antithesin. Hæc enim confundit. Non enim adducit ad perfectum. Illud autem implet animos gaudio & lætitia, quia remissionem peccatorum certam affert.

*Et scietis quoniam in medio Israel Ego, & Ego Dominus Deus vester, & non alius. Et non confundetur populus meus in æternum.*

Testimonium de Christo, quod natura sit Deus.

Hactenus docuit Propheta de officio Christi, quod sit futurus Doctor justiciæ, qui, ut Esaias dicit, præcipiet mortem, & absterget lachrymam ab omni facie, & opprobrium populi sui auferat, Nunc quæ sequuntur rectissime referuntur ad hujus personæ descriptionem, ut non solum scias quid faciat Christus, sed etiam quis sit, Verus scilicet homo, & verus Deus. Etsi autem hæc mysteria Spiritus sanctus involuit, tamen conferenti scripturas facile apparet, nullam hujus loci aliam esse sententiam. Levitici 26. hæc promissio est, *Po-* Levit. 26. *nam tabernaculum meum in medio vestri, & non abiciet vos anima mea. Ambulabo inter vos, & ero Deus vester.* Hæc ad tabernaculum pertinere certum est, in quo Deus se habitaturum dicit. Similis sententia est de templo, quod ædificavit Salomo 1. Reg. 6. *Domus hæc, quam tu ædificas, si ambulaveris in præ-* 1. Reg. 6. *ceptis meis, &c. firmabo ego sermonem meum tibi, quem locutus sum David patri tuo, & habitabo in medio filiorum Israël.* Ad has promissiones sine dubio respicit hoc in loco Spiritus sanctus. A Mosis tempore usque ad Salomonem, habitabat Deus in medio Israël, quia in Israël habebat tabernaculum sua voluntate extructum, & ornatum certis promissionibus. A Salomonis autem tempore habitabat in medio Israël, quia Hierosolymis habebat templum, seu, ut Scriptura appellat, domum, suo mandato extructam, & ornatam certis promissionibus. Hæc nota & certa sunt.

Iam igitur mihi considera hoc, quod per Ioëlem Prophetam hoc in loco Deus, stante adhuc templo & tabernaculo promittit. Et scietis, quoniam in medio Israël ego. An non norant tempore Ioëlis, Deum habitare in Israël? Atqui dicebatur templum ideo domus Domini, quia Dominus ibi se promiserat habitaturum, & Esaias cap. 32. dicit, *Dominum ceu patrem familias habere* Esai. 32. *focum in Ierusalem.* Cur igitur dicit, *Scietis?* Nonne id antea norant? Significat igitur Propheta Deum tempore novi Testamenti alio & longe propiore modo habitaturum in medio Israël, quam hactenus habitarat in domo sua, nempe, quod conceptus è Spiritu sancto, & de virgine natus, nostra se carne vestiturus sit, Sicut Evangelista dicit, hanc ipsam figuram imitatus, Verbum caro factum est, & habitavit in nobis, Et Baptista, *In medio vestrum est, qui cum ante me esset, post me venit.* Sicut igitur supra audivisti de Doctore justiciæ, ita hic audis quis sit, Nempe homo, qui habitet in medio Israël, non sicut in templo habitarat, sed visibilis, qui nobis de ore ad os loquatur, & doceat justiciam verus homo, sed de quo possis dicere, quod sit, ut Esaias appellat, Immanuel, Nobiscum Deus, Sicut jam addit Propheta.

Non enim satis est scire, quod in medio Israël sit, hoc est, quod sit verus homo iste Doctor, Sed addendum hoc quoque est, *Scietis, quod ego Dominus Deus vester, & non alius.* Hæc particula descriptionem personæ integrè absolvit.

absolvit. Quia enim hic Doctor in medio Israël est, sequitur, esse verum hominem, & tamen de hoc homine credi & dici debet, quod sit Dominus Deus noster, & non alius. Hic juxta Athanasii regulam neque personas confundas, nec substantiam separe. Suprà dixit, Gaudete in Domino Deo vestro, qui dat vobis Doctorem justiciæ. Hæc duarum personarum diserta notatio est, Pater dat Doctorem, & Doctor, qui datur, non est ipse Pater, sed filius ex Patre natus. De hoc Filio hic dicitur, Scietis, quia ego Dominus Deus vester, & non alius. Non enim substantia separanda est. Conveniunt autem cum hac ipsa sententia multi loci novi Testamenti, Nemo venit ad Patrem, dicit Filius, nisi per me, Nemo novit Patrem, nisi Filius, & cui filius revelaverit. Philippe, qui videt me, videt Patrem meum, Quomodo igitur dicis, ostende nobis Patrem? Non credis, quia Pater in me est, & ego sum in Patre? Et paulò antè, Creditis in Deum, in me credite, Et Johan. 8. Si novissetis Patrem, & me novissetis. Omnia mihi tradita sunt à Patre. Et Paulus, Datum est ei nomen super omne nomen, &c. Non enim de appellatione nuda Paulus loquitur, ut quidam somniant, sed de gloria divinitatis, quam possidet homo Christus.

Hæ & similes sententiæ sunt ceu explicatio hujus loci. Deus enim se re-  
velat in Filio. Patrem nemo vidit unquam, inquit Joannes, Filius, qui in sinu  
Patris est, enarravit nobis. Cum enim, quæ Dei natura sit, a nobis intelligi non  
posset, misit Deus Filium, imaginem seu characterem suum, Hunc cum novimus,  
Deum novimus. Non autem in Filio aspiciendi sunt oculi, os, & reliquus cor-  
poris habitus, hæc enim à nobis sumpsit, & induit, Sed audienda Doctrina, & vi-  
denda opera sunt, Docet diligi nos à Deo patre, nec velle Patrem, ut moriantur  
peccatores: Ipse suspendi se sinit in ligno, & fit Maledictum, nos ut benedicere-  
mur per ipsum. Ecce hoc modo agnoscis Deum, quis sit, & qua sit voluntate  
erga nos. Qui igitur Filium amplectitur fide, qui Filium colit, is verè in Deum  
credit, & Deum colit. Nam Deus alius extra hunc Christum ex Maria virgine  
natum non est, sicut dicit Christus, Ego & Pater unum sumus, Item, Non credis,  
quia Pater in me est, & ego in Patre, Item 1. Johan. 2. Omnis, qui negat filium,  
Patrem non habet.

Quia igitur Filius Dei induit carnem nostram, & habitavit in medio  
Israël, recte sequitur, Populus meus non confundetur in æternum. Ideò enim  
venit, ut dissolveret opera Diaboli, ut liberati à lege, peccato, morte & Satana, esse-  
mus in gloria æterna per ipsius meritum & gratiam. Habes igitur duas perso-  
nas divinitatis, Patrem, qui promittitur missurus Doctorem justiciæ & Filium,  
qui justiciam docet, habitans in medio Israël, hoc est, factus homo, Nunc sequi-  
tur etiam de Spiritu sancto luculentissimum testimonium, & de officio ejus,  
quod in novo Testamento à Christo missus administrabit.

*Et erit post hæc, Effundam Spiritum meum super omnem car-  
nem, & prophetabunt filij vestri, & filia vestra, & senes  
vestri somnia somniabunt, & juvenes vestri visiones vide-  
bunt. Etiam super servos & super ancillas in diebus illis  
effundam Spiritum meum.*

Audivimus vaticinium de Christo Doctore justiciæ, qui fecundaturus sit  
terràm tanquam pluvia, ut germinet in copia justiciam. Pertinet autem Doctoris  
appellatio ad officium. Est enim Sacerdos, qui non tantum docet justiciam  
Verbo, sed seipsum offert victimam pro peccatis mundi. Etsi autem doctrinam  
justiciæ etiam Apostoli afferunt, tamen à Christo eam accipiunt. Christus enim  
solus est, qui pro peccatis mundi sacrificat, idque suo corpore. Nunc subjicitur  
Prophetia de Spiritu sancto. Habemus autem fide dignum testem, Petrum  
Apostolum, qui dicit, hanc Prophetiam impletam in die Pentecostes, cum Spi-  
tus sanctus coelitus descendit, & implevit suo numine animos Apostolorum, &

T t t

qui

Quomodo Deus  
agnosci possit.Ecclesia serva-  
bitur.Quando imple-  
ta hac propheta-  
sia sit.



qui cum eis erant, ut & loquerentur linguis antea non intellectis, & magna virtute testimonium darent resurrectioni Christi, qui ante hoc donum cœlestis metu perturbati, non solum non docere, sed vix in publicum prodire audebant. Cum igitur de Prophetiæ hujus sententia, & quo tempore, ac quomodo impleta sit, certò constet, restat, ut verba diligentius expendamus. Post hæc, inquit, hoc est, postquam Filius Dei justiciæ Doctor ministerium suum absolverit, quod, ut paulo antè ostendimus, habuit duplex (Nam & justiciam docuit, & sua morte expiavit peccata mundi) tum demum hoc quoque fiet, ut mittatur Spiritus sanctus, sicut Christus dicit, Nisi ego abiero, non veniet ad vos Paracletus. Petrus in Actis complectitur totum tempus, cum dicit, Erit in novissimis diebus. Respicit enim ad abolitionem legis Mosaicæ, seu cultuum legalium, qui hætenus in hoc populo duraverant annis plus mille & quingentis.

*Effunditur Spiritus Dei.*

Effundendi verbum rectè exponitur de larga copia, quòd cum hætenus Verbum constiterit in brevi Judaicæ terræ angulo, per quod Spiritus sanctus omnibus temporibus sanctorum corda illuminavit & gubernavit, Nunc per Apostolos in omnibus linguis Evangelium annunciandum sit, & Spiritus sanctus etiam gentibus donandus, Item, quòd Spiritus sanctus præter novum lumen, quod infundit cordibus, etiam miraculorum splendore se revelaturus sit, Et tamen rectè confertur verbum effundendi cum eo, quòd suprà appellavit Christum (Morehlizedakah) quòd nomen & pluviam & Doctorem significat, ut intelligas Spiritum sanctum quoque ceu pluviam demitti cœlitus, ut riget arida corda, & ceu sterilem agrum fecundet. Ideò Petrus quoque hac ipsa figura voluit uti, cum dixit, Christus exaltatus ad dextram Dei, promissionem sancti Spiritus cum accepisset à Patre (ἐξ ἐξουσίας) effudit hoc, quod videtis & auditis. Non enim David ascendit ad cœlos, &c. Hic manifestum est, uti eum effundendi verbo, ut significet donum hoc cœlitus ceu pluviam demissum esse.

*Meum Spiritum.*

Sed omnis vis in eo est, quòd dicit, Effundam meum Spiritum, Petrus immutavit paululum verba, De meo Spiritu, Sed res prorsus est eadem. Nam omnis vis in pronomine est posita. Id cum Petrus quoque retinuerit, sententia manet eadem. Hic omnium primò observa differentiam personarum. Audis enim, qui promittat se effusurum Spiritum suum, Et tamen hoc, quod effunditur, non est is, qui effundit, Sed quiddam differens. Sic enim loqui necesse est, ut constituamus Personarum differentiam, quæ neutiquam confundenda est. Sic suprà quoque dixit, Gaudete in Deo vestro, qui vobis dat Doctorem justiciæ. Hic necesse est constituere duas personas, Nempe, dantis & docentis. Filius qui docet, non est Pater, qui donat Doctorem, & Pater, qui donat, non est Filius qui docet. Et tamen dicit Christus, Ego & Pater unum sumus. Non credis Philippe, quia Pater in me est, & ego sum in Patre? Ad hunc modum hic quoque personæ sunt separandæ. Alia persona est, quæ effundit Spiritum, & Spiritus, qui effunditur, alia est persona, quam quæ effundit. Hæc certa & vera sunt, ac firmiter tenenda.

*Unus Deus & tres persone.*

Addendum tamen postea est, quod non simpliciter dicit, Effundam Spiritum, sed addit meum Spiritum. Est igitur hic Patris Spiritus. In Patre autem nihil est, quod non sit divinum, æternum, omnipotens, Igitur hic Dei Spiritus, qui non est ipse Pater, est æternus, & omnipotens Deus. Vides igitur hic firmitermentum symboli Athanasii, quo Ecclesiæ novi Testamenti haud scio an post Apostolorum tempora gravius scriptum habet. Alia, inquit, est Patris persona, alia Filii, alia Spiritus sancti, Sed Patris & Filii, & Spiritus sancti una est divinitas, æqualis gloria, cœterna Majestas. Qualis Pater, talis Filius, talis Spiritus sanctus. Increatus Pater, immensus, æternus, omnipotens, Sic Filius, sic Spiritus sanctus, & tamen non tres increati, immensi, æterni, omnipotentes, Sed unus increatus, immensus, æternus, omnipotens. Ita Deus Pater, Deus Filius, Deus Spiritus sanctus, Et tamen non tres Dii, sed unus est Deus, &c. Hæc necessaria est do-

*Spiritus sanctus Deus. Athanasii symbolum.*

est doctrina, non ideo solum, quia sine ea Dei notitia esse nulla potest, sed etiam propter invocationem. Mens enim quoties Deum invocatur, debet animo intueri Deum Patrem, conditorem omnium, Et Filium, quem ab æterno genuit Pater, imaginem suam ac destinatur, ut sit victima pro peccatis mundi, & Spiritum sanctum, qui procedit à Patre & Filio, & ut Joël hic loquitur, effunditur à Patre per Filium, ut, sicut paulò post dicemus, sanctificet corda.

ibid. 16.

Hunc Dei Spiritum Scriptura sanctum vocat, ut sicut filii officium in eo ostenditur, quòd vocatur Doctor justitiæ, Ita Dei Spiritus ab officio sanctus vocatur. Quia sanctificat nos, qui per peccatum prorsus prophani & impii nascimur & sumus. Peccati enim venenum diffusum est non per corpus tantum, quod ex immortali viciosum, morbidum, & mortale fecit, sed etiam spiritum nostrum corrumpit. Nam intellectus amisit notitiam Dei, ut quasi cæci in sole meridiano ambulemus. Voluntas autem sic depravata est, ut perpetuò pugnet cum Lege Dei, nec possit ei subdi. Agimur igitur malo spiritu, qui & delectatur peccato, & judicium Dei odit. Spiritus autem Dei officium est, hæc naturæ mala sanare, & prophanos animos sanctificare. Id fit præcipuè tribus rebus. Primum eximit ex animis securitatem, & instillat timorem Dei. Nam naturaliter omnes delectamur peccato, & securè ei indulgemus. Davidem vide, is bellè secum putat actum, quòd occiso Uriæ, ejus Vxorem sine querelâ obtinere possit. Paulus postquam literas impetravit, ut etiam Damasci sævire in Christianos liceat, triumphat, ac se beatum ducit. Avarus cum occasio insignis etiam injusti lucri ostensa est, cupidè eam amplexatur, & urget. Quid multa? vitiosa natura occasiones peccatorum sollicitè quærit, & captat, secunda de Deo & judicio Dei. Sanctus autem Spiritus hoc primum solet, securos animos arguit de peccato, ut peccati sceditatem intueantur, & ut pœnas securis peccatoribus inflictas considerent. Hac ratione fit, ut odisse peccatum incipiamus & emendemus, quæ hætenus impiè facta sunt, Imò, ut cupidè postulemus à Deo, & gratiam præteritorum peccatorum, & facultatem verè obediendi voluntati Dei. Etsi igitur peccatum sollicitare nos non cessat, tamen adjuti Spiritu Dei, resistimus peccato, & id mortificamus.

Dei Spiritus  
est doctor  
sanctus.Quomodo Spiritus  
sanctus  
sanctificet.I.  
Timorem Dei  
docet Spiritus  
sanctus.

Hæc cum in animis per Spiritum sanctum sunt facta, Non enim humanæ aut industriæ, aut sapientiæ sunt, Postea accendit in animis novum fidei lumen, ut statuamus per Christum condonata nobis peccata, & placatum nobis Patrem in coelis. Hoc quoque non naturæ, sed Spiritus sancti opus est. Nam animi, cum peccata sua intuentur, naturaliter refugiunt à Deo, & metuunt iram ejus. Hanc animorum diffidentiam corrigit Spiritus sanctus, ostendens Christi sacrificium, & excitans per id nos, ut etiam si peccatorum gravissimorum nobis sumus conscii, non tamen fugiamus à Deo, aut diffidamus ejus bonitati, Sed cum fiducia ad eum accedamus propter Mediatorem Christum. Hac fide, ut ait Petrus, purificantur corda, & verè sanctificamur. Quia enim remissionem peccatorum fide accipimus, reputamur per Christum sancti & justi.

2 Cor. 13.

Gal. 3.

Fidem autem sequitur confessio, sicut dicit in Psalmo: Credo ideo & loquor. Confessio autem certa secum affert pericula & tentationes. Odit enim eam Satan, & concitat mundum contra pios, qui cum potentia, dignitate, & opibus valeat, graviter affligit Ecclesiam. Hic igitur Spiritus sancti officium & beneficium eximè sentitur, confirmantis & consolantis animos in mediis periculis, ne desperent, aut confessionem abjiciant. Apostoli confirmati Spiritu sancto, contempnunt minas Sacerdotum, potior eis cura est docendi alios de Christo, quam servandæ vitæ suæ. Sancti Martyres, sicut Prudentius de Laurentio, Agnete, & aliis commemorat, in ipsis tormentis insultant Tyrannis. Stephanus jam lapidandus vitam suam negligit, sollicitus de salute tam securè peccantium. Hæc non humana sunt, sed certa Spiritus dona, qui ex alto per Christum ad nos venit, ac imbecilem naturam confirmat. Destituti autem Spiritu sancto quid in-

II.

Spiritum sanctum  
consolatur in  
periculis.

periculis soleant, præsertim cum mors accedit, notum est, Trepidant, querulantur, pavent, nusquam vident, in quo acquiescant. Hæc naturalia sunt, Sed sanctus Dei Spiritus naturam etiam hæc in parte corrigit & sanat, non eo modo, ut cruciatus mitiget, aut corpora sine sensu mali, esse faciat (quanquam id quoque alicubi solet) Sed ut in sensu ipso mali, non concedat animus, & in meliorem spem intuentes ipsi nos consolemur & erigamus per invocationem, Sicut idcirco Zacharia appellatur Spiritus gratiæ & precum. Gratiæ, qui confirmet animos de remissione peccatorum per Christum, Precum, qui in periculis ad orationem exuscitet, ac spe liberationis præsentia incommoda mitiget.

*Donâ Spiritus  
sancti.*

Atque hæc longum agmen virtutum Christianarum connectitur, Libertas in confitendo, Patientia in ferenda cruce, invocatio cum certa spe liberationis, Fides certa de Dei favore, etsi fortuna diversum loquatur, Exercitium verbi, dum promissionibus infirma fides se erigit, & quis enumeret omnes Spiritus sancti doctes, in hac nostra imbecillitate? Excitare autem nos hæc debent ad agnoscendam Dei ingentem misericordiam, qui miseros nos peccatores tot modis amplectitur, juvat, fovet, regit, tuetur. Non enim satis ei est, dedisse nobis corpus, mentem, voluntatem, sermonem, etiam Filium donat, qui docet justiciam, & fit victima pro nobis, etiam Spiritum sanctum cælo demittit, qui morbos naturæ insanabiles, mortiferos, & æternos sanat ac curet. Hunc vult habitare in animis nostris, ut nos regat, gubernet, & servet, qui tot modis impetimur & sollicitamur contra Deum. Ingens & ineffabilis planè hæc est bonitas, quàm si non agnoscimus, si non de ea cogitamus sæpius & gratias agimus, prorsus ingrati sumus.

*Quomodo invocando Spiritum sanctum ex Psalmu 51.*

Docent autem hæc quoque de vera invocatione Spiritus sancti, cuius insignis exemplum proponit Psalmus 51. in quo Propheta queritur de naturæ miserabili depravatione per peccatum, quod subinde non sollicitat tantum nos, sed vi quoque impellit contra legem Dei, unde postea tot & tam varii etiam in Ecclesia existunt horribiles lapsus, & scandala penè infinita. Quare magna nobis incumbit necessitas in tot periculis constitutis, sedulo ut pro gubernatione Spiritus sancti, Davidis exemplo oremus. Is primum petit abscondi peccata, & deleri iniquitates. Tales enim sumus, ut quàm diu in hac vita sumus, sine peccatis esse non possimus. Nulla igitur alia medicinæ via relinquitur, quàm ut peccata, quæ in nobis sunt, Dominus abscondat & deleat, ac quasi claudat oculos, ne cogatur ea videre. In hac indulgentia Dei consistit salus nostra, nobis acquisita per Filium Dei, qui se dedit victimam pro peccatis totius mundi. Quia autem hunc thesaurum, ut Paulus vocat, portamus in vasis fictilibus, quæ levi momento franguntur, opus est alio cœlesti dono, Spiritu sancto, qui nos in hac gratia servet, ne ab ea excidamus. Ideo pergit David orare, Cor mundum crea in me Deus, & Spiritum firmum restaura in corde meo.

*Cor mundum.*

Postulat David creari in se cor mundum. Hæc manifesta confessio est, quòd cor habeat immundum, hoc est, dissidens à lege Dei, & quòd delictatur peccato. Id cupit mutari, ac creari novum, ut non amplius immundum sit, hoc est, ut immundities hæc condonetur, ac ad eam rem opus esse dicit (ruah nacon) Spiritu firmo, qui subinde accendat fidem, ne propter peccata dubitet de benevolentia Dei, sed ut certam ac perpetuam spem remissionis peccatorum retineat. Virtur autem verbo (chiddeſch) quod restaurare significat. Quia enim in tanta infirmitate consistere non possumus, quin sæpè labamur, Spiritus sanctus autem per lapsus contra conscientiam excutitur, Necessaria hæc precatio est, ut restauretur subinde in nobis donum sancti Spiritus, ne dubitemus, quin peccata nostra per Christum nobis remissa sint. Complectitur autem hæc particula fidem, quam suprà secundo loco posuimus.

*I.  
Spiritum firmum rogas.*

*II.*

*Spiritum sanctum rogas.*

Postea David orat pro alio dono, inquiens, Ne projicias me a facie tua, & Spiritum sanctum tuum ne auferas à me. Hic primum observa gradus. Est in nobis cor immundum, Fide autem purificantur corda, ut, etsi peccatum adsit, tamen



tamen non imputetur. Quia autem peccatum subinde nos sollicitat, & in nobis pugnat contra Legem Dei, non solum fide opus est, quâ statuamus per Christum nobis condonata esse peccata, sed etiam alio dono Spiritus sancti indigemus, nos ut sanctificet, hoc est, ut confirmet nos, & excitet, ne pareamus peccato sollicitari, Sed ei resistamus, & id mortificemus. Nisi enim id fiat, si indulserimus peccato, abjicit nos Dominus à facie sua, hoc est, securè peccantes relinquit suis desideriis, sicut exempla ante oculos sunt. Hoc tantum malum deprecatur David, & petit contra id Spiritum sanctificantem.

Tertiò addit, Redde mihi lætitiā salutis tuæ, & Spiritu prompto confirma me. Hoc nimirum est tertium illud, de quo suprā diximus. Quia enim omnes, qui volunt piè in Christo vivere, persecutionem patientur, hinc quoque Spiritu sancto nobis opus est, qui impleat animos lætitiā salutis Dei, ut, quamquam variè exercemur in hoc mundo, tamen nos certa salute per Christum parta consolemur. Hoc enim est, quod Paulus ait, Spes non confundit. Cum hac spe conjungit David (Ruah nediba) promptum, voluntarium, liberalem spiritum, qui non defatigetur ferenda cruce. Ea enim est fortuna piorum, ut tentatio tentationem excipiat, Sicut illustri figura Psal. 41. ostendit. Comparat enim Ecclesiam navigio in procellis mari, quod fluctus subinde ex omni parte concutunt, nec finis est periculi, una procella alteram urgente, sicut dicit, abyssus abyssum vocat. Oportet igitur spiritum esse (na dib) non humilem & abjectum, qui ad primum imperum cedat, Sed generosum, altum, infractum, qui non defatigetur periculis, sed promptus & alacris sit.

Ad hunc modum nos quoque quotidie orare decet, ut & augeat Dominus in nobis fidem, & Spiritu suo adjuvet, ne cedamus peccato, Sed contra peccatum pugnantes triumphemus, Tertiò, ut in cruce simus alacres & constantes, nec defugiamus ulla pericula propter confessionem. Nisi enim adjuverit nos Dei Spiritus, impossibile est, nos consistere. Meritò autem reprehendimus singuli nostram ignaviam. Quotus enim quisque de his periculis antecogitat, aut sollicitus est? Quam multos invenias passim, qui nunquam Spiritum sanctum invocarunt? Excitemus igitur nos, & hoc filii Dei munus, quod pro nobis accepit à Deo patre, vero corde petamus, & dabit nobis Dominus Spiritum suum, qui hoc pacto gubernet, tueatur & confirmet nos, sicut dicit Christus, Pater meus dabit Spiritum sanctum petentibus se, Luc. 11.

Ut autem hoc quoque addam de invocatione, nulla differentia est, sive à Patre, sive à Filio Spiritum sanctum postules. Nam est Spiritus, qui procedit à Patre & Filio. Ideò Christus utrumque dicit, Johan. 14. Spiritus quem mittet Pater in nomine meo, Item, rogatus à me, dabit alium Paracletum, Et Actor. 2. dicit Petrus, Christus accepit promissionem Spiritus à Patre, & Psal. 68. Accepisti dona pro hominibus. Rectè igitur petitur Spiritus sanctus à Patre, ita tamen, ut in nomine Christi petas, hoc est, ut propter Christum hoc donum donari tibi petas, Et Johan. 16. dicit Christus, Nisi ego abiero, non veniet ad vos Paracletus, Si autem abiero, mittam eum ad vos, Et cap. 15. Cum venerit Paracletus, quem ego mittam vobis à Patre, Spiritus veritatis, qui à Patre procedit. Rectè igitur à Christo hoc beneficium petes, Nec est differentia, sive dicas, Aeternæ Patris Domini nostri Jesu Christi, dona mihi Spiritum sanctum tuum, qui accendat in me fidem, gubernet & confirmet me &c. Sive dicas, O fili æterni Patris Jesu Christe, dona mihi sanctum Spiritum tuum. Ecclesiæ autem Exemplo invitamur ad ipsius Spiritus sancti invocationem. Sic enim erat, Veni sancte Spiritus, reple tuorum corda fidelium, Et citat Basilius Eusebii Palestini verba, Sanctum Deum, lucis conditorem per Salvatorem nostrum Jesum, cum Spiritu sancto invocantes. Hæc Ecclesiæ testimonia, etsi non extarent, tamen satis firma & certa ratio est, quod qui confitentur Patrem, Filium, & sanctum Spiritum, esse verum Deum, hi etiam cum unam personam tantum nominant, tamen Deum se invocare,

III.

Spiritum promptum rogat.

Exhortatio ad invocationem Spiritus sancti.

Rectè tum à patre, tum à filio rogatur Spiritus sanctus.

horunt. Sicut Ecclesia baptizavit in Christi nomine. Hæc attingere paucis libuit, ne simplices dum orant, sibi laqueum nectant.

*De medijs, per  
quæ Spiritus  
sanctus venit.*

Diximus hætenus, quid sit Spiritus sanctus, & cur mittatur Spiritus sanctus, Deinde exemplo Davidis ostendimus, quæ beneficia Spiritus sint roganda, Restat jam quarta particula, ut etiam de medijs, & quasi instrumentis doceamus, per quæ Spiritus sanctus est efficax. Est autem hæc quoque doctrinæ pars admodum necessaria. Nota enim sunt non Monachorum tantum somnia, qui jejunijs & orationibus se præparabant, Sed etiam aliorum (qui purioris doctrinæ possessionem sibi sumebant) phanaticæ opiniones. Hi enim neglecto ministerio, quod Deus in sua Ecclesia esse voluit, abdebant se in angulos, & vacabant contemplationibus, nescio quibus, eoque modo expectabant promissionem Spiritus per certos gradus, quos portentosis nominibus appellabant. His rationibus tantum profecerunt, ut non sancto, sed alio malo Spiritu implerentur, qui attonitos & tantum non fatuos efficiebat. Sicut nota sunt exempla in ijs locis, ubi Munzerus, Carlstadius, Storchius, & alij phanatici homines docuerunt, ac major pars postea ad Anabaptistas, nihilo illis saniores, transierunt. Hisce erroribus occurrendum, & de tantis rebus ex Scriptura cætera testimonia petenda sunt.

*Spiritus sanctus  
datur per ver-  
bum.*

Memineris igitur, quæ supra de Spiritus sancti certis indubitatis operibus diximus, Quod primum accendat in animis fidem, ne propter peccata desperent. Secundo adjuvat nostrum Spiritum, ut resistamus peccato, & mortificemus peccatum. Tertiò, consolatur in rebus aduersis. Nam si, quid natura soleamus, interroges, notum est peccati sensum parere desperationem, notum est & delectari nos peccato, & in periculis concidere animos ac trepidare. Hanc naturæ depravationem corrigit Spiritus sanctus, & sanat, non in ijs qui monasticas præparationes & solitarias contemplationes secuti sunt, sed qui studiosè audierunt verbum Dei. Vide enim Matthæum Publicanum, cur relinquit quæstuosum & peccatis plenum vitæ genus, & se adjungit ad Christum? Nonne, quia Christum sollicitè audivit? Sic peccatrix mulier, cum antea occasiones peccatorum studiosè sectata esset, & ultrò captasset, anxia plorat, dolet de admissis peccatis, & quærit remissionem peccatorum, etiam in aliena domo, in corona gravium virorum, quo accedere saltem pudor, si quis inesset, prohiberet, At secunda de judicio aliorum, cupit audire vocem de remissione peccatorum. Quis ita mutavit animum ejus? Nonne verbum, quod ex Christo audivit? Zachæus quoque delectatus hætenus injustis lucris, dimidiam bonorum partem promittit pauperibus, Defraudatis autem restitutionem. Paulus quoque cum arderet ira contra Christianos, ad Christi vocem statim fit alius, & promittit se facturum imperata, & omisurum institutas rationes. Sic tria millia Judæorum ad Petri concionem respondent, Quid faciemus viri?

*Verbum Dei in-  
strumentum,  
quo gubernan-  
tur à Deo men-  
tes hominum.*

Ergo verbum Dei instrumentum perpetuum est, per quod movere, accendere, illuminare homines vult Deus, imò prorsus mutare, ut qui hætenus fuerunt securi, primò incipiant metuere iram Dei, & judicium, ac emendent vitam. Deinde, qui fuerunt pavidi ob metum judicii Dei, ut se consolentur sacrificio filii Dei contra peccatum. Tertiò, ut etiam in periculis, & in ipsa morte, spem salutis retineant. Sic Paulus dicit, Rom. 10. Fides est ex auditu, Auditus autem ex verbo. Constituenda tamen hæc definitio Verbi est. Lex etiam est verbum Dei, Sed per eam, dicit Paulus in Galatis, Spiritum sanctum non dari, Sed per verbum Evangelii. Ideò dicit Esaias, Quam speciosi pedes Evangelizantium pacem. Verè enim ministerio Ecclesiæ nihil suavius, nihil preciosius, quod affert Spiritum sanctum, qui fidem & notitiam Dei accendit, mortificat peccatum, & consolatur in periculis. Est enim sicut pluvia, quæ nunquam cadit in aridum locum, quin sequatur certus fructus. Si igitur donum Spiritus sancti consequi optas, si optas familiæ & liberorum certam emendationem, hanc viam insiste.

Audi

Audi verbum studiosè, adhibe tuz fidei creditos ad verbum. Solus enim Spiritus sanctus est, qui corda peccato vitata sanat, sanat autem per verbum Evangelii, in quo arguimur peccati, iusticiæ & iudicii. Peccatum cum audimus in nobis esse, consternimur animis, & pavemus, iusticia autem filii Dei nos contra peccatum erigimus, & certam retinemus salutis spem in omnibus periculis. Scimus enim Principem mundi iudicatum & victum, qui nocte amplius non potest his, qui sunt in Christo Jesu, etiam tentare & molestaré eos possit, & cre-  
do soleat.

Porro cum de verbo Evangelii loquimur, etiam Sacramenta includimus. *Spiritus sanctus*  
Habent enim annexam promissionem Spiritus sancti, & remissionis peccato- *datur per Sancta-*  
rum. Ideò Petrus cum interrogaretur, quid faciendum esset, respondet, Agite *menta.*  
*hbm. 3.* poenitentiam, & baptizetur unusquisque in nomine Jesu. Et Christus dicit, Nisi  
quis renatus fuerit per aquam & Spiritum, non veniet in regnum Dei. Hæc ma-  
nifesta sententia est, Spiritum sanctum per Baptismum velle efficacem esse in ani-  
mis, Sicut Petrus quoque dicit, Et accipietis donum Spiritus sancti. Atque hæc *infantes bapti-*  
quoque causa est, cur ad Baptismum, exemplo Apostolorum & primitivæ Eccle- *sancti.*  
siæ adhibemus etiam infantes. Quia enim certum est, Spiritum sanctum per  
aquam Baptismi efficacem velle esse, statuimus tam non impediri Spiritus sancti  
actionem per infantium *analogiam*, quam nos adulti nostris viribus & sensibus,  
Spiritus sancti opus non reddimus perfectius. Extant autem exempla, etiam non-  
dum natos in utero materno sanctificatos esse, imò etiam Christi novitiam ha-  
buisse. Quia autem certum est, spiritum in infantibus immundum esse propter  
peccatum, cur invideremus eis sanctificationem, quam Christus cum aqua Ba-  
ptismi promittit, & sine qua salvos eos fieri impossibile est?

Maneat ergò hæc sententia rata & firma, quòd Spiritus sanctus per mi-  
nisterium Ecclesiæ, hoc est, per prædicationem Evangelii & Baptismum contin-  
git. Inde petant eum, quotquot potiri eo cupiunt. Non negligant publicos  
coetus, ubi Evangelii vox sonat, Adjungant vota sua ad Ecclesiæ, in nomine Chri-  
sti congregatæ, preces, ac cum audiunt sacras conciones, petant disertè, Spiritus  
*hbm. 32* sanctus ut eas infigat animis, & digito suo in corda nostra scribat. Sicut Hiere-  
mias promittit futuram, cum docebitur Evangelium, ut inscribatur lex Dei in  
carnem & corda nostra, non ut lex Moisi in dura saxa. Sed hic & de nostra im-  
becillitate & insigni Dei bonitate, imò, ut Paulus dicit, de immensis misericordiæ  
divinis cogitemus. Induit nos Baptismus pura & immaculata veste, Per Chri- *Baptismus.*  
stam enim condonatur quicquid in nobis vitiosum est. Sicut autem per lubri-  
ca & immunda luto loca qui ambulant, facile aut labuntur, aut polluantur ab  
aliis, ita sæpè excidimus à gratia, & amittimus per peccata contra conscientiam  
admissa Spiritum sanctum. Sic accidit Davidi, Ideò agnoscens periculum, orat  
ne tollat Dominus Spiritum sanctum suum. Hic quoque cavit nobis misericor-  
dia divina. Nam per Christum datæ sunt Ecclesiæ claves, ut dubitantes de remis- *Claves.*  
sione peccatorum suorum, audiant sententiam Christi, quam pronuntiari vult  
super omnes, qui & dolent de peccatis suis, & iis levare cupiunt. Clavium igitur  
usus etiam eò pertinet, ut restauretur in nobis donum Spiritus sancti, & ac-  
cendatur extincta per peccatum fides.

Ad hunc modum coena quoque à Salvatore nostro instituta est, in qua *Coena Domini.*  
duæ res nobis exhibentur. Primum corpus & sanguis Christi cum pane & vino.  
Deinde insignis promissio, quæ singulis coena utentibus, dicit corpus Christi pro  
nobis traditum, & sanguinem ejus ad remissionem peccatorum nostrorum ef-  
fusum. De hac promissione ne dubitent animi, singulis coena utentibus,  
ipsum precium pro peccatis traditum exhibetur, ut tantò statuant & credant cer-  
tius pro se datum corpus Christi, & sanguinem pro peccatis nostris effusum.  
Hæc quoque via est, qua ad remissionem peccatorum patefit aditus, & ad do-  
num Spiritus sancti recuperandum, qui amittitur per peccata contra conscientiam



admissa. Sicut autem suprâ diximus, Spiritum sanctum non venire solum, sed adducere secum agmen pulcherrimarum virtutum, Ita hîc quoque dico, qui cupiunt seriò invocare Deum, qui cupiunt mortificare carnem, & præstare patientiam in cruce, nec frangi animis, Hi sedulò hoc agant, ut verbum studiosè audiant, & crebrò utantur tum clavibus, tum coena Domini. Non enim nuda aut ociosa spectacula sunt, sed instrumenta, per quæ Spiritus sanctus in nobis est efficax, & sanctificat nos. Qui igitur hisce mediis utuntur rariùs, aut etiam, quod multi faciunt, leviter de toto ministerio sentiunt, Hos certum est, non bono, sed malo Spiritu agi, utcunque pallient factum suum.

*Spiritum sancti  
donum commu-  
ne omni aetati  
& ordini.*

Sed pergamus tandem ad ea, quæ Joël subjicit de Prophetia, somniis, & visionibus revelandis filiis & filiabus, senibus & juvenibus, servis & ancillis. Primum hæc ætatis, conditionum, & sexus discrimina pertinent ad explicandum id, quod in genere suprâ dixit, effundendum Spiritum sanctum super omnem carnem. Non igitur hîc erunt discrimina, qualia fuerunt in lege, ubi docendi, orandi, sacrificandi munus certis hominibus demandatum fuit. Etsi enim ordinis causa, certæ personæ admittuntur ad gubernationem Ecclesiarum, etiam in novo Testamento, tamen Spiritus sancti donum, sine discrimine contingit omnibus invocantibus nomen Domini, siue sint foeminae, siue viri, siue senes, siue juvenes, siue servi, siue liberi. Rectè igitur effundendi verbo utitur Propheta, ad significandam benignitatem Dei, cupientis per filium salvos facere omnes homines, nec tantum liberalis in suum populum, sed in omnes gentes orbis terrarum.

*Prophetia quid.*

Quod autem attinet ad discrimina donorum, ex Lege ferè definitiones solent peti. Ibi Prophetia significat revelationem de futuris eventibus, tum in politia, tum Ecclesia. Hinc Prophetæ appellati sunt, quibus futuri eventus per Spiritum sanctum revelati erant. Summus autem eorum gradus fuit, qui Christi cognitionem, & Regni ejus fortunam docebant. Qui verò vel de privatorum hominum, vel politiae fortuna vaticinabantur, hi posteriore loco habentur, David & Esaias de Christo habent plurima vaticinia, Esaias autem Monarchiarum quoque fata ostendit. In Regum historiis multorum exempla proponuntur, qui certis hominibus futuros eventus revelant. Sic Jeroboam de regno decem tribuum, Nebucadnezar de furore & regni amissione admonetur. Quæritur autem de modo, quo hæc hominibus per Spiritum sanctum sunt patefacta. Hîc primò omnium meminerimus, quia Spiritus sancti beneficio ministerium verbi in Ecclesia semper conservatum est, plurimorum animos per ipsum verbum excitatos esse, ut futurum Christi Regnum in verbo vocali, tanquam in tabula adumbratum cernerent & postea clariùs, ceu coloribus illustratum, & in bono lumine positum, mundo proponerent. Sic conciones illæ Dei & sanctorum Patrum, quas Moses passim recitat, Davidem, Esaiam, Jeremiam, præclare erudiverunt.

*Quomodo reve-  
lationes Pro-  
phetiæ sunt factæ.*

I.

*Per verbum.*

*Daniel quomo-  
do venerit ad  
futurorum co-  
gnitionem.*

Daniel lectione Prophetiæ, per Hieremiam revelatæ, ut ipse refert, excitatus, cogitat de fine captivitatis, & orans pro reliquiis populi, per Angelum edocetur etiam de tempore adventus Christi. Etsi igitur Angeli ministerio hoc didicit Daniel, tamen initia, & quasi occasio ex diligenti verbi lectione orta sunt. Et Christus ostendit scrutantibus scripturas, revelatum iri mysterium regni coelorum. Hoc igitur primum medium est, quo Deus patefecit mysterium fidei, & Christi cognitionem sanctis Prophetis. Esaias legens concionem de Semine mulieris contrituro caput serpentis, & de serpente arrepturo calcaneum Seminis, ipsa diligenti cogitatione de his rebus, per Spiritum sanctum accepit illud lumen, ut de morte & passione Christi sic disertè vaticinaretur, & ostenderet simul cum natura Deum esse. Nam Satanam vincere, non est hominis, Sentire autem morsum serpentis, est hominis, non Dei.

*Vnde Esaias ha-  
buerit cognitio-  
nem de Christo.*

*Davidis vati-  
cinia.*

David eandem Prophetiam legens, per Spiritum sanctum admonitus, etiam vidit hoc Semen esse Dei Filium, ideò Dominum appellat Psal. 110. In 2. psalmo autem

autem disertè ex Deo natum, & æternum ostendit. Esaias quoque legens vaticinium Jacob, quod deficiente sceptro & Prophetia Christus venturus esset, vidit ex radice Jesse, tanquam ex emortuo stipite enascenturum virgultum seu frondem Filium Dei, Et si autem, quod ad Christi regnum attinet, omnia impleta sint, tamen ad diligentem Scripturæ lectionem nos exhortari hæc debebant. Videmus enim diligenti cogitatione, & pia meditatione hæc illustriora fieri, non quod ea nostra sit sagacitas, sed quod Spiritus sanctus verbo seu organo utitur, per quod accendit & movet corda.

Alius revelationis modus est per Angelos, Sicut constat Daniëlem de tempore Messiae, quo Filius Dei nascendus erat, edoctum esse. Sicut autem quadam novi Testamenti historiae clarius exponunt, Angeli non semper humana forma præbuerunt se videndos, sicut viderunt Angelos Gedeon, Manoah, & alii, nec semper locuti sunt Angeli humana voce, sicut ad Mariam, Sed per somnia & visiones ostenderunt futura. Nam ista somnia fatidica, non humanum quiddam aut fortuitum sunt, sed immittuntur per Angelos bonos sic moventes sensus, sicut certum est, malos Angelos esse instructores turpium & terribilium somniorum. Vocantur autem somnia quoque visiones aliquando, cum scilicet imagines futurorum eventuum proponuntur. Sicut Nebucadnezar videt arborem, Pincerna Aegyptius videt se tenere uvas, & porrigere Regi. Propriè tamen visiones dicuntur, cum non dormientibus, sed vigilantibus obijciuntur quadam imagines de futuris, Sicut Daniel vigilans videt arietem ad aquam, &c. Ad hunc modum etsi prophetia, somnium, visio, distinctæ res sunt, tamen idem omnium est finis, ut per hæc de futuris eventibus Deus doceat.

Quæ igitur, inquires, somniorum, visionum & prophetiæ erit utilitas, cum Spiritus sanctus missus est? Aut quid tantoperè opus est somniis & visionibus? Nam restat aliquid, quod ad regnum Christi attinet, quod revelandum sit? Hoc Papistis sanè gratum esset commentum, qui impudenter asserunt, non omnia prodita literis sacris, quæ ad salutem sint necessaria. Anabaptistæ quoque somniant novas revelationes, Ac olim in quibusdam monasteriis ea superstitione fuit, ut judicarent omnia somnia consignanda literis, & pro revelationibus habenda. Sed Propheta ipse satis se explicat, cum de servis & ancillis commemorat Spiritum Domini in eos effundendum. Non enim novas revelationes per somnia & visiones, sed simpliciter ipsum donum Spiritus sancti purificantis fide corda, & gubernantis animos significat. Hoc donum verè huius temporis in novo Testamento est. Etsi enim etiam posterioribus temporibus non desunt Prophetiæ, seu vaticiniorum donum, tamen id longè infra hoc donum collocandum est, de quo Propheta hic commemorat. Vera enim cognitio Filii Dei affert cognitionem Patris, affert remissionem peccatorum, affert gubernationem, ne cedamus tentationi, ne vè dominetur nobis peccatum, Affert in summa ipsam vitam æternam. Cum Prophetiæ donum de futuris eventibus etiam possit esse, apud malos, sicut Bileam, & ille Judæ Propheta, qui Regi Jeroboam prædicit de Josia, & postea laceratur à leonibus, Quia ipse Satan ex instructione causarum, quas videt, sæpè prædicit futura. Hoc autem donum, quod hic promittitur, ejusmodi est, ut certo afferat æternam vitam. Ideò tam magnificè commendatur. Quid enim alia dona omnia ad hoc sunt, quod ipse Dei Spiritus, æternus Deus descendit in nostros animos, imò in corpora nostra, inque nobis habitat, nos regit & gubernat? Sicut Paulus clare dicit, 1. Cor. 6. Nescitis, quod corpora vestra sunt templa Spiritus Dei, qui est in vobis? Quod igitur ad præsentem Prophetæ locum attinet, unum sunt prophetia, visio, somnia, nempe cognitio Dei per Christum, quam Spiritus sanctus per verbum Evangelii lucere facit.

*Et dabo prodigia in cælis, & in terra, sanguinem & ignem, & columnas nubis. Sol convertetur in tenebras, & Luna in sanguinem, antequam veniet dies Domini magnus & terribilis,*

II.

Per Angelorum ministerium.

III.

Somnia &amp; visiones per Angelos.

Visiones,

Cuius promittitur somnia &amp; visiones in novo Testamento.

Revelatio novi Testamenti prophetia.

Donum Prophetiæ habent etiam mali. Satana prædicationes quales.

De

De quibus signis  
Joel 2. 1. 2. 3.

De his signis variè disputatur, quando acciderint, præcesserintne glorificationem Christi, an verò sint ea signa, quæ præcesserunt vastationem gentis Judæicæ, Quidam etiam ad signa ultimi diei referunt, Siquidem dies, quem præcessura sunt, magnus & terribilis appellatur, Sed nos tutissimè sequimur Apostoli auctoritatem, qui non tantum allegat, quæ de missione Spiritus sancti Joël prædicit, sed etiam hæc ipsa signa citat, ac ostendit jam ante missionem Spiritus sancti hæc signa accidisse.

Eclipsis in passione Domini.

Luna signa.

Ignis.

Sed duplex hinc nascitur quæstio. Prima, qualia hæc sint signa. Altera, cur dies missionis Spiritus sancti vocetur terribilis, cum potius plena gaudii & salutis sit. De prima respondeo, omnino judicare me, hæc signa, quæ allegat Joël, esse eadem, quæ ab Evangelistis commemorantur facta sub passionem Salvatoris. Portentosa fuit eclipsis solis in ipso plenilunii die, quæ ita involvit caligine omnia, ac si latè diffusum fumus impediret oculos, ne in vicino posita possent conspici. Ac ipse Propheta ad hunc modum se explicat, cum addit de Sole obtenebrato, & luna referente sanguinis speciem. At, inquires, Evangelistæ Lunæ non meminerunt, & fuit ea interdiu sub terra, ne possit conspici. Respondeo. Noctu conspecta est integra, & quid mirum, si in ea quoque apparuerunt tristes notæ, sicut in sole. Nam Propheta hoc asserenti credendum est, etsi Evangelistæ nihil de Luna meminerunt, Meminerunt autem terræmotus, & apertionis sepulchrorum, quæ Joël ostendit, cum de portentis in terra loquitur. Ignem quidam exponunt de igneo Solis colore, quem nonnunquam induit, qualem vidimus hoc ipso anno 47. toto triduo antequam illustrissimus Saxonix Elector à Carolo Cæsare in prælio captus est. Ac multi in ea sunt sententia, futurum Ecclesiæ luctum hoc modo significatum, quæ sub finem mundi gravissimè concutienda est variis persecutionum modis, Christo teste. Alii, ut Hieronymus, exponunt de linguis igneis, seu flammis coruscantibus in Pentecostes die, per quas se Spiritus sanctus revelavit, Sicut Iohannes quoque prædicit, Christum baptizaturum igni. Hanc sententiam qui repudiant, quod inter privatos parietes, & non in publico hæc sint gesta, illi quærant commodiorem expositionem, dummodo Propheta sua constet auctoritas, inter signa illa etiam fuisse ignem, non usitatum, sed portentosum.

Dies Domini  
cur terribilis  
dicatur.

Illud explicatione dignius est, si hæc signa diem Domini præcesserunt, quo per missionem Spiritus sancti, & prædicationem Evangelii in die Pentecostes Christus in mundo coepit innotescere, cur tam lata dies vocatur terribilis. Non enim ira Dei, sicut per Legem, sed gratia & misericordia per Evangelium patefacta est, & allati ad nos inæstimabiles illi thesauri, remissio peccatorum, justitia, liberatio à tyrannide Satanæ cum certa spe vitæ æternæ. Hæcne formidabilia sunt? an non potius summis expetenda votis? Respondeo. Formidabilis & terribilis vocatur hæc dies, non propter credentes, quibus verè est, ut Esaias appellat cap. 49. tempus acceptabile & salutis dies, & ut Joël dicit, magnus, in quo Deus patefecit magnitudinem potentiae & misericordiae suæ, erga totum genus humanum, Sed propter eos, qui non credunt, & propter Satanam. His enim est dies æterni judicii, & nunquam finiendæ damnationis, sicut Christus dicit, Qui non crediderit, condemnabitur. Item, Verbum meum judicabit eos, qui non credunt. Sicut enim qui in Christum credunt, remissionem peccatorum accipiunt, Ita iis, qui non credunt, retinentur peccata.

Esai. 49.

Mat. 26.

*Et erit, Omnis, qui invocaverit nomen DOMINI, salvabitur.*

*Quoniam in monte Zion, & in Hierusalem erit salvatio, sicut dixit Dominus, & reliquis, quas vocat Dominus.*

Promittit liberationem ab æterna ira.

Dixit Propheta de horribili die, in qua ira Dei revelabitur de cælo super omnem impietatem. Hic autem promittit liberationem seu evasione,



hem, non corporalem, sed ab illa æterna ira. Vocabulum (Malet) admodum significans est, Paulus exponit per salvandi verbum, Rom. 10. *Verbum sal-  
vandi.* Includit autem periculum præsens & magnum. Sicut enim cum acie dimicatur, & victor latè grassatur ferro, in tanto discrimine qui evadit, dicitur (Hanimlat) Psalmus 124. utitur similitudine aviculæ, quæ præter opinionem rupto laqueo, aufugit & salvatur, ea avis etiam appellatur (Hanimlat) quasi dicas, evadens, erepta, liberata, his enim hoc verbo Psalmus utitur, Ita hoc in loco Propheta, cum dicit, Salvabitur, proponit commune omnium periculum. Arguit enim Spiritus sanctus mundum de peccato, Et, ut Paulus inquit, Revelatur ira Dei de coelo contra omnem impietatem, & iniusticiam hominum, veritatem in iusticia detinentium, Et tamen promittit Propheta futurum, ut quidam hoc periculum æternæ damnationis effugiant, & salventur per inuocationem.

Magna sane promissio, quæ excitare animos nostros ad diligens studium debebat. Quid enim sunt aliæ, vel artes, vel scientiæ ad hanc, quæ docet evasionem ex æterna morte & iudicio Dei? Vel ad existimationem, vel ad opes comparandas, & hanc corporalem vitam commodius degendam faciunt aliæ, Sed hæc æterna bona affert, & sola hanc vitam alioqui acerbam, & periculorum plenissimam jucundam facit. Quid enim obijci in hac vita tam triste potest, quod non mitiget certa spes remissionis peccatorum, & vitæ æternæ? Habet autem infinitos hæc ars protectores. Quam enim invenies gentem, imò, quem invenies hominem, qui non sibi somniet certam hujus summi boni cognitionem? Turcæ, si cum Alcorani institutis jungant disciplinam externam, se salutem conlecturos sperant. Judæi, si circumcisi servant, quæ à Mose sunt mandata, pollicentur sibi salutem. Pontificius sacrificulus ex Missa, Monachus ex voto & statutis suis spem gratiæ & vitæ æternæ concipit, vulgus denique institutum à Pontificis, mille formas cultuum habet, in quos spem salutis ponit.

Sed omnes hi miserè errant, & dum salutis viam se insistere putant, rectè præcipitantur in exitum. Nam confer opiniones istas cum sententia Joëlis. *Vera via ad  
salutem.* Promittit salvationem non ex corporis periculis, sed ex morte & peccatis, & tamen non meminit ullius cultus aut operis legalis. Sancta & divinitus præcepta sunt illa de honore parentum, de non occidendo, de non violenda conjugii fide, de furto cavendo, &c. & tamen nullius horum meminit Joël. Et si igitur sancta & bona hæc sunt opera, Sunt enim divinitus mandata, non tamen eò valent, ut per ea salvemur, à morte & peccatis. Vna & vera ac certa evadendi ratio est, sicut Joël clarè dicit, Invocate Domini nomen, hoc qui faciunt salvantur. Alii omnes, quoscunque illi cultus, quæcunque sequantur opera, si invocatio hæc non adsit, salvari non possunt, sed in morte & peccatis manent & pereunt. Judæum non salvat diligens observatio Legis, Papistam non salvant exquisiti cultus, sola invocatio servat.

Non autem existimabis, invocationem esse nudam appellationem nominis Dei, Hanc si spectes, totus mundus plenus erit invocantibus Domini nomine. Non Judæus, non Turca, non Monachus invenitur, qui non multum & seriò invocet præsertim constitutus in periculis. Sed re verà, utut hæc sint, nullum inter omnia opera invocatione vera rariùs est. Id, ut intelligi possit, definitio vera quærenda est. Hanc autem non petes ex Sophistarum Scholis, Paulum fide dignum testem adhibeto, qui hanc ipsam Prophetæ sententiam & citat, & egregiè explicat, Rom. 10. Non, inquit, est differentia Judæi & Græci. Idem enim Dominus omnium, dives in omnes invocantes ipsum. Omnis enim, qui invocaverit nomen Domini, salvabitur. Quomodo autem invocabunt, in quem non crediderunt? Quomodo autem credent, quem non audiverunt? Quomodo autem audient, si non sit prædicator? Quomodo autem prædicabunt, nisi fuerint missi, sicut scriptum est, Quàm speciosi pedes Evangelizantium pacem, evangelizantium bona, &c. Hæc est pulcherrima & eruditissima hujus sententiæ expli- *Invocatio vera  
rarissimum  
opus.  
Invocatio de-  
finitio apud  
Paulum, Ro-  
man. 10.*

explicatio, qua ostendit Paulus, quid sit vera invocatio, cui Joël salutem ex morte & peccatis tribuit.

*Invocatio quid sit.*

Imperitus aliquis sacrarum rerum cogitabit, invocationem esse opus secundi præcepti, ac mirabitur, cum huic operi secundi præcepti tribuatur salus, & non potius, vel primo præcepto, quod fidem & timorem exigit, vel integro Decalogo, Sed Paulus eruditissime respondet, invocationem pendere ex fide, fidem autem ex verbo, ac constituit hanc definitionem invocationis. Invocare nomen Domini est, cum audis primum Evangelium de Filio Dei, ac vera fide amplecteris promissionem, & postea fiducia promissionis in Evangelio proposita, invocas Deum, ut propter Christum te contra peccatum, mortem, & Satanam defendat ac liberet. Ad hunc modum, qui invocat, is verè invocat, & certò salvatur.

*Invocatio requirit verbum & sacramenta.*

*Sacramenta necessaria ad remissionem peccatorum.*

Non igitur invocatio est nuda appellatio nominis Domini, quam etiam Turcæ, Judæi, Papistæ usurpant, Complectitur res longè maximas, ut humili corde audias Evangelium, & primò baptismum, Deinde etiam sacrosanctam cœnam non negligas. Hæc enim quia habent Evangelii promissionem adjunctam, non possunt sine periculo salutis negligi aut contemni, & ut clariùs quod sentio dicam, fides existere omninò sine his non potest. Fides enim nititur verbo, Verbum autem remissionis peccatorum inclusit quasi Deus in hæc mysteria; Baptismum & cœnam. Baptismus habet promissionem, Qui crediderit & baptizatus fuerit, salvus erit. Cœna hanc habet promissionem, quòd corpus Christi pro nobis traditum, & sanguis ejus in remissionem peccatorum nostrorum effusus sit. Cum hac promissione ipsæ res, de quibus promissio loquitur, nempe, corpus & sanguis Christi, cum pane & vino nobis exhibentur, ut tantò firmiùs niti promissione corda possint. Sceleratè igitur agunt, qui docent tantum panem & vinum in cœna exhiberi. Hoc primum est, quod invocatio requirit, ut verbum audias, & Sacramentis utaris. Quomodo igitur invocare Deum possunt Turcæ & Judæi, qui verbum non habent, & Sacramenta rident? Quomodo invocare Deum possunt Papistæ, qui etiam persequuntur verbum, & verum Sacramentorum usum damnant?

*Invocatio requirit fidem. Fides quid.*

Sed non satis est audire verbum, & uti Sacramentis, Fide audiri verbum oportet, & in fide Sacramenta debent accipi. Est autem fides certa fiducia, qua statuimus Deum per Christum placatum, & condonare gratis peccata, & adoptare nos in filios & hæredes æternæ vitæ. Hanc fidem cum Papistæ prorsus nesciant (Credere enim eis aliud nihil significat, quàm professionem seu notitiam historię) quomodo invocare nomen Domini possunt?

*Turcæ, Judæi, Papistæ non possunt orare.*

Tertium est, ut animus confusus misericordia Dei, se aperiat, & viva voce ac ardentibus votis expetat liberationem. Hæ invocationis veræ, ut sic dicam, conditiones rectè consideratæ, ostendunt nullum cultum vera invocatione esse rationem, cumque non nisi in vera Ecclesia inveniri. Dei nomen quidem appellatur ab omnibus, Sed alii, ut Turcæ verbo & Sacramentis carent, Alii, ut Papistæ, verbum oderunt, & persequuntur, Sacramentis autem sine fide utuntur, ac si ex opere operato profint utentibus. Certum igitur est, neutros nomen Domini invocare, sed potius in vanum assumere, & afficere contumelia. Sicut in Psalmo de persecutoribus Judæis dicitur, Oratio eorum vertatur in peccatum. Sicut enim, qui verè invocant nomen Domini, salvantur, & sentiunt orationis fructum æternum, Ita qui sine fide invocant, cumulant peccata, & exitium suum properant.

*In nomine Domini invocare quid.*

Sed cur Prophetæ non satis est dicere, Qui invocaverit Dominum, quare addit, Qui invocaverit nomen Domini, sen, ut Ebræus loquitur, In nomine Domini? Sanè statuamus, neutiquam temerè hoc factum, sed certo consilio. Nomen ferè accipitur pro notitia, quâ agnoscimus alios. Nota enim nominis discernuntur inter se tum homines, tum res omnes, Cum audis Pauli nomen, intel-

ligis

ligis alium doctorem esse, quàm fuerit Augustinus, aut Hieronymus, Sic no- <sup>Nomen Dei</sup>  
men Dei aliud nihil est, quàm ipsum verbum. Nam per verbum patefecit se, <sup>quid.</sup>  
Deus, nosque Deum quasi nosse per verbum incipimus, quem, si absque verbo  
<sup>Job. 1.</sup> esset, nunquam possemus noscere, sicut Ioannes dicit, Deum nemo vidit un-  
quam, filius, qui in sinu patris est, enarravit nobis. Invocare igitur in nomine  
Domini, seu invocare nomen Domini, est invocare Deum fiducia promissio-  
nis, quam filius Dei de cœlo ad nos attulit. Qui ideo quoque λόγος seu Ver- <sup>Christus cum</sup>  
bum appellatur, Item, imago Dei, quòd in Christo se patefecit Deus, quo erga <sup>verbum patris</sup>  
nos sit animo, quòd non (ut in Lege pingitur) oderit nos, sed diligat, & libera- <sup>vultur.</sup>  
tos à peccatis per filium velit salvare, Ideò enim mittit filium suum. Particula <sup>Omnes debent</sup>  
universalis hic neutiquam negligenda est, quæ Paulum præcipue, ut hunc locum <sup>invocare.</sup>  
allegaret, movit. Quia enim statuit nullam esse differentiam inter gentilem, &  
Iudæum, Siquidem Deus dives est in omnes, qui ipsum invocant, Prophetæ te-  
stimonio admodum in loco est usus. Notum autem est, quoties de gentium  
vocatione dicitur, prædicari misericordiam Dei, qui Legis accusationem &  
onus tollit, & ex gratia, non ex merito, per Christum nobiscum agit.

Montis Zion meminit, ut ostendat locum, in quo læta hæc Gratia seu <sup>Mons Zion.</sup>  
Evangelii vox primò sonabit. Diximus autem alibi, cur, cum de Regno Chri-  
sti loquuntur Prophetæ, potiùs Zionis, quàm templi mentionem faciant. Tem-  
plum enim cum suis cultibus erat abolendum, post sacrificium filii Dei, Zion  
autem Davidis arx fuit, cuius, cum filius sit Christus, hanc Patris sedem tenere  
debut, & regnare in hoc populo, sic tamen, ut Regnum ejus non sit de hoc  
<sup>Esai. 2.</sup> mundo, & ipse mons Zion impleat totum orbem terrarum, Esai. 2. Hoc cum  
Iudæi nesciant, nullam promissionem verè possunt intelligere, & sicut Prophe-  
ta hic clarè docet, ad iusticiam & salutem venire non possunt. Certum enim <sup>Extra Eccle-</sup>  
ex hoc loco est, extra Ecclesiam non esse salutem, Id quod diligenter notabis <sup>siam non est</sup>  
contra fiduciam operum, & virium humanarum præsumptionem. <sup>salus.</sup>

*Et in reliquiis, quas Dominus vocat.*

Coniungenda hæc particula erat cum sequentibus. Hic enim incipit  
vaticinium de vocatione gentium, Itaque paulò post explicabitur à nobis.

*Quia ecce in diebus illis, & in tempore illo, quando convertam  
captivitatem Juda & Jerusalem, Congregabo omnes gen-  
tes, & descendere eos faciam in vallem iudicij DEI, & judi-  
cabo ibi de eis, propter populum meum, & hereditatem meam  
Israël, quam disperferunt inter gentes, & terram meam di-  
viserunt, & super populum meum projecerunt sortem, &  
dederunt pueros pro cibo, & puellas vendiderunt pro vino,  
& biberunt.*

Hic locus ab interpretibus omnibus, quorum quidem scripta extant, invo-  
lutus magis, quàm explicatus est. De Iudæis nihil dico, qui, quod vallis Iosa-  
phat Prophetam meminit, ad historiam 2. Paralip. 20. hunc locum accommo-  
dant, Nostri autem ad vastationem Synagoga, aut ad ultimum diem omnia re-  
ferunt, Sed legenti facile apparet, neque coherencia, nec apta ab eis dici. Ac  
sanè quid eos impediverit, quò minus, quod verum est, cernerent, ipsi osten-  
dunt. Omnes enim in eundem impingunt scopulum, & intelligunt gentes ad  
iudicium pœnæ colligendas. Ac sanè iudicii vocabulum apud nos atrocius so-  
nat, quàm apud Hebræos. Quia autem accedunt illæ figuræ tristiores, de ven-  
dendis gentibus, de expromendis falcibus, quòd malitia invaluerit, omnes in  
eam sententiam delabuntur, ut Prophetam de iudicio iræ intelligant, quan-  
quam quod ad tempus attinet, variant, siquidem alii exponunt iudicium, vasta-  
tionem per Romanos factam, alii ultimum diem, Sed diligentius intuenti Pro-

<sup>Occasio, cur in  
hoc loco habita-  
tione sint in-  
terpreses.</sup>

Vuuu

phetam



*Discrimen lu-  
dæorum & gen-  
tium.*

phetam ipsa orationis series sententiam ostendit. Postquam enim Propheta dixit, salutem in monte Zion & Hierusalem non sint. Et in reliquiis, inquit, salvatio erit, quos Dominus vocat. Hic primò clarum est hos, quos vocat (Scharidim) reliquias, discerni à Zionitis, seu Judæis etiam ipsa vocatione. Nam Judæis promissio de semine facta est. Sicut autem in parabola Evangelii, postquam Judæi venire ad nuptias, & ad coenam recusant, servus mittitur novo mandato ad illos, qui extra civitatem in compitis habitabant; Ita hic dicit Propheta futurum, ut Dominus alios quoque vocet extra Ecclesiam, ut colligantur ad Ecclesiam, & ipsi quoque salventur. Ita sine dubio hæc particula ad gentes pertinet.

*Judicium, de  
quo Isai loqui-  
tur, quale.*

Quæ autem subjungit Propheta, Quia ecce in diebus illis, &c. ea sunt quasi explicatio hujus brevis dicti de vocatione gentium. Ostendit enim, quomodo & quo tempore hæc gentium vocatio sit expectanda. Ita coherere sententiam pulchrè vides, si hanc totam Prophetiam ad judicium gratiæ referas, non ad judicium iræ. Disertè enim dicit vocandas gentes in vallem ad Domini judicium. Hoc enim significat vox Josaphat, quæ hoc loco non propriè, sed appellativè significat. Hominum enim hoc judicium est, ut peccata sequantur suæ pœnæ, Hoc enim non solum lex Moysi, sed ipsa quoque ratio dicitur, Sed Domini judicium aliud est, judicantis per Evangelium suum, & condonantis propter Christum peccata credentibus, & donantis Spiritum sanctum, & vitam æternam. Hoc est Domini judicium, de quo hoc in loco Propheta suavissimè concionatur. Primum, peccatâ gentium commemorat, addit postea de pœna, quòd vicissim sint vendendæ per Judæos Sabæis. Tertiò hortatur Doctores Ecclesiarum, ut tanquam in ubere messe strenuè laborent in vinea Domini. Ultimò addit amplissimas promissiones, quibus Ecclesiam in hac vita subjectam cruci (nam sanguinis meminit) consolatur. Ad hunc modum tota orationis series pulchrè inter se consentit, quàm interpretes, tum veteres, tum recentiores sic involverunt, ut ipsos sequenti impossibilibi sit veram sententiam deprehendere. Sed nunc ordine explicabimus textum.

*Summa sequen-  
tiæ concionis.*

*Conversio ca-  
ptivitatis Iudæ.*

*Captivitas ge-  
neris humani.*

Conversio captivitatis Judæ & Hierusalem aliud nihil est, quàm Evangelii doctrina, quæ affert ad nos remissionem peccatorum, justiciam & vitam æternam. Nam ante Evangelii cognitionem tenemur propter peccata sub tyrannide Satanæ & mortis, nec ulla in nobis est vis, qua tanta hæc mala aut sustineamus, aut penitus tollamus, sed animi perpetuo exercentur metu iræ & judicii Dei. Evangelium autem vera medicina est, qua malum hoc tollitur. Proponit enim Filium Dei lucentem pœnas nostrorum peccatorum, & ostendit Deum amare nos propter hanc victimam, Confert denique Spiritum sanctum, qui accendit in cordibus fidem, atque hoc modo purificat & sanctificat nos. Nam fide peccata condonantur, & Spiritus nostros animos excitat, ne se præbeant servos peccato, Sed ei dominantur, ac mortificent carnem. Ad hunc modum convertitur captivitas. Satan enim etsi sollicitare nos nunquam desinit, tamen non ut gubernator, seu Dominus cogere nos potest, Spiritus Dei in nobis resistit ejus conatibus, etsi nonnunquam per infirmitatem labimur, tamen iterum erigimur per poenitentiam & fidem in Christum, ne in peccatis pereamus.

*Cur vallis Pro-  
pheta meminit.*

Cum hoc apud Judæos per Evangelii doctrinam cœperit, ut liberi sint à tyrannide Satanæ, peccati, & mortis per Filium Dei factum pro nobis victimam, Tum, inquit, colligam omnes gentes, & deducam eos in vallem ad judicium Domini. Vallis Josaphat admodum celebris est, etiam apud veteres interpretes, qui eam ultimi judicii locum esse affirmant, Sed, ut suprâ dixi, ipsa rerum series, quæ à Propheta perrexitur, aliud ostendit. Vallis igitur appellatione Propheta ideò voluit uti, quòd hæc dimicantibus acie incommoda sit. Nam in patentibus campis rectius pugnatur, ubi explicari acies potest. Cum e contra in angustum coactæ copiæ non solum sunt inutiles, sed ipsæ se impediunt. Vallis itaque significat locum magnæ multitudini incommodum & iniquum, Ac per-  
tinet

tinet ad conscientiae dolorem, & angustias pingendas, conspicientis indignitatem & peccata sua. In hanc vallem cum gentes coactae sunt, hoc est, cum Spiritus sanctus per Evangelium mundum arguit de peccato, de justitia & iudicio, Cum sentiunt animi peccati onus, cum desperant de justitia & contra iudicium Dei se tueri non possunt, tum Dominus, inquit Propheta, iudicabit, non irae iudicium, quo damnantur peccata, sed gratiae, quo remittuntur peccata. Evangelium enim sic terribas mentes consolatur, quod Filius Dei sit factus victima pro peccatis, & sua morte nobis reconciliaverit Patrem, &c.

*Iudicium Dei  
munda.*

Sed huius beneficii tam ampli quae sunt causae, seu merita? Nulla prorsus, sed potius demerita ingentia, quae aeterna mors debebat sequi. Benignus autem & misericors Deus non vult mortem peccatoris, sed ut convertatur & vivat. Commemorat autem demerita seu peccata illa gentium Propheta, quod dissipaverint populum Dei, quod dividerint sibi terram Dei, quod vendiderint pueros pro cibo, & puellas pro vino. Hic primum observa pronomen, Meum populum, Meam terram. Fuit enim hic populus Dei peculium, qui solus habuit oracula Dei, promissiones, & cultum. Et tamen hunc suum populum abripi Dominus passus est, & occupari terram ejus. Cur hoc? Quia peccaverant contemnendo verbum & Prophetas. Haec causa praecipua est turbationis & everisionis imperiorum, Itaque non miremur hodie quoque moveri inusitatis turbis Germaniam. Nos qui retinemus Evangelium non sic viximus, ut poenas nullas metuere possimus. Quanta enim, ut reliqua peccata taceam, erga ministros verbi omnium ingratitude est & quantus contemptus? Istam autem Episcoporum, idololatriam urgentium, horribilem pertinaciam, quomodo potest Deus tolerare diutius? Discamus igitur admoniti exemplo populi Dei, ferre communes illas calamitates patienter, & diligenti emendatione vitae praecidamus tantorum peccatorum poenas. Si enim, ut in Propheta est, poenituerit nos peccatorum nostrorum, etiam Dominum poenitebit poenae, quam decrevit irrogare.

*Deum male me-  
ritis beneficit.*

*Causa mutatio-  
nis imperio-  
rum.*

*Germania pe-  
nitentia.*

De venditis pueris pro cibo, & puellis pro vino, insignis figura est, qua furorem adversariorum Ecclesiae pingit, Ac si dicas hodie, sic Pontificios odio esse incensos contra nos, ut non dubitent pro potu vini jugulare Evangelii professorem. Sic gentibus nihil gratius, nec facilius fuit, quam stringere gladium in Iudaeos. Tam acerbum odium non nascitur in animis hominum, sed instillatur à Satana.

*Et quid vobis mecum Zor & Zidon, & omnes termini Philistinorum? Num vos retributionem mihi reddetis? Etsi retribuitis vos mihi, facile est, velociter ut convertam retributionem vestram in caput vestrum, qui argentum meum & aurum meum accepistis, & desiderabilia mea, & bona adduxistis in templa vestra, Et filios Juda, & filios Hierusalem vendidistis filiis Javan, ut procul eos amoveretis de terminis ipsorum.*

Dixit de gentibus Propheta, à quibus Israël vastatus est, hinc de vicinis loquitur, & exprobrat eis injurias illatas suo populo. Hi enim per occasionem carpebant Iudaeos, & affligebant eos variè. Commemorat autem duplex incommodum, quod spoliarent Iudaeos argento, auro, & aliis preciosis rebus, quibus idola sua postea ornarunt. Deinde, quod vendiderint Iudaeos Graecis, ut procul deportatis spem reditus omnem praeciderent. Haec, inquit Dominus, mihi fecistis, sine omni iusta causa, non provocati aut laceffiti à me. Retribuam igitur vobis, non quidem eo modo, quo homines irati solent, qui malum malo pensant, sed meo modo. Congregati enim estis ad Domini iudicium. Itaque non retaliabo malum, Sed pro malo bonum reddam, & vendam ego vos quoque.

*Exprobrat gen-  
tibus vicinis in-  
jurias suo po-  
pulo illatas, &  
pollicetur com-  
pensationem.*

Vuu 2

per

Commendatio  
gratia hoc ca-  
pit.

per meos, non in aspera & inhospita loca, Sed faciam Sabæorum cives, &c. Est igitur hoc caput aliud nihil, quam commendatio gratiæ insignis, quanquam obscurius proposita, Reservari enim filio Dei hanc gloriam oportuit clarè & perspicuè, ut Ecclesiam doceret de misericordia æterni Patris. Adhibendæ igitur huc sunt insignes parabolæ, quæ in Evangelii historia à Filio Dei recitantur, De patrefamiliâs, Item de Rege vocante ad cœnam & nuptias, sine discrimine omnes, De pastore quærente ovem perditam, De homine divite condonante servo suo debitum decem millium pondo, De usurario condonante omnibus sua debita, De patrefamiliâs parem mercedem impariter laborantibus distribuyente, & si qua similia sunt, quibus commendatur gratia Dei, ignoscens propter Filium peccata, & adoptantis nos.

Atq; hîc patet causa obscuritatis, quæ, ut antea dixi, imposuit ferè omni- bus interpretibus. Iudicii nomen atrox est, & quia manifesta commemo- ratio peccatorum hoc loco est, quæ à gentibus admissa sunt, Ratio aliud colligere non potest, quam secuturas certas pœnas, Et ostendunt exempla, Deum ex- gisse semper severas pœnas ab Ecclesiæ hostibus, Sicut de his ipsis rebus publi- cis, quarum hîc Propheta meminit, in Esaia, Jeremia, & Ezechiele dura vatici- nia extant. Ac sanè Legis sententia neutiquam vana est, quæ minatur etiam tertiæ & quartæ generationi. Parabola quoque nota est, in qua servo debenti decem talentorum millia, paterfamiliâs minatur futurum, ut & ipse, & uxor, & liberi, ac quicquid possidebat, vendantur. Ad hanc legis sententiam præsen- tem quoq; locum accommodarunt interpretes, Sed fefellit eos discrimen legis & Evangelii, Lex ostendit, quid exigit Deus, & minatur pœnas transgressoribus, Evangelium autem gratiæ doctrina est, quæ docet de operibus à Filio Dei susce- ptis & perfectis, ac promittit credentibus in eum remissionem peccatorum.

Duplex Dei  
iudicium.

I.

Legis.

II.

Evangelij.

Igitur iudicium Dei duplex est, Alterum legis, quod jam inde à condito usque mundo exercuit Deus, & exercebit quoque in finem usque contra impœ- nitentes, ut puniat certa peccata certis pœnis. Ac in ipsa quoque Ecclesia hoc iudicium cernitur, sicut Petrus inquit, iudicium à domo Dei incipit. Nam & sancti in tanta carnis imbecillitate severitate quadam opus habent, & ut cohi- beatur licentia, & ne securi persistant in peccatis. Sic adulterium Davidis pu- nitum est. De hoc iudicio Propheta hoc in loco nihil agit. Instituit enim concionem de Evangelio, ac loquitur de alio iudicio quam legis est. Per Evan- gelium enim accusatur quidem peccatum, sed in Christum credentibus remit- titur, idque ideo, quia regnum Dei sine remissione peccatorum non potest con- sistere. Aut enim Ecclesiam nullam habebit Deus, aut peccata ut condonet necesse est. Est enim tota hæc natura peccato sic corrupta, ut nisi eam remis- sione peccatorum sanet Deus, regnum Dei videre non possit. Sonante igitur Evangelii voce, sic iudicatur mundus, ut credentibus peccata condonentur per filium Dei. Interim legis quoque iudicium suum locum habet, ut frangantur animi securi, & humilientur, ac avidius quoque amplectantur gratiam. Sic illa atrox patrefamiliâs sententia de vendendo servo, & omnibus quæ habet, cogit eum, ut roget de mitigatione pœnæ, Patientiam, inquit, mecum habe, & reddam tibi omnia. Sic illarum ipsarum pœnarum, quas infligit Deus, finis est, ut agno- scentes peccata emendentur, & confugiant ad misericordiam Dei. Ac in Esaia graviter conqueritur Dominus de pertinacia Synagogæ, quod ne quidem plagis sanari possit, Beneficiis autem reddatur obstinacior. Quod igitur ad Ioëlem attinet, commemorat gentium peccata, & dicit, iudicaturum Dominum, Sed iu- dicium non Legis, sed Evangelij, hoc est, quod non damnet propter peccata, sed à peccatis & pœnis æternis credentes absolvat, ut sibi inter gentes quoque Ec- clesiam constituat. Sed hæc in sequentibus explicabimus clariùs.

Ecclesiæ imago  
proposita.

Dixi autem supra Ecclesiæ imaginem hîc proponi, quæ diripitur à genti- bus & vicinis. Ac sanè magnus & insignis contemptus notatur, cum dicit, Pro- ceca



esca pueros, & puellas pro vino venditas, Ac si hodiè dicas tanto in odio nos esse apud Pontificios, ut tam cupidè nos jugulent, quàm vini poculum bibunt. De Pontificij Eccle-  
vicinis autem dicit, Direptum aurum & argentum, ac praeda hac ornata gen-  
tium templa. Hoc quoque Pontificiorum peccatum est. Aurum enim & filias spoliant.  
quicquid preciosum fuit, extorserunt à suis, & idola sua ornarunt. Nam opes istæ conferendæ erant ad alendos pauperes, ad conservanda studia, & scholas constituendas, Sed luxus & libidinum alimenta fuerunt, & adhuc hodiè sunt, nec id solum, sed ad idololatriam ornandam, ac delendam pietatem conferuntur, Meminerimus autem Deum retributurum eis, non quidem, ut hic de Zor & Zidone dicitur, quæ fuit retributio Gratiæ. Hanc quoque per multos jam annos adversariis nostris obtulit Dominus per verbum suum, sed sine fructu aliquo. Persistunt enim in odio verbi & veræ pietatis. Igitur restat retributio Legis, qualem Zor & Zidon ante tempus invulgati Evangelii tulerunt. Commendatur Tyrus maximè apud Ezechielem propter potentiam, sed non potuit arcere meritis pœnas, Periit, & quidem miserè, ita ut totos septuaginta annos jaceret deserta, Sed durius fatum manet Pontificios.

*Ecce ego excito eos de loco, in quem vendidistis eos, & convertam retributionem vestram in caput vestrum, & vendam filios vestros & filias vestras per manum filiorum Juda, & vendent eos Sabæis genti longinque, Quoniam Dominus dixit.*

Hic iudicium exponit, de quo supra dixit. Admonui autem non intelligendum Prophetam de retributione legali, seu qua nos homines inter nos solemus uti, cum pensamus peccata suis pœnis, Sed de retributione Evangelii seu Gratiæ, qua condonantur peccata, & donatur Spiritus sanctus. Atque hæc sententia, ut probetur esse vera, nemo sanus negabit filios Iuda, de quibus Ioël hic loquitur, esse veram Ecclesiam, quæ cœpit in populo Dei, per Evangelium Christi, & donum Spiritus sancti accepit. Palàm autem est Ecclesiam nulla corporali vi grassaturam contra suos hostes, Sed potius ipsam in hac vita injustam vim passuram. Quod igitur Ioël dicit de gentibus per manum filiorum Iuda vendendis, omnino allegoricum est. Sicut enim venditus non ampliùs est sui juris, Sed totus pendet ab emptoris iudicio & voluntate, Ita significat gentes deserta idololatria servituros Deo vero. Ea verò servitutis non pœna, sed summum donum est, Affert enim vitam æternam. Quomodo gentes venduntur à reliquis Israël.

Atque huc mea sententia facit, quod dicit, gentes vendendas Sabæis. Saba enim seu Arabia felix omnibus totius orbis terrarum regionibus antefertur. Ideò tum Græcis, tum Latinis felix appellatur. Ebræum quoque nomen Saba, ubertatem & copiam significat. Quod igitur Græcos dicit vendendos Sabæis, hoc est, transferendos in ditissimam terram, hoc quis pro pœna potius, quàm pro beneficio summo accipiat? Huc quoque facit Esaiæ locus, cap. 60. in quo vaticinatur omnes de Saba venturos ad Ecclesiam, & allaturos munus, aurum & thus, & annuntiuros laudem Domini. Non enim rarò in suis concionibus ad naturæ imagines respiciunt Prophetæ. Paulò post cum de Ecclesiæ donis Joël concionabitur, promittet montes manantes vino, & colles lacte, hoc est, latissima pascua, & vitiferos montes. Cum igitur Sabæi præ omnibus totius terræ populis divinitus sint donati optimo auro & thure, placuerunt Prophetis hæc symbola, & Sabam Ecclesiæ typum fecere, in qua sola aurum, hoc est, verbum & fides (Coniuncta enim hæc sunt, nec possunt ulla ratione separari) ac thus, hoc est, invocatio invenitur. Quomodo enim invocabunt, in quem non credent? & quomodo credent sine prædicatione? Hæc igitur Sabæorum, hoc est, Ecclesiæ præcipua & peculiaria dona sunt. Etsi enim nulla gens sit, quæ non religionem aliquam, & Dei cultum jactet, tamen vera fides & invocatio nusquam

nisi in Ecclesia est. Aliæ gentes omnes sunt sine fide, ac vivunt in idololatria, Invocationem autem prorsus ignorant, sicut supra quoque diximus.

Hæc de Prophetæ sententia certa sunt. Non autem prætereunda hîc obiter consolatio est, his præsertim temporibus maximè necessaria. Dixit Iudæos venditos Græcis in longinquam terram, ut omnis spes reditus præcideretur. Si igitur illorum animos, qui venditi Græcis sunt, intuearis, deprehendes non solum perturbatos metu & dolore, sed etiam penitus de se, & posteritate sua desperantes. Quid enim inter gentes tam longinquas sperarent? ubi cultus nullus, notitia Dei nulla, verbum Dei nullum est. Tu de te cogita, si hodiè cum tuis abripereris in Turciam, quam esses habiturus spem de te & posteris tuis? Sed non sunt hæc pericula metienda ex nostro iudicio, Dei potentia respicienda est, & promissiones Dei, quæ etsi Ecclesia in hac vita variè affligitur, tamen spem faciunt, eam triumphaturam, hostes autem ejus penitus perituros. Sic audis hoc in loco filios Iudæ venditos gentibus, Sed ex gentibus iterum colliguntur, & victoribus imperant, hoc est, fiunt Doctores gentium, traducunt gentes ab impietate ad agnitionem Dei, & verè faciunt Sabæos, abundantes omni genere spiritualium donorum.

Deum diligit  
nos, et si affligi  
sunt.

Statuamus autem hanc consolationem esse generalem. Verum enim est, quod Paulus dicit, electis omnia cooperari in bonum, & nec famem, nec gladium nos separaturnum à dilectione Dei, hoc est, Deum nos diligere propter Filium, etiam cum gladius & fames nos urgent. Hanc autem dilectionem necessario sequitur victoria, sicut Paulus addit, In his omnibus *etiam* longe vincimus. Ergo tu hoc tantum da operam, ut in ecclesia & populo Dei maneas, hoc est, Retine verbum & fidem, ac fiet, ut, quanquam affligeris, tamen afflictio cedat in bonum. Qui autem fidem abjiciunt, hos quid mirum est descri in calamitatibus? Sicut Esaias Achæ minatur, Si non credideritis, profectò non permanebitis. Daniel non solum summo loco fuit in captivitate Babilonica, Sed etiam maximas res gessit, & plurimis fuit occasio salutis. Perpetuò igitur conjuncta hæc esse statuas, Afflictionem & consolationem, humiliationem & exaltationem, mortem & vitam. Si igitur affligeris, cave desperes. Vicinus enim es gloriæ, & feliciter triumphabis, modò in fide permanseris.

*Proclamate hoc inter gentes, sanctificate bellum, Excitate robustos. Accedant & ascoendant omnes viri bellatores, Constate vomeres vestros in gladios, & falces vestras in lanceas, Debilis dicat, Fortis ego. Conglobamini, & venite omnes gentes ex omnibus partibus, Congregamini, Hic sternet Dominus fortes tuos, Excitabitur & ascendent gentes ad vallem, in qua judicabit Dominus, quoniam ibi sedebo, ut judicem omnes gentes, quæ ubiq; sunt.*

Adhortatur  
gentes, ut se  
parent ad hoc  
bellum.

Odiū mundi  
contra Evan-  
gelium.

Subinde nobis respiciendum ad caput est, quid præcipuè instituerit Propheta. Quia enim oratio tota allegorica est, facile à sententia vera discedet, qui non sæpius ad institutum argumentum, ceterum ad scopum respexerit. Proposuit autem Propheta promissionem de Spiritu sancto effundendo in reliquias sanctas. Deinde addidit aliud vaticinium de vocatione gentium, hanc ceu ænigmate involvit. Dicit enim gentes vocandas in vallem, in qua Dominus judicabit, & retribuet eis, quæ ipsi fecerunt populo Dei. Nam gentes quoque vendendas Sabæis longinquæ genti. Nunc addit exhortationem ad gentes, ut se ad hoc bellum parent. Complectitur autem duo. Primò ostendit, quanto furore se mundus opponat Evangelio. Deinde de eventu docet, quod consilia mundi frustra sint. Quia enim per Evangelium Satanæ regnum petitur, quicquid potest virium contrahit, ad sua defendenda. Nec opus est accersere vultu-

rustatis exempla, quibus periculis populum Dei semper involverit, Quæ consilia ad novi Testamenti Ecclesiam labefactandam in ultima monarchia tentarint, præsentia tempora videamus. Quid enim nunc rotos annos octo & viginti non tentarunt Pontifices contra Evangelii doctrinam? Quid Episcopi? quid Monachi, quid Scholæ, quid denique Reges & Principes? Pii Doctores, & sancti Verbi confessores passim exuti bonis, proscripti, occisi sunt, libri concremati, conciones interdictæ, Testamentum Christi violatum, & Coenæ sacrae usus perversus, Imperatæ aliæ impiæ ceremoniæ, quæ ad quæstum faciunt. Editæ denique horribiles sententiæ contra doctrinam nostram. His modis cum tantum apud suos impedirent Evangelii cursum, tandem etiam de nostris Ecclesiis armis opprimendis consilia inita sunt.

Hoc nimirum est, quod hoc in loco Propheta dicit, Excitate robustos, Vomeres in gladios, falces conflante in hastas, hoc est, potior sit cura belli, quam demetendæ segetis, & arandæ terræ. Nemo sit debilis, sed qui debilis est, dicat se fortem esse, hoc est, etiam qui ad bellum inepti sunt, tamen belligerentur, sicut hodiè molle & effœminatum Episcoporum, Canonicorum, Monachorum vulgus non solum bellum exoptat, sed castra etiam sequitur. Hoc primum est, quod Propheta hoc in loco ostendit, ac utile est extare similes tam ingentis furoris & odii descriptiones. Confirmant enim piorum animos, ne tanquam in re inusitata abjiciant spem, Siquidem omnibus temporibus ad hunc modum Satan sævit, sed qua fortuna & quo eventum? Hoc alterum est, *Ecclesia hodie affligitur, tamen servatur, & percutit tandem hostes ejus* quod Propheta hic ostendit. Hæc enim exhortatio habet inclusam acerbam ironiam, Significat enim omnes conatus & molimina omnia Satanæ & mundi frustra fore, sicut tandem addit Propheta, Ibi Dominus sternet fortes tuos. Sic in 2. Psalmo atrocitas sunt, quæ de Regibus, Principibus, populis, gentibus, Spiritus sanctus dicit, conspirantibus & conferentibus, tum vires, tum consilia ad rumpenda vincula, quibus Dominus quasi constringere carnis studia conatur. Evangelium enim arguit mundum, ut peccare desinat, ut justiciam sectetur, & Satanæ jugum excutiat, siquidem judicatus est. Sed mundus gaudet peccatis, & pertinaciter fovet idololatriam, ac omnes suas vires confert ad sanam doctrinam opprimendam. Hi conatus sine cæde & sanguine piorum non abeunt, & tamen non perficiunt impij, quæ volunt. Nam qui in cælo est, non quidem statim punit hunc furorem impiorum, sed sinit eos aliquousque procedere, & felices esse, & tamen ridet stulta & irrita molimina. Quid enim est, quod homo Dei consilium conatur impedire aut evertere? qui in cælis est, & uno nutu totum mundum concutit? Sed non ridet perpetuò, loquitur etiam in furore suo, hoc est, retundit impios, & non solum consilia ipsorum turbat, sed penitus etiam perdit eos.

Hunc finem Propheta hic quoque ostendit. Sed quia nos tantum in præsentia intenti sumus, futuros autem eventus non ex verbo, sed ex nostro sensu æstimamus, ideo træpidat caro, & aut dubitat de successu, aut metu futuri mali prorsus dejicitur. Respicendum igitur est verbum est, & ob oculos perpetuo habenda præteritorum sæculorum exempla, quæ omnia una quasi voce testantur, & furere mundum contra verbum, & tamen concidere tandem in medijs conatibus, Verbum autem Domini manere in æternum.

Ideo dicit Dominus hic, Venite omnes gentes, ex omnibus terræ partibus congregamini. Hic enim sternet Dominus fortes tuos. Observabis autem præcipue vocabulum (Gibborim) Nam hostes Evangelij non sunt contempti, imbecilles, pauperes, Fortes sunt. Ideo Ecclesia destituta carnalibus præsidijs in periculo est, & pavet. Nos hodie non parum movemur adversariorum opibus, potentia, ingenijs, usu armorum, & agnoscimus nos neutiquam eis esse pares. Sed cur movemur? nonne carnalia hæc sunt? Nos autem, qui Patrem habemus in cælis, cujus nomen & gloria periclitatur, num carnalibus præsidijs nitemur? Hoc illi faciunt qui nesciunt Deum, & persequuntur verbum. Quis enim illos



miretur venire in curribus & equis? Nulla enim habent & norunt alia præsidia. Nos autem, qui habemus Deum, faciamus opus vocationis nostræ pro nostra mediocritate, & speremus in nomine Domini. Hoc enim Domini opus, hæc ejus virtus est, non cupit imbelles adversarios, Fortes vult dejicere, hi quanto de victoria sunt certiores, tanto facilius periculum incurrunt. Non tamen, sicut dixi supra, abeunt conatus Satanæ sine incommodo omni. Nam nos peccatis nostris Deum variè offendimus, Et solet Deus judicium incipere à domo sua. Sunt enim adversarii nostri ad tempus felices, Sic enim merentur peccata nostra, Sed nisi ipsi quoque egerint poenitentiam, nisi Filium, ut in 2. Psalmo dicitur, osculati fuerint, & apprehenderint disciplinam, hoc est, humiliter amplexi fuerint verbum, necesse est eos non solum corporalibus malis involvi, sed præcipitari in gehennam, & æternis flammis subjici, secundum sententiam, Qui non crediderit, condemnabitur.

*¶ Res Ecclesie  
destruitur ster-  
nuntur.*

Sit igitur præsens locus nobis in consolationem. Docet enim de futuro eventu felici, quod sternendi sint fortes, qui se opponunt verbo. Sternuntur autem duplici ratione. Quidam sternuntur ad salutem. Hi enim submittunt se verbo, abjiciunt peccata, fugiunt usitatam idololatriam, ac spe veniæ per Christum se erigunt. Sic sternebatur Paulus ad Damascum. Sed ô felicem cladem. Prohibebatur enim, ne peccaret amplius, & consequabatur fide remissionem peccatorum, & Spiritum sanctum. Ac Dominus hoc consilio gladium suum stringit, & belligeratur contra mundum, ut agentes poenitentiam salventur. Sed qui Verbum aut contemnunt superbè, aut oderunt ac persequuntur pertinaciter, hi sternuntur à Domino non salutari, sed exitiali clade, ut in æternum pereant, sicut Pharo Saul, &c. Judicium igitur Domini in valle judicii, hoc est, quod per Verbum arguit peccata, & docet justiciam & judicium, Ac felices sunt, qui judicium hoc ferunt & tolerant. Et si enim jugulatur vetus homo & exercetur animus veris & intolerabilibus pavoribus, tamen medicus animarum Filius Dei sanat hanc cordium plagam, & reducit animos ad tranquillitatem, promissione expiari peccati, & reconciliationis per ipsum factæ. Qui autem verbum contemnunt, hi etsi ad tempus securi vivunt, tamen æternis circumvenientur malis.

*Mittite falces, quoniam maturuit messis, Venite, venite, Et descendite. Quia impletum est torcular, Redundaverunt torcularia, Quia multa est malitia eorum.*

*Exhortatio ad  
ministros Evan-  
gelii, ut fortiter  
dimicent sub hoc  
bello.*

Hæc alia exhortatio est, pertinet propriè ad ministros Evangelii, quorum opera bellum hoc Dominus gerit, ut magno & infracto animo tentent hujus belli aleam, certi de felici eventu. Hæc cohortatio admodum est necessaria. Quæ enim pericula confessionem & ministerium hoc sequantur, notum est. Vide Joannis, Christi, Apostolorum historias, nonnè totum Satanæ regnum irritant contra se, qui fidem in Christum Dei filium docent? Satan autem mundi Deus & princeps est. Sicut igitur Principes subditorum armis se & sua tuentur, Ita Satan totius mundi viribus utitur ad opprimendum ministerium. Firmo igitur & infracto animo iis opus est, qui ministerium docendi habent, Nec terreri debent malitia mundi, imò quò mundus peior & desperatior est, eò fortius incumbendum est in prædicationem Evangelii, ut saltem aliqui ex Satanæ faucibus eripiantur. Particula, Quoniam magna est malitia ejus, propriè pertinet ad tempus Christi. Mundus enim tum extremè fuit corruptus, & Satanæ furor immodicus, Sicut gentium historiarum & exempla docent. Quantum enim fuit idololatriarum in omnibus gentibus? Itaque Poetarum quoque superstitionem & idololatriam exagitarunt, Sicut ille, qui Aegyptiis dicit, sua numina in hortis crescere, Et quis non cohorrescat, cum legit foedissimas turpitudines pro cultibus habitas? In ipso autem populo Dei quanta fuit cæcitas, quibusdam palam negantibus resurrectionem mortuorum, & damnantibus Prophetarum scripta? Verè igitur

tum

tum malitia, sicut plenum torcular, exundavit, ac nisi Evangelii salutare lumen affulisset, periisset totus mundus. Cohortatur igitur, ut occurrant furori Satanæ, & morientem mundum salutare hac medicina sanent.

*Populi multi in valle judicii, Quia prope est dies Domini in valle judicii, Sol & Luna obscurantur, & stellæ contrahunt lumen suum.*

Haftenus Propheta exultante Spiritu, sed admodum obscuris verbis, gratiam Dei, & laetum Evangelii successum prædicavit, quod vulgatum in omnes totius orbis terrarum angulos, nusquam fructu suo destituitur. Iudicat enim sine discrimine omnes, neque est iudicium hoc irritum aut vanum. Qui enim fide amplectuntur, hi liberati à Satanæ tyrannide in fide expectant hæreditatem vitæ æternæ. Alii, qui non credunt, hi audiunt sententiam mortis. Quæ enim salutis spes esset reliqua, abjecto Christo & Evangelio? Quæ jam sequuntur, sententia quidem non differunt, sed clariora sunt, & explicant obicure supra proposita.

Dixit supra omnes gentes congregandas in vallem Iosaphat, Id obscurum est. Nescias enim propriè ne an appellativè accipiendum sit, quanquam circumstantiæ ostendunt, non angulum terræ Iudæ, sed totum mundum sic appellari. Hanc ambiguitatem Propheta nunc tollit, cum non amplius vallem Iosaphat, sed vallem (charuz) hoc est, iudicii appellat, in qua Dominus per Evangelium certam & definitam sententiam de toto humano genere sit pronuntiaturus, & sic debellaturus gentes. Nam verbum (charutz) propriè significat certam & definitam sententiam ferre. Sic 1. Reg. 20. Iudicium tuum tu definisti, & Job. 14. Certò definiti sunt dies hominis, Item, Esai. 10, 28. Dan. 6. eadem verba pōnuntur. Consumationem & decretum faciet Dominus, hoc est, perdet incredulum populum. Est enim figura ex foro sumpta, ubi semel decreta non rescinduntur. Paulus Rom 9. septuaginta secutus est, hi verterunt Esaiæ locum his verbis, Verbum abbreviatum faciet Dominus. Sed ratio nulla est, cur (calah) verterent verbum. Significat enim consumationem & finem. Abbreviatum autem intelligendum est, certum, destinatum, immutabile, Sicut Germanicè simdi ferè figura dicimus, cum significamus nos nihil de sententia mutatu-  
Reg. 20. rum, Job. 14. 1. Reg. 20. Esai. 10, 28. Dan. 6. amich. 6. im. 9. Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus nos nihil de sententia mutatu- rum Simdi ferè figura dicimus cum significamus

## COMMENT. D. M. L. IN III. CAP.

adimit. Hanc iudico simplicissimam sententiam. Nam referre ista ad animorum perturbationem hoc in loco minus quadrat, ubi Propheta hoc præcipue agit, ut ostendat Regnum Christi in omnes gentes vulgandum esse.

*Et Dominus de Zion rugiet, atq. de Hierusalem dabit vocem suam, & commovebuntur cæli & terræ.*

Hic exponit, quale sit iudicium, ad quod colliguntur gentes, & cui se omnibus viribus opponunt. Item, quod illud sit bellum, quo prosternuntur fortes, & venduntur in longinquas regiones. Non, inquit, utetur armis, non, ut ad mare rubrum, pugnabit fulminibus, Sed vocem edet ex Zion, non obscuram aut infirmam, sed fortem & terribilem, qualis Leonum est, & de Hierusalem loquitur. Etsi autem repetitio hæc otiosa videri potest, tamen aptissime quadrat ad ministerium Evangelii. Sicut enim Christus jubet in nomine suo docere poenitentiam & remissionem peccatorum, poenitentia autem doctrina arguit peccata, & terret animos metu iræ & iudicii Dei, Ita primo loco rugitus hic ponitur, qui doctrina de poenitentia symbolum est. Est enim vox leonis inter omnia animantia maxime formidabilis, nec edit eam nisi commotus ira, Ideo Scriptura famelico leoni, & prædam adepto rugitum attribuit. Ad hunc modum Evangelium arguit mundum de peccato, non solum, ut mundus discat se habere peccatum, qui nisi verbo admoneretur, securus de peccatis esset, sed etiam docet, in nobis nullum esse præsidium contra peccatum, Quin augeri peccata, si quis ulla ratione pro iis conetur satisfacere. Hæc doctrina impressa animis deiecit hominem. Non solum enim præsidia omnia adimit, sed etiam inevitabile æternæ mortis iudicium proponit. Sicut igitur servus, qui in Evangelio ad rationes subducendas vocatur, tristem sententiam de se & omnibus suis vendendis audiens, se ad heri pedes abjicit, & supplex petit mitigari poenam, Ita sine ingenti animorum pavore ipsa cogitatio divini iudicii sustineri non potest, Naturaliter mentes ad hunc rugitum exhorrescunt, & mallent prorsus non esse, quam pavores hos perpetuo sentire.

Rugitus leonis.

Evangelium arguit peccatum.

Cur Evangelium poenitentiam doceat.

Doctrina de remissione peccatorum.

Commoti cæli & terra.

Cur autem facit hoc Deus? Cur ad hunc modum miseram naturam terret? Primum fit hoc, ut conspecta nostra miserabili conditione, doctrinam filii Dei, de gratuita peccatorum remissione avidius amplectamur, Deinde etiam ad gloriam suæ misericordiæ patefaciendam. Quomodo enim beneficium ab eo agnosci potest, qui nullum sensit incommodum? Dei igitur immensa bonitas in eo elucescit, quod miseris peccatoribus & æternæ morti addictis, gratiam peccatorum facit, & hæredes æternæ vitæ constituit. Salutaris igitur rugitus ille est, etsi formidabilis & plenus terroris sit. Post rugitum autem ex Zion, etiam vocem dat ex Hierusalem, hoc est, loquitur blandius, nec amplius terret, sed consolatur animos, Proponit Patris sui clementissimum animum, jubet respici in crucem suam, hortatur, ut fiducia suæ mortis speremus remissionem peccatorum & fiducia resurrectionis speremus æternam iusticiam & vitam. Jubet, ut baptizemur in suam mortem, jubet, ut manducemus corpus suum pro nobis traditum, & bibamus sanguinem suum pro nostris peccatis effusum. Hoc oleo lenitur asperitas vini, & traducuntur animi a metu & pavore, ad tranquillitatem & lætitiā. Quomodo enim Deum metuerent, quem ne quidem Filio vident parcere? Quomodo de salute sua dubitarent amplius, cum videant Filium ad dextram Patris, qui sanguine suo genus humanum, tanquam peculium sibi acquisivit?

Ad hanc igitur vocem de Zion sonantem, commoveretur cælum & terra. Cælum aperitur, nec manet amplius clausum. Pater ipse de cælo nobis commendat filium, & descendunt non solum Angeli miscentes colloquia cum hominibus, sed ipse DEI Spiritus, ut habitet in corporibus nostris. Hæc inaugurata fuerunt ante hanc vocem de Hierusalem sonantem, Terra quoque novam prorsus induit faciem. Qui securi erant, incipiunt timere Deum, deponunt

non



non solum studia carnis, sed etiam cultus usitatos hætenus abjiciunt, Vident enim Deum non velle coli ad nostrum arbitrium, sed ad verbi sui præscriptum, Hoc cum reverentia amplectuntur, & per fidem in verbum accipiunt remissionem peccatorum, & Spiritum sanctum, per eum invocant Deum, in omnibus periculis, & confitentur nomen ejus, nihil veriti mundi minas & furorem. Hæc an non insignis commotio est, quod subito ad hanc vocem (ut Propheta ait) nova fiunt omnia.

Neutiquam autem negligendum est hoc in loco illustre testimonium de Christo, ad convincendum pertinacem Iudæorum errorem. Audiunt Prophetæ vaticinium, Dominum (Jehova) ex Zion locuturum, Respondeant autem quando id sit factum. Quia enim negare non possunt, quin Zion & Ierusalem jam olim sit vastata, nonne cogentur etiam hoc fateri, Prophetiam hanc stante adhuc Ierosolyma esse impletam? Sed per quem aut quo modo impleta est? Num Dei vox sic infirma fuit, ad quam tamen cælum & terram contremiscere, Propheta dicit, ut eam ipsi non exaudirent? Si autem audierunt, num sic fuerunt perversi, ut audire nollent & contemnerent? Nonne quoque, siquidem de Messia, seu Christi Regno Prophetam loqui certum est, Messiam exhibitum jam olim stante adhuc Zione & Ierosolyma res ipsa loquitur? Sed cæci Iudæi, tanquam in densa caligine errantes, quò se vertant, nesciunt. Nos autem, qui credimus Christum esse exhibitum, & agnoscimus eum non solum hominem, sed æterni Dei æternum Filium, nos, inquam, scimus per Christum Iesum ex Maria virgine natum, hanc Prophetiam impletam esse, & ipsum esse verum (Jehova) sicut testantur plures loci novi Testamenti, Iohan. 14. inquit, Creditis in Deum, in me credite, Item verba, quæ ego loquor, non loquor de meo, Pater qui in me est, facit opera. Credite mihi, quòd ego in Patre sum, & Pater in me est, Item, Philippe, qui videt me, videt Patrem meum. Sicut autem hæ sententiæ non debent eludi, quasi tantum de ministerio à Patre demandato loquatur Christus, Ita præsens quoque locus simpliciter intelligendus est, quòd ipse (Jehova) Deus loquitur, cum Christus loquitur, & quòd ipsum verum æternum Deum audiunt, quicumque hanc vocem in Zion sonantem audiunt. Non enim est Deus extra Christum quærendus, & quanquam personarum discrimina sunt, tamen non est nisi unus æternus Deus, sicut Paulus dicit in Christo habitare, plenitudinem divinitatis. Hæc definitio personæ hoc loco neutiquam negligenda fuit.

*Testimonium, quòd Christus sit verus Deus, & jam olim exhibitum.*

*Christus Deus & homo.*

Habes igitur duo hæc de novo Testamento, quòd scilicet ex Zion egredietur nova doctrina, & quòd Doctor, qui eam primus sparget, sit Deus. Inclusitur autem hic tertium quoque. Quia enim & corporalis loci mentionem Ioël facit, & vaticinium de voce, quæ auribus hauritur, certum est, doctorem hunc hominem quoque esse. Hinc sequuntur omnia historica illa novi Testamenti, quòd cum homo sit, mori eum necesse fuit. Quia autem non tantum homo, sed Dei æternus filius est, non potuit in morte manere, sed resurgere eum oportuit, & expiato per mortem peccato, victa autem & ab omni per resurrectionem morte, possidere æternum regnum. Hæc omnia certissima consequentia sequuntur. Quis autem erit finis hujus vocis ex Zion? aut quis sequetur eventus? hoc sequentia ostendunt.

*Et Dominus spes populo suo, & munitio filiis Israël. Et scietis, quoniam ego Dominus Deus vester, habitans in Zion, monte sancto meo.*

Hoc est, omnes, qui vocem illam humili corde amplectuntur, & subjiciunt se Domino judicanti, his ipse Dominus spes seu fiducia erit, & arx, ad quam confugientes, sint tuti ab omnium hostium vi & multu. His paucis verbis utrumque Propheta facit, ut ostendat, quid Evangelium in summa doceat, & quis verus D.E.I. cultus sit. Lex, ut sæpè diximus, præcipue hæc duo

*Evangelium.*

duo agit, Ostendit, quid à nobis exigit Deus, & minatur poenas non facienti voluntatem Dei. Etsi enim promissiones quoque additas habet, tamen, quia natura nostra peccato sic est corrupta, voluntatem Dei facere ut non possit, frustra promissiones hoc in loco commemoramus, Sed cum Paulo verè statuimus legem esse ministerium mortis, Siquidem exigit, quod præstare non possumus, & addit sententiam mortis. Sed Evangelium est doctrina, quæ non, ut Lex, exigit, quid faciamus, nec intentat poenam mortis, sed certam spem facit vitæ etiam peccatoribus, si modò in Christum credant. Proponit enim Filium Dei propter nos factum hominem, & propter peccata nostra oblatum victimam in cruce. Hanc hostiam pro suis peccatis cum serio intuentur animi, sperant, peccatorum veniam, & ad Deum confugiuntquem, antequam Evangelii vox sonaret, ut hostem metuebant.

*Pericula in quibus vivimus.*

Notabis quod utrunque nomen, spei & refugii seu arcis, manifestam significationem habet periculorum, in quibus natura omnes versamur. Cur enim promitteretur spes, nisi magnitudo periculorum desperationem afferret? & refugii seu tuti loci promissio, quem haberet locum, si extra discrimen & in tuto essemus? O igitur cæcos Pontificis Doctores, disputantes de naturæ viribus integris, & liberi arbitrii facultate, qua præparare nos possumus ad gratiam. Cur non respiciunt ad illam à Christo propositam parabolam de homine à latronibus spoliato & vulnerato? Satan enim per peccatum nos exuit præstantissimis donis, agnitione Dei, justitia & recta voluntate, & coniecit in æternam mortem, cum, si absque peccato esset, æternum eramus victuri. Quod igitur ad nos attinet, verè sumus desperati. Quid enim in nobis contra hæc mala, vel spei, vel præsidii est? Num homo semel mortuus, sibi vitam denuò vindicabit? In hoc periculo cum simus omnes omni tempore, verè vivimus in infesto loco, in quo nihil tutum est. Ac quidem pericula hæc homines non prorsus prophani & securi vident ac sentiunt. Iudæus igitur ad Moysen suum recurrit, ac putat cultus & opera à Mose præceptos ceu portum esse, in quo tutus conquiescat. Pontificii habent Missas suas, intercessionem divorum, jejunia, vota & similia exercitia, quibus confidunt se contra Satanam, & in Dei iudicio tutos fore. Sed omnia hæc sunt ficulnea præsidia, Evangelium autem solum docet, ubi certa spes, & tutus refugii locus contra mortem, peccatum & Satanam sit, nempe, apud solum Deum. Hic unicus portus est, ad quem tutò applicamus, cum urget nos vel conscientia, vel mors, vel Satan.

*Quò in periculo confugiendum.*

*Deum peccatores cur non obsecrant.*

Quomodo autem hoc? Nonne enim Deus peccatum odit? nonne minatur peccato poenas certas? nonne solus est, quem propter peccata formidamus? Quomodo igitur ad eum confugiemus, à quo poena expectatur certa? Respondeo. Hoc verò est mysterium illud regni cælorum, toti mundo incognitum, piis autem solis notum. Vera quidem hæc omnia sunt, quæ jam de Deo commemoravimus, quòd odit peccatum, & peccatum damnet morte æterna, Sed Dei filius factus est mediator, is poenam in se transtulit, mortem, ad expianda nostra peccata, sustinuit, ac Deo Patri hoc modo nos reconciliavit, qui sublato peccato, non solum causam non habet, cur nos oderit, sed propter filium etiam magis nos amat. Atque hic est cultus præcipuus novi Testamenti, spem ponere in Deum per Christum, & ad Deum in omnibus periculis confugere. Sed impeditur hic cultus variè. Cum bellorum pericula imminet, ut nunc, confugimus ad arma, terremur potentia adversariorum, causæ autem nostræ diffidimus, quia minus videmur instructi. Sic cum fame premimur, præsidium certum statuimus in copia. Magis autem hoc fit in periculis conscientie, Ibi certa peccata nos tantum non ad desperationem adigunt, quæ si non haberemus, videremur nobis facilius sperare gratiam posse, Sed resistendum his cogitationibus carnalibus est, & in solum Dominum, non in merita nostra ponenda spes. Ad Deum solum etiam, cum peccata nos urgent, est confugiendum.

*Cultus Dei, sperant.*

Hoc

Hoc cultu delectatur, eumque in Decalogo exigit, cum vocat se nostrum Deum, Nos autem adjuti Spiritu sancto, si carni resisterimus, prestare eum possumus, invocando nomen eius.

Sed quid fiet de aliis, inquit, qui Evangelium non amplectuntur? Id infra Propheta ostendet. Hi enim ostenduntur Evangelio, & movent pugnas. Hic igitur Ecclesia novis involvitur periculis. Resistendum enim hostibus Verbi est, ad sanguinem usque, ne quod unum agunt, sana doctrina, & verus cultus opprimatur. Sed in hoc quoque discrimine Dominus retinet nomen suum, Sperantibus enim in ipsum, & confugientibus ad ejus auxilium, est liberator. Sicut in fine copiosius exponet, & hic manifesta consolatio est, Scietis, quia ego Dominus Deus vester, habito in sancto monte meo Zion, Hoc est, Ecclesiam agnoscentem me, & in qua vox mea sonat, non deseram, Ero cum ipsa etiam in tribulatione, & eripiam eam, sicut Psal. 91. dicit. Hæc si tempore tentationis animis possent firmiter includi, o quam essemus beati? quam non perturbaremur ullo mali sensu? Meditanda autem sæpius sunt, & rogandus quoque Deus, ut per Spiritum suum has promissiones animis nostris, ceu sigillum, imprimat, nosque per eas in omnibus periculis erigat.

*Et erit Hierusalem sancta, & alieni non transibunt per eam amplius.*

Non sine causa Christus jubet scrutari scripturas de se. Videmus enim, quod brevissimis concionibus gravissimæ res comprehenduntur. Hactenus Ioel personam Christi depinxit, quod homo & Deus sit. Item Evangelii illustrem definitionem proposuit, quod sit talis doctrina, quæ doceat spem in Deum. Locus autem præsens complectitur articulum symboli, Credo Ecclesiam sanctam catholicam, Sanctorum communionem. Dicit Ierusalem sanctam fore, & alienos non transiuros per eam amplius. Hunc articulum, sicut & illum de Evangelio, seu remissione peccatorum, totum obruerunt Pontificii Doctores. Quomodo enim docerent sanctam Ecclesiam, qui dubitare hominem jubent, sit ne in gratia, vel non? Blasphemiam igitur interpretantur, si quis se sanctum dicat. Sed nobis Prophetæ auctoritas potior esse debet, qui de Hierusalem, hoc est, de Ecclesia, quæ in terris est, dicit, quod sit sancta. Et profectò articulus fidei nostræ non est vocandus in dubium, qui sanctam Ecclesiam illam vocat, quæ credit resurrectionem carnis, & adhuc in carne est.

*Credo Ecclesiam sanctam.*

*De Ecclesia dupliciter loquitur Scriptura.*

*In Ecclesia boni & mali.*

Sed ut hic Articulus planius intelligi possit, admonendus est Lector, Scripturam dupliciter de Ecclesia loqui. Nam primò vocat Ecclesiam in genere, omnes, qui idem doctrinæ genus profitentur, & iisdem utuntur Sacramentis, etsi multi hypocritæ & impii admixti sint, sicut Christus dicit, Multi sunt vocati, pauci electi, Item, Qui crediderit, & baptizatus fuerit, salvus erit, qui autem non crediderit, condemnabitur. Posterius enim membrum ostendit aliquos esse baptizatos, qui tamen non credunt, & idcò condemnantur, sicut parabola de nuptiis quoque docet. Qui enim in nuptiis sunt, omnes quidem sunt vocati, sed non omnes nuptialiter vestiti sunt, & hi ejiciuntur. Sic parabola de reti piscatorio, Item de semine & zizaniis, Ecclesiam talem pingit, in qua mali & boni sint, ac mali quidem numero vincunt, sicut testatur dictum, Multi vocati, pauci electi.

In isto cœtu promiscuo tamen semper sunt aliqui electi, hoc est, qui Verbum vera fide amplectuntur, & accipiunt Spiritum sanctum. Nam ministerium non potest esse irritum. Hanc sinceram partem Scriptura Ecclesiam quoque vocat, & huic propriè convenit nomen Sancta, non idcò quasi electi sint sine peccatis. Nam caro retinet naturam suam, neque unquam sine vitiosis moribus est. Etsi autem pii hos motus, adjuti Spiritu sancto premunt, & eis non indulgent, tamen hi motus per se sunt peccatorum damnans, pios autem non da-

*Ecclesia autem sancta.*



*Sancti infirmi.*

mittant, quia hanc suorum cordium impuritatem agnoscunt, & in Christum credunt. Hæc fides est, quæ Ecclesiam sanctam facit. Apprehendit enim eum qui sanctus est, & gratia sua iniquitates nostras non aliter, quam stipulam ignis haurit & absumit. Si igitur electam Ecclesiam oculis videre posses (sicut certo eam vides, sed credere non potes, quod Ecclesia sit) videres homines aliorum similes, hoc est, infirmos & peccatores. Soli enim electi sunt, qui & agnoscunt infirmitatem suam, & quotidie peccatorum veniam exposcunt. Ideo Scriptura passim eos pauperes & afflictos vocat, non tam ob communes calamitates, quas sustinent, quam quod anxiiis animis suam infirmitatem deplorant, & perpetuo exercentur timore iudicii Dei, cum omnis reliqua multitudo secura suis indulgeat cupiditatibus. Exemplo esse potest sanctus Apostolorum chorus, qui tanto tempore ipsum Dei Filium audivit, & tamen ne quidem post Spiritum sanctum acceptum ex omni parte perfecti fuerunt. Non solum enim infirmitatis exempla extant, sed etiam erroris ejusque sane maximi quod quidam Legem contendebant necessariam credentibus. Ac Pauli querelas num putabimus esse vanas, Rom. 7? Video aliam Legem in membris meis <sup>Rom. 7</sup> rebellantem Legi mentis meæ, & captivantem me in lege peccati, quod est in meis membris, Miser ego homo, quis me liberabit de corpore mortis hujus?

*Ecclesia & peccatum habet, & sancta est.*

Hanc perpetuam infirmitatem vident in alijs, & sentiunt quoque in se adversarii nostri. Duriter igitur nos accipiunt, quasi vna spe impleamus animos, cum sanctos nos in hac vita dicimus, Quasi vero sanctus sit, qui peccatum nullum habet. Vera enim Ioannis sententia est, Si dixerimus, quod peccatum non habemus, faciamus Deum mendacem, & verbum ejus in nobis non est, Item Pauli, Conclusit Deus omnia sub peccatum. Caro enim, ut diximus, & si à sanctis coercetur, tamen caro esse non desinit, sed retinet naturam suam, & est plena vitiosis motibus. Sancti igitur verè hi sunt, qui peccatum quidem habent, sed propter fidem in filium Dei eis remittitur, sed non imputatur. Habet enim Christus regnum suum inter nos in hac vita. Est autem regnum eius, iudicare in iusticia, & arguere in æquitate, Esai. 11. hoc est, <sup>Esai. 11</sup> poenitentiam & remissionem peccatorum prædicare in nomine ipsius. Huic prædicationi qui credunt, accipiunt Spiritum sanctum, & remissionem peccatorum. Ad hunc modum Psalm. 32. beatos appellat, qui levati sunt peccato, hoc <sup>Psalm. 32</sup> est, qui peccatum habent, sed transfertur ab eis per Filium Dei, & non imputatur. Hanc imputationem si respicias, sanctumne te esse negabis? Igitur Christus peccata tua in te non recepit? Igitur pro te non est passus? Igitur Baptismus tuus nihil est? tuque ejiciendus penitus es ex Ecclesia? Quod si duriora hæc putas, & fidis aliquid propter passionem Christi & Baptismum, non ea tenuis & exigua, sed plena sit fiducia, ut certò statuas, te esse Dei filium & sanctum, non quidem propter te, quasi sine omni peccato sis, Sed propter Filium Dei, qui peccatum tuum à te abstulit, & te iusticia sua ornavit, sicut Esaias in prædicto loco cum hoc habitu ornat, quod cingulum femoris ejus sit iusticia, & cingulum renum ejus veritas, Hoc est, suum corpus Ecclesiam induit & vestit iusticia, eaque certa & æterna, non hypocritica.

*Quomodo sumus sancti.*

Hic error Pontificiorum perniciosus, & ideo dignus est, ut sæpè taxetur. Si autem altè insedit animis omnium hominum, ut ad sanctitatis nomen obstupescamus, nec quisquam se hoc nomine dignum judicet. Istorum enim proprium hoc esse ducimus, qui exuti carne, aut in societate coelesti vivant, aut in sepulchris resurrectionem expectant. Sed discamus gloriam hanc non habere nos ex nobis ipsis, nec ex nostris operibus, viribus, aut meritis, Nos enim cum respicimus, verè sumus, ut Paulus se appellat, homines miseri & captivi peccati, Sed cum respicimus Filium Dei, cum sanctum Baptisma, & ipsum Dei Spiritum intruemur inhabitantem hoc miserum & infirmum templum carnis nostræ, quaeso, an non Filio Dei & Spiritui sancto, sanctitatis nomen tribuemus? Statuamus igitur

*Omnes fideles sunt sancti.*

igitur Jerusalem, ut Propheta appellat, verè esse sanctam, propter inhabitantem Dominum in Zion. Si enim in Filium Dei credimus, si ejus sanguine nos redemptos confidimus, si sacro Baptismate sumus abluti, Profectò sumus sancti, sicut ipsa sancta virgo Dei mater, sicut Petrus, Paulus, & alii. *Sancti in vita.* Et si enim hi propria sua, ut sic dicam, sanctitate, hoc est, certis donis nobis antecunt, tamen certum est, ipsos propter dona illa non esse sanctos, Sed propter solam fidem in Filium Dei. Hanc autem nos quoque retinemus. Agnoscimus enim eundem Christum pro nobis factum victimam, & nos eodem Baptismo baptizatos, eundem accepisse Spiritum sanctum. Et si igitur inter nos dissimilitudo aliqua est, tamen Christus ubiq; sui est similis, & quocunq; venit, affert secum eadem dona, remissionem peccatorum, & Spiritum sanctum. Hoc Pontificii non norunt, itaq; cum Christi ignominia sanctitatis nomē tantum illis relinquunt, qui exuerunt carnem.

Sed cur addit, Et alieni per eam non transibunt? Tamen alieni admixti sunt Ecclesie, & quidem magno numero, juxta sententiam, Multi vocati, pauci electi. Hic est locus de excommunicatione, Ea quoque sicut Ecclesia, duplex est. *Excommunicatio in vita.* Una enim est politica, seu externa & visibilis, qua ipsa Ecclesia utitur contra notorie facinorosos, secundum Christi præceptum, Matth. 18. Ea regula omnino servanda est in Ecclesia. Neque enim levis res excommunicatio est, quæ simpliciter excludit à regno Christi, & retinet peccata, sine spe remissionis, si non accedat poenitentia. Ideò Christo non satis fuit admoneri semel & iterum à privatis, etiam ab illis, qui publico ministerio funguntur, admoneri peccatorem voluit, priusquam dura hæc excommunicationis sententia pronunciaretur. Hodie multi accusant ministros Ecclesiarum, quasi ipsorum negligentia excommunicatio interciderit. Multi magistratum accusant, quasi se opponat & excommunicatione uti veteret, Sed Christi sententia clarè testatur, privatim admonendum peccatorem, priusquam ii, qui in publico ministerio sunt, sententiam hanc ferant, & tamen ne tum quidem ferendam sententiam, nisi præcesserit gravis & pia exhortatio publici ministri. Hanc si contempserit peccator, & perrexerit peccare, tum demum excommunicandus est.

Quid igitur impedit excommunicationem hodie? Nihil, nisi quòd nemo in hac parte officium Christiani facit. Tu habes vicinum, nota tibi ejus vita & mores sunt, Pastori tuo aut prorsus ignota, aut minus nota sunt, quomodo enim singulos nosse potest? Si igitur vides vicinum injustis ditari lucris, vides fornicari aut moechari, aut negligentius regere familiam, tu primus admone eum, & admone pie, ut rationem habeat salutis suæ, & vitet scandalum, Atque o quam sanctum feceris opus, si ita eum lucrifeceris. Sed quæso quis hoc facit? Primum odiosa res est veritas. Tu magis retinere familiaritatem & amicitiam vicini, præsertim si sit potentior, quam tibi eum reddere infensum, Idem dum secundus, tertius, quartus vicinus faciunt, cum prima admonitione, etiam secunda & tertia intercedit, qua in viam revocari poterat proximus, si tu faceres admonendo officium. Deinde accidit, quòd serè omnes similibus flagitiis sumus obnoxii. Metuimus igitur, ne dum festucam conamur eximere oculis proximi, nobis de trabe objiciatur eminente. Hæc vera & præcipua est causa, quòd excommunicatio penè ubique intercedit, quia exiguus ubique piorum est numerus. Si enim pietas, ut æquum erat, omnibus cordi esset, pluri faceremus Christi præceptum, quam omnia hujus vitæ commoda. Tam enim hoc de admonendo fratre necessarium mandatum est, quam illud, non occides, non furtum facies. Periclitantur enim non corpus, non fortunæ proximi, si admonitionem hanc vel metu, vel alia ex causa omittas, sed ipsa animæ salus. Quod si pastori constat de notorio aliquo peccato, omnino hoc tenetur facere, ne tales ad Eucharistiam admittat, nisi & poenitentiam agant, hoc est, peccare desinant, & vera confessione ostendant se damnare & odisse peccata, Præcedere tamen debet pia & gravis admonitio. Magistratus autem hac in parte si non facit suum officium, & publica

scandala gravi animadversione non punit, gravissimè peccat. Quod si etiam illud addit, ut Ecclesiasticam censuram impediat, & scandalis parrocinetur, prorsus ex Dei servo in Satanæ mancipium degenerat.

Excommunicatio non contemnas.

Porro hanc excommunicationem legitimo modo ab Ecclesia factam cave contemnas. Affert enim certam sententiam iræ Dei, & æternæ damnationis, sicut Christus dicit, Amen dico vobis, quicquid in terra ligaveritis, etiam in cœlis erit ligatum. Tanto autem execranda magis est Papæ tyrannis, qui excommunicatione usus est, etiam propter pecuniæ debita ad certum diem non numerata, imò etiam, propter suas traditiones neglectas, si quis non jejunasset, non confessus esset, &c. Hodie autem utitur excommunicatione contra nos, qui sanam doctrinam profiteamur. Sed primum consolatur nos Christus, Beati, inquit, estis, cum maledixerint vobis homines, Item, ejicient ex Synagogis vos. Deinde, certum est hanc excommunicationem Pontificiam non esse Christi. Siquidem ad Christi præscriptum non fuit. Non igitur valet in cœlis, Auctori autem abutenti hoc Ecclesiæ mandato, certum afferet exitium. Est enim peccatum conjunctum cum blasphemia nominis Dei.

Excommunicatio invisibilis.

Sicut autem hæc Ecclesiæ externa & visibilis excommunicatio pertinet ad notoriè facinorosos, & convictos de scandalo. Ita est alia occulta & invisibilis excommunicatio, non hominum, sed ipsius Dei. Deus enim non, ut nos homines, ex operibus tantum judicium facit, sed animum inspicit, & hypocritas judicat, quos Ecclesia judicare non potest, secundum vulgatum dictum, De occultis non judicat Ecclesia. Non autem omnes publicis scandalis se pollunt. Et si enim multi avari, fornicatores, adulteri sunt, tamen regunt peccata, & quasi cautius peccant, nec convinci à quoquam possunt. Versantur igitur in Ecclesia, audiunt conciones, utuntur Sacramentis, & tamen sunt de facto excommunicati à Deo, Siquidem vivunt in peccatis contra conscientiam, nec ea emendant, juxta illud Pauli, Scortatores, adulteri regnum Dei non possidebunt. Sed non perpetuò ab eis aberit judicium Dei, Homines fallunt, Deum fallere non possunt. Is in novissimo die colliget per Angelos omnia scandala, & conjiciet in æternum ignem.

Ab hac Dei excommunicatione occulta, qui volet liberari, caveat peccata, & poenitentiam agat, hoc est, emendet vitam, deinde precetur & credat veniam per Christum. Hæc unica via est illam occultam Dei excommunicationem effugiendi. Quod si in peccatis perges, & hoc quasi privilegio gaudebis, quod, cum cautius alius preces, Ecclesiæ judicium effugeris, nihil ages aliud, quam ut ipse te fallas, ac durior sententiam in te provoces. Et si enim, quod ad finem attinet, excommunicatio externa illi occultæ par sit (Ratam enim eam habet Dominus in cœlis) tamen ista externa cò nobis optatior esse debebat, quod est quasi medicina, qua revocamur ad poenitentiam, Illa autem occulta, quia ad tempus non sentitur, auget securitatem. Constituitur igitur per Evangelium Ecclesia, quæ verè sancta est, nec admiscetur ad eam impii, aut hypocritæ, sicut Esaias quoque dicit, Erit ibi via & semita, quæ vocabitur sancta, non enim per eam pollutus ibit. Quæ, inquires, hæc est via? Illa scilicet, de qua Filius Dei concionatur, Ego sum via, veritas & vita, Item, Qui crediderit in me, mortem non videbit. Impii etiam Sacramentis utuntur, atque ita hypocrisis tegunt impietatem. Non enim omnes baptizati in fide manent, & tamen verè sunt baptizati, sicut inter Iudæos major pars erat circumcisa carne, & tamen non credebatur, Sed fides in Christum simulari non potest. Christus igitur via est, per quam impii non ingrediuntur, & quæ sola constituit sanctam Ecclesiam.

Erit



*Et erit in die illa, stillabunt montes mustum, & colles fluent lacte, atq; omnes rivi Juda manabunt aquis. & fons de domo Domini egredietur, & irrigabit vallem Sittim.*

*Psalm. 103.* Hæc allegorica sunt, Montes enim fecundi & vitiferi dicuntur stillare mustum, & colles, in quibus sunt læta pascua, dicuntur lacte fluere, quia pecus pulchrè saginatur, & multum lactis gignit. Convenit autem utrumque Evangelio, quod rectè & musto & lacte comparatur. Vinum confirmat cor hominis, inquit Scriptura, & mustum suavitæ delectat, Sic Verbum & alit fidem, & in cruce suggerit efficaces consolationes. Diversum lex facit, quia enim accusat & intentat mortem, terret & frangit animos. Non solum autem pugnat cum fide timor, quem lex excitat, sed fidem prorsus excutit, Evangelium autem terrorem hunc aufert, cum ostendit mediatorem & intercessorem Filium Dei, & animos implet certa fiducia misericordiæ Dei. Hæc postea consolatur animos in cruce, facit intrepidos & magnanimos in periculis, sicut exempla Apostolorum ostendunt. Quod autem de rivis aqua manantibus dicit, pertinet præcipuè ad successum Evangelii. Sicut enim arida loca infœcunda sunt, Ita, ubi aquarum copia est, omnia virent & florent. Docet igitur, quod ubicunque Evangelium sonabit, ibi uberrimos fructus secuturos. Habet enim additum Spiritum sanctum, is non uno genere donorum suos ornat. Primum est, agnitio Dei vera, quod Deus amet nos, & per Filium suum velit nos salvos. Hinc nascitur fides, qua confidimus Deum nostri misertum, nos Filiorum loco habere, & in æternum contra omnium hostium conatus & molimina servaturum esse. Ex fide nascitur invocatio, ut in periculis confugiamus ad Deum, & certam ab eo expectemus spem.

*Evangelium comparatur vino & musto.*

*Rivi.*

*Dona quibus Ecclesiam ornant Deo.*

Invocationem comitatur dilectio, dilectionem obedientia & timor. Non quidem talis timor, qualis solet esse in iis, qui metuunt pœnas ab irato iudice, sed reverentia, & summum studium declarandæ gratitudinis, & cavendarum offensionum, Atque hic tanquam mare aperiant se hujus vitæ varia erga proximum officia, Serium vocationis studium, in vocatione humilitas, ne de nobis sentiamus magnificè propter dona certa, in humilitate benevolentia, & studium erga omnes. Sed quid frustra conor oratione complecti omnia Spiritus sancti dona, quæ infinita sunt? Illa autem singularia sunt, Confessio fidei, periculorum contemptus, patientia, spes. Sicut igitur ad perennem rivulum perpetuum ver est, non arbores, non flores, non sara sentiunt Solis æstum, Ita ubi Evangelii vox læta sonat, ibi multo numero varii fructus proveniunt.

Sed inquires, non apparere fructus hos, Diversum potius fieri. Nunquam enim plus fuit scandalorum in mundo, quàm nunc, nunquam etiam plus periculorum, & gravissimarum calamitatum, quæ vivum testimonium dicunt de peccatis nostris. Respondeo verè hæc dici, Sed non ideo vanæ sunt, quæ de Regno Christi Propheta hoc in loco vaticinatur. Fides enim paucorum est, & Ecclesia similis est agro, in quo quarta tantum pars fructum parit, reliquas partes omnes inimicus homo implet zizaniis. Sicut autem zizania in altum & subito quidem emergunt, Lecta autem semina tardius incrementum sumunt, Ita hic quoque scandala incurrunt statim in oculos, ac latè omnia sic occupant, ut non nisi diligenter circumspicienti appareant hi fructus, quos Prophetæ sic prædicant. Intuere Magistratus omnes, qui in mundo sunt, maxima pars corrupta est, sectatur studia usitata, indulget voluptatibus, cumulat exactiones, negligit verbum, negligit ministros verbi & disciplinam. Et tamen, consideranti omnia attentius, alicubi occurrer bonus Princeps, studiosus religionis, amans suorum, honestatis & disciplinæ custos, & moderatus. Sic vaganti cogitatione per singulas in vicinia sua domos, passim dissoluta disciplina, corrupti mores, superbia, avaritia, luxus, iracundia apparent, & tamen inter has

*Scandala obstant dona.*

una & altera invenietur, in quibus parentes religionis amantes sunt, suos ad pietatem aduſu faciunt, moderantur sumptus, liberaliter juvant pauperes, non avarè exigunt lucrum in contractibus, &c. Ita etſi pauci, tamen aliqui ſunt boni, ubi econtrà ſi verbum non eſſet, nihil unquam frugi eſſet.

Fons domus Domini  
est Ba-  
ptismus.

Ad hanc ſententiam plerunque applicatur etiam hoc, quod de fonte ex templo ſcaturiente, & uſque ad vallem Sittim profluente, additur, Sed alia Prophetarum ſimilia teſtimonia oſtendunt, peculiare aliquid hîc ſignificari. Apud Zachariam Prophetam cap. 13. extat vaticinium de fonte, qui aperietur domui David, & habitatoribus Jeruſalem ad peccatum & immundiciem abluendam, hoc eſt, de tali fonte, in quo lavantes abluent peccatum, & immundiciem omnem. Sic Eſaias cap. 12. inquit, Haurietis aquas cum gaudio de fontibus ſalutis. Non nominat unum aliquem fontem, ſicut Joël hoc in loco, qui etſi de uno fonte loquitur, tamen dicit extra templum in Sittim uſque emanaturum, Ita ut unius fontis aquæ in longinquam regionem deriventur. Sicut igitur Zachariam & Eſaiam de ſancto Baptiſmo loqui dubium non eſt, Ita Joëlem quoque quid prohibet, ad Baptiſmum accommodare, cum diſertè de fonte in Domini domo loquatur? Fons non dicitur, ubi nulla eſt aqua. In hoc autem fonte non ſimplex aqua eſt, ſed aqua Domini, Nam ex Domini domo ſcaturit. Sicut autem aquæ ſimplicis ſeu naturalis multiplex eſt uſus, bibitur, rigat & ſecundat arida loca, ſordibus quoque abluendis aptiſſimus eſt, Ita ſacer Baptiſmus animam accenſam ſiti gratiæ potat. Eſt enim fons ſalutis, quem qui bibunt, hoc eſt, qui promiſſioni additæ credunt, nunquam ſitiunt. Sicut Chriſtus dicit, Qui crediderit & baptizatus fuerit, ſalvus erit. Ac corda hoc cœleſti potu domus Domini reſecta, non amplius ſunt arida & ſterilia, ſed ut Pſalmus dicit, ſunt ſimilia arboris plantatæ ad rivos aquarum, quæ fert fructum ſuum ſuo tempore. Non enim impeditur, nec læditur ardoribus ſolis. Præcipuus autem fructus eſt, de quo Zacharias dicit, quod peccata & immundities hac aqua abluuntur. Hunc fructum ſequitur vita æterna.

Baptiſmus con-  
fert remiſſio-  
nem peccato-  
rum.

At, inquies, quomodo hoc aqua poteſt? Reſpondeo. Aqua ſeu elementum per ſe hoc non poteſt. Etſi enim ſordes veſtium & corporum abluat, tamen animam attingere non poteſt. Joël autem diſertè, non in genere de aqua loquitur, ſed de aqua profluente ex domo Domini. Ea divina aqua eſt, non idè ſolùm, quia Baptiſmus à Chriſto inſtitutus, & carne ipſius ſancta mundatus eſt, ſed quia huic aquæ Verbum & Spiritus ſanctus eſt additus. Ipſe purificat corda fide, & quicquid ſordium eſt, ſic abluat, ne nos damnent. Sunt igitur hæc præcipua Eccleſiæ dona, Verbum & Sacramenta, quæ ambo eò faciunt, ut ſtatuamus Dominum eſſe ſpem noſtram, & refugium noſtrum. Hanc Eccleſiam appellat Propheta hoc in loco Juda. Significat autem Juda hominem, qui agnoſcit, confitetur, & laudat Deum, propter miſericordiam ſuam humano generi exhibitam. Reliqui enim omnes, qui hoc beneficium non admirantur & prædicant, Deum blaſphemant. In hoc blaſphemantium numero cum Synagoga quoque ſit, quæ Chriſtum & Apoſtolos occidit, & Evangelium ut nocentiſſimam peſtem damnavit, non meretur nomen hoc, ut Juda vocetur. Itaque Propheta appellat Aegyptum, ſeu Mizraym & Edom (mizraym) ſignificat tribulationes. Nec dubito nomen hoc terræ inditum propter hiftoriam, quod poſteritas Jacob ſic indignè à Regibus iſtæ habitata eſt. Edom autem nomen habet à ſanguine. Hæc nomina aptiſſimè conveniunt adverſariis Eccleſiæ.

Juda.

Mizraym.

Edom.

*Aegyptus deſolabitur, Edom erit vaſtum deſertum, quia Filios  
Juda diſſipaverunt, & effuderunt ſanguinem innocentem  
in terra ipſorum. Juda autem habitabit in æternum, &  
Hieruſalem in generationem & generationem. Sanguinem*

*autem*

*autem ipsorum graviter ulciscar. Et Dominus habitabit in Zion.*

*Esai. 34.* De Mizraym & Edom, ut dixi, dubium nullum est, quin Synagogam significet, quæ & odit Ecclesiam, & crudeliter in eam sævit. Ad hunc enim modum Esaias quoque cap. 34. Synagogam vocat Edom, cum dicit, Gladius meus ebrius est in coelo, & ecce descendet super Edom, & populum, qui est sub anathemate meo, ut eum judicem. Item, victima erit Domino in Bozra, & mactatio magna in Edom, Hoc est, Dominus Synagogam anathemati subiecit propter crudelitatem, quam exercuit in Evangelii Doctores, Igitur perire eam necessaria est. Utile autem est de hac Ecclesiæ fortuna sæpè doceri & admoneri nos, non solum ut confirmemur animi contra scandalum crucis, sed ut excitemur etiam ad poenitentiam. Nam caro cum sentit crucem, non potest non sollicita esse de ira Dei, præsertim cum sibi malè est conscia. Si autem, ut hoc in loco Propheta de piis docet, præter meritum se affligi videt, negligi se à Deo judicat, Inde vel indignatio vel desperatio oritur, nocentissimæ fidei pestes. Nisi igitur & confirmemur exemplis, ac Scripturæ sententiis de eventu admoneamur, nullam consolationem firmam animi videbunt. Ratio enim totis quasi velis fertur aut in desperationem, aut impatientiam. Primum igitur præsens locus nos admonet, Ecclesiam variis periculis excipi, & habere hostes Satanam & mundum. Cum his autem sic depugnat, ut videatur vinci. Succumbit enim, si rationis sequaris iudicium. Stephanus lapidibus obruitur, Baptista jugulatur, alii alio genere supplicii extinguuntur. Dura videntur hæc esse, & res speciem habet accidere talia non immeritis. Impinguntur enim eis gravissima crimina seditionis, vitiorum religionis, blasphemiarum, quæ ipsa morte acerbiora sunt.

*Ecclesia variis affligitur.*

Sed consolatur Dominus hoc in loco Ecclesiam, & dicit, sanguinem innocentem fundi. Non enim istorum criminum rea est Ecclesia, Sed divina voce jubetur hæc iniqua mundi iudicia contemnere, & statuere, quod præter meritum à mundo affligatur. Hæc sanè non est exigua consolatio. Itaque Satan conatur eam remove ex oculis atque animo. Hoc enim in talibus calamitatibus primum est, ut animi suam immunditiam intuentes angantur, & ex merito venire poenam judicent, Sed Dominus pronunciat innocentes affligi. Etsi enim peccatores sunt, tamen & condonata eis sunt peccata per Christum, & hostes ipsorum neutiquam hoc agunt, ut propter peccata eos puniant, Doctrinam, confessionem, fidem oderunt. Hæc sola Satanico odio persequuntur, & extinguere student. Duplici igitur nomine sunt innocentes, & propter fidem in Christum, quæ tollit peccata, & propter hostium iniqua iudicia, qui summa dona Spiritus sancti blasphemiam esse pronunciant.

*Ecclesia patitur, præter meritum, etsi peccata habet.*

*1. Pet. 4.* Non tamen negandum est, Ecclesiam sæpè, ut nocentem, affligi. David etsi audit remissionem peccatorum, tamen cædis & adulterii poenas dat, dum extinguitur infans ex adulterio natus, & ipse regno per Filium ejicitur. Et Petrus ait, iudicium incipere à domo Domini. Sed propter huiusmodi peccata mundus Ecclesiam non odit, nec in eam animadvertit. Præter meritum igitur & verè innocentes affliguntur pii. Confessionem enim & fidem mundus odit, quæ certè non peccata, sed summa Dei dona sunt. Iusta igitur poena est, quò ad Deum, coram eo enim nemo est innocens. Odit autem peccatum, & vult paulatim id in nobis aboleri, & revocat hoc modo ad poenitentiam. Sed mundus dum affligit pios, hunc finem non spectat. Quod igitur ad mundi iudicium persequentis & affligentis pios attinet, Ecclesia planè est innocens, ac jubet Propheta, ut in cruce hac consolatione se sustentent.

*Ecclesia nocet & innocens.*

Huic consolationi subicitur alia de eventu. Etsi enim rationi indignum videtur, præter meritum à mundo & Satana affligi pios, tamen si in eventum, qui certus est, intueatur, & videat æterna præmia hanc calamitatem

*Ecclesia viis vincit, & oppressa promissis impiis.*



secutura, spe hac sua damna levabit, & expectatione æternorum bonorum temporales calamitates superabit & vincet. Sicut autem mirum & incredibile penè <sup>Marc. 1.</sup> judicatur, amari à Deo afflictos & calamitosos, Ita quoque incredibilius nihil est <sup>Psalm. 1.</sup> eventu illo, de quo Propheta hoc loco concionatur. Edom, inquit, effudit innocentem sanguinem, in terra sua, Sed Edom redigetur in solitudinem, Juda autem habitabitur in æternum, & Jerusalem à seculo in seculum. Hoc quid aliud est, quàm quod Esaias dicit, cap. 27. Mortui tui vivent? Quia autem occi- <sup>Esai. 27.</sup> dunt Ecclesiam, hi in æternam conjicientur mortem, Et Christus, Qui confessus <sup>Matth. 26.</sup> me fuerit, & vitam suam propter me amiserit, inveniet eam. Inveria igitur hæc sunt omnia. Quos mundus calamitosos esse judicat, & divinitus premi gravissimis pœnis videt, hos amat Deus, & tum maximè se ut patrem filius offert, cum maximè putatur irasci. Verum enim est, quod Salomo dicit, Pater filium quem castigat diligit. <sup>Prov. 13.</sup> Contrà mundus, quia floret & felix est, dum putatur vicisse, jaceat victus, & succumbit, non eo modo, quo pii. Hi enim brevi pœna defuncti, liberantur ex omnibus vitæ calamitatibus. At impii æternæ iræ, & flammis gehennæ, propter innocentem sanguinem effusum, subji- cientur, & ne quidem in hac vita pœnas effugient, Sicut Judæorum tristissimum exemplum testatur, Variè enim exercentur in hac vita, & excipient eos æternæ pœnæ.

*Exempla quomodo Ecclesia sit servata.*


Hæc non solum Scripturæ testimoniis, sed etiam illustribus exemplis omnium ætatum comprobantur. Florentissimum Regnum Aegyptiorum funditus interit, Filii Israël ter quaterque infelices, imò planè periti, divinitus liberantur & servantur. Impia Synagoga, dum Christum conatur opprimere, & sine discrimine sævit in pios, evertitur tota, Ecclesia autem durat. Monarchæ Romani, dum hoc studiosè agunt, ut opprimant Ecclesiam, opprimuntur ipsi. Rectè igitur comparantur Ecclesiæ hostes horto sine aqua, & arbori, cujus folia defluunt, Esaiæ 1. ad tempus florent, sed tandem concidunt. Ecclesia autem, quæ <sup>Esai. 4.</sup> similis emortuo stipiti judicatur, verè ut palma, dum variè calamitatibus premittur, insurgit per verbum Spiritus sancti contra pondus, & quò urgetur magis, eo magis se contra molem attollit. Hujus insperati & incredibilis eventus quæ est causa? Hæc nimirum, quod Dominus hoc in loco addit, Mundans ego sanguinem non mundabo. Ebraismum agnoscunt linguæ Ebraicæ periti. Sicut enim in his locis, abjiciendo abjiciam, exaudiens exaudiam, repetitio significat eximium studium & diligentiam, Ita negatio addita repetitioni significat certam & immutabilem sententiam. Si diceret textus, mundans mundabo, promitteretur perfectissima mundatio ab omnibus sordibus & peccatis. Nunc autem cum negativam addit, prorsus negat mundationem, & significat inexpiabile peccatum esse, fundere innocentem sanguinem. Sicut igitur Ecclesia credens in Christum, spem remissionis peccatorum certam habet, Ita hostes Ecclesiæ inexpiabili peccato tenentur, neque aliud quàm certam & æternam expectabunt damnationem, nisi accedat vera pœnitentia, sicut Esaias quoque pronunciat cap. 2. <sup>Esai. 2.</sup> Tu eis non remittes.

*Persecutores Ecclesia perire non potest.*

Hæc Ecclesiæ consolatio est, quæ sicut per verbum judicat mundum, ita propter verbum non solum malè audit & blasphematur, sed etiam plagas, imò mortes, non unius generis sustinet. Huc igitur respiciamus, & non de præsentibus incommodis, sed de certo & tamen occulto eventu cogitemus, quem sequi utrinque necesse est, quòd Zion habitabitur, Edom autem erit tandem in desertum. Variè hoc tempore quassata est Ecclesia, necdum cessant insidiarum varia pericula, Præbemus autem multa de nobis metus & desperationis exempla. Sed cur non colligimus nos? & subijcimus nobis non solum notissima Scripturæ indubitata testimonia, sed etiam notissima exempla omnium ætatum. Quis omnium Regum mundi non dedit pœnas attentatæ persecutionis? Quis unquam feliciter pro idololatria depugnavit? Nonne qui felicissimè administra- runt imperia principio, statim cum Ecclesias affligere cœperunt, horribilibus periculis

riculis, & calamitatibus incredibilibus excepti sunt? Adversarii verbi variè declarant odium suum contra Ecclesias nostras, & ejusmodi nunc instruuntur initia, quæ religioni veræ ruinam secum videntur tractura. Hæc pios cogitantes de posteritate gravissimè exercent. Sed non hostium potentia, non nostra imbecillitate & paucitate terreamur, Causam ipsam intueamur. Retinemus confessionem filii Dei, nec contaminavimus manus nostras innocenti sanguine, At hostes nostri jam olim sanguine pollutas manus & animos habent, Quis igitur finis tandem erit? Nimirum is, de quo Propheta hic concionatur, Aegyptus, quæ affligit filios Israël, & Edom, qui effundit innocentem sanguinem, erunt in vastam solitudinem. Sed IUDÆA, hoc est, qui retinent confessionem Evangelii, habitabitur in æternum, & Hierusalem in generationem & generationem. Quoniam Dominus habitat in Zion, hoc est, in Ecclesia, quam etsi affligi sinit, non tamen sinet everti aut vastari penitus.

Hæc eximia & suavissima promissione claudit Ioël suas conciones. Coniungamus igitur vota, & preces his miseris temporibus. O æterne Pater Domini & Liberatoris nostri IESU Christi, sentimus, quæ tuæ Ecclesiæ in hac vita sit fortuna, & quàm exerceatur variè à Satana & mundo, Rogamus igitur te per hunc unigenitum Filium tuum, ut primùm Spiritu tuo sancto nostros confirmes animos, ne tot periculis succumbamus, Deinde, ut hostium conatus non solum impediās, sed fido & mirando auxilio tuto toti mundo declares, Ecclesiam tuam tibi esse curæ, eamque regas, tuearis & salves, qui vivis & regnas æternus DEUS, Deus Pater, Deus Filius, Deus Spiritus sanctus, in secula seculorum, Amen.



## INSIGNIORES SENTENTIAE EX CONCIONIBVS IOELIS.

### I. De pœnitentia, Joël. cap. 2.

**U**tiam jam nunc dicit Dominus, Convertimini usque ad me in toto corde vestro, in jejunio, & in fletu, & in luctu, Et scindite cor vestrum, & non vestimenta vestra, & convertimini ad Deum vestrum, Quoniam clemens & misericors ipse, longanimis & multum beneficus, & pœnitebit super malo. Hinc pœnitentiæ definitionem sumere deberent Sophistæ Lovanienſes, & Conciliabulum Tridentinum, annumerantes ad pœnitentiam auricularem confessionem, & satisfactionem. Debet pœnitentiam sequi emendatio vitæ, Sed quomodo probabunt eam esse satisfactionem pro peccatis, & mereri remissionem peccatorum? Affirmant quoque fidem non esse fiduciam, Sed cur proponitur Deus clemens, misericors? &c. nonne ut fidamus in ipsius clementia? misericordia? &c. Sed sic debent excitare & amentia percuti, qui volunt esse religionis & sacrarum literarum Doctores, & tamen ex certo proposito aliud nihil agunt, quàm ut veram doctrinam opprimant.

### II.

Pœna ebrietatis, fames, & annonæ caritas, Item, peregrinus hostis, capite I. Ejulate ebrii, & ululate omnes vini potatores, propter mustum, Perit enim ab ore vestro. Gens n. fortis, & quæ numerari nequit, ascendit ad terram meam.

### III.

Ad pœnitentiam pertinet invocatio, Ac rudes ceremoniis publicis sunt invitandi, cap. I.

Sancti.



## INSIGNIOR. SENTENT. EX CONCIONIB.

Sanctificare jejunium, Convocate cœtum, Congregate senes, universos habitatores terræ in domum DOMINI DEI vestri, & clamate ad Dominum, &c. Cæremonias habent Papistæ quoque, sed non ad invocationem, quam penitus nesciunt, siquidem fidem nesciunt, & verbum persequuntur.

### IV.

#### *Forma orandi, cap. 2.*

Miserere Domine super populum tuum, & ne des hæreditatem tuam in opprobrium, ut dominantur eis gentes, Quare dicent in populis, ubi est Deus eorum? Cum hac forma scilicet, conveniunt Lovaniensium & Tridentinorum preces, orantium in mortuorum nomine, quorum intercessionem, Christo excluso, quærunt, atque hoc dicunt piè fieri, fingunt dulias, latrias, hyperdulias, & alia portent. Ita manifestum faciunt, quàm sedulò & piè legant Prophetarum scripta, quæ novo decreto conciliabulum Tridentinum mandat, non nisi in usitata translatione legenda. Sic enim consulunt suo ocio, & illorum discipuli dant operam, nã intelligendo ut nihil intelligant. Siquidem linguas donum Spiritus sancti excellentissimum damnant. Sed quod ad invocationem attinet, memineris sententiæ Christi, Iohan. 16. Quicquid Patrem rogaveritis in meo nomine, dabit vobis.

### V.

#### *Promissio de fructibus pœnitentiæ, cap. 2.*

Si conversi fueritis ad Deum vestrum, tum zelabit Dominus pro terra sua, & parceret populo suo, & respondebit Dominus, & dicet populo suo, Ecce, ego mitto vobis frumentum, & mustum & oleum, & saturabimini eo, & non amplius vos dabo in opprobrium inter gentes, &c. Sed quid Germania sibi promittet, Episcopis urgentibus idololatriam? Aliis autem ex nostra parte nihil minuentibus usuris, luxu, comessationibus, libidinibus, imposturis, &c?

### VI.

#### *De Regno Christi, & officio Christi, cap. 3.*

Vocatur Christus Doctor justiciæ, sicut in quarta sententia Paulus Mosen appellat ministrum peccati, & clarè dicitur mitti eum à Domino Deo. Igitur Patris & Filii persona hic constituitur, una mittentis, altera missi.

### VII.

#### *De officio & persona Spiritus sancti.*

Quia antea promittit justiciæ Doctorem Christum, jam promittit Spiritum suum. Effundam Spiritum meum super omnem carnem. Igitur mysterium trinitatis hîc clarissimè ostenditur.

### VIII.

#### *De invocatione, quod afferat vitam æternam.*

Et erit, omnis, qui invocaverit nomen Domini, salvabitur. Complectitur autem invocatio Verbum, Sacramenta, & Fidem. Rom. 10. Certò autem habeto, hanc sententiam à nullo Papista intelligi.

### IX.

#### *De vocatione gentium.*

In monte Zion & Hierusalem erit salvatio, etiam reliquorum, quos Dominus vocabit.

### X.

#### *Summa doctrinæ Evangelij.*

Dominus erit refugium suo populo, & arx filii Israël, & scietis, quia ego Dominus Deus vester, habito in Zione sancto monte meo.

Arti.



## XI.

*Articulus Symboli, quòd Ecclesia sit sancta.*

Et tunc Hierusalem sancta erit, & alieni per eam non transibunt. Cùm hac sententia confer illam Tridentini conciliabui, Neminem sibi persuadere debere, quòd sit in gratia. Hoc scilicet est sine fide placere Deo, sicut Epistola ad Hebræos docet.

## XII.

*Testimonium de Baptismo, Capite 3.*

Tum egredietur fons de domo Domini, Qualis autem fons sit, ostendit Zacharias cap. 13.

## XIII.

*Ecclesia in mundo afflictæ liberabitur tandem,  
Persecutores autem ejus peribunt.*

Aegyptus ( sic vocat incredulam Synagogam ) erit vasta, & Edom solitudo deserta, qui fuderunt innocentem sanguinem in terra sua, sed Juda habitabitur in æternum, & Hierusalem perpetuò. Mundans non mundabo sanguinem eorum, Dominus autem habitabit in Zion. Hac spe sublevemus nos, est enim certa & firma. Alia peccata condonabuntur, Sed effusio sanguinis Christiani, nisi exemplo Manasse Principes emendentur, non mundabitur. Sicut Christus de Judæis dicit, Moriemi in peccatis vestris. Sed jam hanc  
tremendam sententiam securè  
contemnunt.

Hoc loco caput 13. Esaiæ, ut ex commentarijs D. M. L. à bono & pio quodam viro concinatum est anno 1550. sequi debebat, Sed cùm jam totus Esaias ex h(ysdem) Lutheri commentarijs expectetur, consilio hic omissum est.

F I N I S.



